


Jag₁ 'mí₂
a₂ma₂li' ₅₄ quian' ₅₄

Diu₄



New Testament in Chinantec, Tepetotutla (MX:cnt:Chinantec,
Tepetotutla)

Jag₁ 'mí₂ a₂ma₂li' ₅₄ quian' ₅₄ Diu₄

New Testament in Chinantec, Tepetotutla (MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 4 Mar 2019 from source files dated 14 Nov 2018
5c52af9e-3086-5d57-9b7e-2e495fea8899

Contents

SAN MATEO	1
SAN MARCOS	60
SAN LUCAS	96
SAN JUAN	155
HECHOS	200
ROMANOS	251
PRIMERA CORINTIOS	274
SEGUNDA CORINTIOS	296
GÁLATAS	310
EFESIOS	318
FILIPENSES	326
COLOSENSES	332
1 Ts.	337
2 Ts.	342
PRIMERA TIMOTEO	345
SEGUNDA TIMOTEO	351
TITO	356
FILEMÓN	359
HEBREOS	361
SANTIAGO	380
PRIMERA PEDRO	386
SEGUNDA PEDRO	393
PRIMERA JUAN	397
SEGUNDA JUAN	403
TERCERA JUAN	404
JUDAS	405
APOCALIPSIS	407

Jág₁ Dse₃ quió'₅ Diú₄ a₂ca₂tó'₂ San Mateo ne₄ Si₂

Dsa₂ can'₅₄ quián₅ Jesucristo i₂jme₁chan₂ ma₂líg'₂
(Lucas 3:23-38)

¹ A₂la₂ bá₄ caun₂ lista ja₁le₁ton₅ dsa₂ can'₅₄ quián₅ Jesucristo i₂jme₁lín₄ tsi₁jon₂ quián₅
David* quian'₅₄ Abraham.

² Abraham ca₂lín₃ jmei₂ Isaac,
Isaac guë'₂ ca₂lín₃ jmei₂ Jacob;
Jacob guë'₂ ca₂lín₃ jmei₂ Judá quian'₅₄ riin'₅₄.

³ Judá guë'₂ né₃ ca₂lín₃ jmei₂ Fares quian'₅₄ Zara
të₂le₃ quian'₅₄ Tamar.

Fares guë'₂ ca₂lín₃ jmei₂ Esrom;
Esrom guë'₂ ca₂lín₃ jmei₂ Aram.

⁴ Aram guë'₂ ca₂lín₃ jmei₂ Aminadab;
Aminadab guë'₂ ca₂lín₃ jmei₂ Na'asón;
Na'asón guë'₂ ca₂lín₃ jmei₂ Salmón;

⁵ Salmón guë'₂ ca₂lín₃ jmei₂ Bo'oz
të₂le₃ quian'₅₄ Rahab.

Bo'oz guë'₂ ca₂lín₃ jmei₂ Obed
të₂le₃ quian'₅₄ Ruth.

Obed guë'₂ ca₂lín₃ jmei₂ Isaí;
⁶ Isaí guë'₂ ca₂lín₃ jmei₂ Rag₅₄ David.

Rag₅₄ David guë'₂ né₃ ca₂lín₃ jmei₂ Salomón,
(të₂le₃ quian'₅₄ i₂jme₁lín₄ dsa₂ mí₂
quian'₅ Urías le₂jñiá₅).

⁷ Salomón guë'₂ ca₂lín₃ jmei₂ Roboam;
Roboam guë'₂ ca₂lín₃ jmei₂ Abías;

Abías guë'₂ ca₂lín₃ jmei₂ Asa;

⁸ Asa guë'₂ ca₂lín₃ jmei₂ Josafat;
Josafat guë'₂ ca₂lín₃ jmei₂ Joram;

Joram guë'₂ ca₂lín₃ jmei₂ Usías;

⁹ Usías guë'₂ ca₂lín₃ jmei₂ Jotam;
Jotam guë'₂ ca₂lín₃ jmei₂ Acáz;

Acáz guë'₂ ca₂lín₃ jmei₂ Ezequías;
¹⁰ Ezequías guë'₂ ca₂lín₃ jmei₂ Manasés;

Manasés guë'₂ ca₂lín₃ jmei₂ Amón;
Amón guë'₂ ca₂lín₃ jmei₂ Josías;
¹¹ Josías guë'₂ ca₂lín₃ jmei₂ Jeconías quian'₅₄ riin'₅₄,
(lia'₂ con'₂ jmíg₄ jme₁ca₂i₃lén₂ dsa₂ israelitas
a₂ca₂tág₃ dsa₂ jui₅ 'uë₃ Babilonia).

¹² Cang₂ jme₁ma₂tág₃ dsa₂ 'uë₃ Babilonia jaun₂,
ca₂lín₃ Jeconías jmei₂ Salatiel;
i₂ca₂lín₃ jmei₂ Zorobabel;

¹³ Zorobabel né₃ ca₂lín₃ jmei₂ Abiud;
Abiud guë'₂ ca₂lín₃ jmei₂ Eliaquim;

Eliaquim guë'₂ ca₂lín₃ jmei₂ Azor;

¹⁴ Azor né₃ ca₂lín₃ jmei₂ Sadoc;

* 1:1 Rag₅₄ David i₂ca₂rë₃chán₃ con'₂ co₂mei₅ ñi₂ né'₃ a₂ca₂rë₃chán₃ Jesús.

Sadoc guë'² ca₂lin₃ jmei₂ Aquim;

Aquim guë'² ca₂lin₃ jmei₂ Eliud;

¹⁵ Eliud guë'² ca₂lin₃ jmei₂ Eleazar,
i₂ca₂lin₃ jmei₂ Matán;

Matán guë'² ca₂lin₃ jmei₂ Jacob;

¹⁶ Jacob né₃ ca₂lin₃ jmei₂ José, dsi₂i₂gu₂ María;

María guë'² né₃ ca₂lin₃ chog₅₄ Jesús
i₂té'² dsa₂ Cristo*.†

¹⁷ Jaun₂ né₃, con'² guia₃-quén₂ tsi₁jon₂ dsa₂ ca₂ñí₂ ca₂le₃ jme₁chan₂ Abraham ca₂të₂
jmi₄g₄ jme₁ca₂rë₃chán₃ David, ján₃ bá₄ le₂jaun₂ guia₃-quén₂ tsi₁jon₂ dsa₂ ca₂ñí₂ ca₂le₃
jme₁chan₂ David, ca₂të₂ jmi₄g₄ jme₁ca₂tág₃ dsa₂ dsa₂ israelitas jui₅ 'uë₃ Babilonia; cang₂
jaun₂ gué'⁴ né₃, con'² guia₃-quén₂ tsi₁jon₂ dsa₂ ca₂ñí₂ ca₂le₃ ca₂tág₃ dsa₂, ca₂të₂ jmi₄g₄
jme₁ca₂rë₃chán₃ dsa₂ I₂rë₂'ín₁ quián₅ Diú₄.‡

'A₂ lia'² ca₂lë₃ a₂ca₂rë₃chán₃ Jesús

(Lucas 2:1-7)

¹⁸ Le₂la₂ bá₄ ca₂lë₃ a₂ca₂rë₃chán₃ Jesús: chog₅₄ jme₁chen₂ María jme₁ma₂li'⁵⁴ jág₁
a₂jéin'² gu₂ quian'⁵⁴ José; la₁ né'³ gué'⁴ a₂tian'³, María né₃ ca₂can₃ guein₂ të₂le₃ quian'⁵⁴
jui₅bí₂ quió'⁵ Jme₂dsí₂ Jñiós. ¹⁹ José dsa₂ ñe'² quián₅ né₃ jme₁liin₄ jan₂ dsa₂ dsen₃,
jaun₂ tsá₃ jme₁'nio₃ chein'³ o₂guí'³ María jua'⁵⁴ le₃ñi₅ dsa₂ juin₅; ñña'⁵⁴ lia'² a₂jaun₂ bá₄
jme₁dsi₂jio₅ dsí₅ a₂jme₁téi₂ bá₄ con'² tsá₃ 'ein₂ ñi₅. ²⁰ Le₂jaun₂ bá₄ jme₁ma₂ca₂'nú'³ dsí₅
jmo₃, jme₁ca₂qui₃ a₂ca₂jme₃jnia₅ jan₂ ángel quián₅ Te₁gui'⁵⁴ ne₅₄ ca₂juá'²:

—Sé₄, tsi₁jon₂ David, tsá₃ lë₁jmo₂ gang'³ jua'⁵⁴ cán'¹ o₂guí'³ a₂guéng'⁴ María a₂léin₂
dsi₂i₂gog'², ia₁ guein₂ i₂le₃chan₂ quián₅ já₅ ja₁con₂ Jme₂dsí₂ Jñiós. ²¹ Jaun₂ le₃chan₂ jan₂
guein₂ dsa₂ ñe'² quián₅, jaun₂ quian'⁵⁴ 'ne₂ JESÚS. § Le₃chein₂ le₂në₅ ia₁ a₂lióin₂ dsa₂ juig₂
quián₅ 'uig₅₄ dsáu₁.

²² Ca₂lë₃ ca₂le₃jé₃ a₂në₅ ia₁jaun₂ le₃ti₃ jui₁lia'² ca₂juá'² Te₁gui'⁵⁴ të₂le₃ quian'⁵⁴ dsa₂
i₂jme₁'é₂ jág₁ quián₅, jme₁ca₂juá'²:

²³ Cán₂ jan₂ dsa₂ mi₄ guein₂,

jaun₂ le₃chan₂ jan₂ guein₂ dsa₂ ñe'² quián₅,

jaun₂ le₃chein₂ Emanuel,*

co₂'nió'⁴ a₂juá'²: Quiong'⁵⁴ Diú₄ jniog₄.

²⁴ Jaun₂ jme₁ca₂ñé₃ Sé₄ a₂jme₁rë₂güin₃ jaun₂, le₂jaun₂ bá₄ ca₂jmo₃ lia'² con'² lë₅ ca₂juá'²
ángel quián₅ Te₁gui'⁵⁴, jaun₂ ca₂guein₃ bá₄ María a₂lén₂ 'éi₂ dsi₂i₂gu₂. ²⁵ La₁ia₁ tsá₃
ca₂tián'² dsi₂jui₅ jme₁né₄, jua'⁵⁴ a₂ca₂rë₃cuin₂₃ riin'⁵⁴, ca₂lia'² jme₁ca₂rë₃chán₃ guein₂
i₂le₂'uig₅₄ 'éi₂ quián₅ bá₄ María; jaun₂ ca₂quian₃ guein₂ Jesús.

2

Ca₂o₃lén₂ dsa₂ can'⁵⁴ i₂dsi₂ jág₁

¹ Ca₂rë₃chán₃ Jesús jë₄ juig₂ Belén, ja₁tén₄ 'uë₃ Judea, jmi₄g₄ lia'² con'² jme₁lín₄ Herodes
rag₅₄ 'uë₃ jaun₂. Jaun₂ ca₂o₃lén₂ co₂nió'³ dsa₂ i₂chan₂ uing₂ të₂le₃ ja₁'ia₂* 'iog₂, jaun₂
ca₂dsi₃lén₂ juig₂ Jerusalén. ² Jaun₂ ca₂ñag₃:

—¿Na₅ Rag₅₄ quián₅ dsa₂ judíos i₂ca₂rë₃chán₃? Ia₁ 'uë₃ të₂le₃ ja₁'ñia₂ 'iog₂, ma₂në₂jín₄
ñnia'⁵⁴ nei₅ quián₅, jaun₂ ja₂náu₅ jnia'⁵⁴ a₂jme₁juin'².

† 1:16 Co₂rë₂ bá₄ jein₅ jág₁ “Cristo” quian'⁵⁴ “I₂rë₂'ín₁ quián₅ Diú₄.” Quian'⁵⁴ jág₁ jmei₅
hebreo guë'² táng₃ juá'² dsa₂ Meshíaj: “Mesías” quian'⁵⁴ jág₁ ñi'⁵⁴. ‡ 1:17 Co₂rë₂ bá₄ jein₅
jág₁ “Cristo” quian'⁵⁴ “I₂rë₂'ín₁ quián₅ Diú₄.” Quian'⁵⁴ jág₁ jmei₅ hebreo guë'² táng₃ juá'²
dsa₂ Meshíaj: “Mesías” quian'⁵⁴ jág₁ ñi'⁵⁴. § 1:21 Lia'² chen₂ Jesús (hebreo: Yeshua) jein₅
jág₁: Lió₂ bá₄ Te₁gui'⁵⁴. * 1:23 Isaías 7:14. * 2:1 Co₂'nió'⁴ le₃jua'⁵⁴, caun₂ cosa a₂tsá₃ 'i₄
jme₂dsí₂, a₂ca₂jmo₃ Diú₄. 'Nio'² ja₁ton₅ Salmo 8:3; Romanos 1:25.

³ Jme₁ca₂rë₃ñi₅ Rag₅₄ Herodes jág₁ në₅, 'ñio₅ lin₃ tsá₃ ma₃tei₄ ca₂'ág₂ dsí₅, ján₃ bá₄ le₂jaun₂ ca₂le₃jín₃ dsa₂ juig₂ Jerusalén. ⁴ Jaun₂ né₃ ca₂té₃ rag₅₄ ca₂le₃jín₃ juig₅₄ jme₂dsa₂ quian₅₄ ca₂le₃jín₃ tē₃juá₅ quián₅ dsa₂, jaun₂ ca₂ñag₃ a₂já₄ dsón₂ lé₅ jág₁ le₃chan₂ dsa₂ l₂rë₂'ín₁ quián₅ Diú₄. ⁵ Jaun₂ ca₂juá₂ dsa₂ 'éi₂:

—Juig₂ Belén, ja₁tén₄ 'uë₃ Judea. Ia₁ le₂la₂ ca₂tó₂ ne₄ si₂ dsa₂ i₂jme₁'é₂ jág₁ o₄quió₄ Diú₄:

⁶ Jaun₂ 'ne₂, Belén, juig₂ tén₅ 'uë₃ Judá,
on₃jua₅₄ 'ne₂ líng₅ juig₂ i₂me₂ gué₄
tē₂le₃ ne₄ jui₁lia₂ dsa₂ i₂qui₂dsi₅ 'éi₃ 'uë₃ në₅;

ia₁ ja₁con₂ 'ne₂ bá₄ o₃'ín₅ jan₂
i₂gon₂, cán₂ ne₄ jui₅,

jmo₃ 'í₁ dsa₂ juig₂ Israel quiáng₃.†

⁷ Jaun₂ Herodes né₃ ca₂té₃ dsa₂ can₅₄ 'éi₂ con₂ jë₄ tē₃co₅₄, jaun₂ ca₂ñag₃ líg₂ 'e₂ jmig₄ tē₃dsón₂ ca₂rë₃jniá₂ nei₅ jaun₂.‡ ⁸ Jme₁ma₂në₂ñag₃ dsa₂ 'éi₂ jaun₂ gué₄ ca₂chei₃ jui₅ juig₂ Belén, jaun₂ ca₂tsí₃ dsa₂:

—O₂nó₅ 'nia₂ ja₁jaun₂, o₂quion₂ de₂ 'nia₂ 'í₁ rë₂ tē₂le₃ quió₅ chi₂ bē₅₄ i₂'ín₅ 'nia₂ në₅; jaun₂ jë₁ma₂ca₂dsáin₂ 'nia₂, i₂con₄ 'nia₂ jág₁ ia₁jaun₂ nei₅₄ jniá₂ ján₃ i₂jme₁juin₂.

⁹ Jme₁ma₂në₂néi₂ dsa₂ 'éi₂ jág₁ quió₅ rag₅₄, jaun₂ ca₂i₃lén₂. Jaun₂ né₃, nei₅ a₂ma₂ca₂jág₃ a tē₂le₃ 'uë₃ ja₁'ia₂ 'iog₂, ca₂ñó₃ ne₄ jui₅ quió₅, ca₂lia₂ ca₂'ág₂ tei₄ ne₄ ja₁jme₁'en₅₄ guein₂. ¹⁰ Jme₁ca₂jág₃ jaun₂, § ca₂jmo₃ 'io₂ 'ñio₅ lin₃; ¹¹ jaun₂ jme₁ca₂i₃toin₅₄ dsi₂néi₂, ca₂jñin₂ guein₂ bē₅₄ quian₅₄ chog₅₄ i₂chen₂ María. Jaun₂ né₃, ca₂chi₃jné₃ ca₂jme₃juin₂ guein₂. Jaun₂ dsi₂jui₅ le₂jaun₂ qui₂ca₂niá₃ tsi₁gu₅ quió₅, ca₂cuë₃ cu₄nió₄, chen₂, no₅₄ mirra né₃. ¹² Cang₂ gué₄ jaun₂ ca₂qui₃ dsa₂ 'éi₂ a₂ca₂jmo₃ Diú₄ jág₁ a₂tsá₃ ma₃dsi₃lein₃ jui₅ ja₁con₂ Rag₅₄ Herodes, jaun₂ jui₅ siá₂ bá₄ ca₂i₃lein₃ jui₅ go₅₄.

Ca₂cuing₃ Sé₄ quian₅₄ María jui₅ 'uë₃ Egipto

¹³ Cang₂ gué₄ jaun₂, jme₁ma₂i₂len₃ dsa₂ can₅₄ 'éi₂, ca₂qui₃ Sé₄ a₂ca₂jme₃jnia₅ jan₂ ángel quián₅ Te₁gui₅₄ ja₁coi₂, a₂ca₂juá₂:

—Nau₂, jñia₅ i₂bē₅₄ quiáng₂, chog₅₄ né₃, cuing₅ 'nia₂ jui₅ 'uë₃ Egipto. Ja₁jaun₂ o₂'ú₅ ca₂lia₂ ca₂juá₂ jniá₂. Ia₁ 'nau₂ Herodes 'nai₂ guein₂ a₂jñag₃.

¹⁴ A₂ca₂nau₂ jaun₂ Sé₄, ca₂tág₃ guein₂ quian₅₄ chog₅₄ a₂'uë₂ jaun₂, ca₂i₃lén₂ jui₅ Egipto. ¹⁵ Ja₁jaun₂ ca₂tóin₂ ca₂lia₂ ca₂jón₃ Herodes. Ca₂lë₃ le₂në₅ ia₁jaun₂ le₃ti₃ jág₁ a₂ca₂juá₂ Te₁gui₅₄ tē₂le₃ quian₅₄ dsa₂ i₂jme₁'é₂ jág₁ o₄quió₄, jme₁ca₂juá₂: “Tē₂ Egipto bá₄ ca₂tē₃ jniá₂ jón₃ quiáng₃.”*

Jmo₅ Herodes 'éi₃ a₂jme₃dsiain₂₃ guein₂

¹⁶ Jme₁ca₂rë₃lí₄ Herodes ca₂jme₃gau₅ dsa₂ can₅₄ 'éi₂ quió₅, ca₂rë₃'néi₃ 'ñio₅ lin₃. Jaun₂ ca₂chein₃ dsa₂ a₂jme₃dsiain₂₃ ca₂le₃jín₃ guein₂ i₂con₂ ma₂tion₅₄ tin₃ ñi₂, guein₂ i₂pí₁ gué₄ né₃ i₂chan₂ ma₂quián₅ Belén, lia₂ con₂ tí₅ ma₂ne₁ñó₄ jmig₄ a₂ca₂juá₂ dsa₂ can₅₄ 'éi₂.

¹⁷ Jaun₂ le₂në₅ ca₂rë₃ti₃ jág₁ a₂ca₂tó₂ ne₄ si₂ Jeremías i₂jme₁'é₂ jág₁ o₄quió₄ Diú₄:

¹⁸ Ca₂né₂ tē₁tsi₅₄ co₂mí₅₄ jë₄ juig₂ Ramá,

a₂'o₅ dsa₂ a₂qui₂ dsí₅ gué₄ lin₃;

Raquel bá₄ 'éi₂ ca₂'o₃†

o₄quió₄ chi₂-guein₂ quián₅,

jaun₂ tsá₃ ca₂gue₃ jua₅₄ 'ein₂ gué₃ jmo₃ lián₂ dsí₅,

† 2:6 Miqueas 5:2. ‡ 2:7 Co₂'nió₄ le₃jua₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio₂ ja₁ton₅ Salmo 8:3; Romanos 1:25. § 2:10 Co₂'nió₄ le₃jua₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio₂ ja₁ton₅ Salmo 8:3; Romanos 1:25. * 2:15 Oseas 11:1. † 2:18 Raquel: 'io₅₄ quián₅ Jacob, Génesis 29.

ia₁ ma₂ca₂dsan₃ bá₄ guein₂.[‡]

¹⁹ La₁ cang₂ gué₄ jaun₂, jme₁ma₂ca₂jon₃ Herodes, ca₂qui₃ Sé₄ a₂ca₂jme₃jnia₅ táng₃ jan₂ ángel quián₅ Te₁gui₅₄ ja₁coin₂ 'ein₅₄ Egipto, ²⁰ Ca₂juá'₂ ángel:

—Nau₂, jnia₅ táng₃ i₂bë'₅₄ quiáng'₂, chog₅₄ né₃, jaun₂ o₂nó'₅ táng₃ 'nia'₂ jui₅ 'uë₃ Israel, ia₁ ma₂ca₂dsan₃ bá₄ i₂jme₁'nio₃ jme₁jñi'₃ guein₂.

²¹ A₂ca₂nau₂ jaun₂ táng₃ Sé₄, ca₂tág₃ chi'₂ quiáin₅, quian'₅₄ chog₅₄, jui₅ 'uë₃ Israel. ²² La₁ jme₁ca₂rë₃ñi₅ Sé₄ a₂ma₂lín₅ ta₁ Arquelao 'uë₃ Judea, ta₁ a₂jme₁lín₄ Herodes jmei₂, jaun₂ ca₂rë₃gó'₅ dsó₃ ja₁jaun₂. Ia₁ ca₂'é₂ táng₃ Diú₄ jág₁ jë₄ qui₂₃, jaun₂ jui₅ 'uë₃ Galilea bá₄ ca₂ñó₃. ²³ Jme₁ca₂dsióg₃ ja₁jaun₂, ca₂ñó₃ ca₂i₁gua₂ jui₂ ja₁chei₂ Nazaret. Le₂në₅ bá₄ ca₂rë₃ti₃ jág₁ quió'₅ dsa₂ i₂ca₂'é₂ jág₁ quián₅ Diú₄ ma₂líg'₂: “A₂quiong₃ dsa₂ nazareno.”

3

É₂ Juan₅₄ jág₁ caun₂ 'uë₃ quein₂ ja₁co₂'ñiog₅
(*Marcos 1:1-8; Lucas 3:1-18; Juan 1:19-28*)

¹ Jmíg₄ jaun₂ guan₃ Juan₅₄ i₂chon₅ dsa₂ jmíg₂, caun₂ 'uë₃ quein₂ co₂'ñiog₅ ja₁tén₄ 'uë₃ Judea, a₂'é₂ jág₁, ² a₂juá'₂:

—Jein'₅₄ 'nia'₂ 'au'₂, ia₁ ma₂ja₂quián₃ jmíg₄ jë₄ gon₃ Diú₄.

³ Juan₅₄ la₂ bá₄ 'éi₂ i₂ca₂'in₃ Isaías i₂jme₁juá'₂ o₄quió'₄ Diú₄ jme₁ca₂tó'₂ ne₄ si₂ a₂juá'₂ le₂la₂:

Né'₂ a₂táun₂ dsa₂ tiá₂ jág₁

caun₂ 'uë₃ quein₂ ja₁co₂'ñiog₅, a₂juá'₂:

“Jmo₄ 'nia'₂ co₂jñia₅₄ jui₅ quió'₅ Te₁gui₅₄;

nia₄ 'nia'₂ caun₂ jui₅ co₂dsau₅.”*

⁴ Ni₁tsin'₅₄ Juan₅₄ 'éi₂ jme₁lé₄ 'mi'₂ a₂rë₂ta₄ quian'₅₄ jñi₄ já'₂ camello; a₂jme₁jén'₅ tú'₅ guë'₂ quian'₅₄ lo₄ já'₂; má₃ a₂jme₁gué'₅ guë'₂, jmá'₃ i₁ni'₂ tia₄ quian'₅₄ jmi₁tá'₄ cha₂ ja₁nau₂.

⁵ Jme₁ja₂lén₂ dsa₂ chan₂ Jerusalén, quian'₅₄ dsa₂ i₂tián'₅ 'uë₃ Judea quian'₅₄ dsa₂ i₂tián'₅ cau₅ Cuá₃ Jordán né₃, jme₁qui₂ja₂néi₃ jág₁ a₂cuë'₅ 'éi₂. ⁶ Jme₁ma₂ca₂lë₃ jmo₂₃ qui₂ñi₃ quió'₅ ne₄ Diú₄ ca₂le₃jé₃ dso₄ a₂qui₂rë₂cáin'₄, jaun₂ gué₄ ca₂cho₃ Juan₅₄ jmíg₂† Cuá₃ Jordán.

⁷ La₁ jme₁ca₂jág₃ Juan₅₄ juin₅ lín₃ dsa₂ fariseos ja₂lén₂ quian'₅₄ dsa₂ saduceos né₃, a₂mi₂₃ cho₃ Juan₅₄ jmíg₂,[‡] jaun₂ ca₂juá'₂ Juan₅₄:

—j'Nia'₂ tsi₁jon₂ dsi₂mi'₂! ¿'Ein₂ bá₄ në₂chí'₃ 'nia'₂ a₂cuíng'₂ long'₅₄ a₂'i₄ 'nei₂ dsí₅ Diú₄ a₂ja₂quián₃? ⁸ Jmo₄ 'nia'₂ jaun₂ jui₁le₂jniá₂ a₂léi₄ të₃dsón'₂ a₂ma₂ca₂jein'₅₄ 'nia'₂ 'au'₂.

⁹ Tsá₃ o₁len'₂ 'nia'₂ jua'₅₄ lé₂ le₃juá'₅₄ 'nia'₂: “Lág₅ jnia'₅₄ tsi₁jon₂ Abraham”; ia₁ jniá₂ juá'₅, ca₂të₂ ni₁cang₁ tio'₅₄ la₂, lé₂ le₃jmo₃ Diú₄ jmó'₂ tsi₁jon₂ Abraham. ¹⁰ Ia₁ ma₂lé₅ co₂jñia₅₄ ñi₁dsi₁ a₂qui₂uín'₂ 'ma₂. Ca₂le₃jé₃ 'ma₂ a₂tsá₃ dse₃ míg₂ 'ag₅, uín'₂ bá₄, dsi₂to'₅₄ si₂. ¹¹ Jniá₂ né₃, dsau₅ bá₄ në₂tiáng₃ 'nia'₂ jmíg₂ co₂'nió'₄ a₂jáng'₅ léi₄ a₂jein'₅₄ 'nia'₂ 'au'₂; la₁ i₂jás chi₁co'₅₄ quió₃ né₃, 'éi₂ bá₄ i₂'uan'₂ gué₄ lia'₂ con'₂ gué₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ i₁quian₃. 'Éi₂ gué₄ né₃, tióg₂ Jme₂dsí₂ Jñió₅, dsi₂si₂ né₃. ¹² Në₂jag₄ bá₄ a₂ma₂chi₁chan'₂ ñi₁ a₂quió'₅ míg₂ trigo, dsia₃ jma₃quén₅ quian'₅₄ jme₁qui₅. Jmá'₃ míg₂ bá₄ cág'₃, 'ma₃ dsi₂néi₂, la₁ qui₂dsí'₂ bá₄ jme₁qui₅ dsi₂si₂ ja₁tsá₃ ma₃o₁líg'₂ jmíg₄ éi₃.§

Ca₂ñó₂ Jesús jmíg₂

(*Marcos 1:9-11; Lucas 3:21-22*)

¹³ Jaun₂ né₃, Jesús, o₂'ín₃ 'uë₃ Galilea, ca₂dsióg₃ të₂ Cuá₃ Jordán ia₁jaun₂ cho₃ Juan₅₄ jmíg₂.* ¹⁴ Tsá₃ jme₁gue₅ Juan₅₄ le₂'uig₅₄, jaun₂ ca₂juá'₂ tsí'₅ Jesús:

—Jniá₂ bá₄ i₂'nió'₅ quió₃ tsón'₄ 'ne₂ jmíg₂.† ¿'A₂ bá₄ lia'₂ 'ne₂ ñe'₃ ja₁con₂ jniá₂?

‡ 2:18 Jeremías 31:15. * 3:3 Isaías 40:3. † 3:6 lit. “ca₂tióg₃ Juan₅₄ jmíg₂.” ‡ 3:7 lit. “tióg₂ Juan₅₄ jmíg₂.” § 3:12 'Nio'₂ ja₁ton₅ Mateo 13:30. * 3:13 lit. “ia₁jaun₂ tióg₂ Juan₅₄ jmíg₂.” † 3:14 lit. “tián'₄ 'ne₂ jmíg₂.”

¹⁵ La₁ ca₂juá'₂ Jesús:

—Jui₁le₅₄ bá₄ le₂në₅ të₂në₃, ia₁ dsi₂ten₅₄ de'₂ jmó₁ jniog₄ le₂në₅ ia₁jaun₂ jme₁ti₁ ca₂le₃jé₃ a₂dse₃.

Jaun₂ bá₄ ca₂gue₃ Juan₅₄.

¹⁶ Jme₁ma₂lë₅ cho₅ Juan₅₄ jmi₂g₂,[‡] jaun₂ ca₂o₃'ín₃ Jesús dsi₂jmi₂g₂. Jaun₂ dsi₂jui₅ le₂jaun₂ ca₂niá₃ dsi₄ mi₂güü₃ ca₂lë₃, jaun₂ ca₂jín₂ Jesús Jme₂dsí₂ quián₅ Diú₄ ca₂sión₃ ne₄ quió'₅, i₂lín₅ lia'₂ lín₅ jan₂ i₁ju₂. ¹⁷ Jaun₂ ca₂né'₂ jág₁ guei'₅₄ a₂ca₂juá'₂:

—I₂la₂ bá₄ jón₃ quiáng₃ i₂ñí₄ lë₃ 'nióg₃ gué₄ lín₃. 'E₂ bá₄ 'ñio₂ dsi₃ quiain'₅₄.

4

Ca₂caun₃ i₂së₃dse₃ táu₂ quió'₅ Jesús

(*Marcos 1:12-13; Lucas 4:1-13*)

¹ Dsi₂jui₅ jaun₂ ca₂të₃ Jme₂dsí₂ quián₅ Diú₄ ca₂té'₃ Jesús caun₂ 'uë₃ quein₂ co₂'ñiog₅ ia₁jaun₂ ja₁jaun₂ cáun₂ táu₂ i₂së₃dse₃.

² Të₂láu₃ jmi₂g₄ të₂láu₃ nei₅, ca₂jme₃'ín₅₄ Jesús; cang₂ gué₄ jaun₂ ca₂lë₃ i₁cón'₅ 'ñio₅ lín₃.

³ Jaun₂ ca₂jme₃quián₃ i₂së₃dse₃ ja₁coin₂, a₂cáun₂ táu₂, jaun₂ ca₂juá'₂ tsí'₅ Jesús:

—Chi₂jua'₂ dsón'₂ líng'₅ Ja₁ñi'₅₄ Diú₄, jmo₄ jui₁le₅₄ i₁ñí'₄ nñ₁cang₁ tio'₅₄ në₅.

⁴ La₁ ca₂ñag₃ Jesús:

—Chi₁ton₅ ne₄ Si₂: “On₃jua'₅₄ jmá'₃ quian'₅₄ i₁ñí'₄ le₃tan₅₄ dsa₂ mi₂güü₃ le₃chain₂, ján₃ bá₄ 'nió'₅ jme₃tan₅₄ dsa₂ quian'₅₄ ca₂le₃jé₃ jág₁ a₂'uë'₂ mi₂'o₄ Diú₄.”*

⁵ ñó₃ jaun₂, ca₂jio₃ táng₃ i₂së₃dse₃ të₂ juig₂ Jerusalén ciudad jñio₅, jaun₂ ca₂jio₃ të₂ guei'₅₄ guá'₅ templo ja₁ñei₅ 'ñio₅ lín₃. ⁶ Jaun₂ ca₂juá'₂ ca₂tsí'₃ Jesús:

—Chi₂jua'₂ 'ne₂ líng'₅ Ja₁ñi'₅₄ Diú₄, tian'₅₄ ja₁në₅; ia₁ juá'₂ ne₄ Si₂:

Chen₃ Diú₄ ángeles quián₅

ia₁jaun₂ jmo₃ 'í₁;

chó'₂ quian'₅₄ gu₂

ia₁jaun₂ tsá₃ jéng'₂ uig₅ nióg'₃ quian'₅₄ cang₄.†

⁷ Jaun₂ ca₂ñag₃ Jesús:

—Ján₃ bá₄ juá'₂ ne₄ Si₂: “Tsá₃ tang'₅₄ Te₁gui'₅₄ Diú₄ quiáng'₂.”‡

⁸ Con'₂ gué₄ siá'₂ táng₃ ca₂jio₃ i₂së₃dse₃ jui₅ caun₂ má'₂ ja₁ñei₅ 'ñio₅ lín₃. Jaun₂ ca₂'ë₃ le₃jé₃ juig₂ a₂cha₂ mi₂güü₃ quian'₅₄ ca₂le₃jé₃ a₂jlá'₁ cha₂. ⁹ Jaun₂ ca₂tsí'₃ Jesús:

—Dsi₅₄ jniá₂ gog'₂ 'ne₂ ca₂le₃jé₃ a₂në₅, në₁juá'₂ ca₂chi₁jne'₄ ne₃ a₂jme₁juag'₂.

¹⁰ Jaun₂ né₃ ca₂ñag₃ Jesús:

Guan'₂ Satanás, ia₁ ne₄ Si₂ juá'₂: “Jme₁juín'₂ Te₁gui'₅₄ Diú₄ quiáng'₂, jñia'₅₄ lia'₂ ne₄ 'éi₂ bá₄ jme₁ti₁.”§

¹¹ Jaun₂ né₃ ca₂ñá'₃ i₂së₃dse₃, jaun₂ ca₂o₃lén₂ ángeles ca₂jme₃ti₃ ta₁ ne₄ Jesús.

Ca₂jme₃lióg₃ Jesús ta₁ quió'₅, 'uë₃ Galilea

(*Marcos 1:14-15; Lucas 4:14-15*)

¹² Jme₁ca₂rë₃ñi₅ Jesús a₂'en₅₄ Juan₅₄ né₃ 'má₃, jaun₂ ñó₃ jui₅ 'uë₃ Galilea. ¹³ Tsá₃ ca₂jñia₃ jë₄ juig₂ Nazaret, ñó₃ bá₄ ca₂i₁'i₅ të₂ Capernaum, caun₂ juig₂ a₂niog₅ chei'₅₄ jmi₁ñí'₄ 'uë₃ ja₁tén₄ Zabulón quian'₅₄ Neftalí. ¹⁴ Jaun₂ le₂në₅ ca₂rë₃ti₃ jág₁ a₂ca₂tó'₂ ne₄ si₂ Isaías i₂jme₁'é₂ jág₁ o₄quió'₄ Diú₄:

¹⁵ 'Uë₃ ja₁tén₄ Zabulón quian'₅₄ Neftalí

a₂niog₅ le₃quióng₄ Cuá₃ Jordán, chei'₅₄ jmi₁ñí'₄,

'uë₃ Galilea le₃quió'₅ dsi₂nau₂:

¹⁶ dsa₂ i₂jme₁tián'₄ jë₄ qui₁né'₃

‡ 3:16 lit. “tióg₂ Juan₅₄ jmi₂g₂.” * 4:4 Deuteronomio 8:3. † 4:6 Salmo 91:11-12. ‡ 4:7 Deuteronomio 6:16. § 4:10 Deuteronomio 6:13.

ma₂ca₂jág₃ caun₂ si₂ jué'₂;
 dsa₂ i₂jme₁tián'₄ 'uë₃ ja₁'ei₅ 'én'₁ 'mú₃,
 ne₄ quió'₅ ma₂ca₂'ág₂ si₂.*

¹⁷ Të₂le₃ ne₄ jui₅ jaun₂ ca₂jme₃lióg₃ Jesús ca₂'é₂ jág₁, ca₂juá'₂:
 —Jei_n'₅₄ 'nia'₂ 'au'₂, ia₁ ma₂ja₂quián₃ guá₂ 'éi'₃ quió'₅ Diú₄.

Ca₂té'₃ Jesús quén₂ dsa₂ i₂tsán'₂ ju₄
 (Marcos 1:16-20; Lucas 5:1-11)

¹⁸ Co₂ráun₂ η₃ Jesús i₁η₂ chei'₅₄ jmi₁η'₄ Galilea. Ja₁jaun₂, ca₂jíin₂ Si₂mu₅₄ i₂té'₂ dsa₂ Pe₄, quiain'₅₄ dsó₂ riin'₅₄ i₂chen₂ Dré₄. Dsa₂ i₂tsán'₂ ju₄ bá₄ 'éi₂, jaun₂ hora jaun₂ dé₄ né₃ jme₁tioin'₅₄ táun₂ 'má₅ dsi₂jmi₂. ¹⁹ Jaun₂ ca₂juá'₂ Jesús:

—'Éin₃ jniá₂, jaun₂ cuë₅₄ ta₁ a₂chi₁liang'₂ dsa₂ mi₂güüg₃, jui₁lia'₂ chi₂liáng'₁ ju₄ në₅.

²⁰ Dsi₂jui₅ le₂jaun₂ bá₄ ca₂dsia₃ cau₅ 'má₅ quió'₅, jaun₂ i₃léin₂ quiong'₅₄.

²¹ Me'₂ gué₄ ne₄ jui₅ ja₁i₃léin₂ jaun₂, ca₂jíin₂ con'₂ gué₄ on₃ dsó₂: Jacobo quian'₅₄ Juan₅₄ riin'₅₄, ja₁η'₅₄ Zebedeo. Jme₁tioin'₅₄ 'ηi₃ó'₃ tsi₁mu₅ qui₂'méi₅ 'má₅ quió'₅, quiain'₅₄ jmei₂. Jaun₂ ca₂të₃ Jesús, ²² jaun₂ dsi₂jui₅ le₂jaun₂ bá₄ ca₂tí₂ tsi₁mu₅ quió'₅ ca₂téin₂ jmei₂, jaun₂ ca₂i₃léin₂ ca₂jme₃quian'₅₄ Jesús.

Ca₂jme₃tin₅ Jesús juin₅ lin₃ dsa₂
 (Lucas 6:17-19)

²³ I₂η₅₄ Jesús le₂tan₅₄ 'uë₃ Galilea, qui₂jme₂tiin₂₃ dsa₂ dsi₂néi₂ guá'₅ sinagogas lia'₂ caun₂ ja₁qui₂ηi₅. Qui₂'é₂ jág₁ dse₃ jui₁lia'₂ ja₁gon₂ Diú₄, ján₃ bá₄ qui₂jme₂'lióin₂ dsa₂ ca₂le₃jé₃ ne₅₄ dso₄ 'e₂ niog₅ lín₅ dsa₂. ²⁴ Le₂tan₅₄ 'uë₃ Siria ca₂i₃'ág₃ jág₁ 'a₂ lia'₂ lé₅ jmo₅ Jesús η₂₃, jaun₂ ca₂o₃ηia₃ dsa₂ ca₂le₃jín₃ dsa₂ i₂le₁quian₅ ca₂le₃jé₃ ne₅₄ jmi₁uig₅, quian'₅₄ jui₁'ein₂ gué₃ i₂qui₂' uig₅ quió'₅. Ca₂i₁quian₅₄ ca₂le₃jín₃ dsa₂ i₂tion'₅₄ jme₂dsí₂ je₂na'₅₄, dsa₂ i₂lín₅ dso₄ 'ei₂, quian'₅₄ dsa₂ 'lian'₂ né₃. Ja₁jaun₂ ca₂jme₃'lión₂ Jesús ca₂le₃jín₃ dsa₂ 'éi₂.

²⁵ Juin₅ lin₃ dsa₂ i₂chan₂ Galilea, dsa₂ i₂chan₂ ta₁guia₃ juig₂ ja₁té'₂ dsa₂ Decápolis, quian'₅₄ dsa₂ i₂chan₂ Jerusalén, dsa₂ i₂tián'₅ 'uë₃ Judea quian'₅₄ dsa₂ i₂tián'₅ le₂'ηo'₅₄ Cuá₃ Jordán né₃, ca₂jme₃quiong'₅₄ ca₂jme₃quian'₅₄ Jesús.

5

Jág₁ a₂ca₂cuë₃ Jesús má'₂
 (Lucas 6:20-23)

¹ Jín₂ Jesús dsa₂ juin₅ 'éi₂, jaun₂ ca₂uig₂ caun₂ dsi₂con'₂ ja₁ηei₅ gué₄, jaun₂ ca₂guá₂. Jaun₂ ca₂ηi'₂ dsa₂ i₂quian'₅₄ le₃lág'₃ quió'₅. ² Jaun₂ ca₂jme₃lióg₃ ca₂jme₃tiin₂₃ dsa₂, ca₂juá'₂ le₂la₂:

¿'Ein₂ dsa₂ 'éi₂ i₂jmo₅ 'io'₂?

³ —'E₂ gué₄ dsen₃ jui₁lia'₂ dsa₂ i₂rë₂lí'₄ qui₂chi₁quian₁₂ jmi₂g₄ o₄quió'₄ jme₂dsí₂ quió'₅, ia₁ i₂le₂'éi₂ bá₄ ca₂tín₂ ja₁gon₂ Diú₄.

⁴ 'E₂ gué₄ dsen₃ jui₁lia'₂ dsa₂ i₂ta'₂ 'lia'₂ dsí₅, ia₁ cuë₃ bá₄ Diú₄ lián'₂ dsí₅.

⁵ 'E₂ gué₄ dsen₃ jui₁lia'₂ dsa₂ i₂jmo₅ me'₂, ia₁ gua'₅₄ 'uë₃ bá₄ tiin₅₄, cuë₃ Diú₄.

⁶ 'E₂ gué₄ dsen₃ jui₁lia'₂ dsa₂ i₂ηí₄ lë₃ 'ín₅ dsí₅ jmo₃ a₂'ηio₂ dsí₅ Diú₄, ia₁ lé₂ dsí₅ në₂jag₄ bá₄ a₂i₁cón'₅, a₂rë₂quein₂ dsí₅ né₃; ia₁ 'ág'₄ bá₄ dsí₅, jmo₃ Diú₄.

⁷ 'E₂ gué₄ dsen₃ jui₁lia'₂ dsa₂ i₂ηéi₂ dsí₅ dsa₂ sián'₂, ia₁ dsia₃ bá₄ Diú₄ ηéi₂ dsí₅ guioin₅₄.

⁸ 'E₂ gué₄ dsen₃ jui₁lia'₂ dsa₂ i₂qui₂le₁jé₃ dsí₅, ia₁ jín₂ bá₄ Diú₄.

⁹ 'E₂ gué₄ dsen₃ jui₁lia'₂ dsa₂ i₂quín'₅ bí₂ 'no'₂ jui₅ 'a₂ lia'₂ 'ag₃ tei₄, ia₁ quiong₃ Diú₄ chi'₂-guein₂ quiáin₅.

* 4:16 Isaías 9:1-2.

¹⁰ 'E₂ gué₄ dse_{n3} jui₁lia'₂ dsa₂ i₂qui₂co₂'ein₅ dsa₂ 'uig₅₄ ia₁ a₂jmo₂₃ a₂'ñio₂ dsi₅ Diú₄, ia₁ ja₁gon₂ Diú₄ bá₄ ca₂tiin₂.

¹¹ 'E₂ gué₄ dse_{n3} 'nia'₂, jë₁ma₂té₂ rë₁qui₃jnaú'₂ dsa₂ jág₁, qui₂co₂jmóg'₂, a₂juá'₂ ca₂le₃jé₃ ne₅₄ jág₁ a₂tsá₃ tí₅ ja₁con'₂ 'nia'₂ o₄qui₃óniá₂; ¹² jmo₄ 'nia'₂ 'io'₂, jui₁le₁'ág₄ bá₄ dse₃ 'au'₂, ia₁ gué₁' 'nia'₂ 'liang'₅₄ jó₄ guei'₅₄ i₂juíg₃. Ia₁ le₂në₅ bá₄ ján₃ qui₂ca₂co₃'ein₃ dsa₂ quió'₅ dsa₂ i₂jme₁'é₂ jág₁ quián₅ Diú₄, i₂ma₂ca₂rë₃chán₃ le₂jñiá₅ con'₂ gué₄ 'nia'₂.

Jág₁ a₂jáng'₅ léi₄ jui₁lia'₂ tsi₁ñi₁ quian'₅₄ si₂ a₂tág₅ jin₄ dsa₂ mi₂güig₃
(Marcos 9:50; Lucas 14:34-35)

¹³ 'Tén'₅ 'nia'₂ ta₁ ne₄ gua'₅₄ 'uë₃ jui₁lia'₂ jmo₅ tsi₁ñi₁ jë₄ má₃. La₁ në₁jua'₂ ma₂ca₂'en₃ ñi'₅₄ tsi₁ñi₁, ¿'a₂ bá₄ lia'₂ lé₂ le₃lei₂ táng₃? Tsá₃ ma₃'e₂ ta₁ jmo₃, a₂jñia'₅₄ lia'₂ a₂dsi₃ga'₅₄ bá₄ jaun₂, qui₃tsó'₃ dsa₂.

¹⁴ 'Ján₃ bá₄ rë₂jniá'₁ 'nia'₂ co₂'nió'₄ a₂líng'₅ si₂ quió'₅ dsa₂ mi₂güig₃. Jui₁lia'₂ caun₂ juig₂ a₂niog₅ dsi₂con'₂ tsá₃ lé₂ le₃dsi₃'ma₄, ¹⁵ ján₃ bá₄ tsá₃ guí'₅ dsa₂ si₂ caun₂ ni₁tsí₅ a₂chi'₃ né'₃ tsi₁gu₅; guei'₅₄ bá₄ chi'₂ dsa₂ ia₁jaun₂ tág'₅ si₂ ja₁con₂ ca₂le₃jín₃ i₂tion'₅₄ dsi₂néi₂. ¹⁶ Le₂në₅ bá₄ 'nia'₂ né₃, jmo₄ tág₅ si₂ quiáng'₂ jin₄ dsa₂ mi₂güig₃, ia₁jaun₂ të₅₄ ne₄ dsa₂ a₂dse₃ a₂jmo'₂ 'nia'₂, jaun₂ jme₃juin'₂ ñéi'₅ 'nia'₂ i₂guá₅ guei'₅₄ i₂juíg₃.

Jme₂tag₅ Jesús jui₁lia'₂ 'Éi'₃

¹⁷ 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂jñiá'₄ Si₂ 'Éi'₃ quió'₅ Moisés, on₃ gué'₂ jág₁ a₂jme₁jme₂tag₅ dsa₂ i₂jme₁'é₂ jág₁ quián₅ Diú₄. On₃jua'₅₄ ta₁ jaun₂ guio₃ jniá₂ a₂jñiá'₄, të₂le₃ a₂jme₁'ñia₅ bá₄ jniá₂ guio₃. ¹⁸ Ia₁ a₂dsi₂jó'₃ juá'₅ jniá₂, të₁lia'₂ niog₅ mi₂güig₃, të₁lia'₂ jniá₂ dsi₄ guei'₅₄ në₅, 'i₁caun₂ punto, on₃ gué'₂ 'i₁caun₂ letra pí'₁ quió'₅ Si₂ 'Éi'₃ tsá₃ dsi₃'én₂ ca₂lia'₂ ca₂rë₃ti₃ ca₂le₃jé₃ a₂niog₅ lé₂. ¹⁹ 'Uig₅₄ jaun₂, jui₁lia'₂ i₂jmo₅ cau₅ caun₂ 'Éi'₃ Juá'₅ ne₄ Si₂ 'Éi'₃, o₁jñia'₅₄ líin₂ caun₂ 'éi'₃ tsá₃ lin₄ quen₅, në₁jua'₂ le₂jaun₂ jme₁tiin₂₃ dsa₂ riin'₅₄, le₂jaun₂ bá₄ lén₂ dsa₂ 'éi₂ jan₂ dsa₂ i₂tsá₃ lin₄ quen₅ ja₁gon₂ Diú₄. La₁ jui₁lia'₂ dsa₂ i₂nag₅ gau₂, jme₂ti₃, le₂jaun₂ jme₂tiin₂₃ i₂sián'₂ né₃, le₂jaun₂ bá₄ lén₂ dsa₂ 'éi₂juin'₂ ja₁gon₂ Diú₄. ²⁰ Ia₁ a₂dsi₂jó'₃ juá'₅ jniá₂ juíg₂ 'nia'₂, në₁jua'₂ tsá₃ ca₂jmo'₅₄ 'nia'₂ a₂dse₃ gué₄ con'₂ gué₄ të₅juá'₅ quian'₅₄ dsa₂ fariseos, lia'₂ o₁líng'₂ jmig₄ tsá₃ lé₂ dsi₁no'₃ 'nia'₂ ja₁gon₂ Diú₄.

Jme₂tag₅ Jesús jui₁lia'₂ a₂rë₂'ne₂ dsa₂
(Lucas 12:57-59)

²¹ 'Ma₂ñi'₅₄ bá₄ 'nia'₂ 'a₂ lia'₂ lé₅ ma₂nág₂ dsa₂ can'₅₄ quián'₂ 'nia'₂: “Tsá₃ jñíg'₄ dsa₂,* ia₁ në₁jua'₂ 'ein₂ ca₂jñi'₃ rin'₅₄, tion₅₄ të₃dsi₅₄ bá₄ 'éi'₃ ja₁coin₂.” ²² La₁ jniá₂ juá'₅ juíg₂ 'nia'₂, chi₂jua'₂ 'ein₂ ca₂rë₃'né₃ quian'₅₄ rin'₅₄, † ján₃ bá₄ le₂jaun₂ jióg'₂ 'í₁ ja₁coin₂, të₃dsi₅₄ 'éi'₃. Ján₃ bá₄ le₂jaun₂ jui₁lia'₂ i₂të₂'on'₂ rin'₅₄, ne₄ dsi₂tan₅₄ quián₅ guá'₅ bá₄ dsi₁lén₂, la₁ jui₁lia'₂ i₂quian₅ tonto[‡] rin'₅₄, go'₂ 'lián'₃ quióin'₄ dsi₂si₂ ja₁'lig'₅₄.

²³ 'Uig₅₄ jaun₂ né₃, në₁jua'₂ dsi₂can'₅₄ 'e₂ dsi₂can'₅₄ ne₄chei₂, a₂jen'₅₄ ne₄ Diú₄, në₁ca₂dsáu'₃ 'au'₂ tsá₃ 'ei₅ caun₂ jág₁ quian'₅₄ ríng'₂, ²⁴ ja₁jaun₂ de'₂ dsia₄ a₂jaun₂ cau₅ ne₄chei₂, jaun₂ gué₄ guan'₂ jme₁dsian₅ mi'₅₄ o₂'éi₂ caun₂ jág₁ quian'₅₄ ríng'₂. Jaun₂ gué₄ ñe'₅₄ táng₃ i₂dsia₄ a₂cuë'₅₄ Diú₄.

²⁵ 'Chi₂jua'₂ 'ein₂ 'nio₃ 'nag₃ ne₄ dsi₂tan₅₄, ñi'₅₄ ta₁ 'nio'₂ jui₅ 'éi₂ caun₂ jág₁ quiain'₅₄ né'₃ a₂jmo₃ le₂jaun₂, ia₁jaun₂ tsá₃ jáng'₂ ne₄ dsi₂tan₅₄ i₂qui₂dsi₅ 'éi'₃; ia₁ dsi₂tan₅₄ né₃, con'₂ tsá₃ ñó₅ në₁ca₂jáng'₂ o₄gú₃ chi'₂ 'i'₅₄; i₂'éi₂ gué₄ né₃ 'liog'₃ né'₃ 'má₃. ²⁶ A₂dsi₂jó'₃ juá'₅ jniá₂, tsá₃ a₁jaun₂ o₃'ing'₂ ja₁jaun₂ ca₂lia'₂ ca₂qui'₅₄ ca₂le₃jé₃ 'a₂ con'₂ mi₅ dsa₂ quiáng'₂.

Jme₂tag₅ Jesús a₂tsá₃ nió'₃ dsa₂ jág₁ quian'₅₄ dsa₂ on₃jua'₅₄ dsi₂i₂gu₂

* 5:21 Éxodo 20:13. † 5:22 A₂lin'₅₄ chog₅₄ si₂ juá'₂ ján₃: “on₃jua'₅₄ cha₂ 'uig₅₄.” ‡ 5:22 griego: raca; caun₂ jág₁ të₂'o'₅₄ arameo co₂'nió'₄ a₂juá'₂: “Tsá₃ 'e₂ tio'₅₄ mi₂dsei'₂.”

²⁷ 'Ma₂ŋi'₅₄ bá₄ 'nia'₂ já_n₃ 'a₂ lia'₂ lé₅ ma₂juá'₂ dsa₂ le₂ŋiá₅: “Tsá₃ nióg'₄ já_g₁ quian'₅₄ dsa₂ on₃juá'₅₄ dsi₂i₂gog'₂.” § ²⁸ La₁ jniá₂ guë'₂ juá'₅ juí_g₂ 'nia'₂, chi₂juá'₂ 'ein₂ dsi₂jio_g₅ dsi₅ 'lig'₅₄ qui₂jii_n₂ jan₂ dsa₂ mí₂, co₂'nió'₄ ma₂në₂ 'nióg₂ dso₄ quiong'₅₄ jui₅ tē₂dsi₅.

²⁹ 'Në₁juá'₂ mi₂ne'₅₄ jmo₅ a₂tang'₂ dso₄, co₂dsia₅ dsi₄, tion_g₂ úing₂; ia₁ dse₃ gué₄ a₂dsi₃'én₂ ca₂jne₄ quiáng'₂, con'₂ gué₄ jme₁o₁'ú'₃ ta₁jang'₂ ja₁'lig'₅₄. ³⁰ Já_n₃ bá₄ le₂në₅ në₁juá'₂ mi₂gog'₂ jmo₅ a₂tang'₂ dso₄, co₂dsia₅ ti₄, tion_g₂ úing₂; ia₁ dse₃ gué₄ a₂dsi₃'én₂ ca₂jne₄ ni₁ŋi'₁ con'₂ gué₄ jme₁o₁'ú'₃ ta₁jang'₂ ja₁'lig'₅₄.

*Jme*₂tag₅ Jesús jui₁lia'₂ dso₄ a₂tén₂ dsa₂ dsi₂i₂gu₂
(Mateo 19:9; Marcos 10:11-12; Lucas 16:18)

³¹ Já_n₃ bá₄ ma₂juá'₂ dsa₂ le₂ŋiá₅: “Chi₂juá'₂ 'ein₂ ca₂tén₂ dsa₂ mí₂ quián₅, ca₂tíin₂ cho₃ caun₂ si₂ a₂jang'₅ léi₄ a₂ma₂ca₂téin₂ dson'₂ riin'₅₄.”* ³² La₁ jniá₂ juá'₅ juí_g₂ 'nia'₂, chi₂juá'₂ 'ein₂ ca₂tén₂ dsa₂ mí₂ quián₅, on₃juá'₅₄ cha₂ 'uig'₅₄, juá'₅₄ a₂ma₂nió'₅ já_g₁ quian'₅₄ i₂sián'₂, jmo₂₃ a₂'no₃ 'io₅₄ quián₅ dso₄. Já_n₃ bá₄ le₂jaun₂ jui₁lia'₂ dsa₂ ŋe'₂ i₂cán₂ 'io₅₄ i₂ma₂téi₂ dsa₂, já_n₃ bá₄ le₂jaun₂ 'no₂₃ dso₄.

*Jme*₂tag₅ Jesús jui₁lia'₂ já_g₁ a₂'in₅ dsa₂ Diú₄

³³ 'Ma₂nei'₂ bá₄ 'nia'₂ já_n₃, 'a₂ lia'₂ lé₅ ca₂nág₂ dsa₂ can'₅₄ ma₂lí_g₂: “Tsá₃ jmó'₂ juá'₅₄ a₂tsá₃ jme₁ti'₄ já_g₁ quiáng'₂ a₂ma₂cuë'₅₄ a₂'íng'₅ Te₁gui'₅₄.” ³⁴ La₁ jniá₂ juá'₅ juí_g₂ 'nia'₂ tsá₃ 'e₂ 'uig'₅₄ cha₂ juá'₅₄ a₂'íng'₄ Diú₄; tsá₃ 'é'₁ guei'₅₄ i₂juí_g₃, ia₁ ne₄ta₁ quió'₅ Diú₄ bá₄ jaun₂; ³⁵ on₃ guë'₂ 'é'₁ gua'₅₄ 'uë₃, ia₁ co₂'nió'₄ ja₁tióng₂ tag₄ bá₄ Diú₄; on₃ guë'₂ 'nió'₅ 'é'₁ 'nia'₂ Jerusalén, ia₁ juí_g₂ quió'₅ Rag₅₄ Juin'₂ bá₄ jaun₂. ³⁶ Tsá₃ lë₁'ë₂ 'nia'₂ mi₂dsei'₂ guiong'₅₄ né₃, ia₁ 'i₁ca₂mi'₂ ni₁ŋi₂ dsei'₂ 'nia'₂ tsá₃ lé₂ le₃jmó'₂ tiog₂, on₃ gué₄ a₂lia'₂ né₃. ³⁷ Juá'₅₄ bá₄ 'nia'₂ quian'₅₄ ca₂jon₄ já_g₁, “ján₅”, o₃ “jan₂'ón₄” 'e₂, ia₁ në₁juá'₂ 'ein₂ ca₂juá'₂ ŋag₅₄ gué₄ con'₂ lé₅ në₅, já₅ ja₁con₂ i₂së₃dsen₃ bá₄ jaun₂.

*Jme*₂tag₅ Jesús já_g₁ jui₁lia'₂ a₂con₂ dsa₂ 'ma'₅₄ ja₁con₂ riin'₅₄
(Lucas 6:29-30)

³⁸ 'Ma₂nei'₂ bá₄ 'nia'₂ a₂ma₂juá'₂ dsa₂ le₂ŋiá₅: “Në₁juá'₂ 'ein₂ ca₂'én₂ ca₂mí_g₂ mi₂ne₄ rin'₅₄, le₂jaun₂ bá₄ lé₂ 'éi'₃ dsi₃'én₂ ca₂mí_g₂ mi₂ne₄ jui₁lia'₂ i₂ca₂jmo₃ já_n₃; o₃ në₁juá'₂ 'ein₂ ca₂tia'₃ ca₂mí_g₂ mi₂jan₄ rin'₅₄ né₃, le₂jaun₂ bá₄ lé₂ táng₃ 'éi'₃, tíá'₃ ca₂mí_g₂ quió'₅.”† ³⁹ La₁ jniá₂ guë'₂ juá'₅ juí_g₂ 'nia'₂, tsá₃ lë₁nau₂ 'nia'₂ queng'₂ quian'₅₄ dsa₂ 'lin'₅₄. Në₁juá'₂ 'ein₂ ca₂quein₃ rë₂jog'₂, jein'₅₄ tē₂le₃ ca₂ton₂, jui₁quein₂₃ ta₁tin₃ ton₂. ⁴⁰ Chi₂juá'₂ 'ein₂ 'nag₅ quiáng'₂, a₂'nio₃ ŋiá'₂ ni₁tsín'₂, le₂jio_g₅ tsi₁'mi'₂ dsiog₂ qui'₅₄ cuë'₅₄ jui₁quion₂. ⁴¹ Në₁juá'₂ 'ein₂ ca₂chi₃quióng₂ jmi_g₄ a₂caun'₅₄ lio₅₄ caun₂ kilómetro, o₂con₄ tin₃ kilómetros. ⁴² Jui₁'ein₂ gué₃ mi₅ 'e₂ mi₅ quiáng'₂ a₂dsi₂, cuë'₅₄; 'a₃ lë₁jein'₅₄ le₃mi₂ca'₅₄ quió'₅.

*Jme*₁'nió₄ bá₄ 'nia'₂ jui₁lia'₂ dsa₂ i₂'iog₅₄ quián'₂ 'nia'₂
(Lucas 6:27-28, 32—36)

⁴³ Já_n₃ bá₄ ma₂nei'₂ 'nia'₂ a₂ma₂juá'₂ dsa₂ le₂ŋiá₅: “Jme₁'nió₄ a₂mei₅₄ quiáng'₂, jme₁'ŋia₅₄ jui₁lia'₂ dsa₂ i₂'iog₅₄.” ⁴⁴ La₁ jniá₂ guë'₂ juá'₅ juí_g₂ 'nia'₂; Jme₁'nió₄ bá₄ 'nia'₂ jui₁lia'₂ dsa₂ i₂'iog₅₄, mi₄ ne₄ Diú₄ o₄quió'₄ jui₁lia'₂ dsa₂ i₂co₂'ein₅.‡ ⁴⁵ Jaun₂ le₂në₅ bá₄ a₂rë₂jniá'₁ 'nia'₂ a₂líng'₅ chi'₂-guein₂ quián₅ ŋéi'₅ i₂guá₅ guei'₅₄ i₂juí_g₃; ia₁ 'éi'₂ bá₄ cuë₅ 'iog₂ cué'₅ lia'₂ dsa₂ 'lin'₅₄ lia'₂ dsa₂ dsen₃; já_n₃ bá₄ chein₁₂ jmí₅ cué'₅ lia'₂ dsa₂ i₂cuin₅ Diú₄ lia'₂ dsa₂ i₂tsá₃ Diú₄ cuin₅ né₃. ⁴⁶ Ia₁ në₁juá'₂ 'nió'₃ 'nia'₂ jmá'₃ lia'₂ dsa₂ i₂'nio₃ 'nia'₂, ¿'e₂ 'lian'₅₄ 'nia'₂ guéi'₁ le₂jaun₂? Le₂jio_g₅ dsa₂ i₂cán₂ 'lia'₅₄ quián₅ dsi₂tan₅₄ tin₂ le₂jaun₂. ⁴⁷ Chi₂juá'₂ cuín'₅ 'nia'₂ Diú₄ jmá'₃ lia'₂ dsa₂ ríng'₂, ¿'e₂ a₂ŋag₅₄ gué₄ a₂dse₃ jmo'₂ 'nia'₂

§ 5:27 Éxodo 20:14. * 5:31 Deuteronomio 24:1. † 5:38 Éxodo 21:24; Levítico 24:20; Deuteronomio 19:21. ‡ 5:44 A₂lin₅₄ chog₅₄ si₂ juá'₂: “Jua'₅₄ a₂dse₃ ja₁con₂ jui₁lia'₂ dsa₂ i₂juá'₂ uig₅, jmo₄ a₂dse₃ ja₁con₂ jui₁lia'₂ dsa₂ i₂'iog₅₄.”

nějua'₂ le₂jaun₂? Ia₁ le₂ně₅ bá₄ jmo₅ dsa₂ i₂tsá₃ Diú₄ cui₅n₅ ján₃. ⁴⁸Jui₁dsi₂can'₅₄ bá₄ 'nia'₂ a₂dsi₁nóg'₅ léng'₂ dsa₂ dsen₃ jui₁lia'₂ dsen₃ ŋéi'₅ 'nia'₂ i₂guá₅ guei'₅₄ i₂juíg₃.

6

*Jme*₂tag₅ Jesús jág₁ jui₁lia'₂ a₂jmo₅ dsa₂ dse₃

¹'Jmo₄ 'nia'₂ 'í₁ tsá₃ lě₁jmo₂ 'nia'₂ a₂lǐng'₅ dsa₂ dsen₃ jnia'₅₄ lia'₂ jmá'₃ jě₄ jág₃ dsa₂. Nějua'₂ le₂ně₅ jmo'₂ 'nia'₂, ŋéi'₅ 'nia'₂ i₂guá₅ guei'₅₄ i₂juíg₃ tsá₃ 'e₂ 'lian'₅₄ 'nia'₂ cuě₃ 'i₁caun₂.

²'Uig₅₄ jaun₂, jě₁ma₂tě₂ rě₁jme₁'on'₁ 'nia'₂ 'ein₂ jme₁'ong'₁ jui₁lia'₂ i₂'nió'₅ quió'₅, tsá₃ jmó'₂ jua'₅₄ uíng₂ ma₂dsi₂'ag₅ jág₁ jui₁lia'₂ jmo₅ dsa₂ i₂lě₁jmo₅ o₁ne₁ dsi₂néi₂ guá'₅ sinagogas jui₁lia'₂ jě₄ calles né₃. Jmo₂₃ le₂jaun₂ a₂chein'₂ dse₃ guioin₅₄ ia₁jaun₂ 'ag₃ dsa₂ dse₃; la₁ia₁ a₂tě₃dsón'₂ juá'₅ jniá₂ i₂ma₂gue₃ 'lian'₅₄ bá₄ i₂le₂'éi₂. ³La₁ 'ne₂ né₃, jě₁ma₂tě₂ rě₁jme₁'ong'₁ jui₁lia'₂ 'ein₂ jme₁'ong'₁, jmo₄ ca₂lia'₂ jnia'₅₄ a₂mei₅₄ dsen₃ quiáng'₂ tsá₃ ŋi₅. ⁴Ja₂lín₃ gué₄ dse₃ jmó'₂ jě₄ tě₃co'₅₄. Jaun₂ ŋéi'₅ i₂jág₅ a₂dse₃ jmo'₂ jě₄ tě₃co'₅₄ jaun₂, cuě₃ 'liang'₅₄.*

*Jme*₂tag₅ Jesús 'a₂ lia'₂ chi₃lén'₂ dsa₂ Diú₄

(Lucas 11:2-4)

⁵'jě₁ma₂tě₂ rě₁chi₁len'₄ 'nia'₂ Diú₄, tsá₃ lě₁jmo₂ 'nia'₂ jui₁lia'₂ jmo₅ dsa₂ i₂lě₁jmo₅-dsáu₅ o₁ne₁, a₂tě₅ dsí₅ chi₂lén'₂ Diú₄ tě₃ tióin₂ dsi₂néi₂ guá'₅ sinagogas jě₄ calles né₃, ia₁jaun₂ jág₃ dsa₂. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ i₂le₂'éi₂. ⁶La₁ jě₁ma₂tě₂ rě₁mí'₁ 'ne₂ ne₄ Diú₄, jne₅₄ dsi₂néi₂ quiáng'₂. Ja₁jaun₂ chi₁len'₄ 'ne₂ Diú₄ ŋéi'₅ i₂tsá₃ jniá₂. Jaun₂ né₃ ŋéi'₅ i₂ŋi₅ 'e₂ a₂jmo'₂ jě₄ tě₃co'₅₄, cuě₃ 'liang'₅₄.

⁷'jě₁ma₂tě₂ rě₁juig'₅₄ Diú₄, tsá₃ jmó'₂ 'nia'₂ jua'₅₄ a₂lě₁tě₁'í'₁ jág₁ a₂tsá₃ ta₁ tí₄, jui₁lia'₂ jmo₅ dsi₂nau₂ i₂tsá₃ 'én₂, ia₁ lín₂ nag₃ Diú₄ tě₂le₃ ia₁ a₂'lióng₂ jág₁ juá'₂. ⁸Tsá₃ lě₁o₁len'₅₄ 'nia'₂ jui₁lia'₂ lín₅ dsa₂ le₂'éi₂. Ia₁ i₂ma₂ŋi₅ bá₄ ŋéi'₅ 'nia'₂ 'e₂ a₂'nió'₅ quián'₂ 'nia'₂ né₃ gué₄ a₂mí'₁. ⁹Jaun₂ né₃, le₂la₂ bá₄ juig'₅₄ 'nia'₂ Diú₄:

Tia₅₄ quián₂ jniog₄, 'ne₂ i₂ŋéi'₂ guei'₅₄ i₂juíg₃,
jui₁jme₂go₃ bá₄ dsa₂ a₂rě₂ŋi₁ó₄ a₂cheng'₂.

¹⁰Jui₁le₅₄ bá₄ 'éi'₃ quiáng'₂,
jui₁le₅₄ bá₄ a₂'ŋio₂ 'au'₂ 'ne₂ ne₄ gua'₅₄ 'uě₃,

jui₁lia'₂ lě₅ guei'₅₄ i₂juíg₃.

¹¹Cuě₄ a₂'nió'₅ que₅₄ jnia'₅₄ jmig₄ ně₃.

¹²'Ēn₃ dso₄ quián₂ jnia'₅₄,
jui₁lia'₂ 'én₅ jnia'₅₄ dsáu₁ rín'₅₄.

¹³'A₃ cuě₂ jmig₄ jiá₃ jui₅bí₂ a₂cáun₂ táu₂,
tě₂le₃ lio₄ bá₄ o₄gú₃ i₂sě₃dsen₃.†

¹⁴'Ia₁ nějua'₂ 'én'₅ 'nia'₂ dsáu₁ ríng'₂ jě₁ma₂'náu₂ dso₄ ja₁cong'₂, ján₃ bá₄ le₂jaun₂ ŋéi'₅ 'nia'₂ i₂guá₅ guei'₅₄ i₂juíg₃ 'éin₂ dsáu'₂ 'nia'₂ guiong'₅₄. ¹⁵La₁ nějua'₂ tsá₃ 'éng'₅ dsáu₁ ríng'₂, ján₃ bá₄ le₂jaun₂ tsá₃ 'én₂ ŋéi'₅ dsáu'₂ 'nia'₂.

*Jme*₂tag₅ Jesús jág₁ jui₁lia'₂ a₂jme₂'in₅₄ dsa₂

¹⁶'jě₁ma₂tě₂ rě₁jme₁'in'₄ 'nia'₂, tsá₃ jme₁tsín₄ 'nia'₂ o₄-ne'₅₄ jua'₅₄ a₂jmó'₂ lě₁'ág₄ 'lia'₂ 'au'₂ jui₁lia'₂ jmo₅ dsa₂ i₂lě₁jmo₅-dsáu₅ o₁ne₁. Jmo₅ dsa₂ le₂'éi₂ le₂jaun₂ ia₁jaun₂ jág₃ dsa₂ a₂dsón'₂ bá₄ jme₂'in₅₄. A₂dsi₂jó'₃ juá'₅ jniá₂, i₂ma₂gue₃ 'lian'₅₄ bá₄ 'éi₂. ¹⁷La₁ 'ne₂ né₃, jě₁ma₂tě₂ rě₁jme₁'ing'₄, sio₅ rě₂ dsei'₂, rang₂ ne'₅₄ né₃, ¹⁸ia₁jaun₂ tsá₃ 'ein₂ le₃lí₄

* ^{6:4} Juá'₂ a₂lín₅₄ chog₅₄ si₂ le₂la₂ ján₃: “tě₃ jin₄ juin₅ dsa₂.” † ^{6:13} A₂lín₅₄ chog₅₄ si₂ juá'₂: “lio₄ bá₄ jnia'₅₄ ne₄ a₂'lig'₅₄,” a₂siá'₂ juá'₂ bá₄ ján₃: “ia₁ 'ne₂ bá₄ ca₂tíng'₂ gong'₂, qui₁dsi'₂ 'éi'₃, a₂jme₃juag'₂ dsa₂ ně₃, co₂tan₅₄.”

a₂jme₂'ing'⁴. ŋ₁ia'⁵⁴ lia'₂ ŋ₁é'⁵ i₂tsá₃ jniá₂ bá₄ ŋ₁. Jaun₂ ŋ₁é'⁵ i₂jág₅ ca₂le₃jé₃ a₂jmo'₂ jé₄ tē₃co'⁵⁴ jaun₂, 'éi₂ bá₄ cuē₃ 'liang'⁵⁴.

Jui₁lia'₂ a₂quen₅ lin₃ a₂rē₂'ma₄ guei'⁵⁴ i₂juíg₃
(Lucas 12:33-34)

¹⁹ 'Tsá₃ lē₁dsia₂ 'nia'₂ lo'₂ le₁má'₂ a₂jmo'₂ 'nia'₂ a₂quen₅ lin₃ quiáng'₂ ne₄ gua'⁵⁴ 'uē₃ la₂, ia₁ ja₁lá₃ ja₁lē₁qui₂rē₂jui₁ tón'⁵ i₁cá₁ qui₂'éin₂, ján₃ bá₄ ja₁lá₃ ja₁qui₂dsi₂'én₂ qui₂rē₃'áu₁ cosas né₃; ja₁lá₃ bá₄ chan₂ dsa₂ qui₂juin₂₃ 'e₂ qui₂juin₂₃ a₂tóin'⁵ 'ang₂₃. ²⁰ Guei'⁵⁴ i₂juíg₃ bá₄ 'nió'⁵ dsiá'₁ 'nia'₂ lo'₂ quiáng'₂, ja₁tsá₃ 'e₂ lé₂ jua'⁵⁴ a₂qui₃'én₂ cá₁, on₃ guē'₂ 'e₂ rē₂'áu₁, on₃ gué₄ lé₂ dsi₃ton'⁵⁴ 'ang₂. ²¹ Ia₁ jui₁lia'₂ jē₁tio'⁵⁴ a₂quen₅ quiáng'₂, ja₁jaun₂ bá₄ 'i₄ a₂'i₅ 'au'₂.

Jui₁lia'₂ jme₁ne₁ dsa₂
(Lucas 11:34-36)

²² 'Lé₅ jme₁ne₁ dsa₂ jui₁lia'₂ lé₅ caun₂ si₂ ni₁tsí₅ quió'⁵ ni₁ŋ₁ dsa₂; 'uig⁵⁴ jaun₂ né₃, nē₁jua'₂ dse₃ jme₁ne₁, ján₃ bá₄ le₂jaun₂ co₂'nió'⁴ tá₅ bá₄ si₂ ta₁jang'₂; ²³ la₁ nē₁jua'₂ tsá₃ dse₃ jme₁ne₁, ta₁jang'₂ bá₄ lé₅ qui₁né'₃. Nē₁jua'₂ si₂ quiáng'₂ né₃, chí'₅ chi₁liá'₃, 'e₂ gué₄ 'ŋio₅ juē'₂ lé₅ qui₁né'₃ nē₁jua'₂ le₂jaun₂!

Jui₁lia'₂ a₂'nio₃ dsa₂ Diú₄, a₂'ín₅ guē'₂ dsi₅ cu₄ né₃
(Lucas 16:13)

²⁴ "I₁jan₂ tsá₃ 'ein₂ lé₂ jme₃ti₃ ta₁ ne₄ on₃ juig⁵⁴; ia₁ jme₃'ŋiai⁵⁴ jan₂, i₂jan₂ guē'₂ jme₃'nioi₃. O₃ náu₃ tiá₂ quian'⁵⁴ jan₂, i₂jan₂ guē'₂ tsá₃ le₃jein⁵⁴. Tsá₃ 'ein₂ lé₂ jme₃ti₃ ne₄ Diú₄, le₂jiog₅ ne₄ a₂'ín₅ dsi₅ cu₄ né₃.

Jmo₅ Diú₄ 'í₁ chi'₂-guein₂ quiáin₅
(Lucas 12:22-31)

²⁵ 'Jaun₂ né₃ juíg₂ jniá₂ 'nia'₂: Tsá₃ lē₁can₂ 'nia'₂ o₂i₁ dsi₅ jua'⁵⁴ a₂ŋ₁'i₅ 'au'₂ 'e₂ quē'⁵⁴, o₃ 'e₂ 'ag'⁵⁴ tē₁lia'₂ chang'₂, on₃ guē'₂ o₄quió'⁴ ni₁ŋ₁'i₁ 'nia'₂, 'e₂ 'mi'₂ a₂qui'⁵⁴. ¿Tsa₁ quen₅ gué₄ jme₂dsi₂ a₂chan₂ dsa₂ lia'₂ con'₂ gué₄ má₃? ²⁶ Jin₄ de'₂ 'nia'₂ jui₁lia'₂ i₁tan₅ i₂i₂nio₄ guei'⁵⁴: tsá₃ 'e₂ jne₂₃, on₃ guē'₂ 'e₂ cá₅, jua'⁵⁴ a₂dsia₂₃ lo'₂; la₁ ŋ₁é'⁵ 'nia'₂ i₂guá₅ guei'⁵⁴ i₂juíg₃ qui₂jme₂tau⁵⁴. Jaun₂ né₃, ¿Tsa₁ quen'₅ gué₄ 'nia'₂ lia'₂ con'₂ gué₄ já'₂ 'éi₂? ²⁷ ¿'Ein₂ 'nia'₂, tē₂le₃ ia₁ a₂ŋ₁'i₅ 'au'₂, lé₂ le₃jmó'₂ 'nia'₂ a₂lé₂ le₃chang'₂ caun₂ hora ŋag⁵⁴ gué₄?#

²⁸ ¿'E₂ 'uig⁵⁴ a₂ŋ₁'i₅ 'au'₂ 'nia'₂ jui₁lia'₂ o₄quió'⁴ 'mi'₂ a₂qui'⁵⁴? Jag₄ de'₂ 'nia'₂ jui₁lia'₂ 'a₂ lia'₂ dsi₂cón₃ lí₁ a₂cha₂ ja₁nau₂; on₃ jua'⁵⁴ i₂jmo₅ ta₁ 'ua'₂, on₃ guē'₂ 'me₂₃; ²⁹ la₁ juíg₂ jniá₂ 'nia'₂, ca₂lia'₂ ŋ₁ia'⁵⁴ Rag⁵⁴ Salomón lia'₂ con'₂ jme₁quí'⁵ tsin'⁵⁴ a₂jlá'₁ gué₄, tsá₃ ca₂rē₃jláin'₁ jui₁lia'₂ jlá'₁ lí₁. ³⁰ Jaun₂ né₃, chi₂jua'₂ Diú₄ le₂nē₅ jmo₂₃ jlá'₁ nau₂ a₂cha₂ jmi₄ nē₃, la₁ 'ió₃ guē'₂ dsi₃'én₂ dsi₂si₂, 'ē₂ gué₄ bá₄ 'nia'₂ dsa₂ tsá₃ lin₄ 'én₂ jmo₃ 'í₁ qui₃chein'₃ 'nia'₂ dse₃! ³¹ Jaun₂ le₂nē₅, tsá₃ lē₁can₂ 'nia'₂ o₂i₁ dsi₅, jua'⁵⁴ a₂qui₁ŋag'⁵⁴ 'nia'₂: “¿'E₂ que⁵⁴ jniog₄?” o₃ “¿'E₂ 'ne'⁵⁴ jniog₄?” o₃ “¿'E₂ 'mi'₂ qui'⁵⁴ jniog₄?” ³² Ia₁ dsa₂ mi₂guíg₃ bá₄ i₂nio₄ qui₂'en₅ 'ín₅ dsi₅ ca₂le₃jé₃ a₂nē₅. I₂ŋi₅ bá₄ ŋ₁é'⁵ 'nia'₂ i₂guá₅ guei'⁵⁴, a₂'nió'⁵ quián'₂ 'nia'₂ le₃jé₃ a₂nē₅. ³³ La₁ jmo₄ de'₂ jniá₅ 'nia'₂ 'ín₅ 'au'₂ a₂jiá₃ 'éi'₃ quió'⁵ Diú₄ ja₁cong'₂, quian'⁵⁴ a₂jmó'₂ 'nia'₂ ca₂le₃jé₃ a₂dse₃ a₂tē₅ dsi₅ 'éi₂, jaun₂ gué₄ guéi'₁ 'nia'₂ le₃jé₃ a₂nē₅ a₂ŋag⁵⁴ gué₄. ³⁴ Tsá₃ lē₁can₂ 'nia'₂ o₂i₁ dsi₅ jaun₂, o₄quió'⁴ jmi₄g₄ 'ió₃, ia₁ jma₃quén₅ o₂i₁ dsi₅ cha₂ bá₄ lia'₂ co₂jmi₄g₄ lia'₂ co₂jmi₄g₄.

7

Tsá₃ lē₁caun₂ 'nia'₂ 'í₁ quió'⁵ i₂sián'₂
(Lucas 6:37-38, 41—42)

6:27 A₂lin⁵⁴ chog⁵⁴ si₂ juá'₂: “a₂lé₂ le₃i₃con'⁵⁴ 'nia'₂ caun₂ lē₂.”

¹ 'Tsá₃ lē₁ cáun₂ 'nia'₂ 'í₁ quió'₅ ríng'₂, ia₁ jaun₂ tsá₃ con₂ Diú₄ 'í₁ ja₁ con'₂ 'nia'₂ guiong'₅₄.
² Ia₁ le₂ nē₅ bá₄ con₂ Diú₄ 'í₁ ja₁ con'₂ 'nia'₂ guiong'₅₄ jui₁ lia'₂ cáun'₂ 'nia'₂ 'í₁ ja₁ con₂ ríng'₂.
 Quian'₅₄ 'éi'₃ a₂ dsia'₂ 'nia'₂, 'éi'₃ jaun₂ bá₄ dsiog₃ Diú₄ quián'₂ 'nia'₂ guiong'₅₄.

³ 'ǃ₂ A₂ lia'₂ jniag'₃ 'ne₂ jag'₅₄ jme₁ qui₅ pí'₁ a₂ 'i₄ jme₁ ne₁ ríng'₂, ton'₂ tsá₃ leng'₅₄ gué'₂ a₂ 'i₄ ca₂ 'nau₅₄ ni₁ chá₅ pa₁ jme₁ ne₁ 'ñiag'₂? ⁴ 'ǃ₃ O₃ 'a₂ lia'₂ lé₂ le₃ juig'₅₄ ríng'₂: “Cué₄ jmig₄ dsi₄ jniá₂ jme₁ qui₅ pí'₁ a₂ 'i₄ jme₁ ne₁,” ton'₂ nē₅ bá₄ chi₁ 'i₁ ca₂ 'nau₅₄ ni₁ 'ma₂ chá₅ jme₁ ne₁ 'ñiag'₂? ⁵ 'ǃ₁ Ne₂ dsa₂ i₂ lē₁ jmo₅ o₁ ne₁! Dsi₄ de'₂ jniá₅ ni₁ 'ma₂ chá₅ mi₂ ne₅₄ 'ñiag'₂, jaun₂ gué₄ lé₂ le₃ jag'₅₄ rē₂, jaun₂ gué₄ lé₂ dsí'₁ qui₅ pí'₁ jme₁ ne₁ ríng'₂.

⁶ 'Tsá₃ cué'₂ 'nia'₂ jui₁ lia'₂ dsi₂ ji'₅₄ a₂ lē₅ a₂ jnió₅ quió'₅ jme₂ dsí₂, ia₁ con'₂ tsá₃ ñó₅ nē₁ jua'₂ ja₂ dsí_{in}₂ a₂ jmo₃ le₁ juig₁ quiáng'₂. Ján₃ bá₄ tsá₃ dsia₂ 'nia'₂ jui₁ lia'₂ míg₂ jlá'₁ a₂ quen₅ quiáng'₂ ne₄ i₁ ñí₅, con'₂ tsá₃ ñó₅ nē₁ jua'₂ qui₂ ca₂ tsó'₃, jme₃ 'ióg₃.

Jui₁ lia'₂ dsa₂ i₂ mi₅, i₂ 'no'₂, i₂ tē₂ né₃.
 (Lucas 11:9-13; 6:31)

⁷ 'Mí₄ 'nia'₂ ne₄ Diú₄, jaun₂ guéi'₁ 'nia'₂; 'nio'₂ 'nia'₂, jaun₂ bá₄ dsiang'₂; té₃ 'nia'₂ o₄ 'né₄, jaun₂ bá₄ niá₂. ⁸ Ia₁ jui₁ lia'₂ i₂ mi₅, gue₃ bá₄; jui₁ lia'₂ i₂ 'no'₂, dsio'₂ bá₄ ján₃; ján₃ bá₄ le₂ jaun₂, quió'₅ jui₁ lia'₂ i₂ tē₂ o₄ 'né₄, niá₂ bá₄.

⁹ 'ǃ₃ chan₂ jui₁ lia'₂ 'ein₂ 'nia'₂, jme₁ mi₅ chi'₂ quiáng'₂ i₁ ñí'₄, cué'₂ 'nia'₂ ca₂ míg₂ ni₁ can_g? ¹⁰ 'ǃ₃ chan'₂ 'nia'₂ jē₁ ma₂ ca₂ mi₃ chi'₂ quiáng'₂ quió'₅ ju₄, cui_{in}'₄ 'nia'₂ dsi₂ mi'₂? ¹¹ Jaun₂ né₃, chi₂ jua'₂ 'nia'₂ dsa₂ i₂ rē₂ cán'₄ dso₄ ting'₂ cué'₂ cosa dse₃ chi'₂-guein₂ quiáng'₂, j'ē₂ gué₄ bá₄ ñéi'₅ 'nia'₂ i₂ guá₅ guei'₅₄ cué₃ a₂ dse₃ cué'₃ jui₁ lia'₂ i₂ mi₅ ja₁ coin₂!

¹² 'Uig₅₄ jaun₂ né₃, jmo₄ bá₄ 'nia'₂ quian'₅₄ dsa₂ mi₂ güig₃ ríng'₂ jui₁ lia'₂ 'e₂ a₂ 'niog'₂ 'nia'₂ jmo₃ 'éi₂ quian'₅₄ 'nia'₂; ia₁ a₂ nē₅ bá₄ ta₁ qui'₅ ca₂ le₃ jé₃ Si₂ 'Éi'₃, quian'₅₄ gué₄ Si₂ a₂ qui₂ ca₂ jmo₃ dsa₂ i₂ jme₁ 'é₂ jág₁ quián₅ Diú₄.

O₄ jui₅ dsag₂
 (Lucas 13:24)

¹³ 'Tión'₂ 'nia'₂ tē₂ le₃ o₄ jui₅ dsag₂. Ia₁ a₂ 'í₂ jué'₂ bá₄ ja₁ dsi₂ ton'₅₄ dsa₂ jui₅ a₂ jio_g₅ ja₁ dsi₃ 'éin₂. Ja₂ lin₃ gué₄ juin₅ dsa₂ i₂ dsi₂ ton'₅₄ jui₅ jaun₂; ¹⁴ ia₁ caun₂ o₄ jui₅ dsag₂ rē₂ qui'₅ bá₄ ja₁ i₂ nio₄ dsa₂ a₂ dsi₁ lein₅ ja₁ le₃ chan₂ jme₂ dsí₂, jaun₂ tsá₃ lin₄ juin₅ i₂ dso'₂ jui₅ jaun₂.

Tē₂ le₃ quian'₅₄ míg₂ a₂ 'ag₅ bá₄ ni₁ 'ma₂, jáng'₅ léi₄
 (Lucas 6:43-44)

¹⁵ 'Jmo₄ 'nia'₂ 'í₁ jaun₂ tsá₃ jme₃ gau₅ dsa₂ i₂ i₂ nio₄ 'é₂ jág₁ a₂ jui₁ gain₂, i₂ ja₂ lén₂ ja₁ con'₂ 'nia'₂ qui₂ rē₂ lín₅₄ a₂ lín₅ já'₂ cha'₂, la₁ tē₂ le₃ né'₃ tē₂ dsí₅ lín₅ jui₁ lia'₂ lín₅ dsi₂ ji'₅₄ náu₂ tsau₂ dsí₅. ¹⁶ La₁ tē₂ le₃ 'a₂ lia'₂ jmo₅-dsáú₅ bá₄ le₃ cuiin'₂ 'nia'₂; ia₁ tsá₃ guei'₅₄ chi₁ uíng₃ taun₅ quin₅ dsa₂ jui₁ lia'₂ míg₂ uvas. On₃ gué'₂ lé₂ le₃ quin₃ dsa₂ míg₂ higos guei'₅₄ 'ma₂ taun₅ jmi'₅₄. ¹⁷ Jaun₂ né₃, ca₂ le₃ jé₃ 'ma₂ dse₃, míg₂ dse₃ bá₄ 'ag₅; ján₃ bá₄ le₂ jaun₂ jui₁ lia'₂ ni₁ 'ma₂ 'lig'₅₄, míg₂ 'lig'₅₄ bá₄ 'ag₅. ¹⁸ Jui₁ lia'₂ ni₁ 'ma₂ dse₃, tsá₃ lé₂ le₃ 'ag₃ míg₂ 'lig'₅₄; ján₃ gué'₂ le₂ jaun₂ tsá₃ lé₂ le₃ 'ag₃ míg₂ dse₃ jui₁ lia'₂ ni₁ 'ma₂ 'lig'₅₄. ¹⁹ Ca₂ le₃ jé₃ ni₁ 'ma₂ a₂ tsá₃ 'ag₅ míg₂ dse₃, jñia'₅₄ lia'₂ a₂ uín'₂ bá₄, dsí'₂ dsi₂ si₂. ²⁰ Jaun₂ le₂ nē₅ bá₄ le₃ cuiin'₂ 'nia'₂; tē₂ le₃ 'a₂ lia'₂ lē₅ jmo₂₃.

Tsá₃ ca₂ le₃ jín₃ tín'₄ ja₁ gon₂ Diú₄.
 (Lucas 13:25-27)

²¹ 'Tsá₃ ca₂ le₃ jín₃ i₂ tē₂ jniá₂: “Te₁ gui'₅₄, Te₁ gui'₅₄,” dsi₁ lein₅ guei'₅₄ i₂ juig₃ ja₁ gon₂ Diú₄; jñia'₅₄ lia'₂ jmá'₃ i₂ jmo₅ a₂ 'ñio₂ dsí₅ ñe'₃ i₂ guá₅ guei'₅₄ bá₄ dsi₁ len₅. ²² Juin₅ dsa₂ lé₂ jmig₄ jaun₂ i₂ juá'₂ tság₃ jniá₂: “Te₁ gui'₅₄, Te₁ gui'₅₄, ma₂ qui₂ ca₂ 'é₄ jnia'₅₄ jág₁ o₄ quián'₂ 'ne₂. Quian'₅₄ bí₂ 'éi'₃ quiáng'₂ né₃, ma₂ qui₂ ma₂ 'uín'₅₄ jnia'₅₄ je₂ na'₅₄, ma₂ qui₂ ma₂ jmo₁ jnia'₅₄

'lióng₂ léi₄ juë'₂ né₃.” ²³ La₁ jaun₂ gué₄ né₃ juig₅₄ jniá₂: “O₁líg'₂ tsá₃ 'nia'₂ ca₂rë₃cuíng₅. Cau₅ŋja'₃ 'nia'₂ i₂jmo'₂ a₂'lig'₅₄.”

Ta₁tin₃ ne₅₄ 'uig₅₄

(Marcos 1:22; Lucas 6:47-49)

²⁴ 'Jaun₂ né₃, ca₂le₃jín₃ jui₁lia'₂ dsa₂ i₂nag₅ jág₁ quió₃, jmo₂₃ a₂juíg₂ jniá₂, lín₅ jui₁lia'₂ lín₅ jan₂ dsa₂ i₂ŋí'₂ dsí₅ i₂ca₂jmo₃'₃ 'ne₄ ne₄ 'lau₂. ²⁵ Ca₂já₃ jmi₅, qui₂ca₂juë'₂ jmi₂g₂ cuá₃, ca₂'ág₂ dsí₂ tiá₂ lín₃ ca₂jnú₃ 'né₅ jaun₂; la₁ tsá₃ ca₂qui'₃, ia₁ jme₁chí'₄ bá₄ 'uig₅₄ ne₄ 'lau₂.

²⁶ La₁ ca₂le₃jín₃ jui₁lia'₂ dsa₂ i₂nag₅ jág₁ quió₃, tsá₃ jmo₂₃ guë'₂ a₂juíg₂ jniá₂, lín₅ jui₁lia'₂ lín₅ jan₂ dsa₂ co₄ i₂tsá₃ 'en₅₄ dsí₅, ca₂chi'₃ 'né₅ quió'₅ ne₄ ti₁tsag₁. ²⁷ Jme₁ca₂já₃ jmi₅, ca₂juë'₂ jmi₂g₂ cuá₃, ca₂'ág₂ dsí₂ tiá₂ ca₂jnú₃ dso'₂ tsi₁ 'né₅ jaun₂; jaun₂ ca₂qui'₃ ca₂gon₃ gau₂ lín₃.

²⁸ Jme₁ca₂lë₃ juá'₂ Jesús jág₁ le₂në₅, 'ŋio₅ lín₃ qui₂dsi₂gó'₃ dsí₅ dsa₂ 'a₂ lia'₂ lé₅ jág₁ a₂jme₂tag₂₃, ²⁹ ia₁ jme₂tag₂₃ jui₁lia'₂ jan₂ i₂quian₅ 'éi'₃ dsón'₂, on₃jua'₅₄ rë'₂ lia'₂ tē₅juá'₅ quiáin₅.

8

Ca₂jme₃'lión₂ Jesús jan₂ dsa₂ i₂lín₅ 'mé'₅ 'iog₅

(Marcos 1:40; Lucas 5:12-16)

¹ Jme₁ca₂sión₃ Jesús má'₂, juin₅ lín₃ dsa₂ jme₂quiong'₅₄. ² Jaun₂ ca₂jme₃quián₃ jan₂ dsa₂ dso'₅₄ i₂lín₅ 'mé'₅ 'iog₅, ca₂chi₃jné₃ ne₄ Jesús, jaun₂ ca₂juá'₂:

—Chi₂jua'₂ 'niog'₂ 'ne₂, Te₁gui'₅₄, lé₂ bá₄ jme₁'lio'₅₄ jniá₂.

³ Jaun₂ Jesús né₃ ca₂néi'₃ gu₂, ca₂ŋja'₃ quió'₅ dsa₂ 'éi₂, jaun₂ ca₂juá'₂:

—'Nio₃ bá₄ jniá₂. Jme₁'lióng₅₄ 'ne₂.

Dsi₂jui₅ jme₁ca₂juá'₂ le₂në₅, ca₂'lón₂ dsa₂ 'éi₂ 'mé'₅ 'iog₅ a₂jme₁lín₄. ⁴ Jaun₂ ca₂juá'₂ Jesús:

—Në₃ jaun₂, tsá₃ lë₁'ein₂ juig'₂ 'i₁jan₂; ŋja'₅₄ lia'₂ guan'₂ o₂jme₁ŋnia₅ ne₄ jme₂dsa₂, jaun₂ o₂jen'₅₄ a₂'nió'₅ jme₁ti'₄ con'₂ lé₅ 'Éi'₃ quió'₅ Moisés, ia₁jaun₂ le₃ŋi₅ dsa₂ a₂ma₂le₁jíng'₃.*

'A₂ lia'₂ jme₁'én₂ jan₂ juig₅₄ 'lióg₂ romano

(Lucas 7:1-10)

⁵ Jme₁ca₂'í₃ Jesús jë₄ juig₂ Capernaum, ca₂jme₃quián₃ jan₂ juig₅₄ 'lióg₂ romano coin₂, jaun₂ ca₂mi₃ a₂jme₃'o₅₄ 'éi₂, ca₂juá'₂:

⁶ —Te₁gui'₅₄, jan₂ dsó₂ i₂jme₂ti₃ ta₁ ne₃, ron₅ dso'₅₄ ŋág₅ uig₅ ja₁quió₃; a₂'ua'₂ quió'₅, tsá₃ lé₂ jë'₂ gu₂-tag₅₄. ⁷ Jaun₂ ca₂juá'₂ Jesús:

—Nei₅₄ bá₄ jniá₂ i₁jme₁'lioin₁₂.

⁸ Jaun₂ ca₂ŋag₃ juig₅₄ 'lióg₂:

—Te₁gui'₅₄, tsá₃ ca₂tín₂ jniá₂ jua'₅₄ o₁'ú'₃ 'ne₂ dsi₂néi₂ quió₃; ŋja'₅₄ lia'₂ a₂jme₁jmo'₂ 'éi'₃ bá₄, jaun₂ 'lión₂ dsa₂ 'éi₂ quiáng₃. ⁹ Ia₁ le₂në₅ bá₄ jniá₂ 'ŋi₃, chéng'₅ a₂jme₂ti₅₄ 'éi'₃ quió'₅ juig₃, ján₃ bá₄ le₂në₅ te₁neg'₅₄ 'lióg₂ i₂niog₅ gu₃, 'e₂ caun₂ 'nio₃ jniá₂ lé₂. Në₁jua'₂ ca₂juíg₂ jniá₂: “Gua₂ jó₄”, ja₁jaun₂ dsó₃ bá₄; në₁jua'₂ ca₂juíg₂ jniá₂ i₂sián'₂ guë'₂ táng₃: “Ŋia₅”, jíá₃ bá₄. Në₁jua'₂ ca₂juíg₂ jniá₂ dsa₂ sián'₂ quiáng₃: “O₂jmo₄ a₂la₂ a₂ó₃”, a₂jaun₂ dsi₃jmo₂ bá₄.

¹⁰ Jme₁ca₂nág₂ Jesús a₂juá'₂ dsa₂ 'éi₂, ca₂i₃gó'₃ dsí₅, jaun₂ ca₂tsí'₃ dsa₂ i₂jme₁quian'₅₄:

—A₂dsi₂jó'₃ juá'₅ jniá₂ juíg₂ 'nia'₂, ca₂lia'₂ 'i₁jan₂ dsa₂ juig₂ Israel, tsá₃ i₂ma₂jín₄ jniá₂ i₂'én₂ gué₄ lín₃ lia'₂ 'én₂ dsa₂ la₂. ¹¹ Jniá₂ juíg₂ 'nia'₂, juin₅ dsa₂ i₂qui₂ja₃lén₂ ca₂le₂con₂ gua'₅₄ 'uë₃, a₂tiain'₃ co₂lë₅ gué'₃ quian'₅₄ Abraham, quian'₅₄ Isaac, Jacob né₃ ja₁gon₂ Diú₄ guei'₅₄ i₂juíg₃; ¹² la₁ dsa₂ i₂jme₁ca₂tín₂ tón'₃ ja₁gon₂ Diú₄, dsi₃toin'₅₄ jë₄ qui₁né₃ uíng₂, qui₂dsi₃'áu₃, quíg'₃ jan₅₄.

¹³ Jaun₂ ca₂juá'₂ Jesús ca₂tsí'₃ juig₅₄ 'lióg₂:

—Guan'₂ dsi₂néi₂ quiáng'₂. Lé₂ bá₄ con'₂ lé₅ 'éng'₂.

* 8:4 'í₂ Levítico 14.

Dsón'² rē'² hora jaun² ca²'lón² dsó² mozo quián⁵ dsa² 'éi².

Ca²jme³'lión² Jesús ma²chog⁵⁴ Pe⁴.

(*Marcos 1:29-31; Lucas 4:38-39*)

¹⁴ Co²ráun² ḡó³ Jesús ja¹quió'⁴ Pe⁴. Ja¹jaun² jme¹rē²quian⁵ ma²chog⁵⁴ Pe⁴ a²dso'⁵⁴ 'i⁴ dséi². ¹⁵ Jaun² ca²jḡa'³ Jesús gu² dsa² dso'⁵⁴, jaun² dsi²jui⁵ le²jaun² bá⁴ ca²o³'ág³ dséi². Jaun² ca²nau² ma²chog⁵⁴ Pe⁴ ca²jme³lióg³ ca²jme³ti³ ta¹ ne⁴ mesa, a²ag'³.

Ca²jme³'lión² Jesús juin⁵ lin³ dsa² dso'⁵⁴

(*Marcos 1:32-34; Lucas 4:40-41*)

¹⁶ Le³ca²nei² jaun², juin⁵ lin³ dsa² i²jio⁵ jme²dsí² je²na'⁵⁴, ca²o³jḡia³ dsa² ne⁴ Jesús; jaun² quian'⁵⁴ ca²jon⁴ jág¹ bá⁴ ca²'uúin'² jme²dsí² 'lin'⁵⁴. Jaun² ca²jme³'lióin² ján³ ca²le³jín³ dsa² dso'⁵⁴. ¹⁷ Le²nē⁵ bá⁴ ca²rē³ti³ jág¹ quió'⁵ Isaías i²jme¹'é² jág¹ o⁴quió'⁴ Diú⁴ jme¹ca²juá'²: 'Éi² bá⁴ ca²jḡiá'² a²jme¹'uau⁵⁴ jniog⁴,

'éi² bá⁴ ca²can³ guei² jmi¹uig⁵ quián² jniog⁴.†

Dsa² i²jme¹'nio³ jme³quian'⁵⁴ Jesús

(*Lucas 9:57-62*)

¹⁸ Jme¹ca²jág³ Jesús juin⁵ lin³ dsa² le¹lio³, jaun² ca²jmo³ 'éi'³ a²ḡí³ dsa² quiáin⁵ tē²le³ 'ḡo'⁵⁴ jmi¹ḡí'⁴. ¹⁹ Jaun² ca²jme³quián³ jan² tē⁵juá'⁵ coin², jaun² ca²juá'²:

—Tē⁵, nei⁵⁴ jniá² quian'⁵⁴ 'ne² ca²le²con² ja¹gog'⁵⁴.

²⁰ Jaun² ca²ḡag³ Jesús:

—I²cha² tē²'lau² quió'⁵ bá⁴ jui¹lia'² i¹güi⁵, ján³ bá⁴ le²jaun² jui¹lia'² i¹tan⁵ i²'in⁵ guei'⁵⁴, i²tio'⁵⁴ tsag⁴ bá⁴ 'éi². La¹ Jaun⁵ dsa² mi²güi³ né³, tsá³ ja¹cha² jua'⁵⁴ ja¹quióg³ ca²tiá².

²¹ Jan² guè'² i²sián'² i²jme¹ma²ḡó⁵ quiong'⁵⁴ ca²juá'²:

—Te¹gui'⁵⁴, ¿tsa¹ cué'¹ jmi⁴g⁴ a²nég'⁴ i¹ong³ de'² jḡiá⁵ ḡe'³?

²² La¹ ca²ḡag³ Jesús:

—'Éin³ 'ne² jniá², jui¹dsi²'ón³ bá⁴ 'lag⁴, 'lag⁴ riin'⁵⁴.

Ca²jmo³ Jesús ca²'ág² tei⁴ jmi¹ḡí'⁴, ca²jḡia'³ dsí² né³

(*Marcos 4:35-41; Lucas 8:22-25*)

²³ Jaun² né³, ca²'í³ Jesús 'ḡi³ó³ tsi¹mu⁵, quian'⁵⁴ dsa² i²ma²quian'⁵⁴. ²⁴ Jme¹ma²tioin'⁵⁴ ne⁴ jmi²g², ca²'ág² dsí² tiá² lin³ con² tsá³ jáin⁵. Ca²lia'² ma²dsi²jein³ jmi²g² 'ḡi³ó³ tsi¹mu⁵. La¹ jme¹rē²güin³ bá⁴ Jesús ḡó⁵, ²⁵ Jaun² ca²i¹ḡei⁵⁴ bá⁴ dsa² quiáin⁵, jaun² ca²juá'²:

—¿Te¹gui'⁵⁴, lio⁴! ¡Ia¹ dsi³'éin² jnia'⁵⁴ ‡ ja¹lá³!

²⁶ Jaun² ca²ḡag³ Jesús:

—¿'E² lē³ ḡí⁴ lē³ gan'³ 'nia'² dsa² i²tsá³ lin⁴ 'én²?

Jaun² ca²nau² ca²jéin² dsí², jmi¹ḡí'⁴ né³, jaun² co²ḡei'⁵⁴ ca²tē¹tsi'⁵⁴ táng³ tei⁴. ²⁷ Jaun² ca²i³gó'³ dsí⁵ dsa², qui²ca²ḡí'³ riin'⁵⁴:

—¿I²'ein² bá⁴ dsa² nē⁵, le²jio⁵ dsí² le²jio⁵ jmi¹ḡí'⁴ nag⁵ gau² jág¹ quió'⁵?

Dsa² i²chan² Gadara i²jme¹tion'⁵⁴ je²na'⁵⁴ tē²dsí⁵

(*Marcos 5:1-20; Lucas 8:26-39*)

²⁸ Jme²ca²dsi³óg³ Jesús le³ca²ton² jmi¹ḡí'⁴, tē²le³ 'uē³ Gadara, § jaun² ca²'uin² on³ dsa² jē⁴ le¹'on⁵ 'lag⁴, jaun² ca²jme³quián³ con² Jesús. Le³on³ dsa² 'éi² jme¹jio⁵ je²na'⁵⁴, jaun² 'ḡio⁵ lin³ jme¹tsau² dsí⁵, 'i¹jan² dsa² tsá³ 'ein² lé² le³ḡí³ jui⁵ jaun². ²⁹ Jaun² ca²tóin'² co²mi'⁵⁴ ca²juá'² tiá²:

—¿'E² 'uig⁵⁴ tián'⁵ 'ne² jē⁴ quian'⁵⁴ jnia'⁵⁴, Jesús Ja¹ḡi'⁵⁴ Diú⁴? ¿A²ḡe'³ 'ne² ja¹lá³ a²jmo⁵⁴ jnia'⁵⁴ tē³jḡiá⁵?

† 8:17 Isaías 53:4. ‡ 8:25 o³, “jniog⁴.” § 8:28 A²lin⁵⁴ chog⁵⁴ si²juá'²: “Gerasa”; a²siá'² guè'² né³, juá'²: “Gergesa.”

³⁰ Me'₂ cau₅ jaun₂, jme₁tion'₅₄ juin₅ i₁ñí₅ gué'₅; ³¹ jaun₂ qui₂ca₂mi₃ je₂na'₅₄ ne₄ Jesús, ca₂juá'₂:

—Chi₂jua'₂ 'uag'₅₄ jnia'₅₄ ja₁lá₃, chei₅ jnia'₅₄ dsi₁tió'₄ quió'₅ i₁ñí₅ 'o₃.

³² Jaun₂ ca₂juá'₂ Jesús:

—O₂nó'₅ 'nia'₂.

Jaun₂ ca₂uin₂ jme₂dsí₂ 'lin'₅₄ të₂dsí₅ dsa₂ 'éi₂, jaun₂ ca₂i₃toin'₅₄ të₂dsí₅ i₁ñí₅. Dsi₂jui₅ le₂jaun₂ bá₄ ca₂i₁nio₁ co₂chi'₅₄ i₁ñí₅ cuing₂₃ jui₅ siá₅, jaun₂ ca₂i₁sein'₃ të₂ jmi₁ñí'₄. Ja₁jaun₂ ca₂dsain₃ ca₂'in'₃ jmig₂.

³³ Dsa₂ i₂jme₁jmo₅ 'í₁ i₁ñí₅ né₃ ca₂cuing₃. Jme₁dsi₃lein₃ jë₄ juig₂ ca₂dsia₃ a₂ca₂lë₃ jaun₂, quian'₅₄ a₂ca₂lë₃ quian'₅₄ dsa₂ i₂jme₁tion'₅₄ je₂na'₅₄ né₃. ³⁴ Ca₂le₃jín₃ dsa₂ chan₂ juig₂ jaun₂ né₃ ca₂'uin₂ i₃léin₂ ja₁'en₅₄ Jesús. Jaun₂ jme₁ca₂jín₂ Jesús né₃, ca₂chi₃quióng₂ jmig₄ a₂o₃ 'iin₅ le₂con₂ jaun₂.

9

Ca₂jme₃'lión₂ Jesús jan₂ dsa₂ 'lian'₂

(*Marcos 2:1-12; Lucas 5:17-26*)

¹ Jaun₂ ca₂'í₃ Jesús 'ñiό'₃ tsi₁mu₅, ca₂ñí₃ le₃'ño'₅₄ jmi₁ñí'₄, jaun₂ ca₂dsiáin'₃ juig₂ ja₁jme₁guá₄. ² Jaun₂ ca₂o₃jñia₃ dsa₂ jan₂ dsa₂ 'lian'₂, dsiin₂ ne₄ tsi₁jein₁. Jme₁ca₂jág₃ Jesús a₂'éñ₂ dsa₂ 'éi₂ 'ñio₅ lin₃, ca₂tsí'₃ dsa₂ dso'₅₄:

—Jmo₄ lían'₂ 'au'₂, jón₃; ma₂rë₂'éñ₄ bá₄ dsáu'₂.

³ Jaun₂ ca₂i₃jiog₅ dsí₅ i₂lin₅₄ të₅juá'₅: “A₂'in₅ 'lig'₅₄ Diú₄ bá₄ i₂në₅ a₂juá'₂ le₂në₅.”

⁴ La₁ i₂ñi₅ rë₂ bá₄ Jesús a₂dsi₂jiog₅ dsí₅ dsa₂ 'éi₂, jaun₂ ca₂juá'₂:

—¿'E₂ lë₃ dsi₂jiog₅ 'au'₂ 'nia'₂ 'lig'₅₄ le₂në₅? ⁵ ¿Na₂ a₂'ua₁ gué₄ ta₁jua'₅₄ a₂jme₁juig₅₄ jniá₂ dsa₂ la₂: “Ma₂rë₂'éñ₄ bá₄ dsáu'₂”, o₃ a₂jme₁juig₅₄ 'e₂ jniá₂: “Nau₂, ñi₄?” ⁶ Dse₃ jaun₂. La₂ jmo₅₄ jniá₂ jaun₂ le₃ñi'₅₄ 'nia'₂ a₂'io₅ 'éi'₃ Jaun₅ dsa₂ mi₂güig₃ ne₄ gua'₅₄ 'uë₃ a₂qui₃'éin₂ dsáu₁ dsa₂.

Jaun₂ gué₄ ca₂juá'₂ ca₂tsí'₃ dsa₂ 'lian'₂:

—Nau₂, quion₂ tsi₁jein₁ quiáng'₂, guan'₂ ja₁quiáng'₂.

⁷ Jaun₂ ca₂nau₂ bá₄ dsa₂ 'éi₂, ca₂ñái'₃ ja₁quió'₄. ⁸ Jme₁ca₂jág₃ dsa₂ a₂ca₂lë₃ jaun₂, ca₂i₃gó'₃ dsí₅, jaun₂ ca₂jme₃juin'₂ Diú₄ ne₄ 'uig₅₄ ia₁ a₂ma₂cuë₃ bí₂ jaun₂ ma₂cué'₃ jan₂ dsa₂ mi₂güig₃.

Ca₂té'₃ Jesús Mateo

(*Marcos 2:13-17; Lucas 5:27-32*)

⁹ Ca₂o₃'in₃ bá₄ Jesús ja₁jme₁'ein₅₄ jaun₂. Ja₁ñó₄ jaun₂, ca₂jín₂ jan₂ dsa₂ i₂chen₂ Mateo, guá₅ caun₂ dsi₂néi₂ cán₂ 'lia'₅₄ o₄quió'₄ dsi₂tan₅₄. Jaun₂ ca₂juá'₂ Jesús ca₂tsí'₃ 'éi₂:

—'Éin₃ jniá₂.

Jaun₂ ca₂nau₂ bá₄ Të₅₄, ca₂jme₃quiong'₅₄.

¹⁰ Ca₂lë₃ jme₁ma₂'en₅₄ Jesús gué'₅ dsi₂néi₂ quió'₅ Të₅₄, ca₂dsi₃lén₂ juin₅ gué₄ dsa₂ i₂cán₂ cu₄ riin'₅₄, dsa₂ “i₂le₁cán'₄ dso₄” sián'₂ gué₄ né₃, ca₂i₃toin'₅₄ i₁gué'₂ quian'₅₄ Jesús, quian'₅₄ dsa₂ i₂ma₂quian'₅₄ né₃. ¹¹ Dsa₂ fariseos né₃, jme₁ca₂jág₃ a₂në₅, jaun₂ ca₂ñí'₃ dsa₂ quián₅ Jesús:

—¿'A₂ lia'₂ gué'₅ të₅ quián'₂ 'nia'₂ co₂lë₅ quian'₅₄ dsa₂ i₂cán₂ 'lia'₅₄ quián₅ dsi₂tan₅₄, dsa₂ i₂le₁cán'₄ dso₄ né₃?

¹² Ca₂nág₂ Jesús jág₁ jaun₂, jaun₂ ca₂juá'₂:

—On₃jua'₅₄ dsa₂ i₂qui₂le₁'ág₄ dse₃ dsí₅ i₂'nió'₅ të₅mí₅ quió'₅; të₂le₃ ja₁con₂ dsa₂ i₂le₁dso'₅₄ bá₄ 'nió'₅ quió'₅. ¹³ O₂nó'₅ 'nia'₂ o₂jme₁tin₅ 'e₂jein₅ jág₁ la₂ tio'₅₄ ne₄ Si₂: “A₂'nio₃ jniá₂ dsiá'₁ 'nia'₂ ñéi₂ 'au'₂ dsa₂ mi₂güig₃ ríng'₂, on₃jua'₅₄ rë'₂ a₂jñia'₅₄ qui₁jen'₄ 'nia'₂ 'e₂

qui₁jen₄ ne₃.^{*} Ia₁ tsá₃ ta₁ jaun₂ guio₃ jniá₂ jua₅₄ a₂té₄ dsa₂ dse₃; a₂té₄ dsa₂ i₂le₁cán₄ dso₄ bá₄ jniá₂ guio₃.

Ca₂ñí₃ dsa₂ Jesús jui₁lia₂ jág₁ a₂jme₂'in₅₄ dsa₂
(Marcos 2:18-22; Lucas 5:33-39)

¹⁴ Jaun₂ ca₂dsi₃lén₂ dsa₂ i₂jme₁i₂nio₄ quian₅₄ Juan₅₄ i₂chon₅ dsa₂ jmi₂g₂ ca₂jme₃quiáin₃ ne₄ Jesús, jaun₂ ca₂ñag₃:

—¿'A₂ lia₂ jme₂'in₅₄ bá₄ dsa₂ fariseos, le₂jaun₂ gué₂' jnia₅₄ né₃, la₁ dsa₂ i₂quian₅₄ 'ne₂ gué₂' tsá₃ jme₂'iin₅₄?

¹⁵ Jaun₂ ca₂ñag₃ Jesús:

—¿Lé₂ le₃tón₃ 'lia₂ dsí₅ jui₁lia₂ dsa₂ i₂té₁ ja₁nio₅ jmi₂g₄ ja₁jen₂ gu₂ dsa₂, chi₂jua₂ jaun₂ bá₄ guá₅ gué₂ dsa₂ ñe₂ i₂jen₂ gu₂? Já₅ jmi₂g₄ jé₁tsá₃ ma₃dsa₂ i₂jen₂ gu₂ 'éi₂ chan₂ lé₂; jaun₂ gué₄ tóin₃ jme₃'iin₅₄.

¹⁶ 'Ma₁ tsá₃ 'ein₂ tñ₂ tíong₅ tsi₁'mí₂ gui₅₄ quian₅₄ 'nau₅₄ tsi₁'mí₂ 'mí₂. Ia₁ dsán₅ tsi₁'mí₂ 'mí₂, jaun₂ jué₂ gué₄ ja₁gag₂ lé₂. ¹⁷ Ján₃ bá₄ le₂jaun₂ tsá₃ tia₂ dsa₂ vino 'mí₂ 'ñio₃ ni₁lau₂ gui₅₄, ia₁ ne₂. Nē₅ bá₄ tén₃ vino, ton₂ dsi₃'én₂ ni₁lau₂ né₃ nē₃ jua₂ ca₂jmo₃ dsa₂ le₂jaun₂. Jaun₂ lē₃, 'ñio₃ lau₂ 'mí₂ bá₄ 'nió₅ tia₃ dsa₂ vino 'mí₂, ia₁ jaun₂ le₃tñ₃ bá₄ lé₂ 'í₁.

Ja₁mí₂g₄ Jairo, quian₅₄ 'io₅₄ i₂ca₂ñí₃ tsin₅₄ Jesús
(Marcos 5:21-43; Lucas 8:40-56)

¹⁸ Tē₃ 'en₅₄ Jesús dsia₂₃ jág₁, jme₁ca₂dsi₃óg₃ jan₂ i₂niog₅ gu₂ guá₅ sinagoga. Ca₂chi₃ñé₃ ne₄ Jesús, jaun₂ ca₂juá₂:

—Lia₂ ca₂jon₃† jan₂ chi₂ dsa₂ mí₂ quiáng₃. La₁ nē₁jua₂ gog₅₄ 'ne₂ quian₅₄ jniá₂ o₁quiog₂ gog₂ ne₄ quió₅, le₃chain₂ bá₄ táng₃.

¹⁹ Jaun₂ ca₂nau₂ Jesús, jaun₂ ca₂ñó₃ quian₅₄ dsa₂ 'éi₂, lia₂ jma₃quian₅₄ dsa₂ i₂ma₂ja₂lén₂ quiong₅₄. ²⁰ Tē₃jē₄ jaun₂, ñó₃ jan₂ dsa₂ mí₂ i₂dso₅₄ ma₂guia₃-tñ₂ ñi₂ a₂tñ₂. Ca₂jme₃quiáin₃ tē₃le₃ chi₁co₅₄ quió₅ Jesús, jaun₂ ca₂ñí₂ chei₅₄ tsin₅₄ 'éi₂. ²¹ Ia₁ líin₂: “Tsá₃ nag₅₄ nē₃ jua₂ jnia₅₄ ní₂g₄ ca₂juig₄ tsin₅₄, jña₃ quió₃.” ²² Jaun₂ ca₂jén₃ Jesús, ca₂jín₂ 'io₅₄, jaun₂ ca₂juá₂:

—Jmo₄ lián₂ 'au₂, jón₃. Ma₂'lóng₂ bá₄, ia₁ 'éng₂.

Dsi₂jui₅ le₂jaun₂ bá₄ ca₂jña₃ co₂ñei₅₄ quió₅.

²³ Jme₁ca₂dsi₃óg₃ Jesús ja₁quió₄ dsa₂ juig₅₄ sinagoga 'éi₂, jaun₂ ca₂jág₃ ma₂tion₅₄ dsa₂ i₂jmo₅ son₅₄, ma₂tion₅₄ dsa₂ juin₅ go₂'i₃ né₃, qui₂'-o₂₃. ²⁴ Jaun₂ ca₂juá₂:

—'Uín₂ 'nia₂ ja₁lá₃; tsá₃ rē₂jon₅₄ i₂bē₅₄ nē₅. Jña₅₄ lia₂ a₂rē₂güin₃ bá₄.

La₁ jña₅₄ ca₂ñág₂ bá₄ dsa₂. ²⁵ Jme₁ma₂'uin₂ dsa₂, jaun₂ ca₂'í₃ Jesús dsi₂néi₂, ca₂jña₃ mi₂gu₂ i₂bē₅₄, jaun₂ ca₂nau₂ bá₄ 'éi₂. ²⁶ Ca₂le₂con₂ juig₂ tio₅₄ 'uē₃ jaun₂, ca₂i₃'ág₃ jág₁ a₂ca₂lē₃ jaun₂.

Ca₂jme₃'lión₂ Jesús on₃ dsa₂ ten₄

²⁷ Jme₁o₂'ín₃ Jesús ja₁jaun₂, ca₂'ein₃ on₃ dsa₂ ten₄, ja₂lén₂ tē₂ tiá₂:

—¿Dsia₄ ñéi₂ 'au₂ jnia₅₄, 'ne₂ tsi₁jon₂ David!

²⁸ Jme₁ca₂'í₃ Jesús dsi₂néi₂, ca₂jme₃quián₃ dsa₂ ten₄ 'éi₂ cau₅ quió₅. Jaun₂ ca₂ñag₃ Jesús:

—¿'Én₂ 'nia₂ a₂lé₂ le₃jme₁'lio₅₄ jniá₂?

Jaun₂ ca₂ñag₃:

—'Éin₂ bá₄ jnia₅₄, Te₁gui₅₄.

²⁹ Jaun₂ ca₂ñí₃ Jesús gu₂ jme₁ne₁₂ jaun₂ ca₂juá₂:

—Jui₁le₅₄ bá₄ con₂ lé₅ 'én₂ 'nia₂.

³⁰ Jaun₂ ca₂lág₃ bá₄ mi₂ne₄ dsa₂ 'éi₂. Jaun₂ ca₂jmo₃ Jesús 'éi₃ ca₂juá₂:

—Tē₃ñi₅₄ 'nia₂ jnag₅₄ tsá₃ 'ein₂ jui₁le₂ñi₅ a₂nē₅.

* 9:13 Oseas 6:6. † 9:18 o₃, “ma₂i₁jón₂”, lé₂ le₃jein₃ jág₁.

³¹ La₁ 'éi₂ né₃, jme₁ca₂'uün₂ jaun₂, ca₂dsia₃ ca₂le₂con₂ ja₁tén₄ 'uë₃ jaun₂ 'e₂ a₂ca₂jmo₃ Jesús.

Ca₂jme₃'lión₂ Jesús jan₂ dsa₂ con₄

³² Jme₁ma₂'uün₂ dsa₂ i₂jme₁ten₄ 'éi₂, ca₂o₃lén₂ i₂sián₂ 'táng₃ jrjai₂₃ jan₂ dsa₂ con₄ i₂'en₅₄ jme₂dsí₂ je₂na₅₄. ³³ Dsi₂jui₅ jme₁ca₂dsen₅ Jesús je₂na₅₄, jaun₂ ca₂jme₃lióg₃ dsa₂ con₄ 'éi₂ ca₂dsia₃ jág₁. Dsa₂ juin₅ i₂jme₁tion₅₄ ca₂té₂ ne₅₄, ca₂i₃gó₃ dsí₅, jaun₂ ca₂dsia₃:

—Ca₂le₂con₂ 'uë₃ Israel la₂, tsá₃ 'ein₂ ma₂ca₂jág₃ a₂le₂në₅.

³⁴ La₁ dsa₂ fariseos guë₂ 'né₃, ca₂juá₂:

—Të₂le₃ quian₅₄ jui₅bí₂ quió₅ 'rjog₅ juig₅₄ je₂na₅₄ bá₄, jmo₅ i₂në₅ 'uün₂ je₂na₅₄.

Dsia₅ Jesús rjéi₂ dsí₅ dsa₂

³⁵ Ca₂rj₃ Jesús ca₂le₂con₂ juig₂ ca₅₄, ca₂le₂con₂ juig₂ pí₁ né₃, jme₂tün₂₃ dsa₂ dsi₂néi₂ guá₅ sinagogas. Jme₁'é₂ jág₁ dse₃ jui₁lia₂ ja₁gon₂ Diú₄. Jme₁jme₂'lióin₂ dsa₂ ca₂le₃jé₃ ne₅₄ dso₄, quian₅₄ ca₂le₃jé₃ jmi₁uig₅ a₂jme₁le₁quian₅ dsa₂. ³⁶ Jme₁ca₂jün₂ dsa₂, ca₂tá₂ rjéi₂ dsí₅, ia₁ jme₁chain₂ o₂i₁ dsi₅ ca₂lia₂ ma₂ja₂'ú₃ dsí₅ chain₂, në₂jag₄ bá₄ já₂ cha₂ i₂tsá₃ chan₂ jmo₃ 'í₁. ³⁷ Jaun₂ né₃ ca₂tsí₃ dsa₂ i₂jme₁quian₅₄:

—Dsón₂ bá₄ dsau₅ 'lióng₂ a₂ca₂rau₂, la₁ tsá₃ juin₅ dsa₂ i₂jmo₅ ta₁ ja₁nau₂. ³⁸ Jaun₂ lë₃, mi₄ 'nia₂ ne₄ juig₅₄ ja₁nau₂ a₂chein₃ gué₄ juin₅ dsa₂ i₂jmo₃ ta₁ ja₁nau₂ quió₅.

10

Ca₂quión₂ Jesús guia₃-tín₂ dsa₂ jë₄ quió₅ dsa₂ quiáin₅

(*Marcos 3:13-19; Lucas 6:12-16*)

¹ Jaun₂ ca₂té₃ Jesús chi₂ dsi₂guia₃-tín₂ quiáin₅, jaun₂ ca₂cuë₃ bí₂ 'éi₃ a₂'uün₂ jme₂dsí₂ 'lin₅₄, a₂quijme₃'lióin₂ ca₂le₃jé₃ ne₅₄ dso₄ a₂niog₅ lín₅ dsa₂, ca₂le₃jé₃ jmi₁uig₅ né₃.

² Le₂la₂ bá₄ chen₂ ta₁guia₃-tín₂ dsa₂ i₂ca₂quión₂ Jesús 'éi₂ quiáin₅; Si₂mu₅₄, i₁té₂ dsa₂ Pe₄; quian₅₄ Dré₄ riin₅₄; Jacobo* quian₅₄ Juan₅₄ riin₅₄, ja₁rj₄ Zebedeo; ³ Fe₂li₄ quian₅₄ Bartolomé; To₁má₄ né₃ quian₅₄ Të₅₄ i₂jme₁cán₂ 'lia₅₄ a₂ca₂tín₂ dsi₂tan₅₄; Jacobo i₂lín₅ ja₁rj₄ Alfeo; Tadeo né₃; ⁴ Si₂mu₅₄ né₃ i₂té₂ dsa₂ cananista; † Judas Iscariote né₃, i₂ca₂jün₂ Jesús.

Ca₂chen₃ Jesús dsa₂ guia₃-tín₂ quiáin₅ a₂ca₂i₁'é₄ jág₁ dse₃

(*Marcos 6:7-13; Lucas 9:1-6*)

⁵ Dsa₂ guia₃-tín₂ në₅ bá₄ ca₂chen₃ Jesús jme₁ma₂në₂cuë₃ jág₁ la₂:

—Tsá₃ o₁nó₅ 'nia₂ jui₅ 'uë₃ go₄ dsi₂nau₂, on₃ guë₂ o₂ton₅₄ 'nia₂ 'i₁caun₂ juig₂ a₂tén₅ 'uë₃ Samaria. ⁶ Ja₁jaun₂ bá₄ o₂nó₅ 'nia₂ ja₁tion₅₄ dsa₂ i₂lín₅ co₂'nió₄ já₂ cha₂ i₂ma₂i₂cón₅ i₂chan₂ juig₂ Israel. ⁷ O₂nó₅ 'nia₂ qui₂o₂'é₃ jág₁ dse₃ la₂ chei₅₄ 'nia₂ dsa₂, ma₂ja₂quian₃ 'éi₃ quió₅ Diú₄. ⁸ O₂jmo₄ 'nia₂ le₁jín₃ dsa₂ i₂lín₅ 'mé₅ 'iog₅; ca₂le₃jín₃ guë₂ i₂lín₅ dso₄ siá₂ né₃, o₂jme₁'lioin₅₄; o₂jme₁jen₅₄ 'nia₂ 'lag₄; o₂'uün₅₄ 'nia₂ je₂na₅₄ quió₅ dsa₂ né₃. Jaun₂ le₂në₅ jui₁lia₂ në₂gue₅₄ 'nia₂ bí₂ la₂ on₃juá₅₄ a₂cha₂ 'lia₅₄, le₂në₅ o₂jmo₄ 'nia₂ ján₃, o₂cuë₅₄ dsa₂ bí₂ tsá₃ 'lia₅₄ cán₁. ⁹ Tsá₃ 'e₂ cán₁ 'nia₂, jui₁lia₂ a₂'nió₅ le₂'i₄ jui₅, on₃ guë₂ cu₄nióg₄, on₃ guë₂ cu₄tiog₂, on₃ guë₂ rj₁ guéin₂ të₂lau₂ quiáng₂, ¹⁰ on₃ guë₂ të₂'mi₂ jua₅₄ a₂to₅₄ lio₅₄ cán₁. Jmá₃ co₂dsán₃ tsín₂ bá₄ 'nia₂ cán₁, tsá₃ cán₁ 'nia₂ lau₂ ton₂ tag₅₄ a₂ηag₅₄ gué₄ con₂ a₂ma₂le₁ton₅ tag₅₄, on₃ guë₂ 'ma₂'i₅₄; ia₁ jui₁lia₂ dsa₂ i₂jmo₅ ta₁, ca₂tün₂ bá₄ gue₃ má₃ quió₅.

¹¹ 'jé₁ma₂ca₂dsi₃nó₅ 'nia₂ lia₂ caun₂ juig₂ ca₅₄ o₃ juig₂ pí₁ 'e₂, ja₁jaun₂ jrja₄ 'nia₂ ja₁quió₄ dsa₂ i₂léi₄ dsen₃ 'ua₁ dsí₅, quió₅ 'éi₂ tión₂ 'nia₂ ca₂lia₂ ca₂té₂ jmi₄ i₁'uúng₃

* 10:2 Jacobo: ján₃ bá₄ chein₂ Santiago. † 10:4 cananista: partido quió₅ dsa₂ i₂'nio₃ táun₂ 'uë₃ 'éi₃ quió₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ rj₄ lë₃ mei₂ tsá₃ ca₂ne₅₄ a₂chein₂.

táng₃. ¹² Jë₁ma₂té₂ rë₁tóng₁ dsi₂néi₂ quió₁'₅, cuiin₅₄ 'nia'₂ Diú₄ jua'₅₄ 'nia'₂: “Jui₁'ei₅ bá₄ tei₄ dsi₂néi₂ la₂.” ¹³ Në₁jua'₂ dsa₂ dsi₂néi₂ jaun₂ léi₄ gue₂₃ bá₄ lia'₂ i₁rë₂ jág₁, jág₁ quián'₂ 'nia'₂ a₂cuiin'₅ Diú₄, jui₁të₂'ñiá₄ bá₄ 'ei₅ tei₄ ja₁con₂ dsa₂ 'éi₂ dsi₂néi₂ jaun₂. La₁ në₁jua'₂ léi₄ tsá₃ dse₃ le₁'ág₄ dsí₅ dsa₂ gue₂₃ jág₁ quián'₂ 'nia'₂, jui₁të₂'ñiá₄ bá₄ jág₁ 'ei₅ tei₄ jaun₂ ja₁con'₂ 'nia'₂ guiong'₅₄. ¹⁴ Në₁jua'₂ cha₂ ja₁lin₅₄ tsá₃ 'nio₃ dsa₂ guein₃ 'nia'₂, on₃ guë'₂ 'nio₃ nag₃ jág₁ quián'₂ 'nia'₂ né₃, co₂ñei'₅₄ 'uín'₂ 'nia'₂ dsi₂néi₂ jaun₂, o₃ juig₂ jaun₂, séi'₃ 'nia'₂ 'liog₂ tag'₅₄. ¹⁵ Ia₁ a₂dsi₂jó'₃ juá'₅ jniá₂, jë₁ma₂té₂ rë₁qui₃dsi₅ Diú₄ 'éi'₃, 'ñio₅ gué₄ uig₅ gue₃ dsa₂ juig₂ jaun₂ con'₂ gué₄ dsa₂ i₂jme₁chan₂ Sodoma quian'₅₄ Gomorra.‡

Qui₂co₃'ein₃ dsa₂

(Marcos 13:9-13; Lucas 21:12-17)

¹⁶ Tsín₂ jniá₂ 'nia'₂ jaun₂, a₂lín_g'₅ në₂jag₄ bá₄ já'₂ cha'₂ jin₄ co₂'nió'₄ já'₂ tsau₂ dsí₅. Jmo₄ 'nia'₂ jaun₂ a₂lín_g'₅ dsa₂ i₂'io₅ mai₅₄ jui₁lia'₂ dsi₂mi'₂, ton'₂ 'ua₁ 'au'₂ 'nia'₂ jui₁lia'₂ lín₅ i₁ju₂. ¹⁷ Rë₂ján'₁ 'nia'₂ jaun₂ ia₁ qui₃jáng'₂ dsa₂ ne₄ dsi₂tan₅₄, qui₃bóg₂ dsa₂ né₃ dsi₂néi₂ guá'₅ sinagogas. ¹⁸ Lia'₂ ne₄ dsi₄má'₂ lia'₂ ne₄ rag₅₄ né₃, dsi₁jñia₃ dsa₂ 'nia'₂ 'uig₅₄ quió₃ jniá₂; jaun₂ le₂në₅ bá₄ lé₂ le₃o₁jang'₄ 'nia'₂ jág₁ dsau₅ ne₄ 'éi₂, quian'₅₄ ja₁con₂ dsi₂nau₂ sián'₂ né₃. ¹⁹ La₁ jë₁ma₂té₂ rë₁qui₃jáng'₂ dsa₂ ne₄ta₁, tsá₃ lë₁jmo₂ 'nia'₂ 'i₅ 'au'₂ 'e₂ jua'₅₄ o₃ 'a₂ lia'₂ ñag'₅₄; ia₁ jë₁ma₂té₂ rë₁jua'₅₄ 'nia'₂ jág₁, Diú₄ bá₄ cuë₃ jág₁ a₂ñi'₅₄ 'nia'₂ 'a₂ lia'₂ ñag'₅₄ juig'₅₄ dsa₂. ²⁰ Ia₁ on₃jua'₅₄ guion'₅₄ 'nia'₂ jua'₅₄ jág₁; 'ñiog₅ bá₄ Jme₂dsi₂ quián₅ ñéi'₅ 'nia'₂ juá'₂ jui₅ të₂'au'₂.

²¹ Ia₁ lé₂ táng₃, jui₁lia'₂ rin'₅₄ dsa₂ qui₃jín'₂ rin'₅₄ jaun₂ jñag'₃ dsa₂, jui₁lia'₂ jmei₂ guë'₂ dsa₂ qui₃jín'₂ chi'₂ quián₅; chi'₂ guë'₂ né₃ qui₃náu₃ 'nei₂ jmái'₃ chog₅₄ jmei₂, qui₃jáng'₂ a₂jme₃dsiog₅ dsa₂. ²² Ca₂le₃jín₃ jui₁lia'₂ dsa₂ mi₂güig₃ jme₃'ñiai₅₄ 'nia'₂ 'uig₅₄ quió₃ jniá₂; la₁ia₁ jui₁lia'₂ i₂tión₂ tiá₂ ca₂të₂ jë₁ca₂tó₂, i₂'éi₂ bá₄ i₂lión₂. ²³ Jë₁ma₂qui₂co₃'ein₃ dsa₂ jui₁lia'₂ caun₂ juig₂, cuing₅ 'nia'₂ jui₅ juig₂ siá'₂ táng₃; a₂dsi₂jó'₃ juá'₅ jniá₂, të₃ tsá₃ ma₂lë₅ quen'₄ 'nia'₂ i₁niog'₄ ca₂le₃jé₃ juig₂ ja₁tén₄ 'uë₃ Israel, a₂guan'₂ táng₃ Jaun₅ dsa₂ mi₂güig₃.

²⁴ Jui₁lia'₂ jan₂ i₂jme₂tin₅, tsá₃ juin'₂ con'₂ gué₄ të₅ quián₅; ján₃ bá₄ le₂jaun₂ jui₁lia'₂ jan₂ dsa₂ i₂jme₂ti₃, tsá₃ juin'₂ con'₂ gué₄ juig₅₄. ²⁵ Tió'₅ jui₁lia'₂ i₂jme₂tin₅ léin₂ jui₁lia'₂ lín₅ të₅ quián₅; jui₁lia'₂ dsa₂ i₂jme₂ti₃ guë'₂ né₃, dsi₁lén₂ jui₁lia'₂ lín₅ juig₅₄. Chi₂jua'₂ 'ñiog₅ dsa₂ juin'₂ caun₂ dsi₂néi₂ ma₂quion₅ dsa₂ Be'elzebú, j'ë₂ gué₄ bá₄ 'in₃ dsa₂, jui₁lia'₂ i₂tion'₅₄ dsi₂néi₂ quió'₅!

'Ein₂ 'nió'₅ jme₃gan₃ dsa₂

(Lucas 12:2-7)

²⁶ Uig₅₄ jaun₂, tsá₃ lë₁jmo₂ 'nia'₂ gang'₃ dsa₂ mi₂güig₃. Ia₁ 'i₁caun₂ jui₁lia'₂ a₂rë₂jlë₅ tsá₃ cha₂ jua'₅₄ a₂tsá₃ le₃jniá₂, ján₃ bá₄ le₂jaun₂ jui₁lia'₂ a₂rë₂'ma₄ tsá₃ cha₂ jua'₅₄ a₂tsá₃ le₃ñi₅ dsa₂. ²⁷ Jui₁lia'₂ a₂juig₂ jniá₂ 'nia'₂ la₂ jë₄ të₃co₅₄, jua'₅₄ 'nia'₂ të₃jin₄ dsa₂ juin₅; ján₃ bá₄ le₂jaun₂ jui₁lia'₂ a₂juig₂ jniá₂ 'nia'₂ con'₂ tei₄, jua'₅₄ 'nia'₂ co₂mi'₅₄ jui₁lia'₂ ja₁ñei₅. ²⁸ Tsá₃ lë₁jmo₂ 'nia'₂ gang'₃ quian'₅₄ i₂jñi'₃ ni₁ñi₅, la₁ të₂'au'₂ 'nia'₂ tsá₃ 'e₂ lé₂ le₃jmo₃; i₂'éi₂ bá₄ ca₂tín'₂ 'nia'₂ jme₁gang'₃ jui₁lia'₂ i₂lé₂ le₃jñi'₃ ni₁ñi₅ quian'₅₄ guë'₂ të₂'au'₂ 'nia'₂ a₂jeng'₃ ja₁'lig'₅₄.

²⁹ ¿Tsa₁ 'ni₅ dsa₂ on₃ i₁tan₅ pí'₁ quian'₅₄ caun₂ ñí₁ guéin₂? La₁ 'i₁jan₂ i₁tan₅ tsá₃ tián'₃ 'uë₃ jua'₅₄ tsá₃ ñi₅ ñéi'₅ 'nia'₂. ³⁰ Ia₁ le₂jñog₅ ni₁jñi₂ dsei'₂ 'nia'₂ le₁'i₁ je₂liá'₂ mi'₂ tí₅ ján₃. ³¹ Tsá₃ lë₁jmo₂ 'nia'₂ gang'₃, ia₁ 'ñio₅ lin₃ gué₄ quen'₄ 'nia'₂ lia'₂ con'₂ gué₄ juin₅ lin₃ i₁tan₅.

Jui₁lia'₂ i₂jme₂jnia₅ a₂cuiin₂₃ Jesucristo jin₄ dsa₂ mi₂güig₃

(Lucas 12:8-9)

‡ 10:15 Sodoma quian'₅₄ Gomorra: 'Í₂ Génesis 18 - 19.

³² 'Jui₁lia'₂ i₂jme₂jnia₅ tē₂le₃ quió₃ jniá₂ jin₄ dsa₂ mi₂güig₃, ján₃ bá₄ le₂jaun₂ jniá₂ né₃ jme₁jniag₅ tē₂le₃ quió'₅ 'éi₂ ne₄ ŋe'₃ i₂guá₅ guei'₅₄ i₂juig₃; ³³ la₁ jui₁lia'₂ i₂jme₂jnia₅ a₂tsá₃ cui_g₂₃ jniá₂ jin₄ dsa₂ mi₂güig₃, ján₃ bá₄ le₂jaun₂ jme₁jnia₅ jniá₂ a₂tsá₃ cui_n₅ ne₄ ŋe'₃ i₂guá₅ guei'₅₄ i₂juig₃.

Jesús bá₄ i₂'uin₄ a₂lé₂ le₁dson'₅₄ dsa₂
(*Lucas 12:51-53; 14:26-27*)

³⁴ 'Tsá₃ o₁len'₂ 'nia'₂ jua'₅₄ a₂guio₃ jniá₂ a₂i₃'ei₃ tei₄ mi₂güig₃; ia₁ tsá₃ ta₁ jaun₂ guio₃ jniá₂ a₂i₃'ei₃ tei₄. Mi'₅₄ 'nei₂ bá₄ a₂quian₄ jniá₂. ³⁵ A₂jaun₂ bá₄ guio₃ jniá₂ a₂i₃dsia₃ mi'₅₄ dsi₂néi₂: Chi'₂ jme₃'ŋiai₅₄ jmei₂, chi'₂ ja₁míg₄ dsa₂ né₃ jme₃'ŋiai₅₄ chog₅₄; i₂lín₅ mi₂lo₅₄ né₃ tóin'₃ mi'₅₄ quian'₅₄ ma₂chog₅₄.

³⁶ Dsa₂ i₂lín₅ jmei₂ dsi₂néi₂ qui₂jme₃'iog₅₄ chi'₂ quián₅.§

³⁷ 'Jui₁lia'₂ i₂'nio₃ gué₄ 'ŋio₅ lín₃ chog₅₄-jmei₂ lia'₂ con'₂ gué₄ jniá₂, tsá₃ ca₂tíin₂ léin₂ dsa₂ quiáng₃; le₂nē₅ bá₄ ján₃, jui₁lia'₂ i₂'nio₃ 'ŋio₅ lín₃ gué₄ ja₁ŋi'₅₄ o₃ ja₁míg₄ 'e₂, lia'₂ con'₂ gué₄ jniá₂, tsá₃ ca₂tíin₂ léin₂ dsa₂ quiáng₃; ³⁸ jui₁lia'₂ i₂tsá₃ ca₂'ág₂ caun₂ dsí₅ ca₂join₃ chi₂jua'₂ ca₂join₃, * a₂jiá₃ chi₁co'₅₄ quió₃, tsá₃ ca₂tíin₂ léin₂ dsa₂ quiáng₃. ³⁹ Jui₁lia'₂ i₂ŋí₄ lē₃ 'nio₃ lí'₂ le₃chain₂ dse₃, dsi₃'én₂ quió'₅; ján₃ bá₄ le₂nē₅, jui₁lia'₂ i₂ca₂guen₃ 'mú₃ o₄quió₃ jniá₂, lí'₂ bá₄.

Co₂'nió'₄ 'lian'₅₄ dsa₂
(*Marcos 9:41*)

⁴⁰ 'Jui₁lia'₂ i₂guen₅ 'nia'₂, guei₂₃ jniá₂; jui₁lia'₂ i₂guei₅ jniá₂ guein₂₃ i₂ca₂chei₃ jniá₂ né₃. ⁴¹ I₂guen₅ jui₁lia'₂ jan₂ dsa₂ i₂'é₂ jág₁ o₄quió'₄ Diú₄ ia₁ a₂lín₅ i₂chen₄ quián₅ Diú₄, co₂jaun₂ bá₄ 'lia'₅₄ gue₃ ján₃ jui₁lia'₂ 'lian'₅₄ jan₂ i₂'é₂ jág₁ quián₅ Diú₄. Le₂nē₅ bá₄ ján₃, jui₁lia'₂ i₂guen₅ jan₂ dsa₂ dsen₃ ia₁ lín₅ dsa₂ dsen₃, gue₃ 'liain'₅₄ ján₃ con'₂ 'lia'₅₄ a₂ca₂tíin₂ jan₂ dsa₂ dsen₃. ⁴² Jui₁'ein₂ gué₃ dsa₂ i₂cué₅ caun₂ vaso jmig₂ güig'₂, cué'₅ jan₂ dsa₂ me'₂ le₂nē₅ quiáng₃ 'uig₅₄ ia₁ a₂'ein₂₃ jniá₂, a₂dsi₂jó₃ juá'₅, tion₅₄ bá₄ gue₃ 'liain'₅₄.

11

Dsa₂ i₂chen₄ quián₅ Juan₅₄ i₂chon₅ dsa₂ jmig₂
(*Lucas 7:18-35*)

¹ Jme₁ca₂dsan₃ cué₅ Jesús jág₁ nē₅ cué'₅ chi'₂ dsi₂guia₃-tín₂ quián₅, ca₂o₃'iin₃ táng₃ ja₁jaun₂, ca₂'í₃ jui₅ ca₂i₁'é₄ jág₁, i₂jme₁tíin₂₃ dsa₂ juig₂ tio'₅₄ con'₂ ma₂quián₅ jaun₂.

² Juan₅₄ né₃, tē₃ 'ein₅₄ né'₃ 'má₃, ca₂rē₃ŋi₅ 'a₂ lia'₂ lé₅ jmo₅ I₂rē₂'ín₁ quián₅ Diú₄. Jaun₂ ca₂chein₃ i₂lín₅₄ dsa₂ i₂jme₁quiain'₅₄ ³ a₂ca₂i₁ŋag₁₂:

—¿'Ne₂ líng'₅ dsa₂ i₂lé₅ jág₁ jiá₃, o₃ ŋia₄ jnia'₅₄ i₂sián'₂ 'e₂?

⁴ Jaun₂ ca₂ŋag₃ Jesús:

—O₂nó'₅ 'nia'₂ o₂chei'₅₄ Juan₅₄ 'e₂ a₂tē₅ ne'₅₄ 'nia'₂ la₂, 'e₂ a₂nag'₂ 'nia'₂ né₃. ⁵ O₂dsia₄ 'nia'₂ 'a₂ lia'₂ lé₅ qui₂jág₅ dsa₂ ten₄; dsa₂ i₂jme₁guian'₅₄ gué'₂ né₃, ma₂i₂nioi₅₄ rē'₂ táng₃; dsa₂ i₂jme₁lín₄ 'mé'₅ 'iog₅ ma₂le₁jíin₃ táng₃ dso₄ a₂jme₁lín₄; dsa₂ i₂jme₁guin₄ gué'₂ né₃ ma₂nag₂₃; dsa₂ i₂ma₂dsan₃, jein'₅₄ táng₃; ja₁con₂ dsa₂ te₂ŋé₂ né₃ dsi₂'ag₅ jág₁ dse₃ la₂ a₂lión₂ dsa₂. ⁶ 'E₂ gué₄ dsen₃ dsa₂ i₂tsá₃ 'ag₅ caun₂-tín₃ dsí₅ ja₁con₂ jniá₂.

⁷ Jme₁ma₂i₂len₃ dsa₂ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'iin₂₃ Juan₅₄:

§ 10:36 Miqueas 7:6. * 10:38 lit. "i₂tsá₃ cán₂ cróg₄ quió'₅."

—¿'E₂ jme₁lín'₂ 'nia'₂ jme₁tě₃ ne'₅₄ lia'₂ con'₂ jme₁i₁nóg'₄ 'uě₃ quein₂ co₂'ñiog₅ jaun₂?
 ¿O₃ bá₄ jme₁lín'₂ 'nia'₂ a₂jme₁jing'₄ jan₂ dsa₂ i₂lín₅ jui₁lia'₂ lé₅ ca₂'nau₂ ni₁'ma₂ ta₅
 a₂lě₁qui₂bí₂ dsí₂ jui₅ la₂ jui₅ nē₅? ⁸ Chi₂jua'₂ tsá₃ le₂jaun₂ nē₃, ¿'e₂ guě'₂ ca₂i₁jag'₄ 'nia'₂?
 ¿O₃ bá₄ a₂jme₁lín'₂ 'nia'₂ a₂jme₁jing'₄ jan₂ dsa₂ i₂qui'₂ tsin'₅₄ jlá'₁? La₁ on₃jua'₅₄ le₂jaun₂.
 Ia₁ jui₁lia'₂ dsa₂ i₂quí'₅ tsin'₅₄ jlá'₁, i₂tón'₅ dsi₂néi₂ quió'₅ rag₅₄ bá₄ i₂le₂'éi₂. ⁹ ¿'E₂ guě'₂
 ca₂i₁jag'₄ 'nia'₂ jaun₂ nē₃? ¿O₃ bá₄ jan₂ dsa₂ i₂'é₂ jág₁ quián₅ Diú₄ 'e₂? Dsón'₂ bá₄ jaun₂
 juá'₅ jniá₂. I₂lín₅ tson₂ guě'₄ jan₂ dsa₂ i₂'é₂ jág₁ quián₅ Diú₄ bá₄ 'éi₂. ¹⁰ Juan₅₄ 'éi₂ bá₄ i₂'in₅
 Si₂ quió'₅ Diú₄ ja₁juá'₂:

Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,

a₂dsi₃can₅ jág₁, jmo₃ co₂jñia₅₄ jui₅.*

¹¹ A₂dsi₂jó'₃ juíg₂ jniá₂ 'nia'₂, 'i₁jan₂ dsa₂ i₂ma₂can₅ dsa₂ mí₂ i₂chan₂ mi₂güig₃, tsá₃ 'ein₂
 ma₂lín₅ i₂juin'₂ guě'₄ i₂'é₂ jág₁ o₄quió'₄ Diú₄, lia'₂ con'₂ guě'₄ Juan₅₄ i₂chon₅ dsa₂ jmig₂.
 La₁ia₁, i₂lín₅ i₂me'₂ guě'₄ ja₁gon₂ Diú₄, i₂'éi₂ bá₄ lín₅ i₂juin'₂ guě'₄ lia'₂ con'₂ guě'₄ Juan₅₄
 'éi₂. ¹² Ca₂le₃ ca₂guan₃ Juan₅₄ i₂chon₅ dsa₂ jmig₂, ca₂tě₂ jmig₄ nē₃, con'₂ 'i₄ jui₅ bá₄ ma₂jás₅
 tiá₂ ja₁gon₂ Diú₄. Jaun₂ dsa₂ con'₂ i₂tiá₂ dsí₅ bá₄ chan'₂ tiá₂ jui₅ jaun₂.[†] ¹³ Ca₂le₃jín₃ dsa₂
 i₂jme₁'é₂ jág₁ quián₅ Diú₄, quian'₅₄ 'Éi'₃ quió'₅ Moisés nē₃, a₂jñia'₅₄ con'₂ ca₂'é₂ jág₁ ja₁gon₂
 Diú₄ bá₄ jaun₂, ca₂lia'₂ ca₂tě₂ jmig₄ jme₁ca₂guan₃ Juan₅₄. ¹⁴ Ján₃ bá₄ chi₂jua'₂ 'niog'₂ 'nia'₂
 guéi'₁ jág₁ la₂, Juan₅₄ 'éi₂ bá₄ i₂ca₂jme₃ti₃ jág₁ a₂lě₅ a₂jme₁jiá₃ Elías. ¹⁵ Jui₁lia'₂ i₂le₁dsi₅₄
 rě₂gua₄, ju₁nei₅₄.

¹⁶ ¿'E₂ quian'₅₄ lé₂ le₃quíng₄ a₂lín₅ dsa₂ i₂chan₂ jmig₄ nē₃? Lín₅ jui₁lia'₂ lín₅ i₂bě'₅₄
 i₂tion'₅₄ co₅ jě₄ 'ma'₅₄, tioen'₅₄ co₂mí'₅₄ qui₂guió'₅ tsí'₅ riin'₅₄:

¹⁷ Ně₂jéi₄ jnia'₅₄ te₁fi₁ o₄quián'₂ 'nia'₂,

la₁ tsá₃ nē₂dsián'₃ guě'₂ 'nia'₂;

ján₃ guě'₂ nē₂j mó₁ jnia'₅₄ son₅₄ quió'₅ 'lag₄

a₂ta'₂ 'lia'₂ dsí₅ dsa₂,

la₁ tsá₃ ca₂tá'₂ guě'₂ qui'₂ 'au'₂ 'nia'₂.

¹⁸ Ia₁ ca₂guan₃ Juan₅₄, i₂tsá₃ 'e₂ 'lióng₂ jme₁guě'₅ on₃ guě'₂ 'e₂ jme₁'ín'₂ nē₃, jaun₂ ca₂'ag₃
 dsa₂ a₂'ein₅₄ je₂na'₅₄. ¹⁹ Ca₂guan₃ guě'₂ táng₃ Jaun₅ dsa₂ mi₂güig₃ i₂guě'₅ i₂'ín'₂, 'ag₅ táng₃
 dsa₂ a₂lín₅ jlé₂ 'í₅ quian'₅₄ má₄ jmíg₃, a₂lín₅ a₂mei₅₄ quián₅ dsa₂ cha₂ dsáu₁, quian'₅₄ dsa₂
 i₂cán₂ 'lia'₅₄ quián₅ dsi₂tan₅₄ nē₃. La₁ tion₅₄ bá₄ le₃lí'₄ dsa₂ a₂dsau₅ jág₁ a₂ñí'₂ dsí₅ Diú₄,
 'uig₅₄ ia₁ ñí'₂ bá₄ dsí₅ dsa₂ i₂gue₅ jág₁ nē₅.

Juig₂ jě₁ tsá₃ ne'₅₄ dsa₂

(Lucas 10:13-15)

²⁰ Jaun₂ nē₃, ca₂jme₃lióg₃ Jesús qui₂ca₂jéin₂ dsa₂ ja₁'lióng₂ guě'₄ léi₄ juě'₂
 ma₂qui₂ma₂jmo₃, ia₁ tsá₃ ma₂jéin'₃ dsa₂ dsí₅. Jaun₂ ca₂juá'₂:

²¹ —¿'E₂ guě'₄ juíg'₂ 'nia'₂ dsa₂ juig₂ Corazín! ¿'E₂ guě'₄ juíg'₂ 'nia'₂ i₂chan₂ Betsaida! Ia₁
 jua'₅₄ mei'₂ guě'₃ jniá₂ ma₂jmo₃ léi₄ juě'₂ nē₅ jě₄ juig₂ Tiro quian'₅₄ juig₂ Sidón jui₁lia'₂
 a₂ma₂jmo₃ jniá₂ jě₄ quián'₂ 'nia'₂, líg'₂ bá₄ tsá₃ ma₂ca₂jéin'₃ dsa₂ 'éi₂ dsí₅, jme₁cuě₃ léi₄
 a₂qui'₂ dsí₅ jme₁i₃nioi₅₄ le₁qui'₂ 'mi'₂ taun₅ qui₂le₁séin₅ ti₁juá₃ nē₃. ²² La₁ juíg₂ jniá₂ 'nia'₂,
 jmig₄ i₁qui₃dsi₅ Diú₄ 'éi'₃, ja₂lín₃ guě'₄ tson₂ uig₅ a₂guéi'₁ 'nia'₂ con'₂ guě'₄ dsa₂ i₂jme₁chan₂
 Tiro quian'₅₄ Sidón. ²³ 'Nia'₂ guě'₂ dsa₂ i₂chan₂ juig₂ Capernaum, ¿lín'₂ 'nia'₂ a₂uig₅₄
 guei'₅₄ lín₃? On₃jua'₅₄ le₂jaun₂. Tě₂ja₁ji'₂ lín₃ ja₁tion'₅₄ 'lag₄† bá₄ sén'₂ 'nia'₂. Ia₁ jua'₂ mei'₂
 guě'₃ jniá₂ ca₂jmo₃ léi₄ juě'₂ jě₄ juig₂ Sodoma jui₁lia'₂ a₂ma₂ca₂jmo₃ jniá₂ jě₄ quián'₂ 'nia'₂,

* 11:10 Malaquías 3:1. † 11:12 o₃, “ca₂tě₃ jmig₄ nē₃, ma₂já'₅ ja₁gon₂ Diú₄ nē₂jag₄ bá₄ a₂lě₂ 'nei₂.
 Jaun₂ dsa₂ i₂con'₂ qui₂jmo₂₃ 'nei₂ nē₃, 'nio₃ join₅₄ jui₁lia'₂ dsa₂ i₂i₂nio₄ jui₅ jaun₂.” ‡ 11:23
 griego: hades, co₂'nió'₄ a₂juá'₂, ja₁quió'₄ 'lag₄.

a₂niog₅ bá₄ juig₂ jaun₂ ca₂të₂ jmi₄ né₃. ²⁴ Jaun₂ juá'₅ jniá'₂, jmi₄ jë₁ ma₂ té₂ rë₁ qui₃ dsi₅ Diú₄ 'éi'₃, 'ñio₅ gué₄ uig₅ guéi'₁ 'nia'₂ con'₂ gué₄ dsa₂ i₂ jme₁ chan₂ juig₂ Sodoma.

Ja₁ñia₅ dsa₂ i₂ ma₂ 'ú'₃

(Lucas 10:21-22)

²⁵ Jmi₄ jaun₂ ca₂ juá'₂ Jesús:

—Jme₁ juín'₁ jniá'₂ 'ne₂, Tia₅₄, i₂ líng'₅ juig₅₄ gua'₅₄ 'uë₃ quian'₅₄ guei'₅₄ i₂ juig₃, ia₁ ca₂' ma'₅₄ a₂ në₅ ja₁ con₂ dsa₂ i₂ tin₂ si₂, i₂ ñí'₂ dsí'₅, a₂ ma₂ ca₂ jme₁ jniag'₂ ja₁ con₂ dsa₂ i₂ lín₅ lia'₂ lín₅ guein₂, i₂ tsá₃ 'e₂ cuí'₅. ²⁶ Dsón'₂ bá₄ jaun₂, Tia₅₄, ia₁ le₂ në₅ ca₂ rë₃ 'ñio₃ 'au'₂.

²⁷ Jaun₂ ca₂ tsí'₃ dsa₂:

—O₄ gu₃ jniá'₂ ma₂ ca₂ dsa₃ ñe'₃ ca₂ le₃ jé₃. 'I₁ jan₂ tsá₃ 'ein₂ cuin₅ Ja₁ ñi'₅₄ Diú₄ 'a₂ lia'₂ të₃ dsón'₂ lín₅, ñia'₅₄ lia'₂ 'ñiog₅ bá₄ Jmei₂; já₃ bá₄ 'i₁ jan₂ tsá₃ 'ein₂ cuin₅ Jmei₂ 'a₂ lia'₂ të₃ dsón'₂ lín₅, ñia'₅₄ lia'₂ 'ñiog₅ bá₄ Ja₁ ñi'₅₄ táng₃, já₃ bá₄ jme₃ jni₂₃ ja₁ con₂ i₂ 'nio₃ le₃ ñi₅.

²⁸ I₂ nó'₅ 'nia'₂ ja₁ con₂ jniá'₂, ca₂ le₃ jín'₃ 'nia'₂ i₂ qui₂ ma₂ 'ú'₃ dsí'₅, i₂ qui₂ le₁ quian₅ guei₂, jaun₂ cué₅₄ jniá'₂ ja₁ jan'₄ 'nia'₂. ²⁹ Gue₄ 'nia'₂ ta₁ quió₃ a₂ cué₅ jniá'₂ 'nia'₂, jme₁ tin₅ 'nia'₂ jmó'₂ já₃, 'a₂ lia'₂ lín₅ jniá'₂, ia₁ juín'₂ dsi₃ líng₅, meg'₂ bá₄ lé₅ dsi₃; jaun₂ le₂ në₅ bá₄ dsi₁ nó'₅ 'nia'₂ dsiang'₂ ja₁ ñia₃ të₂ 'au'₂. ³⁰ Ia₁ ta₁ a₂ cué₅ jniá'₂ 'nia'₂, on₃ jua'₅₄ a₂ 'ua'₂ ta₁; já₃ bá₄ le₂ jaun₂ on₃ jua'₅₄ a₂ guei₂ cán'₁ 'nia'₂ a₂ cué₅ jniá'₂ 'nia'₂.

12

Jesús bá₄ i₂ quian₅ 'éi'₃ ne₄ quió'₅ jmi₄ sa₅₄

(Marcos 2:23-28; Lucas 6:1-5)

¹ Jmi₄ jaun₂ ca₂ ñi₃ Jesús ja₁ lé₄ ja₁ nau₂ quió'₅ dsa₂ caun₂ jmi₄ sa₅₄. Dsa₂ i₂ quiain'₅₄ né₃ ca₂ tá'₂ i₁ cón'₅, jaun₂ qui₂ ca₂ gág₃ mí'₂ trigo, jaun₂ ca₂ gué'₃. ² Jme₁ ca₂ jág₂ dsa₂ fairseos, jaun₂ ca₂ o₃ léin₂ ca₂ tsí'₃ Jesús:

—Jag₄ 'a₂ lia'₂ tion'₅₄ dsa₂ quiáng'₂ jmo₂₃ ta₁ a₂ tsá₃ 'i₄ 'éi'₃ jmo₃ dsa₂ jmi₄ sa₅₄.

³ Jaun₂ ca₂ ñag₃ Jesús:

—¿Tsa₁ ma₂ ca₂ 'í'₂ 'nia'₂ ne₄ Si₂ 'a₂ lia'₂ lé₅ ca₂ jmo₃ David co₂ ráun₂ jme₁ ca₂ lë₃ i₁ cón'₅ quiain'₅₄ riin'₅₄? ⁴ Ca₂ 'í₃ dsi₂ néi₂ quió'₅ Diú₄, ca₂ gué'₃ i₁ ñí'₄ ñio₅, a₂ tsá₃ jme₁ 'i₄ 'éi'₃ gué'₃, a₂ 'i₄ 'éi'₃ gué'₃ jmá'₃ jme₂ dsa₂. ⁵ ¿O₃ tsa₁ ma₂ ca₂ 'í'₂ 'nia'₂ ne₄ Si₂ 'Éi'₃ quió'₅ Moisés, juí₁ lia'₂ jme₂ dsa₂ tsá₃ jme₂ gó'₃ jmi₄ sa₅₄? La₁ tsá₃ 'ein₂ bón'₂ gué'₂ dso₄ 'éi₂ né₃. ⁶ Juí₂ jniá'₂ 'nia'₂, ja₁ lá₃ chén'₅ jan₂ i₂ juín'₂ gué₄ con'₂ gué₄ guá'₅ templo. ⁷ Jua'₅₄ mei'₂ gué₃ ma₂ ñí'₂ 'nia'₂ 'e₂ jein₅ jág₁ la₂: “A₂ 'nio₃ jniá'₂ a₂ dsiá'₁ 'nia'₂ ñéi₂ 'au'₂, on₃ jua'₅₄ rë'₂ a₂ jñia'₅₄ qui₁ jen'₅₄ 'nia'₂ 'e₂ qui₁ jen'₅₄ ne₃”, * tsá₃ jua'₅₄ jme₁ bong'₅₄ dso₄ dsa₂ i₂ tsá₃ 'e₂ dso₄ rin₂. ⁸ Ia₁ le₂ në₅ jaun₂, jniá'₂, Jaun₅ dsa₂ mi₂ güí₃, jmo₂₃ 'éi'₃ juí₁ lia'₂ jmi₄ sa₅₄.

Jan₂ dsa₂ jle₅ caun₂ gu₂

(Marcos 3:1-6; Lucas 6:6-11)

⁹ Ca₂ o₃ 'ín₃ bá₄ Jesús ja₁ jaun₂, jaun₂ ca₂ 'í₃ táng₃ dsi₂ néi₂ guá'₅ sinagoga. ¹⁰ Ja₁ jaun₂ jme₁ 'en₅₄ jan₂ dsa₂ i₂ jle₅ caun₂ mi₂ gu₂. Dsa₂ fariseos né₃ jme₁ 'nio₃ 'no'₂ juí₅ bóin'₂ dso₄ Jesús, jaun₂ ca₂ ñag₃:

—¿'I₄ 'éi'₃ jme₃ 'lión₂ dsa₂ jan₂ dsa₂ dso'₅₄ jme₁ jmi₄ sa₅₄?

¹¹ Jaun₂ ca₂ ñag₃ Jesús:

—¿'Ein₂ 'nia'₂, i₂ 'ñio₅ jan₂ já'₂ cha'₂, në₁ jua'₂ ca₂ bain₃ siá₅ juí₁ lia'₂ caun₂ jmi₄ sa₅₄, tsa₁ dsó₅ dsi₃ dsein₂₃ já'₂ quiáin₅? ¹² 'Ë₂ gué₄ bá₄ quen₅ jan₂ dsa₂ con'₂ gué₄ jan₂ já'₂ cha'₂! Jaun₂ lë₃, 'i₄ bá₄ 'éi'₃ jmo₃ dsa₂ a₂ dse₃ juí₁ lia'₂ jmi₄ sa₅₄.

¹³ Jaun₂ gué₄ ca₂ tsí'₃ dsa₂ dso'₅₄ 'éi₂:

—Nei'₅₄ gog'₂.

* 12:7 Oseas 6:6.

Jaun₂ ca₂néi'₃ 'éi₂ gu₂, ca₂jñia₃ quió'₅, jaun₂ ca₂lë₃ co₂rë₂ quian'₅₄ a₂caun₂. ¹⁴ Ca₂'uin₂ bá₄ dsa₂ fariseos 'éi₂ né₃, jaun₂ ca₂jmo₃ jág₁ a₂jñii'₃ Jesús.

Jui₁lia'₂ dsa₂ i₂ca₂quión'₂ Diú₄ a₂jme₃ti₃ ta₁ ne₅₄, jág₁ a₂ca₂'é₂ dsa₂ i₂ca₂juá'₂ o₄quió'₄ Diú₄

¹⁵ Jme₁ca₂rë₃ñi₅ Jesús jág₁ jaun₂, ca₂o₃'íin₃ bá₄. Jaun₂ juin₅ lin₃ dsa₂ i₃lén₂ chi₁co'₅₄ quió'₅ 'ein₂₃. Jme₁jme₂'lión₂ Jesús ca₂le₃jín₃ dsa₂ i₂le₁dso'₅₄, ¹⁶ jaun₂ ca₂juá'₂ a₂tsá₃ 'e₂ dsa₃ dsa₂ jua'₅₄ a₂'ag₃ 'ein₂ lín₅. ¹⁷ Le₂në₅ bá₄ ca₂lë₃ ia₁jaun₂ le₃ti₃ jág₁ a₂ca₂'é₂ Isaías, dsa₂ i₂jme₁'é₂ jág₁ quián₅ Diú₄, jme₁ca₂juá'₂ le₂la₂:

¹⁸ I₂la₂ bá₄ dsa₂ i₂jme₃ti₃ ta₁ ne₃,

i₂ma₂ca₂quiong'₅₄, i₂'nióg₃ gué₄ lin₃,
jaun₂ 'io'₂ jéin₅ jniá₂ quiain'₅₄.

Tón'₁ jniá₂ Jme₂dsí₂ quiáng₃ tē₂dsí₅,

jaun₂ jme₃jñiai₂₃ ca₂le₃jé₃ juig₂

jñi₄ dsi₂nau₂ 'ë₃ jui₅ dsau₅ tē₃dsón'₂.

¹⁹ Tsá₃ quein₅ náu₃, on₃ gué'₂ guió'₃,

on₃ gué'₂ né'₂ jág₁ quió'₅ jē₄ calle,

²⁰ Lia'₂ 'i₁ca₂tag₄ ni₁'ma₂ ta₅ tsá₃ jio₃,

on₃ gué'₂ ei₃ ni₁mecha a₂ca₂juig₄ 'ia₂ gué₄ jme₁ñi₁.

Jmo₃ le₂në₅ ca₂lia'₂ ca₂tió'₃

a₂lí'₂ a₂dsi₂ten₅₄ dsón'₂.

²¹ Jaun₂ caun₂ ja₁con₂ 'éi₂ bá₄

'ag₃ dsa₂ caun₂ dsí₅

ca₂le₃jín₃ dsa₂ i₂chan₂ ca₂le₃jé₃ juig₂.†

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Marcos 3:19-30; Lucas 11:14-23, 12:10)

²² Jaun₂ ca₂o₃jñia₃ dsa₂ ja₁coin₂ jan₂ dsa₂ ten₄ i₂con₄ né₃ i₂jme₁'en₅₄ jan₂ jme₂dsí₂ je₂na'₅₄. Jesús né₃ ca₂jme₃'lió₂, ca₂jág₃ táng₃ dse₃, ca₂dsia₃ dse₃ jág₁ né₃. ²³ Ca₂i₃gó'₃ dsí₅ ca₂le₃jín₃ dsa₂, jaun₂ ca₂juá'₂:

—¿On₁jua'₅₄ i₂në₅ lín₅ tsi₁jon₂ David?

²⁴ La₁ jme₁ca₂nág₂ dsa₂ fariseos jág₁ jaun₂, ca₂dsia₃ jág₁ quian'₅₄ riin'₅₄:

—A₂'uin'₂ i₂në₅ je₂na'₅₄ quió'₅ dsa₂ tē₂le₃ quian'₅₄ jui₅bí₂ quió'₅ Be'elzebú, juig₅₄ je₂na'₅₄ bá₄.

²⁵ La₁ i₂ñi₅ rē₂ bá₄ Jesús 'e₂ dsi₂jio₅ dsí₅ dsa₂ 'éi₂, jaun₂ ca₂juá'₂:

—Jui₁lia'₂ dsi₂tan₅₄ tion'₅₄ le₁dsoin'₅₄, nió'₅ mi'₅₄, tsá₃ ué₂ tió'₅ jua'₅₄ tsá₃ dsi₃'én₂ 'éi'₃ quió'₅. Le₂në₅ bá₄ ján₃ jui₁lia'₂ dsa₂ caun₂ dsi₂néi₂, nē₁jua'₂ lé₅ le₁dsoin'₅₄, niog₅ mi'₅₄, ján₃ bá₄ tsá₃ ué₂ tió'₅. ²⁶ Já₃ bá₄ le₂në₅, nē₁jua'₂ ca₂jmo₃ Satanás mi'₅₄ dsein₂₃ jan₂ i₂quiáin₅ 'ñiog₅, co₂'nió'₄ 'ñiog₅ bá₄ jmo₂₃ le₁dsoin'₅₄. ¿'A₂ lia'₂ lé₂ le₃'io₃ gué₄ bí₂ 'éi'₃ quió'₅, chi₂jua'₂ le₂jaun₂? ²⁷ Chi₂jua'₂ jniá₂ 'uïng'₅₄ je₂na'₅₄ quian'₅₄ bí₂ quió'₅ Be'elzebú jui₁lia'₂ juá'₂ 'nia'₂, ¿'ein₂ bá₄ gué'₂ cuē₅ bí₂ cué'₅ dsa₂ quián'₂ 'nia'₂ a₂'uïn'₂ je₂na'₅₄ jaun₂ né₃? 'Uig₅₄ jaun₂, guion₅₄ bá₄ dsa₂ quiáng'₂ jme₃li₅₄ a₂lín'₅ 'nia'₂ guiong'₅₄. ²⁸ La₁ jniá₂ né₃ nē₂'uïng'₅₄ je₂na'₅₄ tē₂le₃ quian'₅₄ bí₂ quió'₅ Jme₂dsí₂ quián₅ Diú₄. Jaun₂ né₃ le₂në₅ bá₄ cuē₅ jniá₂ léi₄ a₂ma₂gua₅ 'éi'₃ quió'₅ Diú₄ ja₁con'₂ 'nia'₂.

²⁹ Jaun₂ né₃, ¿'a₂ lia'₂ lé₂ le₃'í₂ jan₂ dsa₂ dsi₂néi₂ quió'₅ jui₁lia'₂ jan₂ dsa₂ i₂'uan'₂, a₂jñiá'₃ a₂te₁'i₁ quió'₅, chi₂jua'₂ le₂'uig₅₄ tsá₃ ma₂nē₂'nei'₂ de'₂ dsa₂? Jñia'₅₄ lia'₂ le₂jaun₂ bá₄ lé₂ le₃jñiá'₃ a₂cha₂ quió'₅.

³⁰ 'I₂tsá₃ tión₂ le₃quió₃ jniá₂, dsa₂ i₂'iog₅₄ jniá₂ bá₄ 'éi₂; le₂jaun₂ gué'₂ i₂tsá₃ quian'₅₄ jniá₂ cág'₅, jñia'₅₄ jmo₂₃ tsi₁rē₂ja₅₄ bá₄. ³¹ Juíg₂ jniá₂ 'nia'₂ jaun₂ né₃, a₂lé₂ le₃'én₂ bá₄

† 12:21 Isaías 42:1-4.

ca₂le₃jé₃ dsá₁ dsa₂, ca₂le₃jé₃ 'e₂ a₂'lig'₅₄ juá'₂ né₃. La₁ nē₁jua'₂ ca₂'iin₃ 'lig'₅₄ Jme₂dsí₂ quián₅ Diú₄, a₂nē₅ gué₄ tsá₃ ma₃o₂'én₂ dso₄ cha₂. ³² La₁ nē₁jua'₂ chan₂ i₂ca₂'in₃ 'lig'₅₄ Jaun₅ dsa₂ mi₂güig₃, lé₂ bá₄ le₂'én₂ dsá₁; la₁ jui₁lia'₂ i₂'in₅ 'lig'₅₄ Jme₂dsí₂ Jñi₅, tsá₃ ma₃o₂'én₂ dso₄ cha₂ quió'₅, mi₂güig₃ la₂, on₃ gué'₂ mi₂güig₃ caun₂ né₃.

Tē₂le₃ 'a₂ lia'₂ lé₅ mīg₂ a₂'ag₅ bá₄ ni₁'ma₂, jáng'₅ léi₄
(Lucas 6:43-45)

³³ 'Chi₂jua'₂ jmo'₂ 'nia'₂ a₂le₃dse₃ ni₁'ma₂, mīg₂ dse₃ bá₄ 'ag₃; la₁ chi₂jua'₂ jmo'₂ 'nia'₂ a₂le₃'lig'₅₄ ni₁'ma₂, mīg₂ 'lig'₅₄ bá₄ 'ag₃ ján₃. 'Uig₅₄ jaun₂, tē₂le₃ quian'₅₄ mīg₂ a₂'ag₅ bá₄ ni₁'ma₂, jáng'₅ léi₄ chi₂jua'₂ dse₃ o₃ a₂'lig'₅₄ 'e₂. ³⁴ 'Nia'₂ tsi₁jon₂ dsi₂mi'₂? ¿'A₂ bá₄ lia'₂ lé₂ le₃dsiá'₁ 'nia'₂ jág₁ dse₃, ton'₂ 'lin'₅₄ bá₄ gué'₂ 'nia'₂ guiong'₅₄? Ia₁ lia'₂ con'₂ lé₅ a₂'lióng₂ ñag₅₄ cha₂ tē₂dsí₅ dsa₂, a₂jaun₂ bá₄ 'uē₂ mi₂'o₅₄. ³⁵ Jui₁lia'₂ dsa₂ dsen₃, jág₁ dse₃ bá₄ dsia₂₃, ia₁ jmá'₃ lia'₂ a₂dse₃ bá₄ rē₂'ma₄ tē₂dsí₅; le₂nē₅ bá₄ jui₁lia'₂ dsa₂ 'lin'₅₄, jág₁ 'lig'₅₄ bá₄ dsia₂₃, ia₁ jmá'₃ lia'₂ a₂'lig'₅₄ bá₄ rē₂'ma₄ tē₂dsí₅. ³⁶ Jaun₂ juá'₅ jniá₂, jáng'₃ bá₄ dsa₂ mi₂güig₃ cuenta quió'₅ jē₁ma₂tē₂ jmig₄ i₁con₂ Diú₄ 'í₁, qui₃dsi₂₃ 'éi'₃ ne₄ ca₂le₃jé₃ jág₁ a₂tsá₃ ta₁ tí₄. ³⁷ Ia₁ tē₂le₃ 'a₂ lia'₂ lé₅ jág₁ quián'₂ bá₄ 'nia'₂, jióg'₂ 'í₁, ring'₂ o₃ tsá₃ ring'₂.

Mi₅ dsa₂ fariseos a₂jmo₃ Jesús caun₂ léi₄ jué'₂
(Marcos 8:12; Lucas 11:29-32)

³⁸ Jaun₂ né₃ i₂lin₅₄ dsa₂ fariseos quian'₅₄ tē₅juá'₅ ca₂tsí'₃ Jesús:

—Tē₅, 'niog₂ jnia'₅₄ jag₅₄ caun₂ léi₄ jué'₂ a₂jmo'₂ 'ne₂.

³⁹ Jaun₂ ca₂ñag₃ Jesús:

—Tsi₁jon₂ dsa₂ 'lin'₅₄ i₂tsá₃ nag₃ la₂ mi₂₃ a₂jmo₅₄ jniá₂ caun₂ léi₄ jué'₂. La₁ tsá₃ ma₃'e₂ léi₄ lé₂ le₃cué₅₄ jniá₂ ja₁con'₂ 'nia'₂, jñia'₅₄ lia'₂ con'₂ léi₄ jui₁lia'₂ a₂ca₂i₃ñí₂ Jonás i₂jme₁'é₂ jág₁ o₄quió'₄ Diú₄ bá₄. ⁴⁰ Ia₁ jui₁lia'₂ ca₂'í₃ Jonás 'ni₅ jmig₄, 'ni₅ nei₅ tē₂dsí₅ já'₂ jmig₂ pan₅₄ 'éi₂, le₂jaun₂ bá₄ 'í₂ Jaun₅ dsa₂ mi₂güig₃ né₃ 'uē₃ 'ni₅ jmig₄, 'ni₅ nei₅. ⁴¹ Jmig₄ jē₁ma₂tē₂ rē₁con₂ Diú₄ 'í₁, dsa₂ i₂jme₁chan₂ juig₂ ciudad Nínive, dsa₂ 'éi₂ bá₄ náu₃ qui₃dsi₂₃ 'éi'₃ ján₃ ja₁con'₂ 'nia'₂ dsa₂ chang'₂ jmig₄ né₃. Ia₁ dsa₂ 'éi₂ ca₂jéin'₃ dsí₅ lia'₂ con'₂ jme₁ca₂'é₂ Jonás jág₁ quió'₅ Diú₄. La₁ nē₃ né₃ la₂ chén'₅ jan₂ i₂juin'₂ gué₄ lia'₂ con'₂ gué₄ Jonás 'éi₂. ⁴² 'Io₅₄ rag₅₄ i₂jme₁gon₂ 'uē₃ tē₂le₃ sur, ján₃ bá₄ náu₃ 'éi₂ jmig₄ i₁qui₃dsi₅ Diú₄ 'éi'₃, ján₃ gué'₂ 'liog'₃ 'éi₂ 'liain'₃ 'nia'₂ i₂chang'₂ jmig₄ né₃. Ia₁ 'éi₂ né₃ ca₂já₃ uing₂ lin₃ ca₂'í₃ jui₅ a₂ca₂o₃né₃ jág₁ quió'₅ Salomón 'a₂ lia'₂ jme₁ñí'₂ dsí₅ 'éi₂ a₂ñí₄ lē₃ jme₁tñin₂;† la₁ nē₃ né₃, la₂ chén'₅ jan₂ i₂juin'₂ gué₄ con'₂ gué₄ Salomón 'éi₂.

Jme₂dsí₂ 'lin'₅₄ i₂jón'₂ táng₃
(Lucas 11:24-26)

⁴³ 'Jē₁ma₂o₂'ín₃ jan₂ jme₂dsí₂ 'lin'₅₄ quió'₅ jan₂ dsa₂, jaun₂ dsi₂ñí₃ le₂tan₅₄ ja₁quein₂ 'no'₂ ja₁jñia₃. Nē₁jua'₂ tsá₃ ca₂dsó'₂ ja₁jñia₃ né₃, jaun₂ 'no'₂ táng₃ dsí₅: ⁴⁴ “Nég'₄ táng₃ dsi₂néi₂ quió'₃ ja₁ca₂o₃'íng₃.” Jē₁ma₂ca₂dsiáin'₃ jaun₂, dsain'₂ táng₃ dsa₂ 'éi₂ líin₅ co₂'nió'₄ bá₄ caun₂ dsi₂néi₂ a₂rē₂jē₄, rē₂'ia'₅₄, rē₂ chí'₅. ⁴⁵ Jaun₂ né₃ o₂'iin₅₄ táng₃ dsó₅ chi₂liain'₂ con'₂ gué₄ guion₃ jme₂dsí₂ 'lin'₅₄ riin'₅₄ i₂lē₁'ñio₅ gué₄ con'₂ gué₄ 'ñiog₅. Dsi₂lein₅ dsi₂tñain'₂ tē₂dsí₅ dsa₂ 'éi₂. Jaun₂ dsa₂ 'éi₂ né₃, dsióg₄ léin₂ le₃'liin'₅₄ gué₄ lin₃ gué₄ con'₂ gué₄ jme₁líin₄ le₂'uig₅₄.§ Le₂nē₅ bá₄ dsi₃ñí₂ tsi₁jon₂ 'lin'₅₄ i₂chan₂ rē₂né₃.

Chi'₂ rin'₅₄ Jesús quian'₅₄ chog₅₄
(Marcos 3:31-35; Lucas 8:19-21)

⁴⁶ Tē₃ 'en₅₄ Jesús dsia₂₃ jág₁ tsí'₅ dsa₂, jme₁ca₂dsi₃lén₂ chi'₂ riin'₅₄ quian'₅₄ chog₅₄ né₃. Ca₁'né₄ bá₄ ca₂tñain'₂ a₂'nio₃ dsia₃ jág₁ quian'₅₄ Jesús. ⁴⁷ Jaun₂ ca₂i₁con₂ jan₂ jág₁, ca₂juá'₂:

† 12:42 'í₂ 1 Reyes 10; 2 Crónicas 9:1-12. § 12:45 'Nio'₂ ja₁ton₅ 2 Pedro 2:20.

—Chog² quian⁵⁴ chi² ríng² tíain⁵ ca¹'né⁴, a²'nio³ dsia³ jág¹ quian⁵⁴ 'ne².^{*}

⁴⁸ Jaun² ca²ɲag³ Jesús:

—¿'Ein² 'éi² cha³ jniá², 'ein² 'éi² rín³ jniá² né³?

⁴⁹ Jaun² né³ ca²'iin³ chi² dsi²guia³-tín² quiáin⁵, jaun² ca²juá²:

—I²la² bá⁴ lín⁵ co²'nió⁴ cha³ jniá², quian⁵⁴ ríng³ né³.⁵⁰ Ia¹ jui¹'ein² gué³ i²jmo⁵ a²'ɲio² dsí⁵ ɲe³ jniá² i²guá⁵ guei⁵⁴ i²juí³, i²'éi² bá⁴ lín⁵ jui¹lia² dsó² ríng³, 'io⁵⁴ ríng³, cha³ né³.

13

Jág¹ a²jáng⁵ léi⁴ jui¹lia² dsa² i²séi² mǐg² jon²

(Marcos 4:1-9; Lucas 8:4-8)

¹ Jmǐg⁴ jaun² ca²o³'ín³ Jesús dsi²néi² ja¹jme¹'ein⁵⁴, ca²ɲó³ ca²i¹gua² chei⁵⁴ jmi¹'ɲí⁴.² Ia¹ ca²ɲí² táng³ juin⁵ lín³ dsa² le³lág³ quió⁵ ja¹guá⁴, jaun² ca²'í³ 'ɲió³ tsi¹mu⁵, jaun² ca²guá². Jaun² dsa² gué² né³ ca²tóin² ca²le³jíin³ chei⁵⁴ jmǐg².³ Jaun² né³ ca²jme³tiin²³ dsa² 'lióng² lín³ jág¹ tē²le³ quian⁵⁴ jág¹ a²jáng⁵ léi⁴.

Ca²juá²:

—Jan² dsa² ca²ɲe⁴ ja¹nau² ca²i¹séi⁴ mǐg² jon²; ⁴ jme¹ma²'ein⁵⁴ séi² né³, a²lín⁵⁴ mǐg² jon² ca²i³ga⁵⁴ le²'i⁴ jui⁵, jaun² né³ i¹tan⁵ bá⁴ ca²o³lén² ca²cág³.⁵ A²lín⁵⁴ gué² mǐg² jon² ca²i³to⁵⁴ jē⁴ ni¹cang¹, ja¹tsá³ lín⁴ gua⁵⁴ lé⁵. A²jaun² né³ tsá³ ué² ca²rē³'ag⁴ ca²'ia², ia¹ tsá³ jī² gua⁵⁴ ja¹i³to⁵⁴.⁶ La¹ jme¹ca²tē² 'iog², ca²rē³juing⁵, ca²cáu² bá⁴ a²jaun², ia¹ tsá³ jmú⁴ 'lióng² jme¹ma²cha².⁷ A²lín⁵⁴ gué² i³ga⁵⁴ ja¹lé⁴ ni¹taun⁵. Jme¹ca²i³cón³ ni¹taun⁵ né³, ca²jlē³ bá⁴ jon² jaun² táng³.⁸ La¹ a²lín⁵⁴ gué² né³ ca²tín² ja¹'o⁵⁴ 'uē³; a²jaun² ca²rau² dse³; a²lín⁵⁴ mǐg² jon² ca²'ág² jma³cáun³ 'ɲiá²-láu² mǐg² lia² ca²mǐg² jon² a²i³jnia⁴; a²lín⁵⁴ gué² jma³'nag² ne²guió² mǐg², a²lín⁵⁴ gué² jma³guió²-guiá² mǐg².⁹ Chi²jua² 'ein² 'nia² i²dsi⁵⁴ rē²gua⁴, nei² 'nia².

Ta¹ qui⁵ jág¹ a²jáng⁵ léi⁴

(Marcos 4:10-12; Lucas 8:9-10)

¹⁰ Jaun² ca²jme³quián³ chi² dsi²guia³-tín² con² Jesús, jaun² ca²ɲag³:

—¿'E² lē³ jme²tǐng¹ dsa² jmá³ lia² quian⁵⁴ jág¹ a²jáng⁵ léi⁴?

¹¹ Jaun² né³ ca²ɲag³ Jesús:

—Diú⁴ bá⁴ jmo⁵ a²rē³ɲí² 'au² 'nia² jág¹ rē²'ma⁴ jui¹lia² 'a² lia² lé⁵ ja¹goin² guei⁵⁴ i²juí³. La¹ ja¹con² dsa² nē⁵ né³, tsá³ le²jaun².¹² Ia¹ jui¹lia² dsa² i²ɲí² dse³, Diú⁴ bá⁴ jmo³ le³ɲí² gué⁴ 'lióng², jaun² dsi¹lén² lén² dsa² i²niog⁵ dsi⁴. La¹ jui¹lia² i²tsá³ 'nio³ le³ɲí² né³, Diú⁴ bá⁴ jmo³ co²dsia⁵ tsá³ le³ɲí² co²ɲei⁵⁴.¹³ 'Uig⁵⁴ jaun² bá⁴ a²jme²tín² jniá² dsa² tē²le³ quian⁵⁴ jág¹ a²jáng⁵ léi⁴:

Ia¹jaun² i²jág³,

la¹ tsá³ le³lí⁴ 'e² a²nē²jág³;

i²nē²néi² gué² né³,

la¹ tsá³ ca²rē³lí⁴ 'e² a²nē²néi²,

on³ gué⁴ ca²ɲí².

¹⁴ Jaun² le²nē⁵ rē²ti³ tē²le³ quió⁵ dsa² nē⁵ jui¹lia² ca²juá² Isaiás i²ca²'é² jág¹ quián⁵ Diú⁴: Dsón² bá⁴ nág¹ 'nia²,

la¹ tsá³ le³ɲí² 'e² a²nág¹;

Caun² qui¹jag⁵⁴ 'nia² né³,

la¹ tsá³ le³len⁵⁴ 'nia².

¹⁵ Ia¹ a²ma²'ua² dsi⁴ bá⁴ dsa² la², ja²lag³ bá⁴ nag²³,

* 12:47 A²lín⁵⁴ chog⁵⁴ si² tsá³ chi¹ton⁵

ně₂ja₄ bá₄ i₂ma₂rě₂jni₅ rě₂gua₄;
 já₃ bá₄ le₂ně₅, ně₂ja₄ bá₄ a₂tsá₃ jniá₂ mi₂ne₅₄,
 ia₁jaun₂ tsá₃ já₃g₃ quian'₅₄ mi₂ne₅₄,
 on₃ gué'₂ nag₃ quian'₅₄ rě₂gua₅₄,
 on₃ gué'₄ le₃ŋí'₂ dsí'₅,
 ia₁jaun₂ tsá₃ jéin'₃ dsí'₅ ja₁con₂ jniá₂
 ia₁jaun₂ jme₁'lio₁₂ jniá₂.*

¹⁶ 'La₁ 'e₂ gué'₄ dsen'₃ 'nia'₂ ia₁ jniá₂ mi₂ne'₅₄, nag'₂ bá₄ 'nia'₂ né₃ quian'₅₄ rě₂guá'₂.
¹⁷ A₂dsi₂jó'₃ juí₂g₂ jniá₂ 'nia'₂, juin₅ dsa₂ i₂jme₁'é₂ já₃g₁ quián₅ Diú₄ ma₂líg'₂, juin₅ dsa₂ dsen₃,
 jme₁'nio₃ tē₃ ne₅₄ a₂jág'₂ 'nia'₂ rě₂né₃, la₁ tsá₃ ca₂jág₃; jme₁'nio₃ nag₃ né₃ juí₁lia'₂ a₂nag'₂
 'nia'₂ rě₂né₃, la₁ tsá₃ ca₂nág₂.

Juá'₂ Jesús tsí'₅ dsa₂ lia'₂ tí₅ já₃g₁ 'e₂ já₃g₁ dsau₅ já₃ng'₅ juí₁lia'₂ já₃g₁ quió'₅ dsa₂ i₂séi₂
 mi₂jon₂

(Marcos 4:13-20; Lucas 8:11-15)

¹⁸ 'Nei₂ 'nia'₂ jaun₂, 'e₂ já₃g₁ dsau₅ já₃ng'₅ juí₁lia'₂ já₃g₁ quió'₅ dsa₂ i₂séi₂ mí₂g₂ jon₂.
¹⁹ Juí₁lia'₂ dsa₂ i₂nag₅ já₃g₁ dse₃ a₂já₅ guei'₅₄ i₂juí₃g₃ ja₁gon₂ Diú₄, ně₁jua'₂ tsá₃ ŋíi'₂, lín₅
 juí₁lia'₂ mí₂g₂ jon₂ a₂ca₂séi'₂ dsi₂juí₅. I₂sě₃dsen₃ bá₄ ja₂ ja₁coin₂, jaun₂ jniá'₂ tá₃ng₃ já₃g₁ dse₃
 a₂jme₁ma₂jnia₄ tē₂dsí'₅. ²⁰ Mí₂g₂ jon₂ a₂ca₂séi'₂ gué'₂ jě₄ ni₁cang₁, lé₅ juí₁lia'₂ lín₅ dsa₂ i₂gue₅
 'ŋio₂ dsí'₅ já₃g₁ dse₃ a₂nag₂₃, ²¹ la₁ia₁ tsá₃ cha₂ gué'₂ jě₁dsi₃ 'má₂ jmú₄ né₃ 'uě₃, tsá₃ uě₂ tíó'₅;
 jaun₂ jě₁ma₂já₅ o₂i₁ dsí'₅ a₂dsi₂ŋíi'₂ 'e₂ dsí₂ŋíi'₂, o₃ qui₂co₂'ein₅ dsa₂ o₄quió'₄ já₃g₁ quió'₅ Diú₄,
 guein₂₃ tí₂ bá₄ tá₃ng₃ já₃g₁. ²² Juí₁lia'₂ mí₂g₂ jon₂ a₂i₃ga'₅₄ jě₄ ni₁taun₅ gué'₂ tá₃ng₃, já₃ng'₅
 já₃g₁ dsau₅ juí₁lia'₂ dsa₂ i₂nag₅ já₃g₁ dse₃, la₁ia₁ 'ŋio₅ lín₃ gué'₄ 'i₅ dsí'₅ o₂me'₅₄ dsí'₅ a₂cha₂
 mi₂güí₃ la₂, a₂'ín₅ dsí'₅ a₂le₃cha₂ cu₄ a₂le₃chain₂ dse₃ né₃, a₂ně₅ bá₄ a₂jme₂gau₅ tá₃ng₃
 quió'₅. Ca₂le₃jě₃ a₂ně₅ jlě₂ bá₄ tá₃ng₃ já₃g₁ dse₃ a₂jme₁ma₂nág₂, jaun₂ tsá₃ ma₂'e₂ a₂dse₃
 ráu₃ ja₁con₂ dsa₂ 'éi₂. ²³ La₁ juí₁lia'₂ mí₂g₂ jon₂ a₂ca₂séi'₂ ja₁dse₃ gua'₅₄, já₃ng'₅ tá₃ng₃ já₃g₁
 dsau₅ tē₂le₃ ja₁con₂ dsa₂ i₂nag₅ já₃g₁, ton'₂ ŋíi'₂ né₃; jaun₂ jmá'₃ lia'₂ ca₂ne₅₄ a₂dse₃ bá₄ rau₂
 ja₁coin₂. I₂lín₅₄ gué'₂ dsa₂ 'éi₂ tē₂le₃ quian'₅₄ a₂dse₃ rě₂jniá₂ a₂jmo₂₃, lín₅ juí₁lia'₂ lé₅ lia'₂
 ca₂cho'₅₄ mí₂g₂ a₂ca₂i₃jnia₄, rau₂ caun₂ 'ŋiá₂-láu₂ mí₂g₂ lia'₂ ca₂mí₂g₂; i₂lín₅₄ gué'₂ jma₃'nag'₂
 co₂ne₂guió₂; i₂lín₅₄ gué'₂ jma₃guió₂-guiá₂ mí₂g₂.

Já₃g₁ a₂já₃ng'₅ léi₄ juí₁lia'₂ ni₁nau₂ 'lig'₅₄ a₂ca₂'ia₂ jě₄ trigo

²⁴ Ca₂juá'₂ Jesús tá₃ng₃ ca₂tsí'₃ dsa₂ caun₂ já₃g₁ a₂já₃ng'₅ léi₄ siá'₂:

—A₂lé₅ guei'₅₄ i₂juí₃g₃ ja₁gon₂ Diú₄ lia'₂ lín₅ jan₂ dsa₂ i₂ca₂séi₂ ca₂ne₅₄ mí₂g₂ jon₂ dse₃
 'uě₃ quió'₅; ²⁵ la₁ caun₂ 'uě₂ jme₁ma₂le₁güín₃ dsa₂ le₃jíin₃, ca₂guan₃ jan₂ dsa₂ 'lín'₅₄
 i₂'iog₅₄ ca₂jmo₃ uig₅ dsí'₅ ca₂guia'₃ jon₂ ni₁nau₂ 'lig'₅₄ jě₄ trigo, jaun₂ ca₂ŋái'₃ tá₃ng₃.
²⁶ Jme₁ca₂i₃cón₃ trigo, jme₁ma₂tio'₅₄ mí'₂ né₃, jě₄ jaun₂ ca₂'ia₂ ni₁nau₂ 'lig'₅₄ já₃n₃. ²⁷ Jaun₂
 né₃, dsa₂ i₂jme₂ti₃ ta₁ ne₄ juig₅₄ ja₁nau₂, ca₂i₁con₂ já₃g₁ ne₄ juig₅₄, ca₂juá'₂: “Gui'₅₄,
 ¿on₁jua'₅₄ jmá'₃ ca₂ne₅₄ mí₂g₂ jon₃ dse₃ ca₂ŋí'₂ ja₁nau₂ quiáng'₂ jme₁ca₂ŋí'₂? ¿'A₂ gué'₂
 lia'₂ ca₂lě₃ a₂ca₂'ia₂ ni₁nau₂ 'lig'₅₄ jaun₂ né₃?” ²⁸ Jaun₂ ca₂ŋag₃ dsa₂ juig₅₄: “An₁ jan₂
 dsa₂ 'lín'₅₄ i₂'iog₅₄ bá₄ ca₂jmo₃ a₂ně₅.” Jaun₂ ca₂ŋag₃ dsa₂ i₂jme₂ti₃ ta₁ ne₅₄: “¿Tsa₁ 'niog'₂
 jua'₅₄ co₂dsia₅ dsi₁guéi₁ jnia'₅₄ ni₁nau₂ 'lig'₅₄ jaun₂?” ²⁹ Jaun₂ ca₂ŋag₃ tá₃ng₃ 'éi₂, ca₂juá'₂:
 “Jan₂'ón₄. Tíó'₅ bá₄. Ia₁ con'₂ tsá₃ ŋó₅ ně₁jua'₂ le₂jio₅ tag₄ trigo dse₃ bá₄ ca₂cang₅.
³⁰ Ja₂lín₃ gué'₄ dse₃ juí₁le₁dsi₅₄ me'₂ jaun₂, juí₁dsi₂cón₃ bá₄ co₂lě₅, ca₂lia'₂ ca₂tě₂ jmig₄
 i₁ráu₃; jaun₂ gué'₄ tsing₅₄ dsa₂ a₂dsi₃cang₅₄ de'₂ le₂'uig₅₄ ni₁nau₂ 'lig'₅₄, jaun₂ cá₃g'₃ jmá'₃
 co₂dsong'₅₄ ia₁jaun₂ 'nei₃, dsi'₂, jaun₂ gué'₄ cá₃g'₃ trigo tó'₃ caun₂ ja₁tó'₃ dsi₂néi₂ quió₃.”

* 13:15 Isaías 6:9-10.

*Jág*₁ a₂jáng'₅ léi₄ jui₁lia'₂ mǐg₂ jon₂ quió'₅ ni₁'ma₂ mostaza
(*Marcos 4:30-32; Lucas 13:18-19*)

³¹ Ca₂dsia₃ Jesús ján₃ caun₂ jág₁ a₂jáng'₅ léi₄ le₂la₂:

—Ja₁gon₂ Diú₄ guei'₅₄ i₂juíg₃, lé₅ jui₁lia'₂ lé₅ mǐg₂ jon₂ quió'₅ ni₁'ma₂ mostaza† a₂ca₂jné₂ jan₂ dsa₂ ja₁nau₂ quió'₅. ³² Dsón'₂ mǐg₂ jon₂ jaun₂ lé₅ mǐg₂ a₂pí'₁ tei₄ gué₄ 'ñio₅ lin₃ lia'₂ con'₂ gué₄ mǐg₂ jon₂ síá'₂; la₁ia₁ jě₁ma₂ca₂i₃cón₃ né₃, lé₂ caun₂ ni₁'ma₂ pa₁ gué₄ lia'₂ con'₂ gué₄ rin'₅₄ a₂cha₂ ja₁nau₂ quió'₅, ca₂tě₂ i₁tan₅ lé₂ le₃tian'₃ gu'₂ nei'₅₄.

*Jág*₁ jáng'₅ léi₄ jui₁lia'₂ 'a₂ lia'₂ rón'₂ i₁ñí'₄
(*Lucas 13:20-21*)

³³ Ca₂dsia₃ Jesús jág₁ a₂jáng'₅ léi₄ le₂la₂ táng₃:

—Lé₅ guei'₅₄ i₂juíg₃ ja₁gon₂ Diú₄, jui₁lia'₂ lé₅ levadura a₂co₂güin'₂ jan₂ 'io₅₄ quian'₅₄ 'ni₅ tio'₅₄ ñí₁ ca'₅₄† ti₁jui₁ harina, ia₁jaun₂ ron'₂ dse₃ ca₂le₃jé₃ ti₁can₁.

*Ta*₁ a₂quí'₅ jág₁ a₂jáng'₅ léi₄ a₂ca₂jme₃tag₅ Jesús
(*Marcos 4:33-34*)

³⁴ Ca₂le₃jé₃ jág₁ la₂ ca₂juá'₂ Jesús ca₂tsí'₃ dsa₂ tě₂le₃ quian'₅₄ jág₁ a₂jáng'₅ léi₄; 'i₁co₂ráun₂ tsá₃ jme₁jme₂tag₂₃ jua'₅₄ tsá₃ tě₂le₃ quian'₅₄ jág₁ a₂jáng'₅ léi₄. ³⁵ Le₂ně₅ ca₂jmo₃ ia₁jaun₂ le₃ti₃ jág₁ a₂jme₁ma₂rě₂'é₂ quió'₅ dsa₂ i₂jme₁'é₂ jág₁ quián₅ Diú₄ ma₂líg'₂ jme₁ca₂juá'₂: 'Uě'₅₄ jniá₂ jág₁ 'o₃

tě₂le₃ quian'₅₄ jág₁ a₂jáng'₅ léi₄;
dsia₅₄ jniá₂ jág₁ a₂tsá₃ ma₂ca₂rě₃jniá₂
ca₂le₃ ca₂jmo₃ Diú₄ mi₂güíg₃.§

*Dsia*₅ Jesús lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ ni₁nau₂ 'lig'₅₄ a₂ca₂'ia₂ jě₄ trigo

³⁶ Jaun₂ né₃, ca₂o₃'ín₃ Jesús jin₄ dsa₂ juin₅ ja₁jme₁'ein₅₄ jaun₂ ca₂'í₃ táng₃ caun₂ dsi₂néi₂.
Jaun₂ ca₂o₃lén₂ táng₃ chi'₂ dsi₂guia₃-tín₂ ja₁coin₂, ca₂juá'₂:

—Dsia₄ lia'₂ tí₅ jág₁ 'e₂ jág₁ dsau₅ jáng'₅ jui₁lia'₂ jág₁ quió'₅ ni₁nau₂ 'lig'₅₄ a₂ca₂'ia₂ jě₄ trigo.

³⁷ Jaun₂ ca₂ñag₃ Jesús:

—Dsa₂ i₂ñi₅ séi₂ mǐg₂ jon₂ dse₃, Jaun₅ dsa₂ mi₂güíg₃ bá₄ 'éi₂; ³⁸ ja₁nau₂ guě'₂ lé₅ co₂'nió'₄ mi₂güíg₃ la₂. Jon₂ dse₃ guě'₂ né₃, co₂'nió'₄ lín₅ chi'₂-guein₂ i₂tion'₅₄ 'éi'₃ quió'₅ Diú₄. Ni₁nau₂ 'lig'₅₄ guě'₂ né₃, co₂'nió'₄ dsa₂ i₂tion'₅₄ jui₅ 'éi'₃ quió'₅ i₂sě₃dsen₃. ³⁹ Dsa₂ 'lin'₅₄ i₂'iog₅₄ i₂ca₂jné₂ jon₂ ni₁nau₂ 'lig'₅₄, i₂sě₃dsen₃ bá₄ 'éi₂. I₁ráu₃ guě'₂ né₃, lé₅ jmi₄ jě₁ca₂tó'₂; i₂ja₃lén₂ ja₃cag'₅₄ gué₄ né₃, ángeles quián₅ bá₄ Diú₄. ⁴⁰ Jaun₂, jui₁lia'₂ cág'₅ dsa₂ ni₁nau₂ 'lig'₅₄, a₂tó'₅ dsi₂si₂, le₂ně₅ bá₄ lé₂ ján₃ jmi₄ jě₁ca₂tó'₂ mi₂güíg₃ la₂. ⁴¹ Chen₃ Jaun₅ dsa₂ mi₂güíg₃ ángeles quián₅ ia₁jaun₂ 'uín'₂ jě₄ quió'₅ dsa₂ quián₅ ca₂le₃jín₃ i₂jmo₅ qui₂sén'₂ rin'₅₄ a₂'no₂₃ dso₄, ca₂le₃jín₃ gué₄ i₂ca₂rě₃chán₃ i₂tsá₃ ca₂tí₂ jui₅ 'lig'₅₄. ⁴² Jaun₂ to'₂ ja₁néi'₅ tsí'₄ si₂, ja₁tóin'₃ qui'₂-o₂₃, qui₃quí₃ jan₅₄ né₃. ⁴³ Jaun₂, dsa₂ dsen₃ quián₅ Diú₄ guě'₂ dsi₃lein₅ dsi₃tian'₂ ja₁jniai₅₄ tá₅ jui₁lia'₂ jniá₂ 'iog₂ ja₁jmo₅ Diú₄ Jmei₂ 'éi'₃. Chi₂jua'₂ 'ein₂ 'nia'₂ i₂dsi₅₄ rě₂gua₄, rě₂ nei₂ 'nia'₂.

*Jág*₁ a₂jáng'₅ léi₄ jui₁lia'₂ caun₂ a₂quen₅ gué₄ 'ñio₅ lin₃ a₂rě₂'ma₄

⁴⁴ 'Guei'₅₄ i₂juíg₃ ja₁gon₂ Diú₄ ján₃ bá₄ lé₅ jui₁lia'₂ caun₂ a₂quen₅ 'ñio₅ lin₃ a₂rě₂'ma₄ rě₂'o₅ né₃ 'uě₃. La₁ jui₁lia'₂ jan₂ dsa₂ i₂dso'₂ né₃, ja₁jaun₂ bá₄ 'ma₂₃ táng₃; ia₁ a₂ñí₄ lě₃ 'io'₂ jén'₅, jaun₂ dsáin'₅ dsi₂'nág₂ ca₂le₃jé₃ 'e₂ a₂cha₂ quió'₅, jaun₂ lás₅ 'uě₃ jaun₂.

*Jág*₁ a₂jáng'₅ léi₄ jui₁lia'₂ mǐg₂ perla a₂quen₅ lin₃

† 13:31 mostaza: On₃jua'₅₄ mi₁ján'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tě'₂ tě₅sí₃ Brassica nigra. ‡ 13:33 griego: “ni₅ tio'₅₄ ñí₁ sata”, a₂tio'₅₄ con'₂ 22 litros le₂caun₂ ñí₁. § 13:35 Salmo 78:2.

⁴⁵ 'Ján₃ bá₄ lé₅ guei'₅₄ i₂juí₃ ja₁gon₂ Diú₄ jui₁lia'₂ lín₅ jan₂ dsa₂ i₂ñi₅ 'no'₂ perlas jlá'₁ ia₁jaun₂ jmo₃ 'ma'₅₄. ⁴⁶ Jë₁ma₂ca₂dsó'₂ ca₂míg₂ a₂quen₅ lin₃, dsáin'₅ dsi₂'nág₂ ca₂le₃jé₃ 'e₂ a₂cha₂ quió'₅, jaun₂ lá₅ míg₂ jlá'₁ jaun₂.

Jág₁ a₂jáng'₅ léi₄ jui₁lia'₂ tsi'₁má₅

⁴⁷ 'Ján₃ bá₄ le₂jaun₂ lé₅ guei'₅₄ i₂juí₃ ja₁gon₂ Diú₄ jui₁lia'₂ lé₅ caun₂ tsi'₁má₅ a₂táun₂ dsa₂ ne₄ jmi₁ñí'₄ jaun₂ 'uúin'₂ ca₂le₃jín₃ ne₅₄ já'₂. ⁴⁸ Jë₁ma₂ca₂rin₅ tsi'₁má₅, dsa₂ né₃ 'iin₅ tē₂le₃ chei'₅₄ jmi₁ñí'₄; jaun₂ quióin'₂ jmá'₃ lia'₂ ju₄ dsen₃ caun₂ ja₁to'₂, jaun₂ guian'₂ bá₄ jui₁lia'₂ já'₂ i₂tsá₃ dsen₃. ⁴⁹ 'Ján₃ bá₄ le₂jaun₂ lé₂ jmíg₄ jë₁ca₂tó'₂ mi₂güí₃ la₂: 'uín₃ ángeles ja₃jmó₂ jma₃quén₅ dsa₂ 'lin'₅₄ jë₄ quió'₅ dsa₂ dsen₃ ⁵⁰ jaun₂ toin'₂ i₂'lin'₅₄ ja₁néi'₅ tsi'₄ si₂ ja₁dsi₃toin'₅₄ qui'₂-o₂₃ qui₃quí₃ ja₅₄ né₃."

Jui₁lia'₂ cu₄nióg₄ 'mí₂ quian'₅₄ cu₄nióg₄ gui'₅₄

⁵¹ Jaun₂ ca₂ñí'₃ Jesús chi'₂ dsi₂guia₃-tín₂ quiáin₅:

—¿ñíg'₂ 'nia'₂ ca₂le₃jé₃ jág₁ a₂juá'₅ jniá₂ në₅?

Jaun₂ ca₂ñag₃:

—ñág'₂ bá₄ jnia'₅₄.

⁵² Jaun₂ ca₂juá'₂ Jesús né₃:

—Jui₁lia'₂ jan₂ tē₅juá'₅ i₂ma₂ca₂jme₃tín₅ 'a₂ lia'₂ lé₅ guei'₅₄ i₂juí₃ ja₁gon₂ Diú₄, lín₅ jui₁lia'₂ lín₅ jan₂ juí₅₄ tsi'₁'né₅ i₂'ué'₅ a₂quen₅ a₂te₁'i₁ le₁'ma₁ dsi₂néi₂ quió'₅, lia'₂ cosas 'mí₂ lia'₂ cosas gui'₅₄ né₃.

'En₅₄ Jesús jë₄ juí₂ Nazaret

(Marcos 6:1-6; Lucas 4:16-30)

⁵³ Jme₁ca₂dsan₃ jme₂tín₅ Jesús dsa₂ jág₁ a₂jáng'₅ léi₄ në₅, ca₂o₃'iin₃ bá₄ ja₁jaun₂, ñái'₃ juí₂ go₅₄. ⁵⁴ Jme₁ca₂dsiáin'₃ jaun₂ né₃, ca₂jme₃lióg₃ ca₂jme₃tín₂₃ dsa₂ jág₁ dse₃ quió'₅ Diú₄ dsi₂néi₂ guá'₅ sinagoga quió'₅ dsa₂ ja₁jaun₂, jaun₂ dsa₂ né₃, ca₂i₃gó'₃ dsí₅ jág₁ a₂ca₂nág₂, jaun₂ ca₂dsia₃:

—¿A₂já'₄ ca₂i₁jme₁tín₅ i₂në₅ jág₁ a₂ñí₄ lë₃ tiin₂₃ në₅? ¿'A₂ bá₄ lia'₂ 'io₂₃ bí₂ a₂tiin₂ jmo₃ o₂dsain₂ né₃? ⁵⁵ ¿On₁jua'₅₄ i₂në₅ ja₁ñi'₅₄ tē₅'má₃? ¿On₁jua'₅₄ chog₅₄ i₂chen₂ María? ¿On₁jua'₅₄ i₂në₅ i₂lín₅ rin'₅₄ Santiago* quian'₅₄ Sé₄, Si₂mu₅₄, Judas né₃? ⁵⁶ ¿On₁jua'₅₄ jë₄ quián₂ jniog₄ la₂ tián'₅ 'io₅₄ riin'₅₄ né₃? ¿'A₂ bá₄ já'₄ já₅ a₂ñí₄ lë₃ cuí'₅ i₂në₅ ca₂le₃jé₃ jág₁ a₂tiin₂ në₅?

⁵⁷ Jaun₂ tsá₃ dse₃ ca₂tín₂ dsa₂ jág₁ jaun₂ quió'₅, tsá₃ jui₅ ca₂tón'₃ dsa₂. La₁ ca₂juá'₂ Jesús:

—Ca₂le₂con₂ bá₄ juí₂ siá'₂ jme₂gan₃ dsa₂ jui₁lia'₂ jan₂ dsa₂ i₂'é₂ jág₁ quián₅ Diú₄; jñia'₅₄ lia'₂ dsa₂ go₅₄ bá₄, tsá₃ jei₅₄, quian'₅₄ dsa₂ dsi₂néi₂ quió'₅ 'ñiog₅ né₃.

⁵⁸ Jaun₂ tsá₃ ma₃léi₄ jué'₂ lín₅₄ ca₂jmo₃ ja₁jaun₂, ia₁ tsá₃ gué'₂ 'én₂ dsa₂.

14

Ca₂jon₃ Juan₅₄ i₂chon₅ dsa₂ jmíg₂

(Marcos 6:14-29; Lucas 9:7-9)

¹ Jmíg₄ jaun₂ Herodes, i₂jme₁lín₄ dsi₄má'₂ 'uë₃ Galilea, ca₂rë₃ñi₅ jág₁ a₂ñi₅ Jesús le₂con₂ jaun₂. ² Jaun₂ dsia₂₃ tsí'₅ dsa₂ i₂jme₂ti₃ ta₁ ne₅₄:

—Juan₅₄ i₂chon₅ dsa₂ jmíg₂ bá₄ në₅ ñi₅; ma₂ca₂jjein'₅₄ táng₃. 'Uí₅₄ jaun₂ 'io₂₃ jui₅bí₂ a₂jmo₂₃ léi₄ jué'₂.

³ Ia₁ le₂jñiá₅ ma₂ca₂jña'₃ dsa₂ Juan₅₄ 'éi'₃ quió'₅ Herodes, ca₂'nei'₂, ca₂to'₂ dsa₂ né₃ 'má₃ né₃. Ca₂jmo₃ le₂në₅ 'uig₅₄ quió'₄ 'io₅₄ Herodías i₂jme₁lé₄ dsa₂ mí₂ quián₅ Fe₂li₄ riin'₅₄. ⁴ Ia₁

* 13:55 Santiago: ján₃ bá₄ chein₂ Jacobo.

'lióng₂ ráun₂ ma₂qui₂ma₂juá'₂ Juan₅₄ ma₂qui₂ma₂tsí'₃ Herodes: “Tsá₃ 'i₄ 'éi'₃ cáng'₄ 'io₅₄ nē₅.”

⁵ 'Uig₅₄ jág₁ jaun₂, jme₁'nio₃ Herodes njii'₃ Juan₅₄, la₁ tsá₃ tiá₂ dsí₅, ia₁ jme₁gain₃ dsa₂; ia₁ ca₂le₃jín₃ bá₄ dsa₂ jme₁'éin₂ a₂lín₅ Juan₅₄ jan₂ dsa₂ i₂'é₂ jág₁ quián₅ Diú₄. ⁶ La₁ caun₂ jmig₄ né₃, jme₁ca₂dsí'₃ Herodes nj₂, ca₂o₃'ín₃ ja₁míg₄ 'io₅₄ Herodías, ca₂dsáin₂ jin₄ dsa₂ i₂té₁ jmig₄. A₂nē₃ né₃ ca₂té₂ dsí₅ 'njio₅ lín₃ Herodes, ⁷ ca₂lia'₂ ca₂cué₃ jág₁ quió'₅, ca₂le₃jé₃ 'iin₂₃ Diú₄ a₂cué₃ 'e₂ caun₂ a₂mi₃ 'io₅₄ bē'₅₄ 'éi₂. ⁸ Jaun₂ né₃, jme₁ma₂nē₂tio'₂ chog₅₄ jág₁, njó₃, ca₂juá'₂:

—Cué₄ mi₂dsi₄ Juan₅₄ i₂chon₅ dsa₂ jmig₂, tē₂nē₃, 'i₄ 'njio'₃ uing₅.*

⁹ Jaun₂ ca₂tá'₂ 'lia'₂ dsí₅ rag₅₄ jme₁ca₂nág₂ le₂nē₅, la₁ tsá₃ ma₃'e₂ nj₅jmo₃, ia₁ ma₂nē₂cué₃ jág₁ quió'₅ a₂'iin₂₃ Diú₄, tē₃nag₅ dsa₂ i₂tion'₅₄ dsi₂néi₂ ja₁nio₅ jmig₄. ¹⁰ Jaun₂ lē₃, ca₂jmo₃ 'éi'₃ a₂ca₂i₁qui'₂ dsa₂ mi₂dsi₄ Juan₅₄ dsi₂néi₂ tsi₁'né₅ 'má₃. ¹¹ Dsi₂jui₅ jaun₂ bá₄ ca₂o₃can₅ dsa₂ mi₂dsi₄ Juan₅₄ rē₂'i₄ 'njio'₃ uing₅, † jaun₂ ca₂cué'₃ 'io₅₄ bē'₅₄ 'éi₂, jaun₂ 'éi₂ né₃ ca₂i₁con₂ ne₄ chog₅₄.

¹² Jme₁co₂lág₂ jaun₂ né₃, ca₂o₃lén₂ dsa₂ i₂jme₁quian'₅₄ Juan₅₄, jaun₂ ca₂tág₃ 'lag₄ 'éi₂ ca₂i₁'ó₄. Jaun₂ gué₄ ca₂i₁lein₅₄ ca₂i₁chi'₄ Jesús.

Ca₂jme₃tan₅₄ Jesús 'njíá₂ mei₅ dsa₂

(*Marcos 6:30-44; Lucas 9:10-17; Juan 6:1-14*)

¹³ Jme₁ca₂rē₃nj₅ Jesús jág₁ nē₅, ca₂o₃'iin₃ ja₁jme₁'ein₅₄, ca₂'í₃ 'njio'₃ caun₂ tsi₁mu₅, a₂jme₁i₂'i₅ caun₂ ja₁co₂'njio₅. La₁ juin₅ dsa₂ juig₂ te₁'i₁ con'₂ ma₂quián₅ jaun₂ ca₂rē₃nj₅, jaun₂ ca₂'uiin₂, ca₂i₁lein₅₄ ca₂i₁'ein₂₃ Jesús juí₅ tag₅₄. ¹⁴ Jme₁ca₂dsióg₃ Jesús le₂'jo'₅₄ jmig₂, ca₂jág₃ juin₅ lín₃ dsa₂ ma₂tión₂ le₁jnjo₅. Jaun₂ ca₂dsia₃ njéi₂ dsí₅ dsa₂ 'éi₂, ca₂jme₃'lióin₂ dsa₂ i₂jme₁qui₂le₁dso'₅₄ quián₅ dsa₂. ¹⁵ Tē₂le₃ ca₂'láu₂ jaun₂, ca₂o₃lén₂ chi'₂ dsi₂guia₃-tín₂ ca₂juá'₂ ca₂tsí'₃ Jesús:

—Ca₂'láu₂ bá₄ la₂, ton'₂ caun₂ ja₁co₂'njio₅ bá₄ la₂ ja₁tsá₃ 'ein₂ tián'₅. 'Ei'₂ jág₁ dsa₂ ia₁jaun₂ dsi₃lén₂ le₂con₂ juig₂ ma₂quián₅ nē₅, qui₂dsi₃lia₅ ca₂la₂ a₂gué'₃.

¹⁶ Jaun₂ ca₂nag₃ Jesús:

—Tsá₃ tion₅₄; cué'₅₄ 'nia'₂ dsa₂ guiong'₅₄ a₂gué'₃.

¹⁷ Jaun₂ ca₂nag₃ chi'₂ dsi₂guia₃-tín₂:

—Tsá₃ 'e₂ a₂siá'₂ cha₂ ja₁lá₃, njia'₅₄ lia'₂ 'njíá₂ i₁nj'₄ bá₄, quian'₅₄ on₃ i₁ju₁.

¹⁸ Jaun₂ ca₂juá'₂ táng₃ Jesús:

—O₂quian₂ 'nia'₂ ja₁lá₃.

¹⁹ Jaun₂ né₃, ca₂tsí'₃ dsa₂ a₂tiain'₃ ne₄ 'uē₃. Jaun₂ ca₂nja'₃ ta₁'njíá₂ i₁nj'₄ quian'₅₄ le₃on₃ i₁ju₁, jaun₂ ca₂chóg'₃ ne₅₄ guei'₅₄ i₂juíg₃, ca₂cué'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁nj'₄, ca₂cué'₃ chi'₂ dsi₂guia₃-tín₂. Jaun₂ 'éi₂ gué₄ né₃ ca₂dsióg'₃ jin₄ dsa₂. ²⁰ Ca₂le₃jín₃ bá₄ dsa₂ ca₂gué'₃ ca₂lia'₂ ca₂'ág'₃ dsí₅. Jme₁ca₂lē₃ gué'₅, jaun₂ ca₂cág'₃ bá₄ gué₄ guia₃-tín₂ tsi₁mi'₂ 'nau₅₄ a₂ca₂chóng₃. ²¹ Dsa₂ i₂ca₂gué'₃ 'éi₂ jme₁tén₄ 'njíá₂ mei₅ jmá'₃ lia'₂ dsa₂ njē'₂, i₂sián'₂ bá₄ dsa₂ mí₂, chi'₂ né₃.

Ca₂nj₃ Jesús ne₄ jmi₁nj'₄

(*Marcos 6:45-52; Juan 6:16-21*)

²² Dsi₂jui₅ jme₁ca₂lē₃ jaun₂, ca₂jmo₃ Jesús 'éi'₃ a₂tón'₃ chi'₂ dsi₂guia₃-tín₂ 'njio'₃ tsi₁mu₅, a₂nj₃ de'₂ 'éi₂ jmig₂ le₁jnjiá₄ lia'₂ con'₂ gué₄ 'njio₅ a₂dsi₃lein₃, tē₁lia'₂ 'í₂ 'njio₅ 'ág'₅ jág₁ dsa₂. ²³ Jme₁ca₂lē₃ 'ág'₅ jág₁ dsa₂, ca₂njó₃ juí₅ má'₂ i₁chi₂i₁lein'₄ Diú₄. Ca₂tó'₂ nei₂ jme₁ca₂tó'₂, jaun₂ bá₄ 'ein₅₄ 'njio₅. ²⁴ Tsi₁mu₅ a₂tion'₅₄ chi'₂ dsi₂guia₃-tín₂ né₃, jme₁ma₂dsióg'₃ dsi₂jo₂ jmi₁nj'₄. Jmig₂ né₃, qui₂jná'₅ tiá₂ lín₃ dso'₂ tsi₁mu₅, ia₁ 'ei₅ tiá₂ dsí₂

* 14:8 lit. “rē₂dsí₂ ne₄ caun₂ ni₁nj'₁ charola.” † 14:11 lit. “rē₂dsí₂ ne₄ caun₂ ni₁nj'₁ charola.”

'liog² le₃ca³. ²⁵ Le₁né₃ tē₂le₃ ca₂jnia₃ jaun₂, ca₂jme₃quián₃ Jesús ja₁ŋáú⁴ tsi₁mu₅ tioin⁵⁴.
²⁶ Jaun₂ né₃ jme₁ca₂jág₂ chi² dsi₂guia₃-tín₂ jóin⁵ ŋi₂₃ ne₄ jmi₁ŋí⁴, ca₂juúin² ca₂tóin²
 co₂mi⁵⁴ ca₂guió³ ca₂juá²:

—jme₂dsí₂ 'lín⁵⁴ † bá₄ ó₃!

²⁷ La₁ dsi₂juí₅ bá₄ ca₂juá² Jesús né₃:

—jDsia₄ 'nia² tiá₂ 'au²! jJniá₂ bá₄ la₂; tsá₃ lē₁juín² 'nia²!

²⁸ Jaun₂ Pe₄ né₃ ca₂ŋag₃:

—Te₁gui⁵⁴, chi₂juá² 'ne₂ nē₅, jmo₄ 'éi³ a₂nei₅₄ ŋi₅₄ ne₄ jmig₂ a₂dsióg₄ tē₂ ja₁chéng⁴
 nē₅.

²⁹ —ŋia₅ jaun₂ —ca₂juá².

Jaun₂ ca₂sión₃ Pe₄ 'ŋió³ tsi₁mu₅, ca₂ŋi₃ ne₄ jmig₂ jme₁ŋó₄ ja₁chén⁴ Jesús. ³⁰ La₁
 jme₁ca₂tón³ jui₅ ca₂jág₃ 'a₂ lia² 'ei₅ tiá₂ dsí₂, ca₂ja₃gó³ dsí₅, jaun₂ gué₄ ca₂rē₃lióg₃
 ca₂i₃'óin⁵ jmig₂. Ca₂guió³ tiá₂, ca₂juá²:

—jLio₄ jniá₂, Te₁gui⁵⁴!

³¹ Dsi₂juí₅ jaun₂ ca₂néi³ Jesús gu₂, ca₂tín₂ quió⁵ Pe₄, jaun₂ juá²:

—j'E₂ gué₄ ca₂juig₄ 'én² 'ne₂! j'E₂ lē₃ nē₂'éi² caun₂-tín₃ 'au²?

³² Jme₁ca₂i₃toin⁵⁴ 'ŋió³ tsi₁mu₅, ca₂'ág₂ táng₃ tei₄ dsí₂. ³³ Jaun₂ i₂jme₁tion⁵⁴ 'ŋió³
 tsi₁mu₅ ca₂jmo₃ i₁'áin₃ ne₄ Jesús, ca₂jme₃juag². Jaun₂ ca₂juá²:

—Dsón² bá₄ líng⁵ ja₁ŋi⁵⁴ Diú₄.

Ca₂jme₃'lión₂ Jesús dsa₂ dso⁵⁴ 'uē₃ Genesaret

(Marcos 6:53-56)

³⁴ A₂ca₂'ain₂ jmig₂ jaun₂, ca₂dsi₃lein₃ 'uē₃ Genesaret. ³⁵ Dsa₂ chan₂ ja₁jaun₂ né₃,
 jme₁ca₂rē₃cuin₂₃ Jesús, jaun₂ ca₂i₁nioi₁₂ ca₂i₁can₅ jág₁ ca₂le₃jé₃ juig₂ te₁'i₁ le₃lág³ jaun₂,
 jaun₂ ca₂o₃jŋia₃ dsa₂ ca₂le₃jín₃ dsa₂ i₂jme₁le₁dso⁵⁴ ja₁'en₅₄ Jesús. ³⁶ Jaun₂ ca₂mi₃ tsá₃
 a₂nag₅₄ o₁jŋia⁵⁴ 'ág₃ tag₄ tsin⁵⁴ bá₄ cuē₃ jmig₄ ní³ dsa₂ i₂le₁dso⁵⁴; jaun₂ né₃, ca₂le₃jín₃
 dsa₂ dso⁵⁴ i₂qui₂ca₂ní³ tsin⁵⁴ Jesús, ca₂'lón₂ co₂ŋei⁵⁴ dso₄ a₂jme₁lín₄.

15

Jme₂tag₅ Jesús jui₁lia² 'e₂ jaun₂ a₂jmo₅ a₂rē₂'ŋio₅ dsa₂

(Marcos 7:1-23)

¹ Jaun₂ né₃ ca₂o₃lén₂ i₂lín₅₄ dsa₂ fariseos quian⁵⁴ tē₅juá⁵ i₂ja₂lén₂ Jerusalén,
 ca₂jme₃quián₃ ja₁con₂ Jesús, jaun₂ ca₂ŋag₃:

² —j'E₂ lē₃ tsá₃ jme₂ti₃ dsa₂ i₂quiang⁵⁴ tag₄ 'éi³ a₂chí⁵ quió⁵ dsa₂ can⁵⁴? Tsá₃ rang₂₃
 gu₂ né³ gué₄ a₂gué³.

³ Jaun₂ ca₂ŋag₃ Jesús:

—'Nia² guē² né₃, j'E₂ lē₃ qui₂tsó² 'nia² 'éi³ quió⁵ Diú₄ a₂jme₂tí¹ 'nia² jmá³ lia²
 tag₄ quián² 'nia² guiong⁵⁴? ⁴ Ia₁ ca₂juá² Diú₄: “Jme₁gan₃ 'nia² chog²-ŋéi⁵.”* Ján₃ bá₄
 ca₂juá²: “I₂tē₂'on² jmei₂, o₃ i₂tē₃'on² chog₅₄, ca₂tín₂ jóin₂.”† ⁵ La₁ 'nia² né₃ jme₂tíng¹
 dsa₂, nē₁'ein₂ cha₂ quió⁵ a₂lé₂ le₃jme₃'oin₅₄ chog₅₄-jmei₂, la₁ lag₃ nē₁ca₂tsí³ dsa₂ chog₅₄-
 jmei₂: “A₂ma₂rē₂jen⁵⁴ ne₄ Diú₄ bá₄ a₂jaun₂”, ⁶ jaun₂ né₃, jme₂tín² 'nia² dsa₂ 'éi³ a₂tsá₃
 ma₃tion₅₄ 'nió⁵ jme₃'on₅₄ dsa₂ chog₅₄-jmei₂. O₄quió⁴ tag₄ quián² 'nia² guiong⁵⁴ bá₄
 ma₂ja₂nó⁵ 'nia² jmo² tsá₃ ma₃'e₂ quen₅ 'éi³ quió⁵ Diú₄. ⁷ j'Nia² dsa₂ i₂lē₁jmo₅-dsáu₅
 o₁ne₁ a₂jmo² 'nia² a₂jme₂juíng¹ Diú₄ quian⁵⁴ tag₄ quiáng² ja₂nóg⁵! Dsón² bá₄ dsau₅
 a₂ca₂juá² Isafás i₂jme₁'é₂ jág₁ quián₅ Diú₄, jme₁ca₂tióng₃ ne₄ si₂, 'iin₂₃ 'nia², jme₁ca₂juá²:

⁸ Dsa₂ juig₂ la₂ jme₂juag² jniá₂

jmá³ lia² quian⁵⁴ mi₂'o₅₄ bá₄,

‡ 14:26 griego: fantasma. * 15:4 Éxodo 20:12; Deuteronomio 5:16. † 15:4 Éxodo 21:17; Levítico 20:9.

la₁ia₁ uíng₂ bá₄ 'i₄ dsí₅
ja₁con₂ jniá₂.

⁹ La₁ tsá₃ 'e₂ ta₁ tí₄ a₂jme₂juag'₂,
ia₁ jág₁ a₂jme₂tag₂₃

jmá'₃ 'éi'₃ quió'₅ dsa₂ mi₂güí₃ bá₄ jaun₂.[‡]

¹⁰ Jaun₂ ca₂té'₃ Jesús dsa₂ juin₅ i₂ma₂quiain'₅₄ a₂jme₃quián₃ 'éi₂ ja₁coin₂, jaun₂ ca₂juá'₂:
—Rē₂ nei₂ 'nia'₂ a₂la₂; jui₁le₂ñí'₂ 'nia'₂: ¹¹ Jui₁lia'₂ a₂dsi₂to'₅₄ jui₅ mi₂'o₄ dsa₂, on₃jua'₅₄
a₂jaun₂ jmo₅ a₂rē₃'iog₅ jme₂dsí₂ quió'₅ dsa₂. Ca₂le₃jé₃ a₂'uē₂ jui₅ mi₂'o₄ dsa₂, a₂jaun₂ bá₄
jmo₅ a₂rē₂'iog₅ jme₂dsí₂ quió'₅ dsa₂.

¹² Jaun₂ ca₂jme₃quián₃ chi'₂ dsi₂guia₃-tín₂, jaun₂ ca₂juá'₂:

—¿Tsa₁ ñi'₅₄, 'ñio₅ lin₃ tsá₃ dse₃ ca₂tín₂ dsa₂ fariseos jág₁ a₂nē₂chei'₅₄?

¹³ La₁ ca₂ñag₃ Jesús:

—Ca₂le₃jé₃ ni₁'ma₂ a₂tsá₃ ca₂chéin'₃ ñe'₃ jniá₂ i₂guá₅ guei'₅₄ i₂juí₃, guéi₃ le₂jio₅ jmú₄.

¹⁴ O₁lé₄ me'₂; ia₁ dsa₂ ten₄ bá₄ nē₅ quian₅ ne₄ jui₅.[§] Ia₁ nē₁jua'₂ jan₂ dsa₂ ten₄ ñjia₂₃ dsa₂
ten₄ riin'₅₄, le₃oin₃ bá₄ tsi₃séin'₂ siá₅.

¹⁵ Jaun₂ ca₂juá'₂ Pe₄ ca₂tsí'₃ Jesús:

—Jua'₅₄ 'e₂ jág₁ dsau₅ jáng'₅ jág₁ nē₅.

¹⁶ Jaun₂ ca₂ñag₃ Jesús:

—¿Ján₃ bá₄ tsá₃ ñí'₂ 'au'₂ 'nia'₂? ¹⁷ Ia₁, ¿tsa₁ ñí'₂ 'nia'₂, jui₁lia'₂ ca₂le₃jé₃ a₂dsi₂to'₅₄
jui₅ rē₂'o₄ dsa₂, dsi₂lé₂ rē₂tú'₅ bá₄ dsa₂, cang₂ jaun₂ 'uē₂ táng₃? ¹⁸ La₁ jui₁lia'₂ a₂'uē₂ jui₅
mi₂'o₄ dsa₂, a₂jaun₂ a₂já₅ tē₂dsí₅ bá₄ dsa₂. A₂jaun₂ bá₄ jmo₅ a₂rē₂'iog₅ jme₂dsí₂ quió'₅
dsa₂. ¹⁹ Ia₁ tē₂dsí₅ bá₄ dsa₂ já₅ ca₂le₃jé₃ a₂'lig'₅₄ a₂dsi₂jio₅ dsí₅: jui₁lia'₂ a₂jme₂dsian₅ dsa₂
dsa₂ mi₂güí₃ riin'₅₄: jui₁lia'₂ a₂nió'₅ dsa₂ jág₁ quian'₅₄ dsa₂ i₂tsá₃ lín₅ dsi₂i₂gu₂, jui₁lia'₂
a₂lē₁i₂nio₄ dsa₂ tiáin'₅, tsá₃ gu₂ le₁jen'₂; jui₁lia'₂ a₂'ang₅ dsa₂; jui₁lia'₂ a₂nau₂ dsa₂ a₂jáng'₅
jág₁ dsau₅ a₂jmo₂₃ tē₂jíin₁; jui₁lia'₂ a₂jmo₅ dsa₂ a₂lē₁bóin'₂ dso₄ riin'₅₄ nē₃. ²⁰ Ca₂le₃jé₃ a₂nē₅
bá₄ jmo₅ a₂rē₂'iog₅ jme₂dsí₂ quió'₅ dsa₂; la₁ a₂gué'₅ dsa₂ tē₃ tsá₃ ma₂nē₂jme₃ti₃ 'éi'₃ tag₄
a₂chí'₅ a₂rang₂₃ gu₂, on₃jua'₅₄ a₂jaun₂ jmo₅ a₂rē₂'ñio₅ dsa₂.

Jan₂ i₁ná₃ i₂ca₂rē₃'én₂ tē₂le₃ quió'₅ Jesús

(Marcos 7:24-30)

²¹ O₂'ín₃ bá₄ Jesús ja₁jaun₂, ca₂ñó₃ táng₃ jui₅ juí₂ Tiro quian'₅₄ Sidón. ²² Ja₁jaun₂ jan₂
'io₅₄ cananea i₂guá₅ jē₄ juí₂ jaun₂, ca₂guain₃ con₂ Jesús 'o₂₃ co₂mi'₅₄, juá'₂ tiá₂:

—¿Te₁gui'₅₄, jaun₅ David, dsia₄ ñéi₂ 'au'₂ jniá₂! Jan₂ chi'₂ ja₁mí₄ jniá₂ 'en₅₄ jan₂ jme₂dsí₂
je₂na'₅₄ tē₂dsí₅, 'ñio₅ lin₃ ñág₅ uí₅.

²³ La₁ tsá₃ 'e₂ ca₂ñag₃ Jesús 'i₁caun₂. Jaun₂ o₃lén₂ chi'₂ dsi₂guia₃-tín₂ quiáin₅, jaun₂
ca₂juá'₂:

—Chei'₅₄ i₂nē₅ jui₁dsiain'₅₄, ia₁ já₅ guió'₅ co₂mi'₅₄ chi₁co'₅₄ quián₂ jniog₄.

²⁴ Jaun₂ ca₂ñag₃ Jesús ca₂tsí'₃ 'io₅₄ 'éi₂:

—Ca₂chei₃ Diú₄ jniá₂ a₂guio₃ jmá'₃ lia'₂ ca₂ne₅₄ o₄quió'₄ já'₂ cha'₂ i₂ma₂i₂cón'₅ chan₂
juí₂ Israel.

²⁵ La₁ caun₂ já₅ bá₄ 'io₅₄ 'éi₂, ca₂chi₃jnë₃ ne₄ Jesús, ca₂juá'₂:

—¿Te₁gui'₅₄, jme₁'o₄ jniá₂!

²⁶ Jaun₂ ca₂ñag₃ Jesús:

—Tsá₃ dsi₂ten₅₄ jua'₅₄ a₂ñjia'₄ jniá₂ i₁ñí'₄ quió'₅ chi'₂-guein₂ a₂cué₄ dsi₂ji'₅₄.

²⁷ Jaun₂ ca₂ñag₃ táng₃ 'io₅₄:

—Dsón'₂ bá₄ dsau₅, Te₁gui'₅₄; la₁ cá₅' bá₄ dsi₂ji'₅₄ ni₁jne₁ a₂tsi₂séi'₂ ne₄ mesa ja₁gué'₅
juí₅₄.

²⁸ Jaun₂ ca₂ñag₃ táng₃ Jesús:

‡ 15:9 Isaías 29:13. § 15:14 A₂lin₅₄ chog₅₄ si₂juá'₂: “ia₁ i₂jnia₅ dsa₂ ten₄ bá₄ nē₅.”

—j'E₂ gué₄ tson₂ 'én'₂ 'ne₂, dsa₂ mí₂! Jui₁le₅₄ bá₄ lia'₂ con'₂ lé₅ a₂mi'₂ nē₅.

Dsi₂jui₅ le₂jaun₂ bá₄ ca₂'lón₂ chi'₂ ja₁míg₄ 'io₅₄ 'éi₂.

Ca₂jme₃'lión₂ Jesús juin₅ dsa₂ dso'₅₄

²⁹ O₂'ín₃ bá₄ táng₃ Jesús ja₁jaun₂, jaun₂ ca₂ñí₃ jui₅ chei'₅₄ jmi₁ñí'₄ Galilea; jaun₂ ca₂uíg₂ jui₅ ne₄ má'₂, jaun₂ ca₂guá₂ jme₁dsióg₃. ³⁰ Juin₅ dsa₂ ca₂dsi₃lén₂ táng₃ cau₅ quió'₅ ja₁jaun₂, le₁ñiai₂₃ dsa₂ guian'₅₄, dsa₂ i₂le₁já'₂ gu₂-tag₄, dsa₂ ten₄, dsa₂ con₄, juin₅ gué₄ dsa₂ sián'₂ i₂jme₁le₁dso'₅₄ né₃. Qui₂ca₂dsiog₃ ja₁chén'₄ Jesús, jaun₂ ca₂jme₃'lió₂ 'éi₂. ³¹ Jaun₂ gué₄ ca₂i₃gó'₃ dsí₅ dsa₂ jme₁ca₂té₂ ne₅₄ ma₂dsia₅ jág₁ dsa₂ i₂jme₁con₄, ma₂i₂nio₄ dsa₂ i₂jme₁qui₂le₁já'₂ quió'₅, quian'₅₄ dsa₂ guian'₅₄ né₃; dsa₂ ten₄ né₃ qui₂ca₂jág₃. Jaun₂ ca₂tón'₂ dsa₂ ca₂jme₃juin'₂ Diú₄ quián₅ dsa₂ Israel.

Ca₂jme₃tan₅₄ Jesús quén₂ mei₅ dsa₂

(Marcos 8:1-10)

³² Jaun₂ ca₂té'₃ Jesús chi'₂ dsi₂guia₃-tín₂ quián₅, jaun₂ ca₂juá'₂:

—ñio₅ ñéi₂ dsi₃ jing₅₄ dsa₂ nē₅, ia₁ ma₂'ni₅ jmig₄ tioen'₅₄ ja₁lá₃ quian'₅₄ jniá₂, 'i₁ca₂juig₄ tsá₃ 'e₂ cha₂ a₂gué'₃ ja₁lá₃. Jaun₂ né₃, tsá₃ 'nio₃ jniá₂ dsiain'₅₄ tē₃ tsá₃ ma₂nē₂gué'₃, ia₁ con'₂ tsá₃ ñó₅ nē₁ca₂'uáin₂ le₂'i₄ jui₅.

³³ Jaun₂ ca₂juá'₂ chi'₂ dsi₂guia₃-tín₂ quián₅:

—¿A₂já'₄ lé₂ dsi₁liá₄ i₁ñí'₄ ja₁co₂'ñiog₅ la₂ a₂gué'₃ dsa₂ juin₅ nē₅?

³⁴ Jaun₂ ca₂ñag₃ Jesús ca₂ñí'₃ chi'₂ dsi₂guia₃-tín₂:

—¿Je₂liá'₂ i₁ñí'₄ 'i₄ gué₄ quián'₂ 'nia'₂?

Jaun₂ ca₂ñag₃ 'éi₂:

—Guio₃ i₁ñí'₄ bá₄ 'i₄, quian'₅₄ gué'₂ on₃-ún₂ ju₄ pí'₁.

³⁵ Jaun₂ ca₂jmo₃ 'éi'₃ a₂tian'₃ dsa₂ 'uē₃, ³⁶ jaun₂ ca₂ñja'₃ ta₁guio₃ i₁ñí'₄ quian'₅₄ i₁ju₁ né₃, ca₂cué'₃ ti₁'mag'₄ Diú₄. Jaun₂ ca₂dsioin₃ le₂caun₂ le₂caun₂ i₁ñí'₄, ca₂cué'₃ chi'₂ dsi₂guia₃-tín₂ quián₅, jaun₂ 'éi₂ gué₄ né₃ ca₂dsi₃' jín₄ dsa₂. ³⁷ Ca₂le₃jín₃ bá₄ dsa₂ 'éi₂ ca₂gué'₃ ca₂lia'₂ ca₂'ág'₃ dsí₅. Jaun₂ ca₂cág'₃ chi'₂ dsi₂guia₃-tín₂ guio₃ tsi₁mi'₂ jmá'₃ ni₁jne₁ a₂ca₂chóng₃. ³⁸ Dsa₂ i₂ca₂gué'₃ 'éi₂ jme₁lé₂ quén₂ mei₅ jmá'₃ dsa₂ ñe'₂, i₂sián'₂ bá₄ dsa₂ mí₂ quian'₅₄ chi'₂ né₃. ³⁹ Jme₁ca₂lë₃ jaun₂, ca₂'ág'₃ Jesús jág₁ dsa₂, jaun₂ ca₂'í₃ 'ñió'₃ tsi₁mu₅ a₂ñó₃ jui₅ jë₄ juig₂ Magadán.*

16

Dsa₂ fariseos quian'₅₄ dsa₂ saduceos mi₂₃ ne₄ Jesús a₂jmo₃ 'éi₂ caun₂ léi₄ jué'₂

(Marcos 8:11-13; Lucas 12:54-56)

¹ Dsa₂ fariseos quian'₅₄ dsa₂ saduceos i₁lein₅₄ i₁jñin₅₄ Jesús, ia₁ a₂'no'₂ jui₅ 'a₂ lia'₂ tiain'₃ Jesús quian'₅₄ jág₁; jaun₂ ca₂mi₃ a₂jmo₃ 'éi₂ caun₂ léi₄ a₂já₅ guei'₅₄ i₂juíg₃.

² La₁ ca₂ñag₃ Jesús:

—['Nia'₂ ting'₂ jág'₁ tē₂le₃ ca₂'láu₂ jme₁lin₅₄, juá'₂ 'nia'₂: “Dse₃ bá₄ 'ei₅ táng₃ 'ióg₃, ia₁ guéin₂ bá₄ jniá₂ guei'₅₄ mi₂güíg₃.” ³ Ján₃ bá₄ juá'₂ 'nia'₂ jme₁lin₅₄ jui₁lia'₂ tē₃ O₃'iog₂, “Tiá'₃ jmí₅ nē₃, ia₁ guéin₂ jniá₂ jnei₅ tio'₅₄ guei'₅₄.” ñi'₅₄ bá₄ 'nia'₂ 'a₂ lia'₂ jua'₅₄ 'e₂ jein₅ jág₁ 'a₂ lia'₂ jniá₂ guei'₅₄, jñia'₅₄ lia'₂ 'e₂ a₂tē₅ ne'₅₄ 'nia'₂ jmig₄ nē₃ bá₄, tsá₃ ñi'₅₄ 'nia'₂ 'e₂ jein₅ jág₁.]* ⁴ Tsi₁jón₂ dsa₂ 'lin'₅₄ i₂tsá₃ nag₃ la₂, mi₂₃ a₂jmo₅₄ jniá₂ caun₂ léi₄ a₂O₂dsang₂. La₁ 'i₁caun₂ léi₄ siá'₂ tsá₃ 'e₂ ñe'₂ 'nia'₂, jñia'₅₄ lia'₂ caun₂ léi₄ jui₁lia'₂ a₂ca₂i₃ñí₂ Jonás bá₄.

Jaun₂ ca₂tén₂ bá₄ Jesús dsa₂ 'éi₂, ca₂ñái'₃.

Levadura quió'₅ dsa₂ fariseos

(Marcos 8:14-21)

* 15:39 o₃, Magdala, ja₁chan₂ María Magdalena.

* 16:3 A₂lin₅₄ chog₅₄ si₂ gui'₅₄ gué₄ tsá₃

chi₁ton₅ jág₁ a₂tio'₅₄ 'ñió'₃ corchetes [le₂la₂].

⁵ Jme₁ca₂'an₂ chi'₂ dsi₂guia₃-tín₂ jmi₁ñí'₄, ca₂dsáu'₃ dsí₅ tsá₃ 'e₂ i₁ñí'₄ le₁quian₅ gué'₃.
⁶ Jaun₂ ca₂juá'₂ Jesús:

—Jmo₄ 'nia'₂ 'í₁ jaun₂ tsá₃ le₃tín'₂ 'nia'₂ juá'₅ a₂jme₂tag₅ dsa₂ fariseos, dsa₂ saduceos né₃. Ia₁ juá'₅ quió'₅ lé₅ lia'₂ lé₅ jui₁ levadura.

⁷ Jaun₂ ca₂dsia₃ chi'₂ dsi₂guia₃-tín₂ jág₁ tsí'₅ riin'₅₄:

—Ia₁ tsá₃ i₁ñí'₄ le₁quian₁ bá₄ jniog₄, jaun₂ bá₄ juá'₂ le₂ně₅.

⁸ La₁ ca₂rě₃lí'₄ bá₄ Jesús 'e₂ jág₁ dsia₂₃, jaun₂ ca₂juá'₂:

—¿'E₂ lě₃ juá'₂ 'nia'₂ tsá₃ le₁quian'₄ i₁ñí'₄? ¡'E₂ gué'₄ ca₂juig₄ 'én'₂ 'nia'₂! ⁹ ¿'E₂? ¿Tsa₁ ma₂ca₂rě₃ñí'₂ 'nia'₂? ¿Tsa₁ ma₃dsá₂ 'au'₂ 'nia'₂ lia'₂ con'₂ ca₂dsio'₄ jniá₂ 'ñiá₂ i₁ñí'₄ ca₂lín₅ quió'₅ 'ñiá₂ mei₅ dsa₂, on₃ gué'₂ dsá₂ 'au'₂ 'nia'₂ je₂liá'₂ tsi₁mí'₂ 'nau₅₄ a₂ca₂cag'₅₄ táng₃ 'nia'₂? ¹⁰ ¿On₃ gué'₂ dsá₂ 'au'₂ 'nia'₂ lia'₂ con'₂ ca₂dsio'₄ jniá₂ guio₃ i₁ñí'₄ ca₂lín₅ quió'₅ quén₂ mei₅ dsa₂, on₃ gué'₂ dsá₂ 'au'₂ 'nia'₂ je₂liá'₂ tsi₁mí'₂ 'nau₅₄ a₂ca₂chóng₂ a₂ca₂cag'₅₄ 'nia'₂ né₃? ¹¹ ¿'A₂ bá₄ lia'₂ 'ñiá₂ tsá₃ rě₂len'₅₄ 'nia'₂? On₃juá'₅₄ i₁ñí'₄ 'ě₅ jniá₂ jme₁ně₂juá'₃ jmo₄ 'nia'₂ 'í₁ quian'₅₄ levadura quió'₅ dsa₂ fariseos quian'₅₄ dsa₂ saduceos.

¹² Jaun₂ gué'₄ ca₂ñí'₂ dsí₅ 'éi₂ a₂'ě₅ Jesús jaun₂, on₃juá'₅₄ a₂ca₂tín₂ jmo₃ 'í₁ jui₁lia'₂ jui₁ levadura a₂cón'₂ dsa₂ i₁ñí'₄, a₂ca₂tín₂ jmo₃ 'í₁ 'a₂ lia'₂ lé₅ juá'₅ a₂jme₂tag₅ dsa₂ fariseos quian'₅₄ dsa₂ saduceos bá₄.

Ca₂juá'₂ Pe₄ lia'₂ tí₅ jág₁ dsau₅ a₂lín₅ Jesús dsa₂ I₂rě₂ 'ín₁ quián₅ Diú₄
 (Marcos 8:27-30; Lucas 9:18-21)

¹³ Jme₁ca₂dsió₃ Jesús ma₂quián₅ juig₂ Cesarea ja₁tén₄ Filipo, jaun₂ ca₂ñí'₃ chi'₂ dsi₂guia₃-tín₂ quiáin₅:

—¿'Ein₂ lín₅ Jaun₅ dsa₂ mi₂güig₃, juá'₂ dsa₂?

¹⁴ Jaun₂ ca₂ñag₃ 'éi₂:

—I₂lín₅₄ dsa₂ juá'₂ a₂lín₅ Juan₅₄ i₂chon₅ dsa₂ jmig₂; i₂sián'₂ gué'₂ juá'₂ a₂lín₅ Elías; i₂lín₅₄ gué'₂ juá'₂ táng₃ a₂lín₅ Jeremías, o₃ jan₂ i₂sián'₂ i₂já₅ 'é₂ jág₁ quió'₅ Diú₄.

¹⁵ Jaun₂ ca₂ñag₃ Jesús:

—¿'Nia'₂ gué'₂ né₃? ¿'E₂ juá'₂ 'nia'₂ 'ein₂ lín₅ jniá₂?

¹⁶ Jaun₂ ca₂ñag₃ Si₂mu₅₄ Pe₄:

—'Ne₂ lín₅ dsa₂ I₂rě₂ 'ín₁, Ja₁ñi'₅₄ Diú₄ jén'₃.

¹⁷ Jaun₂ ca₂ñag₃ Jesús:

—'E₂ gué'₄ dsen'₃ 'ne₂, Si₂mu₅₄, ja₁ñi'₅₄ Jonás, ia₁ 'i₁jan₂ dsa₂ mi₂güig₃ tsá₃ ně₂jme₃jnia₅ ne'₅₄ a₂ně₅, jnia'₅₄ lia'₂ ñe'₃ jniá₂ i₂guá₅ i₂juig₃ bá₄. ¹⁸ Jaun₂ juá'₅ jniá₂ juig₂ 'ne₂, a₂ma₂cheng'₂ Pedro, † jaun₂ ne₄ ni₁'lau₂ la₂† jmóg'₄ jniá₂ guá'₅ quió₃, jaun₂ ca₂lia'₂ jnia'₅₄ i₂'io₅ bí₂ 'mú₃ tsá₃ le₃qui'₅₄ jmig₄ jua'₅₄ a₂tió'₃ quiong'₅₄ quian'₅₄ mai₅₄ quió'₅. ¹⁹ Jaun₂ o₄gog'₂ 'ne₂ dsia₅₄ jniá₂ jág₁ dse₃ quió₃ a₂lé₅ co₂'nió'₄ ñí₁ llave a₂niá₃ ja₁dsi₃tion'₅₄ dsa₂ ja₁gon₂ Diú₄. Ca₂le₃jé₃ 'e₂ a₂tsá₃ cué'₂ 'ne₂ jmig₄ ne₄ gua'₅₄ 'uě₃ la₂ lia'₂ con'₂ lé₅ jág₁ quió₃, ján₃ bá₄ le₂jaun₂ tsá₃ lé₂ guei'₅₄ i₂juig₃; ján₃ bá₄ le₂jaun₂ jui₁lia'₂ a₂cué'₂ 'ne₂ jmig₄ gua'₅₄ 'uě₃ la₂ lia'₂ con'₂ lé₅ jág₁ quió₃, a₂jaun₂ bá₄ lé₂ guei'₅₄ i₂juig₃ ján₃.

²⁰ Jaun₂ ca₂tsí'₃ chi'₂ dsi₂guia₃-tín₂ quiáin₅ a₂tsá₃ 'ein₂ tsí'₃ 'i₁jan₂ a₂lín₅ I₂rě₂ 'ín₁ quián₅ Diú₄.

Ca₂'é₂ Jesús jág₁ a₂jóin₂
 (Marcos 8:31--9:1; Lucas 9:22-27)

²¹ Tě₂le₃ ne₄ jui₅ ja₁ñó₄ jaun₂, ca₂jme₃lióg₃ Jesús ca₂'é₂ jág₁ ca₂tsí'₃ chi'₂ dsi₂guia₃-tín₂ quiáin₅, a₂tion₅₄ dsó₃ jui₅ Jerusalén, ja₁dsi₃ñí₂ 'lióng₂ ne₅₄ jmi₁uig₅ a₂jmóg'₂ dsa₂ can'₅₄

† 16:18 griego: Petros, co₂'nió'₄ le₃juá'₅₄ ni₁cang₁. ‡ 16:18 'Nio'₂ ja₁ton₅ 1 Pedro 2:7.

quián₅ guá'₅, quian'₅₄ juig₅₄ jme₂dsa₂, tē₅juá'₅ né₃. Jaun₂ ca₂juá'₂ a₂jñag'₃ dsa₂, la₁ a₂'ni₅ jmig₄ jaun₂, jein'₅₄ bá₄ táng₃.

²² Jaun₂ Pe₄ né₃ ca₂jio₃ le₃cau₅, jaun₂ ca₂jme₃lió₃ a₂tē₂néi'₂ a₂jme₁jnéi'₂ jui₅, ca₂juá'₂:

— ¡Tsá₃ o₁le₅₄ le₂nē₅, Te₁gui'₅₄! ¡O₁líg'₂ bá₄ tsá₃ jui₁dsi₂ñí'₂ 'ne₂ le₂nē₅!

²³ La₁ Jesús né₃, ca₂jeín'₃ le₂ca'₃, jaun₂ ca₂juá'₂ ca₂tsí'₃ Pe₄:

— ¡ñiag'₃ cau₅ quió₃, Satanás! ñia'₅₄ jni'₂ bá₄ 'ne₂ jui₅ quió₃, ia₁ tsá₃ le₂jaun₂ dsi₂jio₅ 'au'₂ jui₁lia'₂ dsi₂jio₅ dsí₅ Diú₄. Ia₁ lia'₂ dsi₂jio₅ dsí₅ dsa₂ mi₂güí₃ bá₄ dsi₂jio₅ 'au'₂.

²⁴ Jaun₂ ca₂juá'₂ Jesús ca₂tsí'₃ ca₂le₃jín₃ chi'₂ dsi₂guia₃-tín₂ quián₅:

— Chi₂jua'₂ 'ein₂ 'nio₃ 'éin₃ jniá₂, co₂dsia₅ jui₁dsi₂'én₂ dsí₅ guioin₅₄, jui₁jmo₁₂ co₂ñia₅₄ a₂jóin₂, § jui₁jia₂ chi₁co'₅₄ quió₃. ²⁵ Ia₁ jui₁'ein₂ gué₃ i₂tsá₃ 'nio₃ jón₂ ia₁ a₂'ín₅ dsí₅ le₃chain₂ dse₃ mi₂güí₃ la₂, dsi₂'én₂ quió'₅. La₁ jui₁'ein₂ gué₃ i₂tén'₂ dsí₅ gue₃ 'mú₃ 'uig₅₄ quió₃ jniá₂, le₃chain₂ dse₃ mi₂güí₃ caun₂. ²⁶ Ia₁, ¿'e₂ bá₄ ta₁ jmo₃ a₂lí'₂ dsa₂ 'ñio₅ lin₃ ne₄ gua'₅₄ 'uē₃ la₂, nē₁jua'₂ dsi₃'én₂ bá₄ gué'₂ jme₂dsí₂ quió'₅ mi₂güí₃ caun₂? ¿O₃ je₂liá'₂ lé₂ le₃quí₃ dsa₂ 'lia'₅₄ ia₁jaun₂ tén'₄ jme₂dsí₂ quió'₅? ²⁷ Ia₁ Jaun₅ dsa₂ mi₂güí₃ ñi₁óí'₂ quian'₅₄ jui₅bí₂ jlá'₁ quió'₅ Jmei₂, quian'₅₄ ángeles quián₅, ja₃qui₅ 'lian'₅₄ dsa₂ 'a₂ con'₂ ñia'₅₄ niog₅ ca₂jmo₃. ²⁸ A₂dsi₂jó'₃ juá'₅ jniá₂ juí₂g'₂ 'nia'₂, chan₂ i₂lin₅₄ jui₁lia'₂ i₂tion'₅₄ ja₁lá₃ tsá₃ dsián₃ ca₂lia'₂ ca₂té₂ ne₅₄ jín₂ Jaun₅ dsa₂ mi₂güí₃ a₂ñi₁óí'₂ lín₅ rag₅₄ a₂qui₃dsi₂₃ 'éi'₃.

17

Ca₂rē₃tsín₃ 'a₂ lia'₂ jniá₂ Jesús
(*Marcos 9:2-13; Lucas 9:28-36*)

¹ ñi₂ jmig₄ cang₂ jaun₂, ca₂ñia₃ Jesús Pe₄, Jacobo,* quian'₅₄ Juan₅₄ rin'₅₄ Jacobo né₃, ca₂i₃léin₂ con'₂ guioin₅₄ caun₂ má'₂ ñei₅. ² Ja₁jaun₂ ca₂rē₃tsín₃ 'a₂ lia'₂ jniá₂ Jesús tē₃ jág₅ 'éi₂. Ne₄ Jesús ca₂ñia₃ táng₅ jui₁lia'₂ jniá₂ 'iog₂; tsín'₅₄ gué'₂ né₃ ca₂ñia₃ tiog₂ jau₂ ca₂lia'₂ táng₅ lin₃. ³ Jaun₂ dsi₂jui₅ jaun₂ ca₂ñia₃ Moisés quian'₅₄ Elías, tióin₂ dsia₂₃ jág₁ quian'₅₄ Jesús. ⁴ Jaun₂ ca₂juá'₂ Pe₄ ca₂tsí'₃ Jesús:

— Te₁gui'₅₄, ¡'e₂ gué'₄ dse₃ lia'₂ tio'₅₄ jniog₄ ja₁lá₃! Chi₂jua'₂ niog'₂, jmo₅₄ jniá₂ 'ni₅ tsi₁'io₅ láu₃; caun₂ quiáng'₂, caun₂ quió'₅ Moisés, caun₂ gué'₂ quió'₅ Elías né₃.

⁵ Tē₃jē₄ dsia₅ Pe₄ jág₁ jaun₂, ca₂lioin₂ caun₂ jnei₅ táng₅; jaun₂ jē₄ jnei₅ jaun₂ ca₂né'₂ jág₁ a₂juá'₂:

— I₂la₂ bá₄ jón₃ quiáng₃, i₂ñí₄ lē₃ 'nió₃ gué'₄ lin₃. 'E₂ bá₄ 'ñio₂ dsi₃ quian'₅₄. Nei₂ 'nia'₂ jág₁ quió'₅.

⁶ Jme₁ca₂nág₂ chi'₂ dsi₂guia₃-tín₂ jág₁ jaun₂, ca₂rē₃gó'₅ ca₂le₃jé₃ ca₂i₃gain'₅₄ 'uē₃ le₁'éin₂,

⁷ Jaun₂ ca₂guán'₃ táng₃ Jesús cau₅ quió'₅, ca₂ñau'₃, jaun₂ ca₂juá'₂:

— Nau₂ 'nia'₂; Tsá₃ lē₁jmo₂ 'nia'₂ gang'₃.

⁸ Jaun₂ jme₁ca₂jág₃ táng₃, tsá₃ ma₂'ein₂ i₂sián'₂ ca₂jín₂; ñia'₅₄ lia'₂ 'ñiog₅ bá₄ Jesús ma₂chéin'₅.

⁹ Jme₁ja₂lein₃ sióin₅ táng₃ má'₂ jaun₂, ca₂jmo₃ Jesús 'éi'₃, ca₂juá'₂:

— Tsá₃ 'ein₂ juig'₅₄ 'nia'₂ a₂nē₂jag'₅₄ 'nia'₂ nē₅, ca₂lia'₂ ca₂té₂ jmig₄ jē₁ma₂ca₂jen'₅₄ táng₃ Jaun₅ dsa₂ mi₂güí₃ ne₄ 'mú₃.

¹⁰ Jaun₂ ca₂ñag₃ chi'₂ dsi₂guia₃-tín₂ ca₂ñí'₃ Jesús:

— Chi₂jua'₂ le₂nē₅, ¿'E₂ lē₃ juá'₂ tē₅juá'₅, Elías bá₄ i₂jíá₃ le₂'uig₅₄?

¹¹ Jaun₂ ca₂ñag₃ Jesús:

— Dsón'₂ Elías bá₄ jíá₃ le₂'uig₅₄, jaun₂ 'éi₂ bá₄ jme₃rē₃ ca₂le₃jé₃. ¹² La₁ juá'₅ jniá₂, i₂ma₂guan₅ bá₄ Elías, la₁ tsá₃ 'ein₂ ca₂rē₃cuig₅. Jaun₂ qui₂ca₂jmóg'₂ dsa₂ lia'₂ lé₂ dsí₅

§ 16:24 lit. "jui₁quian₅₄ cróg₄ quió'₅." * 17:1 ján₃ bá₄ chein₂ Santiago.

ca₂le₃jé₃ gué₄ 'a₂ lia'₂ 'nio₃ jmóg'₂. Ján₃ bá₄ le₂në₅, Jaun₅ dsa₂ mi₂güüg₃ dsi₃ñí₂ uig₅ o₄gú₃ dsa₂ 'éi₂.

¹³ Jaun₂ gué₄ ca₂rë₃lí₄ chi'₂ dsi₂guia₃-tín₂, Juan₅₄ i₂ca₂chon₃ dsa₂ jmig₂ bá₄ 'in₅ Jesús, a₂juá'₂ le₂jaun₂.

Ca₂jme₃'lión₂ Jesús jan₂ chi'₂ i₂'en₅₄ jme₂dsí₂ 'lin'₅₄ dsí₅
(*Marcos 9:14-29; Lucas 9:37-43*)

¹⁴ Jme₁ca₂dsi₃lein₃ ja₁tion'₅₄ dsa₂ juin₅, jaun₂ ca₂jme₃quián₃ jan₂ dsa₂ ja₁chén'₄ Jesús, jaun₂ ca₂chi₃jnë₃ ne₅₄, jaun₂ ca₂juá'₂:

¹⁵ —Te₁gui'₅₄, dsia₄ ñéi₂ 'au'₂ chi'₂ quiáng₃, 'ñio₅ lin₃ ñág₅ uig₅ lín₅ dso₄ 'ei₂; 'lióng₂ ráun₂ ma₂ca₂táin'₂ dsi₂si₂, dsi₂jmig₂ né₃. ¹⁶ Ma₂i₁ñjia₅₄ jniá₂ ne₄ chi'₂ dsi₂guia₃-tín₂ quiáng'₂, la₁ tsá₃ ca₂tió'₃ jme₃'lió₂.

¹⁷ Jaun₂ ca₂ñag₃ Jesús:

—¿'En₁ jmá'₃ tsá₃ 'e₂ 'én'₂ 'nia'₂? ¿Je₂liá'₂ jmig₄ jmá'₃ 'nió'₅ 'ú₄ quian'₅₄ 'nia'₂? ¿Je₂liá'₂ jmig₄ jmá'₃ 'nió'₅ jmo₅₄ tió'₅ dsi₃ quian'₅₄ 'nia'₂? I₂ñjia₅ chi'₂ ja₁lá₃.

¹⁸ Jaun₂ ca₂jí₂ Jesús ca₂jéin₂ je₂na'₅₄. Jaun₂ ca₂o₃'íin₃ tē₂dsí₅ chi'₂ 'éi₂, jaun₂ gué₄ né₃ ca₂'lón₂ dsi₂jui₅ le₂jaun₂.

¹⁹ Jme₁co₂lág₂ jaun₂ ca₂dsia₃ chi'₂ dsi₂guia₃-tín₂ jág₁ quian'₅₄ Jesús jē₄ con'₂ guioin₅₄, jaun₂ ca₂ñí₃ 'éi₂:

—¿'E₂ 'uig₅₄ tsá₃ ca₂tián₃ jnia'₅₄ dsén₄ i₂'lin'₅₄?

²⁰ Jaun₂ ca₂ñag₃ Jesús:

—Ne₄ ia₁ a₂ñí₄ lē₃ ca₂jui₄ 'én'₂ bá₄ 'nia'₂. A₂dsi₂jó'₃ juá'₅ jniá₂, jua'₅₄ mei'₂ gué₃ 'én'₂ 'nia'₂, tsá₃ a₂ñag₅₄ o₁ñjia'₅₄ con'₂ tí₅ ca₂míg₂ mi₂jon₂ mostaza,† lé₂ le₃jme₁jui₄'₅₄ 'nia'₂ jui₁lia'₂ má'₂ ó₃: “ñjia₃ ja₁në₅, gua₂ tē₂le₃ ca₂taun₂”; má'₂ jaun₂ né₃ jñióg'₃ ja₁'ē₂ 'nia'₂. 'I₁caun₂ tsá₃ 'e₂ cha₂ jua'₅₄ a₂tsá₃ lé₂ le₃jmó'₂ 'nia'₂ jua'₅₄ mei'₂ gué₃ le₂jaun₂.‡

Ca₂'é₂ táng₃ Jesús jág₁ a₂jóin₂
(*Marcos 9:30-32; Lucas 9:43-45*)

²² Tē₁lia'₂ i₂niói₅₄ co₂lē₅ le₂con₂ ja₁tén₄ 'uē₃ Galilea, jaun₂ ca₂juá'₂ táng₃ Jesús a₂jáng'₂ dsa₂ jín'₂ Jaun₅ dsa₂ mi₂güüg₃ o₄gú₃ dsa₂ mi₂güüg₃. ²³ Jaun₂ jñag'₃ dsa₂, la₁ a₂'ni₅ jmig₄ jaun₂, jein'₅₄ bá₄ táng₃. Ca₂tá'₂ 'lia'₂ bá₄ dsí₅ chi'₂ dsi₂guia₃-tín₂ jme₁ca₂ñág₂ jág₁ jaun₂.

Ca₂quí₃ 'lia'₅₄ ja₁con₂ dsi₂tan₅₄ quián₅ guá'₅

²⁴ Jme₁ca₂dsióg₃ Jesús jui₂ Capernaum quian'₅₄ chi'₂ dsi₂guia₃-tín₂, jaun₂ ca₂o₃lén₂ dsa₂ i₂cág'₅ jma₃tín₃ 'éi'₃ cu₄ dracma a₂'nió'₅ quió'₅ guá'₅ templo, jaun₂ dsa₂ 'éi₂ ca₂jme₃quián₃ con₂ Pe₄, ca₂ñag₃:

—¿Tsa₁ qui₅ tē₅ quián'₂ 'nia'₂ 'lia'₅₄ quió'₅ guá'₅?

²⁵ Jaun₂ ca₂ñag₃ Pe₄:

—Ján₅. Qui₅ bá₄.

Jme₁ca₂'i₃ Pe₄ dsi₂néi₂, jaun₂ 'ñiog₅ Jesús de'₂ jñiá₅ ca₂juá'₂ ca₂tsí'₃ Pe₄:

—¿'A₂ lia'₂ lín'₂ 'ne₂, Si₂mu₅₄? Jui₁lia'₂ jan₂ rag₅₄ dsa₂ mi₂güüg₃, ¿'Ein₂ quió'₅ mi₂₃ 'lia'₅₄? ¿Quió'₅ dsa₂ go₅₄, o₃ quió'₅ jmá'₃ dsi₂nau₂ 'e₂?

²⁶ Jaun₂ ca₂ñag₃ Pe₄:

—Quió'₅ dsi₂nau₂ bá₄.

Jaun₂ ca₂juá'₂ táng₃ Jesús ca₂tsí'₃ 'éi₂:

† 17:20 mostaza: On₃jua'₅₄ mi₁ján'₅ a₂cuí'₅ dsa₂ go₄jñiog₄; caun₂ ni₁'ma₂ dsón'₂ bá₄ jaun₂ a₂té'₂ tē₅sí₃ Brassica nigra. ‡ 17:20 A₂lín₅₄ chog₅₄ si₂ chi₁ton₅ versículo 21 bá₄ ján₃, a₂juá'₂ le₂la₂: “La₁ jui₁lia'₂ i₂'lín'₅₄ le₂në₅, tsá₃ o₂'íin₅ në₁jua'₂ tsá₃ chi₂lén'₂ dsa₂ Diú₄ a₂jme₂'íin₅₄.”

—Tsá₃ ca₂tín₂ dsa₂ go₅₄ qui₃ jaun₂ né₃. ²⁷ La₁, jaun₂ tsá₃ tiin₃ 'lig'₅₄, gua₂ o₂'éi₂ mi₂cu₄ dsi₂jmi₂g₂, O₂dsen₅₄ i₁ju₁ i₂nág'₃ le₂'ui₂g₅₄ mi₂cu₄. Mi₂'o₄ i₁ju₁ 'éi₂, dsiang'₂ caun₂ cu₄ 'ua'₂. A₂jaun₂ qui'₅₄ quián₂ jniog₄ le₃ó₃.

18

'Ein₂ lín₅ i₂dsen₅₄ gué₄ ja₁gon₂ Diú₄
(*Marcos 9:33-37; Lucas 9:46-48*)

¹ Ján₃ bá₄ jmi₂g₄ jaun₂ táng₃ ca₂jme₃quián₃ chi'₂ dsi₂guia₃-tín₂ con₂ Jesús jaun₂ ca₂ɲag₃:
—¿'Ein₂ lín₅ i₂dsen₅₄ gué₄ guei'₅₄ i₂juí₂g₃ ja₁gon₂ Diú₄?

² Jaun₂ ca₂té'₃ Jesús jan₂ i₂bě'₅₄, jaun₂ ca₂chei'₃ dsi₂jo₂ ja₁tiáin'₄, ³ jaun₂ ca₂juá'₂:
—A₂dsi₂jó'₃ juí₂g₂ jniá₂ 'nia'₂, ně₁jua'₂ tsá₃ ca₂jme₁tsín'₄ 'nia'₂ 'au'₂, a₂léng'₂ lia'₂ lín₅ jan₂ i₂bě'₅₄, o₁líg'₂ jmi₂g₄ tsá₃ lé₂ le₃dsi₁no'₃ 'nia'₂ guei'₅₄ i₂juí₂g₃. ⁴ Jaun₂ né₃, i₂'éi₂ bá₄ i₂lén₂ i₂dsen₅₄ gué₄ guei'₅₄ i₂juí₂g₃ jui₁lia'₂ i₂jmo₅ me'₂ lia'₂ lín₅ chi'₂ bě'₅₄ la₂. ⁵ Con'₂ siá'₂ táng₃, jui₁lia'₂ dsa₂ i₂guen₅ jan₂ guein₂ o₄quió₃ jniá₂ jui₁lia'₂ i₂la₂, jniá₂ bá₄ guei₂₃.

A₂go'₂ tsi₃sén'₂ dsa₂ dso₄
(*Marcos 9:42-48; Lucas 17:1-2*)

⁶ Jui'₁ ein₂ gué₃ i₂jmo₅ tsi₂sén'₂ jui₁lia'₂ chi'₂ bě'₅₄ i₂le₂la₂ i₂'én₂ tē₂le₃ quió₃ jniá₂, ja₂lín₃ gué₄ co₂ɲei'₅₄ dse₃ tón₂ dsa₂ ne₄ jmi₁ɲí'₄ rē₂quein₅ ca₂míg₂ ni₁to₂ dsi₂lag₅₄. ⁷ 'E₂ gué₄ juí₂g₂ dsa₂ mi₂güí₂g₃ ia₁ tsá₃ caun₂ a₂ja₂lé₂ ja₁coin₂ a₂jmo₅ a₂tsi₂sén'₂! La₁ le₂jaun₂ dsón'₂ dsi₃ɲí₂ bá₄, la₁ 'e₂ gué₄ juí₂g₂ jui₁lia'₂ dsa₂ i₂ton'₂ jág₁ rin'₅₄ jaun₂ jén'₃ dsí₅ 'éi₂ a₂'no₃ dso₄.

⁸ 'Uí₂g₅₄ jaun₂, chi₂jua'₂ mi₂gog'₂ o₃ mi₂tag'₅₄ 'e₂, jmo₅ a₂tang'₂ dso₄, co₂dsia₅ dse₃ 'nia₄, tiong₂ uíng₂; ia₁ ja₂lín₃ gué₄ dse₃ a₂dsiáng'₄ ja₁le₃chang'₂ co₂tan₅₄ a₂rē₂'liáng'₃, con'₂ gué₄ a₂jme₁o₁'ú₃ a₂rē₂'ɲia₅ gog'₂-tag'₅₄ dsi₂si₂ ja₁tsá₃ ton₅ jmi₂g₄ éi₃. ⁹ Ně₁jua'₂ mi₂ne'₅₄ jmo₅ a₂tang'₂ dso₄, dsi₄ ján₃, tiong₂ uíng₂: ia₁ ja₂lín₃ gué₄ dse₃ a₂dsiáng'₄ ja₁le₃chang'₂ co₂tan₅₄ a₂teng'₅₄ ca₂míg₂ mi₂ne'₅₄, lia'₂ con'₂ gué₄ a₂jme₁gog'₅₄ a₂rē₂'ɲia₅ ta₁tin₃ mí₂g₂ mi₂ne'₅₄ dsi₂si₂ guio₃-juí₂g₃.

Jág₁ a₂jáng'₅ léi₄ jui₁lia'₂ jan₂ já'₂ cha'₂ i₂ca₂i₃cón'₅
(*Lucas 15:3-7*)

¹⁰ Tsá₃ jmo₂ 'nia'₂ jua'₅₄ a₂tsá₃ jen'₅₄ jui₁lia'₂ jan₂ chi'₂ bě'₅₄ le₂la₂. Ia₁ juí₂g₂ jniá₂ 'nia'₂, ia₁ ángeles i₂jmo₅ 'í₁ quián₅ co₂tan₅₄ bá₄ jíin₂ ɲe'₃ i₂guá₅ guei'₅₄ i₂juí₂g₃.*

¹² ¿'A₂ lia'₂ lín'₂ 'nia'₂? Jua'₅₄ mei'₂ gué₃ jan₂ dsa₂ 'ɲio₅ caun₂ 'ɲiá₂-lón₂ já'₂ cha'₂, ně₁jua'₂ ca₂i₃cón'₅ jan₂, ¿tsa₁ ja₁jaun₂ chein'₂ ne₄ dsi₂con'₂ i₂quéin'₂ co₂ne₂guión₂ rē₂dsí₂ guia₃-né₂ (99) con'₂ i₂te₂ 'éi₂, jaun₂ dsó₅ táng₃ dsi₂'niai'₂ i₂tsá₃ chan₂ 'éi₂?

¹³ Jē₁ma₂ca₂dsáu'₂ né₃, a₂dsi₂jó'₃ juá'₅ jniá₂, 'ɲio₅ lín₃ gué₄ 'io'₂ jmo₂₃ o₄quió'₄ i₂jan₂ 'éi₂ con'₂ gué₄ i₂quéin'₂ co₂ne₂guióg₂ rē₂dsí₂ guia₃-né₂ i₂tsá₃ i₂cón'₅. ¹⁴ Le₂ně₅ bá₄ ján₃, ɲéi'₅ 'nia'₂ i₂guá₅ guei'₅₄ i₂juí₂g₃ tsá₃ 'nio₃ jua'₅₄ dsi₃cón'₅ ca₂lia'₂ 'i₁jan₂ i₂lín₅ guein₂ bě'₅₄ jui₁lia'₂ i₂la₂.

'A₂ lia'₂ 'nió'₅ 'én₂ dsa₂ dsáu₁ riin'₅₄
(*Lucas 17:3*)

¹⁵ 'Chi₂jua'₂ 'e₂ caun₂ a₂ca₂jmo₂g'₂ jan₂ ríng'₂, dsia₄ de'₂ 'nia'₂ jág₁ ja₁con'₂ guiong'₅₄, ja₁jaun₂ jme₁jniag'₂ ne₅₄ 'e₂ a₂ca₂jmo₂g'₂. Ně₁jua'₂ ca₂tón'₃ jui₅ jág₁ quiáng'₂, ja₁jaun₂ ca₂dsan₃ bá₄ mi'₅₄, ca₂lě₃ bá₄ táng₃ ríng'₂ quiain'₅₄. ¹⁶ La₁ ně₁jua'₂ tsá₃ ca₂tón'₃ jui₅ jág₁ quiáng'₂ né₃, te'₂ on₃-ún₂ dsa₂ sián'₂ ia₁jaun₂ “ca₂le₃jé₃ 'e₂ niog₅ lé₂ jióg'₂ 'í₁ quian'₅₄ on₃-ún₂ dsa₂ i₂jáng'₃ jág₁ dsau₅, ně₁jua'₂ tí₅ jág₁ jaun₂.”† ¹⁷ Ně₁jua'₂ tsá₃ ca₂tón'₃ jui₅ jág₁ quió'₅

* 18:10 A₂lín₅₄ chog₅₄ si₂ chi₁ton₅ versículo 11 a₂juá'₂ le₂la₂: “Ta₁ jaun₂ bá₄ já₅ Jaun₅ dsa₂ mi₂güí₂g₃, a₂ja₂'niai'₂ dsa₂ i₂ma₂i₂cón'₅.” † 18:16 Deuteronomio 19:15.

dsa₂ 'éi₂, chei₅₄ guá'₅; në₁jua'₂ tsá₃ ca₂tón'₃ jui₅ on₃ gué'₂ jág₁ quió'₅ guá'₅ né₃, tē₂le₃ ja₁ηó₄ jaun₂, jmo₄ 'au'₂ jīn'₅₄ lia'₂ ja₁jīng'₄ jan₂ dsi₂nau₂, o₃ ju₁lia'₂ jan₂ i₂cág'₅ cu₄ a₂ca₂tīn₂ dsi₂tan₅₄ 'e₂.

¹⁸ A₂dsi₂jó'₃ juí₂gniá₂ 'nia'₂, ca₂le₃jé₃ 'e₂ a₂tsá₃ cué'₂ 'nia'₂ jmi₂g₄ ne₄ gua'₅₄ 'uē₃ la₂, lia'₂ con'₂ lé₅ jág₁ quió₃, ján₃ bá₄ tsá₃ lé₂ guei'₅₄ i₂juí₃; ján₃ bá₄ le₂jaun₂ ju₁lia'₂ a₂cué'₂ 'nia'₂ jmi₂g₄ ne₄ gua'₅₄ 'uē₃ la₂, lia'₂ con'₂ lé₅ jág₁ quió₃, a₂jaun₂ bá₄ lé₂ guei'₅₄ i₂juí₃.

¹⁹ Ján₃ bá₄ juá'₅ jniá₂, në₁jua'₂ on'₃ 'nia'₂ jmo'₂ caun₂ jág₁ ne₄ gua'₅₄ 'uē₃ la₂, a₂mí'₁ 'nia'₂ 'e₂ a₂'niog'₂ mí'₁, cuē₃ bá₄ ηe'₃ jniá₂ i₂guá₅ guei'₅₄ i₂juí₃. ²⁰ Ia₁ jē₁le₁ηi'₂ on₃-ún₂ o₄quió₃ jniá₂, jē₄ jaun₂ bá₄ 'eng₅₄.

²¹ Jaun₂ Pe₄ né₃ ca₂ηag₃:

—Te₁gui'₅₄, ¿con'₂ je₂liá'₂ ráun₂ 'nió'₅ 'én₄ jniá₂ dsáu₁ ríng'₃ në₁jua'₂ 'e₂ caun₂ a₂ca₂jmo₃'₂? ¿'A₂ lia'₂? ¿Guio₃ ráun₂?

²² Jaun₂ ca₂ηag₃ Jesús:

—Ma₁ tsá₃ juá'₅ jniá₂ ηia'₅₄ guio₃ ráun₂. Ta₁'nag'₂ co₂ne₂guió₂ rē₂dsí₂ guia₃ ráun₂ a₂jma₃guio₃ (70 X 7 = 490)[‡] bá₄ juá'₅ jniá₂.

Jág₁ a₂jáng'₅ léi₄ ju₁lia'₂ jan₂ dsa₂ i₂tsá₃ ca₂'én₂ dsáu₁ rin'₅₄

²³ 'Uig₅₄ jaun₂, lé₅ guei'₅₄ i₂juí₃ ju₁lia'₂ lín₅ jan₂ rag₅₄ i₂ca₂mág₃ cuentas quió'₅ ca₂le₃jín₃ dsa₂ i₂jme₂ti₃ ta₁ ne₅₄. ²⁴ Jaun₂ jme₁ma₂jme₂lió₃ chein'₂ cuentas, jme₁ca₂dsi₃lén₂ dsa₂ le₁ηiai₂₃ jan₂ dsa₂ i₂rin₅ guia₃ mei₅ talentos. ²⁵ La₁, ia₁ tsá₃ 'e₂ cha₂ quian'₅₄ a₂quí₃, jaun₂ ca₂jmo₃ rag₅₄ 'éi'₃ a₂dsi₃'ni₄ dsa₂ 'éi₂ lia'₂ jma₃quian'₅₄ 'io₅₄ quiáin₅, chi'₂ quiáin₅ né₃, ca₂le₃jé₃ 'e₂ a₂jme₁cha₂ quió'₅ né₃, ia₁jaun₂ le₂jaun₂ jme₁dsian₅ a₂riin₂. ²⁶ La₁ dsa₂ 'éi₂ né₃, ca₂já₃ ca₂chi₃jné₃ ne₄ rag₅₄ juig₅₄, jaun₂ ca₂mi₃ tion₅₄ ca₂juá'₂: “Gui'₅₄ quiáng₃, jmo₄ juin'₂ 'au'₂ quian'₅₄ jniá₂, a₂quí₄ bá₄ jniá₂ quiáng'₂, ca₂le₃jé₃.” ²⁷ Jaun₂ juig₅₄ né₃ ca₂dsia₃ bá₄ ηéi₂ dsí₅ ja₁coin₂, jaun₂ ca₂'éin₂ bá₄ ca₂le₃jé₃ a₂jme₁riin₂, jaun₂ ca₂lió₂ bá₄.

²⁸ La₁ dsi₂jui₅ jme₁o₂'iín₃ jaun₂ né₃, ca₂jein'₂ jan₂ dsa₂ i₂jme₂ti₃ riin'₅₄ i₂rin₂ caun₂ 'ηiá₂-láu₂ cu₄ denarios quió'₅. Jaun₂ ca₂tīn₂ dsi₂lag₄ riin'₅₄, ca₂güi'₃ tiá₂, ca₂juá'₂: “¿Qui₄ a₂ring'₂ quió₃!” ²⁹ Jaun₂ riin'₅₄ 'éi₂ né₃ ca₂chi₃jné₃ ne₅₄, jaun₂ ca₂mi₃ tion₅₄ ca₂juá'₂: “Jmo₄ juin'₂ 'au'₂ quian'₅₄ jniá₂, a₂quí₄ bá₄ jniá₂ quiáng'₂, ca₂le₃jé₃.” ³⁰ La₁ i₂jan₂ né₃ tsá₃ ca₂gue₃, jaun₂ jui₅ 'né₅ 'má₃ bá₄ ca₂i₁tio'₂. Ca₂lia'₂ jaun₂ ca₂'mag'₂ dsí₅ ca₂lia'₂ ca₂quí₃ riin'₅₄ ca₂le₃jé₃. ³¹ Jaun₂ jme₁ca₂jág₃ riin'₅₄ i₂jme₂ti₃ ta₁ sián'₂, ca₂tá'₂ 'lia'₂ dsí₅, jaun₂ ca₂i₁con₂ jág₁ ne₄ juig₅₄ ca₂i₁juá'₄ ca₂le₃jé₃ a₂ca₂lě₃ jaun₂. ³² Jaun₂ ca₂jmo₃ juig₅₄ 'éi'₃ ca₂i₁quiong₅₄ táng₃ dsa₂, jaun₂ ca₂tě₃ juig₅₄ dsi₂néi₂ quió'₅, jaun₂ ca₂juá'₂: “Ne₂ i₂jme₂ti₃ ta₁ ne₃, i'₂ gué₄ 'ηio₅ 'lin'₅₄ 'ne₂ ca₂'uíng'₂! Jua'₂ nē₂'én₃ bá₄ jniá₂ ca₂le₃jé₃ a₂jme₁ring'₂ quió₃, ia₁ nē₂mí'₅₄ tion₅₄-jan₃. ³³ ¿Tsa₁ dse₃ jua'₅₄ le₂jaun₂ bá₄ nē₂dsia'₅₄ ηéi₂ 'au'₂ ríng'₂, ju₁lia'₂ nē₂dsia₃ jniá₂ ηéi₂ dsi₃ 'ηiag'₂?” ³⁴ Tě₃ ma₂'ne₂ jaun₂ juig₅₄, ca₂jīn'₂ dsa₂ 'éi₂ o₄gú₃ dsa₂ i₂niog₅ ne₄ 'né₅ 'má₃, ca₂jmo₃ ca₂lia'₂ ca₂quí₃ jē₂ a₂jme₁riin₂.

³⁵ Jaun₂ ca₂juá'₂ Jesús gué₄ né₃:

—Ján₃ bá₄ le₂ně₅ jmo₃ ηe'₃ jniá₂ i₂guá₅ guei'₅₄ i₂juí₃ quian'₅₄ 'nia'₂ le₂jang'₂ le₂jang'₂ në₁jua'₂ tsá₃ ca₂'én₃ 'nia'₂ ca₂le₃jé₃ 'au'₂ dsáu₁ ríng'₂.

19

Jme₂tag₅ Jesús ju₁lia'₂ 'a₂ lia'₂ lé₅ a₂tén₂ dsa₂ dsi₂i₂gu₂
(Marcos 10:1-12; Lucas 16:18)

‡ 18:22 o₃, “ta₁'nag'₂ co₂ne₂guió₂ rē₂dsí₂ guia₃-guio₃ (77) ráun₂”.

¹ Jme₁ca₂dsan₃ juá'₂ Jesús jág₁ në₅, jaun₂ ca₂o₃'iin₃ 'uë₃ Galilea, jaun₂ ca₂dsióg₃ tē₂le₃ quióng₄ Cuá₃ Jordán. ² Juin₅ lin₃ dsa₂ ca₂jme₃quiong'₅₄, jaun₂ ca₂jme₃'lióin₂ dsa₂ i₂qui₂le₁dso'₅₄.

³ Jaun₂ në₃, i₂lin₅₄ dsa₂ fariseos ca₂jme₃quiáin₃ con₂ Jesús a₂jnia'₅₄ con'₂ cáun₂ táu₂. Jaun₂ ca₂ɲag₃:

—¿'I₄ 'éi'₃ a₂tén₂ dsa₂ dsi₂i₂gu₂ ne₄ 'uig₅₄ në₁'e₂ caun₂ a₂lë₃?

⁴ Jaun₂ ca₂ɲag₃ Jesús:

—¿Tsa₁ ma₂ca₂'í'₂ 'nia'₂ ne₄ Si₂, ja₁juá'₂ i₂ca₂jmo'₂ dsa₂ mi₂güig₃ le₂ne₁: “Ca₂jmo'₂ dsa₂ ɲe'₂ dsa₂ mí₂ në₃”?* ⁵ Ca₂juá'₂ në₃: “Uig₅₄ jaun₂ ca₂tín₂ dsa₂ ɲe'₂ tén₂ chog₅₄-jmei₂ jaun₂ con'₂ tiain'₃ quiaín'₅₄ dsi₂i₂gu₂, jaun₂ jë₁le₃oin₃ lén₂ caun₂ bá₄ ni₁ɲí₅.”† ⁶ Jaun₂ dsióg₄ lén₂ jan₂ bá₄, tsá₃ ma₃lë₂ oin₃. Jaun₂ tsá₃ 'i₄ 'éi'₃ jua'₅₄ jmo₃ dsa₂ mi₂güig₃ jma₃quén₅ a₂ma₂ca₂dsia₃ Diú₄ rë₂.

⁷ Jaun₂ ca₂ɲag₃ táng₃ dsa₂ fariseos:

—¿'E₂ guë'₂ lë₃ në₃ ca₂jmo₃ Moisés 'éi'₃ a₂lë₂ le₃jmo₃ dsa₂ ɲe'₂ caun₂ si₂ tē₃ron₅₄ cué'₃ 'io₅₄ ja₁juá'₂ a₂tén₂ riin'₅₄, jaun₂ gué₄ ma₂lë₂ dsei₂₃?

⁸ Jaun₂ ca₂juá'₂ Jesús:

—'Uig₅₄ ia₁ a₂ɲí₄ tsá₃ nág'₁ 'nia'₂ guiong'₅₄ bá₄ jaun₂ ca₂cuë₃ 'éi₂ jmi₄ a₂tén₂ dsa₂ dsi₂i₂gu₂; la₁ lia'₂ con'₂ le₂'uig₅₄ tsá₃ le₂në₅ jme₁lë₄. ⁹ La₁ jniá₂ juá'₅, jui₁'ein₂ gué₃ i₂lë₁tén₂ dsi₂i₂gu₂, on₃juá'₅₄ a₂cha₂ lë₃, në₁juá'₂ on₃ guë'₂ jua'₅₄ ia₁ a₂nió'₅ jág₁ quian'₅₄ i₂sián'₂; në₁juá'₂ jë₁ma₂ca₂lë₃ jaun₂, cáin₂ táng₃ 'io₅₄ sián'₂, 'no₂₃ dso₄ ne₄ Diú₄; ján₃ bá₄ le₂në₅ quian'₅₄ dsa₂ ɲe'₂ i₂jén'₂ gu₂ quian'₅₄ jan₂ 'io₅₄ i₂ma₂téi₂ dsa₂ në₃, ján₃ bá₄ le₂jaun₂ 'no₂₃ dso₄ ne₄ Diú₄.

¹⁰ Jaun₂ lë₃, ca₂juá'₂ chi'₂ dsi₂guia₃-tín₂ quiáin₅:

—Në₁juá'₂ le₂në₅ cha₂ o₂me'₅₄ dsi₅ quió'₅ dsa₂ ɲe'₂ dsa₂ mí₂, ¿tsa₁ dse₃ jua'₅₄ a₂tsá₃ jéin'₂ co₂ɲei'₅₄ gu₂?

¹¹ Jaun₂ ca₂juá'₂ táng₃ Jesús:

—Tsá₃ ca₂le₃jín₃ lé₂ le₃ɲí'₂ dsí₅ jua'₅₄ lé₂ le₃jmo₃ le₂në₅; jnia'₅₄ lia'₂ i₂ma₂cuë₃ Diú₄ bí₂ a₂le₃ɲí'₂. ¹² 'Lióng₂ bá₄ 'uig₅₄ cha₂ a₂tsá₃ le₃jén'₂ dsa₂ ɲe'₂ i₂lin₅₄ gu₂; ia₁ i₂lin₅₄ le₂jaun₂ ma₂lín₅ lia'₂ con'₂ jme₁ca₂rë₃cháin₃ a₂tsá₃ lé₂ le₃jéin'₂ gu₂; i₂lin₅₄ guë'₂ në₃, ia₁ a₂ma₂ca₂jmo₃'₂ dsa₂ mi₂güig₃ riin'₅₄ té₃; i₂lin₅₄ guë'₂ në₃, ia₁ a₂co₂ɲei'₅₄ ma₂quí'₃ dsí₅ a₂tsá₃ jéin'₂ gu₂ ne₄ o₄quió'₄ ja₁gon₂ Diú₄. Jui₁lia'₂ i₂tió'₅ jme₃ti₃ jág₁ la₂, jui₁jmo₁₂.

Ca₂jme₃gon'₅₄ Jesús chi'₂-guein₂

(*Marcos 10:13-16; Lucas 18:15-17*)

¹³ Jaun₂ ca₂o₃jnia₃ i₂lin₅₄ dsa₂ ca₂o₃jniai₃ guein₂ quiáin₅ ne₄ Jesús ia₁jaun₂ qui₃nii'₂ gu₂, tsí'₃ Diú₄ o₄quió'₄ në₃. La₁ chi'₂ dsi₂guia₃-tín₂ në₃ ca₂jéin₂ dsa₂. ¹⁴ La₁ Jesús në₃, ca₂juá'₂:

—Cuë₄ 'nia'₂ jmi₄ jui₁ja₂lén₂ chi'₂-guein₂ cong₂; tsá₃ lë₁jmo₂ 'nia'₂ le₂në₅ jua'₅₄ jni₃g'₅₄, ia₁ jui₁lia'₂ i₂le₂në₅ bá₄ guë'₂ i₂ca₂tín₂ ja₁gon₂ Diú₄.

¹⁵ Jme₁ca₂lë₃ chi₂láin'₂ le₂jan₂ le₂jan₂ guein₂ a₂jme₂gu'₅₄, ca₂ɲái'₃ bá₄ jaun₂.

Jan₂ dsó₂ chi'₂ cha₂ cu₄ ca₂dsia₃ jág₁ quiaín'₅₄ Jesús

(*Marcos 10:17-31; Lucas 18:18-30*)

¹⁶ Jan₂ dsó₂ chi'₂ ca₂jme₃quián₃ con₂ Jesús, jaun₂ ca₂ɲag₃:

—Të₅ dsen₃, ¿'e₂ jmo₅₄ jniá₂‡ ia₁jaun₂ léi₂ ja₁le₃chang₂ co₂tan₅₄?

¹⁷ Jaun₂ ca₂juá'₂ Jesús:

—¿'E₂ lë₃ té₅ jniá₂ dsen₃?§ Jnia'₅₄ lia'₂ jan₂ bá₄ i₂chan₂ i₂lín₅ i₂dsen₃, i₂'éi₂ lín₅ Diú₄. La₁ në₁juá'₂ 'niog'₂ 'ú'₄ ja₁le₃chang'₂ co₂tan₅₄, jme₁ti₁ 'éi'₃ quió'₅ Diú₄.

¹⁸ Jaun₂ ca₂ɲag₃ táng₃ dsó₂ 'éi₂:

* 19:4 Génesis 1:27; 5:2. † 19:5 Génesis 2:24. ‡ 19:16 o₃, “Të₅, ¿'e₂ a₂dse₃ a₂jmo₅₄ jniá₂...” § 19:17 o₃, “¿'E₂ lë₃ ɲag'₅₄ jniá₂ jui₁lia'₂ a₂dse₃?”

—¿'E₂ 'éi'₃?

Jaun₂ ca₂ɲag₃ táng₃ Jesús:

—Tsá₃ ɲjíg'₄ dsa₂ mi₂güüg₃ ríng'₂; tsá₃ nióg'₄ jág₁ quian'₅₄ dsa₂ i₂tsá₃ lín₅ dsi₂i₂gog'₂; tsá₃ 'áng'₁ a₂cha₂ quió'₅ ríng'₂; tsá₃ jmó'₂ jua'₅₄ jang'₅₄ jág₁ tē₂jág₁ a₂jmag'₅₄ ríng'₂; ¹⁹ a₂jme₁gang'₃ chog'₂-ɲéi'₅; * a₂jme₁'nióg'₄ dsa₂ mi₂güüg₃ ríng'₂ ju₁lia'₂ 'nióg'₃ 'ɲiag'₂ né₃.†

²⁰ Jaun₂ ca₂ɲag₃ táng₃ dsó₂ 'éi₂ ca₂tsí'₃ Jesús:

—Ca₂le₃jé₃ a₂nē₅ ma₂guio₃ jme₂tí₂. ¿'E₂ gué₄ a₂siá'₂ 'nió'₅ jmo₅₄?

²¹ Jaun₂ ca₂ɲag₃ táng₃ Jesús:

—Nē₁jua'₂ 'niog'₂ léng'₂ jan₂ dsa₂ i₂rē₂'ɲia₅ tē₂le₃ quió'₅ jme₂dsí₂, guan'₂ o₂'nag₄ ca₂le₃jé₃ a₂cha₂ quiáng'₂, jaun₂ o₂dsio'₅₄ ja₁con₂ dsa₂ te₂ɲé₂, jaun₂ le₂nē₅ le₃cha₂ a₂jlá'₁ quiáng'₂ guei'₅₄ i₂juíg₃; jaun₂ gué₄ ɲe'₅₄ quian'₅₄ jniá₂.

²² La₁ jme₁ca₂nág₂ dsó₂ jág₁ nē₅, ca₂ɲái'₃ 'lia'₂ dsí₅, ia₁ 'ɲio₅ lín₃ jme₁cha₂ cu₄.

²³ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—A₂dsi₂jó'₃ juíg₂ jniá₂ 'nia'₂, 'e₂ gué₄ quian₅ ta₁ quió'₅ jan₂ dsa₂ cha₂ cu₄ a₂'í₂ guei'₅₄ i₂juíg₃ ja₁gon₂ Diú₄. ²⁴ Juá'₅ jniá₂, tsá₃ gué₄ 'e₂ ta₁ quian₅ a₂lé₂ le₃ɲí₃ jan₂ já'₂ camello juí₅ tau₂ mi₂cu₄, lia'₂ con'₂ gué₄ jan₂ dsa₂ cha₂ cu₄ a₂'í₂ ja₁gon₂ Diú₄.

²⁵ Jme₁ca₂nág₂ chi'₂ dsi₂guia₃-tín₂ quiáin₅ jág₁ nē₅, 'ɲio₅ lín₃ ca₂i₃gó'₃ dsí₅, jaun₂ qui₂ca₂ɲí'₃ riin'₅₄ con'₂ guioin₅₄:

—¿I₂'ein₂ bá₄ gué'₂ jaun₂ né₃ i₂lé₂ le₃tín'₄?

²⁶ Jaun₂ ca₂jág₃ Jesús ca₂jín₂ 'éi₂, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güüg₃ o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jé₃ bá₄ lé₂ le₃lé₂.

²⁷ Jaun₂ ca₂juá'₂ Pe₄ né₃:

—Te₁gui'₅₄, ca₂le₃jé₃ 'e₂ a₂jme₁cha₂ quián₂ jnia'₅₄ ma₂ca₂tén'₃ dsi₅ jnia'₅₄ ma₂qui₂ca₂tí₄ ia₁ a₂'én₅ jnia'₅₄ 'ne₂. ¿'E₂ a₂tag₃ jnia'₅₄ né₃?

²⁸ Jaun₂ ca₂ɲag₃ Jesús ca₂juá'₂:

—A₂dsi₂jó'₃ juá'₅ jniá₂ juíg₂ 'nia'₂, jē₁ma₂ca₂tē₂ jmig₄ i₁le₃'mag'₂ ca₂le₃jé₃ 'a₂ lia'₂ niog₅ lé₅ mi₂güüg₃, jē₁ma₂ca₂tē₂ rē₁guá₃ Jaun₅ dsa₂ mi₂güüg₃ ne₄ta₁ jlá'₁ quió'₅, jaun₂ 'nia'₂ né₃ i₂ma₂ja₂nóg'₅ quiong'₅₄ jniá₂, nio₃ gog'₂ 'nia'₂ jma₃caun₃ ta₁ a₂tiáng'₄ jmó'₂ gong'₂ qui₁dsí'₂ 'éi'₂ ta₁guia₃-tín₂ nió'₃ dsa₂ juig₂ tsi₁jon₂ Israel. ²⁹ Ján₃ bá₄ le₂jaun₂ ján₃, ca₂le₃jín₃ i₂ma₂ca₂tén'₃ dsí₅ dsi₂néi₂ quió'₅, i₂ma₂ca₂tén'₃ dsí₅ chi'₂ rin'₅₄, o₃ chog₅₄-jmei₂, o₃ dsa₂ mí₂ quiáin₅, o₃ chi'₂ quiáin₅, i₂ca₂tén'₃ dsí₅ ca₂tí₂ ja₁nau₂ quió'₅ né₃, 'uig₅₄ quió₃ jniá₂, ia₁ gue₃ caun₂ 'ɲiá₂-láu₂ ɲag₅₄ gué₄ lia'₂ con'₂ gué₄ a₂ma₂ca₂tí₂, ton'₂ gue₃ ján₃ a₂le₃chain₂ co₂tan₅₄. ³⁰ La₁ rē₂né₃ juín₅ lín₃ i₂lín₅ i₂quen₅, la₁ jmig₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄ ján₃ juí₁lia'₂ i₂tsá₃ 'e₂ quen₅ rē₂né₃ lia'₂ con'₂ niog₅ lín₂ dsa₂ mi₂güüg₃, léin₂ i₂le₂'uig₅₄.

20

Jág₁ jáng'₅ léi₄ juí₁lia'₂ dsa₂ i₂jmo₅ ta₁ caun₂ ja₁nau₂

¹ 'Lé₅ guei'₅₄ i₂juíg₃ ja₁gon₂ Diú₄ juí₁lia'₂ jan₂ dsa₂ juig₅₄ ja₁nau₂ i₂o₂'in₅ tē₃ o₃'iog₂, ca₂i₁tioin₁₂ dsa₂ i₂jmo₃ ta₁ ja₁nau₂ quió'₅ ja₁nia₄ cho'₅₄ uing₂ uvas. ² Ca₂lí'₃ bá₄ jág₁ quian'₅₄ dsa₂ i₂jmo₃ ta₁ a₂'liain'₅₄ jma₃ca₂'éi'₃ cu₄ denario lia'₂ co₂jmig₄, jaun₂ ca₂chein₃ dsa₂ 'éi₂ juí₅ ja₁nau₂ quió'₅. ³ Jme₁co₂lág₂ jaun₂ o₂'ín₃ táng₃ con'₂ hora ɲí₁ ɲi₃ tē₂le₃ o₃'iog₂, * jaun₂ ca₂jín₂ dsa₂ sián'₂ i₂tión₂ jin₅₄ jē₄ 'ma'₅₄. ⁴ Jaun₂ ca₂tsí'₃ dsa₂ 'éi₂: “O₂nó'₅ 'nia'₂ ján₃ o₂jmo₄ ta₁ ja₁nau₂ quió₃, quí₄ bá₄ jniá₂ 'liang'₅₄ 'nia'₂ con'₂ dsi₂ten₅₄.” Jaun₂

* 19:19 Éxodo 20:12-16; Deuteronomio 5:16-20. † 19:19 Levítico 19:18. * 20:3 lit. “hora 'ní₅.”

i₃lén₂ bá₄ dsa₂ 'éi₂. ⁵Jaun₂ o₂ 'íin₃ táng₃ con'₂ dsi₂ñí'₃, † con'₂ siá'₂ hora ñí₁ 'ni₅ të₂le₃ ca₂'láu₂ né₃; ‡ le₂jaun₂ bá₄ ca₂jmo₃ ján₃. ⁶Con'₂ siá'₂ o₂ 'íin₃ bá₄ gué₄ con'₂ hora ñí₁ 'ñiá₂ të₂le₃ ca₂'láu₂, § ñó₃ jui₅ jë₄ 'ma'₅₄, jaun₂ ca₂dsáin'₂ táng₃ dsa₂ i₂jñ₅₄ tíón₂. Jaun₂ ca₂tsí'₃ 'éi₂: “¿'E₂ lë₃ tíón'₂ 'nia'₂ ja₁lá₃ ta₁ne₁jmi₄ tsá₃ 'e₂ ta₁ jmo'₂?” ⁷Jaun₂ ca₂ñag₃ dsa₂ 'éi₂ ca₂juá'₂: “la₁ 'i₁jan₂ tsá₃ 'ein₂ tio₅.” Jaun₂ ca₂ñag₃ dsa₂ juig₅₄ ja₁nau₂ ca₂juá'₂: “O₂no'₅ 'nia'₂ ján₃, o₂jmo₄ ta₁ ja₁nau₂ quió₃; quiá₄ bá₄ jniá₂ 'lian'₅₄ 'nia'₂ con'₂ dsi₂ten₅₄.”

⁸Jme₁ca₂nei₂ jmi₄ jaun₂, ca₂juá'₂ juig₅₄ ja₁nau₂ ca₂tsí'₃ dsa₂ i₂niog₅ ne₄ i₂te₂né'₂ dsa₂ ta₁: “Te'₂ dsa₂ i₂ma₂në₂jmo₃ ta₁, jaun₂ qui'₅₄ 'liain'₅₄. Jme₁lióg₄ de'₂ ññiá₅ quian'₅₄ dsa₂ i₂në₂tión'₂ jë₁ca₂tó'₂, jaun₂ dsian₅ quian'₅₄ i₂në₂tión'₂ le₂'uig₅₄.” ⁹Jaun₂ dsi₃lén₂ dsa₂ i₂ca₂tón'₂ ca₂jmo₃ ta₁ hora ñí₁ 'ñiá₂ të₂le₃ ca₂'láu₂, jaun₂ le₂jain₂ le₂jain₂ ca₂gue₃ 'liain'₅₄ jma₃ca₂'éi'₃ cu₄ denario. ¹⁰Jme₁co₂lág₂ jaun₂, ca₂tín₂ dsa₂ i₂ca₂i₃ton'₅₄ le₂'uig₅₄, i₃jio₅ dsí₅ a₂jme₁gue₃ gué₄ ñag₅₄ 'liain'₅₄; la₁ co₂rë₂ bá₄ 'liain'₅₄ ca₂gue₃ jma₃ca₂'éi'₃ cu₄ denario le₂jain₂ le₂jain₂. ¹¹La₁ jme₁ma₂në₂gue₃ 'liain'₅₄, i₃lén₂ i₃chog'₄ dso₄ ne₄ juig₅₄, ¹²jaun₂ ca₂juá'₂: “Dsa₂ i₂o₃lén₂ jë₁ca₂tó'₂, caun₂ hora bá₄ në₂tión'₂ në₂jmo₃ ta₁; co₂jaun₂ bá₄ 'liain'₅₄ në₂gue₃ ján₃ con'₂ 'liog'₅₄ jniá'₅₄ i₂në₂tíó'₄ në₂jmo₁ ta₁ ta₁ne₁jmi₄ në₂ñag₅₄ 'iog₂ dséi₂ 'ñio₅ lín₃.” ¹³La₁ ca₂ñag₃ juig₅₄ ca₂tsí'₃ jan₂: “A₂mei₅₄ quiáng₃, tsá₃ 'e₂ jua'₅₄ a₂tsá₃ dsi₂ten₅₄ jmo₅ jniá₂ ja₁cong'₂. ¿Tsa₁ ca₂lë₃ jág₁ a₂'liang'₅₄ ca₂'éi'₃ cu₄ denario gué'₂? ¹⁴Jui₁le₂'ñio₂ 'au'₂ con'₂ ma₂'liang'₅₄ në₅, guan'₂ quiáng'₂. Në₁jua'₂ jniá₂ le₂në₅ ca₂lë₃ dsi₃ quiá₄ 'lian'₅₄ dsa₂ i₂në₂tong₅₄ jë₁ca₂tó'₂ con'₂ 'lian'₅₄ 'ne₂, ¹⁵¿o₃ tsa₁ ca₂tín₂ jniá₂ jmo₅₄ quian'₅₄ cu₄ quió₃ 'a₂ lia'₂ jñia'₅₄ 'nio₃ jmo₅₄? ¿o₃ ja₂ uig₅ 'au'₂ 'e₂, ia₁ a₂'ua₁ dsi₃?”

¹⁶Jaun₂ né₃ jui₁lia'₂ dsa₂ i₂lín₅ të₂le₃ jë₁ca₂tó'₂ rë₂né₃, léin₂ i₂le₂'uig₅₄ jmi₄ jaun₂; le₂në₅ bá₄ ján₃, jui₁lia'₂ i₂lín₅ i₂le₂'uig₅₄ rë₂né₃, léin₂ dsa₂ të₂le₃ jë₁ca₂tó'₂.

Con'₂ siá'₂ táng₃ ca₂'é₂ Jesús jág₁ a₂jóin₂
(Marcos 10:32-34; Lucas 18:31-34)

¹⁷Jme₁ma₂'en₅₄ Jesús jui₅ uig₂ tso₄ a₂dsióg₄ Jerusalén, jaun₂ ca₂té'₃ cau₅ chi'₂ dsi₂guia₃-tín₂ quiáin₅, jaun₂ ca₂juá'₂:

¹⁸—Jui₁lia'₂ jág'₂ 'nia'₂, tio'₅₄ jniog₄ jui₅ tso₄ la₂ a₂dsi₁náu₅ Jerusalén. Ja₁jaun₂ jáng'₂ dsa₂ jñin'₂ Jaun₅ dsa₂ mi₂güig₃ o₄gú₃ juig₅₄ jme₂dsa₂, ne₄ të₅juá'₅ né₃; 'éi₂ gué₄ né₃ cué₃ 'éi'₃ a₂ñag'₃ dsa₂. ¹⁹Jáng'₂ dsa₂ né₃ o₄gú₃ dsi₂nau₂ ia₁jaun₂ jmóg'₂ burlas, qui₃bóg₂ dsa₂, jaun₂ gué₄ tioin₃ cróg₄ jñag'₃; la₁ a₂'ni₅ jmi₄ jaun₂, jein'₅₄ le₃chain₂ bá₄ táng₃.

Jui₁lia'₂ a₂ca₂mi₃ chog₅₄ Jacobo quian'₅₄ Juan₅₄
(Marcos 10:35-45)

²⁰Jaun₂ ca₂jme₃quián₃ chog₅₄ Jacobo quian'₅₄ Juan₅₄, ja₁ñi'₅₄ Zebedeo, ja₁'en₅₄ Jesús. Jaun₂ ca₂chi₃jnë₃ ca₂mi₃ a₂jmo₃ 'éi₂ dse₃ dsí₅. ²¹Jaun₂ ca₂ñag₃ Jesús:

—¿'E₂ 'niog'₂ 'ne₂?

Jaun₂ ca₂ñag₃ chog₅₄ chi'₂ 'éi₂:

—¿Tsa₁ cué'₁ jmi₄ a₂tian'₃ jma₃jan₂ chi'₂ quiáng₃ cong'₂, jë₁ma₂té₂ rë₁ne'₅₄ gong'₂ ne₄ta₁ quiáng'₂, jan₂ të₂le₃ gog'₂ ne₁, jan₂ gué'₂ të₂le₃ gog'₂ jen₅?

²²La₁ Jesús né₃ ca₂ñag₃:

—Tsá₃ ñi'₅₄ 'nia'₂ 'e₂ a₂mi₃. ¿Tian'₃ 'nia'₂ dsi₃ñig'₂ ca₂le₃jé₃ jui₁lia'₂ a₂dsi₃ñí₂ jniá₂ gué'₂?*

Jaun₂ ca₂ñag₃ 'éi₂:

—Tián₂ bá₄ jniá'₅₄.

²³Jaun₂ ca₂juá'₂ táng₃ Jesús:

† 20:5 lit. “hora jñéi₂.” ‡ 20:5 lit. “hora ñi₃.” § 20:6 lit. “hora guia₃-cáun₃.” * 20:22 A₂lín₅₄ chog₅₄ si₂juá'₂ le₂la₂ ján₃: “¿Tian'₃ 'nia'₂ cán'₁ o₂i₁ dsí₅ jui₁lia'₂ o₂i₁ dsí₅ a₂can₅₄ jniá₂?”

—Dsón'₂ bá₄ jaun₂ dsi₃ñí'₂ 'nia'₂ jui₁lia'₂ 'a₂ lia'₂ niog₅ dsi₃ñí'₂ jniá₂,† la₁ jui₁lia'₂ a₂juá'₂ 'nia'₂ në₅ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cué₅₄ a₂jaun₂. Ja₁jaun₂ ma₂jmo₃ ñe'₃ jniá₂ co₂jñia₅₄ a₂tian'₃ con'₂ i₂ca₂tín₂ bá₄.

²⁴ Riin'₅₄ i₂guian₃ gué₄ 'éi₂ né₃ ca₂rē₃'néi₃ quian'₅₄ i₂on₃ 'éi₂ jme₁ca₂nág₂ jág₁ jaun₂.
²⁵ La₁ ca₂tē₃ Jesús, jaun₂ ca₂juá'₂:

—ñi'₅₄ bá₄ 'nia'₂, jui₁lia'₂ dsi₂tan₅₄ dsa₂ can'₅₄ i₂tián'₅ gon₂ ca₂le₃jé₃ juig₂,‡ qui₂toin'₂ dsa₂ 'éi'₃ bén₂. Le₂jaun₂ bá₄ jmo₅ jui₁lia'₂ dsi₂tan₅₄ i₂sion₅ gué₄, tián'₅ goin₂ jmo₂₃ 'éi'₃.

²⁶ La₁ jin'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tín₂ jme₃ti₃ ta₁ ne₄ riin'₅₄; ²⁷ chi₂jua'₂ 'ein₂ 'nia'₂ 'nio₃ cán₂ ne₄ juí₅, 'nió'₅ jme₃ti₃ ne₄ ca₂le₃jín₃ dsa₂. ²⁸ Ia₁ le₂nē₅ bá₄ Jaun₅ dsa₂ mi₂güí₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ co₂'nió'₄ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús on₃ dsa₂ ten₄

(*Marcos 10:46-52; Lucas 18:35-43*)

²⁹ Jme₁ma₂tioin'₅₄ juí₅ 'uiin₂ juig₂ Jericó, juin₅ dsa₂ ja₁jaun₂ ca₂jme₃quiain'₅₄ Jesús.
³⁰ Jui₅ ja₁ñó₄ jaun₂, jme₁tián'₄ on₃ dsa₂ ten₄ cau₅ juí₅. Dsa₂ 'éi₂ né₃ jme₁ca₂nág₂ a₂ñó₅ Jesús cau₅ jaun₂, ca₂juá'₂ tiá₂:

—¡Te₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

³¹ Jaun₂ ca₂jí₂ bá₄ dsa₂ ia₁jaun₂ dsi₃léin₂ tei₄. La₁ tē₂le₃ i₂jui'₂ gué₄ co₂mi'₅₄ ca₂tóin'₂ bá₄, ca₂juá'₂:

—¡Te₁gui'₅₄, tsi₁jon₂ David, dsia₄ ñéi₂ 'au'₂ jnia'₅₄!

³² Jme₁ca₂nág₂ Jesús, jaun₂ ca₂nau₂, jaun₂ ca₂tē'₃ le₃on₃ dsa₂ 'éi₂, jaun₂ ca₂ñag₃:

—¿'E₂ 'niog'₂ 'nia'₂ jmo₅₄ jniá₂ o₄quián'₂ 'nia'₂?

³³ Jaun₂ ca₂ñag₃ dsa₂ 'éi₂:

—Te₁gui'₅₄, a₂jnia₅₄ mi₂ne₄ bá₄ jnia'₅₄ 'niog₂.

³⁴ Jaun₂ ca₂dsia₃ bá₄ Jesús ñéi₂ dsí₅, jaun₂ ca₂tí₂ gu₂ jme₁ne₁ dsa₂ 'éi₂. Jaun₂ dsi₂juí₅ le₂jaun₂ ca₂jnia₃ jme₁ne₁ dsa₂, jaun₂ i₃léin₂ bá₄ jaun₂ ca₂jme₃quiain'₅₄ Jesús.

21

Ca₂'í₃ Jesús jē₄ juig₂ Jerusalén

(*Marcos 11:1-11; Lucas 19:28-40; Juan 12:12-19*)

¹ Jme₁ma₂quián₅ dsi₁léin₂ Jerusalén, dsi₃léin₂ quián₅ juig₂ Betfagé a₂niog₅ cau₅ Má'₂ Olivos, ja₁jaun₂ ca₂chen₃ Jesús on₃ chi'₂ dsi₂guia₃-tín₂ quián₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ tē₂le₃ ne₄ juí₅ ja₁dsau₅₄ në₅. Ja₁jaun₂ dsian'₂ 'nia'₂ jan₂ i₂bú'₄ mí₂ rē₂'ñe'₅₄, chéin'₅ quian'₅₄ guein₂ quián₅. O₂chein'₅₄ 'nia'₂ jaun₂ tē'₅₄ ja₁lá₃.

³ Nē₃jua'₂ 'ein₂ ñag₅ 'e₂ lē₃ tsiin'₅₄, jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂.” Jaun₂ në₃ cón'₅ bá₄ cuag₃.

⁴ Ca₂lē₃ le₂nē₅ ia₁jaun₂ le₃ti₃ jág₁ a₂ca₂tó'₂ ne₄ si₂ dsa₂ i₂jme₁'é₂ jág₁ quián₅ Diú₄ ma₂líg'₂, jme₁ca₂juá'₂:

⁵ Chei'₅₄ dsa₂ juig₂ i₂tián'₅ Sión:

“Jag₄, në₅ jón'₅ Rag₅₄ quián'₂ 'nia'₂ ja₁cong'₂,

a₂lín₅ jan₂ dsa₂ me'₂, tsá₃ jláin'₁,

jóin'₅ co₂dsiin₅₄ jan₂ bú'₄,

jóin'₅ quian'₅₄ jaun₅ já'₂ i₂cán₂ lio₅₄ bá₄”.*

⁶ Jaun₂ ca₂i₃lén₂ bá₄ i₂on₃ 'éi₂, ca₂jmo₃ bá₄ con'₂ lé₅ jág₁ a₂ca₂cué₃ Jesús. ⁷ Jaun₂ ca₂i₁te₂ bú'₄ lia'₂ jma₃quian'₅₄ guein₂ quián₅, ca₂i₁jiog₃ ja₁'en₅₄ Jesús. Jaun₂ ca₂jlag₂ ni₁tsin'₅₄ mi₂ca'₄ já'₂, jaun₂ gué₄ ca₂co₃dsag₅₄ Jesús. ⁸ Jaun₂ dsa₂ juin₅ i₂quiain'₅₄ né₃ i₂ñjiá₅ le₃ne₄

† 20:23 A₂lín₅₄ chog₅₄ si₂ juá'₂ le₂la₂ ján₃: “ján₃ bá₄ cán'₁ 'nia'₂ o₂i₁ dsi₅ jui₁lia'₂ o₂i₁ dsi₅ can₅₄ jniá₂.” ‡ 20:25 o₃, “i₂tián'₅ gon₂ jin₄ dsi₂nau₂.” * 21:5 Zacarías 9:9.

jui₅ qui₂ca₂néi'₃ 'mi'₂ le₂'i₄ jui₅ ja₁ŋí'₃ Jesús; i₂lin₅₄ guè'₂ qui₂ca₂'nia₃ mog'₅₄ 'ma₂tsín₅, qui₂ca₂jó₃ dsi₂jui₅. ⁹Dsa₂ i₂i₃lén₂ le₃ne₄jui₅, quian'₅₄ i₂ja₂lén₂ le₃chi₁co'₅₄ né₃, qui₂ca₂tóin'₂ co₂mi'₅₄ ca₂juá'₂:

¡Jui₁le₂juin'₂† bá₄ tsi₁jon₂ David!

¡Jui₁le₂ŋió₃ bá₄ i₂ně₅ i₂já₅ o₄quió'₄ Te₁gui'₅₄!‡

¡Jui₁le₂juin'₂ bá₄ i₂guá₅ guei'₅₄ i₂juíg₃!

¹⁰ Jme₁ca₂'í₃ Jesús jě₄ juig₂ Jerusalén, jaun₂ qui₂ca₂tón'₂ go₂'i₃ dsa₂ juig₂, juin₅ i₂qui₂ca₂ŋag₃:

—¿'Ein₂ bá₄ ně₅?

¹¹ Jaun₂ qui₂ca₂ŋag₃ dsa₂ juin₅ i₂quian'₅₄ Jesús, ca₂juá'₂:

—Jesús bá₄ la₂, dsa₂ i₂'é₂ jág₁ quián₅ Diú₄, i₂chan₂ juig₂ Nazaret ja₁tén₄ Galilea.

Ca₂'uí₁'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(*Marcos 11:15-19; Lucas 19:45-48; Juan 2:13-22*)

¹² Ca₂dsió₃ Jesús jme₁ca₂dsió₃ i₁dsi₅ guá'₅ templo, jaun₂ qui₂ca₂'uí₁'₂ ca₂le₃jín₃ dsa₂ i₂jme₁ma₂tion'₅₄ dsia₅ 'ma'₅₄ i₁dsi₅ guá'₅, dsa₂ i₂'nag₅, i₂qui₂lá₅ né₃, qui₂ca₂jéin'₃ ni₁mesa ja₁jme₁jmó'₂ dsa₂ ta₁ jme₂tsiin₃ cu₄, qui₂ca₂quí'₂ 'ma₂si₅₄ ja₁jme₁tián'₄ dsa₂ i₂'ni₅ i₁ju₂;

¹³ jaun₂ ca₂juá'₂:

—Ne₄ Si₂ juá'₂: “'Né₅ quió₃ lé₅ ca₂ne₅₄ 'né₅ ja₁tě₁ja₂lén₂ dsa₂ ja₂chi'₅₄ Diú₄”;§ la₁ 'nia'₂ né₃ ma₂jmo'₅₄ ně₂jag₄ bá₄ tē₂'lau₂ quió'₅ dsa₂ 'ang₂.*

¹⁴ Jaun₂ ca₂jme₃quián₃ i₂lin₅₄ dsa₂ ten₄ quian'₅₄ dsa₂ guian'₅₄ né₃ con₂ Jesús i₁dsi₅ guá'₅, jaun₂ ca₂jme₃'lióin₂ bá₄ dsa₂ 'éi₂. ¹⁵ La₁ jme₁ca₂jág₃ juig₅₄ jme₂dsa₂ quian'₅₄ tē₅juá'₅ léi₄ jlá'₁ a₂ca₂jmo₃ Jesús jaun₂, ton'₂ ia₁ ca₂nág₂ né₃ tion'₅₄ chi'₂ co₂mi'₅₄ qui₂guió'₅ i₁dsi₅ guá'₅, a₂juá'₂: “¡Jui₁le₂juin'₂ tsi₁jon₂ David!”, jaun₂ ca₂rě₃'néi₃. ¹⁶ Jaun₂ ca₂juá'₂ ca₂tsí'₃ Jesús:

—¿Tsa₁ nag'₂ 'e₂ juá'₂ chi'₂?

Jaun₂ ca₂ŋag₃ Jesús:

—Ján₅, nag₅ bá₄ jniá₂. Ia₁, ¿tsa₁ ma₂'í'₂ 'nia'₂ ne₄ Si₂ ja₁juá'₂:

Te₁gui'₅₄, 'ne₂ bá₄ ma₂ca₂jmo'₅₄

'e₂ a₂'uě₂ mi₂'o₄ chi'₂ bē'₅₄

quian'₅₄ mi₂'o₄ guein₂ tei₄ i₂guén'₅ dsi'₅₄,

'uě₂ jág₁ a₂jme₂juin'₂ 'ne₂?†

¹⁷ Jaun₂ ca₂o₃'ín₃ bá₄ ja₁tion'₅₄ 'éi₂, jaun₂ ca₂ŋái'₃ táng₃ juig₂ Betania. Ja₁jaun₂ ca₂ŋia₂ caun₂ nei₅.

Ca₂juá'₂ Jesús caun₂ jág₁ a₂ca₂cué'₃ uig₅ caun₂ ni₁'ma₂ higuera a₂tsá₃ mīg₂ cha₂

(*Marcos 11:12-14, 20—26*)

¹⁸ Jme₁jnia₃ jaun₂, jme₁ma₂tion'₅₄ jui₅ a₂i₂lein₃ táng₃ jui₅ jě₄ juig₂ Jerusalén. Jesús né₃ ca₂tá'₂ i₁cón'₅. ¹⁹ Jaun₂ ca₂jág₃ caun₂ ni₁'ma₂ higuera a₂dsi₅₄ cau₅ jui₅, jaun₂ ca₂jme₃quián₃ 'uig₅₄, la₁ tsá₃ 'e₂ mīg₂ ca₂dsó'₂ guè'₂ guei'₅₄ ni₁'ma₂; jnia'₅₄ lia'₂ jmá'₃ mog'₅₄ bá₄ cha₂. Jaun₂ né₃ ca₂juá'₂ Jesús ca₂tsí'₃ ni₁'ma₂:

—¡Lia'₂ o₁líg'₂ jmīg₄, tsá₃ ma₃jui₁'ag₅₄ mīg₂ quiáng'₂!

Dsi₂jui₅ jaun₂ bá₄ ca₂rě₃quéin₃ ni₁'ma₂ jaun₂. ²⁰ Jme₁ca₂té₂ ne₄ chi'₂ dsi₂guia₃-tín₂ a₂ca₂lě₃ jaun₂, ca₂i₃gó'₃ dsí₅, jaun₂ ca₂ŋí'₃ Jesús:

—¿'A₂ bá₄ lia'₂ con'₂ tan₅₄ lia'₂ dsi₂jui₅ ca₂rě₃quéin₃ ni₁'ma₂ ně₅?

²¹ Jaun₂ ca₂ŋag₃ Jesús:

† 21:9 lit. “Hosana”, a₂jein₅ jág₁ quian'₅₄ jág₁ jmei₅ arameo: “Lio₄ jnia'₅₄”, co₂'nió'₄ a₂qui₂mi₅ dsa₂ ne₄ Diú₄ a₂jíá₃ I₂rě₂'ín₁ quián₅; la₁ cang₂ jaun₂ táng₃ ca₂jein₃ jág₁ a₂jme₂juin'₂ dsa₂ jan₂ dsa₂. Ján₃ bá₄ le₂ně₅ ‡ 21:9 Salmo 118:26. § 21:13 Isaías 56:7. * 21:13 Jeremías 7:11. † 21:16 Salmo 8:2.

—A₂dsi₂jó'₃ juí₂g₂ jniá'₂ 'nia'₂, nē₁jua'₂ tsá₃ ca₂'éi'₂ 'nia'₂ caun₂-tin₃ 'au'₂ lia'₂ 'éng'₂, on₃jua'₅₄ jmá'₃ jui₁lia'₂ a₂nē₂jmo₃ jniá'₂ quian'₅₄ ni₁'ma₂ higuera nē₅, lé₂ le₃jmó'₂ 'nia'₂, ia₁ lé₂ le₃jua'₅₄ 'nia'₂ ján₃ juí₂g'₅₄ ni₁má'₂ ó₃: “Jniag'₃ ja₁nē₅, o₃ o₂'ú₅ jmi₁ñí'₄”, le₂jaun₂ dsón'₂ lé₂ bá₄. ²² Le₂jaun₂ bá₄ ján₃ ca₂le₃jé₃ 'e₂ a₂mi'₂ 'nia'₂ jme₁mi'₂ ne₄ Diú₄, nē₁jua'₂ 'én'₂ tē₃dsón'₂ 'nia'₂, guéi'₁ bá₄ 'nia'₂.

Jesús bá₄ i₂'io₅ 'éi'₃

(Marcos 11:27-33; Lucas 20:1-8)

²³ Jaun₂ ca₂'í₃ táng₃ Jesús i₁dsi₅ guá'₅ templo, jaun₂ tē₁lia'₂ 'ein₅₄ jme₂tiin₂₃ dsa₂, jaun₂ ca₂jme₃quián₃ juí₂g₅₄ jme₂dsa₂ quian'₅₄ i₂lín₅ dsa₂ can'₅₄ quián₅ dsa₂ juí₂g₂, con₂ Jesús, jaun₂ ca₂ñag₃:

—¿'E₂ ta₁ lín'₅ 'ne₂, 'e₂ lē₃ jmo'₂ ca₂le₃jé₃ 'e₂ a₂jmo'₂ ñi'₂? ¿'Ein₂ ca₂cuē₃ bí₂ 'éi'₃ nē₅?

²⁴ Jaun₂ ca₂ñag₃ Jesús:

—Ján₃ bá₄ ñag₄ jniá'₂ caun₂ 'nia'₂; nē₁jua'₂ ca₂ñag'₅₄ 'nia'₂ lia'₂ tí₅, jaun₂ gué₄ juá'₄ jniá'₂ 'ein₂ cuē₅ bí₂ 'éi'₃ a₂jmo₂₃ ca₂le₃jé₃ a₂jmo₂₃. ²⁵ Jui₁lia'₂ a₂ca₂chon₃ Juan₅₄ jmi₂g₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güí₃ 'e₂?

Jaun₂ ca₂dsia₃ dsa₂ can'₅₄ jág₁ con'₂ guoin₅₄, ca₂juá'₂:

—Nē₁jua'₂ ca₂chei₅₄ jniog₄ 'éi'₃ quió'₅ Diú₄ bá₄ jaun₂, nē₃ cón'₅ bá₄ ñag₃: “¿'E₂ lē₃ tsá₃ ca₂rē₃'én'₂ 'nia'₂ jág₁ quió'₅ 'éi'₂?” ²⁶ La₁ nē₁jua'₂ ca₂ñag₄ guē'₂ jniog₄ 'éi'₃ quió'₅ dsa₂ mi₂güí₃ né₃, le₃'ne₂ dsa₂ juí₂g₂ quian'₅₄ jniog₄, ia₁ ca₂le₃jín₃ bá₄ dsa₂ jmo₂₃ dsí₅ a₂jme₁lín₄ Juan₅₄ jan₂ dsa₂ i₂ca₂'é₂ jág₁ quián₅ Diú₄. ²⁷ Jaun₂ né₃, ca₂ñag₃ dsa₂ can'₅₄ 'éi'₂ ca₂tsí'₃ Jesús:

—Tsá₃ a₂jaun₂ ne₄ jnia'₅₄ 'ein₂ ca₂chen₃ 'éi'₂.

Jaun₂ né₃, ca₂ñag₃ Jesús:

—Ján₃ bá₄ le₂nē₅ tsá₃ juá'₄ jniá'₂ 'ein₂ cuē₅ bí₂ a₂jmo₂₃ ca₂le₃jé₃ a₂jmo₂₃ ñi₂₃.

Jág₁ jáng'₅ léi₄ jui₁lia'₂ on₃ ja₁ñi'₅₄ jan₂ dsa₂

²⁸ Jaun₂ ca₂juá'₂ Jesús ca₂tsí'₃ dsa₂ 'éi'₂:

—¿'A₂ lia'₂ lín'₂ 'nia'₂ jui₁lia'₂ jág₁ la₂? Jan₂ dsa₂ jme₁chan₂ on₃ ja₁ñi'₅₄. Jaun₂ ca₂tsí'₃ chi'₂ quián₅ i₂lín₅ i₂juin'₂ gué₄: “Jón₃, gua₂ o₂jmo₄ ta₁ ja₁nau₂ quián₂ jmi₂g₄ nē₃.” ²⁹ Jaun₂ ca₂ñag₃ chi'₂ quián₅: “¿Tsá₃ nei₅₄!” La₁ jme₁co₂lág₂ jaun₂ ca₂jme₃tsíin₃ 'a₂ lia'₂ dsi₂jio₅ dsí₅, jaun₂ ñó₃ bá₄ i₁jmo₅₄ ta₁. ³⁰ Jaun₂ ca₂ñe₄ táng₃ jmei₂ i₁chi'₄ chi'₂ jan₂ quián₅. Ján₃ bá₄ le₂jaun₂ ca₂tsí'₃ 'éi'₂. I₂'éi'₂ né₃ ca₂ñag₃: “Nei₅₄ bá₄ jniá'₂, tia₅₄, i₁jmo₃ ta₁.” La₁ tsá₃ ñei₅₄ guē'₂ jaun₂ né₃. ³¹ Jē₄ le₃oin₃ le₂jaun₂, ¿'ein₂ ca₂jmo₃ a₂'ñio₂ dsí₅ jmei₂?

Jaun₂ ca₂ñag₃:

—Chi'₂ i₂le₂'uig₅₄ bá₄.

Jaun₂ ca₂juá'₂ Jesús:

—A₂dsi₂jó'₃ juí₂g₂ jniá'₂ 'nia'₂, dsa₂ i₂cán₂ 'lia'₅₄ quián₅ dsi₂tan₅₄, o₃ jui₁lia'₂ 'io₅₄ i₂'nag₅ quió'₅ né₃, i₂le₂'éi'₂ bá₄ tiá₂ le₂'uig₅₄ dsi₃ton'₅₄ ja₁gon₂ Diú₄ lia'₂ con'₂ gué₄ 'nia'₂. ³² Ia₁ lia'₂ con'₂ jme₁guan₃ Juan₅₄ i₂chon₅ dsa₂ jmi₂g₂, ca₂jme₃jniai₂₃ ja₁con'₂ 'nia'₂ 'a₂ lia'₂ dsón'₂ ca₂tíng'₂ 'nia'₂ tíáng'₄. La₁ tsá₃ a₂jaun₂ ca₂rē₃'én'₂ 'nia'₂. Ia₁ a₂dsau₅ bá₄ jui₁lia'₂ dsa₂ i₂cán₂ 'lia'₅₄ quián₅ dsi₂tan₅₄, quian'₅₄ 'io₅₄ i₂'nag₅ quió'₅ né₃, ca₂rē₃'éin₂ jág₁ quió'₅ Juan₅₄. La₁ a₂dsau₅ bá₄ o₁jñia'₅₄ a₂ca₂té₂ ne'₅₄ 'nia'₂ jaun₂, tsá₃ ca₂tá'₂ jén₂ 'au'₂ 'nia'₂, on₃ gué'₂ ca₂rē₃'éng'₂.

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Marcos 12:1-12; Lucas 20:9-19)

³³ 'Nei₂ 'nia'₂ jág₁ a₂jáng'₅ léi₄ siá'₂ la₂: Jan₂ dsa₂ ca₂chéin'₃ cho'₅₄ uing₂ uvas ja₁nau₂ quió'₅. Jaun₂ ca₂jmo₃ jñí₁ le₃lág'₃; ca₂jmo₃ co₂jñia₅₄ ja₁jlein'₃ mí₂g₂ né₃; caun₂ guē'₂ tsi₁'né₅ ñei₅ ca₂chi'₃ ja₁guá₃ jmo₃ 'í₁. Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, jaun₂ ca₂ñó₃ bá₄ 'ñiog₅ i₁ñi₂ juig₂ siá'₂. ³⁴ Jme₁ca₂té₂ jein₂ a₂ca₂rau₂ mí₂g₂, jaun₂ dsa₂ juig₅₄

ja₁nau₂ ca₂chein₃ co₂nió'₃ dsa₂ mozo quiáin₅, a₂jme₁i₂mí₃ a₂jáng'₃ dsa₂ i₂niog₅ gu₂ ja₁nau₂ ca₂dsio₄ míg₂ con'₂ a₂ca₂tín₂ juig₅₄. ³⁵ La₁ dsa₂ i₂tion'₅₄ jmó'₂ ta₁ ja₁nau₂ né₃, ca₂jñai'₃ bá₄ dsa₂ mozo i₂chen₄ quián₅ juig₅₄. Ca₂cué'₃ bá₄ jan₂ tioen'₅₄; jan₂ gué'₂ ca₂jñi'₃; jan₂ gué'₂ ca₂cué'₃ quian'₅₄ ni₁cang₁. ³⁶ La₁ juig₅₄ ja₁nau₂ né₃, juin₅ gué'₄ i₂ca₂chein₃ cang₂ jaun₂ con'₂ gué'₄ le₂'uig₅₄; la₁ dsa₂ 'lin'₅₄ i₂tion'₅₄ jmo₅ ta₁ ja₁nau₂ né₃, le₂jaun₂ bá₄ qui₂ca₂jmái'₂ ca₂le₃jín₃ dsa₂ mozo i₂chen₄ 'éi₂.

³⁷ 'La₁ jē₁ca₂tó'₂ né₃, dsa₂ juig₅₄ ja₁nau₂ ca₂chein₃ ja₁ñi'₅₄, ia₁ lín₂: “Jme₃go₃ dsa₂ jme₃gain₃ chi'₂ quiáng₃.” ³⁸ La₁ jme₁ca₂jág₃ dsa₂ i₂jmo₅ ta₁ ja₁nau₂ ca₂jñin₂ ja₁ñi'₅₄ dsa₂ juig₅₄ ca₂dsióg₃, jaun₂ ca₂dsia₃ jág₁ tioen'₅₄: “I₂nē₅ bá₄ tñ₃ ja₁nau₂ la₂ cang₂; nē₃ o₁jñi'₄ jniog₄ ia₁jaun₂ jniog₄ bá₄ lé₂ quián₂.” ³⁹ Le₂jaun₂ bá₄ ca₂jmo₃. Ca₂jñai'₃ bá₄ 'éi₂ tioen'₅₄, jaun₂ ca₂dsei₂₃ le₃co'₅₄ jñi'₁; ja₁jaun₂ ca₂jñag'₃.

⁴⁰ 'Jaun₂ né₃, jē₁ma₂té₂ jmi₄ rē₁jñió'₂ dsa₂ juig₅₄ ja₁nau₂, ¿'e₂ lín'₂ 'nia'₂ jmo₃ quian'₅₄ dsa₂ i₂jmó'₂ ta₁ ja₁nau₂ 'éi₂?

⁴¹ Jaun₂ ca₂ñag₃ dsa₂ 'éi₂:

—A₂jme₃dsiain₂₃ dsa₂ 'lin'₅₄ 'éi₂ ca₂lia'₂ tsá₃ ñéi₂ dsí₅, jaun₂ cué'₃ dsa₂ sián'₂ ja₁nau₂ con'₂ i₂léi₄ jáng'₃ ca₂dsio₄ con'₂ ca₂tín₂ jē₁ma₂té₂ jein₂ a₂ráu₃.

⁴² Jaun₂ né₃, ca₂juá'₂ Jesús ca₂tsí'₃ dsa₂:

—¿Tsa₁ ma₂'í'₂ 'nia'₂ ne₄ Si₂ ja₁juá'₂:

Ni₁cang₁ a₂tsá₃ ca₂rē₃ji'₅₄ tē₅ 'ia'₂,

ca₂dsióg₃ ca₂lē₃ ni₁cang₁ a₂dsen₅₄ gué'₄

tē₁ron₅₄ qui'₅₄ 'ia'₂;

a₂ca₂jmo₃ Te₁gui'₅₄ bá₄ jaun₂,

jaun₂ 'ñio₅ lín₃ bá₄ jlá'₁, lág₂ jniog₄?‡

⁴³ 'Uig₅₄ jaun₂ juig₂ jniá₂ 'nia'₂, co₂dsia₅ jñiá'₂ Diú₄ o₄gog'₂ 'nia'₂ 'éi'₃ quió'₅, o₄gú₃ i₂sián'₂ bá₄ dsia₃ con'₂ i₂léi₄ jáng'₃ a₂ráu₃. ⁴⁴ La₁ jui₁lia'₂ ni₁cang₁ la₂ né₃, jui₁'ein₂ gué'₃ i₂ca₂tán'₂ ne₄, lé₂ le₁juig₁ le₁dsog'₅₄ quió'₅; o₃ nē₁jua'₂ ca₂jllín₃, lé₂ ti₁'liog₂ quió'₅. §

⁴⁵ Jme₁ca₂nág₂ juig₅₄ jme₂dsa₂ quian'₅₄ dsa₂ fariseos jág₁ a₂jáng'₅ léi₄ nē₅, ca₂rē₃lí'₄ bá₄ guioin₅₄ a₂'in₅ 'éi₂ bá₄ Jesús. ⁴⁶ Jaun₂ jme₁'nio₃ jme₁tsáun'₂, la₁ ca₂rē₃gain₃ bá₄ dsa₂ juin₅ i₂quian'₅₄ Jesús, ia₁ ca₂le₃jín₃ bá₄ dsa₂ jmo₂₃ dsí₅ a₂lín₅ 'éi₂ jan₂ i₂'é₂ jág₁ quián₅ Diú₄ bá₄.

22

Jág₁ jáng'₅ léi₄ jui₁lia'₂ ja₁niog₅ jmi₄ a₂ca₂jén'₂ gu₂ dsa₂

(Lucas 14:15-24)

¹ Ca₂jme₃lióg₃ táng₃ Jesús ca₂tsí'₃ dsa₂ tē₂le₃ quian'₅₄ jág₁ a₂jáng'₅ léi₄, le₂la₂:

² —Lé₅ guei'₅₄ i₂juíg₃ ja₁gon₂ Diú₄ jui₁lia'₂ jan₂ rag₅₄ i₂ca₂jmo₃ co₂jñia₅₄ caun₂ má₃ a₂ca₂jmo₃ jmi₄ ja₁jén'₂ gu₂ chi'₂ ja₁ñi'₅₄. ³ Jaun₂ ca₂chein₃ dsa₂ i₂jme₂ti₃ ta₁ ne₅₄ a₂dsi₃quiáin₂ dsa₂ i₂ma₂lé₅ jág₁ ja₃lén₂ ja₃gué'₃. La₁ dsa₂ 'éi₂ né₃ tsá₃ ma₃ca₂gue₃ ja₃lén₂.

⁴ Jaun₂ ca₂chein₃ táng₃ i₂sián'₂, jaun₂ ca₂tsí'₃ 'éi₂: “Chei'₅₄ 'nia'₂ dsa₂ i₂ma₂lé₅ jág₁ ja₃lén₂ jmi₄, ma₂lé₅ bá₄ co₂jñia₅₄ má₃. Ca₂jme₁dsiang₂₃ bá₄ ca₁juí₅ 'on'₅₄ quiáng₃; ma₂lé₅ bá₄ co₂jñia₅₄ ca₂le₃jé₃. Jaun₂ jui₁ja₂lén₂ bá₄ jmi₄ quió'₅ chi'₂ quiáng₃.” ⁵ La₁ tsá₃ jui₅ ca₂tón'₃ dsa₂ i₂jme₁ma₂lé₅ jág₁ rē₂té₄ 'éi₂. Jui₅ siá'₂ bá₄ i₃lén₂: jan₂ ñó₃ jui₅ ja₁nau₂ quió'₅ bá₄; jan₂ gué'₂ ñó₃ i₃dsiá₃ 'ma'₅₄. ⁶ Rin'₅₄ dsa₂ 'éi₂ né₃, ca₂jñai'₃ bá₄ dsa₂ i₂jme₂ti₃ ta₁ ne₄ rag₅₄ 'éi₂, ca₂cué₃, ca₂jme₃dsiog₂₃ bá₄. ⁷ Jaun₂ né₃, ca₂rē₃'né₃ rag₅₄ 'ñio₅ lín₃, jaun₂ ca₂chein₃ 'lióg₂ quiáin₅ ca₂i₁jme₁dsiain₂₃ dsa₂ 'éi₂ qui₂ca₂i₁dsí'₄ 'lióg₂ 'né₅, co₂dsia₅ ca₂'éin₂ go₄ dsa₂ 'éi₂.

⁸ Jaun₂ ca₂juá'₂ rag₅₄ ca₂tsí'₃ dsa₂ i₂jme₂ti₃ ne₅₄: “Ca₂le₃jé₃ ma₂lé₅ co₂jñia₅₄ a₂jén'₂ gu₂ chi'₂ quiáng₃ a₂niog₃ jmi₄, la₁ dsa₂ i₂jme₁lé₄ jág₁ rē₂té₄ 'éi₂, tsá₃ ma₃ca₂tñin₂ ja₃lén₂. ⁹ O₂nó'₅

‡ 21:42 Salmo 118:22-23. § 21:44 A₂lín₅₄ chog₅₄ si₂ tsá₃ rē₂ton₅ versículo 44.

'nia'₂ né₃, o₂nau₂ jē₄ calle juē'₂ ja₁i₂nio₄ gué₄ dsa₂ juin₅, o₂chei'₅₄ ca₂le₃jín₃ dsa₂ i₂jeng'₂ jui₁ja₂lén₂ jmi₄g₄ jē₂jen'₂ gu₂ chi'₂ quiáng₃.”¹⁰ Jaun₂ ca₂'uin₂ bá₄ dsa₂ 'éi₂ né₃ ca₂i₁lein₅₄ jē₄ calle, jaun₂ chi₂ca₂liain'₃ ca₂le₃jín₃ dsa₂ i₂ca₂jein'₂ lia'₂ dsa₂ dsen₃ lia'₂ dsa₂ 'lín'₅₄ né₃; jaun₂ ca₂can'₂ bá₄ dsi₂néi₂ ca₂lě₃, quian'₅₄ dsa₂ 'éi₂.

¹¹ 'Jaun₂ gué₄ ca₂'í₃ rag₅₄ dsi₂néi₂ ca₂i₁jiin₁₂ dsa₂ i₂tion'₅₄ 'éi₂, jaun₂ ca₂jiin₂ jan₂ i₂'en₅₄ jē₄ jaun₂, tsá₃ jme₁rē₂liin₅₄ jua'₅₄ a₂qui'₂ 'mi'₂ a₂quí'₅ dsa₂ dsi₂lén₂ ja₁niog₅ jmi₄g₄ jen'₂ gu₂ dsa₂. ¹² Jaun₂ ca₂tsí'₃ dsa₂ 'éi₂, ca₂juá'₂: “A₂mei₅₄, ¿'a₂ bá₄ lia'₂ nē₂'ú'₃ 'ne₂ ja₁lá₃ tē₃ tsá₃ rē₂ling'₅₄ con'₂ dsi₂ten₅₄ a₂gog'₅₄ ja₁niog₅ jmi₄g₄ jen'₂ gu₂ dsa₂?” Jaun₂ tei₄ bá₄ ca₂nau₂ dsa₂ 'éi₂, tsá₃ 'e₂ nj₅ ng₃. ¹³ Jaun₂ bá₄ ca₂juá'₂ rag₅₄ ca₂tsí'₃ dsa₂ i₂tion'₅₄ jme₂tí₃ ne₄ mesa: “Quéin₂ 'nia'₂ gu₂-tag₄ i₂nē₅, dsein₅₄ ca₁'né₄, qui₂dsiin₅ 'nia'₂ güig₂, 'liain'₅₄ jē₄ qui₁né'₃ ja₁qui'₂-'o₃, qui₃quí'₃ jan₅₄.” ¹⁴ Ia₁ juin₅ lín₃ dsa₂ i₂rē₂té₄, la₁ me'₂ bá₄ i₂rē₂quion'₅₄.

*Jág₁ jui₁lia'₂ 'lia'₅₄ a₂ca₂tín₂ dsi₂tan₅₄
(Marcos 12:13-17; Lucas 20:20-26)*

¹⁵ Jme₁co₂lág₂ jaun₂ ca₂i₃len₃ dsa₂ fariseos ca₂i₁jmo₅₄ jág₁ 'a₂ lia'₂ join₅₄ Jesús jui₁lia'₂ bá₄ 'ñiá₃ ca₂jon₄ jág₁ 'lia'₂, ia₁jaun₂ cuin₃ jmi₄g₄ a₂bóg'₂ dso₄. ¹⁶ Jaun₂ ca₂chein₃ táng₃ i₂lín₅₄ dsa₂ quiáin₅ quian'₅₄ i₂lín₅₄ dsa₂ i₂quian'₅₄ Herodes, a₂ca₂i₁chi'₄ Jesús:

—Tē₅, ne₄ bá₄ jnia'₅₄, a₂dsón'₂ bá₄ juá'₂ 'ne₂ lia'₂ tí₅ jág₁, qui₂jme₂tíng'₁ dsa₂ jui₅ dse₃ quió'₅ Diú₄, jaun₂ tsá₃ can'₂ 'ne₂ jág₁ jua'₅₄ a₂quian'₅₄ o₂i₁ dsi₅ 'e₂ a₂'ag₅ dsa₂, ia₁ tsá₃ gang'₃ jmag'₅₄ jui₁lia'₂ dsa₂ dsen₅₄ né₃. ¹⁷ Jaun₂ 'niog₂ jnia'₅₄ jua'₅₄ 'ne₂ 'a₂ lia'₂ dsi₂jiog₅ 'au'₂: ¿Dsióg₅ gué'₂ jua'₅₄ a₂caun₂ qui₅₄ 'lia'₅₄ a₂ca₂tín₂ dsi₂tan₅₄ César? ¿'Nió'₅ qui₅₄, o₃ tsá₃ qui₅₄ 'e₂?

¹⁸ La₁ ca₂rē₃lí'₄ bá₄ Jesús a₂dsi₂jiog₅ dsí₅ dsa₂ 'éi₂ 'lig'₅₄, jaun₂ ca₂juá'₂:

—¿'Nia'₂ dsa₂ i₂lě₁co₂jmo₅ o₁ne₁! ¿'E₂ lě₃ 'niog'₂ 'nia'₂ jo'₅₄ jniá₂ jui₁lia'₂ tsán'₂ dsa₂ jan₂ já'₂ quian'₅₄ liá₂? ¹⁹ 'Ē₄ de'₂ 'nia'₂ caun₂ cu₄ 'ua'₂ jui₁lia'₂ a₂quí₅ dsa₂ 'lia'₅₄ a₂ca₂tín₂ dsi₂tan₅₄.

Jaun₂ ca₂o₃can₅ dsa₂ caun₂ cu₄ denario. ²⁰ Jme₁ma₂nē₂jág₃ Jesús, jaun₂ ca₂ñí'₃ dsa₂ 'éi₂:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ guē'₂ quió'₅ letra né₃?

²¹ Jaun₂ ca₂ng₃:

—Quió'₅ gui'₅₄ emperador César.

Jaun₂ ca₂juá'₂ táng₃ Jesús:

—Jang'₅₄ guē'₂ 'nia'₂ jaun₂ ne₄ César con'₂ a₂ca₂tín₂ César; ne₄ Diú₄ né₃ jang'₅₄ 'nia'₂ con'₂ a₂ca₂tín₂ Diú₄.

²² Dsa₂ 'éi₂ né₃, jme₁ca₂nág₂ jág₁ nē₅, ca₂i₃gó'₃ dsí₅. Ca₂tén₂ bá₄ ca₂juē'₂ Jesús, ca₂i₃lein₃ bá₄.

*Ca₂ng₃ dsa₂ saduceos jui₁lia'₂ a₂jen'₅₄ 'lag₄
(Marcos 12:18-27; Lucas 20:27-40)*

²³ Jmi₄g₄ jaun₂ ca₂o₃lén₂ i₂lín₅₄ dsa₂ saduceos ca₂o₃jiin₅₄ Jesús. Ia₁ tsá₃ 'én₂ dsa₂ 'éi₂ a₂jen'₅₄ táng₃ dsa₂ jē₁ma₂dsain₃. Jaun₂ jág₁ nē₅ ca₂ñí'₃ Jesús ca₂juá'₂:

²⁴ —Tē₅, le₂la₂ ca₂juá'₂ Moisés: nē₁jua'₂ ca₂jon₃ jan₂ dsa₂ ne'₂ tē₃ tsá₃ ca₂can₃ 'io₅₄ quiáin₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ne'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quiáin₅, lé₂ co₂'nió'₄ tsi₁jon₂ 'lag₄ riin'₅₄. ²⁵ Dse₃ jaun₂. Jē₄ quián₂ jnia'₅₄ la₂, jme₁chan₂ guion₃ dsa₂ ne'₂ i₂lín₅ rin'₅₄. Ca₂jen'₂ gu₂ i₂le₂'ui₅₄, la₁ ca₂join₃ bá₄, tē₃ tsá₃ guein₂ ca₂can₃ 'io₅₄ quiáin₅. Jaun₂ ca₂tē₁'ñiá₄ bá₄ 'io₅₄ 'nág₂ 'éi₂ o₄gú₃ dsó₂ riin'₅₄ i₂jē₁ca₂té₂ on₃. ²⁶ La₁ ján₃ bá₄ le₂jaun₂ ca₂i₃ñí₂, ca₂join₃ bá₄ ján₃. Jaun₂ ca₂guá₂ táng₃ 'io₅₄ 'éi₂ quian'₅₄ i₂jē₁ca₂té₂ ún₂ dsó₂; ján₃ bá₄ le₂jaun₂ ca₂lě₃ quian'₅₄ 'éi₂. Jaun₂ le₂nē₅ bá₄ ca₂lě₃ quian'₅₄ ta₁guion₃ dsó₂ 'éi₂ con'₂ i₂jme₁lé₄ rin'₅₄, ca₂dsain₃ bá₄ tē₃ tsá₃ guein₂ ca₂can₃ 'io₅₄.

²⁷ Jaun₂ ca₂jon₃ bá₄ 'io₅₄ jme₁ca₂jon₃ né₃.

²⁸ Jaun₂ né₃, jmi₄g₄ jē₁ma₂té₂ rē₁jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē'₂ dsa₂ ŋe'₂ ca₂guá₂ quiain'₅₄.

²⁹ Jaun₂ ca₂ŋag₃ Jesús:

—Tsá₃ le₂jaun₂ lia'₂ ŋí'₂ 'au'₂ 'nia'₂, ia₁ tsá₃ cuin'₂ 'nia'₂ 'a₂ lia'₂ juá'₂ Si₂, on₃ guē'₂ cuin'₂ 'nia'₂ 'a₂ lia'₂ lé₅ jui₅bí₂ quió'₅ Diú₄ né₃. ³⁰ Jē₁ma₂té₂ jmi₄g₄ a₂jen'₅₄ 'lag₄, on₃juá'₅₄ a₂le₃chain₂ jua'₅₄ a₂qui₃jéin'₂ gué₄ gu₂, on₃ guē'₂ nē₅ tóin'₃ gué₄ jua'₅₄ a₂qui₃cuin₃ chi'₂ quián₅ a₂jéin'₂ gu₂, ia₁ i₂lén₂ jui₁lia'₂ lín₅ ángeles i₂tion'₅₄ guei'₅₄ i₂juíg₃ bá₄ 'éi₂ jmi₄g₄ jaun₂. ³¹ La₁ jui₁lia'₂ a₂jen'₅₄ táng₃ 'lag₄, ¿tsa₁ ma₂'í'₂ 'nia'₂ ne₄ Si₂ jui₁lia'₂ a₂ca₂juá'₂ 'ŋiog₅ Diú₄ jme₁ca₂juá'₂: ³² “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob né₃?”* A₂lín₅ Diú₄ quián₅ dsa₂ jén'₃ bá₄, on₃juá'₅₄ rē'₂ Diú₄ quián₅ 'lag₄.

³³ Jme₁ca₂nág₂ dsa₂ jág₁ nē₅, ca₂i₃gó'₃ dsí₅ 'a₂ lia'₂ jme₂tag₅ Jesús.

'Éi'₃ Juá'₅ a₂dsen₅₄ gué₄ quió'₅ Diú₄

(*Marcos 12:28-34; Lucas 10:25-28*)

³⁴ Jme₁ca₂rē₃ŋi₅ dsa₂ fariseos ca₂lí'₃ bá₄ táng₃ Jesús jág₁ a₂ca₂tsiin₂ quian'₅₄ dsa₂ saduceos, jaun₂ ca₂ŋii'₂ ca₂jmo₃ jág₁. ³⁵ Jaun₂ jan₂ riin'₅₄ i₂lín₅ tē₅juá'₅, jme₁'nio₃ jme₁jo₅₄ quian'₅₄ jág₁, jaun₂ ca₂ŋí'₃ Jesús:

³⁶ —Tē₅, ¿'e₂ 'Éi'₃ Juá'₅ a₂dsen₅₄ gué₄ con'₂ gué₄ ca₂le₃jé₃ Si₂ 'Éi'₃ quió'₅ Diú₄?

³⁷ Jaun₂ ca₂ŋag₃ Jesús:

—“Jme₁'nió₄ Te₁gui'₅₄ Diú₄ quiáng'₂, ca₂le₃jé₃ 'au'₂, ca₂le₃jé₃ jme₂dsí₂ quiáng'₂, ca₂le₃jé₃ 'a₂ lia'₂ niog₅ ŋí'₂ dsei'₂.”† ³⁸ A₂nē₅ bá₄ 'Éi'₃ Juá'₅ a₂le₂'uig₅₄ a₂dsen₅₄ gué₄ con'₂ gué₄ ca₂le₃jé₃. ³⁹ Jē₁ca₂té₂ tīn₃ 'Éi'₃ né₃, mei'₂ tsá₃ co₂rē₂ quian'₅₄ a₂le₂'uig₅₄: “Jme₁'nió₄ dsa₂ mi₂güig₃ ríng'₂ jui₁lia'₂ 'nióg'₃ 'ŋiag'₂.”‡ ⁴⁰ Tīn₃ 'éi'₃ nē₅ bá₄ lé₅ 'uig₅₄ cho'₅₄ ca₂le₃jé₃ 'Éi'₃ quió'₅ Moisés quian'₅₄ ca₂le₃jé₃ jág₁ a₂ca₂'é₂ dsa₂ i₂chen₄ quián₅ Diú₄ ma₂líg'₂.

¿'Ein₂ tsi₁jon₂ quián₅ lín₅ i₂rē₂'ín₁ quián₅ Diú₄?

(*Marcos 12:35-37; Lucas 20:41-44*)

⁴¹ Tē₃ tion'₅₄ dsa₂ fariseos le₁ŋii'₂, ⁴² jaun₂ ca₂ŋag₃ Jesús ca₂juá'₂:

—¿'A₂ lia'₂ lín'₂ 'nia'₂? ¿'Ein₂ tsi₁jon₂ quián₅ lín₅ i₂rē₂'ín₁ quián₅ Diú₄?

—Tsi₁jon₂ David —ca₂ŋag₃ dsa₂ 'éi₂.

⁴³ Jaun₂ ca₂juá'₂ táng₃ Jesús:

—¿'A₂ lia'₂ jaun₂? Ia₁ 'ŋiog₅ bá₄ guē'₂ David ca₂juá'₂ lia'₂ con'₂ jme₁ca₂'í₃ jme₂dsí₂ ŋjió₅ tē₂dsí₅, ca₂tē₃ “Te₁gui'₅₄.” ¿'A₂ lia'₂ lé₅ jaun₂? Ia₁ 'ŋiog₅ bá₄ guē'₂ David ca₂juá'₂:

⁴⁴ Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂té₂ jmi₄g₄

a₂tón'₁ jniá₂ dsa₂ i₂'iog₅₄ o₄tag'₄.”§

⁴⁵ ¿'A₂ bá₄ lia'₂ lé₅ a₂lín₅ tsi₁jon₂ David, ton'₂ 'ŋiog₅ bá₄ guē'₂ David ca₂tē₃ “Te₁gui'₅₄ quiáng₃?”

⁴⁶ Jaun₂ tē₂le₃ ne₄ jui₅ gué₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ŋag₃ gué₄ 'e₂ ŋag₃.

23

*Chóg'*₅ Jesús dso₄ juá'₂ 'a₂ lia'₂ niog₅ lín₅ dsa₂ fariseos quian'₅₄ tē₅juá'₅ né₃

(*Marcos 12:38-40; Lucas 11:37-54; 20:45-47*)

¹ Jaun₂ né₃ ca₂ton₃ Jesús jág₁ ca₂tsí'₃ dsa₂ juin₅ i₂quiain'₅₄, ca₂tsí'₃ chi'₂ dsi₂guia₃-tín₂ quián₅ né₃, ca₂juá'₂:

* 22:32 Éxodo 3:6. † 22:37 Deuteronomio 6:5. ‡ 22:39 Levítico 19:18. § 22:44 Salmo 110:1.

² —Dsa₂ fariseos quian'₅₄ tēsjuá'₅ né₃, tián'₅ ta₁ a₂jme₁lín₄ Moisés. ³ Jaun₂ lē₃ ca₂tín'₂ 'nia'₂ nág'₁ gau₂ jág₁ quió'₅, jme₁ti'₄ 'nia'₂ 'e₂ a₂te₂néi'₂. La₁ tsá₃ can₂ 'nia'₂ jui₅ jua'₅₄ a₂jmo'₂ jui₁lia'₂ a₂jmo₂₃ guioin₅₄, ia₁ jui₁lia'₂ jme₂tag₂₃, tsá₃ jme₂ti₃ guioin₅₄; tē₂le₃ siá'₂ bá₄ jmo₂₃ dsó₅. ⁴ Qui₂'nei₂₃ lio₅₄ guei₂ 'ñio₅ lín₃ qui₂dsi₂₃ mi₂ca'₄ dsa₂, la₁ guioin₅₄ né₃ ca₂lia'₂ ñjia'₅₄ caun₂ chi₁gú₃ bá₄ tsá₃ 'nio₃ tí₂ jua'₅₄ a₂jme₃'o₅₄ cán₂. ⁵ Ca₂le₃jé₃ 'e₂ a₂jmo₂₃, jmo₂₃ a₂ñjia'₅₄ con'₂ 'nio₃ jág₂ dsa₂ bá₄. Ia₁ tin₂ dsí₅ i₃quian₅₄ le₁ton₅ jma₃ca₂tsín'₅ tsi₁'mi'₂ 'í₂ le₂con₂ chi₁quí₃ quian'₅₄ mi₂cu₅ né₃ qui₂le₁ton₅ 'éi'₃ quió'₅ Diú₄;^{*} a₂ta₁ dsí₅ i₂ñoi₅₄ le₁qui'₂ tsi₁'mi'₂ chen'₅₄ jang₄ qui₂le₁'ág₄ a₂lé₅ lí₁ ca'₅₄ a₃tag₄. ⁶ 'ñio₅ tēs dsí₅ qui₂dsi₂toin'₅₄ jmá'₃ lia'₂ ja₁jlá'₁ bá₄ ja₁qui₂dsi₂gué'₃, qui₂dsi₂tiain'₂ ja₁dsen₅₄ gué₄ jui₁lia'₂ dsi₂néi₂ guá'₅ sinagoga né₃. ⁷ Ton'₂ 'ñio₅ tēs dsí₅ qui₃cuag₃ dsa₂ Diú₄ jē₄ 'ma'₅₄, qui₃tē₂ dsa₂ “tēs”† né₃.

⁸ 'La₁ 'nia'₂ né₃, tsá₃ ca₂tín_g'₂ jua'₅₄ tē₂ dsa₂ “tēs”, ia₁ ca₂le₃jín'₃ bá₄ 'nia'₂ lé₅ ríng'₂; ia₁ jan₂ bá₄ Tē₅ quián'₂ 'nia'₂ chan₂. ⁹ Tsá₃ tē₅₄ 'nia'₂ “tia₅₄” i₁jan₂ dsa₂ mi₂güig₃, ia₁ jan₂ bá₄ ñéi'₅ 'nia'₂ i₂chan₂, i₂guá₅ guei'₅₄ i₂juíg₃. ¹⁰ Tsá₃ cué'₁ 'nia'₂ jmig₄ a₂tē₂ dsa₂ 'nia'₂ guiong'₅₄ a₂lín_g'₅ juig₅₄ dsa₂, ia₁ jan₂ I₂rē₂'ín₁ quián₅ Diú₄ bá₄ i₂lín₅ juig'₂ 'nia'₂. ¹¹ Jui₁lia'₂ i₂jme₃ti₃ ta₁ ne₄ rin'₅₄, i₂'éi₂ bá₄ i₂juin'₂ gué₄. ¹² Ia₁ jui₁lia'₂ i₂jme₂can'₅₄ guion₅₄ jin₄ rin'₅₄, tē₂le₃ sióin₂, lé₂ mei'₂; la₁ jui₁lia'₂ i₂jmo₅ me'₂ jin₄ rin'₅₄, i₂'éi₂ bá₄ lén₂ i₂juin'₂ gué₄ con'₂ gué₄ ca₂le₃jín₃.

¹³ 'i₂E₂ gué₄ juíg'₂ 'nia'₂ tēsjuá'₅, 'nia'₂ dsa₂ fariseos né₃, i₂lē₁jmo₅-dsáu₅ o₁ne₁! Ia₁ jnág'₂ 'nia'₂ o₄né₄ guei'₅₄ i₂juíg₃ ja₁gon₂ Diú₄, tsá₃ cué'₂ 'nia'₂ jmig₄ tón'₃ i₂sián'₂. Ia₁ on₃ gué'₂ tón'₂ 'nia'₂ guiong'₅₄, on₃ gué'₂ cué'₂ 'nia'₂ jui₅ tón'₃ jui₁lia'₂ i₂'nio₃ tón'₃.‡

¹⁵ 'i₂E₂ gué₄ juíg'₂ 'nia'₂ tēsjuá'₅, 'nia'₂ dsa₂ fariseos né₃, i₂lē₁jmo₅-dsáu₅ o₁ne₁! Ia₁ qui₂i₂no₄ 'nia'₂ ca₂le₂con₂ mi₂güig₃ qui₁'ang'₄ jmi₁ñí'₄, a₂qui₂jme₂tín_g'₁ dsa₂ lia'₂ lé₅ 'én'₂ 'nia'₂ guiong'₅₄. Jē₁ma₂ca₂jon'₃ 'nia'₂ dsa₂ a₂dsi₃léin₂ jui₅ quiáng'₂, qui₂jme₂tín'₁ 'nia'₂ a₂ñjia'₅₄ con'₂ a₂jme₃'lín'₅₄ gué₄ lia'₂ con'₂ gué₄ guion'₅₄ 'nia'₂.

¹⁶ 'i₂E₂ gué₄ juíg'₂ 'nia'₂, dsa₂ ten₄ i₂quian₅ ne₄ jui₅! Ia₁ juá'₂ 'nia'₂ jme₂tín_g'₁ dsa₂: “Nē₁jua'₂ 'ein₂ ca₂cué₃ jág₁ quió'₅ 'ē₂₃ guá'₅, tsá₃ 'e₂ quen₅ jág₁ jaun₂; la₁ nē₁jua'₂ ca₂'ē₃ cu₄nióg₄ a₂te₁'i₁ guá'₅, a₂jaun₂ gué₄ dsón'₂ quen₅ jág₁ quió'₅”, tion₅₄ 'nió'₅ jme₃ti₃ jág₁ a₂nē₂cué₃. ¹⁷ 'i₂Nia'₂ dsa₂ ten₄, dsa₂ co₄! ¿'E₂ a₂quen₅ gué₄ 'ñio₅ lín₃? ¿Cu₄nióg₄, o₃ guá'₅ ja₁rē₂ñjio₃ cu₄nióg₄ jaun₂ 'e₂? ¹⁸ Juá'₂ 'nia'₂ ján₃: “Nē₁jua'₂ 'ein₂ cué₅ jág₁ quió'₅ a₂'ē₂₃ ne₄chei₂, ján₃ bá₄ tsá₃ 'e₂ quen₅ jág₁ jaun₂; la₁ nē₁jua'₂ ca₂'iin₃ já'₂ i₂rē₂jen'₅₄ ne₄ ne₄chei₂, jaun₂ gué₄ dsón'₂ tion₅₄ 'nió'₅ jme₃ti₃ jág₁ quió'₅.” ¹⁹ 'i₂Nia'₂ dsa₂ ten₄! ¿'E₂ jaun₂ a₂lé₅ a₂dsen₅₄ gué₄? ¿Já'₂ i₂rē₂jen'₅₄ ne₄ Diú₄, o₃ ne₄chei₂ a₂rē₂ñjio₃ já'₂ 'éi₂ 'e₂? ²⁰ Jaun₂ lē₃, jui₁lia'₂ jme₁cué₅ dsa₂ jág₁ quió'₅ a₂'ē₂₃ ne₄chei₂, on₃jua'₅₄ jmá'₃ ne₄chei₂ 'ē₂₃; a₂'ē₂₃ ca₂le₃jé₃ 'e₂ a₂te₁'i₁ ne₄chei₂ bá₄ jaun₂. ²¹ Le₂nē₅ bá₄ ján₃, jui₁lia'₂ i₂'ē₅ guá'₅, on₃jua'₅₄ jmá'₃ ca₂ne₅₄ guá'₅ 'ē₂₃, a₂'iin₂₃ le₂jio₅ Diú₄ i₂guá₅ dsi₂néi₂ jaun₂ bá₄. ²² Ján₃ bá₄ le₂nē₅ jui₁lia'₂ i₂'ē₅ guei'₅₄ i₂juíg₃, a₂ma₂nē₂'ē₃ le₂jio₅ ne₄ta₁ quió'₅ Diú₄, ton'₂ a₂ma₂nē₂'iin₃ le₂jio₅ 'ñio₅ Diú₄ i₂guá₅ ne₄ta₁ jaun₂ bá₄ ján₃.

²³ 'i₂E₂ gué₄ juíg'₂ 'nia'₂ tēsjuá'₅, 'nia'₂ dsa₂ fariseos né₃, i₂lē₁jmo₅-dsáu₅ o₁ne₁! Ia₁ qui₂jáng'₂ 'nia'₂ caun₂ qui'₅₄ a₂guia₃ quió'₅ mi₁'au₂ mi₂juíg₂, jui₁lia'₂ menta, anís, quian'₅₄ qui₂má₃ né₃. La₁ tsá₃ tón'₂ gué'₂ 'nia'₂ jui₅ 'Éi'₃ Juá'₅ a₂dsen₅₄ gué₄ quió'₅ Diú₄ ron₅, jui₁lia'₂ ja₁juá'₂ a₂'nió'₅ jmo₃ dsa₂ a₂dse₃, a₂dsia₃ dsa₂ ñéi₂ dsí₅ dsa₂ mi₂güig₃ riin'₅₄, a₂jmo₃ dsa₂ tí₅ jág₁ quió'₅ quian'₅₄ riin'₅₄. A₂nē₅ bá₄ a₂dsen₅₄ gué₄ a₂ca₂tín'₂ 'nia'₂ jmo'₂, la₁ on₃jua'₅₄

* 23:5 'Nio'₂ ja₁ton₅ Deuteronomio 6:4-9. † 23:7 o₃, Rabbí. ‡ 23:13 A₂lín₅₄ chog₅₄ si₂ chi₁ton₅ versículo 14 ján₃, a₂juá'₂ le₂la₂: “i₂E₂ gué₄ juíg'₂ 'nia'₂ tēsjuá'₅, 'nia'₂ dsa₂ fariseos né₃, i₂lē₁jmo₅-dsáu₅ o₁ne₁! Ia₁ ja₂nó'₅ 'nia'₂ qui₂ñjia'₂ 'ne₄ 'io₅₄ 'nág₂, jaun₂ jmo'₂ 'nia'₂ chi₂leng'₅₄ Diú₄ ué₂ lín₃, ia₁jaun₂ tsá₃ 'ein₂ le₃lí'₄. 'Uig₅₄ jaun₂ ja₂lín₃ gué₄ 'ñio₅ uig₅ guéi'₁ 'nia'₂.

a₂tsá₃ ma₃jme₁ti₄ 'nia'₂ 'Éi'₃. ²⁴ ¡'Nia'₂ dsa₂ ten₄ i₂quian₅ ne₄ jui₅! Qui₁ñi₄ 'nia'₂ quió'₅ i₁lu₂ pí'₁, la₁ ní'₅ bá₄ guë'₂ 'nia'₂ guiong'₅₄ jui₁lia'₂ já'₂ camello.

²⁵ ¡'E₂ gué₄ juíg'₂ 'nia'₂ të₅juá'₅, 'nia'₂ dsa₂ fariseos në₃, i₂lë₁jmo₅-dsáú₅ o₁ne₁! Ia₁ lín'₅ 'nia'₂ jui₁lia'₂ lé₅ ni₁vaso, ni₁uing₅ në₃, qui₁rín'₄ 'nia'₂ jmá'₃ lia'₂ le₃co'₅₄. La₁ të₂le₃ jui₅ të₂'au'₂ 'nia'₂, qui₂rë₂can'₂ ca₂le₃jé₃ ne₅₄ a₂'lig'₅₄ a₂qui₂dsi₂jñia₅ 'au'₂ 'nia'₂, 'niog'₂ 'nia'₂ jua'₅₄ jmá'₃ lia'₂ guiong'₅₄ bá₄ qui₂le₃cha₂ quiáng'₂; qui₂ja₂nó'₅ 'nia'₂ 'ang'₂ quió'₅ dsa₂. ²⁶ ¡'Nia'₂ dsa₂ fariseos ten₄! Rang₂ 'nia'₂ de'₂ jñiá₅ le₃'ñió'₂ ni₁vaso quian'₅₄ ni₁uing₅, jaun₂ gué₄ lé₂ le₁jé₃ le₂tan₅₄ le₃co'₅₄ në₃.

²⁷ ¡'E₂ gué₄ juíg'₂ 'nia'₂ të₅juá'₅, 'nia'₂ dsa₂ fariseos në₃, i₂lë₁jmo₅-dsáú₅ o₁ne₁! Ia₁ lín'₅ 'nia'₂ jui₁lia'₂ lé₅ tau₂ 'ñio₅ a₂jñia'₅₄ con'₂ jniá₂ tiog₂, jniá₂ jlá'₁ jmá'₃ lia'₂ le₃co'₅₄ bá₄, la₁ le₃'ñió'₂ qui₂rë₂can'₂ ni₁mu₅, chí'₅ ma₂'lig'₅₄. ²⁸ Le₂në₅ bá₄ lín'₅ 'nia'₂; 'e₂ gué₄ dsen'₃ 'nia'₂ jniág'₂ jmá'₃ lia'₂ le₃co'₅₄ të₃jë₄ jág₅ dsa₂, la₁ të₂'au'₂ guë'₂ 'nia'₂ qui₂rë₂can'₂ ca₂le₃jé₃ ne₅₄ a₂'lig'₅₄, a₂jmo'₂ dsáú'₂ 'nia'₂ o₁ne₁ 'e₂ a₂jmo'₂.

²⁹ ¡'E₂ gué₄ juíg'₂ 'nia'₂ të₅juá'₅, 'nia'₂ dsa₂ fariseos në₃, i₂lë₁jmo₅-dsáú₅ o₁ne₁! Ia₁ qui₂jmóg'₂ 'nia'₂ tau₂ 'ñio₅ quió'₅ dsa₂ i₂ca₂'é₂ jág₁ quián₅ Diú₄ ma₂líg'₂, qui₂jmóg'₂ 'nia'₂ jlá'₁ qui₂rë₂lag₄ jui₁lia'₂ ja₁le₁'on₅ dsa₂ dsen₃ i₂ma₂dsan₃. ³⁰ Jaun₂ jag'₅₄ 'nia'₂: “Jua'₅₄ mei'₂ bá₄ ca₂rë₃chóng₃ jniog₄ jmíg₄ jaun₂ lia'₂ con'₂ jme₁chan₂ dsa₂ can'₅₄ quián₂ ma₂líg'₂, tsá₃ jme₁jme₁quian'₅₄ jniog₄ lia'₂ con'₂ jme₁ca₂jmo₃ a₂ca₂i₃'o₅₄ jmi₂ 'an₅₄ dsa₂ i₂chen₄ 'éi₂ quián₅ Diú₄.” ³¹ Jaun₂ le₂në₅, quian'₅₄ jág₁ quián'₂ 'nia'₂ guiong'₅₄, jáng'₂ 'nia'₂ jág₁ dsau₅ a₂lín'₅ tsi₁jon₂ dsa₂ i₂ca₂jme₃dsian₅ dsa₂ i₂ma₂chen₃ Diú₄. ³² Jaun₂ në₃, jme₁'ñia₅ 'nia'₂ dso₄ a₂ca₂jme₃lióg₃ dsa₂ can'₅₄ quián'₂ 'nia'₂.

³³ ¡Já'₂ 'lín'₅₄! ¡Tsi₁jon₂ dsi₂mí'₂! ¿'A₂ bá₄ lia'₂ le₃lon'₅₄ 'nia'₂ 'éi'₃ uig₅ a₂já₅ ja₁con'₂ 'nia'₂ a₂dsi₁nog'₃ guio₃-juíg₃? ³⁴ 'Uig₅₄ jaun₂, tsin₅₄ jniá₂ ja₁con'₂ 'nia'₂ dsa₂ i₂'é₂ jág₁ o₄quió₃, dsa₂ i₂ñí'₂ niog₅ dsi₄, i₂lín₅ të₅ në₃. I₂lín₅₄ 'éi₂ jme₁dsian'₂ bá₄ 'nia'₂, i₂lín₅₄ guë'₂ qui₁tóin'₄ 'nia'₂ cróg₄. I₂sián'₂ guë'₂ në₃ qui₁cuë'₅₄ 'nia'₂ dsi₂néi₂ guá'₅ sinagogas quiáng'₂, qui₂co₁'éin'₄ 'nia'₂ në₃ le₂'í₁ juig₂. ³⁵ Jaun₂ lë₃, 'nia'₂ bá₄ le₁cáng'₄ jmi₄ ca₂le₃jín₃ dsa₂ dsen₃ i₂qui₂ma₂dsan₃ mi₂güüg₃, ca₂të₂ jmi₄ Abel i₂jme₁lín₄ dsa₂ dsen₃, ca₂të₂ jmi₄ Zacarías ja₁ñi'₅₄ Berequías, i₂ca₂jñí'₃ 'nia'₂ i₁dsi₅ guá'₅ jë₄ ja₁lé₄ ja₁ñió₅ quian'₅₄ ja₁chí'₄ ne₄chei₂. ³⁶ A₂dsi₂jó'₃ juíg₂ jniá₂ 'nia'₂, dsa₂ chan₂ jmíg₄ në₃ bá₄ rë₂cán'₄ ca₂le₃jé₃ dso₄ jaun₂.

'O₅ Jesús o₄quió'₄ juig₂ Jerusalén

(Lucas 13:34-35)

³⁷ ¡'Nia'₂ dsa₂ juig₂ Jerusalén! ¡'Nia'₂ dsa₂ juig₂ Jerusalén, 'nia'₂ i₂jme₂dsiáng'₁ dsa₂ i₂'é₂ jág₁ quián₅ Diú₄, 'nia'₂ i₂qui₂jñag'₅₄ cang₄ dsa₂ i₂chen₅ Diú₄ jin'₄ 'nia'₂! ¡'Lióng₂ ráun₂ jme₁'ín₅ dsi₃ jme₁chi₁liang'₂ guein₂ dsa₂ juig₂ quiáng'₂, jui₁lia'₂ jmo₅ i₁tsín'₃ a₂chi₂lain'₂ guein₂ quián₅ to'₂ né₃ tsi₁rë₂cu₅, la₁ guion'₅₄ 'nia'₂ tsá₃ ca₂gue'₅₄! ³⁸ Jag₄ jaun₂, dsi₂néi₂ quiáng'₂ në₃ të₃'ñiá₄, të₃tsi'₅₄ tei₄, tsá₃ 'ein₂ chan₂ lé₂. ³⁹ Ia₁ juá'₅ jniá₂, tsá₃ ma₃la₂ jag'₅₄ 'nia'₂ jniá₂, ca₂lia'₂ ca₂të₂ jmíg₄ jë₁ma₂të₂ rë₁jua'₅₄ 'nia'₂: “Jui₁le₂jñió₃ bá₄ i₂në₅ i₂jón'₅ o₄quió'₄ Te₁gui'₅₄.”§

24

Ca₂'é₂ Jesús jág₁ a₂dsi₃'én₂ bá₄ guá'₅ templo

(Marcos 13:1-2; Lucas 21:5-6)

¹ Jaun₂ ca₂o₃'ín₃ Jesús i₁dsi₅ guá'₅ templo ja₁jme₁'ein₅₄. Jme₁ma₂'ein₅₄ jui₅ ñái'₅, ca₂jme₃quián₃ chí'₂ dsi₂guia₃-tín₂ quián₅ të₂, ca₂juá'₂:

—Jag₄ 'a₂ lia'₂ lé₅ guá'₅.

² La₁ jaun₂ ca₂ñag₃ Jesús:

—¿Jág'₂ 'nia'₂ ca₂le₃jé₃ a₂nē₅? A₂dsi₂jó'₃ juíg₂ jniá₂ 'nia'₂, já₅ jmiḡ₄ lia'₂ 'i₁ca₂míg₂ ni₁cang₁ tsá₃ ma₃'e₂ jua'₅₄ a₂le₁juí₄ gué₄ lé₂ quian'₅₄ rin'₅₄. Ca₂le₃jé₃ bá₄ 'én₂.

Léi₄ a₂lé₂ jmiḡ₄ jē₁ca₂tó'₂

(Marcos 13:3-23; Lucas 21:7-24; 17:22-24)

³ Jme₁ca₂dsióg₃ Jesús Má'₂ Olivos; ja₁jaun₂ ca₂guá₂. Jaun₂ ca₂i₁len₅₄ chi'₂ dsi₂guia₃-tín₂ con'₂ jē₄ jmá'₃ guoin₅₄, ca₂nīi'₃ Jesús:

—'Niog₂ jnia'₅₄ le₃ne₄ líg'₂ lé₂ a₂juá'₂ 'ne₂ nē₅. ¿'E₂ léi₄ lé₂ jē₁ma₂té₂ rē₁neg'₅₄ táng₃? ¿'E₂ bá₄ léi₄ lé₂ jē₁ma₂té₂ rē₁tē₅₄ jmiḡ₄ jaun₂?

⁴ Jaun₂ ca₂ḡag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅. ⁵ Ia₁ juin₅ i₂tē₁i₃nio₄ a₂juá'₂ i₂nioi₅₄ o₄quió₃ jniá₂, juá'₂: “Jniá₂ bá₄ líng₅ I₂rē₂'ín₁ quián₅ Diú₄”; jaun₂ juin₅ dsa₂ i₂qui₂jme₃gain₂₃. ⁶ Jē₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó'₂ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ 'nió'₅ bá₄ gué₄ a₂ḡj₂ jēin₂ jaun₂. ⁷ Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juíg₂ nación; dsi₂tan₅₄ gué'₂ né₃ qui₃tóin'₃ mi'₅₄ quín'₂ quian'₅₄ dsi₂tan₅₄ riin'₅₄ i₂chan₂ juíg₂ siá'₂. Jaun₂ gué₄ né₃ 'lióng₂ ja₁qui₂i₂nio₄ dsa₂ 'oin₅₄ lé₂, ton'₂ 'lióng₂ ja₁qui₂dsi₃bi₅₄ 'uē₃ né₃. ⁸ Ca₂le₃jé₃ a₂nē₅ lé₂ a₂le₂'uig₅₄ jmi₁uig₅ jui₁lia'₂ jan₂ 'io₅₄ i₂rē₂chan₂ guein₂ quián₅.

⁹ Jaun₂ gué₄ né₃, qui₃jín'₂ dsa₂ 'nia'₂ ne₄ dsi₂tan₅₄ ia₁jaun₂ cuē₃ dsa₂ uig₅, jaun₂ gué₄ jme₃dsian₅ dsa₂ 'nia'₂. Le₂con₂ mi₂güig₃ bá₄ jme₃ḡia₅₄ dsa₂ 'nia'₂ 'uig₅₄ quió₃ jniá₂.

¹⁰ Jmiḡ₄ jaun₂, juin₅ dsa₂ i₂tí₂ jui₅ quió'₅ Diú₄ a₂jme₁'éin₂, qui₂jme₃ḡia₁₅₄ bá₄ riin'₅₄, qui₃jáng'₂ né₃. ¹¹ Juin₅ dsa₂ le₃chan₂ i₂'é₂ jág₁ i₂jui₁gan₂, jaun₂ juin₅ dsa₂ i₂jme₃gain₂₃.

¹² 'Uig₅₄ ia₁ a₂ḡj₄ lē₃ jui₁si ḡag₅₄ le₃'lin'₅₄ dsa₂, co₂dsia₅ le₃güig'₂ bá₄ 'a₂ lia'₂ jme₁'nio₃ dsa₂ riin'₅₄ le₂jain₂ le₂jain₂. ¹³ La₁ jui₁lia'₂ i₂nú₃ tiá₂ tē₂ jē₁ca₂tó'₂, 'éi₂ bá₄ líón₂. ¹⁴ Jág₁ dse₃ la₂ jui₁lia'₂ 'a₂ lia'₂ lé₅ ja₁gon₂ Diú₄ qui₂dsi₃'ag₅ ta₁caun₂ mi₂güig₃, ia₁jaun₂ le₃ḡi₅ ca₂le₃jé₃ juíg₂ te₁'i₁ gua'₅₄ 'uē₃ jág₁ dse₃ jaun₂; jaun₂ gué₄ né₃ tē₅₄ jmiḡ₄ jē₁ca₂tó'₂.

¹⁵ Jaun₂ né₃, já₅ jmiḡ₄ a₂tē₅₄ ne'₅₄ 'nia'₂ a₂nú₃ jan₂ dsa₂ i₂'lin'₅₄ gué₄ lin₃, a₂jme₃'ióg₃ ja₁ḡiós, a₂le₃ti₃ jág₁ a₂ca₂'é₂ Daniel i₂jme₁'é₂ jág₁ quián₅ Diú₄, * (jaun₂ jui₁le₂ḡj'₂ bá₄ i₂'is si₂ la₂), ¹⁶ jaun₂ né₃, dsa₂ i₂tián'₅ le₂tan₅₄ 'uē₃ Judea, jui₁cuḡḡ₁₂ jui₅ má'₂. ¹⁷ Jui₁lia'₂ i₂'en₅₄ guei'₅₄ 'ne₄, tsá₃ ma₃jui₁sióin₄ jua'₅₄ a₂'ué'₃ 'e₂ 'ué'₃ dsi₂néi₂ quió'₅; ¹⁸ jui₁lia'₂ i₂'en₅₄ ja₁nau₂ quió'₅ táng₃, tsá₃ ma₃jui₁ḡioi'₅₄ jua'₅₄ a₂ja₃quián₂ tsi₁'mi'₂ dsiog₂ quió'₅. ¹⁹ Juíg₂ bá₄ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂le₁ḡia₅ guein₂ i₂'ín'₂ dsi'₅₄ né₃, jmiḡ₄ jaun₂! ²⁰ Mi₄ 'nia'₂ ne₄ Diú₄ ia₁jaun₂ tsá₃ o₁le₅₄ jua'₅₄ a₂cuḡḡ'₂ 'nia'₂ jēin₂ güig₂, on₃ gué'₂ jmiḡ₄ sa₅₄ né₃. ²¹ Ia₁ juá'₅ jniá₂, caun₂ o₂i₁ dsi₅ lin₃ a₂le₃chan₂ dsa₂ jmiḡ₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güig₃, on₃ gué'₂ ma₃niog₅ jmiḡ₄ jua'₅₄ a₂le₃cha₂ gué₄ cang₂. ²² Jua'₅₄ mei'₂ gué₃ Diú₄ tsá₃ ma₂ca₂jme₃té₃ jmiḡ₄ jaun₂, 'i₁jan₂ tsá₃ 'ein₂ jme₁líón₂ jua'₅₄ mei'₂ gué₃ tsá₃ le₂jaun₂. La₁ o₄quió'₄ i₂rē₂quion'₅₄ quián₅, jme₃té₃ bá₄ jmiḡ₄ jaun₂.

²³ 'Nē₁jua'₂ chan₂ i₂ca₂juá'₂ tsí'₅ 'nia'₂ jmiḡ₄ jaun₂: “Jag₄ 'nia'₂! ¡La₂ bá₄ chén'₅ I₂rē₂'ín₁ quián₅ Diú₄!” o₃ nē₁jua'₂ 'ein₂ ca₂juá'₂: “Jó₄ 'ein₅₄”, tsá₃ o₁'en'₅₄ 'nia'₂ jág₁ jaun₂. ²⁴ Ia₁ juin₅ dsa₂ i₂jui₁gan₂ ja₃lén₂ a₂juá'₂ a₂lín₅ I₂rē₂'ín₁ quián₅ Diú₄, a₂juá'₂ né₃ a₂lín₅ dsa₂ i₂'é₂ jág₁ quián₅ Diú₄; 'lióng₂ léi₄ jué'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ gué₃ lé₂, ca₂tē₂ dsa₂ i₂quion'₅₄ quián₅ Diú₄ jme₃gain₂₃. ²⁵ Jaun₂ nē₅ ma₂nē₂juíg₂ jniá₂ 'nia'₂ tē₃ḡiá₅. ²⁶ Jaun₂ né₃, nē₁jua'₂ 'ein₂ ca₂tsí'₃ 'nia'₂: “ḡi₂ 'nia'₂, jó₄ 'ein₅₄ ja₁lé₄ 'uē₃ quein₂ co₂ḡiog₅”, tsá₃ lē₁o₂nó'₅ 'nia'₂ ja₁jaun₂; o₃ nē₁jua'₂ 'ein₂ ca₂juá'₂: “ḡi₂ 'nia'₂, ja₁lá₃ rē₂'mai₅₄ dsi₂néi₂”, tsá₃ jui₁le₂'én'₂ 'nia'₂. ²⁷ Ia₁ jui₁lia'₂ jme₁lé₂ si₁ḡj'₃ ca₂taun₂ ca₂taun₂, le₂jaun₂ bá₄ lé₂

* 24:15 'í₂ Daniel 9:27; 11:31; 12:11.

jë₁ma₂të₂ rë₁guan'₂ Jaun₅ dsa₂ mi₂güüg₃. ²⁸ Ia₁ jui₁lia'₂ ja₁ron₅ 'lag₄, ja₁jaun₂ bá₄ ñi'₂ i₁tú₃ tsin'₅₄.

'A₂ lia'₂ guan'₂ Jaun₅ dsa₂ mi₂güüg₃
(*Marcos 13:24-37; Lucas 21:25-33; 17:26-30, 34—36*)

²⁹ 'Dsi₂jui₅ jë₁ma₂ca₂ñag₅ jmi₄g₄ o₂i₁ dsi₅ jaun₂,
'iog₂ né₃ co₂dsia₅ le₃lia'₂,
tsi'₂ né₃ tsá₃ ma₃tág₅ jnia₅₄;
nei₅ guë'₂ né₃ qui₂tsi₃séi'₂,
ca₂le₃jé₃ gué'₄ 'e₂ bí₂ cha₂ guei'₅₄ mi₂güüg₃
qui₃guian'₃.†

³⁰ 'Të₃jë₄ jaun₂ gué'₄ né₃, le₃jniá₂ guei'₅₄ dsi₂güüg₂ léi₄ quió'₅ Jaun₅ dsa₂ mi₂güüg₃,
ca₂le₃jé₃ juig₂ te₁'i₁ le₂con₂ mi₂güüg₃ tóin'₃ qui'₃-o₃. Jíin₂ Jaun₅ dsa₂ mi₂güüg₃, guain'₂
guei'₅₄ jë₄ jnei₅ quian'₅₄ ca₂le₃jé₃ jui₅bí₂ a₂'io₂₃ jláin'₁. ³¹ Jaun₂ qui₃chein₃ ángeles quiáin₅
jéi₂ ñi₂ trompeta tiá₂ lin₃ a₂të₂ dsa₂ i₂quion'₅₄ quiáin₅ i₂chan₂ ca₂le₃jé₃ juig₂ te₁'i₁ ta₁caun₂
mi₂güüg₃.

³² 'Jme₁tin₅ 'nia'₂, jui₁le₂ñi'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ mí₂g₂ higos:
jme₁chéi'₂ gu'₂ nei'₅₄, a₂ja₂'ñio₃ mog'₅₄, ñi'₅₄ 'nia'₂ a₂ma₂ja₂quián₃ jein₂ 'iog₂ bá₄ jaun₂.

³³ Le₂në₅ bá₄ 'nia'₂ jaun₂ né₃, jë₁ma₂të₅ ne'₅₄ a₂lé₂ ca₂le₃jé₃ a₂në₅, jui₁le₂ñi'₅₄ bá₄ 'nia'₂
a₂ma₂ja₂quián₃, në₂jag₄ bá₄ i₂ma₂chén'₅ o₄'né₄ bá₄ 'éi₂. ³⁴ A₂dsi₂jó'₃ juá'₅ jniá₂ juig₂ 'nia'₂,
tsá₃ dsi₃ñi₂ tsi₁jon₂ la₂,‡ ca₂lia'₂ ca₂lë₃ ca₂le₃jé₃ a₂në₅. ³⁵ Já₅ jmi₄g₄, guei'₅₄ dsi₂güüg₂ quian'₅₄
mi₂güüg₃ la₂ ñag₅, la₁ jág₁ quió₃ o₁líg'₂ tsá₃ ñag₅ jua'₅₄ a₂tsá₃ le₃ti₃.

³⁶ 'La₁ 'i₁jan₂ tsá₃ 'ein₂ ñi₅ 'e₂ 'io'₄, 'e₂ hora lé₂ a₂jaun₂, on₃ guë'₂ ángeles i₂tion'₅₄ guei'₅₄
i₂juig₃, on₃ guë'₂ 'ñiog₅ Ja₁ñi'₅₄ Diú₄.§ 'ñia'₅₄ lia'₂ 'ñiog₅ bá₄ Diú₄ Jmei₂ ñi₅.

³⁷ 'Ia₁ jui₁lia'₂ ca₂lë₃ jmi₄g₄ lia'₂ con'₂ jme₁chan₂ Noé, le₂jaun₂ bá₄ lé₂ ján₃ jë₁ma₂të₂
rë₁guan'₂ Jaun₅ dsa₂ mi₂güüg₃. ³⁸ Ia₁ jmi₄g₄ jaun₂, né'₃ a₂can'₂ mi₂güüg₃ quian'₅₄ jmi₄g₂,
jme₁chan₂ dsa₂ qui₂gué'₅, qui₂'ín'₂, qui₂jéin'₂ gu₂, qui₂cuiin₂₃ ja₁mí₄g₄ jme₁jéin'₂ gu₂
né₃, ca₂lia'₂ ca₂të₂ jmi₄g₄ jme₁ca₂'í₃ Noé 'ñio'₃ ni₁barco; ³⁹ la₁ con'₂ tsá₃ 'ein₂ rë₁ján₁
jme₁ca₂dság'₃ jmi₄g₂ ca₂jio₃ quió'₅ ca₂le₃jíin₃. Le₂jaun₂ bá₄ lé₂ táng₃ jë₁ma₂të₂ rë₁guan'₂
Jaun₅ dsa₂ mi₂güüg₃. ⁴⁰ Jmi₄g₄ jaun₂, on₃ dsa₂ ñe'₂ tion'₅₄ ja₁nau₂; jan₂ i₂dsán'₃, jan₂ guë'₂ i₂të₃'ñiá₄.
i₂të₃'ñiá₄. ⁴¹ On₃ guë'₂ dsa₂ mí₂ tioen'₅₄ éi'₅ ne₄ ni₁to₂; jan₂ i₂dsán'₃, jan₂ guë'₂ i₂të₃'ñiá₄.

⁴² 'Jme₁jnio₂ 'nia'₂ ne'₅₄ jaun₂, ia₁ tsá₃ ñi'₅₄ 'nia'₂ 'e₂ hora ññio'₂ juig'₂. ⁴³ La₁ jui₁le₂ñi'₂
'au'₂ 'nia'₂ a₂la₂: jua'₅₄ mei'₂ gué'₃ ñi₅ dsa₂ juig₅₄ caun₂ dsi₂néi₂ 'e₂ hora jíá₃ dsa₂ 'ang₂ të₂le₃
ca₂nei₂, jme₃jnio₅₄ ne₅₄, tsá₃ cuë₃ jmi₄g₄ a₂'í₂ dsa₂, 'ang₃ dsi₂néi₂ quió'₅. ⁴⁴ Le₂në₅ bá₄ 'nia'₂,
rë₂ján'₁ 'nia'₂ chang'₂; ia₁ con'₂ tsá₃ ñi'₅₄ bá₄ 'nia'₂ guan'₂ Jaun₅ dsa₂ mi₂güüg₃.

Dsa₂ dsen₃ i₂jme₂ti₃, quian'₅₄ dsa₂ i₂tsá₃ jme₂ti₃
(*Lucas 12:41-48*)

⁴⁵ '¿Ein₂ dsa₂ i₂ñi'₂ dsi₅ jme₂ti₃ con'₂ dsi₂ten₅₄ ne₄ juig₅₄? Juig₅₄ né₃ ca₂dsia₃ o₄gú₃ 'éi₂
dsi₂néi₂ quió'₅ lia'₂ jma₃quian'₅₄ ca₂le₃jín₃ riin'₅₄ i₂jme₂ti₃, a₂ñi'₃ riin'₅₄ jë₁ma₂të₂ hora
a₂gué'₃. ⁴⁶ 'E₂ gué'₄ dsen₃ 'éi₂ jë₁ma₂të₂ rë₁jo₅₄ juig₅₄ jë₁ma₂guáin'₅ jme₂ti₃ bá₄ ta₁ a₂chéin'₅.
⁴⁷ A₂dsi₂jó'₃ juá'₅ jniá₂, cuë₃ juig₅₄ ta₁ a₂ñio₃ ne₅₄ ca₂le₃jé₃ 'e₂ a₂cha₂ quió'₅. ⁴⁸ La₁ jua'₅₄
mei'₂ gué'₃ dsa₂ i₂jme₂ti₃ lín₅ jan₂ dsa₂ 'lín'₅₄ i₂tsá₃ tón'₂ jui₅ ta₁ a₂chéin'₅, ia₁ lín₂, "i₂le₃'ín₄
bá₄ juig₃", ⁴⁹ jaun₂ jme₂lióg₃ qui₂cué'₅ bá₄ riin'₅₄, dsó₂ qui₂dsi₂gué'₃ qui₂dsi₂'én'₃ quian'₅₄
dsa₂ 'en₅ né₃. ⁵⁰ La₁ caun₂ jmi₄g₄ con'₂ tsá₃ rë₂jáin₁, caun₂ hora con'₂ tsá₃ lí'₄ bá₄, dsián'₄

† 24:29 Isaiás 13:10; 34:4. ‡ 24:34 o₃, "né'₃ a₂dsián₃ dsa₂ i₂lín₅ raza la₂." § 24:36 A₂lin₅₄ chog₅₄
si₂ tsá₃ chi₁ton₅ "on₃ guë'₂ 'ñiog₅ Ja₁ñi'₅₄ Diú₄."

juig₅₄. ⁵¹ Juig₅₄ né₃ cuë₃ uig₅, *'liog'₃ ja₁jaun₂ bá₄ ján₃, ja₁ca₂tín₂ dsi₁len₅ i₂lë₁jmo₅-dsáu₅ o₁ne₁, ja₁qui₂'-o₃, qui₃quí₃' jan₅₄.

25

Jág₁ jáng'₅ léi₄ jui₁lia'₂ guian₃ chi'₂ dsa₂ mi₄

¹ 'Jmíg₄ jaun₂ jui₁lia'₂ ja₁gon₂ Diú₄, lé₂ jui₁lia'₂ ca₂jmo₃ guian₃ chi'₂ dsa₂ mi₄ jme₁ca₂can₃ ni₁tsí₅ le₁guí'₂ si₂ quió'₅. Ca₂i₃lén₂ ca₂i₁jme₁jein'₂ dsa₂ ñe'₂ i₂jen'₂ gu₂. ² 'ñiá₂ chi'₂ dsa₂ mi₄ 'éi₂ jme₁coin₅₄; 'ñiá₂ guë'₂ i₂'ñio₄, i₂dse₃ niog₅ dsi₄. ³ Dsa₂ mi₄ i₂co₄ 'éi₂ né₃, jmá'₃ ni₁tsí₅ chi₁guí'₂ si₂ bá₄ ca₂can₃; tsá₃ ca₂can₃ guë'₂ ni₁dsig₁ a₂'a₄ aceite. ⁴ La₁ dsa₂ mi₄ i₂niog₅ dse₃ dsi₄ né₃ ca₂jmo₃ co₂jñia₅₄ quió'₅, jme₁le₁quian₅ ni₁tsí₅ le₁guí'₂ si₂, ton'₂ jme₁le₁quian₅ rë₂tsón₂ aceite 'a₄ ni₁dsig₁. ⁵ La₁ ca₂rë₃'in₄ bá₄ guë'₂ dsa₂ ñe'₂ i₂lë₅ jág₁ jen'₂ gu₂, jaun₂ le₃jín₃ bá₄ dsa₂ mí₂ 'éi₂ né₃ ca₂tá'₂ i₁güün₃, jaun₂ ca₂güün₂ bá₄. ⁶ Jaun₂ jme₁ca₂té₂ dsi₃nei₅, ca₂né'₂ tiá₂ i₁juá'₄ dsa₂: “i₁Në₅ jón'₅ dsa₂ ñe'₂ i₂jen'₂ gu₂! i₁Uin'₂ 'nia'₂ o₂jme₁jein'₂!” ⁷ Jaun₂ qui₂ca₂nau₂ ca₂le₃jín₃, ca₂jmo₃ dse₃ mecha tsí₅ quió'₅. ⁸ Jaun₂ ca₂juá'₂ dsa₂ mí₂ i₂'ñiá₂ i₂co₄ 'éi₂ ca₂tsí'₃ riin'₅₄ i₂'ñio₄: “Cué'₁ 'nia'₂ ca₂juig₄ aceite quiáng'₂, ia₁ ma₂i₁ei₃ si₂ tsí₅ quián₂ jnia'₅₄.” ⁹ La₁ ca₂ñag₃ dsa₂ mí₂ i₂'ñio₄: “Jan₂'ón₄. Ia₁ con'₂ tsá₃ ñó₅ në₁jua'₂ tsá₃ ca₂tín'₂ quián₂ jnia'₅₄ guio₅₄, on₃ guë'₂ quián'₂ 'nia'₂ tín'₂ né₃. Co₂ñei'₅₄ gué₄ dse₃ o₂nó'₅ 'nia'₂ guiong'₅₄ o₂liá₃ quiáng'₂ ja₁'nag₅ dsa₂.” ¹⁰ La₁ tē₁lia'₂ i₂lén₂ 'éi₂ i₂lia₅ aceite, tē₃jē₄ jaun₂ ca₂guán'₃ dsa₂ ñe'₂ i₂lë₅ jág₁ jen'₂ gu₂. Dsa₂ mí₂ i₂tián'₅ lé₅ co₂jñia₅₄ ca₂i₃toin'₅₄ bá₄ co₂lë₅ quiong'₅₄ i₁guë'₂ ja₁niog₅ jmíg₄ a₂jen'₂ gu₂ dsa₂. Jaun₂ ca₂jñág₃ o₄'né₄ jme₁ca₂jñág₃. ¹¹ Jme₁co₂lág₂ jaun₂, o₃len₅ i₂'ñiá₂ 'éi₂, jaun₂ ca₂tóin'₂ ca₂të₃, ca₂juá'₂: “i₁Te₁gui'₅₄, Te₁gui'₅₄! i₁Nia₄ o₄'né₄ jaun₂ tió'₄ jnia'₅₄!” ¹² La₁ jaun₂ ca₂ñag₃ dsa₂ ñe'₂: “A₂dsi₂jó'₃ juá'₅, tsá₃ cúng₅ 'ein₂ 'nia'₂.”

¹³ 'Jaun₂ le₂në₅, chan'₂ 'nia'₂ co₂jñiag'₅₄, ia₁ tsá₃ ñi'₅₄ 'nia'₂ 'e₂ 'ió'₄, 'e₂ hora guan'₂ Jaun₅ dsa₂ mi₂güüg₃.

Jág₁ jáng'₅ léi₄ jui₁lia'₂ 'a₂ lia'₂ lé₅ ca₂jmo₃ ún₂ dsa₂ quian'₅₄ a₂ca₂dsia₃ juig₅₄ o₄gú₃
(Lucas 19:11-27)

¹⁴ 'Con'₂ siá'₂ lé₅ ja₁gon₂ Diú₄ jui₁lia'₂ jan₂ dsa₂ i₂'en₅₄ jui₅ dsó₃ dsi₃ñí₃ úng₂ juig₂ siá'₂. Jaun₂ ca₂té'₃ dsa₂ i₂jme₁jme₂ti₃ ta₁ ne₅₄, jaun₂ o₄gú₃ 'éi₂ ca₂dsia₃ cu₄. ¹⁵ Jan₂ i₂ca₂cué'₃ 'ñiá₂ mei₅ 'éi'₃ cu₄ talentos; jan₂ guë'₂ i₂ca₂cué'₃ tin₃ mei₅, jan₂ guë'₂ caun₂ mei₅. Ca₂cué'₃ le₂jan₂ dsa₂ 'éi₂ 'a₂ con'₂ jñia'₅₄ qui'₅₄ jmíg₄. Jaun₂ gué₄ ñó₃ i₁ñí₃. ¹⁶ Dsa₂ i₂ca₂gue₃ 'ñiá₂ mei₅ 'éi'₃ cu₄ né₃, ca₂jmói'₂ ta₁ cu₄ jaun₂, jaun₂ ca₂lí'₃ con'₂ gué₄ 'ñiá₂ mei₅ jmá'₃ a₂dsí₂. ¹⁷ Ján₃ bá₄ le₂jaun₂ ca₂jmo₃ i₂ca₂gue₃ tin₃ mei₅, ca₂lí'₃ con'₂ gué₄ tin₃ mei₅ táng₃ a₂të₁dsi₅₄. ¹⁸ La₁ dsa₂ i₂ca₂gue₃ caun₂ mei₅ né₃, ca₂'ma₃ bá₄ a₂caun₂ mei₅ a₂ca₂cué₃ juig₅₄, ca₂i₁'ó₄ né'₃ 'uë₃.

¹⁹ 'Ué₂ lin₃ bá₄ i₁ñi₂ juig₅₄ né₃; la₁ ca₂guáin'₃ jme₁ca₂guáin'₃ cang₂. Jaun₂ ca₂caun₃ 'í₁ ca₂chein'₃ cuentas quió'₅ dsa₂ i₂jme₂ti₃ i₂ca₂cué'₃ cu₄. ²⁰ Jaun₂ ca₂dsióg₃ i₂le₂'uig₅₄ i₂ca₂gue₃ 'ñiá₂ mei₅, jaun₂ ca₂jñin'₂ juig₅₄ con'₂ gué₄ 'ñiá₂ mei₅ a₂të₁dsi₅₄ a₂ca₂lí'₃, jaun₂ juá'₂ tsí'₃ juig₅₄: “Te₁gui'₅₄, ca₂cué'₅₄ 'ne₂ 'ñiá₂ mei₅; jag₄, la₂ ron₅ con'₂ gué₄ 'ñiá₂ mei₅ táng₃ a₂ca₂lág₃.” ²¹ Jaun₂ ca₂juá'₂ juig₅₄: “'ñio₅ dse₃ ca₂jmo'₅₄. Líng'₅ bá₄ jan₂ dsa₂ dsen₃ i₂ca₂rë₃ti'₅₄; ca₂rë₃teng'₅₄ bá₄ quian'₅₄ a₂ca₂juig₄ a₂ca₂dsia₃ jniá₂ gog'₂, në₃ né₃ 'lióng₂ gué₄ a₂dsia₅₄ jniá₂ gog'₂. 'Ú₅ dsi₂néi₂, o₁quián₁ o₂'ñióg₃ dsi₅ co₂dsia₅.” ²² Jme₁co₂lág₂ jaun₂ ca₂dsióg₃ i₂ca₂gue₃ tin₃ mei₅, jaun₂ ca₂juá'₂: “Te₁gui'₅₄, ca₂cué'₅₄ 'ne₂ tin₃ mei₅; jag₄, la₂ ron₅ con'₂ gué₄ tin₃ mei₅ táng₃ a₂ca₂lág₃.” ²³ Jaun₂ ca₂juá'₂ juig₅₄, “'ñio₅ dse₃ ca₂jmo'₅₄.

* 24:51 lit. “dsia₃ juig₅₄ le₁juig₁ le₁dsog'₅₄ quió'₅.”

Líng'₅ bá₄ jan₂ dsa₂ dsen₃ i₂ca₂rē₃ti'₅₄; ca₂rē₃teng'₅₄ bá₄ quián'₅₄ a₂ca₂juig₄ a₂ca₂dsia₃ jniá₂ gog'₂, nē₃ nē₃ 'lióng₂ gué₄ a₂dsia₅₄ jniá₂ gog'₂. 'Ú₅ dsi₂néi₂, o₁quián₁ o₂'ñi₃ dsi₅ co₂dsia₅.”

²⁴ 'La₁ jme₁ca₂dsióg₃ i₂ca₂gue₃ caun₂ mei₅, ca₂juá'₂ tsí'₅ juig₅₄: “Te₁gui'₅₄, guion₄ jniá₂ a₂líng'₅ jan₂ dsa₂ i₂tsá₃ 'e₂ ñe₂ dsi₅, 'aun'₂ ja₁tsá₃ 'e₂ ca₂jñí'₂, ton'₂ cag'₅₄ ja₁tsá₃ 'e₂ ca₂séi'₃. ²⁵ 'Uig₅₄ jaun₂ ca₂rē₃gó₅ jniá₂, ca₂i₁'ó₄ bá₄ jniá₂ cu₄ quiáng'₂ né'₃ 'uē₃. La₁, la₂ bá₄ ron₅ quiáng'₂.” ²⁶ Jaun₂ ca₂ñag₃ juig₅₄: “¡Dsa₂ 'lin'₅₄ juí'₅! 'An₁, ñi'₅₄ bá₄ jaun₂ né₃ a₂'on₂₃ ja₁tsá₃ 'e₂ ca₂jan₃, ton'₂ cag'₅₄ ja₁tsá₃ 'e₂ ca₂séi'₃. ²⁷ 'Uig₅₄ jaun₂, jua'₅₄ banco bá₄ co₂ñei'₅₄ ca₂i₁'tio'₂ cu₄ quió₃, ia₁jaun₂ jme₁guéi'₄ cu₄ quió₃ jē₁ma₂guáng'₃ lia'₂ jma₃quián'₅₄ a₂tē₁dsi₅₄. ²⁸ 'ñiá'₃ 'nia'₂ a₂caun₂ mei₅ chan'₂ i₂nē₅ jaun₂ né₃, o₂cuē'₅₄ i₂chan'₂ guia₃ mei₅. ²⁹ Ia₁ juí'lia'₂ i₂ma₂le₁'io₅ 'lióng₂, tē₂le₃ 'lióng₂ gué₄ ñe₂ bá₄, ia₁jaun₂ le₃cha₂ quió'₅ lia'₂ qui₂rē₂tsón₂; la₁ juí'lia'₂ i₂tsá₃ 'e₂ le₁'io₅, le₂jiog₅ a₂ca₂juig₄ a₂ma₂le₁'io₂₃, co₂dsia₅ ñña'₃ bá₄. ³⁰ Jaun₂ dsa₂ i₂tsá₃ ta₁ tén₄ la₂, dsein₅₄ ca₁'né₄ tíoín'₂ 'nia'₂ jē₄ qui₁né'₃, ja₁qui'₂-'o₃ qui'g'₃ jan₅₄ né₃.”

Jē₁ma₂tē₂ rē₁tē₃dsi₅₄ 'éi'₃ ja₁con₂ dsa₂ mi₂güig₃.

³¹ 'Jē₁ma₂tē₂ rē₁guan'₂ Jaun₅ dsa₂ mi₂güig₃ a₂lín₅ rag₅₄ jlán'₁ lín₃, a₂qui₂le₁lio₃ ángeles quián₅, jaun₂ gué₄ guá₃ ne₄ta₁ quió'₅ a₂'uain'₂ lín₃, ³² jaun₂ ñi'₂ ne₅₄ ca₂le₃jín₃ dsa₂ chan₂ juig₂ ca₂le₂con₂ mi₂güig₃. Jaun₂ gué₄ né₃ jmo₃ jma₃quén₅ con'₂ ca₂tín₂ le₂jan₂ le₂jan₂ dsa₂ quián'₅₄ riin'₅₄, juí'lia'₂ jmo₅ dsa₂ i₂jmo₅ 'í₁ já'₂ cha'₂, jmo₂₃ jma₃quén₅ já'₂ cha'₂ quián'₅₄ chein₄ lau₂. ³³ Tē₂le₃ gu₂ ne₁ quió'₅, chein'₃ já'₂ cha'₂; chein₄ lau₂ guē'₂ tē₂le₃ gu₂ jen₅. ³⁴ Jaun₂ né₃, juá'₂ Rag₅₄ tsí'₅ i₂tión₂ tē₂le₃ gu₂ ne₁: “I₂no'₄ 'nia'₂ i₂ma₂rē₂gon'₅₄ quián₅ ñe'₃; gue₄ 'nia'₂ a₂ca₂tíng'₂ ja₁gon₂ Díu₄, ja₁ma₂lé₅ co₂ñña₅₄ quián'₂ 'nia'₂ ca₂le₃ ca₂nio₃ mi₂güig₃. ³⁵ Ia₁ ca₂ñi₃ jniá₂ 'ong₅₄, 'nia'₂ bá₄ i₂ca₂cuē'₅₄ a₂ca₂guē'₃; ca₂ñi₃ a₂rē₂quein₂ dsi₃ i₁gui'₄ jmig₂, 'nia'₂ bá₄ i₂ca₂cuē'₅₄ jmig₂ ca₂gui'₃; ca₂ñi₃ jniá₂ 'no₂₃ ja₁jan₁₂, 'nia'₂ bá₄ i₂ca₂cuē'₅₄ dsi₂néi₂ quiáng'₂ ca₂jan₅₄. ³⁶ Ca₂ñi₃ jniá₂ 'in₂ tsín'₅, 'nia'₂ bá₄ i₂ca₂cuē'₅₄ tsín'₅ ca₂quí'₃; ca₂tsán₂ dsong₅₄, 'nia'₂ bá₄ i₂ca₂jmo'₅₄ 'í₁; ca₂i₁'ú₄ né'₃ 'má₃, ca₂i₁jag'₄ bá₄ 'nia'₂.” ³⁷ Jaun₂ né₃, ñag₃ dsa₂ dsen₃ 'éi₂: “Te₁gui'₅₄, ¿líg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃ jaun₂ ca₂cuē'₁ jnia'₅₄ a₂ca₂qué'₂? ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ rē₂quein₂ 'au'₂, jaun₂ ca₂cuē'₁ jnia'₅₄ jmig₂ ca₂'én'₂? ³⁸ ¿O₃ líg'₂ jaun₂ ca₂né₄ jnia'₅₄ 'ne₂ a₂ñi'₂ 'náu'₂ ja₁jan'₄, jaun₂ jnia'₅₄ bá₄ ca₂cuē'₁ dsi₂néi₂ ca₂ñña'₅₄, o₃ ca₂ñi'₅₄ 'in₂ tsín'₂, jaun₂ jnia'₅₄ bá₄ ca₂cuē'₁? ³⁹ ¿O₃ líg'₂ jaun₂ ca₂né₄ jnia'₅₄ 'ne₂ a₂rong'₂ dsong'₅₄ o₃ lia'₂ con'₂ ca₂'ú'₃ né'₃ 'má₃, jaun₂ ca₂i₁jag₅₄ jnia'₅₄?” ⁴⁰ Jaun₂ né₃, ñag₃ Rag₅₄: “A₂dsi₂jó'₃ juá'₅ jniá₂, ca₂le₃jé₃ a₂dse₃ a₂'ua' 'au'₂ 'nia'₂ ca₂jmo'₅₄ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güig₃ 'uin₃, o₄quió₃ jniá₂ bá₄ a₂ca₂jmo'₅₄ 'nia'₂.”

⁴¹ 'Jaun₂ juá'₂ táng₃ Rag₅₄ tsí'₃ i₂tión₂ tē₂le₃ gu₂ jen₅: “'ñña'₃ 'nia'₂ ja₁con₂ jniá₂, 'nia'₂ i₂tíong'₅₄ 'éi'₃ o₁nóg'₅ dsi₂si₂ ja₁tsá₃ ton₅ jmig₄ éi₃, ja₁lé₄ co₂ñña₅₄ quió'₅ i₂sē₃ dsen₃ quián'₅₄ ángeles quián₅. ⁴² Ia₁ ca₂ñi₃ jniá₂ i₁cón₅, 'nia'₂ né₃ tsá₃ 'e₂ ca₂cuē'₅₄ a₂guē'₅₄; ca₂ñi₃ rē₂quein₂ dsi₃ i₁gui'₄ jmig₂, tsá₃ 'e₂ jmig₂ ca₂cuē'₅₄ 'nia'₂. ⁴³ Ca₂ñi₃ jniá₂ 'no₂₃ ja₁jan₁₂, tsá₃ ja₁ca₂cuē'₅₄ 'nia'₂ jan₅₄. Ca₂ñi₃ 'in₂ tsín'₅, tsá₃ 'e₂ tsín'₅ ca₂cuē'₅₄ 'nia'₂. Ca₂tsán₂ dsong₅₄, jme₁ca₂'ú₃ né'₃ 'má₃ né₃, tsá₃ ca₂i₁jag'₄ 'nia'₂.” ⁴⁴ Jaun₂ né₃, ñag₃ dsa₂ 'éi₂: “Te₁gui'₅₄, ¿líg'₂ bá₄ jaun₂ ca₂né₄ jnia'₅₄ 'ne₂ a₂ñi'₂ i₁cuang'₃, o₃ rē₂quein₂ 'au'₂ o₃ ca₂ñi'₅₄ 'náu'₂ ja₁jan'₄, o₃ ca₂ñi'₅₄ tsá₃ tsín'₂ cha₂ qui'₅₄, o₃ jme₁ca₂rē₃dsong'₅₄, o₃ lia'₂ con'₂ ca₂'ú'₃ né'₃ 'má₃, tsá₃ ca₂jme₁'o₁ jnia'₅₄?” ⁴⁵ Jaun₂ ñag₃ Rag₅₄: “A₂dsi₂jó'₃ juá'₅ jniá₂, ca₂le₃jé₃ a₂dse₃ a₂tsá₃ ca₂jmo'₅₄ 'nia'₂ ja₁con₂ le₂jan₂ le₂jan₂ ríng'₃ la₂ i₂jín₂ dsa₂ mi₂güig₃ 'uin₃, o₄quió₃ jniá₂ bá₄ tsá₃ 'e₂ ca₂jmo'₅₄ 'nia'₂.” ⁴⁶ Jaun₂ dsa₂ 'éi₂ dsi₃léin₂ ja₁dsi₃ñag₅₄ uig₅ co₂tan₅₄, la₁ dsa₂ dsen₃ né₃, dsi₃lein₅ ja₁le₃chain₂ co₂tan₅₄.

26

Ca₂quin'₃ dsa₂ jág₁ a₂tsáin'₂ Jesús
(*Marcos 14:1-2; Lucas 22:1-2; Juan 11:45-53*)

¹ Jme₁ca₂dsan₃ juá'₂ Jesús ca₂le₃jé₃ jág₁ nē₅, jaun₂ ca₂tsí'₃ chi'₂ dsi₂guia₃-tín₂:

² —Ma₂ŋi'₅₄ 'nia'₂ jaun₂, a₂tín₃ jmig₄ nē₃ te₅₄ Jmig₄ Tē₂'in₅₄, ja₁jáng'₂ dsa₂ jíin'₂ Jaun₅ dsa₂ mi₂güig₃ a₂tion₃ ne₄ cróg₄.

³ Jaun₂ né₃, juig₅₄ jme₂dsa₂, quian'₅₄ tē₅juá'₅, dsa₂ can'₅₄ quián₅ dsa₂ judíos né₃, ca₂ŋi'₂ i₁dsi₅ ne₄ta₁ quió'₅ i₂lín₅ jme₂dsa₂ dsen₅₄, i₂chen₂ Caifás. ⁴ Ja₁jaun₂ ca₂quiin₃ jág₁ quió'₅ a₂jmo₃ tē₂le₃ quian'₅₄ caun₂ mai₅₄ ia₁jaun₂ cuin₃ jmig₄ tsáun'₂, jaun₂ ŋang'₃. ⁵ Jaun₂ tioen'₅₄ ca₂dsia₃ jág₁ ca₂juá'₂:

—La₁ tsá₃ 'nió'₅ jmó₁ jniog₄ tē₃ niog₅ jmig₄, jme₁né₄, ia₁ con'₂ tsá₃ ŋó₅ nē₁juá'₂ ca₂tó'₂ dsa₂ juig₂ mi'₅₄.

Jan₂ 'io₅₄ ca₂tsiin₂ Jesús no'₅₄ mi₂juig₂
(*Marcos 14:3-9; Juan 12:1-8*)

⁶ Lia'₂ con'₂ 'en₅₄ gué₄ Jesús juig₂ Betania ja₁quió'₄ i₂té'₂ dsa₂ Si₂mu₅₄ 'mé'₅ 'iog₅, ⁷ jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juig₂ a₂'mu'₅₄. Jme₁ma₂guás Jesús ne₄ mesa gué'₅, jaun₂ ca₂'ág₂ 'io₅₄ 'éi₂ no'₅₄ mi₂juig₂ mi₂dsi₄ Jesús. ⁸ Jme₁ca₂jág₃ chi'₂ dsi₂guia₃-tín₂ a₂jaun₂, tsá₃ dse₃ ca₂tíin₂, jaun₂ ca₂tsí'₃ riin'₅₄ tioen'₅₄:

—Tsá₃ ne₄ 'e₂ lē₃ nē₂'éin₂ a₂nē₅. ⁹ Jua'₅₄ co₂ŋei'₅₄ bá₄ nē₂'nag₃ ia₁jaun₂ jme₁jme₂'oin₅₄ dsa₂ te₂ŋé₂.

¹⁰ Jme₁ca₂nág₂ Jesús jág₁ a₂dsia₂₃ tioen'₅₄, jaun₂ ca₂juá'₂:

—¿'E₂ lē₃ cué'₂ 'nia'₂ o₂me'₅₄ dsi₅ 'io₅₄ la₂? A₂nē₂jmóg'₂ la₂ caun₂ a₂dse₃ bá₄. ¹¹ Ca₂le₃jé₃ jmig₄ bá₄ i₂nio₄ dsa₂ te₂ŋé₂ jin'₄ 'nia'₂, la₁ jniá₂ né₃ tsá₃ ma₃ué₂ 'en₅₄ jniá₂ quian'₅₄ 'nia'₂. ¹² Jui₁lia'₂ no'₅₄ mi₂juig₂ a₂nē₂tsáng₂ ni₁ŋi₃, jua'₂ a₂ma₂nē₂jmóg'₂ co₂jŋia₅₄ jē₁ma₂té₂ rē₁'ong₃ bá₄. ¹³ A₂dsi₂jó'₃ juig₂ jniá₂ 'nia'₂, ca₂le₂con₂ mi₂güig₃ ja₁'é₂ dsa₂ jág₁ dse₃ quió₃, ján₃ bá₄ le₂jaun₂ dsiog'₂ dsí₅ dsa₂ 'iin₃ 'io₅₄ nē₅.

Jmo₅ Judas caun₂ jág₁ a₂'ni₂₃ Jesús
(*Marcos 14:10-11; Lucas 22:3-6*)

¹⁴ Jaun₂ né₃, jan₂ i₂lín₅ dsa₂ guia₃-tín₂, i₂chen₂ Judas Iscariote, ŋei₅₄ i₁dsia₂ jág₁ quian'₅₄ juig₅₄ jme₂dsa₂, ¹⁵ jaun₂ ca₂i₁juá'₄:

—¿Je₂liá'₂ cué'₁ 'nia'₂ nē₁juá'₂ jin'₄ jniá₂ Jesús o₄gog'₂?

Jaun₂ né₃, ca₂quí₃ juig₅₄ jme₂dsa₂ guióg₂-guiá₂ 'éi'₃ cu₄tio₂. ¹⁶ Jaun₂ né₃ tē₃ne₄ jui₅ ja₁ŋó₄ jaun₂, ca₂'náu'₃ Judas dsí₅ 'a₂ lia'₂ cuin₃ jmig₄ jíin'₂ Jesús.

Má₃ jē₁ca₂tó'₂ quió'₅ Te₁gui'₅₄
(*Marcos 14:12-25; Lucas 22:7-23; Juan 13:21-30; 1 Corintios 11:23—26*)

¹⁷ Jmig₄ le₂'uig₅₄ a₂niog₅ Jmig₄ Tē₂'in₅₄ a₂gué'₅ dsa₂ i₁ŋí'₄ a₂tsá₃ quian'₅₄ levadura, chi'₂ dsi₂guia₃-tín₂ né₃ ca₂jme₃quiáin₃ ja₁con₂ Jesús ca₂ŋag₃:

—¿A₂já'₄ 'niog'₂ dsi₁jmó₁ jnia'₅₄ co₂jŋia₅₄ má₃ Jmig₄ Tē₂'in₅₄ quiáng'₂?

¹⁸ Jaun₂ ca₂juá'₂ Jesús:

—O₂nó'₅ 'nia'₂ jē₄ juig₂, ja₁quió'₄ jan₂ dsa₂, jaun₂ juig'₅₄ 'nia'₂: “Le₂la₂ juá'₂ tē₅: Ma₂ja₂quián₃ hora quió₃, jaun₂ ja₁quiáng'₂ i₁gué'₃ Jmig₄ Tē₂'in₅₄ co₂lē₅ quian'₅₄ chi'₂ dsi₂guia₃-tín₂ quiáng₃.”

¹⁹ Jaun₂ né₃ i₃lén₂ bá₄ chi'₂ dsi₂guia₃-tín₂, jaun₂ ca₂jmo₃ con'₂ lé₅ jág₁ ca₂juá'₂ Jesús. Jaun₂ ca₂tóin'₂ ca₂jmo₃ co₂jŋia₅₄ a₂gué'₃ Jmig₄ Tē₂'in₅₄ ja₁jaun₂.

²⁰ Jme₁ca₂nei₂ jaun₂, jme₁ma₂guás Jesús ne₄ mesa co₂lē₅ quian'₅₄ ta₁guia₃-tín₂ chi'₂ dsi₂guia₃-tín₂ quiáin₅. ²¹ Tē₃jē₄ tián'₄ gué'₅ jaun₂, ca₂juá'₂ Jesús:

—A₂dsi₂jó'₃ juá'₅ jniá'₂, jan'₂ 'nia'₂ i₂'en₅₄ jë₄ la₂ bá₄ i₂jáng'₂ jniá'₂.

²²Jaun₂ né₃ ca₂tá'₂ 'lia'₂ dsí'₅ 'ñio₅ lin₃ bá₄ tián'₅, jaun₂ ca₂jme₃lióg₃ ca₂ñí'₃ Jesús le₂jain₂ le₂jain₂ ca₂juá'₂:

—Te₁gui'₅₄, ¿On₁jua'₅₄ jniá'₂ 'ág'₅?

²³Jaun₂ ca₂ñag₃ Jesús:

—I₂tiá'₂ gu₂ co₂lë₅ 'ñió'₃ uing₅ quian'₅₄ jniá'₂, i₂'éi₂ bá₄ i₂jáng'₂. ²⁴Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ lia'₂ con'₂ lé₅ juá'₂ ne₄ Si₂; la₁ i₂'e₂ gué₄ juíg₂ dsa₂ i₂jáng'₂! Dse₃ quió'₅ jua'₅₄ co₂ñei'₅₄ bá₄ tsá₃ ca₂rë₃cháin₃.

²⁵Jaun₂ né₃ Judas, dsa₂ i₂ma₂lé₂ dsí'₅ jáng'₂, ca₂juá'₂:

—Të₅, ¿On₁ jniá'₂ bá₄ 'ág'₅ 'ne₂?

Jaun₂ ca₂ñag₃ Jesús:

—'ñiag'₂ bá₄ ma₂në₂jua'₅₄.

²⁶Të₁lia'₂ tián'₅ gué'₅, ca₂jña'₃ Jesús i₁ñí'₄, ca₂cué'₃ ti₁'mag'₄ Diú₄, jaun₂ gué₄ ca₂dsioin₃, ca₂cué'₃ chi'₂ dsi₂guia₃-tín₂ quiáin₅, jaun₂ ca₂juá'₂:

—Qué'₂ 'nia'₂, ia₁ ñi₃ bá₄ jniá'₂ i₁ñí'₄ la₂.

²⁷Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cué'₃ ti₁'mag'₄ Diú₄, jaun₂ gué₄ ca₂cué'₃ chi'₂ dsi₂guia₃-tín₂, jaun₂ ca₂juá'₂:

—'Én'₂ 'nia'₂ ca₂le₃jín'₃ a₂la₂, ²⁸ia₁ jmi₃ bá₄ jniá'₂ la₂, a₂lí'₅₄ jág₁ 'mí₂ a₂të₃ron₅₄, * a₂niog₅ dsi₃'o₅₄ o₄quió'₄ juin₅ dsa₂, ia₁jaun₂ 'én₂ dsáu₁. ²⁹Dsón'₂ juá'₅ jniá'₂, tsá₃ ma₃líg'₂ jmig₄ jua'₅₄ a₂gui'₅₄ gué₄ táng₃ vino ca₂lia'₂ ca₂té₂ jmig₄ i₁gui'₄ táng₃ caun₂ vino 'mí₂ co₂lë₅ quian'₅₄ 'nia'₂ ja₁gon₂ ñe'₃.

Ca₂juá'₂ Jesús a₂tsá₃ tion₃ Pe₄ a₂cuig₂₃

(*Marcos 14:26-31; Lucas 22:31-34; Juan 13:36-38*)

³⁰Jme₁ca₂lë₃ 'ë₂₃ jme₂juin'₂ Diú₄, jaun₂ gué₄ i₃lén₂ jui₅ Má'₂ Olivos. ³¹Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂ o₄quió'₃ jniá'₂ a₂'uë₂ në₃, 'ág'₁ 'nia'₂ caun₂-tín₃ 'au'₂; ia₁ rë₂ton₅ ne₄ Si₂, juá'₂: “ñí'₄ jniá'₂ dsa₂ i₂jña₅ já'₂ cha'₂, jaun₂ já'₂ cha'₂ né₃ dsi₃lén₂ tsi₁rë₂jain₅₄.”† ³²La₁ cang₂ jë₁ma₂ca₂jeng'₅₄ táng₃, nei₅₄ jniá'₂ jniág₅ jui₅ Galilea lia'₂ con'₂ gué₄ 'nia'₂.

³³Jaun₂ né₃ ca₂ñag₃ Pe₄:

—O₁jña'₅₄ la₂ ca₂'ág₂ caun₂-tín₃ dsí'₅ ca₂le₃jín₃ ríng'₃, la₁ jniá'₂, o₁líg'₂ jmig₄ tsá₃ 'ag₅₄ caun₂-tín₃ dsi₃.

³⁴Jaun₂ ca₂juá'₂ Jesús:

—A₂dsi₂jó'₃ juá'₅ jniá'₂, a₂'uë₂ në₃, né'₃ a₂'o₃ të₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá'₂.

³⁵Jaun₂ ca₂ñag₃ táng₃ Pe₄:

—O₁jña'₅₄ la₂ ca₂dsau₃ jniog₄ co₂lë₅, o₁líg'₂ jmig₄ jua'₅₄ a₂tsá₃ 'ín₄ jniá'₂ 'ne₂.

Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

Ca₂chi₃lén'₂ Jesús Diú₄ caun₂ ja₁chei₂ Getsemaní

(*Marcos 14:32-42; Lucas 22:39-46*)

³⁶Jaun₂ ca₂dsióg₃ Jesús jme₁ca₂dsióg₃ quian'₅₄ chi'₂ dsi₂guia₃-tín₂ quiáin₅ caun₂ ja₁chei₂ Getsemaní, jaun₂ ca₂juá'₂:

—Ja₁láš₃ tián'₂ 'nia'₂ të₁lia'₂ nei₅₄ jó₄ i₁chi₁leng'₄ Diú₄.

³⁷Jaun₂ ca₂jñiai₃ Pe₄, quian'₅₄ le₃on₃ ja₁ñi'₅₄ Zebedeo, jaun₂ Jesús né₃ ca₂tá'₂ quian₅ o₂i₁ dsi₅ 'ñio₅ lin₃. ³⁸Jaun₂ ca₂juá'₂ ca₂tsí'₃ i₂ún₂ i₂quian'₅₄:

* 26:28 'Nio'₂ ja₁ton₅ Éxodo 24:8; Hebreos 10:29; 13:20. † 26:31 Zacarías 13:7.

—'ŋio₅ lin₃ quian₅₄ o_{2i1} dsi₅, ca₂lia'₂ jmá'₃ le₃jóng₂ tē₂nē₃. Ja₁lá₃ tián'₂ 'nia'₂, jme₁jnio₂ 'nia'₂ ne'₅₄, jme₁quiong'₅₄ jniá₂.

³⁹ Ca₂jui_{g4} bá₄ ca₂ŋó₃ gué₄ ne₄ jui₅. Ja₁jaun₂ ca₂lia'₂ ca_{2i3}'iín₃ chi₁'in₅ ne₅₄ ca₂tē₂ 'uē₃, ca₂mi₃ ca₂tsí'₃ Diú₄, ca₂juá'₂:

—Tia₅₄ quiáng₃, jua'₅₄ mei'₂ bá₄ lé₂ le₃lé₂, lio₄ jniá₂ jmi₁uig₅ la₂. La₁ tsá₃ jui₁le₅₄ con'₂ 'nio₃ jniá₂, jui₁le₅₄ bá₄ a₂'ŋio₂ 'au'₂ 'ne₂.

⁴⁰ Jaun₂ né₃, ca₂nau₂ Jesús, jaun₂ ca₂ŋái'₃ ja₁tián'₄ i₂ún₂ i₂quaiain'₅₄, la₁ ma₂le₁güín₃ bá₄ guē'₂ 'éi₂ tián'₅; jaun₂ ca₂té'₃ Pe₄, ca₂juá'₂:

—¿Tsa₁ ma₃tian'₃ gué₄ 'nia'₂ jua'₅₄ caun₂ hora bá₄ jme₁jnio'₂ gué₄ 'nia'₂ ne'₅₄ quian'₅₄ jniá₂? ⁴¹ Jme₁jnio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsí₃sén'₂ 'nia'₂. Dsón'₂ bá₄ jaun₂ 'ŋio₂ bá₄ dsí₅ jme₂dsí₂ quián'₂ 'nia'₂, la₁ ni₁ŋi'₁ guion'₅₄ bá₄ 'nia'₂ 'uan₅₄.

⁴² A₂ca₂té'₂ tin₃ ráun₂ ŋó₃ táng₃ i₁chi'₄ Diú₄ le₂la₂:

—Tia₅₄ quiáng₃, chi₂jua'₂ tsá₃ lé₂ jua'₅₄ a₂tsá₃ jme₁ŋag₅₄ jniá₂ uig₅ la₂, jui₁le₅₄ bá₄ a₂'ŋio₂ 'au'₂ 'ne₂.

⁴³ Jaun₂ ca₂guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tián'₅, ia₁ a₂ŋí₄ lē₃ ma_{2i1}güín₃. ⁴⁴ Jaun₂ ŋó₃ bá₄ táng₃ jē₁ca₂té'₂ 'ni₅ ráun₂, a₂chi_{2i1}lein'₄ Diú₄; ján₃ bá₄ le₂jaun₂ ca₂juá'₂ tsí'₅ Diú₄. ⁴⁵ Jaun₂ guáin'₃ né₃ ja₁tián'₄ chi'₂ dsi₂guia₃-tín₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güíng'₃? ŋí₂ 'nia'₂, ca₂té'₂ bá₄ hora né₃. Ma₂rē₂jín'₅₄ bá₄ Jaun₅ dsa₂ mi₂güíng'₃ o₄gú₃ dsa₂ i₂le₁cán'₄ dso₄. ⁴⁶ Nau₂ 'nia'₂ né₃, ma₃; ia₁ nē₅ ma₂já₅ i₂jáng'₂.

Ma₂le₁te₂ dsa₂ Jesús

(*Marcos 14:43-50; Lucas 22:47-53; Juan 18:2-11*)

⁴⁷ Tē₃jē₄ dsia₂₃ jág₁ jaun₂, jme₁ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lin₃ dsa₂ i₂ja₂lén₂ quiong'₅₄ qui₂le₁quian₅ ŋi₁tág₂, i₂le₁quian₅ ni₁'ma₂ né₃, i₂chen₄ quián₅ juig₅₄ jme₂dsa₂ quian'₅₄ dsi₂gui'₅₄ can'₅₄ quián₅ dsa₂ juig₂. ⁴⁸ Jaun₂ Judas né₃, ia₁ ma₂ca₂jmo₃ bá₄ jág₁ le₂ŋjiá₅ 'e₂ léi₄ jmo₃ jē₁ma₂té'₂ rē₁jáng'₂, jme₁ma₂juá'₂:

—I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂.

⁴⁹ Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—¿Siang'₃, tē₅!

Jaun₂ ca₂chen'₃ rē₂jú'₅ Jesús.

⁵⁰ Jaun₂ ca₂jéin'₃ Jesús jág₁ quió'₅, ca₂juá'₂:

—A₂mei₅₄, ¿'E₂ ta₁ ŋi'₂?

Jaun₂ gué₄ ca₂jme₃quián₃ ca₂le₃jín₃ dsa₂ ca₂ŋai'₃ Jesús, jaun₂ ca₂tág₃.

⁵¹ Tē₃jē₄ jaun₂, jan₂ dsa₂ i₂jme₁quian'₅₄ Jesús ca₂dsi₂ ŋi₁tág₂, ca₂ti₃ caun₂ rē₂gua₄ dsa₂ i₂jme₂ti₃ quián₅ jme₂dsa₂ dsen₅₄. ⁵² Jaun₂ ca₂juá'₂ Jesús:

—Tiá₃ táng₃ ŋi₁tág₂ quiáng'₂ ja₁jme₁'i₄. Ia₁ ca₂le₃jín₃ i₂quín'₂ quian'₅₄ ŋi₁tág₂, ján₃ bá₄ quian'₅₄ ŋi₁tág₂ dsiáin₃. ⁵³ ¿'E₂ líng'₂? ¿A₁tsá₃ lé₂ le₃jme₁mi₁₂ ne₄ ŋe'₃, a₂chein₃ ja₁cong₂ guia₃-tín₂ mei₅ ángeles quiáin₅? ⁵⁴ La₁ jua'₅₄ mei'₂ gué₃ le₂jaun₂, ¿'A₂ bá₄ lia'₂ le₃ti₃ jág₁ a₂tio'₅₄ ne₄ Si₂ ja₁juá'₂ a₂dsi₃ŋíg₂ le₂la₂?

⁵⁵ Jaun₂ juá'₂ Jesús tsí'₅ dsa₂:

—¿'E₂? ¿Ja₁nó'₅ 'nia'₂ le₁quian'₅₄ ŋi₁tág₂, ni₁'ma₂, ja₂chong'₂ jniá₂, nē₂jag₄ bá₄ líng₅ dsa₂ 'ang₂? Jua'₂ ca₂le₃jé₃ jmig₄ bá₄ 'eng₅₄ jme₁tíng₂ dsa₂ jin'₄ 'nia'₂ i₁dsi₅ guá'₅ templo, tsá₃ ma₂chong'₂ guē'₂ 'nia'₂ ja₁jaun₂. ⁵⁶ La₁ ca₂le₃jé₃ a₂lé₂ la₂ rē₂ti₃ jág₁ quió'₅ dsa₂ i₂jme₁'é₂ jág₁ quián₅ Diú₄ ma₂líg'₂.

Jaun₂ gué₄ qui₂ca₂cuíng₃ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

*Dsián'*₃ Jesús ne₄ dsi₂tan₅₄ quián₅ guá'₅
(*Marcos 14:53-65; Lucas 22:54-71; Juan 18:12-24*)

⁵⁷ Jaun₂ dsa₂ i₂ca₂i₁chan'₅₄ Jesús ca₂i₁jo₅₄ ne₄ Caifás, i₂lín₅ jme₂dsa₂ dsen₅₄. Ja₁jaun₂ ma₂le₁ñi'₂ të₅juá'₅ quian'₅₄ gué₄ dsa₂ can'₅₄. ⁵⁸ Pe₄ në₃ ca₂ñó₃ uíng₂ të₂quíin₃ 'ein₂₃ Jesús ca₂të₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂'í₃ ca₂guá₂ quiaín'₅₄ 'lióg₂, ia₁ 'nio₃ të₅ ne₅₄ 'a₂ lia'₂ jñia'₅₄ dsióg₄ quian'₅₄ Jesús.

⁵⁹ Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ në₃, qui₂ca₂'náu'₃ jui₅ 'a₂ lia'₂ jme₃cáin'₂ Jesús dso₄ quian'₅₄ jág₁ të₂jág₁ ia₁jaun₂ jñag'₃. ⁶⁰ La₁ tsá₃ dso'₂ gué'₂ 'a₂ lia'₂ jme₃cáu'₂, o₁jñia'₅₄ juín₅ i₂qui₂ca₂nau₂ jmo₂₃ jág₁ të₂jág₁. Dsi₃lén₂ jme₁dsi₃lén₂ on₃ dsa₂, ⁶¹ jaun₂ ca₂juá'₂:

—I₂në₅ ma₂ca₂juá'₂, “Qui'₅₄ jniá₂ jmig₄ lé₂ le₃éng₄ guá'₅ templo quió'₅ Diú₄, quian'₅₄ 'ni₅ jmi₄g₄ bá₄ lé₂ le₃jmóg'₄ táng₃.”

⁶² Jaun₂ ca₂nau₂ jme₂dsa₂ dsen₅₄, jaun₂ ca₂tsí'₃ Jesús:

—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ në₅ a₂jáng'₅ dsa₂ a₂rë₂cáng'₄?

⁶³ La₁ tei₄ bá₄ ca₂nau₂ Jesús. Jaun₂ ca₂ñag₃ táng₃ jme₂dsa₂ dsen₅₄, ca₂juá'₂:

—Dsi₅₄ jniá₂ 'éi'₃ a₂jua'₅₄ 'íng'₅ Diú₄ jén'₃ ne₄ jnia'₅₄, chi₂jua'₂ të₃dsón'₂ líng'₅ Ja₁ñi'₅₄ Diú₄, I₂rë₂'ín₁ quiáin₅.

⁶⁴ Jaun₂ ca₂ñag₃ Jesús:

—Ján₅, jniá₂ bá₄ 'éi₂, jui₁lia'₂ i₁juá'₂ 'ne₂ në₅. La₁ juá'₅ jniá₂ juíg₂ 'nia'₂ ján₃, ca₂le₃jíng'₃, a₂já₅ jmi₄g₄ a₂jag'₅₄ 'nia'₂ jíng'₅₄ Jaun₅ dsa₂ mi₂güüg₃ guá₃ të₂le₃ gu₂ ne₁ Diú₄ i₂'uan'₂ gué₄ lín₃, a₂jñi₁ó'₂ jë₄ jnei₅ guei'₅₄ dsi₂güüg₂ në₃.

⁶⁵ Jme₂dsa₂ dsen₅₄ në₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ñiog₅,[‡] jaun₂ ca₂juá'₂:

—¿E₂ gué₄ 'ñio₅ 'lig'₅₄ juá'₂ i₂në₅ 'iin₂₃ Diú₄ quian'₅₄ jág₁ në₅ quió'₅! ¿E₂ gué₄ jmá'₃ jág₁ 'lióng₂ 'niog₂ jniog₄ jua'₅₄ a₂jáng'₅ gué₄ dsa₂ sián'₂ jág₁ dsau₅? Ma₂në₂nei'₂ bá₄ 'nia'₂ guiong'₅₄ jág₁ 'lig'₅₄ a₂ma₂në₂juá'₂ i₂në₅ 'iin₂₃ Diú₄. ⁶⁶ ¿A₂ lia'₂ lín'₂ 'nia'₂?

Jaun₂ ca₂juá'₂ ca₂le₃jíin₃ tioen'₅₄:

—I₂ca₂tín₂ jón₂ bá₄ në₅.

⁶⁷ Jaun₂ qui₂ca₂'ñéi₃ dsa₂ dsi₂ne₄ Jesús tioen'₅₄, tsá₃ caun₂ a₂qui₂ca₂jmóg'₂. I₂lín₅₄ gué'₂ qui₂ca₂quein₃ tioen'₅₄, ⁶⁸ jaun₂ ca₂juá'₂:

—'Ne₂ gué'₂ i₂juá'₂ líng'₅ I₂rë₂'ín₁ quián₅ Diú₄: ¿Dsi₄ jág₁ jua'₅₄ 'ein₂ në₂quein₃ quiáng'₂!

Tsá₃ ca₂tion₃ Pe₄ a₂cuíin₂₃ Jesús

(*Marcos 14:66-72; Lucas 22:56-62; Juan 18:15-27*)

⁶⁹ Të₃jë₄ jaun₂ jme₁guá₄ Pe₄ i₁dsi₅; jaun₂ ca₂dsióg₃ jan₂ 'io₅₄ i₂jme₂ti₃ ta₁ ja₁jaun₂, jaun₂ ca₂tsí'₃ Pe₄:

—¿Ján₃ gué'₂ jme₁quian'₄ 'ne₂ Jesús i₂chan₂ Galilea?

⁷⁰ La₁ jin₄ dsa₂ ja₁guá₄ jaun₂ tsá₃ ca₂tioin₃, jaun₂ ca₂juá'₂:

—Tsá₃ guion₅₄ 'e₂ a₂juá'₂ 'ne₂ në₅.

⁷¹ Ca₂nau₂ Pe₄ ñó₅ të₂le₃ o₄'né₄, jaun₂ ca₂jág₂ táng₃ jan₂ 'io₅₄ sián'₂. 'Éi₂ në₃ ca₂tsí'₃ dsa₂ i₂tion'₅₄:

—I₂jme₁quian'₅₄ Jesús Nazareno bá₄ në₅.

⁷² La₁ jme₁ca₂nág₂ Pe₄, tsá₃ ca₂tioin₃ táng₃ jë₃ 'iin₂₃ Diú₄, ca₂juá'₂:

—¿Tsá₃ dsa₂ 'éi₂ cuín₅ jniá₂!

⁷³ Jme₁co₂lág₂ jaun₂, ca₂jme₃quián₃ dsa₂ i₂tion'₅₄ con₂ Pe₄, jaun₂ ca₂juá'₂:

—Të₃dsón'₂ bá₄ líng'₅ jan₂ rin'₅₄ 'éi₂, ia₁ në₅ rë₂jniág'₂ 'a₂ lia'₂ né₂ jag'₅₄.

⁷⁴ Jaun₂ në₃, Pe₄ ca₂'iin₃ Diú₄ ca₂mi₃ a₂dsi₃ñíi₂ 'e₂ dsi₃ñíi₂, ca₂juá'₂:

[‡] 26:65 Jme₁chí'₄ tag₄ quió'₅ dsa₂ judíos jmi₄g₄ jaun₂ a₂gág₅ dsa₂ ni₁tsin'₅₄ cuë₂₃ léi₄ jë₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

—¿Tsá₃ dsa₂ 'éi₂ cuín₅ jniá₂!

Tě₃jě₄ jaun₂ ca₂'o₃ jan₂ tě₁guí₄ dsó₂. ⁷⁵ Jaun₂ gué₄ ně₃ ca₂dsáu'₃ dsí₅ Pe₄ a₂ca₂juá'₂ Jesús le₂jñiá₅: “Né'₃ a₂'o₃ tě₁guí₄ dsó₂; hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.” Jaun₂ gué₄ o₂'ín₃ Pe₄ tě₂le₃ ca₁'né₄, ca₂tá'₂ qui'₂ dsí₅, ca₂'o₃ 'ñio₅ lin₃.

27

Ca₂jín'₂ dsa₂ Jesús o₄gú₃ Pilato

(*Marcos 15:1; Lucas 23:1-2; Juan 18:28-32*)

¹ Jme₁jnia₃ jaun₂, ca₂le₃jín₃ juig₅₄ jme₂dsa₂ quian'₅₄ gui'₅₄ can'₅₄ quián₅ dsa₂ juig₂ ca₂jmo₃ caun₂ jág₁ a₂jñi'₃ Jesús. ² Qui₂ca₂'néi₂ tiain'₅₄, jaun₂ ca₂tág₃ ca₂i₁jang'₂ ne₄ Dsi₄má'₂ Poncio Pilato.

Ca₂jon₃ Judas

(*Hechos 1:18-19*)

³ Jme₁ma₂tě₅ ne₄ Judas i₂ca₂'nag₃, a₂ma₂ně₂dsí₃ dsa₂ 'éi'₃ a₂jñi'₃ Jesús, jaun₂ ca₂tá'₂ qui'₂ dsí₅. Jaun₂ ca₂i₁con₂ táng₃ ta₁guiog₃-guiá₂ 'éi'₃ cu₄tiog₂ jaun₂, ca₂jín'₃ juig₅₄ jme₂dsa₂ quian'₅₄ gui'₅₄ can'₅₄. ⁴ Jaun₂ ca₂juá'₂:

—Ma₂ně₂'no₃ jniá₂ dso₄, ia₁ ně₂jñing'₅₄ ne₄ 'mú₃ jan₂ i₂tsá₃ dso₄ rin₂.

La₁ ca₂ñag₃ dsa₂ 'éi₂:

—Tsá₃ 'e₂ a₂jaun₂ dsan₂ dsi₅ jnia'₅₄. A₂ca₂tín'₂ 'ne₂ bá₄ jaun₂.

⁵ Con'₂ ca₂i₁guia'₂ jaun₂ bá₄ Judas cu₄ jaun₂ dsi₂néi₂ ja₁jñiós guá'₅ templo, jaun₂ ca₂o₃'iin₃ ca₂i₁tiá₄ ché₂ dsi₂lag₅₄ ca₂jñi'₃ 'ñiog₅. ⁶ Juig₅₄ jme₂dsa₂ ně₃ ca₂i₁cag'₂ cu₄ jaun₂, jaun₂ ca₂juá'₂:

—Tsá₃ 'i₄ 'éi'₃ dsi₃to'₅₄ cu₄ la₂ 'ñiós'₃ gu₅ ja₁tio'₅₄ cu₄ quió'₅ guá'₅, ia₁ cu₄ a₂ca₂quín₂ jmi₂ bá₄ la₂.

⁷ Jaun₂ ca₂jmo₃ caun₂ jág₁ a₂lá₃ caun₂ 'uě₃ quian'₅₄ cu₄ jaun₂ quió'₅ jan₂ dsa₂ i₂jme₁jmo₅ ni₁dsig₁ gua'₅₄, ja₁jmo₃ 'uě₃ ja₁'óin₂ jmá'₃ lia'₂ dsi₂nau₂. ⁸ 'Uig₅₄ jaun₂ chei₂ ja₁jaun₂ ca₂tě₂ jmig₄ ně₃, 'Uě₃ Jmi₂. ⁹ Le₂ně₅ ca₂rě₃ti₃ jág₁ a₂ca₂juá'₂ Jeremías, dsa₂ i₂jme₁'ě₂ jág₁ quián₅ Diú₄ ma₂líg'₂, jme₁ca₂juá'₂: “Ca₂can₃ dsa₂ guióg₂-guiá₂ cu₄tiog₂, con'₂ 'ma'₅₄ a₂ca₂dsi₂ dsa₂ juig₂ Israel quió'₅ 'éi₂. ¹⁰ Quian'₅₄ cu₄ jaun₂ ca₂lá₃ caun₂ 'uě₃ quió'₅ dsa₂ i₂jmo₅ ni₁dsig₁, lia'₂ con'₂ lé₅ 'éi'₃ quió'₅ Te₁gui'₅₄.”*

Chén'₅ Jesús ne₄ Pilato

(*Marcos 15:2-5; Lucas 23:3-5; Juan 18:33-38*)

¹¹ Tě₁lia'₂ jaun₂, chén'₅ Jesús ne₄ dsi₄má'₂, jaun₂ 'éi₂ ně₃ ca₂ñag₃:

—¿Dson'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂ně₅ bá₄, jui₁lia'₂ juá'₂ 'ne₂ ně₅.

¹² Jaun₂ caun₂ qui₂ca₂'nag₃ bá₄ juig₅₄ jme₂dsa₂ quian'₅₄ gui'₅₄ can'₅₄ tiain'₅₄. La₁ tsá₃ ma₃'e₂ ca₂ñag₃ Jesús. ¹³ Jaun₂ ca₂juá'₂ Pilato:

—¿Tsa₁ nag'₂ ca₂le₃jě₃ 'e₂ i₁juá'₄ dsa₂ ně₅ 'ni₂₃ 'ne₂?

¹⁴ La₁ tsá₃ ma₃'e₂ ca₂ñag₃ Jesús 'i₁caun₂; jaun₂ ca₂i₃gó'₃ dsí₅ Pilato.

Ca₂o₃'ág₃ 'éi'₃ a₂jón₂ Jesús

(*Marcos 15:6-20; Lucas 23:13-25; Juan 18:38 — 19:16*)

¹⁵ Jmig₄ jaun₂ jme₁chí'₄ tag₄ quió'₅ dsi₄má'₂ a₂lión₂ ca₂le₃jě₃ ñi₂, jan₂ dsa₂ i₂'en₅₄ né'₃ 'má₃, jme₁tě₅ Jmig₄ Tě₂'in₅₄, 'ein₂ ca₂'in₃ dsa₂ juig₂ i₂lión₂. ¹⁶ Jmig₄ jaun₂ jme₁rě₂jní₅ jan₂ dsa₂ i₂chen₂ Barrabás, ca₂le₂con₂ bá₄ 'ei₅ jág₁ quió'₅ a₂'liin'₅₄. ¹⁷ Tě₃jě₄ le₁ñi'₂ dsa₂ jaun₂, ca₂ñag₃ Pilato ca₂jñi'₃ dsa₂ juig₂:

* 27:10 Jeremías 32:6-9; Zacarías 11:12-13.

—¿I₂'ein₂ 'niog'₂ 'nia'₂ lon₄ jniá₂ quián'₂ 'nia'₂? ¿Barrabás, o₃ Jesús i₂té'₂ dsa₂ I₂rë₂'ín₁ quián₅ Diú₄ 'e₂?

¹⁸ Ia₁ ca₂rë₃lí'₄ bá₄ Pilato 'ñiog₅, a₂'iog₅₄ uig₅ dsí₅ bá₄ dsa₂ ca₂jíin'₂ Jesús ne₅₄.

¹⁹ Të₁lia'₂ guá₅ Pilato ne₄ta₁ quió'₅, ja₁qui₂dsi₂₃ 'éi'₃, të₃jë₄ jaun₂ ca₂chen₃ 'io₅₄ quiáin₅ jág₁ ne₅₄ a₂ca₂juá'₂: “Tsá₃ lë₁tián₅ 'ne₂ cuente quió'₅ dsa₂ i₂tsá₃ 'e₂ rin₂ në₅. Ia₁ 'ñio₅ gau₂ qui₂chóg₂ i₃ñig₂ ca₂néi₃ o₄quió'₄.”

²⁰ La₁ juig₅₄ jme₂dsa₂ quian'₅₄ gui'₅₄ can'₅₄ né₃, ca₂toin'₂ jág₁ dsa₂ juig₂ ia₁jaun₂ mi₃ dsa₂ tsí'₃ Pilato a₂lióin₂ Barrabás bá₄, jaun₂ jñii'₃ bá₄ Jesús. ²¹ Jaun₂ ca₂juá'₂ Pilato ca₂tsí'₃ dsa₂:

—¿I₂'ein₂ dsa₂ on₃ la₂ 'niog'₂ 'nia'₂ lon₄ jniá₂?

Jaun₂ ca₂ñag₃ dsa₂ juig₂ tioin'₅₄:

—Barrabás bá₄.

²² Jaun₂ ca₂ñag₃ táng₃ Pilato ca₂ñii'₃ dsa₂ juig₂:

—¿'E₂ guë'₂ 'niog'₂ 'nia'₂ jmo₅₄ jniá₂ quian'₅₄ Jesús i₂té'₂ dsa₂ I₂rë₂'ín₁ quián₅ Diú₄?

Jaun₂ ca₂ñag₃ co₂dsia₅ ca₂le₃jíin₃ tioin'₅₄:

—¡Tióin₃ cróg₄!

²³ Jaun₂ ca₂ñag₃ táng₃ Pilato:

—¿'E₂ 'uig₅₄ né₃? ¿'E₂ guë'₂ dso₄ ma₂'náu₂?

La₁ tē₂le₃ i₂jui'₂ gué₄ co₂mi'₅₄ ca₂tóin'₂, ca₂juá'₂:

—¡Tióin₃ cróg₄!

²⁴ La₁ ca₂rë₃lí'₄ bá₄ Pilato tsá₃ 'e₂ ta₁ jmo₃ jág₁ quió'₅, ia₁ tē₂le₃ 'ñio₅ lin₃ gué₄ jui₁si co₂mi'₅₄ ca₂tóin'₂. Jaun₂ lë₃, ca₂chein₃ jan₂ dsa₂ i₁quian₅₄ jmig₂, jaun₂ ca₂rang₃ gu₂ tē₃ne₄ dsa₂ juig₂, jaun₂ ca₂juá'₂:

—Tsá₃ 'e₂ rë₃cán'₄ jniá₂ jmi₄ dsa₂ në₅; guion'₅₄ bá₄ 'nia'₂ rë₂cáng'₄ në₁'e₂ ca₂jmai'₅₄.

²⁵ Jaun₂ ca₂ñag₃ ca₂le₃jíin₃ dsa₂ juig₂ tioin'₅₄:

—¡Jmi₄ 'mú₃ quió'₅ i₂në₅, jui₁dsi₂ñag₂ jnia'₅₄ 'e₂ dsi₃ñág₂, quian'₅₄ tsi₁jon₂ quián₂ jnia'₅₄ i₂në₃ gué₄ tē₁ja₃lén₂!

²⁶ Jaun₂ ca₂lión₂ bá₄ Pilato Barrabás i₂mi₅ dsa₂ lión₂; jaun₂ ca₂jmo₃ 'éi'₃ a₂bán₂ dsa₂ Jesús, jaun₂ gué₄ ca₂jáng'₂ o₄gú₃ dsa₂ juig₂ jaun₂ tion₃ cróg₄.

²⁷ Jme₁co₂lág₂ jaun₂, 'lióg₂ quián₅ dsi₄má'₂ ca₂jñiai₃ Jesús jui₅ i₁dsi₅ ne₄ta₁ jaun₂. Jaun₂ ca₂ñi'₂ ca₂le₃jíin₃ 'lióg₂ le₃lág'₃ quió'₅ Jesús. ²⁸ Jaun₂ gué₄ ca₂dsi₂ tsin'₅₄ Jesús, ca₂quei'₃ caun₂ tsi₁'mi'₂ guéin₂ 'ui'₃, † ²⁹ jaun₂ ca₂jmo₃ caun₂ corona quian'₅₄ chi₁uíng₃ taun₅, ca₂tó'₂ mi₂dsi₄ Jesús. Ca₂chong'₂ ca₂'nau₅₄ guë'₂ ni₁'ma₂ ta₅ gu₂ ne₁. Jaun₂ gué₄ ca₂chi₃ñé₃ ne₄ Jesús tioin'₅₄, a₂lë₁qui₂co₂jmg₂'₂, ca₂juá'₂:

—¡Sian'₃ 'ne₂, Rag₅₄ quián₅ dsa₂ judíos!

³⁰ Ján₃ qui₂ca₂'ñéi₂ dsa₂, qui₂ca₂bá₂ dsa₂ mi₂dsi₅₄ quian'₅₄ ni₁'ma₂ a₂ca₂chong'₃ jaun₂.

³¹ Jme₁ca₂lë₃ a₂lë₁co₂jmg₂'₂ jaun₂, ca₂dsei₂₃ táng₃ tsi₁'mi'₂ 'ui'₃ a₂jme₁ca₂quei'₃, jaun₂ ca₂quei'₃ táng₃ ni₁tsin'₅₄ a₂jme₁qui'₂. Jaun₂ gué₄ ca₂jio₃ ca₂të₂ ja₁të₃toin₅₄ cróg₄.

Ca₂tion₃ dsa₂ cróg₄ Jesús

(*Marcos 15:21-32; Lucas 23:26-43; Juan 19:17-27*)

³² A₂ca₂'uiin₂ jaun₂, ca₂jein'₂ jan₂ dsa₂ i₂chan₂ Cirene, i₂chen₂ Si₂mu₅₄. Jaun₂ ca₂chi₃quiáin₂ jmig₄ 'éi₂ a₂cán₂ cróg₄.

³³ Jaun₂ ca₂dsi₃lén₂ jme₁dsi₃lén₂ caun₂ ja₁chei₂ Gólgota, co₂'nió'₄ ja₁té'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. ³⁴ Ja₁jaun₂ ca₂jén'₃ dsa₂ ne₄ Jesús vino a₂rë₃cón'₅ quian'₅₄ dsí'₁ já₂; ‡ la₁ dsi₂jui₅ jme₁ca₂tí₂ Jesús 'o₅₄, tsá₃ ma₃ca₂'in'₃.

† 27:28 Guéin₂ 'ui'₃ jme₁jniá₂ tsin'₅₄ rag₅₄ jme₁quí'₅ jmig₄ jaun₂. ‡ 27:34 co₂'nió'₄ caun₂ mí₅ a₂jñia'₃ uig₅ quió'₅ dsa₂.

³⁵ Jme₁ca₂lë₃ tion₂₃ cróg₄, 'lióg₂ né₃ ca₂jmo₃ dsióg₁ tsin'₅₄ Jesús, ca₂co₃ o₁ne₄ 'ein₂ lí'₂. §
³⁶ Ja₁jaun₂ ca₂tián'₂ jmo₂₃ 'í₁. ³⁷ Dsi₄ cróg₄ ca₂tióng₃ dsa₂ letra ja₁juá'₂ 'e₂ dso₄ a₂bóin'₂ Jesús, a₂juá'₂ le₂la₂: “I₂LA₂ BÁ₄ JESÚS, I₂LÍN₅ RAG₅₄ QUIÁN₅ DSA₂ JUDÍOS”.

³⁸ Ján₃ bá₄ ca₂tioin₃ gué₄ on₃ dsa₂ 'ang₂ co₂lë₅ quiong'₅₄, jan₂ tē₂le₃ gu₂ ne₁, jan₂ gué'₂ tē₂le₃ gu₂ jen₅. ³⁹ Jaun₂ ca₂le₃jín₃ dsa₂ i₂qui₂ca₂ñí₃ jui₅ jaun₂ qui₂ca₂jnáu'₂ jág₁ uig₅, qui₂bí₂ dsi₅₄, ⁴⁰ ca₂juá'₂:

—'Ne₂ gué'₂ i₂juá'₂ a₂'éng'₄ guá'₅, con'₂ siá'₂ ting'₂ jmog'₅₄ táng₃ quian'₅₄ 'ni₅ jmig₄, nē₃ né₃, lion₄ 'ñiag'₂. Sión₅ ja₁tong'₂ nē₅, chi₂jua'₂ dsón'₂ 'ne₂ líng'₅ Ja₁ñi'₅₄ Diú₄.

⁴¹ Ján₃ bá₄ le₂jaun₂ a₂lë₁qui₂co₂jmóg'₂ juig₅₄ jme₂dsa₂ quian'₅₄ tē₅juá'₅, gui'₅₄ can'₅₄ né₃, dsa₂₃ jág₁ qui₂tsí'₅ riin'₅₄, juá'₂:

⁴² —Ca₂lióin₂ bá₄ i₂sián'₂, la₁ 'ñiog₅ bá₄ tsá₃ lé₂ le₃lióin₂. Chi₂jua'₂ i₂nē₅ lín₅ Rag₅₄ quián₅ dsa₂ juig₂ Israel, jui₁sióin₄ cróg₄ ia₁jaun₂ bá₄ le₃'éin₂ jniog₄ le₃quió'₅. ⁴³ I₂nē₅ gué'₂ juá'₂ 'ei₅ caun₂ dsí₅ ne₄ Diú₄; nē₃ né₃ 'éi₂ jui₁lio₅₄ chi₂jua'₂ tē₃dsón'₂ bá₄ 'nioi₃ i₂nē₅; ia₁ 'ñiog₅ gué'₂ ma₂juá'₂ lín₅ Ja₁ñi'₅₄ Diú₄.

⁴⁴ Le₂jio₅ dsa₂ 'ang₂ i₂le₁ton₅ quian'₅₄ Jesús qui₂ca₂juá'₂ uig₅.

Ca₂jon₃ Jesús

(Marcos 15:33-41; Lucas 23:44-49; Juan 19:28-30)

⁴⁵ Jme₁ca₂té₂ dsi₂ñí'₃, * ca₂'ág₂ nei₂ le₂tan₅₄ le₂con₂ 'uē₃ jaun₂ ca₂lia'₂ ca₂té₂ hora ñí₁ 'ni₅† tē₂le₃ ca₂'láu₂. ⁴⁶ Hora jaun₂, ca₂'ñia₂ gué₄ Jesús, jág₁ ca₂juá'₂ tiá₂:

—Elí, Elí, ¿lama sabactani? —co₂'nió'₄ a₂juá'₂: Diú₄ quiáng₃, Diú₄ quiáng₃, ¿'e₂ lë₃ ma₂nē₂téi'₃ jniá₂?‡

⁴⁷ I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí'₅ riin'₅₄:

—Nei₂ 'nia'₂. Elías, i₂jme₁'é₂ jág₁ quián₅ Diú₄ ma₂líg'₂, té'₂.

⁴⁸ Jaun₂ dsi₂jui₅ le₂jaun₂ ñó₃ jan₂ co₂chi'₅₄ i₁quian₅₄ caun₂ ni₁jaun₂ guion₅ jmig₂. Jaun₂ ca₂guoin₃ vino dsi'₃, jaun₂ ca₂chi₃dsí₂ nei'₅₄ caun₂ ni₁'ma₂ ta₅, jaun₂ ca₂jén'₃ ne₄ Jesús ia₁jaun₂ jme₁'ín'₂. ⁴⁹ La₁ ca₂juá'₂ riin'₅₄:

—Tsá₃ lein'₅₄; o₁ne₄ chi₂jua'₂ jí₃ Elías ja₃lio₅₄ quió'₅.

⁵⁰ Con'₂ bá₄ ca₂'ñióg₂ gué₄ Jesús tiá₂ lín₃, jaun₂ gué₄ ca₂jáng'₃ jme₂dsí₂ quió'₅. ⁵¹ Hora jaun₂ dé₄ dsón'₂ co₂dsia₅ ca₂chen₃ ca₂tē₂ guei'₅₄ ca₂tē₂ 'uē₃ ca₂lë₃ tin₃ tsín'₅ tsi₁'mi'₂ pa₁ a₂jme₁'ei₅ dsi₂néi₂ guá'₅ templo. 'Uē₃ gué'₂ né₃ ca₂i₁bi₅₄, ni₁'lau₂ a₂te₁'i₁ ja₁jaun₂ qui₂ca₂dsón₂; ⁵² tau₂ 'ñio₅ né₃ qui₂ca₂niá₃ ca₂lë₃; ján₃ bá₄ qui₂ca₂jen'₅₄ juin₅ 'lag₄ jñió₅ quián₅ Diú₄ i₂ma₂dsan₃ le₂jñiá₅. ⁵³ Qui₂ca₂'uñin₂ tau₂ 'ñio₅; ca₂i₃toin'₅₄ Jerusalén ciudad jñió₅ jme₁ca₂jen'₅₄ Jesús, ton'₂ ca₂jme₃jñiá₂₃ né₃ ne₄ juin₅ dsa₂.

⁵⁴ Jaun₂ juig₅₄ 'lióg₂ quian'₅₄ gué₄ dsa₂ i₂jme₁quian'₅₄ jmo₂₃ 'í₁ Jesús, jme₁ma₂tē₅ ne₅₄ dsi₂bi₅₄ 'uē₃ ma₂lë₂ ca₂le₃jé₃ gué₄ 'e₂ a₂ca₂lë₃ jaun₂, jaun₂ gué₄ ca₂rë₃gó'₅ 'ñio₅ lín₃; jaun₂ gué₄ ca₂juá'₂:

—Tē₃dsón'₂ bá₄ jme₁lín₄ i₂nē₅ Ja₁ñi'₅₄ Diú₄.

⁵⁵ Jme₁tion'₅₄ juin₅ 'io₅₄ ja₁jaun₂ jág₅, tióin₂ uíng₂. 'Éi₂ ma₂ja₂lén₂ jme₂ti₃ ne₄ Jesús le₂tan₅₄ 'uē₃ Galilea. ⁵⁶ Jín₄ 'io₅₄ 'éi₂ jme₁'en₅₄ María i₂chan₂ Magdala, quian'₅₄ María chog₅₄ Jacobo quian'₅₄ Sé₄; quian'₅₄ chog₅₄ chi'₂ quián₅ Zebedeo.

Ca₂'on₃ Jesús

(Marcos 15:42-47; Lucas 23:50-56; Juan 19:38-42)

§ 27:35 A₂lín₅₄ chog₅₄ si₂ a₂ca₂lë₃ gué₄ cang₂ juá'₂ le₂la₂ ján₃: “Le₂nē₅ ca₂lë₃ ca₂rë₃ti₃ jág₁ a₂ca₂juá'₂ dsa₂ i₂'é₂ jág₁ quián₅ Diú₄ ma₂líg'₂, ja₁juá'₂: ‘Ca₂dsión'₂ dsa₂ ni₁tsín'₅; ca₂co₃ dsa₂ o₁ne₄ 'ein₂ lí'₂ 'mi'₂ quió₃.’” Salmo 22:18. * 27:45 lit. “hora jñéi₂.” † 27:45 lit. “hora ñi₃.”

‡ 27:46 Salmo 22:1.

⁵⁷ Jme₁ca₂tó₂' nei₂ jmi_g₄ jaun₂, guan₃ jan₂ dsa₂ cha₂ cu₄ i₂chen₂ José, i₂chan₂ jui_g₂ Arimatea, ia₁ ján₃ bá₄ ca₂rě₃'éin₂ le₃quió₅ Jesús. ⁵⁸ 'Éi₂ né₃, ŋei₅₄ i₂jiin₁₂ Pilato, ca₂i₁mii₄ 'lag₄ Jesús. Jaun₂ ca₂jmo₃ Pilato 'éi₃ a₂jáng₂' dsa₂. ⁵⁹ Jaun₂ né₃ ca₂tág₃ Sé₄, ca₂lio₃ rě₂ quian₅₄ caun₂ tsi₁'mi₂' le₁jě₃. ⁶⁰ Jaun₂ ca₂i₁tio₂' 'ŋió₃ caun₂ tau₂ 'ŋio₅ 'mí₂ quió₅' 'ŋiog₅, a₂jme₁ma₂guéi₃ dso₂' ni₁'lau₂. Jaun₂ ca₂jŋiói₃' ca₂míg₂ ni₁cang₁ lí₂ pa₁, ca₂jlé₂' o₄ tau₂ 'ŋio₅, jaun₂ gué₄ ca₂ŋái₃'. ⁶¹ La₁ María i₂chan₂ Magdala quian₅₄ María jan₂ 'éi₂, jaun₂ bá₄ jme₁tiain₄' tē₂le₃ ja₁jniá₂ o₄'né₄ tau₂ 'ŋio₅.

Jmo₅ 'lióg₂ 'í₁ tau₂ 'ŋio₅

⁶² Jme₁jnia₃ táng₃ jaun₂, co₂'nió₄' jme₁ca₂dsan₃ tion₅₄' dsa₂ jmo₂₃ co₂jŋia₅₄ a₂'nió₅' quió₅' jmi_g₄, jaun₂ ca₂i₁len₅₄ jui_g₅₄ jme₂dsa₂ quian₅₄ dsa₂ fariseos né₃ ca₂ŋii₂' ne₄ Pilato, ⁶³ ca₂i₁jua₄':

—Gui₅₄' dsa₂' dsi₅ jnia₅₄' a₂ca₂juá₂' tē₂jág₁ 'éi₂ lia₂' con₂' jme₁chain₂ gué₄, a₂jein₅₄' táng₃ a₂'ni₅ jmi_g₄. ⁶⁴ 'Uig₅₄ jaun₂, chen₅ 'lióg₂ jui₁dsi₂jmó₂' 'í₁ tau₂ 'ŋio₅ ca₂lia₂' ca₂tě₂ jmi_g₄ 'ni₅, ia₁ con₂' tsá₃ ŋó₅ ně₁jua₂' ja₂lén₂ dsa₂ i₂jme₁quian₅₄' tē₂, jaun₂ táun₂ jág₁ cang₂, lé₂ le₃juá₂': "Ma₂ca₂jein₅₄' bá₄ táng₃." Ia₁ ně₁jua₂' ca₂lě₃ le₂jaun₂, ja₂lin₃ gué₄ jué₂' lé₂ jág₁ tē₂jág₁ jē₁ca₂tó₂' ně₅, con₂' gué₄ jág₁ tē₂jág₁ le₂'uig₅₄.

⁶⁵ Jaun₂ ca₂juá₂' Pilato:

—Ně₅ tión₂ co₂'nió₃' i₂ně₅. O₂nó₅' 'nia₂' quian₅₄, o₂jmo₄' 'nia₂' 'í₁' a₂ con₂' jŋia₅₄' tian₃' 'nia₂' jmó₂'.

⁶⁶ Jaun₂ ca₂i₃lén₂ jaun₂ né₃, i₁jmo₅₄' 'í₁ dse₃ lin₃ tau₂ 'ŋio₅, ca₂tióng₃ caun₂ sello dso₂' ni₁cang₁ a₂chi₁jni₅, jaun₂ ca₂chein₃' co₂'nió₃' 'lióg₂ i₂jmo₃' 'í₁.

28

Jmi_g₄ a₂ca₂jen₅₄' Jesús

(Marcos 16:1-8; Lucas 24:1-12; Juan 20:1-10)

¹ Ca₂ŋí₂ bá₄ jmi_g₄ sa₅₄. Jaun₂ né₃, tē₂le₃ ca₂jnia₃ jmi_g₄ le₂'uig₅₄ semana, ca₂ŋe₄ María i₂chan₂ Magdala quian₅₄ María jan₂; ca₂i₁lein₅₄ i₁jag₅₄ tau₂ 'ŋio₅ quió₅' Jesús. ² Con₂' tsá₃ rě₂jáin₁ dsi₂jui₅ le₂jaun₂ ca₂i₁bi₅₄' uě₃ tiá₂ lin₃ ia₁ a₂ca₂sión₃ guei₅₄' i₂juí₃ jan₂ ángel quián₅ Te₁gui₅₄'. Ca₂tě₁tsiin₅₄' o₄'né₄ tau₂ 'ŋio₅, ca₂mói₂ ni₁cang₁ a₂jme₁chi₁jni₅, jaun₂ ca₂guá₂ ne₄ jaun₂. ³ Ca₂lia₂' tág₅ 'ŋio₅ lin₃ jniá₂ jui₁lia₂' tág₅ si₁ŋí₃. Tsín₅₄' a₂qui₂' gué₂' tiog₂ jau₂ lin₃. ⁴ Jme₁ca₂jág₂' 'lióg₂ i₂tion₅₄' jmo₅' 'í₁, ca₂rě₃gó₅' 'ŋio₅ lin₃ ca₂jlein₃ ně₂jag₄ bá₄ tsá₃ dsi₅ chan₂ ca₂jén₃'. ⁵ Jaun₂ ca₂juá₂' ángel ca₂tsí₃' 'io₅₄':

—Tsá₃ jmo₂' 'nia₂' gang₃'. Ia₁ guion₄ jniá₂ a₂'na₂' Jesús i₂ca₂tion₃ dsa₂ cróg₄ bá₄ 'nia₂' i₂niog₅₄'. ⁶ Tsá₃ 'éi₂ ma₃chan₂ ja₁lá₃; ma₂ca₂jein₅₄' bá₄ táng₃ jui₁lia₂' lé₅ ca₂juá₂' 'ŋiog₅. La₂ i₂jag₄ de₂' 'nia₂' ja₁jme₁rě₂quian₂₃'. ⁷ O₂nó₅' 'nia₂' i₂ŋáu₂' o₂chei₅₄' chi₂' dsi₂guia₃-tín₂ quián₅ a₂ma₂ca₂jein₅₄' táng₃ ne₄' mú₃; ma₂'ein₅₄' jui₅ ŋó₅ jŋiái₅ lia₂' con₂' gué₄' 'nia₂' jui₅ Galilea. Ja₁jaun₂ o₁jiin₄' 'nia₂'. Jág₁ ně₅ ma₂ně₂juí_g₂' 'nia₂'.

⁸ Jaun₂ né₃ ca₂'uin₂' 'io₅₄' i₂ŋáu₂', tē₃ ma₂gó₅' ton₂' jén₅' rě₂' 'io₂' ján₃. Jaun₂ ca₂i₃lein₃ co₂chi₅₄' i₁con₂ jág₁ ne₄ dsa₂ guia₃-tín₂. ⁹ Tě₃jě₄ i₂lein₃ jaun₂, con₂' tsá₃ jáin₅ ca₂jme₃jnia₅ Jesús ne₅₄, ca₂juá₂':

—;Siang₃!

Jaun₂ né₃ ca₂jme₃quian₃ con₂ Jesús, ca₂chi₃ŋé₃ ca₂jmo₃ i₁'áin₃ ca₂tě₂' uě₃, ca₂quí₃' cu₅ tag₄ Jesús. ¹⁰ Jesús né₃ ca₂juá₂':

—Tsá₃ lě₁jmo₂' 'nia₂' gang₃'. O₂nó₅' 'nia₂' o₂con₄ jág₁ ne₄ ríng₃' o₂chei₅₄' 'nia₂' jui₁dsi₂lein₅ jui₅ Galilea, jaun₂ ja₁jaun₂ jág₂ jniá₂'.

Jág₁ a₂ca₂dsia₃' 'lióg₂

¹¹ Të₁lia'₂ i₃len₃ 'io₅₄ 'éi₂ i₂con₃ jág₁, i₂lín₅₄ 'lióg₂ i₂jme₁jmo₅ 'í₁ i₃lein₃ jë₄juig₂ i₁con₂ jág₁ ne₄ juig₅₄ jme₂dsa₂ ca₂i₁jua'₄ ca₂le₃jé₃ 'a₂ lia'₂ niog₅ ca₂lë₃. ¹² Juig₅₄ jme₂dsa₂ né₃ ca₂ñi'₂ quian'₅₄ gui'₅₄ can'₅₄ ca₂jmo₃ jág₁, jaun₂ ca₂cué'₃ 'lióng₂ cu₄ 'lióg₂ 'éi₂, ¹³ ca₂juá'₂:

—Le₂la₂ dsiá'₁ 'nia'₂ juig'₅₄ dsa₂: të₁lia'₂ jme₁rë₂güín'₃ 'nia'₂ a₂'uë₂ ca₂dsi₃lén₂ dsa₂ i₂jme₁quian'₅₄, jaun₂ ca₂tág₃ 'lag₄. ¹⁴ Në₁jua'₂ ca₂rë₃ñi₅ dsi₄má'₂ jág₁ në₅, la₂ bá₄ ne₄ jnia'₅₄ 'a₂ lia'₂ jme₁'uan₅₄ dsí₅ ia₁jaun₂ tsá₃ cán'₁ 'nia'₂ o₂i₁ dsi₅. ¹⁵ Jaun₂ ca₂gue₃ bá₄ 'lióg₂ cu₄, jaun₂ le₂jaun₂ bá₄ ca₂jmo₃ con'₂ lé₅ jág₁ ca₂to'₂ dsa₂ 'éi₂. Jaun₂ le₂në₅ bá₄ jág₁ 'ei₅ ca₂le₂con₂ le₁ñi₅ dsa₂ judfos ca₂të₂ jmig₄ në₃.

Ca₂chen₃ Jesús chi'₂ dsi₂guia₃-tín₂ a₂dsi₃'é₃ jág₁

(*Marcos 16:14-18; Lucas 24:36-49; Juan 20:19-23; Hechos 1:6-8*)

¹⁶ Jaun₂ né₃ i₃len₃ bá₄ ta₁guia₃-ján₃ chi'₂ dsi₂guia₃-tín₂ jui₅ Galilea, ca₂i₃lén₂ ja₁lë₄ caun₂ má'₂, lia'₂ con'₂ lé₅ ma₂ca₂juá'₂ Jesús le₂jñiá₅. ¹⁷ Jaun₂ dsi₂jui₅ jme₁ca₂jñin₂ Jesús, ca₂chi₃jné₃ ca₂jmo₃ i₁'áin₃, la₁ i₂lín₅₄ né₃ tsá₃ caun₂ jme₁ma₂le₁'ág₄ dsí₅. ¹⁸ Jaun₂ ca₂jme₃quián₂ Jesús ja₁tióin₂, jaun₂ ca₂juá'₂:

—Ca₂le₃jé₃ bí₂ 'éi'₃ lia'₂ guei'₅₄ i₂juig₃ lia'₂ ne₄ gua'₅₄ 'uë₃ né₃ ma₂ca₂ñig₂. ¹⁹ Jaun₂ lë₃, o₂nó'₅ 'nia'₂ né₃ ca₂le₂con₂ mi₂güig₃, o₂jme₁tín₅ 'nia'₂ dsa₂ a₂lén₂ dsa₂ quiáng₃, o₂qui₂o₂chon₄ 'nia'₂ dsa₂ jmig₂, lia'₂ con'₂ lé₅ 'éi'₃ quió'₅ ñe'₃, quian'₅₄ lia'₂ con'₂ lé₅ 'éi'₃ quió'₅ Ja₁ñi'₅₄, * quian'₅₄ lia'₂ con'₂ lé₅ 'éi'₃ quió'₅ Jme₂dsí₂ Jñi₅o₅, ²⁰ o₂jme₁tiin₅ 'nia'₂ a₂nag₃ gau₂ ca₂le₃jé₃ 'éi'₃ a₂ma₂cué₃ jniá₂ 'nia'₂. Jaun₂ ñi'₅₄ 'nia'₂ né₃, la₂ bá₄ 'eng₅₄ quian'₅₄ 'nia'₂ ca₂le₃jé₃ jmig₄, ca₂lia'₂ ca₂'ñia₅ jmig₄ jë₁ca₂tó'₂.

Co₂në₅.

* 28:19 'Nio'₂ ja₁ton₅ Romanos 6:3; 1 Corintios 1:13; Gálatas 3:27.

Jág₁ Dse₃ quió'₅ Diú₄ a₂ca₂tó'₂ San Marcos ne₄ Si₂

'É₂ Juan₅₄ jág₁ quió'₅ Diú₄ caun₂ 'uë₃ co₂'ñiog₅
(Mateo 3:1-12; Lucas 3:1-9, 15—17; Juan 1:19-28)

¹ Le₂la₂ bá₄ ca₂rë₃lióg₃ jág₁ dse₃ quió'₅ Jesucristo, Ja₁ñi'₅₄ Diú₄. *

² Jui₁lia'₂ lé₅ tio'₅₄ ne₄ si₂ quió'₅ dsa₂ i₂jme'₁é₂ jág₁ quián₂ Diú₄ ma₂líg'₂, ja₁juá'₂ le₂la₂:
Tsing₅₄ jan₂ dsa₂ quiáng₃
ne₄ jui₅ quiáng'₂, jón₃,

a₂dsi₃can₅ jág₁ dse₃ jin₄ dsa₂ mi₂güüg₃,
jaun₂ jmo₃ co₂ñia₅₄ jui₅ quiáng'₂. †

³ Jaun₂ né'₂ 'é₂ dsa₂ 'éi₂ jág₁ co₂mi'₅₄
caun₂ 'uë₃ quein₂ co₂'ñiog₅, jaun₂ i₂'éi₂ juá'₂:

“Jmo₄ 'nia'₂ co₂ñia₅₄
jui₅ quió'₅ Te₁gui'₅₄ i₂jiá₃.

Nia₄ 'nia'₂ caun₂ jui₅ co₂dsau₅.” ‡

⁴ Jaun₂ le₂la₂ ca₂rë₃ti₃ jág₁ në₅: Ca₂guan₃ Juan₅₄ caun₂ ja₁lé₄ 'uë₃ co₂'ñiog₅ ca₂choin₃
jmig₂ dsa₂, qui₂ca₂'é₂ jág₁ a₂tsón₃ dsa₂ jmig₂, jë₁ma₂ca₂dsi₃quén'₅ dsí₅ ia₁jaun₂ le₃'én₂
dsáu₁. ⁵ Jaun₂ ca₂le₃jín₃ dsa₂ chan₂ juig₂ Judea quian'₅₄ dsa₂ i₂chan₂ Jerusalén né₃,
ca₂i₁lein₅₄ ja₁jme'₁en₅₄ Juan₅₄. Qui₂ca₂jmo₃ dsa₂ qui₂ñí₃ quió'₅ ca₂le₃jé₃ dsáu₁. Jaun₂ gué₄
ca₂cho₃ Juan₅₄ jmig₂ § Cuá₃ Jordán.

⁶ Ni₁tsin'₅₄ Juan₅₄ 'éi₂ jme₁lé₄ quian'₅₄ ni₁ñí₁ já'₂ camello. A₂jme₁jén'₅ tú'₅ guë'₂ né₃, lo₄
já'₂. Má₃ a₂jme₁gué'₅ guë'₂, jmá'₃ i₁ni'₂ tia₄ quian'₅₄ jmi₁tá'₄ cha₂ ja₁nau₂. ⁷ Caun₂ ca₂ñi₃
bá₄ 'é₂ jág₁ dse₃, juá'₂:

—I₂jiá₃ chi₁co'₅₄ quió₃, i₂'éi₂ bá₄ i₂'uan'₂ i₂tin₂ gué₄ lia'₂ con'₂ gué₄ jniá₂, ca₂lia'₂ ñia'₅₄
lau₂ ton₅ tag₅₄ tsá₃ ca₂tíng₂ tsi'₅₄. ⁸ Jniá₂ në₂tiáng₃ 'nia'₂ jmig₂; la₁ 'éi₂ guë'₂ né₃ tióg₂
Jme₂dsí₂ Jñiós₅.

Ca₂chon₃ Juan₅₄ jmig₂ Jesús
(Mateo 3:13-17; Lucas 3:21-22)

⁹ Jmig₄ jaun₂ o₂'ín₃ Jesús juig₂ Nazaret, ja₁tén₄ Galilea. ñó₃ ja₁'en₅₄ Juan₅₄. Ja₁jaun₂
ca₂cho₃ Juan₅₄ jmig₂ ca₂choin₃ Jesús* Cuá₃ Jordán. ¹⁰ Jaun₂ dsi₂jui₅ jme₁ca₂'ñio₂ Jesús ne₄
jmig₂, ca₂jág₃ ca₂niá₃ dsi₄ mi₂güüg₃. Jaun₂ ca₂sión₃ Jme₂dsí₂ quián₅ Diú₄ i₂lín₅ lia'₂ lín₅ jan₂
i₁ju₂, ne₄ quió'₅. ¹¹ Jaun₂ ca₂né'₂ jág₁ a₂jás guei'₅₄ i₂juíg₃ a₂juá'₂:

—'Ne₂ bá₄ líng'₅ jón₃ quiáng₃, i₂ñí₄ lë₃ 'nióg₃ gué₄ lín₃; 'E₂ bá₄ 'ñio₂ dsi₃ quian'₅₄ 'ne₂.

Ca₂caun₃ i₂së₃dsen₃ táu₂ quió'₅ Jesús
(Mateo 4:1-11; Lucas 4:1-13)

¹² Dsi₂jui₅ jaun₂ ca₂jio₃ Jme₂dsí₂ quián₅ Diú₄ caun₂ jui₅ 'uë₃ co₂'ñiog₅. ¹³ Jaun₂ ja₁jaun₂
ca₂'í₃ tē₂láu₃ jmig₄ ia₁jaun₂ cáun₂ táu₂ i₂së₃dsen₃. Ja₁jaun₂ jme₁tion'₅₄ já'₂ tsau₂ dsí₅. La₁
ca₂o₃lén₂ ángeles ca₂jme₃'o₅₄.

Ca₂jme₃lióg₃ Jesús jme₂tiin₂₃ dsa₂ jág₁ dse₃
(Mateo 4:12-17; Lucas 4:14-15)

¹⁴ Jme₁ma₂ca₂ton'₂ dsa₂ Juan₅₄ né'₃ 'má₃, Jesús né₃ ca₂ñei₅₄ jui₅ Galilea i₁'é₄ jág₁ dse₃
quió'₅ Diú₄, ¹⁵ juá'₂ ñi₂₃:

* 1:1 A₂lín₅₄ chog₅₄ si₂ tsá₃ chi₁ton₅ “Ja₁ñi'₅₄ Diú₄.” † 1:2 Malaquías 3:1. ‡ 1:3 Isaías 40:3.
§ 1:5 lit. “ca₂tióg₃ Juan₅₄ jmig₂” * 1:9 lit. “ca₂tióg₃ Juan₅₄ ca₂tiáin₂ jmig₂ Jesús.”

—Ca₂dsin₃ jmi_g₄ a₂ja₂quián₃ a₂jme₃gón₃ Diú₄. Jaun₂ lë₃ jui₁dsi₂quén'₅ 'au'₂, jui₁le₂'én'₂ 'nia'₂ jág₁ dse₃.

Ca₂té'₃ Jesús quén₂ dsa₂ i₂jme₁tion'₅₄ tsán'₂ ju₄
(Mateo 4:18-22; Lucas 5:1-11)

¹⁶ Co₂ráun₂ ca₂ñi₅ Jesús chei'₅₄ jmi₁ñi'₄ Galilea. Ja₁jaun₂ ca₂jñin₂ Si₂mu₅₄ quiaín'₅₄ Dré₄ riin'₅₄. Jme₁tion'₅₄ táun₂ 'má₅ dsi₂jmi_g₂, ia₁ jme₁líin₄ dsa₂ i₂jmo₅ ta₁ tsán'₂ ju₄. ¹⁷ Jaun₂ ca₂juá'₂ Jesús:

—I₂no'₅ 'nia'₂, jme₁quiong'₅₄ jniá₂, jaun₂ cuë₅₄ ta₁ a₂chi₁liang'₂ dsa₂ mi₂güüg₃, jui₁lia'₂ chi₂lián'₁ 'nia'₂ ju₄.

¹⁸ Jaun₂ dsi₂jui₅ bá₄ i₃lén₂ quiong'₅₄; ja₁jaun₂ ca₂dsia₃ bá₄ tsi₁'má₅ quió'₅.

¹⁹ Me'₂ bá₄ ja₁i₃lén₂ gué₄ jme₁ca₂jñin₂ i₂chen₂ Jacobo quiaín'₅₄ Juan₅₄ riin'₅₄, ja₁ñi'₅₄ Zebedeo. Jme₁tion'₅₄ 'ñi₃' tsi₁mu₅ jmóg'₅ 'má₅ quió'₅. ²⁰ Dsi₂jui₅ ca₂té'₃ i₂'éi₂ ján₃; ca₂tén₂ bá₄ gué'₂ 'éi₂ né₃ Zebedeo jmei₂ 'ñi₃' tsi₁mu₅ quian'₅₄ mozo quiaín₅.

Jan₂ dsa₂ i₂jme₁'en₅₄ jme₂dsí₂ 'lin'₅₄ të₂dsí₅
(Lucas 4:31-37)

²¹ Jaun₂ dsi₃lén₂ juig₂ Capernaum. Caun₂ jmi_g₄ sa₅₄, ca₂'í₃ Jesús guá'₅ sinagoga. Jaun₂ ca₂jme₁lióg₃ ca₂jme₃tiin₂₃ dsa₂ jág₁ dse₃. ²² Ca₂le₃jñin₃ i₂ca₂nág₂ né₃ ca₂i₃gó'₃ dsí₅ jág₁ quió'₅, ia₁ ca₂jme₃tag₂₃ jui₁lia'₂ jë₁jme₂tag₅ jan₂ i₂'io₅ 'éi'₃, on₃jua'₅₄ rë'₂ jui₁lia'₂ jme₂tag₅ të₅juá'₅. ²³ Jë₄ jaun₂ ca₂dsióg₃ jan₂ dsa₂ i₂'en₅₄ jme₂dsí₂ 'lin'₅₄, ca₂juá'₂ guió'₅ tiá₂:

²⁴ —¿'E₂ lë₃ tián'₅ 'ne₂ Jesús Nazareno[†] jë₄ quián₂ jnia'₅₄? A₂jñia'₅₄ 'niog'₂ 'éng'₄ jnia'₅₄ bá₄ 'ne₂ ñe'₃. Guion₄ jniá₂ 'ein₂ líng'₅. 'Ne₂ líng'₅ dsa₂ jñi₃ quiaín₅ Diú₄.

²⁵ Jaun₂ ca₂jén₂ Jesús i₂'lin'₅₄ i₂'en₅₄ të₂dsí₅ dsa₂ 'éi₂, ca₂juá'₂:

—Tei₄ jmo₄. Jú₅ quió'₅ dsa₂ në₅.

²⁶ Jaun₂ ca₂jmo₃ i₂'lin'₅₄ ca₂ba₂ca₂lín'₂ dsa₂ 'éi₂ 'uë₃, ca₂guió'₃ tiá₂. Jaun₂ gué₄ o₂'íin₃ jaun₂ né₃. ²⁷ Jaun₂ ca₂le₃jñin₃ dsa₂ i₂ca₂té₂ ne₄ ca₂i₃gó'₃ dsí₅, qui₂ca₂ñi'₃ riin'₅₄, ca₂juá'₂:

—¿'E₂ bá₄ në₅? ¿'An₁ a₂në₅ bá₄juá'₅ 'mí₂? 'Io₅ 'éi'₃ i₂në₅ ca₂té₂ ne₄ quió'₅ i₂'lin'₅₄, jaun₂ 'éi₂ né₃ nag₂₃ gau₂ jág₁ quió'₅!

²⁸ Jaun₂ dsi₂jui₅ bá₄ ca₂i₃'ág₃ jág₁ quió'₅ ca₂le₂con₂ ja₁tén₄ Galilea.

Ca₂jme₃'lión₂ Jesús ma₂chog₅₄ Si₂mu₅₄
(Mateo 8:14-15; Lucas 4:38-39)

²⁹ Jaun₂ dsi₂jui₅ jme₁ca₂'uñin₂ guá'₅, ca₂ñó₃ quiaín'₅₄ Jacobo, Juan₅₄ né₃, ja₁quió'₄ Si₂mu₅₄ quian'₅₄ Dré₄. ³⁰ Ma₂chog₅₄ Si₂mu₅₄ né₃ jme₁roin₂₃ dso'₅₄, 'i₄ dséi₂. Jaun₂ dsi₂jui₅ ca₂'in₃ dsa₂ dsa₂ dso'₅₄ 'éi₂ ca₂tsí'₃ Jesús. ³¹ Jaun₂ né₃ ca₂jme₃quiaín₃ con₂ dsa₂ dso'₅₄, ca₂jñia'₃ gu₂, ca₂chó'₂ jaun₂ né₃. Jaun₂ dsi₂jui₅ bá₄ ca₂o₃'ág₃ dséi₂ dsa₂. Jaun₂ 'io₅₄ 'éi₂ né₃ ca₂jme₃lióg₃ ca₂jme₃ti₃ ta₁ ne₄ 'éi₂ tion'₅₄.

Ca₂jme₃'lión₂ Jesús juin₅ dsa₂ dso'₅₄
(Mateo 8:16-17; Lucas 4:40-41)

³² Jme₁ma₂rin₂ 'iog₂ jmi_g₄ jaun₂, ca₂o₃jñia₃ dsa₂ ne₅₄ ca₂le₃jñin₃ dsa₂ dso'₅₄, dsa₂ i₂tion'₅₄ jme₂dsí₂ je₂na'₅₄ né₃. ³³ Ca₂le₃jñin₃ dsa₂ juig₂ bá₄ ca₂ñi'₂ o₄'né₄. ³⁴ Jaun₂ Jesús né₃ ca₂jme₃'lióin₂ dsa₂ ca₂le₃jé₃ ne₅₄ dso₄ a₂jme₁líin₄. Qui₂ca₂'uñin'₂ rë'₂ juin₅ je₂na'₅₄ né₃. La₁ tsá₃ ma₃ca₂cuë₃ Jesús jmi_g₄ jua'₅₄ a₂juá'₂ gué₄ je₂na'₅₄ jág₁, ia₁ ñi₅ bá₄ je₂na'₅₄ 'ein₂ 'éi₂.

Ca₂'é₂ Jesús jág₁ dse₃ dsi₂néi₂ guá'₅ sinagogas le₂tan₅₄ juig₂ ja₁tén₄ Galilea
(Lucas 4:42-44)

³⁵ Le₁né₃ gué₄ jme₁jñia₃ jaun₂, ca₂nau₂ Jesús o₂'íin₃ 'ni'₂ juig₂, caun₂ ja₁lé₄ co₂'ñiog₅, i₁chi'₄ Diú₄. ³⁶ Jaun₂ ñó₃ Si₂mu₅₄ quiaín'₅₄ riin'₅₄ i₁'niong'₂. ³⁷ Jme₁ca₂dsáu'₂ né₃, ca₂juá'₂:

† 1:24 o₃, “i₂chan₂ Nazaret.”

—Ca₂le₃jín₃ dsa₂ i₂nioi₅₄ 'nai'₂ 'ne₂.

³⁸ La₁ Jesús né₃ ca₂ŋag₃:

—Ma₃dsau₅₄ dsi₂i₁nio₁ le₂tan₅₄ juig₂ ma₂quián₅ në₅, dsi₁'é₄ jág₁ dse₃, ia₁ ta₁ jaun₂ bá₄ guio₃ jniá₂.

³⁹ Jaun₂ le₂në₅ ca₂i₁ŋi₂ Jesús le₂tan₅₄ juig₂ tio'₅₄ ja₁tén₄ 'uë₃ Galilea, qui₂i₁'é₄ jág₁ dse₃ dsi₂néi₂ guá'₅ sinagogas le₂caun₂ juig₂. Qui₂ca₂'uüin'₂ je₂na'₅₄ tē₂dsí₅ dsa₂ né₃.

Ca₂jme₃'lión₂ Jesús dsa₂ i₂lín₅ 'mé'₅ 'iog₅

(Mateo 8:1-4; Lucas 5:12-16)

⁴⁰ Ca₂guan₃ jan₂ dsa₂ dso'₅₄ i₂lín₅ 'mé'₅ 'iog₅ coin₂. Jaun₂ ca₂chi₃jnë₃ ne₅₄, ca₂juá'₂:

—Chi₂jua'₂ 'ŋio₂ 'au'₂, ŋjia'₅₄ lia'₂ 'ne₂ bá₄ qui'₅₄ jmig₄ jmó'₂ le₁jé₃ quió₃.

⁴¹ Jaun₂ ca₂dsia₃ Jesús ŋéi₂ dsí₅ dsa₂ 'éi₂, ca₂néi'₃ gu₂ ca₂ní'₂ quió'₅, jaun₂ ca₂juá'₂:

—'ŋio₂ bá₄ dsi₃. Jui₁le₅₄ le₁jé₃ quiáng'₂.

⁴² Dsi₂jui₅ le₂jaun₂ ca₂ŋjia'₃ 'mé'₅ 'iog₅, ca₂'lón₂ dsa₂ 'éi₂. ⁴³ Jaun₂ ca₂dsióg'₂, ca₂juá'₂:

⁴⁴ —La₁ tē₃ŋi'₅₄ tsá₃ 'ein₂ i₂juig'₂ 'i₁jan₂. Ŋjia'₅₄ gua₂ o₂jme₁ŋjia₅ ne₄ jme₂dsa₂, o₂jen'₅₄ ne₄ Diú₄ o₂jmo₄ con'₂ lé₅ 'Éi'₃ quió'₅ Moisés,[‡] o₂jang'₅₄ jág₁ dsau₅ jín₄ dsa₂ juig₂ a₂ma₂'lóng'₂.

⁴⁵ La₁ dsa₂ 'éi₂ né₃ tē₂le₃ i₂jui'₂ gué₄ ca₂dsia₃ bá₄ jme₁o₂'ín₃, qui₂ca₂'é₂ jág₁ ca₂le₂con₂. 'Uig₅₄ jaun₂ tsá₃ ma₃lé₂ 'Í₂ Jesús jē₄ juig₂ tē₃ jág₅ dsa₂; jma'₃ lia'₂ ja₁co₂'ŋiog₅ bá₄ jme₁ŋjia₂₃. La₁ tion₅₄ bá₄ jme₁dsi₂lén₂ dsa₂ coin₂ i₂ja₂lén₂ ca₂le₂con₂ jaun₂.

2

Ca₂jme₃'lión₂ Jesús jan₂ dsa₂ i₂rē₂já'₃ quió'₅

(Mateo 9:1-8; Lucas 5:17-26)

¹ Cang₂ jaun₂ ca₂'í₃ táng₃ Jesús jē₄ juig₂ Capernaum. Jaun₂ ca₂rē₃ŋi₅ dsa₂ a₂ma₂dsiáin'₃.
² Jaun₂ dsi₂jui₅ bá₄ ca₂ŋi'₂ dsa₂ juin₅ lín₃, ca₂lia'₂ ŋjia'₅₄ tsá₃ ma₃tē₂ ja₁'éin'₄ dsi₂néi₂, le₂tan₅₄ o₄'né₄ né₃. Jaun₂ ca₂ton₃ jág₁ dse₃ ca₂tsí'₃ dsa₂. ³ Jaun₂ ca₂dsi₃lén₂ co₂nió'₃; jē₄ jaun₂ i₃lén₂ quén₂ le₁ŋjia₂₃ jan₂ dsa₂ i₂rē₂já'₃ quió'₅. ⁴ Ia₁ tsá₃ lé₂ ŋí₃ tē₂ dsi₂néi₂ ja₁'en₅₄ Jesús, ia₁ juin₅ dsa₂ tion₅₄, jaun₂ jui₅ co'₅₄ tsi₁'né₅ bá₄ ca₂niá₃ caun₂ tau₁, co₂dsau₅ ja₁chén'₄ Jesús. Jui₅ jaun₂ ca₂sióin₂ dsa₂ 'lian'₂ 'éi₂, dsiin₂ caun₂ tsi₁jein₁. ⁵ Jme₁ca₂rē₃lí'₄ Jesús 'a₂ lia'₂ 'én₂ dsa₂ 'éi₂, jaun₂ ca₂tsí'₃ dsa₂ 'lian'₂:

—Jón₃, ma₂rē₂'én₄ bá₄ dsáu'₂.

⁶ Jaun₂ i₂lín₅₄ tē₅juá'₅ i₂jme₁tián'₄ jē₄ jaun₂, ca₂i₃ŋiog₅ dsí₅: ⁷ “¿'E₂ lē₃ juá'₂ i₂në₅ le₂në₅? A₂'in₅ 'lig'₅₄ Diú₄ bá₄ i₂në₅. 'I₁jan₂ tsá₃ 'ein₂ lé₂ le₃'én₂ dsáu₁ dsa₂, ŋjia'₅₄ lia'₂ jan₂ Diú₄ bá₄.”

⁸ La₁ ma₂ŋi₅ bá₄ Jesús dsi₂jui₅ a₂dsi₂ŋiog₅ dsí₅ dsa₂ 'éi₂ tián'₅, jaun₂ ca₂juá'₂:

—¿'E₂ lē₃ dsi₂ŋiog₅ 'au'₂ 'nia'₂ le₂në₅? ⁹ ¿'E₂ a₂quian₅ gué₄ ta₁, a₂juig₅₄ jniá₂ dsa₂ 'lian'₂ në₅: “Ma₂rē₂'én₄ dsáu'₂”, o₃ a₂juig₅₄ 'e₂ jniá₂: “Nau₂ guan'₂ ŋi₄ quion₂ tsi₁jein₁ quiáng'₂?”

¹⁰ La₁, ia₁jaun₂ le₃ŋi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uë₃ a₂lé₂ le₃'éin₂ dsáu₁ dsa₂ —jaun₂ ca₂tsí'₃ dsa₂ 'lian'₂ 'éi₂:

¹¹ —'Ne₂ juig₂ jniá₂, nau₂ quion₂ tsi₁jein₁ quiáng'₂, guan'₂.

¹² Jaun₂ ca₂nau₂ 'éi₂, ca₂cáun₃ tsi₁jein₁ quió'₅, tē₃ jág₅ dsa₂. Jaun₂ ca₂i₃gó'₃ dsí₅ ca₂le₃jíin₃, qui₂jme₂juin'₂ Diú₄, tsí'₅ riin'₅₄:

—'I₁co₂ráun₂ tsá₃ 'ein₂ ma₂jág₃ jniog₄ le₂në₅.

Ca₂té'₃ Jesús Leví

(Mateo 9:9-13; Lucas 5:27-32)

[‡] 1:44 'Éi'₃ quió'₅ Moisés: 'Í₂ Levítico 14.

13 Con'2 siá'2 táng₃ ca₂ñó₃ Jesús chei'54 jmi₁ñí'4. Jaun₂ dsi₃lén₂ dsa₂ juin₅ ca₂ñii'2. Jaun₂ qui₂ca₂jme₃tag₅ Jesús jág₁ dse₃. 14 Jme₁ca₂ñii₅ ja₁jaun₂, ca₂jín₂ Leví* ja₁ñi'54 Alfeo, guá₅ 'éi₂ gue₂₃ 'lia'54 a₂ca₂tín₂ dsi₂tan₅₄ romano. Jaun₂ ca₂juá'2 Jesús:

—Jme₁quiong'54 jniá₂.

Jaun₂ ca₂nau₂ 'éi₂, ca₂ñó₃ quiong'54.

15 Jme₁ma₂'en₅₄ Jesús gué'5 ja₁quió'4 Leví; ja₁jaun₂ jme₁le₁ñi'2 juin₅ dsa₂ i₂cán₂ 'lia'54 quián₅ dsi₂tan₅₄ ján₃, quian'54 dsa₂ sián'2 “i₂le₁cán'4 dso₄” né₃, tián'5 co₂lë₅ gué'5 quian'54 Jesús quian'54 dsa₂ quiáin₅, ia₁ i₂juin₅ lin₃ i₂le₂'éi₂ ma₂quiain'54 ñi₂₃. 16 Jaun₂ jme₁ca₂jág₃ tē₅juá'5 quián₅ dsa₂ fariseos a₂gué'5 Jesús co₂lë₅ quian'54 dsa₂ le₂'éi₂, jaun₂ ca₂tsí'3 dsa₂ quián₅ Jesús:

—¿A₂ bá₄ lia'2 gué'5 tē₅ quián'2 'nia'2 quian'54 dsa₂ 'lin'54 i₂le₁cán'4 dso₄, quian'54 i₂cán₂ 'lia'54 quián₅ dsi₂tan₅₄ né₃? 17 Jaun₂ jme₁ca₂nág₂ Jesús jág₁ në₅, jaun₂ ca₂ñag₃:

—Tsá₃ tē₅mí₅ 'nió'5 quió'5 dsa₂ dsen₃ i₂tsá₃ le₁dso'54, ñia'54 lia'2 dsa₂ i₂le₁dso'54 bá₄ 'nió'5 tē₅mí₅ quió'5. Ia₁ tsá₃ ta₁ jaun₂ guio₃ jniá₂ a₂té₄ dsa₂ dsen₃, a₂té₄ dsa₂ i₂qui₂le₁cán'4 dso₄ bá₄ jniá₂ guio₃.

Ca₂ñí'3 dsa₂ Jesús jui₁lia'2 jág₁ a₂jme₂'in₅₄ dsa₂
(Mateo 9:14-17; Lucas 5:33-39)

18 Co₂ráu₂ dsa₂ i₂jme₁i₂nio₄ quian'54 Juan₅₄, quian'54 dsa₂ i₂tén₅ le₃quió'5 dsa₂ fariseos né₃, jme₁jme₂'iin₅₄. Jaun₂ dsi₃lén₂ i₂lin₅₄ ca₂ñii'3 Jesús:

—¿E₂ 'uig₅₄ jme₂'in₅₄ dsa₂ i₂i₂nio₄ quian'54 Juan₅₄, dsa₂ quián₅ fariseos né₃, ton'2 tsá₃ jme₂'in₅₄ gué'2 dsa₂ quián'2 'ne₂?

19 Jaun₂ ca₂ñag₃ Jesús:

—¿Lé₂ le₃jme₃'in₅₄ jui₁lia'2 dsa₂ i₂té₄ ja₁niog₅ jmi₂g₄ ja₁jen'2 gu₂ dsa₂, tē₅lia'2 quiong'54 dsa₂ ñe'2 i₂jén'2 gu₂? Ma₁ tsá₃ le₂jaun₂ jmo₅ dsa₂, tē₅lia'2 quiong'54 'éi₂. 20 La₁ jiá₃ caun₂ jmi₂g₄ a₂ñia'3 dsa₂ i₂jén'2 gu₂ 'éi₂. Jaun₂ gué₄ lé₂ le₃jme₃'in₅₄.

21 Ma₁ tsá₃ jmo₅ dsa₂ jua'54 a₂tióng₅ quian'54 'nau₅₄ 'mi'2 'mí₂ tsi₁'mi'2 gui'54, ia₁ dsáu'5 tsi₁'mi'2 'mí₂ jē₁ma₂ñi₂. Jaun₂ jué'2 gué₄ jē₁gag₂ lé₂ tsi₁'mi'2 gui'54. 22 On₃ gué₄ jmo₅ dsa₂ jua'54 a₂tia'2 vino 'mí₂ 'ñi₂ó'3 ni₁lau₂ gui'54. Ia₁ gué₃ ni₁lau₂ gui'54 quian'54 dsi₂ó'1 vino 'mí₂. Dsi₂én₂ bá₄ vino, lia'2 ni₁lau₂ né₃. Jaun₂ 'ñi₂ó'3 ni₁lau₂ 'mí₂ bá₄ 'nió'5 tia'3 dsa₂ vino 'mí₂ ia₁jaun₂ tsá₃ dsi₃'én₂.

Ca₂gág₃ dsa₂ quián₅ Jesús mí'2 trigo jmi₂g₄ sa₅₄
(Mateo 12:1-8; Lucas 6:1-5)

23 Caun₂ jmi₂g₄ sa₅₄ ca₂ñi₅ Jesús quian'54 dsa₂ quiáin₅ caun₂ ja₁nau₂ ja₁ñia₄ trigo. Dsa₂ i₂jme₁quiain'54 né₃ ca₂jme₃lióg₃ qui₂ca₂gág₃ mí'2 trigo jme₁ca₂ñii₅ ja₁jaun₂. 24 Jaun₂ né₃, ca₂juá'2 dsa₂ fariseos:

—¿E₂ lē₃ jmo₅ dsa₂ i₂quiang'54 ta₁ a₂tsá₃ 'i₄ 'éi'3 jmo₃ jmi₂g₄ sa₅₄?

25 Jaun₂ ca₂ñag₃ Jesús:

—¿Tsa₁ ma₂'í'2 'nia'2 'i₁cón'2 a₂ca₂jmo₃ David ma₂líg'2 quian'54 riin'54 lia'2 con'2 jme₁ca₂rē₃'ín₂ quió'5, a₂ca₂lë₃ i₁cón'5?† 26 Ca₂'í₃ David dsi₂néi₂ quió'5 Diú₄, lia'2 con'2 jme₁lín₄ Abiatar juig₅₄ jme₂dsa₂. Ca₂gué'3 i₁ñí'4 ñi₂ó₅ a₂'i₄ 'éi'3 a₂gué'5 jma'3 jme₂dsa₂. Jaun₂ ca₂cué'3 dsa₂ i₂jme₁quiain'54 né₃.

27 Ján₃ bá₄ ca₂juá'2 Jesús ca₂tsí'3 dsa₂:

—O₄quió'4 dsa₂ mi₂güig₃ bá₄ ca₂lë₃ jmi₂g₄ sa₅₄, on₃jua'54 rē'2 o₄quió'4 jmi₂g₄ sa₅₄ ca₂jmo'2 Diú₄ dsa₂ mi₂güig₃. 28 Jaun₂ lē₃, Jaun₅ dsa₂ mi₂güig₃ bá₄ i₂'io₅ 'éi'3 ne₄ quió'5 jmi₂g₄ sa₅₄.

* 2:14 Leví₂té'2 Mateo ján₃. † 2:25 'Nio'2 ja₁ton₅ 1 Samuel 21:6.

3

Jan₂ dsa₂ i₂'lia'₂ caun₂ mi₂gu₂

(Mateo 12:9-14; Lucas 6:6-11)

¹ Con₂ siá'₂ táng₃ ca₂'í₃ Jesús guá'₅ sinagoga. Ja₁jaun₂ jme₁'en₅₄ jan₂ dsa₂ i₂'lia'₂ caun₂ mi₂gu₂. ² Jaun₂ ca₂tiog₃ dsa₂ ca₂tiain₃ Jesús, o₁ne₄ chi₂jua'₂ jme₃'lióin₂ dsa₂ 'éi₂, tē₃ jmi_g₄ sa₅₄, ia₁jaun₂ chain₂ bí₂ a₂bóin'₂ dso₄ Jesús. ³ Jaun₂ ca₂tsí'₃ Jesús dsa₂ i₂'lia'₂ mi₂gu₂:

—ŋia₅, dsi₂jo₂ la₂ nau₂.

⁴ Jaun₂ ca₂ŋag₃ Jesús ca₂ŋí'₃ dsa₂ i₂tion'₅₄ jág₅:

—Jui₁lia'₂ jmi_g₄ sa₅₄, ¿'e₂ 'i₄ 'éi'₃ jmo₃ dsa₂? ¿A₁dse₃, o₃ a₂'lig'₅₄ 'e₂? ¿A₂lión₂ dsa₂ jme₂dsí₂ riin'₅₄, o₃ a₂ŋí'₃ dsa₂ riin'₅₄ 'e₂?

Jaun₂ ŋia'₅₄ lē₁tión₂ tei₄ le₂jaun₂ bá₄ dsa₂. ⁵ Jaun₂ 'ne₂ Jesús ca₂jíin₂ dsa₂ i₂tion'₅₄, co₂'na₂ guē'₂ qui'₂ dsí₅, ia₁ a₂ŋí'₄ lē₃ tsá₃ ŋí'₂ dsí₅ dsa₂. Jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃ 'éi₂ gu₂; ca₂lág₃ bá₄ jaun₂ né₃. ⁶ Dsi₂jui₅ le₂jaun₂ ca₂'uín₂ dsa₂ fariseos ca₂i₁jmo₅₄ jág₁ quian'₅₄ dsa₂ quián₅ Herodes a₂ŋí'₃ Jesús.

Jui₅ dsa₂ tion'₅₄ chei'₅₄ jmi_g₂

⁷ Jaun₂ ca₂ŋó₃ táng₃ Jesús jui₅ chei'₅₄ jmi₁ŋí'₄ quian'₅₄ dsa₂ i₂quian'₅₄. Jaun₂ jui₅ lin₃ dsa₂ chan₂ Galilea ca₂jme₃quiong'₅₄ né₃. ⁸ Jme₁ca₂rē₃ŋi₅ dsa₂ ca₂le₃jé₃ 'e₂ a₂niog₅ lé₂ a₂jmo₅ Jesús, ca₂o₃lén₂ jui₅ lin₃ dsa₂ chan₂ Judea, dsa₂ chan₂ Jerusalén, dsa₂ chan₂ Idumea, dsa₂ chan₂ le₂'ŋo'₅₄ Cuá₃ Jordán, dsa₂ chan₂ Tiro, dsa₂ chan₂ Sidón né₃, a₂ca₂o₃jíin₅₄ Jesús. ⁹ Jaun₂ ca₂tsí'₃ Jesús dsa₂ quián₅, a₂jmo₃ co₂ŋia₅₄ caun₂ tsi₁mu₅, ia₁ con₂ tsá₃ ŋó₅ nē₁jua'₂ ca₂quíin'₃ jin₄ dsa₂. ¹⁰ Ia₁ jui₅ lin₃ dsa₂ dso'₅₄ ma₂ca₂jme₃'lióin₂ le₂ŋiá₅. Jaun₂ né₃, ca₂le₃jín₃ dsa₂ dso'₅₄ tióin'₅₄ co₂'liain'₂ riin'₅₄ ca₂lia'₂ qui₂co₂dsi_{in}₅₄ Jesús, ia₁ a₂'nio₃ qui₃ní'₃ quió'₅. ¹¹ Jme₁ca₂jág₂ jme₂dsí₂ 'lin'₅₄ i₂tion'₅₄ tē₂dsí₅ dsa₂, jaun₂ ca₂chi₃ŋé₃, tióin'₅₄ co₂mi'₅₄, juá'₂:

—j'Ne₂ líng'₅ Ja₁ŋi'₅₄ Diú₄!

¹² Jaun₂ lē₃ ca₂jmo₃ Jesús 'éi'₃ a₂tsá₃ jme₃jniog₂₃.

Ca₂quión'₂ Jesús chi'₂ dsi₂guia₃-tín₂

(Mateo 10:1-4; Lucas 6:12-16)

¹³ Cang₂ jaun₂ ca₂i₃lén₂ caun₂ ja₁lé₄ dsi₂con'₂. Ja₁jaun₂ ca₂quión'₂ Jesús dsa₂ i₂'nioi₃ jme₃quiong'₅₄. Jaun₂ ca₂o₃lén₂ 'éi₂ ja₁chéin'₄. ¹⁴ Jaun₂ ca₂'iin₃ guia₃-tín₂ dsa₂ 'éi₂, ia₁jaun₂ jme₃quiong'₅₄ ton'₂ ia₁jaun₂ chei₃ a₂dsi₃lén₂ 'éi₂ a₂qui₂dsi₃'é₃ jág₁, ¹⁵ ia₁jaun₂ 'io₃ 'éi₂ bí₂ ján₃* a₂le₃'uín'₂ je₂na'₅₄ dsí₅ dsa₂. ¹⁶ I₂la₂ bá₄ dsa₂ i₂guia₃-tín₂ i₂ca₂'in₃ Jesús: Si₂mu₅₄ i₂té'₂ Jesús Pe₄; ¹⁷ Le₂on₃ ja₁ŋi'₅₄ Zebedeo: Jacobo quian'₅₄ Juan₅₄, i₂ca₂té'₃ Jesús Boanerges, co₂'nió'₄ a₂juá'₂, jaun₅ ŋí'₃; ¹⁸ Dré₄, Fe₂li₄, Bartolomé, Tē₅₄, To₁má₄ né₃; Jacobo ja₁ŋi'₅₄ Alfeo. Tadeo, Si₂mu₅₄ i₂lín₅ cananista;† ¹⁹ Judas Iscariote né₃, dsa₂ i₂ca₂jín'₂ Jesús.

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Mateo 12:22-32; Lucas 11:14-23; 12:10)

Jaun₂ ca₂dsián'₃ Jesús jme₁ca₂dsián'₃ caun₂ dsi₂néi₂. ²⁰ Con₂ guē'₂ siá'₂, ca₂ŋí'₂ táng₃ dsa₂ jui₅ lin₃, ŋia'₅₄ tsá₃ jii₅₄ gué'₃ quian'₅₄ chi'₂ dsi₂guia₃-tín₂. ²¹ Jme₁ca₂rē₃ŋi₅ o₁riin'₅₄, jaun₂ ca₂o₃lén₂ a₂jme₁tsáun'₂ tē₂, ia₁ 'ei₅ jág₁ a₂lē₁ma₂tē₂'i₂₃ ŋi₂₃.

²² Ján₃ bá₄ le₂jaun₂ tē₅juá'₅ i₂ja₂lén₂ Jerusalén, ca₂juá'₂:

—Quian₅ dsa₂ nē₅ Be'elzebú, i₂lín₅ jui_g₅₄ je₂na'₅₄. A₂jaun₂ bá₄ qui'₅₄ jmi_g₄ 'uín'₂ je₂na'₅₄ tion'₅₄ dsí₅ dsa₂.

* 3:15 A₂lin₅₄ chog₅₄ si₂juá'₂ ján₃: “a₂jme₃'lióin₂ dsa₂ dso'₅₄.” † 3:18 cananista: partido quió'₅ dsa₂ i₂'nio₃ táun₂ 'uē₃ 'éi'₃ quió'₅ Roma. Jma₃quén₅ ca₂quoin₃ le₃on₃ Si₂mu₅₄ 'éi₂, ia₁ ŋí'₄ lē₃ mei'₂ tsá₃ ca₂ne₅₄ a₂chein₂.

²³ Jaun₂ lë₃ ca₂té'₃ Jesús tē₅juá'₅ 'éi₂, jaun₂ ca₂juá'₂ tē₂le₃ quian'₅₄ jág₁ a₂jáng'₅ léi₄:
—¿'A₂ lia'₂ le₃lé₂ jua'₅₄ jmo₃ Satanás a₂dsein₂₃ 'ñiog₅ quió'₅ dsa₂? ²⁴ Nē₁jua'₂ co₂nió'₃ dsi₂tan₅₄ ca₂nió'₃ mi'₅₄ quia₂in'₅₄ riin'₅₄, dsi₂tan₅₄ 'éi₂ tsá₃ ué₂ lé₂ le₃tóin'₃. ²⁵ Nē₁jua'₂ dsa₂ dsi₂néi₂ tío₂in'₅₄ mi'₅₄ quí₂in'₂, já₃n₃ bá₄ le₂jaun₂ tsá₃ ué₂ tió'₅. ²⁶ Nē₁jua'₂ ca₂dsia₃ Satanás 'nei₂ a₂jmo₃ le₁dsoin'₅₄ 'ñiog₅, já₃n₃ bá₄ le₂jaun₂ tsá₃ ué₂ 'oin₅₄ bí₂ quió'₅; ja₁jaun₂ ca₂dsan₃ bá₄ quió'₅ nē₁jua'₂ le₂jaun₂.

²⁷ 'I₁jan₂ tsá₃ 'ein₂ lé₂ le₃'í₂ tion₅₄ dsi₂néi₂ quió'₅ jui₁lia'₂ jan₂ dsa₂ 'uan'₂, jua'₅₄ a₂jñiá'₂ dsa₂ a₂te₁'i₁ quió'₅, jñia'₅₄ lia'₂ a₂'nei'₂ bá₄ de'₂ jñiá'₅ dsa₂. Jaun₂ bá₄ lé₂ le₃jñia'₃ a₂cha₂ quió'₅.

²⁸ 'A₂dsi₂jó'₃ juá'₅ jniá₂, a₂lé₂ le₃'én₂ ca₂le₃jé₃ bá₄ dsáu₁ dsa₂, ca₂le₃jé₃ 'e₂ a₂'lig'₅₄ juá'₂ né₃. ²⁹ La₁ nē₁jua'₂ ca₂juá'₂ 'lig'₅₄ 'iin₂₃ Jme₂dsi₂ Jñi₂ó₅, tsá₃ ma₃a₁jaun₂ lé₂ le₃'én₂ dsáu₁. A₂rē₂cáin'₄ ca₂le₃jé₃ jmi₂g₄ chain₂ bá₄ jaun₂.

³⁰ Le₂nē₅ ca₂juá'₂ ia₁ dsia₅ dsa₂ 'ag₂₃ 'ein₅₄ jme₂dsi₂ 'lin'₅₄.

*Chi'*₂ rin'₅₄ Jesús quian'₅₄ chog₅₄

(Mateo 12:46-50; Lucas 8:19-21)

³¹ Jaun₂ ca₂dsi₃lén₂ chi'₂ rin'₅₄ Jesús, quian'₅₄ chog₅₄ né₃, La₁ ca₁'né₄ bá₄ ca₂tóin'₂. Jaun₂ ca₂chein₃ jág₁ a₂té'₂ Jesús. ³² Jaun₂ ca₂juá'₂ dsa₂ i₂jme₁tián'₄ cau₅ quió'₅ Jesús:

—Chog'₂ quian'₅₄ chi'₂ ríng'₂, nē₅ tián'₅ ca₁'né₄, a₂'nai'₂ 'ne₂.

³³ Jaun₂ ca₂ñag₃:

—¿'Ein₂ 'éi₂ lín₅ cha₃ jniá₂, rín'₃ jniá₂ né₃?

³⁴ Jaun₂ ca₂jñin₂ dsa₂ i₂tián'₅ cau₅ quió'₅, jaun₂ ca₂juá'₂:

—Jag₄! I₂la₂ bá₄ lín₅ cha₃, ríng'₃ né₃. ³⁵ Ia₁ jui₁'ein₂ gué₃ i₂jmo₅ a₂'ñio₂ dsí₅ Diú₄, i₂'éi₂ bá₄ lín₅ jui₁lia'₂ ríng'₃, cha₃ né₃.

4

Jág₁ jáng'₅ léi₄ jui₁lia'₂ dsa₂ i₂séi₂ míg₂ jon₂

(Mateo 13:1-9; Lucas 8:4-8)

¹ Con'₂ siá'₂ táng₃, co₂ráun₂ ca₂jme₃lióg₃ Jesús ca₂jme₃tiin₂₃ dsa₂ chei'₅₄ jmi₁ñí'₄. Ia₁ jui₁n₅ lín₃ dsa₂ ca₂lë₃ né₃ ca₂ñi'₂ ja₁chéin'₄, jaun₂ ca₂'í₃ 'ñi₂ó₃ tsi₁mu₅ 'ei₅ chei'₅₄ jmi₂g₂; jaun₂ ja₁jaun₂ ca₂guá₂. Dsa₂ gué'₂ né₃ ca₂tóin'₂ chei'₅₄ jmi₂g₂. ² 'Lióng₂ jág₁ dse₃ ca₂jme₃tag₂₃ tē₂le₃ quian'₅₄ jág₁ a₂jáng'₅ léi₄. Jē₄ juá'₅ quió'₅ a₂jme₂tag₂₃, ca₂juá'₂:

³ —Nei₂ 'nia'₂: Jan₂ dsa₂ ca₂ñe₄ ja₁nau₂ ca₂i₁séi₄ míg₂ jon₂. ⁴ Jme₁ma₂'ein₅₄ séi₂ né₃, a₂lín₅₄ míg₂ jon₂ i₂ga'₅₄ le₂'i₄ jui₅. I₁tan₅ bá₄ ca₂dsi₃lén₂ ca₂cág'₃ a₂jaun₂. ⁵ A₂lín₅₄ gué'₂ míg₂ jon₂ táng₃, ca₂i₃to'₅₄ jē₄ ni₁cang₁, ja₁tsá₃ gua'₅₄ lín₄ cha₂. A₂jaun₂ né₃ tsá₃ ué₂ ca₂rē₃'ag₄, ca₂'ia₂, ia₁ tsá₃ jñi'₂ gua'₅₄ ja₁i₃to'₅₄. ⁶ La₁ jme₁ca₂jñi₂ó₃ 'iog₂ né₃, ca₂rē₃juing₅ ca₂rē₃quéin₃ bá₄, ia₁ tsá₃ jmú₄ 'lióng₂ jme₁cha₂. ⁷ A₂lín₅₄ gué'₂ ca₂séi'₂ ja₁lé₄ ni₁taun₅. Jme₁ca₂i₃cón₃ ni₁taun₅ né₃, ca₂jlē₃ bá₄ a₂jaun₂, tsá₃ 'e₂ ca₂rau₂. ⁸ La₁ a₂lín₅₄ gué'₂ né₃ ca₂tín₂ ja₁dse₃ 'uē₃. A₂jaun₂ ca₂rau₂ bá₄ dse₃. A₂lín₅₄ ca₂'ág₂ jma₃gui₂óg₂-guiá₂ míg₂, lia'₂ ca₂míg₂ jon₂. A₂lín₅₄ gué'₂ jma₃'nag'₂ ne₂gui₂óg₂ míg₂; a₂lín₅₄ gué'₂ jma₃caun₂ 'ñiá₂-láu₂ míg₂.

⁹ Jaun₂ né₃, ca₂juá'₂ Jesús:

—Ca₂le₃jñin'₃ 'nia'₂ i₂le₁dsi₅₄ rē₂gua₄, rē₂ nei₂ 'nia'₂.

Ta₁ qui'₅ jág₁ a₂jáng'₅ léi₄

(Mateo 13:10-17; Lucas 8:9-10)

¹⁰ Jme₁ma₂i₂len₃ dsa₂, jme₁ma₂tē₁'ñiá₄ quia₂in'₅₄ chi'₂ dsi₂guia₃-tín₂, quia₂in'₅₄ i₂lín₅₄ gué'₄ dsa₂ sián'₂, jaun₂ ca₂ñag₃ 'éi₂ 'e₂ jág₁ dsau₅ jáng'₅ jág₁ jaun₂. ¹¹ Jaun₂ ca₂juá'₂ Jesús:

—Diú₄ bá₄ jmo₅ a₂rë₂ŋí'₂ 'au'₂ 'nia'₂ jág₁ a₂rë₂'ma₄ 'a₂ lia'₂ lé₅ ja₁goin₂, la₁ dsa₂ i₂tsá₃ i₂nio₄ quian'₅₄ jniá₂ né₃, 'nió'₅ juá'₂ dsa₂ tē₂le₃ quian'₅₄ jág₁ a₂jáng'₅ léi₄:

¹² ia₁jaun₂ i₂nē₂jág₃,
la₁ tsá₃ ca₂rë₃lí'₄ 'e₂ nē₂jág₃.

i₂nē₂néi₂ né₃,
la₁ tsá₃ ca₂rë₃lí'₄ 'e₂ nē₂néi₂,
on₃ guë'₂ ca₂ŋí'₂;

con'₂ tsá₃ ŋó₅ nē₁ca₂jéin'₃ dsí₅,
ia₁jaun₂ jme₁'lioin₁₂ jniá₂.*

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ míg₂ jon₂
(Mateo 13:18-23; Lucas 8:11-15)

¹³ Ca₂juá'₂ ján₃:

—¿Tsa₁ ŋí'₂ 'nia'₂ jág₁ a₂jáng'₅ léi₄ nē₅? ¿'A₂ bá₄ guë'₂ lé₂ le₃ŋí'₂ 'nia'₂ jui₁lia'₂ jág₁ a₂jáng'₅ léi₄ siá'₂? ¹⁴ Jui₁lia'₂ lín₅ dsa₂ i₂séi₂ míg₂ jon₂, le₂jaun₂ bá₄ lín₅ jui₁lia'₂ dsa₂ i₂'é₂ jág₁ dse₃ quió'₅ Diú₄. ¹⁵ I₂lín₅₄ dsa₂ lín₅ jui₁lia'₂ míg₂ jon₂ a₂i₃ga'₅₄ le₂'i₄ jui₅. Nag₂₃ jág₁ dse₃, la₁ dsi₂jui₅ jaun₂ ja₂ Satanás jniá'₂ jág₁ a₂ma₂jnia₄ tē₂dsí₅ dsa₂. ¹⁶ I₂lín₅₄ guë'₂ dsa₂ lín₅ jui₁lia'₂ lé₅ míg₂ jon₂ a₂i₃ga'₅₄ jē₄ ni₁cang₁. Nag₂₃, gue₂₃ jág₁ a₂'ŋio₂ dsí₅. ¹⁷ La₁ia₁ tsá₃ ué₂ tió'₅, ia₁ tsá₃ lín₄ jmú₄ cha₂ jua'₅₄ a₂chan'₂ tiá₂ jág₁. Jaun₂ jē₁ma₂ca₂can₃ o₂i₁ dsi₅, a₂co₂'ein₅ dsa₂ 'uig₅₄ jág₁ dse₃, dsi₂jui₅ bá₄ tí₂ táng₃ jág₁. ¹⁸ I₂sián'₂ guë'₂ né₃ lín₅ co₂'nió'₄ míg₂ jon₂ a₂i₃ga'₅₄ jē₄ ni₁taun₅. Nag₂₃ jág₁ dse₃, ¹⁹ la₁ 'ŋio₅ gué₄ 'i₅ dsí₅ o₂me'₅₄ dsi₅ a₂cha₂ mi₂güüg₃ la₂; ne₄ 'uig₅₄ ia₁ a₂'ín₅ dsí₅ jui₅ ja₁le₃cha₂ cu₄, ja₁nē₅ bá₄ ja₁rē₂gain₂ táng₃; tsá₃ caun₂ a₂'ín₅ dsí₅. Ca₂le₃jé₃ a₂jaun₂ né₃ jmo₅ jlē₅ jág₁ dse₃, tsá₃ ma₃cuë₂₃ jmig₄ a₂ráu₃. ²⁰ La₁ i₂lín₅₄ gué₄ né₃ nag₂₃, gue₂₃ bá₄ jág₁, chan'₂ tiá₂. Lín₅ jui₁lia'₂ lé₅ míg₂ jon₂ a₂i₃ga'₅₄ ja₁dse₃ gua'₅₄. 'Lióng₂ rau₂. I₂lín₅₄ guë'₂ lín₅ co₂'nió'₄ míg₂ a₂qui₂ca₂'ág₂ guióg₂-guiá₂; i₂lín₅₄ guë'₂ co₂'nió'₄ a₂qui₂ca₂'ág₂ 'nag'₂ ne₂guióg₂, o₃ caun₂ 'ŋiá₂-láu₂ míg₂ lia'₂ ca₂mí₂g₂ mí₂g₂ jon₂ a₂i₃jnia₄.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂
(Lucas 8:16-18)

²¹ Jaun₂ ca₂juá'₂ táng₃ Jesús:

—Nē₁jua'₂ quian₅ dsa₂ caun₂ ni₁tsí₅ a₂guí'₂ si₂, ¿'a₂ chi'₃? ¿né'₃ tsi₁mi'₂, o₃ né'₃ tsi₁cama? Jan₂'ón₄. A₂'ag₅ guei'₅₄ bá₄ dsa₂ si₂. ²² Ia₁ 'i₁caun₂ cosa tsá₃ cha₂ jua'₅₄ a₂lín₂ dsa₂ rē₂'ma₄, a₂tsá₃ le₃jniá₂; tion₅₄ bá₄ rē₂jniá₂. Ján₃ guë'₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ŋi₅; tion₅₄ bá₄ rē₂ŋi₅ dsa₂. ²³ Chi₂jua'₂ 'ein₂ dsi₅₄ rē₂gua₄, jui₁nei₅₄ rē₂.

²⁴ Con'₂ siá'₂ táng₃ ca₂juá'₂ Jesús:

—Tion'₂ 'nia'₂ jui₅ 'e₂ a₂nag'₂. Quian'₅₄ 'éi'₃ a₂cau'₂ 'nia'₂ guiong'₅₄, 'éi'₃ jaun₂ bá₄ quióg₃ Diú₄ quián'₂ 'nia'₂ ján₃, ŋjia'₅₄ tē₂le₃ lé₅ gué₄. ²⁵ Ia₁ jui₁lia'₂ dsa₂ i₂'ŋio₂ dsí₅ le₃ŋí'₂, Diú₄ bá₄ jmo₃ le₃ŋí'₂ gué₄ dse₃. La₁ i₂tsá₃ 'nio₃ le₃ŋí'₂ né₃, Diú₄ bá₄ jmo₃ a₂tsá₃ ma₃le₃ŋí'₂ co₂ŋei'₅₄.†

Jág₁ jáng'₅ léi₄ jui₁lia'₂ 'a₂ lia'₂ 'ia₂ míg₂ jon₂

²⁶ Jaun₂ ca₂juá'₂ Jesús:

—Le₂jaun₂ bá₄ lé₅ ja₁gon₂ Diú₄, jui₁lia'₂ lé₅ quian'₅₄ dsa₂ i₂jne₅ 'e₂ jne₂₃. ²⁷ Jē₁ma₂ca₂'ia₂, qui₂dsi₂cón₃ a₂jaun₂. La₁ jui₁lia'₂ dsa₂ i₂jne₅ 'éi₂ né₃, o₁ŋjia'₅₄ a₂'uē₂-jmi₂ güiin₂, nau₂ né₃, la₁ tsá₃ jaun₂ ŋi₅ 'a₂ lia'₂ lé₂ a₂dsi₂cón₃. ²⁸ 'Uë₃ bá₄ lia'₂ lé₅, jaun₂ bá₄ rau₂. Le₂'uig₅₄, tag₄ de'₂

* 4:12 Isaías 6:9-10. † 4:25 lit. "Ia₁ jui₁lia'₂ dsa₂ i₂cha₂ quió'₅, ŋei₂; la₁ i₂tsá₃ cha₂ quió'₅ né₃, le₂jio₅ a₂cha₂ quió'₅, ŋjia'₃."

jñiá₅ 'ia₂; ñó₅ jaun₂ 'ia₂ ni₁la₁, lé₂ ni₁guein₂. ñó₅ jaun₂ lé₂ ni₁cui₂ lá₅ né₃. ²⁹ Jë₁ma₂ca₂ron₂, jaun₂ gué₄ dsi₂'aun₂ dsa₂; ia₁ ca₂té₂ jmi₂g₄ a₂ca₂rau₂. ‡

Jág₁ jáng₅ léi₄ jui₁lia₂ míg₂ jon₂ quió₅ ni₁'ma₂ mostaza
(Mateo 13:31-32; Lucas 13:18-19)

³⁰ Con₂ siá₂ táng₃ ca₂juá₂ Jesús.

—¿A₂ lia₂ lé₅ ja₁gon₂ Diú₄, o₃ 'e₂ quian₅ lé₂ le₃quin₃? ³¹ Lé₅ jui₁lia₂ lé₅ míg₂ ni₁'ma₂ mostaza. § Míg₂ jon₂ jaun₂ lé₅ a₂pí₁ gué₄ 'ñio₅ lin₃, lia₂ con₂ gué₄ ca₂le₃jé₃ jon₂ a₂jne₅ dsa₂. ³² Jë₁ma₂ca₂i₃jnia₄ né₃, dsi₂cón₃ dsiog₅ lé₂ caun₂ ni₁'ma₂ pa₁, ca₂lia₂ qui₂rë₂já₂ ni₁gu₂ quió₅. Jaun₂ tian₅ i₁tan₅ ja₁lé₄ 'en₂ quió₅.

Ta₁ a₂quí₅ jág₁ a₂jáng₅ léi₄ a₂ca₂jme₃tag₅ Jesús
(Mateo 13:34-35)

³³ Ca₂jme₃tin₅ Jesús dsa₂ jág₁ dse₃ të₂le₃ quian₅ 'lióng₂ jág₁ a₂jáng₅ léi₄ le₂në₅. ³⁴ 'I₁caun₂ jág₁ tsá₃ jme₁cuë₂₃ jua₅ tsá₃ të₂le₃ quian₅ jág₁ a₂jáng₅ léi₄. La₁ jë₁ma₂të₁ 'ñiá₄ con₂ guoin₅ quiain₅ chi₂ dsi₂guia₃-tín₂ quiáin₅, jme₁juá₂ lia₂ rë₂jíá₃ jág₁.

Ca₂jmo₃ Jesús ca₂'ág₂ tei₄ jmi₁ñí₄, ca₂jñia₃ dsí₂ né₃
(Mateo 8:23-27; Lucas 8:22-25)

³⁵ Le₃ca₂nei₂ jmi₂g₄ jaun₂ ca₂tsí₃ chi₂ dsi₂guia₃-tín₂ quiáin₅:

—Ma₃ le₃'ño₅ jmi₁ñí₄ le₃ó₃.

³⁶ Tion₅ jaun₂ dsa₂ chei₅ jmi₁ñí₄, ca₂ño₃ Jesús ca₂jiog₃ chi₂ dsi₂guia₃-tín₂ 'ñio₃ tsi₁mu₅ ja₁jme₁'ein₅ táun₂ jág₁. Ján₃ bá₄ i₂lé₂ gué₄ tsi₁mu₅ siá₂ quiong₅, tion₅ dsa₂. ³⁷ Jme₁co₂lág₂ jaun₂ ca₂'ág₂ dsí₂ tiá₂ lin₃, jaun₂ qui₂ca₂jná₃ jmi₂g₂ 'ñio₅ lin₃ ca₂lia₂ ca₂i₃'a₄ jmi₂g₂ 'ñio₃ tsi₁mu₅, jñia₅ mei₂ tsá₃ ca₂can₂. ³⁸ Jme₁rë₂güín₃ bá₄ Jesús ñó₃ le₃chi₁co₅ rë₂dsin₅ 'mi₂ dsi₅. Jaun₂ ca₂ñei₃ dsa₂, ca₂juá₂:

—¡Të₅! ¿Tsa₁ dsan₂ 'au₂ jua₂ dsi₃'éin₂ jnia₅ ja₁lá₃?

³⁹ Ca₂nau₂ Jesús jaun₂ né₃, ca₂jéin₂ dsí₂, ca₂jéin₂ jmi₁ñí₄ né₃, ca₂juá₂:

—¡Jme₁'ua₅! ¡Tei₄ jmo₄!

Jaun₂ dsi₂jui₅ jaun₂ bá₄ ca₂'ág₂ táng₃ tei₄ jmi₁ñí₄, dsí₂ né₃ ca₂jñia₃. ⁴⁰ Jaun₂ ca₂juá₂ Jesús ca₂tsí₃ chi₂ dsi₂guia₃-tín₂ quiáin₅:

—¿E₂ lë₃ ñí₄ 'ñio₅ gan₃ 'nia₂? ¿A₂ bá₄ lia₂ ñí₄ tsá₃ rë₂'én₂ 'nia₂?

⁴¹ Jaun₂ i₃gó₃ dsí₅ 'ñio₅ lin₃, qui₂ca₂tsí₃ riin₅:

—¿Ein₂ bá₄ lín₅ i₂në₅ ca₂të₂ jmi₁ñí₄, ca₂të₂ dsí₂ né₃ qui₂nag₅ gau₂ jág₁ quió₅?

5

Jan₂ dsa₂ i₂'en₅ jme₂dsí₂ 'lin₅
(Mateo 8:28-34; Lucas 8:26-39)

¹ Jaun₂ dsi₃léin₂ jme₁dsi₃léin₂ 'ño₅ jmi₁ñí₄, go₄ dsa₂ Gadarenos.* ² Jaun₂ dsi₂jui₅ jme₁ca₂o₃'ín₃ Jesús 'ñio₃ tsi₁mu₅, dsióg₃ jan₂ dsa₂ i₂o₂'ín₃ ja₁le₁'on₅ 'lag₄, dsa₂ i₂'en₅ jme₂dsí₂ 'lin₅ dsí₅. ³ Jme₁guá₄ dsa₂ 'éi₂ jë₄ tau₂ 'ñio₅; jaun₂ tsá₃ ma₃'ein₂ jme₁quí₅ jmi₂g₄ tió₅ 'nei₂ quian₅ ñí₁ cadena, ⁴ ia₁ 'lióng₂ ráun₂ jme₁ma₂'nei₂ dsa₂ le₂jñiá₅, jme₁ma₂tó₂ dsa₂ cadena mi₂tag₅, mi₂gu₂ né₃. La₁ jë₂ bá₄ jñia₅ ma₂gág₃; ma₂juiin₃ ni₁ñí₁ jme₁chi₁quí₅ mi₂tag₅ né₃. Jaun₂ 'i₁jan₂ tsá₃ ma₃'ein₂ jme₁tio₃. ⁵ Jaun₂ né₃, jme₁i₂ñi₅ lia₂ 'uë₂-jmi₂ dsi₂guio₂ ja₁le₁'on₅ 'lag₄ lia₂ jui₅ má₂ né₃, qui₂jmaí₂ uig₅ 'ñiog₅ qui₂uing₂ quió₅ quian₅

‡ 4:29 lit. “Uë₃ bá₄ lia₂ lé₅, jaun₂ bá₄ rau₂. Le₂'uig₅, tag₄ de₂ jñiá₅ 'ia₂; ñó₅ jaun₂ 'ia₂ mí₂. ñó₅ jaun₂ tó₅ míg₂ mí₂ trigo. Jë₁ma₂ca₂ron₂, jaun₂ gué₄ dsi₂cag₅ dsa₂ quian₅ ñí₁ hoz; ca₂té₂ jmi₂g₄ a₂ca₂rau₂.” § 4:31 mostaza: On₃juá₅ mi₂jáng₅ a₂cuí₅ dsa₂ go₄ jniog₄; caun₂ ni₁'ma₂ dsón₂ jaun₂ a₂té₂ të₅sí₃ Brassica nigra. * 5:1 A₂lin₅ chog₅ si₂juá₂: “uë₃ Gerasa.”

nĩ₁cang₁. ⁶La₁jme₁ca₂jĩin₂Jesús já₅ uing₂, ŋó₃jaun₂ né₃ co₂chi₅₄ le₃ne₄ja₁ŋó₄Jesús, jaun₂ca₂chi₃jnë₃. ⁷Jaun₂ca₂l'í₃co₂mi₅₄ca₂juá₂:

—¿'E₂lě₃tián₅'ne₂jě₄quió₃jniá₂, 'ne₂Jesús Ja₁ŋi₅₄Diú₄juin₂? Ca₂Diú₄, jnag₅₄, mi₅jniá₂ne₅₄tsá₃lě₁é₅uig₅.

⁸Ca₂juá₂le₂ně₅, ia₁jme₁ma₂ně₂chí₃Jesús jme₂dsí₂'lin₅₄, ca₂juá₂: “jJús quió₅dsa₂ně₅, 'ne₂jme₂dsí₂'lin₅₄!”

⁹Jaun₂ca₂ŋag₃Jesús:

—¿'A₂lia₂cheng₂?

Jaun₂ca₂ŋag₃:

—Jui₅†bá₄cheng₂, ia₁a₂juag₅jnia₅₄lě₂.

¹⁰Jaun₂ca₂mi₃tion₅₄-jan₃ne₄Jesús a₂tsá₃chein₂jme₂dsí₂'lin₅₄ja₁siá₂. ¹¹Ia₁jme₁tion₅₄juin₅i₁ŋí₅, gué₅quían₅'uig₅₄má₂, ¹²jaun₂qui₂ca₂mi₃i₂'lin₅₄ne₄Jesús, ca₂juá₂:

—Chei₅jnia₅₄ja₁tion₅₄i₁ŋí₅, jaun₂dsi₂tió₄jnia₅₄quió₅'éi₂.

¹³Jaun₂ca₂cuě₃bá₄Jesús jmig₄. Jaun₂ca₂'uiin₂ca₂i₃lén₂i₃toin₅₄quió₅i₁ŋí₅. Jme₁lě₂con₂tin₃mei₅i₁ŋí₅jme₁tion₅₄. Ca₂le₃jín₃'éi₂ca₂i₁noi₁₂co₂chi₅₄cuing₂₃ca₂sein₃siá₅i₃toin₅₄jmi₁ŋí₄, ca₂dsain₃.

¹⁴Jaun₂ca₂i₃len₃dsa₂i₂jme₁jmo₅'í₁cuing₂₃ca₂i₁chi₄dsa₂jě₄juig₂, quian₅₄i₂tion₅₄ja₁nau₂né₃. Jaun₂i₃lén₂dsa₂i₁jag₅₄'e₂ca₂lě₃ja₁jaun₂. ¹⁵Jme₁ca₂o₃lén₂ja₁'en₅₄Jesús, ca₂jĩin₂dsa₂i₂jme₁tion₅₄juin₅jme₂dsí₂je₂na₅₄quió₅. Jaun₂ma₂guá₅ma₂qui₂tsin₅₄, ma₂'en₅₄bá₄dsí₅. Tioin₅₄ca₂jág₂dsi₂gó₃dsí₅. ¹⁶Jaun₂dsa₂i₂ca₂jág₃ca₂dsia₃'e₂ca₂lě₃quian₅₄dsa₂i₂jme₁tion₅₄je₂na₅₄quió₅, 'e₂ca₂lě₃quian₅₄i₁ŋí₅né₃. ¹⁷Jaun₂ca₂jme₃lióg₃qui₂ca₂mi₃tion₅₄ne₄Jesús a₂o₃'iin₅'uě₃go₅₄.

¹⁸Jme₁ma₂ŋó₅Jesús 'í₂tsi₁mu₅, jaun₂jme₁mi₅dsa₂i₂jme₁tion₅₄je₂na₅₄quió₅, jme₁mi₂₃jág₁ne₄Jesús a₂dsó₃quiong₅₄. ¹⁹La₁tsá₃ca₂cuě₃'éi₂jmig₄. Jaun₂ca₂tsí₃dsa₂'éi₂:

—Guan₂ja₁quiáng₂, ja₁tián₄ríng₂, o₂dsia₄ca₂le₃jě₃'e₂ně₂jmo₃Te₁gui₅₄o₄quiáng₂, 'a₂lia₂ně₂dsia₃ŋéi₂dsí₅.

²⁰Jaun₂ŋá₃bá₄dsa₂'éi₂dsi₂néi₂quió₅, jaun₂ca₂jme₃lióg₃ca₂i₁dsia₂jě₄juig₂tén₅Decápolis ca₂le₃jě₃'e₂ca₂jmo₃Jesús o₄quió₄. Ca₂le₃jín₃dsa₂i₂ca₂nág₂ca₂i₃gó₃dsí₅.

Ja₁míg₄Jairo, quian₅₄'io₅₄i₂ca₂ní₃tsin₅₄Jesús

(Mateo 9:18-26; Lucas 8:40-56)

²¹Jme₁ca₂dsián₃táng₃Jesús le₃ŋo₅₄jmi₁ŋí₄quian₅₄tsi₁mu₅, juin₅lin₃dsa₂i₂ca₂dsi₃lén₂táng₃jme₁dsián₃. Tě₁lia₂'ŋi₂₃chei₅₄jmig₂, ²²jaun₂ca₂dsióg₃jan₂dsa₂i₂niog₅gu₂guá₅sinagoga, i₂chen₂Jairo. Jme₁ca₂jĩin₂Jesús, jaun₂ca₂chi₃jnë₃ne₄'éi₂.

²³Ca₂mi₃ca₂juá₂:

—Ma₂i₁jón₂jan₂chi₂quiáng₃. ¿Tsa₁gog₅₄o₁jĩin₁o₁quio₂gog₂ne₄quió₅, jaun₂'lióin₂, le₃chain₂?

²⁴Jaun₂né₃ca₂ŋó₃Jesús quiong₅₄; juin₅lin₃gué₄dsa₂sián₂i₃lén₂ca₂lia₂co₂'liain₂bá₄Jesús. ²⁵Jě₄jaun₂, ŋó₃jan₂'io₅₄i₂ma₂tě₂guia₃-tín₂ŋi₂a₂dso₅₄a₂tĩin₂. ²⁶'Lióng₂a₂ma₂i₃ŋíi₂o₄gú₃juin₅tě₅mí₅; jme₁ma₂'éin₂ca₂le₃jě₃cu₄a₂jme₁cha₂quió₅. La₁tsá₃'e₂ta₁jmo₃, ia₁tě₂le₃ca₂i₃ja₃bá₄quió₅. ²⁷La₁jme₁ca₂nág₂a₂'in₅dsa₂Jesús, jaun₂ŋó₃ca₂jme₃quián₃le₃ja₁ŋó₄'éi₂, jin₄dsa₂. Jme₁ca₂dsióg₃cau₅quió₅Jesús né₃, jaun₂ca₂níi₃nĩ₁tsin₅₄'éi₂. ²⁸Ia₁líin₂: “Tsá₃a₂nag₅₄a₂ŋia₅₄níg₄ca₂juig₄tsin₅₄, ŋnia₃quió₃.” ²⁹Co₂tan₅₄dsi₂jui₅le₂jaun₂bá₄ca₂'ná₂tein₂₃jmi₂, ca₂rě₃lí₄ca₂'lóin₂dso₄quió₅. ³⁰Jaun₂dsi₂jui₅bá₄ca₂rě₃lí₄Jesús a₂o₃'ág₃bí₂quió₅. Jaun₂ca₂jéin₃jin₄dsa₂, ca₂ŋag₃:

—¿'Ein₂bá₄ně₂ní₃tsín₅?

† 5:9 griego: legión

³¹ Jaun₂ ca₂ɲag₃ chi'₂ dsi₂guia₃-tín₂ quiáin₅:

—Jua'₂ jág'₂ bá₄ 'ne₂ 'a₂ lia'₂ co₂'liog'₂ dsa₂ ja₂léin₂. ¿'E₂ lë₃ juá'₂ "ein₂ në₂ní'₃ quió'₃?"

³² La₁ qui₂ja₂né₂ Jesús jin₄ dsa₂ a₂'nai'₂ 'ein₂ në₂ní'₃ quió'₅. ³³ 'Io₅₄ 'éi₂ né₃ ma₂jlein₂₃ bá₄ chéin'₅ gó'₅, ia₁ ɲi₅ bá₄ 'e₂ ma₂i₂ɲí₂. Ca₂ɲó₃ co₂ɲei'₅₄ ne₄ Jesús, ca₂chi₃ɲné₃, ca₂juá'₂ ca₂le₃jé₃ lia'₂ tí₅ jág'₁ dsón'₂. ³⁴ Jesús né₃ ca₂juá'₂:

—Jón₃, ia₁ 'éng'₂, ca₂'lóng'₂ bá₄. Guan'₂ tei₄ quiáng'₂. Co₂në₅ ca₂ɲia₃ dso₄ quiáng'₂.

³⁵ Të₃ dsia₅ bá₄ gué₄ Jesús jág'₁ jaun₂ jme₁ca₂dsi₃lén₂ dsa₂ i₂tion'₅₄ ja₁quió'₄ Jairo i₂lín₅ ta₁ quió'₅ guá'₅ 'éi₂. Jaun₂ ca₂juá'₂ tsí₅ Jairo:

—Ma₂ca₂jon₃ bá₄ ja₁míg'₄. ¿'E₂ ta₁ ma₂cuë'₂ o₂me'₅₄ dsi₅ të₅?

³⁶ La₁ tsá₃ ca₂tón'₃ Jesús jui₅ jág'₁ quió'₅ dsa₂ 'éi₂, jaun₂ ca₂tsí'₃ Jairo:

—Tsá₃ lë₂jmo₂ gang'₃; ɲia'₅₄ lia'₂ 'én₃ bá₄.

³⁷ Tsá₃ ca₂cuë₃ jmi₄ Jesús a₂dsi₃lén₂ juin₅ dsa₂ quiong'₅₄. ɲia'₅₄ lia'₂ Pe₄, Jacobo, quian'₅₄ Juan₅₄ riin'₅₄ bá₄ i₃lén₂. ³⁸ Jme₁ca₂dsi₃lén₂ ja₁quió'₄ Jairo, ca₂jág'₃ tion'₅₄ dsa₂ go₂'i₃ qui'₂-o₂₃ co₂mi'₅₄, 'lia'₂ dsí₅. ³⁹ Ca₂'í₃ Jesús dsi₂néi₂, ca₂juá'₂:

—¿'E₂ lë₃ ɲí₄ lë₃ tó'₂ 'nia'₂ mi'₅₄, 'au'₂ 'nia'₂ le₂në₅? Tsá₃ rë₂jon₅₄ guein₂ në₅. ɲia'₅₄ lia'₂ a₂rë₂güin₃ bá₄.

⁴⁰ La₁ ɲia'₅₄ ca₂ɲí₂ bá₄ dsa₂ Jesús tioen'₅₄. Jaun₂ né₃ ca₂'uín'₂ Jesús ca₂le₃jín₃ dsa₂ 'éi₂ ca₁'né₄. Jaun₂ ca₂ɲia₃ chog₅₄-jmei₂ 'lag₄, dsa₂ ún₂ i₂jme₁quian'₅₄ né₃. Ca₂i₃toin'₅₄ ja₁rë₂quian₅ guein₂ 'lag₄. ⁴¹ Jaun₂ ca₂ɲa'₃ gu₂ i₂bë'₅₄, jaun₂ ca₂juá'₂:

—Talita, cumi —co₂'nió'₄ a₂juá'₂: 'Io₅₄ bë'₅₄, 'ne₂ juíg₂ ɲiá₂, nau₂.

⁴² Dsi₂jui₅ le₂jaun₂ bá₄ ca₂nau₂, ca₂ɲi₃. Jme₁ma₂'ein₅₄ guia₃-tín₂ ɲi₂. Jaun₂ ca₂i₃gó'₃ dsí₅ tioen'₅₄. ⁴³ La₁ Jesús né₃ ca₂jmo₃ 'éi'₃ a₂tsá₃ 'ein₂ tsí'₃ 'i₁jan₂. Jaun₂ ca₂juá'₂ a₂cuë₃ dsa₂ a₂guë'₃ i₂bë'₅₄ 'éi₂.

6

Ca₂dsián'₃ Jesús juig₂ Nazaret go₅₄ ja₁tsá₃ ca₂guei₃ dsa₂
(Mateo 13:53-58; Lucas 4:16-30)

¹ Jaun₂ ca₂o₃'ín₃ bá₄ Jesús ja₁jaun₂. Jaun₂ ca₂dsián'₃ táng₃ juig₂ go₅₄ quian'₅₄ chi'₂ dsi₂guia₃-tín₂ quiáin₅. ² Jme₁ca₂té₂ jmi₄ sa₅₄, jaun₂ ca₂jme₃lióg₃ ca₂jme₃tiin₂₃ dsa₂ dsi₂néi₂ guá'₅ sinagoga. Juin₅ bá₄ dsa₂ i₂ca₂nág₂ dsi₂gó'₃ dsí₅, jaun₂ ca₂tsí'₃ riin'₅₄:

—¿A₂já'₄ ca₂i₁jme₁tin₅ i₂në₅ jág'₁ ca'₅₄ a₂juá'₂ në₅? ¿I₂'e₂ bá₄ jág'₁ a₂ɲí'₂ dsí₅ a₂ma₂ɲii₂ në₅, ca₂të₂ léi₄ juë'₂ né₃ tiin₂ jmo₃? ³ ¿On₁juá'₅₄ i₂në₅ të₅'má₃ ja₁ɲi'₅₄ María, dsó₂ rin'₅₄ Jacobo, quian'₅₄ José, quian'₅₄ Judas, quian'₅₄ Si₂mu₅₄ né₃? Në₅ bá₄ tián'₅ 'io₅₄ riin'₅₄ ja₁láj₃ ján₃.

Jaun₂ tsá₃ ca₂rë₃jei₅₄ dsa₂ ja₁jaun₂. ⁴ Jaun₂ ca₂juá'₂ Jesús:

—Ca₂le₂con₂ bá₄ ja₁siá'₂ guen₅ dsa₂ dsa₂ i₂'é₂ jág'₁ quian₅ Diú₄. ɲia'₅₄ lia'₂ dsa₂ go₅₄ bá₄ tsá₃ guei₅, on₃ guë'₂ o₁riin'₅₄, on₃ guë'₂ riin'₅₄ dsi₂néi₂ né₃.

⁵ Jaun₂ tsá₃ 'lióng₂ léi₄ juë'₂ lé₂ le₃jmo₃ juig₂ go₅₄. ɲia'₅₄ lia'₂ i₂lín₅₄ bá₄ dsa₂ dso'₅₄ ca₂dsia₃ gu₂, jaun₂ ca₂jme₃'lió₂. ⁶ Jaun₂ i₃gó'₃ dsí₅ ia₁ a₂ɲí₄ lë₃ tsá₃ 'e₂ 'én₂ dsa₂.

Ca₂chen₃ Jesús dsa₂ guia₃-tín₂ quiáin₅ ca₂i₁'é₄ jág'₁ dse₃ juig₂ siá'₂
(Mateo 10:5-15; Lucas 9:1-6)

⁷ Jaun₂ ca₂té'₃ chi'₂ dsi₂guia₃-tín₂, jaun₂ ca₂chei₃ jma₃on₃ jma₃on₃. Ca₂cuë₃ bí₂ 'éi'₃ a₂'uín'₂ 'éi₂ jme₂dsí₂ 'lín'₅₄ quió'₅ dsa₂. ⁸ Jaun₂ ca₂tsí'₃ 'éi₂ a₂tsá₃ 'e₂ cán₂ 'i₁caun₂ le₁'i₄ jui₅, ɲia'₅₄ lia'₂ jma₃caun₃ 'ma₂'i₅₄ bá₄. 'i₁caun₂ a₂siá'₂ tsá₃ cán₂, on₃ guë'₂ të₂'mi'₂, on₃ guë'₂ i₁ɲí'₄, on₃ guë'₂ cu₄ 'ɲió'₃ ni₁lau₂ le₁jén'₅ tú'₅ né₃. ⁹ ɲia'₅₄ lia'₂ jma₃co₂dsán'₃ ni₁lau₂

con² a₂ma₂le₁ton₅ tag₅₄ bá₄ cán₂, ton² tsá₃ cán₂ tin₃ dsán¹₃ tsin¹₅₄ né₃. ¹⁰Jaun₂ ca₂juá¹₂ né₃:

—Jë₁ma₂të₂ rë₁tón¹₄ 'nia'₂ lia¹₂ caun₂ dsi₂néi₂ quió¹₅ dsa₂ja₁o₁nóg¹₅, ja₁jaun₂jñia¹₄ 'nia'₂ ca₂lia¹₂ ca₂të₂ jmig₄ i₁'uín'₃ 'nia'₂ táng₃ juig₂ jaun₂. ¹¹Në₁jua¹₂ cha₂ja₁lín₅₄ tsá₃ guei₅ dsa₂, on₃ guë¹₂ 'nio₃ dsa₂ nag₃ jág₁ quián¹₂ 'nia'₂, 'uín'₂ 'nia'₂ ja₁jaun₂, séi¹₄ 'nia'₂ 'liog₂ tag¹₅₄ co₂'nió¹₄ jmó¹₂ 'nia'₂ léi₄ co₂jaun₂ ma₂le₁cán¹₄ dsa₂ 'éi₂ guioin₅₄.*

¹²Jaun₂ ca₂'uín₂ bá₄ chi¹₂ dsi₂guia₃-tín₂ né₃, ca₂i₃lén₂ ca₂i₁'é₄ jág₁ a₂dsi₃quén¹₅ dsí₅ dsa₂. ¹³Jaun₂ qui₂ca₂'uín¹₂ juín₅ je₂na¹₅₄, qui₂ca₂tsíin₂ no¹₅₄ juín₅ dsa₂ dso¹₅₄, qui₂ca₂jme₃'lóin₂ dsa₂ né₃.

Ca₂jon₃ Juan₅₄ i₂chon₅ dsa₂ jmig₂

(Mateo 14:1-12; Lucas 9:7-9)

¹⁴Ca₂rë₃ñi₅ Rag₅₄ Herodes jág₁ a₂'ei₅ quió¹₅ Jesús, ia₁ ca₂le₂con₂ bá₄ ma₂le₁ñi₅ dsa₂ 'e₂ a₂jmo₅ Jesús ñi₂₃. Jaun₂ juá¹₂ Rag₅₄ Herodes:

—Ma₂ca₂jen¹₅₄ Juan₅₄, dsa₂ i₂jme₁chon₅ dsa₂ jmig₂; 'uig₅₄ jaun₂ qui¹₅₄ jmig₄ jmo₂₃ 'e₂ a₂jmo₂₃.

¹⁵I₂lín₅₄ guë¹₂ dsia₅ táng₃:

—Elías bá₄ 'éi₂ ñi₅.

La₁ i₂sián¹₂ guë¹₂ juá¹₂:

—Jan₂ i₂chen₄ quián₅ Diú₄ bá₄ 'éi₂, jui₁lia¹₂ dsa₂ i₂jme₁'é₂ jág₁ quián₅ Diú₄ ma₂líg¹₂.

¹⁶Jme₁ca₂nág₂ Rag₅₄ Herodes, jaun₂ ca₂juá¹₂:

—Juan₅₄ bá₄ në₅ ñi₅, i₂ca₂'nia₃ dsa₂ dsi₂lag₄, 'éi¹₃ quió₃ jniá₂. Ma₂ca₂jein¹₅₄ táng₃.

¹⁷Ia₁ 'ñiog₅ bá₄ Herodes ma₂jmo₅ 'éi¹₃ le₂jñiá₅ a₂ca₂i₁chan¹₅₄ dsa₂ Juan₅₄ ca₂i₁tio¹₂ né¹₃ 'má₃ rë₂'ñei¹₅₄ 'uig₅₄ quió¹₅ 'io₅₄ Herodías i₂lín₅ dsi₂i₂gu₂ Fe₂li₄ riin¹₅₄. La₁ Herodes né₃ ma₂jmo₂₃ quián₅. ¹⁸Ia₁ jme₁ma₂qui₂ma₂juá¹₂ Juan₅₄ tsí¹₅ Herodes:

—Tsá₃ 'i₄ 'éi¹₃ jmó¹₂ quiáng¹₂, 'io₅₄ quián₅ dsó₂ ríng¹₂.

¹⁹'Uig₅₄ jaun₂ jme₁'i₄ 'nei₂ dsí₅ 'io₅₄ Herodías jñin₂ Juan₅₄. Jaun₂ jme₁'nio₃ jñag¹₃, la₁ tsá₃ ca₂dsó¹₂ jui₅ 'a₂ lia¹₂ jmo₃. ²⁰Ia₁ jme₁ñi₅ bá₄ Rag₅₄ Herodes a₂lín₅ Juan₅₄ dsa₂ dsen₃, jaun₂ jme₁jme₂go₃ bá₄; jaun₂ jme₁jmo₂₃ 'í₁. Lia¹₂ con¹₂ jme₁nag₂₃ jág₁ quió¹₅ Juan₅₄, jme₁të₂tsiin¹₅₄ tsá₃ 'e₂ ñi₅ jmo₃, la₁ 'ñio₂ bá₄ dsí₅ jme₁nag₂₃. ²¹La₁ ca₂cuin₃ jmig₄ né₃ jme₁ca₂jmo₃ Herodes jmig₄ a₂ca₂dsí¹₃ ñi₂: ca₂jmo₃ má₃, ca₂të¹₃ dsa₂ can¹₅₄ con¹₂ dsa₂ i₂jmo₅ 'éi¹₃ juig₂, i₂lín₅ juig₅₄ 'liog₂ quián₅ né₃, ca₂le₃jín₃ guë¹₄ con¹₂ dsa₂ dsen₅₄ quián₅ juig₂ ja₁tén₄ Galilea. ²²Jaun₂ ca₂guan₃ ja₁míg₄ Herodías ja₁niog₅ jmig₄, jaun₂ ca₂dsáin₂. A₂jaun₂ ca₂të₂ dsí₅ Rag₅₄ Herodes, ca₂le₃jín₃ dsa₂ i₂té₄ i₂tion¹₅₄ guë¹₅ quain¹₅₄ né₃. Jaun₂ ca₂juá¹₂ rag₅₄ ca₂tsí¹₃ 'io₅₄ bë¹₅₄ 'éi₂:

—Mi₄ ca₂le₃jé₃ 'e₂ 'niog¹₂, jaun₂ cuë₅₄ jniá₂.

²³Jaun₂ ca₂cuë₃ jág₁ quió¹₅ ca₂le₃jé₃ ca₂'iin₃ Diú₄, ca₂juá¹₂:

—Chi₂jua¹₂ 'e₂ caun₂ a₂mí¹₁ 'ne₂, cuë₅₄ bá₄ jniá₂, jñia¹₅₄ ca₂dsio₄ 'uë₃ ja₁gong₂.

²⁴Jaun₂ ca₂o₃'ín₃ 'io₅₄ bë¹₅₄ 'éi₂ ca₂i₁ñag₁₂ chog₅₄, ca₂i₁jua¹₄:

—¿'E₂ mi₅₄ jniá₂, mag₅₄?

Jaun₂ ca₂juá¹₂ chog₅₄:

—Mi₄ mi₂dsi₄ Juan₅₄ i₂chon₅ dsa₂ jmig₂.

²⁵Jaun₂ ca₂'í₃ táng₃ 'éi₂ dsi₂jui₅ ja₁guá₄ rag₅₄, jaun₂ ca₂juá¹₂:

—'Nio₃ cuë¹₁ të₂në₃ mi₂dsi₄ Juan₅₄ i₂chon₅ dsa₂ jmig₂, a₂'i₄ 'ñio¹₃ uing₅.†

²⁶Jme₁ca₂nág₂ rag₅₄ jág₁ në₅, ca₂jén₂ dsí₅. La₁ tsá₃ a₂ñi₅ jmo₃, ia₁ ma₂në₂cuë₃ jág₁ quió¹₅ le₂jñiá₅ a₂cuë₃ chi₂jua¹₂ 'e₂ 'nio₃ 'io₅₄ 'éi₂, ton¹₂ ia₁ ma₂në₂néi₂ a₂mei₅₄ quián₅ i₂tián¹₅.

* 6:11 A₂lín₅₄ chog₅₄ si₂ juá¹₂ le₂la₂ ján₃: “A₂dsi₂jó¹₃ juá¹₅ jniá₂, jë₁ma₂të₂ jmig₄ i₁qui₃dsi₅ Diú₄ 'éi¹₃, tsá₃ jua¹₅₄ ñi₄ uig₅ gue₃ dsa₂ jme₁chan₂ Sodoma quian¹₅₄ Gomorra, con¹₂ guë¹₄ dsa₂ i₂tsá₃ guen₅ 'nia'₂.” † 6:25 lit. “rë₂dsí₂ ne₄ caun₂ ni₁ñi₁ charola.”

²⁷ Jaun₂ dsi₂jui₅ jaun₂ ca₂chein₃ jan₂ 'lióg₂ a₂dsi₃quián₂ mi₂dsi₄ Juan₅₄. ²⁸ Jaun₂ ca₂ηó₃ 'lióg₂ jui₅ 'ηió₃ 'né₅ 'má₃, jaun₂ ca₂i₁qui₂ dsi₂lag₄ Juan₅₄, jaun₂ quian₅ rē₂'i₄ 'ηió₃ uing₅, ca₂cué₃ 'io₅₄ 'éi₂. Jaun₂ 'io₅₄ né₃ ca₂gue₃, jaun₂ ca₂i₁cuè₂ táng₃ chog₅₄.

²⁹ Jme₁ca₂rē₃ηi₅ dsa₂ i₂jme₁quian₅₄ Juan₅₄, jaun₂ ca₂o₃lén₂, ca₂tág₃ 'lag₄, jaun₂ ca₂i₁'ó₄.

Ca₂jme₃tan₅₄ Jesús 'ηiá₂ mei₅ dsa₂

(Mateo 14:13-21; Lucas 9:10-17; Juan 6:1-14)

³⁰ Cang₂ jaun₂ ca₂o₃len₃ dsa₂ i₂chen₄† 'éi₂, ca₂ηi₂ táng₃ quiain₅₄ Jesús, jaun₂ ca₂dsia₃ 'e₂ niog₅ ca₂jmo₃ ja₁i₁lein₅₄, 'a₂ lia₂ i₂ca₂jme₁tiin₂₃ dsa₂. ³¹ Jaun₂ ca₂juá₂ Jesús:

—I₂nó₅ 'nia₂ con₂ guiong₅₄ caun₂ ja₁co₂'ηiog₅, i₂ηia₄ ca₂tiá₂.

ia₁ juin₅ lin₃ dsa₂ i₂o₂lén₂, lia₂ i₂dsi₂len₃ né₃, ca₂lia₂ ηia₂ tsá₃ cuin₅ jmig₄ gué₃.

³² Jaun₂ né₃ ca₂tóin₂ tsi₁mu₅ ca₂i₃lén₂ caun₂ ja₁lé₄ co₂'ηiog₅ con₂ guoin₅₄. ³³ Jaun₂ qui₂ca₂'uin₂ dsa₂ le₂caun₂ le₂caun₂ juig₂, i₃lén₂ co₂chi₅₄ jui₅ tag₅₄ a₂'ein₂₃ Jesús. Jaun₂ ηiá₅ bá₄ dsi₃lén₂ lia₂ con₂ gué₄ 'éi₂. ³⁴ Jme₁ca₂sión₃ Jesús 'ηió₃ tsi₁mu₅, ca₂jín₂ juin₅ lin₃ dsa₂, ma₂tion₅₄ le₁ηiog₅, ca₂tá₂ ηéi₂ dsí₅ dsa₂ 'éi₂, ia₁ i₂nio₄ dsa₂ lia₂ jē₁i₂nio₄ já₂ cha₂ i₂tsá₃ juig₅₄ chan₂, jiog₃, jmo₃ 'í₁. Jaun₂ ca₂jme₃lióg₃ ca₂jme₃tiin₂₃ dsa₂ 'lióng₂ lin₃ jág₁. ³⁵ Jme₁ca₂'láu₂ jaun₂ ca₂o₃lén₂ chi₂ dsi₂guia₃-tín₂ quián₅, jaun₂ ca₂juá₂:

—Caun₂ ja₁co₂'ηiog₅ bá₄ la₂, ton₂ ca₂'láu₂ gué₄ má₃. ³⁶ 'Ei₂ jág₁ dsa₂, ia₁ jaun₂ dsi₃lein₅ dsi₃ 'nióg₂ a₂gué₃ lia₂ con₂ juig₂ ja₁nau₂ ma₂quián₅ nē₅.

³⁷ Jaun₂ ca₂ηag₃ Jesús:

—Cuè₅₄ 'nia₂ dsa₂ a₂gué₃.

Jaun₂ ca₂ηag₃ táng₃ 'éi₂:

—¿Lé₂ le₃dsi₁liá₄ tin₃ 'ηiá₂-láu₂ 'éi₃ denario i₁ηí₄ ia₁ jaun₂ dsio₂ a₂gué₃ dsa₂?

³⁸ Jaun₂ ca₂juá₂ táng₃ Jesús:

—O₂jag₄ 'nia₂ je₂liá₂ i₁ηí₄ 'i₄ quián₂ 'nia₂.

Jaun₂ ca₂i₁jag₅₄ 'éi₂ jaun₂ né₃, jaun₂ ca₂o₃lén₂ táng₃, ca₂juá₂:

—'ηiá₂ i₁ηí₄ bá₄ 'i₄, on₃ guè₂ i₁ju₁.

³⁹ Jaun₂ ca₂chein₃ jág₁ a₂tian₃ dsa₂ jma₃co₂niói₃ ne₄ ηi₂ma₂ rē₂, ⁴⁰ jaun₂ ca₂tián₂ dsa₂ jma₃co₂niói₃ ja₁lé₂ caun₂ 'ηiá₂-lón₂, i₂ca₂tián₂ jma₃co₂niói₃ jma₃tē₂lón₃-guián₂ né₃.

⁴¹ Jaun₂ né₃ ca₂ηa₃ Jesús le₃'ηiá₂ i₁ηí₄, le₃on₃ guè₂ i₁ju₁ né₃, ca₂jág₃ guei₅₄ i₂juig₃, ca₂cué₃ ti₁'mag₄ Diú₄. Jaun₂ ca₂jmo₃ le₁'nau₅₄ i₁ηí₄, jaun₂ gué₄ ca₂cué₃ chi₂ dsi₂guia₃-tín₂ quián₅, ia₁ jaun₂ dsia₃ 'éi₂ ne₄ dsa₂. Ján₃ guè₂ ca₂jmo₃ dsióg₁ quió₅ i₁ju₁ on₃ 'éi₂, ca₂cué₃ ca₂le₃jín₃. ⁴² Jaun₂ le₃jín₃ dsa₂ ca₂gué₃ ca₂lia₂ ca₂rē₃tain₅₄. ⁴³ Jaun₂ ca₂cág₃ bá₄ gué₄ dsa₂ guia₃-tín₂ tsi₁mi₂ 'nau₅₄ i₁ηí₄, a₂ca₂chóng₃ quió₅ i₁ju₁ né₃. ⁴⁴ 'ηiá₂ mei₅ jme₁lé₂ ca₂le₃jín₃ dsa₂ ηe₂ i₂ca₂gué₃ 'éi₂.

Ca₂ηi₃ Jesús ne₄ jmi₁ηí₄

(Mateo 14:22-27; Juan 6:16-21)

⁴⁵ Jaun₂ dsi₂jui₅ le₂jaun₂ ca₂jmo₃ Jesús 'éi₃ a₂i₃ton₅₄ chi₂ dsi₂guia₃-tín₂ quián₅ 'ηió₃ tsi₁mu₅, jaun₂ ηiá₅ de₂ 'éi₂ ηí₃ jmig₂ con₂ gué₄ 'ηiog₅, a₂dsi₁lén₂ Betsaida, tē₁lia₂ 'í₁ gué₄ 'ηiog₅ 'ág₃ jág₁ dsa₂. ⁴⁶ Jme₁ma₂ca₂lē₃ 'ág₅ jág₁ dsa₂, ca₂ηó₃ jaun₂ né₃ jui₅ má₂ i₁chi₂i₁lein₁ Diú₄. ⁴⁷ Jaun₂ con₂ ca₂tó₂ nei₂ dé₄, ma₂ηó₅ tsi₁mu₅ dsi₂jo₂ jmi₁ηí₄, 'ηiog₅ guè₂ Jesús jaun₂ bá₄ 'ein₅₄ 'uē₃. ⁴⁸ Jaun₂ ca₂jág₃ Jesús 'ηio₅ cán₂ ta₁ tioin₅₄ a₂jein₂₃ ni₁'ma₂ a₂gag₂ jmig₂, ia₁ 'liog₂ dsí₂ le₂ca₃. Jaun₂ con₂ le₁né₃ tē₂le₃ ca₂ηia₃, ca₂jme₃quián₃ Jesús ηi₂₃ ne₄ jmig₂ ja₁ηó₄ tsi₁mu₅. Jaun₂ ca₂jmo₃ nē₂jag₄ bá₄ i₂jme₁ma₂ηí₃ co₂dsau₅ ja₁tion₅₄ 'éi₂. ⁴⁹ Jme₁ca₂jág₂ jóin₅ ηi₂₃ ne₄ jmi₁ηí₄, dsa₂ 'lin₅₄ S bá₄ 'éi₂ líin₂, jaun₂ ca₂tóin₂ co₂mi₅₄ ca₂guió₃, ⁵⁰ ia₁ ca₂le₃jín₃ bá₄ ca₂rē₃gó₅ 'ηio₅ lin₃ jme₁ca₂jág₂. La₁ dsi₂jui₅ bá₄ ca₂juá₂ Jesús:

† 6:30 griego: apóstolous. S 6:49 griego: fantasma.

—jTiá₂ dsia₄ 'nia'₂ 'au'₂; jniá₂ bá₄ la₂, tsá₃ lë₁jmo₂ 'nia'₂ gang'₃!

⁵¹ Jaun₂ ca₂uig₂ 'ñio'₃ tsi₁mu₅ ja₁tion'₅₄ 'éi'₂. Jaun₂ ca₂'ág₂ táng₃ tei₄ ca₂jñia'₃ dsí₂, jaun₂ i₃gó'₃ dsí₅ 'éi'₂ ñio₅ lín₃. ⁵² Ia₁ tsá₃ 'e₂ ca₂ñí'₂ dsí₅ dsa₂ 'éi'₂ jui₁lia'₂ léi₄ jué'₂ a₂ma₂në₂jág₃ jmo₅ Jesús quian'₅₄ i₁ñí'₄, në₂jag₄ bá₄ cha₂ a₂jmo₅ jnág₅ a₂tsá₃ rë₂ñí'₂.

Ca₂jme₃'lión₂ Jesús dsa₂ dso'₅₄ 'uë₃ Genesaret
(Mateo 14:34-36)

⁵³ Jme₁ca₂'ain₂ jmig₂, ca₂dsi₃lén₂ 'uë₃ Genesaret. Ja₁jaun₂ ca₂'néi₂ tsi₁mu₅ chei'₅₄ jmig₂. ⁵⁴ Dsi₂jui₅ jme₁ca₂'uiin₂ tsi₁mu₅, co₂tan₅₄ lia'₂ ca₂rë₃cuin₅ bá₄ dsa₂ Jesús. ⁵⁵ Jaun₂ ca₂i₁nioi₁₂ co₂chi'₅₄ le₂tan₅₄ juig₂ te'₁i₁ ma₂quían₅ jaun₂. Jaun₂ ca₂i₁quian₅₄ dsa₂ dsa₂ i₂le₁dso'₅₄ quian'₅₄ tsi₁jain₁ 'a₂ gué₃ já'₄ 'en₅₄ Jesús. ⁵⁶ Ca₂le₂con₂ ja₁jme₁ñi₅ Jesús, jë₁ma₂'í₅ jë₄ juig₂, jë₄ ciudad, o₃ le₂'i₄ jui₅ ja₁ñó₄ 'e₂, jme₁qui₂dsi₂jñia₃ dsa₂ dsa₂ dso'₅₄, qui₂ca₂dsiog₃ ja₁nio₅ 'ma'₅₄. Qui₂ca₂mi₃ dsa₂ tsá₃ a₂nag₅₄ o₁jñia'₅₄ a₃tag₄ tsin'₅₄ bá₄ cuë₃ jmig₄ a₂ñí'₃. Jaun₂ ca₂le₃jín₃ dsa₂ dso'₅₄ i₂qui₂ca₂ñí'₃ tsin'₅₄ Jesús, qui₂ca₂'lón₂.

7

Jme₂tag₅ Jesús jui₁lia'₂ 'e₂ jaun₂ a₂jmo₅ a₂rë₂'ñio₅ dsa₂
(Mateo 15:1-20)

¹ Jaun₂ né₃ dsa₂ fariseos quian'₅₄ i₂lín₅₄ të₅juá'₅ i₂ja₂lén₂ Jerusalén, ca₂o₃lén₂ ca₂ñí'₂ ja₁'en₅₄ Jesús. ² Ca₂jág₃ dsa₂ 'éi'₂ ca₂jín₂ i₂lín₅₄ chi'₂ dsi₂guia₃-tín₂ a₂gué'₅ të₃ tsá₃ “le₁jé₃” gu₂, tsá₃ jme₂ti₃ jua'₅₄ a₂rang₂₃ lia'₂ con'₂ lé₅ 'éi'₃.^{*} ³ (Ia₁ ca₂le₃jín₃ dsa₂ fariseos, quian'₅₄ ca₂le₃jín₃ dsa₂ chan₂ Judea né₃, jme₂ti₃ lia'₂ con'₂ lé₅ tag₄ chí'₅ quió'₅ dsa₂ can'₅₄, a₂tsá₃ gué'₃ në₁jua'₂ tsá₃ ma₂në₂rang₃ 'lióng₂ ráun₂ gu₂. ⁴ Jë₁ma₂o₃lein₃ 'ma'₅₄, tsá₃ gué'₃ në₁jua'₂ tsá₃ ma₂në₂jme₃ti₃ con'₂ tag₄ chí'₅ a₂rang₃ quió'₅. Jaun₂ 'lióng₂ bá₄ gué'₄ tag₄ siá'₂ a₂jme₂ti₃ dsa₂ jui₁lia'₂ a₂rang₅ dsa₂ ni₁vaso, jui₁lia'₂ a₂rang₅ dsa₂ ni₁taza, ni₁dsig₁, tsi₁cama né₃.)[†] ⁵ Jaun₂ né₃ ca₂ñag₃ dsa₂ fariseos quian'₅₄ të₅juá'₅, ca₂ñí'₃ Jesús:

—¿'E₂ lë₃ tsá₃ jme₂ti₃ chí'₂ dsi₂guia₃-tín₂ quiáng'₂ tag₄ chí'₅ quió'₅ dsa₂ can'₅₄? Gué'₅ bá₄ të₃ tsá₃ ma₂në₂rang₃ gu₂.

⁶ Jaun₂ ca₂ñag₃ 'éi'₂:

—Dsón'₂ bá₄ dsau₅ ca₂juá'₂ Isaías ca₂'iin₃ 'nia'₂ dsa₂ i₂lë₁jmo₅-dsáu₅ o₁ne₁, jui₁lia'₂ tio'₅₄ ne₄ Si₂:

Dsa₂ juig₂ la₂ jme₂juag'₂ jniá₂

jma'₃ lia'₂ quian'₅₄ mi₂'o₅₄ bá₄,

la₁ia₁ uíng₂ bá₄ 'i₄ dsí₅ ja₁con₂ jniá₂.

⁷ La₁ tsá₃ 'e₂ ta₁ tí₄ a₂jme₂juag'₂,

ia₁ jág₁ a₂jme₂tag₂₃,

'éi'₃ a₂lë₁lé₅ quió'₅ dsa₂ mi₂güig₃ bá₄.[‡]

⁸ Ia₁ co₂dsia₅ ma₂ca₂tí'₃ bá₄ 'nia'₂ 'éi'₃ quió'₅ Diú₄, a₂ma₂ja₂nóg'₅ chan'₅₄ tiá₂ 'éi'₃ tag₄ quió'₅ dsa₂ mi₂güig₃.[§]

⁹ Ca₂juá'₂ ján₃:

—'Ñio₅ tín'₂ 'nia'₂ jmo'₂ cau₅ 'éi'₃ quió'₅ Diú₄, a₂jme₂tí'₁ 'nia'₂ tag₄ quían'₂ 'nia'₂ guiong'₅₄. ¹⁰ Ia₁ ca₂juá'₂ Moisés a₂jme₃gan₃ dsa₂ chog₅₄-jmei₂.^{*} Jaun₂ juá'₂, chi₂jua'₂ 'ein₂ ca₂juá'₂ uig₅ ne₄ chog₅₄-jmei₂, jui₁join₅₄.[†] ¹¹ La₁ 'nia'₂ né₃ juá'₂ a₂lé₂ le₃juá'₂ dsa₂ tsí'₃ chog₅₄-jmei₂: “Tsá₃ 'nia'₂ lé₂ le₃jme₁'ong₁₂, ia₁ ca₂le₃jé₃ a₂cha₂ quió₃ a₂lé₅ Corbán”, (co₂'nió'₄ a₂juá'₂, a₂ma₂lé₅ quió'₅ Diú₄ bá₄). ¹² Në₁jua'₂ le₂në₅ jaun₂ tsá₃ ma₃cuë'₂ 'nia'₂

* 7:2 A₂lín₅₄ chog₅₄ si₂ juá'₂ le₂la₂ ján₃: “jaun₂ lë₃ ca₂chi₂ca₂'ag₃.” † 7:4 A₂lín₅₄ chog₅₄ si₂ juá'₂: “ni₁taza, ni₁dsig₁, ni₁ñí'₁ né₃.” ‡ 7:7 Isaías 29:13. § 7:8 A₂lín₅₄ chog₅₄ si₂ juá'₂ ján₃: “jui₁lia'₂ a₂qui₂rang'₂ 'nia'₂ ni₁dsig₁, ni₁vaso a₂'ág'₂ jmig₂, ca₂le₃jé₃ gué'₄ 'e₂ cosa a₂qui₂jmo'₂ 'nia'₂ né₃.” * 7:10 Éxodo 20:12; Deuteronomio 5:56. † 7:10 Éxodo 21:17; Levítico 20:9.

jmiḡ₄ a₂jme₃'on₅₄ gué₄ dsa₂ chog₅₄-jmei₂. ¹³Jaun₂ le₂nē₅ bá₄ tsá₃ ma₃'e₂ quen₅ jág₁ quió'₅ Diú₄, jmo'₂ 'nia'₂, tē₂le₃ quian'₅₄ tag₄ a₂chí'₅, a₂ca₂ḡag₃ dsa₂ can'₅₄ quiáng'₂. 'Lióng₂ bá₄ gué₄ a₂siá'₂ jmo'₂ 'nia'₂.

¹⁴Jaun₂ ca₂té'₃ Jesús dsa₂, ca₂juá'₂:

—Nei₂ 'nia'₂ dse₃ ca₂le₃jíng'₃ a₂juá'₄ jniá'₂ la₂. ¹⁵'I₁caun₂ a₂dsi₂to'₅₄ quió'₅ dsa₂, on₃jua'₅₄ a₂jaun₂ jmo₅ a₂rē₂'iog₅ jme₂dsí₂ quió'₅. Cosa a₂'uē₂ dsí₅ dsa₂ guioin₅₄, a₂jaun₂ bá₄ jmo₅ a₂rē₂'iog₅ jme₂dsí₂.[‡]

¹⁷Jme₁o₂'ín₃ jin₄ dsa₂, ḡái'₃ dsi₂néi₂, jaun₂ ca₂ḡag₃ chí'₂ dsi₂guia₃-tín₂ quiáin₅ 'e₂ jág₁ dsau₅ jáng'₅ jág₁ ca₂cué'₃ dsa₂ jaun₂. ¹⁸Jaun₂ ca₂juá'₂:

—¿Ján₃ bá₄ tsá₃ ḡí'₂ 'nia'₂ a₂juá'₅ jniá'₂? Ca₂le₃jé₃ 'e₂ a₂gué'₅ dsa₂, on₃jua'₅₄ a₂jaun₂ jmo₅ a₂rē₂'iog₅ jme₂dsí₂. ¹⁹Ia₁ on₃jua'₅₄ dsí₅ dsa₂ dsi₂to'₅₄ a₂gué'₅. Rē₂tú'₅ bá₄ dsa₂ dsi₂to'₅₄ a₂jaun₂. Cang₂ jaun₂ dsi₂'uē'₅₄ táng₃ dsa₂ ca₁'né₄.

(Ca₂'ē₃ co₂'nió'₄ a₂le₁jé₃ ca₂le₃jé₃ bá₄ má₃, jme₁ca₂juá'₂ le₂nē₅). ²⁰Ca₂juá'₂ ján₃:

—Ca₂le₃jé₃ a₂'uē₂ dsí₅ dsa₂, a₂jaun₂ bá₄ a₂jmo₅ a₂rē₂'iog₅ jme₂dsí₂. ²¹Tē₂dsí₅ bá₄ dsa₂ 'uē₂ ca₂le₃jé₃ ne₅₄ a₂'lig'₅₄: jui₁lia'₂ a₂lé₅ dsí₅ dsa₂ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂; a₂'ang₅ dsa₂; a₂jme₂dsian₅ dsa₂ riin'₅₄; ²²a₂'ín₅ dsí₅ dsa₂ jmo₃ quió'₅ a₂cha₂ quió'₅ riin'₅₄; 'e₂ caun₂ a₂tsá₃ dsi₂ten₅₄ jmái'₂ riin'₅₄; a₂qui₂jme₂gain₂₃ riin'₅₄; a₂jmo₂₃ o₂guí'₃ 'lig'₅₄, a₂jmo₂₃ uig₅ dsí₅, a₂qui₂chi₂'ín₅ dsa₂ riin'₅₄; a₂jme₂róin₂ jmái'₂ dsa₂; ca₂le₃jé₃ gué₄ 'e₂ a₂tsá₃ 'en₅₄ dsí₅ dsa₂ lín₅. ²³Ca₂le₃jé₃ a₂nē₅, tē₂dsí₅ bá₄ dsa₂ lé₂, a₂nē₅ bá₄ a₂jmo₅ a₂rē₂'iog₅ jme₂dsí₂ quió'₅ dsa₂.

Jan₂ i₁náú₃ i₂ca₂rē₃'én₂ tē₂le₃ quió'₅ Jesús

(Mateo 15:21-28)

²⁴A₂'ein₅₄ ja₁jaun₂, ca₂o₃'ín₃ ḡó₃ 'uē₃ ma₂quián₅ juig₂ Tiro.[§] Jaun₂ ca₂'í₃ con'₂ tē₃co'₅₄ bá₄ dsi₂néi₂ quió'₅ dsa₂ ja₁jaun₂. La₁ tion₅₄ bá₄ ca₂rē₃lí'₄ dsa₂, tsá₃ ma₃ca₂cuin₃ jmiḡ₄ a₂'mai₃. ²⁵Dsi₂jui₅ jaun₂ ca₂nág₂ chog₅₄ jan₂ 'io₅₄ bē'₅₄ i₂'en₅₄ jme₂dsí₂ 'lin'₅₄. Ca₂dsióg₃, jaun₂ ca₂chi₃jné₃ ne₄ Jesús. ²⁶'Éi₂ jme₁lín₄ jan₂ 'io₅₄ griega, i₂chan₂ Sirofenicia. Jaun₂ ca₂mi₃ ca₂tsí'₃ 'éi₂ a₂dsi₃dsein₂₃ je₂na'₅₄ quió'₅ chí'₂ quiáin₅. ²⁷Jaun₂ ca₂ḡag₃ Jesús:

—Jui₁le₂tan₅₄ de'₂ jḡiá₅ chí'₂ quiáng₃; ia₁ tsá₃ dsi₂ten₅₄ jua'₅₄ a₂jḡiá'₄ jniá'₂ i₁ḡí'₄ quió'₅ chí'₂, a₂ton₅₄ ne₄ dsi₂jí'₅₄.

²⁸Jaun₂ ca₂ḡag₃ táng₃ 'io₅₄ 'éi₂:

—Dsón'₂ bá₄ dsau₅, Te₁gui'₅₄, la₁ia₁ le₂jioḡ₅ dsi₂jí'₅₄ bá₄ gué'₅ né'₃ ni₁mesa 'nau₅₄ a₂tsi₂séi'₂ guein₂.

²⁹Jaun₂ ca₂ḡag₃ táng₃:

—Dse₃ nē₂ḡag'₅₄. Ma₂lé₂ guang'₅₄. Ma₂o₂'ín₃ bá₄ je₂na'₅₄ i₂jme₁'en₅₄ tē₂dsí₅ chí'₂ quiáng'₂.

³⁰Jaun₂ ca₂ḡái'₃ bá₄; jme₁dsiáin'₃, ca₂jíin₂ ja₁míḡ₄ roin₂₃ tei₄ ne₄ tsi₁cama, ma₂o₂'ín₃ bá₄ je₂na'₅₄ tē₂dsí₅.

Ca₂jme₃'lión₂ Jesús jan₂ dsa₂ güin₄ i₂tsá₃ lín₄ lé₂ dsia₃ jág₁

³¹Ca₂o₃'ín₃ táng₃ Jesús juig₂ Tiro, ca₂ḡí₃ jui₅ juig₂ Sidón, jaun₂ ca₂dsióg₃ chei'₅₄ jmi₁ḡí'₄ Galilea, jaun₂ ca₂'í₃ 'uē₃ Decápolis. ³²Ja₁jaun₂ ca₂o₃jḡiá₃ dsa₂ jan₂ dsa₂ i₂tsá₃ lín₄ lé₂ dsia₃ jág₁. Jaun₂ ca₂mi₃ dsa₂ a₂quióg₃ Jesús gu₂ ne₄ quió'₅ dsa₂ 'éi₂. ³³Jaun₂ ca₂jioḡ₃ Jesús ca₂jḡiá₃ dsa₂ 'éi₂ caun₂ ja₁co₂'ḡioḡ₅, jaun₂ ja₁jaun₂ ca₂tiá₂ chí₁gú₃ rē₂gua₄ dsa₂ 'éi₂, jaun₂ ca₂'ḡéi₃ chí₁gú₃, jaun₂ ca₂nií'₂ le₁tsi'₂ dsa₂ 'éi₂. ³⁴Jaun₂ ca₂chóg'₃ ne₅₄ guei'₅₄ i₂juíḡ₃, ca₂choin₃ dsí₅, jaun₂ ca₂juá'₂:

—¡Efata! —co₂'nió'₄ a₂juá'₂: ¡Nia₄!

[‡] 7:15 A₂lín₅₄ chog₅₄ si₂ chí₁ton₅ versículo 16 bá₄ ján₃, a₂juá'₂: “Ca₂le₃jín'₃ 'nia'₂ i₂le₁dsi₅₄ rē₂gua₄, nei₂ 'nia'₂.” [§] 7:24 A₂lín₅₄ chog₅₄ si₂ juá'₂ ján₃: “quian'₅₄ Sidón.”

³⁵ Jme₁ma₂në₂juá'₂ le₂në₅, ca₂niá₃ rë₂gua₄ mi₂'o₄ dsa₂ 'éi₂ në₃, ca₂'lóin₂, ca₂dsia₃ dse₃ jág₁. ³⁶ Jaun₂ ca₂juá'₂ Jesús ca₂tsí'₃ ca₂le₃jín₃ dsa₂ i₂jme₁tion'₅₄ a₂tsá₃ 'ein₂ tsí'₃. La₁ tē₂le₃ i₂jui'₂ gué₄ ca₂dsia₃ bá₄ dsa₂. ³⁷ Jaun₂ 'ñio₅ lín₃ ca₂i₃gó'₃ dsí₅ dsa₂ jme₁ca₂rë₃ñi₅. Jaun₂ qui₂ca₂dsia₃ dsa₂:

—Dse₃ bá₄ ca₂le₃jé₃ a₂jmo₂₃. Jmo₂₃ a₂nag₅ dsa₂ i₂güin₄, lia'₂ dsa₂ i₂con₄ në₃, lé₂ le₃dsia₃ jág₁.

8

Ca₂jme₃tan₅₄ Jesús quén₂ mei₅ dsa₂
(Mateo 15:32-39)

¹ Jmíg₄ jaun₂ ca₂ñi'₂ juin₅ lín₃ dsa₂. Ia₁ tsá₃ ma₃'e₂ cha₂ gué'₃, jaun₂ ca₂té'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

² —ñéi₂ dsi₃ jing₅₄ dsa₂ në₅, ia₁ ma₂'ni₅ jmíg₄ tioin'₅₄ ja₁lá₃ quiong'₅₄, tsá₃ ma₃'e₂ cha₂ gué'₃. ³ Në₁jua'₂ dsiain'₅₄ gué'₂ jniá₂ quió'₅ tē₃ tsá₃ ma₂në₂gué'₃, 'uáin₂ bá₄ le₂'i₄ jui₅, ia₁ uíng₂ bá₄ ja₂lén₂ i₂lín₅₄ në₅.

⁴ Jaun₂ ca₂ñag₃ chi'₂ dsi₂guia₃-tín₂ quiáin₅:

—¿A₂já'₄ bá₄ lé₂ le₃dsi₁'nió₂ ca₂le₃jé₃ i₁ñí'₄ a₂'nió'₅ le₂tan₅₄ dsa₂ në₅ ja₁co₂'ñiog₅ la₂?

⁵ Jaun₂ ca₂ñag₃ táng₃ Jesús:

—¿Je₂liá'₂ i₁ñí'₄ 'i₄ quián'₂ 'nia'₂?

—Guio₃ bá₄ —ca₂ñag₃.

⁶ Jaun₂ ca₂jmo₃ Jesús 'éi'₃ a₂tian'₃ dsa₂ ca₂le₃jín₃ 'uë₃. Jme₁ma₂chan'₂ le₂guio₃ i₁ñí'₄, ca₂cué'₃ ti₁'mag'₄ Diú₄, jaun₂ ca₂jmo₃ le₁'nau₅₄, jaun₂ gué₄ ca₂cué'₃ chi'₂ dsi₂guia₃-tín₂ quiáin₅, ia₁jaun₂ 'éi₂ dsia₃ ne₄ dsa₂. Jaun₂ le₂jaun₂ bá₄ ca₂jmo₃. ⁷ Jme₁tion'₅₄ on₃-ún₂ i₁ju₁ pí'₁, jaun₂ ca₂jme₃ñi₃oi₃ quió'₅ 'éi₂ ján₃, jaun₂ ca₂jmo₃ 'éi'₃ a₂dsión'₂ 'éi₂. ⁸ Jaun₂ qui₂ca₂gué'₃ ca₂le₃jín₃ dsa₂ ca₂lia'₂ ca₂rë₃tain₅₄. Jme₁ca₂lë₃ jaun₂, ca₂cág'₃ dsa₂ guio₃ tsi₁mi'₂ 'nau₅₄ a₂ca₂chóng₃. ⁹ Ca₂le₃jín₃ dsa₂ 'éi₂ jme₁lé₂ con'₂ quén₂ mei₅. Jaun₂ gué₄ qui₂ca₂'ág'₃ jág₁ dsa₂. ¹⁰ Dsi₂jui₅ le₂jaun₂ ca₂'í₃ táng₃ 'ñi₃oi₃ tsi₁mu₅ quiain'₅₄ chi'₂ dsi₂guia₃-tín₂ quiáin₅, ca₂dsi₃lén₂ 'uë₃ Dalmanuta.

Mi₅ dsa₂ fariseos a₂jmo₃ Jesús caun₂ léi₄ jué'₂

(Mateo 16:1-4; Lucas 12:54-56)

¹¹ Jaun₂ ca₂o₃lén₂ dsa₂ fariseos ca₂jme₃lió₃ ca₂tsíin₂ quiong'₅₄, a₂mi₂₃ jmo₃ 'éi₂ caun₂ léi₄ jué'₂ a₂já₅ guei'₅₄ i₂juíg₃. ¹² Jaun₂ ca₂chon₃ Jesús dsí₅ 'ñio₅ lín₃, jaun₂ ca₂juá'₂:

—¿'E₂ bá₄ lë₃ 'nio₃ dsa₂ chan₂ jmíg₄ në₃ a₂jmo₅₄ jniá₂ léi₄? A₂dsi₂jó'₃ juíg₂ jniá₂ 'nia'₂, tsá₃ léi₄ jaun₂ le₃guéi'₁ 'nia'₂.

¹³ Tión₂ jaun₂ bá₄ dsa₂ 'éi₂, ca₂'í₃ táng₃ 'ñi₃oi₃ tsi₁mu₅ ca₂ñó₃ le₃'ño'₅₄ jmi₁ñí'₄ le₃ó₃.

Levadura quió'₅ dsa₂ fariseos

(Mateo 16:5-12)

¹⁴ Ca₂'en₃ dsí₅ chi'₂ dsi₂guia₃-tín₂ cán₂ a₂gué'₃, jñia'₅₄ lia'₂ caun₂ i₁ñí'₄ bá₄ quian₅ i₃lén₂ 'ñi₃oi₃ tsi₁mu₅. ¹⁵ Jaun₂ ti₁ca₂néi'₂ Jesús jág₁, ca₂juá'₂:

—Të₃ñi'₅₄ quián'₂ 'nia'₂ quian'₅₄ juá'₅ quió'₅ dsa₂ fariseos, quian'₅₄ jág₁ quió'₅ Herodes në₃. Ia₁ lé₅ lia'₂ lé₅ jui₁ levadura.

¹⁶ Jaun₂ ca₂dsia₃ chi'₂ dsi₂guia₃-tín₂ quian'₅₄ riin'₅₄:

—'An₁ juá'₂ le₂në₅ ia₁ tsá₃ i₁ñí'₄ cha₂ quián₂ jniog₄.

¹⁷ Ca₂rë₃lí'₄ bá₄ Jesús jág₁ a₂dsia₅ 'éi₂ i₃lén₂, jaun₂ ca₂juá'₂:

—¿'E₂ lë₃ juá'₂ 'nia'₂ a₂tsá₃ i₁ñí'₄ cha₂ quián'₂ 'nia'₂? ¿'E₂ lë₃ ñí₄ tsá₃ rë₂ñí'₂ 'nia'₂? ¿O₃ a₂tsá₃ len'₅₄ 'e₂ 'nia'₂, o₃ a₂cang₄ dsei'₂ 'e₂ 'nia'₂? ¹⁸ ¿O₃ bá₄ a₂lë₁tio'₅₄ mi₂ne'₅₄ 'e₂ 'nia'₂, la₁ tsá₃ jniag'₃? ¿O₃ bá₄ a₂lë₁le₁dsi₅₄ bá₄ rë₂guá'₂ 'nia'₂, la₁ tsá₃ nag'₂ gué'₂ 'nia'₂? ¿O₃ bá₄ tsá₃ ma₃dsá₂ 'e₂ 'au'₂ 'nia'₂? ¹⁹ Lia'₂ con'₂ jme₁ca₂dsio'₄ jniá₂ quian'₅₄ 'ñiá₂ i₁ñí'₄ bá₄ ca₂lín₅

ca₂gué'₃ con'₂ 'ñiá₂ mei₅ dsa₂, ¿je₂liá'₂ mi'₂ ca₂lë₃ ni'₁nau₅₄ a₂ca₂chóng₃ gué'₄ ca₂cag'₅₄ 'nia'₂?

Jaun₂ ca₂ñag₃ 'éi₂:

—Guia₃-tín₂.

²⁰ Con'₂ siá'₂ táng₃, lia'₂ con'₂ jme₁ca₂dsio'₄ jniá₂ guio₃ i₁ñí'₄ ca₂lin₅ ca₂gué'₃ quén₂ mei₅ dsa₂, ¿je₂liá'₂ mi'₂ 'nau₅₄ a₂ca₂chóng₃ ca₂cag'₅₄ gué'₄ táng₃ 'nia'₂?

Jaun₂ ca₂ñag₃ táng₃ 'éi₂:

—Guio₃.

²¹ Jaun₂ ca₂juá'₂ táng₃:

—¿Tsa₁ rë₂len'₅₄ bá₄ gué'₄ 'nia'₂ jaun₂?

Ca₂jme₃'lión₂ Jesús jan₂ dsa₂ ten₄ juig₂ Betsaida

²² Jaun₂ dsi₃léin₂ juig₂ Betsaida. Jaun₂ ca₂o₃jñia₃ dsa₂ jan₂ dsa₂ ten₄, jaun₂ ca₂mi₃ dsa₂ a₂téi₂ gu₂. ²³ Jaun₂ né₃ ca₂jña'₃ gu₂ dsa₂ ten₄ 'éi₂, ca₂jio₃ jui₅ 'ni'₂ juig₂. Jaun₂ ja₁jaun₂ ca₂tsáng₂ jmi₁'é'₅ quió'₅, jme₁ne₁ dsa₂ 'éi₂, ca₂téi₂ gu₂, jaun₂ ca₂ñag₃ chi₂jua'₂ ma₂lé₂ jág₃.

²⁴ Jaun₂ ca₂chóg'₃ ne₅₄ ca₂jág₃, jaun₂ ca₂juá'₂:

—Jin₄ jniá₂ dsa₂ i₂nio₄, i₂jniá₂ lia'₂ jniá₂ ni'₁ma₂.

²⁵ Con'₂ siá'₂ ca₂tí₂ táng₃ Jesús gu₂ jme₁ne₁ dsa₂ 'éi₂, jaun₂ gué'₄ ca₂jág₃ i₁ca'₅₄ mi₂ne₅₄, jaun₂ gué'₄ ca₂rë₃jniá₂ dse₃ jme₁ne₁₂, ca₂'lóin₂. ²⁶ Jaun₂ ca₂dsióg'₂ Jesús co₂dsau₅ ja₁quió'₄, ca₂juá'₂:

—Tsá₃ 'ú₅ jë₄ juig₂ të₃ jág₅ dsa₂.

Ca₂cuë₃ Pe₄ jág₁ dsau₅ a₂lín₅ Jesús I₂rë₂'ín₁ quián₅ Diú₄

(Mateo 16:13-20; Lucas 9:18-21)

²⁷ Cang₂ jaun₂ ca₂ñó₃ Jesús quiaín'₅₄ chi'₂ dsi₂guia₃-tín₂ quiaín₅ le₂tan₅₄ juig₂ Cesarea ja₁tén₄ Filipo. Jaun₂ le₂'i₄ jui₅ ja₁i₃léin₂, ca₂ñag₃ Jesús ca₂ñii'₃ chi'₂ dsi₂guia₃-tín₂:

—¿Ein₂ lín₅ jniá₂, juá'₂ dsa₂?

²⁸ Jaun₂ ca₂ñag₃ chi'₂ dsi₂guia₃-tín₂:

—I₂lín₅₄ dsa₂ juá'₂ a₂lín₅ Juan₅₄ i₂jme₁chon₅ dsa₂ jmi₂g₂. I₂lín₅₄ guë'₂ juá'₂ a₂lín₅ Elías. I₂lín₅₄ guë'₂ juá'₂ táng₃ a₂lín₅ jan₂ i₂sián'₂ i₂chen₄ quián₅ Diú₄.

²⁹ Jaun₂ ca₂ñag₃ táng₃:

—¿'Nia'₂ guë'₂ né₃? ¿'E₂ juá'₂ 'nia'₂ 'ein₂ lín₅ jniá₂?

Jaun₂ ca₂ñag₃ Pe₄:

—'Ne₂ lín₅ I₂rë₂'ín₁ quián₅ Diú₄.

³⁰ Jaun₂ ca₂jmo₃ Jesús 'éi'₃ a₂tsá₃ dsia₃ tsí'₃ 'i₁jan₂ jua'₅₄ a₂'ag₃.

Ca₂'é₂ Jesús jág₁ a₂jóin₂

(Mateo 16:21-38; Lucas 9:22-27)

³¹ Jaun₂ né₃ ca₂jme₃lióg₃ Jesús ca₂'é₂ jág₁ ca₂tsí'₃ chi'₂ dsi₂guia₃-tín₂, a₂ca₂tín₂ Jaun₅ dsa₂ mi₂güüg₃ dsi₃ñii₂ 'lióng₂ uig₅, a₂tsá₃ le₃jei₅₄ dsa₂ can'₅₄ quián₅ guá'₅, juig₅₄ jme₂dsa₂, të₅juá'₅ né₃. Ca₂le₃jín₃ quiin'₃ jág₁ a₂jñag'₃. La₁ jein'₅₄ bá₄ táng₃ a₂'ni₅ jmi₂g₄ jaun₂.

³² Ca₂juá'₂ lia'₂ rë₂jiá₃ jág₁. Jaun₂ Pe₄ né₃ ca₂jio₃ le₂cau₅, jaun₂ ca₂jme₃lióg₃ ca₂ti₂ca₂néi'₂ a₂jme₁jnéi₂ jui₅.

³³ Jaun₂ ca₂jén'₃ Jesús ca₂jíin₂ ca₂le₃jín₃ chi'₂ dsi₂guia₃-tín₂, jaun₂ ca₂jén₂ Pe₄ ca₂juá'₂:

—jñiag'₃ cau₅ quió₃, 'ne₂ Satanás! Ia₁ tsá₃ dsi₂jio₃'au'₂ jui₁lia'₂ dsi₂jio₃ dsí₅ Diú₄; lia'₂ dsi₂jio₃ dsí₅ dsa₂ mi₂güüg₃ bá₄ dsi₂jio₃'au'₂.

³⁴ Jaun₂ ca₂té'₃ Jesús chi'₂ dsi₂guia₃-tín₂, ca₂le₃jín₃ gué'₄ dsa₂ i₂jme₁tion'₅₄ né₃. Jaun₂ ca₂juá'₂:

—Chi₂jua'₂ 'ein₂ 'nio₃ 'ein₃ jniá'₂, co₂dsia₅ jui₁dsi₂'én₂ dsí'₅ guioin₅₄, jui₁jmo₁₂ co₂jñiai₅₄ a₂jóin₂, * jui₁'ein₁₂.³⁵ Ia₁ jui₁'ein₂ gué'₃ i₂tsá'₃ 'nio₃ jón₂ ia₁ 'ín₅ dsí'₅ le₃chain₂ dse₃ mi₂güüg₃ la₂, dsi₃'én₂ quió'₅. La₁ jui₁'ein₂ gué'₄ i₂tén₂' dsí'₅ gue₃ 'mú'₃ 'uig₅₄ quió'₃ jniá'₂, 'uig₅₄ quió'₄ jág₁ dse₃ né₃, tíin₄, le₃chain₂ dse₃ mi₂güüg₃ caun₂.³⁶ ¿'E₂ bá₄ ta₁ jmo₃ a₂lí'₂ dsa₂ 'ñio₅ lin₃ ne₄ gua'₅₄ 'uë₃ la₂, nē₁jua'₂ dsi₃'én₂ bá₄ gué'₂ jme₂dsí'₂ quió'₅ mi₂güüg₃ caun₂?³⁷ ¿O₃ je₂liá'₂ lé₂ le₃quí'₃ dsa₂ 'lia'₅₄ ia₁jaun₂ tíin₄ jme₂dsí'₂ quió'₅?³⁸ Ia₁ jui₁'ein₂ gué'₃ i₂gui'₅₄ jmóg'₂ jniá'₂, quian'₅₄ jág₁ dse₃ quió'₃, tē₃jñin₄ dsa₂ i₂qui₂rē₂cán'₄ dso₄ i₂tsá'₃ ne'₅₄ chan₂ jmig₄ nē₃, ján₃ bá₄ le₂jaun₂ Jaun₅ dsa₂ mi₂güüg₃ gui'₅₄ jmóg'₂ jē₁ma₂tē₂ rē₁guain'₂ quian'₅₄ ángeles jñio₅ quian'₅₄ ca₂le₃jé₃ bí₂ jlá'₁ quió'₅ jmei₂.

9

¹ Jaun₂ ca₂tsí'₃ dsa₂ le₂la₂ ján₃:

—A₂dsi₂jó'₃ juá'₅ jniá'₂, ia₁ chan₂ i₂lin₅₄ 'nia'₂ i₂tión₂ ja₁lá₃ i₂tsá'₃ tin₅₄ dsián₃ né'₃ a₂tē₅₄ ne₅₄ a₂guá'₂ jmig₄ a₂jme₃gón₃ Diú₄ quian'₅₄ jui₅bí₂ quió'₅.

Ca₂rē₃tsín₃ Jesús lia'₂ jniái₂
(Mateo 17:1-13; Lucas 9:28-36)

² Jñéi₂ jmig₄ cang₂ jaun₂ ca₂jñia₃ Jesús Pe₄, Jacobo, Juan₅₄ né₃, jaun₂ ca₂i₃lén₂ con'₂ guioin₅₄ jui₅ caun₂ má'₂ ñei₅. Ja₁jaun₂ ca₂jme₃tsín₃ Jesús lia'₂ jniái₂ tē₃ jág₅ riin'₅₄.³ Jaun₂ ni₁tsin'₅₄ ca₂jnia₃ tág₅ co₂'né'₅ tiog₂ jau₂ ca₂lia'₂ 'i₁jan₂ dsa₂ chan₂ mi₂güüg₃ tsá'₃ tíin₂ rang₃ 'mi'₂ a₂jnia₅₄ tiog₂ le₂jaun₂.⁴ Jaun₂ ca₂jág₃ ca₂jnia₃ coin₂, Elías quian'₅₄ Moisés, tióin₂ dsia₂₃ jág₁ quian'₅₄ Jesús.⁵ Jaun₂ né₃ ca₂juá'₂ Pe₄ ca₂tsí'₃ Jesús:

—Tē₅, ¡'e₂ gué'₄ dse₃ lia'₂ tio'₅₄ jniog₄ ja₁lá₃! Nē₃ o₁jmog'₅₄ 'ni₅ tsi'₁io₅ láu₃: caun₂ quiáng'₂, caun₂ quió'₅ Moisés, caun₂ gué'₂ quió'₅ Elías né₃.

⁶ (On₃juá'₅₄ jaun₂ ca₂rē₃lí'₄ rē'₂ Pe₄ 'e₂ a₂ca₂'ñiai₂, tē₂ i₂₃ le₂jaun₂, ia₁ a₂gó'₅ 'ñio₅ lin₃ tíoin'₅₄).⁷ Tē₃jē₄ jaun₂ né₃ ca₂'ág₂ jnei₅ ja₁tioin'₅₄, ca₂lio₂. Jaun₂ jē₄ jnei₅ jaun₂ ca₂né'₂ jág₁ a₂ca₂juá'₂:

—I₂la₂ bá₄ jón₃ quiáng₃, i₂'nióg₃ gué'₄ lin₃. Nei₂ 'nia'₂ jág₁ quió'₅.

⁸ Dsi₂jui₅ le₂jaun₂ jme₁ca₂jág₃ táng₃, tsá'₃ ma₃'ein₂ chan₂, jñia'₅₄ lia'₂ jan₂ 'ñiog₅ bá₄ Jesús quiong'₅₄ gué'₄.

⁹ Jme₁ma₂tioin'₅₄ jui₅ ja₂lein₃ sióin₅ má'₂, jaun₂ ca₂jmo₃ Jesús 'éi'₃ a₂tsá'₃ 'ein₂ tsi'₃ 'i₁jan₂ 'e₂ a₂ca₂jág₃ jaun₂, a₂jmo₃ tei₄ ca₂lia'₂ ca₂jen'₅₄ táng₃ Jaun₅ dsa₂ mi₂güüg₃ ne₄ 'mú₃.

¹⁰ Jaun₂ né₃ tei₄ bá₄ ca₂jmo₃, tsá'₃ 'ein₂ ca₂tsí'₃, jñia'₅₄ lia'₂ qui₂ca₂ñí'₃ riin'₅₄ 'e₂ jein₅ jág₁ jaun₂ a₂jein'₅₄ ne₄ 'mú₃.¹¹ Jaun₂ ca₂ñí'₃ Jesús:

—¿'E₂ lē₃ juá'₂ tē₅juá'₅, Elías bá₄ i₂ca₂tín₂ jiá₃ le₂'uig₅₄?

¹² Jaun₂ ca₂ñag₃:

—Dsón'₂ bá₄ jaun₂ Elías bá₄ i₂jiá₃ le₂'uig₅₄, a₂jmóg'₃ ca₂le₃jé₃. ¿'E₂ gué'₂ lē₃ jaun₂ chi₁ton₅ ne₄ Si₂ a₂ca₂tín₂ Jaun₅ dsa₂ mi₂güüg₃ a₂tsá'₃ caun₂ dsi₃ñí₂, tsá'₃ guei₃ dsa₂, 'liog'₃ dsa₂ 'uë₃ co₂ñí₂?¹³ La₁ jniá'₂ juá'₅, i₂ma₂guan₅ bá₄ Elías, qui₂ca₂jmóg'₂ dsa₂ ca₂lia'₂ lé₂ dsí'₅, lia'₂ con'₂ lé₅ chi₁ton₅ ne₄ Si₂.

Ca₂jme₃ 'lión₂ Jesús jan₂ chi'₂ i₂jme₁'en₅₄ i₂'lin'₅₄ tē₂dsí'₅
(Mateo 17:14-21; Lucas 9:37-43)

¹⁴ Jme₁co₂lág₂ jaun₂, ca₂dsi₃lein₃ ja₁tioin'₅₄ riin'₅₄. Jaun₂ ca₂jñin₂ juin₅ dsa₂ sián'₂ tion'₅₄ le₃lág'₃ jaun₂. Tion'₅₄ tē₅juá'₅ né₃, tsiin₂₃ quian'₅₄ 'éi₂.¹⁵ Jaun₂ dsi₂jui₅ jme₁ca₂jág₃ dsa₂ ca₂le₃jñin₃ ca₂jñin₂ Jesús, ca₂i₃gó'₃ dsí'₅ 'ñio₅ lin₃, jaun₂ i₃lén₂ i₁cuag₃ Diú₄.¹⁶ Jaun₂ ca₂ñag₃ Jesús:

* 8:34 lit. "ju₁quian₅₄ cróg₄ quió'₅."

—¿E₂ jág₁ tsi₂jín' ₂ 'nia' ₂ quian' ₅₄ dsa₂ në₅?

¹⁷ Jaun₂ ca₂ɲag₃ jan₂ dsa₂ i₂'en₅₄ jë₄ jaun₂:

—Të₅, la₂ jɲag₅₄ chi' ₂ quiáng₃ a₂'ein₅₄ jme₂dsí₂ 'lín' ₅₄ i₂tsá₃ cuë₅ jmig₄ dsia₃ chi' ₂ jág₁. ¹⁸ Chi₂jua' ₂ 'a₂ guë' ₂ já' ₄ jmóg' ₂, jmo₂₃ tón₂ 'uë₃. Qui₂'ué' ₅ chi' ₂ jan₅ mi₂'o₅₄, qui₂quig' ₂ mi₂jan₅₄ në₃. Jmo₂₃ a₂rë₂'uá' ₃ rë₂juí₂ quió' ₅ në₃. Jaun₂ jme₁ma₂në₂juí₂ jniá₂ dsa₂ i₂quiang' ₅₄ a₂jme₁dsein₂₃ i₂'lín' ₅₄, la₁ tsá₃ tió' ₅, juá' ₂.

¹⁹ Jaun₂ ca₂ɲag₃ Jesús:

—j'En₁ jmá' ₃ tsá₃ 'e₂ 'én' ₂ 'nia' ₂ dsa₂ chan₂ jmig₄ në₃! ¿Je₂liá' ₂ jmig₄ jmá' ₃ 'nió' ₅ jmo₅₄ jniá₂ tió₅ dsi₃ ɲi₅₄ quian' ₅₄ 'nia' ₂? O₂quian₅ 'nia' ₂.

²⁰ Jaun₂ ca₂i₁quian₅₄ dsa₂ chi' ₂ ca₂o₃jio₃ ne₅₄. Jaun₂ dsi₂juí₅ jme₁ca₂jág₃ i₂'lín' ₅₄ ca₂jíin₂ Jesús, ca₂jmo₃ táng₃ i₃'ín₃ i₂bë' ₅₄ qui₂ca₂ba₂ca₂lín' ₂ 'uë₃, 'ué' ₅ jan₅ mi₂'o₅₄. ²¹ Jaun₂ ca₂ɲí' ₃ jmei₂ chi' ₂:

—¿Jma₂je₂liá' ₂ jmig₄ jén' ₅ le₂në₅?

Jaun₂ ca₂ɲag₃:

—Lia' ₂ con' ₂ bin' ₅₄ bá₄ i₂në₅. ²² 'Lióng₂ ráun₂ ma₂jmo₃ a₂'nio₃ 'í₂ né' ₃ si₂, 'nio₃ 'í₂ né' ₃ jmíg₃ në₃, a₂jmóg' ₂ i₂'lín' ₅₄ a₂'nio₃ jɲag' ₃. La₁ në₁jua' ₂ cha₂ a₂lé₂ le₃jmó' ₂, dsia₄ ɲéi₂ 'au' ₂ jnia' ₅₄.

²³ Jaun₂ ca₂juá' ₂ Jesús:

—¿A₂ bá₄ lia' ₂ jaun₂ “chi₂jua' ₂ cha₂ a₂lé₂?” Lé₂ bá₄, quió' ₅ ca₂le₃jín₃ i₂'én₂.

²⁴ Dsi₂juí₅ le₂jaun₂ ca₂ɲag₃ jmei₂ i₂bë' ₅₄ ca₂juá' ₂ tiá₂:

—j'Én₂ bá₄ jniá₂! jme₁'o₁ jaun₂ le₃'éng₂ gué₄!

²⁵ Jme₁ca₂jág₃ Jesús caun₂ qui₂ca₂ɲí' ₂ juín₅ lín₃ gué₄ dsa₂, jaun₂ gué₄ ca₂jéin₂ i₂'lín' ₅₄, ca₂juá' ₂:

—Jú₅ ja₁në₅, 'ne₂ jme₂dsí₂ i₂jmo' ₂ con₄ güin₄ chi' ₂. Ca₂lia' ₂ o₁líg' ₂ jmig₄ tsá₃ ma₃'ú' ₄ ja₁në₅, ia₁ jniá₂ juá' ₅.

²⁶ Jaun₂ jme₁ca₂o₃'ín₃ i₂'lín' ₅₄, ca₂jmo₃ gué₄ cón' ₂ ca₂guió' ₃ chi' ₂ 'éi₂, ca₂i₃'ín₃, ca₂ba₂ca₂lín' ₂ 'uë₃, ca₂quio₂ tsá₃ lí' ₄. “Ca₂join₃ bá₄”, ca₂juá' ₂ mei' ₂ tsá₃ ca₂le₃jín₃ dsa₂ i₂ca₂jág₂. ²⁷ Jaun₂ ca₂'ín₃ Jesús mi₂gu₂, ca₂chó' ₂, jaun₂ ca₂nau₂ chi' ₂.

²⁸ Jaun₂ jme₁ma₂'í₅ Jesús caun₂ dsi₂néi₂, ja₁jaun₂ ca₂ɲag₃ chi' ₂ dsi₂guia₃-tín₂ con' ₂ guioin₅₄:

—¿E₂ 'uig₅₄ tsá₃ ca₂tián₃ jnia' ₅₄ a₂dsén₄ i₂'lín' ₅₄?

²⁹ Jaun₂ ca₂ɲag₃ Jesús:

—Jme₂dsí₂ 'lín' ₅₄ i₂le₂në₅ lé₂ le₃'uín₃ jmá' ₃ lia' ₂ quian' ₅₄ a₂chi₂lén' ₂ dsa₂ Diú₄. *

Ca₂'é₂ táng₃ Jesús jág₁ a₂jóin₂

(Mateo 17:22-23; Lucas 9:43-45)

³⁰ Jme₁ca₂'uín₂ juí₂ jaun₂, ca₂i₃lein₃ táng₃, ca₂ɲí₅ juí₅ 'uë₃ Galilea, tsá₃ jme₁'nio₃ Jesús le₃ɲi₅ dsa₂, ³¹ ia₁ jme₁jme₂tiin₂₃ chi' ₂ dsi₂guia₃-tín₂, ca₂juá' ₂:

—Ja₂quián₃ jmig₄ a₂jáng' ₂ dsa₂ jíin' ₂ Jaun₅ dsa₂ mi₂güüg₃ o₄gú₃ dsa₂ i₂'iog₅₄ jaun₂ jɲag' ₃ dsa₂. La₁ a₂'ni₅ jmig₄, jein' ₅₄ bá₄ táng₃.

³² La₁ chi' ₂ dsi₂guia₃-tín₂ në₃, tsá₃ ca₂ɲí' ₂ 'e₂ jein₅ jág₁ a₂juá' ₂ le₂jaun₂, ton' ₂ tsá₃ ma₃ca₂tiá₃ dsí₅ jua' ₅₄ a₂ɲag₃ gué₄ 'e₂ ɲag₃.

Tsin₅ chi' ₂ dsi₂guia₃-tín₂ 'ein₂ bá₄ i₂lín₅ i₂dsen₅₄ gué₄ con' ₂ quian' ₅₄ riin' ₅₄

(Mateo 18:1-5; Lucas 9:46-48)

³³ Jaun₂ ca₂dsi₃lén₂ juí₂ Capernaum. Jme₁ma₂tián' ₅ dsi₂néi₂, jaun₂ ca₂ɲí' ₃ Jesús chi' ₂ dsi₂guia₃-tín₂, ca₂juá' ₂:

—¿E₂ jág₁ tsín' ₂ 'nia' ₂ ja₂nóg' ₅ le₂'i₄ juí₅?

* 9:29 A₂lín₅₄ chog₅₄ si₂ juá' ₂: “a₂chi₂lén' ₂ dsa₂ Diú₄, a₂jme₂'ín₅₄ në₃.”

³⁴ La₁ tei₄ bá₄ ca₂tiáin'₂, tsá₃ 'e₂ ca₂ɲag₃, ia₁ le₂'i₄ jui₅ ja₂lein₃ tsiin₂₃ 'ein₂ dsón'₂ i₂lén₂ i₂dsen₅₄ gué₄ jë₄ quió'₅ riin'₅₄. ³⁵ Jaun₂ ca₂guá₂ Jesús, jaun₂ ca₂té'₃ ta₁guia₃-tín₂ 'éi₂, jaun₂ ca₂juá'₂:

—Chi₂jua'₂ 'ein₂ 'nia'₂ 'nio₃ lén₂ i₂le₂'uig₅₄, cán₂ ne₄ jui₅, 'nió'₅ lén₂ i₂jë₁ca₂tó'₂ quió'₅ ca₂le₃jín₃, jme₂ti₃ ta₁ ne₄ ca₂le₃jín₃ riin'₅₄.

³⁶ Jaun₂ né₃ ca₂cain₃ jan₂ guein₂ quián₅ dsa₂, jaun₂ ca₂dsiain₃ 'éi₂ jë₄ quió'₅, jaun₂ ca₂ɲau'₃, ca₂juá'₂:

³⁷ —Jui₁'ein₂ gué₃ i₂guen₅ jan₂ guein₂ bë'₅₄ le₂la₂ o₄quió₃ jniá₂, jniá₂ bá₄ guei₂₃. I₂guei₅ jniá₂, on₃jua'₅₄ jmá'₃ jniá₂ guei₂₃. Guein₂₃ le₂jio₅ i₂ca₂chei₃ jniá₂.

“I₂tsá₃ 'iog₅₄ jniog₄, të₂le₃ quián₂ jniog₄ bá₄ chéin'₅”

(Mateo 10:42; Lucas 9:49-50)

³⁸ Jaun₂ ca₂juá'₂ Juan₅₄:

—Të₅, në₂jín₄ jnia'₅₄ jan₂ dsa₂ i₂në₂'uín'₂ je₂na'₅₄ quian'₅₄ bí₂ 'éi'₃ quiáng'₂. Tsá₃ ma₃në₂cué'₁ jnia'₅₄ jmig₄ jua'₅₄ a₂jmo₃ gué₄ le₂jaun₂, ia₁ tsá₃ ɲi₂₃ gué'₂ quian'₅₄ jniog₄.

³⁹ Jaun₂ ca₂juá'₂ Jesús:

—Tsá₃ jmó'₂ 'nia'₂ le₂jaun₂, jua'₅₄ a₂jni₅₄. Ia₁ 'i₁jan₂ tsá₃ jmo₅ caun₂ ta₁ jué'₂ lia'₂ con'₂ lé₅ 'éi'₃ quió₃ jniá₂, jua'₅₄ a₂lé₂ le₃dsia₃ 'ag₃ 'lig'₅₄ dsi₂jui₅ le₂jaun₂. ⁴⁰ Ia₁ jui₁'ein₂ gué₃ jui₁lia'₂ i₂tsá₃ 'iog₅₄ jniog₄, i₂tión₂ të₂le₃ quián₂ jniog₄ bá₄ 'éi₂. ⁴¹ Ia₁ në₁jua'₂ 'ein₂ ca₂cué'₃ 'nia'₂ tsá₃ a₂léi'₂ o₁ɲia'₅₄ caun₂ vaso jmig₂ bá₄, ia₁ a₂tén'₅ 'nia'₂ të₂le₃ quió'₅ I₂rë₂'ín₁ quián₅ Diú₄, a₂dsi₂jó'₃ juá'₅ jniá₂, lí'₂ bá₄ 'liain'₅₄.

A₂go'₂ tsi₃sén'₂ dsa₂ dso₄

(Mateo 18:6-9; Lucas 17:1-2)

⁴² Jui₁'ein₂ gué₃ i₂jmo₅ tsi₂sén'₂ dso₄ jui₁lia'₂ i₂me'₂ le₂la₂ i₂én₂ të₂le₃ quió₃ jniá₂, ja₂lin₃ gué₄ dse₃ co₂ɲei'₅₄ jua'₅₄ a₂tón₂ dsa₂ ne₄ jmi₁ɲi'₄ rë₂quein₅ ca₂míg₂ ni₁to₂ dsi₂lag₅₄.

⁴³ Në₁jua'₂ mi₂gog'₂ jmo₅ a₂tang'₂ dso₄, co₂ɲei'₅₄ gué₄ dse₃ 'nia₄, ia₁ ja₂lin₃ gué₄ dse₃ dsiáng'₄ 'nau₅₄ caun₂ gog'₂ ja₁le₃chang'₂ co₂tan₅₄, con'₂ gué₄ a₂jme₁dsiáng'₄ guio₃-juí₃ a₂rë₂'ɲia₅ ta₁tín₃ gog'₂ ja₁tsá₃ líg'₂ jmig₄ éi₃ si₂.[†] ⁴⁵ Në₁jua'₂ mi₂tag'₅₄ jmo₅ a₂tang'₂ dso₄, 'nia₄ ján₃, ia₁ ja₂lin₃ gué₄ dse₃ dsiáng'₄ guiang'₅₄ ja₁le₃chang'₂ co₂tan₅₄, lia'₂ con'₂ gué₄ a₂jme₁dsiáng'₄ a₂rë₂'ɲia₅ le₃tín₃ tag'₅₄ guio₃-juí₃, ja₁tsá₃ líg'₂ jmig₄ éi₃ si₂.[‡] ⁴⁷ Chi₂jua'₂ mi₂ne'₅₄ jmo₅ a₂tang'₂ dso₄, co₂ɲei'₅₄ gué₄ dse₃ dsi₄ ján₃, ia₁ ja₂lin₃ gué₄ dse₃ a₂dsiáng'₄ a₂teng'₅₄ ca₂míg₂ mi₂ne'₅₄ ja₁gon₂ Diú₄, lia'₂ con'₂ gué₄ a₂jme₁dsiáng'₄ a₂rë₂'ɲia₅ ta₁tín₃ mi₂ne'₅₄ guio₃-juí₃:

⁴⁸ ja₁tsá₃ líg'₂ jmig₄ dsián₃ i₁ja'₅₄,

on₃ gué'₂ si₂ éi₃ né₃.[§]

⁴⁹ 'Ia₁ ca₂le₃jín₃ bá₄ 'nió'₅ lé₂ 'í₁ të₂le₃ quian'₅₄ uig₅ a₂lé₅ lia'₂ lé₅ si₂.^{*} ⁵⁰ Dse₃ bá₄ tsi₁ɲi₁ të₁lia'₂ ɲi'₅₄, la₁ në₁jua'₂ ca₂'en₃ ɲi'₅₄ tsi₁ɲi₁ né₃, ¿'A₂ bá₄ lia'₂ lé₂ le₃lei₂ táng₃? Jaun₂ jui₁len'₅₄ bá₄ 'nia'₂ jui₁lia'₂ lé₅ tsi₁ɲi₁. Jui₁le₂chan'₂ bá₄ 'nia'₂ 'ei₅ tei₄ quian'₅₄ ríng'₂ le₂jang'₂ le₂jang'₂.

10

Jme₂tag₅ Jesús jui₁lia'₂ 'a₂ lia'₂ lé₅ a₂tén₂ dsa₂ dsi₂i₂gu₂

(Mateo 19:1-12; Lucas 16:18)

¹ Jaun₂ ca₂o₃'ín₃ Jesús juí₂ Capernaum ja₁jme₁'ein₅₄, ca₂ɲó₃ táng₃ ja₁tén₄ Judea quian'₅₄ jui₅ 'uë₃ të₂le₃ 'ɲo'₅₄ Cuá₃ Jordán. Ja₁jaun₂ ca₂o₃lén₂ táng₃ dsa₂ juin₅ ja₁'ein₅₄.

[†] 9:43 A₂lin₅₄ chog₅₄ si₂ chi₁ton₅ versículo 44, ja₁juá'₂ co₂rë₂ quian'₅₄ versículo 48. [‡] 9:45 A₂lin₅₄ chog₅₄ si₂ chi₁ton₅ versículo 46, ja₁juá'₂ co₂rë₂ quian'₅₄ versículo 48. [§] 9:48 Isaías 66:24. ^{*} 9:49 lit. “Ia₁ ca₂le₃jín₃ 'nió'₅ le₃ɲi'₅₄ quió'₅ quian'₅₄ si₂.” 'Nio'₂ ja₁ton₅ 1 Pedro 1:7; 4:12.

Con² siá² táng³ ca₂jmo₃ jui₁lia² jmo₂₃ tián₂, ca₂jme₃tiin₂₃ dsa₂. ²Jaun₂ ca₂dsi₃lén₂ i₂lin₅₄ dsa₂ fariseos, ca₂ñii³ Jesús a₂jñia⁵⁴ con² 'nio₃ cáun₂ táu₂ chi₂jua² 'i₄ 'éi³ a₂tén₂ dsa₂ dsa₂ mí₂ quiáin₅. ³Jaun₂ ca₂ñag₃ 'éi₂:

—¿'E₂ 'éi³ ca₂cuë₃ Moisés guë²?

⁴Jaun₂ ca₂ñag₃ táng₃ dsa₂ 'éi₂:

—Ca₂cuë₃ Moisés jág₁ a₂lé₂ le₃jmo₃ dsa₂ ñe² caun₂ si₂ tē₃ron₅₄, jaun₂ gué₄ ma₂lé₂ dsei₂₃.

⁵Jaun₂ ca₂ñag₃ Jesús:

—'Uig₅₄ ia₁ a₂ñi₄ tsá₃ nág¹ 'nia² guiong⁵⁴ bá₄ ca₂cuë₃ Moisés 'éi³ jaun₂, ⁶La₁ le₂'uig₅₄ lia² con² jme₁ca₂dsia₃ Diú₄ mi₂güig₃, “ca₂jmó¹ dsa₂ ñe², dsa₂ mí₂”. ⁷“'Uig₅₄ jaun₂ né₃ dsa₂ ñe², ca₂tiin₂ téin₂ chog₅₄-jmei₂, con² tiain³ quiain⁵⁴ dsa₂ mí₂ quiáin₅. ⁸Jaun₂ jē₁le₃oin₃ lén₂ caun₂ bá₄ ni₁ñi₅.”* Jaun₂ dsió₄ lé₂ co₂'nió⁴ jan₂ dsa₂ bá₄, tsá₃ ma₂lé₂ oin₃. ⁹Jaun₂ tsá₃ 'i₄ 'éi³ jua⁵⁴ dsa₂ mi₂güig₃ a₂jmo₃ jma₃quén₅ a₂ma₂dsia₃ Diú₄ rē₂.

¹⁰Jme₁ma₂tiön⁵⁴ táng₃ dsi₂néi₂, ca₂ñag₃ chi² dsi₂guia₃-tín₂ ca₂ñii³ Jesús jág₁ në₅.

¹¹Jaun₂ ca₂juá² Jesús:

—Dsa₂ i₂tén² 'io₅₄ quián₅, a₂guá₃ táng₃ quiain⁵⁴ i₂sián², 'no₂₃ dso₄ ja₁con₂ 'io₅₄ quiáin₅ i₂le₂'uig₅₄. ¹²Con² guë² siá² táng₃ në₁jua² tén² 'io₅₄ dsi₂i₂gu₂ a₂guá₃ táng₃ quiain⁵⁴ dsa₂ ñe² sián², ján₃ bá₄ le₂jaun₂ 'no₂₃ dso₄ ja₁con₂ dsi₂i₂gu₂.

Ca₂jme₃gon⁵⁴ Jesús chi²-guein₂

(Mateo 19:13-15; Lucas 18:15-17)

¹³Jaun₂ ca₂dsi₃lén₂ dsa₂ le₁jñiai₂₃ chi² quiáin₅ ja₁guá₄ Jesús, ia₁jaun₂ qui₃téi₂ Jesús gu₂. La₁ chi² dsi₂guia₃-tín₂ né₃ ca₂jí₂. ¹⁴Jme₁ca₂jág₃ Jesús, jaun₂ ca₂i₃méi² dsí₅ quian⁵⁴ chi² dsi₂guia₃-tín₂, jaun₂ ca₂juá²:

—Cuë₄ 'nia² jmi₄g₄ jui₁ja₂lén₂ chi²-guein₂ cong₂. Tsá₃ jmó¹ 'nia² le₂nē₅ jua⁵⁴ a₂jñig⁵⁴, ia₁ jui₁lia² i₂le₂la₂ bá₄ guë² i₂dsi₂len₅ ja₁gon₂ Diú₄. ¹⁵A₂dsi₂jó³ juig₂ jniá² 'nia², ia₁ jui₁'ein₂ guë₃ i₂tsá₃ gue₅ 'éi³ quió⁵ Diú₄, jui₁lia² gue₅ jan₂ i₂bē⁵⁴, o₁líg² tsá₃ dsi₁lein₅ ja₁gon₂ Diú₄.

¹⁶Jaun₂ qui₂ca₂jñai³ guein₂ 'ein₅₄, ca₂quiog₂ gu₂ ne₄ quió⁵, ca₂jme₃jñi₃ó₃.

Jan₂ dsó₂ chi² cha₂ cu₄ ca₂dsia₃ jág₁ quiain⁵⁴ Jesús

(Mateo 19:16-30; Lucas 18:18-30)

¹⁷Jme₁ma₂'en₅₄ Jesús jui₅ ñó₅ táng₃, jaun₂ já₃ jan₂ dsó₂ co₂chi⁵⁴ ca₂jme₃jein² ca₂chi₃jné₃ ne₅₄. Jaun₂ ca₂ñag₃:

—Tē₅ dsen₃, ¿'e₂ 'nió⁵ jmo₅₄ jniá² ia₁jaun₂ tìng₅₄ ja₁le₃chang₂ co₂tan₅₄?

¹⁸Jaun₂ ca₂ñag₃ Jesús:

—¿'E₂ lē₃ quiong⁵⁴ jniá² a₂dseng₃? 'I₁jan₂ i₂dsen₃ tsá₃ chan₂, jñia⁵⁴ lia² jan₂ Diú₄ bá₄.

¹⁹Cuing² bá₄ 'Éi³ Juá⁵ quió⁵ Diú₄, ja₁juá² tsá₃ jme₁dsiang² dsa₂ mi₂güig₃ ríng²; on₃ guë² nióg⁴ jág₁ quian⁵⁴ dsa₂ i₂tsá₃ lín₅ dsi₂i₂gog²; on₃ guë² 'áng¹. Tsá₃ jmó¹ jua⁵⁴ jang⁵⁴ jág₁ tē₂jág₁; tsá₃ jme₁gan₅ dsa₂ jua⁵⁴ a₂jñiá⁴ a₂cha₂ quió⁵; a₂jme₁gang³ chog²-ñéi⁵ né₃.†

²⁰Ca₂ñag₃ táng₃ dsa₂ 'éi₂:

—Tē₅, ca₂le₃jé₃ a₂nē₅, lia² con² bin⁵⁴ bá₄ jniá² jme₂tí₁.

²¹Jaun₂ ca₂jág₂ Jesús ñéi₂ dsí₅, ca₂juá²:

—Caun₂ gué₄ a₂'nió⁵ quiáng². Guan² o₂'nag₄ ca₂le₃jé₃ a₂cha₂ quiáng², o₂dsio⁵⁴ cu₄ jaun₂ o₂cuë⁵⁴ dsa₂ te₂ñé₂. Jaun₂ gué₄ le₃cha₂ a₂jlá¹ quiáng² guei⁵⁴ i₂juig₃. Jaun₂ gué₄ ñia₅, 'éin₃.‡

²²Jaun₂ ca₂tá² jén₂ dsí₅ dsa₂ 'éi₂ jme₁ca₂nág₂ le₂nē₅; ñái⁵ bá₄ jaun₂ 'lia² dsí₅, ia₁ 'ñio₅ lín₃ jme₁cha₂ cu₄.

* 10:8 Génesis 2:24. † 10:19 Éxodo 20:12-6; Deuteronomio 5:16-20. ‡ 10:21 A₂lin₅₄ chog₅₄ si₂ juá²: “Jmo₄ co₂jñiag⁵⁴ a₂jóng²,” (lit. quian₂ cróg₄ quiáng²), “'éin₃ jniá².”

²³ Jaun₂ ca₂jén'₃ Jesús qui₂ca₂jín'₂ chi'₂ dsi₂guia₃-tín'₂ quiáin₅. Jaun₂ ca₂juá'₂:

—¿'E₂ gué'₄ 'ñio₅ quian₅ ta₁ quió'₅ dsa₂ cha₂ cu₄ a₂tín'₄ ja₁gon₂ Diú₄!

²⁴ Jaun₂ i₃gó'₃ dsí'₅ chi'₂ dsi₂guia₃-tín'₂ jág₁ jaun₂, la₁ ca₂juá'₂ táng₃ Jesús:

—'Nia'₂ jón₃, ¿'e₂ bá₄ 'ñio₅ quian₅ ta₁ a₂dsi₁len₅ dsa₂ ja₁gon₂ Diú₄! § ²⁵ Tsá₃ gué'₄ 'e₂ ta₁ quian₅ a₂lé₂ le₃ñi₅ jan₂ já'₂ camello jui₅ tau₂ mi₂cu₄, con'₂ gué'₄ dsa₂ cha₂ cu₄ a₂'í₂ ja₁gon₂ Diú₄.

²⁶ Jme₁ca₂nág₂ chi'₂ dsi₂guia₃-tín'₂ a₂nē₅, i₃gó'₃ dsí'₅ 'ñio₅ lín₃. Qui₂ca₂ñí'₃ riin'₅₄:

—¿I₂'ein₂ bá₄ gué'₂ jaun₂ né₃ i₂lé₂ le₃tín'₄?

²⁷ Jaun₂ ca₂jág₂ Jesús, jaun₂ ca₂juá'₂:

—Dsón'₂ bá₄ jaun₂, tē₂le₃ quió'₅ dsa₂ mi₂güig₃, o₁líg'₂ tsá₃ lé₂ le₃lé₂. La₁ tē₂le₃ quió'₅ Diú₄, ca₂le₃jé₃ bá₄ lé₂ le₃lé₂.

²⁸ Pe₄ né₃ ca₂jme₃lióg₃ ca₂juá'₂:

—Te₁gui'₅₄, ca₂le₃jé₃ 'e₂ a₂jme₁cha₂ quián₂ jnia'₅₄, ma₂ca₂tén'₂ dsi₅ jnia'₅₄ ma₂qui₂ma₂tí₄, ia₁ a₂'én₅ jnia'₅₄ 'ne₂.

²⁹ Jaun₂ ca₂ñag₃ Jesús:

—A₂dsi₂jó'₃ juá'₅ jniá₂ juíg₂ 'nia'₂, ca₂le₃jín₃ i₂táun₂ 'ne₄, i₂tén₂ rin'₅₄, chog₅₄-jmei₂, chi'₂ quiáin₅, i₂tí₂ ja₁nau₂ quió'₅, 'uig₅₄ quió'₃ jniá₂, quian'₅₄ 'uig₅₄ quió'₄ jág₁ dse₃ né₃, ³⁰ gue₃ mi₂güig₃ la₂ 'lióng₂ gué'₄ 'né₅, juin₅ gué'₄ riin'₅₄, juin₅ gué'₄ chog₅₄, juin₅ gué'₄ chi'₂-guein₂ quiáin₅ né₃ le₃chan₂; ton'₂ 'lióng₂ gué'₄ ja₁nau₂ quió'₅ le₃cha₂, o₁jñia'₅₄ la₂ chain₂ mi'₅₄ co₂'ein₅ dsa₂. La₁ia₁ gue₃ ja₁le₃chain₂ co₂tan₅₄ mi₂güig₃ caun₂. ³¹ La₁ rē₂né₃, juin₅ i₂lín₅ i₂quen₅, la₁ jmig₄ jaun₂ léin₂ dsa₂ tē₂le₃ jē₁ca₂tó'₂; le₂jaun₂ bá₄ ján₃, jui₁lia'₂ i₂tsá₃ 'e₂ quen₅ rē₂né₃ lia'₂ con'₂ niog₅ lín₂ dsa₂ mi₂güig₃, léin₂ i₂le₂'uig₅₄.

Con'₂ siá'₂ táng₃ ca₂'é₂ Jesús jág₁ a₂jóin₂

(Mateo 20:17-19; Lucas 18:31-34)

³² Tioin'₅₄ jui₅ uíg₂ tso₄ a₂dsi₁léin₂ Jerusalén. Jesús né₃ ñó₃ dsi₂jñiái₄ ne₄ jui₅. Chi'₂ dsi₂guia₃-tín'₂ gué'₂ i₂léin₂ dsi₂gó'₃ dsí'₅. Ca₂le₃jín₃ gué'₄ dsa₂ i₂jme₁quiain'₅₄ né₃ i₂léin₂ gó'₅. Jaun₂ né₃ ca₂té'₃ Jesús le₃cau₅ jui₅ jmá'₃ dsi₂guia₃-tín'₂, jaun₂ ja₁jaun₂ ca₂juá'₂ 'e₂ niog₅ dsi₃ñí₂, ³³ ca₂juá'₂:

—Ñí₂ 'nia'₂ jaun₂, tio'₅₄ jniog₄ jui₅ uíg₂ tso₄ a₂dsi₁náu₅ Jerusalén. Ja₁jaun₂ jín'₂ dsa₂ Jaun₅ dsa₂ mi₂güig₃ o₄gú₃ juig₅₄ jme₂dsa₂, ne₄ tē₅juá'₅ né₃. I₂'éi₂ dsí₃ 'éi'₃ a₂jñag'₃ dsa₂, jaun₂ jáng'₂ dsa₂ o₄gú₃ dsi₂nau₂ né₃. ³⁴ 'Éi₂ né₃ a₂lē₁qui₃jmóg'₂, qui₃cué₃, qui₃'ñéi₂ dsa₂ né₃. Jaun₂ gué'₄ jñag'₃. La₁ a₂'ni₅ jmig₄, jein'₅₄ bá₄ táng₃.

A₂ca₂mi₃ Jacobo quian'₅₄ Juan₅₄

(Mateo 20:20-28)

³⁵ Jaun₂ né₃, Jacobo quian'₅₄ Juan₅₄, le₃on₃ ja₁ñi'₅₄ Zebedeo, ca₂jme₃quiáin₃ ja₁chén'₄ Jesús, jaun₂ ca₂juá'₂:

—Tē₅, 'niog₂ jnia'₅₄ jmó'₂ 'ne₂ dse₃ 'au'₂ a₂jmó'₂ jui₁'e₂ caun₂ a₂mí₁ jnia'₅₄.

³⁶ Jaun₂ ca₂juá'₂ Jesús:

—¿'E₂ 'niog'₂ 'nia'₂ jmo₅₄ jniá₂ gué'₂?

³⁷ Jaun₂ ca₂juá'₂ táng₃ 'éi₂:

—Jmó'₂ 'io₄ jnia'₅₄ jma₃jáu₃ lia'₂ ca₂ton₂ cau₅ quiáng'₂ jē₁ma₂tē₂ rē₁ne'₅₄ jláng'₁ ne₄ta₁ quiáng'₂.

³⁸ Jaun₂ ca₂ñag₃ Jesús:

—Tsá₃ a₂jaun₂ ñi'₅₄ 'nia'₂ a₂mi'₂. ¿Tián'₃ 'nia'₂ dsi₃ñíg'₂ ca₂le₃jé₃ jui₁lia'₂ a₂dsi₃ñí₂ jniá₂ gué'₂? ¿Tián'₃ 'nia'₂ cán'₁ o₂i₁ dsi₅ jui₁lia'₂ o₂i₁ dsi₅ can₅₄ jniá₂?

§ 10:24 Cha₂ a₂lín₅₄ chog₅₄ si₂ a₂juá'₂ le₂la₂: “a₂dsi₁len₅ dsa₂ cha₂ cu₄ ja₁gon₂ Diú₄.”

³⁹ Jaun₂ ca₂ŋag₃ táng₃ 'éi₂:

—Tián₂ bá₄ jnia'₅₄.

Ca₂juá'₂ táng₃ Jesús:

—Dsón'₂ bá₄ jaun₂ dsi₃ŋí'₂ 'nia'₂ 'e₂ niog₅ dsi₃ŋí'₂ jniá₂. Ján₃ bá₄ cán'₁ 'nia'₂ o_{2i1} dsi₅ jui₁lia'₂ o_{2i1} dsi₅ can₅₄ jniá₂. ⁴⁰ La₁ jui₁lia'₂ a₂juá'₂ 'nia'₂ a₂tiáng'₄ jma₃ca₂ton₂ cau₅ quió₃, on₃jua'₅₄ jniá₂ ca₂tíng₂ cuë₅₄ a₂jaun₂. Ja₁jaun₂ lé₅ co₂jña₅₄ a₂tian'₃ con'₂ i₂ca₂tín₂ bá₄.

⁴¹ Riin'₅₄ i₂guian₃ gué₄ 'éi₂ né₃, ca₂rë₃'néi₃ quian'₅₄ Jacobo quian'₅₄ Juan₅₄, jme₁ca₂nág₂ juá'₂ 'éi₂ le₂në₅. ⁴² Jaun₂ ca₂të₃ Jesús cau₅ quió'₅ ca₂té'₃ 'éi₂ ca₂le₃jín₃. Jaun₂ ca₂juá'₂:

—ŋi'₅₄ bá₄ 'nia'₂ jui₁lia'₂ dsa₂ can'₅₄ i₂tián'₅ gon₂ juig₂ go₄ dsi₂nau₂, i₂jín₂ dsa₂ co₂'nió'₄ dsi₂tan₅₄ quiáin₅, qui₂toin'₂ dsa₂ 'éi'₃ bën₂. Le₂jaun₂ bá₄, jui₁lia'₂ dsi₂tan₅₄ i₂sion₅ gué₄ quiáin₅ né₃, tián'₅ goin₂ jmo₂₃ 'éi'₃. ⁴³ La₁ jín'₄ 'nia'₂, tsá₃ le₂jaun₂ lé₂. Chi₂jua'₂ 'ein₂ 'nio₃ jmo₃ juin'₂, ca₂tíin₂ jme₃ti₃ ta₁ ne₄ riin'₅₄; ⁴⁴ chi₂jua'₂ 'ein₂ 'nia'₂ 'nio₃ cán₂ ne₄ jui₅, 'nió'₅ jme₃ti₃ ne₄ ca₂le₃jín₃ dsa₂. ⁴⁵ Ia₁ le₂në₅ bá₄ Jaun₅ dsa₂ mi₂güig₃, tsá₃ ta₁ jaun₂ já₅ jua'₅₄ a₂jme₃ti₃ dsa₂ ne₅₄; a₂jme₃ti₃ ta₁ ne₄ dsa₂ bá₄ já₅, a₂quí₃ quian'₅₄ 'mú₃ 'lia'₅₄ ia₁jaun₂ tín'₄ juin₅.

Ca₂jme₃'lión₂ Jesús jan₂ dsa₂ ten₄ i₂chen₂ Bartimeo

(Mateo 20:29-34; Lucas 18:35-43)

⁴⁶ Dsi₃lén₂ juig₂ Jericó. Jme₁o₂'iin₃ juig₂ jaun₂ quiaín'₅₄ chi'₂ dsi₂guia₃-tín₂ quiáin₅, juin₅ gué₄ dsa₂ sián'₂ né₃ quiong'₅₄, jaun₂ jan₂ dsa₂ ten₄ i₂chen₂ Bartimeo, (co₂'nió'₄ le₃jua'₅₄ ja₁ŋi'₅₄ Timeo), guá₅ 'éi₂ cau₅ jui₅ mi₂₃ a₂jme₃'o₅₄ dsa₂ cu₄. ⁴⁷ Jme₁ca₂nág₂ juá'₂ dsa₂ ŋó₅ Jesús i₂chan₂ Nazaret cau₅ jaun₂, jaun₂ ca₂'í₃ co₂mi'₅₄ té'₂ Jesús:

—¡Jesús, tsi₁jon₂ David, dsia₄ ŋéi₂ 'au'₂ jniá₂!

⁴⁸ Jaun₂ ca₂jí₂ bá₄ dsa₂ ia₁jaun₂ dsó₃ tei₄. La₁ tē₂le₃ i₂jui'₂ gué₄ co₂mi'₅₄ ca₂'í₃ bá₄, ca₂juá'₂:

—¡Tsi₁jon₂ David, dsia₄ ŋéi₂ 'au'₂ jniá₂!

⁴⁹ Jaun₂ ca₂nau₂ Jesús jme₁ca₂nág₂, jaun₂ ca₂tsí'₃ dsa₂ i₂quiaín'₅₄:

—Te'₂ 'nia'₂ o₁jia₂ ja₁lá₃.

Jaun₂ ca₂të₃ dsa₂, ca₂juá'₂:

—Jmo₄ 'io'₂. Nau₂, ia₁ ó₃ té₂.

⁵⁰ Jaun₂ ca₂ton₃ cau₅ 'mi'₂ dsióg₂ jme₁chi₁bóin'₅, jaun₂ con'₂ ca₂nau₂ jaun₂ bá₄ co₂chi'₅₄, ca₂ŋó₃ ja₁chén'₄ Jesús.

⁵¹ Jaun₂ ca₂ŋag₃ 'éi₂:

—¿'E₂ 'niog'₂ jmo₅₄ jniá₂ o₄quiáng'₂?

Jaun₂ ca₂ŋag₃ táng₃ dsa₂ ten₄:

—Të₅, a₂jnia₅₄ jme₁ne₃ bá₄ jniá₂ 'nio₃.

⁵² Jaun₂ ca₂juá'₂ Jesús:

—Ma₂lé₂ guang'₅₄. Ma₂'lóng'₂ ia₁ 'éng'₂ bá₄.

Dsi₂jui₅ jaun₂ bá₄ ca₂jnia₃ mi₂ne₄ dsa₂ 'éi₂. Jaun₂ ca₂ŋó₃ quiaín'₅₄ Jesús.

11

Ca₂'í₃ Jesús jē₄ juig₂ Jerusalén

(Mateo 21:1-11; Lucas 19:28-40; Juan 12:12-19)

¹ Jme₁ma₂quiaín₅ dsi₁lén₂ Jerusalén, dsi₃lén₂ quiaín₅ juig₂ Betfagé quian'₅₄ juig₂ Betania né₃, a₂niog₅ cau₅ Má'₂ Olivos. Ja₁jaun₂ ca₂chen₃ Jesús on₃ dsa₂ i₂guia₃-tín₂ quiáin₅, ² ca₂juá'₂:

—O₂nó'₅ 'nia'₂ juig₂ pí'₁ niog₅ tē₂le₃ ne₄ jui₅ ja₁dsau₅₄ në₅. Jē₁ma₂ca₂dsi₃nó'₅ 'nia'₂ ja₁jaun₂, dsian'₂ 'nia'₂ jan₂ bú'₄ 'mí₂ i₂rē₂'ŋe'₅₄ i₂tsá₃ 'ein₂ ma₂co₁dsag₅₄. O₂chein'₅₄ 'nia'₂ jaun₂ tē'₅₄ ja₁lá₃. ³ Nē₁jua'₂ 'ein₂ ca₂juá'₂: “¿'E₂ lē₃ jmo'₂ 'nia'₂ le₂në₅?” jaun₂ juig'₅₄ 'nia'₂: “Te₁gui'₅₄ bá₄ 'nio₃ ca₂tiá₂, la₁ në₃ cón'₅ bá₄ jáng'₂ táng₃.”

⁴ Jaun₂ i₃lén₂ dsa₂ 'éi₂. Jme₁ca₂dsi₃lén₂ ja₁chén₄ bú₄ rē₂'ŋe₅₄ jē₄ calle cau₅ o₄'né₄ quió₅ dsa₂, jaun₂ ca₂chéi₂ jaun₂ né₃. ⁵ Jaun₂ ca₂juá₂ i₂lín₅₄ dsa₂ i₂ca₂jág₃, i₂tión₂ cau₅ jaun₂:

—¿'E₂ jmo₂ 'nia₂ ja₁nē₅? ¿'E₂ lē₃ tsing₅₄ bú₄?

⁶ Jaun₂ ca₂jéin₃ bá₄ gué₂ 'éi₂ jág₁ lia₂ lē₅ jág₁ ca₂cuē₃ Jesús. Jaun₂ ca₂cuē₃ bá₄ dsa₂ jmi₄g₄ tē₂ já₂. ⁷ Jaun₂ jme₁o₃lein₃ te₂ bú₄, ca₂i₁jio₃ ja₁'en₅₄ Jesús, jaun₂ ca₂jmo₃ dse₃ qui₂ca₂jlag₂ 'mi₂ mi₂ca₄ já₂. Jaun₂ gué₄ ca₂co₃dsag₅₄ Jesús. ⁸ Juin₅ dsa₂ qui₂ca₂néi₃ 'mi₂ le₂'i₄ jui₅ ja₁ŋ₃ Jesús. I₂lín₅₄ gué₂ ca₂dsia₃ gu₂'nei₅₄ 'ma₂ a₂ca₂i₁'niai₁₂ ja₁nau₂.

⁹ Jaun₂ dsa₂ i₂i₂lén₂ le₃ne₄ jui₅ quian₅₄ i₂ja₂lén₂ le₃chi₁co₅₄ né₃, qui₂ca₂tóin₂ co₂mi₅₄, ca₂juá₂:

—jui₁le₂juin₂ bá₄ i₂nē₅! jui₁le₂jñio₃ bá₄ i₂nē₅ i₂já₅ o₄quió₄ Te₁gui₅₄† ¹⁰ jui₁le₂jñio₃ bá₄ 'éi₃ a₂já₅ quió₅ jmei₂ jniog₄ David né₃! jui₁le₂juin₂ bá₄ i₂guá₅ guei₅₄ i₂juíg₃!

¹¹ Jme₁ca₂'í₃ Jesús juig₂ Jerusalén, jaun₂ ca₂'í₃ i₁dsi₅ guá₅ templo. Jme₁ma₂nē₂jág₃ 'a₂ lia₂ lē₅ ja₁jaun₂, ca₂o₃'íin₃, ca₂ŋái₃ táng₃ jui₅ Betania quian₅₄ ca₂le₃jín₃ chi₂ dsi₂guia₃-tín₂ quiáin₅, ia₁ ma₂ca₂'láu₂.

Ca₂juá₂ Jesús jág₁ uig₅ ca₂tsí₃ ni₁'ma₂ higuera a₂tsá₃ míg₂ cha₂

(Mateo 21:18-19)

¹² Jme₁jnia₃ jaun₂, con₂ ma₂'uín₂ táng₃ juig₂ Betania, ca₂tá₂ i₁cón₅ Jesús. ¹³ Jaun₂ ca₂jág₃ tē₂ uíng₂ caun₂ ni₁'ma₂ higuera, lia₂ rē₂can₂ mog₅₄ jniá₂ chí₅. Jaun₂ ŋó₃ uig₅₄ ja₁dsi₅₄, ia₁ lín₂ jme₁dsio₂ míg₂. La₁ jme₁dsio₃ né₃, jmá₃ mog₅₄ bá₄ cha₂, ia₁ on₃jua₅₄ jein₂ a₂'ag₅ míg₂ higos jaun₂. ¹⁴ Jaun₂ né₃ ca₂juá₂ Jesús ca₂tsí₃ ni₁'ma₂:

—Jui₁le₅₄ ca₂lia₂ o₁líg₂ jmi₄g₄ tsá₃ ma₃'ein₂ gué₃ co₂ŋei₅₄ míg₂ quiáng₂.

Ca₂nág₂ bá₄ chi₂ dsi₂guia₃-tín₂ jme₁ca₂juá₂ le₂nē₅.

Ca₂'uín₂ Jesús dsa₂ i₂jme₁tion₅₄ dsia₅ 'ma₅₄ i₁dsi₅ guá₅

(Mateo 21:12-17; Lucas 19:45-48; Juan 2:13-22)

¹⁵ Jme₁ca₂dsi₃lén₂ táng₃ juig₂ Jerusalén, ca₂'í₃ Jesús i₁dsi₅ guá₅ templo, ca₂jme₃lióg₃ ca₂'uín₂ ca₂le₃jín₃ dsa₂ i₂jme₁tion₅₄ 'nag₅, i₂lá₅ né₃. Jaun₂ qui₂ca₂jéin₃ ni₁mesa jme₁jmó₂ dsa₂ ta₁ ja₁jme₂tsiin₃ cu₄, qui₂ca₂quí₂ 'ma₂si₅₄ ja₁jme₁tián₄ dsa₂ i₂'ni₅ i₁ju₂; ¹⁶ tsá₃ ma₃ca₂cuē₃ jmi₄g₄ jua₅₄ a₂dsi₃can₅ gué₄ dsa₂ lio₄ quió₅ i₁dsi₅ guá₅.

¹⁷ Jaun₂ ca₂jme₃tiin₂₃ dsa₂ 'éi₂, ca₂juá₂:

—Ne₄ Si₂ juá₂: “Né₅ quió₃ lē₅ ca₂ne₅₄ 'né₅ ja₁chi₂lén₂ dsa₂ Diú₄, dsa₂ chan₂ ca₂le₃jé₃ juig₂.” ‡ La₁ 'nia₂ né₃ ma₂jmo₅₄ nē₂jag₄ bá₄ tē₂'lau₂ quió₅ dsa₂ 'ang₂. §

¹⁸ Jaun₂ juig₅₄ jme₂dsa₂ quian₅₄ tē₅juá₅ né₃ ca₂nág₂ jág₁ nē₅. Jaun₂ ca₂jme₃lióg₃ ca₂'náu₃ jui₅ 'a₂ lia₂ jŋag₃, ia₁ gó₅ con₂ tsá₃ ŋó₅ nē₅jua₂ 'éi₂ bá₄ jme₃gón₃ lé₂, ia₁ juin₅ lín₃ dsa₂ nag₅ dsi₂gó₃ dsí₅ jág₁ a₂jme₂tag₅ Jesús. ¹⁹ Tē₂le₃ ca₂nei₂ jmi₄g₄ jaun₂, ca₂'uín₂* juig₂ jaun₂.

Ca₂rē₃quéin₃ ni₁'ma₂ higuera

(Mateo 21:20-22)

²⁰ Jme₁jnia₃ jaun₂, ca₂ŋi₅ táng₃ jui₅ ja₁dsi₅₄ ni₁'ma₂ higuera. Jaun₂ ca₂jág₃ co₂dsia₅ ma₂quein₂ ca₂tē₂ cho₅₄. ²¹ Jaun₂ ca₂dsáu₃ dsí₅ Pe₄, jaun₂ ca₂tsí₃ Jesús:

—Tē₅, jag₄ ni₁'ma₂ a₂ca₂chei₅₄ uig₅. Co₂dsia₅ ma₂ca₂rē₃quéin₃.

²² Jaun₂ ca₂ŋag₃ Jesús ca₂tsí₃ dsa₂:

* 11:9 lit. “Hosana”, a₂jein₅ jág₁ quian₅₄ jág₁ jmei₅ arameo: “Lio₄ jnia₅₄”, co₂'nió₄ a₂qui₂mi₅ dsa₂ ne₄ Diú₄ a₂jíá₃ I₂rē₂'ín₁ quiáin₅; la₁ cang₂ jaun₂ táng₃ ca₂jein₃ jág₁ a₂jme₂juin₂ dsa₂ jan₂ dsa₂. † 11:9 Salmo 118:25-26. ‡ 11:17 Isaías 56:7. § 11:17 Jeremías 7:11. * 11:19 A₂lín₅₄ chog₅₄ si₂juá₂: “ca₂o₃'íin₃.”

—'Én₃ 'nia'₂ tē₂le₃ quió'₅ Diú₄. ²³ A₂dsi₂jó'₃ juig₂ jniá'₂ 'nia'₂, jui'₁ein₂ gué'₃ juá'₂ tsí'₃ ni₁má'₂ nē₅: “ŋiag'₃ ja₁nē₅, o₂'ú₅ jmi₁ŋi'₄”, le₂jaun₂ dsón'₂ le₃ti₃ bá₄, nē₁jua'₂ tsá₃ ca₂'ág₂ caun₂-tin₃ dsí₅. ²⁴ Jaun₂ lē₃, juá'₅ jniá'₂, jui'₁e₂ gué'₃ a₂mi'₂ 'nia'₂ jme₁chi₂leng'₅₄ Diú₄, nē₁jua'₂ jmo'₂ 'nia'₂ 'au'₂ nē₂jag₄ bá₄ a₂ma₂nē₂gue'₅₄ 'e₂ a₂mi'₂, le₂jaun₂ dsón'₂ le₃ti₃ bá₄ ja₁con'₂ 'nia'₂. ²⁵ Jē₁ma₂tē₂ rē₁náu'₁ 'nia'₂ chi₁leng'₄ Diú₄, nē₁jua'₂ cha₂ 'nei₂ 'au'₂ 'nia'₂ ja₁con₂ ríng'₂, 'én₃ 'nia'₂ dsáu₁ ríng'₂, ia₁jaun₂ bá₄ ŋéi'₅ 'nia'₂ i₂guá₅ guei'₅₄ i₂juig₃ 'éin₂ dsáu'₂ 'nia'₂ guiong'₅₄.†

Jesús bá₄ i₂'io₅ 'éi'₃

(Mateo 21:23-27; Lucas 20:1-8)

²⁷ Ca₂dsi₃léin₂ táng₃ juig₂ Jerusalén. Jaun₂ jme₁ma₂ŋi₅ Jesús i₁dsi₅ guá'₅ templo, jaun₂ ca₂jme₃quián₃ juig₅₄ jme₂dsa₂, tē₅juá'₅, dsi₂gui'₅₄ can'₅₄ né₃. ²⁸ Jaun₂ ca₂ŋag₃ dsa₂ 'éi₂ ca₂ŋi₃ Jesús:

—¿'E₂ ta₁ lín'₅ 'ne₂ a₂jmo'₂ ca₂le₃jé₃ 'e₂ a₂jmo'₂ ŋi'₂? ¿'Ein₂ cuē₅ bí₂ 'éi'₃ a₂jmo'₂ le₂nē₅?

²⁹ Jaun₂ ca₂ŋag₃ Jesús:

—Ján₃ bá₄ ŋag₄ jniá'₂ caun₂ 'nia'₂. Nē₁jua'₂ ca₂ŋag'₅₄ 'nia'₂ lia'₂ tí₅, jaun₂ gué'₄ juá'₄ jniá'₂ 'ein₂ cuē₅ bí₂ a₂jmo₂₃ ca₂le₃jé₃ a₂jmo₂₃. ³⁰ Jui'₁lia'₂ a₂ca₂chon₃ Juan₅₄ jmig₂ dsa₂, ¿'ein₂ quió'₅ 'éi'₃ jaun₂? ¿Quió'₅ Diú₄, o₃ quió'₅ dsa₂ mi₂güig₃ 'e₂? ŋag₄ 'nia'₂.

³¹ Jaun₂ ca₂dsia₃ dsa₂ can'₅₄ jág₁ con'₂ guoin₅₄, ca₂juá'₂:

—Nē₁jua'₂ ca₂chei₅₄ jniog₄ 'éi'₃ quió'₅ Diú₄ bá₄, nē₃ cón'₅ bá₄ ŋag₃: “¿'E₂ lē₃ tsá₃ ca₂rē₃ 'én'₂ 'nia'₂ jág₁ quió'₅ 'éi'₂?” ³² ¿La₁ nē₁jua'₂ ca₂chei₅₄ jniog₄ 'éi'₃ quió'₅ dsa₂ mi₂güig₃ bá₄...?

La₁ ca₂rē₃gain₃ ca₂le₃jín₃ dsa₂ i₂quian'₅₄ Jesús. Ia₁ ca₂le₃jín₃ dsa₂ jme₁'éin₂ a₂jme₁lín₄ Juan₅₄ tē₃dsón'₂ jan₂ dsa₂ i₂'é₂ jág₁ quián₅ Diú₄. ³³ Jaun₂ ca₂ŋag₃ dsa₂ can'₅₄ ca₂tsí'₃ Jesús:

—Tsá₃ a₂jaun₂ ne₄ jnia'₅₄.

Jaun₂ ca₂ŋag₃ táng₃ Jesús:

—Ján₃ bá₄ tsá₃ juá'₄ jniá'₂ 'ein₂ cuē₅ bí₂ 'éi'₃ a₂jmo₂₃ ca₂le₃jé₃ 'e₂ a₂jmo₂₃ ŋi₂₃.

12

Jág₁ jáng'₅ léi₄ jui'₁lia'₂ co₂nió'₃ dsa₂ 'lín'₅₄ i₂jmó'₂ ta₁ ja₁nau₂

(Mateo 21:33-46; Lucas 20:9-19)

¹ Jaun₂ ca₂jme₃lióg₃ Jesús ca₂juá'₂ quian'₅₄ jág₁ a₂jáng'₅ léi₄. Ca₂juá'₂:

—Jme₁chan₂ jan₂ dsa₂ ca₂chéin'₃ uing₂ a₂'ag₅ míg₂ uvas ja₁nau₂ quió'₅. Jaun₂ ca₂jmo₃ jní₁ le₃lág'₃. Jaun₂ ca₂jmo₃ co₂ŋia₅₄ ja₁jlein'₃ míg₂. Jaun₂ ca₂chi'₃ caun₂ tsí'₁né₅ ŋei₅ ja₁guá₃ jmo₃ 'í₁.

Jaun₂ ca₂lí'₃ jág₁ quian'₅₄ dsa₂ sián'₂ i₂nio₃ ne₄ ja₁nau₂, Jaun₂ ca₂ŋó₃ bá₄ 'ŋiog₅ i₂ŋí₃ juig₂ siá'₂. ² Jme₁ca₂tē₂ jein₂ a₂ca₂rau₂ míg₂, jaun₂ ca₂chen₃ dsa₂ juig₅₄ ja₁nau₂ jan₂ dsa₂ mozo quián₅ a₂jme₁i₂mí₃ a₂jáng'₃ dsa₂ ca₂dsio₄ míg₂ con'₂ a₂ca₂tín₂ dsa₂ juig₅₄. ³ Dsa₂ jmó'₂ ta₁ ja₁nau₂ né₃, 'nió'₄ a₂jme₁cuē₃ a₂mi₅ dsa₂ 'éi₂, ca₂ŋau'₃, ca₂cué'₃ dsa₂ 'éi₂ tioen'₅₄, ca₂dsióg'₂ bá₄, tsá₃ 'e₂ ca₂jáng'₃ a₂jme₁mi₅ 'éi₂. ⁴ Dsa₂ juig₅₄ ja₁nau₂ né₃ ca₂chein₃ táng₃ jan₂ dsa₂ mozo sián'₂. I₂'éi₂ né₃, ca₂cuí'₂ mi₂dsi₅₄, ca₂jmóg'₂ dsa₂ 'éi₂, jē₂ bá₄ ca₂tē₂ca₂'o₂. ⁵ Jaun₂ dsa₂ juig₅₄ ja₁nau₂ né₃ ca₂chein₃ bá₄ gué'₄ jan₂ dsa₂ sián'₂ táng₃, la₁ i₂'éi₂ gué'₄ né₃ ca₂ŋi₃. Juin₅ gué'₄ i₂sián'₂ ca₂i₁len₅₄ ján₃. I₂lín₅₄ 'éi₂ qui₂ca₂cué'₃, i₂lín₅₄ gué'₂ ca₂jme₃dsiain₂₃ tioen'₅₄.

⁶ Dsa₂ juig₅₄ ja₁nau₂ né₃ jme₁chan₂ gué'₄ jan₂ ja₁ŋi'₅₄ i₂jme₁'nioi₃ gué'₄ lín₃. Jaun₂ ca₂chein₃ 'éi₂, ia₁ lín₂: “Jme₃gan₃ dsa₂ chi'₂ quiáng₃.” ⁷ La₁ dsa₂ tion'₅₄ ja₁nau₂ né₃,

† 11:25 A₂lín₅₄ chog₅₄ si₂ chi₁ton₅ versículo 26 ján₃, a₂juá'₂ le₂la₂: “Ia₁ nē₁jua'₂ tsá₃ 'én'₅ 'nia'₂ dsáu₁ ríng'₂, ján₃ bá₄ le₂jaun₂ tsá₃ 'én₂ ŋéi'₅ 'nia'₂ i₂guá₅ guei'₅₄ i₂juig₃ dsáu'₂ 'nia'₂ guiong'₅₄”.

ca₂dsia₃: “I₂nē₅ bá₄ tin₃ ja₁nau₂ la₂ cang₂; nē₃ o₁jñí₄ jniog₄, ia₁jaun₂ jniog₄ bá₄ lé₂ quián₂”.

⁸ Jaun₂ le₂jaun₂ bá₄ ca₂jmo₃. Ca₂jñí₃ bá₄ 'éi₂ tion₅₄. Jaun₂ ca₂dsei₂₃ le₃co₅₄ jñí₁.

⁹ 'Jaun₂, ¿'e₂ jmo₃ dsa₂ juig₅₄ ja₁nau₂? Jñí₁ '2 jme₃dsiain₂₃ ca₂le₃jñ₃ dsa₂ i₂tion₅₄ jmó₂ ta₁ ja₁nau₂ quió₅, jaun₂ dsia₃ gu₂ dsa₂ sián₂ '2 táng₃.

¹⁰ ¿Tsa₁ ma₂ 'í₂ 'nia₂ Si₂ ja₁juá₂:

Ni₁cang₁ a₂tsá₃ ca₂rē₃ji₅₄ tē₅ 'ia₂,
ca₂dsió₃ ca₂lē₃ ni₁cang₁ a₂dsen₅₄ gué₄
a₂tē₁ron₅₄ qui₅₄ 'ia₂;

¹¹ con₂ nē₅ lé₅ ca₂jmo₃ Te₁gui₅₄,

jaun₂ 'ñio₅ lin₃ bá₄ jlá₁, lág₂ jniog₄?

¹² Jaun₂ jme₁'no₂ dsa₂ jui₅ a₂jme₁tsáun₂, ia₁ ca₂rē₃lí₄ bá₄ guioin₅₄ a₂juá₂ Jesús jág₁ jáng₅ léi₄ nē₅ a₂'iin₂₃ 'éi₂ bá₄. La₁ ca₂rē₃gain₃ bá₄ dsa₂ jui₅ i₂quian₅₄ Jesús. Jaun₂ i₂lein₃ bá₄, tsá₃ ma₃ca₂jñau₃.

Jág₁ jui₁lia₂ 'lia₅₄ a₂ca₂tín₂ dsi₂tan₅₄

(Mateo 22:15-22; Lucas 20:20-26)

¹³ Jaun₂ ca₂chen₃ dsa₂ can₅₄ i₂lin₅₄ dsa₂ fariseos, quian₅₄ i₂lin₅₄ dsa₂ quián₅ Rag₅₄ Herodes a₂dsi₃chi₅₄ 'e₂ dsi₃chi₅₄ Jesús, ia₁jaun₂ cuin₅ jmig₄ jo₅₄ jui₁lia₂ bá₄ 'ñiá₃ ca₂jon₄ jág₁ 'lia₂. ¹⁴ Jaun₂ ca₂o₃lén₂ ca₂juá₂:

—Tē₅, ne₄ bá₄ jnia₅₄ a₂dsón₂ bá₄ juá₂ 'ne₂ lia₂ tí₅ jág₁. Jaun₂ tsá₃ can₂ 'ne₂ jág₁ jua₅₄ a₂quian₅₄ o₂i₁ dsi₅ 'e₂ 'ag₅ dsa₂, ia₁ tsá₃ gang₃ jmag₅₄ jui₁lia₂ dsa₂ dsen₅₄ nē₃. Caun₂ qui₂jme₂tíng₁ bá₄ dsa₂ jui₅ quió₅ Diú₄. ¿'I₄ 'éi₃ qui₅₄ 'lia₅₄ a₂ca₂tín₂ dsi₂tan₅₄ César? ¿'Nió₅ qui₅₄ o₃ tsá₃ qui₅₄ 'e₂?

¹⁵ La₁ ñi₅ rē₂ bá₄ Jesús a₂lē₁i₂nio₄ juá₂ o₁ne₁ bá₄ dsa₂ 'éi₂. Jaun₂ ca₂juá₂:

—¿'E₂ lē₃ cáun₂ 'nia₂ 'táu₂ jniá₂? O₂quian₂ de₂ 'nia₂ caun₂ cu₄ denario jaun₂ jág₄ jniá₂.

¹⁶ Jaun₂ ca₂i₁quian₅₄ dsa₂. Jaun₂ jme₁ca₂jág₃ Jesús, jaun₂ ca₂ñag₃:

—¿'Ein₂ dsi₂ne₄ chi₁ton₅ ja₁lá₃? ¿'Ein₂ quió₅ letra nē₃?

Jaun₂ ca₂ñag₃:

—Quió₅ gui₅₄ emperador César bá₄.

¹⁷ Jaun₂ ca₂juá₂ táng₃ Jesús:

—Jang₅₄ 'nia₂ ne₄ César con₂ a₂ca₂tín₂ César; ne₄ Diú₄ nē₃ jang₅₄ 'nia₂ con₂ a₂ca₂tín₂ Diú₄.

Jaun₂ ca₂i₃gó₃ dsí₅ jñin₂ 'éi₂.

Ca₂ñag₃ dsa₂ saduceos jui₁lia₂ a₂jen₅₄ 'lag₄

(Mateo 22:23-33; Lucas 20:27-40)

¹⁸ Jaun₂ ca₂o₃lén₂ i₂lin₅₄ dsa₂ saduceos ca₂o₃jñin₅₄ Jesús. Ia₁ tsá₃ 'én₂ dsa₂ 'éi₂ a₂jen₅₄ táng₃ dsa₂ jē₁ma₂dsain₃. Jaun₂ ca₂tsí₃ Jesús:

¹⁹ —Tē₅, ca₂quiog₂ Moisés si₂ a₂juá₂, nē₁jua₂ ca₂jon₃ jan₂ dsa₂ ñe₂ tē₃ tsá₃ ca₂can₃ 'io₅₄ quián₅ guein₂, tion₅₄ 'nió₅ jén₂ gu₂ dsó₂ rin₅₄ dsa₂ ñe₂ i₂ca₂jon₃ quian₅₄ 'io₅₄ 'nág₂ 'éi₂, ia₁jaun₂ guein₂ i₂le₃chan₂ quián₅, lé₂ co₂'nió₄ tsi₁jon₂ 'lag₄ rin₅₄.†

²⁰ 'Ia₁ jme₁chan₂ guion₃ dsa₂ ñe₂ i₂lín₅ jmá₃ lia₂ rin₅₄. Ca₂jen₂ gu₂ i₂le₂'uig₅₄, la₁ ca₂join₃ bá₄ tē₃ tsá₃ guein₂ ca₂can₃ 'io₅₄ quián₅. ²¹ Jaun₂ ca₂jen₂ táng₃ gu₂ 'io₅₄ 'nág₂ 'éi₂ quian₅₄ jē₁ca₂té₂ on₃. Ján₃ bá₄ le₂jaun₂ ca₂jon₃ táng₃ dsó₂ 'éi₂, tsá₃ guein₂ ca₂can₃ 'io₅₄. Ján₃ bá₄ le₂jaun₂ ca₂lē₃ quian₅₄ jē₁ca₂té₂ ún₂. ²² Le₂jaun₂ bá₄ ca₂lē₃ quian₅₄ ta₁guion₃ dsa₂ ñe₂ con₂ i₂jme₁lé₄ rin₅₄: ca₂dsain₃ bá₄ tē₃ tsá₃ guein₂ ca₂can₃ 'io₅₄ 'i₁jan₂ quian₅₄ 'i₁jan₂ dsó₂ 'éi₂. Jaun₂ ca₂jon₃ 'io₅₄ jme₁ca₂join₃ nē₃. ²³ Jaun₂ nē₃, jmig₄ jē₁ma₂té₂ rē₁jen₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ guē₂ dsa₂ ñe₂ ca₂guá₂ quian₅₄.

²⁴ Jaun₂ ca₂ñag₃ Jesús:

* 12:11 Salmo 118:22-23. † 12:19 'Nio₂ ja₁ton₅ Deuteronomio 25:5-6.

—'E₂ gué₄ tsá₃ rē₂ ŋí'₂ 'au'₂ 'nia'₂, ia₁ a₂tsá₃ cuin'₂ 'nia'₂ 'a₂ lia'₂ juá'₂ Si₂, on₃ guē'₂ cuin'₂ 'nia'₂ 'a₂ lia'₂ lé₅ jui₅bí₂ quió'₅ Diú₄. ²⁵ Jē₁ma₂tē₂ jmig₄ a₂jen'₅₄ 'lag₄, on₃jua'₅₄ a₂le₃chain₂ jua'₅₄ a₂qui₃jéin'₂ gué₄ gu₂, on₃ guē'₂ nē₅ tóin'₃ gué₄ jua'₅₄ a₂qui₃cuin₃ chi'₂ quián₅ a₂jéin'₂ gu₂, ia₁ i₂lén₂ jui₁lia'₂ lín₅ ángeles i₂tion'₅₄ guei'₅₄ i₂juíg₃ bá₄ 'éi₂ jmig₄ jaun₂. ²⁶ La₁ jui₁lia'₂ a₂jen'₅₄ táng₃ 'lag₄, ħtsa₁ ma₂'í'₂ 'nia'₂ Si₂ quió'₅ Moisés jui₁lia'₂ ja₁juá'₂ 'ē₂₃ ni₁'ma₂ taun₅, ja₁ca₂juá'₂ Diú₄ ca₂tsí'₃ Moisés: “Jniá₂ bá₄ líng₅ Diú₄ quián₅ Abraham, quián₅ Isaac, quián₅ Jacob né₃?” † ²⁷ A₂lín₅ Diú₄ quian₅ dsa₂ jén'₃ bá₄, on₃jua'₅₄ rē'₂ Diú₄ quián₅ 'lag₄. Jaun₂ 'ŋio₅ lín₃ tsá₃ rē₂ ŋí'₂ 'au'₂ 'nia'₂.

'Éi'₃ Juá'₅ a₂dsen₅₄ gué₄ quió'₅ Diú₄
(Mateo 22:34-40)

²⁸ Jaun₂ ca₂guan₃ jan₂ tē₅juá'₅, ca₂nág₂ jág₁ a₂tsin₅ Jesús quian'₅₄ dsa₂, ca₂rē₃lí'₄ bá₄ a₂ca₂ŋag₃ Jesús lia'₂ tí₅ jág₁. Jaun₂ ca₂ŋag₃:

—ħ'E₂ 'Éi'₃ Juá'₅ a₂le₂'uig₅₄ a₂lé₅ a₂dsen₅₄ gué₄ con'₂ gué₄ ca₂le₃jé₃ juá'₅?

²⁹ Jaun₂ ca₂ŋag₃ Jesús:

—'Éi'₃ Juá'₅ le₂'uig₅₄ con'₂ gué₄ ca₂le₃jé₃, juá'₂: “Nei₂ 'nia'₂ dsa₂ chan₂ juig₂ Israel. Jan₂ Te₁gui'₅₄ bá₄ lín₅ Diú₄ quián₂ jniog₄. ³⁰ Jme₁'nió₄ 'nia'₂ Te₁gui'₅₄ Diú₄ quiáng'₂ ca₂le₃jé₃ 'au'₂, ca₂le₃jé₃ jme₂dsí₂ quiáng'₂, ca₂le₃jé₃ 'a₂ lia'₂ ŋí'₂ dsei'₂, ca₂le₃jé₃ bí₂ quiáng'₂.” † ³¹ Jē₁ca₂tē₂ tin₃ juá'₅ né₃ juá'₂: “A₂jme₁'nió₄ dsa₂ mi₂güig₃ ríng'₂ jui₁lia'₂ 'niog'₂ 'ŋiag'₂.” *
Ŋhia'₅₄ lia'₂ a₂tin₃ nē₅ bá₄ juá'₅ a₂lé₅ a₂dsen₅₄ gué₄ con'₂ gué₄ ca₂le₃jé₃ 'Éi'₃ Juá'₅ quió'₅ Diú₄.

³² Jaun₂ ca₂ŋag₃ tē₅juá'₅ 'éi₂:

—Tē₅, 'ŋio₅ dse₃ lia'₂ nē₂ŋag'₅₄; a₂dsón'₂ bá₄ dsau₅ jan₂ bá₄ Diú₄ i₂chan₂, tsá₃ ma₃'ein₂ diú₄ sián'₂ chan₂. ³³ A₂jaun₂ bá₄ a₂dsen₅₄ gué₄ a₂jme₃'nio₃ dsa₂ Diú₄ ca₂le₃jé₃ dsí₅, ca₂le₃jé₃ jme₂dsí₂, ca₂le₃jé₃ bí₂ quió'₅; a₂jme₃'nio₃ dsa₂ riin'₅₄ jui₁lia'₂ 'nioi₃ 'ŋiog₅. A₂jaun₂ bá₄ a₂quen₅ gué₄ con'₂ gué₄ ca₂le₃jé₃ 'e₂ niog₅ jén'₅ dsa₂ ne₄ Diú₄, o₃ 'e₂ a₂qui₂dsí'₂ dsa₂ ne₄chei₂ né₃.

³⁴ Jaun₂ jme₁ca₂nág₂ Jesús ca₂ŋag₃ bá₄ dsa₂ 'éi₂ a₂ŋí'₂ dse₃ dsí₅, jaun₂ ca₂juá'₂:

—Tsá₃ uíng₂ ŋí'₂ ja₁gon₂ Diú₄.

Jaun₂ tē₂le₃ ne₄ jui₅ gué₄ jaun₂, tsá₃ ma₃'ein₂ ca₂tiá₂ dsí₅ jua'₅₄ a₂ŋág₃ gué₄ 'e₂ ŋag₃.

ħ'Ein₂ tsi₁jon₂ quián₅ lín₅ I₂rē₂'ín₁ quián₅ Diú₄?

(Mateo 22:41-46; Lucas 20:41-44)

³⁵ Jaun₂ ca₂jéin'₃ Jesús jág₁ jē₄ jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂:

—ħ'A₂ lia'₂ lé₅ juá'₂ tē₅juá'₅ a₂lín₅ tsi₁jon₂ David I₂rē₂'ín₁ quián₅ Diú₄, ³⁶ ton'₂ 'ŋiog₅ bá₄ guē'₂ David ca₂juá'₂ lia'₂ con'₂ jme₁ca₂'í₃ Jme₂dsí₂ Ŋhió₅ tē₂dsí₅:

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmig₄

a₂tón'₁ jniá₂ dsa₂ i₂'iog₅₄ o₄tag'₄”? †

³⁷ ħ'A₂ bá₄ lia'₂ lé₅ jaun₂ a₂lín₅ tsi₁jon₂ David, ton'₂ 'ŋiog₅ bá₄ guē'₂ David ca₂tē₃ “Te₁gui'₅₄ quiáng₃?”

Ca₂le₃jín₃ dsa₂ juin₅ 'éi₂ jme₁nag₂₃ 'ŋio₂ dsí₅ jág₁ quió'₅.

Chóg'₅ Jesús dso₄ juá'₂ 'a₂ lia'₂ niog₅ lín₅ tē₅juá'₅

(Mateo 23:1-36; Lucas 11:37-54; 20:45-47)

³⁸ Tē₃jē₄ jme₂tiin₂₃ dsa₂, ca₂juá'₂:

‡ 12:26 Éxodo 3:6. § 12:30 Deuteronomio 6:4-5. * 12:31 Levítico 19:18. † 12:36 Salmo 110:1.

—ŋí₂ 'nia'₂, jmo₄ 'nia'₂ 'í₁ tsá₃ i₂can₂ 'nia'₂ jui₅ jui₁lia'₂ niog₅ lín₅ tē₅juá'₅. Ia₁ tē₅ dsí₅ i₂nioi₅₄ le₁qui'₂ 'mi'₂ chen'₅₄ jang₄, ton'₂ tē₅ dsí₅ qui₂cuag₃ dsa₂ Diú₄jē₄ 'ma'₅₄,³⁹ ton'₂ jmá'₃ lia'₂ ja₁dsen₅₄ bá₄ qui₂dsi₂tiain'₂ jui₁lia'₂ dsi₂néi₂ guá'₅ sinagoga, ton'₂ jmá'₃ lia'₂ ja₁dsen₅₄ bá₄ dsi₂toin'₅₄ ja₁dsi₂gué'₃ jui₁lia'₂ ja₁niog₅ jmig₄.⁴⁰ Qui₂jñiá'₂ 'ne₄ 'io₅₄ 'nág₂ né₃, jaun₂ a₂jñiá'₅₄ con'₂ 'ma₂₃ jlē₅ a₂jmo₂₃ jaun₂, chi₂lén'₂ Diú₄ ué₂ lín₃ tē₃jín₄ dsa₂. La₁ 'e₂ gué₄ uig₅ cuē₃ Diú₄ quió'₅ i₂le₂'éi₂.

Ca₂tó'₂ 'io₅₄ 'nág₂ te₂ñé₂ cu₄ quió'₅
(Lucas 21:1-4)

⁴¹ Co₂ráun₂ guá₅ Jesús i₁dsi₅ guá'₅ cau₅ tsi₁gu₅ ja₁tó'₅ dsa₂ cu₄ ofrenda. Jaun₂ guá₅ jín₂ dsa₂ i₂dsi₂lén₂ dsi₂tio'₂ cu₄ 'ñió'₃ tsi₁gu₅. Jaun₂ né₃, juín₅ dsa₂ cha₂ cu₄ dsi₂lén₂ dsi₂tio'₂ 'lióng₂ cu₄.⁴² La₁ tē₃jē₄ jaun₂ ca₂dsióg₃ jan₂ 'io₅₄ 'nág₂ te₂ñé₂. Jaun₂ ca₂tó'₂ tin₃ ñí₁ guéin₂.[‡]
⁴³ Jaun₂ ca₂té'₃ Jesús chi'₂ dsi₂guia₃-tín₂ quiáin₅, jaun₂ ca₂juá'₂:

—A₂dsi₂jó'₃ juíg₂ jniá₂ 'nia'₂, 'lióng₂ gué₄ nē₂tio'₂ 'io₅₄ 'nág₂ te₂ñé₂ nē₅, lia'₂ con'₂ gué₄ ca₂le₃jín₃ i₂ma₂nē₂tio'₂ 'ñió'₃ tsi₁gu₅.⁴⁴ Ia₁ 'éi₂ né₃ cu₄ a₂ma₂qui₂rē₂tsón₂ bá₄ jaun₂ quió'₅ cuē₂₃. 'Io₅₄ 'nág₂ nē₅ né₃, ca₂le₃jé₃ bá₄ nē₂cuē₃, con'₂ a₂jme₁ron₅ quió'₅, 'nió'₄ a₂jme₁lá₃ a₂gué'₃.

13

Ca₂'é₂ Jesús jág₁ a₂dsi₃'én₂ bá₄ guá'₅ templo
(Mateo 24:1-2; Lucas 21:5-6)

¹ Con'₂ jme₁ma₂'ein₅₄ jui₅ o₂'iin₅ i₁dsi₅ guá'₅, jaun₂ ca₂juá'₂ jan₂ chi'₂ dsi₂guia₃-tín₂ quiáin₅:

—jTē₅, jag₄ 'e₂ gué₄ jlá'₁ ni₁cang₁ a₂le₁juá'₄ a₂lé₅ guá'₅!

² Jaun₂ ca₂ñag₃ Jesús:

—jJág'₂ 'né₅ ca'₅₄ a₂te₁'i₁ nē₅? Já₅ caun₂ jmig₄, 'i₁ca₂míg₂ ni₁cang₁ tsá₃ ma₃'e₂ le₁juá'₄ lé₂.

Léi₄ a₂lé₂ jmig₄ jē₁ca₂tó'₂
(Mateo 24:3-28; Lucas 21:7-24; 17:22-24)

³ Jme₁ca₂dsióg₃ Jesús má'₂ Olivos a₂chí'₅ quióng₄ guá'₅, ja₁jaun₂ ca₂guá'₂. Jaun₂ ca₂guan₃ Pe₄, Jacobo, quiáin'₅₄ Juan₅₄, Dré₄ né₃, ca₂tsí'₃ Jesús con'₂ jē₄ tē₃co'₅₄:

⁴ —Jua'₅₄ líg'₂ bá₄ le₃ti₃ a₂juá'₂ 'ne₂ nē₅. 'Niog₂ jnia'₅₄ le₃ne₄. ¿'E₂ léi₄ a₂lé₂ né'₃ a₂tē₅₄ jmig₄ jaun₂?

⁵ Jaun₂ ca₂ñag₃ Jesús:

—Jmo₄ 'nia'₂ 'í₁ ia₁jaun₂ tsá₃ 'ein₂ jme₃gau₅.⁶ Ia₁ juín₅ i₂tē₁i₃nio₄ a₂juá'₂ i₂nioi₅₄ o₄quió₃ jniá₂, juá'₂: “Jniá₂ bá₄ líng₅ 'éi₂,” jaun₂ juín₅ dsa₂ i₂qui₂jme₃gain₂₃.

⁷ Jē₁ma₂nei'₂ 'nia'₂ 'ei₅ jág₁ a₂nio₃ 'nei₂ a₂quín'₂ dsa₂ ja₁lá₃ ja₁ó₃, la₁ tsá₃ jmó'₁ 'nia'₂ gang'₃, ia₁ le₂jaun₂ dsón'₂ lé₂ bá₄. La₁ on₃jua'₅₄ jmig₄ jē₁ca₂tó'₂ jaun₂.⁸ Ia₁ nio₃ 'nei₂, qui₃quín'₂ dsa₂ le₂caun₂ le₂caun₂ juig₂ nación; dsi₂tan₅₄ gué'₂ né₃ qui₃tóin'₃ mi'₅₄ quín'₂ quian'₅₄ dsi₂tan₅₄ riin'₅₄ i₂chan₂ juig₂ siá'₂. 'Lióng₂ ja₁qui₂dsi₃bi₅₄ 'uē₃ lé₂, ton'₂ le₃cha₂ 'lióng₂ ja₁qui₂i₂nio₄ dsa₂ 'oin₅₄. A₂le₂'uig₅₄ jmi₁uig₅ bá₄ gué₄ nē₅, jui₁lia'₂ jan₂ 'io₅₄ i₂rē₂chan₂ guein₂ quián₅.

⁹ Rē₂ján'₁ 'nia'₂ chang'₂, ia₁ qui₃jín'₂ dsa₂ 'nia'₂ ne₄ dsi₂tan₅₄ quián₅ guá'₅ ia₁jaun₂ bóg₂ dsa₂ dsi₂néi₂ guá'₅ sinagogas. Jaun₂ dsi₁nó'₅ 'nia'₂ tē₃ne₄ dsi₄má'₂, ne₄ rag₅₄ né₃, 'uig₅₄ quió₃ jniá₂; ja₁jaun₂ o₁jang'₄ 'nia'₂ jág₁ dsau₅.¹⁰ Jág₁ quió'₅ Diú₄ de'₂ jñiá₅ 'nió'₅ dsi₃ag₅ le₂con₂ mi₂güig₃.¹¹ Jē₁ma₂té₂ rē₁qui₃tē₂ dsa₂ 'nia'₂ a₂dsi₁jó₂ ne₄ dsi₂tan₅₄, tsá₃ jmó'₂ 'nia'₂ 'i₅ 'au'₂ tē₃jñiá₅ 'e₂ ñag'₅₄. La₁ ñag₄ bá₄ 'nia'₂ con'₂ jág₁ a₂ma₂ca₂ñi'₂ 'nia'₂ hora jaun₂, ia₁ on₃jua'₅₄ guion'₅₄ 'nia'₂ a₂ñag'₅₄ jág₁ jaun₂; Jme₂dsí₂ Jñi₃ó₅ bá₄ i₂jmo₃.¹² Ia₁ tón'₃

‡ 12:42 lit. “tín₃ ñí₁ lepta.”

dsa₂ qui₃jín'₂ riin'₅₄ jmi_g₄ jaun₂, jaun₂ jrag'₃ dsa₂; jui₁lia'₂ jmei₂ qui₃jín'₂ chi'₂ quiáin'₅. Chi'₂ guè'₂ né₃, jme₃'ñia'₅₄ chog₅₄-jmei₂; chan₂ guè'₂ i₂qui₂jme₃dsian₅ chog₅₄-jmei₂ né₃.
¹³Ca₂le₃jín'₃ dsa₂ jme₃'ñia'₅₄ 'nia'₂ 'uig₅₄ quió'₃ jniá'₂, la₁ jui₁lia'₂ i₂tió'₃ náu₃ tiá'₂ tē₂jē₁ca₂tó'₂, tíin'₄ bá₄.

¹⁴'Jaun₂ né₃, já₅ jmi_g₄ a₂tē₅₄ ne'₅₄ 'nia'₂ a₂náu₃ jan₂ dsa₂ i₂jui₁si 'lín'₅₄ ja₁tsá₃ 'i₄ 'éi'₃ náu₃, * —jaun₂ jui₁le₂ñí'₂ bá₄ i₂'i₅ si₂ la₂—; jaun₂ né₃, dsa₂ i₂tián'₅ le₂tan₅₄ 'uē₃ Judea, jui₁cuíng₁₂ jui₅ má'₂. ¹⁵Jui₁lia'₂ i₂'en₅₄ guei'₅₄ 'ne₄, tsá₃ jui₁sióin₄ jua'₅₄ a₂'uē'₃ 'e₂ 'uē'₃ dsi₂néi₂ quió'₅; ¹⁶jui₁lia'₂ i₂'en₅₄ ja₁nau₂ quió'₅ táng₃, tsá₃ ma₃jui₁jñioi'₅₄ jua'₅₄ a₂ja₃quián₂ tsi₁'mi'₂ dsió₂ quió'₅. ¹⁷Juí₂ bá₄ jui₁lia'₂ dsa₂ mí₂ i₂le₁quian₅ guein₂, jui₁lia'₂ i₂chan₂ guein₂ bē'₅₄ i₂'ín'₂ dsi'₅₄ quió'₅ né₃, jmi_g₄ jaun₂! ¹⁸Mi₄ 'nia'₂ ne₄ Diú₄ tsá₃ jui₁dsi₂ñí'₂ 'nia'₂ a₂jaun₂ jui₁lia'₂ jein₂ güí₂. ¹⁹Ia₁ juá'₅ jniá'₂, caun₂ o₂i₁ dsi₅ lín₃ a₂le₃chan₂ dsa₂ jmi_g₄ jaun₂, caun₂ jmi₁uig₅ a₂tsá₃ ma₂ca₂rē₃chá₃ ca₂le₃ ca₂nio₃ mi₂güí₃, on₃ guè'₂ ma₃niog₅ jmi_g₄ jua'₅₄ a₂le₃cha₂ gué'₄ cang₂. ²⁰Jua'₅₄ mei'₂ gué'₃ Te₁gui'₅₄ tsá₃ ma₂ca₂jme₃té₃ jmi_g₄ jaun₂, 'i₁jan₂ tsá₃ 'ein₂ jme₁lión₂ jua'₅₄ mei'₂ gué'₃ tsá₃ le₂jaun₂. La₁ ma₂ca₂jme₃té₃ bá₄ jmi_g₄ jaun₂ o₄quió'₄ i₂quion'₅₄ quiáin'₅.

²¹'Nē₁jua'₂ chan₂ i₂ca₂juá'₂ tsi'₅ 'nia'₂ jmi_g₄ jaun₂: “jag₄ 'nia'₂! La₂ bá₄ chén'₅ I₂rē₂'ín₁ quián₅ Diú₄”, o₃ nē₁jua'₂ 'ein₂ ca₂juá'₂: “jó₄ 'ein₅₄”, tsá₃ o₁'en₅₄ 'nia'₂ jág₁ jaun₂. ²²Ia₁ juin₅ dsa₂ i₂jme₃gau₅ ja₃lén₂ a₂juá'₂ lín₅ I₂rē₂'ín₁ quián₅ Diú₄, a₂juá'₂ né₃ a₂lín₅ dsa₂ i₂'é₂ jág₁ quián₅ Diú₄; 'lióng₂ léi₄ juè'₂ a₂o₂dsain₂ jmo₃ a₂jme₃gain₂₃ dsa₂. Jua'₅₄ mei'₂ gué'₃ lé₂, ca₂tē₂ dsa₂ i₂quion'₅₄ quián₅ Diú₄ jme₃gain₂₃. ²³La₁ chan₂ 'nia'₂ rē₂jáng'₁, † jaun₂ le₂nē₅ ma₂nē₂juí₂ jniá'₂ 'nia'₂ ca₂le₃jé₃ tē₃jñiá'₅.

'A₂ lia'₂ guan'₂ Jaun₅ dsa₂ mi₂güí₃
 (Mateo 24:29-35, 42—44; Lucas 21:25-36)

²⁴Jē₁ma₂ca₂ñag₅ jmi_g₄ o₂i₁ dsi₅ jaun₂,
 'iog₂ né₃ co₂dsia₅ le₃lia'₂,
 tsi'₂ né₃ tsá₃ ma₃tág₅ jnia₅₄;

²⁵Nei₅ guè'₂ né₃ qui₂tsi₃séi'₂; †
 ca₂le₃jé₃ gué'₄ 'e₂ bí₂ cha₂ guei'₅₄ mi₂güí₃
 qui₃guian'₃; §

²⁶'Tē₂jē₄ jaun₂ gué'₄ né₃, jín₂ dsa₂ Jaun₅ dsa₂ mi₂güí₃, jñi₁oí'₂ guei'₅₄ jē₄ jnei₅ quian'₅₄ ca₂le₃jé₃ jui₅bí₂ a₂'io₂₃ jláin'₁. ²⁷Jaun₂ qui₃chein₃ ángeles quiáin'₅, a₂tē₂ dsa₂ i₂quion'₅₄ quiáin'₅ i₂chan₂ ca₂le₃jé₃ juí₂ te₁'i₁ ca₂taun₂ ca₂taun₂ mi₂güí₃.

²⁸'Jme₁tin₅ 'nia'₂, jui₁le₂ñí'₂ 'au'₂ jág₁ a₂jáng'₅ léi₄ jui₁lia'₂ ni₁'ma₂ a₂'ag₅ mí₂g₂ higos; jme₁chéi'₂ gu'₂-nei'₅₄, qui₂ja₂'iá₃ mog'₅₄ né₃, ñi'₅₄ bá₄ 'nia'₂ a₂ma₂ja₂quián₃ jein₂ 'iog₂ bá₄ jaun₂. ²⁹Le₂nē₅ bá₄ 'nia'₂ jaun₂ né₃, jē₁ma₂tē₅ ne'₅₄ a₂lé₂ ca₂le₃jé₃ a₂nē₅, jui₁le₂ñi'₅₄ bá₄ 'nia'₂ a₂ma₂ja₂quián₃, nē₂jag₄ bá₄ i₂ma₂chén'₅ o₄'né₄ bá₄ 'éi₂. ³⁰A₂dsi₂jó'₃ juá'₅ jniá'₂ juí₂ 'nia'₂, tsá₃ dsi₃ñí₂ tsi₁jon₂ la₂, * ca₂lia'₂ ca₂lē₃ ca₂le₃jé₃ a₂nē₅. ³¹Jaun₂ já₅ jmi_g₄, guei'₅₄ dsi₂güí₂ quian'₅₄ mi₂güí₃ la₂ ñag₅, la₁ jág₁ quió'₃, o₁líg'₂ jmi_g₄ tsá₃ ñag₅ jua'₅₄ a₂tsá₃ le₃ti₃.

³²'La₁ 'i₁jan₂ tsá₃ 'ein₂ ñi₅ 'e₂ 'i₁o'₄, 'e₂ hora lé₂ a₂jaun₂, on₃ guè'₂ ángeles i₂tion'₅₄ guei'₅₄ i₂juí₃, on₃ guè'₂ 'ñiog₅ Ja₁ñi'₅₄ Diú₄. Jñia'₅₄ lia'₂ 'ñiog₅ bá₄ Diú₄ Jmei₂ ñi₅.

³³'Chan₂ 'nia'₂ rē₂jáng'₁, jme₁jñio₂ 'nia'₂ ne'₅₄, ia₁ tsá₃ ñi'₅₄ 'nia'₂ 'e₂ jmi_g₄ lé₂. ³⁴Lé₂ jui₁lia'₂ jan₂ dsa₂ i₂o₂'ín₅ dsi₂néi₂ quió'₅, dsó₅ dsi₂ñí₃ uíng₂; dsia₂₃ gu₂ dsa₂ i₂jme₂ti₃ ne₅₄ dsi₂néi₂ quió'₅, le₂jan₂ le₂jan₂ 'éi₂ jma₃quén₅ ta₁ cué'₅ con'₂ ca₂tíin₂, tsi'₅ mozo i₂jmo₅ 'i₁

* 13:14 'Nio'₂ ja₁ton₅ Daniel 9:27; 11:31; 12:11. † 13:23 o₃, “ñí₂ 'nia'₂”. ‡ 13:25 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. § 13:25 Isaías 13:10; 34:4. * 13:30 o₃, “né₃ a₂dsián₃ dsa₂ i₂lín₅ raza la₂.”

o₄'né₄ a₂chain₂ rē₂jáin₁. ³⁵Jaun₂ le₂nē₅ bá₄ 'nia'₂ ján₃, rē₂jáng'₁ 'nia'₂ chang'₂, ia₁ tsá₃ ŋi'₅₄ 'nia'₂ 'e₂ 'io'₄ guan'₂ dsa₂ i₂quió'₅ dsi₂néi₂, tē₂le₃ ca₂nei₂, o₃ dsi₃nei₅, o₃ jē₁ma₂ca₂'o₃ i₁tú₃, o₃ tē₂le₃ ca₂jnia₃ 'e₂, ³⁶ia₁ con'₂ tsá₃ ŋó₅ nē₁jua'₂ ca₂guáin'₃ co₂tiá₂, jo₅₄ rē₂güün'₃ 'nia'₂. ³⁷Jaun₂ jág₁ a₂juíg₂ jniá₂ 'nia'₂ la₂, juíg₂ ca₂le₃jín₃: “jChan'₂ 'nia'₂ rē₂jáng'₁!”

14

Ca₂quin'₃ dsa₂ jág₁ a₂tsáin'₂ Jesús
(Mateo 26:1-5; Lucas 22:1-2; Juan 11:45-53)

¹ Tin₃ jmi₄ né₃ a₂tē₅₄ Jmi₄ Tē₂'in₅₄, a₂gué'₅ dsa₂ i₁ŋí'₄ 'ua'₂ a₂tsá₃ jui₁ levadura quian'₅₄, jaun₂ juíg₅₄ jme₂dsa₂, tē₅juá'₅ né₃ ca₂'náu'₃ jui₅ 'a₂ lia'₂ tsáin'₂ Jesús quian'₅₄ caun₂ mai₅₄, jaun₂ jŋag'₃. ²Jaun₂ ca₂dsia₃ jág₁, juá'₂:

—La₁ tsá₃ 'nió'₅ jmó₁ jniog₄ tē₃ niog₅ jmi₄, jme₁né₄, ia₁ con'₂ tsá₃ ŋó₅ nē₁jua'₂ ca₂tó'₂ dsa₂ juíg₂ mi'₅₄.

Jan₂ 'io₅₄ ca₂tsáin₂ no'₅₄ mi₂juíg₂ Jesús
(Mateo 26:6-13; Juan 12:1-8)

³ Lia'₂ con'₂ 'ein₅₄ gué'₄ juíg₂ Betania ja₁quió'₄ i₂té'₂ dsa₂ Si₂mu₅₄ 'Mé'₅ 'Iog₅, jaun₂ ca₂dsióg₃ jan₂ 'io₅₄ quian₅ caun₂ tsí₅ no'₅₄ mi₂juíg₂ a₂'mu'₅₄, a₂lé₅ jmá'₃ no'₅₄ quió'₅ mi₁'au₂ nardo. Jaun₂ ca₂niá₃ ni₁tsí₅, jaun₂ ca₂'ág₂ no'₅₄ mi₂dsi₄ Jesús. ⁴Jaun₂ i₂lín₅₄ dsa₂ i₂tion'₅₄ ja₁jaun₂, dséin₂ ca₂tíin₂, jaun₂ ca₂dsia₃:

—Tsá₃ ne₄ 'e₂ lē₃ nē₂'éin₂ no'₅₄ mi₂juíg₂ quió'₅. ⁵Jua'₅₄ co₂ŋei'₅₄ bá₄ nē₂'nag₃ quian'₅₄ 'ni₅ 'ŋiá₂-láu₂ 'éi'₃ cu₄ denario, jaun₂ jme₁jme₂'oin₅₄ dsa₂ te₂ŋé₂.

Jaun₂ ca₂dséin₃ quiain'₅₄ 'io₅₄ 'éi₂.

⁶Jaun₂ ca₂juá'₂ Jesús:

—Tsá₃ lē₁lein'₅₄. ¿E₂ lē₃ cué'₂ 'nia'₂ o₂me'₅₄ dsi₅? A₂nē₂jmóg'₂ nē₅, caun₂ a₂dse₃ bá₄ nē₅.

⁷Ca₂le₃jé₃ jmi₄ bá₄ i₂nio₄ dsa₂ te₂ŋé₂ jin'₄ 'nia'₂; lé₂ bá₄ jme₁'oin'₁, chi₂jua'₂ líg'₂ 'niog'₂ 'nia'₂ jme₁'oin'₁. La₁ jniá₂ né₃ tsá₃ ma₃u₂'en₅₄ jniá₂ quian'₅₄ 'nia'₂. ⁸'Io₅₄ nē₅, nē₂jmo₃ 'a₂ con'₂ jŋia'₅₄ le₃qui'₅₄ jmi₄ jmo₃. Ma₂nē₂tsáng₂ tē₂jŋiá₅ no'₅₄ mi₂juíg₂ quió₃, ma₂nē₂jmóg'₂ co₂jŋia₅₄ jē₁ma₂té₂ rē₁'ong₃. ⁹A₂dsi₂jó'₃ juíg₂ jniá₂ 'nia'₂, ca₂le₂con₂ mi₂güüg₃ ja₁'é₂ dsa₂ jág₁ dse₃ quió₃, ján₃ bá₄ le₂jaun₂ dsio₂g'₂ dsí₅ dsa₂ 'iin₃ 'io₅₄ nē₅.

Jmo₅ Judas caun₂ jág₁ a₂'ni₂₃ Jesús
(Mateo 26:14-16; Lucas 22:3-6)

¹⁰Jaun₂ né₃ Judas Iscariote i₂jme₁lín₄ jan₂ chi'₂ dsi₂guia₃-tín₂ quián₅ Jesús, ŋei₅₄ i₁dsia₂ jág₁ quian'₅₄ juíg₅₄ jme₂dsa₂ a₂jáng'₂. ¹¹Jaun₂ 'io'₂ jmo₅ dsa₂ can'₅₄ jme₁ca₂nág₂, jaun₂ ca₂jén'₃ cu₄. Jaun₂ gué'₄ né₃ ca₂'náu'₃ Judas dsí₅ 'a₂ lia'₂ cuin₅ jmi₄ a₂jíin'₂ Jesús, jaun₂ tsáun'₂ dsa₂.

Má₃ jē₁ca₂tó'₂ quió'₅ Te₁gui'₅₄
1 Corintios 11:23-26)

¹²Jmi₄ le₂'uig₅₄ a₂niog₅ Jmi₄ Tē₂'in₅₄ a₂gué'₅ dsa₂ i₁ŋí'₄ a₂tsá₃ quian'₅₄ levadura, jmi₄ a₂jme₁jme₂dsian₅ dsa₂ já'₂ cha'₂ quián₅ jmi₄, jaun₂ ca₂ŋag₃ chi'₂ dsi₂guia₃-tín₂ ca₂ŋí'₃ Jesús:

—¿A₂já'₄ 'niog'₂ dsi₁jmó₁ jnia'₅₄ co₂jŋia₅₄ má₃ Jmi₄ Tē₂'in₅₄ quiáng'₂?

¹³Jaun₂ ca₂chein₃ on₃ chi'₂ dsi₂guia₃-tín₂ quiáin₅, ca₂juá'₂:

—O₂nó'₅ 'nia'₂ jē₄ juíg₂. Ja₁jaun₂ jen'₂ 'nia'₂ jan₂ dsa₂ ŋe'₂ i₂quion₂ jmi₄ quian'₅₄ ni₁dsig₁. Jaun₂ o₁'én'₃ 'nia'₂ dsa₂ 'éi₂. ¹⁴Dsi₂néi₂ ja₁'í₂ 'éi₂, juíg'₅₄ dsa₂ juíg₅₄ dsi₂néi₂: “Le₂la₂ juá'₂ tē₅, ¿Na₂ dsi₂néi₂ ja₁gué'₄ Jmi₄ Tē₂'in₅₄ co₂lē₅ quian'₅₄ chi'₂ dsi₂guia₃-tín₂ quiáng'?” ¹⁵Jaun₂ 'éi₂ né₃, 'ē₃ caun₂ dsi₂néi₂ jué'₂ ja₁lé₄ guei'₅₄ a₂ma₂lé₅ co₂jŋia₅₄. Ja₁jaun₂ o₂jmo₄ 'nia'₂ co₂jŋia₅₄ má₃ que₅₄ jniog₄.

¹⁶ Jaun₂ ca₂i₃lén₂ bá₄ dsa₂ on₃ 'éi₂. Jme₁ca₂dsi₃lén₂ jë₄ juig₂ né₃, ca₂dsó'₂ lia'₂ con'₂ lé₅ jág₁ ca₂juá'₂ Jesús. Jaun₂ ja₁jaun₂ ca₂jmo₃ co₂jñia₅₄ má₃ a₂gué'₃ Jmig₄ Të₂'in₅₄.

¹⁷ Jme₁ca₂nei₂ jaun₂, ca₂dsióg₃ Jesús quiain'₅₄ ta₁guia₃-tín₂ chi'₂ dsi₂guia₃-tín₂.

¹⁸ Jme₁ma₂tiáin'₅ gué'₅, jaun₂ ca₂juá'₂ Jesús:

—A₂dsi₂jó'₃ juá'₅ jniá₂ la₂, jan'₂ 'nia'₂ i₂gué'₅ jniá₂ co₂lë₅ quiang'₅₄ bá₄ i₂jang'₂ jniá₂.

¹⁹ Jaun₂ né₃ ca₂tá'₂ 'lia'₂ dsí₅ 'ñio₅ lin₃ tiáin'₅, jaun₂ ca₂jme₃lióg₃ ca₂ñí'₃ Jesús le₂jain₂ le₂jain₂, ca₂juá'₂:

—¿On₁jua'₅₄ jniá₂ 'ág'₅?

²⁰ Jaun₂ ca₂ñag₃ Jesús:

—Jan'₂ 'nia'₂ i₂lé₂ guia₃-tíng'₂ i₂tiá₂ mi₂gu₂ co₂lë₅ 'ñio'₃ uing₅ quian'₅₄ jniá₂. ²¹ Dsón'₂ bá₄ dsau₅ Jaun₅ dsa₂ mi₂güig₃ 'ein₅₄ jui₅ dsó₃ lia'₂ con'₂ lé₅ juá'₂ ne₄ Si₂; la₁ |'e₂ gué₄ juig₂ dsa₂ i₂jang'₂! Jme₁dse₃ quió'₅ jua'₅₄ co₂ñei'₅₄ bá₄ tsá₃ ca₂rë₃cháin₃.

²² Të₂lia'₂ tiáin'₅ gué'₅, ca₂jña'₃ Jesús i₁ñí'₄, ca₂cué'₃ ti₁'mag'₄ Diú₄, jaun₂ gué₄ né₃ ca₂dsioin₃, ca₂cué'₃ chi'₂ dsi₂guia₃-tín₂ quiáin₅. Jaun₂ ca₂juá'₂:

—Qué'₂ 'nia'₂, ia₁ ñi₃ bá₄ jniá₂ i₁ñí'₄ la₂.

²³ Jaun₂ ca₂can₃ táng₃ copa 'a₄ vino, ján₃ bá₄ le₂jaun₂ ca₂cué'₃ ti₁'mag'₄ Diú₄, jaun₂ gué₄ ca₂cué'₃ chi'₂ dsi₂guia₃-tín₂. Jaun₂ ca₂le₃jín₃ bá₄ ca₂'in'₃. ²⁴ Ca₂juá'₂ Jesús:

—Jmi₃ bá₄ jniá₂ la₂, a₂lí'₅₄ jág₁ 'mí₂ a₂të₃ron₅₄,* a₂niog₅ dsi₃'o₅₄ o₄quió'₄ juin₅ dsa₂.

²⁵ Dsón'₂ juá'₅ jniá₂, tsá₃ ma₃líg'₂ jmig₄ jua'₅₄ a₂gui'₅₄ gué₄ táng₃ vino ca₂lia'₂ ca₂té₂ jmig₄ i₁gui'₄ táng₃ caun₂ vino 'mí₂ co₂lë₅ quiang'₅₄ 'nia'₂ ja₁gon₂ Diú₄.

Ca₂juá'₂ Jesús a₂tsá₃ tion₃ Pe₄ a₂cuig₂₃

(Mateo 26:30-35; Lucas 22:31-34; Juan 13:36-38)

²⁶ Jme₁ca₂lë₃ 'ë₂₃ jme₂juin'₂ Diú₄, jaun₂ gué₄ i₃lén₂ jui₅ Má'₂ Olivos. ²⁷ Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—Ca₂le₃jín'₃ bá₄ 'nia'₂ tiá'₃ jén₂ 'au'₂, 'ág'₁ 'nia'₂ caun₂-tín₃ 'au'₂; ia₁ rë₂ton₅ ne₄ Si₂ ja₁juá'₂: “Jñí'₄ jniá₂ dsa₂ i₂jñia₅ já'₂ cha'₂, jaun₂ já'₂ cha'₂ né₃ dsi₃lén₂ tsí₁rë₂jain₅₄.”† ²⁸ La₁ cang₂ jë₂ma₂ca₂jeng'₅₄ táng₃, nei₅₄ jniá₂ jñiág₅ jui₅ Galilea lia'₂ con'₂ gué₄ 'nia'₂.

²⁹ Jaun₂ né₃ ca₂ñag₃ Pe₄:

—O₁jñia'₅₄ la₂ ca₂'ág₂ caun₂-tín₃ dsí₅ ca₂le₃jín₃ ríng'₃, la₁ jniá₂, o₁líg'₂ jmig₄ tsá₃ 'ag₅₄ caun₂-tín₃ dsi₃.

³⁰ Jaun₂ ca₂juá'₂ Jesús:

—A₂dsi₂jó'₃ juá'₅ jniá₂, a₂'uë₂ në₃, né₃ a₂'ó₃ jë₁ca₂té₂ tin₃ ráun₂‡ të₁guí₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuig'₂ jniá₂.

³¹ Jaun₂ ca₂ñag₃ táng₃ Pe₄:

—O₁jñia'₅₄ la₂ ca₂dsau₃ jniog₄ co₂lë₅, o₁líg'₂ jmig₄ jua'₅₄ a₂tsá₃ 'ín₄ jniá₂ 'ne₂.

Le₂jaun₂ bá₄ ca₂juá'₂ ca₂le₃jín₃ riin'₅₄ ján₃.

Ca₂chi₃lén'₂ Jesús Diú₄ caun₂ ja₁chei₂ Getsemaní

(Mateo 26:36-46; Lucas 22:39-46)

³² Jaun₂ ca₂dsi₃lén₂ caun₂ ja₁chei₂ Getsemaní. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

—Ja₁láš tián'₂ 'nia'₂, të₂lia'₂ i₁chi₁leng'₄ Diú₄.

³³ Jaun₂ ca₂jñia₃ Pe₄, Jacobo, Juan₅₄ né₃. Jaun₂ ca₂rë₃lióg₃ ca₂tá'₂ quian₅ o₂i₁ dsi₅ 'ñio₅ lin₃. ³⁴ Jaun₂ ca₂juá'₂ ca₂tsí'₃ i₂ún₂ i₂quian'₅₄:

—'ñio₅ lin₃ quian₅₄ o₂i₁ dsi₅, ca₂lia'₂ jmá'₃ le₃jóng₂ të₂në₃. Ja₁láš tián'₂ 'nia'₂ jme₁jnio₂ 'nia'₂ ne'₅₄.

* 14:24 'Nio'₂ ja₁ton₅ Éxodo 24:8; Jeremías 31:31-34; Hebreos 10:29; 13:20. † 14:27 Zacarías 13:7. ‡ 14:30 A₂lin₅₄ chog₅₄ si₂ tsá₃ chi₁ton₅ “jë₁ca₂té₂ tin₃ ráun₂.”

³⁵ Ca₂jui_g bá₄ ca₂ηó₃ gué₄ ne₄ jui₅. Ja₁jaun₂ ca₂tóin₂ tē₂ 'uē₃, ca₂mi₃ ca₂tsí₃ Diú₄, jua₁⁵⁴ lé₂ bá₄ le₃lé₂ a₂tsá₃ dsi₃ηí₂ uig₅ 'e₂ niog₅ dsi₃ηí₂ hora jaun₂. ³⁶ Tē₃jē₄ chi₂léin₂' Diú₄, ca₂juá'₂:

—Abba, § Tia₅₄ quiáng₃, ca₂le₃jé₃ bá₄ lé₂ le₃jmó'₂ 'ne₂. Lio₄ jniá₂ 'e₂ a₂dsi₃ηíg₂ nē₃. La₁ tsá₃ jui₁le₅₄ con'₂ 'nio₃ jniá₂; jui₁le₅₄ bá₄ a₂'ηio₂ 'au'₂ 'ne₂.

³⁷ Jaun₂ ca₂dsiáin'₃ táng₃ ja₁tián'₄ 'éi₂, la₁ le₁güín₃ bá₄ 'éi₂ tiáin'₅ nē₃. Jaun₂ ca₂té'₃ Pe₄, ca₂juá'₂:

—¿Rē₁güín'₃ bá₄ 'ne₂, Si₂mu₅₄? ¿Tsa₁ tiang'₃ jua'₅₄ caun₂ hora bá₄ jme₁jniog'₂ gué₄ ne'₅₄? ³⁸ Jme₁ηio₂ 'nia'₂ ne'₅₄, chi₁len'₄ 'nia'₂ Diú₄, ia₁jaun₂ tsá₃ tsi₃sén'₂ 'nia'₂ dso₄. Dsón'₂ bá₄ 'ηio₂ dsí₅ jme₂dsí₂ quián'₂ 'nia'₂, la₁ ni₁ηí'₁ guion'₅₄ bá₄ 'nia'₂ 'uan₅₄.

³⁹ Jaun₂ ηó₃ bá₄ táng₃ i₁chi₂i₁lein'₄ Diú₄. Ján₃ bá₄ jág₁ le₂jaun₂ ca₂juá'₂ táng₃. ⁴⁰ Jaun₂ guáin'₃ táng₃ ja₁tián'₄ chi'₂ dsi₂guia₃-tín₂, la₁ le₁güín₃ bá₄ táng₃ 'éi₂ tiáin'₅, ia₁ a₂ηí₄ lē₃ 'ηio₅ lin₃ ma₂i₁güín₃. Jaun₂ tsá₃ 'e₂ ηi₅ ηag₃. ⁴¹ Jaun₂ jme₁dsiáin'₃ táng₃ ja₁tián'₄ 'éi₂ jē₁ca₂té'₂ 'nag'₂ ráun₂, jaun₂ ca₂juá'₂:

—¿'E₂? ¿Lia'₂ ma₂tián'₅ jaun₂ bá₄ 'nia'₂ le₁güíng'₃? Co₂nē₅ bá₄ nē₃. Ca₂té'₂ bá₄ hora nē₃. ηí₂ 'nia'₂. Ma₂rē₂jín'₅₄ bá₄ Jaun₅ dsa₂ mi₂güíg₃ o₄gú₃ dsa₂ i₂le₁cán'₄ dso₄. ⁴² Nau₂ 'nia'₂ nē₃, ma₃, ia₁ nē₅ ma₂já₅ i₂jáng'₂.

Ma₂le₁te₂ dsa₂ Jesús

(Mateo 26:47-56; Lucas 22:47-53; Juan 18:2-11)

⁴³ Dsi₂jui₅ tē₃jē₄ dsia₂₃ jág₁ jaun₂, ca₂dsióg₃ Judas, i₂lín₅ jan₂ dsa₂ i₂guia₃-tín₂. Juin₅ lín₃ dsa₂ i₂ja₂lén₂ quiong'₅₄ qui₂le₁quian₅ ηi₁tág₂, i₂le₁quian₅ ni₁'ma₂ nē₃, i₂chen₄ quián₅ juig₅₄ jme₂dsa₂, quian'₅₄ tē₅juá'₅, ca₂le₃jín₃ gué₄ dsi₂gui'₅₄ can'₅₄ nē₃. ⁴⁴ Jaun₂ Judas nē₃, ia₁ ma₂ca₂jmo₃ bá₄ jág₁ le₂ηiá₅ 'e₂ léi₄ jmo₃ jē₁ma₂té'₂ rē₁jáng'₂, jme₁ma₂juá'₂: “I₂chen'₄ jniá₂ quió'₅, i₂'éi₂ bá₄ jma'₅₄ 'nia'₂, jaun₂ tē'₅₄ 'nia'₂, lé₅ 'í₁.”

⁴⁵ Jaun₂ dsi₂jui₅ jme₁dsióg₃ Judas, ca₂jme₃quiáin₃ con₂ Jesús, jaun₂ ca₂juá'₂:

—¿Tē₃! —Jaun₂ ca₂chen'₃ quió'₅. ⁴⁶ Jaun₂ dsi₂jui₅ le₂jaun₂ ca₂ηau'₃ dsa₂, ca₂tág₃.

⁴⁷ La₁ jan₂ i₂jme₁chén'₄ cau₅ nē₃, ca₂dsi₂ ηi₁tág₂, ca₂ti₃ caun₂ rē₂gua₄ dsa₂ i₂jme₂ti₃ quián₅ jme₂dsa₂ dsen₅₄. ⁴⁸ Jaun₂ ca₂juá'₂ Jesús ca₂tsí'₃ dsa₂:

—¿Dsa₂ 'ang₂ líng₅, 'e₂ ja₂nó'₅ 'nia'₂ le₁quian'₄ ηi₁tág₂, 'ma₂ nē₃, a₂tē'₅₄ jniá₂? ⁴⁹ Jua'₂ ca₂le₃jé₃ jmi_g₄ bá₄ 'eng₅₄ jin'₄ 'nia'₂, jme₂tíng₁ dsa₂ i₁dsi₅ guá'₅, tsá₃ ma₂ca₂chong'₂ gué'₂ 'nia'₂ ja₁jaun₂. La₁ lé₂ le₂nē₅, ia₁jaun₂ le₃ti₃ con'₂ lé₅ juá'₂ ne₄ Si₂.

⁵⁰ Jaun₂ qui₂ca₂cuíng₃ bá₄ ca₂le₃jín₃ chi'₂ dsi₂guia₃-tín₂, ca₂téin₂ bá₄ Jesús.

Dsó₂ i₂ca₂cuíng₃ tē₃rē₂ηí₅

⁵¹ Tē₃jē₄ jaun₂, ηó₃ jan₂ dsó₂ rē₂bóin'₅ caun₂ tsi₁'mi'₂ tióg₃, 'ein₂₃ Jesús. ⁵² Jaun₂ jme₁ca₂ηau'₃ dsa₂, la₁ ca₂lóin₂ bá₄, jmá'₃ tsi₁'mi'₂ bá₄ ca₂lí'₃ dsa₂. Jaun₂ ηái'₃ bá₄ tē₃ rē₂ηí₅.

Ma₂chén'₅ Jesús ne₄ dsi₂tan₅₄ quián₅ guá'₅

(Mateo 26:57-68; Lucas 22:54-55, 63—71; Juan 18:12-14, 19—24)

⁵³ Jaun₂ ca₂tág₃ dsa₂ Jesús i₁jo₅₄ ne₄ jme₂dsa₂ dsen₅₄, jaun₂ ca₂ηi'₂ ca₂le₃jín₃ juig₅₄ jme₂dsa₂, quian'₅₄ dsi₂gui'₅₄ can'₅₄, tē₅juá'₅ nē₃. ⁵⁴ Pe₄ nē₃ ca₂ηó₃ uíng₂ tē₂quíin₃ 'ein₂₃ Jesús ca₂tē₂ i₁dsi₅ quió'₅ jme₂dsa₂ dsen₅₄. Ja₁jaun₂ ca₂guá'₂ cau₅ si₂ quian'₅₄ 'lióg₂, ca₂jme₃dsioin'₂.

⁵⁵ Jaun₂ juig₅₄ jme₂dsa₂, quian'₅₄ ca₂le₃jín₃ dsi₂tan₅₄ quián₅ guá'₅ nē₃, qui₂ca₂'náu'₃ jui₅ 'a₂ lia'₂ bóin'₂ dso₄ Jesús ia₁jaun₂ ηag₃. La₁ tsá₃ dso'₂ gué'₂ jui₅ 'e₂ dso₄ jme₃cáu'₂, ⁵⁶ ia₁ juin₅ i₂qui₂ca₂jmo₃ jág₁ tē₂jág₁ a₂bóin'₂ dso₄ Jesús, la₁ tsá₃ tē₃tsi'₅₄ gué'₂ jág₁ quió'₅ tioen'₅₄.

⁵⁷ Jaun₂ i₂lín₅₄ nē₃ qui₂ca₂nau₂ ca₂jmo₃ jág₁ tē₂jág₁ a₂'ni₂₃ Jesús, ca₂juá'₂:

§ 14:36 Abba: co₂'nió'₄ le₃jua'₅₄: “Tia₅₄” quian'₅₄ jág₁ jme₁ arameo.

58 —Ma₂néi₁ jnia'₅₄ juá'₂ i₂ně₅: “A₂'éng₄ guá'₅ templo a₂ca₂jmo₃ dsa₂ mi₂güüg₃, jaun₂ quian'₅₄ 'ni₅jmi₄jmóg'₄ táng₃ 'ñi₃o₃ caun₂ guá'₅ siá'₂, on₃jua'₅₄ lia'₂ lé₅ guá'₅ ně₅ a₂ca₂jmo₃ dsa₂ mi₂güüg₃.”

59 On₃ gué'₂ quian'₅₄ jág₁ jaun₂ ca₂lí'₃ jág₁ rě₂.

60 Jaun₂ ca₂nau₂ jme₂dsa₂ dsen₅₄ tějě₄ tiain'₅₄ jaun₂, jaun₂ ca₂ñí'₃ Jesús ca₂juá'₂:
—¿Tsa₁ 'e₂ ñag'₅₄ 'i₁caun₂? ¿I₂'e₂ bá₄ jág₁ ně₅ jme₂cáu'₂ dsa₂ quiang'₂?

61 La₁ tei₄ bá₄ ca₂nau₂ Jesús, tsá₃ ma₃'e₂ ca₂ñag₃. Con'₂ siá'₂ ca₂ñag₃ táng₃ jme₂dsa₂ dsen₅₄, ca₂juá'₂:

—¿Dson'₂ 'ne₂ líng'₅ dsa₂ I₂rě₂'ín₁, Ja₁ñi'₅₄ I₂jñi₃ó₅?

62 Jaun₂ gué'₄ ca₂ñag₃ Jesús:

—Ján₅, jniá₂ bá₄ líng₅. Ján₃ bá₄ tějě₄ ne'₅₄ 'nia'₂ jě₁ma₂tě₂ rě₂guá₃ Jaun₅ dsa₂ mi₂güüg₃ tějě₄ gu₂ ne₁ quió'₅ i₂'uan'₂, jaun₂ ján₃ bá₄ jag'₅₄ 'nia'₂ jě₁ma₂tě₂ rě₂jñi₃ó₁'₂ táng₃ jě₄ jnei₅ guei'₅₄.

63 Jaun₂ jme₂dsa₂ dsen₅₄ ně₃, jme₁ca₂nág₂ jág₁ jaun₂, ca₂chein₃ ni₁tsin'₅₄ 'ñiog₅,* jaun₂ ca₂juá'₂:

—¿E₂ gué'₄ jmá'₃ jág₁ 'líong₂ 'niog₂ jniog₄ jua'₅₄ a₂jáng'₃ gué'₄ dsa₂ sián'₂ jág₁ dsau₅?

64 Ma₂ně₂nei'₂ bá₄ 'nia'₂ guiong'₅₄ a₂ma₂ně₂juá'₂ i₂ně₅ 'iin₂₃ Diú₄. ¿A₂ lia'₂ juá'₂ 'nia'₂?

Jaun₂ ca₂le₃jín₃ dsa₂ ca₂juá'₂ tiain'₅₄, ca₂tñin₂ jóin₂ bá₄.

65 Jaun₂ ca₂jme₂lióg₃ i₂lín₅₄ qui₂ca₂'ñéi₃ quió'₅ Jesús, qui₂ca₂lio₃ dsa₂ dsí₂ne₅₄, jaun₂ qui₂ca₂jno₂ ně₃ tiain'₅₄, jaun₂ juá'₂:

—¿Dsi₄ jág₁ jua'₅₄ 'ein₂ ně₂quein₃ quiáng'₂!

Chi'₂ 'i'₅₄ quián₅ guá'₅ ně₃, ján₃ bá₄ qui₂ca₂cuě₃ ja'₂ tiain'₅₄.

Tsá₃ ca₂tion₃ Pe₄ a₂cuñin₂₃ Jesús

(Mateo 26:69-75; Lucas 22:56-62; Juan 18:15-18, 25—29)

66 I₁dsi₅ ca₁'né₄ 'uě₃ bá₄ jme₁guá₄ Pe₄. Jaun₂ ca₂dsióg₃ jan₂ 'io₅₄ i₂jme₂ti₃ ta₁ ne₄ jme₂dsa₂ dsen₅₄, 67 jaun₂ ca₂jñin₂ Pe₄ guá₅ jme₂dsiain'₂, jaun₂ ca₂jág₂ 'io₅₄ tiá₂, ca₂juá'₂:

—¿Ján₃ gué'₂ jme₁quian'₄ 'ne₂ Jesús Nazareno ó₃?

68 La₁ tsá₃ ca₂tion₃ Pe₄.

—Tsá₃ guion₅₄, on₃ gué'₄ ñíg'₂ 'e₂ a₂juá'₂ 'ne₂.

Jaun₂ ca₂nau₂ Pe₄ ca₂o₃'íin₃ ca₂i₁nau₂ tějě₄ ca₁'né₄ ja₁lé₄ corredor. Tějě₄ jaun₂ ca₂'o₃ tějě₄ guá₄ dsó₂. 69 Con'₂ siá'₂ ca₂jág₃ táng₃ 'io₅₄ ca₂jñin₂ Pe₄, jaun₂ ca₂juá'₂ ca₂tsí'₃ dsa₂:

—Jan₂ rin'₅₄ 'éi₂ bá₄ ně₅.

70 La₁ ján₃ bá₄ le₂jaun₂ tsá₃ ca₂tion₃ Pe₄. Jme₁co₂lág₂ jaun₂, dsa₂ i₂tián'₅ quian'₅₄ Pe₄ ca₂juá'₂:

—Dson'₂ rin'₅₄ 'éi₂ bá₄ líng'₅, ia₁ ján₃ bá₄ Galilea chang'₂.

71 Jaun₂ ně₃, Pe₄ ca₂'iin₃ Diú₄ ca₂mí₃ a₂dsi₃ñíi₂ 'e₂ dsí₃ñíi₂, ca₂juá'₂:

—¿Tsá₃ cuñg₅ dsa₂ i₂'ín'₅ 'nia'₂!

72 Dsi₂jui₅ jaun₂ ca₂'o₃ táng₃ tějě₄ guá₄ dsó₂ a₂ca₂tě₂ tin₃ ráun₂. Jaun₂ gué'₄ ně₃ ca₂dsáu'₃ dsí₅ Pe₄ a₂ca₂juá'₂ Jesús le₂jñiá₅: “Né'₃ a₂'o₃ jě₁ca₂tě₂ tin₃ ráun₂ tějě₄ guá₄ dsó₂, hora jaun₂ dé₄ dsón'₂ chéng'₅ tsá₃ tóng'₄ ta₁'ni₅ ráun₂ a₂cuñg'₂ jniá₂.” Jme₁ca₂dsáu'₃ dsí₅ jág₁ ně₅, jaun₂ gué'₄ ca₂'o₃ 'ñio₅ lín₃.

15

Chén'₅ Jesús ne₄ Pilato

(Mateo 27:1-2, 11—14; Lucas 23:1-5; Juan 18:28-38)

* 14:63 Jme₁chí'₄ tag₄ quió'₅ dsa₂ judíos jmi₄g₄ jaun₂ a₂gág₅ dsa₂ ni₁tsin'₅₄ cuě₂₃ léi₄ jě₁ma₂'í₅ 'nei₂ dsí₅, o₃ jme₁'i₄ qui'₂ dsí₅.

¹ Dsi₂jui₅jme₁nia₃ táng₃ jaun₂, ca₂ŋi₁'₂ juig₅₄jme₂dsa₂ quian₅₄ dsi₂gui₅₄ can₅₄, quian₅₄ ca₂le₃jín₃ tē₅juá₅, ca₂le₃jín₃ gué₄ i₂lín₅ dsi₂tan₅₄ quián₅ guá₅ né₃. Qui₂ca₂ŋii₃ riin₅₄ ca₂jmo₃ caun₂ jág₁. Ca₂'néi₂ Jesús tioin₅₄, jaun₂ ca₂i₁jio₃ ne₄ Pilato. ² Jaun₂ ca₂ŋag₃ Pilato:

—¿Dson₂ líng₅ Rag₅₄ quián₅ dsa₂ judíos?

Jaun₂ ca₂ŋag₃ Jesús:

—Le₂nē₅ bá₄, jui₁lia₂' juá₂' ne₂ nē₅.

³ Jaun₂ caun₂ qui₂ca₂'nag₃ gué₄ juig₅₄jme₂dsa₂ 'lióng₂ ne₅₄ dso₄ ca₂bóin₂ Jesús. ⁴ Jaun₂ con₂' siá₂' táng₃ ca₂ŋag₃ Pilato ca₂ŋii₃' Jesús, ca₂juá₂':

—¿Tsa₁ a₂ŋag₅₄? Nē₅ bá₄ nag₂' ŋiag₂' 'lióng₂ dso₄ a₂bóg₂' dsa₂.

⁵ La₁ tsá₃ ma₃'e₂ ca₂ŋag₃ Jesús 'i₁caun₂. Jaun₂ jé₃ ca₂i₃gó₃' dsi₅ Pilato.

Ca₂o₃'ág₃ 'éi₃ a₂jón₂ Jesús

(Mateo 27:15-31; Lucas 23:13-25; Juan 18:38--19:16)

⁶ Jmig₄ jaun₂ jme₁chí₄' tag₄ a₂lióin₂ ca₂le₃jé₃ ŋi₂ jan₂ dsa₂ i₂'en₅₄ né₃' má₃, jme₁tē₅ Jmig₄ Tē₂'in₅₄, 'ein₂ ca₂'in₃ dsa₂ juig₂ i₂lión₂. ⁷ Jaun₂ jme₁'en₅₄ né₃' má₃ jan₂ dsa₂ i₂chen₂ Barrabás, quian₅₄ dsa₂ i₂ma₂ca₂jme₃dsian₅ dsa₂ jme₁ca₂nau₂' nei₂. ⁸ Jaun₂ ca₂mi₃ dsa₂ juig₂ ca₂tsí₃' Pilato a₂jmo₃ con₂' lé₅ tag₄ chí₅. ⁹ Jaun₂ ca₂ŋag₃ Pilato ca₂tsí₃' dsa₂ juig₂:

—¿'Niog₂' 'nia₂' lon₄ jniá₂ Rag₅₄ quián₅ dsa₂ judíos?

¹⁰ Ia₁ ca₂rē₃lí₄' bá₄ Pilato 'ŋiog₅ a₂'iog₅₄ uig₅ dsi₅ bá₄ juig₅₄ jme₂dsa₂ ca₂jii₂' Jesús ne₅₄.

¹¹ La₁ juig₅₄ jme₂dsa₂ né₃ ca₂toin₂' jág₁ dsa₂, jaun₂ tóin₃' co₂mi₅₄ a₂mi₃ lión₂ Barrabás bá₄.

¹² Jaun₂ ca₂ŋag₃ táng₃ Pilato ca₂tsí₃' dsa₂ juig₂:

—¿'E₂ gué₂' 'niog₂' 'nia₂' jmo₅₄ jniá₂ quian₅₄ i₂tē₂' 'nia₂' rag₅₄ quiáng₂'?

¹³ Jaun₂ ca₂ŋag₃ dsa₂ juig₂ co₂mi₅₄ tioin₅₄, ca₂juá₂':

—¡Tióin₃ cróg₄!

¹⁴ Jaun₂ ca₂juá₂' táng₃ Pilato:

—¿'E₂ 'uig₅₄? ¿'E₂ gué₂' dso₄ ma₂'náu₂'?

La₁ tē₂le₃ i₂jui₂' gué₄ co₂mi₅₄ ca₂tóin₂, ca₂juá₂':

—¡Tióin₃ cróg₄!

¹⁵ La₁ Pilato né₃, ia₁jaun₂ dsi₃lén₂ dsa₂ tei₄, ca₂lióin₂ bá₄ Barrabás i₂mi₅ dsa₂ lión₂. Jme₁ma₂nē₂dsí₃ Pilato 'éi₃ a₂bán₂ dsa₂ Jesús, jaun₂ ca₂jáng₂' o₄gú₃ dsa₂ juig₂ jaun₂ tion₃ cróg₄.

¹⁶ Jaun₂ ca₂tág₃ 'lióg₂ Jesús tē₂le₃ i₁dsi₅ ne₄ta₁, (co₂'nió₄ caun₂ ja₁chei₂ Praetorio), jaun₂ ca₂ŋi₂' 'lióg₂ ca₂le₃jín₃ riin₅₄. ¹⁷ Jaun₂ ca₂quei₃' dsa₂ caun₂ capa 'ui₃, * jaun₂ ca₂jmo₃ caun₂ corona quian₅₄ chi₁uúng₃ taun₅, ca₂tó₂' mi₂dsi₄ Jesús. ¹⁸ Jaun₂ ca₂jme₃lióg₃ qui₂ca₂cuag₃ Diú₄ tioin₅₄, ca₂juá₂':

—¡Sian₃' ne₂ Rag₅₄ quián₅ dsa₂ judíos!

¹⁹ Jaun₂ qui₂ca₂bá₂ mi₂dsi₄ Jesús quian₅₄ ni₁'ma₂ ta₅, qui₂ca₂'ŋéi₂ né₃ tioin₅₄, qui₂ca₂chi₃jné₃ né₃, a₂jme₂juag₂'. ²⁰ Jme₁ca₂lē₃ a₂lē₁co₂jmo₃' jaun₂, ca₂dsein₂₃ táng₃ Jesús tsi₁'mi₂' 'ui₃' a₂jme₁ca₂quei₃'. Jaun₂ ca₂quei₃' táng₃ ni₁tsin₅₄ a₂jme₁qui₂'. Jaun₂ gué₄ ca₂ŋiai₃ Jesús a₂dsi₃tion₃ cróg₄.

Ca₂tion₃ dsa₂ cróg₄ Jesús

(Mateo 27:32-44; Lucas 23:26-43; Juan 19:17-27)

²¹ Jaun₂ ca₂chi₃quiáin₂ jmig₄ jan₂ dsa₂ i₂'en₅₄ jui₅ jón₅' ja₁nau₂, i₂chen₂ Si₂mu₅₄ i₂chan₂ juig₂ Cirene, i₂lín₅ jmei₂ Alejandro quian₅₄ Rufo, a₂cán₂' 'éi₂ cróg₄ quió₅ Jesús.

²² Jaun₂ ca₂ŋia₃ dsa₂ Jesús caun₂ ja₁chei₂ Gólgota, (co₂'nió₄ jein₅ jág₁ chei₂ Dsi₂con₂' Ni₁mu₅ Mi₂dsi₄ 'Lag₄.) ²³ Jaun₂ ca₂jén₃' ne₄ Jesús vino a₂rē₂cón₅' quian₅₄ mirra, la₁ tsá₃

* 15:17 Color 'ui₃ jui₁lia₂' 'mi₂' a₂qui₅₄ rag₅₄.

ca₂gue₃ 'éi₂. ²⁴Jaun₂ gué₄ ca₂tion₃ cróg₄. Dsi₂'lióg₂ gué₂ né₃ ca₂jmo₃ dsióg₁ tsin₅₄ Jesús, ca₂co₃ o₁ne₄ 'ein₂ lí₂.

²⁵Con₂' hora ηί₁ ηι₃ të₂ o₃'iog₂, † ca₂tion₃ dsa₂ cróg₄. ²⁶Jaun₂ ca₂tióng₃ letra dsi₄ cróg₄ co₂'nió₄ a₂juá₂' e₂ dso₄ a₂bóin₂' Jesús, a₂juá₂': "RAG₅₄ QUIÁN₅ DSA₂ JUDÍOS." ²⁷Ján₃ bá₄ ca₂tioin₃ gué₄ on₃ dsa₂' ang₂ co₂lë₅ quiong₅₄, jan₂ të₂le₃ gu₂ ne₁, jan₂ gué₂' të₂le₃ gu₂ jen₅. ‡

²⁹Jaun₂ ca₂le₃jín₃ dsa₂ i₂qui₂ca₂ηί₃ jui₅ jaun₂ qui₂ca₂jnaú₂' jág₁ uig₅, qui₂bí₂ dsi₅₄, ca₂juá₂':

—Ia₁, ζon₁' ne₂ i₂juá₂' a₂'éng₄ guá₅ con₂' siá₂' ting₂' jmog₅₄ táng₃ quian₅₄' ni₅ jmig₄?

³⁰Në₃ né₃, lion₄' ηiag₂, ja₁tong₂' në₅.

³¹Ján₃ bá₄ le₂jaun₂ a₂lë₁qui₂co₂j móg₂' jui₅₄ jme₂dsa₂, quian₅₄' të₅juá₅', dsi₂₃ jág₁ qui₂tsí₅' riin₅₄', juá₂':

—Ca₂lióin₂' bá₄ i₂sián₂', la₁' ηiog₅ bá₄ tsá₃ lé₂ le₃lióin₃. ³²Jui₁sión₄ cróg₄ I₂rë₂'ín₁ quián₅ Diú₄ në₅, i₂juá₂' lín₅ Rag₅₄ quián₅ dsa₂ jui₂ Israel, ia₁jaun₂ të₅₄ ne₄ jniog₄, ia₁jaun₂ le₃'éin₂. Le₂jio₅ dsa₂ i₂le₁ton₅ quian₅₄ Jesús qui₂ca₂juá₂' uig₅.

Ca₂jon₃ Jesús

(Mateo 27:45-56; Lucas 23:44-49; Juan 19:28-30)

³³Jme₁ca₂té₂ dsi₃ηί₃, § ca₂'ág₂ nei₂ le₂con₂' uë₃ jaun₂, ca₂lia₂' ca₂té₂ hora ηί₁' ni₅ të₂le₃ ca₂'láu₂. * ³⁴Hora jaun₂, ca₂'ηia₂ gué₄ Jesús jág₁, ca₂juá₂' tiá₂':

—Eloi, Eloi, ζlama sabactani? —co₂'nió₄ a₂juá₂': Diú₄ quiáng₃, Diú₄ quiáng₃, ζ'e₂ lë₃ ma₂në₂téi₃' jniá₂?. †

³⁵I₂lín₅₄ dsa₂ i₂jme₁tión₂ cau₅ jaun₂ ca₂nág₂, jaun₂ ca₂dsia₃ jág₁ tsí₅' riin₅₄':

—ηNei₂! Elías i₂jme₁'é₂ jág₁ quián₅ Diú₄ ma₂líg₂' të₂'.

³⁶Jaun₂ né₃ ηó₃ jan₂ co₂chi₅₄' i₁quian₅₄ caun₂ ni₁jaun₂ guion₅ jmig₂. Jaun₂ ca₂guoin₃ vino dsi₃'. Jaun₂ ca₂chi₃dsí₂ nei₅₄ caun₂ ni₁'ma₂ ta₅, jaun₂ ca₂jén₃' ne₄ Jesús ia₁jaun₂ jme₁'ín₂'. Jaun₂ juá₂':

—O₁ne₄ chi₂juá₂' jiá₃ Elías jaun₂ sió₂ quió₅'.

³⁷Cón₂' bá₄ ca₂'ηióg₂ gué₄ Jesús tiá₂ lín₃, co₂tan₅₄ ca₂join₃. ³⁸Hora jaun₂ dé₄ dsón₂' co₂dsia₅ ca₂chen₃ ca₂të₂ guei₅₄' ca₂të₂' uë₃ ca₂lë₃ tin₃ tsín₅' tsi₁'mi₂' pa₁ a₂jme₁'ei₅ dsi₂néi₂ guá₅ templo. ³⁹Jaun₂ jui₅₄' lióg₂ i₂jme₁chén₄' cau₅ cróg₄, jme₁ca₂jág₃' a₂ lia₂' ca₂jon₃ Jesús, jaun₂ ca₂juá₂':

—Të₃dsón₂' bá₄ jme₁lín₄ dsa₂ në₅ Ja₁ηi₅₄ Diú₄.

⁴⁰Jaun₂ bá₄ jme₁tión₂ i₂lín₅₄' io₅₄, jág₅ uíng₂ ján₃. Jë₄ jaun₂ jme₁chén₄' María chan₂ Magdala, quian₅₄' María chog₅₄ i₂chen₂ José, quian₅₄' i₂chen₂ Jacobo[‡] i₂lín₅ i₂me₂' gué₄, quian₅₄' gué₄ jan₂ i₂chen₂ Salomé. ⁴¹'Io₅₄' éi₂ ma₂ja₂lén₂ le₂tan₅₄' uë₃ Galilea jme₂ti₃ ne₄ Jesús. Jui₅ bá₄ gué₄' io₅₄ sián₂' i₂ma₂ja₂lén₂' ein₂₃ Jesús të₂ Jerusalén.

Ca₂'on₃ Jesús

(Mateo 27:57-61; Lucas 23:50-56; Juan 19:38-42)

⁴²Jme₁ca₂tó₂' nei₂ jmig₄ jaun₂, tion₅₄' dsa₂ jmo₂₃ co₂jnia₅₄ jui₁lia₂' i'ióg₃ jmig₄ jnió₅.

⁴³Jaun₂ ca₂dsióg₃ José i₂chan₂ Arimatea, i₂lín₅ jan₂ dsa₂ dsen₅₄ i₂quian₅₄' dsi₂tan₅₄ quián₅ guá₅. Ia₁' éi₂ ján₃ jme₁chi₁jnia₂₃ a₂'ín₂ dsí₅ a₂guá₂' éi₃ quió₅' Diú₄. Jaun₂ ca₂dsia₃ tiá₂ dsí₅ né₃, ηó₃ ja₁con₂ Pilato, ca₂i₁mii₁₂' lag₄ Jesús. ⁴⁴Jaun₂ ca₂i₃gó₃' dsí₅ Pilato jme₁ca₂nág₂ a₂ma₂jon₅ Jesús, jaun₂ ca₂té₃' jui₅₄' lióg₂ ca₂ηag₃ chi₂juá₂' dsón₂' ma₂join₂₃.

⁴⁵Jme₁ca₂rë₃ηi₅ ca₂juá₂' lióg₂, "Dsón₂' bá₄ le₂jaun₂ ma₂ca₂lë₃", jaun₂ ca₂jín₂' lag₄ o₄gú₃

† 15:25 lit. "hora 'ni₅." ‡ 15:27 A₂lín₅₄ chog₅₄ si₂ chi₁ton₅ versículo 28, a₂juá₂' le₂la₂: "Jaun₂ le₂jaun₂ ca₂rë₃ti₃ con₂' lé₅ juá₂' Si₂ quió₅' Diú₄: 'A₂jmá₂' dsa₂' éi₂ ju₁lia₂' jë₁jmái₂' dsa₂ i₂rin₂ dso₄'." Isafás 53:12. § 15:33 lit. "hora ηjéi₂." * 15:33 lit. "hora ηj₃." † 15:34 Salmo 22:1. ‡ 15:40 o₃, Santiago.

Sé₄ 'éi₂. ⁴⁶ Jaun₂ Sé₄ né₃ ca₂i₁lia₅ 'mi'₂ tióg₃; quian'₅₄ a₂jaun₂ ca₂lio_{in}₃ 'lag₄ Jesús jme₁ca₂sió₂ cróg₄. Jaun₂ ca₂to'₂ 'ñi_ó'₃ tau₂ 'ñio'₅ a₂jme₁ma₂lé₅ dso'₂ ni₁'lau₂. Jaun₂ ca₂mói₂ ca₂míg₂ ni₁cang₁ 'í₂ pa₁, ca₂jne₃ 'o₄ tau₂ 'ñio'₅. ⁴⁷ Jaun₂ María i₂chan₂ Magdala quian'₅₄ María chog₅₄ José, ca₂té₂ ne₅₄ ja₁ca₂'on₃ Jesús.

16

Ca₂jen'₅₄ Jesús

(Mateo 28:1-10; Lucas 24:1-12; Juan 20:1-10)

¹ Le₃ca₂gú'₃ jmi_g₄ jñi_ó'₅, jaun₂ María i₂chan₂ Magdala quian'₅₄ María chog₅₄ Jacobo,* quian'₅₄ gué₄ jan₂ i₂chen₂ Salomé, ca₂i₁lia₅ no'₅₄ mi₂juig₂ a₂jme₁dsi₃tsáng₃ ni₁ñi₁ 'lag₄ Jesús. ² Jaun₂ le₁né₃ gué₄ jme₁jnia₃ jmi_g₄ le₂'uig₅₄ semana, ca₂i₃léin₂ ja₁chi₁'on₅ Jesús, ca₂dsi₃léin₂ con'₂ ma₂'en₅ ca₂la₂ 'iog₂. ³ Jaun₂ dsia₂₃ jág₁:

—¿Ein₂ jme₃'o₅₄ jniog₄ mói₂ cau₅ ni₁cang₁ a₂chi₁jñi₅ 'o₄ tau₂ 'ñio'₅?

⁴ La₁ jme₁ca₂jág₃ né₃, jua'₂ ma₂rë₂mu₅, cau₅ bá₄ ma₂chí'₅. Ia₁ a₂jme₁pa₁ lin₃ bá₄ ni₁cang₁. ⁵ Jaun₂ ca₂i₃toin'₅₄ 'ñi_ó'₃, jaun₂ ca₂jñin₂ jan₂ dsa₂ chi'₂ i₂qui'₂ 'mi'₂ chen'₅₄ tiog₂, guá₅ të₂le₃ gu₂ ne₁ ja₁i₃léin₂ jaun₂. Jaun₂ ca₂i₃gó'₃ dsí₅ 'io₅₄ né₃. ⁶ La₁ ca₂juá'₂ dsa₂ 'éi₂:

—Tsá₃ jui₁dsi₂gó'₃ 'au'₂ 'nia'₂. A₂'na'₂ Jesús bá₄ 'nia'₂ i₂niog'₅₄ i₂ca₂jon₃ ca₂tion₃ dsa₂ cróg₄. La₁ ma₂ca₂jein'₅₄ bá₄. Tsá₃ 'éi₂ chan₂ ja₁lá₃. Nē₅ jag₄ 'nia'₂ ja₁ca₂quio₅ dsa₂. ⁷ Jaun₂ o₂nó'₅ 'nia'₂ o₂chei'₅₄ chi'₂ dsi₂guia₃-tín₂ quiáin₅, Pe₄ né₃, a₂ma₂'ein₅₄ jui₅ ñó₅ jñiá₅ lia'₂ con'₂ gué₄ 'nia'₂ jui₅ Galilea. Ja₁jaun₂ o₁jñin'₄ 'nia'₂ con'₂ lé₅ jág₁ quió'₅ ma₂ca₂juá'₂.

⁸ Jaun₂ ca₂'uñin₂ tau₂ 'ñio'₅ i₃lein₃ cuing₂₃, dsi₂gó'₃ dsí₅ jlein₂₃. Tsá₃ 'ein₂ ca₂tsí'₃ le₂'i₄ jui₅, ia₁ a₂gó'₅ bá₄ i₃lein₃.

Ca₂jme₃jnia₅ Jesús ne₄ dsa₂ quiáin₅.†

(Juan 20:11-18)

⁹ Jaun₂ të₂le₃ o₂'iog₂ jmi_g₄ le₂'uig₅₄ a₂ca₂rë₃lióg₃ semana a₂ca₂jein'₅₄ jaun₂, ca₂jme₃jniai₂₃ le₂'uig₅₄ ne₄ María chan₂ Magdala, i₂ca₂'uñin'₂ Jesús guion₃ je₂na'₅₄ quió'₅ le₂jñiá₅. ¹⁰ Jaun₂ 'éi₂ né₃ ca₂i₁chi'₄ dsa₂ i₂jme₁quian'₅₄ Jesús. 'Éi₂ né₃, tioin'₅₄ 'lia'₂ dsí₅, qui'₂-o₂₃ bá₄. ¹¹ Jme₁ca₂nág₂ juá'₂ 'io₅₄ a₂ma₂chan₂ táng₃ Jesús, ia₁ ma₂në₂jág₂ 'io₅₄, la₁ tsá₃ 'ein₂ ca₂rë₃'én₂ gué'₂ jág₁ jaun₂.

Ca₂jme₃jnia₅ Jesús ne₄ on₃ dsa₂ quiáin₅

(Lucas 24:13-35)

¹² Cang₂ jaun₂ táng₃ ca₂jme₃jnia₅ Jesús le₂siá'₂ ne₄ on₃ dsa₂ 'éi₂ quiáin₅, ja₁jme₁i₂ni_ó'₅₄ ja₁nau₂. ¹³ Jaun₂ ca₂i₃lein₃ táng₃ ca₂i₁chi'₄ riin'₅₄. Ján₃ bá₄ le₂jaun₂ tsá₃ 'ein₂ riin'₅₄ ca₂rë₃'én₂ jág₁ a₂dsia₅ 'éi₂.

Ca₂chen₃ Jesús chi'₂ dsi₂guia₃-tín₂ i₂lé₂ gué₄

(Mateo 28:16-20; Lucas 24:36-49; Juan 20:19:23)

¹⁴ Cang₂ gué₄ jaun₂ ca₂jme₃jnia₅ Jesús jin₄ ta₁guia₃-ján₃ con'₂ i₂jme₁tén₄ gué'₅. Jaun₂ ca₂jí₂ ia₁ 'e₂ lë₃ ñí₄ lë₃ cang₄ dsi₅₄, tsá₃ 'éin₂ a₂juá'₂ riin'₅₄ i₂ma₂ca₂té₂ ne₄ a₂ma₂ca₂jein'₅₄ táng₃.

¹⁵ Jaun₂ ca₂juá'₂ ca₂tsí'₃ dsa₂ 'éi₂:

—O₂nó'₅ 'nia'₂ le₂con₂ mi₂güig₃, o₂'é₃ jin₄ ca₂le₃jñin₃ dsa₂ jág₁ dse₃. ¹⁶ I₂'én₂, i₂jñó₂ jmi_g₂ né₃, lióin₂, tñin'₄ bá₄. I₂tsá₃ 'én₂ né₃, le₃chain₂ tioin'₅₄ 'éi'₃ a₂dsi₃'éin₂. ¹⁷ Jaun₂ léi₄ la₂ jme₃quian'₅₄ dsa₂ 'én₂. Të₂le₃ quian'₅₄ bí₂ 'éi'₃ quió₃ jniá₂, 'uñin'₂ je₂na'₅₄, ton'₂ dsia₃ dsa₂ jág₁ jmei₅ 'mí₂ né₃. ¹⁸ Nē₁jua'₂ 'ein₂ ca₂jña'₃ dsi₂mi'₂, o₃ 'ein₂ ca₂'in'₃ mí₅ 'lig'₅₄, la₁ tsá₃ 'e₂ jén'₄. Qui₂quio₃ gu₂ ne₄ quió'₅ dsa₂ dso'₅₄, jaun₂ 'lión₂ bá₄ dsa₂.

* 16:1 o₃, Santiago. † 16:8 Chog₅₄ si₂ a₂lé₅ gui'₅₄ gué₄ tsá₃ le₁ton₅ versículos 9-20.

Ca₂uíg₂ Jesús guei'₅₄ i₂juíg₃
 (Lucas 24:50-53; Hechos 1:6-11)

¹⁹ Jme₁ma₂lë₅ juá₂ Te₁gui'₅₄ Jesús le₂në₅, jaun₂ gué₄ ca₂roin'₂ ηái'₃ guei'₅₄ i₂juíg₃, jaun₂ ca₂guá₂ tē₂le₃ gu₂ ne₁ quió'₅ Diú₄. ²⁰ Cang₂ jaun₂, dsa₂ i₂jme₁quiain'₅₄ né₃, ca₂'uín₂ i₁lein₅₄ ca₂le₂con₂juíg₂ i₁'é₄ jág₁. Jaun₂ 'njog₅ bá₄ Te₁gui'₅₄ Jesús ca₂cuë₃ bí₂, ca₂jmo₃ léi₄ a₂dsón'₂ dsau₅ jág₁ quió'₅, tē₂le₃ quian'₅₄ ca₂le₃jé₃ léi₄ juë'₂ a₂qui₂ca₂jmo₃ dsa₂ quiáin₅.
 Co₂në₅.

Jág₁ Dse₃ quió'₅ Diú₄ a₂ca₂tó'₂ San Lucas ne₄ Si₂

Jág₁ a₂ca₂rë₃lióg₃ Si₂ a₂ca₂jmo₃ San Lucas

¹ Juin₅ bá₄ dsa₂ i₂qui₂ca₂nio₃ ne₄ ca₂can₃ ta₁ ca₂tó'₂ ne₄ si₂ ca₂le₃jé₃ jág₁ 'a₂ lia'₂ dsón'₂ niog₅ ca₂lë₃ jë₄ quián₂ jnia'₅₄, ² lia'₂ con'₂ lé₅ ca₂jme₃tag₅ dsa₂ i₂ca₂té₂ ne₄ lia'₂ con'₂ le₂'uig₅₄ jme₁ca₂rë₃lióg₃, ton'₂ ca₂jme₃'o₅₄ ca₂'é₂ jág₁ dse₃. ³ Ján₃ bá₄ le₂jaun₂, jniá₂ né₃ ma₂caún₃ 'í₁ dse₃ lin₃ 'a₂ lia'₂ ma₂já₅ jë₁le₂'uig₅₄, jaun₂ bá₄ líng₂ dsi₂ten₅₄ a₂tó'₄ ne₄ si₂ la₂ ca₂le₃jé₃ lia'₂ con'₂ lé₅, a₂tsíng₂ ne'₅₄ 'ne₂, gui'₅₄ Teófilo, * ⁴ ia₁jaun₂ ñi'₅₄ dse₃ a₂dsón'₂ tí₅ jág₁ a₂ma₂ca₂rë₃tíng'₃.

'É₂ jág₁ ángel quián₅ Diú₄ a₂le₃chan₂ Juan₅₄ i₂chon₃ dsa₂ jmiğ₂

⁵ Jmiğ₄ lia'₂ con'₂ jme₁lín₄ Herodes rag₅₄ 'uë₃ Judea, jme₁chan₂ jan₂ jme₂dsa₂ i₂jme₁chen₂ Zacarías, i₂jme₁tén₄ le₃quió'₅ co₂nió'₃ jme₂dsa₂ quián₅ Abías. Dsa₂ mí₂ quián₅ jme₂dsa₂ 'éi₂ né₃ jme₁chen₂ Elisabet, i₂jme₁lín₄ tsi₁jon₂ quián₅ jme₂dsa₂ Aarón. ⁶ Le₃oin₃ jme₁lín₄ dsa₂ dsen₃ le₃ne₄ Diú₄, jme₁jme₂ti₃ 'éi'₃ quió'₅ Te₁gui'₅₄. A₂chain₂ le₂jaun₂ né₃, tsá₃ 'ein₂ qui₂le₃bóg'₂ dso₄ jua'₅₄ 'e₂ dso₄ le₃bóg'₂. ⁷ La₁ 'i₁jan₂ guein₂ tsá₃ i₂ma₂ca₂rë₃chán₃ quián₅, ia₁ jme₁lín₄ Elisabet jan₂ 'io₅₄ quen₂. Jme₁ma₂cain'₅₄ ma₂guein'₂ 'ñio₅ lin₃ jain₂.

⁸ Co₂ráun₂, ca₂lë₃ jme₁ca₂té₂ jmiğ₄ a₂tin₅₄ jme₂dsa₂ i₂quian'₅₄ Zacarías a₂jme₃ti₃ ta₁ a₂tíoin₂ ne₄ Diú₄, ⁹ a₂jmo₃ lia'₂ con'₂ lé₅ tag₄ chí'₅ quió'₅ jme₂dsa₂. Të₃jë₄ jmiğ₄ jaun₂, ca₂o₃ág₃ jág₁ ca₂tín₂ Zacarías, a₂'í₂ dsi₂néi₂ ja₁ñiós quió'₅ Te₁gui'₅₄ a₂dsí'₂ chen₂. ¹⁰ Të₁lia'₂ 'ein₅₄ dsí'₂ chen₂ ne₄chei₂ né₃, dsa₂ juiğ₂ guë'₂ le₃ca₁'né₄ bá₄ le₁ñii'₂ chi₂lén'₂ Diú₄.

¹¹ Të₃jë₄ jaun₂ ca₂jme₃jnia₅ jan₂ ángel quián₅ Te₁gui'₅₄ ne₄ Zacarías tē₂le₃ gu₂ ne₁ja₁lé₄ ne₄chei₂. ¹² Jme₁ca₂jág₂ Zacarías, ca₂ja₃gó'₃ dsí₅ 'ñio₅ lin₃, ca₂lia'₂ tsá₃ a₂ñi₅ jmo₃ ca₂jén'₃. ¹³ La₁ ca₂juá'₂ ángel:

—Zacarías, tsá₃ lë₁jmo₂ gang'₃, ia₁ ma₂nág₂ Diú₄ jág₁ quiáng'₂ a₂chi₁lein'₅₄, jaun₂ le₃chan₂ jan₂ guein₂ dsa₂ ñe'₂ quián₅ Elisabet dsa₂ mí₂ quiáng'₂. Guein₂ 'éi₂ quiang'₅₄ Juan₅₄. ¹⁴ Jmó'₂ 'io'₂ le₃chang'₂, o₂'ñiós o₂ñia₃ 'au'₂ né₃, ján₃ bá₄ juin₅ i₂të₃ dsí₅ jë₁ma₂chain₂. ¹⁵ Ia₁ lén₂ dsa₂ juin'₂ le₃ne₄ Te₁gui'₅₄. Tsá₃ vino 'ín'₂, on₃ guë'₂ ti₁jmiğ₃ né₃; Jme₂dsí₂ Jñiós bá₄ ma₂rë₂rín₅ tē₂dsí₅ né₃ a₂le₃chain₂. ¹⁶ Co₃jéin'₂ juin₅ lin₃ dsa₂ juiğ₂ Israel le₃quió'₅ Te₁gui'₅₄ Diú₄ quián₅. ¹⁷ 'Éi₂ i₂já₅ ne₄ juí₅ quió'₅ Te₁gui'₅₄, 'ein₅₄ jme₂dsí₂, ton'₂ 'io₂₃ juí₅bí₂ juí₁lia'₂ a₂jme₁'io₅ Elías, a₂jme₃dsiain₁₂ mi'₅₄ ja₁con₂ dsa₂, quian'₅₄ chi'₂-guein₂ quián₅, a₂co₃jéin'₂ juí₁lia'₂ i₂tsá₃ ne'₅₄, jme₃tag₂₃ le₃tíin₂ le₃ñí'₂ a₂dse₃. Le₂në₅ jmo₃ co₂jñia₅₄ dsa₂ ia₁jaun₂ guein₃ Te₁gui'₅₄.

¹⁸ Jaun₂ ca₂ñag₃ Zacarías ca₂ñí'₃ ángel:

—¿A₂ bá₄ lia'₂ lé₂ le₃guion₅₄ jniá₂ a₂tí₅ dsón'₂ jág₁ në₅? Ia₁ dsa₂ ma₂guen'₂ bá₄ jniá₂, le₂jaun₂ guë'₂ dsa₂ mí₂ quiáng₃ i₂ma₂dsi₁juin₅₄ ñi₂ ján₃.

¹⁹ Jaun₂ ca₂ñag₃ táng₃ ángel:

—Gabriel bá₄ jniá₂, chéng'₅ le₃ne₄ Diú₄. A₂cheng₅₄ bá₄ guio₃ a₂juá'₄ jág₁ dse₃ la₂ ne'₅₄.

²⁰ La₁ tē₂në₃, cóng'₂, tsá₃ ma₃jág₁ le₃dsiá'₁ ca₂lia'₂ ca₂lë₃ le₂në₅, 'uig₅₄ ia₁ a₂tsá₃ 'éng'₂ jág₁ quió₃ a₂le₃ti₃ jë₁ma₂dsin₃ jmiğ₄ jaun₂.

²¹ Dsa₂ juiğ₂ né₃, le₁jñia₂₃ a₂o₃'in₅ Zacarías, dsi₂gó'₃ dsí₅ ia₁ a₂ca₂rë₃'in₄ 'éi₂.

²² Jme₁ca₂o₃'in₃ né₃, la₁ tsá₃ ma₃jág₁ le₂dsia₃, jaun₂ ca₂rë₃lí'₄ bá₄ dsa₂, cha₂ a₂ca₂jág₃ dsi₂néi₂ guá'₅ templo. A₂jñia'₅₄ qui₂bí₂ gu₂ bá₄ jmo₂₃ léi₄, ia₁ ma₂coin₅₄.

* 1:3 o₃, “ne₂ i₂'nióg'₃ Diú₄.”

²³ Jme₁ca₂dsin₃ jmi_g₄ a₂jme₃ti₃ ta₁ jaun₂, jaun₂ nái' ₃ bá₄ ja₁quió' ₄. ²⁴ Cang₂ jaun₂ né₃, ca₂can₃ Elisabet dsa₂ mí₂ quiáin₅ guein₂. Tē₁lia' ₂ jaun₂, tei₄ bá₄ ca₂'í₃ dsi₂néi₂ quió' ₅ con' ₂ 'ñiá₂ tsi' ₂. 'Ein₅₄ qui₂dsi₂jñia₅ dsí₅, líin₂: ²⁵ “Co₂nē₅ ca₂rē₃'ñi₃ó₃ dsí₅ Te₁gui' ₅₄ a₂líng₅ le₂la₂, ia₁jaun₂ tsá₃ ma₂'ag₃ dsa₂ 'lig' ₅₄.”

'É₂ jág₁ jan₂ ángel quián₅ Diú₄ a₂le₃chan₂ Jesús

²⁶ Jñéi₂ tsi' ₂ ma₂ne₁ñó₄ a₂quian₅ Elisabet guein₂; Diú₄ né₃ ca₂chein₃ táng₃ ángel Gabriel caun₂ juig₂ ja₁tén₄ Galilea ja₁chei₂ Nazaret, ²⁷ a₂ca₂i₁jme₁jñia₂₃ ne₄ jan₂ dsa₂ mi₄ i₂jme₁ma₂li' ₅₄ jág₁ a₂jéin' ₂ gu₂ quian' ₅₄ i₂chen₂ José, jan₂ dsa₂ tsi₁jon₂ Rag₅₄ David. Dsa₂ mi₄ 'éi₂ jme₁chen₂ María. ²⁸ Jaun₂ né₃, ca₂'í₃ ángel dsi₂néi₂ ja₁'en₅₄ María, jaun₂ ca₂juá' ₂:

—¡Siang' ₃ María! ¡'E₂ gué₄ dsen' ₃ 'ne₂, ia₁ quiong' ₅₄ Te₁gui' ₅₄!†

²⁹ La₁ jme₁ca₂nág₂ María jág₁ nē₅, 'ñio₅ lin₃ ca₂i₃gó' ₃ dsí₅, jaun₂ ca₂'náu' ₃ dsí₅ 'e₂ bá₄ jein₅ jág₁ jaun₂. ³⁰ Jaun₂ ca₂juá' ₂ táng₃ ángel:

—Tsá₃ lē₁jmo₂ gang' ₃, María, ia₁ a₂dse₃ dsí₅ Diú₄ jmo₂₃ ja₁cong' ₂. ³¹ ñí₂, 'í₂ jan₂ guein₂ tē₂'au' ₂; le₃chan₂ jan₂ guein₂ dsa₂ ñe' ₂ quiáng' ₂, jaun₂ quian' ₅₄ JESÚS. ³² 'ñio₅ juin' ₂ lēin₂; quiong₃ dsa₂ a₂líin₅ Ja₁ñi' ₅₄ Diú₄ i₂guá₅ guei' ₅₄ lin₃. Te₁gui' ₅₄ Diú₄ né₃, dsiog₃ ne₄ta₁ quió' ₅ David jme₂gui' ₂. ³³ Jaun₂ jme₃góin₃ con' ₂ tan₅₄ ne₄ chi' ₂ dsio₄ Jacob, jaun₂ tsá₃ ma₃líng' ₂ jmi_g₄ dsi₃ñí₂ 'éi' ₃ quió' ₅.

³⁴ Jaun₂ ca₂ñag₃ María ca₂ñí' ₃ ángel:

—¿'A₂ bá₄ lia' ₂ lé₂ a₂nē₅? Ia₁ tsá₃ dsa₂ ñe' ₂ cuíng₅.

³⁵ Jaun₂ ca₂ñag₃ ángel:

—Jme₂dsí₂ Jñi₃ó₅ bá₄ jmo₃ a₂lé₂ le₂jaun₂ ja₁cong' ₂; jui₅bí₂ quió' ₅ Te₁gui' ₅₄ i₂guá₅ guei' ₅₄ bá₄ lio₃ 'én' ₁ quió' ₅. Jaun₂ lē₃, guein₂ jñi₃ó₅ i₂le₃chan₂ 'éi₂, quiong₃ dsa₂ Ja₁ñi' ₅₄ Diú₄.‡

³⁶ Ján₃ bá₄ le₂nē₅ Elisabet ríng' ₂, o₁jñia' ₅₄ ma₂guein' ₂, ma₂tē₂ jñéi₂ tsi' ₂ a₂quian₂₃ guein₂, jaun₂ le₂nē₅ bá₄ le₃chan₂ jan₂ guein₂ quián₅ i₂té' ₂ dsa₂ 'io₅₄ quen₂. ³⁷ Ia₁ 'i₁caun₂ tsá₃ 'e₂ cha₂ jua' ₅₄ a₂tsá₃ qui' ₅₄ jmi_g₄ Diú₄.

³⁸ Jaun₂ ca₂juá' ₂ María:

—Ñí₂, dsa₂ i₂jme₂ti₃ ta₁ ne₄ Te₁gui' ₅₄ bá₄ jniá₂; jui₁le₅₄ ja₁cong₂ con' ₂ lé₅ jág₁ quiáng' ₂. Jaun₂ ca₂ñá' ₃ ángel ja₁coin₂.

Ca₂i₁jag₅₄ María ja₁quió' ₄ Elisabet

³⁹ Tē₃jē₄ jmi_g₄ jaun₂, ca₂ñó₃ María tē₂le₃ dséi₂ jui₅ juig₂ niog₅ má' ₂ ja₁tén₄ Judea. ⁴⁰ Jaun₂ jme₁ca₂dsi₃óg₃, ca₂'í₃ dsi₂néi₂ quió' ₅ Zacarías, ca₂cuin₃ Diú₄ Elisabet. ⁴¹ Jme₁ca₂nág₂ Elisabet a₂cuag₅ María Diú₄, dsi₂jui₅ jaun₂ bá₄ ca₂jín' ₂ guein₂ tē₂dsí₅, jaun₂ ca₂rē₃cain' ₂ Jme₂dsí₂ Jñi₃ó₅. ⁴² Jaun₂ ca₂'í₃ co₂mi' ₅₄, juá' ₂:

—¡'E₂ gué₄ 'ñio₅ jme₂gu' ₅₄ Diú₄ 'ne₂, lia' ₂ con' ₂ gué₄ 'i₁jan₂ dsa₂ mí₂ sián' ₂, le₂jaun₂ gué' ₂ guein₂ quiáng' ₂ né₃! ⁴³ ¿I₂'ein₂ bá₄ jniá₂, já₅ chog₅₄ Te₁gui' ₅₄ quiáng₃ ja₂jag₅₄? ⁴⁴ Ia₁ dsi₂jui₅ jme₁nē₂cuag' ₅₄ Diú₄, ca₂jín' ₂ 'io' ₂ jén' ₅ guein₂ quiáng₃ tē₂dsi₃. ⁴⁵ ¡'E₂ gué₄ dsen' ₃ 'ne₂ a₂ca₂rē₃'éng' ₂, ia₁ le₃ti₃ ja₁cong' ₂ a₂ma₂juá' ₂ Te₁gui' ₅₄!

⁴⁶ Jaun₂ María né₃, ca₂juá' ₂:

Jme₂juin' ₂ tē₂dsi₃ Te₁gui' ₅₄.

⁴⁷ Jme₂dsí₂ quió₃ né₃, 'io' ₂ jén' ₅

le₃quió' ₅ Diú₄ quiáng₃ i₂lió₂.

⁴⁸ Ia₁ Diú₄ ca₂jéin' ₃ ne₅₄ ja₁con₂ jniá₂

dsi₂ñég₂ i₂jme₂ti₃ quiáin₅.

Jaun₂ né₃, le₂tan₅₄ le₃ne₄ jui₅ ja₁ñó₄,

† 1:28 A₂lin₅₄ chog₅₄ si₂ juá' ₂ ján₃: “Ma₂jme₂gu' ₅₄ Diú₄ jme₂gon' ₅₄ 'ne₂ con' ₂ gué₄ ca₂le₃jín₃ dsa₂ mí₂.” ‡ 1:35 o₃, “Jaun₂ né₃, guein₂ i₂le₃chan₂ 'éi₂ quiong₃ dsa₂ guein₂ jñi₃ó₅.”

- té₂ dsa₂ líng₅ i₂rë₂gon'₅₄ quián₅ Diú₄.
- ⁴⁹ Ia₁ 'e₂ gué₄ 'uan'₂ Diú₄,
ia₁ ca₂jmo₃ caun₂ a₂juë'₂ ja₁cong₂;
j'e₂ gué₄ jñi₅ a₂chein₂!
- ⁵⁰ Co₂tan₅₄ bá₄ ñéi₂ dsí₅
le₂tan₅₄ tsi₁jon₂ dsa₂ i₂jme₂go₃.
- ⁵¹ Quian'₅₄ gu₂ bén₂, ca₂jmo₃ caun₂ a₂juë'₂
a₂tsá₃ 'ein₂ qui'₅₄ jmi₄g₄.
Ia₁ co₂ñei'₅₄ ca₂guiain'₃ 'uë₃
dsa₂ i₂con'₂ ñí'₂ dsí₅ guion₅₄ jmo₂₃ táin'₅.
- ⁵² Ca₂'liain'₃ cau₅ i₂jme₁tián'₄ can'₅₄,
a₂ca₂dsiain₃ táng₃ i₂jmo₅ me'₂.
- ⁵³ Dsa₂ i₂jme₁chan₂ 'on₄,
ca₂jme₃tau₅₄ quián'₅₄ a₂dse₃.
I₂ñí₄ jme₁chan₂ dse₃ guë'₂,
ca₂'uág'₂ ca₂chei'₃ líin₃.
- ⁵⁴ Ca₂jme₃oin₅₄ dsa₂ juig₂ Israel i₂jme₂ti₃ quián₅,
ca₂dsia₃ ñéi₂ dsí₅ ca₂dsáu'₃ dsí₅
⁵⁵ con'₂ lé₅ jág₁ quió'₅
ca₂tsí'₃ Abraham jme₂gui'₂ jniog₄
quian'₅₄ ca₂le₃jín₃ tsi₁jon₂ quián₅ co₂tan₅₄.
- ⁵⁶ Con'₂ 'ni₅ tsi'₂ ca₂dsin₃ ca₂'í₃ María ja₁quió'₄ Elisabet. Cang₂ jaun₂ ñái'₃ táng₃ ja₁quió'₄.
- Ca₂rë₃chán₃ Juan₅₄ i₂chon₅ dsa₂ jmi₄g₂
- ⁵⁷ Cang₂ jaun₂ ca₂dsin₃ jmi₄g₄ a₂le₃chan₂ guein₂ quián₅ Elisabet, jaun₂ ca₂rë₃chán₃ jan₂ guein₂ dsa₂ ñe'₂ quián₅. ⁵⁸ Jaun₂ ca₂rë₃ñi₅ o₁rñin'₅₄, quián'₅₄ dsa₂ i₂tián'₅ cau₅ quió'₅ né₃, 'a₂ lia'₂ ca₂jmo₃ Te₁gui'₅₄ dse₃ dsí₅ ja₁con₂ 'éi₂. Jaun₂ ca₂jmo₃ 'io'₂ quiong'₅₄.
- ⁵⁹ Jaun₂ ca₂lë₃ né₃, jme₁ca₂té₂jñia₃ jmi₄g₄, ca₂o₃lén₂ dsa₂ ca₂ti₃ lo₄ guein₂, jaun₂ jme₁'nio₃ quiong₃ Zacarías lia'₂ chen₂ jmei₂. ⁶⁰ La₁ ca₂juá'₂ chog₅₄ guein₂:
—Jan₂'ón₄. Juan₅₄ bá₄ le₃chein₂.
- ⁶¹ Jaun₂ ca₂ñag₃ táng₃ dsa₂:
—'I₁jan₂ o₁rñing'₂ tsá₃ i₂chen₂ le₂ñë₅, jme₁né₄.
- ⁶² Jaun₂ ca₂jmo₃ dsa₂ léi₄ quián'₅₄ gu₂ a₂ca₂tsí'₃ jmei₂ guein₂ 'a₂ guë'₂ lia'₂ 'nio₃ 'éi₂ le₃chen₂ guein₂. ⁶³ Jaun₂ ca₂mi₃ 'éi₂ ca₂'nau₅₄ jau₅₄ 'ma₂, jaun₂ ne₄ jaun₂ ca₂tióng₃: “Juan₅₄ bá₄ chein₂.” Jaun₂ ca₂i₃gó'₃ dsí₅ ca₂le₃jín₃ tioen'₅₄. ⁶⁴ Dsi₂jui₅ jaun₂ ca₂ján₃ mi₂'o₄ Zacarías, ca₂'ág₂ 'ua₁ táng₃ le₁tsi'₂, ca₂dsia₃ jág₁, ca₂jme₃juin'₂ Diú₄. ⁶⁵ Jaun₂ ca₂i₃gó'₃ dsí₅ ca₂le₃jín₃ dsa₂ i₂tián'₅ cau₅, jaun₂ le₂tan₅₄ juig₂ te₁'i₁ 'uë₃ má'₂ ja₁tén₄ Judea né₃, ca₂i₃'ag₅₄ jág₁ ca₂le₃jé₃ a₂ca₂lë₃ jaun₂. ⁶⁶ Dsa₂ i₂qui₂ca₂rë₃ñi₅ a₂jaun₂ né₃, jme₁'nio'₂ dsí₅ i₂gú'₃ jág₁ ñë₅, qui₂ñí'₅ le₂jan₂ le₂jan₂ dsia₂₃: “¿'E₂ bá₄ lén₂ guein₂ 'éi₂?” Ia₁ dsón'₂ bá₄ dsau₅ léi₄ jme₁quiong'₅₄ Te₁gui'₅₄ guein₂ 'éi₂.
- Le₂la₂ canto a₂ca₂jme₃juin'₂ Zacarías Diú₄
- ⁶⁷ Zacarías jmei₂ guein₂ né₃, rë₂cain'₂ Jme₂dsí₂ Jñi₅ó₅, qui₂ca₂'ë₃ jág₁ ca₂cuë₃ Diú₄, ca₂juá'₂:
- ⁶⁸ Jui₁le₂juin'₂ Te₁gui'₅₄ Diú₄
quián₅ dsa₂ juig₂ Israel,
ia₁ ma₂guain₂₃ jë₄ quián₂ jniog₄
dsa₂ juig₂ quián₅, ma₂ca₂lió₂.
- ⁶⁹ Ma₂ca₂cuag₃ jniog₄ jan₂ i₂'uan'₂ lín₃

- i₂lín₅ lia'₂ lé₅ caun₂ mi₁juí₁,
 jan₂ i₂já₅ jë₄ tsi₁jon₂ David i₂ca₂jme₃ti₃ ta₁ ne₅₄,
 a₂ja₂lio_{in}₅₄ dsa₂ quiáin₅.
- ⁷⁰ Le₂në₅ jág₁ quió'₅ ca₂cuë₃ ca₃ma₂líg'₂,
 ca₂juá'₂ tē₂le₃ quian'₅₄ dsa₂ i₂jme₁'é₂ jág₁,
 i₂jme₁lé₄ 'í₁ quiáin₅,
- ⁷¹ jme₁ca₂juá'₂ a₂lió₂ o₄gú₃ dsa₂ i₂'iog₅₄,
 i₂uig₅ dsí₅ jág₂ né₃,
- ⁷² ja₁juá'₂ né₃ a₂tiá'₃ ηéi₂ dsí₅
 ja₁con₂ dsa₂ can'₅₄ quián₂,
 ja₁juá'₂ né₃ dsiog'₂ dsí₅ jág₁ ηjió₅ quió'₅ ron₅.
- ⁷³ A₂në₅ bá₄ jág₁ jaun₂ ca₂quiog₂
 jme₁ca₂'iin₃ 'ηiog₅
 ca₂tsí'₃ Abraham jme₂gui'₂ jniog₄:
- ⁷⁴ a₂ca₂juá'₂ a₂lió₂ o₄gú₃ dsa₂ i₂'iog₅₄,
 ia₁jaun₂ dsiá₁ tiá₂ dsí₅ jme₁ti₁ ne₅₄,
- ⁷⁵ ia₁jaun₂ le₂chong₂ rē₂ le₃ne₅₄, lé₅ 'í₁,
 ca₂le₃jé₃ jmig₄ chong₂.
- ⁷⁶ Jaun₂ tē₂le₃ ja₁con'₂ 'ne₂ guē'₂, jón₃,
 tē₂ dsa₂ a₂lín'₅ jan₂ i₂'é₂ jág₁ quián₅ Diú₄
 i₂guá₅ guei'₅₄ lín₃,
 ia₁ gog'₅₄ ne₄ jui₅ quió'₅ Te₁gui'₅₄
 a₂jmó'₂ co₂ηia₅₄ jui₅ quió'₅.
- ⁷⁷ 'Ne₂ bá₄ o₁jmo'₄ a₂le₃cuí'₅ dsa₂ juig₂ quiáin₅
 'e₂ jaun₂ a₂lión₂ dsa₂,
 tē₂le₃ quian'₅₄ a₂'én₂ dsáu₁.
- ⁷⁸ Ia₁ ηéi₂ bá₄ dsí₅ Diú₄ quián₂ jniog₄.
 Jaun₂ lē₃, tē₂ guei'₅₄ i₂juíg₃ bá₄
 chein₂₃ caun₂ si₂,
 nē₂jag₄ bá₄ ca₂jnia₃ caun₂ jmig₄ 'mí₂
- ⁷⁹ ja₁con₂ dsa₂ i₂tián'₅ jë₄ qui₁né'₃,
 ja₁'ei₅ 'én'₁ 'mú₃ né₃,
 a₂jiog₃ jniog₄ caun₂ jui₅ ja₁'ag₃ tei₄.
- ⁸⁰ Caun₂ ca₂i₃cón₃ bá₄ guein₂ 'éi₂, caun₂ rē₂'uain'₂ bá₄ tē₂le₃ jui₅ jme₂dsí₂ né₃; ca₂guá₂
 caun₂ja₁lé₄ 'uë₃ quein₂ co₂'ηiog₅, ca₂lia'₂ ca₂tē₂ jmig₄ a₂ca₂jme₃jniai₂₃ jin₄ dsa₂ juig₂ Israel.

2

Ca₂rē₃chán₃ Jesús
 (Mateo 1:18-25)

¹ Jaun₂ ca₂lē₃ né₃ jmig₄ jaun₂ ca₂jmo₃ 'éi'₃ gui'₅₄ Emperador Augusto, a₂cho₃ si₂ tioin₃
 ca₂le₃jín₃ dsa₂ ta₁caun₂ mi₂güig₃. ² (Jë₁le₂'uig₅₄ si₂ nē₅ ca₂cho₃ dsa₂ lia'₂ con'₂ jme₁lín₄
 Cirenio dsi₄má'₂ 'uë₃ Siria.) ³ Jaun₂ jma₃quén₅ ca₂tín₂ dsa₂ ca₂le₃jín₃ dsi₃lein₃ juig₂ go₅₄,
 a₂qui₂dsi₃tioin₃ si₂.

⁴ Jaun₂ ca₂'í₃ José jui₅ ca₂o₃'iin₃ juig₂ Nazaret ja₁tén₄ 'uë₃ Galilea, ca₂ηái'₃ jui₅ 'uë₃
 Judea a₂dsiáin'₄ Belén, go₄ David, ia₁ dsa₂ tsi₁jon₂ David bá₄ jme₁lín₄ José. ⁵ Ca₂i₁tioin₃
 si₂ ja₁jaun₂ quian'₅₄ María i₂ma₂li'₅₄ jág₁ jéin'₂ gu₂ quian'₅₄; ma₂quian₂₃ bá₄ guein₂ ηj₂₃.

⁶ Ca₂lē₃ né₃, con'₂ ma₂tioin'₅₄ ja₁jaun₂, ca₂dsin₃ jmig₄ a₂le₃chan₂ guein₂ quiáin₅. ⁷ Ja₁jaun₂

ca₂rë₃chán₃ guein₂ ne₅₄ 'éi₂ quián₅, 'ein₅₄ ca₂lio₃ 'mi'₂, ca₂quio₂₃ 'ñi₃ tsi₁gu₅ ja₁gué'₅ já'₂, 'uig₅₄ ia₁ a₂tsá₃ ma₃ja₁ca₂tíin₂ dsi₂néi₂ ja₁siá'₂ ja₁jñia₃.

Ca₂jme₃jñia₅ ángel ne₄ dsa₂ i₂jmo₅ 'í₁ já'₂ cha'₂

⁸ 'Uë₃ jaun₂ jme₁tion'₅₄ jñia₅ ja₁nau₂ co₂nió'₃ dsa₂ i₂jmo₅ 'í₁ já'₂ cha'₂ quián₅, a₂ uë₂ jaun₂.

⁹ Ca₂jme₃jñia₅ jan₂ ángel quián₅ Te₁gui'₅₄ ne₅₄, ca₂jñia₃ co₂tág₅ co₂'né'₅ quió'₅ Te₁gui'₅₄ le₃lág'₃ ja₁tioin'₅₄, jaun₂ ca₂rë₃gó'₅ 'ñio₅ lin₃. ¹⁰ La₁ ca₂juá'₂ ángel:

—Tsá₃ jmo₂ 'nia'₂ gang'₃. ñí₂, a₂i₃'é₃ já₁ dse₃ bá₄ jniá₂ guio₃, caun₂ já₁ quió'₅ ca₂le₃jín₃ dsa₂, já₃ cán₂ o₂'ñi₃ dsi₅. ¹¹ Ia₁ jmi₄ nē₃, ca₂rë₃chan₂ o₄quián'₂ 'nia'₂ juig₂ go₄ David, jan₂ i₂lió₂, i₂lín₅ Te₁gui'₅₄ I₂rë₂'ín₁ quián₅ Diú₄. ¹² Quian'₅₄ léi₄ la₂ o₁quion'₂ 'nia'₂ 'í₁: dsian'₂ 'nia'₂ guein₂ rë₂bón'₅ 'mi'₂, rë₂quian₂₃ 'ñi₃ tsi₁gu₅ ja₁gué'₅ já'₂.

¹³ Dsi₂jui₅ con'₂ tsá₃ jáin₅, ca₂jñin₂ juin₅ lin₃ ángeles sián'₂ con₂ ángel 'éi₂, ca₂tóin'₂ jme₂juin'₂ Diú₄ ca₂juá'₂:

¹⁴ jui₁le₂juin'₂ Diú₄ guei'₅₄ i₂juig₃!

Ne₄ gua'₅₄ 'uë₃ nē₃,

jui₁'ei₅ tei₄ ja₁con₂ dsa₂ mi₂güig₃

i₂ma₂dsia₅ Diú₄ dse₃ dsí₅ o₄quió'₄.

¹⁵ Ca₂lë₃ nē₃, jme₁ma₂i₃len₃ ángeles guei'₅₄ i₂juig₃, jaun₂ ca₂jme₃lió₃ dsa₂ i₂jmo₅ 'í₁ já'₂ cha'₂ 'éi₂ qui₂ca₂tsí'₃ riin'₅₄:

—Ma₃ jniog₄ jui₅ Belén, ma₃ dsi₁jag₅₄ a₂ca₂lë₃ ja₁jaun₂, con'₂ lé₅ já₁ ma₂në₂'é₂ Te₁gui'₅₄.

¹⁶ Ca₂i₃lén₂ jaun₂ nē₃ tē₂le₃ dséi₂. Dsón'₂ rē'₂ ja₁jaun₂ ca₂dsáin'₂ María quian'₅₄ José, guein₂ nē₃ rē₂quian₂₃ 'ñi₃ gu₅ ja₁gué'₅ já'₂. ¹⁷ Jme₁ca₂jág₂, jaun₂ gué₄ ca₂dsia₃ 'a₂ lia'₂ lé₅ já₁ a₂ca₂nág₂, a₂ca₂'é₂ ángel a₂'iin₂₃ guein₂, ¹⁸ jaun₂ ca₂i₃gó'₃ dsí₅ ca₂le₃jín₃ dsa₂ i₂ca₂nág₂ já₁ a₂dsia₅ dsa₂ i₂quián₅ já'₂ cha'₂ 'éi₂. ¹⁹ La₁ María nē₃, 'no'₂ bá₄ dsí₅ ca₂le₃jé₃, 'e₂ jein₅ a₂lé₂ jaun₂. ²⁰ Dsa₂ i₂jmo₅ 'í₁ já'₂ cha'₂ nē₃, ca₂i₃lein₃ bá₄ táng₃ qui₂jme₂juin'₂ Diú₄, qui₂cuë₂₃ ti₁'mag'₄ o₄quió'₄ ca₂le₃jé₃ a₂ca₂té₂ ne₅₄ quian'₅₄ a₂qui₂ca₂nág₂. Ia₁ ca₂le₃jé₃ bá₄ ca₂rë₃ti₃ con'₂ lé₅ ca₂juá'₂ ángel.

Ca₂i₁jme₁jñiai₂₃ guein₂ Jesús guá'₅

²¹ Jme₁ca₂dsin₃ jñia₃ jmi₄, ca₂ti₃ dsa₂ lo₄ guein₂, jaun₂ ca₂quiong₃ JESÚS* lia'₂ con'₂ lé₅ ca₂juá'₂ ángel ca₂tsí'₃ María nē₃ a₂caun₂.

²² Jme₁ca₂dsin₃ jmi₄ a₂'i₄ 'éi'₃ jmo₃ le₁jñin₃ a₂jme₂ti₃ lia'₂ con'₂ lé₅ 'Éi'₃ quió'₅ Moisés, ca₂i₁lein₅₄ Jerusalén jñiai₂₃ guein₂ i₁jein'₅₄ ne₄ Te₁gui'₅₄. ²³ Ca₂jmo₃ le₂nē₅ ia₁ ton₅ ne₄ Si₂ quió'₅ Te₁gui'₅₄: “Ca₂le₃jín₃ guein₂ dsa₂ ñe'₂ i₂ne₅₄ i₂le₃chan₂, lén₂ i₂lé₅ 'í₁ quián₅ Te₁gui'₅₄.”† ²⁴ Ja₁jaun₂ ca₂jén'₃ ján₃ con'₂ lé₅ juá'₂ 'éi'₃ quió'₅ Te₁gui'₅₄: “On₃ i₁ju₂, o₃ co₂dsán'₃ i₁ju₂ bë₂ 'e₂.”‡

²⁵ Jmi₄ jaun₂, jme₁chan₂ jan₂ dsa₂ jë₄ juig₂ Jerusalén i₂jme₁chen₂ Simeón. Jme₁lín₄ jan₂ dsa₂ dsen₃ lin₃, i₂jme₁jme₂gan₃ Diú₄; jme₁chain₂ chi₁jñia₂₃ a₂guán₂ i₂cuë₃ lián'₂ quió'₅ dsa₂ juig₂ Israel. Jme₁quiong'₅₄ Jme₂dsí₂ ññi₃; ²⁶ 'éi₂ bá₄ ma₂ca₂'é₂ já₁ ne₅₄ a₂tsá₃ jóin₂ ca₂lia'₂ ca₂jñin₂ de'₂ I₂rë₂'ín₁ quián₅ Te₁gui'₅₄. ²⁷ Jmi₄ jaun₂ ñó₃ jiog₅ Jme₂dsí₂ ññi₃ jui₅ guá'₅ templo. Ja₁jaun₂ jme₁'ein₅₄ nē₃ jme₁ca₂dsi₃lén₂ chog₅₄-jmei₂ guein₂ Jesús, jñiai₂₃ guein₂ a₂jmo₃ quiong'₅₄ con'₂ lé₅ tag₄ chí'₅ a₂quí'₅ 'Éi'₃. ²⁸ Jaun₂ ca₂jñau'₃ Simeón ca₂jñai'₃ guein₂, ca₂jme₃juin'₂ Diú₄, ca₂juá'₂:

²⁹ Nē₃ gué₄ nē₃, 'ne₂ juig₃ quiáng₃,

ma₂lé₂ dsiang'₅₄ tei₄

dsa₂ i₂jme₂ti₃ ne'₅₄,

* 2:21 Lia'₂ chen₂ Jesús (hebreo: Yeshua) jein₅ já₁ “Lió₂ bá₄ Te₁gui'₅₄.” † 2:23 Éxodo 13:2.

‡ 2:24 Levítico 5:11; 12:8.

lia'₂ con'₂ lé₅ jág₁ quiáng'₂.

³⁰ Ia₁ la₂ ca₂té₂ ne₃ i₂ma₂cheng'₂ lió₂,

³¹ i₂ma₂jmo'₅₄ co₂jñia₅₄ quián₅ ca₂le₃jé₃ juig₂ nación.

³² I₂la₂ bá₄ i₂lín₅ si₂
i₂jmo₃ tág₅ ja₁con₂ dsi₂nau₂;

i₂la₂ bá₄ i₂lín₅ dsa₂ i₂chi'₃ jlá'₁
juig₂ Israel quiáng'₂.

³³ Ca₂i₃gó'₃ dsí₅ bá₄ José quian'₅₄ chog₅₄ guein₂, o₄quió'₄ jág₁ a₂ca₂juá'₂ Simeón jaun₂, 'iin₂₃ guein₂. ³⁴ Jaun₂ ca₂jme₃gu'₅₄ Simeón quió'₅, jaun₂ ca₂juá'₂ ca₂tsí'₃ María chog₅₄ guein₂:

—ŋí₂, 'en₅₄ jui₅ guein₂ la₂ já₅, jmo₃ a₂dsi₃gan'₅₄ 'uē₃ juin₅ dsa₂ juig₂ Israel, o₃ të₂le₃ ron'₂ juin₅ 'e₂. Já₅ lín₅ caun₂ léi₄ quió'₅ i₂'ag₃ i₂náu₃ quen₅ i₂le₃'iog₅₄. ³⁵ Le₂nē₅ bá₄ jióg'₃ 'í₁ le₃jniá₂ 'a₂ lia'₂ dsi₂jiog₅ dsí₅ dsa₂ le₂jan₂ le₂jan₂. La₁ të₂le₃ ja₁cong'₂ né₃, dsi₃jíg'₂ nē₂jag₄ bá₄ caun₂ ŋi₁tág₂ dsi₂tia₃ të₂'au'₂.

³⁶ Ján₃ bá₄ jaun₂ jme₁'en₅₄ jan₂ guiong'₂ i₂chen₂ Ana, ja₁míg₄ Fanuel, dsa₂ tsi₁jon₂ Aser. 'Éi₂ né₃ jme₁'é₂ jág₁ o₄quió'₄ Diú₄ ján₃. Jme₁ma₂guein'₂. Mei'₂ bá₄ lia'₂ con'₂ ca₂jen'₂ gu₂. Guio₃ ŋi₂ bá₄ ca₂rē₃quiain'₅₄ dsa₂ ŋe'₂ quiáin₅. ³⁷ Quén'₂ ne₂guióg₂ rē₂dsí₂ quén₂ (84) ŋi₂ a₂ca₂rē₃'níi₂. § Guiong'₂ 'éi₂ né₃ jme₁'ein₅₄ tián₂ i₁dsi₅ guá'₅. 'Uē₂-jmí₂ bá₄ jme₁jme₂ti₃ ne₄ Te₁gui'₅₄ chi₂lén'₂ Diú₄ a₂jme₂'iin₅₄ né₃. ³⁸ Hora jaun₂ dé₄ ca₂dsióg₃ ja₁tión₂ dsa₂, ca₂cué'₃ ti₁'mag'₄ Diú₄, ca₂dsia₃ jág₁ 'iin₂₃ guein₂ tsí'₅ ca₂le₃jín₃ dsa₂ i₂tion'₅₄ i₂le₁jñia₅ a₂lión₂ dsa₂ juig₂ Jerusalén.

Ca₂i₃lein₃ táng₃ Nazaret

³⁹ Jaun₂ né₃ jme₁ma₂ca₂lē₃ jmo₂₃ ca₂le₃jé₃ con'₂ lé₅ ta₁ qui'₅ 'Éi'₃ quió'₅ Te₁gui'₅₄, jaun₂ ca₂i₃lein₃ jui₅ 'uē₃ Galilea, ja₁niog₅ Nazaret, juig₂ go₅₄. ⁴⁰ Guein₂ né₃, caun₂ ca₂i₃juin'₂ bá₄, caun₂ ca₂rē₃'uáin'₃ né₃, ton'₂ 'ŋio₅ lín₃ ŋi₅, Diú₄ bá₄ jme₁jme₂gu'₅₄.

Lia'₂ con'₂ me'₂ Jesús ca₂dsióg₃ i₁dsi₅ guá'₅

⁴¹ Ca₂le₃jé₃ ŋi₂ jme₁dsi₂lén₂ chog₅₄-jmei₂ Jmíg₄ Tē₂'in₅₄ a₂tē₅ Jerusalén. ⁴² Jme₁ca₂dsí'₃ Jesús guia₃-tín₂ ŋi₂, ca₂i₃lén₂ táng₃ co₂dsia₅ jui₅ Jerusalén. Ia₁ le₂jaun₂ tin₂ dsa₂ ca₂le₃jé₃ ŋi₂ dsi₃lén₂ jmíg₄ jaun₂. ⁴³ Jme₁ca₂gú'₃ jmíg₄, ca₂i₃lein₃ táng₃. Tsá₃ ca₂rē₃lí'₄ chog₅₄-jmei₂ jñia'₅₄ jaun₂ bá₄ të'ñia₄ Jesús Jerusalén, ⁴⁴ ia₁ lín₂ ma₂ñái'₅ bá₄ quiain'₅₄ dsa₂ sián'₂. Caun₂ jmíg₄ ma₂ne₁ŋó₄ tioen'₅₄ jui₅ i₃lein₃ jme₁ca₂'nau'₂ jñn₄ o₁riin'₅₄, jñn₄ dsa₂ i₂cuin₂₃ né₃. ⁴⁵ La₁ tsá₃ ca₂dsáu'₂. Jaun₂ ca₂jéin'₃ táng₃ jui₅ ca₂i₃lén₂ Jerusalén ca₂i₁'niog'₂ ja₁jaun₂.

⁴⁶ A₂'ní₅ jmíg₄ jaun₂ jme₁ca₂dsáu'₂ i₁dsi₅ guá'₅, guá₅ jñn₄ të₅juá'₅, nag₂₃ jág₁, ŋag₂₃ ŋí'₅ 'éi₂ né₃. ⁴⁷ Jaun₂ ca₂i₃gó'₃ dsí₅ ca₂le₃jín₃ i₂tion'₅₄ nag₅ jág₁ quió'₅, ia₁ 'ŋio₅ lín₃ ŋi₅ 'a₂ lia'₂ qui₂jéin'₃ jág₁ quió'₅ dsa₂ 'éi₂. ⁴⁸ Jme₁ca₂jág₂ chog₅₄-jmei₂, ca₂i₃gó'₃ dsí₅, jaun₂ ca₂juá'₂ chog₅₄:

—Jón₃, ¿'e₂ lē₃ jmog'₅₄ le₂nē₅? ŋéi'₅, jniá₂ né₃, ma₂nē₂i₁nio₁ 'i₅ dsi₅ 'niog'₂ jnia'₅₄.

⁴⁹ Jaun₂ ca₂ŋag₃ Jesús:

—¿'E₂ lē₃ 'nau'₂ 'nia'₂ jniá₂? ¿Tsa₁ ŋi'₅₄ 'nia'₂ a₂ca₂tíng₂ 'ú₄ ta₁ quió'₅ ŋe'₃?

⁵⁰ La₁ tsá₃ ca₂ñí'₂ dsí₅ 'éi₂ 'e₂ jein₅ jág₁ jaun₂.

⁵¹ Jaun₂ ca₂jóin'₃ bá₄ quiain'₅₄ chog₅₄-jmei₂ jui₅ Nazaret. Caun₂ bá₄ ne'₅₄ ca₂le₃jé₃ a₂tē₂néi'₂ chog₅₄-jmei₂. La₁ tei₄ bá₄ 'ma₅ chog₅₄ dsí₅ ca₂le₃jé₃ a₂jaun₂. ⁵² Jaun₂ caun₂ ca₂i₃juin'₂ bá₄ Jesús, rē₂ niog₅ dsi₅₄, rē₂ chéin'₅ le₃ne₄ Diú₄, lia'₂ le₃ne₄ dsa₂ né₃.

§ 2:37 o₃, “Ma₂'ein₅₄ quén'₂ ne₂guióg₂ rē₂dsí₂ quén₂ (84) ŋi₂.”

3

É₂ Juan₅₄ i₂chon₅ dsa₂ jmi₂g₂ jág₁ caun₂ 'uë₃ quein₂ co₂'ñiog₅
(Mateo 3:1-12; Marcos 1:18; Juan 1:19-28)

¹ ñi₂ guia₃-ñiá₂ lia₂ con₂ jme₁lín₄ emperador Tiberio, jmi₂g₄ lia₂ con₂ jme₁lín₄ táng₃ Poncio Pilato dsi₄má₂ 'uë₃ Judea; Herodes guë₂ jme₁lín₄ rag₅₄ i₂jmo₅ 'éi₃ 'uë₃ Galilea; Felipe riin₅₄ guë₂ jme₁lín₄ dsi₄má₂ le₂tan₅₄ jui₂g₂ Iturea quian₅₄ Traconite; Lisancias né₃ jme₁lín₄ dsi₄má₂ quián₅ Abilinia. ² Ján₃ bá₄ jmi₂g₄ jaun₂ jme₁lín₄ jme₂dsa₂ dsen₅₄ Anás quian₅₄ Caifás. Con₂ jmi₂g₄ jaun₂ dé₄ né₃, ca₂të₃ Diú₄ ca₂té₃ Juan₅₄, ja₁ñi₅₄ Zacarías, 'uë₃ co₂'ñiog₅ ja₁jme₁guá₄. ³ Juan₅₄ né₃ ca₂ñi₃ le₂tan₅₄ jui₂g₂ te₁'i₁ ma₂quián₅ Cuá₃ Jordán, qui₂tsí₅ dsa₂ a₂'nió₅ tsóin₃ jmi₂g₂, cuë₃ léi₄ a₂ma₂ca₂dsi₃quén₅ dsí₅ ia₁jaun₂ le₃'én₂ Diú₄ dsáu₁. ⁴ Le₂në₅ bá₄ ca₂lë₃ ca₂rë₃ti₃ con₂ lé₅ jág₁ a₂ca₂tó₂ Isaías ne₄ si₂, i₂jme₁'é₂ jág₁ o₄quió₄ Diú₄, a₂ca₂juá₂:

Nag₃ dsa₂ co₂mi₅₄ jág₁

caun₂ 'uë₃ co₂'ñiog₅, a₂juá₂:

Jmo₄ 'nia₂ co₂ñia₅₄ jui₅ quió₅ Te₁gui₅₄;

Nia₄ 'nia₂ caun₂ jui₅ co₂dsau₅.

⁵ Ca₂le₃jé₃ ji₅₄ siá₅ 'nió₅ le₃can₂,

ca₂le₃jé₃ dsi₂con₂, má₂, 'nió₅ 'ag₃ co₂rë₂;

Ca₂le₃jé₃ jui₅ qui₂rë₂guion₂, 'nió₅ lé₂ co₂dsau₅,

jui₅ a₂qui₂le₁quin₅₄, 'nió₅ lei₂.

⁶ Ca₂le₃jín₃ dsa₂ mi₂güüg₃ bá₄ jág₃

'a₂ lia₂ lé₅ a₂jmo₃ Diú₄ lió₂.*

⁷ Jaun₂ ca₂'uin₂ dsa₂ quió₅, ca₂o₃lén₂ mi₂₃ cho₃ Juan₅₄ jmi₂g₂, † jaun₂ ca₂juá₂ 'éi₂:

—j'Nia₂ tsi₁jon₂ dsi₂mi₂! ¿'Ein₂ bá₄ në₂chí₃ 'nia₂ a₂cuíng₂ long₅₄ uig₅ a₂ja₂quián₃?

⁸ Cuë₄ 'nia₂ léi₄ jaun₂ a₂të₃dsón₂ ma₂ca₂dsi₃quén₅ 'au₂. 'A₃ lë₁jui₁dsi₂ñia₅ 'au₂ 'nia₂ jua₅₄ a₂jua₅₄: “Lág₅ jnia₅₄ tsi₁jon₂ Abraham”; ia₁ jniá₂ juá₅, Diú₄ qui₅₄ jmi₂g₄ jmo₃ ca₂të₂ ni₁cang₁ tio₅₄ la₂, lé₂ le₃jmó₁ chí₂-guein₂ quián₅ Abraham. ⁹ Ia₁ ma₂lé₅ co₂ñia₅₄ ñi₁dsi₁ a₂qui₃uín₂ ni₁'ma₂. Ca₂le₃jé₃ 'ma₂ a₂tsá₃ dse₃ míg₂ 'ag₅, uín₂ dsi₃to₅₄ si₂.

¹⁰ Jaun₂ ca₂ñag₃ dsa₂:

—¿'E₂ bá₄ le₃jmó₁ jnia₅₄ jaun₂ né₃?

¹¹ Jaun₂ ca₂ñag₃ táng₃:

—I₂cha₂ tin₃ dsán₃ tsin₅₄, jui₁cuë₄ co₂dsán₃ i₂tsá₃ cha₂ quió₅; le₂jaun₂ guë₂ jui₁lia₂ i₂cha₂ a₂gué₃, jui₁jme₂'oin₅₄ jui₁lia₂ i₂tsá₃ cha₂ quió₅.

¹² Ca₂o₃lén₂ i₂lín₅₄ i₂cán₂ 'lia₅₄ quián₅ dsi₂tan₅₄ né₃, a₂'nio₃ tsóin₃ jmi₂g₂, jaun₂ ca₂tsí₃ Juan₅₄:

—Të₅, ¿'e₂ bá₄ lé₂ le₃jmó₁ jnia₅₄?

¹³ Jaun₂ ca₂jéin₃ táng₃ 'éi₂ jág₁:

—Tsá₃ jmó₂ 'nia₂ jua₅₄ a₂cán₁ ñag₅₄ guë₄ 'lia₅₄ quió₅ dsa₂, jua₅₄ a₂dsi₁juin₅₄ con₂ 'éi₃ qui₅ si₂.

¹⁴ Ca₂o₃lén₂ i₂lín₅₄ 'lióg₂ né₃, ca₂ñag₃:

—Jnia₅₄ guë₂ né₃: ¿'E₂ bá₄ ca₂tág₂ jnia₅₄ jmó₁?

Jaun₂ ca₂ñag₃:

—Tsá₃ qui₁quiang₄ dsa₂ jué₅, jua₅₄ a₂qui₁jniá₄ 'e₂ qui₁jniá₄ quió₅, on₃ guë₂ qui₁'nig₄ dsa₂ jua₅₄ a₂lë₁qui₁'ní₄. Jui₁le₂'ñio₂ bá₄ 'au₂ 'nia₂ ján₃, con₂ ma₂tí₅ 'liang₅₄.

¹⁵ La₁ dsa₂ né₃, tsá₃ tei₄ le₁'ág₄ dsí₅ tióin₅₄, le₁ñia₂₃ le₃ñi₅ chi₂jua₂ Juan₅₄ 'éi₂ bá₄ lín₅ I₂rë₂'ín₁ quián₅ Diú₄. ¹⁶ Jaun₂ ca₂juá₂ Juan₅₄ 'ñiog₅, ca₂tsí₃ ca₂le₃jín₃:

* 3:6 Isaías 40:3-5. † 3:7 lit. “tióg₂ Juan₅₄ jmi₂g₂.”

—Jniá₂ ně₂tiáng₃ 'nia'₂ jmiğ₂; la₁ i₂já₅ chi₂quín₃ ně₅, tióg₂ Jme₂dsí₂ Jñiós₅, jě₄ si₂ ně₃. 'Éi₂ bá₄ i₂'uan'₂ gué₄ lia'₂ con'₂ gué₄ jniá₂, ca₂lia'₂ jñia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄.
¹⁷ Ma₂chi₁chan'₂ si₂jmu₂ a₂jme₂dse₃ míğ₂ trigo. Cág'₃ dse₃ lín₃, con'₂ dsia₃ jmá'₃ a₂dse₃, 'ma₃ dsi₂néi₂. Dsí'₂ bá₄ jme₁qui₅ dsi₂si₂ ja₁tsá₃ líğ'₂ jmiğ₄ éi₃.

¹⁸ Jaun₂ le₂ně₅ bá₄, 'lióng₂ jáğ₁ dse₃ siá'₂ ca₂to'₂ Juan₅₄, ca₂jme₃tñin₂₃ dsa₂ jáğ₁ dse₃.

¹⁹ Ján₃ bá₄ ca₂jéin₂ Rag₅₄ Herodes, ia₁ a₂jme₁ma₂guá₅ 'éi₂ quian'₅₄ 'io₅₄ Herodías dsa₂ mí₂ quián₅ riin'₅₄, † ne₄ 'lióng₂ gué₄ a₂'lig'₅₄ siá'₂ a₂jme₁jmo₅-dsáu₅ Herodes; ²⁰ la₁ tē₂le₃ ñag₅₄ gué₄ ca₂jme₃ja₃; né'₃ 'má₃ bá₄ ca₂tiáin₂ Juan₅₄.

Ca₂chon₃ Juan₅₄ jmiğ₂ Jesús

(Mateo 3:13-17; Marcos 1:9-11)

²¹ Jme₁ma₂ca₂lē₃ choin₂₃ § jmiğ₂ ca₂le₃jín₃ dsa₂, jme₁ma₂ně₂chon_{3a} Jesús jmiğ₂, a₂ma₂chéin'₅ chi₂lén'₂ Diú₄ ně₃. Tě₃jě₄ jaun₂ ca₂niá₃ dsi₄ i₂juíğ₃. ²² Ca₂sión₃ Jme₂dsí₂ Jñiós₅ chi₁dsáin₃ jniái₂ lia'₂ jniá₂ jan₂ i₂ju₂, ne₄ quió'₅. Jaun₂ ca₂né'₂ jáğ₁ a₂já₅ guei'₅₄ i₂juíğ₃ a₂juá'₂:

—'Ne₂ bá₄ líng'₅ jón₃ quiáng₃ i₂'nióg₃ gué₄ lín₃; 'ñio₂ bá₄ dsi₃ 'ñio₅ lín₃ jñing₅₄ 'ne₂.*

Dsa₂ can'₅₄ quián₅ Jesús i₂qui₂ma₂ñí₂ ma₂dsi₃jo₃

(Mateo 1:1-17)

²³ Con'₂ guióg₂-guiá₂ ñi₂ bá₄ jme₁ma₂'en₅₄ Jesús lia'₂ con'₂ jme₁ca₂jme₃lióg₃ ca₂jme₃tñin₂₃ dsa₂ jáğ₁ dse₃. Dsa₂ ně₃, jmo₂₃ dsí₅ a₂lín₅ 'éi₂ ja₁ñi'₅₄ Sé₄.

Jaun₂ Sé₄ 'éi₂ ca₂já₃ ca₂lín₃ ja₁ñi'₅₄ Elí.

²⁴ Elí 'éi₂ gué'₂ ně₃ ca₂já₃ ca₂lín₃ ja₁ñi'₅₄ Matat;

Matat 'éi₂ gué'₂ ně₃ ca₂já₃ ca₂lín₃ ja₁ñi'₅₄ Leví

i₂jme₁lín₄ ja₁ñi'₅₄ Melqui;

Melqui ně₃ jme₁lín₄ chi'₂ quián₅ Jana,

i₂jme₁lín₄ chi'₂ quián₅ José;

²⁵ José ně₅ ně₃ ca₂já₃ ca₂lín₃ chi'₂ quián₅ Matatías;

Matatías gué'₂ ně₃ ca₂já₃ ca₂lín₃ ja₁ñi'₅₄ Amós;

Amós jme₁lín₄ ja₁ñi'₅₄ Nahum;

Nahum gué'₂ jme₁lín₄ ja₁ñi'₅₄ Esli,

i₂jme₁lín₄ chi'₂ quián₅ Nagai

²⁶ i₂jme₁lín₄ chi'₂ quián₅ Ma'at;

Ma'at gué'₂ ca₂já₃ ca₂lín₃ ja₁ñi'₅₄ Matatías;

Matatías gué'₂ ca₂já₃ ca₂lín₃ chi'₂ quián₅ Semei;

Semei 'éi₂ ně₃ ca₂já₃ ca₂lín₃ ja₁ñi'₅₄ i₂chen₂ José;

José gué'₂ ně₃ ca₂já₃ ca₂lín₃ ja₁ñi'₅₄ Judá;

²⁷ Judá 'éi₂ gué'₂ ně₃ ca₂já₃ ca₂lín₃ ja₁ñi'₅₄ Joana;

Joana 'éi₂ gué'₂ ně₃

ca₂já₃ ca₂lín₃ chi'₂ quián₅ i₂jme₁chen₂ Resa;

Resa gué'₂ ně₃

ca₂já₃ ca₂lín₃ ja₁ñi'₅₄ i₂chen₂ Zorobabel;

Zorobabel gué'₂ ně₃

ca₂já₃ ca₂lín₃ chi'₂ quián₅ i₂jme₁chen₂ Salatiel,

i₂jme₁lín₄ ja₁ñi'₅₄ Neri,

²⁸ i₂jme₁lín₄ ja₁ñi'₅₄ Melqui,

† 3:19 A₂lín₅₄ chog₅₄ si₂: “Felipe riin'₅₄.” § 3:21 lit. “tiáin₂.” * 3:22 A₂lín₅₄ chog₅₄ si₂ tsá₃ chi₁ton₅ “i₂'nióg₃ gué₄ lín₃”, a₂chi₁ton₅ táng₃ “jmiğ₄ ně₃ ca₂líng₃ ñéi'₅.”

i₂jme₁lín₄ ja₁ŋi'⁵⁴ Adi,
 i₂jme₁lín₄ chi'² quián₅ i₂chen₂ Cosam,
 i₂jme₁lín₄ chi'² quián₅ Elmodam,
 i₂jme₁lín₄ chi'² quián₅ i₂jme₁chen₂ Er,
²⁹ i₂jme₁lín₄ chi'² quián₅ Josué;
 Josué né₃ ca₂já₃ ca₂liin₃ ja₁ŋi'⁵⁴ Eliezer;
 Eliezer guë'² né₃ ca₂já₃ ca₂liin₃ ja₁ŋi'⁵⁴ Jorim,
 i₂jme₁lín₄ ja₁ŋi'⁵⁴ Matat;
³⁰ Matat guë'² né₃ ca₂já₃ ca₂liin₃ ja₁ŋi'⁵⁴ Leví;
 Leví guë'² né₃ ca₂já₃ ca₂liin₃ ja₁ŋi'⁵⁴ Simeón;
 Simeón guë'² né₃ ca₂já₃ ca₂liin₃ ja₁ŋi'⁵⁴ Judá;
 Judá guë'² né₃ ca₂já₃ ca₂liin₃ ja₁ŋi'⁵⁴ José;
 José 'éi₂ guë'² né₃ ca₂já₃ ca₂liin₃ ja₁ŋi'⁵⁴ Jonán;
 Jonán 'éi₂ guë'² né₃ ca₂já₃ ca₂liin₃ ja₁ŋi'⁵⁴ Eliaquim;
³¹ Eliaquim guë'² ca₂já₃ ca₂liin₃ ja₁ŋi'⁵⁴ Melea;
 Melea guë'² ca₂já₃ ca₂liin₃ ja₁ŋi'⁵⁴ Mainán;
 Mainán guë'² ca₂já₃ ca₂liin₃ ja₁ŋi'⁵⁴ Matata;
 Matata guë'² né₃ ca₂já₃ ca₂liin₃ ja₁ŋi'⁵⁴ Natán;
³² Natán guë'² ca₂já₃ ca₂liin₃ ja₁ŋi'⁵⁴ David;
 David 'éi₂ guë'² né₃ ca₂já₃ ca₂liin₃ ja₁ŋi'⁵⁴ Isaí;
 Isaí guë'² né₃ ca₂já₃ ca₂liin₃ ja₁ŋi'⁵⁴ Obed;
 Obed guë'² ca₂já₃ ca₂liin₃ ja₁ŋi'⁵⁴ Bo'oz;
 Bo'oz guë'² ca₂já₃ ca₂liin₃ ja₁ŋi'⁵⁴ Salmón;
 Salmón guë'² ca₂já₃ ca₂liin₃ ja₁ŋi'⁵⁴ Na'asón;
³³ Na'asón guë'² né₃ ca₂já₃ ca₂liin₃ ja₁ŋi'⁵⁴ Aminadab;
 Aminadab guë'² ca₂já₃ ca₂liin₃ ja₁ŋi'⁵⁴ Aram;
 Aram guë'² né₃ ca₂já₃ ca₂liin₃ ja₁ŋi'⁵⁴ Esrom;
 Esrom guë'² ca₂já₃ ca₂liin₃ ja₁ŋi'⁵⁴ Fares;
 Fares guë'² né₃ ca₂já₃ ca₂liin₃ ja₁ŋi'⁵⁴ Judá;
³⁴ Judá guë'² né₃ ca₂já₃ ca₂liin₃ ja₁ŋi'⁵⁴ Jacob;
 Jacob guë'² né₃ ca₂já₃ ca₂liin₃ ja₁ŋi'⁵⁴ Isaac;
 Isaac guë'² né₃ ca₂já₃ ca₂liin₃ ja₁ŋi'⁵⁴ Abraham;
 Abraham guë'² né₃ ca₂já₃ ca₂liin₃ ja₁ŋi'⁵⁴ Taré;
 Taré guë'² né₃ ca₂já₃ ca₂liin₃ ja₁ŋi'⁵⁴ Nacor;
³⁵ Nacor guë'² ca₂já₃ ca₂liin₃ ja₁ŋi'⁵⁴ Serug;
 Serug guë'² ca₂já₃ ca₂liin₃ ja₁ŋi'⁵⁴ Ragau;
 Ragau guë'² ca₂já₃ ca₂liin₃ ja₁ŋi'⁵⁴ Peleg;
 Peleg guë'² né₃ ca₂já₃ ca₂liin₃ ja₁ŋi'⁵⁴ Heber;
 Heber guë'² ca₂já₃ ca₂liin₃ ja₁ŋi'⁵⁴ Sala;
³⁶ Sala guë'² ca₂já₃ ca₂liin₃ ja₁ŋi'⁵⁴ Cainán;
 Cainán guë'² ca₂já₃ ca₂liin₃ ja₁ŋi'⁵⁴ Arfaxad;
 Arfaxad guë'² ca₂já₃ ca₂liin₃ ja₁ŋi'⁵⁴ Sem;
 Sem guë'² ca₂já₃ ca₂liin₃ ja₁ŋi'⁵⁴ Noé;
 Noé guë'² ca₂já₃ ca₂liin₃ ja₁ŋi'⁵⁴ Lamec;
³⁷ Lamec guë'² né₃ ca₂já₃ ca₂liin₃ ja₁ŋi'⁵⁴ Matusalén;
 Matusalén guë'² né₃ ca₂já₃ ca₂liin₃ ja₁ŋi'⁵⁴ Enoc;
 Enoc guë'² né₃ ca₂já₃ ca₂liin₃ ja₁ŋi'⁵⁴ Jared;
 Jared guë'² né₃ ca₂já₃ ca₂liin₃ ja₁ŋi'⁵⁴ Mahalale'el;

Mahalale'el guë'² né³ ca₂já³ ca₂liin³ ja₁ŋi'⁵⁴ Cainán;
³⁸ Cainán guë'² né³ ca₂já³ ca₂liin³ ja₁ŋi'⁵⁴ Enós;
 Enós guë'² né³ ca₂já³ ca₂liin³ ja₁ŋi'⁵⁴ Set;
 Set guë'² né³ ca₂já³ ca₂liin³ ja₁ŋi'⁵⁴ Adán;
 Adán guë'² né³ ca₂já³ ca₂liin³ co₂'nió'⁴ ja₁ŋi'⁵⁴ Diú⁴.

4

Ca₂caun³ i₂së₃dsen³ táu² quió⁵ Jesús
 (Mateo 4:1-11; Marcos 1:12-13)

¹ Jaun₂ Jesús né³, ma₂rë₂rriin⁵ Jme₂dsí₂ Jŋi₅ó⁵, ca₂o₃'íin³ Cuá³ Jordán. Ca₂jio₃ Jme₂dsí₂ caun₂ 'uë₃ quein₂ co₂'ŋi₅o⁵. ² Ja₁jaun₂ ca₂i₁'i₅ tē₂láu₃ jmi₄g⁴, ia₁jaun₂ cáun₂ táu² i₂së₃dsen³. Tsá₃ 'e₂ ca₂gué'³ 'i₁ca₂juig⁴ tē₁lia'² jmi₄g⁴ jaun₂. Jme₁ca₂dsan₃ jaun₂, jaun₂ gué'⁴ ma₂i₁cón'⁵ 'ŋi₅o⁵ lín³. ³ Jaun₂ ca₂juá'² i₂së₃dsen³:

—Chi₂jua'² dsón'² líng'⁵ Ja₁ŋi'⁵⁴ Diú⁴, jmo₄ jui₁le₅₄ i₁ŋi'⁴ ni₁cang₁ nē₅.

⁴ Jaun₂ ca₂ŋag₃ Jesús:

—Chi₁ton₅ ne₄ Si₂: “On₃jua'⁵⁴ jmá'³ quian'⁵⁴ i₁ŋi'⁴ le₃tan₅₄ dsa₂ mi₂güig³ le₃chain₂.”* ,

†

⁵ Jaun₂ ca₂jio₃ táng₃ i₂së₃dsen³ caun₂ má'² ja₁ŋei₅. Ja₁jaun₂ ca₂'ë₃ ca₂tiá₂ tei₄ ca₂le₃jé₃ juig₂ te₁'i₁ gua'⁵⁴ 'uë₃. ⁶ Jaun₂ ca₂juá'²:

—Gog'² 'ne₂ bá₄ dsia₅₄ jniá₂ ca₂le₃jé₃ juig₂ nē₅; 'ne₂ bá₄ gong'² lé₂, 'ó'⁴ bí₂, qui₂jme₃juag'² dsa₂. Ia₁ a₂niog₅ ne₃ jniá₂ bá₄ nē₅, ton'² lé₂ le₃cué'⁴ jniá₂ 'ein₂ 'nio₃ cué'⁴. ⁷ Jaun₂ a₂lé₂ quiáng'² nē₁jua'² ca₂chi₁jne'⁴ ne₃ jme₁juag'².

⁸ Jaun₂ ca₂ŋag₃ Jesús:

—Ne₄ Si₂ † quió'⁵ Diú⁴ chi₁ton₅: “Jme₁gan₃ 'nia'² Te₁gui'⁵⁴ Diú⁴ quiáng'²; ne₄ jan₂ 'éi₂ bá₄ ca₂tín'² 'nia'² jme₁ti'⁴.”§

⁹ Cang₂ jaun₂ ca₂jio₃ táng₃ i₂së₃dsen³ juig₂ Jerusalén, jaun₂ ca₂i₁chei'² caun₂ ja₁lé₄ ja₁ŋei₅ gué'⁴ ne₄ ni₁'ia'² guá'⁵ templo, jaun₂ ca₂juá'²:

—Chi₂jua'² 'ne₂ líng'⁵ Ja₁ŋi'⁵⁴ Diú⁴, tian'⁵⁴ ca₂tē₂ 'uë₃; ¹⁰ ia₁ chi₁ton₅ ne₄ Si₂: Dsiog₃ Diú⁴ o₄gú₃ ángeles quiáin₅, jaun₂ jmo₃ 'í₁;

¹¹ gué'² quian'⁵⁴ gu₂

ia₁jaun₂ tsá₃ jéng'² uig₅ nióg'³ ni₁cang₁.*

¹² Jaun₂ ca₂ŋag₃ Jesús:

—Ján₃ bá₄ juá'² ne₄ si₂: “Tsá₃ tang'⁵⁴ Te₁gui'⁵⁴ Diú⁴ quiáng'².”†

¹³ Jme₁ca₂dsan₃ ca₂le₃jé₃ a₂niog₅ ca₂juá'² i₂së₃dsen³ a₂cáun₂ táu² jaun₂, jaun₂ ca₂i₃uíin₂ co₂'na₂, nē₁jua'² líg'² ca₂cuin₃ táng₃ jmi₄g⁴.

Ca₂jme₃lióg₃ Jesús ca₂jme₃tag₂₃ 'uë₃ Galilea
 (Mateo 4:12-17; Marcos 1:14-15)

¹⁴ Ca₂ŋá'³ táng₃ Jesús jui₅ 'uë₃ Galilea rē₂can'² Jme₂dsí₂ Jŋi₅ó⁵ tē₂dsí₅. Le₂con₂ juig₂ te₁'i₁ ma₂quián₅ jaun₂, ca₂i₃'ag₅₄ jág₁ 'ag₅ dsa₂. ¹⁵ Ca₂i₁jme₁tíin₂₃ dsa₂ le₂tan₅₄ guá'⁵ sinagogas quió'⁵ dsa₂, jaun₂ ca₂le₃jín₃ bá₄ dsa₂ jme₁jme₂juag'².

Dsiáin'³ táng₃ juig₂ Nazaret
 (Mateo 13:53-58; Marcos 6:1-6)

* 4:4 Deuteronomio 8:3. † 4:4 A₂lín₅₄ chog₅₄ si₂ juá'² ján₃: “a₂'nió'⁵ le₂chain₂ nag₃ jág₁ quió'⁵ Diú⁴ né₃.” ‡ 4:8 A₂lín₅₄ chog₅₄ si₂ juá'² le₂la₂ ján₃: “ŋiag'³ cau₅ quió'³ 'ne₂ Satanás, ia₁ ne₄ Si₂.” § 4:8 Deuteronomio 6:13. * 4:11 Salmo 91:11-12. † 4:12 Deuteronomio 6:16.

¹⁶ Jaun₂ ca₂ŋáí'₃ jui₅ Nazaret, ja₁ca₂i₃juin'₂. Caun₂ jmi₄ sa₅₄ ca₂'í₃ dsi₂néi₂ guá'₅ sinagoga, ia₁ le₂jaun₂ tiin₂. Jaun₂ ca₂nau₂ a₂'í₃ Si₂. ¹⁷ Jaun₂ ca₂cué₃ dsa₂ si₂ rē₂bín₅ quió'₅ Isaías i₂jme₁'é₂ jág₁ o₄quió'₄ Diú₄. Jme₁ma₂nē₂néi'₃ si₂, jaun₂ ca₂dsó'₂ ja₁chi₁ton₅ le₂la₂:

¹⁸ Dsín₂ Jme₂dsí₂ quián₅ Te₁gui'₅₄ ne₄ quió₃,

ia₁ ma₂ca₂'ag₃ jniá₂

a₂i₁'é₃ jág₁ dse₃ jin₄ dsa₂ dsi₂ŋé₂.

Ca₂chei₃ a₂i₁'é₃ jág₁ a₂lión₂ dsa₂ i₂qui₂le₁jní₅,

ton'₂ ján₃ gué'₂ jmo₅₄ jnia₅₄ jme₁ne₁ dsa₂ i₂ten₄;

qui₁long₁₂ dsa₂ i₂qui₂dsi₂ŋí₂ uig₅ qui₂jmo₂' dsa₂;

¹⁹ a₂'é₄ jmi₄ dse₃ a₂lió₂ Te₁gui'₅₄. †

²⁰ Jaun₂ ca₂bín₂ táng₃ si₂; ca₂jín'₃ dsa₂ i₂jme₂'o₅₄, jaun₂ ca₂guá₂ táng₃. Ia₁ jaun₂ bá₄ tion'₅₄ dsa₂ ca₂le₃jín₃ le₁ŋii'₂, jág₂. ²¹ Jaun₂ ca₂jme₃lióg₃ Jesús ca₂juá'₂:

—Jmi₄ nē₃ ca₂té₂ ne'₅₄ 'nia'₂ ca₂rē₃ti₃ a₂juá'₂ Si₂ nē₅.

²² Ca₂le₃jín₃ bá₄ dsa₂ 'iin₂₃ dse₃ Jesús, dsi₂gó'₃ dsí₅ ca₂le₃jé₃ jág₁ jlá'₁ a₂'uē'₂ 'o₅₄. Jaun₂ qui₂ca₂ŋí'₃ riin'₅₄:

—¿On₁jua'₅₄ i₂nē₅ 'éi₂ i₂lín₅ ja₁ŋi'₅₄ Sé₄?

²³ Jaun₂ ca₂juá'₂ Jesús:

—A₂dsi₂jó'₃ já₅ jmi₄ le₃jua'₅₄ 'nia'₂ jui₄'₅₄ jniá₂ quió₃§ la₂: “'Ne₂ tē₅mí₅ jma'₅₄ mí₅ 'ŋiag'₂.” Le₃jua'₅₄ 'nia'₂ nē₃: “A₂ca₂rē₃ne₄ jnia'₅₄ a₂ca₂jmo'₅₄ Capernaum, ma₂nē₃ jmo₄ ja₁lá₃ go'₅₄ ján₃.”

²⁴ Caun₂ ca₂juá'₂ bá₄:

—A₂tē₃dsón'₂ juá'₅ jniá₂ juí₂'₂ 'nia'₂, 'i₁jan₂ dsa₂ i₂'é₂ jág₁ quián₅ Diú₄, tsá₃ a₁jaun₂ jua'₅₄ a₂guei₃ dsa₂ dse₃ go₅₄. ²⁵ Tí₅ bá₄ jág₁ quió₃ a₂juá'₅ la₂, juin₅ dsa₂ mí₂ 'nág₂ i₂jme₁chan₂ Israel jmi₄ lia'₂ con'₂ jme₁chan₂ Elías i₂jme₁'é₂ jág₁ o₄quió'₄ Diú₄, lia'₂ con'₂ ca₂rē₃'ín₃ 'ŋio₅ lín₃ a₂gué'₃ dsa₂ ta₁caun₂ jui₂ nación, ia₁ tsá₃ ma₃jmi₅ ca₂tang₂ 'ni₅ ŋi₂ tē₂ ca₂dsio₄. ²⁶ La₁ ca₂lia'₂ quió'₅ 'i₁jan₂ 'io₅₄ 'nág₂ i₂jme₁chan₂ Israel, tsá₃ ca₂ŋe₄ Elías, ŋia'₅₄ lia'₂ quió'₅ jan₂ i₁náu₃ i₂jme₁guá₄ Sarepta* a₂niog₅ quián₅ ciudad Sidón bá₄. ²⁷ Ján₃ bá₄ le₂jaun₂ jme₁chan₂ juin₅ dsa₂ i₂jme₁lín₄ 'mé'₅ 'iog₅ jui₂ Israel, lia'₂ con'₂ jmi₄ ca₂ŋi₃ Eliseo i₂jme₁'é₂ jág₁ o₄quió'₄ Diú₄ ján₃. La₁ ca₂lia'₂ 'i₁jan₂ i₂'éi₂ tsá₃ ca₂'lón₂, ŋia'₅₄ lia'₂ jan₂ i₂jme₁chen₂ Na'amán† i₂jme₁chan₂ 'uē₃ Siria bá₄.

²⁸ Jme₁ca₂nág₂ dsa₂ jág₁ nē₅, ca₂le₃jín₃ con'₂ i₂tion'₅₄ guá'₅ sinagoga ca₂rē₃'néi₃ 'lig'₅₄.

²⁹ Qui₂ca₂nau₂ tiin'₅₄, ca₂dsei₂₃ jui₂, ca₂i₃léin₂ le₁jio₂₃ ca₂tē₂ ne₄ má'₂ ja₁lé₄ ni₁'lau₂ dsio'₅₄ jui₂, ia₁ a₂jme₁dsi₂jio₅ dsí₅ jme₁tón₂ ja₁jaun₂. ³⁰ La₁ con'₂ ca₂ŋi₅ bá₄ 'éi₂ jē₄ quió'₅, ca₂lón₂ ŋái'₅.

Jan₂ dsa₂ i₂jme₁'en₅₄ jme₂dsí₂ 'lín'₅₄

(Marcos 1:21-28)

³¹ Jaun₂ ca₂ŋó₃ Jesús jui₂ Capernaum, caun₂ jui₂ tén₅ 'uē₃ Galilea. Ja₁jaun₂ ca₂jme₃tiin₂₃ dsa₂ jme₁jmi₄ sa₅₄. ³² 'ŋio₅ lín₃ dsi₂gó'₃ dsí₅ dsa₂ quian'₅₄ jág₁ quió'₅, ia₁ a₂'io₂₃ 'éi'₃ dsón'₂ bá₄ a₂jme₂tag₂₃. ³³ Dsi₂néi₂ guá'₅ sinagoga ja₁tiin'₅₄ jaun₂, jme₁'en₅₄ jan₂ dsa₂ i₂'en₅₄ jme₂dsí₂ je₂na'₅₄ tē₂dsí₅. Jaun₂ ca₂guió'₃ 'éi₂, ca₂juá'₂:

³⁴ —¡'Ne₂ nē₃! ¿'E₂ lē₃ tiáng'₅ jē₄ quián₂ jnia'₅₄, 'ne₂ Jesús Nazareno?‡ ¿A₂i₃'éin'₃ jnia'₅₄ bá₄ 'ne₂ ŋe'₃? Guion₄ jniá₂ 'ein₂ líng'₅: 'ne₂ líng'₅ I₂ŋjió₅ quián₅ Diú₄.

³⁵ Jaun₂ ca₂jí₂ Jesús, ca₂juá'₂:

—¡Tei₄ jmo₄; tén₃ dsa₂ nē₅!

‡ 4:19 Isaías 61:1-2. § 4:23 quió₃: Jág₁ quió'₅ dsa₂ Jen'₅₄, co₂'nió'₄ le₃jua'₅₄, caun₂ jág₁ a₂ŋí'₂ dsí₅ a₂ca₂quiog₂ dsa₂ can'₅₄, a₂dsia₅ dsa₂. * 4:26 'Nio'₂ ja₁ton₅ 1 Reyes 17:7-24. † 4:27 Na'amán: 'í₂ 2 Reyes 5. ‡ 4:34 o₃, “i₂chan₂ Nazaret.”

Jaun₂ je₂na'₅₄ nē₃, ca₂tón₂ 'uë₃ tē₃ jág₅ ca₂le₃jín₃, jaun₂ gué₄ ca₂o₃ 'íin₃, la₁ tsá₃ 'e₂ uig₅ ca₂j₂móg'₂. ³⁶ Jaun₂ ca₂ja₃gó'₃ dsí₅ ca₂le₃jín₃, jaun₂ ca₂dsia₃ jág₁ jin₄ riin'₅₄, ca₂juá'₂:

—¿'E₂ bá₄ jág₁ nē₅? I₂nē₅ 'io₂₃ bí₂ jmo₂₃ 'éi'₃ lia'₂ ma₂'uin₂ bá₄ jme₂dsí₂ 'lín'₅₄ jē₁ma₂ca₂juá'₂.

³⁷ A₂jaun₂ nē₃, ca₂i₃'ag₅₄ jág₁ le₂con₂ juig₂ te₁'i₁ ma₂quián₅ jaun₂.

Ca₂jme₃'lión₂ Jesús ma₂chog₅₄ Si₂mu₅₄ Pe₄

(Mateo 8:14-15; Marcos 1:29-31)

³⁸ A₂ca₂o₃'ín₃ Jesús guá'₅ sinagoga jaun₂, ca₂ηó₃ ja₁quió'₄ Si₂mu₅₄. Ja₁jaun₂ jme₁rē₂quian₅ ma₂chog₅₄ 'éi₂ dso'₅₄ 'i₄ dséi₂ 'ηio₅ lín₃. Jaun₂ ca₂mi₃ dsa₂ ne₅₄ o₄quió'₄ dsa₂ dso'₅₄. ³⁹ Jaun₂ ca₂jme₃quián₃ cau₅ quió'₅ dsa₂ dso'₅₄, ca₂jéin₂ dso₄ dséi₂. Jaun₂ ca₂o₃'ág₃ dséi₂. Dsi₂juí₅ le₂jaun₂ bá₄ ca₂nau₂ dsa₂ i₂jme₁dso'₅₄, ca₂jme₃ti₃ ne₄ dsa₂ i₂tion'₅₄.

Ca₂jme₃'lión₂ Jesús juín₅ dsa₂ dso'₅₄

(Mateo 8:16-17; Marcos 1:32-34)

⁴⁰ Tē₂le₃ ca₂nei₂ jmig₄ jaun₂, ca₂le₃jín₃ dsa₂ i₂chan₂ dsa₂ dso'₅₄ quián₅ jui₁'e₂ gué₃ dso₄ lín₅, ca₂o₃jio₃ dsa₂ ne₅₄. Jaun₂ qui₂ca₂téin₂ gu₂ le₂jan₂ le₂jan₂ dsa₂ dso'₅₄, ca₂jme₃'lió₂.

⁴¹ Juín₅ bá₄ jme₂dsí₂ je₂na'₅₄ qui₂ca₂'uín'₂ quió'₅ dsa₂, qui₂guió'₅ juá'₂:

—¿'Ne₂ líng'₅ Ja₁ηi'₅₄ Diú₄!

La₁ Jesús nē₃, ca₂jí₂ bá₄, tsá₃ ca₂cuē₃ jmig₄ jua'₅₄ a₂juá'₂ gué₄, ia₁ a₂ηi₅ rē₂ bá₄ je₂na'₅₄ a₂lín₅ 'éi₂ I₂rē₂'ín₁ quián₅ Diú₄.

Ca₂ton₃ Jesús jág₁ 'uë₃ Galilea

(Marcos 1:35-39)

⁴² Jme₁jnia₃ jaun₂, ca₂o₃'ín₃ Jesús ηó₃ caun₂ ja₁lé₄ co₂'ηiog₅. La₁ ca₂le₃jín₃ dsa₂ ca₂i₁nioi₁₂ ca₂'nau'₂. Jaun₂ nē₃ jme₁ca₂dsáu'₂, jme₁jnéi₂ jui₅ tsá₃ jme₁cuē₂₃ jmig₄ dsáin'₃.

⁴³ Jaun₂ ca₂juá'₂ Jesús:

—Ca₂tín₂ jniá₂ qui₂i₁'é₃ jág₁ jui₁lia'₂ ja₁gon₂ Diú₄, le₂tan₅₄ juig₂ ja₁siá'₂, ia₁ ta₁ nē₅ chen₄ bá₄ jniá₂ guio₃.

⁴⁴ Jaun₂ le₂nē₅ bá₄ ca₂ηi₃ Jesús ca₂'é₂ jág₁ le₂con₂ guá'₅ sinagogas a₂te₁'i₁ ja₁tén₄ Judea. §

5

Ca₂jmo₃ Jesús ca₂jon₃ dsa₂ ju₄

(Mateo 4:18-22; Marcos 1:16-20)

¹ Ca₂lē₃ co₂ráun₂ jme₁'en₅₄ Jesús chei'₅₄ Jmi₁ηí'₄ Genesaret.* Tē₃jē₄ jaun₂ ca₂ηi'₂ juín₅ lín₃ dsa₂, ca₂lia'₂ co₂'liog'₂ bá₄ tioin'₅₄, ia₁ 'nio₃ nag₃ jág₁ quió'₅ Diú₄. ² Jaun₂ ca₂jág₃ Jesús tin₃ tsi₁mu₅ a₂le₁jē₁, le₁'ág₄ chei'₅₄ jmig₂, ia₁ dsa₂ i₂tsán'₂ ju₄ jme₁ma₂sióin₃ i₂ráng₃ 'má₅ quió'₅. ³ Jaun₂ ca₂'í₃ Jesús caun₂ tsi₁mu₅ jaun₂, a₂lé₅ quió'₅ Si₂mu₅₄. Jaun₂ ca₂mi₃ a₂jio₃ 'éi₂ ca₂juig₄ gué₄ le₃ne₄ jmig₂. Jaun₂ ca₂guá₂ 'ηi₃ tsi₁mu₅, jaun₂ ja₁jaun₂ ca₂jme₃lióg₃ ca₂jme₃tiin₂₃ dsa₂. ⁴ Jme₁ca₂dsan₃ cuē₂₃ jág₁, ca₂tsí'₃ Si₂mu₅₄:

—ηiog'₅₄ mu₅ quiáng'₂ le₃ja₁ji'₂ gué₄. Ja₁nē₅ tion₂ 'má₅ quiáng'₂, jaun₂ lén'₂ 'nia'₂ ju₄.

⁵ Jaun₂ ca₂ηag₃ Si₂mu₅₄:

—Tē₅, la₂ tio'₅₄ bá₄ jnia'₅₄ ta₁jma₃ nei₅ ca₂néi₃, tsá₃ 'ein₂ já'₂ ma₂lag₅ jnia'₅₄; la₁ i₁tion₃ caun₂ ia₁ a₂juá'₂ 'ne₂.

⁶ Jme₁ca₂jmo₃ le₂jaun₂, ca₂lia'₂ juín₅ lín₃ ju₄ i₃ton'₅₄, ηjia'₅₄ mei'₂ tsá₃ ca₂gag₂ bá₄ 'má₅ quió'₅ tioin'₅₄. ⁷ Jaun₂ ca₂bí₂ gu₂ ca₂té'₃ riin'₅₄ i₂jme₁tion'₅₄ tsi₁mu₅ caun₂, ia₁jaun₂ ja₃léin₂ jme₃'o₅₄. Jme₁o₃lén₂ 'éi₂ nē₃, ca₂jme₃cain'₂ ta₁tin₃ tsi₁mu₅, ηjia'₅₄ mei'₂ tsá₃ ca₂i₃guein'₅₄ bá₄ tioin'₅₄. ⁸ Jme₁ca₂jág₃ Si₂mu₅₄ nē₅, ca₂ηó₃ ca₂chi₃jné₃ ne₄ Jesús, ca₂juá'₂:

—ηjia'₃ cau₅ quió₃, Te₁gui'₅₄, ia₁ dsa₂ cha₂ dsáu₁ bá₄ jniá₂.

§ 4:44 A₂lín₅₄ chog₅₄ si₂ juá'₂: “Galilea.” * 5:1 Ján₃ bá₄ chei₂ “Jmi₁ηí'₄ Galilea.”

⁹ Ia₁ dsi₂gó'₃ dsí₅ Si₂mu₅₄ quian'₅₄ riin'₅₄, ia₁ a₂ŋí₄ lë₃ 'ŋio₅ juin₅ ju₄ i₂ca₂join₃. ¹⁰ Ján₃ bá₄ le₂jaun₂ Jacobo quian'₅₄ Juan₅₄ i₂lín₅ ja₁ŋi'₅₄ Zebedeo, ia₁ co₂dsia₅ jme₁i₂nioi₅₄ quian'₅₄ Si₂mu₅₄ tsáin'₂ ju₄. La₁ Jesús né₃ ca₂juá'₂ ca₂tsí'₃ Si₂mu₅₄:

—Tsá₃ jmo₂ gang'₃. Ia₁ tē₂le₃ ne₄ jui₅ ja₁dsau₅₄ nē₅, ŋí'₁ jmag'₅₄ dsa₂ mi₂güig₃ jui₁lia'₂ jmag'₂ ju₄.

¹¹ Jme₁ma₂nē₂jñiog'₃ tsi₁mu₅ quió'₅ le₃ja₁quein₂ chei'₅₄ jmig₂, ja₁jaun₂ ca₂dsia₃ jē₂, ca₂i₃lén₂ bá₄ quian'₅₄ 'éi₂.

Ca₂jme₃'lión₂ Jesús jan₂ dsa₂ i₂lín₅ 'mé'₅ 'iog₅

(Mateo 8:1-4; Marcos 1:40-45)

¹² Co₂ráun₂ jme₁'en₅₄ Jesús caun₂ juig₂, jaun₂ ca₂dsiog₃ jan₂ dsa₂ dso'₅₄ i₂lín₅ 'mé'₅ 'iog₅, ta₁jain₂. Jme₁ca₂jñin₂ Jesús, ca₂tóin₂ tē₂rē₃'éin₂ 'uē₃, ca₂mi₃ tion₅₄-jan₃, ca₂juá'₂:

—Te₁gui'₅₄, chi₂juá'₂ 'niog'₂, jñia'₅₄ lia'₂ 'ne₂ bá₄ qui'₅₄ jmig₄ chi'₅₄ dso₄ a₂lín_g₅.

¹³ Jaun₂ ca₂néi'₃ gu₂, ca₂ní'₃ quió'₅ dsa₂ dso'₅₄, ca₂juá'₂:

—'Nio₃ jniá₂. Jmo₅₄ bá₄ le₁jñing'₃.

Dsi₂jui₅ jme₁ca₂juá'₂ jaun₂, ca₂jñia'₃ 'mé'₅ 'iog₅ a₂jme₁lín₄. ¹⁴ Jaun₂ ca₂jmo₃ Jesús 'éi'₃ a₂tsá₃ 'ein₂ tsí'₃ 'i₁jan₂. Jñia'₅₄ lia'₂ ca₂juá'₂:

—La₁ gua₂ o₂jme₁jñia₅ ne₄ jme₂dsa₂, o₄quió'₄ a₂ma₂le₁jñing'₃, o₂jmo₄ o₂jen'₅₄ ne₄ Diú₄ con'₂ lé₅ 'éi'₃ quió'₅ Moisés, † co₂'nió'₄ a₂jang'₅₄ jág₁ dsau₅ jñin₄ dsa₂.

¹⁵ La₁ tē₂le₃ lé₅ gué₄ ca₂i₃'ag₅₄ bá₄ jág₁ ca₂le₂con₂ a₂'in₅ dsa₂ Jesús. Jaun₂ i₂juin₅ lín₃ dsa₂ i₂jme₁tē₂ja₂lén₂ ŋi'₂ ja₂néi₃ jág₁, i₂'nio₃ 'lión₂ né₃ 'e₂ caun₂ jmi₁uig₅ chain₂. ¹⁶ La₁ jme₁dsi₂uñin₃ bá₄ 'ni'₂ juig₂ ja₁con'₂ 'ŋiog₅, chi₃lén'₂ Diú₄.

Ca₂jme₃'lión₂ Jesús jan₂ dsa₂ 'lian'₂

(Mateo 9:1-8; Marcos 2:1-12)

¹⁷ Ca₂lë₃ co₂ráun₂ jme₁'en₅₄ Jesús jme₂tiin₂₃ dsa₂. Le₂con₂ jaun₂, jme₁tián'₄ i₂lín₅₄ dsa₂ fariseos, tē₅juá'₅ né₃, i₂ja₂lén₂ le₂con₂ 'uē₃ Galilea, Judea, juig₂ Jerusalén né₃. Ia₁ jui₅bí₂ quió'₅ Te₁gui'₅₄ bá₄ jme₁'io₅ Jesús, a₂jme₂'lióin₂ dsa₂. ¹⁸ Tē₃jē₄ jaun₂, ca₂dsi₃lén₂ dsa₂ le₁jñiai₂₃ jan₂ dsa₂ 'lian'₂, dsín₂ ne₄ tsi₁jein₁. Jme₁'no'₂ jui₅ dsi₃toin₅₄ dsi₂néi₂, jme₁dsi₃quio₂₃ ne₄ Jesús. ¹⁹ Ia₁ tsá₃ ca₂dsó'₂ 'a₂ lia'₂ dsi₃toin₅₄, ia₁ a₂ŋí₄ lë₃ juin₅ dsa₂ tion₅₄, jaun₂ ca₂uig₂ le₃co'₅₄ tsi₁'né₅. Jaun₂ ca₂niá₃ jē₄ gua'₅₄ lag₁, jaun₂ ca₂sió₂ lia'₂ jma₃quian'₅₄ tsi₁jein₁, dsi₂jo₂ jaun₂, ne₄ Jesús. ²⁰ Jme₁ca₂jág₃ Jesús a₂'én₂ dsa₂ 'éi₂ 'ŋio₅ lín₃, jaun₂ ca₂juá'₂:

—'Ne₂ dsa₂, ma₂rē₂'én₄ bá₄ dsáu'₂.

²¹ Jaun₂ né₃ ca₂jme₃lióg₃ tē₅juá'₅ quian'₅₄ dsa₂ fariseos né₃ ca₂i₃jñia₅ dsí₅: “¿I₂'ein₂ bá₄ nē₅ jmái'₂ mi'₅₄ Diú₄ a₂juá'₂ le₂nē₅? 'I₁jan₂ tsá₃ 'ein₂ lé₂ le₃'én₂ dsáu₁ dsa₂, jñia'₅₄ lia'₂ Diú₄ bá₄.” ²² La₁ a₂lí'₄ rē₂ bá₄ Jesús 'e₂ a₂qui₂dsi₂jñia₅ dsí₅ dsa₂ 'éi₂, jaun₂ ca₂juá'₂:

—¿'E₂ bá₄ lë₃ dsi₂jio₅ 'au'₂ 'nia'₂ le₂nē₅? ²³ ¿'E₂ a₂'ua₁ gué₄ ta₁, a₂juá'₄ jniá₂ juig₅₄ dsa₂ la₂: “Ma₂rē₂'én₄ dsáu'₂”, o₃ a₂juig₅₄ 'e₂ jniá₂: “Nau₂, ŋi₄”? ²⁴ Ia₁ dse₃ jaun₂. La₂ jmo₅₄ jniá₂ ia₁jaun₂ le₃ŋi'₅₄ 'nia'₂ a₂'io₅ bí₂ 'éi'₃ Jaun₅ dsa₂ mi₂güig₃ ne₄ gua'₅₄ 'uē₃ a₂qui₃'éin₂ dsáu₁ dsa₂.

Jaun₂ gué₄ ca₂tsí'₃ dsa₂ 'lian'₂:

—'Ne₂ juig₂ jniá₂, nau₂, quion₂ tsi₁jein₁ quiáng'₂, guan'₂.

²⁵ Dsi₂jui₅ jaun₂ tē₃ jág₅ ca₂le₃jñin₃, ca₂nau₂ ca₂caún₃ tsi₁jein₁ quió'₅ ca₂ŋái'₃ jme₂juñin'₂ Diú₄. ²⁶ Jaun₂ ca₂i₃gó'₃ dsí₅ ca₂le₃jñin₃, ca₂jme₃juñin'₂ Diú₄ né₃. Jaun₂ tē₃jē₄ dsi₂gó'₃ dsí₅ jaun₂, qui₂ca₂tsí'₃ riin'₅₄:

—Jmig₄ nē₃ ca₂tē₂ ne₄ jniog₄ a₂dsi₂gó'₃ dsí₅.

† 5:14 'í₂ Levítico 14.

Ca₂té'₃ Jesús Leví
(Mateo 9:9-13; Marcos 2:13-17)

²⁷ Cang₂ jaun₂ ca₂o₃'iin₃ táng₃. Ja₁ηó₄ jaun₂, ca₂jíin₂ jan₂ i₂chen₂ Leví i₂cán₂ 'lia'₅₄ a₂ca₂tín₂ dsi₂tan₅₄, guá₅ ja₁dsi₂qui₅ dsa₂ 'lia'₅₄. Jaun₂ ca₂juá'₂ Jesús:

—ŋia₅ chi₁co'₅₄ quió'₃.

²⁸ Ja₁jaun₂ ca₂dsia₃ jë₂, ca₂nau₂ ηó₃ quiong'₅₄.

²⁹ Ca₂i₁jmo₅₄ Leví caun₂ má₃ pa₁ dsi₂néi₂ quió'₅ o₄quió'₄ Jesús, jaun₂ ca₂ηi'₂ juin₅ dsa₂ i₂cán₂ 'lia'₅₄ riin'₅₄. Juin₅ bá₄ dsa₂ sián'₂ né₃ qui₂ca₂gué'₃ quiain'₅₄. ³⁰ La₁ dsa₂ fariseos quian'₅₄ tē₅juá'₅ quiáin₅, chi₂ca₂'iin₃ dsa₂ i₂ma₂quian'₅₄ Jesús, ca₂juá'₂:

—¿E₂ lē₃ qui₂qué'₂ qui₂'ág'₂ 'nia'₂ co₂dsia₅ quian'₅₄ dsa₂ i₂cán₂ 'lia'₅₄ nē₅, dsa₂ i₂le₁cán'₄ dso₄ né₃?

³¹ Jaun₂ ca₂ηag₃ Jesús:

—Ma₁ tsá₃ tē₅mí₅ 'nió'₅ quió'₅ dsa₂ i₂le₁'ág₄ dse₃ dsí₅; dsa₂ i₂le₁dso'₅₄ bá₄ 'nió'₅ quió'₅.

³² Tsá₃ ta₁ jaun₂ guio₃ jniá₂ a₂té₄ dsa₂ dsen₃; a₂té₄ dsa₂ i₂le₁cán'₄ dso₄ bá₄ jniá₂ guio₃, ia₁jaun₂ dsi₁quén'₅ dsí₅.

Ca₂ηí'₃ dsa₂ Jesús jui₁lia'₂ a₂jme₂'in₅₄ dsa₂
(Mateo 9:14-17; Marcos 2:18-22)

³³ Jaun₂ dsa₂ 'éi₂ né₃ ca₂tsí'₃ Jesús:

—¿A₂ gué'₂ lia'₂ i₂gú'₃ jme₂'in₅₄ dsa₂ i₂quian'₅₄ Juan₅₄, jë₂ qui₂tsí'₅ Diú₄, le₂jaun₂ bá₄ dsa₂ quián₅ fariseos né₃, la₁ dsa₂ quiáng'₂, gué'₅ 'ín'₂ bá₄?

³⁴ Jaun₂ ca₂jéin'₃ Jesús jág₁:

—¿Lé₂ le₃chi₁quian'₄ 'nia'₂ jmig₄ jme₃'in₅₄ jui₁lia'₂ dsa₂ i₂té₄ ja₁jen'₂ gu₂ dsa₂, chi₂jua'₂ jaun₂ bá₄ guá₅ gué'₂ dsa₂ ηe'₂ i₂jen'₂ gu₂? ³⁵ La₁ já₅ jmig₄ jë₁ma₂ηia'₃ dsa₂ ηe'₂ 'éi₂; jmig₄ jaun₂ gué'₄ ma₂lé₂ jme₃'in₅₄.

³⁶ Ján₃ bá₄ ca₂juá'₂ Jesús jág₁ jáng'₅ léi₄ la₂:

—Ma₁ tsá₃ 'ein₂ dsa₂ tíong₅ 'nau₅₄ 'mi'₂ 'mí₂ tsi₁'mi'₂ gui'₅₄. Ia₁ nē₁jua'₂ ca₂jmo₃ le₂jaun₂, a₂ηia'₅₄ gué'₃ bá₄ caun₂ caun₂, ton'₂ tsá₃ ma₃rē₂ quin₅ tsi₁'mi'₂ gui'₅₄ quian'₅₄ 'nau₅₄ 'mí₂. ³⁷ Ján₃ gué'₂ tsá₃ tia'₂ dsa₂ vino 'mí₂ ni₁lau₂ gui'₅₄, ia₁ nē₁jua'₂ ca₂jmo₃ dsa₂ le₂jaun₂, a₂ne'₂ bá₄ ni₁lau₂ gui'₅₄ quian'₅₄ dsió'₁ vino 'mí₂; téin₃ bá₄ vino, ton'₂ dsi₃'én₂ ni₁lau₂ gui'₅₄ né₃. ³⁸ Jaun₂ lē₃, lau₂ 'mí₂ bá₄ 'nió'₅ tia'₃ dsa₂ vino 'mí₂, ia₁jaun₂ rē₂ lé₂ 'í₁ le₃tin₃. ³⁹ Ján₃ bá₄ le₂jaun₂ jui₁lia'₂ i₂ma₂'in'₅ vino gui'₅₄ a₂ma₂ron₂, tsá₃ jiá₃ dsí₅ 'ín'₂ vino 'mí₂ a₂tē₂ca₂jlen'₃. “Ia₁ tió'₅ a₂gui'₅₄” bá₄ juá'₂.

6

Guén₂ dsa₂ quián₅ Jesús mí₂ trigo caun₂ jmig₄ sa₅₄
(Mateo 12:1-8; Marcos 2:23-28)

¹ Caun₂ jmig₄ sa₅₄, ca₂ηi₅ Jesús caun₂ ja₁nau₂ ja₁jnia₄ trigo. Jaun₂ ca₂gág₃ dsa₂ i₂quian'₅₄ mí'₂ trigo, qui₂ca₂guéin₂ ca₂gué'₃. ² Jaun₂ jme₁ca₂jág₂ i₂lin₅₄ dsa₂ fariseos, jaun₂ ca₂juá'₂:

—¿E₂ lē₃ jmo'₂ 'nia'₂ a₂tsá₃ 'i₄ 'éi'₃ jmo₃ dsa₂ jme₁jmig₄ sa₅₄?

Jaun₂ ca₂ηag₃ Jesús:

³ —¿Tsa₁ ma₂'í₂ 'nia'₂ ja₁juá'₂ a₂ca₂jmo₃ David quian'₅₄ riin'₅₄ jme₁ca₂tá'₂ i₁cón'₅?

⁴ Ca₂'í₃ dsi₂néi₂ quió'₅ Diú₄ ca₂can₃ i₁ηí'₄ jnió₅ a₂'i₄ 'éi'₃ a₂gué'₃ jmá'₃ jme₂dsa₂. Ca₂gué'₃, ca₂cué'₃ riin'₅₄ i₂jme₁quian'₅₄ né₃.

⁵ Ca₂juá'₂ Jesús ján₃:

—Jaun₅ dsa₂ mi₂güüg₃ bá₄ i₂quian₅ 'éi'₃ ne₄ quió'₅ jmig₄ sa₅₄.

Dsa₂ i₂rē₂já'₃ caun₂ gu₂
(Mateo 12:9-14; Marcos 3:1-6)

⁶ Co₂ráun₂ táng₃ caun₂ jmi₄ sa₅₄ ca₂lë₃, ca₂'í₃ Jesús guá'₅ sinagoga, ca₂jme₃tiin₂₃ dsa₂. Jë₄ jaun₂ jme₁'en₅₄ jan₂ dsa₂ i₂rë₂já'₃ gu₂ ne₁. ⁷ Ca₂tiog₃ dsa₂ fariseos quian'₅₄ të₅juá'₅ chi₂jua'₂ jme₃'lióin₂ 'éi₂ të₃ jmi₄ sa₅₄, ia₁ jme₁'no'₂ jui₅ 'a₂ lia'₂ jmo₃ dsáu₁ 'éi₂. ⁸ La₁ a₂ŋi₅ rë₂ bá₄ Jesús 'e₂ a₂dsi₂jio₅ dsí₅ dsa₂ 'éi₂ tióin₂, jaun₂ ca₂tsí'₃ dsa₂ i₂rë₂já'₃ gu₂:

—Nau₂, ŋia₅ dsi₂jo₂ la₂.

Ca₂nau₂ bá₄ dsa₂ 'éi₂ ca₂ŋó₃. ⁹ Jaun₂ ca₂tsí'₃ Jesús dsa₂ i₂tióin₂ jág₅:

—La₂ ŋag₄ jniá₂ caun₂ 'nia'₂: ¿'E₂ 'i₄ 'éi'₃ jmo₃ dsa₂ jui₁lia'₂ jme₁jmi₄ sa₅₄? ¿A₁dse₃, o₃ a₂'lig'₅₄ 'e₂? ¿A₂lióin₂ dsa₂ mi₂güüg₃ riin'₅₄, o₃ a₂ŋag'₃ 'e₂?

¹⁰ Jaun₂ ca₂jii₂ ca₂le₃jín₃ dsa₂ i₂tióin₂ le₃lág'₃ quió'₅, jaun₂ ca₂tsí'₃ dsa₂ dso'₅₄:

—Nei'₅₄ gog'₂.

Jaun₂ ca₂néi'₃. Dsi₂jui₅ jaun₂ bá₄ ca₂lág₃ gu₂. ¹¹ La₁ ca₂rë₃'né₃ bá₄ dsa₂ jain₂ jain₂ tióin'₅₄, ca₂jme₃lióg₃ ca₂tsí'₃ riin'₅₄ 'e₂ jmái'₂ Jesús.

Ca₂quióin'₂ Jesús guia₃-tín₂ dsa₂ i₂chein₃ 'a₂ gué₃ já'₄ chei₃

(Mateo 10:1-4; Marcos 3:13-19)

¹² Ca₂lë₃ të₃jë₄ jmi₄ jaun₂, ca₂ŋó₃ Jesús jui₅ caun₂ má'₂ a₂chi₂lein'₄ Diú₄. Të₁jma₃nei₅ bá₄ ca₂ŋi₅ chi₂lén'₂ Diú₄. ¹³ Jme₁jnia₃ táng₃ jaun₂, ca₂té'₃ dsa₂ i₂quaiin'₅₄, jaun₂ ca₂quióin'₂ guia₃-tín₂ 'éi₂. I₂'éi₂ né₃ ca₂quaiin₃, i₂chen₄ quiáin₅.* ¹⁴ Le₂la₂ jme₁chein₂: Si₂mu₅₄ i₂ca₂quaiin₃ Pe₄; Dré₄ rin'₅₄ Si₂mu₅₄; Jacobob quian'₅₄ Juan₅₄ né₃; Fe₂li₄, Bartolomé, ¹⁵ Të₅₄, To₁má₄, Jacobo† i₂lín₅ ja₁ŋi'₅₄ Alfeo; Si₂mu₅₄ i₂lín₅ cananista.‡ ¹⁶ Judas rin'₅₄ Jacobo; quian'₅₄ Judas Iscariote§ i₂ca₂dsióg₃ ca₂'ni₃ Jesús cang₂.

Jme₂tín₅ Jesús juin₅ lin₃ dsa₂

(Mateo 4:23-25)

¹⁷ Jme₁ca₂sióin₃ má'₂ jaun₂, quaiin'₅₄ 'éi₂, jaun₂ ca₂nau₂ caun₂ ja₁lë₄ ja₁jo₂. Ja₁jaun₂ né₃ jme₁ma₂le₁ŋi'₂ juin₅ lin₃ dsa₂ i₂chan₂ ta₁caun₂ 'uë₃ Judea, i₂ja₂lén₂ Jerusalén, ca₂le₃jé₃ juig₂ te₁'i₁ le₂tan₅₄ chei'₅₄ jmi₁ŋi'₄ ja₁niog₅ juig₂ Tiro quian'₅₄ Sidón né₃, ¹⁸ ia₁ 'nio₃ dsa₂ nag₃ jág₁ quió'₅ Jesús, ton'₂ ia₁ 'nio₃ 'lióin₂ 'e₂ caun₂ dso₄ niog₅ líin₅. Le₂jaun₂ gué'₂ dsa₂ i₂chan₂ uig₅ co₂jmóg'₂ jme₂dsí₂ 'lin'₅₄, ja₁jaun₂ qui₂ca₂'lóin₂ bá₄ ján₃. ¹⁹ Qui₂ca₂'náu'₃ jui₅ a₂ní'₃ quió'₅ Jesús, ia₁ jme₁'io₅ 'éi₂ bí₂ a₂jme₁jme₂'lióin₂ ca₂le₃jín₃.

Jui₁lia'₂ a₂dse₃, quian'₅₄ a₂tsá₃ dse₃ lia'₂ chan₂ dsa₂

(Mateo 5:1-12)

²⁰ Jaun₂ ca₂jii₂ ca₂le₃jín₃ i₂ma₂quaiin'₅₄, jaun₂ ca₂juá'₂:

—'E₂ gué₄ dsen'₃ 'nia'₂ dsa₂ i₂chang'₂ ŋég'₂ le₃ne₄ Diú₄, ia₁ 'nia'₂ bá₄ ca₂tíng'₂ ja₁goin₂.

²¹ 'E₂ gué₄ dsen'₃ 'nia'₂ i₂chang'₂ 'ong'₅₄ rë₂në₃, ia₁ 'ág'₄ bá₄ 'au'₂. Dsen'₃ 'nia'₂ i₂qui'₂-o₅ jmi₄ në₃, ia₁ ŋág'₄ bá₄ 'nia'₂.

²² 'E₂ gué₄ dsen'₃ 'nia'₂ jë₁ma₂ca₂jme₃'iog₅₄ dsa₂, a₂'uág'₂, jë₁ma₂té₂ rë₁të₃'o'₂, quiong₃ dsa₂ a₂'ling'₅₄ o₄quió'₄ Jaun₅ dsa₂ mi₂güüg₃.

²³ 'Jmo₄ 'nia'₂ 'io'₂ 'ŋio₅ lin₃, quian₂ 'nia'₂ o₂'ŋió₃ 'au'₂ jë₁ma₂té₂ jmi₄ jaun₂, ia₁ le₂në₅ bá₄ gué'₁ 'nia'₂ jué'₂ 'liang'₅₄ guei'₅₄ i₂juig₃. Ia₁ le₂në₅ bá₄ ma₂jmo₃ dsa₂ can'₅₄ quiáin₅ ca₃ma₂líg'₂ ma₂jmái'₂ dsa₂ i₂jme₁'é₂ jág₁ quián₅ Diú₄.

²⁴ La₁ 'e₂ gué₄ juig'₂ 'nia'₂ dsa₂ cha₂ cu₄, ia₁ ma₂gue'₅₄ bá₄ 'nia'₂ liang'₅₄.

²⁵ 'E₂ gué₄ juig'₂ 'nia'₂ i₂chang'₂ qui₂le₁'ág'₃ 'au'₂, ia₁ já₅ jmi₄ jë₁le₃chang'₂ 'ong'₅₄. 'E₂ gué₄ juig'₂ 'nia'₂ i₂chan₂ co₂ŋág₂ jmi₄ në₃, ia₁ já₅ bá₄ jmi₄ jë₁tóng'₁ 'lia'₂ 'au'₂ qui'₁-'áu'₂.

* 6:13 griego: apóstolous (dsa₂ i₂chen₄). † 6:15 o₃, Santiago. ‡ 6:15 griego: Celotes, co₂'nió'₄ dsa₂ i₂nau₂ quen₅; jan₂ i₂'nio₃ táun₂ 'uë₃ 'éi'₃ quió'₅ Roma. Jma₃quén₅ ca₂quioin₃ le₃on₃ Si₂mu₅₄ 'éi₂, ia₁ ŋí₄ lë₃ mei'₂ tsá₃ ca₂ne₅₄ a₂chein₂. § 6:16 o₃, Judas i₂chan₂ Cariot; o₃ Judas i₂të₂jín₁.

²⁶ Juíg'₂ bá 'nia'₂ jē₁ma₂té₂ rē₁qui₃'ag₃ dsa₂ dse₃, ia₁ le₂nē₅ bá ca₂jmo₃ dsa₂ can'₅₄ quiáin₅, ca₂'in₃ dse₃ dsa₂ jui₁gan₂ i₂jme₁'ē₂ jág₁ ma₂líg'₂.

A₂jme₃'nio₃ dsa₂ jui₁lia'₂ dsa₂ i₂'iog₅₄
(Mateo 5:38-48; 7:12)

²⁷ La₁ 'nia'₂ dsa₂ i₂nag₅, juá'₅ jniá₂: Jme₁'nió₄ 'nia'₂ dsa₂ i₂'iog₅₄, jmo₄ a₂dse₃ ja₁con₂ dsa₂ i₂ja₂uin₅₄ dsí₅ jág₂. ²⁸ Caun₂ dse₃ bá qui'íng'₄ i₂'ag₅ 'lig'₅₄; chi₁len'₅₄ 'nia'₂ Diú₄ o₄quió'₄ i₂lē₁co₂jmo₃'₂. ²⁹ Chi₂jua'₂ 'ein₂ ca₂jnáu₃ ca₂ton₂ rē₂jog'₂, jein'₅₄ le₃ca₂ton₂ táng₃ o₁jnáu₄; chi₂jua'₂ 'ein₂ ca₂jnía'₂ 'mi'₂ dsiog₂ quiáng'₂, le₂jio₅ tsíng'₂ a₂qui'₅₄ cuē'₅₄ ján₃, o₁quion₂. ³⁰ Jui₁'ein₂ gué'₃ mī₅ 'e₂ mī₂₃, cuē'₅₄; chi₂jua'₂ 'e₂ caun₂ a₂jnía'₂ quiáng'₂, tsá₃ ma₃mag'₅₄. ³¹ Jui₁lia'₂ a₂'nio₃'₂ 'nia'₂ jmo₃ dsa₂ ja₁cong'₂, le₂jaun₂ jmo₄ 'nia'₂ ja₁coin₂.

³² Ia₁ nē₁jua'₂ 'nió₃'₃ jmá'₃ lia'₂ dsa₂ i₂'nio₃ 'nia'₂ guiong'₅₄, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ ján₃ bá le₂nē₅ jmo₅ jui₁lia'₂ dsa₂ i₂'no₅ dso₄. ³³ Ia₁ chi₂jua'₂ jmo'₂ 'nia'₂ dse₃ jmá'₃ lia'₂ ne₄ dsa₂ i₂jmo₅ dse₃ ja₁cong'₂, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá tion'₅₄ dsa₂ i₂'no₅ dso₄ ján₃. ³⁴ Nē₁jua'₂ qui₂dsi'₂ 'nia'₂ jmá'₃ lia'₂ le₃quió'₅ i₂lín'₂ 'nia'₂ le₃qui'₅₄ jmig₄ jéin'₃ quiáng'₂, ¿'e₂ ti₁'mag'₄ ca₂tíng'₂ nē₁jua'₂ le₂jaun₂? Ia₁ le₂nē₅ bá tion'₅₄ guē'₂ dsa₂ i₂'no₅ dso₄ ján₃, qui₂dsi'₂ quió'₅ riin'₅₄ jain₂ jain₂, ia₁jaun₂ qui₃gue₃ quió'₅ riin'₅₄. ³⁵ La₁ 'nia'₂ né₃, jme₁'nió₄ i₂'iog₅₄, jmo₄ a₂dse₃ ja₁coin₂; dsi₄ 'nia'₂ quió'₅, tsá₃ jmo₄ 'nia'₂ jua'₅₄ a₂ñí₄ 'i₅ 'au'₂ a₂jaun₂. Jaun₂ le₂nē₅ bá gué'₁ 'nia'₂ jué'₂ 'liang'₅₄, ton'₂ léng'₂ chi'₂-guein₂ quián₅ Diú₄ i₂guá₅ guei'₅₄. Ia₁ i₂'ua₁ dsí₅ 'éi₂ ján₃ ja₁con₂ dsa₂ 'lin'₅₄, i₂jnía'₅₄ ti₁'mag'₄ tsá₃ cuē'₂₃. ³⁶ Jui₁len'₅₄ 'nia'₂ dsa₂ nēi₂ dsí₅, jui₁lia'₂ nēi₂ dsí₅ Diú₄ nēi'₅.

Tsá₃ lē₁caun₂ 'nia'₂ 'í₁ quió'₅ ríng'₂
(Mateo 7:1-5)

³⁷ Tsá₃ lē₁caun₂ 'nia'₂ 'í₁ ja₁con₂ ríng'₂, jaun₂ tsá₃ con₂ Diú₄ 'í₁ ja₁con'₂ 'nia'₂ guiong'₅₄. Tsá₃ 'lián'₅ 'nia'₂ ríng'₂ jaun₂ tsá₃ 'liog'₃ Diú₄ guion'₅₄ 'nia'₂ ján₃. 'Én₃ 'nia'₂ dsáu₁ ríng'₂, jaun₂ bá 'én₂ Diú₄ dsáu'₂ 'nia'₂ guiong'₅₄. ³⁸ Qui₂jme₁'on₁ 'nia'₂ ríng'₂, jaun₂ bá jme₃'o₅₄ Diú₄ 'nia'₂, cuē₃ caun₂ 'éi'₃ tí₅, a₂tó'₅ tiá₂, a₂qui₂rē₂'nía'₄ rē₂ lín₃, ca₂lia'₂ tsá₃ ma₃to'₂ ja₁'éi'₄ jmo₃, tó'₃ tē₂jmu₂ quián'₂ 'nia'₂. Ia₁ 'éi'₃ jaun₂ bá to'₂ Diú₄ jui₁lia'₂ lé₅ 'éi'₃ a₂dsián'₅ 'nia'₂ ríng'₂ guiong'₅₄.

³⁹ Jaun₂ ca₂cuē₃ Jesús jág₁ jáng'₅ léi₄ la₂:

—¿Lé₂ le₃jnía₃ dsa₂ ten₄ jan₂ dsa₂ ten₄ riin'₅₄ a₂'ē₃ jui₅? ¿Tsa₁ tsi₃sén'₂ jua'₅₄ jui₁lia'₂ caun₂ siá₅? ⁴⁰ 'I₁jan₂ jui₁lia'₂ i₂'i₅ si₂ tsá₃ lín₅ jua'₅₄ a₂juin'₂ gué'₄ con'₂ gué'₄ tē₅ quiáin₅; ca₂lia'₂ ca₂dsó'₃ si₂ quió'₅, jaun₂ gué'₄ lé₂ le₃dsió₄ lén₂ con'₂ lín₅ tē₅ quiáin₅.

⁴¹ ¿'A₂ bá lia'₂ jniá'₄ 'ne₂ jme₁qui₅ pí'₁ a₂'i₄ jme₁ne₁ ríng'₂, ton'₂ tsá₃ leng'₅₄ a₂'i₄ ni₁'ma₂ chá₅ jme₁ne'₄ 'nía'₂? ⁴² ¿'A₂ bá lia'₂ tiá₂ 'au'₂ juig'₅₄ ríng'₂: “Rin'₅₄ jniog₄, cuē₄ jmig₄ o₁dsi₁₂ jme₁qui₅ pí'₁ a₂'i₄ jme₁ne'₄”? ¡'Ne₂ dsa₂ i₂lē₁jmo₅-dsau₅ o₁ne₁! Dsi₄ de'₂ jniá₅ ni₁'ma₂ chá₅ a₂'i₄ jme₁ne'₄ 'nía'₂, jaun₂ gué'₄ le₃jag'₅₄ rē₂ dsí'₁ qui₅ pí'₁ a₂'i₄ jme₁ne₁ ríng'₂.

Tē₂le₃ 'a₂ lia'₂ lé₅ mīg₂ a₂'ag₅ bá₄ ni₁'ma₂, jáng'₅ léi₄
(Mateo 7:17-20; 12:34-35)

⁴³ Tsá₃ cha₂ ni₁'ma₂ dse₃ jua'₅₄ a₂lé₂ le₃'ag₃ mīg₂ 'lig'₅₄; ján₃ guē'₂ le₂jaun₂ tsá₃ cha₂ ni₁'ma₂ 'lig'₅₄ jua'₅₄ lé₂ le₃'ag₃ mīg₂ dse₃. ⁴⁴ Le₂caun₂ le₂caun₂ bá ni₁'ma₂ jau'₂ 'í₁ tē₂le₃ 'a₂ lia'₂ lé₅ mīg₂ a₂'ag₅; ma₁ tsá₃ quin₅ dsa₂ mīg₂ higos jui₁lia'₂ ni₁'ma₂ taun₅ chei₅₄, on₃ guē'₂ lé₂ le₃cág'₃ dsa₂ mīg₂ uvas jui₁lia'₂ chi₁uíng₃ taun₅. ⁴⁵ Ján₃ bá le₂nē₅ dsa₂ né₃. Jui₁lia'₂ dsa₂ dsen₃, lia'₂ con'₂ lé₅ a₂dse₃ a₂ma₂rē₂'ma₄ tē₂dsí₅, jmo₂₃ a₂dse₃; dsa₂ i₂'lin'₅₄ né₃, lia'₂ con'₂ lé₅ a₂'lig'₅₄ a₂ma₂rē₂'ma₄ tē₂dsí₅, jmo₂₃ a₂'lig'₅₄. Ia₁ lia'₂ con'₂ lé₅ a₂'lióng₂ nāg₅₄ cha₂ tē₂dsí₅ dsa₂, a₂jaun₂ bá₄ 'uē₂ mi₂'o₅₄.

Tin₃ né₃ 'uig₅₄ cha₂
(Mateo 7:24-27)

⁴⁶ 'ĉ'E₂ bá₄ lě₃ tē₅ 'nia'₂ jniá₂, “Te₁gui₅₄, Te₁gui₅₄”, ton'₂ tsá₃ jmo'₂ guē'₂ 'nia'₂ a₂juá'₅?
⁴⁷ Le₂jan₂ le₂jan₂ i₂tē₁ja₂lén₂ ne₃, i₂ja₂néi₃ jág₁ quió₃, ton'₂ ne'₅₄ né₃, la₂ 'ín₄ 'a₂ lia'₂ lín₅:
⁴⁸ lín₅ jui₁lia'₂ jan₂ dsa₂ i₂ca₂j_móg'₃ 'né₅, ca₂guéi₃ 'ei₄ de'₂ jñiá₅ ca₂lia'₂ ca₂té₂ ne₄ ni₁'lau₂. Ne₄ jaun₂ ca₂jme₃lióg₃ 'uig₅₄ 'ia'₂. Jme₁ca₂jué'₂ jmig₂, ca₂dság'₃ jmig₂ tiá₂ 'ei₅ dso'₂ tsi₁'né₅ jaun₂. La₁ ca₂lia'₂ jñia'₅₄ tsá₃ ca₂'ñiá'₂, ia₁ rē₂ jme₁lé₄. ⁴⁹ La₁ jui₁lia'₂ i₂nag₅ jág₁ quió₃, ton'₂ tsá₃ nei'₅₄ guē'₂ né₃, lín₅ jui₁lia'₂ lín₅ dsa₂ i₂ca₂chi'₃ 'ne₄ jñia'₅₄ dsí₂ ne₄ 'uē₃ bá₄, tsá₃ 'uig₅₄ 'ia'₂ ca₂jmo₃. Jme₁ca₂dság'₃ tiá₂ 'ei₅ jmig₂ dso'₂ tsi₁'né₅ jaun₂, ca₂qui'₃ bá₄, co₂ñei'₅₄ ca₂'en₃.

7

Ca₂jme₃'lión₂ Jesús jan₂ dsa₂ mozo quián₅ juig₅₄ 'lióg₂ romano
(Mateo 8:5-13)

¹ Jme₁ca₂dsan₃ cuē₂₃ jág₁ le₂nē₅, ca₂le₃jín₃ bá₄ dsa₂ qui₂ca₂nág₂, jaun₂ ca₂ñó₃ jui₅ juig₂ Capernaum. ² Ja₁jaun₂ jme₁guá₄ jan₂ juig₅₄ 'lióg₂ romano i₂jme₁'ñio₅ jan₂ dsa₂ i₂jme₁jme₂ti₃ ne₅₄, i₂jme₁'nioi₃ lín₃. 'Éi₂ né₃ jme₁dso'₅₄ jme₁ma₂rē₂quiain₂₃ jóin₂.
³ Jme₁ca₂rē₃ñi₅ juig₅₄ 'lióg₂ a₂'in₅ dsa₂ Jesús, jaun₂ ca₂chein₃ jan₂-on₃ dsa₂ can'₅₄ quián₅ dsa₂ judíos a₂i₃lén₂ a₂i₁mí₂ ne₄ Jesús a₂jíá₃ jme₃'lión₂ dsa₂ mozo quián₅. ⁴ Jme₁dsi₃lén₂ ja₁'en₅₄ Jesús, ca₂mí₃ tion₅₄-jan₃, ca₂juá'₂:

—Ca₂tín₂ bá₄ gui'₅₄ juig₅₄ 'lióg₂ 'éi₂ a₂jme₁'oin'₄, ⁵ ia₁ 'ñio₅ lín₃ bá₄ 'nioi₃ dsa₂ juig₂ go₄ jniog₄. Ia₁ 'éi₂ bá₄ ca₂jmo₃ 'éi'₃ a₂ca₂lág₃ guá'₅ sinagoga quián₂ jnia'₅₄.

⁶ Jaun₂ ca₂ñó₃ bá₄ guē'₂ Jesús quian'₅₄ 'éi₂. La₁ jme₁ma₂ja₂quián₃ dsi₁lén₂ dsi₂néi₂ jme₁ca₂chen₃ táng₃ gui'₅₄ juig₅₄ 'lióg₂ jan₂-on₃ a₂mei₅₄ quián₅, a₂quian₅ jág₁ a₂juá'₂:

—Te₁gui₅₄, tsá₃ cán'₁ ta₁ jua'₅₄ a₂gog'₅₄ tē₂ ja₁quió₃, ia₁ tsá₃ ca₂tíng₂ jua'₅₄ a₂o₁'ú'₃ dsi₂néi₂ quió₃. ⁷ 'Uig₅₄ jaun₂ i₂jio₅ dsí₃, ĉi₂'ein₂ bá₄ jniá₂ jua'₅₄ nei₅₄ 'ñio₃ tē₂ ja₁cong'₂? La₁ tió'₅ jua'₅₄ ca₂jon₄ bá₄ jág₁ quiáng'₂ tē₂nē₅, ia₁jaun₂ jñia₃ dso'₅₄ mozo quiáng₃. ⁸ Ia₁ le₂nē₅ bá₄ jniá₂ 'ñio₃ chéng'₅ jme₂ti₅₄ ne₄ juig₃, ján₃ bá₄ niog₅ gu₃ 'lióg₂ i₂te₁neg'₄. Nē₁jua'₂ ca₂juí₂ jniá₂, “Gua₂ jó₄”, ja₁jaun₂ dsó₃ bá₄; nē₁jua'₂ ca₂juí₂ “ñia₅ ja₁lá₃”, jíá₃ bá₄. Ján₃ guē'₂ le₂jaun₂ nē₁ca₂juí₂ “O₂jmo₄ a₂la₂ a₂ó₃”, a₂jaun₂ dsi₃jmo₂ bá₄.

⁹ Jme₁ca₂nág₂ Jesús jág₁ nē₅, ca₂i₃gó'₃ dsí₅ o₄quió'₄ dsa₂ 'éi₂, jaun₂ ca₂jéin'₃ ca₂jíin₂ dsa₂ i₂quiain'₅₄, jaun₂ ca₂juá'₂:

—Tē₃dsón'₂ bá₄, ca₂lia'₂ 'i₁jan₂ dsa₂ chan₂ Israel tsá₃ ma₂ca₂dsán'₂ jniá₂ i₂'én₂ lia'₂ 'én₂ dsa₂ nē₅.

¹⁰ Jme₁ca₂dsi₃len₃ dsa₂ i₂chen₄ 'éi₂ dsi₂néi₂, ma₂ca₂'lón₂ bá₄ dsa₂ mozo i₂jme₁dso'₅₄.

Ca₂jme₃jen'₅₄ Jesús ja₁ñi'₅₄ jan₂ 'io₅₄ 'nág₂

¹¹ Cang₂ jaun₂ ca₂ñó₃ táng₃ Jesús caun₂ juig₂ ja₁chei₂ Nain, jaun₂ ca₂jme₃quiain'₅₄ chi'₂ dsi₂guia₃-tín₂ quián₅, i₃lén₂ quian'₅₄ juin₅ gué₄ dsa₂ sián'₂ né₃. ¹² Jme₁ja₂quián₃ dsióg₄ ja₁dsi₂ton'₅₄ dsa₂ o₄'né₄ juig₂, ca₂jág₃ ca₂'uin₂ dsa₂ i₃'óin₃ jan₂ 'lag₄, i₂jan₂ tan₅₄ 'éi₂ ja₁ñi'₅₄ jan₂ 'io₅₄ 'nág₂. Juin₅ lín₃ bá₄ dsa₂ juig₂ i₂jme₁quiong'₅₄ i₃'o₃. ¹³ Ca₂tá'₂ ñéi₂ dsí₅ Te₁gui₅₄ jme₁ca₂jág₂, jaun₂ ca₂juá'₂:

—Tsá₃ 'au₂.

¹⁴ Jaun₂ ca₂jme₃quián₃ ca₂ñii'₃ tsi₁gu₅. Ca₂jñia₃ bá₄ guē'₂ dsa₂ i₂jme₁le₁te₂, jaun₂ ca₂juá'₂ Jesús ca₂tsí'₃ 'lag₄:

—j'Ne₂ juí₂ jniá₂ chi'₂, nau₂!

¹⁵ Jaun₂ né₃ ca₂guá₂ 'lag₄, ca₂jme₃lióg₃ ca₂dsia₃ jág₁, jaun₂ ca₂jáng'₂ Jesús ne₄ chog₅₄.

¹⁶ Jme₁ca₂té₂ ne₄ dsa₂ a₂ca₂lě₃ jaun₂, ca₂i₃gó'₃ dsí₅ ca₂le₃jíin₃, jaun₂ ca₂jme₃juin'₂ Diú₄, ca₂juá'₂:

—Ma₂ca₂rē₃jniá₂ jan₂ dsa₂ juin'₂ i₂'é₂ jág₁ quián₅ Diú₄ jē₄ quián₂ jniog₄.

Juá'₂ né'₃:

—Ma₂guan₅ Diú₄ a₂jme₃'oin₅₄ dsa₂ juig₂ quiáin₅.

¹⁷ Le₂con₂ ja₁tén₄ 'uë₃ Judea, le₂con₂ ma₂quián₅ jaun₂ né'₃, qui₂ca₂rë₃ñi₅ dsa₂ a₂ca₂jmo₃ Jesús jaun₂.

Dsa₂ i₂ca₂chen₃ Juan₅₄ i₂chon₅ dsa₂ jmig₂

(Mateo 11:2-19)

¹⁸ Ca₂rë₃ñi₅ Juan₅₄ ca₂le₃jé₃ a₂jaun₂, ia₁ ca₂dsia₃ dsa₂ i₂jme₁quiain'₅₄. Jaun₂ ca₂té'₃ on₃ dsa₂ 'éi₂, ¹⁹ jaun₂ ca₂chei₃ ne₄ Te₁gui'₅₄ a₂dsi₃ñag₅₄ chi₂jua'₂ tē₃dsón'₂ lín₅ dsa₂ i₂lé₅ jág₁ jíá₃, o₃ ñjia₃ i₂sián'₂ 'e₂. ²⁰ Jaun₂ dsa₂ 'éi₂ né'₃, ca₂jme₃quiáin₃ con₂ Jesús jaun₂ ca₂juá'₂:

—Juan₅₄ i₂chon₅ dsa₂ jmig₂ nē₂chei₃ ñia'₅₄ a₂ñag₄ 'ne₂ chi₂jua'₂ tē₃dsón'₂ líng'₅ i₂lé₅ jág₁ jíá₃, ¿o₃ ñjia₄ ñia'₅₄ i₂sián'₂ 'e₂?

²¹ Tē₃jē₄ jaun₂, ca₂jme₃'lión₂ Jesús juin₅ lín₃ dsa₂ i₂jme₁le₁dso'₅₄, ca₂le₃jé₃ ne₅₄ jmi₁uig₅ a₂jme₁le₁quian₅ dsa₂; lia'₂ jme₂dsí₂ 'lín'₅₄ né'₃ qui₂ca₂'uín'₂; qui₂ca₂j móg'₃ jme₁ne₁ dsa₂ i₂jme₁ten₄, ²² Jaun₂ gué₄ ca₂jéin'₃ jág₁ quió'₅ 'éi₂, ca₂juá'₂:

—O₂nó'₅ 'nia'₂ o₂dsia₄ o₂chei'₅₄ Juan₅₄ 'e₂ ca₂té₂ ne'₅₄, 'e₂ a₂qui₂nē₂nei'₂ né'₃. Qui₂jág₅ jui₁lia'₂ dsa₂ ten₄; tē₁i₂nio₄ táng₃ dsa₂ i₂tsá₃ lé₂ jme₁i₂nio₄; tē₂tsin'₅₄ le₁jín₃ i₂jme₁lín₄ 'mé'₅ 'iog₅; qui₂ñag₅ táng₃ dsa₂ i₂jme₁guin₄ né'₃; le₂jaun₂ gué'₂ 'lag₄ né'₃ qui₂jein'₅₄ táng₃; ja₁con₂ dsa₂ dsi₂ñé₂ dsi₂'ag₅ jág₁ dse₃ a₂lión₂ dsa₂. ²³ 'E₂ gué₄ dsen₃ dsa₂ i₂tsá₃ 'ag₅ caun₂-tín₃ dsí₅ o₄quió₃ jniá₂.

²⁴ Jme₁ma₂i₂len₃ dsa₂ i₂ca₂chen₃ Juan₅₄ 'éi₂, jaun₂ ca₂jme₃lióg₃ Jesús ca₂tsí'₃ dsa₂ a₂'in₂₃ Juan₅₄, ca₂juá'₂:

—¿'E₂ ca₂i₁jag'₄ 'nia'₂ lia'₂ con'₂ i₁nóg'₄ 'uë₃ quein₂ co₂'ñiog₅ jaun₂? ¿O₃ bá₄ ca₂jag'₅₄ 'nia'₂ ca₂'nau₂ ni₁'ma₂ ta₅ a₂lë₁qui₂bí₂ dsí₂ ja₁jaun₂? ²⁵ Chi₂jua'₂ on₃ jaun₂, ¿'e₂ gué'₂ ca₂i₁jag'₄ 'nia'₂? ¿O₃ bá₄ ca₂jñg'₅₄ jan₂ dsa₂ i₂qui'₂ tsin'₅₄ jlá'₁ 'e₂? La₁ on₃ le₂jaun₂. Ia₁ ñi'₅₄ bá₄ 'nia'₂, ca₂le₃jín₃ dsa₂ i₂tē₁i₂nio₄ jlán'₁ i₂qui₂cué'₅ o₂'ñió₃ o₂ñjia₃ dsí₅, i₂tion'₅₄ jui₁lia'₂ dsi₂néi₂ quió'₅ rag₅₄ bá₄ i₂le₂'éi₂. ²⁶ Jaun₂ né'₃, ¿'e₂ gué'₂ ca₂i₁jag'₄ 'nia'₂? ¿O₃ bá₄ jan₂ dsa₂ i₂'é₂ jág₁ quián₅ Diú₄ 'e₂ ca₂jñ'₅₄ 'nia'₂? Dsón'₂ bá₄ jaun₂. Jan₂ i₂lín₅ i₂juin'₂ gué₄ lia'₂ con'₂ gué₄ jan₂ i₂'é₂ jág₁ quián₅ Diú₄ bá₄ ca₂i₁jñ'₄ 'nia'₂, juá'₅ jniá₂. ²⁷ Juan₅₄ bá₄ 'éi₂ i₂'in₅ Si₂ quió'₅ Diú₄ ja₁juá'₂:

Tsing₅₄ jan₂ dsa₂ quiáng₃ ne₄ jui₅ quiáng'₂, jón₃,

a₂dsi₃can₅ jág₁, jmo₃ co₂ñjia₅₄ jui₅.*

²⁸ Juá'₅ jniá₂ juig₂ 'nia'₂, ca₂lia'₂ 'i₁jan₂ dsa₂ tsá₃ ma₂ca₂rë₃chán₃ i₂juin'₂ gué₄ lia'₂ con'₂ gué₄ Juan₅₄. La₁, i₂lín₅ i₂me'₂ gué₄ ja₁gon₂ Diú₄, i₂'éi₂ lín₅ i₂juin'₂ gué₄ lia'₂ con'₂ gué₄ 'éi₂.

²⁹ (Ca₂le₃jín₃ dsa₂ i₂ca₂nág₂, lia'₂ dsa₂ i₂cán₂ 'lia'₅₄ né'₃, jme₁ca₂jñó₂ jmig₂ ca₂cho₃ Juan₅₄, le₂nē₅ bá₄ ca₂jme₃ñjia₂₃, Diú₄ bá₄ i₂lín₅ i₂qui₂dsí₅ 'éi'₃ tí₅. ³⁰ La₁ dsa₂ fariseos quian'₅₄ tē₃juá'₅ né'₃, tsá₃ ca₂gue₃ cho₃ Juan₅₄ jmig₂; le₂nē₅ bá₄ a₂ca₂rë₃ñjia₂ ján₃ a₂tsá₃ jí'₅₄ a₂jme₁'nio₃ Diú₄ jmo₃ quiong'₅₄.)

³¹ —¿'A₂ lia'₂ le₃jua'₅₄ lín₅ dsa₂ i₂chan₂ jmig₄ nē₃? ¿'E₂ bá₄ quian'₅₄ le₃quíng₄ lín₅?

³² Lín₅ jui₁lia'₂ lín₅ i₂bē'₅₄ i₂tón'₅ qui₂guió'₅ jmái'₂ rñin'₅₄ jē₄ 'ma'₅₄, juá'₂:

Nē₂jéi₄ ñia'₅₄ te₁fi₁ o₄quián'₂ 'nia'₂,

la₁ tsá₃ nē₂dsián'₃ 'nia'₂;

ján₃ gué'₂ nē₂j mó₁ ñia'₅₄ son₅₄ quió'₅ 'lag₄

la₁ tsá₃ ca₂tá'₂ gué'₂ 'lia'₂ 'au'₂ 'nia'₂.

³³ 'Ia₁ ca₂guan₃ Juan₅₄ i₂chon₅ dsa₂ jmig₂, i₂tsá₃ jme₁gué'₅ i₁ñí'₄, on₃ gué'₂ vino jme₁'ín'₂ né'₃, ca₂'iin'₅₄ 'nia'₂ a₂'ein₅₄ jme₂dsí₂ je₂na'₅₄. ³⁴ Ca₂guan₃ gué'₂ táng₃ Jaun₅ dsa₂ mi₂güig₃ i₂tín₂ gué'₅, 'ín'₂ né'₃; la₁ 'nia'₂ juá'₂ 'iin'₅ a₂lín₅ jlé₂ 'í₅, má₄ jmíg₃ né'₃, a₂lín₅ a₂mei₅₄ quián₅

* 7:27 Malaquías 3:1.

dsa₂ cha₂ dsáu₁, quian'₅₄ dsa₂ i₂cán₂ 'lia'₅₄ quián₅ dsi₂tan₅₄ né₃. ³⁵ Rē₂jniá₂ bá₄ a₂ηí₄ lē₃ ηí'₂ dsí₅ Diú₄, a₂tīn₂, tē₂le₃ quian'₅₄ 'a₂ lia'₂ lé₅ jmo₅ chi'₂-guein₂ quiáin₅.

^{En}₅₄ Jesús dsi₂néi₂ quió'₅ Si₂mu₅₄ dsa₂ i₂lín₅ fariseo

³⁶ Jaun₂ ca₂tē₃ jan₂ dsa₂ fariseo ca₂tē'₃ Jesús a₂i₁guē'₂ dsi₂néi₂ quió'₅. Ca₂'í₃ bá₄ guē'₂ Jesús dsi₂néi₂ quió'₅ dsa₂ fariseo 'éi₂ jme₁dsióg₃, jaun₂ ca₂guá₂ ne₄ mesa. ³⁷ Tē₃jē₄ jaun₂, ca₂dsióg₃ jan₂ 'io₅₄ i₂'no₅ dso₄ i₂jme₁ηi₅ juig₂ jaun₂, ia₁ jme₁ca₂rē₃ηi₅ a₂'en₅₄ Jesús guē'₅ dsi₂néi₂ quió'₅ dsa₂ fariseo 'éi₂. Jaun₂ ca₂dsióg₃ quian₅ caun₂ ni₁tsí₅ pí'₁ jlá'₁ a₂lé₅ quian'₅₄ alabastro, a₂'a₄ no'₅₄ mi₂juig₂. ³⁸ Ca₂guá₂ 'o₂₃ cau₅ ja₁tióng₂ tag₄ Jesús, ca₂jme₃lióg₃ 'ág₂ jmi₂g₂ 'ei₅ jme₁ne₁₂ co'₅₄ tag₄ 'éi₂. Jaun₂ ca₂jme₃quéin₃ táng₃ quian'₅₄ ηi₂ dsi₅₄, jaun₂ ca₂chen'₃, jaun₂ ca₂tsáng₂ no'₅₄ mi₂juig₂. ³⁹ Jme₁ca₂jág₃ dsa₂ fariseo i₂quió'₅ dsi₂néi₂, ca₂i₃jio₅ dsí₅: “Jua'₅₄ mei'₂ gué₃ tē₃dsón'₂ dsa₂ nē₅ lín₅ jan₂ i₂'é₂ jág₁ quián₅ Diú₄, jme₁le₃lí'₄ 'a₂ lia'₂ lín₅ dsa₂ i₂ní'₅ quió'₅. Ia₁ jan₂ 'io₅₄ i₂'no₅ dso₄ bá₄ nē₅.” ⁴⁰ Jaun₂ ca₂juá'₂ Jesús ca₂tsí'₃ 'éi₂:

—Si₂mu₅₄, cha₂ caun₂ jág₁ a₂'nio₃ juig₅₄ 'ne₂.

—Jua'₅₄ 'ne₂, Tē₅ —ca₂ηag₃.

⁴¹ Jaun₂ ca₂juá'₂:

—On₃ dsa₂ jme₁le₁rín₃ cu₄ quió'₅ jan₂ dsa₂ i₂tin₂ jme₁dsi₂ cu₄. Jan₂ jme₁rín₂ ca₂jau₅₄ mei₅ 'éi'₃ cu₄ denarios, jan₂ guē'₂ jme₁rín₂ tē₂láu₃-guiá₃. ⁴² Ca₂'én₂ bá₄ guē'₂ dsa₂ juig₅₄ cu₄ dsáu₁ jē₁le₃oin₃ le₂jaun₂, ia₁ tsá₃ guē'₂ qui'₅₄ jmi₂g₄ jáng'₃. Jaun₂ tsá₃ ma₃tion₅₄ ca₂mág₃ cú₁. Jaun₂ né₃, ¿'ein₂ i₂on₃ 'éi₂ i₂'nioi₃ gué₄?

⁴³ Ca₂ηag₃ táng₃ Si₂mu₅₄:

—Dsa₂ i₂jme₁rín₂ gué₄ 'lióng₂, lín₂ jniá₂.

—Dsau₅ bá₄ le₂nē₅ —ca₂ηag₃ Jesús. ⁴⁴ Jaun₂ ca₂jīn₂ táng₃ 'io₅₄, ca₂tsí'₃ táng₃ Si₂mu₅₄:

—¿Jing'₄ dsa₂ mí₂ la₂? Jme₁nē₂'ú₃ dsi₂néi₂ quiáng'₂, tsá₃ jmi₂g₂ nē₂cuē'₅₄ a₂ηí₃ tag₃; la₁ 'io₅₄ la₂ né₃ ma₂nē₂rang₃ tag₃ quian'₅₄ jmi₂g₂ 'ei₅ jme₁ne₁₂, ton'₂ ma₂nē₂chí₃ táng₃ quian'₅₄ ηi₂ dsi₅₄. ⁴⁵ Ján₃ bá₄ le₂jaun₂, tsá₃ nē₂chen'₅₄ quió₃ jme₁guang₁₂. 'Io₅₄ la₂ guē'₂ né₃, ca₂lia'₂ tsá₃ 'na₂ bá₄ caun₂ chen'₂ tag₃. ⁴⁶ Tsá₃ no'₅₄ ma₂nē₂'ág'₂ jua'₅₄ a₂ma₂nē₂tsáng'₃ dsi₃; la₁ 'io₅₄ la₂ guē'₂ né₃, ma₂nē₂'ág₂ no'₅₄ mi₂juig₂ tag₃. ⁴⁷ 'Uig₅₄ nē₅ né₃ juá'₅ jniá₂ ia₁ a₂ηí₄ lē₃ 'lióng₂ dso₄ jme₁rē₂cáin'₄, la₁ ma₂rē₂'én₄, a₂jaun₂ bá₄ lē₃ ηí₄ lē₃ cuē₂₃ léi₄ a₂'nio₃. La₁ jui₁lia'₂ dsa₂ i₂ca₂juig₄ bá₄ dsáu₁ rē₂'én₄, me'₂ bá₄ cuē₂₃ léi₄ a₂'nio₃.

⁴⁸ Jaun₂ gué₄ ca₂juá'₂ ca₂tsí'₃ 'io₅₄:

—Ca₂le₃jé₃ bá₄ dsáu'₂ ma₂rē₂'én₄.

⁴⁹ Ca₂le₃jín₃ gué₄ dsa₂ sián'₂ i₂jme₁tián'₄ ne₄ mesa quaiain'₅₄, ca₂dsia₃ tsí'₅ riin'₅₄:

—¿I₂'ein₂ bá₄ nē₅, ca₂tē₂ dsáu₁ dsa₂ qui₂'éin₂?

⁵⁰ La₁ Jesús né₃, ca₂tsí'₃ dsa₂ mí₂ 'éi₂:

—Ia₁ a₂'éng'₂, ma₂ca₂lóng'₂ né₃. Guan'₂ tei₄ quiáng'₂.

8

*Dsa*₂ mí₂ i₂jme₁i₂nio₄ jme₂'on₅₄ Jesús

¹ Cang₂ jaun₂, ca₂i₁ηi₂ Jesús le₂tan₅₄ juig₂ ca'₅₄, le₂tan₅₄ juig₂ pí'₁ né₃, qui₂i₁jme₁tīn₂₃ dsa₂ jág₁ dse₃ jui₁lia'₂ ja₁gon₂ Diú₄. Jme₁quaiain'₅₄ bá₄ chi'₂ dsi₂guia₃-tín₂. ² Ján₃ guē'₂ jme₁quaiain'₅₄ dsa₂ mí₂ i₂ma₂ca₂'uín'₂ jme₂dsí₂ 'lín'₅₄ quió'₅, i₂ma₂ca₂jme₃'lióin₂ dso₄ a₂jme₁lín₄ né₃. Jín₄ 'éi₂ jme₁ηi₅ jan₂ i₂chen₂ María i₂té'₂ Magdalena,* i₂ma₂'uín'₂ Jesús guion₃ je₂na'₅₄ tē₂dsí₅; ³ ján₃ bá₄ jme₁ηi₅ i₂chen₂ Juana i₂lín₅ dsa₂ mí₂ quián₅ Cuza, dsa₂ i₂niog₅ ne₄ 'e₂ a₂cha₂ quió'₅ Herodes; ján₃ bá₄ jme₁ηi₅ i₂chen₂ Susana; i₂juin₅ bá₄ i₂sián'₂ gué₄ i₂jme₁i₂nio₄ quiong'₅₄, jme₁jme₂'o₅₄ quian'₅₄ 'e₂ a₂cha₂ quió'₅.

* 8:2 o₃, “i₂chan₂ Magdala.”

Jág₁ jáng'₅ léi₄ jui₁lia'₂ dsa₂ i₂séi₂ míg₂ jon₂
(Mateo 13:1-9; Marcos 4:1-9)

⁴ 'Lióng₂ juig₂ ja₁jme₁tón'₅ dsa₂ jui₅ dsi₂léin₂ dsi₂jiin₅₄ Jesús. Jë₁ma₂le₁ñi'₂ dsa₂ juin₅ né₃, jaun₂ ca₂dsia₃ jág₁ jáng'₅ léi₄ la₂, ca₂juá'₂:

⁵ —Jan₂ dsa₂ ca₂ñe₄ ja₁nau₂ ca₂i₁séi₄ míg₂ jon₂. Jme₁ma₂'ein₅₄ séi₂ né₃, a₂lin₅₄ míg₂ i₂ga'₅₄ le₂'i₄ jui₅ qui₂ca₂tsó'₃ dsa₂; i₁tan₅ guë'₂ né₃ ca₂guë'₃ ca₂dsio₄. ⁶ Ca₂dsio₄ guë'₂ né₃ ca₂i₃to'₅₄ jë₄ ni₁cang₁; jme₁ca₂'ia₂, ca₂rë₃quén₃ bá₄ ia₁ tsá₃ gua'₅₄ cha₂ jua'₅₄ a₂güüg'₂. ⁷ Ca₂dsio₄ guë'₂ ca₂séi'₂ jë₄ ni₁taun₅, La₁ ni₁taun₅ bá₄ tiá₂ ca₂jo₃ jme₁ca₂'ia₂. ⁸ La₁ ca₂dsio₄ guë'₂ né₃ ca₂tín₂ ja₁dse₃ gua'₅₄; a₂jaun₂ ca₂i₃cón₃, ca₂rau₂ dse₃ lin₃, caun₂ 'ñiá₂-láu₂ míg₂ lia'₂ ca₂míg₂ jon₂ a₂ca₂séi₂.

Jme₁ma₂lë₅ jme₂tag₂₃ le₂në₅, ca₂juá'₂ tiá₂:

—Chi₂jua'₂ 'ein₂ 'nia'₂ dsi₅₄ rë₂gua₄, nei₂ 'nia'₂ rë₂.

Ta₁ qui'₅ jág₁ a₂jáng'₅ léi₄

(Mateo 13:10-17; Marcos 4:10-12)

⁹ Jaun₂ ca₂ñag₃ chi'₂ dsi₂guia₃-tín₂ 'e₂ bá₄ jein₅ jág₁ a₂cuë₂₃ jaun₂. Jaun₂ ca₂juá'₂ Jesús:

¹⁰ —Diú₄ bá₄ jmo₅ a₂rë₂ñi'₂ 'au'₂ 'nia'₂ jág₁ a₂rë₂'ma₄ quió'₅, 'a₂lia'₂ lé₅ja₁goin₂. La₁ dsa₂ sián'₂ né₃, juíg₂ jniá₂ tē₂le₃ quian'₅₄ jág₁ jáng'₅ léi₄, ia₁jaun₂:

I₂në₂jág₃, la₁ tsá₃ le₃lí'₄ 'e₂ nē₂jág₃;

i₂në₂néi₂ né₃, la₁ tsá₃ le₃lí'₄ 'e₂ nē₂néi₂,

on₃ guë'₂ le₃ñi'₂.†

Juá'₂ Jesús 'e₂ jág₁ dsau₅ jein₅ jág₁ jui₁lia'₂ dsa₂ i₂séi₂ míg₂ jon₂

(Mateo 13:18-23; Marcos 4:13-20)

¹¹ 'A₂la₂ bá₄ jein₅ jág₁ a₂jáng'₅ léi₄: A₂lë₅ co₂'nió'₄ míg₂ jon₂, jág₁ dse₃ quió'₅ bá₄ Diú₄ jaun₂. ¹² Jui₁lia'₂ ca₂dsio₄ míg₂ jon₂ a₂i₃ga'₅₄ le₂'i₄ jui₅ guë'₂ né₃, le₂jaun₂ lín₅ jui₁lia'₂ ca₂dsion₄ dsa₂ i₂nag₅ jág₁ dse₃; la₁ i₂së₃dsen₃ guë'₂ né₃, ja₂ñiá'₃ jág₁ dse₃ jme₁ma₂'i₄ dsí₅, ia₁jaun₂ tsá₃ ma₃le₃'éin₂ jua'₅₄ a₂lióin₂. ¹³ Co₂'nió'₄ míg₂ jon₂ a₂i₃to'₅₄ jë₄ ni₁cang₁ guë'₂ né₃, co₂'nió'₄ lín₅ jui₁lia'₂ dsa₂ i₂guen₅ 'ñio₂ dsí₅ jág₁ dse₃ jë₁ma₂ca₂nág₂. La₁ cang₂ jaun₂ tsá₃ tiá₂ tióin₂; lín₅ nē₂jag₄ bá₄ a₂tsá₃ jmú₄ cha₂ jui₅ jme₂dsí₂ quió'₅. Co₂'na₂ bá₄ rë₂'éin₂, ia₁ jë₁ma₂ca₂i₃ñi₅ 'e₂ caun₂ jui₅bí₂ a₂caun₂ táu₂, dsi₂lein₅ táng₃ le₃ca'₃, tí₂ jág₁. ¹⁴ Co₂'nió'₄ jon₂ a₂ca₂séi'₂ jë₄ ni₁taun₅ guë'₂ né₃, co₂'nió'₄ lín₅ jui₁lia'₂ dsa₂ i₂nag₅ jág₁, la₁ tē₂le₃ ne₄ jui₅ ja₁i₂léin₂ jaun₂, tē₂ ca₂juig₄ bá₄ jme₂gain₂₃ dsí₅ a₂jo₅ bí₂ a₂quian₅ o₂me'₅₄ dsí₅, a₂ja₂ dsí₅ le₃cha₂ cu₄ 'lióng₂, a₂'nio₃ cué'₅ o₂'ñio₃ o₂ñia₃ dsí₅; i₂në₅ né₃ lín₅ co₂'nió'₄ míg₂ a₂tsá₃ ma₃lé₂ rón₃. ¹⁵ La₁ ca₂dsio₄ míg₂ jon₂ a₂ca₂séi'₂ ja₁dse₃ gua'₅₄, co₂'nió'₄ lín₅ jui₁lia'₂ dsa₂ i₂dse₃ dsí₅ i₂caun₂ ne'₅₄, tsán'₂ tiá₂ jág₁ a₂nag₂₃, caun₂ juin'₂ bá₄ dsí₅, 'lióng₂ a₂dse₃ rë₂jniá₂ a₂jmo₂₃ chain₂.

Jág₁ jáng'₅ léi₄ jui₁lia'₂ ni₁tsí₅ chi₁guí'₂ si₂

(Marcos 4:21-25)

¹⁶ 'I₁jan₂ dsa₂ tsá₃ guí'₅ si₂ caun₂ ni₁tsí₅, jua'₅₄ a₂jlé₂ o₃ a₂chi'₂ né₃ tsi₁cama 'e₂. A₂'ag₅ guei'₅₄ bá₄ dsa₂ si₂, ia₁jaun₂ jniá₂ quió'₅ i₂dsi₂ton'₅₄. ¹⁷ Ján₃ bá₄ le₂jaun₂, 'i₁caun₂ a₂rë₂'ma₄ jlë₅ cha₂ jua'₅₄ a₂lín₂ dsa₂ a₂tsá₃ le₃jniá₂; tion₅₄ bá₄ rë₂jniá₂. Ján₃ guë'₂ le₂jaun₂ 'i₁caun₂ jág₁ tsá₃ cha₂ jua'₅₄ lín₂ dsa₂ a₂tsá₃ 'ein₂ le₃ñi₅: tion₅₄ bá₄ rë₂ñi₅ dsa₂.

¹⁸ 'Quion₂ de'₂ 'nia'₂ 'í₁ rë₂ jaun₂, 'a₂lia'₂ lé₅ nag'₂, ia₁ jui₁lia'₂ i₂ma₂ñi'₂, Diú₄ bá₄ jmo₃ a₂le₃ñi'₂ gué₄. La₁ jui₁lia'₂ i₂tsá₃ 'nio₃ le₃ñi'₂ guë'₂ né₃, ca₂të₂ a₂jme₁ma₂ñi'₂, lín₂, ñia'₃.

Chi'₂ rin'₅₄ Jesús, quian'₅₄ chog₅₄

(Mateo 12:46-50; Marcos 3:31-35)

† 8:10 Isaías 6:9.

¹⁹ Jaun₂ ca₂dsi₃lén₂ chi'₂ rin'₅₄ Jesús quian'₅₄ chog₅₄, jme₁'nio₃ jme₁ñi₃ ca₂të₂ ja₁'en₅₄ 'éi₂, la₁ tsá₃ lé₂, ia₁ juin₅ lin₃ dsa₂ tion'₅₄. ²⁰ Jaun₂ jan₂ dsa₂ sián'₂ bá₄ ca₂ñag₃ jág₁ ca₂juá'₂:

—Chog'₂ quian'₅₄ chi'₂ ríng'₂ në₅ tióin₂ ca₁'né₄, 'nio₃ jii₂ 'ne₂.

²¹ Jaun₂ ca₂ñag₃:

—Dsa₂ i₂ñag₅ jág₁ quió'₅ Diú₄, ton'₂ jme₂ti₃, 'éi₂ bá₄ lín₅ cha₃, ríng'₃ në₃.

Ca₂jmo₃ Jesús ca₂'ág₂ tei₄ jmi₁ñí'₄, ca₂jñia'₃ dsí₂ në₃

(Mateo 8:23-27; Marcos 4:35-41)

²² Co₂ráun₂ ca₂'í₃ Jesús caun₂ tsi₁mu₅, jaun₂ ca₂tsí'₃ chi'₂ dsi₂guia₃-tín₂ quiáin₅:

—Ma₃dsau₅₄ quióng₄ le₃ca₂taun₂.

Jaun₂ ca₂i₃lén₂ bá₄. ²³ Të₁lia'₂ tióin'₅₄ 'ain₂₃ jmi₁ñí'₄, la₁ 'éi₂ në₃ ca₂güin₂ bá₄. Të₃jë₄ jaun₂ ca₂'ág₂ dsí₂ tiá₂ lín₃ ne₄ jmi₂g₂. Ca₂rë₃lióg₃ i₃'a₄ jmi₂g₂ 'ñió'₃ tsi₁mu₅, ca₂lia'₂ ma₂lé₂ dsi₃guein'₅₄ bá₄, go'₂ lín₃ tióin'₅₄. ²⁴ Jaun₂ ca₂i₁ñe₂₃ Jesús, ca₂juá'₂:

—¡Të₅! ¡Të₅! ¡Dsi₃'éin₂ jniog₄!

Jaun₂ ca₂nau₂ bá₄ guë'₂ Jesús ca₂të₂ ca₂jéin₂ dsí₂, a₂jná'₅ jmi₂g₂ në₃. Dsi₂juí₅ le₂jaun₂ bá₄ ca₂të₁tsi'₅₄ táng₃ tei₄. ²⁵ Jaun₂ tsí'₅ chi'₂ dsi₂guia₃-tín₂:

—¿'A₂ ñó₅ a₂'én'₂ 'nia'₂?

Ca₂lia'₂ lë₁quian₅ jué'₅ lín₃ bá₄ tióin'₅₄ dsi₂gó'₃ dsí₅, dsia₂₃ tsí'₅ riin'₅₄:

—¿'Ein₂ bá₄ lín₅ dsa₂ në₅, tiin₂ jmo₃ 'éi'₃ tsí'₅ të₂ dsí₂, jmi₂g₂ në₃, ne'₅₄ a₂juá'₂?

Dsa₂ chan₂ Gerasa i₂tion'₅₄ jme₂dsí₂ 'lín'₅₄

(Mateo 8:28-34; Marcos 5:1-20)

²⁶ Jaun₂ guë'₄ ca₂dsi₃lén₂ 'uë₃ Gerasa[‡] a₂ron₅ le₃'ño'₅₄ jmi₂g₂ ja₁ron₅ 'uë₃ Galilea.

²⁷ Jme₁ca₂o₂'ín₃ Jesús a₂të₁tsiin'₅₄ 'uë₃, jaun₂ ca₂jme₃quián₃ jan₂ dsa₂ juig₂ jaun₂ cau₅ quió'₅. Dsa₂ 'éi₂ në₃, líg'₂ bá₄ qui₂ca₂jo₃ jme₂dsí₂ je₂na'₅₄. Líg'₂ bá₄ ñi₂₃ tsá₃ ma₃tsin'₅₄ qui'₅, on₃ guë'₂ ma₃juá'₅₄ a₂guá₅ dsi₂néi₂; tau₂ 'ñio₅ quió'₅ 'lag₄ bá₄ jme₁ma₂guá₅. ²⁸ Jme₁ca₂jii₂ Jesús, jaun₂ ca₂guió'₃ co₂mi'₅₄, ca₂chi₃ñé₃ ne₄ 'éi₂, ca₂juá'₂ tiá₂ lín₃:

—¿'E₂ bá₄ lë₃ ñe'₃ i₃tiáng'₃ jë₄ quián'₂ jniá₂, 'ne₂ Jesús Ja₁ñi'₅₄ Diú₄ i₂guá₅ guei'₅₄ lín₃? Mí₂₃ jniá₂ ne'₅₄, tsá₃ cuë₂ uig₅.

²⁹ Ca₂juá'₂ le₂në₅ ia₁ jme₁ma₂në₂jmo₃ Jesús 'éi'₃ a₂o₃'ín₅ jme₂dsí₂ 'lín'₅₄ quió'₅. 'Lióng₂ ráun₂ bá₄ le₂jñiá₅ jme₁ma₂ca₂jñau'₃ i₂'lín'₅₄. Jaun₂ o₁jñia'₅₄ ma₂qui₂ma₂'néi₂ dsa₂ mi₂gu₂ mi₂tag₅₄ quian'₅₄ ñí₁ cadenas ia₁jaun₂ lé₂ 'í₁, la₁ ca₂le₃jé₃ bá₄ jme₁gág₅. Jme₁'liog'₂ je₂na'₅₄ a₂jme₁dsi₂ñí₃ uíng₂ gua'₅₄ quein₂ ja₁co₂'ñiog₅.

³⁰ Jaun₂ ca₂ñag₃ Jesús:

—¿'A₂ bá₄ lia'₂ cheng'₂?

Jaun₂ ca₂ñag₃:

—Juin₅[§] bá₄ cheng₂.

Le₂në₅ ca₂juá'₂ chein₂ ia₁ a₂juin₅ je₂na'₅₄ i₂jme₁tion'₅₄ quió'₅.

³¹ Jaun₂ jme₂dsí₂ 'éi₂ në₃ qui₂ca₂mi₃ tion₅₄ ne₄ Jesús ia₁jaun₂ tsá₃ guiog'₃ 'éi₂ ca₂të₂ ja₁ca₂jein₃ chi₁dsio₅₄. ³² Jaun₂ jme₁tion'₅₄ juin₅ i₁ñí₅ caun₂ dsi₂con'₂. Jaun₂ ca₂mi₃ jme₂dsí₂ a₂cuë₃ Jesús jmi₂g₄ a₂dsi₃toin'₅₄ quió'₅ i₁ñí₅. Jaun₂ ca₂cuë₃ bá₄ guë'₂ Jesús jmi₂g₄. ³³ Jaun₂ qui₂ca₂'uin₂ bá₄ je₂na'₅₄ quió'₅ dsa₂ 'éi₂; ca₂i₃lén₂ i₃toin'₅₄ quió'₅ i₁ñí₅. Ca₂le₃jín₃ i₁ñí₅ 'éi₂ në₃ ca₂i₁ñioi₁₂ co₂'ei₅ 'lig'₅₄, qui₂ca₂sein'₃ tsag₂ siá₅ ca₂sein'₂ të₂ dsi₂jmi₂g₂. Ja₁jaun₂ ca₂dsain₃ ca₂'in'₃ jmi₂g₂.

³⁴ Jme₁ca₂të₂ ne₄ dsa₂ i₂jme₁jmo₅ 'í₁ i₁ñí₅ 'e₂ ca₂lë₃, ca₂i₃lein₃ ca₂cuíng₃ ca₂i₁dsia₂ jë₄ juig₂, ja₁nau₂ në₃. ³⁵ Jaun₂ ca₂i₁len₅₄ dsa₂ juig₂ i₁jag₅₄ a₂ca₂lë₃ ja₁jaun₂. Jme₁ca₂dsi₃lén₂ ja₁'en₅₄ Jesús, ca₂jii₂ dsa₂ i₂ma₂'uin₂ je₂na'₅₄ të₂dsí₅. Jaun₂ ma₂guá₅ con₂ Jesús ma₂qui'₂ tsin'₅₄, ma₂'en₅₄ bá₄ dsí₅. Jaun₂ ca₂i₃gó'₃ dsí₅ dsa₂ jme₁ca₂jág₂. ³⁶ Dsa₂ i₂ca₂të₂ ne₄ a₂ca₂lë₃

‡ 8:26 A₂lín₅₄ chog₅₄ si₂juá'₂: “Gadara”; a₂siá'₂ guë'₂ në₃, juá'₂: “Gergesa”; ján₃ bá₄ le₂në₅

§ 8:30 griego: legión.

jaun₂, ca₂dsia₃ ca₂tsí'₃ táng₃ i₂ca₂dsi₃lén₂ 'éi₂ 'a₂ lia'₂ ca₂'lón₂ dsa₂ i₂jme₁tion'₅₄ je₂na'₅₄ tē₂dsí₅. ³⁷ Jaun₂ nē₃, ca₂le₃jín₃ bá₄ dsa₂ chan₂ le₃lág'₃ juig₂ 'uē₃ Gerasa ca₂tsí'₃ Jesús a₂o₃'iin₅ ja₁jaun₂, ia₁ 'ñio₅ lin₃ tē₂tsí'₅₄ go₂'i₃ tion'₅₄ dsa₂. Jaun₂ ca₂ñá'₃ bá₄ 'éi₂ ca₂'í₃ táng₃ tsi₁mu₅. ³⁸ Dsa₂ i₂ca₂'uin₂ jme₂dsí₂ je₂na'₅₄ quió'₅ nē₃, jme₁mi₂₃ ne₄ Jesús a₂jme₁dsó₃ quiong'₅₄. La₁ 'éi₂ nē₃ ca₂jmo₃ 'éi'₃ a₂jñia₃ bá₄, ca₂juá'₂:

³⁹ —Guan'₂ bá₄ quiáng'₂, o₂dsia₄ ca₂le₃jé₃ 'e₂ nē₂jmo₃ Diú₄ ja₁cong'₂.

Ca₂ñá'₃ bá₄ guē'₂ dsa₂ 'éi₂ quió'₅, ca₂i₁dsia₂ le₂tan₅₄ jē₄ juig₂ 'e₂ ca₂jmo₃ Jesús quiong'₅₄.

Ja₁míg₄ Jairo, quian'₅₄ 'io₅₄ i₂ca₂ní'₃ tsin'₅₄ Jesús

(Mateo 9:18-26; Marcos 5:21-43)

⁴⁰ Jme₁ca₂dsián'₃ táng₃ Jesús le₃'ño'₅₄ jmi₂g₂, qui₂ca₂guei₃ dsa₂ a₂'ñio₂ dsí₅, ia₁ ca₂le₃jín₃ bá₄ jme₁ma₂le₁jñiog₂₃ tióin'₅₄. ⁴¹ Tē₃jē₄ jaun₂, ca₂dsióg₃ jan₂ dsa₂ i₂chen₂ Jairo, i₂niog₅ gu₂ guá'₅ sinagoga. Dsa₂ 'éi₂ nē₃ ca₂chi₃jné₃ ne₄ Jesús jme₁dsióg₃, ca₂mi₃ tion'₅₄-jan₃ ia₁jaun₂ dsó₃ ja₁quió'₄. ⁴² Ia₁ jme₁chan₂ jan₂ tan₅₄ ja₁míg₄, i₂jme₁ma₂'en₅₄ con'₂ guia₃-tín₂ ñi₂, i₂jme₁ma₂i₁jón₂. Jme₁ma₂'en₅₄ Jesús jui₅ ñó₃ ja₁quió'₄ 'éi₂, juin₅ lin₃ dsa₂ i₂i₃lén₂ quiong'₅₄, lia'₂ qui₂rē₂quín'₅ bá₄ Jesús ñó₃.

⁴³ Jē₄ jaun₂, ñó₃ jan₂ dsa₂ mí₂ i₂dso'₅₄ ma₂guia₃-tín₂ ñi₂ a₂tiin₂,* la₁ ca₂lia'₂ 'i₁jan₂ tsá₃ 'ein₂ ma₂ca₂tió'₃ jme₃'lió₂.

⁴⁴ 'Io₅₄ 'éi₂ nē₃ ca₂jme₃quiáin₃ tē₂le₃ chi₁co'₅₄ quió'₅ Jesús. Jaun₂ ca₂ní'₃ chei'₅₄ tsin'₅₄ 'éi₂. Co₂tan₅₄ dsí₂jui₅ le₂jaun₂ bá₄ ca₂quion₂ jmi₂ 'ain₅₄.

⁴⁵ Jaun₂ ca₂juá'₂ Jesús:

—¿Ein₂ nē₂ní'₃ quió₃?

Ca₂le₃jín₃ bá₄ dsa₂ ñag₂₃ juá'₂ tsá₃ ñi₅.

Jaun₂ ca₂juá'₂ Pe₄:†

—Tē₅, jág'₂ bá₄ 'ne₂ chi₁quí'₅ co₂'liog'₂ dsa₂ ca₂taun₂ ca₂taun₂ ja₂náu₅.

⁴⁶ La₁ caun₂ ca₂juá'₂ bá₄ Jesús:

—Chan₂ i₂nē₂ní'₃ quió₃, ia₁ ca₂rē₃léi₄ jniá₂ o₂'ág₃ bí₂ quió₃.

⁴⁷ 'Io₅₄ nē₃, jme₁ca₂rē₃lí'₄ a₂tsá₃ ma₃lé₂ jua'₅₄ a₂'mai₃, já₃ jlein₂₃, ca₂chi₃jné₃ ne₄ 'éi₂. Tē₃ jág₅ ca₂le₃jín₃ dsa₂ ca₂juá'₂ lia'₂ tí₅ jág₁ 'e₂ 'uig₅₄ ca₂ní'₃ quió'₅ 'éi₂, ton'₂ ca₂jáng'₃ jág₁ dsau₅ a₂ca₂'lón₂ dsí₂jui₅ le₂jaun₂.

⁴⁸ Jaun₂ ca₂juá'₂ Jesús:

—Jón₃, ne₄ ia₁ a₂'éng'₂, ca₂'lóng'₂ bá₄. Guan'₂ tei₄ quiáng'₂.

⁴⁹ Tē₃jē₄ juá'₂ jág₁ jaun₂ jme₁ca₂dsióg₃ jan₂ dsa₂ i₂chen₄ dsi₂néi₂ quió'₅ i₂niog₅ gu₂ guá'₅, ca₂juá'₂:

—Ma₂jon₅ bá₄ chi'₂ quiáng'₂. 'A₃ ma₃cuē'₂ ta₁ Tē₅.

⁵⁰ La₁ ca₂nág₂ bá₄ Jesús, jaun₂ ca₂juá'₂:

—Tsá₃ lē₁jmo₂ 'lia'₂ 'au'₂. Jñia'₅₄ con'₂ 'én₃ bá₄, jaun₂ nē₃ jag'₅₄ i₂'lión₂ bá₄ chi'₂ quiáng'₂.

⁵¹ Jme₁ca₂dsióg₃ dsi₂néi₂, tsá₃ ca₂cuē₃ jmi₂g₄ jua'₅₄ dsi₃ton'₅₄ 'i₁jan₂ i₂sián'₂, jñia'₅₄ lia'₂ Pe₄, Juan₅₄, Jacobo[‡] nē₃, quian'₅₄ jmá'₃ chog₅₄-jmei₂ chi'₂ 'éi₂ bá₄ i₃ton'₅₄. ⁵² Jaun₂ qui'₂-o₅ bá₄ dsa₂ qui'₂ dsí₅ lin₃ tióin'₅₄, o₄quió'₄ chi'₂. Jaun₂ ca₂juá'₂ Jesús:

—Tsá₃ 'au₂ 'nia'₂; on₃jua'₅₄ i₂rē₂jon₅₄ nē₅. Jñia'₅₄ lia'₂ a₂rē₂güin₃ bá₄.

⁵³ La₁ jñia'₅₄ ca₂ñii₂ bá₄ 'éi₂ tióin'₅₄, ia₁ ñi₅ rē₂ bá₄ a₂jme₁ma₂rē₂jon₅₄ dsón'₂ bá₄ chi'₂.

⁵⁴ Jaun₂ ca₂tiin₂ gu₂ chi'₂ 'éi₂, ca₂juá'₂ tiá₂:

—Jón₃, nau₂!

* 8:43 A₂lin₅₄ chog₅₄ si₂ juá'₂ ján₃: “Jme₁ma₂'éin₂ ca₂le₃jé₃ cu₄ a₂jme₁cha₂ quió'₅ quian'₅₄ tē₅mí₅.” † 8:45 A₂lin₅₄ chog₅₄ si₂ juá'₂ ján₃: “Pe₄ quian'₅₄ riin'₅₄.” ‡ 8:51 o₃, Santiago.

⁵⁵ Ca₂gú'₃ táng₃ jme₂dsí₂ quió'₅; dsi₂jui₅ jaun₂ bá₄ ca₂nau₂. Jaun₂ ca₂jmo₃ Jesús 'éi'₃ a₂cuë₃ dsa₂ a₂gué'₃. ⁵⁶ Jaun₂ dsi₂gó'₃ dsí₅ 'ñio₅ lin₃ chog₅₄-jmei₂. La₁ Jesús né₃ ca₂juá'₂ a₂tsá₃ 'ein₂ tsí'₃ 'i₁jan₂ a₂ca₂lë₃ jaun₂.

9

Ca₂chen₃ Jesús chi'₂ dsi₂guia₃-tín₂
(Mateo 10:5-15; Marcos 6:7-13)

¹ Ca₂ñí'₂ Jesús chi'₂ dsi₂guia₃-tín₂ quiáin₅ ca₂cuë₃ jui₅bí₂ a₂'io₃ 'éi'₃ ne₄ quió'₅ ca₂le₃jín₃ jme₂dsí₂ je₂na'₅₄, a₂lé₂ qui₂jme₃'lióin₂ dsa₂ jui₁'e₂ gué₃ dso₄ niog₅ lín₅. ² Ca₂chei₃ a₂dsi₃'é₃ jág₁ jui₁lia'₂ ja₁gon₂ Diú₄, a₂dsi₃jme₁'lioin₅₄ dsa₂ i₂le₁dso'₅₄. ³ Jaun₂ ca₂juá'₂:

—Tsá₃ 'e₂ cán'₁ 'nia'₂ 'i₁caun₂ le₂'i₄ jui₅, on₃ guë'₂ 'ma₂'i₅₄, on₃ guë'₂ tsí₁na'₅₄ on₃ guë'₂ i₁ñí'₄, on₃ guë'₂ cu₄, on₃ guë'₂ tsín'₂ 'nia'₂ síá'₂ cán'₁. ⁴ Le₂caun₂ dsi₂néi₂ ja₁dsi₁nó'₅ 'nia'₂, ja₁jaun₂ jan'₄ 'nia'₂ ca₂lia'₂ ca₂té₂ jmig₄ a₂o₁no₄ táng₃. ⁵ Le₂caun₂ juig₂ ja₁tsá₃ guei₅ dsa₂, co₂dsia₅ 'uin'₂ 'nia'₂ juig₂ jaun₂, séi'₃ 'nia'₂ 'liog₂ tag'₅₄, a₂jmó'₂ léi₄ a₂tsá₃ ma₃'e₂ 'uin'₄ 'nia'₂ quiain'₅₄.

⁶ Jaun₂ qui₂ca₂'uin₂ bá₄ chi'₂ dsi₂guia₃-tín₂, ca₂i₃lén₂ le₂tan₅₄ juig₂ i₁'é₄ jág₁ dse₃, i₁jme₁'lioin₂₃ dsa₂ né₃.

Ca₂jon₃ Juan₅₄ i₂chon₅ dsa₂ jmig₂
(Mateo 14:1-12; Marcos 6:14-29)

⁷ Jaun₂ ca₂rë₃ñi₅ Rag₅₄* Herodes ca₂le₃jé₃ 'e₂ niog₅ lé₂. La₁ tsá₃ caun₂ a₂i₃jio₅ dsí₅, ia₁ dsia₅ i₂lín₅₄, Juan₅₄ bá₄ 'éi₂ ñi₅ a₂ma₂ca₂jein'₅₄ táng₃. ⁸ I₂lín₅₄ guë'₂ dsia₅ a₂ma₂ca₂jme₃ñia₅ Elías; i₂sián'₂ guë'₂ dsia₅ a₂ma₂ca₂jen'₅₄ táng₃ jan₂ i₂jme₁'é₂ jág₁ quián₅ Diú₄ ma₂líg'₂. ⁹ La₁ Rag₅₄ Herodes 'ñiog₅ guë'₂ né₃ juá'₂:

—Jua'₂ jniá₂ 'ñio₃ ca₂jmo₃ 'éi'₃ a₂ca₂quí'₃ dsa₂ dsi₂lag₄ 'éi₂. ¿'Ein₂ guë'₂ në₅, tsá₃ caun₂ jág₁ guion₁₂ a₂jmo₂₃?

Jaun₂ Herodes né₃ jme₁'no'₂ jui₅ a₂jme₃jein'₂.

Ca₂jme₃tan₅₄ Jesús 'ñiá₂ mei₅ dsa₂
(Mateo 14:13-21; Marcos 6:30-44; Juan 6:1-14)

¹⁰ Jme₁ca₂o₃len₃ dsa₂ i₂chen₄ quiáin₅ 'éi₂, jaun₂ ca₂dsia₃ ca₂tsí'₃ Jesús 'e₂ niog₅ ca₂jmo₃ ja₁i₁lein₅₄. Jaun₂ ca₂jio₃ Jesús a₂i₃lén₂ con'₂ guioin₅₄ caun₂ juig₂ ja₁chei₂ Betsaida. ¹¹ La₁ tion₅₄ bá₄ ca₂i₃lén₂ dsa₂ sián'₂ jme₁ca₂rë₃ñi₅; ca₂guei₃ bá₄ guë'₂ Jesús qui₂ca₂jme₃tag₂₃ jág₁ jui₁lia'₂ ja₁gon₂ Diú₄ ca₂jme₃'lióin₂ dsa₂ i₂jme₁le₁dso'₅₄ né₃.

¹² Të₂le₃ ca₂'láu₂ jmig₄ jaun₂, ca₂o₃lén₂ chi'₂ dsi₂guia₃-tín₂ ca₂tsí'₃ Jesús:

—'Ei'₂ jág₁ dsa₂, ia₁jaun₂ dsi₃lein₅ dsi₃'nióg₂ a₂gué'₃, jui₁dsi₂'nio'₂ ja₁jñia₃ le₂con₂ juig₂ pí'₁ ma₂quián₅ në₅, ia₁ tsá₃ 'e₂ cha₂ ja₁láš.

¹³ La₁ Jesús guë'₂ né₃ ca₂juá'₂:

—Cuë'₅₄ 'nia'₂ dsa₂ a₂gué'₃.

Jaun₂ ca₂ñag₃ 'éi₂ táng₃:

—Tsá₃ 'e₂ cha₂ jua'₅₄ a₂le₃cue₅₄ jnia'₅₄ dsa₂, jñia'₅₄ lia'₂ 'ñiá₂ i₁ñí'₄ bá₄ 'i₄; quian'₅₄ on₃ i₁ju₁, jñia'₅₄ lia'₂ në₃ jua'₂ dsi₁liá₄ má₃ con'₂ tñ'₂ gué'₃ ca₂le₃jín₃.

¹⁴ Con'₂ 'ñiá₂ mei₅ dsa₂ 'éi₂ jme₁lé₂, jmá'₃ dsa₂ ñe'₂.

Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂ quiáin₅:

—Chei'₅₄ 'nia'₂ dsa₂ jui₁tian'₄ jui₁jmo₁₂ jma₃të₂lón₃-guián₂ lia'₂ co₂niói'₃.

¹⁵ Jaun₂ ca₂jmo₃ bá₄ guë'₂ 'éi₂ 'éi'₃ a₂tian'₃ dsa₂. ¹⁶ Jaun₂ ca₂tín₂ Jesús ta₁'ñiá₂ i₁ñí'₄, le₃on₃ i₁ju₁ né₃. Ca₂chóg'₃ ne₅₄ jui₅ guei'₅₄ i₂juig₃, ca₂jme₃jñio₃ a₂jaun₂. Jaun₂ gué₄ ca₂'niai₃, ca₂cué'₃ chi'₂ dsi₂guia₃-tín₂. 'Éi₂ guë'₂ né₃ ca₂dsi₃'jín₄ dsa₂. ¹⁷ Ca₂le₃jín₃ bá₄

* 9:7 griego: tetrarca (i₂gon₂ jmo₅ 'éi'₃ 'uë₃ Galilea).

ca₂gué'₃ ca₂lia'₂ ca₂'ág'₃ dsí'₅. Jme₁ca₂lë'₃ jaun₂, guia₃-tín₂ tsi₁mi'₂ tá₁ ca₂cág'₃ dsa₂ jmá'₃ 'nau₅₄ a₂ca₂chóng₃.

Ca₂juá'₂ Pe₄ lia'₂ tí₅ jág₁ a₂lín₅ Jesús I₂rë'₂ín₁ quián₅ Diú₄
(Mateo 16:13-19; Marcos 8:27-29)

¹⁸ Co₂ráun₂ 'en₅₄ Jesús 'ñiog₅ chi₂lén'₂ Diú₄, i₂jme₁quiain'₅₄ bá₄ chi'₂ dsi₂guia₃-tín₂, jaun₂ ca₂ñag₃ Jesús:

—¿'E₂ 'ag₅ dsa₂ jniá'₂? ¿'Ein₂ lín₅ jniá'₂, dsia₅ dsa₂?

¹⁹ Jaun₂ ca₂ñag₃ chi'₂ dsi₂guia₃-tín₂:

—I₂lín₅₄ dsa₂ dsia₅ a₂lín₅ Juan₅₄ i₂chon₅ dsa₂ jmi₂g₂; i₂lín₅₄ guë'₂ dsia₅ a₂lín₅ Elías; i₂lín₅₄ guë'₂ dsia₅ táng₃ a₂lín₅ i₂sián'₂ i₂jme₁'é₂ jág₁ quián₅ Diú₄, a₂ca₂jein'₅₄ táng₃.

²⁰ Jaun₂ ca₂ñag₃ Jesús:

—¿'Nia'₂ guë'₂ né₃? ¿'E₂ guë'₂ juá'₂ 'nia'₂ 'ein₂ lín₅ jniá'₂?

Jaun₂ ca₂ñag₃ Pe₄:

—'Ne₂ lín₅ I₂rë'₂ín₁ quián₅ Diú₄.

'É₂ Jesús jág₁ a₂jóin₂

(Mateo 16:20-28; Marcos 8:30--9:1)

²¹ Jaun₂ ca₂juá'₂ Jesús a₂jmo₃ tei₄, a₂tsá₃ 'ein₂ tsí'₃ jág₁ jaun₂. ²² Jaun₂ ca₂juá'₂ né₃:

—Co₂në₅ 'en₅₄ 'éi'₃ Jaun₅ dsa₂ mi₂güí₃ a₂dsi₃ñí₂ uig₅ 'ñio₅ lín₃; jme₃'iog₅₄ dsi₂gui'₅₄ can'₅₄, lia'₂ juig₅₄ jme₂dsa₂, tē₅juá'₅ né₃. Quin'₃ dsa₂ jág₁ a₂ñag'₃, la₁ jein'₅₄ bá₄ táng₃ a₂'ni₅ jmi₂g₄ jaun₂.

²³ Jaun₂ ca₂tsí'₃ ca₂le₃jín₃:

—Në₁juá'₂ chan₂ i₂'nio₃ jiá₃ chi₁co'₅₄ quió₃, co₂dsia₅ jui₁dsi₂'én₂ dsí'₅ 'ñiog₅, jui₁'ei₅₄ bá₄ caun₂ dsí'₅ ca₂le₃jé₃ jmi₂g₄ o₁jnia'₅₄ ca₂join₃,† jui₁jia₂ chi₁co'₅₄ quió₃. ²⁴ Ia₁ jui₁lia'₂ dsa₂ i₂'nio₃ le₃chan₂ dse₃ mi₂güí₃ la₂, dsi₃'én₂ quió'₅; la₁ jui₁lia'₂ dsa₂ i₂quí'₃ dsí'₅ jui₁dsi₂ñí₂ 'e₂ dsi₃ñí₂ o₄quió₃ jniá'₂, lí'₂, tíin'₄ bá₄. ²⁵ Ia₁ ¿'e₂ bá₄ ta₁ jmo₃ a₂lí'₄ dsa₂ ca₂le₃jé₃ a₂cha₂ ne₄ gua'₅₄ 'uë₃ la₂, në₁juá'₂ dsi₃'éin₂ bá₄ guë'₂? ²⁶ Ia₁ në₁ 'ein₂ gui'₅₄ jén'₅ o₄quió₃ jniá'₂ quian'₅₄ o₄quió'₄ jág₁ quió₃, ján₃ bá₄ le₂jaun₂ le₃gui'₅₄ Jaun₅ dsa₂ mi₂güí₃ 'ag₃ jë₁ma₂té₂ rë₁jñíó'₂ ma₂lín₅ Rag₅₄ jlán'₁ jui₁lia'₂ jlán'₁ Jmei₂, quian'₅₄ ángeles jñíó₅ quián₅. ²⁷ A₂dsi₂jó'₃ juí₂g₂ jniá'₂ 'nia'₂, chan₂ bá₄ 'nia'₂ i₂lín₅₄ i₂tión₂ jë₄ la₂, i₂tsá₃ dsián₃ ca₂lia'₂ ca₂té₂ ne₅₄ bí₂ 'éi'₃ quió'₅ Diú₄.

Ca₂rë₃tsín₃ Jesús lia'₂ jniái₂

(Mateo 17:1-8; Marcos 9:2-8)

²⁸ Con'₂ jnia₃ jmi₂g₄ cang₂ a₂ca₂juá'₂ Jesús le₂në₅, ca₂ñó₃ jui₅ má'₂ i₁chi₂l₁lein'₄ Diú₄, jme₁quiain'₅₄ Pe₄, Jacobo, Juan₅₄ né₃. ²⁹ Të₃jë₄ chi₂lén'₂ Diú₄, ca₂rë₃tsín₃ lia'₂ jniái₂. Tsin'₅₄ né₃ ca₂rë₃tsín₃ ca₂jnia₃ tiog₂ jau₂, ca₂lia'₂ tág₅ 'ñio₅ lín₃. ³⁰ Të₃jë₄ jaun₂, ca₂jnia₃ on₃ dsa₂, dsia₂₃ jág₁ quian'₅₄ Jesús. Moisés quian'₅₄ Elías bá₄ 'éi₂. ³¹ Ca₂lia'₂ co₂tág₅ co₂'né'₅ bá₄ ca₂jniai₃, tíoin₂ dsia₂₃ a₂niog₅ lé₂, 'mú₃ a₂gue₃ jë₄ juig₂ Jerusalén, a₂le₃ti₃ 'éi'₃ a₂'ein₅₄. ³² Të₃ ma₃i₁güín₃ 'ñio₅ lín₃ bá₄ Pe₄ quiain'₅₄ riin'₅₄, ca₂jme₃jnio₅₄ ne₅₄ ca₂jñin₂ Jesús jniái₂ co₂tág₅ quian'₅₄ dsa₂ on₃ i₂quiain'₅₄. ³³ Jme₁ma₂i₂uín₃ dsa₂ 'éi₂ cau₅ quió'₅, jaun₂ ca₂juá'₂ Pe₄ ca₂tsí'₃ Jesús:

—Të₅, j'e₂ gué₄ dse₃ lia'₂ tio'₅₄ jniog₄ ja₁lá₃! Në₃ o₁jmo₁ 'ni₅ tsi₁'io₅ láu₃: caun₂ quiáng'₂, caun₂ quió'₅ Moisés, caun₂ guë'₂ quió'₅ Elías në₃.

La₁ a₂lë₁ca₂juá'₂ bá₄ Pe₄, on₃juá'₅₄ jaun₂ lí'₄ a₂të₂'i₂₃ le₂jaun₂.

³⁴ Të₃ dsia₂₃ jág₁ le₂jaun₂, jme₁gua₃ jnei₅ ca₂jliin₃, jaun₂ gué₄ ca₂ja₃gó'₃ tioin'₅₄ jme₁ca₂i₃'én₂ 'éi₂ jë₄ jnei₅. ³⁵ Jë₄ jnei₅ jaun₂ ca₂né'₂ jág₁, ca₂juá'₂:

† 9:23 lit. "jui₁quian₅₄ cróg₄ quió'₅ ca₂le₃jé₃ jmi₂g₄."

—I₂la₂ bá₄ jón₃ I₂rē₂ 'ín₁ quiáng₃. Nei₂ 'nia'₂ jág₁ quió'₅.

³⁶ Jme₁ma₂nē₂néi₂ jág₁ jaun₂, jua'₂ 'ñiog₅ bá₄ Jesús ma₂chéin'₅ jme₁ca₂jág₃. La₁ jmi₄g₄ jaun₂, tei₄ bá₄ ca₂jmo₃ tsá₃ 'ein₂ ca₂tsí'₃ 'i₁jan₂ a₂ca₂té₂ ne₅₄ jaun₂.

Ca₂jme₃ 'lión₂ Jesús jan₂ chi'₂ i₂jme₁ 'en₅₄ jme₂dsí₂ 'lín'₅₄

(Mateo 17:14-21; Marcos 9:14-29)

³⁷ Jme₁jnia₃, ca₂sióin₃ táng₃ má'₂ jaun₂, con'₂ gué'₂ juin₅ lín₃ dsa₂ ca₂jme₃jein'₂. ³⁸ Tē₃ jin₄ dsa₂ jaun₂, ca₂juá'₂ tiá₂ jan₂ dsa₂ ca₂tsí'₃ Jesús:

—Tē₅, jmo₄ dse₃ 'au'₂, jin₄ co₂nio₄ chi'₂ quiáng₃, i₂jan₂ la₂ bá₄ la₂ quiáng₃ chan₂.

³⁹ Jme₂dsí₂ 'lín'₅₄ bá₄ i₂co₂jmo₃g'₂ guió'₅ co₂tiá₂ jén'₅ dso₄ 'ei₂, qui₂'ué'₅ jan₅ mi₂'o₅₄. I₂ 'lín'₅₄ né₃, jmóg'₂, ca₂lia'₂ jaun₂ gué'₄ téi₂ ca₂lia'₂ ma₂jén'₃ uig₅ 'ñio₅ lín₃. ⁴⁰ Jme₁ma₂nē₂juíg₂ chi'₂ dsi₂guia₃-tín₂ quiáng'₂ a₂jme₁dsei₂₃, la₁ tsá₃ ca₂tió'₃.

⁴¹ Jaun₂ ca₂juá'₂ Jesús:

—i'En₁ jmá'₃ 'nia'₂ dsa₂ chan₂ jmi₄g₄ nē₃ tsá₃ 'e₂ 'éng'₂! ¿Je₂liá'₂ jmi₄g₄ jmá'₃ 'nió'₅ jmo₅₄ tió'₅ dsi₃ jin'₄ 'nia'₂? ñi₅₄ chi'₂ quiáng'₂ le₃la₂.

⁴² La₁ jme₁ma₂ñó₅ chi'₂ le₃ne₄ Jesús, i₃'ín₃ táng₃ ca₂tón₂ jme₂dsí₂ je₂na'₅₄ qui₂ca₂ba₂lág'₂. La₁ dsi₂jui₅ le₂jaun₂ ca₂jí₂ Jesús ca₂jéin₂ i₂'lín'₅₄, ca₂jme₃'lióin₂ chi'₂. Jaun₂ ca₂jáng'₂ ne₄ jmei₂.

⁴³ A₂jaun₂ né₃, ca₂i₃gó'₃ dsí₅ ca₂le₃jin₃ 'a₂ lia'₂ juin'₂ Diú₄.

Ca₂'é₂ táng₃ Jesús jág₁ a₂jóin₂

(Mateo 17:22-23; Marcos 9:30-32)

Tē₃ tion'₅₄ dsa₂ dsi₂gó'₃ dsí₅ a₂jmo₅ Jesús, jaun₂ ca₂juá'₂ ca₂tsí'₃ dsa₂ guia₃-tín₂ quiáin₅:

⁴⁴ —Rē₂ nei₂ 'nia'₂ jág₁ quió'₃ la₂: ñi'₅₄ ta₁ ja₁dsau₅₄ nē₅, jáng'₂ dsa₂ quió'₅ Jaun₅ dsa₂ mi₂güig₃ o₄gú₃ dsa₂.

⁴⁵ La₁ jág₁ jaun₂ né₃, tsá₃ ca₂ñí'₂ dsí₅ chi'₂ dsi₂guia₃-tín₂, ia₁ tsá₃ jme₁ma₂'i₄ 'éi'₃ a₂le₃ñí'₂. Jaun₂ tsá₃ ca₂tiá₂ dsí₅ a₂ñí'₃ Jesús 'e₂ 'nio₃ juá'₂ quian'₅₄ jág₁ jaun₂.

¿'Ein₂ lín₅ i₂dsen₅₄ gué'₄?

(Mateo 18:1-5; Marcos 9:33-37)

⁴⁶ Jaun₂ ca₂tsín₂ chi'₂ dsi₂guia₃-tín₂ con'₂ guioin₅₄, ne₄ jui₁lia'₂ 'ein₂ i₂lén₂ i₂dsen₅₄ gué'₄ jē₄ quió'₅. ⁴⁷ La₁ jme₁ca₂rē₃lí'₄ Jesús 'e₂ a₂dsia₂₃, jaun₂ ca₂cain₃ jan₂ guein₂ ca₂dsiog₃ cau₅ quió'₅. ⁴⁸ Jaun₂ ca₂juá'₂:

—Jui₁lia'₂ dsa₂ i₂guen₅ guein₂ la₂ o₄quió₃ jniá₂, guei₂₃ jniá₂; jui₁lia'₂ dsa₂ i₂guei₅ jniá₂, ján₃ gué'₂ guein₂₃ i₂ca₂chei₃. Ia₁ jui₁lia'₂ i₂jmo₅ me'₂ gué'₄ jē₄ ca₂le₃jin₃ 'nia'₂, i₂'éi₂ bá₄ i₂lín₅ i₂dsen₅₄ gué'₄.

I₂tsá₃ 'iog₅₄ jniog₄, i₂quian'₅₄ jniog₄ bá₄ 'éi₂

(Marcos 9:38-40)

⁴⁹ Jaun₂ né₃ ca₂juá'₂ Juan₅₄:

—Tē₅, ma₂jin₄ jnia'₅₄ jan₂ dsa₂ 'uín'₂ jme₂dsí₂ je₂na'₅₄ quian'₅₄ bí₂ 'éi'₃ a₂'ó'₅ 'ne₂. Tsá₃ ma₃ca₂cuē₅₄ jnia'₅₄ jmi₄g₄, ia₁ tsá₃ gué'₂ ñi₂₃ quian'₅₄ jniog₄.

⁵⁰ La₁ Jesús né₃ ca₂juá'₂:

—Tsá₃ jmó'₂ 'nia'₂ le₂jaun₂ a₂jni₄g'₅₄. Ia₁ jui₁lia'₂ dsa₂ i₂tsá₃ 'iog₅₄, tē₂le₃ quián₂ jniog₄ bá₄ tión₂ i₂le₂'éi₂.

I₃jen₅₄ Jacobo quian'₅₄ Juan₅₄ ca₂jí₂ Jesús

⁵¹ Jme₁ma₂ja₂quián₃ tē₅₄ jmi₄g₄ a₂dsán'₃ táng₃ Jesús guei'₅₄ i₂juíg₃, ca₂'ág₂ caun₂ dsí₅ ca₂'í₃ jui₅ a₂dsióg₄ Jerusalén. ⁵² Ca₂chein₃ dsa₂ i₃lén₂ ne₄ jui₅ i₃jmó₂ co₂jnia₅₄ ja₁jnia₃ caun₂ juig₂ pí'₁ niog₅ 'uē₃ Samaria. ⁵³ La₁ tsá₃ ca₂guen₃ dsa₂ Jesús ja₁jaun₂, ia₁ ca₂rē₃lí'₄ a₂'ein₅₄ jui₅ ñó₅ jui₅ Jerusalén bá₄. ⁵⁴ Jaun₂ né₃, jme₁ca₂rē₃ñi₅ Jacobo quian'₅₄ Juan₅₄ a₂tsá₃ guei₅ dsa₂, jaun₂ ca₂juá'₂:

—Te₁gui'₅₄, tsa₁ dse₃ jmó₁ jniog₄ 'éi'₃ a₂sió₃ si₂ guei'₅₄ i₂juíg₃ ia₁jaun₂ 'én₂ juig₂ la₂?[‡]

⁵⁵ Jaun₂ ca₂jén'₃ Jesús ca₂jí₂.[§]

⁵⁶ Jaun₂ ca₂i₃lén₂ bá₄ táng₃ juig₂ siá'₂.

Dsa₂ i₂jme₁'nio₃ jme₃quian'₅₄ Jesús

(Mateo 8:19-22)

⁵⁷ Ja₁i₃lén₂ jaun₂, ca₂juá'₂ jan₂ dsa₂:

—Te₁gui'₅₄, 'nio₃ jniá₂ jme₁quion₁ 'ne₂ le₂con₂ ja₁gog'₅₄.

⁵⁸ Jaun₂ ca₂ḡag₃ táng₃ Jesús:

—Jui₁lia'₂ i₁güi₅, i₂'io₅ to₄ bá₄ 'éi₂; já₃ bá₄ le₂jaun₂ jui₁lia'₂ i₁tan₅ i₂i₂nio₄ guei'₅₄, tio'₅₄ tsag₄ bá₄ 'éi₂ já₃. La₁ Jaun₅ dsa₂ mi₂güig₃ né₃ tsá₃ ja₁cha₂ quió'₅, jua'₅₄ ja₁lé₂ le₃jnia₃.

⁵⁹ Jaun₂ ca₂tsí'₃ i₂sián'₂:

—ḡia₅ quian'₅₄ jniá₂.

La₁ ca₂ḡag₃ 'éi₂:

—Te₁gui'₅₄, * jui₁i₁'óng₃ de'₂ ḡe'₃.

⁶⁰ Jaun₂ ca₂ḡag₃ táng₃ Jesús:

—Jui₁dsi₂'ón₃ 'lag₄, 'lag₄ riin'₅₄. La₁ 'ne₂, juíg₂ jniá₂, gua₂ o₂'é₃ já₃ jui₁lia'₂ 'a₂ lia'₂ lé₅ ja₁gon₂ Diú₄.

⁶¹ Jaun₂ ca₂juá'₂ táng₃ jan₂:

—Te₁gui'₅₄, 'nio₃ jniá₂ nei₅₄ quian'₅₄ 'ne₂, la₁ jui₁i₁'éi'₃ de'₂ já₃ i₂chan₂ quió₃.

⁶² La₁ Jesús né₃ ca₂juá'₂:

—Dsa₂ i₂ma₂ně₂'éi₂ caun₂ dsí₅ a₂jme₃quiong'₅₄, ně₁jua'₂ ca₂'ág₂ caun₂-tín₃ dsí₅, liin₅ lia'₂ lín₅ jan₂ i₂jme₂lióg₃ quiá'₂ 'uě₃, jén'₅ le₃ca'₃. Tsá₃ ta₁ tén₄ dsa₂ i₂le₂'éi₂ le₃ja₁gon₂ Diú₄.

10

Chen₅ Jesús 'nag'₂ ne₂guión₂ rě₂dsí₂ guian₃ dsa₂

¹ Cang₂ jaun₂ ca₂quión'₂ Te₁gui'₅₄ 'nag'₂ ne₂guión₂ rě₂dsí₂ guian₃ (70) dsa₂ sián'₂.^{*} Jaun₂ qui₂ca₂chein₃ jma₃on₃ jma₃on₃ 'éi₂ i₃lén₂ ne₄ jui₅ quió'₅, ca₂le₃jé₃ juig₂ ja₁'ein₅₄ jui₅ dsióg₄.

² Ca₂tsí'₃ 'éi₂:

—Jui₅ lín₃ bá₄ dsa₂ 'nio₃ gue₃ já₃ quió'₅ Diú₄; lé₅ ně₂jag₄ bá₄ 'lióng₂ lín₃ a₂ca₂rau₂, la₁ dsa₂ i₂jmo₃ ta₁ bá₄ tsá₃ jui₅ chan₂. Jaun₂ lě₃, mi₄ 'nia'₂ chei'₅₄ juig₅₄ ja₁nau₂ jui₁chein₁₂ dsa₂ i₂jmo₃ ta₁ cág'₃. ³ Jag₄ 'nia'₂ jaun₂, 'nia'₂ tsín₂ jniá₂ o₁nóg'₅ líng'₅ co₂'nió'₄ guein₂ já'₂ cha'₂ jin₄ dsig₂ náu₂. ⁴ Tsá₃ tsí₁na'₅₄ cán'₁ 'nia'₂, on₃ guě'₂ lau₂ tó'₅ cu₄, on₃ guě'₂ lau₂ ton₅ tag'₄ 'nia'₂ siá'₂ cán'₁. Tsá₃ jme₁'ag'₄ 'nia'₂ le₂'i₄ jui₅ jua'₅₄ a₂dsiá'₁ 'nia'₂ já₃ uě₂ quian'₅₄ dsa₂. ⁵ Jě₁ma₂tě₂ rě₁tón'₂ 'nia'₂ dsi₂néi₂ quió'₅ dsa₂ ja₁jan'₄, cui₅₄ de'₂ 'nia'₂ dsa₂ Diú₄ juig'₅₄ le₂la₂: “Jui₁'ei₅ bá₄ tei₄ tion'₄ 'nia'₂ dsi₂néi₂ la₂.” ⁶ Chi₂jua'₂ dsa₂ i₂quió'₅ dsi₂néi₂ jaun₂ 'ua₁ bá₄ dsí₅, tě₃'ḡiá₄ bá₄ já₃ a₂'ei₅ tei₄ quián'₂ 'nia'₂ ja₁coin₂. La₁ ně₁jua'₂ tsá₃ le₂jaun₂, tě₃'ḡiá₄ bá₄ táng₃ ja₁con'₂ 'nia'₂ guiong'₅₄ já₃ a₂'ei₅ tei₄ jaun₂. ⁷ Caun₂ bá₄ ja₁o₁jnia'₄ 'nia'₂, qué'₂, 'én'₂ 'nia'₂ 'e₂ caun₂ a₂niog₅ cuě₅ dsa₂; ia₁ a₂co₂jaun₂ ca₂tín₂ bá₄ dsa₂ 'liain'₅₄ ta₁ quió'₅. Jaun₂ tsá₃ i₁nio'₄ 'nia'₂ le₂'í₁ 'né₅. ⁸ Jě₁ma₂dsi₃nóg'₅ le₂caun₂ juig₂ ja₁guei₅ dsa₂, qué'₂ 'nia'₂ jui₁'e₂ guě₃ a₂cuě₅ dsa₂. ⁹ Jme₁'lion₅₄ 'nia'₂ dsa₂ dso'₅₄ i₂chan₂ ja₁jaun₂, chei'₅₄: “Ma₂ja₂quián₃ bí₂ 'éi₂ quió'₅ Diú₄ ja₁con'₂ 'nia'₂.” ¹⁰ La₁ ně₁jua'₂ ca₂dsi₃nó'₅ 'nia'₂ caun₂ juig₂ ja₁tsá₃ guei₅ dsa₂, 'uin'₂ 'nia'₂ jě₄ calles, chei'₅₄. ¹¹ “Le₂jio₅ 'liog₂ te₁'i₁ go'₄ 'nia'₂, a₂qui₂ca₂quen'₂ tag₄ jnia'₅₄, la₂ séi'₄ jnia'₅₄, a₂jmó₁ léi₄ tsá₃ ma₃'e₂

[‡] 9:54 A₂lín₅₄ chog₅₄ si₂ juá'₂ já₃: “jui₁lia'₂ ca₂jmo₃ Elías.” [§] 9:55 A₂lín₅₄ chog₅₄ si₂ juá'₂ já₃: “ca₂juá'₂: —Tsá₃ len'₅₄ 'nia'₂ guiong'₅₄ 'ein₂ jme₂dsí₂ ca₂jo₃ 'nia'₂. Ia₁ tsá₃ ta₁ jaun₂ já₅ Jaun₅ dsa₂ mi₂güig₃ a₂'éi₂ dsa₂, tě₂le₃ a₂lió₂ bá₄.” ^{*} 9:59 A₂lín₅₄ chog₅₄ si₂ tsá₃ chi₁ton₅ já₃ “Te₁gui'₅₄.” ^{*} 10:1 A₂lín₅₄ chog₅₄ si₂ chi₁ton₅ “nag'₂ ne₂guión₂ rě₂dsí₂ guian₃-tín₂ (72) dsa₂ sián'₂.”

'uag₄ jnia'₅₄ quian'₅₄ 'nia'₂. La₁ dsá₂ 'au'₂ 'nia'₂ jmo₄, ma₂ja₂quián₃ bí₂ 'éi'₃ quió'₅ Diú₄ ja₁cong'₂.”¹² Juá'₅ jniá₂ juíg₂ 'nia'₂, 'ñio₅ lín₃ gué₄ uig₅ a₂'é₂ Diú₄ jmig₄ jaun₂ ja₁con₂ dsa₂ 'éi₂, lia'₂ con'₂ gué₄ dsa₂ juig₂ Sodoma.

Juig₂ ja₁tsá₃ ne'₅₄ dsa₂

(Mateo 11:20-24)

¹³ 'i'E₂ gué₄ juíg'₂ 'nia'₂ dsa₂ juig₂ Corazín! 'i'E₂ gué₄ juíg'₂ 'nia'₂ dsa₂ juig₂ Betsaida! Ia₁ jua'₅₄ mei'₂ gué₃ ca₂le₃jín₃ dsa₂ chan₂ Tiro quian'₅₄ Sidón ca₂té₂ ne₅₄ jui₁lia'₂ jui₅bí₂ jué'₂ a₂niog₅ lé₂ jé₄ quián'₂ 'nia'₂ jmig₄ nē₃, líg'₂ bá₄ tsá₃ ma₂quí'₂ 'mi'₂ taun₅ jme₁tiain'₃ jé₄ jua₂ nē₃, jme₁jmo₃ léi₄ a₂ca₂dsi₃quén'₅ dsí₅.¹⁴ La₁ jē₁ma₂té₂ rē₁qui₃dsi₅ Diú₄ 'éi'₃, 'ñio₅ lín₃ gué₄ 'ñio₅ uig₅ guéi'₁ 'nia'₂ con'₂ gué₄ uig₅ a₂ca₂gue₃ dsa₂ i₂chan₂ Tiro quian'₅₄ Sidón.¹⁵ 'Ne₂ gué'₂ juig₂ Capernaum, ¿a₁rong'₂ ñei₅ të₂ guei'₅₄ i₂juíg₃, líng'₂? 'En₁ bá₄ 'ne₂ sióng'₃ ca₂té₂ ja₁ca₂tín₂ 'lag₄.†

¹⁶ 'Dsa₂ i₂nag₅ jág₁ quián'₂ 'nia'₂, jág₁ quió₃ jniá₂ bá₄ nag₂₃. Dsa₂ i₂tsá₃ guen₅ 'nia'₂, jniá₂ bá₄ a₂tsá₃ guei₂₃. I₂tsá₃ guei₅ jniá₂, ján₃ bá₄ le₂jaun₂ tsá₃ guein₂₃ i₂ca₂chei₃ jniá₂.

Ca₂dsi₃len₃ táng₃ i₂'nag'₂ ne₂guión₂ rē₂dsí₂ guian₃

¹⁷ Ca₂o₃len₃ táng₃ 'io'₂ jén'₅ ta₁'nag'₂ ne₂guión₂ rē₂dsí₂ guian₃ (70)‡ dsa₂ 'éi₂, jaun₂ dsia₂₃, juá'₂:

—Te₁gui'₅₄, ca₂lia'₂ jiog₅ je₂na'₅₄ bá₄ nag₅ gau₂ jág₁ quián₂ jnia'₅₄ jē₁ma₂ca₂'ín₂ jnia'₅₄ 'ne₂.

¹⁸ Jaun₂ ca₂ñag₃ Jesús:

—Ján₅. Ma₁ jág₅ bá₄ jniá₂ jme₁ca₂tán'₂ Satanás guei'₅₄ i₂juíg₃ lia'₂ ja₁ta'₂ caun₂ si₁ñí'₃.§

¹⁹ 'Éi'₃ jaun₂ bá₄ ma₂cué₃ jniá₂ 'nia'₂ a₂'ó'₅ 'nia'₂ bí₂ 'éi'₃ a₂lé₂ le₃qui₁tsong'₅₄ dsí₂mi'₂, i₁'né₅ nē₃, a₂tiang'₃ ne₄ ca₂le₃jé₃ jui₅bí₂ a₂gu₂dsí₂ i₂'io'₅₄, ca₂lia'₂ jñia'₅₄ tsá₃ 'e₂ jén'₄ 'nia'₂ guiong'₅₄.²⁰ La₁ tsá₃ jmo₂ 'nia'₂ 'io'₂ ia₁ a₂nag₅ gau₂ jme₂dsí₂ 'lín'₅₄ jág₁ quián'₂ 'nia'₂. A₂jaun₂ bá₄ jmo₄ 'nia'₂ 'io'₂ ia₁ a₂ma₂le₁tong'₂ ne₄ si₂ guei'₅₄ i₂juíg₃.

Jmei₂ quian'₅₄ Ja₁ñi'₅₄

(Mateo 11:25-27; 13:16-17)

²¹ Hora jaun₂, ca₂jmo₃ Jme₂dsí₂ Jñiós a₂'io'₂ jén'₅ lín₃ Jesús, jaun₂ ca₂juá'₂:

—Jme₂juín'₁ jniá₂ 'ne₂, Tia₅₄, Juig₅₄ guei'₅₄ i₂juíg₃, gua'₅₄ 'uē₃ nē₃, ia₁ ma₂ca₂'ma'₅₄ a₂nē₅ ja₁con₂ dsa₂ i₂ñí₄ tín₂ si₂, i₂ñí'₂ dsí₅ nē₃, a₂ma₂ca₂jme₁jniag'₂ le₃ja₁con₂ dsa₂ i₂lín₅ lia'₂ lín₅ guein₂ i₂tsá₃ 'e₂ cuí'₅. Dsón'₂ bá₄ jaun₂, Tia₅₄ quiáng₃, ia₁ le₂nē₅ 'ñio₂ 'au'₂.

²² Jaun₂ ca₂jén'₃ Jesús, ca₂juá'₂:*

—Ñe'₃ jniá₂ ma₂dsia₃ o₄gu₃ ca₂le₃jé₃. Jaun₂ 'i₁jan₂ tsá₃ 'ein₂ cuín₅ 'ein₂ 'éi₂ i₂lín₅ Ja₁ñi'₅₄, jñia'₅₄ lia'₂ 'ñiog₅ bá₄ Jmei₂. Ján₃ gué'₂ le₂jaun₂, 'i₁jan₂ tsá₃ 'ein₂ cuín₅ 'ein₂ 'éi₂ lín₅ Jmei₂, jñia'₅₄ lia'₂ Ja₁ñi'₅₄ bá₄ i₂cuig₅, jaun₂ jme₂jniog₂₃ ne₄ dsa₂ i₂'ñio₂ dsí₅ Ja₁ñi'₅₄ jme₂jniog₂₃.

²³ Jaun₂ ca₂jén'₃, ca₂tsí'₃ jmá'₃ chi'₂ dsi₂guia₃-tín₂ guoin₅₄:

—'E₂ gué₄ dsen₃ dsa₂ i₂tē₅ ne₄ jui₁lia'₂ a₂niog₅ jág'₂ 'nia'₂,²⁴ ia₁ a₂dsi₂jó'₃ juá'₅ jniá₂, juín₅ rag₅₄ ma₂líg'₂, lia'₂ dsa₂ i₂jme₁'é₂ jág₁ quián₅ Diú₄ nē₃, jme₁'ín₅ dsí₅ jme₁tē₃ ne₅₄ jui₁lia'₂ a₂niog₅ të₅ ne'₅₄ 'nia'₂ rē₂nē₃, la₁ tsá₃ ca₂jág₃. Ján₃ bá₄ jme₁'ín₅ dsí₅ nag₃ jui₁lia'₂ a₂niog₅ nag'₂ 'nia'₂ jmig₄ nē₃, la₁ tsá₃ ca₂nág₂.

Jág₁ jáng'₅ léi₄: a₂dse₃ ca₂jmo₃ jan₂ dsa₂ chan₂ Samaria

²⁵ Co₂ráun₂ ca₂nau₂ jan₂ të₅juá'₅, a₂jñia'₅₄ con'₂ cáun₂ táu₂ bá₄ ca₂ñag₃:

—Tē₅, ¿'e₂ 'nió'₅ jmo₅₄ jniá₂, ia₁jaun₂ ting₅₄ ja₁le₃chang₂ co₂tan₅₄?

† 10:15 griego: hades, co₂'nió'₄ a₂juá'₂, ja₁quió'₄ 'lag₄. ‡ 10:17 A₂lín₅₄ chog₅₄ si₂ chi₁ton₅ “ta₁'nag'₂ ne₂guión₂ rē₂dsí₂ guia₃-tín₂ (72).” § 10:18 'Nio'₂ ja₁ton₅ Isaías 14:12-15; Apocalipsis 9:1; 12:9. * 10:22 A₂lín₅₄ chog₅₄ si₂ tsá₃ chi₁ton₅ “jaun₂ ca₂jén'₃ Jesús, ca₂juá'₂.”

²⁶ Jaun₂ ca₂ŋag₃ Jesús:

—ǵ'E₂ 'éi'₃ tio'₅₄ ne₄ Si₂ guë'₂? ǵ'A₂ lia'₂ ŋí'₂ 'au'₂ a₂'i'₂?

²⁷ Jaun₂ ca₂ŋag₃ táng₃ tësjuá'₅ 'éi₂:

—“Jme'₁nió'₄ Te₁gui'₅₄ Diú₄ quiáng'₂ ca₂le₃jé'₃ 'au'₂, ca₂le₃jé'₃ jme₂dsí₂, ca₂le₃jé'₃ jui₅bí₂, quian'₅₄ ca₂le₃jé'₃ a₂ŋí'₂ dsei'₂ né₃;† ján₃ guë'₂ le₂jaun₂ jme'₁nió'₄ dsa₂ mi₂güüg₃ ríng'₂ jui₁lia'₂ 'nióg'₃ 'ŋiag'₂.”‡

²⁸ Jaun₂ ca₂ŋag₃ táng₃ Jesús:

—Dse₃ lín₃ bá₄ nē₂ŋag'₅₄. Nē₁jua'₂ ca₂jmo'₅₄ le₂nē₅, léng'₂ bá₄ ja₁le₃chang'₂ co₂tan₅₄.

²⁹ La₁ të₅ 'éi₂ jme'₁nio₃ chein'₃ dse₃, jaun₂ ca₂tsí'₃ Jesús:

—ǵ'E_{in₂} 'éi₂ dsa₂ mi₂güüg₃ ríng'₃?

³⁰ Jaun₂ ca₂ŋag₃ Jesús ma₂tē₂chan'₂ jág₁ jaun₂, ca₂juá'₂:

—Jan₂ dsa₂ jme'₁en₅₄ jui₅ o₂'íin₃ Jerusalén ca₂sióin₃ a₂dsióg₄ juig₂ Jericó. Dsa₂ 'ang₂ bá₄ ca₂jo₃ ca₂chei'₃ líin₃, ca₂cuë₃ dsa₂ 'ŋio₅ lín₃ ŋjia'₅₄ mei'₂ tsá₃ ca₂ŋag'₃. Jaun₂ gué'₄ ca₂i₃lein₅. ³¹ Jē₂ lia'₂ jui₅ jaun₂ 'en₅₄ jui₅ já₅ jan₂ jme₂dsa₂. La₁ con'₂ ca₂quiá₂ cau₅ bá₄ ca₂ŋi₅ jme₁ca₂jág₂. ³² Ján₃ bá₄ ca₂já₃ táng₃ jan₂ dsa₂ i₂lín₅ tsi₁jon₂ Leví, con'₂ ca₂quiá₂ cau₅ bá₄ ján₃, ca₂ŋi₅. ³³ La₁ jan₂ dsa₂ i₂chan₂ Samaria 'ein₅₄ jui₅, ca₂dsióg₃ ja₁ron₅ dsa₂ dso'₅₄, ca₂tá'₂ ŋéi₂ dsí₅ jme₁ca₂jág₂. ³⁴ Jaun₂ ca₂jme₃quiáin₃ cau₅ quió'₅, ca₂'ág₂ aceite quian'₅₄ vino ja₁rē₂cuí'₃, ca₂lio₃. Jaun₂ ca₂tág₃ co₁lag₁ bú'₄ quiáin₅, ca₂jio₃ caun₂ 'né₅ ja₁ŋjia₅ dsa₂. Ja₁jaun₂ ca₂jmo₃ 'í₁. ³⁵ Jme₁ŋjia₃ jaun₂, ca₂dsi₂ tin₃ cu₄ 'ua'₂ ca₂cué'₃ dsa₂ juig₅₄ dsi₂néi₂, ca₂juá'₂: “Jmo₄ co₂nio₄ 'í₁ dsa₂ nē₅, Nē₁jua'₂ 'e₂ ca₂'éng'₃ gué'₄ quiáng'₂, la₂ bá₄ jáng'₄ jē₁ma₂guióng'₃.” Nē₃ né₃ jaun₂. ³⁶ ǵ'E_{in₂} dsa₂ i₂ún₂ 'éi₂ líng'₂ ca₂jmo₃ dsí₅ a₂lín₅ dsa₂ mi₂güüg₃ rin'₅₄ dsa₂ i₂ca₂jmá'₂ dsa₂ 'ang₂?

³⁷ Jaun₂ ca₂ŋag₃ táng₃ tësjuá'₅:

—I₂ca₂tá'₂ ŋéi₂ dsí₅ dsa₂ 'éi₂.

Jaun₂ ca₂ŋag₃ táng₃ Jesús:

—Guan'₂, le₂nē₅ jmo₄ 'ne₂ ján₃.

Ca₂dsióg₃ Jesús dsi₂néi₂ quió'₅ Marta quian'₅₄ María

³⁸ Con'₂ tioin'₅₄ jui₅, ca₂'í₃ Jesús caun₂ juig₂ pí₁. Ja₁jaun₂ ca₂guei₃ jan₂ dsa₂ mí₂ i₂chen₂ Marta dsi₂néi₂ quió'₅. ³⁹ 'Éi₂ né₃ jme₁chan₂ jan₂ riin'₅₄ i₂chen₂ María. 'Éi₂ né₃ tei₄ bá₄ ca₂guá'₂ cau₅ mi₂tag₄ Te₁gui'₅₄, nag₂₃ jág₁ a₂juá'₂ 'éi₂. ⁴⁰ Marta guë'₂ né₃ 'ein₅₄ tsá₃ rē₂jīin₅₄ jmo₂₃ ta₁ a₂cha₂ dsi₂néi₂, jaun₂ guain₃ o₃chi'₅₄ Jesús, ca₂juá'₂:

—Te₁gui'₅₄, ǵtsa₁ dsan₂ 'au'₂ a₂tsá₃ 'e₂ jme₂'o₅₄ 'io₅₄ ríng'₃? 'ŋi_ó₃ bá₄ 'eng₅₄ tsá₃ rē₂jīng₅₄ jme₂ti₅₄. Chei'₅₄ jui₁jme₂'o₅₄.

⁴¹ Jaun₂ ca₂ŋag₃ Te₁gui'₅₄:

—Marta, Marta, jág₅ bá₄ jniá'₂ 'ŋio₅ tsá₃ rē₂jīng'₅₄ 'eng'₅₄ dsan₂ 'au'₂ 'líong₂ ta₁ a₂jmo'₂.

⁴² La₁ caun₂ bá₄ a₂dsen₅₄ gué'₄ a₂ca₂tín₂ dsa₂ nag₃. María ríng'₂ né₃, nē₂quió'₃ a₂dse₃ gué'₄, jaun₂ 'i₁jan₂ tsá₃ 'ein₂ le₃ŋjiá'₂ a₂ma₂nē₂quió'₃.

11

Jme₂tag₅ Jesús 'a₂ lia'₂ chi₃lén'₂ dsa₂ Diú₄

(Mateo 6:9-15; 7:7-11)

¹ Co₂ráun₂ jme'₁en₅₄ Jesús chi₂lén'₂ Diú₄. Jme₁ca₂lě₃ jaun₂, ca₂juá'₂ chi'₂ dsi₂guia₃-tín₂ quiáin₅:

—Te₁gui'₅₄, jme₁tag₅ 'a₂ lia'₂ chi₂lén'₄ jnia'₅₄ Diú₄, jui₁lia'₂ ca₂jme₃tag₅ Juan₅₄ ca₂jme₃tīin₂₃ dsa₂ quiáin₅.

² Jaun₂ ca₂juá'₂:

—Le₂la₂ jua'₅₄ 'nia'₂ jē₁ma₂té₂ rē₁chi₁leng'₄ Diú₄:

† 10:27 Deuteronomio 6:5. ‡ 10:27 Levítico 19:18.

Tia₅₄, 'ne₂ i₂ŋéi'₂ guei'₅₄ i₂juíg₃*
 jui₁jme₂gó'₃ dsa₂ a₂rë₂jñió₄ a₂cheng'₂.

Jui₁le₅₄ bá₄ 'éi'₃ quiáng'₂,
 jui₁le₅₄ bá₄ a₂'ŋio₂ 'au'₂ 'ne₂, ne₄ gua'₅₄ 'uë₃,
 jui₁lia'₂ lé₂ guei'₅₄ i₂juíg₃.†

³ Cuë₄ a₂'nió'₅ que₅₄ jnia'₅₄ jmi₄ në₃.

⁴ 'Én₃ dsáu₁ jnia'₅₄,

jui₁lia'₂ 'én₅ jnia'₅₄ dsáu₁ rin'₅₄.

'A₃ cuë₂ jmi₄ jiá₃ jui₅bí₂ a₂caun₂ táu₂,

të₂le₃ lio₄ bá₄ o₄gú₃ i₂së₃dse₃.‡

⁵ Ca₂juá'₂ Jesús në₃:

—Jua'₅₄ mei'₂ gué₃ le₃jua'₅₄, chan₂ jan₂ 'nia'₂ i₂dsió₄ a₂'uë₂ quió'₅ a₂mei₅₄ quián₅, té₂,
 juá'₂: “Jmo₄ dse₃ 'au'₂ rin'₅₄ jniog₄, dsi₄ 'ni₅ i₁ŋí'₄. ⁶ Ia₁ lia'₂ guan₅ quió₃ jan₂ a₂mei₅₄
 quiáng₃ 'ein₅₄ jui₅; ia₁ tsá₃ 'e₂ cha₂ 'i₁caun₂ quió₃ a₂le₃cuë₄.” ⁷ Dsa₂ dsi₂néi₂ në₃ lé₂ le₃ŋag₃
 të₃ rë₂quiain₂₃: “Tsá₃ cuë₂ o₂me'₅₄ dsi₅, ia₁ ma₂chi₁jnág₅ o₄'né₄ quió₃; chi'₂-guein₂ quiáng₃
 në₃ ma₂tián'₅ le₁güün₃. Jaun₂ tsá₃ lé₂ no₅₄ jua'₅₄ cuë₅₄ a₂mi'₂.” ⁸ Jaun₂ juá'₅ jniá₂, tion₅₄
 bá₄ náu₃ cuë₃ ca₂le₃jé₃ 'e₂ a₂mi₅ 'éi₂, on₃jua'₅₄ jmo₃ ia₁ lé₅ a₂mei₅₄, të₂le₃ 'uig₅₄ ia₁ a₂ŋí₄
 lë₃ tion₅₄ mi₃ bá₄. ⁹ Jaun₂ le₂në₅ bá₄ juíg₂ jniá₂ 'nia'₂: Mi₄ 'nia'₂, jaun₂ ŋeg'₂ bá₄; 'niai'₂
 'nia'₂, jaun₂ dsiain'₂; quein₄ 'nia'₂ o₄'né₄ té₃, jaun₂ niá₂. ¹⁰ Ia₁ jui₁lia'₂ i₂mi₅ 'e₂ mi₅, gue₂₃.
 Le₂jaun₂ jui₁lia'₂ i₂'no'₂ 'e₂ 'no'₂, dso'₂ bá₄. Le₂jaun₂ guë'₂ quió'₅ jui₁lia'₂ i₂té₂, niá₂ bá₄
 o₄'né₄.

¹¹ 'O₃ bá₄ chan₂ i₂lín₅₄ 'nia'₂ jmo₅, jë₁ma₂ca₂mi₃ guein₂ quiáng'₂ i₁ŋí'₄, ¿cuë'₂ 'nia'₂
 ca₂míg₂ ni₁cang₁? O₃ në₁jua'₂ ca₂mi₃ jan₂ i₁ju₁, ¿cuín'₅ 'nia'₂ jan₂ dsi₂mi'₂? ¹² O₃
 jë₁ma₂ca₂mi₃ ca₂míg₂ mi₂jlag₂, ¿o₃ bá₄ cuín'₅ jan₂ i₁'né₅ 'e₂? ¹³ Chi₂jua'₂ 'nia'₂ dsa₂
 mi₂güüg₃ i₂'nau'₂ dso₄ chang'₂, ting'₂ cuë'₂ bá₄ chi'₂-guein₂ quiáng'₂ a₂dse₃, ¿'e₂ guë'₄ bá₄
 ŋéi'₅ 'nia'₂ i₂guá₅ guei'₅₄ cuín₃ Jme₂dsí₂ Jñió₅ quiáin₅ quió'₅ ca₂le₃jín₃ i₂mi₅!

Juá'₂ dsa₂ a₂'io₅ Jesús jui₅bí₂ quió'₅ Be'elzebú

(Mateo 12:22-30; Marcos 3:19-27)

¹⁴ Co₂ráun₂ táng₃ jme₁'en₅₄ Jesús dsein₂₃ jan₂ jme₂dsí₂ je₂na'₅₄ i₂jmo₅ a₂tsá₃ lé₂ dsia₃
 dsa₂ jág₁. Jme₁ca₂o₃'ín₃ je₂na'₅₄ quió'₅ dsa₂, jaun₂ guë'₄ ca₂dsia₃ táng₃ dsa₂ 'éi₂ jág₁. Jaun₂
 ca₂i₃gó'₃ dsí₅ dsa₂ tiain'₅₄. ¹⁵ La₁ i₂lín₅₄ guë'₂ ca₂dsia₃ 'iin₂₃ Jesús:

—Qui'₅₄ i₂në₅ jmi₄ 'uín'₂ je₂na'₅₄ quian'₅₄ jui₅bí₂ quió'₅ Be'elzebú, i₂lín₅ juig₅₄ je₂na'₅₄.

¹⁶ I₂lín₅₄ guë'₂ në₃, a₂jñia'₅₄ con'₂ cáun₂ táu₂ bá₄ jme₁mi₂₃ a₂jme₁jmo₃ Jesús a₂sió₃ caun₂
 léi₄ guei'₅₄ i₂juíg₃. ¹⁷ La₁ a₂ŋi₅ rë₂ bá₄ Jesús 'a₂ lia'₂ dsi₂jio₅ dsí₅ dsa₂ 'éi₂. Jaun₂ lë₃ ca₂juá'₂:

—Jui₁lia'₂ caun₂ juig₂ nación, tiain'₅₄ mi'₅₄ guioin₅₄, tiain'₅₄ le₁dsoin'₅₄, dsi₃'én₂ bá₄
 juig₂ jaun₂. Le₂jaun₂ guë'₂ jui₁lia'₂ caun₂ dsi₂néi₂ tion'₅₄ dsa₂ le₁dsoin'₅₄ tsá₃ caun₂ jág₁
 'ei₅, ján₃ bá₄ dsi₃'én₂ dsi₂néi₂ jaun₂. ¹⁸ Le₂në₅ bá₄ ján₃, në₁jua'₂ ca₂lë₃ le₁dso'₅₄ jui₅bí₂ quió'₅

i₂së₃dse₃, ¿'a₂ guë'₂ lia'₂ lé₂ le₃qui'₅₄ guë'₄ jmi₄ jio₃ ne₄ta₁ quió'₅? Juá'₅ jniá₂ le₂në₅ ia₁
 juá'₂ 'nia'₂, quian'₅₄ bí₂ quió'₅ Be'elzebú bá₄ a₂'uin'₄ jniá₂ je₂na'₅₄. ¹⁹ La₁ chi₂jua'₂ le₂jaun₂

'uín'₄ jniá₂ quian'₅₄ bí₂ quió'₅ Be'elzebú, ¿'ein₂ guë'₂ quió'₅ bí₂ quian₅ i₂quian'₅₄ 'nia'₂ a₂lé₂
 le₃'uág'₂ ján₃? Jaun₂ jui₁lia'₂ lé₅ jmo₅ dsa₂ 'éi₂ bá₄ jióg'₂ 'í₁ a₂tsá₃ tí₅ jág₁ quián'₂ 'nia'₂.

²⁰ La₁ chi₂jua'₂ jaun₂ quian'₅₄ jui₅bí₂ a₂tin₂ Diú₄ lon₄ jniá₂ dsa₂ o₄gú₃ je₂na'₅₄, jaun₂ le₂në₅
 bá₄ jau'₂ jág₁ dsau₅ a₂ma₂gua₅ bí₂ 'éi'₃ quió'₅ Diú₄ ja₁con'₂ 'nia'₂.

* 11:2 A₂lín₅₄ chog₅₄ si₂ tsá₃ chi₁ton₅ “ne₂ i₂ŋéi'₂ guei'₅₄ i₂juíg₃.” † 11:2 A₂lín₅₄ chog₅₄ si₂
 tsá₃ chi₁ton₅ “jui₁le₅₄ bá₄ 'éi'₃ quiáng'₂, jui₁le₅₄ bá₄ a₂'ŋio₂ 'au'₂ 'ne₂ ne₄ gua'₅₄ 'uë₃, jui₁lia'₂
 lé₅ guei'₅₄ i₂juíg₃.” ‡ 11:4 A₂lín₅₄ chog₅₄ si₂ tsá₃ chi₁ton₅ “të₂le₃ lio₄ bá₄ o₄gú₃ i₂së₃dse₃.”

²¹ 'Jui₁lia'₂ jan₂ dsa₂ 'uan'₂ chain₂ rē₂jain₁, 'io₂₃ ca₂le₃jé₃ a₂'nió'₅ quió'₅ jmo₃ 'nei₂, jaun₂ lé₅ 'í₁ ca₂le₃jé₃ 'e₂ tio'₅₄ dsi₂néi₂. ²² La₁ nē₁ca₂já₃ jan₂ i₂'uan'₂ gué₄ lia'₂ con'₂ gué₄ 'njog₅ 'éi₂, nē₁ca₂jo₃ né₃, i₂'éi₂ gué'₂ né₃ jñiá'₂ ca₂le₃jé₃ a₂jñá'₄ lē₃ bein'₂ jmo₂₃ a₂'uain'₂. Jaun₂ jmo₂₃ dsióg₂ ca₂le₃jé₃ a₂ca₂lí'₃.

²³ 'Jui₁lia'₂ dsa₂ i₂tsá₃ chén'₅ le₃quió₃ jniá₂, i₂'iog₅₄ bá₄ 'éi₂. Jui₁lia'₂ i₂tsá₃ cág'₅ co₂lēs₅ quian'₅₄ jniá₂, jñia'₅₄ jmo₅ tsi₁rē₂ja₅₄.

Jme₂dsí₂ 'lín'₅₄ i₂dsián'₅ táng₃

(Mateo 12:43-45)

²⁴ 'Jui₁lia'₂ jan₂ jme₂dsí₂ 'lín'₅₄ i₂o₂'ín₅ quió'₅ dsa₂, dsi₂ñí₃ le₂tan₅₄ ja₁quein₂ dsi₂'nio'₂ ja₁jñia₃. Nē₁jua'₂ tsá₃ dso'₂ ja₁'í₂ né₃, 'no'₂ dsí₅: “Nég'₄ táng₃ dsi₂néi₂ quió₃ ja₁o₂'íng₃.”

²⁵ Jē₁ma₂dsiáin'₃, jein'₂ táng₃ dsa₂ 'éi₂ ma₂lín₅ co₂'nió'₄ bá₄ caun₂ dsi₂néi₂ a₂chí'₅ rē₂, rē₂'ia'₅₄, rē₂lag₄ né₃. ²⁶ Jaun₂ dsó₅ táng₃ dsi₂quiáin₂ gué₄ guion₃ jme₂dsí₂ i₂'lín'₅₄ gué₄ lia'₂ 'njog₅, jaun₂ dsi₂tian'₂ ca₂le₃jñin₃ tē₂dsí₅ dsa₂ 'éi₂. Jaun₂ dsa₂ 'éi₂ né₃ 'jio₅ lín₃ gué₄ le₃'lín'₅₄ dsióg₄ lia'₂ con'₂ gué₄ jme₁lín₄ le₂jñiá₅. §

'A₂ lia'₂ 'nió'₅ jmo₃ dsa₂ ia₁jaun₂ le₃chain₂ dse₃

²⁷ Tē₃ 'en₅₄ Jesús dsi_{a23} le₂nē₅, ca₂juá'₂ tiá₂ jan₂ dsa₂ mí₂ tē₃jñin₄ dsa₂:

—'E₂ gué₄ dsen₃ dsa₂ mí₂ i₂ca₂caun₃ 'ne₂, i₂ca₂'éin'₃ dsi'₅₄ quió'₅!

²⁸ Jaun₂ ca₂ñag₃:

¡Tē₂le₃ ja₂lín₃ gué₄ dsen₃ dsa₂ i₂nag₅ 'e₂ juá'₂ Diú₄, ton'₂ jme₂ti₃!

Léi₄ a₂lín₅ Jonás

(Mateo 12:38-42; Marcos 8:12)

²⁹ Caun₂ qui₂ñi'₂ bá₄ dsa₂ ja₁chén'₄ Jesús, jaun₂ 'éi₂ né₃ ca₂jme₃lióg₃ ca₂juá'₂:

—'jio₅ lín₃ ma₂'lín'₅₄ dsa₂ rē₂né₃, mi₂₃ a₂jmo₅₄ jniá₂ léi₄ jué'₂. La₁ tsá₃ ma₂'e₂ léi₄ jua'₅₄ a₂jmo₄ gué₄ jniá₂, jñia'₅₄ lia'₂ caun₂ léi₄ a₂ca₂lē₃ quian'₅₄ Jonás bá₄. ³⁰ Ia₁ le₂nē₅ jui₁lia'₂ Jonás ca₂lín₃ caun₂ léi₄ tē₂le₃ ja₁con₂ dsa₂ i₂jme₁chan₂ Nínive jmi₄ jaun₂, le₂nē₅ bá₄ ján₃, Jaun₅ dsa₂ mi₂gü₃ lén₂ caun₂ léi₄ a₂jáng'₃ jág₁ dsau₅ ja₁con₂ dsa₂ i₂chan₂ jmi₄ né₃. ³¹ Jē₁ma₂tē₂ rē₁qui₃dsi₅ Diú₄ 'éi'₃, náu₃ 'io₅₄ rag₅₄ i₂jme₁chan₂ tē₂le₃ sur, jein'₅₄ quian'₅₄ dsa₂ ñe'₂ i₂chan₂ jmi₄ né₃. 'A₂ lia'₂ niog₅ ca₂jmo₃ 'éi₂, jióg'₂ 'í₁ a₂rē₂cán'₄ dsa₂. Ia₁ 'io₅₄ 'éi₂ ca₂'í₃ jui₅ ca₂já₃ uíng₂ lín₃ guain₃ ca₂o₃néi₃ jág₁ ca'₅₄, ca₂o₃dso₅₄ dsí₅ 'a₂ lia'₂ niog₅ dsi₄ Salomón. La₁ nē₃ né₃, la₂ chén'₅ jan₂ i₂juin'₂ gué₄ lia'₂ Salomón. ³² Ján₃ bá₄ náu₃ i₂jme₁chan₂ Nínive, jein'₅₄ quian'₅₄ dsa₂ ñe'₂ i₂chan₂ jmi₄ né₃, jē₁ma₂tē₂ rē₁qui₃dsi₅ Diú₄ 'éi'₃. 'A₂ lia'₂ niog₅ ca₂jmo₃ 'éi₂ ma₂líg'₂ jióg'₂ 'í₁ a₂rē₂cán'₄ dsa₂ jmi₄ né₃. Ia₁ 'éi₂ ca₂jme₃tsi_{in}₃ dsí₅ jme₁ca₂'é₂ Jonás jág₁ quió'₅ Diú₄. La₁ nē₃ né₃, la₂ chén'₅ jan₂ i₂juin'₂ gué₄ lia'₂ Jonás.

Dsa₂ i₂lín₅ lia'₂ lē₅ caun₂ si₂

(Mateo 5:15; 6:22-23)

³³ "I₁jan₂ dsa₂ tsá₃ guí'₅ caun₂ si₂ ni₁tsí₅ jua'₅₄ chi'₃ ja₁chi₁quion'₅₄. * A₂'ag₅ guei'₅₄ bá₄ dsa₂ si₂, ia₁jaun₂ jág₃ dsa₂ i₂dsi₃ton'₅₄ dsi₂néi₂. ³⁴ Jme₁ne₁ dsa₂ lē₅ co₂'nió'₄ caun₂ ni₁tsí₅ a₂guí'₂ si₂ quió'₅ ni₁ñi₁ dsa₂. Chi₂jua'₂ dse₃ jme₁ne'₄, ta₁jang'₂ bá₄ tág₅ si₂ quiáng'₂. La₁ nē₁jua'₂ tsá₃ dse₃, ta₁jang'₂ bá₄ chéng'₅ qui₁né₃. ³⁵ Tē₃ñi'₅₄ 'nia'₂ jaun₂, ia₁ con'₂ tsá₃ ñó₅ nē₁jua'₂ si₂ quiáng'₂ tsá₃ jniá₂. ³⁶ Chi₂jua'₂ ta₁jang'₂ tág₅ bá₄ si₂ quiáng'₂, tsá₃ qui₁né₃ lē₅. Jniág'₂ bá₄ lia'₂ ja₁jniá₂ tág₅ caun₂ si₂.

Jme₂caún'₂ Jesús quió'₅ dsa₂ fariseos quian'₅₄ tē₅juá'₅

(Mateo 23:1-36; Marcos 12:38-40; Lucas 20:45-47)

§ 11:26 'Nio'₂ ja₁ton₅ 2 Pedro 2:20. * 11:33 A₂lín₅₄ chog₅₄ si₂ juá'₂ ján₃: “on₃ gué'₂ né'₃ tsi₁gu₅.”

³⁷ Jme₁ca₂dsan₃ cuë₂₃ jág₁, ca₂tág₃ jan₂ dsa₂ fariseo a₂i₃gué'₃ quiong'₅₄. Jme₁ca₂dsióg₃ dsi₂néi₂ ca₂guá₂. ³⁸ Dsa₂ fariseo 'éi₂ né₃, i₃gó'₃ dsí₅ ia₁ tsá₃ ca₂jme₃ti₃ Jesús con'₂ lé₅ tag₄ a₂chí'₅, a₂rang₃ gu₂ né'₃ a₂gué'₃. ³⁹ La₁ Te₁gui'₅₄ né₃, ca₂juá'₂:

—'Nia'₂ dsa₂ fariseos líng'₅ lia'₂ lé₅ ni₁vaso, ni₁uìng₅, a₂jñia'₅₄ le₁jé₃ jmá'₃ le₃co'₅₄, la₁ tē₂le₃ jui₅ jme₂dsi₂ quiáng'₂, qui₂rē₂can'₂ ca₂le₃jé₃ a₂'lig'₅₄ a₂jmo'₂: tsá₃ mag'₂ 'au'₂ 'nia'₂ ma₂qui₂ma₂'ang'₂ quió'₅ dsa₂. ⁴⁰ ¡'E₂ bá₄ tsá₃ ñí'₂ 'au'₂ 'nia'₂! ¿On₁jua'₅₄ i₂ca₂jmo₃ le₃co'₅₄, ca₂jmo₃ le₃'ñio'₂ ján₃? ⁴¹ Ja₂lín₃ gué₄ dsióg₅ jen'₅₄ de'₂ 'nia'₂ a₂te₁'i₁ quiáng'₂, jaun₂ gué₄ lé₂ le₃tē₃tsin'₅₄ 'nia'₂ le₁jíng'₃ le₃ja₁con₂ Diú₄.

⁴² ¡'E₂ gué₄ juíg'₂ 'nia'₂ dsa₂ fariseos! Ia₁ a₂jme₂tí'₁ 'nia'₂ jmo'₂, cuë'₂ Diú₄ caun₂ qui'₅₄ a₂guia₃ a₂'i₄ 'éi'₃ cuë'₅₄, ca₂lia'₂ ca₂le₃jé₃ ne₅₄ ma₁'au₂ a₂lé₂ ma₂juig'₂ má₃ bá₄ jáng'₄ 'nia'₂. La₁ con'₂ ma₂ñi'₅₄ bá₄ 'nia'₂ jui₅ dse₃ tē₃dsón'₂ ja₁'ñio₂ dsí₅ Diú₄, ja₁jme₁jme₁'nió'₄ 'nia'₂ Diú₄: a₂nē₅ bá₄ a₂dsen₅₄ gué₄ a₂ca₂tín'₂ 'nia'₂ jmó'₂, la₁ on₃jua'₅₄ a₂tsá₃ ma₃jme₁tí'₄ 'nia'₂ 'éi'₃.

⁴³ ¡Juíg'₂ 'nia'₂ dsa₂ fariseos! Ia₁ 'ñio₅ lín₃ tē₅ 'au'₂ a₂tiáng'₄ jláng'₁ ja₁dsen₅₄ gué₄ jui₁lia'₂ dsi₂néi₂ guá'₅ sinagogas. Já₃ bá₄ tē₅ 'au'₂ 'nia'₂ qui₃cuag₃ dsa₂ Diú₄ jui₁lia'₂ jē₄ 'ma'₅₄ a₂jme₂go₃ dsa₂ 'ñio₅ lín₃.

⁴⁴ ¡'E₂ gué₄ juíg'₂ 'nia'₂!† Ia₁ líng'₅ jui₁lia'₂ lé₅ tau₂ 'ñio₅ a₂tsá₃ léi₄ cha₂. Dsa₂ né₃ qui₂ñí₅ ne₄, tē₃ tsá₃ ñí₅.”

⁴⁵ Jaun₂ ca₂ñag₃ jan₂ tē₃juá'₅:

—Tē₅, a₂juá'₂ 'ne₂ nē₅, a₂tē₂'ó'₁ jnia'₅₄ bá₄ 'ne₂.

⁴⁶ Jaun₂ ca₂ñag₃ Jesús:

—Juíg'₂ 'nia'₂ tē₃juá'₅! Ia₁ quian'₄ 'nia'₂ lio₅₄ guei₂ i₂sián'₂, la₁ guion'₅₄ 'nia'₂ né₃, ca₂lia'₂ jñia'₅₄ gog'₂ tsá₃ 'niog'₂ tí'₄.

⁴⁷ ¡Juíg'₂ 'nia'₂! Ia₁ qui₂chog'₂ 'nia'₂ ni₁'ia'₂ jlá'₁ quió'₅ 'lag₄ i₂jme₁'é₂ jág₁ quió'₅ Diú₄, ton'₂ dsa₂ can'₅₄ quián'₂ 'nia'₂ guiong'₅₄ qui₂ca₂jme₃dsiog₂₃. ⁴⁸ Jaun₂ né₃, lia'₂ lé₅ jmo'₂ 'nia'₂, cuë'₂ léi₄ co₂'nió'₄ caun₂ bá₄ 'ei₅ jág₁ 'nia'₂ quian'₅₄ dsa₂ can'₅₄ quiáng'₂. Ia₁ dsa₂ can'₅₄ ca₂jme₃dsiog₂₃; 'nia'₂ guë'₂ ma₂ja₂nióg'₅ chog'₂ ni₁'ia'₂.

⁴⁹ Jaun₂ lē₃ Diú₄, ia₁ a₂tiin₂ a₂ma₂ñi₅ bá₄ a₂lé₂, ca₂juá'₂: “Qui₁tsing₅₄ dsa₂ i₂dsi₃can₅ i₂dsi₃'é₃ jág₁ quió₃. I₂lín₅₄ 'éi₂ jme₃dsian₅ dsa₂; i₂lín₅₄ guë'₂ qui₃'ein₃.” ⁵⁰ Jaun₂ né₃ ca₂tē₂ dsa₂ chan₂ jmi₄g₄ nē₃ bá₄ rē₂cán'₄ 'mú₃ quió'₅ ca₂le₃jín₃ dsa₂ i₂'é₂ jág₁ i₂ma₂dsan₃ ca₂le₃ ca₂nio₃ mi₂güüg₃. ⁵¹ Ca₂lia'₂ con'₂ jme₁ca₂jon₃ Abel, ca₂tē₂ jmi₄g₄ i₁ca₂jon₃ Zacarías i₂ca₂jñi'₃ dsa₂ jē₄ ja₁lé₄ ne₄chei₂ quian'₅₄ ja₁jñio₅, dsa₂ chan₂ jmi₄g₄ nē₃ bá₄, juá'₅ jniá₂, qui₃ 'mú₃ quió'₅ ca₂le₃jín₃ dsa₂ i₂ma₂dsan₃ 'éi₂.

⁵² ¡'E₂ gué₄ juíg'₂ 'nia'₂ tē₃juá'₅! Ia₁ 'nia'₂ bá₄ ma₂rē₂'móg'₄ jág₁ quió'₅ Diú₄ a₂lé₅ co₂'nió'₄ ñí₁ llave quió'₅ o₄'né₄ ja₁jme₁le₃tín₂, le₃ñí'₂ dsa₂. On₃ guë'₂ guion'₅₄ 'nia'₂ tóng'₄, on₃ guë'₂ cuë'₂ 'nia'₂ jmi₄g₄ dsi₃ton'₅₄ i₂'nio₃ tón'₃.

⁵³ Jme₁ca₂dsan₃ juá'₂ Jesús le₂nē₅, ca₂rē₃'né₃ 'lig'₅₄ dsa₂ fariseos, tē₃juá'₅ né₃. Jaun₂ ca₂jme₃lióg₃ jmóg'₂ mi'₅₄, tsá₃ caun₂ a₂qui₂ca₂ñag₃, a₂jme₁jmo₂₃ tion₅₄ lia'₂ jme₁jén'₃ 'éi₂ jág₁. ⁵⁴ Ia₁ jme₁'nio₃ jo₅₄ jua'₅₄ ca₂jon₄ bá₄ jág₁ 'lia'₂ jme₁'ñiá₃ 'éi₂.

12

Ca₂jme₃tag₅ Jesús a₂tsá₃ jmo₃ dsa₂ a₂jñia'₅₄ con'₂ dse₃ le₁'ág₄ o₁ne₁

¹ Tē₃jē₄ jaun₂, tē₂le₃ mei₅ bá₄ dsa₂ i₂ca₂ñi'₂, ca₂lia'₂ qui₂co₂'liain'₂ riin'₅₄. Jaun₂ Jesús né₃ jñiá₅ de'₂ dsa₂ i₂quiain'₅₄ bá₄ ca₂tsí'₃:

† 11:44 A₂lín₅₄ chog₅₄ si₂ chi₁ton₅ ján₃: “'nia'₂ tē₃juá'₅, 'nia'₂ dsa₂ fariseos né₃ a₂lē₁jmo'₂ góg'₂ a₂o₁ne₁.

—Të₃ŋi'₅₄ 'nia'₂ quian'₅₄ jui'₅ lia'₂ lé₅ quian₅ dsa₂ fariseos* co₂'nió'₄ i₂lë₁jmo₅-dsáu₅ o₁ne₁. ²Ia₁ 'i₁caun₂ a₂rë₂'ma₄ jua'₅₄ lín₂ dsa₂ a₂tsá₃ le₃jniá₂, tion₅₄ bá₄ rë₂jniá₂; já₃ bá₄ tsá₃ cha₂ 'i₁caun₂ a₂rë₂j_lë₅ jua'₅₄ lín₂ dsa₂ a₂tsá₃ 'ein₂ le₃ŋi₅, tion₅₄ bá₄ rë₃ŋi₅ dsa₂. ³Jaun₂ né₃, ca₂le₃jé₃ 'e₂ a₂dsia₅ dsa₂ jë₄ qui₁né₃, jí₃ bá₄ le₃ja₁jniá₂ si₂. Le₂jaun₂ jui₁lia'₂ já₃ a₂dsia₅ dsa₂ jë₄ të₃co'₅₄ a₂qui₂le₁j_nág₅ 'né₅, a₂dsi₃ 'ag₅ bá₄ jaun₂.†

I₂'ein₂ ca₂tín₂ dsa₂ jme₃gain₃
(Mateo 10:28-31)

⁴'Nia'₂ a₂mei₅₄ quiáng₃, juí₂g₂ jniá₂ 'nia'₂, tsá₃ jmo₂ 'nia'₂ gang'₃ i₂jme₂dsian₅ ni₁ŋí₅, ia₁ tsá₃ ma₃a₂siá'₂ jua'₅₄ a₂'io₂₃ gué₄ bí₂ jmo₃. ⁵Jaun₂ la₂ juá'₅ jniá₂ 'ein₂ dsón'₂ i₂ca₂tín'₂ 'nia'₂ jme₁gang'₃; i₂'éi₂ bá₄ jme₁gan'₃ 'nia'₂ jmo₄ i₂'io₅ bí₂, jme₃dsiog₂₃, ton'₂ 'io₂₃ bí₂ 'liog'₃ ja₁'lig'₅₄ já₃. ⁶¿Tsa₁ 'ni₅ dsa₂ 'ŋiá₂ i₁tan₅ tei₄ quian'₅₄ tín₃ ŋí₁ guéin₂? La₁ 'i₁jan₂ 'éi₂ tsá₃ dsi₂'én₂ dsí₅ Diú₄. ⁷Jag₄ 'nia'₂ jaun₂, 'ŋio₅ lín₃ gué₄ dsan₂ dsí₅ Diú₄ 'nia'₂, le₂jio₅ jni₂ dsei'₂ 'nia'₂, ma₂ŋi₅ bá₄ Diú₄ je₂liá'₂ mi'₂ tí₅. Jaun₂ tsá₃ jmo₂ 'nia'₂ gang'₃, ia₁ 'ŋio₅ gué₄ quen'₄ 'nia'₂ lia'₂ con'₂ gué₄ juin₅ i₁tan₅.

Dsa₂ i₂jme₂jnia₅ cuiin₂₃ Jesús
(Matt 10:32-33; 12:32; 10:19-20)

⁸Juá'₅ jniá₂, ca₂le₃jín₃ i₂jme₂jnia₅ ja₁con₂ dsa₂ mi₂güí₃ a₂cui₂₃ jniá₂, já₃ bá₄ le₂jaun₂ Jaun₅ dsa₂ mi₂güí₃ 'ag₃ jme₃jniog₂₃ a₂cui₂₃ ja₁con₂ ca₂le₃jín₃ ángeles quián₅ Diú₄. ⁹La₁ jui₁lia'₂ i₂tsá₃ 'ag₅ a₂cui₂₃ jniá₂ ja₁con₂ dsa₂ mi₂güí₃, já₃ bá₄ le₂jaun₂ tsá₃ 'iin₄ jniá₂ a₂cuiin₅ ja₁con₂ ángeles quián₅ Diú₄. ¹⁰Ia₁ jui₁'ein₂ gué₃ i₂'in₅ 'lig'₅₄ Jaun₅ dsa₂ mi₂güí₃, cha₂ bá₄ o₂'én₂ dso₄ quió'₅. La₁ jui₁lia'₂ i₂juá'₂ 'lig'₅₄ 'iin₂₃ Jme₂dsí₂ Jnió₅, tsá₃ ma₃o₂'én₂ dso₄ cha₂. ¹¹Jë₁ma₂ca₂jnia₃ dsa₂ 'nia'₂ ne₄ dsi₂tan₅₄ quián₅ guá'₅, o₃ jë₁ma₂ca₂jio₃ ne₄ i₂con₂ 'í₁, ne₄ dsa₂ i₂qui₂dsi₅ 'éi'₃ né₃, tsá₃ jmó'₂ 'nia'₂ 'i₅ 'au'₂ jua'₅₄ tsá₃ ŋi'₅₄ 'a₂ lia'₂ ŋag'₅₄, 'o₃ 'e₂ juí₂'₅₄. ¹²Ia₁ 'ŋiog₅ bá₄ Jme₂dsí₂ Jnió₅ jme₃tag₂₃ 'e₂ a₂ca₂tín'₂ 'nia'₂ ŋag'₅₄, jë₁ma₂ca₂té₂ hora jaun₂.

Go'₂ në₁'ein₂ ca₂dsia₃ le₁má'₂ 'ŋio₅ lín₃ jmo₃ dsí₅ jmá'₃ quió'₅ 'ŋiog₅

¹³Jan₂ dsa₂ i₂jme₁'en₅₄ jë₄ jaun₂ né₃, ca₂tsí'₃ Jesús:

—Të₅, chei'₅₄ co₂nio₄ dsó₂ ríng'₃ jui₁cué'₁₂ con'₂ a₂ca₂tíng₂ a₂cha₂ quió'₅ 'lag₄ ŋe'₃.

¹⁴Jaun₂ ca₂ŋag₃ Jesús:

—'Ne₂ dsa₂, ¿'ein₂ ca₂dsiog₃ jniá₂ a₂líng₅ jan₂ i₂dsi₂'₅ 'e₂ a₂ca₂tín'₂ 'nia'₂?

¹⁵Ján₃ bá₄ ca₂juá'₂:

—Të₃ŋi'₅₄ 'nia'₂ tsá₃ i₂jmo₂ jua'₅₄ a₂ŋí₄ lë₃ 'ín₅ 'au'₂ a₂le₃cha₂ quiáng'₂. Ia₁ on₃jua'₅₄ jmá'₃ a₂ŋí₄ cha₂ quió'₅ dsa₂ le₃chain₂.

¹⁶Jaun₂ ca₂tsí'₃ táng₃ dsa₂ já₃ jáng'₅ léi₄ la₂:

—Jme₁chan₂ jan₂ dsa₂ i₂jme₁cha₂ cu₄ 'ŋio₅ lín₃. 'Lióng₂ lín₃ jme₁rau₂ quió'₅. ¹⁷Jaun₂ ca₂i₃jio₅ dsí₅: “¿'E₂ bá₄ jmo₅₄ jniá₂ né₃? Tsá₃ ma₃cha₂ ja₁tó'₄ a₂ca₂rau₂ quió₃.” ¹⁸Jaun₂ ca₂i₃jio₅ dsí₅: “Le₂la₂ jmo₅₄. Qui'₄ tsi₁'io₅ a₂tióng₂ në₅, jaun₂ jmo₅₄ a₂ca₂'₅₄ gué₄. Jaun₂ ja₁jaun₂ tó'₄ trigo, quian'₅₄ ca₂le₃jé₃ gué₄ a₂cha₂ quió₃. ¹⁹Jaun₂ gué₄ 'náu'₄ dsí₃: 'Lióng₂ ma₂niog₅ le₁má'₂, ma₂len₅ 'lióng₂ ŋi₂; ma₂lé₂ jan₅₄, gua₅₄ tei₄, gué'₅₄, gui'₅₄, cué₄ o₂'ŋi₃ o₂jnia₃ dsí₃.” La₁ Diú₄ né₃ ca₂juá'₂ ca₂tsí'₃ dsa₂ 'éi₂: ²⁰“¿'E₂ gué₄ con'₅₄ 'ne₂ líng'₅! Jua'₂ a₂'uë₂ në₃ má₄ jniá₂ 'mú₃ quiáng'₂. Ca₂le₃jé₃ a₂ma₂dsia₅₄ 'ne₂ rë₂, ¿'ein₂ bá₄ quió'₅ lé₂?” ²¹Le₂në₅ dsi₂ŋí₂ jui₁lia'₂ dsa₂ i₂dsia₅ le₁má'₂ jmá'₃ quió'₅ 'ŋiog₅, la₁ të₂tsiin'₅₄ lín₃ le₃ja₁con₂ Diú₄.

* 12:1 lit. “levadura quió'₅ dsa₂ fariseos.” † 12:3 lit. “a₂táun₂ dsa₂ já₃ tióin₂ guei'₅₄ 'né₅ bá₄ a₂jaun₂.”

*I*₂*j*_{mo}₅ 'í₁ bá₄ Diú₄ chi'₂-guein₂ quiáin₅
(Mateo 6:25-34)

²² *J*_{me}₁*ca*₂*dsan*₃ *jaun*₂, *ca*₂*tsí*'₃ *táng*₃ *chi*'₂ *dsi*₂*guia*₃-*tín*₂ *quiáin*₅:

—*Ju*'₂ *j*_{niá}₂ 'nia'₂, *tsá*₃ *j*_{mo}₂ 'nia'₂ *jua*'₅₄ *a*₂*ñí*₄ *dsan*₂ 'au'₂ 'e₂ *a*₂*quë*'₅₄ *të*₁*lia*'₂ *chang*'₂, *on*₃ *guë*'₂ *o*₄*quió*'₄ *ní*₁*ñí*'₁, *jua*'₅₄ *dsan*₂ 'au'₂ 'e₂ *qui*'₅₄. ²³ *Ia*₁ *j*_{me}₂*dsí*₂ bá₄ *a*₂*quen*₅ *gué*'₄ *lia*'₂ *con*'₂ *gué*'₄ *má*₃. *Ján*₃ *guë*'₂ *le*₂*jaun*₂ *ní*₁*ñí*'₁ bá₄ *dsa*₂ *a*₂*quen*₅ *gué*'₄ *lia*'₂ *con*'₂ *gué*'₄ 'mi'₂. ²⁴ *ñí*₂ *de*'₂ 'nia'₂ *jui*₁*lia*'₂ *i*₁*qui*₂*lia*'₂. *Tsá*₃ 'e₂ *j*_{ne}₂₃, *on*₃ *guë*'₂ 'e₂ *cha*₂ *a*₂*le*₃*rau*₂ *quió*'₅, *on*₃ *guë*'₂ 'io₅ *chí*'₅ *quió*'₅. *Diú*₄ bá₄ *i*₂*j*_{me}₂*tau*₅₄. *j*_{jaun}₂ 'ñio₅ *lín*₃ *gué*'₄ bá₄ *quen*'₄ 'nia'₂ *lia*'₂ *con*'₂ *gué*'₄ *i*₁*tan*₅ 'éi'₂. ²⁵ *¿I*₂'*e*_{in}₂ 'nia'₂ *i*₂*lé*₂ *le*₃*j*_{mo}₃ *le*₃*chain*₂ *gué*'₄ *u*'_é₂, † *ne*₄ *ia*₁ *a*₂*ñí*₄ *lë*₃ 'is 'au'₂ 'nia'₂ *chang*'₂? ²⁶ *Ch*₂*jua*'₂ *tsá*₃ *quin*'₅₄ 'nia'₂ *j*_{mi}₄ *quian*'₅₄ *a*₂*ca*₂*juig*₄ *në*₅, *¿e*₂ *guë*'₂ *lë*₃ *ñí*₄ *dsan*₂ 'au'₂ 'nia'₂ *quian*'₅₄ *a*₂*siá*'₂? ²⁷ *ñí*₂ *de*'₂ 'nia'₂ *ján*₃ 'a₂ *lia*'₂ *qui*₂*dsi*₂*cón*₃ *lí*₁. *Tsá*₃ *tsi*₁*ñis* *lé*₂ *tsé*'₃, *on*₃ *guë*'₂ *lé*₂ *ta*₃. *Jaun*₂ *ju*'₂ *j*_{niá}₂ 'nia'₂, *ca*₂*lia*'₂ *j*_{ñia}'₅₄ *Rag*₅₄ *Salomón*, *quian*'₅₄ *ca*₂*le*₃*jé*₃ *a*₂*jlá*'₁ *a*₂*j*_{me}₁*cha*₂ *quió*'₅, *tsá*₃ *ca*₂*rë*₃*jláin*'₁ bá₄ *gué*'₄ *jui*₁*lia*'₂ *jlá*'₁ *lí*₁. ²⁸ *Ch*₂*jua*'₂ *le*₂*në*₅ *chí*'₅ *Diú*₄ *jlá*'₁ *nau*₂ *a*₂*cha*₂ 'ña₁, *a*₂*j*_{ñia}'₅₄ *j*_{niá}₂ *jlá*'₁ *ca*₂*tiá*₂ *co*₂*lág*₂, *ia*₁ *jui*₁*la*₂ 'ió₃ *dsí*'₂ *dsa*₂, 'ë₂ *gué*'₄ bá₄ 'nia'₂, *dsa*₂ *i*₂'*én*₂ *ca*₂*juig*₄, *j*_{mo}₃ bá₄ *Diú*₄ 'í₁. ²⁹ *Jaun*₂ *juá*'₅ *j*_{niá}₂, *tsá*₃ *i*₁*nio*_g'₄ *jua*'₅₄ *a*₂*ñí*₄ *dsan*₂ 'au'₂ 'e₂ *quë*'₅₄ 'ag'₅₄. *Tsá*₃ *can*₂ 'nia'₂ *o*₂*i*₁ *dsi*₅ *quian*'₅₄ *a*₂*jaun*₂, ³⁰ *ia*₁ *j*_{má}'₃ *a*₂*në*₅ bá₄ *a*₂*ñí*₄ *lë*₃ 'nio'₃ *dsi*₂*nau*₂. *Ia*₁ *i*₂*ñis* bá₄ *ñé*'₅ *a*₂'*nió*'₅ *ca*₂*le*₃*jé*₃ *a*₂*në*₅ *quán*'₂ 'nia'₂. ³¹ *La*₁ 'nio'₂ *de*'₂ *j*_{niá}₅ 'nia'₂ *ja*₁*goin*₂, *jaun*₂ *ca*₂*le*₃*jé*₃ *a*₂*në*₅ *të*₁*ja*₃*lé*₂ *a*₂*ma*₂*ñag*₅₄ *cuë*₃.

*A*₂*quen*₅ *lín*₃ *a*₂*cha*₂ *quió*'₅ *dsa*₂ *guei*'₅₄ *i*₂*juig*₃
(Mateo 6:19-21)

³² 'Nia'₂ *já*'₂ *cha*'₂ *quiáng*₃, *tsá*₃ *lë*₃*j*_{mo}₂ 'nia'₂ *gang*'₃, *o*₁*j*_{ñia}'₅₄ *la*₂ *tsá*₃ *juin*'₅ 'nia'₂, *la*₁ 'ñio₂ *dsí*₅ *ñé*'₅ *cuë*₃ *ja*₁*goin*₂. ³³ 'Nag'₄ 'nia'₂ *a*₂*cha*₂ *quiáng*'₂; *j*_{me}₂ 'on₅₄ *i*₂*e*₂*ñé*₂. *J*_{ñia}'₅₄ *lia*'₂ *le*₂*në*₅ bá₄ *dsi*₂*óg*₄, *të*₃*ron*₅₄ *të*₂'*mi*'₂ *a*₂*tsá*₃ *ton*₅ *j*_{mi}₄ *le*₃'*áu*₂ *quán*'₂ 'nia'₂; *caun*₂ *a*₂*quen*₅ *lín*₃ 'ó'₄ 'nia'₂ *quiáng*'₂ *guei*'₅₄ *i*₂*juig*₃ *a*₂*tsá*₃ *ton*₅ *j*_{mi}₄ *dsiá*₃, *ja*₁*tsá*₃ *líg*'₂ *j*_{mi}₄ *dsi*₂*óg*₄ 'ang₂, *on*₃ *guë*'₂ *i*₁*tsan*'₅₄ *lé*₂ *le*₃'*én*₂. ³⁴ *Ia*₁ *jui*₁*lia*'₂ *ja*₁*rë*₂'*mú*'₄ 'nia'₂ *quiáng*'₂, *ja*₁*jaun*₂ bá₄ 'i₄ 'au'₂.

'Nió'₅ bá₄ *a*₂*chan*₂ *dsa*₂ *rë*₂*ján*₁

³⁵ 'Rë'₂*ján*'₁ 'nia'₂ *chang*'₂, *le*₁*lín*'₄, *le*₁*guí*'₂ *si*₂ *tsí*'₅ *quiáng*'₂. ³⁶ *Jui*₁*len*'₅₄ 'nia'₂ *në*₂*ja*₄ bá₄ *dsa*₂ *i*₂*chi*₁*j*_{ñia}₅ *guan*'₂ *juig*₅₄ *ñó*₃ *ja*₁*nio*_g₅ *j*_{mi}₄. *Rë*₂*ján*'₁ 'nia'₂ *chang*'₂, *ia*₁*jaun*₂ *lé*₂ *le*₃*na*'₅₄ 'nia'₂ *dsi*₂*jui*₅ *jë*₁*ma*₂*té*₂ *rë*₁*guáin*'₃ *quein*₃ *o*₄'*né*₄. ³⁷ 'E₂ *gué*'₄ *dsen*₃ *dsa*₂ *i*₂*le*₁*ne*₅₄ *jë*₁*ma*₂*ca*₂*guán*'₃ *juig*₅₄. *A*₂*dsi*₂*jó*'₃ *juá*'₅ *j*_{niá}₂, 'ñio_g bá₄ 'éi₂ *dsio*_g *ne*₄ *mesa*, *ton*'₂ *quí*'₃ 'mi'₂ *a*₂*j*_{me}₂*ti*₃ *ñág*₃ *má*₃. ³⁸ 'E₂ *gué*'₄ *dsen*₃ *dsa*₂ *i*₂*tion*'₅₄ *le*₁*ne*₅₄ *jë*₁*ma*₂*ca*₂*jo*₃ *juig*₅₄ *o*₁*j*_{ñia}'₅₄ *la*₂ *ca*₂*guáin*'₃ *a*₂'*uë*₂ *dsi*₃*nei*₅, *o*₃ *ma*₂*ca*₂*ñí*₂ *dsi*₃*nei*₅ 'e₂. ³⁹ *La*₁ *jui*₁*le*₂*ñi*'₅₄ 'nia'₂ *a*₂*la*₂ *ján*₃, *jua*'₅₄ *mei*'₂ *gué*'₃ *ñis* *dsa*₂ *quió*'₅ *dsi*₂*néi*₂ 'e₂ *hora* *jiá*₃ *dsa*₂ 'ang₂, *guá*₃ *rë*₂*nei*₅₄, *j*_{mo}₂₃ 'í₁, *tsá*₃ *cuë*₃ *j*_{mi}₄ 'í₂ *dsa*₂ 'éi₂, 'ang₃. ⁴⁰ *Le*₂*në*₅ bá₄ 'nia'₂ *ján*₃, *rë*₂*jáng*'₁ *chang*'₂, *ia*₁ *con*'₂ *tsá*₃ 'ein₂ *lín*₂ bá₄, *të*₃*tsin*'₅₄ *Jaun*₅ *dsa*₂ *mi*₂*güig*₃.

*Jui*₁*lia*'₂ *dsa*₂ *i*₂*tsá*₃ *rë*₂*ti*'₅₄ *ta*₁ *quió*'₅
(Mateo 24:45-51)

⁴¹ *Jaun*₂ *në*₃ *ca*₂*ñag*₃ *Pe*₄:

—*Te*₁*gui*'₅₄, *¿a*₁*në*₂*chei*'₅₄ *j*_{má}'₃ *j*_{nia}'₅₄ *jág*₁ *jáng*'₅ *léi*₄ *në*₅, *o*₃ *a*₂*në*₂*chei*'₅₄ *ca*₂*le*₃*jín*₃ 'e₂?

⁴² *Jaun*₂ *ca*₂*juá*'₂ *Te*₁*gui*'₅₄:

—*¿I*₂'*e*_{in}₂ 'éi₂, *lín*'₂ 'nia'₂, *lín*₅ *dsa*₂ *dsen*₃ *i*₂*rë*₂*ti*'₅₄, *nio*_g₅ *dsi*₄, *i*₂*ca*₂*dsio*_g₃ *juig*₅₄ *nio*₃ *ne*₅₄ *j*_{mo}₃ *ta*₁ *dsi*₂*néi*₂, *a*₂*ag*'₃ *ñi*'₃ *dsa*₂ *hora* *ca*₂*tíin*₂? ⁴³ 'E₂ *gué*'₄ *dsen*₃ *dsa*₂ *i*₂*nio*_g₅ *ne*₄, *i*₂*jo*₅ *juig*₅₄ *j*_{me}₂*ti*₃ bá₄ *ta*₁ *quió*'₅, *i*₁*guain*'₂. ⁴⁴ *A*₂*dsi*₂*jó*'₃ *juá*'₅ *j*_{niá}₂, *dsio*_g₃ *juig*₅₄ *a*₂*nio*₃ *ne*₅₄ *ca*₂*le*₃*jé*₃ *a*₂*cha*₂ *quió*'₅. ⁴⁵ *La*₁ *në*₁*jua*'₂ *lín*₂ *dsa*₂ *i*₂*nio*_g₅ *ne*₄ 'éi₂, *le*₃'*ag*₄ bá₄ *guan*'₂ *juig*₅₄,

† 12:25 *o*₃, "I₂'e_{in}₂ 'nia'₂ *i*₂*lé*₂ *le*₃*j*_{mo}₃ *a*₂*dsi*₃*cón*₃ *gué*'₄ *caun*₂ *lë*₂."

chi₂jua'₂ ca₂jme₃lióg₃ ca₂jmaí'₂ uig₅ dsa₂ ηe'₂, dsa₂ mí₂ né₃ i₂jme₂ti₃ ta₁, ton'₂ 'ηiog₅ gué'₂ ca₂'í₃ gué'₅, 'ín'₂, ca₂rē₃'ein₅ bá₄ 'ηiog₅, ⁴⁶ la₁ con'₂ tsá₃ jáin₅, con'₂ caun₂ hora a₂tsá₃ ηi₅ bá₄ guan'₂ jui₅; uig₅ gau₂ 'ηio₅ lín₃ bá₄ cué₃ 'éi₂, co₂jaun₂ bá₄ uig₅ gue₃ con'₂ lé₅ tin₃ dsa₂ i₂tsá₃ 'én₂.

⁴⁷ 'Jui₁lia'₂ dsa₂ i₂ηi₅ 'e₂ 'nio₃ jui₅; la₁ tsá₃ 'e₂ co₂jñia₅₄ jmo₂₃, on₃ gué'₂ jme₂ti₃ a₂juá'₂ 'éi₂, cán₂ uig₅ dsi₃bain₅₄ ca₂lia'₂ ton₅ 'mi₅ 'lióng₂ lín₃ ni₁ηi₁₂. ⁴⁸ La₁ jui₁lia'₂ i₂tsá₃ 'e₂ ca₂rē₃ηi₅ ton'₂ jmo₅-dsáu₅ cosa a₂ca₂tíin₂ gue₃ uig₅, tsá₃ lín₅₄ 'lióng₂ 'mi₅ cán₂. Jui₁lia'₂ dsa₂ i₂'lióng₂ tē₂no₄ gu₂ a₂ca₂tíin₂ jme₃ti₃, ján₃ bá₄ 'lióng₂ a₂mág₃ jui₅; ján₃ gué'₂ le₂jaun₂ jui₁lia'₂ i₂ma₂dsia₅ dsa₂ 'lióng₂ ne₅₄, 'lióng₂ gué'₄ a₂chi₃quióng₂ dsa₂ jmíg₄ jáng'₃.

*Jesús bá₄ 'uin₄ a₂lé₂ le₁dson'₅₄ dsa₂
(Mateo 10:34-36)*

⁴⁹ 'A₂i₃ 'ing₅₄ si₂ mi₂güüg₃ la₂ bá₄ jniá₂ guio₃. 'E₂ gué'₄ 'ín₅ dsi₃, jua'₅₄ ma₂cau₂ bá₄ co₂ηei'₅₄ tē₂nē₃! ⁵⁰ La₁ tion₅₄ niog₅ tiáng₄ jui₅ ja₁dsi₃ñíg₂ mi'₅₄ 'ηio₅ lín₃. Jaun₂, 'e₂ gué'₄ 'ηio₅ o₂i₁ dsi₅ chang₂, ca₂lia'₂ ca₂rē₃ti₃ ta₁ a₂guio₃! ⁵¹ ¿Lín'₂ 'nia'₂ a₂guio₃ jniá₂ i₃'ei₃ tei₄ mi₂güüg₃ la₂? On₃jua'₅₄ le₂jaun₂. A₂i₃jmo₃ le₁dson'₅₄ dsa₂ bá₄ jniá₂ guio₃. ⁵² Ia₁ tē₂le₃ ne₄ jui₅ ja₁dsau₅₄ nē₅, jui₁lia'₂ caun₂ dsi₂néi₂ ja₁lé₂ 'ñiá₂ dsa₂, lé₂ le₁dson'₅₄, ⁵³ ún₂ jme₃'ñiai₅₄ on₃; i₂on₃ jme₃'ñiai₅₄ i₂ún₂ táng₃; jui₁lia'₂ jmei₂ dsa₂ tóin'₃ mi'₅₄ quian'₅₄ ja₁ñi'₅₄, ja₁ñi'₅₄ gué'₂ 'í₂ mi'₅₄ quian'₅₄ jmei₂; jui₁lia'₂ chog₅₄ tóin'₃ mi'₅₄ quian'₅₄ ja₁míg₄, ja₁míg₄ gué'₂ 'í₂ mi'₅₄ quian'₅₄ chog₅₄. Jui₁lia'₂ i₂lín₅ ma₂chog₅₄ dsa₂, tóin'₃ mi'₅₄ quian'₅₄ lo₅₄, jui₁lia'₂ mi₂lo₅₄ 'í₂ mi'₅₄ quian'₅₄ ma₂chog₅₄.

*Jui₁lia'₂ jme₁cha₂ léi₄ guei'₅₄
(Mateo 16:1-4; Marcos 8:11-13)*

⁵⁴ Já₃ bá₄ ca₂tsí'₃ dsa₂:

—Jme₁caun'₂ 'nia'₂ 'í₁ guei'₅₄ jme₁tsau₂ jnei₅ le₃ja₁rín₂ 'iog₂, jag'₄ 'nia'₂, jiá₃ jmí₅, dsón'₂ bá₄ le₂jaun₂ lé₂. ⁵⁵ Jaun₂ jme₁ja₂ dsí₂ tē₂le₃ sur, jag'₄ 'nia'₂ dséi₃ 'iog₂ nē₃. Jaun₂ dsón'₂ bá₄ le₂jaun₂ lé₂ já₃. ⁵⁶ 'Nia'₂ dsa₂ i₂jñia'₅₄ dse₃ le₁'ág₄ o₁ne₁! 'ñi'₅₄ 'nia'₂ 'a₂lia'₂ jua'₅₄ 'e₂ niog₅ tē₅ ne'₅₄ 'nia'₂ guei'₅₄, quian'₅₄ 'e₂ lé₂ ne₄ gua'₅₄ 'uē₃. ¿'A₂ bá₄ lia'₂ tsá₃ tin'₂ 'nia'₂ caun'₅₄ 'í₁ léi₄ a₂ma₂cha₂ rē₂nē₃?

*Jme₁jen'₂ já₃ quian'₅₄ dsa₂ i₂'iog₅₄
(Mateo 5:25-26)*

⁵⁷ ¿'E₂ lē₃ tsá₃ caun'₂ 'nia'₂ 'í₁ jē₄ quiáng'₂ guiong'₅₄ a₂dsi₂ten₅₄ jmó'₂? ⁵⁸ Jē₁ma₂'eng'₅₄ jui₅ dsióg'₄ ne₄ dsi₂tan₅₄ quian'₅₄ dsa₂ i₂'nag₅, jme₁jen'₂ 'nia'₂ já₃ le₂'i₄ jui₅ jme₁dsian₅ mi'₅₄ a₂chang'₂ quian'₅₄. Ia₁ con'₂ tsá₃ ηó₅ nē₁jua'₂ ca₂tsag'₂ tē₃ne₄ dsi₂tan₅₄ i₂qui₂dsi₅ 'éi'₃. 'Éi₂ nē₃ jáng'₃ ne₄ 'lióg₂; 'lióg₂ gué'₄ né₃ to'₂ né₃ 'má₃. ⁵⁹ Juá'₅ jniá₂, o₁líg'₂ tsá₃ o₃'ing'₂ ja₁jaun₂ ca₂lia'₂ ca₂qui'₅₄ jē₁ca₂tó'₂ 'ñi₁ guéin₂ a₂ríng'₂.

13

A₂quen₅ lín₃ bá₄ a₂dsi₂quén'₅ dsí₅ dsa₂

¹ Jmíg₄ jaun₂ i₂lín₅₄ dsa₂ i₂jme₁tion'₅₄ gué'₄ ca₂dsia₃ ca₂tsí'₃ Jesús 'a₂lia'₂ ca₂jme₃dsian₅ Pilato i₂lín₅₄ dsa₂ chan₂ Galilea. Ca₂cóin'₂ jmi₄ dsa₂ 'éi₂ quian'₅₄ jmi₄ já₂ i₂ca₂jme₃dsian₅ dsa₂ i₂jéin'₂ ne₄ Diú₄.

² Jaun₂ ca₂juá'₂ Jesús né₃:

—¿Lín'₂ 'nia'₂ né₃, dsa₂ chan₂ Galilea 'éi₂ ca₂i₃ñíi₂ le₂jaun₂ ia₁ 'lióng₂ gué'₄ dso₄ jme₁le₁cáin'₄ lia'₂ con'₂ gué'₄ dsa₂ go₅₄? ³ Juá'₅ jniá₂, on₃jua'₅₄ le₂jaun₂; ia₁ le₂nē₅ bá₄ 'nia'₂ já₃, nē₁jua'₂ tsá₃ ca₂dsi₃quén'₅ 'au'₂, dsiáng'₃ já₃. ⁴ ¿On₃ bá₄ lín'₂ 'nia'₂, 'ηio₅ lín₃ gué'₄ jme₁le₁cán'₄ dso₄ dsa₂ i₂guia₃-jñiá₂ i₂ca₂dsan₃ 'éi₂, lia'₂ con'₂ ca₂qui'₃ ni₁'ia'₂ ηei₅ ja₁chei₂

Siloé, lia'₂ con'₂ gué₄ ca₂le₃jín₃ i₂tián'₅ Jerusalén? ⁵ Juá'₅ jniá₂, on₃jua'₅₄ le₂jaun₂; ia₁ ján₃ bá₄ le₂në₅ 'nia'₂, në₁jua'₂ tsá₃ ca₂dsi₃quén'₅ 'au'₂, dsiáng'₃ bá₄ ján₃.

Jág₁ jáng'₅ léi₄ quió'₅ ni₁'ma₂ higuera a₂tsá₃ míg₂ 'ag₅

⁶ Jaun₂ ca₂juá'₂ táng₃ Jesús jág₁ jáng'₅ léi₄ la₂:

—Jan₂ dsa₂ jme₁jnia₄ caun₂ 'ma₂ a₂'ag₅ míg₂ higo ja₁nau₂ quió'₅, jaun₂ ca₂i₁jag₅₄ chi₂jua'₂ ma₂le₁'ág₄ míg₂. Tsá₃ míg₂ cha₂ gué'₂ né₃, jme₁dsióg₃. ⁷ Jaun₂ ca₂tsí'₃ dsa₂ i₂jmo₅ 'í₁ ja₁nau₂ jaun₂: “Ma₂'ni₅ ni₂ guio₂₃ i₂jág₃ ni₁'ma₂ në₅ chi₂jua'₂ le₁'ág₄ míg₂, la₁ caun₂ tsá₃ míg₂ cha₂ bá₄ lia'₂ co₂ráun₂ guio₅₄. Qui'₅₄ co₂ñei'₅₄. Tsá₃ ta₁ jmo₃ jñia'₅₄ jme₂dsiá₃ 'o'₅₄ 'uë₃ bá₄.” ⁸ La₁ dsa₂ i₂jmo₅ 'í₁ ja₁nau₂ 'éi₂ né₃ ca₂ñag₃: “Te₁gui'₅₄, cué₄ jmig₄ o₁dsi₅₄ gué₄ caun₂ ni₂ la₂; jmo₅₄ dse₃ le₃lág'₃, tó'₄ 'mig₄ já'₂ né₃, ⁹ o₁ne₄ chi₂jua'₂ 'ag₃ míg₂ ni₂ caun₂. Në₁jua'₂ tsá₃ 'e₂ míg₂ cha₂ i₁jáun₃, jaun₂ gué₄ uín'₂.”

Ca₂jme₃'lión₂ Jesús jan₂ 'io₅₄ i₂jme₁quin'₅₄ mi₂ca'₅₄ caun₂ jmig₄ sa₅₄

¹⁰ Caun₂ sa₅₄, jme₁'en₅₄ Jesús jme₂tiin₂₃ dsa₂ dsi₂néi₂ guá'₅ sinagoga.

¹¹ Ja₁jaun₂ jme₁'en₅₄ jan₂ 'io₅₄ i₂ma₂guia₃-jñiá₂ ni₂ dso'₅₄. Ca₂jmóg'₂ jme₂dsí₂ 'lin'₅₄ rë₂guen'₂ mi₂ca'₅₄, jme₁ñi₂₃ tsá₃ lé₂ néi'₃ rë₂.

¹² Jme₁ca₂jág₂ Jesús, jaun₂ ca₂të₃, jaun₂ ca₂juá'₂:

—'Io₅₄, ma₂ca₂'lóng'₂ bá₄ dso₄ a₂jme₁lín'₄.

¹³ Jaun₂ ca₂téi₂ gu₂. Dsi₂jui₅ le₂jaun₂ bá₄ ca₂néi'₃ mi₂ca'₅₄ 'io₅₄, jaun₂ ca₂jme₃juiin'₂ Diú₄.

¹⁴ La₁ dsa₂ i₂niog₅ ne₄ guá'₅ sinagoga, ca₂rë₃'néi₃ quian'₅₄ Jesús ia₁ ca₂jme₃'lión₂ dsa₂ 'éi₂ të₃ jmig₄ sa₅₄. Jaun₂ ca₂tsí'₃ dsa₂ i₂tion'₅₄:

—Jñéi₂ jmig₄ bá₄ ca₂tín₂ dsa₂ jmo₃ ta₁; jui₁ja₂lén₂ 'ein₂ 'nio₃ 'lión₂ jë₄ semana, on₃jua'₅₄ rë'₂ jme₁sa₅₄.

¹⁵ Jaun₂ ca₂ñag₃ Te₁gui'₅₄ ca₂tsí'₃ 'éi₂:

—'Nia'₂ dsa₂ i₂jñia'₅₄ dse₃ le₁'ág₄ o₁ne₁! ¿Tsa₁ 'ein₂ 'nia'₂ chén'₂ ca₁jui₅ o₃ bú'₄ quián₅ jua'₅₄ tsá₃ dsi₃jio₃ dsi₃ 'ein'₅₄ jmig₂ o₁jñia'₅₄ lé₅ sa₅₄? ¹⁶ Ia₁ dsa₂ mí₂ la₂, i₂lín₅ jan₂ tsi₁jon₂ Abraham; i₂së₃dsen₃ jme₁ma₂'nei'₂ ma₂guia₃-jñiá₂ ni₂. Jaun₂ né₃, ¿tsa₁ ca₂tiin₂ chein'₂ ján₃ jñia'₅₄ të₃ jmig₄ sa₅₄?

¹⁷ Jme₁ca₂juá'₂ Jesús le₂në₅, ca₂rë₃gui'₅₄ bá₄, ca₂le₃jín₃ con'₂ dsa₂ i₂'io₅₄. La₁ 'io'₂ jén'₅ të₅ dsí₅ bá₄ dsa₂ i₂tion'₅₄, ca₂le₃jé₃ a₂jlá'₁ jmo₅ 'éi₂.

Jág₁ jáng'₅ léi₄ jui₁lia'₂ míg₂ jon₂ quió'₅ ni₁'ma₂ mostaza

(Mateo 13:31-32; Marcos 4:30-32)

¹⁸ Ca₂juá'₂ né₃:

—¿'A₂ lia'₂ le₃juá'₄ lé₅ ja₁gon₂ Diú₄? ¿'E₂ quian'₅₄ lé₂ le₃quíng₄? ¹⁹ Lé₅ jui₁lia'₂ míg₂ jon₂ ni₁'ma₂ mostaza* a₂ca₂jne₃ jan₂ dsa₂ ja₁nau₂ quió'₅. Jaun₂ ca₂i₃cón₃ ca₂dsióg₃ ca₂lë₃ caun₂ ni₁'ma₂ pa₁; i₁tan₅ né₃ ca₂tó'₂ tsag₅₄ gu₂ nei'₅₄ jaun₂.

Jág₁ jáng'₅ léi₄ jui₁lia'₂ 'a₂ lia'₂ ron'₂ i₁ñí'₄

(Mateo 13:33)

²⁰ Ca₂juá'₂ Jesús le₂la₂ ján₃:

—¿'E₂ quian'₅₄ lé₂ le₃quíng'₄ lé₅ ja₁gon₂ Diú₄? ²¹ Lé₅ jui₁lia'₂ lé₅ levadura a₂co₂güin'₂ jan₂ 'io₅₄ jë₄ 'ni₅ tio'₅₄ 'ma₂† ti₁can₁ i₁ñí'₄. Quian'₅₄ co₁sén'₄ levadura bá₄ guion'₂ ca₂le₃jé₃ ti₁can₁.

Jág₁ jáng'₅ léi₄ quió'₅ o₄'né₄ dsag₂

(Mateo 7:13-14, 21—23)

* 13:19 mostaza: On₃jua'₅₄ mi₁jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ bá₄ jaun₂ a₂chei₂ Brassica nigra. † 13:21 griego: sata, (caun₂ tio'₅₄ 'éi'₃ 'ma₂ jaun₂ 'éi₄ con'₂ 22 litros.)

²² Lia'₂ con'₂ ma₂ 'ein'₅₄ jui'₅ a₂ dsió'₄ Jerusalén, qui'₂ ca₂ i₁ jme'₁ tñin'₂₃ gué'₄ dsa₂ le₂ tan'₅₄ juig₂ te'₁ i₁ ja₁ ca₂ ñi'₅.

²³ Jaun₂ ca₂ ñag₃ jan₂ dsa₂:

—Te₁ gui'₅₄, ¿me'₂ bá₄ dsa₂ i₂ tñin'₅?

Jaun₂ ca₂ ñag₃:

²⁴ —Quen'₂ 'nia'₂ bí₂ tíong'₂ jui'₅ o₄ 'né₄ dsag₂; ia₁ juá'₅ jniá₂, juin'₅ i₂ 'nio₃ tón'₃, la₁ tsá₃ le₃ qui'₅₄ jmi'₄. ²⁵ Ia₁ con'₂ tsá₃ ñó₅ jē₁ ma₂ tē₂ rē₁ náu₃ juig'₅₄ dsi₂ néi₂, jnéi₃ o₄ 'né₄, 'nia'₂ né₃ i₂ tē₃ tsing'₅₄ le₃ ca₁ 'né₄, jme₁ lió'₄ to'₅₄ mi'₅₄ té'₄: “¿Te₁ gui'₅₄! Nia₄ o₄ 'né₄, tíó'₄ jnia'₅₄.” ‘Éi₂ né₃ ñag₃: “Tsá₃ cuín'₅ jniá₂ 'nia'₂; tsá₃ guion'₅₄ a₂ já'₄ ja₂ nó'₅ 'nia'₂.” ²⁶ Jaun₂ gué'₄ jme₁ lió'₄ 'nia'₂ jua'₅₄: “Jnia'₅₄ bá₄ la₂ i₂ ma₂ que'₅₄ ma₂ 'ne'₅₄ co₂ lē₅ quian'₅₄ 'ne₂; jua'₂ 'ne₂ bá₄ gué'₂ ca₂ jme₁ tag'₂ jnia'₅₄ jin₄ juin'₅ dsa₂.” ²⁷ Jaun₂ dsa₂ juig'₅₄ dsi₂ néi₂ né₃, ñag₃: “Ma₂ nē₂ juá'₃ jniá₂ tsá₃ guion'₅₄ i₂ 'ein'₂ 'nia'₂. Cau₅ jñia'₃ 'nia'₂ ca₂ le₃ jing'₃ i₂ jmo₅ dsó'₅ a₂ 'lig'₅₄.” ²⁸ Ja₁ jaun₂ qui₂ o₁ 'o'₄ o₁ qui'₃ 'nia'₂ jan'₅₄, jē₁ ma₂ tē₂ rē₁ jing'₅₄ Abraham, Isaac, Jacob, quian'₅₄ ca₂ le₃ jin'₃ gué'₄ dsa₂ i₂ jme₁ 'é₂ jág₁ quián'₅ Diú₄, tñin'₅₄ ja₁ gon₂ Diú₄, la₁ 'nia'₂ gué'₂ né₃, dsi₃ gang'₅₄ uing₂. ²⁹ Ia₁ qui₂ ja₃ len'₅ i₂ chan₂ ca₂ taun₂ ca₂ taun₂ mi₂ güig₃ ja₃ tñin'₂ gué'₃ co₂ dsia₅ ja₁ gon₂ Diú₄. ³⁰ La₁ lé₂, chan₂ i₂ lín'₅₄ i₂ tñion₂ le₃ jē₁ ca₂ tó'₂, tē₃ tsin'₅₄ le₃ ne₄ jui'₅; i₂ tñion₂ le₃ ne₄ jui'₅ rē₂ né₃ gué'₂ né₃, tē₃ tsin'₅₄ le₃ jē₁ ca₂ tó'₂.

Ca₂ o₃ Jesús o₄ quió'₄ dsa₂ juig₂ Jerusalén

(Mateo 23:37-39)

³¹ Hora jaun₂ dé₄ dsi₃ lén₂ i₂ lín'₅₄ dsa₂ fariseos, ca₂ juá'₂:

—Co₂ ñei'₅₄ dse₃ jú₅ ja₁ lá₃, quian₂ jui'₅ quiáng'₂, ia₁ 'nio₃ Herodes jñag'₃.

³² Jaun₂ ca₂ ñag₃ táng₃ Jesús:

—O₂ nó'₅ 'nia'₂, o₂ chei'₅₄ dsi₂ ma₂ jág₂ † 'éi₂: “Ñi₂, la₂ bá₄ 'ú₄, nē₃, 'ióg₃ né₃; nē₃ bá₄ gué'₄ 'uing'₅₄ jme₂ dsi₂ je₂ na'₅₄ quió'₅ dsa₂, nē₃ gué'₄ qui₂ jme₁ 'liong'₅₄ dsa₂. 'Ióg₃ caun₂ gué'₄ 'ñia₅ quió₃.” ³³ A₂ caun₂ jmo₅₄ bá₄ jniá₂ ta₁ a₂ ca₂ tñing₂ jmo₅₄ tē₁ lia'₂ chang₂, ia₁ tsá₃ lé₂ le₃ jón₂ jan₂ dsa₂ i₂ 'é₂ jág₁ quián'₅ Diú₄ uing₂ ja₁ lé₄ juig₂ Jerusalén. ³⁴ ¡'Nia'₂ dsa₂ juig₂ Jerusalén! ¡'Nia'₂ dsa₂ juig₂ Jerusalén, 'nia'₂ i₂ jme₂ dsiáng'₁ dsa₂ i₂ 'é₂ jág₁ quián'₅ Diú₄, 'nia'₂ i₂ qui₂ jñag'₅₄ cang₄ dsa₂ i₂ chen'₅ Diú₄ jin'₄ 'nia'₂! ¡'Lióng₂ ráun₂ jme₁ 'ín'₅ dsi₃ jme₁ chi₁ liang'₂ chi'₂-guein₂ juig₂ la₂ quiáng'₂, jui₁ lia'₂ jmo₅ i₁ tsín'₃ a₂ chi₂ lain'₂ guein₂ quián'₅ to'₂ né'₃ tsi₁ rē₂ cu₅, la₁ guion'₅₄ 'nia'₂ tsá₃ ca₂ gue'₅₄! ³⁵ Ñi₂ né₃, tē₃ tsi'₅₄ chi₁ güig'₂ dsi₂ néi₂ quiáng'₂. Juá'₅ jniá₂, o₁ lig'₂ tsá₃ ma₃ jag'₅₄ jniá₂, ca₂ lia'₂ ca₂ tē₂ jmi'₄ ja₁ jua'₅₄ 'nia'₂: “Jui₁ le₂ jñió₃ i₂ nē₅ i₂ jás o₄ quió'₄ Te₁ gui'₅₄.”

14

Ca₂ jme₃ 'lión₂ Jesús jan₂ dsa₂ i₂ jme₁ guion₂

¹ Co₂ ráun₂ gué'₂ ca₂ lē₃ táng₃ caun₂ jmi'₄ sa₅₄ a₂ ca₂ ñó₃ Jesús i₃ gué'₃ ja₁ quió'₄ jan₂ dsa₂ dsen'₅₄ quián'₅ dsa₂ fariseos; i₂ lín'₅₄ gué'₂ dsa₂ fariseos sián'₂ a₂ jñia'₅₄ tiog₂₃ bá₄ tñin'₅₄.

² Ja₁ jaun₂ jme₁ 'en'₅₄ jan₂ dsa₂ dso'₅₄ i₂ guion₂.

³ Jaun₂ ca₂ ñag₃ Jesús ca₂ tsí'₃ tē₅ juá'₅ quian'₅₄ dsa₂ fariseos, ca₂ juá'₂:

—¿I₄ 'éi'₃, o₃ tsá₃ 'i₄ 'éi'₃ jme₃ 'lión₂ dsa₂ dsa₂ dso'₅₄ jme₁ jmi'₄ sa₅₄?

⁴ La₁ tei₄ bá₄ i₃ lén₂, tsá₃ 'e₂ ñi₅ ñag₃. Jaun₂ ca₂ jñai'₃ dsa₂ dso'₅₄, ca₂ jme₃ 'lió₂. Jaun₂ ca₂ dsió'₂ quió'₅.

⁵ Jaun₂ ca₂ juá'₂ ca₂ tsí'₃ 'éi₂:

—¿I₂ 'ein'₂ 'nia'₂, tsá₃ dsi₃ dsen'₅ dsi₂ jui'₅ chi'₂ quián'₅,* o₃ jan₂ ca₁ jui'₅ 'e₂ nē₁ jua'₂ ca₂ tain'₂ né'₃ táu₃ jñia'₅₄ tē₃ jmi'₄ sa₅₄?

⁶ La₁ tsá₃ ca₂ tió'₃ ñag₃ jág₁ nē₅.

† 13:32 lit. “dsi₂ güi'₅”, co₂ 'nió'₄ le₃ jua'₅₄, dsa₂ i₂ 'io₅ mai'₅₄. * 14:5 Cha₂ a₂ lín'₅₄ chog'₅₄ si₂ a₂ juá'₂: “dsi₃ dsen'₅ bú'₄ quián'₅.”

Tsá₃ dsió₅ jua'₅₄ quió'₃ dsa₂ 'ma₂si₅₄ ja₁dsen₅₄ gué'₄

⁷ Jme₁ca₂té₂ ne₄ Jesús 'a₂ lia'₂ quió'₅ dsa₂ i₂té₄ jmá'₃ lia'₂ ja₁dsen₅₄ gué'₄ ja₁tian'₂, jaun₂ ca₂cué₃ jág₁ a₂jáng'₅ léi₄ la₂:

⁸ —Nē₁jua'₂ 'ein₂ té₂ ja₁nio₅ jmig₄ jen'₂ gu₂ dsa₂, tsá₃ ne'₅₄ jui₁lia'₂ ja₁dsen₅₄, ia₁ con'₂ tsá₃ nō₅ nē₁jua'₂ ca₂dsiō₃ jan₂ i₂dsen₅₄ gué'₄ lia'₂ 'ne₂. ⁹ Ia₁ ¿'e₂ bá₄ lé₂ nē₁jua'₂ dsa₂ i₂nē₂té₂ le₂on'₃ 'nia'₂ juá'₂: “I₂la₂ cué'₅₄ ja₁nēi'₂”? Jaun₂ tē₃ ma₂gueng'₅₄ bá₄ gog'₅₄ o₁né'₂ tē₂ jē₁ca₂tó'₂. ¹⁰ La₁ juá'₅ jniá₂, chi₂jua'₂ líg'₂ nē₁'ein₂ ca₂tē₃, tē₂le₃ jē₁ca₂tó'₂ bá₄ ne'₅₄, ia₁jaun₂ dsa₂ i₂nē₂té₂ lé₂ le₃juá'₂: “A₂mei₅₄ quiáng₃, ja₁dsen₅₄ gué'₄ la₂ i₂nē₂.” Jaun₂ le₂nē₅ bá₄ jme₃juag'₂ dsa₂ i₂qué'₂ quiang'₅₄. ¹¹ Ia₁ jui₁lia'₂ dsa₂ i₂jme₂can'₅₄ guion₅₄, sióin₃ tē₂le₃ jē₁ca₂tó'₂; dsa₂ i₂jmo₅ me'₂ gué'₂ né₃, roin'₂ guei'₅₄.

¹² Jaun₂ ca₂tsí'₃ ján₃, dsa₂ i₂ca₂tē₃ 'éi₂:

—Jē₁ma₂té₂ rē₁'niog'₂ jmó'₂ caun₂ má₃ a₂nig'₅₄ dsa₂, tsá₃ tē'₅₄ jui₁lia'₂ dsa₂ a₂mei₅₄ quiáng'₂, on₃ gué'₂ jui₁lia'₂ i₂lín₅ o₁rín'₂, on₃ gué'₂ jui₁lia'₂ i₂cha₂ cu₄ tián'₅ cau₅ quiáng'₂ né₃. Ia₁ con'₂ tsá₃ nō₅, dsa₂ le₂'éi₂, lé₂ le₃té₂, a₂jéin'₃ táng₃ quiáng'₂. ¹³ Jaun₂ né₃, nē₁jua'₂ 'niog'₂ jmó'₂ caun₂ jmig₄, te'₂ jmá'₃ lia'₂ dsa₂ te₂nē₂, dsa₂ 'lian'₂, dsa₂ ten₄, dsa₂ guian'₅₄ né₃. ¹⁴ Jaun₂ le₂nē₅ bá₄ le₃chang'₂ dse₃. Ia₁ dsa₂ 'éi₂ né₃, tsá₃ qui'₅₄ jmig₄ le₃jéin'₃ quiáng'₂, la₁ i₁jáun₃ bá₄ tíng'₄ quiáng'₂, i₁jen'₅₄ ca₂le₃jín₃ dsa₂ dsen₃.

Jág₁ jáng'₅ léi₄ jui₁lia'₂ dsa₂ i₂té₄ ja₁nio₅ jmig₄
(Mateo 22:1-10)

¹⁵ Jan₂ dsa₂ i₂jme₁guá₄ cau₅ i₂ca₂nág₂ jág₁ nē₅, ca₂tsí'₃ Jesús:

—'E₂ gué'₄ dsen₃ i₂tian'₃ gué'₃ † ja₁gon₂ Diú₄.

¹⁶ Jaun₂ ca₂juá'₂ Jesús:

—Jme₁chan₂ jan₂ dsa₂ i₂ca₂cué₃ caun₂ má₃ pa₁, jaun₂ ca₂té'₃ juin₅ dsa₂. ¹⁷ Jme₁ca₂té₂ hora a₂nio₃ jmig₄ né₃, ca₂chein₃ dsa₂ i₂jme₂ti₃ ta₁ ne₅₄, i₁chi'₄ dsa₂ i₂ma₂lé₅ jág₁ dsi₁lén₂: “I₂nó'₅ 'nia'₂, ia₁ ma₂lé₅ co₂nja₅₄ ca₂le₃jé₃.” ¹⁸ La₁ ca₂le₃jín₃ bá₄ ca₂juá'₂ tsá₃ jii₅₄. I₂le₂'uig₅₄ ca₂nag₃: “Caun₂ 'uē₃ lia'₂ nē₂lá₂; ja₁jaun₂ nei₅₄ i₁jág₃. 'Én₃ dso₄ quió₃ tsá₃ lé₂ nei₅₄.” ¹⁹ I₂sián'₂ gué'₂ táng₃ ca₂juá'₂: “Ŋiá₂ dsán'₃ ca₁jui₅ i₂quia'₂ 'uē₃ i₂tē₂ca₂láng₂, i₂'éi₂ nei₅₄ i₁quió₃ 'í₁ chi₂jua'₂ ma₂téin₅ jmo₃ ta₁. 'Én₃ dso₄ quió₃ tsá₃ lé₂ nei₅₄.” ²⁰ I₂sián'₂ gué'₂ ca₂juá'₂ táng₃: “Gu₃ lia'₂ nē₂jeng'₅₄; jaun₂ lé₃, tsá₃ lé₂ nei₅₄.” ²¹ Jaun₂ jme₁dsián'₃ mozo 'éi₂ ca₂jmóg'₃ jág₁ ne₄ juig₅₄, jaun₂ ca₂rē₃ 'né₃ bá₄ juig₅₄. Jaun₂ ca₂juá'₂ tsí'₅ táng₃ mozo 'éi₂: “Co₂chi'₅₄ o₂nj₄ jē₄ calles, le₂tan₅₄ ja₁le₁nj'₂ dsa₂ juin₅ jē₄ juig₂, qui₂o₂quian₅ dsa₂ te₂nē₂, dsa₂ 'lian'₂, i₂guian'₅₄, i₂ten₄ né₃.” ²² Jme₁co₂lág₂ jaun₂, ca₂juá'₂ dsa₂ mozo 'éi₂: “Gui'₅₄, ma₂nē₂jmo₃ con'₂ lé₅ nē₂jua'₅₄. Jo₂ bá₄ gué'₄ dsi₂néi₂.” ²³ Jaun₂ ca₂juá'₂ táng₃ juig₅₄: “Gua₂ táng₃ jē₄ calles le₂tan₅₄ ja₁lé₄ o₄jui₅, o₂quian₅ tion₅₄ dsa₂ i₂jeng'₂, jaun₂ can'₂ dsi₂néi₂ quió₃. ²⁴ Ia₁ le₂nē₅ bá₄ juá'₅ jniá₂, 'i₁jan₂ i₂jme₁lé₄ jág₁ ca₂té₃ le₂'uig₅₄ 'éi₂, tsá₃ quein'₃ jē₄ jmig₄ quió₃.”

'Ŋio₅ bá₄ 'ua'₂ ta₁ a₂jme₃quian'₅₄ dsa₂ Te₁gui'₅₄
(Mateo 10:37-38)

²⁵ Juin₅ lín₃ dsa₂ i₂jme₁ma₂quian'₅₄ Jesús. Jaun₂ ca₂jéin'₃ ca₂juá'₂:

²⁶ —Chi₂jua'₂ 'ein₂ 'ei₅ dsí₅ jme₃quiong'₅₄ jniá₂, nē₁jua'₂ tsá₃ ca₂tén'₃ dsí₅ téin₂ jmei₂, chog₅₄, dsa₂ mí₂ quiáin₅, chi'₂-guein₂ quiáin₅, ca₂le₃jín₃ gué'₄ o₁rín'₅₄ né₃; nē₁jua'₂ tsá₃ ca₂tén'₃ dsí₅ le₂jio₅ jme₂dsí₂ quió'₅ né₃, tsá₃ lé₂ le₃lén₂ dsa₂ quiáng₃. ²⁷ Jua'₅₄ 'ein₂ tsá₃ ca₂tén'₃ dsí₅ gue₃ 'mú₃, ‡ jiá₃ chi₁co'₅₄ quió'₅, tsá₃ lé₂ le₃lén₂ dsa₂ quiáng₃. ²⁸ Jua'₅₄ mei'₂ gué'₃ chan₂ jan'₂ 'nia'₂ i₂'nio₃ chi'₃ caun₂ ni₁'ia'₂ nēi₅, ¿on₁ njiá₅ de'₂ con₂ 'í₁ chi₂jua'₂ ma₂len₅ cu₄ quió'₅ ca₂lia'₂ a₂'ió'₄ a₂jaun₂? ²⁹ Ia₁ nē₁jua'₂ tsá₃ le₂jaun₂, jme₃lió₃ 'uig₅₄

† 14:15 lit. “gué'₃ i₁nj'₄.” ‡ 14:27 lit. “tsá₃ cán₂ cróg₄ quió'₅.”

'ia₂, tsá₃ tió₅ gué₂ jme₃'ió₃, ca₂le₃jín₃ dsa₂ i₂jág₃ a₂jaun₂, a₂lë₁co₂jmóg₂ co₃ñág₂ bá₄.
³⁰ Dsa₃: “Dsa₂ nē₅ con₂ n̄₁ia₅₄ ca₂jme₃lióg₃ 'uig₅₄, la₁ tsá₃ gué₂ qui₅₄ jmig₄ jme₃'ió₃.”
³¹ O₃ jui₁lia₂ jan₂ rag₅₄ gué₂, i₂jmo₃ 'nei₂ quian₅₄ jan₂ rag₅₄ sián₂, t̄₁tsa₁ jñiá₅ de₂ guá₃
con₂ 'í₁ chi₂jua₂ tió₅ quian₅₄ guian₃ mei₅ 'lióg₂ quiáin₅, dsi₃quiin₂ quian₅₄ guión₂ mei₅?
³² Chi₂jua₂ ma₂lí₄, tsá₃ tió₅ nē₃, tē₁lia₂ uíng₂ gué₄ já₅ rag₅₄ jan₂, chein₃ dsa₂ i₂quian₅ jág₁
a₂mi₂₃ dsian₅ co₂ñei₅₄ mi₅₄. ³³ Le₂nē₅ bá₄ chi₂'ein₂ 'nia₂ i₂tsá₃ ca₂tén₃ dsi₅ tí₂ ca₂le₃jé₃
a₂cha₂ quió₅, tsá₃ lé₂ le₃lén₂ dsa₂ quiáng₃.

Jág₁ jáng₅ léi₄ jui₁lia₂ 'a₂ lia₂ lé₅ tsi₁ñi₁
(Mateo 5:13; Marcos 9:50)

³⁴ (Jui₁lia₂ dsa₂ i₂quian₅₄ jniá₂ lín₅ jui₁lia₂ lé₅ tsi₁ñi₁.) A₂dse₃ bá₄ tsi₁ñi₁ tē₁lia₂ ñi₅₄.
La₁ nē₁jua₂ ca₂'en₃ ñi₅₄ nē₃, t̄₁'a₂ bá₄ lia₂ lé₂ le₃lei₂ táng₃? ³⁵ Tsá₃ ma₃'e₂ ta₁ tí₄, on₃ gué₂
lé₂ le₃lé₂ gua₅₄, on₃ gué₂ ma₂tí₅ ta₁ jua₅₄ a₂le₃lé₂ ca₂bē₅₄ 'o₅₄. Jñia₅₄ lia₂ a₂dsi₃ga₅₄
uíng₂ bá₄. I₂dsi₅₄ gua₄, rē₂ jui₁nei₅₄.

15

Jág₁ jáng₅ léi₄ jui₁lia₂ jan₂ já₂ cha₂ i₂ca₂i₃cón₅
(Mateo 18:10-14)

¹ Ca₂le₃jín₃ dsa₂ i₂cán₂ 'lia₅₄ quián₅ dsi₂tan₅₄, quian₅₄ gué₄ dsa₂ i₂le₁cán₄ dso₄ sián₂,
ca₂o₃lén₂ ja₁'en₅₄ Jesús, a₂o₃néi₃.

² 'Uig₅₄ jaun₂, dsa₂ fariseos quian₅₄ tē₅juá₅ ca₂chi₂ca₂'in₃ Jesús. Ca₂juá₂:

—Dsa₂ nē₅ qui₂guein₂₃ bá₄ dsa₂ i₂le₁cán₄ dso₄, gué₅ co₂lë₅ quiong₅₄.

³ Jaun₂ lë₃ ca₂juá₂ Jesús jág₁ jáng₅ léi₄ la₂:

⁴ —t̄₁I₂'ein₂ 'nia₂, jui₁lia₂ i₂'ñio₅ caun₂ 'ñiá₂-lón₂ já₂ cha₂, nē₁jua₂ ca₂i₃cón₅ jan₂, tsa₁
ja₁co₂'ñiog₅ jaun₂ toin₂ i₂quén₂ ne₂guión₂ rē₂dsi₂ guia₃-né₂ (99) con₂ i₂te₂, dsó₃ táng₃
dsi₂jui₅, dsi₂'niai₂ i₂jan₂ i₂i₃cón₅ 'éi₂, 'nau₂ ca₂lia₂ ca₂dsáu₂? ⁵ Jē₁ma₂ca₂dsáu₂ nē₃, tē₂
jui₅ co₁dsi₁₂, jóin₅ táng₃ 'io₂ jén₅. ⁶ Jē₁ma₂dsiáin₃ dsi₂néi₂ nē₃, ñii₂ ca₂le₃jín₃ a₂mei₅₄
quiáin₅, quian₅₄ gué₄ dsa₂ i₂tián₅ cau₅ quió₅. Jaun₂ juá₂: “Nē₃ o₁tió₄, jmó₁ 'io₂ quian₅₄
jniá₂, ia₁ dsán₅ bá₄ já₂ cha₂ i₂jme₁ma₂i₂cón₅ quiáng₃.” ⁷ Juá₅ jniá₂, 'ñio₅ lín₃ gué₄ bá₄
cha₂ o₂'ñi₃ dsi₅ guei₅₄ i₂juíg₃ o₄quió₄ jan₂ dsa₂ i₂rē₂cán₄ dso₄, i₂dsi₂quén₅ dsi₅, lia₂
con₂ gué₄ o₄quió₄ i₂quén₂ ne₂guión₂ rē₂dsi₂ guia₃-né₂ (99) dsa₂ “dsen₃” i₂tsá₃ 'e₂ 'nió₅
jme₃tsín₃ dsi₅.

Jág₁ jáng₅ léi₄ jui₁lia₂ caun₂ cu₄ 'ua₂ a₂i₃có₅

⁸ 'O₃ jui₁lia₂ jan₂ dsa₂ mí₂ i₂'io₅ guia₃ cu₄ 'ua₂, * nē₁jua₂ ca₂i₃có₅ caun₂, t̄₁tsa₁ téi₂ si₂,
'ía₂ dse₃ lín₃ dsi₂néi₂, 'no₂ ca₂lia₂ ca₂dsó₂? ⁹ Jē₁ma₂ca₂dsó₂ nē₃, jmo₂₃ 'io₂, ñii₂ 'io₅₄
a₂mei₅₄ quiáin₅, i₂tián₅ cau₅ quió₅ nē₃, jaun₂ juá₂: “Nē₃ o₁jmó₁ 'io₂ quian₅₄ jniá₂, ia₁
dsó₅ bá₄ cu₄ a₂jme₁ma₂i₂'ág₃ quió₃.” ¹⁰ Jaun₂ le₂nē₅ bá₄ juíg₂ jniá₂ 'nia₂, chan₂ o₂'ñi₃
o₂jñia₃ dsi₅ ángeles quián₅ Diú₄ o₄quió₄ jan₂ dsa₂ i₂rē₂cán₄ dso₄, i₂ma₂ca₂dsi₃quén₅ dsi₅.

Jág₁ jáng₅ léi₄ jui₁lia₂ jan₂ dsó₂ i₂ca₂dsián₃ táng₃ quió₅ jmei₂

¹¹ Ca₂juá₂ Jesús ján₃:

—Jan₂ dsa₂ jme₁chan₂ on₃ ja₁ñi₅₄. ¹² I₂lín₅ i₂me₂ gué₄ ca₂tsí₃ jmei₂: “Tia₅₄, cué₄
ca₂dsio₄ cu₄ quiáng₂ con₂ ca₂tíng₂.” Jaun₂ jmei₂ nē₃ ca₂dsi₃ 'e₂ a₂cha₂ quió₅, jma₃quén₅
ca₂cué₃ chi₂ quiáin₅ con₂ ca₂tíin₂. ¹³ Mei₂ bá₄ cang₂ jaun₂, dsó₂ i₂me₂ gué₄ qui₂ca₂'nag₃
a₂jme₁ma₂lé₅ quió₅. Quian₅₄ cu₄ jaun₂ ca₂'í₃ jui₅ i₁ñi₂ uíng₂ caun₂ 'uē₃ siá₂. Ja₁jaun₂
ca₂i₁'éin₄ jē₂ cu₄ quió₅, tsá₃ 'en₅₄ dsi₅ ca₂rē₃cháin₃. ¹⁴ Jme₁ma₂dsó₃ jē₂ cu₄ nē₃, 'ñio₅ lín₃
ca₂rē₃'ín₃ a₂gué₃ dsa₂ juíg₂ jaun₂. 'Éi₂ nē₃ ma₂ñi₂₃ 'oin₅₄. ¹⁵ Jaun₂ ñó₃ i₃'nió₂ ta₁ a₂jmo₃

* 15:8 griego: dracma (co₂'nió₄ 'lian₅₄ dsa₂ co₂jmig₄ ta₁).

quió'₅ dsa₂ juig₂ jaun₂. Jaun₂ dsa₂ 'éi₂ né₃ ca₂chei₃ ja₁nau₂ quió'₅ a₂ñii'₃ i₁ñí₅. 16 Jë₁ma₂té₂ rë₁gué'₃ i₁ñí₅, ca₂lia'₂ ma₂le₃gué'₃ 'ñiog₅ cuá'₁ tsi₁rë₂jnei₂ a₂gué'₅ já'₂, la₁ 'i₁jan₂ tsá₃ 'ein₂ ca₂cuē₃ a₂gué'₅. 17 Jaun₂ ca₂i₃ñia₅ dsí₅: “¡Të₁lia'₂ juin₅ mozos i₂'ñio₅ ñe'₃, cha₂ qui₂rë₂tsón₂ a₂gué'₅, jniá₂ né₃ ja₁lá₃ jñí'₅ dsí₃ 'ong₅₄! 18 'Ag₅₄ caun₂ dsí₃, nég'₄ táng₃ dsi₂néi₂ quió'₅ ñe'₃. Juig₅₄ le₂la₂: Tia₅₄ quiáng₃, 'e₂ gué₄ jué'₂ dso₄ ca₂'no₃ ne₄ Diú₄ quian'₅₄ ja₁cong'₂; 19 jñia'₅₄ tsá₃ ma₃ca₂tíng₂ a₂té'₄ jniá₂ jón₃. La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄. 20 Jaun₂ ca₂nau₂ ca₂'í₃ jui₅ jón'₃ táng₃ quió'₅ jmei₂. La₁ úing₂ bá₄ gué₄ jón'₅, jme₁ca₂jág₂ jmei₂. Ca₂tá'₂ néi₂ dsí₅, ca₂ñó₃ co₂chi'₅₄, ca₂cág'₃ cu₅ ca₂chen'₃ quió'₅ 'io'₂ jén'₅. 21 Jaun₂ gué₄ ca₂juá'₂ ja₁ñi'₅₄: “Tia₅₄ quiáng₃, 'e₂ gué₄ jué'₂ dso₄ ca₂'no₃ ne₄ Diú₄ quian'₅₄ ja₁cong'₂; jñia'₅₄ tsá₃ ma₃ca₂tíng₂ a₂té'₄ jniá₂ jón₃.”† 22 La₁ jmei₂ né₃, ca₂tsí'₃ dsa₂ i₂jme₂ti₃ ta₁ tion'₅₄ quián₅: “¡Ma₂në₃ co₂chi'₅₄! O₂dsi₄ 'mi'₂ a₂lé₅ a₂dse₃ gué₄, queng'₅₄ chi'₂ quiáng₃; caun₂ gué'₂ anillo tio'₂ chi₁gú₃. Co₂dsán'₃ gué'₂ ni₁lau₂ to'₅₄ 'nia'₂ tag₅₄; 23 Jaun₂ o₁te'₄ 'nia'₂ ca₁jui₅ i₂ma₂'on'₅₄ chén'₅, jaun₂ jñii'₄ 'nia'₂. ¡Jaun₂ que₅₄, tió'₄ jmó'₁ 'io'₂! 24 Ia₁ chi'₂ në₅ quiáng₃, në₂jag₄ i₂jme₁ma₂jon₅ bá₄ në₅, la₁ chain₂ bá₄; jme₁ca₂i₃cóin'₅, la₁ ma₂dsáin'₅ bá₄.” Jaun₂ ca₂jme₃lióg₃ jmi₄ tioin'₅₄.

25 'Të₁lia'₂ jaun₂, chi'₂ ja₁ñi'₅₄ i₂lín₅ i₂juin'₂ gué₄, jme₁'ein₅₄ ja₁nau₂. Jme₁ma₂ja₂quián₃ guain'₂ dsi₂néi₂, ca₂nág₂ i₁niog₅ son₅₄ i₁dsan₅ dsa₂. 26 Jaun₂ ca₂té'₃ jan₂ dsó₂ ca₂ñag₃ 'e₂ niog₅ lé₂. 27 Jaun₂ juá'₂ 'éi₂: “Dsó₂ ríng'₂ bá₄ guán'₅, jaun₂ néi'₅ né₃ në₂jmo₃ 'éi'₃ në₂jñi'₃ dsa₂ ca₁jui₅ i₂jme₁chén'₄ 'on'₅₄, ia₁ guán'₅, dsein₃ bá₄, tsá₃ 'e₂ lín₅.” 28 La₁ ca₂rë₃ 'né₃ bá₄ riin'₅₄ i₂juin'₂ 'éi₂. Tsá₃ 'nio₃ 'í₂ dsi₂néi₂; jaun₂ ca₂o₃'ín₃ jmei₂, ca₂juá'₂ jág₁ 'ua₁. 29 La₁ 'éi₂ né₃ ca₂ñag₃ ca₂tsí'₃ jmei₂: “Ca₂le₃jé₃ ñi₂ ma₂guio₃ gua₅₄ jme₃tí₂ ta₁ ne'₅₄, tsá₃ líg'₂ jua'₅₄ ma₂jmo₃ tsá₃ nag₅₄ ja₁cong'₂. Ca₂lia'₂ jñia'₅₄ jan₂ chein₂ lau₂ bá₄ tsá₃ ma₂cuag'₅₄ jniá₂ jua'₅₄ jmo₅₄ jmi₄ quian'₅₄ a₂mei₅₄ quiáng₃. 30 Në₃ gué₄ tíng'₂ jmó'₂ jmi₄ ia₁ guán'₅ ja₁ñi'₄ në₅, i₂lë₁qui₂i'én₄ cu₄ quiáng'₂, qui₂i₁ñi₂ lia'₂ lé₂ dsí₅ quian'₅₄ 'io₅₄ ga₂. Në₃ né₃, jmi₄ jmo'₂ o₄quió'₄, jñí'₅ ca₁jui₅ i₂'on'₅₄ gué₄ jme₁chén'₄.” 31 Jaun₂ ca₂ñag₃ jmei₂: “Jón₃, ma₁ co₂tan₅₄ bá₄ néi'₂ 'ne₂ quian'₅₄ jniá₂; a₂quián'₂ 'ne₂ bá₄ ca₂le₃jé₃ a₂cha₂ quió₃. 32 La₁ në₃ né₃ co₂në₅ ca₂tág₂ jmó₁ jmi₄, quián₁ o₂'ñio₃ dsí₅, ia₁ guán'₅ ríng'₂, në₂jag₄ i₂jme₁ma₂jon₅, la₁ në₃ ma₂chain₂ bá₄ táng₃; jme₁ca₂i₃cóin'₅, la₁ ma₂dsáin'₅ bá₄.”

16

Jág₁ jáng'₅ léi₄ jui₁lia'₂ jan₂ dsa₂ i₂tsá₃ ca₂rë₃ti'₅₄

1 Ca₂juá'₂ Jesús ján₃ ca₂tsí'₃ dsa₂ i₂quiain'₅₄:

—Jme₁chan₂ jan₂ dsa₂ cha₂ cu₄ jme₁'ñioi₂₃ jan₂ dsa₂ i₂niog₅ gu₂ dsi₂néi₂ quió'₅; la₁ ca₂i₁dsia₂ jan₂ dso₄, ia₁ juá'₂ a₂lë₁jme₁qui₂'én₂ 'éi₂ a₂cha₂ quió'₅ juig₅₄. 2 Jaun₂ ca₂të₃ juig₅₄ ca₂juá'₂: “¿I₂'e₂ bá₄ jág₁ në₅ nag₂₃ quián'₂ 'ne₂? Jang'₅₄ cuentas quiáng'₂, ta₁ a₂lín'₅, ia₁ ja₁lá₃ jñia'₃ ta₁ a₂niog₅ gog'₂.” 3 Jaun₂ dsa₂ 'éi₂ né₃ ca₂'náu'₃ dsí₅: “¿E₂ bá₄ jmo₅₄ jniá₂? Jñiá'₂ juig₃ ta₁ quió₃. Tsá₃ béng₂ jua'₅₄ jmo₅₄ ta₁ ja₁nau₂, ján₃ gué'₂ gui'₄ jniá₂ jua'₅₄ a₂lë₁mi₁₂ jme₃'o₅₄ dsa₂. 4 Ma₂guion₄ 'a₂ lia'₂ jmo₅₄ ia₁jaun₂ guei₃ dsa₂ sián'₂ dsi₂néi₂ quió'₅ jë₁ma₂të₁tsing'₅₄ tsá₃ ta₁ cha₂ jmo₅₄.” 5 Jaun₂ ca₂té'₃ tē₃ qui₂ján₃ dsa₂ i₂jme₁le₁rín₃ quió'₅ juig₅₄. I₂le₂'uig₅₄ ca₂tsí'₃: “¿Je₂liá'₂ ríng'₂ quió'₅ gui'₅₄?” 6 Jaun₂ ca₂juá'₂ 'éi₂: “Caun₂ 'ñiá₂-láu₂ ba₂rig₅₄ * no'₅₄.” Jaun₂ juá'₂: “La₂ ron₅ si₂ ja₁ton₅ con'₂ a₂ríng'₂. Né₂, ma₂në₃ jmo₄ táng₃ caun₂ a₂siá'₂, tió'₃ jñia'₅₄ tē₂láu₃-guiá₂ bá₄ taun'₅₄ a₂le₃ríng'₂.” 7 Jaun₂ ca₂tsí'₃ táng₃ jan₂ i₂sián'₂: “Ne₂ gué'₂, ¿je₂liá'₂ ríng'₂?” Jaun₂ juá'₂: “Caun₂ mei₅ 'ma₂ cuig₂.”† Jaun₂

† 15:21 A₂lín₅₄ chog₅₄ si₂ chi₁ton₅ le₂la₂ ján₃: “La₁ jag₄ jniá₂ lia'₂ ja₁jing'₅₄ jan₂ dsa₂ i₂tion₄ quiáng'₂ bá₄.” * 16:6 lit. “caun₂ 'ñiá₂-láu₂ batous”, (caun₂ 'éi'₃ a₂jme₁'io₅ dsa₂, a₂'a₄ con'₂ 37 litros le₂caun₂). † 16:7 lit. “caun₂ 'ñiá₂-láu₂ korous míg₂ trigo”, (caun₂ 'éi'₃ a₂'éi₄ con'₂ guia₃ 'ma₂ le₂caun₂).

ca₂ŋag₃: “Jón⁵ si₂ ja₁ton₅ a₂ring²; jmo₄ táng₃ caun₂ a₂siá² tió³ quén² co₂ne₂guióg₂ bá₄ taun⁵⁴.” ⁸ Juig⁵⁴ né₃, rē₂ bá₄ ca₂’iin₃ dsa₂ i₂tsá₃ ca₂rē₃ti⁵⁴ ’éi₂, ia₁ ’ŋioi⁵⁴ ca₂jmo₃. Ia₁ ja₂lin₃ gué⁴ bá₄ ’ŋio⁵⁴ jui₁lia² dsa₂ mi₂güig₃ jmi₄ né₃, lia² con² gué⁴ chi²-guein₂ i₂i₂nio₄ ja₁jniá² si₂. ⁹ Jaun₂ juig₂ jniá² ’nia², ’nio² ’nia² jui⁵ ’a₂ lia² léng² a₂mei⁵⁴ quian⁵⁴ cu₄ cha₂ mi₂güig₃ ’lig⁵⁴ la₂, ia₁jaun₂ jē₁ma₂ca₂dsa₃ cu₄, chan₂ bá₄ i₂le₃guéi² ’nia² ja₁o₁tiáng² dse₃ co₂tan⁵⁴. ¹⁰ Jui₁lia² i₂rē₂ti⁵⁴ rē₂ quian⁵⁴ ca₂juig₄ a₂tē₂no₄ gu₂, ján₃ bá₄ le₂jaun₂ rē₂ti⁵⁴ quian⁵⁴ ’lióng₂. Le₂jaun₂ gué² jui₁lia² dsa₂ i₂tsá₃ rē₂ti⁵⁴ quian⁵⁴ ca₂juig₄, ján₃ bá₄ le₂jaun₂ tsá₃ rē₂ti⁵⁴ quian⁵⁴ ’lióng₂. ¹¹ Jaun₂ né₃, nē₁jua² tsá₃ rē₂ten⁵⁴ ’nia² quian⁵⁴ cu₄ cha₂ mi₂güig₃ ’lig⁵⁴ la₂, ħ²ein₂ bá₄ i₂lé₂ le₃’ág₃ caun₂ dsí₅ ja₁con² ’nia² quian⁵⁴ a₂lé₅ a₂quen₅ tē₃dsón²? ¹² Nē₁jua² tsá₃ rē₂ten⁵⁴ ’nia² quian⁵⁴ a₂lé₅ quió⁵ dsa₂ sián², ħ²ein₂ bá₄ dsia₃ gog² ’nia² jui₁lia² a₂ca₂tín² ’nia² guiong⁵⁴? ¹³ I₁jan₂ dsa₂ i₂ma₂’lian⁵⁴ tsá₃ lé₂ le₃jme₃ti₃ ta₁ ne₄ on₃ juig⁵⁴. Ia₁ jme₃’ŋiai⁵⁴ jan₂, jan₂ gué² jme₃’nioi₃; o₃ jme₂gain₃ jan₂, jan₂ gué² tsá₃ jui⁵ toin². Tsá₃ ’ein₂ ’nia² lé₂ le₃jme₃ti₃ lia² ne₄ Diú₄, lia² ne₄ Cu₄ né₃.

¹⁴ Dsa₂ fariseos né₃, jme₁tioin⁵⁴ ’nag₂₃ jē₂ jág₁ nē₅. Jaun₂ jnia⁵⁴ ca₂ŋág₂ ’nei₂ bá₄ jme₁ca₂nág₂, ia₁ líin₅ dsa₂ i₂ŋí₄ dsí⁵⁴ cu₄.

¹⁵ Jaun₂ ca₂juá² Jesús:

—’Nia² jmo² a₂dseng³ tē₃ne₄ dsa₂, la₁ cuí⁵ bá₄ Diú₄ dse₃ ’a₂ lia² lé₅ ’au² ’nia². Ia₁ jui₁lia² i₂jmo₅ dsí₅ a₂ŋí₄ lē₃ dsein⁵⁴ ’ŋio₅ quein₅, a₂jaun₂ ’io⁵⁴ Diú₄.

’Éi³ Juá⁵, quian⁵⁴ ja₁gon₂ Diú₄

¹⁶ ’Jme₁ron₅ ’Éi³ Juá⁵, quian⁵⁴ Si₂ quió⁵ dsa₂ i₂jme₁’é₂ jág₁ quián₅ Diú₄, ca₂lia² ca₂té₂ jmi₄ a₂jme₁chan₂ Juan⁵⁴. Ca₂le₃jaun₂ qui₂dsi₂’ag₅ jág₁ jui₁lia² ja₁gon₂ Diú₄; ma₂ja₂lén₂ ca₂le₃jín₃ dsa₂ qui₂quín⁵ bí₂ a₂tóin³. ¹⁷ Tsá₃ gué⁴ ’e₂ ta₁ quian₅ a₂dsi₃ŋí₂ dsí₁ guei⁵⁴ quian⁵⁴ gua⁵⁴ ’uē₃, lia² con² gué⁴ dsí₃’én₂ caun₂ léi₄ pí₁ a₂le₁ton₅ ’Éi³, jua⁵⁴ a₂tsá₃ le₃ti₃.

Jme₂tag₅ Jesús ’a₂ lia² lé₅ jui₁lia² a₂tén₂ dsa₂ dsí₂i₂gu₂
(Mateo 19:1-12; Marcos 10:1-12)

¹⁸ Nē₁jua² jan₂ dsa₂ ŋe² ca₂téin₂ dsa₂ mí₂ quián₅, a₂jéin² táng₃ gu₂ quian⁵⁴ i₂sián², ’no₂₃ dso₄. Ján₃ gué² le₂jaun₂ nē₁jua² dsa₂ ŋe² ca₂cain₃ dsa₂ mí₂ i₂ma₂téi₂ dsí₂i₂gu₂, ján₃ bá₄ co₂jaun₂ ’no₂₃ dso₄ ján₃.

Jan₂ dsa₂ cha₂ cu₄, quian⁵⁴ Lázaro

¹⁹ ’Jme₁chan₂ jan₂ dsa₂ cha₂ cu₄ i₂jme₁quí⁵ j má³ tsin⁵⁴ jlá¹, quian⁵⁴ ’mi² ’ui³ a₂chein⁵⁴ ta₁jain₂, né₃. Le₂’o₃ jmi₄ bá₄ jme₁cué⁵ o₂’ŋi₃ o₂jnia₃ dsí₅, jme₁jmo₂₃ jmi₄ jlá¹. ²⁰ Jme₁chan₂ táng₃ jan₂ dsa₂ te₂ŋé₂ i₂jme₁chen₂ Lázaro, † i₂dso⁵⁴ jme₁qui₂rē₂can² ’mé⁵ ni₁ŋí₁₂. Jme₁dsi₂dsiog₃ dsa₂ o₄’né₄ quió⁵ dsa₂ cha₂ cu₄. ²¹ Dsa₂ te₂ŋé₂ ’éi₂ né₃ jme₁’nio₃ jme₃tain⁵⁴ quian⁵⁴ a₂tsi₂séi² ne₄ mesa. Ca₂tē₂ dsí₂ji⁵⁴ jme₁ja₂lén₂ ja₂’lí³ ne₄ ’mé⁵ quió⁵. ²² Cang₂ jaun₂ ca₂jon₃ bá₄ dsa₂ dsí₂ŋé₂ ’éi₂, ca₂tág₃ ángeles ja₁con₂ Abraham. Cang₂, ca₂jon₃ bá₄ dsa₂ cha₂ cu₄ ’éi₂ ján₃. Ca₂’ó₂ bá₄ dsa₂ né₃. ²³ Jme₁ma₂’ein⁵⁴ ŋág₅ uig₅ ja₁dsi₂len₅ ’lag₄, § ca₂chóg³ ne₅₄ ca₂jín₂ uíng₂ Abraham quian⁵⁴ Lázaro cau₅ quió⁵. ²⁴ Jaun₂ ca₂guió³ co₂mi⁵⁴ ca₂juá²: “Tia⁵⁴ Abraham, dsia₄ ŋéi₂ ’au² jniá², chen₅ Lázaro nē₅ jui₁tia⁵⁴ chi₁gú₃ né³ jmi₃, jui₁jia₂ jme₃güig² le₁tsi³. Ia₁ ’ŋio₅ lin₃ uig₅ ŋag⁵⁴ ’eng⁵⁴ jē₄ si₂ la₂.” ²⁵ Jaun₂ ca₂ŋag₃ Abraham: “Jón₃, dsá² ’au² jmo₄, ca₂gue⁵⁴ bá₄ ’ne₂ a₂dse₃ tē₁lia² ca₂rē₃cháng³. Lázaro la₂ né₃, tsá₃ ’e₂ dse₃ ca₂rē₃cháin₃. Jaun₂ rē₂né₃ né₃ gue₂₃ lián² chain₂ dse₃ ja₁láš. ’Ne₂ gué² ma₂ŋag⁵⁴ uig₅ ja₁nē₅. ²⁶ Ton² jí⁵⁴ ŋei₅ lin₃ lé₅ jē₄ quián₂ jniog₄, jaun₂ tsá₃ ’ein₂ lé₂ le₃ŋí₃ tē₂le₃ nē₅, on₃ gué² i₂tion⁵⁴ ja₁nē₅ lé₂ ŋí₃ le₃la₂.” ²⁷ Jaun₂ ca₂ŋag₃ táng₃: “Mí₅ jniá² ne⁵⁴ jaun₂, tia⁵⁴, a₂dsiang⁵⁴ i₂nē₅ dsí₃con⁵⁴ jág₁ dsau₅ dsí₂néi₂ quió⁵ ŋe³, ²⁸ ia₁ ’ŋiá²

† 16:20 Lia² chen₂ Lázaro jein₅ jág₁, dsa₂ i₂jme₂’o⁵⁴ Diú₄. § 16:23 griego: hades, co₂’nió⁴ a₂juá², ja₁quió⁴ ’lag₄.

chi'₂ ríng'₃ i₂chan₂ gué'₄, ia₁jaun₂ tsá₃ ja₃nag₅₄ uig₅ ja₁lá₃.” ²⁹ Jaun₂ ca₂nag₃ táng₃ Abraham: “I₂ma₂rón'₅ si₂ bá₄ ó₃ ca₂quiog₂ Moisés quian'₅₄ dsa₂ i₂jme₁'é₂ jág₁. ¡Jui'tion'₅₄ jui'₅ a₂juá'₂ 'éi₂!” ³⁰ Jaun₂ ca₂nag₃ táng₃: “Jan₂'ón₄, tia₅₄ Abraham, ia₁ nē₁ca₂dsián'₂ jan₂ 'lag₄ dsi₁con₃ jág₁, dsi₃quén'₅ bá₄ dsí'₅.” ³¹ La₁ ca₂nag₃ táng₃ 'éi₂: “Chi₂jua'₂ tsá₃ nag₅ gau₂ a₂juá'₂ Moisés, quian'₅₄ dsa₂ i₂jme₁'é₂ jág₁ quián₅ Diú₄ né₃, ján₃ bá₄ le₂jaun₂ tsá₃ 'e₂ gau₂ nag₃ o₁jnja'₅₄ la₂ ca₂jen'₅₄ jan₂ 'lag₄ dsi₁con₃ jág₁.”

17

A₂go'₂ nē₁jua'₂ 'ein₂ ca₂tian'₃ dso₄

(Mateo 18:6-7, 21—22; Marcos 9:42)

¹ Ca₂juá'₂ Jesús ca₂tsí'₃ dsa₂ i₂quiain'₅₄:

—Tion₅₄ niog₅ le₃cha₂ bá₄ a₂jmo₃ a₂qui₃nió₃ dsa₂. ¡La₁ 'e₂ gué'₄ juíg₂ jui'lia'₂ dsa₂ i₂'uin₄ a₂dsi₂gan'₅₄ riin'₅₄! ² Ja₂lín₃ gué'₄ dse₃ jua'₅₄ tón₂ dsa₂ ne₄ jmi₁nǐ'₄ chi₁quein₅ ni₁to₂ dsi₂lag₅₄, lia'₂ con'₂ gué'₄ jmo₃ tián'₃ dso₄ jan₂ dsa₂ dsi₂njé₂ la₂. ³ Tē₃nǐ'₅₄ 'nia'₂ jaun₂.

'Chi₂jua'₂ 'ein₂ ríng'₂ jmóg'₂ mi'₅₄, jéin₃. Nē₁jua'₂ ca₂jme₃tsiín₃ dsí'₅, 'én₃ dsáu₁. ⁴ O₁jnja'₅₄ guio₃ ráun₂ nē₂jmóg'₂ mi'₅₄ co₂jmig₄, nē₁jua'₂ guio₃ ráun₂ ca₂jás ne'₅₄, juá'₂: “Tsá₃ ma₃jmo₅₄”, 'én₃ dsáu₁.

Bí₂ a₂'io₅ a₂'éñ₂ dsa₂

⁵ Ca₂juá'₂ chi'₂ dsi₂guia₃-tín₂ ca₂tsí'₃ Te₁gui'₅₄:

—Jmo₄ jui'le₂ 'éin₂ gué'₄ jnia'₅₄.

⁶ Jaun₂ ca₂nag₃ táng₃ Te₁gui'₅₄:

—Tsá₃ a₂nag₅₄ njia'₅₄ con'₂ tí₅ ca₂míg₂ mi₂jon₂ quió'₅ ni₁'ma₂ mostaza* bá₄ 'én'₂ 'nia'₂, lé₂ le₃juig'₅₄ ni₁'ma₂ sicómoro† chí'₅ nē₅, “Jniag'₃ ja₁nē₅, o₂nau₂ ne₄ jmi₁nǐ'₄”, le₂jaun₂ dsón'₂ lé₂ bá₄.

'A₂ ca₂tín₂ jmo₃ dsa₂ i₂jme₂ti₃

⁷ 'Jua'₅₄ mei'₂ gué'₃ jan'₂ 'nia'₂ chan₂ jan₂ dsa₂ i₂jmo₅ ta₁ ja₁nau₂ quió'₅, o₃ jmo₂₃ 'í₂ já'₂ cha'₂ 'e₂, jua'₅₄ mei'₂ gué'₃ ma₂guáin'₅ ja₁nau₂, ¿O₃ bá₄ juig'₂ 'nia'₂: “ñi₅₄ i₂né₂ jaun₂ quē'₅₄?” ⁸ Ma₁ tsá₃ le₂jaun₂. ¿O₃ juig'₂ le₂la₂ 'e₂: “jmo₄ co₂jnja₅₄ a₂gué'₅₄, jmo₄ co₂jnja₅₄ quiáng'₂, jaun₂ nag'₅₄ dsiá'₁ quió₃. Ca₂lia'₂ jē₁ma₂ca₂lě₃ gué'₂, gui'₂ né₃, jaun₂ gué'₄ quē'₅₄, 'ag'₅₄ 'ne₂”? ⁹ ¿Cué'₅ ti₁'mag'₄ dsa₂ 'éi₂ ia₁ jme₃ti₃ con'₂ lé₅ a₂tē₁néi'₂? Jan₂'ón₄. ¹⁰ Le₂nē₅ bá₄ 'nia'₂ ján₃, jē₁ma₂ca₂lě₃ jmo'₂ ca₂le₃jě₃ a₂juá'₂ Diú₄, ca₂tín'₂ 'nia'₂ jua'₅₄: “Tsá₃ 'e₂ ta₁ téi₄ jnia'₅₄ ja₁cong'₂, ia₁ tsá₃ 'e₂ nag₅₄ jua'₅₄ nē₂jmó₁ jnia'₅₄, njia'₅₄ con'₂ a₂ca₂tág₂ jnia'₅₄ jmó₁ bá₄ nē₂jmó₁.”

Ca₂jme₃'lión₂ Jesús guian₃ dsa₂ i₂jme₁lín₄ 'mé'₅ 'iog₅

¹¹ Con'₂ siá'₂, ca₂'í₃ táng₃ Jesús jui'₅ a₂dsióg₄ Jerusalén, qui₂ca₂nǐ₅ le₂tan₅₄ 'uē₃ Samaria quian'₅₄ Galilea.

¹² Jme₁ca₂dsióg₃ caun₂ juig₂ bē'₅₄, ca₂jme₃jein'₂ guian₃ dsa₂ i₂le₁dso'₅₄ lín₅ 'mé'₅ 'iog₅, la₁ uíng₂ bá₄ ca₂nau₂ ja₁chén'₄ Jesús. ¹³ Ca₂juá'₂ tiá₂:

—¡Jesús, Tē₅, dsia₄ nǐé₂ 'au'₂ jnia'₅₄!

¹⁴ Jme₁ca₂jág₂ Jesús, ca₂juá'₂:

—O₂nó'₅ 'nia'₂ o₂jme₁jnia₅ ne₄ jme₂dsa₂.

Jē₄ i₂léin₂ jaun₂ bá₄, ca₂jnja₃ 'mé'₅ a₂jme₁lín₄.

¹⁵ Jaun₂ né₃ jan₂ 'éi₂, jme₁ca₂rě₃lí'₄ ca₂jnja₃ dso'₅₄, ca₂jéin'₃ táng₃ ne₅₄, jme₂juin'₂ Diú₄ co₂mi'₅₄.

¹⁶ Ca₂tóin₂ 'uē₃ cau₅ mi₂tag₄ Jesús, cuē₂₃ ti₁'mag'₄. Jan₂ dsa₂ chan₂ Samaria bá₄ 'éi₂.

* 17:6 mostaza: On₃jua'₅₄ mi₁jáng'₅ a₂cuí'₅ dsa₂ go₄ jniog₄; caun₂ ni₁'ma₂ dsón'₂ jaun₂ a₂tē'₂ tē₅sí₃ Brassica nigra. † 17:6 sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14.

¹⁷ Jaun₂ ca₂juá'₂ Jesús:

—¿On₁jua'₅₄ guian₃ lé₂ i₂ca₂'lón₂? ¿Na₅ guë'₂ i₂ñi₃ 'éi₂? ¹⁸ ¿Jan₂ dsi₂nau₂ la₂ bá₄ i₂jón'₅ jme₂juin'₂ Diú₄?

¹⁹ Jaun₂ ca₂tsí'₃ dsa₂ 'éi₂:

—Nau₂, guan'₂ quiáng'₂. Ca₂'lóng'₂ ia₁ 'éng'₂ bá₄.

'A₂ lia'₂ lé₂ i₁guá₂ 'éi'₃ quió'₅ Diú₄

(Mateo 24:23-28, 36—41)

²⁰ Jaun₂ ca₂ñag₃ dsa₂ fariseos ca₂ññi'₃ Jesús líg'₂ guá₂ jmig₄ a₂le₃gon₂ Diú₄. Jaun₂ ca₂ñag₃ 'éi₂:

—On₃jua'₅₄ a₂cha₂ léi₄ a₂rë₂jniá₂ guá₂ 'éi'₃ quió'₅ Diú₄. ²¹ Jaun₂ tsá₃ 'ein₂ lé₂ le₃juá'₂, jua'₅₄ “ñí₂ ja₁lá₃ já₅”, o₃ “jó₄ já₅.” Ia₁ a₂ma₂'i₄ bá₄ 'éi'₃ quió'₅ Diú₄ jin'₄ 'nia'₂.

²² Jaun₂ ca₂tsí'₃ táng₃ chi'₂ dsi₂guia₃-tín₂:

—Já₅ jmig₄ ja₁lé₂ 'au'₂ 'nia'₂ 'niog'₂ jag'₅₄ jmig₄ a₂le₃gon₂ Jaun₅ dsa₂ mi₂güüg₃, la₁ tsá₃ jaun₂ të₅₄ ne'₅₄ 'nia'₂. ²³ Ia₁ já₅ jmig₄ i₁tsí'₃ dsa₂ 'nia'₂: “ñí₂ ja₁lá₃ já₅”, o₃ “jó₄ já₅.” La₁ tsá₃ o₁nó'₅ 'nia'₂, on₃ guë'₂ jui₁le₂'én'₂ 'nia'₂ quió'₅ i₂juá'₂ le₂në₅. ²⁴ Ia₁ jui₁lia'₂ të₂tsi'₅₄ si₁ñí'₃ ca₂taun₂ ca₂taun₂ guei'₅₄ mi₂güüg₃, le₂jaun₂ bá₄ lé₂ jë₁ma₂të₂ rë₂të₃tsin'₅₄ Jaun₅ dsa₂ mi₂güüg₃. ²⁵ La₁ jniá₅ de'₂ ca₂tñin₂ ñág₃ uig₅ 'ñio₅ lin₃, jme₃'iog₅₄ dsa₂ chan₂ jmig₄ në₃. ²⁶ Ia₁ jui₁lia'₂ ca₂lë₃ jmig₄ lia'₂ con'₂ jme₁chan₂ Noé, le₂jaun₂ bá₄ lé₂ táng₃ jmig₄ quió'₅ Jaun₅ dsa₂ mi₂güüg₃. ²⁷ Ia₁ jme₁tion'₅₄ dsa₂ 'éi₂ jmig₄ jaun₂ qui₂gué'₅, qui₂'ín'₂ në₃, jme₁qui₂jéin'₂ gu₂, qui₂cuñin₂₃ chi'₂ quiáin₅ a₂jéin'₂ gu₂, ca₂lia'₂ jme₁ca₂dsióg₃ jmig₄ i₁ca₂'í₃ Noé 'ñi₃ ni₁barco, a₂ca₂can'₂ rë'₂ jmig₄ ta₁caun₂ mi₂güüg₃, ca₂i₃'én₂ ca₂le₃jín₃. ²⁸ Le₂në₅ bá₄ ca₂lë₃ já₃ jmig₄ quió'₅ Lot. Jme₁tion'₅₄ dsa₂ qui₂gué'₅, qui₂'ín'₂, i₂tion'₅₄ qui₂lá₅, qui₂'nag₂₃, qui₂jne₂₃ 'e₂ qui₂jne₂₃, qui₂jmog'₅ 'ne₄ në₃. ²⁹ La₁ jme₁ca₂dsióg₃ jmig₄ a₂o₂'ín₃ Lot juig₂ Sodoma, a₂ca₂tang₂ rë'₂ si₂, ca₂séi'₂ ni₁cang₁ azufre le₁gui'₂ si₂ guei'₅₄, ca₂i₃'én₂ táng₃ ca₂le₃jín₃. ³⁰ Le₂jaun₂ bá₄ lé₂ táng₃ jmig₄ i₁jme₃jnia₅ Jaun₅ dsa₂ mi₂güüg₃. ³¹ Jmig₄ jaun₂, chi₂jua'₂ 'ein₂ 'en₅₄ co'₅₄ 'ne₄, jui₁te₁'i₁ bá₄ 'e₂ te₁'i₁ dsi₂néi₂ quió'₅, tsá₃ o₁sióin₄ jua'₅₄ a₂'ué'₃ a₂jaun₂. Já₃ bá₄ le₂jaun₂ jui₁lia'₂ i₂'en₅₄ ja₁nau₂, tsá₃ ma₃o₁jñioi'₅₄ jua'₅₄ a₂ja₃quián₂ 'e₂ ja₃quián₂ a₂cha₂ quió'₅. ³² Dsá₂ 'au'₂ 'nia'₂ jmo₄ 'e₂ ca₂i₃ñí₂ 'io₅₄ quián₅ Lot. ³³ Ia₁ jui₁lia'₂ dsa₂ i₂'nio₃ le₃chan₂ dse₃, dsi₃'én₂ quió'₅; la₁ jui₁lia'₂ dsa₂ i₂dsi₃'én₂ quió'₅, le₃chain₂ bá₄ dse₃.

³⁴ 'Juá'₅ jniá₂, 'uë₂ jaun₂, on₃ dsa₂ i₂tián'₅ caun₂ tsi₁cama; jan₂ i₂dsi₃lén₃, jan₂ guë'₂ i₂të₃'ñiá₄. ³⁵ Já₃ guë'₂ le₂jaun₂, on₃ dsa₂ mí₂ i₂tion'₅₄ éi'₅ co₂lë₅; jan₂ i₂dsi₃lén₃, jan₂ guë'₂ i₂të₃'ñiá₄. †

³⁷ Jaun₂ ca₂ñag₃ dsa₂:

—¿A₂já'₄ bá₄ lé₂ a₂në₅, Te₁gui'₅₄?

Jaun₂ ca₂ñag₃ táng₃ 'éi₂:

—Jui₁lia'₂ ja₁ron₅ ni₁ñi₁ 'lag₄, ja₁jaun₂ ñi'₂ i₁tú₃ tsin'₅₄.

18

Jág₁ jáng'₅ léi₄ jui₁lia'₂ jan₂ 'io₅₄ 'nág₂ quian'₅₄ jan₂ jué₄

¹ Ca₂juá'₂ Jesús caun₂ jág₁ a₂jáng'₅ léi₄, a₂ca₂jme₃tiin₂₃ dsa₂ a₂ca₂tñin₂ chi₃lén'₂ Diú₄ tián₂, tsá₃ o₁'ú'₄ dsí₅.

² Ca₂juá'₂ le₂la₂:

—Caun₂ juig₂ jme₁guá₄ jan₂ jué₄ i₂tsá₃ Diú₄ gan₃, on₃ guë'₂ dsan₂ dsí₅ dsa₂ mi₂güüg₃ në₃. ³ Já₃ bá₄ juig₂ jaun₂ jme₁chan₂ jan₂ 'io₅₄ 'nág₂ i₂jme₁ja₂ i₂gú'₃ ja₃jñin₅₄ jué₄ 'éi₂, jme₁ja₂jua'₅₄: “Jme₁rë₂ jág₁ quió₃, qui₂dsi₅ 'éi'₃ quió'₅ dsa₂ i₂jmog'₂ jniá₂.” ⁴ Uë₂ bá₄ tsá₃

† 17:35 Chog₅₄ si₂ a₂gui'₅₄ gué₄, tsá₃ chi₁ton₅ versículo 36 a₂juá'₂: “On₃ dsa₂ ñe'₂ i₂tion'₅₄ jmo₅ ta₁ ja₁nau₂; jan₂ i₂dsi₃lén₃, i₂jan₂ guë'₂ i₂të₃'ñiá₄.”

jui₅ tón₂ 'éi₂ jua₅₄ jme₃ré₃. La₁ cang₂ bá₄ ca₂i₃j_hia₅ dsí₅: “O₁j_hia₅₄ la₂ tsá₃ Diú₄ gáng₅, on₃ guè₂ dsa₂ mi₂güü₃ dsan₂ dsí₃ né₃,⁵ la₁ia₁ 'uig₅₄ a₂ñí₄ lë₃ cuë₅ o₂me₅₄ dsí₃ 'io₅₄ 'nág₂ nē₅, qui₁dsí₅ jniá₂ co₂ñei₅₄ 'éi₃ o₄quió₄, con₂ tsá₃ ñó₅ nē₁jua₂ caun₂ le₂nē₅ ñi₃, jmo₃ dsí₃mé₂ dsí₃.”

⁶Jaun₂ ca₂juá₂ Te₁gui₅₄:

—Ñí₂ rē₂ a₂juá₂ jué₄ 'lin₅₄ 'éi₂.⁷ ¿Tsa₁ lín₂ 'nia₂, jme₃ré₃ bá₄ Diú₄ 'e₂ a₂mi₅ dsa₂ i₂rē₂quion₅₄ quiáin₅ i₂qui₂'-áu₂ ca₂nei₂ ca₂jnia₃? ¿Tsa₁ lín₂ 'nia₂ caun₂ juín₂ dsí₅ bá₄ quiong₅₄?⁸ Juíg₂ jniá₂ 'nia₂, dsí₂jui₅ bá₄ qui₃dsí₅ Diú₄ 'éi₃ o₄quió₄ i₂mi₅. La₁, jē₁ma₂té₂ rē₁guan₂ Jaun₅ dsa₂ mi₂güü₃, ¿dsiain₂ bá₄ gué₄ dsa₂ 'én₂ ne₄ gua₅₄ 'uë₃?

Jág₁ jáng₅ léi₄ jui₁lia₂ on₃ dsa₂: jan₂ dsa₂ fariseo, jan₂ guè₂ dsa₂ i₂mi₅ 'lia₅₄ a₂ca₂tín₂ dsí₂tan₅₄

⁹Ca₂juá₂ Jesús caun₂ jág₁ jáng₅ léi₄ a₂ca₂tín₂ con₂ i₂lín₂ lín₅ dsa₂ dsen₃, tsá₃ dsáu₅ dsí₅ riin₅₄ sián₂. Ca₂juá₂:

¹⁰—On₃ dsa₂ ca₂i₃lén₂ guá₅ templo i₁chi₂i₁lein₄ Diú₄. Jan₂ 'éi₂ jme₁lín₄ fariseo, jan₂ guè₂ i₂jme₁lín₄ ta₁ i₂mi₅ 'lia₅₄ a₂ca₂tín₂ dsí₂tan₅₄.¹¹ Dsa₂ fariseo né₃, tē₃ chéin₅ bá₄ chi₂l₂' con₂ 'ñiog₅, ca₂juá₂ le₂la₂: “Cué₅ jniá₂ ti₁'mag₄, 'ne₂ Diú₄ quiáng₃, ia₁ tsá₃ líng₅ jui₁lia₂ lín₅ i₂lín₅₄: i₂qui₂'ang₅, i₂tsá₃ dse₃ jmo₅ ja₁con₂ rin₅₄, i₂nió₅ jág₁ quian₅₄ dsa₂ i₂tsá₃ lín₅ dsí₂i₂gu₂, ca₂lia₂ jnia₅₄ lia₂ lín₅ dsa₂ i₂mi₅ 'lia₅₄ nē₅, tsá₃ líng₅.¹² Jme₂'ing₅₄ né₃ tin₃ ráun₂ lia₂ caun₂ semana, ton₂ cuë₅ bá₄ jniá₂ caun₂ qui₅₄ a₂guia₃ quió₃, jē₂ con₂ a₂lág₂.”¹³ La₁ dsa₂ i₂mi₅ 'lia₅₄ 'éi₂ guè₂ né₃, uíng₂ bá₄ chéin₅, ca₂lia₂ jnia₅₄ ne₅₄ bá₄ tsá₃ tiá₂ dsí₅ chóg₃ guei₅₄. Jnia₅₄ con₂ qui₂quein₂₃ le₁dsí₅ bá₄ chéin₅, juá₂: “Diú₄ quiáng₃, dsia₄ ñéi₂ 'au₂ jniá₂ ia₁ rē₂cáng₄ dso₄.”¹⁴ Jaun₂ juíg₂ jniá₂ 'nia₂, dsa₂ i₂mi₅ 'lia₅₄, 'éi₂ bá₄ tiá₂ rē₂ tē₁tsin₅₄ ne₄ Diú₄ ñái₅ quió₅, lia₂ con₂ gué₄ i₂jan₂. la₁ ca₂le₃jín₃ i₂jme₂can₅₄ guion₅₄, sióin₃; la₁ i₂jmo₅ me₂ guè₂ né₃, roin₂ guei₅₄.

Ca₂jme₃gon₅₄ Jesús chi₂-guein₂

(Mateo 19:13-15; Marcos 10:13-16)

¹⁵Co₂ráun₂ guè₂, qui₂ca₂o₃jnia₃ dsa₂ guein₂ quiáin₅ ne₄ Jesús, ia₁jaun₂ qui₃téi₂ gu₂. La₁ ca₂jí₂ bá₄ chi₂ dsí₂guia₃-tín₂ jme₁ca₂jág₂.

¹⁶Jaun₂ ca₂té₃ Jesús guein₂, jaun₂ ca₂tsí₃ chi₂ dsí₂guia₃-tín₂:

—Cuë₄ 'nia₂ jmi₄ja₃lén₂ chi₂-guein₂ ja₁cong₂; tsá₃ lē₁jñi₅₄ jui₅. Ia₁ jui₁lia₂ i₂le₂nē₅ bá₄ guè₂ i₂tin₃ ja₁gon₂ Diú₄.¹⁷ A₂dsí₂jó₃ juíg₂ jniá₂ 'nia₂, dsa₂ i₂tsá₃ gue₅ ja₁gon₂ Diú₄ jui₁lia₂ gue₅ jan₂ i₂bē₅₄, o₁líg₂ jmi₄ja₃ tsá₃ 'í₂ ja₁jaun₂.

Jan₂ dsó₂ chi₂ i₂cha₂ cu₄ ca₂dsia₃ jág₁ quian₅₄ Jesús

(Mateo 19:16-30; Marcos 10:17-31)

¹⁸Jan₂ i₂lín₅ dsa₂ dsen₅₄ ca₂ñí₃ Jesús:

—Tē₅ dsen₃, ¿'e₂ bá₄ 'nió₅ jmo₅₄ jniá₂ ia₁jaun₂ ting₅₄ ja₁le₃chang₂ co₂tan₅₄?

¹⁹Jaun₂ ca₂ñag₃ Jesús:

—¿'E₂ lē₃ quiong₅₄ jniá₂ a₂dseng₃? 'I₁jan₂ i₂dsen₃ tsá₃ chan₂, jnia₅₄ lia₂ jan₂ Diú₄ bá₄.

²⁰Ting₂ bá₄ 'Éi₃ Juá₅: “Tsá₃ nióg₄ jág₁ quian₅₄ dsa₂ i₂tsá₃ lín₅ dsí₂i₂gog₂; tsá₃ jñíg₄ dsa₂ mi₂güü₃ ríng₂; tsá₃ 'áng₁; tsá₃ jmó₂ dsáu₁ ríng₂ quian₅₄ jág₁ tē₂jág₁; jme₁gang₃ chog₂-ñéi₅.”

²¹Ca₂ñag₃ 'éi₂:

—Lia₂ con₂ bin₅₄ bá₄ jniá₂ ma₂guio₃ jme₂tí₁ ca₂le₃jé₃ 'éi₃ nē₅.

²²Jme₁ca₂nág₂ Jesús a₂nē₅, jaun₂ ca₂juá₂:

—'Nió₅ bá₄ gué₄ caun₂ quiáng₂: 'nag₄ ca₂le₃jé₃ a₂cha₂ quiáng₂. Jaun₂ dsio₅₄ quió₅ dsa₂ te₂ñé₂. Jaun₂ gué₄ le₃cha₂ 'lóng₂ quiáng₂ guei₅₄ i₂juíg₃. Jaun₂ ñia₅ chi₁co₅₄ quió₃ o₁ló₄.

²³ La₁ jme₁ca₂nág₂ dsa₂ 'éi₂ jág₁ në₅, ca₂tá'₂ 'lia'₂ dsí₅ 'ñio₅ lín₃, ia₁ 'ñio₅ lín₃ jme₁cha₂cu₄.

²⁴ Jme₁ca₂jág₂ Jesús, ca₂juá'₂.*

—¡'E₂ gué₄ quian₅ ta₁ a₂tón'₃ dsa₂ cha₂ cu₄ ja₁gon₂ Diú₄! ²⁵ Ja₂lín₃ gué₄ tsá₃ ta₁ quian₅ a₂lé₂ le₃ñi₅ jan₂ camello jui₅ tau₂ mi₂cu₄, lia'₂ con'₂ gué₄ jan₂ dsa₂ cha₂ cu₄ ñi₅ 'í₂ ja₁gon₂ Diú₄.

²⁶ Jme₁ca₂nág₂ dsa₂ i₂tión₂ jë₄ jaun₂, ca₂juá'₂:

—¿I₂'ein₂ bá₄ guë'₂ i₂tín'₄ jaun₂?

²⁷ Jaun₂ ca₂juá'₂ táng₃:

—Ca₂le₃jé₃ a₂tsá₃ qui'₅₄ jmig₄ dsa₂ mi₂güüg₃ jmo₃, Diú₄ lé₂ le₃jmo₃.

²⁸ Jaun₂ ca₂juá'₂ Pe₄:

—Te₁gui'₅₄, ma₁ jnia'₅₄ ma₂ca₂tí₄ ca₂le₃jé₃ a₂jme₁cha₂ quián₂, a₂ma₂ja₂náu₅ 'én₅ 'ne₂.

²⁹ Jaun₂ ca₂ñag₃ táng₃:

—A₂dsi₂jó'₃ juíg₂ jniá₂ 'nia'₂, 'i₁jan₂ tsá₃ jua'₅₄ a₂lë₁táun₂ 'ne₄, téin₂ chog₅₄-jmei₂, o₁riin'₅₄, dsa₂ mí₂, chi'₂-guein₂ quiáin₅ né₃, o₄quió'₄ ja₁gon₂ Diú₄, ³⁰ jua'₅₄ tsá₃ gue₃ tson₂ gué₄ ne₄ gua'₅₄ 'uë₃ la₂, ton'₂ le₃chain₂ dse₃ co₂tan₅₄ mi₂güüg₃ caun₂.

Con'₂ siá'₂ táng₃ ca₂'é₂ Jesús jág₁ a₂jóin₂

(Mateo 20:17-19; Marcos 10:32-34)

³¹ Jaun₂ ca₂té'₃ Jesús cau₅ jmá'₃ lia'₂ chi'₂ dsi₂guia₃-tín₂ quiáin₅, jaun₂ ca₂juá'₂:

—Në₃ gué₄ né₃ ca₂té₂ jmig₄ a₂dsau₅₄ juig₂ Jerusalén, ja₁niog₅ le₃ti₃ ca₂le₃jé₃ con'₂ lé₅ ca₂tó'₂ dsa₂ i₂'é₂ jág₁ quián₅ Diú₄ ne₄ si₂, a₂'iin₂₃ Jaun₅ dsa₂ mi₂güüg₃. ³² Jáng'₂ dsa₂ o₄gú₃ dsi₂nau₂, ja₁lë₁co₃jmóg'₂ dsa₂, qui₃të₃'o'₂ dsa₂, a₂qui₃'ñéi₂ dsa₂ né₃. ³³ Jaun₂ jë₁ma₂ca₂lë₃ bó₂, jaun₂ gué₄ ñag'₃. La₁ jë₁ma₂ca₂té₂ 'ni₅ jmig₄, jein'₅₄ bá₄ táng₃.

³⁴ La₁ 'éi₂ né₃, tsá₃ 'e₂ ca₂ñi'₂ 'i₁caun₂ jág₁ në₅, ia₁ lé₅ jág₁ a₂rë₂'ma₄ bá₄ gué₄ ja₁coin₂, tsá₃ jein₅ dsí₅ 'e₂ jaun₂.

Ca₂jme₃'lión₂ Jesús jan₂ dsa₂ ten₄ juig₂ Jericó

(Mateo 20:29-34; Marcos 10:46-52)

³⁵ Con'₂ jme₁ma₂ja₂quián₃ dsióg₄ Jesús juig₂ Jericó, jme₁guá₄ jan₂ dsa₂ ten₄ cau₅ jui₅, mi₂₃ a₂jme₃'o₅₄ dsa₂ cu₄.

³⁶ Jme₁ca₂nág₂ a₂qui₂ca₂ñi₅ juin₅ dsa₂, jaun₂ ca₂ñag₃ 'e₂ niog₅ lé₂.

³⁷ Jaun₂ ca₂juá'₂ dsa₂:

—Jesús chan₂ Nazaret bá₄ në₅ já₅.

³⁸ Jaun₂ 'éi₂ né₃ ca₂juá'₂ tiá₂ ca₂tsí'₃ Jesús:

—¡Jesús, tsi₁jon₂ David, dsia₄ ñéi₂ 'au'₂ jniá₂!

³⁹ Ca₂jí₂ bá₄ dsa₂ i₂ja₂lén₂ ne₄ jui₅ ia₁jaun₂ jmo₃ tei₄, la₁ të₂le₃ lé₅ gué₄ qui₂ca₂'áu'₂ bá₄ 'ein₅₄, ca₂juá'₂:

—¡'Ne₂ tsi₁jon₂ David, dsia₄ ñéi₂ 'au'₂ jniá₂!

⁴⁰ Ca₂nau₂ Jesús, jaun₂ ca₂jmo₃ 'éi'₃ a₂dsi₃quión₂ dsa₂. Jme₁ca₂dsióg₃ cau₅ quió'₅, jaun₂ ca₂ñag₃ Jesús:

⁴¹ —¿'E₂ 'niog'₂ jmo₅₄ jniá₂ quiáng'₂?

Jaun₂ ca₂juá'₂:

—Te₁gui'₅₄, a₂jnia₅₄ jme₁ne₃ bá₄ jniá₂ 'nio₃.

⁴² Jaun₂ ca₂juá'₂ Jesús:

—¡Gue₄, jui₁jnia₅₄ quiáng'₂! Ma₂ca₂'lóng'₂ bá₄, ia₁ 'éng'₂.

⁴³ Dsi₂jui₅ jaun₂ bá₄ ca₂jnia₃ mi₂ne₅₄. Jaun₂ ca₂ñó₃ chi₁co'₅₄ quió'₅, jme₂juin'₂ Diú₄. Ca₂le₃jín₃ bá₄ dsa₂ i₂ca₂té₂ ne₄ a₂ca₂lë₃ jaun₂ ca₂jme₃juin'₂ Diú₄ ján₃.

* 18:24 A₂lín₅₄ chog₅ si₂ juá'₂: “jme₁ca₂jág₃ Jesús chén'₅ dsa₂ 'éi₂ 'lia'₂ dsí₅, ca₂juá'₂.”

19

*Jesús quian'*₅₄ Zaqueo

¹ Ca₂'í₃ Jesús juig₂ Jericó. Jaun₂ jme₁ma₂ηó₅ jë₄ juig₂, ² ja₁jaun₂ jme₁chan₂ jan₂ dsa₂ cha₂ cu₄ i₂chen₂ Zaqueo, i₂lín₅ dsa₂ juin'₂ quián₅ dsa₂ i₂cán₂ 'lia'₅₄ quián₅ dsi₂tan₅₄.

³ 'Éi₂ nē₃, jme₁'no'₂ jui₅ jjin₂ 'ein₂ 'éi₂ Jesús. La₁ tsá₃ lé₂, ia₁ a₂ηí₄ lë₃ juin₅ dsa₂ tion'₅₄. Ia₁ jan₂ dsa₂ 'on'₂ bá₄ 'éi₂.

⁴ Jaun₂ ca₂ηó₃ co₂chi'₅₄ le₃ne₄ jui₅, ca₂uíg₂ guei'₅₄ caun₂ ni₁'ma₂ sicómoro, * ia₁ 'nio₃ jjin₂ Jesús, ia₁ jui₅ jaun₂ jme₁ηí₃.

⁵ Jme₁ca₂dsióg₃ Jesús, jaun₂ ca₂jág₃ guei'₅₄, jaun₂ ca₂juá'₂:

—Zaqueo, ma₂nē₃ sión₅, ia₁ ja₁quiáng'₂ ca₂tíng₂ i₁ηia₁₂ nē₃.

⁶ Jaun₂ ca₂sióin₃ co₂chi'₅₄, ca₂guei₃ 'io'₂ jén'₅.

⁷ Jme₁ca₂jág₃ dsa₂, jaun₂ ca₂chi₂ca₂'ag₃ ca₂juá'₂:

—Dsi₂néi₂ quió'₅ jan₂ dsa₂ cha₂ dsá₁ bá₄ ηó₅ i₂ηia₅₄.

⁸ Zaqueo nē₃, jme₁ca₂nau₂ ne₅₄ jaun₂ ca₂tsí'₃ Te₁gui'₅₄:

—Te₁gui'₅₄, dsio'₄ jniá₂ ca₂dsio₄ a₂cha₂ quió₃, cué₄ dsa₂ te₂ηé₂. Ján₃ gué'₂ le₂jaun₂ chi₂juá'₂ 'ein₂ quió'₅ ma₂'ang₃ a₂jui₁gang₂, jjin'₅₄ táng₃ jniá₂ quén₂ ráun₂ lé₅ gué₄ co₂jaun₂.

⁹ Jaun₂ ca₂juá'₂ Jesús:

—Jmíg₄ nē₃ ca₂lón₂ dsa₂ dsi₂néi₂ la₂. Ia₁ ján₃ bá₄ lín₅ tsi₁jon₂ quián₅ Abraham. ¹⁰ Ta₁ nē₅ já₅ bá₄ Jaun₅ dsa₂ mi₂gúúg₃, a₂ja₂'niai'₂ a₂ja₂lioin₅₄ dsa₂ i₂ma₂i₂cón'₅.

Jág₁ jáng'₅ léi₄ jui₁lia'₂ guia₃ 'éi'₃ cu₄ 'ua'₂

(Mateo 25:14-30)

¹¹ Të₃ tion'₅₄ dsa₂ nag₂₃ jág₁ jaun₂, jaun₂ ca₂juá'₂ táng₃ caun₂ jág₁ jáng'₅ léi₄, ia₁ ma₂quián₅ bá₄ dsió₄ Jerusalén, ton'₂ ia₁ lín₂ dsa₂ le₃jniá₂ dsi₂jui₅ jaun₂ 'éi'₃ quió'₅ Diú₄.

¹² Jaun₂ nē₃ ca₂juá'₂:

—Jme₁chan₂ jan₂ dsa₂ i₂lín₅ tsi₁jon₂ dsa₂ jlán'₁. Ca₂ηó₃ caun₂ juig₂ úing₂ ja₁'ag₃ dsa₂ a₂léin₂ rag₅₄, jaun₂ gué₄ ηjió'₂ táng₃. ¹³ La₁ né₃ a₂o₃'iin₅, ca₂té'₃ guian₃ dsa₂ i₂jme₂ti₃ ta₁ ne₅₄. Jaun₂ le₂jan₂ le₂jan₂ 'éi₂ ca₂cué'₃ jma₃cáun₃ cu₄ 'ua'₂ a₂chei₂ mina.† Jaun₂ ca₂juá'₂: “Jmó₄ 'nia'₂ ta₁ cu₄ nē₅ qui₁dsag'₂ 'nia'₂ ca₂lia'₂ ca₂té₂ jmíg₄ i₁guang'₂ táng₃.”

¹⁴ La₁ dsa₂ go₅₄ nē₃ ca₂rë₃'iog₅₄, ca₂chein₃ co₂nió'₃ dsa₂ ca₂i₁chi'₄ dsa₂ ja₁jaun₂: “Tsá₃ 'niog₂ jnia'₅₄ jme₃gón₃ i₂nē₅ jë₄ quián₂.” ¹⁵ La₁ tion₅₄ bá₄ ca₂lín₃ 'éi₂ rag₅₄. Jme₁ca₂guáin'₃ táng₃

go₅₄, jaun₂ ca₂té'₃ dsa₂ i₂jme₂ti₃ quián₅ i₂ca₂cué'₃ cu₄ 'éi₂, ia₁ 'nio₃ con₂ 'í₁ jma₃je₂liá'₂ tí₅ a₂ma₂të₁dsi₅₄ quió'₅ le₂jain₂ le₂jain₂. ¹⁶ Jaun₂ ca₂dsióg₃ i₂le₂'uig₅₄, ca₂juá'₂: “Gui'₅₄,

con'₂ gué₄ guia₃ co₂jaun₂ ma₂të₁dsi₅₄ cu₄ mina quiáng'₂.” ¹⁷ Jaun₂ ca₂tsí'₃ 'éi₂: “E₂ gué₄ dse₃, téng'₅ bá₄ ta₁; ca₂jme₁ti'₄ bá₄ dse₃ quian'₅₄ a₂ca₂juig₄ a₂ca₂dsia₃ jniá₂ gog'₂. Nē₃

nē₃ dsia₄ jniá₂ gog'₂ a₂jmó'₂ 'éi'₃ ne₄ guia₃ juig₂.” ¹⁸ Jaun₂ ca₂guan₃ táng₃ i₂ca₂té₂ on₃, ca₂juá'₂:

“Gui'₅₄, 'niá₂ gué₄ co₂jaun₂ ma₂të₁dsi₅₄ cu₄ mina jaun₂ quiáng'₂.” ¹⁹ Le₂jaun₂ bá₄ ca₂tsí'₃ i₂'éi₂ ján₃: “Ne₂ gué'₂ jmó'₂ 'éi'₃ ne₄ 'niá₂ juig₂.” ²⁰ Jaun₂ ca₂jág₃ táng₃ jan₂

ca₂juá'₂: “La₂ bá₄ ron₅ cu₄ quiáng'₂, gui'₅₄. Ca₂'ma₃ bá₄ jniá₂ dsí₅ pe₁guí₄. ²¹ A₂gán₅ 'ne₂ bá₄ jniá₂, ia₁ guion₅₄ líng'₅ dsa₂ tsau₂ dsí₅, të₂le₃ dséi₂ mág'₂ quiáng'₂. Ia₁ cáun'₂ ja₁tsá₃

'e₂ ca₂qui₁dsag'₂ 'niag'₂, ton'₂ cag'₅₄ ja₁tsá₃ 'e₂ ca₂ηj'₂.” ²² Jaun₂ ca₂ηag₃ táng₃ 'éi₂: “i'E₂ bá₄ tsá₃ ta₁ téng'₄! Lia'₂ con'₂ lé₅ jág₁ quiáng'₂ qui₁dsi₅ jniá₂ 'éi'₃. Chi₂juá'₂ ma₂ηi'₅₄ líng₅

dsa₂ i₂tsau₂ dsí₅, cáun₄ a₂tsá₃ 'e₂ ca₂qui₁dsag'₂ 'ηió₃, ton'₂ cag'₅₄ ja₁tsá₃ 'e₂ ca₂jan₃, ²³ i'E₂

'uig₅₄ tsá₃ ca₂i₁tió'₂ banco cu₄ quió₃ jaun₂ nē₃, ia₁jaun₂ jë₁ma₂guáng'₅ la₂, jme₁guéi'₄ lia'₂ jma₃quian'₅₄ a₂të₁dsi₅₄?” ²⁴ Jaun₂ ca₂tsí'₃ i₂jme₁tió₂ cau₅: “Jniá'₃ 'nia'₂ cu₄ mina a₂chan'₂ i₂nē₅. Cué'₅₄ i₂'io₅ guia₃.” ²⁵ Jaun₂ ca₂juá'₂ 'éi₂: “Gui'₅₄, ma₁ ma₂'io₅ bá₄ i₂nē₅ guia₃ minas.”

* 19:4 sicómoro: mei'₂ tsá₃ ni₁'ma₂ Ficus sycomorus. 'Nio'₂ ja₁ton₅ Amós 7:14. † 19:13 mina: co₂'nió'₄ 'lian'₅₄ dsa₂ con'₂ ni₅ tsi'₂ ta₁.

²⁶Jaun₂ ca₂ηag₃ rag₅₄: “A₂dsi₂jó₃ juí₂gniá₂ 'nia'₂, ca₂le₃jín₃ jui₁lia'₂ i₂ma₂le₁'io₅, ηei₂ gué₄; la₁ i₂tsá₃ 'e₂ qui₁dsag'₂, ca₂tē₂ a₂jme₁ma₂niog₅ gu₂, co₂ηei'₅₄ ηia'₃. ²⁷La₁, jui₁lia'₂ dsa₂ i₂'iog₅₄ i₂tsá₃ 'ηio₂ dsí₅ gua₅₄ jmo₅₄ 'éi'₃ ja₁coin₂, o₂quai₅ 'nia'₂ ja₁lá₃, jaun₂ jme₁dsiain'₂ 'nia'₂ ne₃.”

Ca₂dsióg₃ Jesús juí₂ Jerusalén

(Mateo 21:1-11; Marcos 11:1-11; Juan 12:12-19)

²⁸Jme₁ca₂dsan₃ tsí'₅ dsa₂ le₂nē₅, ca₂'ág₂ táng₃ ne₅₄ jui₅, ca₂uí₂ tso₄ a₂dsióg₄ Jerusalén.

²⁹Jme₁ma₂ja₂quián₃ dsióg₄ juí₂ Betfagé quian'₅₄ Betania, a₂te₁'i₁ cau₅ má'₂ chei₂ Olivos, ja₁jaun₂ ca₂chein₃ on₃ chi'₂ dsi₂guia₃-tín₂ quai₅. ³⁰Ca₂juá'₂:

—O₂nó'₅ 'nia'₂ juí₂ niog₅ 'ηo'₅₄ ó₃. Jē₁ma₂ca₂dsi₃nóg'₅, dsian'₂ 'nia'₂ jan₂ bú'₄ chéin'₅ rē₂'ηe'₅₄, i₂tsá₃ 'ein₂ ma₂co₁dsag₅₄. Chein'₅₄ 'nia'₂ jaun₂ tē'₅₄ ja₁lá₃. ³¹Nē₁jua'₂ 'ein₂ ca₂ηag₃ 'e₂ lē₃ tsiin'₅₄, jaun₂ juí₂: “Ia₁ 'nió'₅ quió'₅ Te₁gui'₅₄.”

³²Ca₂i₃lén₂ bá₄ guē'₂ i₂chen₄ 'éi₂ né₃. Ca₂lē₃ rē'₂ lia'₂ con'₂ lé₅ jág₁ jaun₂.

³³Jme₁ma₂tioin'₅₄ chéin'₂ bú'₄, ca₂juá'₂ juí₂ já'₂:

—¿'E₂ 'uig₅₄ tsin'₅₄ 'nia'₂ bú'₄?

³⁴Jaun₂ ca₂ηag₃:

—Ia₁ 'nió'₅ quió'₅ Te₁gui'₅₄.

³⁵Jaun₂ ja₂lein₃ bá₄ te₂ ja₁'en₅₄ Jesús. Qui₂ca₂dsia₃ tsi₁'mi'₂ mi₂ca'₄ dsi₂bú'₄, jaun₂ gué₄ ca₂dsiain₃ Jesús guei'₅₄.

³⁶Le₃ne₄ jui₅ ja₁ηó₄ Jesús, qui₂ca₂já₃ dsa₂ 'mi'₂ le₂'i₄ jui₅.

³⁷Con'₂ jme₁ma₂ja₂quián₃ jein₅₄ Má'₂ Olivos, ca₂jme₃lióg₃ ca₂le₃jín₃ dsa₂ i₂quai₅'₅₄ ca₂tóin'₂ co₂mi'₅₄ jmo₂₃ 'io'₂ jme₂juin'₂ Diú₄ né₃, o₄quió'₄ ca₂le₃jé₃ jui₅bí₂ a₂ma₂jmo₃ Jesús, a₂qui₂ma₂té₂ ne₅₄.

³⁸Ca₂juá'₂:

—Jui₁le₂juin'₂ bá₄ Rag₅₄ nē₅ i₂já₅ o₄quió'₄ Te₁gui'₅₄! Jui₁'ei₅ bá₄ tei₄ guei'₅₄ i₂juí₂! Jui₁le₂juin'₂ bá₄ Diú₄ le₂tan₅₄ ja₁ηei₅ né₃!

³⁹I₂lin₅₄ dsa₂ fariseos i₂tion'₅₄ jē₄ jaun₂ ca₂juá'₂:

—Tē₅, jén₃ dsa₂ i₂quiang'₅₄.

⁴⁰Jaun₂ ca₂ηag₃ Jesús:

—Juí₂gniá₂ 'nia'₂, jua'₅₄ mei'₂ gué₃ dsi₂lén₂ i₂nē₅ tei₄, ni₁cang₁ guē'₂ tó'₃ mi'₅₄.

⁴¹Jme₁ma₂ja₂quián₃ dsióg₄ 'ni'₂ juí₂ Jerusalén, ca₂'o₃ o₄quió'₄ dsa₂ juí₂, ⁴²ca₂juá'₂:

—Jui₁lia'₂ bá₄ ηí'₂ 'au'₂ 'nia'₂ jmi₂g₄ nē₃ a₂dse₃ já₅ jin'₄ 'nia'₂ a₂jme₁le₃chang'₂ 'ag₃ tei₄! La₁ rē₂'ma₄ jlē₅ le₃ja₁cong'₂. ⁴³Ia₁ jiá₃ jmi₂g₄ ja₁tsá₃ ma₃'e₂ ηi'₅₄ 'nia'₂ jmó'₂. Ia₁ cho₃ dsa₂ i₂'iog₅₄ caun₂ ni₁'ia'₂ le₃lág'₃ quián'₂ 'nia'₂, a₂jē₃li'₅₄, qui₃tio₃ dsa₂ né₃ le₂tan₅₄ ja₁lé₄ o₄jui₅.

⁴⁴Jnú'₂ dsa₂ 'uē₃ 'nia'₂, jme₃dsiog₂₃ lia'₂ jma₃quian'₅₄ chi'₂-guein₂ quiáng'₂. 'I₁ca₂mí₂g₂ cang₄ tsá₃ ma₃'e₂ le₁juí₄ lé₂ ja₁lá₃. Ia₁ tsá₃ ca₂rē₃len'₄ 'nia'₂ lia'₂ con'₂ jmi₂g₄ jme₁'nio₃ Diú₄ jme₃gu'₅₄.

Ca₂'uín'₂ Jesús dsa₂ i₂jme₁tion'₅₄ dsia₅ 'ma'₅₄ i₁dsi₅ guá'₅

(Mateo 21:12-17; Marcos 11:15-19; Juan 2:13-22)

⁴⁵Jaun₂ ca₂'í₃ Jesús i₁dsi₅ guá'₅ templo, ca₂jme₃lióg₃ qui₂ca₂'uín'₂ dsa₂ i₂jme₁ma₂tion'₅₄ 'nag₅† ja₁jaun₂. ⁴⁶Ca₂juá'₂:

—Ne₄ Si₂ juá'₂: “Né₅ quió₃ lé₂ ca₂ne₅₄ 'né₅ ja₁chi₂lén'₂ dsa₂ Diú₄.”§ La₁ 'nia'₂ né₃ ma₂jmo'₅₄ nē₂jag₄ bá₄ tē₂ 'lau₂ quió'₅ dsa₂ 'ang₂.*

⁴⁷Ca₂le₃jé₃ jmi₂g₄ bá₄ jme₁jme₂tin₅ Jesús dsa₂ i₁dsi₅ guá'₅. La₁ juí₂ jme₂dsa₂ quian'₅₄ tē₅juá'₅, dsa₂ can'₅₄ quián₅ juí₂ né₃, caun₂ 'no'₂ jui₅ 'a₂ lia'₂ ηag₃.

⁴⁸La₁ tsá₃ dso'₂ guē'₂ jui₅ 'a₂ lia'₂ jmo₃, ia₁ ca₂le₃jín₃ bá₄ dsa₂ i₂tion'₅₄, nag₂₃ tei₄ lin₃.

† 19:45 A₂lin₅₄ chog₅₄ si₂: “i₂jme₁ma₂tion'₅₄ 'nag₅, lá₅ ja₁jaun₂.” § 19:46 Isaías 56:7. * 19:46 Jeremías 7:11.

20

A₂'io₅ Jesús 'éi'₃

(Mateo 21:23-27; Marcos 11:27-33)

¹ Co₂ráun₂ jme₁ma₂'en₅₄ Jesús jme₂tiin₂₃ dsa₂ jág₁ dse₃ i₁dsi₅ guá'₅ templo, jme₁ca₂dsi₃lén₂ juig₅₄ jme₂dsa₂, tē₃juá'₅, quian'₅₄ gui'₅₄ can'₅₄ né₃. ² Ca₂juá'₂:

—Jmo₄ jág₁ 'e₂ ta₁ líng'₅. ¿'Ein₂ ca₂cuē₃ bí₂ 'éi'₃ a₂jmo'₂ le₂nē₅?

³ Jaun₂ ca₂ḡag₃ Jesús, ca₂juá'₂:

—Ján₃ bá₄ ḡag₄ jniá₂ caun₂ jág₁ 'nia'₂; ⁴ ¿'Ein₂ ca₂chen₃ Juan₅₄ a₂o₃choin₃ dsa₂ jmi₂g₂? ¿Ca₂chei₃ Diú₄, o₃ ca₂chei₃ dsa₂ mi₂güí₃ 'e₂? ḡag₄ de'₂ 'nia'₂ a₂nē₅.

⁵ Jaun₂ ca₂dsia₃ jág₁ guoin₅₄, ca₂juá'₂:

—Nē₃juá'₂ ca₂chei₃ jniog₄ i₂chen₄ quián₅ Diú₄ bá₄ 'éi₂, nē₃ cón'₅ bá₄juá'₂: “¿'E₂ guē'₂ lē₃ tsá₃ ca₂rē₃'én'₂ 'nia'₂ jág₁ quió'₅?” ⁶ Nē₃juá'₂ ca₂ḡag₄ guē'₂ jniog₄ dsa₂ bá₄ i₂ca₂chen₃ 'éi₂, nē₃ cón'₅ bá₄ ca₂le₃jín₃ dsa₂ juig₂ qui₃dsag₅ cang₄. Ia₁ 'én₂ dsón'₂ bá₄ dsa₂ juig₂ a₂jme₁lín₄ Juan₅₄ jan₂ i₂'é₂ jág₁ quián₅ Diú₄.

⁷ Jaun₂ ca₂ḡag₃:

—Tsá₃ a₂jaun₂ ne₄ jnia'₅₄.

⁸ Jaun₂ ca₂juá'₂ Jesús:

—Ján₃ bá₄ le₂nē₅ tsá₃ juá'₄ jniá₂ 'ein₂ cuē₅ bí₂ 'éi'₃ a₂jmo₂₃ ca₂le₃jé₃ 'e₂ a₂jmo₂₃.

Jág₁ jáng'₅ léi₄ jui₁lia'₂ co₂nió'₃ dsa₂ 'lín'₅₄ i₂jmo'₂ ta₁ ja₁nau₂

(Mateo 21:33-44; Marcos 12:1-11)

⁹ Jaun₂ ca₂jme₃lióg₃ táng₃ Jesús ca₂tsí'₃ dsa₂ juig₂ caun₂ jág₁ jáng'₅ léi₄ la₂, ca₂juá'₂:

—Jme₁chan₂ jan₂ dsa₂ i₂ca₂jmo₃ caun₂ ja₁nau₂ ca₂chéin'₃ uing₂ míg₂ uvas. Cang₂ jaun₂ ca₂o₃'hín₃ bá₄ ca₂ḡó₃ ué₂ ja₁siá'₂. Gu₂ dsa₂ sián'₂ bá₄ ca₂dsia₃ ja₁nau₂ quió'₅. ¹⁰ Jme₁ca₂té₂ jein₂ a₂ca₂rau₂ ja₁nau₂, ca₂chein₃ jan₂ dsa₂ i₂jme₂ti₃ quián₅, a₂i₁mag₂₃ con'₂ a₂ca₂tiin₂ ne₄ dsa₂ i₂jmo₅ ta₁ ja₁nau₂ 'éi₂. La₁ jē₂ bá₄ ca₂cuē₃ tioin'₅₄, ca₂dsióg'₂ lín₃. ¹¹ Jaun₂ dsa₂ juig₅₄ ja₁nau₂, ca₂chein₃ táng₃ jan₂ i₂sián'₂, la₁ le₂jaun₂ bá₄ ca₂jmo₂' táng₃: jnia'₅₄ ca₂tē₂ca₂'o'₂ bá₄ ca₂cuē₃ tioin'₅₄, ca₂dsióg'₂ lín₃ táng₃. ¹² Jē₁ca₂té₂ 'nag'₂, ca₂chein₃ táng₃ jan₂ i₂sián'₂. La₁ ján₃ bá₄ le₂jaun₂ qui₂ca₂jmo₂' uig₅, ca₂dsei₂₃ tioin'₅₄.

¹³ 'Jaun₂ ca₂juá'₂ juig₅₄ ja₁nau₂: “¿'E₂ jmo₅₄ jniá₂ né₃? Chi'₂ quiáng₃ i₂'nió₃ gué'₄ lín₃ tsing₅₄. 'An₁ jme₃gain₃ bá₄ i₂nē₅.” ¹⁴ La₁ jme₁ca₂jág₂ i₂tion'₅₄ jmo₅ ta₁, ca₂quín'₃ jág₁, ca₂juá'₂: “I₂nē₅ bá₄ tin₃ a₂la₂ cang₂. Né₃ o₁jñi'₄ jniog₄, ia₁jaun₂ jniog₄ bá₄ lé₂ quián₂.”

¹⁵ Jaun₂ ca₂dsei₂₃ ca₂i₁jñag'₂ 'ni'₂ ja₁nau₂. ¿'E₂ bá₄ jmo₃ dsa₂ i₂quió'₅ ja₁nau₂ né₃, quian'₅₄ dsa₂ 'éi₂? ¹⁶ Guain'₂ jme₃dsiain₂₃ dsa₂ i₂tion'₅₄ ja₁nau₂. O₄gú₃ i₂sián'₂ bá₄ ḡag₃ ja₁nau₂ quió'₅.

Jme₁ca₂nág₂ dsa₂ jág₁ nē₅, ca₂juá'₂:

—¿Tsá₃ jui₁le₅₄ le₂nē₅!

¹⁷ Jaun₂ ca₂jág₂ Jesús, jaun₂ ca₂juá'₂:

—¿'E₂ guē'₂ 'nió'₄ jein₅ jág₁ ja₁juá'₂ ne₄ Si₂?

Ni₁cang₁ a₂tsá₃ ca₂rē₃ji'₅₄ tē₅'ia'₂,

ca₂dsióg₃ ca₂lē₃ ni₁cang₁ a₂dsen₅₄ gué'₄

tē₁ron₅₄ qui'₅₄ 'ia'₂.*

¹⁸ Ca₂le₃jín₃ i₂tsi₃sén'₂ ne₄ ni₁cang₁ jaun₂ lé₂ le₁juig₁ le₁dsog'₅₄ quió'₅; nē₃juá'₂ ni₁cang₁ guē'₂ né₃ ca₂tá'₂ ne₄ quió'₅, lé₂ 'liog₂.

¹⁹ Dsi₂jui₅ jaun₂ jme₁'nio₃ juig₅₄ jme₂dsa₂, tē₃juá'₅ né₃, jme₁tsáun'₂, ia₁ ca₂rē₃lí'₄ a₂'in₅ 'éi₂ bá₄ Jesús, a₂ca₂juá'₂ jág₁ jáng'₅ léi₄ jaun₂. † La₁ dsa₂ juig₂ bá₄ ca₂rē₃gain₃.

* 20:17 Salmo 118:22. † 20:19 'Nio'₂ ja₁ton₅ Isaías 5:7.

Jág₁ jui₁lia'₂ 'lia'₅₄ a₂ca₂tín₂ dsi₂tan₅₄
(Mateo 21:45-46; 22:15-22; Marcos 12:12-17)

²⁰ Cón'₂ ca₂chein₃ dsa₂ i₂jñia'₅₄ con'₂ tiog₅, tsá₃ jme₂li₅₄, jmo₂₃ a₂lín₅ dsa₂ dsen₃, jme₁'no'₂ jui₅ 'a₂ lia'₂ jme₁jo₁₂ jua'₅₄ ca₂jon₄ bá₄ jág₁ 'lia'₂ jme₁'ñiá₃ Jesús. Jaun₂ jme₁dsi₁jáng'₂ ne₄ bí₂ 'éi'₃ a₂'io₅ dsi₄má'₂. ²¹ Jaun₂ ca₂ñí'₃ Jesús jág₁ la₂:

—Të₅, ne₄ jnia'₅₄ dsón'₂ bá₄ lia'₂ tí₅ jág₁ jme₂tíng'₁ dsa₂, tsá₃ jua'₅₄ jma₃quén₅ jing'₅₄ dsa₂; jme₂tíng'₁ dsa₂ con'₂ lé₅ jui₅ tí₅ quió'₅ Diú₄. ²² Jua'₅₄: ¿'I₄ 'éi'₃ qui₅₄ 'lia'₅₄ quió'₅ dsi₂tan₅₄ César, o₃ tsá₃ qui₅₄ 'e₂?

²³ La₁ ca₂rë₃lí'₄ bá₄ Jesús mai₅₄ quió'₅ dsa₂ 'éi₂. Jaun₂ ca₂ñag₃‡

²⁴ —'Ë₄ de'₂ 'nia'₂ caun₂ cu₄ 'ua'₂.§ ¿'Ein₂ quió'₅ nió'₄ chi₁ton₅? ¿'A₂ lia'₂ chein₂ juá'₂ letras tio'₅₄ në₅?

²⁵ —Quió'₅ gui₅₄ emperador César bá₄ —juá'₂ jaun₂ në₃.

Jaun₂ gué₄ ca₂juá'₂ Jesús:

—Jang'₅₄ gué'₂ 'nia'₂ jaun₂ në₃, ne₄ César con'₂ a₂ca₂tín₂ César; ne₄ Diú₄ në₃ jang'₅₄ 'nia'₂ con'₂ a₂ca₂tín₂ Diú₄.

²⁶ Jaun₂ tsá₃ ca₂tió'₃ jua'₅₄ a₂jo₅₄ quian'₅₄ jág₁ të₃jë₄ jág₅ dsa₂ jaun₂. Të₂le₃ ca₂i₃gó'₃ dsí₅ bá₄ jág₁ a₂ca₂jéin'₃ Jesús; tei₄ bá₄ co₂ñei'₅₄ ca₂i₃léin₂.

Ca₂ñag₃ dsa₂ saduceos jui₁lia'₂ a₂jen'₅₄ 'lag₄
(Mateo 22:23-33; Marcos 12:18-27)

²⁷ Jaun₂ ca₂jme₃quián₃ i₂lín₅₄ dsa₂ saduceos, i₂jme₂tag₅ a₂tsá₃ jen'₅₄ 'lag₄, ca₂o₃ñag₅₄:

²⁸ —Të₅, ca₂quiog₂ Moisés si₂ a₂juá'₂, në₁juá'₂ ca₂jon₃ jan₂ dsa₂ ñe'₂ të₃ tsá₃ ca₂can₃ 'io₅₄ quián₅ guein₂, tion₅₄ 'nió'₅ jén'₂ gu₂ dsó₂ rin'₅₄ dsa₂ ñe'₂ i₂ca₂jon₃ quian'₅₄ 'io₅₄ 'nág₂ 'éi₂, ia₁ jaun₂ guein₂ i₂le₃chan₂ quián₅, lé₂ co₂'nió'₄ tsi₁jon₂ 'lag₄ riin'₅₄. ²⁹ Jaun₂ në₃, jme₁chan₂ guion₃ dsa₂ ñe'₂ i₂jme₁lé₄ rin'₅₄. Ca₂jen'₂ gu₂ i₂le₂'uig₅₄, la₁ ca₂join₃ bá₄ të₃ tsá₃ guein₂ ca₂can₃ 'io₅₄ quián₅. ³⁰ Jaun₂ ca₂caun₃ táng₃ i₂ca₂té₂ on₃,* ³¹ le₂jaun₂ bá₄ i₂ca₂té₂ ún₂ në₃, ca₂caín₃ 'io₅₄ 'éi₂. Le₂jaun₂ bá₄ ca₂lë₃ quian'₅₄ ta₁guion₃. Ca₂dsain₃ bá₄; 'i₁jan₂ guein₂ tsá₃ ca₂can₃ 'io₅₄. ³² Jë₁ca₂tó'₂, ca₂jon₃ bá₄ 'io₅₄ ján₃. ³³ Jaun₂ në₃, jmi₄g₄ jë₁ma₂té₂ rë₁jen'₅₄ 'lag₄, ¿'ein₂ bá₄ quián₅ lé₂ 'io₅₄ 'éi₂? Ia₁ ta₁guion₃ bá₄ gué'₂ dsa₂ ñe'₂ i₂ca₂guá₂ quian'₅₄.

³⁴ Jaun₂ ca₂ñag₃ Jesús:

—Dsa₂ i₂chan₂ ne₄ gua'₅₄ 'uë₃ jmi₄g₄ në₃, tioen'₅₄ qui₂jéin'₂ gu₂, qui₂jéin'₂ gu₂ chi'₂ quián₅ në₃. ³⁵ La₁ i₂ca₂tín₂ tín'₄ ja₁tian'₃ mi₂güig₃ caun₂, i₂tín₅₄ jen'₅₄ ja₁jme₁rë₂'lín₅₄, ja₁jaun₂ gué₄ tsá₃ ma₃'ein₂ jén'₂ gu₂, on₃ gué₄ qui₃jéin'₂ gué₄ gu₂ chi'₂ quián₅. ³⁶ Ia₁ tsá₃ ma₂'ein₂ lé₂ dsían₃. Ja₁jaun₂ ma₂lén₂ jui₁lia'₂ lín₅ ángeles, lén₂ jaun₅ Diú₄, ia₁ ma₂ca₂rë₃cháin₃ táng₃. ³⁷ La₁ jui₁lia'₂ a₂jen'₅₄ 'lag₄, ca₂të₂ Moisés ca₂cué₃ léi₄ jme₁ca₂tó'₂ ne₄ Si₂ a₂ca₂lë₃ quian'₅₄ ni₁'ma₂ taun₅, ja₁juá'₂ 'iin₂₃ Te₁gui'₅₄: “Diú₄ quián₅ Abraham, Diú₄ quián₅ Isaac, Diú₄ quián₅ Jacob.” ³⁸ Jaun₂ në₃ tsá₃ lín₅ Diú₄ quián₅ 'lag₄; Diú₄ quián₅ dsa₂ i₂jén'₃ bá₄ lín₅, ia₁ o₄quió'₄ 'éi₂ bá₄ chan₂ le₃jín₃.

³⁹ Jaun₂ ca₂ñag₃ i₂lín₅₄ të₅juá'₅:

—Të₅, 'ñio₅ jlá'₁ jág₁ quiáng'₂.

⁴⁰ Tsá₃ ma₃ca₂tiá₃ dsí₅ jua'₅₄ a₂ñag₃ gué₄ 'e₂ ñag₃.

¿'Ein₂ tsi₁jon₂ quián₅ lín₅ I₂rë₂'ín₁ quián₅ Diú₄?
(Mateo 22:41-46; Marcos 12:35-37)

⁴¹ Ca₂juá'₂ Jesús ca₂tsí'₃ dsa₂:

—¿'A₂ lia'₂ lé₅ në₃ a₂juá'₂ dsa₂ a₂lín₅ tsi₁jon₂ David I₂rë₂'ín₁ quián₅ Diú₄? ⁴² Jua'₂ 'ñiog₅ bá₄ gué'₂ David ca₂tióng₃ ne₄ si₂ Salmos, ca₂juá'₂:

‡ 20:23 A₂lín₅₄ chog₅₄ si₂ chi₁ton₅ ján₃: “¿'E₂ lë₃ cáun'₂ táu₂ 'nia'₂ jniá₂?” § 20:24 griego: denario. * 20:30 A₂lín₅₄ chog₅₄ si₂: “ca₂caun₃ táng₃ i₂ca₂té₂ on₃, la₁ ján₃ bá₄ le₂jaun₂ ca₂join₃, tsá₃ guein₂ ca₂can₃ 'io₅₄.”

Ca₂juá'₂ Diú₄ ca₂tsí'₃ Te₁gui'₅₄ quiáng₃:

“Né₂ con₂ jniá₂ tē₂le₃ gu₃ ne₁,

⁴³ ca₂lia'₂ ca₂tē₂jmi₄

a₂tón'₄ jniá₂ dsa₂ i₂'iog₅₄ o₄tag'₄.”†

⁴⁴ Chi₂jua'₂ le₂nē₅ juá'₂ David tē₂ Te₁gui'₅₄, ¿'a₂ bá₄ lia'₂ lé₅ jaun₂ a₂juá'₂ lín₅ jaun₅ 'éi₂?

*Jme*₂caun'₂ Jesús quió'₅ tē₃juá'₅

(*Mateo 23:1-36; Marcos 12:38-40; Lucas 11:37-54*)

⁴⁵ Tē₃ nag₅ ca₂le₃jín₃ dsa₂ i₂tion'₅₄, ca₂tsí'₃ dsa₂ i₂quian'₅₄ le₂la₂:

⁴⁶ —Te₃ñi'₅₄ 'nia'₂ quian'₅₄ tē₃juá'₅, ia₁ 'ñio₅ 'ñio₂ dsí₅ i₂nioi₅₄ jláin'₁ le₁qui'₂ tsi₁'mi'₂ chen'₅₄ jang₄; tē₅ dsí₅ qui₂cuag₃ dsa₂ Diú₄ jui₁lia'₂ jē₄ 'ma'₅₄, jmá'₃ lia'₂ ne₄ 'ma₂si₅₄ dsen₅₄ bá₄ 'no'₂ tiain'₃ jui₁lia'₂ dsi₂néi₂ guá'₅ sinagogas; le₂jaun₂ bá₄ 'no'₂ ja₁jme₂juag'₂ dsa₂ jui₁lia'₂ ja₁niog₅ jmi₄ né₃. ⁴⁷ Qui₂jñiá'₂ 'ne₄ 'io₅₄ 'nág₂; a₂tsá₃ jme₂li₅₄ jmo₂₃ chi₂lén'₂ Diú₄ ué₂. Tson₂ gué₄ uig₅ 'é₂ Diú₄ quió'₅ i₂le₂nē₅.

21

Ca₂tó'₂ 'io₅₄ 'nág₂ te₂ñé₂ cu₄ quió'₅

(*Marcos 12:41-44*)

¹ Jaun₂ ca₂chóg'₃ Jesús ne₅₄, ca₂jín₂ dsa₂ cha₂ cu₄ i₂dsi₂lén₂ dsi₂tio'₂ cu₄ 'ñio'₃ tsi₁gu₅ ja₁tio'₅₄ ofrendas.

² Jaun₂ ca₂jín₂ táng₃ jan₂ 'io₅₄ 'nág₂ te₂ñé₂ ca₂tó'₂ tin₃ ñí₁ guéin₂. * ³ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, 'lióng₂ gué₄ nē₂tió'₂ 'io₅₄ 'nág₂ te₂ñé₂ nē₅ lia'₂ con'₂ gué₄ ca₂le₃jín₃ i₂ma₂nē₂tió'₂. ⁴ Ia₁ 'éi₂ né₃, cu₄ a₂ma₂qui₂rē₂tsón₂ bá₄ jaun₂ quió'₅ cué₂₃; dsa₂ mí₂ nē₅ né₃, nē₂cué₃ ca₂le₃jé₃ a₂jme₁ron₅ quió'₅ bá₄, 'nió'₄ a₂jme₁lá₃ a₂gué'₃.

A₂dsi₃'én₂ bá₄ guá'₅, jág₁ 'é₂ Jesús

(*Mateo 24:1-2; Marcos 13:1-2*)

⁵ I₂lín₅₄ dsa₂ jme₁tióin₂ dsia₂₃ jág₁ a₂ja₂né₂ guá'₅ templo, ia₁ a₂ñí₄ lē₃ jlá'₁ ni₁cang₁ a₂le₁juí₄, ca₂le₃jé₃ gué₄ a₂jlá'₁ tio'₅₄ a₂qui₂ma₂cué₃ dsa₂ co₂'nió'₄ ofrendas. Jaun₂ ca₂juá'₂ Jesús:

⁶ —Ca₂le₃jé₃ a₂jág'₂ 'nia'₂ tíong'₂ nē₅, já₅ caun₂ jmi₄ jē₁dsi₃'én₂, tsá₃ ma₃'e₂ ni₁cang₁ te₂'ñiá₄ jua'₅₄ a₂le₁juí₄ gué₄ lé₂.

Léi₄ a₂le₃cha₂ jmi₄ jē₁ca₂tó'₂

(*Mateo 24:3-28; Marcos 13:3-23*)

⁷ Jaun₂ ca₂ñag₃ dsa₂ né₃:

—Tē₅, ¿líg'₂ jaun₂ lé₂ a₂nē₅? ¿'E₂ bá₄ léi₄ le₃cha₂ jē₁ma₂ja₂quián₃ lé₂ a₂jaun₂?

⁸ Jaun₂ ca₂ñag₃:

—Jmo₄ 'nia'₄ 'í₁ tsá₃ i₂cuín₅ 'nia'₂ jua'₅₄ a₂jme₃gau₅ dsa₂. Ia₁ i₂juín₅ lín₃ i₂tē₁i₃nio₄ i₂juá'₂ i₂nioi₅₄ o₄quió₃ jniá₂, a₂juá'₂ né₃: “Jniá₂ bá₄ 'éi₂”; juá'₂ ján₃: “Ma₂ja₂quián₃ jmi₄ jaun₂”. La₁ tsá₃ i₂o₂nó'₅ 'nia'₂ chi₁co'₅₄ quió'₅. ⁹ Ia₁ jē₁ma₂ca₂nei'₂ 'nia'₂ 'ei₅ jág₁ a₂nio₃ 'nei₂, tón'₃ dsa₂ mi'₅₄ né₃, tsá₃ tón'₁ 'nia'₂ go₂'i₃, ia₁ le₂jaun₂ de'₂ jñiá₅ ca₂tín₂ lé₂ bá₄, la₁ on₃jua'₅₄ a₂ma₂dsian₅ dsi₂jui₅ jaun₂.

¹⁰ Jaun₂ ca₂tsí'₃ táng₃ dsa₂:

—Qui₃nio₃ 'nei₂ jui₁lia'₂ caun₂ juíg₂, qui₂quíin'₂ quian'₅₄ juíg₂ siá'₂; jme₃'uán'₃ dsa₂ ca₂taun₂ ca₂taun₂. ¹¹ Qui₂dsi₃bi₅₄ 'uē₃ tiá₂, jí₃ 'on₅₄ dsa₂ ca₂le₂con₂, 'í₂ jmi₁uig₅ né₃; jnia₅₄ gau₂ dsi₁ guei'₅₄, 'lióng₂ léi₄ ca'₅₄ qui₂le₃jniá₂. ¹² La₁ né'₃ a₂lé₂ ca₂le₃jé₃ a₂nē₅, qui₃tsán'₂ dsa₂ 'nia'₂ qui₂co₃'ein₃ dsa₂. Dsi₁jang'₂ dsa₂ o₄gú₃ dsi₂tan₅₄ quián₅ guá'₅ sinagoga, jaun₂

† 20:43 Salmo 110:1. * 21:2 lit. “tin₃ ñí₁ lepta.”

gué⁴ to² né³ 'má³. Dsi¹jó² ne⁴ rag⁵⁴ ne⁴ dsi⁴má² né³ 'uig⁵⁴ quió³ jniá². ¹³ Ja¹jaun² cui³ jmi⁴ a²jang⁵⁴ 'nia² já¹ dsau⁵ a²ág⁴ jniá². ¹⁴ 'Éi² 'nia² caun² 'au², tsá³ 'náu² 'nia² 'au² tē³jniá⁵ 'a² lia² long⁵⁴, ¹⁵ ia¹ 'ñi³ bá⁴ jniá² cuē⁵⁴ já¹ a²ting² a²ñi⁵⁴ 'nia² 'a² lia² ñag⁵⁴, ca²lia² 'jñia⁵⁴ tsá³ ma³'e² ñi⁵ ñag³ ca²le³jín³ dsa² i²'iog⁵⁴ 'éi². ¹⁶ Ca²tē² chog²-ñéi⁵ 'nia² qui³jáng², ca²tē² chi² ríng², o¹ríng², a²mei⁵⁴ quiáng² né³. I²lín⁵⁴ 'nia² jme³dsiog⁵ dsa². ¹⁷ Ca²le²con² bá⁴ jme³'ñia⁵⁴ dsa² 'nia² o⁴quió³ jniá². ¹⁸ La¹ tsá³ can² 'nia² o²i¹ dsi⁵, ia¹ ca²lia² 'jñia⁵⁴ 'i¹ca²mi² 'jñi² dsei² 'nia² tsá³ dsi³'én². ¹⁹ Nē¹jua² ca²nau² 'nia² tiá², dsi¹no³ 'nia² tín⁴ jme²dsí² quiáng².

²⁰ 'jē¹ma²ca²jag⁵⁴ 'nia² ma²le¹lio³ 'lió² le³lág³ juig² Jerusalén, jaun² gué⁴ le³len⁵⁴ 'nia² ma²ja²quián³ 'én². ²¹ Dsa² i²tián⁵ 'uē³ Judea jmi⁴ jaun², jui¹cuing¹² le³má²; i²tián⁵ jē⁴ juig² guē² né³, jui¹'uini²; jui¹lia² i²tion⁵⁴ ja¹nau² guē², tsá³ ma³jui¹ja²lein⁵. ²² Ia¹ lé² jmi⁴ a²le³chan² dsa² gue³ jmi¹uig⁵ 'ñio⁵ lín³, a²le³ti³ ca²le³jé³ lia² con² lé⁵ juá² ne⁴ Si². ²³ Juig² jui¹lia² dsa² mí² i²le¹quian⁵ guein², jui¹lia² i²chan² guein² bē⁵⁴ i²'ín² dsi⁵⁴ quió⁵ né³, jmi⁴ jaun²! Ia¹ go²'i³ 'ñio⁵ lín³ tē³tsi⁵⁴ gua⁵⁴ 'uē³, a²le³jniá² a²'ne² Diú⁴ ne⁴ quió⁵ dsa² juig² la²; ²⁴ ia¹ dsi³gan⁵⁴ i²dsián³ quian⁵⁴ ñi¹tág²; i²lín⁵⁴ guē² qui³tē² dsa² le¹'ñei⁵⁴ ca²le²con² go⁴ dsi²nau². Co²dsia⁵ qui³tsó³ dsi²nau² juig² Jerusalén, ca²lia² ca²dsin³ jmi⁴ quió⁵ dsi²nau² a²'i⁴ 'éi³ tóin³ goin².

'A² lia² lé² i¹ñi³ Jaun⁵ dsa² mi²güig³

(Mateo 24:29-35, 42—44; Marcos 13:24-37)

²⁵ Jmi⁴ jaun² lé² léi⁴ tē²le³ quian⁵⁴ 'iog², tsi², nei⁵ né³. Ta¹caun² gua⁵⁴ 'uē³ tón³ dsa² tiá³ qui² dsi⁵, tsá³ a²ñi⁵ jmo³, jmi¹ñi⁴ guē² né³ lé² gau² qui³jná³. ²⁶ Tón³ dsa² qui³nei² a²le³gó³, 'i⁵ dsi⁵ ne⁴ ca²le³jé³ 'e² niog⁵ lé² mi²güig³. Ia¹ ca²tē² jui⁵bí² a²cha² guei⁵⁴ mi²güig³ qui³quian³. ²⁷ Jaun² gué⁴ jín² dsa² Jaun⁵ dsa² mi²güig³ jiá³ jē⁴ jnei⁵ a²'uain² a²jláin¹ 'ñio⁵ lín³. ²⁸ Jē¹ma²ca²rē³lió³ lé² a²nē⁵, quen² 'nia² bí², 'a³ jlian⁵⁴ 'nia², † ia¹ ja³quián² jmi⁴ a²lión² 'nia² co²ñei⁵⁴.

²⁹ Jaun² ca²juá² táng³ caun² já¹ jáng⁵ léi⁴ la²:

—ñi² 'nia² jui¹lia² lé² quian⁵⁴ ni¹'ma² higuera, jui¹'e² gué³ ni¹'ma² siá² né³; ³⁰ jē¹ma²ca²ne⁵⁴ mog⁵⁴, cáun² 'nia² 'i² guiong⁵⁴ a²ja²quián³ jein² 'iog² bá⁴ jaun². ³¹ Ján³ bá⁴ le²nē⁵, jē¹ma²tē² ne⁵⁴ 'nia² lé² ca²le³jé³ a²nē⁵, le³ñi⁵⁴ 'nia² a²ma²ja²quián³ le³gon² Diú⁴. ³² A²dsi²jó³ juá⁵ jniá² juig² 'nia², tsá³ dsi³ñi² tsi¹jon² jmi⁴ nē³, ‡ ca²lia² ca²le³ ca²le³jé³ a²nē⁵. ³³ Dsi³ñi² guei⁵⁴ mi²güig³ quian⁵⁴ gua⁵⁴ 'uē³, la¹ já¹ quió³ né³, o¹líg² tsá³ dsi³ñi² jua⁵⁴ tsá³ le³ti³.

³⁴ 'Tē³ñi⁵⁴ 'nia², tsá³ i²jme²cán¹ táng³ 'nia² 'au² a²i²niog⁵⁴ dsing⁵⁴ le¹'eng⁵, tsá³ caun² a²'i⁵ 'au² a²chang² mi²güig³ la², con² tsá³ ñó⁵ nē¹jua² ca²jo³ jmi⁴ jaun² 'nia² co²tiá². ³⁵ Jui¹lia² ja¹ta² caun² tsi¹liá² bá⁴ lé² jmi⁴ jaun² ne⁴ quió⁵ ca²le³jín³ dsa² i²tián⁵ ne⁴ gua⁵⁴ 'uē³. ³⁶ Jaun² chan² 'nia² rē²jáng¹, chi¹leng⁴ Diú⁴ ca²le³jé³ jmi⁴, ia¹jaun² bá⁴ quin⁵⁴ 'nia² jmi⁴ líong² ne⁴ ca²le³jé³ a²niog⁵ lé² nē⁵, ia¹jaun² dsi¹nóg⁵ tē³tsing⁵⁴ ne⁴ Jaun⁵ dsa² mi²güig³.

³⁷ Ca²le³jé³ jmi⁴ bá⁴ jme¹jme²tag²³ i¹dsi⁵ guá⁵ templo, jē¹ma²ca²nei² dsó⁵ dsi²jñia⁵⁴ má² ja¹chei² Olivos.

³⁸ Ca²le³jín³ bá⁴ dsa² jme¹ja²lén² tē² o³ 'iog² i¹dsi⁵ guá⁵ a²ja²néi³ já¹ a²cuē²³.

22

Ca²jmo³ dsa² já¹ a²tsáin² Jesús

(Mateo 26:1-5, 14—16; Marcos 14:1-2, 10—11; Juan 11:45-53)

† 21:28 lit. “nau² 'nia² chog⁵⁴ ne⁵⁴.” ‡ 21:32 o³, “né³ a²dsián³ dsa² i²lín⁵ raza la².”

¹ Jme₁ma₂ja₂quián₃ jmi₄ quió'₅ i₁ñí'₄ a₂tsá₃ levadura rē₂jñia₅, a₂chei₂ Jmi₄ Tē₂'in₅₄.
² Jaun₂ qui₂ca₂'náu'₃ dsí₅ juig₅₄ jme₂dsa₂, tē₂juá'₅ né₃, 'a₂ lia'₂ cuin₃ jmi₄ jñag'₃, ia₁ a₂gain₃ dsa₂ juig₂ bá₄.

³ Jaun₂ ca₂'Í₃ Satanás dsí₅ Judas, i₂té'₂ Iscariote, i₂jme₁lín₄ jan₂ dsa₂ i₂guia₃-tín₂.

⁴ Judas 'éi₂ né₃ ca₂ñei₅₄ ca₂i₁jmo₅₄ já₁ quián'₅₄ juig₅₄ jme₂dsa₂, quián'₅₄ i₂lín₅ 'lióg₂ dsen₅₄ quián₅ guá'₅ templo né₃, 'a₂ lia'₂ jáng'₂ jín'₂ Jesús o₄gú₃.

⁵ Jaun₂ 'io'₂ jén'₅ bá₄ dsa₂ 'éi₂, ca₂jmo₃ já₁ a₂cuē₃ cu₄.

⁶ Jaun₂ ca₂cuē₃ Judas já₁ quió'₅. Jaun₂ ca₂'náu'₃ dsí₅ 'a₂ lia'₂ jáu₂ jui₅ a₂jáng'₂ con'₂ jme₁tsá₃ juin₅ dsa₂ ma₃quiain'₅₄.

Má₃ jē₁ca₂tó'₂ quió'₅ Te₁gui'₅₄

(Mateo 26:17-29; Marcos 14:12-25; Juan 13:21-30; 1 Corintios 11:23-26)

⁷ Ca₂té₂ jme₁ca₂té₂ jmi₄ quió'₅ i₁ñí'₄ a₂tsá₃ levadura rē₂jñia₅, con'₂ ca₂tín₂ dsa₂ jme₂dsiain₂₃ guein₂ já'₂ cha'₂ quián₅ Jmi₄ Tē₂'in₅₄.

⁸ Jaun₂ ca₂chen₃ Jesús Pe₄ quián'₅₄ Juan₅₄, ca₂juá'₂:

—O₂nó'₅ 'nia'₂ o₂jmo₄ co₂jñia₅₄ má₃ quián₂ jniog₄ a₂que₅₄ Jmi₄ Tē₂'in₅₄.

⁹ Jaun₂ ca₂ñag₃ 'éi₂:

—¿A₂já'₄ 'niog'₂ dsí₁jmo₁ jnia'₅₄ co₂jñia₅₄?

¹⁰ Jaun₂ ca₂juá'₂:

—Jē₁ma₂dsi₃nó'₅ 'nia'₂ jē₄ juig₂, jme₃jein'₂ jan₂ dsa₂ ñe'₂ i₂ñá'₅ quion₂ caun₂ ni₁dsig₁ 'a₄ jmi₂. O₁'éin'₃ 'nia'₂ ca₂tē₂ dsí₂néi₂ ja₁'í₂. ¹¹ Jaun₂ juig'₅₄ 'nia'₂ dsa₂ juig₅₄ dsí₂néi₂: “Le₂la₂ juá'₂ Tē₅ tsí'₅ 'ne₂: ¿Na₂ bá₄ dsí₂néi₂ ja₁guē'₅₄ má₃ quió'₅ Jmi₄ Tē₂'in₅₄ quiang'₅₄ chi'₂ dsí₂guia₃-tín₂ quiáng₃?” ¹² Jaun₂ 'ē₃ caun₂ ja₁lé₄ dsí₂néi₂ juē'₂ guei'₅₄ ja₁ma₂lé₅ co₂jñia₅₄ quió'₅. Ja₁jaun₂ jmo₄ co₂jñia₅₄.

¹³ Jaun₂ ca₂i₃lén₂ bá₄ 'éi₂ né₃. Ca₂lē₃ rē'₂ lia'₂ con'₂ lé₅ já₁ jaun₂. Ja₁jaun₂ ca₂jmo₃ má₃ quió'₅ jmi₄.

¹⁴ Jme₁ca₂té₂ hora jaun₂, ca₂guá₂ Jesús ne₄ mesa, quiain'₅₄ chi'₂ dsí₂guia₃-tín₂* quiáin₅.

¹⁵ Jaun₂ ca₂tsí'₃ 'éi₂:

—¿Líg'₂ bá₄ 'ín₅ dsí₃ guē'₅₄ má₃ Jmi₄ Tē₂'in₅₄ la₂ quián'₅₄ 'nia'₂, né'₃ a₂dsi₃ñíg₂ uig₅!

¹⁶ Ia₁ juá'₅ jniá₂ juíg₂ 'nia'₂, tsá₃ ma₃líg'₂ jmi₄ jua'₅₄ guē'₅₄ gué'₄ má₃ le₂la₂ ca₂lia'₂ ca₂té₂ jmi₄ i₁le₃ti₃ ja₁gon₂ Diú₄.

¹⁷ Jaun₂ ca₂tín₂ copa, ca₂cué'₃ ti₁'mag'₄ Diú₄, jaun₂ ca₂juá'₂:

—Ján'₅ 'nia'₂ a₂la₂; jmo₄ dsí₁og₁ jin₄ ring'₂. ¹⁸ Ia₁ juá'₅ jniá₂, tsá₃ ma₃líg'₂ jmi₄ jua'₅₄ a₂gui'₅₄ gué'₄ jmi'₅₄ mí₂g₂ uvas le₂la₂, ca₂lia'₂ ca₂té₂ jmi₄ i₁le₃ti₃ ja₁gon₂ Diú₄.

¹⁹ Jaun₂ ca₂tín₂ táng₃ caun₂ i₁ñí'₄, ca₂cué'₃ ti₁'mag'₄ Diú₄. Jaun₂ ca₂'niai₃ ca₂cué'₃ 'éi₂, ca₂juá'₂:

—ñi₃ bá₄ jniá₂ i₁ñí'₄ la₂, a₂ma₂rē₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂.†

²⁰ Ján₃ bá₄ le₂ñē₅, jme₁ma₂ca₂lē₃ gué'₅ i₁ñí'₄, ca₂can₃ táng₃ copa, jaun₂ ca₂juá'₂:

—A₂'a₄ copa la₂, lé₅ já₁ 'mí₂ a₂tē₃ron₅₄, a₂lí₅₄ tē₂le₃ quián'₅₄ jmi₃ a₂dsi₃'o₅₄ o₄quián'₂ 'nia'₂.‡

²¹ La₁ nē₃ né₃, ne₄ mesa la₂ guá₅ quián'₅₄ jniá₂ i₂jáng'₂. ²² Dsón'₂ bá₄ 'en₅₄ jui₅ Jaun₅ dsa₂ mi₂güí₃ dsí₁og₄ ja₁'ein₅₄ 'éi'₃ dsí₁og₄, la₁ 'e₂ gué'₄ juíg₂ dsa₂ i₂jáng'₂!

²³ Jaun₂ ca₂jme₃lióg₃ tsí₂ca₂jñin₂ quiain'₅₄ riin'₅₄, 'ein₂ bá₄ 'éi₂ i₂jmo₃ le₂jaun₂.

Ca₂tsíin₂ o₄quió'₄ 'ein₂ i₂lén₂ i₂dsen₅₄ gué'₄

* 22:14 griego: apóstolous (dsa₂ i₂chen₄). † 22:19 A₂lín₅₄ chog₅₄ si₂ tsá₃ chi₁ton₅ “a₂ma₂rē₂jang'₅₄ o₄quián'₂ 'nia'₂. Jmo₄ 'nia'₂ a₂la₂ a₂dsiog'₂ 'au'₂ jniá₂”, on₃ guē'₂ versículo 20. ‡ 22:20 'Nio'₂ ja₁ton₅ Éxodo 24:8.

²⁴ Ján₃ bá₄ ca₂lë₃ mi'₅₄ jë₄ quió'₅, ne₄ 'uig₅₄ 'ein₂ 'éi₂ i₂lén₂ i₂dsen₅₄ gué₄.

²⁵ Jaun₂ ca₂juá'₂ Jesús:

—Ca₂le₃jín₃ rag₅₄ quián₅ dsi₂nau₂, tiain'₂₃ goin₂ jmo₂₃ 'éi'₃ lia'₂ lé₂ dsí₅. Le₂jaun₂ gué'₂ i₂le₁'io₅ 'éi'₃ i₂le₁'ín₁ quiáin₅, 'ag₅ dsa₂ a₂lín₅ dsa₂ i₂jmo₅ a₂dse₃. ²⁶ La₁ tsá₃ le₂jaun₂ lé₂ quian'₅₄ 'nia'₂. Jui₁lia'₂ i₂can'₅₄ jë₄ quián'₂ 'nia'₂, jui₁jmo₁₂ mei'₂. Le₂jaun₂ gué'₂ i₂cán₂ ne₄ jui₅, jui₁jmo₁₂ në₂jag₄ bá₄ i₂jme₂ti₃. ²⁷ Jaun₂ né₃, ¿'ein₂ i₂dsen₅₄ gué₄: i₂guá₅ ne₄ mesa, o₃ i₂dsia₅ má₃ 'e₂? ¿'On₁ i₂guá₅ ne₄ mesa bá₄? La₁ jniá₂ 'eng₅₄ jë₄ quián'₂ 'nia'₂, líng₅ jan₂ i₂jme₂ti₃. ²⁸ 'Nia'₂ gué'₂ líng'₅ i₂ma₂ja₂nóg'₅ quiong'₅₄ jniá₂ jë₄ uig₅ a₂qui₂ma₂i₂ng'₂. ²⁹ 'Uig₅₄ në₅ né₃, dsián₄ jniá₂ 'nia'₂ ja₁o₁tiáng'₂ gong'₂, jui₁lia'₂ ma₂dsiog₃ ŋe'₃ jniá₂, ³⁰ ia₁jaun₂ o₁qué'₂ o₁'én'₂ 'nia'₂ ne₄ mesa quió₃ ja₁gong₂, ja₁jaun₂ o₁tián'₂ 'nia'₂ ne₄ta₁ a₂qui₁dsi'₂ 'éi'₃ quió'₅ ta₁guia₃-tín₂ nió'₃ tsi₁jon₂ dsa₂ juig₂ Israel.

*ŋi*₅ bá₄ Jesús a₂tsá₃ tion₃ Pe₄ a₂cuig₂₃

(Mateo 26:31-35; Marcos 14:27-31; Juan 13:36-38)

³¹ Ján₃ bá₄ ca₂juá'₂ Te₁gui'₅₄:

—Si₂mu₅₄, Si₂mu₅₄ —ca₂tsí'₃ Pe₄—, i₂së₃dsen₃ ma₂në₂mag₃ 'ñiá'₂ 'nia'₂ lia'₂ ja₁'ñiá'₂ dsa₂ trigo, ³² la₁ jniá₂ ma₂në₂mi₃ o₄quián'₂ 'ne₂, ia₁jaun₂ tsá₃ dsiá₃ éi₃ a₂'éng'₂. 'Ne₂ né₃, jë₁ma₂ca₂jéin'₃ táng₃ 'au'₂, cué'₅₄ bí₂ ríng'₂.

³³ Jaun₂ 'éi₂ né₃ ca₂ñag₃:

—Te₁gui'₅₄, caun₂ bá₄ ma₂'ei₅ dsi₃ i₁'ú₃ né₃ 'má₃ co₂lë₅ quian'₅₄ 'ne₂, o₁ñia'₅₄ 'mú₃ ca₂quín₂.

³⁴ Jaun₂ ca₂ñag₃ Jesús:

—Pe₄, jniá₂ gué'₂ juá'₅, tsá₃ 'o₃ tē₁guí₄ dsó₂ nē₃, ca₂lia'₂ ma₂në₂jua'₅₄ 'ne₂ 'ni₅ ráun₂ a₂tsá₃ tóng'₄ a₂cuig'₂ jniá₂.

*Ma*₂ja₂quián₃ hora gue₃ Jesús uig₅

³⁵ Jaun₂ ca₂juá'₂:

—Lia'₂ con'₂ ca₂tsíng₂ 'nia'₂, lia'₂ con'₂ tsá₃ tsi₁na'₅₄ jme₁le₁quian'₄, on₃ gué'₂ tē₂lau₂, on₃ gué'₂ ni₁lau₂ ton₅ tag'₅₄ né₃, ¿cha₁ a₂ca₂rë₃'nió'₅ quián'₂ 'nia'₂?

'Éi₂ né₃, ca₂ñag₃:

—'I₁caun₂ tsá₃ ca₂rë₃'nió'₅.

³⁶ Jaun₂ ca₂juá'₂ táng₃:

—Në₃ gué₄ né₃ i₂'io₅ tsi₁na'₅₄, tē₂lau₂ né₃ jui₁quian₅₄. I₂tsá₃ 'io₅ ñi₁tág₂ né₃, o₁'nag₁₂ mi₂dsiog₂ quió'₅ ia₁jaun₂ lá₃ ñi₁tág₂. ³⁷ Ia₁ juá'₅ jniá₂, tion₅₄ niog₅ le₃ti₃ ja₁con₂ jniá₂ ja₁juá'₂ ne₄ Si₂ le₂la₂: “ŋó₃ jë₄ quió'₅ dsa₂ i₂le₁cán'₄ dso₄, ia₁ ca₂jmo₃ dsa₂ dsí₅ në₂jag₄ bá₄ a₂rë₂cáin'₄ dso₄ ján₃.”[§] Ia₁ ca₂le₃jé₃ a₂niog₅ juá'₂ ne₄ Si₂ a₂'ag₂₃ jniá₂, tion₅₄ niog₅ le₃ti₃.

³⁸ Jaun₂ ca₂juá'₂ 'éi₂:

—Te₁gui'₅₄, la₂ tiá'₅ tin₃ ñi₁tág₂.

Jaun₂ ca₂ñag₃ táng₃:

—Tió'₅ bá₄ nē₅.

*Ca*₂chi₂lén'₂ Jesús Diú₄ caun₂ ja₁chei₂ Getsemaní

(Mateo 26:36-46; Marcos 14:32-42)

³⁹ Jaun₂ gué₄ né₃ o₂'íin₃ ŋó₃ jui₅ Má'₂ Olivos, ia₁ le₂jaun₂ tiin₂ bá₄. Jaun₂ ca₂i₃lén₂ chi'₂ dsi₂guia₃-tín₂ quiong'₅₄.

⁴⁰ Jme₁ca₂dsiog₃ ja₁jaun₂, jaun₂ ca₂juá'₂:

—Chi₁len'₅₄ 'nia'₂ Diú₄ ia₁jaun₂ tsá₃ jo₅₄ jui₅bí₂ a₂cáun₂ táu₂.

⁴¹ Jaun₂ ca₂ñó₃ Jesús 'ñiog₅ uíng₂ con'₂ ja₁tág'₅ ca₂míg₂ ni₁cang₁ a₂táun₂ dsa₂. Ja₁jaun₂ ca₂chi₃jnë₃ ca₂chi₃lén'₂ Diú₄.

⁴² Ca₂juá'₂:

§ 22:37 Isaiás 53:12.

—Tia₅₄, ¿t_{sa}₁ cuín₅ jmig₄ njíá'₄ uig₅ dsi₃ñíg₂ la₂? La₁ia₁, jui₁le₅₄ bá₄ a₂ñio₂ 'au'₂ 'ne₂, on₃jua'₅₄ con'₂ 'nio₃ jniá₂.

⁴³ Jaun₂ ca₂jme₃jnia₅ jan₂ ángel ne₅₄, i₂ca₂sió₃ jui₅ guei'₅₄ i₂juíg₃, a₂ca₂cué₃ bí₂.

⁴⁴ Hora jaun₂ ca₂ñág₃ uig₅ 'ñio₅ lin₃, jaun₂ të₂le₃ lé₅ gué₄ ca₂chi₃léin'₂ Diú₄; ca₂tein₃ jme₁dsiog₂ në₂jag₄ bá₄ jmi₂ qui₂ca₂dsá₂ të₂ 'uë₃.^{*}

⁴⁵ Jme₁ca₂nau₂ ja₁chi₂léin'₂ Diú₄ jaun₂, guáin'₃ ja₁tián'₄ chi'₂ dsi₂guia₃-tín₂. La₁ le₁güün₃ bá₄ 'éi₂ tián'₅ ca₂jo₃, 'uig₅₄ ia₁ a₂ñí₄ lë₃ 'lia'₂ dsí₅.

⁴⁶ Jaun₂ ca₂juá'₂:

—¿'E₂ lë₃ le₁güün'₃ 'nia'₂ tiáng'₅? Nau₂, chi₁len'₅₄ 'nia'₂ Diú₄ ia₁jaun₂ tsá₃ jo₃ jui₅bí₂ a₂cáun₂ táu₂.

Ma₂le₁te₂ dsa₂ Jesús

(Mateo 26:47-56; Marcos 14:43-50; Juan 18:2-11)

⁴⁷ Të₃jë₄ juá'₂ Jesús jaun₂, jme₁ca₂dsi₃lén₂ juin₅ dsa₂. Jaun₂ ca₂dsióg₃ i₂té'₂ dsa₂ Judas, i₂jme₁lín₄ jan₂ chi'₂ dsi₂guia₃-tín₂, quian₅ ne₄ jui₅. Jaun₂ ca₂jme₃quiáin₃ con₂ Jesús a₂jme₁chen'₃† quió'₅.

⁴⁸ La₁ ca₂juá'₂ Jesús:

—Judas, ¿'e₂? ¿Le₁në₅ bá₄ jing'₅₄ Jaun₅ dsa₂ mi₂güíg₃, a₂chén'₁ quió'₅?

⁴⁹ Jme₁ca₂jág₃ i₂quian'₅₄ Jesús a₂lé₂ jaun₂, ca₂juá'₂:

—Te₁gui'₅₄, ¿qui'₅₄ jnia'₅₄ quian'₅₄ ñi₁tág₂?

⁵⁰ Jan₂ 'éi₂ né₃ ca₂quí'₃ quió'₅ i₂jme₂ti₃ ta₁ quián₅ jme₂dsa₂ dsen₅₄, ca₂ñjá'₂ rë₂gua₅₄ ne₁.

⁵¹ Jaun₂ ca₂juá'₂ Jesús:

—'A₃ ma₃jmai'₅₄.

Jaun₂ ca₂chóng'₃ táng₃ rë₂gua₄ 'éi₂, ca₂jme₃'lió₂. ⁵² Jaun₂ ca₂tsí'₃ juig₅₄ jme₂dsa₂, 'i'₅₄ guá'₅, gui'₅₄ can'₅₄ né₃ i₂dsi₃lén₂ tsáun'₂:

—¿'E₂? ¿Jui₁lia'₂ jë₁tsán'₂ dsa₂ 'ang₂ ja₂nóg'₅ qui₂le₁quian'₄ ñi₁tág₂, 'ma₂ né₃? ⁵³ Líg'₂ bá₄ 'eng₅₄ tián₂ quian'₅₄ 'nia'₂ i₁dsi₅ guá'₅, tsá₃ ma₂chong'₂ 'nia'₂ ja₁jaun₂. La₁ në₃ gué₄, 'au'₂ 'nia'₂ bí₂ tiá₂ 'au'₂ jmó'₂, në₃ lia'₂ chí'₅ qui₁në'₃.

Tsá₃ tion₅ Pe₄ a₂cuün₂₃ Jesús

(Mateo 26:57-58, 69—75; Marcos 14:53-54, 66—72; Juan 18:12-18, 25—27)

⁵⁴ Jme₁ma₂në₂chóng'₂, ca₂tág₃ jui₅ ja₁quió'₄ jme₂dsa₂ dsen₅₄. La₁ Pe₄ në₃, uíng₂ bá₄ të₂quíin₃ ñó₃ 'ein₂₃.

⁵⁵ Dsa₂ 'éi₂ né₃, ca₂dsia₃ si₂ i₁dsi₅, ca₂tián'₂ le₃lág'₃ cau₅ si₂; jë₄ jaun₂ ca₂guá₂ Pe₄ ján₃.

⁵⁶ Të₃jë₄ jaun₂, ca₂rë₃lí'₄ jan₂ 'io₅₄ i₂jme₂ti₃ ta₁ ja₁jaun₂, a₂guá₅ Pe₄ cau₅ si₂. Caun₂ ca₂jág₂ tiá₂, ca₂juá'₂:

—Ján₃ bá₄ jme₁quiain'₅₄ i₂në₅.

⁵⁷ La₁ 'éi₂ né₃, tsá₃ ca₂tioin₃, ca₂juá'₂:

—Tsá₃ 'éi₂ cuín₅ jniá₂, 'ne₂ 'io₅₄.

⁵⁸ Jme₁co₂lág₂ jaun₂, ca₂guan₃ táng₃ jan₂, ca₂jág₂, jaun₂ ca₂juá'₂:

—Jme₁quiain'₅₄ 'ne₂ ján₃, ¿lia'₅₄?

—Jan₂ 'ón₄. Tsá₃ dsa₂ 'éi₂ jme₁quian'₄ jniá₂, 'ne₂.

⁵⁹ Con'₂ caun₂ hora cang₂ jaun₂, tion₅₄ bá₄ tsá₃ jme₁cán₂ jan₂ jág₁, ca₂juá'₂:

—Të₃dsón'₂ jan₂ i₂jme₁quiain'₅₄ bá₄ në₅, ia₁ Galilea bá₄ ja₁chain₂.

⁶⁰ Jaun₂ ca₂juá'₂ táng₃ Pe₄:

—Të₃dsón'₂ rë'₂ juá'₅ jniá₂ la₂, ca₂lia'₂ jnia'₅₄ tsá₃ cuíng₅ 'ein₂ 'éi₂ 'ín'₅ 'nia'₂.

* 22:44 A₂lin₅₄ chog₅₄ si₂ tsá₃ chi₁ton₅ versículos 43 quian'₅₄ 44. † 22:47 Jme₁tín₂ quió'₅ dsa₂ judíos a₂chen'₂ jú'₅ riin'₅₄ jë₁cuag₃ Diú₄.

Të₃jë₄ dsia₂₃ jág₁ jaun₂ jme₁ca₂'o₃ të₁guí₄ dsó₂. ⁶¹ Jaun₂ ca₂jén'₃ Te₁gui'₅₄ ca₂jín₂ Pe₄, ca₂jmo₃ a₂dsiog'₂ dsí₅ 'éi₂ 'e₂ a₂ma₂në₂juá'₂ le₂jñiá₅: “Tsá₃ 'o₃ të₁guí₄ dsó₂ në₃, ca₂lia'₂ ma₂në₂juá'₅₄ 'ne₂ 'ni₅ ráun₂, a₂tsá₃ tóng'₄ a₂cuig'₂ jniá₂.”

⁶² Jaun₂ ca₂o₃ 'ín₃ ca₂tá'₂ qui'₂ dsí₅, ca₂'o₃ 'ñio₅ lín₃.[‡]

A₂lë₁qui₂co₂jmá'₂ dsa₂ Jesús

(Mateo 26:67-68; Marcos 14:65)

⁶³ Dsa₂ i₂nio₅ jmo₅ 'í₁ Jesús në₃, a₂lë₁qui₂co₂jmóg'₂ tioin'₅₄, ca₂cuë₃ në₃.

⁶⁴ Ca₂'néi₂ jme₁ne₁ Jesús, qui₂ca₂quein₃ dsi₂ne₅₄ § jaun₂ ca₂juá'₂:

—¿Dsi₄ jág₁ 'ein₂ në₂quein₃ quiáng'₂!

⁶⁵ 'Lióng₂ lín₃ bá₄ ca₂juá'₂ tioin'₅₄, a₂të₂'o'₂.

Ca₂chen'₃ dsa₂ Jesús ne₄ dsi₂tan₅₄ quián₅ guá'₅

(Mateo 26:59-66; Marcos 14:55-64; Juan 18:19-24)

⁶⁶ Jme₁jnia₃ jaun₂, qui₂ca₂ñi'₂ ca₂le₃jín₃ gui'₅₄ can'₅₄ quián₅ dsa₂ judíos, juig₅₄ jme₂dsa₂, të₅juá'₅ në₃. Jme₁ma₂le₁ñi'₂, ca₂dsi₁jñia₃ dsa₂ Jesús ne₅₄. Jaun₂ ca₂ñag₃:

⁶⁷ —¿Dson'₂ 'ne₂ líng'₅ I₂rë₂ 'ín₁ quián₅ Diú₄?

Jaun₂ ca₂ñag₃:

—O₁jñia'₅₄ ca₂juá'₃ jniá₂, jniá₂ 'éi₂, a₂dsón'₂ tsá₃ le₃'én'₂ bá₄ 'nia'₂. ⁶⁸ Në₁juá'₂ ca₂ñag₄ jniá₂ 'e₂ ca₂ñag₅₄ ne'₅₄ 'nia'₂, a₂dsón'₂ on₃juá'₅₄ a₂jaun₂ jein'₅₄ 'nia'₂ jág₁ quió₃. * ⁶⁹ La₁ në₃ në₃, të₂le₃ ne₄ jui₅ ja₁ñó₄ në₅, guá₃ Jaun₅ dsa₂ mi₂güüg₃, të₂le₃ gu₂ ne₁ Diú₄ i₂'uan'₂ gué₄ lín₃.

⁷⁰ Jaun₂ ca₂ñag₃ ca₂le₃jín₃:

—¿Ia₁ 'ne₂ bá₄ líng'₅ Ja₁ñi'₅₄ Diú₄, jaun₂?

—Jniá₂ bá₄ líng₅, jui₁lia'₂ ma₂në₂juá'₅₄ 'nia'₂ në₅.

⁷¹ Jaun₂ ca₂juá'₂ tioin'₅₄:

—¿'Ein₂ gué₄ jmá'₃ dsa₂ 'niog₂ jniog₄ jáng'₃ jág₁ dsau₅? Jua'₂ jniog₄ guio₅₄ ma₂në₂néi₁ jág₁ a₂ma₂në₂'ué'₃ i₂në₅ 'ñiog₅ mi₂'o₅₄ chéin'₅.

23

Ca₂dsián'₃ Jesús ne₄ Pilato

(Mateo 27:1-2, 11—14; Marcos 15:1-5; Juan 18:28-38)

¹ Jaun₂ qui₂ca₂nau₂ ca₂le₃jín₃ ca₂jñiai₃ Jesús ne₄ Pilato.

² Ja₁jaun₂ gué₄ ca₂'náu'₃ dsáu₁ Jesús, ca₂juá'₂:

—Ca₂jón₃ jnia'₅₄ dsa₂ la₂ jme₁'ein₅₄ dsia₂₃ mi'₅₄ jñin₄ dsa₂ juig₂ quián₂ jnia'₅₄. ñi₂₃ toin'₂ dsa₂ jág₁ a₂tsá₃ ma₂'ein₂ qui₃ 'lia'₅₄ a₂ca₂tín₂ César; a₂jme₂tiin₂₃ dsa₂ juá'₂ a₂lín₅ I₂rë₂'ín₁ quián₅ Diú₄, co₂'nió'₄ a₂lín₅ rag₅₄.

³ Jaun₂ ca₂ñag₃ Pilato:

—¿Dson'₂ líng'₅ Rag₅₄ quián₅ dsa₂ judíos?

Jaun₂ ca₂ñag₃ Jesús:

—Le₂në₅ bá₄, jui₁lia'₂ juá'₂ 'ne₂ në₅.

⁴ Jaun₂ ca₂juá'₂ táng₃ Pilato ca₂tsí'₃ juig₅₄ jme₂dsa₂, quian'₅₄ dsa₂ juig₂:

—Tsá₃ 'e₂ dsáu₁ dsa₂ në₅ dso'₂ jniá₂ 'i₁caun₂.

⁵ La₁ të₂le₃ lé₅ gué₄ co₂mi'₅₄ ca₂tóin'₂, ca₂juá'₂:

—La₁ 'ñio₅ lín₃ dsia₂₃ mi'₅₄ ñi₂₃, jme₂tiin₂₃ dsa₂ ta₁caun₂ 'uë₃ Judea. Ca₂jme₃lióg₃ Galilea, rë₂në₃ guë'₂ ma₂ñi₂₃ ja₁lás₃ jmo₂₃ le₂jaun₂.

Ca₂dsián'₂ Pilato Jesús ne₄ Herodes

‡ 22:62 A₂lín₅₄ chog₅₄ si₂ tsá₃ chi₁ton₅ versículo 62. § 22:64 A₂lín₅₄ chog₅₄ si₂ tsá₃ chi₁ton₅ “qui₂ca₂quein₃ dsi₂ne₅₄.” * 22:68 A₂lín₅₄ chog₅₄ si₂ juá'₂ ján₃: “on₃ guë'₂ jaun₂ a₂lo'₅₄ 'nia'₂.”

⁶Jme₁ca₂nág₂ Pilato a₂ně₅, jaun₂ ca₂ŋag₃ chi₂jua'₂ 'uě₃ Galilea chan₂ dsa₂ 'éi₂.

⁷Jme₁ca₂rě₃ŋi₅ ně₃, a₂lín₅ Jesús dsa₂ chan₂ tē₂le₃ 'uě₃ ja₁niog₅ gu₂ Herodes, jaun₂ ca₂dsióg'₂ ne₄ 'éi₂. Ia₁ jme₁ŋi₂₃ juig₂ Jerusalén jmig₄ jaun₂.

⁸'Io'₂ jén'₅ bá₄ Rag₅₄ Herodes jme₁ca₂jín₂ Jesús, ia₁ líg'₂ bá₄ 'ín₅ dsí₅ jág₂, ia₁ jme₁ma₂nág₂ bá₄ 'ei₅ jág₁ a₂'ín₅ dsa₂ 'éi₂. Ia₁ jme₁'ín₂ dsí₅ jág₃ 'e₂ caun₂ o₂dsain₂ jmo₃.

⁹'Lióng₂ a₂qui₂ca₂ŋii'₃ Jesús, la₁ tsá₃ ma₃'e₂ ca₂ŋag₃ 'éi₂ 'i₁caun₂.

¹⁰Ja₁jaun₂ jme₁tión₂ juig₅₄ jme₂dsa₂ quian'₅₄ tēs₅juá'₅ ně₃, caun₂ qui₂ca₂'náu'₃ tion₅₄ dsáu₁ 'éi₂.

¹¹Jaun₂ Herodes ně₃, quian'₅₄ 'lióg₂ quiáin₅, lē₁qui₂ca₂jmóg'₂ tioen'₅₄, ca₂quei'₃ 'mi'₂ jlá'₁, jaun₂ ca₂dsióg'₂ bá₄ táng₃ ne₄ Pilato.

¹²Jmig₄ jaun₂ bá₄ ca₂jmo₃ Pilato a₂mei₅₄ quian'₅₄ Herodes, ia₁ jme₁le₁'ŋiai₁₂ riin'₅₄ le₂ŋiá₅.

Ca₂o₃'ág₃ 'éi'₃ a₂jón₂ Jesús

(Mateo 27:15-26; Marcos 15:6-15; Juan 18:39-19:16)

¹³Jaun₂ ca₂ŋi'₂ Pilato juig₅₄ jme₂dsa₂, quian'₅₄ i₂lín₅ ta₁, quian'₅₄ dsa₂ juig₂ ně₃. ¹⁴Jaun₂ ca₂tsí'₃ dsa₂:

—O₂jon'₅₄ 'nia'₂ ne₃ dsa₂ la₂, ia₁ juá'₂ 'nia'₂ a₂dsia₂₃ mi'₅₄ jin₄ dsa₂. Tě₃ ne'₅₄ 'nia'₂ ma₂qui₂ně₂ŋag₄ jniá₂, tsá₃ 'e₂ dsáu₁ dso'₂ jniá₂ 'i₁caun₂, lia'₂ con'₂ lé₅ dso₄ a₂jme₂cain'₅₄ 'nia'₂. ¹⁵On₃ guě'₂ Herodes ca₂dsó'₂, jaun₂ la₂ bá₄ ca₂dsióg'₂ táng₃. Jaun₂ 'i₁caun₂ tsá₃ 'e₂ cha₂ jua'₅₄ ca₂tín₂ gue₃ 'mú₃. ¹⁶La₁ jmo₅₄ 'éi'₃ a₂bóg₂ dsa₂, jaun₂ guě'₄ loin₅₄.

¹⁷Jme₁jmig₄ tē₂'ín₅₄, jme₁chí'₄ tag₄ quió'₅ Pilato jme₁lióin₂ jan₂ dsa₂ 'né₅ 'má₃, jme₁chei'₂ le₃jin₄ dsa₂.*

¹⁸La₁ dsa₂ juig₂ ně₃ co₂ŋei'₅₄ ca₂le₃jín₃ ca₂tóin'₂ co₂mi'₅₄ ca₂juá'₂:

—¡Cau₅ jniá'₃ i₂ně₅! ¡Barrabás bá₄ lion₄ quián₂ jnia'₅₄!

¹⁹Barrabás 'éi₂ ca₂to'₂ dsa₂ né₃ 'má₃ 'uig₅₄ ia₁ ca₂dsia₃ caun₂ mi'₅₄ jě₄ juig₂, ton'₂ ia₁ jme₁ma₂jŋii'₃ dsa₂ ně₃.

²⁰Jme₁'nio₃ bá₄ Pilato jme₁lióin₂ Jesús, jaun₂ jme₁ca₂tsí'₃ bá₄ guě'₄ dsa₂. ²¹La₁ tē₂le₃ lé₅ guě'₄ co₂mi'₅₄ ca₂tón'₂ bá₄ dsa₂, guió'₅ juá'₂:

—¡Tióin₃ cróg₄! ¡Tióin₃ cróg₄!

²²Jě₁ŋó₄ 'ni₅ ráun₂ ca₂juá'₂ táng₃ Pilato tsí'₅ dsa₂:

—¿'E₂ guě'₂ 'lig'₅₄ ma₂jmo₃? Tsá₃ 'e₂ dsáu₁ i₂ně₅ dso'₂ jniá₂ jua'₅₄ a₂ca₂tín₂ jóin₂. Jmo₅₄ jniá₂ 'éi'₃ a₂bóg₂ dsa₂ jaun₂ guě'₄ loin₅₄.

²³La₁ tion₅₄ ca₂mi₃ dsa₂ tioen'₅₄ co₂mi'₅₄ a₂tion₃ cróg₄. Ca₂lě₃ rě'₂ con'₂ lé₅ 'ín₅ dsí₅ dsa₂ juig₂ lé₂.

²⁴Jaun₂ co₂ŋei'₅₄ me'₂ ca₂jmo₃ Pilato 'éi'₃ a₂lé₂ con'₂ lé₅ mi₅ dsa₂.

²⁵Jaun₂ ca₂lióin₂ bá₄ dsa₂ i₂jme₁'en₅₄ né'₃ 'má₃, i₂jme₁ma₂dsia₃ mi'₅₄, i₂ma₂jŋi'₃ dsa₂ ně₃. Jaun₂ ca₂jáng'₂ ca₂jín'₂ Jesús o₄gú₃ dsa₂ juig₂ o₁jmo₁₂ quiong'₅₄ con'₂ 'ín₅ dsí₅ jmo₃.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Juan 19:17-27)

²⁶Con'₂ ma₂tioin'₅₄ jui₅ jŋiai₂₃ Jesús ja₁dsi₃tion₃ cróg₄, ca₂chi₃quiáin₂ tion₅₄ jan₂ dsa₂ chan₂ 'uě₃ Cirene, i₂chen₂ Si₂mu₅₄, i₂'en₅₄ jui₅ jón'₅ ja₁nau₂, a₂cán₂ cróg₄ dsó₃ le₃chi₁co'₅₄ quió'₅ Jesús.

²⁷Juin₅ lín₃ bá₄ dsa₂ juig₂ i₃lén₂ 'ein₂₃, dsa₂ mí₂ ně₃ i₃lén₂ qui'₂-o₂₃ 'lia'₂ dsí₅ qui'₂-óin'₂ Jesús.

²⁸Jaun₂ ca₂jén'₃ Jesús, ca₂juá'₂:

* 23:17 A₂lín₅₄ chog₅₄ si₂ tsá₃ chi₁ton₅ versículo 17.

—'Nia'₂ dsa₂ mí₂ chan₂ Jerusalén, 'a₃ ma₃'au₂ 'nia'₂ o₄quió₃ jniá₂. 'O₄ bá₄ 'nia'₂ o₄quiáng'₂ guiong'₅₄, o₄quió'₄ chi'₂-guein₂ quiáng'₂ né₃.²⁹ Ia₁ já₅ jmi₄ jë₁juá'₂ dsa₂: “E₂ gué₄ dsen₃ jui₁lia'₂ dsa₂ mí₂ i₂tsá₃ lé₂ cán₂ guein₂; 'e₂ gué₄ dsen₃ jui₁lia'₂ dsa₂ i₂tsá₃ guein₂ ca₂'í₃ tē₂dsí₅, on₃ guē'₂ dsi'₅₄ quió'₅ ca₂guén'₃ guein₂ né₃.”³⁰ Jmi₄ jaun₂ jme₃lióg₃ dsa₂ tsí'₃ ni₁má'₂: “Lá'₃ ne₄ quián₂ jnia'₅₄”, juá'₂ né₃ tsí'₃ dsi₂con'₂: “Mog₅₄ jnia'₅₄.”³¹ Ia₁ chi₂jua'₂ le₂la₂ jmo₅ dsa₂ jmái'₂ i₂tsá₃ ca₂tín₂ gue₃ uig₅, ¿'ē₂ gué₄ bá₄ dsi₃ni₂ i₂ca₂tín₂ dsón'₂?†

³² Ján₃ bá₄ jme₁le₁jñiai₂₃ gué₄ on₃ dsa₂ i₂le₂cán'₄ dso₄, a₂jme₂dsiog₂₃ co₂lë₅ quian'₅₄ Jesús.

³³ Jme₁ca₂dsi₃lén₂ ja₁té'₂ dsa₂ Dsi₂con'₂ Ni₁mu₅ Mi₂dsi₄ 'Lag₄, ‡ ja₁jaun₂ ca₂tion₃ cróg₄ quian'₅₄ le₃on₃ dsa₂ 'lín'₅₄ 'éi₂, jan₂ tē₂le₃ gu₂ ne₁, jan₂ guē'₂ tē₂le₃ gu₂ jen₅.

³⁴ [Jaun₂ ca₂juá'₂ Jesús:

—Tia₅₄, 'én₃ dsáu₁, ia₁ tsá₃ ñi₅ a₂jmo₂₃.]§

Jaun₂ ca₂co₃ dsi₂'lióg₂ ca₂tóin'₂ ca₂jmo₃ le₁dso'₅₄ ni₁tsin'₅₄ Jesús.*

³⁵ Jaun₂ jme₁tión₂ dsa₂ juig₂ cau₅, jág₅. Dsi₂tan₅₄ né₃ jme₁tión₂, qui₂co₂jmóg'₂ burlas, ca₂juá'₂:

—Qui₂ma₂lióin₂ i₂sián'₂; nē₃ né₃, jui₁lioin₅₄ 'ñiog₅ chi₂jua'₂ dsi₂jó'₃ lín₅ I₂rē₂'ín₁ rē₂quion'₅₄ quián₅ Diú₄.

³⁶ Dsi₂'lióg₂ né₃ ca₂jmóg'₂ burlas ca₂jme₃quián₃ ca₂jén'₃ vino jen'₂,³⁷ ca₂juá'₂:

—Chi₂jua'₂ líng'₅ Rag₅₄ quián₅ dsa₂ judíos, lion₄ 'ñiag'₂.

³⁸ Jaun₂ ca₂tión₃ dsa₂ letras dsi₄ cróg₄ tio'₅₄ 'ni₅ né₃ jág₁ jmei₅: griego, latín, hebreo né₃, co₂'nió'₄ a₂juá'₂: “RAG₅₄ QUIÁN₅ DSA₂ JUDÍOS BÁ₄ LA₂.”

³⁹ Jan₂ i₂rē₂cán'₄ dso₄ i₂jme₁rē₂ton₅ cau₅ quió'₅ ca₂tē₂ca₂'o'₂, ca₂juá'₂:

—¿On₁ 'ne₂ líng'₅ I₂rē₂'ín₁ quián₅ Diú₄? Ma₂nē₃ lion₄ 'ñiag'₂, jaun₂ lo'₅₄ jnia'₅₄ né₃.

⁴⁰ La₁ ca₂jí₂ bá₄ riin'₅₄ ca₂juá'₂:

—¿'En₁ jmá'₃ tsá₃ gan'₃ 'ne₂ Diú₄? Jua'₂ uig₅ le₂nē₅ bá₄ guei'₂ ján₃.⁴¹ La₁ jniog₄ a₂ca₂tág₂ dsón'₂ guei₂ uig₅ la₂, lia'₂ con'₂ lé₅ a₂ma₂jmó₁; la₁ dsa₂ la₂ né₃, 'i₁caun₂ tsá₃ 'e₂ riin₂.

⁴² Jaun₂ ca₂juá'₂:

—Jesús, jui₁dsiog'₂ bá₄ 'au'₂ jniá₂, jë₁ma₂dsiáng'₃ ja₁gong'₂.

⁴³ Jaun₂ ca₂ñag₃ Jesús:

—A₂dsi₂jó'₃ juí₂g₂ jniá₂ 'ne₂, jmi₄g₄ nē₃ tē₃tsing'₅₄ quian'₅₄ jniá₂ Ja₁jlá'₁.†

Ca₂jon₃ Jesús

(Mateo 27:45-56; Marcos 15:33-41; Juan 19:28-30)

⁴⁴ Con'₂ dsi₃ní'₃, ‡ tē₁tsi'₅₄ qui₁né'₃ ta₁caun₂ gua'₅₄ 'uē₃, ca₂lia'₂ ca₂té₂ hora ñi₁ 'ni₅§ le₃ca₂'láu₂.

⁴⁵ 'Iog₂ co₂dsia₅ ca₂rē₃liá'₃; tsi₁'mi'₂ cortina a₂jme₁'ei₅ dsi₂néi₂ guá'₅ templo, co₂dsia₅ ca₂chen₃ ca₂lë₃ tin₃ dso'₅₄ jo₂.

⁴⁶ Hora jaun₂, ca₂guió'₃ Jesús, ca₂juá'₂:

—¡Tia₅₄ quiáng₃, o₄gog'₂ 'ne₂ dsia₅₄ jme₂dsí₂ quió₃!

Caun₂ jaun₂ bá₄ a₂ca₂juá'₂ gué₄, co₂tan₅₄ ca₂join₃.

⁴⁷ Jme₁ca₂jág₃ juig₅₄ 'lióg₂ a₂ca₂lë₃ jaun₂, ca₂jme₃juin'₂ Diú₄, ca₂juá'₂:

—Dsón'₂ bá₄ tsá₃ 'e₂ jme₁rín₂ dsa₂ la₂.

⁴⁸ Ca₂le₃jín₃ bá₄ dsa₂ i₂jme₁tion'₅₄ i₂ca₂jág₃ a₂ca₂lë₃ jaun₂, ca₂i₃lein₃ quein₂₃ dsí₅.*

⁴⁹ Ca₂le₃jín₃ dsa₂ i₂jme₁cuin₅ Jesús quian'₅₄ dsa₂ mí₂ i₂jme₁ma₂quiong'₅₄ tē₂ Galilea, jme₁tión₂ uíng₂ jág₅ ca₂le₃jé₃ a₂nē₅.

† 23:31 lit. “ia₁ chi₂jua'₂ ni₁'ma₂ rē'₂ co₂jmo₅ dsa₂ le₂nē₅, ¿'ē₂ gué₄ bá₄ lé₂ quian'₅₄ ni₁'ma₂ quein₂?” ‡ 23:33 ja₁chei₂ “Gólgota” quian'₅₄ arameo; quian'₅₄ latín guē'₂, chei₂ “Calvario.” § 23:34 A₂lín₅₄ chog₅₄ si₂ tsá₃ chi₁ton₅ jág₁ nē₅. * 23:34 'Nio'₂ ja₁ton₅ Salmo 22:18. † 23:43 griego: paradeiso (Paraiso). ‡ 23:44 lit. “hora jñéi₂.” § 23:44 lit. “hora ñi₃.” * 23:48 Co₂'nió'₄ a₂jmo₂₃ léi₄ a₂qui'₂ dsí₅.

Ca₂'on₃ Jesús

(Mateo 27:57-61; Marcos 15:42-47; Juan 19:38-42)

⁵⁰ La₁ ca₂lë₃ në₃, jan₂ dsa₂ i₂chen₂ José, i₂jme₁quen'₅₄ líin₅ ta₁ jin₄ dsi₂tan₅₄ quián₅ guá'₅, jme₁líin₄ dsa₂ dsen₃ i₂'ua₁ dsí'₅. ⁵¹ Sé₄ 'éi₂ në₃, i₂chan₂ juig₂ Arimatea ja₁tén₄ Judea, tsá₃ ca₂rë₃'ñi₃ dsí'₅ lia'₂ niog₅ ca₂jmo₃ dsi₂tan₅₄ riin'₅₄, ia₁ jme₁chi₁jñia₂₃ le₃gon₂ Diú₄.

⁵² Jaun₂ ca₂ñei₅₄ në₃ i₁mi₂ jág₁ ne₄ Pilato a₂dsi₃sioin₅₄ 'lag₄ Jesús cróg₄ a₂dsi₃'ó₃.

⁵³ Jme₁ca₂sió₂, ca₂lio₃ caun₂ 'mi'₂ tióg₃. Jaun₂ ca₂i₁quio₂₃ 'ñi₃ tau₂ 'ñio₅ a₂jme₁ma₂lé₅ ca₂jmo₃ dsa₂ dsí'₅ ni₁'lau₂, ja₁tsá₃ 'ein₂ 'lag₄ ma₂'í₅.

⁵⁴ Ia₁ jmig₄ jaun₂ tion'₅₄ dsa₂ jmo₂₃ co₂jñia₅₄ a₂'nió'₅ quió'₅ jmig₄ sa₅₄ a₂jë₁ca₂jñia₃ jaun₂.

⁵⁵ La₁ dsa₂ mí₂ i₂ma₂ja₂lén₂ quian'₅₄ Jesús të₂ Galilea, ca₂o₃lén₂ ca₂jág₃ 'a₂ lia'₂ ca₂quion₅ dsa₂ 'lag₄ né₃ táu₂.

⁵⁶ Jme₁ca₂dsi₃lein₃ quió'₅, ca₂jmo₃ co₂jñia₅₄ no'₅₄ mi₂juig₂ quian'₅₄ gué₄ ma₁'au₂ në₃, a₂dsi₃tsiin₅₄ Jesús.

Jme₁ca₂jñia₃ sa₅₄ jaun₂, ca₂tiáin'₂ ca₂jñia₃ lia'₂ con'₂ lé₅ 'Éi'₃.

24

Ca₂jen'₅₄ táng₃ Jesús

(Mateo 28:1-10; Marcos 16:1-8; Juan 20:1-10)

¹ Jë₁le₂'uig₅₄ jmig₄ semana, ca₂i₃lén₂ táng₃ dsa₂ mí₂ të₂ o₃'iog₂ lin₃, i₁jag₅₄ tau₂ 'ñio₅ le₁quian₅ no'₅₄ mi₂juig₂ a₂jme₁ma₂lé₅ co₂jñia₅₄ quió'₅; [lé₂ bá₄ gué₄ dsa₂ mí₂ sián'₂ i₂ca₂jme₃quiong'₅₄].* ² Jme₁ca₂dsi₃lén₂ ja₁jaun₂, jua'₂ cau₅ bá₄ ma₂i₂mu₃ ni₁cang₁ a₂jme₁rë₂jñi₅ tau₂ 'ñio₅. ³ Jaun₂ ca₂i₃toin'₅₄, la₁ tsá₃ ma₃ni₁ñi₁ 'lag₄ [Te₁gui'₅₄ Jesús]† ca₂dsó'₂ ja₁jaun₂. ⁴ [Jaun₂ ca₂lë₃],‡ të₃ tióin₂ dsi₂gó'₃ dsí'₅ jaun₂, tsá₃ a₂ñi₅ jmo₃, jme₁ca₂jñin₂ on₃ dsa₂ i₂qui'₂ tsin'₅₄ tág₅, tión₂ cau₅ quió'₅.

⁵ Të₃ ma₂gó'₅ jaun₂, ca₂'iin₃ ne₅₄ të₂ 'uë₃. Jaun₂ ca₂juá'₂ dsa₂ 'éi₂:

—¿'E₂ lë₃ 'na'₂ 'nia'₂ jan₂ i₂jén'₃ jin₄ 'lag₄? ⁶ Tsá₃ 'éi₂ chan₂ ja₁lá₃. Ma₂ca₂jein'₅₄ bá₄. Jui₁dsiog'₂ 'au'₂ 'nia'₂ a₂ca₂juá'₂ lia'₂ con'₂ jme₁ñi₂₃ Galilea, ⁷ jme₁ca₂juá'₂ a₂ca₂tín₂ Jaun₅ dsa₂ mi₂güig₃ jáng'₂ dsa₂ o₄gú₃ dsa₂ 'lin'₅₄, a₂tion₃ dsa₂ cróg₄, la₁ a₂'ni₅ jmig₄ jaun₂ jein'₅₄ táng₃.

⁸ Jaun₂ gué₄ ca₂dsáu'₃ dsí'₅ 'io₅₄ jág₁ jaun₂ quió'₅ Jesús. ⁹ Jme₁dsi₃lein₃ jaun₂, ca₂dsia₃ ca₂tsí'₃ ta₁guia₃-ján₃ chi'₂ dsi₂guia₃-tín₂ i₂jme₁lé₂ gué₄, ca₂tsí'₃ ca₂le₃jín₃ gué₄ dsa₂ sián'₂ në₃. ¹⁰ Dsa₂ mí₂ i₂jme₁quion₂ jág₁ në₅ ne₄ chi'₂ dsi₂guia₃-tín₂: María i₂chan₂ Magdala, Juana, María chog₅₄ Jacobo, quian'₅₄ gué₄ dsa₂ mí₂ sián'₂.

¹¹ La₁ jme₁ca₂nág₂ chi'₂ dsi₂guia₃-tín₂ jág₁ në₅, a₂lë₁të₂'i₅ bá₄ 'io₅₄ 'éi₂, líin₂, jaun₂ tsá₃ ca₂rë₃'éin₂.

¹² La₁ Pe₄ në₃, ca₂o₃'iin₃ ñó₃ co₂chi'₅₄ ca₂i₁jag₅₄ dsi₂néi₂ tau₂ 'ñio₅. Jaun₂ jmá'₃ tsi₁'mi'₂ tióg₃ bá₄ ca₂jág₃ niog₅. Ca₂ñái'₃ bá₄ táng₃ jaun₂ në₃, dsi₂gó'₃ dsí'₅ 'e₂ ca₂lë₃.

A₂ca₂lë₃ dsi₂jui₅ ja₁ñó₄ juig₂ Emaús

(Marcos 16:12-13)

¹³ Jmig₄ jaun₂ dé₄, on₃ dsa₂ 'éi₂ tioin'₅₄ jui₅ i₃lén₂ jui₅ juig₂ ja₁té'₂ dsa₂ Emaús, a₂niog₅ con'₂ guia₃-cáun₃ kilómetros ja₁niog₅ Jerusalén. ¹⁴ Jaun₂ dé₄ tsí'₅ riin'₅₄ i₃lén₂ ca₂le₃jé₃ 'e₂ niog₅ ca₂lë₃. ¹⁵ Të₃ dsia₂₃ i₃lén₂ jaun₂, ca₂jme₃quián₃ Jesús ñó₃ quiong'₅₄. ¹⁶ La₁ jui₁'a₂ gué₃ la₂ jág₂ i₃lén₂, cha₂ a₂jmo₅ a₂tsá₃ rë₂cui_g₂₃ 'ein₂ 'éi₂.

¹⁷ Jaun₂ ca₂ñag₃ Jesús:

—¿'E₂ bá₄ jág₁ dsia'₂ 'nia'₂ ja₂nóg'₅?

* 24:1 A₂lin₅₄ chog₅₄ si₂ tsá₃ le₁ton₅ jág₁ në₅. † 24:3 A₂lin₅₄ chog₅₄ si₂ tsá₃ le₁ton₅ jág₁ në₅.

‡ 24:4 A₂lin₅₄ chog₅₄ si₂ tsá₃ le₁ton₅ jág₁ në₅.

Jaun₂ ca₂nau₂ ca₂tiá₂ tei₄, le₁'ág₄ 'lia'₂ dsí₅ bá₄. ¹⁸ Jaun₂ ca₂ηag₃ jan₂ i₂chen₂ Cleofas:
—¿On₁ bá₄jan'₂ 'ne₂ líng'₅ dsa₂ i₂lia'₂ tē₁tsin'₅₄ guan₅ Jerusalén, jaun₂ tsá₃ ηi'₅₄ 'e₂ niog₅ ca₂lě₃ dsióg₂-jo₃ nē₅?

¹⁹ Jaun₂ ca₂ηag₃:

—¿'E₂ ca₂lě₃ guē'₂?

Jaun₂ ca₂ηag₃ táng₃:

—A₂ca₂lě₃ quian'₅₄ Jesús i₂chan₂ Nazaret, i₂jme₁lín₄ jan₂ i₂jme₁'é₂ jág₁ quían₅ Diú₄, i₂'uan'₂ tē₂le₃ quian'₅₄ ca₂le₃jě₃ a₂niog₅ ca₂jmo₃, i₂'uan'₂ tē₂le₃ quian'₅₄ jág₁ a₂ca₂jme₃tag₂₃, lia'₂ le₃ne₄ Diú₄ lia'₂ le₃ne₄ dsa₂ mi₂güüg₃ nē₃; ²⁰ 'a₂ lia'₂ ca₂jáng'₂ juig₅₄ jme₂dsa₂ quian'₅₄ dsi₂tan₅₄ quían₂ jnia'₅₄, ca₂dsi₂ 'éi'₃ ca₂ηag₃ tioin'₅₄, ca₂tion₃ cróg₄. ²¹ Jnia'₅₄ jme₁'ín₂ dsi₅ chong₂, a₂lág₂ jnia'₅₄ 'éi₂ bá₄ lín₅ i₂jme₁lión₂ juig₂ Israel. La₁ nē₃ nē₃, ma₂'ni₅ jmig₄ ca₂lě₃ le₂nē₅. ²² I₂lín₅₄ dsa₂ mí₂ i₂tion'₅₄ jē₄ quían₂ jnia'₅₄ ma₂nē₂quiong₃ jnia'₅₄ jué'₅, ia₁ ma₂i₁jag₅₄ tē₂ o₃'iog₂ ma₂'míg₂ tau₂ 'ηio₅, juá'₂. ²³ Tsá₃ ni₁ηi₁ 'lag₄ dsó'₅. A₂jaun₂ bá₄ dsia₂₃ o₃lein₃ a₂nē₂jme₃jnia₅ ángeles ne₅₄, a₂nē₂juá'₂ i₂chan₂ bá₄ 'éi₂. ²⁴ Jaun₂ nē₃, ma₂i₁len₅₄ i₂lín₅₄ rin'₅₄ jnia'₅₄ ma₂i₁jag₅₄ tau₂ 'ηio₅. Jua'₂ dsón'₂ bá₄ dsau₅ con'₂ lě₃ jág₁ jmóg'₅ dsa₂ mí₂ 'éi₂, la₁ 'éi₂ guē'₂ nē₃ tsá₃ nē₂jín₂, juá'₂.

²⁵ Jaun₂ ca₂ηag₃ Jesús ca₂tsí'₃ 'éi₂:

—¿'En₁ jmá'₃ tsá₃ 'e₂ ca₂ηí'₂ 'au'₂ 'nia'₂? ¿Líg'₂ bá₄ le₃'én'₂ 'nia'₂ ca₂le₃jě₃ a₂niog₅ ca₂juá'₂ dsa₂ i₂jme₁'é₂ jág₁ quían₅ Diú₄? ²⁶ Ia₁ ¿on₁ le₂jaun₂ 'ia'₄ 'éi'₃ ca₂tín₂ I₂rē₂'ín₁ quían₅ Diú₄, dsi₃ηí₂ ca₂le₃jě₃ a₂nē₅ de'₂ jniá₅, jaun₂ gué₄ dsiáin'₄ ja₁le₃juin'₂ táng₃?

²⁷ Jaun₂ qui₂ca₂juá'₂ 'a₂ lia'₂ niog₅ juá'₂ ne₄ Si₂ quió'₅ Diú₄; ca₂jme₃lióg₃ de'₂ jniá₅ ja₁juá'₂ ne₄ si₂ quió'₅ Moisés, ηó₃ ca₂'ě₃ le₂tan₅₄ si₂ quió'₅ dsa₂ i₂jme₁'é₂ jág₁ quían₅ Diú₄, ja₁juá'₂ 'iin₂₃ 'éi₂ 'ηiog₅.

²⁸ Jaun₂ ja₂quían₃ dsi₁lén₂ juig₂ pí'₁ ja₁tioin'₅₄ jui₅ dsi₁lén₂. La₁ dsa₂ 'éi₂ con'₂ jme₁ma₂ηó₅ co₂dsau₅ bá₄ ca₂jmo₃.

²⁹ La₁ i₂on₃ 'éi₂ nē₃ ca₂chi₃quióng₂ jmig₄ a₂jnia₃, ca₂juá'₂:

—Nē₃ o₁jnia₁ quian'₅₄ jnia'₅₄, ia₁ ca₂rin₂ bá₄ 'iog₂, ca₂'láu₂ ca₂nei₂ bá₄ la₂.

Jaun₂ ca₂'í₃ dsi₂néi₂ ja₁jnia₃ quian'₅₄ 'éi₂.

³⁰ Jaun₂ ca₂lě₃, jme₁ma₂guá₅ ne₄ mesa quian'₅₄ 'éi₂, ca₂can₃ i₁ηí'₄, ca₂jme₃jniói₃, jaun₂ gué₄ ca₂'niai₃ ca₂cué'₃ le₃on₃ i₂quiain'₅₄.

³¹ Tē₃jě₄ jaun₂ nē₂jag₄ a₂jaun₂ gué₄ ca₂niá₃ jme₁ne₁₂ lín₂, jaun₂ gué₄ ca₂rě₃cuig₂₃. La₁ dsi₂jui₅ jaun₂ ca₂i₃cóin'₅ tē₃ ne₅₄.

³² Jaun₂ gué₄ ca₂dsia₃ jág₁ guioin'₅₄:

—Dsón'₂ bá₄ lia'₂ tio'₅₄ jui₅ ja₂náu₅, ca₂lě₃ dsi₅ néi₁ ca₂le₃jě₃ 'e₂ niog₅ nē₂juá'₂ nē₂jme₃ηíi'₂ dsi₅ jniog₄ a₂juá'₂ Si₂.

³³ Dsi₂jui₅ le₂jaun₂ bá₄ ca₂tóin'₂ táng₃ jui₅ ja₂lein₃ Jerusalén. Jme₁o₃lein₃ jaun₂, tion'₅₄ ta₁guia₃-ján₃ chi'₂ dsi₂guia₃-tín₂ i₂lě₂ gué₄, le₁ηíi'₂ quian'₅₄ gué₄ dsa₂ sián'₂. ³⁴ Jaun₂ juá'₂ 'éi₂ tioin'₅₄:

—Tē₃dsón'₂ bá₄ ma₂ca₂jen'₅₄ Te₁gui'₅₄. Ia₁ ma₂nē₂jme₃jniai₂₃ ne₄ Si₂mu₅₄.

³⁵ Jaun₂ gué₄ ca₂jmóg'₃ táng₃ i₂on₃ 'éi₂ jág₁ 'a₂ lia'₂ ca₂lě₃ le₂'i₄ jui₅, 'a₂ lia'₂ ca₂rě₃cuig₂₃ con'₂ jme₁ca₂'niai₃ i₁ηí'₄.

Ca₂jme₃jnia₅ Jesús jē₄ quió'₅ chi'₂ dsi₂guia₃-tín₂

(Mateo 28:16-20; Marcos 16:14-18; Juan 20:19-23)

³⁶ Tē₃ tioin'₅₄ dsia₂₃ jág₁ jaun₂, jme₁ca₂jme₃jnia₅ Jesús ca₂nau₂ jē₄ quió'₅. §

³⁷ Ca₂i₃gó'₃ dsí₅ tioin'₅₄, lín₂ jan₂ jme₂dsí₂ bá₄ 'éi₂ ηi₅.

³⁸ Jaun₂ ca₂juá'₂:

§ 24:36 A₂lín₅₄ chog₅₄ si₂ juá'₂ ján₃: “co₂tan₅₄ ca₂cuag₃ Diú₄, ca₂juá'₂: —Siang'₃. Jui₁'ei₅ bá₄ tei₄ tion'₅₄ 'nia'₂.”

—¿E₂ lē₃ ŋí₄ lē₃ tion'₅₄ 'nia'₂ chí'₅ go₂'i₃? ¿E₂ lē₃ ŋí₄ 'lióng₂ a₂'náu'₂ 'nia'₂ 'au'₂? ³⁹ La₂ jag₄ 'nia'₂ o₄gu₃ o₄tag₃. Jniá₂ bá₄ la₂. I₂nó'₅ 'nia'₂ i₂níg'₃ quió₃ i₂jag₄ 'nia'₂. Jan₂ jme₂dsí₂, on₃jua'₅₄ i₂ton₅ ŋí₅ on₃ i₂'en₅₄ mu₅, jui₁lia'₂ jág'₂ 'nia'₂ lín₅ jniá₂.

⁴⁰ Tē₃ juá'₂ le₂nē₅, qui₂ca₂'ē₃ o₄gú₃ o₄tag₁₂ né₃.

⁴¹ Tē₃ tiain'₅₄ jaun₂ dsi₂gó'₃ dsí₅ tsá₃ 'éin₂ o₄quió'₄ a₂ŋí₄ lē₃ 'io'₂ jén'₅, jme₁ca₂juá'₂ Jesús:
—¿Cha₁ a₂le₃que₅₄ ca₂la₂ ja₁lá₃?

⁴² Jaun₂ ca₂o₃can₅ ca₂'nau₅₄ quió'₅ i₁ju₁ cui₂ ne₄ si₂, [quian'₅₄ gué'₂ ca₂jne₄ ni₁tá'₅ cuing₅].*

⁴³ Jaun₂ ca₂gue₃ ca₂gué'₃ guá₅ tē₃ne₄ ca₂le₃jín₃.

⁴⁴ Jaun₂ ca₂juá'₂ né₃:

—Ma₁ ca₂juá'₃ jniá₂ le₂jñiá₅ lia'₂ con'₂ jme₁ŋi₂₃ jin'₄ 'nia'₂, a₂tion₅₄ le₃ti₃ ca₂le₃jé₃ lia'₂ con'₂ lé₅ tio'₅₄ ne₄ Si₂ 'Éi'₃ quió'₅ Moisés, ne₄ Si₂ quió'₅ dsa₂ i₂jme₁'é₂ jág₁ quián₅ Diú₄, ne₄ Salmos né₃, ja₁'ag₂₃ jniá₂.

⁴⁵ Jaun₂ gué'₄ ca₂jme₃ŋí'₂ dsí₅ 'éi₂ a₂juá'₂ Si₂, ⁴⁶ jaun₂ ca₂juá'₂:

—Le₂nē₅ bá₄ tio'₅₄ ne₄ Si₂: a₂tion₅₄ bá₄ dsi₃ŋí₂ uig₅ I₂rē₂'ín₁ quián₅ Diú₄, la₁ jein'₅₄ bá₄ táng₃ a₂'ni₅ jmi_g₄; ⁴⁷ a₂tion₅₄ dsi₃'ag₅ jág₁ né₃, a₂'nió'₅ qui₂dsi₃quén'₅ dsí₅ dsa₂ ia₁jaun₂ bá₄ lé₂ le₃'én₂ dsáu₁. Jág₁ nē₅ dsó₃ qui₂rē₂'é₂ o₄quió₃, ne₄ ca₂le₃jín₃ i₂chan₂ gua'₅₄ 'uē₃, la₁ Jerusalén de'₂ jñiá₅ ja₁le₃lióg₃. ⁴⁸ 'Nia'₂ né₃ i₂qui₂ca₂té₂ ne'₅₄ ca₂le₃jé₃ a₂niog₅ ca₂lē₃, qui₂o₁jang'₄ 'nia'₂ jág₁ dsau₅. ⁴⁹ Jaun₂ né₃, tsin₅₄ jniá₂ i₂ma₂lé₅ jág₁ chen₃ ŋe'₃. La₁ jñia₄ gué'₄ 'nia'₂ juig₂ la₂, ca₂lia'₂ ca₂lē₃ le₁lín'₄ 'nia'₂ quian'₅₄ jui₅bí₂ a₂sió₃ guei'₅₄.

Ca₂uíg₂ Jesús guei'₅₄ i₂juíg₃

(Marcos 16:19-20)

⁵⁰ Jaun₂ ca₂jñiai₃ chi'₂ dsi₂guia₃-tín₂ tē₂ juig₂ Betania, jaun₂ ca₂cho₃ gu₂ ne₄ quió'₅ ca₂le₃jín₃, ca₂jme₃gu'₅₄. ⁵¹ Ca₂lē₃ né₃, tē₃jē₄ jme₂gu'₅₄ jaun₂, ca₂i₃uíin₂.†

⁵² 'Éi₂ né₃, ja₂lein₃ bá₄ táng₃ Jerusalén, jmo₂₃ 'io'₂ 'ñio₅ lín₃, ⁵³ le₃ó₃ jmi_g₄ bá₄ jme₁ŋi₂ i₁dsi₅ guá'₅ jme₂juiin'₂ Diú₄.

Co₂nē₅.

* ^{24:42} A₂lín₅₄ chog₅₄ si₂ tsá₃ chi₁ton₅ jág₁ nē₅. † ^{24:51} A₂lín₅₄ chog₅₄ si₂ juá'₂ ján₃: “ca₂ŋái'₃ guei'₅₄ i₂juíg₃.”

Jág₁ Dse₃ quió'₅ Diú₄ a₂ca₂tó'₂ San Juan₅₄ ne₄ Si₂

Jág₁ quió'₅ Diú₄ a₂lín₅ dsa₂ mi₂güüg₃

¹ Lia'₂ con'₂ le₂'uig₅₄ jme₁ca₂rë₃lióg₃, jme₁ma₂chan₂ i₂té'₂ Jág₁; jaun₂ i₂'éi₂ i₂lín₅ Jág₁ né₃, jme₁'ein₅₄ quian'₅₄ Diú₄; Diú₄ bá₄ jme₁lín₄ ján₃. ² Jaun₂ lia'₂ con'₂ le₂'uig₅₄, 'éi₂ né₃, jme₁'ein₅₄ quian'₅₄ Diú₄. ³ Të₂le₃ quian'₅₄ 'éi₂ bá₄, ca₂lë₃ ca₂le₃jé₃ 'e₂ a₂cha₂; ca₂lia'₂ 'i₁caun₂ tsá₃ ca₂rë₃chá₃ jua'₅₄ tsá₃ ca₂jmo₃ 'éi₂.

⁴ Ja₁con₂ 'éi₂ bá₄ já₅ bí₂ a₂le₃chan₂ dsa₂; bí₂ jaun₂ né₃, lé₅ Si₂ a₂tág₅ ja₁con₂ dsa₂ mi₂güüg₃. ⁵ Tág₅ Si₂ jaun₂ jë₄ qui₁né'₃, la₁ qui₁né'₃ né₃, tsá₃ ma₂ca₂tió'₃.

⁶ Ca₂rë₃chá₃ jan₂ dsa₂ i₂chen₄ quián₅ Diú₄, i₂chen₂ Juan₅₄. ⁷ Ca₂guain₃ ca₂jáng'₃ jág₁ dsau₅ të₂le₃ quió'₅ 'éi₂ i₂lín₅ Si₂, ia₁jaun₂ të₂le₃ quian'₅₄ jág₁ dsau₅ a₂jáng'₅ në₅, le₃'én₂ ca₂le₃jín₃ dsa₂.

⁸ On₃jua'₅₄ Juan₅₄ 'éi₂ i₂jme₁lín₄ Si₂; njia'₅₄ con'₂ i₂jáng'₅ jág₁ dsau₅ bá₄ jme₁lín₄, jui₁lia'₂ le₃quió'₅ Si₂.

⁹ Jme₁ma₂guán₂ i₂lín₅ Si₂ të₃dsón'₂, a₂tág₃ ja₁con₂ le₂jan₂ le₂jan₂ dsa₂ mi₂güüg₃.

¹⁰ I₂'éi₂ i₂lín₅ Jág₁ jme₁'ein₅₄ mi₂güüg₃; jaun₂, o₁n₃jia'₅₄ ca₂lë₃ mi₂güüg₃ të₂le₃ quian'₅₄ 'éi₂, tsá₃ ca₂rë₃cui₅ dsa₂ mi₂güüg₃.

¹¹ Guain₃ jin₄ dsa₂ go₅₄, la₁ dsa₂ go₅₄ né₃, tsá₃ ca₂guei₃.

¹² La₁ia₁ i₂con'₂ ca₂guei₃, i₂ca₂rë₃'én₂ të₂le₃ quió'₅, dsa₂ 'éi₂ né₃ ca₂cué'₃ bí₂ a₂lén₂ chi'₂-guein₂ quián₅ Diú₄.

¹³ Jui₁lia'₂ chi'₂-guein₂ 'éi₂, on₃jua'₅₄ ca₂rë₃cháin₃ lia'₂ con'₂ lé₅ jmi₄ dsa₂ mi₂güüg₃, on₃ gué'₂ lia'₂ con'₂ lé₅ dsí₅ dsa₂ mi₂güüg₃, on₃ gué'₂ lia'₂ con'₂ lé₅ dsí₅ jan₂ dsa₂ ñe'₂, ton'₂ ca₂rë₃cháin₃ le₃quió'₅ Diú₄ bá₄.

¹⁴ I₂'éi₂ né₃ i₂lín₅ Jág₁, ca₂can₃ ñi₄ dsa₂ mi₂güüg₃, ca₂guá₂ jë₄ quián₂ jniog₄. Jnia'₅₄ né₃ ma₂ca₂jag₅₄ a₂co₂'né'₅ quió'₅, co₂'nió'₄ a₂co₂'né'₅ quió'₅ jan₂ tan₅₄ Ja₁ñi'₅₄ Diú₄, i₂jás₅₄ ja₁con₂ Jmei₂, rë₂rin₅ a₂dse₃ dsí₅, a₂rë₂ti'₅₄ né₃.

¹⁵ Ca₂jáng'₃ Juan₅₄ jág₁ dsau₅ të₂le₃ quió'₅ 'éi₂, ca₂juá'₂ tiá₂:

—I₂la₂ bá₄ 'éi₂ i₂lín₅ jniá₂, lia'₂ con'₂ jme₁ca₂juá'₃: “I₂jás₅₄ cang₂ gué₄ con'₂ gué₄ jniá₂, dsein₅₄ gué₄ con'₂ gué₄ jniá₂, ia₁ jme₁ma₂chain₂ jniá₅ gué₄ con'₂ gué₄ jniá₂.”

¹⁶ Ca₂le₃jág₃ bá₄ jniog₄ ma₂qui₂ma₂gué₂ a₂tson₂ a₂dse₃ dsí₅ 'éi₂, caun₂ qui₂jme₂gu'₅₄ bá₄ Diú₄ jniog₄ lia'₂ i₂gú'₃.

¹⁷ Ca₂ñag₂ jniog₄ Si₂ 'Éi'₃ të₂le₃ quian'₅₄ Moisés, la₁ia₁ të₂le₃ quian'₅₄ Jesucristo bá₄ ca₂jás₃ a₂dse₃ dsí₅ Diú₄, ca₂rë₃ti₃ jág₁ dsau₅ né₃.

¹⁸ Lia'₂ 'i₁jan₂ tsá₃ 'ein₂ ma₂jín₂ Diú₄ lia'₂ 'i₁cón'₂; la₁ia₁ Ja₁ñi'₅₄ i₂jan₂ tan₅₄ 'éi₂ quián₅, i₂'en₅₄ ja₁con₂ Jmei₂, i₂'éi₂ bá₄ ma₂jmo₃ jág₁ dsau₅ 'a₂ lia'₂ lín₅ Diú₄.

Jáng'₅ jág₁ dsau₅ Juan₅₄ i₂chon₅ dsa₂ jmi₂g₂, jui₁lia'₂ i₂'ein₂ 'éi₂ Jesucristo

(Mateo 3:11-12; Marcos 1:7-8; Lucas 3:15-17)

¹⁹ Jaun₂ le₂la₂ jág₁ a₂ca₂jáng'₃ Juan₅₄ jme₁ca₂chen₃ dsa₂ can'₅₄ quián₅ dsa₂ judíos i₂tion'₅₄ Jerusalén ca₂chein₃ jme₂dsa₂ quiain'₅₄ levitas ne₄ Juan₅₄, a₂i₁ñag₁₂ i₂'ein₂ 'éi₂.

²⁰ 'Éi₂ né₃ ca₂jmo₃ jág₁ lia'₂ rë₂jiá₃, ca₂juá'₂:

—On₃jua'₅₄ jniá₂ líng₅ I₂rë₂'ín₁ quián₅ Diú₄.

²¹ Jaun₂ ca₂ñag₃ táng₃ dsa₂:

—¿'Ein₂ 'ne₂ jaun₂? ¿'Ne₂ líng'₅ Elías i₂jme₁'é₂ jág₁ o₄quió'₄ Diú₄?

Jaun₂ ca₂juá'₂ Juan₅₄:

—On₃jua'₅₄ 'éi₂ jniá₂.

Dsi₂jui₅ le₂jaun₂ bá₄ ca₂ɲag₃ táng₃ dsa₂:

—¿On₃ bá₄ 'ne₂ líng'₅ i₂'é₂ jág₁ 'éi₂, i₂lé₅ jág₁ jiá₃?

Jaun₂ ca₂ɲag₃ Juan₅₄:

—Jan₂'ón₄.

²² Jaun₂ bá₄ ca₂juá'₂ dsa₂ ca₂tsí'₃ Juan₅₄:

—¿'Ein₂ lín'₅ 'ne₂, jaun₂ né₃? Jua'₅₄, ia₁jaun₂ dsi₁con₁ jnia'₅₄ jág₁ dsau₅ ne₄ dsa₂ i₂ca₂chei₃. ¿'Ein₂ juá'₂ 'ne₂ líng'₅?

²³ Jaun₂ ca₂ɲag₃ Juan₅₄:

—Jniá₂ bá₄ líng₅ i₂'éi₂ i₂juá'₂ jág₁ tiá₂ caun₂ 'uë₃ quein₂ co₂'ɲiog₅ i₂juá'₄: “Nia₄ 'nia'₂ caun₂ jui₅ co₂dsau₅ quió'₅ Te₁gui'₅₄.”*

²⁴ Dsa₂ i₂i₁len₅₄ i₁dsia₂ jág₁ quian'₅₄ Juan₅₄, dsa₂ i₂chen₄ quián₅ dsa₂ fariseos bá₄ 'éi₂, ²⁵ jaun₂ ca₂ɲag₃ ca₂ɲii'₃ táng₃ Juan₅₄:

—Chi₂jua'₂ on₃jua'₅₄ 'ne₂ líng'₅ I₂rë₂'ín₁ quián₅ Diú₄, on₃ guë'₂ Elías, on₃ guë'₂ jan₂ i₂'é₂ jág₁ o₄quió'₄ Diú₄ né₃, ¿'e₂ ta₁ 'eng'₅₄ tsóng'₅ dsa₂ jmig₂?†

²⁶ Jaun₂ ca₂juá'₂ Juan₅₄:

—Jniá₂ tiáng₅ dsa₂ jmig₂; la₁ia₁ jin₄ 'nia'₂ chan₂ jan₂ i₂tsá₃ cuin'₂ 'nia'₂. ²⁷ Já₅ jan₂ cang₂ gué₄ con'₂ gué₄ jniá₂, on₃jua'₅₄ 'ein₂ lín₅ jniá₂ jua'₅₄ ca₂ting₂ tsi'₅₄ lau₂ ton₅ tag₅₄.

²⁸ Ca₂le₃jé₃ a₂la₂ ca₂lë₃ caun₂ ja₁chei₂ Betania,‡ a₂niog₅ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, ja₁jme₁'en₅₄ Juan₅₄ choin₂₃ dsa₂ jmig₂.§

Jesús i₂lín₅ Guein₂ Já'₂ Cha'₂ quián₅ Diú₄

²⁹ Jme₁jnia₃ jaun₂, ca₂jín₂ Juan₅₄ Jesús a₂já₅ ja₂quián₃ ja₁chéin'₄, jaun₂ ca₂juá'₂:

—Jag₄ 'nia'₂, i₂në₅ bá₄ Guein₂ Já'₂ Cha'₂ quián₅ Diú₄, i₂ɲiá'₂ dsáu₁ dsa₂ mi₂güüg₃. ³⁰ I₂në₅ bá₄ 'éi₂ i₂'ín₅ jniá₂, lia'₂ con'₂ jme₁ca₂juá'₃: “I₂já₅ cang₂ gué₄ con'₂ gué₄ jniá₂, dsein₅₄ gué₄ con'₂ gué₄ jniá₂, ia₁ jme₁ma₂chain₂ jniá₅ gué₄ con'₂ gué₄ jniá₂.” ³¹ Lia'₂ ɲia'₅₄ 'ɲi₃ó₃, tsá₃ jme₁guion₅₄ 'ein₂ 'éi₂; la₁ia₁ chóng₅ dsa₂ jmig₂ ma₂guio₃, * ia₁jaun₂ le₃cuig₅ dsa₂ juig₂ Israel 'ein₂ 'éi₂.

³² Ján₃ bá₄ ca₂jáng'₃ Juan₅₄ jág₁ dsau₅ la₂, ca₂juá'₂:

—Ca₂jin₄ jniá₂ Jme₂dsí₂ ɲi₃ó₅ ca₂sióin₃ guei'₅₄ i₂juíg₃ i₂jniá₂ lia'₂ jniá₂ jan₂ i₂ju₂, ca₂të₁gua₁ ne₄ quió'₅ 'éi₂. ³³ Tsá₃ jme₁ma₂guion₄ bá₄ gué₄ jniá₂ i₂'ein₂ 'éi₂; la₁ia₁ i₂ca₂chei₃ jniá₂ a₂chóng₄ dsa₂ jmig₂, † ca₂tság₃ jniá₂: “Jë₁ma₂ca₂jing'₅₄ Jme₂dsí₂ sióin₅ ne₄ quió'₅ jan₂ dsa₂ ɲe'₂, i₂'éi₂ bá₄ qui₃tián₂ dsa₂ Jme₂dsí₂ ɲi₃ó₅.” ³⁴ Ma₂ca₂jiiin₅₄ bá₄ jniá₂, jaun₂ jáng'₅ jniá₂ jág₁ dsau₅, a₂lín₅ 'éi₂ Ja₁ɲi'₅₄ Diú₄.

I₂le₂'uig₅₄ dsa₂ guia₃-tín₂ quián₅ Jesús

³⁵ Jme₁jnia₃ jaun₂, jme₁'en₅₄ táng₃ Juan₅₄ ja₁jaun₂ quian'₅₄ gué₄ on₃ dsa₂ i₂i₂nio₄ quian'₅₄.

³⁶ Jaun₂ jme₁ca₂jág₃ Juan₅₄ ca₂ɲi₅ Jesús, jaun₂ ca₂juá'₂:

—Jag₄ 'nia'₂, i₂në₅ bá₄ Guein₂ Já'₂ Cha'₂ quián₅ Diú₄.

³⁷ Jaun₂ ca₂nág₂ le₃on₃ dsa₂ 'éi₂ a₂ca₂juá'₂, jaun₂ i₃lén₂ chi₁co'₅₄ quió'₅ Jesús.

³⁸ Jaun₂ né₃ ca₂jén'₃ Jesús tē₂le₃ ca'₃, ca₂jiiin₂ dsa₂ i₂i₃lén₂ chi₁co'₅₄ quió'₅, jaun₂ ca₂juá'₂ ca₂tsí'₃ 'éi₂:

—¿'E₂ 'náu'₂ 'nia'₂?

Jaun₂ ca₂juá'₂ dsa₂ 'éi₂ ca₂tsí'₃ Jesús:

—Rabbí —co₂'nió'₄ le₃jua'₅₄: Të₅—, ¿Já'₄ ɲéi'₂ 'ne₂?

* 1:23 Isaías 40:3. † 1:25 lit. “¿'e₂ ta₁ 'eng'₅₄ tiáng'₅ dsa₂ jmig₂?” ‡ 1:28 A₂lin₅₄ chog₅₄ si₂: “Betábara.” Juig₂ Betania siá'₂ cau₅ Cuá₃ Jordán, uing₂ ja₁niog₅ Jerusalén; on₃jua'₅₄ Betania ja₁jme₁guá₄ Lázaro quian'₅₄ 'io₅₄ riin'₅₄. § 1:28 lit. “ja₁jme₁'en₅₄ Juan₅₄ tián₂ dsa₂ jmig₂.” * 1:31 lit. “la₁ia₁ tiáng₅ dsa₂ jmig₂ ma₂guio₃.” † 1:33 lit. “la₁ia₁ i₂ca₂chei₃ jniá₂ a₂tiáng₄ dsa₂ jmig₂.”

³⁹ Jaun₂ ca₂ɲag₃ Jesús:

—I₂nó'₅ 'nia'₂ i₂jag₄.

Jaun₂ i₃lén₂ i₁jag₅₄ já'₄ guá'₅ Jesús, jaun₂ quian'₅₄ 'éi₂ bá₄ ca₂tóin'₂ tē₁lia'₂ ca₂'láu₂ jmi_g₄ jaun₂; ia₁ jme₁ma₂ca₂té₂ con'₂ hora ɲ₁ quén₂ tē₂le₃ ca₂'láu₂.[‡]

⁴⁰ Jan₂ i₂on₃ 'éi₂ i₂ca₂nág₂ a₂ca₂juá'₂ Juan₅₄, i₂i₃lén₂ chi₁co'₅₄ quió'₅ Jesús, jme₁chen₂ Dré₄ i₂lín₅ rín'₅₄ Si₂mu₅₄ i₂té'₂ dsa₂ Pe₄.

⁴¹ Dsi₂jui₅ né'₃ gué'₄ jaun₂ bá₄ ɲe₄ Dré₄, i₁'nai'₂ Si₂mu₅₄ riin'₅₄, jaun₂ ca₂juá'₂ ca₂tsí'₃ 'éi₂:
—Ma₂dsán'₅ jnia'₅₄ Mesías, (co₂'nió'₄ le₃jua'₅₄, dsa₂ I₂rē₂'ín₁ quián₅ Diú₄).

⁴² Jaun₂ i₁jñia₃ Dré₄, Si₂mu₅₄ riin'₅₄ ja₁'en₅₄ Jesús, jaun₂ jme₁ca₂jág₂ Jesús né₃, ca₂juá'₂:
—'Ne₂ líng'₅ Si₂mu₅₄, ja₁ɲi'₅₄ Jonás. La₁ia₁ le₃cheng'₂ Cefas.

Lia'₂ chen₂ Cefas nē₅, co₂'nió'₄ le₃jua'₅₄ Pe₄.[§]

Té'₂ Jesús Felipe quian'₅₄ Natanael

⁴³ Jme₁jñia₃ jaun₂, ca₂lě₃ dsí₅ Jesús dsó₃ 'uē₃ Galilea, jaun₂ ca₂dsáin'₂ Felipe, jaun₂ ca₂juá'₂ ca₂tsí'₃ 'éi₂:

—Jme₁quiong'₅₄ jniá₂.

⁴⁴ Felipe 'éi₂ né₃, jme₁chain₂ juig₂ Betsaida, já₃ bá₄ ja₁jme₁chan₂ Dré₄ quian'₅₄ Pe₄ né₃.

⁴⁵ Fe₂li₄ 'éi₂ né₃, ɲei₅₄ i₁'niai'₂ Natanael, jaun₂ ca₂juá'₂ ca₂tsí'₃ 'éi₂:

—Ma₂dsán'₅ jnia'₅₄ dsa₂ 'éi₂ i₂'in₅ Moisés ne₄ Si₂ 'Éi'₃, i₂'in₅ dsa₂ i₂'é₂ já_g₁ quián₅ Diú₄ né₃. Jesús bá₄ 'éi₂, ja₁ɲi'₅₄ José, i₂chan₂ juig₂ Nazaret.

⁴⁶ Jaun₂ ca₂juá'₂ Natanael:

—¿Lé₂ le₃o₃'ag₅ caun₂ a₂dse₃ juig₂ Nazaret?

Jaun₂ ca₂ɲag₃ Fe₂li₄:

—ɲia₅ de'₂ i₂jag₄.

⁴⁷ Jaun₂ jme₁ca₂jág₃ Jesús a₂ma₂ja₂quián₃ Natanael, ca₂juá'₂:

—La₂ dé₄ dsón'₂ já₅ jan₂ dsa₂ israelita tē₃dsón'₂, i₂tsá₃ cha₂ mai₅₄ ja₁con₂.

⁴⁸ Jaun₂ ca₂ɲag₃ Natanael ca₂ɲii'₃ Jesús:

—¿'A₂ lia'₂ cui_g'₂ jniá₂?

Jaun₂ ca₂juá'₂ Jesús:

—Jniá₂ nē₂jing₅₄ 'ne₂ jñiá₅, né'₃ gué'₄ a₂dsi₃té₂ Fe₂li₄, lia'₂ con'₂ jme₁ɲéi'₂ né'₃ ni₁'ma₂ higuera.

⁴⁹ Jaun₂ né₃ ca₂juá'₂ Natanael ca₂tsí'₃ Jesús:

—Tē₅, 'ne₂ bá₄ líng'₅ Ja₁ɲi'₅₄ Diú₄; 'ne₂ bá₄ líng'₅ Rag₅₄ quián₅ dsa₂ juig₂ Israel.

⁵⁰ Jaun₂ ca₂ɲag₃ Jesús ca₂tsí'₃ 'éi₂:

—¿A₁jaun₂ 'éng'₂ ia₁ nē₂juá'₃ a₂nē₂jñi₄ jniá₂ 'ne₂, ɲéi'₂ né'₃ ni₁'ma₂ higuera? La₁ia₁ nē₃ gué'₄ tē₃ ne'₅₄ 'lióng₂ léi₄ jué'₂ gué'₄ con'₂ gué'₄ a₂la₂.

⁵¹ Já₃ bá₄ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, jag'₅₄ 'nia'₂ rē₂na₄ guei'₅₄ i₂juíg₃, jin'₅₄ 'nia'₂ ángeles quián₅ Diú₄ né₃, qui₂tsau₂ qui₂tsi₂sioin₂ ne₄ Jaun₅ dsa₂ mi₂güí_g₃.

2

Ca₂jen'₂ gu₂ dsa₂ jē₄ juig₂ Caná juig₂ tén₅ Galilea

¹ 'Ni₅ jmi_g₄ cang₂ gué'₄ jaun₂, ca₂nio₃ jmi_g₄ ca₂jen'₂ gu₂ dsa₂ jē₄ juig₂ Caná, a₂niog₅ 'uē₃ Galilea. Ja₁jaun₂ jme₁'en₅₄ chog₅₄ Jesús né₃; ² já₃ bá₄ ca₂té'₃ dsa₂ Jesús quaiain'₅₄ dsa₂ i₂quaiain'₅₄, ja₁jen'₂ gu₂ dsa₂ jaun₂.

³ Jme₁ca₂dsa₃ vino, jaun₂ ca₂juá'₂ chog₅₄ Jesús ca₂tsí'₃ 'éi₂:

[‡] 1:39 lit. “hora guí₃.” [§] 1:42 Co₂'nió'₄ le₃jua'₅₄, “Ni₁cang₁.” Le₂nē₅juá'₂jág₁ “Cefas” quian'₅₄ já_g₁ jmei₅ arameo; co₂jaun₂juá'₂ “Petros” (ja₁já₅jág₁ piedra, Pedro né₃) quian'₅₄ já_g₁ jmei₅ griego.

—Tsá₃ ma₃cha₂ vino quió'₅ dsa₂ tioen'₅₄.

⁴La₁ ca₂ɲag₃ Jesús:

—'Io₅₄, ¿'e₂ lë₃ juig'₂ jniá₂ a₂në₅? Ia₁ tsá₃ ma₂té₂ gué₄ hora quió₃.

⁵La₁ ca₂juá'₂ chog₅₄ ca₂tsí'₃ dsa₂ i₂tion'₅₄ tia'₅:

—Jmo₄ 'nia'₂ chi₂'e₂ juá'₂ i₂në₅.

⁶Jme₁tióng₂ ja₁jaun₂ jñéi₂ tí'₂ cang₄, jui₁lia'₂ a₂jme₁jmó'₂ dsa₂ judíos ta₁ a₂jme₁qui₂jmo₂₃ le₁jín₃, con'₂ lé₅ tag₄ jme₁chí'₄ quió'₅. Lia'₂ caun₂ ni₁tí'₂ cang₄ jaun₂ 'a₄ con'₂ të₂láu₃-guiá₂, o₃ caun₂ 'ñiá₂-láu₂ litro jmig₂.

⁷Jaun₂ ca₂juá'₂ Jesús ca₂tsí'₃ dsa₂ i₂tia'₅:

—Jme₁can'₂ 'nia'₂ ni₁tí'₂ tióng₂ la₂ quian'₅₄ jmig₂.

Ca₂jme₃can'₂ bá₄ gué'₂ dsa₂ lia'₂ ca₂rín₅ rë₂ lín₃. ⁸Jaun₂ ca₂juá'₂ Jesús ca₂tsí'₃ dsa₂ 'éi₂:

—Në₃ né₃, dsen₅₄ ca₂juig₄, o₂can₄ ne₄ dsa₂ i₂nio₅ ne₄ jmig₄.

Jaun₂ i₁can₅ dsa₂.

⁹Dsa₂ i₂nio₅ ne₄ jmig₄ jaun₂, ca₂tí₂ 'o₅₄ jmig₂ a₂ca₂lë₃ vino jaun₂, të₃ tsá₃ ɲi₅ a₂já'₄ já₃; jñia'₅₄ lia'₂ dsa₂ i₂ca₂dsen₅ jmig₂ bá₄ jme₁ɲi₅. Jaun₂ né₃ ca₂të₃ dsa₂ i₂nio₅ ne₄ jmig₄, ca₂té'₃ dsa₂ ɲe'₂ i₂jen'₂ gu₂, ¹⁰jaun₂ ca₂tsí'₃ 'éi₂:

—Ca₂le₃jín₃ bá₄ dsa₂ tiin₂₃ tia'₃ le₂'uig₅₄ vino dse₃, jaun₂ jë₁ma₂le₁'en₅ dsa₂, jaun₂ gué₄ tia'₃ vino ga₂. La₁ 'ne₂ né₃ në₂'ma'₅₄ vino dse₃ ca₂të₂ jë₁ca₂tó'₂.

¹¹Jë₄ juig₂ Caná a₂tén₅ 'uë₃ Galilea jaun₂, ca₂jmo₃ Jesús léi₄ juë'₂ le₂'uig₅₄. Le₂në₅ ca₂jme₃jñia₂₃ 'ein₂ lín₅ të₂le₃ quian'₅₄ jui₅bí₂ quió'₅, jaun₂ ca₂rë₃'én₂ chi'₂ dsi₂guia₃-tín₂ quiáin₅.

¹²Cang₂ gué₄ jaun₂ ca₂ɲó₃ jë₄ juig₂ Capernaum, lia'₂ jma₃quiain'₅₄ chog₅₄, riin'₅₄, chi'₂ dsi₂guia₃-tín₂ quiáin₅ né₃; ja₁jaun₂ ca₂tóin'₂ tñ₃-ni₅ jmig₄.

Ca₂chí₃ Jesús i₁dsi₅ guá'₅

(Mateo 21:12-13; Marcos 11:15-18; Lucas 19:45-46)

¹³Jme₁ma₂ja₂quián₃ jmig₄ Të₂'in₅₄ quió'₅ dsa₂ judíos, jaun₂ ca₂uíg₂ Jesús jui₅ Jerusalén.

¹⁴Ja₁jaun₂ ca₂dsáin'₂ i₁dsi₅ guá'₅ templo dsa₂ i₂'ni₅ ca₁jui₅, i₂'ni₅ já'₂ cha'₂, i₂'ni₅ i₁ju₂ né₃, quian'₅₄ dsa₂ i₂qui₂jme₂tsín₃ cu₄ quió'₅ dsa₂.

¹⁵Jme₁ca₂jág₃ Jesús a₂jaun₂, ca₂jmo₃ caun₂ látigo a₂lé₅ quian'₅₄ tsi₁'nei₅₄, jaun₂ ca₂'uín'₂ ca₁'né₄ ca₂le₃jín₃ i₂tion'₅₄ i₁dsi₅ lia'₂ jma₃quiain'₅₄ já'₂ cha'₂ quiáin₅, ca₁jui₅ né₃. Ca₂jein₃ 'uë₃ cu₄ quió'₅ dsa₂ i₂jme₂tsín₃ cu₄, qui₂ca₂jéin'₃ ni₁mesa né₃.

¹⁶Jaun₂ ca₂tsí'₃ i₂'ni₅ i₁ju₂:

—¡'Uë'₅₄ 'nia'₂ ca₂le₃jé₃ a₂në₅ ja₁lá₃! ¡Tsá₃ lë₁jmo₂ 'nia'₂ ja₁'ma'₅₄ ja₁quió'₄ ɲe'₃!

¹⁷Jaun₂ ca₂dsáu'₃ dsí'₅ dsa₂ i₂jme₁quiain'₅₄, a₂chi₁ton₅ ne₄ Si₂ le₂la₂:

Në₂jag₄ bá₄ a₂ca₂cóng₂ 'uig₅₄ ia₁ a₂ɲí₄ lë₃ dsí'₅ dsi₃

o₄quió'₄ dsi₂néi₂ quiáng'₂.*

¹⁸Jaun₂ né₃ ca₂ɲag₃ dsa₂ judíos ca₂ɲí'₃ Jesús:

—¿'E₂ léi₄ le₃'é'₂ jnia'₅₄ a₂jáng'₅ já₃ dsau₅ a₂ca₂tín'₂ 'ne₂ jmó'₂ le₂në₅?

¹⁹Jaun₂ ca₂ɲag₃ Jesús:

—'Én₂ 'nia'₂ guá'₅ la₂, jaun₂ tsi'₅₄ táng₃ jniá₂ quian'₅₄ 'ni₅ jmig₄.

²⁰Jaun₂ né₃ ca₂juá'₂ dsa₂ judíos ca₂tsí'₃ Jesús:

—Të₂láu₃-jñéi₂ ɲi₂ ca₂rë₃'ín₅ dsa₂ jme₁ca₂chi'₃ guá'₅ la₂. ¿'En₁ jmá'₃ jaun₂, lé₂ le₃jmog'₅₄ tsi'₅₄ quian'₅₄ 'ni₅ jmig₄?

²¹La₁ia₁ guá'₅ a₂'ë₅ Jesús jaun₂, ni₁ɲi₄ 'ɲiog₅ bá₄ Jesús 'ë₂₃.

* 2:17 Salmo 69:9

²² Jaun₂ lë₃, lia'₂ con'₂ jme₁ca₂jen'₅₄ Jesús a₂jme₁rë₂'liin₅₄, ca₂dsáu'₃ dsí₅ chi'₂ dsi₂guia₃-tín₂ quiáin₅ jág₁ jaun₂. Jaun₂ ca₂rë₃'én₂ jág₁ a₂juá'₂ ne₄ Si₂ quió'₅ Diú₄, quian'₅₄ jág₁ a₂jme₁ca₂juá'₂ Jesús jaun₂.

I₂cuin₅ bá₄ Jesús ca₂le₃jín₃ dsa₂

²³ Lia'₂ con'₂ jme₁'en₅₄ Jesús Jerusalén Jmig₄ Të₂'in₅₄, ca₂rë₃'én₂ juin₅ lin₃ dsa₂ të₂le₃ quió'₅ Jesús, jme₁ca₂jág₃ léi₄ a₂ma₂qui₂ma₂jmo₃.

²⁴ La₁ tsá₃ jme₁'én₂ Jesús quió'₅ dsa₂ 'éi₂, ia₁ i₂cuin₂₃ bá₄ ca₂le₃jín₃ dsa₂, 'a₂ lia'₂ lë₅ të₂dsí₅.

²⁵ Tsá₃ 'e₂ ca₂rë₃'nió'₅ quió'₅, jua'₅₄ a₂jáng'₃ dsa₂ jág₁ dsau₅ jui₁lia'₂ quió'₅ 'i₁jan₂, ia₁ ma₂ñi₅ rë₂ bá₄ Jesús 'e₂ a₂qui₂dsi₂jñia₅ dsí₅ dsa₂ mi₂güüg₃.

3

Jme₂tag₅ Jesús jme₂tiin₂₃ Nicodemo

¹ Jme₁chan₂ jan₂ dsa₂ fariseo i₂jme₁chen₂ Nicodemo, i₂jme₁lín₄ jan₂ dsa₂ dsen₅₄ quián₅ dsa₂ judíos.

² ñe₄ 'éi₂ ca₂i₁jiin₁₂ Jesús të₂le₃ ca₂nei₂, jaun₂ ca₂juá'₂ ca₂tsí'₃ Jesús:

—Të₅, ne₄ bá₄ jñia'₅₄ a₂lín'₅ 'ne₂ jan₂ të₅ i₂chen₄ quián₅ Diú₄, ia₁ ca₂lia'₂ 'i₁jan₂ tsá₃ lé₂ le₃jmo₃ léi₄ juë'₂ le₂në₅, jui₁lia'₂ jmo'₂ 'ne₂, jua'₅₄ tsá₃ quiong'₅₄ Diú₄.

³ Jaun₂ në₃ ca₂juá'₂ Jesús ca₂tsí'₃ Nicodemo:

—A₂dsi₂jó'₃ juíg₂ jniá₂ 'ne₂, në₁jua'₂ tsá₃ rë₂chan₂ táng₃ dsa₂, tsá₃ lé₂ le₃jág₃ ja₁gon₂ Diú₄.

⁴ Jaun₂ ca₂ñag₃ Nicodemo:

—¿'A₂ bá₄ lia'₂ lé₂ le₃chan₂ táng₃, jan₂ dsa₂ ma₂juin'₂? ¿Lé₂ le₃'i₂ táng₃ né'₃ të₂dsí₅ chog₅₄, jaun₂ le₃chain₂ táng₃?

⁵ Jaun₂ ca₂ñag₃ Jesús:

—A₂dsi₂jó'₃ juíg₂ jniá₂ 'ne₂, jui₁lia'₂ i₂tsá₃ rë₂chan₂ le₃quió'₅ jmig₂, quian'₅₄ le₃quió'₅ Jme₂dsí₂, tsá₃ lé₂ le₃'i₂ ja₁gon₂ Diú₄. ⁶ Jui₁lia'₂ i₂rë₂chan₂ le₃quió'₅ ni₁ñí₅, jan₂ dsa₂ ni₁ñí₅ bá₄ 'éi₂; jui₁lia'₂ i₂rë₂chan₂ le₃quió'₅ Jme₂dsí₂, jan₂ dsa₂ i₂gu₂dsí₂ bá₄ lín₅ 'éi₂. ⁷ Tsá₃ jui₁dsi₂gó'₃ 'au'₂ 'ne₂ a₂juá'₅ jniá₂: “Tion₅₄ bá₄ le₃chan₂ 'nia'₂ táng₃.” ⁸ 'Ag₅ dsí₂ jui₁'a₂ gué₃ já₄ 'nio₃ 'ag₃; nag'₂ bá₄ 'ne₂ mi'₅₄ a₂lé₂, la₁ia₁ tsá₃ ñi'₅₄ a₂já'₄ já₅, on₃ guë'₂ a₂já'₄ dsó₃. Ján₃ bá₄ le₂në₅ lín₅ ca₂le₃jín₃ i₂rë₂chan₂ le₃quió'₅ Jme₂dsí₂.

⁹ Jaun₂ në₃ ca₂ñag₃ táng₃ Nicodemo:

—¿'A₂ bá₄ lia'₂ lé₂ le₃lé₂ a₂juá'₂ 'ne₂ në₅?

¹⁰ Jaun₂ ca₂ñag₃ Jesús:

—¿'Ne₂ guë'₂ lín₅ jan₂ të₅ quián₅ dsa₂ juig₂ Israel, ton'₂ tsá₃ ñí'₂ bá₄ gué₄ 'au'₂ jág₁ në₅? ¹¹ A₂dsi₂jó'₃ juíg₂ jniá₂ 'ne₂, jui₁lia'₂ a₂ma₂tag₂ bá₄ jñia'₅₄, dsia₂; ján₃ bá₄ jang'₂ jñia'₅₄ jág₁ dsau₅ jui₁lia'₂ a₂ma₂té₂ ne₄ jñia'₅₄. La₁ 'nia'₂ në₃ tsá₃ gue'₂ jág₁ dsau₅ a₂jang'₂ jñia'₅₄. ¹² Chi₂jua'₂ ma₂në₂juá'₃ jniá₂ a₂'ë₂₃ jui₁lia'₂ a₂cha₂ mi₂güüg₃ la₂, ton'₂ tsá₃ 'én'₂ bá₄ guë'₂ 'nia'₂, ¿'a₂ bá₄ guë'₂ lia'₂ le₃'én'₂ 'nia'₂ jág₁ quió₃ në₁ca₂juá'₃ jniá₂ ca₂juíg₂ 'nia'₂ a₂'ë₂₃ jui₁lia'₂ a₂cha₂ guei'₅₄ i₂juíg₃?

¹³ 'Ca₂lia'₂ 'i₁jan₂ tsá₃ 'ein₂ ma₂luíg₂ guei'₅₄ i₂juíg₃, jñia'₅₄ lia'₂ 'éi₂ i₂ca₂sió₃ guei'₅₄ i₂juíg₃; co₂'nió'₄ 'ñiog₅ Jaun₅ dsa₂ mi₂güüg₃.^{*} ¹⁴ Jui₁lia'₂ ca₂chón'₂ Moisés dsi₂mi'₂ guei'₅₄ ja₁lé₄ 'uë₃ quein₂ co₂'ñiog₅ jaun₂, ján₃ bá₄ le₂jaun₂ 'i₄ 'éi'₃ chón'₂ dsa₂ guei'₅₄ Jaun₅ dsa₂ mi₂güüg₃, ¹⁵ ia₁jaun₂ ca₂le₃jín₃ i₂'én₂ të₂le₃ quió'₅ 'éi₂, le₃chain₂ co₂tan₅₄.

'Nio₃ Diú₄ dsa₂ mi₂güüg₃

* 3:13 A₂lín₅₄ chog₅₄ si₂juá'₂ ján₃: “i₂'en₅₄ guei'₅₄ i₂juíg₃.”

¹⁶ 'Jaun₂, 'uig₅₄ ia₁ a₂ŋ₄ lë₃ ca₂rë₃'nio₃ Diú₄ ca₂rë₃'nioi₃ dsa₂ mi₂güig₃, ca₂cuin₃ Ja₁ŋi'₅₄ i₂jan₂ tan₅₄ quiáin₅, ia₁jaun₂ ca₂le₃jín₃ i₂'én₂ tē₂le₃ quió'₅ 'éi₂, tsá₃ dsi'₃éin₂, ton'₂ le₃chain₂ bá₄ co₂tan₅₄. ¹⁷ Ia₁ on₃jua'₅₄ jaun₂ ca₂chei₃ Diú₄ ca₂chein₃ Ja₁ŋi'₅₄ mi₂güig₃ a₂qui₃'é₂ uig₅ ja₁con₂ dsa₂ mi₂güig₃; a₂jaun₂ bá₄ ca₂chei₃ ia₁jaun₂ líon₂ dsa₂ mi₂güig₃ tē₂le₃ quian'₅₄ 'éi₂. ¹⁸ Jui₁lia'₂ dsa₂ i₂'én₂ tē₂le₃ quió'₅ 'éi₂, tsá₃ rē₂'é₂ uig₅ ja₁coin₂; la₁ia₁ jui₁lia'₂ i₂tsá₃ 'én₂ guē'₂ né₃, ma₂rē₂'é₂ uig₅ ja₁coin₂, 'uig₅₄ ia₁ a₂tsá₃ 'éin₂ tē₂le₃ quió'₅ Ja₁ŋi'₅₄ i₂jan₂ tan₅₄ quián₅ Diú₄. ¹⁹ A₂la₂ bá₄ uig₅ a₂rē₂'é₂ jaun₂; a₂ma₂gua₅ si₂ ja₁con₂ dsa₂ mi₂güig₃, la₁ ca₂rë₃'nio₃ gué₄ dsa₂ jē₄ qui₁né'₃ lia'₂ con'₂ gué₄ ja₁tág₅ si₂, ia₁ a₂'lig'₅₄ bá₄ jme₁jmo₂₃-dsáu₅. ²⁰ Ca₂le₃jín₃ dsa₂ i₂jmo₅ a₂'lig'₅₄, 'io'₅₄ si₂, jaun₂ tsá₃ jme₂quiáin₃ ja₁tág₅ si₂, ia₁jaun₂ tsá₃ le₃jniá₂ a₂'lig'₅₄ a₂jmo₂₃-dsáu₅. ²¹ La₁ia₁ jui₁lia'₂ dsa₂ i₂chan₂ caun₂ jui₅ co₂dsau₅, jme₂quiáin₃ ja₁tág₅ si₂, ia₁jaun₂ le₃jniá₂, le₃quió'₅ Diú₄ bá₄ já₅ a₂dse₃ a₂jmo₅ 'éi₂.

*Jáng'*₅ táng₃ jág₁ dsau₅ Juan₅₄ i₂chon₅ dsa₂ jmig₂ jui₁lia'₂ 'ein₂ 'éi₂ Jesús

²² Cang₂ jaun₂, ŋó₃ Jesús jui₅ 'uē₃ Judea quiain'₅₄ chi'₂ dsi₂guia₃-tín₂ quiáin₅, jaun₂ ja₁jaun₂ ca₂'í₃ ca₂la₂ uē₂ quiain'₅₄ 'éi₂, qui₂choin₂₃ jmig₂ dsa₂.[†]

²³ Ján₃ bá₄ le₂jaun₂ jme₁'en₅₄ Juan₅₄ né₃, choin₂₃ jmig₂ dsa₂,[‡] caun₂ ja₁chei₂ Enón, ma₂quián₅ Salim, ia₁ ja₁jaun₂ jme₁cha₂ 'lióng₂ jmig₂; jaun₂ jme₁ja₂lén₂ dsa₂ ia₁jaun₂ qui₃cho₃ Juan₅₄ jmig₂.[§]

²⁴ (A₂la₂ ca₂lë₃ né'₃ gué₄ a₂ton'₂ dsa₂ Juan₅₄ né'₃ 'má₃.)

²⁵ Jaun₂ né₃, i₂lin₅₄ dsa₂ i₂quian'₅₄ Juan₅₄ ca₂tsín₂ quian'₅₄ jan₂ dsa₂ judío ne₄ jág₁ jui₁lia'₂ a₂jmo₅ dsa₂ le₁jín₃.

²⁶ Jaun₂ i₃léin₂ i₁chi'₄ Juan₅₄:

—Tē₅, dsa₂ i₂jme₁'en₅₄ quian'₅₄ 'ne₂ tē₂le₃ ja₁'ia₂ 'iog₂ tē₂le₃ quióng₄ Cuá₃ Jordán, dsa₂ i₂'ín'₅ 'ne₂ 'éi₂, jē₂ bá₄ choin₂₃ jmig₂ dsa₂,^{*} jaun₂ ca₂le₃jín₃ bá₄ dsa₂ dsi₂léin₂ ja₁coin₂.

²⁷ Jaun₂ ca₂ŋag₃ Juan₅₄:

—Ca₂lia'₂ 'i₁caun₂ tsá₃ 'e₂ lé₂ le₃cha₂ quió'₅ dsa₂ jua'₅₄ tsá₃ ŋei₂ guei'₅₄ i₂juíg₃. ²⁸ Ca₂nei'₂ bá₄ 'nia'₂ guiong'₅₄ jme₁ca₂juá'₃: “On₃jua'₅₄ jniá₂ líng₅ I₂rē₂'ín₁ quián₅ Diú₄; jan₂ dsa₂ i₂chen₄ ne₄ jui₅ quió'₅ 'éi₂ bá₄ líng₅.” ²⁹ I₂ca₂tín₂ dsa₂ ŋe'₂ i₂jen'₂ gu₂ bá₄, dsa₂ mí₂ i₂jen'₂ gu₂ quiain'₅₄. Jaun₂ dsa₂ a₂mei₅₄ quián₅ dsa₂ ŋe'₂ né₃, chi₁jŋia₁ nag₂₃. Jaun₂ 'io'₂ jén'₅ jē₁ma₂nág₂ jág₁ quió'₅ 'éi₂. Ján₃ bá₄ le₂jaun₂ jniá₂ né₃, rē₂'ŋia₅ a₂'io'₂ jén'₅ dsi₃.

*Jui₁lia'*₂ i₂já₅ guei'₅₄ i₂juíg₃

³⁰ 'Éi₂ ca₂tín₂ le₃dsein₅₄ gué₄; jniá₂ guē'₂ ca₂tíng₂ le₃meg'₂. ³¹ Jui₁lia'₂ i₂já₅ jui₅ guei'₅₄ i₂juíg₃, dsen₅₄ gué₄ ne₄ quió'₅ ca₂le₃jín₃. Jui₁lia'₂ i₂já₅ gua'₅₄ 'uē₃, jan₂ i₂chan₂ gua'₅₄ 'uē₃ bá₄ 'éi₂. Jaun₂ dsia₂₃ jui₁lia'₂ a₂quió'₅ gua'₅₄ 'uē₃. La₁ia₁ jui₁lia'₂ i₂já₅ guei'₅₄ i₂juíg₃, dsen₅₄ gué₄ ne₄ quió'₅ ca₂le₃jín₃. ³² Jáng'₅ 'éi₂ jág₁ dsau₅ jui₁lia'₂ a₂ma₂té₂ ne₅₄, jui₁lia'₂ a₂ma₂nág₂ né₃; la₁ 'i₁jan₂ tsá₃ 'ein₂ tón'₂ jui₅ jág₁ dsau₅ a₂jáng'₅ 'éi₂. ³³ La₁ia₁ jui₁lia'₂ i₂tón'₂ jui₅, ma₂caun₅ 'í₁ a₂dsón'₂ bá₄ tí₅ jág₁ a₂juá'₂ Diú₄; ³⁴ ia₁ i₂ca₂chen₃ Diú₄ né₃, dsia₂₃ jág₁ quió'₅ Diú₄, ia₁ cuin₅ Diú₄ jme₂dsí₂ quiáin₅ ca₂lia'₂ tsá₃ niog₅ 'éi'₃. ³⁵ A₂'nio₃ Diú₄ jme₂'nioi₃ Ja₁ŋi'₅₄, jaun₂ o₄gú₃ 'éi₂ ma₂dsia₃ ca₂le₃jé₃. ³⁶ Jui₁lia'₂ i₂'én₂ tē₂le₃ quió'₅ Ja₁ŋi'₅₄ Diú₄, le₃chain₂ bá₄ co₂tan₅₄; la₁ jui₁lia'₂ i₂tsá₃ ne'₅₄ le₃quió'₅ Ja₁ŋi'₅₄ Diú₄, tsá₃ tē₃ ne₅₄ a₂le₃chain₂ rē₂'ŋiai₂₃, ton'₂ tē₂le₃ tē₃gua₄ 'nei₂ dsí₅ Diú₄ ja₁coin₂.

4

Dsia₅ Jesús jág₁ quian'₅₄ jan₂ 'io₅₄ i₂chan₂ Samaria

[†] 3:22 lit. “qui₂tiáin₂ dsa₂ jmig₂.” [‡] 3:23 lit. “tiáin₂ dsa₂ jmig₂.” [§] 3:23 lit. “ia₁jaun₂ qui₃tióg₃ Juan₅₄ jmig₂.” ^{*} 3:26 lit. “jē₂ bá₄ tiáin₂ dsa₂ jmig₂.”

¹ Jme₁ca₂rë₃ñi₅ Te₁gui'₅₄ a₂ma₂nág₂ dsa₂ fariseos jág₁, 'ñio₅ lín₃ gué₄ juín₅ dsa₂ i₂ma₂quian'₅₄ Jesús, qui₂ma₂cho₃ jmi₂g₂* lia'₂ con'₂ gué₄ Juan₅₄; ² (o₁ñjia'₅₄ on₃jua'₅₄ 'ñiog₅ Jesús choin₂₃ jmi₂g₂ dsa₂, † ñjia'₅₄ lia'₂ chi'₂ dsi₂guia₃-tín₂ quiáin₅ bá₄), ³ jaun₂ ca₂o₃'ín₃ 'uë₃ Judea, a₂ñái'₃ táng₃ juí₅ 'uë₃ Galilea. ⁴ Ja₁tioin'₅₄ juí₅ jaun₂, ca₂tín₂ ñíi₃ 'uë₃ Samaria. ⁵ Jaun₂ né₃ ca₂dsi₃lén₂ caun₂ juig₂ ja₁tén₄ Samaria a₂chei₂ Sicar, ma₂quían₅ ca₂jne₄ 'uë₃ a₂jme₁ca₂cuë₃ Jacob ma₂líg'₂ ca₂cué'₃ ja₁ñi'₅₄ i₂chen₂ Sé₄.

⁶ Ja₁jaun₂ jme₁dsi₅₄ caun₂ tau₂ pozo a₂té'₂ dsa₂ a₂quió'₅ Jacob. Jaun₂ ca₂guá₂ Jesús cau₅, ia₁ a₂ca₂'ú'₃ 'ein₅₄ juí₅. Jme₁ma₂ca₂té'₂ con'₂ dsi₂ñi'₃ jaun₂.

⁷ Të₃ guá₅ jaun₂ ca₂dsi₃óg₃ jan₂ 'io₅₄ i₂chan₂ Samaria a₂i₃dsein₂₃ jmi₂g₂ pozo jaun₂. Jaun₂ ca₂juá'₂ Jesús ca₂tsí'₃ 'io₅₄ 'éi₂:

—Cuë₄ ca₂juig₄ jmi₂g₂ gui'₅₄.

⁸ Të₁lia'₂ jaun₂, i₁len₅₄ jë₄ juig₂ chi'₂ dsi₂guia₃-tín₂, i₁lia₅ má₃ a₂gué'₃.

⁹ Jaun₂ né₃ ca₂juá'₂ 'io₅₄ chan₂ Samaria 'éi₂ ca₂tsí'₃ Jesús:

—¿A₂ lia'₂ lé₅ jaun₂, 'ne₂ jan₂ dsa₂ i₂lín₅ judío, mi'₂ jmi₂g₂ ne₃ jniá₂, jan₂ 'io₅₄ chan₂ Samaria?

(Ia₁ tsá₃ jág₁ 'ei₅ dsa₂ judíos quian'₅₄ dsa₂ chan₂ Samaria.)‡

¹⁰ Jaun₂ né₃ ca₂ñag₃ Jesús:

—Jua'₅₄ mei'₂ gué₃ ñi'₅₄ 'ne₂ 'e₂ jaun₂ a₂cuë₅ Diú₄, quian'₅₄ 'ein₂ i₂mi₅ jmi₂g₂ ne'₅₄, jme₁mí'₂ ne₃ jniá₂, jaun₂ jniá₂ né₃ cuë₅₄ jmi₂g₂ jén'₃.

¹¹ Jaun₂ ca₂juá'₂ 'io₅₄ ca₂tsí'₃ Jesús:

—Gui'₅₄, tsá₃ ñí₁ cubeta cha₂ quiáng'₂ a₂dséng'₄ jmi₂g₂, ton'₂ a₂ji'₂ bá₄ tau₂ pozo. ¿A₂ gué'₂ já'₄ cán'₁ jmi₂g₂ jén'₃ a₂cué'₂ jniá₂? ¹² ¿E₂, 'ne₂ líng'₅ i₂juín'₂ gué₄ con'₂ gué₄ 'lag₄ jmei₂ jniog₄ Jacob, i₂ca₂cuë₃ pozo la₂? Jme₁cán₂ 'éi₂ jmi₂g₂ a₂'ín'₂ 'ñiog₅ quian'₅₄ chi'₂ quiáin₅, quian'₅₄ já'₂ quiáin₅ né₃.

¹³ Jaun₂ ca₂ñag₃ Jesús:

—Ca₂le₃jín₃ juí₁lia'₂ dsa₂ i₂'ín'₂ jmi₂g₂ la₂, lé₂ táng₃ dsí₅ i₁'ín'₂ jmi₂g₂; ¹⁴ la₁ia₁ juí₁lia'₂ i₂'ín'₂ jmi₂g₂ a₂cué₄ jniá₂, lia'₂ o₁líg'₂ jmi₂g₄ tsá₃ ma₃lé₂ dsí₅ i₁'ín'₂ jmi₂g₂. Ia₁ juí₁lia'₂ jmi₂g₂ a₂cué₄ jniá₂, lé₂ në₂jag₄ bá₄ caun₂ o₄tu₁ jmi₂g₂ të₂le₃ quió'₅, a₂qui₃'iá₃ jmi₂g₂ a₂gu₂dsí₂ a₂jmo₃ a₂le₃chain₂ co₂tan₅₄.

¹⁵ Jaun₂ né₃ ca₂juá'₂ 'io₅₄ ca₂tsí'₃ Jesús:

—Gui'₅₄, cuë₄ jmi₂g₂ a₂'ë'₂ në₅, ia₁jaun₂ tsá₃ ma₃le₃quein₂ dsi₃, on₃ gué'₂ caun₂ guio₅₄ gué₄ ca₂të₂ la₂ i₁dséng₃ jmi₂g₂.

¹⁶ Jaun₂ ca₂juá'₂ Jesús:

—Guan'₂ o₂te'₂ dsi₂i₂gog'₂, jaun₂ ñe'₅₄ táng₃ ja₁lá₃.

¹⁷ Jaun₂ ca₂ñag₃ 'io₅₄ 'éi₂:

—Tsá₃ dsi₂i₂gu₃ jniá₂ chan₂.

Jaun₂ né₃ ca₂juá'₂ Jesús:

—Tí₅ bá₄ jág₁ quiáng'₂ a₂në₂jua'₅₄, a₂tsá₃ chan₂ dsi₂i₂gog'₂; ¹⁸ ia₁ 'ñiá₂ dsi₂i₂gog'₂ i₂ma₂ca₂né'₂ quiang'₅₄, jaun₂ i₂ñéi'₂ quiang'₅₄ rë₂né₃ ján₃, on₃jua'₅₄ dsi₂i₂gog'₂ 'éi₂. Dsón'₂ bá₄ tí₅ jág₁ quiáng'₂ a₂në₂jua'₅₄.

¹⁹ Jme₁ca₂nág₂ 'io₅₄ jág₁ në₅, ca₂juá'₂ ca₂tsí'₃ Jesús:

—Te₁gui'₅₄, dsón'₂ bá₄ lín'₅ 'ne₂ jan₂ dsa₂ i₂'é₂ jág₁ quián₅ Diú₄, lín₂ jniá₂. ²⁰ Ja₁chí'₄ má'₂ la₂ ca₂jme₃juín'₂ dsa₂ can'₅₄ quián₂ jnia'₅₄ ca₂jme₃juin'₂ Diú₄ ma₂líg'₂, la₁ia₁ 'nia'₂ i₂lín'₅ dsa₂ judíos né₃, juá'₂ Jerusalén bá₄ ja₁ca₂tín₂ dsa₂ jme₃juin'₂ Diú₄.

²¹ Jaun₂ ca₂ñag₃ Jesús:

* 4:1 lit. “qui₂ma₂tióg₃ jmi₂g₂.” † 4:2 lit. “tiáin₂ dsa₂ jmi₂g₂.” ‡ 4:9 o₃, “tsá₃ jmó'₂ dsa₂ judíos ta₁ juí₁lia'₂ ni₁uñg₅ a₂jmó'₂ dsa₂ chan₂ Samaria ta₁.”

—Jui₁le₂'éng'₂ bá₄ a₂juá'₅ jniá₂: já₅ caun₂ jmi_g₄ a₂jme₁juin'₂ 'nia'₂ Diú₄, on₃jua'₅₄ i₁nóg'₅ má'₂ la₂, on₃ gué'₂ o₁nó'₅ 'nia'₂ Jerusalén. ²² 'Nia'₂ jme₂juíng'₁ tē₃ tsá₃ ŋi'₅₄ 'ein₂ jme₂juíng'₁; a₂dsau₅ bá₄ jnia'₅₄, ne₄ jnia'₅₄ 'éin₂ i₂jme₂juín'₂; ia₁ tē₂le₃ quió'₅ dsa₂ judíos bá₄ já₅ já_g₁ a₂lión₂ dsa₂. ²³ La₁ já₅ hora, ton'₂ ma₂té₂ dsón'₂, a₂jme₃juin'₂ dsa₂ Jmei₂, jui₁lia'₂ dsa₂ i₂jme₂juag'₂ tē₃dsón'₂, jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ já_g₁ dsau₅. Ia₁ i₂le₂'éi₂ bá₄ 'na'₂ Jmei₂ jme₃juag'₂. ²⁴ A₂lín₅ Diú₄ jme₂dsí₂; jaun₂ jui₁lia'₂ i₂jme₂juag'₂, ca₂tíin₂ jme₃juag'₂ tē₂le₃ gu₂dsí₂ ton'₂ tē₂le₃ quian'₅₄ já_g₁ dsau₅.

²⁵ Jaun₂ ca₂juá'₂ 'io₅₄:

—Guion₄ jniá₂ a₂jiá₃ Mesías, (i₂té'₂ dsa₂ I₂rē₂'ín₁ quián₅ Diú₄). Jē₁ma₂guain₂₃, jaun₂ gué'₄ juá'₂ ca₂le₃jé₃ lia'₂ rē₂jiá₃.

²⁶ Jaun₂ ca₂juá'₂ Jesús:

—Jniá₂ bá₄ 'éi₂, i₂dsia₅ já_g₁ quian'₅₄ 'ne₂.

²⁷ Tē₂lia'₂ jaun₂, ca₂o₃len₃ chi'₂ dsi₂guia₃-tín₂ quiáin₅, jaun₂ ca₂i₃gó'₃ dsí₅ jme₁ca₂jág₃ a₂dsia₅ Jesús já_g₁ quian'₅₄ jan₂ 'io₅₄. La₁ia₁ lia'₂ 'i₁jan₂ tsá₃ ca₂tiá₂ dsí₅ ŋag₃ 'e₂ 'no'₂, 'e₂ já_g₁ dsia₂₃ quiain'₅₄ 'io₅₄ 'éi₂.

²⁸ Jaun₂, ja₁jaun₂ ca₂chi'₃ 'io₅₄ ni₁dsig₁ quió'₅, jaun₂ ŋái'₃ jē₄ juig₂, jaun₂ ca₂juá'₂ ca₂tsí'₃ dsa₂:

²⁹ —I₂nó'₅ 'nia'₂ i₂jín₄ jan₂ dsa₂ ŋe'₂ i₂ma₂nē₂juá'₂ ca₂le₃jé₃ 'e₂ a₂ma₂jmo₃ jniá₂. ¿On₁jua'₅₄ mei'₂ tsá₃ 'éi₂ lín₅ I₂rē₂'ín₁ quián₅ Diú₄?

³⁰ Jaun₂ né₃ ca₂'uin₂ dsa₂ jē₄ juig₂ ca₂i₃lén₂ ja₁guá₄ Jesús.

³¹ Tē₂lia'₂ jaun₂, ca₂chi₃quióng₂ jmi_g₄ chi'₂ dsi₂guia₃-tín₂ chi₂quiáin₂ jmi_g₄ Jesús a₂gué'₃, juá'₂:

—Tē₅, qué'₂ ca₂la₂.

³² Jaun₂ ca₂juá'₂ Jesús:

—Cha₂ caun₂ má₃ a₂gué'₅₄ jniá₂, a₂tsá₃ cuin'₂ 'nia'₂.

³³ Jaun₂ né₃ qui₂ca₂ŋí'₃ chi'₂ dsi₂guia₃-tín₂ riin'₅₄, jain₂ jain₂:

—¿On₃ bá₄ chan₂ jan₂ i₂ma₂o₃can₅ má₃ a₂gué'₃?

³⁴ La₁ ca₂juá'₂ Jesús ca₂tsí'₃ 'éi₂:

—A₂jaun₂ bá₄ má₃ quió₃ jniá₂, a₂jmo₅₄ 'éi'₃ a₂'ŋio₂ dsí₅ i₂ca₂chei₃, a₂jme₁'ŋiag₅ ta₁ quió'₅ né₃. ³⁵ ¿'On₁ juá'₂ gué'₂ 'nia'₂: “‘Ei₅ bá₄ gué'₄ quén₂ tsí'₂ a₂ráu₃’”? La₁ia₁ jniá₂ juí_g₂ 'nia'₂, jag₄ 'a₂ lia'₂ ma₂tion'₅₄ dsa₂ le₁jŋia₂₃, nē₂jag₄ bá₄ a₂le₁chein'₂ ja₁nau₂ ca₂ron₂, ma₂lé₂ bá₄ cá_g₃. ³⁶ Jui₁lia'₂ dsa₂ i₂jmo₅ ta₁ ja₁nau₂ né₃ gue₂₃ 'liain'₅₄. Jui₁lia'₂ a₂ráu₃, a₂cág₃ ja₁nau₂ jaun₂, a₂jio_g₃ co₂tan₅₄ bá₄ jaun₂, ia₁jaun₂ co₂lēs₅ bá₄ jmo₃ 'io'₂, lia'₂ dsa₂ i₂jne₅, lia'₂ dsa₂ i₂cág₅ né₃. ³⁷ Le₂nēs₅ dsón'₂ bá₄ quio₃§ a₂dsia₅ dsa₂: “Jan₂ i₂jne₅, i₂sián'₂ i₂cág₅.” ³⁸ Jniá₂ ma₂tsíng₂ 'nia'₂ a₂o₁cag'₄ ja₁tsá₃ ta₁ ma₂jmo'₅₄ 'nia'₂ guiong'₅₄, ta₁ ma₂jmo₃ i₂sián'₂; jaun₂ 'nia'₂ né₃ ca₂lín_g₃ ta₁ quió'₅ dsa₂ 'éi₂.

³⁹ Juin₅ dsa₂ i₂chan₂ Samaria i₂tián'₅ juig₂ jaun₂ ca₂rē₃'éin₂ tē₂le₃ quió'₅ Jesús jme₁ca₂nág₂ já_g₁ dsau₅ a₂ca₂jáng'₃ 'io₅₄, jme₁ca₂juá'₂: “Nē₂juá'₂ 'éi₂ ca₂le₃jé₃ 'e₂ a₂ma₂jmo₃ jniá₂.”

⁴⁰ 'Uig₅₄ jaun₂ né₃, jme₁ca₂o₃lén₂ dsa₂ chan₂ Samaria, ca₂chi₃quiáin₂ jmi_g₄ Jesús a₂jme₁jŋia₃ 'éi₂ quiong'₅₄. Jaun₂ ca₂jŋia₃ Jesús tin₃ jmi_g₄ ja₁jaun₂.

⁴¹ Jaun₂ tē₂le₃ juin₅ gué'₄ dsa₂ ca₂rē₃'én₂ jme₁ca₂nág₂ já_g₁ a₂juá'₂ 'ŋio_g₅ Jesús.

⁴² Jaun₂ ca₂juá'₂ dsa₂ ca₂tsí'₃ 'io₅₄:

—Nē₃ gué'₄ né₃ 'éin₂ jnia'₅₄, on₃jua'₅₄ 'uig₅₄ já_g₁ a₂ca₂jua'₅₄ 'ne₂, ia₁ a₂ma₂nē₂né₁ jnia'₅₄ guio₅₄ já_g₁ quió'₅, jaun₂ ne₄ jnia'₅₄, tē₃dsón'₂ bá₄ 'éi₂ lín₅ dsa₂ i₂lión₂ dsa₂ mi₂güí_g₃.*

§ 4:37 quio₃: Já_g₁ quió'₅ dsa₂ Jen'₅₄, co₂'nió'₄ le₃jua'₅₄, caun₂ já_g₁ a₂ŋí'₂ dsí₅ a₂ca₂quio_g₂ dsa₂ can'₅₄, a₂dsia₅ dsa₂. * 4:42 A₂lín₅₄ chog₅₄ si₂: “Tē₃dsón'₂ bá₄ 'éi₂ lín₅ I₂rē₂'ín₁ quián₅ Diú₄, i₂lión₂ dsa₂ mi₂güí_g₃.”

Ca₂jme₃'lión₂ Jesús jan₂ ja₁ñi'₅₄ jan₂ dsa₂ dsen₅₄ quián₅ dsi₂tan₅₄

⁴³ Jme₁ca₂dsan₃ tin₃ jmig₄ jaun₂, ca₂o₃'ín₃ ja₁jaun₂, ca₂'í₃ jui₅ ñái'₃ jui₅ 'uë₃ Galilea.

⁴⁴ Ia₁ jui₁lia'₂ ca₂juá'₂ 'ñiog₅ Jesús, jui₁lia'₂ jan₂ dsa₂ i₂'é₂ jág₁ o₄quió'₄ Diú₄, tsá₃ jme₂go₃ dsa₂ juig₂ go₅₄.

⁴⁵ Jme₁ca₂dsiáin'₃ 'uë₃ Galilea né₃, ca₂guei₃ bá₄ dsa₂ dse₃ ja₁jaun₂, ia₁ jme₁ma₂ca₂jág₃ bá₄ ca₂le₃jé₃ 'e₂ a₂ca₂jmo₃ Jesús juig₂ Jerusalén jme₁ca₂té₂ Jmig₄ Të₂'in₅₄, ia₁ ján₃ bá₄ jme₁i₁len₅₄ 'éi₂ jmig₄.

⁴⁶ Jaun₂ né₃, ca₂dsióg₃ táng₃ juig₂ Caná a₂tén₅ 'uë₃ Galilea ja₁ca₂jme₃tsiin₃ jmig₂ ca₂jmo₃ vino. Ja₁jaun₂ jme₁'en₅₄ jan₂ dsa₂ i₂jme₂ti₃ ta₁ ne₄ rag₅₄, i₂chan₂ jan₂ chi'₂ dso'₅₄ quiáin₅, jë₄ juig₂ Capernaum.

⁴⁷ Jme₁ca₂rë₃ñi₅ dsa₂ 'éi₂ a₂ma₂ñi₅ Jesús 'uë₃ Galilea, 'ein₅₄ jui₅ a₂o₂'ín₃ 'uë₃ Judea, jaun₂ ñei₅₄ ca₂i₁jñin₁₂ Jesús, jaun₂ ca₂chi₃quióng₂ jmig₄ tion₅₄-jan₃ a₂dsó₃ 'éi₂ ja₁quió'₄ a₂jme₃'lióin₂ ja₁ñi'₅₄ i₂ron₅ ma₂i₁jón₂.

⁴⁸ Jaun₂ né₃ ca₂juá'₂ Jesús:

—Tsá₃ 'én'₂ 'nia'₂ në₁jua'₂ tsá₃ ca₂jag'₅₄ léi₄ juë'₂ a₂dsi₂gó'₃ 'au'₂.

⁴⁹ Jaun₂ ca₂juá'₂ dsa₂ i₂jme₂ti₃ ta₁ ne₄ rag₅₄ 'éi₂:

—Te₁gui'₅₄, i₂ñáu'₂ uë₃ ñia₅, né₃ gué₄ a₂jón₂ chi'₂ quiáng₃.

⁵⁰ Jaun₂ né₃ ca₂juá'₂ Jesús:

—Guan'₂ bá₄ quiáng'₂; ia₁ i₂chan₂ bá₄ chi'₂ quiáng'₂.

Ca₂rë₃'én₂ bá₄ dsa₂ jág₁ a₂ca₂juá'₂ Jesús, jaun₂ ca₂ñái'₃.

⁵¹ Jaun₂ jme₁ma₂'ein₅₄ jui₅ dsiáin'₂, jaun₂ ca₂jme₃jein'₂ dsa₂ i₂jme₂ti₃ ta₁ ne₅₄, jaun₂ ca₂juá'₂ 'éi₂:

—I₂chan₂ bá₄ chi'₂ quiáng'₂.

⁵² Jaun₂ ca₂ñag₃ 'e₂ hora ca₂tág'₃ dsí₅. Jaun₂ ca₂juá'₂ dsa₂ 'éi₂:

—Dsióg₂ con'₂ hora ñí₁ caun₂ të₂le₃ ca₂'láu₂, † ca₂ñia₃ dséi₂ a₂jme₁'i₁.

⁵³ Jaun₂ ca₂rë₃lí'₄ jmei₂ chi'₂ 'éi₂, hora jaun₂ dé₄ ca₂juá'₂ Jesús: “I₂chan₂ bá₄ chi'₂ quiáng'₂.” Jaun₂ ca₂rë₃'én₂ dsa₂ 'éi₂, quaiin'₅₄ ta₁jñin₂ dsa₂ dsi₂néi₂ quió'₅.

⁵⁴ A₂në₅ jë₁ca₂té₂ táng₃ léi₄ juë'₂ a₂ca₂jmo₃ Jesús, jme₁ca₂o₃'ín₃ Judea, jme₁guáin'₃ Galilea.

5

Ca₂jme₃'lión₂ Jesús jan₂ dsa₂ 'lian'₂ i₂ron₅ cau₅ Dsiog₅ Betesda

¹ Cang₂ jaun₂ ca₂jmo₃ dsa₂ judíos caun₂ jmig₄, jaun₂ ca₂uíg₂ táng₃ Jesús jui₅ Jerusalén.

² Jë₄ juig₂ Jerusalén jaun₂, cau₅ ja₁lé₄ caun₂ o₄'né₄ a₂chei₂ quió'₅ Já'₂ Cha'₂, niog₅ caun₂ dsiog₅ a₂chei₂ Betesda* quian'₅₄ jág₁ arameo, ja₁lé₄ 'ñiá₂ corredor.

³ Ja₁jaun₂ jme₁tián'₄ 'uë₃ juin₅ dsa₂ i₂qui₂le₁dso'₅₄, jé₃ dsa₂ ten₄, dsa₂ guian'₅₄ quian'₅₄ dsa₂ 'lian'₂ né₃, a₂chi₁ñia₂₃ a₂qui₃jé'₂ jmig₂. ⁴ Ia₁ jme₁lin₅₄, sión₅ jan₂ ángel quián₅ Te₁gui'₅₄ ja₁niog₅ dsiog₅ jaun₂, jaun₂ jmo₂₃ qui₂jé'₂ jmig₂. Jaun₂ jui₁lia'₂ dsa₂ dso'₅₄ i₂'í₂ le₂'uig₅₄ jmig₂ jë₁ma₂i₂bi₅₄, jme₁ñia₅ quió'₅, chi₂jua'₂ 'e₂ dso₄ jme₁lín₄. †

⁵ Ja₁jaun₂ jme₁ron₅ jan₂ dsa₂ dso'₅₄, jme₁ma₂té₂ guióg₂-guiá₂-ñiá₂ ñi₂ roin₂₃ dso'₅₄.

⁶ Jme₁ca₂jág₃ Jesús ron₅ dsa₂ dso'₅₄ ja₁jaun₂, jaun₂ jme₁ca₂rë₃lí'₄ ma₂líg'₂ bá₄ lín₅ le₂jaun₂, ca₂ñag₃:

—¿'Niog'₂ 'lióng'₂?

⁷ Jaun₂ ca₂ñag₃ dsa₂ dso'₅₄:

—Gui'₅₄, tsá₃ 'ein₂ chan₂ to'₂ jniá₂ 'ñió'₃ dsiog₅ jë₁ma₂té₂ rë₁qui₃jé'₂ jmig₂. Lia'₂ co₂ráun₂ 'nio₃ 'ú₄, i₂sián'₂ bá₄ sión₅ le₂'uig₅₄.

⁸ Jaun₂ ca₂juá'₂ Jesús:

† 4:52 lit. “hora guio₃.” * 5:2 A₂lin₅₄ chog₅₄ si₂: “Betzata”; a₂siá'₂ né₃: “Betsaida.” † 5:4 Chog₅₄ si₂ a₂dse₃ gué₄ tsá₃ chi₁ton₅ versículo 4.

—Nau₂, chog'₅₄ tsi₁jein₁ quiáng'₂, ŋi₄ né₃.

⁹ Dsi₂jui₅ le₂jaun₂ bá₄ ca₂ŋia₃ quió'₅ dsa₂ 'éi₂. Ca₂chóg'₃ tsi₁jein₁ quió'₅, jaun₂ ca₂jme₃lióg₃ ca₂ŋi₃. A₂jaun₂ ca₂lë₃ caun₂ jmi₄g₄ sa₅₄.

¹⁰ Jaun₂ ca₂juá'₂ dsa₂ judíos ca₂tsí'₃ dsa₂ i₂ca₂'lón₂ 'éi₂:

—Jmi₄g₄ sa₅₄ bá₄ nē₃; tsá₃ 'i₄ 'éi'₃ caun'₅₄ tsi₁jein₁ quiáng'₂ jmi₄g₄ nē₃.

¹¹ Jaun₂ ca₂ŋag₃ dsa₂ 'éi₂:

—I₂nē₂jme₃'lió₂ jniá₂, nē₂juá'₂: “Chog'₅₄ tsi₁jein₁ quiáng'₂, ŋi₄ né₃.”

¹² Jaun₂ né₃ ca₂ŋag₃ táng₃ dsa₂ 'éi₂:

—¿Ein₂ 'éi₂ nē₂juá'₂ a₂caun'₅₄ tsi₁jein₁ quiáng'₂, a₂ŋí'₂ né₃?

¹³ La₁ tsá₃ ŋi₅ 'ein₂ 'éi₂ i₂nē₂jme₃'lió₂ quió'₅, ia₁ jme₁ma₂i₂cón'₅ Jesús jin₄ dsa₂ juin₅ i₂jme₁tion'₅₄ ja₁jaun₂.

¹⁴ Cang₂ jaun₂ ca₂jen'₂ Jesús ca₂jein'₂ dsa₂ 'éi₂ i₁dsi₅ guá'₅ templo, jaun₂ ca₂juá'₂:

—Jag₄ de'₂, nē₃ lia'₂ ma₂'lóng'₂, tsá₃ ma₃lë'₁nau₂ dso₄, ia₁jaun₂ tsá₃ dsi₃ŋíg'₂ caun₂ jmi₁ui₅ 'ŋio₅ gué₄ con'₂ gué₄ a₂jme₁líng'₄ le₂ŋiá₅.

¹⁵ Jaun₂ ŋá'₃ bá₄ dsa₂ 'éi₂, jaun₂ ca₂i₁chi'₄ dsa₂ judíos, Jesús bá₄ 'éi₂ i₂ca₂jme₃'lió₂ quió'₅.

¹⁶ 'Uig₅₄ jaun₂ qui₂ca₂co₃'ein₃ dsa₂ judíos quió'₅ Jesús, † ia₁ jme₁tin₂ Jesús jme₁jmo₂₃ le₂nē₅ jmi₄g₄ sa₅₄.

¹⁷ La₁ ca₂juá'₂ Jesús ca₂tsí'₃ dsa₂ judíos:

—Lia'₂ jmo₅ jaun₂ ŋe'₃ ta₁ ŋia'₅₄ jmi₄g₄ nē₃; ján₃ bá₄ le₂jaun₂ jmo₅ jniá₂ ta₁.

¹⁸ 'Uig₅₄ jaun₂, tē₂le₃ i₂jui'₂ gué₄ jme₁'nio₃ jŋag'₃ dsa₂ judíos, ia₁ on₃jua'₅₄ jmá'₃ 'éi'₃ jmi₄g₄ sa₅₄ jmo₂₃ cau₅, ján₃ bá₄ ca₂tē₂ jmo₂₃ a₂lín₅ co₂riin₂ quian'₅₄ Diú₄, ia₁ a₂juá'₂ Diú₄ bá₄ lín₅ Jmei₂.

'Éi'₃ a₂ron₅ quió'₅ Ja₁ŋi'₅₄ Diú₄.

¹⁹ Jaun₂ né₃ ca₂juá'₂ Jesús ca₂tsí'₃ dsa₂ judíos:

—A₂dsi₂jó'₃ juí₂g₂ jniá₂ 'nia'₂, tsá₃ 'e₂ lé₂ le₃jmo₃ Ja₁ŋi'₅₄ 'i₁caun₂ 'ŋiog₅; a₂jaun₂ bá₄ jmo₂₃ jui₁lia'₂ a₂jág₅ jmo₅ Jmei₂. Jui₁lia'₂ 'e₂ ta₁ a₂jmo₅ Jmei₂, a₂jaun₂ bá₄ jmo₅ Ja₁ŋi'₅₄ ján₃. ²⁰ Ia₁ 'nio₃ Jmei₂ 'nioi₃ Ja₁ŋi'₅₄, jaun₂ 'e₂₃ 'é'₅ Ja₁ŋi'₅₄ ca₂le₃jé₃ 'e₂ a₂jmo₂₃. Tē₂le₃ lé₅ gué₄ jué'₂ ta₁ qui₃'ë₃, con'₂ gué₄ a₂le₂la₂, ia₁jaun₂ qui₂dsi₃gó'₃ 'au'₂ 'nia'₂. ²¹ Ia₁, jui₁lia'₂ jme₂jen'₅₄ Jmei₂ jme₂jein'₅₄ 'lag₄, cuē₂₃ jme₂dsí₂ a₂le₃chain₂, ján₃ bá₄ le₂jaun₂ cuē₅ Ja₁ŋi'₅₄ jme₂dsí₂ cué'₅ jui₁lia'₂ i₂'nio₃ cué'₃. ²² Ján₃ guē'₂, tsá₃ con₂ Jmei₂ 'í₁ quió'₅ 'i₁jan₂; o₄gú₃ Ja₁ŋi'₅₄ bá₄ ma₂dsia₃ ca₂le₃jé₃ 'éi'₃ a₂con₂ 'í₁, ²³ ia₁jaun₂ jme₃go₃ ca₂le₃jín₃ dsa₂ jme₃gain₃ Ja₁ŋi'₅₄, jui₁lia'₂ jme₂gain₃ Jmei₂. Jui₁lia'₂ i₂tsá₃ jme₂gan₃ Ja₁ŋi'₅₄, tsá₃ jme₂gain₃ Jmei₂ i₂ca₂chei₃.

²⁴ 'A₂dsi₂jó'₃ juí₂g₂ jniá₂ 'nia'₂: jui₁lia'₂ i₂nag₅ i₂tón'₂ jui₅ jág₁ quió'₃, ton'₂ 'éin₂ tē₂le₃ quió'₅ i₂ca₂chei₃, le₃chain₂ bá₄ co₂tan₅₄. Tsá₃ 'í₁ jíóg'₂ ja₁coin₂, ia₁ ma₂ca₂ŋi₅ ne₄ 'mú₃, ma₂ca₂dsióg₃ ja₁le₃chain₂ co₂tan₅₄. ²⁵ A₂dsi₂jó'₃ juí₂g₂ jniá₂ 'nia'₂, já₅ jmi₄g₄ ton'₂ ma₂té₂ dsón'₂, jē₃ma₂té₂ rē₁nag₃ 'lag₄ jág₁ quió'₅ Ja₁ŋi'₅₄ Diú₄. Jui₁lia'₂ i₂ne'₅₄ né₃, le₃chain₂ bá₄.

²⁶ Ia₁ jui₁lia'₂ 'io₅ bí₂ Jmei₂ a₂le₃chain₂ 'ŋiog₅, ján₃ bá₄ le₂nē₅ ma₂cué'₃ Ja₁ŋi'₅₄ jui₅bí₂ a₂le₃chain₂ 'ŋiog₅. ²⁷ Ján₃ bá₄ ma₂cué₃ jui₅bí₂ a₂con₂ 'í₁ qui₃dsi₂₃ 'éi'₃, ia₁ lín₅ Jaun₅ dsa₂ mi₂güí₃. ²⁸ Tsá₃ lē₁jui₁dsi₂gó'₃ 'au'₂ 'nia'₂ jág₁ a₂nē₂juá'₃ jniá₂ la₂, ia₁ já₅ hora a₂nag₃ ca₂le₃jín₃ dsa₂ i₂le₁'on₅ tau₂ 'ŋio₅, jág₁ quió'₅, ²⁹ jaun₂ 'uín₃ ja₁jaun₂. Jui₁lia'₂ i₂ca₂jmo₃ a₂dsi₂ten₅₄, jein'₅₄ a₂dsi₁lein₅ ja₁le₃chain₂ co₂tan₅₄; la₁ia₁ jui₁lia'₂ i₂ca₂jmo₃ a₂'lig'₅₄, jein'₅₄ a₂tē₃dsi₅₄ 'éi'₃ ja₁coin₂.

Jau'₂ 'í₁ a₂dsón'₂ 'io₅ Jesús bí₂

³⁰ Tsá₃ 'e₂ lé₂ le₃jmo₅₄ jniá₂ jua'₅₄ a₂jmo₅₄ con'₂ ting₂ 'ŋió₃. Qui₂dsí₂ jniá₂ 'éi'₃ lia'₂ con'₂ lé₅ jág₁ a₂nég'₄ ja₁con₂ ŋe'₃, jaun₂ dsi₂ten₅₄ bá₄ 'éi'₃ a₂qui₂dsí₂ jniá₂, ia₁ tsá₃ a₂jaun₂ jmo₅

† 5:16 A₂lín₅₄ chog₅₄ si₂ a₂me'₂ gué₄ juá'₂ ján₃: “a₂jme₁'nio₃ jŋag'₃.”

jniá₂ lia'₂ con'₂ lé₅ a₂ 'ŋio₂ dsi₃ 'ŋió₃; a₂jaun₂ bá₄ jmo₅ jniá₂ lia'₂ con'₂ lé₅ a₂ 'ŋio₂ dsi₅ 'éi₂ i₂ca₂chei₃ jniá₂. ³¹ Nē₁jua'₂ jáng'₅ jniá₂ jág₁ dsau₅ ja₁cong₂ 'ŋió₃, jág₁ jaun₂ a₂jáng'₅, tsá₃ quen₅. ³² La₁ia₁ chan₂ gué₄ jan₂ i₂sián'₂ i₂jáng'₅ jág₁ dsau₅ të₂le₃ quió₃ jniá₂, jaun₂ guion₄ jniá₂ jui₁lia'₂ a₂juá'₂ 'éi₂ 'ag₂₃ jniá₂, tí₅ bá₄ jág₁ a₂jáng'₅. ³³ Ca₂chen'₂ 'nia'₂ dsa₂ a₂ca₂i₁ŋag₁₂ ne₄ Juan₅₄, jaun₂ dsón'₂ tí₅ bá₄ jág₁ dsau₅ a₂ca₂jáng'₃ 'éi₂. ³⁴ La₁ia₁ on₃jua'₅₄ jaun₂ chén'₅ jniá₂ rē₂ ia₁ a₂jáng'₅ dsa₂ mi₂güig₃ jág₁ dsau₅ të₂le₃ quió₃ jniá₂; a₂jaun₂ bá₄ juig₂ jniá₂ 'nia'₂ jág₁ la₂ ia₁ jaun₂ lé₂ le₃lión'₂ 'nia'₂. ³⁵ Jme₁lín₄ Juan₅₄ nē₂jag₄ caun₂ si₂ ni₁tsí₅ a₂cau₂ a₂tág₅. Jaun₂ 'nia'₂ né₃, jme₁ma₂'éi'₂ caun₂ 'au'₂ a₂jmó'₂ co₂'na₂ 'io'₂ ja₁tág₅ si₂ quió'₅. ³⁶ La₁ia₁ jniá₂ né₃, 'ŋio₅₄ jan₂ i₂jáng'₅ jág₁ dsau₅ i₂juin'₂ gué₄ lia'₂ con'₂ gué₄ Juan₅₄. Ia₁ jui₁lia'₂ léi₄ a₂jmo₅ jniá₂, a₂jaun₂ ca₂cuē₃ ŋe'₃ a₂jmo₅₄. A₂jaun₂ bá₄ jáng'₅ jág₁ dsau₅ a₂dsón'₂ bá₄ ca₂chei₃ ŋe'₃. ³⁷ Ján₃ bá₄ le₂jaun₂, 'ŋiog₅ bá₄ ŋe'₃ jniá₂ i₂ca₂chei₃, jáng'₅ 'éi₂ jág₁ dsau₅ të₂le₃ quió₃ jniá₂. 'Nia'₂ né₃, lia'₂ 'i₁cón'₂ tsá₃ ma₂nei'₂ 'nia'₂ jág₁ quió'₅, on₃ guē'₂ ma₂jiiin'₅₄ 'nia'₂ 'a₂ lia'₂ lín₅, ³⁸ on₃ guē'₂ ma₂tē₁gua₁ jág₁ quió'₅ të₂'au'₂, ia₁ tsá₃ 'én'₂ 'nia'₂ të₂le₃ quió'₅ 'ŋiog₅ i₂ca₂chei₃. ³⁹ A₂'i'₂ 'nia'₂ Si₂ quió'₅ Diú₄ ca₂lia'₂ dsen₅₄ 'au'₂, ia₁ lín'₂ 'nia'₂ a₂le₃chan₂ 'nia'₂ co₂tan₅₄ të₂le₃ quian'₅₄ Si₂ jaun₂. Si₂ jaun₂ bá₄ jáng'₅ jág₁ dsau₅ 'ag₂₃ jniá₂. ⁴⁰ Jaun₂ 'nia'₂ né₃, tsá₃ 'niog'₂ i₁nóg'₅ ne₃ jniá₂ ia₁ jaun₂ le₃chan₂ 'nia'₂.

⁴¹ 'Tsá₃ gue₅ jniá₂ a₂jme₂juag'₂ dsa₂ mi₂güig₃. ⁴² La₁ cuín₅ jniá₂ 'nia'₂, jaun₂ guion₄ jniá₂ a₂tsá₃ jaun₂ le₁'i₁ të₂'au'₂ 'nia'₂ a₂niog₅ dsi₅ Diú₄ a₂'nioi₃ 'nia'₂. ⁴³ O₄quió'₄ ŋe'₃ bá₄ jniá₂ guio₃, 'nia'₂ guē'₂ tsá₃ guéi'₅ jniá₂; la₁ia₁ nē₁jua'₂ ca₂já₃ jan₂ o₄quió'₄ 'ŋiog₅, i₂'éi₂ bá₄ guén'₄ 'nia'₂. ⁴⁴ ¿A₂ lia'₂ lé₂ le₃'én'₂ 'nia'₂, chi₂jua'₂ jaun₂ 'náu'₂ a₂tióng'₂ rē₂ quiang'₅₄ ríng'₂, tsá₃ guē'₂ 'náu'₂ 'nia'₂ a₂qui₁náu'₂ rē₂ quiang'₅₄ Diú₄? ⁴⁵ Tsá₃ o₁len'₂ 'nia'₂ jua'₅₄ a₂'nág₄ jniá₂ ne₄ ŋe'₃; chan₂ jan₂ i₂'nag₅: Moisés bá₄ 'éi₂. Le₃quió'₅ 'éi₂ bá₄ 'ín'₂ 'au'₂ 'nia'₂. ⁴⁶ Ia₁ jua'₅₄ mei'₂ gué₃ ca₂rē₃'éng'₂ jág₁ quió'₅ Moisés, ján₃ bá₄ le₂jaun₂ jme₁le₃'éng'₂ jág₁ quió₃, ia₁ jniá₂ bá₄ ca₂'ag₃ Moisés ne₄ Si₂. ⁴⁷ La₁ chi₂jua'₂ tsá₃ 'én'₂ guē'₂ 'nia'₂ jág₁ a₂ca₂tó'₂ 'éi₂ ne₄ Si₂, ¿a₂ guē'₂ lia'₂ lé₂ le₃'én'₂ 'nia'₂ jág₁ a₂juá'₅ jniá₂?

6

Ca₂ŋi'₃ Jesús 'ŋiá₂ mei₅ dsa₂

(Mateo 14:13-21; Marcos 6:30-44; Lucas 9:10-17)

¹ Cang₂ jaun₂ ca₂ŋó₃ Jesús të₂le₃ quióng₄ ca₂taun₂ jmi₁ŋí'₄ Galilea, (a₂chei₂ jmi₁ŋí'₄ Tiberias). ² Jaun₂ ca₂i₃lén₂ juin₅ lín₃ dsa₂ chi₁co'₅₄ quió'₅, ia₁ ma₂jág₃ léi₄ jué'₂ a₂ma₂jmo₃, a₂qui₂ma₂ca₂jme₂'lióin₂ dsa₂ i₂jme₁le₁dso'₅₄. ³ Jaun₂ né₃ ca₂uíg₂ Jesús caun₂ má'₂, jaun₂ ca₂guá₂ ja₁jaun₂ quiaín'₅₄ chi'₂ dsi₂guia₃-tín₂ quiaín₅.

⁴ Jmig₄ jaun₂, jme₁ma₂ja₂quián₃ Jmig₄ Tē₂'in₅₄, co₂'nió'₄ jmig₄ quió'₅ dsa₂ judíos.

⁵ Jme₁ca₂jág₃ Jesús ca₂jiiin₂ juin₅ lín₃ dsa₂ i₂ja₂lén₂, jaun₂ ca₂juá'₂ ca₂tsí'₃ Felipe:

—¿A₂já'₄ dsi₁liá₄ má₃ a₂gué'₃ ca₂le₃jín₃ dsa₂ nē₅?

⁶ A₂jaun₂ bá₄ ca₂juá'₂ Jesús le₂nē₅ o₁ne₄ 'e₂ jme₁ŋag₃ Fe₂li₄, ia₁ jme₁ma₂ŋi₅ rē₂ bá₄ Jesús 'ŋiog₅ 'e₂ a₂jmo₃.

⁷ Jaun₂ né₃ ca₂ŋag₃ Fe₂li₄:

—Tín₃ 'ŋiá₂-láu₂ denario i₁ŋí'₄ tsá₃ len₅ bá₄ gué₄ a₂ŋe₂ jma₃ca₂juig₄ le₂jan₂ le₂jan₂ dsa₂.

⁸ Jaun₂ né₃ ca₂ŋag₃ gué₄ jan₂ chi'₂ dsi₂guia₃-tín₂ quiaín₅ Jesús, i₂jme₁chen₂ Dré₄ rin'₅₄ Si₂mu₅₄ Pe₄:

⁹ —Jē₄ la₂ 'en₅₄ jan₂ i₂bē'₅₄ i₂quian₅ 'ŋiá₂ i₁ŋí'₄ cebada, quian'₅₄ guē'₂ on₃ ju₄; la₁ia₁, ¿'e₂ bá₄ cha₂ 'e₂ jaun₂, ja₁con₂ dsa₂ juin₅ le₂nē₅?

¹⁰ Jaun₂ né₃ ca₂juá'₂ Jesús:

—Chei'₅₄ dsa₂ ca₂le₃jiiin₃ jui₁tiaín'₂₃.

'Lióng₂ ŋi₂ma'₂ jme₁cha₂ ja₁jaun₂, jaun₂ ca₂tián'₂ dsa₂ ŋe'₂, i₂jme₁lé₂ con'₂ 'ŋiá₂ mei₅ dsa₂.

¹¹ Jaun₂ né₃ ca₂can₃ Jesús i₁ŋí'₄, jaun₂ jme₁ma₂ně₂cué'₃ ti₁'mag'₄ Diú₄, qui₂ca₂dsi₁'₃ ca₂cué'₃ ca₂le₃jín₃ dsa₂ i₂jme₁tián'₄ ja₁jaun₂. * Ján₃ bá₄ le₂jaun₂ ca₂jmo₃ quian'₅₄ dsi₂ju₄ 'éi₂, ca₂cué'₃ ca₂le₃jín₃ dsa₂ 'a₂ con'₂ ŋjia'₅₄ 'nio₃.

¹² Jaun₂ jme₁ma₂lí'₃ dsa₂ gué'₅, ca₂juá'₂ Jesús ca₂tsí'₃ chi'₂ dsi₂guia₃-tín₂:

—Cag'₅₄ 'nia'₂ ni₁jne₁ i₁ŋí'₄ a₂ca₂chóng₃, ia₁jaun₂ tsá₃ 'e₂ dsi₃'én₂.

¹³ Jaun₂ ca₂cág'₃, jaun₂ ca₂jme₃cain'₂ guia₃-tín₂ tsi₁mi'₂ tá₂, quian'₅₄ ni₁jne₁ a₂ca₂chóng₃ a₂'ŋiá₂ i₁ŋí'₄ cebada jaun₂.

¹⁴ Jaun₂ né₃, jme₁ca₂jág₃ dsa₂ léi₄ a₂ca₂jmo₃ Jesús, ca₂juá'₂:

—Dón'₂ bá₄ lín₅ dsa₂ ně₅ dsa₂ i₂'é₂ jág₁ quián₅ Diú₄, i₂lé₅ jág₁ jiá₃ mi₂güüg₃.

¹⁵ La₁ ca₂rě₃lí'₄ bá₄ Jesús a₂'nio₃ dsa₂ jme₁tě₂ tion₅₄, a₂jme₁jmó'₂ 'éi₂ rag₅₄, jaun₂ ca₂ŋái'₃ bá₄ táng₃ ca₂'í₃ má'₂ con'₂ 'ŋiog₅.

Ca₂ŋi₃ Jesús ne₄ jmig₂ jmi₁ŋí'₄

(Mateo 14:22-27; Marcos 6:45-52)

¹⁶ Jme₁ca₂nei₂ jaun₂, ca₂sión₃ chi'₂ dsi₂guia₃-tín₂ quián₅ ca₂tě₂ jmi₁ŋí'₄.

¹⁷ Jaun₂ ca₂tóin'₂ 'ŋió'₃ caun₂ tsi₁mu₅, jaun₂ ca₂jme₃lióg₃ ca₂'ain₃ jmi₁ŋí'₄ a₂dsi₃lén₂ Capernaum. Jme₁ma₂tó'₂ nei₂ bá₄ jaun₂, tsá₃ jme₁ma₂quiong'₅₄ bá₄ gué₄ Jesús.

¹⁸ Jaun₂ ca₂rě₃lióg₃ ca₂'ág₂ dsí₂ tiá₂ lín₃, jaun₂ qui₂ca₂ron'₂ jmi₁ŋí'₄.

¹⁹ Jme₁ma₂'ain₂ con'₂ 'ŋiá₂-ŋjéi₂ kilómetros, jaun₂ ca₂jág₃ a₂ja₂quían₃ Jesús cau₅ tsi₁mu₅, a₂ŋi₂₃ ne₄ jmig₂; jaun₂ ca₂rě₃gó'₅ 'ŋio₅ lín₃.

²⁰ La₁ia₁ ca₂juá'₂ Jesús:

—jŋiá₂ bá₄ la₂; tsá₃ lě₁jmo₂ 'nia'₂ gang'₃!

²¹ Jaun₂ né₃ ca₂lia'₂ 'io'₂ jén'₅ bá₄ ca₂guein₃† Jesús 'ŋió'₃ tsi₁mu₅, jaun₂ quian'₅₄ ca₂tiá₂ co₂lág₂ bá₄ ca₂dsi₃lén₂ chei'₅₄ 'uě₃ ja₁jme₁tioin'₅₄ jui₅ i₃lén₂.

'Nau'₂ dsa₂ 'nai'₂ Jesús

²² Jme₁ca₂jnia₃ jaun₂, ca₂rě₃lí'₄ dsa₂ i₂tě₁'ŋiá₄ tě₂le₃ quióng₄ ca₂taun₂ jmi₁ŋí'₄, a₂jme₁chí'₄ caun₂ tan₅₄ tsi₁mu₅ ja₁jaun₂, ton'₂ tsá₃ ca₂'í₃ Jesús 'ŋió'₃ jaun₂ quian'₅₄ chí'₂ dsi₂guia₃-tín₂; guion₅₄ bá₄ chí'₂ dsi₂guia₃-tín₂ i₃lén₂.

²³ La₁ tě₁lia'₂ jaun₂, o₃lé₂ tsi₁mu₅ siá'₂ a₂ja₂lei₃ juig₂ Tiberias, ca₂o₃lé₂ quián₅ ja₁ca₂gué'₃ i₁ŋí'₄ le₂ŋiá₅ jme₁ca₂lě₃ cué'₅ Te₁gui'₅₄ ti₁'mag'₄ Diú₄.‡

²⁴ Jaun₂ né₃, jme₁ca₂rě₃lí'₄ dsa₂ a₂tsá₃ Jesús chan₂ ja₁jaun₂, on₃ gué'₂ chí'₂ dsi₂guia₃-tín₂ quián₅, ca₂i₃toin'₅₄ 'ŋió'₃ tsi₁mu₅, ca₂i₃lén₂ jui₅ Capernaum ca₂i₁'niog'₂.

Jesús bá₄ lín₅ i₁ŋí'₄ a₂le₃chan₂ dsa₂ co₂tan₅₄

²⁵ Jme₁ca₂dsi₃lén₂ dsa₂ tě₂le₃ quióng₄ ca₂taun₂ jmi₁ŋí'₄, ca₂dsáin'₂ Jesús, jaun₂ ca₂ŋag₃:

—Tě₅, ĺlíg'₂ guang'₃ ja₁lá₃?

²⁶ La₁ia₁ ca₂ŋag₃ Jesús ca₂tsí'₃ dsa₂ 'éi₂:

—A₂dsi₂jó'₃ juíg₂ jniá₂ 'nia'₂, a₂'nau'₂ jniá₂ i₂niog'₅₄, ia₁ ca₂qué'₂ 'nia'₂ lia'₂ 'ág'₃ 'au'₂ i₁ŋí'₄, on₃jua'₅₄ rě'₂ ia₁ a₂ca₂rě₃ŋí'₂ 'nia'₂ léi₄ jaun₂. ²⁷ Tsá₃ lě₁jmo₂ 'nia'₂ ta₁ o₄quió'₄ má₃ a₂ŋjia'₅₄ con'₂ dsi₃'én₂, tě₂le₃ o₄quió'₄ má₃ a₂jio₅ co₂tan₅₄ bá₄ jmo₄ 'nia'₂ ta₁, a₂cuě₅ Jaun₅ dsa₂ mi₂güüg₃. Ia₁ ne₄ 'éi₂ ma₂tióng₃ 'ŋiog₅ bá₄ Diú₄ Jmei₂ léi₄ quió'₅.

²⁸ Jaun₂ né₃ ca₂ŋag₃ dsa₂:

—ĵ'E₂ 'nió'₅ jmó₁ jnia'₅₄ ia₁jaun₂ lé₂ le₃jmó₁ jnia'₅₄ ta₁ a₂'nio₃ Diú₄ jmó₁?

²⁹ Jaun₂ ca₂ŋag₃ Jesús:

—A₂la₂ bá₄ ta₁ quió'₅ Diú₄: a₂le₃'én'₂ 'nia'₂ tě₂le₃ quió'₅ i₂chen₄ quián₅.

³⁰ Jaun₂ né₃ ca₂ŋag₃ dsa₂:

* 6:11 A₂lín₅₄ chog₅₄ si₂ a₂me'₂ gué₄ juá'₂: “jme₁ma₂ně₂cué'₃ ti₁'mag'₄ Diú₄, jaun₂ ca₂cué'₃ chí'₂ dsi₂guia₃-tín₂, jaun₂ chí'₂ dsi₂guia₃-tín₂ né₃ qui₂ca₂dsi₁'₃ ca₂cué'₃ ca₂le₃jín₃ dsa₂.”
† 6:21 o₃, “jme₁guein₃.” ‡ 6:23 A₂lín₅₄ chog₅₄ si₂ tsá₃ chí₁ton₅ “jme₁ca₂lě₃ cué'₅ Te₁gui'₅₄ ti₁'mag'₄ Diú₄.”

—¿'E₂ léi₄ lé₂ le₃ 'é₂ jnia'₅₄, ia₁jaun₂ jag₅₄ jnia'₅₄ jaun₂ le₃ 'éin₂ jnia'₅₄ quiáng'₂? ¿'E₂ léi₄ jmó'₂? ³¹ Dsa₂ can'₅₄ quián₂ jnia'₅₄ ma₂líg'₂, ca₂gué'₃ i₁ñí'₄ maná, lia'₂ con'₂ jme₁tioin'₅₄ 'uë₃ quein₂ co₂'ñiog₅ jaun₂, jui₁lia'₂ juá'₂ ne₄ Si₂ quió'₅ Diú₄: “Ca₂cuë₃ Moisés ca₂gué'₃ 'éi₂ i₁ñí'₄ a₂ca₂já₃ guei'₅₄ i₂juíg₃.”§

³² Jaun₂ ca₂ñag₃ Jesús:

—A₂dsi₂jó'₃ juíg₂ jniá₂ 'nia'₂: on₃jua'₅₄ Moisés i₂ca₂cuë₃ i₁ñí'₄ a₂já₃ guei'₅₄ i₂juíg₃; ñe'₃ bá₄ jniá₂ i₂cué'₅ 'nia'₂ i₁ñí'₄ tē₃dsón'₂ a₂já₃ guei'₅₄ i₂juíg₃. ³³ Ia₁ jui₁lia'₂ i₁ñí'₄ a₂já₃ ja₁con₂ Diú₄, i₂'éi₂ bá₄ lín₅, i₂ca₂sión₃ guei'₅₄ i₂juíg₃, i₂jmo₅ a₂le₃chan₂ dsa₂ co₂tan₅₄.

³⁴ Jaun₂ né₃ ca₂juá'₂ dsa₂ ca₂tsí'₃ Jesús:

—Te₁gui'₅₄, cuë₄ lia'₂ o₂jmi₄ i₁ñí'₄ a₂'ë'₂ 'ne₂ nē₅.

³⁵ Jaun₂ ca₂juá'₂ Jesús:

—Jniá₂ bá₄ líng₅ i₁ñí'₄ a₂jmo₅ a₂le₃chan₂ dsa₂. Jui₁lia'₂ i₂ja₂ ja₁con₂ jniá₂, lia'₂ o₁líg'₂ jmi₄ tsá₃ ma₃lé₂ i₁cón'₅; ján₃ bá₄ le₂jaun₂ jui₁lia'₂ i₂'én₂ tē₂le₃ quió₃ jniá₂, lia'₂ o₁líg'₂ jmi₄ tsá₃ ma₃le₃quein₂ dsí₅. ³⁶ La₁ jui₁lia'₂ ma₂nē₂juíg₂ jniá₂ 'nia'₂, tsá₃ 'én'₂ 'nia'₂ o₁jñia'₅₄ ma₂nē₂jag'₅₄ 'nia'₂ jniá₂. ³⁷ Ca₂le₃jín₃ jui₁lia'₂ dsa₂ i₂cuin₅ ñe'₃ cui₂g₂₃ jniá₂, ja₃léin₂ ja₁con₂ jniá₂; jaun₂ jui₁lia'₂ i₂ja₂ ja₁con₂ jniá₂, lia'₂ o₁'e₂ gué'₃ tsá₃ dséin₄ jniá₂. ³⁸ Ia₁ on₃jua'₅₄ jaun₂ guio₃ jniá₂ ca₂sióng₃ guei'₅₄ i₂juíg₃ jua'₅₄ a₂jmo₅₄ a₂'ñio₂ dsi₃ 'ñió₃; a₂jaun₂ bá₄ guio₃ a₂jmo₅₄ a₂'ñio₂ dsí₅ i₂ca₂chei₃. ³⁹ A₂la₂ bá₄ a₂'ñio₂ dsí₅ i₂ca₂chei₃; a₂tsá₃ qui₂dsi₃cón'₅ 'i₁jan₂ i₂ma₂cuin₃ 'éi₂ jniá₂, tē₂le₃ a₂jme₁jein'₅₄ bá₄ jniá₂ jmi₄ jē₁ca₂tó'₂. ⁴⁰ A₂la₂ bá₄ a₂'ñio₂ dsí₅ ñe'₃: jui₁lia'₂ ca₂le₃jín₃ i₂jín₂ Ja₁ñi'₅₄ ton'₂ 'éin₂ tē₂le₃ quió'₅, jui₁le₂chain₂ co₂tan₅₄, jaun₂ jniá₂ né₃ jme₁jein'₅₄ jmi₄ jē₁ca₂tó'₂.

⁴¹ Quian'₅₄ jág₁ nē₅ ca₂jme₃lióg₃ dsa₂ judíos qui₂ca₂dsia₃ guioin₅₄, ca₂chi₃'iin₃ Jesús ia₁ jme₁ma₂nē₂juá'₂: “Jniá₂ bá₄ líng₅ i₁ñí'₄ i₂ca₂sión₃ guei'₅₄ i₂juíg₃.”

⁴² Jaun₂ ca₂juá'₂:

—¿On₃jua'₅₄ i₂nē₅ Jesús ja₁ñi'₅₄ Sé₄? I₂cuin₅ bá₄ jniog₄ chog₅₄-jmei₂ i₂nē₅. ¿'A₂ gué'₂ lia'₂ juá'₂ a₂ca₂sión₃ guei'₅₄ i₂juíg₃?

⁴³ Jaun₂ né₃ ca₂juá'₂ Jesús:

—Tsá₃ lē₁ma₃chi₂'ág₅ 'nia'₂. ⁴⁴ Lia'₂ 'i₁jan₂ tsá₃ lé₂ jiá₃ ja₁con₂ jniá₂, jua'₅₄ tsá₃ o₂jio₃ ñe'₃ i₂ca₂chei₃; jaun₂ jniá₂ jme₁jein'₅₄ jmi₄ jē₁ca₂tó'₂. ⁴⁵ Le₂la₂ ca₂tó'₂ ne₄ Si₂ dsa₂ i₂jme₁'é₂ jág₁ o₄quió'₄ Diú₄: “Diú₄ bá₄ jme₃tag₅ jme₃tiin₂₃ ca₂le₃jín₃ dsa₂.”* Jaun₂ ca₂le₃jín₃ jui₁lia'₂ i₂nag₅ jág₁ quió'₅ ñe'₃, ton'₂ qui₂rē₂tiin₂ 'e₂ a₂jmo₅ 'éi₂, ja₃léin₂ bá₄ ja₁con₂ jniá₂.

⁴⁶ On₃jua'₅₄ rē'₂ ia₁ 'ein₂ ma₂jín₂ Jmei₂. ñia'₅₄ lia'₂ i₂ca₂já₃ ja₁con₂ Diú₄; i₂'éi₂ bá₄ ma₂jín₂ Jmei₂. ⁴⁷ A₂dsón'₂ juíg₂ jniá₂ 'nia'₂, jui₁lia'₂ i₂'én₂, † le₃chain₂ co₂tan₅₄. ⁴⁸ Jniá₂ bá₄ líng₅ i₁ñí'₄ a₂jmo₅ a₂le₃chan₂ dsa₂. ⁴⁹ Qui₂ca₂gué'₃ dsa₂ can'₅₄ quián'₂ 'nia'₂ i₁ñí'₄ maná, lia'₂ con'₂ jme₁tioin'₅₄ 'uë₃ quein₂ co₂'ñiog₅ jaun₂, la₁ ca₂dsain₃ bá₄. ⁵⁰ A₂la₂ bá₄ lé₅ i₁ñí'₄ a₂ca₂sió₃ guei'₅₄ i₂juíg₃ ia₁jaun₂ nē₁jua'₂ 'ein₂ ca₂gué'₃, tsá₃ dsiáin₃. ⁵¹ Jniá₂ bá₄ líng₅ i₁ñí'₄ jén'₃ i₂ca₂sión₃ guei'₅₄ i₂juíg₃ jaun₂; jui₁lia'₂ i₂gué'₅ i₁ñí'₄ la₂, le₃chain₂ co₂tan₅₄. I₁ñí'₄ jui₁lia'₂ a₂juá'₅ jniá₂ cuë₅₄, ni₁ñi₃ 'ñió₃ bá₄ jniá₂ 'ē₂₃, a₂jáng'₄ jniá₂ ia₁jaun₂ le₃chan₂ dsa₂ mi₂güig₃.

⁵² Jaun₂ né₃ qui₂ca₂chen₃ dsa₂ judíos guioin₅₄, a₂juá'₂:

—¿'A₂ lia'₂ lé₂ le₃cuë₃ i₂nē₅ ñi₅₄ 'ñiog₅ a₂que₅₄ jniog₄?

⁵³ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, nē₁jua'₂ tsá₃ ca₂qué'₂ 'nia'₂ ñi₄ Jaun₅ dsa₂ mi₂güig₃, nē₁jua'₂ tsá₃ ca₂'én'₂ 'nia'₂ jmi₂ 'ain₅₄ né₃, tsá₃ jén'₃ 'nia'₂ tē₁lia'₂ chang'₂. ⁵⁴ Jui₁lia'₂ i₂gué'₅ ñi₃ jniá₂, ton'₂ 'ín'₂ jmi₃ jniá₂ né₃, le₃chain₂ bá₄ co₂tan₅₄; jaun₂ jniá₂ jme₁jein'₅₄

§ 6:31 Éxodo 16:4; Nehemías 9:15; Salmo 78:24-25. * 6:45 Isaías 54:13. † 6:47 A₂lín₅₄ chog₅₄ si₂ juá'₂: “i₂'én₂ tē₂le₃ quió₃ jniá₂.”

jmi₄ jë₁ca₂tó'₂. ⁵⁵ Ia₁ ni₁ñi₃ jniá₂ bá₄ lé₅ má₃ a₂tí₅ dsón'₂; já₃ bá₄ le₂jaun₂ jmi₃ jniá₂ lé₅ jmi₂ a₂'ág'₃ dsí₅ tē₃dsón'₂. ⁵⁶ Jui₁lia'₂ i₂gué'₅ ñi₃ jniá₂, ton'₂ 'ín'₂ jmi₃ jniá₂ né₃, tē₂'ñiai₅₄ le₃quió₃ jniá₂; jniá₂ gué'₂ le₃quió'₅ 'éi₂. ⁵⁷ Jui₁lia'₂ ca₂chei₃ ñe'₃ jén'₃ ca₂chei₃ jniá₂, jaun₂ chan₂ jniá₂ 'uig₅₄ quió'₅ 'éi₂, já₃ bá₄ le₂jaun₂, jui₁lia'₂ i₂gué'₅ quió₃ jniá₂, le₃chain₂ 'uig₅₄ quió₃ jniá₂. ⁵⁸ A₂la₂ bá₄ 'ë₂₃ i₁ñí'₄ i₂ca₂sión₃ guei'₅₄ i₂juí₃. Qui₂ca₂gué'₃ dsa₂ can'₅₄ quián'₂ 'nia'₂ i₁ñí'₄ maná, la₁ ca₂dsain₃; la₁ jui₁lia'₂ i₂gué'₅ i₁ñí'₄ la₂, le₃chain₂ bá₄ co₂tan₅₄.

⁵⁹ Já₁ nē₅ ca₂juá'₂ Jesús tē₁lia'₂ ca₂jme₃tag₂₃ dsi₂néi₂ guá'₅ sinagoga jë₄ juig₂ Caper-naum.

Já₁ a₂le₃chan₂ dsa₂ co₂tan₅₄

⁶⁰ Jme₁ca₂nág₂ dsa₂ já₁ jaun₂ a₂jme₂tag₅ Jesús, juin₅ dsa₂ i₂quian'₅₄ Jesús ca₂juá'₂:

—Já₁ a₂juá'₂ nē₅ 'ñio₅ lín₃ juí'₅, quian₅ ta₁ guéi₁. ¿'Ein₂ bá₄ lé₂ le₃tón'₂ jui₅ quió'₅?

⁶¹ Jaun₂ né₃ ca₂rë₃lí'₄ Jesús 'e₂ já₁ chen₅ dsa₂ tioen'₅₄, o₄quió'₄ já₁ jaun₂, jaun₂ ca₂juá'₂:

—¿O₃ bá₄ tsá₃ dse₃ ca₂tín'₂ 'nia'₂ já₁ nē₅? ⁶² ¿'E₂ bá₄ lé₂ jaun₂ nē₁jua'₂ ca₂jing'₅₄ 'nia'₂ Jaun₅ dsa₂ mi₂guí₃ a₂uí₂ táng₃ ja₁jme₁'ein₅₄ le₂jñiá₅? ⁶³ Jme₂dsí₂ bá₄ i₂jmo₅ a₂chan₂ dsa₂; jui₁lia'₂ ni₁ñi₁ dsa₂ né₃, tsá₃ ta₁ tí₄. La₁ já₁ a₂ma₂nē₂juí₂ jniá₂ 'nia'₂, a₂gu₂dsí₂ bá₄ jaun₂, ton'₂ jmo₅ a₂chan₂ dsa₂. ⁶⁴ La₁ tion'₅₄ bá₄ gué'₄ i₂lín₅₄ 'nia'₂ i₂tsá₃ 'én₂.

Ia₁ jme₁ma₂ñi₅ bá₄ Jesús lia'₂ con'₂ le₂'uig₅₄ i₂'ein₂ 'éi₂ tsá₃ 'én₂, i₂'ein₂ gué'₂ i₂jáng'₂ cang₂.

⁶⁵ Jaun₂ ca₂juá'₂:

—'Uig₅₄ jaun₂ ma₂nē₂juí₂ jniá₂ 'nia'₂, lia'₂ 'i₁jan₂ tsá₃ lé₂ jiá₃ ja₁con₂ jniá₂ jua'₅₄ tsá₃ o₂jio₃ ñe'₃.

⁶⁶ Ca₂le₃jaun₂, juin₅ dsa₂ i₂jme₁i₂nio₄ quian'₅₄ Jesús ca₂i₃uín₂ cau₅, tsá₃ ma₃jme₁i₂nio₅₄ quian'₅₄ 'éi₂.

⁶⁷ Jaun₂ né₃ ca₂ñag₃ Jesús ca₂ñi'₃ chi'₂ dsi₂guia₃-tín₂:

—¿O₃ bá₄ 'niog'₂ 'nia'₂ o₁nog'₁ já₃?

⁶⁸ La₁ ca₂ñag₃ Si₂mu₅₄ Pe₄:

—Te₁gui'₅₄, ¿ne₄ 'ein₂ lé₂ dsi₁náu₄ jnia'₅₄? Ia₁ 'ne₂ bá₄ 'au'₂ já₁ a₂le₃chong₂ jnia'₅₄ co₂tan₅₄. ⁶⁹ Ma₂ca₂rë₃ 'éin₂ bá₄ jnia'₅₄, jaun₂ ne₄ jnia'₅₄, 'ne₂ bá₄ líng'₅ I₂jñi₅ quián₅ Diú₄.[‡]

⁷⁰ Jaun₂ ca₂ñag₃ Jesús:

—¿On₁jua'₅₄ jniá₂ ca₂quiong'₅₄ 'nia'₂ ta₁guia₃-tín'₂? La₁ia₁, jan₂ i₂'en₅₄ jë₄ quián'₂ 'nia'₂ lín₅ i₂'lín'₅₄.

⁷¹ (A₂ca₂juá'₂ Jesús le₂nē₅ a₂'iin₂₃ Judas bá₄, ja₁ñi'₅₄ Si₂mu₅₄ Iscariote,§ ia₁ Judas bá₄ i₂jáng'₂ quió'₅, o₁jñia'₅₄ lín₅ jan₂ dsa₂ guia₃-tín₂.)

7

Tsá₃ 'én₂ rin'₅₄ Jesús já₁ quió'₅

¹ Cang₂ jaun₂, ca₂ñi₃ Jesús 'uë₃ Galilea; a₂tsá₃ 'nio₃ dsi₃ñi₃ jë₄ 'uë₃ Judea, ia₁ ja₁jaun₂ jme₁'nio₃ dsa₂ judíos jñag'₃.

² La₁ia₁ jme₁ma₂ja₂quián₃ Jmi₄ quió'₅ Tsi₁'io₅ Láu₃, jmi₄ quió'₅ dsa₂ judíos, ³ jaun₂ ca₂juá'₂ rin'₅₄ Jesús:

—Tsá₃ lë₁jan₁ ja₁lás; gua₂ jui₅ Judea, ia₁jaun₂ já₃ dsa₂ i₂quiang'₅₄ léi₄ a₂jmo'₂. ⁴ Ia₁ jui₁lia'₂ i₂'nio₃ a₂le₃cui₅ dsa₂ quió'₅, tsá₃ jmo₂₃ jui₁lia'₂ a₂tñi₂₃ jë₄ chi₁'ma₁. Chi₂jua'₂ dsón'₂ jmo'₂ léi₄ le₂nē₅, jmo₄ tē₃ já₅ dsa₂ juin₅.

⁵ Ia₁ ca₂lia'₂ jnia'₅₄ rin'₅₄ bá₄ Jesús tsá₃ jme₁'éin₂ le₃quió'₅.

⁶ Jaun₂ né₃, ca₂juá'₂ Jesús ca₂tsí'₃ riin'₅₄:

[‡] 6:69 A₂lín₅₄ chog₅₄ si₂ juá'₂: “'Ne₂ bá₄ líng'₅ I₂rë₂'ín₁ quián₅ Diú₄; 'ne₂ bá₄ líng'₅ Ja₁ñi'₅₄ Diú₄ jén'₃.” § 6:71 A₂lín₅₄ chog₅₄ si₂ juá'₂: “Judas Iscariote, ja₁ñi'₅₄ Si₂mu₅₄.”

—Tsá₃ ma₂té₂ bá₄ gué₄ hora quió₃ jniá₂, la₁ia₁ tē₂le₃ quián'₂ 'nia'₂, jua'₅₄ 'e₂ gué₃ hora bá₄ dse₃. ⁷ Tsá₃ lé₂ le₃jme₃'iog₅₄ dsa₂ mi₂güig₃ jme₃'ñiai₅₄ 'nia'₂; la₁ia₁ 'iog₅₄ bá₄ jniá₂, 'uig₅₄ ia₁ a₂jáng'₅ jniá₂ jág₁ dsau₅ ja₁con₂ 'éi₂, a₂'lig'₅₄ bá₄ a₂jmo₂₃-dsáu₅. ⁸ O₂nó'₅ 'nia'₂ guiong'₅₄ jmig₄; tsá₃ nei₅₄ jniá₂, ia₁ tsá₃ ma₂dsin₃ gué₄ hora quió₃.

⁹ Jme₁ma₂nē₂chí'₃ riin'₅₄ le₂nē₅, ca₂jñia₃ jē₄ 'uē₃ Galilea.

ñó₃ Jesús Jmig₄ quió'₅ Tsi'₁io₅ Láu₃

¹⁰ La₁ cang₂ gué₄ jaun₂, jme₁ma₂i₂lén₂ rin'₅₄ Jesús, ján₃ bá₄ ca₂ñó₃ 'éi₂ jmig₄ jaun₂, o₁jñia'₅₄ ca₂ñó₃ tē₃ tsá₃ jme₂li₅₄ jin₄ dsa₂ juin₅. Mei'₂ tsá₃ con'₂ tē₃co'₅₄ bá₄ ñó₃.

¹¹ Jaun₂ lē₃, ca₂i₁nio₁ dsa₂ judíos 'nai'₂ Jesús ja₁nio₅ jmig₄, jaun₂ juá'₂:

—¿A₂já'₄ 'en₅₄ dsa₂ 'éi₂?

¹² Jin₄ dsa₂ guē'₂, juin₅ i₂dsia₅ tē₂'ua₁ jin₄ riin'₅₄ a₂'iin₂₃ 'éi₂. I₂lin₅₄ juá'₂: “Dsa₂ dsen₃ bá₄ 'éi₂”, la₁ i₂sián'₂ guē'₂ juá'₂: “On₃jua'₅₄ dsa₂ dsen₃ 'éi₂, ia₁ jme₂gain₂₃ dsa₂.”

¹³ La₁ia₁ lia'₂ 'i₁jan₂ tsá₃ ca₂dsia₃ lia'₂ rē₂jia₃ jág₁ a₂'iin₂₃ 'éi₂, ia₁ a₂gain₃ dsa₂ judíos.

¹⁴ Con'₂ tin₃ dso'₅₄ jmig₄ jme₁ma₂té₂, jaun₂ ca₂'í₃ Jesús i₁dsi₅ guá'₅ templo, jaun₂ ca₂jme₃lióg₃ ca₂jme₃tiin₂₃ dsa₂.

¹⁵ Jaun₂ ca₂i₃gó'₃ dsí₅ dsa₂ judíos jaun₂ ca₂juá'₂:

—¿A₂ lia'₂ ñi₄ lē₃ ma₂tin₂ si₂ i₂nē₅ tē₃ tsá₃ si₂ ca₂'í₂?

¹⁶ Jaun₂ ca₂ñag₃ Jesús:

—Jui₁lia'₂ a₂jme₂tág₂ jniá₂ la₂, on₃jua'₅₄ jág₁ quió₃ 'ñi₃ juá'₅; jág₁ quió'₅ i₂ca₂chei₃ bá₄ la₂. ¹⁷ Chi₂jua'₂ 'ein₂ jan₂ ma₂'ei₅ dsí₅ jmo₃ a₂'ñio₂ dsí₅ Diú₄, le₃ñi₅ bá₄ 'éi₂ 'a₂ lia'₂ lē₅ jág₁ a₂jme₂tág₂ jniá₂, chi₂jua'₂ jás ja₁con₂ Diú₄, o₃ chi₂jua'₂ dsia₂₃ 'a₂ con'₂ ting₂ 'ñi₃.

¹⁸ Jui₁lia'₂ i₂dsia₅ o₄quió'₄ 'ñiog₅, jmo₂₃ le₂jaun₂ ia₁jaun₂ jme₃juag'₂ dsa₂. La₁ jui₁lia'₂ i₂'no'₂ a₂le₃juin'₂ i₂ca₂chei₃, i₂tē₃dsón'₂ bá₄ 'éi₂; 'i₁caun₂ a₂'lig'₅₄ tsá₃ cha₂ja₁coin₂.

¹⁹ '¿On₃jua'₅₄ Moisés ca₂cuē₃ 'Éi'₃ ca₂cuē'₃ 'nia'₂? La₁ia₁, ca₂lia'₂ 'i₁jan₂ 'nia'₂ tsá₃ jme₂ti'₁ Si₂ 'Éi'₃, ¿'E₂ lē₃ 'niog'₂ 'nia'₂ jñág'₄ jniá₂?

²⁰ Jaun₂ ca₂ñag₃ dsa₂:

—'En₅₄ je₂na'₅₄ tē₂'au'₂; ¿'ein₂ 'nio₃ jñi'₃ 'ne₂?

²¹ Jaun₂ ca₂juá'₂ Jesús:

—Caun₂ léi₄ ca₂jmo₃ jniá₂ jmig₄ sa₅₄, jaun₂ ca₂i₃gó'₃ 'au'₂ 'nia'₂ ca₂le₃jíng'₃. ²² Jaun₂ né₃, ca₂jmo₃ Moisés 'éi'₃ a₂ti₃ dsa₂ ni₁lo₁, (la₁ia₁ on₃jua'₅₄ Moisés i₂ca₂jme₃lióg₃; dsa₂ can'₅₄ bá₄ ca₂jme₃lióg₃ ma₂líg'₂). 'Uig₅₄ jaun₂ ti'₂ 'nia'₂ ni₁lo₄ guein₂, o₁jñia'₅₄ tē₃ lē₅ jmig₄ sa₅₄. ²³ Dse₃ bá₄ jaun₂, chi₂jua'₂ jaun₂ ti'₂ 'nia'₂ ni₁lo₄ guein₂ jmig₄ sa₅₄ ia₁jaun₂ tsá₃ dsó₃ 'uē₃ 'Éi'₃ quió'₅ Moisés, ¿'e₂ lē₃ 'ne'₂ 'nia'₂ quian'₅₄ jniá₂, ia₁ ca₂jme₁'liong₁₂ jan₂ dsa₂ ta₁jain₂, tē₃ jmig₄ sa₅₄? ²⁴ Tsá₃ lē₁caun₂ 'nia'₂ 'í₁ a₂jñia'₅₄ con'₂ jniá₂ le₃co'₅₄. Quion₂ bá₄ 'nia'₂ 'í₁ con'₂ dsi₂ten₅₄.

Dsia₅ Jesús a₂juá'₂ a₂já'₄ jás

²⁵ Jaun₂ né₃ ca₂jme₃lióg₃ qui₂ca₂ñag₃ i₂lin₅₄ dsa₂ chan₂ Jerusalén qui₂ca₂ñi'₃ riin'₅₄:

—¿On₃jua'₅₄ i₂nē₅ 'na'₂ dsa₂ a₂jñag'₃ i₂nioi₅₄? ²⁶ Ó₃ bá₄ guē'₂ 'ein₅₄ dsia₂₃ lia'₂ rē₂jia₃ jág₁ jin₄ dsa₂ juin₅, tsá₃ 'ein₂ juá'₂ 'i₁caun₂ quió'₅. ¿O₃ bá₄ dsón'₂ ma₂ca₂rē₃ñi₅ dsi₂tan₅₄, a₂lín₅ dsa₂ nē₅ I₂rē₂'ín₁ quián₅ Diú₄? ²⁷ La₁ ne₄ bá₄ jniog₄ a₂já'₄ jás i₂nē₅; a₂dsau₅, jē₁ma₂té₂ rē₂jia₃ I₂rē₂'ín₁ quián₅ Diú₄, lia'₂ 'i₁jan₂ tsá₃ le₃ñi₅ a₂já'₄ jás.

²⁸ Jaun₂ lē₃, tē₁lia'₂ 'en₅₄ Jesús jme₂tiin₂₃ dsa₂ i₁dsi₅ guá'₅ templo, jaun₂ ca₂juá'₂ tiá₂:

—¿Cui₂' bá₄ 'nia'₂ jniá₂, jaun₂ ñi'₅₄ bá₄ 'nia'₂ 'a₂ guē'₂ guio₃ jniá₂! La₁ on₃jua'₅₄ o₄quió₃ 'ñi₃ guio₃; tē₂le₃ o₄quió'₄ i₂ca₂chei₃ i₂tē₃dsón'₂ bá₄ guang₃. I₂'éi₂ guē'₂, tsá₃ cuin'₂ 'nia'₂.

²⁹ La₁ia₁ jniá₂ cuin₅, ia₁ ja₁con₂ 'éi₂ bá₄ guio₃, jaun₂ 'éi₂ bá₄ ca₂chei₃.

³⁰ Jaun₂ né₃, jme₁'nio₃ dsa₂ jme₁tsáun'₂; la₁ lia'₂ 'i₁jan₂ tsá₃ ca₂téi₂ gu₂, ia₁ tsá₃ jme₁ma₂té₂ bá₄ gué₄ hora quió'₅.

³¹ La₁ia₁ juin₅ dsa₂ 'éi₂ ca₂rē₃'én₂ jág₁ quió'₅, jaun₂ juá'₂:

—Jë₁ma₂të₂ rë₁jiá₃ I₂rë₂'ín₁ quián₅ Diú₄, ¿O₃ bá₄ le₃qui'₅₄ jmi_g₄ jmo₃ léi₄ a₂juë'₂ gué₄ lia'₂ con'₂ gué₄ a₂jmo₅ i₂në₅?*

Ca₂chen₃ dsa₂ fariseos chi'₂ 'i'₅₄ quián₅ guá'₅ a₂tsáin'₂ Jesús

³² Ca₂nág₂ bá₄ dsa₂ fariseos jág₁ a₂ca₂juá'₂ dsa₂ a₂'iin₂₃ Jesús; jaun₂ dsa₂ fariseos 'éi₂ quaiin'₅₄ juig₅₄ jme₂dsa₂, ca₂chein₃ chi'₂ 'i'₅₄ quián₅ guá'₅ a₂tsáin'₂ Jesús jaun₂ të₂. ³³ Jaun₂ né₃ ca₂juá'₂ Jesús:

—Me'₂ bá₄ jmi_g₄ 'ú₄ jniá₂ jin'₂ 'nia'₂, jaun₂ gué₄ né_g₄ táng₃ ja₁con₂ i₂ca₂chei₃. ³⁴ 'Nau'₅₄ 'nia'₂ jniá₂ i₁nio_g₄, la₁ia₁ tsá₃ dsio_g₂ 'nia'₂; ia₁ tsá₃ lé₂ o₁nó'₅ 'nia'₂ ja₁né_g₄.

³⁵ Jaun₂ né₃, ca₂jme₃lió_g₃ dsa₂ judíos qui₂ca₂ñi'₃ riin'₅₄:

—¿A₂já'₄ dsí₂jio_g₅ dsí₅ i₂në₅ dsó₃, a₂tsá₃ dsaiin'₂ jnio_g₄? ¿On₃ bá₄ dsó₃ jin₄ dsa₂ go₄ jnio_g₄ i₂tian'₅ tsí₁rë₂jan₅₄ jin₄ dsa₂ griegos, ia₁jaun₂ jme₃tiin₂₃ dsa₂ griegos? ³⁶ ¿'E₂ jein₅ jág₁ a₂në₂juá'₂ në₅: “'Nau'₅₄ 'nia'₂ jniá₂ i₁nio_g₄, la₁ia₁ tsá₃ dsio_g₂ 'nia'₂, ia₁ tsá₃ lé₂ o₁nó'₅ 'nia'₂ ja₁né_g₄”?

Jui₁lia'₂ caun₂ jmi_g₂ cuá₃ jén'₃

³⁷ Jmi_g₄ juë'₂ dé₄ dsón'₂ jë₁ca₂tó'₂ quió'₅ jmi_g₄, ca₂nau₂ Jesús, jaun₂ ca₂juá'₂ tiá₂:

—Në₁juá'₂ 'ein₂ rë₂quein₂ dsí₅, jui₁jia₂ ja₁con₂ jniá₂, jui₁'en'₅₄ jmi_g₂. ³⁸ Jui₁lia'₂ juá'₂ Si₂, jui₁lia'₂ dsa₂ i₂'én₂ të₂le₃ quió₃ jniá₂, 'iá₃ të₂tsí₅ në₂jag₄ bá₄ jmi_g₂ cuá₃ a₂jén'₃.†

³⁹ La₁ a₂juá'₂ le₂në₅ a₂'iin₂₃ jme₂dsí₂ jñiós₂ i₂jme₁ma₂'i₄ 'éi'₃ guen₃ dsa₂ i₂'én₂ të₂le₃ quió'₅; ia₁ tsá₃ jme₁ma₂guan₅ bá₄ gué₄ jme₂dsí₂, ia₁ tsá₃ gué₄ jme₁ma₂ca₂rë₃juin'₂ Jesús.

Ca₂lë₃ le₁dson'₅₄ dsa₂

⁴⁰ I₂lin₅₄ dsa₂ i₂jme₁tion'₅₄ ja₁jaun₂, jme₁ca₂nág₂ a₂juá'₂ Jesús, ca₂juá'₂:

—Dsón'₂ bá₄ i₂në₅ dsa₂ i₂'é₂ jág₁ quián₅ Diú₄ i₂lé₅ jág₁ jiá₃ 'éi₂.

⁴¹ I₂lin₅₄ guë'₂ juá'₂:

—I₂rë₂'ín₁ quián₅ Diú₄ bá₄ në₅.

La₁ia₁ i₂sián'₂ guë'₂ ca₂juá'₂:

—¿'A₂ bá₄ lia'₂ lé₂ le₃chan₂ Galilea I₂rë₂'ín₁ quián₅ Diú₄? ⁴² ¿Tsa₁ juá'₂ Si₂, tsí₁jon₂ Rag₅₄ David bá₄ tion₅₄ lén₂ I₂rë₂'ín₁ quián₅ Diú₄, jaun₂ jë₄ juig₂ Belén bá₄ le₃chain₂, juig₂ go₄ David 'ñio_g₅?

⁴³ Jaun₂ né₃, le₁dson'₅₄ bá₄ dsa₂ ca₂lë₃ o₄quió'₄ Jesús.

⁴⁴ Jme₁'nio₃ i₂lin₅₄ tsáun'₂, la₁ ca₂lia'₂ 'i₁jan₂ tsá₃ 'ein₂ ca₂téi₂ gu₂.

Tsá₃ 'én₂ dsa₂ can'₅₄ të₂le₃ quió'₅ Jesús

⁴⁵ Jaun₂ ca₂dsi₃len₃ táng₃ chi'₂ 'i'₅₄ quián₅ guá'₅ ja₁jme₁tion'₅₄ juig₅₄ jme₂dsa₂ quian'₅₄ dsa₂ fariseos, jaun₂ ca₂ñag₃ 'éi₂ ca₂ñi'₃ chi'₂ 'i'₅₄:

—¿'E₂ 'uig₅₄ tsá₃ në₂te'₅₄ 'nia'₂ 'éi₂?

⁴⁶ Jaun₂ ca₂ñag₃ chi'₂ 'i'₅₄:

—¡Lia'₂ 'i₁cón'₂ tsá₃ 'ein₂ dsa₂ ma₂juá'₂ jág₁ jui₁lia'₂ juá'₂ dsa₂ 'éi₂!

⁴⁷ Jaun₂ né₃ ca₂juá'₂ dsa₂ fariseos:

—¿O₃ bá₄ ma₂jme₃gau₅ dsa₂ 'éi₂ quián'₂ 'nia'₂ ján₃? ⁴⁸ 'I₁jan₂ dsa₂ can'₅₄ juig₅₄ jnio_g₄, on₃ guë'₂ dsa₂ fariseos, tsá₃ ma₂ca₂rë₃'én₂ le₃quió'₅ 'éi₂, jme₁né₄. ⁴⁹ La₁ dsa₂ lë₁dsa₂ i₂tion'₅₄ në₅, tsá₃ cuí'₅ Si₂ 'Éi'₃. Ma₂tioin'₅₄ ne₄ jmi₁uig₅ a₂ma₂rë₂'é₂ ja₁coin₂.‡

⁵⁰ Jin₄ dsa₂ fariseos 'éi₂ jme₁'en₅₄ Nicodemo, i₂jme₁ma₂ñe₄ i₁jñin₅₄ Jesús le₂jñiá₅.§ 'Éi₂ né₃ ca₂ñag₃:

⁵¹ —Jui₁lia'₂ con'₂ lé₅ juá'₂ Si₂ 'Éi'₃ quián₂, ¿lé₂ le₃qui₁dsi₅ 'éi'₃ ja₁con₂ jan₂ dsa₂, të₃ tsá₃ ma₂në₂néi₂ jág₁ quió'₅, a₂juá'₂ 'e₂ a₂ma₂jmo₃?

⁵² Jaun₂ né₃ ca₂ñag₃ riin'₅₄:

* 7:31 'Nio'₂ ja₁ton₅ Isaías 35:5-6. † 7:38 'Nio'₂ ja₁ton₅ Isaías 44:3; 55:1. ‡ 7:49 'Nio'₂ ja₁ton₅ Deuteronomio 27:14-26. § 7:50 A₂lin₅₄ chog₅₄ si₂juá'₂: “i₁jñin₅₄ Jesús a₂'uë₂ jaun₂.”

—¿Ján₃ bá₄ lín'₅ 'ne₂ jan₂ dsa₂ i₂chan₂ Galilea? 'Í₂ dse₃ ne₄ Si₂, jaun₂ jag'₅₄, lia'₂ 'i₁jan₂ dsa₂ i₂'é₂ jág₁ quián₅ Diú₄ tsá₃ já₅ 'uë₃ Galilea.*

⁵³ Jaun₂ gué₄ i₃len₃ le₂jan₂ le₂jan₂ dsa₂ ja₁quió'₄.

8

Jan₂ 'io₅₄ i₂ca₂tán'₂ dso₄

¹ La₁ ca₂ñó₃ bá₄ Jesús jui₅ Má'₂ Olivos. ² Jme₁jnia₃ jaun₂ táng₃, ca₂guáin'₃ i₁dsi₅ guá'₅ templo. Ja₁jaun₂ ca₂jme₃quián₃ ca₂le₃jín₃ dsa₂. Jaun₂ ca₂guá₂ Jesús, jaun₂ ca₂jme₃lióg₃ jme₂tiin₂₃ dsa₂. ³ Jaun₂ né₃, ca₂o₃jnia₃ tē₅juá'₅ quian'₅₄ dsa₂ fairseos ca₂o₃jñiai₃ jan₂ 'io₅₄ i₂ca₂join₃ jme₁'ein₅₄ quian'₅₄ dsa₂ ñe'₂. Jaun₂ ca₂chei'₃ dsi₂jo₂ jē₄ quió'₅ dsa₂ i₂tion'₅₄ ja₁jaun₂.

⁴ Jaun₂ ca₂juá'₂ ca₂tsí'₃ Jesús:

—Tē₅, ca₂jón₂ 'io₅₄ la₂ nió'₅ jág₁ quian'₅₄ dsa₂ ñe'₂ on₃jua'₅₄ dsi₂i₂gu₂. ⁵ Nē₃ né₃, ne₄ Si₂ 'Éi'₃, juá'₂ Moisés a₂ñí'₄ jnia'₅₄ jan₂ 'io₅₄ le₂la₂, a₂qui₁dsiin₅ jnia'₅₄ cang₄. ¿'Ne₂ guè'₂, 'a₂ lia'₂ juá'₂?

⁶ Ca₂juá'₂ dsa₂ le₂nē₅ ia₁ a₂cáin₂ táu₂ Jesús, ia₁jaun₂ cuin₃ jmig₄ bóg'₂ dso₄. La₁ ca₂guá₂ Jesús i₁sióg'₅ 'uë₃, jaun₂ ca₂jme₃lióg₃ ca₂jmóg'₃ letras ne₄ 'uë₃ quian'₅₄ nei'₅₄ chi₁gú₃.

⁷ La₁ caun₂ tióin'₅₄ qui₂ñag₂₃ qui₂ñí'₂ Jesús, jaun₂ ca₂nau₂, ca₂juá'₂ ca₂tsí'₃ dsa₂:

—Chi₂jua'₂ 'ein₂ jan₂ 'nia'₂ i₂tsá₃ dso₄ rē₂cán'₄, o₁tiong₅₄ le₂'uig₅₄ ca₂míg₂ ni₁cang₁ jui₁qui'₅₄ quió'₅ 'io₅₄.

⁸ Jaun₂ ca₂guá₂ táng₃ i₁sióg'₅ 'uë₃, jmóg'₅ letras a₂tsáng₂ 'uë₃.

⁹ La₁ jme₁ca₂nág₂ dsa₂ jág₁ a₂ca₂juá'₂ Jesús,* jaun₂ ca₂jme₃lióg₃ qui₂ca₂'u₁in₂ bá₄ le₂jain₂ le₂jain₂, jñiá₅ de'₂ dsa₂ i₂ma₂guen'₂ ca₂'u₁in₂ ne₄ jui₅. Jaun₂ jme₁ma₂ca₂'u₁in₂ ca₂le₃jín₃ dsa₂, 'ñiog₅ bá₄ Jesús tē₁tsiin'₅₄ quian'₅₄ 'io₅₄ 'éi₂, i₂chén'₅ dsi₂jo₂ jaun₂.

¹⁰ Jaun₂ né₃ ca₂nau₂ Jesús,† jaun₂ ca₂juá'₂ ca₂tsí'₃ 'io₅₄:

—'io₅₄, ¿na₅ dsa₂?‡ ¿Tsa₁ 'ein₂ nē₂'é₂ uig₅?

¹¹ Jaun₂ ca₂juá'₂ 'io₅₄:

—Jan₂ 'ón₄. Lia'₂ 'i₁jan₂ dsa₂, Te₁gui'₅₄.

Jaun₂ né₃ ca₂juá'₂ Jesús:

—On₃ guè'₂ jniá₂ 'é₄ uig₅ quiáng'₂; guan'₂ né₃, la₁ tsá₃ ma₃lë₁'nau₂ dso₄.

Lín₅ Jesús si₂ a₂tág₅ quió'₅ dsa₂ mi₂güüg₃

¹² Ca₂juá'₂ táng₃ Jesús tsí'₅ dsa₂, a₂juá'₂:

—Jniá₂ líng₅ si₂ i₂jmo₅ tág₅ jui₅ quió'₅ dsa₂ mi₂güüg₃; jui₁lia'₂ i₂'ein₅ jniá₂, lia'₂ o₁líg'₂ tsá₃ ma₃ñi₃ jē₄ qui₁né₃, ton'₂ qui₃'io₃ si₂ a₂jmo₅ a₂chain₂.

¹³ Jaun₂ né₃ ca₂juá'₂ dsa₂ fariseos ca₂tsí'₃ Jesús:

—'Ne₂ jáng'₂ jág₁ dsau₅ tē₂le₃ quián'₂ 'ñiag'₂; 'uig₅₄ jaun₂ tsá₃ quen₅ jág₁ quiáng'₂ a₂jáng'₂.

¹⁴ Jaun₂ ca₂ñag₃ Jesús ca₂tsí'₃ dsa₂:

—Jui₁lia'₂ a₂juá'₅ jniá₂, quen₅ bá₄, o₁jñia'₅₄ 'ñi₃ jniá₂ jáng'₅ jág₁ dsau₅ tē₂le₃ quió₃ 'ñi₃. Ia₁ guion₄ bá₄ jniá₂ a₂já'₄ guio₃, a₂já'₄ nég'₄ né₃; la₁ia₁ 'nia'₂ né₃, tsá₃ ñi'₅₄ 'nia'₂ a₂já'₄ guio₃, on₃ guè'₂ a₂já'₄ nég'₄. ¹⁵ 'Nia'₂ guè'₂ cáun'₂ 'í₁ lia'₂ con'₂ lé₅ 'éi'₃ quió'₅ dsa₂ mi₂güüg₃. Jniá₂ né₃ tsá₃ 'í₁ cáun₅ jniá₂ jua'₅₄ a₂qui₂dsí₂ 'éi'₃ ja₁con₂ 'i₁jan₂. ¹⁶ La₁ia₁ chi₂jua'₂ cáun₅ jniá₂ 'í₁, dse₃ dsi₂ten₅₄ bá₄ 'éi'₃ a₂qui₂dsí₂ jniá₂, ia₁ on₃jua'₅₄ jniá₂ 'ñi₃ cáun₅ 'í₁; qui₂dsí₂ jniá₂ 'éi'₃ co₂lë₅ quiang'₅₄ i₂ca₂chei₃ bá₄. ¹⁷ Ján₃ bá₄ ca₂tē₂ ne₄ Si₂ 'Éi'₃ quián'₂ 'nia'₂, rē₂ton₅ juá'₂,

* 7:52 Ne₄ chog₅₄ si₂ a₂gui'₅₄ gué₄, tsá₃ le₁ton₅ Juan 7:53–8:11. * 8:9 A₂lín₅₄ chog₅₄ si₂ juá'₂ ján₃: “ca₂jéin'₃ o₂guí'₃ ia₁ rē₂cáin'₄ dso₄ guioin₅₄.” † 8:10 A₂lín₅₄ chog₅₄ si₂ juá'₂ ján₃: “ia₁ tsá₃ ca₂jág₃ jua'₅₄ tión₂ gué₄ i₂sián'₂, jñia'₅₄ lia'₂ 'io₅₄ 'éi₂.” ‡ 8:10 A₂lín₅₄ chog₅₄ si₂ juá'₂ ján₃: “i₂'nag₅ quiáng'₂.”

në₁jua'₂ on₃ dsa₂ lé₂ i₂jáng'₅ jág₁ dsau₅, a₂quen₅ bá₄ jág₁ quió'₅. ¹⁸ Jniá₂ líng₅ i₂jáng'₅ jág₁ dsau₅ të₂le₃ quió'₃ 'ñiós; ñe'₃ jniá₂ i₂ca₂chei₃ guë'₂, lín₅ táng₃ jan₂ i₂jáng'₅ jág₁ dsau₅.

¹⁹ Jaun₂ né₃ ca₂ñag₃ dsa₂ fariseos ca₂ñí'₃ Jesús:

—¿Na₅ ñéi'₅ 'ne₂?

Jaun₂ ca₂ñag₃ Jesús:

—Tsá₃ cuiğ'₂ 'nia'₂ jniá₂, on₃ guë'₂ ñe'₃ jniá₂ cuin'₂ 'nia'₂; jua'₅₄ mei'₂ guë'₃ cuiğ'₂ 'nia'₂ jniá₂, ján₃ bá₄ jme₁le₃cuin'₂ 'nia'₂ ñe'₃.

²⁰ Ca₂juá'₂ Jesús le₂në₅ të₁lia'₂ jme₁'ein₅₄ jme₂tün₂₃ dsa₂ i₁dsi₅ guá'₅ templo, cau₅ ja₁jme₁tióng₂ tsi₁gu₅ quió'₅ cu₄ guá'₅. La₁ia₁, lia'₂ 'i₁jan₂ tsá₃ 'ein₂ ca₂ñau'₃, ia₁ tsá₃ jme₁ma₂té₂ bá₄ guë'₄ hora quió'₅.

“Jui₁lia'₂ ja₁né'₄ jniá₂, tsá₃ lé₂ o₁nó'₅ 'nia'₂”

²¹ Con'₂ siá'₂ táng₃ ca₂juá'₂ Jesús ca₂tsí'₃ dsa₂:

—Në'₄ jniá₂; jaun₂ 'nia'₂ guë'₂, 'náu'₂ jniá₂ i₁niog'₄, la₁ia₁ dsián'₃ 'nia'₂ të₃ rë₂cán'₄ 'nia'₂ dsáu'₂; ja₁né'₄ jniá₂, tsá₃ lé₂ o₁nó'₅ 'nia'₂.

²² Jaun₂ né₃ ca₂juá'₂ dsa₂ judíos:

—¿O₃ bá₄ a₂ñí'₃ 'e₂ 'ñiog₅, jaun₂ guë'₂ juá'₂ tsá₃ lé₂ dsi₁náu₄ jniog₄ ja₁dsáin'₃?

²³ Jaun₂ ca₂juá'₂ Jesús:

—Dsa₂ chan₂ gua'₅₄ 'uë₃ la₂ bá₄ lín'₅ 'nia'₂; jniá₂ né₃, líng₅ i₂chan₂ guei'₅₄. Dsa₂ i₂tén₅ mi₂güüg₃ la₂ bá₄ lín'₅ 'nia'₂; jniá₂ né₃ tsá₃ téng₅ mi₂güüg₃ la₂. ²⁴ 'Uig₅₄ jaun₂ bá₄ në₂juíg₂ jniá₂ 'nia'₂ a₂dsiáng'₃ të₃ rë₂cáng'₄ jaun₂ dsáu'₂. Ia₁ chi₂jua'₂ tsá₃ 'én'₂ 'nia'₂, jniá₂ bá₄ líng₅ 'éi₂, § dsiáng'₃ 'nia'₂ qui₂rë₂cáng'₄ dsáu'₂.

²⁵ Jaun₂ né₃ ca₂ñag₃ dsa₂ judíos ca₂ñí'₃ Jesús:

—¿Ein₂ bá₄ lín'₅ 'ne₂?

Jaun₂ ca₂ñag₃ Jesús:

—Le₂jaun₂ jui₁lia'₂ ma₂qui₂ma₂juíg₂ jniá₂ 'nia'₂ ca₃le₂'uig₅₄. * ²⁶ 'Lióng₂ bá₄ 'uig₅₄ cha₂ a₂le₃juá'₄ jniá₂ a₂qui₁dsi₅ jniá₂ 'éi'₃ ja₁con'₂ 'nia'₂. La₁ tí₅ bá₄ jág₁ quió'₅ i₂ca₂chei₃. Jaun₂ jniá₂ né₃, jág₁ a₂ma₂ñag₃ ja₁coin₂, a₂jaun₂ bá₄ juíg₂ jniá₂ dsa₂ mi₂güüg₃.

²⁷ La₁ tsá₃ ca₂rë₃ñí'₂ dsa₂, a₂jme₁juá'₂ Jesús tsí'₅ dsa₂ 'éi₂, a₂'iin₂₃ Jmei₂.

²⁸ 'Uig₅₄ jaun₂ ca₂juá'₂ Jesús:

—Jë₁ma₂té₂ rë₁chóng'₄ 'nia'₂ Jaun₅ dsa₂ mi₂güüg₃, jaun₂ guë'₄ le₃ñi'₅₄ 'nia'₂ a₂lín₅ jniá₂ 'éi₂; † le₃ñi'₅₄ 'nia'₂, a₂tsá₃ jmo₅ jniá₂ 'i₁caun₂ të₂le₃ o₄quió'₃ 'ñio₃, jñia'₅₄ lia'₂ a₂jaun₂ bá₄ juá'₅ jniá₂ jui₁lia'₂ a₂ma₂ca₂jme₃tag₅ ñe'₃. ²⁹ Ia₁ i₂ca₂chei₃ 'ein₅₄ quian'₅₄ jniá₂, tsá₃ jua'₅₄ ma₂téin₂ jniá₂ 'ñiós, ia₁ lia'₂ co₂tan₅₄ bá₄ jmo₅ jniá₂ a₂'ñio₂ dsí₅ 'éi₂.

³⁰ Lia'₂ jme₁juá'₂ Jesús jág₁ në₅, juin₅ lín₃ dsa₂ ca₂rë₃'én₂ le₃quió'₅.

*Chi'*₂-guein₂ quián₅ Diú₄, quian'₅₄ dsa₂ i₂qui₂le₁'ñe'₅₄ 'uig₅₄ dsáu₁

³¹ Jaun₂ né₃ ca₂juá'₂ Jesús ca₂tsí'₃ dsa₂ judíos i₂ca₂rë₃'én₂ le₃quió'₅:

—Në₁jua'₂ të₁ñiá'₄ 'nia'₂ le₃quió'₅ jág₁ quió'₃, dsón'₂ bá₄ lín'₅ 'nia'₂ dsa₂ i₂quian'₅₄ jniá₂;

³² jaun₂ le₃cuin'₂ 'nia'₂ jág₁ dsau₅, jaun₂ jág₁ dsau₅ né₃, jmo₃ qui₃chen'₂ 'nia'₂.

³³ Jaun₂ ca₂ñag₃ dsa₂ 'éi₂ ca₂tsí'₃ Jesús:

—Lág₅ jnia'₅₄ dsa₂ tsi₁jon₂ Abraham, jaun₂ lia'₂ 'i₁cón'₂ tsá₃ ma₂lag₃ jnia'₅₄ dsa₂ i₂le₁'ñe'₅₄ ne₄ 'i₁jan₂. ¿'A₂ guë'₂ lia'₂ juá'₂ 'ne₂ jaun₂ a₂qui₃chei'₂ jnia'₅₄?

³⁴ Jaun₂ ca₂juá'₂ Jesús:

—A₂dsi₂jó'₃ juíg₂ jniá₂ 'nia'₂, jui₁lia'₂ ca₂le₃jín₃ dsa₂ i₂'no₅ dso₄, qui₂le₁'ñe'₅₄ ne₄ dsáu₁.

³⁵ Jui₁lia'₂ jan₂ dsa₂ i₂chi₁'ñe'₅₄ né₃, tsá₃ jua'₅₄ të₃ñiá'₄ co₂tan₅₄ dsi₂néi₂ quió'₅ juig₅₄; la₁ia₁ chi'₂ ja₁ñi'₅₄ né₃, co₂tan₅₄ bá₄ téin₅ dsi₂néi₂ jaun₂. ³⁶ Jaun₂ né₃, chi₂jua'₂ ca₂chéi'₂ Ja₁ñi'₅₄

§ 8:24 o₃, “jniá₂ bá₄ líng₅.” * 8:25 o₃, “¿'E₂ jaun₂ ma₂qui₂ma₂juíg₂ jniá₂ 'nia'₂ ca₃le₂'uig₅₄?”

† 8:28 o₃, “le₃ñi'₅₄ 'nia'₂, jniá₂ líng₅.”

ca₂chéin' ₂ 'nia' ₂, jaun₂ bá₄ lén' ₂ 'nia' ₂ dsa₂ i₂le₁tsin' ₁ tē₃dsón' ₂. ³⁷Ma₂guion₄ bá₄jníá₂ jaun₂ a₂lín' ₅ 'nia' ₂ tsi₁jon₂ Abraham; la₁ia₁ 'niog' ₂ 'nia' ₂ jnág' ₄ jníá₂, ia₁ a₂tsá₃ guei' ₂ 'nia' ₂ 'e₂ a₂juá' ₅ jníá₂. ³⁸Jníá₂ né₃ juá' ₅ juíg₂ 'nia' ₂ jui₁lia' ₂ 'e₂ a₂ma₂jág₃ ja₁con₂ ŋe' ₃; 'nia' ₂ né₃, jmo' ₂ 'e₂ a₂ma₂nei' ₂ 'nia' ₂ ja₁con₂ ŋéi' ₅.

³⁹Jaun₂ ca₂ŋag₃ dsa₂ 'éi₂ ca₂tsí' ₃ Jesús:

—Abraham bá₄ jme₁lín₄ jmei₂ jnia' ₅₄ ma₂líg' ₂.

La₁ ca₂juá' ₂ Jesús ca₂tsí' ₃ dsa₂ 'éi₂:

—Jua' ₅₄ mei' ₂ gué₃ lín' ₅ 'nia' ₂ chi' ₂-guein₂ quián₅ Abraham, jaun₂ jme₁jmo' ₂ 'nia' ₂ jui₁lia' ₂ a₂ca₂jmo₃ 'éi₂. ⁴⁰La₁ia₁ 'nia' ₂ né₃ 'niog' ₂ jnág' ₄ jníá₂, o₁jnia' ₅₄ ma₂nē₂juíg₂ jníá₂ 'nia' ₂ jág₁ tí₅ tē₃dsón' ₂ a₂ma₂ca₂jme₃tag₅ Diú₄ jníá₂. Tsá₃ le₂nē₅ ca₂jmo₃ Abraham. ⁴¹'Nia' ₂ né₃, le₂jaun₂ bá₄ jmo' ₂ jui₁lia' ₂ jmo₅ ŋéi' ₅.

Jaun₂ né₃ ca₂juá' ₂ dsa₂ 'éi₂:

—La₁ on₃jua' ₅₄ jnia' ₅₄ lág₅ guein₂ i₂lē₁chan₂; jan₂ bá₄ jmei₂ jnia' ₅₄ chan₂; i₂'éi₂ lín₅ Diú₄.

⁴²Jaun₂ né₃ ca₂juá' ₂ Jesús:

—Jua' ₅₄ mei' ₂ gué₃ tē₃dsón' ₂ Diú₄ lín₅ ŋéi' ₅ 'nia' ₂, jme₁jme₁'nió' ₄ bá₄ 'nia' ₂ jníá₂, ia₁ ja₁con₂ Diú₄ bá₄ 'uín₂ jníá₂; jaun₂ la₂ ma₂guio₃. On₃jua' ₅₄ o₄quió₃ 'ŋi₃o₃ guio₃; o₄quió' ₄ i₂ca₂chei₃ bá₄ jníá₂ guio₃. ⁴³¿'E₂ lē₃ tsá₃ lé₂ le₃ŋí' ₂ 'nia' ₂ jág₁ a₂juá' ₅ jníá₂? 'Uig₅₄ ia₁ a₂tsá₃ tian' ₃ 'nia' ₂ nág' ₁ jág₁ a₂'é₅ jníá₂. ⁴⁴'Nia' ₂ bá₄ rē' ₂ téng' ₅ le₃quió' ₅ i₂sē₃dsen₃ ŋéi' ₅ 'nia' ₂. Jaun₂ 'ín₅ 'au' ₂ jmó' ₂ 'e₂ a₂'ŋio₂ dsí₅ 'éi₂. Lia' ₂ con' ₂ le₂'uig₅₄ bá₄ jaun₂ lín₅ jan₂ i₂jme₂dsian₅ dsa₂. Tsá₃ le₃quió' ₅ jág₁ dsau₅ chéin' ₅, ia₁ 'i₁ca₂míg₂ jág₁ dsau₅ tsá₃ cha₂ ja₁coin₂. Jē₁ma₂ca₂juá' ₂ jág₁ tē₂jág₁, juá' ₂ bá₄ jui₁lia' ₂ tīn₂ 'ŋiog₅, ia₁ i₂tē₂jín₁ bá₄ 'éi₂, jaun₂ lín₅ jmei₂ dsa₂ tē₂jín₁. ⁴⁵La₁ia₁, 'uig₅₄ ia₁ a₂juá' ₅ jníá₂ jág₁ dsau₅ né₃, tsá₃ 'éng' ₂ jág₁ quió₃. ⁴⁶¿I₂'ein₂ 'nia' ₂ qui' ₅₄ jmíg₄ cáun₂ 'í₁ a₂rín₂ jníá₂ dso₄? Chi₂jua' ₂ juá' ₅ jníá₂ jág₁ dsau₅, ¿'E₂ lē₃ tsá₃ 'én' ₂ 'nia' ₂ jág₁ quió₃? ⁴⁷Jui₁lia' ₂ i₂tén₅ le₃quió' ₅ Diú₄, nag₂₃ jág₁ quió' ₅ Diú₄. 'Uig₅₄ jaun₂ bá₄ tsá₃ nag' ₂ 'nia' ₂ jág₁; ia₁ tsá₃ tén' ₅ 'nia' ₂ le₃quió' ₅ Diú₄.

Né' ₃ gué₄ a₂le₃chan₂ Abraham, jme₁ma₂chan₂ bá₄ Te₁gui' ₅₄

⁴⁸Jaun₂ né₃ ca₂ŋag₃ dsa₂ judíos ca₂ŋí' ₃ Jesús:

—¿Tsa₁ dsau₅ jág₁ a₂jua' ₂ jnia' ₅₄, dsa₂ chan₂ Samaria bá₄ lín' ₅ 'ne₂; a₂'en₅₄ jan₂ je₂na' ₅₄ tē₂'au' ₂ né₃?

⁴⁹Jaun₂ ca₂ŋag₃ Jesús:

—Lia' ₂ 'i₁jan₂ je₂na' ₅₄ tsá₃ 'en₅₄ tē₂dsí₃. A₂jaun₂ bá₄ jmo₅ jníá₂ a₂jme₂juín' ₁ jníá₂ ŋe' ₃; 'nia' ₂ gué' ₂, tsá₃ jme₂go' ₃ jníá₂. ⁵⁰Tsá₃ a₂jaun₂ 'náu' ₅ jníá₂ a₂jme₃juag' ₂ dsa₂, la₁ chan₂ jan₂ i₂'no' ₂ a₂jme₃juag' ₂ dsa₂ jníá₂, ton' ₂ 'éi₂ bá₄ con₂ jág₁ dsau₅. ⁵¹A₂dsi₂jó' ₃ juíg₂ jníá₂ 'nia' ₂, chi₂jua' ₂ 'ein₂ dsa₂ i₂tón' ₂ jui₅ jág₁ quió₃, lia' ₂ o₁líg' ₂ jmíg₄ tsá₃ dsí₃ŋí₅₄ 'mú₃.

⁵²Jaun₂ né₃ ca₂ŋag₃ dsa₂ judíos:

—Nē₃ gué₄ dsón' ₂ jag₂ jnia' ₅₄ a₂'en₅₄ jan₂ je₂na' ₅₄ tē₂'au' ₂. Ia₁ ma₂ca₂jon₃ Abraham lia' ₂ jma₃quian' ₅₄ dsa₂ i₂qui₂ca₂'é₂ jág₁ quián₅ Diú₄; 'ne₂ gué' ₂ juá' ₂: “Jui₁lia' ₂ i₂tón' ₂ jui₅ jág₁ quió₃, tsá₃ líg' ₂ dsí₃ŋí₅₄ 'mú₃.” ⁵³¿O₃ bá₄ 'ŋio₅ lín₃ gué₄ juín' ₂ 'ne₂ lia' ₂ con' ₂ gué₄ Abraham 'lag₄ jmei₂ jnia' ₅₄? Ca₂jon₃ bá₄ 'éi₂, ján₃ bá₄ le₂jaun₂ qui₂ca₂dsan₃ dsa₂ i₂jme₁'é₂ jág₁ quián₅ Diú₄. ¿'Ein₂ lín' ₂ 'ne₂ líng' ₅?

⁵⁴Jaun₂ ca₂ŋag₃ Jesús:

—Chi₂jua' ₂ 'ŋi₃o₃ jníá₂ jme₂juíng' ₂, tsá₃ 'e₂ quen₅ a₂jaun₂. La₁ia₁ jui₁lia' ₂ i₂jme₂juag' ₂ jníá₂, ŋe' ₃ bá₄ jníá₂ 'éi₂, i₂'ín' ₅ 'nia' ₂ lín₅ Diú₄ quiáng' ₂. ⁵⁵O₁jnia' ₅₄ tsá₃ cuín' ₂ 'nia' ₂ 'éi₂, la₁ cuín₅ bá₄ jníá₂ 'éi₂. Jua' ₅₄ mei' ₂ gué₃ juá' ₅ jníá₂ a₂tsá₃ cuín₅, jme₁lén₂ jníá₂ jan₂ i₂tē₂jín₁ jui₁lia' ₂ lín' ₅ 'nia' ₂. La₁ia₁ dsón' ₂ bá₄ cuín₅ jníá₂ 'éi₂, jaun₂ tón' ₅ bá₄ jníá₂ jui₅ jág₁ quió' ₅.

⁵⁶ Ca₂jmo₃ 'io'₂ Abraham, 'lag₄ ηéi'₅ 'nia'₂, ia₁ jme₁'ín₂ dsí₅ jág₃ jmi₄ i₁guan₃ jniá₂; jaun₂ ca₂jág₃, jaun₂ 'ηio₅ lin₃ 'io'₂ ca₂jén'₃.

⁵⁷ Jaun₂ né₃ ca₂juá'₂ dsa₂ judíos ca₂tsí'₃ Jesús:

—Tsá₃ ma₂'eng'₅₄ bá₄ gué₄ tē₂láu₃-guiá₂ ηi₂. ¿'A₂ gué'₂ lia'₂ juá'₂ 'ne₂ a₂ma₂jing'₅₄ 'lag₄ Abraham?

⁵⁸ Jaun₂ ca₂ηag₃ Jesús:

—A₂dsi₂jó'₃ juig₂ jniá₂ 'nia'₂, né'₃ gué₄ a₂le₃chan₂ Abraham, jniá₂ líng₅.[‡]

⁵⁹ Jaun₂ né₃ qui₂ca₂ηa'₃ cang₄ a₂jme₁qui'₃ quió'₅. La₁ ca₂'ma₃ bá₄ Jesús, jaun₂ o₂'íin₃ i₁dsi₅ guá'₅ templo.[§]

9

Ca₂jme₃ 'lión₂ Jesús jan₂ dsa₂ i₂ten₄ ca₂rē₃chán₃

¹ Jme₁ca₂ηii₅ jaun₂, ca₂jíin₂ jan₂ dsa₂ i₂ten₄ ca₂rē₃chán₃. ² Jaun₂ ca₂ηag₃ chi'₂ dsi₂guia₃-tín₂ quiáin₅:

—Tē₅, ¿'ein₂ bá₄ ca₂'náu₂ dso₄? ¿Dsa₂ la₂, o₃ chog₅₄-jmei₂ 'e₂, a₂ca₂rē₃chán₃ tein₅₄?

³ Jaun₂ ca₂juá'₂ Jesús:

—On₃juá'₅₄ 'uig₅₄ dsáu₂ 'ηiog₅, on₃ gué'₂ 'uig₅₄ dsáu₁ chog₅₄-jmei₂; a₂jaun₂ bá₄ ca₂lē₃ ia₁jaun₂ le₃jniá₂ jui₅bí₂ quió'₅ Diú₄ ja₁coin₂. ⁴ Ca₂tág₂ jniog₄ jmó₁ ta₁* quió'₅ i₂ca₂chei₃ jniá₂ tē₁lia'₂ jniá₂ gué₄; ia₁ ma₂ja₂quián₃ néi₃, jē₁tsá₃ ma₃'ein₂ lé₂ le₃jmo₃ ta₁. ⁵ Tē₁lia'₂ 'en₅₄ jniá₂ mi₂güü₃ la₂, líng₅ si₂ a₂tág₅ ja₁con₂ dsa₂ mi₂güü₃.

⁶ Jme₁ca₂dsan₃ juá'₂ le₂nē₅, jaun₂ ca₂'ηéi₃ 'uē₃, ca₂jmo₃ ca₂juig₄ jein₂ quian'₅₄ jmi₁'é'₅ quió'₅, jaun₂ ca₂tsáng₂ jme₁ne₁ dsa₂ ten₄. ⁷ Jaun₂ ca₂juá'₂ ca₂tsí'₃ dsa₂ 'éi₂:

—Gua₂ o₂rang₂ quiáng'₂ Dsiog₅ Siloé —co₂'nió'₄ le₃juá'₅₄ jág₁, l₂chen₄, a₂chei₂ dsiog₅ jaun₂.

Jaun₂ ca₂ηó₃ i₁rang₂ quió'₅, jaun₂ jme₁guáin'₃ táng₃ jaun₂, ma₂jág₅ bá₄.

⁸ Jaun₂ qui₂ca₂ηag₃ dsa₂ i₂tián'₅ cau₅ quió'₅, quian'₅₄ dsa₂ i₂jme₁ma₂ca₂jág₂ mi₅ 'éi₂ cu₄ le₂jniá₅, ca₂juá'₂:

—¿On₁juá'₅₄ dsa₂ nē₅ 'éi₂ i₂jme₁gua₂ mi₅ a₂jme₃'o₅₄ dsa₂ cu₄?

⁹ I₂lín₅₄ juá'₂:

—'Éi₂ bá₄ nē₅.

I₂sián'₂ gué'₂ juá'₂:

—On₃juá'₅₄ 'éi₂ nē₅, la₁ia₁ mei'₂ tsá₃ le₂jaun₂ jniá₂.

La₁ ca₂juá'₂ dsa₂ 'éi₂ 'ηiog₅:

—Jniá₂ bá₄ 'éi₂.

¹⁰ Jaun₂ né₃ ca₂ηag₃ dsa₂ ca₂ηii'₃ 'éi₂:

—¿'A₂ gué'₂ lia'₂ lē₃ ca₂jnióg₃ jme₁ne'₄ 'ne₂?

¹¹ Jaun₂ ca₂ηag₃ dsa₂ 'éi₂:

—Dsa₂ i₂té'₂ dsa₂ Jesús nē₂jmo₃ ti₁jéin₃, jaun₂ nē₂tsáng₂ jme₁ne₃ jniá₂, jaun₂ nē₂juá'₂ tság₅ jniá₂: “Gua₂ Dsiog₅ Siloé, o₂rang₂ quiáng'₂.” Jaun₂ ηe₄ jniá₂, jaun₂ jme₁ca₂lē₃ rang₂₃ quió₃, co₂tan₅₄ lia'₂ nē₂jág₃.

¹² Jaun₂ ca₂ηag₃ dsa₂ ca₂ηii'₃ dsa₂ i₂jme₁ten₄ 'éi₂:

—¿Na₅ dsa₂ 'éi₂?

Jaun₂ ca₂juá'₂:

—Tsá₃ guion₄ jniá₂.

Ca₂ηag₃ dsa₂ fariseos jág₁ dsau₅ ne₄ dsa₂ i₂jme₁ten₄ i₂ca₂jme₃'lió₂ Jesús

¹³ Jaun₂ né₃ ca₂i₁ηia₃ dsa₂ ne₄ dsa₂ fariseos dsa₂ i₂jme₁ten₄ 'éi₂.

‡ 8:58 Jág₁ “jniá₂ líng₅” co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14.

§ 8:59 A₂lín₅₄ chog₅₄ si₂ juá'₂ ján₃: “jaun₂ ca₂ηii'₃ jin₄ dsa₂ 'éi₂, ca₂ηái'₃.” * 9:4 A₂lín₅₄ chog₅₄ si₂: Ca₂tín₂ jniá₂ jmo₅₄ ta₁.

¹⁴ La₁ jmi₄ lia'₂ con'₂ jme₁ca₂jmo₃ Jesús ti₁jéin₃ a₂ca₂tsáng₂ mi₂ne₄ dsa₂ i₂jme₁ten₄ 'éi₂, jaun₂ dé₄ jmi₄ sa₅₄ bá₄ jaun₂. ¹⁵ Jaun₂ ca₂ḡag₃ táng₃ dsa₂ fariseos ca₂ḡí'₃ dsa₂ 'éi₂, 'a₂ bá₄ lia'₂ jaun₂ ma₂lé₂ jág₃. Jaun₂ ca₂juá'₂ dsa₂ i₂jme₁ten₄ 'éi₂:

—Ně₂tsáng₂ ti₁jéin₃ jme₁ne₃ jniá₂, jaun₂ ně₂rang₃ jniá₂ quió₃, jaun₂ lě₃ ma₂jág₅ jniá₂.

¹⁶ Jaun₂ ně₃ ca₂juá'₂ i₂lín₅₄ dsa₂ fariseos:

—Dsa₂ i₂ně₂jmo₃ a₂ně₅, on₃jua'₅₄ dsa₂ quián₅ Diú₄ 'éi₂, ia₁ tsá₃ jme₂gó'₃ jmi₄ sa₅₄.

La₁ i₂lín₅₄ guë'₂ juá'₂:

—¿'A₂ lia'₂ lé₂ le₃jmo₃ jan₂ dsa₂ i₂cha₂ dsáu₁ léi₄ juë'₂ le₂ně₅?

Jaun₂ lě₃ ca₂lě₃ le₁dson'₅₄ dsa₂.

¹⁷ Jaun₂ ca₂ḡag₃ táng₃ dsa₂ ca₂ḡí'₃ dsa₂ i₂jme₁ten₄ 'éi₂:

—¿'E₂ guë'₂ juá'₂ 'ne₂ lín₅, ia₁ jme₁ne'₄ 'ne₂ bá₄ ně₂niá₃?

Jaun₂ ca₂ḡag₃ dsa₂ 'éi₂:

—A₂lín₅ jan₂ dsa₂ i₂'é₂ jág₁ quián₅ Diú₄ bá₄.

¹⁸ La₁ dsa₂ judíos ně₃, tsá₃ jme₁'éin₂ bá₄ guë'₄ a₂dsón'₂ jme₁ten₄ dsa₂ 'éi₂, ton'₂ ca₂tšin'₃ jme₁ne₁₂, ca₂lia'₂ ca₂té'₃ chog₅₄-jmei₂ dsa₂ 'éi₂.

¹⁹ Jaun₂ ca₂ḡag₃ dsa₂ fariseos ca₂ḡí'₃ chog₅₄-jmei₂ 'éi₂:

—¿Chi'₂ ja₂ḡí'₂ 'nia'₂ la₂, i₂juá'₂ 'nia'₂ i₂ten₄ ca₂rě₃chán₃? ¿'A₂ guë'₂ lia'₂ ma₂jág₅ ně₃?

²⁰ Jaun₂ ca₂ḡag₃ chog₅₄-jmei₂:

—Ne₄ bá₄ jnia'₅₄, chi'₂ quián₂ bá₄ jnia'₅₄ ně₅, i₂ca₂rě₃chán₃ ten₄; ²¹ la₁ tsá₃ ne₄ jnia'₅₄ 'a₂ guë'₂ lia'₂ ně₃ ma₂lé₂ jág₃, on₃ guë'₂ ne₄ jnia'₅₄ 'ein₂ ca₂jmo₃ ca₂jnia₃ mi₂ne₅₄. ḡag₄ caun₂ 'nia'₂ guiong'₅₄; i₂ma₂juin'₂ bá₄ ně₅, jaun₂ lé₂ bá₄ juá'₂ 'ḡiog₅ 'a₂ lia'₂ ca₂lě₃.

²² Ca₂juá'₂ chog₅₄-jmei₂ le₂ně₅ 'uig₅₄ ia₁ a₂gó'₅ gain₃ dsa₂ judíos, ia₁ jme₁ma₂ca₂jmo₃ 'éi₂ caun₂ jág₁ a₂'uág'₂ 'uín'₂ dsa₂ ja₁le₁toin₂₃ ne₄ si₂ guá'₅ sinagoga jui'₁ 'ein₂ gué₃ i₂juá'₂, Jesús bá₄ lín₅ i₂rě₂'ín₁ quián₅ Diú₄. ²³ 'Uig₅₄ jaun₂ bá₄ ca₂juá'₂ chog₅₄-jmei₂: “ḡag₄ caun₂ 'nia'₂ guiong'₅₄, i₂ma₂juin'₂ bá₄ ně₅.”

²⁴ Jaun₂ bá₄ ca₂tě₃ táng₃ dsa₂ judíos ca₂té'₃ dsa₂ i₂jme₁ten₄ 'éi₂, jě₁ca₂tě₂ táng₃ ráun₂, jaun₂ ca₂juá'₂:

—Jua'₅₄ jág₁ dsau₅ tě₃dsón'₂ ne₄ Diú₄;† ne₄ bá₄ jnia'₅₄ jan₂ dsa₂ i₂cha₂ dsáu₁ bá₄ 'éi₂.

²⁵ Jaun₂ ně₃ ca₂ḡag₃ dsa₂ 'éi₂:

—Tsá₃ a₂jaun₂ guion₄ jniá₂ jua'₅₄ jan₂ dsa₂ cha₂ dsáu₁ 'éi₂, o₃ tsá₃ dsáu₁ cha₂ 'e₂. Jnia'₅₄ lia'₂ a₂jaun₂ bá₄ guion₅₄, a₂jme₁ten₄ bá₄ jniá₂, la₁ ně₃ ma₂lé₂ bá₄ jág₄.

²⁶ Jaun₂ ca₂ḡag₃ táng₃ dsa₂ fariseos:

—¿'E₂ ca₂jmo₃ quiáng'₂? ¿'A₂ lia'₂ ca₂jmo₃ dsa₂ 'éi₂ a₂ca₂jnia₃ mi₂ne'₅₄?

²⁷ Jaun₂ ca₂ḡag₃ dsa₂ 'éi₂:

—Ma₂ně₂juá'₃ guë'₂ jniá₂. Tsá₃ tón'₂ guë'₂ 'nia'₂ jui'₅ 'e₂ juá'₅ jniá₂. ¿'E₂ lě₃ 'niog'₂ 'nia'₂ nág'₂ táng₃? ¿O₃ bá₄ ján₃ guë'₂ 'niog'₂ 'nia'₂ le₃'éng'₂ le₃quió'₅ 'éi₂?

²⁸ Jaun₂ qui₂ca₂jnú'₂ dsa₂ jág₁ uig₅, jaun₂ ca₂juá'₂:

—'Ne₂ 'éng'₂ le₃quió'₅ dsa₂ 'éi₂, la₁ia₁ jnia'₅₄ guë'₂ 'éin₂ le₃quió'₅ Moisés. ²⁹ Ne₄ jnia'₅₄, a₂ca₂dsia₃ Diú₄ jág₁ quian'₅₄ Moisés, la₁ dsa₂ 'éi₂ guë'₂ ně₃, tsá₃ ne₄ a₂já'₄ jás.

³⁰ Jaun₂ ca₂ḡag₃ dsa₂ 'éi₂ ně₃ ca₂juá'₂:

—jDson'₂ bá₄ jaun₂ dsi₂gó'₃ dsi₅ a₂jaun₂: a₂tsá₃ ḡi'₅₄ 'nia'₂ a₂já'₄ jás, ton'₂ ca₂jme₃jnio₅₄ jme₁ne₃! ³¹ Ma₂ne₄ rě₂ bá₄ jniog₄ jaun₂, a₂tsá₃ nag₅ Diú₄ jág₁ quió'₅ dsa₂ i₂cha₂ dsáu₁; jmá'₃ lia'₂ jág₁ quió'₅ dsa₂ i₂jme₂gan₃ Diú₄, i₂qui₂jmo₅ a₂ḡio₂ dsi₅ 'éi₂: quió'₅ 'éi₂ bá₄ nag₂₃.

³² Lia'₂ 'i₁cón'₂ tsá₃ 'ein₂ ma₂nág₂ ca₂le₂jniá₅ jua'₅₄ chan₂ dsa₂ i₂lé₂ le₃jme₃'lión₂ jan₂ dsa₂ i₂ten₄ ca₂rě₃chán₃. ³³ Jua'₅₄ mei'₂ gué₃ tsá₃ jás dsa₂ 'éi₂ ja₁con₂ Diú₄, tsá₃ 'e₂ lé₂ jme₁jmo₃.

³⁴ Jaun₂ ně₃ ca₂ḡag₃ dsa₂ fariseos:

† 9:24 lit. “jme₁juin'₂ Diú₄”, co₂'nió'₄ quian'₅₄ jág₁ ně₅ jme₁jmo₅ dsi₂tan₅₄ 'éi'₃ ja₁con₂ dsa₂, a₂juá'₂ tion₅₄ jág₁ tí₅ dsón'₂. 'Nio'₂ ja₁ton₅ Josué 7:19, Mateo 26:63.

—Co₂nei'₅₄ bá₄ ne₄ dsáu'₂ ca₂rë₃cháng'₃. ¿I₂'ein₂ bá₄ lín'₅ 'ne₂ jaun₂ jme₁tag'₅ jnia'₅₄?
Jaun₂ ca₂dsei₅ dsa₂.

Jui₁lia'₂ dsa₂ ten₄ tē₂le₃ gu₂dsí₂

³⁵ Jaun₂ ca₂rë₃ñi₅ Jesús jág₁ a₂ca₂dsen₅ dsa₂ ca₂dsein₂₃ dsa₂ i₂jme₁ten₄ 'éi₂. Jaun₂ jme₁ca₂jein'₂, ca₂juá'₂:

—¿'Én'₂ 'ne₂ tē₂le₃ quió'₅ Jaun₅ dsa₂ mi₂güüg'₃?[‡]

³⁶ Jaun₂ ca₂juá'₂ dsa₂ 'éi₂:

—Gui'₅₄, ¿i₂'ein₂ bá₄ 'éi₂, ia₁jaun₂ lé₂ le₃'én₂ jniá₂ le₃quió'₅?

³⁷ Jaun₂ ca₂ñag₃ Jesús:

—Ma₂në₂jñin'₅₄ bá₄, jaun₂ jniá₂ bá₄ 'éi₂ i₂dsia'₂ jág₁ quiang'₅₄.

³⁸ Jaun₂ bá₄ ca₂chi₃ñé₃ dsa₂ 'éi₂ ne₄ Jesús, jaun₂ ca₂juá'₂:

—'Én₂ bá₄ jniá₂, Te₁gui'₅₄.

³⁹ Jaun₂ ca₂juá'₂ Jesús:

—A₂qui₁dsi₅ 'éi'₃ bá₄ jniá₂ guio₃ mi₂güüg'₃ la₂, ia₁jaun₂ jág₃ jui₁lia'₂ dsa₂ ten₄, ton'₂ ia₁jaun₂ le₃ten₄ jui₁lia'₂ dsa₂ i₂jág₅.

⁴⁰ Jaun₂ qui₂ca₂nág₂ jág₁ jaun₂ i₂lín₅₄ dsa₂ fariseos i₂jme₁tion'₅₄ quian'₅₄ Jesús, jaun₂ ca₂ñag₃:

—¿O₃ bá₄ dsa₂ ten₄ lág₅ jnia'₅₄ ján₃?

⁴¹ Jaun₂ ca₂ñag₃ Jesús:

—Jua'₅₄ mei'₂ gué₃ lín'₅ 'nia'₂ dsa₂ ten₄, tsá₃ dso₄ jme₁qui₂le₃cán'₂ 'nia'₂. La₁ia₁, 'uig₅₄ ia₁ a₂juá'₂ 'nia'₂, “ne₄ jnia'₅₄”, jaun₂ tē₂'ñiá₄ dsáu'₂ 'nia'₂.

10

Jág₁ jáng'₅ léi₄ jui₁lia'₂ dsa₂ i₂jmo₅ 'í₁ já'₂ cha'₂

¹ A₂dsi₂jó'₃ juíg₂ jniá₂ 'nia'₂, jui₁lia'₂ i₂tsá₃ tón'₅ tē₂le₃ jui₅ o₄'né₄ tsi₁jñi₂ ja₁tion'₅₄ já'₂ cha'₂, a₂uíg₂ jui₅ siá'₂, dsa₂ 'ang₂ bá₄ 'éi₂. ² La₁ia₁ jui₁lia'₂ i₂'í₂ tē₂le₃ o₄'né₄, dsa₂ i₂jmo₅ 'í₁ já'₂ cha'₂ bá₄ 'éi₂. ³ O₄quió'₄ 'éi₂ bá₄ niá₅ dsa₂ i₂jmo₅ 'í₁ o₄'né₄, jaun₂ já'₂ cha'₂ né₃, rē₂cuí'₅ jág₁ quió'₅ 'éi₂. Jaun₂ tē'₂ já'₂ cha'₂ quiáin₅ 'ñiog₅ lia'₂ chein₂, jaun₂ 'uág'₂. ⁴ Jë₁ma₂ca₂lë₃ 'uñin'₂ ca₂le₃jín₃ con'₂ i₂quiáin₅ 'ñiog₅, jaun₂ cán₂ ne₄ jui₅, dsó₅ ne₄ já'₂ cha'₂. Já'₂ cha'₂ né₃ dsi₂lén₂ chi₁co'₅₄ quió'₅, ia₁ rē₂cuí'₅ bá₄ jág₁ quió'₅. ⁵ La₁ tsá₃ 'ein₂₃ jui₁lia'₂ dsa₂ i₂tsá₃ cuiin₂₃; tē₂le₃ cuiing₂₃ bá₄ ja₁con₂ 'éi₂, ia₁ tsá₃ cui'₅ jág₁ quió'₅ dsa₂ sián'₂.

⁶ Ca₂juá'₂ Jesús jág₁ a₂jáng'₅ léi₄ nē₅, la₁ tsá₃ ca₂rë₃ñi'₂ dsa₂, 'e₂ jein₅ jág₁ jaun₂ a₂juá'₂.

Jan₂ Jesús i₂dsen₃ i₂jmo₅ 'í₁ já'₂ cha'₂

⁷ Jaun₂ né₃ ca₂juá'₂ táng₃ Jesús ca₂tsí'₃ dsa₂:

—A₂dsi₂jó'₃ juíg₂ jniá₂ 'nia'₂, jniá₂ bá₄ líng₅ o₄'né₄ jui₅ ja₁dsi₂ton'₅₄ já'₂ cha'₂. ⁸ Ca₂le₃jín₃ i₂ma₂o₃lén₂ñiá₅ gué₄ con'₂ gué₄ jniá₂, dsa₂ 'ang₂ bá₄ 'éi₂; la₁ já'₂ cha'₂ né₃, tsá₃ jui₅ ca₂ton'₂ quió'₅. ⁹ Jniá₂ líng₅ o₄'né₄; jui₁lia'₂ i₂tón'₅ jui₅ le₃quió₃, tíin'₄ bá₄. Jaun₂ qui₃dsi₃toin'₅₄, qui₃uñin₃, jaun₂ dsio'₂ bá₄ ñi₂ma'₂ a₂gué'₃.

¹⁰ Dsa₂ 'ang₂ né₃, jmá'₃ ta₁ jaun₂ bá₄ ja₂: a₂'ang₃, a₂jme₃dsiog₂₃, a₂qui₃'éin₂ né₃; jniá₂ né₃ guio₃ ia₁jaun₂ le₃chain₂, a₂le₃chain₂ qui₂rē₂tsón₂. ¹¹ Jniá₂ bá₄ líng₅ juig₅₄ dsen₃ i₂jmo₅ 'í₁ já'₂ cha'₂. * Guen₅ 'mú₃ juig₅₄ dsen₃ o₄quió'₄ já'₂ cha'₂; ¹² la₁ jui₁lia'₂ dsa₂ i₂jmo₅ ta₁ a₂'liain'₅₄, jë₁ma₂ca₂jág₃ já₅ dsi₂ñi'₅₄ náu₂, téin₂ bá₄ já'₂ cha'₂ jaun₂ cuiing₂₃ bá₄ 'ñiog₅, ia₁ on₃jua'₅₄ juig₅₄ i₂quián₅ já'₂ cha'₂ 'éi₂. Jaun₂ dsi₂ñi'₅₄ náu₂ né₃, tsáin'₂ já'₂ cha'₂, jaun₂ jmo₂₃ le₃jan₅₄ já'₂. ¹³ Dsa₂ 'éi₂ né₃, cuiing₂₃ ia₁ a₂'liain'₅₄ bá₄ jmo₂₃ 'í₁; tsá₃ dsan₂ dsí₅ já'₂. ¹⁴ Jniá₂ bá₄ líng₅ juig₅₄ dsen₃; i₂cuín₅ bá₄ jniá₂ já'₂ cha'₂ quiáng₃; 'éi₂ né₃ cuiing₂₃ jniá₂. ¹⁵ Le₂jaun₂ jui₁lia'₂ cui₅ ñe'₃ jniá₂, ján₃ bá₄ cuín₅ jniá₂ 'éi₂ né₃. Guén₅ jniá₂ 'mú₃ o₄quió'₄ já'₂ cha'₂

[‡] 9:35 A₂lín₅₄ chog₅₄ si₂juá'₂: “¿'Én'₂ 'ne₂ tē₂le₃ quió'₅ Ja₁ñi'₅₄ Diúá'?” * 10:11 'í₂ Ezequiel 34.

quiáng₃. ¹⁶ Ján₃ bá₄ tion'₅₄ já'₂ cha'₂ sián'₂ quiáng₃ i₂tsá₃ tion'₅₄ 'ñio'₃ jní₁ la₂; ján₃ bá₄ ca₂tín₂ jniá₂ i₁te₁ 'éi₂. Ján₃ bá₄ le₃ne'₅₄ 'éi₂ jág₁ quió₃, jaun₂ co₂nió'₃ bá₄ lé₂, jan₂ gué'₂ juig₅₄.

¹⁷ 'Uig₅₄ jaun₂ bá₄ 'nio₃ ñe'₃ jniá₂: ia₁ jáng'₅ jme₂dsí₂ quió₃,† ia₁jaun₂ tíng'₄ táng₃.
¹⁸ Lia'₂ 'i₁jan₂ tsá₃ jniá'₂ jme₂dsí₂ a₂chan₂ jniá₂, ia₁ jáng'₅ bá₄ jniá₂ jme₂dsí₂ a₂chang₂ a₂'ñio₂ dsí₃ 'ñio₃. Jniá₂ bá₄ 'o₂₃ bí₂ jáng'₅, jaun₂ 'o₂₃ bí₂ tíng'₄ táng₃. 'Éi'₃ nē₅ ca₂ñig₂ ja₁con₂ ñe'₃.

¹⁹ Jaun₂ ca₂lēs₃ le₁dson'₅₄ táng₃ dsa₂ judíos, jme₁ca₂nág₂ jág₁ nē₅.

²⁰ Juin₅ i₂'éi₂ juá'₂:

—I₂'en₅₄ jan₂ jme₂dsí₂ je₂na'₅₄ tē₂dsí₅ bá₄ nē₅, tē₂i₂₃ a₂ñái₅ nē₃. ¿'E₂ lēs₃ tón'₂ 'nia'₂ jui₅ jág₁ quió'₅?

²¹ La₁ i₂lín₅₄ gué'₂ juá'₂:

—On₃jua'₅₄ jág₁ quió'₅ jan₂ i₂'en₅₄ je₂na'₅₄ tē₂dsí₅ nē₅. ¿Lé₂ le₃jmo₃ je₂na'₅₄ a₂jág₃ jui₁lia'₂ dsa₂ ten₄?

Tsá₃ ca₂guen₃ dsa₂ judíos Jesús

²² Jmig₄ jaun₂, jme₁tion'₅₄ dsa₂ juig₂ Jerusalén jmo₂₃ Jmig₄ quió'₅ Si₂. Jein₂ güig₂ jme₁lē₄,
²³ jaun₂ jme₁i₂ñi₅₄ Jesús i₁dsi₅ guá'₅ templo ja₁lē₄ corredor a₂chei₂ Quió'₅ Salomón, ²⁴ jaun₂ qui₂ca₂o₃lio₃ dsa₂ judíos quió'₅, jaun₂ ca₂juá'₂:

—¿'A₂ con'₂ jmó'₂ 'ne₂ 'ag₃ gué'₄ caun₂-tín₃ dsí₅ jnia'₅₄? Chi₂jua'₂ dsón'₂ lín'₅ 'ne₂ I₂rē₂'ín₁ quián₅ Diú₄, co₂ñei'₅₄ jua'₅₄ rē₂jíá₃ jág₁.

²⁵ Jaun₂ ca₂ñag₃ Jesús:

—Ma₂nē₂juá'₃ bá₄ jniá₂, la₁ tsá₃ ca₂rē₃'én'₂ gué'₂ 'nia'₂. Qui₂jáng'₅ bá₄ jág₁ dsau₅ o₄quió₃, léi₄ a₂jmo₅ jniá₂; ²⁶ la₁ tsá₃ 'én'₂ 'nia'₂, ia₁ tsá₃ lín'₅ 'nia'₂ já'₂ cha'₂ quiáng₃. ²⁷ Ne'₅₄ bá₄ já'₂ cha'₂ quiáng₃ jág₁ quió₃; i₂cuig₅ bá₄ 'éi₂ jniá₂, jaun₂ ja₂'ein₂₃ chi₁co'₅₄ quió₃. ²⁸ Cué₅ jniá₂ jme₂dsí₂ a₂le₃chain₂ co₂tan₅₄, jaun₂ lia'₂ o₁líg'₂ jmig₄ tsá₃ dsiáin₃, on₃ gué'₄ lia'₂ 'i₁jan₂ tsá₃ lé₂ le₃jñái'₂ 'éi₂ o₄gu₃ jniá₂. ²⁹ ñe'₃ jniá₂, i₂ma₂cuag₃ 'éi₂, lín₅ i₂juin'₂ gué'₄ lia'₂ con'₂ gué'₄ ca₂le₃jín₃; jaun₂ lia'₂ 'i₁jan₂ tsá₃ lé₂ jñióg'₂ o₄gú₃ ñe'₃. ³⁰ Jniá₂ quian'₅₄ ñe'₃, ca₂ne₅₄ bá₄ lág₅ jnia'₅₄.

³¹ Jaun₂ nē₃ ca₂ñja'₃ táng₃ dsa₂ judíos ni₁cang₁ a₂qui'₃ quió'₅. ³² Jaun₂ ca₂juá'₂ Jesús:

—'Lióng₂ lín₃ léi₄ dse₃ ma₂'é₃ jniá₂ 'nia'₂ tē₂le₃ quian'₅₄ jui₅bí₂ quió'₅ ñe'₃; ¿o₄quió'₄ 'e₂ caun₂ a₂ma₂jmo₃ jniá₂ jaun₂, a₂qui₁jnau'₅₄ 'nia'₂ jniá₂ ni₁cang₁?

³³ Jaun₂ ca₂ñag₃ dsa₂ judíos:

—Tsá₃ o₄quió'₄ léi₄ dse₃ qui₁jna'₅₄ jnia'₅₄ 'ne₂ ni₁cang₁; a₂jaun₂ bá₄ ia₁ a₂'íng'₅ 'lig'₅₄ Diú₄, a₂jmo₂ 'ne₂ a₂lín'₅ Diú₄, ton'₂ jan₂ dsa₂ mi₂güig₃ bá₄ lín'₅.

³⁴ Jaun₂ nē₃ ca₂juá'₂ Jesús tsí'₅ dsa₂ judíos:

—¿Tsa₁ chi₁ton₅ ne₄ Si₂ 'Éi'₂ quián'₂ 'nia'₂: “A₂ma₂juá'₃ jniá₂, a₂lín'₅ 'nia'₂ diú₄”?‡
³⁵ Chi₂jua'₂ ca₂té'₃ “diú₄” dsa₂ i₂ca₂ñi₂ jág₁ quió'₅ Diú₄, (jaun₂ tsá₃ lé₂ jua'₅₄ tsá₃ le₃ti₃ Si₂);
³⁶ 'ē₂ gué'₄ bá₄ 'éi₂ i₂ca₂jmo₃ Diú₄ rē₂tson₄, i₂ca₂chein₃ mi₂güig₃. ¿'Nia'₂ juig'₂ 'íng'₅ 'lig'₅₄ Diú₄ ia₁ jniá₂ nē₂juá'₃ a₂lín'₅ Ja₁ñi'₅₄ Diú₄? ³⁷ Chi₂jua'₂ tsá₃ jmo₅ jniá₂ ta₁ quió'₅ ñe'₃, tsá₃ jui₁le₂'én'₂ 'nia'₂ le₃quió₃ jniá₂. ³⁸ La₁ chi₂jua'₂ jmo₅ gué'₂ jniá₂, jui₁a₂ gué'₃ la₂ tsá₃ 'én'₂ 'nia'₂ tē₂le₃ quió₃ jniá₂, jui₁le₂'én'₂ bá₄ 'nia'₂ tē₂le₃ quió'₅ ta₁ a₂jmo₅ jniá₂, ia₁jaun₂ le₃ñi'₅₄ bá₄, ia₁jaun₂ le₃ñi'₂ 'au'₂ 'nia'₂,§ a₂'en₅₄ ñe'₃ ja₁cong₂, le₂jaun₂ gué'₂ táng₃, a₂'en₅₄ jniá₂ ja₁con₂ ñe'₃.

³⁹ Jaun₂ jme₁'nio₃ táng₃ dsa₂ jme₁tsáun'₂, la₁ ca₂lóin₂ bá₄ o₄gú₃ 'éi₂.

† 10:17 'Nio'₂ ja₁ton₅ Juan 19:30. ‡ 10:34 Salmo 82:6. § 10:38 A₂lín₅₄ chog₅₄ si₂juá'₂: “ia₁jaun₂ le₃'én'₂ 'nia'₂.”

⁴⁰ Jaun₂ né₃, ηό₃ táng₃ Jesús të₂le₃ quióng₄ Cuá₃ Jordán, jaun₂ ca₂jñia₃ ja₁jaun₂ ja₁jme₁'en₅₄ Juan₅₄ le₂jñiá₅ choin₂₃ jmig₂ dsa₂.^{*} ⁴¹ Juin₅ lin₃ dsa₂ ca₂i₁len₅₄ i₁jag₅₄, qui₂ca₂juá'₂:

—Të₃dsón'₂ bá₄, o₁jñia'₅₄ tsá₃ 'e₂ léi₄ jué'₂ ca₂jmo₃ Juan₅₄, la₁ ca₂le₃jé₃ 'e₂ a₂ca₂juá'₂ a₂'iin₂₃ dsa₂ në₅, dsau₅ bá₄.

⁴² Ja₁jaun₂ ca₂rë₃'én₂ juin₅ dsa₂ le₃quió'₅ Jesús.

11

Ca₂jon₃ Lázaro

¹ Jme₁chan₂ jan₂ dsa₂ dso'₅₄ i₂jme₁chen₂ Lázaro, i₂jme₁chan₂ juig₂ Betania, juig₂ ja₁guá₄ María quian'₅₄ 'io₅₄ riin'₅₄ i₂chen₂ Marta.

² María në₅ né₃ i₂rín'₅₄ Si₁Lia₁ dsa₂ dso'₅₄, 'éi₂ bá₄ i₂ca₂'ág₂ no'₅₄ mi₂juig₂ mi₂tag₄ Te₁gui'₅₄ jaun₂ ca₂chí₃, ca₂jme₃quéin₃ quian'₅₄ jñi₂ dsi₅₄.

³ Jaun₂ né₃, ca₂chen₃ le₃on₃ 'io₅₄ jág₁ ne₄ Jesús:

—Te₁gui'₅₄, a₂ron₅ dso'₅₄ dsa₂ i₂'nio₄ quiáng'₂.

⁴ Jaun₂ jme₁ca₂nág₂ Jesús, ca₂juá'₂:

—On₃juá'₅₄ dso₄ a₂jio₅ jui₅ 'mú₃ jaun₂; të₂le₃ ia₁jaun₂ le₃juin'₂ Diú₄ bá₄, le₂jaun₂ gué'₂ Ja₁ñi'₅₄ Diú₄ ján₃ le₃juiin'₂ të₂le₃ quian'₅₄ dso₄ jaun₂.

⁵ Jesús né₃, jme₁'nioi₃ 'ñio₅ lin₃ Marta quian'₅₄ 'io₅₄ riin'₅₄, quian'₅₄ Si₁Lia₁. ⁶ Jaun₂ lë₃, jme₁ca₂juá'₂ dsa₂ a₂dso'₅₄ Si₁Lia₁, ca₂jñia₃ gué'₄ tin₃ jmig₄ ja₁jme₁'ein₅₄ jaun₂. ⁷ Cang₂ jaun₂, ca₂juá'₂ ca₂tsí'₃ chi'₂ dsi₂guia₃-tín₂ quiáin₅:

—Ma₃dsau₅₄ táng₃ jui₅ Judea.

⁸ Jaun₂ né₃ ca₂juá'₂ chi'₂ dsi₂guia₃-tín₂:

—Të₅, i₁jáun₃ në₅ cón'₅ jme₁'nio₃ dsa₂ judíos jme₁qui₃ñáu'₂ cang₄; ¿con'₂ gué'₂ lia'₂ 'niog'₂ gog'₅₄ táng₃ ja₁jaun₂?

⁹ Jaun₂ ca₂ñag₃ Jesús:

—¿On₁ dsón'₂ quian₅ guia₃-tín₂ horas caun₂ jmig₄? Në₁juá'₂ i₂'nio₄ dsa₂ a₂jmi₂, tsá₃ qui₂nió₅, ia₁ jág₅ si₂ a₂tág₅ ja₁con₂ dsa₂ mi₂güig₃; ¹⁰ la₁ në₁juá'₂ i₂'nio₄ dsa₂ jë₄ qui₁né'₃ qui₂nió₅ ia₁ tsá₃ si₂ cha₂ ja₁coin₂.

¹¹ Cang₂ jme₁ma₂në₂juá'₂ le₂në₅, jaun₂ ca₂juá'₂:

—Ma₂ca₂güin₂ bá₄ Si₁Lia₁ a₂mei₅₄ quián₂ jniog₄; la₁ nei₅₄ jniá₂ i₁ñei₁₂.

¹² Jaun₂ né₃ ca₂juá'₂ chi'₂ dsi₂guia₃-tín₂:

—Te₁gui'₅₄, chi₂juá'₂ ma₂ca₂güin₂, co₂'nió'₄ jñia₃ bá₄ quió'₅.

¹³ La₁ a₂jaun₂ bá₄ jme₁'nio₃ Jesús juá'₂ a₂jme₁ma₂jon₅ bá₄ 'éi₂; la₁ jaun₂ bá₄ lín₂ chi'₂ dsi₂guia₃-tín₂ a₂'ë₅ Jesús jui₁lia'₂ a₂güin₂ dsa₂ jë₁ma₂ca₂nei₂.

¹⁴ Jaun₂ né₃ ca₂juá'₂ Jesús lia'₂ rë₂jíá₃ jág₁:

—Ma₂ca₂jon₃ bá₄ Si₁Lia₁. ¹⁵ Jéin₅ jniá₂ 'io'₂ o₄quián'₂ 'nia'₂, a₂tsá₃ jme₁'eng₅₄ ja₁jaun₂, ia₁jaun₂ le₃'én'₂ 'nia'₂. La₁ ma₃dsau₅₄ ma₃dsi₁jñin₅₄.

¹⁶ Jaun₂ né₃ ca₂juá'₂ To₁má₄ i₂té'₂ dsa₂ Dsa₂ Tsin'₅₄, ca₂tsí'₃ chi'₂ dsi₂guia₃-tín₂ riin'₅₄:

—Ján₃ gué'₂ dsau₅₄ jniog₄, ia₁jaun₂ dsióg₃ co₂lë₅ quian'₅₄ i₂në₅.

Jesús bá₄ i₂jmo₅ a₂jen'₅₄ dsa₂, i₂cuë₅ jme₂dsí₂ a₂le₃chan₂ dsa₂

¹⁷ Jme₁ma₂té₂ quén₂ jmig₄ 'en₅₄ Si₁Lia₁ tau₂ 'ñio₅, jme₁dsióg₃.

¹⁸ Juig₂ Betania jaun₂, jme₁niog₅ cau₅ ma₂quián₅ Jerusalén con'₂ tin₃ kilómetros të₂ ca₂jau₅₄.

¹⁹ Jaun₂ ca₂i₁len₅₄ juin₅ dsa₂ judíos ca₂i₁jñin₁₂ Marta quian'₅₄ María riin'₅₄, ca₂i₁jmo₅₄ lián'₂ dsí₅ 'éi₂, ia₁ ca₂jon₃ Si₁Lia₁ riin'₅₄.

²⁰ Jaun₂ Marta né₃, jme₂ca₂rë₃ñi₅ a₂ma₂já₅ Jesús, jaun₂ ca₂o₃'ín₃ ca₂i₁jme₁jein'₂. La₁ María né₃ ca₂jñia₃ bá₄ dsi₂néi₂.

* 10:40 lit. “tiáin₂ dsa₂ jmig₂”

²¹ Jaun₂ ca₂juá'₂ Marta ca₂tsí'₃ Jesús:

—Te₁gui'₅₄, jua'₅₄ mei'₂ bá₄ jme'₁eng'₅₄ ja₁lá₃, tsá₃ jme'₁jón₂ dsó₂ ríng'₃. ²² La₁ia₁ guion₄ jniá₂, o₁ŋia'₅₄ con'₂ lé₅ la₂, chi₂jua'₂ 'e₂ a₂mi'₂ 'ne₂ ja₁con₂ Diú₄, cuë₃ bá₄ 'éi₂.

²³ Jaun₂ ca₂juá'₂ Jesús:

—Le₃chan₂ bá₄ táng₃ ríng'₂.

²⁴ Jaun₂ ca₂juá'₂ Marta:

—Guion₄ bá₄ jniá₂ a₂le₃chain₂ táng₃ jë₁ma₂té₂ rë₁jein'₅₄ jin₄ 'lag₄, jmi_g₄ jë₁ca₂tó'₂.

²⁵ Jaun₂ né₃ ca₂juá'₂ Jesús:

—Jniá₂ bá₄ líng₅ i₂jmo₅ a₂jen'₅₄ dsa₂, i₂cuë₅ jme₂dsí₂ a₂le₃chan₂ dsa₂ né₃. Jui₁lia'₂ i₂'én₂ tē₂le₃ quió₃ jniá₂, o₁ŋia'₅₄ ma₂join₂₃, le₃chain₂ bá₄; ²⁶ jaun₂ chi₂jua'₂ 'ein₂ i₂chan₂ gué₄, nē₁jua'₂ ca₂rë₃'éin₂ tē₂le₃ quió₃ jniá₂, lia'₂ o₁líng'₂ jmi_g₄ tsá₃ jóin₂. ¿'Éng'₂ jág₁ nē₅?

²⁷ Jaun₂ ca₂juá'₂ Marta:

—Ján₅, Te₁gui'₅₄. Ma₂ca₂rë₃'én₂ bá₄ jniá₂ a₂lín'₅ 'ne₂ Ja₁ŋi'₅₄ Diú₄ I₂rë₂'ín₁ quiáin₅, i₂lé₅ jág₁ jiá₃ mi₂güü_g₃.

Ca₂'o₃ Jesús cau₅ tau₂ 'ŋio₅ quió'₅ Si₁Lia₁

²⁸ Jme₁ca₂lë₃ juá'₂ Marta jág₁ nē₅, ŋái'₃ i₁te'₂ María riin'₅₄; jaun₂ ca₂juá'₂ jág₁ con'₂ tē₃co'₅₄:

—La₂ ma₂'en₅₄ tē₅, jaun₂ 'ne₂ té'₂.

²⁹ Dsi₂jui₅ jme₁ca₂nág₂ María jág₁ nē₅, ca₂nau₂, jaun₂ ŋó₃ i₁jiin₂₃ Jesús.

³⁰ Tsá₃ jme₁ma₂dsióg₃ gué₄ Jesús tē₃jë₄ juig₂; jaun₂ bá₄ jme₁'ein₅₄ ja₁ca₂jein'₂ Marta.

³¹ Dsa₂ judíos i₂tion'₅₄ dsi₂néi₂ i₂cuë₅ lián'₂ dsi₅ né₃, jme₁ca₂jág₃ ca₂nau₂ María ca₂'o₃ 'íin₃ co₂chi'₅₄, ca₂i₃lén₂ chi₁co'₅₄ quió'₅, ia₁ a₂lín₂ ŋó₅ 'éi₂ tau₂ 'ŋio₅ a₂i₂'áu₂ ja₁jaun₂.

³² Jaun₂ né₃, jme₁ca₂dsióg₃ María ja₁jme₁'en₅₄ Jesús, ca₂chi₃jné₃ ne₄ 'éi₂, * jaun₂ ca₂juá'₂:

—Te₁gui'₅₄, jua'₅₄ mei'₂ bá₄ jme₁'eng'₅₄ ja₁lá₃, tsá₃ jme'₁jón₂ dsó₂ ríng'₃.

³³ Jme₁ca₂jág₃ Jesús 'a₂ lia'₂ jme₁'o₅ María, 'a₂ lia'₂ jme₁tion'₅₄ guë'₂ dsa₂ judíos 'o₂₃ né₃, i₂ja₂lén₂ quiáin'₅₄, jaun₂ ca₂'ŋia₃ i₃mé'₂ dsí₅, ca₂'í₃ qui'₂ dsí₅ né₃. ³⁴ Jaun₂ ca₂ŋag₃:

—¿A₂já'₄ ca₂i₁'óin'₄ 'nia'₂?

Jaun₂ ca₂juá'₂ dsa₂:

—Te₁gui'₅₄, ŋia₅ i₂jag₄.

³⁵ Jaun₂ ca₂'o₃ Jesús.

³⁶ Jaun₂ né₃ ca₂juá'₂ dsa₂ judíos:

—Jag₄ de'₂ 'a₂ lia'₂ jme₁'nioi₃ 'éi₂.

³⁷ La₁ ca₂juá'₂ i₂lín₅₄:

—¿Tsa₁ cha₂ lé₂ le₃jme₁jmo₃ i₂nē₅ i₂ca₂jme₃'lión₂ dsa₂ ten₄ 'éi₂, ia₁jaun₂ tsá₃ jme₁jón₂ guë'₂ dsó₂ rin'₅₄ 'io₅₄ nē₅?

Ca₂jen'₅₄ Si₁Lia₁

³⁸ Con'₂ siá'₂ táng₃ ca₂'ŋia₃ Jesús a₂i₃mé'₂ dsí₅ lia'₂ con'₂ ca₂dsióg₃ ja₁dsi₅₄ tau₂ 'ŋio₅. Caun₂ tsi₁tē₂'lau₂ bá₄ jme₁lé₄ a₂jaun₂, jme₁chí'₄ ca₂mí_g₂ ni₁cang₁ a₂rë₂jlë₅ o₄'né₄.

³⁹ Jaun₂ ca₂juá'₂ Jesús:

—ŋiá'₃ ni₁cang₁ nē₅.

Jaun₂ ca₂juá'₂ Marta rin'₅₄ 'lag₄ ca₂tsí'₃ Jesús:

—Te₁gui'₅₄, mei'₂ tsá₃ ma₂ja₂ ma₂'lig'₅₄ quió'₅, ia₁ ma₂té₂ quén₂ jmi_g₄ ca₂join₃.

⁴⁰ La₁ ca₂juá'₂ Jesús:

—¿Tsa₁ nē₂juá'₃ jniá₂, nē₁jua'₂ 'éng'₂, jag'₅₄ jui₅bí₂ jlá'₁ quió'₅ Diú₄?

⁴¹ Jaun₂ né₃ ca₂'ŋiá'₂ dsa₂ ni₁cang₁. Jaun₂ ca₂chóg'₃ Jesús ne₅₄, ca₂juá'₂:

* 11:32 lit. "ca₂tóin₂ 'uë₃ cau₅ mi₂tag₄ 'éi₂." 'Nio'₂ ja₁ton₅ Apocalipsis 4:10.

—Tia₅₄, cué₅ jniá₂ ti₁ 'mag'₄ 'ne₂ ia₁ ma₂nei'₂ bá₄ jág₁ quió₃. ⁴² A₂guion₄ bá₄ jniá₂, a₂nag'₂ co₂tan₅₄. La₁ në₂juá'₃ le₂në₅ o₄quió'₄ dsa₂ i₂tion'₅₄ ja₁lá₃, ia₁jaun₂ le₃'éin₂ a₂ca₂chei'₂ jniá₂.

⁴³ Jme₁ca₂lë₃ juá'₂ le₂në₅, ca₂juá'₂ tiá₂:

—¡Lázaro! ¡Jú₅ ja₁në₅!

⁴⁴ Jaun₂ o₂'ín₃ 'lag₄ ja₁jaun₂ qui₂rë₂quein₅ gu₂-tag₅₄ quian'₅₄ 'nau₅₄ tsín'₅ tsi₁'mi'₂ jang₄. Dsi₂ne₅₄ në₃ jme₁chi₁quein₅ quian'₅₄ tsi₁'mi'₅ tióg₃. Jaun₂ ca₂juá'₂ Jesús ca₂tsí'₃ dsa₂:

—Chi'₅₄ quió'₅, cuë₄ jmig₄ jui₁dsian'₅₄.

Ca₂jmo₃ dsa₂ caun₂ jág₁ a₂tsáin'₂ Jesús

(Mateo 26:1-5; Marcos 14:1-2; Lucas 22:1-2)

⁴⁵ Jaun₂ në₃, juin₅ dsa₂ judíos 'éi₂, i₂ca₂i₁len₅₄ quiain'₅₄ María, i₂qui₂ca₂të₂ ne₄ 'e₂ a₂ca₂jmo₃ Jesús jaun₂, ca₂rë₃'éin₂ të₂le₃ quió'₅ 'éi₂.

⁴⁶ La₁ i₂lín₅₄ guë'₂ në₃ ca₂i₁lein₅₄ ja₁con₂ dsa₂ fariseos, ca₂i₁jua'₄ 'e₂ a₂ca₂jmo₃ Jesús.

⁴⁷ Jaun₂ në₃, ca₂ñi'₂ dsa₂ fariseos quiain'₅₄ juig₅₄ jme₂dsa₂, quiain'₅₄ dsi₂tan₅₄ quián₅ guá'₅, jaun₂ ca₂juá'₂:

—¿'E₂ bá₄ jmó₁ jniog₄? Ia₁ në₅ bá₄ ñi₅ dsa₂ 'éi₂ jmo₂₃ 'lióng₂ léi₄ juë'₂. ⁴⁸ Chi₂jua'₂ caun₂ cuë₂ jniog₄ jmig₄ jmo₃ lia'₂ ma₂jmo₂₃ në₅, le₃'én₂ bá₄ ca₂le₃jín₃ dsa₂ të₂le₃ quió'₅; jaun₂ qui₂ja₃lén₂ dsa₂ romanos qui₃'éin₂ ja₁ñi₅ quián₂ jniog₄ la₂, lia'₂ jma₃quian'₅₄ juig₂ nación quián₂ në₃.

⁴⁹ La₁ jan₂ dsa₂ 'éi₂, i₂chen₂ Caifás, i₂jme₁lín₄ jme₂dsa₂ dsen₅₄ ñi₂ jaun₂, ca₂juá'₂:

—Tsá₃ 'e₂ cuin'₂ 'nia'₂ 'i₁caun₂, ⁵⁰ on₃ guë'₂ len'₅₄ 'nia'₂, a₂jmo₅ bá₄ quián₂ jniog₄, † a₂jón₂ jan₂ dsa₂ o₄quió'₄ ca₂le₃jín₃, ia₁jaun₂ tsá₃ dsi₃'én₂ ta₁caun₂ juig₂.

⁵¹ La₁ on₃jua'₅₄ con'₂ tin₂ 'ñiog₅ Caifás ca₂juá'₂ le₂në₅; a₂jaun₂ bá₄ ca₂juá'₂ le₂në₅ ia₁ a₂jme₁lín₄ jme₂dsa₂ dsen₅₄ ñi₂ jaun₂: ca₂'é₂ jág₁ o₄quió'₄ Diú₄, a₂'i₄ 'éi'₃ jón₂ Jesús o₄quió'₄ dsa₂ juig₂ judíos.

⁵² La₁ on₃jua'₅₄ rë'₂ jmá'₃ o₄quió'₄ dsa₂ juig₂ judíos, ján₃ bá₄ ia₁jaun₂ chi₃loin'₃ jmóí'₂ ca₂ne₅₄ ca₂le₃jín₃ chi'₂-guein₂ quián₅ Diú₄ i₂qui₂i₂nio₄ tsi₁rë₂jan₅₄ në₃.

⁵³ Jaun₂ në₃, ca₂le₃ jmig₄ jaun₂, ca₂jmo₃ jág₁ dsi₂tan₅₄ quián₅ dsa₂ judíos a₂jñi'₃ Jesús.

⁵⁴ 'Uig₅₄ jaun₂ tsá₃ ma₃jme₁ñi₅ Jesús dsi₁ne₁jin₄ dsa₂ judíos, të₂le₃ ca₂o₃'iin₃ bá₄ ja₁jaun₂. Jaun₂ ñó₃ caun₂ 'uë₃ ma₂quián₅ ja₁lé₄ 'uë₃ quein₂ co₂'ñiog₅, caun₂ juig₂ a₂chei₂ Efraín. Ja₁jaun₂ ca₂ñia₃ quiain'₅₄ chi'₂ dsi₂guia₃-tín₂.

⁵⁵ Jme₁ma₂ja₂quián₃ Jmig₄ Të₂'in₅₄ quió'₅ dsa₂ judíos. Jaun₂ juin₅ bá₄ dsa₂ ca₂'uain₂ juig₂ gu'₂, qui₂ca₂uig₂ jui₅ Jerusalén né'₃ a₂të₅₄ Jmig₄ Të₂'in₅₄, ia₁jaun₂ qui₃jmo₃ le₁jñi₃.

⁵⁶ Jaun₂ jme₁i₂nio₄ dsa₂ 'nai'₂ Jesús, jaun₂ qui₂ñi'₂ riin'₅₄ tióin₂ i₁dsi₅ guá'₅ templo:

—¿'A₂ lia'₂ lín'₂ 'nia'₂? ¿Jiá₃ jmig₄, o₃ bá₄ tsá₃ jiá₃ 'e₂?

⁵⁷ Jme₁ma₂ca₂cuë₃ 'éi'₃ dsa₂ fariseos quiain'₅₄ juig₅₄ jme₂dsa₂ në₃, jme₁ma₂juá'₂, në₁jua'₂ 'éin₂ ca₂rë₃ñi₅ a₂já'₄ 'en₅₄ Jesús, jui₁jmo₁₂ jág₁ ia₁jaun₂ cuin₃ jmig₄ tsáun'₂.

12

Jan₂ 'io₅₄ ca₂tsiin₂ no'₅₄ mi₂juig₂ Jesús

(Mateo 26:6-13; Marcos 14:3-9)

¹ Jñéi₂ jmig₄ né'₃ a₂të₅₄ Jmig₄ Të₂'in₅₄, ñó₃ Jesús jui₅ Betania ja₁jme₁chan₂ Lázaro, dsa₂ i₂ca₂jme₃jen'₅₄ Jesús jme₁rë₂'lín₄ 'éi₂.

² Ja₁jaun₂ ca₂jmo₃ dsa₂ caun₂ má₃ o₄quió'₄ Jesús, a₂jme₂juag'₂. Ca₂tia'₃ Marta má₃; Si₁Lia₁ guë'₂ jme₁lín₄ jan₂ dsa₂ i₂tián'₅ ne₄ mesa guë'₅ co₂lë₅ quiain'₅₄ Jesús.

³ Jaun₂ në₃ ca₂can₃ María con'₂ mei'₂ tsá₃ ca₂'nau₅₄ litro no'₅₄ mi₂juig₂ nardo, a₂quen₅ 'mu'₅₄ 'ñio₅ lín₃, jaun₂ ca₂tsáng₂ mi₂tag₄ Jesús, jaun₂ ca₂chí₃ quian'₅₄ jñi₂ dsi₅₄. Ta₁caun₂ dsi₂néi₂ qui₂ca₂can'₂ dsió'₁ mi₂juig₂.

† 11:50 A₂lín₅₄ chog₅₄ si₂juá'₂: “a₂jmo₅ bá₄ quián'₂ 'nia'₂.”

⁴ Jaun₂ né₃, ca₂juá'₂ Judas Iscariote,* i₂jme₁lín₄ jan₂ dsa₂ guia₃-tín₂ quián₅ Jesús, i₂'éi₂ dé₄ i₂jáng'₂ quió'₅ Jesús, ca₂juá'₂:

⁵ —¿'E₂ 'uig₅₄ tsá₃ ca₂l₃'nag₄ co₂ñei'₅₄ no'₅₄ mi₂juig₂ nē₅ quian'₅₄ 'ni₅ 'ñiá₂-láu₂ 'éi'₃ cu₄ denario, a₂jme₁jme₁'on₁ dsa₂ te₂ñé₂?

⁶ La₁ on₃juá'₅₄ jaun₂ ca₂juá'₂ Judas le₂nē₅ jua'₅₄ a₂dsón'₂ dsan₂ dsí₅ ja₁con₂ dsa₂ te₂ñé₂; a₂jaun₂ bá₄ ca₂juá'₂ le₂nē₅ ia₁ a₂jme₁lín₄ jan₂ dsa₂ 'ang₂ bá₄, ton'₂ jme₁nio₅ gu₂ tsi₁tē₂lau₂ ja₁jme₁tó'₅ cu₄, jaun₂ jme₁cán₂ a₂jme₁tio'₅₄ 'ñió'₃.

⁷ Jaun₂ né₃ ca₂juá'₂ Jesús ca₂tsí'₃ Judas:

—Tsá₃ lē₁lein'₅₄; ta₁ jaun₂ bá₄ ca₂'ma₃ a₂nē₅, jaun₂ ma₂lé₅ co₂jñia₅₄ jmig₄ jē₁ma₂tē₂ rē₁'on₃ jniá₂. ⁸ Ca₂le₃jé₃ jmig₄ bá₄ i₂nio₄ dsa₂ te₂ñé₂ jin'₄ 'nia'₂, la₁ jniá₂ né₃ tsá₃ ma₃uē₂ 'en₅₄ jniá₂ quian'₅₄ 'nia'₂.

Ca₂jmo₃ dsa₂ caun₂ jág₁ a₂jñi'₃ Lázaro

⁹ Jaun₂ né₃, ca₂rē₃ñi₅ juin₅ dsa₂ judíos a₂'en₅₄ Jesús jē₄ juig₂ Betania, jaun₂ i₁lein₅₄ ja₁jaun₂, on₃juá'₅₄ jmá'₃ ca₂ne₅₄ a₂i₁jñin₁₂ Jesús, ján₃ bá₄ ca₂i₁jñin₁₂ Si₁Lia₁ i₂ca₂jme₃jen'₅₄ Jesús jme₁rē₂'lín₅₄.

¹⁰ Jaun₂ né₃, ca₂jmo₃ juig₅₄ jme₂dsa₂ caun₂ jág₁ a₂jñi'₃ Si₁Lia₁ ján₃, ¹¹ ia₁ o₄quió'₄ 'éi₂ bá₄ juin₅ dsa₂ ma₂i₂uín₂ ja₁con₂ dsa₂ judíos, a₂rē₂'éin₂ tē₂le₃ quió'₅ Jesús.

Ca₂dsióg₃ Jesús Jerusalén

(Mateo 21:1-11; Marcos 11:1-11; Lucas 19:28-40)

¹² Jme₁jñia₃ jaun₂, ca₂dsi₃lén₂ juin₅ lín₃ dsa₂ Jerusalén, ja₁nio₃ jmig₄. Jaun₂ jme₁ca₂rē₃ñi₅ a₂dsióg₄ Jesús jē₄ juig₄ Jerusalén, ¹³ ca₂can₃ mog'₅₄ 'ma₂tsín₅, jaun₂ ca₂'uín₂ ca₂i₁jñiai₅₄ Jesús, jaun₂ qui₂ca₂juá'₂ tiá₂:

—¡Jui₁le₂juin'₂ bá₄ i₂nē₅!† ¡Jui₁le₂jñió₃ i₂já₅ o₄quió'₄ Te₁gui'₅₄!‡ ¡Jui₁le₂jñió₃ Rag₅₄ quián₅ Israel!

¹⁴ Ca₂dsán'₂ Jesús jan₂ i₂bú'₄ 'mí₂, jaun₂ ca₂co₃dsiin₅₄ já'₂, jui₁lia'₂ chi₁ton₅ ne₄ Si₂:

¹⁵ Tsá₃ lē₁jmo₂ gang'₃,

'nia'₂ dsa₂ chan₂ ciudad Sión:

jag₄, já₅ Rag₅₄ quiáng'₂,

co₂dsiin₅₄ jan₂ bú'₄.§

¹⁶ Tsá₃ a₂jaun₂ ca₂rē₃ñi'₂ dsí₅ chi'₂ dsí₂guia₃-tín₂ le₂'uig₅₄; la₁ia₁ cang₂ jaun₂, jme₁ma₂ca₂lē₃ rē₂juin'₂ Jesús, jaun₂ bá₄ ca₂dsáu'₃ dsí₅ guioin₅₄ jág₁ nē₅ a₂tio'₅₄ ne₄ Si₂ a₂'iin₂₃ 'éi₂. Ca₂dsáu'₃ dsí₅ ján₃, dsau₅ bá₄ le₂jaun₂ ca₂jmo₃ dsa₂ juig₂ ja₁con₂ Jesús.

¹⁷ Qui₂ca₂jáng'₃ jág₁ dsau₅ dsa₂ juin₅ i₂jme₁quian'₅₄ Jesús lia'₂ con'₂ jme₁ca₂té'₃ Si₁Lia₁ né₃ tau₂ 'ñio₅, jme₁ca₂jme₃jein'₅₄ 'éi₂ jme₁rē₂'lín₅₄. ¹⁸ 'Uig₅₄ jaun₂ bá₄ ca₂'uin₂ dsa₂ juin₅, a₂ca₂i₁jñiai₁₂ Jesús, ia₁ ca₂rē₃ñi₅ a₂ca₂jmo₃ 'éi₂ léi₄ jué'₂ jaun₂.

¹⁹ Jaun₂ né₃ ca₂juá'₂ dsa₂ fariseos qui₂ca₂tsí'₃ riin'₅₄:

—Nē₅ bá₄ jág'₂ 'nia'₂, tsá₃ 'e₂ qui'₅₄ 'nia'₂ jmig₄ jmó'₂ 'i₁caun₂. Jag₄ de'₂ 'nia'₂, ma₂i₂lén₂ ta₁caun₂ mi₂güig₃ le₃quió'₅ i₂nē₅.

I₂lín₅₄ dsa₂ griegos 'nai'₂ Jesús

²⁰ Jin₄ dsa₂ i₂i₁len₅₄ Jerusalén i₂jme₂juin'₂ Diú₄ ja₁nio₅ jmig₄, jme₁tion'₅₄ i₂lín₅₄ dsa₂ griegos. ²¹ Dsa₂ 'éi₂ né₃, ca₂jme₃quiáin₃ ja₁con₂ Felipe i₂chan₂ juig₂ Betsaida, ja₁nio₅ 'uē₃ Galilea, jaun₂ ca₂mi₃ ne₄ 'éi₂, ca₂juá'₂:

—Gui'₅₄, 'niog₂ jnia'₅₄ né₄ Jesús.

²² Jaun₂ ñe₄ Fe₂li₄ ca₂i₁chi'₄ Dré₄; jaun₂ le₂oin₃ ca₂i₁dsia₂ a₂ca₂i₁chi'₄ Jesús. ²³ Jaun₂ né₃ ca₂ñag₃ Jesús:

* 12:4 A₂lín₅₄ chog₅₄ si₂ juá'₂ bá₄ ján₃: “ja₁ñi'₅₄ Si₂mu₅₄.” † 12:13 lit. “Hosana”, co₂'nió'₄ le₃juá'₅₄: “¡Lio₄ jmig₄ nē₃!” A₂jme₁juá'₂ dsa₂ le₂nē₅ tsí'₅ Diú₄, qui₂mi₂₃ a₂jiá₃ dsa₂ I₂rē₂'ín₁ quiáin₅. ‡ 12:13 Salmo 118:25-26. § 12:15 Zacarías 9:9.

—Ma₂ca₂té₂ hora a₂le₃juin'₂ Jaun₅ dsa₂ mi₂güig₃. ²⁴ A₂dsi₂jó'₃ juí₂g₂ jniá₂ 'nia'₂, nē₁jua'₂ tsá₃ tíá'₃ né'₃ 'uē₃ jui₁lia'₂ ca₂míg₂ mi₂cui₂g₂, * a₂dsi₃'én₂ né₃, a₂lē₁tē₂ron₅₄ 'ñiog₅; la₁ia₁ nē₁jua'₂ ca₂jon₃ né₃, 'lióng₂ rau₂. ²⁵ Jui₁lia'₂ i₂ñí₄ lē₃ 'nio₃ jme₂dsí₂ a₂chain₂, dsi₂'én₂ bá₄ jme₂dsí₂ jaun₂; la₁ia₁ jui₁lia'₂ i₂tén'₂ dsí₅ jme₂dsí₂ quió'₅ a₂chain₂ mi₂güig₃ la₂, a₂lé₂ quió'₅ bá₄ co₂tan₅₄. ²⁶ Jui₁lia'₂ i₂jme₂ti₃ ta₁ ne₃ jniá₂, 'nió'₅ jiá₃ chi₁co'₅₄ quió₃ jniá₂, jaun₂ jui₁lia'₂ ja₁'en₅₄ jniá₂, ján₃ bá₄ ja₁jaun₂ 'en₅₄ guē'₂ i₂jme₂ti₃ ta₁ ne₃. Jaun₂ jui₁lia'₂ i₂jme₂ti₃ ta₁ ne₃, guéi'₂ bá₄ ñe'₃ rē₂.

Ca₂'é₂ Jesús jág₁ a₂jóin₂

²⁷ 'ñio₅ lin₃ quian₄ jniá₂ o₂i₁ dsi₅. ¿'E₂ bá₄ juá'₄ jniá₂? ¿Juá'₄ 'e₂: “Tia₅₄, lio₄ jniá₂ 'e₂ niog₅ a₂qui₂dsi₃ñí₂ jniá₂ hora la₂”? La₁ on₃jua'₅₄ le₂jaun₂, ia₁ ta₁ jaun₂ guio₃ guē'₂ jniá₂ hora la₂. ²⁸ Tia₅₄ jme₁jnia₅ 'a₂ lia'₂ jláng'₁.

Jaun₂ né₃ ca₂né'₂ caun₂ jág₁ guei'₅₄ mi₂güig₃ a₂ca₂juá'₂:

—Ma₂ca₂jme₁jnia₅ bá₄ jniá₂, jaun₂ con'₂ síá'₂ jme₁jnia₅ táng₃.

²⁹ Jme₁ca₂nág₂ dsa₂ juin₅ i₂jme₁tió₂ cau₅ jaun₂, ca₂juá'₂:

—ñí'₃ bá₄ nē₂quiá'₃.

La₁ i₂sián'₂ guē'₂ juá'₂:

—Jan₂ ángel bá₄ nē₂juá'₂ jág₁ quió'₅.

³⁰ Jaun₂ né₃ ca₂juá'₂ Jesús ca₂tsí'₃ dsa₂:

—On₃jua'₅₄ o₄quió₃ jniá₂ a₂ca₂né'₂ jág₁ nē₅; o₄quián'₂ 'nia'₂ bá₄ a₂ca₂né'₂. ³¹ Nē₃ gué₄ né₃ ca₂té₂ jmi₂g₄ a₂tē₃dsi₅₄ 'éi'₃ mi₂güig₃ la₂; nē₃ gué₄ dsein₂₃ i₂gon₂ mi₂güig₃ la₂. ³² Jaun₂ jniá₂ né₃, jē₁ma₂ca₂chó'₂ dsa₂ guei'₅₄ gua'₅₄ 'uē₃, jme₁quián₄ jniá₂ ca₂le₃jín₃ ja₁cong₂.

³³ Ca₂juá'₂ le₂nē₅ a₂'ē₂₃ 'e₂ ne₅₄ 'mú₃ dsi₃ñí₂.

³⁴ Jaun₂ ca₂ñag₃ dsa₂:

—Ma₂nēi₂ jnia'₅₄ a₂'i₅ dsa₂ ne₄ Si₂ 'Éi'₃ a₂juá'₂ a₂le₃chan₂ I₂rē₂ 'ín₁ quián₅ Diú₄ co₂tan₅₄. ¿'A₂ guē'₂ lia'₂ juá'₂ 'ne₂ tion₅₄ chón'₂ dsa₂ Jaun₅ dsa₂ mi₂güig₃? ¿'Ein₂ 'éi₂ i₂lín₅ Jaun₅ dsa₂ mi₂güig₃?

³⁵ Jaun₂ né₃ ca₂juá'₂ Jesús:

—ñia'₅₄ lia'₂ co₂'na₂ bá₄ tág₅ gué₄ si₂ jin'₄ 'nia'₂. La₁ i₂nio'₄ 'nia'₂ tē₁lia'₂ tág₅ si₂, con'₂ tsá₃ ñó₅ nē₁jua'₂ ca₂tó'₂ nei₂. la₁ jui₁lia'₂ dsa₂ i₂ñí₅ jē₄ qui₁né'₃, tsá₃ ñi₅ 'a₂ jui₅ dsó₃. ³⁶ Jui₁le₂'én'₂ 'nia'₂ le₃quió'₅ si₂, tē₁lia'₂ cha₂ si₂ jin'₄ 'nia'₂, ia₁jaun₂ lén'₂ 'nia'₂ dsa₂ quián₅ si₂.

Jme₁ca₂dsan₃ juá'₂ Jesús le₂nē₅, ñái'₃, jaun₂ ca₂'mai₃ ja₁con₂ dsa₂ 'éi₂.

'E₂ lē₃ tsá₃ jme₁'én₂ dsa₂ judíos le₃quió'₅ Jesús

³⁷ La₁ jui₁'a₂ gué₃ la₂ ca₂jmo₃ Jesús 'lióng₂ léi₄ ne₄ dsa₂ 'éi₂, tsá₃ ca₂rē₃'én₂ bá₄ gué₄ dsa₂ 'éi₂ le₃quió'₅. ³⁸ Le₂nē₅ ca₂rē₃ti₃ jág₁ a₂ca₂'é₂ Isaiás o₄quió'₄ Diú₄, jme₁ca₂juá'₂:

Te₁gui'₅₄, ¿'ein₂ ma₂ca₂rē₃'én₂ jág₁ a₂'é₅ jniog₄?

¿Ja₁con₂ 'ein₂ ma₂ca₂jme₃jnia₅ Te₁gui'₅₄

jui₅bí₂ quió'₅?†

³⁹ 'Uig₅₄ jaun₂ tsá₃ lé₂ le₃'én₂ dsa₂ 'éi₂, ia₁ con'₂ síá'₂ ca₂juá'₂ táng₃ Isaiás:

⁴⁰ “Ma₂ca₂jmo₃ Diú₄ a₂tén₂ dsa₂ 'éi₂,

a₂ca₂lē₃ cang₄ dsi₅₄ né₃,

ia₁jaun₂ tsá₃ jág₃ quian'₅₄ mi₂ne₅₄,

on₃ guē'₂ le₂ñí'₂ tē₂le₃ tē₂dsí₅,

on₃ guē'₂ qui₃jéin'₃ dsí₅,

ia₁jaun₂ jme₁'lio₁₂ jniá₂.”‡

* 12:24 lit. “trigo.” † 12:38 Isaiás 53:1. ‡ 12:40 Isaiás 6:10.

⁴¹ Ca₂juá'₂ Isaías le₂në₅ ia₁ ca₂jág₃ le₂ñiá₅ jui₅bí₂ jlá'₁ quió'₅ Jesús, jaun₂ ca₂dsia₃ 'iin₂₃ 'éi₂.

⁴² La₁ia₁ tion₅₄ bá₄ ca₂rë₃'én₂ dsa₂, le₂jio₅ bá₄ i₂lín₅₄ dsa₂ can'₅₄. La₁ tsá₃ ca₂jmo₃ jág₁, ia₁ a₂gó'₅ gain₃ dsa₂ fariseos, con'₂ tsá₃ ñó₅ në₁jua'₂ ca₂'uág'₂ dsa₂ quió'₅, ja₁le₁toin₂₃ ne₄ si₂ guá'₅ sinagoga.

⁴³ Ia₁ a₂'nio₃ gué₄ tē₃tsiin'₅₄ dse₃ quian'₅₄ dsa₂ mi₂güüg₃, lia'₂ con'₂ gué₄ a₂jme₁tē₃tsiin'₅₄ dse₃ quian'₅₄ Diú₄.

Jág₁ quió'₅ Jesús bá₄ a₂qui₃dsi₅ 'éi'₃ ja₁con₂ dsa₂ mi₂güüg₃

⁴⁴ Ca₂juá'₂ Jesús jág₁ tiá₂:

—Jui₁lia'₂ i₂'én₂ tē₂le₃ quió₃ jniá₂, on₃jua'₅₄ jmá'₃ le₃quió₃ jniá₂ 'éin₂; ján₃ bá₄ 'éin₂ le₃quió'₅ ñe'₃ i₂ca₂chei₃ jniá₂. ⁴⁵ Jui₁lia'₂ i₂jág₂ jniá₂, jiin₂ i₂ca₂chei₃ jniá₂. ⁴⁶ Ma₂guan₅ jniá₂ mi₂güüg₃ la₂, a₂lín₅ si₂, ia₁jaun₂ i₂'én₂ tē₂le₃ quió₃ jniá₂, tsá₃ tē₃'ñiá₄ jē₄ qui₁né'₃.

⁴⁷ Jaun₂ chi₂jua'₂ 'éin₂ i₂nag₅ jág₁ quió₃, la₁ tsá₃ gué'₂ tón'₂ jui₅, on₃jua'₅₄ jniá₂ qui₁dsi₅ 'éi'₃ quió'₅ 'éi₂; ia₁ on₃jua'₅₄ ta₁ jaun₂ guio₃ jniá₂ a₂qui₁dsi₅ 'éi'₃ ja₁con₂ dsa₂ mi₂güüg₃; tē₂le₃ a₂loin₅₄ bá₄ jniá₂. ⁴⁸ Jui₁lia'₂ i₂tsá₃ jei₅₄ jniá₂, on₃ gué'₂ tón'₂ jui₅ jág₁ quió₃, cha₂ bá₄ caun₂ a₂qui₃dsi₅ 'éi'₃ quió'₅. Jág₁ a₂ma₂qui₂ma₂juá'₃ bá₄ jniá₂, a₂jaun₂ bá₄ qui₃dsi₅ 'éi'₃ quió'₅, jmig₄ jē₁ca₂tó'₂. ⁴⁹ Ia₁ on₃jua'₅₄ o₄quió₃ 'ñi₃ ma₂qui₂ma₂juá'₃; ñe'₃ jniá₂ i₂ca₂chei₃ bá₄ ma₂ca₂cuē₃ 'éi'₃ jui₁'e₂ a₂juá'₅ jniá₂ quian'₅₄ 'e₂ a₂jme₂tíng₂ dsa₂. ⁵⁰ Jaun₂ guion₄ jniá₂, a₂jio₅ 'éi'₃ quió'₅ ñe'₃ jui₅ ja₁le₃chan₂ dsa₂ co₂tan₅₄; jaun₂ lē₃, jág₁ a₂juá'₅ jniá₂, juá'₅ lia'₂ con'₂ lé₅ 'éi'₃ ca₂cuē₃ ñe'₃.

13

Ca₂rín'₃ Jesús mi₂tag₄ chi'₂ dsi₂gua₃-tín₂ quiáin₅

¹ Ca₂juig₄ jme₁'nió'₅ gué₄ a₂tē₅₄ Jmig₄ Tē₂'in₅₄. Jme₁ma₂ñi₅ bá₄ Jesús a₂ma₂ca₂tē₂ hora a₂o₃'iin₅ mi₂güüg₃ la₂ a₂dsáin'₃ táng₃ ja₁con₂ Jmei₂. Lia'₂ co₂tan₅₄ bá₄ ca₂jme₃'nio₃ 'éi₂ dsa₂ quiáin₅ i₂jme₁tion'₅₄ mi₂güüg₃; la₁ në₃ nē₃, ca₂jme₃jniai₂₃ 'a₂ con'₂ ca₂dsióg₃ ca₂rë₃'nioi₃ 'éi₂.*

² Jme₁ma₂lë₅ má₃ tē₂le₃ ca₂nei₂, jaun₂ jme₁ma₂jmo₃ i₂sē₃dsen₃ a₂i₂jio₅ dsí₅ Judas Iscariote, ja₁ñi'₅₄ Si₂mu₅₄, a₂jiiñ'₂ Jesús. ³ Jme₁ma₂ñi₅ bá₄ Jesús a₂ma₂ca₂dsia₃ Jmei₂ ca₂le₃jé₃ o₄gú₃; jme₁ma₂ñi₅ bá₄ ján₃ a₂já₅ ja₁con₂ Diú₄, jaun₂ ja₁con₂ Diú₄ bá₄ dsáin'₃ táng₃. ⁴ Jaun₂ lē₃, lia'₂ con'₂ jme₁tiáin'₄ gué'₅, ca₂nau₂ ja₁jme₁guá₄, jaun₂ ca₂dsia₃ cau₅ tsin'₅₄ a₂jme₁qui'₂ tē₂le₃ co'₅₄, jaun₂ ca₂jén'₃ caun₂ 'mi'₂ toalla o₄'ñei'₂.

⁵ Jaun₂ nē₃ ca₂tia'₃ jmig₂ 'ñi₃ caun₂ ni₁'í₅, jaun₂ ca₂jme₃lióg₃ ca₂rang₃ mi₂tag₄ chi'₂ dsi₂gua₃-tín₂. Jaun₂ ca₂jme₃quéin'₂ quian'₅₄ tsi₁'mi'₂ toalla a₂jme₁chi₁jén'₅ o₄'ñei'₂.

⁶ Jaun₂ jme₁ca₂dsióg₃ ja₁con₂ Si₂mu₅₄ Pe₄, ca₂juá'₂ 'éi₂ ca₂tsí'₃ Jesús:

—Te₁gui'₅₄, ¿'ne₂ ráng'₂ tag₃ jniá₂?

⁷ Jaun₂ ca₂ñag₃ Jesús:

—Tsá₃ ñí'₂ gué₄ 'au'₂ 'ne₂ 'e₂ a₂jmo₅ jniá₂ në₃, la₁ cang₂ gué₄ le₃ñíg'₂.

⁸ La₁ ca₂juá'₂ Pe₄:

—Lia'₂ o₁líg'₂ co₂ñí₂ tsá₃ ráng'₂ 'ne₂ tag₃ jniá₂.

Jaun₂ ca₂juá'₂ Jesús:

—Nē₁jua'₂ tsá₃ ca₂rang₃ jniá₂ quiáng'₂, tsá₃ quen'₅₄ 'ne₂ ja₁con₂ jniá₂.

⁹ Jaun₂ nē₃ ca₂juá'₂ Si₂mu₅₄ Pe₄:

—Chi₂jua'₂ le₂jaun₂, Te₁gui'₅₄, on₃jua'₅₄ jmá'₃ mi₂tag₃ ráng'₂; ján₃ bá₄ rang₄ mi₂gu₃ quian'₅₄ mi₂dsi₃.

¹⁰ La₁ ca₂juá'₂ Jesús:

* 13:1 o₃, “nē₃ nē₃, ca₂rë₃'nioi₃ ca₂tē₂ jē₁ca₂tó'₂.”

—Jui₁lia'₂ i₂lia'₂ ca₂lë₃ ló'₅, jmá'₃ mi₂tag₅₄ bá₄ 'nió'₅ rin'₂, ia₁ ma₂le₁jín₃ bá₄ ta₁jain₂. Ma₂le₁jín'₃ bá₄ 'nia'₂, la₁ia₁ on₃jua'₅₄ ca₂le₃jíng'₃.

¹¹ Ca₂juá'₂: “Tsá₃ le₁jín'₃ 'nia'₂ le₃jíng'₃”, ia₁ ma₂ñi₅ bá₄ i₂'ein₂ i₂jáng'₂ quió'₅.

¹² Jme₁ca₂lë₃ rang₅ Jesús mi₂tag₄ chi'₂ dsi₂guia₃-tín₂, jaun₂ ca₂quí'₂ táng₃ ni₁tsin'₅₄ le₃co'₅₄, jaun₂ ca₂guá₂ táng₃ ne₄ mesa. Jaun₂ ca₂juá'₂ ca₂tsí'₃ chi'₂ dsi₂guia₃-tín₂:

—ñí'₂ 'nia'₂ 'e₂ a₂në₂jmo₃ jniá₂ quián'₂ 'nia'₂? ¹³ Ág'₅ 'nia'₂ jniá₂ Të₅, quian'₅₄ Te₁gui'₅₄. Tí₅ bá₄ jág₁ quián'₂ 'nia'₂, ia₁ dsón'₂ bá₄ le₂jaun₂ líng₅. ¹⁴ Jaun₂ në₃, chi₂jua'₂ le₂në₅ jniá₂ i₂líng₅ Të₅ quian'₅₄ Juí'₂ 'nia'₂, në₂rang₃ mi₂tag₅₄ 'nia'₂, ján₃ bá₄ le₂jaun₂ 'nió'₅ jmó'₂ 'nia'₂: a₂qui₁ráng'₂ mi₂tag₄ ríng'₂ le₂jang'₂ le₂jang'₂. ¹⁵ Ia₁ ma₂në₂can₃ jniá₂ caun₂ juí₅, ia₁jaun₂ jmó'₂ 'nia'₂ le₂jaun₂, jui₁lia'₂ ma₂në₂jmo₃ jniá₂ ja₁con'₂ 'nia'₂. ¹⁶ A₂dsi₂jó'₃ juí'₂ jniá₂ 'nia'₂, lia'₂ 'i₁jan₂ dsa₂ i₂jme₂ti₃ ta₁, tsá₃ juin'₂ gué₄ con'₂ gué₄ juig₅₄; ján₃ bá₄ lia'₂ 'i₁jan₂ dsa₂ i₂chen₄, tsá₃ juin'₅₄ gué₄ lia'₂ con'₂ gué₄ dsa₂ i₂chei₅. ¹⁷ Chi₂jua'₂ ñí'₂ 'au'₂ 'nia'₂ a₂në₅, 'e₂ bá₄ dsen'₃ 'nia'₂ chi₂jua'₂ le₂jaun₂ qui₂jmo'₂.

¹⁸ 'On₃jua'₅₄ ca₂le₃jín'₃ 'nia'₂ 'ín₅ jniá₂; guion₄ bá₄ jniá₂ i₂'ein₂ 'éi₂ i₂ma₂ca₂quiong'₅₄. La₁ia₁, 'nió'₅ le₃ti₃ lia'₂ con'₂ juá'₂ ne₄ Si₂: “Jui₁lia'₂ i₂gué'₅ co₂lë₅ quian'₅₄ jniá₂, ca₂nau₂ quen₅ të₂le₃ ja₁con₂ jniá₂.”† ¹⁹ Jaun₂ juí'₂ jniá₂ 'nia'₂ në₃, të₃jñiá₅, ia₁jaun₂ jë₁ma₂të₂ rë₁lé₂, le₃'én'₂ 'nia'₂, jniá₂ bá₄ líng₅ 'éi₂.‡ ²⁰ A₂dsi₂jó'₃ juí'₂ jniá₂ 'nia'₂, jui₁lia'₂ i₂guen₅ dsa₂ i₂chen₄ quián₃ jniá₂, guei₂₃ jniá₂; jaun₂ juí₁lia'₂ i₂guei₅ jniá₂ guein₂₃ i₂ca₂chei₃ jniá₂.

Ca₂juá'₂ Jesús a₂jáng'₂ Judas quió'₅

(Mateo 26:20-25; Marcos 14:17-21; Lucas 22:21-23)

²¹ Jme₁ca₂lë₃ juá'₂ jág₁ në₅, ca₂can₃ o₂i₁ dsi₅ ca₂të₂ jme₂dsí₂, jaun₂ ca₂jáng'₃ jág₁ dsau₅ lia'₂ rë₂jiá₃ jág₁, ca₂juá'₂:

—A₂dsi₂jó'₃ juí'₂ jniá₂ 'nia'₂, jan₂ 'nia'₂ jáng'₂ jniá₂.

²² Jaun₂ në₃ qui₂ca₂jín₂ chi'₂ dsi₂guia₃-tín₂ riin'₅₄ le₂jain₂ le₂jain₂, i₂gó'₃ dsí₅ 'nio₃ le₃ñi₅ 'ein₂ bá₄ 'ín₅ Jesús.

²³ Jan₂ chi'₂ dsi₂guia₃-tín₂ i₂ñiá₄ lë₃ jme₁'nio₃ Jesús, jme₁guá₄ le₃jén'₃ quió'₅. ²⁴ Jaun₂ ca₂jmo₃ Si₂mu₅₄ Pe₄ caun₂ léi₄ ne₄ 'éi₂, ca₂juá'₂:

—Chei'₅₄ 'ein₂ bá₄ 'iin₂₃.

²⁵ Jaun₂ në₃ ca₂jme₃quián₃ 'éi₂ të₂cau₅ gué₄ quió'₅ Jesús, jaun₂ ca₂ñag₃:

—Te₁gui'₅₄, 'i₂'ein₂ 'éi₂?

²⁶ Jaun₂ ca₂ñag₃ Jesús:

—I₂'éi₂ bá₄ i₂cué₄ jniá₂ ca₂jne₄ i₁ñí'₄ la₂, jë₁ma₂ca₂tiá₃ ni₁uing₅.

Jaun₂ në₃, jme₁ma₂në₂tiá₂ i₁ñí'₄, jaun₂ ca₂cué'₃ Judas Iscariote, ja₁ñi'₅₄ Si₂mu₅₄.

²⁷ Jaun₂ dsi₂juí₅ le₂jaun₂ jme₁ca₂gue₃ Judas i₁ñí'₄ jaun₂, ca₂'í₃ i₂së₃dse₃ të₂dsí₅. Jaun₂ në₃ ca₂juá'₂ Jesús:

—A₂jaun₂ a₂niog₅ 'au'₂ jmó'₂, jmo₄ në₃ cón'₅.

²⁸ La₁ lia'₂ 'i₁jan₂ i₂tián'₅ gué'₅ ne₄ mesa tsá₃ ca₂rë₃ñí'₂ 'e₂ 'uig₅₄ ca₂juá'₂ Jesús ca₂tsí'₃ Judas le₂jaun₂.

²⁹ Ia₁ jme₁niog₅ gu₂ Judas 'éi₂ ni₁lau₂ tio'₅₄ cu₄; jaun₂ ca₂lín₃ i₂lín₅₄, a₂ca₂juá'₂ Jesús tsí'₅ 'éi₂ a₂cha₂ jme₁lá₃ quió'₅ jmíg₄, o₃ jme₃'oin₅₄ ca₂la₂ cu₄ dsa₂ te₂ñé₂ 'e₂.

³⁰ Jaun₂ dsi₂juí₅ jme₁ma₂në₂gue₃ 'éi₂ i₁ñí'₄, o₂'íin₃. Jme₁ma₂ca₂nei₂ bá₄ le₂jaun₂.

Caun₂ 'éi'₃ 'mí₂

³¹ Jme₁ma₂o₂ 'ín₃ Judas jaun₂, ca₂juá'₂ Jesús:

† 13:18 Salmo 41:9. ‡ 13:19 o₃, “jniá₂ líng₅” co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14, Isaías 43:10, Juan 8:58.

—Ně₃ ně₃, jě₁ma₂le₃jníá₂ jui₅bí₂ jlá'₁ quió'₅ Jaun₅ dsa₂ mi₂güüg₃; ján₃ bá₄ le₃jníá₂ jui₅bí₂ quió'₅ Diú₄, ja₁con₂ 'éi₂. ³² Chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂; § Diú₄ ně₃, jme₃jnia₅ jui₅bí₂ jlá'₁ quió'₅ Ja₁ñi'₅₄ ja₁con₂ 'ñiog₅, ton'₂ jme₃jniai₂₃ ñi'₅₄ ta₁. ³³ 'Nia'₂ chi'₂-guein₂ quiáng₃, tsá₃ ma₂ué₂ 'en₅₄ jníá₂ jin'₄ 'nia'₂. Qui₁'nau'₅₄ 'nia'₂ jníá₂; la₁ jui₁lia'₂ ma₂ca₂juíg₂ jníá₂ dsa₂ judíos, ján₃ bá₄ le₂jaun₂ juíg₂ jníá₂ 'nia'₂ ně₃; tsá₃ lé₂ o₁nó'₅ 'nia'₂ ja₁né'₄ jníá₂. ³⁴ Caun₂ 'éi'₃ 'mí₂ la₂ cué₄ jníá₂ 'nia'₂; a₂jme₁'nió'₄ 'nia'₂ ríng'₂ le₂jang'₂ le₂jang'₂. Jui₁lia'₂ ca₂jme₁'nió'₄ jníá₂ 'nia'₂, 'nia'₂ ně₃ 'nió'₅ jme₁'nió'₄ 'nia'₂ ríng'₂. ³⁵ Le₂ně₅ bá₄ le₃ñi₅ ca₂le₃jín₃ dsa₂ a₂lín'₅ 'nia'₂ dsa₂ i₂ma₂ca₂rě₃tín₃ quiáng₃; ně₁jua'₂ caun₂ qui₂ca₂jme₁'nió'₄ 'nia'₂ ríng'₂ le₂jang'₂ le₂jang'₂.

Ca₂juá'₂ Jesús a₂tsá₃ tion₃ Pe₄ a₂cuíg₂₃

(Mateo 26:31-35; Marcos 14:27-31; Lucas 22:31-34)

³⁶ Jaun₂ ca₂ñag₃ Si₂mu₅₄ Pe₄ ca₂ñi'₃ Jesús:

—Te₁gui'₅₄, ¿a₂já'₄ guang'₅₄?

Jaun₂ ca₂ñag₃ Jesús:

—Ja₁né'₄ jníá₂, tsá₃ lé₂ le₃'éin'₄. La₁ 'éin'₄ bá₄ 'nia'₂ cang₂.

³⁷ Jaun₂ ně₃ ca₂juá'₂ Pe₄ ca₂tsí'₃ Jesús:

—Te₁gui'₅₄, ¿'e₂ lě₃ tsá₃ lé₂ le₃'éin'₄ jníá₂ tě₂ně₃? Ma₂chan₂ co₂ñia₅₄ bá₄ jníá₂ a₂gue₅₄ 'mú₃ o₄quián'₂ 'ne₂.

³⁸ Jaun₂ ca₂ñag₃ Jesús:

—¿Dson'₂ ma₂'ei₅ caun₂ 'au'₂ a₂gue'₂ 'mú₃ o₄quió₃ jníá₂? A₂dsi₂jó'₃ juíg₂ jníá₂ 'ne₂, né'₃ gué₄ a₂'o₃ tě₁gui₄ dsó₂, hora jaun₂ dé₄ tsá₃ tón'₄ 'ne₂ a₂cuíg'₂ jníá₂, ta₁'ni₅ ráun₂.

14

Jesús bá₄ lín₅ jui₅ a₂dsi₁len₃ dsa₂ ja₁con₂ Jmei₂

¹ Tsá₃ lě₁can₂ 'nia'₂ o₂i₁ 'au'₂. Jui₁lia'₂ 'én'₂ 'nia'₂ tě₂le₃ quió'₅ Diú₄, ján₃ bá₄ le₂jaun₂ jui₁le₂'én'₂ 'nia'₂ tě₂le₃ quió'₃ jníá₂. ² Ja₁quió'₄ ñe'₃, 'líong₂ dsi₂néi₂ cha₂ a₂jō₂; jua'₅₄ mei'₂ gué₃ tsá₃ le₂jaun₂ ně₃, ¿lín'₂ 'nia'₂ a₂jme₁juíg₅₄ jníá₂ 'nia'₂ a₂nég'₄ i₁jmo₃ co₂ñia₅₄ dsi₂néi₂ quián'₂ 'nia'₂?* ³ Cang₂ jě₁ma₂dsián'₃ jníá₂, jě₁ma₂ca₂lě₃ jmo₂₃ co₂ñia₅₄ ja₁o₁tión'₂ 'nia'₂, jaun₂ bá₄ guio₅₄ táng₃ a₂i₁te₁₂ 'nia'₂ ja₁cong₂, ia₁jaun₂ ja₁i₁'ú₃ jníá₂, ján₃ bá₄ lé₂ o₁tión'₂ 'nia'₂. ⁴ ñi'₅₄ bá₄ 'nia'₂ a₂já'₄ né'₄ jníá₂; cuiñ'₂ bá₄ 'nia'₂ jui₅ ně₃.

⁵ Jaun₂ ca₂juá'₂ To₁má₄:

—Te₁gui'₅₄, tsá₃ ne₄ jnia'₅₄ a₂já'₄ guang'₅₄; ¿'a₂ guë'₂ lia'₂ le₃cuag₅ jnia'₅₄ jui₅?

⁶ Jaun₂ ca₂ñag₃ Jesús:

—Jníá₂ bá₄ líng₅ jui₅, ján₃ bá₄ líng₅ jág₁ dsau₅, ján₃ bá₄ líng₅ i₂jmo₅ a₂le₃chan₂ dsa₂. 'I₁jan₂ tsá₃ dsióg₄ ja₁con₂ ñe'₃ jua'₅₄ tsá₃ tě₂le₃ quian'₅₄ jníá₂. ⁷ Jua'₅₄ mei'₂ gué₃ dsón'₂ ñi'₅₄ 'nia'₂ 'ein₂ lín₅ jníá₂, ján₃ bá₄ jme₁le₃cuiñ'₂ 'nia'₂ ñe'₃ ján₃; † jaun₂ ně₃ ně₃, tě₂le₃ ne₄ jui₅, le₃cuiñ'₂ 'nia'₂, ton'₂ ma₂jñin'₅₄ 'nia'₂.

⁸ Jaun₂ ně₃ ca₂juá'₂ Fe₂li₄ ca₂tsí'₃ Jesús:

—Te₁gui'₅₄, cué₄ jmi₄ a₂jñin₄ jnia'₅₄ ñéi'₅, jaun₂ co₂jaun₂ gué₄ dsáu₅ dsi₅ jnia'₅₄.

⁹ Jaun₂ ca₂ñag₃ Jesús:

—¿Tsa₁ cui₂'₂ 'ne₂ jníá₂ Fe₂li₄, o₁ñia'₅₄ ma₂ñó₅ jmi₄ 'en₅₄ jníá₂ quian'₅₄ 'nia'₂? Chi₂jua'₂ 'ein₂ dsa₂ ma₂jág₂ jníá₂, ján₃ bá₄ ma₂jñin₂ ñe'₃. ¿'A₂ bá₄ lia'₂ juá'₂ 'ne₂: “Cué₄ jmi₄ a₂jñin₄ jnia'₅₄ ñéi'₅”? ¹⁰ ¿Tsa₁ 'én'₂ 'ne₂ a₂'en₅₄ jníá₂ ja₁con₂ ñe'₃, ton'₂ 'en₅₄ gué'₂ ñe'₃ táng₃ ja₁con₂ jníá₂? Jui₁lia'₂ jág₁ a₂juíg₂ jníá₂ 'nia'₂, tsá₃ juá'₅ jníá₂ o₄quió₃ 'ñi₃. Tě₂le₃,

§ 13:32 A₂lín₅₄ chog₅₄ si₂, tsá₃ juá'₂ con'₂ táng₃: “chi₂jua'₂ le₃jnia₅ jui₅bí₂ quió'₅ Diú₄ ja₁con₂ 'éi₂.” * 14:2 o₃, “jua'₅₄ mei'₂ gué₃ tsá₃ le₂jaun₂ ně₃, jme₁juíg₅₄ guë'₂ jníá₂ 'nia'₂. Né₃'₄ i₁jmo₃ co₂ñia₅₄ dsi₂néi₂ quián'₂ 'nia'₂.” † 14:7 A₂lín₅₄ chog₅₄ si₂ juá'₂: “chi₂jua'₂ dsón'₂ ma₂cuíg'₂ 'nia'₂ jníá₂, le₃cuiñ'₂ 'nia'₂ ñe'₃ ján₃.”

ŋe'3 jniá2 i2të1'ñiá4 ja1con2 jniá2, i2'éi2 bá4 jmo5 ta1 quió'5. ¹¹ Jui1le2'én'2 bá4 'nia'2 a2juá'5 jniá2, a2'eng54 ja1con2 ŋe'3, a2'en54 guë'2 ŋe'3 ja1con2 jniá2; o3 nē1jua'2 tsá3 le2jaun2, jma'3 lia'2 tē2le3 quian'54 léi4 a2jmo23, jui1le2'én'2 'nia'2. ¹² A2dsi2jó'3 juíg2 jniá2 'nia'2, jui1lia'2 i2'én2 le3quió3 jniá2, ján3 bá4 jmo3 jui1lia'2 a2jmo5 jniá2; jaun2 tē2le3 'ñio5 gué4 juë'2 a2jmo3, ia1 nég'4 ja1con2 ŋe'3. ¹³ Jaun2 chi2jua'2 'e2 a2mi'2 'nia'2 lia'2 con'2 lé5 'éi'3 quió3 jniá2, jmo54 bá4 jniá2, ia1jaun2 le3juin'2 Jmei2 o4quió'4 Ja1ñi'54. ¹⁴ Lé2 bá4 mí'1 'nia'2 lia'2 con'2 lé5 'éi'3 quió3 jniá2, chi2jua'2 'e2 caun2 a2'niog'2 'nia'2, jaun2 jmo54 bá4 jniá2.

Ca2cuë3 Jesús jág1 quió'5 a2chein3 Jme2dsí2 ŋñiós

¹⁵ 'Chi2jua'2 'nióg'3 'nia'2 jniá2, nei2 gau2 'éi'3 quió3. ¹⁶ Jaun2 mi54 jniá2 ne4 ŋe'3 a2cuiin3 jan2 i2sián'2 i2cué'3 bí2 'au'2 'nia'2, ia1jaun2 'í2 'éi2 co2tan54 quian'54 'nia'2. ¹⁷ Jme2dsí2 quió'5 jág1 tí5 bá4 'éi2. Tsá3 lé2 le3guei3 dsa2 mi2güüg3, ia1 tsá3 jág2, on3 guë'2 cui23 cuiin23 'éi2. La1 'nia'2 né3, ma2cuiin'2 bá4 'nia'2, ia1 guá5 ja1con'2 'nia'2, ton'2 tē3'ñiá4 le3quián'2 'nia'2. ¹⁸ On3jua'54 a2tén4 jniá2 'nia'2 co2ñei'54 nē2jag4 bá4 chi'2 'nág2. Guio54 bá4 táng3 ja1con'2 'nia'2. ¹⁹ Tsá3 ma3uë2 jág2 dsa2 mi2güüg3 jniá2, la1ia1 jag'54 bá4 'nia'2. 'Uig54 ia1 a2chan2 jniá2, le3chang'2 bá4 'nia'2. ²⁰ Jmig4 jaun2 le3len'54 'nia'2 a2'en54 jniá2 ja1con2 ŋe'3, 'nia'2 guë'2 tiong'54 ja1con2 jniá2, jaun2 jniá2 guë'2 né3 'eng54 ja1con'2 'nia'2. ²¹ Jui1lia'2 i2gue5, i2né'2 'éi'3 quió3, 'éi2 bá4 i2tē3dsón'2 'nio3 jniá2. Jui1lia'2 i2'nio3 jniá2 né3, jme3'nio3 ŋe'3. Jáñ3 bá4 le2jaun2 jniá2 jme1'nió4, jaun2 jme1jnia5 jniá2 ja1coin2.

²² Jaun2 ca2juá'2 Judas, (on3jua'54 Iscariote):

—Te1gui'54, ¿'e2 lē3 ja1con2 jnia'54 jme1jnag'5, on3jua'54 rē'2 ja1con2 dsa2 mi2güüg3?

²³ Jaun2 ca2ñag3 Jesús:

—Jui1lia'2 i2'nio3 jniá2, tón'2 bá4 jui5 jág1 quió3; jaun2 jme3'nio3 ŋe'3 jme3'nioi3 'éi2, jaun2 qui2ja1náu4 jnia'54 ja1coin2 ja1'io1 quian'54 'éi2. ²⁴ Jui1lia'2 i2tsá3 'nio3 jniá2, tsá3 tón'2 jui5 jág1 quió3. Jáñ3 a2nag'2 'nia'2 la2, on3jua'54 a2quió3, a2quió'5 ŋe'3 i2ca2chei3 bá4.

²⁵ 'Ca2le3jé3 a2la2 juá'5 jniá2 juíg2 'nia'2 tē2lia'2 'eng54 gué4 quian'54 'nia'2; ²⁶ la1ia1 i2cuë3 bí2 'au'2 'nia'2 'éi2, i2lín5 Jme2dsí2 ŋñiós, i2chen3 ŋe'3 o4quió3 jniá2, 'éi2 bá4 jme3tag5 jme3tiin23 'nia'2, jaun2 jmo3 a2qui3dsiog'2 'au'2 'nia'2 ca2le3jé3 'e2 a2ma2qui2ma2juíg2 jniá2 'nia'2.

²⁷ 'Ág'5 jniá2 jág1 a2jmo3 'ag3 tei4 ja1con'2 'nia'3. A2tei4 a2'eis ja1con2 jniá2, a2jaun2 bá4 cué5 jniá2 'nia'2. La1 on3jua'54 lia'2 cué5 dsa2 mi2güüg3, cué5 jniá2 'nia'2. Tsá3 lē1can2 'nia'2 o2i1 dsi5, on3 guë'2 jmó'2 'nia'2 gang'3. ²⁸ Ma2qui2ma2nei'2 'nia'2 a2juá'5 jniá2; a2nég'4, jaun2 guio54 táng3 ja1con'2 'nia'2. Nē1jua'2 tē3dsón'2 'nióg'3 'nia'2 jniá2, jme1jmó'2 'nia'2 'io'2 jme1ca2rē3ñi'54 'nia'2 a2né'4 jniá2 ja1con2 ŋe'3, ia1 i2juin'2 gué4 'éi2 lia'2 con'2 gué4 jniá2. ²⁹ Jaun2 ma2juíg2 jniá2 'nia'2 a2la2 tē3ñiá5, ia1jaun2 le3'én'2 'nia'2 jē1ma2tē2 rē1lé2 a2jaun2.

³⁰ 'Tsá3 ma2'lióng2 jág1 dsia54 jniá2 quian'54 'nia'2; ia1 ma2já5 i2gon2 mi2güüg3 la2, o1jñia'54 tsá3 'e2 jui5bí2 'io5 'éi2 ja1con2 jniá2. ³¹ La1ia1 'nió'5 le3ñi5 dsa2 mi2güüg3, a2'nió3 jniá2 ŋe'3, jaun2 lia'2 con'2 lé5 'éi'3 a2ma2cuë3 ŋe'3 jniá2, a2jaun2 bá4 jmo5 jniá2.

'Nau2 'nia'2. Ma3dsau'54 jniog4 ja1lá3.

15

Cho'54 chi1uíng3 uvas, quian'54 gu'2 nei'54 quió'5

¹ 'Jniá2 líng5 cho'54 ni1uíng2 uvas, ja1já5 bí2 dsón'2. ŋe'3 guë'2 lín5 i2jmo5 'í1 ja1nau2. ² 'Jniá2 'éi2 ca2le3jé3 ni1gu'2 quió3 a2tsá3 míg2 'ag5; la1ia1 qui2j'5 qui2'uiin23 ni1gu'2 a2'ag5 míg2, ia1jaun2 ráu3 gué4 'lióng2. ³ Ma2le1jín'3 bá4 'nia'2 tē2le3 quian'54 jág1 a2qui2ma2juíg2 jniá2 'nia'2. ⁴ Caun2 jui1tē2'ñiá'4 bá4 'nia'2 ja1con2 jniá2, jui1lia'2 tē2'ñiá4 jniá2 ja1con'2 'nia'2. 'I1caun2 ni1gu'2 tsá3 lé2 le3'ag3 míg2 con'2 'ñiog5 le2jaun2, nē1jua'2 tsá3 rē2tsán'2 quian'54

cho⁵⁴; já₃ bá₄ le₂jaun₂ jui₁lia² 'nia² né₃, tsá₃ 'e₂ lé₂ le₃ráu₃ quián² 'nia² ně₁jua² tsá₃ tē₂'ñiá⁴ ja₁con₂ jniá₂.

⁵ 'Jniá₂ líng₅ cho⁵⁴; 'nia² guē² líng⁵ gu² nei⁵⁴. Jui₁lia² dsa₂ i₂tē₂'ñiá₄ rē₂tsán² quian⁵⁴ jniá₂, jui₁lia² tē₂'ñiá₄ jniá₂ ja₁con₂ 'éi₂, 'líong₂ ráu₃ quió⁵. Ia₁ 'i₁caun₂ tsá₃ 'e₂ lé₂ le₃jmo² 'nia² jua⁵⁴ tsá₃ quiong⁵⁴ jniá₂. ⁶ Jui₁lia² i₂tsá₃ tē₂'ñiá₄ ja₁con₂ jniá₂, líin₅ ně₂jag₄ bá₄ caun₂ ni₁gu² a₂dsi₂guiá² dsa₂ cau₅, jaun₂ rē₂quein₂. Ni₁gu² le₂nē₅ qui₂cág⁵ dsa₂, qui₂tó⁵ dsa₂ dsi₂si₂, jaun₂ cau₂.

⁷ 'Chi₂jua² tē₂'ñiá⁴ 'nia² ja₁con₂ jniá₂, ton² tē₂'ñiá⁴ já₁ quió₃ ja₁con² 'nia², jaun₂ mi₄ 'nia² chi₂jua² 'e₂ caun₂ 'niog², jaun₂ guéi¹ bá₄ 'nia². ⁸ Le₂la₂ bá₄ rē₂juin² 'ñe³: a₂qui₂ráu₂ 'líong₂ 'e₂ a₂jmo² 'nia². * Le₂nē₅ jme₂jniá² 'nia² a₂líng⁵ dsa₂ i₂ca₂rē₃tín₃ quián₃ jniá₂. ⁹ Jui₁lia² 'nio₃ 'ñe³ jniá₂, já₃ bá₄ le₂jaun₂ 'nió₃ jniá₂ 'nia²; caun₂ jui₁i₂nio₄ bá₄ 'nia² jui₅ a₂'nió₃ jniá₂ 'nia². ¹⁰ Ně₁jua² caun₂ né² 'nia² gau₂ 'éi³ quió₃, le₂nē₅ tē₃'ñiá⁴ 'nia² jui₅ a₂'nió₃ jniá₂ 'nia², jui₁lia² caun₂ nag₅ jniá₂ gau₂ 'éi³ quió⁵ 'ñe³, ton² tē₂'ñiá⁴ jniá₂ jui₅ a₂'nió₃ 'éi² jniá₂.

¹¹ 'Jág₁ ně₅ ma₂nē₂juíg₂ jniá₂ 'nia² ia₁jaun₂ a₂ñi₄ lē₃ jéin₅ jniá₂ 'io², cué₄ jniá₂ 'nia², ia₁jaun₂ le₃'ñia₅ bá₄ a₂jén² 'nia² 'io². ¹² A₂la₂ bá₄ 'éi³ quió₃: a₂jme₁'nió⁴ 'nia² ríng² le₂jang² le₂jang², jui₁lia² ma₂ca₂jme₁'nió₄ jniá₂ 'nia². ¹³ 'I₁jan₂ tsá₃ lé₂ le₃'nio₃ gué₄ lín₃ riin⁵⁴, lia² con² gué₄ i₂guein₅ 'mú₃ o₄quió⁴ a₂mei₅₄ quián₅. ¹⁴ 'Nia² bá₄ líng⁵ dsa₂ a₂mei₅₄ quiáng₃ chi₂jua² jmo² 'nia² 'e₂ te₂nei⁴ jniá₂. ¹⁵ Tsá₃ ma₃tēs₅ jniá₂ 'nia² dsa₂ i₂jme₂ti₃ ne₃, ia₁ tsá₃ 'ñi₅ jui₁lia² jan₂ dsa₂ i₂jme₂ti₃ ta₁, 'e₂ a₂jmo₅ juig⁵⁴. Tēs₅ jniá₂ a₂mei₅₄ quiáng₃ bá₄ 'nia², ia₁ ma₂ca₂jme₁jnia₅ bá₄ jniá₂ ja₁con² 'nia², ca₂le₃jé₃ 'e₂ a₂ma₂ca₂juá² 'ñe³. ¹⁶ On₃jua⁵⁴ 'nia² ca₂quio⁵⁴ jniá₂; jniá₂ bá₄ ma₂quion⁴ 'nia², jaun₂ ma₂ca₂dsia₃ jniá₂ gog² 'nia² a₂o₁nó⁵ 'nia² a₂qui₂rau₂ 'líong₂ quián² 'nia² a₂jio₃ ué². Jaun₂ le₂nē₅ cué₃ 'ñe³ jniá₂ cué³ 'nia² chi₂'e₂ caun₂ a₂mí¹ 'nia² lia² con² lé₅ 'éi³ quió₃ jniá₂. ¹⁷ A₂la₂ bá₄ 'éi³ quió₃ jaun₂ né₃: a₂jme₁'nió⁴ 'nia² ríng² le₂jang² le₂jang².

'Iog⁵⁴ dsa₂ mi₂güüg₃ 'ñiai⁵⁴ Jesús quian⁵⁴ dsa₂ quián₅

¹⁸ 'Chi₂jua² 'iog⁵⁴ dsa₂ mi₂güüg₃ quián² 'nia², jui₁le₂ñi⁵⁴ 'nia², jniá₂ bá₄ ca₂rē₃'iog⁵⁴ dsa₂ le₂'uig⁵⁴. ¹⁹ Jua⁵⁴ mei² gué₃ lín⁵ 'nia² dsa₂ i₂tén₅ mi₂güüg₃, jme₁jme₃'nio₃ bá₄ dsa₂ mi₂güüg₃ jui₁lia² 'nioi₃ dsa₂ quián₅. La₁ 'uig⁵⁴ ia₁ a₂tsá₃ tén⁵ 'nia² mi₂güüg₃, ton² ma₂quion⁴ jniá₂ 'nia² jin₄ dsa₂ mi₂güüg₃; 'uig⁵⁴ jaun₂ né₃, 'ñiai⁵⁴ 'nia². ²⁰ Dsá² 'au² 'nia² jmo₄, já₁ a₂ma₂juíg₂ jniá₂ 'nia²: "Lia² 'i₁jan₂ dsa₂ i₂jme₂ti₃ ta₁, tsá₃ juin² gué₄ con² gué₄ juig⁵⁴". Chi₂jua² ma₂qui₂ca₂co₃'ein₃ dsa₂ jniá₂, já₃ bá₄ le₂jaun₂ qui₃co₃'en₃ dsa₂ 'nia²; chi₂jua² ma₂tón² dsa₂ jui₅ já₁ a₂ma₂ca₂jme₁tiin₅ jniá₂, já₃ bá₄ le₂jaun₂ qui₃tón² dsa₂ jui₅ já₁ quián² 'nia². ²¹ La₁ ca₂le₃jé₃ a₂nē₅ dsi₂ñi² 'nia² qui₃co₃jmo₃' dsa₂ 'uig⁵⁴ quió₃ jniá₂, ia₁ tsá₃ cuiin₂₃ i₂ca₂chei₃ jniá₂.

²² 'Tsá₃ jme₁le₃cáin⁴ jua⁵⁴ mei² gué₃ tsá₃ guan₃ jniá₂ a₂o₂juá³ ja₁con₂ 'éi₂; la₁ ně₃ né₃, tsá₃ ma₃'e₂ lé₂ le₃juá² jua⁵⁴ tsá₃ 'ñi₅. ²³ Ia₁ jui₁lia² i₂'iog⁵⁴ jniá₂, já₃ bá₄ 'ñiai⁵⁴ 'ñe³ jniá₂. ²⁴ Tsá₃ jme₁le₃cáin⁴ jua⁵⁴ mei² tsá₃ léi₄ jaun₂ ca₂jmo₃ jniá₂ jin₄ dsa₂ 'éi₂ a₂tsá₃ 'ein₂ sián² ma₂jmo₃; la₁ia₁ o₁jñia⁵⁴ la₂ ma₂ca₂jag₃ bá₄ léi₄ jaun₂, tion⁵⁴ bá₄ 'iog⁵⁴ dsa₂ jniá₂, lia² 'ñe³ né₃, 'ñiai⁵⁴. ²⁵ La₁ia₁ qui₂lé₂ ia₁jaun₂ le₃ti₃ já₁ a₂tio⁵⁴ ne₄ Si₂ 'Éi³ quió⁵ a₂juá²: "Ca₂rē₃'iog⁵⁴ dsa₂ tē₃ tsá₃ 'e₂ cha₂ lē₃."†

²⁶ 'La₁ia₁ jē₁ma₂tē₂ rē₁jiá₃ i₂cué₃ bí² 'au² 'nia², i₂tsin⁵⁴ jniá₂ ja₁con² 'nia² i₂jiá₃ tē₂le₃ ja₁guá⁴ 'ñe³: Jme₂dsí₂ tí₅ dsón² i₂o₂'in₅ ja₁con² 'ñe³, i₂'éi₂ bá₄ jáng³ já₁ dsau₅ tē₂le₃ quió₃ jniá₂. ²⁷ Já₃ bá₄ le₂jaun₂ 'nió⁵ jang⁵⁴ 'nia² já₁ dsau₅, ia₁ ca₂le₃'uig⁵⁴ bá₄ ma₂qui₂ma₂tión² 'nia² quian⁵⁴ jniá₂.

* 15:8 'Nio² ja₁ton₅ Isaías 61:3. † 15:25 Salmo 35:19; 69:4.

16

¹ 'Le₂nē₅ juí₂ jniá₂ 'nia'₂ ia₁jaun₂ tsá₃ qui₃dsi₃uín'₂ 'nia'₂ a₂'éng'₂. ² Qui₃'uág'₂ dsa₂ 'uín'₂ 'nia'₂ ja₁lētong'₂ ne₄ si₂ guá'₅ sinagoga, ca₂le₃jé₃ já₅ caun₂ jmi₄, lín₂ jui₁lia'₂ i₂jme₃dsiog₅ 'nia'₂, a₂jén'₃ ta₁ jaun₂ quió'₅ ne₄ Diú₄. ³ Ca₂le₃jé₃ a₂nē₅ jmo₃* ia₁ tsá₃ ma₂ca₂rē₃cuin₂₃ ŋe'₃, on₃ guē'₂ jniá₂ ma₂ca₂rē₃cuig₂₃. ⁴ Jaun₂ juí₂ jniá₂ 'nia'₂ le₂nē₅ ia₁jaun₂ jē₁ma₂té₂ rē₁tē₅₄ jmi₄ jaun₂, dsiog'₂ 'au'₂ 'nia'₂ a₂ca₂juí₂ jniá₂ 'nia'₂ jág₁ la₂.

Ta₁ a₂jmo₅ Jme₂dsí₂ Jñi₃ó₅

'Tsá₃ ca₂juá'₃ jniá₂ le₂nē₅ lia'₂ con'₂ le₂'uig₅₄, ia₁ jme₁'en₅₄ bá₄ jniá₂ quian'₅₄ 'nia'₂. ⁵ La₁ia₁ nē₃ né₃, ma₂nég'₄ i₁'ú₃ quiang'₅₄ i₂ca₂chei₃; jaun₂ lia'₂ 'i₁jan'₂ 'nia'₂ tsá₃ 'ein₂ ŋag₅: “¿A₂já'₄ guang'₅₄?” ⁶ La₁ qui₂ca₂tá'₂ qui'₂ 'au'₂ 'nia'₂ 'uig₅₄ ia₁ a₂nē₂juí₂ jniá₂ 'nia'₂ a₂nē₅. ⁷ La₁ jág₁ dsau₅ bá₄ juí₂ jniá₂ 'nia'₂: tē₂le₃ a₂dse₃ quián'₂ 'nia'₂ bá₄ a₂nē'₄ jniá₂. Ia₁ nē₁jua'₂ tsá₃ ca₂ŋá'₃ jniá₂, tsá₃ jiá₃ i₂cuē₃ bí₂ 'au'₂ 'nia'₂; la₁ia₁ chi₂jua'₂ né'₄ jniá₂ né₃, tsin₅₄ jniá₂ 'éi₂ja₁con'₂ 'nia'₂. ⁸ Jē₁ma₂té₂ rē₁jiá₃ 'éi₂, jme₃jniai₂₃ a₂rē₂gan₂ dsa₂ mi₂güig₃ cuente quió'₅ dsáu₁, quió'₅ jui₅ dse₃, quió'₅ a₂jáu'₅ 'í₁ ja₁coin₂ né₃. ⁹ Cuente quió'₅ dsáu₁, 'uig₅₄ ia₁ a₂tsá₃ 'éin₂ le₃quió₃ jniá₂; ¹⁰ cuente quió'₅ jui₅ dse₃, ia₁ a₂nég'₄ ja₁con₂ ŋe'₃, jaun₂ tsá₃ ma₃jniá₂ jag'₅₄ 'nia'₂; ¹¹ ján₃ bá₄ cuente quió'₅ a₂jáu'₅ 'í₁, ia₁ ma₂jáu'₅ 'í₁ ja₁con₂ i₂'éi₂ i₂gon₂ mi₂güig₃ la₂.

¹² "Lióng₂ bá₄ jág₁ cha₂ gué'₄ a₂juig₅₄ jniá₂ 'nia'₂, la₁ia₁ tsá₃ qui'₅₄ 'nia'₂ jmi₄ le₃ŋíg'₂ jē₂ nē₃. ¹³ La₁ jē₁ma₂té₂ rē₁jiá₃ Jme₂dsí₂ tí₅ dsón'₂, i₂'éi₂ bá₄ jiog₃ 'nia'₂ jui₅ a₂tí₅ jág₁; ia₁ tsá₃ a₂jaun₂ juá'₂ 'éi₂ o₄quió'₄ 'ñiog₅; a₂jaun₂ bá₄ juá'₂ ca₂le₃jé₃ a₂nag₃, ton'₂ 'é₂ jág₁ jui₁lia'₂ 'e₂ niog₅ lé₂. ¹⁴ Jme₃juag'₂ 'éi₂ jniá₂, ia₁ ŋei₂ jui₁lia'₂ a₂lé₅ quió₃ jniá₂, jaun₂ 'éi₂ né₃, jmo₃ jág₁ ja₁con'₂ 'nia'₂. ¹⁵ Ca₂le₃jé₃ a₂cha₂ quió'₅ ŋe'₃, ján₃ bá₄ lé₅ quió₃ jniá₂; jaun₂ bá₄ lē₃ nē₂juá'₃ jniá₂ a₂ŋe₂ 'éi₂ jui₁lia'₂ a₂lé₅ quió₃ jniá₂, jaun₂ jmo₃ jág₁ ja₁con'₂ 'nia'₂.

Jui₁lia'₂ a₂'lia'₂ dsí₅ dsa₂ le₃tsín₃ a₂lé₂ a₂qui₃jmo₃ 'io'₂

¹⁶ ŋi'₅₄ ta₁, tsá₃ ma₃jag'₅₄ gué'₄ 'nia'₂ jniá₂; la₁ ŋi'₅₄ ta₁ bá₄, jag'₅₄ táng₃ jniá₂, ia₁ né'₄ jniá₂ ja₁con₂ ŋe'₃. †

¹⁷ Jaun₂ né₃, qui₂ca₂ŋag₃ i₂lín₅₄ chi'₂ dsí₂guia₃-tín₂ quiáin₅ ca₂ŋí'₃ riin'₅₄ le₂jain₂ le₂jain₂:

—¿I₂'e₂ 'nio₃ juá'₂ a₂juá'₂ tság₅ jniog₄ le₂nē₅: “ŋi'₅₄ ta₁, tsá₃ ma₃jag'₅₄ gué'₄ 'nia'₂ jniá₂; la₁ ŋi'₅₄ ta₁ bá₄, jag'₅₄ táng₃ jniá₂, ia₁ né'₄ jniá₂ ja₁con₂ ŋe'₃”? ¹⁸ ¿I₂'e₂ 'nio₃ juá'₂: “ŋi'₅₄ ta₁”? Tsá₃ ne₄ i₂'e₂ jaun₂ 'ē₂₃.

¹⁹ Jaun₂ ca₂rē₃lí'₄ Jesús i₂'e₂ 'nio₃ ŋag₃ tioen'₅₄, jaun₂ ca₂juá'₂:

—¿A₁qui₂ŋi'₄ 'nia'₂ ríng'₂ 'uig₅₄ ia₁ a₂nē₂juá'₃ jniá₂: “ŋi'₅₄ ta₁, tsá₃ ma₃jag'₅₄ gué'₄ 'nia'₂ jniá₂; la₁ ŋi'₅₄ ta₁ bá₄, jag'₅₄ táng₃ jniá₂”? ²⁰ A₂dsi₂jó'₃ juí₂ jniá₂ 'nia'₂, a₂tóng'₂ 'nia'₂ qui₁'áu'₂, a₂'lia'₂ 'au'₂ né₃, tē₁lia'₂ jmo₃ dsa₂ mi₂güig₃ 'io'₂. La₁ia₁ le₃tsín₃ bá₄ a₂'lia'₂ 'au'₂ 'nia'₂ jaun₂ a₂qui₃jmó'₂ táng₃ 'io'₂. ²¹ Jui₁lia'₂ lín₅ jan₂ 'io₅₄ jē₁rē₂chan₂ guein₂ quiain₅, 'lia'₂ dsí₅ ia₁ ma₂ca₂té₂ hora quió'₅; la₁ cang₂ jē₁ma₂ca₂rē₃chán₃ guein₂ quiáin₅, tsá₃ ma₃dsau'₂ dsí₅ a₂ca₂rē₃quí'₃ quió'₅, ia₁ a₂ŋí'₄ lē₃ 'io'₂ jén'₅, ia₁ a₂ca₂rē₃chán₃ jan₂ guein₂ mi₂güig₃ la₂. ²² Ján₃ bá₄ le₂jaun₂ 'nia'₂ né₃; 'lia'₂ 'au'₂ 'nia'₂ rē₂nē₃, la₁ jing₅₄ bá₄ táng₃ 'nia'₂, jaun₂ gué'₄ né₃ jmó'₂ 'nia'₂ 'io'₂ tē₂'au'₂, a₂'lio'₂ jén'₂ 'nia'₂ jaun₂ ca₂lia'₂ 'i₁jan₂ tsá₃ 'ein₂ lé₂ le₃jniá'₂.

²³ Jmi₄ jaun₂ tsá₃ ma₃'e₂ qui₁ŋag'₁ 'nia'₂ jniá₂ 'i₁caun₂. A₂dsi₂jó'₃ juí₂ jniá₂ 'nia'₂, chi₂jua'₂ 'e₂ a₂mi'₂ 'nia'₂ lia'₂ con'₂ lé₅ 'éi'₃ quió₃ jniá₂, cuē₃ bá₄ ŋe'₃. ²⁴ Ca₂lia'₂ jnió₄ jmi₄ nē₃, tsá₃ 'e₂ ma₂mi'₅₄ 'nia'₂ 'i₁caun₂ lia'₂ con'₂ lé₅ 'éi'₃ quió₃. Mí₄ 'nia'₂, jaun₂ gué'₁ 'nia'₂, ia₁jaun₂ le₃'ŋia₅ a₂o₂'ŋi₃ o₂'ŋia₃ 'au'₂.

* 16:3 A₂lín₅₄ chog₅₄ si₂: “jmo₃ jmái'₂ 'nia'₂.” † 16:16 A₂lín₅₄ chog₅₄ si₂ tsá₃ le₁ton₅ jág₁: “ia₁ né'₄ jniá₂ ja₁con₂ ŋe'₃.”

Jesucristo bá₄ ca₂tió'₃ mi₂güüg₃ la₂

²⁵ Jág₁ la₂ ma₂ně₂juíg₂ jniá'₂ 'nia'₂ quian'₅₄ jág₁ a₂jáng'₅ léi₄. La₁ jíá'₃ hora a₂tsá'₃ ma₃juig₅₄ jniá'₂ 'nia'₂ quian'₅₄ jág₁ a₂jáng'₅ léi₄; lia'₂ rě₂jiá'₃ jág₁ bá₄ juá'₄ jniá'₂ juig₅₄ 'nia'₂ a₂íng₄ ŋe'₃.

²⁶ Jmig₄ jaun₂ mí'₁ 'nia'₂ ne₄ ŋe'₃ lia'₂ con'₂ lé'₅ 'éi'₃ quió'₃ jniá'₂. Tsá'₃ ma₃tion₅₄ juá'₄ jniá'₂ a₂mi₅₄ jniá'₂ ne₄ ŋe'₃ o₄quián'₂ 'nia'₂, ²⁷ ia₁ ŋiog₅ bá₄ ŋe'₃ 'nioi'₃ 'nia'₂, ia₁ 'nióg'₃ 'nia'₂ jniá'₂, ia₁ ma₂ca₂rě₃'én'₂ 'nia'₂ a₂guio₃ jniá'₂ ja₁con₂ Diú₄. ²⁸ Ca₂o₃'ín₃ jniá'₂ ja₁con₂ ŋe'₃ a₂ca₂guang₃ mi₂güüg₃ la₂; la₁ia₁ ně₃ ně'₃ o₃'ing₅ mi₂güüg₃ la₂, jaun₂ nég'₄ táng₃ ja₁con₂ ŋe'₃.

²⁹ Jaun₂ ca₂juá'₂ chi'₂ dsi₂guia₃-tín₂ quiáin₅:

—Ně₃ gué'₄ ně'₃ juá'₂ 'ne₂ lia'₂ rě₂jiá'₃ jág₁; on₃jua'₅₄ quian'₅₄ jág₁ a₂jáng'₅ léi₄. ³⁰ Ně₃ gué'₄ ně'₃ ma₂ne₄ jnia'₅₄ a₂ŋi'₅₄ bá₄ 'ne₂ ca₂le₃jě'₃, jaun₂ tsá'₃ 'e₂ 'nió'₅ quiáng'₂ jua'₅₄ tsá'₃ ŋi'₅₄ 'e₂ qui₃ŋag₃ dsa₂ qui₃ŋii'₃ 'ne₂. 'Uig₅₄ jaun₂ 'éin₂ jnia'₅₄ a₂ŋe'₃ 'ne₂ ja₁con₂ Diú₄.

³¹ Jaun₂ ca₂ŋag₃ Jesús:

—¿Dson'₂ jua'₅₄, ně₃ gué'₄ 'én'₂ 'nia'₂? ³² Jjag₄ 'nia'₂! Ma₂ja₂quián₃ hora, ton'₂ tē₂ně₃ dsón'₂ bá₄, a₂cuíng'₂ 'nia'₂ lé₂, a₂o₁nog'₄ tsi₁rě₂jang'₅₄ le₂jang'₂ le₂jang'₂ o₁nog'₄ jma₃quén₅ quiáng'₂; jaun₂ téi'₄ 'nia'₂ jniá'₂ tē₃tsing'₅₄ 'ŋió'₃ lé₂. La₁ia₁ tsá'₃ 'ŋió'₃ jniá'₂ tē₃tsing'₅₄, ia₁ quiong'₅₄ bá₄ ŋe'₃ jniá'₂. ³³ Juíg₂ jniá'₂ 'nia'₂ le₃jě'₃ a₂la₂, ia₁jaun₂ 'ag₃ tei₄ 'au'₂ 'nia'₂ le₃quió'₃ jniá'₂. Mi₂güüg₃ la₂ tion₅₄ rě'₂ qui₁cán'₂ 'nia'₂ qui'₂ 'au'₂; la₁ia₁ tiá'₂ dsia₄ 'nia'₂ 'au'₂, ia₁ ma₂ca₂tió'₃ bá₄ jniá'₂ ja₁con₂ mi₂güüg₃ la₂.

17

Ca₂chi₃lén'₂ Jesús Diú₄ Jmei₂ o₄quió'₄ chi'₂ dsi₂guia₃-tín₂ quiáin₅

¹ Jme₁ma₂ca₂juá'₂ Jesús le₂ně₅, ca₂chóg'₃ ne₅₄ guei'₅₄ i₂juíg₃, jaun₂ ca₂juá'₂:

—Tia₅₄, ma₂té₂ hora quió'₃. Jme₁jnia₅ 'a₂ lia'₂ jlán'₁ ja₂ŋi'₂, ia₁jaun₂ jme₃jnia₅ ja₂ŋi'₂ 'a₂ lia'₂ jlán'₁ 'ne₂. ² Ia₁ ma₂ca₂cuē'₅₄ 'éi'₂ 'éi'₃ ne₄ quió'₅ ca₂le₃jín₃ dsa₂, ia₁jaun₂ jmo₃ a₂le₃chan₂ co₂tan₅₄ ca₂le₃jín₃ i₂ma₂cuin'₅₄. ³ A₂la₂ lé'₅ a₂chan₂ dsa₂ co₂tan₅₄: a₂le₃cuin₅ dsa₂ 'ne₂ i₂lín'₅ i₂jan₂ tan₅₄ Diú₄ tē₃dsón'₂, a₂le₃cuin₂₃ Jesucristo ně'₃ i₂ca₂chen'₂ 'ne₂.

⁴ Ma₂ca₂jme₁jnia₅ jniá'₂ ne₄ gua'₅₄ 'uē₃ la₂ 'a₂ lia'₂ jlán'₁ 'ne₂, ia₁ ma₂ca₂jme₁ŋia₅ jniá'₂ ta₁ a₂ca₂cuē'₅₄ jmo₅₄. ⁵ Ně₃ ně'₃, jaun₂, Tia₅₄, jmo₄ jlán'₁ jniá'₂ ja₁cong'₂, jui₁lia'₂ jme₁lín₄ jniá'₂ ja₁cong'₂ lia'₂ con'₂ nē'₃ gué'₄ a₂nio₃ mi₂güüg₃.

⁶ Ma₂ca₂jme₁jnia₅ jniá'₂ ne₄ dsa₂ i₂ca₂cuag'₅₄ jniá'₂ jin₄ dsa₂ mi₂güüg₃, i₂'ein₂ lín'₅ 'ne₂. I₂quiáng'₂ bá₄ jme₁lín₄, jaun₂ ma₂ca₂cuag'₅₄ jniá'₂; ma₂qui₂ca₂'í₃ tē₂dsí₅ 'éi'₂ jág₁ quiáng'₂.

⁷ Ma₂ca₂rě₃ŋi₅ 'éi'₂, ca₂le₃jě'₃ a₂ca₂cuē'₅₄ jniá'₂ já₅ ja₁con'₂ 'ne₂; ⁸ ia₁ ma₂ca₂cuē'₃ bá₄ jniá'₂ jág₁ jaun₂ a₂ca₂cuē'₅₄ 'ne₂ jniá'₂, jaun₂ ca₂gue₃ bá₄ 'éi'₂ nē'₃. Ma₂ca₂rě₃ŋi₅ lia'₂ con'₂ tí₅ jág₁, ja₁con'₂ 'ne₂ bá₄ o₂'ín₃ jniá'₂, ton'₂ ca₂rě₃'éin₂ a₂ca₂chei'₂ 'ne₂ jniá'₂.

⁹ O₄quió'₄ 'éi'₂ bá₄ mi₅ jniá'₂, on₃jua'₅₄ o₄quió'₄ dsa₂ mi₂güüg₃. O₄quió'₄ dsa₂ i₂ca₂cuag'₅₄ bá₄ mi₅ jniá'₂, ia₁ i₂quiáng'₂ 'ne₂ bá₄ 'éi'₂. ¹⁰ Ia₁ ca₂le₃jín₃ dsa₂ quiáng₃, ján₃ bá₄ quiáng'₂ 'éi'₂; ton'₂ ca₂le₃jín₃ dsa₂ quiáng'₂ nē'₃, i₂quiáng₃ bá₄ 'éi'₂ ján₃, jaun₂ rě₂jniá'₂ a₂jlán'₁ jniá'₂ tē₂le₃ quian'₅₄ 'éi'₂.

¹¹ Tsá'₃ ma₃jan₄ jniá'₂ mi₂güüg₃ la₂; la₁ia₁ 'éi'₂ nē'₃ tē₂'ŋiá'₄ mi₂güüg₃, jaun₂ nég'₄ ja₁con'₂ 'ne₂. Tia₅₄ ŋiós, jmo₄ 'í₁ 'éi'₂ i₂ma₂cuag'₅₄ quian'₅₄ jui₅bí₂ a₂lín'₅,* ia₁jaun₂ ca₂ne₅₄ bá₄ lén₂ co₂tan₅₄, jui₁lia'₂ lág₅ jniog₄. ¹² Lia'₂ con'₂ jme₁'en₅₄ jniá'₂ quiang'₅₄ 'éi'₂ mi₂güüg₃ la₂,† ma₂qui₂ma₂jmo₃ jniá'₂ 'í₁ i₂ma₂cuag'₅₄ quian'₅₄ jui₅bí₂ a₂lín'₅.‡ Ma₂qui₂ma₂jmo₃ jniá'₂ 'í₁, jaun₂ lia'₂ 'i₁jan₂ 'éi'₂ tsá'₃ ca₂i₃cón'₅, ŋia'₅₄ lia'₂ jan₂ bá₄ i₂'i₄ 'éi'₃ dsi₃'én₂, ia₁jaun₂ le₃ti₃ Si₂.

* 17:11 A₂lín₅₄ chog₅₄ si₂: “jmo₄ 'í₁ 'éi'₂ quian'₅₄ jui₅bí₂ a₂lín'₅, a₂ma₂jmo₅₄ a₂lín₅ jniá'₂ ján₃.” † 17:12 A₂lín₅₄ chog₅₄ si₂ tsá'₃ chi₁ton₅: “mi₂güüg₃ la₂.” ‡ 17:12 A₂lín₅₄ chog₅₄ si₂: “ma₂qui₂ma₂jmo₃ jniá'₂ 'í₁ quian'₅₄ jui₅bí₂ a₂lín'₅, a₂ma₂jmo₅₄ a₂lín₅ jniá'₂ ján₃.”

¹³ 'Ně₃ ně₃, nég'₄ ja₁cong'₂; la₁ia₁ tē₁lia'₂ 'eng₅₄ gué₄ mi₂güüg₃, juá'₅ jniá₂ jág₁ la₂ ia₁jaun₂ le₃'ñia₅ ja₁con₂ 'éi₂ a₂'io'₂ jéin₅ jniá₂. ¹⁴ Ma₂ca₂cué₃ bá₄ jniá₂ jág₁ quiáng'₂, la₁ia₁ dsa₂ mi₂güüg₃ ně₃, 'iog₅₄ quió'₅, ia₁ tsá₃ tén₅ 'éi₂ mi₂güüg₃, jui₁lia'₂ jniá₂ ně₃, tsá₃ téng₅ mi₂güüg₃. ¹⁵ On₃jua'₅₄ rē'₂ mi₅ jniá₂ jua'₅₄ a₂'uün'₅₄ mi₂güüg₃, a₂jaun₂ bá₄ mi₅ jniá₂ a₂jmó'₂ 'í₁ ia₁jaun₂ tsá₃ jo₃ i₂sē₃dsen₃. ¹⁶ Tsá₃ mi₂güüg₃ tén₅, jui₁lia'₂ jniá₂ ně₃, tsá₃ téng₅ mi₂güüg₃. ¹⁷ Chon₄ dsa₂ 'éi₂ tē₂le₃ quian'₅₄ jág₁ tí₅; ia₁ jág₁ quiáng'₂ bá₄ lé₅ jág₁ tí₅. ¹⁸ Jui₁lia'₂ ca₂chei'₂ 'ne₂ jniá₂ jin₄ dsa₂ mi₂güüg₃, ján₃ bá₄ le₂jaun₂ tsin₅₄ jniá₂ 'éi₂ jin₄ dsa₂ mi₂güüg₃. § ¹⁹ O₄quió'₄ 'éi₂ bá₄ tsón₄ jniá₂ 'ñio₃, ia₁jaun₂ ján₃ bá₄ le₂jaun₂ 'éi₂ ně₃, lé₂ rē₂tsoin₅₄ le₃quió'₅ jág₁ tí₅. ²⁰ 'La₁ia₁ on₃jua'₅₄ jmá'₃ o₄quió'₄ 'éi₂ mi₅ jniá₂; ján₃ bá₄ le₂jio₅ o₄quió'₄ i₂le₃'én₂ le₃quió₃, tē₂le₃ quian'₅₄ jág₁ quió'₅, ²¹ ia₁jaun₂ lén₂ ca₂ne₅₄ ca₂le₃jín₃, jui₁lia'₂ 'ne₂, Tia₅₄, 'eng'₅₄ ja₁con₂ jniá₂, ton'₂ 'en₅₄ gué'₂ jniá₂ ja₁con'₂ 'ne₂, ia₁jaun₂ 'éi₂ ně₃, dsi₃toin'₅₄ ja₁con₂ jniog₄, ia₁jaun₂ qui₃le₃'én₂ dsa₂ mi₂güüg₃ a₂ca₂chei'₂ jniá₂. ²² Ma₂ca₂cué₃ jniá₂ 'éi₂ a₂jlá'₁ quió₃ a₂ca₂cué'₅₄ 'ne₂ jniá₂, ia₁jaun₂ lén₂ 'éi₂ ca₂ne₅₄, jui₁lia'₂ lág₅ jniog₄ ca₂ne₅₄ ján₃. ²³ Jniá₂ le₃quió'₅ 'éi₂, 'ne₂ gué'₂ le₃quió₃ jniá₂, ia₁jaun₂ le₃'ñia₅ 'éi₂ a₂lén₂ ca₂ne₅₄, ia₁jaun₂ le₃ñi₅ dsa₂ mi₂güüg₃ a₂ca₂chei'₂ jniá₂, ton'₂ ca₂jme₁'nióg'₄ 'éi₂ jui₁lia'₂ ca₂jme₁'nióg'₄ jniá₂. ²⁴ 'Tia₅₄, 'nio₃ jniá₂ a₂dsi₃ton'₅₄ 'éi₂ i₂ca₂cuag'₅₄ ja₁cong₂, ia₁jaun₂ tē₃ ne₅₄ a₂jlá'₁ quió₃ a₂ca₂cué'₅₄ 'ne₂, ia₁ ca₂jme₁'nió'₄ 'ne₂ jniá₂, né'₃ gué₄ a₂nio₃ mi₂güüg₃. ²⁵ Tia₅₄ i₂dsen₃ gué₄ lín₃, tsá₃ cuín₅ dsa₂ mi₂güüg₃ 'ne₂, la₁ia₁ jniá₂ cuíng₅ 'ne₂, jaun₂ ma₂ñi₅ bá₄ dsa₂ la₂ quiáng'₂ a₂ca₂chei'₂ 'ne₂ jniá₂. ²⁶ Ma₂ca₂jme₁jnia₅ jniá₂ ja₁con₂ 'éi₂ 'ein₂ lín'₅ 'ne₂, jaun₂ caun₂ jme₁jnia₅ bá₄ jniá₂ 'ne₂, ia₁jaun₂ jui₁lia'₂ a₂'nióg'₃ 'ne₂ jniá₂ tē₃'ñiá₄ ja₁con₂ 'éi₂, ton'₂ 'ú₄ jniá₂ ja₁coin₂.

18

Ca₂ñja'₃ dsa₂ Jesús

(Mateo 26:47-56; Marcos 14:43-50; Lucas 22:47-53)

¹ Jme₁ma₂ca₂dsan₃ juá'₂ Jesús le₂nē₅, ca₂o₃'ín₃ quian'₅₄ chi'₂ dsi₂guia₃-tín₂, qui₂ca₂'ain₃ Jí'₅₄ Jma₃ Cedrón. Le₂quióng₄ ja₁jaun₂, jme₁cha₂ caun₂ ja₁jme₁cha₂ ni₁'ma₂ 'ag₅ míg₂, ja₁ca₂'í₃ Jesús quian'₅₄ chi'₂ dsi₂guia₃-tín₂ quiáin₅. ² Ján₃ bá₄ le₂jaun₂ Judas i₂jme₁ma₂'en₅₄ jui₅ jáng'₂ quió'₅, jme₁ma₂cuí'₅ bá₄ ja₁jaun₂, ia₁ 'lióng₂ ráun₂ ca₂ñi'₂ Jesús ja₁jaun₂ quian'₅₄ chi'₂ dsi₂guia₃-tín₂ quiáin₅. ³ Jaun₂ lē₃ ca₂dsióg₃ Judas ja₁jaun₂ quian'₅₄ co₂nió'₃ 'lióg₂, quian'₅₄ co₂nió'₃ gué'₂ chi'₂ 'i'₅₄ quián₅ guá'₅, i₂chen₄ quián₅ jui₅₄ jme₂dsa₂ quian'₅₄ dsa₂ fariseos ně₃. Ca₂dsi₃lén₂ dsa₂ 'éi₂ qui₂le₁quian₅ ñi₁tág₂, ni₁'ma₂, quian'₅₄ si₂ ni₁tsí₅, ni₁qui₂ a₂le₁guí'₃ si₂ ně₃. ⁴ La₁ia₁ Jesús ně₃, jme₁ma₂ñi₅ bá₄ ca₂le₃jé₃ 'e₂ a₂dsi₃ñí₂, jaun₂ o₂'ín₃ ja₁jaun₂ ca₂i₁jme₁jéin'₂ dsa₂, jaun₂ ca₂ñí₃' dsa₂ 'éi₂:

—¿I₂'ein₂ 'nag'₂ 'nia'₂?

⁵ Jaun₂ ca₂ñag₃ dsa₂ 'éi₂:

—Jesús i₂chan₂ Nazaret bá₄ 'nia'₂ jnia'₅₄.

Jaun₂ ca₂ñag₃ Jesús:

—Jniá₂ bá₄ 'éi₂.

Jaun₂ bá₄ jme₁chén'₄ Judas i₂jáng'₂ quió'₅, quian'₅₄ dsa₂ 'éi₂.

⁶ Jaun₂ jme₁ca₂juá'₂ Jesús ca₂tsí'₃ dsa₂: “Jniá₂ bá₄ 'éi₂”, jaun₂ i₃lén₂ le₃ca'₃ i₃gain'₅₄ 'uē₃.

⁷ Jaun₂ ně₃ ca₂ñag₃ táng₃ Jesús ca₂ñí₃' dsa₂ 'éi₂:

—¿I₂'ein₂ 'nag'₂ 'nia'₂?

Jaun₂ ca₂ñag₃ táng₃ dsa₂:

—Jesús i₂chan₂ Nazaret bá₄.

⁸ Jaun₂ ca₂ñag₃ táng₃ Jesús:

§ 17:18 'Nió'₂ ja₁ton₅ Juan 20:21.

—Ma₂ně₂juí₂g₂ jniá₂ 'nia'₂, jniá₂ bá₄ líng₅ 'éi₂.^{*} Chi₂jua'₂ jniá₂ 'nau'₂ 'nia'₂, cuē₄ jmi₂g₄ jui₁dsi₂len₅ bá₄ i₂la₂.

⁹ A₂la₂ ca₂lě₃ ia₁jaun₂ le₃ti₃ lia'₂ con'₂ lě₅ a₂jme₁ca₂juá'₂ Jesús tsí'₅ Jmei₂: “Jui₁lia'₂ i₂ca₂cuag'₅₄ 'ne₂ jniá₂, tsá₃ 'ein₂ ca₂i₃cón'₅ 'i₁jan₂.”

¹⁰ Jaun₂ ně₃ jme₁quian₅ Si₂mu₅₄ Pe₄ ŋi₁tág₂, jaun₂ ca₂dsí₃ ca₂quí'₃ rě₂gua₄ ne₁ quió'₅ jan₂ dsa₂ i₂jme₁chen₂ Malco, i₂jme₂ti₃ ta₁ ne₄ jme₂dsa₂ dsen₅₄.

¹¹ La₁ ca₂juá'₂ Jesús ca₂tsí'₃ Pe₄:

—Tio'₂ táng₃ ŋi₁tág₂ ja₁jme₁'i₄. ¿'E₂ lín'₂ 'ne₂ a₂tsá₃ ca₂tín₂ jniá₂ dsi₃ŋí₂g₂ a₂ma₂juá'₂ ŋe'₃?†

ŋó₃ Jesús ne₄ jme₂dsa₂ dsen₅₄

(Mateo 26:57-58; Marcos 14:53-54; Lucas 22:54)

¹² Jaun₂ ně₃ ca₂ŋau'₃ co₂nió'₃ 'lióg₂ lia'₂ jma₃quian'₅₄ juí₂g₅₄, quian'₅₄ chi'₂ 'i'₅₄ quián₅ guá'₅ ně₃, ca₂ŋai'₃ Jesús, jaun₂ qui₂ca₂'nei'₂ ně₃. ¹³ Jaun₂ ca₂i₁jio₃g₃ le₂'uig₅₄ ja₁quió'₄ Anás. Anás 'éi₂ ně₃ jme₁lín₄ dsi₂jmei₂ Caifás, i₂jme₁lín₄ ta₁ jme₂dsa₂ dsen₅₄ ŋi₂ jaun₂.

¹⁴ Caifás 'éi₂ ně₃ i₂jme₁ca₂juá'₂ ca₂tsí'₃ dsa₂ judíos, a₂jmo₅ jón₂ jan₂ dsa₂ o₄quió'₄ dsa₂ juí₂g₂.‡

Tsá₃ ca₂tion₃ Pe₄ a₂cuin₂₃ Jesús

(Mateo 26:69-70; Marcos 14:66-68; Lucas 22:55-57)

¹⁵ Jaun₂ ca₂ŋó₃ Si₂mu₅₄ Pe₄ quian'₅₄ gué₄ jan₂ dsa₂ i₂guia₃-tín₂ sián'₂ ně₃, chi₁co'₅₄ quió'₅ Jesús. Dsa₂ guia₃-tín₂ jan₂ 'éi₂ ně₃ jme₁cuig₅ bá₄ jme₂dsa₂ dsen₅₄ quió'₅, jaun₂ bá₄ ca₂'í₃ co₂lě₅ quian'₅₄ Jesús i₁dsi₅ quió'₅ jme₂dsa₂ dsen₅₄. ¹⁶ La₁ Pe₄ ně₃, jaun₂ bá₄ ca₂nau₂ o₄'né₄ tě₂le₃ ca₁'né₄. 'Uig₅₄ jaun₂ ca₂o₃'ín₃ dsa₂ guia₃-tín₂ i₂ma₂cuig₅ jme₂dsa₂ dsen₅₄ quió'₅, jaun₂ ca₂juá'₂ ca₂tsí'₃ 'io₅₄ i₂niog₅ ne₄ o₄'né₄, jaun₂ ca₂ŋí₂ Pe₄ tě₂le₃ dsi₂néi₂.

¹⁷ Jaun₂ ně₃ ca₂ŋag₃ 'io₅₄ i₂jmo₅ 'í₁ o₄'né₄ ca₂ŋí₂'₃ Pe₄:

—On₃jua'₅₄ 'ne₂ líng'₅ jan₂ i₂ca₂rě₃tín₃ quián₅ dsa₂ ně₅, ¿lia'₅₄?

Jaun₂ ca₂juá'₂:

—Jan₂'ón₄, on₃jua'₅₄ jniá₂ 'éi₂.

¹⁸ Ja₁jaun₂ jme₁tió₂n₂ dsa₂ i₂jme₂ti₃ ta₁, quian'₅₄ chi'₂ 'i'₅₄ quián₅ guá'₅. Jme₁ma₂ca₂dsia₃ ca₂jo'₅₄ si₂, ia₁ a₂jme₁güí₂g₂, jaun₂ tióin₂ qui₂jme₂dsioin'₂. Ján₃ bá₄ jě₄ jaun₂ jme₁chén'₄ Pe₄ jme₂dsioin'₂.

Chén'₅ Jesús ne₄ jme₂dsa₂ dsen₅₄

(Mateo 26:59-66; Marcos 14:55-64; Lucas 22:66-71)

¹⁹ Jaun₂ ca₂ŋag₃ jme₂dsa₂ dsen₅₄ ca₂ŋí₂'₃ Jesús cuente quió'₅ chi'₂ dsi₂guia₃-tín₂ quián₅, cuente quió'₅ jui₁lia'₂ jág₁ a₂jme₂tag₂₃ ně₃.

²⁰ Jaun₂ ca₂ŋag₃ Jesús:

—Ma₂qui₂ma₂juá'₃ bá₄ jniá₂ lia'₂ rě₂jiá₃ jág₁ tě₃ne₄ ca₂le₃jín₃ dsa₂; jme₁qui₂jme₁tín₂ jniá₂ tián₂ dsa₂ dsi₂néi₂ guá'₅ sinagoga quian'₅₄ i₁dsi₅ guá'₅ templo ně₃, ja₁qui₂ŋí'₂ ca₂le₃jín₃ dsa₂ judíos. Tsá₃ 'e₂ jág₁ ma₂juá'₃ jniá₂ 'i₁caun₂ tě₃ chi₁'ma₁. ²¹ ¿'E₂ 'uig₅₄ ŋag'₅₄ 'ne₂ jniá₂ jaun₂? ŋí'₅₄ jui₁lia'₂ dsa₂ i₂qui₂ma₂nág₂ jág₁ quió'₃, 'e₂ ma₂juí₂g₂ jniá₂. Jag₄ de'₂, i₂ŋi₅ bá₄ 'éi₂ jui₁lia'₂ i₂'e₂ jág₁ a₂ma₂juá'₃ jniá₂.

²² Jme₁ca₂juá'₂ Jesús le₂ně₅, jan₂ chi'₂ 'i'₅₄ quián₅ guá'₅ i₂jme₁chén'₄ cau₅, ca₂quein₃ dsi₂ne₄ Jesús, jaun₂ ca₂juá'₂:

—¿Le₁ně₅ bá₄ ŋag'₅₄ 'ne₂ ne₄ jme₂dsa₂ dsen₅₄?

²³ Jaun₂ ca₂ŋag₃ Jesús:

* 18:8 lit. “Jniá₂ líng₅”, co₂'nió'₄ jein₅ jág₁ lia'₂ chen₂ Jehová. 'Nio'₂ ja₁ton₅ Éxodo 3:14.
† 18:11 lit. “¿'E₂ lín'₂ 'ne₂ a₂tsá₃ gui'₅₄ jniá₂ tion₅₄ jmi₂g₂ dsi'₃ a₂ma₂cuē₃ ŋe'₃?” ‡ 18:14 Juan 11:50.

—Chi₂jua'₂ lig'₅₄ nē₂juá'₃ jniá'₂, jua'₅₄, jme₁jnia₅ chi₂jua'₂ já'₄ ca₂'lian'₂ jniá'₂ jaun₂. La₁ chi₂jua'₂ dsau₅ bá₄ jág₁ a₂nē₂juá'₃, ¿'e₂ guē'₂ lē₃ quein'₂ quió'₃?

²⁴ Jaun₂ nē₃ ca₂chei₃ Anás ca₂chein₃ Jesús chi₁'hei'₅₄ ne₄ Caifás, i₂lín₅ jme₂dsa₂ dsen₅₄.

Con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús

(Mateo 26:71-75; Marcos 14:69-72; Lucas 22:58-62)

²⁵ Tē₁lia'₂ jaun₂ nē₃, jaun₂ bá₄ chén'₅ Pe₄ jme₂dsioin'₂ cau₅ si₂, jaun₂ ca₂ḡag₃ dsa₂ ca₂ḡí'₃ Pe₄:

—¿On₁jua'₅₄ 'ne₂ líng'₅ jan₂ i₂ca₂rē₃tín₃ quián₅ dsa₂ nē₅?

Tsá₃ ca₂tion₃ Pe₄ jaun₂, ca₂juá'₂:

—Jan₂'ón₄. On₃jua'₅₄ jniá'₂ 'éi₂.

²⁶ Jaun₂ nē₃ ca₂ḡag₃ jan₂ i₂jme₂ti₃ ta₁ ne₄ jme₂dsa₂ dsen₅₄, i₂lín₅ jan₂ o₁rín'₅₄ dsa₂ i₂ca₂quí'₃ Pe₄ rē₂gua₄, ca₂juá'₂:

—¿Tsa₁ nē₂jín₄ jniá'₂ 'ne₂ ja₁cha₂ ni₁'ma₂ jaun₂, co₂lē₅ quian'₅₄ 'éi₂?

²⁷ Jaun₂ con'₂ siá'₂ táng₃ tsá₃ ca₂tion₃ Pe₄ a₂cuin₂₃ Jesús. Jaun₂ lia'₂ ma₂tē₂dsi₅₄ jaun₂, ca₂'o₃ tē₁guí₄ dsó₂.

Chén'₅ Jesús ne₄ Dsi₄má'₂ Pilato

(Mateo 27:1-2, 11—14; Marcos 15:1-5; Lucas 23:1-5)

²⁸ Jaun₂ nē₃ ca₂dsen₅ dsa₂ Jesús ja₁quió'₄ Caifás ca₂i₁jio₃g₃ tē₂ ne₄ta₁ quió'₅ dsi₄má'₂. Jme₁ma₂jnia₃ mi₂güü₃g₃, jaun₂ tsá₃ ca₂tón'₂ dsa₂ judíos dsi₂néi₂ ne₄ta₁ quió'₅ dsi₄má'₂, ia₁jaun₂ tsá₃ le₃'iog₅ quió'₅, ia₁ 'nio₃ jme₁gué'₃ má₃ quió'₅ Jmig₄ Tē₂'in₅₄.

²⁹ 'Uig₅₄ jaun₂ nē₃ ca₂o₃'ín₃ Pilato 'ḡiog₅ ja₁tion'₅₄ 'éi₂, jaun₂ ca₂juá'₂:

—¿'E₂ dso₄ bon'₄ 'nia'₂ dsa₂ la₂?

³⁰ Jaun₂ ca₂ḡag₃ dsa₂:

—Jua'₅₄ mei'₂ gué₃ tsá₃ rín₅ dsa₂ nē₅ dso₄, tsá₃ o₄gog'₂ 'ne₂ jme₁jiin'₅₄ jnia'₅₄.

³¹ Jaun₂ nē₃ ca₂juá'₂ Pilato ca₂tsí'₃ dsa₂:

—Te₅₄ 'nia'₂ jaun₂, qui₂dsi₅ 'nia'₂ 'éi'₃ quió'₅ lia'₂ con'₂ lé₅ 'Éi'₃ quián'₂ 'nia'₂ guiong'₅₄.

Jaun₂ ca₂ḡag₃ dsa₂ judíos:

—La₁ia₁ tsá₃ 'i₄ 'éi'₃ a₂jḡí'₄ jnia'₅₄ jan₂ dsa₂.

³² Le₂nē₅ ca₂rē₃ti₃ jág₁ a₂ca₂juá'₂ Jesús 'e₂ ne₅₄ 'mú₃ a₂dsi₃ḡí₂.

³³ Jaun₂ ca₂'í₃ táng₃ Pilato tē₂le₃ dsi₂néi₂ ne₄ta₁ quió'₅, jaun₂ ca₂té'₃ Jesús jaun₂ ca₂ḡí'₃ 'éi₂:

—¿Lín'₅ 'ne₂ Rag₅₄ quián₅ dsa₂ judíos?

³⁴ Jaun₂ ca₂ḡag₃ Jesús:

—¿A₂ḡag'₅₄ 'a₂ con'₂ dsi₂jio₅ 'au'₂ 'ḡiag'₂ a₂juá'₂ nē₅, o₃ chan₂ i₂sián'₂ a₂ma₂juá'₂ 'ag₂₃ jniá'₂?

³⁵ Jaun₂ ca₂ḡag₃ Pilato:

—¿O₃ bá₄ dsa₂ judío lín₅ jniá'₂? Dsa₂ juig₂ quiáng'₂, quian'₅₄ juig₅₄ jme₂dsa₂ bá₄ nē₂jáng'₂ quiáng'₂ o₄gu₃ jniá'₂. ¿'E₂ ma₂jmo'₅₄?

³⁶ Jaun₂ nē₃ ca₂ḡag₃ Jesús:

—On₃jua'₅₄ mi₂güü₃g₃ la₂ ja₁gon₂ jniá'₂. Jua'₅₄ mei'₂ gué₃ mi₂güü₃g₃ la₂ ja₁gon₂ jniá'₂, jme₁náu₃ 'nei₂ bá₄ dsa₂ i₂quiong'₅₄ jniá'₂ ia₁jaun₂ tsá₃ jme₁jáng'₂ dsa₂ ne₄ dsa₂ judíos. La₁ on₃jua'₅₄ ja₁lá₃ ja₁gon₂ jniá'₂.

³⁷ Jaun₂ nē₃ ca₂juá'₂ Pilato ca₂tsí'₃ Jesús:

—¿Dson'₂ bá₄ lín'₅ 'ne₂ rag₅₄ jaun₂ nē₃?

Jaun₂ ca₂ḡag₃ Jesús:

—Dsau₅ bá₄ juá'₂ 'ne₂, a₂lín₅ jniá'₂ rag₅₄. Ta₁ jaun₂ ca₂rē₃cháng₃, ta₁ jaun₂ guang₃ mi₂güü₃g₃, ia₁jaun₂ jáng'₄ jág₁ dsau₅ o₄quió'₄ jág₁ tí₅. Ca₂le₃jín₃ i₂tión₂ le₃quió'₅ jág₁ tí₅, nag₂₃ jág₁ quió'₃.

³⁸ Jaun₂ ca₂juá'₂ Pilato ca₂tsí'₃ Jesús:
—¿I₂'e₂ jaun₂ jág₁ tí₅?

Ca₂o₃'ág₃ 'éi'₃ a₂jón₂ Jesús
(Mateo 27:15-31; Marcos 15:6-20; Lucas 23:13-25)

Jme₁ca₂dsan₃juá'₂ Pilato le₂ně₅, ca₂o₃'íin₃ táng₃, ca₂dsia₃ táng₃ jág₁ quian'₅₄ dsa₂judíos.
Jaun₂ ca₂juá'₂:

—Tsá₃ dso₄ dso'₂ jniá₂ ja₁con₂ dsa₂ la₂. ³⁹ La₁ chí'₅ caun₂ tag₄ quián'₂ 'nia'₂ a₂tén₅
jniá₂ jan₂ dsa₂ ja₁con'₂ 'nia'₂ jme₁tě₅ Jmig₄ Tě₂'in₅₄. ¿'Niog'₂ 'nia'₂ jaun₂ a₂tén₄ jniá₂ Rag₅₄
quián₅ dsa₂judíos?

⁴⁰ Jaun₂ ně₃, ca₂tóin'₂ co₂mi'₅₄ ca₂juá'₂:

—¡On₃jua'₅₄ i₂ně₅! ¡Barrabás bá₄ tén₃!

Barrabás 'éi₂ ně₃, jme₁líin₄ jan₂ dsa₂ 'ang₂ i₂ca₂nau₂ 'nei₂.§

19

¹ Jaun₂ ně₃ ca₂jmo₃ Pilato 'éi'₃ a₂ca₂i₁ban₅ dsa₂ Jesús quian'₅₄ tsi'₁'nei₅₄ a₂co₂taun₅.
² Jaun₂ ca₂jmo₃ 'lióg₂ caun₂ ni₁tsag₂ corona a₂lé₅ jméi₁ ni₁uing₂ taun₅, jaun₂ ca₂tó'₂ mi₂dsi₄
Jesús. Jaun₂ ca₂quen'₃ dsa₂ Jesús caun₂ tsi'₁'mi'₂ chen'₅₄ a₂jniá₂ 'ui'₃ guéin₂. ³ Jaun₂ ně₃
qui₂ca₂jme₃quiáin₃ ja₁con₂ 'éi₂, a₂juá'₂:

—¡Sian'₃ 'ne₂, Rag₅₄ quián₅ dsa₂judíos!

Jaun₂ qui₂ca₂quein₃ dsi₂ne₄ Jesús.

⁴ Jaun₂ ně₃ o₂'ín₃ táng₃ Pilato, jaun₂ ca₂juá'₂ ca₂tsí'₃ dsa₂:

—Nei₂ 'nia'₂, dséin₄ jniá₂ ja₁lá₃ le₃ja₁con'₂ 'nia'₂, ia₁jaun₂ le₃len'₅₄ 'nia'₂ ca₂lia'₂ 'i₁caun₂
dso₄ tsá₃ dso'₂ jniá₂ ja₁coin₂.

⁵ Jaun₂ o₂'ín₃ Jesús, 'i₄ dsi₅₄ corona lé₅ ni₁uing₂ taun₅, ján₃ bá₄ qui'₂ tsi'₁'mi'₂ chen'₅₄ 'ui'₃
jaun₂. Jaun₂ ně₃ ca₂juá'₂ Pilato ca₂tsí'₃ dsa₂:

—¡Jín₄ 'nia'₂ dsa₂!

⁶ Jaun₂ jme₁qui₂ca₂jág₂ juig₅₄ jme₂dsa₂ quian'₅₄ chi'₂ 'i'₅₄ quián₅ guá'₅ ně₃, jaun₂
ca₂jme₃lióg₃ qui₂ca₂tóin'₂ co₂mi'₅₄, ca₂juá'₂:

—¡Tióin₃ cróg₄! ¡Tióin₃ cróg₄!

Jaun₂ ca₂juá'₂ Pilato:

—Te₅₄ 'nia'₂ jaun₂, tióin₃ 'nia'₂ cróg₄ guiong'₅₄, ia₁ jniá₂ ně₃, 'i₁caun₂ dso₄ tsá₃ dso'₂
jniá₂ ja₁coin₂.

⁷ La₁ia₁ ca₂ḡag₃ dsa₂judíos:

—Ron₅ caun₂ 'éi'₃ quián₂ jnia'₅₄, jaun₂ lia'₂ con'₂ lé₅ juá'₂ 'éi'₃ jaun₂, a₂'nió'₅ jóin₂ bá₄;
ia₁ a₂jmo₂₃ a₂líin₅ Ja₁ḡi'₅₄ Diú₄.

⁸ Jme₁ca₂nág₂ Pilato jág₁ ně₅, 'ḡio₅ lín₃ gué₄ ca₂i₃gó'₃ dsí₅. ⁹ Jaun₂ ca₂'í₃ táng₃ tē₂le₃
dsi₂néi₂ ne₄ta₁ quió'₅, jaun₂ ca₂ḡag₃ ca₂ḡii'₃ Jesús:

—¿A₂já'₄ chan'₂ 'ne₂?

La₁ tsá₃ 'e₂ ca₂ḡag₃ Jesús, 'i₁caun₂. ¹⁰ Jaun₂ ně₃, ca₂juá'₂ Pilato:

—¿Tsa₁ ḡag'₅₄ 'ne₂ jág₁ quió₃ jniá₂? ¿Tsa₁ ḡi'₅₄ 'ne₂ jaun₂ a₂'o₂ jniá₂ jui₅bí₂ a₂jmo₅₄ 'éi'₃
a₂tion₃ dsa₂ cróg₄ 'ne₂, ján₃ bá₄ le₂jaun₂ guě'₂ ján₃, a₂'o₂ jniá₂ jui₅bí₂ a₂long₅₄ 'ne₂?

¹¹ Jaun₂ ca₂ḡag₃ Jesús:

—Ca₂lia'₂ 'i₁caun₂ jui₅bí₂ tsá₃ 'au'₂ 'ne₂ ja₁con₂ jniá₂, jua'₅₄ tsá₃ Diú₄ ca₂cuě₃. 'Uig₅₄
jaun₂, jui₁lia'₂ i₂ně₂jáng'₂ jniá₂ ne'₅₄ 'ne₂, 'ḡio₅ lín₃ gué₄ juě'₂ dso₄ rě₂cáin'₄ con'₂ gué₄
'ne₂.

¹² Ca₂le₃ jaun₂ ca₂'náu'₃ dsí₅ Pilato 'a₂ lia'₂ cuin₅ jmig₄ a₂jme₁lióin₂ Jesús; la₁ dsa₂judíos
ně₃ qui₂ca₂tóin'₂ co₂mi'₅₄ ca₂juá'₂:

§ 18:40 'Nió'₂ ja₁ton₅ Marcos 15:7.

—jNë₁jua'₂ ca₂lio_{in}'₅₄, tsá₃ líng'₅ a₂mei₅₄ quián'₅ dsi₂tan₅₄ emperador! jJa₁në₁jua'₂ 'ein₂ jmo₅ líin₅ rag₅₄, líin₅ jan₂ dsa₂ i₂'ñia₅₄ emperador!

¹³ Jaun₂ né₃ jme₁ca₂nág₂ Pilato jág₁ jaun₂, ca₂dsein₂₃ Jesús. Jaun₂ ca₂guá'₂ ne₄ta₁ ja₁qui₂dsi₂₃ 'éi'₃; ja₁jaun₂ ja₁chei₂ Gabata quian'₅₄ jág₁ jmei₅ hebreo, co₂'nió'₄ a₂juá'₂, ja₁lé₄ 'uë₃ cang₄. ¹⁴ Jme₁lé₄ jmi_g₄ a₂jmo₅ dsa₂ co₂ñia₅₄ Jmi_g₄ Të₂'in₅₄; jme₁ma₂té₂ con'₂ dsi₂ñí'₃; jaun₂ ca₂juá'₂ Pilato ca₂tsi'₃ dsa₂ judíos:

—jJin₄ 'nia'₂ rag₅₄ quiáng'₂!

¹⁵ La₁ ca₂tóin'₂ co₂mi'₅₄ ca₂juá'₂:

—jCau₅ jñiai'₃! jCau₅ jñiai'₃! jTióin₃ cróg₄!

Jaun₂ ca₂juá'₂ Pilato:

—jA₁'niog'₂ 'nia'₂ tóng₄ cróg₄ rag₅₄ quián'₂ 'nia'₂?

La₁ qui₂ca₂ñag₃ juig₅₄ jme₂dsa₂ ca₂juá'₂:

—Tsá₃ rag₅₄ sián'₂ chan₂ quián₂ jnia'₅₄, jñia'₅₄ lia'₂ jan₂ emperador bá₄.

¹⁶ Jaun₂ bá₄ ca₂jáng'₂ Pilato ca₂jín'₂ Jesús ia₁jaun₂ tio₃ dsa₂ ne₄ cróg₄. Jaun₂ ca₂tág₃ dsa₂.

Ca₂tion₃ dsa₂ cróg₄ Jesús

(Mateo 27:32-44; Marcos 15:21-32; Lucas 23:26-43)

¹⁷ O₂'ín₃ Jesús jaun₂, quian'₅ cróg₄ quió'₅, a₂ñó₃ jui₅ ja₁té'₂ dsa₂ Dsi₂con'₂ Ni₁mu₅ Mi₂dsi₄ 'Lag₄. Quian'₅₄ jág₁ jmei₅ arameo guë'₂, chei₂ Gólgota. ¹⁸ Ja₁jaun₂ ca₂tion₃ dsa₂ ne₄ cróg₄, ján₃ bá₄ ca₂tion₃ gué'₄ dsa₂ on₃ dsa₂ sián'₂ co₂lë₅ quian'₅₄ Jesús, jma₃jan₂ lia'₂ ca₂ton₂ quió'₅; 'ñiog₅ guë'₂ Jesús të₁toin₅₄ dsi₂jo₂.

¹⁹ Jaun₂ ca₂tióng₃ Pilato letras dsi₄ cróg₄ co₂'nió'₄ a₂juá'₂: “JESÚS CHAN₂ NAZARET, RAG₅₄ QUIÁN₅ DSA₂ JUDÍOS.”

²⁰ Jaun₂ juin₅ dsa₂ judíos ca₂'í₂ letras jaun₂, ia₁ ma₂quián₅ chei'₅₄ juig₂ ciudad bá₄ ja₁ca₂tion₃ dsa₂ cróg₄ Jesús jaun₂. Jme₁chi₁ton₅ letras jaun₂ quian'₅₄ jág₁ jmei₅ hebreo, griego, quian'₅₄ jág₁ jmei₅ latín né₃. ²¹ 'Uig₅₄ jaun₂, ca₂juá'₂ juig₅₄ jme₂dsa₂ quian'₅₄ dsa₂ judíos, ca₂tsi'₃ Pilato:

—Tsá₃ lë₁taun₂ “Rag₅₄ quián₅ dsa₂ judíos”; ja₂lin₃ gué'₄ dse₃ taun'₅₄ “I₂juá'₂ a₂lín₅ Rag₅₄ quián₅ dsa₂ judíos.”

²² La₁ ca₂ñag₃ Pilato:

—Jui₁lia'₂ a₂ma₂në₂taun₂ jniá₂, co₂në₅ ma₂në₂taun₂.

²³ Jme₁ma₂ca₂lë₃ tion₅ 'lióg₂ Jesús ne₄ cróg₄, jaun₂ ca₂can₃ tsi₁'mi'₂ quió'₅ Jesús, jaun₂ ca₂jmo₃ quén₂ dso'₅₄, jma₃jan₂ 'lióg₂ lia'₂ ca₂dso'₅₄. Já₃ bá₄ le₂jaun₂ ca₂can₃ ni₁tsin'₅₄ Jesús. La₁ ni₁tsin'₅₄ né₃, tsá₃ jme₁rë₂'me₅; jme₁lé₄ caun₂ 'mi'₂ con'₂ lé₅ ca₂ta₃ dsa₂, ta₁caun₂.

²⁴ Jaun₂ ca₂juá'₂ 'lióg₂ ca₂tsi'₃ riin'₅₄:

—Co₂ñei'₅₄ tió'₅ tsá₃ guéi₃. Në₃ i₁cáu₂ co₂ñei'₅₄ dsí₂ suerte, o₁ne₄ 'ein₂ tin₅₄.

Jaun₂ le₂në₅ ca₂rë₃ti₃ jág₁ a₂rë₂ton₅ ne₄ Si₂ a₂juá'₂:

Qui₂ca₂dsión'₂ dsa₂ tsín'₅ jniá₂ quian'₅₄ riin'₅₄,

ca₂co₃ ca₂dsi₂ suerte o₁ne₄ 'ein₂ tin₅₄.*

Le₂në₅ bá₄ ca₂jmo₃ 'lióg₂ 'éi₂ tioin'₅₄.

²⁵ La₁ chog₅₄ Jesús né₃, jaun₂ bá₄ jme₁chéin'₄ cau₅ cróg₄, lia'₂ jma₃quian'₅₄ 'io₅₄ riin'₅₄, quian'₅₄ María quián₅ Cleofas, quian'₅₄ María chan₂ Magdala né₃. ²⁶ Jme₁ca₂jín₂ Jesús chog₅₄, quian'₅₄ chi'₂ dsi₂guia₃-tín₂ i₂ñí₄ lë₃ jme₁'nioi₃ 'éi₂, chéin'₅ cau₅, jaun₂ ca₂juá'₂ ca₂tsi'₃ chog₅₄:

—'Io₅₄, në₅ chén'₅ ja₂ñí'₂.

²⁷ Jaun₂ gué'₄ ca₂juá'₂ ca₂tsi'₃ dsi₂guia₃-tín₂ 'éi₂:

—Në₅ chén'₅ chog'₂.

* 19:24 Salmo 22:18.

Ca₂le₃ jmi₄ jaun₂, ca₂guei₃ chi' ₂ dsi₂guia₃-tín₂ 'éi₂ ca₂guein₃ María dsi₂néi₂ quió' ₅.

Ca₂jon₃ Jesús

(Mateo 27:45-56; Marcos 15:33-41; Lucas 23:44-49)

²⁸ Cang₂ gué₄ jaun₂ né₃, ia₁ jme₁ma₂ñi₅ bá₄ Jesús a₂ma₂ca₂rë₃'ñia₅ ca₂le₃jé₃, ia₁jaun₂ le₃ti₃ jág₁ tio' ₅₄ ne₄ Si₂, ca₂juá' ₂:

—Jmi₂ i₁gui' ₁ jniá₂.

²⁹ Jë₄ jaun₂ jme₁chí' ₄ caun₂ ni₁dsig₁ a₂'a₄ jmi₂ dsi' ₃, jaun₂ ca₂tiá₂ dsa₂ caun₂ ni₁jau₂ 'ñio' ₃, ca₂guioin₃ quian' ₅₄ jmi₂ dsi' ₃ jaun₂. Jaun₂ ca₂chi₃dsí₂ dsa₂ nei' ₅₄ caun₂ ni₁'ma₂ hisopo jaun₂ ca₂chóg' ₃ dsa₂ të₂ mi₂'o₄ Jesús. ³⁰ Jme₁ma₂në₂'én' ₂ jmi₂ dsi' ₃ jaun₂, jaun₂ ca₂juá' ₂:

—Ma₂ca₂lë₃.

Jaun₂ né₃ ca₂sióg₂ mi₂dsi₅₄, ca₂jáng' ₃ jme₂dsí₂ quió' ₅.

Ca₂'ág' ₂ 'lióg₂ ñi₁chen' ₂ quió' ₅ mi₂dsi₂con₂ Jesús

³¹ Jme₁lé₄ jmi₄ a₂jmo₅ dsa₂ co₂jñia₅₄ Jmi₄ Të₂'in₅₄, jaun₂ tsá₃ 'nio₃ dsa₂ judíos jua' ₅₄ lia' ₂ ma₂le₁ton₅ jaun₂ ni₁ñi₁₂ dso' ₂ cróg₄ jmi₄ sa₅₄, ia₁ jmi₄ jué' ₂ lín₃ bá₄ sa₅₄ jaun₂. 'Uig₅₄ jaun₂ né₃ ca₂mi₃ ne₄ Pilato a₂chein₃ 'lióg₂ a₂qui₂dsi₃jio₅₄ dsi₂tag₄ 'éi₂, jaun₂ gué₄ të₂. ³² Jaun₂ né₃ ca₂i₁len₅₄ 'lióg₂ ca₂i₁jio₂ dsi₂tag₄ i₂le' ₅₄ uig₅₄; ján₃ bá₄ le₂jaun₂ ca₂jmo₃ quian' ₅₄ i₂jan₂ i₂chi₁ton₅ cróg₄ con₂ Jesús. ³³ La₁ jme₁ca₂jme₃quiáin₃ con₂ Jesús, ca₂jág₃ jme₁ma₂join₂₃ bá₄; 'uig₅₄ jaun₂ né₃ tsá₃ ma₂ca₂jio₃ dsi₂tag₄ 'éi₂. ³⁴ La₁ ca₂'ág' ₂ jan₂ 'lióg₂ mi₂dsi₁con₂ Jesús quian' ₅₄ ñi₁chen' ₂ quió' ₅, jaun₂ dsi₂jui₅ le₂jaun₂ ca₂'io₂ jmi₂ quian' ₅₄ jmi₂. ³⁵ Jan₂ dsa₂ i₂ca₂të₂ ne₄ i₂jáng' ₅ jág₁ dsau₅ la₂; ton' ₂ tí₅ bá₄ jág₁ dsau₅ a₂jáng' ₅. Ján₃ bá₄ ñi₅ dsa₂ 'éi₂ a₂juá' ₂ jág₁ tí₅ të₃dsón' ₂, ia₁jaun₂ le₃'én' ₂ 'nia' ₂ ján₃. ³⁶ Ia₁ a₂ca₂lë₃ la₂, ca₂lë₃ ia₁jaun₂ le₃ti₃ jág₁ a₂rë₂ton₅ ne₄ Si₂ a₂juá' ₂: “Lia' ₂ 'i₁caun₂ mu₄ 'éi₂ tsá₃ qui₃jio₃ dsa₂.”†

³⁷ Le₂jaun₂ gué' ₂ táng₃ juá' ₂ ne₄ Si₂ ja₁siá' ₂: “Jág₂ dsa₂ jín₂ 'éi₂ i₂ca₂'ág' ₂ dsa₂ quió' ₅.”‡

Ca₂'on₃ Jesús

(Mateo 27:57-61; Marcos 15:42-47; Lucas 23:50-56)

³⁸ Cang₂ gué₄ jaun₂ né₃, ca₂mi₃ jan₂ dsa₂ i₂chen₂ José, i₂chan₂ juig₂ Arimatea, i₂jme₁lín₄ jan₂ dsa₂ i₂quián₅ Jesús, la₁ia₁ jme₁'éin₂ con' ₂ të₃co' ₅₄ bá₄, ia₁ a₂gain₃ dsa₂ judíos; ca₂mi₃ Sé₄ 'éi₂ ne₄ Dsi₄má' ₂ Pilato a₂con₂ ni₁ñi₁ 'lag₄ Jesús. Ca₂cuë₃ bá₄ Pilato jmi₄, jaun₂ ñe₄ Sé₄ ca₂i₁siain₅ 'lag₄, jaun₂ ca₂tág₃. ³⁹ Ján₃ bá₄ ca₂dsióg₃ Nicodemo i₂jme₁ca₂i₁dsia₂ jág₁ le₂jñiá₅ quian' ₅₄ Jesús a₂'uë₂. Jme₁quian₅ 'éi₂ con' ₂ guióg₂-guiá₂ kilos mirra quian' ₅₄ áloes a₂ma₂rë₂güin' ₅. ⁴⁰ Jaun₂ ca₂tág₃ Sé₄ quian' ₅₄ Nicodemo ca₂tág₃ 'lag₄ ca₂lio₃ quian' ₅₄ tsi₁'mi' ₂ tióg₃ lia' ₂ jma₃quian' ₅₄ mi₂ro₂ jaun₂, lia' ₂ jme₁lé₄ tag₄ chí' ₅ quió' ₅ dsa₂ judíos a₂jme₁'óin₂ 'lag₄. ⁴¹ Cau₅ ja₁ca₂tion₃ dsa₂ cróg₄ Jesús, jme₁lé₄ caun₂ ja₁cha₂ ni₁'ma₂ a₂'ag₅ míg₂. Jaun₂ jë₄ jaun₂ jme₁dsi₅₄ caun₂ tau₂ 'ñio₅ 'mí₂ ja₁tsá₃ 'ein₂ jme₁ma₂ton' ₂ dsa₂ 'i₁jan₂ 'lag₄. ⁴² Jaun₂ 'uig₅₄ ia₁ a₂jme₁lé₄ jmi₄ a₂jmo₃ dsa₂ judíos co₂jñia₅₄ quió' ₅, ton' ₂ 'uig₅₄ ia₁ a₂jme₁lé₄ ma₂quián₅ jaun₂ tau₂ 'ñio₅, jaun₂ ja₁jaun₂ ca₂quio₅ Sé₄ quian' ₅₄ Nicodemo ca₂quioin₂₃ Jesús.

20

Ca₂jen' ₅₄ Jesús

(Mateo 28:1-10; Marcos 16:1-8; Lucas 24:1-12)

¹ Jë₁le₂'uig₅₄ jmi₄ semana, ñe₄ María chan₂ Magdala ja₁dsi₅₄ tau₂ 'ñio₅, të₂ o₃'iog₂ të₃ qui₁né₃ gué₄ le₂jaun₂. Jaun₂ ca₂jág₃, jme₁ma₂rë₃jñia' ₅₄ bá₄ ni₁cang₁ 'o₄ tau₂ 'ñio₅ jme₁dsióg₃. ² Jaun₂ né₃ ca₂ñái' ₃ co₂chi' ₅₄ ja₁jme₁'en₅₄ Si₂mu₅₄ Pe₄ quian' ₅ chí' ₂ dsi₂guia₃-tín₂ jan₂ i₂ñi₄ lë₃ jme₁'nio₃ Jesús 'éi₂, jaun₂ ca₂juá' ₂:

† 19:36 Éxodo 12:46; Números 9:12; Salmo 34:20. ‡ 19:37 Zacarías 12:10.

—Ma₂nē₂dsen₅ dsa₂ Te₁gui'₅₄ dsi₂néi₂ tau₂ 'ñio₅ ja₁jme₁roin₂₃, jaun₂ tsá₃ ne₄ a₂já'₄ nē₂quio₅ dsa₂.

³ Jaun₂ né₃ Pe₄ quian'₅₄ chi'₂ dsi₂guia₃-tín₂ jan₂ 'éi₂ ca₂'uñin₂ jaun₂ i₃lén₂ ja₁dsi₅₄ tau₂ 'ñio₅. ⁴ Le₃oin₃ bá₄ i₃lén₂ co₂lēs co₂'ei₅; la₁ i₂jan₂ 'éi₂ ca₂ñi₃ gué₄ co₂chi'₅₄ con'₂ gué₄ Pe₄, jaun₂ ñjiái₅ bá₄ ca₂dsióg₃ ja₁dsi₅₄ tau₂ 'ñio₅. ⁵ Jaun₂ ca₂jmo₃ i₁jín₂ ca₂ñéi₃ ne₅₄, jaun₂ ca₂jág₃, jaun₂ bá₄ jme₁niog₅ tsi₁'mi'₂ tióg₃, la₁ia₁ tsá₃ ca₂'í₃ dsi₂néi₂. ⁶ Jaun₂ gué₄ ca₂dsióg₃ Si₂mu₅₄ Pe₄ chi₁co'₅₄ quió'₅, jaun₂ ca₂'í₃ dsi₂néi₂ tau₂ 'ñio₅. Jaun₂ ca₂jág₃ 'éi₂ tsi₁'mi'₂ tióg₃: jaun₂ bá₄ jme₁niog₅ ja₁jaun₂; ⁷ ján₃ bá₄ ca₂jág₃ pe₁guí₄ a₂ca₂lio₃ mi₂dsi₄ Jesús. La₁ tsá₃ jme₁ron₅ co₂lēs quian'₅₄ tsi₁'mi'₂ tióg₃ jaun₂; cau₅ bá₄ jme₁ron₅ jme₁rē₂jon'₅. ⁸ Jaun₂ bá₄ ca₂'í₃ chi'₂ dsi₂guia₃-tín₂ jan₂ 'éi₂, i₂dsióg₃ le₂'uig₅₄; ca₂tē₂ ne₅₄, jaun₂ ca₂rē₃'éin₂. ⁹ (Ia₁ tsá₃ jme₁ma₂ñí'₂ gué₄ dsí₅ jág₁ a₂chi₁ton₅ ne₄ Si₂, a₂tion₅₄ niog₅ jen'₅₄ Jesús jin₄ 'lag₄.)

¹⁰ Jaun₂ né₃, i₂len₃ bá₄ táng₃ chi'₂ dsi₂guia₃-tín₂ 'éi₂ quió'₅.

Ca₂jme₃nia₅ Jesús ne₄ María chan₂ Magdala
(*Marcos 16:9-11*)

¹¹ La₁ jaun₂ bá₄ jme₁chén'₄ María ca₁'né₄ tau₂ 'ñio₅, 'o₂₃. Tē₁lia'₂ 'o₂₃ jaun₂, ca₂jmo₃ i₁jín₂ a₂ca₂jág₃ tē₂le₃ 'ñio'₃ tau₂ 'ñio₅, ¹² jaun₂ ca₂jín₂ on₃ ángeles i₂le₁qui'₂ 'mi'₂ tiog₂, tián'₅ jē₄ jme₁ron₅ ni₁ñi₁ Jesús; jan₂ jme₁guá₄ tē₂le₃ ja₁lé₄ chi₁gui'₂, i₂jan₂ gué'₂ ja₁jme₁lé₄ a₃tag₅.

¹³ Jaun₂ ca₂ñag₃ ángeles ca₂ñí'₃ María:

—'Io₅₄, ¿'e₂ lē₃ 'au'₂?

Jaun₂ ca₂ñag₃:

—Ia₁ ma₂nē₂te₃ bá₄ dsa₂ Te₁gui'₅₄ quiáng₃, jaun₂ tsá₃ guion₄ jniá₂ a₂já'₄ nē₂quio₅ dsa₂.

¹⁴ Jē₂ bá₄ ca₂'ñiai₂ jág₁ nē₅, jme₁ca₂jén'₃, jaun₂ ca₂jín₂ Jesús jme₁chén'₄; la₁ tsá₃ jaun₂ jme₁ñi₅, Jesús bá₄ 'éi₂.

¹⁵ Jaun₂ né₃ ca₂ñag₃ Jesús:

—'Io₅₄, ¿'e₂ lē₃ 'au'₂ 'ne₂? ¿I₂'ein₂ 'nag'₂?

Jaun₂, ia₁ a₂lín₂ María a₂lín₅ 'éi₂ dsa₂ i₂jmo₅ 'í₁ 'uē₃ jaun₂, jaun₂ ca₂juá'₂:

—Gui'₅₄, chi₂jua'₂ 'ne₂ ne₂te'₅₄, jua'₅₄ a₂já'₄ nē₂quioin'₂, ia₁jaun₂ tē₅₄ jniá₂.

¹⁶ Jaun₂ ca₂juá'₂ Jesús:

—¡María!

Jaun₂ ca₂jén'₃ María jaun₂ ca₂juá'₂ quian'₅₄ jág₁ jmei₅ hebreo:

—¡Raboni! —co₂'nió'₄ a₂juá'₂: Tē₅ quiáng₃.

¹⁷ Jaun₂ ca₂juá'₂ Jesús:

—Tsá₃ lē₁jmá'₂ quió₃, ia₁ tsá₃ ma₂uíg₂ gué₄ jniá₂ ja₁con₂ ñe'₃. La₁ guan'₂ o₂chei'₅₄ rín'₃ jniá₂, a₂uíg₂ jniá₂ ja₁con₂ ñe'₃, ja₁con₂ ñéi'₅ 'nia'₂ né₃, ja₁con₂ Diú₄ quiáng₃, ja₁con₂ Diú₄ quián'₂ 'nia'₂ né₃.

¹⁸ Jaun₂ bá₄ ñó₃ María chan₂ Magdala 'éi₂ ca₂i₁chi'₄ chi'₂ dsi₂guia₃-tín₂ a₂jme₁ma₂nē₂jín₂ Te₁gui'₅₄, a₂jme₁ma₂nē₂juá'₂ 'éi₂ jág₁ jaun₂.

Ca₂jme₃nia₅ Jesús ne₄ chi'₂ dsi₂guia₃-tín₂
(*Mateo 28:16-20; Marcos 16:14-18; Lucas 24:36-49*)

¹⁹ Jme₁ca₂nei₂ jē₁le₂'uig₅₄ jmi₄g₄ semana jaun₂ né₃, jme₁tion'₅₄ chi'₂ dsi₂guia₃-tín₂ le₁ñí'₂, qui₂le₁ñnág₅ 'né₅ ja₁tion'₅₄, ia₁ a₂gain₃ dsa₂judíos. Jaun₂ ca₂'í₃ Jesús, jaun₂ ca₂nau₂ dsi₂jo₂ quió'₅ 'éi₂, jaun₂ ca₂juá'₂:

—Jui'₁ei₅ tei₄ 'au'₂ 'nia'₂.

²⁰ Jme₁ma₂ca₂juá'₂ le₂nē₅, ca₂'ē₃ mi₂gu₂ quian'₅₄ mi₂dsi₁coin₂. Jaun₂ ca₂jmo₃ 'io'₂ chi'₂ dsi₂guia₃-tín₂ jme₁ca₂jín₂ Te₁gui'₅₄.

²¹ Jaun₂ ca₂juá'₂ táng₃ Jesús:

—Jui¹'ei⁵ tei⁴ 'au'² 'nia'². Jui¹lia'² ca²chei³ ŋe'³ jniá², já³n³ bá⁴ le²jaun² tsin⁵⁴ jniá² 'nia'².*

²² Jaun² né³ ca²jéi² dsí² ne⁴ quió'⁵ dsa² 'éi², jaun² ca²juá'²:

—Guen'⁵⁴ 'nia'² Jme²dsí² ŋjió⁵. ²³ Chi²jua'² 'ein² i²ca²'én'³ 'nia'² dsáu¹, ma²qui²ca²i³'én² bá⁴ dsáu¹ 'éi²; chi²jua'² 'ein² tsá³ ca²'én'³ 'nia'² dsáu¹, tē³'ŋiá⁴ dsáu¹ ja¹coin².

Jág⁵ To¹má⁴ jín² Te¹gui'⁵⁴ a²ma²ca²jein'⁵⁴

²⁴ La¹ To¹má⁴ né³, jan² chi'² dsi²guia³-tín² i²té'² dsa² Dsa² Tsin'⁵⁴, tsá³ jme¹'ein⁵⁴ jē⁴ quió'⁵ riin'⁵⁴ lia'² con'² jme¹dsi²óg³ Jesús. ²⁵ Jaun² lē³, jme¹ca²juá'² chi'² dsi²guia³-tín² riin'⁵⁴:

—Ma²nē²jín⁴ jnia'⁵⁴ Te¹gui'⁵⁴.

La¹ To¹má⁴ né³ ca²juá'²:

—Nē²jua'² tsá³ ca²jág³ jniá² léi⁴ mi²gu² ja¹ca²i³ba⁵⁴ mi²ŋí¹, ca²lia'² ca²tiá³ chi¹gu³ tau² a²ca²lē³ quian'⁵⁴ mi²ŋí¹, ca²lia'² ca²tiá³ mi²gu³ mi²dsi¹coin², tsá³ le³'éng².

²⁶ ŋja³ jmig⁴ cang² gué⁴ jaun², jme¹le¹ŋi'² táng³ chi'² dsi²guia³-tín² quiáin⁵ caun² dsi²néi², le²jaun² gué⁴ né³ jme¹'en⁵⁴ To¹má⁴ jē⁴ quió'⁵ 'éi². Jaun² né³, o¹ŋja'⁵⁴ qui²le¹ŋnág⁵ 'né⁵ ja¹tioin'⁵⁴, ca²'í³ Jesús, ca²nau² dsi²jo² quió'⁵ 'éi², jaun² ca²juá'²:

—Jui¹'ei⁵ tei⁴ 'au'² 'nia'².

²⁷ Jaun² né³ ca²juá'² ca²tsí'³ To¹má⁴:

—'ŋja⁵ i²tio'² chi¹gog'² ja¹lá³, jag⁴ mi²gu³; i²tio'² gog'² mi²dsi¹cong². Tsá³ lē¹jmo² a²tsá³ 'éng'², jui¹le²'éng'² bá⁴.

²⁸ Jaun² né³ ca²ŋag³ To¹má⁴:

—jTe¹gui'⁵⁴ quiáng³, Diú⁴ quiáng³ né³!

²⁹ Jaun² ca²juá'² Jesús:

—Nē³ gué⁴ 'éng'² 'uig⁵⁴ ia¹ a²nē²jag'⁵⁴ jniá². 'E² gué⁴ dsen³ jui¹lia'² dsa² i²tsá³ ca²jág², la¹ 'éin² bá⁴.

Ta¹ a²qui'⁵ si² la²

³⁰ Jaun² né³, 'líong² bá⁴ léi⁴ jué'² siá'² ca²jmo³ Jesús ne⁴ chi'² dsi²guia³-tín² quiáin⁵ a²tsá³ tio'⁵⁴ ne⁴ si² la². ³¹ La¹ia¹ qui²rē²ton⁵ a²la², ia¹jaun² le³'én'² 'nia'² a²lín⁵ Jesús I²rē²'ín¹ quián⁵ Diú⁴, ton'² lín⁵ Ja¹ŋi'⁵⁴ Diú⁴, ia¹jaun² jē¹ma²qui²ca²rē³'én'² 'nia'², le³chan'² bá⁴ 'nia'² co²tan⁵⁴ le³quió'⁵ 'éi².

21

Ca²jme³jnia⁵ Jesús ne⁴ guion³ chi'² dsi²guia³-tín² quiáin⁵

¹ Cang² gué⁴ jaun², ca²jme³jnia⁵ táng³ Jesús ne⁴ chi'² dsi²guia³-tín² quiáin⁵ chei'⁵⁴ Jmi¹ŋí'⁴ Tiberias.* Le²la² bá⁴ ca²lē³:

² Jme¹tion'⁵⁴ co²lē⁵ Si²mu⁵⁴ Pe⁴; To¹má⁴, i²té'² dsa² Dsa² Tsin'⁵⁴; Natanael i²chan² juig² Caná ja¹tén⁴ 'uē³ Galilea; le³on³ ja¹ŋi'⁵⁴ Zebedeo né³; quian'⁵⁴ on³ gué⁴ chi'² dsi²guia³-tín² sián'² quián⁵ Jesús. ³ Jaun² ca²juá'² Si²mu⁵⁴ Pe⁴:

—Nei⁵⁴ i¹cháng'³ ju⁴.

Jaun² ca²ŋag³ 'éi²:

—Ján³ bá⁴ dsau⁵⁴ jnia'⁵⁴ quian'⁵⁴ 'ne².

Jaun² i³lén², ca²uíg² 'ŋió'³ caun² tsi¹mu⁵, la¹ a²'uē² jaun² tsá³ ju⁴ ca²join³ 'i¹jan².

⁴ Jme¹ca²jnia³ táng³ jaun², jaun² jme¹chén'⁴ Jesús chei'⁵⁴ jmi¹ŋí'⁴, la¹ tsá³ jaun² ŋi⁵ chi'² dsi²guia³-tín² ŋja'⁵⁴ Jesús bá⁴ 'éi². ⁵ Jaun² né³ ca²juá'² Jesús:

—'Nia'² chi'², ¿tsa¹ ju⁴ chan² quián'² 'nia'²?

Jaun² ca²ŋag³ 'éi²:

—Liá'² 'i¹jan².

⁶ Jaun² né³ ca²juá'² Jesús:

* 20:21 'Nio'² ja¹ton⁵ Juan 17:18. * 21:1 o³, Jmi¹ŋí'⁴ Galilea.

—Tiong₂ 'nia'₂ 'má₅ quiáng'₂ tē₂le₃ gu₂ ne₁ tsi₁mu₅, jaun₂ join'₅₄ 'nia'₂.

Jaun₂ le₂jaun₂ bá₄ ca₂jmo₃. Jme₁co₂lág₂ jaun₂ tioin'₅₄ tsá₃ lé₂ dsí₃ tsi'₁ 'má₅ dsi₂jmi_g₂, ia₁ a₂ñí₄ lē₃ juin₅ i₁ju₁ jme₁tion'₅₄ 'ñió'₃.

⁷ Jaun₂ né₃ ca₂juá'₂ chi'₂ dsi₂guia₃-tín₂ i₂jme₁'nio₃ Jesús gué₄ lin₃, ca₂tsí'₃ Pe₄:

—Te₁gui'₅₄ bá₄ ó₃!

Jē₂ bá₄ con'₂ ca₂nág₂ Si₂mu₅₄ Pe₄, Te₁gui'₅₄ bá₄ 'éi₂, ca₂quí'₂ tsin'₅₄ jang₄ le₃co'₅₄ (ia₁ jme₁ma₂nē₂ñiá'₂ a₂jme₁jmo₃ ta₁) jaun₂ ca₂tián₂ dsi₂jmi_g₂. ⁸ Chi'₂ dsi₂guia₃-tín₂ riin'₅₄ gué'₂ né₃, ca₂dsi₃lein₃ bá₄ tē₂ chei'₅₄ jmi₁ñí'₄ quian'₅₄ tsi₁mu₅ qui₂tsi₂cuín'₅ tsi₁'má₅, ca₂lia'₂ rē₂can'₂ ju₄. Ia₁ tsá₃ uíng₂ jme₁tion'₅₄ ja₁lé₄ chei'₅₄ jmi₁ñí'₄: con'₂ caun₂ 'ñiá₂-láu₂ metros bá₄ jme₁tí₄. ⁹ Jme₁ca₂sióin₃ 'uē₃ né₃, ca₂jág₃ a₂ma₂nio_g₅ si₂ tá'₃, ján₃ bá₄ jme₁ma₂dsín₂ jan₂ ju₄ ne₄ si₂; ján₃ bá₄ jme₁te₁'i₁ i₁ñí'₄ né₃.

¹⁰ Jaun₂ ca₂juá'₂ Jesús:

—Ñia₅ jan₂-on₃ ju₄ i₂lia'₂ nē₂chan'₂ 'nia'₂.

¹¹ Jaun₂ ca₂uíg₂ Si₂mu₅₄ Pe₄ guei'₅₄ tsi₁mu₅. Jaun₂ ca₂tsé'₃ tsi₁'má₅ ca₂tē₂ chei'₅₄ jmi_g₂ lia'₂ rē₂can'₂ tion'₅₄ ju₄ ca₁can'₅₄. Con'₂ caun₂ 'ñiá₂-lón₂ rē₂dsí₂ tē₂láu₃-guia₃-ún₂ (153) ju₄ jme₁tion'₅₄. La₁ o₁ñia'₅₄ la₂ juin₅ ju₄ jme₁tion'₅₄, tsá₃ ca₂gag₂ bá₄ gué₄ tsi₁'má₅. ¹² Jaun₂ ca₂juá'₂ Jesús ca₂tsí'₃ chi'₂ dsi₂guia₃-tín₂:

—I₂nó'₅ 'nia'₂ i₂qué'₂ má₃ tē₂ o₃'iog₂.

Jaun₂ lia'₂ 'i₁jan₂ chi'₂ dsi₂guia₃-tín₂ tsá₃ tiá₂ dsí₅ ñag₃ i₂'ein₂ 'éi₂, ia₁ ñi₅ bá₄ jaun₂ Te₁gui'₅₄ bá₄ 'éi₂. ¹³ Jaun₂ né₃ ca₂jme₃quián₃ Jesús, ca₂can₃ i₁ñí'₄, jaun₂ ca₂cué'₃ chi'₂ dsi₂guia₃-tín₂. Ján₃ bá₄ le₂jaun₂ ca₂jmo₃ quian'₅₄ ju₄. ¹⁴ A₂nē₅ jē₁ca₂tē₂ 'nag'₂ ráun₂ a₂ca₂jme₃ñia₅ Jesús ne₄ chi'₂ dsi₂guia₃-tín₂ quiáin₅ cang₂ jme₁ca₂jein'₅₄ ja₁jme₁rē₂'liin₅₄.

*Dsia*₅ Jesús jág₁ quian'₅₄ Si₂mu₅₄ Pe₄

¹⁵ Cang₂ jme₁ca₂lē₃ gué'₅ má₃ tē₂ o₃'iog₂, ca₂ñag₃ Jesús ca₂ñií'₃ Si₂mu₅₄ Pe₄:

—Si₂mu₅₄, ja₁ñi'₅₄ Juan₅₄, † ¿dsau₅ 'nióg'₃ jniá₂ lia'₂ con'₂ gué₄ dsa₂ tión₂ la₂?
Jaun₂ ca₂ñag₃ Pe₄:

—Ján₅, Te₁gui'₅₄. ñi'₅₄ bá₄ 'ne₂ jaun₂, a₂'nió₃ jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ guein₂ já'₂ cha'₂ quiáng₃ jaun₂.

¹⁶ Jaun₂ ca₂ñag₃ táng₃ Jesús jē₁ca₂tē₂ táng₃ ráun₂:

—Si₂mu₅₄, ja₁ñi'₅₄ Juan₅₄, ¿'nióg'₃ ‡ jniá₂?

Jaun₂ ca₂ñag₃ Pe₄:

—Ján₅, Te₁gui'₅₄. ñi'₅₄ bá₄ 'ne₂ jaun₂ a₂'nió₃ jniá₂ 'ne₂.

Jaun₂ ca₂juá'₂ Jesús:

—Jmo₄ 'í₁ já'₂ cha'₂ bē'₅₄ quiáng₃ jaun₂.

¹⁷ Jaun₂ ca₂ñag₃ táng₃ Jesús jē₁ca₂tē₂ 'nag'₂ ráun₂:

—Si₂mu₅₄, ja₁ñi'₅₄ Juan₅₄, ¿'nióg'₃ jniá₂?

Jaun₂ ca₂'í₃ qui'₂ dsí₅ Pe₄ ia₁ ca₂ñag₃ Jesús jē₁ca₂tē₂ 'nag'₂ ráun₂, “¿'nióg'₃ jniá₂?.” Jaun₂ ca₂juá'₂:

—Te₁gui'₅₄, ca₂le₃jé₃ bá₄ ñi'₅₄ 'ne₂. ñi'₅₄ bá₄ 'ne₂ jaun₂ a₂'nió₃ § jniá₂ 'ne₂.

Jaun₂ ca₂juá'₂ Jesús:

—Jme₁tan₅₄ já'₂ cha'₂ bē'₅₄ quiáng₃ jaun₂. ¹⁸ A₂dsi₂jó'₃ juá'₅ jniá₂, lia'₂ con'₂ jme₁líng'₄ gué₄ dsa₂ chi'₂, jme₁ting'₂ jme₁quí'₂ tsíng'₂, jaun₂ jme₁góg'₂ a₂já'₄ 'nióg'₂ gog'₅₄; la₁ia₁ jē₁ma₂líng'₅ jan₂ dsa₂ ma₂guen'₂, jaun₂ nei'₅₄ gog'₂, jaun₂ i₂sián'₂ bá₄ quei'₃ tsíng'₂, jaun₂ dsi₃jio_g₃ ja₁tsá₃ 'nióg'₂ gog'₅₄.

† 21:15 o₃, ja₁ñi'₅₄ Jonás. ‡ 21:16 griego: W0tagapeo (ju₁lia'₂ 'a₂ lia'₂ 'nio₃ Diú₄ dsa₂ mi₂güüg₃).

§ 21:17 griego: W0fileo (ju₁lia'₂ 'a₂ lia'₂ 'nio₃ dsa₂ mi₂güüg₃ rin'₅₄ a₂mei₅₄ quiáin₅).

¹⁹ Jme₁ca₂juá'₂ Jesús le₂ně₅, ca₂jmo₃ jág₁ a₂'ě₂₃ 'e₂ ne₅₄ 'mú₃ a₂'i₄ 'éi'₃ dsi₃ŋí₂ Pe₄, a₂jme₃jniai₂₃ a₂jlán'₁ Diú₄. Jaun₂ ca₂juá'₂ táng₃ ca₂tsí'₃ Pe₄:

—j'Éin₃ jniá'₂!

*Chi'*₂ dsi₂guia₃-tín₂ i₂'nió₄ gué₄ quián₅ Jesús

²⁰ Jme₁ca₂jén'₃ Pe₄ le₃ca'₃, ca₂jág₃ já₅ chi₁co'₅₄ quió'₅, chi'₂ dsi₂guia₃-tín₂ i₂'nio₃ Jesús gué₄ lín₃; chi'₂ dsi₂guia₃-tín₂ 'éi₂ i₂jme₁guá₄ cau₅ le₃jén'₃ quió'₅ Jesús ja₁ca₂gué'₃ má₃ tē₂le₃ ca₂nei₂, ján₃ bá₄ 'éi₂ i₂ca₂ŋag₃ ca₂ŋí'₃ Jesús, jme₁ca₂juá'₂: “Te₁gui'₅₄, ¿i₂'ein₂ 'éi₂ i₂jáng'₂ quiáng'₂?” ²¹ Jaun₂ jme₁ca₂jág₃ Pe₄ ca₂jín₂ 'éi₂, ca₂ŋag₃ ca₂ŋí'₃ Jesús:

—Te₁gui'₅₄, i₂la₂ gué'₂: ¿'e₂ jén'₄?

²² Jaun₂ ca₂ŋag₃ Jesús:

—Chi₂jua'₂ 'nio₃ jniá'₂ a₂chan₂ i₂ně₅ ca₂lia'₂ jē₁ma₂guión'₃ táng₃ jniá'₂, ¿'e₂ bá₄ 'uig₅₄ 'ne₂ 'í₅ 'au'₂? La₁ia₁ 'ne₂ 'éin₃ jniá'₂.

²³ Jaun₂ né₃ ca₂i₃'ag₅₄ jág₁ ně₅ jin₄ riin'₅₄ a₂tsá₃ jón₂ chi'₂ dsi₂guia₃-tín₂ 'éi₂. La₁ia₁ on₃jua'₅₄ jaun₂ ca₂juá'₂ Jesús a₂tsá₃ jón₂ 'éi₂; a₂jaun₂ bá₄ ca₂juá'₂: “Chi₂jua'₂ 'nio₃ jniá'₂ a₂chan₂ i₂ně₅ ca₂lia'₂ jē₁ma₂guión'₃ jniá'₂ táng₃, ¿'e₂ bá₄ 'uig₅₄ 'ne₂ 'í₅ 'au'₂?”

²⁴ Chi'₂ dsi₂guia₃-tín₂ 'éi₂ bá₄ la₂, i₂jáng'₅ jág₁ dsau₅ 'a₂ lia'₂ ca₂lě₃, i₂ca₂tó'₂ jág₁ la₂ ne₄ si₂ né₃. Jaun₂ ne₄ bá₄ jniog₄, a₂tí₅ bá₄ jág₁ dsau₅ a₂jáng'₅ 'éi₂.

²⁵ Já₃ bá₄ cha₂ 'lióng₂ a₂siá'₂ a₂ca₂jmo₃ Jesús; jua'₅₄ mei'₂ gué₃ dsi₃to'₅₄ ne₄ si₂ le₂caun₂ le₂caun₂, ca₂lia'₂ jŋia'₅₄ ta₁caun₂ mi₂güüg₃ bá₄ tsá₃ jme₁'éi'₄ si₂ jua'₅₄ ca₂'ué'₃ dsa₂, lín₂ jniá'₂.*

Co₂ně₅.

* 21:25 A₂lín₅₄ chog₅₄ si₂juá'₂ ján₃: “A₂méi₃.”

Le₂la₂ ca₂jmo₃ dsa₂ i₂chen₄ quián₅ Jesús

Jág₁ a₂cué₄ a₂chen₃ Diú₄ Jme₂dsí₂ Jñi₅

¹ Ne₄ si₂ a₂ca₂jmo₃ jniá₂ le₂'uig₅₄, gui₅₄ Teófilo,* ca₂juá'₃ jniá₂ ca₂le₃jé₃ a₂ca₂jmo₃ Jesús ca₂le₃ ca₂jme₃lióg₃ ca₂jme₃tag₂₃, ² ca₂lia'₂ ca₂té₂ jmi₄ a₂ca₂ñái'₃ guei'₅₄ i₂juíg₃. Né'₃ a₂dsáin'₃ guei'₅₄ i₂juíg₃, ca₂quióin'₂ dsi₂guia₃-tín₂ i₂chen₄† quiáin₅, ca₂chei₃ dsi₂'é₂ jág₁. Jaun₂ ca₂cué₃ jág₁ të₂le₃ quian'₅₄ Jme₂dsí₂ Jñi₅, ca₂le₃jé₃ 'e₂ 'nió'₅ jmo₃ chi'₂ dsi₂guia₃-tín₂ 'éi₂. ³ Cang₂ jme₁ca₂join₃, jme₁ma₂jei'₅₄ táng₃, ca₂ñi₃ të₂láu₃ jmi₄ qui₂jme₂jñai₂₃ qui₂cué'₅ jág₁ dsau₅ chi'₂ dsi₂guia₃-tín₂ a₂të₃dsón'₂ bá₄ chain₂ ma₂jei'₅₄ táng₃; jaun₂ qui₂ca₂dsia₃ jág₁ quiain'₅₄ 'éi₂ jui₁lia'₂ 'a₂ lia'₂ lé₅ ja₁gon₂ Diú₄.

⁴ Jme₁'en₅₄ gué₄ Jesús quiain'₅₄ chi'₂ dsi₂guia₃-tín₂ quiáin₅, jaun₂ ca₂juá'₂ ca₂tsí'₃ 'éi₂ a₂tsá₃ dsi₃lein₃ dsi₂jui₅ juig₂ Jerusalén. Jaun₂ ca₂juá'₂:

—Jñia₄ 'nia'₂, jui₁le₂ti₃ de'₂ jág₁ quió'₅ ñe'₃ a₂ma₂juíg₂ 'nia'₂. ⁵ Dsau₅ bá₄ ca₂tióg₃ Juan₅₄ ca₂tiáin₂ jmi₄g₂ dsa₂, la₁ 'nia'₂ gué'₂ nē₃ tióg₂ Diú₄ Jme₂dsí₂ Jñi₅, të₃jë₄ la₂.

Ca₂ñá'₃ Jesús guei'₅₄ i₂juíg₃
(Marcos 16:19; Lucas 24:50-53)

⁶ Co₂ráun₂ tion'₅₄ chi'₂ dsi₂guia₃-tín₂ le₁ñi'₂ ja₁'en₅₄ Jesús, jaun₂ ca₂ñi'₃ Jesús:

—Te₁gui'₅₄, ¿ma₂té₂ ja₁jmo'₂ 'ne₂ a₂lión₂ dsa₂ juig₂ Israel?

⁷ Jaun₂ ca₂ñag₃ Jesús:

—Tsá₃ ca₂tín'₂ 'nia'₂ le₃ñi'₅₄ 'a₂ lia'₂ jmo₃ Diú₄ Jme₂ 'éi'₃ ca₂le₃jé₃ 'e₂ 'i₄, 'e₂ jmi₄g₄ nē₃. 'ñiog₅ bá₄ Diú₄ Jme₂ ñi₅ a₂jaun₂. ⁸ Jë₁ma₂ca₂guen'₅₄ 'nia'₂ Jme₂dsí₂ quián₅ Diú₄, guéi'₁ 'nia'₂ jui₅bí₂, jaun₂ qui₂o₁nóg'₅ qui₂o₁'é'₃ jág₁ dsau₅ quió₃ juig₂ Jerusalén, le₂tan₅₄ juig₂ 'uë₃ Judea, 'uë₃ Samaria, ca₂le₃jé₃ juig₂ ta₁caun₂ mi₂güig₃ nē₃.

⁹ Jme₁ma₂dsan₃ juá'₂ Jesús le₂në₅, ca₂uig₂ jui₅ guei'₅₄ i₂juíg₃, ca₂ñái'₃ ca₂lioin₂ jnei₅. ¹⁰ Të₃tión₂ jaun₂ chi'₂ dsi₂guia₃-tín₂ jág₅ guei'₅₄ jme₁ñá'₃ Jesús, con'₂ tsá₃ jáin₅ jme₁ca₂jñin₂ on₃ dsa₂ le₁qui'₂ 'mi'₂ tiog₂ jau₂, tión₂ cau₅ quió'₅. ¹¹ Jaun₂ ca₂juá'₂ dsa₂ on₃ 'éi₂:

—'Nia'₂ dsa₂ chan₂ Galilea, tsá₃ ma₃ta₁ jmo₃ tión'₂ gué₄ 'nia'₂ ué₂ jág'₂ guei'₅₄. 'ñiog₅ Jesús nē₅ i₂ñá'₅ guei'₅₄ i₂juíg₃ të₃jñ'₄ 'nia'₂, le₂në₅ bá₄ jiá₃ táng₃ jë₁ma₂té₂ rë₁jiá₃, jui₁lia'₂ në₂jñin'₅₄ 'nia'₂ ñái'₅ nē₅.

Ca₂quióin'₂ dsa₂ Matías a₂jmo₃ ta₁ a₂jme₁lín₄ Judas

¹² Jaun₂ nē₃ ca₂'uain₂ má'₂ ja₁chei₂ Olivos, ca₂o₃lein₃ táng₃ juig₂ Jerusalén, a₂niog₅ uing₂ con'₂ ja₁'i₄ 'éi'₃ i₃nio₄ dsa₂ jme₁jmi₄g₄ sa₅₄.† ¹³ Jme₁ca₂o₃lein₃ Jerusalén jaun₂, ca₂uig₂ cuarto guei'₅₄ ja₁ca₂ñia₃. Dsa₂ 'éi₂ jme₁chein₂ Pe₄, Jacobo, Juan₅₄, Dré₄, Fe₂li₄, To₁má₄, Bartolomé, Të₅₄, Jacobo ja₁ñi'₅₄ Alfeo, Si₂mu₅₄ i₂lín₅ cananista,§ quian'₅₄ Judas rin'₅₄ Jacobo. ¹⁴ Ca₂le₃jñin₃ le₂jaun₂ jme₁ñi'₂ i₂gú'₃ co₂lë₅ quiain'₅₄ o₁rin'₅₄ Jesús, María chog₅₄ Jesús, ca₂le₃jñin₃ gué₄ 'io₅₄ sián'₂ nē₃, a₂jme₁tsí'₅ Diú₄.

¹⁵ Co₂ráun₂ jme₁lé₂ con'₂ caun₂ 'ñiá₂-lón₂ rë₂dsí₂ guióin₂ (120) dsa₂ 'én₂ i₂jme₁le₁ñi'₂. Jaun₂ ca₂nau₂ Pe₄ të₃jë₄ jaun₂, jaun₂ ca₂juá'₂ ca₂tsí'₃ dsa₂:

¹⁶ —Rin'₅₄ jniog₄, co₂në₅ lé₅ Si₂, tion₅₄ ca₂rë₃ti₃ jág₁ a₂ma₂'é₂ Jme₂dsí₂ quián₅ Diú₄ të₂le₃ quian'₅₄ 'lag₄ David, a₂ca₂'i_{in}₃ Judas i₂ca₂jñia₃ dsa₂ i₂ca₂i₁te₂ Jesús chi₁'ñei'₂.

¹⁷ I₂jme₁quian'₅₄ bá₄ jniog₄ 'éi₂, jme₁lé₄ rin'₅₄ jniog₄, i₂jme₁jmo₅ ta₁ le₂la₂ bá₄ 'éi₂ ján₃.

* 1:1 Teófilo: o₃, “'ne₂ i₂'nió'₃ Diú₄.” † 1:2 griego: apóstolous. ‡ 1:12 Con'₂ tí₅ caun₂ kilómetro. § 1:13 griego: celotes, co₂'nió'₄ dsa₂ i₂nau₂ quen₅; jan₂ i₂'nio₃ táun₂ 'uë₃ 'éi'₃ quió'₅ Roma. Jma₃quén₅ ca₂quiain₃ le₃on₃ Si₂mu₅₄ 'éi₂, ia₁ ñí₄ lë₃ mei'₂ tsá₃ ca₂ne₅₄ a₂chein₂.

¹⁸ La₁ quian'₅₄ cu₄ 'lig'₅₄ a₂ca₂lí'₃ Judas a₂ca₂'ni₃ Jesús, ca₂lá₃ 'uë₃. 'Uë₃ jaun₂ ca₂jmo₃ ca₂táin'₂ tē₃ chi₁jín₂, qui₂ca₂'uë₂ ca₂le₃jé₃ a₂jme₁tio'₅₄ tú'₅. ¹⁹ Jme₁ca₂rë₃ñi₅ dsa₂ juig₂ Jerusalén, ca₂té'₃ 'uë₃ jaun₂ Acéldama, co₂'nió'₄ a₂juá'₂: 'Uë₃ Jmi₂, quian'₅₄ jág₁ jmei₅ quió'₅. ²⁰ Ia₁ le₂la₂ juá'₂ ne₄ Si₂ Salmos:

Jui₁tē₂tsi'₅₄ 'ñiog₅ 'né₅ quió'₅,

ia₁ 'i₁jan₂ tsá₃ 'ein₂ le₃tian'₃.*

Ján₃ guë'₂ juá'₂ táng₃:

Dsa₂ sián'₂ jui₁jmo₅₄ ta₁ a₂jme₁lín₄.†

²¹ 'Chan₂ bá₄ dsa₂ jë₄ la₂ quián₂ jniog₄ dsa₂ i₂ma₂ca₂jme₃quiong'₅₄ ca₂le₃jé₃ jmig₄ lia'₂ con'₂ jme₁quian'₅₄ jniog₄ Te₁gui'₅₄ Jesús, ²² ca₂le₃ ca₂jñó₂ Jesús jmig₂ a₂ca₂cho₃ Juan₅₄, ca₂lia'₂ jme₁ca₂uig₂ Jesús guei'₅₄ i₂juíg₃. Jaun₂ tion₅₄ 'nió'₅ dsa₂ 'éi₂, jme₃quiong'₅₄ jniog₄, jaun₂ jáng'₃ jág₁ dsau₅ a₂ca₂jen'₅₄ táng₃ Jesús.

²³ Jaun₂ ca₂jmo₃ jág₁ ca₂'iin₃ jan₂ i₂chen₂ José i₂té'₂ Barsabás i₂té'₂ Justo né₃, quian'₅₄ jan₂ i₂chen₂ Matías. ²⁴ Jaun₂ ca₂tsí'₃ Diú₄ ca₂le₃jín₃, ca₂juá'₂ le₂la₂:

—Te₁gui'₅₄, 'ne₂ bá₄ i₂cuing'₂ tē₂dsí₅ ca₂le₃jín₃ dsa₂, 'in₅₄ jnia'₅₄ 'ein₂ dsa₂ on₃ la₂ i₂ma₂quion'₅₄ 'ne₂, ²⁵ ia₁jaun₂ jmo₃ ta₁ léin₂ chi'₂ dsi₂guia₃-tín₂ quiáng'₂ a₂jme₁lín₄ Judas, 'uig₅₄ dsáu₁ ca₂l₃'éin₂, ca₂ñái'₃ ja₁ca₂tín₂.

²⁶ Jaun₂ ca₂tóin'₂ ca₂co₃, ca₂dsi₂ jág₁. Jaun₂ i₂chen₂ Matías bá₄ ca₂tín₂ ta₁ jaun₂. Dsi₂jui₅ le₂jaun₂ bá₄ ca₂jme₃quian'₅₄ dsa₂ guia₃-ján₃ i₂jme₁lé₂ gué₄ dsi₂guia₃-tín₂ i₂chen₄ quián₅ Jesús.

2

Jme₁guan₃ Jme₂dsí₂ quián₅ Diú₄

¹ Jme₁ca₂té₂ Jmig₄ Të₂láu₃-guiá₂, caun₂ bá₄ ja₁jme₁tion'₅₄ le₁ñi'₂ ca₂le₃jín₃ dsa₂ i₂'én₂. ² Con'₂ tsá₃ jáin₅ jme₁ca₂nág₂, ca₂lë₃ gau₂ ca₂jan₃ guei'₅₄ lia'₂ lé₅ jë₁ 'ei₅ dsí₂ tiá₂ lín₃ ca₂lë₃, ca₂né'₂ ta₁caun₂ dsi₂néi₂ ja₁jme₁tion'₅₄ dsa₂. ³ Jaun₂ co₂tan₅₄ dsi₂jui₅ le₂jaun₂ qui₂ca₂séi'₂ tsi'₄ si₂ qui₂tē₁tsi'₅₄ ne₄ quió'₅ dsa₂ 'éi₂, le₂jain₂ le₂jain₂. ⁴ Jaun₂ ca₂le₃jín₃ qui₂ca₂cain'₂ quian'₅₄ Jme₂dsí₂ Jñió₅, Jaun₂ ca₂jme₃lióg₃ dsa₂ qui₂ca₂dsia₃ jág₁ jmei₅ siá'₂, lia'₂ con'₂ lé₅ ca₂cuë₃ Jme₂dsí₂ a₂juá'₂ dsa₂.

⁵ Jmig₄ jaun₂ jme₁tion'₅₄ dsa₂ judíos juig₂ Jerusalén, i₂ja₂lén₂ ta₁caun₂ mi₂güig₃, a₂jme₂ti₃ con'₂ tag₄ chí'₅ quió'₅. ⁶ Jme₁ca₂nág₂ mi'₅₄ a₂ca₂lë₃ jaun₂, qui₂ca₂ñi'₂ dsa₂, tsá₃ caun₂ ca₂i₃jio₅ dsí₅, ia₁ ca₂le₃jín₃ bá₄ dsa₂ 'éi₂ jma₃quén₅ qui₂ca₂nág₂ jág₁ jmei₅ quió'₅ a₂qui₂ca₂dsia₃ dsa₂ i₂tion'₅₄ 'éi₂. ⁷ Jaun₂ dsi₃gó'₃ dsí₅ 'ñio₅ lín₃, qui₂ca₂dsia₃ jág₁ guioin₅₄ quian'₅₄ riin'₅₄, ca₂juá'₂:

—¿On₁jua'₅₄ dsa₂ chan₂ Galilea ca₂le₃jín₃ dsa₂ i₂dsia₅ jág₁ në₅? ⁸ ¿A₂ bá₄ lia'₂ né'₂ dsia₂₃ jág₁ jmei₅ quió'₅ juig₂ go₄ jniog₄ le₂jau₂ le₂jau₂? ⁹ Dsa₂ i₂tion'₅₄ ja₁lá₃ i₂chan₂ juig₂ Partia, dsa₂ chan₂ Media, dsa₂ chan₂ Elam, dsa₂ chan₂ Mesopotamia, i₂chan₂ Judea, i₂chan₂ Capadocia, dsa₂ chan₂ Ponto, dsa₂ chan₂ 'uë₃ Asia, ¹⁰ dsa₂ chan₂ Frigia quian'₅₄ Panfilia, dsa₂ ja₂lén₂ 'uë₃ Egipto quian'₅₄ juig₂ 'uë₃ Africa* a₂niog₅ uíng₂ con'₂ gué₄ Cirene. Ján₃ bá₄ tion'₅₄ dsa₂ chan₂ Roma i₂ma₂tían'₅ ja₁lá₃. I₂lín₅₄ 'éi₂ jme₁ma₂lín₅ judíos; i₂lín₅₄ guë'₂ ma₂gue₃ juá'₅ quió'₅ dsa₂ judíos. ¹¹ Ján₃ bá₄ tion'₅₄ dsa₂ chan₂ 'uë₃ Creta, dsa₂ chan₂ Arabia né₃. La₁ ca₂le₃jág₃ bá₄ jniog₄ néi₁ quian'₅₄ jág₁ jmei₅ quián₂ a₂dsia₅ dsa₂ në₅ ca₂le₃jé₃ a₂jlá'₁ a₂'io'₂ a₂jmo₅ Diú₄.

¹² Jaun₂ 'ñio₅ dsi₂gó'₃ dsí₅ dsa₂, tsá₃ caun₂ qui₂ca₂'ág₂ dsí₅. Jnia'₅₄ qui₂ñi'₅ riin'₅₄:

—¿'E₂ 'nió'₄ juá'₂ ca₂le₃jé₃ a₂në₅?

¹³ I₂lín₅₄ guë'₂ tsá₃ 'éin₂, jnia'₅₄ qui₂jmo₅'₂ burlas, jaun₂ ca₂juá'₂:

* 1:20 Salmo 69:25. † 1:20 Salmo 109:8. * 2:10 griego: Libia.

—I₂le₁'en₅ bá₄ i₂ně₅.

Jág₁ a₂ca₂juá'₂ Pe₄ ca₂tsí'₃ dsa₂

¹⁴ Jaun₂ ca₂nau₂ Pe₄ jě₄ jme₁guá₄ quiain'₅₄ gué₄ guia₃-ján₃ chi'₂ dsi₂guia₃-tín₂ riin'₅₄.
Jaun₂ ca₂juá'₂ tiá₂ ca₂tsí'₃ dsa₂:

—'Nia'₂ dsa₂ chan₂ Judea quian'₅₄ ca₂le₃jíng'₃ i₂tián'₅ Jerusalén né₃, jui₁le₂ŋi'₅₄ 'nia'₂ jág₁ la₂. Nei₂ 'nia'₂ dse₃ a₂juá'₄ jniá₂ la₂. ¹⁵ Tsá₃ le₁'en₅ dsa₂ la₂ jui₁lia'₂ lín'₂ 'nia'₂, ia₁ con'₂ hora ŋí₁ ŋi₃ tē₂ o₃'iog₂† bá₄ gué₄ la₂. ¹⁶ Tě₂le₃ a₂rě₂ti₃ con'₂ lě₅ jág₁ a₂ca₂'ě₂ Joel ma₂líg'₂, lia'₂ con'₂ jme₁ca₂juá'₂:

¹⁷ Jě₁ca₂tó'₂ jmi₄g₄, juá'₂ Diú₄,
tsing₅₄ Jme₂dsí₂ quiáng₃ jaun₂ sióin₃
ne₄ quió'₅ ca₂le₃jín₃ dsa₂ mi₂güí₃.

Ja₂ŋi'₂ 'nia'₂, ja₁míg'₄ né₃
qui₃dsia₃ o₄quió₃ jniá₂.

Dsó₂ chi'₂ quián'₂ 'nia'₂ né₃
a₂lě₁qui₃jág₃ 'e₂ qui₃jág₃,
dsi₂gui'₅₄ can'₅₄ guě'₂ qui₃qui₃.

¹⁸ Jmi₄g₄ jaun₂, qui₁'íng₄ Jme₂dsí₂ quiáng₃
ne₄ quió'₅ dsa₂ ŋe'₂, dsa₂ mí₂ né₃
i₂jme₂ti₃ ta₁ ne₃,

jaun₂ gué₄ qui₃dsia₃ o₄quió₃ jniá₂.

¹⁹ Dsi₁ guei'₅₄ guě'₂ qui₁'é₄ jniá₂ dsa₂
cosas a₂dsi₃gó'₃ dsí₅.

Ne₄ gua'₅₄ 'uě₃ guě'₂
jmo₅₄ jniá₂ lé₂ léi₄,
jui₁lia'₂ jmi₂, si₂, jnei₅ lě₅ jme₁ŋi₁ né₃.

²⁰ 'Iog₂ guě'₂ co₂dsia₅ le₃lia'₂.
Tsi'₂ guě'₂ lé₂ guéin₂ lia'₂ lě₅ jmi₂.

Ca₂le₃jě₃ a₂ně₅ lé₂ né₃ gué₄
a₂guá₂ jmi₄g₄ quió'₅ Te₁gui'₅₄.

Jmi₄g₄ jaun₂ lé₂ caun₂ jmi₄g₄ juě'₂ a₂gau₂.

²¹ Jaun₂ ca₂le₃jín₃ dsa₂ i₂mi₅ chi₂lén'₂ Te₁gui'₅₄,
lióin₂ bá₄.‡

²² 'Nia'₂ dsa₂ chan₂ Israel, nei₂ 'nia'₂ ca₂le₃jě₃ a₂juá'₄ jniá₂ la₂. Jesús chan₂ Nazaret dsa₂ dsen₃ quián₅ Diú₄, i₂ca₂cué'₃ 'éi'₃ ca₂chein₃ jin'₄ 'nia'₂. Ca₂jmo₃ Diú₄ ca₂le₃jě₃ léi₄ juě'₂, ca₂le₃jě₃ 'e₂ dsi₂gó'₃ dsí₅ dsa₂, qui₂ca₂jmo₃ tē₂le₃ quian'₅₄ Jesús jin'₄ 'nia'₂. A₂ŋi'₅₄ rě₂ bá₄ 'nia'₂ jaun₂. ²³ La₁ jme₁ca₂jáng'₂ dsa₂ o₄gog'₂ 'nia'₂ con'₂ jme₁ma₂lě₅ jág₁ quió'₅ Diú₄ a₂ma₂ŋi₅ le₂ŋiá₅, 'nia'₂ né₃ ca₂chang'₂ i₂'éi₂, ca₂te'₅₄ chi₁'ŋei₂₃, ca₂i₁jjin'₅₄ 'nia'₂ o₄gú₃ dsa₂ 'lín'₅₄ i₂tsá₃ ŋéi₂ dsí₅. Jaun₂ ca₂jŋag'₃ ca₂tion₃ cróg₄. ²⁴ La₁ Diú₄ ca₂jme₃jein'₅₄ táng₃, ca₂lió₂ ne₄ 'mú₃. Ia₁ tsá₃ lé₂ jua'₅₄ a₂tě₃roin₅₄ a₂rě₃join₅ co₂tan₅₄ jin₄ 'lag₄. ²⁵ Ia₁ ca₂juá'₂ 'lag₄ Rag₅₄ David a₂'iin₂₃ Jesús, ca₂juá'₂:

Ia₁ jin₄ bá₄ jniá₂ tián₂ Te₁gui'₅₄
cau₅ quió₃.

'Éi₂ bá₄ guá₅ tē₂le₃ gu₃ ne₁,
ia₁jaun₂ 'i₁jan₂ tsá₃ 'ein₂ lé₂ jmóg'₂ jleng₃,
'i₅ dsi₃.

²⁶ Jaun₂ lě₃, 'ŋio₅ lín₃ ca₂jmo₃ jniá₂ 'io'₂,
jaun₂ ca₂juá'₃ quian'₅₄ le₁tsí'₃

† 2:15 lit. "hora 'ni₅." ‡ 2:21 Joel 2:28-32.

jág₁ a₂jéin₅ lián₂.
Jaun₂ lë₃ tsá₃ 'i₅ dsi₃ jë₁ma₂ca₂jon₃ ni₁ñi₃.

²⁷ Ia₁ tsá₃ cué₁ jmi_g₄ a₂jñia₃ jme₂dsí₂ quiáng₃
ja₁tion₅₄ 'lag₄,§

on₃ guë₂ cué₁ jmi_g₄ a₂siá₃ ni₁ñi₃ jniá₂,
dsa₂ jñi_ó₅ quiáng₂ i₂'nió_g₃.

²⁸ Ca₂'ë₅₄ ca₂jme₁tag₂ jui₅ ja₁tín₄ jme₂dsí₂ quiáng₃.

Jaun₂ jmó₂ jéin₄ lián₂ jë₁ma₂'eng₅₄ ja₁cong₂.*

²⁹ Rin₅₄ jñiog₄, léi₄ dsón₂ bá₄ ca₂jon₃ tsi₁jon₂ jmei₂ jñiog₄ David, jaun₂ ca₂'oin₃. Në₅ bá₄ chí₅ guë₂ tau₂ 'ñio₅ quió₅ quian₅₄ jñiog₄ rë₂në₃. ³⁰ La₁ David 'éi₂ jme₁lín₄ jan₂ i₂jme₁'é₂ jág₁ quián₅ Diú₄, jaun₂ jme₁ñi₅ rë₂ a₂ca₂cuë₃ Diú₄ jág₁ 'in₂₃ 'ñiog₅, a₂le₃chan₂ jë₄ quió₅ ja₁ñi₅₄ chí₂ dsio₅₄, jan₂ i₂lín₅ I₂rë₂'ín₁ quián₅ Diú₄. Jaun₂ i₂'éi₂ guá₃ goin₃ ne₄ ne₄ta₁ ja₁jme₁guá₄ 'ñiog₅ David. ³¹ Co₂'nió₄ a₂ma₂jág₂ bá₄ David le₂jñiá₅, ca₂juá₂ a₂jen₅₄ I₂rë₂'ín₁ quián₅ Diú₄. Jaun₂ ca₂juá₂ ján₃ a₂tsá₃ jñia₃ jme₂dsí₂ quió₅ jin₄ 'lag₄,† on₃ guë₂ dsi₃'én₂ ni₁ñi₁₂ jua₅₄ a₂siá₃. ³² Ia₁ Diú₄ bá₄ ca₂jmo₃ ca₂jen₅₄ táng₃ 'ñiog₅ Jesús 'éi₂. Ca₂le₃jág₃ bá₄ jniá₅₄ ca₂té₂ ne₄, jaun₂ lë₃ cuë₂ jág₁ dsau₅. ³³ Jaun₂ ca₂chó₂ Diú₄ quian₅₄ gu₂ ne₁, ca₂jme₁juag₂. Jaun₂ Diú₄ Jmei₂ ca₂cuin₃ Jme₂dsí₂ quián₅ ca₂cuin₃ Jesús, lia₂ con₂ lé₅ jág₁ quió₅ ma₂cuë₃. Jaun₂ ca₂le₃jé₃ a₂në₅ a₂ma₂jag₅₄ a₂ma₂nei₂ 'nia₂, já₅ ne₄ 'éi₂ bá₄.

³⁴ Ia₁ on₃jua₅₄ David ca₂uig₂ guei₅₄ i₂juig₃, ia₁ 'ñiog₅ David ca₂juá₃:

Ca₂juá₂ Diú₄ ca₂tsí₃ Te₁gui₅₄ quiáng₃:

“Né₂ con₂ jniá₂ të₂le₃ gu₃ ne₁,

³⁵ ca₂lia₂ ca₂té₂ jmi_g₄

a₂tón₁ jniá₂ dsa₂ i₂'iog₅₄ o₄tag₄”.‡

³⁶ Jui₁le₂ñi₅ rë₂ ca₂le₃jín₃ dsa₂ chan₂ juig₂ Israel, jaun₂ tsá₃ jui₁'ei₅₄ caun₂-tín₃ dsi₅, ia₁ 'ñiog₅ Jesús 'éi₂ bá₄, i₂ca₂tión₃ 'nia₂ cróg₄, Diú₄ në₃ ma₂jmo₃ ma₂lín₅ lia₂ Te₁gui₅₄ lia₂ rë₂ I₂rë₂'ín₁ quián₅.

³⁷ Jme₁ca₂nág₂ dsa₂ le₂në₅ tioen₅₄, qui₂ca₂tá₂ 'lia₂ dsi₅ 'ñio₅ lín₃. Jaun₂ ca₂ñi₃ Pe₄ quian₅₄ chí₂ dsi₂guia₃-tín₂ riin₅₄ ca₂juá₂:

—Rin₅₄ jñiog₄, ¿'e₂ 'nió₅ jmó₁ jniá₅₄?

³⁸ Jaun₂ ca₂ñag₃ Pe₄:

—Jme₁tsín₄ 'nia₂ 'au₂, jen₄ 'nia₂ të₂le₃ quió₅ Diú₄, chon₅₄ 'nia₂ jmi_g₂ le₂jang₂ le₂jang₂ lia₂ con₂ lé₅ 'éi₃ quió₅ Jesús, cuë₅₄ léi₄ a₂qui₂ma₂'én₂ dsáu₂ 'nia₂. Jaun₂ gué₄ cuin₃ Diú₄ Jme₂dsí₂ Jñi_ó₅ quián₅. ³⁹ Jág₁ në₅ ca₂cuë₃ Diú₄ quián₂ 'nia₂ ca₂le₃jíng₃, ca₂le₃jín₃ chí₂-guein₂ quián₂ 'nia₂ në₃, quian₅₄ ca₂le₃jín₃ gué₄ dsa₂ i₂chan₂ uíng₂. Jág₁ në₅ quió₅ ca₂le₃jín₃ dsa₂ i₂'nio₃ Te₁gui₅₄ Diú₄ quián₂ jñiog₄ të₂.

⁴⁰ Quian₅₄ jág₁ la₂, quian₅₄ 'lióng₂ gué₄ jág₁ siá₂, ca₂juá₂ Pe₄ tion₅₄ ca₂tsí₃ dsa₂:

—Lion₄ 'nia₂ jin₄ dsa₂ i₂ma₂i₂cón₅ rë₂në₃.

⁴¹ Jaun₂ ca₂le₃jín₃ i₂ca₂tón₃ jui₅ ca₂nág₂ jág₁ dse₃ ca₂juá₂ Pe₄, qui₂ca₂jñói₂ jmi_g₂. Jmi_g₄ jaun₂ con₂ 'ni₅ mei₅ dsa₂ i₃ton₅₄ të₂le₃ jin₄ dsa₂ i₂ma₂'én₂ të₂le₃ quió₅ Jesucristo.

⁴² Ca₂le₃jín₃ dsa₂ ca₂jña₃ tiá₂ ca₂le₃jé₃ jág₁ a₂jme₂tag₅ chí₂ dsi₂guia₃-tín₂. Caun₂ bá₄ jág₁ quió₅ ca₂jmo₃ ca₂le₃jín₃, chí₂lén₂ Diú₄, qui₂tóin₅ co₂lë₅, jmo₂₃ dsóg₁ i₁ñí₄.

'A₂ lia₂ jme₁chan₂ dsa₂ le₂'uig₅₄ i₂'én₂ jág₁ dse₃

⁴³ 'ñio₅ i₂gó₃ dsi₅ dsa₂ ca₂le₃jé₃ léi₄ a₂qui₂ca₂jmo₃ Diú₄ të₂le₃ quian₅₄ dsi₂guia₃-tín₂ i₂chen₄§ quián₅. ⁴⁴ Ca₂le₃jín₃ dsa₂ i₂ma₂'én₂, caun₂ bá₄ jág₁ 'ei₅ quió₅, jaun₂ ca₂le₃jé₃

§ 2:27 Salmo 16:18-11. * 2:28 Salmo 16:18-11. † 2:31 griego: hades, co₂'nió₄ a₂juá₂, ja₁quió₄ 'lag₄.

‡ 2:35 Salmo 110:1. § 2:43 griego: apóstolous.

a₂jme₁cha₂ quió'₅, jme₁lé₄ quió'₅ ca₂le₃jín₃ riin'₅₄. ⁴⁵ Ca₂le₃jé₃ 'e₂ cosa cha₂ quió'₅, qui₂ca₂'nag₃, jaun₂ jme₁qui₂dsi₁'₅ cu₄ jaun₂ 'ein₂ riin'₅₄ 'nió'₅ quió'₅. ⁴⁶ Ca₂le₃jé₃ jmi_g₄ jme₁ñi₁'₂ i₁dsi₅ guá'₅ templo. Dsi₂néi₂ quió'₅ né₃, jme₁dsi₁'₅ i₁ñí'₄ jme₁gué'₅ co₂dsia₅, ca₂le₃jín₃ jmo₂₃ 'io'₂, caun₂ bá₄ 'ei₅ dsí₅. ⁴⁷ Ca₂le₃jín₃ jme₁cué'₅ ti₁'mag'₄ Diú₄, jaun₂ ca₂le₃jín₃ dsa₂ sián'₂ jme₁'nioi₃ dsa₂ 'éi₂. Jaun₂ ca₂le₃jé₃ jmi_g₄ bá₄ jmo₅ Te₁gui'₅₄ caun₂ dsi₂juín₂ dsa₂ i₂lón₂.

3

Ca₂'lón₂ jan₂ dsa₂ 'lian'₂

¹ Co₂ráun₂ dsi₁óg₃ Pe₄ quiain'₅₄ Juan₅₄ guá'₅ templo con'₂ hora ñí₁ 'ni₅ të₂le₃ ca₂'láu₂, * ia₁ hora jaun₂ jme₁ñi₁'₂ dsa₂ tián₂ chi₂lén'₂ Diú₄. ² Ca₂le₃jé₃ jmi_g₄ jme₁dsi₂jñia₃ dsa₂ jan₂ dsa₂ 'lian'₂ i₂tsá₃ lé₂ ñi₃, le₂jaun₂ jme₁ma₂lín₅ lia'₂ con'₂ jme₁ca₂rë₃cháin₃, jme₁dsi₃jio₃ dsa₂ o₄'né₄ i₁dsi₅ guá'₅, ja₁té'₂ dsa₂ O₄'né₄ Jlá'₁. Ja₁jaun₂ jme₁qui₂mi₅ dsa₂ 'lian'₂ 'éi₂ cu₄ quió'₅ dsa₂ i₂dsi₂lén₂ guá'₅. ³ Jme₁ca₂jág₃ dsa₂ dso'₅₄ 'éi₂ ca₂ñó₃ Pe₄ quiain'₅₄ Juan₅₄ a₂dsi₃toin'₅₄ i₁dsi₅ guá'₅, jaun₂ ca₂mi₃ cu₄ quió'₅ dsa₂ on₃ 'éi₂. ⁴ Jaun₂ ca₂nau₂ Pe₄, Juan₅₄ né₃, ca₂jín₂ dsa₂ 'éi₂. Jaun₂ ca₂juá'₂ Pe₄:

—Dse₃ jag₄ jnia'₅₄.

⁵ Jaun₂ guá'₅ dsa₂ 'éi₂ qui₂jín₂ Pe₄ quian'₅₄ Juan₅₄, ia₁ lín₂ cuë₃ dsa₂ ca₂la₂ cu₄. ⁶ La₁ jaun₂ ca₂juá'₂ Pe₄:

—Tsá₃ cu₄tio_g₂, on₃ gué'₂ cu₄nió_g₄ cha₂ quió'₃ cuë₅₄. La₁ con'₂ a₂cha₂ quió'₃, cuë₅₄. Quian'₅₄ 'éi'₃ quió'₅ Jesucristo chan₂ Nazaret, nau₂, ñi₄.

⁷ Jaun₂ ca₂jña'₃ Pe₄ mi₂gu₂ ne₁ dsa₂ 'éi₂, ca₂jme₃'o₅₄ ca₂chó'₂. Dsi₂jui₅ le₂jaun₂ ca₂rë₃bén₂ mi₂tag₄ dsa₂ 'éi₂. ⁸ Jaun₂ ca₂ráun₂ ca₂nau₂ jaun₂ ca₂jme₃lió_g₃ ca₂ñi₃. Jaun₂ ca₂'í₃ i₁dsi₅ guá'₅ quiain'₅₄ dsa₂ on₃ 'éi₂, qui₂ca₂ñi₃ qui₂ca₂ráun₂ qui₂ca₂cué'₃ ti₁'mag'₄ Diú₄. ⁹ Ca₂le₃jín₃ dsa₂ i₂tion'₅₄ ja₁jaun₂, ca₂jín₂ dsa₂ 'éi₂ ñi₂₃ cué'₅ ti₁'mag'₄ Diú₄. ¹⁰ Jaun₂ dsi₂gó'₃ dsí₅ 'ñio₅ lín₃, ia₁ ma₂ñi₂₃. Ma₂cuin₂₃ bá₄ dsa₂ 'éi₂ i₂gua₂ tián₂ o₄'né₄ chei₂ Jlá'₁ qui₂mi₂₃ cu₄.

Jág₁ ca₂ton₃ Pe₄ corredor ja₁té'₂ dsa₂ quió'₅ Salomón

¹¹ Caun₂ 'en₅₄ le₂jaun₂ bá₄ dsa₂ i₂jme₁'lian'₂ 'éi₂ quiain'₅₄, tsá₃ téin₂ Pe₄, Juan₅₄ né₃. Jaun₂ ca₂i₃lén₂ co₂chi'₅₄ juin₅ dsa₂ dsi₂gó'₃ dsí₅ ca₂ton₂ guá'₅ ja₁chei₂ Corredor quió'₅ Salomón, ja₁jme₁'en₅₄ Pe₄ quiain'₅₄ Juan₅₄ né₃. ¹² Jme₁ca₂jág₃ Pe₄ le₁ñi₁'₂ dsa₂ juin₅, jaun₂ ca₂juá'₂ ca₂tsí'₃ dsa₂ 'éi₂:

—'Nia'₂ dsa₂ juig₂ chan₂ Israel, ¿'E₂ lë₃ ñi₄ dsi₂gó'₃ 'au'₂ 'nia'₂? ¿'E₂ lë₃ jag'₅₄ 'nia'₂ jnia'₅₄ le₂në₅? On₃jua'₅₄ bí₂ a₂tag₂ jnia'₅₄ guio₅₄ a₂ca₂'lón₂ dsa₂ në₅ a₂ma₂lé₂ ñi₃, jua'₅₄ a₂lág₅ jnia'₅₄ dsa₂ o₂dsan₂. ¹³ La₁ia₁ Diú₄ quián₅ tsi₁jon₂ jmei₂ jnio_g₄ Abraham, Isaac, Jacob né₃, Diú₄ 'éi₂ ca₂jme₃juin'₂ 'ñio₅ lín₃ Jesús ja₁ñi'₅₄, i₂ca₂jín'₅₄ 'nia'₂ ne₄ dsi₂tan₅₄. Jme₁'nio₃ gué'₄ Dsi₄má'₂ Pilato jme₁lió₂, la₁ tsá₃ ca₂gue'₅₄ 'nia'₂. ¹⁴ 'Nió'₄ jme₁lon'₄ 'nia'₂ dsa₂ jñi₁ó₅ i₂tsá₃ 'e₂ dso₄ rin₂ 'éi₂, jë₂ bá₄ dsa₂ i₂ma₂jñi'₃ dsa₂ ca₂mi₅₄ 'nia'₂ líon₂. ¹⁵ Jaun₂ le₂në₅ ca₂jñi'₃ 'nia'₂ dsa₂ i₂cuë₅ jme₂dsí₂. La₁ Diú₄ ca₂jme₃jain'₅₄ táng₃ jñi₄ 'lag₄, jaun₂ ca₂le₃jé₃ a₂në₅ ca₂té₂ ne₄ jnia'₅₄. ¹⁶ Quian'₅₄ bí₂ quió'₅ 'ñiog₅ Jesús 'éi₂ ca₂'lión₂ dsa₂ i₂cuin'₂ 'nia'₂ i₂jín'₄ 'nia'₂ në₅, ia₁ a₂'éin₂ jnia'₅₄ të₂le₃ quió'₅ Jesús. 'Éi₂ bá₄ në₂cuë₃ bí₂ quió'₅ dsa₂ në₅, jaun₂ ca₂'lón₂, co₂ñei'₅₄, jui₁lia'₂ jñi'₅₄ 'nia'₂ në₅.

¹⁷ 'Guion₄ bá₄ jniá₂ dse₃, rin'₅₄ jnio_g₄, a₂ca₂jmo'₅₄ 'nia'₂ caun₂ jág₁ quian'₅₄ dsa₂ can'₅₄ quián'₂ 'nia'₂, a₂ca₂jñi'₃ 'nia'₂ Jesús, ca₂jmo'₅₄ 'nia'₂ le₂jaun₂ ia₁ a₂tsá₃ ñi'₅₄ bá₄ 'nia'₂ 'e₂ jmo'₂. ¹⁸ La₁ ca₂rë₃ti₃ jág₁ a₂ma₂'é₂ Diú₄ le₂jñi₁ás të₂le₃ quian'₅₄ dsa₂ i₂jme₁'é₂ jág₁ quiáin₅, a₂tion₅₄ ñág₃ uig₅ dsa₂ i₂rë₂'ín₁ quiáin₅. ¹⁹ Jaun₂ né₃, jme₁tsín₄ 'nia'₂ 'au'₂, jen'₅₄ 'nia'₂ të₂le₃ quió'₅ Diú₄, ia₁jaun₂ 'én₂ dsáu'₂ 'nia'₂. Jaun₂ bá₄ jiá₃ jmi_g₄ cuë₃ Te₁gui'₅₄ a₂le₃güin'₂

* 3:1 lit. "hora ñi₃."

jme₂dsí₂ quián'₂ 'nia'₂, ²⁰ a₂chein₃ táng₃ Jesús i₂lín₅ i₂rē₂'ín₁ quián₅ Diú₄, i₂ma₂lé₅ jág₁ le₂jñiá₅ jiá₃ quián'₂ 'nia'₂, ²¹ o₁jñia'₅₄ la₂ rē₂né₃ tion₅₄ 'nió'₅ guá₃ Jesús guei'₅₄ i₂juíg₃ ca₂lia'₂ ca₂jmo₃ Diú₄ rē₂ ca₂le₃jé₃ lia'₂ con'₂ lé₅ jág₁ ma₂'é₂ dsa₂ jñiós quiáin₅ ma₂líg'₂. ²² Le₂la₂ ca₂juá'₂ 'lag₄ Moisés ca₂tsí'₃ dsa₂ quián₂ jniog₄ ma₂dsi₃jo₃: “A₂chen₃ Te₁gui'₅₄ Diú₄ jan₂ dsa₂ i₂'é₂ jág₁ quiáin₅, i₂lín₅ dsa₂ go'₄ 'nia'₂ guiong'₅₄, jui₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jme₁ti'₄ 'nia'₂ ca₂le₃jé₃ con'₂ 'éi'₃ a₂jmo₃ 'éi₂. ²³ Ia₁ ca₂le₃jín₃ i₂tsá₃ jui₅ tón'₂ jág₁ quió'₅ dsa₂ i₂chen₄ quiáin₅ 'éi₂, dsi₃'éin₂, 'uín₃ juig₂ Israel.”† ²⁴ Jaun₂ le₂nē₅ ca₂'é₂ Samuel jág₁ le₂'uig₅₄, ca₂le₃jín₃ gué₄ dsa₂ i₂jme₁'é₂ jág₁ quián₅ Diú₄ i₂ca₂o₃lén₂ cang₂ gué₄ jaun₂, qui₂ca₂juá'₂ lia'₂ lé₂ jmig₄ nē₃. ²⁵ Jág₁ a₂ca₂cuē₃ Diú₄ tē₂le₃ quian'₅₄ dsa₂ i₂jme₁'é₂ jág₁ quiáin₅, ca₂cué'₃ 'nia'₂ bá₄. A₂dse₃ quián'₂ 'nia'₂ bá₄ ca₂jmo₃ Diú₄ caun₂ jág₁ quian'₅₄ dsa₂ can'₅₄ quián₂ jniog₄ ma₂líg'₂, jui₁lia'₂ ca₂tsí'₃ Abraham: “Ca₂le₃jín₃ chi'₂-guein₂ dsa₂ mi₂güig₃ le₃chain₂ dse₃ tē₂le₃ quian'₅₄ chi'₂ dsió'₂.”‡ ²⁶ Lia'₂ con'₂ jme₁ca₂chón'₂§ Diú₄ Ja₁ñi'₅₄, ca₂chein₃ le₂'uig₅₄ jin'₄ 'nia'₂, ia₁jaun₂ jme₃gu'₅₄, ia₁jaun₂ tí'₄ 'nia'₂ le₂jang'₂ le₂jang'₂ ca₂le₃jé₃ dso₄ qui₂'nau'₂ 'nia'₂.

4

Pe₄ quiain'₅₄ Juan₅₄ tióin₂ ne₄ dsi₂tan₅₄

¹ Pe₄ quian'₅₄ Juan₅₄ tsá₃ ma₂dsan₃ bá₄ gué₄ tsí'₅ dsa₂ jág₁, jme₁ca₂dsi₃lén₂ jme₂dsa₂ quiain'₅₄ juig₅₄ chi'₂ 'i'₅₄ quián₅ guá'₅, dsa₂ saduceos né₃. ² Le₁'néi₃ 'ñio₅ lín₃, ia₁ jme₂tín₅ 'éi₂ dsa₂ a₂jen'₅₄ dsa₂ jin₄ 'lag₄ jui₁lia'₂ ca₂lē₃ léi₄ ca₂jen'₅₄ Jesús. ³ Jaun₂ ca₂jñau'₃ chi'₂ 'i'₅₄ ca₂tág₃ ca₂i₁tio'₂ né₃ 'má₃ ca₂tē₂ jme₁jnia₃, ia₁ ca₂'láu₂ bá₄ jmig₄ jaun₂. ⁴ La₁ juin₅ bá₄ dsa₂ i₂ca₂nág₂ ca₂rē₃'éin₂ jág₁. Con'₂ 'ñiá₂ mei₅ dsa₂ i₂ca₂rē₃'én₂ 'éi₂, jme₁ca₂caun₂ dsa₂ 'í₁ jmá'₃ dsa₂ ñe'₂.

⁵ Jme₁jnia₃ jaun₂, ca₂ñi'₂ ca₂le₃jín₃ dsa₂ dsen₅₄ i₂jmo₅ 'éi'₃ quián₅ dsa₂ judíos, dsi₂gui'₅₄ can'₅₄, tē₃juá'₅ nē₃. ⁶ Ján₃ bá₄ jaun₂ jme₁'en₅₄ Anás i₂lín₅ jme₂dsa₂ dsen₅₄, Caifás, Juan₅₄, Alejandro né₃, ca₂le₃jín₃ gué₄ i₂lín₅ o₁rín'₅₄ jme₂dsa₂ dsen₅₄. ⁷ Jme₁ma₂le₁ñi'₂ jñin₂, jaun₂ gué₄ ca₂i₁dsein₂₃ Pe₄ quian'₅₄ Juan₅₄, jaun₂ ca₂chei'₃ dsi₂jo₂ja₁le₁ñi'₂ jaun₂. Jaun₂ ca₂ñag₃:

—¿Ein₂ ca₂cuē₃ 'éi'₃, o₃ 'ein₂ ca₂cuē₃ jág₁ a₂i₂nio'₄ 'nia'₂ jme₂tíng'₁ dsa₂, a₂jmo'₂ 'nia'₂ 'e₂jmo'₂ i₂niog'₅₄?

⁸ Jaun₂ ca₂juá'₂ Pe₄, rē₂rín₅ Jme₂dsí₂ Jñiós tē₂dsí₅, ca₂tsí'₃ dsa₂ i₂le₁ñi'₂ 'éi₂:

—'Nia'₂ dsa₂ dsen₅₄ quián₅ juig₂, 'nia'₂ dsa₂ can'₅₄ quián₅ juig₂ Israel né₃: ⁹ Chi₂jua'₂ a₂jaun₂ ñag'₅₄ 'nia'₂ ia₁ ca₂jmó₁jnia'₅₄ caun₂ a₂dse₃ quió'₅ jan₂ dsa₂ dso'₅₄ i₂tsá₃ lé₂jme₁ñi₃, chi₂jua'₂ 'niog'₂ 'nia'₂ le₃ñi'₅₄ 'a₂ lia'₂ ca₂lē₃ a₂ca₂'lóin₂, ¹⁰ jui₁le₃ñi'₅₄ bá₄ 'nia'₂, jui₁le₃ñi₅ bá₄ ca₂le₃jín₃ dsa₂ juig₂ Israel né₃, a₂chén'₅ dsa₂ nē₅ jin'₄ 'nia'₂ ca₂'lóin₂ quian'₅₄ bí₂ quió'₅ Jesucristo chan₂ Nazaret i₂ca₂tióin'₃ 'nia'₂ cróg₄, i₂ca₂jme₁jen'₅₄ táng₃ Diú₄ jin₄ 'lag₄. ¹¹ Jesús 'éi₂:

lín₅ ni₁cang₁ a₂tsá₃ jen'₅₄ 'nia'₂,

i₂lín₅ g'₅ tē₅ i₂chi'₅ tsi₁'né₅,

la₁ ca₂dsióg₃ ca₂lē₃ ni₁cang₁ a₂dsen₅₄ gué₄. *

¹² Ia₁ 'i₁jan₂ i₂sián'₂ tsá₃ chan₂ i₂le₃lión₂ dsa₂. Ia₁ 'i₁jan₂ i₂sián'₂ tsá₃ ca₂cuin₃ Diú₄ ne₄ gua'₅₄ 'uē₃ la₂, a₂lé₂ 'ñin₄ jniog₄ a₂mí₁ ne₄ Diú₄ ia₁jaun₂ tág'₄ guei'₅₄ i₂juíg₃, jñia'₅₄ lia'₂ jan₂ Jesús bá₄.

¹³ Jme₁ca₂jág₃ dsa₂ can'₅₄ dsi₂gó'₃ dsí₅ ca₂jñin₂ Pe₄ quian'₅₄ Juan₅₄ 'a₂ lia'₂ tiá₂ dsí₅ 'éi₂ ñag₂₃ ne₅₄ le₂jaun₂, jaun₂ ca₂rē₃lí'₄ a₂lín₅ 'éi₂ dsa₂ tsá₃ lín₄ quen₅, i₂tsá₃ lín₄ si₂ cuí'₅ né₃, jaun₂ gué₄ ca₂rē₃cuin₂₃ a₂lín₅ 'éi₂ dsa₂ i₂jme₁i₂nio₄ quian'₅₄ Jesús. ¹⁴ Ia₁ jaun₂ bá₄

† 3:23 Deuteronomio 18:15,18-19. ‡ 3:25 Génesis 22:18; 26:4. § 3:26 o₃, “jme₁ca₂jme₃jen'₅₄.” * 4:11 Salmo 118:22.

jme₁chén'₄ dsa₂ i₂ca₂'lón₂ 'éi₂ jë₄ jaun₂, jaun₂ lë₃ tsá₃ cuin₅ jmig₄ jua'₅₄ a₂juá'₂ dsa₂ can'₅₄ a₂tsá₃ dsau₅. ¹⁵ Jaun₂ ca₂'uín'₂ bá₄ Pe₄ quian'₅₄ Juan₅₄ jë₄ jaun₂, jaun₂ ca₂jmo₃ jág₁ guioin₅₄ 'a₂ lia'₂ jmo₃. ¹⁶ Ca₂dsia₃ jág₁, juá'₂:

—¿'A₂ lia'₂ jmo₃ quian'₅₄ dsa₂ në₅ jaun₂? Ia₁ ca₂le₃jín₃ bá₄ dsa₂ juig₂ Jerusalén ma₂le₁ñi₅ a₂jmo₅ i₂në₅ léi₄ jué'₂, jaun₂ tsá₃ lé₂ jua'₅₄ a₂jua'₅₄ jniog₄ a₂tsá₃ dsau₅. ¹⁷ La₁ ia₁jaun₂ tsá₃ ma₃caun₂ qui₃dsi₃'ag₅ jág₁ jin₄ dsa₂ juig₂, 'nió'₅ quian'₅₄ jniog₄ jué'₅ ia₁jaun₂ tsá₃ ma₃i₃nioi₅₄ qui₃'iin₃ gué₄ Jesús a₂tsí'₃ dsa₂ le₃ne₄ jui₅ ja₁dsau₅₄ në₅.

¹⁸ Jaun₂ ca₂të₃ dsa₂ i₂le₁ñi'₂ 'éi₂ ca₂té'₃ táng₃ Pe₄ quian'₅₄ Juan₅₄, jaun₂ ca₂jmo₃ 'éi'₃ ca₂tsí'₃ dsa₂ on₃ 'éi₂, a₂tsá₃ ma₃dsia₃ co₂ñei'₅₄ on₃ gué'₂ jme₃tiin₂₃ dsa₂ a₂'iin₂₃ Jesús. ¹⁹ La₁ jaun₂ ca₂ñag₃ Pe₄ quian'₅₄ Juan₅₄ ca₂juá'₂:

—'Nió'₄ 'nia'₂ 'au'₂ chi₂jua'₂ 'ñio₅ gué₄ dse₃jniá₂ ne₄ Diú₄, a₂néi₁ jnia'₅₄ gau₂ jág₁ quián'₂ 'nia'₂, 'nió'₄ a₂jme₁néi₁ jnia'₅₄ gau₂ jág₁ quió'₅ Diú₄. ²⁰ La₁ jnia'₅₄ né₃ tsá₃ lé₂ tí₄ a₂dsiá₁ ca₂le₃jé₃ a₂ma₂jag₅₄, a₂ma₂néi₁ né₃.

²¹ Jaun₂ ca₂quiong₃ dsi₂tan₅₄ jué'₅, la₁ ca₂lió₂ bá₄ jaun₂ né₃. Ia₁ tsá₃ ca₂dsó'₂ 'a₂ lia'₂ 'é₂ uig₅, ia₁ ca₂le₃jín₃ bá₄ dsa₂ ma₂qui₂cué'₃ ti₁'mag'₄ Diú₄ a₂ca₂té₂ ne₅₄ a₂ca₂lë₃ jaun₂. ²² Jaun₂ dsa₂ ñe'₂ i₂ca₂'lón₂ 'éi₂ quian'₅₄ léi₄ a₂dsi₂gó'₃ dsi₅, jme₁'ein₅₄ lé₅ gué₄ të₂láu₃ ñi₂.

Ca₂mi₃ dsa₂ 'én₂ a₂cuë₃ gué₄ Diú₄ bí₂ quió'₅

²³ Jme₁ma₂lón₂ Pe₄ quian'₅₄ Juan₅₄, ca₂i₃léin₂ ja₁tion'₅₄ riin'₅₄, jaun₂ ca₂dsia₃ ca₂le₃jé₃ 'e₂ ca₂juá'₂ juig₅₄ jme₂dsa₂ quian'₅₄ dsi₂gui'₅₄ can'₅₄ a₂ca₂tsí'₃ 'éi₂. ²⁴ Jme₁ca₂nág₂ jág₁ jaun₂, ca₂le₃jín₃ ca₂mi₃ co₂lë₅ ca₂tsí'₃ Diú₄ ca₂juá'₂:

—Te₁gui'₅₄ quián₂ jniog₄, 'ne₂ bá₄ líng'₅ Diú₄ i₂ca₂jmo'₅₄ guei'₅₄ i₂juí₃, quian'₅₄ gua'₅₄ 'uë₃, jmi₁ñi'₄ né₃, ca₂le₃jé₃ gué₄ 'e₂ a₂cha₂. ²⁵ 'Ne₂ bá₄ ca₂jua'₅₄ quian'₅₄ Jme₂dsí₂ Jñi₅ quiáng'₂, jme₁ca₂juá'₂ 'lag₄ David dsa₂ quiáng'₂:

¿'E₂ lë₃ tion'₅₄ dsi₂nau₂ co₂mi'₅₄?

¿'E₂ lë₃ dsi₂jio₅ dsí₅ dsa₂ chan₂ mi₂güí₃

ca₂le₃jé₃ ne₅₄ a₂'lig'₅₄ a₂tsá₃ ta₁ tí₄?

²⁶ Ca₂le₃jín₃ rag₅₄ ne₄ gua'₅₄ 'uë₃

qui₂ca₂quín'₂ jág₁;

Ca₂le₃jín₃ dsi₂tan₅₄ quián₅ juig₂

qui₂ca₂nau₂ 'nei₂ ja₁con₂ Te₁gui'₅₄,

ja₁con₂ I₂rë₂'ín₁ quián₅ né₃.†

²⁷ 'Dsau₅ dsón'₂ bá₄ ca₂jmo₃ caun₂ jág₁ Rag₅₄ Herodes quian'₅₄ Dsi₄má'₂ Poncio Pilato juig₂ la₂ quian'₅₄ dsi₂nau₂, dsa₂ israelitas né₃. Ca₂quín'₃ jág₁ ca₂jme₃'ñiai₅₄ Jesús Ja₂ñi'₂ Jñi₅ i₂rë₂'ín₁ quiáng'₂. ²⁸ Quian'₅₄ a₂në₅, ca₂jme₃ti₃ dsa₂ can'₅₄ 'éi₂ ca₂le₃jé₃ a₂'i₄ 'éi'₃ niog₅ lé₂. ²⁹ Jaun₂ né₃ Te₁gui'₅₄, jag₄ a₂quiong₅ dsa₂ jué'₅ jnia'₅₄. Cuë₄ bí₂ jnia'₅₄ dsa₂ quiáng'₂ ia₁jaun₂ tián₂ qui₂jme₁tín₅ gué₄ jnia'₅₄ dsa₂ jág₁ quiáng'₂, tsá₃ jui₁le₂go₃. ³⁰ Cuë₄ bí₂ quiáng'₂ a₂lé₂ jme₁'lion₅₄ jnia'₅₄ dsa₂ dso'₅₄, a₂lé₂ jmo₁ léi₄ dsi₂gó'₃ dsi₅ quian'₅₄ bí₂ 'éi'₃ quió'₅ Jesús, dsa₂ Jñi₅ i₂jme₂ti₃ quiáng'₂.

³¹ Jme₁ca₂dsan₃ chi₂léin'₂ Diú₄ le₂në₅, ca₂i₁bi₅₄ ja₁tioin'₅₄, jaun₂ ca₂le₃jín₃ qui₂ca₂cain'₂ Jme₂dsí₂ Jñi₅. Jaun₂ tsá₃ ma₃jué'₅ 'i₄ dsí₅ qui₂ca₂'é₂ jág₁ dse₃ quió'₅ Diú₄.

Ca₂le₃jé₃ 'e₂ cha₂ jme₁lé₄ quió'₅ ca₂le₃jín₃

³² Ca₂le₃jín₃ dsa₂ i₂ma₂'én₂, caun₂ bá₄ a₂dsi₂jio₅ dsí₅, caun₂ bá₄ 'e₁₅ jme₂dsí₂ quió'₅ ca₂le₃jín₃. 'I₁jan₂ tsá₃ jua'₅₄ a₂jmo₂₃ quió'₅ 'ñiog₅ 'e₂ caun₂ a₂cha₂ quió'₅. Jmo₂₃ bá₄ dsí₅ a₂quió'₅ co₂dsia₅ quian'₅₄ riin'₅₄ ca₂le₃jé₃ 'e₂ a₂cha₂ quió'₅. ³³ Caun₂ ca₂'ág₂ tiá₂ dsí₅ qui₂ca₂cuë₃ jág₁ dsau₅ dsi₂guia₃-tín₂ i₂chen₄‡ quián₅ Diú₄ 'éi₂, 'a₂ lia'₂ ca₂jen'₅₄ Te₁gui'₅₄

† 4:26 Salmo 2:1-2. ‡ 4:33 griego: apóstolous.

Jesús. Jaun₂ caun₂ qui₂ca₂cuë₃ Diú₄ bí₂ 'ŋio₅ lín₃ quió'₅ ca₂le₃jín₃ dsa₂ i₂'én₂. ³⁴ 'I₁jan₂ tsá₃ 'ein₂ jua'₅₄ cha₂ qui₂ca₂rë₃'nió'₅ quió'₅, ia₁ dsa₂ i₂cha₂ 'uë₃, o₃ i₂tióng₂ 'né₅ quió'₅ né₃, qui₂ca₂'nag₃. ³⁵ Jaun₂ ca₂o₃can₅ cu₄ jaun₂, ca₂jín'₃ dsa₂ guia₃-tín₂ i₂chen₄ quián₅ Jesús 'éi₂, jaun₂ ca₂dsi₂'₃ ca₂cuë'₃ le₂jan₂ le₂jan₂ 'a₂ con'₂ 'nió'₅ quió'₅. ³⁶ Jme₁chan₂ jin₄ dsa₂ 'éi₂ jan₂ dsa₂ levita i₂jme₁chen₂ José i₂chan₂ Chipre. Dsa₂ i₂chen₄ né₃ ca₂quiain₃ Sé₄ 'éi₂ Bernabé, co₂'nió'₄ a₂juá'₂ dsa₂ i₂jmo₅ lián'₂, i₂jme₂'o₅₄.[§] ³⁷ Bernabé 'éi₂ ca₂'nag₃ caun₂ 'uë₃ quió'₅ a₂jme₁cha₂. Ca₂le₃jé₃ cu₄ jaun₂ ca₂o₃can₅ ca₂cuë'₃ dsa₂ guia₃-tín₂.

5

Dso₄ a₂ca₂'náu₂ Ananías quiain'₅₄ Safira

¹ La₁ jan₂ dsa₂ sián'₂ i₂jme₁chen₂ Ananías quiain'₅₄ Safira 'io₅₄ quiáin₅, ca₂'nag₃ caun₂ 'uë₃ quió'₅. ² Dsa₂ ŋe'₂ 'éi₂ ca₂'ma₃ ca₂dsio₄ cu₄ jaun₂ 'ŋiog₅, jaun₂ ca₂dsio₄ bá₄ ca₂i₁cuë'₂ dsa₂ guia₃-tín₂ i₂chen₄* quián₅ Jesús, lia'₂ jag₄ bá₄ a₂i₁can₅ ta₁jë₂. Ján₃ bá₄ ŋi₅ 'io₅₄ quiáin₅.

³ Jaun₂ ca₂juá'₂ Pe₄ ca₂tsí'₃ Ananías:

—¿'E₂ lë₃ ca₂'í₃ Satanás tē₂'au'₂ jaun₂ jmo'₂ jág₁ tē₂jág₁ ne₄ Jme₂dsí₂ ŋjio₅, a₂ca₂'ma'₅₄ ca₂dsio₄ cu₄ a₂ca₂qui₃ dsa₂ 'lia'₅₄ 'uë₃ quiáng'₂? ⁴ ¿On₁jua'₅₄ quiáng'₂ 'uë₃ a₂nē₂'nag'₅₄? ¿On₁jua'₅₄ quiáng'₂ cu₄ jaun₂ né₃? ¿'E₂ lë₃ ca₂i₃jio₅ 'au'₂ jmó'₂ le₂nē₅? Diú₄ bá₄ nē₂chei'₅₄ 'ne₂ jág₁ tē₂jág₁, on₃jua'₅₄ dsa₂ mi₂güí₃.

⁵ Dsi₂juí₅ jme₁nē₂néi₂ Ananías le₂nē₅, ca₂quiin'₃ ca₂join₃. Jaun₂ ca₂le₃jín₃ dsa₂ i₂ca₂rë₃ŋi₅ a₂ca₂lë₃ le₂jaun₂ ca₂rë₃gó'₅ 'ŋio₅ lín₃. ⁶ Jaun₂ ca₂o₃lén₂ on₃-ún₂ chi'₂ dsa₂ ŋe'₂, ca₂lio₃ 'mi'₂ ni₁ŋi₁₂, jaun₂ ca₂i₁'ó₄.

⁷ Tsá₃ jaun₂ ŋi₅ 'io₅₄ quián₅ Ananías a₂ca₂lë₃ le₂jaun₂, jaun₂ ca₂dsi₂óg₃ con'₂ 'ni₅ hora cang₂ jaun₂. ⁸ Jaun₂ ca₂ŋag₃ Pe₄ ca₂ŋí'₃ 'io₅₄:

—Jua'₅₄ dsón'₂. ¿'Ma'₅₄ jaun₂ nē₂'nag'₅₄ 'nia'₂ 'uë₃ con'₂ lé₅ jág₁ juá'₂ 'nia'₂?

Jaun₂ ca₂ŋag₃ 'io₅₄:

—Ján₅. 'Ma'₅₄ jaun₂ dsón'₂ bá₄ i₂'nag₄.

⁹ Jaun₂ ca₂juá'₂ táng₃ Pe₄:

—¿'E₂ lë₃ nē₂jmo'₅₄ 'nia'₂ caun₂ jág₁ a₂cáng'₄ táu₂ Jme₂dsí₂ quián₅ Te₁gui'₅₄? Ca₁'né₄ nē₅ ma₂ja₂len₃ táng₃ dsa₂ i₂ma₃i₁'ón₄ dsi₂i₂gog'₂. Nē₃ gué₄ tē₂ táng₃ 'ne₂.

¹⁰ Dsi₂juí₅ le₂jaun₂ ca₂quin'₃ 'io₅₄ ca₂join₃ ja₁chén'₄ Pe₄ jaun₂. Jme₁ca₂i₃ton'₅₄ chi'₂ dsa₂ ŋe'₂ 'éi₂, ma₂jon₅ bá₄ 'io₅₄, jaun₂ ca₂tág₃ táng₃ jaun₂ ca₂i₁'ó₄ cau₅ ja₁rē₂'on₅ dsi₂i₂gu₂.

¹¹ Jaun₂ ca₂rë₃gó'₅ 'ŋio₅ lín₃ ca₂le₃jín₃ dsa₂ 'én₂ i₂lín₅ guá'₅, ca₂le₃jín₃ gué₄ dsa₂ sián'₂ i₂ca₂rë₃ŋi₅ a₂ca₂lë₃ jaun₂.

'Lióng₂ léi₄ juë'₂ a₂dsi₂gó'₃ dsi₅ né₃, ca₂lë₃

¹² Quian'₅₄ bí₂ quió'₅ Diú₄ ca₂jmo₃ dsa₂ i₂chen₄ quián₅ Jesús 'lióng₂ léi₄ juë'₂ a₂dsi₂gó'₃ dsi₅ jin₄ dsa₂. Jaun₂ jme₁ŋi'₂ dsa₂ i₁dsi₅ guá'₅ templo ja₁lé₄ corredor ja₁té'₂ dsa₂ quió'₅ Salomón. ¹³ 'I₁jan₂ tsá₃ ca₂tiá₂ dsí₅ jme₃quiain'₅₄ dsa₂ i₂'én₂ 'éi₂, la₁ jme₁jme₂go₃ bá₄.

¹⁴ La₁ juín₅ bá₄ dsa₂ ŋe'₂, lia'₂ dsa₂ mǎ₂ né₃, ca₂rë₃'én₂ tē₂le₃ quió'₅ Te₁gui'₅₄. ¹⁵ Ca₂lia'₂ jme₁dsi₂jñai₃ jë₄ calle dsa₂ dso'₅₄ tián'₅ ne₄ cama, ne₄ tsi₁jein₁ nē₃, ia₁jaun₂ tsá₃ a₂nag₅₄ jñia'₅₄ 'én'₁ quió'₅ bá₄ Pe₄ tē₅₄ quió'₅ i₂lín₅₄ dsa₂ dso'₅₄ 'éi₂. ¹⁶ Ján₃ bá₄ ca₂o₃lén₂ juín₅ dsa₂ chan₂ juig₂ ma₂quián₅ Jerusalén, le₁jñai₂₃ dsa₂ le₁dso'₅₄, dsa₂ i₂tion'₅₄ jme₂dsí₂ 'lín'₅₄ tē₂dsí₅ né₃, ca₂o₃lén₂. Jaun₂ ca₂le₃jín₃ dsa₂ 'éi₂ qui₂ca₂'lóin₂.

Ca₂co₃'ein₃ dsa₂ quió'₅ Pe₄ quiain'₅₄ Juan₅₄

¹⁷ Jaun₂ ca₂rë₃'iog₅₄ 'ŋio₅ lín₃ jme₂dsa₂ dsen₅₄, quiain'₅₄ riin'₅₄ i₂jme₁lín₄ saduceos.

¹⁸ Jaun₂ ca₂jñai'₃ dsa₂ i₂chen₄ quián₅ Jesús, ca₂i₁tio'₂ 'né₅ 'má₃. ¹⁹ La₁ a₂'uë₂ jaun₂, ca₂ŋe₄ jan₂ ángel quián₅ Te₁gui'₅₄ ca₂niá₃ 'né₅ 'má₃, ca₂'uúin'₂ dsa₂ i₂chen₄ 'éi₂, ca₂juá'₂:

§ 4:36 lit. "jaun₅ lián'₂." * 5:2 griego: apóstolous.

²⁰ —O₂nó' ₅ 'nia' ₂ i₁dsi₅ guá' ₅ templo, o₂nau₂ o₂chei' ₅₄ 'nia' ₂ dsa₂ jág₁ dse₃ quió' ₅ Jui₅ 'mí₂ la₂.

²¹ Jme₁ca₂nág₂ jág₁ nē₅, tē₃ o₃'iog₂ jme₁jnia₃ jaun₂ ca₂i₁lein₅₄ guá' ₅ ca₂i₁jme₁tiin₂₃ dsa₂. Jmig₄ jaun₂ ca₂tē₃ jme₂dsa₂ dsen₅₄ ca₂ñii' ₂ dsi₂tan₅₄ quián₅ guá' ₅, jaun₂ ca₂jmo₃ 'éi' ₃ i₁tē₂ dsa₂ i₂chen₄ quián₅ Jesús i₂tion' ₅₄ 'né₅ 'má₃ 'éi₂. ²² La₁ jme₁ca₂dsi₃lén₂ 'lióg₂ † 'né₅ 'má₃, tsá₃ ma₃dsa₂ i₂jme₁tion' ₅₄ chan₂. Jaun₂ ca₂i₃lein₃ táng₃ i₁con₂ jág₁, ²³ juá' ₂:

—Jme₁chi₁jnág₅ dse₃ bá₄ o₄'né₄ 'né₅ 'má₃, jme₁tió₂ bá₄ gué' ₂ 'lióg₂ jmo₂₃ 'í₁ cau₅ o₄'né₄ né₃. La₁ jme₁nē₂tió' ₄ jnia' ₅₄ dsi₂néi₂, tsá₃ ma₃dsa₂ i₂jme₁tion' ₅₄ chan₂ 'i₁jan₂.

²⁴ Jme₁ca₂nág₂ juig₅₄ jme₂dsa₂, juig₅₄ chi' ₂ 'i' ₅₄ quián₅ guá' ₅ né₃, jaun₂ dsi₂gó' ₃ dsí₅ qui₂ca₂ñii' ₃ riin' ₅₄ 'a₂ dsi₁quén' ₅ ca₂le₃jé₃ a₂nē₅. ²⁵ Jaun₂ ca₂dsióg₃ jan₂ dsa₂ quian₅ jág₁, jaun₂ ca₂juá' ₂:

—Dsa₂ i₂ca₂jne' ₅₄ 'nia' ₂ 'né₅ 'má₃, ó₃ bá₄ ma₂tióin₂ i₁dsi₅ guá' ₅ jme₂tiin₂₃ dsa₂.

²⁶ Jaun₂ né₃ ca₂i₃lén₂ chi' ₂ 'i' ₅₄ quiain' ₅₄ juig₅₄ quián₅, jaun₂ ca₂i₁chong' ₅₄ táng₃ lia' ₂ 'i₄ rē₂ jág₁. Tsá₃ uig₅ ca₂jmóg' ₂, ia₁ gó' ₅ qui₃ináu' ₂ cang₄ dsa₂ i₂le₁ñi' ₂ ja₁jaun₂.

²⁷ Jme₁ca₂dsi₃lein₃ le₁te₂ dsa₂ 'éi₂, jaun₂ ca₂chei' ₃ dsi₂jo₂ ja₁le₁ñi' ₂ dsi₂tan₅₄ quián₅ guá' ₅. Jaun₂ ca₂juá' ₂ jme₂dsa₂ dsen₅₄ ca₂tsí' ₃ dsa₂ 'éi₂:

²⁸ —Ca₂jne₅₄ jnia' ₅₄ co₂ñei' ₅₄ a₂tsá₃ ma₃jme₁tiin' ₅ 'nia' ₂ dsa₂, jua' ₅₄ a₂'ín' ₄ gué' ₄ 'nia' ₂ Jesús 'éi₂. ¿'E₂ ma₂jmo' ₅₄ gué' ₂ 'nia' ₂? Caun₂ qui₂jme₂tiin' ₁ 'nia' ₂ dsa₂, tsá₃ jág₁ cán' ₁, ca₂lia' ₂ ta₁caun₂ juig₂ Jerusalén ma₂rē₂rin₅ quian' ₅₄ jág₁ a₂jme₂tiin' ₁ 'nia' ₂. A₂'niog' ₂ 'nia' ₂ bog' ₅₄ jnia' ₅₄ dso₄ a₂ca₂jon₃ dsa₂ 'éi₂.

²⁹ Jaun₂ ca₂ñag₃ Pe₄ quiain' ₅₄ dsa₂ i₂chen₄ riin' ₅₄:

—'ñio₅ gué' ₄ dsen₅₄ ta₁ jme₁ti₁ jnia' ₅₄ 'éi' ₃ quió' ₅ Diú₄, con' ₂ gué' ₄ 'éi' ₃ quió' ₅ dsa₂ mi₂güig₃. ³⁰ Diú₄ quián₅ dsa₂ can' ₅₄ quián₂ jniog₄ ma₂líg' ₂, Diú₄ 'éi₂ bá₄ ca₂jme₃jen' ₅₄ Jesús i₂ca₂ñii' ₃ 'nia' ₂ ca₂tióin' ₃ cróg₄. ³¹ Diú₄ né₃ ma₂ca₂chó' ₂ guei' ₅₄, jaun₂ ma₂guá' ₅ cau₅ quió' ₅ tē₂le₃ gu₂ ne₁, jaun₂ ma₂dsiog₃ a₂lén₂ juig₅₄ jniog₄ i₂lió₂, ia₁jaun₂ cuin₃ jmig₄ jme₃tsín₃ dsí₅ dsa₂ juig₂ Israel ia₁jaun₂ 'én₂ dsáu₁. ³² Ca₂le₃jág₃ bá₄ jnia' ₅₄ ca₂tē₂ ne₄ a₂nē₅, ján₃ bá₄ jáng' ₅ jág₁ dsau₅ Jme₂dsí₂ Jñio₅ i₂ma₂cuin₃ Diú₄ quió' ₅ dsa₂ i₂nag₅ gau₂ jme₂ti₃ jág₁ quió' ₅.

³³ Ca₂rē₃'né₃ 'ñio₅ lin₃ dsa₂ can' ₅₄ jme₁ca₂nág₂ le₂nē₅, a₂'nio₃ jme₁jme₃dsiain₂₃ dsa₂ i₂chen₄ quián₅ Jesús 'éi₂. ³⁴ La₁ jē₄ quió' ₅ dsi₂tan₅₄ jaun₂, jme₁'en₅₄ jan₂ dsa₂ fariseo i₂jme₁chen₂ Gamaliel, dsa₂ i₂lín₅ tē₅juá' ₅, jaun₂ jme₁jme₂go₃ dsa₂ 'ñio₅ lin₃. Jaun₂ ca₂nau₂ dsa₂ 'éi₂ jē₄ quió' ₅ dsi₂tan₅₄, ca₂mi₃ a₂'uñin' ₂ ca₂tiá₂ dsa₂ i₂chen₄ 'éi₂. ³⁵ Jme₁ca₂'uin₂ 'éi₂, jaun₂ ca₂juá' ₂ Gamaliel ca₂tsí' ₃ dsi₂tan₅₄:

—'Nia' ₂ dsa₂ chan₂ juig₂ Israel, jmo₄ 'nia' ₂ 'í₁ a₂jma' ₅₄ 'nia' ₂ dsa₂ nē₅. ³⁶ Dsá₂ 'au' ₂ 'nia' ₂ jmo₄ a₂ca₂lē₃, ma₂ñó₃ ca₂la₂ 'lióng₂ ñi₂, ca₂nau₂ Teudas a₂juá' ₂ a₂lín₅ dsa₂ 'uan' ₂ dsa₂ dsen₅₄. Jaun₂ ca₂jme₃quiong' ₅₄ con' ₂ quén₂ 'ñiá₂-lón₂ dsa₂ ñe' ₂. La₁ jme₁ca₂ñag' ₃ dsa₂, ca₂le₃jín₃ dsa₂ i₂jme₁quiain' ₅₄ né₃ ca₂i₃lén₂ jma₃quén₅. ³⁷ Cang₂ jaun₂, jmig₄ jme₁ca₂tion₃ dsa₂ si₂, ca₂nau₂ Judas i₂chan₂ Galilea. Ján₃ bá₄ le₂jaun₂ juin₅ dsa₂ ca₂jme₃quiong' ₅₄ quió' ₅. La₁ ján₃ bá₄ ca₂ñag' ₃ dsa₂. Ca₂le₃jín₃ bá₄ dsa₂ i₂jme₁quiain' ₅₄ né₃ ca₂i₃lén₂ tsi₁rē₂jain₅₄ táng₃ jme₁ma₂jon₅ 'éi₂. ³⁸ Jaun₂ lē₃, tsá₃ 'e₂ jmag' ₅₄ dsa₂ nē₅, tsá₃ lē₁tón' ₂ 'nia' ₂ mi' ₅₄ quiain' ₅₄. Ia₁ nē₁juá' ₂ jág₁ nē₅ lé₅ cosa quió' ₅ dsa₂ mi₂güig₃, a₂lē₁dsi₃'én₂ bá₄ nē₅. ³⁹ La₁ia₁ nē₁juá' ₂ lé₅ cosa quió' ₅ Diú₄, tsá₃ a₁jaun₂ le₃qui' ₅₄ 'nia' ₂ jmig₄ a₂'éng' ₄. Jaun₂ 'í₁ jmo₄ ia₁ con' ₂ tsá₃ ñó₅ nē₁juá' ₂ quian' ₅₄ Diú₄ quín' ₂ 'nia' ₂.

⁴⁰ Jaun₂ ca₂nág₂ jág₁ jaun₂ ca₂le₃jín₃. Jaun₂ ca₂tē' ₃ táng₃ dsa₂ i₂chen₄ quián₅ Jesús 'éi₂. Jaun₂ ca₂jmo₃ dsi₂tan₅₄ 'éi' ₃ a₂bóg₂ dsa₂. Jaun₂ ca₂jnë₃ táng₃ tsá₃ cué₂₃ jmig₄ jua' ₅₄ a₂'é₂ gué' ₄ dsa₂ 'éi₂ jág₁ a₂'iin₂₃ Jesús. Jaun₂ ca₂lió₂ bá₄ jaun₂ né₃. ⁴¹ Jme₁ca₂'uin₂ dsa₂ i₂chen₄ quián₅ Jesús 'éi₂, jin₄ dsi₂tan₅₄, jmo₂₃ 'io' ₂, ia₁ ca₂cué₃ Diú₄ jmig₄ ca₂i₃ñii' ₂ o₂guí' ₃ o₄quió' ₄

† 5:22 o₃, chi' ₂ 'i' ₅₄ quián₅ guá' ₅.

Jesús. ⁴² Jaun₂ caun₂ ca₂i₁nioi₁₂ bá₄ jme₂tiin₂₃ dsa₂ jág₁ dse₃ quió'₅ Jesucristo ca₂le₃jé₃ jmig₄, lia'₂ i₁dsi₅ guá'₅ templo, lia'₂ dsi₂néi₂ quió'₅ dsa₂ né₃.

6

Ca₂'nai'₂ guion₃ dsa₂ i₂jme₃'o₅₄*

¹ Jmig₄ jaun₂ caun₂ dsi₂juín₂ bá₄ dsa₂ i₂'én₂. Jaun₂ dsa₂ i₂dsia₅ jág₁ jmei₅ griego ca₂jí₂ ca₂tsí'₃ dsa₂ i₂dsia₅ jág₁ jmei₅ arameo. Ca₂juá'₂ 'iin₂₃ 'io₅₄ 'nág₂ chan₂ quiáin₅ tsá₃ lín₄ dse₃ jme₁cué'₅ dsa₂ jui₁lia'₂ 'e₂ má₃ dsió'₅ ca₂le₃jé₃ jmig₄. ² Jaun₂ ta₁guia₃-tín₂ dsa₂ i₂chen₄† quián₅ Jesús ca₂ñí'₂ ca₂le₃jín₃ dsa₂ i₂'én₂, jaun₂ ca₂juá'₂:

—Tsá₃ dse₃ jua'₅₄ a₂tí₅ jnia'₅₄ a₂'é₄ jnia'₅₄ jág₁ quió'₅ Diú₄ a₂jme₁ti₁ jnia'₅₄ ne₄ mesas a₂dsio'₅₄ jnia'₅₄ má₃. ³ Jaun₂ lë₃ rín'₅₄ jniog₄, 'in₅₄ 'nia'₂ guion₃ dsa₂ tē₃jín'₄ 'nia'₂, i₂'ei₅ jág₁ a₂'en₅₄ dsí₅, a₂rē₂rín₅ Jme₂dsí₂ Jñió₅ tē₂dsí₅, jaun₂ cué'₅₄ 'nia'₂ ta₁ nē₅. ⁴ Jnia'₅₄ gué'₂ caun₂ qui₁chei₅₄ Diú₄, caun₂ qui₂jme₁tín₅ jnia'₅₄ dsa₂ jág₁ quió'₅ Diú₄.

⁵ Jaun₂ ca₂le₃jín₃ dsa₂ ca₂té₂ dsí₅ a₂nē₅, jaun₂ ca₂quióin'₂ dsa₂ i₂chen₂ Esteban i₂'én₂ 'ñio₅ lín₃, i₂rē₂rín₅ Jme₂dsí₂ Jñió₅ tē₂dsí₅; Fe₂li₄ né₃, Prócoro, Nicanor, Timón, Parmenas, Nicolás né₃ i₂lín₅ jan₂ dsa₂ chan₂ Antioquía i₂jme₁ma₂gue₃ le₂jñiá₅ 'Éi'₃ Juá'₅ quió'₅ dsa₂ judíos. ⁶ Jaun₂ ca₂o₃jñia₃ dsa₂ dsa₂ guion₃ i₂ca₂'iin₃ 'éi₂ ja₁tió₂ dsa₂ guia₃-tín₂, jaun₂ qui₂ca₂quiog₂ gu₂ ne₄ quió'₅ dsa₂ guion₃ 'éi₂, ca₂chi₃lén'₂ Diú₄.

⁷ Jaun₂ caun₂ ca₂i₃'ág₃ jág₁ quió'₅ Te₁gui'₅₄ jē₄ juig₂ Jerusalén, jaun₂ caun₂ ca₂i₃juín₂ bá₄ dsa₂ i₂ca₂rē₃'én₂, ca₂tē₂ i₂jme₁lín₄ jme₂dsa₂ quián₅ dsa₂ judíos ca₂guein₃ jág₁, ca₂rē₃'én₂ juin₅.

Ca₂jñá'₃ dsa₂ Esteban

⁸ Esteban, dsa₂ i₂'ñio₅ lín₃ ma₂cuē₃ Diú₄ jui₅bí₂, ma₂jme₂'o₅₄ né₃, i₂'éi₂ jme₁jmo₂₃ 'lióng₂ léi₄ dsi₂gó'₃ dsi₅ jin₄ dsa₂ juig₂. ⁹ Jaun₂ i₂lín₅₄ dsa₂ quián₅ guá'₅ sinagoga i₂jme₁té'₂ dsa₂ Libertinos, quiain'₅₄ i₂lín₅₄ dsa₂ chan₂ Cirene, i₂lín₅₄ i₂chan₂ Alejandría, i₂chan₂ Cilicia, i₂chan₂ juig₂ ja₁tén₄ 'uē₃ Asia né₃, ca₂jme₃lióg₃ ca₂tsiin₂ quián'₅₄ Té₂. ¹⁰ La₁ tsá₃ ca₂tio₃, ia₁ a₂niog₅ dsi₄ 'éi₂, tiin₂ 'a₂ lia'₂ ñag₃, ia₁ Jme₂dsí₂ Jñió₅ bá₄ cuē₅ bí₂. ¹¹ Jaun₂ ca₂lái₂ dsa₂ i₂jáng'₃ jág₁ tē₂jág₁, a₂juá'₂ a₂ma₂nág₂ juá'₂ Té₂ 'iin₂₃ 'lig'₅₄ Moisés, 'iin₂₃ 'lig'₅₄ Diú₄ né₃. ¹² Jaun₂ le₂jaun₂ ca₂tóin'₂ co₂mi'₅₄ jin₄ dsa₂ juig₂ quián'₅₄ dsi₂gui'₅₄ can'₅₄, tē₅juá'₅ né₃, ca₂jmaí'₂ mi'₅₄ Té₂, ca₂jñau'₃, ca₂i₁jo₅₄ ne₄ dsi₂tan₅₄ quián₅ guá'₅. ¹³ Jaun₂ ca₂'nai'₂ ján₃ dsa₂ i₂jmo₃ jág₁ tē₂jág₁ a₂'ni₃ Té₂. Jaun₂ ca₂juá'₂:

—Dsa₂ nē₅ caun₂ qui₂juá'₂ 'lig'₅₄ 'ē₂₃ guá'₅ jñio₅, 'ē₂₃ 'Éi'₃ Juá'₅ né₃. ¹⁴ Ján₃ bá₄ ma₂ca₂néi₁ jnia'₅₄ juá'₂ i₂nē₅ a₂'én₂ Jesús chan₂ Nazaret guá'₅ a₂jme₃tsiin₃ tag₄ chí'₅ ca₂quiog₂ Moisés.

¹⁵ Jaun₂ dsi₂tan₅₄ quiain'₅₄ ca₂le₃jín₃ gué'₄ dsa₂ i₂jme₁tion'₅₄ le₁ñi'₂ ja₁jaun₂, ca₂jín₂ Té₂, a₂ma₂jniá₂ dsi₂ne₄ 'éi₂ lia'₂ jniá₂ jan₂ ángel.

7

Jág₁ ca₂ton₃ Esteban

¹ Jaun₂ ca₂ñag₃ jme₂dsa₂ dsen₅₄ ca₂ñí'₃ Té₂:

—¿Dson'₂ dsau₅ ca₂le₃jé₃ a₂juá'₂ dsa₂ nē₅?

² Jaun₂ ca₂ñag₃ 'éi₂:

—Rin'₅₄ jniog₄, 'nia'₂ dsa₂ can'₅₄ quián₂ né₃, nei₂ 'nia'₂ a₂juá'₄ jniá₂ la₂. Diú₄ 'uan'₂ quián₂ jniog₄ ca₂jme₃jniai₂₃ ne₄ jmei₂ jniog₄ Abraham lia'₂ con'₂ jme₁'ein₅₄ 'uē₃ Mesopotamia né₃ a₂dsi₃guá₃ juig₂ Harán. ³ Jaun₂ ca₂juá'₂ Diú₄: “Tí₃ 'uē₃ quiáng'₂, tén₃ ca₂le₃jín₃ o₁ríng'₂, gua₂ jui₅ 'uē₃ ja₁i₁'ē₃ jniá₂.”*

* 6: o₃, diáconos. 'Nio'₂ ja₁ton₅ Hechos 21:8; Filipenses 1:1. † 6:2 griego: apóstolous. * 7:3 Génesis 12:1.

⁴ 'Jaun₂ ca₂η₃ Abraham ca₂o₃'i_{in}₃ 'u_ë₃ Caldea jaun₂, ca₂i₁gua₂ juig₂ Harán. Cang₂ jaun₂ ca₂j_{on}₃ bá₄ jmei₂. Jaun₂ Diú₄ bá₄ ca₂o₃j_{nia}₃ Abraham 'u_ë₃ la₂ ja₁tián₄ 'nia₂ 'r_ë₂n_ë₃.
⁵ La₁ tsá₃ jua₅₄ 'e₂ ca₂cu_ë₃ Diú₄ 'u_ë₃ la₂, on₃ gu_ë₂ ja₁chi₃ caun₂ tag₅₄ jua₅₄ ca₂cu_ë₃. La₁ ca₂cu_ë₃ bá₄ Diú₄ jág₁ quió₅ a₂cu_ë₃ 'u_ë₃ la₂, a₂jmo₃ le₃cha₂ quió₅ chi₂ quián₅ bá₄ Abraham j_ë₁ma₂join₂₃, o₁j_{nia}₅₄ gu_ë₂ j_mig₄ jaun₂ tsá₃ chi₂ quián₅ Abraham jme₁chan₂ 'i₁jan₂.
⁶ Jaun₂ ca₂juá₂ Diú₄ ján₃, ca₂le₃j_{in}₃ chi₂ dsio₄ Abraham tiain₃ jui₁lia₂ ja₁tián₄ ds_i₂nau₂ caun₂ 'u_ë₃ a₂tsá₃ cuí₅, qui₃ηág₃ uig₅ con₂ quén₂ 'ηiá₂-láu₂ ηi₂ a₂l_ë₁jmo₃ ta₁ jme₂ti₃ ta₁ ne₄ dsa₂.
⁷ La₁ ján₃ bá₄ ca₂juá₂ Diú₄ ca₂tsí₃ Abraham: "Jniá₂ bá₄ 'é₄ uig₅ ne₄ juig₂ i₂jmá₂ dsa₂ quiáng₃ i₂tion₅₄ i₂l_ë₁jme₂ti₃ ta₁ ne₅₄. Cang₂ jaun₂ guion₅₄ dsa₂ juig₂ quiáng₃ 'u_i_{in}₃ juig₂ jaun₂, jaun₂ ja₃l_ë_{in}₂ jme₃ti₃ ta₁ ne₃ ja₁lá₃."†
⁸ Já₃ bá₄ ca₂jmo₃ Diú₄ caun₂ jág₁ quian₅₄ Abraham, a₂ti₃ ni₁lo₁ ta₁j_{in}₂ chi₂ dsa₂ ηe₂ tsi₁jon₂ quián₅, a₂l_i₅₄ jág₁ a₂t_ë₃ron₅₄. 'Uig₅₄ jaun₂, jme₁ca₂r_ë₃chán₃ ja₁ηi₅₄ i₂ca₂r_ë₃chén₃ Isaac, ca₂ti₃ Abraham ni₁lo₁ Isaac jme₁ma₂'ein₅₄ j_{nia}₃ j_mig₄. Já₃ bá₄ le₂jaun₂ ca₂jmo₃ Isaac quian₅₄ Jacob ja₁ηi₅₄. Já₃ bá₄ le₂jaun₂ ca₂jmo₃ Jacob quian₅₄ ta₁guia₃-t_{in}₂ ja₁ηi₅₄ i₂ca₂lin₃ jmei₂ ta₁guia₃-t_{in}₂ juig₂ ja₁tén₄ Israel.

⁹ 'Ca₂le₃j_{in}₃ chi₂ ja₁ηi₅₄ Jacob i₂jme₁l_{in}₄ jmei₂ jniog₄ ma₂l_{ig}₂ 'éi₂, ca₂i₃uig₅₄ dsí₅ j_i_{in}₂ Sé₄ riin₅₄. Jaun₂ ca₂'ni₃ 'éi₂ jaun₂ ca₂tág₃ dsa₂ ca₂t_ë₂ 'u_ë₃ Egipto. La₁ Diú₄ bá₄ ca₂jmo₃ 'í₁ quió₅ Sé₄,
¹⁰ qui₂ca₂lió₂ ca₂le₃j_é₃ 'e₂ ca₂i₃ηi₂ ca₂jmo₃ ca₂r_ë₃ηi₂ dsí₅ 'ηio₅ lin₃. Já₃ bá₄ ca₂jmo₃ Diú₄ a₂chéin₅ dse₃ quian₅₄ i₂t_ë₂ dsa₂ Faraón, i₂l_{in}₅ rag₅₄ quián₅ 'u_ë₃ Egipto. Rag₅₄ 'éi₂ ca₂'i_{in}₃ Sé₄ a₂l_ë_{in}₂ dsi₄má₂ 'u_ë₃ Egipto. Já₃ bá₄ ca₂jmo₃ a₂ni₃ ne₄ 'éi₂ ds_i₂n_ë₂ quió₅.

¹¹ 'Cang₂ jaun₂ ca₂gua₃ ηi₂ a₂ca₂ηág₃ uig₅ 'ηio₅ lin₃ a₂ca₂r_ë₃'i_{in}₃ a₂gué₃ dsa₂ ta₁caun₂ 'u_ë₃ Egipto quian₅₄ 'u_ë₃ Cana'án. Jaun₂ ca₂le₃j_{in}₃ jmei₂ jniog₄ ma₂l_{ig}₂ tsá₃ ma₃'e₂ jnio₂ a₂gué₃.
¹² Jme₁ca₂r_ë₃ηi₅ Jacob a₂cha₂ trigo 'u_ë₃ Egipto, jaun₂ ca₂chein₃ chi₂ ja₁ηi₅₄ ja₁jaun₂, i₂ca₂lin₃ jmei₂ jniog₄ ma₂l_{ig}₂. A₂jaun₂ gué₄ le₂'uig₅₄ ca₂i₁lein₅₄.
¹³ Jme₁ca₂t_ë₂ t_{in}₃ ráun₂ i₁len₅₄ rin₅₄ Sé₄ 'u_ë₃ Egipto, jaun₂ ca₂jmo₃ Sé₄ a₂ca₂r_ë₃ηi₅ a₂l_ë₅ riin₅₄ dsa₂ 'éi₂. Jaun₂ gué₄ ca₂r_ë₃ηi₅ rag₅₄ quián₅ Egipto 'e₂ tsi₁jon₂ l_{in}₅ Sé₄.
¹⁴ Jaun₂ gué₄ ca₂tsí₃ Sé₄ dsó₂ riin₅₄ a₂dsi₃quián₂ gui₅₄ Jacob jmei₂, quian₅₄ ca₂le₃j_{in}₃ o₁riin₅₄ i₂jme₁l_ë₂ 'nag₂ ne₂guióg₂ r_ë₂dsí₂ guia₃-ηiá₂ (75) dsa₂.
¹⁵ Le₂jaun₂ ca₂l_ë₃ a₂ca₂ηó₃ Jacob ca₂i₁gua₂ 'u_ë₃ Egipto. Ja₁jaun₂ ca₂join₃ cang₂ jaun₂. Jaun₂ ja₁jaun₂ bá₄ qui₂ca₂dsan₃ chi₂ quián₅ i₂'nió₄ jmei₂ jniog₄ ma₂l_{ig}₂.
¹⁶ Ni₁mu₁₂ ca₂o₃con₃ dsa₂ cang₂ jaun₂ ja₁chei₂ Siquem. Ca₂o₃'ó₃ tau₂ 'ηio₅ a₂ca₂lá₃ Abraham quió₅ tsi₁jon₂ chi₂ quián₅ Hamor ja₁chei₂ Siquem jaun₂, quian₅₄ caun₂ 'ma₅₄ a₂ca₂lí₃.

¹⁷ 'Jme₁ja₂quián₃ j_mig₄ le₃ti₃ jág₁ ca₂cu_ë₃ Diú₄ 'i_{in}₂₃ 'ηiog₅ ca₂cué₃ Abraham, ca₂i₃juín₂ 'ηio₅ lin₃ dsa₂ israelitas 'u_ë₃ Egipto.
¹⁸ Jaun₂ ca₂guá₂ jan₂ rag₅₄ i₂tsá₃ cuin₅ Sé₄, ca₂jme₃lióg₃ jmo₂₃ 'éi₃ 'u_ë₃ Egipto.
¹⁹ Rag₅₄ 'éi₂ ca₂jme₃gain₂₃ dsa₂ go₄ jniog₄, ca₂jmái₂ dsa₂ can₅₄ quián₂ jniog₄ ca₂jmo₃ 'éi₂ tion₅₄ a₂t_ë_{in}₂ guein₂ dsa₂ ηe₂ i₂t_ë₂ca₂r_ë₃chán₃, ia₁jaun₂ dsiáin₃.

²⁰ 'Jm_{ig}₄ jaun₂ ca₂r_ë₃chán₃ Moisés. Guein₂ 'éi₂ ca₂t_ë₂ dsí₅ Diú₄, jaun₂ ca₂jme₃juag₂ chog₅₄-jmei₂ 'ni₅ tsi₂ ds_i₂n_ë₂ quió₅.
²¹ Jme₁ca₂t_ë₂ j_mig₄ a₂tóin₂ guein₂ 'éi₂, jaun₂ ja₁m_{ig}₄ 'ηiog₅ rag₅₄ quián₅ Egipto ca₂tág₃ ca₂jme₃juag₂ co₂'nió₄ ja₁ηi₅₄ 'ηiog₅.
²² 'Uig₅₄ jaun₂, ca₂r_ë₃t_{in}₃ Moisés ca₂le₃j_é₃ a₂ηi₅ dsa₂ chan₂ Egipto, jaun₂ ca₂r_ë₃'uáin₃, 'ηio₅ lin₃ ηi₅ 'e₂ jág₁ dsia₃, ηi₅ a₂ca₂jmo₃ né₃.

²³ 'Jme₁ma₂'ein₅₄ t_ë₂láu₃ ηi₂, jaun₂ ca₂ηe₄ Moisés ca₂i₁j_i_{in}₁₂ dsa₂ go₅₄ dsa₂ israelitas.
²⁴ Ja₁jaun₂ ca₂j_i_{in}₂ jan₂ dsa₂ chan₂ Egipto jmái₂ uig₅ cué₅ jan₂ dsa₂ go₅₄. Jaun₂ ca₂nau₂ Moisés 'nei₂ quian₅₄ i₂cué₅ riin₅₄, ca₂j_η_i₃ dsa₂ 'éi₂, ca₂lióin₂ dsa₂ go₅₄.
²⁵ Ia₁ ca₂i₃j_i_{og}₅ dsí₅ jaun₂ le₃lí₄ dsa₂ israelitas riin₅₄, a₂jmo₃ Diú₄ lió₂ t_ë₂le₃ quian₅₄ 'éi₂. La₁ tsá₃ ca₂r_ë₃lí₄ gu_ë₂ dsa₂.
²⁶ Jme₁j_{nia}₃ jaun₂, ca₂jen₂ Moisés on₃ dsa₂ israelitas i₁tion₅₄ quín₂. Jaun₂

† 7:7 Génesis 15:13-14.

jme₁'nio₃ Moisés dsioin₃ mi'₅₄. Jaun₂ ca₂juá'₂: “Rín'₂ bá₄ 'nia'₂. ¿'E₂ lë₃ qui₂jma'₅₄ 'nia'₂ uig₅ le₂jang'₂ le₂jang'₂?”

²⁷ 'Jaun₂ i₂jme₁'en₅₄ cué'₅ rin'₅₄ ca₂'liain'₃ Moisés cau₅, jaun₂ ca₂juá'₂: “¿'Ein₂ ca₂cué'₃ 'ne₂ ta₁ líng'₅ ds₂tan₅₄ i₂qui₂dsi₅ 'éi'₃ ja₁con₂ jnia'₅₄? ²⁸ ¿'Niog'₂ jnág'₄ jniá₂ ján₃ jui₁lia'₂ ca₂jñíg'₃ dsio₂g₂ dsa₂ chan₂ Egipto 'éi₂?”[‡] ²⁹ Jme₁ca₂nág₂ Moisés le₂në₅, co₂tan₅₄ ca₂cuing₃ ca₂ñó₃ jui₅ 'uë₃ ja₁chei₂ Madián. Ja₁jaun₂ ca₂i₁gua₂ co₂'nió'₄ a₂lín₅ ds₂nau₂. Ja₁jaun₂ ca₂rë₃chán₃ on₃ chi'₂ quiáin₅.

³⁰ 'Të₂láu₃ ñi₂ cang₂ jaun₂, caun₂ ja₁lé₄ 'uë₃ quein₂ quián₅ má'₂ ja₁chei₂ Sinaí, ja₁jaun₂ ca₂jme₃jnia₅ jan₂ ángel jë₄ si₂ chi₁gui'₂ caun₂ ni₁'ma₂ taun₅ a₂cau₂. ³¹ Jaun₂ ca₂i₃gó'₃ dsí₅ Moisés jme₁ca₂jág₃ a₂në₅, jaun₂ jme₁ca₂jme₃quiáin₃ gué'₄ ia₁ 'nio₃ jme₁jág₃ gué'₄ dse₃. Të₃jë₄ ñó₃ jaun₂ jme₁ca₂nág₂ jág₁ quió'₅ Te₁gui'₅₄ a₂ca₂juá'₂: ³² “Jniá₂ bá₄ líng₅ Diú₄ quián₅ dsa₂ quiáng'₂ ma₂líg'₂, Diú₄ quián₅ Abraham, quián₅ Isaac, quián₅ Jacob né₃.”[§] Jaun₂ ca₂jme₃lió₃ ca₂jlen₃ Moisés ca₂rë₃gó'₅ 'ñio₅ lín₃, tsá₃ ma₃tiá₂ dsí₅ jág₃.

³³ 'Jaun₂ ca₂juá'₂ táng₃ Te₁gui'₅₄: “Jniá'₃ lau₂ ton₅ tag'₅₄, ia₁ 'uë₃ jñio₅ bá₄ ja₁chéng'₄ në₅. ³⁴ Jág₅ bá₄ jniá₂ a₂chan₂ uig₅ dsa₂ quiáng₃ 'uë₃ Egipto, qui₂nag₅ bá₄ jniá₂ a₂qui'₂-o₂₃. Jaun₂ lë₃ ca₂síong₃ ia₁ a₂loin₅₄. Ñia₅, ia₁jaun₂ tsag₅₄ jniá₂ guang'₅₄ jui₅ Egipto”.*

³⁵ 'O₁jñia'₅₄ la₂ tsá₃ jme₁'nio₃ dsa₂ go₄ Moisés le₂jñiá₅, ia₁ ca₂juá'₂: “¿'Ein₂ ca₂'in₃ 'ne₂ a₂líng'₅ ds₂tan₅₄ i₂qui₂dsi₅ 'éi'₃ ja₁con₂ jnia'₅₄?” la₁ Diú₄ né₃ ca₂chein₃ Moisés a₂lín₅ co₂'nió'₄ ds₂tan₅₄ i₂lió₂, të₂le₃ quian'₅₄ ángel i₂ca₂jme₃jnia₅ jë₄ ni₁'ma₂ taun₅ jaun₂.

³⁶ Moisés bá₄ dsa₂ i₂ca₂'uín'₂ dsa₂ can'₅₄ quián₂ jniog₄ ma₂líg'₂ 'uë₃ Egipto i₂qui₂ca₂jmo₃ ján₃ 'lióng₂ léi₄ juë'₂ a₂dsi₂gó'₃ dsí₅ né₃. Léi₄ jaun₂ ca₂jmo₃ Moisés 'uë₃ jaun₂, quian'₅₄ ne₄ Jmi₁ñí'₄ Guéin₂,[†] quian'₅₄ 'uë₃ quein₂ co₂'ñiog₅ ja₁ca₂i₁nioi₁₂ të₂láu₃ ñi₂. ³⁷ Jaun₂ 'ñiog₅ Moisés 'éi₂ bá₄ ca₂tsí'₃ dsa₂ israelitas: “A₂chen₃ Diú₄ jan₂ dsa₂ i₂'é₂ jág₁ quián₅, i₂lín₅ dsa₂ go'₄ 'nia'₂ guiong'₅₄, jui₁lia'₂ ca₂chei₃ jniá₂. Jaun₂ tón'₂ 'nia'₂ jui₅ jág₁ quió'₅ 'éi₂.”[‡] ³⁸ Ján₃ bá₄ Moisés 'éi₂ jme₁'en₅₄ quian'₅₄ dsa₂ jui₂g₂ 'uë₃ quein₂ co₂'ñiog₅ jaun₂. Jme₁'ein₅₄ quian'₅₄ ángel i₂ca₂juá'₂ jág₁ má'₂ Sinaí. Ján₃ bá₄ jme₁'ein₅₄ quian'₅₄ 'lag₄ tsi₁jon₂ jmei₂ jniog₄. Moisés 'éi₂ bá₄ ján₃ i₂ca₂gue₃ jág₁ ca'₅₄, jaun₂ gué'₄ ca₂ñág₃ të₂le₃ quián₂ jniog₄ táng₃.

³⁹ 'La₁ dsa₂ quián₂ jniog₄ ma₂líg'₂ né₃, tsá₃ ma₃ca₂jme₃ti₃, tsá₃ ma₃ca₂nág₂ gau₂ jág₁ quió'₅ Moisés. Ca₂chei'₃ cau₅, jme₁'nio₃ jme₁dsi₃lein₃ táng₃ jui₅ 'uë₃ Egipto. ⁴⁰ Jaun₂ né₃ ca₂tsí'₃ Aarón[§] ca₂juá'₂: “'Niog₂ jnia'₅₄ jmog'₅₄ diú₄ dsa₂ lag₄ i₂dsi₃lén₂ ne₄ jui₅ quián₂ jniog₄. Ia₁ tsá₃ ne₄ 'e₂ ca₂jén'₃ Moisés 'éi₂ i₂ca₂'uág'₂ jniog₄ 'uë₃ Egipto.”* ⁴¹ Jaun₂ ca₂jmoí'₂ jan₂ guein₂ ca₁jui₅ co₂'nió'₄ i₂lín₅ diú₄, qui₂ca₂jme₃dsiain₂₃ já'₂ quián₅ qui₂ca₂cuin₃ diú₄ lag₄ 'éi₂. Jaun₂ ca₂jmo₃ 'io'₂ quian'₅₄ a₂ca₂jmo₃ quian'₅₄ gu₂ guioin₅₄. ⁴² Jaun₂ co₂ñei'₅₄ ca₂jmo₃ Diú₄ cau₅, tsá₃ ma₃ca₂jme₃quiain'₅₄ dsa₂ 'éi₂, jui₁jmo₁₂ bá₄ con'₂ tiin₂ guioin₅₄. Jaun₂ ca₂jme₃lió₃ dsa₂ 'éi₂ ca₂chi₂ca₂lén'₂ nei₅ a₂le₁'ág₄[†] guei'₅₄. Ia₁ le₂në₅ rë₂ton₅ ne₄ Si₂ a₂ca₂jmo₃ dsa₂ i₂jme₁'é₂ jág₁ quián₅ Diú₄ ma₂líg'₂:

'Nia'₂ dsa₂ chan₂ Israel, ¿'e₂ lín'₂ 'nia'₂?

¿Ca₂jme₁dsian'₅ 'nia'₂ já'₂

ca₂dsia'₅₄ ca₂jen'₅₄ 'nia'₂ ne₃ jniá₂

lia'₂ con'₂ jme₁quian'₅₄ jniá₂ 'nia'₂

të₂láu₃ ñi₂ 'uë₃ quein₂ co₂'ñiog₅ jaun₂?

⁴³ On₃jua'₅₄ le₂jaun₂.

Ia₁ guá'₅ chéi₂ quió'₅ diú₄ Moloc bá₄ ca₂quian'₂ 'nia'₂

[‡] 7:28 Éxodo 2:14. [§] 7:32 Éxodo 3:6. * 7:34 Éxodo 3:5,7,8,10. [†] 7:36 Ján₃ bá₄ chei₂ Jmi₁ñí'₄ 'Ma₂ta₅.

[‡] 7:37 Deuteronomio 18:15. [§] 7:40 Jme₁lín₄ Aarón rin'₅₄ Moisés. 'Nio'₂ ja₁ton₅ Éxodo 4:14.

* 7:40 Éxodo 32:1. [†] 7:42 nei₅: Lia'₂ chi₁ton₅ ne₄ Si₂ quió'₅ Diú₄, lé₅ caun₂ cosa a₂tsá₃ 'ia₁ jme₂dsí₂.

quian^{'54} nei⁵ diú⁴ Renfán,[‡]
nió^{'4} a₂qui₂ca₂jmo^{'54} 'nia^{'2} guiong^{'54},
a₂jaun₂ bá₄ ca₂chi₂ca₂len^{'4} 'nia^{'2}.

'Uig⁵⁴ jaun₂, 'uín^{'4} jniá₂ 'nia^{'2} 'uë₃ quiáng^{'2},

tsag⁵⁴ jniá₂ tē₂le₃ ó₃ gué⁴ ja₁niog⁵ 'uë₃ Babilonia.[§]

⁴⁴ 'Uë₃ quein₂ jaun₂, dsa₂ can^{'54} quián₂ jniog₄ ma₂líg^{'2} jme₁quian₅ guá^{'5} tabernáculu
ja₁jme₁rē₂'ma₄ ni₁cang₁ a₂le₁ton₅ ta₁guia₃ 'Éi^{'3} Juá^{'5}. Guá^{'5} tabernáculu jaun₂ ca₂lë₃
con^{'2} lé₅ jág₁ ca₂cué₃ Diú⁴ ca₂cué^{'3} Moisés, jme₁ca₂'ë₃ Diú⁴ nió^{'4} le₂jñiá₅ 'a₂ lia^{'2} lé₂.

⁴⁵ Dsa₂ quián₂ jniog₄ ma₂líg^{'2} ca₂gue₃ guá^{'5} jaun₂ co₂'nió^{'4} ca₂ñág₃ dsa₂ can^{'54} quiáin₅.
Jaun₂ dsa₂ i₂jme₁quian^{'54} Josué né₃ ca₂caun₃ lia^{'2} con^{'2} jme₁ca₂lí^{'3} 'uë₃ quió^{'5} dsa₂ juig₂
siá^{'2}, i₂ca₂'uín^{'2} Diú⁴ ia₁jaun₂ cha₂ ja₁tian^{'3} 'éi₂. Le₂jaun₂ ca₂lë₃ ca₂lia^{'2} ca₂té₂ jmi₄
a₂ca₂rë₃chán₃ David. ⁴⁶ Ca₂jmo₃ Diú⁴ dse₃ dsí^{'5} ja₁con₂ Rag⁵⁴ David, jaun₂ 'éi₂ né₃ jme₁'nio₃
jmóg^{'3} caun₂ ja₁guá₃ Diú⁴ quián₅ Jacob. ⁴⁷ La₁ Salomón bá₄ i₂ca₂chi^{'3} 'né₅ quió^{'5} Diú⁴.

⁴⁸ 'La₁ Diú⁴ i₂juin^{'2} gué⁴ lin₃ tsá₃ guá^{'5} dsi₂néi₂ guá^{'5} a₂zmóg^{'5} dsa₂ mi₂güüg₃. Juí₁lia^{'2}
ca₂juá^{'2} Diú⁴ tē₂le₃ quian^{'54} dsa₂ i₂jme₁'é₂ jág₁ quiáin₅ ma₂líg^{'2}:

⁴⁹ Guei^{'54} i₂juíg₃ bá₄ ja₁gua₁₂

ja₁lé⁴ ne₄ta₁ quió₃,

gua^{'54} 'uë₃ né₃ juí₁lia^{'2} ja₁tióng₂ tag₃.

¿'E₂ bá₄ 'né₅ jmó^{'2} 'nia^{'2} quió₃? juá^{'2} Te₁gui^{'54},

¿O₃ já^{'4} bá₄ lé₂ le₃jan₄ jniá₂?

⁵⁰ ¿On₁ jniá₂ bá₄ ca₂jmo₃ quian^{'54} gu₃-tag₃

ca₂le₃jé₃ 'e₂ a₂cha₂?*

⁵¹ (Jaun₂ caun₂ ca₂juá^{'2} bá₄ Té₂ tsí^{'5} dsa₂):

—'Nia^{'2} né₃, lia^{'2} ma₂ja₂nó^{'5} jaun₂ bá₄ 'nia^{'2} cang₄ dsei^{'2}, jaun₂ lé₅ rē₂guá^{'4} 'nia^{'2} quian^{'54}
tē₂'au^{'2} juí₁lia^{'2} dsa₂ i₂tsá₃ cuin₅ Diú⁴.[†] Caun₂ 'ñia^{'54} co₂tan₅₄ bá₄ 'nia^{'2} Jme₂dsí₂ Jñiós.
I₂co₂rín^{'2} bá₄ 'nia^{'2} quiang^{'54} dsa₂ can^{'54} quiáng^{'2} ma₂líg^{'2}. ⁵² ¿'Ein₂ dsa₂ i₂jme₁'é₂ jág₁
quián₅ Diú⁴ jua^{'54} i₂tsá₃ ca₂jmá^{'2} dsa₂ can^{'54} quián^{'2} 'nia^{'2} ma₂líg^{'2}? Qui₂ca₂jme₃dsiain₂₃
bá₄ dsa₂ i₂qui₂ca₂'é₂ jág₁ le₂jñiá₅ ca₂'iin₃ jan₂ i₂dsen₃ lin₃, i₂jiá₃. La₁ jme₁guan₃ i₂'éi₂ né₃,
ca₂jñin^{'54} 'nia^{'2} jaun₂ ca₂jñí^{'3}. ⁵³ 'Nia^{'2} gué^{'2} i₂ca₂gue^{'54} 'Éi^{'3} Juá^{'5} tē₂le₃ quian^{'54} ángeles,
tsá₃ jme₂tí^{'1} gué^{'2} 'nia^{'2} 'Éi^{'3} jaun₂.

Ca₂jon₃ Té₂

⁵⁴ Jme₁ca₂nág₂ jág₁ a₂ca₂juá^{'2} Té₂ jaun₂, ca₂rë₃'néi₃ 'ñio₅ lin₃ ca₂lia^{'2} qui₂ca₂quig^{'2}
mi₂jan₅₄ a₂'ñiai₅₄ Té₂. ⁵⁵ La₁ Té₂ né₃, rē₂rín₅ Jme₂dsí₂ Jñiós tē₂dsí₅, ca₂chóg^{'3} ne₅₄ guei^{'54}
i₂juíg₃ jaun₂ ca₂jág₃ a₂co₂tág₅ co₂'né^{'5} quió^{'5} Diú⁴, jaun₂ ca₂jñin₂ Jesús chéin^{'5} tē₂le₃ gu₂ ne₁
quió^{'5} Diú⁴ Jmei₂. ⁵⁶ Jaun₂ ca₂juá^{'2} táng₃ Té₂:

—jag₄! —juá^{'2}—. Jág₅ jniá₂ rē₂na₄ guei^{'54} i₂juíg₃. Jin₄ jniá₂ Jaun₅ dsa₂ mi₂güüg₃ 'ein₅₄
tē₂le₃ gu₂ ne₁ quió^{'5} Diú⁴.

⁵⁷ La₁ dsa₂ 'éi₂ qui₂ca₂jne₃ rē₂gua₅₄, tsá₃ 'nio₃ nag₃, qui₂ca₂tóin^{'2} co₂mi^{'54} ca₂guió^{'3} jmái^{'2}
Té₂. ⁵⁸ Jaun₂ ca₂dsei₂₃ 'ni^{'2} juig₂. Jaun₂ ja₁jaun₂ ca₂jñag^{'3} quian^{'54} cang₄. Jaun₂ dsa₂
i₂qui₂ca₂jnaú^{'2} cang₄ né₃ ca₂dsia₃ ni₁tsin^{'54} o₄gú₃ jan₂ dsó₂ chi^{'2} i₂jme₁chen₂ Saulo.

⁵⁹ Tē₁lia^{'2} tióin^{'54} qui₂cué^{'5} Té₂ cang₄, jaun₂ ca₂mi₃ Té₂ ca₂tsí^{'3} Diú⁴ ca₂juá^{'2}:

—Te₁gui^{'54} Jesús, guen^{'54} jme₂dsí₂ quió₃.

⁶⁰ Jaun₂ gué^{'4} ca₂chi₃jiné₃, jaun₂ ca₂guió^{'3} tiá₂ ca₂juá^{'2}:

—Te₁gui^{'54}, tsá₃ jme₁cain^{'54} dso₄ la₂.

‡ 7:43 Renfán: co₂'nió^{'4} a₂jme₁té^{'2} dsa₂ egipcios planeta Saturno, ca₂jme₃juag^{'2} dsa₂. § 7:43
Amós 5:25-27. * 7:50 Isaías 66:1-2. † 7:51 lit. "juí₁lia^{'2} dsa₂ i₂tsá₃ lo₄ rē₂uing^{'4}."

Jme₁ca₂lë₃ juá'₂ le₂në₅, ca₂join₃ jaun₂ né₃.

8

Co₂'en₅ Saulo dsa₂ i₂ma₂'én₂

¹ Jaun₂ caun₂ bá₄ 'ei₅ jág₁ quió'₅ Saulo a₂ca₂jñi'₃ dsa₂ Té₂. Dsi₂jui₅ jmi_g₄ jaun₂ bá₄, ca₂jme₃lióg₃ dsa₂ qui₂co₂'ein₃ 'ñio₅ lin₃ ta₁caun₂ nió'₃ dsa₂ i₂lín₅ guá'₅ jë₄ juig₂ Jerusalén. Ca₂le₃jín₃ dsa₂ 'éi₂ ca₂i₃lén₂ tsi₁rë₂jain₅₄ le₂tan₅₄ 'uë₃ Judea quian'₅₄ Samaria. Jñia'₅₄ lia'₂ dsa₂ guia₃-tín₂ i₂chen₄ quián₅ Jesús bá₄ ca₂jñia₃ gué₄ juig₂ Jerusalén. ² I₂lín₅₄ dsa₂ dsen₃ i₂'nio₃ Diú₄ ca₂'óin₂ Té₂, qui₂ca₂'o₃ 'ñio₅ lin₃ o₄quió'₄ 'éi₂. ³ Të₁lia'₂ jaun₂, i₂ñi₅₄ Saulo quian'₅₄ riin'₅₄ qui₂co₂'ein₂₃ dsa₂ i₂'én₂, qui₂dsi₂toin'₅₄ të₂ dsi₂néi₂ qui₂'uñin'₂ dsa₂ tsi₁cuiin'₂, lia'₂ dsa₂ ñe'₂ lia'₂ dsa₂ mí₂, qui₂të₂ a₂to'₂ 'né₅ 'má₃.

Ca₂'é₂ dsa₂ jág₁ dse₃ juig₂ Samaria

⁴ La₁ ca₂le₃jín₃ dsa₂ i₂ca₂'uin₂ juig₂ Jerusalén, ca₂le₃jé₃ ja₁ca₂i₁lein₅₄ qui₂ca₂'é₂ jág₁ dse₃. ⁵ Jan₂ 'éi₂, i₂chen₂ Fe₂li₄, ca₂ñó₃ caun₂ juig₂ ja₁tén₄ 'uë₃ Samaria ca₂dsia₃ jág₁ tsi'₅ dsa₂ ja₁jaun₂, 'iin₂₃ Cristo.* ⁶ Jaun₂ jme₁ñi'₂ dsa₂ jmo₂₃ tei₄ ca₂le₃jín₃, të₅ dsí₅ nag₂₃ jág₁ a₂juá'₂ Fe₂li₄, ia₁ ján₃ bá₄ ca₂jág₃ dsa₂ léi₄ dsi₂gó'₃ dsi₅ a₂jme₁jmo₅ 'éi₂. ⁷ Ia₁ juin₅ i₂tion'₅₄ jme₂dsí₂ 'lin'₅₄ të₂dsí₅ qui₂ca₂'lóin₂. Ca₂le₃jín₃ jme₂dsí₂ 'lin'₅₄ 'éi₂ qui₂ca₂'uin₂ qui₂guió'₅. Ján₃ bá₄ juin₅ dsa₂ 'lian'₂, dsa₂ quian'₅₄ né₃, qui₂ca₂'lóin₂. ⁸ Uig₅₄ jaun₂ 'ñio₅ 'io'₂ ca₂jmo₃ dsa₂ juig₂ jaun₂.

⁹ Juig₂ jaun₂ jme₁chan₂ jan₂ dsa₂ i₂jme₁chen₂ Si₂mu₅₄, i₂jme₁jmo₅ ta₁ a₂chan₂ dsí₅ le₂jñiá₅, jme₁jme₂gain₂₃ dsa₂ juig₂ Samaria, a₂juá'₂ a₂lín₅ dsa₂ dsen₅₄.

¹⁰ Ca₂le₃jín₃ dsa₂, lia'₂ dsa₂ can'₅₄ lia'₂ chi'₂ né₃, jme₁nag₂₃ të₅ dsí₅ jág₁ quió'₅, qui₂dsia₂₃: —Dsa₂ në₅ tiin₂ quian'₅₄ jui₅bí₂ quió'₅ Diú₄.

¹¹ Jme₁tón'₂ dsa₂ jui₅ jág₁ quió'₅ gui'₅₄ 'éi₂, ia₁ ma₂líg'₂ bá₄ ma₂jás qui₂jme₂gain₂₃ dsa₂ quian'₅₄ bí₂ a₂chan₂ dsí₅.

¹² La₁ dsi₂jui₅ jme₁ca₂rë₃'én₂ dsa₂ jág₁ dse₃ quió'₅ Jesucristo a₂ca₂'é₂ Fe₂li₄ jui₁lia'₂ ja₁gon₂ Diú₄, jaun₂ qui₂ca₂jñó₂ dsa₂ jmi_g₂ lia'₂ dsa₂ ñe'₂ lia'₂ dsa₂ mí₂. ¹³ Ján₃ bá₄ ca₂rë₃'én₂ 'ñiog₅ Si₂mu₅₄ 'éi₂, ca₂jñó₂ jmi_g₂ ján₃. Jaun₂ gué₄ ca₂jme₃lióg₃ ca₂jme₃quian'₅₄ Fe₂li₄, qui₂jág₅ dsi₂gó'₃ dsí₅ léi₄ jué'₂ a₂jmo₅ 'éi₂.

¹⁴ Jme₁ca₂rë₃ñi₅ dsa₂ i₂chen₄ quián₅ Jesús i₂tion'₅₄ Jerusalén, a₂ma₂'én₂ dsa₂ chan₂ 'uë₃ Samaria jág₁ quió'₅ Diú₄, jaun₂ ca₂chein₃ ja₁jaun₂ Pe₄ quian'₅₄ Juan₅₄. ¹⁵ Jme₁ca₂dsi₃lén₂ 'éi₂ 'uë₃ Samaria, jaun₂ ca₂mí₃ ca₂tsí'₃ Diú₄ o₄quió'₄ dsa₂ i₂ma₂'én₂ ja₁jaun₂, ia₁jaun₂ guen₃ dsa₂ 'éi₂ Jme₂dsí₂ Jñió₅ ján₃. ¹⁶ Ia₁ 'i₁jan₂ dsa₂ 'éi₂ tsá₃ Jme₂dsí₂ Jñió₅ ma₂guan₅ gué₄ ne₄ quió'₅. Jñia'₅₄ con'₂ ma₂jñó₂ jmi_g₂ bá₄ lia'₂ con'₂ lé₅ 'éi'₃ quió'₅ Te₁gui'₅₄ Jesús. ¹⁷ Jaun₂ né₃ Pe₄ quian'₅₄ Juan₅₄ qui₂ca₂quiog₂ gu₂ ne₄ quió'₅ dsa₂ 'éi₂, jaun₂ gué₄ ca₂guein₃ Jme₂dsí₂ Jñió₅.

¹⁸ Jme₁ca₂jág₃ Si₂mu₅₄ a₂ca₂sión₃ Jme₂dsí₂ Jñió₅ jme₁ca₂quiog₂ dsa₂ i₂chen₄ 'éi₂ gu₂ ne₄ quió'₅ dsa₂, jaun₂ ca₂jen'₂ cu₄, ¹⁹ ca₂juá'₂:

—Cuë₄ jniá₂ ján₃ jui₁lia'₂ bí₂ a₂tín'₂ 'nia'₂ në₅, ia₁jaun₂ lé₂ le₃jmo₅₄ jniá₂ ján₃ a₂guen₃ dsa₂ Jme₂dsí₂ Jñió₅ jë₁ma₂ca₂co₃ gu₃ ne₄ quió'₅ chi₂juá'₂ 'ein₂.

²⁰ Jaun₂ ca₂ñag₃ Pe₄ ca₂tsí'₃ dsa₂ 'éi₂:

—Jui₁dsi₂'éng'₂ co₂dsia₅ quian'₅₄ cú'₂ ia₁ 'e₂ lë₃ dsi₂jio_g₅ 'au'₂ le₂në₅, a₂líg'₂ a₂lé₂ lá₃ dsa₂ quian'₅₄ cu₄ bí₂ a₂cuë₅ Diú₄. ²¹ Tsá₃ ca₂tín'₂ 'ne₂ a₂në₅, ia₁ tsá₃ dse₃ 'ei₅ 'au'₂ ne₄ Diú₄. ²² Co₂dsia₅ t₃ ca₂le₃jé₃ a₂'lig'₅₄ a₂dsi₂jio_g₅ 'au'₂ në₅. Mí₄ ne₄ Te₁gui'₅₄ chi₂juá'₂ 'éin₂ dsáu'₂ 'e₂ lë₃ dsi₂jio_g₅ 'au'₂ le₂në₅. ²³ Ia₁ léi₄ jniá₂ rë₂rin₅ cosa 'lig'₅₄ të₂'au'₂; quian'₅₄ dsáu'₂ në₅ jmo₅ chi₁'ñeg'₂.

* 8:5 o₃, I₂rë₂'ín₁ quián₅ Diú₄.

²⁴ Jaun₂ né₃, ca₂ɲag₃ Si₂mu₅₄:

—Mi₄ 'nia'₂ chei'₅₄ Te₁gui'₅₄ o₄quió₃, ia₁jaun₂ tsá₃ jui₁dsi₂ɲíg₂ a₂ma₂ně₂jua'₅₄ 'nia'₂ ně₅.

²⁵ Jme₁ca₂dsan₃ jáng'₅ Pe₄ quian'₅₄ Juan₅₄ jág₁ dsau₅ a₂dsia₂₃ jág₁ quió'₅ Diú₄, jaun₂ gué₄ ca₂i₃lein₃ jui₅ Jerusalén. Le₂'i₄ jui₅ ja₁i₃lein₃ jaun₂, qui₂ca₂'é₂ gué₄ jág₁ dse₃ a₂lión₂ dsa₂ le₂tan₅₄ juig₂ ja₁tén₄ 'uě₃ Samaria.

Fe₂li₄ quian'₅₄ dsa₂ chan₂ Etiopía

²⁶ Cang₂ jaun₂, ca₂juá'₂ jan₂ ángel quián₅ Te₁gui'₅₄ ca₂tsí'₃ Fe₂li₄:

—Nau₂, gua₂ jui₅ ja₁ 'uin₂ dsa₂ Jerusalén a₂dsióg₄ 'uě₃ Gaza.

Jui₅ jaun₂ dsó₅ jě₄ 'uě₃ quein₂. ²⁷ Jaun₂ ca₂nau₂ Fe₂li₄ ca₂ɲó₃. Le₂'i₄ jui₅ ja₁ɲó₃ jaun₂, ca₂jein'₂ jan₂ dsa₂ chan₂ Etiopía, i₂jme₁lín₄ jan₂ dsa₂ eunuco, dsa₂ dsen₅₄ i₂nio₅ gu₂ cu₄ quió'₅ 'io₅₄ Candace i₂gon₂ 'uě₃ Etiopía. Dsa₂ 'éi₂ ɲei₅₄ i₁chi₂i₁lein'₄ Diú₄ juig₂ Jerusalén.

²⁸ Ma₂'ein₅₄ jui₅ ɲái'₄ juig₂ go₅₄ guá₅ ne₄ carroza quió'₅, 'i₂₃ Si₂ quió'₅ Isaías i₂jme₁'é₂ jág₁ quió'₅ Diú₄ ma₂líg'₂. ²⁹ Jaun₂ ca₂juá'₂ Jme₂dsí₂ quián₅ Diú₄ ca₂tsí'₃ Fe₂li₄:

—Gua₂ le₃jén'₃ cau₅ carro ně₅.

³⁰ Ca₂dsióg₃ Fe₂li₄ cau₅, jaun₂ ca₂nág₂ i₁'i₅ dsa₂ 'éi₂ Si₂ quió'₅ Isaías. Jaun₂ ca₂ɲag₃ Fe₂li₄:

—¿'ɲíg'₂ 'e₂ juá'₂ si₂ a₂ 'i'₂?

³¹ Jaun₂ ca₂ɲag₃ táng₃ dsa₂ 'éi₂:

—¿A₂ bá₄ lia'₂ le₃ɲí'₂ jniá₂? Tsá₃ gué'₂ 'ein₂ chan₂ i₂juá'₂ 'e₂ jein₅ jág₁ a₂juá'₂ si₂ la₂.

Jaun₂ ca₂tsí'₃ Fe₂li₄ a₂uíg₂ 'éi₂ guei'₅₄ a₂guá₃ co₂lě₅ quiong'₅₄.

³² Jme₁'i₅ dsa₂ 'éi₂ Si₂ quió'₅ Diú₄ ja₁juá'₂ le₂la₂:

Ca₂jio₃ dsa₂ i₁ɲag'₂ jui₁lia'₂ ɲɲi'₅ dsa₂ já'₂ cha'₂.

Ján₃ gué'₂ jui₁lia'₂ tsá₃ guió'₅ guein₂ já'₂ cha'₂

tě₁lia'₂ chéi₅ dsa₂ ɲɲí₁,

ján₃ bá₄ le₂jaun₂ tsá₃ 'e₂ ca₂juá'₂ i₂'éi₂.

³³ Ca₂cuě₃ dsa₂ o₂guí'₃,

tsá₃ 'éi'₃ rě₂ ca₂tě₁dsi₅₄ quió'₅;

chi'₂ tsi₁jon₂ quián₅ gué'₂ ně₃,

¿'ein₂ bá₄ lé₂ le₃dsia₃ 'iin₃ chi'₂ dsio₅₄?

ton'₂ ca₂ɲióg'₂ bá₄ gué'₂ dsa₂

ne₄ gua'₅₄ 'uě₃ la₂.†

³⁴ Jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Jmo₄ dse₃ 'au'₂, jua'₅₄ 'e₂ jein₅ jág₁ a₂juá'₂ si₂ la₂. ¿'Ein₂ 'in₅ dsa₂ quián₅ Diú₄ i₂ca₂jmo₃ si₂ la₂? ¿A₂'iin₂₃ 'ɲio₅, o₃ a₂'iin₂₃ i₂sián'₂ 'e₂?

³⁵ Jaun₂ ca₂jme₃lióg₃ Fe₂li₄ ca₂juá'₂ 'e₂ juá'₂ ne₄ Si₂ ja₁jme₁'i₅ dsa₂ dsen₅₄ 'éi₂, qui₂ca₂cuě₃ jág₁ dse₃ 'iin₂₃ Jesús. ³⁶ Jme₁ca₂dsi₃lén₂ caun₂ ja₁cha₂ jmi₂g₂, jaun₂ ca₂juá'₂ dsa₂ dsen₅₄ 'éi₂ ca₂tsí'₃ Fe₂li₄:

—Cha₂ jmi₂g₂ ja₁lá₃. ¿Cha₁ 'e₂ lě₃ jua'₅₄ tsá₃ lé₂ tsón₄ jniá₂ jmi₂g₂?

³⁷ Jaun₂ ca₂juá'₂ Fe₂li₄:

—Chi₂jua'₂ 'éng'₂ dsón'₂ ca₂le₃jé₃ 'au'₂, lé₂ bá₄.

Jaun₂ ca₂ɲag₃ táng₃ dsa₂:

—'Én₂ bá₄ jniá₂ a₂lín₅ Jesucristo Ja₁ɲi'₅₄ Diú₄.‡

³⁸ Jaun₂ ca₂jmo₃ 'éi'₃ ca₂ɲia₃ carroza quió'₅. Jaun₂ ca₂sióin₃ le₂oin₃ chei'₅₄ jmi₂g₂, jaun₂ ca₂cho₃ Fe₂li₄ jmi₂g₂ § quió'₅ dsa₂ 'éi₂. ³⁹ Jme₁ca₂'uiin₂ jmi₂g₂, jaun₂ Jme₂dsí₂ quián₅ Te₁gui'₅₄ ca₂tág₃ Fe₂li₄, jaun₂ dsit₂tan₅₄ 'éi₂ tsá₃ ma₃ca₂jág₂ mei'₂. La₁ 'io'₂ bá₄ jmo₂₃ le₂'i₄ jui₅ ja₁ɲái'₄.

⁴⁰ Fe₂li₄ ně₃ ma₂'ein₅₄ caun₂ juig₂ ja₁chei₂ Azoto, jaun₂ le₂tan₅₄ gué₄ juig₂ te₁'i₁ ja₁jaun₂ ca₂ɲei₅₄ qui₂ca₂'é₂ jág₁ dse₃ a₂lión₂ dsa₂, ca₂lia'₂ ca₂dsióg₃ ca₂tě₂ juig₂ Cesarea.

† 8:33 Isaías 53:7-8. ‡ 8:37 A₂lín₅₄ chog₅₄ si₂ tsá₃ chi₁ton₅ versículo 37. § 8:38 lit. “ca₂tióg₃ Fe₂li₄ jmi₂g₂.”

9

Ca₂jme₃tsín₃ Saulo dsí₅
(Hechos 22:6-16; 26:12-18)

¹ Të₁lia₂ jaun₂, dsa₂ i₂chen₂ Saulo caun₂ qui₂quiain₂₃ jué₅ a₂'nio₃ jme₃dsiáin₃ dsa₂ i₂'én₂ jág₁ quió₅ Te₁gui₅₄. Jaun₂ lë₃, ca₂ñei₅₄ i₁jñin₂₃ jme₂dsa₂ dsen₅₄. ² Ca₂mi₃ ne₄ 'éi₂ caun₂ si₂ a₂cuë₃ bí₂ a₂dsó₃ guá₅ sinagogas quió₅ dsa₂ juig₂ Damasco a₂dsi₃'niai₂ dsa₂ i₂tion₅₄ tē₂le₃ quió₅ Jui₅ quió₅ Te₁gui₅₄. Jme₁'nio₃ Saulo dsí₃te₅₄ dsa₂ chi₁'ñei₂ ca₂tē₂ Jerusalén, lia₂ dsa₂ ñe₂ lia₂ dsa₂ mí₂. ³ La₁ jme₁ja₂quián₃ dsióg₄ juig₂ Damasco, con₂ tsá₃ jáin₅ jme₁ca₂tág₃ caun₂ si₂ tág₅ jmá₅ ne₄ quió₅. Si₂ jaun₂ a₂já₃ jui₅ guei₅₄ i₂juí₃. ⁴ Co₂tan₅₄ ca₂quin₃ Saulo, jaun₂ ca₂nág₂ juá₂ jág₁ jē₄ si₂ jaun₂:

—Saulo, Saulo, ¿'e₂ lë₃ co₂'éin₅ jniá₂?

⁵ Jaun₂ ca₂ñag₃ Saulo:

—¿'Ein₂ 'ne₂, gui₅₄?

Jaun₂ ca₂ñag₃ táng₃ jág₁ né₂ jē₄ si₂:

—Jesús bá₄ jniá₂ i₂co₂'én₅ 'ne₂ ñi₂. Jñia₅₄ jmag₅₄ uig₅ 'ñiag₂ bá₄ jmo₂ jui₁lia₂ jmo₅ ca₁jui₅ jē₁ma₂jñá₃ ni₁'ma₂ chen₂.

⁶ Jaun₂ ca₂jlen₃ Saulo, ca₂rë₃gó₅, ca₂juá₂:

—Te₁gui₅₄, ¿'e₂ 'niog₂ 'ne₂ jmo₅₄ jniá₂?

Jaun₂ ca₂ñag₃ táng₃ Te₁gui₅₄:

—Nau₂, 'ú₅ juig₂ Damasco. Jē₁ma₂dsióg₃, ja₁jaun₂ bá₄ juá₂ dsa₂ 'e₂ jmó₂.

⁷ Dsa₂ i₂jme₁quian₅₄ Saulo né₃, 'ñio₅ lín₃ ca₂rë₃gó₅, ia₁ ca₂nág₂ jág₁ a₂juá₂ jē₄ si₂ jaun₂, ton₂ 'i₁jan₂ guë₂ tsá₃ 'ein₂ ca₂jñin₂. ⁸ Jaun₂ ca₂nau₂ Saulo, la₁ jme₁ca₂nau₂ jaun₂, tsá₃ ma₃lé₂ jág₃, tsá₃ ma₃jñiá₂ mi₂ne₅₄. Dsa₂ i₂jme₁quiain₅₄ bá₄ ca₂tág₃ le₁chan₂ gu₂, ca₂jio₃ tē₂ juig₂ Damasco. ⁹ Ja₁jaun₂ ca₂'í₃ tein₅₄ 'ni₅ jmig₄, tsá₃ 'e₂ ca₂gué₃, on₃ guë₂ 'e₂ ca₂'in₃ 'i₁caun₂.

¹⁰ Juig₂ Damasco jaun₂, jme₁guá₄ jan₂ dsa₂ i₂'én₂ i₂jme₁chen₂ Ananías. I₂'éi₂ ca₂jén₃ ca₂jñin₂ Te₁gui₅₄ i₂ca₂juá₂:

—¡Ananías!

Jaun₂ ca₂ñag₃ 'éi₂:

—Ja₁lá₃ bá₄ 'eng₅₄, Te₁gui₅₄.

¹¹ Jaun₂ ca₂juá₂ táng₃ Te₁gui₅₄:

—Nau₂, gua₂ calle chei₂ Co₂dsau₅ ja₁quió₄ dsa₂ chen₂ Judas. Ja₁jaun₂ o₂'nia₂ jan₂ dsa₂ chan₂ Tarso i₂chen₂ Saulo, i₂'en₅₄ chi₂lén₂ Diú₄ con₂ lë₅ la₂. ¹² Ia₁ ma₂qui₃ a₂ma₂jñin₂ jan₂ dsa₂ i₂chen₂ Ananías ca₂'í₃ ca₂quiog₂ gu₂ ne₄ quió₅ ia₁jaun₂ jnia₃ táng₃ mi₂ne₅₄.

¹³ Jme₁ca₂nág₂ Ananías le₂në₅, jaun₂ ca₂juá₂:

—Te₁gui₅₄, jui₅ dsa₂ ma₂tság₃ jniá₂ ca₂le₃jé₃ 'e₂ 'lig₅₄ a₂jmo₅ dsa₂ 'éi₂ a₂jmái₂ dsa₂ chan₂ Jerusalén i₂'én₂ jág₁ quiáng₂. ¹⁴ Ta₁ jaun₂ já₅ 'éi₂ ja₁lá₃ quian₅₄ 'éi₃ quió₅ juig₅₄ jme₂dsa₂ ia₁jaun₂ tē₂ le₁'ñe₅ ca₂le₃jñin₃ dsa₂ quiáng₂ i₂'in₅ 'ne₂.

¹⁵ La₁ jaun₂ ca₂juá₂ táng₃ Te₁gui₅₄:

—La₁ gua₂, ia₁ i₂ma₂quion₄ jniá₂ 'éi₂ ia₁ 'nio₃ jniá₂ dsó₃ qui₂dsi₃'ag₃ jniá₂ lia₂ jin₄ dsi₂nau₂ lia₂ ne₄ rag₅₄ quiáin₅, jin₄ dsa₂ israelitas né₃. ¹⁶ Ia₁ jniá₂ bá₄ 'é₄ 'a₂ lia₂ tion₅₄ niog₅ ñág₃ uig₅ 'ñio₅ lín₃ o₄quió₃ jniá₂.

¹⁷ Jaun₂ gué₄ ñó₃ Ananías ja₁chí₄ tsi₁'né₅ ja₁jme₁'en₅₄ Saulo. Ca₂'í₃ dsi₂néi₂, ca₂quiog₂ gu₂ ne₄ quió₅ Saulo, jaun₂ ca₂juá₂:

—Saulo rin₅₄ jniog₄, Te₁gui₅₄ Jesús i₂ca₂jeng₂ le₂'i₄ jui₅ lia₂ con₂ ñe₃, në₂chei₃ jniá₂ ia₁jaun₂ jnia₅₄ táng₃ mi₂ne₅₄, jaun₂ guéng₄ Jme₂dsí₂ Jñi₅ né₃.

¹⁸ Co₂tan₅₄ dsi₂jui₅ jaun₂ qui₂ca₂séi₂ jui₁lia₂ tsi₁ mi₂ne₄ Saulo, co₂tan₅₄ ca₂jág₃ táng₃. Jaun₂ gué₄ ca₂nau₂ Saulo, ca₂i₁choin₃ jmig₂. ¹⁹ Jaun₂ ca₂gué₃, ca₂tiin₃ táng₃ bí₂. Jaun₂ ca₂'í₃ bá₄ gué₄ tin₃-ni₅ jmig₄ quiain₅₄ dsa₂ 'én₂ i₂jme₁tián₄ juig₂ Damasco jaun₂.

Ca₂'é₂ Saulo jág₁ dse₃ juig₂ Damasco

²⁰ Dsi₂jui₅ bá₄ ca₂jme₃lióg₃ Saulo ca₂nei₅₄ guá'₅ sinagogas ca₂i₁jme₁tiin₂₃ dsa₂ a₂juá'₂ a₂lín₅ Jesús Ja₁ñi'₅₄ Diú₄. ²¹ Ca₂le₃jín₃ dsa₂ i₂ca₂nág₂ ca₂i₃gó'₃ dsí₅, qui₂ca₂dsia₃:

—¿On₃jua'₅₄ dsa₂ në₅ i₂ñí₄ lë₃ jme₁ñi₅ juig₂ Jerusalén qui₂co₂'ein₂₃ dsa₂ i₂'én₂ le₃quió'₅ Jesús? ¿On₃jua'₅₄ i₂në₅ 'ñiog₅ i₂ma₂guan₅ ja₁lá₃ a₂qui₂të₂ le₁'ñe₅ dsa₂ jaun₂ qui₂dsi₂jang'₅₄ o₄gú₃ juig₅₄ jme₂dsa₂?

²² La₁ tē₂le₃ lé₅ gué₄ ca₂'ág₂ tiá₂ dsí₅ Saulo, qui₂ca₂'é₂ jág₁ a₂lín₅ dsón'₂ Jesús I₂rē₂'ín₁ quián₅ Diú₄. Ca₂lia'₂ ca₂i₃cón'₅ dsí₅ dsa₂ judíos i₂jme₁tián'₄ juig₂ Damasco ia₁ ca₂'é₂ Saulo jág₁ le₂jaun₂.

Ca₂lón₂ Saulo o₄gú₃ dsa₂ judíos

²³ 'Lióng₂ jmi₄ cang₂ jaun₂, ca₂jmo₃ dsa₂ judíos caun₂ jág₁ a₂jme₁jñi'₃ Saulo. ²⁴ A₂jmi₂ a₂'uē₂ qui₂ca₂jñiai₃ Saulo o₄'né₄ o₄jui₅ juig₂ jaun₂, ia₁jaun₂ jñag'₃. La₁ ca₂rē₃ñi₅ bá₄ Saulo. ²⁵ Jaun₂ dsa₂ 'én₂ riin'₅₄ né₃, ca₂to'₂ 'ñió'₃ caun₂ tsi₁mi'₂ pa₁, jaun₂ a₂'uē₂ ca₂sióin₂ 'éi₂ jui₅ ne₄ ni₁'ia'₂ a₂jme₁lé₄ le₃lág'₃ juig₂. Jaun₂ le₂në₅ ca₂lón₂.

Ma₂'en₅₄ táng₃ Saulo juig₂ Jerusalén

²⁶ Jme₁dsián'₃ Saulo Jerusalén, jme₁'nio₃ jme₃quiain'₅₄ dsi₂jui₅ dsa₂ 'én₂ ja₁jaun₂. La₁ ca₂le₃jín₃ dsa₂ 'éi₂ né₃ ca₂rē₃gain₃ 'éi₂, ia₁ tsá₃ jaun₂ líin₂ a₂ma₂'én₂ Saulo jág₁ dse₃. ²⁷ La₁ia₁ dsa₂ i₂chen₂ Bernabé ca₂jio₃ ne₄ dsa₂ guia₃-tín₂ i₂chen₄ 'éi₂. Jaun₂ ca₂dsia₃ 'a₂ lia'₂ ca₂lë₃ a₂ca₂jme₃jein'₂ Te₁gui'₅₄ le₂'i₄ jui₅, 'e₂ jág₁ a₂ca₂juá'₂ né₃, 'a₂ lia'₂ ca₂dsia₃ Saulo ján₃ tiá₂ dsí₅ juig₂ Damasco ca₂'é₂ jág₁ 'iin₂₃ Jesús. ²⁸ Jaun₂ bá₄ ca₂'í₃ Saulo juig₂ Jerusalén ca₂jme₃quiain'₅₄ dsa₂ 'éi₂. ²⁹ Caun₂ ca₂dsia₃ tiá₂ dsí₅ bá₄ qui₂ca₂'é₂ jág₁ 'iin₂₃ Te₁gui'₅₄ qui₂ca₂dsia₃ jág₁ qui₂ca₂tsiin₂ quian'₅₄ dsa₂ judíos i₂dsia₅ jág₁ jmei₅ griego. La₁ dsa₂ 'éi₂ né₃ caun₂ 'nio₃ jme₁jñi'₃ bá₄ Saulo. ³⁰ Jme₁ca₂rē₃lí'₄ rin'₅₄ Saulo a₂jaun₂, jaun₂ ca₂jio₃ jui₅ juig₂ Cesarea. A₂'ein₅₄ gué₄ ja₁jaun₂ ca₂dsióg'₂ riin'₅₄ juig₂ go₅₄ ja₁chei₂ Tarso.

³¹ Jaun₂ ca₂le₃jín₃ guá'₅, dsa₂ i₂'én₂, le₂tan₅₄ ja₁tén₄ 'uē₃ Judea, Galilea, Samaria né₃, tei₄ bá₄ 'ei₅ tion'₅₄ dsa₂, caun₂ ca₂rē₃béin₂ ján₃. Jme₁jme₂gain₃ bá₄ Te₁gui'₅₄ tióin'₅₄. Quian'₅₄ bí₂ quió'₅ Jme₂dsí₂ Jñiós₅, caun₂ qui₂ca₂juín₂ bá₄ dsa₂ i₂'én₂.

Ca₂'lón₂ dsa₂ chen₂ Eneas

³² Lia'₂ con'₂ ñi₅ Pe₄ qui₂dsi₂jñi₅₄ riin'₅₄, ca₂i₁jñi₁₂ ján₃ dsa₂ i₂ma₂'én₂ jág₁ dse₃ i₂jme₁tián'₄ juig₂ ja₁chei₂ Lida. ³³ Ja₁jaun₂ ca₂jñi₂ jan₂ dsa₂ 'lian'₂ i₂jme₁chen₂ Eneas i₂ma₂té₂ jñia₃ ñi₂ ron₅, ia₁ tsá₃ lé₂ ñi₃. ³⁴ Jaun₂ ca₂juá'₂ Pe₄ ca₂tsí'₃ dsa₂ 'éi₂:

—Eneas, Jesucristo jme₂'lió₂. Nau₂, jmo₄ dse₃ tsi₁cama quiáng'₂.

Jaun₂ dsi₂jui₅ le₂jaun₂ ca₂nau₂ Eneas. ³⁵ Jaun₂ ca₂le₃jín₃ dsa₂ i₂tián'₅ Lida quian'₅₄ juig₂ Sarón ca₂jág₃ a₂ca₂'lón₂ 'éi₂, jaun₂ ca₂jéin'₃ le₃quió'₅ Te₁gui'₅₄.

Ca₂jen'₅₄ 'io₅₄ Dorcas

³⁶ Jmi₄ jaun₂ jme₁chan₂ jan₂ 'io₅₄ i₂'én₂ jë₄ juig₂ Jope i₂jme₁chen₂ Tabita. Quian'₅₄ jág₁ jmei₅ griego jme₁té'₂ dsa₂ Dorcas. 'Io₅₄ 'éi₂ lia'₂ con'₂ chain₂ jme₁jmo₂₃ dse₃ jme₂'oin₅₄ dsa₂ te₂ñé₂. ³⁷ Të₃jë₄ jmi₄ jaun₂, ca₂rē₃dso'₅₄ Dorcas, ca₂join₃ bá₄ jaun₂ né₃. Cang₂ jme₁ca₂lë₃ sei₅ dsa₂, jaun₂ ca₂i₁quio₂₃ caun₂ dsi₂néi₂ jë₁ca₂té₂ tin₃ juín₃. ³⁸ Juig₂ Jope ma₂quián₅ bá₄ ja₁niog₅ juig₂ Lida ja₁'en₅₄ Pe₄. Jaun₂ jme₁ca₂rē₃ñi₅ dsa₂ 'én₂ a₂'en₅₄ Pe₄ ja₁jaun₂, jaun₂ ca₂chein₃ on₃ riin'₅₄ ca₂i₁te'₂ 'éi₂:

—Ñia₅ tē₂në₃ cón'₅ jui₅ Jope.

³⁹ Jaun₂ ñó₃ Pe₄ co₂lë₅ quiain'₅₄ dsa₂ 'éi₂. Jme₁ca₂dsióg₃, ca₂i₁jio₃ dsa₂ ja₁rē₂quian₅ 'lag₄. Ja₁jaun₂ tion'₅₄ le₁ñi'₂ ca₂le₃jín₃ 'io₅₄ 'nág₂ qui₂'-o₂₃, qui₂ca₂'é'₃ Pe₄ 'mi'₂ tsin'₅₄ dsa₂, ta₁ a₂jme₁jmo₅ Dorcas lia'₂ con'₂ chain₂. ⁴⁰ Jaun₂ ca₂jmo₃ Pe₄ 'éi'₃ ca₂'uin₂ dsa₂ dsi₂néi₂ ja₁rē₂quian₅ 'lag₄. Jaun₂ ca₂chi₃jnë₃ ca₂chi₃lén'₂ Diú₄. Jaun₂ gué₄ ca₂jñi₂ 'lag₄, ca₂juá'₂:

—Tabita, nau₂.

Dsi₂jui₅ jaun₂ ca₂ján₃ 'io₅₄ jme₁ne₁₂. Jme₁ca₂jíin₂ Pe₄, ca₂guá₂ 'io₅₄ jaun₂ né₃. ⁴¹ Jaun₂ ca₂ɲa₃ Pe₄ mi₂gu₂ 'io₅₄, ca₂chó₂. Jaun₂ ca₂té₃ táng₃ Pe₄ riin₅₄, 'io₅₄ 'nág₂ né₃, jaun₂ ca₂jíin₂ 'io₅₄ 'éi₂, la₁ ma₂jein₅₄ bá₄. ⁴² Ta₁caun₂ juig₂ Jope ca₂i₃'ág₃ jág₁ a₂ca₂lë₃ le₂jaun₂. Jaun₂ juin₅ lin₃ dsa₂ ca₂rë₃'én₂ jág₁ quió₅ Te₁gui₅₄. ⁴³ Ca₂'í₃ bá₄ gué₄ Pe₄ 'líong₂ jmig₄ jaun₂ ja₁quió₄ jan₂ dsa₂ i₂chen₂ Si₂mu₅₄ i₂jme₂dse₃ lo₄ já₂.

10

Pe₄ quian₅₄ Cornelio

¹ Juig₂ Cesarea jme₁chan₂ jan₂ dsa₂ i₂jme₁chen₂ Cornelio, i₂jme₁lín₄ juig₅₄ co₂nió₃ 'lióg₂ i₂té₂ dsa₂ i₂chan₂ Italia. ² Juig₅₄ 'lióg₂ 'éi₂ jme₁jme₂gain₃ Diú₄ co₂lë₅ quian₅₄ dsa₂ dsi₂néi₂ quió₅. Ján₃ bá₄ jme₁dsi₁'₅ cu₄ jme₁jme₂'oin₅₄ dsa₂ judíos. Ca₂le₃jé₃ jmig₄ né₃, jme₁chi₁lén₂ Diú₄. ³ Co₂ráun₂ con₂ hora ɲ₁ 'ni₅ le₃ca₂'láu₂, *a₂lë₁ca₂jén₃ ca₂jág₃ ca₂jíin₂ jan₂ ángel quián₅ Diú₄ ca₂'í₃ dsi₂néi₂ ja₁'ein₅₄. Jaun₂ ca₂juá₂ ángel:

—¡Cornelio!

⁴ Jaun₂ ca₂jág₃ Cornelio gó₅ 'ɲio₅ lin₃ ca₂jíin₂ ángel. Jaun₂ ca₂ɲag₃ ca₂juá₂:

—¿'E₂ lé₅, gui₅₄?

Jaun₂ gué₄ ca₂juá₂ ángel:

—A₂nag₅ bá₄ Diú₄ a₂juig₂ a₂chi₂lein₅₄. Jág₅ bá₄ a₂jmo₂ dse₃ 'au₂ jme₂'ong₅₄ dsa₂ te₂ɲé₂. ⁵ Jaun₂ lë₃ chen₅ dsa₂ juig₂ Jope dsi₃quiáin₂ dsa₂ i₂chen₂ Si₂mu₅₄ i₂té₂ dsa₂ Pe₄ ján₃. ⁶ I₂'en₅₄ ja₁quió₄ Si₂mu₅₄ sián₂ i₂jmo₅ dse₃ lo₄ já₂, i₂chí₅ 'ne₄ chei₅₄ jmi₁ɲ₁'₄.

⁷ Jme₁ma₂ɲá₅ ángel, jaun₂ ca₂té₃ Cornelio on₃ dsa₂ mozo quiáin₅, jan₂ gué₂ 'lióg₂, dsa₂ jme₂ti₃ i₂jme₂gan₃ Diú₄ ján₃. ⁸ Jaun₂ ca₂dsia₃ Cornelio ca₂tsí₃ dsa₂ a₂ca₂jén₃, jaun₂ ca₂chein₃ dsa₂ jui₅ juig₂ Jope.

⁹ Jme₁jnia₃ jaun₂, ca₂i₃lén₂ dsa₂ 'éi₂. Pe₄ né₃ ca₂uíg₂ le₃co₅₄ tsi₁'né₅ con₂ dsi₃ɲ₁'₃† a₂chi₃lén₂ Diú₄. ¹⁰ I₁cón₅ 'ɲio₅ lin₃. Të₁lia₂ jmo₅ dsa₂ má₃ né₃, jaun₂ a₂lë₁ca₂jén₃ ca₂jág₃ Pe₄ ¹¹ ca₂niá₃ guei₅₄ i₂juíg₃. Jaun₂ ca₂sió₃ jui₁lia₂ caun₂ tsi₁'mi₂ pa₁ a₂rë₂quein₅ ta₁quén₂ qui₅₄. ¹² 'ɲi₁ó₃ jaun₂, jme₁tion₅₄ ca₂le₃jín₃ ne₅₄ já₂: já₂ cha₂ quén₂ mi₂tag₄, já₂ i₂tsé₅ quió₅, já₂ i₂'in₅ guei₅₄ né₃. ¹³ Jaun₂ ca₂nág₂ Pe₄ jág₁ ca₂juá₂:

—Nau₂ Pe₄, jme₁dsian₅ já₂, quíng₄.

¹⁴ Jaun₂ ca₂ɲag₃ Pe₄:

—Jan₂'ón₄, Te₁gui₅₄. Ia₁ 'i₁co₂ráun₂ tsá₃ ma₂ca₂gué₃ jniá₂ ni₁ɲi₁ já₂ a₂jmo₅ a₂rë₂'ɲio₅ dsa₂.

¹⁵ Jaun₂ ca₂ɲag₃ táng₃ jág₁ a₂juá₂:

—Tsá₃ lë₁juá₂ 'ne₂ 'lig₅₄ cosa a₂ma₂jmo₃ Diú₄ le₁jé₃.

¹⁶ 'Ni₅ ráun₂ ca₂lë₃ le₂jaun₂, jaun₂ gué₄ ca₂ɲáu₃ táng₃ tsi₁'mi₂ jui₅ guei₅₄. ¹⁷ Të₁lia₂ guá₅ Pe₄ 'no₂ dsí₅ 'e₂ léi₄ jáng₅ a₂ca₂jág₃ jaun₂, jme₁ca₂dsi₃lén₂ dsa₂ i₂chen₄ quián₅ Cornelio o₄'né₄ quió₅ Si₂mu₅₄, a₂ɲag₂₃ a₂já₄ chí₅ 'ne₄ Si₂mu₅₄. ¹⁸ Jme₁ca₂dsi₃lén₂ dsa₂ 'éi₂, ca₂ɲag₃ juá₂ tiá₂ chi₂jua₂ 'en₅₄ ja₁jaun₂ jan₂ dsa₂ i₂chen₂ Si₂mu₅₄ i₂té₂ dsa₂ Pe₄ ján₃.

¹⁹ Të₁lia₂ jaun₂ caun₂ qui₂'no₂ dsí₅ Pe₄ a₂ca₂jág₃, jaun₂ ca₂juá₂ Jme₂dsí₂ ɲi₁ó₅:

—Jag₄: ún₂ dsa₂ o₂lén₂ 'nau₂. ²⁰ Nau₂, sión₅, gua₂ quian₅₄, tsá₃ lë₁jmo₂ 'i₅ 'au₂ jua₅₄ líng₂ a₂tsá₃ tí₅ jág₁, ia₁ jniá₂ bá₄ në₂tsiin₂.

²¹ Jaun₂ ca₂sión₃ Pe₄ ca₂i₁jíin₁₂ dsa₂ i₂chen₄ quián₅ Cornelio, jaun₂ ca₂juá₂ Pe₄:

—Jniá₂ bá₄ 'éi₂ i₂'na₂ 'nia₂. ¿Cha₁ ta₁ ja₂nó₅ 'nia₂?

²² Jaun₂ ca₂ɲag₃ táng₃ dsa₂:

—Gui₅₄ juig₅₄ 'lióg₂ Cornelio bá₄ ca₂chei₃ jnia₅₄ ja₂náu₅. Dsa₂ dsen₃ bá₄ 'éi₂, i₂jme₂gan₃ Diú₄; 'nio₃ dsa₂ judíos 'ɲio₅ lin₃, jme₂go₃ né₃. Jan₂ ángel i₂chen₄ quián₅ Diú₄ ca₂juá₂ a₂té₂ 'ne₂ ja₁quió₄ jaun₂ nag₃ 'e₂ jág₁ cué₅₄.

* 10:3 lit. “hora ɲi₃.” † 10:9 lit. “hora jɲéi₂.”

²³ Jaun₂ ca₂juá'₂ Pe₄ tón'₃ dsa₂ 'éi₂ dsi₂néi₂, jaun₂ ja₁jaun₂ ca₂jñia₃ dsa₂ 'éi₂ quaiain'₅₄ Pe₄ a₂'uë₂ jaun₂. Jme₁jnia₃ jaun₂ gué'₄ ca₂ñó₃ Pe₄ quaiain'₅₄ dsa₂ 'éi₂. Ca₂jme₃quiong'₅₄ gué'₄ i₂lín₅₄ dsa₂ riin'₅₄ i₂jme₁'én₂ i₂jme₁tián'₄ juig₂ Jope.

²⁴ Jme₁jnia₃ jaun₂ gué'₄ táng₃, ca₂dsi₃léin₂ juig₂ Cesarea ja₁guá'₄ Cornelio. 'Éi₂ gué'₂ né₃ jme₁ma₂chi₁jñiog₂₃ quaiain'₅₄ co₂nió'₃ o₁riin'₅₄ a₂mei₅₄ quiáin₅ i₂jein'₂ 'ñio₅ lín₃ quaiain'₅₄ né₃, i₂ca₂té'₃.

²⁵ Jme₁ca₂dsi₃óg₃ Pe₄ o₄'né₄, co₂tan₅₄ ca₂o₃'ín₃ Cornelio ca₂guei₃, ca₂chi₃jné₃ ne₄ 'éi₂, ca₂jme₃juag'₂. ²⁶ La₁ Pe₄ né₃ ca₂chó'₂, ca₂juá'₂:

—Nau₂, ia₁ dsa₂ mi₂güig₃ bá₄ jniá₂, jui₁lia'₂ 'ne₂ ján₃.

²⁷ Të₃ dsia₅ jág₁ Pe₄ quiong'₅₄, ca₂'í₃ dsi₂néi₂, jaun₂ ca₂jág₃ juin₅ bá₄ dsa₂ ma₂le₁ñi'₂ dsi₂néi₂. ²⁸ Jaun₂ ca₂juá'₂ Pe₄ ca₂tsí'₃ dsa₂:

—ñi'₅₄ bá₄ 'nia'₂ jaun₂ tsá₃ cuë₅ jmi₄ 'Éi'₃ Juá'₅ quió'₅ dsa₂ judíos jua'₅₄ a₂ñi'₂ quian'₅₄ dsi₂nau₂, on₃ gué'₂ lé₂ ñi₃ dsi₂néi₂ quió'₅. La₁ Diú₄ ma₂'ë₃ a₂tsá₃ té₄ jniá₂ 'i₁jan₂ dsa₂ tsá₃ le₁jñin₃. ²⁹ Jaun₂ lë₃ dsi₂jui₅ bá₄ guio₃ jme₁ca₂dsi₃lén₂ dsa₂ quiáng'₂, té₂. Tsá₃ në₂jan₅₄ uë₂. Jaun₂ jme₁'nio₃ le₃guion₅₄ 'e₂ lë₃, 'e₂ ta₁ në₂të'₂.

³⁰ Jaun₂ ca₂ñag₃ Cornelio:

—Ma₂quén₂ jmi₄, con'₂ hora la₂ jme₁'eng₅₄ dsi₂néi₂ la₂ quió'₃, jme₁jme₂'ing₅₄, tsá₃ ca₂gué'₃. Jme₁'eng₅₄ chi₁leng'₄ Diú₄ të₂le₃ ca₂'láu₂. Jaun₂ a₂lë₁ca₂jéin₃ ca₂jñing₅₄ jan₂ dsa₂ qui'₂ 'mi'₂ tiog₂ jau₂. ³¹ Jaun₂ ca₂juá'₂ ca₂tság₃ jniá₂: “Cornelio, a₂nág₅ bá₄ Diú₄ a₂juig'₂. Jág₅ bá₄ a₂jmo'₂ dse₃ 'au'₂ jme₂'ong'₅₄ dsa₂ te₂ñé₂. ³² Jaun₂ lë₃, chen₅ dsa₂ juig₂ Jope dsi₃quiáin₂ dsa₂ i₂chen₂ Si₂mu₅₄ i₂té'₂ dsa₂ Pe₄ ján₃. I₂'en₅₄ ja₁quió'₄ Si₂mu₅₄ sián'₂ i₂jmo₅ dse₃ lo₄ já'₂, i₂chí'₅ 'ne₄ chei'₅₄ jmi₁ñi'₄. Jë₁ma₂guain₂₃, dsia₃ jág₁ quian'₅₄ 'ne₂.” ³³ Jaun₂ bá₄ lë₃ ca₂tsíng₂ dsa₂ dsi₂jui₅ a₂i₁'niai'₂ 'ne₂ né₃. Dse₃ bá₄ lia'₂ në₂jmo'₅₄ ñe'₃. Jaun₂ lë₃ tio'₅₄ jnia'₅₄ ca₂le₃jág₃ le₁ñag'₂ ne₄ Diú₄ ia₁ 'niog₂ jnia'₅₄ néi₁ jág₁ a₂ma₂cuë₃ Te₁gui'₅₄ a₂juig'₅₄ jnia'₅₄.

Jág₁ a₂ca₂ton₃ Pe₄ dsi₂néi₂ quió'₅ Cornelio

³⁴ Jaun₂ ca₂jme₃lióg₃ Pe₄ ca₂juá'₂ ca₂tsí'₃ dsa₂:

—Në₃ gué'₄ dsón'₂ ma₂ñi'₂ jniá₂, tsá₃ jma₃quén₅ jín₂ Diú₄ dsa₂ mi₂güig₃. ³⁵ Ia₁ ca₂le₃jé₃ juig₂ ja₁jme₂gan₃ dsa₂ Diú₄, nag₅ dsa₂ gau₂ jág₁ quió'₅, jmo₂₃ dse₃ né₃, dsa₂ le₂'éi₂ bá₄ guén'₂ Diú₄. ³⁶ Ca₂juá'₂ Diú₄ ca₂tsí'₃ tsi₁jon₂ quián₅ Israel, ca₂'é₂ jág₁ a₂tian'₃ dsa₂ tei₄ të₂le₃ quian'₅₄ Jesucristo i₂lín₅ Te₁gui'₅₄ quián₅ ca₂le₃jñin₃. ³⁷ ñi'₅₄ rë₂ bá₄ 'nia'₂ 'e₂ ca₂lë₃ ta₁caun₂ juig₂ go₄ dsa₂ judíos, a₂ca₂jme₃lióg₃ 'uë₃ Galilea, cang₂ jme₁ma₂'é₂ Juan₅₄ jág₁, ca₂choin₃ dsa₂ jmi₄ né₃. ³⁸ ñi'₅₄ bá₄ 'nia'₂ 'a₂ lia'₂ ca₂cuë₃ Diú₄ ca₂cué'₃ Jesús chan₂ Nazaret jui₅bí₂ quió'₅ Jme₂dsí₂ Jñiós₅; 'a₂ lia'₂ ca₂ñi₃ jmo₂₃ dse₃, jme₂'lióin₂ ca₂le₃jñin₃ dsa₂ i₂jme₁chan₂ jmi₁uig₅ jmóg'₂ i₂së₃dsen₃. Ca₂le₃jé₃ a₂në₅ ca₂jmo₃ ia₁ jme₁quaiain'₅₄ Diú₄. ³⁹ Ca₂té₂ ne₄ jnia'₅₄ ca₂le₃jé₃ a₂në₅ a₂ca₂jmo₃ Jesús, lia'₂ jë₄ juig₂ Jerusalén, lia'₂ le₂tan₅₄ ja₁tián'₄ dsa₂ chan₂ Judea. Cang₂ jaun₂ ca₂ñag'₃ dsa₂ ca₂tion₃ cróg₄. ⁴⁰ La₁ jë₁ca₂té₂ 'ni₅ jmi₄, ca₂jme₃jein'₅₄ táng₃ Diú₄ Jmei₂, ca₂jmo₃ ca₂jme₃jnia₅ 'éi₂ jin₄ jnia'₅₄. ⁴¹ Tsá₃ ca₂jme₃jniai₂₃ jin₄ ca₂le₃jñin₃ dsa₂. Jmá'₃ lia'₂ jë₄ quián₂ jnia'₅₄ bá₄ con'₂ dsa₂ i₂ca₂quióin'₂ le₂jñiá₅ i₁të₃ ne₄. Ca₂que₅₄ gué'₄ jnia'₅₄ co₂lë₅ quaiain'₅₄ jme₁ma₂jein'₅₄ táng₃ jin₄ 'lag₄. ⁴² Jaun₂ ca₂jmo₃ 'éi'₃ a₂qui₂dsi₁'é₄ jnia'₅₄ jág₁, a₂dsi₁jang'₅₄ jág₁ dsau₅ jin₄ dsa₂: Diú₄ ma₂dsiain₃ Jesús a₂qui₃dsi₅ 'éi'₃ quió'₅ dsa₂ i₂chan₂, quió'₅ i₂ma₂dsan₃ né₃. ⁴³ Ján₃ bá₄ le₂në₅ jáng'₅ jág₁ dsau₅ ca₂le₃jñin₃ dsa₂ i₂jme₁'é₂ jág₁ quiáin₅, a₂qui₃'én₂ Diú₄ dsáu₁ ca₂le₃jñin₃ dsa₂ i₂'én₂ jág₁ quió'₅.

Ca₂guei₃ dsi₂nau₂ ca₂guein₃ Jme₂dsí₂ Jñiós₅

⁴⁴ Të₃jë₄ 'é₂ gué₄ Pe₄ jág₁, jme₁ca₂sión₃ Jme₂dsí₂ Jñi₅ ne₄ quió'₅ ca₂le₃jín₃ dsa₂ i₂tion'₅₄ nag₅ jág₁. ⁴⁵ Dsa₂judíos[‡] i₂jme₁'én₂ i₂ca₂o₃lén₂ quian'₅₄ Pe₄, tióin₂ jág₅ dsi₂gó'₃ dsí₅, ia₁ ján₃ guë'₂ ca₂guen₃ dsi₂nau₂ Jme₂dsí₂ Jñi₅. ⁴⁶ Ia₁ nag₂₃ dsa₅ dsa₂ jág₁ jmei₅ siá'₂, jme₂juin'₂ Diú₄. ⁴⁷ Jaun₂ ca₂juá'₂ Pe₄:

—¿Lé₂ le₃jua'₅₄ tsá₃ jmi₂g₂ lé₂ tsón₃ dsa₂ në₅, ton'₂ ma₂në₂guein₃ bá₄ guë'₂ Jme₂dsí₂ Jñi₅, co₂rë₂ bá₄ jui₁lia'₂ jniog₄?

⁴⁸ Jaun₂ ca₂jmo₃ 'éi'₃ a₂tsón₃ dsa₂ 'éi₂ jmi₂g₂, lia'₂ con'₂ lé₅ 'éi'₃ quió'₅ Jesucristo. Jme₁co₂lág₂ jaun₂, ca₂mi₃ dsa₂ ca₂tsí'₃ Pe₄ a₂jñia₃ gué₄ tin₃-ni₅ jmi₂g₄ quiong'₅₄.

11

Jág₁ ca₂'é₂ Pe₄ jin₄ dsa₂ 'én₂ juig₂ Jerusalén

¹ Ca₂rë₃ñi₅ jág₁ dsa₂ i₂chen₄ quián₅ Jesús, quian'₅₄ riin'₅₄ i₂tion'₅₄ Judea, a₂ma₂ca₂rë₃'én₂ dsi₂nau₂ jág₁ quió'₅ Diú₄ ján₃. ² Jme₁ca₂dsián'₃ táng₃ Pe₄ juig₂ Jerusalén, jaun₂ ca₂le₃jín₃ dsa₂ judíos i₂'én₂ ca₂jí₂ quió'₅ ³ ca₂juá'₂:

—¿E₂ lë₃ ñeg'₅₄ ja₁con₂ dsi₂nau₂* i₁que'₅₄ quian'₅₄ né₃?

⁴ Jaun₂ ca₂juá'₂ Pe₄ ca₂tsí'₃ dsa₂ ca₂le₃jé₃ 'a₂ lia'₂ ca₂lë₃, ca₂juá'₂:

⁵ —Juig₂ Jope bá₄ jme₁'eng₅₄, chi₁leng'₄ Diú₄. Të₃jë₄ jaun₂, ca₂jéin₃ ca₂jág₃ jui₁lia'₂ caun₂ tsi₁'mi'₂ tióg₃ pa₁ a₂rë₂quein₅ le₃quén₂ qui'₅₄, ca₂sió₃ jui₅ guei'₅₄, ca₂të₂ cau₅ quió₃.

⁶ Jme₁ca₂jág₃ jniá₂ dse₃ 'e₂ tio'₅₄ 'ñi₅ 'jua'₂ ca₂le₃jín₃ ne₄ já₂ bá₄ tion'₅₄: já₂ cha₂ quén₂ mi₂tag₄, já₂ tsáu₂ dsí₅, já₂ i₂tsé'₅ quió'₅, já₂ i₂'in₅ guei'₅₄ né₃. ⁷ Jaun₂ ca₂nag₃ jág₁ a₂ca₂juá'₂ ca₂tság₃ jniá₂: “Nau₂ Pe₄, jme₁dsian₅ já₂, quíng'₄.”

⁸ Jaun₂ ca₂ñag₄ jniá₂: “Jan₂'ón₄, Te₁gui'₅₄. Ia₁ 'i₁co₂ráun₂ tsá₃ ma₂'í₅ 'o₃ 'i₁caun₂ a₂'lig'₅₄ a₂jmo₅ a₂rë₂'ñio₅ dsa₂.”

⁹ Jaun₂ ca₂ñag₃ táng₃ jág₁ a₂já₅ guei'₅₄, ca₂juá'₂: “Jui₁lia'₂ a₂ma₂jmo₃ Diú₄ le₁jé₃, tsá₃ lë₃juá'₂ 'ne₂ 'lig'₅₄.”

¹⁰ Ni₅ ráun₂ ca₂lë₃ le₂jaun₂, jaun₂ gué₄ ca₂ñáu'₃ táng₃ ca₂le₃jé₃ jui₅ guei'₅₄. ¹¹ Të₃jë₄ jaun₂ ca₂dsi₃lén₂ ún₂ dsa₂ 'né₅ ja₁jme₁'eng₅₄, i₂chen₄ quián₅ dsa₂ chan₂ Cesarea a₂'nau'₂ jniá₂.

¹² Jaun₂ Jme₂dsí₂ quián₅ bá₄ Diú₄ ca₂chei₃ ca₂ñó₃ quiang'₅₄ dsa₂ 'éi₂, caun₂ bá₄ 'ei₅ dsi₃ ñó₃. Já₃ bá₄ i₁len₅₄ jñé₂ rin'₅₄ jniog₄ la₂ quiong'₅₄ jniá₂. Jaun₂ ca₂tió'₄ jnia'₅₄ ca₂le₃jág₃ dsi₂néi₂ quió'₅ dsa₂ chan₂ Cesarea 'éi₂.

¹³ Dsa₂ 'éi₂ ca₂dsia₃ ca₂tság₃ jnia'₅₄ 'a₂ lia'₂ ca₂jiin₂ jan₂ ángel jme₁chén'₄ dsi₂néi₂ quió'₅ i₂ca₂juá'₂: “Chen₅ dsa₂ juig₂ Jope a₂dsi₃quián₂ Si₂mu₅₄ i₂té'₂ dsa₂ Pe₄ ján₃. ¹⁴ Dsa₂ 'éi₂ juá'₂ 'a₂ lia'₂ jmó'₂, ia₁jaun₂ líong'₂, quiang'₅₄ dsa₂ dsi₂néi₂ quiáng'₂. ¹⁵ Jme₁ca₂jme₁lióg₄ jniá₂ juig₂ jág₁, jaun₂ ca₂sión₃ Jme₂dsí₂ Jñi₅ ne₄ quió'₅ dsa₂ 'éi₂, jui₁lia'₂ ca₂guain₃ ne₄ quián₂ jniog₄ le₂'uig₅₄. ¹⁶ Jaun₂ gué₄ ca₂dsáu'₃ dsi₃ a₂ma₂ca₂juá'₂ Te₁gui'₅₄ le₂jñiá₅: “Dsau₅ bá₄ ca₂tióg₃ Juan₅₄ ca₂tiáin₂ jmi₂g₂ dsa₂, la₁ 'nia'₂ guë'₂ né₃ tióg₂ Diú₄ Jme₂dsí₂ Jñi₅.”[†] ¹⁷ Jaun₂ chi₂jua'₂ co₂rë₂ bá₄ ca₂cuë₃ Diú₄ ca₂cué'₃ dsa₂ 'éi₂ jui₁lia'₂ a₂ma₂cuë₃ jniog₄ i₂ma₂'én₂ të₂le₃ quió'₅ Te₁gui'₅₄ Jesucristo, ¿i₂'ein₂ bá₄ jniá₂ jua'₅₄ jniá₂ jni₅ 'éi'₃ quió'₅ Diú₄?

¹⁸ Jme₁ca₂nág₂ dsa₂ jág₁ në₅, tei₄ bá₄ ca₂jmo₃. Jaun₂ ca₂jme₃juin'₂ Diú₄, ca₂tsí'₃ riin'₅₄:

—Ján₃ gué₄ ma₂cuë₃ Diú₄ jmi₂g₄ quió'₅ dsi₂nau₂, a₂jme₂tsiin₃ dsí₅ ia₁jaun₂ tñin'₄ le₃chain₂ co₂tan₅₄!

Dsa₂ 'én₂ i₂chan₂ juig₂ Antioquía

¹⁹ Lia'₂ con'₂ jme₁ca₂jñi'₃ dsa₂ Esteban, caun₂ qui₂ca₂co₃'ein₃ bá₄ dsa₂ quió'₅ ca₂le₃jín₃ dsa₂ i₂'én₂. Jaun₂ tion₅₄ bá₄ ca₂cuíng₃ ca₂i₃lén₂ ca₂të₂ Fenicia, Chipre, Antioquía né₃. La₁ jmá'₃ dsa₂ judíos bá₄ ca₂cué'₃ jág₁ dse₃. ²⁰ La₁ i₂lin₅₄ dsa₂ 'én₂ i₂chan₂ Chipre quian'₅₄ Cirene ca₂dsi₃lén₂ juig₂ Antioquía ca₂dsia₃ jág₁ quian'₅₄ dsa₂ chan₂ Grecia, ca₂'é₂ jág₁ dse₃ ca₂'iin₃ Te₁gui'₅₄ Jesús. ²¹ Ca₂jme₃'on₅₄ Te₁gui'₅₄ dsa₂ 'éi₂ ja₁jaun₂ quian'₅₄ bí₂ quió'₅, jaun₂ lë₃ juin₅ lin₃ dsa₂ ca₂jéin'₃ le₃quió'₅ Te₁gui'₅₄.

‡ 10:45 lit. “dsa₂ i₂rë₂uüing₄ lo₄.” * 11:3 lit. “ja₁con₂ dsa₂ i₂tsá₃ lo₄ rë₂uüing₄.” † 11:16 Hechos 1:5.

²² Jme₁ca₂rē₃ŋi₅ dsa₂ 'én₂ i₂tion'₅₄ Jerusalén, jaun₂ ca₂chein₃ Bernabé ca₂tē₂ Antioquía.
²³ Jme₁ca₂dsi₃óg₃ Bernabé ja₁jaun₂, jaun₂ ca₂jág₃ a₂dse₃ dsí₅ Diú₄ a₂ca₂jmo₃ ja₁con₂ dsa₂ 'éi₂,
 jaun₂ lē₃ ca₂jmo₃ 'io'₂. Jaun₂ ca₂toin'₂ dsa₂ jág₁ dsia₃ tiá₂ dsí₅, tsán'₂ tiá₂ jág₁ 'ein₃ Te₁gui'₅₄.
²⁴ Ia₁ dsa₂ dsen₃ bá₄ jme₁lín₄ Bernabé, jme₁rē₂rin₅ Jme₂dsí₂ Jñi₅ tē₂dsí₅, jme₁'éin₂ 'ñio₅
 lin₃. Jaun₂ le₂nē₅ juin₅ dsa₂ ca₂jén'₃ tē₂le₃ ja₁con₂ Te₁gui'₅₄.
²⁵ Cang₂ jaun₂ ca₂ñó₃ Bernabé juig₂ Tarso a₂ca₂i₁'niai'₂ Saulo. Jme₁ca₂dsáin'₂ 'éi₂,
 jaun₂ ca₂tág₃ juig₂ Antioquía. ²⁶ Ja₁jaun₂ ca₂tóin'₂ caun₂ ñi₂ quiaín'₅₄ dsa₂ i₂'én₂ ja₁jaun₂,
 qui₂ca₂jme₃tiin₂₃ juin₅ lin₃ dsa₂. Juig₂ Antioquía jaun₂ bá₄ ja₁le₂'uig₅₄ ca₂quiong₃ dsa₂
 ca₂quiaín₃ dsa₂ i₂'én₂ “cristianos”.
²⁷ Jmig₄ jaun₂, i₂lin₅₄ dsa₂ i₂jme₁cuē₅ jág₁ dse₃ a₂ma₂gue₃ quió'₅ Diú₄ ca₂'uüin₂ juig₂
 Jerusalén ca₂i₁lein₅₄ Antioquía. ²⁸ Jan₂ i₂chen₂ Agabo ca₂nau₂ jin₄ riin'₅₄. Jaun₂ quian'₅₄
 bí₂ quió'₅ Jme₂dsí₂ Jñi₅, ca₂'é₂ jág₁ a₂le₃'in₂ a₂gué'₃ dsa₂ ta₁caun₂ mi₂güig₃. Jaun₂ le₂jaun₂
 ca₂rē₃ti₃ né₃ jmig₄ lia'₂ con'₂ jme₁guá₄ gui'₅₄ emperador Claudio. ²⁹ Jaun₂ ca₂le₃jín₃ dsa₂
 'én₂ i₂chan₂ Antioquía ca₂jmo₃ caun₂ jág₁ ca₂jme₃'oin₅₄ riin'₅₄ i₂jme₁tián'₄ Judea, 'a₂ con'₂
 jñia'₅₄ qui'₅₄ jmig₄ cuē₃ le₂jain₂ le₂jain₂. ³⁰ Jaun₂ le₂nē₅ ca₂jmo₃. Ca₂chein₃ cu₄ ne₄ dsa₂
 can'₅₄ † quían₅ dsa₂ 'én₂, ca₂i₁can₅ Bernabé quian'₅₄ Saulo.

12

Ca₂jon₃ Jacobo, Pe₄ guē'₂ ca₂jné₂ dsa₂ 'né₅ 'má₃

¹ Jmig₄ jaun₂ ca₂jme₃lióg₃ Rag₅₄ Herodes qui₂ca₂jmaí'₂ dsa₂ i₂'én₂. ² Ca₂jmo₃ 'éi'₃ ca₂jñi'₃
 dsa₂ Jacobo rin'₅₄ Juan₅₄, quian'₅₄ ñi₁tág₂. ³ Jme₁ca₂jág₃ Herodes a₂ca₂tē₂ dsí₅ dsa₂ judíos,
 jaun₂ ca₂jmo₃ táng₃ 'éi'₃ ca₂jña'₃ dsa₂ Pe₄ ján₃. Ca₂le₃jé₃ a₂nē₅ ca₂lē₃ lia'₂ con'₂ jmo₅ dsa₂
 jmig₄ a₂gué'₅ dsa₂ i₁ñí'₄ 'ua'₂ a₂tsá₃ levadura quian'₅₄. ⁴ Jme₁ma₂nē₂chán'₂ dsa₂ Pe₄, jaun₂
 ca₂jmo₃ Herodes 'éi'₃ ca₂to'₂ 'né₅ 'má₃, jaun₂ ca₂tón'₂ quén₂ nió'₃ 'lióg₂ i₂lé₂ jma₃quén₂
 le₂caun₂ nió'₃, qui₂ca₂jmo₃ 'í₁ Pe₄. Jme₁dsi₂jio₅ dsí₅ Herodes jme₁dsei₂₃ tē₃jín₄ dsa₂ juig₂
 jē₁ma₂ca₂ñí₂ Jmig₄ Tē₂'in₅₄. ⁵ Jaun₂ le₂nē₅ 'en₅₄ Pe₄ né'₃ 'má₃, lé₅ 'í₁ dse₃ lin₃. La₁ dsa₂
 riin'₅₄ né₃ caun₂ chi₂lén'₂ Diú₄ bá₄ tioin'₅₄ mi₂₃ 'ñio₅ lin₃ o₄quió'₄ 'éi₂.

Ca₂lión₂ Diú₄ Pe₄ 'né₅ 'má₃

⁶ Caun₂ 'uē₂, ju₁lia'₂ 'lióg₃ jme₁ma₂lé₅ jág₁ jme₁dsei₅ Herodes jin₄ dsa₂ juig₂, a₂'uē₂ jaun₂
 jme₁rē₂quian₅ Pe₄ rē₂güüin₃ rē₂'ñei₂₃ dse₃ lin₃ quian'₅₄ tin₃ cadenas jē₄ quió'₅ on₃ 'lióg₂.
 'Lióg₂ sián'₂ guē'₂ jme₁tion'₅₄ o₄'né₄ jmo₂₃ 'í₁ 'né₅ 'má₃. ⁷ Tē₃jē₄ jaun₂, ca₂jme₃jnia₅ jan₂
 ángel quían₅ Te₁gui'₅₄, jaun₂ ca₂tág₃ si₂ ta₁caun₂ dsi₂néi₂ 'né₅ 'má₃. Jaun₂ ca₂quén'₃ ángel
 dsi₂con₂ Pe₄ a₂ca₂ñeí₃. Jaun₂ ca₂juá'₂:

—Nau₂ tē₂nē₃ cón'₅.

Jaun₂ ca₂séi'₂ 'uē₃ ñi₁ñí₁ cadenas a₂jme₁tio'₅₄ gu₂ Pe₄. ⁸ Jaun₂ ca₂juá'₂ táng₃ ángel:

—Dse₃ 'ñéi₂ tog'₂, tio'₂ lau₂ tag'₅₄.

Jme₁ca₂lē₃ jmo₅ Pe₄ a₂jaun₂, jaun₂ ca₂juá'₂ táng₃ ángel:

—Qui'₂ 'mi'₂ dsiog₂ quiáng'₂, 'éin₃ jniá₂.

⁹ Jaun₂ ca₂o₃'ín₃ Pe₄ chi₁co'₅₄ quió'₅ ángel. Tsá₃ jaun₂ ñi₅ chi₂jua'₂ dsón'₂ dsi₂jó'₃
 a₂ca₂jmo₃ ángel le₂jaun₂, ia₁ a₂lē₁ca₂jág₃ bá₄ líin₂. ¹⁰ Jaun₂ ca₂ñi₅ ja₁le₂'uig₅₄ tion'₅₄ 'lióg₂,
 ja₁ca₂tē₂ táng₃ né₃. Jme₁ca₂dsi₃lén₂ o₄'né₄ a₂lé₅ quian'₅₄ ñi₁ñí₁, ja₁'uin₂ dsa₂ jē₄ calle,
 a₂lē₁ca₂niá₃ 'ñiog₅ bá₄ o₄'né₄. Ca₂'uüin₂ bá₄ jaun₂ né₃. Jme₁ma₂i₂nioi₅₄ caun₂ calle, jaun₂
 ca₂ñá'₃ ángel 'éi₂, ca₂téin₂ Pe₄. ¹¹ Jaun₂ gué₄ ca₂rē₃lí₄ Pe₄, ca₂juá'₂:

—Nē₃ gué₄ dsón'₂ guion₄ jniá₂ a₂nē₂chen₃ Te₁gui'₅₄ ángel quiaín₅ a₂nē₂lió₂ ja₁con₂
 Herodes, ca₂le₃jé₃ gué₄ 'e₂ jme₁'nio₃ dsa₂ judíos jmóg'₂.

¹² Tē₃ dsi₂jio₅ dsí₅ le₂jaun₂ Pe₄, ca₂ñó₃ juí₅ ja₁quió'₄ María chog₅₄ Juan₅₄ i₂chen₂ Marcos
 ján₃. Ja₁jaun₂ jme₁tion'₅₄ dsa₂ le₁ñi'₂ chi₂lén'₂ Diú₄. ¹³ Jme₁ca₂quein₃ Pe₄ o₄'né₄ i₁dsi₅,

† 11:30 griego: presbíteros.

jaun₂ ca₂o₃'ín₃ jan₂ 'io₅₄ bē'₅₄ i₂chen₂ Rode i₃jág₂ 'ein₂ té₂. ¹⁴ La₁ jme₁ca₂nág₂, ca₂rē₃cuí'₅ jág₁ quió'₅ Pe₄ né₃, jaun₂ tsá₃ ca₂niá₃ dsi₂juí₅, ia₁ njá₄ lē₃ ca₂jmo₃ 'io'₂. Jaun₂ ca₂ñái'₃ bá₄ táng₃ dsi₂néi₂ i₁con₂ jág₁, Pe₄ bá₄ 'éi₂ ca₂dsióg₃. ¹⁵ Jaun₂ ca₂juá'₂ dsa₂ ca₂tsí'₃ 'io₅₄ bē'₅₄ 'éi₂:

—jA₂lē₁tē₂'i'₂ bá₄ 'ne₂!

La₁ caun₂ ca₂juá'₂ bá₄ 'io₅₄, a₂dsón'₂ bá₄ 'éi₂. Jaun₂ ca₂ñag₃ táng₃ dsa₂, ca₂juá'₂:

—¿A₂ bá₄ lia'₂ jaun₂? On₃juá'₅₄ 'éi₂ nē₅. 'In₁ ángel quiáin₅ bá₄ nē₅.

¹⁶ Tē₁lia'₂ jaun₂, caun₂ i₁tē₅₄ bá₄ Pe₄ o₄'né₄ i₁chéin'₄. Jme₁ca₂niá₃, ca₂jñin₂ Pe₄, jaun₂ ca₂i₃gó'₃ dsí₅. ¹⁷ La₁ jaun₂ ca₂jmo₃ 'éi₂ léi₄ quian'₅₄ mi₂gu₂ a₂ca₂juá'₂ a₂jmo₃ dsa₂ tei₄. Jaun₂ ca₂dsia₃ 'a₂ lia'₂ ca₂lē₃ ca₂jmo₃ Te₁gui'₅₄ a₂ca₂i₁dsei₂₃ 'né₅ 'má₃. Jaun₂ ca₂juá'₂:

—O₂dsia₄ 'nia'₂ o₂chei'₅₄ Jacobo, * ca₂le₃jñin₃ gué₄ rin'₅₄ jniog₄.

Jaun₂ ca₂o₃'iin₃ táng₃, ca₂ñó₃ ja₁siá'₂.

¹⁸ Jme₁jnia₃ jaun₂, ca₂tón'₂ 'lióg₂ go₂'i₃, ia₁ tsá₃ nj₅ 'e₂ ca₂lē₃ quian'₅₄ Pe₄. ¹⁹ Jaun₂ Herodes ca₂chein₃ dsa₂ dsi₃'niog'₂. La₁ia₁ tsá₃ ma₃ca₂dsáu'₂. Jaun₂ jme₁ca₂caun₂ jág₁ dsau₅ quió'₅ 'lióg₂ i₂jme₁jmo₅ 'i₁ 'éi₂, ca₂jmo₃ 'éi'₃ ca₂jme₃dsiog₅ dsa₂. Cang₂ jaun₂, ca₂o₃'ín₃ Herodes 'uē₃ Judea, jaun₂ ca₂ñó₃ ca₂i₁gua₂ Cesarea.

Ca₂jon₃ Herodes

²⁰ Jme₁'ne₂ Herodes quian'₅₄ dsa₂ i₂jme₁tián'₄ Tiro quian'₅₄ Sidón. La₁ dsa₂ 'éi₂ né₃ ca₂jmo₃ caun₂ jág₁ ca₂i₁lein₅₄ ca₂jme₁jniai₂₃ ne₅₄. Ca₂jme₃'uáin₂ dsí₅ jan₂ i₂chen₂ Blasto a₂jmo₃ dse₃ dsí₅. Jme₁lín₄ Blasto jan₂ dsi₂tan₅₄ juin'₂ quián₅ Rag₅₄ Herodes. Ca₂nau₂ ne₄ jág₁, ca₂mi₃ dsian₅ mi'₅₄. Ia₁ juig₂ go₄ rag₅₄ bá₄ jme₁rau₂ a₂gué'₅ dsa₂ chan₂ Tiro quian'₅₄ Sidón. ²¹ Herodes né₃ ca₂tē₃, ca₂tióng₃ caun₂ jmi₄ a₂chi₁jñiog₂₃ dsi₁lén₂ dsa₂. Jme₁ca₂tē₂ jmi₄ jaun₂, ca₂quí'₂ Herodes tsin'₅₄ a₂rē₂lín₅₄ a₂lín₅ rag₅₄, jaun₂ ca₂i₁gua₂ ne₄ ne₄ta₁ quió'₅, jaun₂ ca₂ton₃ jág₁. ²² Jaun₂ ca₂jme₃lióg₃ dsa₂ juig₂ qui₂ca₂guió'₃ ca₂juá'₂:

—j₂juá'₂ nē₅, on₃juá'₅₄ dsa₂ mi₂güig₃! Jan₂ diú₄ bá₄ nē₅.

²³ Co₂tan₅₄ dsi₂juí₅ le₂jaun₂ ca₂jmo₃ ángel i₂chen₄ quián₅ Te₁gui'₅₄ a₂ca₂rē₃dso'₅₄ Herodes, ia₁ ca₂cuē₃ jmi₄ a₂jme₃juag'₂ dsa₂ 'ñiog₅, 'nió'₄ a₂jme₁jme₃juin'₂ Diú₄. Ca₂join₃ bá₄ jaun₂ né₃, ca₂dsó'₃ i₁ja'₅₄ quió'₅.

²⁴ La₁ jág₁ dse₃ quió'₅ Te₁gui'₅₄ né₃ caun₂ ca₂i₃'ág₃ bá₄, qui₂ca₂'é₂ dsa₂ 'lióng₂ juig₂.

²⁵ Jme₁ca₂lē₃ ta₁ jaun₂ quió'₅ Bernabé quian'₅₄ Saulo, jaun₂ ca₂'uün₂ Jerusalén ca₂i₃lein₃† jñiai₂₃ i₂jme₁chen₂ Juan₅₄ i₂jme₁té'₂ dsa₂ Marcos ján₃.

13

Ca₂jme₃lióg₃ Bernabé quian'₅₄ Saulo ca₂jmo₃ ta₁ a₂'é₂ jág₁ dse₃

¹ Co₂nió'₃ dsa₂ i₂én₂ jág₁ quió'₅ Jesús, i₂jme₁tián'₄ juig₂ Antioquía, jme₁chan₂ dsa₂ i₂jme₁'é₂ jág₁ quiáin₅, tē₅ né₃, juí₁lia'₂ Bernabé quian'₅₄ Si₂mu₅₄ (i₂té'₂ dsa₂ dsa₂ lia'₂); Lucio i₂chan₂ Cirene; Manaén né₃ (i₂co₂lē₅ ca₂can'₅₄ quian'₅₄ Herodes i₂lín₅ dsi₄má'₂ 'uē₃ Galilea);* quian'₅₄ Saulo né₃. ² Co₂ráun₂ tioin'₅₄ le₁ñi'₂ jme₂juin'₂ Te₁gui'₅₄, a₂jme₂'iin₅₄, jaun₂ ca₂juá'₂ Jme₂dsí₂ Jñió₅:

—Con'₂ chén'₂ 'nia'₂ Bernabé quian'₅₄ Saulo, ia₁jaun₂ dsi₃jmó₂ ta₁ a₂ma₂té₃ jniá₂ jmo₃.

³ Jaun₂ jme₁ca₂lē₃ chi₂lén'₂ Diú₄, a₂jme₂'iin₅₄ né₃, qui₂ca₂quiog₂ gu₂ ne₄ quió'₅ dsa₂ 'éi₂, jaun₂ gué₄ qui₂ca₂'ág'₃ jág₁ riin'₅₄.

Dsa₂ i₂chen₄ quián₅ Jesús 'é₂ jág₁ tē₂ Chipre

* 12:17 o₃, Santiago. Rin'₅₄ Jesús. I₂sián'₂ bá₄ Jacobo rin'₅₄ Juan₅₄ (ja₁ñi'₅₄ Zebedeo) i₂ca₂jrag'₃ Herodes, Hechos 12:1. † 12:25 A₂lín₅₄ chog₅₄ si₂: “jaun₂ ca₂i₃lein₃ Jerusalén.”

* 13:1 griego: Herodes tetrarca.

⁴ Jaun₂ ca₂chei₃ Jme₂dsí₂ Jñi₃o₅ ca₂chein₃ Bernabé quian'₅₄ Saulo a₂ca₂i₃lén₂ jui₅ Seleucia. Ja₁jaun₂ ca₂tóin'₂ ni₁barco a₂ca₂i₃lén₂ caun₂ 'uë₃ a₂nio₅ jë₄ jmi₁ñi'₄, ja₁chei₂ Chipre. ⁵ Jme₁ca₂dsi₃lén₂ ja₁jaun₂, caun₂ juig₂ a₂nio₅ chei'₅₄ jmi₁ñi'₄ ja₁té'₂ dsa₂ Salamina, ja₁jaun₂ ca₂jme₃lióg₃ qui₂ca₂'é'₃ dsa₂ jág₁ dse₃ quió'₅ Te₁gui'₅₄ dsi₂néi₂ guá'₅ sinagogas quió'₅ dsa₂ judíos. Jme₁quian'₅₄ bá₄ Juan₅₄ ján₃ i₂lín₅ dsa₂ i₂jme₂'o₅₄ quió'₅.

⁶ Ca₂i₁nioi₂ ta₁caun₂ 'uë₃ jaun₂, ca₂dsi₃lén₂ caun₂ juig₂ ja₁té'₂ dsa₂ Pafos. Ja₁jaun₂ ca₂jein'₂ jan₂ dsa₂ judío, jan₂ dsa₂ i₂chan₂ dsí₅, i₂tin₂ jág₁ të₂jág₁, a₂jme₁jme₂gain₂₃ dsa₂ a₂juá'₂ a₂lín₅ jan₂ i₂'é₂ jág₁ quián₅ Diú₄. Dsa₂ 'éi₂ jme₁té'₂ dsa₂ Barjesús.† ⁷ Jme₁ quian'₅₄ dsi₄má'₂ i₂chen₂ Sergio Paulo. Dsi₄má'₂ 'éi₂ jme₁lín₄ jan₂ dsa₂ i₂nio₅ dsi₄ 'ñio₅ lín₃. Co₂ráun₂ ca₂té'₃ Bernabé quian'₅₄ Saulo, ia₁ a₂'nio₃ nag₃ jág₁ dse₃ quió'₅ Diú₄. ⁸ La₁ Barjesús 'éi₂ né₃, i₂té'₂ dsa₂ Elimas ján₃, tsá₃ jme₁'nio₃ a₂le₃'én₂ dsi₄má'₂. Jaun₂ jme₁jné₅ jui₅. ⁹ Jaun₂ Saulo, i₂té'₂ dsa₂ Pablo ján₃, rë₂rín₅ Jme₂dsí₂ Jñi₃o₅ të₂dsí₅, ca₂jñin₂ tiá₂ dsa₂ 'éi₂, ¹⁰ jaun₂ ca₂juá'₂:

—i'Ne₂ dsa₂ të₂jág₁, dsa₂ quián₅ i₂së₃dsen₃, i₂'io'₅₄ ca₂le₃jé₃ cosa dse₃! ¿'E₂ lë₃ qui₁jñig'₄ jui₅ co₂dsau₅ quió'₅ Te₁gui'₅₄? ¹¹ Të₂në₃ cón'₅ 'é₂ Te₁gui'₅₄ jmi₁uig₅ quiáng'₂, co₂dsia₅ téng'₂, co₂'na₂ tsá₃ ma₃lë₂ jag'₅₄ si₂ quió'₅ 'iog₂.

Dsi₂jui₅ jaun₂ ca₂téin₂ co₂dsia₅, qui₁né'₃ ca₂jén'₃. Jaun₂ jme₁'nai'₂ jan₂ i₂të₂ tsán'₂ gu₂. ¹² Jme₁ca₂jág₃ gui'₅₄ dsi₄má'₂ a₂ca₂lë₃ jaun₂, ca₂rë₃'éin₂ ca₂nág₂ dsi₂gó'₃ dsí₅ jág₁ dse₃ quió'₅ Te₁gui'₅₄.

*Pablo quian'*₅₄ Bernabé tioen'₅₄ Antioquía ja₁tén₄ Pisidia

¹³ Ca₂'í₃ Pablo quian'₅₄ riin'₅₄ 'ñi₃o₅ ni₁barco juig₂ Pafos, ca₂i₃lén₂ jui₅ Perge, juig₂ tén₅ 'uë₃ Panfilia. Ca₂tén₂ Juan₅₄ riin'₅₄ ja₁jaun₂, jaun₂ ca₂ñái'₃ jui₅ Jerusalén. ¹⁴ Ca₂'uin₂ riin'₅₄ Perge ca₂dsi₃lén₂ táng₃ Antioquía, juig₂ tén₅ 'uë₃ Pisidia. Jaun₂ ca₂i₃toin'₅₄ guá'₅ sinagoga caun₂ jmi₄g₄ sa₅₄, jaun₂ ca₂tián'₂ dsi₂néi₂. ¹⁵ Jme₁ma₂ca₂lë₃ 'i₅ dsa₂ Si₂ 'Éi'₃ quió'₅ Diú₄ quian'₅₄ Si₂ a₂ca₂jmo₃ dsa₂ i₂jme₁'é₂ jág₁ ma₂líg'₂ né₃, jaun₂ ca₂chen₃ jág₁ dsa₂ can'₅₄ quián₅ guá'₅ sinagoga, ca₂juá'₂:

—Rin'₅₄ jniog₄, chi₂jua'₂ cha₂ jág₁ dse₃ quián'₂ 'nia'₂ a₂cuë'₅₄ dsa₂, lé₂ bá₄ jua'₅₄ 'nia'₂.

¹⁶ Jaun₂ ca₂nau₂ Pa₄ ca₂jmo₃ léi₄ quian'₅₄ gu₂ a₂mí₂₃ a₂jmo₃ dsa₂ tei₄, jaun₂ ca₂juá'₂:

—Nei₂ 'nia'₂ dsa₂ israelitas, 'nia'₂ gué₄ dsa₂ sián'₂ i₂gan₃ Diú₄: ¹⁷ Diú₄ quián₂ jniog₄ dsa₂ lág₅ juig₂ Israel ca₂quióin'₂ dsa₂ can'₅₄ quián₂ jniog₄ ma₂líg'₂. Ca₂jmo₃ Diú₄ ca₂i₃juín₂ dsa₂ 'éi₂ lia'₂ con'₂ jme₁tián'₄ 'uë₃ Egipto a₂lín₅ dsi₂nau₂. Cang₂ jaun₂ ca₂lë₃ caun₂ juig₂ pa₁. Diú₄ né₃ ca₂lió₂ quian'₅₄ bí₂ quió'₅, ca₂'uág'₂ 'uë₃ jaun₂. ¹⁸ Ca₂jme₃juin'₂ Diú₄ dsí₅ quiong'₅₄† të₂láu₃ ñi₂ të₂lia'₂ jme₁i₂nioi₅₄ gua'₅₄ quein₂, ¹⁹ ca₂'éin₂ guio₃ juig₂ go₄ dsa₂ i₂jme₁tián'₄ 'uë₃ Cana'án, 'uë₃ jaun₂ né₃ ca₂cué'₃ dsa₂ can'₅₄ quián₂ jniog₄ i₂jme₁chan₂ ma₂líg'₂.

²⁰ Cang₂ jaun₂ ca₂dsin₃ con'₂ quén₂ 'ñiá₂-láu₂ rë₂dsí₂ të₂láu₃-guiá₂ (450) ñi₂, ca₂qui₃dsí₅ Diú₄ 'éi'₃ jin₄ dsa₂ 'éi₂ të₂le₃ quian'₅₄ jué₄ ca₂lia'₂ ca₂té₂ jmi₄g₄ a₂ca₂rë₃chán₃ Samuel i₂qui₂ca₂'é₂ jág₁ quió'₅ Diú₄ cang₂ jaun₂. ²¹ Jaun₂ ca₂mii₃ jan₂ rag₅₄. Jaun₂ Diú₄ né₃ ca₂cuin₃ Saúl ja₁ñi'₅₄ Cis, tsí₁jon₂ Benjamín; ca₂jmo₃ 'éi'₃ con'₂ të₂láu₃ ñi₂. ²² Cang₂ jaun₂ ca₂jñiá'₂ Diú₄ ta₁ quió'₅ Saúl a₂jme₁lín₄. Jaun₂ David bá₄ ca₂chein'₃ ca₂lín₃ rag₅₄. Jaun₂ ca₂juá'₂ Diú₄ 'iin₂₃ Rag₅₄ David: “Ca₂dsó'₂ jniá₂ ja₁con₂ David ja₁ñi'₅₄ Isaí, a₂lín₅ jan₂ dsa₂ i₂lé₅ dsí₅ lia'₂ lé₅ dsi₃ jniá₂, jan₂ dsa₂ i₂jmo₃ a₂'ñio₂ dsi₃.”

²³ Jaun₂ né₃ rin'₅₄ jniog₄, jan₂ chi'₂ dsio₄ David 'éi₂ bá₄ lín₅ Jesús i₂ca₂chen₃ Diú₄ a₂lióin₂ dsa₂ juig₂ Israel lia'₂ con'₂ lé₅ jág₁ quió'₅ ma₂cué₃ le₂jñiá₅. ²⁴ Né'₃ a₂guán₂ Jesús, ca₂'é₂ Juan₅₄ jág₁ ca₂tsí'₃ ca₂le₃jín₃ dsa₂ Israel a₂'nió'₅ qui₃choin₃ jmi₄g₂, dsi₃quén'₅ dsí₅ né₃.

† 13:6 Barjesús: a₂jein₅ jág₁ “ja₁ñi'₅₄ Jesús” quian'₅₄ jág₁ jmei₅ arameo. ‡ 13:18 A₂lín₅₄ chog₅₄ si₂juá'₂: “ca₂jmo₃ Diú₄ 'í₁ quió'₅.”

²⁵Jaun₂ ca₂juá'₂ Juan₅₄ jme₁ja₂quián₃ jóin₂: “On₃jua'₅₄ 'éi₂jniá₂jui₁lia'₂ dsi₂jio₅ 'au'₂ 'nia'₂ lín₅ jniá₂. La₁ i₂já₅ chi₁co'₅₄ quió₃ né₃, 'éi₂ bá₄ i₂'uan'₂ gué₄ lia'₂ con'₂ gué₄ jniá₂, ca₂lia'₂ jnia'₅₄ lau₂ ton₅ tag₅₄ bá₄ tsá₃ ca₂tíng₂ tsi'₅₄ quió'₅.”§

²⁶Rin'₅₄ jnio₄, ca₂le₃jín'₃ gué₄ 'nia'₂ i₂lín₅ chi'₂ dsio₄ Abraham, quian'₅₄ ca₂le₃jín₃ gué₄ 'ein₂ chan₂ quián'₂ 'nia'₂ i₂jme₂gan₃ Diú₄: a₂quián'₂ 'nia'₂ bá₄ jág₁ dse₃ la₂ a₂ca₂'é₂ Diú₄ a₂lión₂ dsa₂. ²⁷Dsa₂ i₂jme₁tián'₄ Jerusalén quian'₅₄ dsa₂ can'₅₄ quián₅, tsá₃ ca₂rē₃ñi₅ 'ein₂ 'éi₂ jme₁chen₂ Jesús, on₃ gué₄ ca₂rē₃ñi₁'₂ jág₁ a₂qui₂ca₂'é₂ dsa₂ i₂chen₄ quián₅ Diú₄ le₂jñiá₅. Jaun₂ lē₃, jág₁ jaun₂ a₂'i₂₃ ne₄ Si₂ ca₂le₃jé₃ jmi₄g₄ sa₅₄ ca₂jme₃ti₃ guioin₅₄ jme₁ca₂jmo₃ 'éi'₃ a₂jñi₁'₃ Jesús. ²⁸I₁caun₂ dsáu₁, Jesús tsá₃ 'e₂ ca₂dsó'₂ dsa₂ jua'₅₄ a₂'i₄ 'éi'₃ a₂jñag'₃, la₁ tion₅₄ bá₄ ca₂mi₃ dsa₂ jág₁ ne₄ Pilato a₂jmo₃ 'éi₂ 'éi'₃ a₂jñag'₃. ²⁹Jaun₂ né₃ jme₁ma₂lē₅ 'a₂ con'₂ lē₅ juá'₂ ne₄ Si₂ quió'₅ Diú₄ a₂'iin₂₃ Jesús, jaun₂ ca₂sió₂ dsa₂ ne₄ cróg₄, jaun₂ ca₂i₁'ó₄. ³⁰La₁ Diú₄ né₃, ca₂jme₃jein'₅₄ táng₃ jin₄ 'lag₄. ³¹Lióng₂ jmi₄g₄ bá₄ qui₂ca₂jme₃jnia₅ Jesús ne₄ dsa₂ i₂jme₁quiain'₅₄ lia'₂ con'₂ jme₁ca₂ñó₃ tē₂ Galilea ca₂dsió₃ tē₂ Jerusalén. Jaun₂ né₃ dsa₂ 'éi₂ bá₄ i₂jáng'₅ jág₁ dsau₅ tsí'₅ dsa₂ rē₂né₃.

³²Jaun₂ le₂nē₅ bá₄ a₂cuē₂ jnia'₅₄ jág₁ dse₃ 'nia'₂, jág₁ a₂ca₂cuē₃ Diú₄ ca₂cuē'₃ dsa₂ quián₂ jnio₄ ma₂líg'₂ jaun₂, ³³ma₂ca₂rē₃ti'₅₄ Diú₄ ja₁con₂ jnio₄ i₂lág₅ chi'₂-guein₂ quián₅ dsa₂ 'éi₂, jme₁ca₂jme₃jein'₅₄ Jesús con'₂ lē₅ jág₁ tio'₅₄ jē₁ca₂tē₂ tin₃ Salmo, a₂juá'₂:

'Ne₂ líng'₅ jón₃ quiáng₃;

jmi₄g₄ nē₃, ca₂lín₃ jniá₂ ñéi'₅ 'ne₂.*

³⁴'Ca₂juá'₂ Diú₄ le₂jñiá₅ a₂jme₃jein'₅₄ jin₄ 'lag₄ ia₁jaun₂ tsá₃ dsi₃'én₂ quió'₅. Jui₁lia'₂ juá'₂ ne₄ Si₂ quió'₅ Diú₄:

Ján₃ bá₄ cué₄ jniá₂ 'nia'₂

ca₂le₃jé₃ 'e₂ cosa dse₃

a₂jme₁ti₁ jág₁ quió₃ a₂ca₂cuē₃ David.†

³⁵Jaun₂ lē₃, ján₃ gué'₂ juá'₂ ne₄ Si₂ Salmos ja₁siá'₂ táng₃:

Tsá₃ cué'₁ jmi₄g₄

a₂dsi₃guí'₂ quió'₅ dsa₂ jñi₅ 'éi₂ quiáng'₂

i₂jme₂ti₃ ta₁ ne'₅₄.‡

³⁶David né₃ ca₂jme₃ti₃ bá₄ jág₁ ne₄ dsa₂ quián₅ tē₁lia'₂ ca₂rē₃cháin₃ jmi₄g₄ jaun₂, jui₁lia'₂ 'éi'₃ ca₂juá'₂ Diú₄. La₁ ca₂jon₃ bá₄ David né₃, jaun₂ ca₂i₁'ó₄ dsa₂ ja₁le₁on₅ dsa₂ can'₅₄ quián₅, ca₂siá'₃ bá₄ ni₁ñi₁ 'éi₂ né₃. ³⁷La₁ ni₁ñi₁ Jesús né₃, i₂ca₂jme₃jen'₅₄ Diú₄, tsá₃ 'e₂ ca₂'en₃.

³⁸Jaun₂ né₃ rin'₅₄ jnio₄, tion₅₄ 'nió'₅ le₃ñi'₅₄ 'nia'₂ jág₁ a₂'é₅ jniá₂: tē₂le₃ quian'₅₄ Jesús bá₄ dsón'₂ 'én₂ dsáu'₂ 'nia'₂. ³⁹Tē₂le₃ quian'₅₄ 'éi₂, ca₂le₃jín₃ i₂'én₂ tē₂le₃ quió'₅, rē₂'én₄ ca₂le₃jé₃ dsáu₁ a₂tsá₃ o₂'én₂ dso₄ cha₂ quián'₂ 'nia'₂ tē₂le₃ quian'₅₄ 'Éi'₃ quió'₅ Moisés. ⁴⁰'Í₁ jmo₄ 'nia'₂, ia₁jaun₂ tsá₃ dsi₃ñi'₂ 'nia'₂ jui₁lia'₂ juá'₂ dsa₂ i₂jme₁'é₂ jág₁ quián₅ Diú₄, jme₁ca₂juá'₂ ne₄ Si₂:

⁴¹Jag₄ 'nia'₂ dsa₂ i₂táun₂ 'líg'₅₄,

jui₁dsi₂gó'₃ 'au'₂, jui₁dsian'₂ 'nia'₂.

Ia₁ jniá₂ i₂lín₅ Diú₄ jmo₅₄ léi₄ jué'₂

jmi₄g₄ tē₁lia'₂ chan'₂ 'nia'₂.

La₁ léi₄ jaun₂, 'i₁jan'₂ 'nia'₂ tsá₃ le₃'én₂,

o₁jñia'₅₄ 'a₂ gué'₂ lia'₂ chan₂ i₂dsia₃.§

⁴²Jme₁ca₂o₃'ín₃ Pa₄ quiain'₅₄ riin'₅₄ guá'₅ sinagoga quió'₅ dsa₂ judíos, jaun₂ ca₂mi₃ dsa₂* a₂ja₃lén₂ táng₃ 'éi₂ jmi₄g₄ sa₅₄ caun₂ a₂ja₃'é₂ jág₁ jaun₂. ⁴³Jme₁ca₂dsan₃ le₁ñi'₂ dsa₂ dsi₂néi₂

§ 13:25 Mateo 3:11. * 13:33 Salmo 2:7. † 13:34 Isaías 55:3. ‡ 13:35 Salmo 16:10. § 13:41 Habacuc 1:5.

* 13:42 A₂lín₅₄ chog₅₄ si₂: “ca₂mi₃ dsi₂nau₂.”

guá'5, jaun2 juin5 lin3 dsa2 judíos quian'54 dsa2 i2ma2gue3 i2ma2tión2 tiá2 juá'5 quió'5 dsa2 judíos, ca2'ein3 Pa4 quiaín'54 Bernabé, ca2jme3quiong'54. Jaun2 ca2juá'2 dsa2 i2chen4 quián5 Jesús 'éi2 ca2tsí'3 dsa2 ca2cué'3 bí2 a2tion54 'nió'5 tsán'2 tiá2 jág1 dse3 quió'5 Diú4 i2'ua1 dsí5.

⁴⁴ Caun2 semana cang2 jaun2, jme1ca2té2 táng3 jmig4 sa54, jaun2 qui2ca2ñi'2 mei'2 tsá3 ca2le3jín3 dsa2 juig2 a2ca2o3néi3 jág1 quió'5 Diú4. ⁴⁵ La1 jme1ca2jág3 dsa2 judíos juin5 lin3 dsa2 tion'54, jaun2 ca2rë3'néi3 a2dsí'5 'ñio5 lin3, të2le3 jen5 bá4 qui2ca2ñag3 jág1 a2juá'2 Pa4, qui2ca2jnáu'2 jág1 uig5 né3.

⁴⁶ Jaun2 ca2juá'2 Pa4 quian'54 Bernabé, ca2dsia3 tiá2 dsí5 ca2tsí'3 dsa2:

—Tion54 'nió'5 ñiá5 de'2 jin'4 'nia'2 con'2 dsa2 i2lín5 judíos, ca2tág2 ñia'54 'é4 jág1 dse3 quió'5 Diú4. La1 tsá3 gué'2 'niog'2 'nia'2 gué'1, jaun2 ma2léi4 bá4 a2tsá3 lé2 tín'4 'nia'2 guei'54 i2juíg3. Jaun2 lë3, dsi1náu4 ñia'54 ja1con2 dsi2nau2. ⁴⁷ Ia1 le2në5 bá4 'éi'3 ca2cuë3 Te1gui'54 jme1ca2juá'2:

Jui1lia'2 si2 bá4 lín'5 'ne2

i2ca2dsiáng3 quió'5 dsi2nau2,

ia1jaun2 'ë'54 dsa2 chan2 ta1caun2 mi2güig3

jui5 ja1tín'4 dsa2.†

⁴⁸ Jme1ca2nág2 dsi2nau2 jág1 në5, qui2ca2jmo3 'io'2, qui2ca2dsia3, dsón'2 bá4 dse3 jág1 quió'5 Te1gui'54. Jaun2 ca2rë3'én2 ca2le3jín3 i2con'2 'i4 'éi'3 tín'4 ja1le3chain2 co2tan54.

⁴⁹ Jaun2 le2në5 ca2l3'ág3 jág1 dse3 quió'5 Te1gui'54 ta1caun2 'uë3 jaun2. ⁵⁰ La1 dsa2 judíos né3 ca2jmo3 jág1 quian'54 i2lín54 'io54 dsen3 i2jme2go3 dsa2 juig2, quian'54 i2lín54 dsa2 can'54 né3, ia1jaun2 jme3'iog54 jme3'ñiai54 Pa4 quiaín'54 Bernabé. Jaun2 le2në5 bá4 ca2jme3lióg3 ca2jmo3 jág1 a2qui2ca2co3'ein3 Pa4 quiaín'54 Bernabé ca2lia'2 ca2'uin2 'éi2 juig2 jaun2. ⁵¹ Jaun2 'éi2 né3 qui2ca2séi'2 'liog2 mi2tag54.‡ Ca2'uin2 bá4 jaun2, ca2i3léin2 jui5 Iconio. ⁵² La1 ca2le3jín3 dsa2 i2ca2rë3'én2 né3, 'io'2 jmo23, rë2rin5 Jme2dsí2 ñiós të2dsí5.

14

Pablo quian'54 Bernabé tioen'54 juig2 Iconio

¹ Ca2'í3 Pablo co2lë5 quian'54 Bernabé dsi2néi2 guá'5 sinagoga quió'5 dsa2 judíos juig2 Iconio. Ja1jaun2 ca2jme3tiin23 táng3 dsa2 jág1 dse3 quió'5 Diú4. Juin5 bá4 dsa2 ca2rë3'én2, lia'2 dsa2 judíos lia'2 dsi2nau2 né3. ² La1 dsa2 judíos i2tsá3 'én2 né3, ca2tsí'3 dsi2nau2 a2chi3'iin3 'lig'54 dsa2 i2'én2. ³ Jaun2 lë3, ué2 bá4 ca2'í3 Pa4 quiaín'54 Bernabé. Ca2dsia3 tiá2 dsí5 quian'54 bí2 quió'5 Te1gui'54, qui2ca2'é2 jág1; jaun2 Diú4 né3 ca2cuë3 bí2 ca2jmo3 'éi2 léi4 jué'2 a2dsi3gó'3 dsi5, ia1jaun2 le3lí'4 dsa2, jág1 dsau5 a2dse3 dsí5 Diú4 bá4 'é2 'éi2. ⁴ La1 dsa2 juig2 'éi2 jme1lé4 le1dson'54 i2jme1tión2 le3quió'5 dsa2 judíos, i2jme1tión2 le3quió'5 dsa2 i2chen4 quián5 Jesús 'éi2 né3.

⁵ Jaun2 ca2jmo3 caun2 jág1 dsa2 judíos quiaín'54 dsi2nau2, quian'54 dsi2tan54, a2tsí'3 jág1 uig5 dsa2 'éi2, a2qui3jnáu'2 cang4 né3. ⁶ La1 jme1ca2rë3ñi5 Pa4 quian'54 Bernabé, ca2cuing3 jui5 Listra, jui5 Derbe né3, tin3 juig2 ja1tén4 Licaonia, ca2i1nioi12 le2tan54 'uë3 jaun2, ⁷ qui2jme2tiin23 dsa2 jág1 dse3 a2lión2 dsa2.

Ca2cuë3 dsa2 cang4 ca2cué'3 Pablo juig2 Listra

⁸ Juig2 Listra jme1chan2 jan2 dsa2 i2tsá3 lé2 ñi3. Lia'2 jaun2 lín5, lia'2 con'2 jme1ca2rë3cháin3, guá5 ja1jaun2, 'i1cón'2 tsá3 ma2ca2ñi3 ca2le3jé3 jmig4 a2chain2. ⁹ Ca2nág2 dsa2 'éi2 jág1 a2ca2dsia3 Pa4. Jaun2 Pa4 né3 ca2jág3 tiá2 ca2jín2 dsa2 'éi2, jaun2 ca2rë3lí'4 Pa4 a2'én2 dsa2 'éi2 a2lé2 'lióin2. ¹⁰ Jaun2 ca2juá'2 tiá2 ca2tsí'3 dsa2 'éi2:

† 13:47 Isafas 49:6. ‡ 13:51 Co2'nió'4 a2ca2jmo3 léi4, guion54 bá4 dsa2 juig2 ma2rë2cáin'4 ia1 tsá3 ca2gue3 jág1 quió'5 Diú4. 'Nio'2 ja1ton5 Marcos 6:11, Lucas 9:5, 10:11, Hechos 18:6.

—Rë₂ nau₂. Co₂dsau₅ chí'₂ mi₂tag'₅₄.

Jaun₂ dsi₂jui₅ ca₂ráu₂ ca₂nau₂ dsa₂ 'éi₂, ca₂jme₃lióg₃ ca₂ñi₃. ¹¹ Jme₁ca₂jág₃ dsa₂ a₂ca₂jmo₃ Pa₄ jaun₂, ca₂tóin'₂ co₂mi'₅₄, ca₂guió'₃ quian'₅₄ jág₁ jmei₅ quió'₅ dsa₂ chan₂ Licaonia, ca₂juá'₂:

—jDiú₄ i₂lín₅ dsa₂ ca₂sión₃ jë₄ quián₂ jniog₄!

¹² Juá'₂ dsa₂ a₂lín₅ Bernabé diú₄ Júpiter, Pa₄ gué'₂ lín₅ diú₄ Mercurio* ia₁ 'éi₂ bá₄ i₂juá'₂ gué'₄ jág₁. ¹³ Jaun₂ jme₁chí'₄ guá'₅ quió'₅ diú₄ Júpiter ja₁dsi₁lén₂ dsa₂ juig₂ jaun₂. Dsa₂ i₂lín₅ jme₂dsa₂ quián₅ Júpiter ca₂dsióg₃ quian'₅₄ juin₅ dsa₂ le₁jñiai₂₃ ca₁jui₅ le₁quian₅ lí₁ né₃, a₂jme₁'nio₃ jme₃dsiain₂₃ ca₁jui₅ a₂jme₁jéin'₂ ne₄ Pa₄ quian'₅₄ Bernabé. ¹⁴ La₁ jme₁ca₂rë₃lí'₄ Pa₄ quian'₅₄ Bernabé i₂chen₄ quián₅ Jesús, a₂ma₂tion'₅₄ dsa₂ jmo₂₃ le₂jaun₂, jaun₂ ca₂jme₃lióg₃ ca₂gág₃ tsin'₅₄. † Jaun₂ ca₂tóin'₂ jin₄ dsa₂ ca₂guió'₃ ca₂juá'₂:

¹⁵ —jNei₂ 'nia'₂! ¿'E₂ lë₃ jmo'₂ 'nia'₂ le₂në₅? Dsa₂ mi₂güig₃ bá₄ jnia'₅₄, jui₁lia'₂ 'nia'₂. A₂le₁quian₁ jág₁ dse₃ bá₄ jnia'₅₄ ja₂náu₅, a₂chei₅₄ 'nia'₂ a₂jñiá'₄ 'nia'₂ ca₂le₃jé₃ a₂në₅ a₂tsá₃ 'e₂ ta₁ tí₄, a₂jen'₅₄ 'nia'₂ tē₂le₃ quió'₅ Diú₄ jén'₃ i₂ca₂jmo₃ guei'₅₄ i₂juig₃, gua'₅₄ 'uë₃, jmi₁ñi'₄ né₃, ca₂le₃jé₃ gué'₄ 'e₂ a₂cha₂ ja₁jaun₂. ¹⁶ 'ñiog₅ Diú₄ ca₂cuë₃ jmig₄ ma₂líg'₂ ca₂cué'₃ ca₂le₃jín₃ dsa₂ chan₂ gua'₅₄ 'uë₃ a₂jmo₃ con'₂ lé₂ dsí₅ guioin₅₄. ¹⁷ La₁ Diú₄ ca₂'é'₃ dsa₂ 'ein₂ lín₅, ca₂jmo₃ bá₄ léi₄ tē₂le₃ quian'₅₄ ca₂le₃jé₃ a₂dse₃ a₂qui₂ca₂jmo₃. 'Éi₂ bá₄ jmo₅ a₂tang₂ jmí₅ ia₁jaun₂ qui₃ráu₃ ca₂le₃jé₃ a₂qui₂gué'₃ dsa₂. 'Éi₂ bá₄ jmo₅ a₂le₁'ág₄ dse₃ dsí₅ dsa₂.

¹⁸ Ja₂lag₃ le₂jaun₂ bá₄ ca₂tió'₃ ca₂jme₃'uáin₂ dsí₅ dsa₂, a₂tsá₃ ma₃qui₃jéin'₂ já'₂ ne₅₄.

¹⁹ Jaun₂ ca₂dsi₃lén₂ i₂lín₅₄ dsa₂ judíos i₂chan₂ Antioquía, quian'₅₄ i₂chan₂ Iconio, qui₂ca₂toin'₂ jág₁ dsa₂, ca₂jmo₃ jág₁. Jaun₂ ca₂cué'₃ cang₄ Pa₄, ca₂tsi₂cuang'₂ tē₂'ni'₂ juig₂, a₂ma₂në₂jñag'₃ bá₄ lín₂. ²⁰ La₁ jme₁ca₂ñi'₂ dsa₂ i₂'én₂ riin'₅₄ ja₁rë₂quian₂₃, ca₂nau₂ Pa₄, ca₂ñó₃ táng₃ jui₅ jë₄ juig₂. Jme₁jnia₃ jaun₂ gué'₄, ca₂o₃'ín₃ juig₂ jaun₂ quian'₅₄ Bernabé, ca₂l₃lén₂ jui₅ Derbe.

²¹ Juin₅ dsa₂ chan₂ juig₂ Derbe ca₂rë₃'éin₂ jme₁ca₂nág₂ ca₂'é₂ dsa₂ 'éi₂ jág₁ dse₃ a₂tín'₄ dsa₂. Jaun₂ ca₂'uüin₂ ja₁jaun₂, ca₂i₃lén₂ táng₃ jui₅ Listra, jui₅ Iconio né₃, a₂ca₂dsi₃lén₂ táng₃ Antioquía. ²² Le₂tan₅₄ juig₂ ja₁jaun₂ qui₂ca₂cué'₃ bí₂ dsa₂ i₂'én₂. Qui₂ca₂toin'₂ jág₁ dsa₂ a₂'nió'₅ tsán'₂ dsa₂ tiá₂ jág₁ dse₃. Ca₂juá'₂:

—Tion₅₄ 'nió'₅ ñag'₅₄ de'₂ 'nia'₂ jmi₁uig₅ mi₂güig₃ la₂, né'₃ gué'₄ a₂dsi₁no'₃ 'nia'₂ ja₁gon₂ Diú₄.

²³ Ján₃ bá₄ ca₂'in₃ dsa₂ dsa₂ can'₅₄ ‡ lia'₂ caun₂ guá'₅. Jaun₂ cang₂ jme₁ca₂lë₃ chi₂lén'₂ dsa₂ Diú₄, a₂jme₂'iin₅₄ né₃, ca₂dsiain₃ riin'₅₄ i₂'én₂ 'éi₂ o₄gú₃ Te₁gui'₅₄, ia₁ tē₂le₃ quió'₅ Te₁gui'₅₄ bá₄ ma₂'én₂ dsa₂.

Pa₄ quian'₅₄ Bernabé ca₂i₃lein₃ táng₃ Antioquía ja₁tén₄ Siria

²⁴ Cang₂ jaun₂ ca₂ñi₃ jui₅ 'uë₃ Pisidia, jaun₂ ca₂dsi₃lén₂ 'uë₃ Panfilia. ²⁵ Qui₂ca₂'é₂ jág₁ juig₂ Perge, jaun₂ ca₂i₃lén₂ juig₂ Atalia. ²⁶ Ja₁jaun₂ ca₂tóin'₂ ni₁barco a₂ca₂i₃lein₃ táng₃ Antioquía, juig₂ ja₁ca₂jáng'₂ dsa₂ riin'₅₄ o₄gú₃ Diú₄ le₂jñiá₅, a₂jmo₃ ta₁, co₂'nió'₄ ta₁ a₂ma₂ca₂lë₃ jmo₂₃. ²⁷ Jme₁ca₂dsi₃lein₃ Antioquía, ca₂ñi₃'i₂ ca₂le₃jín₃ riin'₅₄. Jaun₂ ca₂dsia₃ ca₂le₃jé₃ 'e₂ ca₂jmo₃ Diú₄ quiong'₅₄, 'a₂ lia'₂ ca₂niá₃ Diú₄ jui₅ quió'₅ dsi₂nau₂, ia₁jaun₂ le₃'én₂ 'éi₂ ján₃. ²⁸ Jaun₂ uë'₂ bá₄ ca₂'í₃ Pa₄ ja₁jaun₂, Bernabé né₃ quian'₅₄ dsa₂ i₂'én₂.

15

Ca₂ñi'₂ riin'₅₄ Jerusalén

¹ Jmig₄ jaun₂ i₂lín₅₄ dsa₂ chan₂ Judea ca₂dsi₃lén₂ juig₂ Antioquía, ca₂jme₃lióg₃ ca₂jme₃tiin₂₃ riin'₅₄ ja₁jaun₂, në₁juá'₂ tsá₃ ti₅ dsa₂ ni₁lo₁ dsa₂ ñe'₂ lia'₂ con'₂ lé₅ Si₂ 'Éi'₃

* 14:12 griego: Hermes. † 14:14 ca₂gág₃ tsin'₅₄: le₂jaun₂ jme₁jmo₅ dsa₂ léi₄ chi₂jua'₂ 'e₂ tsá₃ tē₅ dsí₅. ‡ 14:23 griego: presbíteros.

quió'5 Moisés, tsá3 lé2 tiin'4. ² Pablo quian'54 Bernabé ca2tsiin2 'hio5 lin3 quian'54 dsa2 'éi2. Jaun2 ca2'in3 dsa2 Pa4 quian'54 Bernabé, quiaín'54 i2lin54 gué4 dsa2 sián'2 né3, a2dsi3léin2 Jerusalén a2jme3rē3 jág1 jaun2 quiaín'54 dsa2 riin'54 i2chen4* quián5 Jesús quian'54 dsa2 can'54† quián5 dsa2 'én2.

³ Co2nió'3 dsa2 i2'én2 juig2 Antioquía ca2'ág'3 jág1 riin'54 i2ca2'iin3 'éi2, jaun2 'éi2 né3 ca2i1nioi12 'uē3 Fenicia quian'54 'uē3 Samaria. Ja1jaun2 ca2dsia3 'a2 lia'2 ca2rē3'én2 dsi2nau2. Jaun2 lē3, 'hio5 lin3 'io'2 ca2jmo3 dsa2 riin'54 jme1ca2rē3ji5.

⁴ Jme1ca2dsióg3 Pa4 quiaín'54 Bernabé juig2 Jerusalén, ca2guei3 ca2le3jín3 dsa2 'én2 ja1jaun2, dsa2 riin'54 i2chen4 quián5 Jesús, dsa2 can'54 quián5 dsa2 'én2 né3. Jaun2 ca2dsia3 Pa4 quian'54 Bernabé ca2tsí'3 riin'54 'a2 lia'2 ma2jmo3 Diú4 quiong'54.

⁵ La1 qui2ca2nau2 i2lin54 dsa2 fariseos i2ma2'én2, jaun2 ca2juá'2:

—Ca2tín2 dsi2nau2 ti3 dsa2 ni1lo12, jaun2 'nió'5 nag3 a2jme3ti3 Si2 'Éi'3 quió'5 Moisés.

⁶ Jaun2 ca2ñi'2 dsa2 i2chen4 quián5 Jesús, quian'54 dsa2 can'54 né3, ia1jaun2 'no'2 dsí5 'a2 lia'2 jmo3 jui1lia'2 jág1 jaun2. ⁷ Jme1ma2nē2dsia3 jág1 'hio5 lin3, ca2nau2 Pedro jaun2 ca2juá'2:

—Rin'54 jniog4, ñi'54 bá4 'nia'2 jaun2, jniá2 dsa2 i2ca2quiún'2 Diú4 jin'4 'nia'2 ma2i1jáun3, ia1jaun2 cué4 jniá2 jág1 dse3 dsi2nau2, ia1jaun2 le3'én2. ⁸ Jaun2 Diú4 né3, i2cuí'5 dsí5 dsa2, ca2jmo3 léi4 a2guei3 bá4, ca2cuin3 Jme2dsí2 Jñiós quián5, ca2cuin3 dsa2 'éi2 jui1lia'2 ma2cuag3 jniog4. ⁹ Tsá3 jma3quén5 'nio3 Diú4 jniog4 quian'54 dsa2 'éi2, ia1ján3 bá4 ca2rang3 jme2dsí2 quió'5 dsa2 'éi2 ia1 ca2rē3'én2. ¹⁰ Jaun2 né3, ¿'e2 lē3 dsi2jio5 'au'2 'nia'2 a2tsá3 dsau5 a2ma2jmo3 Diú4? ¿'E2 lē3 lín'2 'nia'2 a2tion54 'nió'5 jme3ti3 dsa2 i2'én2 'éi2 Si2 'Éi'3, ton'2 ca2lia'2 jnia'54 dsa2 can'54 quián2 jniog4 tsá3 ca2tió'3 jme3ti3, on3 guē'2 jniog4 tián2 jme1ti1? ¹¹ La1 ne4 jniog4, a2dse3 dsí5 Te1gui'54 Jesús bá4 a2tág'4, co2rē2 quian'54 dsa2 'éi2.

¹² Jaun2 ca2jmo3 dsa2 tei4, jaun2 ca2nág2 tē1lia'2 ca2juá'2 Bernabé quian'54 Pablo ca2le3jé3 léi4 juē'2 a2ma2jmo3 Diú4 tē2le3 quiong'54, jin4 dsi2nau2. ¹³ Jme1ca2dsan3 juá'2 'éi2, jaun2 ca2juá'2 táng3 Jacobo:

—Rin'54 jniog4, nei2 'nia'2 a2juá'4 jniá2: ¹⁴ Ma2nē2dsia3 Si2mu54 Pe4 'a2 lia'2 ca2jmo3 Diú4 dse3 dsí5 jē1le2'ui54 tē2le3 quió'5 dsi2nau2, 'a2 lia'2 ca2quiún'2 ján3 jin4 dsa2 'éi2, co2nió'3 dsa2 i2lén2 dsa2 quiaín5 'hio5. ¹⁵ Le2nē5 bá4 lé5 jág1 quió'5 dsa2 i2jme1'ē2 jág1 quián5 Diú4, jui1lia'2 ca2tión3 ne4 Si2:

¹⁶ Guio54 táng3 cang2, jaun2 jmóg'4 táng3 ne4ta1

quió'5 Rag54 David a2ma2qui'3;

tsi'54 táng3 ni1cang1 a2ma2gon3 quió'5,

¹⁷ ia1jaun2 ca2le3jín3 dsi2nau2 'nai'2 Te1gui'54,

ca2le3jé3 juig2 né3,

dsa2 i2chen2 dsa2 quián5 Diú4.

¹⁸ Le2nē5 bá4 juá'2 Te1gui'54

i2jmo5 ca2le3jé3 a2nē5,

a2ma2cuí'5 dsa2 ca3ma2líg'2.‡

¹⁹ 'Jaun2 né3 lín2 jniá2 —juá'2 Jacobo—, tsá3 dse3 cue54 jniog4 o2me'54 dsi5 dsi2nau2 i2ma2jén'2 tē2le3 quió'5 Diú4. ²⁰ Tió'5 me'2 a2jnia'54 jmó1 jniog4 caun2 si2 a2chei54 jniog4 a2tsá3 ma3gué'3 má3 a2tsá3 dsi2ten54 gué'3 jui1lia'2 a2dsia5 dsa2 ne4 ne4chei2 quió'5 diú4 lag4. Dse3 chei54 jniog4 a2tsá3 nió'3 jág1 quian'54 dsa2 i2tsá3 lín5 dsi2i2gu2, on3 guē'2 gué'3 má3 a2tsá3 dsi2ten54 gué'3 dsa2 judíos, jui1lia'2 já'2 i2güí'5 dsa2 dsi2lag4, on3 guē'2 jmi4 já'2 né3. ²¹ Ia1 ma2líg'2 bá4 ma2tu1ja2lén2 dsa2 qui2'ē2 'Éi'3 Juá'5 quió'5 Moisés le2caun2 le2caun2 juig2, qui2'23 dsi2néi2 guá'5 sinagogas ca2le3jé3 jmig4 sa54.

* 15:2 griego: apóstolous. † 15:2 griego: presbíteros. ‡ 15:18 Amós 9:11-12.

²² Jaun₂ në₃, ca₂të₁gua₁ jág₁ quió'₅ dsa₂ i₂chen₄ quián₅ Jesús, quian'₅₄ dsa₂ can'₅₄, ca₂le₃jín₃ gué'₄ dsa₂ i₂lín₅ guá'₅ a₂iin₃ i₂lín₅₄ jë'₄ quió'₅ riin'₅₄, i₂chein₃ quian'₅₄ Pablo, Bernabé né₃, jui₅ Antioquía. Jaun₂ ca₂'in₃ dsa₂ Judas i₂chen₂ Barsabás ján₃, quian'₅₄ i₂chen₂ Silas i₂lín₅ dsa₂ i₂quian₅ ne₄ jui₅ jë'₄ quió'₅ dsa₂ i₂'én₂. ²³ Jaun₂ quian'₅₄ 'éi₂ ca₂chein₃ si₂ carta a₂juá'₂ le₂la₂:

Jnia'₅₄ con'₂ lág₅ dsa₂ chen₄ quián₅ Jesús, quian'₅₄ dsa₂ can'₅₄ quián₂ jnia'₅₄, ca₂le₃jín₃ gué'₄ rin'₅₄ jnia'₅₄ i₂'én₂, chen₄ jnia'₅₄ si₂ la₂ ne'₅₄ 'nia'₂ dsi₂nau₂ rin'₅₄ jniog₄ i₂tián'₅ jui₂g₂ Antioquía, quian'₅₄ i₂tián'₅ 'uë₃ Siria, quian'₅₄ i₂tián'₅ 'uë₃ Cilicia né₃. Cuín₅ jnia'₅₄ Diú₄ 'nia'₂.

²⁴ Ma₂ca₂rë₃ne₄ jnia'₅₄ jág₁ a₂i₁len₅₄ i₂lín₅₄ dsa₂ chan₂ ja₁lá₃, on₃jua'₅₄ i₂chen₄ quián₂ jnia'₅₄. Ma₂dsi₃lén₂ cué'₅ o₂me'₅₄ dsi₅ 'nia'₂ quian'₅₄ jág₁ quió'₅ a₂tsí'₅ 'nia'₂ a₂tion₅₄ 'nió'₅ ti₃ dsa₂ ni₁lo₁ dsa₂ ñe'₂, a₂jme₁ti'₄ 'nia'₂ 'Éi'₃ quió'₅ Moisés né₃. ²⁵ 'Uig₅₄ jaun₂, ca₂jmo₁ jnia'₅₄ caun₂ jág₁, ca₂'in₄ jnia'₅₄ rin'₅₄ jë'₄ quián₂ jnia'₅₄ a₂dsi₃lén₂ co₂lë₅ quian'₅₄ Bernabé quian'₅₄ Pa₄ i₂'nio₄ lín₃ quián₂ jnia'₅₄, a₂dsi₃jín₅₄ 'nia'₂. Ia₁ le₂jaun₂ bá₄ dse₃, lág₂ jnia'₅₄.

²⁶ Ma₂le₁ág₄ caun₂ dsi₅ gue₃ 'mú₃ o₁quió'₄ Te₁gui'₅₄ Jesucristo quián₂ jniog₄. ²⁷ Jaun₂ chen₄ jnia'₅₄ Judas quian'₅₄ Silas né₃, jaun₂ i₂në₅ bá₄ juá'₂ quian'₅₄ jág₁ tio'₅₄ 'o₅₄ ca₂le₃jé₃ a₂jua'₂ jnia'₅₄ la₂. ²⁸ Jaun₂ né₃, Jme₂dsi₂ Jñi₅ bá₄ ca₂jme₃'o₅₄ a₂'niog'₅₄ jnia'₅₄ dsi₅, jaun₂ dse₃ bá₄ lág₂ jnia'₅₄ a₂tsá₃ cué'₅₄ jnia'₅₄ 'nia'₂ 'éi'₃ guei₂, jnia'₅₄ lia'₂ jmá'₃ lia'₂ a₂léi₄ 'nió'₅ quián'₂ 'nia'₂ la₂: ²⁹ A₂tsá₃ quë'₅₄ 'nia'₂ ni₁ñi₅ a₂ma₂dsia₃ dsa₂ ne₄ ne₄chei₂ quió'₅ diú₄ lág₄; ján₃ bá₄ tsá₃ quë'₅₄ 'nia'₂ jmi₄ já'₂, on₃ guë'₂ ni₁ñi₁ já'₂ i₂dsan₂ i₂güi'₅ dsa₂ dsi₂lag₄. Tsá₃ nió'₄ 'nia'₂ jág₁ quian'₅₄ dsa₂ i₂tsá₃ lín₅ dsi₂i₂gog'₂. Në₁jua'₂ ca₂jme₁ti'₄ 'nia'₂ jág₁ la₂, dse₃ bá₄ le₃chan'₂ 'nia'₂.

Co₂në₅ bá₄ jág₁.

³⁰ Jaun₂ né₃, le₂në₅ bá₄ ca₂tón'₂ 'éi₂ jui₅, ca₂i₃lén₂ jui₅ Antioquía. Jaun₂ ca₂ñi₁'₂ dsa₂ i₂'én₂ ja₁jaun₂. Jaun₂ ca₂jín₃'₃ dsa₂ si₂ carta a₂jme₁quian₅. ³¹ Jme₁ca₂'í₂ riin'₅₄ si₂, qui₂ca₂jmo₃ 'io'₂ o₁quió'₄ jág₁ a₂cuë₅ lián'₂ dsi₅ jaun₂. ³² Ia₁ Judas quian'₅₄ Silas, i₂jme₁'é₂ jág₁ a₂cuë₅ Diú₄ ján₃, ca₂cuë₃ 'lióng₂ jág₁ dse₃ a₂ca₂jmo₃ ca₂'ág₂ dse₃ dsi₅ riin'₅₄, 'ñio₅ lín₃ ca₂cuë₃ bí₂ né₃, quian'₅₄ jág₁ quió'₅. ³³ Jme₁ma₂té₂ 'lióng₂ jmi₄g₄ tioen'₅₄ ja₁jaun₂, ca₂dsi₃óg'₂ táng₃ dsa₂ caun₂ tei₄ ja₁con₂ riin'₅₄ i₂ca₂chei₃.[§] ³⁵ La₁ ca₂jñia₃ Pa₄ quian'₅₄ Bernabé jui₂g₂ Antioquía, qui₂jme₂tiin₂₃ dsa₂, quian'₅₄ juin₅ gué'₄ i₂sián'₂, qui₂'é'₅ dsa₂ jág₁ dse₃ quió'₅ Te₁gui'₅₄.

Ca₂ñó₃ Pa₄ ca₂i₁'é₄ jág₁ jë'₁ca₂té₂ tin₃ ráun₂

³⁶ Cang₂ jaun₂, ca₂juá'₂ Pa₄ ca₂tsí'₃ Bernabé:

—Dsau₅₄ táng₃ dsi₁jín₁ rin'₅₄ ca₂le₃jé₃ jui₂g₂ ja₁ma₂ca₂i₁'ë'₅₄ dsa₂ jág₁ dse₃ quió'₅ Te₁gui'₅₄, dsi₁jag₅₄ në₁jua'₂ 'a₂ lia'₂ chain₂.

³⁷ Bernabé né₃ jme₁'nio₃ jñiai₃ Juan₅₄, i₂chen₂ Marcos ján₃. ³⁸ La₁ Pa₄ guë'₂ né₃ tsá₃ ca₂gue₃ jiog₃, ia₁ ca₂téi₂ bá₄ 'éi₂ lia'₂ con'₂ jme₁i₁ni₁oi₁₂ 'uë₃ Panfilia,* tsá₃ ma₃ca₂jme₃quiong'₅₄ jua'₅₄ a₂jme₃'o₅₄. ³⁹ Jaun₂ ca₂tsín₂ 'ñio₅ lín₃, ca₂lia'₂ ca₂i₃lén₂ jma₃quén₅. Jaun₂ Bernabé bá₄ ca₂jñia₃ Marcos, ca₂tóin'₂ ni₁barco, ca₂i₃lén₂ jui₅ Chipre. ⁴⁰ Pa₄ guë'₂ ca₂quióin'₂ Silas. Jme₁ma₂në₂jáng'₂ riin'₅₄ o₄gú₃ Te₁gui'₅₄ i₂'nio₃, jaun₂ qui₂ca₂'ág'₃ jág₁ riin'₅₄, ca₂i₃lén₂. ⁴¹ Jaun₂ ca₂i₁ñi₁₂ le₂tan₅₄ 'uë₃ Siria quian'₅₄ Cilicia, qui₂i₁cuë'₂ bí₂ riin'₅₄ i₂tián'₅ ja₁jaun₂.

16

Ca₂jme₃quiong'₅₄ Timoteo ca₂jme₃quian'₅₄ Pa₄ quian'₅₄ Silas

§ 15:33 A₂lín₅₄ chog₅₄ si₂ chi₁ton₅ versículo 34: “La₁ Silas né₃, ca₂dsia₃ dsi₅ jñia₃.” * 15:38 'Nió'₂ ja₁ton₅ Hechos 13:15.

¹ Ca₂dsi₃óg₃ Pa₄ quian'₅₄ Silas juig₂ Derbe, juig₂ Listra né₃. Ja₁jaun₂ ca₂jein'₂ jan₂ dsa₂ 'én₂ i₂chen₂ Timoteo. Chog₅₄ Timoteo 'éi₂ jme₁lín₄ 'io₅₄ judía i₂ma₂'én₂ jág₁ dse₃. Jmei₂ gué'₂ jme₁lín₄ jan₂ griego. ² Jaun₂ dsa₂ i₂'én₂ i₂jme₁tián'₄ Listra quian'₅₄ Iconio, dse₃ bá₄ jme₁'ag₂₃. ³ Jaun₂ 'nio₃ Pa₄ jiog₃ quiong'₅₄, jaun₂ ca₂ti₃ ni₁lo₁ 'éi₂,* ia₁jaun₂ tsá₃ jén'₄ 'lig'₅₄ dsa₂ judíos i₂tián'₅ ja₁jaun₂. Ia₁ ma₂ñi₅ bá₄ ca₂le₃jín₃ dsa₂, a₂lín₅ griego jmei₂ 'éi₂. ⁴ Ca₂le₃jé₃ juig₂ ja₁ca₂ñi₃, qui₂ca₂jme₃jein'₂ riin'₅₄ ca₂cué₃ 'éi'₃ con'₂ lé₅ jág₁ quió'₅ dsa₂ i₂chen₄ quián₅ Jesús, jág₁ quió'₅ dsa₂ can'₅₄ i₂tián'₅ Jerusalén né₃. ⁵ Jaun₂ né₃, ca₂le₃jín₃ dsa₂ i₂lín₅ guá'₅, ca₂jña'₃ tiá₂ jág₁ dse₃ a₂'éin₂, jaun₂ le₂o₃ jmig₄ bá₄ ca₂i₃juín₂.

Ca₂qui₃ Pablo a₂ca₂jñin₂ jan₂ dsa₂ chan₂ Macedonia

⁶ Tsá₃ ca₂cué₃ Jme₂dsi₂ ñjió₅ jmig₄ a₂'é₂ dsa₂ jág₁ dse₃ 'uë₃ Asia. Jaun₂ lë₃ ca₂i₁lein₅₄ ca₂i₁ñii₁₂ le₂tan₅₄ 'uë₃ Frigia quian'₅₄ 'uë₃ Galacia. ⁷ Jaun₂ ca₂dsi₃lén₂ ja₁jén₂ 'uë₃ Misia. Ja₁jaun₂ jme₁'nio₃ jme₁dsi₃lén₂ 'uë₃ Bitinia. La₁ tsá₃ ca₂cué₃ jmig₄ Jme₂dsi₂ quián₅ Jesús dsi₃lén₂ ja₁jaun₂. ⁸ Jaun₂ con'₂ ca₂ñi₃ bá₄ 'uë₃ Misia, ca₂dsi₃lén₂ 'o₄ jmi₁ñi'₄ ja₁chei₂ Troas. ⁹ Ja₁jaun₂ ca₂qui₃ Pa₄ a₂'uë₂ jaun₂ a₂ca₂jñin₂ jan₂ dsa₂ chan₂ 'uë₃ Macedonia, a₂chéin'₅ mi₂₃, a₂juá'₂: “ñi₅₄ jui₅ 'uë₃ Macedonia i₂jme₁'o₁ jnia'₅₄.” ¹⁰ Dsi₂jui₅ jme₁ca₂qui₃ Pa₄ le₂në₅, jaun₂ ca₂jmó₁ jnia'₅₄ co₂ñia₅₄ a₂dsi₁náu₄ jui₅ Macedonia. Ia₁ dsón'₂ lág₂ jnia'₅₄ a₂té₂ Diú₄ ja₁jaun₂ a₂dsi₁'é₄ jnia'₅₄ jág₁ dse₃.†

Pa₄ quian'₅₄ Silas tiain'₅₄ juig₂ Filipos

¹¹ Ca₂tió'₄ jnia'₅₄ 'ñi₃ ni₁barco juig₂ Troas. Ca₂i₃náu₅ jnia'₅₄ co₂dsau₅ jui₅ 'uë₃ Samotracia a₂nio₅ jë₄ jmi₁ñi'₄. Jme₁jnia₃ jaun₂, ca₂dsi₃náu₅ jnia'₅₄ Neápolis. ¹² Tio'₅₄ jnia'₅₄ ja₁jaun₂, i₂náu₅ táng₃ ja₁chei₂ Filipos. Ja₁jaun₂ lé₅ caun₂ colonia romana ja₁lé₄ juig₂ dsen₅₄ gué₄ quió'₅ dsa₂ chan₂ 'uë₃ Macedonia. Ja₁jaun₂ ca₂tió'₄ jnia'₅₄ tin₃-ni₅ jmig₄. ¹³ Caun₂ jmig₄ sa₅₄ ca₂i₁náu₄ jui₅ 'ni'₂ juig₂, cau₅ chei'₅₄ cuá₃, caun₂ ja₁jme₁lé₄ ja₁dsi₂lén₂ dsa₂ a₂chi₂lén₂ Diú₄. Ja₁jaun₂ ca₂'io₄ jnia'₅₄, ca₂jme₁tin₅ jnia'₅₄ 'io₅₄ i₂ca₂ñi'₂, jág₁ dse₃ quió'₅ Diú₄. ¹⁴ Jan₂ 'io₅₄ i₂jme₁'en₅₄ jë₄ jaun₂ i₂chen₂ Lidia i₂chan₂ juig₂ Tiatira, jme₁lín₄ dsa₂ i₂'nag₅ 'mi'₂ 'ui'₃ jlá'₁. 'Io₅₄ 'éi₂, jme₁jme₂juin'₂ Diú₄. Jaun₂ ca₂jmo₃ Te₁gui'₅₄ ca₂lë₃ dsí₅ 'io₅₄ 'éi₂ a₂nag₃ a₂tón'₂ jui₅ a₂juá'₂ Pa₄. ¹⁵ Jaun₂ ca₂jñi₃ jmig₂ co₂dsia₅ quian'₅₄ ca₂le₃jín₃ dsa₂ dsi₂néi₂ quió'₅. Jme₁co₂lág₂ jaun₂, ca₂mi₃ tság₅ jnia'₅₄:

—Chi₂jua'₂ jmo'₂ 'nia'₂ 'au'₂ a₂lín₅ jniá₂ tē₃dsón'₂ dsa₂ i₂'én₂ jág₁ quió'₅ Te₁gui'₅₄, i₂nó'₅ 'nia'₂ ja₁quió₃ i₁jñia'₄.

Jaun₂ ca₂juá'₂ tion₅₄ a₂ca₂jñia₄ jnia'₅₄.

¹⁶ Co₂ráun₂ ca₂lë₃, lia'₂ con'₂ jme₁i₃náu₅ jnia'₅₄ ja₁chi₂lén'₂ dsa₂ Diú₄, ca₂jen'₂ jnia'₅₄ jan₂ 'io₅₄ chi'₂ i₂jme₁'en₅₄ jme₂dsí₂ 'lín'₅₄ tē₂dsí₅, i₂dsi₂ jág₁.‡ 'Io₅₄ 'éi₂ a₂lë₁jmo₂₃ bá₄ ta₁, ia₁ juig₅₄ bá₄ jme₁cán₂ cu₄ a₂jme₁lí'₂ a₂dsi₂ jág₁. ¹⁷ 'Io₅₄ chi'₂ 'éi₂ ca₂'ein₃ Pa₄, ca₂'ein₃ jnia'₅₄ né₃, ca₂guió'₃ ca₂tsí'₃ dsa₂ i₂jme₁tion'₅₄:

—Dsa₂ në₅ i₂jme₂ti₃ ta₁ ne₄ Diú₄ juin'₂ gué₄. Jaun₂ 'é₂ jág₁ tsí'₅ 'nia'₂ 'a₂ lia'₂ lé₂ líón'₂ 'nia'₂.

¹⁸ Lióng₂ jmig₄ ca₂jmo₃ le₂jaun₂. Ca₂lë₃ jme₁ca₂lë₃ ca₂i₃mé'₂ dsí₅ Pa₄. Jaun₂ ca₂jí₂, ca₂juá'₂ ca₂tsí'₃ jme₂dsí₂ 'lín'₅₄ i₂jme₁'en₅₄ quió'₅ 'io₅₄ 'éi₂:

—Quian'₅₄ bí₂ 'éi'₃ quió'₅ Jesucristo, jmo₅₄ jniá₂ 'éi'₃, jú₅ quió'₅ 'io₅₄ në₅.

Jaun₂ co₂tan₅₄ dsi₂jui₅ jaun₂, ca₂o₃'lín₃ jme₂dsí₂ 'lín'₅₄ ca₂téin₂ 'io₅₄.

* 16:3 o₃, “ca₂jmo₃ a₂ca₂ti₃ dsa₂ ni₁lo₁ 'éi₂.” † 16:10 Ja₁lá₃ ca₂jme₃lióg₃ Lucas ca₂jme₃quian'₅₄ Pa₄ quian'₅₄ riin'₅₄ ja₁jme₁i₂noi₅₄. Ja₁lá₃ ca₂jme₃lióg₃ juá'₂ “jnia'₅₄” lia'₂ con'₂ jme₁ca₂jmo₃ Si₂ Hechos la₂. ‡ 16:16 lit. “jan₂ 'io₅₄ chi'₂ i₂jme₁jio₅ jme₂dsí₂ quió'₅ dsi₂mi'₂ cua₁ pithón.”

¹⁹ Jme₁ca₂rē₃lí₄ dsa₂ juig₅₄ 'io₅₄ 'éi₂, a₂tsá₃ ma₃cuin₅ jmig₄ a₂lí₂ gué₄ cu₄ quiain₅₄ 'éi₂, jaun₂ ca₂jñai₃ Pa₄ quian₅₄ Silas, ca₂tág₃ jui₅ 'ma₅₄ ne₄ dsi₂tan₅₄. ²⁰ Jaun₂ ca₂i₁jo₅₄ ja₁tián₄ jué₄, jaun₂ ca₂juá₂:

—Dsa₂ la₂, i₂lín₅ judíos, i₂nioi₅₄ tsi₂jñin₂₃ dsa₂ juig₂ go₄ jniog₄. ²¹ Qui₂'é₅ jme₂tiin₂₃ dsa₂ tag₄ a₂tsá₃ dsi₂ten₅₄ gué₁ jniog₄, on₃ gué₂ dsi₂ten₅₄ jua₅₄ a₂jmo₁, ia₁ dsa₂ romanos bá₄ lág₅.

²² Jaun₂ ca₂nau₂ dsa₂ juig₂ 'nei₂ ca₂jmaí₂ Pa₄ quian₅₄ Silas. Jaun₂ ca₂dsi₂ dsi₂tan₅₄ a₂dsi₂uig₅ ni₁tsin₅₄, jaun₂ ca₂jmo₃ 'éi₃ a₂bóg₂ né₃ quian₅₄ ni₁'ma₂. ²³ Jme₁ma₂dsan₃ bóg₂ 'ñio₅ lín₃, jaun₂ gué₄ ca₂to₂ né₃ 'má₃. Ca₂jmo₃ 'éi₃ a₂jmo₃ dsa₂ i₂nioig₅ gu₂ 'né₅ 'má₃ 'í₁ dse₃ lín₃. ²⁴ Dsa₂ 'éi₂ né₃, jme₁ca₂ñi₂ 'éi₃ jaun₂, ca₂i₁tio₂ ca₂tē₂ quióng₄ tsi₁'né₅ 'má₃, le₁tia₃ mi₂tag₅₄ 'ñió₃ tau₂ ni₁'ma₂.

²⁵ La₁ con₂ dsi₃nei₅ jme₁ca₂'ē₃ Pa₄ alabanzas quian₅₄ Silas qui₂ca₂tsí₃ Diú₄, qui₂ca₂nág₂ bá₄ dsa₂ sián₂ i₂tion₅₄ 'né₅ 'má₃. ²⁶ Tē₃jē₄ jaun₂, con₂ tsá₃ ján₅ dsa₂, ca₂i₁bi₅₄ 'uē₃ tiá₂ lín₃, ca₂lia₂ qui₂ca₂jé₂ 'uig₅₄ ni₁'ia₂ tsi₁'né₅ 'má₃, qui₂ca₂niá₃ ca₂le₃jé₃ o₄'né₄, qui₂ca₂gag₂ ñí₁ cadenas a₂jme₁le₁'ñe₅₄ ca₂le₃jín₃ dsa₂ i₂jme₁tion₅₄ 'ñió₃. ²⁷ Jme₁ca₂ñé₃ dsa₂ i₂jmo₅ 'í₁, ca₂jág₃ ma₂le₁na₁ jē₂ o₄'né₄ 'né₅ 'má₃, jaun₂ ca₂dsi₂ ñi₁tág₂ quió₅ a₂jme₁jñi₃ 'ñiog₅. Ia₁ lín₂ ma₂ca₂lón₂ jin₂ bá₄ i₂le₁jñí₅ né₃ 'má₃. ²⁸ La₁ dsi₂jui₅ ca₂guió₃ Pa₄ ca₂juá₂:

—Tsá₃ lē₁jmag₅₄ uig₅ 'ñiag₂, ia₁ la₂ bá₄ tio₅₄ jnia₅₄ ca₂le₃jág₃.

²⁹ Jaun₂ ca₂mi₃ dsa₂ 'éi₂ si₂, jaun₂ ca₂'í₃ co₂chi₅₄ dsi₂néi₂ tē₃ gó₅ jlein₂₃ ñó₃ ca₂chi₃jné₃ ne₄ Pa₄ quian₅₄ Silas. ³⁰ Jaun₂ ca₂'uág₂ tē₂ca₁'né₄, jaun₂ ca₂ñag₃:

—'Nia₂ dsa₂, ¿'e₂ 'nió₅ jmo₅₄ jniá₂ ia₁jaun₂ lión₂ jniá₂?

³¹ Jaun₂ ca₂juá₂ 'éi₂:

—'Én₃ tē₂le₃ quió₅ Te₁gui₅₄ Jesucristo, jaun₂ bá₄ tíng₄, quiang₅₄ ca₂le₃jín₃ dsa₂ dsi₂néi₂ quiáng₂.

³² Jaun₂ ca₂cué₃ Pa₄ quian₅₄ Silas jág₁ dse₃ quió₅ Te₁gui₅₄ ca₂cué₃ dsa₂ 'éi₂ quian₅₄ ca₂le₃jín₃ dsa₂ i₂tián₅ dsi₂néi₂ quió₅. ³³ Hora jaun₂ a₂'uē₂, dsa₂ i₂nioig₅ gu₂ 'né₅ 'má₃ 'éi₂ qui₂ca₂rín₃ ja₁qui₂le₁cuí₃ quió₅ Pa₄ quiain₅₄ Silas. Jaun₂ 'éi₂ quiain₅₄ ca₂le₃jín₃ dsa₂ dsi₂néi₂ quió₅, ca₂jñoi₂ jmig₂. ³⁴ Jme₁co₂lág₂ jaun₂, ca₂tág₃ ja₁quió₄, ca₂i₁cué₂ a₂gué₃. Jaun₂ 'io₂ jmo₂₃ ca₂le₃jín₃, ia₁ ca₂rē₃'éi₂ jág₁ quió₅ Diú₄.

³⁵ Jme₁jnia₃ jaun₂, ca₂chen₃ jué₄ chi₂ 'í₅₄ a₂ca₂i₁chi₄ dsa₂ i₂nioig₅ gu₂ 'né₅ 'má₃, a₂lióin₂ dsa₂ 'éi₂. ³⁶ Jaun₂ ca₂juá₂ dsa₂ i₂nioig₅ gu₂ 'né₅ 'má₃ ca₂tsí₃ Pa₄:

—Ma₂ñig₂ 'éi₃ quió₅ jué₄ a₂long₅₄ 'nia₂. Jaun₂ ma₂lé₂ o₁no₄ 'nia₂ tei₄ quiáng₂.

³⁷ Jaun₂ ca₂juá₂ Pa₄ ca₂tsí₃ chi₂ 'í₅₄:

—Ca₂chóng₂ dsa₂ jnia₅₄, qui₂ca₂bóg₂ tē₃jín₄ dsa₂ juin₅ tē₃ tsá₃ ca₂caún₃ de₂ jág₁ dsau₅ quián₂ jnia₅₄ i₂lág₅ dsa₂ tén₅ juig₂ Roma. Jaun₂ gué₄ ca₂to₂ né₃ 'má₃. ¿Nē₃ né₃ 'nio₃ lió₂ jnia₅₄ con₂ tē₃co₅₄? Tsá₃ le₂jaun₂. Jui₁ja₂lén₂ guioin₅₄ jui₁ja₂'uag₅₄, jui₁lia₂ ca₂to₂.

³⁸ Jaun₂ gué₄ ca₂i₁con₂ chi₂ 'í₅₄ jág₁ jaun₂ ne₄ jué₄, jaun₂ ca₂rē₃gó₅ jme₁ca₂rē₃ñi₅ a₂lín₅ Pa₄ quian₅₄ Silas dsa₂ tén₅ Roma. ³⁹ Jaun₂ ca₂i₁len₅₄ dsi₂tan₅₄ ca₂i₁mi₂ o₂'én₂ dso₄ ne₄ Pa₄ quian₅₄ Silas. Ca₂'uág₂ bá₄ jaun₂ né₃, jaun₂ ca₂juá₂ a₂'uín₃ 'éi₂ juig₂ jaun₂. ⁴⁰ Jme₁ma₂'uin₂ 'éi₂ 'né₅ 'má₃, ca₂i₃lein₃ ja₁quió₄ 'io₅₄ Lidia. Jme₁ca₂ñi₂ quiain₅₄ riin₅₄, qui₂ca₂cué₃ bí₂ né₃, jaun₂ gué₄ ca₂'uín₂ ja₁jaun₂, ca₂i₁lein₅₄ gué₄ juig₂ siá₂.

17

Ca₂lē₃ mi₅₄ juig₂ Tesalónica

¹ Jui₅ ja₁ca₂ñe₄ Pa₄ quiain₅₄ Silas jaun₂, ca₂i₁ñi₁₂ juig₂ Anfípolis quian₅₄ juig₂ Apolonia né₃. Jaun₂ ca₂dsi₃lén₂ juig₂ chei₂ Tesalónica. Ja₁jaun₂ jme₁chí₄ guá₅ sinagoga quió₅ dsa₂ judíos. ² Pa₄ né₃, ia₁ le₂jaun₂ tin₂ quió₅, ca₂ñei₅₄ guá₅. Tē₁lia₂ ca₂'í₃ tin₃-ni₅ semana

ja₁jaun₂, qui₂ca₂dsia₃ jág₁ quian'₅₄ dsa₂ ca₂le₃jé₃ jmig₄ sa₅₄, jui₁lia'₂ jág₁ a₂juá'₂ ne₄ Si₂.
³ Qui₂ca₂cué₃ jág₁ dsau₅ 'a₂ lia'₂ dsón'₂ 'i₄ 'éi'₃ ne₄ Si₂ quió'₅ Diú₄ a₂juá'₂ a₂tion₅₄ njág₃ uig₅
 I₂rē₂'ín₁ quián₅ Diú₄, jaun₂ cang₂ jē₁ma₂join₂₃, a₂tion₅₄ niog₅ jein'₅₄ táng₃. Jaun₂ caun₂
 ca₂juá'₂ bá₄:

—Jesús i₂'ín₅ jniá₂, jág₁ a₂'é₅ juíg₂ 'nia'₂, I₂rē₂'ín₁ quián₅ Diú₄ bá₄ 'éi₂.

⁴ Jaun₂ ca₂rē₃'én₂ i₂lín₅₄ dsa₂ judíos, ca₂jme₃quian'₅₄ Pa₄ quian'₅₄ Silas. Ján₃ bá₄
 ca₂rē₃'én₂ juin₅ dsa₂ griegos i₂jme₁jme₂juin'₂ Diú₄, ca₂rē₃'én₂ juin₅ 'io₅₄ dsen₅₄ né₃.
⁵ La₁ dsa₂ judíos i₂tsá₃ 'én₂ né₃, ca₂rē₃'néi₃ a₂dsí'₅. Jaun₂ ca₂jme₃quian'₅₄ co₂nió'₃ dsa₂
 juí'₅ i₂lēj₁jme₁i₂nio₄ tsi₁jín₁ jē₄ calle. Ca₂quin'₃ jág₁ quió'₅, ca₂i₁nioi₁₂ ca₂tó'₂ mi'₅₄,
 tsi₂jín₂₃ dsa₂ juíg₂. Jaun₂ ca₂i₁toin'₁ tion₅₄-jan₃ ja₁quió'₄ Jasón, a₂jme₁'nio₃ dsein₂₃ Pa₄
 quian'₅₄ Silas, a₂jme₁tē₂ 'éi₂ jin₄ dsa₂ juíg₂. ⁶ Ia₁ tsá₃ ca₂dsáin'₂ 'éi₂ ja₁jaun₂, Jasón bá₄
 qui₂ca₂tsi₃cuin'₂ quian'₅₄ gué₄ riin'₅₄ i₂'én₂, jaun₂ ca₂tág₃ jui₅ ne₄ta₁, ca₂i₁jang'₂ ne₄
 dsi₂tan₅₄, jaun₂ ca₂juá'₂ ca₂lia'₂ guió'₅ tioen'₅₄:

—I₂la₂ bá₄ dsa₂ i₂nj₄ lē₃ ma₂jmo₃ tsá₃ ma₃caun₂ 'ei₅ jág₁, qui₂ma₂jéin'₂ dsa₂ ta₁caun₂
 mi₂güig₃. Le₂jaun₂ bá₄ 'nio₃ jmo₃ ja₁lá₃ ján₃, ta₁ jaun₂ bá₄ ja₂léin₂. ⁷ Jasón la₂ nē₂cué₃ jmig₄
 nē₂jnia₃ dsa₂ 'éi₂ ja₁quió'₄. Ca₂le₃jín₃ 'éi₂ jmo₂₃ a₂tsá₃ dsi₂ten₅₄ jmo₃ lia'₂ con'₂ lé₅ 'éi'₃
 quió'₅ gui'₅₄ emperador. Ia₁ i₂nioi₅₄ tsí'₅ dsa₂ a₂chan₂ gué₄ jan₂ rag₅₄ sián'₂, jan₂ i₂chen₂
 Jesús.

⁸ Jme₁ca₂nág₂ dsa₂ le₂nē₅, ca₂tóin'₂ go₂'i₃ quian'₅₄ dsi₂tan₅₄. ⁹ La₁ Jasón quian'₅₄ riin'₅₄
 ca₂quí₃ cu₄ ne₄ dsi₂tan₅₄, jaun₂ gué₄ ca₂lió₂ dsa₂.

*Pablo quian'*₅₄ Silas tioen'₅₄ juíg₂ Berea

¹⁰ Dsi₂juí₅ le₂jaun₂ ca₂jmo₃ riin'₅₄ a₂nj₃ Pa₄ quian'₅₄ Silas tē₃ a₂'uē₂ jui₅ Berea.
 Jme₁ca₂dsi₃léin₂ ja₁jaun₂, i₁lein₅₄ dsi₂juí₅ dsi₂néi₂ guá'₅ sinagoga quió'₅ dsa₂ judíos. ¹¹ Dsa₂
 judíos i₂jme₁tián'₄ ja₁jaun₂ jme₁dsein₃ con'₂ gué₄ dsa₂ juíg₂ Tesalónica. Lia'₂ 'i₄ rē₂ jág₁ bá₄
 ca₂gue₃ jág₁ dse₃ quió'₅ Diú₄. Jaun₂ ca₂le₃jé₃ jmig₄ bá₄ jme₁'no'₂ ne₄ Si₂ quió'₅ Diú₄, ia₁ 'nio₃
 le₃nj₅ chi₂juá'₂ dsón'₂ bá₄ le₂jaun₂ lé₅ jág₁ a₂cué₅ Pa₄ quian'₅₄ Silas. ¹² Juin₅ bá₄ dsa₂ judíos
 'éi₂ ca₂rē₃'én₂. Ján₃ bá₄ le₂jaun₂ juin₅ dsa₂ griegos, lia'₂ dsa₂ nē₂ 'i₄ 'éi'₃ 'io₅₄ dsen₅₄ né₃.
¹³ La₁ jme₁ca₂rē₃nj₅ dsa₂ chan₂ Tesalónica a₂'en₅₄ Pa₄ 'é'₅ dsa₂ jág₁ dse₃ quió'₅ Diú₄ juíg₂
 Berea ján₃, jaun₂ ca₂i₃léin₂ ja₁jaun₂, ca₂chi₂ca₂jain₃ dsa₂. ¹⁴ La₁ co₂tan₅₄ ca₂chei₃ riin'₅₄
 ca₂chein₃ Pa₄ chei'₅₄ jmi₁nj₄. Ca₂jnia₃ bá₄ Silas quian'₅₄ Timoteo juíg₂ Berea. ¹⁵ Ca₂i₁jio₃
 dsa₂ i₂jme₁quian'₅₄ Pa₄ ca₂i₁jniai₃ 'éi₂ ca₂tē₂ juíg₂ Atenas. Jaun₂ ca₂i₃lein₃ táng₃ le₁quion₂
 jág₁ quió'₅ Pa₄ a₂jiá₃ Silas quian'₅₄ Timoteo a₂dsi₃jme₃quiong'₅₄ dsi₂juí₅.

*'En*₅₄ Pablo juíg₂ Atenas

¹⁶ Tē₁lia'₂ 'en₅₄ Pa₄ chi₁jniai₂₃ Silas quian'₅₄ Timoteo juíg₂ Atenas, tsá₃ dse₃ 'ei₅ dsí₅, ia₁
 ca₂jín₂ juin₅ lín₃ diú₄ lag₄ tión₂ le₂tan₅₄ jē₄ juíg₂. ¹⁷ Jaun₂ ca₂i₁'é₄ jág₁ dse₃ dsi₂néi₂ guá'₅
 sinagoga, ca₂tsí'₃ dsa₂ judíos, dsa₂ sián'₂ né₃ i₂jme₂juin'₂ Diú₄ tē₃dsón'₂. Ca₂le₃jé₃ jmig₄
 né₃, qui₂ca₂'é₂ Pa₄ jág₁ dse₃ jē₄ 'ma'₅₄ ca₂tsí'₃ ca₂le₃jín₃ dsa₂ i₂jme₁jein'₂ ja₁jaun₂. ¹⁸ I₂lín₅₄
 dsa₂ i₂jme₁jme₂tag₅ si₂ quió'₅ dsa₂ i₂té'₂ dsa₂ epicúreos, i₂lín₅₄ guē'₂ i₂jme₁jme₂tag₅ si₂
 quió'₅ i₂té'₂ dsa₂ estoicos, dsa₂ 'éi₂ ca₂jme₃lió₃ ca₂dsia₃ jág₁ quian'₅₄ Pa₄. I₂lín₅₄ guē'₂
 dsia₅ tsí'₅ riin'₅₄:

—Tsá₃ ne₄ 'e₂ bá₄ jág₁ quian'₅₄ i₁ten'₅₄ nē₅ a₂juá'₂ tság₃ jniog₄.

I₂lín₅₄ guē'₂ juá'₂ táng₃:

—Mei'₂ tsá₃ i₂'é₂ jág₁ quió'₅ diú₄ sián'₂ i₂quian'₅₄ dsi₂nau₂ bá₄ nē₅.

Jaun₂ bá₄ juá'₂ le₂jaun₂, ia₁ 'en₅₄ Pa₄ 'é₂ jág₁ dse₃ quió'₅ Jesús, 'a₂ lia'₂ ca₂jein'₅₄ táng₃.

¹⁹ Jaun₂ ca₂jniai₃ Pa₄ caun₂ ja₁chei₂ Areópago. Jme₁ca₂dsi₃léin₂ ja₁jaun₂, ca₂nj₃' Pa₄
 ca₂juá'₂:

—¿Lé2 le3ne4 jnia'54 'e2 jág1 'mí2 dsia'2 a2jme2tág'2? ²⁰ 'Niog2 jnia'54 le3ne4 'e2 jein5 jág1 a1juá'2 'ne2 në5. Ja2lin3 gué4 síá'2 né'2.

²¹ Ia1 ca2le3jín3 bá4 dsa2 chan2 Atenas, quian'54 dsi2nau2 i2jme1tián'4 ja1jaun2, jmá'3 a2jaun2 bá4 jme1tiin2 qui2jmo23: qui2nag23, qui2dsia23 né3, jmá'3 ca2ne54 jág1 'mí2 a2cha2.

²² Jaun2 ca2nau2 Pa4 dsi2jo2 ja1le1ñi'2 dsa2 jaun2, jaun2 ca2juá'2:

—'Nia'2 dsa2 chan2 Atenas, jág5 jniá2 'ñio5 'én'2 'nia'2 tē2le3 quió'5 diú4 lag4 quián'2 'nia'2.

²³ Ia1 lia'2 con'2 ca2ñi5 jniá2 ca2jág3 ja1chi1len'4 'nia'2 diú4 lag4 quiáng'2, ca2jág3 caun2 ja1lé4 ne4chei2 le1ton5 letras la2, a2juá'2: “QUIÓ'5 DIÚ4 I2TSÁ3 CUI5 DSA2.” Ia1 dse3 bá4 gué'2 jaun2. Diú4 'éi2 i2chi1len'4 'nia'2, Diú4 i2tsá3 cuin'2 'nia'2, i2'éi2 bá4 'ín4 jniá2, jág1 quió'5 'éi2 bá4 'é5 jniá2, juíg2 'nia'2.

²⁴ 'Diú4 'éi2 i2ca2jmo3 mi2güí3, ca2jmo3 ca2le3jé3 'e2 a2cha2 ja1jaun2, 'éi2 bá4 quió'5 guei'54 mi2güí3 quian'54 gua'54 'uë3 né3. La1 tsá3 guá5 dsi2néi2 guá'5 a2jmo5 dsa2 mi2güí3, ²⁵ on3 gué'2 chi1quiain12 jmig4 jua'54 a2'nió'5 jmo3 dsa2 'e2 jmo3 quió'5. Ia1 'ñiog5 bá4 Diú4 jmo23 cué23 jme2dsí2 quián2 jniog4, jmo23 dsí2 a2quian2 jniog4, ca2jmo3 ca2le3jé3 gué'2 'e2 a2cha2.

²⁶ 'Quian'54 ca2cho'54 dsa2 bá4 ca2jmo3 ca2le3jé3 juig2, ia1jaun2 tian'3 ta1caun2 mi2güí3. Jaun2 ca2jmo3 Diú4 'éi'3 ca2'ë3 ja1tian'3 dsa2 né3, 'a2 con'2 ué2 'io3 bí2 le2caun2 le2caun2 juig2, ²⁷ ia1jaun2 'nai'2 Diú4, a2jñia'54 chi2lá'2 quian'54 gu2, con'2 tsá3 ñó5 në1ca2dsáu'2, o1jñia'54 la2 tsá3 uíng2 guá5 Diú4 ja1con2 jniog4 lejau2 lejau2. ²⁸ Ia1 a2chan2 Diú4 bá4 a2chong2 jniog4 a2i2nio4 jniog4 né3.* Jui1lia'2 ma2ca2juá'2 i2lín54 dsa2 poetas quián'2 'nia'2 ján3, jme1ca2juá'2: “Chi'2-guein2 quián5 Diú4 bá4 lág5 jniog4.” ²⁹ Chi2jua'2 lág5 jniog4 chi'2-guein2 quián5 Diú4, jaun2 tsá3 dse3 jua'54 a2jmó1 jniog4 dsi5 a2lín5 Diú4 jui1lia'2 lé5 caun2 nió'4 dsa2 lag4 cu4nió4, on3 gué'2 cu4tiog2, on3 gué'2 ni1cang1 a2tin2 dsa2 jmo23 con'2 lé5 dsi2jio5 dsí5 guioin54. ³⁰ Tsá3 lín4 ca2tón'3 Diú4 jui5 'a2 lia'2 ca2jmo3 dsa2 ma2líg'2, ia1 tsá3 'e2 ñi5 dsa2. La1 rē2né3 né3, jmo5 Diú4 'éi'3 quió'5 dsa2 chan2 ta1caun2 mi2güí3 a2'nió'5 dsi3quén'5 dsí5.

³¹ Ia1 ma2lé5 'éi'3 quió'5 Diú4 a2jás caun2 jmig4 jē1qui3dsi23 'éi'3 rē2 con'2 dsi2ten54 quió'5 dsa2 mi2güí3, tē2le3 quian'54 jan2 dsa2 i2ca2quióin'2 quián5. Jaun2 ma2ca2jmo3 léi4 lia'2 con'2 jme1ca2jme3jein'54 'éi2 jin4 'lag4.

³² Jme1ca2nág2 dsa2 ca2juá'2 Pa4 a2jen'54 'lag4, i2lín54 dsa2 jñia'54 ca2ñág2 bá4. I2lín54 gué'2 ca2juá'2:

—Në5 néi1 táng3 jnia'54 caun2 jmig4 síá'2 quiáng'2.

³³ Jaun2 ca2o2'ín3 bá4 Pa4 jē4 jaun2.

³⁴ La1 i2lín54 dsa2 ca2rē3 'éin2 bá4, jaun2 ca2'ein3 'éi2. Jē4 jaun2 jme1'en54 i2chen2 Dionisio i2lín5 rin'54 dsi2tan54 quián5 Areópago; jan2 gué'2 'io54 né3 i2chen2 Dámaris; lé2 bá4 gué4 dsa2 i2quiong'54.

18

¹En54 Pablo juig2 Corinto

¹ Cang2 jaun2 ca2o3'ín3 Pa4 juig2 Atenas, ca2ñó3 jui5 Corinto. ² Ja1jaun2 ca2jein'2 jan2 dsa2 judío i2chen2 Aquila i2chan2 'uë3 Ponto. Jme1guá4 'uë3 Italia le3jñiá5, la1 ca2jmo3 'éi'3 gui'54 emperador Claudio a2ca2'uín'2 ca2le3jín3 dsa2 judíos i2jme1tián'4 juig2 Roma. 'Uig54 jaun2 ca2o3'ín3 quiain'54 Priscila 'io54 quián5, a2ma2tián'5 juig2 Corinto. Jme1ca2dsióg3 Pa4 ca2i1jñin12 dsa2 'éi2, ³ jaun2 ca2'í3 ja1quió'4, ca2jmo3 ta1 co2lë5 quiong'54, ia1 ján3 bá4 tiin2 'me3 tsi1'mi'2 a2jmo5 dsa2 tsi1'né5. ⁴ Jaun2 ca2le3jé3 jmig4 sa54, jme1dsó5 Pa4 guá'5 sinagoga a2jme2tiin23 dsa2 jág1 dse3, a2jme1jme2'uáin2 dsí5 dsa2, lia'2 dsa2 judíos lia'2 dsi2nau2 né3. ⁵ Jme1dsióg3 Timoteo quiain'54 Silas a2ca2'uín2 Macedonia, a2dsi3lén2 tē2 ja1'en54 Pa4, jaun2 gué4 ca2'é2 Pa4 dsen54 dsí5 jág1 quió'5 Diú4. Jaun2 gué4 ca2tsí'3 dsa2 judíos a2lín5

* 17:28 lit. “a2chong2, a2i2nio4 jniog4, a2'i4 jme2dsí2 jniog4.”

Jesús dsa₂ i₂rē₂ 'ín₁ quián₅ Diú₄. ⁶ La₁ dsa₂ né₃, 'io¹₅₄ ca₂tíin₂ jág₁ jaun₂, jaun₂ ca₂jme₃lióg₃ qui₂ca₂jní₁'₂ jág₁ uig₅ Pa₄. 'Éi₂ né₃ qui₂ca₂séi²'₂ 'liog₂ ni₁tsin¹₅₄, jaun₂ ca₂tsí³'₃ dsa₂:

—Guion¹₅₄ bá₄ 'nia²'₂ le₁cáng⁴'₄ a₂dsián³'₃ 'nia²'₂ lia²'₂ jma₃quian¹₅₄ dsáu²'₂. Tsá₃ ma₃'e₂ le₁cán⁴'₄ jniá²'₂. Le₃ne₄ jui₅ né₃ nei₅₄ ja₁con₂ dsi₂nau₂.

⁷ Ca₂o₃'ín₃ bá₄ Pa₄ dsi₂néi₂ guá⁵'₅ sinagoga jaun₂ né₃. Ca₂ηó₃ ja₁quió⁴'₄ jan₂ dsa₂ i₂chen₂ Justo i₂jme₁jme₂juin¹'₂ Diú₄. Justo 'éi₂ né₃, jme₁guá⁴'₄ cau₅ guá⁵'₅. ⁸ Dsa₂ i₂jme₁lín₄ dsa₂ dsen₅₄ quián₅ guá⁵'₅, dsa₂ i₂chen₂ Crispo, ca₂rē₃'éin₂ tē₂le₃ quió⁵'₅ Te₁gui¹₅₄, co₂dsia₅ quian¹₅₄ dsa₂ dsi₂néi₂ quió⁵'₅. Juin₅ bá₄ dsa₂ chan₂ Corinto ca₂rē₃'én₂ jág₁ dse₃ jme₁ca₂nág₂, jaun₂ qui₂ca₂choin₃ jmig₂. ⁹ Caun₂ a₂'uē₂, a₂lē₁ca₂jén³'₃ Pa₄ ca₂jíin₂ Te₁gui¹₅₄, a₂juá²'₂:

—Tsá₃ lē₁jmo₂ gang³'₃ a₂'é⁴'₄ jág₁. Caun₂ dsia₄ bá₄, tsá₃ lē₁jmo₂ tei₄. ¹⁰ Ia₁ quian¹₅₄ bá₄ jniá²'₂ 'ne₂; 'i₁jan₂ tsá₃ téi₂ gu₂ jua¹₅₄ a₂j móg²'₂ uig₅. Ia₁ juin₅ dsa₂ chan₂ juig₂ la₂ i₂le₃'én₂ quiáng₃.

¹¹ Caun₂ ηi₂ tē₂ ca₂'nau₅₄ ca₂'í₃ Pa₄ juig₂ Corinto, qui₂ca₂jme₃tíin₂₃ dsa₂ jág₁ quió⁵'₅ Diú₄.

¹² La₁ jmig₄ jaun₂ ca₂lín₃ dsi₄má²'₂ 'uē₃ Acaya jan₂ dsa₂ i₂chen₂ Galión. Jaun₂ ca₂ηi¹'₂ dsa₂ judíos i₂'ηia₅₄ Pa₄, ca₂tág₃ jui₅ ne₄ta₁. ¹³ Jaun₂ ca₂juá²'₂ ca₂tsí³'₃ dsi₄má²'₂ 'éi₂:

—Le₂siá²'₂ bá₄ jme₂tag₅ i₂nē₅, toin²'₂ jág₁ dsa₂, a₂jme₃juin¹'₂ Diú₄ on₃jua¹₅₄ lia²'₂ con²'₂ lē₅ 'Éi³'₃.

¹⁴ Jē₁jme₁ma₂ηag₃ Pa₄, jme₁ca₂juá²'₂ Dsi₄má²'₂ Galión ca₂tsí³'₃ dsa₂ judíos:

—Jua¹₅₄ mei²'₂ gué³'₃ dso₄ juē²'₂ ca₂rē₃cán²'₂ dsa₂ nē₅, jme₁jmo₅₄ bá₄ jniá²'₂ juin¹'₂ dsi₃ a₂jme₁nag₅₄ jág₁ quián²'₂ 'nia²'₂. ¹⁵ La₁ tsá₃ le₂jaun₂. Chi₂jua²'₂ 'uig₅₄ jág₁ 'éi³'₃ juá⁵'₅ siá²'₂ quián²'₂ 'nia²'₂ guiong¹₅₄, tsá₃ 'éi³'₃ qui₁dsi₅ jniá²'₂. Jme₁rē₂ bá₄ 'nia²'₂ guiong¹₅₄ quiáng²'₂.

¹⁶ Jaun₂ ca₂'uág²'₂ ca₂'uín²'₂ 'éi₂ ne₄ta₁ jaun₂. ¹⁷ Jaun₂ ca₂ηau³'₃ ca₂le₃jín₃ dsa₂ griegos ca₂ηai³'₃ Sóstenes i₂lín₅ juig₅₄ quián₅ guá⁵'₅ sinagoga, qui₂ca₂bóg₂ tē₃ jág₅ dsi₄má²'₂. La₁ tsá₃ ma₃a₂jaun₂ dsan₂ dsi₅ gui¹₅₄ Galión, 'i₁caun₂.

Ca₂jón³'₃ táng₃ Pablo juig₂ Antioquía, jaun₂ ca₂ηó₃ táng₃ ca₂i¹'é⁴'₄ jág₁ dse₃ jē₁ca₂tē₂'₂ 'nag²'₂ ráun₂

¹⁸ Ué₂ bá₄ gué⁴'₄ ca₂ηia₃ Pa₄ jē₄ juig₂ Corinto. Cang₂ gué⁴'₄ jaun₂ ca₂'ág³'₃ jág₁ riin¹₅₄. Jme₁ma₂tioin¹₅₄ juig₂ Cencrea né₃, ca₂chéi₃ Pa₄ dsi₅₄ ca₂jmo₃ léi₄ a₂ca₂jme₃ti₃ jág₁ a₂ma₂cué¹'₃ Diú₄ le₂ηiá₅. Jaun₂ ca₂'í₃ ni₁barco ca₂ηó₃ jui₅ ja₁tén₄ Siria quian¹₅₄ Priscila, Aquila né₃. ¹⁹ Jme₁ca₂dsi₃lén₂ juig₂ Efeso, ca₂tén₂ Pa₄ Priscila quian¹₅₄ Aquila, ca₂ηó₃ jui₅ guá⁵'₅ sinagoga ca₂i₁dsia₂ jág₁ quian¹₅₄ dsa₂ judíos i₂jme₁tion¹₅₄ le₁ηi²'₂. ²⁰ Jme₁ca₂juá²'₂ gué⁴'₄ dsa₂ ja₁jaun₂ a₂jme₁ηia₃ gué⁴'₄ ué₂ Pa₄, la₁ tsá₃ ma₃ca₂gue₃ 'éi₂. ²¹ Jaun₂ ca₂'ág³'₃ jág₁ jin₄ riin¹₅₄, ca₂juá²'₂:

—Tion₅₄ niog₅ nég⁴'₄ Jerusalén i₁jmo₃ jmig₄ a₂já₅. La₁ guáng₂ bá₄ táng₃ i₁jing₁₂ 'nia²'₂ nē₁jua²'₂ 'nio₃ Diú₄.

Jaun₂ ca₂'í₃ ni₁barco ca₂o₃'íin₃ juig₂ Efeso. ²² Jme₁ca₂dsióg₃ Cesarea, ca₂ηe₄ Pa₄ i₁cuiin₃ Diú₄ riin¹₅₄ i₂tián⁵'₅ Jerusalén. Jaun₂ ca₂ηái³'₃ táng₃ jui₅ Antioquía. ²³ Jme₁ma₂ne₁ηó₄ jmig₄ 'ein₅₄ ja₁jaun₂, ca₂ηei₅₄ táng₃ ca₂i₁ηi₂ le₂caun₂ le₂caun₂ juig₂ ja₁tén₄ 'uē₃ Galacia quian¹₅₄ Frigia, qui₂ca₂cué¹'₃ bí₂ ca₂le₃jín₃ dsa₂ i₂'én₂ riin¹₅₄.

Ca₂'é₂ Apolos jág₁ dse₃ juig₂ Efeso

²⁴ Jmig₄ jaun₂ ca₂dsióg₃ Efeso jan₂ dsa₂ judío i₂chen₂ Apolos, dsa₂ chan₂ juig₂ Alejandría. 'ηio₅ lín₃ jme₁tín₂ dsa₂ 'éi₂ 'é₂ jág₁ quió⁵'₅ Diú₄, dse₃ jme₁cuí¹'₅ Si₂ quió⁵'₅ Diú₄.

²⁵ Jme₁ma₂ηi₅ Apolos 'éi₂ 'a₂ lia²'₂ lē₅ jui₅ quió⁵'₅ Te₁gui¹₅₄. Jaun₂ 'ηio₂ dsí₅ qui₂ca₂dsia₃ jág₁ qui₂ca₂jme₂tíin₂₃ dsa₂ co₂rē₂ jág₁ quió⁵'₅ Jesús, ton²'₂ jmá³'₃ ηia¹₅₄ a₂jaun₂ bá₄ jme₁ηi₅ Apolos 'a₂ lia²'₂ jme₁jme₂tag₅ Juan₅₄ jui₁lia²'₂ a₂choin₂₃ dsa₂ jmig₂. ²⁶ Ca₂jme₃lióg₃ Apolos ca₂juá²'₂ dsi₂néi₂ guá⁵'₅ sinagoga ca₂tsí³'₃ dsa₂, ca₂dsia₃ tiá₂ dsí₅; la₁ jme₁ca₂nág₂ Priscila quian¹₅₄ Aquila, ca₂tē³'₃ Apolos cau₅, ca₂jme₃tag₂₃ gué⁴'₄ rē₂ 'a₂ lia²'₂ lē₅ jui₅ quió⁵'₅ Diú₄.

²⁷ Jaun₂ né₃, lia'₂ con'₂ jme'₁nio₃ Apolos jme'₁ñi₃ jui₅ Acaya, ca₂cuë₃ riin'₅₄ bí₂, ca₂chein₃ si₂ carta ne₄ dsa₂ 'én₂ i₂tián'₅ ja₁jaun₂, a₂guein₃ 'éi₂. Jme'₁ca₂dsióg₃ Apolos 'uë₃ Acaya, ca₂jme₃'oin₅₄ 'ñio₅ dsa₂ 'én₂ i₂tián'₅ ja₁jaun₂. Ia₁ a₂dse₃ dsí₅ Diú₄ ca₂jmo₃ a₂ca₂rë₃'én₂ dsa₂ 'éi₂. ²⁸ Jaun₂ qui₂ca₂tsiin₂ quian'₅₄ dsa₂ judíos, jaun₂ ca₂lí₃ bá₄ Apolos ne₄ ja₁tsiin₂₃ jaun₂, tē₃ jág₅ ca₂le₃jín₃ dsa₂. Ia₁ lia'₂ con'₂ lé₅ Si₂ quió'₅ Diú₄ bá₄ ca₂'é₃ dsa₂ 'éi₂, a₂dsón'₂ bá₄ lín₅ Jesús I₂rë₂'ín₁ quián₅ Diú₄.

19

'En₅₄ Pablo juig₂ Efeso

¹ Tē₁lia'₂ 'en₅₄ Apolos juig₂ Corinto, Pa₄ guë'₂ ca₂ñi₃ le₂tan₅₄ jui₅ má'₂ a₂ca₂dsióg₃ Efeso. Ja₁jaun₂ ca₂jein'₂ i₂lín₅₄ dsa₂ 'én₂. ² Jaun₂ ca₂ñag₃ 'éi₂ ca₂ñi₃ dsa₂ ca₂juá'₂:

—¿Ca₂guen'₅₄ 'nia'₂ Jme₂dsí₂ Jñi₅ lia'₂ con'₂ jme'₁ca₂rë₃'én'₂ 'nia'₂ jág₁ dse₃?

Jaun₂ ca₂ñag₃ dsa₂:

—Ca₂lia'₂ jñia'₅₄ tsá₃ ma₂ne₄ jnia'₅₄ jua'₅₄ chan₂ jan₂ Jme₂dsí₂ Jñi₅.

³ Jaun₂ ca₂ñag₃ táng₃ Pa₄:

—¿A₂ guë'₂ lia'₂ ca₂ñó'₂ 'nia'₂ jmi₂g₂?

Ca₂ñag₃ táng₃ dsa₂:

—Jui₁lia'₂ ca₂jme₃tag₅ Juan₅₄ bá₄.

⁴ Ca₂juá'₂ Pa₄:

—Jme'₁chon₅ Juan₅₄ jmi₂g₂ dsa₂ co₂'nió'₄ léi₄ a₂jme₃tsín₃ dsa₂ dsí₅. La₁ jme'₁juá'₂ ján₃, a₂'nió'₅ le₃'én₂ dsa₂ le₃quió'₅ i₂jiá₃ chi₁quín₃, a₂'iin₂₃ Jesucristo.

⁵ Jme'₁ma₂në₂néi₂ dsa₂ le₂në₅, qui₂ca₂choin₃ jmi₂g₂ lia'₂ con'₂ lé₅ 'éi'₃ quió'₅ Te₁gui'₅₄ Jesús. ⁶ Jaun₂ jme'₁ca₂quiog₂ Pa₄ gu₂ ne₄ quió'₅ dsa₂ 'éi₂, dsí₂jui₅ le₂jaun₂ ca₂guan₃ Jme₂dsí₂ Jñi₅ ca₂'í₃ tē₂dsí₅ dsa₂. Jaun₂ qui₂ca₂dsia₃ dsa₂ jág₁ jmei₅ siá'₂, qui₂ca₂juá'₂ jág₁ a₂ca₂cuë₃ Diú₄ né₃. ⁷ Con'₂ gua₃-tín₂ dsa₂ jme'₁lé₂ le₃jín₃.

⁸ Con'₂ 'ni₅ tsi'₂ ca₂dsin₃ a₂jme₁dsó₅ Pa₄ guá'₅ sinagoga ca₂dsia₃ tiá₂ dsí₅ ca₂jme₃tiin₂₃ dsa₂ qui₂co₂jéin'₂ dsa₂ tē₂le₃ ja₁gon₂ Diú₄. ⁹ La₁ i₂lín₅₄ dsa₂ ca₂jmo₃ 'ua'₂ dsí₅, tsá₃ ca₂rë₃'éin₂. Jñia'₅₄ qui₂ca₂ton₃ 'lig'₅₄ bá₄ Jui₅ quió'₅ Te₁gui'₅₄ jin₄ dsa₂. Jaun₂ ca₂té'₃ Pa₄ co₂nió'₃ jmá'₃ dsa₂ i₂'én₂ ca₂'u₁in₂ ja₁jaun₂ ca₂i₃lén₂ caun₂ escuela ja₁té'₂ quió'₅ Tirano ja₁táun₂ dsa₂ jág₁. Ja₁jaun₂ ca₂i₁jme₁tiin₂₃ dsa₂ ca₂le₃o₃ jmi₂g₄. ¹⁰ Ca₂dsin₃ tin₃ ñi₂ ca₂'í₃ ja₁jaun₂, jaun₂ le₃jín₃ dsa₂ i₂jme₁tián'₄ 'lióng₂ juig₂ ja₁tén₄ Asia ca₂nág₂ jág₁ quió'₅ Te₁gui'₅₄ Jesús lia'₂ dsa₂ judíos lia'₂ dsa₂ griegos né₃. ¹¹ Jaun₂ 'lióng₂ léi₄ jué'₂ ca₂jmo₃ Diú₄ tē₂le₃ quian'₅₄ Pa₄, ¹² le₂jio₅ ni₁tsin'₅₄ dsa₂, o₃ pe₁guí₄ 'e₂ a₂qui₂ca₂ní'₃ quió'₅, jme'₁qui₂dsi₂con₃ dsa₂ ja₁con₂ dsa₂ dso'₅₄, qui₂ca₂'lón₂ dsa₂ 'e₂ caun₂ dso₄ niog₅ lín₅, qui₂ca₂'u₁in₂ jme₂dsí₂ 'lín'₅₄ quió'₅ dsa₂ né₃.

¹³ La₁ i₂lín₅₄ dsa₂ judíos i₂jme₁i₂nio₄ jmo₂₃ 'u₁in'₂ jme₂dsí₂ 'lín'₅₄ quió'₅ dsa₂,* dsa₂ 'éi₂ jme'₁nio₃ jme'₁'iin₃ Te₁gui'₅₄ Jesús jui₁lia'₂ jē₁'u₁in'₂ jme₂dsí₂ 'lín'₅₄, ca₂juá'₂ tsí'₅ jme₂dsí₂ 'lín'₅₄:

—'Éi'₃ jmo₅ jniá₂ quian'₅₄ bí₂ 'éi'₃ quió'₅ Jesús i₂'in₅ Pa₄ në₅, 'u₁in'₂ 'nia'₂.

¹⁴ Le₂jaun₂ jme'₁jmo₅ ta₁guion₃ chi'₂ ja₁ñi'₅₄ jan₂ dsa₂ judío i₂chen₂ Esceva, i₂jme₁lín₄ jan₂ juig₅₄ jme₂dsa₂. ¹⁵ La₁ jme'₁ca₂jmo₃ le₂jaun₂, jaun₂ ca₂ñag₃ jme₂dsí₂ 'lín'₅₄:

—Cuín₅ bá₄ jniá₂ Jesús, ján₃ bá₄ guion₄ bá₄ jniá₂ 'ein₂ 'éi₂ Pa₄. La₁ 'nia'₂ né₃, ¿'ein₂ bá₄ 'nia'₂ jmo'₂ 'éi'₃ a₂jú₄ jniá₂?

¹⁶ Jaun₂ dsa₂ i₂jme'₁'en₅₄ jme₂dsí₂ 'lín'₅₄ quió'₅, ca₂cuë₃ 'ñio₅ lín₃ ca₂cuë'₃ ca₂le₃jín₃ dsa₂ 'éi₂, ca₂lia'₂ ca₂i₃lein₃ cuing₂₃ le₁cuáin'₃ qui₂le₁cuíin'₂ né₃. ¹⁷ Jaun₂ ca₂le₃jín₃ dsa₂ judíos,

* 19:13 griego: exorkiston (exorcistas).

quian⁵⁴ dsa₂ griegos né₃, i₂jme₁tián⁴ juig₂ Efeso, ca₂rë₃gó⁵ 'ñio₅ lín₃ jme₁ca₂rë₃ñi₅. Jaun₂ ca₂rë₃juin² Te₁gui⁵⁴ Jesús 'ñio₅ lín₃.

¹⁸ Jaun₂ juin₅ dsa₂ i₂ca₂rë₃'én₂, ca₂dsi₃lén₂ ca₂jmo₃ qui₂ñí₃ quió⁵ ca₂le₃jé₃ a₂lig⁵⁴ a₂qui₂ma₂jmo₃. ¹⁹ Jaun₂ juin₅ dsa₂ i₂jme₁jmo₅ ta₁ a₂chan₂ dsí₅ né₃, ca₂i₁quian⁵⁴ si₂ lia² quió⁵, jaun₂ ca₂dsí² tē₃ jág₅ dsa₂. Jme₁ca₂chen³ dsa₂ cuenta je₂liá² dsin₅ 'i₄ 'ma⁵⁴ le₃jé₃ si₂ jaun₂, ca₂dsió₃ con² tē₂láu₃-guiá₂ mei₅ 'éi³ cu₄ tiog₂. ²⁰ Jaun₂ né₃, quian⁵⁴ bí₂ quió⁵ Te₁gui⁵⁴ caun₂ ca₂i₃'ág₃ jág₁ quió⁵, caun₂ ca₂lí³ bá₄.

²¹ Cang₂ jaun₂ ca₂'ág₂ Pa₄ caun₂ dsí₅ a₂dsi₃jág₂ le₂tan⁵⁴ juig₂ ja₁tén₄ 'uë₃ Macedonia quian⁵⁴ Acaya, lia² ma₂ñó₅ jaun₂ tē₂ Jerusalén. Ján₃ bá₄ ca₂juá² táng₃, jē₁ma₂ca₂dsió₃ Jerusalén, a₂tion⁵⁴ dsó₃ ca₂tē₂ Roma ján₃. ²² Jaun₂ ca₂chein₃ on₃ dsa₂ i₂jme₂'o⁵⁴† quiáin₅: Timoteo, quai⁵⁴ Erasto, a₂dsi₃lén₂ jui₅ Macedonia. Ca₂rë₃'iin⁵⁴ bá₄ gué₄ 'ñiog₅, 'uë₃ Asia.

Ca₂nio₃ mi⁵⁴ juig₂ Efeso

²³ Jmíg₄ jaun₂, 'ñio₅ lín₃ ca₂nio₃ mi⁵⁴ o₄quió⁴ Jui₅ quió⁵ Te₁gui⁵⁴. ²⁴ Ia₁ jan₂ dsa₂ i₂chen₂ Demetrio i₂jme₁lín₄ tē₅ñí₁ cu₄tiog₂, jme₁jmo₂₃ chéi₂ a₂rë₂lag₄ lia² lé₅ guá⁵ ja₁chén⁴ 'io⁵⁴ diú₄ Diana. ‡ 'ñio₅ jme₁tiin₂₃ cu₄ quian⁵⁴ ta₁ jaun₂ quió⁵, quian⁵⁴ tē₅ñí₁ riin⁵⁴ i₂jmo₅ ta₁ le₂jaun₂. ²⁵ Jaun₂ Demetrio né₃, ca₂ñí² 'éi₂ quian⁵⁴ gué₄ dsa₂ sián² i₂jmo₅ ta₁ le₂jaun₂ ján₃. Jaun₂ ca₂juá²:

—'Nia² dsa₂ rin⁵⁴ jniog₄, ñi⁵⁴ bá₄ 'nia² rē₂, a₂chong₂ jniog₄ dse₃ quian⁵⁴ ta₁ quián₂.

²⁶ Jaun₂ jág² bá₄ 'nia² a₂jmo₅ Pa₄ ñi₂₃ juá² tsí⁵ dsa₂, a₂tsá₃ 'e₂ quen₅ diú₄ i₂jmo² dsa₂ mi₂güí₃, ia₁ tsá₃ lín₅ diú₄, juá². Jaun₂ juin₅ dsa₂ i₂ma₂ca₂rë₃'én₂ né₃, on₃ jua⁵⁴ jmá³ juig₂ Efeso la₂, mei² tsá₃ le₂tan⁵⁴ 'uë₃ Asia bá₄. ²⁷ Jaun₂ go² tē₂le₃ quián₂ jniog₄, ia₁ dsí₃'én₂ ta₁ quián₂ lé₂. Ján₃ guē² le₂jaun₂, tē₂le₃ quió⁵ guá⁵ quió⁵ diú₄ Diana juin², go² a₂dsi₃'én₂ ján₃. Ia₁ nē₁jua² tsá₃ ma₂'nio₃ dsa₂, jaun₂ dsí₃'én₂ bá₄ bí₂ quió⁵ a₂lín₅ dsa₂ juin². Ia₁ rē₂né₃ ta₁caun₂ 'uë₃ Asia, ta₁caun₂ mi₂güí₃ né₃ jme₂go₃ dsa₂ a₂jme₂juag².

²⁸ Jme₁ca₂dsan₃ nag₅ dsa₂ le₂nē₅, ca₂rë₃'néi₃ 'ñio₅ lín₃, ca₂tóin² ca₂guió³ ca₂juá²:

—i'ñio₅ juin² diú₄ Diana quián₅ dsa₂ juig₂ Efeso!

²⁹ Jaun₂ ca₂lë₃ mi⁵⁴ quió⁵ ca₂le₃jín₃ dsa₂ juig₂ jaun₂. Jaun₂ le₃on₃ dsa₂ chan₂ Macedonia i₂chen₂ Gayo quai⁵⁴ Aristarco i₂jme₁quian⁵⁴ Pa₄, ca₂jñau³ ca₂i₃toin⁵⁴ co₂dsia₅ ca₂tē₂ ja₁ñi² § dsa₂ juig₂. ³⁰ Jaun₂ jme₁'nio₃ Pa₄ jme₁dsó₃ jin₄ dsa₂ juig₂ a₂jme₁dsi₃chi⁵⁴ dsa₂. La₁ tsá₃ ca₂cuë₃ jmíg₄ riin⁵⁴ i₂'én₂. ³¹ I₂lín⁵⁴ dsa₂ dsen⁵⁴ quián₅ 'uë₃ Asia, i₂lín₅ dsa₂ a₂mei⁵⁴ quián₅ Pa₄, ján₃ bá₄ ca₂chein₃ jág₁ a₂tsá₃ dsí₂ten⁵⁴ jua⁵⁴ a₂dsi₃'í₂ Pa₄ ja₁jaun₂. ³² Tē₂lia² jaun₂ né₃ ja₁tion⁵⁴ dsa₂ juig₂ le₁ñi² tío⁵⁴ co₂mi⁵⁴, lé₅ bá₄ qui₂juá² jan₂-jan₂, tsá₃ caun₂ jág₁ 'ei₅, lé₅ gué₄ ca₂dsion₄ dsa₂ jñia⁵⁴ tsá₃ ñi₅ 'e₂ lë₃ le₁ñi². ³³ La₁ jē₄ jaun₂ jme₁tion⁵⁴ bá₄ i₂lín⁵⁴ dsa₂ i₂ñi₅. Jaun₂ ca₂juá² 'a₂ lia² lé₅ ca₂tsí³ jan₂ i₂chen₂ Alejandro i₂jme₁ca₂'lian³ dsa₂ judíos a₂ca₂dsió₃ tē₂ne₄ dsa₂ juig₂. Jaun₂ ca₂jmo₃ Alejandro léi₄ quian⁵⁴ gu₂ a₂jme₁mi₂₃ a₂jmo₃ dsa₂ tei₄, ia₁ a₂jme₁'nio₃ juá² jág₁ a₂jme₁tsí³ dsa₂ a₂jme₁lióin₂ dsa₂ on₃ i₂ca₂jñá³ dsa₂ 'éi₂. ³⁴ La₁ jme₁ca₂rë₃lí⁴ dsa₂ a₂lín₅ Alejandro 'éi₂ jan₂ dsa₂ judío, jaun₂ ca₂tóin² co₂mi⁵⁴, con² tin₃ hora qui₂guió⁵ ca₂juá²:

—i'ñio₅ juin² diú₄ Diana quián₅ dsa₂ juig₂ Efeso!

³⁵ Jaun₂ dsa₂ i₂lín₅ tē₅sí₃ quián₅ dsa₂ juig₂ jaun₂, ca₂tió³ jme₁ca₂tió³, ca₂jmo₃ ca₂i₃lén₂ dsa₂ tei₄. Jaun₂ gué₄ ca₂juá²:

—'Nia² dsa₂ chan₂ Efeso, ta₁caun₂ mi₂güí₃ bá₄ le₁ñi₅ dsa₂ a₂ca₂tín₂ dsa₂ juig₂ Efeso jmo₃ 'í₁ guá⁵ quió⁵ diú₄ juin² Diana, ton² jmo₃ 'í₁ nió⁴ quió⁵ a₂ca₂sió₃ guei⁵⁴ i₂juí₃.*

† 19:22 griego: diákonous. ‡ 19:24 griego: Artemis; (Diana chein₂ quian⁵⁴ latín, jág₁ jmei₅ romano). § 19:29 griego: theatron (co₂'nió⁴ caun₂ estadio a₂lé₅ dso² dsí₂con²). * 19:35 A₂lín⁵⁴ chog⁵⁴ si₂: “a₂ca₂sió₃ ja₁con₂ diú₄ Júpiter.”

³⁶ 'I₁jan₂ jua'₅₄ le₃juá'₂ a₂tsá₃ ŋi₅. Jaun₂ tei₄ jmo₄ 'nia'₂, 'nio'₂ 'nia'₂ 'au'₂ dse₃ né'₃ gué'₄ a₂jmó'₂ 'e₂ jmó'₂. ³⁷ Ia₁ dsa₂ i₂nē₂chan'₂ 'nia'₂, tsá₃ 'ang₂₃ a₂ca₂tín₂ guá'₅, on₃ gué'₄ 'iin₂₃ 'lig'₅₄ diú₄ quián₂ jniog₄. ³⁸ Chi₂jua'₂ 'nio₃ Demetrio mi₃ dso₄, quiain'₅₄ ca₂le₃jín₃ i₂jmo₅ ta₁ quiain'₅₄, jaun₂ gué'₂ chan₂ dsi₂tan₅₄ ne₄ta₁ ja₁lé₂ dsi₃mi₃ dso₄. ³⁹ La₁ nē₁jua'₂ a₂mi'₂ 'nia'₂ lé₅ caun₂ dso₄ jué'₂ gué'₄ con'₂ gué'₄ a₂jaun₂, 'nió'₅ le₃rē₂ ne₄ dsi₂tan₅₄ jē₁ma₂le₁ŋi'₂ dsa₂ juig₂. ⁴⁰ Ia₁ go'₂ quián₂ jniog₄ a₂jmo'₂ 'nia'₂ le₂nē₅, nē₁jua'₂ ca₂'nag₃ dsa₂ a₂ŋí₄ lē₃ 'niog₂ mi'₅₄, jui₁lia'₂ mi'₅₄ a₂ca₂lē₃ nē₃. Ia₁ nē₁jua'₂ ca₂ŋag₃ dsa₂ 'e₂ 'uig₅₄ ca₂lē₃ mi'₅₄ la₂, tsá₃ 'e₂ cha₂ le₃ŋag₄.

⁴¹ Jme₁ma₂ca₂dsan₃ juá'₂ le₂nē₅, ca₂jme₃dsiain₂₃ bá₄ jág₁ a₂le₁ŋi'₂ dsa₂. Jaun₂ ca₂dsiain'₂ bá₄ dsa₂, qui₂ca₂i₃lein₃ quió'₅.

20

Ca₂ŋó₃ Pablo 'uē₃ Macedonia quian'₅₄ Grecia

¹ Jme₁ca₂dsan₃ mi'₅₄ jaun₂, qui₂ca₂té'₃ Pa₄ le₃jín₃ dsa₂ 'én₂, qui₂ca₂cué'₃ bí₂. Jme₁ca₂lē₃ jaun₂, qui₂ca₂'ág'₃ jág₁ riin'₅₄. Jaun₂ gué'₄ ca₂ŋó₃ jui₅ Macedonia. ² Jaun₂ qui₂i₁jag₅₄ le₂tan₅₄ juig₂ te₁'i₁ ja₁jaun₂. Quian'₅₄ jág₁ quió'₅ qui₂i₁cué'₂ bí₂ riin'₅₄. Cang₂ gué'₄ jaun₂ ca₂ŋó₃ táng₃ jui₅ Grecia. ³ Ja₁jaun₂ ca₂'í₃ 'ni₅ tsí'₂. Jme₁ma₂'ein₅₄ jui₅ 'í₂ ni₁barco a₂dsó₃ jui₅ Siria, jme₁ca₂rē₃ŋi₅ a₂ma₂jmo₅ dsa₂ judíos caun₂ jág₁ a₂tsáun'₂. Jaun₂ co₂ŋei'₅₄ tsá₃ ma₃ca₂ŋái'₃ jui₅ jaun₂. Ca₂ŋái'₃ bá₄ táng₃ jui₅ 'uē₃ ca₂ŋí₃ Macedonia. ⁴ Jaun₂ ca₂jme₃quiong'₅₄ dsa₂ le₂'i₄ jui₅ i₂chen₂ Sópater ja₁ŋi'₅₄ Pirro,* i₂chan₂ Berea, Aristarco quian'₅₄ Segundo i₂chan₂ Tesalónica, Gayo i₂chan₂ Derbe; Timoteo, Tíquico quian'₅₄ Trófimo né₃ i₂chan₂ juig₂ gu'₂ ja₁tén₄ 'uē₃ Asia. ⁵ Jaun₂ né₃, rin'₅₄ jniog₄ 'éi₂ ca₂i₃ŋiái₄ ca₂i₁ŋiog₁₂ juig₂ Troas. ⁶ Cang₂ jme₁ca₂gú'₃ jmig₄ a₂gué'₅ dsa₂ i₁ŋi'₄ a₂tsá₃ levadura quian'₅₄, jaun₂ ca₂tió'₄ jnia'₅₄ ni₁barco ca₂'uag₂ Filipos. A₂'ŋiá₂ jmig₄ jaun₂, ca₂join₃ jnia'₅₄ juig₂ Troas. Ja₁jaun₂ ca₂ŋia₄ jnia'₅₄ guio₃ jmig₄.

'En₅₄ Pablo juig₂ Troas

⁷ Jmig₄ jē₁le₂'uig₅₄ semana, ca₂ŋag'₂ jnia'₅₄ a₂ca₂dsió'₄ i₁ŋi'₄. Jaun₂ tē₃jē₄ jaun₂ ca₂jme₃tag₅ Pa₄ ca₂jme₃tíin₂₃ dsa₂. Caun₂ ca₂ton₃ jág₁ ca₂lia'₂ ca₂té₂ dsi₃nei₅, ia₁ a₂ma₂'ein₅₄ jui₅ dsáin'₃ jē₁ma₂jnia₃ jaun₂. ⁸ Jme₁tio'₅₄ jnia'₅₄ le₁ŋag'₂ caun₂ dsi₂néi₂ ja₁lé₄ guei'₅₄. 'Lióng₂ tsí₅ jme₁le₁'ág₄ le₁guí'₂ si₂. ⁹ Jan₂ gué'₂ dsó₂ jme₁guá₄ caun₂ o₄'né₄ tau₂ quei₂ i₂jme₁chen₂ Eutico. Ia₁ a₂ŋí₄ lē₃ ué₂ qui₂ca₂dsia₃ Pa₄ jág₁, jaun₂ tsá₃ ma₃ca₂tió'₃ 'éi₂ a₂i₁güün₃. Jme₁ma₂rē₂güün₃ tsá₃ ma₃lí'₄ jme₁ca₂táin'₂ ca₂tē₂ ja₁lé₄ 'ni₅ juín₃ guei'₅₄. Ma₂join₂₃ jme₁ca₂i₁cho'₄ dsa₂. ¹⁰ Jaun₂ ca₂sión₃ Pa₄ ján₃, ca₂jŋai'₃ 'lag₄ ca₂quio₂ ne₄ quió'₅, jaun₂ ca₂juá'₂ ca₂tsí'₃ riin'₅₄:

—Tsá₃ lē₁jmo₂ 'nia'₂ gang'₃, ia₁ 'i₄ bá₄ jme₂dsí₂ quió'₅ chi'₂.

¹¹ Jaun₂ né₃ ca₂uíg₂ táng₃ Pa₄ guei'₅₄. Jaun₂ ca₂dsió'₃ i₁ŋi'₄, ca₂gué'₃ bá₄ jaun₂ né₃. Caun₂ ca₂dsia₃ bá₄ gué'₄ Pa₄ jág₁ ca₂lia'₂ ca₂jnia₃. Ca₂ŋái'₃ bá₄ jaun₂ né₃. ¹² La₁ dsó₂ 'éi₂ né₃, jéin'₃ bá₄ ca₂tág₃ dsa₂, jmo₅ dsa₂ 'io'₂ ca₂le₃jín₃.

Ca₂'uin₂ dsa₂ Troas, ca₂i₃lén₂ táng₃ jui₅ Mileto

¹³ Ca₂i₃ŋióg₄ bá₄ jnia'₅₄ i₂náu₅ quian'₅₄ ni₁barco ca₂tē₂ Asón ca₂i₁te₁ Pa₄, ia₁ jme₁ma₂lé₅ jág₁ a₂'nio₃ dsó₃ 'ŋiog₅ jui₅ tag₅₄. ¹⁴ Jme₁ca₂rē₃quiain'₅₄ jnia'₅₄ juig₂ Asón, ca₂'í₃ ni₁barco quian'₅₄ jnia'₅₄ a₂ca₂i₃náu₅ jui₅ Mitilene. ¹⁵ Ca₂'uag₂ jnia'₅₄ ja₁jaun₂. Jme₁jnia₃ jaun₂, ca₂ŋag₅₄ cau₅ ja₁té'₂ dsa₂ Quío, (a₂niog₅ jē₄ jmi₁ŋi'₄). Caun₂ jmig₄ cang₂ jaun₂, ca₂dsi₃náu₅ jnia'₅₄ 'o₄ jmi₁ŋi'₄ ja₁chei₂ Samos. [Jaun₂ ca₂jŋia₁ jnia'₅₄ juig₂ Trogilio].† Jme₁jnia₃ jaun₂ gué'₄ ca₂dsi₃náu₅ jnia'₅₄ tē₂ juig₂ Mileto. ¹⁶ Jaun₂ le₂nē₅ ca₂lē₃, ia₁ tsá₃ 'nio₃ Pa₄ 'í₂ ué₂

* 20:4 A₂lin₅₄ chog₅₄ si₂ tsá₃ chi₁ton₅ “ja₁ŋi'₅₄ Pirro.” † 20:15 A₂lin₅₄ chog₅₄ si₂ tsá₃ le₁ton₅ jág₁ nē₅.

'uë₃ Asia, tsá₃ ma₃ca₂ñei₅₄ jui₅ Efeso. Ia₁ 'nio₃ dsáin'₄ ñi'₅₄ ta₁ jui₅ Jerusalén, a₂'nio₃ ñi₅ ja₁jaun₂ Jmíg₄ Të₂láu₃-guiá'₂ nē₁jua'₂ ca₂lë₃.

Ca₂ton₃ Pablo jág₁ jin₄ dsa₂ can'₅₄ quián₅ riin'₅₄ chan₂ Efeso

¹⁷ 'En₅₄ Pa₄ juíg₂ Mileto, jaun₂ ca₂ñí'₂ ca₂le₃jín₃ dsi₂gui'₅₄ can'₅₄ quián₅ riin'₅₄ i₂chan₂ Efeso. ¹⁸ Jme₁ca₂dsi₃lén₂ dsa₂, jaun₂ ca₂juá'₂ Pa₄:

—Ñi'₅₄ bá₄ 'nia'₂ 'a₂ lia'₂ ma₂jmo₃ jniá₂ ca₂le₃ guang₃ le₂'uig₅₄ 'uë₃ Asia. ¹⁹ Ca₂le₃jé₃ jmíg₄ bá₄ lia'₂ con'₂ ca₂'ú₃ jin'₄ 'nia'₂, ca₂jme₁ti₁₂ ta₁ ne₄ Te₁gui'₅₄. Tsá₃ ca₂jme₁juing'₂ 'ñi₃. Tsá₃ caun₂ ca₂i₃ñíg₂ 'uig₅₄ ca₂le₃jé₃ a₂jme₁'nio₃ dsa₂ judíos jme₁jmóg'₂. ²⁰ La₁ on₃jua'₅₄ jaun₂ tsá₃ ma₃ca₂jme₁tin₅ jniá₂ 'nia'₂ a₂dse₃ quián'₂ 'nia'₂, ca₂i₁'é₄ jin₄ dsa₂, ca₂ñeg₅₄ të₂ dsi₂néi₂ quián'₂ 'nia'₂ né₃. ²¹ Lia'₂ dsa₂ lín₅ judíos lia'₂ dsa₂ griegos né₃, qui₂ma₂juíg₂ jniá₂ a₂'nió'₅ jme₃tsín₃ dsa₂ dsí₅ ne₄ Diú₄, a₂le₃'éin₂ të₂le₃ quió'₅ Te₁gui'₅₄ Jesucristo quián₂ jniog₄. ²² Jaun₂ né₃, ma₂'eng₅₄ jui₅ nei₅₄ jui₅ Jerusalén, ia₁ chi₂quióng₂ jmíg₄ Jme₂dsí₂ quián₅ Diú₄. Tsá₃ a₂jaun₂ guion₅₄ 'e₂ dsi₃ñíg₂ ja₁jaun₂. ²³ Jñia'₅₄ lia'₂ jaun₂ bá₄ guion₅₄, ia₁ le₂caun₂ le₂caun₂ juíg₂ ja₁ma₂ñeg₅₄, ma₂'é₂ jág₁ Jme₂dsí₂ Jñi₃ a₂i₁ñag₁₂ uig₅, a₂to'₂ dsa₂ 'né₅ 'má₃ né₃. ²⁴ La₁ tsá₃ a₂jaun₂ 'i₅ dsi₃ jniá₂, o₁jñia'₅₄ ca₂quín₂ 'mú₃ quió₃, ia₁jaun₂ bá₄ le₃tei₅₄ jniá₂ ta₁ a₂ma₂chei'₃ Te₁gui'₅₄ Jesús a₂jmo₅₄, a₂jme₁tíng₅ dsa₂ jág₁ dse₃ a₂'ua₁ dsí₅ Diú₄.

²⁵ 'Jaun₂ né₃ dsón'₂ lín₂ jniá₂, 'nia'₂ rin'₅₄ jniog₄ i₂ma₂nei'₂ jág₁ a₂ma₂qui₂ma₂'é₃ jniá₂ ñi₂₃, o₁líg'₂ jmíg₄ tsá₃ ma₃jag'₅₄ 'nia'₂ jniá₂ táng₃. ²⁶ Jaun₂ lë₃ juíg₂ jniá₂ 'nia'₂ tsá₃ ma₃'e₂ rë₂cán'₄ jniá₂ ja₁con₂ ca₂le₃jín₃ dsa₂, ²⁷ ia₁ ma₂ca₂juíg₂ bá₄ jniá₂ 'nia'₂ lia'₂ con'₂ lé₅ dsi₂jio₅ dsí₅ Diú₄ jmo₃, tsá₃ 'e₂ ca₂'ma₃ jniá₂ ja₁con'₂ 'nia'₂. ²⁸ Jaun₂ né₃, jmo₄ 'nia'₂ 'í₁ guiong'₅₄, jmo₄ 'í₁ ca₂le₃jín₃ dsa₂ ríng'₂ i₂'én₂ né₃. Ia₁ o₄gog'₂ 'nia'₂ bá₄ ma₂dsiog₃ Jme₂dsí₂ Jñi₃ a₂jmo₂' 'í₁ dsa₂ i₂lín₅ guá'₅ quián₅ Diú₄ i₂'lian'₅₄ të₂le₃ quian'₅₄ jmi₂ 'an₅₄ 'ñiog₅ ja₁ñi'₅₄. ²⁹ Guion₄ bá₄ jniá₂ a₂ja₃lén₂ dsa₂ sián'₂ jë₁ma₂ñág'₅, a₂'nio₃ 'éin₂ 'nia'₂ ca₂le₃jíng'₃, a₂jmo₃ jui₁lia'₂ jmo₅ dsi₂ji'₅₄ náu₂ tsau₂ dsí₅, jme₂dsiain₂₃ jui₁lia'₂ já'₂ cha'₂. ³⁰ Náú₃ jë₄ quián'₂ 'nia'₂ guiong'₅₄ dsa₂ i₂jme₃tag₅ le₃jen₅ ia₁jaun₂ 'ein₃ jui₅ quió'₅ 'éi₂ jui₁lia'₂ dsa₂ i₂ma₂'én₂ jág₁ dse₃. ³¹ Jaun₂ rë₂ján'₁ 'nia'₂, dsá₂ 'au'₂ 'nia'₂ jmo₄, ia₁ 'ni₅ ñi₂ ca₂dsin₃ ca₂cué₃ 'nia'₂ jág₁ lia'₂ 'uë₂-jmi₂, ca₂le₃jé₃ ca₂'o₃.

³² 'Jaun₂ né₃ rin'₅₄ jniog₄, dsián₄ jniá₂ 'nia'₂ o₄gú₃ Diú₄, ne₄ jág₁ dse₃ quió'₅ a₂'ua₁ dsí₅, a₂lé₂ jmo₃ a₂'uan'₂ 'nia'₂, a₂lé₂ jmo₃ a₂tin'₅₄ 'nia'₂ a₂dse₃ a₂cha₂ quió'₅, jui₁lia'₂ a₂tin₅₄ ca₂le₃jín₃ dsa₂ i₂lé₅ 'í₁ quián₅. ³³ Tsá₃ 'e₂ ma₂ca₂rë₃'ín₂ dsi₃ a₂jmo₅₄ quió₃, jui₁lia'₂ a₂cha₂ quió'₅ i₂sián'₂, on₃ guë'₂ cu₄nióg₄, on₃ guë'₂ cu₄tio₂, on₃ guë'₂ tsin'₅₄ né₃. ³⁴ Ñi'₅₄ bá₄ 'nia'₂ rë₂, të₂le₃ ma₂jmo₃ bá₄ ta₁ 'ñi₃ quian'₅₄ gu₂-tag₃ ma₂'no₃ a₂'nió'₅ dsi₃ñíg₂ quian'₅₄ i₂quiang'₅₄. ³⁵ Ca₂le₃o₃ jmíg₄ bá₄ ma₂'é₃ 'nia'₂ 'a₂ lia'₂ 'nió'₅ jmo₃ dsa₂ ta₁, a₂'nió'₅ jme₃'on₅₄ dsa₂ dsa₂ i₂'nió'₅ quió'₅. Dsá₂ 'au'₂ 'nia'₂ jmo₄ jág₁ quió'₅ Te₁gui'₅₄ Jesús, jme₁ca₂juá'₂: “Ja₂lín₃ gué₄ dse₃ 'ei₅ dsí₅ dsa₂ i₂cuë₅, con'₂ gué₄ dsa₂ i₂gue₅.”

³⁶ Jme₁ca₂dsan₃ juá'₂ Pa₄ le₂në₅, ca₂chi₃jnë₃ quian'₅₄ ca₂le₃jín₃ dsa₂, ca₂chi₃lén'₂ Diú₄. ³⁷ Ca₂le₃jíin₃ qui₂ca₂'o₃, qui₂ca₂jñai'₃ Pa₄, ca₂chen'₃ quió'₅. ³⁸ La₁ ja₂lín₃ gué₄ 'lia'₂ dsí₅ dsa₂ ca₂tóin'₂ jme₁ca₂juá'₂ Pa₄, ca₂lia'₂ o₁líg'₂ jmíg₄ tsá₃ ma₃jíin₂ gué₄ riin'₅₄. Jaun₂ ca₂jme₃quiong'₅₄ dsa₂, ca₂i₁join₅₄ Pa₄ të₂ ja₁'ei₅ ni₁barco.

21

Ca₂ñá'₃ Pa₄ jui₅ Jerusalén

¹ Jme₁ca₂tén'₂ dsi₅ jnia'₅₄ dsa₂ rin'₅₄, jaun₂ ca₂i₃náu₅ jui₅ ne₄ jmi₁ñí'₄ co₂dsau₅ të₂ Cos (a₂niog₅ jë₄ jmi₁ñí'₄). Jme₁jnia₃ jaun₂ táng₃, ca₂ñag₅₄ ja₁chei₂ Rodas, jaun₂ gué₄ dsi₃náu₅

‡ 20:28 griego: (ma₂chei'₃ Jme₂dsí₂ Jñi₃ a₂lén'₂ 'nia'₂) epískopos (dsa₂ i₂con₂ 'í₁).

jnia'⁵⁴ juig² Pátara. ² Juig² Pátara jaun², cane⁵⁴ táng³ jnia'⁵⁴ caun² ni¹ barco a² ḡó³ jui⁵ 'uē³ Fenicia, jaun² ca²tió'⁴ jnia'⁵⁴, ca²i³náu⁵ táng³. ³ Jaun² ca²ḡag⁵⁴ jnia'⁵⁴ ja¹jniá² Chipre tē²le³ gu² jen⁵, jaun² ca²i³náu⁵ jnia'⁵⁴ tē² Siria. Jaun² ca²dsióg³ ni¹ barco juig² Tiro, ia¹ i¹con² lio⁵⁴ ja¹jaun². Jaun² ca²sió⁴ jnia'⁵⁴ ja¹jaun². ⁴ Jaun² ca²jen'² jnia'⁵⁴ dsa² 'én² rin'⁵⁴ tián'⁵ ja¹jaun². Jaun² ca²tió'⁴ jnia'⁵⁴ guio³ jmi⁴ quiain'⁵⁴. Dsa² 'éi² né³, ca²'é² jág¹ a²ca²cuē³ Jme²dsí² Jḡiós⁵, ca²tsí'³ Pa⁴ a²tsá³ dsi²ten⁵⁴ dsó³ jui⁵ Jerusalén. ⁵ Jme¹ca²dsin³ guio³ jmi⁴ tio'⁵⁴ jnia'⁵⁴ jaun², jaun² ca²'uag² táng³. Jaun² ca²le³jín³ dsa² i²'én², quiain'⁵⁴ 'io⁵⁴ quiáin⁵, chi'² quiáin⁵ né³, ca²jme³quiong'⁵⁴ tē² 'ni'² juig², ca²i¹jo⁵⁴ tē² chei'⁵⁴ jmi¹ḡi'⁴. Ja¹jaun² ca²chi¹jne¹ jnia'⁵⁴ ca²le³jág³, ca²chi¹len'⁴ jnia'⁵⁴ Diú⁴. ⁶ Jaun² qui²ca²chan'⁵⁴ jnia'⁵⁴ rin'⁵⁴ ca²'ei'⁵⁴ jág¹. Jaun² gué⁴ ca²uig⁵⁴ jnia'⁵⁴ 'ḡiós³ ni¹ barco. 'Éi² né³ ca²i³lein³ bá⁴ quió'⁵.

⁷ Jme¹ca²'uag² jnia'⁵⁴ juig² Tiro, ca²i³náu⁵ jui⁵ ne⁴ jmi¹ḡi'⁴ a²ca²i³náu⁵ jui⁵ Tolemaida. Ca²cuin⁵⁴ jnia'⁵⁴ Diú⁴ rin'⁵⁴ i²tián'⁵ ja¹jaun², ca²jḡia⁴ jnia'⁵⁴ co²jmi⁴ quiain'⁵⁴. ⁸ Jme¹jnia³ jaun², ca²le³jág³ con'² i²quian'⁵⁴ Pa⁴ ca²'uag² ja¹jaun², ca²dsi³náu⁵ juig² Cesarea. Ja¹jaun² ca²i¹náu⁴ jnia'⁵⁴ ja¹quió'⁴ Felipe i²'é² jág¹ dse³, i²lín⁵ jan² rin'⁵⁴ dsa² guion³ i²jme²'o⁵⁴* i²ca²quión'² dsa² le²jḡiá⁵. ⁹ Felipe 'éi² jme¹chan² quén² ja¹míg⁴ on³jua'⁵⁴ i²ma²jen'² gu². 'Io⁵⁴ quén² 'éi² jme¹'ē²³ 'é'⁵ dsa² jág¹ a²cuē⁵ Diú⁴. ¹⁰ Ma²ne¹ḡó⁴ ca²la² jmi⁴ tio'⁵⁴ jnia'⁵⁴ jme¹ca²dsióg³ jan² dsa² i²té'² dsa² Agabo, i²'é² jág¹ a²cuē⁵ Diú⁴, a²ca²o³jag⁵⁴ jnia'⁵⁴. ¹¹ Jaun² jme¹ca²guan³ 'éi² né³, ca²can³ lau² jén'⁵ tú'⁵ Pa⁴, jaun² qui²ca²'néi² mi²tag⁵⁴ 'ḡiog⁵ quian'⁵⁴ mi²gu² né³. Jaun² ca²juá'²:

—Le²la² juá'² Jme²dsí² Jḡiós⁵: “Le²la² jmo³ dsa² judíos jē⁴ juig² Jerusalén jmái'² dsa² i²quió'⁵ ni¹lau² la², jaun² jáng'² o⁴gú³ dsi²nau².”

¹² Jme¹ca²'néi¹ jnia'⁵⁴ le²nē⁵, jaun² ca²mí¹ jnia'⁵⁴ quian'⁵⁴ dsa² chan² Cesarea ca²chei⁵⁴ Pa⁴ a²tsá³ ma³dsó³ Jerusalén. ¹³ La¹ jaun² ca²ḡag³ Pa⁴:

—¿'E² lē³ qui'²-au'² 'nia'², jmo'² 'nia'² 'ags'² lia'² dsi³? Ia¹ ma²rē²ján¹ bá⁴ jniá², on³jua'⁵⁴ jmái'³ ca²ne⁵⁴ a²'nei³ dsa². Ján³ bá⁴ ma²'ei⁵ caun² dsi³ a²jóng², jḡag³ dsa² juig² Jerusalén, o⁴quió'⁴ Te¹gui'⁵⁴ Jesús.

¹⁴ Ia¹ tsá³ jág¹ ca²can³ Pa⁴ a²ca²chei⁵⁴ jnia'⁵⁴ a²tsá³ dsó³, jaun² ca²jmó¹ jnia'⁵⁴ tei⁴ jme¹ma²nē²jua'⁵⁴:

—Jui¹le⁵⁴ bá⁴ a²'ḡio² dsi⁵ Te¹gui'⁵⁴ jaun².

¹⁵ Cang² jaun² ca²jmó¹ jnia'⁵⁴ co²jḡia⁵⁴ quián², ca²tió'⁴ jui⁵ i³náu⁵ jui⁵ Jerusalén. ¹⁶ I²lín⁵⁴ dsa² 'én² i²chan² Cesarea ca²jme³quiong'⁵⁴. Jē⁴ jaun² ḡó³ jan² dsa² i²chen² Mnasón i²chan² Chipre. Ma²líg'² bá⁴ ma²jás dsa² 'éi² a²lín⁵ dsa² i²'én². Ja¹quió'⁴ 'éi² ca²i¹jḡia⁴ jnia'⁵⁴ Jerusalén.

Ca²i¹jḡin¹ Pa⁴ Jacobo

¹⁷ Jme¹ca²dsi³náu⁵ jnia'⁵⁴ juig² Jerusalén, jaun² rin'⁵⁴ i²tián'⁵ ja¹jaun² ca²guei³ ca²lia'² 'io'² jén'⁵. ¹⁸ Jme¹jnia³ jaun², ḡó³ Pa⁴ quiain'⁵⁴ jnia'⁵⁴ a²ca²i¹jḡin¹ jnia'⁵⁴ Jacobo. Ja¹quió'⁴ 'éi² jme¹tion'⁵⁴ jḡin² gui'⁵⁴ can'⁵⁴.† ¹⁹ Jaun² qui²ca²cuag³ Pa⁴ Diú⁴. Jaun² ca²dsia³ Pa⁴ ca²le³jé³ 'e² a²ma²jmo³ Diú⁴ jḡin⁴ dsi²nau² tē²le³ quian'⁵⁴ 'éi². ²⁰ Jme¹ca²nág² dsa² jág¹, jaun² ca²jme³juiⁱⁿ'² Diú⁴. Jaun² ca²juá'² ca²tsí'³ Pa⁴:

—Dse³ jaun² rin'⁵⁴ jniog⁴, la¹ ḡi'⁵⁴ bá⁴ 'ne², tē²le³ mei⁵ bá⁴ dsa² judíos i²ma²'én². Ca²le³jín³ 'éi² né³, dse⁵⁴ dsi⁵ le³quió'⁵ 'Éi'³ Juá'⁵. ²¹ Jaun² ma²juá'² dsa² a²ḡi'² 'ne² jme²tḡng'¹ dsa² judíos i²tián'⁵ go⁴ dsi²nau², a²tsá³ ma³tón'² jui⁵, tsá³ ma³jme³ti³ 'éi'³ ca²jmo³ Moisés, a²tsá³ ma³ti³ dsa² ni¹lo¹ chi'² dsa² ḡe'² quiáin⁵, on³ gué'² jmo³ jui¹lia'² tag⁴ chí'⁵ quián² jniog⁴. ²² ¿'E² lé² né³? Ia¹ tion⁵⁴ ja³lén² dsa² a²ḡii'² jē¹ma²ca²rē³ḡi⁵ a²'eng'⁵⁴ ja¹lás.‡ ²³ Co²ḡei'⁵⁴ gué⁴ dse³ jmó'² a²jua'⁵⁴ jnia'⁵⁴ la²: Chan² jē⁴ la² quián² jnia'⁵⁴ quén² dsa² i²tion⁵⁴ niog⁵ jme³ti³ caun² jág¹ quió'⁵ a²ma²cué'³ Diú⁴. ²⁴ Jḡiai⁵ jui¹dsi²lén² quian'⁵⁴ 'ne²,

* 21:8 dsa² guion³ i²jme²'o⁵⁴: 'Nio'² ja¹ton⁵ Hechos 6:1-7; Filipenses 1:1. † 21:18 griego: presbíteros. ‡ 21:22 A²lín⁵⁴ chog⁵⁴ si²: “Ia¹ tion⁵⁴ bá⁴ le³ḡi⁵ dsa² a²'eng'⁵⁴ ja¹lás.”

jmo₄ le₁jé₃ quiáng'₂ quiain'₅₄. Jaun₂ 'ne₂ bá₄ qui'₅₄ 'lia'₅₄ ia₁jaun₂ ma₂lé₂ jme₃ti₃ a₂chéi₃ jñi₂ dsi₅₄, ia₁jaun₂ ca₂le₃jín₃ bá₄ dsa₂ le₃lí'₄ a₂tsá₃ dsau₅ jág₁ a₂dsia₅ dsa₂ a₂'iin₂₃ 'ne₂. Jaun₂ le₃ñi₅ dsa₂ a₂jme₂ti'₅₄ bá₄ 'ne₂ ján₃ con'₂ lé₅ 'Éi'₃ Juá'₅ quió'₅ Moisés. § 25 La₁ ma₂ca₂chen₅₄ bá₄ jnia'₅₄ si₂ ne₄ dsi₂nau₂, a₂ca₂chei₅₄ jnia'₅₄ a₂tsá₃ lín₄ jmo₃ o₂i₁ dsi₅ quian'₅₄ 'Éi'₃ Juá'₅,* a₂jñia'₅₄ lia'₂ tsá₃ quíg'₃ ñi₄ já'₂ i₂ma₂cuin₃ dsa₂ diú₄ lag₄, on₃ guè'₂ gué'₃ jmi₂, on₃ guè'₂ ñi₄ já'₂ i₂güí'₃ dsa₂ dsi₂lag₄, tsá₃ nió'₃ jág₁ quian'₅₄ dsa₂ i₂tsá₃ lín₅ dsi₂i₂gu₂ né₃.

Ca₂jña'₃ dsa₂ Pa₄ i₁dsi₅ guá'₅ templo

²⁶ Jaun₂ ca₂jñia₃ bá₄ Pa₄ dsa₂ quén₂ 'éi₂. Jme₁jnia₃ jaun₂ né₃, Pa₄ quiain'₅₄ dsa₂ quén₂ 'éi₂ ca₂jmo₃ le₁jé₃ quió'₅. Jaun₂ ca₂'í₃ i₁dsi₅ guá'₅ templo ca₂i₁'é₄ jág₁ i₂líg'₂ dsian₅ ta₁guio₃ jmi₂g₄ a₂jmo₂₃ le₁jé₃ quió'₅, jë₁ma₂té₂ rë₁dsín'₂ dsa₂ já'₂ ne₄ ne₄chei₂ o₄quió'₄ le₂jain₂ le₂jain₂.†

²⁷ La₁ jme₁ja₂quián₃ dsin'₅₄ ta₁guio₃ jmi₂g₄ jaun₂, jan₂-on₃ dsa₂ judíos i₂chan₂ 'uë₃ Asia ca₂o₃lén₂, jaun₂ ca₂jñin₂ Pa₄ i₁dsi₅ guá'₅. I₂'éi₂ ca₂jmo₃ ca₂tón'₂ dsa₂ co₂mi'₅₄, jaun₂ ca₂jña'₃ dsa₂ Pa₄. ²⁸ Jaun₂ qui₂ca₂tóin'₂ ca₂guió'₃ ca₂juá'₂:

—'Nia'₂ dsa₂ juig₂ Israel, jme₁'o₁ jnia'₅₄! I₂la₂ bá₄ dsa₂ i₂ñi₄ lë₃ ñi₅ ca₂le₃jé₃ juig₂ jme₂tiin₂₃ dsa₂ jág₁ 'lig'₅₄ ja₁con₂ juig₂ go₄ jniog₄, a₂jme₂tiin₂₃ dsa₂ a₂tsá₃ jme₃ti₃ dsa₂ 'Éi'₃ Juá'₅ quió'₅ Moisés, a₂tsá₃ 'e₂ quen₅ guá'₅ templo la₂ quián₂ jniog₄. Në₃ né₃, ma₂në₂tióin'₂ i₂lín₅₄ dsa₂ griegos i₁dsi₅ guá'₅ templo, a₂ma₂në₂jme₂'ióg₃ ja₁jñi₅ la₂.

²⁹ Juá'₂ le₂në₅, ia₁ ma₂jág₂ dsa₂ le₂jñiá₅ ma₂jñin₂ Trófimo i₂chan₂ Efeso a₂i₂ñi₅₄ quiain'₅₄ Pa₄ jë₄ juig₂ Jerusalén, jaun₂ lín₂ a₂ma₂jñia₃ Pa₄ 'éi₂ i₁dsi₅ guá'₅.

³⁰ Ta₁caun₂ juig₂ ca₂tón'₂ dsa₂ co₂mi'₅₄, jaun₂ ca₂o₃lén₂ dsa₂ co₂chi'₅₄. Jaun₂ ca₂jña'₃ dsa₂ Pa₄ qui₂ca₂tsag'₂ të₂le₃ ca₁'né₄ i₁dsi₅ guá'₅, jaun₂ ca₂jnéi₃ dsa₂ dsi₂jui₅ o₄'né₄.

³¹ Jme₁ma₂'nio₃ jme₁jñi'₃ bá₄ Pa₄ jme₁ca₂dsióg₃ jág₁ ca₂rë₃ñi₅ juig₅₄ 'lióg₂ dsen₅₄, ca₂le₃jín₃ bá₄ dsa₂ juig₂ Jerusalén tíoin'₅₄ co₂mi'₅₄. ³² Dsi₂jui₅ jaun₂ ca₂ñi'₂ juig₅₄ 'lióg₂ quian'₅₄

ca₂le₃jín₃ 'lióg₂ quián₅, ca₂i₃lén₂ co₂'ei₅ ja₁tion'₅₄ dsa₂ co₂mi'₅₄. Jaun₂ dsi₂jui₅ jme₁ca₂jág₃ dsa₂ dsi₃lén₂ 'lióg₂ quiain'₅₄ juig₅₄ 'lióg₂ dsen₅₄, jaun₂ ca₂téin₂ bá₄ Pa₄, ia₁ jme₁tíoin'₅₄ cuë₂₃. ³³ Jaun₂ jme₁ca₂dsióg₃ juig₅₄ 'lióg₂ dsen₅₄, ca₂jñai'₃ Pa₄ ca₂jmo₃ 'éi'₃ ca₂'néi₂ 'lióg₂

quian'₅₄ tin₃ ñi₁ cadenas. Jaun₂ gué₄ ca₂ñi'₃ dsa₂ 'ein₂ 'éi₂ Pa₄, 'e₂ ca₂jmo₃. ³⁴ Jaun₂ jma₃quén₅ qui₂ca₂guió'₃ dsa₂ juig₂ le₂jain₂ le₂jain₂. Ca₂lia'₂ jñia'₅₄ tsá₃ ca₂ñi'₂ juig₅₄ 'lióg₂,

ia₁ a₂ñi₄ chí'₅ co₂mi'₅₄. Jaun₂ ca₂jmo₃ 'éi'₃ ca₂tág₃ dsa₂ Pa₄ jui₅ 'né₅ ja₁tion'₅₄ 'lióg₂.

³⁵ Jme₁ja₂quián₃ dsi₁len₃ dsa₂ ja₁lé₄ ni₁ta₅ 'né₅ ja₁tion'₅₄ 'lióg₂, jaun₂ ca₂jio₃ 'lióg₂ ca₂jñiai₃ Pa₄ jui₅ guei'₅₄ ia₁ a₂ñi₄ 'ñio₅ lín₃ 'ne₂ dsa₂ juig₂. ³⁶ Ia₁ ca₂le₃jín₃ bá₄ dsa₂ juig₂ jme₁ja₂lén₂ chi₁co'₅₄ qui₂guió'₅ qui₂juá'₂:

—jui₁jon₅₄ i₂në₅!

Ca₂ton₃ Pa₄ jág₁ a₂lióin₂ 'ñiog₅ ne₄ dsa₂ juig₂

³⁷ Jë₁jme₁ma₂to'₂ 'lióg₂ toin'₂ Pa₄ dsi₂néi₂ ne₄ta₁ quió'₅, jaun₂ ca₂juá'₂ Pa₄ ca₂tsí'₃ juig₅₄ 'lióg₂ dsen₅₄:

—¿Lé₂ le₃juá'₄ jniá₂ ca₂jon₄ jág₁?

Jaun₂ ca₂ñag₃ juig₅₄ 'lióg₂:

—¿Tin'₂ 'ne₂ dsiá'₁ jág₁ jmei₅ griego? ³⁸ Jaun₂, ¿on₃jua'₅₄ 'ne₂ líng'₅ dsa₂ egipcio i₂ca₂jmo₃ mi'₅₄ qui₂ca₂tsi₂jain₃ dsa₂ ma₂i₁jaun₃, ca₂'uín'₂ quén₂ mei₅ dsa₂ i₂ma₂ca₂jme₃dsian₅ dsa₂ jui₅ 'uë₃ quein₂?

³⁹ Jaun₂ ca₂juá'₂ táng₃ Pa₄:

§ 21:24 'Í₂ Números 6. 'Nio'₂ ja₁ton₅ Hechos 18:18. * 21:25 A₂lín₅₄ chog₅₄ si₂ tsá₃ chi₁ton₅ "a₂tsá₃ lín₄ jmo₃ o₂i₁ dsi₅ quian'₅₄ 'Éi'₃ Juá'₅." † 21:26 'Í₂ Números 6.

—Dsa₂ judío bá₄ lín₅ jniá₂, i₂chan₂ juig₂ Tarso, caun₂ juig₂ dsen₅₄ tén₅ 'uë₃ Cilicia. La₁ jmo₄ dse₃ 'au'₂ cué'₁ jmi₄ a₂juig₅₄ jniá₂ dsa₂ juig₂ jág₁.

⁴⁰ Ca₂cuë₃ bá₄ jmi₄ jaun₂ né₃. Jaun₂ ca₂nau₂ Pa₄ ne₄ ni₁ta₅ jaun₂. Jaun₂ ca₂jmo₃ léi₄ quian'₅₄ gu₂ ca₂tsí'₃ dsa₂ a₂jmo₃ tei₄. Jme₁ma₂chí'₅ tei₄, jaun₂ ca₂jme₃lióg₃ ca₂juá'₂ jág₁ quian'₅₄ jág₁ jmei₅ hebreo,[‡] ca₂tsí'₃ dsa₂:

22

¹ —'Nia'₂ dsa₂ go₂ rin'₅₄ jniog₄, gui'₅₄ can'₅₄ né₃, nei₂ de'₂ 'nia'₂ a₂juá'₄ jniá₂ juig₅₄ 'nia'₂ a₂jáng'₄ jág₁ dsau₅ quió₃.

² Të₂le₃ tei₄ gué'₄ ca₂i₃lén₂ dsa₂ jme₁ca₂nág₂ a₂juá'₂ Pa₄ quian'₅₄ jág₁ jmei₅ hebreo.* Jaun₂ caun₂ ca₂juá'₂ bá₄ 'éi₂:

³ —Dsa₂ judío bá₄ lín₅ jniá₂. Juig₂ Tarso bá₄ chang₂, ja₁tén₄ 'uë₃ Cilicia. La₁ Jerusalén la₂ bá₄ ca₂i₃juing'₂. Ca₂'i₃ jniá₂ si₂ a₂ca₂jme₃tag₅ të₅ Gamaliel. Co₂rë₂ bá₄ ca₂jme₃tag₂₃ con'₂ lé₅ Si₂ 'Éi'₃ quió'₅ dsa₂ quián₂ jniog₄ ma₂líg'₂. A₂dsen₅₄ dsi₃ jme₁lín₄ le₃quió'₅ Diú₄, jui₁lia'₂ jmo'₂ 'nia'₂ ca₂le₃jín₃ rë₂né₃. ⁴ Qui₂ca₂co₃'én₃ jniá₂ dsa₂ i₂tion'₅₄ jui₅ quió'₅ Te₁gui'₅₄ le₂jhiá₅, ca₂lia'₂ ca₂quín₂ 'mú₃ quió'₅. Qui₂ca₂toin'₂ 'né₅ 'má₃ lia'₂ dsa₂ ηe'₂ lia'₂ dsa₂ mí₂. ⁵ Lé₂ bá₄ jáng'₃ jág₁ dsau₅ jme₂dsa₂ dsen₅₄, ca₂le₃jín₃ gué'₄ dsi₂gui'₅₄ can'₅₄ né₃, ia₁ guioin₅₄ bá₄ ca₂jáng'₃ si₂ jniá₂ a₂ca₂chein₃ ne₄ riin'₅₄ i₂tián'₅ Damasco, ca₂jmo₃ 'éi'₃ a₂jme₁i₁chán'₃ jniá₂ ríng'₃ i₂tián'₅ ja₁jaun₂, a₂jme₁të₁₂ le₁ 'hei'₅₄ ia₁jaun₂ gue₃ uig₅ jë₄ juig₂ Jerusalén la₂.

Ca₂dsia₃ Pa₄ 'a₂ lia'₂ jme₁ca₂jéin'₃ ca₂rë₃ 'éin₂ jág₁ dse₃

(Hechos 9:1-19; 26:12-18)

⁶ 'La₁ia₁ lia'₂ con'₂ jme₁ηó₃ jniá₂ le₂'i₄ jui₅ né₃ a₂dsióg₄ juig₂ Damasco, con'₂ dsi₂ηí'₃, con'₂ tsá₃ jáng₅ jme₁ca₂téng₃ caun₂ si₂ tág₅ jmá'₅ a₂já₃ jui₅ guei'₅₄ i₂juíg₃. ⁷ Jaun₂ i₃ 'íng₃ 'uë₃. Dsi₂jui₅ le₂jaun₂ ca₂nag₃ jág₁ a₂juá'₂: “Saulo, Saulo, ¿'e₂ lë₃ co₂'éin'₅ jniá₂?” ⁸ Jaun₂ ca₂ηag₄ jniá₂: “¿'Ein₂ 'ne₂ gui'₅₄?” Jaun₂ ca₂juá'₂ tság₅ jniá₂: “Jesús chan₂ Nazaret bá₄ jniá₂ i₂co₂'én'₅ 'ne₂.” ⁹ Ján₃ bá₄ ca₂jág₃ dsa₂ i₂jme₁quian'₅₄ jniá₂ si₂ jaun₂, jaun₂ ca₂rë₃gó'₅. La₁ tsá₃ ca₂nág₂ jág₁ quió'₅ i₂ca₂juá'₂ ca₂tság₃ jniá₂. ¹⁰ Jaun₂ ca₂ηag₄ jniá₂ jaun₂ né₃: “Te₁gui'₅₄, ¿'e₂ 'nió'₅ jmo₅₄ jniá₂?” Jaun₂ ca₂juá'₂ Te₁gui'₅₄: “Nau₂, gua₂ jui₅ juig₂ Damasco. Ja₁jaun₂ juá'₂ dsa₂ ca₂le₃jé₃ 'e₂ 'nió'₅ jmó'₂.” ¹¹ Ia₁ co₂dsia₅ ca₂téng₂ bá₄ quian'₅₄ si₂, jaun₂ dsa₂ i₂quiang'₅₄ bá₄ ca₂jio₃ le₁chan'₂ gu₃ a₂ca₂dsióg₃ të₂ Damasco. ¹² Ja₁jaun₂ jme₁guá₄ jan₂ dsa₂ chen₂ Ananías, i₂jme₁jme₂ti₃ con'₂ lé₅ Si₂ 'Éi'₃ Juá'₅ quió'₅ Moisés, jaun₂ ca₂le₃jín₃ dsa₂ judíos i₂tián'₅ Damasco ca₂juá'₂ dse₃ 'iin₂₃ 'éi₂. ¹³ Jaun₂ ca₂dsióg₃ Ananías i₁jag₅₄ ja₁jme₁eng₅₄. Jme₁ca₂dsióg₃, ca₂juá'₂: “Saulo rin'₅₄ jniog₄, guei'₅₄ táng₃ jme₁ne'₄.” Dsi₂jui₅ jaun₂ bá₄ ca₂lág₃ táng₃ míg₂ ne₃, jaun₂ ca₂jiiin₅₄ jaun₂ né₃. ¹⁴ Jaun₂ ca₂tság₃ táng₃ jniá₂: “Diú₄ quián₅ dsa₂ can'₅₄ quián₂ jniog₄ ma₂ca₂quióin'₂ 'ne₂ le₂jhiá₅, ia₁jaun₂ le₃cuing'₂ 'e₂ jaun₂ a₂'ηio₂ dsí₅, ia₁jaun₂ jing'₅₄ i₂qui₂dsi₅ 'éi'₃ rë₂ quián₅, ia₁jaun₂ nág'₁ jág₁ quió'₅ 'ηiog₅ a₂tio'₅₄ mí₂o₅₄. ¹⁵ Jaun₂ 'ne₂ gog'₅₄ a₂chi₂o₁ 'iin'₃ o₁dsia'₄ o₁chei'₄ ca₂le₃jín₃ dsa₂ ca₂le₃jé₃ 'e₂ ma₂jag'₅₄ 'e₂ qui₂ma₂nei'₂ né₃. ¹⁶ Jaun₂ né₃, tsá₃ ma₃jme₁ag₁₂. Nau₂, o₂chon₅₄ jmi₄g₂, mi₄ ne₄ 'éi₂, ia₁jaun₂ jhi₃ dsáu'₂.”

Ca₂dsia₃ Pa₄ 'a₂ lia'₂ ca₂lë₃ a₂chein₅₄ ηei₅₄ ja₁con₂ dsi₂nau₂

¹⁷ 'Jme₁ca₂guáng'₃ Jerusalén, ηeg₅₄ guá'₅ templo i₂chi₁leng'₄ Diú₄. Jaun₂ a₂lë₁ca₂jéin₃ ca₂jág₃, ¹⁸ ca₂jing₅₄ Te₁gui'₅₄, jaun₂ ca₂juá'₂: “I₂ηáu'₂ jú₅ të₂le₃ dséi₂ juig₂ Jerusalén, ia₁ tsá₃ tón'₂ dsa₂ jui₅ jág₁ a₂juig'₅₄ a₂'ág'₄ jniá₂.” ¹⁹ Jaun₂ ca₂ηag₄ jniá₂ ca₂juíg₂: “Te₁gui'₅₄, ca₂le₃jín₃ bá₄ dsa₂ 'éi₂ le₁ηi₅ a₂jme₁ηi₅ jniá₂ a₂jme₁nei₂₃ ca₂le₃jé₃ guá'₅ sinagogas a₂co₂'éng₅ qui₂cué'₅ ca₂le₃jín₃ dsa₂ i₂'én₂ jág₁ dse₃ quiáng'₂, a₂jme₁i₂tioin'₂ 'né₅ 'má₃. ²⁰ Jme₁ca₂jhi₃ dsa₂ Esteban, dsa₂ i₂jme₁jáng'₅ jág₁ dsau₅ quiáng'₂, jaun₂ bá₄ jme₁chén'₄

‡ 21:40 o₃, arameo. * 22:2 o₃, arameo.

jniá₂ ján₃, ia₁ jme₁lé₄ caun₂ jág₁ quió₃ quian'₅₄ dsa₂ i₂ca₂ɲi'₃ 'éi₂. Jaun₂ ca₂jmo₃ jniá₂ 'í₁ ni₁tsin'₅₄ dsa₂ i₂ca₂ɲag'₃.”²¹ La₁ jaun₂ ca₂juá'₂ Te₁gui'₅₄ ca₂tság₃ jniá₂: “La₁ gua₂, ia₁ tsag₅₄ jniá₂ uíng₂ quiáng'₂, a₂o₁'é'₃ jág₁ ja₁con₂ dsi₂nau₂.”

Ma₂niog₅ ne₄ juig₅₄ 'lióg₂ bá₄ Pablo

²² Co₂jaun₂ bá₄ ca₂nág₂ dsa₂ juig₂. Jaun₂ ca₂jme₃lióg₃ ca₂tóin'₂ co₂mi'₅₄ ca₂guió'₃ ca₂juá'₂:

—jui₁jon₅₄ i₂ně₅! ¡Tsá₃ ma₃'nió'₅ le₃chain₂ gué₄!

²³ Jaun₂ dsa₂ juig₂ ně₃, caun₂ qui₂ca₂tě₂ca₂'oin'₂ bá₄ Pa₄, qui₂ca₂gág₃ tsin'₅₄ tióin'₅₄,† qui₂ca₂cho₃ dsa₂ 'lióg₂ jui₅ guei'₅₄. ²⁴ Jaun₂ ca₂jmo₃ juig₅₄ 'lióg₂ dsen₅₄ 'éi'₃ ca₂toin'₂ Pa₄ dsi₂néi₂ ja₁tion'₅₄ dsi₂'lióg₂. Jaun₂ ca₂jmo₃ 'éi'₃ a₂báin₂ Pa₄ ia₁jaun₂ jmo₃ jág₁ 'e₂ dso₄ riin₂, 'e₂ 'uig₅₄ ca₂rě₃'né₃ dsa₂ juig₂ quiong'₅₄. ²⁵ La₁ jme₁ma₂rě₂'ɲei'₅₄ a₂jme₁ma₂bóg₂ dsa₂, ca₂juá'₂ Pa₄ ca₂tsí'₃ ja₂ juig₅₄ 'lióg₂ i₂chén'₅ cau₅:

—¿Ca₂tín'₂ 'nia'₂ bán₄'jan₂ dsa₂ i₂tén₅ Roma tē₃ tsá₃ ma₂ně₂quion'₂ 'nia'₂ jág₁ dsau₅ quió'₅?

²⁶ Jme₁ca₂nág₂ juig₅₄ 'lióg₂ a₂ně₅, jaun₂ ca₂ɲei₅₄ i₁chi'₂ juig₅₄ dsen₅₄ quiáin₅ ca₂juá'₂:

—Tě₃ɲi'₅₄ quiáng'₂ ně₁jua'₂ 'e₂ ca₂jmag'₅₄ dsa₂ ně₅, ia₁ dsa₂ tén₅ Roma bá₄ ně₅.

²⁷ Jaun₂ ca₂jme₃quián₃ juig₅₄ 'lióg₂ dsen₅₄ ja₁'en₅₄ Pa₄, jaun₂ ca₂ɲag₃:

—¿Dsón'₂ lín'₅ 'ne₂ dsa₂ tén₅ Roma?

Jaun₂ ca₂ɲag₃ táng₃ Pa₄:

—Ján₅.

²⁸ Jaun₂ ca₂juá'₂ juig₅₄ 'lióg₂ jaun₂ ně₃:

—'Lióg₂ cu₄ ca₂quín₂ quió₃ a₂ca₂ling₃ dsa₂ tén₅ Roma.

Jaun₂ ca₂juá'₂ táng₃ Pa₄:

—La₁ jniá₂ ně₃, a₂ma₂lín₅ bá₄ jniá₂ lia'₂ con'₂ ca₂rě₃cháng₃.

²⁹ Dsi₂jui₅ jme₁ca₂nág₂ dsa₂ i₂jme₁bán₂ Pa₄, jaun₂ ca₂i₃lén₂ cau₅, ján₃ bá₄ le₂jaun₂ juig₅₄ 'lióg₂ dsen₅₄ ně₃. Ia₁ jme₁ca₂rě₃ɲi₅ a₂lín₅ Pa₄ dsa₂ tén₅ Roma, ca₂rě₃gó'₅ bá₄ jaun₂ ně₃ ia₁ a₂ca₂'nei'₂ Pa₄.

Ma₂chén'₅ Pa₄ ne₄ dsi₂tan₅₄ quián₅ dsa₂ judíos

³⁰ Jme₁jnia₃ jaun₂, jme₁'nio₃ le₃ɲi₅ juig₅₄ 'lióg₂ dsen₅₄ 'e₂ 'uig₅₄ jme₁cué'₅ dsa₂ judíos dso₄ Pa₄. Jaun₂ ca₂chén'₂ 'éi₂ ia₁ a₂jme₁chi₁'ɲei'₅₄ quian'₅₄ ni₁ɲí₁ cadenas. Jaun₂ ca₂jmo₃ 'éi'₃ a₂ɲi'₂ juig₅₄ jme₂dsa₂ quian'₅₄ ca₂le₃jín₃ dsi₂tan₅₄ quián₅ dsa₂ judíos. Jaun₂ gué₄ ca₂dsein₂₃ Pa₄ ca₂chei'₃ ne₄ dsa₂ 'éi₂.

23

¹ Jme₁ma₂chén'₅ Pa₄ ne₄ dsi₂tan₅₄ quián₅ dsa₂ judíos, jaun₂ ca₂jín₂ ca₂le₃jín₃ dsa₂ can'₅₄ 'éi₂, jaun₂ ca₂juá'₂:

—Rin'₅₄ jniog₄, tei₄ bá₄ 'ei₅ dsi₃ ma₂guio₃, chang₂ tē₂ jmig₄ ně₃, ne₄ Diú₄.

² Jaun₂ Ananías, i₂lín₅ jme₂dsa₂ dsen₅₄, ca₂tsí'₃ dsa₂ i₂jme₁tióin₂ cau₅ quió'₅ Pa₄, a₂jnú₃ mi₂'o₄ 'éi₂. ³ Jaun₂ ca₂ɲag₃ Pa₄ ca₂tsí'₃ jme₂dsa₂ dsen₅₄ 'éi₂:

—jDiú₄ jnú₃ quiáng'₂ 'ɲiag'₂, 'ne₂ i₂lín₅ 'lia'₂ lé₅ caun₂ ni₁'ia'₂ a₂ɲɲia'₅₄ jniá₂ tiog₂ tē₂le₃ co'₅₄! * ¿'ɲéi'₂ 'ne₂ ja₁ně₅ qui₂dsí'₁ 'éi'₃ ja₁con₂ jniá₂ con'₂ lé₅ Si₂ 'Éi'₃? ¿Jaun₂ 'e₂ lě₃ jmo'₂ 'éi'₃ a₂cué₃ dsa₂ jniá₂, ton'₂ tsá₃ le₂jaun₂ ta₁ qui'₅ Si₂ 'Éi'₃?

⁴ Jaun₂ ca₂ɲag₃ dsa₂ i₂tion'₅₄ gué₄ ja₁jaun₂:

—¿'E₂ lě₃ ɲag'₅₄ le₂ně₅ ne₄ jme₂dsa₂ dsen₅₄ quián₅ Diú₄?

⁵ Ca₂ɲag₃ táng₃ Pa₄:

† 22:23 ca₂gág₃ tsin'₅₄: Le₂jaun₂ jme₁jmo₅ dsa₂ léi₄ chi₂jua'₂ 'e₂ tsá₃ tē₅ dsí₅. * 23:3 ni₁'ia'₂ tiog₂: 'Nio'₂ ja₁ton₅ Mateo 23:27.

—Rin⁵⁴ jniog₄, tsá₃ jaun₂ guion₅₄ a₂lín₅ jme₂dsa₂ dsen₅₄. Ia₁ juá'₂ ne₄ Si₂ quió'₅ Diú₄: “Tsá₃ chi₁'ing'₄ 'lig'₅₄ dsi₂tan₅₄ juig₂ go'₅₄.”†

⁶ Jaun₂ ca₂rë₃lí'₄ Pa₄, i₂lín₅₄ dsa₂ 'éi₂ lín₅ dsa₂ saduceos, i₂lín₅₄ guë'₂ lín₅ dsa₂ fariseos. Jaun₂ guë'₄ ca₂juá'₂ Pa₄ tiá₂, ca₂tsí'₃ dsa₂:

—Rin⁵⁴ jniog₄, dsa₂ fariseo bá₄ lín₅ jniá₂. Fariseos bá₄ jme₁lín₄ dsa₂ can⁵⁴ quiáng₃ né₃. 'Uig₅₄ ia₁ a₂'éng₂ jág₁ a₂jen⁵⁴ táng₃ 'lag₄ bá₄ a₂'iog₅₄ dsa₂, a₂con₂ dsa₂ jág₁ dsau₅ chéng'₅ la₂.

⁷ Jme₁ca₂juá'₂ Pa₄ le₂në₅, dsa₂ i₂lín₅ fariseos, quian⁵⁴ dsa₂ i₂lín₅ saduceos né₃, ca₂jme₃lióg₃ qui₂ca₂tsíin₂ guioin₅₄, ca₂lë₃ le₁dsoin⁵⁴. ⁸ Ia₁ dsa₂ saduceos, tsá₃ 'e₂ 'éin₂ a₂jen⁵⁴ dsa₂ jë₁ma₂dsain₃, on₃ guë'₂ 'éin₂ a₂chan₂ ángeles, on₃ guë'₂ 'éin₂ a₂chan₂ jme₂dsí₂. La₁ dsa₂ fariseos guë'₂ né₃, 'éin₂ bá₄ ca₂le₃jé₃ a₂jaun₂. ⁹ Jaun₂ ca₂tóin² ca₂tsíin₂ co₂mí⁵⁴. Jaun₂ i₂lín₅₄ dsa₂ i₂lín₅ të₅juá'₅ i₂tió₂ të₂le₃ quió'₅ dsa₂ fariseos, ca₂nau₂ ca₂juá'₂:

—'I₁caun₂ 'lig'₅₄ tsá₃ 'e₂ ma₂jmo₃ dsa₂ në₅. ¿'E₂ lé₂ chi₂juá'₂ dsón² bá₄ ca₂juá'₂ jan₂ ángel, o₃ jan₂ jme₂dsí₂ 'e₂, ca₂tsí'₃ i₂në₅?

¹⁰ Jaun₂ 'njio₅ ca₂tón² dsa₂ ca₂tsíin₂, ca₂lia'₂ ca₂rë₃gó'₅ juig₅₄ 'lióg₂ dsen₅₄ jme₁ca₂jág₃. Ia₁ në₅ tsá₃ ma₂jmo₃ dsa₂ jma₃quén₅ quió'₅ Pa₄, lín₂. Jaun₂ ca₂jmo₃ 'éi'₃ ca₂o₃lén₂ 'lióg₂ ca₂dsein₂₃ Pa₄ jë₄ quió'₅ dsa₂, ca₂tág₃ jui₅ ne₄ta₁ ja₁tion⁵⁴ 'lióg₂.

¹¹ Jme₁ca₂të₂ tin₃ nei₅ 'en₅₄ Pa₄ ja₁jaun₂, ‡ ca₂jme₃jnia₅ Te₁gui⁵⁴ ne₅₄, jaun₂ ca₂juá'₂: —Quen² bí₂, Pa₄, ia₁ jui₁lia'₂ ma₂në₂jang⁵⁴ jág₁ dsau₅ në₂'ag⁵⁴ jniá₂ jë₄ juig₂ Jerusalén la₂, le₂në₅ bá₄ o₁jang¹ jág₁ dsau₅ o₁'ág³ jniá₂ jë₄ juig₂ Roma ján₃.

Ca₂jmo₃ dsa₂ judíos jág₁ a₂jme₁jñi'₃ Pa₄

¹² Jme₁jnia₃ jaun₂, ca₂jmo₃ jág₁ i₂lín₅₄ dsa₂ judíos a₂jñi'₃ Pa₄. Ca₂'iin₃ Diú₄ a₂ca₂juá'₂ a₂tsá₃ 'e₂ guë'₃, a₂tsá₃ 'e₂ 'ín² né₃, ca₂lia'₂ ca₂lë₃ a₂niog₅ dsí₅ jmo₃. ¹³ Jme₁lé₂ lé₅ guë'₄ con² të₂lón₃ dsa₂ i₂jme₁ma₂lí'₅ jág₁ jmo₃ le₂jaun₂. ¹⁴ Jaun₂ ca₂i₁lein₅₄ i₁jñi₅₄ juig₅₄ jme₂dsa₂, ca₂le₃jín₃ guë'₄ gui⁵⁴ can⁵⁴ quián₅ dsa₂ judíos né₃, a₂ca₂i₁juá'₁:

—Jnia⁵⁴ ma₂'ín₃ Diú₄ a₂tsá₃ 'e₂ tí₄ 'o₄, ca₂lia'₂ ma₂në₂jñi'₄ jnia⁵⁴ Pa₄. ¹⁵ Jaun₂ 'nia'₂ né₃, quian⁵⁴ dsi₂tan₅₄ quián₅ guá'₅, o₂chei⁵⁴ 'nia'₂ juig₅₄ 'lióg₂ a₂ja₂jñiai₃ Pa₄ ne⁵⁴ 'nia'₂ 'ióg₃. A₂lë₃juig⁵⁴ bá₄ 'nia'₂ a₂caun⁵⁴ jág₁ dsau₅ co₂rë₂ quió'₅, ia₁jaun₂ bá₄ ja₃jio₃. Jaun₂ jnia⁵⁴ guë'₂ né₃, ma₂lág₅ co₂jñia₅₄ a₂jñi'₄ né₃ a₂guáin₂ të₂la₂.

¹⁶ La₁ ja₁jñi'₅₄ 'io₅₄ rin⁵⁴ Pa₄ ca₂rë₃jñi₅ jág₁ jaun₂. Jaun₂ ca₂jñei₅₄ ne₄ta₁ quió'₅ 'lióg₂ ca₂i₁'é₄ jág₁ ne₄ Pa₄. ¹⁷ Jaun₂ Pa₄ né₃ ca₂të'₃ jan₂ juig₅₄ 'lióg₂, jaun₂ ca₂juá'₂:

—Jñia₅ chi² la₂ ne₄ juig² 'nia'₂, ia₁ cha₂ jág₁ quian₅ dsi₃'é₃.

¹⁸ Jaun₂ ca₂ñe₄ 'éi₂ ca₂i₁jñiai₃ chi², jaun₂ ca₂juá'₂:

—Pa₄ i₂lé₅ 'í₁ quián₅ 'lióg₂ në₂të₂ jniá₂ a₂në₂mí₃ a₂i₁jñiag₂ chi² la₂, ia₁ cha₂ jág₁ quian₅ a₂'é₂ ne⁵⁴.

¹⁹ Jaun₂ ca₂jñi'₃ juig₅₄ 'lióg₂ dsen₅₄ 'éi₂ mi₂gu₂ chi² 'éi₂, con² ca₂jio₃ cau₅, jaun₂ ca₂jñag₃:

—¿'E₂ jág₁ quian⁵⁴ juig⁵⁴ jniá₂?

²⁰ Jaun₂ ca₂jñag₃ chi² 'éi₂:

—Ma₂në₂jmo₃ dsa₂ judíos caun₂ jág₁ a₂mí₃ ne⁵⁴ a₂o₁jñiag² Pa₄ 'ióg₃ ne₄ dsi₂tan₅₄ quián₅ dsa₂ judíos. A₂'nio₃ jme₃gain₂₃ 'ne₂ jmo₃ në₂jag₄ bá₄ a₂con₂ dsi₂tan₅₄ jág₁ dsau₅ quió'₅ 'éi₂. ²¹ La₁ tsá₃ o₁'eng⁵⁴, ia₁ lé₅ guë'₄ të₂lón₃ dsa₂ quián₅ ma₂le₁'mai₅₄ cau₅ jui₅ le₁jñiog₂₃. Ma₂'iin₃ Diú₄ a₂tsá₃ 'e₂ guë'₃, 'ín², ca₂lia'₂ ca₂jñi'₃ Pa₄. Jnia⁵⁴ lia'₂ a₂jaun₂ bá₄ le₁jñia₂₃ chi₂juá'₂ 'e₂ jág₁ juig⁵⁴ 'ne₂.

²² Jaun₂ ca₂'ág³ jág₁ juig₅₄ dsen₅₄ 'éi₂, ca₂juá'₂ a₂tsá₃ 'ein₂ tsí'₃ jág₁ a₂ca₂dsia₃ jaun₂.

Ca₂dsián² dsa₂ Pa₄ ne₄ Dsi₄má'₂ Félix

† 23:5 Éxodo 22:28. ‡ 23:11 o₃, “A₂'uë₂ jmig₄ jaun₂.”

²³ Jaun₂ ca₂té'₃ juig₅₄ 'lióg₂ dsen₅₄ on₃ juig₅₄ 'lióg₂ quiáin₅, ca₂jmo₃ 'éi'₃ a₂jmo₃ 'éi₂ co₂jnia₅₄ tin₃ 'ñiá₂-lón₂ 'lióg₂ a₂dsi₃lén₂ jui₅ tag₅₄; 'nag'₂ ne₂guión₂ rē₂dsí₂ guian₃ guē'₂ (70) dsi₃lén₂ co₁dsin₅₄ cua₁, tin₃ 'ñiá₂-lón₂ guē'₂ i₂cán₂ ñi₁ chen'₂, a₂dsi₃lén₂ jui₅ Cesarea con'₂ hora ñi₁ ñi₃ le₃ca₂nei₂.[§] ²⁴ Jaun₂ ca₂chein₃ jág₁ a₂jmo₃ dsa₂ co₂jnia₅₄ cua₁ i₂co₃dsin₅₄ Pa₄. Ca₂jmo₃ 'éi'₃ a₂jmo₃ dsa₂ 'í₁, dsi₃jóin₂ 'éi₂ o₄gú₃ Dsi₄má'₂ Félix tē₂dsein₃ jéin'₃ le₂jaun₂.²⁵ Jaun₂ quian'₅₄ dsa₂ i₂i₁jón₅₄ Pa₄, ca₂chen₃ juig₅₄ dsen₅₄ si₂ la₂ a₂juá'₂:

²⁶ Jniá₂, Claudio Lisias, tsing₂ si₂ la₂ ne'₅₄ 'ne₂, gui'₅₄ Dsi₄má'₂ juin'₂ Fé₁. Cuíng₅ Diú₄ 'ne₂.²⁷ Ca₂jñau'₃ dsa₂ judíos ca₂jñai'₃ dsa₂ nē₅, a₂jme₁jñag'₃. La₁ jme₁ca₂rē₃guion₅₄ a₂líin₅ dsa₂ tén₅ Roma, jaun₂ ca₂ñeg₅₄ i₁lioin₁₂ quian'₅₄ 'lióg₂ quiáng₃.²⁸ Ia₁ jme₁'nio₃ le₃guion₅₄ 'e₂ 'uig₅₄ 'nag₅ dsa₂, jaun₂ ca₂i₁jñiá₂ ne₄ dsi₂tan₅₄ quiáin₅.²⁹ Jaun₂ ca₂rē₃léi₄ jniá₂, 'uig₅₄ quió'₅ Si₂ 'Éi'₃ quió'₅ guion₅₄ bá₄ dsa₂, cué'₅ i₂nē₅ dso₄. Jaun₂ tsá₃ cha₂ 'e₂ lē₃ jua'₅₄ a₂'i₄ 'éi'₃ a₂jñag'₃ dsa₂, on₃ guē'₂ dsi₂ten₅₄ jua'₅₄ a₂'í₂ 'né₅ 'má₃ né₃.³⁰ Jaun₂ jme₁ca₂rē₃guion₅₄ a₂ma₂jmo₃ dsa₂ judíos caun₂ jág₁ a₂jñag'₃, jaun₂ bá₄ lē₃ dsiain'₄ jniá₂ o₄gog'₂ 'ne₂. Jaun₂ ma₂juig₂ bá₄ jniá₂ ján₃, dsa₂ i₂'nag₅ 'ni₅ i₂nē₅, a₂dsi₃lén₂ ne'₅₄ 'ne₂, a₂dsi₃can₅ dso₄ a₂bóin'₂ i₂nē₅. Co₂nē₅ bá₄.

³¹ Jaun₂ 'lióg₂ né₃, con'₂ lé₅ 'éi'₃ ma₂ñi₂, ca₂dsein₂₃ Pa₄ ca₂tág₃ tē₃ 'uē₂ ca₂dsi₃lén₂ tē₂ juig₂ Antípatris.³² Jme₁jnia₃ jaun₂, 'lióg₂ i₂i₃lén₂ jui₅ tag₄ ca₂jéin'₃ táng₃ jui₅, ja₂lein₃ táng₃. Jmá'₃ 'lióg₂ i₂co₁dsin₅₄ cua₁ bá₄ ca₂i₃lén₂ i₃jón₂ gué'₄ Pa₄.³³ Jme₁ca₂dsi₃lén₂ tē₂ juig₂ Cesarea, jaun₂ ca₂jñin'₃ dsi₄má'₂ si₂ carta a₂quian₅. Ca₂jñin'₂ Pa₄ né₃.³⁴ Jme₁ma₂nē₂'í₂ dsi₄má'₂ si₂, jaun₂ ca₂ñi₁'₃ Pa₄ a₂já'₄ chain₂. Jme₁ca₂rē₃ñi₅ a₂chan₂ 'éi₂ 'uē₃ Cilicia,³⁵ jaun₂ ca₂juá'₂:

—Nē₅ nag₅₄ jág₁ quiáng'₂ jē₁ma₂o₂lén₂ dsa₂ i₂'nag₅ quiáng'₂.

Jaun₂ ca₂jmo₃ dsi₄má'₂ 'éi'₃ a₂jmo₃ 'lióg₂ 'í₁ Pa₄ dsi₂néi₂ ne₄ta₁ palacio quió'₅ Rag₅₄ Herodes.

24

Ca₂jáng'₃ Pa₄ jág₁ dsau₅ a₂lióin₂ 'ñiog₅ ne₄ Dsi₄má'₂ Fé₁

¹ A₂'ñiá₂ jmig₄ cang₂ jaun₂, ca₂dsióg₃ Ananías i₂lín₅ jme₂dsa₂ dsen₅₄, quian'₅₄ i₂lín₅₄ gui'₅₄ can'₅₄ né₃, quian'₅₄ Tértulo i₂lín₅ i₂chén'₅ ne₄ jág₁ quiáin₅, ca₂dsi₃lén₂ Cesarea. Jaun₂ ca₂dsi₃lén₂ ne₄ dsi₄má'₂ a₂'ñi₃ Pa₄.² Jme₁ca₂i₁quian₅₄ dsa₂ Pa₄, jaun₂ ca₂jme₃lióg₃ Tértulo ca₂tsí'₃ dsi₄má'₂ a₂'ñi₂₃ Pa₄, ca₂juá'₂:

—Ti₁'mag'₄ 'ne₂, tei₄ bá₄ 'ei₅ tio'₅₄ jnia'₅₄, jaun₂ dse₃ bá₄ lia'₂ con'₂ lé₅ 'éi'₃ quiáng'₂ a₂tíng'₂.³ Jaun₂ con'₂ lé₅ 'éi'₃ quí'₂ 'ne₂ bá₄ qui₂jmo₅ dsa₂, a₂jmo₂ jnia'₅₄ ján₃. Jaun₂ cuē₂ jnia'₅₄ ti₁'mag'₄ 'ne₂, Fé₁ juin'₂.⁴ La₁ jaun₂ tsá₃ uē₂ jme₁'ag₁₂ jnia'₅₄ quiáng'₂, mi₂ jnia'₅₄ jmó'₂ dse₃ 'au'₂ a₂nág'₁ jág₁ quián₂ jnia'₅₄ a₂jua'₅₄.⁵ Ma₂ne₅₄ jnia'₅₄ ca₂le₃jé₃ 'e₂ 'lig'₅₄ jmo₅ dsa₂ nē₅, ñi₂₃ ca₂le₃jé₃ juig₂ qui₂dsiain₂₃ mi'₅₄ dsa₂ judíos qui₂jmo₃ le₁dson'₅₄ dsa₂. Jaun₂ i₂nē₅ bá₄ lín₅ jan₂ dsa₂ i₂quian₅ ne₄ jui₅ quió'₅ co₂nió'₃ dsa₂ i₂té'₂ dsa₂ nazarenos.⁶ Jme₁'nio₃ jme₁jme₂'ióg₃ guá'₅ templo quián₂ jnia'₅₄. Jaun₂ bá₄ lē₃ ca₂chain'₅₄ jnia'₅₄, [jme₁'niog₂ jme₁qui₂dsi₂ 'éi'₃ con'₂ lé₅ Si₂ 'Éi'₃ quián₂ jnia'₅₄.⁷ La₁ jme₁ca₂'í₃ juig₅₄ 'lióg₂ Lisias, ca₂jñiá'₂ Pa₄ jin₄ jnia'₅₄ quian'₅₄ bí₂ quió'₅ 'lióg₂ quiáin₅, a₂ca₂tág₃.⁸ Ca₂juá'₂ Lisias 'éi₂ a₂'nió'₅ ja₃lén₂ dsa₂ i₂'nag₅ ne'₅₄ 'ne₂.]* Dse₃ ñag'₅₄ 'ne₂ 'ñiag'₂ ia₁jaun₂ le₃ñi'₅₄ lia'₂ tí₅ jág₁ 'e₂ lē₃ 'ñi₅ jnia'₅₄.

⁹ Jaun₂ ca₂le₃jín₃ gué'₄ dsa₂ judíos i₂jme₁tión₂ ja₁jaun₂ ca₂juá'₂ a₂dsón'₂ dsau₅ bá₄ jág₁ nē₅.¹⁰ Jaun₂ ca₂jmo₃ léi₄ dsi₄má'₂ ca₂tsí'₃ Pa₄ a₂juá'₂ 'éi₂ jág₁. Jaun₂ ca₂juá'₂ 'éi₂ jaun₂ né₃:

—A₂'ñio₂ dsi₃ jáng'₄ jág₁ dsau₅ a₂long₅₄ 'ñióg₃ ne'₅₄ 'ne₂, ia₁ guion₅₄ bá₄ jaun₂ a₂lín'₅ dsi₂tan₅₄ ma₂ne₁ñó₄ ñi₂ a₂qui₂dsí'₁ 'éi'₃ quió'₅ ta₁caun₂ 'uē₃ la₂.¹¹ Lé₂ bá₄ le₃caun'₅₄

§ 23:23 lit. "hora 'ni₅ a₂'uē₂." * 24:8 A₂lín₅₄ chog₅₄ si₂ tsá₃ le₁ton₅ jág₁ a₂tio'₅₄ 'ñióg₃ corchetes [le₂la₂].

jág₁ dsau₅, mei'₂ tsá₃ guia₃-tín₂ jmig₄ bá₄ ma₂té₂ a₂guang₃ Jerusalén a₂chi₁leng'₄ Diú₄.
¹² Tsá₃ jua'₅₄ ca₂jo₃ dsa₂ a₂tsíng₂ quian'₅₄ dsa₂, on₃ guë'₂ jua'₅₄ a₂qui₂dsia₂₃ mi'₅₄ i₁dsi₅
 guá'₅ templo, on₃ guë'₂ dsi₂néi₂ guá'₅ sinagogas, on₃ guë'₂ jë₄ juig₂. ¹³ Tsá₃ qui'₅₄ jmig₄
 i₂në₅ jme₃jniai₂₃ ca₂le₃jé₃ a₂'nag₂₃. ¹⁴ La₁ a₂juá'₅ jniá₂ ne'₅₄, a₂jme₂ti₅₄ ne₄ Diú₄ quián₅
 dsa₂ can'₅₄, con'₂ lé₅ Jui₅ a₂juá'₂ i₂në₅ a₂tsá₃ dsau₅. Ia₁ 'éng₂ ca₂le₃jé₃ a₂tio'₅₄ ne₄ Si₂ 'Éi'₃
 quian'₅₄ Si₂ quió'₅ dsa₂ i₂jme₁'é₂ jág₁ quián₅ Diú₄ né₃. ¹⁵ Le₂jaun₂ bá₄ 'éng₂ le₃quió'₅ Diú₄,
 jui₁lia'₂ 'éin₂ guoin₅₄ bá₄ ján₃, ia₁ 'éng₂ a₂qui₂jen'₅₄ 'lag₄, lia'₂ dsa₂ dsen₃ lia'₂ dsa₂ 'lin'₅₄
 né₃. ¹⁶ 'Uig₅₄ jaun₂, le₃jé₃ jmig₄ bá₄ quín'₅ jniá₂ bí₂ a₂tsá₃ 'e₂ dsi₃jñi₅ dsi₃, lia'₂ ne₄ Diú₄ lia'₂
 ne₄ dsa₂ mi₂güig₃ né₃.

¹⁷ 'Jme₁ca₂dsin₃ tin₃-ni₅ ñi₂ a₂ñi₂₃ juig₂ siá'₂, ca₂guáng'₃ táng₃ Jerusalén a₂jme₁'ong₁₂
 dsa₂ te₂ñé₂, a₂dsíng'₄ já'₂ ne₄ ne₄chei₂ né₃. ¹⁸ A₂jaun₂ bá₄ 'eng₅₄ jmo₂₃ i₁dsi₅ guá'₅
 templo jme₁ma₂në₂jmo₃ le₁jé₃ quió₃ lia'₂ con'₂ lé₅ tag₄ chí'₅ quián₂ jnia'₅₄. La₁ on₃jua'₅₄
 a₂jme₁tion'₅₄ dsa₂ juin₅, on₃ guë'₂ jua'₅₄ ca₂dsia₃ jniá₂ mi'₅₄. Jaun₂ ca₂dsi₃lén₂ i₂lin₅₄ dsa₂
 judíos i₂ja₂lén₂ juig₂ siá'₂ ja₁tén₄ 'uë₃ Asia. I₂'éi₂ bá₄ ca₂jo₃ 'eng₅₄ i₁dsi₅ guá'₅ templo.
¹⁹ I₂'éi₂ bá₄ 'nió'₅ ja₃lén₂ ja₁lá₃ ia₁jaun₂ 'nag₃ chi₂jua'₂ cha₂ a₂'nag₃ jniá₂. ²⁰ Në₁jua'₂ tsá₃
 a₂cha₂ 'nag₃ 'éi₂, jaun₂ jui₁'nag₅₄ i₂tión₂ në₅ chi₂jua'₂ cha₂ dso₄ ca₂'no₃ ja₁con₂ dsi₂tan₅₄
 quián₅ dsa₂ judíos. ²¹ O₃ 'uig₅₄ jaun₂ 'e₂, ia₁ a₂'én₂ jniá₂ a₂jen'₅₄ 'lag₄, jui₁lia'₂ ca₂juá'₃ jniá₂
 tiá₂ ca₂juig₂ 'éi₂ lia'₂ con'₂ jme₁'eng₅₄ jë₄ quió'₅, ca₂juig₂: “A₂cáun'₂ 'nia'₂ jág₁ dsau₅ quió₃
 jniá₂, ia₁ a₂'éng₂ a₂jen'₅₄ 'lag₄.”

²² Jme₁ca₂nag₂ gui'₅₄ Dsi₄má'₂ Fé₁ le₂në₅, jaun₂ tsá₃ ma₃'e₂ ca₂jme₃rë₃. Ia₁ jme₁ma₂ñi₅
 rë₂ bá₄ i₂'e₂ jaun₂ a₂té'₂ dsa₂ “Jui₅”. Jaun₂ ca₂juá'₂:

—Në₅ bá₄ jme₁rë₂ jniá₂ jág₁ në₅ quián'₂ 'nia'₂, jë₁ma₂guan₅ juig₅₄ 'lióg₂ dsen₅₄ Lisias.

²³ Jaun₂ ca₂jmo₃ gui'₅₄ dsi₄má'₂ 'éi'₃ ca₂tsí'₃ juig₅₄ 'lióg₂ quián₅ a₂toin'₂ Pa₄ né'₃ 'má₃.
 La₁ ca₂cuë₃ bá₄ jmig₄ lé₂ bá₄ dsi₃jag₅₄ a₂mei₅₄ quián₅ Pa₄ a₂jme₃'o₅₄ në₁jua'₂ 'e₂ ca₂rë₃ 'nió'₅
 quió'₅.

²⁴ Jme₁ca₂dsin₃ tin₃-ni₅ jmig₄ cang₂ jaun₂, ca₂dsióg₃ táng₃ Fé₁ quiain'₅₄ 'io₅₄ quián₅
 i₂chen₂ Drusila, i₂lín₅ judía. Jaun₂ ca₂jmo₃ Fé₁ 'éi'₃ ca₂i₁quian₅₄ dsa₂ Pa₄, jaun₂ ca₂nág₂
 të₁lia'₂ ca₂dsia₃ 'éi₂ jui₁lia'₂ 'a₂ lia'₂ lé₅ a₂'éin₂ të₂le₃ quió'₅ Cristo Jesús. ²⁵ La₁ jme₁ca₂dsia₃
 Pa₄ a₂'nió'₅ cán₂ dsa₂ caun₂ jui₅ co₂dsau₅, a₂'nió'₅ jme₃'uán₂ dsa₂ dsí₅ 'ñiog₅; jme₁ca₂dsia₃
 Pa₄ a₂já₅ caun₂ jmig₄ a₂con₂ Diú₄ jág₁ dsau₅ quió'₅ le₂jan₂ le₂jan₂ dsa₂, jaun₂ gué₄ ca₂rë₃gó'₅
 gui'₅₄ Fé₁. Jaun₂ ca₂juá'₂:

—Dse₃ bá₄ guang'₂ táng₃ ja₁jme₁'eng'₅₄. Në₅ bá₄ të₄ táng₃ jmig₄ siá'₂ jë₁ma₂jñg₅₄.

²⁶ Jme₁'ín₂ dsí₅ Fé₁ a₂jme₁jén'₃ Pa₄ cu₄ ia₁jaun₂ jme₁lió₂. Jaun₂ 'lióng₂ ráun₂ jme₁ca₂të₃
 a₂dsia₂₃ jág₁ quiong'₅₄. ²⁷ Tin₃ ñi₂ ca₂ñi₂ le₂jaun₂ jme₁ca₂o₃ 'ín₃ gui'₅₄ Fé₁ ta₁ a₂jme₁lín₄,
 a₂ca₂'í₃ táng₃ Porcio Festo. Jaun₂ lia'₂ ma₂'en₅₄ jaun₂ bá₄ Pa₄ né'₃ 'má₃ ca₂jmo₃ Fé₁, ia₁jaun₂
 të₃tsiin'₅₄ dse₃ quian'₅₄ dsa₂ judíos.

25

Ca₂ñe₄ Pa₄ ne₄ Dsi₄má'₂ Festo

¹ Ma₂'ni₅ jmig₄ a₂ca₂gue₃ Festo ta₁ dsi₄má'₂, ca₂'uüin₂ juig₂ Cesarea ca₂uig₂ juig₂
 Jerusalén. ² Ja₁jaun₂ ca₂jmo₃ jme₂dsa₂ dsen₅₄ quiain'₅₄ ca₂le₃jín₃ juig₅₄ jme₂dsa₂ quián₅
 dsa₂ judíos, ca₂mi₃ dso₄ ne₄ Festo a₂'ni₂₃ Pa₄. ³ Ján₃ bá₄ ca₂mi₃ a₂jmo₃ 'éi₂ dse₃ dsí₅, a₂jmo₃
 'éi'₃ a₂dsi₃quián₂ dsa₂ Pa₄ a₂dsi₃jó₂ juig₂ Jerusalén. Ia₁ a₂jme₁ma₂li'₅₄ jág₁ a₂jme₁jñi'₃ Pa₄
 le₂'i₄ jui₅. ⁴ La₁ jaun₂ ca₂ñag₃ Festo a₂'ein₅₄ jui₅ dsáin'₃ ñi'₅₄ ta₁ të₂ juig₂ Cesarea ja₁'en₅₄
 Pa₄ né'₃ 'má₃. ⁵ Jaun₂ ca₂juá'₂:

—Jui₁ja₂lén₂ dsa₂ i₂lín₅ ta₁ quián'₂ 'nia'₂ quian'₅₄ jniá₂ jui₅ Cesarea, jui₁'nag₁₂ ja₁jaun₂
 chi₂jua'₂ cha₂ a₂riin₂.

⁶ Jñia'₅₄ con'₂ jñia₃ o₃ guia₃ jmig₄ bá₄ ca₂'í₃ Festo Jerusalén, jaun₂ ca₂ñái'₃ Cesarea. Jme₁jñia₃ táng₃ jaun₂, ca₂i₁gua₂ ne₄ta₁ ja₁qui₂dsi₂₃ 'éi'₃, jaun₂ ca₂jmo₃ 'éi'₃ a₂ca₂i₁quian₅₄ dsa₂ Pa₄. ⁷ Jme₁ca₂'í₃ Pa₄ dsi₂néi₂ ne₄ta₁, jaun₂ ca₂jme₃quián₃ dsa₂ judíos i₂ja₂lén₂ juig₂ Jerusalén. Jaun₂ 'lióng₂ ne₅₄ dso₄ jué'₂ qui₂ca₂bóin'₂ Pa₄. La₁ tsá₃ ca₂tió'₃ jme₃jñia₁₂₃ a₂dsón'₂ dsau₅ ca₂le₃jé₃ dso₄ a₂bóg'₂ jaun₂. ⁸ Jaun₂ ca₂jáng'₃ Pa₄ jág₁ dsau₅ a₂lióin₂ 'ñiog₅, ca₂juá'₂:

—'I₁caun₂ dso₄ nē₅ tsá₃ ma₂'no₃ jniá₂, on₃ gué'₂ jua'₅₄ a₂tsá₃ ma₂ca₂rē₃tei₅₄ con'₂ lé₅ Si₂ 'Éi'₃ quió'₅ dsa₂ judíos, on₃ gué'₂ le₃quió'₅ guá'₅ templo jua'₅₄ a₂ma₂'no₃ dso₄, on₃ gué'₂ jua'₅₄ a₂cha₂ dso₄ ma₂ca₂táng'₂ ja₁con₂ gui'₅₄ emperador romano.

⁹ La₁ia₁ jme₁'nio₃ Festo tē₃tsiin'₅₄ rē₂ quian'₅₄ dsa₂ judíos, jaun₂ ca₂ñíi'₃ Pa₄:

—'Niog'₂ guang'₅₄ tē₂ juig₂ Jerusalén ia₁jaun₂ ja₁jaun₂ jme₁rē₂ jniá₂ quiáng'₂?

¹⁰ Jaun₂ ca₂ñag₃ Pa₄:

—Jaun₂ gué'₂ ma₂chén'₅ jniá₂ ja₁lá₃ caun₂ ne₄ta₁ ja₁tén₄ gui'₅₄ emperador romano ja₁dsi₂ten₅₄ qui₃dsi₅ dsa₂ 'éi'₃ quió₃. Ia₁ rē₂ bá₄ ñi'₅₄ 'ne₂, tsá₃ 'e₂ dso₄ rin₂ jniá₂ ja₁con₂ dsa₂ judíos. ¹¹ Chi₂jua'₂ cha₂ gué'₂ dso₄ a₂ma₂'no₃, a₂ca₂tíng₂ jóng₂, jaun₂ guén₄ bá₄ jniá₂ 'mú₃ quió₃. La₁ chi₂jua'₂ tsá₃ dsau₅ dso₄ a₂bóg'₂ dsa₂ nē₅, jaun₂ 'i₁jan₂ tsá₃ 'ein₂ ca₂tín₂ jua'₅₄ a₂jáng'₂ jniá₂ o₄gú₃ dsa₂ 'éi₂. Jaun₂ mi₅ jniá₂ nég'₄ ne₄ gui'₅₄ emperador, ia₁jaun₂ 'éi₂ qui₃dsi₅ 'éi'₃ ja₁cong₂.

¹² Jme₁ca₂lē₃ dsia₅ Festo jág₁ quian'₅₄ dsa₂ i₂to'₂ jág₁ dse₃ quiáin₅, jaun₂ ca₂juá'₂ ca₂tsí'₃ Pa₄:

—Ia₁ ma₂nē₂mi'₅₄ guang'₅₄ ne₄ gui'₅₄ emperador, ne₄ 'éi₂ guang'₅₄ gué'₂ jaun₂.

Ma₂chén'₅ Pa₄ ne₄ Rag₅₄ Agripa

¹³ Tin₃-ni₅ jmig₄ cang₂ jaun₂, ca₂dsióg₃ Rag₅₄ Agripa quian'₅₄ Berenice ca₂i₁lein₅₄ juig₂ Cesarea i₁cuin₃ Diú₄ Festo. ¹⁴ Ca₂tóin'₂ bá₄ tin₃-ni₅ jmig₄ ja₁jaun₂, jaun₂ ca₂dsia₃ Festo ca₂tsí'₃ Rag₅₄ Agripa jág₁ jaun₂ quió'₅ Pa₄. Jaun₂ ca₂juá'₂:

—'En₅₄ jan₂ dsa₂ 'né₅ 'má₃ ja₁lá₃, i₂ca₂ton'₂ Fé₁. ¹⁵ Lia'₂ con'₂ jme₁'en₅₄ jniá₂ juig₂ Jerusalén, ca₂mi₃ dso₄ ne₃ jniá₂ juig₅₄ jme₂dsa₂ quián₅ dsa₂ judíos, dsa₂ can'₅₄ quiáin₅ né₃, a₂'ni₂₃ dsa₂ 'éi₂, a₂jme₁mi₂₃ jme₁qui₁dsi₅ jniá₂ 'éi'₃ quió'₅, a₂'é₄ uig₅ né₃. ¹⁶ Jaun₂ bá₄ lē₃ ca₂ñag₄ jniá₂ ca₂juíg₂: “Tsá₃ le₂jaun₂ tin₂ quió'₅ dsi₂tan₅₄ romano jua'₅₄ qui₃dsi₅ 'éi'₃ quió'₅ jan₂ dsa₂, tē₃ tsá₃ ma₂nē₂jíin₂ dsa₂ i₂qui₂'nag₅ quió'₅, tē₃ tsá₃ ma₂cuin₅ jmig₄ lióin₃ 'e₂ dso₄ bóg'₂ dsa₂.” ¹⁷ Jaun₂ lē₃, jme₁ca₂o₃lén₂ ja₁lá₃, dsi₂juí₅ bá₄ ca₂i₁gua₂ ne₄ta₁ quió₃ jme₁jñia₃ jaun₂, jaun₂ ca₂jmo₃ 'éi'₃ ca₂i₁quian₅₄ dsa₂ dsa₂ 'éi₂. ¹⁸ La₁ jme₁ca₂o₃lén₂ dsa₂ i₂'nag₅, tsá₃ 'e₂ dso₄ ca₂bóg'₂ dsa₂ jui₁lia'₂ dso₄ jme₁lín₂ jniá₂ a₂jme₁bóg'₂. ¹⁹ Jñia'₅₄ lia'₂ a₂jaun₂ bá₄ 'ni₂₃ 'éi₂ lia'₂ con'₂ lé₅ 'Éi'₃ Juá'₅ quió'₅, ia₁ a₂juá'₂ 'iin₂₃ jan₂ i₂chen₂ Jesús i₂ca₂jon₃, jaun₂ juá'₂ Pa₄ i₂chan₂ bá₄ 'éi₂. ²⁰ Ia₁ tsá₃ guion₅₄ 'a₂ lia'₂ jme₁rē₂ jág₁ jaun₂, jaun₂ bá₄ lē₃ ca₂juíg₂ Pa₄ chi₂jua'₂ 'nio₃ dsó₃ juí₅ Jerusalén, ia₁jaun₂ qui₃dsi₅ dsa₂ 'éi'₃ ja₁jaun₂. ²¹ La₁ 'ñiog₅ né₃ ca₂mi₃ a₂qui₃dsi₅ 'éi'₃ gui'₅₄ emperador Augusto, jaun₂ bá₄ lē₃ ca₂jmo₃ jniá₂ 'éi'₃ lia'₂ ma₂'ein₅₄ nē₅ 'né₅ 'má₃, ca₂lia'₂ ca₂cuin₃ jmig₄ a₂tsiin₅₄ ne₄ gui'₅₄ emperador.

²² Jaun₂ ca₂juá'₂ gui'₅₄ Agripa ca₂tsí'₃ Festo:

—Ján₃ bá₄ 'nio₃ jniá₂ nag₅₄ jág₁ quió'₅ dsa₂ 'éi₂.

Jaun₂ ca₂ñag₃ táng₃ Festo:

—'Ióg₃ nág'₁ jág₁ quió'₅.

²³ Jaun₂ jme₁jñia₃ jaun₂, ca₂dsióg₃ gui'₅₄ Agripa quian'₅₄ Berenice. 'ñio₅ lín₃ jlá'₁ ca₂i₃toin'₅₄ dsi₂néi₂. Ca₂dsi₃lén₂ juig₅₄ 'lióg₂ dsen₅₄, ca₂le₃jín₃ dsa₂ dsen₅₄ quián₅ juig₂ ca₂dsi₃lén₂. Jaun₂ ca₂jmo₃ Festo 'éi'₃ a₂ca₂i₁quian₅₄ dsa₂ Pa₄. ²⁴ Jaun₂ ca₂juá'₂:

—'Ne₂ Rag₅₄ Agripa, ca₂le₃jín'₃ 'nia'₂ dsa₂ i₂le₁ñi'₂ ja₁lá₃ quian'₅₄ jñia'₅₄, la₂ chén'₅ dsa₂ la₂. Juín₅ dsa₂ judíos i₂chan₂ juig₂ Jerusalén, dsa₂ chan₂ juig₂ Cesarea ja₁lá₃ né₃, 'ni₂₃ dsa₂ la₂. Jaun₂ ca₂le₃jé₃ jmig₄ tsá₃ cán₂ jág₁, a₂mi₂₃ jón₂ i₂nē₅. ²⁵ La₁ con'₂ lín₂ jniá₂, tsá₃ 'e₂ dso₄ riin₂ jua'₅₄ a₂dsi₂ten₅₄ jón₂. Ton'₂ mi₂₃ táng₃ 'ñiog₅ a₂dsáin'₃ ne₄ gui'₅₄ emperador

Augusto, jaun₂ lë₃ ma₂i₂jio₅ dsi₃ dsain'₅₄ co₂ñei'₅₄ ne₄ 'éi₂. ²⁶ Ia₁ tsá₃ guion'₅₄ 'e₂ jág₁ dsón'₂ tó'₄ ne₄ si₂ a₂juig'₅₄ gui'₅₄ emperador a₂'nig'₄ i₂në₅. Jaun₂ bá₄ lë₃ i₂jñiá'₂ ne'₅₄ 'nia'₂, la₁ 'ñio₅ dsen'₅₄ gué'₄ le₂'uig'₅₄ ne'₅₄ 'ne₂ gui'₅₄ Rag₅₄ Agripa, ia₁jaun₂ caun'₅₄ jág₁ dsau₅ quió'₅, ia₁jaun₂ cha₂ a₂tó'₄ ne₄ si₂ 'e₂ a₂rë₂cáin'₂. ²⁷ Ia₁ tsá₃ dse₃ jniá'₂, lín₂ jniá'₂, jua'₅₄ a₂dsiang'₅₄ jan₂ dsa₂ chi₁'ñei'₅₄ jua'₅₄ a₂tsá₃ juig'₅₄ 'e₂ lë₃ 'nag₅ dsa₂.

26

Ca₂jáng'₃ Pablo jág₁ dsau₅ quió'₅ ne₄ Rag₅₄ Agripa

¹ Jaun₂ ca₂juá'₂ Rag₅₄ Agripa ca₂tsí'₃ Pa₄:

—Lé₂ bá₄ jua'₅₄ jág₁ a₂jang'₅₄ jág₁ dsau₅ o₄quiáng'₂ 'ñiag'₂.

Jaun₂ ca₂chóg'₃ Pa₄ gu₂ ca₂jme₃lióg₃ ca₂juá'₂ le₂la₂:

² —Jmo₅ jniá'₂ dsi₃, 'e₂ bá₄ dsen₃ jniá'₂, a₂ma₂chéng'₅ ne'₅₄ 'ne₂ Rag₅₄ Agripa, a₂long₅₄, juig'₅₄ 'ne₂ 'a₂ lia'₂ lé₅ ca₂le₃jé₃ dso₄ a₂bóg'₂ dsa₂ judíos jniá'₂. ³ Ia₁ ma₂ñi'₅₄ bá₄ 'ne₂ co₂rë₂ 'a₂ lia'₂ lé₅ tag₄ a₂chí'₅ quián₂ jnia'₅₄ dsa₂ judíos, quian'₅₄ jág₁ a₂tság₂ jnia'₅₄ jin₄ rin'₅₄ né₃. Jaun₂ lë₃ mi₅ jniá'₂ ne'₅₄ a₂jmo'₂ juin'₂ 'au'₂ a₂nág'₁ jág₁ quió'₃.

Ca₂dsia₃ Pablo, le₂la₂ bá₄ jme₁lín₄ né'₃ a₂jéin'₃ le₃quió'₅ Te₁gui'₅₄

⁴ 'Ca₂le₃jin₃ bá₄ dsa₂ judíos le₁ñi₅ 'a₂ lia'₂ jme₁jmo₅ jniá'₂ juig₂ go₃ quian'₅₄ jë₄ juig₂ Jerusalén né₃. Jaun₂ le₁ñi₅ bá₄ dsa₂ 'a₂ lia'₂ jme₁ñi₅ jniá'₂ lia'₂ bing'₅₄. ⁵ Le₁ñi₅ 'éi₂ ján₃, jaun₂ lé₂ bá₄ jáng₃ jág₁ dsau₅ në₁jua'₂ 'nio₃, lia'₂ con'₂ jme₁i₃juing'₂ bá₄, ma₂lín₅ bá₄ jniá'₂ dsa₂ fariseo. Jaun₂ jnia'₅₄ i₂jme₁lág₄ fariseos jme₁jme₂tí₁ gué'₄ 'ñio₅ lín₃ juá'₅ quián₂. ⁶ Ia₁ a₂'éng₂ a₂jme₃jen'₅₄ Diú₄ 'lag₄, ju₁lia'₂ lé₅ jág₁ quió'₅ ca₂cué'₃ gui'₅₄ can'₅₄ quián₂ jnia'₅₄ ma₂líg'₂, 'uig'₅₄ jaun₂ bá₄ a₂chéng'₅ ja₁lá₃, a₂con₂ dsa₂ jág₁ dsau₅ quió'₃. ⁷ Ta₁guia₃-tín₂ bá₄ cho'₅₄ tsí₁jon₂ dsa₂ juig₂ jnia'₅₄ jme₂juin'₂ Diú₄, jaun₂ lia'₂ 'uë₂-jmi₂ bá₄ jme₂tí₃ ta₁ ne₄ Diú₄ ia₁ le₁ín₂ dsí₅ a₂jme₂tí₃ Diú₄ jág₁ jaun₂ quió'₅ ca₂cuë₃. 'Uig'₅₄ jaun₂ bá₄ né₃, 'ne₂ gui'₅₄ Rag₅₄ Agripa, 'uig'₅₄ ia₁ a₂'ín₂ dsi₃ jniá'₂ le₂jaun₂ bá₄, a₂'nag₅ dsa₂ judíos jniá'₂. ⁸ 'E₂ 'uig'₅₄ jmo'₂ 'nia'₂ 'au'₂ a₂tsá₃ qui'₅₄ Diú₄ jmi₄ jme₃jein'₅₄ 'lag₄?

Ca₂dsia₃ Pa₄ 'a₂ lia'₂ qui₂ca₂co₃ 'ein₃ quió'₅ dsa₂ quián₅ Jesús

⁹ 'Jniá'₂ 'ñi₃, jme₁dsi₂jio₅ dsi₃ le₂jñiá'₅ jme₁jmo₅₄ 'lióng₂ ne₅₄ cosas a₂jme₁jmag'₅₄ dsa₂ quián₅ Jesús chan₂ Nazaret. ¹⁰ Jaun₂ le₂në₅ ca₂jmo₃ jë₄ juig₂ Jerusalén. Quian'₅₄ 'éi'₃ ca₂cuë₃ juig'₅₄ jme₂dsa₂, qui₂ca₂tong'₂ 'né₅ 'má₃ juin₅ lín₃ dsa₂ 'én₂.^{*} Caun₂ bá₄ jág₁ jme₁lé₄ quió'₃ quian'₅₄ dsa₂ i₂ca₂jme₃dsian₅ i₂lín₅₄ dsa₂ i₂'én₂ 'éi₂. ¹¹ 'Lióng₂ ráun₂ qui₂ca₂'é₃ jniá'₂ uig₅, ia₁jaun₂ jmo₃ tion₅₄ a₂tí₂ a₂'éin₂. Le₂jaun₂ bá₄ qui₂ca₂jmo₃ jniá'₂ le₂tan₅₄ guá'₅ sinagogas, ca₂lia'₂ ca₂i₁'éin₄ le₂tan₅₄ juig₂ go₄ dsa₂ sián'₂ né₃, ia₁ 'ñio₅ lín₃ jme₁'ñiai₅₄ jniá'₂.

Ca₂dsia₃ táng₃ Pa₄ 'a₂ lia'₂ ca₂lë₃ a₂ca₂jéin'₃

(Hechos 9:1-19; 22:6-16)

¹² 'Ta₁ jaun₂ jme₁ñó₃ jniá'₂ ju₁5 Damasco ca₂chei₃ dsa₂ quian'₅₄ bí₂ 'éi'₃ ca₂cuë₃ juig'₅₄ jme₂dsa₂ a₂jme₁i₂cháng'₃ dsa₂ 'én₂ i₂jme₁tion'₅₄ ja₁jaun₂. ¹³ La₁ lia'₂ con'₂ jme₁ñó₃ le₂'i₄ ju₁5, 'ne₂ gui'₅₄ rag₅₄, con'₂ dsi₃ñi'₃ bá₄ jaun₂, ca₂jág₃ jniá'₂ caun₂ si₂ a₂já₃ ju₁5 guei'₅₄ i₂juig₃, ca₂tág₃ le₃lág'₃ quió'₃, quian'₅₄ dsa₂ i₂jme₁quiang'₅₄. 'ñio₅ lín₃ gué'₄ tág₅ con'₂ gué'₄ 'iog₂. ¹⁴ Jaun₂ ca₂le₃jág₃ bá₄ jnia'₅₄ i₂gau'₅₄ 'uë₃ dsi₂ju₁5 le₂jaun₂. Jaun₂ ca₂nag₃ caun₂ jág₁ ca₂juá'₂ dsa₂ quian'₅₄ jág₁ jme₁5 hebreo:† “Saulo, Saulo, 'e₂ lë₃ co₂'éin'₅ jniá'₂? A₂jñia'₅₄ jmag'₅₄ uig₅ 'ñiag'₂ bá₄, jmo'₂ ju₁lia'₂ jmo₅ ca₁ju₁5 quia'₂ 'uë₃ a₂jnáu₅ nei'₅₄ ni₁'ma₂chen'₂.”

¹⁵ Jaun₂ ca₂ñag₄ jniá'₂: “'E₂in₂ bá₄ 'ne₂, gui'₅₄?” Jaun₂ ca₂ñag₃ táng₃: “Jesús bá₄ jniá'₂ i₂co₂'én'₅ 'ne₂. ¹⁶ La₁ nau₂, chí'₂ tag'₅₄, ia₁ në₂jme₁jñiag₅ ne'₅₄ 'ne₂, ia₁ 'nio₃ jme₁ti'₄ ta₁ ne₃, ia₁jaun₂ jang'₅₄ jág₁ dsau₅ 'e₂ në₂jag'₅₄ në₃, quian'₅₄ a₂jag'₅₄ gué'₄ cang₂ a₂jme₁jnia₅ jniá'₂. ¹⁷ Tsín₅₄ jniá'₂ 'ne₂, jaun₂ gog'₅₄ ja₁con₂ dsi₂nau₂, jaun₂ jmo₅₄ bá₄ jniá'₂ 'í₁ 'ne₂ ia₁jaun₂ tsá₃

* 26:10 lit. “juin₅ lín₃ dsa₂ jñi₃.” † 26:14 o₃, arameo.

jmóg'² dsa₂ juig₂, on₃ guë'² dsi₂nau₂ né₃. ¹⁸ Jaun₂ jui₅ ja₁con₂ dsa₂ 'éi₂ tsin₅₄ jniá₂ 'ne₂, ia₁jaun₂ le₃jnio₂ ne₄ dsa₂, ia₁jaun₂ 'uín₃ jë₄ qui₁né'₃, qui₃jéin'₃ ne₅₄ ja₁tág₅ si₂; ia₁jaun₂ tsá₃ lé₅ jua'₅₄ tioin'₅₄ gué₄ 'éi'₃ quió'₅ Satanás, ia₁jaun₂ dsi₁lein₃ ja₁con₂ Diú₄, dsi₃'én₂ bá₄ dsáu₁, ia₁jaun₂ gue₃ jui₁lia'₂ a₂ca₂tín₂ dsa₂ i₂lé₅ 'í₁ quián₅ Diú₄, 'uig₅₄ ia₁ a₂'éin₂ le₃quió₃ jniá₂.”

Ca₂jme₃ti₃ Pa₄ a₂ca₂jág₃ jaun₂

¹⁹ 'Jaun₂ le₂në₅ bá₄, 'ne₂ gui'₅₄ Rag₅₄ Agripa, tsá₃ jua'₅₄ a₂tsá₃ ca₂jme₁ti₁₂ con'² lé₅ a₂ca₂jág₃ a₂jág₃ guei'₅₄. ²⁰ Jaun₂ lë₃, jë₄ juig₂ Damasco ca₂'é₃ le₂'uig₅₄ jág₁ dse₃. Jaun₂ gué₄ ca₂neg₅₄ jui₅ Jerusalén, le₂tan₅₄ juig₂ ja₁tén₄ 'uë₃ Judea né₃. Ján₃ bá₄ ca₂neg₅₄ jin₄ dsi₂nau₂, ca₂i₁chei₁₂ a₂'nió'₅ dsi₃quén'₅ dsí₅, jéin'₃ le₃quió'₅ Diú₄, a₂jme₃li₅₄ a₂ma₂ca₂rë₃tsín₃ dsí₅ tē₂le₃ quian'₅₄ ca₂le₃jé₃ a₂jmo₂₃. ²¹ 'Uig₅₄ jaun₂ bá₄ a₂ca₂jñau'₃ dsa₂ judíos jniá₂ i₁dsi₅ guá'₅ templo a₂jme₁'nio₃ jme₁jñag'₃. ²² La₁ Diú₄ bá₄ jme₂'o₅₄ cuë₂₃ bí₂ a₂chan'₅₄ tiá₂ jág₁ quió'₅ ca₂tē₂jmi₄ nē₃, qui₂jáng'₅ jág₁ dsau₅ a₂juig₂ lia'₂ dsa₂ dsen₅₄ lia'₂ dsa₂ lē₁dsa₂ né₃. 'I₁caun₂ jág₁ siá'₂ tsá₃ juig₂ jniá₂ dsa₂, jñia'₅₄ con'² lé₅ jág₁ ca₂juá'₂ dsa₂ i₂jme₁'é₂ jág₁ quián₅ Diú₄ ma₂líg'₂, quian'₅₄ a₂ca₂juá'₂ Moisés, jme₁ca₂juá'₂ ca₂le₃jé₃ 'e₂ niog₅ lé₂, ²³ co₂'nió'₄ a₂tion₅₄ 'nió'₅ nág₃ uig₅ l₂rë₂'ín₁ quián₅ Diú₄; jaun₂ 'éi₂ bá₄ lén₂ i₂le₂'uig₅₄ i₂jen'₅₄ jin₄ 'lag₄, ia₁jaun₂ dsi₃'é₃ jág₁ dse₃ a₂lión₂ dsa₂, jui₁lia'₂ caun₂ si₂ a₂tág₅ lia'₂ jin₄ dsa₂ juig₂ quián₂ jnia'₅₄, lia'₂ jin₄ dsi₂nau₂ né₃.

Ca₂jmo₃ Pa₄ bí₂ a₂jme₁le₂'én₂ Rag₅₄ Agripa tē₂le₃ quió'₅ Jesús

²⁴ Jme₁ca₂juá'₂ Pa₄ jág₁ jaun₂ a₂jme₁lióin₂ 'ñiog₅ ne₄ dsi₂tan₅₄, jaun₂ ca₂guió'₃ Dsi₄má'₂ Festo ca₂juá'₂:

—j₂lë₁të₂'i'₂ bá₄ 'ne₂, Pa₄! Ia₁ a₂ñí₄ lë₃ 'i'₂ si₂, jaun₂ ma₂ca₂rë₃ñág'₅.

²⁵ Jaun₂ ca₂ñag₃ táng₃ Pa₄:

—Tsá₃ ñá₅ jniá₂, 'ne₂ gui'₅₄ Dsi₄má'₂ Festo. Jág₁ dsau₅ dsón'₂ bá₄ a₂juá'₅ jniá₂ la₂. ²⁶ La₂ bá₄ guá'₅ gui'₅₄ Rag₅₄ Agripa i₂cuí'₅ dse₃ 'a₂ lia'₂ lé₅ jág₁ nē₅. A₂jaun₂ bá₄ lë₃ tiá₂ dsi₃ a₂juá'₅ ne₅₄, ia₁ dsón'₂ ñi₅ ca₂le₃jé₃ jág₁ nē₅, ia₁ on₃juá'₅₄ a₂ca₂lë₃ caun₂ ja₁quióng₄ con'² tē₃co'₅₄. ²⁷ 'Én'₂ 'ne₂ gui'₅₄ Rag₅₄ Agripa jág₁ a₂ca₂juá'₂ dsa₂ i₂jme₁'é₂ jág₁ quián₅ Diú₄? Guion₄ bá₄ jniá₂ a₂'én'₂ 'ne₂.

²⁸ Jaun₂ ca₂ñag₃ Rag₅₄ Agripa:

—Ca₂juig₄ mei'₂ tsá₃ jme₂'uang'₅₄ dsi₃ a₂lëng₂ jan₂ dsa₂ cristiano.

²⁹ Jaun₂ ca₂juá'₂ táng₃ Pa₄:

—Chi₂juá'₂ ca₂juig₄ o₃ tsá₃ ca₂juig₄ 'e₂, 'e₂ gué₄ dse₃ nē₁juá'₂ jmo₃ Diú₄ on₃juá'₅₄ jmá'₃ 'ne₂, ján₃ bá₄ le₂jaun₂ ca₂le₃jín₃ dsa₂ i₂nag₅ jág₁ quió₃ nē₃, a₂lén₂jui₁lia'₂ lín₅ jniá₂, o₁jñia'₅₄ gué₄ on₃juá'₅₄ quian'₅₄ ni₁ñí₁ cadena jui₁lia'₂ chén'₅ jniá₂ la₂.

³⁰ Jme₁ma₂ca₂lë₃ juá'₂ Pa₄ le₂jaun₂, ca₂nau₂ Rag₅₄ Agripa quian'₅₄ Dsi₄má'₂ Festo, 'io₅₄ Berenice né₃, ca₂'uín₂ co₂lë₅ quian'₅₄ ca₂le₃jín₃ gué₄ dsa₂ i₂jme₁tion'₅₄. ³¹ Con'² ca₂i₃lén₂ cau₅, ca₂i₁dsia₂ 'a₂ lia'₂ jmo₃ jág₁ jaun₂ quió'₅ Pa₄, jaun₂ ca₂juá'₂ ca₂tsí'₃ riin'₅₄:

—'I₁ca₂juig₄ tsá₃ 'e₂ ma₂jmo₃ dsa₂ nē₅, jua'₅₄ a₂ca₂tíin₂ 'i₄ 'éi'₃ jóin₂, on₃ guë'₂ jua'₅₄ a₂dsi₂ten₅₄ 'ein₅₄ né'₃ 'má₃ né₃.

³² Jaun₂ ca₂juá'₂ Rag₅₄ Agripa ca₂tsí'₃ Dsi₄má'₂ Festo:

—Jme₁lé₂ bá₄ jme₁lión₂ dsa₂ nē₅, jua'₅₄ mei'₂ gué₃ tsá₃ ca₂mi₃ 'ñiog₅ a₂jme₃rë₃ gui'₅₄ emperador jág₁ quió'₅.

27

Ca₂dsián'₂ dsa₂ Pa₄ jui₅ Roma

¹ Jme₁ca₂jmo₃ dsa₂ jág₁ a₂chei₃ jnia'₅₄ jui₅ 'uë₃ Italia, jaun₂ Pa₄ quian'₅₄ gué₄ dsa₂ i₂le₁'ñe'₅₄ riin'₅₄ ca₂jáng'₂ dsa₂ o₄gú₃ jan₂ juig₅₄ 'lióg₂ i₂chen₂ Julio, i₂tén₅ tē₂le₃ quió'₅

co₂nió'₃ 'lióg₂ i₂té'₂ dsa₂ quián₅ Augusto. ² Jaun₂ ca₂tió'₄ jnia'₅₄ caun₂ ni₁barco a₂já₃ jui₅ 'o₄ jmi₁ñí'₄ ja₁chei₂ Adramitio a₂jme₁ma₂chí'₅ dsáu'₃ jui₅ 'o₄ jmi₁ñí'₄ a₂niog₅ 'uë₃ Asia. Jme₁quian'₅₄ jnia'₅₄ Aristarco dsa₂ chan₂ Tesalónica, juig₂ tén₅ 'uë₃ Macedonia. ³ Jme₁jnia₃ táng₃ jaun₂, ca₂dsi₃náu₅ jnia'₅₄ 'o₄ jmi₁ñí'₄ juig₂ Sidón. Ja₁jaun₂ ca₂dsia₃ ñéi₂ dsí₅ Julio ja₁con₂ Pa₄, ca₂cuë₃ bá₄ jmi₁g₄ ca₂i₁jñi₁₂ a₂mei₅₄ quián₅, ia₁jaun₂ jme₃'o₅₄ 'éi₂ 'e₂ a₂'nió'₅ quió'₅. ⁴ Jme₁ca₂'uag₂ jnia'₅₄ juig₂ Sidón, ca₂i₃náu₅ jnia'₅₄ jui₅ ja₁jniá₂ Chipre të₂le₃ gu₂ jen₅, ia₁ të₂le₃ siá'₂ bá₄ jme₁'ei₅ dsí₂. ⁵ Jaun₂ ca₂ñag₅₄ jnia'₅₄ jmi₁ñí'₄ chei'₅₄ 'uë₃ Cilicia quian'₅₄ Panfilia. Jaun₂ dsi₃náu₅ jnia'₅₄ ja₁chei₂ Mira, juig₂ tén₅ 'uë₃ Licia.

⁶ Ja₁jaun₂ ca₂dsó'₂ juig₅₄ 'lióg₂ caun₂ ni₁barco já₃ juig₂ Alejandría, a₂ma₂'i₄ jui₅ dsáu'₅ jui₅ Italia. Jaun₂ ca₂jmo₃ 'éi'₃ ca₂tió'₄ jnia'₅₄ ni₁barco, jaun₂ ca₂i₃náu₅ táng₃. ⁷ Lióng₂ jmi₁g₄ ca₂tió'₄ jnia'₅₄ ni₁barco, ia₁ a₂i₃náu₅ të₂'ua₁. Jaun₂ të₃ quian₅ ta₁ le₂jaun₂ bá₄ dsi₃náu₅ ja₁chei₂ Gnido. Ia₁ lia'₂ ma₂'ei₅ jaun₂ bá₄ dsí₂ le₃siá'₂, jaun₂ ca₂ñag₅₄ jnia'₅₄ cau₅ ja₁chei₂ Salmón, ca₂i₁jñi₁'₅₄ le₃ja₁chei₂ Creta, 'uë₃ 'i₄ jë₄ jmi₁ñí'₄. ⁸ Jaun₂ të₃ quian₅ ta₁ le₂jaun₂ bá₄ ca₂dsi₃náu₅ jnia'₅₄ ja₁té'₂ dsa₂ 'O₄ jmi₁ñí'₄ Dse₃, ja₁ma₂quián₅ juig₂ Lasea.

⁹ Lióng₂ jmi₁g₄ ca₂rë₃'ag₄ jnia'₅₄. Ma₂té₂ jein₂ a₂ma₂go'₂ i₃ni₁₀ dsa₂ jui₅ ne₄ jmi₁ñí'₄, ia₁ a₂ma₂ja₂quián₃ jein₂ güig₂. Jaun₂ lë₃, jme₁ca₂juá'₂ Pa₄ ca₂tsí'₃ dsa₂:

¹⁰ —'Nia'₂ dsa₂, já₃g₅ jniá₂ 'ñio₅ ma₂go'₂ quián₂ jniog₄ të₂le₃ ja₁dsau₅₄ në₅, ia₁ dsi₃'én₂ ni₁barco, li₁₀ né₃, ca₂të₂ guio₅₄ jniog₄ go'₂ dsi₁₀g₃ në₁juá'₂ 'e₂ ca₂lë₃.

¹¹ La₁ juig₅₄ 'lióg₂ né₃, tsá₃ jui₅ ca₂tón'₃ já₃g₁ jaun₂ quió'₅ Pa₄. Ca₂tón'₃ bá₄ jui₅ já₃g₁ quió'₅ dsa₂ juig₅₄ ni₁barco quian'₅₄ dsa₂ i₂quian₄ ni₁barco né₃. ¹² Ia₁ tsá₃ dse₃ 'o₄ jmi₁ñí'₄ jaun₂ jua'₅₄ a₂jñia₃ dsa₂ jein₂ güig₂ ja₁jaun₂, jaun₂ mei'₂ tsá₃ ca₂le₃jín₃ dsa₂ ca₂jmo₃ já₃g₁ a₂jme₁dsí₁náu₄ jui₅ ja₁tág'₄ juig₂ Fenice, caun₂ 'o₄ jmi₁ñí'₄ quió'₅ Creta ja₁jniá₂ të₂le₃ noroeste quian'₅₄ të₂le₃ suroeste, ia₁jaun₂ dsi₁jñia₁ jnia'₅₄ ja₁jaun₂ të₁lia'₂ ñag₅ jein₂ güig₂.

Ca₂'ág₂ dsí₂ tiá₂ lin₃ ne₄ jmi₁ñí'₄

¹³ Jaun₂ ca₂jme₃lióg₃ ca₂'ág₂ dsí₂ 'ua₁ a₂já₃ të₂le₃ sur. Jaun₂ caun₂ lé₂ dsi₃lén₂ bá₄ líin₂. Jaun₂ ca₂'uiin₂ jaun₂ né₃, ca₂i₃lén₂ jui₅ ma₂quián₅ chei'₅₄ 'uë₃ Creta. ¹⁴ La₁ jme₁co₂lág₂ jaun₂, ca₂já₃ dsí₂ tiá₂ lin₃ a₂chei₂ Nordecete ca₂té₂ ni₁barco. ¹⁵ Jaun₂ ca₂jio₃ dsí₂ le₃siá'₂ quió'₅ ni₁barco, ia₁ tsá₃ ma₃lé₂ jua'₅₄ dsau₅₄ jnia'₅₄ co₂dsau₅, jaun₂ co₂ñei'₅₄ ca₂cué₁ jnia'₅₄ jmi₁g₄ a₂jio₃ dsí₂. ¹⁶ Jaun₂ ca₂ñag₅₄ jnia'₅₄ le₃co'₅₄ caun₂ 'uë₃ pí'₁ ja₁chei₂ Cauda* a₂niog₅ jë₄ jmi₁ñí'₄. Ja₁jaun₂ tsá₃ lin₄ ma₃'ei₅ dsí₂ tiá₂, jaun₂ të₃ quian₅ ta₁ le₂jaun₂, ja₂lag₃ bá₄ ca₂tián₃ jnia'₅₄ a₂ca₂quiong₅₄ táng₃ tsi₁mu₅ a₂jme₁le₁'in₁ le₃chi₁co'₅₄. ¹⁷ Jme₁ca₂lë₃ ca₂tó'₂ dsa₂ tsi₁mu₅ guei'₅₄ 'ñió'₃ ni₁barco, jaun₂ qui₂ca₂'néi₂ dsa₂ dse₃ ni₁barco quian'₅₄ tsi₁'nei₅₄ ia₁jaun₂ jmo₃ bën₂ gué₄. Jaun₂ ia₁ jme₁gó'₅ dsa₂ a₂'í₂ ni₁barco ne₄ ti₁tsag₁ ja₁té'₂ dsa₂ Sirte, jaun₂ ca₂sió₂ tsi₁'mi'₂ quió'₅ ni₁barco, jaun₂ ca₂cuë₃ jmi₁g₄ a₂jio₃ dsí₂. ¹⁸ Jme₁jnia₃ jaun₂, ia₁ tiá₂ bá₄ gué₄ 'ei₅ dsí₂, jaun₂ ca₂jme₃lióg₃ qui₂ca₂tó'₂ li₁₀ ne₄ jmi₁ñí'₄. ¹⁹ Jme₁ca₂té₂ 'ni₅ jmi₁g₄, jaun₂ guio₅₄ jnia'₅₄ quian'₅₄ gu₂ qui₂ca₂tio'₅₄ dsi₂jmi₁g₂ le₂jio₃ a₂jmo'₂ ta₁ ni₁barco 'ñiog₅. ²⁰ Lióng₂ jmi₁g₄ tsá₃ ma₃ca₂jnia₃ 'iog₂, on₃ guë'₂ nei₅ né₃. Tsá₃ ma₃lág₂ jnia'₅₄ jua'₅₄ a₂tág'₄ gué₄, ia₁ a₂ñí₄ lë₃ tiá₂ jme₁'ei₅ dsí₂.

²¹ Ia₁ ma₂ne₁ñó₄ 'lióng₂ jmi₁g₄ tsá₃ ma₃'ein₂ jnia'₅₄ gué'₅, jaun₂ ca₂nau₂ Pa₄ jë₄ quió'₅ dsa₂ 'éi₂, jaun₂ ca₂juá'₂:

—'Nia'₂ dsa₂, dse₃ jua'₅₄ co₂ñei'₅₄ ca₂tion'₂ bá₄ 'nia'₂ jui₅ já₃g₁ quió₃ a₂tsá₃ jme₁'uág₃ Creta. Jnia'₅₄ ca₂i₃'én₂ bá₄ quián₂, ton'₂ ca₂ñag₅₄ rë'₂ uig₅ né₃. ²² La₁ në₃ né₃, quen'₂ 'nia'₂ bí₂, ia₁ 'i₁jan'₂ 'nia'₂ tsá₃ 'ein₂ dsián₃, o₁jñia'₅₄ dsi₃'én₂ ni₁barco. ²³ Ia₁ a₂'uë₂ la₂ në₂jme₃jnia₅ jan₂ ángel ne₃, i₂chen₄ quián₅ Diú₄ i₂jme₂tí₁ jniá₂ ne₅₄. ²⁴ Jaun₂ në₂juá'₂ ángel në₂chéi₃ jniá₂: “Tsá₃ lë₁jmo₂ gang'₃ Pa₄, ia₁ tion₅₄ niog₅ bá₄ gog'₅₄ a₂jme₁jniag'₂ ne₄ gui'₅₄ emperador romano. 'Uig₅₄ quián'₂ 'ne₂ bá₄ a₂lión₂ Diú₄ ca₂le₃jín₃ dsa₂ i₂quiang'₅₄ 'ñió'₃ barco, tsá₃ ma₃dsián₃.” ²⁵ Jaun₂ lë₃, 'nia'₂ rin'₅₄ jniog₄, quen'₂ 'nia'₂ bí₂, tsá₃ jmo₂ 'nia'₂

* 27:16 A₂lin₅₄ chog₅₄ si₂: “Clauda.”

o₂i₁ dsi₅. Ia₁ dsón'₂ bá₄ 'én₂ jniá₂ tē₂le₃ quió'₅ Diú₄ a₂tion₅₄ jmo₃ con'₂ lé₅ jág₁ a₂nē₂juá'₂ ángel nē₂chéi₂ jniá₂. ²⁶ La₁ tion₅₄ niog₅ dsi₁tió'₄ bá₄ jniog₄ caun₂ 'uē₃ dsi₂jo₂ jmi₁ñí'₄.

²⁷ Caun₂ 'uē₂ jme₁ma₂tē₂ tin₃ semanas a₂tio'₅₄ jnia'₅₄ jui₅, lia'₂ ma₂jio₅ jaun₂ bá₄ dsí₂ ne₄ jmi₁ñí'₄ Adria,† jme₁ca₂rē₃lí'₄ dsa₂ i₂quian₅ ni₁barco con'₂ dsi₃nei₅ jaun₂, a₂ja₂quián₃ dsi₁lén₂ 'uē₃. ²⁸ Jaun₂ ca₂can₃ dsa₂ 'éi'₃ 'a₂ con'₂ jí'₂ gué₄ jmi₂g₂. Jme₁ca₂jág₃ dsa₂, con'₂ guióg₂-guiá₂-jñéi₂ (36) metros bá₄ jí'₂ gué₄. Ca₂juig₄ gué₄ le₃cau₅ jaun₂ ca₂can₃ táng₃ dsa₂ 'éi'₃. Jme₁ca₂jág₃ táng₃, guióg₂-guio₃ (27) metros bá₄ tí₅ gué₄ jí'₂. ²⁹ Ia₁ a₂gó'₅ dsa₂ jná'₃ ni₁barco con'₂ tiá₂ dso'₂ ni₁cang₁ 'lau₂, jaun₂ ca₂sió₂ le₃chi₁co'₅₄ ni₁barco quén₂ ni₁ñí'₁ 'lá'₁ guei₂ quian'₅₄ tsi₁'nei₅₄ jui₅ né'₃ jmi₁ñí'₄. Tē₃ tion'₅₄ dsa₂ gó'₅ le₂jaun₂, qui₂ca₂chi₃lén'₂ Diú₄ a₂jnia₃. ³⁰ Tē₁lia'₂ jaun₂, jme₁ma₂dsi₂jio₅ dsí₅ dsa₂ i₂quian₅ ni₁barco a₂jme₁cuing₃. Qui₂ca₂sió₂ tsi₁mu₅ ne₄ jmi₁ñí'₄, a₂jmo₂₃ ju₁lia'₂ a₂tioin'₅₄ tó'₅ ni₁ñí'₁ guei₂ tē₂le₃ ne₄ ni₁barco. ³¹ La₁ jaun₂ ca₂juá'₂ Pa₄ ca₂tsí'₃ juig₅₄ 'lióg₂ quian'₅₄ ca₂le₃jín₃ gué₄ 'lióg₂ né₃, ca₂juá'₂:

—Nē₁juá'₂ tsá₃ jñia₅ i₂nē₅ 'ñi₃ ni₁barco, tsá₃ jaun₂ líón'₂ 'nia'₂.

³² Jaun₂ qui₂ca₂ti₃ 'lióg₂ 'nei₅₄ a₂jme₁chi₁quian₅ tsi₁mu₅, ca₂tá'₂ jaun₂ né₃ ne₄ jmi₂g₂.

³³ Tē₂ o₃ 'iog₂ lín₃, ca₂juá'₂ Pa₄ ca₂tsí'₃ ca₂le₃jín₃ dsa₂ a₂'nió'₅ gué₄₃. Jaun₂ ca₂juá'₂:

—Ma₂tē₂ tin₃ semanas a₂tsá₃ ma₂güin'₂ 'nia'₂ on₃ gué'₂ ma₂quē'₂. ³⁴ Jaun₂ lē₃ juá'₅ jniá₂, quē'₂ 'nia'₂ ca₂la₂. Tion₅₄ 'nió'₅ quē'₅₄ 'nia'₂ ia₁jaun₂ bá₄ líón'₂ 'nia'₂. 'I₁jan₂ jniog₄ tsá₃ 'ein₂ dsi₂'én₂ ja₁lá₃. Ca₂lia'₂ jñia'₅₄ ca₂mi'₂ jñi₂ dsi₄ jniog₄ tsá₃ 'e₂ dsi₃'én₂.

³⁵ Dsi₂jui₅ jme₁ca₂juá'₂ Pa₄ le₂nē₅, ca₂can₃ i₁ñí'₄ jaun₂ ca₂cué'₃ ti₁'mag'₄ Diú₄ tē₃ jág₅ dsa₂ ca₂le₃jín₃. Jaun₂ ca₂dsion₃ Pa₄ i₁ñí'₄ ca₂gué'₃ jaun₂ né₃. ³⁶ Jaun₂ ca₂le₃jín₃ dsa₂ ca₂tñin'₃ táng₃ bí₂ jme₁ma₂nē₂gué'₃. ³⁷ Ca₂le₃jág₃ jnia'₅₄ con'₂ jme₁tio'₅₄ ni₁barco jme₁téi₄ tin₃ 'ñiá₂-lón₂ rē₂dsí₂ 'nag'₂ co₂ne₂guióg₂ rē₂dsí₂ guia₃-jñé₂ (276) dsa₂. ³⁸ Jme₁ca₂lí'₃ gué'₅ dsa₂ con'₂ jme₁'nio₃, jaun₂ ca₂guia'₃ lio₅₄ trigo ne₄ jmi₁ñí'₄ ia₁jaun₂ sión'₂ gué₄ guei₂ ni₁barco.

Ca₂i₃guen'₅₄ ni₁barco né'₃ jmi₁ñí'₄

³⁹ Jme₁jnia₃ jaun₂, dsa₂ i₂quian₅ ni₁barco tsá₃ ca₂rē₃cuí'₅ 'uē₃ jaun₂. La₁ jaun₂ ca₂jág₃ caun₂ dsiog₅ jmi₁ñí'₄ a₂niog₅ jē₄ 'uē₃, ja₁'ei₅ tei₄ gué₄ jmi₂g₂. Chei'₅₄ jaun₂ tio'₅₄ 'lióng₂ ti₁tsag₁ ja₁lé₄ jo₂ gué₄. Jaun₂ ca₂'náu'₃ dsí₅ chi₂juá'₂ lé₂ jñióg'₃ ni₁barco ca₂tē₂ jaun₂. ⁴⁰ Jaun₂ ca₂ti₃ 'nei₅₄ a₂jme₁le₁quian₅ ni₁ñí'₁ 'lá'₁. Né'₃ jmi₁ñí'₄ jaun₂ bá₄ ca₂tí₂ dsa₂ ni₁ñí'₁ jaun₂. Qui₂ca₂jiá'₂ dsa₂ 'ma₂ a₂jmo₅ dsó₃ ni₁barco 'a₂ jui₅ 'nio₃ dsa₂. Jaun₂ ca₂chóg'₃ tsi₁'mi'₂ le₃ne₄ jui₅ quió'₅ ni₁barco, ia₁jaun₂ tē₃ dsí₂. Jaun₂ dsi₂jui₅ bá₄ ca₂jme₃lióg₃ ca₂ñi₃ ni₁barco ca₂jme₃quián₃ le₃chei'₅₄ 'uē₃ ja₁lé₄ ti₁tsag₁. ⁴¹ La₁ jui₅ ja₁ñó₃ ni₁barco jaun₂ ca₂dsi₃quén'₅ caun₂ ja₁lé₄ tin₃ ne₅₄ la'₅₄ ja₁'ei₅ tiá₂ jmi₂g₂. Tē₂le₃ ja₁lé₄ le₃ne₄ jui₅ quió'₅ ni₁barco ca₂i₃'ó'₅ jē₄ ti₁tsag₁, ca₂quí'₃ tiá₂ lín₃, ca₂lia'₂ tsá₃ ma₃ca₂tió'₃ dsa₂ dsí₃. Jaun₂ le₃ja₁lé₄ le₃chi₁co'₅₄, qui₂ca₂juin₃, ia₁ a₂ñí₄ lē₃ tiá₂ qui₂jná'₅ jmi₁ñí'₄. ⁴² Jme₁'nio₃ 'lióg₂ jme₃dsiain₂₃ dsa₂ i₂niog₅ gu₂ 'éi₂ ia₁jaun₂ tsá₃ lióin₂ jē₁ma₂qui₂ca₂'ain₂ jmi₂g₂. ⁴³ La₁ tsá₃ ca₂cuē₃ jmi₂g₄ juig₅₄, ia₁ 'nio₃ lióin₂ Pa₄. Jaun₂ ca₂jmo₃ 'éi'₃ ca₂tsí'₃ ca₂le₃jín₃ dsa₂ i₂tin₂ qui₃dsi₅ jmi₂g₂, jui₁tioin'₅₄ jmi₂g₂ le₂'uig₅₄ ia₁jaun₂ tñin'₄ 'uē₃; ⁴⁴ dsa₂ sián'₂ gué₄ né₃, jui₁'ain₅₄ jmi₂g₂ le₁chan'₂ jau₅₄ 'ma₂, o₃ ni₁'nau₅₄ quió'₅ ni₁barco 'e₂. Le₂jaun₂ bá₄ ca₂lē₃ qui₂ca₂lō₂ jnia'₅₄ a₂ca₂tág'₃ táng₃ 'uē₃.

28

¹En₅₄ Pablo 'uē₃ Malta a₂niog₅ jē₄ jmi₁ñí'₄

¹ Jme₁ma₂ca₂lō₂ jnia'₅₄ ca₂le₃jág₃, jaun₂ gué₄ ca₂rē₃ne₄ jnia'₅₄ a₂chei₂ Malta 'uē₃ jaun₂, a₂niog₅ jē₄ jmi₁ñí'₄. ² Dsa₂ chan₂ ja₁jaun₂ ca₂jmo₃ bá₄ dse₃ dsí₅ ja₁con₂ jnia'₅₄. Ca₂dsia₃ dsa₂ si₂ pa₁ jaun₂ ca₂tē₃ jnia'₅₄ a₂jme₁dsion'₂, ia₁ a₂ñí₄ lē₃ güüg₂, dsó₅ jmi₅ né₃. ³ Pa₄ gué'₂

† 27:27 o₃, “Jmi₁ñí'₄ Mediterráneo.”

né₃ qui₂ca₂cág₃ ni₁'ma₂ quein₂. Lia₂ con₂' jme₁'ein₅₄ tó₅ dsi₂si₂, con₂' tsá₃ jáin₅ ca₂o₃ í₃n₃ jan₂ dsi₂mi₂' a₂cuing₂₃ jme₁ca₂'é₂ dséi₂ quió₅, ca₂chi₃dséin₂ mi₂gu₂ Pa₄. ⁴ Jme₁ca₂jág₃ dsa₂ chan₂ ja₁jaun₂ 'en₅₄ dsi₂mi₂' chi₁dsein₅₄ mi₂gu₂ 'éi₂, qui₂ca₂dsia₃ jág₁ guioin₅₄ qui₂ca₂tsí₃ riin₅₄:

—I₂ma₂jñi₃' dsa₂ bá₄ dsa₂ në₅. O₁jñia₅₄ la₂ ca₂lón₂ ne₄ jmi₁ñi₄' la₁ tsá₃ 'i₄ 'éi₃ a₂le₃chain₂ gué₄.

⁵ La₁ qui₂ca₂bí₂ Pa₄ mi₂gu₂ jaun₂ né₃, ca₂tán₂' dsi₂mi₂' dsi₂si₂. La₁ tsá₃ 'e₂ ca₂jén₃' Pa₄ 'i₁ca₂jui_{g4}. ⁶ Ca₂le₃jín₃ dsa₂ jme₁le₁jñia₂₃ guióng₃ dsi₂jui₅ quió₅' Pa₄, o₃ jme₁dsi₃'iñ₅ 'e₂, jóin₂ dsi₂jui₅. La₁ jme₁co₂lág₂ jaun₂, ia₁ ca₂jág₃ tsá₃ 'e₂ i₁jén₄' gué₂' Pa₄, jaun₂ ca₂i₃jio_{g5} dsi₅ tē₂le₃ siá₂' qui₂ca₂tsí₃ riin₅₄ a₂lín₅ Pa₄ jan₂ diú₄.

⁷ Cau₅ jaun₂ jme₁ron₅ 'uē₃ quió₅' dsa₂ dsen₅₄ quián₅ dsa₂ chan₂ ja₁jaun₂, dsa₂ i₂chen₂ Publio. Ca₂jmo₃ dse₃ dsí₅ ca₂ag₃' jnia₅₄, 'ni₅ jmi_{g4} ca₂tág₃ jnia₅₄ ja₁quió₄'. ⁸ Jme₁2 Publio 'éi₂ jme₁ron₅ dso₅₄' 'i₄ dséi₂, a₂tag₂₃ jmi₂ né₃. Pa₄ né₃ ca₂ñei₅₄ ca₂i₁jñi₁₂ dsa₂ dso₅₄' 'éi₂. Jme₁ma₂nē₂chi₃lén₂' Diú₄, jaun₂ gué₄ ca₂quiog₂ gu₂ ne₄ quió₅' dsa₂ dso₅₄, ca₂jme₃'lió₂. ⁹ Jme₁ca₂lē₃ le₂jaun₂, caun₂ ca₂dsi₃lén₂ bá₄ dsa₂ dso₅₄ sián₂' i₂chan₂ 'uē₃ jaun₂, caun₂ ca₂jme₃'lió₂ bá₄ gué₂' Pa₄. ¹⁰ 'Io₂' ca₂jmo₃ dsa₂ quian₅₄ jnia₅₄. Jaun₂ ca₂cuē₃ dsa₂ ca₂le₃jē₃ 'e₂ 'nió₅ quián₂ jnia₅₄ jē₁ma₂tē₂ rē₁tió₄ táng₃ jnia₅₄ jui₅.

Ca₂dsióg₃ Pa₄ jē₄ jui_{g2} Roma

¹¹ Cang₂ jme₁ma₂ca₂jñi₂' ni₅ tsi₂' jaun₂ ca₂tió₄ táng₃ jnia₅₄ caun₂ ni₁barco a₂jme₁chí₄ ja₁jaun₂ tē₁lia₂' jein₂ güig₂. Ni₁barco jaun₂ ca₂já₃ jui_{g2} Alejandría. Guei₅₄ ni₁barco jaun₂ jme₁tióng₂ nió₅' quió₅' diú₄ Cástor quian₅₄ diú₄ Pólux.* ¹² Ca₂dsi₃náu₅ jnia₅₄' o₄ jmi₁ñi₄' jui_{g2} chei₂ Siracusa. Ja₁jaun₂ ca₂jñia₄ jnia₅₄' ni₅ jmi_{g4}. ¹³ Ca₂'uag₂ jnia₅₄ ja₁jaun₂, ca₂i₁ñag₅₄ jnia₅₄ quián₅ chei₅₄' 'uē₃ ca₂lia₂' ca₂dsi₃náu₅ tē₂ ja₁chei₂ Regio. Jme₁jnia₃ jaun₂, ca₂'ág₂ dsí₂ a₂jás tē₂le₃ sur. Jē₁ca₂tē₂ tin₃ jmi_{g4} gué₄ ca₂dsi₃náu₅ jnia₅₄ ca₂tē₂ jui_{g2} Puteoli. ¹⁴ Ja₁jaun₂ ca₂jen₂' jnia₅₄ i₂lín₅₄ dsa₂ rin₅₄' i₂'én₂. I₂'éi₂ ca₂tē₃ jnia₅₄ ca₂i₁jñia₁ jē₄ quió₅ caun₂ semana. Jaun₂ gué₄ ca₂i₃náu₅ jnia₅₄ jui₅ Roma. ¹⁵ Ca₂le₃jín₃ dsa₂ rin₅₄' i₂tián₅' Roma jme₁ma₂le₁ñi₅ a₂dsi₁náu₅ jnia₅₄. Jaun₂ i₁lein₅₄ i₁jñiog₁₂ le₂'i₄ jui₅ ca₂tē₂ ja₁chei₂ Foro de Apio quian₅₄ ja₁té₂' dsa₂ Las Tres Tabernas. Jme₁ca₂jág₃ Pa₄ ca₂jñin₂ dsa₂ 'éi₂, jaun₂ ca₂cué₃' ti₁'mag₄' Diú₄ ca₂tíin₂ táng₃ bí₂ ca₂lág₃ dsí₅. ¹⁶ Jme₁ca₂dsi₃náu₅ jnia₅₄ Roma, [ja₁jaun₂ gué₄ ca₂jáng₂' jui_{g54} 'lióg₂ ca₂jñin₂' ne₄ jui_{g54} 'lióg₂ i₂jmo₅ 'í₁ ja₁jaun₂ ca₂le₃jín₃ dsa₂ i₂jñia₁₂₃ i₂niog₅ gu₂. La₁][†] Pa₄ né₃ ca₂cuē₃ jui_{g54} 'lióg₂ jmi_{g4} a₂guá₃ 'éi₂ ja₁siá₂' con₂' 'ñiog₅ quian₅₄ jan₂ 'lióg₂ i₂jmo₃ 'í₁ quió₅.

Ca₂'é₂ Pa₄ jág₁ dse₃ jui_{g2} Roma

¹⁷ 'Ni₅ jmi_{g4} cang₂ jme₁ca₂dsióg₃ Pa₄ jui_{g2} Roma, ca₂té₃' ca₂le₃jín₃ dsa₂ dsen₅₄ quián₅ dsa₂ judíos jui_{g2} jaun₂. Jme₁ma₂le₁ñi₂' dsa₂, jaun₂ ca₂juá₂' Pa₄:

—Rin₅₄ jniog₄, o₁jñia₅₄ gué₄ tsá₃ 'e₂ ma₂ca₂jmo₃ jniá₂ ja₁con₂ dsa₂ judíos, on₃ gué₂' jua₅₄ cha₂ a₂ma₂ca₂jmo₃ quian₅₄ tag₄ chí₅' quió₅' dsa₂ quián₂ jniog₄ ma₂líg₂' tion₅₄ bá₄ a₂lē₁ca₂jáng₂' dsa₂ jniá₂ chi₁'ñeg₂₃ o₄gú₃ dsa₂ romanos. ¹⁸ Jaun₂ jme₁ca₂ñag₃ dsa₂, tsá₃ 'e₂ dsáu₅ jniá₂ ca₂dsó₂' jua₅₄ a₂'i₄ 'éi₃ jóng₂. Jaun₂ jme₁'nio₃ jme₁lió₂. ¹⁹ La₁ dsa₂ judíos tsá₃ cán₂ jág₁. Jaun₂ bá₄ lē₃ ca₂mi₃ jniá₂ a₂'nio₃ jme₃rē₃ gui₅₄ emperador, on₃jua₅₄ ia₁ a₂cha₂ dso₄ jme₂cán₂' jniá₂ dsa₂ go₃. ²⁰ 'Uig₅₄ jaun₂ bá₄ nē₂tē₃ jniá₂, ia₁ a₂'nio₃ jing₅₄ 'nia₂', a₂'nio₃ dsia₅₄ jág₁ quian₅₄ 'nia₂'. Ia₁ 'uig₅₄ jág₁ quió₅' Diú₄ a₂'éin₂ jniog₄ con₂' dsa₂ lág₅ israelitas, 'uig₅₄ a₂'ín₂ dsi₅ jniog₄ a₂jme₃ti₃ Diú₄ jág₁ quió₅' a₂ma₂cuē₃, 'uig₅₄ jaun₂ bá₄ chi₁'ñe₅₄ jniá₂ ni₁ñi₁ cadena la₂.

* 28:11 griego: Dioskouri, co₂'nió₄' le₃jua₅₄ on₃ dsa₂ tsin₅₄ i₂lín₅ ja₁ñi₅₄ diú₄ Zeus quian₅₄ Leda. Co₂'nió₄' diú₄ patrón quián₅ ni₁barco. † 28:16 A₂lín₅₄ chog₅₄ si₂ tsá₃ le₁ton₅ jág₁ a₂tio₅₄' 'ñió₃ corchetes [le₂la₂].

²¹ Jaun₂ ca₂ɲag₃ dsa₂ ca₂tsí'₃ Pa₄:

—Tsá₃ 'e₂ si₂ ma₂ca₂gú'₃ ne₄ jnia'₅₄, quió'₅ dsa₂ chan₂ Judea, a₂'iin₂₃ 'ne₂. On₃ guë'₂ 'i₁jan₂ dsa₂ rin'₅₄ jniog₄ dsa₂ judíos i₂ja₂lén₂ ja₁jaun₂ jua'₅₄ a₂ma₂juá'₂ 'iin₂₃ 'ne₂ 'lig'₅₄.

²² 'Niog₂ jnia'₅₄ néi₁ 'a₂ guë'₂ lia'₂ lé₅ jág₁ quián'₂ 'ne₂ chi₂jua'₂ 'a₂ lia'₂ líng'₂. Ia₁ ne₄ bá₄ jnia'₅₄ jág₁, ta₁caun₂ mi₂güí₃ bá₄ dsia₅ dsa₂ tsá₃ tē₅ dsí₅ jág₁ 'mí₂ nē₅ a₂'én'₂ 'nia'₂.

²³ Jaun₂ né₃, ca₂jmo₃ dsa₂ jág₁ ca₂tióng₃ caun₂ jmig₄. Jmig₄ jaun₂ né₃ ca₂dsi₃lén₂ juin₅ dsa₂ ja₁'en₅₄ Pa₄. Jaun₂ ca₂jme₂lióg₃ ca₂'é'₃ dsa₂ tē₃ o₃'iog₂ jág₁ jui₁lia'₂ ja₁gon₂ Diú₄, qui₂ca₂dsia₃ ca₂lia'₂ ca₂jen₃ 'iog₂ tē₂le₃ ca₂'láu₂. Tē₂le₃ quian'₅₄ 'Éi'₃ Juá'₅ quió'₅ Moisés, quian'₅₄ ca₂le₃jé₃ gué₄ Si₂ quió'₅ dsa₂ i₂jme₁'é₂ jág₁ quián₅ Diú₄ né₃, qui₂ca₂cué'₃ dsa₂ jág₁ dsau₅ ia₁jaun₂ le₃'én₂ dsa₂ 'éi₂ tē₂le₃ quió'₅ Jesús. ²⁴ I₂lin₅₄ dsa₂ ca₂gue₃ bá₄ jág₁ a₂ca₂juá'₂ Pa₄ jaun₂, ca₂rē₃'én₂ bá₄. I₂lin₅₄ guë'₂ tsá₃ ca₂rē₃'én₂, tsá₃ 'nio₃. ²⁵ Ia₁ tsá₃ caun₂ jág₁ 'ei₅ quió'₅, i₂lin₅₄ ca₂jme₂lióg₃ ca₂'u₁in₂ bá₄ i₃lein₃. Jaun₂ ca₂juá'₂ Pa₄ ca₂tsí'₃ dsa₂ 'éi₂:

—Rē₂ bá₄ jui₁lia'₂ ca₂juá'₂ Jme₂dsí₂ ɲjió₅ ca₂tsí'₃ dsa₂ quián₂ jniog₄ ma₂líg'₂ tē₂le₃ quian'₅₄ Isaías, i₂jme₁'é₂ jág₁ o₄quió'₄ Diú₄, jme₁ca₂juá'₂:

²⁶ Gua₂ o₂chei'₅₄ dsa₂ juig₂ nē₅ le₂la₂:

“Dsón'₂ qui₁nág'₁ bá₄ 'nia'₂,

la₁ tsá₃ le₃ɲí'₂ 'nia'₂.

Jag'₅₄ bá₄ 'nia'₂,

la₁ tsá₃ le₃len'₄ 'nia'₂.”

²⁷ Ia₁ a₂ma₂'ua'₂ dsí₅ bá₄ dsa₂ la₂,

ja₂lag₃ bá₄ nag₂₃,

nē₂jag₄ bá₄ i₂ma₂rē₂jni₅ rē₂gua₄;

ján₃ bá₄ le₂nē₅, nē₂jag₄ bá₄ a₂tsá₃ jniá₂ mi₂ne₅₄,

ia₁jaun₂ tsá₃ jág₃ quian'₅₄ mi₂ne₅₄,

on₃ guë'₂ nag₃ quian'₅₄ rē₂gua₅₄,

on₃ gué₄ le₃ɲí'₂ dsí₅,

ia₁jaun₂ tsá₃ jéin'₃ dsí₅ ja₁con₂ jniá₂

ia₁jaun₂ jme₁'lio₁₂ jniá₂.[‡]

²⁸ 'Dsá₂ 'au'₂ 'nia'₂ jmo₄ —ca₂juá'₂ Pa₄—, jág₁ dse₃ la₂ a₂lión₂ dsa₂, a₂jén'₂ Diú₄ le₃ne₄ jui₅ quió'₅ dsí₂na₂. 'Éi₂ né₃, tón'₃ bá₄ jui₅. ²⁹ Jme₁ca₂lě₃ juá'₂ Pa₄ le₂nē₅, ca₂i₃len₃ dsa₂ judíos tsiin₂₃ 'ɲio₅ lin₃ quian'₅₄ riin'₅₄.[§]

³⁰ Tin₃ ɲi₂ lia'₂ tí₅ ca₂guá₂ Pa₄ 'né₅ ja₁quí₅ 'lia'₅₄. Ja₁jaun₂ ca₂guein₃ ca₂le₃jín₃ dsa₂ i₂jme₁dsi₂lén₂ dsi₂jag₅₄. ³¹ Jaun₂ ca₂jme₃tšin₂₃ dsa₂ qui₂ca₂'é₂ jág₁ 'a₂ lia'₂ lé₅ ja₁gon₂ Diú₄. Ca₂jme₃tšin₂₃ bá₄ dsa₂ jág₁ quió'₅ Te₁gui'₅₄ Jesucristo. Ja₁jaun₂ ca₂'í₃ tei₄, tsá₃ 'ein₂ ca₂jné₃ jui₅ a₂'é₂ Pa₄ jág₁ dse₃.

Co₂nē₅.

[‡] 28:27 Isaías 6:9-10. [§] 28:29 A₂lin₅₄ chog₅₄ si₂ tsá₃ chi₁ton₅ versículo 29.

Si₂ carta a₂ca₂jmo₃ San Pablo ne₄ dsa₂
ROMANOS

Jmo₅ Pa₄ si₂ a₂chein₃ ne₄ Guá'₅ i₂chan₂ Roma

¹ Jniá₂ Pa₄, líng₅ dsa₂ i₂jme₂ti₃ ne₄ Jesucristo; Diú₄ ca₂të₃ jniá₂, jaun₂ ca₂chei'₃ a₂lég₂ dsa₂ i₂chen₄ quiáin₅ ia₁jaun₂ qui₁'é₂ jág₁ dse₃ quió'₅.

² Ca₂'é₂ Diú₄ jág₁ dse₃ në₅ ca₂tó'₂ ne₄ Si₂ jnió₅ quió'₅ ma₂líg'₂, ca₂cuë₃ të₂le₃ quian'₅₄ dsa₂ i₂jme₁'é₂ jág₁ quiáin₅, ³ a₂'in₂₃ ja₁ñi'₅₄, i₂jme₁lín₄ tsi₁jon₂ David lia'₂ con'₂ lín₅ dsa₂ mi₂güüg₃; ⁴ lia'₂ con'₂ lé₅ Jme₂dsí₂ Jnió₅ né₃ ca₂jme₃jnia₅ a₂lín₅ 'éi₂ Ja₁ñi'₅₄ Diú₄ jme₁ca₂jein'₅₄ táng₃ jin₄ 'lag₄, quian'₅₄ jui₅bí₂ quió'₅, a₂'uain'₂. Jesucristo Te₁gui'₅₄ quián₂ jniog₄ bá₄ 'éi₂. ⁵ Të₂le₃ quian'₅₄ Jesucristo, ton'₂ o₄quió'₄ 'éi₂ bá₄, ma₂jmo₃ Diú₄ dse₃ dsí₅ ja₁con₂ jnia'₅₄, jaun₂ ca₂chei₃ jin₄ dsi₂nau₂ ia₁jaun₂ le₃chan₂ dsa₂ ca₂le₂con₂ juig₂ i₂jme₂ti₃ jág₁ quió'₅, ia₁ a₂'éin₂. ⁶ Jin₄ dsa₂ 'éi₂ tián'₅ 'nia'₂ i₂ma₂té'₃ Diú₄ ján₃, a₂lén'₂ 'nia'₂ i₂quián₅ Jesucristo.

⁷ Jaun₂ tsíng₂ si₂ la₂ ne'₅₄ ca₂le₃jín'₃ 'nia'₂ i₂tián'₅ jë₄ juig₂ Roma, i₂lín₅ i₂'nio₃ Diú₄, jaun₂ ma₂të₂₃ a₂le₃chan'₂ 'nia'₂ líng'₅ dsa₂ i₂lé₅ 'í₁ i₂ma₂quiáin₅. Jui₁jme₂gu'₅₄ bá₄ Diú₄ jui₁le₂chan'₂ bá₄ 'nia'₂ dse₃, jui₁'ag₅₄ bá₄ tei₄ o₄quió'₄ Diú₄ Jmei₂ jniog₄, o₄quió'₄ Te₁gui'₅₄ Jesucristo né₃.

'Nio₃ Pa₄ dsi₃jág₂ juig₂ Roma

⁸ Jë₁le₂'uig₅₄, të₂le₃ quian'₅₄ Jesucristo cué₅ ti₁'mag'₄ Diú₄ quiáng₃ o₄quián'₂ 'nia'₂ ca₂le₃jíng'₃, ia₁ ca₂le₂con₂ bá₄ 'ei₅ jág₁ dsia₅ dsa₂ 'a₂ lia'₂ 'én'₂ 'nia'₂. ⁹ Jaun₂ Diú₄, i₂jme₂tí₁ jniá₂ ne₄ ca₂le₃jé₃ jme₂dsí₂ quió'₃, a₂qui₂'é₅ jág₁ dse₃ quió'₅ Ja₁ñi'₅₄, 'éi₂ bá₄ i₂lín₅ i₂jáng'₅ jág₁ dsau₅ 'a₂ lia'₂ dsau'₂ dsi₃ 'nia'₂ ca₂le₃jé₃ jë₁chi₂lén'₂ jniá₂ Diú₄. ¹⁰ Co₂tan₅₄ bá₄ mi₅ jniá₂ ne₄ Diú₄ jui₁le₅₄ bá₄ 'a₂ lia'₂ 'ñio₂ dsí₅, 'a₂ lia'₂ lé₂ a₂cuín₃ jmig₄, ca₂lia'₂ ca₂lë₃ a₂nei₅₄ i₁jíng₁₂ 'nia'₂. ¹¹ Ia₁ 'ín₅ dsi₃ i₁jíng₁₂ 'nia'₂, ton'₂ 'nio₃ jme₁'ong₁₂ 'e₂ caun₂ 'nió'₅ jme₁'ong₁₂ 'nia'₂ të₂le₃ quió'₅ jme₂dsí₂, ia₁jaun₂ le₃náu'₁ gué₄ 'nia'₂ tiá₂; ¹² co₂'nió'₄ le₃jua'₅₄, ia₁jaun₂ lé₂ le₃cuë₅₄ lián'₂ rín'₅₄ le₂jau₂ le₂jau₂ quian'₅₄ a₂'éin₂ jui₁lia'₂ 'én'₂ 'nia'₂ jui₁lia'₂ 'én₂ jniá₂ ján₃.

¹³ Rín'₅₄ jniog₄, 'nio₃ le₃ñi'₅₄ 'nia'₂ 'lióng₂ ráun₂ bá₄ ma₂lë₅ dsi₃ a₂'nio₃ nei₅₄ i₁jíng₁₂ 'nia'₂, la₁ ca₂lia'₂ jnia'₅₄ rë₂né₃ tsá₃ ma₂lë₅, ia₁ ma₂rë₂jni₅ jui₅. 'Nio₃ nei₅₄ ia₁jaun₂ chi₁lo'₂ a₂ma₂rau₂ quió'₅ Jme₂dsí₂ jë₄ quián'₂ 'nia'₂, jui₁lia'₂ ma₂cag'₄ jniá₂ ján₃ juig₂ siá'₂, go₄ dsi₂nau₂ sián'₂ ján₃. ¹⁴ Ia₁ jniá₂ bá₄ niog₅ ne₃ ca₂tíng₂ quian'₅₄ ca₂le₃jín₃, jui₁lín₄ dsa₂ 'e₂ lín₅, dsa₂ griego, o₃ dsi₂nau₂ 'e₂, dsa₂ i₂ñí'₂ dsí₅, o₃ dsa₂ co₄ 'e₂; ¹⁵ jaun₂ le₂në₅ bá₄ 'ín₅ dsi₃ a₂qui₂i₁'é₃ jág₁ dse₃ ja₁con₂ dsa₂ juig₂ go'₄ 'nia'₂ i₂chan₂ Roma ján₃.

Bí₂ a₂'io₅ jág₁ dse₃

¹⁶ Ia₁ tsá₃ 'e₂ o₂guí'₃ jéin₅ jniá₂ quian'₅₄ jág₁ dse₃, ia₁ jui₅bí₂ quió'₅ Diú₄ bá₄ në₅ a₂lión₂ ca₂le₃jín₃ i₂'én₂: quió'₅ dsa₂ judíos de'₂ le₂'uig₅₄, ján₃ bá₄ le₂jaun₂ quió'₅ dsi₂nau₂. ¹⁷ Ia₁ jág₁ dse₃ la₂ jáng'₅ jág₁ dsau₅ 'a₂ lia'₂ chei'₂ Diú₄ jui₅ co₂rë₂, jui₅ ja₁ma₂dsan₃ dsáu₁ dsa₂, jui₅ a₂jme₂lióg₃ a₂'én₂ dsa₂, ton'₂ a₂'én₂ dsa₂ ca₂lia'₂ jë₁ca₂tó'₂. Le₂në₅ juá'₂ ne₄ Si₂: "Dsa₂ i₂ñi₅ jui₅ co₂rë₂ ia₁ a₂'éin₂, 'éi₂ bá₄ le₃chan₂."*

A₂ma₂rë₂cán'₄ dsa₂ mi₂güüg₃ guioin₅₄

¹⁸ A₂juá'₅ jniá₂ le₂në₅, ia₁ a₂ne₄ bá₄ jniog₄ jaun₂, caun₂ jme₂jnia₅ Diú₄ a₂'nei₂ të₂ ja₁guá₄ guei'₅₄ i₂juí₆ ja₁con₂ dsa₂ i₂tsá₃ Diú₄ cuín₅, ja₁con₂ dsa₂ i₂tsá₃ tion'₅₄ jui₅ co₂dsau₅, dsa₂ i₂jnéi₅ jui₅ quió'₅ jág₁ dsau₅ të₂le₃ quian'₅₄ jui₅ 'lig'₅₄ ja₁i₂nioi₅₄. ¹⁹ Ia₁ rë₂jniá₂ rë₂ bá₄

* 1:17 Habacuc 2:4.

ca₂le₃jé₃ a₂ñi₅ dsa₂ 'a₂ lia' ₂ lín₅ Diú₄, ia₁ a₂ma₂ca₂jme₃jniai₂₃ tē₂le₃ quian' ₅₄ a₂ma₂jmo₃, ²⁰ ia₁ ca₂le₃jé₃ a₂tsá₃ rē₂jniá₂ quió' ₅ Diú₄, lé₂ le₃cuí' ₅ dsa₂ tē₂le₃ quian' ₅₄ ca₂le₃jé₃ a₂ma₂jmo₃; ma₂ca₂rē₂jniá₂ dse₃ lín₃ bá₄, ca₂le₃ ca₂jmo₃ Diú₄ mi₂güí₃ a₂lín₅ dsón' ₂ Diú₄, ton' ₂ a₂'io₂₃ jui₅bí₂ co₂tan₅₄ bá₄; jaun₂ le₂nē₅ bá₄ tsá₃ ma' _{e2} lé₂ le₃juá' ₂ dsa₂ jua' ₅₄ a₂tsá₃ ñi₅. ²¹ Ia₁ o₁jñia' ₅₄ ñi₅ le₂nē₅ a₂chan₂ Diú₄, la₁ tsá₃ ma₂ca₂jme₃juag' ₂ lia' ₂ con' ₂ lé₅ ca₂tín₂ Diú₄ le₃juin' ₂, on₃ guē' ₂ ma₂cué' ₃ Diú₄ ti₁'mag' ₄. Jē₂ bá₄ ma₂ja₂lén₂ qui₂'no' ₂ dsí₅ a₂tsá₃ ta₁ tí₄; tsá₃ tē₂tsi' ₅₄ dsí₅, jaun₂ ma₂tē₁'ñiá₄ jē₄ qui₁'né₃. ²² Jui₁'a₂ gué₃ la₂ juá' ₂ a₂lín₅ dsa₂ i₂cuí' ₅, a₂tín₂ a₂ñi₅, la₁ dsa₂ co₄ bá₄ ca₂lín₃ jē₁ca₂tó' ₂. ²³ Jaun₂ né₃, 'nió' ₄ a₂jme₁jme₃juin' ₂ Diú₄ i₂tsá₃ ton₄ jmig₄ jón₂, ma₂ca₂jme₃tsiin₃ bá₄ a₂co₂tág₅ co₂'né' ₅ quió' ₄ Diú₄ quian' ₅₄ nió' ₄ quió' ₅ dsa₂ mi₂güí₃ i₂dsan₂, jui₁lia' ₂ nió' ₄ quió' ₅ já' ₂ i₂'in₅, já' ₂ i₂tsé' ₅ quió' ₅, já' ₂ i₂lé₂ quén₂ mi₂tag₄ né₃.

²⁴ 'Uig₅₄ nē₅ né₃ co₂dsia₅ ma₂jáng' ₄ Diú₄ jui₅ 'lig' ₅₄ a₂'ín₅ dsí₅ a₂tsá₃ le₁jé₃, ia₁jaun₂ caun₂ i₃ñioi₅₄ jmo₂₃-dsáu₅ cosa a₂o₂guí' ₃ a₂jmaí' ₅ ñi₁ñi₁₂ quian' ₅₄ riin' ₅₄ le₂jain₂ le₂jain₂, ²⁵ ia₁ ca₂jme₃tsiin₃† jág₁ dsau₅ quió' ₅ Diú₄ quian' ₅₄ jág₁ tē₂jág₁; jaun₂ ma₂ja₂lén₂ jme₂gó' ₃ jme₂juin' ₂ cosas a₂ca₂jmo₃ Diú₄, 'nió' ₄ a₂jme₁jme₃juin' ₂ Diú₄ 'ñiog₅, i₂ca₂tín₂ dsón' ₂ a₂jme₃juag' ₂ dsa₂ co₂tan₅₄. ¡Le₂nē₅ dsón' ₂ bá! A₂méi₃.

²⁶ 'Uig₅₄ nē₅ co₂dsia₅ ma₂jáng' ₂ jui₅ ja₁cué' ₅ o₂'ñio₃ o₂jñia₃ dsí₅ a₂lé₅ o₂guí' ₃, ia₁ ca₂le₂jio₅ dsa₂ mí₂ quiáin₅ bá₄ ca₂jme₃tsiin₃ 'a₂ lia' ₂ i₂ñioi₅₄, a₂tsá₃ ma₃i₂ñioi₅₄ lia' ₂ con' ₂ dsi₂ten₅₄ 'i₄ 'éi' ₃ i₃ñio₄ lia' ₂ dsa₂ mí₂ dsa₂ ñe' ₂. ²⁷ Ján₃ bá₄ guē' ₂ le₂jaun₂ dsa₂ ñe' ₂ ma₂ca₂tí₂ bá₄ 'a₂ lia' ₂ 'i₄ 'éi' ₃ le₃chain₂ tiain' ₃ quian' ₅₄ dsa₂ mí₂; ma₂ja₂lén₂ chóg' ₅ dséi₂ quian' ₅₄ dsa₂ ñe' ₂ riin' ₅₄, jmo₂₃-dsáu₅ a₂o₂guí' ₃ le₂jain₂ le₂jain₂, jaun₂ gue₂₃ uig₅ guoin₅₄ a₂ca₂tín₂ o₄quió' ₄ jui₅ ja₁ca₂quiá₂ cau₅.

²⁸ Jaun₂, 'uig₅₄ ia₁ a₂lín₂ a₂tsá₃ 'e₂ quen₅ Diú₄, tsá₃ toin' ₂ jui₅ 'éi₂, jaun₂ co₂dsia₅ ma₂jáng' ₂ Diú₄ jui₅ ja₁dsi₂qui₂dsi₃jio₅ dsí₅ a₂'lig' ₅₄, a₂dsi₂qui₂dsi₃cóin' ₅ a₂'liain' ₂, a₂jmo₃ a₂tsá₃ dsi₂ten₅₄. ²⁹ Ca₂lia' ₂ qui₂rē₂rin₅ ca₂le₃jé₃ ne₅₄ cosa 'lig' ₅₄ jme₂dsí₂ quió' ₅, qui₂'no₂₃ dso₄, jmá' ₃ guoin₅₄ bá₄ 'nio₃ jme₁'ñioi' ₃, a₂qui₂'no' ₂ dsí₅ 'a₂ lia' ₂ 'é' ₃ uig₅ riin' ₅₄. Rē₂can' ₂ dsí₅ a₂uig₅ dsí₅ jñin₂ riin' ₅₄, a₂jme₂dsiain₂₃ riin' ₅₄, a₂lē₁qui₂dsia₂₃ mi' ₅₄, a₂qui₂jme₂gain₂₃ riin' ₅₄, tsá₃ dsau₅ jág₁ quian₅, 'ñio₅ 'ñio₄ dsa₂, a₂co₂jmo₅ dsa₂ jág₁ tē₂jág₁ jē₄ tē₃co' ₅₄. ³⁰ Ján₃ bá₄ le₂jaun₂ a₂lē₁chi₂'ag₅ dsa₂, 'ñiai₅₄ bá₄ Diú₄, a₂lē₁co₂jmái' ₂ riin' ₅₄, a₂jme₂rón₂ guoin₅₄, dsia₂₃ jág₁ tá' ₅, a₂qui₂'no' ₂ dsí₅ 'a₂ lia' ₂ jmo₃ a₂'lig' ₅₄, on₃ guē' ₂ jmá' ₃ jme₂gain₃ chog₅₄-jmei₂; ³¹ tsá₃ tē₂tsi' ₅₄ dsí₅ né₃, on₃ guē' ₂ jua' ₅₄ jme₃ti₃ 'e₂ caun₂ jág₁ cué₂₃ a₂jmo₃; tsá₃ 'ein₂ 'iin₂₃ 'i₁jan₂, tsá₃ tín₂ dsí₅ 'éin₂ dso₄ quió' ₅ riin' ₅₄, on₃ guē' ₂ ñéi₂ dsí₅. ³² I₂ñi₅ rē₂ bá₄ dsa₂ 'éi₂ 'a₂ lia' ₂ lé₅ 'éi' ₃ ma₂qui' ₃ Diú₄, ia₁ ca₂le₃jín₃ i₂jmo₅ le₂nē₅ ca₂tín₂ dsíain₃ bá₄; la₁ jui₁'e₂ gué₃ ñi₅ a₂jaun₂, on₃ jua' ₅₄ jmá' ₃ guoin₅₄ caun₂ qui₂jmo₂₃, tē₂le₃ tē₅ dsí₅ bá₄ a₂jmo₅ i₂sián' ₂ ján₃.

2

Diú₄ bá₄ con₂ 'í₁ co₂rē₂ 'a₂ lia' ₂ con' ₂ lé₅ dsón' ₂

¹ Jaun₂ né₃, tsá₃ 'e₂ lé₂ le₃jua' ₅₄ 'ne₂ jua' ₅₄ a₂tsá₃ 'e₂ dso₄ ring' ₂, 'ne₂ guē' ₂ i₂con₂ 'í₁ ja₁con₂ i₂sián' ₂, tsá₃ a₂nag₅₄ jui₁ 'ein₂ gué₃ líng' ₅. Ia₁ nē₁jua' ₂ cáun' ₂ 'í₁ ja₁con₂ ring' ₂, jaun₂ co₂'nió' ₄ ma₂qui₂dsí' ₁ 'éi' ₃ ja₁con' ₂ 'ñiag' ₂, ton' ₂ ján₃ bá₄ le₂jaun₂ jmo' ₂ 'ne₂ 'ñiag' ₂ a₂cáun' ₂ 'í₁ jaun₂. ² Ia₁ ne₄ bá₄ jniog₄ jaun₂, Diú₄ bá₄ i₂con₂ 'í₁ rē₂ 'a₂ lia' ₂ con' ₂ lé₅ dsón' ₂, ja₁con₂ dsa₂ i₂jmo₅ le₂nē₅. ³ Jaun₂ 'ne₂ né₃ i₂cáun' ₂ 'í₁ ja₁con₂ i₂sián' ₂ ton' ₂ a₂le₂jaun₂ bá₄ guē' ₂ jmo' ₂ 'ñiag' ₂, ¿'e₂ líng' ₂? ¿A₂lióng' ₂ jē₁ma₂tē₂ rē₁con₂ Diú₄ 'í₁ ja₁cong' ₂? ⁴ ¿O₃ bá₄ tsá₃ dsáu₅ 'au' ₂ ia₁ a₂ñi₄ lē₃ dse₃ 'ua₁ dsí₅ Diú₄, a₂jmo₂₃ tió' ₃ dsí₅, a₂jme₂juin' ₂ dsí₅ né₃? ¿Tsa₁

† 1:25 'Nio' ₂ ja₁ton₅ Jeremías 2.11.

len'₅₄ 'ne₂, ta₁ a₂quí'₅ a₂dse₃ dsí'₅ Diú₄ a₂jaun₂ bá₄ jiog₂₃ a₂dsi₃quén'₅ 'au'₂? ⁵ La₁ 'nio₅ 'ua'₂ 'au'₂ tsá₃ 'niog'₂ jme₁tsíng'₄ 'au'₂; 'uig₅₄ jaun₂ né₃ caun₂ jme₁juí'₁ bá₄ a₂jme₂'ne₅₄ Diú₄ ne₄ quiáng'₂ 'njag'₂ a₂tíng'₃ jmig₄ jaun₂ jë₁ma₂té₂ rë₁jme₃jniai₂₃ a₂'nei₂, jë₁qui₃dsi₂₃ 'éi'₃ co₂rë₂. ⁶ Ia₁ jma₃quén₅ qui₃ bá₄ Diú₄ 'lian'₅₄ le₂jan₂ le₂jan₂ 'a₂ lia'₂ con'₂ lé₅ a₂ma₂ca₂jmo₃.^{*} ⁷ Jui₁lia'₂ dsa₂ i₂jmo₅ tió'₃ dsí'₅ jmo₂₃ a₂dse₃, a₂qui₂'no'₂ a₂co₂tág₅ co₂'né'₅, ton'₂ 'no'₂ jui₅ 'a₂ lia'₂ jme₃gu'₅₄ Diú₄ quian'₅₄ caun₂ a₂dse₃, ton'₂ 'no'₂ jui₅ a₂tsá₃ dsiáin₃, 'éi₂ bá₄ cué'₃ Diú₄ a₂le₃chain₂ co₂tan₅₄. ⁸ La₁ quian'₅₄ a₂'nei₂ cué'₃ uig₅ ca₂le₃jín₃ i₂dsia₅ mí'₅₄, i₂tsá₃ 'nio₃ cán₂ caun₂ jui₅ a₂nag₃ gau₂ jág₁ tí₅, i₂jmá'₃ jui₅ 'lig'₅₄ bá₄ 'nio₃ cán₂. ⁹ Le₃cha₂ uig₅ o₂i₁ dsí₅ quió'₅ ca₂le₃jín₃ i₂jmo₅ a₂'lig'₅₄, jë₁le₂'uig₅₄ të₂le₃ quió'₅ dsa₂ judíos, ján₃ guë'₂ le₂jaun₂ le₃ja₁con₂ dsi₂nau₂. ¹⁰ La₁ ja₁con₂ le₂jan₂ le₂jan₂ i₂jmo₅ a₂dse₃, cuë₃ Diú₄ a₂co₂tág₅ co₂'né'₅, ton'₂ cuë₃ caun₂ a₂dse₃, jmo₃ 'ei₅ tei₄, jë₁le₂'uig₅₄ quió'₅ dsa₂ judíos, ján₃ guë'₂ le₂jaun₂ le₃ja₁con₂ dsi₂nau₂.

¹¹ Ia₁ tsá₃ jma₃quén₅ jín₂ Diú₄ dsa₂ lia'₂ ca₂ton₂ ca₂ton₂; ¹² ia₁ ca₂le₃jín₃ i₂'no₅ dso₄ i₂tsá₃ ca₂tín₂ 'Éi'₃ quió'₅ Moisés, dsiáin₃ të₃ tsá₃ 'Éi'₃ jaun₂ ca₂tín₂; la₁ ján₃ guë'₂ le₂jaun₂ dsa₂ i₂'no₅ dso₄ në₁jua'₂ ron₅ bá₄ 'Éi'₃ quió'₅ Moisés né₃, të₃dsi₅₄ bá₄ 'éi'₃ quió'₅, jióg'₂ 'í₁ lia'₂ con'₂ lé₅ 'Éi'₃ jaun₂. ¹³ Ia₁ on₃jua'₅₄ dsa₂ i₂nag₅ 'Éi'₃ i₂jín₂ Diú₄ a₂lín₅ dsa₂ i₂jme₂ti₃; dsa₂ i₂jmo₅ lia'₂ con'₂ lé₅ 'Éi'₃ bá₄, i₂'éi₂ bá₄ i₂jín₂ Diú₄ a₂lín₅ dsa₂ i₂jme₂ti₃. ¹⁴ Ia₁ jui₁lia'₂ dsi₂nau₂ né₃, i₂tsá₃ 'Éi'₃ cha₂ja₁coin₂, la₁ në₁jua'₂ chain₂ jui₅ a₂jme₂ti₃ con'₂ jaun₂ ma₂tín₂ dsí₅, guion₅₄ bá₄ dsa₂ 'éi₂ nj₅ të₂dsí₅ 'a₂ lia'₂ lé₅ 'Éi'₃ quió'₅ Diú₄, o₁ñja'₅₄ tsá₃ a₂jaun₂ ron₅ quió'₅. ¹⁵ Ia₁ cuë₂₃ léi₄ 'a₂ lia'₂ lé₅ chain₂, a₂rë₂ton₅ të₂dsí₅ ta₁ a₂quí'₅ 'Éi'₃. Jaun₂ të₂dsí₅ guioin₅₄ bá₄ jáng'₅ jág₁ dsau₅ o₄quió'₄, jaun₂ tsá₃ quin₅ 'a₂ lia'₂ dsi₂jiog₅ dsí₅ guioin₅₄; a₂lín₅₄ jáng'₂, a₂lín₅₄ guë'₂ të₂le₃ lió₂. ¹⁶ Le₂në₅ bá₄ lé₂ jë₁ma₂té₂ jmig₄ jaun₂ a₂con₂ Diú₄ 'í₁ ca₂le₃jé₃ a₂'ma₄ jlë₅ quió'₅ ca₂le₃jín₃ dsa₂, të₂le₃ quian'₅₄ Jesucristo, lia'₂ con'₂ lé₅ jág₁ dse₃ a₂qui₂'é₅ jniá₂.

Dsa₂ judíos, quian'₅₄ 'Éi'₃ quió'₅ Moisés

¹⁷ La₁ chi₂jua'₂ lín'₅ 'ne₂ dsa₂ judío jaun₂ dsia'₂ a₂chéng'₅ tiá₂ quian'₅₄ 'Éi'₃ quió'₅ Moisés, jaun₂ jmo'₂ táng'₅ ia₁ a₂cuíng'₂ Diú₄; ¹⁸ chi₂jua'₂ ma₂ca₂jme₃tín₅ dsa₂ 'ne₂ 'a₂ lia'₂ lé₅ 'Éi'₃, jaun₂ nj'₅₄ 'a₂ lia'₂ 'nio₃ Diú₄, ton'₂ tíng'₂ caun'₅₄ 'í₁ 'a₂ lia'₂ lé₅ a₂dse₃; ¹⁹ jaun₂ chi₂jua'₂ të₃dsón'₂ líng'₂ a₂tíng'₂ jang'₅₄ dsa₂ ten₄, chi₂jua'₂ nj'₅₄ 'a₂ lia'₂ téi'₄ si₂ja₁con₂ dsa₂ i₂i₂nio₄ jë₄ qui₁né'₃, ²⁰ chi₂jua'₂ nj'₅₄ 'a₂ lia'₂ jme₁rë'₂ jui₅ a₂quian₅ dsa₂ co₄, chi₂jua'₂ nj'₅₄ 'a₂ lia'₂ cuë'₅₄ jág₁ i₂'nió'₄ i₂lín₅ chi'₂, ia₁ a₂ron₅ 'Éi'₃ ja₁cong'₂, a₂tén₅ ne₄ 'Éi'₃ 'a₂ lia'₂ 'nió'₅ le₃nj₅ dsa₂, 'a₂ lia'₂ lé₅ jág₁ dsau₅; ²¹ 'ne₂ guë'₂ i₂jme₂tíng'₂ i₂sián'₂, ç'e₂ guë'₂ 'uig₅₄ tsá₃ jme₂tíng'₁ guë'₂ 'njag'₂? Chi₂jua'₂ 'ne₂ guë'₂ 'é'₅ jág₁ a₂tsá₃ ca₂tín₂ dsa₂ 'ang₃, çtsa₁ 'ang'₂ 'njag'₂? ²² Chi₂jua'₂ 'ne₂ juá'₂ tsá₃ ca₂tín₂ dsa₂ nió'₃ jág₁ quian'₅₄ i₂tsá₃ lé₅ dsi₂i₂gu₂, çtsa₁ nióg'₅ guë'₂ 'ne₂ jág₁ jaun₂ 'njag'₂? Chi₂jua'₂ 'ne₂ 'nio₅ lín₃ 'njag'₅₄ diú₄ lag₄, çtsa₁ 'ang'₂ 'ne₂ a₂quen₅ a₂te₁'i₁ dsi₂néi₂ 'né₅ quió'₅? ²³ 'Ne₂ guë'₂ i₂jmo'₂ táng'₅ ja₁con₂ 'Éi'₃, çtsa₁ 'lig'₅₄ tsíng'₂ Diú₄ ia₁ tsá₃ jme₂tí'₁ 'Éi'₃ jaun₂? ²⁴ Ia₁ jui₁lia'₂ juá'₂ ne₄ Si₂: 'Ag₅ dsi₂nau₂ 'iin₂₃ 'lig'₅₄ Diú₄

'uig₅₄ quian'₂ 'nia'₂.†

²⁵ Dsón'₂ bá₄ dsau₅ quen₅ a₂ti₃ dsa₂ lo₅₄ në₁jua'₂ jme₂ti₃ 'Éi'₃ quió'₅ Moisés, la₁ në₁jua'₂ tsá₃ jme₂ti₃ dsa₂ né₃, tsá₃ 'e₂ ta₁ jmo₃, në₂jag₄ bá₄ a₂tsá₃ 'e₂ rë₂uüng₄ bá₄ quió'₅. ²⁶ Jui₁lia'₂ dsa₂ i₂tsá₃ 'e₂ ma₂rë₂uüng₄ quió'₅, la₁ në₁jua'₂ jme₂ti₃ 'e₂ ta₁ quí'₅ 'Éi'₃, co₂jaun₂ bá₄ jín₂ Diú₄ dsa₂ 'éi₂ në₂jag₄ bá₄ i₂ma₂rë₂uüng₄ quió'₅ o₁ñja'₅₄ tsá₃ ma₂rë₂uüng₄. ²⁷ Dsa₂ i₂tsá₃ 'e₂ rë₂uüng₄ lo₄, la₁ në₁jua'₂ jme₂ti₃ 'a₂ lia'₂ juá'₂ 'Éi'₃, i₂'éi₂ bá₄ chen'₅ Diú₄ ne₄ jui₅ a₂con₂ 'í₁

* 2:6 'Nio'₂ ja₁ton₅ Salmo 62:12; Proverbios 24:12. † 2:24 Isafas 52:5; Ezequiel 36:22.

ja₁con'₂ 'ne₂, ia₁ tsá₃ jme₂tí'₁, jui₁'e₂ gué₃ ron₅ Si₂ tio'₅₄ 'Éi'₃ quiáng'₂, jui₁'e₂ gué₃ rē₂uing₄ quiáng'₂ né₃. ²⁸ Ia₁ jui₁lia'₂ jan₂ dsa₂ i₂lín₅ judío dsón'₂, on₃jua'₅₄ rē'₂ jnia'₅₄ lín₅ dsa₂ léi₄ jmá'₃ le₃co'₅₄, on₃ guē'₂ le₂jaun₂ jui₁lia'₂ ta₁ dsón'₂ a₂quí'₅ a₂qui₂rē₂uing₄ lo₄ dsa₂, on₃jua'₅₄ jnia'₅₄ rē₂uing₄ lín₅ léi₄ jmá'₃ le₃co'₅₄ ni₁ŋí₅. ²⁹ Tē₂le₃ a₂ca₂tín₂ bá₄ dsa₂ jmo₃, a₂lín₅ tē₃dsón'₂ dsa₂ judío, a₂lín₅ ca₂tē₂ dsí₅; ján₃ guē'₂ le₂jaun₂ jui₁lia'₂ a₂lín₅ dsa₂ léi₄ a₂rē₂uing₄ quió'₅, a₂lé₅ ca₂tē₂ dsí₅ bá₄ dsa₂; ton'₂ a₂gu₂dsí₂ bá₄ a₂jaun₂, on₃jua'₅₄ jmá'₃ lia'₂ con'₂ le₁ton₅ ne₄ Si₂ 'Éi'₃. Dsa₂ i₂lín₅ le₂nē₅ chéin'₅ rē₂ quian'₅₄ Diú₄, on₃jua'₅₄ rē'₂ quian'₅₄ dsa₂ mi₂güí₃.

3

¹ Jaun₂ né₃, ¿'e₂ ta₁ jmo₅ a₂quen₅ gué₄ a₂lín₅ dsa₂ dsa₂ judío? ¿O₃ 'e₂ ta₁ jmo₅ a₂lín₅ dsa₂ léi₄ a₂rē₂uing₄ ni₁lo₁₂? ² 'Lióng₂ bá₄ 'uig₅₄ cha₂. Jē₁le₂'uig₅₄, ca₂dsia₃ Diú₄ jág₁ dse₃ quió'₅ o₄gú₃ dsa₂ judíos. ³ ¿La₁ 'e₂ bá₄ lé₂ né₃ nē₃ jua'₂ chan₂ i₂lín₅₄ i₂tsá₃ ca₂rē₃ti'₅₄?* ¿O₃ bá₄ lín'₂ 'nia'₂ ján₃ a₂tsá₃ le₃ti'₅₄ Diú₄ jág₁ quió'₅ ia₁ a₂tsá₃ ca₂rē₃ti'₅₄ dsa₂ 'éi'₂? ⁴ ¿Dsón'₂ bá₄ tsá₃ le₂jaun₂! Jui₁le₂lei₅₄ bá₄ jniog₄, Diú₄ né₃ jmo₃ bá₄ ca₂le₃jé₃ lia'₂ con'₂ lé₅ jág₁ tí₅ quió'₅, jui₁'e₂ gué₃ ca₂le₃jín₃ dsa₂ tsá₃ tí₅ jág₁ quió'₅; ia₁ ne₄ Si₂ juá'₂:

ia₁jaun₂ le₃lí'₄ dsa₂ a₂lín₅ i₂dsen₃

jui₁lia'₂ jē₁dsia'₂ jág₁,

ia₁jaun₂ bá₄ léng'₂

jē₁ma₂tē₂ rē₁con₂ dsa₂ 'í₁ ja₁cong'₂.†

⁵ La₁ nē₃ jua'₂ tí₅ ta₁ dsáu₁ jniog₄ a₂rē₂jniá₂ Diú₄ a₂lín₅ i₂dsen₃, ¿'e₂ le₃jua'₅₄ jniog₄ né₃? ¿'An₁ tsá₃ rē₂ qui₃dsi₅ Diú₄ 'éi'₃ nē₃ jua'₂ ca₂rē₃'néi₃ 'é₂ uig₅ ja₁con₂ jniog₄? (A₂lē₁juá'₅ jniá₂ lia'₂ jē₁juá'₂ dsa₂ mi₂güí₃ bá₄.) ⁶ ¿Dsón'₂ bá₄ on₃jua'₅₄ le₂nē₅! Ia₁ jua'₅₄ mei'₂ gué₃ tsá₃ rē₂ qui₂dsi₅ Diú₄ 'éi'₃, ¿'a₂ bá₄ lia'₂ le₃con₂ 'í₁ ja₁con₂ dsa₂ mi₂güí₃?

⁷ La₁ nē₃ jua'₂ jág₁ tē₂jág₁ quió₃ tí₅ ta₁ ia₁jaun₂ lé₅ a₂rē₂jniá₂ gué₄ jág₁ dsau₅ quió'₅ Diú₄ ia₁jaun₂ tē₂le₃ dse₃ gué₄ chéin'₅, ¿'e₂ lē₃ qui₂dsi₅ Diú₄ 'éi'₃ a₂rin₂ jniá₂ dso₄? ⁸ ¿Ja₁lín₃ gué₄ dse₃ jua'₅₄ caun₂ a₂jmo₅₄ a₂'lig'₅₄, ia₁jaun₂ jí₃ a₂dse₃? A₂le₂nē₅ bá₄ chi₂'ag₅ i₂lín₅₄ 'ag₂₃ jnia'₅₄ a₂jme₂tín₂ jnia'₅₄ dsa₂. La₁ gue₃ bá₄ uig₅ dsa₂ i₂dsi₂jniog₅ dsí₅ le₂nē₅ 'a₂ con'₂ ca₂tín₂.

Ca₂le₃jág₃ bá₄ jniog₄ rē₂caú'₄ dso₄

⁹ ¿'E₂ jaun₂ nē₃? ¿A₂dse₃ gué₄ tíong₂ jnia'₅₄ dsa₂ judíos? ¿Dsau₅ bá₄ on₃jua'₅₄ le₂jaun₂! Ia₁ ma₂tē₂tsi'₅₄ jág₁, co₂jaun₂ bá₄ dsa₂ judíos con'₂ dsí₂nau₂, caun₂ bá₄ jui₅ tioin'₅₄ 'uig₅₄ dsáu₁. ¹⁰ Lé₅ jui₁lia'₂ juá'₂ ne₄ Si₂:

Ca₂lia'₂ 'i₁jan₂ dsa₂ tsá₃ chan₂

i₂jme₂ti₃ 'Éi'₃ quió'₅ Diú₄,

ca₂lia'₂ 'i₁jan₂ tsá₃ chan₂;

¹¹ tsá₃ i₂chan₂ jua'₅₄ i₂ŋí'₂ dsí₅,

'i₁jan₂ tsá₃ chan₂ jua'₅₄ i₂'nio₃ 'na'₂ Diú₄.

¹² Ca₂le₃jín₃ bá₄ ma₂i₂nio₄ cau₅ jui₅ ma₂i₂cóin'₅,

co₂dsia₅ bá₄ ma₂i₃lén₂ jui₅ ja₁tsá₃ ta₁ tí₄.

Tsá₃ 'ein₂ chan₂ ca₂lia'₂ 'i₁jan₂

jua'₅₄ i₂qui₂jmo₅ a₂dse₃,

ca₂lia'₂ 'i₁jan₂ tsá₃ chan₂.‡

¹³ 'Ué'₅ jág₁ 'lig'₅₄ le₂'o₅₄

jui₁lia'₂ ja₂ dsí₂ 'lig'₅₄ a₂'ué'₅ tau₂ 'ŋio₅ a₂rē₂na₄;

quian'₅₄ le₁tsi'₂ jmo₂₃ a₂jui₁gain₂.§

* 3:3 o₃, “i₂tsá₃ ca₂rē₃'én₂.” † 3:4 Salmo 51:4. ‡ 3:12 Salmo 14:1-3; 53:1-3; Eclesiastés 7:20. § 3:13 Salmo 5:9.

Ně2jag4 bá4 náu1 dsi2mi'2 'a4 mi2'o54;*

14 Jmá'3 caun2 a2jaun2 bá4 juá'2 dsa2,
a2uig5 dsí5, a2jme3dsi'3 ja1con2 riin'54;†

15 Ma2ně3 bá4 i2ŋii23 cán2 tag54
a2dsi3jme1dsiain23 riin'54.

16 Léi4 jě1ca2ŋii5 ca2quiog2 caun2 jui5 a2o2i1 dsi5,
ja1i3'én2 'a2 lia'2 chan2 dsa2;

17 ia1 tsá3 cuí'5 dsa2 'éi2 jui5 'ei5 tei4;‡

18 Tsá3 a2jaun2 dsi2jiog5 dsí5
jua'54 a2gain3 Diú4.§

19 A2ne4 bá4 jniog4, ca2le3jě3 jág1 a2tio'54 ne4 Si2 'Éi'3 quió'5 Diú4, a2juá'2 tsí'5 ca2le3jín3
i2ca2tín2 'Éi'3 jaun2, ia1jaun2 jmo3 tei4 mi2'o4 ca2le3jín3, ia1jaun2 ca2le3jín3 dsa2 mi2güig3
tě3tsiin'54 rě2cáin'4 ne4 Diú4. 20 Ia1 ca2lia'2 'i1jan2 tsá3 'ein2 jín2 Diú4 a2tsá3 dso4 rě2cáin'4
jua'54 a2jme3ti3 a2juá'2 'Éi'3, ia1 'ŋiog5 bá4 'Éi'3 qui'5 ta1 a2le3ne4 jniog4 a2lág5 dsa2 cha2
dsáu1.

A2lión2 dsa2 tē2le3 a2ŋia'54 quian'54 a2'éin2 bá4

21 La1 ně3 ně3, ma2ca2jme3jnia5 bá4 Diú4 jui5 a2tsá3 ma3dso4 rě2cáu'4 jniog4, on3jua'54
tē2le3 quian'54 Si2 'Éi'3, jui1'e2 gué3 jáng'5 jág1 dsau5 jui5 jaun2 a2juá'2 ne4 Si2 tio'54
'Éi'3, quian'54 Si2 a2qui2ca2jmo3 dsa2 i2jme1'é2 jág1 quián5 Diú4 ně3. 22 Jáng'5 jág1
dsau5 jui5 dse3 quió'5 Diú4 a2tsá3 dso4 rě2cán'4 dsa2, ŋia'54 lia'2 tē2le3 quian'54 a2'éin2
tē2le3 quió'5 Jesucristo; tsá3 jma3quén5 jmo23 ja1con2 jui1'ein2 gué3; 23 ia1 ca2le3jín3 bá4
ma2qui2ma2'náu2 dso4, jaun2 uíng2 lín3 bá4 tíon2 ja1qui2tág5 co2'né'5 quió'5 Diú4. 24 La1
Diú4 ně3, ia1 a2'ua1 dsí5 bá4 'é2 jág1 a2tsá3 dso4 rě2cáin'4, on3jua'54 a2'nió'5 qui3 'lia'54.
A2lě1lió2 bá4 tē2le3 quian'54 Cristo Jesús i2ca2quí3 o4quió'4 dsáu1 dsa2. 25 Ca2chen'3 Diú4
ja1ŋi'54 ia1jaun2 dsian5 dsáu1 dsa2 mi2güig3 quian'54 jmi2 'ain54 a2ca2tein3. A2lě1gue5 bá4
dsa2 a2jaun2 jmá'3 tē2le3 quian'54 a2'éin2. Le2ně5 ca2rě3jniá2 Diú4 i2lín5 i2qui3dsi5 'éi'3 rě2,
ia1 a2ma2ca2jme3juin'2 dsí5 a2ma2ca2ŋág3 bá4 dsáu1 dsa2 a2jme1'no23 ma2líg'2. 26 Le2ně5
ca2jmo3 Diú4 a2ca2jme3jniái23 a2rě2 qui3dsi23 'éi'3, a2ca2jme3jniái23 a2jín2 dsa2 i2'én2 tē2le3
quió'5 Jesús ně2jag4 bá4 a2ca2jme3ti3.

27 ¿'E2 bá4 ca2lě3 jaun2 ně3 quian'54 a2jmo5 dsa2 táin'5? Co2dsia5 tē2tsi'54 cau5 bá4
a2jaun2. ¿'E2 'uig54? ¿'An1 'uig54 a2jme3ti3 dsa2 'Éi'3? Jan2'ón4. 'Uig54 ia1 a2'én2 bá4 dsa2.

28 Ma2ně2quiong54 bá4 jniog4 'í1 jaun2 ně3, a2jín2 Diú4 dsa2 ně2jag4 bá4 a2ca2jme3ti3, 'uig54
ia1 a2'éin2, jaun2 tsá3 'e2 'í1 con2 gué4 jua'54 a2ca2jme3ti3 o3 tsá3 ca2jme3ti3 'e2, con'2 lě5 'Éi'3.

29 ¿O3 bá4 lín5 Diú4 ca2ne54 jmá'3 i2quián5 dsa2 judíos? ¿On1jua'54 i2quián5 dsi2nau2 ján3?
Ján5. I2quián5 'éi2 bá4 ján3, 30 ia1 jan2 tan54 bá4 Diú4 chan2; jaun2 'éi2 bá4 jág3 jín2 dsa2
i2rě2uíng4 ni1lo1 ně2jag4 bá4 a2ca2jme2ti3, 'uig54 ia1 a2'éin2; ján3 bá4 le2jaun2 jág3 jín2 dsa2
i2tsá3 rě2uíng4 ni1lo1 ně2jag4 bá4 a2ca2jme3ti3, o4quió'4 a2'éin2. 31 ¿'E2 jua'2 jniog4 jaun2 ně3?
¿A2tsá3 ta1 tí1 'Éi'3 ia1 a2'éin2 jniog4? ¿Dsón'2 tsá3 le2jaun2! 'Nió'4 tē2le3 cuē2 bá4 jniog4 bí2
a2quen5 'Éi'3.

4

'A2 lia'2 tē2tsin'54 Abraham ne4 Diú4

1 ¿'E2 lě2 le3jua'54 jniog4 jaun2 ně3? ¿'E2 ca2dsó'2 Abraham dsa2 juin'2 quián2 jnia'54
ma2líg'2, lia'2 jme1lín4 dsa2 mi2güig3? 2 Jua'54 mei'2 gué3 Diú4 ca2chi'3 jág1 jua'54 a2dsen3
'éi2 tē2le3 quian'54 'e2 a2ca2jmo3, jua'54 a2ca2jme3ti3 'Éi'3, jaun2 jme1cha2 jui5 a2jme1jmo3

* 3:13 Salmo 140:3. † 3:14 Salmo 10:7. ‡ 3:17 Isaías 59:7-8. § 3:18 Salmo 36:1.

róin₂. La₁ on₃jua'₅₄ ne₄ Diú₄. ³ Jaun₂, ¿'e₂ juá'₂ ne₄ Si₂? “Ca₂rë₃'én₂ bá₄ Abraham jág₁ ca₂cuë₃ Diú₄; jaun₂ 'uig₅₄ ia₁ a₂ca₂rë₃'éin₂ jaun₂ né₃, ca₂guéi'₂ Diú₄ në₂jag₄ bá₄ a₂ca₂jme₃ti₃.”^{*} ⁴ Jaun₂ né₃, jui₁lia'₂ jan₂ dsa₂ i₂jme₂ti₃ ta₁ quió'₅ jan₂ juig₅₄, cu₄ a₂lí'₂ jaun₂ quió'₅, on₃jua'₅₄ a₂lë₁cuë₃ juig₅₄, ia₁ a₂ma₂rriin₂₃ quió'₅ 'éi₂ 'lia'₅₄ ta₁ quió'₅. ⁵ La₁ në₁jua'₂ 'ein₂ tē₃tsá₃ 'e₂ jmo₂₃, 'éin₂ a₂guén'₅ Diú₄ dsa₂ i₂cha₂ dsá_{u1}, Diú₄ guéi'₂ quió'₅ në₂jag₄ bá₄ dsa₂ dsen₃, o₄quió'₄ a₂'éin₂. ⁶ 'ŋiog₅ bá₄ David juá'₂ a₂dsen₃ jui₁lia'₂ dsa₂ i₂guéi'₂ Diú₄ në₂jag₄ bá₄ a₂tsá₃ ma₂'e₂ dsá_{u1} cha₂, tsá₃ 'e₂ 'í₁ con₂ Diú₄ 'a₂ lia'₂ ca₂jme₃ti₃. ⁷ Ca₂juá'₂ David:

'E₂ gué'₄ dsen₃ jui₁lia'₂ dsa₂ i₂ca₂'én₂ Diú₄ dsá_{u1},
i₂ca₂jlé'₂ Diú₄ dso₄ a₂ca₂'náu₂.

⁸ 'E₂ gué'₄ dsen₃ dsa₂ i₂ca₂jmo₃ Te₁gui'₅₄ dsí'₅
a₂tsá₃ dso₄ riin₂.[†]

⁹ A₂dse₃ në₅ né₃, ¿a₁dse₃ jmá'₃ lia'₂ ca₂ne₅₄ quió'₅ dsa₂ i₂rë₂uing₄ ni₁lo₁, o₃ bá₄ le₂jio₅ a₂dse₃ quió'₅ i₂tsá₃ 'e₂ rë₂uing₄ quió'₅ bá₄ ján₃? Ma₂në₂jua'₅₄ jnia'₅₄ a₂ca₂guén'₂ Diú₄ Abraham në₂jag₄ bá₄ a₂ca₂jme₃ti₃ 'éi'₃, 'uig₅₄ ia₁ a₂'éin₂. ¹⁰ ¿'A₂ lia'₂ jme₁lín₄ Abraham lia'₂ con'₂ ca₂guéi'₂ jaun₂? ¿Ca₂guéi'₂ cang₂ lia'₂ con'₂ jme₁ma₂ti₃ Abraham quió'₅, o₃ le₂jjiá₅ 'e₂? Le₂jjiá₅ bá₄, on₃jua'₅₄ cang₂. ¹¹ Cang₂ jaun₂ bá₄ ca₂gue₃ Abraham 'éi'₃ jaun₂ a₂ti₃ ni₁lo₁₂, a₂lín₅ léi₄ co₂'nió'₄ caun₂ sello quió'₅ Diú₄ a₂ma₂guéi'₂, në₂jag₄ bá₄ dsa₂ i₂ca₂jme₃ti₃, 'uig₅₄ ia₁ a₂'éin₂. Le₂në₅ bá₄ ca₂dsióg₃ Abraham a₂ca₂lín₃ cho'₅₄ ca₂le₃jín₃ i₂'én₂ ján₃, o₁jnia'₅₄ tsá₃ ma₂gue₃ 'éi'₃ jaun₂ a₂uíng₃ quió'₅. Jaun₂ le₂në₅ bá₄ guén'₂ Diú₄ ján₃ dsa₂ tsi₁jon₂ 'éi₂ në₂jag₄ bá₄ a₂lín₅ dsa₂ i₂ca₂jme₃ti₃. ¹² Dsau₅ bá₄ a₂lín₅ Abraham cho'₅₄ ca₂le₃jín₃ i₂ma₂gue₃ 'éi'₃ jaun₂ a₂uíng₃ quió'₅, la₁ on₃jua'₅₄ jmá'₃ 'uig₅₄ ia₁ a₂rë₂uing₄ quió'₅; ján₃ bá₄ 'uig₅₄ ia₁ a₂quian₅ jui₅ a₂'éin₂ jaun₂, jui₁lia'₂ ca₂can₃ Abraham jmei₂ jnia'₅₄ lia'₂ con'₂ tsá₃ ma₂uing₂ quió'₅.

Të₂le₃ quian'₅₄ a₂'én₂ bá₄ dsa₂ jme₃ti₃ Diú₄ jág₁ quió'₅ a₂ma₃cuë₃

¹³ Jaun₂ ca₂cuë₃ Diú₄ jág₁ quió'₅ ca₂cué'₃ Abraham quian'₅₄ chi'₂-guein₂ quiáin₅, a₂gue₃ gua'₅₄ 'uë₃ a₂cuë₃ Diú₄; la₁ on₃jua'₅₄ ia₁ a₂ca₂jme₃ti₃ Abraham 'Éi'₃, tē₂le₃ ia₁ a₂caun₂ 'éin₂ jág₁ a₂cuë₅ Diú₄, ton'₂ ca₂guéi'₂ Diú₄ në₂jag₄ bá₄ a₂ca₂jme₃ti₃ 'Éi'₃, ¹⁴ Jua'₅₄ mei'₂ gué'₃ jmá'₃ i₂jme₂ti₃ 'Éi'₃ bá₄ gue₅ a₂dse₃ a₂cuë₅ Diú₄ cué'₅ chi'₂-guein₂ quiáin₅, jaun₂ tsá₃ ma₃'e₂ ta₁ tí₄ a₂'én₂ dsa₂, ton'₂ ján₃ gué'₂ le₂jaun₂ jág₁ a₂cué'₄ quió'₅ Diú₄ tsá₃ ma₃quen₅. ¹⁵ Ia₁ jui₅ a₂'ne₂ Diú₄ bá₄ jio₅ 'Éi'₃, la₁ ja₁tsá₃ 'Éi'₃ ca₂tín₂, tsá₃ 'ein₂ dsi₂juin₅₄ ja₁jaun₂.

¹⁶ 'Uig₅₄ jaun₂, o₄quió'₄ a₂'én₂ dsa₂ cué'₅ Diú₄ a₂dse₃ cué'₅ chi'₂-guein₂ quiáin₅, ia₁jaun₂ chi'₃ tiá₂ jág₁ a₂cué'₄ ne₄ a₂'ua₁ dsí'₅, ia₁jaun₂ dsón'₂ jaun₂ bá₄ jág₁ a₂gue₃ ca₂le₃jín₃ tsi₁jon₂ Abraham, on₃jua'₅₄ jmá'₃ quió'₅ dsa₂ i₂qui₂rë₂ti'₅₄ 'Éi'₃; quió'₅ ca₂le₃jín₃ i₂'én₂ bá₄ ján₃ jui₁lia'₂ jme₁'én₂ Abraham. Jaun₂ 'éi₂ bá₄ já₅ co₂'nió'₄ lín₅ jmei₂ jniog₄ ca₂le₃jág₃. ¹⁷ Jui₁lia'₂ juá'₂ ne₄ Si₂: “'Ne₂ ma₂tsín'₂ jniá₂ a₂lín'₅ cho'₅₄ dsa₂ chan₂ 'lióng₂ juig₂ nación.”[‡] Jaun₂ 'éi₂ bá₄ i₂lín₅ jmei₂ jniog₄ ne₄ Diú₄, ton'₂ ca₂'éin₃ jág₁ quió'₅ Diú₄ 'éi₂ i₂ton'₂ jme₂dsí₂ dsa₂ i₂ma₂dsan₃, ján₃ gué'₂ tē'₂ a₂tsá₃ ma₂cha₂ në₂jag₄ bá₄ a₂ma₂cha₂.

¹⁸ Jui₁'e₂ gué'₃ tsá₃ ma₃'e₂ jmi₄ jme₁ma₃cha₂ ja₁con₂ Abraham lia'₂ con'₂ lé₅ lín₂ dsa₂ mi₂güí₃, tē₂le₃ ia₁ a₂ca₂rë₃'éin₂ jág₁ quió'₅ Diú₄, ca₂dsióg₃ “a₂lín₅ jmei₂ dsa₂ chan₂ 'lióng₂ juig₂”, lia'₂ con'₂ lé₅ ca₂juá'₂ Diú₄: “co₂në₅ tén₅ chi'₂-guein₂ dsió'₂ lé₂.”[§]

¹⁹ Jui₁'e₂ gué'₃ jme₁ma₂'en₅₄ Abraham con'₂ 'njiá₂-láu₂ ŋi₂, lí'₄ bá₄ 'ŋiog₅ a₂ma₂guen'₂ ni₁ŋi₁₂, ján₃ gué'₂ le₂jaun₂ Sara quiáin₅ né₃ co₂në₅ a₂ma₂chain₂ dsiáin₃ bá₄, tsá₃ ma₃'ein₂ guein₂ lé₂ le₃cáin₂, la₁ tsá₃ ca₂'uáin₂ quian'₅₄ jág₁ a₂ma₂chan'₂. ²⁰ Tsá₃ ca₂'ág₂ caun₂-tin₃ dsí'₅ jua'₅₄ a₂tsá₃ 'éin₂ jág₁ a₂ca₂cuë₃ Diú₄, tē₂le₃ ca₂i₃tsón₂ bá₄ bí₂ a₂'éin₂, ton'₂

* 4:3 Génesis 15:6. Ján₃ bá₄ le₂në₅ † 4:8 Salmo 32:1-2. ‡ 4:17 Génesis 17:5. § 4:18 Génesis 15:5.

ca₂jme₃juin' ₂ Diú₄, ²¹ caun₂ bá₄ 'ei₅ dsí₅ a₂'io₅ Diú₄ jui₅bí₂ a₂jme₃ti₃ jág₁ quió'₅ a₂ca₂cuë₃.
²² 'Uig₅₄ jaun₂ ca₂guéi'₂ Diú₄ nē₂jag₄ dsa₂ i₂ca₂jme₃ti₃.

²³ Jág₁ nē₅, "a₂ca₂guéi'₂ Diú₄", ca₂i₃to'₅₄ ne₄ si₂, on₃jua'₅₄ a₂'in₂₃ jmá'₃ Abraham;
²⁴ a₂'ag₂₃ jniog₄ bá₄ ján₃. 'Uig₅₄ ia₁ a₂'éin₂ jniog₄, guéi'₂ Diú₄ a₂lág₅ jniog₄ nē₂jag₄ bá₄ dsa₂
 dsen₃ i₂ca₂jme₃ti₃ con'₂ i₂'én₂ tē₂le₃ quió'₅ Diú₄ i₂ca₂jme₃jen'₅₄ Jesús jin₄ 'lag₄. Jesús bá₄
 i₂lín₅ Te₁gui'₅₄ quián₂ jniog₄, ²⁵ i₂ca₂jín'₂ dsa₂ a₂jóin₂ ne₄ 'uig₅₄ dsáu₁ jniog₄, con'₂ siá'₂
 ca₂jein'₅₄ táng₃ ia₁jaun₂ guéi'₂ Diú₄ jniog₄ nē₂jag₄ dsa₂ dsen₃ i₂ca₂jme₃ti₃.

5

Lé₂ le₃chong₂ jniog₄ 'ei₅ tei₄ quian'₅₄ Diú₄

¹ Le₂nē₅ jaun₂, ia₁ a₂ma₂'é₂ Diú₄ jág₁ a₂tsá₃ 'e₂ dso₄ rē₂cáu'₄ jniog₄, 'uig₅₄ ia₁ a₂'éin₂,
 ma₂chong₂ jniog₄ 'ei₅ tei₄ quian'₅₄, tē₂le₃ quian'₅₄ Te₁gui'₅₄ Jesucristo quián₂. ² Ia₁ tē₂le₃
 quian'₅₄ Cristo 'éi₂ bá₄ ma₂i₁to'₅₄ jniog₄ ja₁jme₂gu'₅₄ Diú₄ ia₁ a₂'ua₁ dsí₅, tē₂le₃ ia₁ a₂'éin₂.
 Ja₁dse₃ nē₅ né₃, tíong₂ jniog₄ tiá₂ 'io'₂ jein₂, ia₁ 'ín₂ dsí₅ jniog₄ a₂dsón'₂ jme₁quian'₅₄ Diú₄
 jē₄ co₂tág₅ co₂'né'₅ quió'₅. ³ On₃ rē'₂ jua'₅₄ jmá'₃ a₂nē₅; jmo₂ jniog₄ 'io'₂ ne₄ o₂i₁ dsí₅
 a₂qui₂dsi₂hág₂; ia₁ ne₄ jniog₄, quian'₅₄ o₂i₁ dsí₅ bá₄ qui₂rē₂juin'₂ dsí₅ jniog₄. ⁴ A₂juin'₂ dsí₅
 jniog₄ jaun₂, jmo₅ a₂chei'₂ rē₂ jniog₄ 'a₂ lia'₂ lág₅; a₂tíong₂ jniog₄ rē₂ jaun₂ né₃, jmo₅ a₂'ín₂
 dsí₅ jniog₄ jmig₄ a₂le₃ti₃. ⁵ Jmig₄ a₂'ín₂ dsí₅ jniog₄ jaun₂, tsá₃ lé₂ le₃jmo₃ jua'₅₄ jéin₂ jniog₄
 o₂guí'₃, ia₁ 'hio₅ Diú₄ ma₂ca₂jme₃cain'₂ jme₂dsí₂ quián₂ jniog₄ ia₁ a₂hí₄ lē₃ 'nio₃ jniog₄,
 tē₂le₃ quian'₅₄ Jme₂dsí₂ Jhio₅ i₂ma₂cuin₃.

⁶ Ia₁ lia'₂ con'₂ jme₁lág₄ jniog₄ dsa₂ mi₂güig₃ 'uan₅₄ i₂tsá₃ cha₂ jui₅ 'a₂ lia'₂ lion₄ guio₅₄,
 la₁ jme₁ca₂tē₂ jmig₄ a₂ca₂tíong₃ Diú₄, jaun₂ ca₂jon₃ bá₄ I₂rē₂'ín₁ quián₅ o₄quió'₄ dsa₂ i₂tsá₃
 Diú₄ cuin₅. ⁷ A₂quian₅ ta₁ lin₃ bá₄ jua'₅₄ mei'₂ gué₃ jan₂ dsa₂ lé₂ le₃guein₃ 'mú₃ o₄quió'₄
 jan₂ dsa₂ mi₂güig₃ riin'₅₄, ca₂lia'₂ jnia'₅₄ o₄quió'₄ jan₂ dsa₂ i₂jmo₅ rē₂; 'an₁ mei'₂ tsá₃ chan₂
 jan₂ i₂lé₂ le₃tiá₂ dsí₅ guen₃ 'mú₃ o₄quió'₄ jan₂ dsa₂ i₂dse₃ dsí₅ dsón'₂. ⁸ La₁ ma₂ca₂cuë₃
 bá₄ Diú₄ léi₄ a₂dsón'₂ 'nio₃ jniog₄, ia₁ a₂ca₂jon₃ Cristo 'uig₅₄ quián₂, lia'₂ con'₂ jme₁lág₄
 gué₄ dsa₂ cha₂ dsáu₁. ⁹ A₂jaun₂ né₃, 'uig₅₄ ia₁ a₂ma₂'é₂ Diú₄ jág₁ tē₂le₃ quian'₅₄ jmi₄ Cristo
 a₂ca₂tang₂, a₂tsá₃ ma₂dso₄ rag₂, jaun₂ tē₂le₃ i₂jui'₂ gué₄ lió₂ jniog₄ tē₂le₃ quian'₅₄ 'éi₂ a₂gau₂
 a₂'ne₂ Diú₄ a₂jiá₃ jē₁ca₂tó'₂. ¹⁰ Ia₁ chi₂jua'₂ ma₂ca₂'ág₂ Diú₄ caun₂ jág₁ quian'₅₄ jniog₄ tē₂le₃
 quian'₅₄ 'mú₃ a₂ca₂i₃hí₂ Ja₁hí'₅₄ lia'₂ con'₂ jme₁lág₄ gué₄ jniog₄ dsa₂ i₂'hia₅₄ 'éi₂, ján₃ bá₄
 le₂jaun₂ tē₂le₃ i₂jui'₂ gué₄ lió₂ jniog₄ 'uig₅₄ ia₁ a₂chain₂, né₃ lia'₂ ma₂'ei₅ caun₂ jág₁ quian'₅₄.
¹¹ Ia₁ on₃ gué'₂ jua'₅₄ jmá'₃ a₂nē₅, ia₁ chong₂ jniog₄ jme₁'hio₄ dsí₅ ján₃ le₃quió'₅ Diú₄ tē₂le₃
 quian'₅₄ Te₁gui'₅₄ Jesucristo, ia₁ tē₂le₃ quian'₅₄ Cristo bá₄ ca₂dsi₃náu₅ jniog₄ 'ei₅ caun₂ jág₁
 quian'₅₄ Diú₄.

Adán quian'₅₄ Cristo

¹² Le₂nē₅ jaun₂, jui₁lia'₂ tē₂le₃ quian'₅₄ jan₂ dsa₂ ca₂rē₃chá₃ dsáu₁ dsa₂ mi₂güig₃, 'uig₅₄
 nē₅ bá₄ ca₂já₃ 'mú₃, le₂nē₅ bá₄ ján₃ ca₂hag₅ 'mú₃ ja₁con₂ ca₂le₃jín₃ dsa₂ mi₂güig₃, ia₁
 ca₂le₃jín₃ bá₄ ca₂'náu₂ dso₄. ¹³ Le₂jhiá₅, lia'₂ con'₂ tsá₃ 'Éi'₃ jme₁ma₂ron₅, ma₂qui₂'no₅ bá₄
 dsa₂ dso₄ mi₂güig₃, la₁ tsá₃ lé₂ le₃jióg'₂ 'í₁ 'e₂ a₂rin₂ dsa₂ ja₁tsá₃ 'éi'₃ cha₂. ¹⁴ La₁ ca₂le₃
 jme₁chan₂ Adán, ca₂lia'₂ ca₂tē₂ jmig₄ a₂jme₁chan₂ Moisés, ca₂'io₃ 'mú₃ jui₅bí₂ ne₄ quió'₅
 dsa₂ i₂qui₂ca₂'náu₂ dso₄, o₁jhia'₅₄ dsáu₁ dsa₂ jaun₂ on₃jua'₅₄ a₂ca₂i₃juin₅₄ dsa₂ caun₂ 'éi'₃
 jui₁lia'₂ ca₂jmo₃ Adán; jme₁lín₄ Adán co₂'nió'₄ caun₂ nió'₄ quió'₅ i₂jiá₃ chi₁quín₃.

¹⁵ La₁ dsáu₁ Adán né₃, tsá₃ lé₂ le₃quin₃ quian'₅₄ a₂lē₁cuë₅ Diú₄ jniog₄. Ia₁ jui₁lia'₂ o₄quió'₄
 dsáu₁ jan₂ dsa₂, juin₅ i₂ca₂dsan₃, ján₃ bá₄ le₂jaun₂ tē₂le₃ lé₅ gué₄ a₂'ua₁ dsí₅ Diú₄ a₂lió₂
 a₂lē₁ma₂cuë'₃ co₂hí₂ dsa₂ juin₅ tē₂le₃ quian'₅₄ jan₂ tan₅₄ dsa₂ i₂'ua₁ dsí₅. Dsa₂ 'éi₂ lín₅
 Jesucristo. ¹⁶ Dso₄ a₂ca₂'náu₂ jan₂ dsa₂ tsá₃ lé₂ le₃quin₃ quian'₅₄ a₂lió₂ Diú₄ a₂cuë₂₃ jniog₄;
 ia₁ jme₁ca₂caun₂ Diú₄ 'í₁ dso₄ a₂ca₂rē₃cán'₂ jan₂ dsa₂, jaun₂ ca₂já₃ jui₅ a₂ca₂qui₃dsí₅ Diú₄

'éi₃ ja₁con₂ dsa₂ mi₂güig₃; la₁ jui₁lia₂ a₂lión₂ dsa₂ né₃, a₂lä₁'é₂ Diú₄ co₂ñí₂ bá₄ jág₁ a₂tsá₃ 'e₂ dso₄ rin₂ dsa₂, jui₁'a₂ gué₃ la₂ qui₂ma₂'náu₂ 'lióng₂ dso₄. ¹⁷ Chi₂jua₂ ca₂'io₃ bí₂ 'mú₃ ne₄ ca₂le₃jín₃ dsa₂ o₄quió₄ dsáu₁ jan₂ dsa₂, tē₂le₃ i₂jui₂ gué₄ 'ñio₅ tson₂ a₂'ua₁ dsí₅ Diú₄ ja₁con₂ dsa₂ i₂guéin₂ nē₂jag₄ bá₄ a₂tsá₃ 'e₂ dso₄ riin₂, a₂'io₂₃ bí₂ a₂le₃chain₂ dse₃ tē₂le₃ quian₅₄ jan₂ dsa₂, i₂lín₅ Jesucristo.

¹⁸ Jaun₂ lä₃, jui₁lia₂ dsáu₁ Adán ca₂chein₃ ca₂le₃jín₃ dsa₂ jui₅ ja₁'é₃ Diú₄ uig₅, le₂nē₅ bá₄ ján₃, ta₁ a₂quí₅ a₂dse₃ a₂ca₂jmo₃ Jesucristo ca₂cain₃ ca₂le₃jín₃ dsa₂ jui₅ ja₁lé₂ le₃chain₂ dse₃, ja₁guéi₂ Diú₄ nē₂jag₄ bá₄ a₂tsá₃ 'e₂ dso₄ riin₂. ¹⁹ Co₂'nió₄ le₃jua₅₄, ia₁ jui₁lia₂ tsá₃ gau₂ ca₂nág₂ jan₂ dsa₂ 'éi₂, jaun₂ juin₅ i₂ca₂rē₃chá₃ dsáu₁, ján₃ bá₄ le₂nē₅, 'uig₅₄ ia₁ a₂ca₂nág₂ gau₂ jan₂ tan₅₄ dsa₂, jaun₂ juin₅ i₂guén₂ Diú₄ nē₂jag₄ bá₄ i₂ca₂jme₃ti₃.

²⁰ Ca₂tē₁ron₅₄ 'Éi₃ ia₁jaun₂ dsí₃juin₅₄ gué₄ dso₄; la₁ ja₁'ñio₅ lín₃ gué₄ ca₂i₁juin₅₄ dso₄, jaun₂ 'ñio₅ lín₃ gué₄ ca₂jmo₃ Diú₄ ca₂i₃tsón₂ a₂'ua₁ dsí₅. ²¹ Jaun₂ le₂nē₅ bá₄ jui₁lia₂ ca₂tín₂ bí₂ dso₄ jui₅ a₂quian₅ 'mú₃, le₂nē₅ bá₄ ján₃ ca₂'io₃ bí₂ a₂'ua₁ dsí₅ Diú₄ a₂jág₂ jniog₄ nē₂jag₄ bá₄ dsa₂ i₂ca₂jme₃ti₃, a₂cuē₃ a₂le₃chong₂ jniog₄ dse₃ co₂tan₅₄ tē₂le₃ quian₅₄ Te₁gui₅₄ Jesucristo quían₂ jniog₄.

6

Ma₂dsau₃ tē₂le₃ quió₅ dsáu₁, la₁ chong₂ le₃quió₅ Cristo

¹ ¿'E₂ jua₅₄ jniog₄ jaun₂ né₃? ¿A₁caun₂ dse₃ 'nióg₁ bá₄ jniog₄ dso₄ ia₁jaun₂ caun₂ dsí₃tsón₃ a₂'ua₁ dsí₅ Diú₄ quian₅₄ jniog₄? ² ¿Dsón₂ bá₄ on₃jua₅₄ le₂nē₅! Ia₁ ma₂ca₂dsau₃ bá₄ jniog₄ le₃quió₅ dsáu₁; ¿'a₂ bá₄ lia₂ lé₂ jaun₂ né₃ jua₅₄ a₂caun₂ chong₂ jniog₄ le₃quió₅ dsáu₁? ³ ¿Tsa₁ ñi₅₄ 'nia₂, lia₂ con₂ jme₁ca₂tió₄ jniog₄ jmig₂ le₃quió₅ Cristo Jesús, ca₂tió₄ jniog₄ 'mú₃ quió₅? ⁴ Ia₁ jme₁ca₂tió₄ jniog₄ jmig₂, co₂'nió₄ bá₄ ja₁jaun₂ ca₂'o₃ jniog₄ co₂lē₅ quian₅₄ Cristo nē₂jag₄ bá₄ a₂ca₂dsau₃, ia₁jaun₂ jein₅₄ táng₃ a₂le₃chong₂ caun₂ jme₂dsí₂ 'mí₂, jui₁lia₂ ca₂jen₅₄ Cristo a₂jme₁rē₂join₅₄, tē₂le₃ quian₅₄ jui₅bí₂ jlá₁ quió₅ Jmei₂.

⁵ Ia₁ chi₂jua₂ ca₂jme₁quian₅₄ jniog₄ ne₄ 'mú₃ quió₅, ján₃ bá₄ le₂jaun₂ tion₅₄ bá₄ jme₁quian₅₄ jē₁ma₂ca₂jein₅₄ jniog₄ jui₁lia₂ ca₂jen₅₄ 'éi₂. ⁶ Ne₄ bá₄ jniog₄, lia₂ con₂ lé₅ jme₁lág₄ le₂jñiá₅, ne₄ cróg₄ bá₄ ca₂ñó₃ a₂jaun₂ co₂lē₅ quian₅₄ Cristo, ia₁jaun₂ dsí₃'én₂ jui₅bí₂ a₂'io₅ dsáu₁ ne₄ ñi₁ñi₁ jniog₄, ia₁jaun₂ tsá₃ ma₃lé₅ jua₅₄ a₂qui₂rē₂'ñei₅₄ gué₄ a₂chong₂ qui₂jme₂tí₁ ta₁ ne₄ dsáu₁, nē₂jag₄ bá₄ ne₄ jan₂ juig₅₄ jniog₄. ⁷ Ia₁ jui₁lia₂ i₂ma₂jon₅, tsá₃ ma₂'e₂ rē₂'ñei₅₄, ma₂lóin₂ bá₄ ne₄ dsáu₁. ⁸ Chi₂jua₂ ma₂ca₂dsau₃ jniog₄ quian₅₄ Cristo, ján₃ bá₄ le₂jaun₂ 'éin₂ a₂le₃chong₂ quian₅₄ 'éi₂, ⁹ ia₁ ne₄ bá₄ jniog₄, con₂ jme₁ca₂jen₅₄ Cristo ne₄ 'mú₃, o₁líg₂ jmig₄ tsá₃ ma₃lé₂ le₃jóin₂; tsá₃ ma₂'e₂ jui₅bí₂ 'io₅ 'mú₃ ne₄ quió₅ 'éi₂. ¹⁰ Ia₁ jme₁ca₂jon₃ Cristo, co₂ráun₂ bá₄ ca₂join₃ 'uig₅₄ dsáu₁ dsa₂; la₁ nē₃ lia₂ ma₂chain₂, chain₂ le₃quió₅ Diú₄. ¹¹ Le₂nē₅ bá₄ 'nia₂ ján₃, jmo₄ bá₄ 'nia₂ 'au₂ a₂ma₂dsang₃ tē₂le₃ quió₅ dso₄, la₁ chan₂ bá₄ 'nia₂ le₃quió₅ Diú₄ tē₂le₃ quian₅₄ Cristo Jesús.

¹² A₂jaun₂ né₃, 'a₃ cuē₂ 'nia₂ jmig₄ jua₅₄ a₂'io₃ gué₄ jui₅bí₂ dsáu₁ ne₄ ñi₁ñi₁ 'nia₂ a₂siá₃, a₂qui₂chi₃quióng₂ jmig₄ a₂jme₁ti₄ 'nia₂ a₂mi₅ ñi₁ñi₅. ¹³ 'A₃ qui₁jín₅₄ 'nia₂ a₂tén₅ ñi₁ñi₁ jua₅₄ a₂'no₃ gué₄ dso₄, co₂'nió₄ a₂jmó₂ ta₁ a₂jmo₃ a₂'lig₅₄. Tē₂le₃ ne₄ Diú₄ bá₄ jín₅₄ 'nia₂ a₂lín₅ co₂'nió₄ dsa₂ i₂ma₂dsan₃, i₂ma₂jen₅₄ táng₃. Jang₅₄ 'nia₂ a₂tén₅ ñi₁ñi₁ le₃ja₁con₂ Diú₄, co₂'nió₄ a₂jmó₂ ta₁ a₂jmo₃ jmá₃ a₂dse₃. ¹⁴ Ia₁ tsá₃ 'io₃ gué₄ bí₂ dsáu₁ ne₄ quían₂ 'nia₂ nē₂jag₄ bá₄ jan₂ juig₅₄ 'nia₂, ia₁ tsá₃ o₄gú₃ 'Éi₃ tion₅₄ 'nia₂; tē₂le₃ o₄gú₃ a₂'ua₁ dsí₅ Diú₄ bá₄ tion₅₄ 'nia₂.

¹⁵ ¿'E₂ bá₄ jaun₂ né₃? ¿A₁caun₂ 'nióg₁ dso₄ bá₄ ia₁ tsá₃ o₄gú₃ 'Éi₃ tio₅₄ jniog₄, ia₁ ja₁'ua₁ dsí₅ Diú₄ bá₄ tíong₂? ¿Dsón₂ bá₄ on₃jua₅₄ le₂nē₅! ¹⁶ ¿Tsa₁ ñi₅₄ 'nia₂, nē₁jua₂ ca₂jín₅₄ 'nia₂ guiong₅₄ o₄gú₃ jan₂ juig₅₄ a₂jme₁ti₄ ta₁ ne₅₄, ma₂lín₅ jan₂ i₂ma₂chi₁'ñe₅₄ i₂quían₅ dsa₂ 'éi₂? Ján₃ bá₄ le₂jaun₂, nē₁jua₂ ca₂jín₅₄ 'nia₂ guiong₅₄ ne₄ dsáu₁, dsáu₁ jaun₂ i₂ma₂lín₅ juig₅₄ 'nia₂, jiog₅ juí₅ 'mú₃; o₃ nē₁jua₂ ca₂jín₅₄ 'nia₂ ne₄ a₂nág₁ gau₂ jág₁ quió₅ Diú₄,

a₂jaun₂ bá₄ i₂ma₂lín₅ juig₅₄ 'nia'₂, jiog₅ jui₅ co₂dsau₅. ¹⁷ Jui'₁e₂ gué₃ jme₁rē₂qui₂rē₂'ñe'₂ 'nia'₂ le₂jñiá₅ ne₄ dsáu₁, la₁ rē₂né₃ né₃, ti₁'mag'₄ Diú₄, ma₂nei'₂ bá₄ 'nia'₂ gau₂ ca₂le₃jé₃ jme₂dsí₂ quiáng'₂ jág₁ quen₅ a₂ma₂rē₂jñ'₅₄ 'nia'₂, a₂jme₂tíng'₂. ¹⁸ Jaun₂ né₃ ma₂lón'₂ 'nia'₂ o₄gú₃ dsáu₁, ma₂tion'₅₄ bá₄ 'nia'₂ o₄gú₃ jui₅ co₂dsau₅. ¹⁹ (Juá'₅ jniá₂ juíg₂ 'nia'₂ lia'₂ con'₂ lé₅ jág₁ dsia₅ dsa₂ mi₂güig₃, ia₁ dsón'₂ bá₄ quian₅ ta₁ le₃ñí'₂ 'au'₂ 'nia'₂ dse₃ ia₁ tē₂le₃ a₂lín'₅ 'nia'₂ dsa₂ mi₂güig₃.) Ia₁ le₂jaun₂ bá₄ ján₃ jui₁lia'₂ qui₂ca₂jñ'₅₄ 'nia'₂ le₂jñiá₅ a₂tén₅ ni₁ñi'₁ jui₅ ja₁tsá₃ nág'₂ gau₂, ja₁ca₂jme₁ti'₄ 'nia'₂ ta₁ ne₄ ca₂le₃jé₃ ne₅₄ a₂'lig'₅₄, le₂nē₅ bá₄ gué'₂ jang'₅₄ táng₃ 'nia'₂ a₂tén₅ ni₁ñi'₁ ja₁jme₁ti'₄ ta₁ ne₄ jui₅ jñiós ja₁caun₂ le₃dsen'₃ 'nia'₂.

²⁰ Lia'₂ con'₂ jme₁lín'₄ gué₄ dsa₂ i₂qui₂rē₂'ñe'₅₄ le₃quió'₅ dsáu₁, tsá₃ jme₁rē₂'ñeg'₅₄ jua'₅₄ a₂jme₂ti'₄ gué₄ 'nia'₂ ta₁ ne₄ jui₅ co₂dsau₅. ²¹ La₁ ¿'e₂ bá₄ a₂dse₃ ca₂lin'₃ 'nia'₂ ca₂le₃jé₃ a₂jaun₂, a₂caun₂ lē₁o₂guí'₃ quián'₂ 'nia'₂ rē₂né₃? Ia₁ jmá'₃ lia'₂ ca₂ne₅₄ a₂dsióg₄ ne₄ jui₅ 'mú₃ bá₄ a₂jaun₂. ²² La₁ rē₂né₃ né₃, ma₂lón'₂ 'nia'₂ jui₅ ja₁jme₁qui₂rē₂'ñe'₅₄ 'nia'₂ 'nau'₂ dso₄, ma₂i₂ton'₅₄ 'nia'₂ jui₅ ja₁jme₁ti'₄ ta₁ ne₄ Diú₄, jaun₂ lén'₂ 'nia'₂ jui₅ jñiós ja₁caun₂ le₃dsen'₃ 'nia'₂, jui₅ ja₁dsióg₄ a₂le₃chan'₂ 'nia'₂ dse₃ co₂tan₅₄. ²³ Ia₁ jñiá'₅₄ lia'₂ 'mú₃ bá₄ lí'₂ dsa₂ co₂'nió'₄ 'lia'₅₄ dsáu₁, la₁ a₂lē₁cuē₅ bá₄ Diú₄ a₂le₃chan₂ dsa₂ dse₃ co₂tan₅₄ tē₂le₃ quian'₅₄ Cristo Jesús i₂lín₅ Te₁gui'₅₄ quián₂ jniog₄.

7

Caun₂ jág₁ a₂jáng'₅ léi₄ a₂jau'₂ jui₁lia'₂ ja₁con₂ dsa₂ i₂rē₂jen'₂ gu₂

¹ Rin'₅₄ jniog₄, 'nia'₂ dsa₂ i₂cuí'₅ 'a₂ lia'₂ juá'₂ ne₄ Si₂ 'Éi'₃, ¿tsa₁ ñi'₅₄ 'nia'₂ a₂'io₅ bí₂ 'Éi'₃ ja₁con₂ jan₂ dsa₂ jmá'₃ tē₁lia'₂ chain₂? ² Jui₁lia'₂ jan₂ dsa₂ mí₂ i₂chan₂ dsi₂i₂gu₂, co₂'nió'₄ a₂chi₁'ñei'₅₄ bá₄ quiain'₅₄ dsi₂i₂gu₂ lia'₂ con'₂ lé₅ ne₄ Si₂ 'Éi'₃, tē₁lia'₂ chan₂ dsa₂ ñe'₂. La₁ nē₁jua'₂ ca₂jon₃ dsi₂i₂gu₂ né₃, ca₂tsin'₂ bá₄ dsa₂ mí₂ 'éi'₂ tē₂le₃ quió'₅ 'éi'₃ a₂jme₁le₁quian₅ quió'₅ quiain'₅₄ dsi₂i₂gu₂. ³ Nē₁jua'₂ ca₂guá₂ 'io₅₄ quiain'₅₄ dsa₂ ñe'₂ sián'₂ tē₃ chan₂ dsi₂i₂gu₂, dso₄ bá₄ 'no₂₃; la₁ nē₁jua'₂ ca₂jon₃ dsi₂i₂gu₂ né₃, ca₂tsin'₂ bá₄ 'io₅₄ tē₂le₃ quió'₅ 'éi'₃, ma₂lé₂ bá₄ jéin'₂ táng₃ gu₂ quiain'₅₄ dsa₂ ñe'₂ sián'₂, tsá₃ ma₃dso₄ 'no₂₃.

⁴ Le₂nē₅ bá₄ ján₃, 'nia'₂ rin'₅₄ jniog₄, ma₂dsan'₃ 'nia'₂ le₃quió'₅ 'Éi'₃ tē₂le₃ quian'₅₄ ñi₄ Cristo, ia₁jaun₂ téng'₄ ja₁con₂ i₂sián'₂: ja₁con₂ 'éi'₂ i₂ca₂jen'₅₄ táng₃ ne₄ 'mú₃. Le₂nē₅ ca₂lē₃ ia₁jaun₂ le₃chong₂ jniog₄ téi₅ ta₁ ne₄ Diú₄. ⁵ Ia₁ lia'₂ con'₂ jme₁chong₂ jniog₄ lia'₂ jme₁jio₅ ni₁ñi₁ jniog₄, ta₁ jaun₂ ca₂quí'₃ 'Éi'₃ a₂ca₂ñei₃ jui₅ ni₁ñi₁ jniog₄ a₂ca₂lē₃ dsi₅ jmó₁ a₂'lig'₅₄, ca₂quí'₃ ta₁ a₂ca₂i₁jo₅₄ ne₄ 'mú₃. ⁶ La₁ rē₂né₃ né₃, ma₂dsau₃ le₃quió'₅ Si₂ 'Éi'₃ a₂jme₁jio₅ jme₁le₁'ñei'₅₄, a₂jme₁ti₁ ne₄ Diú₄ jui₅ 'mí₂ quió'₅ Jme₂dsí₂ quián₅. Jaun₂ tsá₃ ma₃tio'₅₄ jniog₄ le₁'ñei'₅₄ ne₄ 'Éi'₃ a₂chi₁ton₅ ne₄ si₂.

Dso₄ a₂'i₄ ja₁con₂ jniá₂

⁷ ¿'E₂ jua'₅₄ jniog₄ jaun₂ né₃? ¿A₂lé₅ dso₄ bá₄ 'Éi'₃ jaun₂? ¿Dsón'₂ bá₄ on₃jua'₅₄ le₂jaun₂! La₁ jniá₂ né₃ tsá₃ ca₂rē₃guion₅₄ 'e₂ jaun₂ dsáu₅, jua'₅₄ mei'₂ gué₃ tsá₃ 'Éi'₃ ron₅. Co₂'nió'₄ le₃jua'₅₄, tsá₃ 'e₂ ca₂rē₃guion₅₄, jui₁lia'₂ a₂'ín₅ dsi₃ a₂cha₂ quió'₅ i₂sián'₂, jua'₅₄ mei'₂ gué₃ tsá₃ a₂juá'₂ 'Éi'₃ ne₄ Si₂: “Tsá₃ lē₁jmo₂ 'ín₅ 'au'₂ a₂quió'₅ dsa₂ sián'₂.”*

⁸ La₁ dsáu₁ né₃ ca₂jme₃'ñiós'₃ bá₄ jág₁ nē₅; 'ñiog₅ bá₄ 'Éi'₃ ca₂cuē₃ jmig₄ ca₂ñei₃ tē₂dsi₃ ca₂le₃jé₃ ne₅₄ a₂'ín₅ dsi₃ a₂cha₂ quió'₅ i₂sián'₂. Ia₁ jui₁lia'₂ ja₁tsá₃ 'Éi'₃ ron₅, tsá₃ léi₄ jniá₂ a₂cha₂ dsáu₅. ⁹ Ján₃ bá₄ jme₁chang₂ caun₂ jmig₄ lia'₂ con'₂ tsá₃ 'Éi'₃ quió'₅ Moisés ma₂ca₂tíng₂. La₁ jme₁ca₂já₃ 'Éi'₃, co₂'nió'₄ a₂ca₂jen'₅₄ bá₄ táng₃ dsáu₁; jniá₂ gué'₂, co₂'nió'₄ a₂ca₂jong₃. ¹⁰ Le₂nē₅ bá₄ ca₂lē₃ quian'₅₄ 'ñiog₅ 'Éi'₃ jaun₂; 'nió'₄ a₂jme₁cuē₃ bí₂ a₂le₃chan₂ jniá₂, tē₂le₃ ca₂jio₃ jui₅ 'mú₃ bá₄ a₂jaun₂. ¹¹ Ia₁ dsáu₁ né₃, ca₂jme₃'ñiós'₃ bá₄ ne₄ 'Éi'₃ ja₁con₂ jniá₂, ca₂jme₃gau₂₃. Jaun₂ quian'₅₄ 'ñiog₅ bá₄ 'Éi'₃, ca₂cuē₃ 'mú₃.

* 7:7 Éxodo 20:17; Deuteronomio 5:21.

¹² Jaun₂ né₃, a₂jñi₅ bá₄ Si₂ 'Éi'₃; já₃ gué'₂ le₂jaun₂ ca₂le₃jé₃ 'éi'₃ tio'₅₄, a₂jñi₅, con₂ 'í₁ con'₂ dsi₂ten₅₄, a₂dse₃ lin₃ bá₄ a₂jaun₂. ¹³ ¿'E₂ bá₄ jaun₂ né₃? ¿Jui₁lia'₂ a₂dse₃ jaun₂ ca₂lë₃ 'mú₃ ja₁con₂ jniá₂? ¡D₃ón'₂ on₃jua'₅₄ jaun₂! 'Uig₅₄ dsáú₅ bá₄ jniá₂ jaun₂, ca₂jio₃ jui₅ 'mú₃, le₂në₅ ca₂cuë₃ léi₄ a₂lé₅ dso₄ a₂jaun₂ a₂jme₁jmo₅ jniá₂; ca₂jmo₃ tē₂le₃ quian'₅₄ a₂dse₃, jaun₂ le₂në₅ ca₂jme₃jnia₅ 'Éi'₃ 'e₂ a₂lé₅ a₂jui₁si 'lig'₅₄ a₂lé₅ dsáú₁.

¹⁴ Ne₄ bá₄ jniog₄ jaun₂ a₂lé₅ a₂gu₂dsi₂ bá₄ 'Éi'₃, la₁ dsa₂ ni₁ñi₅ bá₄ jniá₂; co₂'nió'₄ a₂rē₂'ni₅₄ bá₄ jniá₂ ne₄ dso₄. ¹⁵ Ia₁ tsá₃ ñi'₂ dsi₃ 'e₂ lë₃ jmo₂₃ 'e₂ jmo₂₃, ia₁ tsá₃ lé₂ jmo₅₄ a₂'ín₅ dsi₃ jmo₅₄, ia₁ ca₂le₃jé₃ a₂'io₄ jniá₂ a₂tsá₃ 'nio₃ jmo₅₄, a₂jaun₂ dé₄ dsón'₂ jmo₂₃. ¹⁶ Ia₁ chi₂jua'₂ jmo₅ jniá₂ a₂tsá₃ tē₅ dsi₃ jmo₅₄, jaun₂ jmo₅ jniá₂ dsi₃ a₂dse₃ bá₄ 'Éi'₃. ¹⁷ Le₂në₅ bá₄ jaun₂, on₃jua'₅₄ jniá₂ 'ñi₃ 'no₂₃ dso₄; dsáú₅ jniá₂ a₂'i₄ tē₂dsi₃ bá₄, a₂jaun₂ bá₄ jmo₅. ¹⁸ Ia₁ guion₄ jniá₂, 'i₁caun₂ a₂dse₃ tsá₃ cha₂ tē₂dsi₃ jniá₂, co₂'nió'₄ le₃jua'₅₄ lia'₂ con'₂ líng₅ dsa₂ ni₁ñi₅, ia₁ 'ín₅ bá₄ dsi₃ jmo₅₄ a₂dse₃, la₁ tsá₃ qui'₅₄ jmi₄ jmo₅₄. ¹⁹ Tsá₃ qui₂jmo₅ jniá₂ a₂dse₃ a₂'nio₃ jmo₅₄; caun₂ jmo₅ bá₄ jniá₂ a₂'lig'₅₄ a₂tsá₃ 'nio₃ jmo₅₄. ²⁰ Jaun₂ né₃, chi₂jua'₂ jmo₅ jniá₂ a₂tsá₃ tē₅ dsi₃ jmo₅₄, on₃jua'₅₄ jniá₂ 'ñi₃ jmo₂₃ a₂jaun₂; dsáú₅ jniá₂ a₂'i₄ tē₂dsi₃ bá₄, a₂jaun₂ bá₄ jmo₅.

²¹ Jaun₂ ma₂ca₂rē₂léi₄, cha₂ caun₂ 'éi'₃: jē₁ma₂tē₂ rē₁'nio₃ jmo₅₄ a₂dse₃, jñia'₅₄ lia'₂ a₂'lig'₅₄ bá₄ cha₂ ja₁cong₂. ²² Né₃ jme₂dsi₂ quió₃, tē₅ bá₄ dsi₃ 'Éi'₃ quió'₅ Diú₄; ²³ la₁ jág₅ jniá₂ ja₁con₂ a₂tén₅ ni₁ñi₃, cha₂ caun₂ 'éi'₃ siá'₂ a₂jmo₅ 'nei₂ quian'₅₄ 'éi'₃ 'a₂ lia'₂ dsi₂jio₅ dsi₃, a₂tē₂ chi₁'ñeg'₁ ne₄ 'éi'₃ quió'₅ dso₄ a₂jmo₅ ta₁ ja₁con₂ a₂tén₅ ni₁ñi₃.

²⁴ ¡'E₂ gué₄ juí₂ jniá₂! ¿'Ein₂ bá₄ jí₃ líó₂ ne₄ ni₁ñi₃ a₂jio₅ 'mú₃ la₂? ²⁵ Ti₁'mag'₄ Diú₄, cha₂ bá₄ jui₅ 'a₂ lia'₂ lé₂ tē₂le₃ quian'₅₄ Te₁gui'₅₄ Jesucristo quián₂ jniog₄.

Jaun₂ né₃, 'ñi₃ bá₄ jniá₂ quian'₅₄ 'a₂ lia'₂ dsi₂jio₅ dsi₃, jme₂tí₁ ta₁ ne₄ 'Éi'₃ quió'₅ Diú₄, la₁ lia'₂ con'₂ líng₅ dsa₂ ni₁ñi₅, jme₁tí₁ jniá₂ ne₄ 'éi'₃ quió'₅ dso₄.

8

'A₂ lia'₂ chan₂ dsa₂ con'₂ lé₅ jio₅ Jme₂dsi₂ quián₅ Diú₄

¹ Nē₃ né₃ jaun₂, tsá₃ ma₂'e₂ uig₅ 'é₂ Diú₄ ne₄ quió'₅ dsa₂ i₂ma₂'ei₅ caun₂ jág₁ quian'₅₄ Cristo Jesús.* ² Ia₁ bí₂ a₂'io₅ 'éi'₃ quió'₅ Jme₂dsi₂ ma₂cuë₅ jmi₄ a₂chan₂ jniá₂ tē₂le₃ quian'₅₄ Cristo Jesús, ia₁ ma₂ca₂líó₂ jniá₂ ne₄ 'éi'₃ quió'₅ dso₄, quió'₅ 'mú₃ né₃. ³ Ia₁ ma₂ca₂jmo₃ Diú₄ a₂tsá₃ ca₂qui'₅₄ jmi₄ Si₂ 'Éi'₃ jmo₃ ia₁ ca₂'uán₂ bá₄ 'Éi'₃ 'uig₅₄ dsáú₁ dsa₂ ni₁ñi₅: ca₂chein₃ ja₁ñi'₅₄ 'ñiog₅ o₄quió'₄ dsáú₁ dsa₂; ca₂jmo₃ a₂lín₅ 'éi₂ dsa₂ chi₁dsáin₃ lia'₂ lín₅ dsa₂ mi₂güig₃ i₂'no₅ dso₄, jaun₂ le₂në₅ bá₄ ca₂'é₂ uig₅ ne₄ dso₄, ia₁ a₂lín₅ dsa₂ chi₁dsáin₃. ⁴ Le₂në₅ ca₂jmo₃ ia₁ jaun₂ le₃ti₃ 'Éi'₃ a₂con₂ 'í₁ con'₂ dsi₂ten₅₄, ja₁con₂ jniog₄, i₂i₂nio₄, on₃jua'₅₄ lia'₂ con'₂ lé₅ jio₅ ni₁ñi₁₂, i₂i₂nio₄ lia'₂ con'₂ lé₅ jio₅ Jme₂dsi₂ bá₄.

⁵ Ia₁ dsa₂ i₂chan₂ lia'₂ con'₂ lé₅ jio₅ ni₁ñi₁ qui₂dsi₂jio₅ dsí₅ jui₅ quió'₅ ni₁ñi₅, la₁ jui₁lia'₂ dsa₂ i₂ma₂chan₂ lia'₂ con'₂ lé₅ jio₅ Jme₂dsi₂ quián₅ Diú₄, qui₂dsi₂jio₅ dsí₅ a₂quió'₅ jme₂dsi₂ bá₄. ⁶ Ia₁ jui₁lia'₂ a₂qui₂dsi₂jio₅ dsí₅ dsa₂ jui₅ quió'₅ ni₁ñi₅, a₂lé₅ 'mú₃ bá₄ jaun₂; la₁ jui₁lia'₂ a₂qui₂dsi₂jio₅ dsí₅ dsa₂ le₃quió'₅ Jme₂dsi₂ quián₅ Diú₄, a₂jaun₂ bá₄ jmo₅ a₂le₃chan₂ dsa₂ dse₃, a₂'ag₃ tei₄ dsí₅ dsa₂ né₃. ⁷ Ia₁ jui₁lia'₂ i₂qui₂dsi₂jio₅ dsí₅ jui₅ quió'₅ ni₁ñi₅, i₂'ñia₅₄ Diú₄ bá₄ i₂le₂'éi₂, ia₁ tsá₃ 'nio₃, on₃ gué'₂ lé₂ jme₃ti₃ 'Éi'₃ quió'₅ Diú₄. ⁸ 'Uig₅₄ jaun₂ bá₄, jui₁lia'₂ i₂i₂nio₄ lia'₂ con'₂ jio₅ ni₁ñi₁₂, tsá₃ lé₂ le₃jmo₃ a₂tē₅ dsí₅ Diú₄.

⁹ La₁ jui₁lia'₂ 'nia'₂ né₃, tsá₃ ma₃i₂nio'₅₄ 'nia'₂ lia'₂ con'₂ jio₅ ni₁ñi₅, ia₁ ma₂quian'₅₄ bá₄ 'nia'₂ Jme₂dsi₂, nē₁jua'₂ guá₅ Jme₂dsi₂ quián₅ Diú₄ tē₂'au'₂ 'nia'₂. Ia₁ jui₁lia'₂ dsa₂ i₂tsá₃ 'en₅₄ Jme₂dsi₂ quián₅ Cristo tē₂dsí₅, tsá₃ lín₅ i₂quián₅ 'éi₂. ¹⁰ La₁ nē₁jua'₂ 'en₅₄ Cristo

* ^{8:1} A₂lín₅₄ chog₅₄ si₂ a₂ca₂lë₃ cang₂ gué₄, juá'₂ le₂la₂ já₃: “i₂i₂nio₄, on₃jua'₅₄ lia'₂ con'₂ lé₅ jio₅ ni₁ñi₁₂, i₂i₂nio₄ lia'₂ con'₂ lé₅ jio₅ Jme₂dsi₂ bá₄.”

të₂'au'₂ 'nia'₂, jaun₂ chan₂ bá₄ jme₂dsí₂ quián'₂ 'nia'₂ 'uig₅₄ ia₁ a₂ma₂jín₂ Diú₄ 'nia'₂ në₂jag₄ bá₄ a₂ma₂jme₂tí'₂ 'nia'₂, o₁jñia'₅₄ 'io₅ 'mú₃ ni₁ñi'₁ 'nia'₂ o₄quió'₄ dso₄. ¹¹ Chi₂jua'₂ chan₂ ja₁con'₂ 'nia'₂ Jme₂dsí₂ quián₅ i₂ca₂jme₂jen'₅₄ Cristo Jesús ne₄ 'mú₃, 'ñiog₅ bá₄ 'éi₂ cuë₃ jme₂dsí₂ 'mí₂ ne₄ ni₁ñi'₁ 'nia'₂ a₂ca₂tín₂ 'mú₃, të₂le₃ quian'₅₄ Jme₂dsí₂ quián₅ Diú₄ i₂guá₅ të₂'au'₂ 'nia'₂.

¹² Le₂në₅ bá₄ jaun₂, 'nia'₂ rin'₅₄ jniog₄, cha₂ a₂ca₂tág₂ jniog₄ jmó₁, la₁ on₃jua'₅₄ rë'₂ ne₄ ni₁ñi'₅ jua'₅₄ a₂'nió'₅ le₃chong₂ jniog₄ 'io₄ táng₃ lia'₂ con'₂ lé₅ mi₅ ni₁ñi'₁. ¹³ Ia₁ në₁jua'₂ chan'₂ 'nia'₂ lia'₂ con'₂ mi₅ ni₁ñi'₁, dsián'₃ bá₄ 'nia'₂; la₁ në₁jua'₂ të₂le₃ quian'₅₄ Jme₂dsí₂, jñi'₅ 'nia'₂ a₂jmo₅ ni₁ñi'₁, jaun₂ le₃chan'₂ bá₄ 'nia'₂.

¹⁴ Ia₁ ca₂le₃jín₃ dsa₂ i₂i₂nio₄ lia'₂ con'₂ lé₅ jiog₅ Jme₂dsí₂ quián₅ Diú₄, lín₅ chi'₂-guein₂ quián₅ Diú₄. ¹⁵ Ia₁ Jme₂dsí₂ i₂ma₂guen'₅₄ 'nia'₂ on₃jua'₅₄ i₂lín₅ jme₂dsí₂ i₂qui₃'nei'₂ táng₃ jua'₅₄ a₂jmo₃ a₂le₃gan'₃ táng₃ 'nia'₂. Jme₂dsí₂ 'éi₂ bá₄ i₂ma₂guen'₅₄ 'nia'₂ i₂jmo₃ a₂lén'₂ 'nia'₂ chi'₂-guein₂ quián₅ Diú₄. Jme₂jua'₂ jniog₄ të₂le₃ quian'₅₄ 'éi₂: “¡Abba!† ¡Tia₅₄ quiáng₃!” ¹⁶ jaun₂ 'ñiog₅ bá₄ Jme₂dsí₂ në₅ jme₂quiain'₅₄ jme₂dsí₂ quián₂ jniog₄, jáng₅ jág₁ dsau₅ juá'₂ a₂ma₂lág₅ jniog₄ chi'₂-guein₂ quián₅ Diú₄. ¹⁷ Jaun₂ chi₂jua'₂ lág₅ jniog₄ ja₁ñi'₅₄, ján₃ bá₄ ca₂tág₂ jniog₄ guéi₁ a₂dse₃ a₂ma₂lé₅ jág₁ cuë₃ Diú₄ a₂cué'₃ chi'₂-guein₂ quián₅; guéi₁ jniog₄ a₂në₅ co₂lë₅ quian'₅₄ Cristo, chi₂jua'₂ quein'₅₄ jniog₄ quian'₅₄ jmi₁uig₅ quió'₅ ia₁jaun₂ quein'₅₄ jniog₄ cang₂ jë₄ co₂tág₅ co₂'né'₅ quió'₅.

¹⁸ Ia₁ lín₂ jniá₂ on₃jua'₅₄ cha₂ 'e₂ uig₅ a₂ñag₄ jniog₄ rë₂në₃ on₃jua'₅₄ a₂quin₃ quian'₅₄ a₂co₂tág₅ co₂'né'₅ a₂jiá₃ a₂le₃jniá₂ ja₁con₂ jniog₄. ¹⁹ Ia₁ ma₂chi₁jñia₅ chi₁quian'₅₄ jmi₄ ca₂le₃jé₃ a₂ca₂jmo₃ Diú₄, a₂'ín₅ dsí₅ jmi₄ jë₁ma₂të₂ rë₁le₃jniá₂ chi'₂-guein₂ quián₅ Diú₄.

²⁰ Ia₁ ca₂le₃jé₃ a₂ca₂jmo₃ Diú₄ né₃ ma₂qui₂le₁'ñei'₅₄ ne₄ jui₅ ja₁tsá₃ ta₁ tí₄, on₃jua'₅₄ ia₁ a₂ca₂rë₃'ñió₃ dsí₅ guoin₅₄, ia₁ le₂jaun₂ 'éi'₃ ca₂jmo₃ Diú₄ 'ñiog₅ bá₄. A₂'ín₂ dsí₅ ca₂le₃jé₃ a₂në₅, ²¹ jmi₄ a₂lió₂ Diú₄ a₂qui₂chi₁'ñei'₅₄ ne₄ jui₅ a₂siá'₃ quió'₅, ia₁jaun₂ jme₃quiain'₅₄ chi'₂-guein₂ quián₅ Diú₄ jë₄ co₂tág₅ co₂'né'₅ jui₁lia'₂ i₂ma₂qui₂ca₂lón₂. ²² Ia₁ ne₄ bá₄ jniog₄, ca₂lia'₂ jñi₄ jmi₄ né₃, ca₂le₃jé₃ a₂ca₂jmo₃ Diú₄, qui₂'ñióg₂ qui₂'ñia₂₃ co₂lë₅ chain₂ uig₅. ²³ On₃jua'₅₄ jmá'₃ a₂jaun₂; ján₃ bá₄ le₂jaun₂ jniog₄ né₃, i₂'io₅ a₂le₂'uig₅₄ a₂ca₂ráu₃ quió'₅ Jme₂dsí₂, qui₂'ñióg₅ qui₂'ñia₂ të₂dsí₅ jniog₄ të₁lia'₂ chi₁jñia₁ a₂'ín₅ dsí₅ jmi₄ jaun₂, a₂jme₃jñia₅ a₂lág₅ jniog₄ chi'₂-guein₂ quián₅ Diú₄, jmi₄ a₂lióin₂ ni₁ñi'₁ jniog₄ la₂. ²⁴ Ia₁ të₂le₃ quian'₅₄ jmi₄ a₂'ín₂ dsí₅ jniog₄ në₅ bá₄ ca₂lió₂; la₁ në₁jua'₂ ma₂jág₅ dsa₂ a₂'ín₂ dsí₅, on₃jua'₅₄ ma₃le₃'ín₂ dsí₅ dsa₂ jui₁lia'₂ a₂ma₂jág₅, tsá₃ ma₃tion₅₄ 'nió'₅ 'ín₂ dsí₅. ²⁵ La₁ në₁jua'₂ 'ín₂ dsí₅ jniog₄ caun₂ a₂tsá₃ ma₂ne₅₄, juin'₂ bá₄ dsí₅ jñia₄ a₂'ín₂ dsí₅.

²⁶ Ján₃ bá₄ le₂në₅ jme₂'o₅₄ Jme₂dsí₂ quián₅ Diú₄ a₂'uan₅₄ dsí₅ jniog₄. Ia₁ tsá₃ tag₂ chi₂len'₄ Diú₄ 'a₂ con'₂ dsi₂ten₅₄, la₁ 'ñiog₅ bá₄ Jme₂dsí₂ Jñió₅ né₃ mi₂₃ ne₄ Diú₄ o₄quián₂ jniog₄, ca₂le₃jé₃ qui₂'ñióg₂ qui₂'ñia₃ on₃jua'₅₄ a₂lë₂ le₃'ñióg₃ jniog₄ quian'₅₄ jág₁. ²⁷ La₁ Diú₄ né₃ i₂të₂li₅ të₂dsí₅ dsa₂ mi₂güig₃, 'éi₂ bá₄ ñi₅ 'e₂ 'nio₃ Jme₂dsí₂ 'éi₂ juá'₂; ia₁ mi₅ Jme₂dsí₂ Jñió₅ lia'₂ con'₂ lé₅ 'ñio₂ dsí₅ Diú₄, o₄quió'₄ dsa₂ jñi₄ quián₅.

Të₂le₃ ñag₅₄ gué₄ léi₂ jniog₄

²⁸ Ne₄ bá₄ jniog₄, Diú₄ bá₄ i₂jmo₅ ne₄ ca₂le₃jé₃, a₂dse₃ quió'₅ dsa₂ i₂'nio₃ Diú₄, quió'₅ dsa₂ i₂ma₂të'₃ Diú₄ lia'₂ con'₂ lé₅ ma₂i₂jio₅ dsí₅ jmo₃. ²⁹ Ia₁ i₂ma₂cui₅ Diú₄ ca₂le₂jñiá₅, ján₃ bá₄ ca₂chei'₃ ca₂'iin₃ 'éi₂ a₂lén₂ jui₁lia'₂ lín₅ Ja₁ñi'₅₄, ia₁jaun₂ lén₂ Ja₁ñi'₅₄ i₂le₂ne₁ jë₄ quió'₅ riin'₅₄ i₂juin₅. ³⁰ Dsa₂ i₂con'₂ ma₂ca₂chen'₃ Diú₄ lia'₂ ca₂le₂jñiá₅, ca₂të'₃ 'éi₂ ján₃; dsa₂ i₂con'₂ ca₂të'₃ 'éi₂ né₃, ján₃ bá₄ ca₂jág₂ në₂jag₄ a₂tsá₃ 'e₂ dso₄ riin₂; dsa₂ i₂con'₂ ca₂jág₂ Diú₄ a₂tsá₃ 'e₂ dso₄ riin₂ né₃, ján₃ bá₄ ca₂jme₃jláin'₁.

³¹ ¿'E₂ le₃jua'₅₄ jniog₄ né₃, quian'₅₄ a₂në₅? Chi₂jua'₂ chén'₅ Diú₄ ne₄ jág₁ quián₂ jniog₄, ¿'ein₂ bá₄ qui'₅₄ jmi₄ jmóg'₂ jniog₄? ³² Tsá₃ ca₂jmo₃ Diú₄ jua'₅₄ tsá₃ jme₁cui₂₃ Ja₁ñi'₅₄

† 8:15 Abba: co₂'nió'₄ le₃jua'₅₄: “Tia₅₄” quian'₅₄ jág₁ jmei₅ arameo.

'njog₅, tē₂le₃ ca₂jáng'₂ bá₄, ca₂ŋó₃ 'éi₂ ne₄ 'mú₃ o₄quián₂ jniog₄; ¿'a₂ bá₄ lia'₂ jua'₅₄ a₂tsá₃ cuē₃ jniog₄ ján₃ co₂dsia₅ quian'₅₄ 'éi₂ ca₂le₃jé₃? ³³ ¿'Ein₂ bá₄ lé₂ le₃'ni₃ dsa₂ i₂ma₂quión'₂ Diú₄? Ton'₂ 'njog₅ bá₄ Diú₄ juá'₂ a₂tsá₃ 'e₂ riin₂. ³⁴ ¿'Ein₂ i₂lé₂ le₃'é₂ uig₅? Ia₁ Cristo Jesús bá₄ i₂ca₂jon₃; tē₂le₃ lé₅ bá₄ gué₄, a₂ca₂jein'₅₄ táng₃, ton'₂ ma₂guá₅ le₃gu₂ ne₁ quió'₅ Diú₄, mi₂₃ o₄quián₂ jniog₄. ³⁵ ¿'Ein₂ bá₄ i₂lé₂ 'liog'₃ jniog₄ cau₅ ne₄ a₂'nio₃ Cristo? ¿O₃ bá₄ qui'₅₄ jmi₄ jui₁lia'₂ caun₂ jmi₁uig₅, o₃ jui₁lia'₂ caun₂ o₂i₁ dsi₅, o₃ jmi₄ jui₁lia'₂ a₂co₂'ein₅ dsa₂, o₃ jmi₄ jui₁lia'₂ jme₁'in₂ a₂que₅₄, o₃ ia₁ a₂tsá₃ cha₂ a₂qui'₅₄ 'e₂ jniog₄, o₃ 'e₂ caun₂ a₂gau₂ cha₂, o₃ a₂go₃ jniog₄ a₂jme₃dsiog₅ dsa₂ quian'₅₄ ŋi₁tág₂? ³⁶ Jui₁lia'₂ rē₂ton₅ ne₄ Si₂: O₄quián'₂ 'ne₂ bá₄ guei₂ jnia'₅₄ 'mú₃ co₂tan₅₄.

Jmo₅ dsa₂ dsí₅ a₂lág₅ jnia'₅₄
 nē₂jag₄ bá₄ já'₂ cha'₂
 i₂ma₂le₁te₂ dsa₂ a₂jme₃dsiog₂₃.†

³⁷ La₁ jē₄ ca₂le₃jé₃ a₂nē₅, tson₂ gué₄ léi₂ tián₂ jniog₄ tē₂le₃ quian'₅₄ 'éi₂ i₂ma₂ca₂rē₃'nio₃ quián₂ jniog₄. ³⁸ Ia₁ caun₂ bá₄ 'ei₅ dsi₃, 'i₁caun₂ tsá₃ 'e₂ lé₂ le₃'liog'₃ cau₅ ne₄ a₂'nio₃ Diú₄ jniog₄. Tsá₃ qui'₅₄ jmi₄ 'mú₃, on₃ guē'₂ a₂chong₂, on₃ guē'₂ ángeles, on₃ guē'₂ dsi₂tan₅₄ quián₅ jme₂dsí₂, on₃ guē'₂ a₂cha₂ rē₂né₃, on₃ guē'₂ a₂cha₂ jmi₄ ne₄ jui₅ né₃, on₃ gué₄ jui₅bí₂, ³⁹ on₃ guē'₂ i₂tion'₅₄ ja₁ŋei₅ lín₃, on₃ guē'₂ i₂tion'₅₄ ja₁'uin₃ lín₃, on₃ guē'₂ jui₁'e₂ gué₃ a₂siá'₂ a₂ca₂jmo₃ Diú₄, jua'₅₄ le₃qui'₅₄ jmi₄ jmo₃ jua'₅₄ a₂tsá₃ ma₃jme₃'nio₃ Diú₄ jniog₄, tē₂le₃ quian'₅₄ Cristo Jesús Te₁gui'₅₄ quián₂ jniog₄.

9

Ma₂quión'₂ Diú₄ dsa₂ juig₂ Israel

¹ Jág₁ tí₅ dsón'₂ bá₄ juá'₅ jniá₂ le₃quió'₅ Cristo la₂, tsá₃ jme₂gau₅₄ jniá₂; tē₂dsi₃ jniá₂ jniog₅ jme₂dsí₂ Jnió₅ juá'₂ tság₅ jniá₂ a₂dsón'₂ bá₄ dsau₅; ² 'njio₅ lín₃ chang₂ go₂'i₃ qui'₂ dsi₃ co₂tan₅₄, ³ ia₁ ca₂tē₂ 'njio₃ jniá₂ jme₁'nio₃ jua'₅₄ dsi₃'éng₁, rē₂'na₄ jág₁ ja₁con₂ Cristo jua'₅₄ mei'₂ gué₃ le₂jaun₂, o₄quió'₄ ríng'₃ dsa₂ go₃ jniá₂ le₃quió'₅ ni₁ŋí₅. ⁴ 'Éi₂ bá₄ i₂lín₅ dsa₂ tsi₁jon₂ Israel; * 'éi₂ bá₄ i₂lín₅ dsa₂ i₂ca₂guéi'₂ Diú₄ a₂lín₅ chi'₂-guein₂ quián₅; 'éi₂ bá₄ i₂ca₂tē₂ ne₄ a₂tág₅ co₂'né₅ quió'₅ Diú₄; 'éi₂ bá₄ i₂ca₂lí'₃ jág₁ quian'₅₄ Diú₄; 'éi₂ bá₄ i₂ca₂gue₃ Si₂ 'Éi'₃ ca₂cuē₃ Diú₄; 'éi₂ bá₄ i₂ca₂tín₂ jme₃ti₃ a₂qui₂jén'₃ ne₄ Diú₄; 'éi₂ bá₄ i₂ca₂cuē₃ Diú₄ jág₁ quió'₅ né₃. ⁵ 'Éi₂ bá₄ i₂lín₅ tsi₁jon₂ dsa₂ can'₅₄ quián₂ jnia'₅₄ ma₂líg'₂. Jaun₂ tē₂le₃ quian'₅₄ tsi₁jon₂ 'éi₂ né₃, ca₂guan₃ i₂rē₂'ín₁ quián₅ Diú₄ chi₁dsáin₃, i₂lín₅ Diú₄ ne₄ quió'₅ ca₂le₃jé₃, i₂jme₃juin'₂ dsa₂ co₂tan₅₄, a₂méi₃.

⁶ On₃jua'₅₄ rē'₂ a₂tsá₃ ca₂rē₃ti₃ jág₁ a₂rē₂cué₄ quió'₅ Diú₄, ia₁ tsá₃ ca₂le₃jín₃ dsa₂ tsi₁jon₂ Israel lín₅ tē₃dsón'₂ dsa₂ i₂tén₅ juig₂ Israel. ⁷ On₃ guē'₂ lín₅ ca₂le₃jín₃ dsa₂ tsi₁jon₂ Abraham tē₃dsón'₂ chi'₂-guein₂ quián₅ 'éi₂; ia₁ jme₁ca₂juá'₂ Diú₄ ca₂tsí'₃ Abraham: “Tē₂le₃ quian'₅₄ Isaac bá₄ ja₃lén₂ tsi₁jong'₂”.† ⁸ Jág₁ nē₅, jein₅ jág₁, on₃jua'₅₄ chi'₂ dsio₄ le₃quió'₅ ni₁ŋí₅ i₂lín₅ chi'₂-guein₂ quián₅ Diú₄; ton'₂ con'₂ i₂lín₅ guein₂ i₂ca₂rē₃chán₃ lia'₂ con'₂ lé₅ jág₁ quió'₅ Diú₄ a₂jme₁ma₂cuē₃, jmá'₃ i₂'éi₂ bá₄ i₂jín₂ Diú₄ i₂lín₅ tē₃dsón'₂ tsi₁jon₂ Abraham. ⁹ Ia₁ jág₁ quió'₅ Diú₄ a₂ca₂cuē₃' Abraham, a₂la₂ bá₄ jaun₂: “Jein₂ rē₂né₃ ŋi₂ caun₂, guio₅₄ jniá₂, jaun₂ le₃chan₂ jan₂ guein₂ quián₅ Sara.”‡ ¹⁰ On₃jua'₅₄ jmá'₃ a₂jaun₂. Qui₂ca₂can₃ Rebeca guein₂ quian'₅₄ jan₂ dsa₂ ŋe'₂ i₂lín₅ Isaac jmei₂ jnia'₅₄. ¹¹ La₁ tsá₃ jme₁ma₂ca₂rē₃chán₃ guein₂ quián₅ i₁Bé'₄, on₃ guē'₂ a₂'lig'₅₄ a₂dse₃ jme₁ma₂tín₂ jmo₃, jme₁ca₂jmo₃ Diú₄ jág₁, ia₁jaun₂ tē₃'ŋiá₄ a₂ca₂tín₂ Diú₄ qui₃quió'₂ lia'₂ con'₂ lé₅ niog₅ dsí₅; ¹² on₃jua'₅₄ 'uig₅₄ ia₁ a₂jme₂ti₃ dsa₂, tē₂le₃ 'uig₅₄ ia₁ a₂tē₂ Diú₄; ca₂juá'₂ Diú₄ ca₂tsí'₃ i₁Bé'₄: “I₂lín₅ i₂juin'₂ jme₃ti₃

† 8:36 Salmo 44:22. * 9:4 Israel: co₂'nió'₄ le₃jua'₅₄, Jacob. Génesis 35:10. † 9:7 Génesis 21:12.

‡ 9:9 Génesis 18:10,14.

ne₄ i₂me'₂.”§ 13 Jui₁lia'₂ chi₁ton₅ ne₄ Si₂: “Ca₂quio'₄ jniá₂ ca₂jme₁gu'₅₄ quió'₅ Jacob, lé₅ gué'₄ con'₂ gué'₄ Esaú.”*

14 ¿'E₂ bá₄ le₃jua'₅₄ né₃? ¿On₃ bá₄ tsá₃ rë₂ qui₂dsi₅ Diú₄ 'éi'₃? ¿Dson'₂ on₃jua'₅₄ le₂jaun₂!

15 Ia₁ ca₂tsí'₃ Moisés:

Dsia₅₄ jniá₂ ηéi₂ dsi₃

ja₁con₂ i₂'nio₃ jniá₂ dsia₅₄ ηéi₂ dsi₃ quiain'₅₄;

ján₃ bá₄ jmo₅₄ jniá₂ 'ua₁ dsi₃

ja₁con₂ i₂'nio₃ jniá₂ jmo₅₄ 'ua₁ dsi₃ quiain'₅₄.†

16 Le₂në₅ bá₄ jaun₂, on₃jua'₅₄ rë'₂ ia₁ 'nio₃ jan₂ dsa₂, o₃ a₂quín'₃ bí₂ 'e₂; ton'₂ ia₁ a₂ηéi₂ dsí₅

Diú₄ bá₄. 17 Ia₁ chi₁ton₅ ne₄ Si₂ 'a₂ lia'₂ ca₂juá'₂ Diú₄ ca₂tsí'₃ Faraón:‡ “Ta₁ jaun₂ tē₃dsón'₂

bá₄ ca₂tság'₂ jniá₂ a₂léng'₂ rag₅₄, ia₁jaun₂ jme₁jnia₅ jniá₂ jui₅bí₂ quió'₃ tē₂le₃ quian'₅₄ 'ne₂,

ia₁jaun₂ gué'₄ le₃ηi₅ dsa₂ ta₁caun₂ gua'₅₄ 'uë₃ 'a₂ lia'₂ lín₅ jniá₂.”§ 18 Jaun₂ lë₃, ca₂tín₂ Diú₄

dsia₃ ηéi₂ dsí₅ ja₁con₂ chi₂'ein₂ 'nio₃, ton'₂ ján₃ gué'₂ jme₃'ua'₂ dsí₅ chi₂'ein₂ 'nio₃ jme₃'ua'₂

dsí₅. 19 La₁ jaun₂, lé₂jua'₅₄ jui_g'₅₄ jniá₂: “Chi₂jua'₂ le₂në₅, ¿'e₂ lë₃ cué'₅ Diú₄ dso₄ dsa₂, jaun₂

né₃? Ia₁, ¿'ein₂ bá₄ qui'₅₄ jmig₄ jné₃ a₂niog₅ dsí₅ Diú₄ jmo₃?” 20 ¿La₁ 'ne₂ né₃! ¿I₂'ein₂ bá₄

lín'₅ 'ne₂ dsa₂ mi₂güig₃, jua'₅₄ a₂tsíng'₄ quian'₅₄ Diú₄? ¿O₃ bá₄ lé₂ le₃juá'₂ jui₁lia'₂ ni₁tí'₂

gua'₅₄, tsí'₃ i₂ca₂jmo₃: “¿'E₂ lë₃ ca₂jmog'₅₄ jniá₂ le₂la₂?”* 21 Jui₁lia'₂ jan₂ tē₅ i₂jmo₅ tí'₂:

¿Tsa₁ ca₂tín₂ 'ué'₃ quian'₅₄ ca₂bë'₅₄ ti₁jein₂ caun₂ ni₁tí'₂ a₂jmo'₂ dsa₂ ta₁ jmá'₃ lia'₂ a₂jlá'₁,

caun₂ gué'₂ a₂jmo'₂ dsa₂ ta₁ lia'₂ 'ei₅ ne₅₄ cosa?†

22 ¿'E₂ gué'₂ lé₂ le₃jua'₅₄ 'ne₂ chi₂jua'₂ 'nio₃ Diú₄ jme₃jnia₅ a₂'nei₂, jme₃jnia₅ jui₅bí₂ quió'₅

né₃, la₁ ca₂jmo₃ tíó'₃ ca₂jme₃juin'₃ dsí₅ 'ηio₅ lín₃ quiain'₅₄ dsa₂ i₂jme₁ca₂tín₂ gue₃ uig₅

i₂jme₁'i₄ 'éi'₃ dsi₃'én₂? 23 ¿'E₂ gué'₂ chi₂jua'₂ ca₂jmo₃ Diú₄ le₂jaun₂, ia₁jaun₂ qui₃le₃ηi₅

dsa₂ a₂jlán'₁ a₂'uain'₂, a₂jme₂jnia₂₃ a₂ηéi₂ dsí₅ ja₁con₂ dsa₂ i₂ca₂jmoí'₂ co₂ηia₅₄ tē₃ηiá₅,

ia₁jaun₂ tñ₅₄ jë₂tág₅ co₂'né'₅ quió'₅? 24 Jniog₄ bá₄ 'éi₂ i₂ca₂té'₃ Diú₄, on₃jua'₅₄ jmá'₃ jë₄

quió'₅ dsa₂ judíos; ján₃ bá₄ ca₂té'₃ dsa₂ jë₄ quió'₅ dsi₂nau₂. 25 Jui₁lia'₂ juá'₂ ne₄ si₂ quió'₅

Oseas:

Dsa₂ i₂tsá₃ jme₁lín₄ dsa₂ jui_g₂ quiáng₃,

ca₂té₃ dsa₂ jui_g₂ quiáng₃;

ján₃ gué'₂ co₂'nió'₄ 'io₅₄ i₂tsá₃ jme₁'nióg₃,

ca₂té₃ bá₄ jniá₂ a₂niói₃ gué'₄ lín₃.‡

26 Ján₃ bá₄ juá'₂:

Co₂dsau₅ jaun₂ ja₁jme₁juá'₂ dsa₂

a₂tsá₃ lín'₅ 'nia'₂ dsa₂ quiáng₃,

ja₁jaun₂ nág'₁ 'nia'₂ a₂té₂ dsa₂

a₂lín_g'₅ chi₂'guein₂ quián₅ Diú₄ jén'₃.§

27 La₁ tē₂le₃ quió'₅ dsa₂ israelitas né₃, ca₂juá'₂ Isaías a₂dsen₅₄ dsí₅: “Jui₁'a₂ gué'₃ la₂ juin₅

lín₃ tsi₁jon₂ dsa₂ jui_g₂ Israel téin₅ jui₁lia'₂ tí₅ ti₁tsag₁ cha₂ chei'₅₄ jmi₁ηí'₄, la₁ me'₂ co₂ηí₂ bá₄

dsa₂ i₂juin₅ 'éi₂ tñ'₄. 28 Ia₁ qui₃dsi₅ bá₄ Diú₄ 'éi'₃ ne₄ gua'₅₄ 'uë₃, jme₃ti₃ ca₂le₃jé₃ co₂ηei'₅₄.”*

29 Jui₁lia'₂ ca₂juá'₂ 'ηiog₅ Isaías le₂ηiá₅:

Jua'₅₄ mei'₂ gué'₃ Te₁gui'₅₄ Jui_g₅₄ 'Lióg₂

tsá₃ ca₂dsiain₃ tsi₁jon₂ dsa₂ go₂ jniog₄,

le₂jaun₂ bá₄ jme₁dsi₁ηág₂ jniog₄

jui₁lia'₂ ca₂i₃ηí₂ dsa₂ jui_g₂ Sodoma quian'₅₄ Gomorra.†

§ 9:12 Génesis 25:23. * 9:13 Malaquías 1:2-3; lit. “Ca₂jme₁'nió₄ jniá₂ Jacob, Esaú gué'₂

ca₂jme₁'ηiai₅₄.” † 9:15 Éxodo 33:19. ‡ 9:17 Faraón: co₂'nió'₄ le₃jua'₅₄, rag₅₄ quián₅ 'uë₃ Egipto.

§ 9:17 Éxodo 9:16. * 9:20 Isaías 29:16; 45:9. † 9:21 'Nio'₂ ja₁ton₅ 2 Timoteo 2:20. ‡ 9:25 Oseas 2:23.

§ 9:26 Oseas 1:10. * 9:28 Isaías 10:22-23. † 9:29 Isaías 1:9.

*Dsa*₂ judíos quian'₅₄ jág₁ dse₃

³⁰ ¿'E₂ le₃jua'₅₄ jniog₄ jaun₂ né₃? Jui₁lia'₂ dsi₂nau₂ i₂tsá₃ jme₁'no'₂ jui₅ ja₁guei₃ Diú₄ nē₂jag₄ bá₄ a₂tsá₃ 'e₂ dso₄ riin₂, 'éi₂ bá₄ ma₂lí'₂ jui₅ jaun₂, caun₂ jui₅ ja₁guéi'₂ Diú₄ nē₂jag₄ bá₄ a₂ca₂jme₃ti₃, tē₂le₃ a₂jñia'₅₄ con'₂ a₂'éin₂ bá₄. ³¹ La₁ dsa₂ juig₂ Israel guē'₂ né₃, i₂jme₁tion'₅₄ 'Éi'₃ ia₁jaun₂ jme₁guéi'₂ Diú₄ 'uig₅₄ ia₁ a₂jme₂ti₃, lín₂, tsá₃ ca₂tió'₃ jme₃ti₃ 'Éi'₃ jaun₂. ³² ¿'E₂ lē₃? Ia₁ jme₁'no'₂ jui₅ ja₁guéi'₂ Diú₄ jaun₂, on₃jua'₅₄ tē₂le₃ quian'₅₄ a₂'éin₂, tē₂le₃ quian'₅₄ a₂jme₁jmo₂₃ guioin₅₄ bá₄. 'Uig₅₄ jaun₂ qui₂ca₂nió₃ bá₄ quian'₅₄ “Ni₁cang₁ a₂nió₅ dsa₂.” ³³ Jui₁lia'₂ rē₂ton₅ ne₄ Si₂:

ñí₂ de'₂ 'nia'₂, tsin₅₄ jniá₂ jan₂ jē₄ juig₂ Sió_n

i₂lén₂ nē₂jag₄ ni₁cang₁ a₂qui₂nió₅ dsa₂,

ján₃ guē'₂ co₂'nió'₄ ni₁'lau₂

a₂jmo₃ dsi₂gan'₅₄ dsa₂;

jaun₂ jui₁lia'₂ i₂'én₂ le₃quió'₅ 'éi₂,

tsá₃ dsi₁ñí₂ o₂guí'₃. †

10

¹ Rin'₅₄ jniog₄, a₂'ín₅ dsi₃ 'ñio₅ lín₃, a₂chi₂leng'₅₄ Diú₄ o₄quió'₄ dsa₂ israelitas, ia₁jaun₂ tíin'₄ bá₄. ² Ia₁ jáng'₅ bá₄ jniá₂ jág₁ dsau₅ ja₁coin₂, a₂dsen₅₄ dsí₅ le₃quió'₅ Diú₄, la₁ia₁ on₃jua'₅₄ jaun₂ ñí'₂ dsí₅. ³ 'Uig₅₄ ia₁ a₂tsá₃ ca₂tón'₃ jui₅ 'a₂ lia'₂ lē₅ jaun₂ a₂guéi'₂ Diú₄, jaun₂ qui₂'no'₂ jui₅ quió'₅ guioin₅₄ bá₄, tsá₃ ca₂jme₃gó'₃ jui₅ a₂ca₂cuē₃ Diú₄. ⁴ Ia₁ ca₂jme₃'ñia₅ I₂rē₂'ín₁ quián₅ Diú₄ 'Éi'₃, ia₁jaun₂ guéi'₂ Diú₄ chi₂jua'₂ 'ein₂ i₂'én₂, nē₂jag₄ bá₄ a₂ma₂can₃ caun₂ jui₅ co₂dsau₅.

⁵ Ia₁ jui₁lia'₂ a₂guéi'₂ Diú₄ quió'₅ dsa₂ ia₁ a₂ca₂jme₃ti₃ 'Éi'₃, juá'₂ Moisés ne₄ Si₂: “Nē₁jua'₂ ca₂can₃ dsa₂ caun₂ jui₅ co₂dsau₅ lia'₂ con'₂ lē₅ chi₂quióng₂ jmig₄ Si₂ 'Éi'₃, tē₂le₃ quian'₅₄ 'Éi'₃ jaun₂ le₃chain₂.”* ⁶ La₁ jui₁lia'₂ jui₅ co₂dsau₅ a₂jás 'uig₅₄ ia₁ a₂'én₂ dsa₂, juá'₂ Si₂ le₂la₂: “Tsá₃ jua'₅₄ 'ne₂ tē₂le₃ jui₅ 'au'₂: ¿'Ein₂ bá₄ lē₂ le₃uíg₂ guei'₅₄ i₂juíg₃?† —co₂'nió'₄ le₃jua'₅₄, ia₁jaun₂ sióin₂ I₂rē₂'ín₁ quián₅ Diú₄ ja₁con₂ jniog₄—; ⁷ on₃ guē'₂ jua'₅₄ 'ne₂ ján₃: “¿'Ein₂ bá₄ lē₂ le₃sióin₃ ca₂tē₂ ja₁ca₂jein₃ chi₁dsio₅₄?”‡ —co₂'nió'₄ le₃jua'₅₄, ia₁jaun₂ chíin'₂ táng₃ I₂rē₂'ín₁ quián₅ Diú₄, jín₄ 'lag₄. ⁸ ¿La₁ 'e₂ bá₄ guē'₂ juá'₂ Si₂?

Cong'₂ bá₄ 'nia'₂ 'ei₅ jág₁ la₂,

'i₄ mi₂'o'₅₄, quian'₅₄ jui₅ tē₂'au'₂, §

co₂'nió'₄ le₃jua'₅₄, jág₁ nē₅ bá₄ lē₅ jág₁ a₂'én₂ dsa₂ a₂qui₂'é₅ jnia'₅₄ dsa₂: ⁹ Chi₂jua'₂ jmo'₂ jág₁ quian'₅₄ mi₂'o'₅₄ a₂lín₅ Jesús Te₁gui'₅₄, ján₃ guē'₂ chi₂jua'₂ 'éng'₂ jui₅ tē₂'au'₂ a₂ca₂jme₃jein'₅₄ táng₃ Diú₄ a₂jme₁rē₂'lín₅₄, tíng'₄ bá₄. ¹⁰ Ia₁ tē₂le₃ jui₅ tē₂dsí₅ bá₄ dsa₂ rē₂'éin₂, ia₁jaun₂ guéi'₂ Diú₄ nē₂jag₄ bá₄ a₂ca₂jme₃ti₃; ján₃ guē'₂ le₂jaun₂ tē₂le₃ quian'₅₄ 'o₄ dsa₂ jmo₂₃ jág₁ ia₁jaun₂ tíin'₄ bá₄.

¹¹ Ne₄ Si₂ juá'₂: “Jui₁lia'₂ i₂'én₂ le₃quió'₅ 'éi₂, tsá₃ dsi₃ñí₂ o₂guí'₃.”* ¹² Tsá₃ jma₃quén₅ jág₂ Diú₄ jín₂ dsa₂ judíos quian'₅₄ guē'₂ dsa₂ griegos; ia₁ 'ñiog₅ bá₄ 'éi₂ lín₅ Te₁gui'₅₄ quián₅ ca₂le₃jín₃, ján₃ guē'₂ jme₂gu'₅₄ cuē₂₃ ca₂lia'₂ 'lióng₂ a₂dse₃ quió'₅, cué'₅ ca₂le₃jín₃ i₂chi₂léi'₂. ¹³ Ia₁ juá'₂ le₂la₂: “Ca₂le₃jín₃ i₂chi₂lí'₂ ne₄ Te₁gui'₅₄, tíin'₄ bá₄.”† ¹⁴ La₁, ¿'A₂ bá₄ lia'₂ lē₂ chi₃lí'₂ ne₄ jan₂ i₂tsá₃ ma₂ca₂rē₃'éin₂ le₃quió'₅? Ján₃ guē'₂, ¿'a₂ bá₄ lia'₂ le₃'én₂ dsa₂ le₃quió'₅ nē₁jua'₂ tsá₃ ma₂nág₂ guē'₂ 'ag₅ dsa₂ 'iin₂₃ 'éi₂? ¿'A₂ guē'₂ lia'₂ lē₂ nag₃ dsa₂ nē₁jua'₂ tsá₃ 'ein₂ chan₂ i₂'é₂ jág₁ dse₃? ¹⁵ ¿'A₂ bá₄ lia'₂ lē₂ dsi₁lén₂ i₂'é₂ jág₁ dse₃ nē₁jua'₂ tsá₃ 'ein₂ chei₅? Jui₁lia'₂ ma₂rē₂ton₅ ne₄ Si₂: “'E₂ gué'₄ jlá'₁ gu₂-tag₄ i₂quian₅ jág₁ dse₃!”‡

† 9:33 Isaías 8:14; 28:16. * 10:5 Levítico 18:5. † 10:6 Deuteronomio 30:12. ‡ 10:7 Deuteronomio 30:13.
§ 10:8 Deuteronomio 30:14. * 10:11 Isaías 28:16. † 10:13 Joel 2:32. ‡ 10:15 Isaías 52:7.

¹⁶ La₁ tsá₃ ca₂le₃jín₃ dsa₂ ca₂tón'₃ jui₅ jág₁ dse₃. Jui₁lia'₂ ca₂juá'₂ táng₃ Isaías: “¿Te₁gui'₅₄ 'ein₂ bá₄ i₂ma₂ca₂rë₃'én₂ jág₁ a₂ca₂'é₂ jniog₄?”[§] ¹⁷ Le₂në₅ bá₄ jaun₂, jui₁lia'₂ a₂'én₂ dsa₂, lé₅ të₂le₃ quian'₅₄ a₂nag₅ dsa₂; a₂nag₅ dsa₂ jaun₂, lé₅ të₂le₃ quian'₅₄ jág₁ quió'₅ I₂rë₂'ín₁ quián₅ Diú₄.

¹⁸ La₁ ñag₄ jniá₂, ¿O₃ bá₄ tsá₃ ca₂nág₂ dsa₂ jág₁ dse₃? ¡Ma₁ të₃dsón'₂ bá₄ ca₂nág₂! Ia₁ juá'₂ Si₂:

Ta₁caun₂ gua'₅₄ 'uë₃ bá₄ ca₂dsia₃ dsa₂;

ca₂le₂con₂ quióng₄ mi₂güüg₃ bá₄

ma₂ca₂i₃'ág₃ jág₁ quió'₅.*

¹⁹ La₁ ñag₄ táng₃ jniá₂, ¿O₃ bá₄ a₂tsá₃ ma₂ca₂rë₃lí'₄ 'e₂ dsa₂ juig₂ Israel? Ia₁ jë₁le₂'uig₅₄, juá'₂ Moisés:

Jmo₅₄ jniá₂ a₂lén'₂ 'nia'₂ dsa₂ i₂dsí'₅

ja₁con₂ dsa₂ i₂tsá₃ juig₂ nación lín₅;

ján₃ bá₄ jmo₅₄ jniá₂ le₃'ne'₂ 'nia'₂

o₄quió'₄ caun₂ juig₂ i₂tsá₃ ñí'₂ dsí'₅.†

²⁰ Con'₂ siá'₂, tiá₂ dsí'₅ Isaías a₂juá'₂, o₄quió'₄ Diú₄:

Dsa₂ i₂tsá₃ jme₁'nau'₂ jniá₂,

ca₂dsáu'₂ bá₄;

ca₂jme₁jnia₅ jniá₂

ja₁con₂ dsa₂ i₂tsá₃ jme₁ñag₅ jniá₂.‡

²¹ La₁ia₁ dsa₂ israelitas bá₄ jme₁tsí'₅ Isaías, jme₁ca₂juá'₂: “Të₁ne₁ jmig₄ bá₄ jme₁chén'₄ jniá₂ chi₁jan₁₂ cu₃ ja₁con₂ juig₂ cang₄ mi₂dsi₄ i₂tsá₃ ne'₅₄.”[§]

11

Dsa₂ Israel i₂tín'₄

¹ Jaun₂ në₃ ñag₄ jniá₂, ¿O₃ bá₄ ma₂chen'₃ cau₅ Diú₄ dsa₂ juig₂ Israel quiáin₅? ¡On₃jua'₅₄ le₂jaun₂! Ia₁ 'ñi₃ bá₄ jniá₂ líng₅ jan₂ dsa₂ israelita, jan₂ chi'₂ dsio₄ Abraham, jan₂ tsi₁jon₂ Benjamín. ² Ca₂le₂ñiá₅ ma₂líg'₂ lín₃ bá₄ ca₂quión'₂ Diú₄ dsa₂ juig₂ quiáin₅; jaun₂ rë₂në₃ në₃ tsá₃ jua'₅₄ ma₂ca₂téi₂. ¿Tsa₁ ñi'₅₄ 'nia'₂ 'a₂ lia'₂ juá'₂ ne₄ Si₂ ja₁'iin₂₃ Elías, 'a₂ lia'₂ ca₂chi₃léin'₂ Diú₄ a₂ca₂'ñi₃ dsa₂ Israel? Ca₂juá'₂: ³ “Te₁gui'₅₄, ma₂ca₂jme₃dsian₅ bá₄ dsa₂, dsa₂ i₂jme₁'é₂ jág₁ quiáng'₂, ma₂qui₂ma₂'éin₂ ne₄chei₂ quiáng'₂ në₃; jñia'₅₄ lia'₂ jan₂ jniá₂ bá₄ chang₂ gué₄, qui₂co₂'ein₅ dsa₂, ján₃ gué'₂ 'nio₃ jñag'₃.”*

⁴ Jaun₂, ¿'E₂ jág₁ ca₂jéin'₃ Diú₄? “Ma₂ca₂tsón₃ jniá₂ guion₃ mei₅ dsa₂ të₂le₃ quió'₃ i₂tsá₃ ma₂qui₂ca₂jón'₂ mi₂jne₄ ne₄ Ba'al.”† ⁵ Jaun₂ le₂në₅ bá₄ ján₃ rë₂tsón₂ ca₂dsion₄ dsa₂ 'éi₂ rë₂në₃, jaun₂ Diú₄ në₃ të₂le₃ ia₁ a₂'ua₁ dsí'₅ ma₂quióin'₂ 'éi₂. ⁶ Chi₂jua'₂ të₂le₃ ia₁ a₂'ua₁ dsí'₅ Diú₄, on₃jua'₅₄ jaun₂ ia₁ a₂jmo₅ dsa₂ 'e₂ jmo₂₃. Ia₁ jua'₅₄ mei'₂ gué₃ le₂në₅ në₃, tsá₃ le₃jua'₅₄ jua'₅₄ a₂'ua₁ dsí'₅ Diú₄. ⁷ ¿'E₂ jaun₂ në₃? Tsá₃ ca₂tió'₃ dsa₂ juig₂ Israel dsio'₂ a₂jme₁'no'₂, la₁ dsa₂ i₂ca₂quión'₂ Diú₄ 'ñiog₅ bá₄ ca₂dsáu'₂. I₂sián'₂ gué'₂ qui₂ca₂rë₃'uá'₃ dsí'₅, ⁸ jui₁lia'₂ juá'₂ ne₄ Si₂:

Ca₂jmo₃ Diú₄ a₂le₃tín₄ dsa₂ 'éi₂ le₃quió'₅ jme₂dsí₂;

ca₂cuë₃ mi₂ne₅₄ a₂tsá₃ jniá₂,

ca₂cuë₃ rë₂gua₅₄ a₂tsá₃ nag₅,

le₂ñi₃o₄ jmig₄ në₃.‡

⁹ Ján₃ bá₄ ca₂juá'₂ David:

Ca₂le₃jé₃ a₂i₂tsón₃ jme₁cha₂ quió'₅

jui₁le₅₄ co₂'nió'₄ tsi₁liá₂ o₃ 'má₅ 'e₂,

§ 10:16 Isaías 53:1. * 10:18 Salmo 19:4. † 10:19 Deuteronomio 32:21. ‡ 10:20 Isaías 65:1. § 10:21 Isaías 65:2. * 11:3 1 Reyes 19:10,14. † 11:4 1 Reyes 19:18. ‡ 11:8 Deuteronomio 29:4; Isaías 19:10.

ia₁jaun₂ qui₃nió₃, gue₃ 'liain'₅₄.
¹⁰ Jui₁le₅₄ tsá₃ jnió'₅ mi₂ne₅₄
 jui₁guen'₅₄ mi₂ca'₅₄ co₂nei'₅₄.§

Dsi₂nau₂ i₂tín'₄

¹¹ ŋag₅ jniá₂ né₃, ¿O₃ bá₄ co₂nei'₅₄ con'₂ ca₂sén'₂ jaun₂ bá₄ dsa₂ judíos jme₁ca₂nió₃?
 ¡On₃jua'₅₄ le₂jaun₂! Të₂le₃ jen₅ bá₄, jme₁ca₂lén₂ dsa₂ judíos ca₂i₁juin₅₄, ca₂jmo₃ Diú₄
 a₂ca₂dsó'₂ dsi₂nau₂ jui₅ ja₁tín'₄, ia₁jaun₂ le₃dsí'₅ 'éi₂.

¹² La₁ chi₂jua'₂ a₂ca₂i₁juin₅₄ 'éi₂ jaun₂, ca₂dsióg₃ të₂le₃ dse₃ bá₄ o₄quió'₄ dsa₂ mi₂güig₃,
 ján₃ bá₄ chi₂jua'₂ a₂ca₂i₃'én₂ quió'₅ 'éi₂, ca₂dsióg₃ a₂të₁dsi₅₄ quió'₅ dsi₂nau₂, ¡'e₂ gué₄ dse₃
 lé₂, jë₁ma₂ca₂rë₃'ñia₅ táng₃ 'éi₂!

¹³ La₁ a₂juá'₅ jniá₂ juig₂ 'nia'₂ i₂lín'₅ dsi₂nau₂: Ia₁ dsón'₂ lín₅ jniá₂ jan₂ dsa₂ i₂chen₄
 ja₁con₂ dsi₂nau₂, jmo₅ jniá₂ dsi₃ 'ñio₅ lín₃ dsen₅₄ ta₁ quió₃, ¹⁴ con'₂ tsá₃ ñó₅ në₁jua'₂
 ca₂rë₃dsí'₅ dsa₂ go₃ jniá₂ ja₁con'₂ 'nia'₂, jaun₂ lé₂ líón₂ i₂lín₅₄ 'éi₂. ¹⁵ Chi₂jua'₂ jme₁ca₂téi₂
 Diú₄ quió'₅ dsa₂ judíos, ca₂lí'₃ dsa₂ mi₂güig₃ a₂ca₂'ág₂ caun₂ jág₁ quian'₅₄ Diú₄, ¿'e₂ bá₄ lé₂
 jaun₂ né₃ jë₁ma₂té₂ rë₁guéi'₂ Diú₄ quió'₅ dsa₂ 'éi₂? Lé₂ co₂'nió'₄ ca₂gue₃ táng₃ jme₂dsí₂ dsa₂
 i₂jme₁ma₂rë₂'lín₄.

¹⁶ Chi₂jua'₂ lé₅ 'í₁ jui₁lia'₂ i₁ñí'₄ a₂le₂'uig₅₄ a₂jén'₅ dsa₂ ne₄ Diú₄, ján₃ bá₄ le₂jaun₂ lé₅ 'í₁
 ta₁jë₂ ti₁can₁; ján₃ bá₄ chi₂jua'₂ lé₅ 'í₁ le₃quió'₅ Diú₄ jui₁lia'₂ jmú₄ caun₂ ni₁'ma₂, ján₃ bá₄
 le₂jaun₂ lé₅ 'í₁ ni₁gu'₂ nei'₅₄ ni₁'ma₂ ján₃.

¹⁷ Dsa₂ judíos i₂ca₂téi₂ Diú₄ 'éi₂ né₃, lín₅ co₂'nió'₄ gu'₂-nei'₅₄ ni₁'ma₂ olivo a₂chein'₅₄,
 a₂ca₂uín'₂ a₂lín₅₄ ni₁gu'₂; në₃ né₃, chi₂jua'₂ lín'₅ 'ne₂ jan₂ dsi₂nau₂ i₂ma₂rë₂'lión₅,
 në₂jag₄ bá₄ caun₂ ni₁gu'₂ olivo a₂cha₂ ja₁nau₂, ma₂qui₂ma₂guión'₃ jmi'₅₄ ni₁'ma₂ olivo
 a₂qui₂jme₂tan₅₄ ni₁gu'₂, ¹⁸ tsá₃ jmó'₂ táng'₅ ja₁con₂ ni₁gu'₂ siá'₂. Chi₂jua'₂ le₂jaun₂ jmó'₂,
 dsá₂ 'au'₂ jmo₄, on₃jua'₅₄ 'ne₂ jme₂tang'₅₄ jmú₄; jmú₄ bá₄ jme₂tau₅₄ 'ne₂.

¹⁹ Mei'₂ tsá₃ le₃ñag'₅₄ 'ne₂, jaun₂ né₃: “Ján₅, dsau₅ bá₄ në₅. La₁ia₁ a₂ca₂uín'₂ ni₁gu'₂
 jaun₂ ia₁jaun₂ lén₂ jniá₂ jan₂ i₂rë₂'lión₅ ja₁jme₁ca₂tín₂.” ²⁰ Dse₃, la₁ ca₂uín'₂ ni₁gu'₂ jaun₂
 'uig₅₄ ia₁ a₂tsá₃ jme₁'éin₂, la₁ 'ne₂ gué'₂ né₃ të₂'ñiág'₄ 'uig₅₄ ia₁ a₂'éng'₂. Le₂në₅ bá₄ jaun₂,
 jui₁le₁gan'₃ 'nia'₂, tsá₃ lë₁jmo₂ róng'₂. ²¹ Ia₁ chi₂jua'₂ tsá₃ ca₂dsia₃ Diú₄ ñéi₂ dsí₅ ja₁con₂
 ni₁gu'₂ quió'₅ të₃dsón'₂ ni₁'ma₂ jaun₂, ján₃ bá₄ le₂jaun₂ tsá₃ dsia₃ ñéi₂ dsí₅ ja₁con'₂ 'ne₂
 ján₃.

²² Jag₄ jaun₂, 'e₂ gué₄ dsen₃ Diú₄, la₁ ján₃ bá₄ rë₂ qui₂dsi₂₃ 'éi'₃. Ia₁ ma₂qui₂dsi₂₃ 'éi'₃
 ja₁con₂ i₂ma₂ca₂sén'₂, la₁ dsein₃ bá₄ quian'₅₄ 'ne₂, chi₂jua'₂ caun₂ náu'₁ tiá₂ jui₅ ja₁ua'₁ dsí₅
 Diú₄. Ia₁ në₁jua'₂ tsá₃ le₂jaun₂, ján₃ bá₄ quéin'₂ 'ne₂.

²³ Jui₁lia'₂ 'éi₂ né₃, në₁jua'₂ ca₂rë₃'éin₂ táng₃, lé₂ bá₄ le₃'lióin₃. Ia₁ 'io₅ Diú₄ bí₂ chón₃'₃
 táng₃. ²⁴ Ia₁ në₁jua'₂ 'ne₂, jan₂ dsi₂nau₂, co₂'nió'₄ caun₂ ni₁gu'₂ nau₂, ca₂queng'₃ dse₃
 quian'₅₄ ni₁'ma₂ olivo a₂chein'₅₄, o₁jñia'₅₄ líng'₅ ni₁gu'₂ ni₁'ma₂ siá'₂, ¡'e₂ gué₄ tson₂ lé₂
 le₃quen'₃ 'éi₂, i₂lín₅ co₂'nió'₄ ni₁gu'₂ a₂caun₂ ne₅₄ quian'₅₄ ni₁'ma₂ olivo jaun₂!

A₂tín'₄ dsa₂ juig₂ Israel

²⁵ Rin'₅₄ jniog₄, tsá₃ 'nio₃ jniá₂ jua'₅₄ tsá₃ ñi'₅₄ 'nia'₂ jág₁ a₂jme₁rë₂'ma₄ la₂, con'₂ tsá₃
 ñó₅ në₁jua'₂ ca₂jmo₅₄ 'nia'₂ róng'₂ quian'₅₄ a₂ñí'₂ 'au'₂ 'nia'₂ guiong'₅₄. Jui₁lia'₂ ma₂jmo₃
 i₂lín₅₄ dsa₂ juig₂ Israel, ca₂rë₃'uá'₃ dsí₅, ca₂lia'₂ ca₂rë₃'ñia₅ dsi₂nau₂ i₂con'₂ ca₂tín₂ tón'₃.

²⁶ Jaun₂ gué₄ líón₂ ca₂le₃jín₃ dsa₂ juig₂ Israel, ia₁ juá'₂ ne₄ Si₂:

O₃'in₅ dsa₂ i₂lió₂ juig₂ Sión,*

co₂dsia₅ ñiá'₂ a₂tsá₃ dse₃ jmo₅ tsi₁jon₂ Jacob.

²⁷ Jaun₂ a₂la₂ bá₄ jág₁ quió₃ jmo₅₄ quiang'₅₄ dsa₂ 'éi₂:

§ 11:10 Salmo 69:22-23. * 11:26 Sión: co₂'nió'₄ le₃jua'₅₄, juig₂ Jerusalén.

jë₁ma₂të₂ rë₁'éng₄ dsáú₁.†

²⁸ Jui₁lia'₂ të₂le₃ quian'₅₄ jág₁ dse₃ a₂lión₂ dsa₂, líin₅ co₂'nió'₄ dsa₂ i₂'ñia₅₄ Diú₄, o₄quián'₂ 'nia'₂; la₁ lia'₂ ma₂'nio₃ jaun₂ bá₄ Diú₄ quió'₅ dsa₂ 'éi₂, ia₁ a₂ca₂quióin'₂ dsa₂ can'₅₄ quiáin₅ ma₂líg'₂. ²⁹ Ia₁ tsá₃ dsi₂quén'₅ dsí₅ Diú₄ jui₁lia'₂ a₂cuë₂₃, on₃ guë'₂ jui₁lia'₂ a₂të₂. ³⁰ Jui₁lia'₂ 'nia'₂ né₃, i₂tsá₃ jme₁ne'₅₄ ja₁con₂ Diú₄ le₂jñiá₅, ma₂ca₂tín'₂ 'nia'₂ a₂ñéi₂ dsí₅ Diú₄ rë₂né₃, 'uig₅₄ ia₁ a₂tsá₃ ne'₅₄ dsa₂ 'éi₂, ³¹ ján₃ bá₄ le₂në₅ tsá₃ ne'₅₄ dsa₂ 'éi₂ rë₂né₃, ia₁jaun₂ të₂le₃ quian'₅₄ a₂ñéi₂ dsí₅ Diú₄ a₂ca₂tín'₂ 'nia'₂, tiin₅₄ ján₃ a₂ñéi₂ dsí₅ Diú₄. ³² Ia₁ Diú₄ né₃ co₂rë₂ bá₄ 'iin₃ dsa₂ a₂tsá₃ ne'₅₄ dsa₂ le₂jain₂ le₂jain₂, ia₁jaun₂ co₂dsia₅ bá₄ dsia₃ ñéi₂ dsí₅ ja₁con₂ ca₂le₃jín₃.

³³ 'E₂ gué₄ 'ñio₅ 'ei₄ lé₅ ca₂le₃jé₃ a₂jlá'₁ cha₂ quió'₅ Diú₄,

ca₂le₃jé₃ a₂ñí'₂ dsí₅, a₂ñi₅ né₃!

Ca₂lia'₂ tsá₃ lé₂ le₃quiong₅₄ 'í₁ a₂niog₅ dsí₅,

on₃ guë'₂ lé₂ le₃ñág'₂ dsi₅ jui₅ quió'₅.

³⁴ “¿'Ein₂ bá₄ cuí'₅ 'e₂ dsi₂jio₅ dsí₅ Te₁gui'₅₄,

o₃ 'ein₂ i₂ma₂tió'₃ cuë₃ jág₁ dse₃ cué'₃ 'éi₂?”‡

³⁵ “¿'Ein₂ bá₄ ca₂cuë₃ 'e₂ ca₂cué'₃ 'éi₂ le₂'uig₅₄

ia₁jaun₂ jéin'₃ qui₃ quió'₅?”§

³⁶ Ia₁ ca₂le₃jé₃ a₂niog₅ cha₂, ca₂lë₃

ja₁con₂ 'éi₂, të₂le₃ quian'₅₄ 'éi₂, o₄quió'₄ 'éi₂ né₃.

jui₁jme₂juag'₂ bá₄ dsa₂ co₂tan₅₄! A₂méi₃.

12

'A₂ lia'₂ i₂nio₄ dsa₂ i₂rë₂tson₄ quián₅ Diú₄

¹ Le₂në₅ bá₄ jaun₂ rin'₅₄ jniog₄, të₂le₃ quian'₅₄ a₂ñéi₂ dsí₅ Diú₄, mi₅ jniá₂ ne'₅₄ 'nia'₂, co₂dsia₅ jin'₄ 'nia'₂ ni₁ñi'₁ guiong'₅₄, co₂'nió'₄ a₂rë₂jeng'₅₄ le₁jén'₃ ne₄ Diú₄, a₂rë₂tson₅₄, a₂'ñio₂ dsí₅ Diú₄, a₂dsi₂ten₅₄ jme₁ti'₄ ne₅₄. ² Tsá₃ i₁nio'₄ 'nia'₂ lia'₂ con'₂ lé₅ i₂nio₄ dsa₂ mi₂güig₃ la₂. Të₂le₃ cuë₄ jmig₄ a₂jme₃tsín₃ Diú₄ 'a₂ lia'₂ qui₂dsi₂jñia₅ 'au'₂ 'nia'₂, ia₁jaun₂ bá₄ qui₃le₃'mag'₂ táng₃ 'au'₂, ia₁jaun₂ lé₂ le₃caun'₅₄ 'nia'₂ 'í₁ 'a₂ lia'₂ lé₅ a₂'ñio₂ dsí₅ Diú₄, a₂dse₃, a₂të₅ dsí₅, a₂rë₂ 'ñia₅ né₃.

³ Ia₁ o₄quió'₄ a₂'ua₁ dsí₅ Diú₄ a₂ma₂dsia₃ gu₃ jniá₂, juí₂ jniá₂ le₂jan'₂ le₂jan'₂ 'nia'₂: tsá₃ lë₂jui₁qui₂dsi₂jñia₅ 'au'₂ a₂lín₅ dseng'₅₄ ñag₅₄ gué₄ con'₂ ca₂tín'₂ 'nia'₂ dsi₃jñia₅ 'au'₂; të₂le₃ jui₁qui₂dsi₃jio₅ bá₄ 'au'₂ a₂'en₅₄ 'au'₂ 'nia'₂, 'a₂ con'₂ tí₅ ma₂ca₂rë₃'én'₂ 'nia'₂ a₂ma₂cuë₃ Diú₄. ⁴ Ia₁ le₂në₅ jui₁lia'₂ lé₅ caun₂ ni₁ñi'₁ jniog₄ le₂jau₂ le₂jau₂, 'lióng₂ a₂chei₂ le₂caun₂ le₂caun₂ a₂tén₅ quió'₅, tsá₃ ca₂ne₅₄ ta₁ jme₂ti₃, ⁵ le₂në₅ bá₄ jniog₄ ján₃, jui₁'a₂ gué₃ la₂ juag₅ jniog₄, caun₂ bá₄ ni₁ñi₁₂ jniog₄ lág₅ le₃quió'₅ Cristo, téi₅ jniog₄ le₂jau₂ le₂jau₂ quian'₅₄ rin'₅₄.

⁶ Jma₃quén₅ bá₄ qui₂'au₂ jniog₄ bí₂, lia'₂ con'₂ lé₅ ma₂cuë₃ Diú₄ a₂'ua₁ dsí₅. Jaun₂ ca₂tág₂ jniog₄ jmo'₄ ta₁ jui₅bí₂ a₂ma₂cuë₃. Jui₁lia'₂ dsa₂ i₂ma₂cuë₃ Diú₄ bí₂ a₂tiin₂ a₂'é₂ jág₁ dse₃ a₂gue₂₃ quió'₅ Diú₄, jui₁'ë₅₄ bá₄ jág₁ 'a₂ con'₂ tí₅ a₂'éin₂; ⁷ jui₁lia'₂ i₂ma₂cué'₃ jui₅bí₂ jme₃'o₅₄, jui₁jme₂'o₅₄; jui₁lia'₂ i₂'io₅ bí₂ jme₃tag₂₃, jui₁jme₂tiin₂₃ bá₄ dsa₂; ⁸ jui₁lia'₂ i₂tiin₂ jmo₃ lián'₂ dsí₅ i₂sián'₂, ca₂tín₂ bá₄ jmo₃ le₂jaun₂; jui₁lia'₂ i₂jmo₅ dsió₁, jui₁cuë₁₂ a₂'ua₁ dsí₅, on₃jua'₅₄ rë'₂ cha₂ a₂'ín₂ dsí₅ 'ñiog₅; jui₁lia'₂ i₂quian₅ ne₄ jui₅, jui₁jmo₁₂ bá₄ a₂dsen₅₄ dsí₅; jui₁lia'₂ i₂dsia₅ ñéi₂ dsí₅, jui₁jmo₁₂ bá₄ quian'₅₄ o₂'ñió₃ o₂jñia₃ dsí₅.

'A₂ lia'₂ ca₂tín₂ le₃chan₂ dsa₂ quián₅ Cristo

† 11:27 Isaías 59:20-21; 27:9. ‡ 11:34 Isaías 40:13. § 11:35 Job 41:11.

⁹Jui₁le₂chan' ₂'nia' ₂të₃dsón' ₂bá₄ a₂'nió' ₃'nia' ₂ríng' ₂le₂jang' ₂le₂jang' ₂. Co₂dsia₅ jmo₄'nia' ₂'ñiag' ₅₄ co₂ñei' ₅₄ a₂'lig' ₅₄; chan' ₂bá₄ 'nia' ₂tiá₂ jui₁lia' ₂a₂dse₃. ¹⁰Jme₁'nió' ₄'nia' ₂ríng' ₂a₂'ñio₂' ₂'au' ₂; jmo₄'nia' ₂a₂dsen₅₄ gué₄ ríng' ₂le₂jang' ₂le₂jang' ₂.*

¹¹Tsá₃jmo₂'nia' ₂juíng' ₅, 'ag₃ caun₂-tin₃' ₂'au' ₂, tē₂le₃ jme₁ti₁ ne₄ Te₁gui' ₅₄ ca₂lia' ₂dsen₅₄ jme₂dsí₂ quiáng' ₂.

¹²Jui₁chan' ₂'nia' ₂o₂jñia₃' ₂'au' ₂, ia₁ ma₂lé₅ bá₄ co₂jñia₅₄ a₂'ín₂' ₂'au' ₂'nia' ₂. Jmo₄'nia' ₂juin' ₂'au' ₂jmi₄g₄ jme₁chan' ₂'nia' ₂o₂i₁ dsí₅. O₁nió' ₄bá₄ 'nia' ₂co₂tan₅₄ a₂chi₂leng' ₅₄ Diú₄.

¹³Jme₁'on₁' ₂'nia' ₂dsa₂'én₂ ríng' ₂chi₂jua' ₂'e₂ niog₅ cha₂ a₂'nió' ₅ quió' ₅. Dse₃ guen₅₄'nia' ₂jui₁lia' ₂'ein₂ niog₅ qui₂dsí₂jag₅₄'nia' ₂.

¹⁴Jme₁gu' ₅₄ bá₄ 'nia' ₂jui₁lia' ₂i₂jmóg' ₂. Jua' ₅₄ bá₄ 'nia' ₂jág₁ dse₃ on₃jua' ₅₄ jág₁ uig₅.

¹⁵Jmo₄'nia' ₂'io' ₂quian' ₅₄ jui₁lia' ₂i₂jmo₅'io' ₂; ján₃ gué' ₂qui' ₂'o₄'nia' ₂quian' ₅₄ i₂'o₅.

¹⁶Jui₁le₂chan' ₂bá₄ 'nia' ₂a₂jeng' ₂le₂jang' ₂le₂jang' ₂. Tsá₃jmo₂'nia' ₂róng' ₂, co₂rín' ₂bá₄'nia' ₂jmo₄ quiang' ₅₄ dsa₂ te₂ñé₂. Tsá₃ lē₁jmo₂'nia' ₂jua' ₅₄ a₂ñí₄ lē₃ cuíng' ₂.

¹⁷Tsá₃jein' ₅₄'nia' ₂'lig' ₅₄ quian' ₅₄ a₂'lig' ₅₄. Quen' ₂'nia' ₂bí₂ jmó' ₂con' ₂dsi₂ten₅₄ ja₁tē₃ ne₄ ca₂le₃jín₃. ¹⁸Jmo₄'nia' ₂bí₂, 'a₂ con' ₂ca₂tíng' ₂, 'a₂ con' ₂ja₁qui' ₅₄'nia' ₂jmi₄g₄, 'nau' ₅₄'nia' ₂jui₅ ja₁'ag₃ tei₄ quian' ₅₄ ca₂le₃jín₃. ¹⁹Rin' ₅₄jniog₄, tsá₃ lē₁jen' ₅₄'nia' ₂guióng' ₅₄ jui₁lia' ₂quió' ₅i₂jmóg' ₂, tē₂le₃ dsia₄'nia' ₂o₄gú₃ Diú₄ a₂jaun₂. Ia₁ ma₂rē₂ton₅ ne₄ Si₂: “Jniá₂ bá₄ ca₂tíng₂ jein' ₅₄ uig₅; jniá₂ bá₄ qui₄, juá' ₂Te₁gui' ₅₄.”† ²⁰La₁: “Chi₂jua' ₂i₁cón' ₅jui₁lia' ₂dsa₂ i₂'iog₅₄, cué' ₅₄ bá₄ 'nia' ₂a₂gué' ₃. Chi₂jua' ₂ñi₂₃ rē₂quein₂ dsí₅, cué' ₅₄ a₂'ín' ₂. Ia₁ jē₁ma₂ca₂jmo' ₅₄ le₂nē₅, jmai' ₅₄ tsáu₃ dséi₂ dsí₂ne₅₄,‡ jéin' ₄o₂guí' ₃.”§ ²¹Tsá₃ cuín₅ jmi₄g₄ jua' ₅₄ a₂jō₃ a₂'lig' ₅₄; tē₂le₃ quen' ₂bí₂, tíon₃'uē₃ a₂'lig' ₅₄ tē₂le₃ quian' ₅₄ a₂dse₃.

13

¹Ca₂le₃jín₃ bá₄ ca₂tín₂ tón' ₃'éi' ₃quió' ₅dsi₂tan₅₄ i₂gon₂. Ia₁'i₁jan₂ dsi₂tan₅₄ i₂chan₂, jua' ₅₄ tsá₃ ca₂chei' ₃ Diú₄. Jaun₂ ca₂le₃jín₃ dsi₂tan₅₄ i₂chan₂ né₃, i₂dsián₁ quián₅ Diú₄ bá₄'éi₂. ²Jaun₂ le₂nē₅, jui₁lia' ₂i₂nau₂ quen₅ ja₁con₂ dsi₂tan₅₄, nau₂ quein₂₃ ja₁con₂ i₂dsián₁ quián₅ Diú₄ bá₄. Jaun₂ gue₃ uig₅ jui₁lia' ₂i₂jmo₅ le₂jaun₂. ³Ia₁ tsá₃ ta₁ jaun₂ dsián₄ dsi₂tan₅₄ a₂jmo₃ gó' ₅ jui₁lia' ₂i₂jmo₅ a₂dse₃; a₂jmo₃ gó' ₅ dsa₂ i₂jmo₅-dsáu₅ a₂'lig' ₅₄ bá₄. ¿'Niog' ₂'ne₂ le₃chang' ₂a₂tsá₃ gang' ₃ dsi₂tan₅₄? Jmo₄ bá₄ a₂dse₃, jaun₂ con₂'í₁ dsi₂tan₅₄ ja₁cong' ₂, a₂líng' ₅ dsa₂ dsen₃. ⁴Ia₁ ta₁ jaun₂ tián' ₅jme₂ti₃ ne₄ Diú₄ bá₄, a₂dse₃ quiáng' ₂. La₁ nē₁jua' ₂ca₂jmo' ₅₄ a₂'lig' ₅₄ né₃, ca₂tíng' ₂le₃gang' ₃, ia₁ on₃jua' ₅₄ a₂lē₁lé₄'io₅ dsi₂tan₅₄'éi' ₃a₂chain₂ bí₂ cué₃ uig₅. Jan₂ i₂jme₂ti₃ ne₄ Diú₄ bá₄'éi₂, a₂'é₂ uig₅ ja₁con₂ dsa₂ i₂jmo₅ a₂'lig' ₅₄. ⁵Jaun₂ lē₃, tion₅₄ bá₄'nió' ₅tón' ₃ dsa₂'éi' ₃quió' ₅ dsi₂tan₅₄, on₃jua' ₅₄ rē' ₂a₂jñia' ₅₄ ia₁jaun₂ tsá₃ gue₃ uig₅; tē₂le₃ ia₁ a₂lé₅ dsí₅ le₂jaun₂ jmo₂₃ a₂dse₃. ⁶Uig₅₄ nē₅ bá₄ qui' ₂'nia' ₂'lia' ₅₄ a₂ca₂tín₂ dsi₂tan₅₄, ia₁ ca₂ne₅₄ jme₂ti₃ dsi₂tan₅₄ ta₁ a₂lín₅ ne₄ Diú₄.

⁷Cué' ₅₄ bá₄'nia' ₂dsa₂'e₂ niog₅ qui₂ca₂tín₂. Chi₂jua' ₂ca₂tín₂ dsi₂tan₅₄'lia' ₅₄, qui₄'lia' ₅₄; chi₂jua' ₂ca₂tín₂ mi₃ cu₄ te₁'éng' ₂, cué' ₅₄ cu₄ jaun₂; chi₂jua' ₂'ein₂ ca₂tín₂ jme₃go₃ dsa₂, jme₁gan₃ bá₄'éi₂; chi₂jua' ₂'ein₂ ca₂tín₂ jme₃juag' ₂ dsa₂, jme₁juin' ₂ bá₄. ⁸Ja₁con₂'i₁jan₂ tsá₃ jui₁le₅₄ jua' ₅₄ cha₂ a₂qui₂le₂rín' ₂'nia' ₂ué₂, jñia' ₅₄ lia' ₂a₂qui₂le₂ríng' ₂a₂'nióg' ₃ríng' ₂le₂jang' ₂le₂jang' ₂ bá₄; ia₁ jui₁lia' ₂i₂'nio₃ dsa₂ mi₂güí₃ rín' ₅₄, ma₂ca₂jme₃ti₃'Éi' ₃quió' ₅ Diú₄. ⁹Juá' ₂'Éi' ₃quió' ₅ Diú₄: “Tsá₃ nióg' ₄jág₁ quian' ₅₄ i₂tsá₃ lín₅ dsi₂i₂gog' ₂; tsá₃ jñí₄g' ₄ dsa₂ mi₂güí₃ ríng' ₂; tsá₃'áng' ₁; tsá₃ jmó' ₂jág₁ tē₂jág₁; tsá₃ jmó' ₂'ín₅' ₂'au' ₂a₂quió' ₅ i₂sián' ₂.”* 'Éi' ₃nē₅ quian' ₅₄ gué₄ ca₂le₃jé₃'éi' ₃siá' ₂né₃, qui₂rē₂tan₅₄ quian' ₅₄ jág₁ la₂: “Jme₁'nió₄ dsa₂ mi₂güí₃ ríng' ₂jui₁lia' ₂'nióg' ₃'ñiag' ₂.”†

* 12:10 o₃, “jme₁li₅₄ tē₃jñiá₅ a₂jme₂gan' ₃'nia' ₂ríng' ₂le₂jang' ₂le₂jang' ₂.” † 12:19 Deuteronomio 32:35. ‡ 12:20 lit. “jmó' ₂nio₃ ni₁ta' ₂le₁guí' ₂si₂ ne₄ mi₂dsi₅₄.” § 12:20 Proverbios 25:21-22. * 13:9 Éxodo 20:13-15,17; Deuteronomio 5:17-19,21. † 13:9 Levítico 19:18.

¹⁰ Jui₁lia'₂ dsa₂ i₂'nio₃ dsa₂ mi₂güig₃ rin'₅₄, tsá₃ 'e₂ 'lig'₅₄ jmo₂₃ ja₁coin₂. Le₂në₅ bá₄ jaun₂ ja₁'nio₃ dsa₂ rin'₅₄, co₂'nió'₄ ca₂rë₃ti₃ bá₄ 'Éi'₃ quí'₅ Si₂.

¹¹ Jë₄ ca₂le₃jé₃ a₂në₅ né₃, jmo₄ a₂ñí'₂ 'au'₂ jui₁lia'₂ jmi_g₄ chong₂ rë₂në₃, a₂ma₂ca₂té₂ hora a₂ñéi₂ jniog₄ jë₄ le₁guág₃. Ia₁ jë₁lió₂ jniog₄ caun₂ ma₂ja₂quián₃ co₂ñí₂ bá₄ rë₂në₃ lia'₂ con'₂ gué'₄ jme₁ca₂rë₃'éin₂ jniog₄ le₂'uig₅₄. ¹² Jui₁lia'₂ jë₄ 'uë₂ la₂ caun₂ qui₂dsi₂juin₅₄ bá₄; caun₂ ma₂ja₂quián₃ jnia₅₄ bá₄. 'Uig₅₄ jaun₂ bá₄ ca₂tág₂ jniog₄ tí₄ a₂tsá₃ ma₂jmo₁ jui₁lia'₂ a₂lé₂ jë₄ qui₁né'₃, a₂quián₁ qui'₅₄ ca₂le₃jé₃ a₂'nió'₅ quián₂, a₂jmo₅ 'í₁, a₂i₁nio₁ jui₁lia'₂ 'lióg₂ i₂i₂nio₄ jë₄ jniá₂ si₂. ¹³ Jui₁i₁nio₁ jniog₄ lia'₂ con'₂ dsi₂ten₅₄, jui₁lia'₂ i₂nio₄ dsa₂ a₂jmi₂. Tsá₃ ma₃'nió'₅ le₃chong₂ i₁nio₁ le₁'ein₅, on₃ guë'₂ o₂'ñi₃ o₂ñia₃ dsi₅, on₃ guë'₂ nió'₄ jniog₄ jág₁ quian'₅₄ i₂tsá₃ lín₅ dsi₂l₂gu₂ jniog₄, on₃ guë'₂ jmo₁ a₂tsá₃ dsi₂ten₅₄, on₃ guë'₂ dsiá₁ mi'₅₄, on₃ guë'₂ qui₁jín₁ uin₅ dsi₅ rin'₅₄ né₃. ¹⁴ Të₂le₃ qui'₂ 'nia'₂ co₂'nió'₄ a₂qui₂rë₂lión'₃ 'nia'₂ lé₅ 'í₁ të₂le₃ quian'₅₄ 'ñiog₅ Te₁gui'₅₄ Jesucristo, tsá₃ ma₃jui₁dsi₂jio₅ gué'₄ 'au'₂ 'a₂lia'₂ mag'₂ dsi₅ a₂mi₅ ni₁ñi'₁ 'nia'₂.

14

Tsá₃ chi₂'íng'₄ uig₅ ríng'₂

¹ Chi₂jua'₂ chan₂ dsa₂ 'uan₅₄ të₂le₃ quian'₅₄ a₂'éin₂, qui₁guein₅₄ 'nia'₂, la₁ on₃jua'₅₄ ia₁jaun₂ qui₁tsín'₂ 'nia'₂ 'a₂lia'₂ lé₅ ñí'₂. ² Chan₂ i₂lín₅₄ i₂'én₂ a₂lé₂ le₃gué'₃ ca₂le₃jé₃ jui₁'e₂ gué'₃, ton'₂ chan₂ guë'₂ táng₃ i₂lín₅₄ i₂'uan₅₄ dsi₅ 'a₂lia'₂ 'éin₂, i₂gué'₅ jmá'₃ lia'₂ ca₂ne₅₄ mi₂ján'₅. ³ Jaun₂ lë₃ i₂gué'₅ lia'₂ 'ei₅ ne₄ né₃, tsá₃ ca₂tíin₂ jmo₃ jua'₅₄ tsá₃ jein₅₄ i₂tín₂ dsi₅ gué'₅ jmá'₃ lia'₂ a₂lín₅₄ má₃; ton'₂ ján₃ guë'₂ le₂jaun₂ jui₁lia'₂ i₂tsá₃ gué'₅ le₃jé₃, tsá₃ lë₁o₁quion₂ 'í₁ ja₁con₂ dsa₂ i₂gué'₅ le₃jé₃. Ia₁ ján₃ bá₄ ca₂guéi'₂ Diú₄ quió'₅ dsa₂ 'éi₂.

⁴ 'Ne₂ guë'₂, ¿'ein₂ bá₄ líng'₅ jua'₅₄ a₂caun'₅₄ 'í₁ ja₁con₂ dsa₂ i₂jme₂ti₃ ne₄ i₂sián'₂? Ia₁ juig₅₄ bá₄ 'éi₂ i₂niog₅ ne₄ con₂ 'í₁ chi₂jua'₂ chén'₅ 'éi₂ rë₂, o₃ të₂tsiin'₅₄ 'lig'₅₄ 'e₂. Jaun₂ të₂tsiin'₅₄ bá₄ rë₂, ia₁ i₂qui'₅₄ jmi_g₄ Te₁gui'₅₄ jmo₃ a₂të₃tsin'₅₄ dsa₂ 'éi₂.

⁵ Chan₂ guë'₂ i₂lín₅₄ táng₃ i₂jmo₅ dsi₅, 'ñio₅ gué'₄ quen₅ a₂lín₅₄ jmi_g₄ lia'₂ con'₂ gué'₄ jmi_g₄ siá'₂; chan₂ guë'₂ i₂lín₅₄ i₂'én₂ jmo₂₃ dsi₅ a₂co₂rë₂ bá₄ ca₂le₃jé₃ jmi_g₄. Le₂jan₂ le₂jan₂ 'nió'₅ jmo₃ 'ei₅ caun₂ dsi₅ lia'₂ con'₂ lé₅ dsi₂jnia₅ dsi₅ 'ñiog₅. ⁶ Jui₁lia'₂ dsa₂ i₂jme₂gó'₃ caun₂ jmi_g₄, le₃quió'₅ Te₁gui'₅₄ bá₄ jme₂gó'₃ jmi_g₄ jaun₂. Le₂në₅ bá₄ jui₁lia'₂ dsa₂ i₂gué'₅ lia'₂ 'ei₅ ne₄ má₃, gué'₅ le₃quió'₅ Te₁gui'₅₄, ia₁ cué'₅ ti₁'mag'₄ Diú₄. Ján₃ bá₄ le₂në₅ quian'₅₄ jui₁lia'₂ i₂tsá₃ gué'₅ lia'₂ 'ei₅ ne₄ má₃, le₃quió'₅ Te₁gui'₅₄ bá₄ tsá₃ gué'₅; ján₃ bá₄ cué'₅ ti₁'mag'₄ Diú₄.

⁷ Ia₁ 'i₁jan₂ jniog₄ tsá₃ lé₂ le₃chong₂ le₃quián₂ guio₅₄, on₃ guë'₂ lé₂ le₃dsió₃ le₃quián₂ guio₅₄ né₃. ⁸ Ia₁ të₂lia'₂ chong₂ jniog₄, chong₂ le₃quió'₅ Te₁gui'₅₄ bá₄, në₁jua'₂ ca₂dsau₃ guë'₂ né₃, dsió₃ le₃quió'₅ Te₁gui'₅₄ bá₄ ján₃. Le₂në₅ bá₄, të₂lia'₂ chong₂ o₃ jë₁ma₂dsau₃ 'e₂, lág₅ i₂quián₅ Te₁gui'₅₄ bá₄. ⁹ 'Uig₅₄ jaun₂ ca₂jón₃ Cristo, ton'₂ ca₂jein'₅₄ táng₃: ia₁jaun₂ léin₂ Te₁gui'₅₄ quián₅ dsa₂ i₂ma₂dsan₃, lia'₂ dsa₂ i₂chan₂ né₃.

¹⁰ La₁ 'ne₂ né₃, ¿'e₂ 'uig₅₄ cáun'₂ 'í₁ ja₁con₂ ríng'₂? ¿O₃ 'e₂ lë₃ jíng'₅₄ sion₅ ríng'₂? Ia₁ ca₂le₃jág₃ bá₄ jniog₄ dsi₁no₃ dsi₂jme₁jnia₅ ne₄ Diú₄ ia₁jaun₂ con₂ 'éi₂ 'í₁ quián₂. ¹¹ Ia₁ ne₄ Si₂ juá'₂:

Jui₁lia'₂ a₂dsón'₂ dsau₅ bá₄ a₂chan₂ jniá₂,

juá'₂ Te₁gui'₅₄,

le₂në₅ bá₄ dsau₅ dsón'₂,

ca₂le₃jín₃ bá₄ qui₃jóin'₂ jne₅₄ ne₃ jniá₂,

jaun₂ ca₂le₃jín₃ bá₄ jmo₃ jág₁ quian'₅₄ mi₂'o₅₄

le₃ne₄ Diú₄.*

¹² Le₂në₅ bá₄ jaun₂, le₂jau₂ le₂jau₂ bá₄ jniog₄ dsi₁jang'₅₄ jág₁ dsau₅ quián₂ ne₄ Diú₄.

* 14:11 Isaías 49:18; 45:23.

Tsá₃ jmó'₂ jua'₅₄ qui₂nió₃ ríng'₂

¹³ Jaun₂ lë₃, tsá₃ ma₃jua'₅₄ qui₁quiong₅₄ jniog₄ 'í₁ le₂jau₂ le₂jau₂ ja₁con₂ rin'₅₄. Të₂le₃ jmo₄ 'nia'₂ 'í₁, jmo₄ co₂nei'₅₄ tsá₃ 'e₂ jmó'₂ 'i₁caun₂ jua'₅₄ a₂qui₃nió₃ ríng'₂. ¹⁴ Guion₄ bá₄ jniá₂, 'ei₅ caun₂ dsí₅ le₃quió'₅ Te₁gui'₅₄, 'i₁caun₂ tsá₃ cha₂ jua'₅₄ tsá₃ le₁jé₃ con'₂ lé₅ 'niog₅. La₁ nē₁jua'₂ chan₂ jan₂ jmo₂₃ dsí₅, cha₂ caun₂ a₂tsá₃ le₁jé₃, le₃quió'₅ 'niog₅ bá₄, tsá₃ le₁jé₃. ¹⁵ Nē₁jua'₂ ca₂jén'₃ qui'₂ dsí₅ ríng'₂ o₄quió'₄ a₂qué'₂ 'ne₂, tsá₃ ma₃jmo'₂ a₂'nió₃ ríng'₂. Tsá₃ jmo₂ jua'₅₄ cué'₁ jui₅ o₄quió'₄ a₂qué'₂, a₂dsi₂'én₂ jan₂ ríng'₂, ia₁ ca₂jon₃ Cristo o₄quió'₄ 'éi₂ján₃. ¹⁶ Tsá₃ cuē₂ 'nia'₂ jui₅ jua'₅₄ a₂qui₃dsia₃ dsa₂ 'lig'₅₄ 'ë₃ jui₁lia'₂ a₂jmo'₂ 'au'₂ a₂dse₃. ¹⁷ Ia₁ jui₁lia'₂ ja₁gon₂ Diú₄, tsá₃ lin₄ quen₅ jui₁lia'₂ a₂gué'₅ dsa₂, a₂qui₂'ín'₂ dsa₂ né₃; a₂jaun₂ bá₄ a₂quen₅ gué'₄ lin₃: a₂gué'₁ Diú₄ jniog₄ nē₂jag₄ bá₄ a₂tsá₃ 'e₂ dso₄ rag₂, a₂chong₂ jniog₄ tei₄ o₂'ñi₃ o₂jñia₃ dsí₅ të₂le₃ quian'₅₄ Jme₂dsí₂ Jñi₅ó₅. ¹⁸ Ia₁ jui₁lia'₂ i₂jme₂ti₃ ta₁ ne₄ Cristo le₂nē₅, jmo₂₃ a₂'ñio₂ dsí₅ Diú₄, ton'₂ dse₃ 'ag₅ táng₃ dsa₂ mi₂güí₃.

¹⁹ Le₂nē₅ bá₄ jaun₂, caun₂ jui₁'niog'₅₄ jniog₄ jma'₃ lia'₂ a₂cuē₅ jui₅ ja₁'ag₃ tei₄, a₂jme₂'o₅₄ dsí₃cau₅₄ jniog₄ të₂le₃ jui₅ jme₂dsí₂. ²⁰ Tsá₃ lē₁'én₅ 'ne₂ ta₁ quió'₅ Diú₄ o₄quió'₄ má₃. Dsón'₂ bá₄ jaun₂, a₂le₁jé₃ ca₂le₃jé₃ a₂niog₅ gué'₅ dsa₂. La₁ tsá₃ dse₃ nē₁jua'₂ o₄quió'₄ a₂qué'₂ 'ne₂, tián'₂ dso₄ ríng'₂. ²¹ Ja₂lin₃ gué'₄ dse₃ a₂tsá₃ quí_g'₂ ñí₅, on₃ gué'₂ 'ag'₅₄ vino, on₃ gué'₂ jmó'₂ jui₁'e₂ gué₃ a₂lé₂ le₃qui₃nió₃ ríng'₂. ²² Jui₁lia'₂ a₂'én'₂ 'ne₂, a₂'én'₂ 'ne₂ 'ñiag'₂ bá₄ jaun₂ të₂le₃ ne₄ Diú₄. †E₂ gué'₄ dsen₃ jui₁lia'₂ dsa₂ i₂con₂ 'í₁ ja₁con₂ 'ñiog₅, i₂tsá₃ qui₂dsi₂jñi₅ dsí₅ o₄quió'₄ a₂cuē₂₃ jmi_g'₄ 'ñiog₅! ²³ La₁ jui₁lia'₂ dsa₂ i₂gué'₅, i₂'ei₅ caun₂-tin₃ dsí₅, ma₂gue₃ uig₅, ia₁ tsá₃ ca₂gué'₃ të₂le₃ quian'₅₄ a₂'éin₂. Ia₁ ca₂le₃jé₃ a₂jmo₅ dsa₂ a₂tsá₃ lé₅ të₂le₃ quian'₅₄ a₂'éin₂, dso₄ bá₄ jaun₂.

15

Jmo₄ a₂'ñio₂ dsí₅ dsa₂ mi₂güí₃ ríng'₂, on₃jua'₅₄ rē'₂ jma'₃ a₂tē₅ 'au'₂ 'ñiag'₂

¹ Jniog₄ i₂tióng₂ tiá₂ a₂'éin₂, ca₂tág₂ gué'₁ co₂'nió'₄ caun₂ lio₅₄ quián₂, 'a₂ lia'₂ qui₂ñí'₂ dsí₅ dsa₂ i₂'uan₅₄ 'a₂ lia'₂ 'éin₂, jaun₂ tsá₃ 'nió'₅ jmó₁ con'₂ a₂tē₅ dsí₅ guio₅₄. ² Le₂jau₂ le₂jau₂ bá₄ jniog₄ ca₂tág₂ jmó₁ a₂tē₅ dsí₅ dsa₂ mi₂güí₃ rin'₅₄, a₂jmó₁ a₂lé₅ a₂dse₃ ja₁coin₂, jui₁lia'₂ jui₅ ja₁lé₂ qui₂dsi₃coín₃ le₃quió'₅ jme₂dsí₂. ³ Ia₁ ca₂lia'₂ jñia'₅₄ 'ñiog₅ Cristo tsá₃ ca₂jmo₃ a₂tē₅ dsí₅ 'ñiog₅. Të₂le₃ ca₂i₃ñí₂ jui₁lia'₂ juá'₂ ne₄ Si₂:

Ca₂le₃jé₃ jág₁ uig₅ a₂jme₁tsí'₅ dsa₂ 'nia'₂,

ne₃ jniá₂ bá₄ ca₂tē₁tsí'₅₄.*

⁴ Ia₁ ca₂le₃jé₃ con'₂ lé₅ jág₁ a₂ca₂i₃to'₅₄ ne₄ Si₂, a₂ca₂i₃to'₅₄ ia₁ jaun₂ jme₁tag₅ jniog₄ rē₂nē₃, ia₁ jaun₂ caun₂ chong₂ jniog₄ 'ín₂ dsí₅ le₃quió'₅ Diú₄, të₂le₃ quian'₅₄ a₂juin'₂ dsí₅, a₂lé₂ lián'₂ dsí₅ a₂cuē₅ jág₁ a₂já₅ ne₄ Si₂ jaun₂. ⁵ Jui₁jme₂'o₅₄ bá₄ Diú₄, i₂jmo₅ a₂juin'₂ dsí₅ dsa₂, i₂cuē₅ lián'₂ né₃, jui₁jme₂'oin₅₄ 'nia'₂ a₂tiáng'₄ a₂jen'₂ 'nia'₂ le₂jang'₂ le₂jang'₂ con'₂ lé₅ i₂nio'₅₄ 'nia'₂ jui₅ quió'₅ Cristo Jesús, †⁶ ia₁ jaun₂ ca₂le₃jín'₃ 'nia'₂ co₂dsia₅, caun₂ bá₄ jág₁, jme₁juin'₂ 'nia'₂ Diú₄ Jme₁ Te₁gui'₅₄ Jesucristo quián₂.

Dsi₂'ag₅ jág₁ dse₃ ja₁con₂ dsí₂nau₂

⁷ Le₂nē₅ jaun₂, qui₂guen₅₄ 'nia'₂ ríng'₂ le₂jang'₂ le₂jang'₂ jui₁lia'₂ ca₂gué'₂ Cristo guio₅₄ jniog₄, ia₁ jaun₂ le₃juin'₂ Diú₄. ⁸ Ia₁ a₂juá'₅ jniá₂ juí_g'₂ 'nia'₂, ca₂guan₃ I₂rē₂'ín₁ quián₅ Diú₄, ca₂jme₃ti₃ ja₁con₂ jñia'₅₄ con'₂ lág₅ dsa₂ judíos, ‡ ia₁ jaun₂ le₃ti₃ jág₁ ron₅ a₂ca₂ñi₂ dsa₂ can'₅₄ quián₂ jñia'₅₄ ma₂líg'₂. Jaun₂ le₂nē₅ bá₄ ca₂rē₃jniá₂ né₃ i₂rē₂ti'₅₄ bá₄ Diú₄ jág₁ a₂cuē₂₃.

⁹ Guain₃ ján₃ ia₁ jaun₂ jme₃juag'₂ dsí₂nau₂ jme₃juin'₂ Diú₄ i₂ñéi₂ dsí₅, jui₁lia'₂ rē₂ton₅ ne₄ Si₂:

'Uig₅₄ jaun₂ jme₁juin'₂ jniá₂ 'ne₂ jin₄ dsí₂nau₂;

* 15:3 Salmo 69:9. † 15:5 'Nio'₂ ja₁ton₅ Filipenses 2:5. ‡ 15:8 lit. "dsa₂ i₂rē₂uing₄ quió'₅."

'ë₅₄ jniá₂ ne'₅₄ 'ne₂ a₂jme₁juag'₂.[§]
¹⁰ Con'₂ siá'₂ juá'₂ táng₃:
 Jmo₄ 'io'₂, 'nia'₂ dsi₂nau₂,
 quian'₅₄ dsa₂ juig₂ quián₅.^{*}
¹¹ Ja₁siá'₂ táng₃ juá'₂:
 Jme₁juín'₂ 'nia'₂ Te₁gui'₅₄,
 'nia'₂ ca₂le₃jín₃ dsi₂nau₂,
 jui₁jme₂juag'₂ bá₄ ca₂le₃jé₃ juig₂.[†]
¹² Ján₃ bá₄ juá'₂ Isaías:
 'ŋio₂ tsin₅ cho'₅₄ Isaí,
 jaun₂ náu₃ jan₂ i₂qui₃dsi₅ 'éi'₃ ja₁con₂ dsi₂nau₂;
 le₃quió'₅ 'éi'₂ bá₄ qui₃le₃'ín₂ dsi₅
 le₂caun₂ le₂caun₂ juig₂.[‡]
¹³ Jaun₂ Diú₄, i₂jmo₅ 'ei₅ caun₂ dsi₅ a₂'ín₂ dsi₅ jniog₄, jui₁jme₂cain'₂ bá₄ 'au'₂ 'nia'₂,
 a₂chang'₂ jmó'₂ 'nia'₂ 'io'₂, 'ag₃ tei₄ a₂'éng'₂ le₃quió'₅, ia₁jaun₂ rē₂tsón₂ a₂le₁'ág₄ caun₂ 'au'₂
 a₂'ín₂ 'au'₂ 'nia'₂ quian'₅₄ jui₅bí₂ quió'₅ Jme₂dsí₂ Jñió₅.
¹⁴ Caun₂ bá₄ 'ei₅ dsi₃ jniá₂, rin'₅₄ jniog₄, ma₂qui₂le₁rin₅ 'au'₂ 'nia'₂ a₂ŋéi₂ 'au'₂ ríng'₂,
 ton'₂ qui₂le₁rin₅ 'au'₂ 'nia'₂ a₂tin'₂ 'nia'₂, jaun₂ qui'₅₄ 'nia'₂ jmig₄ tóng'₄ jág₁ ríng'₂ le₂jang'₂
 le₂jang'₂. ¹⁵ A₂tiá₂ dsi₃ jniá₂ ma₂nē₂juá'₃ ja₁lin₅₄, ma₂nē₂tó'₃ jniá₂ jág₁ ne₄ si₂ la₂ ne'₅₄ 'nia'₂,
 ia₁jaun₂ tsá₃ dsi₃ 'én₂ 'au'₂ 'nia'₂. A₂'ua₁ dsi₅ bá₄ Diú₄ ma₂dsia₃ gu₃ ta₁ la₂, ¹⁶ a₂jme₂tí₁ ne₄
 Jesucristo jē₄ quió'₅ dsi₂nau₂, a₂qui₂jen'₄ jniá₂ ne'₅₄ 'nia'₂ jág₁ dse₃ a₂lión₂ dsa₂, ia₁jaun₂ lé₂
 qui₁jen'₄ 'nia'₂ i₂lín₂'₅ dsi₂nau₂, le₃ne₄ Diú₄, nē₂jag₄ bá₄ caun₂ a₂rē₂jen'₅₄ a₂guéi'₃, co₂'nió'₄
 dsa₂ i₂ma₂rē₂tson₄, ca₂jmo₃ Jme₂dsí₂ Jñió₅.
¹⁷ Jaun₂ lē₃, jmo₅ jniá₂ táng'₅ le₃quió'₅ Cristo Jesús, quian'₅₄ ta₁ a₂jmo₅ jniá₂ ne₄ Diú₄;
¹⁸ on₃juá'₅₄ rē'₂ a₂tiá₂ dsi₃ jniá₂ le₃juá'₄ lé₅ gué₄ lia'₂ con'₂ gué₄ jui₁lia'₂ a₂ma₂qui₂ma₂jmo₃
 Cristo tē₂le₃ quian'₅₄ jniá₂, a₂tsin'₅₄ jniá₂ dsi₂nau₂ ne₄ jui₅, quian'₅₄ jág₁ quió₃, quian'₅₄
 ta₁ quió₃ né₃, a₂le₃ne'₅₄ 'éi'₂ ne₄ Diú₄. ¹⁹ A₂lé₅ ta₁ nē₅ tē₂le₃ quian'₅₄ jui₅bí₂ a₂'io₅ léi₄
 juè'₂ a₂dsi₂gó'₃ dsi₅ dsa₂, tē₂le₃ quian'₅₄ jui₅bí₂ quió'₅ Jme₂dsí₂ Jñió₅ né₃. Le₂nē₅ bá₄
 ma₂ca₂jme₁ŋiag₂₃ ta₁ ma₂qui₂ma₂'é₃ jág₁ dse₃ quió'₅ Cristo, ca₂jme₁lióg₄ jniá₂ juig₂
 Jerusalén, jaun₂ gué₄ ŋeg₅₄ ta₁caun₂ jui₅ le₃lág'₃, ca₂lia'₂ ca₂dsióg₃ tē₂ 'uē₃ Ilírico. ²⁰ Le₂nē₅
 bá₄ ma₂ca₂jmo₃ dsen₅₄ dsi₃ ma₂qui₂ma₂'é₃ jág₁ le₂tan₅₄ juig₂ ja₁'i₁cón'₂ tsá₃ jme₁ma₂nág₂
 dsa₂ a₂'ín₅ dsa₂ Cristo, ia₁jaun₂ tsá₃ cho₅₄ jniá₂ ta₁ ne₄ 'uig₅₄ 'ia'₂ a₂ma₂ca₂jme₃lióg₃ i₂sián'₂.
²¹ La₁ jui₁lia'₂ juá'₂ ne₄ Si₂:
 Jág₃ dsa₂ jín₃ 'éi'₂
 i₂tsá₃ jme₁ma₂gú'₃ jág₁ quió'₅;
 jaun₂ le₃ŋí'₂ dsi₅
 jui₁lia'₂ i₂tsá₃ jme₁ma₂nág₂ a₂'ín₅ 'éi'₂.[§]

Dsi₂jio₃ dsi₅ Pa₄ dsó₃ jui₅ Roma

²² 'Uig₅₄ nē₅ ca₂jní₃ jniá₂ jui₅ 'lióng₂ ráun₂ lia'₂ con'₂ jme₁'nio₃ jme₁i₁jing₁₂ 'nia'₂. ²³ La₁
 nē₃ gué'₂ lia'₂ tsá₃ ma₃cha₂ ja₁jmo₅₄ ta₁ le₂tan₅₄ juig₂ te₁'i₁ le₃la₂, jaun₂ ma₂ne₁ŋó₄ bá₄
 'lióng₂ ŋi₂ jme₁'ín₅ dsi₃ jme₁nei₅₄ i₁jing₁₂ 'nia'₂, ²⁴ 'ín₂ dsi₃ jniá₂ ŋig₅₄ jui₅ ja₁tion'₅₄ 'nia'₂
 jē₁ma₂tē₂ rē₁nei₅₄ jui₅ España, ia₁jaun₂ lé₂ le₃tsag'₅₄ ne₄ jui₅ jaun₂, cang₂ jē₁ma₂ca₂mag'₂
 dsi₃ jing₅₄ 'nia'₂. ²⁵ La₁ rē₂nē₃ né₃, 'eng₅₄ jui₅ nei₅₄ jui₅ Jerusalén, a₂jme₁ti₁ jniá₂ ta₁ ja₁con₂
 dsa₂ quián₅ Diú₄ ja₁jaun₂. ²⁶ Ia₁ i₂chan₂ Macedonia quian'₅₄ i₂chan₂ Acaya né₃, ca₂jmo₃
 dsi₅ ca₂cág'₃ cu₄ a₂chein₃ ne₄ rin'₅₄ jniog₄ i₂tē₂ŋé₂ i₂chan₂ juig₂ Jerusalén. ²⁷ A₂'ŋio₂ dsi₅
 ca₂jmo₃ le₂jaun₂, ia₁ dsau₅ bá₄ jaun₂ riin₂ le₃quió'₅ 'éi'₂. Ia₁ chi₂juá'₂ ma₂qui₂ma₂quen'₅₄

§ 15:9 2 Samuel 22:50; Salmo 18:49. * 15:10 Deuteronomio 32:43. † 15:11 Salmo 117:1. ‡ 15:12 Isaías 11:10.

§ 15:21 Isaías 52:15.

dsi₂nau₂ a₂gu₂dsí₂ a₂ca₂cuë₃ dsa₂judíos, já₃ bá₄ le₂jaun₂ ca₂tíin₂ jme₃'o₅₄ quian'₅₄ a₂'nió'₅ le₃quió'₅ ni₁ñí₅. ²⁸ Jaun₂ le₂në₅, jë₁ma₂ca₂dsan₃ já₃ng'₅ jniá₂ ne₅₄ a₂ma₂ca₂cág'₃ dsa₂ jaun₂, jaun₂ gué₄ 'ú₄ jui₅ a₂nei₅₄ jui₅ España, a₂i₁jñg₁₂ 'nia'₂ lia'₂ ma₂'eng₅₄ jui₅. ²⁹ Jaun₂ caun₂ bá₄ 'ei₅ dsi₃, a₂jme₃gu'₅₄ bá₄ Cristo lia'₂ rë₂'ñia₅ jë₁ma₂të₂ rë₁dsió₄ jniá₂ a₂i₁jñg₁₂ 'nia'₂.

³⁰ Rin'₅₄ jniog₄, mi₅ jniá₂ ja₁con'₂ 'nia'₂ lia'₂ con'₂ lé₅ 'éi'₃ quió'₅ Te₁gui'₅₄ Jesucristo quián₂ jniog₄, ton'₂ ia₁ a₂cuë₅ Jme₂dsí₂ bí₂, a₂jme₁'nió₄ jniog₄ rin'₅₄: a₂jme₁quiong'₅₄ 'nia'₂ jniá₂, ne₄ 'nei₂ a₂chéng'₅, a₂chi₁len'₄ 'nia'₂ Diú₄ o₄quió₃. ³¹ Mi₄ 'nia'₂ ne₄ Diú₄ jui₁lio₅₄ jniá₂ o₄gú₃ dsa₂ i₂tsá₃ 'én₂ i₂chan₂ Judea, le₂jaun₂ guë'₂ já₃ jui₁gue₅₄ bá₄ rin'₅₄ jniog₄ jui₂ Jerusalén caun₂ dse₃ a₂i₁can₁₂ a₂jme₁'oin₁₂, ³² ia₁jaun₂ chi₂jua'₂ 'nio₃ Diú₄ a₂dsió₄ jniá₂, i₁jñg₁₂ 'nia'₂ a₂'io'₂ jmo₂₃, a₂tág'₄ jme₂dsí₂ quió₃ co₂dsia₅ quian'₅₄ 'nia'₂.

³³ Jui₁quiong'₅₄ bá₄ Diú₄ i₂jmo₅ 'ei₅ tei₄, ca₂le₃jñ'₃ 'nia'₂. A₂méi₃.

16

Cuñ₂₃ Diú₄ le₂jan₂ le₂jan₂

¹ Jme₂jnia₄ jniá₂ 'io₅₄ rin'₅₄ jniog₄ Febe, i₂ma₂jás jme₂ti₃ ja₁con₂ guá'₅ chan₂ Cencrea. ² Guein₅₄ bá₄ dse₃ o₄quió'₄ Te₁gui'₅₄, jmo₄ bá₄ con'₂ dsi₂ten₅₄ jmo₃ dsa₂ ja₁con₂ riin'₅₄ i₂'én₂, * já₃ guë'₂ jme₁'oin₁₂ quian'₅₄ jui₁'e₂ gué₃ a₂ca₂rë₃'nió'₃ quió'₅, ia₁ ma₂ca₂jme₃'o₅₄ bá₄ 'éi₂ 'ñiog₅ ma₂ca₂jme₃'oin₅₄ juin₅, já₃ guë'₂ le₂jaun₂ ma₂ca₂jme₃'o₅₄ jniá₂.

³ Cuñ₅₄ Diú₄ Priscila† quian'₅₄ Aquila, i₂lín₅ i₂quian'₅₄ jniá₂ jë₄ ta₁ a₂niog₅ quió'₅ Cristo Jesús. ⁴ 'Éi₂ bá₄ ca₂jmo₃ tén'₂ dsí₅ o₄quió₃ jniá₂, o₁jñia'₅₄ ca₂quí'₃ dsa₂ dsi₂lag₅₄. Jaun₂ cuë₅ jniá₂ ti₁'mag'₄ 'éi₂. On₃ jua'₅₄ jmá'₃ jniá₂; ca₂le₃jñ₃ dsi₂nau₂ i₂'én₂ cuë₂₃ ti₁'mag'₄ já₃.

⁵ Në₅ i₂cuíng'₅ Diú₄ já₃ dsa₂ rin'₅₄ jniog₄ i₂ñí'₂ dsi₂néi₂ quió'₅ Priscila quian'₅₄ Aquila né₃. Cuñ₅₄ Diú₄ Epeneto a₂mei₅₄ quiáng₃, dsa₂ i₂le₂'uig₅₄ i₂ca₂rë₃'én₂ le₃quió'₅ Cristo 'uë₃ Acaya.‡

⁶ Cuñ₅₄ co₂nio₄ Diú₄ María, ia₁ 'ñio₅ lín₃ ma₂jmo₃ ta₁ o₄quián'₂ 'nia'₂.

⁷ Cuñ₅₄ co₂nio₄ Diú₄ Andrónico quian'₅₄ Junias, dsa₂ go₃ jniá₂ i₂quiang'₅₄ ca₂'ú₃ né₃ 'má₃; co₂'nió'₄ dsa₂ i₂lén₄ i₂cuig₅ gué₄ dsa₂ i₂chen₄ quián₅ Te₁gui'₅₄, co₂'nió'₄ dsa₂ i₂jme₁ma₂tion'₅₄ le₃quió'₅ Cristo le₂jñiá₅ gué₄ con'₂ gué₄ jniá₂.

⁸ Cuñ₅₄ Diú₄ Amplias, jan₂ i₂'nió₃ jniá₂ le₃quió'₅ Te₁gui'₅₄.

⁹ Cuñ₅₄ co₂nio₄ Diú₄ já₃ Urbano, dsa₂ i₂quian'₅₄ jniog₄ jmo₂ ta₁ quió'₅ Cristo Jesús, quian'₅₄ Estaquis né₃ i₂lín₅ a₂mei₅₄ quiáng₃ i₂'nió₃ gué₄ lín₃.

¹⁰ Cuñ₅₄ Diú₄ Apeles, i₂ma₂jás cuë₂₃ léi₄ a₂ñi₂₃ le₃quió'₅ Cristo, le₂jaun₂ bá₄ jmo₄ co₂nio₄ quian'₅₄ ca₂le₃jñ₃ i₂chan₂ dsi₂néi₂ quió'₅ Aristóbulo já₃.

¹¹ Cuñ₅₄ Diú₄ Herodión, dsa₂ go₃ jniá₂, quian'₅₄ guë'₂ dsa₂ familia quián₅ Narciso i₂'én₂ le₃quió'₅ Te₁gui'₅₄.

¹² Cuñ₅₄ bá₄ co₂nio₄ Diú₄ Trifena quian'₅₄ Trifosa né₃, on₃ dsa₂ mí₂ i₂jmo₅ ta₁ quió'₅ Te₁gui'₅₄, quian'₅₄ guë'₂ 'io₅₄ rin'₅₄ jniog₄ Pérsida i₂'nió₄ gué₄ lín₃, i₂ñí₄ ma₂jmo₃ ta₁ quió'₅ Te₁gui'₅₄ já₃.

¹³ Cuñ₅₄ bá₄ Diú₄ Rufo i₂lín₅ dsa₂ i₂ma₂quion'₅₄ quián₅ Te₁gui'₅₄, quian'₅₄ chog₅₄, i₂jñg₅₄ në₂jag₄ bá₄ cha₃ já₃.

¹⁴ Cuñ₅₄ Diú₄ Asíncrito, Flegonte, quian'₅₄ guë'₂ Hermas, Patrobas, Hermes né₃, quian'₅₄ guë'₂ dsa₂ rin'₅₄ jniog₄ i₂quaiin'₅₄ né₃.

¹⁵ Cuñ₅₄ 'nia'₂ Diú₄ já₃ i₂chen₂ Filólogo quian'₅₄ Julia, Nereo né₃, quian'₅₄ 'io₅₄ riin'₅₄; cuñ₅₄ 'nia'₂ Diú₄ Olimpás quian'₅₄ guë'₂ ca₂le₃jñ₃ rin'₅₄ jniog₄ i₂'én₂§ i₂tion'₅₄ quaiin'₅₄.

* 16:2 lit. "dsa₂ jñi₅." † 16:3 griego: Prisca. ‡ 16:5 griego: Asia. § 16:15 lit. "dsa₂ jñi₅."

¹⁶ Cuin₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁* 'nia'₂ quió'₅ ríng'₂, a₂lé₅ léi₄ a₂ma₂'ei₅ caun₂ jág₁ a₂le₁jé₃ 'au'₂ quian'₅₄ ríng'₂. Ca₂le₃jín₃ bá₄ guá'₅ quián₅ Cristo dsiáin'₂ jág₁ a₂cuin₂₃ Diú₄ 'nia'₂.

¹⁷ Rin'₅₄ jniog₄, mi₅ jniá₂ ne'₅₄ 'nia'₂, rē₂ de'₂ quion₂ 'nia'₂ 'í₁, 'ein₂ dsia₅ mi'₅₄ jmo₅ le₁dson'₅₄ guá'₅, 'ein₂ chi'₅ jui₅ a₂qui₂nió₃ dsa₂, a₂tsá₃ dsi₂ten₅₄ lia'₂ con'₂ lé₅ jág₁ a₂ma₂ca₂rē₃tín'₃ 'nia'₂. Jaun₂ co₂dsia₅ chén'₂ 'nia'₂ cau₅ i₂jmo₅ le₂jaun₂. ¹⁸ Ia₁ on₃jua'₅₄ dsa₂ i₂jme₂ti₃ ne₄ Te₁gui'₅₄ Jesucristo i₂le₂'éi₂; con'₂ jnia'₅₄ jme₂ti₃ ne₄ a₂mi₅ ni₁ñi₁ guioin₅₄ bá₄, qui₂jme₂gain₂₃ dsí₅ jui₁lia'₂ dsa₂ i₂tsá₃ lin₄ ñí'₂ dsí₅, quian'₅₄ jág₁ 'ua₁, jág₁ rau₂ né₃.

¹⁹ Ca₂le₃jín₃ bá₄ dsa₂ le₁ñi₅ 'a₂ lia'₂ ma₂ja₂nó'₅ 'nia'₂ a₂neg'₅₄, jaun₂ 'io'₂ jmo₅ jniá₂ o₄quián'₂ 'nia'₂. La₁ia₁ 'nio₃ jniá₂ a₂lén'₂ 'nia'₂ 'ñiog'₅₄ le₃quió'₅ a₂dse₃, ján₃ bá₄ le₂nē₅ a₂léng'₂ dsa₂ i₂tsá₃ 'e₂ dsi₂jñia₅ dsí₅ ne₄ a₂'lig'₅₄. ²⁰ Jaun₂ Diú₄ i₂jmo₅ 'ei₅ tei₄, ñi'₅₄ ta₁ jlein'₃ i₂sē₃dse₃ o₄tag'₄ 'nia'₂. Jui₁'ei₅ bá₄ a₂dse₃ dsí₅ Te₁gui'₅₄ Jesús quián₂ jniog₄ ja₁con'₂ 'nia'₂.

²¹ Timoteo, i₂quian'₄ jniá₂ jmo₂₃ ta₁, dsiáin'₂ jág₁ a₂cuin₂₃ Diú₄ 'nia'₂; le₂jaun₂ bá₄ ján₃ Lucio quian'₅₄ Jasón, Sosípater, i₂lín₅ dsa₂ go₃ jniá₂.

²² Jniá₂ Tercio i₂tó₃ jág₁ la₂ ne₄ si₂, ján₃ bá₄ cuín₅ jniá₂ Diú₄ 'nia'₂ o₄quió'₄ Te₁gui'₅₄.

²³ Gayo né₃ dsiáin'₂ jág₁ a₂cuin₂₃ Diú₄ 'nia'₂. Dsi₂néi₂ quió'₅ 'éi₂ bá₄ 'eng₅₄. Já₃ bá₄ cuē₂₃ dsi₂néi₂ quió'₅ cué'₅ ca₂le₃jín₃ dsa₂ quián₅ guá'₅. Erasto dsa₂ i₂niog₅ gu₂ cu₄ quió'₅ dsa₂ juig₂ né₃, dsiáin'₂ jág₁ a₂cuin₂₃ Diú₄ 'nia'₂ já₃; i₂chen₂ Cuarto rin'₅₄ jniog₄ né₃.

²⁴ Jui₁jme₂gu'₅₄ bá₄ Te₁gui'₅₄ Jesucristo 'nia'₂ ca₂le₃jíng'₃, A₂méi₃.†

'Ág'₃ jág₁ Pa₄ a₂jme₂juin'₂ Diú₄

²⁵ Nē₃ né₃, jui₁jme₁juin'₂ jniog₄ Diú₄. 'Éi₂ bá₄ lé₂ le₃jmo₃ a₂náu'₁ 'nia'₂ tiá₂ lia'₂ con'₂ lé₅ jág₁ dse₃ quió'₅ Cristo a₂'é₅ jniá₂, lia'₂ con'₂ lé₅ ca₂jme₃jnia₅ Diú₄ jág₁ quió'₅ a₂jme₁rē₂'ma₄ ca₃ma₂líg'₂ lin₃. ²⁶ Diú₄ i₂chan₂ co₂tan₅₄ 'éi₂ bá₄ ca₂jmo₃ 'éi'₃ a₂jmo₃ jág₁ dsa₂ i₂chen₄ quián₅ ma₂líg'₂, jág₁ a₂ca₂tó'₂ 'éi₂ ne₄ Si₂, ia₁jaun₂ le₃ñi₅ dsa₂ chan₂ ca₂le₃jé₃ juig₂ nación, ia₁jaun₂ le₃'éin₂ jág₁ jaun₂, le₃nei'₅₄ né₃.

²⁷ ¡Diú₄ i₂jan₂ tan₅₄, i₂tin₂, i₂ñi₅, jui₁le₂juin'₂ bá₄ tē₂le₃ quian'₅₄ Jesucristo ca₂lia'₂ co₂tan₅₄! A₂méi₃.

Co₂nē₅.

* 16:16 Caun₂ tag₄ a₂jme₁chí'₄ lia'₂ con'₂ ca₂jmo₃ Pa₄ si₂ la₂. † 16:24 Chog₅₄ si₂ a₂dse₃ gué₄ tsá₃ chi₁ton₅

Si₂ carta le₂'uig₅₄ a₂ca₂jmo₃ San Pablo ne₄ dsa₂
CORINTIOS

*Jmo*₅ Pa₄ si₂ le₂'uig₅₄ a₂chein₂ ne₄ Guá'₅ i₂chan₂ juig₂ Corinto

¹Jniá₂ Pa₄, co₂ně₅ ca₂rě₃'ñi₃ó₃ dsí₅ Diú₄, ca₂tě₃ 'éi₂ a₂léng₂ dsa₂ i₂chen₄ quián₅ Te₁gui'₅₄ Jesucristo; jnia'₅₄ co₂dsia₅ quian'₅₄ Sóstenes rin'₅₄ jniog₄, ²jmo₂₃ si₂ carta la₂ a₂dsian'₄ ja₁con₂ guá'₅ quián₅ Diú₄, dsa₂ chan₂ juig₂ Corinto, dsa₂ i₂ma₂tě₅ Diú₄ a₂lén₂ dsa₂ i₂le₃chan₂ lě₅ 'í₁ le₃quió'₅ Cristo Jesús; co₂dsia₅ bá₄ quian'₅₄ ca₂le₃jín₃ i₂jme₂juin'₂ Te₁gui'₅₄ Jesucristo ca₂le₂con₂ mi₂güüg₃, a₂lín₅ 'éi₂ Te₁gui'₅₄ quián₅, jui₁lia'₂ quián₂ jniog₄ táng₃: ³Jui₁chan'₂ bá₄ 'nia'₂ 'ei₅ tei₄, jui₁jme₂gu'₅₄ bá₄ Diú₄ i₂lín₅ jmei₂ jniog₄, jui₁jme₂gu'₅₄ Te₁gui'₅₄ Jesucristo ján₃.

*Jme*₂gu'₅₄ Diú₄ tě₂le₃ quian'₅₄ Cristo

⁴Ca₂le₃o₃ jmi₂g₄ bá₄ cué₅ jniá₂ ti₁'mag'₄ Diú₄ o₄quián'₂ 'nia'₂, ia₁ ca₂jme₃gu'₅₄ bá₄ Diú₄ tě₂le₃ quian'₅₄ Cristo Jesús. ⁵Tě₂le₃ ia₁ a₂chan'₂ 'nia'₂ le₃quió'₅ Cristo, Diú₄ bá₄ ma₂ca₂jme₃'o₅₄ 'nia'₂ ca₂le₃jě₃ ne₅₄ a₂dse₃ quió'₅, jui₁lia'₂ jág₁ a₂'ñia'₂ 'nia'₂, jui₁lia'₂ ca₂le₃jě₃ a₂tin'₂ 'nia'₂ né₃. ⁶Le₂ně₅ bá₄ ca₂le₃jě₃ 'e₂ niog₅ ca₂jme₁tag₅ jnia'₅₄ tě₂le₃ quió'₅ Cristo, ma₂ca₂rě₃ti₃ bá₄ tě₂le₃ quian'₅₄ 'nia'₂. ⁷Jaun₂ lě₃, tsá₃ ma₃'e₂ 'nió'₅ quián'₂ 'nia'₂ jua'₅₄ a₂cué₃ Diú₄ caun₂ bí₂ a₂gu₂dsí₂, tě₂lia'₂ jan'₅₄ 'nia'₂ a₂'ín₂ 'au'₂ a₂jme₃jnia₅ Te₁gui'₅₄ Jesucristo quián₂ jniog₄. ⁸'Éi₂ bá₄ jme₃'o₅₄ náu'₁ 'nia'₂ tiá₂ ca₂tě₂ jmi₂g₄ jě₁ca₂tó'₂, ia₁jaun₂ tsá₃ 'e₂ dso₄ rin'₂ 'nia'₂ jě₁ma₂ca₂tě₂ jmi₂g₄ quió'₅ Te₁gui'₅₄ Jesucristo. ⁹I₂jme₃ti₃ bá₄ Diú₄ ca₂le₃jě₃ jág₁ quió'₅; 'éi₂ bá₄ ma₂ca₂tě₃ 'nia'₂ 'ag₃ caun₂ jág₁ quian'₅₄ Jesucristo ja₁ñi'₅₄, Te₁gui'₅₄ quián₂.

A₂tsi₂jín₅ dsa₂ dsia₂₃ mi'₅₄ jmo₂₃ le₁dsoin'₅₄

¹⁰Rin'₅₄ jniog₄, mi₅ jniá₂ ja₁con'₂ 'nia'₂ quian'₅₄ 'éi'₃ quió'₅ Jesucristo Te₁gui'₅₄ quián₂, 'éi₂ 'nia'₂ caun₂ jág₁, tsá₃ dsia₂ 'nia'₂ mi'₅₄ a₂jmo'₂ le₁dsong'₅₄. Tě₂le₃ ca₂tín'₂ bá₄ 'nia'₂ tóng'₄ 'ei₅ caun₂ jág₁ jen'₂ 'nia'₂, jui₁lia'₂ 'a₂ lia'₂ ñí'₂ 'nia'₂, a₂dsi₂jio₅ 'au'₂ né₃. ¹¹Juig₂ jniá₂ 'nia'₂ le₂ně₅, rin'₅₄ jniog₄, ia₁ ca₂rě₃chá₃ jág₁ juá'₂ dsa₂ familia quián₅ Cloé, 'a₂ lia'₂ lě₅ tion'₅₄ 'nia'₂, a₂niog₅ mi'₅₄ jin'₄ 'nia'₂. ¹²Co₂'nió'₄ le₃jua'₅₄ jág₁, jma₃quén₅ bá₄ ma₂lě₅ jag'₅₄ 'nia'₂ tiong'₅₄. I₂lín₅₄ ma₂juá'₂: “I₂quián₅ Pa₄ bá₄ jniá₂”; i₂lín₅₄ gué'₂ juá'₂ táng₃: “Jniá₂ gué'₂ lín₅ i₂quián₅ Pe₄”; sián'₂ gué'₂ juá'₂ táng₃: “Jniá₂ gué'₂ lín₅ dsa₂ i₂quián₅ Apolos”; i₂lín₅₄ gué'₂ juá'₂ táng₃: “Jniá₂ gué'₂ lín₅ i₂quián₅ Cristo.” ¹³¿O₃ bá₄ le₁dso'₄ ma₂i₂lé₂ quió'₅ Cristo ně₁jua'₂ le₂jaun₂? ¿O₃ bá₄ Pa₄ i₂ca₂tě₁ton₅₄ cróg₄ o₄quián'₂ 'nia'₂? Le₂jaun₂ gué'₂ ján₃, ¿O₃ bá₄ lia'₂ con'₂ lě₅ 'éi'₃ quió'₅ Pa₄ ca₂jñó'₂ 'nia'₂ jmi₂g₂?* ¹⁴Ti₁'mag'₄ Diú₄ tsá₃ jniá₂ ca₂chóng₃ jmi₂g₂† 'i₁jan'₂ 'nia'₂, jñia'₅₄ lia'₂ Crispo quian'₅₄ Gayo, ¹⁵con'₂ tsá₃ lě₅ jua'₅₄ a₂dsia₃ dsa₂ a₂ca₂chóin₃ jniá₂ jmi₂g₂‡ lia'₂ con'₂ lě₅ 'éi'₃ quió₃. ¹⁶(Jñia'₅₄ lia'₂ familia quián₅ Estéfanos bá₄ ján₃, dsá₂ dsi₃ ca₂chón₃ jniá₂ jmi₂g₂. Jaun₂ tsá₃ ma₃dsá₂ dsi₃ jua'₅₄ chan₂ gué'₄ i₂sián'₂ ca₂chón₃ jniá₂ jmi₂g₂.)§ ¹⁷Ia₁ tsá₃ ta₁ jaun₂ ca₂chei₃ Cristo jniá₂ jua'₅₄ a₂tsón₄ jniá₂ jmi₂g₂ dsa₂,* con'₂ jñia'₅₄ lia'₂ a₂qui₁'ě₄ jág₁ a₂tín'₄ dsa₂ bá₄, on₃jua'₅₄ qui₁ton₁ jág₁ jua'₅₄ a₂jmo₅₄ a₂ñí₄ ting₂, con'₂ tsá₃ lě₅ jua'₅₄ a₂tsá₃ ta₁ tí₄ a₂ca₂guen₃ Cristo 'mú₃ ne₄ cróg₄.

Cristo i₂lín₅ bí₂ quió'₅ Diú₄

* 1:13 lit. “ca₂i₃tian'₃ 'nia'₂ jmi₂g₂.” † 1:14 lit. “ca₂tióg₃ jmi₂g₂.” ‡ 1:15 lit. “a₂ca₂tiáin₃ jniá₂ jmi₂g₂.” § 1:16 lit. “ca₂tián₃ jniá₂ jmi₂g₂.” * 1:17 lit. “a₂tián₄ jniá₂ jmi₂g₂ dsa₂.”

¹⁸ Jág₁ dse₃ la₂, 'a₂ lia'₂ ca₂jon₃ Cristo ne₄ cróg₄, lé₅ jág₁ co₄ tē₂le₃ ja₁con₂ dsa₂ i₂tion'₅₄ jui₅ dsi₃'én₂. La₁ tē₂le₃ quián₂ jniog₄ i₂tio'₅₄ jui₅ a₂tág'₄, lé₅ jui₅bí₂ quió'₅ Diú₄. ¹⁹ Ia₁ jui₁lia'₂ juá'₂ ne₄ Si₂:

Co₂dsia₅'én₄ jniá₂ jui₁lia'₂ a₂tin₂ dsa₂

i₂ñí₄ lē₃ ñi₅ jmo₅,

ján₃ gué'₂ jmo₅₄ cau₅ jág₁ a₂ñí'₂ dsi₅

dsa₂ i₂jmo₅ a₂ñí₄ lē₃ 'ñioi₅₄.†

²⁰ ¿'E₂ bá₄ ta₁ tén₄ jui₁lia'₂ dsa₂ i₂ñí₄ tin₂ né₃, jui₁lia'₂ tē₅, o₃ jui₁lia'₂ dsa₂ i₂ñí₄ ñi₅ dsia₃ ca₂le₃jé₃ 'a₂ lia'₂ niog₅ lé₅ mi₂güí₃ la₂? Ia₁ ca₂le₃jé₃ 'e₂ niog₅ ñí'₂ dsa₂ mi₂güí₃ la₂, 'ñiog₅ bá₄ Diú₄ ma₂jmo₃ jág₁ jaun₂ a₂tsá₃ ta₁ tí₄. ²¹ Ia₁ jui₁lia'₂ ca₂'náu'₃ dsi₅ Diú₄ jmo₃, tsá₃ ca₂rē₃cuí₅ dsa₂ mi₂güí₃ tē₂le₃ quian'₅₄ jág₁ a₂ñí'₂ dsi₅ guoin₅₄, a₂jaun₂ bá₄ ca₂rē₃'ñió₃ dsi₅ Diú₄ a₂lióin₂ dsa₂ i₂'én₂ jág₁ quió'₅, tē₂le₃ quian'₅₄ jág₁ a₂ca₂'é₂ dsa₂, caun₂ jág₁ a₂jmo₅ dsa₂ mi₂güí₃ dsi₅ caun₂ jág₁ co₄.

²² Jui₁lia'₂ dsa₂ judíos né₃, 'nio₃ tē₃ ne₅₄ léi₄ jué'₂, dsa₂ griego né₃ 'no'₂ jág₁ a₂le₃ñí₂ dsi₅, ²³ la₁ia₁ jnia'₅₄ né₃, qui₂'é₅ jág₁ 'ín₅ jnia'₅₄ Cristo i₂ca₂jon₃ tē₁ton₅₄ cróg₄. Jág₁ nē₅ né₃, lé₅ caun₂ a₂jnág₅ jui₅ ja₁jme₁rē₂'én₂ dsa₂ judíos, ján₃ bá₄ lé₅ caun₂ jág₁ co₄ tē₂le₃ quió'₅ dsi₂nau₂. ²⁴ La₁ tē₂le₃ quió'₅ dsa₂ i₂ma₂tē₅ Diú₄, lia'₂ dsa₂ judíos lia'₂ dsa₂ griegos táng₃, 'ín₅ jnia'₅₄ Cristo i₂lín₅ jui₅bí₂ quió'₅ Diú₄, i₂lín₅ jág₁ a₂ñí'₂ dsi₅ Diú₄ né₃. ²⁵ Ia₁ co₂'nió'₄ jág₁ co₄ quió'₅ Diú₄, juá'₂ dsa₂ mi₂güí₃, jág₁ nē₅ bá₄ a₂lé₅ a₂dsen₅₄ quen₅ gué₄ lia'₂ con'₂ gué₄ jág₁ a₂ñí'₂ dsi₅ dsa₂ mi₂güí₃. Ján₃ bá₄ jui₁lia'₂ a₂jmo₅ dsa₂ dsi₅ a₂'uan₅₄ quió'₅ Diú₄, a₂jaun₂ gué₄ dsón'₂ a₂'io₅ gué₄ bí₂ lia'₂ con'₂ gué₄ bí₂ quió'₅ dsa₂ mi₂güí₃.

²⁶ Rín'₅₄ jniog₄, ca₂tín'₂ bá₄ 'nia'₂ 'nau'₅₄ 'au'₂ 'a₂ lia'₂ ca₂tē₃ Diú₄ 'nia'₂. Tsá₃ juin'₅ 'nia'₂ i₂tin₂ ñi₅ lia'₂ con'₂ lé₅ ñi₅ dsa₂ mi₂güí₃; ján₃ gué₄ tsá₃ juin'₅ 'nia'₂ 'au'₂ bí₂; tsá₃ juin'₅ 'nia'₂ ca₂rē₃chán'₃ jui₁lia'₂ familia dsen₅₄ né₃. ²⁷ La₁ia₁ ma₂quió'₂ Diú₄ jág₁ a₂jmo₅ dsa₂ mi₂güí₃ dsi₅ jág₁ co₄, a₂jmo₃ a₂tē₃tsin'₅₄ o₂guí'₃ dsa₂ i₂lín₂ ñí'₂ gué₄ dsi₅. Ján₃ bá₄ ma₂quió'₂ Diú₄ jág₁ a₂jmo₅ dsa₂ mi₂güí₃ dsi₅ jág₁ 'uan₅₄, a₂jmo₃ a₂tē₃tsin'₅₄ o₂guí'₃ jui₁lia'₂ dsa₂ i₂lín₂ a₂'uain'₂. ²⁸ Ma₂quióin'₂ Diú₄ jui₁lia'₂ dsa₂ i₂jín₂ dsa₂ mi₂güí₃ i₂tsá₃ 'e₂ quen₅, i₂sion₅ gué₄, i₂tsá₃ 'e₂ lín₅, a₂tón₂ 'uē₃ jui₁lia'₂ i₂ñí₄ lē₃ dsen₅₄ lín₂, ²⁹ ia₁jaun₂ tsá₃ 'ein₂ lé₂ dsia₃ jág₁ tá'₅ le₃ne₄ Diú₄. ³⁰ 'ñiog₅ bá₄ Diú₄ ma₂jmo₃ a₂tion'₅₄ 'nia'₂ le₃quió'₅ Cristo Jesús, i₂ma₂lín₅ i₂ñí'₂ dsi₅ quián₅ Diú₄ o₄quián₂ jniog₄. Co₂'nió'₄ le₃jua'₅₄, tē₂le₃ quian'₅₄ Cristo bá₄ ma₂guei₃ Diú₄ jniog₄ nē₂jag₄ bá₄ a₂tsá₃ 'e₂ dso₄ rag₂; tē₂le₃ quian'₅₄ Cristo bá₄ jág₂ Diú₄ jniog₄ dsa₂ le₁jín₃ i₂lé₅ 'í₁ quiáin₅; tē₂le₃ quian'₅₄ Cristo bá₄ ján₃, ca₂'ág₂ táng₃ caun₂ jág₁ quián₂ jniog₄ quian'₅₄ Diú₄. ³¹ Jaun₂ lē₃, jui₁lia'₂ juá'₂ ne₄ Si₂, "Jui₁lia'₂ dsa₂ i₂dsia₅ jág₁ tá'₅, jui₁dsia₁₂ jág₁ tá'₅ le₃quió'₅ Te₁gui'₅₄."‡

2

Jág₁ quió'₅ Cristo, a₂ca₂ñó₃ ne₄ cróg₄

¹ Rín'₅₄ jniog₄, lia'₂ con'₂ ñeg₅₄ ja₁con'₂ 'nia'₂, i₁chei₁₂ 'nia'₂ jág₁ tí₅ la₂ quió'₅ Diú₄, tsá₃ jaun₂ ca₂jmo₃ jua'₅₄ ca₂juí₂g₂ 'nia'₂ jág₁ ca'₅₄ jui₁lia'₂ jmo₅ dsa₂ i₂ñí₄ tin₂. ² Lia'₂ con'₂ jme₁'eng₅₄ quiang'₅₄ 'nia'₂, tsá₃ 'e₂ jág₁ siá'₂ jme₁'nio₃ le₃guion₅₄, jnia'₅₄ lia'₂ ca₂ne₅₄ jág₁ quió'₅ Cristo bá₄, i₂tē₁ton₅₄ cróg₄. ³ Ca₂dsió₃ jniá₂ ja₁con'₂ 'nia'₂ a₂lín₅ jan₂ dsa₂ 'uan₅₄, gó'₅, jleng₂₃ 'ñio₅ lín₃. ⁴ Lia'₂ jme₁ca₂jme₁ting₂₃ 'nia'₂ jág₁ dse₃, tsá₃ ca₂jmo₃ jág₁ jui₁lia'₂ jmo₅ dsa₂ i₂tin₂; jmá'₃ lia'₂ quian'₅₄ jág₁ a₂jme₂jnia₅ jui₅bí₂ quió'₅ Jme₂dsi₂ 'ñjío₅ bá₄ ca₂'é₂ jniá₂ jág₁, ⁵ ia₁jaun₂ tē₂le₃ quian'₅₄ jui₅bí₂ quió'₅ Diú₄ bá₄ lé₅ a₂'én'₂ 'nia'₂, on₃jua'₅₄ lia'₂ con'₂ lé₅ tin₂ dsa₂ mi₂güí₃.

† 1:19 Isaías 29:14. ‡ 1:31 Jeremías 9:24.

*Jme*₂*jnia*₅ *Diú*₄ *ja*₁*con*₂ *dsa*₂ *mi*₂*güig*₃ *të*₂*le*₃ *quian*₅₄ *Jme*₂*dsí*₂ *quiáin*₅
⁶ *La*₁*ia*₁ *dsia*₂ *bá*₄ *jnia*₅₄ *jág*₁ *ca*₅₄ *a*₂*tag*₂ *a*₂*ne*₄ *jín*₄ *rín*₅₄ *i*₂*ma*₂*ron*₂, *la*₁ *on*₃*jua*₅₄ *jág*₁ *ca*₅₄ *a*₂*cha*₂ *mi*₂*güig*₃ *la*₂, *on*₃ *quë*₂ *jág*₁ *ca*₅₄ *quió*₅ *dsa*₂ *i*₂*gon*₂ *mi*₂*güig*₃ *la*₂, *i*₂*qui*₂*dsi*₃ *ñí*₂. ⁷ *Të*₂*le*₃ *jág*₁ *a*₂*jme*₁*rë*₂ *'ma*₄ *quió*₅ *Diú*₄ *la*₂ *bá*₄ *'é*₅ *jnia*₅₄, *qui*₂*chei*₂ *jnia*₅₄ *dsa*₂ *ca*₂*le*₃ *jé*₃ *a*₂*nio*₅ *dsí*₅ *Diú*₄ *jmo*₃ *a*₂*jlá*₁ *o*₄*quián*₂ *jniog*₄ *né*₃ *gué*₄ *a*₂*nio*₃ *mi*₂*güig*₃. ⁸ *Ca*₂*lia*₂ *'i*₁*jan*₂ *dsa*₂ *can*₅₄ *i*₂*qui*₂*dsi*₅ *'éi*₃ *mi*₂*güig*₃ *la*₂ *ma*₂*ca*₂*rë*₃ *ñí*₂ *jág*₁ *la*₂; *ia*₁ *jua*₅₄ *mei*₂ *gué*₃ *ca*₂*rë*₃ *ñí*₂, *tsá*₃ *jme*₁*tioin*₃ *ne*₄ *cróg*₄ *Te*₁*gui*₅₄ *'uan*₂ *quián*₂. ⁹ *La*₁*ia*₁, *jui*₁*lia*₂ *juá*₂ *ne*₄ *Si*₂:

*Tsá*₃ *ne*₄ *dsa*₂ *ma*₂*té*₂,
*on*₃ *gué*₂ *ma*₂*nág*₂,
*on*₃ *gué*₂ *ma*₂*i*₂*jio*₅ *dsí*₅ *dsa*₂

*a*₂*ma*₂*jmo*₃ *Diú*₄ *co*₂*jnia*₅₄ *quió*₅ *dsa*₂ *i*₂*'nio*₃.*

¹⁰ *La*₁ *të*₂*le*₃ *quian*₅₄ *Jme*₂*dsí*₂ *quiáin*₅, *Diú*₄ *bá*₄ *ma*₂*ca*₂*jme*₃*jnia*₅ *a*₂*jaun*₂ *ja*₁*con*₂ *jniog*₄. *Ia*₁ *Jme*₂*dsí*₂ *'éi*₂ *bá*₄ *téi*₂ *si*₂ *jág*₁ *jué*₂ *a*₂*nio*₅ *cha*₂ *quió*₅ *Diú*₄ *'jio*₅.

¹¹ *Të*₂*le*₃ *jín*₄ *dsa*₂ *mi*₂*güig*₃ *guoin*₅₄ *gué*₂ *né*₃, *¿**'ein*₂ *bá*₄ *qui*₅₄ *jmi*_g₄ *le*₃*ñi*₅ *'e*₂ *dsi*₂*jio*₅ *dsí*₅ *riin*₅₄, *jnia*₅₄ *lia*₂ *jme*₂*dsí*₂ *quió*₅ *'jio*₅ *bá*₄ *dsa*₂ *a*₂*'i*₄ *të*₂*dsí*₅ *ñi*₅? *Le*₂*jaun*₂ *bá*₄ *lé*₅ *le*₃*quió*₅ *Diú*₄. *'I*₁*jan*₂ *tsá*₃ *'ein*₂ *ma*₂*ca*₂*rë*₃ *ñi*₅ *'a*₂ *lia*₂ *dsi*₂*jio*₅ *dsí*₅ *Diú*₄; *jnia*₅₄ *lia*₂ *'jio*₅ *bá*₄ *Jme*₂*dsí*₂ *ñi*₅. ¹² *Tsá*₃ *jme*₂*dsí*₂ *quián*₅ *mi*₂*güig*₃ *la*₂ *ma*₂*guén*₄ *jniog*₄; *Jme*₂*dsí*₂ *a*₂*já*₅ *ja*₁*con*₂ *Diú*₄ *bá*₄ *i*₂*ma*₂*ca*₂*guén*₄ *jniog*₄, *ia*₁*jaun*₂ *le*₃ *ñí*₂ *dsi*₅ *jniog*₄ *ca*₂*le*₃ *jé*₃ *'e*₂ *a*₂*ma*₂*cué*₃ *Diú*₄ *jniog*₄ *ia*₁ *a*₂*'ua*₁ *dsí*₅. ¹³ *Jniog*₄ *né*₃, *le*₂*në*₅ *lé*₅ *ca*₂*le*₃ *jé*₃ *jág*₁ *a*₂*dsia*₂ *jniog*₄ *con*₂ *lé*₅ *ma*₂*ca*₂*jme*₃*tag*₅ *Jme*₂*dsí*₂ *quián*₅ *Diú*₄, *on*₃*jua*₅₄ *con*₂ *lé*₅ *jág*₁ *a*₂*ñí*₂ *dsí*₅ *dsa*₂ *mi*₂*güig*₃. *Le*₂*në*₅ *bá*₄ *jme*₂*jniá*₁ *jnia*₅₄ *jág*₁ *a*₂*gu*₂*dsí*₂ *qui*₂*chei*₂ *jnia*₅₄ *dsa*₂ *i*₂*gu*₂*dsí*₂.†

¹⁴ *Jui*₁*lia*₂ *dsa*₂ *i*₂*tsá*₃ *lín*₅ *i*₂*gu*₂*dsí*₂ *né*₃, *tsá*₃ *guein*₂₃ *jág*₁ *quió*₅ *Jme*₂*dsí*₂, *ia*₁ *lé*₅ *jág*₁ *co*₄ *bá*₄ *la*₂ *le*₃*quió*₅ *'éi*₂. *Tsá*₃ *lé*₂ *le*₃ *ñí*₂, *ia*₁ *ca*₂*le*₃ *jé*₃ *a*₂*në*₅ *qui*₃*jio*_g₂ *'í*₁ *të*₂*le*₃ *quian*₅₄ *Jme*₂*dsí*₂ *bá*₄. ¹⁵ *La*₁ *dsa*₂ *i*₂*gu*₂*dsí*₂ *né*₃, *qui*₂*con*₂ *'í*₁ *le*₃ *jé*₃, *la*₁*ia*₁ *'i*₁*jan*₂ *tsá*₃ *lé*₂ *le*₃*con*₂ *'í*₁ *ja*₁*coin*₂.

¹⁶ *Ia*₁:

*¿**'Ein*₂ *bá*₄ *'éi*₂ *i*₂*ñi*₅

*'a*₂ *lia*₂ *dsi*₂*jio*₅ *dsí*₅ *Te*₁*gui*₅₄,

*jua*₅₄ *lé*₂ *le*₃*jme*₃*tin*₂₃ *'éi*₂?‡

*La*₁ *jniog*₄ *né*₃ *dsi*₂*jio*₅ *dsi*₅ *jui*₁*lia*₂ *dsi*₂*jio*₅ *dsí*₅ *Cristo*.

3

*Rín*₅₄ *jniog*₄ *i*₂*jmo*₅ *ta*₁ *jme*₂*ti*₃ *ne*₄ *Diú*₄

¹ *Rín*₅₄ *jniog*₄, *tsá*₃ *ca*₂*lë*₃ *jua*₅₄ *juig*₅₄ *'nia*₂ *jui*₁*lia*₂ *'nia*₂ *dsa*₂ *i*₂*jio*₅ *con*₂ *lé*₅ *Jme*₂*dsí*₂, *të*₂*le*₃ *jui*₁*lia*₂ *'nia*₂ *dsa*₂ *i*₂*jio*₅ *con*₂ *lé*₅ *ni*₁*ñi*₁ *bá*₄ *ca*₂*juig*₂ *jniá*₂ *'nia*₂, *në*₂*jag*₄ *bá*₄ *guein*₂ *le*₃*quió*₅ *Cristo*. ² *Jmá*₃ *lia*₂ *jág*₁ *a*₂*tsá*₃ *juí*₅ *bá*₄ *ma*₂*ca*₂*jme*₁*tin*₅ *jniá*₂ *'nia*₂, *në*₂*jag*₄ *bá*₄ *guein*₂ *bë*₅₄ *i*₂*'ín*₂ *dsi*₅₄ *i*₂*tsá*₃ *ma*₂*lé*₂ *gué*₃ *má*₃ *bén*₂. *Dsón*₂ *bá*₄ *jaun*₂, *tsá*₃ *ma*₂*lé*₂ *nág*₁ *'nia*₂ *jág*₁ *bén*₂. ³ *Ia*₁ *lia*₂ *lín*₅ *dsa*₂ *i*₂*jio*₅ *con*₂ *lé*₅ *ni*₁*ñi*₁ *bá*₄ *gué*₄ *lín*₅ *'nia*₂. *Ia*₁ *të*₁*lia*₂ *tion*₅₄ *'nia*₂ *le*₂*jaun*₂ *a*₂*uig*₅ *'au*₂ *'nia*₂, *a*₂*qui*₂*tsín*₂ *'nia*₂ *né*₃, *¿**Tsa*₁ *i*₂*nio*₅₄ *'nia*₂ *con*₂ *jio*₅ *ni*₁*ñi*₁? *¿**Tsa*₁ *i*₂*nio*₅₄ *'nia*₂ *jui*₁*lia*₂ *i*₂*nio*₅ *dsa*₂ *mi*₂*güig*₃? ⁴ *Ia*₁ *chi*₂*jua*₂ *chan*₂ *jan*₂ *i*₂*juá*₂: “*Dsa*₂ *quián*₅ *Pa*₄ *bá*₄ *jniá*₂”; *i*₂*lín*₅₄ *gué*₂ *dsia*₅ *táng*₃, *juá*₂: “*Jniá*₂ *gué*₂ *lín*₅ *dsa*₂ *quián*₅ *Apolos*”, *¿**on*₁*jua*₅₄ *lia*₂ *lín*₅ *dsa*₂ *mi*₂*güig*₃ *bá*₄ *lín*₅ *'nia*₂?

⁵ *Jaun*₂ *né*₃, *¿**'ein*₂ *'éi*₂ *Apolos*? *Le*₂*jaun*₂ *gué*₂ *¿**'Ein*₂ *'éi*₂ *Pa*₄? *Jnia*₅₄ *lia*₂ *dsa*₂ *i*₂*jme*₂*ti*₃ *ta*₁ *ne*₄ *Diú*₄ *bá*₄ *lág*₅ *jnia*₅₄ *i*₂*i*₂*nio*₄ *jme*₂*tín*₁ *dsa*₂ *jui*₁*lia*₂ *ca*₂*lë*₃ *jme*₁*ca*₂*rë*₃ *'én*₂ *'nia*₂ *të*₂*le*₃ *quió*₅ *Te*₁*gui*₅₄. *Le*₂*jau*₂ *le*₂*jau*₂ *jnia*₅₄ *ma*₂*ja*₂*náu*₅ *jmo*₂ *ta*₁ *con*₂ *lé*₅ *ma*₂*cué*₃ *Te*₁*gui*₅₄. ⁶ *Jnia*₅₄ *con*₂ *ca*₂*jan*₃ *jon*₂ *bá*₄ *jniá*₂; *Apolos* *gué*₂ *ca*₂*séi*₂ *jmi*_g₂. *La*₁*ia*₁ *'jio*₅ *bá*₄ *Diú*₄

* 2:9 *Isaías* 64:4. † 2:13 *o*₃, “*qui*₂*chei*₂ *jnia*₅₄ *dsa*₂ *a*₂*gu*₂*dsí*₂.” ‡ 2:16 *Isaías* 40:13.

ca₂jmo₃ ca₂i₃cón₃. ⁷Jaun₂ né₃, dsa₂ i₂jne₅, quian'₅₄ guë'₂ i₂séi₂ jmi₂g₂, tsá₃ 'e₂ tin₂ 'éi₂; jñia'₅₄ lia'₂ 'ñiog₅ bá₄ Diú₄ jmo₂₃ a₂dsi₂cón₃. ⁸Jui₁lia'₂ dsa₂ i₂jne₅ quian'₅₄ guë'₂ dsa₂ i₂séi₂ jmi₂g₂, co₂rë₂ bá₄ téin₅ ta₁. Jaun₂ le₂jaun₂ bá₄ gue₃ 'liain'₅₄ le₂jain₂ le₂jain₂ lia'₂ con'₂ lé₅ ta₁ quió'₅. ⁹Jme₁tí₁ jnia'₅₄ ne₄ Diú₄ quian'₅₄ rin'₅₄ jmo₂ ta₁; 'nia'₂ bá₄ líng'₅ co₂'nió'₄ 'uë₃ ja₁nau₂ ja₁lé₂ ta₁. O₃ lé₂ le₃jua'₅₄ ján₃, lín'₅ 'nia'₂ në₂jag₄ caun₂ 'né₅ a₂chí'₅ quió'₅ Diú₄. ¹⁰Uig₅₄ ia₁ a₂'ua₁ dsí₅ Diú₄, ca₂cuë₃ ta₁ a₂tsi'₅₄ 'uig₅₄ 'ia'₂, co₂'nió'₄ jan₂ të₅'ia'₂ bá₄ líng₅. I₂sián'₂ guë'₂ táng₃ jui₂₃ ne₄ jaun₂. Le₂jan₂ le₂jan₂ i₂jui₅ né₃, ca₂tíin₂ con₂ 'í₁ rë₂ chi₂jua'₂ rë₂ bá₄ jui₂₃ tíoin'₅₄. ¹¹Ia₁ 'i₁jan₂ tsá₃ ma₃'ein₂ lé₂ chi'₃ 'uig₅₄ siá'₂, jñia'₅₄ lia'₂ con'₂ caun₂ a₂ma₂chí'₅ bá₄; a₂jaun₂ lín₅ Cristo 'ñiog₅. ¹²Në₃ né₃, jui₁lia'₂ ja₁jui₅ dsa₂ ne₄ 'uig₅₄ jaun₂ quian'₅₄ cu₄nió₄, cu₄tio₂g₂, quian'₅₄ ni₁cang₁ tág₅ jlá'₁, o₃ jui₁lia'₂ ja₁jui₅ 'e₂ dsa₂ quian'₅₄ jau₅₄ 'ma₂ o₃ quian'₅₄ ni₁ñei₂, ni₁'ma₂ ta₅ né₃, ¹³tion₅₄ bá₄ le₃jniá₂ ta₁ quió'₅ le₂jan₂ le₂jan₂. Jmi₂g₄ i₁jáun₃, si₂ bá₄ jme₃jnia₅ a₂jaun₂, jióg'₂ 'í₁ né₃ 'a₂ lia'₂ lé₅ ta₁ quió'₅ le₂jan₂ le₂jan₂. ¹⁴Chi₂jua'₂ ca₂jio₃g₃ a₂ca₂chí'₃ dsa₂ jaun₂, gue₃ bá₄ 'liain'₅₄; ¹⁵la₁ në₁jua'₂ ca₂cáu₂ né₃, dsi₃'én₂ bá₄ quió'₅. La₁ jñia'₅₄ con'₂ lióin₂ jmá'₃ 'ñiog₅, në₂jag₄ bá₄ jan₂ dsa₂ i₂ja₂lag₃ ca₂lón₂ ne₄ si₂ bá₄ lé₂.

¹⁶¿Tsa₁ ñi'₅₄ 'nia'₂, guion'₅₄ bá₄ 'nia'₂ líng'₅ guá'₅ quió'₅ Diú₄, ton'₂ guá₅ Jme₂dsí₂ quián₅ Diú₄ të₂'au'₂ 'nia'₂? ¹⁷Në₁jua'₂ 'ein₂ ca₂'én₂ guá'₅ quió'₅ Diú₄, Diú₄ né₃ co₂dsia₅ 'éin₂ dsa₂ 'éi₂. Ia₁ i₂jñiós bá₄ guá'₅ quián₅ Diú₄, jaun₂ guion'₅₄ bá₄ 'nia'₂ líng'₅ guá'₅.

¹⁸'I₁jan'₂ 'nia'₂ tsá₃ 'ein₂ jui₁le₂gan₂. Chi₂jua'₂ chan₂ i₂lín₂ 'ñio₅ lín₃ ñí'₂ dsí₅ lia'₂ con'₂ lé₅ ñí'₂ dsí₅ dsa₂ mi₂güí₃g₃, jui₁jmo₁₂ co₂dsia₅ ne₂jag₄ bá₄ a₂tsá₃ 'e₂ ñi₅, ia₁jaun₂ gué₄ dsióg₄ léin₂ të₃dsón'₂ dsa₂ i₂tin₂ i₂ñi₅. ¹⁹Ia₁ ca₂le₃jé₃ a₂ñí₄ 'ñio₅ tin₂ dsa₂ mi₂güí₃g₃, ca₂le₃jé₃ a₂jaun₂ tsá₃ 'e₂ quen₅ le₃ne₄ Diú₄. Ia₁ ne₄ Si₂ juá'₂: “Diú₄ join₂₃ dsa₂ jë₄ mai₅₄ quió'₅ guioin₅₄.”* ²⁰Juá'₂ ne₄ Si₂ ján₃: “I₂ñi₅ bá₄ Te₁gui'₅₄ 'a₂ lia'₂ qui₂dsi₂jio₅g₃ dsí₅ dsa₂ i₂tin₂, a₂tsá₃ 'e₂ ta₁ tí₄.”† ²¹Jaun₂ lë₃, 'i₁jan₂ tsá₃ jui₁dsia₁₂ jág₁ tá'₅ le₃quió'₅ dsa₂ mi₂güí₃g₃. Ia₁ a₂ca₂tín'₂ 'nia'₂ bá₄ ca₂le₃jé₃ a₂cha₂. ²²Pa₄, Apolos, Pe₄,‡ mi₂güí₃g₃ a₂chong₂ jniog₄, 'mú₃, jmi₂g₄ rë₂né₃, jui₁la₂ jmi₂g₄ 'ióg₃ né₃: ca₂le₃jé₃ bá₄ në₅ lé₅ quián'₂ 'nia'₂. ²³Le₂jaun₂ guë'₂ ján₃, i₂quián₅ Cristo bá₄ 'nia'₂; Cristo guë'₂ lín₅ i₂quián₅ Diú₄.

4

Ta₁ a₂ca₂tín₂ dsa₂ i₂chen₄ quián₅ Cristo

¹Jaun₂ bá₄ né₃, con'₂ jñia'₅₄ dsa₂ i₂jme₂ti₃ ta₁ ne₄ Cristo bá₄ ca₂tín₂ dsa₂ jág₂ jnia'₅₄, a₂niog₅ ne₄ jnia'₅₄ jág₁ a₂jme₁rë₂'ma₄ quió'₅ Diú₄. ²Con'₂ siá'₂ táng₃, chi₂jua'₂ le₂në₅, jaun₂ bá₄ tion₅₄ ca₂tín₂ jui₁lia'₂ dsa₂ i₂niog₅ gu₂ ta₁ le₂'éi₂, jme₃ti₃ quian'₅₄ ta₁ a₂ca₂ñi₂. ³Të₂le₃ quió₃ jniá₂ né₃, tsá₃ a₂nag₅₄ jaun₂ në₁jua'₂ ca₂quion'₂ 'nia'₂ 'í₁ le₃ja₁cong₂, o₃ në₁jua'₂ ca₂cáun₃ 'í₁ dsi₂tan₅₄ dsa₂ mi₂güí₃g₃ 'e₂. Ca₂lia'₂ jñia'₅₄ 'ñiós, tsá₃ cáun₅ 'í₁ le₃ja₁cong₂ 'ñiós. ⁴'I₁caun₂ tsá₃ 'e₂ dsi₂jñi₅ dsi₃. La₁ on₃jua'₅₄ le₂në₅ o₂'ag₅ jág₁ a₂tsá₃ 'e₂ rë₂cáng₄. 'ñiog₅ bá₄ Te₁gui'₅₄ i₂con₂ 'í₁ quió₃. ⁵Jaun₂ tsá₃ lë₁cáun₂ de'₂ 'nia'₂ 'í₁ të₃jñiá₅. Jë₁ma₂guán'₅ Te₁gui'₅₄, téi₂ si₂ ne₄ a₂rë₂'ma₄ a₂jmo₅-dsáu₅ dsa₂ jë₄ qui₁né'₃; jme₃jniai₂₃ ca₂le₃jé₃ a₂niog₅ qui₂dsi₂jñia₅ dsí₅ dsa₂. Jaun₂ gué₄ gue₃ dsa₂ 'liain'₅₄ a₂cuë₃ Diú₄ a₂'ñio₂ dsí₅ quió'₅ le₂jain₂ le₂jain₂.

⁶Rin'₅₄ jniog₄, a₂dse₃ quián'₂ bá₄ 'nia'₂ juá'₅ jniá₂ ca₂le₃jé₃ a₂në₅, a₂'íng₅ Apolos quian'₅₄ guë'₂ 'ñiós jniá₂. Juá'₅ le₂në₅ ia₁jaun₂ të₂le₃ quian'₅₄ jág₁ jáng'₅ léi₄ në₅ quián₂ jnia'₅₄, le₃tín'₂ 'nia'₂, a₂tsá₃ jmó'₂ 'nia'₂ ñag₅₄ gué₄ con'₂ lé₅ juá'₂ ne₄ Si₂, con'₂ tsá₃ ñó₅ në₁jua'₂ ca₂jmo'₅₄ 'nia'₂ rón'₂ o₄quió'₄ jan₂, a₂jín'₅₄ 'nia'₂ sion₅ i₂sián'₂. ⁷¿Ein₂ 'éi₂ 'ag₅ 'ne₂ a₂dseng'₃ gué₄ lia'₂ con'₂ gué₄ ríng'₂? ¿E₂ bá₄ bí₂ 'au'₂ jua'₅₄ tsá₃ ma₂cuë₃ Diú₄ né₃? ¿E₂ guë'₂ lë₃ dsia'₂ jág₁ tá'₅ në₂jag₄ bá₄ a₂ca₂jñag'₂ 'ñiag'₂ a₂cha₂ quiáng'₂ jmo'₂?

* 3:19 Job 5:13. † 3:20 Salmo 94:11. ‡ 3:22 griego: Cefas.

⁸ Jmo'2 'nia'2 'au'2 'nio5 lin3 dse3 ma2chang'2; ma2cha2 quián'2 'nia'2 ca2le3jé3. Ma2jmo'2 'nia'2 'au'2 ma2tiáng'5 can'54 bá4 'nia'2, tsá3 ma3quiong'54 jnia'54. ¡Jua'54 mei'2 gué3 dsón'2 dsi2jó'3 ma2gon'2 'nia'2! Jaun2 bá4 jme1lé2 gon2 jnia'54 co2lě5 quian'54 'nia'2 jua'54 mei'2 gué3 le2jaun2. ⁹ Ia1 lín2 jniá2, lia'2 lé5 bá4 tē2le3 jē1ca2tó'2 bá4 ma2chei'3 Diú4 con'2 jnia'54 i2lág5 dsa2 i2chen4 quián5, a2jág2 dsa2 lia'2 ja1jín2 dsa2 i2ma2'í4 'éi'3 dsián3. Ma2ja2lén2 dsa2 jág2 jnia'54 nē2jag4 a2lě1'io'2 tē5 dsi5 jág3 ca2lě3jín3 i2chan2, lia'2 dsa2 mi2güüg3 lia'2 ángeles né3. ¹⁰ Dsa2 co4 bá4 'ag5 dsa2 jnia'54 o4quió'4 Cristo; 'nia'2 gué'2 ma2jmo'2 'nio5 lin3 ma2ñí'2 'au'2 jui1lia'2 tē2le3 quió'5 Cristo. Ma2jmo'2 'nia'2 'nio5 lin3 tiá2 ma2tióng'2; jnia'54 gué'2 jag'54 táng3 nē2jag4 dsa2 'uan54. Jme2gan3 dsa2 'nia'2; jnia'54 gué'2 né3 tsá3 jei54 dsa2. ¹¹ Ca2lia'2 jnió2 jmiğ4 nē3, ja2náu5 jnia'54 a2'ong4, qui2rē2quein2 dsi5, tsá3 cha2 a2qui'54, tsá3 dsi2néi2 cha2 'io1 jnia'54. Dsa2 gué'2, con'2 lě1co2jmóg'2. ¹² Ja2náu5 jnia'54 jmo2 ta1 quian'54 gu2-tag4 guio54. Jui1lia'2 jme1tē2'o'2 dsa2, caun2 jág1 dse3 bá4 qui1jein'4 jniá2 quió'5. Jui1lia'2 jme1co2'ein5 dsa2, la1 jmo2 bá4 jnia'54 tió'3 dsi5. ¹³ Chan2 gué'2 dsa2 i2dsia5 'ag5 'lig'54, la1 caun2 jág1 dse3 bá4 cué'2 táng3 jnia'54. Jág2 dsa2 nē2jag4 ti'ñe'54 a2tsá3 ta1 tí4, nē2jag4 bá4 jme1qui5 quió'5 dsa2 mi2güüg3 né3, ca2lia'2 jnió2 jmiğ4 nē3.

¹⁴ On3jua'54 ia1jaun2 cán'1 'nia'2 o2guí'3 tó'5 jniá2 jág1 la2 ne4 si2. A2jaun2 bá4 jmo23 jág1 tē3jniá5 ja1cong'2, nē2jag4 bá4 chi'2-guein2 quiáng3 i2'nió3 gué4 lin3. ¹⁵ Ia1 o1jnia'54 guia3 mei5 tē5 ca2rē3chán3 i2jme3tag5 'nia'2 le3quió'5 Cristo, la1 tsá3 juin5 néi'5 'nia'2 chan2. Ia1 le3quió'5 Cristo Jesús, tē2le3 quian'54 jág1 dse3 quió'5, ca2lin3 jniá2 néi'5 'nia'2. ¹⁶ Jaun2 lě3, mi5 jniá2 ja1con'2 'nia'2, jaun2 tón'2 'nia'2 jui5 i1nio'4 'nia'2 ja1ma2ñi3 jniá2.

¹⁷ 'Uig54 jaun2 bá4 tsín2 jniá2 Timoteo, i2jmo5 jniá2 dsi3 co2'nió'4 guein2 quiáng3 i2'nió3 gué4 lin3, i2rē2ti'54 le3ja1con2 Te1gui'54. 'Éi2 bá4 jmo3 dsiog'2 'au'2 'nia'2 'a2 lia'2 lé5 chan2 jniá2 a2'éng2 le3quió'5 Cristo, lia'2 con'2 lé5 jme2tíng1 guá'5 ca2le2con2 ja1siá'2. ¹⁸ I2lin54 'nia'2 ma2i2niog'54 jmo'2 'nia'2 róng'2, a2lín'2 'nia'2 a2tsá3 ma3dsióg4 jniá2 i1jñg12 'nia'2. ¹⁹ La1 ñi'54 ta1 la2 bá4 'nio3 dsióg4 i1jág3 nē1jua'2 ca2cuē3 Te1gui'54 jmiğ4. Jmiğ4 jaun2 le3guion54 jniá2, on3jua'54 jmá'3 jág1 tá'5 a2dsia5 dsa2jin'4 'nia'2 tioen'54, le3guion54 jniá2 ján3 'a2 con'2 bí2 'io23. ²⁰ Ia1 jui1lia'2 ja1gon2 Diú4, on3jua'54 a2jnia'54 dsi2lé2 jmá'3 jág1; a2quian'54 jui5bí2 bá4 ján3. ²¹ ¿'E2 'niog'2 'nia'2: a2'i1'é3 jniá2 uig5 jē1ma2dsióg3, o3 a2dsióg4 jniá2 caun2 dse3 a2'nió3 jniá2 'nia'2 a2'ua1 dsi3 'e2?

5

Jau'2 'í1 quió'5 jan2 dsa2 i2ca2'náu2 dso4

¹ E2 ca2rē3chá3 jág1, a2chan2 jan2 jin'4 'nia'2 'no23 dso4, a2jmo23 a2lě5 quián5 bá4 dsa2 mí2 quián5 jmei2. Caun2 dso4 ca2lia'2 jnia'54 dsa2 i2tsá3 cuiñ5 Diú4 bá4 gué4 tsá3 jmo23 le2nē5. ² Jmo'2 gué4 'nia'2 'au'2 a2tiong'54 dse3 jmo'2 róng'2 tiong'54! ¡'Nió'4 jme1tón'2 'nia'2 qui'1-'áu'2 'lia'2 'au'2! Dsa2 i2ca2'náu2 dso4 nē5 ca2tíin2 o3'iin5 bá4 jin'4 'nia'2 nē5. ³ O1jnia'54 tsá3 quian'54 jniá2 'nia'2 dsi1ne1, la1 'eng54 bá4 ja1nē5 quian'54 'nia'2 tē2le3 quian'54 jme2dsí2; ma2cáun3 jniá2 'í1 ja1con2 dsa2 i2ca2jmo3 le2nē5, nē2jag4 bá4 a2chéng'5 'ñi3 tē3dsón'2. ⁴ Tión'2 'nia'2 long'2 o4quió'4 Te1gui'54 Jesús, a2'en54 jniá2 tē2le3 quian'54 jme2dsí2 quió3, quian'54 jui5bí2 quió'5 Te1gui'54 Jesús, ⁵ a2jin'54 'nia'2 dsa2 'éi2 o4gú3 Satanás, ia1jaun2 qui2dsi3'éñ2 ni1ñi12, ia1jaun2 tñ'2 jme2dsí2 quió'5 jmiğ4 i1jáun3 quió'5 Te1gui'54.

⁶ Tsá3 dse3 a2dsia'2 'nia'2 jág1 tá'5. ¿Tsa1 ñi'54 'nia'2, “Quian'54 ca2juig4 bá4 levadura guion'2 ta1jē2 ti1can1”? ⁷ Jniá'3 'nia'2 levadura gui'54, ia1jaun2 lén'2 'nia'2 co2'nió'4 ca2míg2 ti1can1 a2tsá3 levadura quian'54, jui1lia'2 tē3dsón'2 lín'5 'nia'2. Ia1 'ñiog5 bá4 Cristo ca2join3 ñó3 a2rē2jein'54 ne4 Diú4 o4quián2 jniog4; a2lín5 já'2 cha'2 i2ca2jon3 Jmiğ4 Tē2'in54 quián2. ⁸ Jaun2 lě3, jme1go3 jniog4 Jmiğ4 jaun2, on3jua'54 quian'54 levadura gui'54, on3 gué'2 quian'54 a2'lig'54 qui2dsi2jniá5 dsi5 jniog4 ja1con2 rin'54, on3 gué'2 jmó1 uig5 dsi5 ja1con2 rin'54; tē2le3 jme1go3 jniog4 quian'54 jág1 tí5 dsi2jó'3.

⁹ Ne₄ si₂ carta quió₃ a₂ca₂tsíng₂ ne'₅₄ 'nia'₂ le₂jriá₅, ca₂juá'₃ a₂tsá₃ jme₁quian'₅₄ 'nia'₂ dsa₂ i₂nió'₅ jág₁ quian'₅₄ dsa₂ i₂tsá₃ lé₅ dsi₂i₂gu₂. ¹⁰ On₃jua'₅₄ jaun₂ rē'₂ juá'₅ jniá₂ a₂qui₂dsi₃uín'₃ 'nia'₂ co₂dsia₅ co₂nei'₅₄ ja₁con₂ dsa₂ i₂'no₅ dso₄, ja₁con₂ dsa₂ i₂'ua'₂ dsí₅, dsa₂ i₂'ang₅, dsa₂ i₂qui₂jme₂juin'₂ diú₄ lag₄ né₃. Ia₁ co₂nei'₅₄ jme₁'uín'₃ 'nia'₂ mi₂güüg₃ la₂, jua'₅₄ mei'₂ gué₃ le₂jaun₂. ¹¹ A₂la₂ bá₄ juá'₅, a₂tsá₃ dsi₂ten₅₄ jme₁jēn'₂ 'nia'₂ 'ñio₅ lín₃ 'ei₅ caun₂ jág₁ quian'₅₄ jan₂ i₂jmo₅ a₂lín₅ jan₂ rin'₅₄ jniog₄, chi₂jua'₂ ján₃ guē'₂ nió'₅ jág₁ quian'₅₄ i₂tsá₃ lé₅ dsi₂i₂gu₂, chi₂jua'₂ 'ua'₂ dsí₅, chi₂jua'₂ jme₂juin'₂ diú₄ lag₄, chi₂jua'₂ qui₂juá'₂ jág₁ uig₅, chi₂jua'₂ qui₂i₂nió'₅₄ le₁'ein₅, chi₂jua'₂ qui₂'ang₂₃ né₃. On₃ guē'₂ ca₂tín'₂ 'nia'₂ quē'₅₄ quian'₅₄ dsa₂ le₂'éi₂. ¹² Tsá₃ ca₂tín₂ jniá₂ cáun₄ 'í₁ ja₁con₂ dsa₂ i₂tsá₃ quiong'₅₄ jniog₄. Diú₄ bá₄ i₂con₂ 'í₁ ja₁con₂ dsa₂ 'éi₂. ¹³ La₁ia₁ 'nia'₂, ca₂tín'₂ caun'₅₄ 'í₁ jmá'₃ lia'₂ dsa₂ i₂quiong'₅₄ jniog₄. Jaun₂ né₃: “Dsen₅₄ 'nia'₂ cau₅ dsa₂ 'lín'₅₄ i₂'en₅₄ jin'₄ 'nia'₂.”*

6

Mi'₅₄ a₂cha₂ jin₄ dsa₂ 'én₂ 'ni₂₃ riin'₅₄ ne₄ dsi₂tan₅₄ i₂tsá₃ 'én₂
¹ Jui₁lia'₂ jme₁chan₂ 'ein₂ 'nia'₂ 'nio₃ dsia₃ dso₄ 'ni₃ rin'₅₄, ¿a₂ bá₄ lia'₂ tiá₂ 'au'₂ o₁dsia'₄ dso₄ ne₄ jui₁lia'₂ dsa₂ i₂tsá₃ Diú₄ cuin₅, 'nió'₄ a₂jme₁juig'₅₄ 'nia'₂ dsa₂ quián₅ Diú₄? ² ¿Tsa₁ ñi'₅₄ 'nia'₂ jua'₂ dsa₂ juig₂ quián₅ Diú₄ bá₄ guē'₂ i₂con₂ 'í₁ quió'₅ dsa₂ mi₂güüg₃? Chi₂jua'₂ 'nia'₂ i₂cáun'₂ 'í₁ quió'₅ dsa₂ mi₂güüg₃ né₃, ¿'en₁ jmá'₃ guē'₂ tsá₃ 'ein₂ i₂tín₂ chan₂ i₂lé₂ jme₃ré₃ jui₁lia'₂ mi'₅₄ me'₂? ³ ¿Tsa₁ ñi'₅₄ 'nia'₂ jua'₂ le₂jriog₅ ángeles bá₄ quiong₅₄ jniog₄ 'í₁ quió'₅? ¿É₂ gué₄ bá₄ jaun₂ ca₂tág₂ jniog₄ jme₁rē₂ 'e₂ caun₂ o₂me'₅₄ dsi₅ rē₂cha₂ ne₄ gua'₅₄ 'uē₃ la₂! ⁴ Chi₂jua'₂ 'e₂ caun₂ mi'₅₄ cha₂ quián'₂ 'nia'₂, rin'₅₄ jniog₄, ¿'e₂ lē₃ o₂no'₅ 'nia'₂ o₂dsia'₅₄ dso₄ ne₄ dsa₂ i₂tsá₃ 'e₂ quen₅ le₃quió'₅ guá'₅? ⁵ Juá'₅ jniá₂ le₂nē₅ ia₁jaun₂ le₃guen'₅₄ 'nia'₂ ca₂la₂. ¿O₃ bá₄ 'i₁jan₂ jmá'₃ tsá₃ 'ein₂ chan₂ jin'₄ 'nia'₂ i₂qui'₅₄ jmig₄ jme₃ré₃ mi'₅₄ a₂niog₅ jin₄ rin'₅₄? ⁶ ¿Rē₂ gué₄ dsióg₅, lín'₂ 'nia'₂, jui₁lia'₂ jan₂ rin'₅₄ jniog₄ dsi₂dsiá₃ dso₄ ne₄ dsa₂ i₂tsá₃ 'én₂?
⁷ Chi₂jua'₂ ma₂tion'₅₄ 'nia'₂ mi'₅₄ jin'₄ 'nia'₂, co₂dsia₅ ma₂tán'₂ bá₄ 'nia'₂ jág₁ chi₂jua'₂ le₂jaun₂. ¿Tsa₁ dse₃ gué₄ jmo₃ dsa₂ co₂nei'₅₄ tió'₃ dsí₅ a₂caun₂ lē₁dsi₂ñi₂ jmóg'₂ riin'₅₄? ¿Tsa₁ dse₃ gué₄ guén₄ jniog₄ jui₁'ang₁₂ 'e₂ 'ang₃ quián'? ⁸ La₁ 'nia'₂ né₃, jmag'₅₄ dsa₂, 'ang'₂ quió'₅ dsa₂; ca₂tē₂ ja₁con₂ rín'₂ 'nia'₂ guiong'₅₄ jmo'₂ le₂nē₅. ⁹ ¿O₃ bá₄ tsá₃ ñi'₅₄ 'nia'₂, tsá₃ ja₁gon₂ Diú₄ ca₂tín₂ dsa₂ i₂tsá₃ cuin₅ Diú₄? Tsá₃ cuin₅ 'nia'₂ jmig₄ jua'₅₄ a₂le₃gang'₂, ia₁ jui₁lia'₂ dsa₂ i₂i₂nió₄ nió'₅ jág₁ quian'₅₄ dsa₂ i₂tsá₃ lé₅ dsi₂i₂gu₂, jui₁lia'₂ dsa₂ i₂qui₂jme₂juin'₂ diú₄ lag₄, jui₁lia'₂ dsa₂ ñe'₂ i₂dsi₂jñia₅ dsí₅ lia'₂ dsi₂jñia₅ dsi₅ 'io₅₄, * jui₁lia'₂ dsa₂ ñe'₂ i₂nió'₅ jág₁ quian'₅₄ dsa₂ ñe'₂ riin'₅₄, ¹⁰ jui₁lia'₂ dsa₂ 'ang₂, dsa₂ i₂'ua'₂ dsí₅, dsa₂ i₂i₂nió₄ 'en₅, dsa₂ i₂i₂nió₄ qui₂dsia₂₃ jág₁ tē₂jág₁, dsa₂ i₂lí'₂ cu₄ tē₂le₃ quian'₅₄ a₂'ñioi₅₄ jme₂gain₂₃ riin'₅₄: dsa₂ le₂'éi₂ né₃, tsá₃ ca₂tín₂ ja₁gon₂ Diú₄. ¹¹ Le₂nē₅ bá₄ jme₁chan'₂ i₂lín₅₄ 'nia'₂ le₂jriá₅. La₁ 'ñiog₅ bá₄ Diú₄ ma₂qui₂ca₂rín'₃ jme₂dsí₂ quián'₂ 'nia'₂, ma₂lé₅ 'í₁ quián₅, ca₂guei₃ Diú₄ 'nia'₂ nē₂jag₄ bá₄ a₂tsá₃ 'e₂ dso₄ rin'₂ 'nia'₂, tē₂le₃ quian'₅₄ Te₁gui'₅₄ Jesús, quian'₅₄ guē'₂ jme₂dsí₂ quián₅ Diú₄ quián₂.

A₂'nió'₅ jmo₃ dsa₂ 'í₁ ni₁ñi₁₂

¹² Chan₂ dsa₂ i₂juá'₂: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃.” Dsón'₂ bá₄ dsau₅, la₁ tsá₃ jua'₅₄ ca₂le₃jé₃ jaun₂ jme₂'o₅₄. Dsau₅ bá₄ “I₄ 'éi'₃ le₃jmo₅₄ jniá₂ ca₂le₃jé₃ 'e₂ 'nio₃ jmo₅₄”, la₁ia₁ tsá₃ cuin₄ jniá₂ jmig₄ jua'₅₄ co₂dsia₅ jin'₄ jniá₂ co₂nei'₅₄ ne₄ 'i₁caun₂. ¹³ Dsau₅ bá₄ jui₁lia'₂ juá'₂ dsa₂: “Lé₅ má₃ o₄quió'₄ rē₂tú'₅ dsa₂; rē₂tú'₅ guē'₂ dsa₂ lé₅ o₄quió'₄ má₃.” La₁ já₅ jmig₄ a₂'én₂ Diú₄ ta₁tín₃. La₁ tsá₃ ta₁ jaun₂ quí'₅ ni₁ñi₁₂ jua'₅₄ a₂'no₃ dsa₂ dso₄ quian'₅₄ i₂sián'₂. Ta₁ a₂quí'₅ ni₁ñi₁₂, a₂jme₃ti₃ ta₁ ne₄ Te₁gui'₅₄ bá₄ jaun₂; jaun₂ Te₁gui'₅₄ né₃ i₂cuē₅

* 5:13 Deuteronomio 17:7; 19:19; 21:21,24; 24:7. * 6:9 o₃, “dsa₂ ñe'₂ i₂'nag₅ quió'₅.”

bí₂ quió'₅ ni₁ñi₁₂. ¹⁴ Ia₁ jui₁lia'₂ ca₂jme₃jen'₅₄ Diú₄ Te₁gui'₅₄ quian'₅₄ jui₅bí₂ quió'₅, le₂jaun₂ bá₄ jmo₃ a₂jein'₅₄ gué'₂ jniog₄ ján₃.

¹⁵ ¿Tsa₁ ñi'₅₄ 'nia'₂ jaun₂ a₂tén₅ tē₂le₃ quió'₅ Cristo bá₄ ni₁ñi'₁ 'nia'₂? ¿On₃ bá₄ lé₂ le₃tion₄ jniog₄ jui₁lia'₂ a₂tén₅ ni₁ñi'₁ Cristo le₃ja₁con₂ jui₁lia'₂ jan₂ 'io₅₄ i₂'nag₅ quió'₅? ¿Tsá₃ jui₁le₅₄ bá₄ le₂jaun₂? ¹⁶ ¿Tsa₁ ñi'₅₄ 'nia'₂, jui₁lia'₂ jan₂ dsa₂ ñe'₂ i₂nió'₅ jág₁ quian'₅₄ jan₂ 'io₅₄ i₂'nag₅ quió'₅, co₂'nió'₄ caun₂ ni₁ñi'₅ bá₄ lé₅ jē₁le₃oin₃ le₂jaun₂? Ia₁ ne₄ Si₂ juá'₂: “Co₂'nió'₄ caun₂ ni₁ñi'₅ lé₂ le₃oin₃ le₂jaun₂.”† ¹⁷ La₁ jui₁lia'₂ jan₂ dsa₂ i₂rē₂quian'₅₄ Te₁gui'₅₄, co₂'nió'₄ jan₂ jme₂dsí₂ bá₄ lé₂ quian'₅₄.

¹⁸ Cuing₄ 'nia'₂ ja₁con₂ a₂'lig'₅₄ jui₁lia'₂ a₂qui₂'no₅ dsa₂ dso₄ quian'₅₄ i₂sián'₂. Jui₁'e₂ gué₃ dso₄ siá'₂ a₂'no₅ dsa₂, 'no₂₃ le₃co'₅₄ ni₁ñi₁₂ bá₄. La₁ jui₁lia'₂ dsa₂ i₂nió'₅ jág₁ quian'₅₄ i₂tsá₃ lín₅ dsi₂i₂gu₂, 'no₂₃ dso₄ ja₁con₂ ni₁ñi'₁ 'ñiog₅ bá₄. ¹⁹ ¿Tsa₁ ñi'₅₄ 'nia'₂ a₂lé₅ ni₁ñi'₁ 'nia'₂ caun₂ guá'₅ ja₁'en₅₄ Jme₂dsí₂ Jñió₅ i₂ma₂cuin₃ Diú₄? Jaun₂ tsá₃ lé₅ jua'₅₄ a₂tén'₅ guion'₅₄ 'nia'₂; ²⁰ ia₁ i₂ma₂ca₂lán₂ 'mu'₅₄ lín₃ Diú₄ 'nia'₂. Jaun₂ bá₄ lē₃ ca₂tín'₂ 'nia'₂ jme₁gan'₃ Diú₄ tē₂le₃ quian'₅₄ ni₁ñi'₁ 'nia'₂.

7

A₂to'₂ jág₁ dse₃ tē₂le₃ quió'₅ jui₁lia'₂ dsa₂ i₂jén'₂ gu₂

¹ La₂ jein'₄ jniá₂ jág₁ quián'₂ 'nia'₂ a₂juá'₂ 'nia'₂ ne₄ si₂ a₂ca₂chen'₂ 'nia'₂ ne₃. ² Dsón'₂ bá₄ dse₃ jua'₅₄ mei'₂ gué₃ co₂ñei'₅₄ tsá₃ jén'₂ dsa₂ ñe'₂ gu₂; la₁ 'uig₅₄ ia₁ ñi'₄ lē₃ qui₂i₂nio₄ dsa₂ jmo₂₃ 'lig'₅₄ jmi₄g₄ nē₃, jaun₂ bá₄ lē₃ co₂ñei'₅₄ jui₁jen'₅₄ bá₄ dsa₂ mí₂ dsa₂ ñe'₂ gu₂, jui₁le₂chan₂ bá₄ dsi₂i₂gu₂ le₂jain₂ le₂jain₂. ³ Dsa₂ ñe'₂ gué'₂ né₃ ca₂tín₂ jme₃ti₃ ca₂le₃jé₃ con'₂ a₂ca₂tín₂ jme₃ti₃ le₃ja₁con₂ dsa₂ mí₂ quián₅; le₂jaun₂ gué'₂ dsa₂ mí₂ né₃ ca₂tín₂ jme₃ti₃ táng₃ le₃ja₁con₂ dsi₂i₂gu₂ ca₂le₃jé₃ con'₂ a₂ca₂tín₂ jme₃ti₃. ⁴ On₃jua'₅₄ a₂ca₂tín₂ 'ñiog₅ dsa₂ mí₂ ni₁ñi₁₂ 'ñio'₂; a₂ca₂tín₂ dsa₂ ñe'₂ quián₅ bá₄ ján₃. Ján₃ gué'₂ le₂jaun₂ dsa₂ ñe'₂ táng₃, on₃jua'₅₄ a₂ca₂tín₂ 'ñiog₅ 'éi₂ ni₁ñi₁₂; a₂ca₂tín₂ dsa₂ mí₂ quián₅ bá₄ ján₃. ⁵ Tsá₃ lē₃jmo₂ 'nia'₂ jua'₅₄ a₂tsá₃ guéin'₄ le₂jang'₂ le₂jang'₂, jñia'₅₄ lia'₂ chi₂jua'₂ 'niog'₂ jmó'₂ 'nia'₂ caun₂ jág₁ a₂tsá₃ tiáng'₄ 'nia'₂ co₂lē₅ tñ₃'ni₅ jmi₄g₄ ia₁ a₂'niog'₂ jmó'₂ ca₂ne₅₄ chi₁leng'₄ Diú₄, jme₂'ing'₄ tē₁lia'₂ jmi₄g₄ jaun₂. Jē₁ma₂ca₂ñi₂ jmi₄g₄ jaun₂, tián'₂ táng₃ 'nia'₂. Ia₁ con'₂ tsá₃ ñó₅ nē₁ca₂caun₃ táu₂ i₂sē₃dsen₃ nē₁jua'₂ tsá₃ ca₂tió'₃ 'au'₂ 'nia'₂.

⁶ Ca₂le₃jé₃ a₂juá'₅ jniá₂ nē₅ cué₅ jniá₂ 'nia'₂ jmi₄g₄, on₃jua'₅₄ rē'₂ a₂ton'₂ jniá₂ 'nia'₂ caun₂ 'éi'₃. ⁷ Con'₂ juá'₅ jniá₂ 'ñió₃, 'nio₃ jniá₂ jua'₅₄ ca₂le₃jín₃ bá₄ dsa₂ ñe'₂ lín₅ lia'₂ líng₅ 'ñió₃; la₁ con'₂ nē₅ tñ₂ Diú₄ jma₃quén₅ ma₂cué'₃ dsa₂ 'a₂ lia'₂ niog₅ lín₅ dsa₂ le₂jain₂ le₂jain₂.

⁸ Jui₁lia'₂ dsa₂ i₂tsá₃ gu₂ le₁jen'₂, jui₁lia'₂ dsa₂ mí₂ i₂ma₂'ní₂ né₃, juá'₅ jniá₂ 'e₂ gué₄ dse₃ jua'₅₄ co₂ñei'₅₄ bá₄ tsá₃ ma₃jén'₂ gu₂, tiain'₃ jui₁lia'₂ chan₂ jniá₂ tsá₃ 'ein₂ gua₅₄ quiang'₅₄.

⁹ La₁ia₁ nē₁jua'₂ tsá₃ qui'₅₄ jmi₄g₄ jmo₃ tió'₃ dsí₅ né₃, jui₁jein'₅₄ gu₂, ia₁ ja₂lín₃ gué₄ dse₃ bá₄ jén'₂ co₂ñei'₅₄ gu₂, lia'₂ con'₂ gué₄ a₂ñi₄ dsín'₂ 'ñiog₅.

¹⁰ La₁ juá'₅ jniá₂ juí₂ ca₂le₃jín₃ jui₁lia'₂ i₂ma₂tián'₅ le₁jen'₂ gu₂, tsá₃ ma₃o₁tein₅₄ riin'₅₄ le₂jain₂ le₂jain₂. 'Éi'₃ nē₅ on₃jua'₅₄ 'éi'₃ quió₃ jniá₂ 'ñió₃; 'éi'₃ quió'₅ Te₁gui'₅₄ 'ñiog₅ bá₄ nē₅.

¹¹ La₁ nē₁jua'₂ chan₂ jan₂ dsa₂ mí₂ ca₂téin₂ dsi₂i₂gu₂, jui₁gua₂ bá₄ tei₄ 'ñiog₅; o₃ jui₁'ei₅₄ bá₄ táng₃ caun₂ jág₁ quian'₅₄ dsi₂i₂gu₂ 'e₂. Le₂nē₅ bá₄ jui₁lia'₂ dsa₂ ñe'₂ táng₃, tsá₃ 'nió'₅ téin₂ dsa₂ mí₂ quián₅.

¹² Juí₂ jniá₂ jui₁lia'₂ i₂sián'₂, (jág₁ quió₃ 'ñió₃, on₃jua'₅₄ 'éi'₃ quió'₅ Te₁gui'₅₄): Chi₂jua'₂ tsá₃ 'én₂ dsa₂ mí₂ quián₅ jui₁lia'₂ jan₂ dsa₂ 'én₂ rin'₅₄ jniog₄, la₁ nē₁jua'₂ 'ñio₂ bá₄ dsí₅ dsa₂ mí₂ 'éi₂ guá₅ quiong'₅₄, tsá₃ 'nió'₅ téi₂ rin'₅₄ jniog₄ 'éi₂. ¹³ O₃ chi₂jua'₂ dsa₂ ñe'₂ i₂tsá₃ 'én₂ lín₅ dsi₂i₂gu₂ jan₂ dsa₂ mí₂ i₂'én₂, la₁ nē₁jua'₂ 'ñio₂ bá₄ dsí₅ guá₅ quian'₅₄ dsa₂ mí₂ 'éi₂, ján₃ bá₄ tsá₃ ca₂tín₂ dsa₂ mí₂ téi₂ ján₃. ¹⁴ Ia₁ jui₁lia'₂ dsi₂i₂gu₂ i₂tsá₃ 'én₂ né₃, ma₂jmo₅ bá₄

† 6:16 Génesis 2:24.

Diú₄ a₂lé₅ 'í₁ tē₂le₃ quian'₅₄ dsa₂ mí₂; dsa₂ mí₂ i₂tsá₃ 'én₂ né₃, lé₅ bá₄ 'í₁ quián₅ Diú₄ tē₂le₃ quian'₅₄ dsa₂ ŋe'₂ i₂'én₂ rin'₅₄ jniog₄. Jua'₅₄ mei'₂ tsá₃ le₂jaun₂, 'uín₂ chi'₂-guein₂ quián'₂ 'nia'₂ tsá₃ le₁jín₃. La₁ia₁, lia'₂ con'₂ tí₅ jág₁, ma₂ŋiós bá₄ 'éi₂. ¹⁵ La₁ jui₁lia'₂ dsa₂ ŋe'₂ o₃ dsa₂ mí₂ i₂tsá₃ 'én₂ né₃, chi₂jua'₂ tion₅₄ 'nio₃ téin₂ riin'₅₄, jui₁tein₅₄ riin'₅₄. Tsá₃ lé₅ jua'₅₄ rē₂jnág₅ jui₅ quió'₅ dsa₂ i₂'én₂ rin'₅₄ chi₂jua'₂ le₂jaun₂. * Ia₁ ma₂tē₃ Diú₄ jniog₄ a₂le₃chong₂ le₁'ág₄ tei₄ dsi₅. ¹⁶ Ia₁, ħ'a₂ lia'₂ ŋi'₅₄ 'ne₂ dsa₂ mí₂, jua'₅₄ lé₂ long'₅₄ dsi₂i₂gog'₂? Le₂jaun₂ guē'₂ 'ne₂ dsa₂ ŋe'₂, ħ'a₂ bá₄ lia'₂ ŋi'₅₄ jua'₅₄ lé₂ long'₅₄ dsa₂ mí₂ quiáng'₂?

¹⁷ Ŋjia'₅₄ lia'₂ jui₁i₂nio₄ dsa₂ le₂jain₂ le₂jain₂ jui₁lia'₂ niog₅ lé₅ jui₅ ma₂chei'₃ Te₁gui'₅₄, lia'₂ con'₂ lé₅ ma₂tē₃ Diú₄. 'Éi'₃ nē₅ cué₅ jniá₂ ca₂le₃jín₃ guá'₅. ¹⁸ Chi₂jua'₂ i₂lín₅₄ ma₂le₁uín₁ lo₄ lia'₂ con'₂ jme₁ca₂rē₃'éin₂ ca₂tē₃ Te₁gui'₅₄, tsá₃ jui₁jme₂tsín₃ léi₄ jaun₂. O₃ chi₂jua'₂ 'ein₂ ca₂rē₃'éin₂ le₃quió'₅ Te₁gui'₅₄ tē₃ tsá₃ rē₂uín₄ quió'₅, tsá₃ jui₁guein₁₂ uín₃ quió'₅. ¹⁹ Ia₁ tsá₃ 'e₂ dsen₅₄ ta₁ jua'₅₄ rē₂uín₄ o₃ tsá₃ rē₂uín₄ quió'₅ dsa₂ te₁i₂nioi₅₄. A₂jme₃ti₃ 'éi'₃ quió'₅ Diú₄ bá₄ dsa₂ dsen₅₄ ta₁. ²⁰ Le₂jan₂ le₂jan₂ bá₄ dsa₂ ca₂tīin₂ le₃chain₂ lia'₂ con'₂ lín₅ 'ŋiog₅ lia'₂ con'₂ jme₁ca₂tē₃ Te₁gui'₅₄. ²¹ Chi₂jua'₂ jme₁lín₄ dsa₂ i₂jme₂ti₃ a₂tsá₃ 'liang'₅₄, lia'₂ con'₂ jme₁ca₂tē₃ Te₁gui'₅₄, tsá₃ jmo₂ 'i₅ 'au'₂ a₂jaun₂; la₁ chi₂jua'₂ ca₂cuín₃ jmíg₄ a₂tsá₃ ma₃lén₄g'₂ dsa₂ i₂jme₂ti₃ ta₁, ja₂lín₃ gué₄ dse₃ quió'₅₄ jui₅ jaun₂. ²² Jui₁lia'₂ dsa₂ i₂jme₁lín₄ i₂jme₂ti₅ ta₁ ne₄ dsa₂ lia'₂ con'₂ jme₁ca₂tē₃ Te₁gui'₅₄, la₁ rē₂nē₃ né₃ ma₂lín₅ dsa₂ i₂jme₂ti₃ le₃ja₁con₂ Te₁gui'₅₄. Ján₃ bá₄ guē'₂ le₂jaun₂ jui₁lia'₂ dsa₂ i₂tsá₃ 'ein₂ ne₄ jme₁jme₂ti₃ lia'₂ con'₂ jme₁ca₂tē₃ Te₁gui'₅₄ la₁ rē₂nē₃ guē'₂ né₃, ma₂lín₅ dsa₂ i₂jme₂ti₃ ta₁ ne₄ Cristo. ²³ I₂ca₂quín₁ 'mu'₅₄ lín₃ bá₄ 'nia'₂ ca₂láu₂ Cristo. Jaun₂ tsá₃ ma₃cuín₅ 'nia'₂ jmíg₄ jua'₅₄ a₂jme₁ti'₄ gué₄ ne₄ dsa₂ mi₂güí₃. ²⁴ Le₂nē₅ bá₄ jaun₂, 'nia'₂ rin'₅₄ jniog₄, jui₁tión'₂ bá₄ 'nia'₂ lia'₂ jme₁lín₄ lia'₂ con'₂ jme₁ca₂tē₃ Diú₄ 'nia'₂.

²⁵ Nē₃ né₃, jui₁lia'₂ dsa₂ mi₄ i₂tsá₃ dsa₂ ŋe'₂ ma₂jio₅, tsá₃ 'e₂ 'éi'₃ ma₂ŋi₂ jniá₂ ja₁con₂ Te₁gui'₅₄. La₂ cué₅₄ jniá₂ jág₁ lia'₂ con'₂ ŋi'₂ dsi₃, co₂'nió'₄ jan₂ i₂tí₅ jág₁ quió'₅ ia₁ a₂ŋéi₂ dsi₅ Te₁gui'₅₄. ²⁶ Jaun₂ lín₄g₂, ja₂lín₃ gué₄ dse₃ jua'₅₄ co₂ŋei'₅₄ gué₄ jui₁chan'₂ bá₄ 'nia'₂ 'a₂ lia'₂ lé₅ chang'₂, 'uig₅₄ ia₁ 'ŋio₅ lín₃ cha₂ o₂me'₅₄ dsi₅ jmíg₄ rē₂nē₃. ²⁷ Chi₂jua'₂ ma₂jen'₂ gog'₂, tsá₃ jmó'₂ 'au'₂ jua'₅₄ tén₄g'₄ rín₄g'₂. Chi₂jua'₂ tsá₃ ma₂jen'₂ guē'₂ gog'₂, tsá₃ lē₁'nág'₂ dsa₂ mí₂ i₂ne'₅₄ quiang'₅₄. ²⁸ La₁ nē₁jua'₂ ca₂jen'₂ guē'₂ gog'₂, on₃jua'₅₄ 'e₂ dso₄ jaun₂. Le₂jaun₂ bá₄ ján₃ jui₁lia'₂ dsa₂ mi₄, chi₂jua'₂ ca₂jéin'₂ gu₂, on₃jua'₅₄ 'e₂ dso₄ jaun₂ ján₃. La₁ ŋjia'₅₄ lia'₂ a₂jaun₂ bá₄ juá'₅ jniá₂, le₃chain₂ quian₅ o₂me'₅₄ dsi₅ mi₂güí₃ la₂. A₂jaun₂ tsá₃ jme₁'nio₃ jniá₂ dsi₂ŋi'₂ 'nia'₂.

²⁹ A₂la₂ bá₄ 'nio₃ jniá₂ juá'₄, rin'₅₄ jniog₄. Tsá₃ ma₃uē₂ le₃'ag₄ a₂dsióg₄ Jmíg₄ quió'₅ Te₁gui'₅₄. 'Uig₅₄ jaun₂, juí₂g₂ jniá₂ 'nia'₂: nē₃ tē₂le₃ ne₄ jui₅, ca₂le₃jín₃ i₂ma₂tían'₅ quian'₅₄ dsa₂ mí₂, jui₁le₂chain₂ nē₂jag₄ bá₄ a₂tsá₃ dsa₂ mí₂ quiáin₅ chan₂. ³⁰ Jui₁lia'₂ dsa₂ i₂chan₂ qui₂le₁qui'₂ dsi₅, jui₁jmo₁₂ bá₄ dsi₅ nē₂jag₄ bá₄ a₂tsá₃ 'e₂ o₂i₁ dsi₅ chain₂. Le₂jaun₂ guē'₂ jui₁lia'₂ dsa₂ i₂jmo₅ 'io'₂, ca₂tīin₂ bá₄ jmo₃ nē₂jag₄ bá₄ a₂tsá₃ dse₃ chain₂. Le₂jaun₂ guē'₂ ján₃ jui₁lia'₂ dsa₂ i₂qui₂lás₅ 'e₂ lás₅, jui₁jmo₁₂ bá₄ dsi₅ nē₂jag₄ bá₄ on₃jua'₅₄ a₂quió'₅ 'e₂ ma₂lás₃. ³¹ Le₂jaun₂ guē'₂ jui₁lia'₂ dsa₂ i₂jmó'₂ ta₁ a₂cha₂ mi₂güí₃ la₂, jui₁jmo₁₂ bá₄ dsi₅ nē₂jag₄ bá₄ a₂tsá₃ chi₂quian₂₃ jmíg₄ a₂jaun₂. Ia₁ ma₂ja₂quián₃ dsi₃ŋi'₂ bá₄ lia'₂ lé₅ mi₂güí₃ la₂.

³² Jaun₂ 'nio₃ jniá₂ tsá₃ tón'₂ 'nia'₂ qui₂le₁quian'₄ 'nia'₂ o₂i₁ dsi₅. Ia₁ jui₁lia'₂ jan₂ dsa₂ ŋe'₂ i₂con'₂ 'ŋio'₂ i₂tsá₃ dsa₂ mí₂ quian'₅₄, 'i₅ dsi₅ tē₂le₃ quió'₅ Te₁gui'₅₄, ton'₂ jmo₂₃ bá₄ a₂'ŋio₂ dsi₅ 'éi₂. ³³ Ia₁ jui₁lia'₂ dsa₂ i₂jen'₂ gu₂ né₃, 'ŋio₅ lín₃ gué₄ dsan₂ dsi₅ jui₁lia'₂ 'e₂ a₂niog₅ cha₂ mi₂güí₃, 'a₂ lia'₂ jmo₃ a₂'ŋio₂ dsi₅ 'io₅₄ quiáin₅. ³⁴ Jma₃quén₅ bá₄ dsi₂jio₅ dsi₅. Jui₁lia'₂ jan₂ 'io₅₄ i₂tsá₃ gu₂ ma₂rē₂jen'₂, o₃ jan₂ dsa₂ mi₄ 'e₂, 'ŋio₅ gué₄ dsan₂ dsi₅ tē₂le₃ o₄quió'₄

* 7:15 lit. "Tsá₃ chi₁'ŋe'₅₄ dsa₂ i₂'én₂ rin'₅₄ chi₂jua'₂ le₂jaun₂."

Te₁gui'⁵⁴, a₂'nio₃ léin₂ 'í₁ le₃ja₁con₂ Diú₄, lia'₂ le₃quió'⁵ ni₁ñi₁₂, lia'₂ le₃quió'⁵ jme₂dsí₂ né₃. La₁ jui₁lia'₂ dsa₂ mí₂ i₂ma₂chan₂ dsi₂i₂gu₂ gué'₂ né₃, 'ñio₅ lin₃ gué'₄ dsa₂ dsí₅ jui₁lia'₂ 'e₂ niog₅ cha₂ mi₂güig₃, 'a₂ lia'₂ jmo₃ a₂'ñio₂ dsí₅ dsa₂ ñe'₂ quiáin₅.

³⁵ A₂dse₃ quián'₂ bá₄ 'nia'₂ juá'₅ jniá'₂ le₂në₅, on₃jua'₅₄ rë'₂ a₂jñi₄ jniá'₂ quián'₂ 'nia'₂, të₂le₃ ia₁jaun₂ le₃chan'₂ 'nia'₂ lia'₂ con'₂ dsi₂ten₅₄, ia₁jaun₂ lé₂jang'₅₄ 'nia'₂ 'au'₂ ne₄ Te₁gui'₅₄ të₃ tsá₃ jnág₅ cha₂.

³⁶ La₁ chi₂jua'₂ 'ein₂ chan₂ jan₂ dsa₂ mi₄ i₂jme₁ma₂lí'₅₄ jág₁ a₂jéin'₂ gu₂ quiain'₅₄, ton'₂ ma₂ca₂ñi₂ jmi₄ i₁jéin'₂ gu₂, chi₂jua'₂ lín₂ a₂tsá₃ jmo₂₃ lia'₂ dsi₂ten₅₄ ja₁con₂ 'éi₂, chi₂jua'₂ le₂jaun₂ dsi₂ten₅₄ lé₂ a₂jéin'₂ gu₂, jui₁jmo₁₂ bá₄ 'a₂ lia'₂ 'ñio₂ dsí₅; lé₂ bá₄ qui₂jéin'₂ gu₂, ia₁ on₃jua'₅₄ 'e₂ dso₄ jaun₂. ³⁷ La₁ jui₁lia'₂ dsa₂ i₂ma₂'ei₅ caun₂ dsí₅, on₃jua'₅₄ a₂'nió'₅ 'ein₂ qui₂chi₂quióng₂ jmi₄, të₂le₃ qui'₅₄ jmi₄ jmo₃ 'í₁ 'ñiog₅, a₂dse₃ bá₄ jaun₂. ³⁸ Jaun₂ le₂në₅ bá₄, jui₁lia'₂ dsa₂ i₂jén'₂ gu₂, a₂dse₃ bá₄ jmo₂₃; la₁ia₁ jui₁lia'₂ i₂tsá₃ jén'₂ gu₂ ja₂lin₃ gué'₄ dse₃ jmo₂₃.†

³⁹ 'I₄ 'éi'₃ jiog₃ dsa₂ mí₂ jñiai₃ dsi₂i₂gu₂ 'a₂ con'₂ jñia'₅₄ jmi₄ chan₂ 'éi₂. Në₁ca₂jon₃ dsi₂i₂gu₂ gué'₂ né₃, jaun₂ gué'₄ le₃jñin₅₄ guá₃ táng₃ jéin'₂ gu₂ chi₂jua'₂ 'ein₂ quiain'₅₄ 'nio₃, la₁ lë₃ jua'₅₄ lín₅ dsa₂ 'én₂ 'éi₂. ⁴⁰ La₁ ja₂lin₃ gué'₄ dse₃ le₃chain₂ jua'₅₄ co₂ñei'₅₄ tsá₃ ma₃gu₂ jéin'₂ táng₃. Le₂në₅ con'₂ lín₂ jniá'₂ bá₄. Qui₂dsi₂jio₅ dsi₃ con'₂ lé₅ jio₅ Jme₂dsí₂ quián₅ Diú₄ bá₄, lín₂ jniá'₂.

8

Jui₁lia'₂ ñi₄ já'₂ a₂qui₂rë₂jen'₅₄ ne₄ diú₄ lag₄

¹ La₂ juá'₄ táng₃ jui₁lia'₂ cuente quió'₅ ñi₄ já'₂ a₂qui₂jén'₅ dsa₂ ne₄ diú₄ lag₄. Dsón'₂ bá₄ jaun₂ cha₂ a₂ne₄ jniog₄, ca₂le₃jág₃. Jui₁lia'₂ a₂ñi₅ dsa₂ né₃, a₂jaun₂ bá₄ jmo₅ a₂róin₂; la₁ jui₁lia'₂ a₂'nio₃ dsa₂ riin'₅₄, a₂jaun₂ bá₄ jmo₅ a₂dsi₂cóin₃. ² Chi₂jua'₂ chan₂ i₂juá'₂ ma₂tiin₂, tsá₃ bá₄ gué'₄ 'e₂ ma₂tiin₂ lia'₂ con'₂ dsi₂ten₅₄ le₃tiin₂. ³ Chi₂jua'₂ 'ein₂ të₃dsón'₂ 'nioi₃ Diú₄, i₂cuin₅ bá₄ Diú₄ dsa₂ le₂'éi₂.

⁴ Jaun₂ né₃, jág₁ jui₁lia'₂ a₂quig'₂ dsa₂ ñi₅ a₂ma₂të₁no₁ në₂jén'₃ dsa₂ ne₄ diú₄ lag₄: ne₄ bá₄ jniog₄ jaun₂, 'i₁caun₂ tsá₃ 'e₂ quen₅ jui₁lia'₂ diú₄ lag₄ ne₄ gua'₅₄ 'uë₃ la₂, ia₁ jñia'₅₄ lia'₂ jan₂ bá₄ Diú₄ chan₂. ⁵ Jui₁'a₂ gué'₃ la₂ chan₂ i₂té'₂ dsa₂ diú₄ guei'₅₄ i₂juig₃ quian'₅₄ ne₄ gua'₅₄ 'uë₃, (ia₁ të₃dsón'₂ lé₅ le₂jaun₂ né₃, a₂niog₅ chan₂ juin₅ “diú₄”, ján₃ gué'₂ le₂jaun₂ juin₅ i₂gon₂ ján₃), ⁶ la₁ të₂le₃ quián₂ jniog₄ né₃, jñia'₅₄ lia'₂ jan₂ bá₄ Diú₄ chan₂, i₂lín₅ Jme₁jniog₄, i₂ca₂jmo₃ ca₂le₃jé₃ 'e₂ niog₅ cha₂. Le₂jaun₂ gué'₂ jniog₄ né₃ chong₂ o₄quió'₄ 'éi₂. Jñia'₅₄ lia'₂ jan₂ tan₅₄ bá₄ i₂gon₂, i₂lín₅ Jesucristo. Të₂le₃ ne₄ o₄quió'₄ 'éi₂ bá₄ ca₂lë₃ ca₂le₃jé₃ a₂cha₂, ca₂të₂ jniog₄ guio₅₄ né₃, chong₂ të₂le₃ quian'₅₄ 'éi₂.

⁷ La₁ tsá₃ ca₂le₃jín₃ ñi₅ a₂në₅. I₂chan₂ bá₄ gué'₄ i₂qui₂ma₂tiin₂ dsí₅ jme₂gain₃ diú₄ lag₄, jmo₂₃ bá₄ gué'₄ dsí₅ jui₁lia'₂ jme₁quig'₂ ñi₅ a₂ma₂jáu'₅ ne₄ diú₄ lag₄, 'uig₅₄ ia₁ a₂'uan₅₄ jme₂dsí₂ quió'₅, tsá₃ caun₂ a₂qui₂dsi₂jein₃ dsí₅, ma₂ca₂rë₃ 'iog₅ bá₄ jme₂dsí₂ quió'₅. ⁸ Dsón'₂ bá₄, on₃jua'₅₄ o₄quió'₄ má₃ náu₂ jniog₄ rë₂ ne₄ Diú₄. Ia₁ on₃jua'₅₄ a₂náu₂ rë₂ gué'₄ ne₄ 'éi₂, në₁jua'₂ ca₂que₅₄, on₃ gué'₂ jua'₅₄ a₂tsá₃ rë₂ tióg₂ në₁jua'₂ tsá₃ ca₂que₅₄ gué'₂ táng₃. ⁹ La₁ia₁ jag₄ de'₂ 'nia'₂, ia₁ con'₂ tsá₃ ñó₅ në₁qui₂ca₂sén'₂ jui₁lia'₂ i₂'uan₅₄, 'uig₅₄ ia₁ a₂rë₂na₄ jui₅ quián'₂ 'nia'₂ a₂lé₂ le₃quió'₅₄. ¹⁰ Chi₂jua'₂ ñi'₅₄ 'ne₂ rë₂ 'a₂ lia'₂ dsi₂ten₅₄ jmo'₂, në₁jua'₂

† 7:38 o₃, “La₁ chi₂jua'₂ 'ein₂ chan₂ jan₂ ja₁míg₄ i₂jë₁ca₂ñi₅ ñi₂ a₂jéin'₂ gu₂, chi₂jua'₂ le₂jaun₂ lín₂ dsa₂ a₂dsi₂ten₅₄ gué'₄, jui₁jmo₅₄ bá₄ 'a₂ lia'₂ 'ñio₂ dsí₅, lé₂ bá₄ cuin₃ ja₁míg₄ a₂jéin'₂ gu₂, ia₁ on₃jua'₅₄ 'e₂ dso₄ jaun₂. La₁ në₁jua'₂ chan₂ gué'₂ i₂lín₂ on₃jua'₅₄ a₂'nió'₅ 'ein₂ qui₂chi₂quióng₂ jmi₄, 'nio₃ a₂tsá₃ gu₂ jén'₂ bá₄ ja₁míg₄, caun₂ bá₄ 'ei₅ dsí₅ a₂të₃gua₄ ja₁míg₄ le₂jaun₂ të₃ tsá₃ gu₂ jén'₂, a₂dse₃ bá₄ jaun₂. Jaun₂ le₂në₅ bá₄, 'ein₂ qui₂cuin₅ ja₁míg₄ qui₂jen₂ gu₂, a₂dse₃ bá₄ jmo₂₃. Le₂jaun₂ gué'₂ jui₁lia'₂ i₂tsá₃ cuin₅ ja₁míg₄ a₂jen'₂ gu₂, ja₂lin₃ gué'₄ dse₃ bá₄ ján₃.”

ca₂jág₂ jan₂ rin'₅₄ i₂'uan₅₄, i₂tsá₃ lín₄ rē₂ ŋí'₂ dsí₅, a₂ŋéí'₂ qué'₂ ja₁tió₂ diú₄ lag₄, ¿'e₂ bá₄ lé₂ nē₁jua'₂ ca₂tiá₂ dsí₅ 'éi₂ gué'₃ a₂ma₂rē₂jen'₅₄ ne₄ diú₄ lag₄? ¹¹ O₄quió'₄ a₂ŋí'₅₄ 'ne₂ jaun₂, dsí₃ 'én₂ ríng'₂ i₂'uan₅₄ gué₄ né₃. Ca₂jon₃ Cristo o₄quió'₄ 'éi₂ bá₄ ján₃. ¹² Ia₁ nē₁jua'₂ jmo'₂ 'nia'₂ a₂tsá₃ caun₂ a₂qui₂dsi₂jein₃ dsí₅ ríng'₂ i₂'uan₅₄, 'nau'₂ 'nia'₂ dso₄ tē₂le₃ ne₄ Cristo. ¹³ Jaun₂ lē₃, chi₂jua'₂ léi₄ 'ŋi₃ó₃ bá₄ jniá₂ jmo₂₃ a₂tan'₂ dso₄ ríng'₃ o₄quió'₄ 'e₂ a₂gué'₂, ja₂lín₃ gué₄ dse₃ o₁líg'₂ jmíg₄ tsá₃ ma₃qui_g'₅₄ ŋí₅, ia₁jaun₂ tsá₃ ma₃tián'₃ dso₄.

9

Jui₁lia'₂ a₂ca₂tín₂ jan₂ dsa₂ i₂chen₄ quián₅ Jesús

¹ Dsón'₂ bá₄ rē₂na₄ jui₅ a₂ca₂tíng₂ ca₂le₃jé₃ con'₂ lé₅ ca₂tíng₂ ia₁ líng₅ dsa₂ i₂chen₄, ia₁ ma₂ca₂jíng₅₄ bá₄ Jesús i₂lín₅ Te₁gui'₅₄ quián₂. Guion'₅₄ bá₄ 'nia'₂ né₃, líng'₅ co₂'nió'₄ ta₁ a₂rē₂jniá₂ quió₃, tē₂le₃ quió'₅ Te₁gui'₅₄. ² 'An₁ chan₂ bá₄ i₂lín₅₄ jmo₅ dsí₅ a₂tsá₃ lín₅ jniá₂ dsa₂ i₂chen₄ quián₅ Te₁gui'₅₄. La₁ 'nia'₂ né₃, ca₂tín'₂ bá₄ 'nia'₂ jmó'₂ 'au'₂, le₂nē₅ líng₅, ia₁ 'nia'₂ bá₄ líng'₅ i₂jáng'₅ léi₄ ta₁ quió₃, a₂tē₃dsón'₂ líng₅ jan₂ dsa₂ i₂chen₄ quián₅ Te₁gui'₅₄.

³ Jui₁lia'₂ dsa₂ i₂con₂ 'í₁ ja₁con₂ jniá₂, le₂la₂ bá₄ lé₅ jág₁ a₂jein'₅₄ jniá₂ quió'₅: ⁴ ¿O₃ bá₄ tsá₃ ca₂tín₂ jniá₂ gue₅₄ ca₂le₃jé₃ 'e₂ cuē₅ dsa₂ a₂gué'₅₄, o₃ 'e₂ cuē₅ dsa₂ a₂gui'₅₄ ján₃? ⁵ ¿O₃ bá₄ tsá₃ ca₂tág₂ jniá'₅₄ jniá₂ jan₂ dsa₂ mí₂ i₂'én₂ i₂jen'₄ jniá'₅₄ gu₂ quian'₅₄, jui₁lia'₂ jmo₅ dsa₂ i₂chen₄ sián'₂ quian'₅₄ gué'₂ chi'₂ rin'₅₄ Te₁gui'₅₄ 'ŋiog₅, jui₁lia'₂ chan₂ Pe₄* né₃? ⁶ ¿O₃ bá₄ lín'₂ 'nia'₂, jniá'₅₄ lia'₂ jniá₂ quian'₅₄ Bernabé ca₂tág₂ jmó₁ ta₁ a₂'nió₂ a₂dsi₃ŋág₂? ⁷ ¿'Ein₂ bá₄ 'lió₂ jme₂ti₃ chi₂jua'₂ 'ŋiog₅ bá₄ quí₃ 'liain'₅₄ a₂dsi₂ŋí₂? ¿I₂'ein₂ bá₄ 'éi₂ i₂chéin'₅ ni₁uŋg₂ uvas jua'₅₄ tsá₃ gué'₃ gué'₂ míg₂ jaun₂? O₃ jui₁lia'₂ dsa₂ i₂jmo₅ ta₁ jme₂can'₅₄ chein₄ lau₂, ¿Ján₃ gué'₂ tsá₃ lé₂ le₃'ín'₂ dsí'₁ já'₂? ⁸ Tsá₃ o₁len'₂ 'nia'₂ jua'₅₄ jniá₂ a₂lē₁juá'₅ con'₂ lé₂ dsí₃ 'ŋi₃ó₃; ján₃ bá₄ le₂nē₅ juá'₂ ne₄ Si₂ 'Éi'₃. ⁹ Ia₁ chi₁ton₅ ne₄ Si₂ 'Éi'₃ quió'₅ Moisés le₂la₂: "Tsá₃ tó'₂ 'nia'₂ 'nei₅₄ mi₂'o₄ ca₁jui₅ i₂jmo₅ ta₁ i₂chén₂ míg₂ trigo."† ¿A₂'i₅ dsí₅ Diú₄ ca₁jui₅ a₂juá'₂ le₂jaun₂? ¹⁰ ¿O₃ a₂juá'₂ o₄quián₂ jniog₄ bá₄? Dsón'₂ bá₄ o₄quián₂ jniog₄ bá₄ ca₂i₃to'₅₄ 'éi'₃ nē₅ ne₄ Si₂. Ia₁ le₂jaun₂ bá₄ lé₅ jui₁lia'₂ dsa₂ i₂quia'₂ 'uē₃ quian'₅₄ gué'₂ dsa₂ i₂cág'₅ míg₂ trigo. Tsá₃ a₁jaun₂ jua'₅₄ a₂lē₁jmo₅ dsa₂ 'éi₂ ta₁ a₂jmo₂₃, jua'₅₄ tsá₃ 'ín₂ dsí₅ a₂ca₂tín₂ a₂cág'₃ jaun₂. ¹¹ Jaun₂ le₂nē₅, chi₂jua'₂ jaun₂ ma₂jŋí₁ jniá'₅₄ jē₄ quián'₂ 'nia'₂ caun₂ jon₂ a₂gu₂dsí₂, ¿a₁lín₃ 'ŋio₅ lín'₂ 'nia'₂ jua'₅₄ a₂cag'₄ ca₂la₂ ja₁con'₂ 'nia'₂ jui₁lia'₂ a₂dsi₃ŋág₂ jniá'₅₄ tē₁lia'₂ chong₂? ¹² Chi₂jua'₂ ca₂tín₂ dsa₂ sián'₂ a₂jme₁'oin'₄ 'nia'₂, 'ē₂ gué₄ bá₄ ca₂tág₂ jniá'₅₄.

La₁ tsá₃ 'e₂ ma₂ca₂chi₁quian₁ jniá'₅₄ 'nia'₂ jmíg₄ jua'₅₄ a₂mi₂ a₂ca₂tág₂ jniá'₅₄ jaun₂. Ma₂jmó₁ bá₄ jniá'₅₄ tió'₃ dsí₅ ca₂le₃jé₃ ia₁jaun₂ tsá₃ lé₅ jua'₅₄ cha₂ jnág₅ a₂qui₂dsi₃'ag₅ jág₁ dse₃ quió'₅ Cristo. ¹³ ¿Tsa₁ ŋí'₅₄ 'nia'₂, jui₁lia'₂ dsa₂ i₂niog₅ ne₄ a₂jŋi₃ó₅ dsí₂néi₂ guá'₅, gué'₅ jui₁lia'₂ a₂cha₂ dsí₂néi₂ guá'₅; jui₁lia'₂ dsa₂ i₂tion'₅₄ qui₂jme₂ti₃ ne₄chei₂ né₃, ján₃ gué'₂ quein'₅₄ gue₂₃ a₂jén'₅ ne₄chei₂? ¹⁴ Ján₃ bá₄ le₂jaun₂ ca₂jmo₃ Te₁gui'₅₄ 'éi'₃, jui₁lia'₂ dsa₂ i₂i₂nio₄ qui₂'é₂ jág₁ dse₃, quian'₅₄ ta₁ jaun₂ le₃chain₂. ¹⁵ La₁ jniá₂ né₃, tsá₃ 'e₂ ma₂ca₂chi₁quian₁ jniá₂ jmíg₄ 'nia'₂ jua'₅₄ a₂tion₅₄ lé₂ a₂ca₂tíng₂. On₃ gué'₂ jua'₅₄ jaun₂ jmo₅ jniá₂ si₂ la₂ ne'₅₄ 'nia'₂ jua'₅₄ a₂'ín₂ dsí₃ a₂jmó'₂ le₂jaun₂ quian'₅₄ jniá₂. ¿Tē₂le₃ quió₃ jniá₂, ja₂lín₃ gué₄ dse₃ jua'₅₄ jóng₂, lia'₂ con'₂ gué₄ nē₁jua'₂ 'ein₂ jné₅ jui₅ a₂tsá₃ ma₃jme₁ti₁₂ gué₄ ta₁ quió₃ a₂jmo₂₃ táng'₅!

¹⁶ La₁ ia₁, jui₁lia'₂ jme₁ 'é₅ jniá₂ jág₁ dse₃, tsá₃ ca₂tín₂ jniá₂ dsia₅₄ jág₁ tá'₅, ia₁ tion₅₄ 'nió'₅ ca₂tíng₂ bá₄ qui₂'é₄ dsa₂ jág₁ dse₃. ¿'E₂ gué₄ juíg₂ jniá₂ nē₁jua'₂ tsá₃ ma₃ca₂'é₃ jniá₂ jág₁ dse₃! ¹⁷ Ia₁ nē₁jua'₂ 'é₅ jniá₂ jág₁ dse₃ a₂'ŋio₂ dsí₃ 'ŋi₃ó₃, gue₅₄ bá₄ 'liang'₅₄. La₁ nē₁jua'₂ tsá₃ jmo₂₃ a₂'ŋio₂ dsí₃ 'ŋi₃ó₃, a₂lē₁jme₂tí₁ bá₄ jniá₂ ta₁ a₂niog₅ gu₃ jmo₅₄. ¹⁸ ¿Na₅ bá₄ 'lian'₅₄ jniá₂

* 9:5 griego: Cefas. † 9:9 Deuteronomio 25:4.

jaun₂ né₃? A₂jaun₂ bá₄ 'lian'₅₄ jniá₂: a₂lé₂ qui'₁é₄ jniá₂ jág₁ dse₃ ja₁con₂ dsa₂, a₂tsá₃ 'lia'₅₄ can₅₄, on₃jua'₅₄ chi₁quiang₁₂ jmig₄ gue₅₄ a₂ca₂tíng₂.

¹⁹ O₁jñia'₅₄ la₂ jin₅₄ jniá₂, on₃jua'₅₄ chan₂ 'ein₂ ne₄ jme₂tí₁, la₁ jmo₅₄ jniá₂ dsi₃ nē₂jag₄ bá₄ i₂ma₂rē₂'ñe'₅₄ jniá₂ quián₅ ca₂le₃jín₃, ia₁jaun₂ lé₂ le₃léi₂ gué₄ juin₅ dsa₂ tē₂le₃ quió'₅ Cristo.

²⁰ Jui₁lia'₂ jme₁'eng₅₄ quiang'₅₄ dsa₂ judíos, jmo₂₃ dsi₃ nē₂jag₄ bá₄ líng₅ co₂'nió'₄ jan₂ dsa₂ judío, ia₁jaun₂ cuin₃ jmig₄ a₂jóin₄ jniá₂. Jui₁lia'₂ ja₁con₂ dsa₂ i₂tion'₅₄ 'Éi'₃ quió'₅ Moisés, jmo₅₄ jniá₂ dsi₃ nē₂jag₄ bá₄ a₂'eng₅₄ 'Éi'₃, ia₁jaun₂ jón₄ jniá₂ jui₁lia'₂ i₂tion'₅₄ 'Éi'₃, (o₁jñia'₅₄ la₂ tsá₃ 'Éi'₃ jaun₂ 'eng₅₄ tē₃dsón'₂). ²¹ Tē₂le₃ quió'₅ gué'₂ jui₁lia'₂ dsa₂ i₂tsá₃ tion'₅₄ 'Éi'₃ né₃, ján₃ bá₄ co₂ring₂ quian'₅₄ dsa₂ 'éi₂ jmo₂₃ dsi₃, ia₁jaun₂ jóng₄ jui₁lia'₂ dsa₂ i₂tsá₃ tion'₅₄ 'Éi'₃, (o₁jñia'₅₄ la₂ tsá₃ lon₄ jniá₂ ne₄ 'Éi'₃ quió'₅ Diú₄, a₂'eng₅₄ bá₄ 'éi'₃ quió'₅ Cristo). ²² Jui₁lia'₂ ja₁con₂ dsa₂ 'uan₅₄ i₂tsá₃ lin₄ ma₂'én₂ rē₂, ján₃ bá₄ le₂jaun₂ jmo₂₃ dsi₃ líng₅, ia₁jaun₂ jóng₄ jui₁lia'₂ i₂'uan₅₄. Ja₁con₂ ca₂le₃jín₃ dsa₂ ma₂jmo₃ jniá₂ dsi₃ a₂co₂ring₂ quian'₅₄ ca₂lē₃jín₃, ia₁jaun₂ cuin₃ jmig₄ a₂lé₂ le₃lión₂ i₂lin₅₄. ²³ Ca₂le₃jé₃ a₂nē₅ jmo₅ jniá₂ o₄quió'₄ jág₁ dse₃, ia₁jaun₂ bá₄ quen'₅₄ jniá₂ tē₂le₃ quian'₅₄ jág₁ dse₃.

²⁴ ¿Tsa₁ ñi'₅₄ 'nia'₂ jui₁lia'₂ dsa₂ i₂i₂nio₄ co₂chi'₅₄ jme₁co₂₃, ca₂le₃jín₃ bá₄ 'éi₂ i₂nioi₅₄, la₁ i₂jan₂ tan₅₄ jui₁lia'₂ i₂lí₂ bá₄, gue₅ premio? Le₂jaun₂ bá₄ 'nia'₂ ján₃, quen'₂ bí₂ o₂nóg'₅ co₂chi'₅₄ ia₁jaun₂ guéi'₁ 'nia'₂ premio. ²⁵ Ca₂le₃jín₃ dsa₂ i₂jme₂tín₅ ia₁ cha₂ ja₁lé₄ jág₁ a₂dsi₃cáu₂, jmo₂₃ 'í₁ 'ñiog₅, ia₁jaun₂ bá₄ lí₂ caun₂ corona a₂jio₅ co₂'na₂. La₁ jniog₄ né₃ quen'₂ bí₂ léi₂ caun₂ corona a₂jio₅ co₂tan₅₄ bá₄. ²⁶ Jaun₂ le₂nē₅, 'ñió₃ jniá₂ né₃, on₃jua'₅₄ a₂lē₁i₂ñi₄ jniá₂ co₂chi'₅₄; jaun₂ jme₁quín'₂ jniá₂, on₃jua'₅₄ a₂lē₁dsi₂dsí₂ ja'₂. ²⁷ Tē₂le₃ jma'₄ cué₅ uig₅ ñi₃ 'ñió₃, nē₂jag₄ bá₄ a₂rē₂'ñe'₅₄, con'₂ tsá₃ ñó₅ nē₁jua'₂ tē₁tsing'₄ 'lig'₅₄ 'ñió₃, lia'₂ con'₂ jme₁ca₂jme₁tíng₅ i₂sián'₂.

10

To'₂ jág₁ a₂tsá₃ jme₃gan₃ dsa₂ diú₄ lag₄

¹ Tsá₃ 'nio₃ jniá₂ jua'₅₄ a₂tsá₃ ñi'₅₄ 'nia'₂ rin'₅₄ jniog₄, a₂jme₁tion'₅₄ dsa₂ can'₅₄ quián₂ jnia'₅₄ ma₂líg'₂ né₃ jnei₅, jaun₂ gué₄ ca₂ñí₃ ca₂le₃jín₃ jmi₁ñí'₄ Guéin₂. ² Ca₂tón'₂ dsa₂ co₂lē₅ ca₂le₃jín₃ quiain'₅₄ Moisés jē₄ jnei₅ quian'₅₄ jē₄ jmi₁ñí'₄ né₃. ³ Le₂jaun₂ bá₄ ján₃, ca₂gué'₃ co₂dsia₅ ca₂le₃jín₃ má₃ a₂gu₂dsí₂; ⁴ ca₂'in'₃ jmig₂ a₂gu₂dsí₂ ján₃. Ia₁ ca₂'in'₃ jmig₂ a₂ca₂'ia₂ dso'₂ ni₁'lau₂ a₂gu₂dsí₂ jaun₂ a₂ca₂jme₃quiong'₅₄ ca₂le₃jé₃ jmig₄ tío₁n'₅₄ jui₅. Ni₁'lau₂ jaun₂ né₃, Cristo bá₄ 'éi₂. ⁵ La₁ia₁, mei'₂ tsá₃ le₃jín₃ dsa₂ 'éi₂ né₃, tsá₃ ca₂jmo₃ a₂'ñio₂ dsí₅ Diú₄. Jaun₂ ne₄ 'uig₅₄ jaun₂, qui₂i₃ga'₅₄ ni₁ñi₁₂ 'uē₃ quein₂ co₂'ñiog₅ jaun₂.

⁶ Ca₂le₃jé₃ a₂nē₅ ca₂lē₃ ia₁jaun₂ lé₅ caun₂ jág₁ a₂jáng'₅ léi₄ quián₂ jniog₄ jmig₄ né₃, ia₁jaun₂ tsá₃ jmó₁ jniog₄ 'ín₅ dsi₅ ja₁con₂ a₂'lig'₅₄, jui₁lia'₂ ca₂jmo₃ dsa₂ 'éi₂ 'ín₅ dsí₅. ⁷ Jaun₂ juíg₂ jniá₂ 'nia'₂, tsá₃ jme₁gan'₃ 'nia'₂ diú₄ lag₄, jui₁lia'₂ ca₂jmo₃ i₂lin₅₄ dsa₂ 'éi₂; jui₁lia'₂ juá'₂ ne₄ Si₂: "Ca₂tían'₂ dsa₂ ca₂gué'₃ qui₂ca₂'in'₃ né₃, jaun₂ gué₄ qui₂ca₂nau₂, ca₂co₃."*

⁸ Tsá₃ ca₂tág₂ jniog₄ 'nióg₁ dso₄ jua'₅₄ nió'₄ jniog₄ jág₁ quian'₅₄ jui₁'ein₂ gué₃, jui₁lia'₂ ca₂jmo₃ i₂lin₅₄ dsa₂ 'éi₂. Ne₄ 'uig₅₄ jaun₂, quian'₅₄ co₂jmig₄ ca₂dsan₃ con'₂ guióg₂-'ni₅ mei₅ dsa₂ 'éi₂. ⁹ On₃ gué'₂ ca₂tág₂ jniog₄ a₂quiong₅₄ táu₂ Te₁gui'₅₄ jui₁lia'₂ ca₂jmo₃ i₂lin₅₄ dsa₂ 'éi₂, jaun₂ qui₂ca₂dsain₃, qui₂ca₂cag'₂ dsi₂mi₂'. ¹⁰ On₃ gué'₂ chi₁'ín'₄ 'nia'₂ uig₅ Diú₄, jui₁lia'₂ ca₂jmo₃ i₂lin₅₄ dsa₂ 'éi₂, jaun₂ ca₂chen₃ Diú₄ ángel i₂quian₅ 'mú₃, ca₂jme₃dsiain₂₃ dsa₂ 'éi₂.

¹¹ Le₂nē₅ bá₄ ca₂i₃ñí₂ dsa₂ 'éi₂, ia₁jaun₂ jióg'₂ 'í₁ lé₅ léi₄; ca₂i₃to'₅₄ ne₄ Si₂ co₂'nió'₄ caun₂ jág₁ a₂i₂'ag₅₄ tē₃jñiá₅, ia₁jaun₂ dsio₁'₂ dsi₅ jniog₄ jmig₄ né₃, ia₁ ma₂ja₂quián₃ bá₄ le₃'ñia₅ jmig₄ a₂le₂ti₃ a₂lé₅ dsí₅ Diú₄ jmo₃ ja₁con₂ jniog₄. ¹² Le₂nē₅ bá₄, chi₂jua'₂ 'ein₂ lín₂ chéin'₅ tiá₂ a₂'éin₂, jui₁jmo₁₂ 'í₁ ia₁jaun₂ tsá₃ tiáin'₃. ¹³ Tsá₃ 'e₂ táu₂ ma₂i₂ñí'₂ 'nia'₂, jñia'₅₄ lia'₂ a₂qui₂dsi₂ñí₂ dsa₂ mi₂güí₃. La₁ i₂rē₂ti'₅₄ bá₄ Diú₄, tsá₃ cué₃ jmig₄ jua'₅₄ ñí₄ a₂qui₂dsi₂juin₅₄

* 10:7 Éxodo 32:6.

'a₂ con'₂ jñia'₅₄ tiang'₃. Të₂le₃ 'ñiog₅ bá₄ Diú₄ jmo₃ caun₂ jui₅ 'a₂ lia'₂ lé₂ jmó'₂ a₂tiang'₃, jui₁'e₂ gué₃ caun₂ táu₂ já₅.

¹⁴Jaun₂ juíg₂ jniá'₂ 'nia'₂ rin'₅₄ jniog₄, quiá'₂ 'nia'₂ cau₅ ja₁ jme₂ juin'₂ dsa₂ diú₄ lag₄. ¹⁵Juíg₂ jniá'₂ 'nia'₂ dsa₂ i₂ñí'₂ dsí₅: quion₂ de'₂ 'nia'₂ caun₂ 'í₁ a₂juá'₅. ¹⁶Jui₁lia'₂ jme₁quian'₅₄ jniog₄ rin'₅₄, 'ne'₂ jniog₄ a₂'a₄ copa jñió₅, cuë₂ ti₁'mag'₄ Diú₄: ¿on₁jua'₅₄ a₂quein'₄ jniog₄ jmi₄ Cristo? Le₂jaun₂ bá₄ já₃ jui₁lia'₂ jme₁quian'₅₄ jniog₄ rin'₅₄ jmo₂ dsióg₁ i₁ñí'₄: ¿on₁jua'₅₄ a₂quein'₄ jniog₄ ni₁ñi₁ Cristo? ¹⁷Jui₁lia'₂ caun₂ bá₄ i₁ñí'₄ lé₅, já₃ bá₄ le₂jaun₂ jniog₄ né₃, o₁jñia'₅₄ la₂ juag₅ jniog₄ lé₂, la₁ caun₂ bá₄ ni₁ñí₅ lág₅ jniog₄, ia₁ caun₂ i₁ñí'₄ bá₄ que₂ jniog₄.

¹⁸Quion₂ de'₂ 'nia'₂ 'í₁ 'a₂ lia'₂ lé₅ juíg₂ Israel: ¿Tsa₁ lín'₂ 'nia'₂, jñia'₅₄ dsa₂ i₂gué₅ má₃ ñi₄ já'₂ a₂qui₂rë₂jen'₅₄ ne₄chei₂, le₂jaun₂ bá₄ quein'₅₄ guioin₅₄ ne₄chei₂ jaun₂? ¹⁹Tsá₃ juíg₂ jniá'₂ 'nia'₂ jua'₅₄ a₂cha₂ bí₂ 'io₅ diú₄ lag₄, on₃ guë'₂ le₂jaun₂ ñí₅ a₂te₁'i₁ ne₅₄. ²⁰Të₂le₃ juá'₅ jniá'₂, jme₁jén'₅ dsa₂ 'e₂ qui₂jén'₅ ne₄ 'éi₂, qui₂jén'₅ dsa₂ a₂jaun₂ ne₄ je₂na'₅₄, on₃jua'₅₄ rë'₂ ne₄ Diú₄ tē₃dsón'₂. Jaun₂ tsá₃ 'nio₃ jniá'₂ jua'₅₄ quen'₅₄ 'nia'₂ quian'₅₄ je₂na'₅₄. ²¹Tsá₃ lé₂ 'ag'₅₄ 'nia'₂ copa quió'₅ Te₁gui'₅₄, chi₂jua'₂ já₃ guë'₂ 'ag'₅₄ táng₃ copa quió'₅ je₂na'₅₄. On₃ guë'₂ lé₂ quen'₅₄ 'nia'₂ ne₄ mesa quió'₅ Te₁gui'₅₄, chi₂jua'₂ já₃ guë'₂ quen'₅₄ táng₃ 'nia'₂ ne₄ mesa quió'₅ je₂na'₅₄.

²²¿'E₂ lé₂ né₃? ¿O₃ bá₄ lé₂ le₃jmó₁ jniog₄ ia₁jaun₂ le₃dsí'₅ Te₁gui'₅₄ o₄quián₂ jniog₄? ¿O₃ bá₄ 'uau'₂ gué₄ jniog₄ lia'₂ con'₂ gué₄ 'éi₂?

'A₂ con'₂ jñia'₅₄ cuë₂₃ jmig₄ ia₁ a₂lág₅ jniog₄ dsa₂ quián₅ Cristo

²³Dsón'₂ bá₄ dsau₅: “I₄ bá₄ 'éi'₃ le₃jmo₃ dsa₂ 'e₂ 'nio₃ jmo₃”, la₁ tsá₃ jua'₅₄ ca₂le₃jé₃ a₂jaun₂ jme₂'o₅₄; dsau₅ bá₄: “I₄ 'éi'₃ le₃jmo₃ dsa₂ ca₂le₃jé₃ 'e₂ 'nio₃ jmo₃”, la₁ia₁ tsá₃ jua'₅₄ ca₂le₃jé₃ a₂jaun₂ jmo₃ a₂dsi₃cón₃ dsa₂ tē₂le₃ quió'₅ jme₂dsí₂. ²⁴Nió'₅ bá₄ 'no'₂ dsa₂ jui₅ jmo₃ a₂dse₃ le₃ja₁con₂ riin'₅₄, on₃jua'₅₄ rë'₂ jmá'₃ lia'₂ a₂dse₃ ja₁coin₂ 'ñiog₅.

²⁵Qué'₂ bá₄ 'nia'₂ lia'₂ 'ei₅ ne₄ a₂dsi₂'nag₂ 'ma'₅₄, lë₃ jua'₅₄ tsá₃ 'e₂ cáun'₂ 'nia'₂ 'í₁ o₄quió'₄ a₂qui₂dsi₂jñi₅ 'au'₂ 'nia'₂. ²⁶Ia₁: “Gua'₅₄ 'uë₃, quian'₅₄ gué₄ ca₂le₃jé₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jë₂ bá₄ jaun₂.”†

²⁷Në₁jua'₂ 'ein₂ dsa₂ i₂tsá₃ 'én₂ ca₂të₃ 'nia'₂ a₂o₁qué'₂ ja₁quió'₄, në₁jua'₂ 'niog'₂ 'nia'₂ o₁nóg'₅, jaun₂ qué'₂ bá₄ 'nia'₂ ca₂le₃jé₃ 'e₂ niog₅ dsia₃ dsa₂ ne'₅₄, lë₃ jua'₅₄ tsá₃ cáun'₂ 'í₁ o₄quió'₄ a₂qui₂dsi₂jñi₅ 'au'₂ 'nia'₂. ²⁸La₁ në₁jua'₂ chan₂ guë'₂ 'ein₂ juá'₂: “Má₃ a₂qué'₂ 'nia'₂ në₅ a₂ma₂jáu'₅ jme₁rë₂jen'₅₄ ne₄ diú₄ lag₄ bá₄ në₅”, co₂dsia₅ tsá₃ ma₃qué'₂ 'nia'₂, o₄quió'₄ i₂juá'₂ le₂në₅, já₃ bá₄ o₄quió'₄ a₂qui₂dsi₂jñi₅ dsí₅ né₃.‡ ²⁹A₂qui₂dsi₂jñi₅ dsí₅ dsa₂ 'éi₂ bá₄ guë'₂, on₃jua'₅₄ rë'₂ 'nia'₂.

La₁ chan₂ guë'₂ i₂le₃juá'₂ táng₃: “¿'E₂ 'uig₅₄ qui₂con₂ dsa₂ 'í₁ tē₂le₃ jui₅ a₂tsá₃ jnág₅ quió₃, o₄quió'₄ 'a₂ lia'₂ niog₅ ñí'₂ dsí₅ i₂sián'₂?” ³⁰Chi₂jua'₂ cué₅ jniá'₂ ti₁'mag'₄ o₄quió'₄ caun₂ má₃ a₂quen'₅₄ jniá'₂ jë₄ gué'₅ dsa₂, ¿'e₂ 'uig₅₄ chi₂'ag₅ dsa₂ o₄quió'₄ a₂guë'₂ jaun₂, chi₂jua'₂ cué₅ ti₁'mag'₄ né₃? ³¹Jaun₂ lë₃, chi₂jua'₂ qué'₂, 'ag'₂, já₃ guë'₂ le₂jaun₂ chi₂jua'₂ 'e₂ gué₄ niog₅ jmo'₂ 'nia'₂, jmo₄ bá₄ a₂jaun₂, la₁ jua'₅₄ le₃juin'₂ bá₄ Diú₄ le₃jé₃ a₂jaun₂. ³²La₁ tsá₃ cuë₂ 'nia'₂ jmig₄ jua'₅₄ ja₁lé₂ tsi₃sén'₂ dsa₂ judíos, on₃ guë'₂ dsa₂ griegos, on₃ guë'₂ dsa₂ i₂tén₅ le₃quió'₅ guá'₅ quián₅ Diú₄ né₃. ³³Jniá'₂ 'ñió₃ né₃ quín'₅ bí₂ jmo₂₃ a₂të₅ dsí₅ ca₂le₃jín₃, tsá₃ jmo₅ jniá'₂ dsí₃ a₂'náu'₅ jniá'₂ a₂dse₃ le₃ja₁cong₂ 'ñió₃. Jmo₅ bá₄ jniá'₂ a₂dse₃ le₃ja₁con₂ i₂sián'₂, ia₁jaun₂ lióin₂.

11

¹Quian₂ 'nia'₂ jui₅ a₂ca₂can₃ jniá'₂, jui₁lia'₂ jniá'₂ né₃, quian₅₄ jui₅ a₂ca₂can₃ Cristo.

'A₂ lia'₂ dsi₂ten₅₄ jmo₃ dsa₂ mí₂ jme₁tioin'₅₄ culto

† 10:26 Salmo 24:1. ‡ 10:28 A₂lín₅₄ chog₅₄ si₂juá'₂ já₃: “Ia₁ gua'₅₄ 'uë₃, quian'₅₄ gué₄ ca₂le₃jé₃ 'e₂ niog₅ cha₂ ja₁jaun₂, a₂quió'₅ Te₁gui'₅₄ jë₂ bá₄ jaun₂.”

² Rin'₅₄ jniog₄, a₂ 'ñio₂ dsi₃ lín₃ cué₅ jniá₂ ti₁ 'mag'₄ 'nia'₂, 'uig₅₄ ia₁ a₂ dsau'₂ bá₄ 'au'₂ jniá₂, ia₁ chan'₅₄ bá₄ 'nia'₂ tiá₂ jág₁ con'₂ lé₅ ma₂ ca₂ jme₁ tin₅ jniá₂ 'nia'₂. ³ La₁ 'nio₃ jniá₂ a₂ le₃ ñi'₅₄ 'nia': jui₁ lia'₂ lín₅ Cristo mi₂ dsi₄ le₂ jan₂ le₂ jan₂ dsa₂ ñe'₂, ján₃ gué'₂ le₂ jaun₂ lín₅ dsa₂ ñe'₂ mi₂ dsi₄ dsa₂ mí₂; jaun₂ lín₅ Diú₄ mi₂ dsi₄ Cristo. ⁴ Jua'₅₄ mei'₂ gué₃ jan₂ dsa₂ ñe'₂ jlé₂ dsi₅₄ jme₁ chi₂ léin'₂ Diú₄ jē₁ le₁ ñi'₂ dsa₂, o₃ jme₁ ñág₅ jág₁ a₂ cué₅ Diú₄, chein'₂₃ o₂ guí'₃ mi₂ dsi₅₄ chi₂ jua'₂ le₂ jaun₂. ⁵ La₁ chi₂ jua'₂ jan₂ gué'₂ dsa₂ mí₂ tsá₃ chi₁ jlē₅ dsi₅₄ jme₁ chi₂ léin'₂ Diú₄, o₃ jme₁ ñág₅ jág₁ a₂ cué₅ Diú₄, chein'₂₃ o₂ guí'₃ mi₂ dsi₅₄ chi₂ jua'₂ le₂ jaun₂ ján₃; co₂ jaun₂ bá₄ dsióg₅ nē₂ jag₄ bá₄ rē₂ chei₄ jñi₂ dsi₅₄. ⁶ Chi₂ jua'₂ tsá₃ 'nio₃ jui₁ lia'₂ jan₂ dsa₂ mí₂ jlé₂ dsi₅₄, co₂ ñei'₅₄ o₁ chéi₄ jñi₂ dsi₅₄. La₁ chi₂ jua'₂ caun₂ o₂ guí'₃ jaun₂, a₂ chéi₃ jan₂ dsa₂ mí₂ jñi₂ dsi₅₄, o₃ a₂ téi'₅ 'e₂, jui₁ jlē₅₄ bá₄ mi₂ dsi₅₄. ⁷ Tsá₃ ca₂ tñ₂ dsa₂ ñe'₂ jlé₂ dsi₅₄, ia₁ 'éi₂ bá₄ lín₅ co₂ 'nió'₄ nió'₄ quió'₅ Diú₄, i₂ jme₂ jnia₅ a₂ jlá'₁ quió'₅ Diú₄. La₁ ia₁ dsa₂ mí₂ né₃, lín₅ i₂ jlán'₁ quián₅ dsa₂ ñe'₂. ⁸ Le₂ 'uig₅₄ lia'₂ con'₂ jme₁ ca₂ jmó'₂ Diú₄ dsa₂ ñe'₂, ma₁ on₃ jua'₅₄ quió'₅ dsa₂ mí₂ ca₂ can₃ 'uig₅₄. Dsa₂ mí₂ bá₄ 'éi₂ ca₂ j₃ á₃ ca₂ lín₃ quian'₅₄ ni₁ ñi₁ dsa₂ ñe'₂. ⁹ O₄ quió'₄ dsa₂ ñe'₂ bá₄ ca₂ jmó'₂ Diú₄ dsa₂ mí₂, jaun₂ on₃ jua'₅₄ rē'₂ dsa₂ ñe'₂ ca₂ lín₃ o₄ quió'₄ dsa₂ mí₂. ¹⁰ 'Uig₅₄ jaun₂ gué'₂ né₃, o₄ quió'₄ ángeles, ca₂ tñ₂ dsa₂ mí₂ cán₂ caun₂ léi₄ ne₄ mi₂ dsi₅₄, a₂ 'ein₅₄ 'éi'₃. ¹¹ La₁ tē₂ le₃ quió'₅ Te₁ gui'₅₄ né₃, tsá₃ lé₂ le₃ chan₂ dsa₂ ñe'₂ jua'₅₄ mei'₂ gué₃ tsá₃ dsa₂ mí₂ chan₂. Le₂ jaun₂ gué'₂ ján₃ tsá₃ lé₂ le₃ chan₂ dsa₂ mí₂ jua'₅₄ mei'₂ gué₃ tsá₃ dsa₂ ñe'₂ chan₂ táng₃. ¹² Ia₁ jui₁ lia'₂ ca₂ j₃ á₃ dsa₂ mí₂ dsi₁ con₂ dsa₂ ñe'₂, ján₃ bá₄ le₂ jaun₂ gué'₂ né₃ rē₂ chan₂ dsa₂ ñe'₂ cáun₂ dsa₂ mí₂. La₁ ja₂ lé₂ ca₂ le₃ jē₃ ja₁ con₂ Diú₄.

¹³ Quion₂ 'nia'₂ 'í₁ jin'₄ 'nia'₂ guiong'₅₄: ¿Dsi₁ ten₅₄ chi₃ lén'₂ dsa₂ mí₂ Diú₄ jme₁ le₁ ñi'₂ 'nia'₂ tē₃ tsá₃ chi₁ jlē₅ mi₂ dsi₅₄? ¹⁴ ¿Tsa₁ léi₄, tsa₁ jág'₂ 'nia'₂ 'a₂ lia'₂ lé₅ dsi₂ ten₅₄ i₂ nio₄ dsa₂, caun₂ o₂ guí'₃ bá₄ jaun₂ quió'₅ jui₁ lia'₂ jan₂ dsa₂ ñe'₂, chi₂ jua'₂ quian₅ jñi₂ dsi₅₄ jang₄? ¹⁵ La₁ dsa₂ mí₂ gué'₂ né₃, jlá'₁ bá₄ tē₂ le₃ quió'₅ 'éi₂ chi₂ jua'₂ quian₅ jñi₂ dsi₅₄ jang₄. Ia₁ con'₂ jaun₂ ca₂ ñi₂ jñi₂ dsi₅₄ jang₄ co₂ 'nió'₄ caun₂ 'mi'₂ 'ñiá'₂. ¹⁶ Chi₂ jua'₂ chan₂ gué'₂ i₂ 'nio₃ tsin₃ quió'₅ jág₁ nē₅, jaun₂ juá'₅ jniá₂, ca₂ lia'₂ jñia'₅₄ jnia'₅₄ guio₅₄, on₃ gué'₂ 'i₁ caun₂ guá'₅ quián₅ Diú₄, tsá₃ tag₄ siá'₂ chí'₅.

Ca₂ i₁ juin₅₄ ñag₅₄ ca₂ gué'₃ dsa₂ ja₁ jmóg'₅ Má₃ quió'₅ Te₁ gui'₅₄

¹⁷ La₁ ne₄ si₂ la₂, 'éi'₃ a₂ nē₃ gué₄ jmo₅₄ jniá₂, tsá₃ lé₂ jua'₅₄ juá'₄ jniá₂ a₂ dse₃ tion'₅₄ 'nia'₂. Ia₁ jmo'₂ 'nia'₂ daín₅₄ jme₁ ñig'₂, 'nió'₄ a₂ jme₁ jmó'₂ 'nia'₂ a₂ dse₃. ¹⁸ Jē₁ le₂ 'uig₅₄ juá'₅ jniá₂, ma₂ guion₅₄ jág₁ a₂ jmo'₂ 'nia'₂ le₁ dsong'₅₄, lia'₂ jme₁ ñi'₂ 'nia'₂. Mei'₂ tsá₃ tí₅ bá₄ ca₂ la₂ jág₁ nē₅, líng₂. ¹⁹ Dsón'₂ bá₄ jaun₂, tion₅₄ niog₅ qui₃ jmo₃ dsa₂ jma₃ quén₅ la₂-nē₅, ia₁ jaun₂ le₃ jniá₂ jin'₄ 'nia'₂ jui₁ lia'₂ dsa₂ i₂ ma₂ guei₃ Diú₄. ²⁰ Jaun₂ lē₃, jme₁ ñi'₂ 'nia'₂, tsá₃ ma₂ lé₅ quió'₅ Te₁ gui'₅₄, má₃ a₂ qué'₂ 'nia'₂ jaun₂, ²¹ ia₁ jē₁ ma₂ ca₂ tē₂ hora a₂ qué'₅₄ 'nia'₂, jmo₅ dsa₂ i₂ lín₅₄ jma₃ quén₅ dsi₂ jñiá₄ qui₂ gué'₅. Chan₂ i₂ lín₅₄ tion'₅₄ i₁ cón'₅; tē₁ lia'₂ tion'₅₄ i₂ sián'₂ le₁ 'ein₅. ²² ¿Tsa₁ dsi₂ néi₂ quián'₂ 'nia'₂ cha₂ ja₁ lé₂ le₃ qui₁ qué'₅₄ qui₁ ag'₅₄ 'nia'₂ né₃? ¿O₃ bá₄ ma₂ jin'₅₄ 'nia'₂ sion₅ guá'₅ quián₅ Diú₄, ján₃ gué'₂ cué'₂ 'nia'₂ o₂ guí'₃ dsa₂ i₂ tsá₃ 'e₂ cha₂ quió'₅? ¿'E₂ bá₄ jui₁ g₅₄ jniá₂ 'nia'₂? ¿A₁ juá'₄ jniá₂ dse₃ lia'₂ tion'₅₄ 'nia'₂ ia₁ a₂ jmo'₂ le₂ jaun₂? ¿Dsón'₂ bá₄ tsá₃ le₂ jaun₂!

Má₃ quió'₅ Te₁ gui'₅₄

(Mateo 26:26-29; Marcos 14:22-25; Lucas 22:14-20)

²³ Ia₁ a₂ ca₂ ñi₂ bá₄ jniá₂ a₂ ca₂ jme₁ tag₅ 'ñiog₅ Te₁ gui'₅₄ a₂ ma₂ ca₂ jme₁ tin₅ gué'₂ jniá₂ 'nia': lia'₂ con'₂ le₃ ca₂ nei₂ jmi₄ jme₁ ca₂ jáng'₂ dsa₂, ca₂ can₃ i₁ ñi'₄. ²⁴ Jme₁ ma₂ dsan₃ cué'₅ ti₁ 'mag'₄ Diú₄, jaun₂ gué₄ ca₂ 'niai₃ ca₂ dsió'₃ i₁ ñi'₄, jaun₂ ca₂ juá'₂: “Qué'₂ 'nia'₂; a₂ la₂ bá₄ ñi₃ a₂ rē₂ 'na₄ o₄ quián'₂ 'nia'₂. Jmo₄ 'nia'₂ le₂ la₂ a₂ dsiog'₂ 'au'₂ jniá₂.” ²⁵ Ján₃ bá₄ le₂ nē₅, jme₁ ma₂ ca₂ lē₃ gué'₅ i₁ ñi'₄, ca₂ can₃ táng₃ copa, jaun₂ ca₂ juá'₂: “A₂ 'a₄ copa la₂, lé₅ jág₁ 'mí₂

a₂li'₅₄ tē₂le₃ quian'₅₄ jmi₃. * Lia'₂ co₂rāun₂ 'ag'₅₄ 'nia'₂, jmo₄ 'nia'₂ a₂dsau'₂ 'au'₂ jniá₂.”
²⁶ Jaun₂ le₂nē₅ bá₄, lia'₂ co₂rāun₂ tón'₄ 'nia'₂ quē'₅₄ i₁ñí'₄, 'ag'₅₄ 'nia'₂ a₂'a₄ copa, qui₂'é'₅ 'nia'₂ 'mú₃ quió'₅ Te₁gui'₅₄ ca₂lia'₂ ca₂té₂ jmi₄ i₁guain'₂ táng₃.

'A₂ lia'₂ dsi₂ten₅₄ tón'₃ dsa₂ jmóg'₂ gué'₃ Má₃ quió'₅ Te₁gui'₅₄

²⁷ Jaun₂ lē₃, chi₂jua'₂ 'ein₂ gué'₅ i₁ñí'₄, 'ín'₂ a₂'a₄ copa jaun₂, on₃jua'₅₄ ia₁ a₂léi₄ dsan₂ dsí₅, a₂rē₂cán'₄ bá₄ 'éi₂ le₃ja₁con₂ ñi₄ jmi₄ Te₁gui'₅₄. ²⁸ 'Uig₅₄ jaun₂ né₃, né'₃ a₂gué'₃ jan₂ dsa₂ i₁ñí'₄, né'₃ a₂'ín'₂ a₂'a₄ copa, jui₁quion₂ 'í₁ ja₁con₂ 'ñiog₅. ²⁹ Ia₁ nē₁ca₂gué'₃ ca₂'in'₃, tē₃ tsá₃ rē₂ñí'₂ dsí₅, tsá₃ rē₂cuí'₅ ñi₄ Te₁gui'₅₄, cué'₅ uig₅ 'ñiog₅ bá₄ nē₁ca₂gué'₃ ca₂'in'₃ le₂jaun₂.
³⁰ Ne₄ 'uig₅₄ jaun₂, ju₁n₅ 'nia'₂ i₂le₁dso'₅₄, i₂'uan₅₄ né₃; i₂lín₅₄ gué'₂ ma₂qui₂ca₂dsain₃.
³¹ La₁ nē₁jua'₂ ca₂quiong₅₄ jniog₄ 'í₁ dsi₅ guio₅₄, tsá₃ 'e₂ 'í₁ con₂ Te₁gui'₅₄ ja₁con₂ jniog₄.
³² Jme₁con₂ Te₁gui'₅₄ 'í₁ ja₁con₂ jniog₄, jme₂rē₃ jui₅ quián₂ jniog₄, ia₁jaun₂ tsá₃ guéi₁ uig₅ co₂lē₅ quian'₅₄ dsa₂ mi₂güí₃.

³³ Jaun₂ le₂nē₅ bá₄, 'nia'₂ rin'₅₄ jniog₄, jui₁lia'₂ juá'₅ jniá₂ chi₂jua'₂ líg'₂ jme₁tón'₂ 'nia'₂ long'₂ quian'₅₄ ríng'₂ a₂jmog'₅₄ 'nia'₂ Má₃ quió'₅ Te₁gui'₅₄, jñia₄ 'nia'₂ ríng'₂ jang'₂ jang'₂ a₂quē'₅₄ co₂dsia₅. ³⁴ Chi₂jua'₂ chan₂ jan₂ i₁cón'₅, jui₁gué'₄ co₂ñei'₅₄ ja₁quió'₄, ia₁jaun₂ tsá₃ 'é₂ Diú₄ uig₅ jui₁lia'₂ jē₁ñig'₂ 'nia'₂.

Jui₁lia'₂ jág₁ a₂'nió'₅ le₃rē₂, nē₅ bá₄ jme₁rē₂ jniá₂ jē₁ma₂té₂ rē₁dsióg₄.

12

Jui₁lia'₂ ta₁ a₂tin₂ dsa₂ a₂cuē₅ Jme₂dsí₂ Jñió₅ cué'₅ le₂jan₂ le₂jan₂ dsa₂

¹ Nē₃ né₃, rin'₅₄ jniog₄, jui₁lia'₂ tē₂le₃ a₂gu₂dsí₂, tsá₃ 'nio₃ jniá₂ jua'₅₄ tsá₃ le₃ñi'₅₄ 'nia'₂.

² Ma₂ñi'₅₄ bá₄ 'nia'₂, rin'₅₄ jniog₄, lia'₂ con'₂ tsá₃ dsa₂ 'én₂ jme₁ma₂lín'₅ 'nia'₂, jme₁tē₁i₂nio'₄ 'nia'₂ chi₁co'₅₄ quió'₅ dsa₂ lag₄, on₃ i₂lé₂ le₃juá'₂ jág₁. ³ Jaun₂ né₃, juig₅₄ jniá₂ 'nia'₂, 'i₁jan₂ dsa₂ i₂dsia₅ jág₁ lia'₂ con'₂ jniog₅ Jme₂dsí₂ quián₅ Diú₄, tsá₃ juá'₂: “jui₁dsi₂'én₂ Jesús!” Ján₃ gué'₂ le₂jaun₂, 'i₁jan₂ tsá₃ lé₂ le₃juá'₂: “jésús bá₄ i₂lín₅ Te₁gui'₅₄!” chi₂jua'₂ tsá₃ Jme₂dsí₂ Jñió₅ jiog₅ gué'₂.

⁴ Lióng₂ bá₄ jui₅bí₂ cha₂ a₂lé₂ le₃ñe₂ dsa₂, la₁ia₁ jan₂ bá₄ Jme₂dsí₂ i₂cuē₅. ⁵ Lióng₂ ne₅₄ bá₄ ta₁ a₂cha₂ a₂lé₂ jme₃ti₃ dsa₂, la₁ia₁ jan₂ tan₅₄ bá₄ Te₁gui'₅₄ chan₂. ⁶ Cha₂ 'lióng₂ ne₅₄ bá₄ ta₁ a₂lé₂ le₃jmo₃ dsa₂; jñia'₅₄ lia'₂ jan₂ bá₄ Diú₄ i₂jmo₅ ca₂le₃jé₃ ta₁ jaun₂ ja₁con₂ ca₂le₃jín₃ dsa₂.

⁷ Nē₃ né₃, a₂dse₃ quió'₅ ca₂le₃jín₃ bá₄ a₂jme₂jnia₅ Diú₄ jui₅bí₂ quió'₅ Jme₂dsí₂ ja₁con₂ le₂jan₂ le₂jan₂. ⁸ Tē₂le₃ quian'₅₄ Jme₂dsí₂ bá₄ cuē₅ Diú₄ jui₅bí₂ cué'₅ jui₁lia'₂ jan₂ dsa₂ a₂lé₂ le₃cuē₃ jág₁ a₂ñí'₂ dsí₅. I₂sián'₂ gué'₂ né₃, ñei₂ bí₂ a₂tiin₂ 'a₂ lia'₂ le₃ñi₅ caun₂ jág₁, tē₂le₃ quian'₅₄ jan₂ Jme₂dsí₂ 'éi₂ bá₄. ⁹ Jui₁lia'₂ i₂sián'₂ gué'₂ né₃, rē₂'éin₂ 'ñio₅ lín₃, a₂jmo₅ 'ñiog₅ Jme₂dsí₂ 'éi₂ bá₄ ján₃. I₂sián'₂ gué'₂ qui'₅₄ jmi₄ a₂lé₂ le₃jme₃'lióin₂ jui₁lia'₂ dsa₂ dso'₅₄ né₃, tē₂le₃ quian'₅₄ jan₂ Jme₂dsí₂ 'éi₂. ¹⁰ I₂lín₅₄ gué'₂ tin₅ jui₅bí₂ a₂jmo₃ léi₄ jué'₂; i₂lín₅₄ gué'₂ i₂lé₂ le₃'é₂ jág₁ a₂jme₂jnia₅ Diú₄ ne₅₄; i₂lín₅₄ gué'₂ ñei₂ bí₂ a₂tiin₂ con₂ 'í₁ a₂rē₂lí'₄ dsí₅ jin₄ jme₂dsí₂; i₂lín₅₄ gué'₂ ñei₂ bí₂ a₂lé₂ le₃dsia₃ jág₁ jmei₅ síá'₂; i₂lín₅₄ gué'₂ i₂qui'₅₄ jmi₄ a₂juá'₂ 'e₂ jein₅ jág₁ jmei₅ jaun₂. ¹¹ Ca₂le₃jé₃ jui₅bí₂ nē₅, jan₂ Jme₂dsí₂ quián₅ Diú₄ bá₄ cuē₅ a₂tin₂ dsa₂ le₂jain₂ le₂jain₂, lia'₂ con'₂ lé₅ 'ñio₂ dsí₅.

Ca₂le₃jág₃ bá₄ jniog₄ lág₅ co₂'nió'₄ caun₂ bá₄ ñí₅

¹² Ia₁, jui₁lia'₂ lé₅ caun₂ ni₁ñi₁ dsa₂, 'lióng₂ a₂chei₂ le₂caun₂ le₂caun₂ a₂tén₅ quió'₅, la₁ caun₂ bá₄ ni₁ñi₁₂ lé₅; ján₃ bá₄ le₂jaun₂ lé₅ le₃quió'₅ Cristo. ¹³ Ia₁ ca₂le₃jág₃ bá₄ jniog₄, lia'₂ con'₂ jme₁qui₂ca₂ñjón₂* jmi₂, tē₂le₃ quian'₅₄ jan₂ Jme₂dsí₂ 'éi₂ bá₄ ca₂ñjón₂ jniog₄ jmi₂,

* 11:25 'Nio'₂ ja₁ton₅ Mateo 26:28; Éxodo 24:8; 1 Corintios 10:16. * 12:13 lit. “lia'₂ con'₂ jme₁i₂tiog₃ jmi₂.”

ca₂lag₃ co₂'nió'₄ caun₂ ni₁ñí₅. Tsá₃ a₂lé₅ jaun₂ jui₁la₂ a₂lág₅ jniog₄ dsa₂ judíos, o₃ dsa₂ griegos 'e₂; o₃ jui₁la₂ lág₅ jniog₄ jui₁lia'₂ i₂jme₂ti₃ ta₁ ne₄ jui₅g₅₄, o₃ dsa₂ i₂tsá₃ 'ein₂ ne₄ jua'₅₄ jme₂ti₃; ca₂le₃jág₃ bá₄ jniog₄ qui₂ca₂ñag₂ jan₂ Jme₂dsí₂ 'éi₂ i₂quein'₄ jniog₄, i₂'ne'₅₄ në₂jag₄ bá₄ jmi₂g₂.

¹⁴ Ia₁ tsá₃ lé₂ le₃jmo₁ jniog₄ dsi₅, jui₁lia'₂ caun₂ ni₁ñí₁ dsa₂ mi₂güig₃, jua'₅₄ cha₂ ca₂ne₅₄ a₂tén₅ quió'₅; ia₁ 'lióng₂ bá₄ a₂cha₂ chei₂ a₂tén₅ quió'₅. ¹⁵ Ia₁ jua'₅₄ mei'₂ gué₃ mi₂tag₄ dsa₂ lé₂ le₃juá'₂: “Uig₅₄ ia₁ tsá₃ mi₂gu₂ líng₅, jaun₂ tsá₃ ca₂tíng₂ téng₃ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅. ¹⁶ O₃ jua'₅₄ mei'₂ gué₃ rē₂gua₄ dsa₂ lé₂ le₃juá'₂: “Ia₁ a₂tsá₃ líng₅ mi₂ne₄, jaun₂ tsá₃ téng₅ ni₁ñí₅”, la₁ on₃jua'₅₄ jaun₂ tsá₃ téin₅ ni₁ñí₅. ¹⁷ Jua'₅₄ mei'₂ gué₃ ta₁caun₂ ni₁ñí₁ dsa₂ ca₂lě₃ jmá'₃ mi₂ne₄ dsa₂, ¿'a₂ bá₄ lia'₂ lé₂ jme₁néi₁ jniog₄? O₃ jua'₅₄ mei'₂ gué₃ ta₁caun₂ ni₁ñí₁ dsa₂ ca₂lě₃ jmá'₃ rē₂gua₄ dsa₂, ¿'a₂ bá₄ lia'₂ lé₂ jme₁jén'₂ jniog₄? ¹⁸ La₁ 'ñiog₅ bá₄ Diú₄ né₃, lia'₂ con'₂ lé₅ 'ñio₂ dsí₅, jma₃quén₅ qui₂ca₂jmo₃ ca₂tíong₃ lia'₂ ca₂ne₅₄ a₂cha₂ chei₂ quió'₅ dsa₂ con'₂ ja₁ca₂tín₂ ni₁ñí₁ dsa₂. ¹⁹ Jua'₅₄ mei'₂ gué₃ ca₂ne₅₄ lé₅ quió'₅ dsa₂, ¿'a₂ lia'₂ lé₂ le₃juá'₂ dsa₂ caun₂ ni₁ñí₁₂? ²⁰ La₁ lé₅ né₃, jui₁'a₂ gué₃ la₂ lé₂ 'lióng₂ jma₃quén₅ a₂chei₂ quió'₅ dsa₂, caun₂ bá₄ ni₁ñí₁₂ lé₅.

²¹ Tsá₃ lé₂ le₃juá'₂ jme₁ne₁ dsa₂ tsí'₃ mi₂gu₂: “Tsá₃ 'ne₂ 'nió'₅ quió₃.” Ján₃ bá₄ le₂nē₅, tsá₃ lé₂ le₃juá'₂ mi₂dsi₅₄ tsí'₃ mi₂tag₅₄: “Tsá₃ 'nia'₂ 'nió'₅ quió₃.” ²² Tē₂le₃ 'ñio₅ gué₄ dsen₅₄ jui₁lia'₂ ja₁lín₂ dsa₂ a₂'uan₅₄ quió'₅. ²³ Jui₁lia'₂ a₂tén₅ quián₂ jniog₄ ja₁tsá₃ lín₄ quen₅, lág₂ jniog₄, a₂jaun₂ bá₄ gué'₂ 'ñio₅ gué₄ dse₃ lio₂ jniog₄. Le₂jaun₂ bá₄ ján₃, jui₁lia'₂ ja₁tsá₃ lín₄ dsi₂ten₅₄ rē₂jniá₂ quián₂ jniog₄, ja₁le₂jaun₂ bá₄ gué'₂ jmo₂ jniog₄ 'í₁, ²⁴ la₁ ja₁dsi₂ten₅₄ rē₂jniá₂ gué'₂ né₃, tsá₃ lín₄ 'nió'₅ lé₅ 'í₁. Le₂jaun₂ bá₄ ca₂jme₃'ñia₅ Diú₄ ni₁ñí₅, a₂ca₂jme₃dsen₅₄ jui₁lia'₂ ja₁tsá₃ lín₄ dsen₅₄. ²⁵ ia₁jaun₂ tsá₃ lé₂ le₁dso'₅₄ ni₁ñí₅, tē₂le₃ jui₁dsian₂ bá₄ dsí₅ o₄quió'₄ riin'₅₄ le₂jain₂ le₂jain₂. ²⁶ Chi₂jua'₂ cha₂ja₁qui'₂ uig₅ quió'₅ dsa₂, ca₂le₃jé₃ gué₄ja₁siá'₂ quió'₅ dsa₂ chain₂ uig₅ ján₃; chi₂jua'₂ cha₂jui₁lia'₂ ja₁rē₂dsen₅₄ quió'₅ dsa₂, le₂nē₅ bá₄ ján₃ lé₂ 'io'₂ ca₂le₂con₂ quió'₅ dsa₂.

²⁷ Le₂nē₅ bá₄ jui₁lia'₂ 'nia'₂ né₃: guion'₅₄ bá₄ 'nia'₂ caun₂ bá₄ ja₁téng'₄ ñi₄ Cristo; le₂jan'₂ le₂jan'₂ 'nia'₂, líng₅ lia'₂ caun₂ ja₁tén₄ quió'₅. ²⁸ Le₂nē₅ bá₄ ján₃, jma₃quén₅ lé₅ bí₂ ma₂cué₃ Diú₄ ma₂cué₃ le₂jan₂ le₂jan₂ dsa₂ i₂tén₅ guá'₅ quiáin₅. Jē₁le₂'uig₅₄ ca₂'iin₃ dsa₂ i₂chen₄ quiáin₅; jē₁ca₂té₂ tin₃, ca₂'iin₃ dsa₂ i₂'é₂ jág₁ quiáin₅; jē₁ca₂té₂ 'nag'₂, dsa₂ i₂jme₂tag₅ lín₅ tē₅; ñó₅ jaun₂, dsa₂ i₂'io₅ bí₂ jmo₃ léi₄ jué'₂; dsa₂ i₂qui'₅₄ jmi₂g₄ jme₃'lióin₂ dsa₂ dso'₅₄; dsa₂ i₂jme₂'o₅₄ jme₂'oin₅₄ riin'₅₄; ñó₅ jaun₂, jui₁lia'₂ dsa₂ i₂cán₂ ne₄ jui₅; dsa₂ i₂dsia₅ 'lióng₂ ne₅₄ jág₁ jmei₅. ²⁹ Jaun₂ né₃, ¿O₃ bá₄ ca₂le₃jín₃ lín₅ dsa₂ i₂chen₄ quián₅ Te₁gui'₅₄? ¿O₃ bá₄ ca₂le₃jín₃ 'é₂ jág₁ a₂ñi₂ cué₅ Diú₄? ¿Lín'₂ 'nia'₂ ca₂le₃jín₃ lín₅ tē₅ i₂jme₂tag₅? ¿O₃ bá₄ ca₂le₃jín₃ tin₂ jmo₃ léi₄ jué'₂? ³⁰ ¿Lé₂ le₃jme₃'lió₂ ca₂le₃jín₃ jme₃'lióin₂ dsa₂ dso'₅₄? ¿O₃ bá₄ qui'₅₄ jmi₂g₄ ca₂le₃jín₃ dsia₃ jág₁ jmei₅ siá'₂? ¿Ján₃ bá₄ lé₂ le₃juá'₂ ca₂le₃jín₃ 'e₂ jein₅ jág₁ jmei₅ jaun₂? Ma₁ tsá₃ le₂jaun₂. ³¹ Jmo₄ 'nia'₂ 'ín₅ 'au'₂ jui₅bí₂ a₂dsen₅₄ gué₄.

La₁ a₂nē₃ gué₄ 'é₄ jniá₂ 'nia'₂ caun₂ jui₅ a₂dse₃ gué₄ lín₃.

13

Jui₁lia'₂ a₂jme₂'nio₃ dsa₂ riin'₅₄

¹ Jui₁'a₂ gué₃ la₂ ting₂ dsia₅₄ quian'₅₄ jág₁ jmei₅ quió'₅ dsa₂ mi₂güig₃ ríng'₃, o₃ jág₁ jmei₅ quió'₅ ángeles né₃, la₁ në₁jua'₂ tsá₃ jme₂'nióg₄ gué'₂ ríng'₃ né₃, tsá₃ 'e₂ ta₁ jmo₃ a₂jmo₅ jniá₂ a₂dseng₃. Líng₅ në₂jag₄ bá₄ caun₂ ñí₁ tē₂bong₅ a₂lě₁i₂'ein₅₄, o₃ co₂'nió'₄ caun₂ ni₁ñí₁ tó'₅ mi'₅₄ bá₄. ² Jui₁la₂ qui'₅₄ jniá₂ jmi₂g₄ a₂'é₄ jág₁ a₂jme₂jnia₅ Diú₄, jui₁la₂ guion₄ jniá₂ jág₁ ca'₅₄ a₂jme₂rē₂'ma₄ le₂jñiá₅, ján₃ bá₄ jui₁la₂ ñí'₂ dsi₃ jniá₂ ca₂le₃jé₃, jui₁la₂ 'éng₂ 'ñio₅ lín₃, ca₂lia'₂ qui'₅₄ jniá₂ jmi₂g₄ le₃jñiog'₅₄ ni₁má'₂ né₃, la₁ në₁jua'₂ tsá₃ jme₂'nióg₄ gué'₂ dsa₂

mi₂güüg₃ ríng₃ né₃, tsá₃ 'e₂ ta₁ jmo₃ co₂ñí₂ quió₃ a₂jmo₂₃ a₂ting₂. ³Jui₁la₂ qui₂ca₂dsio₄ jniá₂ 'e₂ a₂cha₂ quió₃, quió₅ dsa₂ ti₂ñé₂, o₁jñia₅₄ la₂ ca₂cuíng₃ ni₁ñi₃ 'ñio₃ a₂dsi₂, tsá₃ 'e₂ ta₁ 'i₄ co₂ñí₂ a₂jaun₂, nē₁jua₂ 'e₂ tsá₃ jme₂'nió₄ guē₂ dsa₂ mi₂güüg₃ ríng₃.

⁴Jui₁lia₂ 'e₂ dsa₂ i₂tē₃dsón₂ 'e₂ jme₂'nio₃ rin₅₄, juín₂ 'e₂ dsí₅ lín₅; ton₂ 'ua₁ dsí₅ né₃; tsá₃ uig₅ dsí₅ quiaín₅₄ 'i₁jan₂, on₃ guē₂ 'e₂ jmo₂₃ táin₅ ja₁con₂ riín₅₄; on₃ guē₂ 'e₂ jmo₂₃ róin₂ né₃. ⁵Tsá₃ jmo₂₃ a₂tsá₃ dsi₂ten₅₄ jmo₃ ja₁con₂ riín₅₄; tsá₃ 'no₂ 'e₂ jmá₃ lia₂ con₂ 'e₂ a₂dse₃ quió₅ 'ñiog₅; tsá₃ con₂ 'e₂ lē₁rē₂'nei₂, on₃ guē₂ 'e₂ jmo₂₃ 'i₄ 'nei₂ dsí₅ né₃. ⁶Jui₁lia₂ 'e₂ dsa₂ i₂jme₂'nio₃ rin₅₄, tsá₃ jmo₂₃ tē₅ dsí₅ 'e₂ caun₂ 'lig₅₄ ca₂jmo₃ i₂sián₂, tē₂le₃ jmo₂₃ 'io₂ ja₁con₂ jág₁ tí₅. ⁷Ca₂le₃jé₃ bá₄jlé₂; ca₂le₃jé₃ bá₄ a₂'éin₂ ja₁con₂ riín₅₄; ca₂le₃jé₃ bá₄ 'ín₂ dsí₅ a₂dsi₃ñí₂ riín₅₄ caun₂ dse₃; ca₂le₃jé₃ bá₄ jmo₂₃ tió₅ dsí₅, nau₂ tiá₂.

⁸Tsá₃ líg₂ 'e₂ jmi₄ dsian₅ a₂jme₂'nio₃ dsa₂ riín₅₄. Dsón₂ 'e₂ bá₄ já₅ jmi₄ jē₁tsá₃ ma₃'ein₂ 'é₂ jág₁ a₂ñi₂ cuē₅ Diú₄, jē₁tsá₃ ma₃dsia₃ dsa₂ jág₁ jmei₅ siá₂, jē₁dsi₃ñí₂ le₃jé₃ a₂ñi₅ dsa₂ niog₅ dsi₅₄. ⁹Ia₁ tsá₃ rē₂'ñia₅ a₂ne₄ jniog₄, jaun₂ tsá₃ rē₂'ñia₅ jág₁ a₂jme₂jnia₅ Diú₄ a₂qui₂'é₅ jniog₄. ¹⁰La₁ jē₁ma₂tē₂ jmi₄ a₂le₃'ñia₅ le₃jé₃, jaun₂ gué₄ dsi₃'én₂ bá₄ jui₁lia₂ 'e₂ a₂tsá₃ rē₂'ñia₅ jaun₂.

¹¹Lia₂ con₂ 'e₂ jme₁lín₄ jniá₂ jan₂ chi₂ 'e₂ bē₅₄, jme₁dsia₅ jniá₂ jág₁ lia₂ 'e₂ dsia₅ jan₂ chi₂ 'e₂ bē₅₄, jme₁dsi₂jio₅ dsi₃ jniá₂, lia₂ 'e₂ dsi₂jio₅ dsí₅ jan₂ chi₂ 'e₂ bē₅₄, ján₃ guē₂ 'e₂ jme₁qui₂ñí₂ 'e₂ dsi₃, lia₂ 'e₂ ñí₂ 'e₂ dsí₅ jan₂ chi₂ 'e₂ bē₅₄; la₁ jme₁ca₂lín₃ jniá₂ dsa₂ juín₂, ca₂dsia₃ jniá₂ cau₅ jē₂ a₂ca₂tín₂ quió₅ chi₂. ¹²Le₂jaun₂ bá₄ lé₅ jui₁lia₂ 'e₂ jmi₄ nē₃; ne₂ jniog₄ nē₂jag₄ bá₄ caun₂ ni₁'i₂ a₂jniá₂ lian₂. La₁ já₅ bá₄ jmi₄ a₂ne₅₄ jniog₄ dsi₁ne₁ lia₂ 'e₂ lé₅. Rē₂né₃ né₃, tsá₃ rē₂'ñia₅ a₂cuíng₅ jniá₂; la₁ já₅ bá₄ jmi₄ ja₁le₃cuíng₅ lia₂ 'e₂ rē₂'ñia₅, jui₁lia₂ 'e₂ cuíng₅ ñiog₅ Diú₄ jniá₂.

¹³Jaun₂ né₃, 'ni₅ a₂la₂ lé₂ a₂jio₅ gué₄ ué₂: a₂'én₂ dsa₂; a₂'ín₂ dsí₅ dsa₂; a₂jme₂'nio₃ dsa₂ riín₅₄. La₁ 'ñio₅ lín₃ gué₄ dsen₅₄ a₂jaun₂ a₂jme₂'nio₃ dsa₂ riín₅₄.*

14

Jui₁lia₂ 'e₂ a₂dsia₅ dsa₂ jág₁ jmei₅ siá₂

¹Quen₂ 'nia₂ 'e₂ bí₂ a₂dsan₂ 'au₂ 'e₂ jme₁'nió₄ 'nia₂ 'e₂ ríng₂, jaun₂ jmo₄ 'nia₂ 'e₂ a₂'ín₅ 'au₂ 'e₂ cuē₅ Diú₄ jui₅bí₂ a₂gu₂dsi₂, la₁ ja₂lín₃ gué₄ dsen₅₄ a₂lé₂ le₃'é₄ 'nia₂ 'e₂ jág₁ a₂jme₂jnia₅ Diú₄. ²Ia₁ jui₁lia₂ 'e₂ dsa₂ i₂dsia₅ jág₁ jmei₅ siá₂, tsí₅ Diú₄ bá₄, on₃jua₅₄ dsa₂ mi₂güüg₃, ia₁ tsá₃ ñág₂. Jág₁ rē₂'ma₄ bá₄ dsia₂₃, tē₂le₃ quió₅ Jme₂dsi₂. ³La₁ jui₁lia₂ 'e₂ dsa₂ i₂'é₂ jág₁ tsí₅ dsa₂ mi₂güüg₃, dsia₂₃ jág₁ a₂jme₃'o₅₄ a₂dsi₃cón₃ dsa₂ tē₂le₃ quió₅ jme₂dsi₂, cué₅ bí₂ riín₅₄, cuē₂₃ lián₂ 'e₂ dsí₅ né₃. ⁴Jui₁lia₂ 'e₂ dsa₂ i₂dsia₅ jág₁ jmei₅ siá₂ 'e₂ né₃, jñia₅₄ jme₂'oin₅₄ 'ñiog₅ bá₄ a₂dsi₃cón₃, la₁ jui₁lia₂ 'e₂ dsa₂ i₂'é₂ jág₁ né₃, jme₂'o₅₄ a₂qui₂dsi₃cón₃ guá₅.

⁵'Nio₃ jniá₂ jua₅₄ ta₁jín₂ 'e₂ bá₄ 'nia₂ 'e₂ ting₅₄ a₂lé₂ le₃dsiá₁ 'nia₂ 'e₂ jág₁ jmei₅ siá₂. La₁ ja₂lín₃ gué₄ dsen₅₄ jua₅₄ 'é₄ 'nia₂ 'e₂ jág₁ a₂cuē₅ Diú₄. Ia₁ jui₁lia₂ 'e₂ dsa₂ i₂'é₂ jág₁, dsen₅₄ gué₄ lia₂ con₂ 'e₂ gué₄ dsa₂ i₂dsia₅ jág₁ jmei₅ siá₂, nē₁jua₂ 'e₂ tsá₃ juá₂ 'e₂ jein₅ jág₁, ia₁jaun₂ jme₃'o₅₄ a₂dsi₃cón₃ guá₅. ⁶Nē₃ né₃, 'nia₂ 'e₂ rin₅₄ jniog₄, jui₁la₂ ca₂dsióg₃ jniá₂ ja₁con₂ 'e₂ 'nia₂, a₂jñia₅₄ con₂ 'e₂ i₁dsia₃ jniá₂ jág₁ jmei₅ siá₂, 'e₂ bá₄ ta₁ tí₄ jág₁ jaun₂, ja₁con₂ 'e₂ 'nia₂, nē₁jua₂ 'e₂ tsá₃ i₂quian₅₄ caun₂ jág₁ a₂jme₂jnia₅ Diú₄, o₃ jág₁ a₂guion₅₄ jniá₂, o₃ a₂'é₄ jniá₂, o₃ a₂jme₂tág₂ 'e₂?

⁷Jui₁lia₂ 'e₂ ni₁ñí₁ a₂tsá₃ jme₂dsí₂ 'i₄, jui₁lia₂ 'e₂ te₁fi₁, o₃ caun₂ tsi₁ton₅ 'e₂, 'e₂ a₂ bá₄ lia₂ 'e₂ lé₂ le₃ñi₅ dsa₂ chi₂jua₂ 'e₂ son₅₄ jéi₂ dsa₂, o₃ tsá₅ 'e₂, chi₂jua₂ 'e₂ tsá₃ jma₃quén₅ i₂'ein₅₄, cuē₅ léi₄ 'a₂ lia₂ 'e₂ dsó₅? ⁸Le₂jaun₂ bá₄ ján₃ jui₁lia₂ 'e₂ ne₄ 'nei₂. Nē₁jua₂ 'e₂ tsá₃ ca₂né₂ 'e₂ rē₂ i₂'ein₅₄ jéi₂ dsa₂ ñí₁ trompeta, 'e₂ 'ein₂ bá₄ jmo₃ co₂jñia₅₄ quió₅ a₂quíin₂ 'e₂ ne₄ 'nei₂? ⁹Le₂nē₅ bá₄ lé₅ jui₁lia₂ 'e₂ quian₅₄ 'nia₂ 'e₂ táng₃. Nē₁jua₂ 'e₂ tsá₃ ca₂ñág₂ 'e₂ jág₁ a₂'uē₂ mi₂'o₅₄ 'nia₂, 'e₂ a₂ bá₄ lia₂

* 13:13 'Nio₂ ja₁ton₅ Colosenses 3:14. * 14:7 griego: kithara.

lé₂ le₃η₅ dsa₂ 'e₂ juá'₂ 'nia'₂? ¡A₂lë₁qui₂dsi₃dsí₂ dsi₃'én₂ jág₁ jaun₂ quiáng'₂! ¹⁰ Mei'₂ tsá₃ 'líong₂ bá₄ jág₁ jmei₅ cha₂ mi₂güüg₃; la₁ tsá₃ cha₂ caun₂ jua'₅₄ tsá₃ jág₁ jein₅. ¹¹ Ia₁ jua'₅₄ mei'₂ gué₃ jan₂ dsa₂ tság₃ jniá₂ quian'₅₄ jág₁ jmei₅ quió'₅ a₂tsá₃ ηíg'₂, co₂'nió'₄ dsi₂nau₂ bá₄ 'éi₂ le₃ja₁con₂ jniá₂; le₂jaun₂ bá₄ jniá₂ táng₃, líng₅ co₂'nió'₄ dsi₂nau₂ le₃ja₁con₂ 'éi₂. ¹² Le₂në₅ bá₄ lé₅ jui₁lia'₂ quian'₅₄ 'nia'₂ táng₃. Ia₁ a₂ηí₄ lë₃ 'ín₅ 'au'₂ 'nia'₂ guéi'₁ a₂tíng'₅₄ jui₅bí₂ a₂gu₂dsí₂, quen'₂ 'nia'₂ bí₂ a₂dsi₃tsón'₃ 'nia'₂ quian'₅₄ jui₅bí₂ a₂jme₂'o₅₄ a₂dsi₃cón₃ guá'₅.

¹³ 'Uig₅₄ jaun₂, jui₁lia'₂ i₂dsia₅ jág₁ jmei₅ siá'₂, jui₁mi₁₂ ne₄ Diú₄ a₂lé₂ le₃juá'₂ 'e₂ jein₅ jág₁ jaun₂. ¹⁴ Jua'₅₄ mei'₂ gué₃ mi₅ jniá₂ ne₄ Diú₄ quian'₅₄ jág₁ jmei₅ siá'₂, jme₂dsí₂ quió₃ bá₄ chi₂lén'₂ Diú₄; la₁ a₂ηí'₂ dsi₃, tsá₃ 'e₂ ta₁ jmo₅. ¹⁵ ¿'A₂ bá₄ lia'₂ jmo₅₄ jniá₂ jaun₂ né₃? Ca₂tíng₂ bá₄ chi₁leng'₄ Diú₄ jui₅ jme₂dsí₂ quió₃, la₁ ján₃ bá₄ ca₂tíng₂ chi₁leng'₄ Diú₄ a₂ηí'₂ dsi₃ né₃. Le₂në₅ bá₄ ján₃, ca₂tíng₂ 'ë₅₄ tē₂le₃ jui₅ jme₂dsí₂ quió₃, la₁ ján₃ bá₄ ca₂tíng₂ 'ë₅₄ a₂ηí'₂ dsi₃ né₃. ¹⁶ Ia₁ chi₂jua'₂ jme₂juín'₂ 'ne₂ Diú₄ jmá'₃ tē₂le₃ jui₅ jme₂dsí₂ quiáng'₂, ¿'a₂ bá₄ lia'₂ lé₂, le₃quió'₅ jui₁lia'₂ jan₂ dsa₂ lë₁dsa₂ i₂'en₅₄, i₂tsá₃ ηí'₂? ¿'A₂ lia'₂ lé₂ le₃juá'₂ a₂méi₃ jme₁cué'₂ 'ne₂ ti₁'mag'₄, chi₂jua'₂ ján₃ gué'₂ tsá₃ ηi₅ 'e₂ juá'₂ 'ne₂? ¹⁷ Dsón'₂ bá₄ jaun₂ jlá'₁ a₂cué'₂ 'ne₂ ti₁'mag'₄, la₁ ia₁ tsá₃ jme₂'o₅₄ a₂jaun₂ a₂dsi₃cón₃ i₂sián'₂. ¹⁸ Cué₅ jniá₂ ti₁'mag'₄ Diú₄ ia₁ a₂qui'₅₄ jniá₂ jmig₄ le₃dsia₅₄ gué₄ jág₁ jmei₅ siá'₂, lia'₂ con'₂ gué₄ ca₂le₃jín'₃ 'nia'₂. ¹⁹ La₁ jui₁lia'₂ jme₁le₁ηi'₂ dsa₂, ja₂lín₃ gué₄ 'nio₃ juig₅₄ dsa₂ 'niá₂ jon₄ jág₁ a₂ηíg'₂, ia₁jaun₂ lé₂ jme₁tín₅ i₂sián'₂, lia'₂ con'₂ gué₄ a₂jme₁juig₅₄ dsa₂ guia₃ mei₅ jág₁ a₂tsá₃ 'ein₂ ηí'₂.

²⁰ 'Nia'₂ rin'₅₄ jniog₄, tsá₃ ma₃jui₁dsi₂jio₅ 'au'₂ 'nia'₂ jui₁lia'₂ dsi₂jio₅ dsí₅ i₂bë'₅₄. Jmo₄ bá₄ a₂líng'₅ i₂bë'₅₄ tē₂le₃ ja₁con₂ a₂'lig'₅₄. La₁ jui₁qui₂le₂ηí'₂ 'au'₂ 'nia'₂ co₂'nió'₄ dsa₂ can'₅₄.

²¹ Juá'₂ bá₄ ne₄ Si₂:

Juig₅₄ jniá₂ dsa₂ juig₂ nación la₂
 tē₂le₃ quian'₅₄ dsa₂ i₂dsia₅ jág₁ jmei₅ siá'₂,
 le₃jui₅ mi₂'o₄ dsi₂nau₂ né₃;
 la₁ on₃ bá₄ gué'₂ le₂jaun₂ jua'₅₄ a₂qui₃tón'₂ dsa₂ jui₅ jág₁ quió₃,
 juá'₂ Te₁gui'₅₄.†

²² Jaun₂ le₂në₅ bá₄ lé₅ a₂dsia₅ dsa₂ jág₁ jmei₅ siá'₂. Quian'₅₄ jág₁ jmei₅ jaun₂ jáng'₅ caun₂ léi₄ tē₂le₃ ja₁con₂ dsa₂ i₂tsá₃ 'én₂, on₃jua'₅₄ rē'₂ le₃quió'₅ dsa₂ i₂'én₂. La₁ jui₁lia'₂ jme₁'é₂ dsa₂ jág₁ a₂jme₂jnia₅ Diú₄, jág₁ le₂jaun₂ né₃ jáng'₅ táng₃ caun₂ léi₄ le₃ja₁con₂ dsa₂ 'én₂ bá₄, on₃jua'₅₄ le₃ja₁con₂ dsa₂ i₂tsá₃ 'én₂. ²³ Jaun₂ le₂në₅ bá₄, jme₁le₁ηi'₂ guá'₅, jua'₅₄ mei'₂ gué₃ ca₂le₃jín₃ dsia₂₃ jág₁ jmei₅ siá'₂, nē₁jua'₂ tē₃jē₄ jaun₂ ca₂dsi₃lén₂ jui₁lia'₂ dsa₂ i₂tsá₃ lín₄ ηi₅, o₃ i₂tsá₃ 'én₂ né₃, ¿tsa₁ lé₂ le₃juá'₂ 'éi₂: “Dsa₂ ηá₅ bá₄ nē₅ tion'₅₄”, 'iin₃ 'nia'₂? ²⁴ La₁ nē₁jua'₂ ca₂dsi₃óg₃ jan₂ dsa₂ i₂tsá₃ ma₂'én₂, o₃ i₂tsá₃ lín₄ ηi₅ 'e₂, tē₁lia'₂ tion'₅₄ ca₂le₃jín₃ 'é₂ jág₁ a₂ma₂cuē₃ Diú₄, jaun₂ gué₄ le₃lí'₄ dsí₅ 'niog₅ 'a₂ lia'₂ chain₂ le₃jniá₂ dsáu₁, co₂'nió'₄ a₂con₂ 'í₁ jág₁ a₂nag₂₃ a₂'é₂ dsa₂ tioen'₅₄. ²⁵ Jaun₂ gué₄ le₃jniá₂ a₂rē₂'ma₄ jlē₅ a₂niog₅ dsí₅. Jaun₂ bá₄ chi₃jnē₃ jme₃juin'₂ Diú₄, ton'₂ juá'₂: “Tē₃dsón'₂ bá₄ 'en₅₄ Diú₄ jin'₄ 'nia'₂”.

Jmo₄ bá₄ 'nia'₂ ca₂le₃jé₃ con'₂ dsi₂ten₅₄, dse₃ jniá₂

²⁶ ¿'E₂ bá₄ jaun₂ né₃, rin'₅₄ jniog₄? Jē₁ma₂tē₂ rē₁tón'₄ 'nia'₂ long'₂, le₂jan'₂ le₂jan'₂ 'nia'₂ quian'₅₄ caun₂ salmo, o₃ caun₂ jág₁ a₂jme₂tág'₂ 'nia'₂, o₃ caun₂ jág₁ a₂jme₂jnia₅ Diú₄, o₃ caun₂ jág₁ a₂juá'₂ quian'₅₄ jág₁ jmei₅ siá'₂, o₃ caun₂ jág₁ dsau₅ jui₁lia'₂ 'e₂ jein₅ jág₁ jaun₂; la₁ jui₁le₅₄ ca₂le₃jé₃ a₂nē₅ o₄quió'₄ a₂dsi₃cón₃ dsa₂ tē₂le₃ quió'₅ jme₂dsí₂. ²⁷ Jē₁ma₂tē₂ rē₁dsia₃ 'ein₂ dsia₃ jág₁ jmei₅ siá'₂, jui₁dsia₁₂ on₃, chi₂jua'₂ ηí₄ lë₃ ca₂jué'₃, ún₂ ηjiá'₄, tē₃ qui₂jáin₃, jaun₂ 'nió'₅ le₃chan₂ jan₂ i₂juá'₂ 'e₂ jein₅ jág₁ jaun₂. ²⁸ La₁ nē₁jua'₂ tsá₃ 'ein₂ chan₂ i₂lé₂

† 14:21 Isaiás 28:11-12; Deuteronomio 28:49.

le₃juá'₂ 'e₂ jein₅ jág₁ jaun₂, co₂dsia₅ jui₁jmo₁₂ tei₄ dsi₂néi₂ guá'₅, jui₁dsia₁₂ tē₂dsí₅ 'ñiog₅, jui₁chi₂lén'₄ Diú₄.

²⁹ Le₂nē₅ bá₄ ján₃ jui₁lia'₂ i₂'é₂ jág₁ a₂jme₂jnia₅ Diú₄: jui₁jua'₅₄ on₃-ún₂, la₁ ma₂tion'₅₄ i₂sián'₂ i₂con₂ 'í₁. ³⁰ La₁ nē₁jua'₂ ca₂jme₃jnia₅ Diú₄ caun₂ jág₁ ne₄ jan₂ i₂guá₅ jē₄ le₁ñi'₂ dsa₂ jaun₂, jui₁jmo₅₄ i₂le₂'uig₅₄ 'éi₂ tei₄. ³¹ Ia₁ lé₂ le₃'é'₄ ca₂le₃jín'₃ 'nia'₂ jág₁ tē₃ qui₂jáng'₃, ia₁jaun₂ ca₂le₃jín₃ qui₃le₃tín₂, gue₃ lián'₂ dsí₅ ján₃. ³² Ca₂tín₂ dsa₂ i₂'é₂ jág₁ a₂cuē₅ Diú₄ a₂qui'₅₄ jmi₄g₄ jme₃'uáin₂ jme₂dsí₂ quió'₅. ³³ Ia₁ jmo₅ Diú₄ a₂'ei₅ tei₄, on₃jua'₅₄ rē'₂ a₂gó₂.

Jui₁lia'₂ lé₅ ca₂le₃jé₃ ja₁ñi'₂ dsa₂ rin'₅₄ jniog₄,[‡] ³⁴ ca₂tín₂ bá₄ dsa₂ mí₂ jmo₃ tei₄ dsi₂néi₂ guá'₅. Tsá₃ 'i₄ 'éi'₃ táun₂ jág₁, tē₂le₃ ca₂tín₂ nag₃ gau₂ bá₄, jui₁lia'₂ juá'₂ Si₂ 'Éi'₃. ³⁵ Chi₂jua'₂ 'e₂ 'nio₃ le₃ñi₅, ca₂tín₂ ñi'₃ dsi₂i₂gu₂ guioin₅₄, dsi₂néi₂ quió'₅. Ia₁ caun₂ o₂guí'₃ jaun₂, jua'₅₄ mei'₂ gué₃ dsa₂ mí₂ táun₂ jág₁ dsi₂néi₂ guá'₅.

³⁶ ¿O₃ bá₄ ca₂rē₃lióg₃ jág₁ quió'₅ Diú₄ ja₁con'₂ 'nia'₂? ¿O₃ bá₄ jmá'₃ lia'₂ ja₁con'₂ 'nia'₂ ca₂dsióg₃ jág₁ dse₃? ³⁷ Chi₂jua'₂ chan₂ jan₂ i₂lín₂ lín₅ jan₂ i₂'é₂ jág₁ a₂cuē₅ Diú₄, o₃ i₂'io₅ a₂tín₂ caun₂ jui₅bí₂ a₂gu₂dsí₂, jui₁le₂ñi₅ bá₄ rē₂jiá₃ jág₁ a₂tó'₅ jniá₂ ne₄ si₂ la₂ a₂juí₂ jniá₂ 'nia'₂, co₂nē₅ lé₅ 'éi'₃ quió'₅ Te₁gui'₅₄ bá₄. ³⁸ Chi₂jua'₂ chan₂ gué'₂ i₂tsá₃ tón'₂ jui₅ jág₁ nē₅, tsá₃ ton'₅₄ 'nia'₂ jui₅ dsa₂ 'éi₂.[§]

³⁹ Le₂nē₅ bá₄ jaun₂ 'nia'₂ rin'₅₄ jniog₄, quen'₂ 'nia'₂ bí₂ a₂lé₂ le₃'é'₄ 'nia'₂ jág₁ dse₃ a₂já₅ le₃ja₁con₂ Diú₄. Tsá₃ jmo₂ 'nia'₂ jua'₅₄ a₂tsá₃ cué'₁ 'nia'₂ jmi₄g₄ a₂dsia₃ dsa₂ jág₁ jmei₅ siá'₂. ⁴⁰ La₁ia₁ jmo₄ 'nia'₂ ca₂le₃jé₃ lia'₂ con'₂ dsi₂ten₅₄, lia'₂ con'₂ lé₅ ca₂tín₂ jmo₃ le₂jain₂ le₂jain₂.

15

Jui₁lia'₂ a₂ca₂jen'₅₄ Cristo

¹ Nē₃ né₃ rin'₅₄ jniog₄, jmo₅ jniá₂ a₂dsiog'₂ 'au'₂ 'nia'₂ 'a₂ lia'₂ lé₅ jág₁ dse₃ a₂ma₂ca₂'é₃ jniá₂ jin'₄ 'nia'₂, a₂ma₂ca₂gue'₅₄ 'nia'₂, a₂tión'₂ 'nia'₂ tiá₂. ² Tē₂le₃ quian'₅₄ jág₁ dse₃ la₂ bá₄ a₂lión'₂ 'nia'₂, chi₂jua'₂ chan'₅₄ 'nia'₂ tiá₂ jág₁ a₂ma₂ca₂'é₃ jniá₂ 'nia'₂. Chi₂jua'₂ tsá₃ le₂jaun₂ né₃, tsá₃ ta₁ tí₄ a₂ma₂ca₂rē₃'én'₂ 'nia'₂.

³ Jē₁le₂'uig₅₄ juá'₅, ca₂jáng'₃ jniá₂ jág₁ a₂ma₂ca₂ñi₂ jniá₂: a₂ca₂jon₃ I₂rē₂'ín₁ quián₅ Diú₄ 'uig₅₄ dsá₁ jniog₄, lia'₂ con'₂ lé₅ juá'₂ ne₄ Si₂; ⁴ a₂ca₂'ó₂ dsa₂, a₂ca₂jein'₅₄ táng₃ ja₁ñá₄ 'ni₅ jmi₄g₄, lia'₂ con'₂ lé₅ juá'₂ ne₄ Si₂ bá₄ ján₃; ⁵ a₂ca₂jme₃jniai₂₃ ne₄ Pe₄; * jaun₂ gué₄ ca₂jme₃jniai₂₃ ne₄ chi'₂ dsi₂guia₃-tín₂. ⁶ Cang₂ jaun₂, ca₂jág₂ co₂nio₄ lé₅ gué₄ ca₂jau₅₄ mei₅ dsa₂ rin'₅₄ jniog₄; mei'₂ tsá₃ ca₂le₃jín₃ bá₄ dsa₂ i₂ca₂jág₂ 'éi₂ chain₂ bá₄ gué₄ jmi₄g₄ nē₃, o₁ñia'₅₄ la₂ ma₂dsan₃ i₂lín₅₄. ⁷ Cang₂ jaun₂, ca₂jme₃jniai₂₃ ne₄ Jacobo, ñó₅ jaun₂ ca₂jme₃jniai₂₃ ne₄ ca₂le₃jín₃ dsa₂ i₂chen₄ quiáin₅.

⁸ Jē₁ca₂tó'₂ gué₄ né₃ ca₂jme₃jniai₂₃ ne₃ jniá₂, o₁ñia'₅₄ jme₁lín₄ jniá₂ nē₂jag₄ bá₄ jan₂ i₂tsá₃ dse₃ ca₂rē₃chán₃. ⁹ Ia₁ lín₅ jniá₂ i₂'uin₃ gué₄ jui₁lia'₂ con'₂ gué₄ ca₂le₃jín₃ dsa₂ i₂chen₄ quiáin₅, ca₂lia'₂ jnia'₅₄ tsá₃ ca₂tíng₂ a₂quiong₃ dsa₂ a₂lín₅ i₂chen₄ quiáin₅. Ia₁ qui₂ca₂co₃'éng₃ dsa₂ 'én₂ le₂jniá₅. ¹⁰ La₁ 'uig₅₄ ia₁ a₂'ua₁ dsí₅ bá₄ Diú₄, lín₅ jniá₂ 'e₂ lín₅; jaun₂ jui₁lia'₂ a₂ca₂dsia₃ Diú₄ dse₃ dsí₅ ja₁cong₂, tsá₃ lé₅ jua'₅₄ a₂tsá₃ ta₁ tí₄. La₁ 'ñio₅ lín₃ gué₄ ma₂jmo₃ jniá₂ ta₁ lia'₂ con'₂ gué₄ ca₂le₃jín₃ i₂chen₄ quiáin₅; ton'₂ on₃jua'₅₄ ca₂jmo₃ jniá₂ 'ñio₃, a₂ma₂ca₂jme₃quiong'₅₄ a₂'ua₁ dsí₅ Diú₄ bá₄ ma₂guio₃. ¹¹ La₁ tsá₃ a₂lé₅ jaun₂ jua'₅₄ jniá₂, o₃ 'éi₂ 'e₂ ma₂jmo₃, la₁ caun₂ jág₁ la₂ bá₄ ma₂ja₂náu₅ jnia'₅₄ 'é₅. Já₁ nē₅ bá₄ a₂ma₂ca₂nei'₂ ca₂rē₃'én'₂ gué'₂ 'nia'₂.

Jui₁lia'₂ a₂já₅ caun₂ jmi₄g₄ a₂jen'₅₄ 'lag₄

‡ 14:33 lit. “dsa₂ jñi₅.” § 14:38 A₂lín₅₄ chog₅₄ si₂ juá'₂: “Chi₂jua'₂ chan₂ gué'₂ i₂tsá₃ tón'₂ jui₅ jág₁ nē₅, tsá₃ lē₁jui₁tioin'₅₄ jui₅ gué'₂ jaun₂.” * 15:5 griego: Cefas.

¹² La₁ chi₂jua'₂ ma₂qui₂rë₂'é₂ jág₁ a₂ca₂jen'₅₄ bá₄ Cristo a₂jme₁rë₂'liin₅₄, ¿'a₂ bá₄ lia'₂ lé₅ a₂juá'₂ 'nia'₂ i₂lin₅₄ a₂tsá₃ jen'₅₄ 'lag₄? ¹³ Nē₃ nē₃, chi₂jua'₂ tsá₃ jen'₅₄ 'lag₄, jaun₂ ca₂lia'₂ jñia'₅₄ Cristo tsá₃ rë₂jen'₅₄ chi₂jua'₂ le₂jaun₂; ¹⁴ jaun₂ chi₂jua'₂ tsá₃ ca₂jen'₅₄ guë'₂ Cristo, le₃jua'₅₄ tsá₃ ma₃'e₂ ta₁ tí₄ jág₁ a₂'é₅ jnia'₅₄, jaun₂ tsá₃ ta₁ tí₄ a₂'én'₂ 'nia'₂. ¹⁵ Chi₂jua'₂ le₂nē₅, jnia'₅₄ nē₃ ma₂ja₂ná₅ jag'₅₄ 'nia'₂ a₂lág₅ dsa₂ tē₂jín₁, tsá₃ tí₅ jág₁ quián₂ jnia'₅₄ a₂'ín₅ jnia'₅₄ Diú₄. Ia₁ ma₂ja₂ná₅ jnia'₅₄ 'ín₅ Diú₄, a₂ca₂jme₃jein'₅₄ Cristo i₂tsá₃ rë₂jen'₅₄ chi₂jua'₂ tsá₃ dsau₅ jág₁ nē₃ a₂jen'₅₄ 'lag₄. ¹⁶ Chi₂jua'₂ le₂jaun₂ tsá₃ jen'₅₄ 'lag₄, le₂jaun₂ guë'₂ ján₃, on₃ guë'₂ Cristo 'ñiog₅ ca₂jein'₅₄ nē₃; ¹⁷ nē₃ tsá₃ guë'₂ ca₂jen'₅₄ 'éi₂, tsá₃ 'e₂ ta₁ jmo₃ a₂'én'₂ 'nia'₂ le₃quió'₅ nē₃, jaun₂ lia'₂ ma₂le₁cán'₄ jaun₂ bá₄ 'nia'₂ dsáu'₂ nē₃. ¹⁸ Ján₃ guë'₂ le₂jaun₂, jui₁lia'₂ dsa₂ i₂ma₂dsan₃ le₃quió'₅ Cristo, i₂rë₂'én₄ bá₄ 'éi₂, chi₂jua'₂ le₂jaun₂. ¹⁹ Jaun₂ jniog₄ nē₃, chi₂jua'₂ a₂jñia'₅₄ 'ín₂ dsi₅ jniog₄ le₃quió'₅ Cristo jui₁lia'₂ jmig₄ tē₁lia'₂ chong₂ la₂, 'e₂ gué₄ juí₂ jniog₄ con'₂ gué₄ ca₂le₃jín₃ dsa₂.

²⁰ La₁ a₂tē₃dsón'₂ bá₄ dsau₅ a₂ca₂jen'₅₄ Cristo a₂jme₁rë₂'liin₅₄; líin₅ co₂'nió'₄ mí₂g₂ le₂'uig₅₄ a₂'ag₅ a₂ro'₂ dsa₂, ia₁ líin₅ i₂le₂'uig₅₄ i₂ca₂jen'₅₄ jin₄ dsa₂ i₂ma₂dsan₃. ²¹ Le₂jaun₂ bá₄, jui₁lia'₂ 'uig₅₄ quió'₅ jan₂ dsa₂ ca₂'í₃ 'mú₃ mi₂güí₃, ján₃ bá₄ 'uig₅₄ quió'₅ jan₂ dsa₂ ca₂rë₃lióg₃ a₂jen'₅₄ 'lag₄. ²² Ia₁ jui₁lia'₂ lé₅ a₂dsan₂ ca₂le₃jín₃ ia₁ a₂líin₅ tsi₁jon₂ Adán, ján₃ bá₄ le₂nē₅ le₃chan₂ ca₂le₃jín₃ ia₁ a₂líin₅ i₂quían₅ Cristo, ²³ la₁ia₁ le₂jan₂ le₂jan₂ bá₄ 'a₂ lia'₂ lé₅ niog₅ tiin₃: Cristo le₂'uig₅₄, co₂'nió'₄ jon₂ le₂ne₁ a₂ráu₃; jaun₂ gué₄ 'éi₂, dsa₂ quián₅ Cristo, jē₁ma₂tē₂ rē₁guain'₂, ja₃te₅₄ 'éi₂ tē₂le₃ja₁coin₂. ²⁴ Jaun₂ gué₄ nē₃, jiá₃ jmig₄ jē₁dsian₅ ca₂le₃jé₃, jē₁ma₂tē₂ rē₁jáng'₃ ta₁ a₂líin₅ a₂goin₂, ne₄ Diú₄ Jmei₂, cang₂ jē₁ma₂ca₂'éin₂ ca₂le₃jé₃ 'éi'₃, ca₂le₃jín₃ dsi₂tan₅₄, ca₂le₃jé₃ jui₅bí₂. ²⁵ Ia₁ tion₅₄ bá₄ ca₂tín₂ 'éi₂ goin₂, ca₂lia'₂ ca₂tē₂ jmig₄ i₁guian'₃ Diú₄ o₄tag₁₂ ca₂le₃jín₃ i₂'iog₅₄. ²⁶ Ia₁ i₂jē₁ca₂tó'₂ i₂'iog₅₄ i₂dsi₃'én₂, 'mú₃ bá₄ jaun₂. ²⁷ Ia₁ Diú₄ bá₄ "ma₂ca₂guiog'₃ o₄tag₄ 'éi₂ ca₂le₃jé₃ jui₅bí₂."† Nē₃ nē₃, jui₁lia'₂ jme₁juá'₂ Si₂ a₂ca₂guiog'₃ ca₂le₃jé₃, jaun₂ nág'₂ rē₂jiá₃, tsá₃ quen'₅₄ Diú₄ ñiog₅ jin₄ dsa₂ i₂le₁gan'₅₄ o₄tag₄ Cristo, ia₁ 'ñiog₅ bá₄ Diú₄ ca₂guiog'₃. ²⁸ Jē₁ma₂ca₂dsióg₃ jmig₄ jaun₂ a₂niog₅ ca₂le₃jé₃ o₄gú₃ Ja₁ñi'₅₄, jaun₂ gué₄ nē₃ 'ñiog₅ Ja₁ñi'₅₄ jín'₂ táng₃ o₄gú₃ i₁ca₂guiog'₃ 'éi₂, ia₁jaun₂ lén₂ Diú₄ juí₂g₅₄ ca₂le₃jé₃, ne₄ ca₂le₃jé₃.

²⁹ Nē₃ nē₃, nē₁jua'₂ tsá₃ jen'₅₄ 'lag₄, ¿'e₂ guë'₂ jmo₃ jui₁lia'₂ dsa₂ i₂jñó₂ jmig₂ o₄quió'₄ 'éi₂? Chi₂jua'₂ dsón'₂ rē₂ dsau₅ a₂tsá₃ jen'₅₄ 'lag₄, ¿'e₂ guë'₂ lē₃ jñó₂ dsa₂ jmig₂ o₄quió'₄?

³⁰ Jui₁lia'₂ jnia'₅₄ nē₃, ¿'e₂ bá₄ ta₁ jmo₃ i₁nió₄ jnia'₅₄ 'ei₅ gau₂ co₂tan₅₄? ³¹ Le₂o₃ jmig₄ bá₄ gue₅ jniá₂ 'mú₃. Dsón'₂ bá₄ jaun₂, rin'₅₄ jniog₄, jui₁lia'₂ dsón'₂ bá₄ jmo₅ jniá₂ táng'₅ o₄quían'₂ 'nia'₂ i₂'én₂ le₃quió'₅ Cristo Jesús, Te₁gui'₅₄ quián₂ jniog₂. ³² Chi₂jua'₂ ca₂quín'₂ jniá₂ quian'₅₄ dsa₂ tsau₂ dsí₅ i₂chan₂ juí₂g₂ Efeso, con'₂ dsi₂jniog₅ dsí₅ dsa₂ mi₂güí₃, ¿'e₂ a₂dsí₂ quió₃? Chi₂jua'₂ dsau₅ jaun₂ a₂tsá₃ jen'₅₄ 'lag₄, jui₁que₅₄ jui₁'en'₅₄ jniog₄,

ia₁ con'₂ tsá₃ ñó₅ nē₁jua'₂
ca₂dsau₃ bá₄ jui₁la₂ 'ió₃.‡

³³ Jaun₂ juí₂g₂ jniá₂ 'nia'₂, tsá₃ lē₁jme₁gan₅ 'nia'₂ 'au'₂. Tsá₃ i₂jmo₂ 'nia'₂ jui₁lia'₂ juá'₂ caun₂ jág₁ a₂cha₂: "Jui₁lia'₂ dsa₂ i₂jme₂quian'₅₄ dsa₂ i₂con'₂ lē₁lín₄, dsi₃'én₂ tag₄ a₂dse₃ a₂'io₂₃." ³⁴ Jaun₂ juá'₅ jniá₂, jme₁jnio₂ 'nia'₂ ne'₅₄, jen'₅₄ táng₃ 'nia'₂ jui₅ co₂dsau₅, tsá₃ ma₃'nau₂ 'nia'₂ dso₄. Ia₁ i₂chan₂ bá₄ i₂lin₅₄ 'nia'₂ i₂tsá₃ cuín₅ Diú₄. Juá'₅ jniá₂ le₂nē₅ ia₁jaun₂ cán'₁ 'nia'₂ ca₂la₂ o₂guí'₃.

'A₂ lia'₂ lé₂ a₂jen'₅₄ táng₃ 'lag₄

³⁵ Chan₂ bá₄ i₂le₃ñag₃: "¿'A₂ bá₄ lia'₂ lé₅ jaun₂ a₂jen'₅₄ 'lag₄? ¿'A₂ lia'₂ líin₅, 'a₂ lia'₂ lé₅ ni₁ñi₁₂ jē₁ma₂ja₂lein'?" ³⁶ ¡Caun₂ jág₁ co₄ bá₄ nē₅! Ia₁ jui₁lia'₂ jme₁jne₅ dsa₂ 'e₂ jon₂ jne₂₃,

† 15:27 Salmo 8:6. ‡ 15:32 Isaías 22:13.

tsá3 'ia2jua'54 tsá3 dsi3 'én2 jon2 a2dsi2jnia4. ³⁷ Ia1 jui1lia'2 jme1jan'2 'e2jan'2, on3jua'54 a2jan'2 tag4 a2lé2 cang2. Le2jaun2 lé5 jui1lia'2 cui2g2, § jui1'e2 gué3 jon2 siá'2 ján3. ³⁸ Le2jaun2 bá4 jmo5 Diú4: cué23 cho'54 lia'2 con'2 lé5 'ñio2 dsi5; lia'2 ca2ne54 míg2 'io23 cho'54 con'2 a2ca2tín2. ³⁹ Le2jaun2 bá4 lé5 quian'54 jui1lia'2 ni1ñi5: tsá3 le3jé3 lé5 co2rē2. Jma3quén5 bá4 lé5 ni1ñi1 dsa2 mi2güig3, quian'54 ni1ñi1 já'2 náu2, jui1lia'2 quió'5 i1tan; jui1lia'2 gué'2 quió'5 i1ju1 ján3. ⁴⁰ Le2nē5 bá4 lé5 jui1lia'2 a2cha2 guei'54 mi2güig3, quian'54 a2cha2 ne4 gua'54 'uē3. Tsá3 co2rē2 jlá'1 tág5 a2cha2 guei'54 quian'54 a2jlá'1 a2cha2 ne4 gua'54 'uē3. ⁴¹ Le2nē5 bá4 siá'2 tág5 quió'5 'io2g2, quian'54 tsi'2, quian'54 gué'2 nei5 táng3. Ján'3 bá4 siá'2 tág5 nei5 jē4 rin'54.*

⁴² Le2nē5 bá4 gué'2 niog5 lé2 quian'54 dsa2, jē1ma2ca2jein'54. Dsi3'o3 caun2 ni1ñi5 a2niog5 siá'3; jaun2 jen'54 táng3 caun2 a2tsá3 ton5 jmig4 siá'3. ⁴³ Dsi3'o3 caun2 ni1ñi5 co2'nió'4 a2lé5 o2guí'3; jaun2 náu3 caun2 ni1ñi5 jlá'1. Dsi3'o3 caun2 ni1ñi5 'uan54; la1 jen'54 táng3 caun2 a2bén2. ⁴⁴ Dsi3'o3 caun2 ni1ñi5 a2lé5 a2ca2tín2 gua'54 'uē3 la2; jaun2 gué4 jen'54 táng3 caun2 ni1ñi5 a2gu2dsí2.

⁴⁵ Jaun2 bá4 lē3 chi1ton5 ne4 Si2: “Ca2lín3 Adán le2'ui2g54 jan2 dsa2 i2'i4 jme2dsí2.”† La1 i2lín5 Adán i2co2'nió'4 jē1ca2tó'2 gué'2 né3, ca2lín3 jan2 jme2dsí2 i2to'2 jme2dsí2 jniog4. ⁴⁶ La1 on3jua'54 jme2dsí2 ca2gua3 de'2 le2'ui2g54. A2ca2tín2 gua'54 'uē3 bá4 ca2lē3 le2'ui2g54; cang2 jaun2 ca2gua3 a2gu2dsí2. ⁴⁷ Dsa2 i2le2ne1 'éi2 jme1lín4 quian'54 ti1gua'54 quió'5 'uē3 la2; i2jē1ca2té2 on3 dsa2 né3, i2ca2já3 guei'54 i2juíg3 bá4 'éi2. ⁴⁸ Ca2le3jín3 dsa2 i2chan2 ne4 gua'54 'uē3, lín5 jui1lia'2 jme1lín4 dsa2 i2ca2lín3 quian'54 ti1gua'54 'éi2; ján3 bá4 le2jaun2 lín5 dsa2 i2tín5 guei'54 i2juíg3, jui1lia'2 lín5 i2ca2já3 guei'54 i2juíg3. ⁴⁹ Jui1lia'2 quióng2 jniog4 quió'5 dsa2 i2ca2lín3 quian'54 ti1gua'54 'éi2, ján3 bá4 le2nē5 quiong54‡ jniog4 lia'2 jniá2 i2ca2sión3 guei'54 i2juíg3.

⁵⁰ Juíg2 jniá2 'nia'2, rin'54 jniog4, tsá3 ca2tín2 dsa2 i2quian5 mu5-ñi5 ja1gon2 Diú4; on3 gué'2 ca2tín2 jui1lia'2 a2siá'3, caun2 ja1tsá3 ton5 jmig4 siá'3. ⁵¹ Nei2 'nia'2. La2 'é4 jniá2 caun2 jág1 a2jme1rē2'ma4 le2jñiá5: tsá3 dsióg3 ca2le3jág3. La1 ca2le3jág3 bá4 jniog4 le3tság3, ⁵² con'2 tiá2, nē2jag4 bá4 a2'méi'2 dsa2 co2ráun2 jme1ne12, jē1ma2i1 'ein54 ñi2 trompeta jē1ca2tó'2. Ia1 dsi3 'ein54 ñi1 trompeta, jaun2 gué4 jen'54 ca2le3jín3 dsa2 i2ma2dsan3, jaun2 gué4 o1líg'2 jmig4 tsá3 ma3dsiáin3. Jaun2 jniog4 ca2le3jág3 né3, quile3tság3. ⁵³ Ia1 ca2tín2 qui'3 a2siá'3 quian'54 caun2 a2tsá3 siá'3; a2quí'3 a2jón2 quian'54 caun2 a2tsá3 líg'2 jmig4 jón2. ⁵⁴ Jē1ma2qui'2 ni1ñi5 a2siá'3 la2 quian'54 a2tsá3 siá'3, jē1ma2qui'2 ni1ñi5 a2jón2 la2 quian'54 a2tsá3 líg'2 jón2, jaun2 gué4 le3ti3 jág1 la2 a2tio'54 ne4 Si2:

Co2dsia5 ca2lí'3 co2ñei'54 Te1gui'54 ne4 'mú3, §

⁵⁵ ¿A2já'4 bá4 ñó5 a2jme1lén'2 'ne2, 'mú3?

¿'E2 bá4 ca2lē3, 'ne2 'mú3,

quian'54 uig5 a2jme1'ág'1 jnia'54?*

⁵⁶ Nē3 né3, jui1lia'2 uig5 a2jme1'ág'1 'mú3 jniog4, dsáu1 bá4 jniog4 jaun2; jui1lia'2 bí2 a2'io5 dsáu1 jniog4, Si2 'Éi'3 bá4 jaun2. ⁵⁷ ¡La1 ti1'mag'4 Diú4 i2cué5 bí2 a2lág2 jniog4 tē2le3 quian'54 Te1gui'54 Jesucristo quián2 jniog4!

⁵⁸ Jaun2 lē3, 'nia'2 rin'54 jniog4, i2'nió3 gué4 lín3, nau2 bá4 'nia'2 tiá2, tsá3 cuín5 'nia'2 jmig4 jua'54 'ein2 gué3 jñióg'2 'nia'2 cau5; jui1dsi2tsón'3 bá4 'nia'2 quian'54 ta1 quió'5 Te1gui'54. Ia1 ma2ñi'54 bá4 'nia'2 tsá3 lé5 jua'54 a2lējmo'2 can'2 'nia'2 ta1 le3quió'5 Te1gui'54.

§ 15:37 lit. “trigo.” * 15:41 Co2'nió'4 le3jua'54, cosa a2tsá3 'i4 jme2dsí2, a2ca2jmo3 Diú4. 'Nio'2 ja1ton5 Salmo 8:3, Romanos 1:25. † 15:45 Génesis 2:7. ‡ 15:49 A2lín54 chog54 si2 gui'54 juá'2: “jui1quiong54 jniog4.” § 15:54 Isaías 25:8. * 15:55 o3, “¿'E2 bá4 ca2lē3, 'ne2 'mú3, quian'54 uig5 a2jme1'ág'1 jnia'54? ¿A2já'4 bá4 ñó5 a2jme1lén'2 'ne2, tau2 'ñio5?” Oseas 13:14.

16

Ca₂cág'₃ cu₄ a₂jme'₃oin₅₄ rñin'₅₄

¹ Nē₃ nē₃, tē₂le₃ quió'₅ guē'₂ cu₄ a₂cag'₄ 'nia'₂ jme'₁ong'₁ rin'₅₄ i₂'én₂, * le₂jaun₂ bá₄ jmo₄ 'nia'₂ ján₃ con'₂ lé₅ jág₁ ma₂cué₃ jniá₂ guá'₅ i₂chan₂ 'uē₃ Galacia. ² Le₂caun₂ do₂mei₅₄, † ca₂tín'₂ bá₄ 'nia'₂ le₂jang'₂ le₂jang'₂ cáu'₁ ca₂la₂ 'a₂ con'₂ tí₅ ca₂ling'₃. A₂jaun₂ con'₂ quiog₂ 'ma₄ 'nia'₂, ma₂lé₅ co₂jñia₅₄ ia₁jaun₂ tsá₃ lé₅ jua'₅₄ jaun₂ gué₄ cag'₅₄ 'nia'₂ jē₁ma₂dsióg₃ jniá₂. ³ Jaun₂ bá₄, jē₁ma₂tē₂ rē₁dsióg₄ jniá₂, jaun₂ le₃chen₄ dsa₂ rin'₅₄ i₂'ín'₄ 'nia'₂ guiong'₅₄, dsi₃lén₂ 'éi₂ juig₂ Jerusalén quian₅ caun₂ si₂ a₂lé₂. Jaun₂ 'éi₂ bá₄ cán₂ cu₄ quián'₂ 'nia'₂ a₂cag'₅₄ nē₅ a₂jme'₁ong'₁ rin'₅₄ ja₁jaun₂. ⁴ Nē₁jua'₂ dsi₂ten₅₄ guē'₂ nei₅₄ 'ñjío₃ nē₃, jme₃quiong'₅₄ 'éi₂.

Jmo₅ Pa₄ co₂jñia₅₄ a₂'í₂ jui₅

⁵ Jē₁ma₂tē₂ rē₁nei₅₄ i₁ñig₁₂ le₂tan₅₄ 'uē₃ Macedonia, jaun₂ gué₄ dsióg₄ ja₁con'₂ 'nia'₂. ⁶ Con'₂ tsá₃ ñó₅ nē₁ca₂jan₄ ca₂la₂ ué₂, o₃ nē₁ca₂lē₃ ñig₅ le₂tan₅₄ jein₂ güig₂ quian'₅₄ 'nia'₂, ia₁jaun₂ lé₂ tsag'₅₄ 'nia'₂ jui₅ chi₂jua'₂ ja₁ca₂tín₂ jniá₂ nei₅₄. ⁷ Ia₁ tsá₃ 'nio₃ jniá₂ nei₅₄ tē₂nē₃, jua'₅₄ con'₂ ca₂ñig₅ bá₄ ja₁tion'₅₄ 'nia'₂. Jaun₂ 'ín₂ bá₄ dsi₃ jniá₂ i₁jñia₁₂ ca₂la₂ ué₂ quian'₅₄ 'nia'₂, nē₁jua'₂ ca₂cuē₃ Te₁gui'₅₄ jmig₄. ⁸ La₁ i₁jñia₁ jniá₂ juig₂ Efeso ca₂lia'₂ ca₂tē₂ Jmig₄ Tē₂láu₃-guiá₂. ⁹ Ia₁ 'ñjio₅ bá₄ cui₅ jmig₄ rē₂na₄ jui₅ lé₂ le₃i₁jmo₃ ta₁ quió'₅ Te₁gui'₅₄, a₂lé₁₄ a₂tē₃dsi₅₄ dsón'₂; ton'₂ le₂jaun₂ bá₄ juin₅ dsa₂ i₂náu₃ 'io'₅₄ táng₃.

¹⁰ Nē₁jua'₂ ca₂dsióg₃ Timoteo rin'₅₄ jniog₄, jag₄ 'nia'₂ jaun₂, jaun₂ tsá₃ lé₅ jua'₅₄ a₂gó'₅ 'ein₅₄ jē₄ quián'₂ 'nia'₂, ia₁ ma₂já₅ 'éi₂ jmo₂₃ ta₁ quió'₅ Te₁gui'₅₄, jui₁lia'₂ jniá₂ ján₃. ¹¹ Jaun₂ tsá₃ jmó'₂ 'nia'₂ 'au'₂ jua'₅₄ tsá₃ 'e₂ quein₅. Tē₂le₃ chéin'₂ 'nia'₂ jui₅ a₂'ag₃ tei₄ dsí₅, ia₁jaun₂ jíá₃ ja₃jag₅₄ jniá₂. Ia₁ chi₁jain₁₂ jniá₂ quian'₅₄ rin'₅₄ jniog₄.

¹² Nē₃ nē₃, jui₁lia'₂ Apolos rin'₅₄ jniog₄, jme₁chi₂quiain₅₄ jniá₂ jmig₄ a₂dsó₃ quiain'₅₄ rin'₅₄ jniog₄ dsi₁jñin₁₂ 'nia'₂. Co₂dsia₅ tsá₃ ca₂lē₃ dsi₅ dsó₃ rē₂nē₃, la₁ nē₅ bá₄ dsióg₄ líg'₂ ca₂cui₃ jmig₄ dsó₃.

Jág₁ a₂'ág'₃ jág₁ jē₁ca₂tó'₂

¹³ Jmo₄ 'í₁, nau₂ 'nia'₂ tiá₂ a₂'én'₂ 'nia'₂. Jmo₄ ma₂chang'₂ a₂lé₅ 'au'₂ ma₂ca₂cang'₅₄ ma₂ñi'₅₄, tión'₁ 'nia'₂ a₂'uang'₂. ¹⁴ Ca₂le₃jé₃ 'e₂ niog₅ jmo'₂ 'nia'₂ ja₁con₂ ríng'₂, jmo₄ léi₄ a₂'nióg'₃ tē₃dsón'₂ ríng'₂.

¹⁵ Nē₃ nē₃, jui₁lia'₂ ma₂ñi'₅₄ 'nia'₂, rin'₅₄ jniog₄: Estéfanos, quiain'₅₄ dsa₂ dsi₂néi₂ quió'₅, ca₂liin₃ dsa₂ i₂le₂'uig₅₄ i₂ca₂rē₃'én₂ jág₁ dse₃ 'uē₃ Acaya. Dsa₂ rin'₅₄ 'éi₂ nē₃ ma₂ja₂léin₂ ca₂ne₅₄ jme₁jme₂ti₃ ja₁con₂ rin'₅₄ jniog₄ dsa₂ 'én₂ ja₁jaun₂. Chi₂quian₅₄ jniá₂ 'nia'₂ jmig₄ jaun₂ nē₃, ¹⁶ jme₁gan'₃ 'nia'₂ jui₁lia'₂ dsa₂ le₂'éi₂, quian'₅₄ gué₄ ca₂le₃jín₃ rin'₅₄ jui₁lia'₂ i₂jme₂'o₅₄ quian'₅₄ ta₁ le₂jaun₂. ¹⁷ 'Io'₂ jmo₅ jniá₂ nē₃, ia₁ ma₂guan₅ Estéfanos, Fortunato, quiain'₅₄ Acaico; ma₂ca₂jme₃'ñiai₂₃ jui₁lia'₂ a₂jme₁'nió'₅ ja₁con₂ jniá₂ 'uig₅₄ ia₁ a₂tsá₃ 'nia'₂ chan'₂ ja₁lá₃. ¹⁸ 'Éi₂ bá₄ ma₂jmo₃ lián'₂ dsi₃ tē₂le₃ jui₅ jme₂dsi₂, le₂jaun₂ bá₄ ma₂qui₂ma₂jmo₃ lián'₂ 'au'₂ 'nia'₂ ján₃. Jaun₂ 'nió'₅ jme₁gan₃ jniog₄ dsa₂ le₂'éi₂.

¹⁹ Ca₂le₃jín₃ guá'₅ ja₁tén₄ le₂tan₅₄ 'uē₃ Asia, cui₂₃ Diú₄ 'nia'₂. Le₂jaun₂ bá₄ Aquila quian'₅₄ Priscila[‡] nē₃, quian'₅₄ co₂nió'₃ dsa₂ rin'₅₄ i₂ñi'₂ dsi₂néi₂ quió'₅ nē₃, cui₂₃ Diú₄ 'ñjio₅ lín₃ 'nia'₂, le₃quió'₅ Te₁gui'₅₄. ²⁰ Ca₂le₃jín₃ rin'₅₄ jniog₄ i₂tion'₅₄ ja₁lá₃, cui₂₃ Diú₄ 'nia'₂. Qui₁cui₅₄ 'nia'₂ Diú₄ ríng'₂ le₂jang'₂ le₂jang'₂ a₂qui₁chén'₁§ jú'₅ ríng'₂, a₂lé₅ léi₄ a₂ma₂'ei₅ caun₂ jág₁ a₂le₁jé₃ 'au'₂ quian'₅₄ ríng'₂.

²¹ Jniá₂ Pa₄, cuíng₅ Diú₄ 'nia'₂ ne₄ si₂ la₂, quian'₅₄ gu₃ 'nió₃.*

* 16:1 lit. "dsa₂jñiós." † 16:2 lit. "jmig₄ le₂'uig₅₄ quió'₅ semana." ‡ 16:19 griego: Prisca. § 16:20 Caun₂ tag₄ a₂jme₁chí'₄ lia'₂ con'₂ jme₁ca₂jmo₃ Pa₄ si₂ la₂. * 16:21 'Nio'₂ ja₁ton₅ Gálatas 6:11; Colosenses 4:18; 2 Tesalonicenses 3:17; Filemón 19.

²² Chi₂jua'₂ chan₂ jan₂ tsá₃ 'nioi₃ Te₁gui'₅₄, co₂dsia₅ bá₄ jui₁dsi'₂éin₂. ¡ŋiá'₅ 'ne₂, Te₁gui'₅₄!†

²³ Jui₁jme₂gu'₅₄ bá₄ Te₁gui'₅₄ Jesucristo i₂'ua₁ dsí'₅. ²⁴ Ca₂le₃jín'₃ bá₄ 'nia'₂ 'nióg₃, le₃quió'₅ Te₁gui'₅₄ Cristo Jesús. A₂méi₃.‡
Co₂ně₅.

† 16:22 griego: maranatha, jág₁ arameo a₂juá'₂ “ŋiá'₅ 'ne₂, Te₁gui'₅₄.” ‡ 16:24 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta jë₁ca₂té₂ tin₃ a₂ca₂jmo₃ San Pablo ne₄ dsa₂
CORINTIOS

Jmo₅ Pa₄ si₂ jë₁ca₂té₂ tin₃ a₂chein₃ ne₄ Guá'₅ i₂chan₂ juig₂ Corinto

¹ Jniá₂ Pa₄, co₂në₅ 'éi'₃ ca₂jmo₃ 'njog₅ Diú₄, a₂líng₅ jan₂ dsa₂ i₂chen₄ quián₅ Jesucristo, jmo₂₃ si₂ la₂ co₂lë₅ quian'₅₄ rin'₅₄ jniog₄ Timoteo a₂dsian'₄ ne₄ guá'₅ quián₅ Diú₄ i₂chan₂ juig₂ Corinto, quian'₅₄ ca₂le₃jín₃ gué'₄ dsa₂ sián'₂ i₂tén₅ le₃quió'₅ Diú₄* i₂chan₂ le₂tan₅₄ 'uë₃ Acaya. ² Jui₁jme₂gu'₅₄ bá₄ Diú₄ 'nia'₂; jui₁tion'₅₄ bá₄ 'nia'₂ le₁'ág₄ tei₄ jmo₅ Diú₄ Jmei₂ jniog₄, jmo₅ Te₁gui'₅₄ Jesucristo né₃.

Ca₂ñág₃ uig₅ Pa₄

³ Jui₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ 'éi₂ bá₄ i₂lín₅ Tia₅₄ quián₂ i₂ñá₄ ñéi₂ dsí₅ jniog₄; i₂'éi₂ bá₄ Diú₄ i₂jmo₅ lián'₂ dsi₅ jniog₄ chong₂. ⁴ 'Éi₂ bá₄ i₂jmo₅ lián'₂ ja₁con₂ jniog₄ jë₄ ca₂le₃jé₃ 'e₂ o₂i₁ dsi₅ cha₂, le₂jaun₂ guë'₂ jniog₄ táng₃ lé₂ le₃jmo₁ lián'₂ dsí₅ jui₁lia'₂ i₂chan₂ o₂i₁ dsi₅ ñág₅ uig₅. Lé₂ le₃cuë₅₄ jniog₄ lián'₂ dsí₅ jui₁lia'₂ jmo₅ Diú₄ ja₁con₂ jniog₄ guio₅₄. ⁵ Ia₁ le₂në₅ jui₁lia'₂ ñag₄ jniog₄ jmi₁uig₅ juë'₂ lín₃ a₂ca₂can₃ Cristo, ján₃ bá₄ le₂në₅ táng₃ tē₂le₃ quian'₅₄ Jesucristo guéi'₁ jniog₄ lián'₂ a₂le₃chong₂ dse₃. ⁶ Jaun₂ né₃, chi₂jua'₂ ñag₄ jnia'₅₄ uig₅ chong₂, le₂në₅ le₃cha₂ lián'₂ ja₁con'₂ 'nia'₂ jaun₂ líón'₂ 'nia'₂ né₃; o₃ chi₂jua'₂ guei₂ jnia'₅₄ lián'₂ 'e₂, ján₃ bá₄ le₃cha₂ lián'₂ ja₁con'₂ 'nia'₂, jaun₂ lé₂ le₃jmo₁'₂ tió'₃ 'au'₂ 'e₂ uig₅ cha₂, jui₁lia'₂ jmo₂ jnia'₅₄. ⁷ Caun₂ bá₄ le₁'ág₄ dsi₅ jnia'₅₄ le₃ja₁con'₂ 'nia'₂ a₂jmo₁'₂ tió'₃ 'au'₂ a₂lión'₂ 'nia'₂ né₃. Ia₁ ne₄ bá₄ jniog₄, ñe₁jua'₂ quen'₅₄ 'nia'₂ ñag'₅₄ uig₅ a₂ñag₄ jnia'₅₄, ján₃ bá₄ le₂në₅ guéi'₁ 'nia'₂ lián'₂ a₂guéi'₁ jnia'₅₄ a₂cuë₃ Diú₄. ⁸ Chei₂ jnia'₅₄ 'nia'₂ le₂në₅, rin'₅₄ jniog₄, ia₁ a₂'niog₂ jnia'₅₄ a₂le₃ñi'₅₄ 'nia'₂ 'a₂ lia'₂ lé₅ o₂me'₅₄ dsi₅ a₂ca₂quián₁ jnia'₅₄ le₂tan₅₄ juig₂ tio'₅₄ 'uë₃ Asia. 'Ñio₅ lín₃ bá₄ uig₅ ca₂ñag₄ jnia'₅₄; 'ñio₅ lín₃ guei₂ ta₁ a₂tióng₂ jnia'₅₄, ca₂lia'₂ ñña'₅₄ mei'₂ tsá₃ ca₂'uá₂ co₂ñei'₅₄ a₂tsá₃ ma₃jme₁tián₂. ⁹ Con'₂ siá'₂ lág₂ jnia'₅₄ a₂tsá₃ ma₃jmi₄ cha₂ quián₂ jnia'₅₄, ñe₂jag₄ bá₄ a₂ma₂'i₄ 'éi'₃ dsió₃. La₁ tsá₃ a₂ñag₅₄, ia₁ ca₂le₃jé₃ a₂l₃ñág₂ jnia'₅₄ jaun₂ ca₂jmo₃ ta₁ a₂ca₂jme₁tin₅ jnia'₅₄ a₂'éin₂ le₃quió'₅ Diú₄, on₃jua'₅₄ le₂quián₂ jnia'₅₄ guio₅₄. Ia₁ i₂'éi₂ bá₄ lín₅ i₂jme₂jen'₅₄ 'lag₄. ¹⁰ Ia₁ ma₂lió₂ bá₄ Diú₄ ne₄ 'mú₃ gau₂ jaun₂, ton'₂ caun₂ lió₂ bá₄ jui₁lia'₂ jmi₄ né₃. Jaun₂ le₃ja₁con₂ 'éi₂ bá₄ ma₂'éi₁ jnia'₅₄ caun₂ dsi₅ a₂lió₂ ne₄ jui₅ ¹¹ chi₂jua'₂ jme₁'o'₁ 'nia'₂ chi₂leng'₅₄ Diú₄ o₄quián₂ jnia'₅₄. Chi₂jua'₂ juin₅ dsa₂ i₂mi₅ ne₄ Diú₄ o₄quián₂ jnia'₅₄, ján₃ bá₄ juin₅ dsa₂ i₂cué'₃ ti₁'mag'₄ Diú₄ ne₄ ca₂le₃jé₃ a₂dse₃ a₂jme₃'o₅₄.†

'E₂ lë₃ tsá₃ ca₂ñe₄ Pa₄ juig₂ Corinto

¹² Cha₂ caun₂ cosa ja₂ tē₅ dsi₅ jnia'₅₄ ton'₂ guio₅₄ jnia'₅₄ quiong₂ 'í₁ tē₂dsi₅, lei₅₄ jnia'₅₄ a₂lé₂ le₃jang'₅₄ jág₁ dsau₅ a₂chong₂ jmo₂ a₂dse₃ a₂tí₅ ne₄ gua'₅₄ 'uë₃ la₂, jui₁lia'₂ jme₂ti₃ Diú₄, la₁ 'ñio₅ lín₃ gué'₄ le₃ja₂con'₂ 'nia'₂. Ia₁ a₂'ua₁ dsi₅ bá₄ Diú₄, ma₂ca₂jme₃'o₅₄ a₂chong₂ jnia'₅₄ le₂në₅; on₃jua'₅₄ ia₁ a₂tag₂ jnia'₅₄ guio₅₄. ¹³ Ca₂le₃jé₃ a₂jua'₂ jnia'₅₄ a₂tio'₅₄ ne₄ si₂ carta quián₂, tsá₃ 'e₂ a₂siá'₂ jua'₂ jnia'₅₄ jua'₅₄ a₂tsá₃ tin'₂ 'nia'₂ 'í'₄, o₃ a₂tsá₃ ñí'₂ 'nia'₂. ¹⁴ Jaun₂ 'ín₂ dsi₅ jnia'₅₄, jui₁lia'₂ ma₂ca₂rë₃ñíg'₂ 'nia'₂ quián₂ jnia'₅₄ ja₁lín₅₄, ján₃ bá₄ le₂në₅ le₃ñí'₂ 'nia'₂ lia'₂ rë₂'ña₅, ia₁jaun₂ lé₂ le₃dsiá'₁ 'nia'₂ jág₁ tá'₅ o₄quián₂ jnia'₅₄, ton'₂ lé₂ le₃dsiá'₁ jnia'₅₄ jág₁ tá'₅ o₄quián₂ 'nia'₂ ján₃, jë₁ma₂ca₂té₂ jmi₄ quió'₅ Jesús Te₁gui'₅₄ quián₂.

¹⁵ 'Uig₅₄ ia₁ caun₂ bá₄ 'ei₅ dsi₃ ca₂le₃jé₃ a₂në₅, jaun₂ jme₁líng₂ nei₅₄ i₁jíng₁₂ de'₂ ññiá₅ 'nia'₂ a₂i₁jmo₃ lián'₂ 'au'₂ 'nia'₂ 'ñio₅ lín₃, ia₁ dsió₄ i₁jíng₁₂ 'nia'₂ ta₁tin₃ ráun₂.

¹⁶ Jme₁dsi₂jniog₅ dsi₃ jme₁i₁ñig₁₂ ja₁tion'₅₄ 'nia'₂ lia'₂ ma₂'eng₅₄ jui₅ guio₃ jui₅ Macedonia;

* 1:1 lit. "dsa₂ jnió₅." † 1:11 A₂lín₅₄ chog₅₄ si₂: "o₄quián₂ 'nia'₂."

jë₁ma₂të₂ rë₁nég₄ táng₃, jaun₂ i₁jing₁₂ táng₃ 'nia'₂. Ia₁ líng₂, 'nia'₂ bá₄ jme₁'o'₁ a₂lé₂ dsióg₄ jniá₂ të₂ Judea. ¹⁷ ¿O₃ bá₄ lín'₂ 'nia'₂ a₂'ei₅ caun₂-tin₃ dsi₃ a₂juá'₅ le₂në₅? ¿O₃ bá₄ lín'₂ 'nia'₂ a₂lé₅ jág₁ quió₃ lia'₂ lé₅ jág₁ quió'₅ dsa₂ i₂tsá₃ 'én₂ i₂lë₁qui₂co₅ jág₁ quió'₅, në₃ rë'₂ juá'₂ “ján₅,” në₃ guë'₂ “jan₂'ón₄” táng₃? ¹⁸ Tí₅ bá₄ jág₁ quián₂ jnia'₅₄, juí₁lia'₂ tí₅ jág₁ quió'₅ Diú₄; líg'₂ jmig₄ jua'₅₄ a₂lë₁cuë'₂ jnia'₅₄ jág₁ quián₂, jua'₅₄ a₂jua'₂ jnia'₅₄ “ján₅,” con'₂ siá'₂ “jan₂'ón₄” táng₃. ¹⁹ Ia₁ Cristo Jesús i₂lín₅ Ja₁ñi'₅₄ Diú₄ i₂qui₂'ín₅ jnia'₅₄ i₂nio₄, chei₂ 'nia'₂ quian'₅₄ Silvano, † Timoteo në₃, 'éi₂ në₃ tsá₃ líg'₂ jmig₄ jua'₅₄ a₂lë₁qui₂ca₂co₃ jág₁ quió'₅ jua'₅₄ në₃ rë'₂ juá'₂ “ján₅,” në₃ cón'₅ “jan₂'ón₄” táng₃. Të₂le₃ quian'₅₄ Cristo, a₂dsau₅ dsón'₂ bá₄ jág₁. ²⁰ Ia₁ të₂le₃ quian'₅₄ 'éi₂ bá₄ rë₂ti₃ ca₂le₃jé₃ jág₁ a₂cuë₂₃ quió'₅ Diú₄. Jaun₂ të₂le₃ quian'₅₄ 'éi₂, jua'₂ jniog₄ a₂méi₃, ia₁ a₂dsau₅ dsón'₂. Jaun₂ le₂në₅ lé₂ le₃jme₁juin'₂ jniog₄ Diú₄. ²¹ Jaun₂ 'ñiog₅ bá₄ Diú₄ jmo₂₃ të₂le₃ ja₁con₂ jnia'₅₄, quian'₅₄ guë'₂ le₃ja₁con'₂ 'nia'₂ në₃, a₂tióng₂ jniog₄ tiá₂ le₃quió'₅ Cristo. 'ñiog₅ bá₄ Diú₄ ma₂ca₂'ag₃ jniog₄ në₃. ²² Ma₂ca₂j móg'₂ jniog₄ léi₄ co₂'nió'₄ quian'₅₄ sello quió'₅, ton'₂ ma₂cuin₃ Jme₂dsí₂ Jñiós quiáin₅ të₂dsi₅ jniog₄, në₂jag₄ bá₄ cu₄ a₂ma₂ron₅ dsi₂jñiá₄, a₂ma₂lág₅ jniog₄ léi₄ a₂dsi₁no₃ jniog₄ dsi₁gué₁ a₂cuë₃.

²³ Chi₂jua'₂ tsá₃ ma₂ca₂lë₃ dsióg₄ juig₂ Corinto lia'₂ con'₂ lé₅ ma₂i₃jio₅ dsi₃, jág₅ bá₄ Diú₄ ia₁ tsá₃ 'nio₃ jniá₂ a₂cán'₂ 'nia'₂ o₂me'₅₄ dsi₅ a₂tsá₃ ca₂dsióg₃; ia₁ në₃jua'₂ tsá₃ le₂jaun₂, caun₂ bá₄ 'ei₅ dsi₃ o₁jñia'₅₄ 'mú₃ ca₂quín₂ quió₃. ²⁴ On₃jua'₅₄ a₂'niog₂ jnia'₅₄ a₂jme₁gon₂ ne₄ 'a₂ lia'₂ 'én₂ 'nia'₂, ia₁ ma₂tión'₂ bá₄ 'nia'₂ tiá₂ a₂'éng'₂. Jñia'₅₄ lia'₂ 'niog₂ jnia'₅₄ jmó₁ ta₁ co₂dsia₅ quian'₅₄ 'nia'₂ ia₁jaun₂ le₃cha₂ gué₄ o₂'ñiós dsi₅ ja₁con'₂ 'nia'₂, ia₁ o₄quió'₄ a₂'én'₂ bá₄ 'nia'₂, tión'₂ 'nia'₂ tiá₂.

2

¹ Jaun₂ ma₂ca₂dsia₃ jniá₂ dsi₃ a₂tsá₃ ma₃i₁jing₁₂ táng₃ 'nia'₂ të₃ 'lia'₂ dsi₃. ² Ia₁ në₃jua'₂ i₁jmo₃ 'lia'₂ 'au'₂ 'nia'₂ bá₄ jniá₂, ¿'ein₂ bá₄ i₂jmo₃ jéin₄ jniá₂ 'io'₂? Jñia'₅₄ lia'₂ 'nia'₂ bá₄ i₂ma₂në₂jmo₃ jniá₂ 'lia'₂ 'au'₂. ³ Jaun₂ lë₃, ca₂jmo₃ si₂ ca₂juá'₃, ia₁ tsá₃ 'nio₃ jmó'₂ 'nia'₂ 'lia'₂ dsi₃ jë₁ma₂dsióg₃, ia₁ 'nia'₂ dsón'₂ bá₄ ca₂tíng'₂ jmó'₂ a₂jéin₄ 'io'₂ jë₁ma₂dsióg₃. Ia₁ caun₂ bá₄ 'ei₅ dsi₃ ja₁con'₂ 'nia'₂ a₂dsióg₄ 'ei₅ dse₃ dsi₃, le₂jaun₂ a₂'ei₅ rë₂ 'au'₂ 'nia'₂ ján₃. ⁴ Ia₁ a₂jme₁quian₄ o₂i₁ dsi₅, të₃ ca₂tán'₂ dsi₃, jme₁ca₂jmo₃ jniá₂ si₂ jaun₂, ca₂le₃jé₃ jme₁'o₅ jniá₂. La₁ on₃jua'₅₄ jaun₂ ca₂juá'₃ ia₁jaun₂ tiá'₃ 'lia'₂ 'au'₂ 'nia'₂ ján₃; të₂le₃ ia₁jaun₂ le₃ñi'₅₄ 'nia'₂ 'a₂ lia'₂ lé₅ dsi₃ a₂'nióg₃ 'nia'₂ 'ñio₅ lín₃.

Ca₂'én₂ dsáu₁ jan₂ dsa₂ i₂ca₂'náu₂ dso₄

⁵ Në₃jua'₂ chan₂ i₂ma₂jmo₃ a₂cha₂ o₂i₁ dsi₅, on₃jua'₅₄ jmá'₃ ja₁con₂ jniá₂ ma₂jmo₃ quian'₅₄ o₂i₁ dsi₅; le₂jio₅ ja₁con'₂ 'nia'₂ bá₄ ca₂jmo₃ ca₂la₂ a₂ma₂ca₂quian'₂ 'nia'₂ o₂i₁ dsi₅ ca₂le₃jíng'₃. A₂juá'₅ jniá₂ “a₂ca₂jmo₃ ca₂la₂,” ia₁jaun₂ tsá₃ lín₄ uig₅ tin'₅₄ 'nia'₂ jág₁ në₅. ⁶ Co₂'nió'₄ uig₅ a₂ca₂cuë'₅₄ 'nia'₂ dsa₂ 'éi₂ jë₄ le₁ñi'₂ 'nia'₂ ca₂le₃jíng'₃, tió'₅ bá₄ co₂në₅. ⁷ Ca₂tín'₂ bá₄ 'nia'₂ në₃ jmó'₂ 'ua₁ 'au'₂ 'éng'₄ dsáu₁, jmó'₂ táng₃ 'nia'₂ lián'₂ dsi₅, ia₁ con'₂ tsá₃ ñó₅ në₃jua'₂ ca₂tán'₂ co₂ñei'₅₄ dsi₅. ⁸ Jaun₂ chi₂len'₄ jniá₂ 'nia'₂ a₂jme₁jniag'₂ táng₃, a₂dsón'₂ 'niói'₃ 'nia'₂. ⁹ 'Uig₅₄ jaun₂ bá₄ ma₂juá'₃ bá₄ jniá₂ le₂jñiá₅ quian'₅₄ si₂ a₂ma₂tsíng₂ ne'₅₄ 'nia'₂, a₂jñia'₅₄ con'₂ ca₂caun₃ 'í₁ bá₄ quián'₂ 'nia'₂ o₁ne₄ në₃jua'₂ jmó'₂ dsón'₂ 'nia'₂ con'₂ lé₅ ca₂le₃jé₃ jág₁ a₂juá'₅ jniá₂. ¹⁰ Jaun₂ në₃, juí₁'e₂ gué₃ 'a₂ lia'₂ lé₅ dsáu₁ rín'₂ 'nia'₂ a₂'éng'₄, ján₃ bá₄ le₂jaun₂ le₃jmo₅₄ jniá₂ dsi₃, 'én₄ bá₄ jniá₂ dsáu₁ dsa₂ 'éi₂. Ia₁ juí₁lia'₂ dso₄ a₂ma₂'én₃ jniá₂, chi₂jua'₂ 'e₂ caun₂ dso₄ ma₂'éng₃, o₄quián'₂ 'nia'₂ bá₄ ma₂jmo₃, të₃ne₄ Cristo. ¹¹ Jmo₅ jniá₂ le₂në₅ ia₁jaun₂ tsá₃ jo₃ i₂së₃dsen₃, ia₁ a₂ne₄ rë₂ bá₄ jniog₄ 'a₂ lia'₂ lé₅ mai₅₄ 'io₅ 'éi₂.

Tsá₃ rë₂ jme₁'ei₅ dsi₅ Pa₄ juig₂ Troas

† 1:19 Lia'₂ chen₂ Silvano co₂rë₂ quian'₅₄ Silas.

¹² Jaun₂ jme₁ca₂dsi₃g₃ jniá₂ juig₂ Troas a₂'é₄ jág₁ dse₃ quió'₅ Cristo, 'ñio₅ bá₄ jme₁rë₂na₄ jui₅ a₂jme₁jmo₅₄ ta₁ quió'₅ Te₁gui'₅₄ ja₁jaun₂. ¹³ La₁ tsá₃ tei₄ jme₁'ei₅ dsi₃, ia₁ tsá₃ ca₂dsáng'₂ Tito rin'₅₄ jniog₄. Ca₂'ág'₃ bá₄ jniá₂ jág₁ rin'₅₄ jniog₄ ja₁jaun₂, jaun₂ gué₄ guio₃ le₃'uë₃ Macedonia la₂.

A₂léi₂ jniog₄ quian'₅₄ Cristo

¹⁴ La₁ ti₁'mag'₄ Diú₄ ia₁ co₂tan₅₄ bá₄ jio₂₃ jui₅ a₂léi₂ jniog₄ le₃quió'₅ Cristo Jesús, ia₁ tē₂le₃ quian'₅₄ jniog₄ bá₄ jme₂jniai₂₃ jág₁ dse₃ la₂ quió'₅, ia₁jaun₂ dsa₂ né₃ le₃cuin₂₃ 'éi₂, co₂'nió'₄ a₂ja₂dsí₂ ma₂juig₂ ca₂le₂con₂. ¹⁵ Ia₁ jniog₄ bá₄ lág₅ co₂'nió'₄ chen₂ a₂cau₂ ja₂dsí₂ ma₂juig₂ ma₂ro₂ a₂jén'₅ Cristo ne₄ Diú₄, a₂qui₂dsi₂'ag₅ jē₄ quió'₅ dsa₂ i₂i₂nio₄ jui₅ a₂lióin₂, qui₂ja₂dsí₂ ján₃ jē₄ quió'₅ i₂dsi₂'én₂ né₃. ¹⁶ Tē₂le₃ ja₁con₂ dsa₂ i₂dsi₂'én₂ né₃, chen₂ la₂ lé₅ a₂ja₂dsí₂ 'lig'₅₄ a₂ma₂le₃dsiáin₃; la₁ tē₂le₃ quió'₅ dsa₂ i₂tín'₄ guē'₂ né₃, lé₅ caun₂ cosa a₂ja₂ ma₂juig₂ ma₂ro₂ a₂tín'₂ jme₂dsí₂ quió'₅. ¿'Ein₂ bá₄ 'éi₂ i₂qui'₅₄ jmi₄g₄ quian'₅₄ ta₁ në₅? ¹⁷ Jnia'₅₄ bá₄ 'éi₂ i₂qui'₅₄ jmi₄g₄, ia₁ tsá₃ ta₁ jaun₂ i₂nio₄ jnia'₅₄ jua'₅₄ a₂jmo₁'ma'₅₄ jág₁ dse₃ quió'₅ Diú₄ jui₁lia'₂ jmo₅ i₂lin₅₄. Tē₂le₃ jág₅ bá₄ Diú₄, chei₂ jnia'₅₄ dsa₂ lia'₂ tí₅ jág₁, lág₅ jnia'₅₄ dsa₂ quián₅ Diú₄ i₂juá'₂ o₄quió'₄ Cristo.

3

Jág₁ 'mí₂ a₂lí'₅₄ quian'₅₄ Diú₄

¹ ¿O₃ bá₄ lín'₂ 'nia'₂ a₂jñia'₅₄ 'ín₅ dse₃ guio₅₄ bá₄ jnia'₅₄ jme₁jua'₂ le₂në₅? ¿O₃ bá₄ 'niog'₂ 'nia'₂ a₂'é₄ si₂ a₂jáng'₅ jág₁ dsau₅ o₃ a₂mí₁ 'e₂ jnia'₅₄ ne'₅₄ 'nia'₂ a₂cué'₁ caun₂ si₂ jui₁lia'₂ jmo₅ dsa₂ i₂lin₅₄? ² Jnia'₅₄ lia'₂ guion'₅₄ bá₄ 'nia'₂ ma₂cué'₂ jág₁ dsau₅ a₂ma₂léi₄ co₂'nió'₄ caun₂ si₂ tē₂dsi₅ jnia'₅₄ a₂lé₂ le₃con₂ dsa₂ sián'₂ 'í₁ co₂'nió'₄ a₂lé₂ le₃'i₃ dsa₂ né₃. ³ Guion'₅₄ bá₄ 'nia'₂ líng'₅ co₂'nió'₄ caun₂ si₂ a₂ca₂jmo₃ Cristo 'ñiog₅, a₂ca₂dsia₃ gu₂ jnia'₅₄. Caun₂ si₂, on₃jua'₅₄ a₂léi₄ a₂qui₂rë₂tsáng₂ quian'₅₄ jmi₁jné₂; lé₅ léi₄ tē₂le₃ quian'₅₄ Jme₂dsí₂ quián₅ Diú₄ i₂chan₂ dsón'₂. Lé₅ caun₂ si₂ carta, on₃jua'₅₄ a₂léi₄ rē₂ton₅ dso'₂ ni₁cang₁; lé₅ léi₄ jui₅ tē₂dsí₅ dsa₂ mi₂güüg₃ bá₄.

⁴ Caun₂ bá₄ le₁'ág₄ dsi₅ jnia'₅₄ a₂'éin₂ jnia'₅₄ le₂në₅ le₃ja₁con₂ Diú₄ tē₂le₃ quian'₅₄ Cristo. ⁵ On₃jua'₅₄ a₂tag₂ jnia'₅₄ guio₅₄ a₂jmo₂'e₂ jmo₂. Ca₂le₃jé₃'e₂ niog₅ jmo₂ jnia'₅₄, Diú₄ bá₄ jmo₅ a₂qui'₅₄ jnia'₅₄ jmi₄g₄ quian'₅₄ ta₁ në₅. ⁶ 'Éi₂ bá₄ ma₂jmo₃ a₂qui'₅₄ jnia'₅₄ jmi₄g₄ a₂i₂quian₄ jnia'₅₄* jág₁ 'mí₂ a₂ma₂lí'₅₄ quian'₅₄ Diú₄: on₃jua'₅₄ tē₂le₃ quian'₅₄ 'éi'₃ a₂ton₅ ne₄ si₂; tē₂le₃ quian'₅₄ Jme₂dsí₂ quián₅ Diú₄ bá₄. Ta₁ a₂quí'₅ 'éi'₃ a₂rē₂ton₅ ne₄ si₂, a₂jio₅ ne₄ 'mú₃ bá₄ jaun₂. La₁ Jme₂dsí₂ quián₅ Diú₄ guē'₂ né₃ to'₂ jme₂dsí₂ a₂chan₂ dsa₂.

⁷ 'Éi'₃ jaun₂ ca₂tióng₃ Diú₄ dso'₂ ni₁cang₁ jē₄ si₂ a₂tág₅ co₂'né'₅. Tsá₃ ma₃ca₂tió'₃ dsa₂ israelitas jág₃ ué₂ ne₄ Moisés, ia₁ a₂ñí₄ lē₃ co₂tág₅ co₂'né'₅ ca₂jnia₃, jui₁'e₂ gué₃ la₂ jē₁ca₂ag₂ si₂ jaun₂. La₁ chi₂jua'₂ le₂në₅ 'ñio₅ jlá'₁ ca₂lē₃ jme₁ca₂lē₃ 'éi'₃ a₂tsá₃ jme₁'io₅ bí₁jua'₅₄ a₂tsá₃ dsián₂ dsa₂ jaun₂, ⁸ ¡'ē₂ gué₄ dse₃ jlá'₁, jág₁ dse₃ a₂quian₅ Jme₂dsí₂ Jñi₅ a₂jmo₅ a₂chan₂ táng₃ dsa₂! ⁹ Co₂'nió'₄ le₃jua'₅₄, chi₂jua'₂ lág₂ jniog₄ a₂ñí₄ lē₃ jlá'₁ ca₂lē₃ 'a₂ lia'₂ ca₂cué₃ Diú₄ 'Éi'₃ tē₂le₃ quian'₅₄ Moisés, 'éi'₃ a₂jme₁bóg'₂ dso₄ jaun₂, ¡'ē₂ gué₄ jlá'₁ ta₁b quián₂ jnia'₅₄ a₂i₁quian₄ jnia'₅₄ jág₁ dse₃ a₂jme₂jnia₅ Diú₄ a₂tsá₃ ma₂dsáu₁ jniog₄ cha₂! ¹⁰ Ia₁ jui₁lia'₂ 'éi'₃ a₂jme₁jlá'₁ ma₂líg'₂, tsá₃ ma₂'e₂ quen₅ nē₁ma₂ca₂quin₃ quian'₅₄ jág₁ jlá'₁ gué₄ a₂cha₂ rē₂né₃. ¹¹ Chi₂jua'₂ lág₂ jniog₄ a₂ñí₄ lē₃ jme₁jlá'₁ ta₁b quió'₅ a₂tsá₃ ué₂ tió'₅ jaun₂, ¡'ē₂ gué₄ 'ñio₅ jlá'₁ ta₁† quió'₅ jág₁ 'mí₂ a₂tsá₃ ma₂dsi₃ñí₂ o₁líg'₂!

¹² 'Uig₅₄ ia₁ caun₂ le₁'ág₄ dsi₅ jnia'₅₄ le₂në₅, jua'₂ jnia'₅₄ co₂ñei'₅₄ rē₂jia₃ jág₁. ¹³ Tsá₃ jmo₂ jnia'₅₄ jui₁lia'₂ ca₂jmo₃ Moisés; ca₂jlē₂ 'éi₂ ne₅₄ quian'₅₄ 'mi'₂ ia₁ jaun₂ tsá₃ jág₃ dsa₂ israelitas 'a₂ lia'₂ éi₃ a₂co₂tág₅ jaun₂. ¹⁴ La₁ tsá₃ ca₂rē₃ñí'₂ dsi₅ dsa₂ 'éi₂ né₃, ia₁ cang₄ dsi₅₄.

* 3:6 griego: diákonous (ministros). † 3:11 griego: diakonía (ministerio).

Ca₂lia'₂ jñi₄o₄ jmig₄ nē₃ 'i₅ dsa₂ Si₂ 'Éi'₃ a₂ron₅ ma₂líg'₂, lia'₂ ma₂lín₅ jaun₂ bá₄ 'éi₂, co₂'nió'₄ rē₂jlē₅ ne₅₄, a₂tsá₃ jñi'₂. Ia₁ jmá'₃ tē₂le₃ quian'₅₄ Cristo bá₄ lé₂ le₃jñia'₃ a₂jlē₅ a₂ñi'₂ dsí₅ dsa₂ jaun₂. ¹⁵ Ca₂lia'₂ jñi₄o₄ jmig₄ nē₃, jē₁ma₂tóin'₂ 'i₂₃ si₂ quió'₅ Moisés, jlín₅ ne₄ dsa₂, tsá₃ rē₂ñi'₂. ¹⁶ Ia₁ jui₁lia'₂ jan₂ dsa₂ i₂jén'₅ le₃quió'₅ Te₁gui'₅₄, jñia'₅ a₂jmo₅ a₂jlín₅ ne₄ dsa₂ jaun₂. ¹⁷ Te₁gui'₅₄ nē₃, ia₁ i₂lín₅ Jme₂dsí₂ bá₄ 'éi₂; ja₁'en₅₄ Jme₂dsí₂ quián₅ Te₁gui'₅₄, jui₁lia'₂ tē₂dsí₅ dsa₂ i₂'én₂, ja₁jaun₂ rē₂na₄ bá₄ jui₅. ¹⁸ Ia₁ ca₂le₃jág₃ jniog₄ tsá₃ ma₃le₁jlē₅ ne₄ jniog₄; lág₅ jniog₄ jui₁lia'₂ lé₅ ni₁'i₂ a₂jniá₂ a₂co₂tág₅ co₂'né'₅ a₂jlán'₁ Te₁gui'₅₄. Le₂nē₅ bá₄ jniog₄ guio₅₄, caun₂ i₂ne₁ca₂lag₃ jniog₄ jui₁lia'₂ lín₅ Cristo 'ñiog₅, ia₁ lia'₂ caun₂ jmig₄ caun₂ jmig₄ bá₄ caun₂ i₂ne₁ca₂lag₃ jniog₄ jlán'₁ jui₁lia'₂ lín₅ 'éi₂. Ca₂le₃jé₃ a₂nē₅ jmo₅ Te₁gui'₅₄, i₂lín₅ Jme₂dsí₂.

4

¹ 'Uig₅₄ jaun₂, o₁líg'₂ jmig₄ tsá₃ tián'₃ dsí₅ jnia'₅₄ dsa₂ i₂quian₅ jág₁ dse₃ quió'₅ Diú₄, ia₁ 'ñiog₅ bá₄ Diú₄ ca₂dsia₃ ñéi₂ dsí₅ ca₂dsia₃ gu₂ jnia'₅₄ ta₁ la₂. ² Ma₂ca₂tí₄ jnia'₅₄ ca₂le₃jé₃ a₂'líg'₅₄ o₂gui'₃ a₂jmo₅-dsá₅ dsa₂ jē₄ rē₂'ma₄; tsá₃ a₂nē₅ i₂nio₄ jnia'₅₄ quian'₅₄ mai₅₄ a₂qui₂jme₂gán₂ jnia'₅₄ dsa₂. On₃ guē'₂ jua'₅₄ jmo₂ jnia'₅₄ caun₂-tín₃ jág₁ jua'₅₄ a₂co₂güin'₄ jnia'₅₄ jág₁ dse₃ quió'₅ Diú₄. Jág₁ tí₅ dsón'₂ rē₂jíá₃ jág₁ bá₄ jme₂tín₁ jnia'₅₄ dsa₂, ne₄ Diú₄, ia₁jaun₂ le₃lí'₄ tē₂dsí₅ dsa₂ a₂dsau₅ bá₄ jág₁ a₂i₂quian₄ jnia'₅₄. ³ Nē₁jua'₂ rē₂jlē₅ jág₁ dse₃ a₂i₂quian₄ jnia'₅₄, rē₂jlē₅ ja₁con₂ dsa₂ i₂dsi₃'én₂ jme₂dsí₂ quió'₅ bá₄. ⁴ Ia₁ dsa₂ i₂le₂'éi₂ i₂tsá₃ 'én₂, co₂'nió'₄ a₂rē₂jlín₅ dsí₅, nē₂jag₄ bá₄ a₂tein₅₄, a₂jmo₅ diú₄ quián₅ dsa₂ mi₂güig₃ la₂, ia₁jaun₂ tsá₃ tág₃ si₂ a₂le₃ñi'₂ dsí₅ 'a₂ lia'₂ jlá'₁ jág₁ dse₃ quió'₅ Cristo i₂jlán'₁ lia'₂ lín₅ Diú₄ 'ñiog₅. ⁵ Ia₁ on₃jua'₅₄ guio₅₄ jnia'₅₄ 'ín₅ jē₁ma₂tē₂ rē₁'é₄ jág₁ dse₃; Cristo Jesús bá₄ 'ín₅ jnia'₅₄ a₂lín₅ Te₁gui'₅₄, a₂lág₅ jnia'₅₄ dsa₂ i₂jme₂ti₃ ta₁ ne'₅₄ 'nia'₂ ján₃ o₄quió'₄ Jesús. ⁶ Ia₁ 'ñiog₅ bá₄ Diú₄ ca₂juá'₂ jme₁ca₂jmo₃ mi₂güig₃: “Jui₁jnia₄ tág₅ jē₄ qui₁né'₃”.* Jaun₂ i₂'éi₂ bá₄ ma₂jmo₃ nē₃ a₂tág'₄ si₂ tē₂dsi₅ jnia'₅₄ ia₁jaun₂ jág₃ i₂sián'₂ si₂ jaun₂, ia₁jaun₂ le₃ñi₅ dsa₂ 'a₂ lia'₂ jlán'₁ Diú₄ tē₂le₃ ne₄ Jesucristo.

'A₂ lia'₂ 'nió'₅ le₃chan₂ dsa₂ ia₁ a₂'éin₂

⁷ Ca₂le₃jé₃ a₂jlá'₁ a₂quen₅ 'ñio₅ lín₃ nē₅ nē₃, a₂quian₄ jnia'₅₄ a₂lág₅ lia'₂ lé₅ ca₂míg₂ ni₁ti'₂ tsá₃ quen₅, jē₁rē₂'ma₄ cosa a₂quen₅ 'ñio₅, ia₁jaun₂ le₃jniá₂ a₂já₅ ja₁con₂ Diú₄ bá₄ jui₅bí₂ juē'₂ lín₃ nē₅, on₃jua'₅₄ a₂'niog'₂ jnia'₅₄ dsí₅ guio₅₄. ⁸ Le₂nē₅ nē₃, jui₁'a₂ gué₃ la₂ tē₂ja₂lé₂ o₂me'₅₄ dsí₅ jē₁chong₂ jnia'₅₄, la₁ tsá₃ lé₅ jua'₅₄ a₂tsá₃ dsian₅. Jui₁'e₂ gué₃ já₅ caun₂ jui₅bí₂ a₂'i₅ dsí₅ jnia'₅₄ chong₂, la₁ tsá₃ jua'₅₄ a₂ñí₄ quian₄ jnia'₅₄ o₂i₁ dsí₅. ⁹ Jui₁'e₂ gué₃ qui₂co₂'ein₅ dsa₂, la₁ tsá₃ guio₅₄ jnia'₅₄ tíong₂. Jui₁'e₂ gué₃ ca₂guiog'₃ dsa₂ 'uē₃, la₁ tsá₃ ca₂dsau₃ gué₄ jnia'₅₄. ¹⁰ Tē₁i₂nio₄ jnia'₅₄ le₁quian₁ i₁gú'₃ 'mú₃ quió'₅ Jesús jui₅ ni₁ñi₁ jnia'₅₄, ia₁jaun₂ le₃jniá₂ jui₅ ni₁ñi₁ jnia'₅₄ ján₃ a₂chan₂ Jesús. ¹¹ Ia₁ tē₁lia'₂ chong₂ jnia'₅₄ la₂, le₂o₃ jmig₄ bá₄ go'₂ a₂jme₃dsiog₅ dsa₂ o₄quió'₄ Jesús, ton'₂ ia₁jaun₂ le₃jniá₂ jui₅ ni₁ñi₁ jnia'₅₄ a₂siá'₃ la₂, a₂chan₂ bá₄ Jesús. ¹² Jaun₂ nē₃, 'uig₅₄ ia₁ a₂tio'₅₄ jnia'₅₄ jui₅ 'mú₃, 'nia'₂ nē₃ tiong'₅₄ jui₅ a₂le₃chan₂ jme₂dsí₂ quiáng'₂.

¹³ Le₂la₂ juá'₂ ne₄ Si₂: “Ca₂rē₃'éng₂, jaun₂ bá₄ lē₃ ca₂juá'₃.”† Le₂nē₅ bá₄ jnia'₅₄ ján₃, ia₁ a₂'i₄ jme₂dsí₂ i₂cuē₅ bí₂ a₂'éin₂, jaun₂ bá₄ lē₃ 'éin₂ jnia'₅₄, jaun₂ bá₄ lē₃ jua'₂ jnia'₅₄ ján₃. ¹⁴ Ia₁ ma₂ne₄ bá₄ jnia'₅₄, Diú₄ i₂ca₂jme₃jen'₅₄ Te₁gui'₅₄ Jesús a₂jme₃rē₂join₅₄, le₂jaun₂ bá₄ jme₃jein'₅₄ jnia'₅₄ ján₃, jui₁lia'₂ ca₂jme₃jein'₅₄ 'éi₂, tē₂ co₂dsia₅ quian'₅₄ 'nia'₂ ja₁coin₂. ¹⁵ A₂dse₃ o₄quián'₂ 'nia'₂ bá₄ ca₂le₃jé₃ a₂ma₂ca₂lē₃ nē₅, ia₁ nē₁jua'₂ le₂jaun₂ juin₅ gué₄ dsa₂ i₂tín₅ a₂'ua₁ dsí₅ Diú₄, le₂jaun₂ bá₄ ján₃ juin₅ gué₄ dsa₂ lé₂ i₂cuē₃ ti₁'mag'₄ qui₂le₃juin'₂ Diú₄.

* 4:6 Génesis 1:3. † 4:13 Salmo 116:10.

¹⁶ Jaun₂, o₁líg' ₂ jmig₄ tsá₃ qui₂'uán₂ dsi₅ jnia'₅₄. Tsá₃ a₂léi' ₂ jaun₂ caun₂ ma₂ne₁ca₂dsa₃ bí₂ ni₁ñi₁ jnia'₅₄. La₁ jme₂dsi₂ quián₂ né₃ caun₂ rē₂'mag'₄ bá₄ lia'₂ caun₂ jmig₄.[‡] ¹⁷ Ia₁ jmi₁uig₅ a₂ca₂jui₄ a₂dsi₂ñág₂ jnia'₅₄ rē₂né₃, a₂ñi'₅₄ ta₁ dsi₃ñí₂, jmo₃ a₂tē₃dsi₅₄ a₂léi₂ ñag₅₄ gué₄ jnia'₅₄ ja₁lál'₁ gué₄ 'ñio₅ lin₃ a₂jio₅ co₂tan₅₄. ¹⁸ Ia₁ tsá₃ jua'₅₄ tion'₂ jnia'₅₄ jui₅ caun₂ cosa a₂jniá₂; a₂jaun₂ bá₄ tion'₂ jnia'₅₄ jui₅ jui₁lia'₂ a₂tsá₃ jniá₂. Ia₁ ca₂le₃jé₃ a₂jniá₂, tsá₃ ué₂ jio₅. A₂dsau₅ bá₄ a₂tsá₃ jniá₂, a₂jaun₂ bá₄ a₂jio₅ co₂tan₅₄.

5

¹ Ia₁ ma₂ne₄ bá₄ jniog₄, jē₁ma₂ca₂dsau₃ ca₂'en₃ ni₁ñi₁ jniog₄ la₂, a₂lé₅ co₂'nió'₄ caun₂ 'né₅ quián₂ tē₁lia'₂ chong₂ mi₂güí₃ la₂, la₁ Diú₄ né₃ cuē₃ caun₂ ja₁'io₁ guei'₅₄ i₂juí₃ ja₁lé₄ co₂'nió'₄ caun₂ 'né₅ a₂tsá₃ ma₃ton₅ jmig₄ dsi₃'én₂, on₃jua'₅₄ a₂ca₂jmo₃ dsa₂ mi₂güí₃. ² Dsón'₂ bá₄ tē₁lia'₂ chong₂ jniog₄ jui₅ ni₁ñi₅ la₂, ca₂le₃jé₃ chon₂ jniog₄ dsi₅, a₂'ín₅ dsi₅ dsi₁'io₁ 'né₅ quián₂ guei'₅₄ i₂juí₃, ³ ia₁jaun₂ jlé₂ quián₂ nē₂jag₄ bá₄ caun₂ 'mi'₂ a₂quei'₂ Te₁gui'₅₄ ia₁jaun₂ tsá₃ dsi₁no₃ rē₂ñág₅. ⁴ Tē₁lia'₂ chong₂ jniog₄ quian'₅₄ ni₁ñi₁ la₂, ca₂le₃jé₃ chon₂ jniog₂ dsi₅ a₂le₁quian₁ o₂i₁ dsi₅. On₃jua'₅₄ a₂'niog₂ jniog₄ a₂tsá₃ 'e₂ qui'₄ jniog₄; a₂jaun₂ bá₄ 'niog₂ jniog₄ a₂lió₃ co₂ñei'₅₄ ni₁ñi₁ a₂jón₂ la₂, quian'₅₄ ni₁ñi₁ 'mí₂ a₂le₃chan₂ co₂tan₅₄. ⁵ Diú₄ bá₄ dsón'₂ i₂ma₂jmo₃ co₂jñia₅₄ jniog₄ i₂ma₂cuin₃ Jme₂dsi₂ quián₅, a₂lé₅ léi₄ a₂jme₃ti₃ jág₁ quió'₅.

⁶ Le₂nē₅ jaun₂ le₁'ág₄ bá₄ caun₂ dsi₅ jniog₄ co₂tan₅₄, ia₁ ne₄ bá₄ jniog₄ jaun₂, tē₁lia'₂ chong₂ jui₅ ni₁ñi₁ la₂, tsá₃ 'io₄ 'né₅ ja₁guá₄ Te₁gui'₅₄. ⁷ La₁ i₂nio₄ jniog₄ ca₂le₃jág₃ a₂jñia'₅₄ con'₂ 'éin₂ bá₄, on₃jua'₅₄ con'₂ a₂tē₅ ne₄ jniog₄. ⁸ La₁ caun₂ bá₄ le₁'ág₄ dsi₅, lág₂ jniog₄ 'e₂ gué₄ dse₃ jua'₅₄ nē₃ bá₄ 'uág₃ dsi₂néi₂ tsi₁'né₅ ni₁ñi₁ la₂, a₂dsau'₅₄ dsi₁'io₁ quian'₅₄ Te₁gui'₅₄. ⁹ Uig₅₄ jaun₂, co₂tan₅₄ quen'₂ jniog₄ bí₂ jmo₂ a₂tē₅ dsi₅ Te₁gui'₅₄, tē₁lia'₂ chong₂ jui₅ ni₁ñi₁ la₂, o₃ nē₁tsá₃ ma₂chong₂ 'e₂. ¹⁰ Ia₁ le₃jág₃ bá₄ jniog₄ dsi₁no₃ ne₄ta₁ quió'₅ Cristo, ia₁jaun₂ gue₃ le₂jan₂ le₂jan₂ dsa₂ con'₂ ca₂tíin₂, lia'₂ con'₂ lé₅ ca₂jmo₃ tē₁lia'₂ jme₁chain₂ jui₅ ni₁ñi₁₂, a₂dse₃, o₃ a₂'lig'₅₄ 'e₂.

Jág₁ dse₃ quió'₅ Diú₄ a₂'ag₃ tei₄ dsi₅ dsa₂

¹¹ Uig₅₄ nē₅, ia₁ a₂ne₄ jnia'₅₄ a₂ñí₄ lē₃ gau₂ lé₂ jē₁ma₂tión₂ dsa₂ ne₄ Te₁gui'₅₄, a₂quen'₂ jnia'₅₄ bí₂ chei₂ jnia'₅₄ dsa₂ jág₁ dsau₅ o₁ne₄ tsa₁ jí₂' a₂ dsi₅, gue₃ jág₁ dse₃. Jaun₂ ma₂ñi₅ bá₄ Diú₄ 'a₂ lia'₂ lé₅ chong₂ jnia'₅₄; jaun₂ 'ín₂ dsi₃ jniá₂ a₂ñi'₅₄ bá₄ 'nia'₂ tē₂'au'₂ ján₃. ¹² Tsá₃ o₁len'₂ 'nia'₂ jua'₅₄ 'niog₂ jnia'₅₄ 'ín₄ rē₂ guio₅₄. Jñia'₅₄ lia'₂ cuē₂ jnia'₅₄ jmig₄ a₂dsiá'₂ 'nia'₂ jág₁ tá'₅ o₄quián₂ jnia'₅₄, ton'₂ ia₁jaun₂ ñi'₅₄ 'nia'₂ 'a₂ lia'₂ ñag'₅₄ ne₄ jui₁lia'₂ dsa₂ i₂'nio₃ dsa₃ jág₁ tá'₅, i₂jñia'₅₄ dse₃ le₁'ág₄ o₁ne₁, on₃jua'₅₄ rē'₂ a₂dsi₂jó'₃ le₁jé₃ jme₂dsi₂ quió'₅. ¹³ Ia₁ chi₂jua'₂ quiong₅ dsa₂ a₂lág₅ jnia'₅₄ dsa₂ ñág₅, lē₁ o₄quió'₄ Diú₄ bá₄. La₁ chi₂jua'₂ tsá₃ lág₅ jnia'₅₄ dsa₂ ñág₅ né₃, a₂dse₃ quián'₂ 'nia'₂ bá₄ jaun₂. ¹⁴ Ia₁ a₂ñí₄ lē₃ 'nio₃ Cristo jnia'₅₄, a₂jaun₂ tion₅₄ bá₄ ca₂tág₂ jnia'₅₄ jme₁'nió₄ dsa₂ mi₂güí₃ rin'₅₄ jui₁lia'₂ ca₂rē₃'nio₃ 'éi₂. Ia₁ caun₂ bá₄ 'éin₂ jnia'₅₄, jan₂ bá₄ i₂ca₂jón₃ o₄quió'₄ ca₂le₃jín₃; 'uig₅₄ jaun₂, nē₂jag₄ bá₄ a₂ma₂dsau₃ le₂jág₃. ¹⁵ Jan₂ Cristo bá₄ i₂ca₂jón₃ ne₄ o₄quió'₄ ca₂le₃jín₃, ia₁jaun₂ tsá₃ ma₃'nió'₅ le₃chain₂ jmá'₃ o₄quió'₄ guoin₅₄; jui₁le₂chain₂ bá₄ le₃quió'₅ i₂ca₂jón₃ o₄quió'₄, le₃quió'₅ i₂ca₂jen'₅₄ táng₃. ¹⁶ Jaun₂ tsá₃ ma₃'ein₂ jñi₄ jnia'₅₄ nē₃ tē₂le₃ ne₄ jui₅ lia'₂ con'₂ lé₅ jág₂ dsa₂ mi₂güí₃. Jui₁'e₂ gué₃ le₂jñiá₅ jme₁jñi₄ jnia'₅₄ Cristo lia'₂ con'₂ lé₅ jág₂ dsa₂ mi₂güí₃, tsá₃ ma₃le₂jaun₂ jñi₄ jnia'₅₄ 'éi₂. ¹⁷ Jaun₂ le₂nē₅, jui₁lia'₂ dsa₂ i₂ma₂chén'₅ le₃quió'₅ Cristo, jan₂ dsa₂ 'mí₂ bá₄ 'éi₂. Ca₂le₃jé₃ 'a₂ lia'₂ jme₁lé₄ le₂jñiá₅, ca₂ñí₂ bá₄ jaun₂. ¡Ma₂ca₂rē₃'mag'₄ bá₄ ca₂le₃jé₃!

¹⁸ Ca₂le₃jé₃ a₂nē₅, le₂nē₅ ma₂jmo₃ Diú₄ 'ñiog₅. Ca₂'ág₂ táng₃ caun₂ jág₁ quian'₅₄ jniog₄ tē₂le₃ quian'₅₄ Cristo. Jaun₂ 'éi₂ né₃ ma₂cuē₃ ta₁ a₂jme₁tin₅ jnia'₅₄ dsa₂ 'a₂ lia'₂ 'nió'₅ jmo₃

‡ 4:16 lit. "Tsá₃ a₂léi'₂ jaun₂ caun₂ ma₂ne₁ca₂dsa₃ quió'₅ dsa₂ le₂co'₅₄; la₁ dsa₂ le₂né'₃ né₃ caun₂ rē₂'mag'₄ bá₄ lia'₂ caun₂ jmig₄."

'ag₃ caun₂ jág₁ quiaín⁵⁴ Diú₄. ¹⁹ Co₂'nió⁴ le₃jua⁵⁴, tē₂le₃ quian⁵⁴ Cristo bá₄ jme₁'ag₅ Diú₄ caun₂ jág₁ quiaín⁵⁴ dsa₂ mi₂güüg₃. Tē₂le₃ quian⁵⁴ Cristo bá₄, jín₂ Diú₄ dsa₂ co₂'nió⁴ a₂tsá₃ ma₃'e₂ dso₄ rē₂cán⁴ dsa₂. Jaun₂ tē₂le₃ quian⁵⁴ Cristo bá₄ ma₂dsia₃ gu₂ jnia⁵⁴ né₃ a₂qui₁'é₄ jnia⁵⁴ dsa₂ jág₁ dse₃ la₂, ia₁jaun₂ le₃ñi₅ a₂tsá₃ ma₃mi⁵⁴ cha₂ quian⁵⁴ Diú₄. ²⁰ Jaun₂ le₂nē₅ bá₄ lé₅ 'a₂ lia² tē₁i₂nio₄ jnia⁵⁴ i₂quian₄ jnia⁵⁴ jág₁ o₄quió⁴ Cristo, ia₁ co₂'nió⁴ 'ñiog₅ bá₄ Diú₄ chi₂lén² dsa₂ tē₂le₃ quian⁵⁴ jnia⁵⁴. Jaun₂ jnia⁵⁴ né₃, chi₂len⁴ jnia⁵⁴ 'nia²* quian⁵⁴ jág₁ 'éi³ quió⁵ Cristo: “Éi² 'nia² caun₂ jág₁ quian⁵⁴ Diú₄.” ²¹ I₁caun₂ dso₄ tsá₃ 'e₂ ca₂'nau₂ Cristo; la₁ 'uig⁵⁴ dsáu₁ jniog₄ bá₄ né₃, ca₂'é³ Diú₄ uig⁵ 'éi² nē₂jag₄ bá₄ a₂rē₂cán⁴ dso₄, ia₁jaun₂ jniog₄ né₃ jē₁ma₂ca₂rē₃quian⁵⁴ Cristo, 'é² Diú₄ jág₁ a₂tsá₃ 'e₂ dso₄ rē₂cáu⁴.

6

¹ Jaun₂ le₂nē₅, jnia⁵⁴ dsa₂ i₂jmo₂ ta₁ co₂lē₅ quian⁵⁴ Te₁gui⁵⁴, chi₂len⁴ jnia⁵⁴ 'nia² a₂tsá₃ i₂jmo₂ 'nia² jua⁵⁴ a₂tsá₃ ta₁ jmo₃ jág₁ a₂'ua₁ dsí₅ Diú₄ a₂ma₂gue⁵⁴ 'nia². ² Ia₁ le₂la₂ juá² Diú₄ ne₄ Si₂:

Ca₂rē₃chá₃ bá₄ jmi₄ a₂ca₂jmo₃ 'ua₁ dsi₃,

ca₂nag₃ jág₁ quián² 'nia²;

jmi₄ a₂jme₁cuín₅ jmi₄ líón² 'nia²

jme₁ca₂jme₁'o₁ jniá².*

Jaun₂ rē₂nē₃ bá₄ 'ē₂₃, cuín₅ jmi₄ a₂jmo₅ Diú₄ 'ua₁ dsí₅. Rē₂nē₃ bá₄ ján₃ cuín₅ jmi₄ a₂líón₂ dsa₂.

³ I₁caun₂ jnág₅ tsá₃ jmo₂ jnia⁵⁴ ja₁con₂ dsa₂, ia₁jaun₂ tsá₃ táun₂ dsa₂ 'lig⁵⁴ ta₁† quián₂ jnia⁵⁴. ⁴ Tē₂le₃ 'niog₂ jnia⁵⁴ cuē₅₄ léi₄ jē₄ ca₂le₃jé₃, a₂lág₅ tē₃dsón² dsa₂ i₂jme₂ti₃ ta₁ ne₄ Diú₄; jē₄ a₂jmo₂ jnia⁵⁴ tió⁵ dsi₅; jē₄ jmi₁uig₅ a₂ñag₄ jnia⁵⁴ jē₄ jme₁dsi₂ñag₂ jnia⁵⁴, a₂tsá₃ a₂ne₄ jnia⁵⁴ jmó₁; jē₄ o₂i₁ dsi₅; ⁵ jē₄ qui₂bóg₂ dsa₂; jē₄ qui₂to² dsa₂ né³ 'má₃; jē₄ mi⁵⁴; jē₄ ta₁ 'ua²; jē₄ tsá₃ guag₂ jnia⁵⁴; jē₄ jme₁'in₂ a₂que⁵⁴ jnia⁵⁴; ⁶ jē₄ a₂le₁jé₃ jme₂dsí₂ quián₂ jnia⁵⁴ né₃; jē₄ jme₂juín¹ dsi₅ ja₁con₂ rin⁵⁴; jē₄ a₂'ua₁ dsi₅ jnia⁵⁴; jē₄ a₂quiong⁵⁴ jme₂dsí₂ jnió₅; jē₄ a₂'nio₃ jnia⁵⁴ rin⁵⁴ tē₃dsón²; ⁷ jē₄ quian⁵⁴ jág₁ dsau₅ tē₃dsón²; jē₄ quian⁵⁴ jui₅bí₂ quió⁵ Diú₄; jē₄ quian⁵⁴ jui₅ co₂dsau₅ a₂tsá₃ 'e₂ rē₂cáu⁴, quian⁵⁴ a₂nē₅ lion₄ jnia⁵⁴ co₂'nió⁴ ñí₁ a₂chan² jnia⁵⁴ quian⁵⁴ gu₂ ne₁ quian⁵⁴ gu₂jen₅ né₃; ⁸ tē₂le₃ quian⁵⁴ a₂jme₂juag² dsa₂; tē₂le₃ quian⁵⁴ a₂chei² dsa₂ 'lig⁵⁴; tē₂le₃ quian⁵⁴ jág₁ 'lig⁵⁴ a₂qui₂'ag₅ dsa₂; tē₂le₃ quian⁵⁴ jág₁ dse₃ a₂qui₂'ag₅ dsa₂ né₃; a₂lág₅ jnia⁵⁴ dsa₂ i₂tí₅ jág₁ quió⁵ jui₁'a₂ gué₃ la₂ quiong₅ dsa₂ jnia⁵⁴ i₂tē₂jín₁; ⁹ nē₂jag₄ bá₄ i₂tsá₃ 'ein₂ cuig₅, la₁ chan₂ bá₄ i₂cuig₅ rē₂; nē₂jag₄ bá₄ a₂ma₂i₁dsióg₃ jnia⁵⁴, la₁ j₄ag₄! lia² chong₂ jaun₂ bá₄ jnia⁵⁴; qui₂jmóg² dsa₂ uig₅, la₁ tsá₃ ca₂jme₃dsióg₂₃; co₂'nió⁴ a₂qui² dsi₅, ¹⁰ la₁ i₂gú³ bá₄ chong₂ jnia⁵⁴ o₂'ñióg₃ dsi₅; co₂'nió⁴ i₂tē₂ñé₂, la₁ jmo₂ jnia⁵⁴ a₂le₃chan₂ dse₃ juín₅ i₂sián²; co₂'nió⁴ a₂tsá₃ 'e₂ cha₂ quián₂ jnia⁵⁴, la₁ 'io₂ bá₄ jnia⁵⁴ ca₂le₃jé₃.

¹¹ 'Nia² rin⁵⁴ jniog₄ i₂chan₂ juig₂ Corinto, ma₂nē₂jua⁵⁴ jnia⁵⁴ rē₂jiá₃ jág₁, nē₂jag₄ bá₄ a₂ma₂rē₂nia₅₄ jnia⁵⁴ tē₂dsi₅ ja₁con² 'nia². ¹² I₁caun₂ tsá₃ 'e₂ jnág₅ ma₂jmó₁ jnia⁵⁴ ja₁con² 'nia²; guion⁵⁴ bá₄ 'nia² jmo² qui₂nióg₅ tē₂'au², jag⁵⁴ jnia⁵⁴. ¹³ 'Nia² né₃, jein⁵⁴ 'au² tē₂le₃ ja₁con₂ jnia⁵⁴: jaun₂ né₃ chi₂len⁴ jnia⁵⁴ 'nia² nē₂jag₄ bá₄ co₂'nió⁴ ñéi⁵ 'nia² a₂na⁵⁴ 'nia² tē₂'au² ja₁con₂ jnia⁵⁴.

Lág₅ jniog₄ guá⁵ quián₅ Diú₄ i₂chan₂ tē₃dsón²

¹⁴ Tsá₃ i₁nio⁴ 'nia² jua⁵⁴ a₂ling⁵⁴ jág₁ quian⁵⁴ dsa₂ i₂tsá₃ 'én₂. Ia₁ nē₁jua² le₂jaun₂ né₃, dsi₁nó⁵ 'nia² léng² jui₁lia² on₃ dsi₂ca₁jui₅ i₂quia² 'uē₃, i₂tsá₃ co₂rin₂.‡ Ia₁ tsá₃ a₁jaun₂ quin₃ dsí₅ dsa₂ i₂quian₅ jui₅ dse₃ quian⁵⁴ dsa₂ i₂quian₅ jui₅ 'lig⁵⁴. Ján₃ gué² le₂jaun₂, o₁líg² jmi₄ tsá₃ lé₂ le₃jen² ja₁tág₅ quian⁵⁴ jui₁lia² ja₁qui₁né³ táng₃. ¹⁵ ¿O₃ lín² 'nia², lé₂ le₃'ag₃ caun₂ jág₁ Cristo quian⁵⁴ i₂sē₃dsen₃ táng₃? O₃, ¿'e₂ bá₄ quen⁵⁴ jui₁lia² jan₂ dsa₂

* 5:20 o₃, “chi₂lén⁴ jnia⁵⁴ dsa₂.”
 'Nio² ja₁ton₅ Deuteronomio 22:10.

* 6:2 Isaías 49:8. † 6:3 griego: diakonía (ministerio). ‡ 6:14

'én₂ quiain'₅₄ jan₂ i₂tsá₃ 'én₂? ¹⁶ ¿O₃ bá₄ lé₂ le₃'ag₃ caun₂ jág₁ guá'₅ quió'₅ Diú₄ quian'₅₄ diú₄ lag₄? Ia₁ guio₅₄ bá₄ jniog₄ lág₅ guá'₅ quió'₅ Diú₄ jén'₃. Lé₅ jui₁lia'₂ ca₂juá'₂ Diú₄ 'ñiog₅: Gua₅₄ ñi₅₄ quiang'₅₄ dsa₂.

Jniá₂ bá₄ léng₂ Diú₄ quiáin₅.

Dsa₂ 'éi₂ guë'₂ léin₂ dsa₂ juig₂ quiáng₃.[§]

¹⁷ Jaun₂ lë₃:

Co₂dsia₅ 'uin'₂ 'nia'₂ jë₄ quió'₅ diú₄ lag₄ 'éi₂;

con'₂ nau₂ 'nia'₂, juá'₂ Te₁gui'₅₄;

Tsá₃ qui₂tí'₅ 'nia'₂ gog'₂ a₂tsá₃ le₁jé₃.

Jaun₂ bá₄ guen'₄ jniá₂ 'nia'₂,*

¹⁸ jaun₂ jan₂ jniá₂ bá₄ léng₂ ñéi'₅ 'nia'₂,

jaun₂ 'nia'₂ guë'₂ léng'₂ chi'₂-guein₂ quiáng₃.

juá'₂ Te₁gui'₅₄ i₂'uan'₂ gué₄ lin₃.[†]

7

¹ Le₂në₅ bá₄, rin'₅₄ jniog₄, 'uig₅₄ ia₁ a₂ron₅ jág₁ a₂cué'₁ quió'₅ Diú₄ ja₁con₂ jniog₄, jaun₂ ca₂tág₂ jniog₄ chi₅₄ quián₂ ca₂le₃jé₃ a₂'lig'₅₄ a₂lé₂ le₃'iog₅ jme₂dsi₂ quián₂, le₂jaun₂ ni₁ñi₁ né₃. Jui₁le₂chong₂ bá₄ co₂ñei'₅₄ dsa₂ i₂lé₅ 'í₁ i₂jme₂gan₃ Diú₄.

'A₂ lia'₂ ca₂rë₃tsín₃ dsí₅ dsa₂ Corintios, ca₂can₃ táng₃ jui₅ dse₃

² Jmo₄ 'nia'₂ 'au'₂ a₂jag'₅₄ dse₃ jnia'₅₄. Ia₁ tsá₃ 'e₂ 'lig'₅₄ ma₂jma'₅₄ 'i₁jan'₂ 'nia'₂, on₃ guë'₂ 'e₂ jág₁ ga₂ ma₂chéi₂ jnia'₅₄ 'i₁jan₂, on₃ guë'₂ jua'₅₄ ma₂ca₂jme₁gan₅ jnia'₅₄ 'i₁jan'₂ 'nia'₂ né₃.

³ On₃jua'₅₄ a₂juá'₅ jniá₂ ia₁ a₂bong'₅₄ 'nia'₂ dso₄. Lia'₂ ma₂juá'₅ jaun₂ bá₄ jniá₂, jing₅₄ 'nia'₂ ca₂le₃jé₃ dsí₃, a₂'nió₃ jniá₂ 'nia'₂. Caun₂ bá₄ 'ei₅ dsí₃ chang₂ co₂lë₅ quiang'₅₄ 'nia'₂, o₃ dsíó₃ co₂lë₅ 'e₂. ⁴ Caun₂ bá₄ 'ei₅ dsí₃ jing₅₄ 'nia'₂, 'ñio₅ jmo₅ jniá₂ táng'₅ o₄quián'₂ 'nia'₂. Rë₂'ñia₅ a₂lián'₂ dsí₃, lia'₂ rë₂tsón₂ a₂'io'₂ jéin₂ jniá₂, jë₄ ca₂le₃jé₃ o₂i₁ dsí₅ a₂chong₂ jnia'₅₄.

⁵ Ia₁ lia'₂ con'₂ jme₁o₃ná₅ jnia'₅₄ 'uë₃ Macedonia la₂, tsá₃ ma₂ca₂rë₃jag₅₄ 'i₁ca₂juig₄, ia₁ o₂me'₅₄ dsí₅ bá₄ ma₂ca₂rë₃chá₃ le₂con₂ të₂le₃ la₂: mi'₅₄ bá₄ ca₂já₃ le₃lág'₃ ja₁tio'₅₄ jnia'₅₄, ca₂le₃jé₃ ca₂'í₃ gó'₅ dsí₅ jnia'₅₄. ⁶ La₁ Diú₄ i₂jmóg'₅ táng₃ dsí₅ dsa₂ i₂'lia'₂ dsí₅, ca₂jmóg'₃ bá₄ táng₃ dsí₅ jnia'₅₄ jme₁ca₂guan₃ Tito, ⁷ ton'₂ 'éi₂ 'ñiog₅ guë'₂ né₃, 'ñio₅ lin₃ 'ei₅ dsí₅ o₄quián'₂ 'nia'₂. 'Éi₂ bá₄ dsia₅ né₃ tság₅ jnia'₅₄, 'ñio₅ 'ín₅ 'au'₂ jag'₅₄ jniá₂. Dsia₂₃ a₂qui'₂ 'au'₂. Dsia₂₃ ján₃ a₂tion'₅₄ 'nia'₂ dsen₅₄ 'au'₂ o₄quió₃ jniá₂. Jaun₂ bá₄ të₂le₃ lé₅ gué₄ 'io'₂ jéin₅ jme₁ca₂rë₃guion₅₄.

⁸ Tsá₃ a₂nag₅₄ ca₂tión'₂ 'nia'₂ co₂'na₂ qui'₂ 'au'₂ quian'₅₄ si₂ carta a₂ca₂tsíng₂; la₁ tsá₃ dsí₂quén'₅ dsí₃ rë₂né₃. Dsón'₂ bá₄ ca₂dsí₃quén'₅ dsí₃ co₂'na₂ le₂jñiá₅ ján₃ jme₁ca₂rë₃guion₅₄ o₄quió'₄ si₂ jaun₂, ca₂tión'₂ 'nia'₂ qui'₂ 'au'₂ co₂'na₂. ⁹ Jaun₂ né₃ 'io'₂ jéin₅ bá₄ rë₂né₃, on₃jua'₅₄ ia₁ a₂ca₂tión'₂ 'nia'₂ qui'₂ 'au'₂ jaun₂; a₂jaun₂ bá₄ ia₁ a₂ca₂rë₃tsín₃ bá₄ 'au'₂ 'nia'₂ ia₁ a₂ca₂tión'₂ 'nia'₂ qui'₂ 'au'₂. Ca₂quian'₂ 'nia'₂ o₂i₁ dsí₅ lia'₂ të₅ dsí₅ Diú₄. Jaun₂ tsá₃ le₃jua'₅₄ a₂ca₂jma'₅₄ jnia'₅₄ dain₅₄ 'nia'₂. ¹⁰ Ia₁ jui₁lia'₂ a₂qui'₂ dsí₅ dsa₂ 'a₂ con'₂ 'nio₃ Diú₄, a₂jaun₂ bá₄ jmo₅ a₂rë₂tsín₃ dsí₅ dsa₂, a₂jio₅ jui₅ a₂lión₂ dsa₂. Jaun₂ tsá₃ cha₂ 'e₂ lë₃ jua'₅₄ dsí₁quén'₅ dsí₅ dsa₂. La₁ia₁ jui₁lia'₂ a₂qui'₂ dsí₅ dsa₂ lia'₂ con'₂ lé₅ a₂qui'₂ dsí₅ dsa₂ mi₂güüg₃ né₃, a₂jaun₂ bá₄ jio₅ jui₅ 'mú₃. ¹¹ Jag₄ 'nia'₂ jaun₂, a₂la₂ bá₄ a₂të₁dsí₅₄ quián'₂ 'nia'₂, ia₁ ca₂tión'₂ 'nia'₂ qui'₂ 'au'₂ jaun₂ lia'₂ con'₂ 'ñio₂ dsí₅ Diú₄: 'e₁ bá₄ chi₂quian'₁ 'nia'₂ jmi₃g₄; 'e₁ bá₄ dsan₂ 'au'₂ jme₁rë'₂ a₂jaun₂ jë₄ quián'₂ 'nia'₂; 'e₁ bá₄ ca₂i₃mé'₂ 'au'₂ ne₄ dso₄ jaun₂; 'e₁ bá₄ ca₂já₃ gó'₅ 'au'₂ 'nia'₂; 'e₁ bá₄ 'ín₅ 'au'₂ 'nia'₂ gué₄ lin₃; 'e₁ bá₄ dsen₅₄ 'au'₂ 'nia'₂ a₂jme₁'é'₄ 'nia'₂ uig₅ né₃. Jë₄ ca₂le₃jé₃ a₂në₅ ma₂cuë'₅₄ bá₄ 'nia'₂ léi₄ a₂tsá₃ dso₄ rin'₂ 'nia'₂ a₂ca₂lë₃ le₂jaun₂. ¹² Lia'₂ con'₂ ca₂tsíng₂ si₂ carta jaun₂, on₃jua'₅₄ jaun₂ ca₂tsíng₂ o₄quió'₄

§ 6:16 Levítico 26:12; Jeremías 32:38; Ezequiel 37:27.

* 6:17 Isafas 52:11; Ezequiel 20:34-41.

† 6:18 2 Samuel 7:14.

i₂ca₂jmo₃ 'lig'⁵⁴, on₃ guë'² o₄quió'⁴ i₂ca₂i₃ñí₂ né₃. A₂jaun₂ bá₄ ca₂tsíng₂ ia₁jaun₂ le₂len'⁴ 'nia'² tē₂le₃ ne₄ Diú₄ a₂dsan₂ 'au'² o₄quián₂ jnia'⁵⁴. ¹³ Uig⁵⁴ jaun₂, 'io'² jein₂ bá₄ jnia'⁵⁴ né₃, cha₂ lián'² dsi⁵.

La₁ 'ñio₅ lin₃ gué⁴ 'io'² jmo₂ jnia'⁵⁴ jme₁guan₃ Tito, 'ei₅ dse₃ dsi⁵ quion₂ jág₁ ia₁ ca₂le₃jín'³ bá₄ 'nia'² ca₂jme₁'oin'¹, ca₂jmog'⁵⁴ dsi⁵ tē₁lia'² ca₂i₁'i₅ quian'⁵⁴ 'nia'². ¹⁴ Jaun₂ tsá₃ jua'⁵⁴ a₂lē₁ca₂juí₂ jág₁ tá'⁵ jme₁ca₂juí₂ 'io'² jéin₅ o₄quián'² 'nia'². Tsá₃ o₂gui'³ chén'⁵ jniá₂. Ia₁ le₂nē₅ bá₄ jui₁lia'² dsau₅ ca₂le₃jé₃ jág₁ a₂ma₂ca₂chéi₂ jnia'⁵⁴ 'nia'², ján₃ bá₄ le₂jaun₂ ca₂le₃jé₃ jág₁ a₂ca₂chei₅₄ jnia'⁵⁴ Tito 'a₂ lia'² lé₅ tion'⁵⁴ 'nia'², ca₂rē₃ti₃ bá₄ lia'² lé₅ jaun₂. ¹⁵ Jaun₂ né₃, tē₂le₃ 'ñio₅ lin₃ gué⁴ 'nioi₃ 'nia'² ia₁ juá'² ca₂jmo'⁵⁴ bá₄ 'nia'² ca₂le₃jé₃ 'e₂ ca₂mí₃, ca₂jmo'⁵⁴ bá₄ 'nia'² 'ua₁ 'au'² ca₂guein'⁵⁴ bá₄ 'nia'² caun₂ dse₃ a₂gain'³. ¹⁶ Jaun₂ tē₅ bá₄ dsi₃; caun₂ bá₄ 'ei₅ dsi₃ quian'⁵⁴ 'nia'².

8

A₂cuë₃ dsa₂ 'e₂ cuë₃ 'a₂ con'² 'ñio₂ dsi⁵

¹ Né₃ né₃, rin'⁵⁴ jniog₄, 'niog₂ jnia'⁵⁴ a₂le₃ñi'⁵⁴ 'nia'² 'a₂ lia'² ma₂ca₂rē₃jniá₂ a₂'ua₁ dsi⁵ Diú₄ ja₁con₂ guá'⁵ i₂chan₂ 'uë₃ Macedonia la₂.

² Jui₁'a₂ gué₃ la₂ ma₂ja₂lén₂ quian₅ o₂i₁ dsi⁵, tsá₃ caun₂ táu₂ dsi₂ñí₂, la₁ dse₃ bá₄ chain₂ tei₄ bá₄ le₁'ág₄ dsi⁵. Jui₁'e₂ gué₃ la₂ te₂ñéi₂ chain₂, la₁ tson₂ gué⁴ a₂ma₂cuë₃ con'² 'ñio₂ dsi⁵ con'² gué⁴ dsa₂ i₂cha₂ quió'⁵. ³ Jniá₂ jáng'⁵ jág₁ dsau₅, a₂tē₃dsón'² bá₄ ma₂cuë₃ 'a₂ con'² tió'⁵, tē₂le₃ lé₅ gué⁴ ma₂cuë₃ 'a₂ con'² cha₂ quió'⁵, ia₁ a₂'ñio₂ dsi⁵. ⁴ Ca₂tság₃ jnia'⁵⁴ tion₅₄-jan₃, a₂cuë₅₄ jnia'⁵⁴ jmi₄ a₂quein'⁵⁴ quian'⁵⁴ jnia'⁵⁴ ta₁ dse₃ a₂jme₁'on₁₂ dsa₂ quián₅ Diú₄. * ⁵ Tē₂le₃ lé₅ gué⁴ ca₂cuë₃ bá₄ lia'² con'² gué⁴ jme₁lág₂ jnia'⁵⁴. Jñiá₅ de'² o₄gú₃ Te₁gui'⁵⁴ ca₂dsia₃, jaun₂ gué⁴ ca₂dsia₃ ne₄ jnia'⁵⁴, lia'² con'² 'nio₃ Diú₄. ⁶ Jaun₂ ma₂chi₁ca₂len'⁴ jnia'⁵⁴ Tito jaun₂ jmo₃ dse₃ dsi⁵ a₂jme₃'ñiai₂₃ ta₁ dse₃ nē₅ jín'⁴ 'nia'² 'uig⁵⁴ a₂ma₂'ei₅ le₂jñiá₅ 'a₂ con'² ca₂lē₃ 'au'² 'nia'² jme₁'o'¹. ⁷ Ia₁ jui₁lia'² ma₂dsi₂jñiá'⁴ 'nia'² jē₄ le₂jé₃: a₂'én'² 'nia'², a₂'ñia'² 'nia'² jág₁ dse₃, a₂ñí'² 'au'² 'nia'², a₂dsen₅₄ 'au'², a₂'nióg'³ jnia'⁵⁴ né₃; ján₃ bá₄ le₂nē₅ ca₂tín'² 'nia'² dsi₃jñiá'⁴ quian'⁵⁴ a₂la₂, a₂jmo'² 'ua₁ 'au'².

⁸ Tsá₃ o₁len'² 'nia'² jua'⁵⁴ a₂jmo₅ jniá₂ 'éi'³ ja₁con'² 'nia'². Jñia'⁵⁴ lia'² 'nio₃ jniá₂ cáun₄ 'í₁ tē₂le₃ quian'⁵⁴ a₂dsen₅₄ dsi⁵ i₂sián'² chi₂jua'² dsón'² bá₄ 'nióg'³ ríng'² ján₃. ⁹ Ia₁ ma₂ñi'⁵⁴ bá₄ 'nia'² 'a₂ lia'² 'ua₁ dsi⁵ Te₁gui'⁵⁴ Jesucristo quián₂. O₄quió'⁴ a₂'nioi₃ 'nia'², ca₂ñí₃ te₂ñéi₂, o₁jñia'⁵⁴ la₂ jme₁chain₂ dse₃, ia₁jaun₂ le₃chan'² 'nia'² dse₃ tē₂le₃ quian'⁵⁴ jui₅ te₂ñé₂ a₂ca₂can₃ 'éi₂.

¹⁰ Cuë₅ jniá₂ jág₁ dse₃ a₂juí₂ 'nia'², jui₁lia'² jág₁ la₂, a₂dse₃ quián'² 'nia'² guiong'⁵⁴ bá₄, ia₁ 'nia'² bá₄ i₂ca₂jme₁lióg'⁴ ma₂ca₂ñi₂, a₂ca₂jme₁'o'¹ 'nia'², a₂'ñio₂ 'au'² 'nia'² né₃: ¹¹ jaun₂ nē₃ né₃, jme₁'ñia₅ 'nia'² ta₁ jaun₂ a₂ca₂jme₁lióg'², ia₁jaun₂ le₃ti₃ a₂'ñio₂ 'au'² 'nia'² jaun₂, lia'² con'² lé₅ cha₂ quián'² 'nia'². ¹² Ia₁ jui₁lia'² a₂cuë₅ dsa₂ a₂'ñio₂ dsi⁵ tē₃dsón'² 'e₂ 'nio₃ cué'³ Diú₄, a₂le₂jaun₂ bá₄ gue₅ Diú₄ 'ñio₂ dsi⁵, lia'² con'² lé₅ a₂cha₂ quió'⁵ dsa₂, on₃jua'⁵⁴ lia'² con'² lé₅ a₂tsá₃ cha₂ quió'⁵.

¹³ On₃jua'⁵⁴ a₂jaun₂ gué'² juá'⁵ jniá₂ ia₁jaun₂ tón'³ dsa₂ 'éi₂ a₂rē₂tsón₂ ñag⁵⁴ quió'⁵, ton'² tē₂le₃ ja₁con'² 'nia'² guiong'⁵⁴ gué'² né₃ tsá₃ cha₂ lé₂. ¹⁴ Tē₂le₃ ia₁jaun₂ dsióg₄ co₂rē₂ bá₄ lé₅ chan₂ dsa₂, 'nia'² cué'² 'e₂ niog₅ tsá₃ tín'² quió'⁵ ríng'² jmi₄ né₃; jui₁la₂ 'ióg₃ gué'², 'éi₂ gué'² ma₂tión₂ jme₃'o₅₄ cuë₃ 'e₂ niog₅ tsá₃ tín'² quián'² 'nia'² táng₃. Jaun₂ le₂nē₅ bá₄ dsióg₄ co₂rē₂ bá₄ lé₅ chan₂ dsa₂. ¹⁵ Jaun₂ le₂ti₃ jui₁lia'² juá'² ne₄ Si₂ quió'⁵ Diú₄: “I₂ca₂ro'² 'lióng₂ tsá₃ 'e₂ jua'⁵⁴ a₂ca₂chóng₃ quió'⁵; le₂jaun₂ gué'² le₃ja₁con₂ i₂ca₂ro'² me'², tsá₃ 'e₂ ca₂lē₃ jua'⁵⁴ a₂tsá₃ ca₂tín'² quió'⁵.”†

*Tito quian'*⁵⁴ riin'⁵⁴

* 8:4 lit. “dsa₂ jñi₃.” † 8:15 Éxodo 16:18.

¹⁶ Ti₁'mag'₄ Diú₄ ca₂jmo₃ a₂ca₂lë₃ dsí₅ Tito a₂ca₂'i₃ dsí₅ 'nia'₂ 'ñio₅ lín₃, jui₁lia'₂ 'i₅ dsí₃ jniá₂. ¹⁷ Ia₁ dsí₂jui₅ bá₄ ca₂gue₃ jme₁ca₂chéi₂ jnia'₅₄ dsó₃, ton'₂ ia₁ dsan₂ bá₄ dsí₅ 'éi₂ 'ñiog₅ a₂dsó₃ dsí₃jñin₅₄ 'nia'₂ a₂'ñio₂ dsí₅.

¹⁸ Jan₂ rin'₅₄ jniog₄ i₂'ei₅ jág₁ dse₃ quió'₅ le₂con₂ guá'₅ Macedonia la₂, 'éi₂ chen₅₄ jnia'₅₄ dsó₃ co₂lë₅ quiain'₅₄ Tito. ¹⁹ Rin'₅₄ i₂'ín₅ jnia'₅₄ në₅, ca₂quión'₂ guá'₅ a₂jme₃quiong'₅₄ jnia'₅₄ a₂i₁nio₁ jmó₁ ta₁ dse₃ a₂jme₁'on₁ jnia'₅₄ rin'₅₄ ia₁jaun₂ le₃juin'₂ Te₁gui'₅₄, ton'₂ ia₁jaun₂ léi₄ a₂dsen₅₄ dsí₅ jnia'₅₄ a₂jme₁'on₁ rin'₅₄.[‡] ²⁰ Tsá₃ 'niog₂ jnia'₅₄ jua'₅₄ a₂chi₂'ag₃ dsa₂ o₄quió'₄ cu₄ a₂rë₂tsón₂ jaun₂ a₂niog₅ o₄gu₂ jnia'₅₄. ²¹ 'Niog₂ jnia'₅₄ jmó₁ a₂le₃jé₃ jme₂dsí₂ quián₂ të₃ne₄ dsa₂ lia'₂ quiain'₅₄ të₃ne₄ Te₁gui'₅₄ në₃.

²² Ján₃ gué'₂ chen₅₄ jnia'₅₄ jan₂ rin'₅₄ sián'₂ i₂ma₂cuë₃ léi₄ a₂dsen₅₄ dsí₅ 'ñio₅ lín₃. La₁ në₃ në₃ 'ñio₅ lín₃ gué'₄ jmo₂₃ a₂dsen₅₄ dsí₅ ia₁ a₂ñí₄ lë₃ caun₂ 'ei₅ dsí₅ o₄quián'₂ 'nia'₂. ²³ Tito në₃, lín₅ jan₂ ríng'₃ i₂jmo₅ ta₁ co₂lë₅ quiain'₅₄ jniá₂ a₂jme₂ti₃ ta₁ ne'₅₄ 'nia'₂. Rin'₅₄ jniog₄ i₂quiain'₅₄ në₃, i₂chen₄ quián₅ guá'₅ i₂i₂nio₄ cuë₂₃ léi₄ a₂jlán'₁ Cristo. ²⁴ Jaun₂ në₃, jme₁nia₅ ne₄ dsa₂ në₅, lia'₂ le₃ne₄ ca₂le₃jín₃ guá'₅ në₃, qui₁jang'₅₄ 'nia'₂ léi₄ a₂dsón'₂ 'niog'₃ 'nia'₂ dsa₂ 'én₂ ríng'₂, qui₁jang'₅₄ léi₄ ján₃, 'e₂ 'uig₅₄ a₂ñí₄ lë₃ dsia₂ jnia'₅₄ jág₁ tá'₅ 'ín₅ 'nia'₂.

9

A₂cág'₃ dsa₂ cu₄ a₂jme₃'oin₅₄ riin'₅₄ ja₁siá'₂

¹ Jui₁lia'₂ cu₄ a₂jme₂'on'₅₄ 'nia'₂ dsa₂ 'én₂ rin'₅₄,* tsá₃ ma₃tion₅₄ jua'₅₄ a₂qui₂juá'₄ gué'₄ ne₄ si₂. ² Ia₁ ma₂guion₅₄ bá₄ a₂le₁'ág₄ 'au'₂ 'nia'₂ a₂jme₁'o'₁; o₄quió'₄ a₂në₅ jmo₅ jniá₂ táng'₅ jin₄ dsa₂ chan₂ 'uë₃ Macedonia. Ia₁ ma₂ca₂ñi₂ bá₄ jme₁ma₂chan₂ co₂jñia₅₄ dsa₂ chan₂ 'uë₃ Acaya, ton'₂ mei'₂ tsá₃ ca₂le₃jín₃ bá₄ ca₂lë₃ dsí₅ jme₃'o₅₄ o₄quió'₄ a₂dsen₅₄ 'au'₂ 'nia'₂ jaun₂. ³ Ia₁jaun₂ tsá₃ lé₅ jua'₅₄ a₂lë₁ca₂cuë₃ jág₁ tá'₅ quió₃, jaun₂ tsíng₂ rin'₅₄ la₂ dsí₃jág₂ ia₁ jág₁ jaun₂ ma₂lé₅, ma₂tión'₂ 'nia'₂ co₂jñia₅₄. ⁴ Ia₁ con'₂ tsá₃ ñó₅ në₁ca₂i₃lén₂ i₂lín₅₄ rin'₅₄ i₂chan₂ Macedonia quiain'₅₄ jniá₂, jaun₂ tsá₃ lé₂ jua'₅₄ caun₂ dé₄ o₂gui'₃ tsá₃ co₂jñia₅₄ 'nia'₂ chang'₂ jë₁ma₂ca₂dsi₃ná₅ jnia'₅₄. Le₂jñog₅ jniá₂ chéng'₅ 'lig'₅₄ (le₂jaun₂ 'nia'₂ táng₃) ia₁ ma₂juí₂ jniá₂ dsa₂ 'ñio₅ dsen'₃ 'nia'₂. ⁵ 'Uig₅₄ në₅ ma₂mi₃ jniá₂ ja₁con₂ rin'₅₄ jniog₂, ia₁ 'nió'₅ bá₄ líng₂, ia₁jaun₂ dsí₃lén₂ dsí₃jñin₅₄ 'nia'₂ ia₁jaun₂ jme₃'o₅₄ gué'₄ rin'₅₄ cu₄, jág₁ a₂ma₂cuë'₅₄ 'nia'₂ quiáng'₂ le₂jñiá₅ a₂cué'₁, ia₁jaun₂ ma₂lé₅ co₂jñia₅₄ 'a₂ con'₂ lé₅ 'ñio₂ 'au'₂ 'nia'₂, on₃jua'₅₄ ia₁ a₂chi₁quiong₅₄ jnia'₅₄ jmi₂g₄.

⁶ Dsá₂ 'au'₂ 'nia'₂ jmo₄, jág₁ a₂juá'₄ la₂: jui₁lia'₂ dsa₂ i₂jne₅ me'₂, me'₂ bá₄ a₂ráu₃ quió'₅; jui₁lia'₂ dsa₂ i₂jne₅ 'líong₂ gué'₂ në₃, ján₃ bá₄ 'líong₂ ráu₃ quió'₅. ⁷ Le₂jan₂ le₂jan₂ bá₄ ca₂tín₂ cuë₃ 'a₂ con'₂ ma₂ca₂lë₃ dsí₅ cuë₃, tsá₃ ca₂tín₂ dsa₂ cuë₃ jua'₅₄ a₂ma₂dsi₂mé'₃ dsí₅, on₃ gué'₂ ca₂tín₂ dsa₂ cuë₃ ia₁ a₂ma₂në₂chi₃quióng₂ dsa₂ jmi₂g₄ tion₅₄. Ia₁ Diú₄ 'nioi₃ dsa₂ i₂cuë₅ a₂'io'₂ jén'₅. ⁸ Diú₄ bá₄ i₂qui'₅₄ jmi₂g₄ jme₃gu'₅₄ 'nia'₂ 'ñio₅ lín₃ ca₂lia'₂ qui₂rë₂tsón₂ quián'₂ 'nia'₂, ia₁jaun₂ le₃cha₂ ca₂le₃jé₃ a₂'nió'₅ quián'₂ 'nia'₂, ia₁jaun₂ rë₂tsón₂ lé₂ le₃jme₁'on'₁ 'nia'₂ ríng'₂ ca₂le₃jé₃ jmi₂g₄, quiain'₅₄ ca₂le₃jé₃ ne₅₄ ta₁ dse₃. ⁹ Jaun₂ le₃ti₃ a₂juá'₂ ne₄ Si₂:
Jui₁lia'₂ dsa₂ i₂jmo₅ dsíog₁,

cuë₂₃, jme₁'oin₅₄ dsa₂ i₂te₂ñé₂,

lia'₂ co₂tan₅₄ bá₄ dsíog'₂ dsí₅ dsa₂

ca₂le₃jé₃ ne₅₄ a₂dse₃ a₂'ua₁ dsí₅ ca₂jmo₃.†

¹⁰ 'ñiog₅ bá₄ Diú₄ ca₂cuë₃ jon₂ a₂ca₂i₃jnia₄; ca₂jmo₃ ca₂rau₂ a₂quë'₅₄ 'nia'₂, ton'₂ jmo₃ ján₃ le₃cha₂ ca₂le₃jé₃ ne₅₄ a₂tsá₃ cha₂ quián'₂ 'nia'₂; jaun₂ le₃dse₃ ca₂le₃jé₃ 'e₂ a₂ján'₄ 'nia'₂ në₃, jmo₃ qui₂dsi₃cón₃ dsí₃ca'₅₄, jmo₃ a₂caun₂ ráu₃ a₂'ua₁ 'au'₂ 'nia'₂ jmo₂. ¹¹ Le₂në₅ bá₄ le₃chan'₂ 'nia'₂ dse₃ le₃cha₂ quián'₂ 'nia'₂, ia₁jaun₂ le₃cha₂ a₂lé₂ le₃jme₁'ong'₁ gué'₄ juin₅

‡ 8:19 A₂lín₅₄ chog₅₄ si₂: "a₂dsen₅₄ 'au'₂ 'nia'₂ a₂jme₁'ong'₁ ríng'₂." * 9:1 lit. "dsa₂ jñi₅."

† 9:9 Salmo 112:9.

dsa₂ te₂ηé₂ jmó'₂ 'ua₁ 'au'₂. Le₂jaun₂ bá₄ le₃jme₁'ong'₁ 'nia'₂ rin'₅₄ jniog₄ tē₂le₃ quian'₅₄ jnia'₅₄, jaun₂ juin₅ i₂lé₂ dsí₅ cué'₃ ti₁'mag'₄ Diú₄. ¹² Ta₁ a₂jme₂ti₄ jniog₄ ne₄ i₂sián'₂ jaun₂, jmo₅ ta₁ on₃jua'₅₄ jmá'₃ a₂jme₂'o₅₄ cué'₃ a₂'nió'₅ quió'₅ rin'₅₄ jniog₄; já₃ bá₄ jmo₅ ta₁ ia₁jaun₂ juin₅ i₂rē₂tsón₂ i₂cué'₃ ti₁'mag'₄ Diú₄. ¹³ Tē₂le₃ quian'₅₄ ta₁ a₂jme₂ti₄ jniog₄ ne₄ rin'₅₄ ja₁siá'₂ nē₅, cué'₂ jniog₄ léi₄ a₂tē₃dsón'₂ bá₄ jme₂ti'₅₄ 'nia'₂ já₃ dse₃ quió'₅ Cristo a₂ma₂gue'₅₄ 'nia'₂, ia₁ a₂'ua₁ 'au'₂ ja₁con₂ ríng'₂, quian'₅₄ ja₁con₂ ca₂le₃jín₃. Le₂nē₅ bá₄ juin₅ dsa₂ i₂jme₃juin'₂ Diú₄. ¹⁴ Le₂nē₅ bá₄ lé₂ dsí₅ mi₃ ne₄ Diú₄ o₄quián'₂ 'nia'₂, ton'₂ 'ín₅ dsí₅ 'ηio₅ lín₃ o₄quián'₂ 'nia'₂, ia₁ ma₂rē₂jniá₂ le₃ja₁con'₂ 'nia'₂ 'a₂lia'₂ ma₂jmo₃ Diú₄ a₂'ua₁ 'au'₂ 'nia'₂, ¹⁵ ¡'E₁ gué'₄ ti₁'mag'₄ Diú₄ ia₁ ma₂cuag₃ jniog₄ i₂dsen₃ i₂quen₅ gué'₄ lín₃, ca₂lia'₂ tsá₃ ne₄ 'a₂lia'₂ le₃jua'₅₄!

10

A₂quen₅ já₃ quió'₅ Pa₄ ia₁ a₂lín₅ i₂Chen₄ quián₅ Cristo

¹ Jniá₂ Pa₄, mi₂₃ juí₂ 'nia'₂ quian'₅₄ já₃ 'ua₁, ia₁ a₂'ua₁ dsí₅ Cristo. Cha₂ já₃ a₂lín₅ jan₂ dsa₂ i₂quian₅ já₃ 'ua₁ jme₁'eng₅₄ jē₄ quián'₂ 'nia'₂, la₁ jē₁ma₂'eng₅₄ ja₁siá'₂ 'ηio₅ bá₄ ma₂bén₂ já₃ quió'₃. ² Jaun₂ mi₅ jniá₂ ne'₅₄ 'nia'₂, tsá₃ jmo₂ jua'₅₄ a₂tion₅₄ 'nió'₅ jmo₅₄ tiá₂ dsí₃ jē₁ma₂dsióg₃, quian'₅₄ dsa₂ i₂bóg'₂ dso₄, a₂'ag₂₃ jniá₂ a₂jmo₂₃ lia'₂ jmo₅ dsa₂ mi₂güü₃. Ia₁ caun₂ bá₄ ma₂'ei₅ dsí₃ a₂dsia₅₄ já₃ quian'₅₄ dsa₂ i₂le₂'éi₂. ³ Dsón'₂ bá₄ jaun₂ dsa₂ mi₂güü₃ bá₄ lág₅ jnia'₅₄ tē₁lia'₂ chong₂ la₂. La₁ tsá₃ cá₂'g'₂ jnia'₅₄ jui₁lia'₂ quín'₂ dsa₂ mi₂güü₃. ⁴ Ia₁ on₃jua'₅₄ quian'₅₄ ni₁ηí₁ cá₂'g'₂ jnia'₅₄, jui₁lia'₂ ni₁ηí₁ a₂qui₂jmó'₂ ta₁ dsa₂ mi₂güü₃, jui₁lia'₂ jē₁quín'₂ jmo₂₃ 'nei₂; quian'₅₄ bí₂ quió'₅ Diú₄ bá₄ cá₂'g'₂ jnia'₅₄, a₂jaun₂ bá₄ 'nió'₄ ηí₁ quián'₂ jnia'₅₄ a₂'io₅ bí₂ quió'₅ Diú₄ a₂qui₂le₃juin₃ ca₂le₃jé₃ a₂bén₂ a₂niog₅ tíong₂ quió'₅ i₂sē₃dsen₃. ⁵ Le₂nē₅ bá₄ ma₂ja₂náu₅ jnia'₅₄ ma₂tián₃ ma₂jne₅₄ jnia'₅₄ ca₂le₃jé₃ 'e₂ niog₅ 'ag₅ dsa₂ ja₁con₂ Diú₄, jui₁lia'₂ dsa₂ i₂jmo₅ rón₂, i₂tsá₃ 'nio₃ le₃cuin₅ Diú₄. Já₃ bá₄ le₃te₁ jnia'₅₄ le₁'ηe₅ ca₂le₃jé₃ a₂dsi₂jniog₅ dsí₅ dsa₂, ia₁jaun₂ le₃néi'₂ nag₃ gau₂ já₃ quió'₅ Cristo. ⁶ Lia'₂ ma₂tíong₂ jaun₂ bá₄ jnia'₅₄, le₃'ē₅₄ jnia'₅₄ uig₅ ca₂le₃jín₃ i₂tsá₃ já₃ cán₂ i₂tsá₃ ne'₅₄. Le₂jaun₂ bá₄ lé₂ jē₁ma₂rē₂'ηia₅ a₂né'₂ 'nia'₂.

⁷ Caun'₅₄ 'nia'₂ 'í₁ a₂ma₂jniá₂ dsi₁ne₁, jui₁lia'₂ já₃ a₂juá'₄ jniá₂ la₂: chi₂jua'₂ caun₂ 'ei₅ dsí₅ i₂lín₅₄ a₂lín₅ tē₃dsón'₂ i₂quián₅ Cristo, ca₂tín₂ le₃ηi₅, jnia'₅₄ guē'₂ né₃ dsón'₂ bá₄ lág₅ i₂quián₅ Cristo já₃. ⁸ Mei'₂ tsá₃ lín'₂ 'nia'₂ a₂juá'₅ jniá₂ ηag₅₄ jui₁lia'₂ con'₂ ta₁ a₂lág₅ jnia'₅₄. La₁ on₃jua'₅₄ a₂gui'₅₄ jniá₂ já₃ a₂juá'₅, ia₁ a₂ca₂tín₂ bá₄ jniá₂ juá'₄, ia₁ 'ηiog₅ bá₄ Te₁gui'₅₄ ma₂cuē₃ 'éi'₃ a₂qui₂jme₁'an₂ 'au'₂ 'nia'₂ a₂dse₃ jmo₃ ta₁ a₂qui₂dsi₃cón₃ jme₂dsí₂ quián'₂ 'nia'₂. On₃jua'₅₄ rē'₂ tē₂le₃ a₂lé₂ tsi₁rē₂jan'₅₄ 'nia'₂. ⁹ Tsá₃ o₁len'₂ 'nia'₂ jua'₅₄ 'nio₃ jniá₂ quiang₅₄ jué'₅ 'nia'₂ quian'₅₄ si₂ a₂jmo₅ jniá₂. ¹⁰ Juá'₂ bá₄ i₂lín₅₄ 'ηio₅ bén₂ já₃ quió'₃ tio'₅₄ ne₄ si₂, la₁ jan₂ dsa₂ 'uan₅₄ bá₄ lín₅ jui₁lia'₂ jme₁'eng₅₄ jē₄ quián'₂ 'nia'₂, jaun₂ lín₂ a₂tsá₃ lín₄ ta₁ tí₄ já₃ quió'₃ a₂dsia₂₃ dsi₁ne₁. ¹¹ Jui₁le₂ηí'₂ bá₄ dsa₂ i₂le₂'éi₂, jui₁lia'₂ lé₅ já₃ quián₂ jnia'₅₄ a₂tio'₅₄ ne₄ si₂, jui₁'e₂ gué'₃ uíng₂ tio'₅₄ jnia'₅₄, le₂jaun₂ dsón'₂ jmo₂ bá₄ jnia'₅₄ jme₁tio'₅₄ quian'₅₄ 'nia'₂ já₃.

¹² Ia₁ tsá₃ tiá₂ dsí₅ jnia'₅₄ 'ín₄ dse₃ guio₅₄, on₃ guē'₂ a₂quin₅₄ jnia'₅₄ quian'₅₄ i₂lín₅₄ i₂jme₂juin'₂ guioin₅₄ le₂jaun₂. La₁ 'éi₂ né₃ jme₁con₂ 'í₁ chi₂jua'₂ co₂ríin₂, quín₂₃ guioin₅₄ quian'₅₄ ríin'₅₄, tsá₃ 'an₂ dsí₅ chain₂. ¹³ Jaun₂ tsá₃ dsiá₁ jnia'₅₄ já₃ tá'₅ ηag₅₄ gué'₄ con'₂ gué'₄ ja₁ca₂tág₂. Con'₂ jaun₂ bá₄ jmo₂ jnia'₅₄ con'₂ lé₅ 'éi'₃ ca₂cuē₃ Diú₄ a₂jmó₁. Jaun₂ 'éi₂ bá₄ ca₂jmo₃ 'éi'₃ a₂dsi₁náu₅ jnia'₅₄ tē₂go'₅₄ 'nia'₂. ¹⁴ Jaun₂ tsá₃ o₁len'₂ 'nia'₂ jua'₅₄ jnia'₅₄ i₂nio₄ tē₂ ja₁tsá₃ ma₃dsi₂ten₅₄ i₂nio₁. Le₂nē₅ jme₁lé₂ jua'₅₄ mei'₂ gué'₃ tsá₃ ma₂ca₂dsi₃náu₅ jnia'₅₄ ca₂tē₂ ja₁tion'₅₄ 'nia'₂. Dsá₂ 'au'₂ 'nia'₂ jmo₄, jnia'₅₄ bá₄ i₂le₂'uig₅₄ i₂can₁ já₃ dse₃ la₂ quió'₅ Cristo jin'₄ 'nia'₂. ¹⁵ Tsá₃ dsiá₁ jnia'₅₄ já₃ tá'₅ ηag₅₄ gué'₄ quian'₅₄ ta₁ quió'₅ i₂sián'₂. Jηia'₅₄ lia'₂ a₂jaun₂ bá₄ 'ín₂ dsí₅ jnia'₅₄, jē₁ma₂'én'₂ gué'₄ 'nia'₂, jaun₂ 'ag₃ caun₂ já₃ quian'₅₄ 'nia'₂,

ia₁jaun₂ lé₂ dsi₃cón₃ gué₄ ta₁ quián₂ jnia'₅₄, o₄quió'₄ Diú₄, ¹⁶ ia₁jaun₂ lé₂ le₃dsau₅₄ uíng₂ a₂ngag₅₄ gué₄ ja₁tion'₅₄ 'nia'₂ qui₂dsi'₁é₄ jág₁ dse₃. La₁ tsá₃ dsi₁jmo'₁ jnia'₅₄ rón₂ quian'₅₄ ta₁ a₂ma₂niog₅ ma₂jmo₃ dsa₂ sián'₂.

¹⁷ La₁ jui₁lia'₂ juá'₂ ne₄ Si₂: "Jui₁lia'₂ dsa₂ i₂dsia₅ jág₁ tá'₅, jui₁dsia₁₂ jág₁ tá'₅ le₃quió'₅ Te₁gui'₅₄."* ¹⁸ Ia₁ on₃jua'₅₄ dsa₂ i₂in₅ dse₃ 'niog₅, chén'₅ dse₃, tē₂le₃ i₂in₁ dse₃ quió'₅ Te₁gui'₅₄ bá₄.

11

Juá'₂ Pa₄ 'iin₂₃ dsa₂ i₂jme₂tag₅ jág₁ jui₁gain₂

¹ Jme₁'nio₃ jniá₂ jua'₅₄ jmo'₂ bá₄ 'nia'₂ tió'₃ 'au'₂ quian'₅₄ jág₁ quió'₃ la₂, a₂nē₃ gué₄ juá'₄, a₂lé₅ lia'₂ lé₅ jág₁ quió'₅ dsa₂ i₂tsá₃ 'en₅₄ dsí₅. La₁ jmo₄ bá₄ 'nia'₂ juin'₂ 'au'₂.

² Ia₁ 'nio₅ lin₃ dséi₅ jniá₂ quian'₅₄ 'nia'₂, a₂lé₅ dsi₃ dséi₅ o₄quió'₄ Diú₄. Ia₁ jniá₂ bá₄ ma₂ca₂jmo₃ jág₁ a₂jme₁jnia₅ jniá₂ 'nia'₂ co₂'nió'₄ dsa₂ dsen₃, i₂le₁jé₃ jme₂dsí₂ quió'₅, ne₄ Cristo, jui₁lia'₂ jan₂ jmei₂ chi'₂ dsa₂ mi₄ jme₂jniai₂₃ ja₁míg₄ ne₄ i₂lé₅ jág₁ i₂lé₂ dsi₂i₂gu₂.

³ La₁ gó₅ jniá₂ ia₁ con'₂ tsá₃ njó₅ nē₁ca₂rē₃gán'₃ 'nia'₂ jme₃gau₅ dsa₂ quian'₅₄ mai₅₄ quió'₅, jui₁lia'₂ ca₂i₃ñí₂ Eva ca₂jme₃gau₅ dsi₂mi'₂, nē₁ca₂i₃uín₂ cau₅ 'a₂ lia'₂ dsi₂jio₅ 'au'₂ 'nia'₂,

a₂qui₂le₁jé₃ 'au'₂, a₂rē₂teng'₅₄ le₃quió'₅ Cristo. ⁴ Ia₁ ma₂ja₂nó'₅ 'nia'₂ qui₂guéng'₅ rē₂ dsa₂ i₂tē₁ja₂lén₂ jme₂tag₅, la₁ le₂siá'₂ bá₄ 'iin₂₃ Jesús, tsá₃ lé₅ jág₁ quió'₅ lia'₂ con'₂ lé₅ jág₁ a₂ma₂gue'₅₄ 'nia'₂ le₂jñiá₅ quió'₅ Jesús. Jaun₂ le₂nē₅ bá₄ ma₂guen'₅₄ táng₃ 'nia'₂ jme₂dsí₂ sián'₂, on₃jua'₅₄ i₂quián₅ Diú₄ i₂jme₁ma₂guen'₅₄ 'nia'₂. jDse₃ bá₄ jmo'₂ 'nia'₂ tió'₃ 'au'₂

quian'₅₄ jág₁ a₂rē₂tsín₄ gué₄, a₂tsá₃ lé₅ con'₂ lé₅ jág₁ dse₃ a₂lió₂ a₂jme₁ma₂nei'₂ 'nia'₂! ⁵ La₁ jniá₂ né₃, tsá₃ líng₂ jua'₅₄ a₂me'₂ gué₄ quen₅ jniá₂, jua'₅₄ ca₂jui_g₄ gué₄, lia'₂ con'₂ gué₄ dsa₂ 'éi₂ i₂ñí₄ lē₃ jme₂can'₅₄ guion₅₄ a₂jmo₂₃ a₂lín₅ dsa₂ i₂chen₄ quián₅ Cristo. ⁶ O₁jñia'₅₄ tsá₃ lín₄ dse₃ 'niag₂ jág₁, la₁ tsá₃ 'e₂ lé₅; la₁ niog₅ bá₄ dsi₃. Ma₂ca₂jme₁jnia₅ bá₄ jniá₂ ca₂le₃jé₃ ja₁con'₂ 'nia'₂.

⁷ ¿O₃ bá₄ lín'₂ 'nia'₂ a₂ca₂'no₃ jniá₂ dso₄ ia₁ ca₂dsióg₃ ca₂jmo₃ meg'₂ a₂ca₂chon'₄ jniá₂ 'nia'₂ jme₁ca₂'é₃ jniá₂ jág₁ dse₃ a₂lión'₂ 'nia'₂, ia₁ tsá₃ 'lia'₅₄ ca₂can₃ jniá₂? ⁸ Guá'₅ ja₁siá'₂ bá₄ i₂ca₂jme₃'o₅₄, co₂'nió'₄ a₂ca₂can₃ jniá₂ cu₄ quió'₅, ia₁jaun₂ le₃jmo'₂ ta₁ a₂le₃ti₃ ta₁ ja₁con'₂ 'nia'₂.

⁹ Lia'₂ con'₂ jme₁'eng₅₄ quian'₅₄ 'nia'₂, dsón'₂ bá₄ ca₂rē₃'nió'₅ quió'₃ le₂jaun₂, la₁ tsá₃ 'e₂ guei₂ ca₂cué₃ jniá₂ 'i₁jan'₂ 'nia'₂. Ia₁ dsa₂ rin'₅₄ jniog₄ i₂chan₂ Macedonia la₂ bá₄ ca₂i₁lein₅₄ juig₂ Corinto nē₅, ca₂i₁can₅ a₂tsá₃ cha₂ quió'₃ lia'₂ con'₂ jme₁chi₁quian₁₂ jniá₂ jmig₄. Qui₂ca₂jmo₃ bá₄ jniá₂ 'í₁ jaun₂ tsá₃ 'ein₂ 'nia'₂ cán'₁ guei₂ o₄quió'₃ jniá₂, jaun₂ caun₂ jmo₅₄ bá₄ jniá₂ 'í₁ jaun₂. ¹⁰ Jaun₂, o₄quió'₄ jág₁ tí₅ dsón'₂ quió'₅ Cristo a₂'i₄ dsi₃, juá'₅ jniá₂, 'i₁jan₂ tsá₃ lé₂ jné₃ jua'₅₄ a₂tsá₃ lé₂ juá'₄ jniá₂ con'₂ 'nio₂ dsi₃ le₂tan₅₄ 'uē₃ Acaya. ¹¹ ¿E₂ lē₃ juá'₅ jniá₂ le₂nē₅, lín'₂ 'nia'₂? ¿O₃ bá₄ ia₁ a₂tsá₃ 'nió₃ jniá₂ 'nia'₂? Ñi₅ bá₄ Diú₄, a₂'nióg₃ bá₄ 'nia'₂.

¹² Jaun₂ caun₂ jmo₅₄ bá₄ jniá₂ a₂ma₂guio₃ jmo₂₃, ia₁jaun₂ jni₃ jui₅ quió'₅ jui₁lia'₂ i₂i₂nio₄ nē₅ a₂'nio₃ dsia₃ jág₁ tá'₅ jmo₂₃ dsí₅ a₂lé₅ rē₂ ta₁ quió'₅, jui₁lia'₂ lé₅ ta₁ quián₂ jnia'₅₄. ¹³ Ia₁ dsa₂ i₂le₂'éi₂ né₃ lín₅ dsa₂ i₂chen₄ i₂jui₁gan₂. A₂jmo₂₃ ta₁ a₂jñia'₅₄ jme₂gau₂₃, a₂qui₂jmoí'₂ a₂jmo₂₃ lín₅ dsa₂ i₂chen₄ quián₅ Cristo. ¹⁴ On₃jua'₅₄ a₂dsi₂gó'₃ dsi₅, ia₁ le₂jio₅ 'niog₅ i₂sē₃dsen₃ qui₂jmoí'₂ a₂jmo₂₃ lín₅ jan₂ ángel i₂jñiá₂ táng₅. ¹⁵ Uig₅₄ jaun₂ né₃, le₂jaun₂ bá₄ lé₅ jui₁lia'₂ quian'₅₄ dsa₂ i₂jme₂ti₃ ta₁ ne₄ 'éi₂: qui₂jmoí'₂ a₂jmo₂₃ lín₅ lia'₂ lín₅ i₂jme₂ti₃ ta₁ ne₄ a₂dse₃, con'₂ dsi₂ten₅₄. La₁ jē₁ca₂tó'₂ bá₄ dsi₃guéi₃ con'₂ lé₅ ca₂tíin₂ co₂niog₅ lé₅ jmo₂₃.

'A₂ lia'₂ niog₅ lé₅ uig₅ ca₂ngág₃ Pa₄ ne₄ ia₁ a₂lín₅ dsa₂ i₂chen₄ quián₅ Cristo

¹⁶ Con'₂ siá'₂ juig₂ 'nia'₂: tsá₃ o₁len'₂ 'nia'₂ jua'₅₄ tē₃dsón'₂ líng₅ dsa₂ co₄. La₁ o₁jñia'₅₄ 'ein₂ guē'₂ jmo₅ dsí₅ a₂líng₅ le₂nē₅, la₁ guei₅₄ jniá₂ nē₂jag₄ bá₄ a₂líng₅ dsa₂ co₄, ia₁jaun₂

* 10:17 Jeremías 9:24.

lé₂ dsia₅₄ ca₂la₂ jág₁ tá'₅. ¹⁷ Jui₁lia'₂ juá'₅ jniá₂, on₃jua'₅₄ lia'₂ con'₂ lé₅ 'nio₃ Te₁gui'₅₄, lia'₂ jë₁të₂'i₅ jan₂ dsa₂ co₄ bá₄ juá'₅ jniá₂, jmo₅₄ róng₂, co₂'nió'₄ caun₂ bá₄ 'ei₅ dsi₃. ¹⁸ Jui₁lia'₂ juin₅ lin₃ i₂chan₂ dsia₅ jág₁ tá'₅ quian'₅₄ cosa a₂cha₂ mi₂güig₃ la₂, ján₃ bá₄ le₂jaun₂ guë'₂, la₂ dsia₅₄ jniá₂ jág₁ tá'₅. ¹⁹ 'Uig₅₄ ia₁ a₂ñag₅₄ ñi'₅₄ bá₄ 'nia'₂, jaun₂ 'ñio₂ bá₄ 'au'₂ 'nia'₂ jmo'₂ tió'₃ 'au'₂ quian'₅₄ dsa₂ co₄. ²⁰ Ia₁ jmo'₂ bá₄ 'nia'₂ tió'₃ 'au'₂ quian'₅₄ dsa₂ i₂chi₂quióng₂ jmig₄ tion₅₄-jan₃, dsa₂ i₂guë'₅ ta₁ 'ua'₂ quián'₂ 'nia'₂, dsa₂ i₂jo₅ quián'₂ 'nia'₂, dsa₂ i₂jmo₅ can'₅₄ ne₄ quián'₂ 'nia'₂, dsa₂ i₂qui₂jno₂ quián'₂ 'nia'₂ né₃. ²¹ 'An₁ lín'₂ 'nia'₂ a₂lág₅ jnia'₅₄ dsa₂ 'uan₅₄ ia₁ a₂tsá₃ 'ein₂ jnia'₅₄ tiá₂ dsí₅ jmo₃ le₂në₅ ja₁con'₂ 'nia'₂. 'An₁ le₃jéin₄ jniá₂ o₂guí'₃ bá₄ ia₁ a₂juá'₅ a₂lín₅ dsa₂ 'uan₅₄.

La₁ chi₂jua'₂ tiá₂ bá₄ guë'₂ dsí₅ i₂sián'₂ dsia₃ jág₁ tá'₅, ján₃ bá₄ tiá₂ dsi₃ jniá₂ jmo₅₄ le₂jaun₂. (La₁ juá'₅ jniá₂ lia'₂ ja₁juá'₂ jan₂ dsa₂ co₄.) ²² ¿'E₂? ¿Jmá'₃ dsa₂ 'éi₂ bá₄ i₂tin₂ dsia₃ jág₁ jmei₅ hebreo? Já₃ bá₄ tin₂ jniá₂ táng₃. ¿Jmá'₃ dsa₂ 'éi₂ bá₄ lín₅ dsa₂ israelitas? Já₃ bá₄ 'éi₂ guë'₂ jniá₂ já₃. ¿'E₂? ¿Jmá'₃ lia'₂ dsa₂ 'éi₂ bá₄ lín₅ tsi₁jon₂ Abraham? Já₃ bá₄ 'éi₂ guë'₂ lín₅ jniá₂. ²³ ¿Jmá'₃ dsa₂ 'éi₂ lín₅ dsa₂ i₂jme₂ti₃ ja₁con₂ Cristo? Tson₂ bá₄ guë'₄ lín₅ jniá₂, ia₁ 'ñio₅ lin₃ guë'₄ ma₂guio₃ jme₂ti₅₄ ja₁con₂ Cristo lia'₂ con'₂ guë'₄ dsa₂ 'éi₂. (A₂lë₁juá'₅ bá₄ jniá₂, lia'₂ lë₁të₂'i₅ dsa₂ ñá₅.) Ia₁ tson₂ lin₃ guë'₂ ma₂guio₃ jmo₂₃ ta₁ jme₂ti₅₄; ia₁ 'lióng₂ guë'₄ 'mi₅ ma₂qui₂ma₂can₃ jniá₂ lia'₂ con'₂ guë'₄ dsa₂ 'éi₂; ma₂qui₂ma₂'ú₃ 'lióng₂ lin₃ ráun₂ né'₃ 'má₃ né₃; 'lióng₂ ráun₂ ma₂i₂ñig₂ jnia'₅₄ mei'₂ tsá₃ ma₂jong₃. ²⁴ Con'₂ 'ñiá₂ ráun₂ ma₂ca₂bóg₂ dsa₂ judíos jmá'₃ guióg₂-guia₃-né₂ ráun₂ lia'₂ co₂ráun₂. * ²⁵ 'Nag'₂ ráun₂ guë'₂ ma₂bóg₂ dsa₂ quian'₅₄ ni₁'ma₂; co₂ráun₂ guë'₂ ca₂cuë₃ cang₄ tioen'₅₄. 'Nag'₂ ráun₂ guë'₂ ne₄ jmi₁ñi'₄ ca₂i₃ñig₂ ca₂'en₃ ni₁barco a₂jme₁'eng₅₄. Co₂ráun₂ guë'₂ ca₂ñig₅ co₂jmig₄ co₂nei₅ dsi₂jo₂ jmi₁ñi'₄ né₃. ²⁶ 'Lióng₂ ráun₂ dsi₂jui₅ ja₁ma₂qui₂i₁ñi₃, ma₂ca₂i₃ñig₂ a₂go'₂ ia₁ te₁'i₁ cuá₃, a₂go'₂ ia₁ a₂chan₂ dsa₂ 'ang₂, a₂go'₂ rë'₂ a₂jo₅₄ dsa₂ go₃, a₂go'₂ jo₅₄ dsi₂ñau₂, a₂go'₂ rë'₂ 'eng₅₄ ciudad, a₂go'₂ jë₁ma₂ñig₅ má'₂ ja₁co₂'ñiog₅, a₂go'₂ jë₁ma₂ñig₅ ne₄ jmi₁ñi'₄, a₂go'₂ rë'₂ quian'₅₄ dsa₂ i₂jui₁gan₂ i₂jmo₅ lín₅ rin'₅₄ jniog₄, ²⁷ jë₄ ta₁ 'ua'₂ lin₃, jë₄ ma₂ca₂'ú₃ lin₃, jë₄ jme₁tsá₃ güing₂₃, jë₄ i₁cón₅ rë₂quein₂ dsi₃, jë₄ jme₁lin₂ a₂tsá₃ cha₂ a₂guë'₅₄, jë₄ jein₂ güig₂, jë₄ a₂tsá₃ 'e₂ cha₂ qui'₄ né₃.

²⁸ Cha₂ guë'₄ caun₂ siá'₂ táng₃ a₂chang₂ ca₂le₃jé₃ jmig₄ a₂'i₅ dsi₃ o₄quió'₄ ca₂le₃jé₃ guá'₅. ²⁹ ¿'Ein₂ 'éi₂ i₂'uan₅₄, jniá₂ guë'₂ tsá₃ 'uang₅₄? ¿'Ein₂ 'éi₂ i₂ca₂tán'₂ dso₄ a₂'uin₄ i₂sián'₂, jniá₂ guë'₂ tsá₃ 'e₂ i₂me'₂ dsi₃? ³⁰ Në₁jua'₂ ca₂tíng₂ dsia₅₄ jág₁ tá'₅, jaun₂ dsia₅₄ jniá₂ jág₁ tá'₅ të₂le₃ ne₄ ca₂le₃jé₃ a₂cuë₅ léi₄ a₂lín₅ jan₂ dsa₂ 'uan₅₄. ³¹ Diú₄ Jmei₂ Jesucristo Te₁gui'₅₄ quián₂ jniog₄ bá₄ i₂ca₂tín₂ jme₂juin'₂ dsa₂ co₂tan₅₄, 'éi₂ bá₄ ñi₅ a₂dsau₅ bá₄ jág₁ quió₃. ³² Lia'₂ con'₂ jme₁'eng₅₄ juig₂ Damasco, i₂lín₅ dsi₄má'₂ ja₁jaun₂ i₂jme₁jme₂ti₃ ne₄ Rag₅₄ Aretas, ca₂jmo₃ 'éi'₃ a₂ca₂jmo₃ dsa₂ 'í₁ o₄jui₅ ia₁ jme₁tsáun'₂ jme₁dsi₃tió₃ né'₃ 'má₃. ³³ La₁ jui₅ siá'₂ bá₄ ca₂sió₂ rin'₅₄ jniog₄, 'eng₅₄ 'ñió'₃ tsi₁mi'₂ ca₂sió₂ të₂'ua₁ jui₅ dso'₂ ni₁'ia'₂ a₂rë₂juí₄ le₃lág'₃ juig₂; le₂në₅ bá₄ ca₂lóng₂ o₄gú₃ 'éi₂. †

12

Jui₁lia'₂ a₂ma₂ca₂jme₃jnia₅ Te₁gui'₅₄

¹ Tion₅₄ caun₂ dsia₅₄ jniá₂ jág₁ tá'₅. Jui₁'e₂ guë'₃ tsá₃ ta₁ jmo₃, caun₂ juá'₄ jniá₂ jui₁lia'₂ a₂ca₂jéin₃ jniá₂ a₂ma₂jág₃, jui₁lia'₂ a₂ma₂ca₂jme₃jnia₅ Te₁gui'₅₄ né₃. ² Cuíng₅ jan₂ dsa₂ i₂'ei₅ caun₂ jág₁ quian'₅₄ Cristo, ma₂guia₃-quén₂ ñi₂ ca₂uíg₂ jui₅ guei'₅₄ ca₂të₂ ja₁guá₄ Diú₄. * (A₂jaun₂ bá₄ tsá₃ guion₄ jniá₂ jua'₅₄ a₂ñe₄ lia'₂ jma₃quian'₅₄ ni₁ñi₁₂, o₃ jmá'₃ jme₂dsí₂ quió'₅ 'e₂. La₁ jñia'₅₄ lia'₂ 'ñiog₅ bá₄ Diú₄ ñi₅.) ³ La₁ guion₄ jniá₂, chan₂ jan₂, (jñia'₅₄ lia'₂ a₂jaun₂ bá₄ tsá₃ guion₄ jniá₂ chi₂jua'₂ ca₂ñei₅₄ chi₁dsáin₃, o₃ jmá'₃ jme₂dsí₂ quió'₅ 'e₂ ca₂dsióg'₃

* 11:24 lit. "jmá'₃ të₂láu₃ ráun₂ tsá₃ tí₅ caun₂, lia'₂ co₂ráun₂." † 11:33 'Nio'₂ ja₁ton₅ Hechos 9:25. * 12:2 lit. "ca₂të₂ guei'₅₄ i₂juíg₃ jë₁ca₂të₂ 'nag'₂."

ja₁jaun₂. J_{nia}'₅₄ lia'₂ 'ηiog₅ bá₄ Diú₄ ηi₅); ⁴ jan₂ i₂ca₂ron'₂ ca₂tē₂ Ja₁jlá'₁† ja₁ca₂nág₂ jág₁ a₂tsá₃ lé₂ le₃jmog'₅₄ on₃ gué₄ 'i₄ 'éi'₃ dsia₃ dsa₂ mi₂güig₃. ⁵ O₄quió'₄ jan₂ dsa₂ le₂'éi₂ bá₄ lé₂ dsia₅₄ jniá₂ jág₁ tá'₅, on₃jua'₅₄ o₄quió₃ 'ηió₃ jmo₂₃ táng'₅, j_{nia}'₅₄ lia'₂ o₄quió'₄ a₂'uan₅₄ bá₄ jniá₂. ⁶ O₁j_{nia}'₅₄ la₂ 'nio₃ jniá₂ dsia₅₄ jág₁ tá'₅, on₃jua'₅₄ dsa₂ co₄ lín₅ jniá₂, ia₁ jág₁ tí₅ dsón'₂ bá₄ a₂juá'₅ jniá₂. La₁ cáun₄ bá₄ dsí₃ tsá₃ jmo₅₄ le₂jaun₂, ia₁jaun₂ tsá₃ le₃lín₂ dsa₂ jua'₅₄ jniá₂ lín₅ ηag₅₄ gué₄ lia'₂ con'₂ niog₅ a₂ma₂nág₂ a₂qui₂ma₂té₂ ne₄ dsa₂ a₂jmo₅ jniá₂ 'e₂ jmo₂₃.

⁷ Jág₁ a₂ca₂rē₃jniá₂ jaun₂ lé₅ caun₂ jág₁ jlá'₁ jmá'₅ a₂lé₂ le₃jme₁jmo₅₄ jniá₂ róng₂ jua'₅₄ mei'₂ gué₃ le₂jaun₂. La₁ ca₂jéin₃ uig₅ nē₂jag₄ bá₄ a₂i₃'i'₅₄ ni₁taun₅ ca₂lē₃ ni₁ηi₃, co₂'nió'₄ i₂chen₄ quián₅ i₂sē₃dsen₃ bá₄ caun₂ qui₂bóg₂, ia₁jaun₂ tsá₃ jmo₅₄ jniá₂ róng₂ i₁juin₅₄ ηag₅₄. ⁸ 'Ni₅ ráun₂ ma₂ca₂chi₁len'₄ jniá₂ Te₁gui'₅₄ a₂jme₃'lió₂ j_{nia}'₄ jmi₁uig₅ a₂quian₅₄. ⁹ La₁ ca₂juá'₂ Te₁gui'₅₄ tság₅ jniá₂: “Tió'₅ bá₄ a₂'ua₁ dsí₃ ja₁con'₂ 'ne₂, ia₁ rē₂'ηia₅ jui₅bí₂ quió₃ jui₁lia'₂ jme₁'uan₅₄ dsa₂.” Jaun₂ 'io'₂ jéin₅ bá₄ ia₁ a₂'uang₅₄, ia₁jaun₂ le₂jniá₂ jui₅bí₂ quió'₅ Cristo le₃ja₁con₂ jniá₂. ¹⁰ Jaun₂ tē₅ bá₄ dsí₃ a₂'uang₅₄ quian'₅₄ ca₂le₃jé₃ a₂dsi₂ηíg₂: a₂juá'₂ dsa₂ uig₅, quian'₅₄ gué₄ ca₂le₃jé₃ a₂chang₂, cha₂ a₂qui₂tsá₃ tín'₂ quió₃. A₂chang₂ a₂co₂'ein₅ dsa₂, ca₂le₃jé₃ gué₄ o₂i₁ dsí₅ a₂dsi₂ηíg₂ o₄quió'₄ Cristo. Ia₁ jui₁lia'₂ jme₁'uang₅₄, tē₂le₃'uan'₂ bá₄ jniá₂ le₃ja₁con₂ Diú₄.

'ηio₅ lín₃ 'i₅ dsí₅ Pa₄ o₄quió'₄ guá'₅ chan₂ jui₂g₂ Corinto

¹¹ Ma₂nē₂dsia₃ lia'₂ ja₁dsia₅ jan₂ dsa₂ co₄, ia₁ ma₂nē₂'íng₃ dse₃ 'ηió₃, la₁ guion'₅₄ bá₄ 'nia'₂ chi₂quiong'₅₄ jmi₂g₄. Ia₁ 'nia'₂ bá₄ jme₁ca₂tíng'₂ jme₁'ág'₄ dse₃ jniá₂, ia₁ tsá₃ 'e₂ me'₂ quen₅ jniá₂ lia'₂ con'₂ gué₄ dsa₂ i₂chen₄ 'éi₂ i₂ηí₄ lē₃ jme₂can'₅₄ guion₅, jui₁'e₂ gué₃ tsá₃ 'e₂ quen₅ jniá₂. ¹² Dsón'₂ bá₄ ma₂ca₂rē₃jniá₂ léi₄ a₂lín₅ dsa₂ i₂chen₄ quián₅ Cristo jē₄ quián'₂ 'nia'₂, jē₄ ca₂le₃jé₃ a₂juin'₂ dsí₃: léi₄ a₂dsi₂gó'₃ dsí₅, quian'₅₄ jui₅bí₂ jlá'₁ né₃. ¹³ Tsá₃ sion₅ ma₂jín₄ jniá₂ 'nia'₂ lia'₂ con'₂ gué₄ guá'₅ sián'₂, j_{nia}'₅₄ lia'₂ jniá₂ 'ηió₃ tsá₃ 'e₂ guei₂ ma₂ca₂cué₃ jniá₂ 'nia'₂. †Én₃ 'nia'₂ dso₄ quió₃ chi₂jua'₂ tsá₃ dse₃ ca₂jmo₃ jniá₂ ja₁con'₂ 'nia'₂!

¹⁴ Ma₂chang₂ bá₄ co₂j_{nia}g₅₄ a₂dsi₂óg₄ i₁jíng₁₂ 'nia'₂ jē₁ca₂té₂ 'nag'₂ ráun₂, jaun₂ tsá₃ lé₅ jua'₅₄ a₂i₁cué₃ 'nia'₂ guei₂. Ia₁ tsá₃ ta₁ jaun₂ ηi₅ jniá₂ jua'₅₄ a₂'ín₅ dsí₃ a₂cha₂ quián'₂ 'nia'₂; guion'₅₄ bá₄ 'nia'₂ 'nió₃ jniá₂. Ia₁ guion₅₄ bá₄ jui₁lia'₂ chog₅₄-jmei₂ chi'₂ ca₂tíin₂ 'no₃ cu₄ a₂qui₂dsi₃ηí₂ quian'₅₄ chi'₂-guein₂ quián₅, jaun₂ on₃jua'₅₄ rē'₂ chi'₂ ca₂tín₂ 'no₃ a₂dsi₃ηí₂ quian'₅₄ chog₅₄-jmei₂. ¹⁵ Jaun₂ jniá₂ né₃, 'ηio₂ bá₄ dsí₃ qui₁'éng₄ a₂cha₂ quió₃, ton'₂ 'ηio₂ bá₄ dsí₃ jme₁dsiang₅ dsí₃ o₄quió'₄ jme₂dsí₂ quián'₂ 'nia'₂. Chi₂jua'₂ jaun₂, ia₁ tē₂le₃ lé₅ gué₄ 'nió₃ jniá₂ 'nia'₂, ¿a₁tē₂le₃ me'₂ bá₄ 'nió₃ 'nia'₂ jniá₂ jaun₂ né₃?

¹⁶ Jui₁'e₂ gué₃ dsau₅ a₂tsá₃ 'e₂ guei₂ ca₂cué₃ jniá₂ 'nia'₂, la₁ 'ηio₄ bá₄ jniá₂, juá'₂ 'nia'₂, a₂ca₂jón₃ jniá₂ 'nia'₂ quian'₅₄ mai₅₄ quió₃. ¹⁷ ¿O₃ bá₄ lín'₂ 'nia'₂ a₂'lig'₅₄ ca₂lág₃ jniá₂ quian'₅₄ dsa₂ i₂ca₂tsíng₂ ne'₅₄ 'nia'₂? ¹⁸ Ca₂mi₃ bá₄ jniá₂ ne₄ Tito a₂jmo₃ dse₃ dsí₅ a₂ca₂ηei₅₄ ja₁con'₂ 'nia'₂, ton'₂ ca₂tsín₂ jniá₂ ján₃ jan₂ rin'₅₄ jniog₄ i₂quian'₅₄. Jaun₂, ¿O₃ bá₄ ca₂jme₃gau₅ 'éi₂? ¿O₃ bá₄ tsá₃ 'én'₂ 'e₂ 'nia'₂ a₂ma₂ja₂náu₅ jniá₂ co₂dsia₅ quian'₅₄, jmo₂ ta₁ co₂rē₂ quian'₅₄, ton'₂ jan₂ bá₄ Jme₂dsí₂ i₂quiong'₅₄ táng₃?

¹⁹ 'An₁ mei'₂ tsá₃ caun₂ lín'₂ bá₄ gué₄ 'nia'₂ a₂j_{nia}'₅₄ con'₂ 'niog₂ jnia'₅₄ lion₄ guio₅₄ ne'₅₄ 'nia'₂. La₁ jág₅ bá₄ Diú₄ tsá₃ le₂jaun₂ dsí₂jio₅ dsí₅ jnia'₅₄. Jág₁ tí₅ bá₄ chei₂ jnia'₅₄ 'nia'₂ ne₄ Cristo. La₁ jē₄ ca₂le₃jé₃ a₂nē₅ a₂dse₃ ia₁jaun₂ qui₃dsi₂cón'₃ 'nia'₂ tē₂le₃ quió'₅ jme₂dsí₂, 'nia'₂ rin'₅₄ jniog₄ i₂'nióg₃ gué₄ lín₃. ²⁰ Ia₁ gó₅ jniá₂ con'₂ tsá₃ ηó₅ nē₁jua'₂ tsá₃ dse₃ tion'₅₄ 'nia'₂ lia'₂ con'₂ lé₅ 'nio₃ jniá₂, jē₁ma₂ca₂dsi₂óg₃, ján₃ bá₄ le₂jaun₂ nē₁jua'₂ tsá₃ ca₂jjein'₂ 'nia'₂ jniá₂ lia'₂ con'₂ 'niog₂ 'nia'₂ gué'₂ táng₃. Ia₁ gó₅ jniá₂ nē₁jua'₂ tion'₅₄ 'nia'₂ a₂tsá₃ jen'₂ 'nia'₂ quian'₅₄ ríng'₂; nē₁jua'₂ tion'₅₄ 'nia'₂ uig₅ 'au'₂ jíng'₅₄ ríng'₂; nē₁jua'₂ ca₂rē₃'né'₂ 'nia'₂ co₂tiá₂; nē₁jua'₂ 'ua'₂ 'au'₂ 'nia'₂ tion₅₄; nē₁jua'₂ qui₂tsín'₂ 'nia'₂ 'lig'₅₄

† 12:4 griego: paradeiso (Paraíso).

ríng'²; nē₁jua'² qui₂chi₂'ín'⁵ 'nia'² ríng'²; nē₁jua'² chan₂ i₂qui₂jmo₅ rón₂; nē₁jua'² tion'⁵⁴ 'nia'² mi'⁵⁴. ²¹ Ján₃ bá₄ gó₅ jniá₂ nē₁jua'² ca₂jmo₃ Diú₄ a₂tē₂tsin'⁵⁴ jniá₂ o₂guí'³ o₄quián'² 'nia'² jē₁ma₂dsióg₃; go'² le₃jiá₃ tiá'³ qui'² dsi₃ 'o₅₄ o₄quió'⁴ i₂ma₂qui₂ma₂náu₂ dso₄ le₂jñiá₅, ton'² tsá₃ 'e₂ ma₂ca₂dsi₃quén'⁵ dsí₅ o₄quió'⁴ a₂'lig'⁵⁴ a₂jmo₅-dsáu₅; a₂nióí'⁵ jág₁ quian'⁵⁴ dsa₂ i₂tsá₃ lín₅ dsi₂i₂gu₂; ca₂le₃jé₃ gué'⁴ a₂'lig'⁵⁴ o₂guí'³ a₂qui₂ma₂jmo₃.

13

'Ág'⁵ Pa₄ jág₁ ton'² 'é₂ gué'⁴ jág₁ tē₃jñiá₅

¹ A₂dsióg₅ 'nag'² ráun₂ a₂i₁jñ₁₂ 'nia'² la₂. “Ca₂le₃jé₃ 'e₂ niog₅ lé₂ jióg'² 'í₁ tē₂le₃ quian'⁵⁴ on₃-ún₂ dsa₂ i₂jáng'³ jág₁ dsau₅.”* ² Ma₂ca₂'é₃ jniá₂ jág₁ tē₃jñiá₅ ne₄ dsa₂ i₂jme₁tián'⁴ 'no₅ dso₄ le₂jñiá₅, ton'² ne₄ ca₂le₃jñ₃ i₂sián'² né₃, ján₃ bá₄ 'é₅ jniá₂ jág₁ a₂'eng₅₄ uíng₂ ja₁con'² 'nia'², jui₁lia'² ca₂jmo₃ jniá₂ lia'² con'² ηeg₅₄ jē₁ca₂té₂ tin₃ ráun₂ a₂i₁jñ₁₂ 'nia'²: nē₁jua'² con'² siá'² ca₂dsióg₃ jniá₂ a₂i₁jñ₁₂ 'nia'², jaun₂ tsá₃ ma₃jmo₅₄ jniá₂ ηéi₂ dsi₃ nē₁jua'² chan₂ gué'⁴ i₂tsá₃ ma₂dsi₂quén'⁴ dsí₅. ³ Le₂jaun₂ jmo₅₄ jniá₂ chi₂jua'² a₂jaun₂ 'niog'² 'nia'² a₂jáng'⁴ jniá₂ léi₄, a₂dsón'² bá₄ juá'² Cristo tsí'⁵ 'nia'² quian'⁵⁴ jág₁ a₂quian₄ jniá₂. Tsá₃ jua'⁵⁴ a₂lín₅ 'uain₅₄ ja₁con'² 'nia'²; 'nió'⁴ tē₂le₃ jme₂jnia₅ bá₄ 'éi₂ a₂'io₂₃ jui₅bí₂ jē₄ quián'² 'nia'². ⁴ Dsón'² bá₄ jaun₂ ca₂tion₃ cróg₄ dsa₂ nē₂jag₄ bá₄ a₂lín₅ jan₂ dsa₂ 'uan₅₄, la₁ rē₂né₃ né₃ chain₂ tē₂le₃ quian'⁵⁴ jui₅bí₂ quió'⁵ Diú₄. Le₂nē₅ bá₄ jui₁lia'² jnia'⁵⁴ táng₃, quian₄ jui₅ jaun₂ a₂jmo₂ jnia'⁵⁴ 'uan₅₄ o₄quió'⁴ 'éi₂, le₂jaun₂ bá₄ le₃chong₂ gué'² jnia'⁵⁴ ja₁con'² 'nia'² quian'⁵⁴ jui₅bí₂ quió'⁵ Diú₄.

⁵ Te₁li₁ 'nia'² ja₁con'² guiong'⁵⁴ chi₂jua'² dsón'² tión'² 'nia'² jui₅ quió'⁵ Te₁gui'⁵⁴. Quion₂ de'² 'nia'² caun₂ 'í₁ le₃ja₁con'² 'nia'² guiong'⁵⁴. ¿Tsa₁ len'⁴ 'nia'², a₂'en₅₄ bá₄ Jesucristo ja₁con'² 'nia'², jaun₂ bá₄ nē₁jua'² tsá₃ tē₁tsin'⁵⁴ 'nia'² 'lig'⁵⁴ nē₁ma₂ca₂quion'² 'nia'² 'í₁ jaun₂? ⁶ La₁ 'ín₂ dsi₃ jniá₂ le₃len'⁴ 'nia'² a₂tsá₃ le₂jaun₂ lág₅ jnia'⁵⁴ jua'⁵⁴ a₂tsá₃ dse₃ tē₃tsag'⁵⁴ jnia'⁵⁴ nē₁ma₂ca₂quion'² 'nia'² 'í₁, jua'⁵⁴ a₂tsá₃ dsau₅ a₂lág₅ jnia'⁵⁴ dsa₂ i₂chen₄ quián₅ Te₁gui'⁵⁴. ⁷ Qui₂mi₂ jnia'⁵⁴ chi₂len'⁴ Diú₄ o₄quián'² 'nia'² ia₁jaun₂ tsá₃ ma₃jmo₄-dsáu'⁴ 'nia'² a₂'lig'⁵⁴. On₃jua'⁵⁴ ia₁jaun₂ tē₃tsag'⁵⁴ jnia'⁵⁴ dse₃, tē₂le₃ ia₁jaun₂ jmó'² 'nia'² a₂dse₃, jui₁'e₂ gué'³ chan₂ i₂lín₂ a₂tsá₃ dse₃ tē₃tsag'⁵⁴ jnia'⁵⁴. ⁸ Ia₁ tsá₃ lé₂ náu₂ jnia'⁵⁴ quein₅ ja₁con₂ jág₁ tí₅, tē₂le₃ tíong₂ bá₄ jnia'⁵⁴ quian'⁵⁴ jág₁ tí₅. ⁹ Jaun₂ tē₂le₃ 'io'² bá₄ jmo₂ jnia'⁵⁴ jme₁lág₄ jnia'⁵⁴ dsa₂ 'uan₅₄, 'nia'² gué'² lín₅ dsa₂ 'uan'². A₂jaun₂ caun₂ chi₂len'⁴ bá₄ jnia'⁵⁴ Diú₄ ia₁jaun₂ len'² 'nia'² co₂ηei'⁵⁴. ¹⁰ Jaun₂ lē₃, jmo₂₃ si₂ carta la₂ tsíng₂ ne'⁵⁴ 'nia'² tē₁lia'² 'eng₅₄ uíng₂, ia₁jaun₂ tsá₃ 'nió'⁵ jua'⁵⁴ a₂jmo₅₄ jniá₂ tsau₂ dsi₃ jē₁ma₂dsióg₃, lia'² con'² lé₅ ta₁ a₂lín₅ a₂ca₂cué₃ Te₁gui'⁵⁴, ia₁jaun₂ tē₂le₃ lei₂ bá₄ jme₂dsí₂ quián'² 'nia'², on₃jua'⁵⁴ tē₂le₃ qui₃jé'².

¹¹ Nē₃ né₃, rin'⁵⁴ jniog₄, caun₂ jui₁le₂chan'² bá₄ 'nia'² dse₃ qui₂jmo'² 'nia'² 'io'². Jmog'⁵⁴ 'nia'² 'au'² o₄quió'⁴ jme₂dsí₂ quián'² 'nia'² né₃; jui₁chan'² bá₄ 'nia'² rē₂ a₂'ei₅ caun₂ jág₁ quian'⁵⁴ ríng'². Jaun₂ Diú₄ i₂jmo₅ 'ei₅ tei₄ i₂'nio₃ 'nia'², 'éi₂ bá₄ jme₃quiong'⁵⁴ 'nia'² ca₂le₃jé₃ jmig₄. ¹² Cuin₅₄ 'nia'² Diú₄ ríng'² le₂jang'² le₂jang'² a₂qui₁chén'¹† 'nia'² quió'⁵ ríng'² a₂lé₅ léi₄ a₂ma₂'ei₅ caun₂ jág₁ a₂le₁jé₃ 'au'² quian'⁵⁴ ríng'². ¹³ Ca₂le₃jñ₃ bá₄ rin'⁵⁴ jniog₄‡ ja₁lá₃ dsiáin'² jág₁ a₂cuin₂₃ Diú₄ 'nia'².

¹⁴ Jaun₂ jui₁jme₂gu'⁵⁴ bá₄ Te₁gui'⁵⁴ Jesucristo; jui₁le₂jniá₂ jē₄ quián'² 'nia'² a₂'nio₃ Diú₄ 'nia'²; jui₁'ei₅ caun₂ jág₁ jin'⁴ 'nia'² quian'⁵⁴ Jme₂dsí₂ Jñió₅. A₂méi₃.

Co₂nē₅.

* 13:1 Deuteronomio 19:15. † 13:12 Caun₂ tag₄ a₂jme₁chí'⁴ lia'² con'² jme₁ca₂jmo₃ Pa₄ si₂ la₂.

‡ 13:13 lit. “dsa₂ jñiós.”

Si₂ carta a₂ca₂jmo₃ San Pablo ne₄ dsa₂

GÁLATAS

Jmo₅ Pa₄ si₂ a₂chein₃ ne₄ Guá'₅ i₂chan₂ 'uë₃ Galacia

¹ Jniá₂ Pa₄, líng₅ i₂chen₄ quián₅ Te₁gui'₅₄ la₁ tsá₃ líng₅ i₂'ín₁ quián₅ dsa₂ mi₂güüg₃, on₃ guë'₂ i₂chen₄ quián₅ dsa₂ mi₂güüg₃ né₃. Líng₅ jan₂ i₂'ín₁ quián₅ Jesucristo, quian'₅₄ Diú₄ Jmei₂ i₂ca₂jme₃jmei'₅₄ ja₁jme₁rë₂'lín₅₄. ² Jniá₂, quian'₅₄ ca₂le₃jín₃ rin'₅₄ jniog₄ i₂quiang'₅₄, jmo₂ jnia'₅₄ si₂ carta la₂ a₂dsian'₅₄ jnia'₅₄ ja₁con₂ ca₂le₃jín₃ guá'₅ i₂chan₂ 'uë₃ Galacia. ³ Jui₁jme₂gu'₅₄ bá₄ Diú₄ 'nia'₂, jui₁jmo₅₄ bá₄ Diú₄ Jmei₂ quian'₅₄ Te₁gui'₅₄ Jesucristo né₃, jui₁'ei₅ bá₄ tei₄ tion'₅₄ 'nia'₂. ⁴ Jesús 'éi₂ bá₄ ca₂gue₃ 'mú₃ 'uig₅₄ dsáu₁ jniog₄, a₂lió₂ jë₄ mi₂güüg₃ 'lig'₅₄ la₂, co₂jaun₂ ca₂rë₃'ñi₃ó₃ dsí₅ Diú₄ quián₅ i₂lín₅ jmei₂ jniog₄. ⁵ ¡'Éi₂ bá₄ jui₁le₂juin'₂ co₂tan₅₄! A₂meí₃.

Tsá₃ ma₃jág₁ siá'₂ cha₂ jua'₅₄ a₂lión₂ dsa₂

⁶ Dsi₂gó'₃ dsi₃ ia₁ ma₂'niog'₂ 'nia'₂ téng'₄ cón'₂ Diú₄ i₂ca₂të₃ 'nia'₂ të₂le₃ ia₁ a₂'ua₁ dsí₅ Cristo. la₁ a₂ma₂nag'₂ táng₃ 'nia'₂ jág₁ siá'₂. ⁷ On₃jua'₅₄ a₂dsi₂jó'₃ a₂cha₂ gué'₄ jág₁ dse₃ siá'₂ a₂lió₂. La₁ia₁juá'₅ jniá₂, chan₂ i₂lín₅₄ i₂i₂nio₄ jmo₅ a₂dsi₂cón'₅ 'au'₂ 'nia'₂. A₂'nio₃ jme₃tsiin₃ jág₁ dse₃ la₂ quió'₅ Cristo a₂tín'₄ dsa₂. ⁸ La₁ nē₁jua'₂ chan₂ i₂jme₂tín₅ 'nia'₂ caun₂ jág₁ a₂juá'₂ a₂tín'₄ dsa₂, la₁ nē₁jua'₂ tsá₃ lé₅ con'₂ lé₅ jág₁ a₂ma₂'é₄ jnia'₅₄, dsa₂ 'éi₂ jui₁të₂tsin'₅₄ náu₃ a₂dsi₃'éin₂. Tsá₃ a₂nag₅₄ o₁jnia'₅₄ guio₅₄ jnia'₅₄, o₃ o₁jnia'₅₄ jan₂ ángel i₂já₅ guei'₅₄ i₂juíg₃. ⁹ Jui₁lia'₂ ma₂jua'₅₄ jnia'₅₄ nē₅, juá'₄ táng₃ siá'₂: nē₁jua'₂ chan₂ i₂'é₂ jág₁ a₂ma₂rë₂tsin₄, a₂tsá₃ lé₅ con'₂ lé₅ a₂ma₂gue'₅₄ 'nia'₂, dsa₂ 'éi₂ jui₁të₂tsin'₅₄ náu₃ a₂dsi₃'éin₂. ¹⁰ ¿'E₂ lín'₂ 'nia'₂? ¿O₃ bá₄ a₂jme₂'uá₁ jniá₂ dsí₅ dsa₂ mi₂güüg₃ con'₂ dsi₂ten₅₄? ¿O₃ bá₄ a₂jme₂'uá₁ jniá₂ dsí₅ Diú₄ 'e₂? ¿O₃ bá₄ jmo₅ jniá₂ a₂'ñio₂ dsí₅ dsa₂ mi₂güüg₃ 'e₂? Tsá₃ ma₃le₃jua'₅₄ a₂líng₅ gué'₄ dsa₂ i₂jme₂ti₃ ja₁con₂ Cristo, jua'₅₄ mei'₂ gué'₃ le₂jaun₂.

'A₂ lia'₂ ca₂lín₃ Pa₄ jan₂ i₂chen₄ quián₅ Jesús

¹¹ Jui₁le₂ñi'₅₄ 'nia'₂ rin'₅₄ jniog₄, jág₁ dse₃ a₂tín'₄ dsa₂ a₂qui₂'é₅ jniá₂, on₃jua'₅₄ jág₁ a₂le₃jua'₅₄ a₂lë₁'no'₂ dsa₂ mi₂güüg₃ dsí₅. ¹² On₃ guë'₂ jua'₅₄ a₂ca₂gue₃ jniá₂ quió'₅ 'i₁jan₂ dsa₂ mi₂güüg₃, on₃ guë'₂ jua'₅₄ chan₂ dsa₂ i₂ca₂jme₃tag₅ jniá₂. 'Ñiog₅ bá₄ Te₁gui'₅₄ Jesucristo ca₂jme₃jniai₂₃ jág₁ nē₅ ja₁cong₂. ¹³ Ia₁ ma₂ca₂rë₃ñi'₅₄ bá₄ 'nia'₂ 'a₂ lia'₂ jme₁líng₄ le₂jñiá₅, lia'₂ con'₂ jme₁'eng₅₄ gué'₄ juá'₅ quió'₅ dsa₂ judíos. Ma₂ñi'₅₄ bá₄ 'nia'₂ né₃ a₂dséi₂ dsí₃ gué'₄ lín₃ ca₂'éng₃ dsa₂ quián₅ Diú₄, 'ñio₅ lín₃ jme₁quín'₅ jniá₂ bí₂ a₂co₂dsia₅ jme₁'éng₄ dsa₂ 'éi₂. ¹⁴ Ia₁ jniá₂ bá₄ i₂jme₁dsi₂jñiá₄ 'ñio₅ lín₃ gué'₄ con'₂ gué'₄ ca₂le₃jín₃ dsa₂ go₃ i₂co₂ríng₂ quiang'₅₄. Ia₁ jniá₂ 'ñio₅ lín₃ gué'₄ jme₁jme₂gó₁ jmo₂₃ 'í₁ tag₄ quió'₅ dsa₂ can'₅₄ quián₂ jnia'₅₄ ma₂líg'₂. ¹⁵ La₁ lia'₂ con'₂ né₃ a₂le₃chang₂, ca₂quió'₂ Diú₄. A₂'ua₁ dsí₅ gué'₄ lín₃ ca₂të₃ jniá₂. Ca₂rë₃'ñi₃ó₃ dsí₅, ¹⁶ ca₂jmo₃ ca₂rë₃cuíng₅ ca₂'ín₃ Ja₁ñi'₅₄, ia₁jaun₂ qui₁'é₄ jniá₂ jág₁ dse₃ quió'₅, jin₄ dsi₂nau₂. Jaun₂ tsá₃ jua'₅₄ ca₂ñeg₅₄ ca₂i₁'niag'₂ dsa₂ mi₂güüg₃ i₂to'₂ jág₁, ¹⁷ on₃ guë'₂ ca₂ñeg₅₄ juig₂ Jerusalén jua'₅₄ ca₂i₁jíng₁₂ i₂ma₂lín₅ dsa₂ i₂chen₄ quián₅ Te₁gui'₅₄, i₂ma₂ja₂lén₂ jñiá₅ gué'₄ lia'₂ con'₂ gué'₄ jniá₂. Dsi₂jui₅ bá₄ ca₂ñeg₅₄ le₂'uig₅₄ jui₅ 'uë₃ Arabia. Cang₂ gué'₄ jaun₂ ca₂ñág'₃ jui₅ Damasco. ¹⁸ Jme₁ca₂dsin₃ 'ni₅ ñi₂ cang₂ jaun₂, jaun₂ gué'₄ ca₂ñeg₅₄ Jerusalén ca₂i₁dsia₂ jág₁ quian'₅₄ Pe₄.* Ja₁jaun₂ ca₂jan₅₄ guia₃'-ñiá₂ jmi_g₄. ¹⁹ La₁ 'i₁jan₂ i₂sián'₂ i₂lín₅ i₂chen₄ quián₅ Jesús tsá₃ ca₂jíng₅₄, jñia'₅₄ lia'₂ jan₂ Jacobo dsó₂ rin'₅₄ Te₁gui'₅₄ bá₄. ²⁰ Jág₅ bá₄ Diú₄, jág₁ dsau₅ bá₄ tó'₅ ne₄ si₂ la₂, tsá₃ të₂jíng₁. ²¹ Cang₂

* 1:18 griego: Cefas.

jaun₂ gué₄ né₃, ca₂ηó₃ le₂tan₅₄ juig₂ ja₁tén₄ 'uē₃ Siria quian'₅₄ Cilicia. ²² Rin'₅₄ jniog₄ quián₅ guá'₅ chan₂ 'uē₃ Judea né₃ i₂tió₂ le₃quió'₅ Cristo, tsá₃ jme₁ma₂cuig₂₃ dsi₁ne₁. ²³ Jñia'₅₄ lia'₂ jme₁ma₂nág₂ bá₄ dsia₅ rin'₅₄ jniog₄ 'ag₂₃ juá'₂: “Dsa₂ i₂jme₁co₂'ein₅ jniog₄ le₂jñiá₅, la₁ rē₂né₃ né₃ ma₂ηi₂₃ ján₃ 'é₂ jág₁ a₂jme₁'nio₃ jme₁'éin₂ le₂jñiá₅.” ²⁴ Jaun₂ ca₂jme₃juin'₂ Diú₄ bá₄ o₄quió₃.

2

Dsa₂ i₂chen₄ sián'₂ guein₂₃ Pa₄

¹ Jme₁ca₂ηí₂ guia₃-quén₂ ηi₂ cang₂, jaun₂ gué₄ ca₂ηeg₅₄ táng₃ Jerusalén quiang'₅₄ Bernabé. Tito né₃, ca₂jáng₂. ² Ca₂ηeg₅₄ ja₁jaun₂ ia₁ ca₂jme₃jñia₅ Diú₄ ne₃ a₂ca₂tíng₂ nei₅₄. Jaun₂ ca₂dsia₃ bá₄ jniá₂ ne₄ dsa₂ i₂tián'₅ Jerusalén 'éi₂ jág₁ dse₃ nē₅ a₂'é₅ jniá₂ jin₄ dsi₂nau₂, la₁ jmá'₃ lia'₂ quian'₅₄ dsa₂ i₂lia'₂ lē₅ i₂quian₅ ne₄ jui₅ bá₄, jē₄ con'₂ jmá'₃ guio₅₄ bá₄ jñia'₅₄, ca₂dsiá₁ jág₁ ia₁jaun₂ tsá₃ lē₅ jua'₅₄ a₂lē₁ηi₅ jniá₂ jmo₂₃ ta₁ a₂tsá₃ ta₁ tí₄. ³ Ca₂lia'₂ jñia'₅₄ Tito, i₂jme₁quian'₅₄ jniá₂, tsá₃ ca₂chi₃quióng₂ dsa₂ jmi₄ jua'₅₄ a₂tion₅₄ jme₃ti₃ 'éi'₃ a₂jme₁ti₃ ni₁lo₁₂, o₁jñia'₅₄ jme₁lín₄ 'éi₂ griego. ⁴ Jág₁ nē₅ ca₂ηó₃ ia₁ i₂lín₅₄ dsa₂ i₂jui₁gan₂ i₂juá'₂ lín₅ rin'₅₄ jniog₄, ca₂i₃toin'₅₄ con'₂ tē₃co'₅₄ jē₄ quián₂ jñia'₅₄, a₂jme₁'nio₃ tiog₃ con₂ 'í₁ 'a₂ lia'₂ lē₅ chong₂ jñia'₅₄ con'₂ dsa₂ ma₂lón₂ le₃quió'₅ Cristo Jesús, ia₁ tsá₃ ma₃tio'₅₄ jniog₄ 'éi'₃; la₁ 'éi₂ né₃ jme₁'nio₃ jme₁to'₂ táng₃ 'éi'₃ guei₂ jaun₂. ⁵ La₁ tsá₃ 'ein₂ ca₂cuē₃ jñia'₅₄ jmi₄ jñia'₅₄ 'i₁ca₂tiá₂ tei₄ jua'₅₄ jme₃gau₅ 'éi₂, ia₁ 'niog₂ jñia'₅₄ a₂caun₂ o₁nóg₅ cha₂ jág₁ dsau₅ ja₁con'₂ 'nia'₂ jág₁ dse₃ a₂lión₂ dsa₂.

⁶ Jui₁lia'₂ dsa₂ i₂lia'₂ lē₅ lín₅ dsa₂ dsen₅₄ i₂juá'₅ jniá₂, (ton'₂ ján₃ bá₄ tsá₃ a₂jaun₂ tion₅₄ 'ín₅ dsi₃ le₃guion₅₄ 'a₂ lia'₂ ma₂ja₂lén₂ 'éi₂ jmo₂₃ guioin₅₄. Ia₁ tsá₃ 'í₁ jaun₂ con₂ Diú₄ jua'₅₄ 'a₂ lia'₂ jniá₂ dsa₂), jui₁lia'₂ dsa₂ 'éi₂ né₃, tsá₃ 'e₂ ηag₅₄ jua'₅₄ a₂ca₂jme₃tag₂₃ gué₄ con'₂ lē₅ jág₁ a₂'é₅ jniá₂. ⁷ Ia₁ tē₂le₃ ca₂rē₃lí₄ bá₄ guioin₅₄, co₂jaun₂ bá₄ ta₁ a₂ma₂cuē₃ Diú₄ a₂'é₄ jniá₂ jág₁ dse₃ jin₄ dsi₂nau₂,* jui₁lia'₂ lē₅ ta₁ ma₂dsia₃ gu₂ Pe₄ a₂'é₂ jág₁ dse₃ jin₄ dsa₂ judíos.† ⁸ Jaun₂ Diú₄ i₂jan₂ tan₅₄ 'éi₂ bá₄ ca₂chein₃ guē'₂ Pe₄ a₂lín₅ 'éi₂ dsa₂ i₂chen₄ quián₅ tē₂le₃ jin₄ dsa₂ judíos, le₂jaun₂ bá₄ ca₂chei₃ guē'₂ jniá₂ ján₃ a₂lín₅ i₂chen₄ quián₅ tē₂le₃ jin₄ dsi₂nau₂. ⁹ Jaun₂ lē₃, Jacobo, Pe₄,‡ quian'₅₄ Juan₅₄ né₃, co₂'nió'₄ i₂lín₅ dsa₂ dsen₅₄ quián₅ guá'₅, ca₂rē₃lí₄ bá₄ guioin₅₄, 'ηiog₅ bá₄ Diú₄ ma₂cuē₃ ta₁ nē₅, jaun₂ ca₂cuē₃ gu₂ a₂ca₂jmo₃ léi₄, jniá₂ quian'₅₄ Bernabé co₂'nió'₄ a₂'ei₅ caun₂ jág₁ quiain'₅₄ a₂dsau₅₄ jñia'₅₄ dsi₂jmo₁ ta₁ ja₁con₂ dsi₂nau₂. Guioin₅₄ guē'₂ táng₃ dsi₂jmo₂ ta₁ jin₄ dsa₂ judíos. ¹⁰ Jñia'₅₄ lia'₂ a₂jaun₂ bá₄ jág₁ a₂ca₂cuē₃ a₂jmo₁ jñia'₅₄ dsiog'₂ dsi₅ dsa₂ te₂ηé₂, a₂nē₅ bá₄ guē'₂ a₂'ín₅ dsi₃ jniá₂ quín'₅ jniá₂ bí₂ jmo₂₃.

Ca₂jí₂ Pa₄ ca₂jéin₂ Pe₄ juig₂ Antioquía

¹¹ La₁ lia'₂ con'₂ ηe₄ Pe₄ juig₂ Antioquía, ca₂jéin₂ jniá₂ dsi₁ne₁, 'uig₅₄ ia₁ a₂jmo₂₃ a₂tsá₃ dsi₂ten₅₄ jmo₃. ¹² Ia₁ le₂jñiá₅ jme₁gué'₅ co₂dsia₅ quian'₅₄ dsi₂nau₂; la₁ jme₁ca₂dsi₃lén₂ i₂chen₄ quián₅ Jacobo, jaun₂ gué₄ ca₂jme₃lióg₃ ca₂ηó₃ cau₅, tsá₃ ma₃ca₂gué'₃ quian'₅₄ dsa₂ 'éi₂, 'uig₅₄ ia₁ a₂gain₃ dsa₂ i₂ti₅ lo₄. ¹³ Jaun₂ dsa₂ judíos i₂'én₂ sián'₂ ca₂jme₃quian'₅₄ bá₄ Pe₄ a₂lē₁co₂jmo₂₃ o₁ne₁ quiong'₅₄; ca₂lia'₂ le₂jñiog₅ Bernabé ca₂ηó₃ quiong'₅₄ ján₃. ¹⁴ La₁ jme₁ca₂jág₃ jniá₂ tsá₃ jmo₂₃ lia'₂ con'₂ lē₅ tí₅ dsón'₂ juá'₂ jág₁ dse₃, jaun₂ ca₂juig₂ jniá₂ Pe₄ tē₃nag₅ le₃jín₃ dsa₂:

—'Ne₂ guē'₂ lín₅ jan₂ dsa₂ judío, le₂jaun₂ bá₄ guē'₂ chang'₂ jmo'₂ lia'₂ lē₅ chan₂ dsi₂nau₂, on₃jua'₅₄ rē'₂ con'₂ lē₅ jme₁jmo'₂ ia₁ a₂lín₅ dsa₂ judío, ¿'a₂ bá₄ lia'₂ jaun₂ chi₁quiang'₅₄ jmi₄ dsi₂nau₂ a₂le₃chain₂ con'₂ lē₅ chan₂ dsa₂ judíos?

* 2:7 lit. “jin₄ dsa₂ i₂tsá₃ lo₄ rē₂uing₄.” † 2:7 lit. “jin₄ dsa₂ i₂rē₂uing₄ lo₄”; ján₃ bá₄ ‡ 2:9 griego: Cefas; ján₃ bá₄

¹⁵ 'Lág₅ jniog₄ judíos con₂ lé₅ chong₂, —ca₂jui₂g₂ jniá₂ Pe₄—, on₃jua₅₄ rē₂ jui₁lia₂ dsi₂nau₂ i₂qui₂rē₂cán₄ dso₄. ¹⁶ Jaun₂, a₂ne₄ bá₄ jniog₄, 'i₁jan₂ tsá₃ 'ein₂ guén₂ Diú₄ nē₂jag₄ i₂tsá₃ 'e₂ dso₄ rin₂, jua₅₄ a₂jme₃ti₃ 'Éi₃, jñia₅₄ lia₂ a₂le₃'én₂ bá₄ dsa₂ tē₂le₃ quió₅ Jesucristo. 'Uig₅₄ jaun₂ ca₂tē₂ jniog₄ ján₃ ma₂ca₂rē₃'éin₂ tē₂le₃ quió₅ Jesucristo ia₁jaun₂ bá₄ guéi₂ Diú₄ jniog₄ nē₂jag₄ a₂tsá₃ ma₃'e₂ dso₄ rē₂cáu₄, tē₂le₃ a₂jñia₅₄ con₂ 'éin₂ bá₄, on₃jua₅₄ rē₂ a₂'nió₅ jme₁ti₁ ta₁ qui₅ 'Éi₃. Ia₁ 'i₁jan₂ tsá₃ 'ein₂ chén₅ rē₂ ne₄ Diú₄ tē₂le₃ quian₅₄ a₂jme₂ti₃ 'Éi₃. ¹⁷ Nē₃ né₃, chi₂jua₂ 'niog₂ jniog₄ tē₃tsag₅₄ dse₃ tē₂le₃ ne₄ Diú₄, 'uig₅₄ ia₁ a₂ma₂tión₂ le₃quió₅ Cristo, jaun₂ gué₄ ca₂dsi₃g₃ rē₂jniá₂ a₂lág₅ jniog₄ dsa₂ i₂qui₂rē₂cán₄ dso₄ bá₄ ján₃, ¿on₁ bá₄ 'nió₄ le₃jua₅₄ Cristo tē₂le₃ cuē₅ bí₂ bá₄ jniog₄ a₂caun₂ 'nió₅ dso₄? ¿Dson₂ bá₄ on₃jua₅₄ le₂jaun₂!

¹⁸ Ia₁ chi₂jua₂ co₂dsia₅ ma₂ca₂'éng₃ caun₂ cosa, con₂ siá₂ guē₂ 'nio₃ chog₅₄ táng₃, jaun₂ gué₄ dson₂ a₂jme₂jniá₁ 'ñi₃, a₂ma₂ca₂i₁jui₅₄ 'éi₃. ¹⁹ Tsá₃ 'io₅ bí₂ 'Éi₃ jua₅₄ a₂chei₃ rē₂ ne₄ Diú₄. Jaun₂ nē₂jag₄ bá₄ i₂co₂dsia₅ ma₂jón₅ bá₄ jniá₂ tē₂le₃ ne₄ 'Éi₃ ia₁jaun₂ le₃chang₂ táng₃ tē₂le₃ ne₄ Diú₄. ²⁰ Jaun₂ co₂'nió₄ ca₂tē₁ton₅₄ bá₄ jniá₂ co₂lē₅ quian₅₄ Cristo ne₄ cróg₄; jaun₂ on₃jua₅₄ 'ñi₃ jniá₂ chang₂; 'ñiog₅ bá₄ Cristo i₂chan₂ jui₅ jme₂dsí₂ quió₃. Lia₂ con₂ lé₅ chang₂ ni₁ñí₅ la₂, chang₂ tē₂le₃ a₂jñia₅₄ con₂ 'éng₂ tē₂le₃ quió₅ Ja₁ñi₅₄ Diú₄, i₂ca₂rē₃'nio₃ jniá₂, ca₂jñin₂ 'ñiog₅ o₄quió₃ jniá₂. ²¹ Jaun₂ tsá₃ 'nio₃ jniá₂ jua₅₄ a₂jmo₅₄ cau₅ a₂'ua₁ dsí₅ Diú₄; ia₁ jua₅₄ mei₂ gué₃ guion₅₄ dsa₂ lé₂ le₃jmo₃ a₂chein₃ rē₂ ne₄ Diú₄ tē₂le₃ quian₅₄ a₂jme₃ti₃ 'Éi₃, tsá₃ 'e₂ ta₁ tí₄ a₂ca₂jón₃ Cristo jua₅₄ mei₂ gué₃ le₂jaun₂.

3

'A₂ lia₂ guén₂ Diú₄ dsa₂

¹ ¿'En₁ jmá₃ tsá₃ rē₂'en₅₄ 'au₂ 'nia₂ dsa₂ gálatas! ¿'Ein₂ bá₄ je₂na₅₄ i₂ca₂jme₃gau₅ 'nia₂? Jua₂ ma₂ca₂tē₂ bá₄ ne₅₄ 'nia₂ guiong₅₄ a₂ma₂ca₂jme₁jnia₅ jniá₅₄ tē₃dson₂ 'ñiog₅ Jesucristo i₂tē₁ton₅₄ cróg₄. ² ñag₄ caun₂ 'nia₂ a₂juá₄ la₂: ¿'A₂ lia₂ ca₂guen₅₄ 'nia₂ jme₂dsí₂ quián₅ Diú₄? ¿Ca₁guein₅₄ 'nia₂ ia₁ a₂ca₂jme₁ti₄ ta₁ qui₅ 'Éi₃ quió₅ Moisés? ¿O₃ bá₄ ca₂guein₅₄ 'nia₂ jme₁ca₂rē₃'éng₂ jág₁ a₂ma₂nei₂ 'e₂ 'nia₂? ³ ¿'A₂ bá₄ lia₂ ñí₄ tsá₃ rē₂'en₅₄ 'au₂ 'nia₂? ¿O₃ bá₄ 'náu₂ 'nia₂ 'au₂ a₂jme₁'ñiag₂ quian₅₄ jui₅bí₂ quiáng₂ guiong₅₄ a₂ma₂ca₂jme₁lióg₄ quian₅₄ jme₂dsí₂? ⁴ ¿O₃ bá₄ tsá₃ 'e₂ ta₁ tí₄ ca₂le₃jé₃ a₂ma₂ca₂ñí₂ 'nia₂? Jui₁le₅₄ bá₄ a₂cha₂ ta₁ jmo₃ bá₄ ca₂la₂ a₂jaun₂. ⁵ Jē₁ma₂ca₂cuin₃ Diú₄ jme₂dsí₂ quián₅ jmo₂₃ léi₄ juē₂ jín₄ 'nia₂, ¿'e₂ lē₃ jmo₂₃? On₃jua₅₄ a₂jaun₂ guē₂ jmo₂₃ ia₁ a₂jme₂ti₅₄ 'nia₂ 'Éi₃. A₂jaun₂ bá₄ jmo₂₃ léi₄ juē₂ tē₂le₃ ia₁ a₂ca₂rē₃'én₂ 'nia₂ jág₁ a₂ma₂nei₂ bá₄. ⁶ Ia₁ Abraham né₃, ca₂rē₃'éin₂ tē₂le₃ quió₅ Diú₄. A₂ca₂rē₃'éin₂ jaun₂, ca₂guéi₂ Diú₄ nē₂jag₄ bá₄ i₂ca₂rē₃ti₅₄ 'éi₃.* ⁷ 'Uig₅₄ jaun₂ né₃, ca₂tín₂ 'nia₂ le₃ñi₅₄: jui₁lia₂ dsa₂ i₂'én₂, i₂'éi₂ bá₄ i₂lín₅ tē₃dson₂ co₂'nió₄ tsi₁jón₂ Abraham. ⁸ Ne₄ Si₂ gui₅₄ jaun₂ ca₂juá₂ Diú₄ tē₃jñiá₅ ca₂tsí₃ Abraham a₂guein₃ le₂jñiog₅ dsi₂nau₂ tē₂le₃ jñia₅₄ con₂ le₃'éin₂ bá₄, co₂'nió₄ nē₂jag₄ bá₄ i₂le₃ti₅₄ 'éi₃, jme₁ca₂juá₂ le₂la₂: “Ca₂le₃jé₃ jui₂te₁'i₁ gua₅₄ 'uē₃ jme₁gon₅₄ jniá₂ tē₂le₃ quian₅₄ 'ne₂.”† ⁹ Jaun₂ le₂nē₅ bá₄ né₃, jui₁lia₂ dsa₂ i₂'én₂ né₃, i₂'éi₂ bá₄ i₂lín₅ dsa₂ i₂rē₂gon₅₄ quián₅ Diú₄ co₂dsia₅ quian₅₄ Abraham i₂ca₂rē₃'én₂ 'éi₂.

¹⁰ Dsa₂ i₂jmo₅ dsí₅ a₂tioin₅₄ 'Éi₃ tióin₂ jui₅ 'éi₃ a₂dsi₃'éin₂. Ia₁ juá₂ ne₄ Si₂: “Ca₂le₃jín₃ i₂tsá₃ jme₂ti₃ ca₂le₃jé₃ 'éi₃ a₂tio₅₄ ne₄ Si₂ tióin₅₄ 'éi₃ a₂dsi₃'éin₂.”‡ ¹¹ Rē₂ bá₄ léi₄ jaun₂ né₃, 'i₁jan₂ tsá₃ 'ein₂ lé₂ le₃náu₃ rē₂ ne₄ Diú₄ tē₂le₃ ia₁ a₂jme₃ti₃ 'Éi₃. Ia₁ ne₄ Si₂ juá₂: “Dsa₂ i₂guén₂ Diú₄ co₂'nió₄ i₂lín₅ i₂dsen₃, tē₂le₃ a₂jñia₅₄ con₂ a₂'éin₂ bá₄ le₃chain₂.”§ ¹² La₁ 'Éi₃ Juá₅ quió₅ Moisés né₃, on₃jua₅₄ a₂cha₂ ja₁já₄ 'uig₅₄ a₂'én₂ dsa₂ jaun₂. Ia₁ tē₂le₃ le₂la₂ bá₄ juá₂: “Dsa₂ i₂jmo₅ lia₂ con₂ lé₅ juá₂ 'Éi₃, quian₅₄ 'Éi₃ jaun₂ le₃chain₂.”* ¹³ Cristo

* 3:6 Génesis 15:6. † 3:8 Génesis 12:3; 18:18; 22:18. ‡ 3:10 Deuteronomio 27:26. § 3:11 Habacuc 2:4. * 3:12 Levítico 18:5.

ca₂quí₃ ca₂lió₂ jniog₄ uig₅ a₂jme₁ca₂tág₂ gué₁ con₂ lé₅ 'Éi₃. Ia₁ ne₄ Si₂ juá'₂: “Ma₂rē₂'é₂ uig₅ ja₁con₂ chi₂juá'₂ 'ein₂ i₂tē₂ton₅₄ guei'₅₄ 'ma₂.”† ¹⁴ Le₂nē₅ ca₂quí₃ ia₁jaun₂ a₂dse₃ jaun₂ a₂ca₂jme₃gon₅₄ Diú₄ Abraham, ŋag₅ le₃ja₁con₂ dsi₂nau₂ tē₂le₃ quian'₅₄ Cristo Jesús. Ca₂quí₃ ia₁jaun₂ gué₁ jniog₄ ca₂le₃jág₃ tē₂le₃ ia₁ a₂'éin₂, guén₄ Jme₂dsí₂ ŋjió₅ a₂ma₂juá'₂ cuin₃.

Jui₁lia'₂ 'Éi₃ Juá'₅, quian'₅₄ jág₁ a₂ma₂cuē₃ Diú₄

¹⁵ Rin'₅₄ jniog₄, la₂ cuē₅₄ jniá₂ caun₂ jág₁ jáng'₅ léi₄ 'a₂ lia'₂ lé₅ jmo₅ dsa₂ mi₂güig₃: Jui₁lia'₂ jme₁quiog₂ dsa₂ caun₂ si₂ja₁tio'₅₄ jág₁ a₂lí'₅₄ jaun₂ tio'₅₄ firma quió'₅, jaun₂ 'i₁jan₂ tsá₃ 'ein₂ lé₂ le₃jmo₃ tsá₃ quen₅ si₂ jaun₂, on₃ guē'₂ ma₃lé₂ jua'₅₄ jmo₃ gué₄ ŋag₅₄ 'i₁caun₂ con₂ lé₅ jaun₂. ¹⁶ Jaun₂ le₂nē₅ ca₂cuē₃ Diú₄ jág₁ quió'₅ ca₂cué'₃ Abraham quian'₅₄ chi'₂ dsio₄ 'éi₂. Ne₄ Si₂ quió'₅ tsá₃ juá'₂ jua'₅₄ a₂'iin₂₃ “juin₅ tsi₁jon₂” 'éi₂. Ca₂juá'₂ “tsi₁jon₂ quiáng'₂”, ‡ 'iin₂₃ jan₂ dsa₂ bá₄. I₂jan₂ 'éi₂ lín₅ Cristo. ¹⁷ Le₂la₂ bá₄ 'ē₅ jniá₂: Ca₂jmo₃ Diú₄ caun₂ jág₁ quian'₅₄ Abraham. Jaun₂ jme₁ca₂gua₃ 'Éi₃ Juá'₅ né₃, quén₂ 'ŋiá₂-láu₂ rē₂dsí₂ guióg₂-guiá₂ (430) ŋi₂ cang₂ jaun₂, la₁ tsá₃ le₃juá'₅₄ jua'₅₄ a₂tsá₃ quen₅ jág₁ a₂lí'₅₄ Diú₄ quian'₅₄ Abraham, on₃ guē'₂ le₃juá'₅₄ a₂tsá₃ jma₃quen₅ jág₁ ron₅ a₂rē₂cué'₁ quió'₅ Diú₄. ¹⁸ Ia₁ jua'₅₄ mei'₂ gué₃ lé₂ gue₃ dsa₂ a₂ca₂tíin₂ a₂cuē₃ Diú₄ tē₂le₃ ia₁ a₂jme₂ti₃ 'Éi₃, jaun₂ tsá₃ ma₃le₃juá'₅₄ jua'₅₄ a₂gue₃ gué₄ dsa₂ tē₂le₃ ia₁ a₂ma₂cuē₃ Diú₄ jág₁ quió'₅. La₁ ca₂cuē₃ Diú₄ jág₁ quió'₅ né₃ ca₂cué'₃ Abraham a₂ca₂tíin₂ gue₃ a₂lē₁gue₃ co₂ŋí₂ bá₄. ¹⁹ ¿'E₂ ta₁ qui'₅ 'Éi₃ Juá'₅ jaun₂ né₃? Cang₂ jaun₂ bá₄ ca₂jág₃, a₂quí'₃ ta₁ a₂'ē₃ 'a₂ lia'₂ lé₅ qui₂i₁juin₅₄ dsa₂ 'no₂₃ dso₄. 'Éi₃ jaun₂ ca₂gua₃ ca₂lia'₂ ca₂guan₃ “tsi₁jon₂ i₂jan₂ i₂'iin₂₃ 'éi₂” con₂ lé₅ jág₁ ma₂cuē₃ Diú₄. 'Éi₃ jaun₂ né₃, ca₂tē₁ron₅₄ tē₂le₃ quian'₅₄ ángel i₂ca₂'é₂ jág₁. Ca₂tē₁tsin'₅₄ jan₂ dsa₂ i₂chén'₅ ne₄ jág₁. ²⁰ La₁ jme₁ca₂dsia₃ Diú₄ jág₁ quian'₅₄ Abraham le₂'uig₅₄, 'ŋiog₅ bá₄ ca₂dsia₃ jág₁. Tsá₃ 'ein₂ sián'₂ ca₂nau₂ ne₄ jág₁. Ia₁ i₂jan₂ tan₅₄ 'éi₂ bá₄ Diú₄ i₂ca₂juá'₂ jme₁ca₂juá'₂.

Ta₁ a₂quí'₅ 'Éi₃ Juá'₅

²¹ ¿O₃ bá₄ co₂'nió'₄ juá'₂ jaun₂ né₃, a₂quí'₅ ta₁ 'Éi₃ a₂'nio₃ 'éin₂ jág₁ a₂ma₂cuē₃ Diú₄? On₃juá'₅₄ le₂jaun₂. Jua'₅₄ mei'₂ gué₃ lé₂ le₃cuē₃ 'Éi₃ Juá'₅ caun₂ jui₅ja₁lé₂ le₃chan₂ jme₂dsí₂, jaun₂ bá₄ jme₁lé₂ le₃guen₃ Diú₄ dsa₂ tē₂le₃ quian'₅₄ a₂jme₃ti₃ dsa₂ 'Éi₃ jaun₂. ²² La₁ lia'₂ con₂ lé₅ juá'₂ ne₄ Si₂, ca₂le₃jín₃ bá₄ dsa₂ tío_{in}'₅₄ le₁'ŋei'₅₄ jui₅ja₁'no₂₃ dso₄, ia₁jaun₂ tē₂le₃ a₂ŋia'₅₄ con₂ 'éin₂ bá₄ tē₂le₃ quió'₅ Jesucristo le₃gue₃ a₂ma₂juá'₂ Diú₄ cuē₃.

²³ Né₃ a₂guá₂ jág₁ a₂le₃'én₂ dsa₂ né₃, jme₁tio'₅₄ jniog₄ le₁jnág₅ quian'₅₄ 'Éi₃, co₂'nió'₄ a₂jme₁jmo₂₃ 'í₁ jniog₄, qui₂le₁ŋia₁ a₂le₃jniá₂ a₂le₃'éin₂ jaun₂. ²⁴ 'Uig₅₄ jaun₂ bá₄ né₃, 'Éi₃ ca₂jme₃góin₃ ne₄ quián₂ jniog₄, nē₂jag₄ bá₄ jan₂ tē₅ i₂ca₂jio₃ ca₂tē₂ja₁con₂ Cristo, ia₁jaun₂ jē₁ma₂ca₂rē₃'éin₂ tē₂le₃ quió'₅ 'éi₂, lé₂ le₃tē₃tsag'₅₄ jniog₄ rē₂ ne₄ Diú₄. ²⁵ Jaun₂ rē₂nē₃ né₃ ma₂gua₅ bá₄ a₂'éin₂ jniog₄, tsá₃ ma₃tio'₅₄ ne₄ 'Éi₃ jua'₅₄ a₂jaun₂ a₂jio₅ gué₄ jniog₄, jmo₅ 'í₁. ²⁶ A₂lín'₅ 'nia'₂ ca₂le₃jín₃ chi'₂-guein₂ quián₅ Diú₄, tē₂le₃ ia₁ a₂'én'₂ 'nia'₂ le₃quió'₅ Cristo Jesús. ²⁷ Jaun₂ ca₂le₃jín'₃ 'nia'₂ con₂ i₂ma₂tion'₅₄ 'ei₅ caun₂ jág₁ quian'₅₄ Cristo lia'₂ con₂ jme₁ca₂ŋóg'₂ jmíg₂, tión'₂ 'nia'₂ a₂rē₂jniág'₁ rē₂lín₅ nē₂jag₄ bá₄ Cristo 'ŋiog₅. ²⁸ Tsá₃ ma₃jma₃quén₅ tión₂ dsa₂, tsá₃ a₂nag₅₄ o₁ŋia'₅₄ i₂lín₅ judíos, o₃ griegos, on₃ guē'₂ i₂lín₅ dsa₂ i₂jme₂ti₃ ta₁ ne₄ juig₅₄, on₃ guē'₂ dsa₂ i₂tsá₃ 'ein₂ ne₄ jme₂ti₃ né₃; dsa₂ ŋe'₂, o₃ dsa₂ mí₂ 'e₂; ia₁ i₂co₂rín₂ bá₄ 'nia'₂ le₃quió'₅ Cristo Jesús. ²⁹ Chi₂juá'₂ tén'₅ 'nia'₂ le₃quió'₅ Cristo, jaun₂ gué₄ lín₅ dsa₂ tsi₁jon₂ Abraham, jaun₂ ca₂tín'₂ 'nia'₂ gué₁ a₂lé₅ jág₁ a₂cuē₃ Diú₄.

4

¹ A₂la₂ bá₄ juá'₅ jniá₂: Tē₁lia'₂ bin'₅₄ guein₂, i₂ca₂tín₂ gue₃ a₂lé₅ jág₁ a₂cuē₃ jmei₂, tsá₃ jua'₅₄ jma₃quén₅ lín₅ quian'₅₄ dsa₂ i₂'lian'₅₄ quián₅ jmei₂, o₁ŋia'₅₄ a₂dsau₅ jan₂ i₂'éi₂ bá₄

† 3:13 Deuteronomio 21:23. ‡ 3:16 Génesis 12:7; 13:15; 24:7.

quió⁵ ca₂le₃jé₃. ² Chan₂ dsa₂ i₂jmo₅ 'í₁ nio₅ gu₂ ca₂le₃jé₃ a₂cha₂ quió⁵ 'éi₂, ca₂lia² ca₂té₂ jmig₄ a₂'é₅ jmei₂. ³ Jaun₂ le₂ně₅ bá₄ lé₅ quian⁵⁴ jniog₄. Tě₁lia² con² big⁵⁴, jme₁chong₂ jniog₄ le₁'nei⁵⁴ ne₄ 'éi³, tag₄ a₂jio₅ bí₂ ja₁con₂ dsa₂ mi₂gü₃. ⁴ La₁ jme₁ca₂dsin₃ jmig₄, ca₂chen₃ Diú₄ Ja₁ñi⁵⁴, ca₂rě₃cháin₃ ca₂caun₃ jan₂ dsa₂ mí₂ dsa₂ mi₂gü₃, ca₂guain₃ lín₅ jan₂ dsa₂ i₂rě₂'en⁵⁴ ne₄ 'Éi³ Juá⁵. ⁵ Le₂ně₅ bá₄ guain₃ a₂quí₃ a₂lió₂ ca₂le₃jág₃ jniog₄ con² dsa₂ jme₁tio⁵⁴ 'Éi³ jaun₂, ia₁jaun₂ guéi² Diú₄ jniog₄ a₂ma₂lág₅ chi²-guein₂ quiáin₅. ⁶ Jaun₂, 'uig⁵⁴ ia₁ a₂lín⁵ 'nia² chi²-guein₂ quiáin₅ né₃, jaun₂ ca₂chein₃ Jme₂dsí₂ quián₅ Ja₁ñi⁵⁴ tě₂dsi₅ jniog₄, jaun₂ Jme₂dsí₂ né₃ juá²: “¡Abba!* ¡Tia⁵⁴ quiáng₃!” ⁷ Le₂ně₅ jaun₂, tsá₃ ma₂lín⁵ 'ne₂ jan₂ i₂chi₁'ñe⁵⁴ ne₄ 'éi³; ma₂lín⁵ jan₂ ja₁ñi⁵⁴ bá₄. Jaun₂ chi₂jua² lín⁵ jan₂ ja₁ñi⁵⁴, ján₃ bá₄ ma₂lín⁵ jan₂ i₂ca₂tín₂ gue₃ a₂lé₅ jág₁ cuě₃.

⁸ 'I₅ dsí₅ Pa₄ o₄quió⁴ dsa₂ 'én₂

⁸ Le₂jñiá₅, lia² con² tsá₃ Diú₄ jme₁ma₂cuin² 'nia², jme₁tiong⁵⁴ le₁'ñeg⁵⁴ ja₁con₂ diú₄ lag₄ i₂tě₃dsón² on₃jua⁵⁴ i₂le₃jua⁵⁴ diú₄ dsón². ⁹ La₁ rě₂ně₃ né₃ ma₂cuin² 'nia² Diú₄, co₂'nió⁴ juá⁵, ma₂cuin⁵ Diú₄ 'nia². Jaun₂ né₃, ¿a₂ bá₄ lia² lé₅ a₂o₂no⁵⁴ táng₃ 'nia² le₃ca³ tsá₃ caun₂ a₂qui₂'náu² 'au² a₂tóng² táng₃ ne₄ 'éi³ tag₄ 'uan⁵⁴ a₂tsá₃ ta₁ tí₄? ¹⁰ Ia₁ jmo² bá₄ gué⁴ 'nia² 'au² a₂jme₂jué¹ a₂lín⁵⁴ jmig₄, tsí², ñi₂, jein₂ né₃. ¹¹ 'Ñio₅ dsi₂gó³ dsi₃ ia₁ con² tsá₃ ñó₅ ně₂jua² tsá₃ 'e₂ ta₁ tí₄ ta₁ a₂ma₂jmo₃ jniá₂ jin⁴ 'nia².

¹² Rin⁵⁴ jniog₄, chi₂len⁴ jniá₂ 'nia² jui₁len⁵⁴ bá₄ 'nia² lia² lín₅ jniá₂, ia₁ jniá₂ ma₂ca₂jmo₃ dsi₃ ján₃ a₂lín₅ lia² lín⁵ 'nia². Tsá₃ 'e₂ jua⁵⁴ a₂tsá₃ dsi₂ten⁵⁴ a₂ma₂jmog⁵⁴ 'nia². ¹³ Ia₁ ma₂ñi⁵⁴ bá₄ 'nia², lia² jme₁ca₂'é₃ jniá₂ jág₁ dse₃ a₂lión₂ dsa₂ jin⁴ 'nia² le₂'uig⁵⁴, ca₂lě₃ le₂jaun₂ 'uig⁵⁴ caun₂ dso₄ a₂jme₁lín₄. ¹⁴ Dso₄ a₂ca₂jéin₃ jniá₂ jaun₂ né₃ co₂'nió⁴ a₂ca₂caun₃ táu₂ Diú₄ 'nia² bá₄ jaun₂. La₁ on₃jua⁵⁴ a₂jaun₂ tsá₃ ca₂guei⁵⁴ 'nia² jua⁵⁴ a₂tsá₃ ca₂rě₃jei⁵⁴. Tě₂le₃ 'io² gué⁴ ca₂guei⁵⁴ bá₄ 'nia² jniá₂ ně₂jag₄ bá₄ jan₂ ángel quián₅ Diú₄, ně₂jag₄ bá₄ lín₅ Cristo Jesús 'ñiog₅. ¹⁵ ¿E₂ bá₄ ca₂lě₃ quian⁵⁴ a₂ñi⁴ lě₃ dse₃ jme₁ca₂'ág₂ 'au² 'nia² le₂jaun₂? Lé₂ le₃juá⁴ jniá₂, jua⁵⁴ mei² gué₃ lé₂, jme₁'uě⁴ 'nia² mí₂g₂ ne⁵⁴ guiong⁵⁴, a₂jme₁cué¹ jniá₂. ¹⁶ Jaun₂ né₃, ¿on₃ bá₄ lín² 'nia² a₂'iog⁵⁴ bá₄ jniá₂ ia₁ a₂juá⁵ lia² tí₅ jág₁?

¹⁷ Dsa₂ 'éi₂ né₃, 'ñio₅ dsen⁵⁴ dsí₅ jmo₂₃ quian⁵⁴ 'nia², la₁ on₃jua⁵⁴ a₂dse₃ dsón² lia² dsi₂jio₅ dsí₅. A₂'no² jui₅ a₂téi⁴ 'nia² jniá⁵⁴, ia₁jaun₂ le₃dsen⁵⁴ 'au² a₂'éin⁴ guioin⁵⁴. ¹⁸ A₂dsón² a₂dse₃ bá₄ jaun₂ a₂cué⁵ dsa₂ bí₂ riin⁵⁴, chi₂jua² a₂jaun₂ bá₄ a₂dse₃ a₂dsi₂jio₅ dsí₅. La₁ jui₁jmo₁₂ le₂jaun₂ co₂tan⁵⁴, on₃jua⁵⁴ rě² jmá³ jme₁'en⁵⁴ jniá₂ quian⁵⁴ 'nia². ¹⁹ 'Nia² chi²-guein₂ quiáng₃, con² siá² táng₃ ma₂ñag⁵⁴ uig₅ o₄quián² 'nia², lín₅ ně₂jag₄ bá₄ jan₂ 'io⁵⁴ i₂chan₂ uig₅; caun₂ ñag⁵⁴ uig₅ le₂ně₅ bá₄ ca₂lia² ca₂lín³ 'nia² a₂dsi₁nóg⁵ léng² lia² lín₅ Cristo. ²⁰ ¡Jua⁵⁴ mei² bá₄ lé₂ le₃dsióg₄ jniá₂ tě₂ně₃ ja₁con² 'nia², ia₁jaun₂ jme₁tsíng⁴ 'a₂ lia² dsia⁵⁴ jág₁ quian⁵⁴ 'nia²! Ia₁ 'ñio₅ lín₃ tsá₃ guion⁵⁴ 'a₂ lia² jmo⁵⁴ quian⁵⁴ 'nia².

Jág₁ jáng⁵ léi₄ jui₁lia² Agar quian⁵⁴ Sara

²¹ 'Nia² con² dsa₂ i₂'niog² tón⁴ táng₃ 'Éi³ Juá⁵, ñag₄ caun₂ 'nia² a₂juá⁴ jniá₂ la₂: ¿Tsa₁ ma₂nei² 'nia² a₂juá² 'Éi³ jaun₂? ²² Ia₁ juá² Si₂ 'iin₂₃ Abraham, 'éi₂ né₃ ca₂rě₃chán₃ on₃ ja₁ñi⁵⁴. Jan₂ i₂ca₂can₃ dsa₂ mí₂ i₂jme₁jme₂ti₃ ta₁ ne⁵⁴; jan₂ guě² i₂ca₂can₃ dsa₂ mí₂ quiáin₅ dsón² i₂tsá₃ 'ein₂ ne₄ dsa₂ sián² jme₂ti₃. ²³ Guein₂ i₂ca₂can₃ dsa₂ mí₂ i₂jme₂ti₃ ta₁ ne₄ Abraham, ca₂rě₃cháin₃ con² lé₅ rě₂chan₂ guein₂ lě₁guein₂, la₁ guein₂ i₂ca₂can₃ dsa₂ mí₂ quián₅ Abraham 'ñiog₅ né₃ ca₂rě₃cháin₃ a₂ca₂rě₃ti₃ jág₁ a₂cué¹ quió⁵ Diú₄. ²⁴ Jág₁ ně₅, lé₅ caun₂ jág₁ a₂jáng⁵ léi₄. Le₃on₃ 'io⁵⁴ ně₅ co₂'nió⁴ tñ₃ jág₁ a₂lǐ⁵⁴ Abraham quian⁵⁴ Diú₄.

* 4:6 Abba: co₂'nió⁴ le₃jua⁵⁴: “Tia⁵⁴” quian⁵⁴ jág₁ jmei₅ arameo.

Caun₂ jág₁ nē₅ lé₅ co₂'nió'₄ Má'₂ Sinaí a₂jáng'₅ léi₄ tē₂le₃ quió'₅ Agar i₂cán₂ guein₂ i₂'i₄ 'éi'₃ jme₃ti₃ ta₁ ne₄ dsa₂. ²⁵ Jaun₂ lín₅ Agar co₂'nió'₄ Má'₂ Sinaí, a₂chí'₅ 'uē₃ Arabia, a₂lé₅ caun₂ nió'₄ quió'₅ Jerusalén jmi_g₄ nē₃, ia₁ tion'₅₄ dsa₂ chan₂ ciudad jaun₂ jme₂ti₃ 'éi'₃ co₂dsia₅ quiain'₅₄ chi'₂-guein₂ quiáin₅. ²⁶ La₁ jui₁lia'₂ Jerusalén 'mí₂ quió'₅ guei'₅₄ nē₃, rē₂na₄ bá₄ jui₅; jaun₂ ja₁jaun₂ bá₄ lé₅ nē₂jag₄ bá₄ chog₅₄ jniog₄. ²⁷ Ia₁ ne₄ Si₂ juá'₂:
Quian₂ o₂'ñi₃ dsi₅, 'ne₂ 'io₅₄ quen₂,

'ne₂ dsa₂ mí₂ i₂tsá₃ guein₂ ma₂can₅,

'ú₅ co₂mi'₅₄ guio'₅₄ a₂'io'₂ jéng'₂,

'ne₂ i₂tsá₃ 'e₂ jme₁ma₂cuing'₂ 'e₂ jaun₂ a₂chang'₂ uig₅.

Ia₁ tē₂le₃ juin₅ gué₄ guein₂ le₃chan₂ bá₄

quió'₅ dsa₂ mí₂ i₂ca₂téi₂ dsa₂,

lia'₂ con'₂ gué₄ dsa₂ mí₂ i₂chan₂ dsi₂i₂gu₂.†

²⁸ Rin'₅₄ jniog₄, lín'₅ bá₄ 'nia'₂ jui₁lia'₂ Isaac; lín'₅ 'nia'₂ chi'₂-guein₂ con'₂ lé₅ jág₁ ca₂cuē₃ Diú₄. ²⁹ Le₂nē₅ bá₄ jui₁lia'₂ jmi_g₄ jaun₂, ja₁ñi'₅₄ i₂ca₂rē₃chán₃ con'₂ lé₅ rē₂chan₂ ca₂le₃jín₃, qui₂ca₂co₃'ein₃ bá₄ ja₁ñi'₅₄ Abraham i₂ca₂rē₃chán₃ con'₂ ta₁ quió'₅ jme₂dsí₂, le₂nē₅ bá₄ lé₅ rē₂nē₃ ján₃. ³⁰ ¿La₁ 'e₂ juá'₂ ne₄ Si₂? Juá'₂: “Dsen₅₄ dsi₂néi₂ 'io₅₄ i₂jme₂ti₃ ta₁ ne'₅₄ nē₅ lia'₂ jma₃quiain'₅₄ ja₁ñi'₅₄, ia₁ lia'₂ o₁líg'₂ jmi_g₄ jua'₅₄ ja₁ñi'₅₄ 'io₅₄ 'lian'₅₄ nē₅ ca₂tín₂ tiin₅₄ a₂dse₃ a₂ca₂tín₂ ja₁ñi'₅₄ 'io₅₄ i₂jín₅₄.”‡ ³¹ Jaun₂ nē₃, rin'₅₄ jniog₄, tsá₃ lág₅ jniog₄ chi'₂-guein₂ quián₅ 'io₅₄ i₂co₂'nió'₄ chi₁'ñe'₅₄ 'éi₂. Lág₅ bá₄ jniog₄ chi'₂-guein₂ quián₅ 'io₅₄ i₂jín₅₄§ bá₄.

5

Tiá₂ nau₂ 'nia'₂ jui₅ rē₂na₄

¹ Cristo ca₂chéi'₂ jniog₄, ia₁jaun₂ tsá₃ ma₃le₃chong₂ jua'₅₄ a₂le₁'ñei'₅₄ gué₄. Jaun₂ tiá₂ nau₂ 'nia'₂ jui₅ rē₂na₄, tsá₃ ma₃tón'₂ 'nia'₂ táng₃ uig₅ 'éi'₃ guei₂ co₂'nió'₄ a₂jmo₅ a₂rē₂'ñe'₅₄ dsa₂. ² Jaun₂ rē₂ nei₂ 'nia'₂. Jniá₂ Pa₄, juig₂ 'nia'₂: Nē₁jua'₂ cuín'₅ 'nia'₂ a₂ti₃ dsa₂ ni₁lo'₄, jaun₂ dsióg₅ 'i₁ca₂juig₄ tsá₃ 'e₂ ta₁ tén₄ Cristo ja₁con'₂ 'nia'₂. ³ 'Nio₃ jniá₂ juá'₄ táng₃: nē₁'ein₂ cuín₅ a₂ti₃ dsa₂ ni₁lo₁₂, ca₂tín₂ jme₃ti₃ ca₂le₃jé₃ 'éi'₃ qui'₅ Si₂ quió'₅ Moisés. ⁴ 'Nia'₂ i₂'náu'₂ jui₅ a₂guéi'₂ Diú₄ a₂lín_g'₅ dsa₂ dsen₃ tē₂le₃ 'uig₅₄ ia₁ a₂rē₂ten'₅₄ 'nia'₂ 'Éi'₃, ca₂dsióg₃ táng₃ co₂dsia₅ ma₂ca₂'nia'₅₄ bá₄ 'nia'₂ jág₁ quian'₅₄ Cristo; ma₂i₂uín'₃ bá₄ táng₃ 'nia'₂ ja₁dsia₅ Diú₄ 'ua₁ dsí₅ ja₁con'₂ 'nia'₂. ⁵ Ia₁ tē₂le₃ quian'₅₄ Jme₂dsí₂, tē₂le₃ jñia'₅₄ 'a₂ con'₂ 'éin₂ bá₄ jniog₄, chong₂ a₂'ín₂ dsi₅ le₁jñia₁ a₂já₅ caun₂ jmi_g₄ jē₁léi₂ dsón'₂ jniog₄ dsa₂ dsen₃. ⁶ Ia₁ nē₁jua'₂ chong₂ le₃quió'₅ Cristo Jesús, tsá₃ 'e₂ ta₁ jmo₃ o₁jñia'₅₄ a₂rē₂uing₄ o₃ tsá₃ rē₂uing₄ 'e₂ lo₄ dsa₂. Ia₁ a₂le₃'éin₂ bá₄ tē₃dsón'₂ quen₅, a₂le₃jniá₂ tē₂le₃ quian'₅₄ a₂jme₁'nió'₄ jniog₄ rin'₅₄. ⁷ Dse₃ bá₄ lia'₂ con'₂ jme₁ma₂ja₂nó'₅ 'nia'₂. ¿Ein₂ bá₄ ca₂jmo₃ jnág₅ jui₅ jaun₂ tsá₃ ma₃nág'₁ gau₂ jág₁ a₂tí₅ dsón'₂? ⁸ On₃jua'₅₄ a₂jaun₂ a₂ma₂tē₅ Diú₄ 'nia'₂ jua'₅₄ a₂jmó'₂ le₂nē₅. ⁹ Lé₅ jui₁lia'₂ juá'₂ jág₁ quió'₅ dsa₂ ma₂líg'₂: “Quian'₅₄ ca₂juig₄ bá₄ jui₁ levadura, jmo₃ ta₁ guion'₂ ca₂le₃jé₃ ti₁can₁.” ¹⁰ Caun₂ bá₄ 'ei₅ dsi₃ tē₂le₃ ja₁con₂ Te₁gui'₅₄, a₂tsá₃ ma₃dsi₃jio_g₅ 'au'₂ 'nia'₂ le₂siá'₂; Diú₄ bá₄ 'é₂ uig₅ quió'₅ dsa₂ i₂chi₂jan₅ chi₂nei₂₃ jág₁ jin'₄ 'nia'₂, tsá₃ a₂lé₅ jaun₂ jui₁'ein₂ gué₃. ¹¹ Tē₂le₃ quió'₅ gué'₂ rin'₅₄ jniog₄, jua'₅₄ mei'₂ gué₃ ñi₅ jniá₂ te₁neg'₅₄ dsa₂ a₂ti₃ lo₅₄, ¿'e₂ gué'₂ le₃ qui₂co₂'ein₅ dsa₂ jniá₂? Jág₁ dse₃ a₂rē₂'é₂ quió'₅ Cristo a₂ca₂join₃ ne₄ cróg₄, tsá₃ 'lig'₅₄ jme₁tiin₃ jua'₅₄ mei'₂ gué₃ le₂jaun₂. ¹² La₁ jui₁lia'₂ dsa₂ i₂cuē₅ o₂me'₅₄ dsi₅ 'nia'₂ a₂'ē₂₃ a₂ti₃ dsa₂ lo₅₄, jua'₅₄ co₂ñei'₅₄ bá₄ ti₃ quió'₅ guioin₅₄! ¹³ Ia₁ 'nia'₂, rin'₅₄ jniog₄, ma₂ca₂rē₃té₄ a₂lén'₂ 'nia'₂ dsa₂ i₂i₂nio₄ lon₄. Jñia'₅₄ lia'₂ tsá₃ cuín₅ 'nia'₂ jmi_g₄ jua'₅₄ a₂jme₁ti'₄ gué₄ 'nia'₂ a₂mi₅ ni₁ñi'₁ ia₁ a₂lín_g'₅ dsa₂ i₂ma₂lón₂. Tē₂le₃ jme₁ti₁ 'nia'₂ ja₁con₂ ríng'₂ le₂jang'₂ le₂jang'₂, tē₂le₃ ia₁ a₂'nió'₃ 'nia'₂ ríng'₂. ¹⁴ Ia₁ quian'₅₄ ca₂jon₄ jág₁ bá₄ a₂rē₂'ñia₅ ca₂le₃jé₃ 'Éi'₃ Juá'₅: “Jme₁'nió'₄ dsa₂ mi₂güig₃ ríng'₂ jui₁lia'₂

† 4:27 Isaías 54:1. ‡ 4:30 Génesis 21:10. § 4:31 o₃, “'io₅₄ i₂lon₄.”

'nióg'₃ 'ɲiag'₂.^{* 15} La₁ nē₁jua'₂ tion'₅₄ 'nia'₂ quíng'₅ ríng'₂ quian'₅₄ i₂la₂ i₂ó₃, tē₃ɲi'₅₄ quián'₂ 'nia'₂ ia₁ con'₂ tsá₃ ɲó₅ nē₁jua'₂ guion'₅₄ bá₄ 'nia'₂ qui₂co₂dsi₃'éng'₅.

'A₂ lia'₂ le₃chan₂ dsa₂ tē₂le₃ quió'₅ Jme₂dsí₂ mi₂güüg'₃ la₂

¹⁶ A₂la₂ bá₄ a₂juüg'₂ jniá'₂ 'nia'₂; Jui₁le₂chan'₂ bá₄ 'nia'₂ con'₂ lé₅ jiog₅ Jme₂dsí₂, jaun₂ bá₄ dsióg₄ a₂tsá₃ ma₃jme₁ti'₄ 'nia'₂ a₂mi₅ ni₁ɲi'₁. ¹⁷ Ia₁ ca₂le₃jé₃ a₂'ín₅ dsí₅ ni₁ɲi'₁ dsa₂, 'io'₅₄ Jme₂dsí₂ quián₅ Diú₄. Ján₃ gué'₂ le₂jaun₂ a₂'ín₅ dsí₅ Jme₂dsí₂ 'io'₅₄ ni₁ɲi'₅ táng₃. Tsá₃ jein'₂; lé₅ 'nei₂. 'Uig₅₄ jaun₂ bá₄ tsá₃ lé₂ le₃jmó'₂ 'nia'₂ a₂'nióg'₂. ¹⁸ Ia₁ nē₁jua'₂ jiog₅ Jme₂dsí₂, tsá₃ ma₃tiong'₅₄ 'Éi'₃ Juá'₅. ¹⁹ Ia₁ a₂rēj₂jniá'₂ dse₃ bá₄ 'a₂ lia'₂ lé₅ chan₂ dsa₂ i₂i₂nio₄ con'₂ lé₅ 'ɲio₂ dsí₅ ni₁ɲi'₁₂; nió'₅ jág₁ a₂tsá₃ dsi₂ten₅₄ nió'₃; i₂nioi₅₄ 'ɲio₅ lē₁'ɲioi₅ 'e₂ gué₃ a₂jmo₅-dsáu₅; tsá₃ con₂ dsí₅; ²⁰ qui₂jme₂gain₃ diú₄ lag₄; jmo₂₃ mí₅ a₂chan₂ dsí₅; † i₂'ɲia₅₄ dsa₂ mi₂güüg'₃ rin'₅₄; i₂qui₂tsin₅ quian'₅₄ rin'₅₄; i₂dsí'₅ 'uin₅ dsí₅; i₂caun₂ lē₁rē₂'ne₂; i₂'ē₂ a₂cha₂ quió'₅; i₂dsia₅ mi'₅₄ jmo₅ le₁dson'₅₄ dsa₂; i₂jmo₅ jmá'₃ co₂nió'₃ quian'₅₄ riin'₅₄; ²¹ i₂uig₅ dsí₅; [i₂jme₂dsian₅ rin'₅₄]; ‡ i₂i₂nio₄ lē₁'en₅; qui₂jmo₂₃ jmig₄ ja₁qui₂jmo₅-dsáu₅ a₂'lig'₅₄ né₃. 'Lióng₂ bá₄ gué₄ a₂siá'₂ jmo₅ i₂lin₅₄ a₂mei'₂ tsá₃ co₂rē₂ ján₃. Jaun₂ 'é₅ jniá'₂ jág₁ tē₃ɲiá₅, jui₁lia'₂ ma₂juá'₃ jniá'₂ le₂ɲiá₅ ma₂juüg'₂ 'nia'₂, ca₂le₃jín₃ dsa₂ i₂qui₂jmo₅-dsáu₅ a₂nē₅ o₁líg'₂ jmig₄ tsá₃ tñin'₄ ja₁gon₂ Diú₄. ²² La₁ le₂la₂ bá₄ chan₂ dsa₂ i₂jiog₅ Jme₂dsí₂: A₂'nioi₃ riin'₅₄; chain₂ o₂'ɲi₃ dsí₅; tei₄ le₁'ág₄ dsí₅ né₃, ton'₂ juin'₂ dsí₅ lín₅; 'ɲio₂ dsí₅ quian'₅₄ riin'₅₄; jmo₂₃ a₂dse₃ dsí₅ ja₁con₂ riin'₅₄ né₃; tí₅ jág₁ quió'₅ nē₁'e₂ jág₁ jmo₂₃ quian'₅₄ riin'₅₄. ²³ 'Ua₁ dsí₅ lín₅ ja₁con₂ riin'₅₄; ɲi₅ 'a₂ lia'₂ jme₃'uáin₂ dsí₅ 'ɲiog₅ 'e₂ jme₁ja₂ dsí₅ jmo₃. 'I₁caun₂ 'éi'₃ tsá₃ cha₂ jua'₅₄ a₂lé₂ le₃'liog'₃ quió'₅ dsa₂ i₂chan₂ le₂nē₅. ²⁴ Ia₁ dsa₂ i₂ma₂lín₅ quián₅ Cristo, nē₂jag₄ bá₄ a₂ma₂ca₂i₃lé₂ ne₄ cróg₄ ca₂le₃jé₃ lia'₂ lé₅ jme₁lín₄ chain₂ mi₂güüg'₃, co₂dsia₅ quian'₅₄ a₂jme₁'ín₅ dsí₅, a₂jme₁qui₂dsi₂jiog₅ dsí₅ jmo₃ né₃. ²⁵ Le₂nē₅ chi₂jua'₂ chong₂ jniog₄ tē₂le₃ quian'₅₄ Jme₂dsí₂, ján₃ bá₄ jui₁i₁nio₁ jniog₄ lia'₂ jiog₅ Jme₂dsí₂. ²⁶ Tsá₃ ca₂tág₂ jniog₄ jmó₁ táu'₅, on₃ gué'₂ dsiá₁ mi'₅₄ le₂jau₂ le₂jau₂, on₃ gué'₂ jmó₁ uig₅ dsí₅ quian'₅₄ rin'₅₄.

6

Jme₁'on₁ 'nia'₂ ríng'₂ le₂jang'₂ le₂jang'₂

¹ Rin'₅₄ jniog₄, nē₁'ein₂ 'nia'₂ ca₂tán'₂ dso₄, 'nia'₂ gué'₂ con'₂ i₂ma₂jio₅ Jme₂dsí₂, ca₂tín'₂ 'nia'₂ jme₁'oin'₁, ia₁jaun₂ roin'₂ táng₃, jmó'₂ 'nia'₂ 'ua₁ 'au'₂ ja₁coin₂. La₁ 'í₁ jmo₄, ia₁ con'₂ tsá₃ ɲó₅ nē₁le₂jio₅ 'ɲiag'₂ ca₂táng'₂ ján₃. ² Jme₁'on₁ 'nia'₂ ríng'₂ le₂jang'₂ le₂jang'₂, chi₂jua'₂ 'e₂ caun₂ o₂me'₅₄ dsi₅ guei₂ quian₅ ríng'₂, ia₁ le₂nē₅ bá₄ le₃ten'₅₄ 'nia'₂ 'éi'₃ a₂ca₂quiog₂ Cristo.^{*} ³ Ia₁ nē₁jua'₂ chan₂ 'ein₂ lín₂ tñin₂ jmo₂₃, nē₁jua'₂ tsá₃ 'e₂ ta₁ téin₄ gué'₂ né₃, jme₂gain₂₃ 'ɲiog₅. ⁴ Le₂jan₂ le₂jan₂ bá₄ dsa₂ ca₂tñin₂ con₂ 'í₁ 'a₂ lia'₂ jnia'₅₄ ma₂lé₅ chain₂ guioin₅₄. Nē₁jua'₂ ca₂rē₃lí'₄ rē₂ ma₂chain₂, tíoin₂ dse₃ guioin₅₄ bá₄, on₃jua'₅₄ ɲia'₅₄ 'nio₃ chein'₃ dse₃ o₄quió'₄ i₂sián'₂. ⁵ Ia₁ i₂jma₃quén₅ cán₂ guei₂ o₂me'₅₄ dsi₅ guion₅₄ bá₄ dsa₂ le₂jain₂ le₂jain₂.

⁶ Jui₁lia'₂ dsa₂ i₂rē₂tñin₂ jág₁ quió'₅ Diú₄, ca₂tñin₂ jme₃'oin₅₄ tē₅ quián₅ quian'₅₄ ca₂le₃jé₃ ne₅₄ a₂dse₃ a₂cha₂ quió'₅. ⁷ Tsá₃ lē₁jme₂gán₁ 'nia'₂ 'au'₂ guiong'₅₄: ia₁ 'i₁jan₂ tsá₃ 'ein₂ lé₂ lē₁co₃jmá'₂ Diú₄, ia₁ chi₂jua'₂ 'e₂ caun₂ a₂jne₅ dsa₂, a₂jaun₂ bá₄ ráu₃ quió'₅. ⁸ Jui₁lia'₂ jan₂ dsa₂ i₂jne₅ a₂'ín₅ dsí₅ ni₁ɲi'₁ 'ɲiog₅, jui₅ ni₁ɲi'₁₂ jaun₂ bá₄ ro'₂ 'mú₃; la₁ dsa₂ i₂jne₅ tē₂le₃ quió'₅ Jme₂dsí₂, jui₅ Jme₂dsí₂ bá₄ ráu₃ quió'₅ ján₃ a₂le₃chain₂ co₂tan₅₄. ⁹ Le₂nē₅ bá₄, tsá₃ lē₁o₁'ú'₄ dsí₅ jniog₄ a₂jmó₁ a₂dse₃; ia₁ nē₁jua'₂ tsá₃ ca₂'ág₂ caun₂-tñin₃ dsí₅ jniog₄, já₅ bá₄ jmig₄ tē₅₄ a₂ráu₃ quián₂. ¹⁰ Jaun₂ lē₃, lia'₂ co₂ráun₂ lé₂ le₃jmó₁, o₁jmó₁ jniog₄ a₂dse₃ ja₁con₂ ca₂le₃jín₃, la₁ ja₂lín₃ gué₄ le₃ja₁con₂ rin'₅₄ jniog₄ i₂'én₂.

* 5:14 Levítico 19:18. † 5:20 griego: farmakeía. ‡ 5:21 A₂lín₅₄ chog₅₄ si₂ tsá₃ le₁ton₅ jág₁ nē₅.

* 6:2 'Nio'₂ ja₁ton₅ Juan 13:34.

É₂ gué₄ jág₁ tē₃jñiá₅, jē₁'ág'₅ jág₁

¹¹ Jag₄ 'nia'₂ quian'₅₄ letras ca₁ca'₅₄ jmo₂₃ quian'₅₄ gu₃ 'ñi₃ó₃,† si₂ a₂tsing₂ ne'₅₄ 'nia'₂.
¹² Dsa₂ i₂jñia'₅₄ 'nio₃ le₃jñia₂ tióin₂ dse₃, chi₂quián₂ jmig₄ 'nia'₂ a₂tí'₁ 'nia'₂ lo'₅₄; jmo₂₃ le₂jaun₂ ia₁jaun₂ tsá₃ 'ein₂ co₃'ein₃ 'uig₅₄ ne₄ jág₁ quió'₅ cróg₄ quió'₅ Cristo. ¹³ Ca₂lia'₂ jñia'₅₄ guion₅₄ dsa₂ i₂ti₅ lo₄ 'éi₂, tsá₃ a₂jaun₂ jme₂ti₃ a₂juá'₂ ca₂le₃jé₃ 'Éi'₃ Juá'₅ jaun₂. La₁ 'nio₃ né₃ a₂tí'₁ 'nia'₂ quiáng'₂, ia₁jaun₂ le₃jmo₃ táin'₅ ja₁con₂ ni₁ñi'₁ 'nia'₂. ¹⁴ La₁ jniá₂ né₃, o₁líg'₂ tsá₃ 'nio₃ jmo₅₄ táng'₅, jñia'₅₄ lia'₂ le₃quió'₅ 'mú₃ a₂ca₂i₃ñí₂ Te₁gui'₅₄ Jesucristo quián₂ jniog₄ ne₄ cróg₄ bá₄. Ia₁ 'uig₅₄ a₂ca₂jon₃ Cristo ne₄ cróg₄, ma₂ca₂ñí₂ bá₄ mi₂güüg₃ ja₁con₂ jniá₂; ján₃ guē'₂ le₂jaun₂ co₂'nió'₄ ma₂jon₅ bá₄ jniá₂ tē₂le₃ ne₄ mi₂güüg₃. ¹⁵ Jaun₂ né₃, 'i₁caun₂ tsá₃ 'e₂ quen₅ a₂rē₂uüing₄ o₃ a₂tsá₃ 'e₂ rē₂uüing₄ lo₄ dsa₂; la₁ a₂léi₂ jniog₄ dsa₂ i₂ma₂ca₂rē₃ 'mag'₂ tē₂dsí₅, a₂nē₅ bá₄ dsón'₂ a₂quen₅. ¹⁶ Tē₂le₃ ja₁con₂ ca₂le₃jín₃ dsa₂ i₂i₂nio₄ lia'₂ con'₂ lé₅ jág₁ nē₅, jui₁le₁'ág₄ bá₄ tei₄ 'au'₂ 'nia'₂, jui₁dsia₅₄ bá₄ Diú₄ ñéi₂ dsí₅ ja₁con'₂ 'nia'₂ i₂lín₅ tē₃dsón'₂ dsa₂ jui₂ quián₅. ¹⁷ Nē₃ né₃, tē₂le₃ ne₄ jui₅ ja₁dsau₅₄ nē₅, 'i₁jan₂ tsá₃ 'ein₂ jui₁cuē₅₄ o₂me'₅₄ dsi₃, ia₁ ma₂quian₄ bá₄ jniá₂ 'ñi₃ó₃ léi₄ tio'₅₄ ni₁ñi₃ a₂jáng'₅ jág₁ dsau₅ a₂lín₅ tē₃dsón'₂ jan₂ dsa₂ quián₅ Jesús.

¹⁸ Jui₁jme₂gu'₅₄ bá₄ Te₁gui'₅₄ Jesucristo quián₂ jniog₄ jme₂dsí₂ quián'₂ 'nia'₂, rin'₅₄ jniog₄. A₂méi₃.
 Co₂nē₅.

† 6:11 'Nio'₂ ja₁ton₅ 1 Corintios 16:21; Colosenses 4:18; 2 Tesalonicenses 3:17; Filemón 19.

Si₂ carta a₂ca₂jmo₃ San Pablo ne₄ dsa₂
EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Efeso

¹Jniá₂, Pablo, co₂nē₅ ca₂rē₃ 'ñi₃ó₃ dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsíng₂ ja₁con'₂ 'nia'₂ i₂tén₅ le₃quió'₅ Diú₄* i₂chan₂ ciudad Efeso,† ja₁con₂ ca₂le₃jín₃ gué₄ i₂én₂ le₃quió'₅ Cristo Jesús. ²Jui₁jme₂gu'₅₄ bá₄ Diú₄ Jmei₂ jniog₄, quian'₅₄ Te₁gui'₅₄ Jesucristo né₃. Jui₁jmo₁₂ bá₄ 'ei₅ tei₄ chan'₂ 'nia'₂.

'A₂ lia'₂ jme₂gu'₅₄ Diú₄ le₃quió'₅ jme₂dsí₂, o₄quió'₄ Cristo

³Jui₁jme₁juín'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ le₃quió'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñio₅ lín₃ quian'₅₄ ca₂le₃jé₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juíg₃. ⁴Lia'₂ con'₂ né₃ a₂jmo₃ Diú₄ mi₂güüg₃, ca₂quió'₂ jniog₄ a₂léi₂ dsa₂ i₂náu₁ le₃quió'₅ Cristo, ia₁jaun₂ le₃chong₂ le₃ne₅₄ lé₅ 'í₁ quián₅, tsá₃ ma₃'e₂ dsáu₁ jniog₄ cha₂. 'Uig₅₄ ia₁ a₂'nio₃ bá₄ jniog₄, ⁵ca₂quió'₂ ca₂le₂jñiá₅, a₂guéi'₂ léi₂ jniog₂ chi'₂-guein₂ quián₅ tē₂le₃ quian'₅₄ Jesucristo, lia'₂ con'₂ lé₅ ca₂i₃jio₅ dsí₅. Ia₁ le₂nē₅ ca₂rē₃'ñi₃ó₃ dsí₅ 'ñiog₅. ⁶'Uig₅₄ nē₅ né₃ jme₂juín'₁ jniog₄ Diú₄ ia₁ 'ua₁ dsí₅ 'ñio₅ lín₃, jaun₂ ca₂jme₃gu'₅₄ jniog₄ le₃quió'₅ Ja₁ñi'₅₄ i₂ñiá₄ 'nioi₃ lín₃. ⁷'Éi₂ bá₄ ca₂quí₃ ca₂láu₂ jniog₄ tē₂le₃ quian'₅₄ jmi₂ 'ain₅₄, ca₂'éin₂ dsáu₁ jniog₄ a₂jme₁le₁cáu'₄, tē₂le₃ ia₁ a₂ñiá₄ lē₃ 'ua₁ dsí₅. ⁸A₂dse₃ dsí₅ lín₃ bá₄ Diú₄ ca₂jmo₃ a₂le₃ñi'₂ dsí₅ jniog₄ a₂le₃tag₂ ca₂le₃jé₃, ⁹a₂ma₂ca₂jme₃jniai₂₃ ja₁con₂ jniog₄ jág₁ quió'₅ a₂jme₁rē₂'ma₄, a₂i₃jio₅ dsí₅ jmo₃, lia'₂ con'₂ lé₅ ca₂rē₃'ñi₃ó₃ dsí₅ jmo₃ a₂dse₃ dsí₅. 'Ñiog₅ bá₄ Diú₄ ca₂lē₃ dsí₅ jmo₃ le₃quió'₅ Cristo. ¹⁰Lia'₂ con'₂ lé₅ jág₁, jme₃ti₃ bá₄ lia'₂ tí₅ jág₁ quió'₅ jē₁ma₂ca₂tē₂ jmi₄ a₂'i₄ 'éi'₃ dsia₃ o₄gú₃ Cristo a₂jmo₃ 'éi₂ 'éi'₃ lia'₂ guei'₅₄ i₂juíg₃ lia'₂ ne₄ gua'₅₄ 'uē₃.

¹¹Ján₃ bá₄ le₂nē₅, a₂tióng₂ jnia'₅₄ le₃quió'₅ Cristo, ca₂quió'₂ Diú₄ tē₃jñiá₅ lia'₂ con'₂ lé₅ ta₁ quió'₅ a₂ma₂i₂jio₅ dsí₅ jmo₃ le₂jñiá₅. Ia₁ Diú₄ bá₄ i₂jmo₅ 'e₂ niog₅ lé₂, lia'₂ con'₂ lé₅ dsí₂jio₅ dsí₅ jmo₃. ¹²Le₂nē₅ ma₂ca₂jmo₃ ia₁jaun₂ jnia'₅₄ i₂le₂'uig₅₄ 'éi₁ caun₂ dsí₅ tē₂le₃ quió'₅ Cristo, le₃chong₂ jnia'₅₄ jmó₁ jué'₂ a₂co₂tág₅ quió'₅. ¹³Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rē₃'é₂ jág₁ a₂lión₂ dsa₂, jaun₂ ca₂rē₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lín'₃ 'nia'₂ léi₄ a₂líng'₅ i₂quián₅ Diú₄ tē₂le₃ quian'₅₄ Jme₂dsí₂ Jñi₃ó₅ i₂ma₂lé₅ jág₁ cuin₃ Diú₄. ¹⁴Jme₂dsí₂ Jñi₃ó₅ 'éi₂ bá₄ né₃ lín₅ co₂'nió'₄ caun₂ cu₄ a₂ma₂quiog₂ dsa₂ tē₃jñiá₅ co₂'nió'₄ a₂ma₂lé₅ chi₁quian₅ quián₂ jniog₄ a₂tē₃dsón'₂ guéi'₁ a₂ca₂tág₂ a₂cuē₃ Diú₄ jē₁ma₂ca₂'ñia₅ a₂lión₂ dsa₂ quián₅, ia₁jaun₂ jme₃jué'₂ dsa₂ a₂co₂tág₅ quió'₅.

Mi₅ Pa₄ ne₄ Diú₄ a₂jmo₃ a₂le₃ñi'₂ dsí₅ dsa₂ 'én₂

¹⁵'Uig₅₄ jaun₂ jniá₂ né₃, jme₁ca₂rē₃guion₅₄ a₂'én'₂ 'nia'₂ tē₂le₃ quió'₅ Te₁gui'₅₄ Jesús, con'₂ siá'₂ táng₃ ia₁ 'nió'₃ bá₄ 'nia'₂ ca₂le₃jín₃ i₂tén₅ le₃quió'₅ Diú₄, ¹⁶jaun₂ né₃ ca₂le₃o₃ jmi₄ bá₄ tsá₃ lé₅ jua'₅₄ tsá₃ cué₅ ti₁'mag'₄ o₄quián'₂ 'nia'₂, 'ín₅ jniá₂ 'nia'₂ ne₅₄. ¹⁷Caun₂ qui₂mi₅ jniá₂ juig₂ Diú₄ quián₅ Te₁gui'₅₄ Jesucristo quián₂ jniog₄, i₂lín₅ Tia₅₄ juín'₂, jui₁jmo₁₂ bá₄ a₂lén'₂ 'nia'₂ dsa₂ i₂tín₂ i₂niog₅ dsí₄ tē₂le₃ quió'₅ jme₂dsí₂, a₂le₃ñi'₂ 'au'₂ 'nia'₂ a₂jme₃jniai₂₃ ia₁jaun₂ le₃cuin₂ gué₄ 'nia'₂ dse₃. ¹⁸Mi₅ jniá₂ ján₃, jui₁jme₂jnio₅₄ ne'₅₄ 'nia'₂, ia₁jaun₂ le₃ñi'₅₄ 'e₂ jaun₂ a₂le₁'ág₄ caun₂ 'au'₂ 'nia'₂ a₂ma₂tē₂₃ a₂cuē₃; a₂quen₅ lín₃ bá₄ ca₂le₃jé₃ a₂jlá'₁ a₂ca₂tín₂ dsa₂ i₂lé₅ 'í₁ quián₅;‡ ¹⁹mi₅ jniá₂ jui₁le₂ñi'₅₄ 'nia'₂ ján₃, 'e₂ gué₄ tson₂ jué'₂ bí₂ quió'₅, a₂niog₅ jmo₂₃ le₃quián₂ jniog₄ i₂'éin₂. Jui₅bí₂ nē₅ né₃ a₂le₂jaun₂ bá₄

* 1:1 lit. "dsa₂ jñi₃ó₅." † 1:1 A₂lín₅₄ chog₅₄ si₂ tsá₃ chi₁ton₅ "ciudad Efeso." ‡ 1:18 lit. "a₂ca₂tín₂ dsa₂ jñi₃ó₅."

ně5 jui'lia'2 a2ca2jme3jnia5 Diú4 20 jme1ca2jme3jein'54 Cristo ja1jme1rē2'liin54 a2ca2dsiog3 jaun2 ně3 le3gu2 ne1 quió'5, guei'54 i2juíg3. 21 Ja1jaun2 ca2dsiog3 ca2'ag3 a2liin5 ta1 juē'2 lin3 a2goin2 ne4 quió'5 ca2le3jé3 'éi'3, ne4 quió'5 ca2le3jé3 jui5bí2 a2cha2. 'Éi2 bá4 juin'2 ne4 quió'5 ca2le3jín3 dsi2tan54 i2'uan'2 gon2, ne4 ca2le3jín3 i2juin'2 i2liin5 juig54, ján3 bá4 'éi2 juin'2 ne4 ca2le3jé3 ne54 ta1 a2lé2 le3lén2 dsa2, on3jua'54 jmá'3 mi2güig3 la2, ŋó5 ně5 jmo23 'éi'3 le2tan54 mi2güig3 caun2. 22 O4tag4 Cristo bá4 ca2ton'2 Diú4 ca2le3jín3 i2chan2, ca2le3jé3 a2cha2 ně3, jaun2 'ŋiog5 gué'2 Cristo ca2'iin3 a2liin5 mi2dsi4 ne4 ca2le3jé3 le3quió'5 guá'5 quiáin5. 23 Jaun2 guá'5 quiáin5 ně3, lé5 co2'nió'4 ni1ŋi12 'ŋiog5 a2rē2'ŋia5 ta1jain2; jaun2 Cristo 'ŋiog5 bá4 jme3'ŋiai23 ca2le3jé3 gué4 a2'nió'5 ca2le2con2.

2

Ca2rē3chóng3 jniog4 le3quió'5 Cristo

1 'Nia'2 ně3, jme1tiong'54 le2ŋiá5 líng'5 'lag4 ne4 'uig54 a2jme1i2niog'54 i1juing'54, le1cáng'4 dsáu'2, 2 lia'2 con'2 jme1chang'2 tiong'54 'éng'5 jui5 con'2 lé5 jiog5 mi2güig3 la2, jme1jme2t'1 'nia'2 con'2 lé5 'ŋio2 dsi5 jme2dsi2 i2gon2 ne4 'éi'3 a2cha2jē4 dsi2, i2jmo5 ta1 tē2dsi5 jaun5 dsa2 i2tsá3 ne'54, i2tsá3 gan3 Diú4. 3 Le2ně5 bá4 jme1i2nio4 jniog4 ján3, jmig4 jaun2, jme1chong2 jme1jme2t'1 'a2 con'2 lé2 dsi4 guio54, jme1jme2t'1 a2mi5 ni1ŋi12. 'Uig54 lia'2 con'2 lé5 jme1lág4 jniog4 jme1ca2tág2 gué1 co2rē2 uig5 gau2 quió'5 Diú4, jui'lia'2 lé5 tin3 ca2le3jín3 i2sián'2. 4 La1 Diú4 ně3, 'uig54 ia1 a2ŋi4 lē3 ŋéi2 dsi5 bá4, ca2rē3'nio3 lin3 jniog4. 5 Ca2to'2 jme2dsi2 ca2jme3jein'54 jniog4 co2lē5 quian'54 Cristo, lia'2 con'2 jme1lág4 gué4 jniog4 'lag4 'uig54 dsáu1. Ia1 jmá'3 lia'2 quian'54 a2'ua1 dsi5 Diú4 'ŋiog5 bá4 ma2lón'2 'nia'2. 6 Jaun2 le2ně5 ca2chó'2 co2lē5 quian'54 Cristo Jesús jaun2 ma2ca2dsiog3 co2lē5 quiong'54 guei'54 i2juíg3. Le2ně5 ma2ca2jmo3 ca2le3jé3, ne4 'uig54 ia1 a2chong2 jniog4 rē2ně3 le3quió'5 Cristo Jesús. 7 Le2ně5 ca2cuē3 léi4 a2'nio3 jniog4 'ŋio5 lin3 ca2le3jé3 jmig4 ja1já4 ně5, 'a2 lia'2 ŋi4 lē3 tson2 a2'ua1 dsi5 a2ca2jmo3 dse3 dsi5 ia1 a2chong2 le3quió'5 Cristo Jesús. 8 Ně3 ně3, tē2le3 ia1 a2'ua1 dsi5 bá4 Diú4 ma2ca2lón'2 'nia'2, tē2le3 ia1 a2'éng'2. A2ca2lón'2 'nia'2 ně5 ně3, on3jua'54 ia1 'e2 cha2 tín'2 'nia'2 jua'54 a2ma2jmo'54 guiong'54; a2lē1ca2ŋi'2 bá4 'nia'2 ně5 ca2cuē3 Diú4. 9 On3jua'54 tē2le3 quian'54 a2jmo5 dsa2 guoin54 ia1jaun2 'i1jan2 tsá3 'ein2 jmo3 tán'5. 10 Ia1 lág5 bá4 jniog4 co2'nió'4 ta1 quió'5 Diú4 'ŋiog5; ca2jmóg'2 jniog4 le3quió'5 Cristo Jesús ia1jaun2 quián1 jui5 jmó1 a2dse3, jui5 a2ma2ca2jmo3 'éi2 co2ŋia54 a2i1nio1.

'Ei5 tei4 dsi5 jniog4 le3quió'5 Cristo

11 Le2ně5 bá4, jui1dsiog'2 'au'2 'nia'2 'a2 lia'2 jme1líng'4 le2ŋiá5. 'Nia'2 con'2 i2líng'5 dsi2nau2 i2tsá3 rē2uing4 lo4, quiong5 dsa2 i2rē2uing4 lo4, (ta1 jaun2 a2jmo5 dsa2 mi2güig3 quian'54 gu2); 12 jui1dsiog'2 'au'2 'nia'2: jmig4 jaun2 lia'2 con'2 jme1chang'2 tsá3 I2rē2'ín1 quián5 Diú4 jme1chan2 ja1con'2 'nia'2; uing2 bá4 jme1tión'2 'nia'2 ja1lé4 juig2 Israel, tsá3 jme1cuin'2 'nia'2 jág1 a2jme1li'54 dsa2 juig2 quián2 jnia'54 quian'54 Diú4. Jme1chan'2 'nia'2 mi2güig3 la2 tsá3 Diú4 chan2 quián'2 'nia'2 on3 gué'2 jme1cha2 jmig4 jua'54 a2jme1tín'4 'nia'2. 13 La1 rē2ně3 ně3, ma2quian'54 'nia'2 Cristo Jesús, 'nia'2 i2jme1tióng'2 uing2 le2ŋiá5. Quián5 bá4 ma2tióng'2 rē2ně3 tē2le3 quian'54 jmi2 'an54 Cristo. 14 Le2ně5 bá4 ca2dsióg3: 'ŋiog5 bá4 Cristo i2jmo5 'ei5 tei4 quián2 jniog4. 'Éi2 bá4 ca2jmo3 ně3 ca2chain'3 co2ŋei'54 jnia'54 dsa2 judíos quian'54 'nia'2 dsi2nau2, caun2 juig2 bá4 ca2jmo3, ca2góin2 bá4 co2'nió'4 ni1'ia'2 a2jme1chí'4 a2jáng'5 léi4 a2jme1jmo5 jma3quén5 jin4 jniog4. 15 Quian'54 ni1ŋi12 'ŋiog5, ca2jme3dsian23 'Éi'3 Juá'5 a2jme1tē2néi'2 chi2quióng2 jmig4 jmá'3 'éi'3. Ca2lē3 bá4 ně3 lia'2 con'2 lé5 ca2i3jiog5 dsi5, ca2jmo3 caun2 juig2 'mi2 quió'5 'ŋiog5, ca2'ág2 tei4 quió'5 dsa2 le3tin3 juig2. 16 Le2ně5 bá4 ca2dsióg3 ca2lē3 co2nió'3 dsa2 jē1ca2le3jín3. Tē2le3 quian'54 'mú3 quió'5 ne4 cróg4, ca2jme3dsian5 Cristo mi'54 a2jme1nió'5 le3tin3 juig2, ca2'ág2 caun2 jág1 quian'54

Diú₄. ¹⁷ Ca₂guan₃ Cristo quian₅ jág₁ dse₃ a₂'ag₃ tei₄ quió'₅ ca₂le₃jín₃: le₃quían'₂ 'nia'₂ dsa₂ i₂jme₁tión₂ uíng₂, lia'₂ le₃quían₂ jnia'₅₄ dsa₂ judíos i₂jme₁tio'₅₄ quían₅. ¹⁸ Jaun₂ të₂le₃ quian'₅₄ Cristo, lé₂ le₃jme₁quían₄ jniog₄ ja₁con₂ Tia₅₄ quían₂ të₂le₃ quian'₅₄ jan₂ Jme₂dsí₂, tsá₃ a₂nag₅₄ o₁jñia'₅₄ la₂ lág₅ jniog₄ dsa₂ judíos o₃ dsi₂nau₂ 'e₂. ¹⁹ 'Uig₅₄ në₅, ma₂lín'₅ bá₄ 'nia'₂ co₂'nió'₄ dsa₂ i₂'én₂ rin'₅₄ jniog₄ i₂lé₅ 'í₁ quían₅ Diú₄;^{*} tsá₃ ma₃lín'₅ 'nia'₂ dsi₂nau₂ jua'₅₄ tsá₃ cuin₅ jniog₄ rin'₅₄. Ma₂lín'₅ 'nia'₂ chi'₂-guein₂ quían₅ Diú₄ né₃. ²⁰ Ca₂dsióg₃ lín'₅ 'nia'₂ co₂'nió'₄ caun₂ 'né₅ pa₁; lín'₅ 'nia'₂ ján₃ co₂'nió'₄ ni₁cang₁ a₂jui₅ dsa₂ ne₄ 'uig₅₄ 'ia'₂ a₂ca₂chi'₃ dsa₂ i₂chen₄ quían₅ Jesús, quian'₅₄ dsa₂ i₂jme₁'é₂ jág₁ o₄quió'₄ Diú₄ ma₂líg'₂. 'Ŋiog₅ gué'₂ Jesucristo lín₅ co₂'nió'₄ ni₁cang₁ a₂dsen₅₄ gué₄. ²¹ Le₃quió'₅ 'éi₂ né₃, tsau₂ ta₁ ta₁caun₂ tsi'₁'né₅, lé₂ rē₂juá₄ rē₂, ca₂lia'₂ ca₂dsióg₃ lé₂ caun₂ guá'₅ a₂lé₅ 'í₁ quió'₅ Te₁gui'₅₄. ²² Le₃quió'₅ 'éi₂ né₃, 'nia'₂ bá₄ ján₃ lín'₅ co₂'nió'₄ ni₁cang₁ a₂caun₂ jui₅ ni₁'ia'₂, ca₂lia'₂ ca₂dsi₃nó'₅ 'nia'₂ léng'₂ caun₂ dsi₂néi₂ ja₁guá₄ Diú₄ a₂gu₂dsí₂.

3

A₂niog₅ gu₂ Pa₄ qui₃'é₂ jág₁ dse₃ ja₁con₂ dsi₂nau₂

¹ 'Uig₅₄ në₅ bá₄ né₃, jniá₂ Pa₄, jme₂juíng'₁ Diú₄, ton'₂ rē₂'eng₅₄ né₃ 'má₃ 'uig₅₄ quió'₄ Cristo Jesús a₂dse₃ o₄quían'₂ 'nia'₂ i₂lín'₅ dsi₂nau₂. ² Lín'₅ a₂ma₂le₁ñi'₅₄ dsón'₂ bá₄ 'nia'₂ a₂dse₃ dsí₅ Diú₄ ma₂ca₂dsia₃ gu₃ ta₁ la₂, a₂dse₃ o₄quían'₂ 'nia'₂. ³ Ma₂ca₂rē₃ñi'₅₄ bá₄ 'nia'₂ jág₁ a₂jme₁rē₂'ma₄ le₂jñiá₅, 'e₂ a₂niog₅ dsí₅ jmo₃; ca₂jmo₃ ca₂rē₃guion₅₄, jui₁lia'₂ ma₂juá'₃ ca₂jon₄ jág₁ ne₄ si₂ le₂jñiá₅. ⁴ Jē₁ma₂ca₂'í'₂ 'nia'₂ si₂ në₅, le₃len'₅₄ 'nia'₂ a₂ma₂ñi'₂ dsi₃ jē₂ jág₁ a₂jme₁rē₂'ma₄ quió'₅ Cristo, ⁵ caun₂ jág₁ a₂tsá₃ 'ein₂ ca₂rē₃ñi₅ ca₃ma₂líg'₂, la₁ rē₂né₃ né₃ ma₂ca₂jme₃jnia₅ Jme₂dsí₂ quían₅ Diú₄ ja₁con₂ dsa₂ jñi₅ quían₅: dsa₂ i₂chen₄ quían₅ Jesús, quian'₅₄ ja₁con₂ dsa₂ i₂jme₁'é₂ jág₁ o₄quió'₄ né₃. ⁶ Já₁ a₂ma₂ca₂rē₃jniá₂, a₂la₂ bá₄ jaun₂: të₂le₃ quian'₅₄ jág₁ dse₃ a₂lión₂ dsa₂, tin₃ dsi₂nau₂ gue₃ a₂lé₅ jág₁ cuē₃ Diú₄ co₂rē₂ bá₄ quian'₅₄ a₂tin₃ dsa₂ judíos. Lín'₅ 'nia'₂ dsa₂ i₂tén₅ caun₂ bá₄ ñi₅, ján₃ gué'₂ tin'₃ 'nia'₂ jág₁ a₂ron₅ cué₁ quió'₅ Diú₄ le₃quió'₅ Cristo Jesús.

⁷ Já₁ në₅ ma₂chéng'₅ jmo₂₃ ta₁ a₂'é₅ jág₁ dse₃, lia'₂ con'₂ lé₅ a₂lē₁ca₂cuē₃ Diú₄ a₂'ua₁ dsí₅, lia'₂ con'₂ lé₅ jmo₅ ta₁ jui₅bí₂ quió'₅. ⁸ O₁jñia'₅₄ la₂ lín₅ jniá₂ jan₂ i₂me'₂ gué₄ con'₂ gué₄ i₂tsá₃ 'e₂ quen₅ jē₄ quió'₅ ca₂le₃jín₃ i₂tén₅ le₃quió'₅ Diú₄,^{*} la₁ 'éi₂ ma₂cuē₃ jniá₂ a₂dse₃ në₅ a₂'é₄ jág₁ jin₄ dsi₂nau₂, caun₂ jág₁ dse₃ a₂le₃chong₂ jniog₄ dse₃ gué₄ lín₃ a₂jme₃gu'₅₄ Cristo, ca₂lia'₂ tsá₃ lé₂ le₃jua'₅₄ a₂le₃ñi'₂ dsí₅ dsa₂. ⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jín₃, jág₁ dse₃ a₂jme₁rē₂'ma₄, ca₂le₃ ca₂nio₃ mi₂güí₃, 'a₂lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jé₃ 'e₂ a₂cha₂. ¹⁰ Ca₂i₃jio₅ dsí₅ jmo₃ të₂le₃ quian'₅₄ dsa₂ quían₅, jui₁le₂ñi₅ ca₂le₃jín₃ i₂'io₅ jui₅bí₂, i₂lín₅ ta₁ tion'₅₄ guei'₅₄, 'lióng₂ ne₅₄ 'ñio₅ lín₃ bá₄ a₂ñi'₂ dsí₅ Diú₄; ¹¹ jaun₂ jui₁le₂ñi₅ bá₄, Diú₄ ca₂jmo₃ le₂nē₅ con'₂ lé₅ i₃jio₅ dsí₅ jmo₃ co₂tan₅₄ të₂le₃ quian'₅₄ Te₁gui'₅₄ Jesucristo. ¹² Të₂le₃ quian'₅₄ Cristo cha₂ jui₅ quían₂ a₂lé₂ le₃jme₁quían₄ jniog₄ dsiá₁ tiá₂ dsi₅ ja₁con₂ Diú₄, caun₂ bá₄ le₁'ág₄ dsi₅ 'uig₅₄ ia₁ a₂'éin₂ le₃quió'₅ 'éi₂. ¹³ Jaun₂ lē₃, chi₂len'₄ jniá₂ 'nia'₂ a₂tsá₃ 'ág'₂ caun₂-tin₃ 'au'₂ 'uig₅₄ ia₁ a₂chang₂ ñag₅₄ uig₅ o₄quían'₂ 'nia'₂, la₁ia₁ dse₃ të₂le₃ ja₁con'₂ 'nia'₂, ia₁ le₂nē₅ bá₄ dsió₅ a₂le₃juin'₂ 'nia'₂.

'A₂ lia'₂ tson₂ ca₂rē₃'nio₃ Cristo jniog₄

¹⁴ 'Uig₅₄ në₅ bá₄, no₂₃ chi₂jne₅₄ ne₄ Diú₄ Jmei₂ Te₁gui'₅₄ Jesucristo, ¹⁵ i₂lín₅ jmei₂ ca₂le₃jín₃ i₂chan₂ guei'₅₄ i₂juí₃ quian'₅₄ i₂chan₂ ne₄ gua'₅₄ 'uē₃. ¹⁶ Mi₅ jniá₂ ne₄ Tia₅₄ a₂jmo₃ të₂'au'₂ 'nia'₂, cuē₃ jui₅bí₂ bēn₂jlá'₁ quió'₅ të₂le₃ quian'₅₄ Jme₂dsí₂ quían₅, ¹⁷ ia₁ jaun₂ të₂le₃ jñia'₅₄ 'a₂ con'₂ 'én'₂ bá₄ 'nia'₂, jí₃ Cristo ja₃guá₃ të₂'au'₂ 'nia'₂. Le₂nē₅ jē₁ma₂tión'₂ 'nia'₂ tiá₂ lé₂ co₂'nió'₄ qui₂le₁'má₂ jmú₄ jí'₂ lín₃, jme₁'nió'₄ 'nia'₂ ríng'₂. ¹⁸ Mi₅ jniá₂ a₂lé₂ le₃ñi'₂

* 2:19 lit. "dsa₂ jñi₅." * 3:8 lit. "ca₂le₃jín₃ dsa₂ jñi₅."

'au'₂ 'nia'₂, quian'₅₄ ca₂le₃jín₃ con'₂ i₂ma₂lé₅ 'í₁ quiáin₅, † a₂juë'₂ lín₃, ton'₂ a₂cu₂ lín₃, ton'₂ a₂nei₅ lín₃, a₂ji'₂ lín₃ bá₄, 'a₂ lia'₂ 'nio₃ Cristo jniog₄. ¹⁹ Mi₅ jniá₂ ne₅₄, jui₁le₂cuin'₂ 'nia'₂ a₂në₅ a₂lé₅ a₂juë'₂ lín₃, on₃jua'₅₄ ia₁ a₂le₃cuí'₅ le₃ñí'₂ dsí₅ dsa₂; mi₅ jniá₂ ia₁jaun₂ le₂në₅ tiáng'₄ le₃chang'₂ co₂nei'₅₄ qui₂rë₂rín₅ të₂'au'₂ ca₂le₃jé₃ 'a₂ lia'₂ lín₅ Diú₄. ²⁰ Jaun₂ né₃, jui₁le₂juin'₂ bá₄ Diú₄, i₂lé₂ le₃jmo₃ tson₂ gué₄ lia'₂ con'₂ gué₄ a₂mi₂ jniog₄, lia'₂ con'₂ gué₄ dsi₂jniog₅ dsi₅ né₃, të₂le₃ quian'₅₄ bí₂ a₂jmo₂₃ ja₁con₂ jniog₄. ²¹ Jui₁le₂juin'₂ bá₄ Diú₄ ja₁con₂ guá'₅ quiáin₅ të₂le₃ quian'₅₄ Cristo Jesús, ca₂lia'₂ con'₂ tan₅₄ ca₂le₃jé₃ tsi₁jon₂ dsa₂ i₂ja₃lén₂ chi₁quín₃ ca₂le₃jé₃ ñi₂ co₂tan₅₄! A₂meí₃.

4

*Chong*₂ jniog₄ 'ei₅ caun₂ jág₁ të₂le₃ quian'₅₄ Jme₂dsí₂

¹ Uig₅₄ në₅ bá₄ né₃, rë₂jní₅ né₃ 'má₃ o₄quió'₄ Te₁gui'₅₄, chi₂len'₄ jniá₂ 'nia'₂ a₂tiáng'₄ lia'₂ con'₂ dsi₂ten₅₄ ca₂tín₂ le₃chan₂ dsa₂ i₂té₄ quián₅ Diú₄, ia₁ a₂jaun₂ bá₄ ca₂té'₃ 'nia'₂.

² Jmo₄ 'nia'₂ meg'₂, 'ua₁ 'au'₂ quiang'₅₄ ríng'₂. Jmo₄ 'nia'₂ juin'₂ 'au'₂, tió'₃ 'au'₂ jmo₄ quiang'₅₄ ríng'₂ le₂jang'₂ le₂jang'₂ ia₁ a₂'nió₃ ríng'₂. ³ Dsen₅₄ 'au'₂ 'nia'₂ jmo₄ tiong'₅₄ 'ei₅ tián₂ caun₂ jág₁ të₂le₃ quian'₅₄ Jme₂dsí₂ Jñi₅, co₂'nió'₄ bá₄ chan'₂ 'nia'₂ qui₂rë₂queng'₅₄ quian'₅₄ ríng'₂ 'ei₅ tei₄. ⁴ Lág₅ jniog₄ caun₂ bá₄ ñí₅ ta₁caun₂ nió'₃, ján₃ guë'₂ jan₂ bá₄ Jme₂dsí₂ táng₃, a₂tián'₄ 'nia'₂ le₂në₅ bá₄ ma₂ca₂të₃ Diú₄ caun₂ bá₄ jmi₄ a₂'ín₂ 'au'₂ 'nia'₂ chang'₂. ⁵ Jan₂ bá₄ Te₁gui'₅₄ i₂lín₅ juig₅₄ jniog₄ chan₂, caun₂ bá₄ a₂'éin₂ jniog₄, ján₃ guë'₂ ca₂le₃jág₃ bá₄ jniog₄ ca₂jñó₂ jmi₂ le₃quió'₅ jan₂ bá₄ Te₁gui'₅₄. ⁶ Jan₂ bá₄ Diú₄ chan₂ i₂lín₅ Tia₅₄ quián₂ jniog₄ ca₂le₃jág₃. 'Éi₂ bá₄ i₂niog₅ gu₂ jniog₄ ca₂le₃jág₃; 'éi₂ bá₄ i₂jmo₅ ta₁ ja₁con₂ jniog₄ ca₂le₃jág₃; 'ein₅₄ ja₁con₂ jniog₄ ca₂le₃jág₃ né₃.

⁷ La₁ le₂jau₂ le₂jau₂ bá₄ jniog₄ jma₃quén₅ lé₅ bí₂ a₂ma₂ca₂ñag₂, lia'₂ con'₂ lé₅ ma₂ca₂dsi₃ Cristo quió'₅. ⁸ Jaun₂ lë₃ juá'₂ ne₄ Si₂:

Ca₂uí₂ guei'₅₄ i₂juí₃

te₂ le₁'ñe'₅₄ ca₂le₃jín₃ i₂ca₂lí'₃,

jaun₂ ca₂dsi₃ bí₂ jma₃quén₅

ca₂cué'₃ dsa₂ mi₂güí₃.*

⁹ Jaun₂, ¿'e₂ jág₁ dsau₅ jein₅ jág₁ "A₂ca₂uí₂" në₅ né₃? Jñia'₅₄ lia'₂ juá'₂ le₂'uig₅₄ ca₂sióin₃ ja₁lé₄ ja₁'uin₃ gué₄ 'ñio₅ lín₃ ne₄ gua'₅₄ 'uë₃. ¹⁰ I₂ca₂sióin₃ 'éi₂ bá₄ ján₃, i₂ca₂uí₂ táng₃ ja₁lé₄ ja₁'nei₅ gué₄ guei'₅₄ i₂juí₃, ia₁jaun₂ jme₃cain'₂ ca₂le₂con₂ quian'₅₄ Jme₂dsí₂ quiáin₅.

¹¹ Jaun₂ jma₃quén₅ ca₂chein'₃ dsa₂ quiáin₅ ca₂cué'₃ bí₂ ca₂cué'₃ le₂jan₂ le₂jan₂; i₂lín₅₄ ca₂chein'₃ a₂léin₂ i₂chen₄ quiáin₅; i₂lín₅₄ guë'₂ ca₂ñi₂ bí₂ a₂lé₂ ñág₃ jág₁ a₂guéi'₅ quió'₅ Diú₄; i₂lín₅₄ guë'₂ ca₂cué'₃ bí₂ a₂qui₂dsi₃'é₃ jág₁ dse₃ a₂lión₂ dsa₂; i₂lín₅₄ guë'₂ ca₂cué'₃ bí₂ a₂léin₂ dsa₂ i₂'é₂ jág₁ i₂jme₂tín₅ guá'₅.

¹² Le₂në₅ qui₂ca₂chein'₃ dsa₂ guá'₅ ia₁jaun₂ jmo₃ co₂jñia₅₄ dsa₂ quiáin₅ a₂jme₃ti₃ ta₁ a₂'nio₃ 'éi₂ lé₂, ia₁jaun₂ caun₂ qui₂dsi₃cón₃ bá₄ ñi₅₄ 'ñiog₅, ¹³ ca₂lia'₂ ca₂dsi₃náu₅ 'ei₅ caun₂ jág₁ quian'₅₄ rín'₅₄, 'éin₂ rë₂, ñí'₂ dsi₅ le₃quió'₅ Ja₁ñi'₅₄ Diú₄. Le₂në₅ bá₄ dsi₁náu₅ léi₂ dsa₂ i₂ma₂ca₂can'₅₄ co₂nei'₅₄ lia'₂ con'₂ lé₅ lín₅ Cristo 'ñiog₅.

¹⁴ Jaun₂ tsá₃ ma₃léi₂ jniog₄ lia'₂ lín₅ i₂bë'₅₄ i₂caun₂ lë₁qui₂rë₂gan₂ tsá₃ uin₅ qui₂jme₂tsiin₃; në₂jag₄ bá₄ a₂qui₂tsag'₂ dsí₂ a₂caun₂ 'ñio₂ dsí₅ bá₄ jui₁'e₂ gué₃ a₂jme₂tag₅ dsa₂, qui₂së₂sein'₂ jë₁jme₂gau₅ dsa₂ i₂ñí₄ 'ñio₅ 'io₅ mai₅₄, 'nio₃ jiog₃ jui₅ jë₁tsá₃ dsau₅.

¹⁵ Të₂le₃ 'nió'₅ dsiá₁ jniog₄ jág₁ tí₅ a₂'nio₃ jniog₄ rín'₅₄. Ca₂tág₂ bá₄ jniog₄ qui₂dsi₃cau'₅₄ ne₄ ca₂le₃jé₃ le₃quió'₅ 'éi₂ i₂lín₅ mi₂dsi₄ quián₂ jniog₄, le₃quió'₅ Cristo bá₄ guë'₂. ¹⁶ Të₂le₃ quian'₅₄ 'éi₂ qui₂dsi₃cau'₅₄ jniog₄ 'a₂ lia'₂ jme₁'nió₄ jniog₄ rín'₅₄. Lág₅ jniog₄ në₂jag₄ bá₄ caun₂ ni₁ñí₅ a₂qui₂rë₂tion'₅₄ rë₂ le₂caun₂ le₂caun₂ ja₁qui₂le₁chan'₂ quió'₅ dsa₂, jma₃quén₅

† 3:18 lit. "ca₂le₃jín₃ dsa₂ jñi₅." * 4:8 Salmo 68:18; 'Nió'₂ ja₁ton₅ Colosenses 2:15.

bá₄ lé₅ ta₁ quió'₅ qui₂jme₂'on₅₄ rin'₅₄, ca₂lia'₂ ca₂i₃cón₃ rē₂, dse₃ le₁'ág₄ dsí₅, 'nioi₃ riin'₅₄ né₃.

Jui₅ 'mí₂ le₃quió'₅ Cristo

¹⁷ A₂la₂ bá₄, juá'₅ jniá₂ chi₂quiang₅₄ jmi_g₄ 'nia'₂ o₄quió'₄ Te₁gui'₅₄: tsá₃ ma₃jui₁le₂chan'₂ 'nia'₂ jui₁lia'₂ chan₂ dsa₂ i₂tsá₃ Diú₄ cuin₅, ia₁ 'éi₂ né₃ chain₂ lia'₂ con'₂ lé₅ niog₅ dsi₅₄ tsá₃ 'e₂ ta₁ tí₄. ¹⁸ 'ŋio₅ tē₂le₃ jen₅ bá₄ ma₂ŋí'₂ dsí₅, uíng₂ bá₄ chain₂ ja₁jme₁ca₂tíin₂ le₃chain₂ le₃quió'₅ Diú₄, ia₁ lín₅ dsa₂ i₂co₂ŋei'₅₄ tsá₃ 'e₂ tin₂ tsá₃ 'e₂ ŋi₅ ia₁ a₂ma₂ca₂rē₃'uá'₃ dsí₅. ¹⁹ Tsá₃ ma₃lí'₄ 'e₂ jaun₂ o₂guí'₃, co₂dsia₅ ma₂ca₂jín'₂ bá₄ guioin₅₄ ne₄ ca₂le₃jé₃ jmá'₃ lia'₂ a₂mi₅ ni₁ŋi₁₂, caun₂ ma₂'ŋio₂ dsí₅ bá₄ jmo₂₃ ca₂le₃jé₃ ne₅₄ a₂lē₁'iog₅. ²⁰ La₁ 'nia'₂ né₃, tsá₃ le₂nē₅ ca₂rē₃tíng'₃ le₃quió'₅ Cristo. ²¹ Ia₁ dsón'₂ bá₄ ma₂ca₂nei'₂ 'nia'₂ le₃quió'₅ 'éi₂ lín₂ jniá₂, jaun₂ ca₂rē₃tíng'₃ bá₄ lia'₂ con'₂ lé₅ ca₂jme₃tag₅ 'éi₂, lia'₂ con'₂ lé₅ jág₁ tí₅ dsón'₂ a₂cha₂ ja₁con₂ Jesús. ²² Ca₂rē₃tíng'₃ a₂co₂dsia₅ jŋiá'₄ cau₅ lia'₂ con'₂ lé₅ jme₁líng'₄ le₂jŋiá₅, nē₂jag₄ bá₄ dsa₂ i₂co₂ŋei'₅₄ jŋiá'₂ tsin'₅₄; a₂jme₁rē₂'én'₄ ne₄ a₂jme₁qui₂rē₂gáng'₃ ne₄ ca₂le₃jé₃ a₂jme₁'ín₅ 'au'₂ 'nia'₂, con'₂ lé₅ jme₁chang'₂. ²³ Ca₂rē₃tíng'₃, a₂ca₂tín'₂ 'nia'₂ jme₁'mag'₂ lia'₂ lé₅ dsi₂jio_g₅ 'au'₂. ²⁴ Ca₂rē₃tíng'₃ a₂jmog'₅₄ le₁líng'₄ a₂líng'₅ nē₂jag₄ bá₄ jan₂ dsa₂ 'mí₂ i₂ca₂rē₃chán₃ lia'₂ con'₂ lé₅ 'nio₃ Diú₄, a₂léng'₂ dsa₂ dsen₃ dsón'₂ i₂jŋi_o₅ quiáin₅. ²⁵ Jaun₂ né₃, jŋiá'₃ 'nia'₂ cau₅ jág₁ tē₂jág₁, le₂jang'₂ le₂jang'₂, dsia₄ 'nia'₂ jág₁ tí₅ quian'₅₄ dsa₂ mi₂güüg₃ ríng'₂, ia₁ ca₂le₃jág₃ bá₄ jniog₄ téi₅ caun₂ ni₁ŋí₅. ²⁶ “Chi₂jua'₂ ca₂rē₃'né'₃ 'nia'₂, tsá₃ lē₁'nau₂ 'nia'₂ dso₄”;† tsá₃ cuē₂ 'nia'₂ jmi_g₄ jua'₅₄ 'í₁ 'nei₂ 'au'₂ tē₁ne₁ jmi_g₄, ca₂lia'₂ jŋiá'₅₄ lia'₂ ca₂rin₂ 'iog₂; ²⁷ tsá₃ ná₂ 'nia'₂ jui₅ quió'₅ i₂sē₃dsen₃. ²⁸ I₂jme₁'ang₅ guē₂, tsá₃ ma₃o₁'ang₁₂, tē₂le₃ jui₁jmo₁₂ ta₁ quian'₅₄ gu₂-tag₅₄ 'e₂ caun₂ ta₁ dse₃ cha₂, ia₁ jaun₂ le₃cha₂ a₂lé₂ jme₃'oin₅₄ ca₂la₂ dsa₂ i₂'nió'₅ quió'₅. ²⁹ Tsá₃ lē₁'uē'₅₄ 'nia'₂ jág₁ 'lig'₅₄ mí₂'o₅₄; jme₁tin₅ 'nia'₂ dsíá'₁ jmá'₃ lia'₂ jág₁ dse₃, ia₁ a₂nē₅ bá₄ jme₃'o₅₄ a₂qui₂dsi₃cón₃ ríng'₂ i₂'nió'₅ quió'₅ le₃quió'₅ jme₂dsí₂, ton'₂ dse₃ quió'₅ i₂nag₅ né₃. ³⁰ Tsá₃ jmo₂ 'nia'₂ jén₂ dsí₅ Jme₂dsí₂ Jŋi_o₅ quián₅ Diú₄, ia₁ tē₂le₃ quian'₅₄ 'éi₂ ma₂lín'₅ 'nia'₂ léi₄ i₂ma₂lé₅ 'í₁ quián₅ Diú₄ ca₂lia'₂ ca₂tē₂ jmi_g₄ i₁lión'₂ 'nia'₂ co₂ŋei'₅₄. ³¹ Co₂dsia₅ jŋiá'₃ 'nia'₂ a₂dsi'₃ cha₂ tē₂'au'₂, ca₂le₃jé₃ gué₄ a₂dsén'₂ 'nia'₂, 'nei₂ a₂'i₄ 'au'₂ né₃; ca₂le₃jé₃ a₂co₂mi'₅₄ co₂dsio'₅₄ a₂'ne'₂ 'nia'₂, ca₂le₃jé₃ gué₄ jág₁ uig₅ a₂qui₂'ín'₅ 'nia'₂ ríng'₂, ca₂le₃jé₃ ne₅₄ a₂'lig'₅₄ né₃. ³² Tē₂le₃ jmo₄ 'nia'₂ a₂dse₃ ja₁con₂ ríng'₂ le₂jang'₂ le₂jang'₂, jui₁le₂cha₂ bá₄ a₂ŋéi₂ 'au'₂ 'nia'₂, 'én₃ 'nia'₂ dsáu₁ ríng'₂ le₂jang'₂ le₂jang'₂ jui₁lia'₂ ca₂'én₂ Diú₄ dsáu'₂ 'nia'₂ tē₂le₃ o₄quió'₄ Cristo.

5

'A₂ lia'₂ 'nió'₅ le₃chan₂ chi'₂-guein₂ quián₅ Diú₄

¹ Ia₁ a₂lín'₅ 'nia'₂ chi'₂-guein₂ i₂'nió₁ quián₅ Diú₄, quen'₂ 'nia'₂ bí₂ léng'₂ lia'₂ lín₅ 'Éi₂. ² Jui₁le₂chan'₂ 'nia'₂ 'nióg'₃ ríng'₂, jui₁lia'₂ ca₂rē₃'nio₃ Cristo jniog₄ jaun₂ ca₂jín'₂ o₄quián₂ jniog₄ a₂lín₅ co₂'nió'₄ já'₂ cha'₂ ŋó₃ rē₂jen'₅₄ ne₄ Diú₄ jain₂ ma₂jui_g₂ ma₂ro₂. ³ Ia₁ ma₂lín'₅ 'nia'₂ i₂tén₅ le₃quió'₅ Diú₄, ca₂lia'₂ jŋiá'₅₄ tsá₃ 'nió'₅ le₃cha₂ jág₁ jin'₄ 'nia'₂ jua'₅₄ chan₂ i₂'nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, on₃ guē₂ 'i₁caun₂ a₂siá'₂ a₂lē₁'iog₅ né₃, on₃ guē₂ ma₃'nió'₅ le₃chan₂ gué₄ i₂'ua'₂ dsí₅, ia₁ tsá₃ dsi₂ten₅₄ co₂ŋí₂ jua'₅₄ dsa₂ i₂ma₂lé₅ 'í₁ quián₅ Diú₄ jmo₃ gué₄ le₂nē₅. ⁴ Tsá₃ lē₁dsia₂ 'nia'₂ jág₁ 'lig'₅₄, on₃ guē₂ jág₁ ga₂, on₃ guē₂ jui₁lia'₂ jág₁ ŋág₄ lē₁'iog₅ né₃. Ia₁ ca₂le₃jé₃ jág₁ le₂nē₅ tsá₃ dsi₂ten₅₄; ja₂lín₃ gué₄ dse₃ cuē'₅₄ 'nia'₂ ti₁'mag'₄ Diú₄. ⁵ Tsá₃ jui₁dsi₂'én₂ 'au'₂ 'nia'₂ a₂la₂: 'i₁jan₂ jui₁lia'₂ i₂'nió'₅ jág₁ quian'₅₄ i₂tsá₃ lín₅ dsi₂i₂gu₂, on₃ guē₂ 'i₁jan₂ jui₁lia'₂ i₂jmo₅-dsáu₅ lē₁'iog₅, on₃ guē₂ jui₁lia'₂ dsa₂ i₂'ua'₂ dsí₅, (ia₁ i₂co₂rin₂ bá₄ dsa₂ i₂'ua'₂ dsí₅ quian'₅₄ jui₁lia'₂ dsa₂ i₂jme₂jui₁'₂ diú₄ lag₄),

† 4:26 Salmo 4:4.

o₁líg'₂ tsá₃ lé₂ le₃tiin₃ ja₁gon₂ Cristo quian'₅₄ Diú₄. ⁶ I₁jan₂ tsá₃ 'ein₂ jui₁jme₂gau₅ 'nia'₂ quian'₅₄ jág₁ a₂tsá₃ ta₁ tí₄, ia₁ 'uig₅₄ nē₅ bá₄ já₅ uig₅ gau₂ quió'₅ Diú₄ ne₄ quió'₅ jaun₅ dsa₂ i₂tsá₃ ne'₅₄. ⁷ Jaun₂ 'nia'₂ né₃, co₂dsia₅ tsá₃ lē₁tóng'₂ quian'₅₄ dsa₂ le₂'éi₂. ⁸ Ia₁ le₂ñjá₅ jme₁tén'₄ 'nia'₂ caun₂ mi₂güig₃ qui₁né'₃, la₁ rē₂nē₃ né₃, ma₂tén'₅ 'nia'₂ le₃quió'₅ Te₁gui'₅₄ ja₁jniá₂ si₂. Jui₁le₂chan'₂ 'nia'₂ jaun₂, jui₁lia'₂ ca₂tín₂ le₃chan₂ chi'₂-guein₂ i₂tén₅ tē₂le₃ ja₁jniá₂ si₂. ⁹ Ia₁ ja₁jniá₂ si₂ né₃, rē₂jniá₂ 'ua₁ dsí₅ dsa₂, tí₅ jág₁ quió'₅ dsa₂, a₂rē₂chan₂ dsa₂ quian₅ caun₂ jui₅ co₂dsau₅. ¹⁰ Dsen₅₄ jme₁tin₅ 'nia'₂ 'au'₂ jmó'₂ na₅ a₂tē₅ dsí₅ Te₁gui'₅₄. ¹¹ Tsá₃ quen'₅₄ 'nia'₂ jē₄ 'e₂ a₂tsá₃ ta₁ tí₄ a₂nio₅ jmo₅-dsá₅ dsa₂ i₂tén₅ jē₄ qui₁né'₃; ja₂lín₃ gué₄ dse₃ jme₁jnia₅ 'nia'₂ a₂jaun₂ tē₂le₃ ja₁jniá₂ si₂. ¹² Ia₁ caun₂ lē₁o₂guí'₃ bá₄, jua'₅₄ la₂ dsia₃ dsa₂ a₂jmo₅ dsa₂ 'éi₂ jē₄ tē₃co'₅₄. ¹³ La₁ ca₂le₃jé₃ bá₄ rē₂jniá₂ jē₁ma₂ca₂tág'₃ si₂. ¹⁴ Ia₁ quian'₅₄ si₂ bá₄ jmo₅ a₂rē₂jniá₂ ca₂le₃jé₃. 'Uig₅₄ jaun₂ guē'₂ juá'₂:

Jme₁jnio₂ ne'₅₄, 'ne₂ i₂rē₂güín₃; nau₂, jú₅ jin₄ 'lag₄;
jaun₂ jmo₃ Cristo tág₅ si₂ quió'₅ ja₁cong'₂.

¹⁵ Jaun₂ lē₃, rē₂de'₂ quion₂ 'nia'₂ 'í₁ 'a₂lia'₂ i₂nio₅'₅₄. Jaun₂ tsá₃ ma₃i₁nio₅'₄ jui₁lia'₂ i₂nio₄ dsa₂ i₂tsá₃ 'e₂ ñí'₂ dsí₅; jui₁i₂nio'₄ bá₄ 'nia'₂ a₂líng'₅ dsa₂ i₂tín₂, i₂ñí'₂ dsí₅. ¹⁶ Quen'₂ 'nia'₂ bí₂, nē₃ lia'₂ cuín₅ jmi₅g₄, a₂jmó'₂ 'nia'₂ a₂dse₃, ia₁ 'ñio₅ jui₁si ma₂'lín'₅₄ dsa₂ jmi₅g₄ rē₂nē₃. ¹⁷ Jaun₂ lē₃, tsá₃ jme₁con₅₄ 'nia'₂ 'au'₂; dsen₅₄ 'au'₂ 'nia'₂ jmo₄ jui₁le₂ñí₅'₂ na₅ a₂'ñio₂ dsí₅ Te₁gui'₅₄. ¹⁸ Tsá₃ jui₁qui₂le₂'en'₅ 'nia'₂ quian'₅₄ ti₁jmí₅g₃, ia₁ a₂nē₅ bá₄ jio₅ jui₅ ja₁dsi₂'én₂ dsa₂; tē₂le₃ jui₁jme₂can'₂ 'nia'₂ quian'₅₄ Jme₂dsí₂ ñjió₅. ¹⁹ Dsia₄ 'nia'₂ le₂jang'₂ le₂jang'₂ qui₁juig'₅₄ ríng'₂ quian'₅₄ salmos, quian'₅₄ himnos, quian'₅₄ son₅₄ a₂gu₂dsí₂, 'ē₄ 'nia'₂ jmo₄ son₅₄ jui₅ tē₂'au'₂ a₂jme₁juing'₂ Te₁gui'₅₄. ²⁰ Jui₁i₂nio'₄ bá₄ 'nia'₂ co₂tan₅₄ cuē'₅₄ ti₁'mag'₄ Diú₄ i₂lín₅ Tia₅₄ quián₂ o₄quió'₄ ca₂le₃jé₃, lia'₂ con'₂ lé₅ bí₂ quió'₅ Te₁gui'₅₄ Jesucristo quián₂ jnio₄.

'A₂lia'₂ 'nió'₅ le₃chan₂ dsa₂ 'én₂ ta₁caun₂ nió'₃ lia'₂ caun₂ dsi₂néi₂

²¹ Tión'₂ 'nia'₂ 'éi'₃ quió'₅ ríng'₂ le₂jang'₂ le₂jang'₂, ia₁ a₂gan'₃ 'nia'₂ Cristo.* ²² 'Nia'₂ dsa₂ mí₂, tión'₂ 'nia'₂ 'éi'₃ quió'₅ dsa₂ ñe'₂ quiáng'₂, jui₁lia'₂ tion'₅₄ 'nia'₂ 'éi'₃ quió'₅ Te₁gui'₅₄. ²³ Ia₁ dsa₂ ñe'₂ bá₄ i₂lín₅ mi₂dsi₄ quián₅ 'io₅₄, jui₁lia'₂ lín₅ Cristo mi₂dsi₄ quián₅ guá'₅. Cristo bá₄ ján₃ i₂lín₅ i₂ma₂lió₂ quián₅ guá'₅, ia₁ guá'₅ guē'₂ né₃ lé₅ co₂'nió'₄ ni₁ñi₁₂ 'ñiog₅. ²⁴ Le₂nē₅ jui₁lia'₂ guá'₅ tioen'₅₄ 'éi'₃ quió'₅ Cristo, ján₃ bá₄ le₂nē₅ jui₁lia'₂ dsa₂ mí₂ ca₂tiin₂ tóin'₃ 'éi'₃ quió'₅ dsi₂i₂gu₂ jē₄ ca₂le₃jé₃. ²⁵ 'Nia'₂ dsa₂ ñe'₂ guē'₂ né₃, jme₁'nió₄ 'nia'₂ dsa₂ mí₂ quiáng'₂ jui₁lia'₂ ca₂jmo₃ Cristo ca₂jme₃'nioi₃ guá'₅, ca₂le₃jé₃ ca₂guein₃ 'mú₃ o₄quió'₄ 'éi₂. ²⁶ Le₂nē₅ ca₂jmo₃ ia₁jaun₂ ma₂lé₅ 'í₁ Guá'₅ ca₂jme₃dse₃ ca₂ráng'₂ nē₂jag₄ bá₄ quian'₅₄ jmi₅g₂ tē₂le₃ quian'₅₄ jág₁ quió'₅; ²⁷ ia₁jaun₂ jme₃jniog₂₃ chei'₃ ne₅₄ 'ñiog₅ a₂lág₅ guá'₅ i₂jlán'₁ i₂tsá₃ rē₂'ñió₄ 'i₁caun₂, on₃ guē'₂ cha₂ jua'₅₄ ja₁lé₄ qui₂lē₁tsín'₃ quió'₅, on₃ guē'₂ 'i₁caun₂ gué₄ jua'₅₄ a₂siá'₂ lé₅, jaun₂ dsió₄ lín₅ caun₂ guá'₅ i₂lé₅ 'í₁ quiáin₅ i₂dsen₃ gué₄ lín₃. ²⁸ Le₂nē₅ bá₄ ján₃, ca₂tín₂ dsa₂ ñe'₂ jme₃'nioi₃ dsa₂ mí₂ quiáin₅, jui₁lia'₂ 'nio₃ ñi₅₄ 'ñiog₅. I₂'nio₃ dsa₂ mí₂ quián₅, 'nioi₃ 'ñiog₅ bá₄ ján₃. ²⁹ Ia₁ 'i₁jan₂ tsá₃ jua'₅₄ 'io'₅₄ ni₁ñi₁₂ 'ñiog₅, tē₂le₃ jme₂tau₅₄, jmo₂₃ 'í₁, jui₁lia'₂ jmo₅ Cristo ján₃ quian'₅₄ guá'₅, ³⁰ ia₁ le₂jau₂ le₂jau₂ jnio₄ téi₅ ni₁ñi₁† 'éi₂. ³¹ “Jaun₂ bá₄ lē₃ ca₂tín₂ dsa₂ ñe'₂ qui₃téin₂ chog₅₄-jmei₂, con'₂ tiain'₃ jme₃quain'₅₄ dsa₂ mí₂ quiáin₅, ia₁jaun₂ dsió₄ lén₂ caun₂ bá₄ ñí₅ jē₁le₃oin₃ le₂jaun₂.” ‡ ³² Já₁g₁ nē₅ lé₅ caun₂ já₁ juē'₂ a₂ma₂ca₂rē₃jniá₂. La₁ juá'₅ jniá₂ 'íng₅ Cristo quian'₅₄ guá'₅ quiáin₅. ³³ La₁ nē₃ né₃, le₂jan'₂ le₂jan'₂ 'nia'₂ jme₁'nió₄ dsa₂ mí₂ quiáng'₂, jui₁lia'₂ 'nió₃ guiong'₅₄; ján₃ guē'₂ le₂jaun₂ dsa₂ mí₂ ca₂tiin₂ jme₃gain₃ dsi₂i₂gu₂.

* 5:21 A₂lín₅₄ chog₅₄ si₂: “ia₁ a₂gan'₃ 'nia'₂ Diú₄.” † 5:30 A₂lín₅₄ chog₅₄ si₂: “quian'₅₄ mu₅ 'ein₅₄ né₃.” ‡ 5:31 Génesis 2:24.

6

¹ 'Nia'₂ i₂lín'₅ chi'₂, ca₂tíng'₂ le₃quió'₅ Te₁gui'₅₄ nág'₁ gau₂ 'e₂ te₂néi'₂ chog'₂-ñéi'₅ 'nia'₂, ia₁ le₂në₅ bá₄ dse₃. ² Le₂la₂ juá'₂ jë₁le₂'uig'₅₄ 'éi'₃ quió'₅ Diú₄ ja₁juá'₂ cha₂ a₂cuë₃: "Jme₁gan'₃ 'nia'₂ chog'₂-ñéi'₅, ³ ia₁jaun₂ bá₄ dse₃ le₃chang'₂ ton'₂ ué₂ le₃chang'₂ ne₄ gua'₅₄ 'uë₃."* ⁴ 'Nia'₂ guë'₂ jmei₂ chi'₂, tsá₃ jmag'₅₄ chi'₂ quiáng'₂ jua'₅₄ a₂lë₁jmai'₅₄, ia₁jaun₂ tsá₃ ué₂ 'í₂ 'nei₂ dsí₅, tē₂le₃ 'nió'₅ tsin'₅₄ 'nia'₂ caun₂ jui₅ rē₂, a₂jme₁tiin'₅ le₃quió'₅ Te₁gui'₅₄. ⁵ 'Nia'₂ guë'₂ dsa₂ i₂jme₂ti₃ ta₁ ne₄ dsa₂, jme₁ti₁ 'nia'₂ ta₁ a₂te₂néi'₂ juig'₂ 'nia'₂ ne₄ gua'₅₄ 'uë₃ la₂, jui₁le₂tin₂ 'au'₂ 'nia'₂ 'ei₅ gau₂ ton'₂ tí₅ jág₁ quián'₂ 'nia'₂, jmo₄ 'nia'₂ nē₂jag₄ bá₄ a₂jme₂tí'₁ ta₁ ne₄ Cristo. ⁶ Jme₁ti₁ 'nia'₂, on₃jua'₅₄ jmá'₃ lia'₂ jme₁jág₅ jua'₅₄ a₂'náu'₂ 'nia'₂ jui₅ a₂jnja'₅₄ con'₂ tíóng'₂ dse₃ quian'₅₄; jmo₄ 'nia'₂ a₂lín'₅ i₂jme₂ti₃ ne₄ Cristo, jmo₄ 'nia'₂ a₂'nio₃ Diú₄ ca₂le₃jé₃ 'au'₂. ⁷ Jaun₂ 'ñio₂ 'au'₂ 'nia'₂ jme₁ti₁, co₂'nió'₄ bá₄ a₂jme₂tí'₁ ta₁ ne₄ Te₁gui'₅₄; on₃jua'₅₄ rē'₂ ne₄ dsa₂ mi₂güig'₃. ⁸ Ia₁ ma₂ñi'₅₄ bá₄ 'nia'₂, cuë₃ Te₁gui'₅₄ 'lian'₅₄ dsa₂ ca₂le₃jín₃ lia'₂ con'₂ lé₅ a₂dse₃ a₂ma₂ca₂jmo₃, o₁jnja'₅₄ dsa₂ i₂jme₂ti₃ ta₁ ne₄ juig'₅₄, o₃ i₂tsá₃ 'ein₂ ne₄ jme₂ti₃ 'e₂.

⁹ 'Nia'₂ guë'₂ i₂lín₅ juig'₅₄, le₂në₅ bá₄ jmo₄ 'nia'₂ ján₃ quian'₅₄ dsa₂ i₂jme₂ti₃ ta₁ ne'₅₄. Tsá₃ ma₃quian'₅₄ 'nia'₂ jué'₅. Ia₁ ma₂ñi'₅₄ bá₄ 'nia'₂, jan₂ Juig'₂ 'nia'₂ chan₂, i₂guá₅ guei'₅₄ i₂juig'₃, i₂lín₅ Juig'₅₄, lia'₂ ne₄ 'nia'₂, lia'₂ ne₄ dsa₂ i₂jme₂ti₃ ne'₅₄ 'nia'₂. 'Éi₂ bá₄ tsá₃ jma₃quén₅ jín₂ dsa₂.

'E₂ quian'₅₄ jmo₅ dsa₂ 'én₂ 'nei₂ a₂gu₂dsí₂

¹⁰ Në₃ né₃, jë₁ca₂tó'₂ juá'₅ jniá₂ juig'₂ 'nia'₂, rin'₅₄ jniog₄: Nau₂ 'nia'₂ tiá₂ le₃quió'₅ Te₁gui'₅₄, quian'₅₄ jui₅bí₂ bēn₂ quió'₅. ¹¹ Qui'₂ 'nia'₂ ca₂le₃jé₃ 'e₂ a₂cuë₅ Diú₄ le₁lín'₄ 'nia'₂ jmo₄, co₂'nió'₄ bá₄ jan₂ 'lióg₂, ia₁jaun₂ bá₄ tian'₃ 'nia'₂ náu'₁ tiá₂ ne₄ mai'₅₄ quió'₅ i₂së₃dsen₃. ¹² Ia₁ on₃jua'₅₄ quian'₅₄ dsa₂ mi₂güig'₃ rin'₅₄ jniog₄ cág'₂; quian'₅₄ i₂lín₅ co₂'nió'₄ dsi₂tan₅₄ gu₂dsí₂, quian'₅₄ jme₂dsí₂ i₂'io₅ jui₅bí₂, quian'₅₄ jme₂dsí₂ i₂gon₂ jmo₅ 'éi'₃ i₂jmo₅ qui₁né'₃ mi₂güig'₃ la₂, quian'₅₄ gué₄ 'lióg₂ 'lin'₅₄ gu₂dsí₂ i₂i₂nio₄ gon₂ dsi₁güig'₂ bá₄ cág'₂ jniog₄. ¹³ Jaun₂ lë₃, quian₂ le₁lín'₄ 'nia'₂ jmo₄ quian'₅₄ ca₂le₃jé₃ a₂le₃lon'₄ 'nia'₂ a₂cuë₅ Diú₄, ia₁jaun₂ bá₄ tian'₃ 'nia'₂ tíóng'₂ tiá₂ jë₁ma₂té₂ rē₁jmóg'₂ 'nei₂ i₂së₃dsen₃, ia₁jaun₂ cang₂ jë₁ma₂ca₂lín'₃ 'nia'₂ 'nei₂ né₃, lia'₂ ma₂tíón'₂ jaun₂ bá₄ 'nia'₂ tiá₂. ¹⁴ Nau₂ 'nia'₂ tiá₂ jaun₂ né₃, co₂'nió'₄ a₂qui₂rē₂'ñe'₅₄ tog'₂ quian'₅₄ jág₁ tí₅, a₂lé₅ co₂'nió'₄ lau₂ rē₂jén'₅ tog'₂ 'nia'₂, lé₅ 'í₁; quian₂ 'nia'₂ caun₂ jui₅ co₂dsau₅ a₂lé₅ 'í₁ le₁'au'₂ co₂'nió'₄ bá₄ jui₁lia'₂ jan₂ 'lióg₂ i₂rē₂lióg₃ ñí₁ le₁dsí₅. ¹⁵ Chan'₂ 'nia'₂ rē₂jáng'₁ a₂'é'₄ jág₁ dse₃ a₂'ag₃ tei₄ ja₁con₂ dsa₂, a₂lín'₅ nē₂jag₄ bá₄ jan₂ 'lióg₂ chén'₅ rē₂ján₁ rē₂lín'₅₄ ton₅ lau₂ tag₅₄. ¹⁶ Ne₄ ca₂le₃jé₃ a₂në₅, jui₁le₂cha₂ 'én'₂ 'nia'₂ ia₁jaun₂ lé₅ nē₂jag₄ co₂'nió'₄ caun₂ ñí₁ lí'₂ a₂chan'₄ 'nia'₂ a₂rē₂quion'₅₄ 'nia'₂ a₂long'₅₄, co'₅₄ a₂jaun₂ qui₂éi₃ 'ma₂ chen'₂ le₁gui'₂ si₂ a₂qui₂jnáu'₂ i₂së₃dsen₃ jnáí'₂ 'nia'₂. ¹⁷ Jui₅ ma₂lón'₂ 'nia'₂ chang'₂ nē₅, jui₁le₅₄ bá₄ jui₁lia'₂ lé₅ ñí₁ 'i₄ dsi₄ 'lióg₂, lé₅ 'í₁; ton'₂ quian₂ 'nia'₂ jág₁ quió'₅ Diú₄ a₂lé₅ ñi₁tag₂ quió'₅ Jme₂dsí₂, a₂cuë'₅ 'nia'₂. ¹⁸ Chi₁len'₄ 'nia'₂ Diú₄ le₃quian'₅₄ Jme₂dsí₂, ca₂le₃jé₃ 'e₂ caun₂ a₂lé₅, ca₂le₃jé₃ ne₅₄ a₂mi'₂ 'nia'₂ juig'₂ Diú₄. 'Uig'₅₄ nē₅ né₃, chan'₂ 'nia'₂ rē₂jáng'₁ co₂tan₅₄ mi₄ 'nia'₂ o₄quió'₄ ca₂le₃jín₃ i₂ma₂tén₅ le₃quió'₅ Diú₄. ¹⁹ Chi₁len'₄ 'nia'₂ Diú₄ ján₃, o₄quió₃ jniá₂, ia₁jaun₂ bá₄ jmo₃ Diú₄ dsi₃ 'a₂ lia'₂ juá'₄ jág₁, jaun₂ nio₃ tiá₂ dsi₃ né₃ a₂'é'₄ jág₁ dse₃ a₂jme₁rē₂'ma₄ quió'₅ Diú₄. ²⁰ Diú₄ ma₂ca₂chei₃ jniá₂ a₂lín'₄ i₂chen₄ quián₅ quian'₅₄ jág₁ dse₃; 'uig'₅₄ nē₅ bá₄ né₃ dseng'₅₄ cadena 'eng'₅₄. Chi₁len'₄ 'nia'₂ Diú₄ ia₁jaun₂ nio₃ tiá₂ dsi₃ 'é'₄ jág₁ dse₃ la₂, lia'₂ con'₂ dsi₂ten₅₄ ca₂tíng₂ jmo₅₄.

Cuag₂₃ Diú₄ jë₁ca₂tó'₂

* 6:3 Deuteronomio 5:16.

²¹Tíquico, rin' ₅₄ jniog₄ i₂'nióg₃ gué₄ lín₃, i₂jme₂ti₃ i₂jme₂'o₅₄ quian' ₅₄ ta₁ quió' ₅ Te₁gui' ₅₄, 'éi₂ bá₄ quian₅ ca₂le₃jé₃ jág₁ tsí' ₃ 'nia' ₂ ia₁jaun₂ le₃ŋi' ₅₄ 'nia' ₂ 'a₂ lia' ₂ lé₅ chang₂, quian' ₅₄ 'e₂ a₂jmo₂₃ né₃. ²²Jaun₂ bá₄ lě₃ tsín₂ jniá₂ ja₁tion' ₅₄ 'nia' ₂, ia₁jaun₂ le₃ŋi' ₅₄ 'a₂ lia' ₂ lé₅ chong₂ jnia' ₅₄ ia₁jaun₂ cuë' ₅₄ 'nia' ₂ lián' ₂ 'au' ₂.

²³Jui₁jmo₅₄ Diú₄ Tia₅₄ quián₂, quian' ₅₄ Te₁gui' ₅₄ Jesucristo né₃, 'ei₅ tei₄ tiong' ₅₄, 'nió' ₃ 'nia' ₂ ríng' ₂, 'én' ₂ 'nia' ₂ né₃.

²⁴Jui₁jme₂gu' ₅₄ bá₄ Diú₄ ca₂le₃jín₃ i₂tsá₃ líg' ₂ jmig₄ téi₂ i₂'nio₃ Te₁gui' ₅₄ Jesucristo quián₂ jniog₄.
Co₂ně₅.

Si₂ carta a₂ca₂jmo₃ San Pablo ne₄ dsa₂
FILIPENSES

*Jmo*₅ Pa₄ si₂ a₂chein₃ ne₄ Guá'₅ i₂chan₂ juig₂ Filipos, tē₁lia'₂ 'ein₅₄ né'₃ 'má₃

¹ Jniá₂ Pa₄, quiang'₅₄ Timoteo, lág₅ jnia'₅₄ i₂jme₂ti₃ ta₁ ne₄ Jesucristo; jmo₂ jnia'₅₄ si₂ carta la₂ dsiang'₅₄ ja₁con₂ ca₂le₃jín₃ rin'₅₄ jniog₄ i₂tián'₅ Filipos i₂lé₅ 'í₁ quián₅ Cristo Jesús, ja₁con₂ dsa₂ i₂niog₅ ne₄ guá'₅, * quián'₅₄ ja₁con₂ dsa₂ i₂jme₂'o₅₄ † né₃. ² Jui₁jme₂gu'₅₄ Diú₄, jui₁'ag₅₄ bá₄ tei₄ 'au'₂ 'nia'₂ jmo₃ Diú₄ Tia₅₄ quián₂ jniog₄, jmo₃ Te₁gui'₅₄ Jesucristo né₃.

*Chi*₂lén'₂ Pa₄ Diú₄ o₄quió'₄ dsa₂ i₂'én₂

³ Cué₅ ti₁'mag'₄ Diú₄ quiáng₃ lia'₂ co₂ráun₂ dsau'₂ dsi₃ 'nia'₂. ⁴ Lia'₂ co₂ráun₂ chi₂len'₄ jniá₂ Diú₄, o₄quián'₂ 'nia'₂ ca₂le₃jíng'₃, co₂tan₅₄ lia'₂ 'io'₂ jéin₅, ⁵ ia₁ co₂dsia₅ bá₄ ma₂ja₂náu₅ jniog₄ quen'₂ bí₂ o₄quió'₄ jág₁ dse₃ ca₃le₃jmi₄ le₂'uig₅₄ ca₂lia'₂ jnió₂ jmi₄ né₃. ⁶ Caun₂ bá₄ 'ei₅ dsi₃ líng₂, Diú₄ bá₄ i₂ca₂jme₃lióg₃ jmo₂₃ ta₁ dse₃ ja₁con'₂ 'nia'₂, jme₃ 'ñia₂₃ ca₂lia'₂ ca₂té₂ jmi₄ quió'₄ Cristo Jesús.

⁷ Dsi₂ten₅₄ bá₄ 'ag₅₄ dsi₃ le₂nē₅ o₄quián'₂ 'nia'₂ ca₂le₃jíng'₃, ia₁ 'i₄ dsi₃ jniá₂ 'nia'₂. Ia₁ quián'₅₄ jniog₄ rin'₅₄ co₂dsia₅ bá₄ guei₂ jniog₄ a₂jme₂gu'₅₄ Diú₄, tsá₃ a₂nag₅₄ jaun₂ a₂'eng₅₄ né₃ 'má₃, o₃ jnia'₅₄ ne₄ dsi₂tan₅₄ dsióg₄ jniá₂ ja₁lé₂ le₃long₅₄ jág₁ dse₃, ton'₂ lé₂ le₃jáng'₄ jág₁ dsau₅ a₂tē₃dsón'₂ bá₄ tí₅ jág₁. ⁸ I₂ñi₅ dsi₂jó'₃ bá₄ Diú₄ a₂ñí₄ lē₃ dsen₅₄ dsi₃ jniá₂ 'nia'₂ ca₂le₃jíng'₃, lia'₂ con'₂ lé₅ ñí₄ lē₃ Cristo.

⁹ Le₂la₂ bá₄ chi₂len'₄ jniá₂ Diú₄: a₂qui₂dsi₃jón₃ a₂jme₁'nió'₄ 'nia'₂ ríng'₂ 'ñio₅ lin₃, lia'₂ ma₂tē₂dsi₅₄ jaun₂ a₂qui₂rē₂ñí'₂ dsei'₂ 'nia'₂ a₂qui₂le₃quíng'₅₄ 'nia'₂ jmi₄, ¹⁰ ia₁jaun₂ lé₂ le₃caun'₅₄ 'í₁ 'e₂ jaun₂ a₂dsen₅₄ gué₄. Jaun₂ le₂nē₅ bá₄ le₃chan'₂ 'nia'₂ tsá₃ qui₂le₁'ióg₄ jme₂dsí₂ quián'₂ 'nia'₂, jua'₅₄ qui₂le₁cán'₄ 'nia'₂ dso₄ jē₁ma₂tē₂ rē₁tē₃ jmi₄ quió'₄ Cristo. ¹¹ Le₂nē₅ bá₄ ján₃, lé₂ jui₅ a₂i₁nio'₄ 'nia'₂ a₂léi₄ a₂le₃jniá₂ ca₂le₃jé₃ ne₅₄ a₂dse₃ a₂niog₅ qui₂ma₂jmo'₅₄ 'nia'₂ tē₂le₃ quián'₅₄ Jesucristo. Ca₂le₃jé₃ a₂nē₅, Diú₄ bá₄ i₂gue₃ ti₁'mag'₄, qui₂le₃juin'₂ né₃.

*Tē*₂le₃ quió₃ jniá₂, o₄quió'₄ Cristo bá₄ chang₂

¹² Rin'₅₄ jniog₄, 'nio₃ jniá₂ le₃ñi'₅₄ 'nia'₂, ca₂le₃jé₃ a₂niog₅ ma₂i₃ñíg₂, tē₂le₃ lé₅ gué₄ dsón'₂ cuē₂₃ bí₂ a₂dsi₃'ag₅ jág₁ dse₃. ¹³ Le₂nē₅ bá₄ le₁ñi₅ ca₂le₃jín₃ 'lióg₂ i₂tion'₅₄ ne₄ta₁ quián'₅₄ ca₂le₃jín₃ gué₄ riin'₅₄ né₃, a₂'eng₅₄ rē₂jníg₅ 'uig₅₄ ia₁ a₂'éng₂ le₃quió'₅ Cristo. ¹⁴ 'Uig₅₄ ia₁ a₂rē₂jníg₅ né₃, mei'₂ tsá₃ ca₂le₃jín₃ bá₄ rin'₅₄ jniog₄ le₃quió'₅ Te₁gui'₅₄ ma₂qui₂ma₂tíin₂ bí₂ a₂'é₂ jág₁ quió'₅ Diú₄ a₂tiá₂ dsí₅, tsá₃ 'e₂ gau₂ cha₂.

¹⁵ A₂dsau₅ bá₄ jaun₂ chan₂ i₂lin₅₄ dsia₂₃ 'iin₂₃ Cristo a₂uig₅ dsí₅, dsia₂₃ mi'₅₄, ton'₂ chan₂ guē'₂ i₂lin₅₄ dsia₂₃ a₂dse₃ dsí₅ 'iin₂₃ Cristo. ¹⁶⁻¹⁷ I₂le₂'éi₂ né₃ jmo₂₃ ia₁ a₂'nio₃, ia₁ ñi₅ rē₂'eng₅₄ ja₁lá₃ 'uig₅₄ ia₁ a₂long₅₄ jág₁ dse₃. Dsa₂ i₂le₂ne₁ né₃, dsia₂₃ 'iin₂₃ Cristo cha₂ a₂'ín₅ dsí₅ a₂jñia'₅₄ con'₂ 'ín₂ dsí₅ le₃chain₂ dse₃ guioin₅₄ bá₄, on₃jua'₅₄ rē₂ a₂tē₃dsón'₂ lé₅ dsí₅; a₂'nio₃ jmóg'₂ jniá₂ cuē₃ o₂me'₅₄ dsí₅ tē₁lia'₂ 'eng₅₄ rē₂jníg₅. ¹⁸ La₁ tsá₃ cha₂ 'e₂ a₂jaun₂. Jñia'₅₄ lia'₂ jui₁'ē₅₄ dsa₂ jág₁ quió'₅ Cristo, ca₂le₃jé₃ ne₅₄ 'a₂ lia'₂ jmo₃ dsa₂, jua'₅₄ a₂dse₃ dsí₅ o₃ a₂tsá₃ dse₃ dsí₅ 'e₂. Tion₅₄ bá₄ jéin₅ jniá₂ 'io'₂.

'A₂ con'₂ dsón'₂ jmo₅₄ jniá₂ 'io'₂, ¹⁹ ia₁ guion₄ bá₄ jniá₂ jaun₂, quián'₅₄ ca₂le₃jé₃ a₂nē₅, o₃'ing₅ a₂líong₂ con'₂ dse₃, tē₂le₃ ia₁ a₂mi'₂ 'nia'₂ ne₄ Diú₄ o₄quió₃, tē₂le₃ quián'₅₄ bí₂ a₂cuē₅ jme₂'o₅₄ Jme₂dsí₂ quián₅ Jesucristo né₃. ²⁰ Ia₁ chi₁jan₁ jniá₂ 'ín₂ dsi₃ a₂tsá₃ tē₃tsing'₅₄ o₂guí'₃ quián'₅₄ 'i₁caun₂, jaun₂ tē₂le₃ lé₅ gué₄ 'ag₃ caun₂ dsi₃, ia₁jaun₂ le₃jniá₂ a₂jlán'₁

* 1:1 griego: epískopos. † 1:1 griego: diákonous. 'Nio'₂ ja₁ton₅ Hechos 6:1-7; 21:8.

Cristo jui₅ ni₁ŋi₃ jniá₂, o₁ŋia₅₄ la₂ chang₂, o₃ jóng₂ 'e₂. ²¹ Ia₁ tē₂le₃ quió₃ jniá₂, o₄quió₄ Cristo bá₄ chang₂, ján₃ bá₄ a₂ca₂lág₃ co₂'nió₄ a₂tē₁dsi₅₄ nē₁ca₂jong₃. ²² Ia₁ nē₁jua₂ caun₂ chang₂ 'ŋi₃ ni₁ŋi₅ la₂, caun₂ lé₂ le₃jmo₅₄ bá₄ ta₁ a₂dse₃ o₄quió₄ Te₁gui₅₄. Jaun₂ lē₃ tsá₃ guion₄ jniá₂ 'e₂ quió₅₄. ²³ 'ŋio₅ juí₅ líng₂ na₅ bá₄ jaun₂ a₂quió₄ jniá₂ jē₁le₃tín₃ le₂nē₅: tē₂le₃ ca₂ton₂, 'nio₃ jua₅₄ jóng₂ nég₄ i₁gua₃ quian₅₄ Cristo, a₂nē₅ bá₄ ja₂lín₃ gué₄ dse₃ tē₂le₃ quió₃ jniá₂; ²⁴ la₁ tē₂le₃ ca₂ton₂ gué₂ 'né₃, 'ŋio₅ gué₄ dsen₅₄ ta₁ ja₁con₂ 'nia₂, 'nió₅ le₃chang₂ 'ŋi₃ ni₁ŋi₅ la₂. ²⁵ Jaun₂ caun₂ bá₄ 'ei₅ dsi₃ líng₂ le₂nē₅, jaun₂ jan₅₄ bá₄ gué₄ jniá₂ quian₅₄ 'nia₂, ia₁jaun₂ lé₂ le₃jme₁on₁ jniá₂ 'nia₂ a₂náu₁ tiá₂ a₂o₁nóg₅ ne₄ jui₅ a₂jmo₂ 'nia₂ 'io₂ gué₄ a₂éng₂, ²⁶ ia₁jaun₂ dsi₃tsón₃ a₂jmo₂ 'nia₂ 'io₂ le₃quió₅ Cristo Jesús o₄quió₃ jniá₂, 'uig₅₄ ia₁ a₂quian₄ jniá₂ 'nia₂.

²⁷ ŋia₅₄ lia₂ cán₂ 'nia₂ caun₂ jui₅ con₂ dsi₂ten₅₄ lia₂ con₂ lé₅ jág₁ dse₃ quió₅ Cristo. Le₂nē₅ jaun₂, o₁ŋia₅₄ la₂ ca₂dsióg₃ jniá₂ i₁jag₁₂, o₃ tsá₃ ca₂dsióg₃, o₃ chi₂jua₂ tē₂le₃ ca₂ŋó₃ gué₄ uíng₂ 'e₂, la₁ 'nio₃ jniá₂ dsi₁lé₂ jág₁ le₃guion₅₄ a₂chan₂ 'nia₂ tióng₂ tiá₂, 'ei₅ caun₂ jág₁ le₃quió₅ jme₂dsí₂, jme₂'ŋi₃ 'nia₂ ca₂le₃jíng₃ co₂dsia₅ o₄quió₄ jág₁ dse₃ a₂'éin₂ jniog₄. ²⁸ Tsá₃ lē₁can₂ 'nia₂ jué₅ 'e₂ qui₂quiong₅ jui₁lia₂ dsa₂ i₂'iog₅₄ 'nia₂. Ia₁ a₂nē₅ jau₂ 'í₁ rē₂ a₂lén₄ dsa₂ 'éi₂ a₂tioin₅₄ jui₅ ja₁dsi₃'éin₂; la₁ le₂jaun₂ gué₂ ján₃ jau₂ léi₄ rē₂ táng₃ a₂tion₅₄ 'nia₂ jui₅ ja₁tíng₄; a₂nē₅ bá₄ a₂já₅ quió₅ Diú₄. ²⁹ Ia₁ 'uig₅₄ quió₄ Cristo ca₂ŋi₂ 'nia₂, on₃jua₅₄ jmá₃ le₃'én₂ 'nia₂ le₃quió₅, ján₃ gué₂ le₂jaun₂ ŋag₅₄ uig₅ o₄quió₄, ³⁰ ia₁ co₂rē₂ bá₄ 'nei₂ dsi₂ŋí₂ 'nia₂ jui₁lia₂ ma₂tē₂ ne₅₄ 'nia₂ a₂dsi₂ŋí₂ jniá₂, con₂ siá₂ táng₃ rē₂nē₃ rē₂ŋi₅₄ 'nia₂ lia₂ ma₂dsi₂ŋí₂ jaun₂ bá₄.

2

'A₂ lia₂ ca₂jmo₃ Cristo sioin₅, 'a₂ lia₂ ca₂rē₃juin₂ táng₃

¹ Jaun₂ le₂nē₅, chi₂jua₂ qui₂gue₂ 'nia₂ lián₂ le₃quió₅ Cristo, chi₂jua₂ 'a₂ lia₂ 'nio₃ 'éi₂ 'nia₂ qui₂ag₂₃ bá₄ dse₃ 'au₂, chi₂jua₂ 'ei₅ caun₂ jág₁ quian₅₄ Jme₂dsí₂ quiáin₅, chi₂jua₂ cha₂ a₂'ua₁ ŋéi₂ 'au₂ 'nia₂ ríng₂: ² jme₁'ŋia₅ 'nia₂ o₂'ŋi₃ dsi₃ jniá₂, a₂tión₂ 'nia₂ 'ei₅ caun₂ jág₁, quian₅₄ 'nia₂ ríng₂ 'nió₃ 'nia₂, tē₂le₃ quian₅₄ jan₂ Jme₂dsí₂, ca₂ne₅₄ bá₄ ta₁ tión₂ 'nia₂. ³ 'I₁caun₂ tsá₃ lē₁jmo₂ 'nia₂ jua₅₄ a₂jŋia₅₄ dse₃ ja₁con₂ 'nia₂ guiong₅₄ on₃ gué₂ jmo₂ 'nia₂ róng₂. Jmo₄ bá₄ 'nia₂ meg₂, jmo₄ 'nia₂ 'au₂ ja₂lín₃ gué₄ dsen₃ rín₂ 'nia₂ con₂ gué₄ guion₅₄ 'nia₂. ⁴ 'I₁jan₂ 'nia₂ tsá₃ ca₂ne₅₄ 'no₂ jua₅₄ a₂jŋia₅₄ con₂ dse₃ ja₁con₂ 'nia₂ guiong₅₄, 'nio₂ bá₄ 'nia₂ a₂dse₃ quió₅ ja₁con₂ i₂sián₂ ján₃.

⁵ Jui₁le₅₄ bá₄ 'au₂ 'nia₂ jui₁lia₂ ca₂lē₃ dsí₅ Cristo Jesús:

⁶ Ia₁ o₁ŋia₅₄ la₂ lín₅ 'éi₂ nió₄ quió₅ Diú₄,

on₃jua₅₄ jaun₂ ca₂jmo₃ dsí₅ a₂ca₂tíin₂ tion₅₄

a₂lén₂ co₂ríin₂ quian₅₄ Diú₄,

⁷ tē₂le₃ ca₂jmo₃ bá₄ 'éi₂ cau₅ a₂jme₁tíin₂ né₃,

nē₂jag₄ bá₄ a₂tsá₃ 'e₂ quein₅,

ca₂can₃ jui₅ ca₂já₃ a₂líin₅ dsa₂ i₂jme₂ti₃,

jme₁ca₂rē₃cháin₃ a₂líin₅ dsa₂ mi₂gúig₃.

⁸ Jme₁ma₂ca₂rē₃jniái₂ a₂líin₅ dsa₂ né₃,

ca₂jmo₃ mei₂.

Jaun₂ gué₄ ca₂líin₃ jan₂ i₂ca₂rē₃ne₅₄,

ca₂jme₃ti₃ né₃,

ca₂le₃jé₃ ca₂guein₃ 'mú₃,

ca₂lia₂ jŋia₅₄ lia₂ ca₂dsióg₃ 'mú₃ tē₃toin₅₄ cróg₄.

⁹ 'Uig₅₄ jaun₂, Diú₄ né₃, ja₂lín₃ gué₄ ŋei₅ ca₂jme₃juag₂,

ján₃ gué₂ ca₂dsióg₃ a₂líin₅ ta₁ jué₂ a₂goin₂

a₂quein₅ gué₄ 'ñio₅ lín₃ con² gué₄ ca₂le₃jín₃,
¹⁰ ia₁jaun₂ tē₂le₃ ne₄ 'éi³ a₂gon₂ Jesús,
 jui₁chi₂jné₃ ca₂le₃jín₃ i₂tion⁵⁴ guei⁵⁴ i₂juíg₃,
 quian⁵⁴ i₂tion⁵⁴ gua⁵⁴ 'uē₃,
 quian⁵⁴ i₂tion⁵⁴ le₃né³ 'uē₃ né₃;
¹¹ ia₁jaun₂ tion₃ ca₂le₃jé₃ le₁tsi² dsa₂
 a₂dsón² bá₄ lín₅ Jesucristo Te₁gui⁵⁴,
 jaun₂ le₂nē₅ le₃juin² Diú₄ Jmei₂.

Lín₅ dsa₂ quián₅ Cristo nē₂jag₄ bá₄ si₂ tē₂le₃ ja₁con₂ dsa₂ mi₂güüg₃

¹² 'Uig₅₄ jaun₂ né₃, 'nia² rin⁵⁴ jniog₄, jui₁lia² ma₂ja₂nóg⁵ ma₂rē₂ten⁵⁴ tián₂ 'nia² lia² con² jme₁eng₅₄ quian⁵⁴ 'nia², tē₂le₃ 'ñio₅ lín₃ gué₄ ca₂tín² 'nia² nág¹ gau₂ rē₂nē₃, tē₁lia² 'eng₅₄ uíng₂. Jme₁le₅₄ bá₄ 'nia² guiong⁵⁴ jui₁lia² ta₁ a₂ma₂lóng², jmo₂ 'nia² meg² 'ei₅ gau₂. ¹³ Ia₁ Diú₄ bá₄ i₂jmo₅ ta₁ ja₁con² 'nia², a₂qui₂lé² 'au² 'nia² a₂dse₃, a₂qui₂lé² ta₁ ján₃, lia² con² lé⁵ a₂'ñio₂ dsí₅.

¹⁴ Jmo₄ ca₂le₃jé₃, la₁ tsá₃ jmo₂ jua⁵⁴ tsá₃ dsáu₅ 'au² 'nia² ríng² a₂chi₂'iin⁴ 'nia², on₃ gué² jmo₂ 'nia² mi⁵⁴, ¹⁵ ia₁jaun₂ bá₄ 'i₁jan₂ tsá₃ 'ein₂ le₃bóg² dso₄ on₃ gué² jua⁵⁴ cha₂ a₂rē₂cán⁴ 'nia², jmo₄ 'nia² a₂lín⁵ chi²-guein₂ quián₅ Diú₄ i₂tsá₃ 'e₂ rē₂cán⁴, i₂tsá₃ 'e₂ rē₂'ñio₄ jē₄ quió⁴ dsa₂ 'lín⁵⁴ i₂rē₂gán₃ dsí₅. 'Nia² bá₄ lín⁵ jui₁lia² nei₅, a₂jmo² tág₅ ne₄ quió⁵ caun₂ mi₂güüg₃ qui₁né³, ¹⁶ ja₁o₂can⁴ 'nia² jág₁ dse₃ a₂le₃chan₂ dsa₂. Le₂nē₅, jē₁ma₂té₂ rē₁guan² Cristo, lé₂ le₃jmo₅₄ jniá₂ dsi₃ nē₂jag₄ a₂rē₃tan₅₄ jniá₂ o₄quián² 'nia², jē₁ma₂cha₂ caun₂ léi₄ a₂tsá₃ jua⁵⁴ a₂lē₁ca₂ñi₃ co₂chi⁵⁴, on₃ gué² jua⁵⁴ ca₂jmo₃ ta₁ a₂tsá₃ 'e₂ ta₁ tí₄. ¹⁷ La₁ jui₁'a₂ gué₃ la₂ ca₂quíng₂ a₂lén₂ rē₂jeng⁵⁴ ne₄ Diú₄, o₄quió⁴ a₂'én² 'nia², 'ñio₅ lín₃ 'io² jéin₅ jniá₂, quian⁵⁴ bá₄ jniog₄ rin⁵⁴ a₂jmo¹ 'io² ca₂le₃jág₃. ¹⁸ Jmo₄ 'nia² 'io² ján₃, jme₁quiong⁵⁴ bá₄ 'nia² jniá₂ a₂jéin⁵ jniá₂ 'io².

Timoteo quian⁵⁴ Epafrodito

¹⁹ Nē₁jua² 'nio₃ Te₁gui⁵⁴ Jesús, 'ín₂ dsi₃ jniá₂ tsing₅₄ ñi⁵⁴ ta₁ Timoteo dsi₃jiin₅₄ 'nia², ia₁jaun₂ 'ñio₅ lín₃ gué₄ 'io² jmo₅₄ jē₁ma₂ca₂rē₃guion₅₄ jniá₂ 'a₂ lia² chan² 'nia². ²⁰ Ia₁ 'i₁jan₂ i₂sián² tsá₃ chan₂ i₂lé₅ dsi₂jiog₅ dsí₅ co₂rē₂ jui₁lia² dsi₂jiog₅ dsi₃ jniá₂, jua⁵⁴ i₂'i₅ dsí₅ tē₃dsón² a₂dse₃ tē₂le₃ ja₁con² 'nia²; ²¹ ia₁ ca₂le₃jín₃ bá₄ dsa₂ 'no² a₂dse₃ quió⁵ guoin₅₄, tsá₃ dsan₂ dsí₅ a₂'ín₅ dsí₅ ja₁con₂ Cristo Jesús. ²² La₁ ca₂le₃jín₃ bá₄ 'nia² ma₂ñi⁵⁴ 'a₂ lia² ma₂ca₂jme₃jnia₅ Timoteo a₂tiin₂ a₂ñi₅ a₂ma₂ja₂náu₅ jnia⁵⁴ quian⁵⁴ a₂jme₂tí₁ a₂qui₂é₅ jág₁ dse₃, ma₂jás jme₂tí₃ co₂lē₅ ne₄ Te₁gui⁵⁴ jui₁lia² jan₂ chi² i₂jme₂'on₅₄ jmei₂. ²³ Le₂nē₅ 'ín₂ dsi₃ caun₂ jmi_g₄ a₂tsiin₅₄ dsi₁jiin₁₂ 'nia² jē₁ma₂ca₂rē₃guion₅₄ 'a₂ lia² lé₅ tē₂le₃ quió₃ ja₁lás. ²⁴ La₁ia₁ caun₂ bá₄ 'ei₅ dsi₃ ja₁con₂ Te₁gui⁵⁴, 'nio₃ bá₄ jniá₂ dsióg₄ ñi⁵⁴ ta₁ i₁jñg₁₂ 'nia².

²⁵ La₁ tion₅₄ 'nió⁵ ján₃, lín₂ jniá₂, dsiang⁵⁴ Epafrodito, i₂lín₅ i₂quiang⁵⁴ jmo₂₃ ta₁ quen² jnia⁵⁴ bí₂ co₂dsia₅ quian⁵⁴, i₂ca₂chen² 'nia² guiong⁵⁴ o₃can₅ a₂'nió⁵ quió₃. ²⁶ 'Éi₂ né₃ 'ñio₅ lín₃ 'ín₅ dsí₅ jiin₂ ca₂le₃jín³ 'nia², 'ñio₅ 'i₅ dsí₅ ia₁ ca₂rē₃ñi⁵⁴ bá₄ 'nia² a₂ca₂rē₃dsó⁵⁴ 'éi₂. ²⁷ Dsón² bá₄ jaun₂ ca₂rē₃dsó⁵⁴, jñia⁵⁴ mei² tsá₃ ca₂join₃; la₁ ca₂dsia₃ bá₄ Diú₄ ñéi₂ dsí₅ quió⁵, on₃jua⁵⁴ rē² jmá³ ja₁con² 'éi₂, ia₁ ca₂dsia₃ bá₄ ñéi₂ dsí₅ jniá₂ né₃, ia₁jaun₂ tsá₃ ñí₄ lē₃ 'lia² dsi₃ tsá₃ len₅ 'a₂ con² ma₂chang₂ quian₅₄ o₂i₁ dsí₅. ²⁸ 'Uig₅₄ jaun₂ né₃ 'ñio₅ gué₄ lé₂ dsi₃ dsian⁵⁴, ia₁jaun₂ jmó² 'nia² 'io² jiin⁵⁴ táng₃, ia₁jaun₂ tsá₃ ñí₄ lē₃ chang₂ 'i₅ dsí₃. ²⁹ Guein₅₄ 'nia² ca₂lia² a₂'ñio² 'au² gué₄ lín₃, a₂lín₅ 'éi₂ jan₂ rín² 'nia² tē₂le₃ ja₁con₂ Te₁gui⁵⁴, jme₁gon³ bá₄ 'nia² jui₁lia² i₂lín₅ lia² lín₅ 'éi₂; ³⁰ ia₁ ca₂juig₄ bá₄ mei² tsá₃ ca₂join₃ 'uig₅₄ ia₁ a₂jme₂tí₃ ta₁ ne₄ Cristo. Ca₂can₃ caun₂ jui₅ go² ja₁lé₂ le₃quin₃ jme₂dsí₂ quió⁵ a₂jme₃ñiai₂₃ jme₃'o₅₄ a₂tsá₃ lé₂ le₃jme₁'o₁ 'nia².

*Jui*₅ a₂tē₃dsón'₂ dsau₅

¹ Nē₃ nē₃, 'nia'₂ rin'₅₄ jniog₄, jmo₄ 'nia'₂ 'io'₂ le₃quió'₅ Te₁gui'₅₄. Tē₂le₃ ja₁con₂ jniá₂, 'i₁ca₂jui_g₄ o₂me'₅₄ dsi₅ tsá₃ cha₂ jua'₅₄ a₂juá'₄ táng₃ jniá₂ a₂ma₂juá'₃ ne₄ si₂, ia₁ con'₂ lé₅ co₂jñia₅₄ tē₂le₃ ja₁con'₂ 'nia'₂.

² Jmo₄ 'nia'₂ 'í₁ quian'₅₄ dsa₂ i₂chan₂ jmo₅ lín₅ lia'₂ lín₅ dsi₂jí'₅₄, i₂jmo₅ a₂'lig'₅₄, dsa₂ i₂qui₂ti₅ ni₁ñi₁₂; ³ ia₁ jniog₄ bá₄ i₂tē₃dsón'₂ lág₅ dsa₂ co₂'nió'₄ i₂ma₂qui₂rē₂uing₄ lo₄, jniog₄ con'₂ i₂jme₂juín'₁ Diú₄ a₂gu₂dsí₂. Jaun₂ o₂'ñi₃ o₂jñia₃ dsi₅ jniog₄ ia₁ lág₅ i₂quián₅ Cristo Jesús, tsá₃ jaun₂ 'ín₂ dsi₅ jniog₄ jui₁lia'₂ a₂jmo₅ dsa₂ co'₅₄ ni₁ñi₅, ⁴ o₁jñia'₅₄ jniá₂ rē'₂ ján₃ jme₁ca₂tíng₂ jme₁jmo₁₂ 'ín₂ dsi₃ a₂nē₅.

Chi₂jua'₂ 'ein₂ lín₂ cha₂ 'uig₅₄ a₂'ín₂ dsi₅ ni₁ñi₅, tē₂le₃ lé₅ gué₄ tson₂ bí₂ chan₂ jniá₂ 'uig₅₄ a₂jaun₂; ⁵ jme₁ca₂dsin₃ jñia₃ jmi_g₄ lia'₂ con'₂ jme₁ca₂rē₃cháng₃ bá₄ ca₂ti₃ dsa₂ lo₃; ia₁ lín₅ dsa₂ tsi₁jon₂ israelitas, téng₅ le₃quió'₅ co₂'nió'₃ dsa₂ quián₅ tsi₁jon₂ Benjamín; lín₅ hebreo ia₁ ja₁jaun₂ chang₂ lín₅ chi'₂ quián₅ dsa₂ hebreos. Fariseo bá₄ jme₁lín_g₄ lia'₂ con'₂ lé₅ jme₁ñi'₂ dsi₃ Si₂ 'Éi'₃; ⁶ jui₁lia'₂ a₂dsen₅₄ dsi₃ gué'₂, ca₂lia'₂ qui₂ca₂co₃'én₃ jniá₂ dsa₂ quián₅ guá'₅; ton'₂ lia'₂ con'₂ lé₅ jme₁chang₂ quian₅₄ jui₅ dse₃ lia'₂ con'₂ lé₅ 'Éi'₃ Juá'₅, 'i₁jan₂ tsá₃ 'ein₂ lé₂ le₃jme₁bóg'₂ dso₄.

⁷ La₁ ca₂le₃jé₃ a₂nē₅ le₃jua'₅₄ jág₁ a₂tē₁dsi₅₄ le₃quió₃ jniá₂, a₂jaun₂ jmo₅ jniá₂ dsi₃ a₂ma₂i₃'én₂ le₃quió'₅ Cristo. ⁸ Dsón'₂ bá₄ jaun₂, tē₂le₃ lé₅ gué₄ jmo₅ jniá₂ dsi₃ nē₂jag₄ bá₄ a₂ma₂i₂'én₂ ca₂le₃jé₃, ia₁ tsá₃ quin₅ 'a₂ con'₂ quen₅ a₂ma₂ca₂rē₃cuíng₅ Cristo Jesús Te₁gui'₅₄ quiáng₃. 'Uig₅₄ quió'₄ Cristo bá₄ ma₂i₂'én₂ jē₂ a₂jaun₂ quió₃. Jmo₅ jniá₂ dsi₃ nē₂jag₄ bá₄ jme₁qui₅ a₂jaun₂, ia₁ 'nio₃ jniá₂ léi₂ ja₁con₂ Cristo; ⁹ 'nio₃ jniá₂ dsió_g₄ ja₁con₂ 'éi₂, on₃jua'₅₄ a₂chang₂ quian₅₄ jui₅ co₂dsau₅ a₂tíng₂ 'ñi₃ lia'₂ con'₂ lé₅ 'Éi'₃ Juá'₅, tē₂le₃ ia₁ a₂quian₄ jniá₂ jui₅ co₂dsau₅ a₂cuē₅ Diú₄ cué'₅ i₂'én₂ le₃quió'₅ Cristo. Co₂'nió'₄ le₃jua'₅₄, a₂chan₂ dsa₂ quian₅ caun₂ jui₅ co₂dsau₅ a₂já₅ le₃quió'₅ Diú₄ 'uig₅₄ cho'₅₄ tē₂le₃ ia₁ a₂'én₂ bá₄ dsa₂. ¹⁰ A₂'nio₃ jniá₂ le₃cuíng₅ Cristo bá₄, 'nio₃ jniá₂ can₅₄ jui₅bí₂ a₂ca₂jein'₅₄; ján₃ gué'₂ can₅₄ jui₅ jmi₁uig₅ a₂ca₂can₃ 'éi₂, ján₃ gué'₂ a₂dsi₃ó_g₄ jniá₂ léng₂ jui₁lia'₂ jme₁lín₄ 'éi₂ lia'₂ con'₂ jme₁ca₂join₃, ¹¹ ia₁jaun₂ caun₂ bá₄ 'ei₅ dsi₃ dsió_g₄ jniá₂, chi₂jua'₂ lé₂, a₂jeng'₅₄ jin₄ 'lag₄.

*Jui*₅ ja₁ca₂tág₂ i₁no₁ ja₁lé₄ léi₄ dsi₁no₃

¹² On₃jua'₅₄ gué'₂ a₂ma₂ca₂dsi₃ó_g₃ jniá₂, on₃ gué'₂ ma₂ca₂rē₃'ñia₅ quió₃. La₁ caun₂ nei₅₄ bá₄ ne₄ jui₅ jme₁'ñi₃ a₂'ín₂ dsi₃, jui₁lia'₂ ca₂jme₃'ñi₃ Cristo jniá₂. ¹³ Rin'₅₄ jniog₄, tsá₃ jmo₅ jniá₂ dsi₃ jua'₅₄ a₂ma₂ca₂jme₁'ñi₃ jniá₂ a₂jaun₂. La₁ia₁ caun₂ la₂ bá₄ jmo₅ jniá₂: a₂qui₂dsi₃'én₂ dsi₃ a₂qui₂ma₂ñi₂, a₂quín'₄ bí₂ a₂ti₃o₄ nei₅₄ le₃ne₄ jui₅, ¹⁴ a₂dsi₃ó_g₄ jniá₂ ja₁lé₄ léi₄ ja₁ca₂tíng₂ dsi₃ó_g₄, ja₁i₁gue₃ jniá₂ premio a₂té₂ Diú₄ cué₃ guei'₅₄ i₂juí_g₃ a₂cué'₃ dsa₂ i₂tion'₅₄ le₃quió'₅ Cristo Jesús. ¹⁵ Ca₂le₃jág₃ bá₄ jniog₄ i₂ma₂le₁'ñia₅ quián₂, ca₂tág₂ dsi₃jñia₅ dsi₅ le₂jaun₂. Nē₁jua'₂ cha₂ ja₁lín₅₄ a₂ñi'₂ 'au'₂ 'nia'₂ le₂siá'₂, Diú₄ bá₄ jmo₃ jnio₂ ne'₅₄ 'nia'₂ a₂jaun₂ ján₃. ¹⁶ Jñia'₅₄ lia'₂ ca₂tág₂ jniog₄ a₂i₁nio₁ lia'₂ ma₂ja₂náu₅.

¹⁷ Rin'₅₄ jniog₄, quian₂ 'nia'₂ jui₅ co₂lēs con'₂ lé₅ jui₅ ma₂guio₃ jniá₂, jag₄ 'nia'₂ rē₂ ján₃ ja₁con₂ ca₂le₃jín₃ i₂ma₂chan₂ lia'₂ con'₂ lé₅ ma₂ca₂jme₁tin₅ jnia'₅₄ 'nia'₂. ¹⁸ Ia₁ jui₁lia'₂ ma₂ca₂juí_g₂ jniá₂ 'nia'₂ 'líong₂ ráun₂, con'₂ siá'₂ juá'₅ bá₄ gué₄ cón'₂ táng₃ ca₂le₃jé₃ dsá₂ jmi_g₂ jme₁ne₃, ia₁ juín₅ i₂chan₂ co₂'nió'₄ i₂'io'₅₄ a₂ca₂jmo₃ Cristo ne₄ cróg₄. ¹⁹ Jē₁ca₂tó'₂ dsi₁lein₃ ja₁dsi₃'éin₂. Ia₁ i₂co₂'nió'₄ i₂lín₅ diú₄ quián₅ co₂'nió'₄ a₂lag₃ nē₁rē₂can'₂ tú'₅ bá₄, 'ñio₅ róin₂ jmo₂₃ a₂'nió'₄ jme₁cán₂ o₂guí'₃. Jmá'₃ lia'₂ quió'₅ a₂cha₂ ne₄ gua'₅₄ 'uē₃ la₂ bá₄ dsi₂jio_g₅ dsi₅. ²⁰ La₁ jniog₄ nē₃ lág₅ dsa₂ i₂tén₅ guei'₅₄ i₂juí_g₃, jñia'₅₄ lia'₂ a₂jaun₂ bá₄ le₁jñia₁ jniog₄ dsen₅₄ dsi₅ a₂jñi₃o'₂ ja₁jaun₂ jan₂ i₂lió₂, i₂lín₅ Te₁gui'₅₄ Jesucristo. ²¹ 'Éi₂ bá₄ jme₃tsín₃

ni₁ŋi₁ jniog₄ a₂dsi₃'én₂ la₂, ia₁jaun₂ lé₂ lia'₂ jlá'₁ ni₁ŋi₁₂ 'ŋiog₅. Jmo₃ bá₄ a₂jaun₂ tē₂le₃ quian'₅₄ bí₂ a₂'io₂₃ a₂tiin₂ dsia₃ o₄gú₃ 'ŋiog₅ ca₂le₃jé₃.

4

Jmo₄ 'nia'₂ 'io'₂ co₂tan₅₄ le₃quió'₅ Te₁gui'₅₄

¹ Jaun₂ lē₃, rin'₅₄ jniog₄, 'nia'₂ i₂'nió₃ gué'₄ lin₃, i₂ŋí₄ lē₃ 'ín₅ dsi₃ jing₅₄; 'nia'₂ bá₄ líng'₅ a₂ŋí₄ dse₃ 'ei₅ dsi₃, 'nia'₂ bá₄ líng'₅ co₂'nió'₄ premio quió₃, jui₁chan'₂ bá₄ 'nia'₂ le₂nē₅ jaun₂ né₃, tión'₂ 'nia'₂ tiá₂ le₃quió'₅ Te₁gui'₅₄.

² Chi₂len'₄ jniá₂ Evodia quian'₅₄ Síntique ján₃, jmo₄ 'nia'₂ caun₂ jág₁ jñ₄ ríng'₂ o₄quió'₄ Te₁gui'₅₄. ³ Quian'₅₄ 'ne₂, rin'₅₄ jniog₄ i₂co₂dsia₅ jmo₂ ta₁, juí₂g₂ jniá₂ 'ne₂ a₂jme₁'ong'₁ dsa₂ mí₂ rin'₅₄ jniog₄ nē₅, ia₁ 'éi₂ ca₂quín'₃ bí₂ i₂quian'₄ jniá₂ jme₁ca₂'é₃ jág₁ dse₃ a₂lión₂ dsa₂, quian'₅₄ Clemente né₃ quian'₅₄ gué'₄ rin'₅₄ sián'₂ ca₂jmo₃ ta₁ quian'₅₄ jniá₂. Ma₂le₁ton₅ lia'₂ chein₂ ne₄ si₂ a₂le₃chain₂ co₂tan₅₄.

⁴ 'Io'₂ jmo₄ 'nia'₂ co₂tan₅₄ le₃quió'₅ Te₁gui'₅₄. Cón'₂ siá'₂ juá'₅ táng₃, j'io'₂ jmo₄ 'nia'₂!
⁵ Jui₁le₂jniá₂ a₂'ua₁ 'au'₂ 'nia'₂ jē₄ quió'₅ le₃jín₃ dsa₂, ia₁ ma₂ja₂quián₃ guan'₂ Te₁gui'₅₄.

⁶ Tsá₃ jmo'₂ 'nia'₂ 'i₅ 'au'₂ 'i₁caun₂. La₁ chi₂jua'₂ 'e₂ lé₅, chi₂len'₄ 'nia'₂ Diú₄; mi₄ 'nia'₂ ne₄ 'éi₂ ton'₂ ján₃ gué'₂ cué'₅₄ 'nia'₂ ti₁'mag'₄ 'éi₂. ⁷ Jaun₂ Diú₄ bá₄ jmo₃ 'í₁ jme₂dsí₂ quián'₂ 'nia'₂ quian'₅₄ a₂qui₂dsi₂jio₅ 'au'₂ 'nia'₂ né₃, tē₂le₃ quian'₅₄ Cristo Jesús. Diú₄ bá₄ jmo₃ a₂'ag₃ tei₄ 'au'₂ 'nia'₂ ŋag₅₄ gué'₄ lin₃ con'₂ gué'₄ a₂lé₂ le₃ŋí'₂ dsa₂.

Jui₁dsi₂jio₅ 'au'₂ jma'₃ a₂dse₃

⁸ Jaun₂ lē₃, rin'₅₄ jniog₄, jui₁dsi₂jio₅ 'au'₂ 'nia'₂ jui₁'e₂ a₂tí₅ dsón'₂, jui₁'e₂ a₂ca₂tín₂ jme₃gó'₃ dsa₂, jui₁'e₂ a₂dsi₂ten₅₄, jui₁'e₂ a₂le₁jé₃, jui₁'e₂ a₂'io'₂, jui₁'e₂ a₂quen₅ jág₁ dse₃; chi₂jua'₂ cha₂ a₂jlá'₁ a₂ca₂tín₂ 'ag₃ dse₃ jág₁, a₂jaun₂ bá₄ jui₁dsi₂jio₅ 'au'₂ 'nia'₂.
⁹ Jme₁dsau₅ 'nia'₂ caun₂ a₂ma₂gue'₅₄ 'nia'₂, a₂ma₂ca₂jme₁tag₅ a₂ma₂nei'₂ 'nia'₂ ma₂juá'₃ quian'₅₄ a₂qui₂ma₂té₂ ne'₅₄ ma₂jag'₅₄ 'a₂ lia'₂ jmo₅ jniá₂: le₂jaun₂ jmo₄ 'nia'₂. Jaun₂ Diú₄ né₃ i₂jmo₅ 'ag₅ tei₄ 'au'₂ 'nia'₂, 'ein₅₄ ja₁con'₂ 'nia'₂.

Cué'₅ Pa₄ ti₁'mag'₄ cué'₅ dsa₂ Filipenses

¹⁰ 'E₂ gué'₄ tē₅ dsi₃ 'io'₂ jéin₅ gué'₄ lin₃ le₃quió'₅ Te₁gui'₅₄ 'a₂ lia'₂ lē₃ a₂ca₂dsáu'₃ táng₃ 'au'₂ 'nia'₂ jniá₂. Tsá₃ 'nio₃ jniá₂ juá'₄ jua'₅₄ a₂ma₂i₂'én₂ 'au'₂ 'nia'₂ jniá₂, tē₂le₃ ia₁ a₂tsá₃ ma₂cuín₃ jmig₄ jme₁'o'₁ bá₄. ¹¹ On₃jua'₅₄ rē'₂ juá'₅ jniá₂ ia₁ a₂ca₂rē₃'nió'₃ quió₃; ia₁ jniá₂ né₃ ma₂ca₂rē₃tín₃ bá₄ jniá₂ a₂'ei₅ dse₃ dsi₃ chi₂jua'₂ 'a₂ lia'₂ lé₅ a₂chang₂. ¹² Ma₂guion₄ bá₄ jniá₂ 'a₂ lia'₂ lé₅ jme₁rē₂chang₂ te₂ŋég₂, ján₃ gué'₂ guion₄ jniá₂ 'a₂ lia'₂ lé₅ a₂qui₂rē₂tsón₂ quió₃. Jaun₂ ma₂ca₂rē₃tíng₃ bá₄ a₂chéng'₅ tiá₂ jui₁lé₄ bá₄ 'a₂ lia'₂ lé₅ chang₂. Cha₂ jme₁lin₅₄ qui₂rē₂tang₅₄ dse₃ lin₃, o₃ 'ong₅₄ 'e₂ jme₁lin₅₄. Cha₂ jme₁lin₅₄ qui₂rē₂tsón₂, o₃ a₂tsá₃ 'e₂ cha₂ mei'₂ 'e₂. ¹³ Ca₂le₃jé₃ bá₄ qui'₅₄ jniá₂ jmig₄ tē₂le₃ quian'₅₄ Cristo i₂cué'₅ bí₂. ¹⁴ La₁ia₁, dse₃ bá₄ jaun₂ ca₂quen'₄ 'nia'₂ o₂i₁ dsi₅ a₂quian₄ jniá₂.

¹⁵ Jui₁lia'₂ ma₂ŋi'₅₄ 'nia'₂, rin'₅₄ jniog₄ i₂chan₂ juig₂ Filipos, lia'₂ con'₂ jme₁ca₂jme₁lióg₄ jniá₂ ca₂'é₃ jág₁ dse₃ a₂lión₂ dsa₂, jme₁ca₂o₃'ín₃ jniá₂ 'uē₃ Macedonia, 'i₁caun₂ guá'₅ tsá₃ ca₂jme₃quen'₄ tē₂le₃ quian'₅₄ cu₄; jnia'₅₄ lia'₂ 'nia'₂ bá₄. ¹⁶ Ia₁ lia'₂ con'₂ jme₁'en₅₄ jniá₂ juig₂ Tesalónica, on₃jua'₅₄ co₂ráun₂ ca₂jme₁'o'₁ 'nia'₂ jniá₂, ca₂chen'₂ 'nia'₂ cu₄ 'uig₅₄ ia₁ a₂ca₂rē₃'nió'₃ quió₃. ¹⁷ On₃jua'₅₄ rē'₂ a₂dsi₂jio₅ dsi₃ a₂jñia'₅₄ caun₂ le₃cha₂ a₂ca₂tín₂ jniá₂ a₂qui₁gue₅₄; a₂jaun₂ bá₄ 'nio₃ jniá₂ a₂le₃cha₂ 'uig₅₄ a₂jme₃'mag'₂ Diú₄ quián'₂ 'nia'₂.
¹⁸ La₁ ma₂gue₃ bá₄ jniá₂ le₃jé₃, tē₂le₃ lé₅ gué'₄. Quian'₅₄ a₂ca₂chen'₂ 'nia'₂ tē₂le₃ quian'₅₄ Epafrodito, ma₂rē₂tsón₂ bá₄ quió₃. A₂ca₂chen'₂ 'nia'₂ jaun₂ quió₃, lé₅ jui₁lia'₂ lé₅ caun₂ a₂rē₂jen'₅₄ ne₄ Diú₄ a₂ja₂ mi₂juig₂ a₂'ŋio₂ dsí₅ Diú₄ gué'₅. ¹⁹ Diú₄ quiáng₃ né₃, 'éi₂ bá₄ cué'₃ ca₂le₃jé₃ a₂'nió'₅ quián'₂ 'nia'₂ lia'₂ con'₂ lé₅ a₂ŋí₄ lē₃ jlá'₁ a₂rē₂tsón₂ quió'₅, cué'₃ 'nia'₂

të₂le₃ quian'₅₄ Cristo Jesús. ²⁰ ¡Jui₁jme₂juin'₂ bá₄ dsa₂ Diú₄ Jmei₂ jniog₄ ca₂lia'₂ co₂tan₅₄! A₂méi₃.

²¹ Cuin₅₄ 'nia'₂ Diú₄ o₄quió₃, ca₂le₃jín₃ i₂tén₅₄ le₃quió'₅ Cristo Jesús. Dsa₂ rin'₅₄* i₂quian'₄ jniá₂ né₃, cuiin₂₃ Diú₄ 'nia'₂. ²² Cuin₅ 'nia'₂ Diú₄ ca₂le₃jín₃ dsa₂ jnió₅, la₁ia₁ ja₂lin₃ gué₄ dsen₅₄ cuag₅ Diú₄ dsa₂ i₂tián'₅ dsi₂néi₂ quió'₅ gui'₅₄ rag₅₄ emperador.

²³ Jui₁jme₂gu'₅₄ bá₄ Te₁gui'₅₄ Jesucristo jme₂dsí₂ quián'₂ 'nia'₂. A₂méi₃.† Co₂ně₅.

* 4:21 lit. “dsa₂ jnió₅.” † 4:23 A₂lin₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃ San Pablo ne₄ dsa₂
COLOSENSES

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Colosas tē₁lia'₂ 'ein₅₄ né'₃ 'má₃

¹Jniá₂, Pa₄, ia₁ co₂nē₅ 'nio₃ Diú₄ bá₄, líng₅ jan₂ i₂chen₄ quián₅ Jesucristo. Co₂lě₅ quiang'₅₄ rin'₅₄ jniog₄ Timoteo, ²jmo₂₃ si₂ carta la₂ a₂dsiang'₅₄ ne'₅₄ 'nia'₂ rin'₅₄ jniog_{4a} i₂chang'₂ juig₂ Colosas, dsa₂ i₂lě₅ 'í₁ i₂jme₂ti₃ ja₁con₂ Cristo:

Jui₁jme₂gu'₅₄ bá₄ Diú₄ i₂lín₅ Tia₅₄ quián₂, jui₁jmo₁₂ bá₄ 'ag₃ tei₄ tion'₅₄ 'nia'₂.

Mi₅ Pa₄ ne₄ Diú₄ o₄quió'₄ dsa₂ i₂én₂

³Cuē₂ jnia'₅₄ ti₁'mag'₄ Diú₄ Jmei₂ Jesucristo Te₁gui'₅₄ quián₂, co₂tan₅₄ bá₄ mi₂ jnia'₅₄ ne₅₄ o₄quián'₂ 'nia'₂. ⁴Ia₁ ma₂ca₂rě₃ne₄ bá₄ jnia'₅₄ 'a₂ lia'₂ lě₅ a₂'én'₂ 'nia'₂ le₃quió'₅ Cristo Jesús, 'a₂ lia'₂ lě₅ 'nió'₃ 'nia'₂ ca₂le₃jín₃ i₂ma₂tén₅ le₃quió'₅ Diú₄,* ⁵ia₁ cha₂ a₂'ín₂ 'au'₂ 'nia'₂ a₂ma₂rě₂'ma₄ a₂lé₂ quián'₂ 'nia'₂ guei'₅₄ i₂juig₃, jág₁ dse₃ a₂tí₅ a₂jme₁ma₂nei'₂ 'nia'₂ le₂jñiá₅, ⁶a₂jme₁ma₂dsióg₃ ja₁con'₂ 'nia'₂. Ca₂le₂con₂ ta₁caun₂ mi₂güig₃, ma₂léi₄ ma₂rě₂rau₂ a₂rě₂'én₂ dsa₂, le₂jaun₂ qui₂dsi₂cón₃ jág₁. Lě₂ jui₁lia'₂ ma₂qui₂ma₂lě₅ quian'₅₄ 'nia'₂ ca₂le₃ jmi₄g₄ jme₁ca₂nei'₂ 'nia'₂ jág₁ dse₃ a₂lión₂ dsa₂, jme₁ca₂rě₃ñí'₂ 'au'₂ 'nia'₂ né₃, 'a₂ lia'₂ lě₅ a₂tě₃dsón'₂ bá₄ dsau₅ 'ua₁ dsí₅ Diú₄. ⁷A₂ně₅ ma₂ca₂rě₃tín'₃ 'nia'₂ ca₂jme₃tag₅ Epafras i₂'nióg₃ gué₄ lín₃, i₂ma₂já₅ co₂lě₅ quian'₅₄ jnia'₅₄ jme₂ti₃ ta₁ ne₄ Cristo. 'Éi₂ bá₄ chén'₅ ja₁con'₂ 'nia'₂ a₂lín₅ dsa₂ rě₂ti'₅₄ i₂jmo₅ ta₁ quió'₅ Cristo, o₄quián'₂ 'nia'₂. ⁸'Éi₂ bá₄ ma₂o₃can₅ jág₁ 'a₂ lia'₂ 'nió'₃ 'nia'₂ ríng'₂ le₃quió'₅ Jme₂dsí₂.

⁹'Uig₅₄ jaun₂, jnia'₅₄ né₃, ca₂le₃ jmi₄g₄ jme₁ca₂rě₃ne₄ jnia'₅₄, ma₂ja₂náu₅ tsá₃ ma₂tí₄ jnia'₅₄ jua'₅₄ tsá₃ chi₂len'₄ jnia'₅₄ Diú₄ o₄quián'₂ 'nia'₂. Mi₂ jnia'₅₄ jui₁jmo₁₂ jui₁qui₂le₂'an₂ 'au'₂ ia₁jaun₂ qui₂le₃ñíg'₂ le₃ñi'₅₄ 'nia'₂ le₃quió'₅ jme₂dsí₂, 'e₂ jaun₂ a₂'nio₃ 'éi₂, ¹⁰ia₁jaun₂ bá₄ i₁nió'₄ 'nia'₂ con'₂ dsí₂ten₅₄ jmo₃ dsa₂ quián₅ Te₁gui'₅₄, lia'₂ con'₂ lě₅ 'ñio₂ dsí₅ 'éi₂. Jui₁le₂rau₂ bá₄ con'₂ dse₃ ca₂le₃jě₃ ne₅₄ a₂dse₃ jmo'₂ 'nia'₂, caun₂ dsí₁nó'₅ 'nia'₂ le₃cuing'₂ gué₄ dse₃ Diú₄. ¹¹Mi₂ jnia'₅₄ ne₄ 'éi₂ a₂chein'₃ 'nia'₂ tiá₂ quian'₅₄ jui₅bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃ 'au'₂, a₂juin'₂ 'au'₂, ton'₂ o₂'ñio₃ 'au'₂ né₃. ¹²Mi₂ jnia'₅₄ ia₁jaun₂ bá₄ cuē'₅₄ 'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂† dsa₂ i₂lě₅ 'í₁‡ quián₅, i₂ca₂tín₂ le₃quen'₄ ja₁tág₅ si₂. ¹³Ma₂ca₂lió₂ Diú₄ jniog₄ o₄gú₃ i₂gon₂ jě₄ qui₁né'₃, a₂ma₂ca₂dsiog₃ táng₃ ja₁gon₂ Ja₁ñi'₅₄ i₂ñí₄ lě₃ 'nioi₃. ¹⁴'Éi₂§ bá₄ ca₂láu₂, ca₂'éin₂ dsáu₁ jniog₄.

'Éi₅ tei₄ quian'₅₄ Diú₄ o₄quió'₄ a₂ca₂jon₃ Cristo

¹⁵'Éi₂ bá₄ lín₅ nió'₄ quió'₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jě₃ a₂ca₂rě₃chá₃. ¹⁶Tě₂le₃ quian'₅₄ 'éi₂ bá₄, ca₂jmo₃ Diú₄ ca₂le₃jě₃ 'e₂ a₂cha₂ guei'₅₄ i₂juig₃ quian'₅₄ gua'₅₄ 'uě₃, ca₂le₃jě₃ a₂jniá₂ quian'₅₄ gué₄ ca₂le₃jě₃ a₂tsá₃ jniá₂ né₃: co₂'nió'₄ a₂ca₂jmoí'₂ ca₂le₃jín₃ i₂jmo₅ 'éi'₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ né₃. Ca₂le₃jín₃ i₂ně₅ ca₂lín₃ tě₂le₃ quian'₅₄ 'éi₂, ton'₂ o₄quió'₄ 'éi₂ né₃. ¹⁷'Éi₂ bá₄ i₂jme₁ma₂chan₂ lia'₂ con'₂ né₃ gué₄ a₂le₃cha₂ ca₂le₃jě₃; 'éi₂ bá₄ jmo₅ a₂niog₅ lě₂ rě₂ ca₂le₃jě₃. ¹⁸'Éi₂ bá₄ lín₅ ján₃ mi₂dsi₄ ni₁ñi₁₂, co₂'nió'₄ le₃jua'₅₄ guá'₅ quián₅. 'Éi₂ bá₄ lín₅ i₂ca₂jme₃lióg₃ ca₂le₃jě₃; ton'₂ 'éi₂ bá₄ lín₅ ján₃ i₂le₂'uig₅₄ i₂ca₂jen'₅₄ jin₄ 'lag₄, ia₁jaun₂ lén₂ 'éi₂ i₂dsen₅₄ gué₄ ne₄ quió'₅ ca₂le₃jě₃. ¹⁹Ia₁ ca₂rě₃'ñio₃ dsí₅ Diú₄ ca₂tě₁gua₁ tě₂le₃ ja₁con₂ 'éi₂ ca₂le₃jě₃ 'a₂ lia'₂ lín₅ 'ñiog₅; ²⁰ca₂rě₃'ñio₃ dsí₅ ján₃, tě₂le₃ quian'₅₄ 'éi₂, ca₂'ág₂ táng₃

* 1:12 lit. "dsa₂ jñio₅." † 1:12 A₂lín₅₄ chog₅₄ si₂ juá'₂: "ma₂jmo₃ ma₂léi₄ jniog₄." ‡ 1:12 lit. "dsa₂ jñio₅." § 1:14 A₂lín₅₄ chog₅₄ si₂ juá'₂: "Quian'₅₄ jmi₂ 'an₅₄ 'éi₂."

caun₂jág₁ quian'₅₄ 'njog₅, ca₂le₃jé₃ a₂cha₂: lia'₂ ta₁caun₂ guei'₅₄ mi₂güüg₃ lia'₂ quian'₅₄ ne₄ gua'₅₄ 'uë₃, ca₂jmo₃ ca₂'ág₂ táng₃ tei₄ tē₂le₃ quian'₅₄ jmi₂ 'ain₅₄ a₂ca₂tein₃ ne₄ cróg₄.

²¹ 'Nia'₂ né₃, tsá₃ jág₁ jme₁nióg'₅ quian'₅₄ Diú₄ le₂jñiá₅; tē₂le₃ jme₁'ñiai'₅₄ bá₄ 'nia'₂, jui₅ 'a₂ lia'₂ jme₁qui₂dsi₂jjiog₅ 'au'₂, jui₅ 'a₂ lia'₂ jme₁jmo'₂-dsáu'₅ 'nia'₂ né₃. ²² La₁ rē₂né₃ né₃, ma₂ca₂jmo₃ Diú₄ ca₂'ág₂ táng₃ caun₂ jág₁ 'nia'₂ quian'₅₄, tē₂le₃ quian'₅₄ 'mú₃ a₂ca₂can₃ Cristo jui₅ ñi₅₄. A₂nē₅ ca₂jmo₃ ia₁jaun₂ chein'₃ 'nia'₂ ne₅₄, jme₃jñiai₂₃ 'nia'₂ dsa₂ i₂ma₂lé₅ 'í₁, * i₂tsá₃ ma₃'e₂ rē₂'ñi₄, on₃ guē'₂ ma₂'e₂ dso₄ rin'₂ 'nia'₂. ²³ A₂jaun₂ chi₂jua'₂ caun₂ náu'₂ 'nia'₂ tiá₂ a₂'éng'₂, nē₂jag₄ quian'₅₄ jmú₄ tio'₅₄ 'ei₄; jaun₂ tsá₃ qui₂dsi₃mú'₃ 'nia'₂ cau₅ a₂'ín₂ 'au'₂ tē₂le₃ quian'₅₄ jág₁ dse₃ a₂ma₂nei'₂ 'nia'₂. Jág₁ dse₃ nē₅ ma₂qui₂rē₂'é₂ ne₄ le₂jan₂ le₂jan₂ i₂chan₂ ne₄ gua'₅₄ 'uë₃. Jniá₂ Pa₄, jaun₂ né₃, líng₅ jan₂ i₂qui₂jme₂'o₅₄ dsi₂'é₃ jág₁ jaun₂.

Jme₂ti₃ Pa₄ ja₁con₂ guá'₅

²⁴ Nē₃ né₃ 'io'₂ jéin₅ jē₄ dsi₂ñíg₂ uig₅ o₄quián'₂ 'nia'₂, ia₁ le₂la₂ bá₄ 'eng₅₄ jui₅ a₂jme₁'ñiag₅, quian'₅₄ ñi₃ 'ñi₃ a₂'nió'₅ gué₄ jui₁lia'₂ jmi₁uig₅ a₂ca₂i₃ñí₂ Cristo o₄quió'₄ guá'₅ quiáin₅, a₂lé₅ ñi₅₄. ²⁵ A₂ma₂ca₂dsi₃óg₃ jniá₂ a₂líng₅ jan₂ i₂jme₂ti₃ ja₁con₂ guá'₅ ján₃, con'₂ lé₅ ca₂dsia₃ Diú₄ gu₃, a₂dse₃ quián'₂ 'nia'₂, a₂'é₄ jniá₂ lia'₂ qui₂rē₂'ñia₅ jág₁ quió'₅, ²⁶ co₂'nió'₄ le₃jua'₅₄, jág₁ a₂tsá₃ jme₁ca₂rē₃jniá₂ a₂jme₁rē₂'ma₄ quió'₅ Diú₄ ca₂le₃ ma₂líg'₂ lín₃ ma₂qui₂ma₂ñí₂ juin₅ lín₃ tsi₁jon₂ dsa₂ né₃. La₁ rē₂né₃ ma₂cuē₃ a₂le₃cuí'₅ dsa₂ i₂lé₅ 'í₁† quiáin₅. ²⁷ Ja₁con₂ dsa₂ quiáin₅ 'éi₂ bá₄ ca₂rē₃'ñi₃ dsí₅ Diú₄ ca₂jmo₃ a₂le₃cuí'₅ dsi₂nau₂ 'e₂ jaun₂ a₂jlá'₁ lín₃ jág₁ a₂jme₁rē₂'ma₄ jaun₂: co₂'nió'₄ le₃jua'₅₄, 'en₅₄ bá₄ Cristo jē₄ quián'₂ 'nia'₂, 'éi₂ bá₄ lín₅ i₂'ín₂ 'au'₂ ja₁dse₃ ja₁jlá'₁ a₂guéi'₁ 'nia'₂. ²⁸ Jnia'₅₄ né₃ qui₂'é₅ jág₁ a₂'ín₅ 'éi₂, le₂jan₂ le₂jan₂ dsa₂ qui₂tioin'₂ jnia'₅₄ jág₁, le₂jan₂ le₂jan₂ bá₄ dsa₂ qui₂jme₂tiin'₁ ia₁jaun₂ le₃ñí'₂, ia₁jaun₂ lé₂ jme₁jnia₅ jnia'₅₄ le₂jan₂ le₂jan₂ dsa₂ a₂ma₂lín₅ dsa₂ ma₂ron₂ le₃quió'₅ Cristo. ²⁹ Uig₅₄ jaun₂ bá₄ né₃, jmo₅ jniá₂ ta₁, quín'₅ jniá₂ bí₂ lia'₂ con'₂ lé₅ ta₁ bén₂ a₂jmo₅ 'éi₂ ja₁cong₂.

2

¹ Ia₁ 'nio₃ jniá₂ jui₁le₃ñi'₅₄ 'nia'₂ 'a₂ lia'₂ ñí₄ lē₃ quian₅ ta₁ a₂quíng'₅ bí₂ o₄quián'₂ 'nia'₂, quian'₅₄ o₄quió'₄ i₂chan₂ juig₂ Laodicea, o₄quió'₄ ca₂le₃jín₃ i₂tsá₃ cui₅ i₂tsá₃ jág₂ dsi₁ne₁ né₃. ² Jmo₅ jniá₂ bí₂ le₂nē₅ ia₁jaun₂ qui₂le₁'ág₄ lán'₂ dsí₅ 'éi₂, caun₂ 'ei₅ jág₁ jme₂'nioi₃ riin'₅₄; ia₁jaun₂ bá₄ 'io₃ a₂quen₅ lín₃ a₂le₂jaun₂ a₂caun₂ le₁'ág₄ dsí₅ ia₁ a₂qui₂ma₂'an₂ dsí₅; ton'₂ ia₁jaun₂ le₃ñí'₂ jág₁ a₂rē₂'ma₄ quió'₅ Diú₄. Jág₁ jaun₂ né₃, Cristo 'njog₅ bá₄ 'éi₂. * ³ Ia₁ tē₂le₃ ja₁con₂ 'éi₂ bá₄ qui₂rē₂'ma₄ jē₂ jág₁ a₂quen₅ lín₃ a₂lé₂ le₃ñí'₂ dsí₅ dsa₂, a₂lé₂ le₃ñi₅ dsa₂ né₃. ⁴ A₂nē₅ juíg₂ 'nia'₂ ia₁jaun₂ 'i₁jan₂ tsá₃ 'ein₂ jui₁jme₂gau₅ 'nia'₂ quian'₅₄ jág₁ a₂'io'₂ quió'₅. ⁵ Jaun₂ o₁jñia'₅₄ la₂ tsá₃ quian'₅₄ jniá₂ 'nia'₂ dsi₁ne₁ 'ñi₃ dsón'₂, la₁ 'eng₅₄ bá₄ quian'₅₄ 'nia'₂ tē₂le₃ quian'₅₄ jme₂dsí₂, jmo₂₃ 'io'₂, jág₅ 'a₂ lia'₂ tiong'₅₄ rē₂ con'₂ dsi₂ten₅₄, ton'₂ tióng'₂ bá₄ tiá₂ a₂'éng'₂ le₃quió'₅ Cristo. ⁶ Jaun₂ lē₃, le₂nē₅ jui₁lia'₂ ca₂guen'₅₄ 'nia'₂ Cristo Jesús† a₂lín₅ juig'₂ 'nia'₂, caun₂ jui₁i₂nio'₄ bá₄ 'nia'₂ le₃quió'₅ 'éi₂; ⁷ jui₁tē₂ton₅₄ bá₄ jmú₄ jui₅ jme₂dsí₂ quián'₂ 'nia'₂ tē₂le₃ quió'₅ 'éi₂, jui₁qui₂dsi₂cón'₃ bá₄ 'nia'₂ le₃quió'₅ 'éi₂ tē₂le₃ ia₁ a₂'éng'₂, lia'₂ con'₂ lé₅ a₂ca₂rē₂tín'₃ 'nia'₂, a₂rē₂tsón₂ tē₂'au'₂ a₂cuē'₅₄ ti₁'mag'₄ Diú₄.

A₂le₃chan₂ dsa₂ caun₂ jui₅ 'mí₂ le₃quió'₅ Cristo

⁸ 'Í₁ jmo₄ 'nia'₂, ia₁ con'₂ tsá₃ nó₅ nē₁ca₂tág₃ dsa₂‡ tē₂le₃ quian'₅₄ jág₁ a₂jñia'₅₄ ñí'₂ dsí₅ dsa₂ mi₂güüg₃, a₂jme₂gau₅, a₂tsá₃ ta₁ tí₄, lia'₂ con'₂ lé₅ tag₄ chí'₅ quió'₅ dsa₂, a₂cha₂ 'uig₅₄ 'a₂ con'₂ jñia'₅₄ lé₂ a₂cha₂ mi₂güüg₃ la₂, on₃jua'₅₄ rē'₂ lia'₂ con'₂ lé₅ jág₁ quió'₅ Cristo.

* 1:22 lit. "dsa₂ jñi₃ó₅." † 1:26 lit. "dsa₂ jñi₃ó₅." * 2:2 A₂lín₅₄ chog₅₄ si₂: "jág₁ a₂rē₂'ma₄ quió'₅ Diú₄ Jmei₂, quió'₅ Cristo né₃." † 2:6 o₃, "Jesucristo." ‡ 2:8 o₃, "nē₁ca₂'ang₃ a₂'én'₂ 'nia'₂."

⁹ Ia₁ ja₁con₂ Cristo bá₄ tē₁gua₁ chi₁dsáin₃ ca₂le₃jé₃ lia'₂ con'₂ lé₅ niog₅ lín₅ Diú₄. ¹⁰ Jaun₂ 'nia'₂ né₃, ma₂le₁'ñia'₅ 'nia'₂ le₃quió'₅ 'éi₂, i₂lín₅ co₂'nió'₄ mi₂dsi₄ ne₄ quió'₅ ca₂le₃jín₃ i₂gon₂, ca₂le₃jín₃ i₂jio₅ 'éi'₃ ján₃. ¹¹ Le₂jaun₂ bá₄ ján₃, ia₁ a₂quian'₅₄ 'nia'₂ Cristo, co₂'nió'₄ bá₄ ma₂qui₂rē₂uīng₄ quián'₂ 'nia'₂, ma₂lé₅ léi₄. La₁ on₃jua'₅₄ rē'₂ lia'₂ lé₅ jmo₅ dsa₂ mi₂güīg₃, tē₂le₃ a₂ma₂qui₂ma₂tí'₃ 'nia'₂ 'nau'₄ dso₄ lia'₂ 'ín₅ dsí₅ ni₁ñi'₁; ma₂qui₂le₁lín'₅ 'nia'₂ léi₄ le₃quió'₅ Cristo. ¹² Ia₁ lia'₂ con'₂ jme₁ca₂qui₂ca₂jñó'₂ 'nia'₂ jmi₂g₂,[§] nē₂jag₄ bá₄ ca₂i₃'on'₃ 'nia'₂ co₂lē₅ quian'₅₄ Cristo, ján₃ guē'₂ le₂jaun₂ ca₂jen'₅₄ 'nia'₂ co₂lē₅ quian'₅₄ 'éi₂, ia₁ ca₂rē₃'én'₂ 'nia'₂ ju₁i₅bí₂ quió'₅ Diú₄ a₂ca₂jme₃jein'₅₄ ja₁jme₁rē₂'lín₅₄. ¹³ Lia'₂ con'₂ jme₁rē₂'lín'₄ 'nia'₂ le₃quió'₅ jme₂dsí₂, jme₁qui₂le₁cán'₂ jme₁qui₂le₁quian'₄ 'nia'₂ dsáu'₂, nē₂jag₄ bá₄ a₂tsá₃ jme₁rē₂uīng₄ lo'₄ 'nia'₂ jme₁chang'₂; la₁ Diú₄ né₃ ma₂to'₂ táng₃ jme₂dsí₂ 'nia'₂ co₂lē₅ quian'₅₄ Cristo, qui₂ca₂'éin₂ bá₄ jē₂ dsáu'₂ 'nia'₂. ¹⁴ Co₂dsia₅ ca₂'éin₂ bá₄ jág₁ a₂jme₁chi₁ton₅ ne₄ si₂ a₂jme₁ron₅ a₂jme₁juá'₂ a₂jme₁rag₂jniog₄, Si₂ 'Éi'₃ jaun₂ a₂jme₁'liog'₅ jniog₄; ma₂ca₂jñiá'₂ cau₅ co₂ñei'₅₄, nē₂jag₄ bá₄ a₂ca₂i₃ba₅₄ mi₂ñi₁ si₂ jaun₂ dso'₂ cróg₄. ¹⁵ Le₂nē₅ co₂dsia₅ ca₂chein'₃ 'uin₃ jme₂dsí₂ i₂jme₁gon₂, i₂jme₁jio₅ 'éi'₃ né₃, jaun₂ ca₂jio₃ cha₂juíg₃ tē₃ jág₅ ca₂le₃jín₃ dsa₂, jme₁ca₂tió'₃ ca₂tian'₃ 'éi₂ jág₁, ne₄ cróg₄.*

'Nio'₂ 'nia'₂ a₂cha₂ le₃quió'₅ guei'₅₄ i₂juíg₃

¹⁶ Jaun₂ lē₃, 'i₁jan₂ tsá₃ 'ein₂ qui₂o₁'ag₅₄ 'nia'₂ o₄quió'₄ 'e₂ má₃ qué'₂, o₃ ju₁lia'₂ 'e₂ qui₂'ág'₂ 'nia'₂, o₃ quian'₅₄ ju₁lia'₂ jmi₂g₄ jme₁niog₅ jmi₂g₄, o₃ ju₁lia'₂ jmi₂g₄ tsi'₂ 'io'₅₄, † o₃ ju₁lia'₂ jmi₂g₄ sa₅₄ né₃. ¹⁷ Ca₂le₃jé₃ a₂nē₅, lé₅ co₂'nió'₄ caun₂ 'én'₁ quió'₅ a₂'i₄ 'éi'₃ jiá₃ bá₄ jaun₂, la₁ia₁ju₁lia'₂ a₂tí₅ tē₃dsón'₂, Cristo bá₄ 'éi₂. ¹⁸ Tsá₃ cuē₂ 'nia'₂ jmi₂g₄ jua'₅₄ 'liog'₃ dsa₂ cau₅ 'nia'₂, ju₁lia'₂ dsa₂ i₂jmo₅ a₂lín₅ mei'₂, ton'₂ jme₂juin'₂ ángeles né₃. Qui₂tián₂ 'ñio₅ lín₃ a₂cha₂ tē₅ ne₅₄ a₂lē₁qui₂jág₅, ‡ 'ñio₅ jme₂cain'₅₄ jmo₂₃ rón₂ a₂qui₂ñi'₂ dsí₅ guoin₅₄. ¹⁹ Dsa₂ i₂le₂'éi₂ né₃, tsá₃ chi₁chain'₅ le₃quió'₅ Cristo, i₂lín₅ mi₂dsi₄ i₂jme₂tau₅₄ ca₂le₃jé₃ ja₁qui₂le₁tion'₅₄ quió'₅, jmo₂₃ qui₂dsi₂cón₃ ta₁caun₂ ni₁ñi₁₂, lia'₂ con'₂ lé₅ 'ñio₂ dsí₅ Diú₄.

²⁰ Chi₂jua'₂ jaun₂ ma₂dsan'₃ bá₄ 'nia'₂ quian'₅₄ Cristo, ja₁con₂ jág₁ le₂'uig₅₄ lia'₂ ñi'₂ dsí₅ dsa₂ mi₂güīg₃, ¿'e₂ guē'₂ 'uig₅₄ lē₃ né₃, qui₂tián'₅ gué₄ 'nia'₂ 'éi'₃ nē₂jag₄ a₂lín₅ bá₄ gué₄ 'nia'₂ dsa₂ mi₂güīg₃? ²¹ Co₂'nió'₄ a₂juá'₂ 'éi'₃: “Tsá₃ i₂tí₅ gog'₂, tsá₃ i₂qué'₂ má₃ ó₃, tsá₃ i₂jmá'₂ a₂ó₃ né₃.” ²² Ta₁jē₂ bá₄ a₂nē₅ dsí₃ ju₁lia'₂ jē₁jmó'₂ ta₁. Tē₂le₃ ia₁ con'₂ lé₅ 'éi'₃ a₂jme₂tag₅ dsa₂ mi₂güīg₃ bá₄ jaun₂. ²³ Jág₁ a₂le₃ñi'₂ dsí₅, jág₁ le₂nē₅, lé₂ le₃lín₂ dsa₂, ia₁ qui₂chi₂quióng₂ jmi₂g₄ 'ñio₅ lín₃ a₂jmo₃ dsa₂ a₂ñi₄ cuiin₂₃ Diú₄, a₂qui₂jmo₂₃ mei'₂, a₂qui₂cué'₅ uig₅ ni₁ñi₁₂ né₃; la₁ 'i₁ca₂juig₄ tsá₃ 'e₂ ta₁ jmo₃ jua'₅₄ quian'₅₄ a₂nē₅ lé₂ le₃guia'₃ dsa₂ cau₅ a₂'ág'₄ dsí₅ a₂mi₅ ni₁ñi₁₂.

3

¹ Le₂nē₅ bá₄ jaun₂, ia₁ a₂ma₂ca₂jen'₅₄ guē'₂ 'nia'₂ quian'₅₄ Cristo, 'nio'₂ 'nia'₂ jaun₂ a₂lé₅ le₃quió'₅ guei'₅₄ i₂juíg₃, ja₁guá₄ Cristo tē₂le₃ gu₂ ne₁ quió'₅ Diú₄. ² Jmo₄ bá₄ 'nia'₂ 'i₅ 'au'₂ a₂ca₂tín₂ guei'₅₄ i₂juíg₃, on₃jua'₅₄ rē'₂ a₂ca₂tín₂ ne₄ gua'₅₄ 'uē₃. ³ Ia₁ ma₂dsan'₃ bá₄ 'nia'₂, jaun₂ ma₂rē₂'ma₄ a₂chan'₂ 'nia'₂ quian'₅₄ Cristo ja₁con₂ Diú₄. ⁴ Jē₁ma₂tē₂ rē₁jme₃nia₅ Cristo né₃, i₂lín₅ i₂jmo₅ a₂chong₂jniog₄, jaun₂ né₃, ján₃ guē'₂ le₂jaun₂ 'nia'₂ le₃jniág'₂ co₂lē₅ quian'₅₄ jē₄ co₂tág₅ co₂'né'₅ quió'₅.

Ju₁i₅ gui'₅₄, quian'₅₄ ju₁i₅ 'mí₂

⁵ Jaun₂ lé₃, co₂dsia₅ jmo₄ 'nia'₂ ju₁dsian₂ gog'₂-tag'₅₄ a₂jmo₅-dsáu₅ ju₁lia'₂ a₂lé₂ gua'₅₄ 'uē₃ la₂: ju₁lia'₂ a₂nió'₅ dsa₂ jág₁ a₂tsá₃ dsi₂ten₅₄ nió'₃; ju₁lia'₂ a₂jmo₅ dsa₂ cosa lē₁'iog₅, ju₁lia'₂ a₂'ín₅ dsí₅ cosa 'lig'₅₄, ju₁lia'₂ a₂'ín₅ dsí₅ dsa₂ jme₃'ñi₃ a₂ca₂tín₂ i₂sián'₂. Ia₁

§ 2:12 lit. “lia'₂ con'₂ jme₁ca₂i₃tian'₃ 'nia'₂ jmi₂g₂.” * 2:15 'Nio'₂ ja₁ton₅ Efesios 4:8. † 2:16 lit. “tsi'₂ guen₂.” ‡ 2:18 A₂lín₅₄ chog₅₄ si₂juá'₂: “qui₂tián₂ 'ñio₅ lín₃ ju₁lia'₂ a₂tsá₃ ma₂jág₃.”

a₂co₂jaun₂ bá₄ nē₅ jui₁lia'₂ a₂jme₂gan₃ dsa₂ diú₄ lag₄. ⁶ Ia₁ 'uig'₅₄ quió'₄ a₂le₂nē₅ bá₄ já₅ uig'₅ gau₂ a₂'é₂ Diú₄ ne₄ quió'₅ jaun₅ dsa₂ i₂tsá₃ ne'₅₄. * ⁷ Jui₅ le₂nē₅ jme₁i₂nio'₄ 'nia'₂ lia'₂ lé₅ jme₁chan'₂ 'nia'₂ le₂jñiá₅. ⁸ La₁ rē₂nē₃ nē₃, tí₃ ca₂le₃jé₃ a₂le₂nē₅: jui₁lia'₂ a₂'i₄ 'nei₂ 'au'₂ 'nia'₂, jui₁lia'₂ a₂lē₁qui₂rē₂'neg'₂, jui₁lia'₂ a₂'lig'₅₄ a₂qui₂dsi₂jñia₅ 'au'₂ 'nia'₂, jui₁lia'₂ a₂'ín'₅ 'nia'₂ uig'₅ ríng'₂, jui₁lia'₂ jág₁ ga₂ a₂'uē₂ mí₂'o'₅₄. ⁹ Tsá₃ ma₃dsia₂ 'nia'₂ jág₁ tē₂jág₁ quian'₅₄ rín'₂ 'nia'₂ le₂jang'₂ le₂jang'₂, ia₁ ma₂dsian'₅₄ 'nia'₂ cau₅ dsa₂ 'ón₅ 'a₂lia'₂ jme₁lín'₄ 'nia'₂ le₂jñiá₅, quian'₅₄ gué₄ ca₂le₃jé₃ a₂jme₁jmo₅-dsá₅, ¹⁰ co₂'nió'₄ ma₂ca₂qui'₂ táng₃ 'nia'₂ caun₂ a₂'mí₂, co₂'nió'₄ a₂lín'₅ dsa₂ 'mí₂; a₂caun₂ qui₂rē₂'mag'₂ 'nia'₂, ia₁jaun₂ dsi₁nóg'₅ ja₁le₃cuín'₂ 'nia'₂ dse₃ lín₃ Diú₄, ja₁le₃lén'₂ 'nia'₂ lia'₂ lín₅ 'éi₂ i₂ca₂jmó'₂ 'nia'₂. ¹¹ Ja₁jaun₂ tsá₃ 'ein₂jmo₅jma₃quén₅ jui₁lia'₂ dsi₂nau₂ o₃ dsa₂judíos 'e₂, jui₁lia'₂ dsa₂i₂rē₂uing₄ o₃ tsá₃ rē₂uing₄ quió'₅ 'e₂, jui₁lia'₂ dsa₂i₂chan₂ uíng₂, o₃ i₂chan₂ má'₂ 'e₂, jui₁lia'₂ dsa₂i₂jme₂ti₃ ta₁ ne₄juig'₅₄, o₃ i₂tsá₃ 'ein₂ ne₄ jme₂ti₃; la₁ Cristo bá₄ quen₅ ne₄ ca₂le₃jé₃, ton'₂ 'ein₅₄ ja₁con₂ ca₂le₃jín₃.

¹² Jaun₂ lē₃, rin'₅₄ jniog₄, jui₁lia'₂ ca₂tín₂ jmo₃ dsa₂ i₂ma₂quió'n'₂ Diú₄, i₂ma₂lé₅ 'í₁ quián₅, i₂ñiá₄ lē₃ 'nioi₃ 'éi₂: qui'₂ 'nia'₂ a₂rē₂lín'₅₄ a₂ñéi₂ 'au'₂, a₂'ua₁ 'au'₂, a₂jmó'₂ meg'₂, a₂jme₁gan'₃ 'nia'₂ ríng'₂, a₂juín'₂ 'au'₂ 'nia'₂ nē₃. ¹³ Jmo₄ 'nia'₂ tió'₃ 'au'₂ quian'₅₄ ríng'₂ le₂jang'₂ le₂jang'₂, ton'₂ 'én₃ 'nia'₂ dsá₁ ríng'₂, nē₁juá'₂ chan₂ i₂dsia₅ dsá₁ rin'₅₄. Jui₁lia'₂ ca₂'én₂ Te₁gui'₅₄ dsá₁'u'₂ 'nia'₂ guiong'₅₄, le₂jaun₂ jmo₄ 'nia'₂ ján₃. ¹⁴ A₂dsen₅₄ gué₄ jē₄ ca₂le₃jé₃, qui'₂ 'nia'₂ quian'₅₄ a₂jme₁'nió'₄ 'nia'₂ ríng'₂, † a₂nē₅ bá₄ jmo₃ 'ag₃ co₂dsia₅ caun₂ jág₁ 'nia'₂. ¹⁵ Jui₁le₂gon₂ tē₂'au'₂ 'nia'₂ a₂'ei₅ tei₄ quió'₅ Cristo, ‡ ia₁ ta₁ jaun₂ ma₂qui₂rē₂té₄ 'nia'₂ a₂lén'₂ caun₂ bá₄ ñí₅. Jaun₂ jmo₄ 'nia'₂ 'au'₂ cuē'₅₄ ti₁'mag'₄. ¹⁶ Jui₁tē₂gua₄ tē₂'au'₂ 'nia'₂ lia'₂ rē₂tsón₂ jág₁ dse₃ quió'₅ Cristo; quian'₅₄ ca₂le₃jé₃ a₂ñí'₂ dsí₅ Diú₄, jē₁jme₂tín'₂ 'nia'₂ ríng'₂, jē₁qui₂ton'₂ 'nia'₂ jág₁ ríng'₂ tē₂le₃ quian'₅₄ salmos, himnos, son₅₄ a₂gu₂dsí₂ nē₃, a₂qui₁'é₂ 'nia'₂ a₂cuē'₅₄ ti₁'mag'₄ Diú₄ jui₅ tē₂'au'₂ 'nia'₂. ¹⁷ Jui₁'e₂ gué₃ a₂jmó'₂, o₃ 'e₂ jág₁ dsiá'₁ 'nia'₂, jmo₄ 'nia'₂ ca₂le₃jé₃ o₄quió'₄ Te₁gui'₅₄ Jesús, qui₁cuē'₅₄ 'nia'₂ ti₁'mag'₄ Diú₄ Jmei₂ jniog₄ le₃quió'₅ 'éi₂.

A₂ca₂tín₂ dsa₂ quián₅ Cristo jmo₃ quiain'₅₄ riin'₅₄

¹⁸ 'Nia'₂ dsa₂ mí₂ i₂chan₂ dsi₂i₂gu₂, tión'₂ 'nia'₂ 'éi'₃ quió'₅ dsa₂ ñe'₂ quiáng'₂, jui₁lia'₂ dsi₂ten₅₄ ia₁ lín'₅ dsa₂ 'én₂ le₃quió'₅ Te₁gui'₅₄. ¹⁹ 'Nia'₂ guē'₂ dsa₂ ñe'₂ i₂chan₂ dsa₂ mí₂ quián₅, jme₁'nió₄ 'nia'₂ dsa₂ mí₂ quiáng'₂, tsá₃ jmo₂ 'nia'₂ 'ua'₂ 'au'₂ ja₁coin₂. ²⁰ 'Nia'₂ chi'₂-guein₂, nei₂ 'nia'₂ gau₂ jág₁ quió'₅ chog'₂-ñéi'₅ jē₄ le₃jé₃, ia₁ a₂nē₅ bá₄ tē₅ dsí₅ Te₁gui'₅₄. ²¹ 'Nia'₂ guē'₂ nē₃, jmei₂ chi'₂, tsá₃ tó'₂ 'nia'₂ 'nei₂ dsí₅ chi'₂-guein₂ quián'₂ 'nia'₂, ia₁jaun₂ tsá₃ jén₂ dsí₅. ²² 'Nia'₂ dsa₂ i₂jme₂ti₃ ne₄ dsa₂, jme₁ti₁ 'nia'₂ ca₂le₃jé₃ 'e₂ ta₁ ti₂néi'₂ juig'₂ i₂lín₅ juig'₂ tē₂le₃ ne₄ gua'₅₄ 'uē₃ la₂, on₃juá'₅₄ jmá'₃ jme₁jág₅ ia₁jaun₂ tē₃tsin'₅₄ 'nia'₂ dse₃ quiain'₅₄, la₁ jmo₄ bá₄ jui₅ tē₂'au'₂ a₂tí₅ tē₃dsón'₂, ia₁ tē₂le₃ a₂gang'₃ Te₁gui'₅₄. ²³ Jui₁'e₂ gué₃ caun₂ a₂jmó'₂ 'nia'₂, jmo₄ 'nia'₂ a₂'ñio₂ 'au'₂ co₂'nió'₄ a₂jmo₂ ta₁ le₃quió'₅ Te₁gui'₅₄, on₃juá'₅₄ le₃quió'₅ dsa₂. ²⁴ Ia₁ ma₂ñi'₅₄ bá₄ 'nia'₂, Te₁gui'₅₄ bá₄ cuē₃ 'liang'₅₄ a₂ma₂lé₅ jág₁ ca₂tíng'₂. Ia₁ ne₄ Te₁gui'₅₄ Cristo jme₂tí'₁ 'nia'₂ ta₁. ²⁵ La₁ jui₁lia'₂ i₂jmo₅-dsá₅ a₂'lig'₅₄, gue₃ bá₄ 'liain'₅₄ lia'₂ con'₂ lé₅ 'lig'₅₄ a₂jmo₂₃. Ia₁ tsá₃ jma₃quén₅ jín₂ Diú₄ le₂jan₂ le₂jan₂ dsa₂.

4

¹ 'Nia'₂ dsa₂ i₂lín'₅ juig'₅₄ quián₅ dsa₂, ca₂tín'₂ 'nia'₂ jmó'₂ lia'₂ con'₂ dsi₂ten₅₄, 'i'₅₄ jág₁ 'nia'₂ quiang'₅₄ dsa₂ i₂qui₂jme₂ti₃ ne'₅₄. Jui₁dsiog'₂ bá₄ 'au'₂ 'nia'₂ a₂chan₂ jan₂ Juig'₂ 'nia'₂

* ^{3:6} A₂lín₅₄ chog₅₄ si₂ tsá₃ chi₁ton₅ jág₁: "ne₄ quió'₅ jaun₅ dsa₂ i₂tsá₃ ne'₅₄." † ^{3:14} 'Nio'₂ ja₁ton₅ 1 Corintios 13:13. ‡ ^{3:15} o₃, "quió'₅ Diú₄."

ján₃ i₂guá₅ guei'₅₄ i₂juíg₃.

² Caun₂ chi₂len'₄ 'nia'₂ Diú₄ a₂léi₄ rē₂jnio₄ ne'₅₄ 'nia'₂, cuē'₅₄ ti₁'mag'₄. ³ Mi₄ 'nia'₂ ne₄ Diú₄ o₄quián₂ jnia'₅₄ ján₃, ia₁jaun₂ bá₄ cuē₃ Te₁gui'₅₄ jui₅ rē₂na₄ jnia'₅₄ ia₁jaun₂ lé₂ le₃qui'₁é₄ jág₁ dse₃ a₂qui₁chei₅₄ jnia'₅₄ dsa₂ jág₁ a₂rē₂'ma₄ quió'₅ Cristo; 'uig₅₄ jág₁ nē₅ bá₄ 'eng₅₄ rē₂jní₅. ⁴ Chi₂len'₄ 'nia'₂ Diú₄ ia₁jaun₂ lé₂ le₃'é₄ lia'₂ qui₂rē₂jiá₃ jág₁ lia'₂ con'₂ dsi₂ten₅₄ jmo₅₄.

⁵ Tián'₂ 'nia'₂ 'en₅₄ 'au'₂ jmo₄ quian'₅₄ jui₁lia'₂ dsa₂ i₂tsá₃ 'én₂, 'ñio'₄ 'nia'₂ jmo₄ a₂dse₃ jē₁cuin₅ jmi₄. ⁶ Jág₁ a₂dsia'₂ 'nia'₂ co₂tan₅₄ bá₄ ca₂tín'₂ 'nia'₂ dsiá'₁ a₂'ua₁ 'au'₂, jág₁ a₂'ñio₂ dsi₅ a₂ja₂ mi₂juig₂. Ca₂tín'₂ 'nia'₂ ján₃ le₃ñi'₅₄ 'a₂ lia'₂ qui₁jein'₄ jág₁ ja₁con₂ le₂jan₂ le₂jan₂ dsa₂.

*Cuag*₂₃ Diú₄ jē₁ca₂tó'₂

⁷ Tíquico rin'₅₄ jniog₄ i₂'nióg₃ gué₄ lín₃, i₂ma₂já₅ jme₂'o₅₄ qui₂rē₂ti'₅₄, jme₂ti₃ quian'₅₄ jniá₂ ne₄ Te₁gui'₅₄, 'éi₂ bá₄ dsia₃ ca₂le₃jé₃ 'a₂ lia'₂ lé₅ chang₂. ⁸ 'Uig₅₄ jaun₂ tsíin₂ jniá₂ ja₁con'₂ 'nia'₂ ia₁jaun₂ dsia₃ 'a₂ lia'₂ chong₂ jnia'₅₄ ja₁lá₃, ton'₂ ia₁jaun₂ cué'₃ 'nia'₂ lián'₂; ⁹ quiaín'₅₄ Onésimo né₃, jan₂ rin'₅₄ jniog₄ i₂rē₂ti'₅₄, i₂lín₅ jan₂ i₂quian'₄ 'nia'₂: i₂nē₅ bá₄ dsia₃ ca₂le₃jé₃ 'e₂ niog₅ lé₂ ja₁lá₃.

¹⁰ Aristarco, i₂quiong'₅₄ jniá₂ né₃ má₃, dsiáin'₂ jág₁ a₂cuin₂₃ Diú₄ 'nia'₂, ján₃ bá₄ le₂jaun₂ Marcos, i₂lín₅ chi'₂ rin'₅₄* Bernabé. Tē₂le₃ quió'₅ Marcos 'éi₂ né₃, ma₂gue'₅₄ bá₄ 'nia'₂ jág₁ 'a₂ lia'₂ jmó'₂; nē₁jua'₂ ca₂dsió₃ dsi₁jiin₁₂ 'nia'₂, guein₅₄ bá₄ 'nia'₂ dse₃. ¹¹ Ján₃ bá₄ cuag₅ Diú₄ i₂chen₂ Jesús i₂té'₂ dsa₂ Justo ján₃. Jnia'₅₄ lia'₂ i₂nē₅ bá₄ lín₅ i₂ún₂ tan₅₄ i₂rē₂uing₄ quió'₅, i₂jmo₅ ta₁ quian'₅₄ jniá₂ o₄quió'₄ ja₁gon₂ Diú₄, i₂ma₂ja₂lén₂ jmo₅ lián'₂ dsi₃. ¹² Epafras né₃ jan₂ i₂lín₅ rín'₂ 'nia'₂, dsiáin'₂ jág₁ a₂cuin₂₃ Diú₄ 'nia'₂, jan₂ rin'₅₄ i₂jme₂ti₃ ne₄ Cristo Jesús. Co₂tan₅₄ bá₄ chi₂lén'₂ 'éi₂ Diú₄ 'ñio₅ lín₃ o₄quián'₂ 'nia'₂, ia₁jaun₂ tón'₂ 'nia'₂ rē₂'ñiag'₅, 'ei₅ caun₂ jág₁ 'nia'₂ jē₄ ca₂le₃jé₃ 'a₂ lia'₂ 'ñio₂ dsi₅ Diú₄. ¹³ Lé₂ jáng'₄ jniá₂ jág₁ dsau₅ 'a₂ lia'₂ ma₂já₅ 'éi₂ dsan₂ dsi₅ 'nia'₂, ján₃ bá₄ le₂jaun₂ o₄quió'₄ i₂tián'₅ juig₂ Laodicea quian'₅₄ guē'₂ i₂tián'₅ Hierápolis ján₃. ¹⁴ Lucas, i₂lín₅ tē₅mí₅ i₂'nió₄ gué₄ lín₃, cuin₂₃ Diú₄ 'nia'₂; ján₃ guē'₂ le₂jaun₂ i₂té'₂ Demas. ¹⁵ Cuin₅₄ 'nia'₂ Diú₄ rin'₅₄ i₂tián'₅ juig₂ Laodicea. Cuin₅₄ 'nia'₂ Diú₄ ján₃ 'io₅₄ Ninfas, quian'₅₄ co₂nió'₃ guá'₅ i₂ñi'₂ dsi₂néi₂ quió'₅ né₃. ¹⁶ Jē₁ma₂ca₂'í'₂ 'nia'₂ si₂ la₂ jē₄ quián'₂ 'nia'₂, jaun₂ tsing'₅₄ 'nia'₂ guá'₅ chan₂ Laodicea ia₁jaun₂ 'i₃ táng₃ rin'₅₄ jniog₄ ja₁jaun₂; ton'₂ ján₃ guē'₂ 'í₂ 'nia'₂ si₂ a₂ca₂dsió₃ ne₄ i₂chan₂ Laodicea. ¹⁷ A₂la₂ chei'₅₄ Arquipo: “Tion'₂ 'ne₂ juí₅ ta₁ a₂ma₂gue'₅₄ a₂ma₂dsia₃ Te₁gui'₅₄ gog'₂, a₂jme₁ti'₄ rē₂.”

¹⁸ Jniá₂ Pa₄, cuíng₅ Diú₄ 'nia'₂ quian'₅₄ letra quió₃ 'ñió₃.† Jui₁dsiog'₂ bá₄ 'au'₂ 'nia'₂ a₂'eng₅₄ rē₂jní₅. Jui₁jme₂gu'₅₄ bá₄ Diú₄ 'nia'₂.
Co₂nē₅.

* 4:10 o₃, “primo.” † 4:18 'Nio'₂ ja₁ton₅ 1 Corintios 16:21; Gálatas 6:11; 2 Tesalonicenses 3:17; Filemón 19.

Si₂ carta le₂'uig₅₄ a₂ca₂jmo₃ San Pablo ne₄ dsa₂
TESALONICENSES

*Pablo quiain'*₅₄ riin'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

¹ Jniá₂ Pa₄, quian'₅₄ Silvano,* Timoteo né₃, jmo₂₃ si₂ la₂ a₂dsiang'₅₄ ne₄ dsa₂ i₂ma₂'én₂ le₃quió'₅ Jesús, i₂chan₂ juig₂ Tesalónica, dsa₂ i₂'ei₅ caun₂ jág₁ quian'₅₄ Diú₄, quian'₅₄ Te₁gui'₅₄ Jesucristo né₃. Jui₁jme₂gu'₅₄ Diú₄ 'nia'₂. Jui₁'ei₅ bá₄ tei₄ tion'₅₄ 'nia'₂ quian'₅₄ 'éi'₃ quió'₅ Diú₄ Jmei₂ jniog₄, quian'₅₄ 'éi'₃ quió'₅ Te₁gui'₅₄ Jesucristo né₃.

*Cha*₂ léi₄ ja₁con₂ dsa₂ chan₂ Tesalónica ia₁ a₂'éin₂

² Ca₂le₃jé₃ jmig₄ bá₄ cué₂ jnia'₅₄ ti₁'mag'₄ Diú₄ o₄quían'₂ 'nia'₂ ca₂le₃jíng'₃. Jë₁ma₂té₂ rë₁chi₁len'₄ jnia'₅₄ Diú₄, dsau'₂ bá₄ dsi₅ jnia'₅₄ 'nia'₂. ³ Dsau'₂ bá₄ dsi₅ jnia'₅₄ 'nia'₂ ne₄ Diú₄ Jmei₂ jniog₄, ia₁ 'ñio₅ lín₃ ma₂jmo'₅₄ 'nia'₂ ta₁ cha₂ léi₄ ja₁con'₂ 'nia'₂ ia₁ 'éng'₂, ia₁ 'ñio₅ lín₃ jme₂ti'₅₄ 'nia'₂ ta₁ ne₄ Te₁gui'₅₄ 'uig₅₄ ia₁ a₂'nió'₃ 'nia'₂. Jaun₂ caun₂ bá₄ le₁'ág₄ 'au'₂ 'nia'₂ a₂'ín₂ 'au'₂ le₃quió'₅ Te₁gui'₅₄ Jesucristo quían₂ jniog₄. ⁴ Rin'₅₄ jniog₄, 'nio₃ bá₄ Diú₄ 'nia'₂, ne₄ bá₄ jnia'₅₄ a₂ma₂quióin'₂ 'nia'₂. ⁵ Lia'₂ con'₂ jme₁ca₂jme₁tin₅ jnia'₅₄ 'nia'₂ jág₁ dse₃, on₃jua'₅₄ jmá'₃ quian'₅₄ jág₁ jaun₂ jme₁né₄. Ia₁ jme₁quian'₅₄ bá₄ jui₅bí₂ quió'₅ Jme₂dsí₂ Jñió₅ ján₃, ca₂'é₄ jág₁ dse₃ la₂ jin'₄ 'nia'₂. Jaun₂ caun₂ bá₄ 'ei₅ dsi₅ jnia'₅₄ ia₁ Jme₂dsí₂ Jñió₅ bá₄ jmo₃ jme₃'uá₂ 'au'₂ 'nia'₂ a₂le₃'éng'₂. Jñi'₅₄ bá₄ 'nia'₂ dse₃ 'a₂ lia'₂ ca₂tió'₄ jnia'₅₄ jin'₄ 'nia'₂ a₂dse₃ quían'₂ bá₄ 'nia'₂ jaun₂.

⁶ 'Nia'₂ né₃, ca₂quian'₂ 'nia'₂ jui₅ a₂ca₂quían₁ jnia'₅₄, a₂ca₂can₃ Te₁gui'₅₄ né₃. Ca₂gue'₅₄ bá₄ 'nia'₂ a₂'ñio₂ 'au'₂ jág₁ dse₃. Chan'₂ bá₄ 'nia'₂ o₂'ñió₃ o₂jñia₃ 'au'₂ a₂jmo₅ Jme₂dsí₂ quían₅ Diú₄, tsá₃ a₂nag₅₄ jaun₂ ca₂quín₂ a₂ca₂i₃ñi'₂ 'nia'₂ uig₅ 'ñio₅ lín₃ 'uig₅₄ jág₁ dse₃. ⁷ Jaun₂ le₂në₅ bá₄ ca₂dsi₃nó'₅ 'nia'₂ ca₂cué'₅₄ 'nia'₂ caun₂ jui₅ dse₃ jaun₂ ca₂cáun₃ 'í₁ ca₂le₃jín₃ dsa₂ i₂'én₂ le₂tan₅₄ juig₂ te₁'i₁ 'uë₃ Macedonia quian'₅₄ le₂tan₅₄ 'uë₃ Acaya né₃. ⁸ Jaun₂ le₂në₅ ma₂ca₂'ë'₅₄ 'nia'₂ dsa₂ jág₁ dse₃ quió'₅ Te₁gui'₅₄, on₃jua'₅₄ jmá'₃ dsa₂ chan₂ Macedonia quian'₅₄ Acaya ma₂qui₂ma₂'ë'₅₄ 'nia'₂ jág₁, ia₁ ca₂le₂con₂ ja₁siá'₂ bá₄ ján₃ le₁ñi₅ dsa₂ a₂lín'₂ 'nia'₂ dsa₂ i₂'én₂ quían₅ Diú₄. Jaun₂ tsá₃ ma₃'e₂ jua'₅₄ 'nió'₅ gué₄ chei₅₄ jnia'₅₄ 'i₁caun₂ 'nia'₂. ⁹ Të₂le₃ dsia₅ bá₄ 'éi₂ guioin₅₄ a₂ca₂guei'₅₄ 'nia'₂ dse₃ jnia'₅₄, dsia₂₃ 'a₂ lia'₂ ca₂tí'₃ a₂jme₁'éng'₂ të₂le₃ quió'₅ diú₄ lag₄, a₂ca₂rë₃'én'₂ 'nia'₂ të₂le₃ quió'₅ Te₁gui'₅₄, ca₂jme₁ti'₄ ne₄ Diú₄ jén'₃ dsón'₂ i₂chan₂. ¹⁰ Dsia₂₃ bá₄ ján₃ 'a₂ lia'₂ tion'₅₄ 'nia'₂ le₁jan'₄ a₂jñió'₂ táng₃ jui₅ guei'₅₄ i₂juíg₃ Jesús Ja₁ñi'₅₄ Diú₄ i₂ca₂jme₃jein'₅₄ jin₄ 'lag₄. I₂'éi₂ bá₄ lió₂ jniog₄ ne₄ a₂'i₄ 'nei₂ dsí₅ Diú₄.

2

*Ta*₁ a₂ca₂jmo₃ Pablo juig₂ Tesalónica

¹ Ia₁ ñi'₅₄ bá₄ 'nia'₂ guiong'₅₄, rin'₅₄ jniog₄, tsá₃ jua'₅₄ a₂lë₁ca₂i₁náu₄ jnia'₅₄ ca₂i₁jin₁ 'nia'₂. ² Ia₁ ma₂ñi'₅₄ bá₄ 'nia'₂, të₂le₃ ca₂jme₃'o₅₄ bá₄ Diú₄ ca₂nio₃ tiá₂ dsi₅, ca₂'é₄ jnia'₅₄ ja₁con'₂ 'nia'₂ jág₁ dse₃ a₂lión₂ dsa₂, o₁jñia'₅₄ ca₂jmo₃'g'₂ dsa₂ ca₂të₂ca₂'o'₂ juig₂ Filipos le₂jñiá₅. ³ Ia₁ jág₁ a₂ca₂tion'₅₄ jnia'₅₄ 'nia'₂, on₃jua'₅₄ a₂já₃ 'uig₅₄ ia₁ a₂i₂gon₂ jnia'₅₄, on₃ gué'₂ o₄quió'₄ ia₁ a₂dsi₂jñia₅ dsi₅ a₂'lig'₅₄, on₃ gué'₂ jua'₅₄ ia₁ a₂jme₂gán₁ jnia'₅₄ 'nia'₂. ⁴ Të₂le₃ ia₁ Diú₄ bá₄ ca₂cáun₃ 'í₁ a₂jmo₂ jnia'₅₄, ca₂dsia₃ gu₂ jnia'₅₄ a₂qui₁'é₄ jág₁ dse₃. Jaun₂ le₂në₅ jui₅lia'₂ jág₁ a₂jua'₂ jnia'₅₄, on₃jua'₅₄ a₂jua'₂ ia₁jaun₂ 'ñio₂ dsí₅ dsa₂ mi₂güüg₃, të₂le₃ ia₁jaun₂ 'ñio₂ dsí₅ Diú₄ bá₄ i₂con₂ 'í₁ të₂dsi₅ jniog₄. ⁵ Jñi'₅₄ bá₄ 'nia'₂, 'i₁cón'₂ tsá₃ jua'₅₄ ca₂dsiá₁ jnia'₅₄ jág₁ rau₂, on₃ gué'₂ jua'₅₄ ca₂'má₂ jnia'₅₄ jág₁ a₂tsá₃ dsi₂ten₅₄ 'má₂ ia₁jaun₂ léi₂ cu₄. Já₅ bá₄ Diú₄ ca₂le₃jé₃ a₂ca₂jmo₁. ⁶ Tsá₃ a₂jaun₂ 'niog₂ jnia'₅₄ jua'₅₄ a₂jme₃juag'₂ dsa₂ 'ñio₅ lín₃, on₃ gué'₂

* 1:1 Lia'₂ chen₂ Silvano, co₂rë₂ quian'₅₄ Silas.

'nia'₂, on₃ guē'₂ dsa₂ sián'₂ né₃, o₁jñia'₅₄ jme₁ca₂tág₂ rē'₂ jnia'₅₄ jmó'₁ 'éi'₃ jaun₂ ia₁ a₂lág₅ dsa₂ i₂chen₄ quián₅ Cristo. ⁷ Tē₂le₃ ca₂jmó'₁ bá₄ jnia'₅₄ 'ua₁ dsi₅ ja₁con'₂ 'nia'₂, jui'lia'₂ lín₅ jan₂ chog₅₄ chi'₂, a₂jme₂cain'₅₄ chi'₂ quiáin₅ qui₂jmo₂₃ 'í₁. ⁸ Jaun₂ lē₃ 'ñio₅ lín₃ ca₂rē₃'ñio₃ jnia'₅₄ 'nia'₂, ca₂lia'₂ jñia'₅₄ on₃jua'₅₄ jmá'₃ jág₁ dse₃ quió'₅ Diú₄ nē₅ ca₂tág₂ jnia'₅₄ cué'₁, le₂jiog₅ jme₂dsí₂ quián₂ jnia'₅₄ 'ñio₂ dsi₅ cué'₁ ján₃, ia₁ ma₂dsi₂nó'₅ 'nia'₂ léng'₂ dsa₂ i₂'nió₄ lín₃ quián₂ jnia'₅₄. ⁹ Jua'₂ jnia'₅₄ le₂nē₅, rin'₅₄ jniog₄, ia₁jaun₂ dsá₂ bá₄ 'au'₂ 'nia'₂ 'a₂ lia'₂ ca₂jmó'₁ jnia'₅₄ ta₁ a₂ca₂lag₃ a₂que₅₄. Lia'₂ 'uē₂-jmi₂ bá₄ qui₂ca₂jmó'₁ jnia'₅₄ ta₁, ia₁jaun₂ 'i₁jan'₂ 'nia'₂ tsá₃ jua'₅₄ 'ein₂ 'ñio₅ guei₂ ca₂can₃ quian'₅₄ jnia'₅₄, tē₁lia'₂ ca₂tió'₄ ca₂'é₄ jág₁ dse₃ quió'₅ Diú₄.

¹⁰ Ca₂tē₂ bá₄ ne'₅₄ 'nia'₂, jág₅ bá₄ Diú₄ ján₃, ca₂tió'₄ jnia'₅₄ quian'₅₄ 'nia'₂ dsa₂ i₂'én₂, a₂lág₅ jnia'₅₄ dsa₂ jñio₅, dsa₂ dsen₃, i₂tsá₃ 'ein₂ lé₂ le₃bóg'₂ dso₄. ¹¹ ñi'₅₄ bá₄ 'nia'₂ ján₃, ca₂jmó'₁ jnia'₅₄ jin'₄ 'nia'₂ jui'lia'₂ jmo₅ jan₂ jmei₂ dsa₂ jmaí'₂ chi'₂ quiáin₅, qui₂ca₂cué'₅₄ jnia'₅₄ bí₂ 'nia'₂, ca₂tion'₅₄ jnia'₅₄ jág₁ 'nia'₂ jaun₂ náu'₁ tiá₂ jui₅ dse₃. ¹² Jaun₂ qui₂ma₂chei₅₄ bá₄ jnia'₅₄ 'nia'₂ a₂i₁niog'₄ lia'₂ con'₂ dsi₂ten₅₄ i₂nio₄ dsa₂ quián₅ Diú₄ i₂tē₂ a₂jme₁quian'₄ 'nia'₂ ja₁jmo₂₃ 'éi'₃ guei'₅₄ i₂juíg₃ ja₁lé₄ co₂tág₅ co₂'né'₅ quió'₅.

¹³ Jaun₂ lē₃, ca₂le₃jé₃ jmi₄ bá₄ cué₂ jnia'₅₄ ti'₁mag'₄ Diú₄. ia₁ le₂'ui₅₄ jme₁ca₂nei'₂ 'nia'₂ jág₁ dse₃ quió'₅ Diú₄ a₂ca₂jua'₅₄ jnia'₅₄, ca₂gue'₅₄ bá₄ 'nia'₂ con'₂ lé₅ jág₁ dse₃ quió'₅ Diú₄, on₃jua'₅₄ con'₂ lé₅ jág₁ quió'₅ dsa₂ mi₂güüg₃. ia₁ dsón'₂ bá₄ jág₁ dse₃ quió'₅ Diú₄ nē₅, a₂jmo₃ léi₄ tē₂'au'₂ 'nia'₂ dsa₂ i₂'én₂. ¹⁴ Rin'₅₄ jniog₄, lia'₂ con'₂ ca₂ñag'₅₄ 'nia'₂ uig₅ qui₂ca₂'ei₃ dsa₂ go'₄ 'nia'₂, ca₂i₃ñí'₂ 'nia'₂ jui'lia'₂ ca₂jmá'₂ dsa₂ guá'₅ quián₅ Diú₄ i₂tián'₅ Judea i₂ma₂lín₅ quián₅ Cristo Jesús. Le₂jaun₂ bá₄ ca₂qui₂co₂'ei₃ dsa₂ judíos dsa₂ go₅₄. ¹⁵ Dsa₂ judíos 'éi₂ bá₄ i₂ca₂jñi'₃ Te₁gui'₅₄ Jesús, i₂ca₂jme₃dsian₅ dsa₂ i₂chen₄ quián₅ Diú₄ né₃. Jaun₂ ca₂'uág'₂ bá₄ jnia'₅₄. Tsá₃ 'nioi₃ Diú₄. 'ñiai₅₄ bá₄ ca₂le₃jín₃ dsa₂. ¹⁶ Cha₂ jme₁lín₅₄ 'niog₂ jnia'₅₄ chei₅₄ jág₁ dsi₂nau₂, ia₁jaun₂ lión₂ 'éi₂ ján₃. La₁ 'éi₂ bá₄ jné₅ jui₅. Jaun₂ le₂nē₅ caun₂ dsi₂jué'₂ bá₄ dsá₁. Co₂ñei'₅₄ ma₂jás a₂'i₄ 'nei₂ dsi₅ Diú₄ ja₁coin₂.

Dsi₂jiog₅ dsi₅ Pablo dsó₃ táng₃ jui₅ Tesalónica

¹⁷ Rin'₅₄ jniog₄, lia'₂ con'₂ jme₁ca₂tén₄ co₂'na₂ rin'₅₄, o₁jñia'₅₄ tsá₃ né₅ jnia'₅₄ 'nia'₂, la₁ tion₅₄ bá₄ jme₁dsau'₂ dsi₅ jnia'₅₄, 'ñio₅ lín₃ jme₁'niog₂ jnia'₅₄ dsau₅₄ táng₃ dsi₁né₄ 'nia'₂. ¹⁸ Jaun₂ dsón'₂ bá₄ jme₁'niog₂ jnia'₅₄ dsau₅₄ dsi₁jin'₁ 'nia'₂. Jniá₂ Pa₄ 'lióng₂ ráun₂ jme₁ca₂quín'₃ bí₂ a₂nei₅₄. La₁ i₂sē₃dsen₃ bá₄ ca₂jné₃ jui₅. ¹⁹ Jaun₂ 'e₂jaun₂ a₂'ín₂ dsi₅ jnia'₅₄ chong₂, a₂jmo₅ jnia'₅₄ 'io'₂, o₃ premio o₄quió'₄ a₂jmó'₁ jnia'₅₄ táu'₅ jē₁ma₂tē₂ rē₁guan'₂ Jesús Te₁gui'₅₄ quián₂? ¿On₁jua'₅₄ o₄quián'₂ 'nia'₂ bá₄? ²⁰ 'Uig₅₄ quián'₂ 'nia'₂ bá₄ ñí₄ 'io'₂ jein₅ jnia'₅₄; o₄quián'₂ 'nia'₂ bá₄ jme₂go₃ dsa₂ sián'₂ né₃

3

¹ Jaun₂ né₃, ia₁ tsá₃ ma₃tián₂ jnia'₅₄, ca₂rē₃'ñio₃ bá₄ dsi₅ jnia₁ guio₅₄ juig₂ Atenas. ² Jaun₂ ca₂chen₅₄ jnia'₅₄ Timoteo rin'₅₄ ca₂i₁jin₁₂ 'nia'₂, ia₁ i₂ma₂lín₅ quián₅ Diú₄ bá₄ 'éi₂, ia₁ jmo₂₃ ta₁ co₂lēs quian'₅₄ jnia'₅₄ a₂jme₂tiin₂₃ dsa₂ jág₁ dse₃ quió'₅ Cristo. Lé₂ le₃juá'₂ 'éi₂ lia'₂ tí₅ jág₁ cué'₃ bí₂ 'nia'₂ a₂le₃'én'₂ gué'₄ 'nia'₂, ³ ia₁jaun₂ 'i₁jan'₂ 'nia'₂ tsá₃ dsi₃lén₂ cau₅ 'uig₅₄ a₂co₂'ei₅ dsa₂. ia₁ ñi'₅₄ bá₄ 'nia'₂ guiong'₅₄, 'éi'₃ nē₅ tio'₅₄. ⁴ Lia'₂ con'₂ jme₁tio'₅₄ jnia'₅₄ quian'₅₄ 'nia'₂ le₂jñiá₅, ca₂jua'₅₄ jnia'₅₄ a₂tion₅₄ niog₅ ñag₅₄ 'uig₅₄, jaun₂ le₂jaun₂ ca₂lēs né₃, jaun₂ ma₂ñi'₅₄ bá₄ 'nia'₂. ⁵ Jaun₂ lē₃, ia₁ tsá₃ ma₃tió₅ 'i₅ dsi₃, ca₂tsing₂ dsa₂ ca₂i₁ñag₁₂ 'a₂ lia'₂ lé₅ ma₂'én'₂ 'nia'₂ tiong'₅₄, ia₁ con'₂ tsá₃ ñó₅ nē₁ca₂'liog'₃ i₂sē₃dsen₃ a₂jmó'₂ 'nia'₂ cosa 'lig'₅₄. Tsá₃ ma₃ta₁ tí₄ ta₁ quián₂ jnia'₅₄, jua'₅₄ mei'₂ gué'₃ le₂jaun₂.

⁶ La₁ ma₂guán'₅ bá₄ táng₃ Timoteo juig₂ Tesalónica, quion₂ jág₁ dse₃ 'én'₂ bá₄ 'nia'₂ jág₁ quió'₅ Diú₄, 'nió'₃ bá₄ 'nia'₂ ríng'₂ le₂jang'₂ le₂jang'₂. Juá'₂ bá₄ ján₃, jmo'₂ 'nia'₂ 'io'₂ a₂dsau'₂ 'au'₂ 'nia'₂ jnia'₅₄ ca₂le₃jé₃ jmi₄, a₂'ín₅ 'au'₂ 'nia'₂ 'ñio₅ lín₃ jag'₅₄ jnia'₅₄, le₂jaun₂ bá₄ jnia'₅₄ ján₃ jui'lia'₂ 'nia'₂ 'ín₅ dsi₅ jin₄ 'nia'₂. ⁷ Jaun₂ le₂nē₅, rin'₅₄ jniog₄, tē₃jē₄ uig₅ chong₂ 'i₅ dsi₅

jnia'₅₄, la₁ ca₂'ág₂ lián'₂ dsi'₅ jnia'₅₄ jme₁ca₂rě₃ne₄ 'a₂ lia'₂ lé₅ a₂'én'₂ 'nia'₂. ⁸Io'₂ jein₅ jnia'₅₄ chong₂ jme₁ca₂rě₃ne₄ tión'₂ bá₄ 'nia'₂ tiá₂ tē₂le₃ quió'₅ Te₁gui'₅₄. ⁹Ca₂lia'₂ tsá₃ ne₄ jnia'₅₄ 'a₂ lia'₂ cuē₅₄ ti₁'mag'₄ Diú₄ con'₂ dsi₂ten₅₄ o₄quió'₄ a₂'io'₂ jmo₂ jnia'₅₄ le₃ne₄ Diú₄ quián₂ o₄quián'₂ 'nia'₂. ¹⁰Ca₂le₃jě₃ dsi₅ bá₄ jnia'₅₄ mi₂ lia'₂ 'uē₂-jmi₂ ne₄ Diú₄ a₂cuē₃ jmi₄ dsi₁jīn₁ 'nia'₂, jaun₂ jme₁'nja₅ gué₄ jnia'₅₄ a₂'nió'₅ le₃tin'₂ gué₄ 'nia'₂ a₂le₃'éng'₂.

¹¹'Niog₂ jnia'₅₄, Diú₄ Jmei₂ 'njiog₅ quian'₅₄ Te₁gui'₅₄ Jesucristo, jme₃'o₅₄ cuē₃ jmi₄ dsi₁náu₅ dsi₁jīng₅₄ 'nia'₂. ¹²Jui₁jmo₅₄ bá₄ Te₁gui'₅₄ jui₁dsi₂cón₃ a₂jme₁'nió'₄ gué₄ 'nia'₂ ríng'₂ le₂jan'₂ le₂jan'₂ 'nia'₂ quian'₅₄ ca₂le₃jín₃ gué₄ jui₁'ein₂ gué₃ dsa₂ jui₁lia'₂ 'nio₃ jnia'₅₄ 'nia'₂. ¹³Jui₁jmo₅₄ bá₄ Diú₄ 'ag₃ tiá₂ 'au'₂ 'nia'₂, lén'₂ 'nia'₂ dsa₂ i₂ma₂lé₅ 'í₁ quiáin₅ i₂tsá₃ ma₃'e₂ dsáu₁ cha₂ ne₄ Diú₄ Jmei₂ jniog₄ jē₁ma₂tě₂ rē₁jjió'₂ Te₁gui'₅₄ Jesús quian'₅₄ ca₂le₃jín₃ i₂quiáin₅.*

4

'A₂ lia'₂ dsi₂ten₅₄ le₃chan₂ dsa₂ con'₂ 'nio₂ dsí₅ Diú₄

¹Ně₃ ně₃ rin'₅₄ jniog₄, mi₂ jnia'₅₄ ne'₅₄ 'nia'₂ tē₂le₃ o₄quió'₄ Te₁gui'₅₄ Jesús, a₂i₁nio'₄ 'nia'₂ lia'₂ con'₂ 'nio₂ dsí₅ Diú₄, jui₁lia'₂ ca₂jme₁tag₅ jnia'₅₄. Le₂jaun₂ caun₂ jmo₄ 'nia'₂ ca₂le₃jě₃ jmi₄.

²ŋi'₅₄ bá₄ 'nia'₂ 'a₂ lia'₂ lé₅ jág₁ ca₂jme₁tag₅ jnia'₅₄, 'éi'₃ ca₂cuē₃ Te₁gui'₅₄ Jesús. ³A₂'nio₃ Diú₄ a₂i₁nio'₄ 'nia'₂ líng'₅ dsa₂ i₂ma₂lé₅ 'í₁ ca₂ne₅₄ i₂ma₂quiáin₅ 'njiog₅; 'i₁jan₂ tsá₃ 'ein₂ jui₁nió'₄ jág₁ a₂tsá₃ dsi₂ten₅₄ nió'₃. ⁴Jui₁le₂ŋi'₅₄ 'nia'₂ le₂jang'₂ le₂jang'₂ 'a₂ lia'₂ tiáng'₄ quiang'₅₄ dsa₂ mī₂ quiáng'₂, lé₅ 'í₁, jme₁gain'₃ 'nia'₂.* ⁵On₃jua'₅₄ a₂lē₁qui₂dsi₂jein₅ 'au'₂ 'nia'₂ 'lig'₅₄ jui₁lia'₂ jmo₅ dsi₂nau₂ i₂tsá₃ Diú₄ cuin₅. ⁶Jaun₂ 'i₁jan₂ tsá₃ 'ein₂ jui₁qui₂dsi₂jui₅₄ jua'₅₄ jme₃gain₂₃ riin'₅₄, quian'₅₄ 'i₁caun₂. Ia₁ Te₁gui'₅₄ bá₄ jéin'₃ uig₅ ca₂le₃jě₃ a₂le₂ně₅, jui₁lia'₂ ma₂chei₅₄ jnia'₅₄ 'nia'₂ le₂jjiá₅. ⁷Ia₁ on₃jua'₅₄ jaun₂ ma₂tě₅ Diú₄ a₂qui₂dsi₂jio₅ dsi₅ 'lig'₅₄; a₂jaun₂ bá₄ ca₂tě₃ a₂le₃chong₂ jniog₄ jjió₅. ⁸Jaun₂ le₂ně₅, jui₁lia'₂ i₂tsá₃ gue₅ jág₁ a₂jme₂tág₁ jnia'₅₄ la₂, on₃jua'₅₄ dsa₂ tsá₃ guein₂₃; Diú₄ bá₄ tsá₃ guein₂₃, i₂ma₂cuin₃ Jme₂dsí₂ jjió₅ quiáin₅.

⁹Tsá₃ 'e₂ tion₅₄ 'nió'₅ jua'₅₄ a₂juá'₄ jniá₂ tó'₄ ne₄ si₂ la₂, jua'₅₄ a₂juá'₄ jniá₂ 'a₂ lia'₂ dsi₂ten₅₄ jme₁'nió'₄ 'nia'₂ dsa₂ i₂'én₂ ríng'₂. Ia₁ ma₂ca₂jme₃tag₅ bá₄ Diú₄ 'njiog₅ 'a₂ lia'₂ jme₁'nió'₃ 'nia'₂ ríng'₂ le₂jang'₂ le₂jang'₂. ¹⁰Jaun₂ le₂ně₅ bá₄ jmo₂ 'nia'₂ ja₁con₂ rín'₂ 'nia'₂ i₂'én₂ i₂tián'₅ 'uē₃ Macedonia. La₁ mi₂ jnia'₅₄ ja₁con₂ 'nia'₂, rin'₅₄ jniog₄, caun₂ jui₁dsi₂tsón₃ bá₄ a₂'nióg'₃ 'nia'₂ ríng'₂. ¹¹Quen'₂ 'nia'₂ bí₂ tián'₂ 'nia'₂ 'ei₅ tei₄, jmo₄ 'nia'₂ jmá'₃ con'₂ a₂ca₂tín'₂ 'nia'₂ jmó'₂ guiong'₅₄, jmo₄ 'nia'₂ ta₁ quiáng'₂ quian'₅₄ gog'₂-tag'₅₄, jui₁lia'₂ qui₂ma₂jua'₅₄ jnia'₅₄ le₂jjiá₅, ¹²ia₁jaun₂ i₁nio'₄ 'nia'₂ caun₂ jui₅ a₂jme₃go₃ dsa₂ sián'₂ i₂tsá₃ 'én₂, ia₁jaun₂ tsá₃ lé₅ jua'₅₄ cha₂ a₂'nió'₅ quián'₂ 'nia'₂.

A₂jjió'₂ Te₁gui'₅₄

¹³Rín'₅₄ jniog₄, tsá₃ 'niog₂ jnia'₅₄ jua'₅₄ tsá₃ ŋi'₅₄ 'nia'₂ 'e₂ lé₂ quian'₅₄ dsa₂ 'én₂ i₂ma₂dsan₃, ia₁jaun₂ tsá₃ jmó'₂ 'nia'₂ 'lia'₂ 'au'₂ jui₁lia'₂ 'lia'₂ dsí₅ dsa₂ i₂tsá₃ jmi₄ cha₂ quió'₅ jua'₅₄ tīn'₄. ¹⁴Jaun₂ le₂ně₅, jui₁lia'₂ 'éin₂ jniog₄ a₂ca₂jon₃ Jesús, a₂ca₂jein'₅₄ táng₃ ně₃, le₂jaun₂ bá₄ 'éin₂ jniog₄ ján₃ a₂jme₃jen'₅₄ Diú₄ co₂lě₅ quian'₅₄ Jesús dsa₂ i₂ca₂dsan₃ i₂'én₂ le₃quió'₅.

¹⁵Jaun₂ lě₃ chei₂ jnia'₅₄ 'nia'₂ jui₁lia'₂ ca₂jme₃tag₅ Te₁gui'₅₄, con'₂ jniog₄ i₂chong₂ ca₂lia'₂ ca₂tě₂ jmi₄ a₂guan'₂ Te₁gui'₅₄, 'i₁jan₂ tsá₃ 'ein₂ jua'₅₄ i₂dsi₃jjiá₄ con'₂ gué₄ dsa₂ i₂ma₂dsan₃. ¹⁶Ia₁ 'njiog₅ bá₄ Te₁gui'₅₄ sióin₃ guei'₅₄ i₂juíg₃ guió'₃ tiá₂ jmo₃ 'éi'₃, quian'₅₄ jág₁ quió'₅ ángel i₂'uan'₂ gué₄, dsi₃'ein₅₄ ŋi₁ trompeta quió'₅ Diú₄ ně₃. Jaun₂ gué₄ ca₂le₃jín₃

* 3:13 lit. "dsa₂ jjió₅ quiáin₅." * 4:4 o₃, "jui₁le₂ŋi'₅₄ 'nia'₂ le₂jang'₂ le₂jang'₂ 'a₂ lia'₂ jme₁'uang'₅₄ ni₁ŋi'₁ guiong'₅₄, lé₅ 'í₁, con'₂ dsi₂ten₅₄."

dsa₂ i₂'én₂ le₃quió'₅ Cristo i₂ma₂dsan₃, qui₃jein'₅₄ le'ui_g₅₄. ¹⁷ Jaun₂ jniog₄ i₂chong₂ gué₄, i₂tē₁'ñiá₄ gué₄ né₃, chó'₂ co₂lě₅ jě₄ jnei₅ quian'₅₄ dsa₂ i₂ma₂dsan₃ 'éi₂, a₂dsi₂jme₁jen'₂ Te₁gui'₅₄ guei'₅₄ dsi₁gui_g₂. Jaun₂ le₂ně₅ dsi₁tió'₄ co₂tan₅₄ quian'₅₄ Te₁gui'₅₄. ¹⁸ Jaun₂ lě₃, cuē₅₄ 'nia'₂ lián'₂ ríng'₂ quian'₅₄ jág₁ la₂.

5

¹ La₁ tsá₃ tion₅₄ jua'₅₄ a₂juá'₄ jniá₂ tó'₄ ne₄ si₂ 'e₂ 'ió'₄ 'e₂ jmig₄ a₂lé₂ jaun₂. ² Jaun₂ ma₂le₁ñi'₅₄ bá₄ 'nia'₂ dse₃ guiong'₅₄, jmig₄ a₂jñió'₂ Te₁gui'₅₄ con'₂ tsá₃ ján₅ bá₄ dsa₂, jui₁lia'₂ ja₁já₄ jan₂ dsa₂ 'ang₂ caun₂ 'uē₂. ³ Jě₁ma₂tě₂ rě₁juá'₂ dsa₂: “Ca₂le₃jě₃ lě₅ 'í₁, tei₄ bá₄ 'ei₅”, tě₃jě₄ jaun₂ 'én₂ con'₂ tiá₂ ne₄ quió'₅ dsa₂ 'éi₂. Lé₂ jui₁lia'₂ ja₁jén'₅ 'io₅₄ i₂quian₅ guein₂. Con'₂ tsá₃ rě₂ján₁ jě₁ma₂tá'₂ qui'₂ uig₅ quió'₅, tsá₃ a₁jaun₂ a₂lióin₂ jua'₅₄ a₂tsá₃ ñág₃ jmi₁uig₅ jaun₂. ⁴ La₁ 'nia'₂ rin'₅₄ jniog₄, tsá₃ tion₅₄ 'nia'₂ jě₄ qui₁né₃, jaun₂ tsá₃ lě₅ jua'₅₄ jo₅₄ jmig₄ jaun₂ quián'₂ 'nia'₂, jui₁lia'₂ ja₁jo₅ jan₂ 'ang₂. ⁵ Ia₁ ca₂le₃jín'₃ bá₄ 'nia'₂ líng'₅ jaun₅ quián₅ ja₁tág₅ si₂, quian'₅₄ a₂jmi₂ né₃. Tsá₃ téi₅ jniog₄ a₂'uē₂, on₃ guē'₂ jě₄ qui₁né₃. ⁶ Jaun₂ tsá₃ 'nió'₅ guág₃ jniog₄ jui₁lia'₂ güin₂ i₂lín₅₄. Le₁jnio₂ ne₄ bá₄ jniog₄ 'nió'₅ jmó₁, lei₅₄, 'en₅₄ dsi₅. ⁷ A₂'uē₂ bá₄ güin₂ dsa₂, ján₃ guē'₂ a₂'uē₂ bá₄ 'ín'₂ dsa₂ 'en₅. ⁸ La₁ jniog₄ né₃, i₂téi₅ a₂jmi₂, 'nió'₅ lei₅₄, 'en₅₄ dsi₅. 'Nió'₅ qui₁jmó₁ 'í₁ quian'₅₄ a₂'éin₂ quian'₅₄ a₂jme₁'nió₄ rin'₅₄ né₃, ně₂jag₄ bá₄ qui₂rě₂lió₃ ñí₁ le₁dsi₅, lě₅ 'í₁; a₂'ín₂ dsi₅ jniog₄ a₂tág₄ né₃, lě₅ co₂'nió'₄ ñí₁ a₂'i₄ mi₂dsi₄ 'lió₂, lě₅ 'í₁. ⁹ Ia₁ on₃jua'₅₄ jaun₂ ca₂'ag₃ Diú₄ a₂guéi₁ jniog₄ 'nei₂ a₂'i₄ dsí₅; a₂jaun₂ bá₄ ca₂'ag₃ a₂lió₂ jniog₄ tě₂le₃ quian'₅₄ Te₁gui'₅₄ Jesucristo quián₂. ¹⁰ O₄quián₂ jniog₄ ca₂join₃ ia₁jaun₂ dsi₁'io₁ co₂lě₅ quian'₅₄, tě₁lia'₂ chong₂, o₃ jě₁ma₂dsau₃ 'e₂.^{*} ¹¹ Jaun₂ caun₂ dsia₄ 'nia'₂ tiá₂ 'au'₂, cuē'₅₄ bí₂ ríng'₂ le₂jang'₂ le₂jang'₂, jui₁lia'₂ ma₂jmo'₂ ně₅.

*Ton'*₂ Pablo jág₁ dsa₂ riin'₅₄

¹² Rin'₅₄ jniog₄, mi₂ jnia'₅₄ a₂jme₁gang'₃ dsa₂ i₂jmo₅ ta₁ jě₄ quián'₂ 'nia'₂, i₂jio₅ ne₄ jui₅ le₃quió'₅ Te₁gui'₅₄, i₂to'₂ jág₁ dse₃ né₃. ¹³ Ca₂tín'₂ 'nia'₂ jme₁gain'₃ 'ñio₅ lín₃, a₂jme₁'nió₄ né₃, o₄quió'₄ ta₁ a₂jmo₂₃. Jui₁'ei₅ bá₄ tei₄ tion'₅₄ 'nia'₂ le₂jang'₂ le₂jang'₂.

¹⁴ Ján₃ guē'₂ le₂jaun₂ rin'₅₄ jniog₄, jén₃ 'nia'₂ dsa₂ i₂tsá₃ ta₁ 'nio₃ jmo₃. Cuē'₅₄ 'nia'₂ bí₂ dsa₂ i₂tsá₃ lín₄ niog₅ tiá₂ dsí₅, jme₁'on₁ 'nia'₂ dsa₂ 'uan₅₄, jme₁juin'₂ 'nia'₂ 'au'₂ quian'₅₄ ca₂le₃jín₃ ríng'₂.

¹⁵ Jmo₄ 'nia'₂ 'í₁, ia₁jaun₂ 'i₁jan₂ tsá₃ jéin'₃ 'lig'₅₄ quió'₅ i₂jmóg'₂ 'lig'₅₄. Tě₂le₃ caun₂ o₂nó'₅ bá₄ 'nia'₂ jmo₄ a₂dse₃ co₂tan₅₄ quian'₅₄ rín'₂ 'nia'₂ le₂jang'₂ le₂jang'₂ quian'₅₄ gué₄ ca₂le₃jín₃ dsa₂.

¹⁶ Tián'₂ bá₄ 'nia'₂ 'io'₂ jéng'₂ co₂tan₅₄. ¹⁷ Chi₂len'₅₄ 'nia'₂ Diú₄ lia'₂ tsá₃ 'na₂. ¹⁸ Cuē'₅₄ 'nia'₂ ti₁'mag'₄ Diú₄ ne₄ ca₂le₃jě₃, ia₁ a₂ně₅ bá₄ 'ñio₂ dsí₅ Diú₄ tě₂le₃ quián'₂ 'nia'₂ o₄quió'₄ Cristo Jesús.

¹⁹ Tsá₃ lě₁ag₂ 'nia'₂ si₂ quió'₅ Jme₂dsí₂ Jñiós₅. ²⁰ Ně₁jua'₂ 'ein₂ 'é₂ jág₁ a₂guéi'₅ quió'₅ Diú₄, tsá₃ lě₁jmo₂ 'nia'₂ jua'₅₄ a₂tsá₃ jeng'₅₄. ²¹ Quion₂ de'₂ 'nia'₂ 'í₁ ca₂le₃jě₃ a₂ně₅, jaun₂ chan'₂ bá₄ 'nia'₂ jmá'₃ a₂dse₃. ²² Co₂dsia₅ jmo₄ 'nia'₂ cau₅ ca₂le₃jě₃ ne₅₄ a₂'lig'₅₄.

²³ 'ñiog₅ Diú₄ i₂jmo₅ 'ei₅ tei₄, jui₁jmo₁₂ a₂lén'₂ 'nia'₂ dsa₂ jñiós₅ co₂ñei'₅₄; jui₁le₅₄ bá₄ 'í₁ 'nia'₂, ta₁jang'₂: lia'₂ jme₂dsí₂, lia'₂ 'au'₂, lia'₂ ñi'₄ 'nia'₂; ia₁jaun₂ tsá₃ 'ein₂ lé₂ le₃bóg'₂ dso₄ jě₁ma₂tě₂ rě₁guan'₂ Te₁gui'₅₄ Jesucristo quián₂. ²⁴ I₂ma₂tě₃ quián'₂ 'nia'₂ tí₅ bá₄ jág₁ quió'₅, jaun₂ jme₃ti₃ bá₄ ca₂le₃jě₃ a₂ně₅.

*'Ág'*₅ jág₁ jě₁ca₂tó'₂

²⁵ Rin'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄.

²⁶ Cui₅₄ Diú₄ ca₂le₃jín₃ rin'₅₄ a₂qui₁chén'₁† 'nia'₂ quió'₅ ríng'₂, a₂lě₅ léi₄ a₂ma₂'ei₅ caun₂

* 5:10 lit. “chi₂jua'₂ le₁jnio₂ ne₄ jniog₄, o₃ le₁guág₃ 'e₂.” † 5:26 Caun₂ tag₄ a₂jme₁chí'₄ lia'₂ con'₂ ca₂jmo₃ Pa₄ si₂ la₂.

jág₁ a₂le₁jé₃ 'au'₂ quian'₅₄ ríng'₂.

²⁷ Mi₅ jniá₂, lia'₂ con'₂ lé₅ 'éi'₃ quió'₅ Te₁gui'₅₄, 'í₂ 'nia'₂ si₂ carta la₂ jin₄ ca₂le₃jín₃ rin'₅₄.

²⁸ Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín'₃ 'nia'₂.
Co₂ně₅.

Si₂ carta jë₁ca₂té₂ tin₃ a₂ca₂jmo₃ San Pablo ne₄ dsa₂
TESALONICENSES

*Pablo quiain'*₅₄ riin'₅₄ jmo₂₃ si₂ a₂chein₃ ne₄ Guá'₅ i₂chan₂ juig₂ Tesalónica

¹ Jniá₂ Pa₄, quian'₅₄ Silvano, * quian'₅₄ Timoteo né₃, dsian'₄ jnia'₅₄ si₂ la₂ ne'₅₄ 'nia'₂ rin'₅₄ jniog₄ i₂chan₂ juig₂ Tesalónica, 'nia'₂ dsa₂ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Te₁gui'₅₄ Jesucristo. ² Jui₁jme₂gu'₅₄ bá₄ Diú₄, jui₁jme₂gu'₅₄ Te₁gui'₅₄ Jesucristo né₃, jmo₃ 'ua₁ dsí₅ ja₁con'₂ 'nia'₂, jui₁'ei₅ dse₃ 'au'₂, tiong'₅₄ 'ei₅ tei₄.

É₂ Diú₄ uig₅ ja₁con₂ dsa₂ i₂le₁cán'₄ dso₄ jë₁ma₂té₂ rë₁guan'₂ táng₃ Cristo mi₂güig₃

³ Rin'₅₄ jniog₄, ca₂le₃jé₃ jmig₄ bá₄ ca₂tág₂ jnia'₅₄ cuë'₅₄ ti₁'mag'₄ Diú₄ o₄quián'₂ 'nia'₂, ia₁ le₂jaun₂ bá₄ dse₃ dsióg₅, ia₁ caun₂ dsi₂cón'₃ bá₄ 'nia'₂ a₂rë₂'éng'₂ jág₁ quió'₅ Diú₄, caun₂ jme₂'nióg'₃ bá₄ 'nia'₂ ríng'₂ 'ñio₅ lín₃ le₂jang'₂ le₂jang'₂. ⁴ Jaun₂ lë₃, jmá'₃ lia'₂ jág₁ dse₃ bá₄ dsia₂ jnia'₅₄ 'ín₅ 'nia'₂ jin₄ guá'₅ quián₅ Diú₄, 'a₂ lia'₂ ma₂ca₂tian'₃ 'nia'₂ a₂ma₂ca₂jme₂juing'₂ 'au'₂ a₂'én'₂ 'nia'₂ ne₄ ca₂le₃jé₃ a₂co₂'ein₅ dsa₂, a₂qui₂jmo₂g'₂ dsa₂ né₃. ⁵ Jaun₂ le₂në₅ cuë₅ léi₄, con'₂ dsi₂ten₅₄ bá₄ qui₂dsi₅ Diú₄ 'éi'₃, ia₁jaun₂ lén'₂ 'nia'₂ dsa₂ i₂ca₂tín'₂ dsi₁niog'₃ ja₁gon₂ Diú₄; o₄quió'₄ a₂jaun₂ ñag'₅₄ 'nia'₂ uig₅.

⁶ Ján₃ bá₄ le₂jaun₂ dsi₂ten₅₄, Diú₄ bá₄ jme₃rë₃ cuë'₃ uig₅ a₂ca₂tín₂ dsa₂ i₂ma₂jmá'₂ 'nia'₂. ⁷ Jaun₂ 'nia'₂ dsa₂ i₂qui₂ma₂ñag'₅₄ uig₅, Diú₄ jmo₃ a₂'ag₃ tei₄ 'au'₂ 'nia'₂, a₂'ag₃ tei₄ dsi₅ jnia'₅₄ ján₃ jë₁ma₂té₂ rë₁jnió'₂ Te₁gui'₅₄ Jesús jui₅ guei'₅₄ i₂juig₃ jë₄ si₂ ca₂jo'₅₄, quiain'₅₄ ángeles i₂'uan'₂ quiáin₅. ⁸ Jñiói'₂ a₂cuë'₃ uig₅ dsa₂ i₂tsá₃ cuin₅ Diú₄, ia₁ on₃ guë'₂ jui₅ ca₂tón'₃ jág₁ dse₃ quió'₅ Te₁gui'₅₄ Jesucristo. ⁹ Ca₂le₃jín₃ 'éi₂ gue₃ 'liain'₅₄ a₂dsi₃'éin₂ co₂ñei'₅₄, co₂dsia₅ jñiai'₃ ne₄ Te₁gui'₅₄, dsi₃toin'₅₄ uíng₂ ja₁tsá₃ ma₃'e₂ bí₂ jlá'₁ quió'₅ Diú₄ jniá₂. ¹⁰ Jmig₄ jaun₂, jë₁ma₂té₂ rë₁guan'₂ Te₁gui'₅₄, a₂jme₃juag'₂ ca₂le₃jín₃ dsa₂ i₂'én₂ quiáin₅, † jaun₂ dsa₂ i₂'én₂ né₃ qui₂dsi₃gó'₃ dsí₅ jág₃ jñin₂ Te₁gui'₅₄. Ján₃ bá₄ o₁ton'₄ 'nia'₂ ja₁jaun₂, ia₁ a₂ma₂ca₂rë₃'én'₂ 'nia'₂ jág₁ dsau₅ quián₂ jnia'₅₄.

¹¹ 'Uig₅₄ jaun₂ bá₄ ján₃, chi₂len'₄ jnia'₅₄ Diú₄ ca₂le₃jé₃ jmig₄ o₄quián'₂ 'nia'₂, jui₁i₂nio'₄ 'nia'₂ con'₂ dsi₂ten₅₄ i₃nio₄ dsa₂ i₂ma₂té'₃ quiáin₅; jui₁jme₂ti₃ tē₂le₃ quian'₅₄ bí₂ quió'₅ ca₂le₃jé₃ a₂dse₃ a₂'ñio₂ 'au'₂ 'nia'₂ jmó'₂, quian'₅₄ ca₂le₃jé₃ ta₁ a₂jmo'₂ 'nia'₂ ia₁ a₂'éng'₂. ¹² Jaun₂ le₂në₅ bá₄ lé₂ le₃juin'₂ Te₁gui'₅₄ Jesucristo quián₂ ja₁con'₂ 'nia'₂, ján₃ bá₄ le₂jaun₂ 'nia'₂ ja₁con₂ 'éi₂, lia'₂ con'₂ lé₅ a₂'ua₁ dsí₅ Diú₄ quian'₅₄ Te₁gui'₅₄ Jesucristo.

2

Le₃jniá₂ jan₂ dsa₂ i₂tsá₃ 'e₂ 'éi'₃ gó'₅

¹ Jaun₂ né₃, 'nia'₂ rin'₅₄ jniog₄, jui₁lia'₂ jë₁ma₂té₂ rë₂guan'₂ Te₁gui'₅₄ Jesucristo, jë₁ma₂té₂ rë₂tió'₄ lo'₂ quiain'₅₄, mi₂ jnia'₅₄ chei₂ 'nia'₂, rin'₅₄ jniog₄, ² a₂tsá₃ caun₂ lë₁jme₁tsín₄ 'nia'₂ a₂dsi₃jio₅ 'au'₂ le₂siá'₂, on₃ guë'₂ can₂ 'nia'₂ go₂'i₃, në₁'e₂ guë'₃ jág₁ a₂jás tē₂le₃ quian'₅₄ jan₂ jme₂dsí₂, on₃ guë'₂ jág₁ a₂dsia₅ dsa₂, on₃ guë'₂ në₁'e₂ si₂ carta a₂chen₅ dsa₂ ne'₅₄ 'nia'₂ në₂jag₄ bá₄ a₂jmo₂ jnia'₅₄, jë₁juá'₂ dsa₂ a₂ma₂ca₂té₂* jmig₄ quió'₅ Te₁gui'₅₄. ³ Tsá₃ lë₁cuín₅ 'nia'₂ jmig₄ a₂jme₃gau₅ dsa₂. Ia₁ né'₃ a₂te₅₄ jmig₄ jaun₂, jmo₃ dsa₂ caun₂ jág₁ a₂jme₃'ñiai₅₄ Diú₄, jaun₂ le₃jniá₂ jan₂ dsa₂ i₂tsá₃ 'e₂ 'éi'₃ gó'₅ 'i₁caun₂, i₂ma₂'i₄ 'éi'₃ dsi₃'én₂. ⁴ Dsa₂ 'éi₂ náu₃ quein₅ ne₄ ca₂le₃jé₃ a₂jmo₅ dsa₂ dsí₅ lín₅ Diú₄, o₃ a₂jme₂juag'₂ dsa₂ 'e₂. Ca₂lia'₂ dsióg₄ guá₃ tē₂ dsi₂néi₂ guá'₅ templo quió'₅ Diú₄, a₂jmo₂₃ lín₅ Diú₄.

* 1:1 Lia'₂ chen₂ Silvano, co₂rë₂ quian'₅₄ Silas. † 1:10 lit. "dsa₂ jñiós quiáin₅." * 2:2 o₃, "a₂ma₂ja₂quián₃."

⁵ ¿Tsa₁ dsá₂ 'au'₂ 'nia'₂, lia'₂ con'₂ jme₁'eng₅₄ gué₄ quian'₅₄ 'nia'₂, ca₂juá'₃ jniá₂ le₃jé₃ a₂ně₅? ⁶ Jaun₂ né₃ ma₂ŋi'₅₄ bá₄ 'nia'₂ 'ein₂ 'éi₂ i₂jně₅ jui₅, jaun₂ tsá₃ jme₃jniog₂₃ jniá₅ né₃ a₂tě₅₄ jmi₄ quió'₅. ⁷ La₁ tion₅₄ bá₄ ma₂jmo₅ i₂'lin'₅₄ 'éi₂ bí₂ rě₂'ma₄ quió'₅ ia₁jaun₂ tsá₃ le₃ji'₅₄ dsa₂ 'éi'₃ quió'₅ Diú₄. Jŋia'₅₄ lia'₂ chi₁jŋia₂₃ a₂jŋia'₃ i₂chén'₅ dsi₂jo₂ i₂jmo₅ jnág₅ jui₅. ⁸ Jaun₂ gué₄ jme₃jnia₅ dsa₂ 'lin'₅₄ 'éi₂. Jaun₂ Te₁gui'₅₄ Jesús né₃ jŋag'₃ quian'₅₄ dsí₂ tio'₅₄ 'o₅₄, 'éin₂ 'éi₂ quian'₅₄ a₂co₂tág₅ co₂'né₅ quió'₅ né₃ jě₁jŋi_ó'₂. ⁹ Satanás bá₄ jmo₃ jíá₃ dsa₂ 'lin'₅₄ 'éi₂, ia₁ guáin₂ ján₃ quian'₅ bí₂ a₂o₂dsain₂ jmo₃ léi₄ jué'₂ jme₃gau₂₃. ¹⁰ Ca₂le₃jé₃ ne₅₄ cosa 'lig'₅₄ jmo₃ a₂jme₃gain₂₃ dsa₂ i₂tion'₅₄ jui₅ dsi₃'én₂ ia₁ tsá₃ gué'₂ ca₂rě₃'nio₃ gue₃ jág₁ tí₅ dsón'₂ a₂jme₁lió₂. ¹¹ Jaun₂ bá₄ lě₃ cuě₃ Diú₄ jmi₄ a₂le₃gain₂, ia₁jaun₂ jui₁le₂'éin₂ co₂ŋei'₅₄ jág₁ tějág₁, ¹² ia₁jaun₂ 'é₂ Diú₄ uig₅ quió'₅ ca₂le₃jŋin₃ ia₁ tsá₃ gué'₂ ca₂rě₃'éin₂ jág₁ tí₅ dsón'₂, ia₁ ja₂lin₃ gué₄ tě₅ dsí₅ cosa 'lig'₅₄.

*Dsa*₂ i₂ma₂quion'₅₄ quián₅ Diú₄

¹³ La₁ jnia'₅₄ né₃, ca₂le₃jé₃ jmi₄ bá₄ cuě₂ ti₁'mag'₄ Diú₄ o₄quián'₂ 'nia'₂, rin'₅₄ jniog₄, i₂'nió₄ quián₅ Te₁gui'₅₄. Jaun₂ lě₃ lia'₂ con'₂ jme₁ca₂rě₃lió₃ jmi₄ bá₄ ca₂qui_ó'₂ Diú₄ 'nia'₂ ia₁jaun₂ tŋn'₄ 'nia'₂, lén'₂ 'nia'₂ dsa₂ i₂le₁jé₃ těj₂dsí₅ těj₂le₃ quian'₅₄ Jme₂dsí₂ quián₅ Diú₄, těj₂le₃ quian'₅₄ jág₁ dsau₅ a₂ma₂'én'₂ 'nia'₂ né₃. ¹⁴ Ta₁ jaun₂ ca₂tě₃ Diú₄ 'nia'₂ těj₂le₃ quian'₅₄ jág₁ dse₃ a₂ca₂jme₁tag₅ jnia'₅₄, ia₁jaun₂ dsi₁nó'₅ 'nia'₂ quen'₅₄ quiang'₅₄ a₂jlá'₁ a₂lŋn₅ Te₁gui'₅₄ Jesucristo quián₂ jniog₄.

¹⁵ Jaun₂ le₂ně₅, rin'₅₄ jniog₄, caun₂ 'éi₂ 'nia'₂ 'au'₂, chan'₂ tiá₂ jág₁, tsá₃ jui₁dsi₂'én₂ 'au'₂ 'nia'₂ jág₁ a₂qui₂ma₂cué'₁ jnia'₅₄, lia'₂ jág₁ quian'₅₄ si₂ cartas né₃. ¹⁶ Jaun₂ 'ŋio₅ Te₁gui'₅₄ Jesucristo quian'₅₄ Diú₄ Jme₂jniog₄, i₂ma₂jmo₃ 'ua₁ dsí₅ 'nio₃ jniog₄, cuě₂₃ lián'₂ co₂tan₅₄, cuě₂₃ a₂'ŋn₂ dsi₅ jniog₄ tág'₄ né₃, ¹⁷ jui₁cué'₄ bí₂ těj₂'au'₂ 'nia'₂ ia₁jaun₂ caun₂ bá₄ 'ag₃ 'au'₂ 'nia'₂, jě₁dsiá'₁ jág₁, jěj₁jmó'₂ 'nia'₂ ca₂le₃jé₃ ne₅₄ a₂dse₃.

3

*Chi*₁len'₄ 'nia'₂ Diú₄ o₄quián₂ jnia'₅₄

¹ Jě₁ca₂tó'₂ rin'₅₄ jniog₄, chi₁len'₄ 'nia'₂ Diú₄ o₄quián₂ jnia'₅₄, ia₁jaun₂ ma₂ně₃ cón'₅ dsió₄ jág₁ dse₃ quió'₅ Te₁gui'₅₄ ca₂le₃jé₃ juig₂. Jui₁gue₅₄ bá₄ dsa₂ 'ŋio₂ dsí₅ jui₁jme₂jué'₂ bá₄ dsa₂ jág₁ la₂ jui₁lia'₂ ca₂lě₃ quian'₅₄ 'nia'₂. ² Mí₄ 'nia'₂ o₄quián₂ jnia'₅₄ ján₃, ia₁jaun₂ lió₂ jnia'₅₄ o₄gú₃ dsa₂ 'lin'₅₄ i₂jmóg'₂ mŋ'₅₄, ia₁ tsá₃ 'én₂ ca₂le₃jŋin₃. ³ La₁ tí₅ bá₄ jág₁ quió'₅ Te₁gui'₅₄ quián'₂ 'nia'₂. Jmo₃ bá₄ 'ag₃ caun₂ 'au'₂ 'nia'₂ qui₂jmo₃ 'í₁, ia₁jaun₂ tsá₃ jmóg'₂ i₂sě₃dsen₃. ⁴ Caun₂ bá₄ 'ei₅ dsi₅ jnia'₅₄ těj₂le₃ quió'₅ Te₁qui'₅₄, a₂jmo'₂ ton'₂ a₂jmó'₂ 'nia'₂ né₃, ca₂le₃jé₃ 'e₂ a₂ma₂jua'₂ jnia'₅₄ jmó'₂ 'nia'₂. ⁵ Jui₁jio₅₄ bá₄ Te₁gui'₅₄ těj₂'au'₂ 'nia'₂ ja₁'nio₃ Diú₄, ja₁jme₁juin'₂ 'nia'₂ 'au'₂ jui₁lia'₂ juin'₂ dsí₅ Cristo né₃.

*Ca*₂tŋn'₂ bá₄ dsa₂ jmo₃ ta₁

⁶ Rin'₅₄ jniog₄, cuě₂ jnia'₅₄ 'éi'₃ těj₂le₃ o₄quió'₄ Te₁gui'₅₄ Jesucristo, jmo₄ 'nia'₄ cau₅ jui₁'ein₂ gué₃ rin'₅₄ jniog₄ juín'₅ jmo₃ ta₁ on₃ gué'₂ jmo₂₃ con'₂ lé₅ a₂ca₂jme₁tin₅ jnia'₅₄ 'nia'₂. ⁷ Jaun₂ ŋi'₅₄ bá₄ 'nia'₂ 'a₂ lia'₂ 'nió'₅ tiáng'₄ a₂jmó'₂ con'₂ lé₅ 'a₂ lia'₂ chong₂ jnia'₅₄. Tsá₃ jua'₅₄ a₂tsá₃ ca₂jmó₁ jnia'₅₄ ta₁ těj₂lia'₂ ca₂tió'₄ quian'₅₄ 'nia'₂, ⁸ on₃ gué'₂ jua'₅₄ ca₂que₅₄ jnia'₅₄ a₂lě₁ca₂que₅₄ quió'₅ rin'₅₄, jua'₅₄ tsá₃ ca₂qui₅₄. Těj₂le₃ qui₂ca₂jmó₁ bá₄ jnia'₅₄ ta₁ 'ŋio₅ lŋn₃ lia'₂ 'uě₂-jmi₂ ia₁jaun₂ tsá₃ cán'₁ 'nia'₂ guei₂ o₄quián₂ jnia'₅₄. ⁹ On₃jua'₅₄ ia₁ a₂tsá₃ ca₂tág₂ jnia'₅₄; a₂jŋia'₅₄ lia'₂ ca₂quián₁ jnia'₅₄ caun₂ jui₅ ne₄ 'nia'₂, ia₁jaun₂ 'nia'₂ né₃ cán'₁ jui₅ jaun₂ a₂ca₂quián₁ jnia'₅₄. ¹⁰ Ia₁ lia'₂ con'₂ jme₁tio'₅₄ jnia'₅₄ quian'₅₄ 'nia'₂, ca₂cué'₁ 'éi'₃ la₂: jui₁lia'₂ dsa₂ i₂juín'₅ jmo₃ ta₁, tsá₃ jui₁gué'₄. ¹¹ Ma₂ne₄ jnia'₅₄ dsia₅ dsa₂ tság₅ jnia'₅₄, chan₂ 'nia'₂ i₂lŋn₅₄ tián'₅ tsá₃ ta₁ 'nio₃ jmo₃, 'ŋio₅ bá₄ tsá₃ jŋin₅₄ qui₂tián₂ ja₁tsá₃ ca₂tŋn₂. ¹² Jaun₂ dsa₂ 'éi₂ né₃ chei₂ jnia'₅₄ le₃quió'₅ Te₁gui'₅₄ Jesucristo quián₂, jui₁jmo₁₂ ta₁ quió'₅ ia₁jaun₂ cha₂ a₂qui₂dsi₃ŋŋi₂.

¹³ Rin'₅₄ jniog₄, tsá₃ jmo₂ 'nia'₂ a₂ca₂'ong'₃ jmo'₂ cosa dse₃. ¹⁴ Chi₂jua'₂ chan₂ i₂tsá₃ tón'₂ jui₅ a₂jua'₂ jnia'₅₄ ne₄ si₂ la₂, jag₄ 'nia'₂ 'ein₂ 'éi₂ jaun₂ tsá₃ ma₃jme₁quian'₅₄ 'nia'₂, ia₁jaun₂ le₃gui'₅₄. ¹⁵ La₁ tsá₃ jme₁'ñiai'₅₄ 'nia'₂, tē₂le₃ cuē'₅₄ tioin'₂ 'nia'₂ jág₁ dse₃ co₂'nió'₄ ríng'₂.

Jui₁jme₂gu'₅₄ bá₄ Diú₄: Jág₁ jē₁ca₂tó'₂ quió'₅ Pa₄

¹⁶ 'ñiog₅ Te₁gui'₅₄ i₂jmo₅ 'ag₅ tei₄ dsí₅ dsa₂, jui₁jmo₁₂ le₁'ág₄ tei₄ 'au'₂ 'nia'₂ quian'₅₄ ca₂le₃jé₃ a₂jmo'₂ 'nia'₂. Jui₁'en₅₄ bá₄ Diú₄ quian'₅₄ ca₂le₃jín'₃ 'nia'₂.

¹⁷ Jniá₂ Pa₄ jmo₂₃ si₂ la₂ quian'₅₄ gu₃* cuíng₅ Diú₄ 'nia'₂, co₂'nió'₄ léi₄ a₂tó'₅ jniá₂ ne₄ ca₂le₃jé₃ si₂ a₂jmo₂₃. Le₂la₂ lé₅ letra quió₃. ¹⁸ Jui₁jme₂gu'₅₄ Te₁gui'₅₄ Jesucristo quián₂ jniog₄ ca₂le₃jín'₃ 'nia'₂.

Co₂nē₅.

* 3:17 'Nió'₂ ja₁ton₅ 1 Corintios 16:21; Gálatas 6:11; Colosenses 4:18; Filemón 19.

Si₂ carta le₂'uig₅₄ a₂ca₂jmo₃ San Pablo ne₄
TIMOTEO

Jmo₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Jesucristo, 'éi'₃ quió'₅ Diú₄ quián₂ jniog₄ i₂lió₂, quian'₅₄ Te₁gui'₅₄ Jesucristo i₂'ín₂ dsi₅ jniog₄. ² Jaun₂ jmo₂₃ si₂ la₂ tsíng₂ ne'₅₄ 'ne₂ Timoteo, 'ne₂ gué'₂ dsa₂ ma₂líng'₅ co₂'nió'₄ jan₂ jón₃ quiáng₃ tē₃dsón'₂ ia₁ ca₂rē₃'éng'₂ jág₁ quió'₅ Diú₄. Jaun₂ 'nio₃ jui₁jme₂gu'₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄ quian'₅₄ Te₁gui'₅₄ Cristo Jesús quián₂ jniog₄ 'ua₁ néi₂ dsi₅ ja₁cong'₂, a₂'ag₃ tei₄ 'au'₂ né₃.

Toin'₂ dsa₂ jág₁ a₂tsá₃ tón'₃ jui₅ jág₁ a₂tsá₃ dsau₅

³ Jui₁lia'₂ ca₂juá'₃ jniá₂ né'₃ a₂nei₅₄ jui₅ 'uē₃ Macedonia, a₂jan'₅₄ jui₂g₂ Efeso ia₁jaun₂ jui₂g'₅₄ dsa₂ i₂lin₅₄ a₂tsá₃ jme₃tag₂₃ juá'₅ a₂tsá₃ dsau₅, ⁴ on₃ gué'₂ tón'₃ jui₅ 'e₂ jág₁ a₂lē₁dsia₅ dsa₂, o₃ a₂'in₅ dsa₂ dsa₂ can'₅₄ i₂jme₁chan₂ ma₂líg'₂, jág₁ a₂tsá₃ líg'₂ jmi₂g₄ dsian₅. Jñia'₅₄ con'₂ dsiog₅ mi'₅₄ a₂tsin₅ dsa₂, 'nió'₄ a₂jme₁jme₃'o₅₄ a₂le₃tei₅₄ jniog₄ ta₁ quió'₅ Diú₄, a₂lē₂ tē₂le₃ quian'₅₄ a₂'én₂ dsa₂.

⁵ Jē₁ma₂le₁jé₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃ a₂ca₂tág₂ jniog₄ jmó₁, on₃juá'₅₄ a₂lē₁jmo₂ a₂'éin₂ né₃, jaun₂ gué'₄ lé₂ le₃jiá₃ lé₂ tē₂dsi₅ jniog₄ a₂jme₁'nio₃ rin'₅₄ le₂jau₂ le₂jau₂. Ta₁ jaun₂ qui'₅ 'éi'₃ la₂. ⁶ Ia₁ i₂lin₅₄ dsa₂ ma₂i₂lén₂ tē₂le₃ cau₅ ma₂i₂coín'₅ jui₅ quian'₅₄ jág₁ a₂tsá₃ ta₁ tí₄. ⁷ 'Nio₃ lén₂ tē₅juá'₅, la₁ jñia'₅₄ guioin₅₄ bá₄ tsá₃ jñi'₂ 'e₂ juá'₂ a₂jme₂tiin₂₃ dsa₂, ηag₅₄ rē'₂ 'ei₅ caun₂ dsi₅, nē₂jag₄ bá₄ a₂dsau₅ dsón'₂ a₂jme₂tag₂₃.

⁸ Ma₂ne₄ bá₄ jniog₄ a₂dse₃ bá₄ 'Éi'₃ nē₂juá'₂ ca₂jmó'₂ dsa₂ ta₁ con'₂ dsi₂ten₅₄. ⁹ Ma₂ne₄ jniog₄, 'i₁caun₂ 'éi'₃ tsá₃ ca₂quiog₂ Diú₄ quió'₅ dsa₂ dsen₃. O₄quió'₄ i₂jmo₅ 'lig'₅₄ bá₄ ca₂quiog₂ 'Éi'₃; o₄quió'₄ jui₁lia'₂ dsa₂ i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó'₃ Juá'₅, dsa₂ i₂jme₂dsian₅ chog₅₄-jmei₂, quió'₅ ca₂le₃jín₃ dsa₂ i₂jme₂dsian₅ dsa₂ né₃; ¹⁰ o₄quió'₄ jui₁lia'₂ dsa₂ i₂nió'₅ jág₁ a₂tsá₃ dsi₂ten₅₄ nió'₃, o₄quió'₄ jui₁lia'₂ dsa₂ ηe'₂ i₂nió'₅ jág₁ 'lig'₅₄ quian'₅₄ dsa₂ ηe'₂ rin'₅₄, o₄quió'₄ dsa₂ i₂'ang₅ 'in₅ dsa₂, o₄quió'₄ dsa₂ i₂jme₂gan₅ rin'₅₄, o₄quió'₄ dsa₂ i₂co₂jmo₅ jág₁ tē₂jág₁ 'iin₂₃ Diú₄, o₄quió'₄ dsa₂ i₂jmo₅ jui₁'e₂ gué'₄ cosa a₂tsá₃ lé₅ con'₂ lé₅ juá'₅ dse₃. ¹¹ Juá'₅ dse₃ la₂, co₂rē₂ bá₄ quín₅ quian'₅₄ jág₁ jlá'₁ a₂tín'₄ dsa₂, a₂ca₂dsia₃ Diú₄ Jñió₅ o₄gu₃ jniá₂.

Ia₁ 'ua₁ dsi₅ Diú₄ jaun₂ cuē₅ Pa₄ ti₁'mag'₄

¹² Cué₅ jniá₂ ti₁'mag'₄ Te₁gui'₅₄ Jesucristo quián₂ jniog₄, ia₁ qui₂ma₂cuē₃ bí₂ jmo₅ jniá₂ ta₁ la₂ quió'₅ a₂ma₂dsia₃ gu₃, ton'₂ ia₁ jág₂ bá₄ jniá₂ lia'₂ ja₁jín₂ jan₂ dsa₂ i₂rē₂ti'₅₄.

¹³ Ca₂jmo₃ Cristo ca₂le₃jé₃ nē₅ ja₁con₂ jniá₂, o₁jñia'₅₄ jme₁dsia₅ jniá₂ 'lig'₅₄ jme₁'ín₅ le₂jñiá₅, qui₂ca₂'éng₃ dsa₂ i₂jme₁quian'₅₄, qui₂ca₂jmai'₄ jniá₂ tsau₂ dsi₃ né₃. La₁ ca₂dsia₃ Te₁gui'₅₄ néi₂ dsi₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia'₂ con'₂ tsá₃ jme₁'éng₂. ¹⁴ Jaun₂ Te₁gui'₅₄ quián₂ jniog₄ 'ñio₅ lin₃ ca₂jmo₃ 'ua₁ dsi₅ ja₁cong₂, a₂ca₂rē₃'éng₂ le₃quió'₅ Cristo Jesús i₂'nio₃ gué'₄ lin₃.

¹⁵ Dsón'₂ dsau₅ bá₄ jág₁ la₂, jaun₂ ca₂le₃jín₃ 'nió'₅ le₃'én₂: Ta₁ jaun₂ guan₃ Cristo Jesús mi₂güí₃ la₂, a₂qui₃lióin₂ dsa₂ i₂le₁cán'₄ dso₄; jē₄ quió'₅ 'éi₂, jniá₂ líng₅ i₂le₂'uig₅₄ i₂rē₂cán'₄ gué'₄ dso₄. ¹⁶ La₁ Diú₄ ca₂dsia₃ néi₂ dsi₅ jniá₂, ia₁jaun₂ lén₂ jniá₂ i₂jáng'₃ jág₁ dsau₅ 'a₂ lia'₂ dsia₅ Jesucristo néi₂ dsi₅ lióin₂ dsa₂ i₂ñiá₂ rin₂ dso₄. Le₂jaun₂ bá₄ ma₂guio₃ jniá₂ quian'₅₄ ne₄ jui₅ ia₁jaun₂ jág₃ ca₂le₃jín₃ dsa₂ i₂le₃'én₂ tē₂le₃ quió'₅ Jesucristo ia₁jaun₂ le₃chain₂ co₂tan₅₄.

¹⁷ Jaun₂ lē₃, le₃quió'₅ Rag₅₄ i₂chan₂ co₂tan₅₄, i₂tsá₃ líg'₂ jmi₂g₄ jón₂, on₃ gué'₂ jniá₂, i₂jan₂ tan₅₄ Diú₄ i₂ñi'₂ dsi₅: jui₁jme₂go₃ dsa₂, jui₁jme₂juag'₂ dsa₂ ca₂le₃jé₃ jmi₂g₄ ηi₂ a₂já₅. A₂méi₃.

¹⁸ Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂ gog'₂, lia'₂ con'₂ lé₅ jág₁ dse₃ a₂ca₂cuë₃ Jme₂dsí₂ Jjió₅ ca₂cuë'₃ dsa₂ rin'₅₄ jniog₄ i₂ca₂'ag₃ ca₂'iin₃ 'ne₂ le₂jñiá₅: jmo₄ dsen₅₄ 'au'₂ a₂náu'₁ tiá₂ a₂quíng'₄ ne₄ 'nei₂ a₂gu₂dsí₂, tē₂le₃ quian'₅₄ jág₁ a₂ca₂cuë₃ dsa₂ jaun₂: ¹⁹ a₂chan'₅₄ tiá₂ a₂'éng'₂, a₂tsá₃ 'e₂ 'lig'₅₄ qui₂dsi₂jñi₅ 'au'₂ né₃. I₂lín₅₄ dsa₂, 'uig₅₄ ia₁ a₂ca₂dsia₃ cau₅ a₂nē₅ ca₂i₃'én₂ a₂'éin₂, nē₂jag₄ bá₄ caun₂ ni₁barco a₂ca₂lē₃ le₁jui₁g₁ le₁dsog'₅₄ ne₄ jmi₁ñí'₄. ²⁰ Le₂nē₅ bá₄ ca₂i₃ñí₂ Himeneo quian'₅₄ Alejandro i₂ma₂ca₂jñ'₄ jniá₂ ja₁con₂ i₂sē₃dsen₃ ia₁jaun₂ le₃'en₅₄ dsí₅ a₂tsá₃ ma₃juá'₂ 'lig'₅₄ tē₃'oin'₂ Diú₄.

2

Cuë₂₃ jág₁ dsau₅ 'a₂ lia'₂ chi₃lén'₂ dsa₂ Diú₄

¹ Jē₁le₂'uig₅₄, chi₁quian₅₄ jniá₂ jmi₁g₄ a₂mí'₁ 'nia'₂ ne₄ Diú₄, a₂chi₁lein'₅₄ 'nia'₂, a₂cuë'₅₄ 'nia'₂ ti₁'mag'₄ né₃, o₄quió'₄ ca₂le₃jñ₃ dsa₂, ² o₄quió'₄ jui₁lia'₂ rag₅₄, o₄quió'₄ ca₂le₃jñ₃ jui₁lia'₂ dsi₂tan₅₄, ia₁jaun₂ bá₄ lé₂ le₃'io₄ jniog₄ 'ei₅ tei₄ tsá₃ mi'₅₄ cha₂, ia₁jaun₂ chong₂ jniog₄ con'₂ dsi₂ten₅₄, le₁jé₃ jme₂dsí₂ quián₂ ne₄ ca₂le₃jé₃, le₃ne₄ Diú₄. ³ Ia₁ le₂nē₅ bá₄ dse₃, 'ñio₂ dsí₅ Diú₄ quián₂ jniog₄ i₂lió₂, ⁴ i₂'nio₃ líón₂ ca₂le₃jñ₃ dsa₂, ton'₂ 'nio₃ a₂dsi₁lén₂ ja₁le₃ñí'₂ dsí₅ jág₁ tí₅. ⁵ Jan₂ bá₄ Diú₄ chan₂, ton'₂ jan₂ bá₄ dsa₂ chan₂ i₂ñág₅ jág₁, i₂chén'₅ jē₄ quió'₅ Diú₄ quian'₅₄ dsa₂ mi₂güí₃g. Dsa₂ 'éi₂ lín₅ Cristo Jesús.* ⁶ 'Éi₂ né₃ ca₂jñin'₂ 'ñiog₅ ca₂quí₃ 'lia'₅₄ ia₁jaun₂ líón₂ ca₂le₃jñ₃ dsa₂. Jág₁ dsau₅ nē₅ né₃, ca₂rē₃ñi₅ dsa₂ jme₁ca₂tē₂ jmi₁g₄ a₂le₃ñi₅. ⁷ Ta₁ jaun₂ ca₂rē₃'ín₁ jniá₂ ia₁jaun₂ léng₂ jan₂ i₂'é₂ jág₁, jan₂ i₂chen₄ quián₅ Jesús né₃, jan₂ tē₅ i₂jme₂tín₅ dsi₂nau₂ jui₁lia'₂ 'a₂ lia'₂ lé₅ a₂'én₂ dsa₂, 'a₂ lia'₂ lé₅ jág₁ tí₅ né₃. Jág₁ dsau₅ bá₄ a₂juá'₅, † tsá₃ tē₂jíng₁.

⁸ Jaun₂ 'nio₃ jniá₂ a₂chi₃lén'₂ dsa₂ Diú₄ ca₂le₂con₂, a₂qui₃chóg'₃ gu₂ qui₂le₁jé₃ tē₂dsí₅, on₃jua'₅₄ a₂'i₄ 'nei₂ dsí₅, on₃ guë'₂ a₂qui₂tsin₂₃ quian'₅₄ riin'₅₄. ⁹ 'Io₅₄ guë'₂ né₃ 'nió'₅ quí'₃ tsin'₅₄ con'₂ dsi₂ten₅₄, dse₃ jniá₂, li'₅₄ quió'₅. Jui₁jmoi'₅₄ a₂rē₂lín₅₄, on₃jua'₅₄ quian'₅₄ a₂ñí₄ lē₃jlá'₁ qui₂rē₂lag₄ dsi₅₄, on₃ guë'₂ quian'₅₄ cu₄nió₄g, on₃ guë'₂ quian'₅₄ mí₁g₂ perlas ató'₅ lag₅₄, on₃ guë'₂ quian'₅₄ tsin'₅₄ 'mu'₅₄ né₃; ¹⁰ tē₂le₃ quian'₅₄ a₂dse₃ a₂qui₂jmo₂₃ bá₄ 'nió'₅ jmói'₂, jui₁lia'₂ ca₂tín₂ jmo₃ dsa₂ mí₂ i₂ma₂jñ'₂ ja₁con₂ Diú₄. ¹¹ Dse₃ bá₄ tón'₃ 'io₅₄ tei₄, nag₃, gue₃ jág₁ quió'₅ Diú₄ a₂jme₂tag₅ dsa₂, a₂caun₂ nei'₅₄ jē₄ ca₂le₃jé₃. ¹² Tsá₃ cuë₅ jniá₂ jmi₁g₄ jua'₅₄ a₂jme₃tag₅ 'io₅₄, on₃ guë'₂ jua'₅₄ jmo₃ 'éi'₃ ja₁con₂ dsa₂ ñe'₂. Jñia'₅₄ lia'₂ 'nió'₅ jmo₃ tei₄ bá₄. ¹³ Ia₁ Adán bá₄ i₂le₂'uig₅₄ ca₂jmó'₂ Diú₄; cang₂ bá₄ ca₂jmói'₂ Eva. ¹⁴ Jaun₂ on₃jua'₅₄ Adán i₂ca₂rē₃gán₃; 'io₅₄ bá₄ i₂ca₂rē₃gán₃ jaun₂ ca₂táin'₂ dso₄. ¹⁵ La₁ia₁, líón₂ bá₄ 'io₅₄ nē₁jua'₂ jme₂cain'₅₄ chi'₂-guein₂ quián₅, chi₂jua'₂ caun₂ 'éin₂ jág₁ quió'₅ Diú₄, caun₂ 'nioi₃ riin'₅₄, caun₂ chain₂ le₁jé₃ jme₂dsí₂ quió'₅, a₂li'₅₄ quió'₅ né₃.

3

'A₂ lia'₂ ca₂tín₂ jmo₃ jui₁lia'₂ dsa₂ i₂cán₂ ne₄ jui₅ quián₅ guá'₅

¹ Dsón'₂ bá₄ dsau₅ jág₁ la₂: chi₂jua'₂ 'ein₂ 'nia'₂ 'nio₃ cán₂ ne₄ jui₅ jñia₃ rin'₅₄,* ta₁ dse₃ bá₄ jaun₂ 'ín₅ dsí₅. ² Jaun₂ lē₃ juá'₅ jniá₂, dsa₂ i₂chén'₅ ne₄ jui₅a tsá₃ 'nió'₅ jua'₅₄ cha₂ ja₁coin₂ a₂lé₂ le₃bóg'₂ dsa₂ dso₄, jua'₅₄ a₂'ag₃ 'lig'₅₄. Ján₃ guë'₂, jan₂ bá₄ 'io₅₄ quián₅ i₂guá₅ quian'₅₄; 'en₅₄ dsí₅ 'nió'₅ lén₂; li'₅₄ quió'₅, i₂ñi₅ con'₂ dse₃ jniá₂, qui₂guein₃ dsa₂ dsi₂néi₂ quió'₅, qui'₅₄ jmi₁g₄ jme₃tín₂₃ dsa₂. ³ Tsá₃ 'nió'₅ ñi₃ 'ein₅, on₃ guë'₂ qui₃'no₃ mi'₅₄, on₃ guë'₂ 'nió'₅ jmo₃ 'ín₅ dsí₅ jua'₅₄ a₂lē₁'nio₃ lí'₂ cu₄ quió'₅ dsa₂. Tē₂le₃ 'nió'₅ ñi₃ caun₂ tei₄ jmo₃ 'ua₁ dsí₅ quian'₅₄ riin'₅₄, tsá₃ 'nió'₅ jmo₃ jua'₅₄ a₂ñí₄ lē₃ 'ín₅ dsí₅ cu₄. ⁴ 'Nió'₅ ñi₅ 'a₂ lia'₂ jñiai₃ dsa₂ dsi₂néi₂ quió'₅, 'a₂ lia'₂ co₂jéin'₂ chí'₂ quián₅ ia₁jaun₂ bá₄ jme₂go₃ chí'₂ quián₅ ne₄ ca₂le₃jé₃. ⁵ Ia₁ nē₁jua'₂ tsá₃ ñi₅ 'a₂ lia'₂ jñiai₃ dsa₂ dsi₂néi₂ quió'₅ né₃, ¿'a₂ bá₄ lia'₂ lē₂

* 2:5 o₃, "Jesucristo." † 2:7 A₂lín₅₄ chog₅₄ si₂juá'₂ ján₃: "le₃quió'₅ Cristo." * 3:1 griego: episkopos.

le₃jmo₃ 'í₁ guá'₅ quián₅ Diú₄? ⁶ Tsá₃ 'nió'₅ cán₂ ne₄ jui₅ quió'₅ guá'₅ jan₂ i₂tē₂ca₂rē₃'én₂. Ia₁ con'₂ tsá₃ ŋó₅ nē₁jua'₂ 'ŋio₅ ca₂jmo₃ róin₂, tiáin'₃ jui₁lia'₂ ca₂tán'₂ i₂sē₃dsen₃. ⁷ Ján₃ bá₄ 'nió'₅ 'ei₅ jág₁ dse₃ quió'₅ jin₄ dsa₂ i₂tsá₃ 'én₂, ia₁ con'₂ tsá₃ ŋó₅ nē₁ca₂tán'₂ jág₁ lia'₂ chain₂, a₂tiáin'₂ tsi₁cág'₅ quió'₅ i₂sē₃dsen₃ né₃.

A₂ lia'₂ 'nió'₅ jmo₃ dsa₂ i₂jme₂'o₅₄ quián₅ guá'₅

⁸ Le₂nē₅ bá₄ ján₃, 'nió'₅ jmo₃ dsa₂ i₂jme₂'o₅₄a quián₅ guá'₅, 'nió'₅ lén₂ dsa₂ i₂'en₅₄ dsí₅ ján₃, i₂quian₅ caun₂ jui₅ dse₃. Tsá₃ 'nió'₅ lén₂ dsa₂ i₂lē₁qui₂co₅ jág₁ quió'₅, on₃ guē'₂ 'nió'₅ i₃nioi₅₄ 'ein₅, tsá₃ 'nió'₅ jmo₃ 'ín₅ dsí₅ jua'₅₄ a₂lē₁'nio₃ lí'₂ cu₄ quió'₅ dsa₂. ⁹ 'Nió'₅ jmo₃ 'í₁ jág₁ dse₃ a₂rē₂'ma₄ quió'₅ Diú₄ a₂'éin₂ jniog₄, a₂le₁jé₃ tē₂dsí₅. ¹⁰ 'Nió'₅ con₂ de'₂ dsa₂ 'í₁ quió'₅ ca₂le₃jín₃ con'₂ dsa₂ i₂lén₂ i₂jme₂'o₅₄ nē₁jua'₂ 'a₂ lia'₂ lín₅. Nē₁jua'₂ tsá₃ 'e₂ riin₂, jaun₂ gué'₄ dsi₂ten₅₄ lén₂ dsa₂ i₂jme₂'o₅₄a quián₅ guá'₅. ¹¹ Jui₁lia'₂ dsa₂ mí₂ guē'₂ né₃, ján₃ bá₄ le₂jaun₂ 'nió'₅ lí'₅₄ quió'₅, tsá₃ 'nió'₅ a₂lē₁bóg'₂ dso₄. 'Nió'₅ 'en₅₄ dsí₅ lén₂, rē₂ti'₅₄ jē₄ ca₂le₃jé₃ né₃. ¹² I₂jme₂'o₅₄ quián₅ guá'₅₄ 'nió'₅ jmo₃ ján₃, jan₂ bá₄ 'io₅₄ quián₅ i₂rē₂jen'₂ gu₂ quián₅₄. Jaun₂ 'nió'₅ ŋi₅ 'a₂ lia'₂ co₂jéin'₂ con'₂ dsi₂ten₅₄ chí'₂ quián₅, quian'₅₄ dsa₂ dsi₂néi₂ quió'₅ né₃. ¹³ Ia₁ jui₁lia'₂ dsa₂ i₂jme₂'o₅₄† i₂rē₂ti'₅₄ dse₃ ta₁ quió'₅ a₂lín₅, lí'₄ a₂'ag₃ dsa₂ dse₃ quió'₅, ton'₂ ján₃ guē'₂ caun₂ gué'₄ 'ag₃ dsí₅ a₂dsia₃ 'a₂ lia'₂ 'éin₂ tē₂le₃ quió'₅ Cristo Jesús.

Le₂la₂ lé₅ jág₁ quió'₅ Diú₄ a₂'éin₂ jniog₄

¹⁴ 'ín₂ dsí₃ jniá₂ nei₅₄ ŋi'₅₄ ta₁ i₁jing₁₂ 'ne₂. La₁ né'₃ a₂dsióg₄, jmo₂₃ si₂ la₂, ¹⁵ ia₁jaun₂ nē₁jua'₂ ca₂rē₃'ing₅₄, le₃ŋi'₅₄ bá₄ 'a₂ lia'₂ ca₂tín₂ i₃nio₄ dsa₂ dsi₂néi₂ quió'₅ Diú₄, i₂lín₅ guá'₅ quián₅ Diú₄ jén'₃, co₂'nió'₄ 'uig₅₄ 'ia'₂, 'ma₂dsi₅ né₃, quió'₅ jág₁ tí₅. ¹⁶ Dsón'₂ bá₄ jué'₂ juá'₅ a₂'éin₂ jniog₄, a₂jme₁rē₂'ma₄ le₂jniá₅:
Ca₂guan₃ Diú₄ chí₁dsain₂;

ca₂jme₃jniog₅ Jme₂dsí₂ a₂lín₅ i₂dsen₃;
ca₂jág₂ ángeles;

ca₂rē₃'é₂ jág₁, ca₂'ag₃ dsa₂ jin₄ dsi₂nau₂;

ca₂rē₃'én₂ dsa₂ mi₂güí₃ jág₁ quió'₅;

ca₂guéi'₂ táng₃ Jmei₂ guei'₅₄ i₂juí₃ né₃.

4

Dsa₂ i₂dsi₃lén₂ cau₅, qui₃tí₂ jág₁ quió'₅ Diú₄

¹ Lia'₂ tí₅ jág₁ dsón'₂ bá₄ ma₂ca₂juá'₂ Jme₂dsí₂ quián₅ Diú₄ 'a₂ lia'₂ lé₂ jmi₃g₄ jē₁ca₂tó'₂. I₂lín₅₄ dsa₂ dsi₃lén₂ cau₅, tí₂ jág₁ a₂'éin₂ jniog₄, tón'₂ jui₅ jág₁ quió'₅ jme₂dsí₂ i₂jui₁gan₂, jág₁ juá'₅ a₂já₅ quió'₅ je₂na'₅₄ né₃, ² a₂jme₂tag₅ dsa₂ i₂jñia'₅₄ qui₂le₁'ág₄ dse₃ o₁ne₁, i₂co₂jmo₅ jág₁ tē₂jág₁, i₂tsá₃ ma₃'e₂ qui₂dsi₂jñi₅ dsí₅ ia₁ ma₂lé₅ dsí₅ nē₂jag₄ bá₄ a₂ma₂caú₂ quian'₅₄ ni₁ŋi₁ dséi₂. ³ Jme₃tag₂₃ a₂tsá₃ ma₃jén'₂ dsa₂ gu₂; a₂lín₅₄ má₃ guē'₂ né₃ tsá₃ ma₃cuē₃ jmi₃g₄ jua'₅₄ a₂gué'₃ gué'₄ dsa₂, o₁jñia'₅₄ ca₂jmo₃ Diú₄ ca₂le₃jé₃ ne₅₄ cosa ia₁jaun₂ gué'₃ dsa₂ i₂'én₂ i₂cuí'₅ jág₁ dsau₅, a₂cuē₃ ti₁'mag'₄ né₃. ⁴ A₂dse₃ jē₂ bá₄ a₂ca₂jmo₃ Diú₄. Jaun₂ dse₃ bá₄ guéi'₁ jniog₄ cuē₅₄ ti₁'mag'₄ Diú₄, tsá₃ 'nió'₅ jua'₅₄ a₂tsá₃ guéi'₁. ⁵ Ia₁ ma₂ron₅ jág₁ quió'₅ Diú₄, juá'₂ a₂le₁jé₃ bá₄ jaun₂. Jme₂jñió₃ bá₄ Diú₄ jme₁cuē₅ dsa₂ ti₁'mag'₄.

Dsa₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂tíng'₁ dsa₂ rin'₅₄ jniog₄ le₂nē₅, léng'₂ dsa₂ dsen₃ i₂jme₂ti₃ ta₁ ne₄ Jesucristo. Qui₂rē₂tang'₅₄, rē₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ né₃. ⁷ La₁ tsá₃ lē₁tón'₂ jui₅ jág₁ co₄ a₂lē₁dsia₅ dsa₂ mi₂güí₃, on₃ guē'₂ tón'₂ jui₅ cuentos a₂le₁dsia₅ guiong'₂ can'₅₄ né₃. Caun₂ jme₁dsau₅ quiáng'₂ tē₂le₃ quió'₅ Diú₄. ⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dséi₂ ni₁ŋi₁₂ jui₁lia'₂ jme₁co₂₃. La₁ 'ŋio₅ lín₃

† 3:13 griego: diakonous.

gué⁴ dse₃ jme₃dsau₅ dsa₂ të₂le₃ quió'⁵ jme₂dsí₂ quió'⁵ a₂'nioi₃ Diú₄. Ia₁ a₂në₅ bá₄ cué₃ a₂dse₃ quián₂ jniog₄ mi₂güí₃ caun₂, on₃jua'⁵⁴ jmá'³ ne₄ gua'⁵⁴ 'uë₃ la₂. ⁹ Ca₂le₃jín₃ bá₄ 'nió'⁵ le₃'én₂ jág₁ la₂, ia₁ të₃dsón'² bá₄ dsau₅. ¹⁰ A₂jaun₂ bá₄ lë₃ dsen₅₄ dsi₅ jmo₂ jniog₄ ta₁, qui₂jnú'² dsa₂ jág₁ uig₅, ia₁ ma₂ca₂'éi₁ jniog₄ caun₂ dsi₅ të₂le₃ quió'⁵ Diú₄ jén'³ të₃dsón'² i₂lín₅ i₂lió₂ quián₅ ca₂le₃jín₃ dsa₂, la₁ të₂le₃ dsen₅₄ gué⁴ quián₅ dsa₂ i₂'én₂.

¹¹ Jág₁ në₅ ca₂tíng'² jui₅'⁵⁴ dsa₂, jme₁tíin'² né₃. ¹² Tsá₃ lë₁cuín₅ jmig₄ jua'⁵⁴ a₂tsá₃ jme₃go₃ dsa₂ ia₁ a₂meg'². Të₂le₃ 'ñio₅ lín₃ gué⁴ ca₂tíng'² cán'¹ ne₄ jui₅ a₂jmó'² a₂dse₃ ia₁jaun₂ jág₃ ca₂le₃jín₃ dsa₂ i₂'én₂: jui₁lia'² 'a₂ lia'² lé₅ jág₁ quiáng'², jme₁dsia'² jág₁, jui₁lia'² 'a₂ lia'² chang'² ñi'², jui₁lia'² 'a₂ lia'² 'nió'³ 'ne₂ dsa₂ ríng'², jui₁lia'² 'a₂ lia'² 'éng'², jui₁lia'² 'a₂ lia'² chang'² a₂le₃jé₃ të₂'au'² né₃. ¹³ Të₁lia'² tsá₃ ma₂dsióg₃ jniá₂, 'í₁ Si₂ quió'⁵ Diú₄ jin₄ dsa₂; tío_{in}'² jág₁ dse₃ jme₁tíin₅ né₃. ¹⁴ Tsá₃ jui₁dsi₂'én₂ 'au'² a₂ma₂cué₃ Diú₄ a₂ma₂tíng'² a₂ca₂ñig'² të₂le₃ quian'⁵⁴ dsa₂ can'⁵⁴ rin'⁵⁴ jniog₄ i₂ca₂quiog₂ gu₂ ne₄ quiáng'².

¹⁵ Dsen₅₄ 'au'² jmo₄ jme₁dsau₅ quiáng'² ca₂le₃jé₃ a₂në₅, ia₁jaun₂ le₃lí'⁴ dsa₂ a₂ma₂dsi₂jniág'⁴ a₂tíng'². ¹⁶ Jmo₄ 'í₁ 'ñiag'², ján₃ guë'² le₂jaun₂ quian'⁵⁴ juá'⁵ a₂jme₂tíng'¹ dsa₂. Caun₂ jmo₄ bá₄ a₂në₅. Në₁jua'² ca₂jme₁ti'⁴ ca₂le₃jé₃ a₂në₅, long'⁵⁴ 'ñiag'², ján₃ guë'² long'⁵⁴ ca₂le₃jín₃ i₂nag₅ jág₁ quiáng'².

5

'A₂ lia'² 'nió'⁵ jmo₃ jin₄ dsa₂ 'én₂ riin'⁵⁴

¹ Tsá₃ lë₁të₂jén₅ jui₁lia'² dsa₂ ma₂guen'². Të₂le₃ 'nió'⁵ tío_{in}'² jág₁, jmo₄ bá₄ 'au'² co₂'nió'⁴ ñéi'⁵. Ján₃ guë'² le₂jaun₂ dsa₂ ñe'² chi'², jmo₄ 'au'² jjin₅₄ lia'² ja₁jíng'⁵⁴ ríng'². ² Ján₃ guë'² le₂jaun₂ jui₁lia'² dsa₂ mí₂ ma₂guen'² né₃, jme₁'nió₄ jui₁lia'² 'nióg'³ chog'². Le₂jaun₂ guë'² jui₁lia'² 'io₅₄ chi'², jjin₅₄ jme₁'nió₄ jui₁lia'² ja₁'nióg'³ 'io₅₄ ríng'² ján₃, a₂le₁jé₃ 'au'² co₂ñei'⁵⁴.

³ Jui₁lia'² 'io₅₄ 'nág₂ guë'² né₃, jme₁'oin₅₄ në₁jua'² léi₄ a₂'nió'⁵ dsón'² quió'⁵. ⁴ La₁ në₁jua'² jan₂ dsa₂ mí₂ 'nág₂ chan₂ chi'² quián₅ o₃ chi'² dsio₅₄ 'e₂, i₂'éi₂ bá₄ le₂'uig₅₄ ca₂tín₂ jme₃tín₅ dsí₅ nio₃ ne₅₄ chog₅₄, a₂jéin'⁵ dsí₅ jme₃'nioi₃ chog₅₄ ia₁ ma₂ca₂jme₃cau'⁵⁴. Ia₁ le₂në₅ bá₄ dse₃, 'ñio₂ dsí₅ Diú₄. ⁵ 'Io₅₄ 'nág₂ i₂të₃dsón'² tsá₃ 'ein₂ chan₂ quián₅, caun₂ a₂jaun₂ bá₄ chain₂ 'ín₂ dsí₅ le₃quió'⁵ Diú₄ bá₄, chi₂lén'² Diú₄ 'uë₂-jmi₂ m₂₃ 'e₂ 'nió'⁵ quió'⁵. ⁶ La₁ në₁jua'² 'io₅₄ 'nág₂ i₂lë₁ñi₅ cué'⁵ o₂'ñio₃ o₂jñia₃ dsi₅ 'ñiog₅ né₃, co₂'nió'⁴ 'lag₄ bá₄ 'éi₂ chan₂. ⁷ Jaun₂ ca₂le₃jé₃ a₂në₅ chei'⁵⁴ dsa₂ jaun₂ tsá₃ 'e₂ cha₂ jua'⁵⁴ a₂cuín₃ jmig₄ 'ag₃ dsa₂ 'lig'⁵⁴. ⁸ Në₁jua'² chan₂ i₂tsá₃ jui₅ tón'² 'e₂ ta₁ chain₂ quian'⁵⁴ i₂chan₂ quián₅, la₁ 'ñio₅ lín₃ gué⁴ në₁jua'² tsá₃ tóin'² jui₅ i₂chan₂ dsi₂néi₂ quió'⁵ 'ñiog₅ né₃, ma₂dsia₃ cau₅ a₂'éin₂; i₂le₂'éi₂ lín₅ tson₂ gué⁴ lia'² dsa₂ i₂tsá₃ 'én₂.

⁹ 'Nió'⁵ të₃ton₅₄ ne₄ si₂ jmá'³ 'io₅₄ 'nág₂ i₂ma₂tíon'⁵⁴ lé₅ gué⁴ ma₃'nag'² ne₂guióg₂ ñi₂, i₂ma₂jñia₃ jan₂ bá₄ dsi₂i₂gu₂. ¹⁰ 'Nió'⁴ dsa₂ i₂ma₂cuín₅ dsa₂ dse₃, a₂dsón'² bá₄ dsein₃, dse₃ bá₄ ta₁ jë₁ma₂jás, jui₁lia'² chi₂jua'² ma₂ca₂jme₃cain'⁵⁴ chi'²-guein₂ quián₅, chi₂jua'² ma₂qui₂ma₂cué₃ bá₄ 'ñio₂ dsí₅ dsi₂néi₂ quió'⁵ ma₂qui₂ma₂jñia₃ dsa₂, chi₂jua'² ma₂ca₂jme₃ti₃ bá₄ ta₁ 'ñio₂ dsí₅ ne₄ dsa₂ rin'⁵⁴ jniog₄ i₂'én₂,* tsá₃ jmo₂₃ dsí₅ jua'⁵⁴ quein₅ gué⁴ con'² gué⁴ riin'⁵⁴, chi₂jua'² ma₂ca₂jme₃oin₅₄ bá₄ i₂chan₂ o₂i₁ dsi₅, chi₂jua'² ma₂jmo₃ ca₂le₃jé₃ ne₅₄ a₂dse₃ né₃. ¹¹ La₁ tsá₃ të₃ton₅₄ ne₄ si₂ 'io₅₄ 'nág₂ i₂tíon'⁵⁴ me'² gué⁴ ñi₂, ia₁ jë₁ma₂ca₂lë₃ dsí₅ 'ñio₅ lín₃ gué⁴ tón'² jui₅ a₂mi₅ dsí₅ con'² gué⁴ a₂jme₃ti₃ ta₁ a₂tíon₂ ne₄ Cristo, gu₂ bá₄ tiá₂ 'nio₃ jéin'³ tángs. ¹² Le₂në₅ bá₄ rë₂cáin'⁴ ia₁ tsá₃ ca₂rë₃ti'⁵⁴ jág₁ quió'⁵ a₂ma₂cué₃. ¹³ Ján₃ guë'² con'² tsá₃ ñó₅ në₁jua'² ca₂rë₃tín₃ dsí₅ jñia'⁵⁴ i₂nioi₅₄ të₂juiin₂ tsi₁jjin₁₂. Ján₃ guë'² le₂jaun₂, on₃jua'⁵⁴ rë'² jñia'⁵⁴ tíin₂ i₂nioi₅₄ tsi₁jjin₁₂, dsi₂lén₂ le₂'í₁ 'né₅ ton'² qui₂i₂quian₅₄ jág₁ a₂la₂ a₂ó₃, qui₂tiáin₂ ja₁tsá₃ ca₂tíin₂. ¹⁴ Jaun₂ lë₃ 'nio₃ jniá₂ co₂ñei'⁵⁴

* 5:10 lit. "chi₂jua'² ma₂qui₂ma₂rang₃ mi₂tag₄ dsa₂ jñio₅."

jén'₂ táng₃ gu₂ jui'₁ lia'₂ 'io₅₄ 'nág₂ chi'₂, jui'₁ le₂ chan₂ chi'₂-guein₂ quiáin₅, jui'₁ lein₅₄ bá₄ dsa₂ i₂niog₅ gu₂ dsi₂néi₂. Jaun₂ tsá₃ cui₃ jmig₄ jmo₃ i₂sē₃dsen₃ lé₂ dsí₅ dsa₂ 'ag₃ 'lig'₅₄. ¹⁵ Ia₁ i₂lín₅₄ ma₂i₂léin₂ cau₅, 'ein₂₃ Satanás.

¹⁶ Chi₂jua'₂ chan₂ rin'₅₄ jniog₄ dsa₂ ŋe'₂, o₃ dsa₂ mí₂ 'e₂, † chi₂jua'₂ chan₂ dsa₂ 'nág₂ quió'₅, ne₄ 'éi₂ nio₃ 'e₂ 'nió'₅ quió'₅ dsa₂ 'nág₂, ia₁jaun₂ tsá₃ ŋí₄ lē₃ guei₂ cán₂ guá'₅, ia₁jaun₂ bá₄ cui₃ jmig₄ lé₂ le₃jme₃'o₅₄ guá'₅ jmá'₃ quió'₅ 'io₅₄ 'nág₂ i₂'nió'₅ dsón'₂ quió'₅.

¹⁷ Dsa₂ can'₅₄ i₂jmo₅ 'éi'₃ dse₃ guá'₅, tin₃ ráun₂ lé₅ gué₄ 'nió'₅ jme₃go₃ dsa₂, jág₂ dsa₂ dse₃. La₁ 'ŋio₅ lín₃ gué₄ ca₂tín₂ dsa₂ jín₂ dse₃ jme₃'nioi₃ i₂jmo₅ ta₁ i₂cuē₅ jág₁ jme₂tag₂₃. ¹⁸ Ia₁ ne₄ Si₂ quió'₅ Diú₄ juá'₂: “Tsá₃ lē₁tó'₂ 'nei₅₄ mi₂'o₄ ca₁jui₅ i₂jmo₅ ta₁ qui₂tsó'₅ i₂'uig₂ míg₂ trigo.” ‡ Ján₃ guē'₂ le₂jaun₂ juá'₂ Si₂: “Ca₂tín₂ bá₄ dsa₂ i₂jmo₅ ta₁ gue₃ 'liain'₅₄.” §

¹⁹ Tsá₃ lē₁tón'₂ jui₅ nē₁jua'₂ chan₂ 'ein₂ dsia₅ dso₄ 'nii₂₃ jan₂ gui'₅₄ can'₅₄ nē₁jua'₂ tsá₃ tión₂ on₃-ún₂ dsa₂ i₂jáng'₃ jág₁ dsau₅.* ²⁰ La₁ jui'₁ lia'₂ dsa₂ i₂caun₂ 'no₅ dso₄, tē₂jéin₃ tē₃jē₄ ja₁le₁ŋí'₂ 'nia'₂ ca₂le₃jín'₃, ia₁jaun₂ tē₃ ne₄ ca₂le₃jín₃ jaun₂ le₃gó'₃ ján₃. ²¹ O₄quió'₄ Diú₄, quian'₅₄ Te₁gui'₅₄ Jesucristo, quian'₅₄ ca₂le₃jín₃ ángeles i₂ma₂quióin'₂, cuē₅ jniá₂ 'éi'₃ la₂ ia₁jaun₂ jme'ti'₄ 'ne₂: Tsá₃ jmó'₂ jua'₅₄ a₂jín'₅₄ jma₃quén₅ ríng'₂ a₂jmó'₂ i₂lín₅₄ tē₁jéng'₄, i₂lín₅₄ gué'₂ tsá₃ tē₁jéng'₄. Co₂rē₂ bá₄ tē₁jéng'₄ con'₂ i₂ca₂tín₂ dsi₃jen₅₄. ²² Tsá₃ caun₂ lē₁'ín₅ † de'₂ tē₂le₃ dséi₂ dsa₂ i₂jio₃ cán₂ ne₄ jui₅ guá'₅, con'₂ tsá₃ ŋó₅ nē₁jua'₂ le₃jio₄ 'ne₂ ca₂rē₃cáng'₂ dsáu₁ i₂sián'₂. Jmo₄ 'í₁ a₂chang'₂ le₁jé₃ tē₂'au'₂.

²³ Ia₁ a₂rē₂dsong'₅₄ i₂gú'₃ ton₅ dso₄ tog'₂, tsá₃ ma₃'nió'₅ 'ag'₅₄ jmá'₃ jmig₂; 'én'₂ ca₂la₂ vino ján₃.

²⁴ Dso₄ a₂'no₅ dsa₂ i₂lín₅₄ a₂léi₄, jniá₂ dse₃ bá₄ né'₃ a₂dsi₁lein₃ ja₁jáng'₃ cuenta quió'₅. Quió'₅ i₂lín₅₄ gué'₂ tsá₃ léi₄ dsi₂jui₅. Cang₂ bá₄ rē₂léi₄. ²⁵ Ján₃ guē'₂ le₂jaun₂, chi₂jua'₂ 'e₂ dse₃ jmo₅ dsa₂, rē₂léi₄, jniá₂ bá₄. O₁jŋia'₅₄ tsá₃ qui₂rē₂jniá₂ dsi₂jui₅, tion₅₄ bá₄ rē₂jniá₂ jui₁la₂ 'ióg₃.

6

¹ Dsa₂ i₂jme₂ti₃ ta₁ ne₄ juig₅₄ 'nió'₅ jme₃gain₃ juig₅₄ ia₁jaun₂ tsá₃ chi₂'ag₃ dsa₂ 'lig'₅₄ 'iin₃ Diú₄, on₃ gué'₂ 'ē₃ dsa₂ 'lig'₅₄ 'e₂ jme₂tín₁ jniog₄ dsa₂. ² Chi₂jua'₂ chan₂ juig₅₄ i₂'én₂ né₃, tsá₃ jua'₅₄ jaun₂ 'nió'₅ jme₃go₃ dsa₂ me'₂ gué₄ ia₁ lín₅ dsa₂ 'én₂ riin'₅₄. Co₂rē₂ bá₄ 'nió'₅ jme₃gan₃ dsa₂ riin'₅₄ con'₂ riin'₅₄ i₂'én₂ tē₂le₃ quió'₅ Cristo. Tē₂le₃ 'nió'₅ jme₃ti₃ gué₄ dsa₂ dse₃ ta₁ ne₁₂, ia₁ a₂lín₅ dsa₂ 'én₂ rin'₅₄ i₂'nió₄. Le₂nē₅ jme₁tín₅ dsa₂, tioen'₂ jág₁ né₃.

'Ag₅ dsa₂ dse₃ dsí₅ jmo₂₃ 'io'₂ quian'₅₄ juá'₅

³ Chi₂jua'₂ chan₂ i₂jme₂tag₅ le₂siá'₂, ton'₂ tsá₃ dsáu₅ dsí₅ jág₁ dse₃ quió'₅ Te₁gui'₅₄ Jesucristo, on₃ gué₄ juá'₅ quió'₅ Diú₄ né₃, ⁴ a₂jŋia'₅₄ con'₂ jme₂rón₂ 'ŋiog₅ bá₄ dsa₂ 'éi₂, 'i₁ca₂juig₄ tsá₃ 'e₂ ŋí'₂ dsí₅. Nē₂jag₄ bá₄ i₂dso'₅₄ bá₄ i₂le₂'éi₂, ia₁ a₂jŋia'₅₄ 'nio₃ dsia₃ mi'₅₄ quian'₅₄ jág₁. 'Uig₅₄ jaun₂ ja₂ uig₅ dsí₅ dsa₂, qui₂tsin₅ dsa₂, qui₂jné'₂ dsa₂ jág₁ uig₅ riin'₅₄, tsá₃ 'e₂ dse₃ jín₂ dsa₂ riin'₅₄ né₃. ⁵ Lé₅ bá₄ caun₂ jŋia'₅₄ niog₅ mi'₅₄ tsá₃ dsian₅ lé₅ jín₄ dsa₂ i₂tsá₃ dse₃ qui₂dsi₂jio₅ dsí₅. Tsá₃ ma₃'e₂ jág₁ dsau₅ cui'₅; lín₂ quian'₅₄ juá'₅ a₂jme₂tag₂₃, a₂tē₃dsi₅₄ quió'₅. [Co₂dsia₅ jŋiag'₃ cau₅, tsá₃ lē₁'ú₅ quian'₅₄ dsa₂ i₂le₂'éi₂.]* ⁶ Dsau₅ bá₄ jaun₂ a₂quen₅ juá'₅, la₁ia₁ a₂tē₁dsi₅₄ gué₄ lín₃ le₃quió'₅ dsa₂ i₂le₁'ág₄ tei₄ dsí₅, i₂chan₂ ma₂dsáu₅ dsí₅ 'e₂ cha₂ quió'₅. ⁷ Ia₁ 'i₁caun₂ tsá₃ 'e₂ le₁quian₁ jniog₄ ca₂o₃náu₅ mi₂güig₃ la₂, on₃ gué'₂ cha₂ jua'₅₄ a₂lé₂ le₃quiong₅₄ 'i₁caun₂ táng₃. ⁸ Ia₁ nē₁jua'₂ cha₂ bá₄ a₂que₅₄, cha₂ bá₄ tsin'₅₄ jniog₄ né₃, co₂jaun₂ bá₄ gué'₂ jŋia'₅₄ 'nió'₅ le₃'éi₁ jniog₄ tei₄ dsí₅ jmó'₁ 'io'₂. ⁹ La₁ jui'₁ lia'₂ dsa₂ i₂'ín₅ dsí₅ le₃cha₂ cu₄ né₃, tsi₂sēin'₂ dso₄, tsi₂sēin'₂ 'ŋió'₃ tsi₁cág'₅ quió'₅ i₂sē₃dsen₃,

† 5:16 A₂lín₅₄ chog₅₄ si₂: “Chi₂jua'₂ chan₂ dsa₂ mí₂ rin'₅₄ jniog₄.” ‡ 5:18 Deuteronomio 25:4.

§ 5:18 Lucas 10:7. * 5:19 'Nio'₂ ja₁ton₅ Números 35:30, Deuteronomio 17:6. † 5:22 lit. “Tsá₃ caun₂ dsia'₁ gog'₂ de'₂ tē₂le₃ dséi₂.” * 6:5 A₂lín₅₄ chog₅₄ si₂ tsá₃ le₁ton₅ jág₁ nē₅.

ne₄ ca₂le₃jé₃ a₂'ín₅ dsí₅ a₂tsá₃ ta₁ tí₄, a₂jmóg'₂ dain₅₄, a₂dsi₂'éin₂ né₃. ¹⁰ Ia₁ a₂ñí₄ lë₃ 'ín₅ dsí₅ dsa₂ le₃cha₂ cu₄, 'uig₅₄ jaun₂ lé₂ le₃jio₃ ca₂le₃jé₃ ne₅₄ jui₅ 'lig'₅₄. Chan₂ i₂lin₅₄ ia₁ a₂'ín₅ dsí₅ a₂jaun₂, ma₂i₂léin₂ cau₅ jui₅ a₂jme₁'éin₂; a₂'u_{in}₅₄ guioin₅₄ ma₂chain₂ jmi₁uig₅ 'ñio₅ lin₃.

*Dsa*₂ i₂quín'₅ bí₂ ia₁ 'éin₂

¹¹ La₁ 'ne₂, dsa₂ quián₅ Diú₄, co₂dsia₅ cuin'₅₄ ca₂le₃jé₃ a₂në₅. Co₂dsia₅ ñi₄ bá₄ quian₂ caun₂ jui₅ co₂dsau₅, jme₁dsau₅ quiáng'₂ të₂le₃ quió'₅ Diú₄, caun₂ 'én₂ bá₄, chan'₂ tiá₂ jág₁, caun₂ jme₁'nió₄ ríng'₂, jme₁jui_{in}'₂ 'au'₂, jmo₄ meg'₂ né₃. ¹² Quen'₂ bí₂ dse₃ o₄quió'₄ jág₁ a₂'éin₂ jniog₄, jui₁lia'₂ jan₂ 'lió₂ quín'₅ bí₂ ne₄ 'nei₂. Tio'₂ gog'₂ ja₁le₃chan₂ co₂tan₅₄ jme₂dsí₂ quiáng'₂, ia₁ ta₁ jaun₂ ca₂të₃ Diú₄. Ia₁ dse₃ bá₄ ma₂ñe'₃ jmo₂ jín₄ dsa₂, a₂cué'₂ léi₄ a₂'éng'₂. ¹³ Në₃ né₃, jág₅ bá₄ Diú₄ i₂jmo₅ jén'₃ ca₂le₃jín₃, jág₅ bá₄ Jesucristo né₃ i₂ca₂jáng'₃ dse₃ jág₁ dsau₅ ne₄ Poncio Pilato, juí₂ jniá₂ 'ne₂ ¹⁴ a₂jme₁ti'₄ 'éi'₃ në₅ tsá₃ qui₂rë₂'ióg₄ ia₁jaun₂ tsá₃ cuin₅ jmi₄ jua'₅₄ të₃jí₂ dsa₂ ca₂lia'₂ ca₂té₂ jmi₄ i₁guan'₂ Te₁gui'₅₄ Jesucristo quián₂. ¹⁵ Jë₁ma₂ca₂té₂ jmi₄ jaun₂, ia₁ ñia'₅₄ lia'₂ 'ñiog₅ bá₄ Te₁gui'₅₄ Diú₄ jmo₃. 'ñiog₅ bá₄ líin₅ i₂ñi_ó₅ i₂'uan'₂, i₂lín₅ Rag₅₄ quián₅ rag₅₄, Te₁gui'₅₄ quián₅ ca₂le₃jín₃ juig₅₄ can'₅₄ i₂chan₂ ne₄ gua'₅₄ 'uë₃ la₂. ¹⁶ ñia'₅₄ lia'₂ jan₂ 'éi₂ bá₄ i₂chan₂ i₂ca₂lia'₂ o₁líg'₂ jmi₄ tsá₃ jón₂, i₂chan₂ i₂guá₅ ja₁jniá₂ si₂ ja₁ca₂lia'₂ 'i₁jan₂ tsá₃ 'ein₂ qui'₅₄ jmi₄ jme₃quián₃, i₂tsá₃ 'ein₂ dsa₂ mi₂güü₃ ma₂jág₂, on₃ guë'₂ qui'₅₄ jmi₄ jág₂. ¡Ca₂tín₂ bá₄ Diú₄ ca₂le₃jé₃ bí₂! ¡Quió'₅ 'éi₂ bá₄ jme₃juag'₂ dsa₂ co₂tan₅₄! ¡A₂meí₃! ¹⁷ Jui₁lia'₂ i₂cha₂ cu₄ mi₂güü₃ la₂, chei'₅₄ tsá₃ lë₁jui₁jmo₁₂ róin₂, on₃ guë'₂ jui₁jmo₅₄ 'ín₂ dsí₅ le₃quió'₅ cu₄, ia₁ a₂lë₁lé₂ dsi₃'én₂ bá₄ cu₄. Co₂dsia₅ gué₄ jmo₅ jui₁jmo₁₂ 'ín₂ dsí₅ të₂le₃ quió'₅ Diú₄ jén'₃ i₂jén'₅ ca₂le₃jé₃ lia'₂ qui₂rë₂tsón₂ ia₁jaun₂ jmó₁ 'io'₂ le₃chong₂. ¹⁸ Chei'₅₄ jui₁jmo₁₂ a₂dse₃ 'ñio₅ lin₃, jui₁jmo₁₂ 'ñio₂ dsí₅ jui₁jme₂'oin₅₄ riin'₅₄ quian'₅₄ 'e₂ a₂cha₂ ca₂la₂ quió'₅. ¹⁹ Jaun₂ le₂në₅ qui₂dsi₃tsón₃ 'uig₅₄ ja₁náu₃ tiá₂ të₂le₃ ne₄ jui₅ ja₁ñó₄, tó'₃ gu₂ ja₁le₃chain₂ dsón'₂.

*Jág*₁ a₂ca₂tsí'₃ gué₄ Timoteo jë₁ca₂tó'₂

²⁰ Ne₂ Timoteo, dse₃ jmo₄ 'í₁ a₂ma₂niog₅ ne'₅₄. Tsá₃ lë₁tón'₂ jui₅ jág₁ a₂tsá₃ ta₁ tí₄ a₂niog₅ dsia₅ dsa₂ mi₂güü₃ i₂tsá₃ 'én₂. ñí₂ dse₃, tsá₃ tón'₂ jui₅ jág₁ quió'₅ dsa₂ i₂ñí₄ lë₃ 'ñio₅ ñi₅ jmo₅, ia₁ on₃ jua'₅₄ dsau₅ dsón'₂ tin₂ dsa₂ 'éi₂, ia₁ tsá₃ jme₂tag₂₃ lia'₂ con'₂ lé₅ juá'₅ dse₃ dsón'₂. ²¹ Ia₁ i₂lín₅₄ dsa₂ i₂ca₂rë₃'én₂ jág₁ quió'₅ dsa₂ le₂'éi₂ ma₂i₂cóin'₅ bá₄ táng₃ jui₅ quió'₅ Diú₄ a₂jme₁'éin₂.

Jui₁jme₂gu'₅₄ bá₄ Diú₄ quiáng'₂.

Co₂në₅.

Si₂ carta jē₁ca₂tē₂ tin₃ a₂ca₂jmo₃ San Pablo ne₄
TIMOTEO

Jmo₅ Pa₄ si₂ a₂chein₃ ne₄ Timoteo

¹Jniá₂ Pa₄, líng₅ dsa₂ i₂chen₄ quián₅ Te₁gui₅₄ Jesucristo, cheng₅₄ con₂ nē₅ 'nio₃ Diú₄ bá₄, con₂ lé₅ jág₁ ca₂cuē₃ Diú₄ jniog₄ a₂le₃chong₂ tē₂le₃ quian₅₄ Cristo Jesús. ²Jmo₅ jniá₂ si₂ la₂ ne₅₄ 'ne₂ jón₃ quiáng₃ Timoteo, 'nio₃ jniá₂ jui₁chang₂ bá₄ ηéi₂ dsí₅ Diú₄, jui₁jme₂gu₅₄ bá₄, jui₁chang₂ bá₄ 'ei₅ tei₄, jui₁jmo₅₄ Diú₄ Jmei₂ jniog₄ quian₅₄ Te₁gui₅₄ Jesucristo quián₂.

³A₂ lia₂ dsi₂ten₅₄ jáng₃ dsa₂ jág₁ dsau₅ tē₂le₃ quió₅ Cristo

³Dsau₂ dsi₃ co₂tan₅₄ bá₄ 'ne₂ jē₄ chi₂leng₅₄ Diú₄ lia₂ 'uē₂-jmi₂. Jaun₂ lē₃ cuē₅ jniá₂ ti₁'mag₄ jme₂tí₁ ta₁ ne₅₄ a₂ma₂le₁jé₃ a₂qui₂dsi₂ηi₅ tē₂dsi₃ jui₁lia₂ ca₂jmo₃ dsa₂ can₅₄ quiáng₃ ma₂líg₂. ⁴Ca₂le₃jé₃ jmig₄ bá₄ dsau₂ dsi₃ lia₂ con₂ ca₂'o₅₄ le₂jaun₂, jaun₂ jme₁'nio₃ i₁jing₁₂ táng₃ 'ne₂ ia₁jaun₂ jmo₅₄ 'io₂. ⁵Dsau₂ bá₄ dsi₃, ia₁ 'éng₂ tē₃dsón₂. Chi₁'io₄ Loida quian₅₄ chog₂ Eunice, ján₃ bá₄ le₂nē₅ ca₂rē₃ 'éin₂ le₂'uig₅₄. Jaun₂ tē₃dsón₂ lín₂ jniá₂ ján₃ bá₄ le₂jaun₂ 'én₂ 'ne₂.

⁶Jaun₂ lē₃ juá₅ jniá₂, cuē₅₄ bí₂ ca₂le₃jé₃ a₂ma₂cuē₃ Diú₄ tē₂'au₂, a₂lé₅ lia₂ lé₅ si₂ tē₂'au₂ a₂ca₂ηig₂ lia₂ con₂ jme₁ca₂co₃ jniá₂ gu₃ ne₄ quiáng₂. ⁷Ia₁ on₃jua₅₄ jme₂dsí₂ i₂gó₅ ma₂cuin₃ Diú₄ jniog₄. Jme₂dsí₂ 'éi₂ bá₄ ma₂cuin₃ i₂jmo₃ a₂nio₃ tíá₂ dsi₅ jniog₄, i₂jmo₃ a₂jme₁'nió₄ jniog₄ rin₅₄, i₂jmo₃ a₂jme₂'uán₄ dsi₅ guio₅₄. ⁸Tsá₃ lē₁jmo₂ gueng₅₄ ja₁jang₅₄ jág₁ dsau₅ o₄quió₄ Te₁gui₅₄ quián₂, on₃ guē₂ jmo₂ gueng₅₄ o₄quió₃ jniá₂ ia₁ 'eng₅₄ né₃ 'má₃ o₄quió₄ 'éi₂. Tē₂le₃ guen₅₄ bá₄ ján₃ jē₂ jmi₁uig₅ a₂já₅ o₄quió₄ jág₁ dse₃, con₂ lé₅ bí₂ a₂cuē₅ Diú₄ ⁹i₂ca₂lió₂ jniog₄ ton₂ ca₂tē₃ ia₁jaun₂ le₃chong₂ jniog₄ ηi₂ó₅. On₃jua₅₄ ia₁ cha₂ 'e₂ dse₃ ma₂jmo₁ jniog₄, ia₁ le₂nē₅ ca₂lē₃ dsí₅ 'ηiog₅ ca₂jmo₃ 'ua₁ dsí₅ ca₂rē₃'nio₃ jniog₄ tē₂le₃ 'uig₅₄ o₄quió₄ Cristo Jesús. Ia₁ le₂jaun₂ jme₁ma₂'nio₃ bá₄ Diú₄ jniog₄ ca₂le₂ηi₂á₅ lia₂ con₂ tsá₃ mi₂güig₃ ma₂jmo₃. ¹⁰Diú₄ ma₂ca₂jme₃jnia₂₃ léi₄ ja₁con₂ dsa₂ mi₂güig₃, a₂'nio₃, jme₁ca₂chein₃ Jesucristo i₂lió₂ quián₂ jniog₄, co₂dsia₅ ca₂'éin₂ bí₂ a₂'io₅ 'mú₃; ton₂ ca₂jme₃jnia₂₃ tē₂le₃ quian₅₄ jág₁ dse₃, 'a₂ lia₂ le₃chan₂ dsa₂ co₂tan₅₄.

¹¹'Uig₅₄ jaun₂ ca₂rē₃'ín₁ jniá₂, ia₁jaun₂ qui₂i₁'é₃ jág₁ dse₃ la₂, a₂leng₂ jan₂ tē₅ i₂chen₄ quián₅. ¹²'Uig₅₄ jaun₂ bá₄ a₂ηag₅₄ ca₂le₃jé₃ ne₅₄ uig₅ la₂. La₁ tsá₃ o₂guí₃ jéin₅ jniá₂, ia₁ guion₅₄ bá₄ 'ein₂ tē₂le₃ quió₅ ma₂ca₂'ag₃ caun₂ dsi₃, 'éng₂ bá₄ a₂'io₅ 'éi₂ bí₂ a₂jmo₃ 'í₁ a₂le₃tei₅₄ jniá₂ ta₁ a₂ma₂ca₂dsia₃ gu₃, † ca₂lia₂ ca₂tē₂ jmig₄ jaun₂.

¹³Caun₂ jmo₄ bá₄ jui₁lia₂ ma₂ca₂jme₁ting₂₃ 'ne₂. Jui₁chang₂ bá₄ 'éng₂, jme₁'nió₄ ring₂ le₃quió₅ Cristo Jesús. ¹⁴Quian₅₄ bí₂ quió₅ Jme₂dsí₂ quián₅ Diú₄ i₂jjiog₅ tē₂dsi₅ jniog₄, jmo₄ 'í₁ a₂ma₂dsia₃ Diú₄ gog₂.

¹⁵Ma₂ηi₅₄ bá₄, ca₂le₃jín₃ bá₄ dsa₂ chan₂ 'uē₃ Asia ma₂ca₂téi₂ bá₄ jniá₂, i₂lín₅₄ 'éi₂ Figelo quian₅₄ Hermógenes né₃. ¹⁶Jui₁dsia₅₄ bá₄ Te₁gui₅₄ ηéi₂ dsí₅ ca₂le₃jín₃ dsa₂ dsi₂néi₂ quió₅ Onesiforo, ia₁ 'lióng₂ ráun₂ bá₄ ma₂guain₂₃ o₃jag₅₄ ca₂jmo₃ ca₂rē₃güig₂ jme₂dsí₂ quió₃. On₃jua₅₄ a₂jaun₂ gui₅₄ ja₃jag₅₄ ia₁ a₂'eng₅₄ né₃ 'má₃. ¹⁷Tē₂le₃ ca₂o₃'niog₂ bá₄ jniá₂ jme₁guain₃ Roma. Ca₂lia₂ ca₂dsáu₂ bá₄ ca₂jmo₃. ¹⁸Jui₁dsia₅₄ bá₄ Te₁gui₅₄ ηéi₂ dsí₅ ja₁coin₂ jē₁ma₂tē₂ jmig₄ jaun₂. Dsá₂ bá₄ 'au₂ 'ne₂, ca₂jme₃'o₅₄ 'ηio₅ lín₃ jniog₄ lia₂ con₂ jme₁tio₅₄ juig₂ Efeso.

2

Jan₂ 'lióg₂ dsen₃ quián₅ Jesucristo

* 1:11 A₂lín₅₄ chog₅₄ si₂ juá₂ ján₃: “a₂jme₁tín₂₃ dsi₂nau₂.”

† 1:12 o₃, “a₂jmo₃ 'í₁

a₂ma₂ca₂dsia₃ jniá₂ gu₂ 'éi₂.”

¹ La₁ 'ne₂ né₃ jón₃ quiáng₃, quen₂ b₁₂ nau₂ tiá₂ ia₁ a₂'ua₁ dsí₅ Diú₄ ca₂jmo₃ tē₂le₃ quian₅₄ Cristo Jesús. ² Ca₂le₃jé₃ a₂ma₂nei₂ ma₂juá₃ jniá₂ tē₃jin₄ juin₅ dsa₂ i₂ca₂té₂ ne₄, jág₁ jaun₂ dsia₄ gu₂ dsa₂ i₂rē₂ti₅₄ i₂qui₅₄ jmi₄g₄ jme₃tin₅ i₂sián₂ táng₃. ³ 'ŋiag₂ guē₂ né₃, tiang₃ jmo₄ ŋag₅₄ uig₅ o₄quió₄ Jesucristo, jmo₄ bá₄ jui₁lia₂ ja₁jmo₅ jan₂ 'lióg₂ tió₃ dsí₅ jui₁lia₂ jme₁'ein₅₄ ne₄ 'nei₂. ⁴ 'I₁jan₂ 'lióg₂ i₂jme₂ti₃ dse₃ ta₁ a₂chéin₅ jua₅₄ lé₂ le₃qui₂tián₂ tsi₃nei₃ jág₁ a₂ca₂tín₂ dsa₂ lē₁dsa₂, ia₁jaun₂ bá₄ lé₂ jme₃ti₃ con₂ 'ŋio₂ dsí₅ juig₅₄. ⁵ Ján₃ bá₄ le₂jaun₂ jui₁lia₂ dsa₂ i₂co₅, tsá₃ a₁jaun₂ jua₅₄ a₂lí₂ 'e₂ lí₂ nē₁jua₂ tsá₃ ca₂quín₃ b₁₂ co₃ con₂ dsi₂ten₅₄ qui₅ 'éi₃. ⁶ Ján₃ bá₄ le₂jaun₂ jui₁lia₂ dsa₂ i₂jmo₅ ta₁ ja₁nau₂, ca₂tín₂ bá₄ gue₃ le₂'uig₅₄ con₂ ca₂tín₂ jē₁ma₂rau₂. ⁷ 'Nio₂ 'au₂ a₂juá₅ jniá₂ la₂. Te₁gui₅₄ bá₄ jmo₃ le₃ŋí₂ ca₂le₃jé₃.

⁸ Dsau₂ 'au₂ jmo₄, tsá₃ jui₁dsi₂'én₂ 'au₂ Te₁gui₅₄ Jesucristo i₂ca₂jen₅₄ táng₃ jin₄ 'lag₄, i₂jme₁lín₄ tsi₁jon₂ David; a₂la₂ bá₄ jág₁ dse₃ a₂lión₂ dsa₂, a₂'é₅ jniá₂. ⁹ 'Uig₅₄ jág₁ dse₃ la₂ bá₄, jmo₅ jniá₂ tió₅ dsí₃ ŋag₅₄ uig₅. Rē₂ 'ŋeg₅₄ quian₅₄ ŋí₁ cadena co₂jmo₂g₂ dsa₂ jui₁lia₂ ja₁jmá₂ dsa₂ jan₂ dsa₂ i₂rē₂cán₄ dso₄ juē₂. La₁ jág₁ dse₃ quió₅ Diú₄ né₃, tsá₃ rē₂'ŋe₅₄ quian₅₄ ŋí₁ cadena. ¹⁰ Jaun₂ bá₄ lē₃, o₄quió₄ dsa₂ i₂ma₂quió₂ Diú₄ jmo₂₃ tió₅ dsí₃ ca₂le₃jé₃, ia₁jaun₂ bá₄ tñ₄ 'éi₂ ján₃ le₃quió₅ Cristo Jesús ja₁lé₄ co₂tág₅ co₂'né₅ co₂tan₅₄.

¹¹ Tē₃dsón₂ bá₄ dsau₅ a₂la₂:
Nē₁jua₂ ca₂dsau₃ jniog₄ quian₅₄ Jesucristo,
ján₃ bá₄ le₂jaun₂ le₃chong₂ jniog₄ quiain₅₄.

¹² Nē₁jua₂ ca₂náu₂ jniog₄ tiá₂,*
ján₃ bá₄ le₂jaun₂ jme₁gon₂ jniog₄ quiain₅₄.
Nē₁jua₂ tsá₃ tión₅ jniog₄ a₂cuin₅,
ján₃ bá₄ le₂jaun₂ tsá₃ 'ag₃ jniog₄ ján₃.

¹³ Nē₁jua₂ tsá₃ ca₂rē₃tei₅₄ jniog₄,
la₁ le₃ti₅₄ bá₄ 'ŋiog₅,
ia₁ caun₂ jág₁ ma₂juá₂ Diú₄
tsá₃ a₁jaun₂ lé₂ jua₅₄ tsá₃ jme₃ti₃.

Jui₁lia₂ dsa₂ i₂jme₂ti₃ dse₃ ta₁ ne₄ Diú₄

¹⁴ A₂la₂ chei₅₄ dsa₂ i₂jme₂tíng₁: dsá₂ dsí₅ jui₁jmo₁₂ o₄quió₄ Te₁gui₅₄ a₂tsá₃ tsiin₃ quiain₅₄ dsa₂, jág₁ a₂tsá₃ ta₁ tí₄, ia₁ nē₁jua₂ tsi₅ dsa₂ né₃, tsá₃ 'e₂ a₂dse₃ jmo₂₃, ŋjia₅₄ con₂ jmo₂₃ a₂gon₃ a₂'én₂ dsa₂ i₂nag₅ bá₄. ¹⁵ Jmo₄ dsen₅₄ 'au₂ a₂jme₁ŋiag₅ ne₄ Diú₄ a₂léi₄ ma₂ca₂tiang₃ táu₂ a₂ma₂i₂ŋí₂, a₂líng₅ jan₂ dsa₂ i₂jmo₅ ta₁, i₂tsá₃ 'e₂ jua₅₄ cha₂ a₂jéin₂ o₂guí₃, i₂jme₂tag₅ rē₂ jág₁ tí₅. ¹⁶ Tsá₃ lē₁cuín₅ jmi₄g₄ jua₅₄ a₂dsiá₁ jág₁ quió₅ mi₂gúig₃ a₂tsá₃ ta₁ tí₄. Ia₁ dsa₂ i₂co₂jmo₅ le₂jaun₂ caun₂ qui₂dsi₃léin₂ ne₄ jui₅ jē₄ cosa 'lig₅₄. ¹⁷ Cosa a₂jme₂tag₂₃ qui₂dsi₂jón₃ lia₂ jē₁qui₂dsi₂jón₃ caun₂ dso₄ a₂jmo₅ a₂dsa₂ ni₁ŋi₁ dsa₂. Le₂nē₅ bá₄ ca₂lē₃ quian₅₄ Himeneo quian₅₄ Fileto né₃. ¹⁸ Ma₂i₃léin₂ tē₂le₃ cau₅ ja₁tsá₃ tí₅ jág₁, a₂qui₂jme₂tiin₂₃ dsa₂ a₂juá₂ ma₂ca₂té₂ bá₄ jmi₄g₄ a₂jen₅₄ 'lag₄, jmo₂₃ a₂qui₂nió₅ i₂lín₅₄ 'a₂ lia₂ 'éin₂. ¹⁹ La₁ Diú₄ ma₂chi₃ caun₂ cho₅₄ 'uig₅₄ a₂chí₅ tiá₂ co₂tan₅₄. A₂jaun₂ jáng₅ léi₄ a₂juá₂: “I₂cuin₅ bá₄ Te₁gui₅₄ i₂lín₅ dsa₂ quiáin₅”; † jaun₂ né₃: “Ca₂le₃jín₃ i₂quian₅ lia₂ chen₂ Cristo ‡ ca₂tín₂ jmo₃ cau₅ ca₂le₃jé₃ ja₁jmo₅ dsa₂ cosa 'lig₅₄.”

²⁰ Jui₁lia₂ caun₂ dsi₂néi₂ pa₁, on₃jua₅₄ jmá₃ ca₂ne₅₄ cosa jlá₁ a₂lé₅ quian₅₄ cu₄nió₄ quian₅₄ cu₄tiog₂ tio₅₄, ia₁ ján₃ bá₄ tio₅₄ cosa a₂lé₅ quian₅₄ ni₁'ma₂, a₂lé₅ quian₅₄ ti₁gua₅₄ ján₃. A₂lín₅₄ a₂lé₅ 'í₁ a₂jmó₂ dsa₂ ta₁ jmá₃ lia₂ ne₄ a₂jlá₁; a₂lín₅₄ guē₂ qui₂jmó₂ dsa₂ ta₁ lia₂ 'ei₅ ne₅₄ cosa. § ²¹ Nē₁jua₂ ca₂jñiá₃ 'ne₂ ca₂le₃jé₃ ne₅₄ jui₅ 'lig₅₄, a₂jmó₂ jmá₃ ca₂ne₅₄ cosa dse₃, jaun₂ gué₄ léng₂ lia₂ lé₅ caun₂ ni₁uing₅ jlá₁ a₂lé₅ 'í₁, jaun₂ gué₄ téng₃ ta₁ caun₂ Juig₂ 'ne₂ jmó₂ ca₂ne₅₄ ta₁ dse₃ quió₅.

* 2:12 o₃, “Nē₁jua₂ ŋag₄ jniog₄ uig₅.” † 2:19 Números 16:5. ‡ 2:19 o₃, “Ca₂le₃jín₃ i₂mi₅ ne₄ Te₁gui₅₄.” § 2:20 'Nio₂ ja₁ton₅ Romanos 9:21.

²² Cuin⁵⁴ 'ne₂ ca₂le₃jé₃ ne₅₄ cosa 'lig⁵⁴ a₂ja₂ dsí₅ dsa₂ jmo₃ të₁lia₂ mei₂. Quian₂ caun₂ jui₅ co₂dsau₅ a₂'éng², a₂'nióg³ ríng², a₂'ei₅ tei₄ 'au² quian⁵⁴ ca₂le₃jín₃ dsa₂ i₂ma₂le₁jé₃ të₂dsí₅, i₂jme₂juin² Te₁gui⁵⁴. ²³ Tsá₃ lë₁tón² jui₅ 'e₂ jág₁ tsá₃ ta₁ tí₄ a₂tsi₂jín₅ dsa₂ i₂tsá₃ ma₂'en₅₄ dsí₅. Ia₁ ma₂ñi⁵⁴, a₂jñia⁵⁴ dsiog₅ mi⁵⁴ bá₄ a₂jaun₂. ²⁴ Jan₂ dsa₂ i₂jme₂ti₃ ta₁ ne₄ Te₁gui⁵⁴ tsá₃ ca₂tín₂ tsi₃nei₃ jë₄ mi⁵⁴, të₂le₃ 'nió⁵ jme₃dsein₃ bá₄ quian⁵⁴ ca₂le₃jín₃. 'Nió⁵ lén₂ jan₂ dsa₂ i₂qui⁵⁴ jmi₄ jme₃tín₂₃ dsa₂, juin² dsí₅, ²⁵ jmo₃ 'ua₁ dsí₅ jë₁chein³ jui₅ rë₂ jui₁lia² dsa₂ i₂nau₂ quen₅, con² tsá₃ ñó₅ në₁juá² ca₂cuë₃ Diú₄ jmi₄ a₂le₃tsín₃ dsí₅ dsa₂ 'éi₂, ia₁jaun₂ le₂në₅ le₃cuí⁵ jág₁ tí₅; ²⁶ ia₁jaun₂ lióin₂ 'uñin₃ tsi₁cág⁵ quió⁵ i₂së₃dsen₃ i₂ca₂jo₃ ia₁jaun₂ jmo₃ a₂'ñio₂ dsí₅ 'éi₂.

3

'A₂ lia² niog₅ lén₂ dsa₂ jmi₄ jë₁ca₂tó²

¹ 'Nió⁵ le₃ñi⁵⁴ 'ne₂ ján₃, jë₁ma₂ja₂quián₃ jmi₄ jë₁ca₂tó², 'ñio₅ lín₃ le₃gau₂, quian₅ ta₁ lé₂. ² Jmi₄ jë₁ca₂tó² le₃chan₂ dsa₂ i₂jñia⁵⁴ 'nio₃ guioin₅₄ bá₄ quian⁵⁴ cú₁; le₃chan₂ dsa₂ i₂jñia⁵⁴ jme₃jlán¹ jmo₃ róin₂ guioin₅₄; le₃chan₂ dsa₂ i₂lë₁të₂'o² të₂'oin² riin⁵⁴; le₃chan₂ dsa₂ i₂tsá₃ ma₃jme₃gan₃ Diú₄, i₂tsá₃ ma₃jme₃gan₃ chog₅₄-jmei₂ në₃. Le₃chan₂ dsa₂ i₂tsá₃ 'e₂ ti₁'mag⁴ cha₂ ja₁coin₂, on₃ guë² ma₃jme₃gó³ juá⁵ quió⁵ Diú₄. ³ Le₃chan₂ dsa₂ i₂tsá₃ 'nio₃ rin⁵⁴, i₂tsá₃ ma₃'e₂ ñéi₂ dsí₅ dsa₂ mi₂güig₃ rin⁵⁴; le₃chan₂ dsa₂ i₂tsá₃ ma₃jme₃ti₃ 'e₂ jág₁ li⁵⁴ quian⁵⁴ riin⁵⁴; le₃chan₂ dsa₂ të₂jág₁ i₂lë₁qui₃'ni₃ rin⁵⁴; le₃chan₂ dsa₂ i₂tsá₃ ñi₅, tsá₃ tiin₂ 'a₂ lia² jme₃'uán₂ dsí₅; le₃chan₂ dsa₂ i₂lén₂ jui₁lia² já² tsau₂ dsí₅; le₃chan₂ dsa₂ i₂le₃'io⁵⁴ ca₂le₃jé₃ cosa dse₃. ⁴ Le₃chan₂ dsa₂ i₂qui₃jín² rin⁵⁴; le₃chan₂ dsa₂ i₂tsá₃ 'en₅₄ dsí₅ jmo₃ të₂le₃ dséi₂ në₁'e₂ caun₂ cosa jmo₃ jui₁le₅₄ bá₄ 'e₂ ca₂lë₃; 'ñio₅ cain⁵⁴ 'ñio₅ ñi₅ jmo₃; le₃chan₂ dsa₂ i₂'no² jmá³ jui₅ ja₁le₃chain₂ o₂'ñio₃ o₂jñia₃ dsí₅ bá₄ 'nió⁴ jme₁'niai² Diú₄. ⁵ Le₃chan₂ dsa₂ i₂jmo₃ a₂ñi₄ lë₃ cuiin₂₃ Diú₄, la₁ le₃léi₄ bá₄ 'a₂ lia² të₁i₃niói₅₄ le₃chain₂, tsá₃ 'e₂ bí₂ quió⁵ Diú₄ cha₂ ja₁coin₂.

Co₂dsia₅ ñiag³ cau₅, tsá₃ lë₁'ú₅ quian⁵⁴ dsa₂ i₂le₂'éi₂. ⁶ Jë₄ quió⁵ dsa₂ le₂'éi₂, chan₂ i₂lín₅₄ i₂qui₂dsi₂ton⁵⁴ tsi₁'né₅, qui₂jme₂gain₂₃ 'io₅₄ 'uan₅₄ i₂qui₂rë₂cán⁴ dsáu₁ 'ñio₅ lín₃, i₂ma₂lë₅ dsí₅ jmo₃ ca₂le₃jé₃ gué₄ cosa 'lig⁵⁴. ⁷ Co₂tan₅₄ bá₄ jmo₂₃ lia² jmo₅ dsa₂ i₂ñi₄ lë₃ 'nio₃ le₃tín₂ jág₁, la₁ tsá₃ a₁jaun₂ qui⁵⁴ jmi₄ le₃cuí⁵ jág₁ tí₅ dsón². ⁸ Jui₁lia² ca₂jmo₃ on₃ dsa₂ 'lín⁵⁴ i₂jme₁chen₂ Janes quian⁵⁴ Jambres ca₂rë₃ 'ñiai₅₄ Moisés, ján₃ bá₄ le₂jaun₂ 'io⁵⁴ dsa₂ 'éi₂ jág₁ dsau₅ dsón². Dsa₂ i₂le₂'éi₂ në₃ co₂dsia₅ ma₂ñi² të₂le₃ jen₅ bá₄ dsí₅, 'uig₅₄ jaun₂ tsá₃ ma₂'e₂ tió⁵ a₂le₃ñi² dse₃ dsí₅ jui₁lia² ja₁ñi² dsí₅ dsa₂ i₂'én₂. ⁹ La₁ tsá₃ jua⁵⁴ ja₁uñg₂ dsi₁lén₂, ia₁ ca₂le₃jín₃ bá₄ dsa₂ le₃cuig₅ a₂lín₅ dsa₂ co₄, jui₁lia² ca₂i₃ñi² le₃on₃ i₂ca₂jme₃ñia₅₄ Moisés.

Jág₁ jë₁ca₂tó² a₂ca₂cuë₃ gué₄ Pa₄ ca₂tsí³ Timoteo

¹⁰ La₁ 'ne₂ në₃ ma₂ca₂rë₃tíng³ bá₄ dse₃ jë₂ lia² lé₅ juá⁵ a₂ca₂jme₁tag₅ jniá₂; ma₂ñi⁵⁴ 'a₂ lia² líng₅, chang₂ ma₂guio₃; ma₂cuíng² bá₄ 'e₂ ta₁ ma₂guio₃ jniá₂ jmo₂₃; 'éng² bá₄ ján₃ 'a₂ lia² 'én₂ jniá₂; jme₂juíng¹ bá₄ 'au² jui₁lia² ma₂ca₂jme₁juin² jniá₂ dsí₃; jme₂'nióg³ bá₄ ríng² jui₁lia² ma₂jmo₃ jniá₂; tiang³ bá₄ ján₃ jui₁lia² ca₂tió₃ jniá₂. ¹¹ Ma₂qui₂ma₂'ein₃ dsa₂, ma₂qui₂ma₂ñag₅₄ uig₅, jui₁lia² ca₂i₃ñi₂g₂ jui₂ ciudad Antioquía, jui₂ Iconio quian⁵⁴ jui₂ Listra në₃. Qui₂ca₂co₃'ein₃ dsa₂, la₁ ne₄ ca₂le₃jé₃ a₂në₅, ca₂lió₂ bá₄ Te₁gui⁵⁴. ¹² Jaun₂ a₂dsón² bá₄ jaun₂, ca₂le₃jín₃ i₂'nio₃ le₃chan₂ lé₅ 'í₁ quián₅ Cristo Jesús, tion₅₄ le₂jaun₂ dsi₃ñi₂ uig₅ co₂'ein₃ dsa₂. ¹³ La₁ dsa₂ 'lín⁵⁴ në₃ quiain⁵⁴ ca₂le₃jín₃ dsa₂ i₂qui₂jme₂gau₅, tsá₃ ma₂'e₂ dse₃ jua⁵⁴ le₃chain₂, ia₁ caun₂ le₃'lín⁵⁴ bá₄, qui₂jme₃gau₂₃, qui₂rë₂gain₂ guioin₅₄ në₃.

¹⁴ La₁ 'ne₂ në₃, nau₂ tiá₂ a₂ma₂ca₂rë₃tíng³, caun₂ bá₄ 'ei₅ 'au² jág₁ a₂ma₂ca₂rë₃'éng². 'Ñiag² bá₄ ñi⁵⁴ 'ein₂ ca₂jme₃tag₅. ¹⁵ Lia² con² bíng⁵⁴ bá₄ ma₂ñe³ cuíng² Si₂ jñio₅ quió⁵

Diú₄. Si₂ në₅ bá₄ a₂jio₃ quiáng'₂, a₂tíng'₄ tē₂le₃ quian'₅₄ Cristo Jesús ia₁ 'éng'₂. ¹⁶ Ca₂le₃jé₃ bá₄ Si₂ quió'₅ Diú₄ ca₂lě₃ tē₂le₃ quian'₅₄ Jme₂dsí₂ quiáin₅, a₂tí₅ ta₁ jme₃tag₅ a₂dse₃, tē₂jí₂, chein'₂ dsa₂ caun₂ jui₅ rē₂, jme₃tag₅ 'a₂ lia'₂ i₂nio₄ dsa₂ jui₅ co₂dsau₅, ¹⁷ ia₁jaun₂ lén₂ dsa₂ quián₅ Diú₄ jan₂ dsa₂ ma₂ron₂, rē₂ rē₂qui₂rē₂'an₂ dsí₅, rē₂'ñia₅ ca₂le₃jé₃ a₂'nió'₅ quió'₅ jaun₂ jmo₃ ca₂le₃jé₃ ne₅₄ a₂dse₃.

4

¹ Jág₅ bá₄ Diú₄ quian'₅₄ Te₁gui'₅₄ Jesucristo né₃ i₂lé₅ jág₁ jñi₁ó'₂ ja₃goin₂, i₂qui₃dsi₅ 'éi'₃ ne₄ quió'₅ i₂chan₂ lia'₂ i₂ma₂dsan₃ né₃. Jaun₂ lé₃ chi₂quian₅₄ jniá₂ jmi₄g₄ 'ne₂: ² 'É₃ jág₁ dse₃. Ma₂rē₂jáng'₁ 'nio'₂ jui₅ 'a₂ lia'₂ jme₁tíng'₂ dsa₂ jme₁cuin₅ jmi₄g₄ o₃ tsá₃ cuin₅ jmi₄g₄ 'e₂. Jmó'₂ jme₁'uang'₅₄ dsí₅ dsa₂, tē₂jén₃ dsa₂, tioin'₂ jág₁ dse₃, o₁líg'₂ jmi₄g₄ jua'₅₄ a₂jmo'₂ a₂tsá₃ jme₁juin'₂ 'au'₂ quiain'₅₄ jē₁jme₂tíin'₂. ³ Ia₁ já₅ jmi₄g₄ a₂tsá₃ ma₂jmo₃ dsa₂ tió'₅ dsí₅ quian'₅₄ juá'₅ dse₃. Tē₂le₃ lia'₂ con'₂ lé₅ dsí₅ guioin₅₄ qui₃'nai'₂ juin₅ lin₃ tē₅ i₂jme₃tag₅ jmá'₃ a₂'ín₅ dsí₅ guioin₅₄ nag₃ bá₄. ⁴ Cau₅ bá₄ jéin'₃ táng₃ jui₁lia'₂ ja₁jme₂tag₅ dsa₂ jág₁ tí₅ dsón'₂. Cang₂ jaun₂ né₃, tóin'₃ jui₅ dsi₃lén₂ nag₃ ca₂lia'₂ 'ei₅ ne₄ jág₁ cuento ga₂ a₂'én₂ dsa₂. ⁵ La₁ 'ne₂ né₃, 'en₅₄ 'au'₂ jmo₄, tiang'₃ jmo₄ ñag'₅₄ uig₅. Caun₂ qui₂'é₃ bá₄ jág₁ dse₃ a₂lión₂ dsa₂. Jme₁ti₁ dse₃ ta₁ quiáng'₂.

⁶ Jniá₂ né₃, ca₂té₂ jmi₄g₄ jē₁o₃'ing₅ mi₂güüg₃ la₂, ia₁ në₃ gué₄ jñag'₃ dsa₂ jui₁lia'₂ ja₁jñi'₂ dsa₂ já'₂ i₂jén'₂ dsa₂ ne₄ Diú₄. ⁷ Ma₂ca₂quín'₃ jniá₂ bí₂, ma₂jmo₃ a₂dse₃ jui₁lia'₂ ja₁jmo₅ jan₂ 'lióg₂ ne₄ 'nei₂; ma₂ca₂ñi₃ jniá₂ lia'₂ con'₂ lé₅ jui₅ quió'₅ Te₁gui'₅₄, ca₂dsióg₃ jniá₂ tē₂ jē₁ca₂tó'₂ jui₅; ma₂ca₂jmá'₃ tiá₂ a₂'éng₂. ⁸ Nē₃ gué₄ né₃ ma₂lé₅ co₂jñia₅₄ ja₁le₃chang₃ dse₃, co₂'nió'₄ caun₂ corona a₂cuē₃ Te₁gui'₅₄ jmi₄g₄ jaun₂. Ia₁ Te₁gui'₅₄ 'éi₂ bá₄ i₂qui₃dsi₅ 'éi'₃ co₂rē₂ jmi₄g₄ jaun₂, on₃jua'₅₄ a₂cuē₃ jmá'₃ jan₂ jniá₂ corona; a₂cué'₃ ca₂le₃jín₃ i₂le₁jñiog₅ 'ñio₂ dsí₅ ca₂lia'₂ ca₂té₂ jmi₄g₄ jaun₂ a₂guain'₂ táng₃.

Cué'₅ jág₁ riin'₅₄ con'₂ ca₂tíin₂ guioin₅₄

⁹ Jmo₄ dsen₅₄ 'au'₂ a₂l₁jag'₄ jniá₂ ñi'₅₄ ta₁ la₂. ¹⁰ Ia₁ i₂chen₂ Demas ma₂téi₂ bá₄ 'uig₅₄ ia₁ 'ñio₅ lin₃ gué₄ 'ín₅ dsí₅ cosa a₂cha₂ mi₂güüg₃ la₂, jaun₂ ma₂ñó₅ jui₅ juig₂ Tesalónica. I₂chen₂ Crescente gué'₂ né₃, ma₂ñó₅ jui₅ 'uē₃ Galacia; Tito gué'₂ né₃ ma₂ñó₅ jui₅ Dalmacia. ¹¹ Jñia'₅₄ lia'₂ jan₂ Lucas bá₄ i₂quian'₅₄ gué₄ jniá₂ ja₁láš. 'Nia'₂ Marcos ia₁jaun₂ jain'₅₄ ñe'₅₄ quiain'₅₄, ia₁ téin₅ ta₁ jme₃ti₃. ¹² Tíquico gué'₂ né₃ ca₂tsiin₂ jui₅ juig₂ Efeso. ¹³ Jē₁ma₂té₂ rē₁ñe'₅₄, quian₂ co₂nio₄ tsi₁'mi'₂ dsiog₂ quió₃ a₂ca₂dsia₃ juig₂ Troas ja₁quió'₄ Carpo. Ján₃ bá₄ le₂jaun₂ quian₂ si₂ rē₂bin₅ quió₃. La₁ 'ñio₅ gué₄ dsen₅₄ 'nió'₅ ni₁lo₁ já'₂ a₂lé₅ tsi₁mi₂si₂.

¹⁴ Alejandro i₂lín₅ tē₅ñí₁ 'ñio₅ lin₃ tsá₃ 'e₂ dse₃ ma₂jmo₃'g₂. Te₁gui'₅₄ bá₄ qui₃ quió'₅ lia'₂ con'₂ lé₅ a₂ma₂jmo₃. ¹⁵ 'Í₁ jmo₄ 'ne₂ ján₃ ia₁jaun₂ tsá₃ jo₅₄, ia₁ 'ñio₅ lin₃ ma₂nau₂ quein₅ a₂'io'₅₄ jág₁ dse₃ quián₂.

¹⁶ Le₂'uig₅₄ con'₂ jme₁ca₂chei'₃ dsa₂ ne₄ dsi₂tan₅₄ jē₁ca₂caun₃ dsa₂ le₂'uig₅₄ jág₁ dsau₅ quió₃, 'i₁jan₂ tsá₃ 'ein₂ ca₂jme₃quiong'₅₄, ca₂téi₂ ca₂le₃jín₃. Tsá₃ jui₁quion₂ bá₄ Diú₄ 'í₁ quió'₅ ia₁ ca₂jmo₃'g₂ le₂jaun₂. ¹⁷ La₁ 'ñio₅ bá₄ Te₁gui'₅₄ ca₂jme₃quiong'₅₄ ca₂cuē₃ bí₂ ia₁jaun₂ tē₂le₃ quian'₅₄ jniá₂ ca₂rē₃ti₃ ca₂jme₁tíng₂₃ dsi₂nau₂, ca₂lia'₂ rē₂'ñia₅ jág₁ dse₃. Jaun₂ le₂nē₅ bá₄ ca₂lió₂ Te₁gui'₅₄ jniá₂ mi₂'o₄ dsi₂'ia'₂. ¹⁸ La₁ Te₁gui'₅₄ bá₄ caun₂ lió₂ gué₄ ia₁jaun₂ tsá₃ dsi₃ñí₂ ca₂le₃jé₃ cosa 'lig'₅₄, jaun₂ jniá₂ i₂lé₅ 'í₁ quiáin₅, tē₂ guei'₅₄ i₂juig₃ ja₁goin₂, jui₁jme₂juag'₂ bá₄ dsa₂ co₂tan₅₄! jA₂méi₃!

'Ág'₅ jág₁ jē₁ca₂tó'₂, cuag₂₃ Diú₄ né₃

¹⁹ Dsian'₄ jniá₂ jág₁ cuíng₅ Diú₄ Priscila* quian'₅₄ Aquila né₃, quian'₅₄ ca₂le₃jín₃ dsa₂ dsi₂néi₂ quió'₅ Onesíforo né₃. ²⁰ Juig₂ Corinto bá₄ ca₂jñia₃ Erasto. I₂chen₂ Trófimo gué'₂ ca₂tē₁'ñiá₄ dso'₅₄ jme₁o₃'ing₃ juig₂ Mileto. ²¹ Quen'₂ bí₂ ñe'₅₄ ñi'₅₄ ta₁ né'₃ a₂tē₅₄ jein₂

* 4:19 griego: Prisca.

güüg₂. Eubulo quiain'₅₄ Pudente, Lino quiain'₅₄ Claudia né₃ quiain'₅₄ ca₂le₃jín₃ rín'₅₄ jniog₄
 dsiáin'₂ jág₁ ne'₅₄ a₂cuiin₂₃ Diú₄ 'ne₂.

²² Jui'₁en₅₄ bá₄ Te₁gui'₅₄ Jesucristo ja₁con₂ jme₂dsí₂ quiáng'₂; jui₁jme₂gu'₅₄ bá₄ Diú₄
 'nia'₂.
 Co₂në₅.

Si₂ carta a₂ca₂jmo₃ San Pablo ne₄
TITO

Jmo₅ Pa₄ si₂ a₂chein₃ ne₄ Tito

¹ Jniá₂ Pa₄, líng₅ dsa₂ i₂jme₂ti₃ ta₁ ne₄ Diú₄, líng₅ jan₂ dsa₂ i₂chen₄ quián₅ Jesucristo ia₁jaun₂ le₃én₂ ca₂le₃jín₃ i₂ma₂qui₂ón₂ Diú₄, ia₁jaun₂ le₃cuí₅ jág₁ tí₅ a₂jio₅ jui₅ dse₃,
² ia₁jaun₂ jmo₃ 'ín₂ dsí₅ ja₁le₃chain₂ co₂tan₅₄. Diú₄, i₂tsá₃ lé₂ le₃chain₂ tē₂jín₁, ca₂cuē₃ jág₁ quió₅, a₂ca₂i₃jio₅ dsí₅ lia₂' con₂' né₃ gué₄ a₂nio₃ mi₂güí₃, a₂le₃chong₂ jnio₄ co₂tan₅₄.
³ Nē₃ gué₄ né₃, ca₂tē₂ jmi₄ a₂le₃ne₄ jnio₄ jág₁ dse₃ tē₂le₃ quian₅₄ jág₁ a₂'é₄ jniá₂ a₂ma₂dsia₃ Diú₄ quián₂ i₂lió₂ o₄gu₃, lia₂' con₂' lé₅ 'éi₃ quió₅.
⁴ Jmo₅ jniá₂ si₂ la₂ dsiang₅₄ ne₅₄ 'ne₂ Tito i₂líng₅ co₂'nió₄ jan₂ jón₃ quiáng₃ tē₃dsón₂, ia₁ 'éin₂ jnio₄ le₃o₃. Jui₁jme₂gu₅₄ Diú₄ 'ne₂, jui₁'ei₅ tei₄ 'au₂, jmo₅ Diú₄ Jmei₂ jnio₄, jmo₅ Te₁gui₅₄ Jesucristo i₂ma₂ca₂lió₂ jnio₄ né₃.

Ta₁ quió₅ Tito a₂jmo₃ 'uē₃ Creta

⁵ Ca₂dsián₃ jniá₂ 'ne₂ 'uē₃ Creta ia₁jaun₂ jme₁rē₂ 'ne₂ a₂'nió₅ lé₂ gué₄ dse₃, a₂dsiáng₄ dsa₂ can₅₄* i₂nio₃ ne₄ jmo₃ 'í₁ le₂caun₂ le₂caun₂ guá₅ lia₂' con₂' lé₅ jág₁ a₂ma₂juá₃ jniá₂,
⁶ jui₁lia₂ i₂chan₂ i₂tsá₃ cha₂ jua₅₄ lé₂ le₃bóg₂ dsa₂ dso₄, i₂'nio₅ jan₂ bá₄ dsa₂ mí₂, i₂'nio₅ chi₂ quián₅ i₂én₂, i₂tsá₃ 'e₂ qui₂rē₂'ni₄ jua₅₄ a₂lē₁qui₂i₂nioi₅₄, jua₅₄ nau₂ 'nei₂ né₃.
⁷ Dsa₂ i₂nio₅ gu₂ guá₅, † ca₂tín₂ nj₃ le₃ne₄ Diú₄ tsá₃ 'e₂ jág₁ cha₂ jua₅₄ lé₂ le₃bóg₂ dsa₂ dso₄, on₃jua₅₄ i₂tsá₃ jág₁ cán₂, on₃ guē₂ i₂caun₂ lē₁rē₂'ne₂, on₃ guē₂ 'nió₅ lén₂ jan₂ dsa₂ 'en₅, on₃ guē₂ dsa₂ i₂tín₂ dsí₅ 'no₅ mi₅₄, on₃ guē₂ dsa₂ i₂lē₁'nio₃ lí₂ cu₄ quió₅ dsa₂ né₃.
⁸ Tē₂le₃ 'nió₅ qui₂guein₃ dsa₂ i₂dsi₁lén₂ quió₅. 'Nió₅ lén₂ jan₂ dsa₂ i₂tē₅ dsí₅ jmá₃ a₂dse₃, li₅₄ quió₅, i₂quian₅ caun₂ jui₅ rē₂, i₂jnio₅, i₂con₂ dsí₅ né₃.
⁹ 'Nió₅ lén₂ jan₂ dsa₂ i₂chan₂ tiá₂ jág₁ tí₅ dsón₂ lia₂' con₂' lé₅ ca₂rē₃tín₃, ia₁jaun₂ bá₄ lé₂ le₃cué₃ lián₂ dsí₅ dsa₂ sián₂ jmá₃ lia₂' con₂' lé₅ juá₅ dse₃, lé₂ le₃jme₃'uáin₂ dsí₅ dsa₂ i₂juá₂ 'lig₅₄ 'ē₂₃ jág₁ dse₃.

¹⁰ Ia₁ jui₅ bá₄ dsa₂ i₂tsá₃ ne₅₄, i₂dsia₅ jág₁ a₂tsá₃ ta₁ tí₄, i₂jui₁gan₂ né₃, tē₂le₃ lé₅ gué₄ jē₄ quió₅ dsa₂ judíos. ‡
¹¹ Dsa₂ i₂le₂'éi₂ 'en₄ jne₃ dsa₂ mi₂'o₄, ia₁ ta₁jma₃caun₂ cho₅₄ dsa₂ dsi₂néi₂ ma₂le₁gáin₃ ma₂le₁ág₄ caun₂-tín₃ dsí₅ a₂jme₁ma₂'éin₂, ia₁ i₂'éi₂ i₂nio₄ jme₂tag₂₃ a₂tsá₃ ca₂tín₂ a₂jnia₅₄ 'nio₃ lí₂ cu₄ bá₄.
¹² Dsón₂ bá₄ dsau₅ jui₁lia₂ ca₂juá₂ jan₂ dsa₂ go₅₄ guioin₅₄ ma₂líg₂ jme₁ca₂juá₂: “Dsa₂ chan₂ Creta 'nio₅ lín₃ tē₂jín₁, lín₅ jui₁lia₂ lín₅ já₂ tsau₂ dsí₅, juín₅, jlén₂ né₃.”
¹³ Jaun₂ tí₅ bá₄ jág₁ ca₂juá₂ 'éi₂. Jaun₂ lē₃ juá₅ jniá₂ tē₂jéin₃ 'ne₂ 'nio₅ lín₃, ia₁jaun₂ náu₃ táng₃ tsán₂ tiá₂ jág₁ dse₃,
¹⁴ ia₁jaun₂ tsá₃ ma₃tón₂ jui₅ jág₁ a₂lē₁'no₂ dsa₂ judíos dsí₅ guioin₅₄, on₃ guē₂ 'nió₅ tón₂ jui₅ 'e₂ 'éi₃ cuē₅ dsa₂ i₂tsá₃ ji₅₄ jág₁ tí₅.
¹⁵ Tē₂le₃ quió₅ dsa₂ i₂le₁jé₃ tē₂dsí₅, ca₂le₃jé₃ bá₄ cosa ma₂le₁jé₃. La₁ tē₂le₃ quió₅ i₂dsi₂jio₅ 'lig₅₄ dsí₅, i₂tsá₃ 'én₂ né₃, 'i₁caun₂ tsá₃ 'e₂ le₁jé₃. Ia₁ ma₂le₁'ióg₄ a₂dsi₂jio₅ dsi₅₄, le₂jio₅ a₂qui₂dsi₂ji₅ dsí₅ né₃.
¹⁶ Juá₂ bá₄ a₂cuin₂₃ Diú₄, la₁ tē₂le₃ quian₅₄ a₂jmo₂₃ guē₂ né₃, jáng₅ léi₄ a₂tsá₃ dsau₅. 'Lig₅₄ lín₃ bá₄ jmo₂₃ ne₄ Diú₄, 'io₅₄ jág₁ dse₃, 'i₁caun₂ a₂dse₃ tsá₃ ta₁ téin₄ jmo₃.

2

Jui₁lia₂ juá₅ tí₅ dsón₂

¹ La₁ 'ne₂ né₃, chei₅₄ dsa₂ lia₂' con₂' lé₅ juá₅ dse₃.
² Jui₁lia₂ dsa₂ can₅₄, jui₁jmo₁₂ 'en₅₄ dsí₅, tsá₃ caun₂ lē₁lín₅, jui₁jmo₁₂ li₅₄ quió₅, jui₁le₂'éin₂ bá₄ juá₅ dse₃, jui₁jme₂'nioi₃ riin₅₄,

* 1:5 griego: presbíteros. † 1:7 griego: episkopos. ‡ 1:10 lit. “jē₄ quió₅ dsa₂ i₂rē₂uing₄ lo₄.”

juijmo₁₂ bá₄ juin'₂ dsí₅. ³ Ján₃ guë'₂ le₂jaun₂ tē₂le₃ quió'₅ dsa₂ mí₂ ma₂can'₅₄, jui₁₂nioi₅₄ jñi₅, tsá₃ jui'₁₁₂ riin'₅₄ jua'₅₄ a₂lë₁bóg'₂ dso₄, on₃ guë'₂ 'nió'₅ jme₂tiin₂₃ dsí₅ 'ín'₂ ti₁jmg₃, tē₂le₃ ca₂tiin₂ 'ë₃ caun₂ jui₅ dse₃, ⁴ ia₁jaun₂ lé₂ le₃jme₃tiin₂₃ jui₁lia'₂ 'io₅₄ chi'₂ 'a₂ lia'₂ jme₃'nioi₃ dsí₂i₂gu₂, a₂jme₃'nioi₃ chi'₂-guein₂ quiáin₅ né₃, ⁵ 'a₂ lia'₂ jmo₃ 'en₅₄ dsí₅, 'a₂ lia'₂ jmo₃ léi₄ a₂ma₂le₁jé₃ tē₂dsí₅, 'a₂ lia'₂ jmo₃ 'í₁ dse₃ dsí₂néi₂ quió'₅, 'a₂ lia'₂ jmo₃ 'ua₁ dsí₅, 'a₂ lia'₂ tóin'₃ 'éi'₃ quió'₅ dsí₂i₂gu₂ né₃, ia₁jaun₂ bá₄ tsá₃ 'ein₂ juá'₂ 'lig'₅₄ 'ë₃ jág₁ quió'₅ Diú₄.

⁶ Ján₃ guë'₂ le₂jaun₂ chei'₅₄ dsa₂ ñe'₂ chi'₂ ca₂tiin₂ jmo₃ 'en₅₄ dsí₅. ⁷ Jñiá₅ de'₂ 'ne₂ ca₂tíng'₂ 'ë'₅₄ jui₅ dse₃ 'a₂ lia'₂ ca₂tiin₂ jmo₃: A₂jme₁tiin'₅ on₃jua'₅₄ a₂cha₂ 'e₂ 'ín₂ 'au'₂, on₃jua'₅₄ a₂caun₂ lë₁líng'₄, ⁸ chei'₅₄ jmá'₃ lia'₂ quian'₅₄ jág₁ rē₂ a₂tsá₃ 'ein₂ lé₂ le₃'ë₃ 'lig'₅₄, ia₁jaun₂ le₃gui'₅₄ jui₁lia'₂ dsa₂ i₂nau₂ quen₅, ia₁ tsá₃ 'e₂ cha₂ a₂'ag₃ 'lig'₅₄ jniog₄.

⁹ Jui₁lia'₂ dsa₂ i₂jme₂ti₃ ne₄ jui_g₅₄, tioen'₂ jág₁ dse₃ jui₁jme₂ti₃ ca₂le₃jé₃ 'e₂ ta₁ te₂néi'₂ dsa₂ jui_g₅₄, jui₁jmo₁₂ bá₄ jē₂ a₂tē₅ dsí₅ jui_g₅₄, tsá₃ 'nió'₅ a₂caun₂ lë₁qui₂ñag₃ ne₄ 'éi₂, ¹⁰ Tsá₃ 'nió'₅ qui₃jñiá'₂ 'e₂ cha₂ quió'₅ jui_g₅₄. Ca₂le₃jé₃ bá₄ 'nió'₅ jmo₃ tí₅ jág₁ quió'₅ ia₁jaun₂ bá₄ rē₂ jniá₂ qui₂rē₂lag₄ juá'₅ quió'₅ Diú₄ quián₂ jniog₄ i₂lió₂.

¹¹ Ia₁ ma₂ca₂jme₃jnia₅ Diú₄ a₂'ua₁ dsí₅, a₂lióin₂ bá₄ ca₂le₃jín₃ dsa₂ mi₂güí_g₃, ¹² jme₂tag₂₃ a₂tí₄ jniog₄ ca₂le₃jé₃ a₂'lig'₅₄, ca₂le₃jé₃ a₂'ín₅ dsí₅ dsa₂ mi₂güí_g₃ la₂; a₂le₃chong₂ jniog₄ mi₂güí_g₃ la₂ 'en₅₄ dsí₅, quián₁ caun₂ jui₅ co₂dsau₅, qui₂rē₂jín'₅₄ jniog₄ ja₁con₂ Diú₄ né₃.

¹³ Jme₂tag₂₃ ján₃, a₂'io₁ jniog₄ chi₂jñia₁ a₂'ín₂ dsí₅ a₂le₃ti₃ jág₁ jlá'₁ jaun₂, a₂le₃jniá₂ a₂co₂tág₅ co₂'né₅ quió'₅ Diú₄ 'uan'₂, Cristo Jesús* i₂lió₂ jniog₄. ¹⁴ 'Éi₂ né₃, ca₂jñin'₂ 'ñiog₅ o₄quián₂ jniog₄, ca₂quí₃ ca₂lió₂ jē₄ ca₂le₃jé₃ a₂'lig'₅₄, ca₂chéi₂ jniog₄ ia₁jaun₂ léi₂ jniog₄ dsa₂ jui_g₂ quiáin₅ 'ñiog₅, a₂dsen₅₄ dsí₅ jmó₁ jmá'₃ a₂dse₃.

¹⁵ Jág₁ nē₅ bá₄ dsia₄ tiá₂ 'au'₂ jmo₄ 'éi'₃ chei'₅₄ dsa₂ qui₁cuë'₅₄ bí₂, a₂tē₂jéin'₄ né₃. Tsá₃ lë₁cuë₂ jmig₄ jua'₅₄ a₂tsá₃ jme₃go₃ dsa₂.

3

Jui₁lia'₂ a₂ca₂tín₂ dsa₂ i₂'én₂ jmo₃.

¹ Chei'₅₄ 'ne₂ jui₁dsiog'₂ bá₄ dsí₅ jui₁tioen'₅₄ 'éi'₃ quió'₅ dsí₂tan₅₄ dsa₂ can'₅₄, jui₁nei₅₄ gau₂ jág₁ quió'₅, jui₁chain₂ co₂jñia₅₄ a₂jmo₃ ca₂le₃jé₃ ne₅₄ ta₁ dse₃. ² Tsá₃ jui₁'iin₁₂ 'lig'₅₄ 'i₁jan₂ dsa₂, tsá₃ 'ein₂ 'en₄ jmá'₂ mi'₅₄ né₃. Jui₁lein₅₄ bá₄ dsa₂ juin'₂ dsí₅, 'ua₁ dsí₅ ja₁con₂ ca₂le₃jín₃ dsa₂.

³ Ia₁ le₂nē₅ bá₄ jme₁lág₄ jniog₄ guio₅₄ le₂jñiá₅ ján₃, tsá₃ 'en₅₄ dsí₅, tsá₃ né'₂ jniog₄ ja₁con₂ Diú₄. I₂jme₁ma₂i₂cón'₅ bá₄ jniog₄ jme₁i₂nio₄. Jme₁i₂nio₄ jniog₄ qui₂rē₂'ñei'₅₄ quian'₅₄ ca₂le₃jé₃ ne₅₄ cosa 'lig'₅₄ jme₁'ín₅ dsí₅ jniog₄ jmó₁. 'ñio₅ 'lag'₅₄ jniog₄ jme₁chong₂. Jme₁uig₅ dsí₅ jniog₄, jme₁'iog₅₄ dsa₂ jniog₄, ton'₂ jme₁'ñia₅₄ jniog₄ rin'₅₄ le₂jau₂ le₂jau₂.

⁴ La₁ jme₁ca₂jme₃jnia₅ Diú₄ quián₂ i₂lió₂ ca₂jmo₃ léi₄ a₂'ua₁ dsí₅, a₂'nioi₃ dsa₂ mi₂güí_g₃, ⁵ jaun₂ ca₂lió₂ jniog₄, on₃jua'₅₄ ia₁ 'e₂ dse₃ a₂ma₂jmó₁. Tē₂le₃ 'ñiog₅ bá₄ ca₂dsia₃ ñéi₂ dsí₅ jniog₄ ca₂lió₂ tē₂le₃ quian'₅₄ a₂qui₂ca₂chéi₂ jniog₄, a₂ca₂rē₃chóng₃ táng₃, a₂le₃chong₂ quián₁ caun₂ jui₅ 'mí₂, ca₂jmo₃ Jme₂dsí₂ Jñi₅ ⁶ i₂ca₂tein₃ lia'₂ rē₂tsón₂ ne₄ quián₂ jniog₄ tē₂le₃ quian'₅₄ Jesucristo i₂lió₂. ⁷ Tē₂le₃ ia₁ a₂'ua₁ dsí₅ ma₂ca₂juá'₂ né₃, dsa₂ ma₂le₁jín₃ bá₄ jniog₄, jaun₂ guéi'₂ bá₄. Jaun₂ le₂nē₅ bá₄ 'ín₂ dsí₅ jniog₄ guéi'₁ ja₁le₃chong₂ co₂tan₅₄.

⁸ Jág₁ dsau₅ dsón'₂ bá₄ nē₅, jaun₂ 'nio₃ jniá₂ caun₂ 'éi₂ 'au'₂ caun₂ jme₁tiin'₅ jág₁ nē₅, ia₁jaun₂ i₂'én₂ le₃quió'₅ Diú₄ quín'₃ bí₂ jmo₃ a₂dse₃. Ca₂le₃jé₃ cosa nē₅ dse₃, tí₅ ta₁ quió'₅ ca₂le₃jín₃. ⁹ La₁ tsá₃ lë₁cuë₂ jmig₄ jua'₅₄ a₂lë₁qui₃ñag₃ dsa₂ jág₁ a₂tsá₃ 'e₂ ta₁ tí₄, jui₁lia'₂ jág₁ a₂'ín₅ dsa₂ dsa₂ i₂qui₂ma₂ñi₂ ma₂líg'₂, jui₁lia'₂ jág₁ a₂tsin₅ dsa₂ a₂nio₅ mi'₅₄, jui₁lia'₂ jág₁ a₂jás₅ o₄quió'₄ Si₂ 'Éi'₃ né₃. Ia₁ tsá₃ 'e₂ ta₁ jmo₃, tsá₃ 'e₂ ta₁ tí₄.

* 2:13 o₃, "Jesucristo."

¹⁰ Nĕ₁jua'₂ chan₂ jan₂ i₂jmo₅ le₁dson'₅₄ dsa₂, te'₂ co₂ráun₂, tĭn₃ ráun₂, 'é₃ jág₁ chei'₅₄ tsá₃ dse₃ jmo₃ le₂jaun₂. Chi₂jua'₂ tsá₃ tón'₂ jui₅ jág₁ quiáng'₂, co₂dsia₅ dsein₅₄ jĕ₄ quián'₂ 'nia'₂.
¹¹ Jnia'₅₄ lia'₂ co₂nĕ₅ bá₄ ma₂ca₂rĕ₃ŋi'₅₄ 'ne₂, dsa₂ i₂le₂'éi₂ né₃ tsá₃ ma₃'e₂ dse₃ dsi₂jein₃ dsi'₅; tĕ₂le₃ quian'₅₄ dsáu₁ 'ŋiog₅ bá₄ a₂'liog'₅ quió'₅.

*Cué'*₅ jág₁ riin'₅₄ con'₂ ca₂tĭin₂ guioin₅₄

¹² Jĕ₁ma₂tĕ₂ rĕ₁tsin₅₄ jniá₂ i₂chen₂ Artemas ne'₅₄, o₃ i₂chen₂ Tíquico 'e₂, nĕ₅ i₂ŋe'₂ dsi₂jui₅ i₁jag'₄ jui₅ Nicópolis, ia₁ ja₁jaun₂ ma₂i₂jio₅ dsi₃ ŋig₅₄ jein₂ güüg₂. ¹³ Zenas i₂chén'₅ ne₄ jág₁, quian'₅₄ Apolos né₃, 'a₂ con'₂ lé₂ quiáng'₂ jme₁'oin₁₂ 'a₂ con'₂ jnia'₅₄ len₅ quió'₅ tĭoin'₅₄ jui₅. ¹⁴ Jui₁le₂tĭn₂ bá₄ dsa₂ quián₂ jniog₄ jmo₃ a₂dse₃ jme₂'oin₅₄ riin'₅₄ jui₁lia'₂ jme₁'nió'₅, ia₁ con'₂ tsá₃ ŋó₅ nĕ₁tsá₃ 'e₂ dse₃ ca₂rau₂ lia'₂ chain₂.

*'Ág'*₅ jág₁ jĕ₁ca₂tó'₂, cuag₂₃ Diú₄ né₃

¹⁵ Ca₂le₃jĭn₃ i₂quian'₅₄ jniá₂ ja₁lá₃ chein₂₃ jág₁ a₂cuin₂₃ Diú₄ 'ne₂. Cuin₅₄ Diú₄ ca₂le₃jĭn₃ i₂'nio₃ jniog₄ i₂'én₂. Jui₁jme₂gu'₅₄ bá₄ Diú₄ 'nia'₂ ca₂le₃jĭng'₃.
 Co₂nĕ₅.

Si₂ carta a₂ca₂jmo₃ San Pablo ne₄
FILEMÓN

Ca₂jmo₃ Pablo si₂ ca₂chein₃ ne₄ Filemón

¹ Jniá₂ Pa₄ 'eng₅₄ né₃ 'má₃ o₄quió₄ Cristo Jesús. Jmo₅ jniá₂ si₂ carta la₂ quiang₅₄ rin₅₄ jniog₄ Timoteo, ne₅₄ 'ne₂ Filemón i₂'nió₄, i₂co₂dsia₅ jmo₂ ta₁, ² ne₄ 'io₅₄ rin₅₄ jniog₄ Apia, quian₅₄ Arquipo né₃, co₂'nió₄ bá₄ jan₂ 'lióg₂ rin₅₄ jniog₄, quian₅₄ ne₄ guá₅ i₂ñi₂ dsi₂néi₂ quiáng₂. ³ Jui₁jme₂gu₅₄ bá₄ Diú₄ 'nia₂, jui₁tion₄ bá₄ 'nia₂ 'ei₅ tei₄, jmo₅ Diú₄ Jmei₂ jniog₄ quian₅₄ Te₁gui₅₄ Jesucristo.

'A₂ lia₂ jme₁'nio₃ Filemón riin₅₄ ia₁ a₂'éin₂

⁴ Ca₂le₃jé₃ ráun₂ cué₅ jniá₂ ti₁'mag₄ Diú₄, 'ín₅ jniá₂ 'ne₂ jē₁ma₂chi₁ca₂lein₄ jniá₂. ⁵ Ia₁ ma₂ca₂rē₃guion₅₄ jág₁ a₂'nióg₃ Te₁gui₅₄ Jesús, 'éng₂ bá₄ tē₂le₃ quió₅, ján₃ bá₄ le₂jaun₂ 'nióg₃ ca₂le₃jín₃ i₂ma₂tén₅ tē₂le₃ quió₅ Diú₄. * ⁶ Mi₅ jniá₂ ján₃ a₂jmo₂ dsen₅₄ 'au₂ a₂quen₅₄ a₂'éng₂ jn₄ dsa₂ sián₂, ia₁jaun₂ le₃cuí₅ ca₂le₃jé₃ a₂dse₃ a₂cha₂ ja₁con₂ jniog₄ o₄quió₄ Cristo Jesús. ⁷ 'ñio₅ lín₃ 'io₂ jéin₅, 'ei₅ lián₂ dsi₃, ia₁ a₂'nióg₃ jniá₂, ia₁ 'uig₅₄ quián₂ 'ne₂ bá₄ rin₅₄ jniog₄, ma₂qui₂le₁'ág₄ tei₄ dsi₅ dsa₂ i₂'én₂. †

Mi₅ Pa₄ ne₄ Filemón a₂jmo₃ 'éi₂ dse₃ dsi₅ le₃quió₅ Onésimo

⁸ Jaun₂ lē₃, o₁jñia₅₄ jme₁ca₂tín₂ jniá₂ le₃quió₅ Cristo a₂jmo₅₄ 'éi₃ ne₅₄ 'ne₂, jui₁lia₂ 'e₂ dsi₂ten₅₄ jmo₂, ⁹ la₁ tē₂le₃ ia₁ a₂ñi₄ lē₃ 'nió₃ bá₄ jniá₂ 'ne₂, ja₂lín₃ gué₄ dse₃ chi₂len₄ jniá₂ 'ne₂, lín₂ jniá₂. Jniá₂ Pa₄ ma₂gueng₂ 'eng₅₄ né₃ 'má₃ o₄quió₄ Cristo Jesús. ¹⁰ Mi₅₄ jmo₂ dse₃ 'au₂ tē₂le₃ quió₅ Onésimo i₂ca₂lín₃ co₂'nió₄ jan₂ chi₂ quiáng₃ dsi₂néi₂ 'né₅ 'má₃ la₂.

¹¹ Le₂jñiá₅ né₃ jme₁lín₄ Onésimo † jan₂ dsa₂ i₂tsá₃ ta₁ tén₄ jme₃ti₃ ta₁ ne₅₄. La₁ rē₂nē₃ né₃, ma₂tén₅ bá₄ ta₁ jme₃ti₃ ta₁ ne₄ jniog₄ le₃o₃. ¹² Jaun₂ dsiain₅₄ táng₃ jniá₂ ne₅₄, jaun₂ guein₅₄ bá₄ co₂nio₄ co₂'nió₄ bá₄ a₂jme₁guéi₄ jniá₂ 'ñio₃. ¹³ O₁jñia₅₄ jme₁'ín₅ dsi₃ jme₁'í₂ gué₄ ja₁lá₃ jme₃ti₃ ta₁ ne₃ co₂'nió₄ bá₄ a₂jme₁jme₁ti₄ 'ne₂ tē₁lia₂ 'eng₅₄ gué₄ né₃ 'má₃ 'uig₅₄ quió₅ jág₁ dse₃, ¹⁴ la₁ tsá₃ 'e₂ 'nio₃ jmo₅₄ 'i₁caun₂ jua₅₄ a₂tíng₂ 'ñio₃ jua₅₄ a₂tsá₃ 'ei₅ caun₂ jág₁ quian₅₄ 'ne₂. Jaun₂ tsá₃ o₁leng₂ jua₅₄ a₂chi₂quiong₅₄ jniá₂ jmi₄ a₂jmo₂ tion₅₄; jaun₂ 'a₂ con₂ 'ñio₂ 'au₂ 'ñiag₂ bá₄ 'ne₂. ¹⁵ 'An₁ Diú₄ bá₄ ca₂cuē₃ jmi₄ ca₂téi₂ Onésimo co₂'na₂ quián₂ 'ne₂, ia₁jaun₂ guéin₄ jme₃quiong₅₄ co₂tan₅₄, ¹⁶ on₃jua₅₄ ma₃lín₅ ca₂ne₅₄ dsa₂ i₂lējme₂ti₃ ta₁ ne₅₄, ton₂ tē₂le₃ dse₃ gué₄ ma₂lín₅ jan₂ ríng₂ i₂'niog₃ tē₂le₃ quian₅₄ jme₂dsi₂. Jniá₂ 'ñio₅ lín₃ 'nió₃, la₁ 'ne₂ né₃ 'ñio₅ lín₃ gué₄ ca₂tíng₂ jme₁'nió₄ jaun₂ tsá₃ ma₃jñin₅₄ jui₁lia₂ ja₁jñg₄ jan₂ dsa₂ lē₁dsa₂. Jñin₅₄ bá₄ jui₁lia₂ ja₁jñg₄ jan₂ ríng₂ tē₂le₃ quió₅ Te₁gui₅₄.

¹⁷ Le₂nē₅ jaun₂, chi₂jua₂ dsón₂ jmo₂ 'au₂ a₂lín₅ jniá₂ jan₂ dsa₂ i₂jmo₂ ta₁ quiáng₅₄, jaun₂ guein₅₄ bá₄, jmo₄ 'au₂ co₂'nió₄ a₂guéi₅ jniá₂ 'ñio₃. ¹⁸ Chi₂jua₂ 'e₂ dain₅₄ ma₂jmo₂g₂, o₃ chi₂jua₂ cha₂ a₂riin₂, quió₃ jniá₂ mi₄. ¹⁹ Jniá₂ Pa₄ jmo₂₃ si₂ la₂ 'ñio₃ tē₃dsón₂ quian₅₄ gu₃. § Jniá₂ bá₄ qui₄, jñia₅₄ jme₁'nio₃ jniá₂ jmo₅₄ dsiog₂ 'au₂ a₂ríng₂ quiáng₂ 'ñiag₂ quió₃ ján₃. ²⁰ Jaun₂ le₂nē₅ bá₄, 'ne₂ rin₅₄ jniog₄, jmo₄ dse₃ 'au₂ quian₅₄ jniá₂ jui₁lia₂ dsi₂ten₅₄ jmo₃ dsa₂ i₂'én₂ le₃quió₅ Te₁gui₅₄, jmo₄ jui₁le₂güig₂ dsi₃ jui₁lia₂ jan₂ ríng₂ le₃quió₅ Cristo.

* 1:5 lit. "ca₂le₃jín₃ dsa₂ jñio₅." † 1:7 lit. "dsa₂ jñio₅." ‡ 1:11 Já₁ jui₁lia₂ chen₂ Onésimo co₂'nió₄ a₂juá₂, Dsa₂ i₂tén₅ ta₁, quian₅₄ já₁ jmei₅ griego. § 1:19 'Nio₂ ja₁ton₅ 1 Corintios 16:21; Gálatas 6:11; Colosenses 4:18; 2 Tesalonicenses 3:17.

²¹ Dsian' ₄ jniá' ₂ si ₂ la ₂ ne' ₅₄, ia ₁ dsón' ₂ bá ₄ líng ₂ jme ₁ ti' ₄ bá ₄ ca ₂ le ₃ jé' ₃, tē ₂ le ₃ lé' ₅ gué' ₄ jmó' ₂ con' ₂ gué' ₄ a ₂ juá' ₅. ²² Jmo ₄ dse ₃ 'au' ₂, jmo ₄ co ₂ jnia ₅₄ caun ₂ dsi ₂ néi ₂ ja ₁ i ₁ jnia ₁₂, ia ₁ 'ín ₂ dsi ₃ jniá' ₂ a ₂ ŋág' ₃ Diú' ₄ a ₂ mi' ₂ 'nia' ₂, jmo ₃ bá ₄ a ₂ dsió' ₄ jniá' ₂ i ₁ jag ₁₂.

'Ág' ₅ jág ₁ jē ₁ ca ₂ tó' ₂, cuag ₂₃ Diú' ₄ né' ₃

²³ Ríng' ₃ i ₂ chen ₂ Epafra ₂ quiang' ₅₄ 'eng ₅₄ né' ₃ 'má ₃ 'uig ₅₄ quió' ₅ Cristo Jesús, dsián' ₂ jág ₁ a ₂ cuiin ₂₃ Diú' ₄ 'ne ₂. ²⁴ Ján ₃ bá ₄ le ₂ jaun ₂ Marcos, Aristarco, Demas quian' ₅₄ Lucas né' ₃ i ₂ jme ₂ 'o ₅₄ jmo ₅ ta ₁.

²⁵ Jui ₁ jme ₂ gu' ₅₄ Te ₁ gui' ₅₄ Jesucristo jme ₂ dsí ₂ quián' ₂ 'nia' ₂.
Co ₂ né' ₅.

Si₂ a₂chen₄ ne₄ dsa₂
HEBREOS

Ma₂dsia₅ Diú₄ jág₁ quian'₅₄ dsa₂ mi₂güig₃ tē₂le₃ quian'₅₄ Ja₁ñi'₅₄

¹ Lióng₂ ráun₂ ca₂juá'₂ Diú₄ jág₁ jmig₄ ma₂líg'₂ ca₂tsí'₃ dsa₂ can'₅₄ quián₂ jniog₄, tsá₃ ca₂ne₅₄ jág₁ ca₂'é₂ tē₂le₃ quian'₅₄ dsa₂ i₂ca₂chein₃. ² La₁ jmig₄ jē₁ca₂tó'₂ rē₂né₃ né₃, ma₂ca₂juá'₂ tság₅ jniog₄ tē₂le₃ quian'₅₄ Ja₁ñi'₅₄ i₂ca₂jmo₃ ca₂le₃jé₃ a₂cha₂ mi₂güig₃; já₃n₃ bá₄ o₄gú₃ 'éi₂ ma₂dsia₃ ca₂le₃jé₃. ³ 'Éi₂ bá₄ i₂lín₅ i₂jlán'₁ i₂tág₅ quió'₅ Diú₄; 'éi₂ bá₄ i₂lín₅ nió'₄ tē₂dsón'₂ i₂jáng'₅ léi₄ 'a₂ lia'₂ lín₅ Diú₄. Já₃n₃ bá₄ lín₅ 'éi₂ i₂jmo₅ 'í₁ ca₂le₃jé₃ quian'₅₄ jág₁ bēn₂ quió'₅. Cang₂ jme₁ca₂rín'₃ 'éi₂ dsáu₁ jniog₄, jaun₂ ca₂guá₂ guei'₅₄ i₂juíg₃ con₂ Diú₄ tē₂le₃ gu₂ ne₁ ne₄ta₁ quió'₅.

Ja₁ñi'₅₄ Diú₄ bá₄ i₂juin'₂ gué₄ lia'₂ con'₂ gué₄ ángeles

⁴ Ma₂ca₂lín₃ Ja₁ñi'₅₄ Diú₄ i₂juin'₂ gué₄ lia'₂ con'₂ gué₄ ángeles, ia₁ ma₂gue₃ quió'₅ jmei₂ a₂ma₂lín₅ ta₁ a₂dsen₅₄ gué₄ lia'₂ con'₂ gué₄ ángeles.

⁵ Tsá₃ líg'₂ ca₂juá'₂ Diú₄ ca₂tsí'₃ ángeles quián₅ 'i₁jan₂ le₂la₂:

Lín'₅ 'ne₂ chí'₂-guein₂ quiáng₃;

jmig₄ nē₃ ma₂lín₅ jniá₂ néi'₅.*

On₃ gué₄ 'i₁jan₂ ángel tsá₃ ca₂'iin₃ jua'₅₄ a₂juá'₂ le₂la₂:

Lén₂ jniá₂ jmei₂ 'éi₂,

'éi₂ guē'₂ lén₂ chí'₂-guein₂ quiáng₃.†

⁶ La₁ ja₁siá'₂ né₃, lia'₂ con'₂ jme₁ca₂o₃jñiai₃ Ja₁ñi'₅₄ i₂ne₅₄ mi₂güig₃, jaun₂ juá'₂:

Jui₁jme₂juag'₂ ca₂le₃jín₃ ángeles quián₅ Diú₄.‡

⁷ Jui₁lia'₂ tē₂le₃ quió'₅ ángeles guē'₂ juá'₂:

Jmo₅ Diú₄ a₂lín₅ ángeles co₂'nió'₄ dsí₂,

jmo₂₃ a₂lín₅ i₂jme₂ti₃ ne₅₄

co₂'nió'₄ le₁tsi'₅₄ si₂.§

⁸ La₁ jui₁lia'₂ tē₂le₃ quió'₅ Ja₁ñi'₅₄ né₃, juá'₂:

Jiog₅ ca₂le₃jé₃ jmig₄ ne₄ta₁ quián'₂ 'ne₂,

Diú₄ quiáng₃.

Quian'₅₄ jág₁ tí₅* qui₂dsí'₁ 'ne₂ 'éi'₃.

⁹ A₂'niog'₂ 'ne₂ a₂tí₅, a₂'ñia'₅₄ 'ne₂ a₂'lig'₅₄;

'Uig₅₄ jaun₂, Diú₄ né₃, Diú₄ quiáng'₂,

ma₂ca₂chein'₃ 'ne₂

ne₄ jui₅ quió'₅ ca₂le₃jín₃ ríng'₂,

ca₂jmo₃ Diú₄ a₂rē₂rín₅ 'au'₂ a₂jmo'₂ 'io'₂.†

¹⁰ Já₃n₃ bá₄ juá'₂:

Lia'₂ ne₁, 'ne₂ Te₁gui'₅₄ quiáng₃,

ca₂jmo'₅₄ 'uig₅₄ tag₄ mi₂güig₃;

guei'₅₄ i₂juíg₃ guē'₂ né₃,

ta₁ a₂ca₂lē₃ quian'₅₄ gog'₂ bá₄ jaun₂.

¹¹ A₂dsi₃ñí₂ ca₂le₃jé₃ a₂nē₅,

la₁ 'ne₂ né₃, con'₂ tan₅₄ bá₄ lín'₅ 'ne₂;

rē₃ 'áu₂ a₂jaun₂ jui₁lia'₂ ni₁tsin'₅₄ dsa₂.

* 1:5 Salmo 2:7. † 1:5 2 Samuel 7:14. ‡ 1:6 Deuteronomio 32:43. § 1:7 Salmo 104:4. * 1:8 lit. "Quian'₅₄ 'ma₂'i₅₄ dsau₅." † 1:9 Salmo 45:6-7.

¹² A₂jóng'₅ a₂jaun₂ jui₁lia'₂ jë₁jón'₂ dsa₂ tsi₁'mi'₂.

La₁ 'ne₂ né₃, lia'₂ ma₂lín'₅ jaun₂ bá₄ 'ne₂.

Tsá₃ o₁líg'₂ jmi₄g₄ dsiá₃ a₂chan'₂ 'ne₂.[‡]

¹³ Tsá₃ líg'₂ ca₂juá'₂ Diú₄ ca₂tsí'₃ 'i₁jan₂ ángel le₂la₂:

Né₂ con₂ jniá₂ tē₂le₃ gu₃ ne₁,

ca₂lia'₂ ca₂tē₂ jmi₄g₄

a₂tón'₁ jniá₂ dsa₂ i₂'iog₅₄ o₄tag'₄.[§]

¹⁴ Ia₁ lín₅ ángeles jme₂dsí₂ i₂jme₂'o₅₄ i₂chen₄ a₂jme₂ti₃ ta₁ ne₄ i₂ca₂tín₂ gue₃ a₂lió₂ Diú₄.

2

*Tion*₅₄ 'nió'₅ tón'₂ dsa₂ jui₅

¹ 'Uig₅₄ jaun₂ bá₄ tion₅₄ niog₅ tion'₂ jniog₄ jui₅ 'nio₅ lín₃ gué₄, jág₁ a₂ma₂né₁ jniog₄, ia₁jaun₂ tsá₃ qui₂dsi₃cón'₅ jniog₄ jui₅.

² Ia₁ chi₂jua'₂ tion₅₄ jme₁jme₂ti₃ dsa₂ 'éi'₃ jaun₂ a₂ca₂quiog₂ Diú₄ ma₂líg'₂ tē₂le₃ quian'₅₄ ángeles quiáin₅, jaun₂ chi₂jua'₂ qui₂ca₂gue₃ dsa₂ uig₅ 'a₂ con'₂ ca₂tíin₂ jme₁ca₂'náu₂ dso₄, ³ ¿'a₂ bá₄ lia'₂ lē₂le₃lió₂ jniog₄ nē₁jua'₂ tsá₃ tion'₂ jniog₄ jui₅ jág₁ a₂ñí₄ lē₃ quen₅ a₂lió₂ jaun₂? Ia₁ 'niog₅ bá₄ Te₁gui'₅₄ 'éi₂ i₂ca₂juá'₂ le₂'uig₅₄ jág₁ a₂lió₂ jaun₂. Jaun₂ gué₄ qui₂ca₂cuē₃ jág₁ dsau₅ tság₅ jnia'₅₄ dsa₂ i₂ca₂nág₂.

⁴ Ján₃ bá₄ ca₂cuē₃ Diú₄ jág₁ dsau₅ tē₂le₃ quian'₅₄ léi₄ a₂dsi₃gó'₃ dsí₅ dsa₂ ca₂jmo₃ 'lióng₂ ráun₂, ján₃ bá₄ tē₂le₃ quian'₅₄ Jme₂dsí₂ Jñiós₅ i₂ma₂qui₂ma₂cuíin₃ jniog₄ le₂jau₂ le₂jau₂ lia'₂ con'₂ lé₅ a₂'nio₃ 'éi₂.

Ca₂lín₃ Jesús lia'₂ lín₅ riin'₅₄

⁵ On₃jua'₅₄ o₄gú₃ ángeles ca₂dsia₃ mi₂güí₃g₃ a₂já₅, a₂'ë₂ jnia'₅₄.

⁶ La₁ia₁ cha₂ bá₄ caun₂ ja₁ma₂cuē₅ dsa₂ jág₁ dsau₅ le₂la₂;

¿I₂'ein₂ bá₄ dsa₂ mi₂güí₃g₃,

a₂ñí₄ lē₃ dsau'₂ 'au'₂ 'éi₂?

¿I₂'ein₂ bá₄ tsi₁jon₂ dsa₂ mi₂güí₃g₃,

a₂ñí₄ lē₃ tón'₂ 'ne₂ jui₅ 'éi₂?

⁷ Ca₂jmoi'₅₄ ca₂tiá₂ mei'₂ gué₄

con'₂ gué₄ ángeles quiáng'₂;

la₁ ma₂ca₂jme₃juin'₂, ma₂ca₂jmo'₅₄ a₂lín₅ i₂dsen₅₄ gué₄,

[ca₂dsiain'₅₄ a₂nio₃ gu₂ a₂ca₂jmo'₅₄ 'ne₂ quian'₅₄ gog'₂]*

⁸ ma₂dsia'₅₄ 'ne₂ ca₂le₃jé₃ o₄tag₁₂.[†]

Jaun₂ né₃, jme₁ca₂dsia₃ Diú₄ ca₂le₃jé₃ o₄tag₄ dsa₂ mi₂güí₃g₃, tsá₃ ma₂'e₂ cha₂ jua'₅₄ a₂tsá₃ niog₅ gu₂ 'éi₂. La₁ia₁ rē₂né₃ né₃, tsá₃ ma₂léi₄ gué₄ a₂niog₅ gu₂ 'éi₂ le₃jé₃.

⁹ La₁ia₁ jin₄ bá₄ jniog₄ Jesús i₂ca₂lín₃ ca₂tiá₂ mei'₂ gué₄ con'₂ gué₄ ángeles, ca₂rē₃juin'₂, ca₂lín₃ i₂dsen₅₄ gué₄ né₃ ia₁ ca₂i₃ñí₂ uig₅ ne₄ 'mú₃, ia₁jaun₂ le₃cuí'₅ 'mú₃ o₄quió'₄ ca₂le₃jín₃, ia₁ a₂'ua₁ dsí₅ Diú₄.

¹⁰ Quió'₅ Diú₄ bá₄ le₃jé₃; tē₂le₃ quian'₅₄ 'éi₂ ca₂lē₃ le₃jé₃. Jaun₂ 'nio₃ Diú₄ chóin'₂ ca₂le₃jín₃ chi'₂-guein₂ quiáin₅, a₂lén₂ 'éi₂ jláin'₁ co₂lē₅ quian'₅₄. 'Uig₅₄ jaun₂, dsi₂ten₅₄ bá₄ a₂ca₂jme₃'ñia₅ Diú₄ ca₂jme₃'ñia₂₃ Jesucristo tē₂le₃ quian'₅₄ jmi₁uig₅ a₂ca₂i₃ñí₂ jme₁ca₂niá₃ jui₅ a₂lióin₂ 'éi₂.

¹¹ Ia₁ jui₁lia'₂ i₂jme₂jñiós₃ quian'₅₄ i₂rē₂jñiós₃ né₃, jan₂ bá₄ Jmei₂ chan₂. 'Uig₅₄ jaun₂, tsá₃ gui'₅₄ Ja₁ñi'₅₄ Diú₄ tē₂ dsa₂ 'éi₂ riin'₅₄.

‡ 1:12 Salmo 102:25-27. § 1:13 Salmo 110:1. * 2:7 Chog₅₄ si₂ a₂dse₃ gué₄ tsá₃ le₁ton₅ jág₁ a₂tio'₅₄ 'ñiós₃ corchetes [le₂la₂]. † 2:8 Salmo 8:4-6.

¹² Le₂la₂ juá'₂ ne₄ si₂;
 'ín₄ jniá'₂ 'ne₂ jin₄ ríng'₃,
 te₂jë₄ ja₁le₁ñi'₂ dsa₂
 'ë₅₄ jniá'₂ son₅₄ a₂jme₁juag'₂ quiáng'₂. ‡

¹³ Ján₃ bá₄ juá'₂;
 Caun₂ bá₄ 'ag₁₂ dsi₃ ja₁con₂ 'éi₂. §
 Con'₂ siá'₂ táng₃ juá'₂;
 ja₁lá₃ bá₄ chén'₅ jniá'₂,
 ca₂lia'₂ ma₂quian'₅₄ chi'₂-guein₂
 i₂ma₂cuin₃ Diú₄ jniá'₂. *

¹⁴ Jui₁lia'₂ ca₂tín₂ chi'₂-guein₂ jan₂ chog₅₄-jmei₂ dsa₂ mi₂güig₃ caun₂ jmi₂ 'ain₅₄, ján₃ bá₄
 le₂në₅ ca₂tín₂ Jesús caun₂ jmi₂ 'ain₅₄ quian'₅₄ dsa₂ mi₂güig₃, ia₁jaun₂ të₂le₃ quian'₅₄ 'mú₃
 quió'₅ lé₂ le₃lí'₂ ne₄ 'éi₂ i₂'io₅ bí₂ quió'₅ 'mú₃, co₂'nió'₄ le₃jua'₅₄ i₂së₃dsen₃.

¹⁵ Ján₃ bá₄ le₂jaun₂ ca₂jmo₃ ia₁jaun₂ lé₂ le₃qui₂le₃chen'₂ dsa₂ i₂në₂jag₄ bá₄ i₂qui₂rë₂'ñe'₅₄,
 ia₁ ca₂le₃jé₃ jmi₂g₄ a₂chain₂, gó'₅ 'mú₃ quió'₅.

¹⁶ Ia₁ dsón'₂ bá₄ on₃jua'₅₄ jaun₂ ca₂guain₃ jua'₅₄ a₂jme₃'oin₅₄ ángeles; ta₁ jaun₂ bá₄
 ca₂guain₃ a₂jme₃'oin₅₄ tsi₁jon₂ Abraham.

¹⁷ 'Uig₅₄ jaun₂, tion₅₄ bá₄ ca₂liin₃ ca₂le₃jé₃ jui₁lia'₂ lín₅ dsa₂ mi₂güig₃ riin'₅₄, ia₁jaun₂
 dsióg₄ lén₂ jan₂ jme₂dsa₂ dsen₅₄ i₂ñéi₂ dsi₅, i₂rë₂ti'₅₄ né₃, ia₁jaun₂ jñiá'₂ dsáu₁ dsa₂ të₂le₃
 quian'₅₄ a₂jéin'₂ ne₄ Diú₄.

¹⁸ Jaun₂ jui₁lia'₂ ca₂ñág₃ uig₅ 'éi₂ jme₁ca₂caun₃ Diú₄ táu₂, ján₃ bá₄ le₂në₅ qui'₅₄ jmi₂g₄
 jme₃'oin₅₄ jui₁lia'₂ dsa₂ i₂caun₂ dsa₂ táu₂.

3

Jesús bá₄ i₂dsen₅₄ gué₄ con'₂ gué₄ Moisés

¹ Le₂jaun₂ 'nia'₂ rin'₅₄ jniog₄ i₂ma₂rë₂tson₄ quián₅ Diú₄, 'nia'₂ i₂ca₂tín₂ të₂ Diú₄ guei'₅₄
 i₂juíg₃, dsiog'₂ 'au'₂ 'nia'₂ Cristo Jesús i₂chen₄ quián₅ Diú₄, ján₃ bá₄ i₂lín₅ jme₂dsa₂ dsen₅₄
 i₂'ín₅ jniog₄.

² 'ñiog₅ Jesús ma₂ca₂rë₃ti'₅₄ ja₁con₂ Diú₄ i₂ca₂'ag₃ a₂jmo₃ ta₁ në₅, jui₁lia'₂ ca₂jme₃ti₃
 Moisés con'₂ ta₁ jme₁chéin'₄ ja₁con₂ ca₂le₃jín₃ chi'₂-guein₂ quián₅ Diú₄.

³ La₁ia₁ ca₂tín₂ Jesús jme₃juag'₂ dsa₂ con'₂ gué₄ Moisés, jui₁lia'₂ quen₅ gué₄ dsa₂ i₂jmo₅
 'né₅ con'₂ gué₄ tsi₁'né₅ 'ñiog₅.

⁴ Jui₁lia'₂ caun₂ 'né₅, tion₅₄ bá₄ chan₂ i₂jmo₃; la₁ 'ñiog₅ bá₄ Diú₄ ca₂jmo₃ ca₂le₃jé₃ 'e₂
 a₂cha₂.

⁵ Ca₂jme₃ti₃ Moisés ja₁con₂ ca₂le₃jín₃ chi'₂-guein₂ quián₅ Diú₄, con'₂ ta₁ a₂jme₁lín₄ ne₄
 Diú₄, qui₂ca₂jáng'₃ jág₁ dsau₅ jui₁lia'₂ jág₁ quió'₅ Diú₄ a₂jme₁juá'₂.

⁶ La₁ia₁ Cristo né₃, rë₂ti'₅₄ bá₄ a₂lín₅ Ja₁ñi'₅₄ Diú₄ i₂chén'₅ ne₄ ca₂le₃jín₃ chi'₂-guein₂
 quián₅ Diú₄. Chi'₂-guein₂ 'éi₂ lág₅ jniog₄ guio₅₄ në₁jua'₂ chan'₂ jniog₄ tiá₂ a₂caun₂ 'ei₅ dsi₅
 jniog₄, jmo₂ jniog₄ 'io'₂, ia₁ cha₂ a₂'ín₂ dsi₅ jniog₄ tag₃; a₂jaun₂ bá₄ 'io'₂ jein₂ jniog₄.

⁷ 'Uig₅₄ jaun₂, lé₅ jui₁lia'₂ juá'₂ Jme₂dsí₂ Jñió₅ ne₄ si₂;
 Jmi₂g₄ në₃ në₁jua'₂ nag'₂ 'nia'₂ jág₁ quió'₅ Diú₄,

⁸ Tsá₃ lë₁jme₂'uá'₂ 'nia'₂ 'au'₂
 jui₁lia'₂ ca₂jmo₃ i₂lín₅₄ ca₂nau₂ 'nei₂
 ca₂cain₃ táu₂ Diú₄ 'uë₃ co₂'ñiog₅ jaun₂.

⁹ Ja₁jaun₂ ca₂caun₃ táu₂ jniá'₂
 dsa₂ can'₅₄ quián'₂ 'nia'₂ ma₂líg'₂,
 o₁jñia'₅₄ ma₂qui₂ma₂jág₃ ta₁ quió₃

‡ 2:12 Salmo 22:22. § 2:13 Isaías 8:17. * 2:13 Isaías 8:18.

ma₂të₂láu₃ ñi₂.
 10 'Uig₅₄ jaun₂ ca₂jén₂ dsi₃
 quian'₅₄ dsa₂ i₂jme₁chan₂ jmi₄ jaun₂,
 jaun₂ ca₂juá'₃ jniá'₂:
 “Con'₂ tan₅₄ bá₄ i₂nio₄ dsa₂ në₅
 qui₂dsi₂cón'₅ dsí₅,
 tsá₃ 'nio₃ le₃cuí'₅ jui₅ quió₃.”

11 'Uig₅₄ jaun₂ ca₂'ín₃ jniá'₂ 'ñió₃
 jme₁ca₂'í₃ 'nei₂ dsi₃,
 a₂tsá₃ dsi₁len₃ 'éi₂
 jua'₅₄ a₂jñia₃ ja₁con₂ jniá'₂.*

12 Rin'₅₄ jniog₄, jmo₄ 'nia'₂ 'í₁ ia₁jaun₂ 'i₁jan'₂ 'nia'₂ tsá₃ le₃'ua'₂ dsí₅, jua'₅₄ a₂'nio₃ náu₃
 cau₅ ja₁con₂ Diú₄ jén'₃ ia₁ tsá₃ 'éin₂ jág₁ quió'₅.

13 Të₂le₃ cuë'₅₄ 'nia'₂ bí₂ ríng'₂ le₂jang'₂ le₂jang'₂ lia'₂ caun₂ jmi₄, të₁lia'₂ jiog₅ “jmi₄
 në₃” a₂ma₂juá'₂ Si₂, ia₁jaun₂ 'i₁jan'₂ 'nia'₂ tsá₃ le₃'ua'₂ 'au'₂ tsá₃ le₃gan'₂ 'nia'₂ quian'₅₄ dso₄.

14 Ia₁ i₂ma₂quián₅ Cristo bá₄ jniog₄, në₁jua'₂ ca₂tián₃ jniog₄ të₂ jë₁ca₂tó'₂ caun₂ bá₄ 'ei₅
 dsi₅ jniog₄ jág₁ quió'₅ lia'₂ con'₂ lé₅ jme₁ca₂rë₃ 'éin₂ le₂'uig₅₄.

15 Jui₁lia'₂ ma₂në₂juá'₂:
 Jmi₄ në₃, në₁jua'₂ ca₂nei'₂ 'nia'₂
 jág₁ quió'₅ Diú₄,
 tsá₃ jme₁'ua'₂ 'nia'₂ 'au'₂,
 jui₁lia'₂ ca₂jmo₃ i₂lin₅₄
 ca₂nau₂ 'nei₂ ne₄ Diú₄.†

16 ¿'Ein₂ 'éi₂ i₂ca₂nág₂ jág₁ quió'₅ Diú₄ jaun₂ ca₂nau₂ 'nei₂ cang₂ jaun₂? Ca₂le₃jín₃ dsa₂
 i₂ca₂'uín'₂ Moisés 'uë₃ Egipto, i₂'éi₂ bá₄.

17 ¿'Ein₂ quian'₅₄ ca₂rë₃'né₃ Diú₄ con'₂ të₂láu₃ ñi₂? Quian'₅₄ dsa₂ i₂ca₂'náu₂ dso₄ bá₄,
 i₂ca₂dsan₃ 'uë₃ co₂'ñiog₅ jaun₂.

18 ¿Ja₁con₂ 'ein₂ ca₂cuë₃ Diú₄ jág₁ quió'₅ a₂tsá₃ dsi₁lein₃ jua'₅₄ jñia₃ quiong'₅₄? Ja₁con₂
 dsa₂ i₂tsá₃ ca₂nág₂ gau₂ jág₁ quió'₅ bá₄.‡

19 Jaun₂ ne₄ jniog₄, le₂jaun₂ bá₄ ca₂i₃ñí₂: tsá₃ a₁jaun₂ ca₂i₃toin'₅₄, 'uig₅₄ ia₁ a₂tsá₃
 ca₂rë₃'éin₂.

4

1 'Uig₅₄ jaun₂, të₁lia'₂ ron₅ gué₄ jág₁ a₂ma₂cuë₃ Diú₄ a₂dsi₁no₃ jniog₄ ja₁dsi₁jñia₁ ja₁coin₂,
 'nió'₅ jmó₁ jniog₄ 'í₁ con'₂ tsá₃ ñó₅ në₁jua'₂ 'ein₂ 'nia'₂ tsá₃ ca₂tíng'₂ ja₁jaun₂.

2 Ia₁ ján₃ bá₄ le₂jaun₂ ma₂ca₂rë₃'é₂ jág₁ a₂lió₂ ja₁con₂ jniog₄ jui₁lia'₂ ma₂ca₂rë₃'é₂ ja₁con₂
 'éi₂; la₁ia₁ tsá₃ ta₁ ca₂jmo₃ co₂ñí₂ a₂ca₂nág₂ jág₁, 'uig₅₄ ia₁ a₂tsá₃ ca₂'an₂ dsí₅ jág₁ jaun₂ jua'₅₄
 a₂ca₂rë₃'éin₂.

3 La₁ jniog₄ i₂ma₂ca₂rë₃'éin₂ né₃, dsi₁no₃ bá₄ jniog₄ dsi₁jñia₁₂ ja₁jaun₂ jui₁lia'₂ a₂ma₂juá'₂
 Diú₄:

'Uig₅₄ jaun₂ ca₂'ín₃ jniá'₂ 'ñió₃,
 jme₁ca₂'í₃ 'nei₂ dsi₃,
 a₂tsá₃ dsi₁len₃ 'éi₂
 jua'₅₄ jñia₃ ja₁con₂ jniá'₂.*

La₁ia₁ ma₂ca₂'ió'₃ ta₁ quió'₅ Diú₄ ca₂le₃ ca₂'nio₃ mi₂güüg₃.

4 Ia₁ cha₂ ja₁juá'₂ ne₄ Si₂ le₂la₂, a₂'ë₂₃ jë₁ca₂té₂ guio₃ jmi₄: “Ca₂jñia₃ Diú₄ jë₁ca₂té₂ guio₃
 jmi₄, jme₁ca₂lë₃ ca₂le₃jé₃ ta₁ quió'₅.”† 5 Con'₂ síá'₂ táng₃ juá'₂ ne₄ Si₂: “Tsá₃ dsi₁lein₃ jua'₅₄
 a₂jñia₃ ja₁con₂ jniá'₂.”

* 3:11 Salmo 95:7-11. † 3:15 Salmo 95:7-8. ‡ 3:18 'Nio'₂ ja₁ton₅ Números 14:22-23. * 4:3 Salmo
 95:11; ján₃ bá₄ le₂në₅ † 4:4 Génesis 2:2.

⁶ La₁ jui₁lia'₂ chan₂ i₂lin₅₄ i₂'nió'₅ tón'₃ ja₁jaun₂, i₂sián'₂ guë'₂ tsá₃ ca₂i₁tion'₅₄ le₂jñiá₅ jme₁ca₂nág₂ jág₁, 'uig₅₄ ia₁ a₂tsá₃ ca₂rë₃'éin₂, ⁷ con'₂ siá'₂ ca₂tióng₃ Diú₄ caun₂ jmi₄g₄ ca₂juá'₂ tē₂le₃ quian'₅₄ David 'lióng₂ ñi₂ cang₂ jaun₂ ca₂té'₃ “jmi₄g₄ nē₃” jme₁ca₂juá'₂ ne₄ Si₂ jág₁ a₂ma₂ca₂juá'₂ le₂jñiá₅:

Jmi₄g₄ nē₃ nē₁jua'₂ ca₂nei'₂ 'nia'₂ jág₁ quió'₅ Diú₄,
tsá₃ lē₁jme₂'uá'₂ 'nia'₂ 'au'₂. ‡

⁸ Ia₁ jua'₅₄ mei'₂ gué₃ Josué ca₂cuë₃ caun₂ ja₁jñia₃ dsa₂, tsá₃ jaun₂ jme₁juá'₂ Diú₄ cang₂ jaun₂ jme₁'ē₃ jmi₄g₄ siá'₂.

⁹ Jaun₂ lē₃, lia'₂ ma₂cha₂ jaun₂ bá₄ jmi₄g₄ sa₅₄ ja₁jñia₅ dsa₂ juig₂ quián₅ Diú₄. ¹⁰ Ia₁ jui₁lia'₂ ca₂jñia₃ Diú₄ ta₁ quió'₅ a₂ca₂jmo₃, ján₃ bá₄ le₂jaun₂ jui₁lia'₂ i₂dsi₃ton'₅₄ dsi₃jñia₅₄ ja₁con₂ Diú₄, tí₂ ta₁ quió'₅, jñia₃.

¹¹ 'Uig₅₄ jaun₂ 'nió'₅ 'niog'₅₄ jniog₄ jui₅ a₂quen'₂ bí₂ a₂dsi₁no₃ ja₁jaun₂, ia₁jaun₂ 'i₁jan₂ tsá₃ 'ein₂ tián'₃ a₂cán₂ jui₅ a₂ca₂i₁no₄ 'éi₂ a₂tsá₃ ca₂nág₂ gau₂ jág₁ quió'₅ Diú₄.

¹² Ia₁ jén'₃ bá₄ jág₁ quió'₅ Diú₄, 'io₅ bí₂ nē₃, 'ñio₅ chen'₂ con'₂ gué₄ caun₂ ñi₁tág₂ 'mu₃ le₃tin₃ ton₂, dsi₂tia₃ ca₂tē₂ né'₃ jmo₅ le₁dso'₅₄ tē₂dsi₅ dsa₂ quian'₅₄ jme₂dsi₂, jmo₅ le₁dso'₅₄ ja₁jón'₅ quian'₅₄ dsi₅ ni₁mu₅ nē₃, jme₂jñia₅ ca₂le₃jé₃ 'e₂ dsi₂jio₅ dsi₅ dsa₂, ca₂le₃jé₃ 'a₂ lia'₂ lín₂ dsa₂ nē₃.

¹³ Ca₂lia'₂ 'i₁caun₂ a₂ca₂jmo₃ Diú₄ tsá₃ lé₂ le₃'má₂ ne₄ 'éi₂; ca₂le₃jé₃ bá₄ rē₂jñiá₂ rē₂na₄ ne₄ i₂dsi₁jang'₅₄ jniog₄ cuenta quián₂.

Lín₅ Jesús Jme₂dsa₂ Dsen₅₄ i₂juin'₂

¹⁴ Jaun₂ nē₃, jme₂dsa₂ dsen₅₄ i₂juin'₂ quián₂ jniog₄ lín₅ Jesús, Ja₁ñi'₅₄ Diú₄, i₂ca₂uí₂g₂ guei'₅₄ i₂juíg₃. 'Uig₅₄ jaun₂ 'nió'₅ caun₂ chan'₅₄ jniog₄ tiá₂ jág₁ a₂'éin₂ jniog₄.

¹⁵ On₃jua'₅₄ a₂tsá₃ lé₂ dsia₃ ñéi₂ dsi₅ jme₂dsa₂ dsen₅₄ quián₂ jniog₄ jē₁ma₂ca₂'uá₂ jniog₄. Ia₁ ma₂ca₂caun₃ dsa₂ ca₂le₃jé₃ táu₂ quió'₅, jui₁lia'₂ cáun₂ dsa₂ táu₂ jniog₄, la₁ia₁ tsá₃ dso₄ ca₂'náu₂ 'éi₂.

¹⁶ Jaun₂ nē₃ ma₃ jme₁quián₄ jniog₄ caun₂ bá₄ 'ei₅ dsi₅ ca₂tē₂ ne₄ta₁ ja₁guá₄ Diú₄ i₂'ua₁ dsi₅, ia₁jaun₂ dsia₃ 'éi₂ ñéi₂ dsi₅, a₂jme₃'o₅₄ a₂'ua₁ dsi₅ jē₁ma₂ca₂rë₃'nió'₅ quián₂ jniog₄.

5

¹ I₂rē₂quion'₅₄ jñ₄ dsa₂ mi₂güüg₃ bá₄ le₂jan₂ le₂jan₂ jme₂dsa₂ dsen₅₄ a₂rē₂'ñin₄ a₂chéin'₅ ne₄ jág₁ o₄quió'₄ dsa₂ mi₂güüg₃ ne₄ Diú₄ ia₁jaun₂ jén'₃ jui₁lia'₂ 'e₂ 'nió'₅ jén'₃, a₂qui₃dsñin'₂ já'₂ nē₃ o₄quió'₄ dsáu₁ dsa₂.

² Jaun₂ jui₁lia'₂ jme₂dsa₂ le₂'éi₂, ján₃ bá₄ lín₅ dsa₂ mi₂güüg₃ a₂'uain₅₄; lé₂ bá₄ jme₃'ua₁ dsi₅ ja₁con₂ jui₁lia'₂ dsa₂ i₂tsá₃ ñi₅, jui₁lia'₂ dsa₂ i₂ma₂i₂nio₄ cau₅ jui₅ nē₃.

³ 'Uig₅₄ ia₁ a₂lín₅ dsa₂ mi₂güüg₃ 'uain₅₄, tion₅₄ 'nió'₅ jén'₃ ne₄ Diú₄, lia'₂ o₄quió'₄ dsáu₁ 'ñiog₅ lia'₂ o₄quió'₄ dsáu₁ dsa₂ juig₂ táng₃.

⁴ 'I₁jan₂ tsá₃ lé₂ le₃lén₂ ta₁ jué'₂ jaun₂ jua'₅₄ a₂le₃'ñin₃ 'ñiog₅; tion₅₄ bá₄ 'nió'₅ 'ag₃ Diú₄ jui₁lia'₂ ca₂'ñin₃ Aarón.*

⁵ Ján₃ bá₄ le₂nē₅ lé₅ quian'₅₄ Cristo. Tsá₃ ca₂jme₃juin'₂ 'ñiog₅ jua'₅₄ ca₂'ñin₃ 'ñiog₅ a₂léin₂ jme₂dsa₂ dsen₅₄; Diú₄ bá₄ ca₂'ag₃ ta₁ jué'₂ jaun₂. Jaun₂ ca₂juá'₂ Diú₄:

Lín'₅ 'ne₂ chi'₂-guein₂ quiáng₃;

Jmi₄g₄ nē₃ ma₂lín₅ jniá₂ ñéi'₅. †

⁶ Ján₃ bá₄ le₂nē₅ juá'₂ ja₁siá'₂ táng₃:

Lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec. ‡

‡ 4:7 Salmo 95:7-8. * 5:4 Aarón: 'Nio'₂ ja₁ton₅ Éxodo 4:14. † 5:5 Salmo 2:7. ‡ 5:6 Salmo 110:4.

⁷ Lia₂ con₂ jme₁chan₂ Jesús mi₂güüg₃ la₂, ca₂mi₃ tiá₂ ne₄ Diú₄ Jmei₂, ca₂'o₃ a₂jme₁mi₂₃ tion₅₄ ne₄ 'éi₂ i₂'io₅ bí₂ a₂jme₁lió₂ ne₄ 'mú₃. Jaun₂ Diú₄ né₃ ca₂nág₂ bá₄ quió'₅, 'uig₅₄ ia₁ a₂ca₂nág₂ gau₂ jág₁ quió'₅ 'éi₂.

⁸ O₁jñia'₅₄ jme₁lín₄ Ja₁ñi'₅₄ Diú₄, ca₂rë₃tíin₃ a₂nag₃ gau₂ tē₂le₃ quian'₅₄ uig₅ a₂ca₂i₃ñí₂.

⁹ Jaun₂ jme₁ca₂rë₃'ñia₅ quió'₅, jaun₂ gué₄ ca₂liin₃ 'uig₅₄ ja₁lión₂ co₂tan₅₄ ca₂le₃jín₃ i₂nag₅ gau₂ jág₁ quió'₅, ¹⁰ ia₁ Diú₄ bá₄ ca₂'ag₃ a₂lén₂ jme₂dsa₂ dsen₅₄ ca₂ne₅₄ lia'₂ jme₁lín₄ Melquisedec.

Go'₂ në₁jua'₂ ca₂tí₂ dsa₂ a₂'éin₂

¹¹ 'Lióng₂ bá₄ jág₁ le₂nē₅ cha₂ a₂'nió'₅ jua'₅₄ jnia'₅₄, la₁ia₁ quian₅ ta₁ jua'₅₄ a₂jme₁tín₅ jnia'₅₄ 'nia'₂ jág₁ në₅, ia₁ a₂ca₂lín₃ 'nia'₂ cang₄ dsei'₂.

¹² Ma₂líg'₂ bá₄ ca₂rë₃'én'₂ 'nia'₂ jág₁; rë₂né₃ le₃jua'₅₄ a₂ma₂ca₂tíng'₂ 'nia'₂ léng'₂ tē₅. La₁ tion₅₄ bá₄ 'nió'₅ jme₃tag₅ táng₃ dsa₂ quian'₅₄ 'nia'₂ jág₁ 'ua₁ le₂'uig₅₄ quió'₅ Diú₄, në₂jag₄ bá₄ a₂'nió'₅ 'ag'₅₄ 'nia'₂ jmá'₃ dsi'₅₄, 'nió'₄ a₂jme₁quig'₂ 'nia'₂ ñí₅.

¹³ Jaun₂ jui₁lia'₂ dsa₂ i₂'ín'₂ jmá'₃ dsi'₅₄, lín₅ jui₁lia'₂ lín₅ guein₂ i₂tsá₃ lín₄ tin₂ jág₁ quió'₅ jui₅ co₂dsau₅.

¹⁴ Jui₁lia'₂ má₃ quió'₅ dsa₂ can'₅₄ né₃, lé₅ jmá'₃ quió'₅ dsa₂ ma₂ron₂, quió'₅ dsa₂ i₂ma₂'en₅₄ dsí₅ i₂ca₂rë₃tín₃ i₂ca₂rë₃ñi₅ na₂ jui₅ dse₃, na₂ jui₅ 'lig'₅₄ 'e₂.

6

¹ Jaun₂ né₃, jui₁dsiá₁ jniog₄ cau₅ jág₁ le₂'uig₅₄ quió'₅ Cristo a₂ma₂ca₂jme₁tag₅ jniog₄. Ma₃dsau₅₄ jniog₄ ne₄ jui₅ ia₁jaun₂ lén₂ jniog₄ dsa₂ ma₂ron₂. Tsá₃ ma₂'nió'₅ jua'₅₄ a₂quián₂ táng₃ jniog₄ 'uig₅₄ jág₁ jui₁lia'₂ jë₂jme₂tsín₃ dsa₂ dsí₅ a₂tsá₃ ma₂jmo₂₃ jui₁lia'₂ a₂jio₂₃ jui₅ 'mú₃, jui₁lia'₂ 'a₂ lia'₂ rë₂'én₂ dsa₂ jág₁ quió'₅ Diú₄ né₃; ² tsá₃ ma₃'nió'₅ jua'₅₄ caun₂ jme₁tag₅ jniog₄ jui₁lia'₂ a₂chon₅ dsa₂ jmig₂, jui₁lia'₂ a₂quio₂ dsa₂ gu₂ ne₄ quió'₅ dsa₂, jui₁lia'₂ a₂jen'₅₄ dsa₂ jín₄ 'lag₄, on₃ gué₄ jui₁lia'₂ a₂qui₃dsi₅ Diú₄ 'éi'₃ co₂tan₅₄ né₃.

³ Le₂jaun₂ jmó₁ bá₄ jniog₄, a₂dsau₅₄ ne₄ jui₅, chi₂jua'₂ jme₃'o₅₄ Diú₄.

⁴ Ia₁ jui₁lia'₂ dsa₂ i₂ma₂ca₂rë₃ñí'₂ dsí₅, dsa₂ i₂ma₂ca₂rë₃cuí'₅ 'a₂ lia'₂ 'ua₁ dsí₅ Diú₄, dsa₂ i₂ca₂tín₂ jma₂me'₂ quió'₅ Jme₂dsí₂ Jñió₅, ⁵ dsa₂ i₂ma₂ca₂rë₃cuí'₅ a₂dse₃ jág₁ quió'₅ Diú₄, dsa₂ i₂ma₂ca₂rë₃cuí'₅ bí₂ quió'₅ mi₂güüg₃ a₂jíá₃; ⁶ në₁jua'₂ ca₂i₃lén₂ táng₃ cau₅ jui₅,* tsá₃ ma₃lé₂ dsi₁te₁ jniog₄ jaun₂ jén'₃ táng₃ dsí₅, ia₁ në₂jag₄ bá₄ a₂tioin₂₃ táng₃ cróg₄ Ja₁ñi'₅₄ Diú₄ le₃quió'₅ guioin₅₄, jaun₂ chei'₂₃ tē₃jín₄ dsa₂ ia₁jaun₂ cán₂ 'éi₂ o₂guí'₃.

⁷ A₂lín₅ dsa₂ 'éi₂ lia'₂ lé₅ gua'₅₄ 'uë₃ a₂'ín'₅ jmí₅ lia'₂ co₂ráun₂ téin₃ ne₄ quió'₅. Në₁jua'₂ ca₂rau₂ dse₃ gua'₅₄ 'uë₃ jaun₂ quió'₅ dsa₂ i₂ca₂jmo₃ ta₁ ja₁jaun₂, jaun₂ lé₂ le₃jmó'₂ ta₁ 'a₂ con'₂ ca₂rau₂, jaun₂ jme₃gu'₅₄ bá₄ Diú₄.

⁸ La₁ në₁jua'₂ ca₂'ia₂ ni₁taun₅ quian'₅₄ ni₁nau₂, jaun₂ tsá₃ ma₃ta₁ tí₄ 'uë₃ jaun₂; go'₂ a₂'é₂ Diú₄ uig₅. Jë₁ca₂tó'₂ jaun₂, dsí'₂ bá₄ dsa₂.

A₂'éin₂ bá₄ jniog₄ jmo₅ a₂tíong₂ tiá₂

⁹ Rín'₅₄ jniog₄, o₁jñia'₅₄ ma₂në₂jua'₅₄ jnia'₅₄ le₂nē₅, caun₂ bá₄ 'ei₅ dsí₅ jnia'₅₄ a₂jmo'₂ 'nia'₂ dse₃ gué₄ con'₂ gué₄ a₂jaun₂, a₂chan'₅₄ 'nia'₂ tiá₂ jág₁ a₂lión'₂ 'nia'₂.

¹⁰ Ia₁ dse₃ bá₄ dsí₅ Diú₄, tsá₃ jua'₅₄ a₂dsi₃'én₂ dsí₅ ca₂le₃jé₃ a₂ma₂jmo'₅₄ 'nia'₂, quian'₅₄ ca₂le₃jé₃ 'a₂ lia'₂ lé₅ a₂'nió'₃, a₂rë₂jniá₂ ia₁ a₂ma₂jme₂'on'₅₄ 'nia'₂ dsa₂ rín'₅₄ jniog₄ i₂'én₂, jui₁lia'₂ caun₂ jmo'₂ 'nia'₂ rë₂né₃.

¹¹ 'Ín₅ bá₄ dsí₅ jnia'₅₄ a₂jmó'₂ 'nia'₂ le₂jaun₂ a₂dsen₅₄ 'au'₂ le₂jang'₂ le₂jang'₂ ca₂tē₂ jë₁ca₂tó'₂, ia₁jaun₂ lén'₄ 'nia'₂ co₂ñei'₅₄ ca₂le₃jé₃ a₂'ín₂ 'au'₂ 'nia'₂.

¹² Tsá₃ 'niog₂ jnia'₅₄ jua'₅₄ a₂le₃juin'₃ 'nia'₂, la₁ tē₂le₃ o₁nó'₅ 'nia'₂ ne₄ jui₅ quió'₅ dsa₂ i₂ma₂'én₂ i₂ma₂juin'₂ dsí₅ né₃ jaun₂ ca₂tíin₂ a₂dse₃ lia'₂ con'₂ lé₅ jág₁ quió'₅ Diú₄ a₂ma₂cué₃.

* 6:6 'Nio'₂ ja₁ton₅ 2 Pedro 2:21.

¹³ Lia'₂ con'₂ jme₁ca₂cuë₃ Diú₄ jág₁ quió'₅ ca₂cué'₃ Abraham, ca₂'in₃ 'ñiog₅, ia₁ ca₂lia'₂ 'i₁jan₂ i₂sián'₂ tsá₃ jme₁chan₂ i₂juin'₂ gué₄ jua'₅₄ i₂'in₃.

¹⁴ Jaun₂ ca₂juá'₂: “Të₃dsón'₂ bá₄jme₁gu'₅₄jniá₂'ne₂'ñio₅lin₃, jaun₂ cuín₄jniá₂'ne₂juin₅ tsi₁jon₂.”†

¹⁵ Juin'₂ bá₄ dsí₅ Abraham ca₂jnja₃, jaun₂ ca₂gue₃ bá₄ lia'₂ con'₂ lé₅ jág₁ a₂jme₁ma₂cuë₃ Diú₄.

¹⁶ Jui₁lia'₂ jë'₁in₅ dsa₂ mi₂güüg₃ Diú₄, 'iin₂₃ jui₁lia'₂ i₂lín₅ i₂juin'₂ con'₂ gué₄ guioin₅₄, a₂jáng'₅ jág₁ dsau₅ a₂dsón'₂ bá₄ tí₅ jág₁, jaun₂ co₂në₅ bá₄ dsan₂ mi'₅₄ a₂nió'₅ quian'₅₄ riin'₅₄.

¹⁷ Ján₃ bá₄ le₂në₅ ca₂jmo₃ Diú₄ ia₁ a₂jme₁'nio₃ jme₃jnia₅ ja₁con₂ dsa₂ i₂ca₂tín₂ gue₃ lia'₂ con'₂ lé₅ jág₁ a₂ca₂cuë₃, a₂tsá₃ jme₂tsín₃ 'a₂lia'₂ dsi₂ñiog₅ dsí₅ jmo₃ ja₁coin₂. Ca₂'in₃ 'ñiog₅ ca₂jáng'₃ jág₁ dsau₅ a₂dsón'₂ bá₄ tí₅ jág₁ quió'₅ a₂ma₂cuë₃.

¹⁸ Jaun₂ né₃, të₂le₃ quian'₅₄ tin₃ ne₅₄ jág₁ në₅ a₂tsá₃ lé₂ le₃tsín₃ a₂tsá₃ lé₂ le₃jmo₃ Diú₄ të₂jín₁, (co₂'nió'₄ le₃jua'₅₄ jág₁ a₂ca₂cuë₃ Diú₄, quian'₅₄ jág₁ a₂ca₂'in₃ 'ñiog₅), jaun₂ gué'₁ bá₄ jniog₄ lián'₂ bën₂ jui₁lia'₂ jniog₄ i₂ma₂cuing₅₄ a₂dsi₁lion₅₄ ja₁coin₂, ia₁jaun₂ chan'₅₄ jniog₄ tiá₂ jág₁ a₂'in₂ dsi₅ jniog₄.

¹⁹ A₂bén₂ bá₄ jág₁ jaun₂ a₂jmo₅ a₂tíong₂ tiá₂ të₂dsi₅ jniog₄, jui₁lia'₂ bën₂ ni₁'lá'₂ quió'₅ ni₁barco jë₁ma₂ca₂quian₃ tiá₂ ca₂të₂ 'uig₅₄ jmi₁ñí'₄. Jág₁ a₂'in₂ dsi₅ jniog₄ jaun₂, a₂'í₂ bá₄ ca₂të₂ ja₁ñio₅ gué₄ ca₂të₂ 'ñio'₃ 'mi'₂ jnió₅, ²⁰ ja₁ca₂'í₃ Jesús o₄quián₂ jniog₄, ca₂dsiáin'₃ ne₄ jui₅ quián₂ jniog₄, ia₁ a₂ca₂lín₃ jme₂dsa₂ dsen₅₄ co₂tan₅₄, ca₂ne₅₄ lia'₂ jme₁lín₄ Melquisedec.

7

Lín₅ Jesús jme₂dsa₂ ca₂ne₅₄ lia'₂ jme₁lín₄ Melquisedec

¹ Melquisedec 'éi₂ né₃ jme₁lín₄ rag₅₄ quián₅ juig₂ Salem, jme₁lín₄ jme₂dsa₂ né₃ quián₅ Diú₄ i₂juin'₂ gué₄ lin₃. Lia'₂ con'₂ jme₁ca₂jón'₃ Abraham jme₁ca₂lí'₃ 'nei₂ a₂ca₂jmo₃ quian'₅₄ rag₅₄ sián'₂, jaun₂ ca₂o₃'in₃ Melquisedec ca₂jme₃quiong'₅₄ ca₂jme₃gu'₅₄ quió'₅.

² Ca₂cuë₃ Abraham ca₂cué'₃ Melquisedec caun₂ qui'₅₄ a₂guia₃ con'₂ tí₅ a₂ca₂lí'₃ jë₄ 'nei₂. Le₂ne₁, jág₁ lia'₂ chen₂ Melquisedec co₂'nió'₄ le₃jua'₅₄, Rag₅₄ Dsen₃; jaun₂ táng₃, ia₁ a₂jme₁lín₄ rag₅₄ quián₅ juig₂ Salem, ja₁'nió'₄ le₃jua'₅₄, ja₁'ei₅ tei₄, ján₃ bá₄ le₂jaun₂ jein₅ jág₁, rag₅₄ ja₁'ei₅ tei₄.

³ Tsá₃ jág₁ cha₂ jua'₅₄ chan₂ jmei₂ on₃ guë'₂ chog₅₄, on₃ guë'₂ dsa₂ can'₅₄ quiáin₅; ján₃ bá₄ tsá₃ jág₁ cha₂ 'e₂ jmig₄ ca₂rë₃cháin₃, on₃ gué₄ 'e₂ jmig₄ ca₂join₃ né₃. Jaun₂ caun₂ lín₅ jme₂dsa₂ co₂tan₅₄ lia'₂ lín₅ Ja₁ñi'₅₄ Diú₄.

⁴ Né₃ né₃, quion₂ 'nia'₂ 'í₁, 'ñio₅ lin₃ jme₁juin'₂ Melquisedec, ca₂lia'₂ jnia₅ 'ñiog₅ Abraham, dsa₂ juin'₂ quián₂ jniog₄, ca₂cué'₃ 'éi₂ caun₂ qui'₅₄ a₂guia₃ con'₂ tí₅ a₂ca₂lí'₃ quió'₅ rag₅₄ jë₄ 'nei₂.

⁵ Dsau₅ bá₄, lia'₂ con'₂ lé₅ 'Éi'₃ quió'₅ Moisés né₃, jui₁lia'₂ dsa₂ tsi₁jon₂ Leví i₂ca₂lin₃ ta₁ quió'₅ jme₂dsa₂, ca₂tín₂ cán₂ caun₂ qui'₅₄ a₂guia₃ quió'₅ dsa₂ juig₂ ca₂le₃jé₃ a₂jme₁cha₂ quió'₅, o₁jñia'₅₄ jme₁lín₄ dsa₂ tsi₁jon₂ Abraham riin'₅₄, jui₁lia'₂ lín₅ guioin₅₄ táng₃.

⁶ La₁ia₁ Melquisedec né₃, o₁jñia'₅₄ gué₄ tsá₃ jme₁lín₄ tsi₁jon₂ Leví, ca₂gue₃ caun₂ qui'₅₄ a₂guia₃ quió'₅ Abraham, ca₂jme₃gu'₅₄ né₃ quió'₅ i₂jme₁ma₂ca₂gue₃ jág₁ a₂ma₂cuë₃ Diú₄.

⁷ Tsá₃ 'ein₂ lé₂ le₃juá'₂ a₂tsá₃ tí₅ jág₁ la₂: A₂juin'₂ gué₄ dsa₂ i₂jme₂gu'₅₄ con'₂ gué₄ dsa₂ i₂gue₅ a₂jme₂gu'₅₄ jaun₂.

⁸ Jaun₂ jin₄ jniog₄, jui₁lia'₂ i₂gue₅ caun₂ qui'₅₄ a₂guia₃ lín₅ dsa₂ i₂dsan₂; la₁ia₁ të₂le₃ quió'₅ Melquisedec juá'₂ ne₄ Si₂ 'in₂₃ 'éi₂ në₂jag₄ bá₄ jan₂ dsa₂ i₂caun₂ chan₂.

† 6:14 Génesis 22:17.

⁹ Mei'₂ tsá₃ lé₂ le₃jua'₅₄, jui₁lia'₂ Leví quian'₅₄ le₃jín₃ jme₂dsa₂ tsi₁jon₂ 'éi₂, jui₁lia'₂ i₂gue₅ qui'₅₄ a₂guia₃ rē₂né₃, já₃n₃ bá₄ ca₂quí₃ caun₂ qui'₅₄ a₂guia₃ ja₁con₂ Melquisedec jme₁ca₂quí₃ Abraham, ¹⁰ ia₁ co₂'nió'₄ a₂jme₁ma₂lín₅ bá₄ Leví tsi₁jon₂ Abraham o₁jñia'₅₄ gué₄ tsá₃ jme₁ma₂chain₂, lia'₂ con'₂ jme₁ca₂cuē₃ Abraham qui'₅₄ a₂guia₃ ca₂cuē'₃ Melquisedec.

¹¹ Ca₂gue₃ dsa₂ juig₂ Israel 'Éi'₃ tē₂le₃ quian'₅₄ jme₂dsa₂ levitas, i₂lín₅ tsi₁jon₂ Aarón. Jaun₂ né₃, jua'₅₄ mei'₂ gué₃ 'éi₂ ca₂tió'₃ jmo₃ a₂ma₂ron₂ dsa₂ tē₂le₃ quian'₅₄ 'Éi'₃ jaun₂, jaun₂ tsá₃ jme₁ma₃'nió'₅ jua'₅₄ a₂jme₁rē₃jnia₂ táng₃ jan₂ jme₂dsa₂ sián'₂ i₂ca₂ne₅₄ jui₁lia'₂ Melquisedec, on₃jua'₅₄ jui₁lia'₂ Aarón.

¹² Ia₁ jē₁rē₂tsín₃ ta₁ quió'₅ jme₂dsa₂, já₃n₃ bá₄ le₂jaun₂ 'nió'₅ le₃tsín₃ 'Éi'₃ já₃n₃.

¹³ Te₁gui'₅₄ quián₂ jniog₄ né₃, jui₁lia'₂ juá'₂ Si₂ le₂nē₅ 'iin₂₃ 'éi₂, a₂tēin₅ tsi₁jon₂ sián'₂, jaun₂ 'i₁jan₂ i₂tén₅ tsi₁jon₂ 'éi₂ tsá₃ ma₂lín₅ ta₁ quió'₅ ne₄chei₂.

¹⁴ Ia₁ ne₄ bá₄ jniog₄, a₂ca₂rē₃chán₃ Te₁gui'₅₄ quián₂ jniog₄ a₂lín₅ jan₂ tsi₁jon₂ quián₅ Judá. La₁ tsá₃ 'e₂ ca₂juá'₂ Moisés 'iin₂₃ tsi₁jon₂ 'éi₂ jme₁ca₂dsia₃ a₂'ē₂₃ jui₁lia'₂ ta₁ quió'₅ jme₂dsa₂.

¹⁵ 'ñio₅ gué₄ rē₂ léi₄ táng₃ jme₁ca₂rē₃jnia₂ jan₂ jme₂dsa₂ sián'₂ i₂lín₅ jui₁lia'₂ Melquisedec, ¹⁶ tsá₃ ca₂lín₃ jme₂dsa₂ 'uig₅₄ ia₁ a₂quí'₅ 'Éi'₃ a₂juá'₂ 'ein₂ tsi₁jon₂ 'nió'₅ jiá₃, jñia'₅₄ lia'₂ a₂lín₅ jme₂dsa₂ 'uig₅₄ bí₂ quió'₅ jme₂dsí₂ a₂tsá₃ lé₂ dsi₃'én₂.

¹⁷ Ia₁ le₂la₂ bá₄ juá'₂ Diú₄ 'iin₂₃ 'éi₂:

lín'₅ 'ne₂ jme₂dsa₂ con'₂ tan₅₄,

ca₂ne₅₄ lia'₂ jme₁lín₄ Melquisedec.*

¹⁸ Jaun₂ né₃, co₂ñei'₅₄ ca₂'ná₂ 'Éi'₃ a₂jme₁lé₄ le₂jñiá₅, ia₁ a₂tsá₃ jme₁bén₂, a₂tsá₃ ta₁ tí₄ né₃.

¹⁹ Ia₁ tsá₃ ca₂tió'₃ 'Éi'₃ jua'₅₄ a₂jme₃'ñiai₂₃ ta₁. Tē₂le₃ ca₂rē₃chá₃ quián₂ jniog₄ caun₂ jág₁ a₂dse₃ gué₄ a₂'ín₂ dsi₅ jniog₄, tē₂le₃ quian'₅₄ a₂lé₂ jme₁quián₄ jniog₄ ja₁con₂ Diú₄.

²⁰ Tsá₃ ca₂cuē₃ Diú₄ jág₁ jaun₂ quió'₅ a₂'ín₂ dsi₅ jniog₄ jua'₅₄ tsá₃ ca₂'iin₃ 'ñiog₅. Jui₁lia'₂ jme₂dsa₂ le₂jñiá₅ né₃, ca₂lín₃ ta₁ jaun₂ la₁ia₁ on₃jua'₅₄ chan₂ 'ein₂ ca₂'in₃ Diú₄ jme₁ca₂'ag₃.

²¹ La₁ tē₂le₃ quió'₅ Te₁gui'₅₄ quián₂ jniog₄ né₃, chan₂ jan₂ i₂ca₂'in₃ Diú₄ jme₁ca₂lín₃ jme₂dsa₂. Ia₁ ne₄ Si₂ juá'₂ tsí'₅ 'éi₂:

Ca₂'in₃ Diú₄ 'ñiog₅,

jaun₂ tsá₃ lé₂ jme₃tsín₃ dsí₅:

“Lín'₅ 'ne₂ jme₂dsa₂ con'₂ tan₅₄,

[ca₂ne₅₄ lia'₂ jme₁lín₄ Melquisedec].”†

²² 'Uig₅₄ jaun₂, Jesús bá₄ i₂jmo₅ 'í₁ jág₁ a₂ma₂li'₅₄ a₂dse₃ gué₄ jaun₂.

²³ Jui₁lia'₂ jme₂dsa₂ i₂ca₂rē₃chán₃ gua'₅₄ 'uē₃ né₃, juiin₅ ca₂lín₃, ia₁ tsá₃ ca₂cuē₃ 'mú₃ jmig₄ jua'₅₄ caun₂ lín₅ ta₁ jaun₂.

²⁴ La₁ 'uig₅₄ ia₁ a₂chan₂ Jesús co₂tan₅₄ né₃, jaun₂ con'₂ tan₅₄ bá₄ lín₅ ta₁ jme₂dsa₂.

²⁵ 'Uig₅₄ jaun₂ lé₂ le₃lióin₂ co₂ñei'₅₄ le₃jín₃ i₂jme₂quián₃ ja₁con₂ Diú₄ tē₂le₃ quian'₅₄ 'éi₂, ia₁ chain₂ co₂tan₅₄ a₂qui₃mi₃ ne₄ Diú₄ o₄quió'₄ le₃jín₃ 'éi₂.

²⁶ Jaun₂ né₃, dsi₂ten₅₄ bá₄ a₂lín₅ Jesús jme₂dsa₂ dsen₅₄ i₂jme₁'nió'₅ quián₂ jniog₄. 'Éi₂ bá₄ i₂jñiós, 'i₁caun₂ a₂'líg'₅₄ tsá₃ 'e₂ cha₂ja₁coin₂, on₃ gué'₂ dso₄ rē₂cáin'₄, i₂rē₂jñia'₅₄ cau₅ tsá₃ quiain'₅₄ dsa₂ i₂'no₅ dso₄, i₂ca₂ron'₂ gué₄ ñei₅ con'₂ gué₄ guei'₅₄ mi₂güig₃.

²⁷ Tsá₃ lín₅ lia'₂ lín₅ jme₂dsa₂ dsen₅₄ sián'₂. Tion₅₄ 'nió'₅ qui₂jme₃dsiain₂₃ já'₂ a₂jén'₅ ne₄ Diú₄ lia'₂ caun₂ jmig₄, o₄quió'₄ dsáu₁ guioin₅₄ le₂jñiá₅, jaun₂ gué₄ o₄quió'₄ dsáu₁ dsa₂ juig₂. La₁ia₁ Jesús né₃ co₂ráun₂ tan₅₄ bá₄ ca₂jmo₃ jme₁ca₂jén'₂ 'ñiog₅.

* 7:17 Salmo 110:4. Chog₅₄ si₂ a₂dse₃ gué₄ tsá₃ le₁ton₅ jág₁ a₂tio'₅₄ 'ñió'₃ corchetes [le₂la₂].

† 7:21 Salmo 110:4. Chog₅₄ si₂ a₂dse₃ gué₄ tsá₃ le₁ton₅ jág₁ a₂tio'₅₄ 'ñió'₃ corchetes [le₂la₂].

²⁸ Jaun₂ Si₂ 'Éi'₃ quió'₅ Moisés né₃, 'iin₂₃ dsa₂ mi₂güí₃ 'uan₅₄ a₂lén₂ jme₂dsa₂ dsen₅₄. La₁ cang₂ gué₄ jaun₂, ca₂cuë₃ Diú₄ jág₁ quió'₅ ca₂'iin₃ 'njog₅ jme₁ca₂'iin₃ Ja₁ñi'₅₄ a₂lén₂ 'éi₂ jme₂dsa₂ dsen₅₄ con'₂ tan₅₄ ia₁ ca₂jme₃'ñiai₂₃ co₂ñei'₅₄.

8

Jesús bá₄ i₂chén'₅ ne₄ jág₁ 'mí₂ a₂li'₅₄ quian'₅₄ Diú₄

¹ A₂la₂ bá₄ jág₁ dsen₅₄ gué₄ a₂ma₂ja₂náu₅ jnia'₅₄ jua'₂: a₂chan₂ bá₄ jan₂ jme₂dsa₂ dsen₅₄ le₂'éi₂ quián₂ jniog₄, i₂ma₂ca₂guá₂ tē₂le₃ gu₂ ne₁ ne₄ta₁ quió'₅ Diú₄ guei'₅₄ i₂juí₃.

² Ján₃ bá₄ jme₂ti₃ a₂líin₅ jme₂dsa₂ dsen₅₄ dsi₂néi₂ guá'₅ ñjió₅ tē₃dsón'₂ a₂ca₂chi'₃ 'njog₅ Te₁gui'₅₄, on₃jua'₅₄ a₂ca₂jmo₃'g'₃ dsa₂ mi₂güí₃.

³ Le₃jin₃ jme₂dsa₂ dsen₅₄ rē₂'iin₁ ia₁jaun₂ qui₃jén'₃ 'e₂ cué'₃ Diú₄, qui₃dsiin'₂ já'₂ né₃ ne₄ Diú₄. 'Uig₅₄ jaun₂ tion₅₄ 'nió'₅ a₂cha₂ caun₂ 'e₂ a₂jén'₃ Jesucristo ne₄ 'éi₂.

⁴ Jua'₅₄ mei'₂ gué₃ 'éi₂ né₃, 'ein₅₄ gua'₅₄ 'uē₃, on₃ guē'₂ jme₁lén₂ jme₂dsa₂, ia₁ chan₂ bá₄ gué₄ jme₂dsa₂ i₂qui₃jén'₅ 'e₂ cuē₃ lia'₂ con'₂ lé₅ qui'₅ Si₂ 'Éi'₃ quió'₅ Moisés.

⁵ Jme₂dsa₂ la₂ né₃ jme₂ti₃ ta₁ a₂líin₅, dsi₂néi₂ guá'₅, a₂lé₅ nió'₄ a₂rē₂'uin₄ quió'₅ ja₁ñjió₅ a₂cha₂ guei'₅₄ i₂juí₃; a₂lé₅ co₂'nió'₄ 'en'₂ a₂cuē₅ léi₄ quió'₅ a₂ma₂jás. Ma₂ne₄ bá₄ jniog₄ a₂rē₂'uin₄ bá₄ jaun₂, ia₁ lia'₂ con'₂ jme₁ma₂chi'₃ Moisés guá'₅ tabernáculo jaun₂, ca₂juá'₂ Diú₄: “Jag₄ de'₂ tion'₂ jui₅ jmo₄ con'₂ lé₅ nió'₄ a₂ca₂'ē₃ jniá₂ ne₄ má'₂.”*

⁶ La₁ia₁ jme₂dsa₂ dsen₅₄ quián₂ jniog₄ guē'₂ né₃, ma₂ca₂'iío'₃ ta₁ a₂jlá'₁ gué₄ lin₃. Ján₃ bá₄ le₂nē₅ a₂jlá'₁ gué₄ lin₃ jág₁ a₂li'₅₄ a₂chén'₅ 'éi₂ ne₄, ia₁ a₂'io₅ 'uig₅₄ bēn₂ a₂dse₃ gué₄ a₂lé₅ jág₁ a₂ma₂cuē₃ Diú₄.

⁷ Ia₁ jua'₅₄ mei'₂ gué₃ jág₁ a₂jme₁li'₅₄ le₂'uig₅₄ tsá₃ 'e₂ jme₁'nió'₅, jaun₂ tsá₃ 'uig₅₄ cha₂ jua'₅₄ a₂jme₁lé₂ jág₁ jē₁ca₂tē₂ táng₃.

⁸ Ia₁ Diú₄ né₃ ca₂dsó'₂ ja₁con₂ dsa₂ 'éi₂ caun₂ a₂tsá₃ rē₂'ñia₅, jaun₂ ca₂juá'₂: Jíá₃ caun₂ jmi₃g₄, juá'₂ Te₁gui'₅₄,

a₂jmo₅₄ jniá₂ caun₂ jág₁ 'mí₂
a₂li'₅₄ quian'₅₄ dsa₂ juí₂ Israel
quian'₅₄ dsa₂ juí₂ Judá né₃.

⁹ On₃jua'₅₄ a₂lé₂ lia'₂ lé₅ jág₁
jme₁ca₂jmo₃ jniá₂ quian'₅₄ dsa₂ can'₅₄ quiáin₅
lia'₂ con'₂ jmi₃g₄ jme₁ca₂tē₅₄ jniá₂
ca₂jma'₃ gu₂ ca₂'uüin'₅₄ 'uē₃ Egipto.

La₁ tsá₃ ca₂jme₃ti₃ con'₂ lé₅ jág₁ quió₃
a₂jme₁ca₂jmo₃ jniá₂ quiáin'₅₄.

'Uig₅₄ jaun₂ bá₄ ca₂téin₃ jniá₂,
juá'₂ Te₁gui'₅₄.

¹⁰ Jág₁ a₂jmo₅₄ jniá₂ quian'₅₄ dsa₂ juí₂ Israel
jē₁ma₂ñí₂ jmi₃g₄ jaun₂ lé₂ le₂la₂, juá'₂ Te₁gui'₅₄:
Co₅₄ jniá₂ 'éi'₃ quió₃ ja₁'i₄ dsi₄ dsa₂.

Ján₃ bá₄ le₂jaun₂ taun₅₄ jniá₂ né'₃ tē₂dsí₅.
Jaun₂ gué₄ lén₂ jniá₂ Diú₄ quiáin₅,
dsa₂ 'éi₂ guē'₂ né₃ lén₂ dsa₂ juí₂ quiáng₃.

¹¹ Tsá₃ 'nió'₅ jua'₅₄ jme₃tiin₂₃
le₂jan₂ le₂jan₂ dsa₂ go₅₄, on₃ guē'₂ riin'₅₄,
ia₁jaun₂ le₃cuüin₂₃ Te₁gui'₅₄,
ia₁ le₃jin₃ bá₄ le₃cuí₅ jniá₂
lia'₂ i₂me'₂ gué₄ lia'₂ i₂juin'₂ né₃.

* 8:5 Éxodo 25:40.

¹² Jniá₂ né₃ a₂ηéi₂ dsi₃ 'éng₄
 le₃jé₃ a₂'lig'₅₄ a₂qui₂rë₂cáin'₄,
 lia'₂ o₁líg'₂ jmi₄ tsá₃ ma₃dsiog'₂ dsi₃
 dsáu₁ dsa₂.†

¹³ Jui₁lia'₂ jë₁'ë₅ Diú₄ jág₁ 'mí₂ a₂lí'₅₄, co₂'nió'₄ a₂jmo₂₃ a₂tsá₃ ma₃ta₁ tí₄ jág₁ a₂jme₁lí'₅₄
 le₂'uig'₅₄. Jui₁lia'₂ a₂tsá₃ ta₁ tí₄ né₃, a₂ma₂'ei₅ ne₄ lé₂ gui'₅₄, a₂ma₂ja₂quián₃ dsi₃'én₂ bá₄
 jaun₂.

9

*Guá'*₅ a₂cha₂ gua'₅₄ 'uë₃ la₂, quian'₅₄ guá'₅ a₂cha₂ guei'₅₄ i₂juí₃

¹ Né₃ né₃, jui₁lia'₂ jág₁ a₂jme₁lí'₅₄ le₂'uig'₅₄, jme₁quian'₅₄ 'éi'₃ jui₁lia'₂ 'a₂ lia'₂ jme₃ti₃
 dsa₂ ne₄ Diú₄, ján₃ bá₄ jme₁cha₂ caun₂ ja₁jñi₅ a₂ca₂jmo₃ dsa₂ mi₂güí₃. ² Jui₁lia'₂ guá'₅
 tabernáculo jaun₂: dsi₂néi₂ le₂'uig'₅₄ jaun₂ jme₁chí'₄ ni₁ñí₁ a₂le₁dsi₅₄ tag₄ ja₁le₁gui'₂ si₂,
 quian'₅₄ ni₁mesa₁ ja₁nio₅ i₁ñí'₄ jñi₅; "ja₁jñi₅" jme₁chei₂ dsi₂néi₂ le₂'uig'₅₄ jaun₂. ³ Le₃co'₅₄
 'mi'₂ cortina ja₁ca₂té₂ táng₃, jme₁lé₄ ja₁chei₂ Ja₁jñi₅ Lin₃ Gué₄. ⁴ Ja₁jaun₂ jme₁chí'₄
 caun₂ ne₄chei₂ a₂lé₅ jmá'₃ quian'₅₄ cu₄nióg₄ ja₁qui₂dsi'₂ chen₂, quian'₅₄ tsi₁gu₅ quió'₅ jág₁
 a₂lí'₅₄ quian'₅₄ Diú₄. Rë₂lióg₃ ta₁caun₂ tsi₁gu₅ quian'₅₄ cu₄nióg₄. 'ñi₅ jaun₂ jme₁chí'₄
 ni₁dsig₁ cu₄nióg₄ a₂jme₁tio'₅₄ i₁ñí'₄ maná, quian'₅₄ 'ma₂'i₅₄ quió'₅ Aarón a₂ca₂'ia₂ tsin₅
 né₃. Ján₃ bá₄ jme₁tio'₅₄ ni₁cang₁ 'í₂ a₂le₁ton₅ jág₁ a₂lí'₅₄ quian'₅₄ Diú₄. ⁵ Ne₄ tsi₁gu₅
 jaun₂ jme₁tión₂ le₁jné₅ querubines, co₂'nió'₄ léi₄ a₂tág₅ co₂'né'₅ quió'₅ Diú₄. Jme₁le₁jné₅
 qui₂rë₂jlé₅ quian'₅₄ tsi₁rë₂cu₅ ja₁'én₂ Diú₄ dsáu₁ dsa₂. La₁ia₁ tsá₃ jë₄ jua'₅₄ le₃jua'₅₄ gué₄
 jnia'₅₄ jág₁ 'lióng₂ jui₁lia'₂ ca₂le₃jé₃ a₂në₅, ne₄ si₂ la₂.

⁶ Jme₁ma₂lë₅ co₂jñia₅₄ le₃jé₃ a₂jaun₂ né₃, jaun₂ gué₄ qui₂dsi₂ton'₅₄ i₂gú'₃ jme₂dsa₂
 dsi₂néi₂ le₂'uig'₅₄ qui₂dsi₂jmo₂ lia'₂ con'₂ lé₅ ta₁ a₂líin₅. ⁷ La₁ia₁ jë₁ca₂té₂ táng₃ dsi₂néi₂,
 dsi₂'í₂ jñia'₅₄ lia'₂ jme₂dsa₂ dsen₅₄ co₂ráun₂ lia'₂ caun₂ ñi₂, la₁ tsá₃ 'í₂ jua'₅₄ tsá₃ quian₅
 jmi₄ já'₂ a₂qui₂dsi₃jen'₅₄ o₄quió'₄ dsáu₁ 'ñiog₅ quian'₅₄ dsáu₁ dsa₂ juig₂ a₂ca₂'náu₂ të₃ tsá₃
 ñi₅. ⁸ Le₂në₅ jme₁jme₂jniá₂ Jme₂dsí₂ Jñi₅, a₂tsá₃ jme₁ma₂rë₂na₄ gué₄ jui₅ ja₁dsi₃ton'₅₄ dsa₂
 ja₁jñi₅ lin₃ gué₄, të₂lia'₂ jme₁chí'₄ gué₄ guá'₅ le₂'uig'₅₄. ⁹ Co₂'nió'₄ a₂jáng'₅ léi₄ a₂la₂, jui₁lia'₂
 quió'₅ jmi₄ rë₂né₃, ia₁ le₃jé₃ a₂cué'₃ dsa₂ Diú₄, quian'₅₄ le₃jín₃ já'₂ a₂qui₂jén'₅ dsa₂ ne₄ Diú₄
 né₃, tsá₃ a₁jaun₂ tió'₅ le₃'ñia₅ dsa₂ jua'₅₄ a₂jñiá'₂ a₂qui₂dsi₂jñi₅ dsí₅. ¹⁰ ñia'₅₄ lia'₂ jaun₂ bá₄
 ta₁ qui'₅ le₃jé₃ a₂jaun₂ jui₁lia'₂ 'a₂ lia'₂ lé₅ má₃ a₂gué'₅ dsa₂, a₂'ín'₂ dsa₂, quian'₅₄ le₃jé₃ gué₄
 'e₂ a₂jmo₂₃ a₂le₁jín₃, jmá'₃ 'éi'₃ quió'₅ le₃co'₅₄, jaun₂ quen₅ ca₂tiá₂, ca₂lia'₂ jme₃rë₃ Diú₄
 le₃jé₃.

*Ta*₁ a₂qui'₅ jmi₄ Cristo

¹¹ La₁ia₁ ma₂guan₅ Cristo, jaun₂ 'éi₂ bá₄ ma₂lín₅ jme₂dsa₂ dsen₅₄ i₂quió'₅ le₃jé₃ a₂dse₃
 a₂ma₂o₂lé₂. Ma₂ca₂'í₃ guá'₅ jlá'₁ gué₄ a₂rë₂'ñia₅, on₃jua'₅₄ a₂ca₂jmo₃ dsa₂ mi₂güí₃.
 Co₂'nió'₄ le₃jua'₅₄, on₃jua'₅₄ quió'₅ mi₂güí₃ la₂. ¹² On₃jua'₅₄ a₂ca₂'í₃ të₂le₃ quian'₅₄ jmi₄
 chein₄ lau₂ on₃ gué₄ quian'₅₄ jmi₄ guein₂ ca₁jui₅ né₃, la₁ të₂le₃ quian'₅₄ jmi₂ 'ain₅₄ 'ñiog₅ bá₄
 ca₂'í₃ ja₁jñi₅ gué₄ co₂ráun₂ tan₅₄, jaun₂ le₂në₅ bá₄ ca₂'náu₂ a₂lió₂ jniog₄ co₂tan₅₄. ¹³ Dsón'₂
 bá₄ dsau₅ qui'₅ ta₁ jui₁lia'₂ jmi₄ ca₁jui₅, quian'₅₄ jmi₄ chein₄ lau₂, quian'₅₄ ti₁juá₃ quió'₅
 guein₂ ca₁jui₅ i₂qui₂dsin'₂ ne₄chei₂, a₂qui₂rë₂séi₂ ne₄ quió'₅ dsa₂ i₂tsá₃ le₃jín₃. Qui'₅ ta₁
 a₂jme₃jñi₅ jui₁lia'₂ dsa₂ i₂ma₂le₁jín₃ le₃co'₅₄. ¹⁴ La₁ ja₂lín₃ gué₄ quen₅ jmi₄ Cristo i₂ca₂jén'₂
 'ñiog₅ ne₄ Diú₄ të₂le₃ quian'₅₄ Jme₂dsí₂ i₂chan₂ co₂tan₅₄, ca₂join₃ të₃ tsá₃ 'e₂ rë₂cáin'₄.
 Quian'₅₄ jui₅bí₂ jmi₄ Cristo a₂jmo₅ le₁jé₃ të₂dsi₅ jniog₄, a₂tsá₃ ma₃jmo₂ jniog₄ a₂jñiog₅ jui₅
 'mú₃ ia₁jaun₂ lé₂ jme₁ti₁ jniog₄ ne₄ Diú₄ jén'₃.

† 8:12 Jeremías 31:31-34.

¹⁵ 'Uig₅₄ jaun₂, Jesucristo bá₄ lín₅ i₂chén'₅ ne₄ jág₁ 'mí₂ a₂lí'₅₄* quian'₅₄ Diú₄, ia₁jaun₂ jui₁lia'₂ i₂ma₂ca₂tág₃ Diú₄, lé₂ le₃gue₃ a₂ca₂tíin₂ a₂jio₅ co₂tan₅₄ con'₂ lé₅ jág₁ a₂ma₂cuë₃ Diú₄ a₂cuë₃. Ia₁ quian'₅₄ 'mú₃ quió'₅ Cristo, ca₂lón₂ dsa₂ i₂ca₂'náu₂ dso₄ lia'₂ con'₂ jme₁lí'₅₄ gué₄ jág₁ le₂'uig₅₄.

¹⁶ Jui₁lia'₂ ja₁ron₅ jág₁ a₂ma₂quiog₂ dsa₂ né'₃ gué₄ a₂jóin₂, tion₅₄ 'nió'₅ con₂ dsa₂ jág₁ dsau₅ chi₂jua'₂ ma₂jon₅ bá₄ dsa₂ i₂ca₂jmo₃, ia₁jaun₂ bá₄ lé₂ le₃ti₃ jág₁ a₂ca₂quiog₂ jaun₂.
¹⁷ Jaun₂ lë₃, tsá₃ ta₁ tí₄ jág₁ le₂jaun₂ tē₁lia'₂ nē₅ bá₄ chan₂ dsa₂ i₂ca₂jmo₃; jñia'₅₄ lia'₂ jē₁ma₂ca₂join₃ bá₄ qui'₅ ta₁.
¹⁸ 'Uig₅₄ jaun₂, jág₁ a₂jme₁lí'₅₄ né₃, tsá₃ ca₂qui'₃ ta₁ jua'₅₄ tsá₃ ca₂tang₂ jmi₂.
¹⁹ Ia₁ cang₂ jme₁ma₂ca₂'é₂ Moisés ca₂le₃jé₃ jág₁ quió'₅ 'Éi'₃ Juá'₅ ca₂'é'₃ dsa₂ juig₂, jaun₂ gué₄ ca₂can₃ ni₁jñi₂ guéin₂ quió'₅ já'₂ cha'₂, quian'₅₄ caun₂ ni₁gu'₂ ni₁'ma₂ hisopo, jaun₂ ca₂jme₃jlé'₃ quian'₅₄ jmi₄ guein₂ ca₁jui₅ quian'₅₄ jmi₄ chein₄ lau₂ a₂rē₂cón'₅ quian'₅₄ jmi₂, † jaun₂ gué₄ ca₂séi₂ lia'₂ ne₄ si₂ a₂rē₂bin₅ ja₁le₁ton₅ 'éi'₃, lia'₂ ne₄ quió'₅ le₃jín₃ dsa₂ né₃.
²⁰ Jaun₂ gué₄ ca₂tsí'₃ dsa₂ juig₂: "A₂la₂ bá₄ jmi₂ quió'₅ jág₁ a₂ma₂lí'₅₄ quian'₅₄ Diú₄, lia'₂ con'₂ lé₅ 'éi'₃ a₂ma₂jmo₃ Diú₄ quián'₂ 'nia'₂."‡
²¹ Ján₃ bá₄ ca₂séi₂ Moisés quian'₅₄ jmi₂ jaun₂, guá'₅ tabernáculo quian'₅₄ le₃jé₃ gué₄ a₂jmó'₂ dsa₂ ta₁ guá'₅.
²² Dsón'₂ bá₄ jaun₂, con'₂ lé₅ ta₁ qui'₅ Si₂ 'Éi'₃, mei'₂ tsá₃ le₃jé₃ bá₄ 'nió'₅ qui₂le₃chí₂ quian'₅₄ jmi₂. Jaun₂ tsá₃ o₂én₂ dso₄ cha₂ jua'₅₄ tsá₃ qui₂i₂'o₅₄ jmi₂.

Jmi₂ a₂ca₂jén'₃ Cristo bá₄ jñiá'₂ dsáu₁ dsa₂

²³ Jaun₂ lë₃, tion₅₄ bá₄ qui₂le₃chí₂ le₂nē₅ quian'₅₄ jmi₄ já'₂ ca₂le₃jé₃ a₂jaun₂ a₂qui₂rē₂'uin₄ jui₁lia'₂ quió'₅ guei'₅₄ i₂juíg₃. La₁ia₁ ca₂le₃jé₃ a₂nē₅ a₂cha₂ guei'₅₄ i₂juíg₃ né₃, tion₅₄ 'nió'₅ séi₂ quian'₅₄ jmi₂ a₂dse₃ gué₄ con'₂ gué₄ a₂jaun₂.
²⁴ Ia₁ on₃jua'₅₄ a₂ca₂'í₃ Cristo dsi₂néi₂ ja₁jñi₅ jaun₂ a₂rē₂lag₄ quian'₅₄ gu₂-tag₄ dsa₂ mi₂güig₃, a₂rē₂'uin₄ quió'₅ ja₁jñi₅ 'ñiog₅ dsón'₂, la₁ tē₂le₃ co₂dsau₅ guei'₅₄ i₂juíg₃ 'ñiog₅ dsón'₂ bá₄ ca₂'í₃, ja₁qui₂jme₂jñiai₂₃ jmi₄ rē₂né₃ ne₄ Diú₄ o₄quián₂ jniog₄.
²⁵ Tsá₃ jaun₂ qui₂ca₂'í₃ i₂gú'₃ jua'₅₄ qui₂ca₂jén'₂ 'ñiog₅ jui₁lia'₂ dsi₂'í₂ jme₂dsa₂ dsen₅₄ ja₁jñi₅ gué₄ lia'₂ caun₂ ñi₂ a₂qui₂dsi₂jén'₅₄ jmi₄ i₂sián'₂.
²⁶ Jua'₅₄ mei'₂ gué₃ le₂jaun₂ né₃, tion₅₄ bá₄ jme₁'nió'₅ jóin₂ 'lióng₂ ráun₂ ca₂le₃ ca₂nio₃ mi₂güig₃. La₁ia₁ le₂la₂ bá₄ lé₅ jui₁lia'₂ rē₂né₃, a₂jē₁ma₂ca₂dsin₃ jmi₄, ca₂jme₃jñiá₂ Cristo co₂ráun₂ tan₅₄ bá₄ ia₁jaun₂ lé₂ le₃jñiá'₂ dsáu₁ dsa₂ tē₂le₃ quian'₅₄ a₂ca₂jén'₂ 'ñiog₅.
²⁷ Jaun₂ jui₁lia'₂ co₂ráun₂ bá₄ ca₂tín₂ dsa₂ mi₂güig₃ dsiáin₃, jaun₂ cang₂ jaun₂ jiá₃ jmi₄ jē₁tē₃dsi₅₄ 'éi'₃,
²⁸ ján₃ bá₄ le₂jaun₂, co₂ráun₂ tan₅₄ bá₄ ca₂jon₃ Cristo ia₁jaun₂ qui₃cán₂ dsáu₁ dsa₂ mi₂güig₃. Cang₂ gué₄ jaun₂ jme₃jñiai₂₃ jē₁ca₂té₂ táng₃, la₁ on₃jua'₅₄ 'uig₅₄ dsáu₁ dsa₂, a₂ja₃lioin₅₄ jui₁lia'₂ i₂qui₂le₃jñiog₅ bá₄.

10

¹ Ia₁ Si₂ 'Éi'₃ quió'₅ Moisés né₃, co₂'nió'₄ caun₂ 'en'₂ quió'₅ a₂dse₃ a₂ja₃lé₂, on₃jua'₅₄ rē'₂ 'a₂ lia'₂ lé₅ dsón'₂. 'Uig₅₄ jaun₂, lia'₂ o₁líg'₂ jmi₄ tsá₃ tió'₅ 'Éi'₃ jaun₂ jua'₅₄ a₂jme₃'ñiai₂₃ jui₁lia'₂ dsa₂ i₂ja₂quián₃ ja₁con₂ Diú₄ tē₂le₃ quian'₅₄ a₂caun₂ qui₂jén'₃ jmi₄ já'₂ le₂jaun₂, lia'₂ 'í₂ ñi₂.

² Jua'₅₄ mei'₂ gué₃ tió'₅ le₂jaun₂, †tsa₁ jme₁ma₂'ná₃ a₂jén'₃ dsa₂ já'₂ ne₄ Diú₄, lín'₂ 'nia'₂? Ia₁ tsá₃ ma₃'e₂ qui₂dsi₂jñi₅ dsí₅ dsa₂ dsáu₁ i₂jme₂ti₃ le₂jaun₂ jē₁ma₂ca₂rñin'₂ jme₂dsí₂ quió'₅.

³ Tē₂le₃ qui₂dsau'₂ dsí₅ bá₄ dsa₂ lia'₂ 'í₂ ñi₂ a₂jén'₂ já'₂ a₂qui₂rē₂cáin'₄ dso₄,
⁴ ia₁ tsá₃ lé₂ jñiá'₂ dsáu₁ dsa₂ jui₁lia'₂ jmi₄ ca₁jui₅ quian'₅₄ jmi₄ chein₄ lau₂.

⁵ 'Uig₅₄ jaun₂, lia'₂ con'₂ jme₁ca₂'í₃ Cristo mi₂güig₃, ca₂juá'₂ ca₂tsí'₃ Diú₄:
 Tsá₃ 'niog'₂ a₂qui₃jén'₂ dsa₂ já'₂ ne'₅₄,

on₃ gué'₂ 'niog'₂ 'e₂ jme₁cué'₅ dsa₂ 'ne₂.

* 9:15 'Nio'₂ ja₁ton₅ Mateo 26:28, Marcos 14:24, Lucas 22:20, 1 Corintios 11:25. † 9:19 'Nio'₂ ja₁ton₅ Juan 19:34. ‡ 9:20 Éxodo 24:8.

La₁ ca₂jmo'₅₄ co₂jñia₅₄ quió'₃
caun₂ ñi₄ dsa₂ mi₂güig'₃.

⁶ Tsá₃ ca₂té₂ 'au'₂ a₂qui₂dsín'₂ dsa₂ já'₂,
on₃ gué₄ ca₂té₂ 'au'₂ 'e₂ a₂qui₂ca₂cué'₃ dsa₂ 'ne₂
o₄quió'₄ dsáu₁ dsa₂.

⁷ 'Uig₅₄ jaun₂ ca₂juá'₃:
“Jag₄, la₂ guio₃, jmo₅₄ a₂'ñio₂ 'au'₂ 'ne₂,
Diú₄ quiáng₃,
jui₁lia'₂ chi₁ton₅ ne₄ si₂ a₂rë₂bin₅,
a₂'ag₂₃ jniá₂.”*

⁸ Le₂'uig₅₄, juá'₂: “Tsá₃ 'nio₃ Diú₄ on₃ gué'₂ të₅ dsí₅ a₂qui₃jén'₂ dsa₂ já'₂ ne₅₄, on₃ gué'₂ jui₁lia'₂ a₂jme₁cué'₅ dsa₂ Diú₄ o₄quió'₄ dsáu₁ dsa₂”, (o₁jñia'₅₄ jén'₃ dsa₂ lia'₂ con'₂ qui'₅ 'Éi'₃ a₂'nió'₅ jmo₃ dsa₂).

⁹ Jaun₂ né₃, cang₂ gué₄ jaun₂, juá'₂: “La₂ guio₃ jmo₅₄ a₂'ñio₂ 'au'₂ 'ne₂, Diú₄ quiáng₃.”
Co₂'nió'₄ a₂juá'₂ ca₂dsia₃ cau₅ a₂le₂'uig₅₄ jaun₂, ia₁jaun₂ ca₂chi'₃ já₁ jë₁ca₂té₂ táng₃.

¹⁰ 'Uig₅₄ ia₁ a₂ca₂jmo₃ Jesucristo a₂'ñio₂ dsí₅ Diú₄ jaun₂, ma₂ca₂rë₃jñio₄ jniog₄ jme₁ca₂jén'₃ ni₁ñi₁₂ 'ñiog₅ co₂ráun₂ tan₅₄. ¹¹ Caun₂ tión₂ bá₄ jme₂dsa₂ lia'₂ 'í₂ jmi₄ a₂qui₂jmo₂₃ ta₁ a₂lín₅, lia'₂ ma₂jmo₂₃ jaun₂ bá₄ a₂qui₂jén'₂ já'₂ 'lióng₂ ráun₂, ton'₂ tsá₃ tió'₅ gué'₂ 'éin₂ dsáu₁ dsa₂.

¹² La₁ Jesucristo né₃, jme₁ma₂ca₂jén'₂ 'ñiog₅ co₂ráun₂ tan₅₄ jaun₂ o₄quió'₄ dsáu₁ dsa₂, jaun₂ gué₄ ca₂guá₂ të₂le₃ gu₂ ne₁ Diú₄.

¹³ Ja₁jaun₂ guá₅ chi₁jñia₂₃ ca₂lia'₂ ca₂jmo₃ Diú₄ co₂'nió'₄ caun₂ ja₁chi'₃ tag₅₄ quian'₅₄ quió'₅ dsa₂ i₂'iog₅₄ quió'₅.

¹⁴ Ia₁ të₂le₃ quian'₅₄ a₂ca₂jén'₂ co₂ráun₂ jaun₂, ca₂rë₃'ñia₅ co₂tan₅₄ dsa₂ i₂lë₅ 'í₁ quiáin₅.

¹⁵ Ján₃ bá₄ le₂jaun₂ jáng'₅ já₁ dsau₅ Jme₂dsí₂ Jñio₅. Ca₂juá'₂ le₂'uig₅₄:

¹⁶ Já₁ a₂jmo₅₄ jniá₂ a₂li'₅₄ quian'₅₄ dsa₂ 'éi₂
cang₂ jmi₄ jaun₂,
lé₂ le₂la₂, juá'₂ Te₁gui'₅₄.

Co₅₄ jniá₂ 'éi'₃ quió₃ të₂dsí₅ dsa₂ 'éi₂.

Ján₃ bá₄ taun₅₄ jniá₂ ja₁'i₄ dsi₅₄ táng₃.†

¹⁷ Cang₂ gué₄ jaun₂ juá'₂ táng₃:

Lia'₂ o₁líg'₂ jmi₄ tsá₃ ma₃dsiog'₂ dsi₃ jniá₂
dso₄ a₂jme₁rë₂cáin'₄,
on₃ gué'₂ 'e₂ a₂'lig'₅₄ a₂ma₂jmo₃.‡

¹⁸ Jaun₂ né₃, chi₂jua'₂ ma₂ca₂'en₃ dsáu₁ dsa₂, jaun₂ tsá₃ ma₂'e₂ 'nió'₅ jén'₃ gué₄ dsa₂ o₄quió'₄ dsáu₁.

Ma₃ jme₁quián₄ jniog₄ ja₁con₂ Diú₄

¹⁹ Jaun₂ lë₃, rin'₅₄ jniog₄, 'uig₅₄ ia₁ a₂ma₂lé₂ dsi₁tió'₄ jniog₄ caun₂ bá₄ 'ei₅ dsi₅ ca₂të₂ ja₁jñio₅ lín₃ gué₄ të₂le₃ quian'₅₄ jmi₄ Jesucristo, ²⁰ të₂le₃ quian'₅₄ jui₅ 'mí₂ jén'₃ a₂ca₂niá₃ 'éi₂ në₂jag₄ bá₄ të₂le₃ quian'₅₄ 'mi'₂ cortina, co₂'nió'₄ le₃jua'₅₄ të₂le₃ quian'₅₄ ni₁ñi₁₂ 'ñiog₅, ²¹ ján₃ bá₄ 'uig₅₄ ia₁ a₂chan₂ jme₂dsa₂ dsen₅₄ juin'₂ quián₂ jniog₄ i₂ñiog₅ gu₂ dsa₂ quián₅ Diú₄, ²² 'uig₅₄ jaun₂ né₃, ma₃ jme₁quián₄ jniog₄ ja₁con₂ Diú₄ ca₂le₃jé₃ dsi₅ jniog₄, caun₂ bá₄ 'ei₅ dsi₅ a₂'éin₂, a₂tsá₃ ma₃'e₂ qui₂dsi₂jñi₅ dsi₅ jniog₄, në₂jag₄ bá₄ a₂ma₂qui₂le₁chí₄ a₂ma₂qui₂le₁séi₂ dsi₅ jniog₄. Ján₃ bá₄ le₂jaun₂ co₂'nió'₄ a₂ma₂ca₂rin'₂ ni₁ñi₁ jniog₄ quian'₅₄ jmi₂ le₁jé₃.

²³ Jui₁náu₂ jniog₄ tiá₂ a₂'éin₂, tsá₃ jui₁'éi₂ jniog₄ caun₂-tin₃ dsi₅ jui₁lia'₂ já₁ a₂'ín₂ dsi₅. Ia₁ i₂rë₂ti'₅₄ bá₄ Diú₄ i₂ma₂cué₃ já₁ quió'₅.

* 10:7 Salmo 40:6-8. † 10:16 Jeremías 31:33. ‡ 10:17 Jeremías 31:34.

²⁴ Ján₃ bá₄ jui₁'niog'₅₄ jniog₄ dsi₅ 'a₂ lia'₂ tion'₅₄ jniog₄ jág₁ rin'₅₄ le₂jau₂ le₂jau₂ a₂jme₁'nio₃ jniog₄ dsa₂, a₂jmó₁ jniog₄ a₂dse₃.

²⁵ Tsá₃ jui₁tí₄ jniog₄ a₂ŋag'₂ jniog₄ co₂lě₅, jui₁lia'₂ ma₂tin₂ i₂lin₅₄, tē₂le₃ 'nió'₅ cuē'₅₄ jniog₄ bí₂ rin'₅₄ le₂jau₂ le₂jau₂, tē₂le₃ lě₅ gué₄ ia₁ ma₂léi₄ a₂ma₂ja₂quián₃ jmig₄ jaun₂.

²⁶ Ia₁ nē₁jua'₂ a₂ta₁ dsi₅ jniog₄ caun₂ qui₂'niog₂ dso₄ tē₃ ma₂ne₅₄ jág₁ dsau₅, jaun₂ tsá₃ ma₂'e₂ cha₂ gué₄ jua'₅₄ lé₂ le₃jen'₄ jniog₄ o₄quió'₄ dsáu₁.

²⁷ Jnia'₅₄ lia'₂ a₂jaun₂ bá₄ 'ei₅ gué₄ a₂jnia₅ jniog₄ a₂'ei₅ gau₂ jē₁qui₃dsi₅ Diú₄ 'éi'₃, jui₁lia'₂ jē₁cau₂ si₂ a₂quió₃ i₂'iog₅₄ quió'₅ Diú₄.

²⁸ Jui₁lia'₂ dsa₂ i₂tsá₃ dsáu₅ dsí₅ 'Éi'₃ quió'₅ Moisés, tion₅₄ bá₄ jón₂ tsá₃ o₂'én₂ dso₄ cha₂ quió'₅, 'uig₅₄ jág₁ dsau₅ a₂jáng'₅ on₃-ún₂.§

²⁹ Jaun₂ nē₃, ħ₂'e₂ gué₄ uig₅ ca₂tín₂, lín'₂ 'nia'₂, jui₁lia'₂ dsa₂ i₂qui₂tsón'₁ Ja₁ŋi'₅₄ Diú₄, jui₁lia'₂ dsa₂ i₂tsá₃ ji'₅₄ jmi₄ 'éi₂ a₂ca₂lí'₃ jág₁ a₂con'₂ ca₂chein'₃ 'éi₂, jui₁lia'₂ dsa₂ i₂tē₂'on'₂ Jme₂dsí₂ quián₅ Diú₄ i₂'ua₁ dsí₅?

³⁰ Ma₂ne₄ bá₄ jniog₄ a₂ca₂juá'₂ Te₁gui'₅₄: “Jniá₂ bá₄ ca₂tíng₂ 'é₄ uig₅ dsa₂; ján₃ bá₄ jniá₂ qui₄.”^{*} Con'₂ siá'₂ ca₂juá'₂: “Qui₃dsi₅ Te₁gui'₅₄ 'éi'₃ ja₁con₂ dsa₂ juig₂ quián₅.”[†]

³¹ ja₂gau₂ bá₄ jaun₂ a₂tián'₃ dsa₂ o₄gú₃ Diú₄ jén'₃!

³² La₁ dsá₂ 'au'₂ 'nia'₂ jmo₄ jmig₄ le₂jniá₅, lia'₂ con'₂ le₂'uig₅₄ jme₁ca₂rē₃ŋí'₂ 'au'₂ 'nia'₂, ján₃ bá₄ 'a₂ lia'₂ juin'₂ 'au'₂ 'nia'₂ ca₂tiang'₃ ca₂gueng'₅₄ mi'₅₄ o₂i₁ dsi₅ quian'₅₄ uig₅ a₂ca₂i₃ŋíg'₂.

³³ I₂lin₅₄ 'nia'₂ qui₂ca₂jnaú'₂ dsa₂ jág₁ qui₂ca₂jmóg'₂ tē₃jin₄ dsa₂ juig₂. I₂lin₅₄ gué'₂ ca₂jme₃quiong'₅₄ ca₂jme₃quian'₅₄ dsa₂ i₂qui₂ca₂ŋág₃ uig₅ le₂nē₅.

³⁴ 'Nia'₂ nē₃ ca₂dsia'₅₄ ŋéi₂ 'au'₂ i₂jme₁tion'₅₄ nē₃ 'má₃. Ján₃ bá₄ ca₂jmo'₅₄ 'nia'₂ 'io'₂ ca₂tiang'₃ lia'₂ con'₂ jme₁qui₂ca₂jniá'₂ dsa₂ le₃jé₃ 'e₂ a₂jme₁cha₂ quián'₂ 'nia'₂. Ia₁ ŋi'₅₄ bá₄ 'nia'₂ a₂cha₂ guei'₅₄ i₂juíg₃ caun₂ a₂dse₃ gué₄ a₂jiog₅ co₂tan₅₄ a₂ca₂tíng'₂.

³⁵ Jaun₂ lē₃, tsá₃ lē₃dsia₂ cau₅ a₂caun₂ 'ei₅ 'au'₂, ia₁ 'ŋio₅ lín₃ bá₄ quen₅ a₂quí₃ Diú₄ 'lia'₅₄ a₂'éng'₂.

³⁶ Ia₁ 'nió'₅ quián'₂ 'nia'₂ a₂jmó'₂ tió'₃ 'au'₂, ia₁jaun₂ lé₂ le₃jmó'₂ 'nia'₂ a₂'ŋio₂ dsí₅ Diú₄, ia₁jaun₂ guéi'₁ 'nia'₂ a₂ma₂ca₂juá'₂ 'éi₂ cuē₃.

³⁷ Ia₁ ŋi'₅₄ ta₁, 'ŋio₅ ŋi'₅₄ ta₁:

Jiá₃ i₂ma₂lé₅ jág₁ jiá₃,

tsá₃ le₃'in₅₄.

³⁸ La₁ dsa₂ i₂ŋi₅ jui₅ co₂rē₂ ia₁ a₂'éin₂,

'éi₂ bá₄ le₃chan₂.‡

Jaun₂ nē₁jua'₂ dsi₂lein₃ le₃ca'₃,

tsá₃ dse₃ 'ag₃ dsi₃ jniá₂ quian'₅₄ 'éi₂.§

³⁹ La₁ jniog₄ nē₃, tsá₃ tíong₂ quian'₅₄ dsa₂ i₂dsi₂len₃ le₃ca'₃ i₂qui₂dsi₂'én₂ quió'₅. Le₃jaun₂ bá₄ tíong₂ jniog₄ le₃quió'₅ dsa₂ i₂'én₂, jaun₂ le₂nē₅ bá₄ tín'₄ jme₂dsí₂ quián₂.

11

Jui₁lia'₂ a₂'én₂ dsa₂

¹ Nē₃ nē₃, jui₁lia'₂ dsa₂ i₂'én₂ nē₃, caun₂ bá₄ 'ei₅ dsí₅ a₂gue₃ a₂jaun₂ a₂'ín₂ dsí₅; ján₃ bá₄ jáng'₅ léi₄ a₂'éin₂, a₂cha₂ tē₃dsón'₂ jui₁lia'₂ a₂tsá₃ jniá₂.

² Ia₁ le₂nē₅ bá₄ ca₂rē₃'én₂ dsa₂ can'₅₄ ma₂líg'₂, jaun₂ ca₂'ag₃ dse₃ Diú₄.

³ Tē₂le₃ a₂'éin₂ bá₄ jniog₄, ŋág'₂ jniog₄ a₂ca₂jmo₃ Diú₄ bá₄ mi₂güí₃ tē₂le₃ quian'₅₄ jág₁ quió'₅. Jaun₂ lē₃, jui₁lia'₂ a₂jniá₂ rē₂nē₃ ca₂lě₃ tē₂le₃ quian'₅₄ a₂tsá₃ jme₁rē₂jniá₂.

§ 10:28 'Nio'₂ ja₁ton₅ Números 35:30; Deuteronomio 17:6. * 10:30 Deuteronomio 32:35. † 10:30 Deuteronomio 32:36; Salmo 135:14. ‡ 10:38 o₃, “La₁ tē₂le₃ quian'₅₄ a₂'én₂ bá₄ dsa₂ le₃chain₂, jág₂ Diú₄ nē₂jag₄ bá₄ dsa₂ dsen₃.” § 10:38 Habacuc 2:3-4.

Tě₂le₃ a₂'én₂ dsa₂

⁴ Tě₂le₃ a₂'én₂ bá₄ Abel, * ca₂jén'₃ ne₄ Diú₄ caun₂ a₂dse₃ gué₄ con'₂ gué₄ a₂ca₂jén'₃ Caín riin'₅₄. 'Uig₅₄ jaun₂ ca₂'ag₃ dse₃ Diú₄ co₂'nió'₄ dsa₂ dsen₃, lia'₂ con'₂ jme₁ca₂gue₃ a₂ca₂jén'₃ jaun₂. Jaun₂ ně₃, o₁jñia'₅₄ gué₄ ma₂rě₂jon₅₄ Abel, ně₂jag₄ bá₄ a₂caun₂ jáng'₅ jág₁ dsau₅ rě₂ně₃, ia₁ a₂ca₂rě₃'éin₂.

⁵ Tě₂le₃ a₂'én₂ bá₄ Enoc, † ca₂ñái'₃ mi₂güig₃ caun₂ tě₃ tsá₃ ca₂join₃, tsá₃ ma₂'ein₂ ca₂dsáu'₂ quió'₅, ia₁ Diú₄ bá₄ i₂ca₂tág₃ quió'₅. Ne₄ si₂ juá'₂ a₂ca₂'ag₃ dse₃ Diú₄ né'₃ gué₄ a₂tě₂, ia₁ lia'₂ con'₂ jme₁chain₂ ca₂jmo₃ a₂ca₂tě₂ dsí₅ Diú₄.

⁶ La₁ia₁ lia'₂ o₁líg'₂ jmi₂g₄ tsá₃ lé₂ le₃jmo₃ dsa₂ a₂jme₂'ñio₂ dsí₅ Diú₄ ně₂jua'₂ tsá₃ 'éin₂, ia₁ jui₁lia'₂ dsa₂ i₂'nio₃ jme₃quián₃ ja₁con₂ Diú₄, tion₅₄ 'nió'₅ le₃'éin₂ de'₂ a₂chan₂ Diú₄, ján₃ bá₄ 'nió'₅ le₃'éin₂ a₂quí₅ Diú₄ 'lian'₅₄ jui₁lia'₂ i₂'nau'₂ a₂dsen₅₄ dsí₅.

⁷ Tě₂le₃ a₂'én₂ bá₄ Noé, ‡ lia'₂ con'₂ jme₁ca₂jmo₃ Diú₄ jág₁ 'e₂ niog₅ lé₂, jui₁lia'₂ a₂tsá₃ jniá₂ gué₄, ca₂tón'₃ bá₄ jui₅ a₂ca₂juá'₂ Diú₄, ca₂jmo₃ bá₄ ni₁barco ja₁lióin₃ le₂jio₅ dsa₂ dsi₂néi₂ quián₅ ně₃. Jaun₂ le₂ně₅ ně₂jag₄ bá₄ a₂ca₂qui₃dsi₂₃ 'éi'₃ ja₁con₂ dsa₂ mi₂güig₃, jaun₂ le₂ně₅ bá₄ ca₂tñin₂ a₂lió₂ Diú₄ co₂'nió'₄ dsa₂ dsen₃, tě₂le₃ a₂'éin₂ bá₄ ján₃.

⁸ Tě₂le₃ a₂'én₂ Abraham, § lia'₂ con'₂ jme₁ca₂tě₃ Diú₄, ca₂nág₂ bá₄. Ca₂o₃'íin₃ ca₂'í₃ jui₅ a₂dsó₃ ja₁juá'₂ Diú₄ cuě₃ caun₂ 'uě₃ a₂ca₂tñin₂ lé₂ quió'₅. Ca₂o₃'íin₃ 'uě₃ go₅₄ tě₃ tsá₃ ñi₅ a₂já'₄ ñó₃.

⁹ 'Uig₅₄ ia₁ a₂jme₁'éin₂, ca₂guá₂ gua'₅₄ 'uě₃ a₂ca₂juá'₂ Diú₄ cuě₃, co₂'nió'₄ a₂lín₅ dsi₂nau₂ jě₄ 'uě₃ siá'₂. Ca₂guá₂ tsi₁'né₅ a₂lé₅ quian'₅₄ tsi₁'mi'₂; ján₃ bá₄ le₂jaun₂ ca₂jmo₃ Isaac quian'₅₄ Jacob ně₃, ia₁ ján₃ bá₄ ca₂tñin₂ le₂jio₅ quian'₅₄ 'éi₂ a₂jme₁ca₂juá'₂ Diú₄ cuě₃.

¹⁰ Ia₁ jme₁chi₁jñia₅ Abraham jui₂ ciudad jaun₂ a₂chí'₅ tiá₂, 'uig₅₄ ia₁ Diú₄ bá₄ i₂ca₂'náu'₃ dsí₅ jmo₃, ján₃ bá₄ i₂ca₂jmo₃'g₃.

¹¹ Já₃ bá₄ tě₂le₃ a₂'én₂ 'ñio₅ Sara, * tě₃ ma₂guein'₂ a₂le₃chan₂ guein₂ quián₅, ca₂gue₃ bá₄ jui₅bí₂ a₂lėin₂ chog₅₄ guein₂ ia₁ lėin₂ i₂rě₂ti'₅₄ bá₄ Diú₄ i₂ma₂cuě₃ jág₁ quió'₅.

¹² Jaun₂ ně₃ Abraham, o₁jñia'₅₄ a₂ma₂i₁jjóin₂, ca₂rě₃chán₃ bá₄ gué₄ tsi₁jjon₂ i₂juin₅ gué₄ lın₃ jui₁lia'₂ nei₅ a₂jniá₂ guei'₅₄ mi₂güig₃, jui₁lia'₂ mi₂tsag₄ a₂cha₂ chei'₅₄ jmi₁ñi'₄ a₂tsá₃ lé₂ le₃'i₃ dsa₂.

¹³ Ca₂dsan₃ bá₄ le₃jín₃ 'éi₂ tě₃ tsá₃ ca₂gue₃ jui₁lia'₂ a₂jme₁ca₂juá'₂ Diú₄ cuě₃. La₁ia₁ jme₁'éin₂ bá₄, jaun₂ ně₂jag₄ bá₄ a₂ca₂jág₃ tě₂ uing₂ a₂jaun₂ a₂'éin₂, tě₅ bá₄ dsí₅ a₂ca₂jág₃. Jaun₂ le₂ně₅ bá₄ ca₂jmo₃ jág₁ a₂lín₅ dsi₂nau₂ i₂con'₂ ca₂ñi₅ mi₂güig₃ la₂.

¹⁴ Jaun₂ jui₁lia'₂ i₂dsia₅ jág₁ le₂ně₅, jáng'₅ léi₄ a₂i₂nioi₅₄ bá₄ gué₄ a₂qui₂'no'₂ caun₂ jui₂ jě₁tiain'₃.

¹⁵ Jua'₅₄ mei'₂ gué₃ caun₂ qui₂dsau'₂ bá₄ gué₄ dsí₅ gua'₅₄ 'uě₃ ja₁ca₂'uiin₂, jme₁lé₂ bá₄ jme₁dsi₂lein₃ táng₃ ja₁jaun₂.

¹⁶ La₁ tě₂le₃ jme₁'ín₂ dsí₅ caun₂ 'uě₃ a₂dse₃ gué₄, co₂'nió'₄ a₂'ě₂₃ 'uě₃ a₂cha₂ guei'₅₄ i₂juig₃. 'Uig₅₄ jaun₂ tsá₃ o₂guí'₃ cán₂ Diú₄ a₂quiong₅ dsa₂ Diú₄ quián₅ dsa₂ 'éi₂, ia₁ ma₂ca₂jmo₃ co₂jñia₅₄ caun₂ jui₂ ciudad quió'₅ 'éi₂.

¹⁷ Tě₂le₃ a₂'én₂ bá₄ Abraham, lia'₂ con'₂ jme₁ca₂caun₃ Diú₄ táu₂, ca₂jéin'₂ bá₄ Isaac † quián₅, ne₄ Diú₄. Jme₁ma₂chéin'₅ co₂jñia₅₄ a₂jme₁jñi'₃ ja₁ñi'₅₄ i₂jan₂ tan₅₄ quián₅,
¹⁸ o₁jñia'₅₄ jme₁ca₂juá'₂ Diú₄ cuag₃ a₂ca₂juá'₂: “Tě₂le₃ quian'₅₄ Isaac le₃chan₂ tsi₁jjon₂ quiáng'₂.” ‡

¹⁹ Ca₂i₃jio₅ dsí₅ Abraham, a₂'io₅ Diú₄ jui₅bí₂ a₂jme₃jein'₅₄ le₂jio₅ jín₄ 'lag₄. Jaun₂ dsón'₂ bá₄ ca₂guéin'₂ táng₃ ja₁ñi'₅₄, ně₂jag₄ bá₄ a₂ca₂jein'₅₄ táng₃ jín₄ 'lag₄.

* 11:4 Abel: 'Nio'₂ ja₁ton₅ Génesis 4:4. † 11:5 Enoc: 'Nio'₂ ja₁ton₅ Génesis 5:18-24. ‡ 11:7 Noé: 'í₂ Génesis 6 - 9. § 11:8 Abraham: 'í₂ Génesis 12 - 25. * 11:11 Sara: 'í₂ Génesis 18:1-15; 21:1-7. † 11:17 Isaac: 'í₂ Génesis 21 - 22. ‡ 11:18 Génesis 21:12.

²⁰ Të₂le₃ a₂'én₂ Isaac, ca₂jme₃gu'₅₄ quió'₅ Jacob quiaín'₅₄ Esaú, ca₂cuë₃ jág₁ quió'₅ a₂cuë₃ Diú₄ a₂dse₃ të₂le₃ ne₄ jui₅ jmi₄ a₂le₃chain₂.[§]

²¹ Ján₃ bá₄ të₂le₃ a₂'én₂ Jacob, * jme₁ma₂ja₂quiaín₃ jóin₂, ca₂jme₃gu'₅₄ quió'₅ le₂jan₂ le₂jan₂ chi'₂ ja₁ñi'₅₄ José. Jaun₂ ca₂jme₃juin'₂ Diú₄, a₂chéin'₅ rë₂dsín₂ ne₄ 'ma₂'i₅₄ quió'₅.

²² Të₂le₃ a₂'én₂ José, † lia'₂ con'₂ jme₁ma₂ja₂quiaín₃ jóin₂, ca₂juá'₂ ca₂'iin₃ dsa₂ juig₂ Israelitas a₂'uúin₃ cang₂ gué₄ jaun₂ 'uë₃ Egipto, jaun₂ ca₂quiog₂ 'éi'₃ 'e₂ 'nió'₅ jmo₃ dsa₂ quian'₅₄ ni₁mu₁₂.

²³ Të₂le₃ a₂'én₂ bá₄ chog₅₄-jmei₂ Moisés, jme₁ca₂rë₃chán₃ 'éi₂, ca₂'mog₃ con'₂ 'ni₅ tsi'₂. Ia₁ ca₂jág₃ a₂'ñio'₂ guein₂ 'éi₂, tsá₃ jua'₅₄ ca₂ja₃gó'₃ 'a₂ lia'₂ lé₅ 'éi'₃ quió'₅ rag₅₄ a₂jñag'₃ quió'₅.[‡]

²⁴ Të₂le₃ a₂'én₂ bá₄ Moisés, § lia'₂ con₂ jme₁ma₂lín₅ dsa₂ ma₂juin'₂, tsá₃ ca₂gue₃ quiong₃ dsa₂ ja₁ñi'₅₄ quiaín₅ ja₁míg₄ rag₅₄ quiaín₅ Egipto.

²⁵ Co₂ñei'₅₄ gué₄ ca₂'náu'₃ dsí₅ ñág₃ uig₅ quiaín'₅₄ dsa₂ juig₂ quiaín₅ Diú₄, con'₂ gué₄ a₂le₃chain₂ o₂'ñio'₃ dsí₅ ca₂tiá₂ a₂'no₃ dso₄.

²⁶ 'ñio₅ gué₄ quen₅, lín₂, a₂ñág₃ uig₅ a₂të₃'o'₂ dsa₂, lia'₂ te₃'on'₂ I₂rë₂'ín₁ quiaín₅ Diú₄, con'₂ gué₄ quen₅ ca₂le₃jé₃ cu₄nió₄ a₂rë₂'ma₄ 'uë₃ Egipto. Ia₁ 'liain'₅₄ a₂cuë₃ Diú₄, co₂dsau₅ jaun₂ bá₄ ca₂jág₃.

²⁷ Të₂le₃ a₂'én₂ Moisés, ca₂o₃'iin₃ 'uë₃ Egipto, * tsá₃ ca₂rë₃gó'₅ a₂'ne₂ rag₅₄; ca₂nau₂ bá₄ tiá₂ në₂jag₄ bá₄ a₂jñin₂ Diú₄ i₂tsá₃ jniá₂.

²⁸ Të₂le₃ a₂'én₂ Moisés, ca₂jmo₃ Jmi₄ Të₂'in₅₄, † ca₂tsáng₂ jmi₂ o₄'né₄ né₃, ia₁jaun₂ i₂niog₅ ne₄ jme₃dsiain₂₃ jui₁lia'₂ chi'₂ dsa₂ ñe'₂ i₂le₂ne₁ quiaín₅ dsa₂, tsá₃ téin₂ gu₂-tag₅₄ chi'₂ i₂le₂ne₁ quiaín₅ dsa₂ juig₂ Israel.

²⁹ Të₂le₃ a₂'én₂ dsa₂ juig₂, ca₂ñí₃ Jmi₁ñi'₄ Guéin₂,[‡] ne₄ 'uë₃ quein₂. La₁ lia'₂ con'₂ jme₁'nio₃ jmo₃ le₂jaun₂ dsa₂ juig₂ Egipto, ca₂dsain₃ bá₄, ca₂'in'₃ jmi₂.

³⁰ Të₂le₃ a₂'én₂ bá₄ dsa₂ israelitas, ca₂lia'₂ ca₂gon₃ ni₁'ia'₂ quió'₅ juig₂ Jericó, § jme₁ma₂ca₂lë₃ i₂niói₅₄ guio₃ jmi₄ le₃lág'₃ quió'₅.

³¹ Ján₃ bá₄ të₂le₃ a₂'én₂ 'io₅₄ Rahab * i₂jme₁'nag₅ quió'₅ né₃, tsá₃ ca₂join₃ co₂lë₅ quiaín'₅₄ dsa₂ i₂tsá₃ ca₂né'₂, † ia₁ ca₂guein₃ bá₄ rë₂ dsa₂ israelitas i₂jme₁i₂nió₄ tiog₅.

³² ¿'E₂ gué₄ juá'₄ jniá₂? Tsá₃ jë₄ jmi₄ jua'₅₄ juá'₄ jniá₂ a₂'ing₄ Gedeón,[‡] quian'₅₄ Barac, § Sansón, * Jetté, † David,[‡] Samuel, § quian'₅₄ dsa₂ i₂jme₁'é₂ jág₁ quiaín₅ Diú₄ né₃.

³³ Të₂le₃ a₂'éin₂ bá₄ ján₃, ca₂lí₃ jui₂ siá'₂ ja₁gon₂ rag₅₄, rë₂ bá₄ ca₂qui₃dsi₂₃ 'éi'₃ né₃, ján₃ bá₄ ca₂'ió'₃ a₂ca₂jme₃'o₅₄ Diú₄ con'₂ lé₅ jág₁ a₂ca₂cuë₃ a₂jme₃'o₅₄. Ján₃ bá₄ le₂në₅ ca₂jnéi₃ i₂lín₅₄ 'o₄ dsí₂'ia'₂, ³⁴ ca₂ei₃ si₂ cau₂ ca₂jo'₅₄, qui₂ca₂lón₂ i₂lín₅₄ a₂jme₁dsiáin₃ quian'₅₄ 'o₄ ñi₁tág₂ né₃. Ján₃ bá₄ le₂jaun₂ ca₂quín'₃ bí₂ dsa₂ 'uan₅₄ ca₂jme₃'uáin'₃, ján₃ bá₄ ca₂rë₃béin₂ quíin'₂ ja₁niog₅ 'nei₂, jaun₂ ca₂tió'₃ bá₄ jme₁ca₂quíin'₂ quian'₅₄ 'lióg₂ dsa₂ i₂'iog₅₄ quió'₅. ³⁵ Ján₃ bá₄ le₂në₅ chan₂ dsa₂ m₂'ca₂guein₃ táng₃ 'lag₄ quiaín₅ jme₁ca₂jein'₅₄ táng₃. I₂sián'₂ gué'₂ qui₂ca₂j móg'₂ dsa₂, la₁ tsá₃ ca₂gue₃ a₂lióin₂, ia₁jaun₂ tiin₅₄ a₂jein'₅₄ a₂le₃chain₂ gué₄ dse₃. ³⁶ I₂sián'₂ gué'₂ ca₂ñág₃ le₃jé₃ jág₁ qui₂ca₂j náu'₂ dsa₂ qui₂ca₂bóg₂ dsa₂; ca₂lia'₂ ca₂'nei'₂ dsa₂ quian'₅₄ ñi₁ cadenas, ca₂to'₂ dsa₂ né'₃ 'má₃ né₃. ³⁷ I₂lín₅₄ gué'₂ ca₂dsan₃ qui₂ca₂j náu'₂ dsa₂ cang₄, i₂sián'₂ né₃ ca₂ti₃ dsa₂ ca₂'nói₁ quian'₅₄ ñi₁ chi₁jan₁, *

§ 11:20 'Í₂ Génesis 27. * 11:21 Jacob: 'Í₂ Génesis 48. † 11:22 José: 'Nio'₂ ja₁ton₅ Génesis 50:24-26.

‡ 11:23 'Nio'₂ ja₁ton₅ Éxodo 2:1-10. § 11:24 Moisés: 'Í₂ Éxodo 2 - 11. * 11:27 Noé: 'Í₂ Génesis 6 - 9. † 11:28 Egipto, Jmi₄ Të₂'in₅₄: 'Í₂ Éxodo 12 - 13. ‡ 11:29 Ján₃ bá₄ chei₂ "Jmi₁ñi'₄ 'Ma₂ta₅."

§ 11:30 Jericó: 'Í₂ Josué 6. * 11:31 Rahab: 'Í₂ Josué 2:1-21; 6:25; Mateo 1:5; Santiago 2:25.

† 11:31 o₃, "dsa₂ i₂tsá₃ ca₂rë₃'én₂." ‡ 11:32 Gedeón: 'Í₂ Jueces 6 - 7. § 11:32 Barac: 'Í₂ Jueces 4 - 5. * 11:32 Sansón: 'Í₂ Jueces 13 - 16. † 11:32 Jetté: 'Í₂ Jueces 11 - 12. ‡ 11:32 David: 'Í₂ 1 Samuel 16 - 31 quian'₅₄ 2 Samuel.

§ 11:32 Samuel: 'Í₂ 1 Samuel. * 11:37 A₂lín₅₄ chog₅₄ si₂ chi₁ton₅ ján₃: "ca₂can₃ dsa₂ táu₂."

ca₂jme₃dsiog₅ dsa₂ quian'₅₄ η₁tág₂ né₃. Qui₂i₁nioi₁₂ i₁jnai'₅₄ a₂la₂-ó₃ le₁qui'₂ jmá'₃ ni₁lo₄ já'₂ cha'₂ quian'₅₄ ni₁lo₄ chein₄ lau₂ né₃; tē₂ηéi₂, tsá₃ dse₃ qui₂le₁'ág₄ dsí₅, já₃ bá₄ qui₂ca₂jmóg'₂ dsa₂. ³⁸ Tsá₃ lé₂ le₃jua'₅₄ jua'₅₄ jme₁ca₂tín₂ dsa₂ mi₂güig₃ le₃chan₂ dsa₂ 'éi₂ quiong'₅₄. Jme₁i₂nioi₅₄ 'uē₃ co₂'ηiog₅, le₂con₂ má'₂ né₃, né'₃ cang₄ tē₂'lau₂, né'₃ tau₂ a₂nio₅ né'₃ 'uē₃ né₃.

³⁹ Le₃jín₃ dsa₂ 'éi₂, ca₂'ag₃ Diú₄ dse₃ 'uig₅₄ ia₁ a₂'éin₂, la₁ia₁ tsá₃ ca₂'ió'₃ a₂jme₁ca₂juá'₂ Diú₄ cuē₃. ⁴⁰ Jme₁ma₂i₃jio₅ dsí₅ Diú₄ jmo₃ co₂jñia₅₄ caun₂ a₂dse₃ gué₄ quián₂ jnio₄, ia₁jaun₂ tsá₃ le₃'ñia₅ dsa₂ 'éi₂ jua'₅₄ tsá₃ le₃'ñiai₂₃ co₂lēs quian'₅₄ jnio₄.

12

Jin₄ jnio₄ Jesús

¹ Jaun₂ lē₃, ia₁ η₁ lē₃ juin₅ dsa₂ qui₂le₁lio₃ jnio₄ i₂ma₂ca₂jme₃jnia₅ a₂'éin₂, jaun₂ dsiá₁ jnio₄ cau₅ ca₂le₃jé₃ lio₅₄ a₂jmo₅ jnág₅ quián₂, já₃ bá₄ le₂nē₅ jui₁lia'₂ dso₄ a₂qui₂nió₅ jnio₄ né₃, jaun₂ dsau₅₄ jnio₄ ne₄ jui₅ a₂juin'₂ dsí₅, nē₂jag₄ bá₄ a₂i₂nio₄ co₂chi'₅₄ a₂tián'₅ já₃ rin'₅₄.

² Jaun₂ né₃, né₄ jnio₄ Jesús, i₂ca₂niá₃ jui₅ a₂'éin₂ jnio₄, já₃ bá₄ i₂jme₂'ñia₅ a₂'éin₂ jnio₄. Ca₂jmo₃ 'éi₂ tió'₃ dsí₅ ne₄ cróg₄, tsá₃ ca₂tón'₃ jui₅ a₂o₂guí'₃ a₂ca₂can₃, ia₁ jme₁ma₂ñi₅ bá₄ a₂cán₂ o₂'ñio₃ dsí₅ a₂'io'₂ jén'₅ cang₂ gué₄ jaun₂. Jaun₂ né₃, ca₂guá₂ tē₂le₃ gu₂ ne₁ ne₄ta₁ quió'₅ Diú₄.

³ Nió'₂ 'nia'₂ 'au'₂ jaun₂, 'a₂ lia'₂ ca₂jmo₃ Jesús: ca₂jmo₃ tió'₃ dsí₅ mi'₅₄ a₂ca₂dsia₃ dsa₂ i₂qui₂rē₂cán'₄ dso₄, ja₁coin₂, ia₁ con'₂ tsá₃ ηó₅ nē₁jua'₂ ca₂'ong'₃ 'nia'₂, ca₂lia'₂ ca₂'uáng'₂.

⁴ Ia₁ tsá₃ gué₄ 'ein₂ ma₂qui₂ca₂quín'₂ 'nia'₂ ca₂lia'₂ ca₂tang₂ jmi₂ 'an'₅₄ 'nia'₂ quian'₅₄ mi'₅₄ a₂jmo'₂ quian'₅₄ dsáu₁.

⁵ Jaun₂ ma₂ca₂'en₃ bá₄ 'au'₂ 'nia'₂ já₃ a₂ma₂chi₂ca₂léi'₁ Diú₄ jui₁lia'₂ jan₂ chi'₂-guein₂ quián₅. Le₂la₂ juá'₂ ne₄ Si₂:

Tsá₃ lē₁o₁le₅₄, jón₃,

jua'₅₄ tsá₃ ton'₅₄ 'ne₂ jui₅

jme₁chei'₅ Te₁gui'₅₄ caun₂ jui₅ dse₃,

on₃ gué'₂ tsá₃ lē₁o₁'ag₅₄ i₁tín₄ 'au'₂

jme₁cuē₂₃ uig₅.

⁶ Ia₁ jme₂rē₃ Te₁gui'₅₄ jui₅

quió'₅ jui₁lia'₂ i₂'nioi₃,

ján₃ bá₄ cuē₂₃ uig₅ quió'₅ ca₂le₃jín₃ i₂guein₂₃

jui₁lia'₂ jan₂ chi'₂-guein₂ quián₅.*

⁷ Tiang'₃ 'nia'₂ jmo₄ ca₂le₃jé₃ uig₅ a₂ñag'₅₄, ia₁ le₂jaun₂ jme₂tag₅ Diú₄ jme₂tñin₂₃ 'nia'₂ jui₁lia'₂ jan₂ chi'₂-guein₂ quián₅. ¿'Ein₂ bá₄ ja₁ñi'₅₄ chan₂ i₂tsá₃ jme₂tag₅ jmei₂?

⁸ Chei'₅ Diú₄ caun₂ jui₅ rē₂ chein'₂₃ ca₂le₃jín₃ chi'₂-guein₂ quián₅. Jaun₂ né₃, jua'₅₄ mei'₂ gué₃ Diú₄ tsá₃ chein'₂₃ 'nia'₂ caun₂ jui₅ dse₃, tsá₃ lé₂ le₃jua'₅₄ a₂lín'₅ 'nia'₂ chi'₂-guein₂ quián₅ tē₃dsón'₂, jñia'₅₄ lia'₂ a₂jaun₂ bá₄ lín'₅ 'nia'₂ jui₁lia'₂ jan₂ chi'₂-guein₂ i₂lē₁ca₂rē₃chán₃.

⁹ Já₃ bá₄ le₂jaun₂ jnio₄ né₃, lia'₂ con'₂ jme₁lág₄ jnio₄ guein₂, jme₁tē₂jí₂ chog₅₄-jmei₂ jnio₄ i₂chan₂ gua'₅₄ 'uē₃. Jaun₂ jme₁jme₂gain₃ bá₄ jnio₄ né₃. ¿Tsa₁ dse₃ néi₁ jnio₄ gau₂ ja₁con₂ Diú₄? Tē₂le₃ 'ē₂ gué₄ 'nió'₅ jme₁gan₃ bá₄ jnio₄ Diú₄ Jmei₂ jnio₄ tē₂le₃ quió'₅ jme₂dsí₂, ia₁jaun₂ le₂nē₅ bá₄ le₃chong₂.

¹⁰ Jme₁ca₂cuē₃ ca₂tiá₂ uig₅ chog₅₄-jmei₂ jnio₄ i₂chan₂ gua'₅₄ 'uē₃, lia'₂ con'₂ lé₅ ca₂i₃jio₅ dsí₅ a₂dse₃. La₁ia₁ Diú₄ né₃ cuē₂₃ jnio₄ uig₅ a₂dse₃ quián₂ jnio₄ guio₅₄, ia₁jaun₂ quein'₅₄ jnio₄ a₂jñio₅ a₂lín₅ 'éi₂.

* 12:6 Proverbios 3:11-12.

¹¹ Dsón'₂ bá₄ jaun₂, lia'₂ 'i₁caun₂ uig₅ tsá₃ tē₅ dsi₅ jniog₄, tē₂le₃ 'ŋio₅ uig₅ bá₄ lág₂ jniog₄. La₁ia₁ cang₂ gué₄ jaun₂, jui₁lia'₂ i₂rē₂tin₂ tē₂le₃ quian'₅₄ uig₅ a₂ŋág₅, nē₂jag₄ bá₄ caun₂ ni₁'ma₂ a₂le₁'ág₄ mīg₂ dse₃, léi₄ bá₄ rē₂jniá₂ tē₂le₃ 'a₂ lia'₂ dse₃ chain₂ 'ei₅ tei₄ dsí₅.

A₂go'₂ a₂tí₁ dsa₂ jág₁ quió'₅ Diú₄

¹² 'Uig₅₄ jaun₂ chog'₅₄ 'nia'₂ táng₃ gog'₂ a₂qui₂le₁ta'₅₄, ján₃ bá₄ chí'₁ táng₃ 'nia'₂ tiá₂ mi₂jne'₅₄ a₂jlen₅.

¹³ “Jmó₄ 'nia'₂ caun₂ jui₅ dsau₅ quió'₅ mi₂tag'₅₄ guiong'₅₄, ”† ia₁jaun₂ tsá₃ 'e₂ qui₃nió₃ i₂sián'₂ jui₁lia'₂ i₂guián'₅₄, tē₂le₃ 'lói₂n₂ bá₄.

¹⁴ Quen'₂ 'nia'₂ bí₂ a₂i₁nio'₄ 'nia'₂ 'ei₅ tei₄ quian'₅₄ ca₂le₃jín₃, a₂le₃chan'₂ 'nia'₂ jñiós₃ né₃. Ia₁ ca₂lia'₂ 'i₁jan₂ tsá₃ lé₂ le₃jín₃ Te₁gui'₅₄ nē₁jua'₂ tsá₃ jñiós₅.

¹⁵ Quion₂ 'nia'₂ 'í₁ ia₁jaun₂ ca₂lia'₂ 'i₁jan₂ jua'₅₄ a₂tsá₃ tñin₃ a₂jme₃gu'₅₄ Diú₄ a₂'ua₁ dsí₅, ia₁jaun₂ tsá₃ 'iá₃ jñ'₄ 'nia'₂ co₂'nió'₄ caun₂ tsin₅ ni₁nau₂ dsi'₃ jmo₅ jan₂ i₂quian₅ o₂me'₅₄ dsí₅ jmo₅ dain₅₄ a₂rē₂ 'lín'₅₄ juin₅.

¹⁶ Jmó₄ 'nia'₂ 'í₁ ia₁jaun₂ tsá₃ 'ein₂ 'nia'₂ i₃nio₄ lia'₂ con'₂ lé₅ mi₅ ni₁ŋi₁₂, on₃ gué'₂ i₃nioi₅₄ jua'₅₄ a₂tsá₃ tón'₂ jui₅ jág₁ quió'₅ Diú₄. Le₂nē₅ bá₄ ca₂jmo₃ Esau.[‡] O₄quió'₄ caun₂ má₃ bá₄ ca₂'nag₃ ca₂le₃jé₃ a₂jme₁ca₂tñin₂ a₂lín₅ chí'₂ dsa₂ ŋe'₂ i₂ne₅₄.

¹⁷ Ma₂ŋi'₅₄ bá₄ 'nia'₂, cang₂ gué₄ jaun₂ lia'₂ con'₂ jme₁'nio₃ táng₃ Esau₃ gue₃ a₂jme₁ca₂tñin₂, a₂jme₃gu'₅₄ jmei₂, tsá₃ ca₂gué'₂ jmei₂. Jaun₂ né₃, tsá₃ ma₃ca₂dsó'₂ 'a₂ lia'₂ tñin'₄ táng₃ jui₁lia'₂ a₂jme₁ca₂tñin₂, o₁jñia'₅₄ ca₂'nú₃ 'ŋio₅ lín₃ ca₂le₃jé₃ ca₂'o₃.

¹⁸ Quion₂ 'nia'₂ 'í₁ jaun₂ né₃, ia₁ on₃jua'₅₄ a₂ma₂ca₂jme₁quián'₄ 'nia'₂ má'₂ ŋei₅ jaun₂ a₂jniá₂, a₂cau₂ quian'₅₄ si₂, ja₁lé₄ qui₁né'₃ 'ei₅ nei₂, dsí₂ né₃, qui₃lé₂ gau₂ 'ŋio₅ lín₃.

¹⁹ On₃ gué'₂ ca₂nei'₂ 'nia'₂ a₂i₂'ein₅₄ ŋi₁ trompeta, on₃ gué'₂ jág₁ quió'₅ Diú₄ a₂juá'₂ jág₁ gau₂ tsí'₅ dsa₂ 'éi₂, ca₂lia'₂ i₂ca₂nág₂ jág₁ jaun₂ ca₂mi₃ a₂tsá₃ ma₂juá'₂ 'éi₂ jág₁.

²⁰ Ia₁ tsá₃ jme₁tió'₅ nag₃ 'éi'₃ quió'₅ Diú₄ a₂juá'₂: “Nē₁jua'₂ jan₂ já'₂ ca₂'é₃ má'₂ jaun₂, 'nió'₅ jói₂ qui₃dsag₅ dsa₂ cang₄.”§

²¹ 'Uig₅₄ ia₁ a₂ŋi₄ lē₃ gau₂ a₂jniá₂ ja₁jaun₂, ca₂lia'₂ ŋiog₅ Moisés ca₂juá'₂, “ŋio₅ lín₃ jlen₅ jniá₂ a₂gó₅.”*

²² La₁ia₁ 'nia'₂ né₃, ma₂ca₂jme₁quián'₄ Má'₂ Sión, co₂'nió'₄ Jerusalén a₂niog₅ guei'₅₄ i₂juíg₃, ciudad quió'₅ Diú₄ jén'₃. Ma₂ca₂jme₁quián'₄ 'nia'₂ ja₁con₂ 'lióng₂ lín₃ mei₅ ángeles i₂ŋi'₂ jmo₂₃ 'io'₂.

²³ Ma₂ca₂jme₁quián'₄ 'nia'₂ ja₁con₂ dsa₂ i₂tion'₅₄ lo'₂ a₂jme₃juin'₂ Diú₄, quian'₅₄ ca₂le₃jín₃ chí'₂-guein₂ quián₅ Diú₄ i₂ca₂tñin₂ ca₂le₃jé₃ lia'₂ jē₁ca₂tñin₂ ja₁ŋi'₅₄ i₂ne₅₄, i₂ma₂qui₂le₁ton₅ guei'₅₄ i₂juíg₃. Ma₂ca₂jme₁quián'₄ 'nia'₂ ja₁con₂ Diú₄ i₂qui₃dsi₅ 'éi'₃ quió'₅ ca₂le₃jín₃, ja₁con₂ jme₂dsí₂ quió'₅ dsa₂ dsen₃ i₂ma₂qui₂le₁'ŋia₅, ²⁴ quian'₅₄ ja₁con₂ Jesús i₂chén'₅ ne₄ jág₁ 'mí₂ a₂li'₅₄ quian'₅₄ Diú₄, quian'₅₄ ja₁con₂ jmi₂ a₂rē₃séi₂, a₂quen₅ gué₄ a₂jáng'₅ léi₄ a₂'ua₁ dsí₅ con'₂ gué₄ quen₅ jmi₄ Abel.

²⁵ Jmó₄ 'nia'₂ 'í₁ a₂tsá₃ jmó'₂ 'nia'₂ jua'₅₄ tsá₃ guén'₄ 'nia'₂ Diú₄ i₂juá'₂ tság₅ jniog₄. Ia₁ chi₂jua'₂ tsá₃ ca₂lón₂ jui₁lia'₂ i₂tsá₃ ca₂guén'₂ i₂'éi₂ i₂ca₂'é₂ jág₁ gua'₅₄ 'uē₃ la₂, 'ē₂ gué₄ bá₄ jniog₄ tsá₃ lé₂ le₃lió₂, nē₁jua'₂ tsá₃ ca₂guén₄ jniog₄ i₂juá'₂ tē₂ guei'₅₄ i₂juíg₃.

²⁶ Jmíg₄ jaun₂, ca₂i₁bi₅₄ 'uē₃ jme₁ca₂juá'₂ Diú₄. La₁ia₁ rē₂nē₃ né₃, ma₂cuē₃ jág₁ quió'₅, a₂juá'₂: “jmo₅₄ gué₄ jniá₂ con'₂ siá'₂ a₂dsi₃bi₅₄, la₁ia₁ on₃jua'₅₄ jmá'₃ gua'₅₄ 'uē₃, le₂jio₅ guei'₅₄ dsi₂güig₂ bá₄ ján₃.”†

²⁷ Jui₁lia'₂ a₂juá'₂, “con'₂ siá'₂”, dsi₂jein₃ jág₁ a₂jñiá'₂ ca₂le₃jé₃ a₂jniá₂ a₂dsi₂bi₅₄ a₂lé₂ qui₂le₃jñia'₃, ia₁jaun₂ tē₃gua₄ co₂tan₅₄ a₂tsá₃ lé₂ dsi₃bi₅₄, on₃ gué'₂ lé₂ le₃jñia'₃.

† 12:13 Proverbios 4:26. ‡ 12:16 Esau: 'í₂ Génesis 25:27-34. § 12:20 Éxodo 19:12-13. * 12:21 Deuteronomio 9:19. † 12:26 Hageo 2:6.

²⁸ Jaun₂ 'uig₅₄ ia₁ a₂tsá₃ ma₃lé₂ qui₂dsi₃bi₅₄ ja₁gon₂ Diú₄, ja₁cuë₃ jniog₄, jaun₂ cuë₅₄ jniog₄ ti₁'mag₄ jaun₂ né₃, o₄quió₄ ca₂le₃jé₃ a₂la₂, jme₁ti₁ jniog₄ ne₄ Diú₄ né₃ 'a₂ lia₂ 'ñjo₂ dsí₅, jme₁'nió₄ jniog₄ Diú₄ a₂'ei₅ gau₂ dsi₅ jniog₄.

²⁹ Ia₁ lín₅ Diú₄ quián₂ jniog₄ lia₂ 'lé₅ caun₂ si₂ a₂'éin₂ le₃jé₃.‡

13

'A₂ lia₂ 'jmo₃ a₂të₅ dsí₅ Diú₄

¹ Tsá₃ lë₁tí₅ 'nia₂ 'a₂'nióg₃ le₂jang₁ 'le₂jang₂ 'jui₁lia₂ 'rín₂ 'nia₂.

² Tsá₃ jui₁dsi₂'én₂ 'au₂ 'nia₂ 'a₂guéng₄ dsi₂néi₂ quiáng₂ 'jui₁lia₂ 'dsa₂ i₂chan₂ ja₁siá₂, ia₁ le₂në₅ bá₄ ma₂jmo₃ i₂lín₅₄ ma₂ca₂guein₃ ángeles të₃ tsá₃ lí₄.

³ Dsau₂ 'au₂ 'nia₂ 'jmo₄, jui₁lia₂ 'dsa₂ i₂tion₅₄ né₃ 'má₃, në₂jag₄ bá₄ a₂tion₅₄ 'nia₂ 'guiong₅₄ co₂lë₅ quian₅₄. 'Nio₂ 'au₂ 'jui₁lia₂ 'i₂ñí₄ lë₃ qui₂ma₂zmóg₂ 'dsa₂, ia₁ ján₃ bá₄ dsa₂ chi₁dsán₃ bá₄ 'nia₂ 'i₂lé₂ le₃ñág₃ uig₅.

⁴ Jui₁jme₂gó₃ bá₄ le₃jín₃ jui₁lia₂ 'a₂jén₂ 'dsa₂ gu₂, ján₃ bá₄ jui₁le₅₄ bá₄ 'í₁ jui₁lia₂ 'ja₁tian₃ 'dsi₂i₂gu₂ co₂lë₅, ia₁ qui₃dsí₅ bá₄ Diú₄ 'éi₃ ja₁con₂ 'dsa₂ i₂qui₂'no₅ dso₄, jui₁lia₂ 'i₂nió₅ jág₁ quian₅₄ 'i₂sián₂ on₃jua₅₄ dsi₂i₂gu₂.

⁵ Tsá₃ jui₁chan₂ 'nia₂ 'a₂qui₂chi₁ 'ñeg₁ 'nia₂ 'jua₅₄ a₂ñí₄ lë₃ 'ín₅ 'au₂ 'nia₂ 'cu₄. Dsau₂ 'au₂ 'nia₂ 'jmo₄ lia₂ 'con₂ 'tí₅ a₂cha₂ quián₂ 'nia₂, ia₁ ma₂ca₂juá₂ Diú₄:

lia₂ 'o₁líg₂ 'jmi₄ tsá₃ tón₂ jniá₂ 'nia₂,

on₃ guë₂ 'tén₄ jniá₂ 'nia₂.*

⁶ Jaun₂ né₃ lé₂ le₃jua₅₄ a₂ma₂'ei₅ caun₂ dsi₅:

Te₁gui₅₄ bá₄ i₂jme₂'o₅₄ jniá₂;

tsá₃ gó₅ jui₁lia₂ 'e₂ lé₂ le₃zmóg₂

dsa₂ mi₂güí₃.†

⁷ Dsá₂ 'au₂ 'nia₂ 'jmo₄, jui₁lia₂ 'dsa₂ i₂ma₂jio₃ ne₄ jui₅, i₂ma₂juá₂ 'jág₁ quió₅ Diú₄ ca₂tsí₃ 'nia₂. Quion₄ 'nia₂ 'í₁ 'a₂ lia₂ 'lé₅ ca₂dsióg₃ jui₅ a₂chan₂ 'dsa₂ 'éi₂, jaun₂ 'én₄ 'nia₂ 'jui₅ jaun₂ jui₁lia₂ 'én₂ 'éi₂.

⁸ Lia₂ 'ma₂lín₅ jaun₂ bá₄ Jesucristo, dsióg₂, jmi₄ né₃, lia₂ 'con₂ 'tan₅₄ bá₄ lín₅.

⁹ Tsá₃ lë₁cuë₂ 'nia₂ 'jmi₄ 'jua₅₄ 'jio₃ 'i₂sián₂ 'i₂jme₂tag₅ 'líong₂ ne₅₄ juá₅ 'siá₂, a₂tsá₃ lé₅ 'con₂ 'lé₅ juá₂ 'jág₁ quió₅ Diú₄. Co₂ñei₅₄ gué₄ dse₃ a₂gue₃ të₂dsi₅ jniog₄ jui₅bí₂ të₂le₃ quian₅₄ a₂'ua₁ dsí₅ Diú₄, 'con₂ 'gué₄ të₂le₃ quian₅₄ 'éi₃ 'jui₁lia₂ 'a₂ lia₂ 'nió₅ 'gué₃ 'dsa₂. Ia₁ tsá₃ ta₁ tí₄ 'éi₃ jaun₂ 'jua₅₄ a₂jme₃'o₅₄ quió₅ 'jui₁lia₂ 'dsa₂ i₂i₂nio₄ le₂jaun₂.

¹⁰ La₁ia₁ cha₂ bá₄ caun₂ ne₄chei₂ quián₂ jniog₄ ja₁tsá₃ ca₂tín₂ gué₃ 'jui₁lia₂ 'i₂jme₂ti₃ ta₁ guá₅ tabernáculo.

¹¹ Ia₁ ne₄ bá₄ jniog₄, a₂dsi₂can₅ jme₂dsa₂ dsen₅₄ jmi₄ 'já₂ 'dsi₂néi₂ ja₁jñi₅ lín₃ gué₄, a₂jén₄ o₄quió₄ 'dsáu₁ 'dsa₂. La₁ia₁ ni₁ñi₄ 'já₂ 'éi₂ qui₂dsí₂ 'dsa₂ 'ni₂ 'ja₁tián₄ 'dsa₂ 'juig₂ Israel.

¹² Ján₃ bá₄ le₂jaun₂ ca₂ñág₃ Jesús uig₅ 'ni₂ 'juig₂, ia₁ jaun₂ qui₂jme₃jñi₃ 'dsa₂ 'juig₂ quián₅ të₂le₃ quian₅₄ 'jmi₄ 'ñiog₅.

¹³ Dsi₁náu₄ jniog₄ jaun₂ né₃ 'ja₁con₂ Jesús, co₂'nió₄ 'cau₅ 'ja₁tión₂ 'dsa₂ 'juig₂ Israel, a₂quian₂ jniog₄ o₂guí₃ o₄quió₄ Jesús.

¹⁴ Ia₁ mi₂güí₃ la₂, 'i₁caun₂ 'juig₂ tsá₃ cha₂ quián₂ jniog₄ 'jua₅₄ a₂jio₅ co₂tan₅₄, la₁ a₂jaun₂ bá₄ 'niog₂ 'jniog₄ ciudad jaun₂ a₂në₃ gué₄ 'jiá₃.

¹⁵ Të₂le₃ quian₅₄ Jesucristo jaun₂ né₃, ma₃ 'jme₁juin₂ 'jniog₄ Diú₄ co₂tan₅₄, co₂'nió₄ 'a₂jen₄ 'jniog₄ ne₄ 'éi₂ 'jág₁ a₂'uë₂ 'mi₂'o₄ 'jniog₄ 'con₂ 'dsi₂ten₅₄ 'jmo₃ 'dsa₂ 'i₂tión₂ 'le₃quió₅ 'éi₂.

‡ 12:29 Deuteronomio 4:24. * 13:5 Deuteronomio 31:6. † 13:6 Salmo 118:6-7.

¹⁶ Ján₃ bá₄ tsá₃ o₁ló₄ dsi₂'én₂ 'au'₂ 'nia'₂ a₂dse₃ a₂qui₁cuë'₅₄ 'nia'₂ ca₂la₂ ríng'₂, 'e₂ a₂cha₂ quiáng'₂. Ia₁ jui₁lia'₂ a₂jen'₅₄ 'nia'₂ le₂jaun₂ bá₄ a₂të₅ dsi₅ Diú₄.

¹⁷ Né'₂ 'nia'₂ jmo₄ ja₁con₂ jui₁lia'₂ i₂quian₅ ne₄ jui₅, jme₁gan₃ 'nia'₂ 'éi₂. Ia₁ jmo₂₃ 'í₁ jme₂dsí₂ quián'₂ 'nia'₂, a₂líin₅ dsa₂ i₂ca₂tín₂ dsi₃jang'₅₄ cuenta ja₁con₂ Diú₄. Jui₁le₅₄ bá₄ dse₃ ta₁ a₂niog₅ gu₂ 'éi₂ ia₁jaun₂ jmo₃ 'io'₂, on₃jua'₅₄ 'lia'₂ dsi₅, ia₁ tsá₃ ta₁ tí₄ ja₁con'₂ 'nia'₂ nē₁jua'₂ le₂jaun₂ ca₂'lia'₂ dsi₅.

¹⁸ Chi₁len'₄ 'nia'₂ Diú₄ o₄quián₂ jnia'₅₄, ia₁ caun₂ bá₄ 'ei₅ dsi₅ jnia'₅₄ a₂qui₂le₁jé₃ jme₂dsí₂ quián₂, ia₁ 'niog₂ bá₄ jnia'₅₄ qui₂i₁nio₁ lia'₂ dsi₂ten₅₄ jë₄ ca₂le₃jé₃.

¹⁹ Ja₂lín₃ gué₄ dse₅₄ mi₅ jniá₂ a₂chi₁len'₄ 'nia'₂ Diú₄ ia₁jaun₂ lé₂ nei₅₄ a₂i₁'ú₃ táng₃ ja₁con'₂ 'nia'₂ ŋi'₅₄ ta₁.

'Ág'₅ jág₁ jë₁ca₂tó'₂, cui_{in}₂₃ Diú₄

²⁰ Jui₁jmo₅₄ Diú₄ i₂jmo₅ 'ei₅ tei₄, i₂ca₂tág₃ táng₃ të₂le₃ quian'₅₄ jmi₂ a₂lí₅₄ jág₁ a₂jio₅ co₂tan₅₄, ca₂tág₃ Te₁gui'₅₄ Jesucristo quián₂ jniog₄ ja₁jme₁rë₂'liin₅₄, dsa₂ juin'₂ 'éi₂ juig₅₄ já'₂ cha'₂, ²¹ jui₁jmo₅₄ bá₄ Diú₄ jui₁jmoi'₅₄ 'nia'₂ dsa₂ rë₂'ŋia₅ jë₄ ca₂le₃jé₃ a₂dse₃ ia₁jaun₂ jmó'₂ a₂'ŋio₂ dsi₅ 'éi₂. Ján₃ bá₄ jui₁jmo₅₄ 'éi₂ 'e₂ 'nio₃ jmo₃ quian'₅₄ ca₂le₃jág₃ jniog₄ të₂le₃ quian'₅₄ Jesucristo. Jui₁le₂juin'₂ bá₄ 'éi₂ lia'₂ co₂tan₅₄. A₂méi₃.

²² Rin'₅₄ jniog₄, mi₅ jniá₂ quián'₂ 'nia'₂, jmo₄ bá₄ 'nia'₂ juin'₂ 'au'₂ quian'₅₄ jág₁ dse₃ la₂ a₂chi₁len'₄ jniá₂ 'nia'₂, ia₁ tsá₃ jua'₅₄ ŋí₄ lë₃ 'lióng₂ jág₁ ma₂në₂táun₂ jniá₂ ne₄ si₂.

²³ Jui₁le₂ŋi'₅₄ 'nia'₂ jág₁ jui₁lia'₂ rin'₅₄ jniog₄ Timoteo: ma₂dsei₅ bá₄ dsa₂ né'₃ 'má₃. Nē₁jua'₂ ca₂guáin₂ ŋi'₅₄ ta₁, jaun₂ jain₅₄ jniá₂ jë₁ma₂të₂ rë₁nei₅₄ jniá₂ i₁jing₁₂ 'nia'₂.

²⁴ Cui_n₅₄ 'nia'₂ Diú₄ ca₂le₃jín₃ jui₁lia'₂ i₂jio₅ quián'₂ 'nia'₂, quian'₅₄ ca₂le₃jín₃ guë'₂ dsa₂ juig₂ quián₅ Diú₄. † Rin'₅₄ jniog₄ i₂chan₂ Italia cui_{in}₂₃ Diú₄ 'nia'₂.

²⁵ Jui₁jme₂gu'₅₄ bá₄ Diú₄ ca₂le₃jín'₃ 'nia'₂. A₂méi₃. §
Co₂në₅.

† 13:24 lit. “dsa₂ jnió₅.” § 13:25 A₂lín₅₄ chog₅₄ si₂ tsá₃ chi₁ton₅ “A₂méi₃.”

Si₂ carta a₂ca₂jmo₃
SANTIAGO

Jmo₅ Santiago si₂ a₂chein₃ ne₄ dsa₂ 'én₂ i₂tián'₅ tsi₁rë₂jan₅₄ uing₂

¹ Jniá₂ Santiago, líng₅ i₂jme₂ti₃ ne₄ Diú₄ quian'₅₄ ne₄ Te₁gui'₅₄ Jesucristo, cuíng₅ Diú₄ ta₁guia₃-tín₂ nió'₃ tsi₁jon₂ dsa₂ juig₂ Israel i₂tián'₅ tsi₁rë₂jan₅₄ ta₁caun₂ mi₂güíng₃.

Jui₁lia'₂ jme₁jau'₂ 'í₁ a₂dsi₂ñí₂ dsa₂ 'én₂ 'e₂ niog₅ dsi₂ñí₂

² 'Nia'₂ rin'₅₄ jniog₄, jmo₄ 'nia'₂ 'au'₂ a₂dseng'₃ gué₄ lín₃, jme₁dsi₂ñí₂ 'nia'₂ ca₂le₃jé₃ ne₅₄ táu₂ a₂jau'₂ 'í₁ ja₁con'₂ 'nia'₂. ³ Ia₁ ma₂ñi'₅₄ bá₄ 'nia'₂ jë₁ma₂ca₂jáu'₃ 'í₁ 'a₂ lia'₂ 'én₂ 'nia'₂, dsió₄ lia'₂ ma₂tión'₂ jaun₂ bá₄ 'nia'₂ tiá₂. ⁴ La₁ cuin₅₄ 'nia'₂ jmi₄g₄ a₂le₃'ñia₅ a₂në₅ ja₁cong'₂, tió'₃ 'au'₂ 'nia'₂ jmo₄, jaun₂ dsi₁nóg'₅ léng'₂ dsa₂ i₂ma₂ca₂can'₅₄, i₂ma₂rë₂'ñia₅ lia'₂ ñí₂ dsi₄, tsá₃ ma₃'e₂ 'nió'₅ quián'₂ 'nia'₂.

⁵ Chi₂jua'₂ chan'₂ 'nia'₂ i₂'nió'₅ le₃ñí₂ dsi₅, jui₁mi₁₂ ja₁con₂ Diú₄, jaun₂ 'éi₂ bá₄ cuë₃. Ia₁ Diú₄ i₂'ua₁ dsi₅ jmo₂₃ qui₂rë₂tín₂ ca₂le₃jín₃, on₃jua'₅₄ a₂të₂jí₂. ⁶ La₁ ca₂tín'₂ 'nia'₂ a₂mí'₁ a₂'éng'₂ të₃dsón'₂ on₃jua'₅₄ a₂'ág'₁ 'nia'₂ caun₂-tín₃ 'au'₂; ia₁ jui₁lia'₂ dsa₂ i₂'ag₅ caun₂-tín₃ dsi₅, lín₅ jui₁lia'₂ lé₅ jmi₄g₂ a₂qui₂ráun₂ ne₄ jmi₁ñí'₄, a₂qui₂ñá'₅ can₂ dsi₂ ca₂taun₂ ca₂taun₂. ⁷ Dsa₂ i₂lín₅ le₂jaun₂, tsá₃ jui₁dsi₂jio₅ dsi₅ jua'₅₄ cha₂ a₂gue₃ quió'₅ Te₁gui'₅₄. ⁸ Ia₁ jui₁lia'₂ dsa₂ i₂'ei₅ tin₃ dsi₅ tsá₃ 'e₂ tiá₂ chén'₅ i₂le₂'éi₂ ca₂le₃jé₃ gué₄ 'e₂ a₂jmo₂₃, o₃ 'e₂ jág₁ quió'₅ cuë₂₃. ⁹ Dsa₂ rin'₅₄ jniog₄ i₂te₂ñé₂, ca₂tín₂ jmo₃ dsi₅ 'io'₂ jén'₅, ia₁ të₃dsón'₂ bá₄ quein₅ le₃ja₁con₂ Diú₄. ¹⁰ Jui₁lia'₂ i₂cha₂ cu₄ guë'₂, ca₂tín₂ bá₄ jmo₃ 'io'₂ ján₃ ia₁ tsá₃ 'e₂ quein₅ ja₁con₂ Diú₄ quian'₅₄ cú₁. Ia₁ i₂lín₅ jui₁lia'₂ lé₅ lí₁ ni₁nau₂ bá₄ dsa₂ i₂cha₂ cu₄ ia₁ i₂dsi₂ñí₂ bá₄ 'éi₂ jui₁la₂ 'iog₃. ¹¹ Jë₁ma₂ca₂'ia₂* 'iog₂ dséi₅ 'ñio₅ lín₃ rë₂juing₅ bá₄ ni₁nau₂, rë₂quein₂, ta'₂ bá₄ lí₁ ján₃, 'én₂ bá₄ 'a₂ lia'₂ jlá'₁ jme₁jniá₂. Le₂në₅ bá₄ lé₅ quian'₅₄ dsa₂ cha₂ cu₄; qui₂dsi₂ñí₂ bá₄ të₃ ja₁'no₂₃ cu₄.

On₃jua'₅₄ Diú₄ i₂jmo₅ a₂co₂dsi₂'én'₅ dsa₂

¹² 'E₂ gué₄ dsen₃ dsa₂ i₂tió'₅ jmo₅ juin'₂ dsi₅ jë₁ma₂qui₂i₂ñí₂ 'e₂ táu₂ i₂ñí₂; ia₁ jë₁ma₂ca₂ñí₅ jaun₂, gue₃ ja₁le₃chain₂ dse₃, a₂lé₅ në₂jag₄ bá₄ caun₂ corona a₂cuë₃ Diú₄ cué'₃ ca₂le₃jín₃ i₂'nio₃ quió'₅. ¹³ Chi₂jua'₂ chan'₂ i₂lín₅₄ qui₂ja₂ bí₂ 'lig'₅₄ dsi₅, tsá₃ jui₁dsi₂jio₅ dsi₅ jua'₅₄ Diú₄ i₂jmo₅ a₂dsi₂jio₅ dsi₅ le₂jaun₂; ia₁ 'i₁caun₂ a₂'lig'₅₄ tsá₃ qui'₅₄ jmi₄g₄ jua'₅₄ a₂cáin₂ táu₂ Diú₄, on₃ guë'₂ cáun₂ Diú₄ táu₂ quió'₅ 'i₁jan₂ ia₁jaun₂ jmo₃ dsa₂ a₂'lig'₅₄. ¹⁴ Le₂la₂ bá₄ lé₅: guion₅₄ bá₄ dsa₂ tsi₂cuin'₂ jui₅ ja₁'ín₅ dsi₅ jmo₃ a₂'lig'₅₄, ja₁tián'₃ dso₄, lín₅ në₂jag₄ bá₄ jui₁lia'₂ jan₂ i₁ju₁ i₂nág'₅ mi₂cu₄. ¹⁵ Ne₄ ja₁'ín₅ dsi₅ jmo₃ a₂'lig'₅₄ né₃, të₂le₃ ne₄ ja₁ñó₄ jaun₂ rë₂jniá₂ dso₄ bá₄ ja₁coin₂; jë₁ma₂ca₂'ñia₅ dso₄ né₃, rë₃cha₂ 'mú₃.

¹⁶ 'Nia'₂ rin'₅₄ jniog₄ i₂'nió₃, tsá₃ jui₁le₂gan'₂ 'nia'₂, ¹⁷ ia₁ ca₂le₃jé₃ a₂lé₅ a₂dse₃ lín₃ a₂guei₂ jniog₄ já₅ guei'₅₄ quió'₅ Diú₄ Jmei₂ jniog₄ i₂ca₂jmo₃ ca₂le₃jé₃ si₂ cha₂ guei'₅₄ dsi₂güig₂. La₁ ja₁con₂ Diú₄ 'i₁caun₂ tsá₃ 'e₂ jua'₅₄ a₂qui₂rë₂tsín₃, jui₁la₂ qui₂rë₂tsín₃ si₂ le₁'ág₄ guei'₅₄, 'ag₅ 'en'₂. ¹⁸ Lia'₂ ma₂lé₅ jaun₂ bá₄ con'₂ lé₅ ma₂ca₂rë₃'ñio₃ dsi₅ 'ñiog₅, ma₂ca₂jmo₃ a₂ma₂ca₂rë₃chóng₃ jniog₄ të₂le₃ quian'₅₄ jág₁ dse₃ a₂tí₅ quió'₅, ia₁jaun₂ léi₂ jniog₄ i₂le₂'uig₅₄ jui₁lia'₂ caun₂ a₂ca₂rau₂ ca₂le₃jé₃ a₂ma₂jmo₃ 'éi₂.

Jui₁lia'₂ jë₁'én₂ dsón'₂ dsa₂ co₂dsau₅

¹⁹ Jui₁le₂ñi'₅₄ 'nia'₂ a₂la₂, rin'₅₄ jniog₄: le₂jan'₂ le₂jan'₂ 'nia'₂ rë₂jáng'₁ a₂jñia'₅₄ nág'₁ de'₂, tsá₃ 'nió'₅ jua'₅₄ a₂ma₂të₂chan'₅₄ 'nia'₂ jág₁ a₂ñag'₅₄ dsi₂jui₅, on₃ guë'₂ 'nió'₅ tin'₃ 'nia'₂

* 1:11 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsi₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

dséng'₂ nē₃ cón'₅. ²⁰ Ia₁ jui₁lia'₂ quian'₅₄ a₂dsén₂ dsa₂ tsá₃ lé₂ le₃jmo₃ a₂'ñio₂ dsí₅ Diú₄. ²¹ Jaun₂ lē₃, tí₃ 'nia'₂ ca₂le₃jé₃ a₂'lig'₅₄ a₂lé₅ dso₄ a₂ñí₄ 'ñio₅ cha₂jmiḡ₄ nē₃, jmo₄ 'nia'₂ meg'₂ guen₅₄ co₂ñei'₅₄ jág₁ dse₃ a₂ma₂jnia₄ tē₂'au'₂ 'nia'₂; ia₁ jág₁ dse₃ nē₅ bá₄ a₂'io₅ jui₅bí₂ a₂lió₂ jme₂dsí₂ quián'₂ 'nia'₂.

²² La₁ jui₁le₂chan'₂ 'nia'₂ lia'₂ con'₂ lé₅ jág₁, on₃jua'₅₄ rē'₂ a₂jñia'₅₄ 'nió'₅ nág'₁ 'nia'₂. Ia₁ nē₁jua'₂ tsá₃ jme₂tí'₁ 'nia'₂, guion'₅₄ bá₄ 'nia'₂ jme₂gáng'₁. ²³ Ia₁ jui₁lia'₂ dsa₂ i₂jñia'₅₄ tē₅ dsí₅ nag₂₃, tsá₃ jmo₂₃ guē'₂ a₂nag₂₃, lín₅ lia'₂ lín₅ jan₂ dsa₂ i₂jín₂ 'ñiog₅ ne₄ ni₁'₂; ²⁴ la₁ jē₁ma₂ñó₅ cau₅ né₃, dsí₂'én₂ bá₄ táng₃ dsí₅ 'a₂ lia'₂ jniái₂. ²⁵ La₁ 'e₂ guē₄ dsen₃ dsa₂ i₂tsá₃ dsí₂'én₂ dsí₅ 'e₂ nag₂₃ tē₂le₃ 'ñio₅ lín₃ guē₄ tón'₂ jui₅ rē₂ jág₅ 'éi'₃ dse₃ a₂lión₂ dsa₂. Ia₁ jme₃gu'₅₄ bá₄ Diú₄ chi₂jua'₂ jmo₅ dsa₂ 'e₂ ta₁ qui'₅ 'éi'₃ jaun₂, caun₂ nau₂ tiá₂ bá₄.

²⁶ Chi₂jua'₂ chan₂ i₂lín₅₄ lín₂ 'ñio₅ lín₃ jme₂ti₃ ne₄ Diú₄, la₁ nē₁jua'₂ tsá₃ con₂ guē'₂ dsí₅ 'a₂ lia'₂ dsia₂₃ jág₁ né₃, ján₃ bá₄ guion₅₄ i₂le₂'éi₂ jme₂gain₂₃, ia₁ a₂'éin₂ jaun₂ tsá₃ 'e₂ ta₁ tí₄. ²⁷ Jui₁lia'₂ dsa₂ i₂'én₂ tē₃dsón'₂ lia'₂ dsí₂ten₅₄ 'nio₃ Diú₄ Jmei₂ jniog₄, le₂la₂ bá₄ jmo₂₃: a₂jme₂'oin₅₄ chi'₂ 'nág₂ quian'₅₄ 'io₅₄ 'nág₂ né₃, 'e₂ caun₂ o₂i₁ dsí₅ chan₂ 'éi₂, ton'₂ jmo₂₃ 'í₁ a₂tsá₃ jme₃'ñioi₂₃ quian'₅₄ a₂'lig'₅₄ cha₂ mi₂güḡ₃.

2

¹ Rin'₅₄ jniog₄, i₂'én₂ le₃quió'₅ Te₁gui'₅₄ Jesucristo i₂jlán'₁ quián₂ jniog₄, tsá₃ ca₂tín'₂ 'nia'₂ jing'₅₄ jma₃quén₅ i₂la₂ i₂ó₃. ² Jui₁lia'₂ tē₃jē₄ tion'₅₄ 'nia'₂ le₁ñig'₂, dsíó₄ jan₂ dsa₂ cha₂ cu₄ i₂'í₄ anillo cu₄nió₄ gu₂, i₂chén'₅ jlá'₁, la₁ nē₁jua'₂ ján₃ guē'₂ tē₃jē₄ jaun₂ dsíó₄ jan₂ dsa₂ te₂ñé₂ i₂chén'₅ 'lig'₅₄, ³ nē₁jua'₂ ca₂guen'₅₄ 'nia'₂ rē₂ lín₃ i₂qui'₂ tsin'₅₄ jlá'₁, nē₁jua'₂ ca₂chei'₅₄ 'nia'₂: “ñia₅ i₂né₂ ja₁dse₃ la₂”, la₁ i₂te₂ñé₂ guē'₂ né₃ juiḡ'₅₄ 'nia'₂: “Ne₂ jó₄ nau₂”, o₃ “ja₁lá₃ i₂né₂ 'uē₃ cau₅ ja₁tíong₂ tag₃”; ⁴ nē₁jua'₂ le₂nē₅ jmo'₂ 'nia'₂, ma₂jing'₅₄ jma₃quén₅ ríng'₂, ma₂qui₂caun'₂ 'nia'₂ 'í₁, a₂ma₂dsi₂jioḡ₅ 'lig'₅₄ 'au'₂. ⁵ 'Nia'₂ rin'₅₄ jniog₄, nei₂ 'nia'₂ a₂la₂: Diú₄ ma₂ca₂quióin'₂ i₂lín₅ i₂te₂ñé₂ mi₂güḡ₃ la₂, ia₁ jaun₂ léin₂ dsa₂ jlán'₁ quian'₅₄ a₂'éin₂, ia₁ tiin₃ ja₁gon₂ Diú₄ ja₁ma₂lé₅ jág₁ cué'₃ ca₂le₃jín₃ i₂'nio₃ quió'₅. ⁶ La₁ 'nia'₂ né₃ tē₂le₃ o₂guí'₃ bá₄ tsíng'₂ dsa₂ te₂ñé₂. ¿Ia₁ on₁jua'₅₄ dsa₂ cha₂ cu₄ guē'₂ i₂jmóg'₂ 'ang₂ quián'₂ 'nia'₂, qui₂tsin'₂ 'nia'₂ dsí₂chei'₂ ne₄ dsí₂tan₅₄ né₃? ⁷ ¿On₁jua'₅₄ dsa₂ le₂'éi₂ guē'₂ i₂taun₂ 'lig'₅₄ jmá'₅ 'iin₂₃ i₂chen₂ jlán'₁, i₂le₃quió'₅ ja₁tén'₄ 'nia'₂?

⁸ Nē₁jua'₂ dsí₂jó'₃ jme₂tí'₁ 'nia'₂ 'éi'₃ dsen₅₄ lia'₂ con'₂ lé₅ juá'₂ ne₄ Si₂: “Jme₁'nió₄ dsa₂ mi₂güḡ₃ ríng'₂ jui₁lia'₂ 'nióḡ'₃ 'ñiag'₂”,* dse₃ bá₄ nē₁jua'₂ jmo'₂ 'nia'₂ le₂jaun₂. ⁹ La₁ nē₁jua'₂ jin'₄ 'nia'₂ jma₃quén₅ i₂la₂ i₂ó₃, 'nau'₂ 'nia'₂ dso₄, ia₁ ma₂tē₁dsí₅₄ 'Éi'₃ ja₁con'₂ 'nia'₂ guionḡ'₅₄; ma₂tē₁tsin'₅₄ 'nia'₂ ma₂le₁cáng'₄ bá₄. ¹⁰ Ia₁ jui₁lia'₂ dsa₂ i₂jme₂ti₃ ca₂le₃jé₃ 'Éi'₃, la₁ nē₁jua'₂ ca₂'liain'₂ caun₂ 'éi'₃ tio'₅₄ né₃, ja₁jaun₂ ca₂rē₃cáin'₂ ca₂le₃jé₃ bá₄ 'éi'₃ a₂tio'₅₄ ne₄ Si₂ jaun₂. ¹¹ Ia₁ Diú₄ 'éi₂ bá₄ i₂ca₂juá'₂ jme₁ca₂juá'₂: “Tsá₃ nió'₄ 'nia'₂ jág₁ quian'₅₄ dsa₂ i₂tsá₃ lín₅ dsí₂i₂gog'₂”,† ján₃ bá₄ i₂'éi₂ ca₂juá'₂: “Tsá₃ jñig'₄ dsa₂ mi₂güḡ₃ ríng'₂.”‡ Jaun₂ le₂nē₅ chi₂jua'₂ tsá₃ ca₂táng'₂ guē'₂ dso₄ quian'₅₄ i₂tsá₃ lín₅ dsí₂i₂gog'₂, la₁ nē₁jua'₂ ca₂jñig'₃ guē'₂ dsa₂ mi₂güḡ₃ ríng'₂ né₃, ja₁jaun₂ ca₂rē₃cáng'₂ bá₄ ta₁jē₂ 'Éi'₃. ¹² Ca₂tín'₂ 'nia'₂ jmó'₂ ton'₂ dsíá'₁ jui₁lia'₂ dsa₂ i₂nē₃ guē₄ tē₃dsí₅₄ 'éi'₃ quió'₅ con'₂ lé₅ 'éi'₃ a₂lió₂. ¹³ Ia₁ jui₁lia'₂ dsa₂ i₂tsá₃ ca₂dsia₃ ñéi₂ dsí₅ rin'₅₄, ján₃ bá₄ le₂jaun₂ tsá₃ ñéi₂ dsí₅ Diú₄ dsia₃ ja₁con₂ 'éi₂ jē₁ma₂tē₂ rē₁tē₃dsí₅₄ 'éi'₃ quió'₅; la₁ jui₁lia'₂ i₂ca₂dsia₃ ñéi₂ dsí₅ rin'₅₄, a₂ñéi₂ dsí₅ jaun₂ bá₄ lí'₂ jē₁ma₂tē₂ rē₁tē₃dsí₅₄ 'éi'₃ quió'₅.

'Nió'₅ le₃jniá₂ a₂'én₂ dsa₂

¹⁴ 'Nia'₂ rin'₅₄ jniog₄, ¿'e₂ bá₄ ta₁ jmo₃ nē₁jua'₂ chan₂ i₂juá'₂ ma₂'éin₂, nē₁jua'₂ tsá₃ guē'₂ 'e₂ a₂'ua₁ dsí₅ jmo₂₃? ¿Lé₂ le₃jua'₅₄ jniog₄ a₂tín'₄ dsa₂ le₂'éi₂ quian'₅₄ a₂'éin₂ le₂jaun₂?

* 2:8 Levítico 19:18. † 2:11 Éxodo 20:14; Deuteronomio 5:18. ‡ 2:11 Éxodo 20:13; Deuteronomio 5:17.

¹⁵ Jua⁵⁴ mei² gué³ chan² jan² dsa² ñe², o³ jan² dsa² mí² rin⁵⁴ jniog⁴, 'in² tsin⁵⁴, 'in² a²gué³, 'oin⁵⁴ ñi²³ le²o³ jmig⁴; ¹⁶ në¹jua² chan² 'nia² i²ca²chei⁵⁴: “Guan² caun² dse³ quiáng²”, o³ “Guan² o²jme¹dsion²”, o³ “Guan² o²jme¹tan⁵⁴ ja¹quiáng²”, në¹jua² tsá³ ca²cué⁵⁴ gué² 'nia² a²dsen⁵⁴ a²'nió⁵ quió⁵ ni¹ñi¹², ¿'e² bá⁴ ta¹ jmo³ a²'én² 'nia² le²ně⁵? ¹⁷ Le²ně⁵ bá⁴ lé⁵ quian⁵⁴ a²'én² dsa²: në¹jua² tsá³ léi⁴ qui²rě²jniá¹ a²jmo⁵ dsa² a²'ua¹ dsí⁵, tsá³ 'e² ta¹ tí⁴ a²'éin² jaun², lé⁵ caun² co²'nió⁴ a²'lag⁴ bá⁴ jaun².

¹⁸ 'An¹ chan² bá⁴ i²juá² né³: “'Én² bá⁴ 'ne², la¹ jniá² gué² jmo²³ a²dse³.” Jniá² juá⁵: 'Ē⁴ a²'éng², on³jua⁵⁴ quian⁵⁴ a²dse³ a²jmo², jaun² jniá² né³ jme¹jniag⁵ a²'éng² tē²le³ quian⁵⁴ a²dse³ a²jmo²³. ¹⁹ 'Én² bá⁴ 'ne² a²chan² jan² Diú⁴; ¿'e² a²dse³ jmo² në¹jua² le²jaun²? Ján³ bá⁴ le²ně⁵ gué² je²na⁵⁴ 'éin² a²chan² Diú⁴, la¹ jlein²³ bá⁴. ²⁰ La¹ 'ne² né³ dsa² co⁴, ¿'niog² cué⁵⁴ jniá² caun² léi⁴ a²tsá³ 'e² quen⁵ a²'én² dsa² në¹jua² tsá³ 'e² a²dse³ a²qui²rě²jniá¹ jmo²³? ²¹ ¿On¹jua⁵⁴ ca²tē²tsin⁵⁴ rě² Abraham ne⁴ Diú⁴ tē²le³ quian⁵⁴ a²dse³ a²jme¹jme²jniá²³ lia² con² jme¹ca²jéin² Isaac ja¹ñi⁵⁴ quiáin⁵ ne⁴ Diú⁴ a²jme¹jrag³ ne⁴ ne⁴chei²? ²² Rě² de² quion² 'nia² 'í¹ a² lia² ca²lě³ quian⁵⁴ Abraham: ja¹jaun² ca²rě³jniá² a²'éin² tē²le³ quian⁵⁴ a²ca²jmo³ jaun², ja¹jaun² ca²jáu³ 'í¹ ca²'ñia⁵ a²'éin² tē²le³ quian⁵⁴ a²ca²rě³jniá² a²ca²jmo³ jaun². ²³ Le²ně⁵ bá⁴ ca²rě³ti³ a²juá² ne⁴ Si² 'iin²³ Abraham ja¹juá²: “Ca²rě³'én² Abraham ja¹con² Diú⁴; a²ca²rě³'éin² le²jaun² né³, ca²guéi² Diú⁴ tē²tsiin⁵⁴ líin⁵ dsa² dsen³.” ²⁴ Jaun² Diú⁴ né³ ca²caun³ ca²lín³ 'éi² a²mei⁵⁴ quiáin⁵. ²⁵ Ján³ bá⁴ le²ně⁵ ca²lě³ quian⁵⁴ Rahab i²jme¹'nag⁵ quió⁵*; ca²tē²tsiin⁵⁴ rě² ne⁴ Diú⁴ tē²le³ quian⁵⁴ a²dse³ a²ca²jmo³: ca²cué³ dsi²néi² quió⁵ ca²jñia³ dsa² quián⁵ Diú⁴, ján³ gué² ca²jme³'oin⁵⁴ dsa² 'éi² ca²'uág² jui⁵ siá². ²⁶ Jaun² le²ně⁵ bá⁴ jui¹lia² ni¹ñi⁵ a²tsá³ jme²dsí² 'i⁴, lé⁵ caun² ni¹ñi⁵ 'lag⁴, ján³ bá⁴ le²ně⁵ lé⁵ a²'én² dsa², në²jag⁴ bá⁴ 'lag⁴ ján³ në¹jua² tsá³ rě²jniá² a²dse³ a²jmo²³.

3

Jui¹lia² le¹tsi² dsa²

¹ Rin⁵⁴ jniog⁴, tsá³ 'nió⁵ jua⁵⁴ juin⁵ i²lén² tē⁵ jin⁴ 'nia², ia¹ ma²ñi⁵⁴ bá⁴ 'nia², 'ñio⁵ gué⁴ bēn² 'éi³ tē³dsi⁵⁴ ja¹con² jniog⁴ con² lág⁵ i²jme²tín¹ rin⁵⁴. ² Ia¹ ca²le³jág³ bá⁴ jniog⁴ co²dsi²'éin⁵ ne⁴ 'lióng² ne⁵⁴. Në¹jua² chan² i²tsá³ ma³dso⁴ 'no⁵ 'i¹ca²juig⁴ ja¹dsia²³ jág¹, dsa² le²'éi² lín⁵ dsa² rě²'ñia⁵, i²'io⁵ bí² ne⁴ ni¹ñi¹² 'ñiog⁵, ta¹jain². ³ Jui¹lia² jme¹tó⁵ dsa² ni¹ñi¹ mi²'o⁴ dsi²cua¹ ia¹jaun² jme³ti³, lé² jéin² dsa² ta¹jain² 'a² jui⁵ 'nio³ dsa² jiog³. ⁴ ñi² de² 'nia² ján³ jui¹lia² ni¹barco jui¹'a² gué² lia² ca⁵⁴ pa¹ lín³, qui²'lia² dsí² tiá², dsa² i²quian⁵ né³ lé² le³cán² 'a² jui⁵ 'nio³, quian⁵⁴ caun² timón pí¹ bá⁴. ⁵ Le²ně⁵ bá⁴ lé⁵ quian⁵⁴ le¹tsi² dsa² ján³; le¹tsi² dsa² lé⁵ caun² ni¹ñi⁵ pí¹ ton⁵ ni¹ñi¹ dsa²; 'e² bá⁴ lín² le² le³jmo³ 'lióng² jág¹ ca⁵⁴. jñi² de² 'nia² ján³, 'e² gué⁴ pa¹ 'ña¹ má² le² le³dsi² quian⁵⁴ ca²míg² si² pí¹!

⁶ Jaun² le¹tsi² dsa² né³, lé⁵ co²'nió⁴ caun² si² a²quian⁵⁴ quió⁵ dsa². A²lé⁵ co²'nió⁴ caun² mi²güig³ 'lig⁵⁴ a²ton⁵ ni¹ñi¹ jniog⁴, a²jmo⁵ ta¹ a²qui²rě²'ñio⁵ dsa² ta¹jain². Quian⁵⁴ jág¹ dséi² a²'ñiog² jniog⁴, në²jag⁴ bá⁴ a²guí² si² le¹tsi² jniog⁴ jui⁵ quián² tē²lia² chong², lé⁵ në²jag⁴ bá⁴ si² a²ca²tín² bí² quian⁵⁴ tsí⁵⁴ si² a²jás guio³-juig³. ⁷ Qui⁵⁴ jmig⁴ dsa² mi²güig³ jme³'uáin² dsí⁵ ca²le³jé³ ne⁵⁴ já² i²tsau² dsí⁵, já² i²'in⁵, já² i²tsé⁵ quió⁵, já² i²chan² jmi¹ñi⁴ né³, ⁸ la¹ 'i¹jan² dsa² tsá³ 'ein² ma²tió³ jme³'uáin² le¹tsi² guoin⁵⁴. Lé⁵ caun² a²'lig⁵⁴ a²tsá³ tei⁴ lé² le³jmo³, qui²rě²can² jág¹ dséi² në²jag⁴ bá⁴ mí⁵ 'lig⁵⁴ a²dsan² dsa². ⁹ Quian⁵⁴ le¹tsi² jniog⁴ jme²juín¹ Te¹gui⁵⁴ quián² i²lín⁵ Jmei² jniog⁴, ton² ján³ gué² 'ín⁵ 'lig⁵⁴ dsa² mi²güig³ i²ma²ca²jmo² Diú⁴ lia² lé⁵ nió⁴ quió⁵ 'ñiog⁵. ¹⁰ Quian⁵⁴ mi²'o⁴ jniog⁴

§ 2:23 Génesis 15:6; Romanos 4:3-22. * 2:25 'Nio² ja¹ton⁵ Josué 2:1-21; 6:17.

la₂, 'uë₂ jág₁ a₂jme₂juín¹ Diú₄, ján₃ guë² 'uë₂ jág₁ 'lig⁵⁴ a₂'ín₅ dsa₂ rin⁵⁴. Rin⁵⁴ jniog₄, tsá₃ dsi₂ten⁵⁴ le₂në₅. ¹¹ ¿'A₂ bá₄ lia² chi₂jua² caun₂ o₄tu₁ jmi₂g₂ lé₂ le₃'iá₃ jmi₂g₂ ráu₂ lia² jmi₂g₂ dsi³ né₃? ¹² 'Nia² rin⁵⁴ jniog₄, ¿lé₂ le₃lé₂ jua⁵⁴ caun₂ ni₁'ma₂ a₂'ag₅ mí₂g₂ higo, jua⁵⁴ a₂jaun₂ 'ag₃ táng₃ mí₂g₂ aceitunas? O₃, ¿lé₂ le₃lé₂ jua⁵⁴ ca₂cho⁵⁴ uing₂ uvas, a₂jaun₂ 'ag₃ táng₃ mí₂g₂ higos? Já₃ bá₄ le₂në₅, 'i₁caun₂ tu₄ jmi₂g₂ ja₁'ia₂ jmi₂g₂ ŋi⁵⁴ tsá₃ lé₂ le₃'iá₃ jmi₂g₂ ráu₂ né₃.

Le₂la₂ dsón² bá₄ lé₅ a₂dse₃ lia² con² dsi₂ten⁵⁴ le₃ŋi² dsí₅ dsa₂

¹³ Nē₁jua² chan₂ jē₄ quián² 'nia² jan₂ i₂ŋi² dsí₅, jui₁jme₂jniai₂₃ jui₅ dse₃ 'a₂ lia² ŋi₂₃ tē₂le₃ quian⁵⁴ a₂jmo₃ a₂dse₃, a₂jmo₃ mei² lia² con² lé₅ ŋi². ¹⁴ La₁ nē₁jua² tion⁵⁴ 'nia² jmo² uin₅ 'au² cha₂ a₂dsi³ tē₂'au² 'nia², tiong⁵⁴ cha₂ a₂ma₂'ín₅ 'au² guiong⁵⁴; nē₁jua² le₂në₅, tsá₃ ca₂tín² 'nia² jmó² táng⁵, on₃ guë² jmó² tē₂jíng¹ quian⁵⁴ jág₁ tí₅. ¹⁵ Ia₁ a₂ŋi² dsí₅ dsa₂ le₂në₅, on₃jua⁵⁴ a₂já₅ guei⁵⁴ nē₅; quió⁵ mi₂güig₃ bá₄. A₂lé₂ dsí₅ ni₁ŋi₁ dsa₂ guioin⁵⁴, ta₁ quió⁵ je₂na⁵⁴ bá₄ nē₅. ¹⁶ Ia₁ jui₁lia² ja₁tion⁵⁴ dsa₂ uin₅ dsí₅ quian⁵⁴ riin⁵⁴, ton² co₂tan⁵⁴ cha₂ a₂ma₂'ín₅ dsí₅ dsa₂ a₂lí² jmá³ guioin⁵⁴, ja₁le₂jaun₂ tsá₃ 'e₂ dse₃ chí⁵ tion⁵⁴ dsa₂, ton² jmo₅-dsáu₅ dsa₂ ca₂le₃jé₃ ne₅₄ a₂'lig⁵⁴. ¹⁷ La₁ jui₁lia² ja₁ŋi² dsón² dse₃ dsí₅ dsa₂ a₂já₅ guei⁵⁴ i₂juig₃, jē₁le₂'uig⁵⁴ de² chan₂ dsa₂ quian₅ caun₂ jui₅ le₁jé₃; ŋó₅ jaun₂ táng₃ 'no² jui₅ ja₁'ag₃ tei₄; 'en⁵⁴ dsí₅ dsa₂ líin₅ né₃; caun₂ dsáu₅ dsí₅ bá₄ 'e₂ caun₂ a₂lé₂; chain₂ ŋéi₂ dsí₅ dsa₂ mi₂güig₃ riin⁵⁴; jmo₂₃ jmá³ lia² a₂dse₃; ton² tsá₃ 'e₂ qui₂co₂₃ jág₁ quió⁵; ton² tsá₃ jua⁵⁴ a₂lē₁co₂jmo₂₃ o₁ne₁ né₃. ¹⁸ Dsa₂ i₂quín⁵ bí₂ jne₂₃ a₂'ag₃ tei₄, jaun₂ ro² a₂le₃chain₂ caun₂ jui₅ co₂dsau₅.

4

Jui₁lia² jme₁ton⁵ dsa₂ 'én₂ jmo₂₃ já₃ a₂jmo₅ dsa₂ mi₂güig₃

¹ ¿'A₂ jui₅ já₅ mi⁵⁴ 'nei₂ a₂cha₂ jín⁴ 'nia²? ¿On₁jua⁵⁴ 'uig⁵⁴ ia₁ a₂'niog² 'nia² le₃chang² o₂'ŋi₃ o₂jŋia₃ 'au², cuë⁵ 'nei₂ ni₁ŋi¹ 'nia²? ² Cha₂ a₂'niog² 'nia² jui₁lia² a₂tsá₃ cha₂ quiáng². Uin₅ 'au² 'nia² líng⁵. Ia₁ tsá₃ le₃lén² 'nia² a₂'ín₅ 'au². Jmo² 'nia² mi⁵⁴, dsia² 'nia² 'nei₂ né₃, la₁ tsá₃ cha₂ quián² 'nia² né₃, ia₁ tsá₃ mi². ³ Jui₁lia² jme₁mi² guë² 'nia², la₁ tsá₃ ŋi² guë² 'nia² 'uig⁵⁴ ia₁ tsá₃ mi² 'nia² con² dsi₂ten⁵⁴, ia₁ a₂jŋia⁵⁴ 'niog² 'nia² 'éng⁴ a₂le₃chang² o₂'ŋi₃ o₂jŋia₃ 'au² bá₄. ⁴ 'E₂ gué⁴ lín⁵ 'nia² jui₁lia² lín₅ dsa₂ mí₂ i₂tsá₃ jen⁵⁴ dsi₂i₂gu₂, qui₂'no² jui₅ dsó₅ quian⁵⁴ i₂sián²! ¿Tsa₁ ŋi⁵⁴ 'nia², jui₁lia² dsa₂ i₂jen² dsí₅ quian⁵⁴ mi₂güig₃, i₂le₂'éi₂ tē₂tsin⁵⁴ líin₅ i₂'ŋia⁵⁴ Diú₄ bá₄? Jaun₂ lē₃, jui₁'ein₂ gué₃ i₂jen² quian⁵⁴ mi₂güig₃, i₂'ŋia⁵⁴ Diú₄ bá₄ 'éi₂. ⁵ ¿O₃ bá₄ lín² 'nia², on₃jua⁵⁴ 'e₂ cha₂ jein₅ jág₁ a₂juá² ne₄ Si₂: "Jme₂dsí₂ i₂ma₂cuin₃ i₂'en⁵⁴ jē₄ quián₂ jniog₄, dsí⁵ 'ŋio₅ lín₃ ia₁ a₂'nio₃ jniog₄?"* ⁶ La₁ tē₂le₃ 'ŋio₅ gué⁴ bēn₂ a₂'ua₁ dsí₅ Diú₄ a₂cuē₂₃ jniog₄; 'uig⁵⁴ jaun₂ juá² ne₄ Si₂:

Nau₂ Diú₄ quein₅ ne₄ dsa₂ i₂jmo₅ tán⁵,

la₁ jmo₂₃ 'ua₁ dsí₅ ja₁con₂ dsa₂ i₂jmo₅ me².†

⁷ Tión² 'nia² o₄gú₃ Diú₄. Tsá₃ lē₁cuín₅ 'nia² i₂sē₃dsen₃, jaun₂ i₂cuíng₃ bá₄ 'éi₂ ja₁con² 'nia². ⁸ Jme₁quián₄ 'nia² tē₂le₃ ja₁con₂ Diú₄, jaun₂ bá₄ jme₃quián₃ 'éi₂ ja₁con² 'nia² já₃. 'Nia² dsa₂ i₂qui₂rē₂cán⁴ dso₄, rang₂ 'nia² gog²; jmo₄ 'nia² le₁jé₃ tē₂'au², 'nia² dsa₂ i₂le₁'ág₄ caun₂-tín₃ dsí₅. ⁹ Tión² 'nia² quian₂ o₂i₁ dsí₅, qui²-o₄. ŋág⁴ quián² 'nia², jui₁le₂tsín₃ jui₁le₅₄ a₂qui²-áu² 'nia²; já₃ guë² le₂në₅ nē₁jua² chan² 'nia² i₂'io² jén⁵, jme₁tsín₄, tión² 'nia² 'lia² 'au². ¹⁰ Jmo₄ 'nia² meg² tē₂le₃ ne₄ Te₁gui⁵⁴, jaun₂ bá₄ chó² 'éi₂ táng₃.

Diú₄ bá₄ i₂ca₂tín₂ con₂ 'í₁

* 4:5 'Nio² ja₁ton₅ Éxodo 20:5. † 4:6 Proverbios 3:34.

¹¹ Rin'₅₄ jniog₄, tsá₃ 'ín₅ 'nia'₂ 'lig'₅₄ ríng'₂ le₂jang'₂ le₂jang'₂. Ia₁ jui₁lia'₂ i₂ 'ín₅ 'lig'₅₄ jan₂ rin'₅₄, o₃ n₂₃ qui₂con₂ 'í₁, co₂'nió'₄ 'lig'₅₄ bá₄ 'ë₅ 'éi₂ 'Éi'₃ quió'₅ Diú₄, ton'₂ jmo₂₃ dsí₅ tsá₃ 'e₂ quen₅ 'Éi'₃. Ia₁ nē₁jua'₂ cáun'₂ 'ne₂ 'í₁ ne₄ 'Éi'₃, co₂'nió'₄ bá₄ a₂ma₂jmo'₂ 'au'₂ ján₃ a₂líng'₅ jan₂ i₂'io₅ bí₂ con₂ 'í₁ ne₄ 'Éi'₃ 'nió'₄ a₂jme₁ti'₄ 'njiag'₂. ¹² Jan₂ tan₅₄ bá₄ i₂chan₂ i₂ca₂tín₂ cuē₃ 'éi'₃; i₂'éi₂ bá₄ lín₅ i₂'io₅ bí₂ dsí₃ 'éi'₃, jaun₂ 'njiog₅ bá₄ 'éi₂ né₃ lé₂ le₃lió₂ o₃ 'liog'₃ 'e₂. La₁ ¿i₂'ein₂ bá₄ 'ne₂? ¿'E₂ lē₃ cáun'₂ 'í₁ quió'₅ dsa₂ m₂güig₃ ríng'₂?

¹³ Nē₃ né₃, nei₂ 'nia'₂ a₂la₂, 'nia'₂ i₂jag₄ juá'₂: “Nē₃ o₃ 'ióg₃, dsau₅₄ ciudad nē₅, o₃ ciudad ó₃; ja₁jaun₂ dsi₁nag₅₄ caun₂ n₂ dsi₁'nág₁ dsi₁jmo₁ 'ma'₅₄ jaun₂ léi₂ cu₄.” ¹⁴ La₁ 'i₁ca₂juig₄ tsá₃ jaun₂ n₂'nia'₂ 'e₂ lé₂ 'ióg₃, dsi₂jui₅ ja₁o₁nóg₅. Ia₁ jui₁lia'₂ lé₅ caun₂ bē₅₄ jnei₅ tei₂ bá₄ lín₅ 'nia'₂, nē₃ jniá₂ 'ei₅, nē₃ cón₅ tsá₃ ma₃cha₂ táng₃. ¹⁵ 'Nió'₄ a₂jme₁dsiá'₂ 'nia'₂ jág₁ le₂nē₅, le₂la₂ bá₄ ca₂tín'₂ 'nia'₂ dsiá'₁: “Chi₂jua'₂ le₂jaun₂ 'nio₃ Te₁gui'₅₄ le₃chong₂ jniog₄, jaun₂ bá₄ dsi₁jmo₁ a₂la₂ a₂ó₃.” ¹⁶ La₁ 'nia'₂ né₃, ting'₂ dsia'₂ jág₁ tá₅ jmo'₂ 'nia'₂ róng'₂; ca₂le₃jé₃ a₂dsia₅ dsa₂ jág₁ le₂nē₅, 'lig'₅₄ bá₄. ¹⁷ Jaun₂ né₃, dsa₂ i₂n₂ a₂dse₃ a₂lé₂ le₃jmo₃, la₁ nē₁jua'₂ tsá₃ ca₂jmo₃ né₃, dso₄ bá₄ jaun₂ le₃quió'₅ 'éi₂.

5

A₂rē₂'é₂ jág₁ ja₁con₂ dsa₂ cha₂ cu₄

¹ ¡Nei₂ 'nia'₂ a₂la₂, 'nia'₂ dsa₂ i₂cha₂ cu₄! Qui'₂-o₄, guio'₅₄ 'nia'₂ o₄quió'₄ ca₂le₃jé₃ ne₅₄ jmi₁uig₅ a₂dsi₃n₂'nia'₂. ² Ca₂le₃jé₃ a₂cha₂ quián'₂ 'nia'₂ ma₂'áu₁, le₂jaun₂ guē'₂ 'mi'₂ a₂quí'₂ 'nia'₂ ma₂quí'₅ i₁cá₁. ³ Cu₄nióg₄ cu₄tiog₂ quián'₂ 'nia'₂ qui₂ma₂'io₂ juí'₅. Já₅ caun₂ jmi₄ jáng'₃ léi₄ juí'₅. A₂nē₅ bá₄ a₂co₃dsag₅₄ quián'₂ 'nia'₂, a₂dsiá₃ ni₁n₁'nia'₂ guiong'₅₄, lé₂ nē₂jag₄ bá₄ si₂. Ia₁ 'nio₅ lín₃ qui₂ma₂dsia'₅₄ 'nia'₂ le₁má'₂ ca₂le₃jé₃ ne₅₄ a₂cha₂ quiáng'₂, jmi₄ jē₁ca₂tó'₂ la₂. ⁴ ¡Jag₄! 'Lian'₅₄ dsa₂ i₂qui₂ma₂jmo₃ ta₁ ja₁nau₂ quián'₂ 'nia'₂ 'lian'₅₄ dsa₂ a₂tsá₃ ca₂qui'₅₄ 'nia'₂, guio'₅ o₂₃; le₂jaun₂ guē'₂ jág₁ quió'₅ guion₅₄ dsa₂ 'éi₂, ma₂dsi₃lé₂ gua₄ Te₁gui'₅₄ Juig₅₄ 'Lióg₂. ⁵ Ia₁ 'nio₅ lín₃ dse₃ jlá'₁ ma₂ca₂rē₃chán₃ 'nia'₂ ne₄ gua'₅₄ 'uē₃ la₂, ma₂qui₂ma₂quian'₂ 'nia'₂ o₂'nió₃ o₂n₂ja₃ dsi₅. Ma₂ca₂jme₁'on'₁ 'nia'₂ lia'₂ 'on'₅₄ ca₁jui₅; la₁ já₅ jmi₄ ja₁dsián'₃ 'nia'₂ jui₁lia'₂ dsan₂ ca₁jui₅. ⁶ 'Nia'₂ ma₂qui₂ma₂'liáng'₃ ma₂ca₂jme₁dsiang'₂ dsa₂ i₂tsá₃ 'e₂ rin₂; ¿tsa₁ lín'₂ 'nia'₂ njia'₅₄ dsa₂ 'éi₂ m₃ tē₃dsi₅₄ 'éi'₃ jmi₄ jaun₂?*

A₂chan₂ dsa₂ juín'₂ dsí₅ lín₅ caun₂ chi₁n₂ja₂₃ a₂jéin'₃ Diú₄ 'e₂ ma₂m₃

⁷ Jaun₂ né₃, rin'₅₄ jniog₄, jmo₄ 'nia'₂ juín'₂ 'au'₂ ca₂lia'₂ ca₂té₂ jmi₄ i₁guan'₂ Te₁gui'₅₄. Jui₁lia'₂ jan₂ dsa₂ i₂jmo₅ ta₁ ja₁nau₂ chi₁n₂ja₂₃ ráu₃ dse₃ lín₃ ta₁ quió'₅, jaun₂ caun₂ jmo₂₃ juín'₂ dsí₅ bá₄ chi₁n₂ja₂₃ a₂guá₂ le₂'uig₅₄ jmi₅ tiá₄, a₂tē₅₄ jein₂ jmi₅ né₃. ⁸ Le₂nē₅ bá₄ 'nia'₂ ján₃, jmo₄ 'nia'₂ juín'₂ 'au'₂, caun₂ 'éi₂ 'nia'₂ 'au'₂, ia₁ ja₂quián₃ bá₄ jmi₄ a₂guan'₂ Te₁gui'₅₄. ⁹ Rin'₅₄ jniog₄, tsá₃ ma₃o₁le₅₄ 'au'₂ 'nia'₂ jua'₅₄ a₂caun₂ qui₁'ní'₄ gué₄ 'nia'₂ ríng'₂ le₂jang'₂ le₂jang'₂, ia₁jaun₂ bá₄ tsá₃ tē₃dsi₅₄ 'éi'₃ ja₁con'₂ 'nia'₂ guiong'₅₄. Ia₁ jué₄ i₂qui₃dsi₅ 'éi'₃ nē₂jag₄ i₂ma₂chén'₅ o₄'né₄ bá₄ 'éi₂. ¹⁰ 'Nia'₂ rin'₅₄ jniog₄, quian₂ 'nia'₂ jui₅ jui₁lia'₂ jui₅ a₂ca₂can₃ dsa₂ i₂ca₂'é₂ jág₁ quián₅ Te₁gui'₅₄ ma₂líg'₂. Ca₂rē₃juín'₃ dsí₅ ne₄ ca₂le₃jé₃ jmi₁uig₅ a₂ca₂i₃n₂. ¹¹ Jag₄ jaun₂, jmo₂ jniog₄ dsi₅, 'e₂ gué₄ dsen₃ dsa₂ i₂ca₂nau₂ tiá₂ 'éi₂. Ján₃ bá₄ n₂'nia'₂ 'a₂ lia'₂ ca₂rē₃juín'₃ dsí₅ Job, ca₂nau₂ tiá₂, ton'₂ n₂'nia'₂ ján₃ 'a₂ lia'₂ ca₂jme₃gu'₅₄ táng₃ Te₁gui'₅₄ quió'₅ 'éi₂ jē₁ca₂tó'₂. Ia₁ le₂nē₅ bá₄ jau'₂ 'í₁ i₂'ua₁ dsí₅ lín₃ bá₄ Te₁gui'₅₄, ton'₂ nē₂ dsí₅.

¹² Le₂nē₅ bá₄, jmo₄ 'nia'₂ ne₄ ca₂le₃jé₃, rin'₅₄ jniog₄, jui₁lia'₂ jme₁dsia'₂ 'nia'₂ jág₁, tsá₃ lē₁'ē₂ 'nia'₂ guei'₅₄ i₂juig₃, on₃ guē'₂ 'ē₂ 'nia'₂ gua'₅₄ 'uē₃, on₃ guē'₂ 'i₁caun₂ cosa siá'₂ a₂lē₁'é₁ 'nia'₂ jua'₅₄ a₂'íng'₄ Diú₄. Jē₁ma₂té₂ rē₁dsiá'₁ 'nia'₂ jág₁, jua'₅₄ 'nia'₂ “ján₅”,

* 5:6 o₃, “tsá₃ jua'₅₄ a₂jaun₂ tsá₃ ca₂guen₃ 'éi₂.”

jui₁le₂ti₃ bá₄ “ján₅” jaun₂; já₃ bá₄ le₂ně₅ jui₁lia₂ jme₁jua₂ 'nia'₂ “jan₂'ón₄”, jui₁le₂ti₃ bá₄ “jan₂'ón₄” jaun₂, ia₁jaun₂ tsá₃ tē₃dsi₅₄ 'éi'₃ ja₁con₂ 'nia'₂.

¹³ Nějua₂ 'ein₂ 'nia'₂ chan₂ o_{2i1} dsi₅, jui₁chi₂lén'₂ ne₄ Diú₄. Nějua₂ 'ein₂ guē'₂ chan₂ i₂'ei₅ dse₃ dsí₅, jui₁'ē₁₂ son₅₄ a₂rē₂juin'₂ Diú₄. ¹⁴ Nějua₂ chan₂ 'ein₂ i₂dso'₅₄, ca₂tíin₂ té'₂ dsa₂ can'₅₄ quián₅ guá'₅, † ia₁jaun₂ chi₃lén'₂ 'éi₂ Diú₄ ne₄ quió'₅, jaun₂ tsáng₂ no'₅₄ lia'₂ con'₂ lé₅ 'éi'₃ quió'₅ Te₁gui'₅₄. ¹⁵ Ia₁ jē₁chi₂lén'₂ dsa₂ Diú₄ a₂'éin₂ tē₃dsón'₂, 'lión₂ dsa₂ dso'₅₄; chó'₂ bá₄ Te₁gui'₅₄. Nějua₂ 'e₂ dso₄ ma₂táin'₂ né₃, 'én₂ bá₄ dsáu₁. ¹⁶ Jaun₂ lē₃, jme₁jnia₅ 'nia'₂ ne₄ ríng'₂ 'e₂ ma₂qui₂ma₂'lian'₂ 'nia'₂, já₃ guē'₂ chi₂lén'₄ 'nia'₂ Diú₄ o₄quió'₄ ríng'₂ le₂jang'₂ le₂jang'₂ ia₁jaun₂ 'lión'₂ 'nia'₂. Ia₁ jui₁lia₂ dsa₂ i₂tión₂ rē₂ ne₄ Diú₄, 'io₅ bí₂ jág₁ quió'₅ 'e₂ caun₂ a₂mí₂₃ ne₄ Diú₄. ¹⁷ Elías jme₁lín₄ jan₂ dsa₂ lia'₂ lág₅ jniog₄; jme₁ca₂mí₃ jē₄ chi₂lén'₂ Diú₄ a₂co₂ŋei'₅₄ tsá₃ ma₃téin₃ jmí₅, jaun₂ 'ni₅ ŋi₂ tē₂ ca₂dsio₄ tsá₃ ma₃jmí₅ ca₂tang₂ ne₄ gua'₅₄ 'uē₃. ¹⁸ Cang₂ jaun₂, ca₂mí₃ táng₃ ne₄ Diú₄, jaun₂ ca₂tang₂ táng₃ jmí₅, ca₂rau₂ táng₃ ne₄ gua'₅₄ 'uē₃.

¹⁹ 'Nia'₂ rin'₅₄ jniog₄, nējua₂ chan₂ 'nia'₂ i₂dsi₂cón'₅ dsí₅ jui₅ dsau₅, nējua₂ jan₂ guē'₂ i₂ca₂jéin'₂ táng₃, ²⁰ dsá₂ 'au'₂ 'nia'₂ jmo₄ a₂la₂: jui₁'ein₂ guē'₃ i₂jén'₂ jan₂ dsa₂ i₂rē₂cán'₄ dso₄ jui₅ 'lig'₅₄ a₂jme₁ma₂ŋó₅, lióin₂ jme₂dsí₂ quió'₅ 'éi₂ ne₄ 'mú₃, jaun₂ le₂ně₅ jlě₂ 'lióng₂ dso₄ dsi₂'én₂ né₃.

Co₂ně₅.

† 5:14 griego: presbíteros.

S_i2 carta le₂'uig₅₄ a₂ca₂jmo₃
SAN PEDRO

*Jmo*₅ Pe₄ si₂ a₂chein₃ ne₄ dsa₂ 'én₂ i₂tián'₅ tsi₁rë₂jan₅₄ uíng₂

¹ Jniá₂ Pe₄, líng₅ dsa₂ i₂chen₄ quián₅ Jesucristo jmo₂₃ si₂ la₂ tsíng₂ ne₄ ca₂le₃jín₃ dsa₂ i₂tsi₁rë₂jan₅₄ i₂ma₂lín₅ co₂'nió'₄ dsi₂nau₂ i₂tián'₅ uíng₂, le₂tan₅₄ 'uë₃ Ponto, quian'₅₄ Galacia, Capadocia, Asia, Bitinia né₃, ² ne₄ ca₂le₃jín₃ dsa₂ i₂ma₂quion'₅₄ quián₅ Diú₄ Jmei₂ jniog₄ lia'₂ con'₂ lé₅ ma₂i₃jio₅ dsí₅ ca₂le₂jñiá₅. Ca₂quió'₂ Diú₄ të₂le₃ quian'₅₄ ta₁ quió'₅ Jme₂dsí₂ quián₅ ia₁jaun₂ ma₂lé₅ 'í₁ 'nia'₂, ia₁jaun₂ le₃chang'₂ jme₁ti'₄ ne₅₄, chan'₂ 'nia'₂ qui₂le₁jé₃ jme₂dsí₂ quiáng'₂ né₃, rë₂jñióg'₄ le₁séng'₅ jmi₂ 'an₅₄ Jesucristo. Jaun₂ juá'₅ jniá₂, jui₁chan'₂ bá₄ 'nia'₂ dse₃ ne₄ ca₂le₃jé₃ ne₅₄ a₂dse₃ jme₂gu'₅₄ Diú₄, 'ei₅ tei₄ ja₁con'₂ 'nia'₂ ca₂le₃jíng'₃.

'A₂ lia'₂ chan₂ dsa₂ caun₂ bá₄ a₂le₁'ág₄ dsí₅ a₂ma₂rë₂'én₄ dsáu₁, tíin'₄ guei'₅₄ i₂juíng₃

³ Jui₁le₂juin'₂ bá₄ Diú₄ Jmei₂ Te₁gui'₅₄ Jesucristo quián₂, ia₁ ca₂dsia₃ ñéi₂ dsí₅ 'ñio₅ lín₃ jniog₄, ca₂cuë₃ jme₂dsí₂ 'mí₂, ma₂jmo₃ bá₄ a₂ma₂ca₂rë₃chóng₃ táng₃ jniog₄ të₂le₃ quian'₅₄ jui₅bí₂ a₂ca₂jen'₅₄ táng₃ Jesucristo jin₄ 'lag₄. 'Uig₅₄ në₅ bá₄ a₂chong₂ jniog₄ caun₂ bá₄ qui₂le₁'ág₄ dsí₅ a₂dsi₁no₃ tág'₄ guei'₅₄ i₂juíng₃. ⁴ Ton'₂ jmo₃ a₂guéi'₁ 'nia'₂ a₂ma₂lé₅ jág₁ a₂tíng'₅₄ cuë₃ Diú₄, a₂lé₅ caun₂ a₂tsá₃ ton₅ jmi₄g₄ dsi₃'én₂, on₃ guë'₂ lé₂ le₃'lig'₅₄, on₃ guë'₂ ton₅ jmi₄g₄ le₃juíng₅ né₃. Ca₂le₃jé₃ a₂në₅ ma₂lé₅ co₂jñia₅₄ rë₂'ma₄ guei'₅₄ i₂juíng₃ quián'₂ 'nia'₂. ⁵ Të₂le₃ ia₁ a₂'én'₂ 'nia'₂ ma₂jmo₂₃ 'í₁ quian'₅₄ jui₅bí₂ quió'₅ a₂dsi₁no₃ 'nia'₂ tíng'₄ a₂le₃jniá₂ jmi₄g₄ jë₁ca₂tó'₂ i₁lión'₂ 'nia'₂.

⁶ 'Uig₅₄ në₅ bá₄ né₃ jui₁chan'₂ 'nia'₂ qui₂le₁'ág₄ dse₃ 'au'₂, 'io'₂ jéng'₂, tsá₃ a₂léi₂ jui₁la₂ 'lióng₂ táu₂ a₂qui₂dsi₃ñí'₂ 'nia'₂ co₂'na₂. ⁷ Ia₁ lia'₂ lé₅ cu₄nióg₄ bá₄ lé₅ 'én'₂ 'nia'₂: jaun₂ tion₅₄ 'nió'₅ cáu₃, ñag₅ si₂, jióg'₂ 'í₁ le₃léi₄ chi₂jua'₂ të₃dsón'₂ bá₄ dse₃. Jui₁lia'₂ jau'₂ 'í₁ cu₄nióg₄ të₂le₃ quian'₅₄ si₂, ján₃ bá₄ le₂në₅ jióg'₂ 'í₁ a₂'én'₂ 'nia'₂ të₂le₃ quian'₅₄ uig₅ a₂niog₅ qui₂dsi₂ñíng'₂. Ia₁ a₂'én'₂ 'nia'₂ në₅, quen₅ gué₄ 'ñio₅ lín₃ lia'₂ con'₂ gué₄ cu₄nióg₄, ia₁ cu₄nióg₄ né₃, a₂dsi₂'én₂ bá₄ jaun₂. Jaun₂ né₃ jë₁ma₂ca₂o₃'ág₃ jág₁ a₂'én'₂ 'nia'₂ të₃dsón'₂, jaun₂ gué₄ 'ag₃ Diú₄, 'én'₂ bá₄ 'nia'₂ dse₃ lín₃, ton'₂ qui₂jme₃go₃ bá₄ dsa₂, jaun₂ guéin'₂ bá₄ 'nia'₂ guei'₅₄ i₂juíng₃ jë₁ma₂ca₂rë₃jniá₂ Jesucristo.

⁸ 'Nió'₃ bá₄ 'nia'₂ Cristo jui₁la₂ tsá₃ ma₂ca₂té₂ ne'₅₄ 'nia'₂. Caun₂ bá₄ qui₂le₁'ág₄ 'au'₂ 'nia'₂ le₃quió'₅ 'éi₂, jñia'₅₄ la₂ tsá₃ ma₂ca₂jñin'₅₄ 'nia'₂ dsón'₂ dsi₁ne₁ la₁ 'ñio₅ lín₃ bá₄ 'io'₂ jén'₂ 'nia'₂ ca₂lia'₂ tsá₃ ne₄ 'a₂ lia'₂ le₃jua'₅₄, ⁹ ia₁ le₂në₅ bá₄ ma₂lín'₂ 'nia'₂ jui₅ ja₁ma₂lón₂ jme₂dsí₂ quiáng'₂; ia₁ ja₁jaun₂ dsi₁no₃ dsón'₂ bá₄ 'nia'₂ lia'₂ con'₂ lé₅ 'éng'₂.

¹⁰ Jui₁lia'₂ jág₁ a₂lió₂ Diú₄ në₅, lia'₂ con'₂ lé₅ jme₁'é₂ dsa₂ quián₅ Diú₄ jág₁ ma₂líg'₂, ca₂juá'₂ të₃jñiá₅ 'a₂ lia'₂ jmo₃ 'ua₁ dsí₅ jme₃goin'₅₄ 'nia'₂, jaun₂ dsa₂ 'éi₂ né₃ ca₂'náu'₃ jág₁ dsau₅ ca₂cáun₃ 'í₁ rë₂ lín₃, ¹¹ 'ein₂ dsón'₂ 'éi₂, o₃ 'e₂ 'i₁ó'₄ a₂ñág₃ uig₅, a₂le₃juin'₂ táng₃ cang₂ jaun₂. Ca₂jmo₃ bá₄ dsa₂ 'éi₂ né₃ lia'₂ con'₂ lé₅ ca₂'ë₃ Jme₂dsí₂ quián₅ Cristo jui₅ të₂dsí₅.

¹² Ca₂jme₃jñia₅ Diú₄ jág₁ a₂qui₂ca₂ñí'₂ dsí₅ dsa₂ 'éi₂, la₁ on₃jua'₅₄ a₂dse₃ ja₁coin₂ guoin₅₄, a₂dse₃ të₂le₃ ja₁con'₂ 'nia'₂ bá₄ a₂ca₂jme₃ti₃ 'éi₂ lia'₂ con'₂ jme₁ca₂'é₂ jág₁, co₂rë₂ bá₄ lia'₂ con'₂ lé₅ jág₁ a₂ma₂ca₂rë₃'é₂ ja₁con'₂ 'nia'₂ të₂le₃ quian'₅₄ Jme₂dsí₂ Jñi₁ó₅ i₂chen₄ já₅ guei'₅₄ i₂juíng₃. Ca₂le₂jio₅ ángeles né₃, jme₁'ín₅ dsí₅ të₃ ne₅₄ ca₂le₃jé₃ a₂në₅.

Diú₄ ma₂ca₂të₃ jniog₄ a₂le₃chong₂ le₁jé₃ jme₂dsí₂ quián₂

¹³ Jaun₂, rë₂ján'₁ 'nia'₂ jmo₄, a₂le₃ñí'₂ dsei'₂ a₂le₃'en₅₄ 'au'₂ 'nia'₂. Caun₂ bá₄ le₁'ág₄ 'au'₂ 'nia'₂ jmo₄ a₂le₁jan'₄ a₂jme₃gu'₅₄ Diú₄ jmi₄g₄ jë₁ma₂té₂ rë₁jme₃jñia₅ Jesucristo. ¹⁴ La₁

jui₁len'₅₄ 'nia'₂ chi'₂-guein₂ dsen₃ quián₅ Diú₄ i₂qui₂rē₂ti'₅₄. Tsá₃ ma₃tián'₂ 'nia'₂ jua'₅₄ a₂qui₂dsi₂jñia₅ gué₄ 'lig'₅₄ 'au'₂, lia'₂ jme₁líng'₄ le₂jñiá₅ lia'₂ con'₂ tsá₃ 'e₂ jme₁ma₂ñi'₅₄ 'nia'₂ le₃quió'₅ Diú₄. ¹⁵ Tē₂le₃ jui₁le₂chan'₂ bá₄ 'nia'₂ qui₂le₁jé₃ tē₂'au'₂ qui₂rē₂jñi₄ co₂ñei'₅₄ jme₂dsí₂ quiáng'₂ quian'₅₄ ca₂le₃jé₃ gué₄ a₂jmo'₂ 'nia'₂. Ia₁ i₂jñi₄ lín₃ bá₄ Diú₄ i₂ma₂ca₂tē₃ 'nia'₂. ¹⁶ Ia₁ juá'₂ ne₄ Si₂: “Jui₁le₂jñi₄ bá₄ 'nia'₂, ia₁ i₂jñi₄ bá₄ jniá₂ 'ñi₄.”*

¹⁷ Chi₂jua'₂ tē₂ 'nia'₂ “Tia₅₄” i₂qui₂con₂ 'í₁ quió'₅ le₂jan₂ le₂jan₂ dsa₂ lia'₂ con'₂ lé₅ ma₂jmo₃, la₁ tsá₃ jma₃quén₅ jín₂ ca₂le₃jín₃, jaun₂ ca₂tín'₂ 'nia'₂ jme₁gain'₃ ca₂le₃jé₃ jmi₄ tē₂lia'₂ chan'₂ 'nia'₂ líng'₅ nē₂jag₄ bá₄ dsi₂nau₂ ne₄ gua'₅₄ 'uē₃ la₂. ¹⁸ Ia₁ ma₂ñi'₅₄ bá₄ 'nia'₂, on₃jua'₅₄ a₂ca₂qui₃ quian'₅₄ cosa a₂tsá₃ uē₂ jio₅, quian'₅₄ jui₁lia'₂ cu₄ni₄óg₄ cu₄tio₂ a₂ca₂lióin₂ 'nia'₂ ne₄ jui₅ a₂tsá₃ ta₁ tí₄ a₂jme₁le₁quian'₄ 'nia'₂, a₂ca₂rē₂tíng'₃ ca₂ñág₃ dsa₂ can'₅₄ quiáng'₂. ¹⁹ Ca₂quín'₂ 'nia'₂ tē₂le₃ quian'₅₄ jmi₂ 'an₅₄ Cristo a₂quen₅ gué₄ lín₃, a₂ca₂ñó₃ qui₂rē₂jein'₅₄ ne₄ Diú₄ nē₂jag₄ bá₄ já₂ cha'₂ i₂tsá₃ 'e₂ 'lig'₅₄ lín₅ 'i₁caun₂. ²⁰ Ia₁ lia'₂ con'₂ né₃ a₂ni₃ mi₂güí₃, jme₁ma₂rē₂'i₁n₁ bá₄ a₂lióin₂ dsa₂ mi₂güí₃. Ia₁ ma₂ca₂rē₃jñiá₂ jmi₄ jē₁ca₂tó'₂ rē₂né₃, a₂dse₃ o₄quían'₂ 'nia'₂. ²¹ Ia₁ tē₂le₃ quian'₅₄ 'é₂ bá₄ 'én'₂ 'nia'₂ le₃quió'₅ Diú₄ i₂ca₂jme₃jen'₅₄ Cristo ja₁jme₁rē₂'lín₅₄, jaun₂ ca₂jme₃jláu'₁ né₃. 'Uí₅₄ jaun₂, jui₁le₁'ág₄ 'au'₂ 'nia'₂ 'éng'₂ tē₂le₃ quió'₅ Diú₄.

²² Nē₃ né₃ ma₂le₁jín'₃ bá₄ 'nia'₂ ia₁ ma₂jme₂tí'₁ 'nia'₂ já₁ tí₅, ia₁ tē₃dsón'₂ bá₄ ma₂'nió'₃ 'nia'₂ ríng'₂, jme₁'nió₄ 'nia'₂ ríng'₂ le₂jang'₂ le₂jang'₂ jaun₂ né₃ ca₂le₃jé₃ 'au'₂.† ²³ Ia₁ ma₂ca₂rē₃chán'₃ 'nia'₂ táng₃, la₁ on₃jua'₅₄ lia'₂ lé₅ rē₃chan₂ jaun₅ dsa₂ i₂dsan₂. A₂ca₂líng'₃ jaun₅ Diú₄ bá₄ i₂tsá₃ líg'₂ jmi₄ dsián₃. Ca₂rē₃cháng'₃ tē₂le₃ quian'₅₄ já₁ jén'₃ quió'₅ Diú₄ bá₄ a₂jio₅ co₂tan₅₄. ²⁴ Ia₁ ne₄ Si₂ juá'₂:

Ca₂le₃jín₃ dsa₂ mi₂güí₃

lín₅ jui₁lia'₂ lé₅ ni₁nau₂,

ca₂le₃jé₃ 'a₂ lia'₂ jláin'₁

lé₅ lia'₂ lé₅ lí₁ jlá'₁ quió'₅ ni₁nau₂.

Jē₁ma₂ca₂rē₃quén₃ ni₁nau₂,

ca₂tá'₂ bá₄ lí₁ ján₃.

²⁵ La₁ já₁ quió'₅ Te₁gui'₅₄ jio₅ co₂tan₅₄ bá₄.‡

Jaun₂ já₁ dse₃ a₂lión₂ dsa₂ nē₅ ma₂ca₂rē₃'é₂ jñi'₄ 'nia'₂.

2

¹ Jaun₂ né₃, co₂dsia₅ tí₃ 'nia'₂ ca₂le₃jé₃ ne₅₄ a₂'lig'₅₄, quian'₅₄ 'a₂ lia'₂ lé₅ jme₁chan'₂ 'nia'₂ jmo'₂ o₁ne'₄, o₁gang'₂, jme₁chan'₂ 'nia'₂ jmo'₂ uig₅ 'au'₂, ca₂le₃jé₃ gué₄ a₂lē₁chi₂dsia'₂ 'nia'₂ 'íng'₅ ríng'₂. ² Jmo₄ 'nia'₂ nē₂jag₄ bá₄ guein₂ pí'₁ i₂'ín₅ dsí₅ 'ín'₂ dsi'₅₄ jmá'₅ a₂gu₂dsí₂, jaun₂ tē₂le₃ quian'₅₄ a₂jaun₂ qui₂dsi₃can'₅₄ 'nia'₂ ca₂lia'₂ ca₂'ñia₅ i₁lión'₂ 'nia'₂, ³ chi₂jua'₂ tē₃dsón'₂ bá₄ ma₂ca₂rē₃len'₄ 'nia'₂ jmá₂ a₂dse₃ dsí₅ Te₁gui'₅₄.*

Cristo bá₄ i₂lín₅ ni₁'lau₂ jén'₃

⁴ Jme₁quián₄ 'nia'₂ ja₁con₂ Te₁gui'₅₄ i₂lín₅ ni₁cang₁ jén'₃. Dsa₂ mi₂güí₃ né₃ tsá₃ ca₂rē₃jei₅₄, la₁ tē₂le₃ quió'₅ Diú₄ né₃ lé₅ ni₁cang₁ rē₂quío'₅₄ a₂jlá'₁ a₂quen₅ gué₄ lín₃.

⁵ Le₂nē₅ bá₄ 'nia'₂ ján₃, jmo₄ 'nia'₂ 'au'₂ a₂líng'₅ co₂'nió'₄ ni₁cang₁ jén'₃ a₂jmo'₂ Diú₄ ta₁ a₂jui₂₃ jmóg'₅ caun₂ 'né₅ a₂gu₂dsí₂, ia₁jaun₂ dsi₁nó'₅ 'nia'₂ léng'₂ co₂'nió'₄ jme₂dsa₂ i₂lé₅ 'í₁ quián₅ i₂qui₂jén'₅ 'e₂ qui₂jén'₅ ne₄ Diú₄ a₂gu₂dsí₂ a₂lé₅ a₂'ñio₂ dsí₅ 'é₂ gue₂₃ tē₂le₃ quian'₅₄ Jesucristo. ⁶ Ia₁ ne₄ Si₂ juá'₂ ján₃:

la₂ dsián₄ jniá₂ ciudad Sión i₂lín₅ ni₁cang₁

quió'₅ qui'₅₄ 'uig₅₄ 'ia'₂.

* 1:16 Levítico 11:14,45; 19:2; 20:7. † 1:22 A₂lín₅₄ chog₅₄ si₂: “a₂le₁jé₃ 'au'₂.” ‡ 1:25 Isafas 40:6-8.

* 2:3 Salmo 34:8.

Ca₂le₃jín₃ i₂'én₂ le₃quió'₅,

o₁líg'₂ tsá₃ 'ag₃ caun₂-tin₃ dsí'₅.†

⁷ Të₂le₃ quián'₂ 'nia'₂ i₂'éng'₂, ni₁'lau₂ jaun₂ lé₅ a₂quen₅ 'ñio₅ lín₃. La₁ të₂le₃ quió'₅ i₂tsá₃ 'én₂ né₃, rë₂ti₃ jui₁lia'₂ juá'₂ ne₄ Si₂:

Ni₁cang₁ a₂tsá₃ ca₂rë₃ji'₅₄ dsa₂ i₂jme₁jmo₃'₅ 'né₅,

ca₂lë₃ ni₁cang₁ a₂dsen₅₄ gué'₄ quió'₅ qui'₅₄ 'ia'₂.‡

⁸ Rë₂ti₃ ján₃ ja₁juá'₂ ne₄ Si₂:

ni₁cang₁ a₂qui₂nió₅ dsa₂,

ni₁'lau₂ a₂jmo₅ a₂dsi₂gan'₅₄ dsa₂.§

'Uig₅₄ ia₁ a₂tsá₃ 'nio₃ jme₃ti₃ jág₁ dse₃, qui₂nió₅ jui₁lia'₂ ma₂'i₄ 'éi'₃ dsi₃ñí₂.

Dsa₂ i₂tén₅ le₃quió'₅ Diú₄

⁹ Ma₂lín'₅ bá₄ 'nia'₂ né₃, jon₂ dsa₂ i₂rë₂quion'₅₄ quián₅ Diú₄. Lín'₅ co₂nió'₃ jme₂dsa₂ i₂jme₂ti₃ ta₁ ne₄ Rag₅₄, caun₂ juig₂ jñio₅, dsa₂ juig₂ quián₅ Diú₄ 'ñio₅. Ca₂le₃jé₃ a₂në₅ lín'₅ 'nia'₂, ia₁jaun₂ qui₂jme₁jnia'₅ 'nia'₂, ca₂le₃jé₃ a₂jlá'₁ a₂ma₂jmo₃ Diú₄. Ia₁ 'éi₂ bá₄ ma₂ca₂'uín'₂ 'nia'₂ jë₄ qui₁né'₃, ca₂tág₃ të₂le₃ ja₁jniá₂ si₂jlá'₁ quió'₅. ¹⁰ Le₂jñiá₅ né₃, tsá₃ dsa₂ juig₂ jme₁lín'₄ 'nia'₂; la₁ rë₂né₃ né₃ ma₂ca₂dsi₃nó'₅ 'nia'₂ ma₂lín'₅ dsa₂ juig₂ quián₅ Diú₄. Ca₂le₂jñiá₅, 'i₁jan₂ tsá₃ 'ein₂ jme₁ñéi₂ dsí₅ 'nia'₂; la₁ rë₂né₃, Diú₄ ma₂ca₂tá'₂ ñéi₂ dsí₅.

Tián'₂ 'nia'₂ a₂jme₁ti'₄ ne₄ Diú₄

¹¹ 'Nia'₂ rin'₅₄ jniog₄ i₂'nió₃, 'nia'₂ i₂tiáng'₅ uíng₂ i₂ma₂lín'₅ në₂jag₄ bá₄ dsi₂nau₂, chi₂len'₄ jniá₂ 'nia'₂ co₂dsia₅ tí₃ 'nia'₂ ca₂le₃jé₃ a₂'lig'₅₄ a₂'ín₅ dsí₅ ni₁ñi'₁ a₂jmo₅ 'nei₂ ja₁con₂ jme₂dsí₂ quián'₂ 'nia'₂. ¹² I₂nió₄ bá₄ 'nia'₂ con'₂ dsi₂ten₅₄ jin₄ dsi₂nau₂ juig₂ ja₁tiáng'₄, ia₁jaun₂ jui₁la₂ 'ag₂₃ 'iin₂₃ 'nia'₂ 'lig'₅₄ a₂jág₂ jñin₂ 'nia'₂ në₂jag₄ bá₄ dsa₂ i₂le₁cán'₄ dso₄, la₁ jë₁ma₂ca₂té₂ ne₅₄ a₂dse₃ jmo'₂ 'nia'₂, jme₃juin'₂ bá₄ Diú₄ jë₁ma₂té₂ rë₁të₃dsi₅₄ 'éi'₃.

¹³ Ia₁ a₂gan'₃ 'nia'₂ Te₁gui'₅₄, tión'₂ 'nia'₂ ca₂le₃jé₃ 'éi'₃ qui'₅ jui₁'ein₂ gué'₃ dsi₂tan₅₄ i₂dsián₁ quián₅ dsa₂ ne₄ gua'₅₄ 'uë₃ la₂; tión'₂ 'nia'₂ 'éi'₃ qui'₅ jui₁lia'₂ gui'₅₄ dsi₂tan₅₄ emperador ¹⁴ lia'₂ 'éi'₃ quió'₅ i₂lín₅ dsi₄má'₂ i₂dsián₁ quián₅, a₂cué'₃ uig₅ dsa₂ i₂jmo₅ 'lig'₅₄, la₁ dse₃ 'iin₃ dsa₂ i₂jmo₅ a₂dse₃. ¹⁵ Ia₁ a₂në₅ bá₄ a₂'nió₃ Diú₄: a₂jmo'₂ 'nia'₂ ca₂ne₅₄ a₂dse₃, ia₁jaun₂ dsi₃lén₂ tei₄ dsa₂ co₄ i₂'in₅ 'lig'₅₄ 'nia'₂ ia₁ a₂tsá₃ ñi₅.

¹⁶ I₂nió₄ bá₄ 'nia'₂ jaun₂, lia'₂ jë₁i₂nió₄ dsa₂ i₂ma₂ca₂lón₂ i₂ma₂ca₂niá₃ jui₅ quió'₅, la₁ tsá₃ o₁leng'₅₄ jua'₅₄ a₂ma₂rë₂na₄ jui₅ ia₁jaun₂ 'náu'₁ dso₄. Jui₁le₂chan'₂ 'nia'₂ a₂lín'₅ dsa₂ i₂jme₂ti₃ ta₁ ne₄ Diú₄. ¹⁷ Jme₁gan₃ 'nia'₂ ca₂le₃jín₃ dsa₂; jme₁'nió₄ 'nia'₂ ríng'₂ né₃. Jme₁gan₃ 'nia'₂ Diú₄, ton'₂ jme₁gan₃ 'nia'₂ dsi₂tan₅₄ dsa₂ juin'₂.*

Caun₂ jág₁ dsau₅ 'a₂ lia'₂ lé₅ jmi₁uig₅ a₂ca₂i₃ñí₂ Cristo

¹⁸ 'Nia'₂ gué'₂ dsa₂ i₂jme₂ti₃ ta₁ ne₄ dsa₂, tión'₂ 'nia'₂ 'ei₅ gau₂ ca₂le₃jé₃ 'e₂ te₂néi'₂ juig'₂ 'nia'₂. Ca₂tín'₂ 'nia'₂ jme₁ti'₄, on₃jua'₅₄ jmá'₃ ne₄ dsa₂ dsen₃ i₂juin'₂ dsí₅; ca₂tín'₂ bá₄ 'nia'₂ jme₁ti'₄ le₂jio₅ ne₄ dsa₂ i₂tsau₂ dsí₅ né₃. ¹⁹ Ia₁ ja₂lín₃ gué'₄ dse₃ të₂tsin'₅₄ dsa₂ ne₄ Diú₄ jme₁jmo₂₃ tió'₃ dsí₅ ñág₅ uig₅ on₃jua'₅₄ a₂cha₂ ríin₂, ne₄ ia₁ a₂lí'₄ dsí₅ a₂'ñio₂ dsí₅ Diú₄ bá₄.

²⁰ Ia₁ në₁jua'₂ jmo'₂ 'nia'₂ tió'₃ 'au'₂ jme₁qui₂dsi₂bang'₅₄ ne₄ 'uig₅₄ dsáu'₂ 'nia'₂ guiong'₅₄, ¿'e₂ a₂dse₃ a₂lé₂ le₃guéi'₁ 'nia'₂ në₁jua'₂ le₂jaun₂? La₁ në₁jua'₂ ñag'₅₄ 'nia'₂ uig₅ ne₄ 'uig₅₄ a₂dse₃ a₂jmo'₂, ton'₂ jmo'₂ 'nia'₂ tió'₃ 'au'₂, ia₁ le₂në₅ bá₄ dsió₄ të₃tsin'₅₄ 'nia'₂ dse₃ ne₄ Diú₄. ²¹ Ia₁ ta₁ jaun₂ ma₂ca₂rë₃té₄ 'nia'₂, ia₁ ján₃ bá₄ ca₂ñág₃ Cristo uig₅ o₄quián'₂ 'nia'₂, a₂ca₂quiog₂ caun₂ jui₅ ia₁jaun₂ le₂në₅ i₁nió₄ 'nia'₂ jui₁lia'₂ ca₂ñi₃ 'ñio₅.

²² 'I₁caun₂ dso₄ tsá₃ 'e₂ ca₂'náu₂,

on₃ gué'₂ 'i₁ca₂mí₂g₂ jág₁ a₂jui₁gain₂ ca₂o₃'ág₃ mi₂'o₅₄;†

† 2:6 Isaías 28:16. ‡ 2:7 Salmo 118:22. § 2:8 Isaías 8:14. * 2:17 lit. "jme₁gan₃ 'nia'₂ rag₅₄." † 2:22 Isaías 53:9.

²³ jme₁qui₂ca₂jnaú₂' dsa₂ jág₁ uig₅, tsá₃ le₂jaun₂ ca₂jéin₃ jág₁ jua'₅₄ a₂ca₂quiain₃ dsa₂ jué'₅. Të₂le₃ caun₂ bá₄ ca₂'ág₂ dsí₅ ca₂dsiain₃ o₄gú₃ i₂qui₃dsí₅ 'éi'₃ lia'₂ tí₅. ²⁴ Le₂në₅ bá₄ ca₂caún₃ Cristo jui₅ ni₁ñi₁₂ 'ñiog₅ dsáu₁ jniog₄ jme₁ca₂ñó₃ ne₄ cróg₄ ia₁jaun₂ dsióg₃ jniog₄ ne₄ dso₄, a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín'₂ Cristo ca₂'lón'₂ bá₄ 'nia'₂. ²⁵ Ia₁ le₂jñiá₅ jme₁i₂nio'₄ 'nia'₂ lia'₂ ja₁i₂nio₄ já'₂ cha'₂ i₂ma₂i₂cón'₅, ‡ la₁ rë₂në₃ ma₂ca₂jén'₃ bá₄ táng₃ 'nia'₂ le₃quió'₅ Cristo. 'Éi₂ bá₄ i₂jñiog₅, niog₅ gu₂, jmo₅ 'í₁ § jme₂dsí₂ quián'₂ 'nia'₂.

3

'A₂ lia'₂ dsi₂ten₅₄ le₃chan₂ dsa₂ i₂le₁jen'₂ gu₂

¹ Le₂në₅ bá₄ ján₃, 'nia'₂ dsa₂ mí₂ i₂le₁jen'₂ gu₂, tión'₂ 'nia'₂ 'éi'₃ quió'₅ dsi₂i₂gog'₂, ia₁jaun₂ në₁jua'₂ chan₂ i₂tsá₃ 'én₂, lé₂ le₃join'₅₄ ia₁jaun₂ le₃'éin₂ ján₃, on₃jua'₅₄ a₂'nió'₅ juig'₅₄ 'nia'₂ jág₁ 'lióng₂, të₂le₃ quian'₅₄ jui₅ 'a₂ lia'₂ lé₅ i₂nio'₄ bá₄ 'nia'₂, ² ia₁ të₃ ne₅₄ a₂ma₂lín'₂ 'nia'₂ dsa₂ i₂le₁jé₃ dsí₅, i₂ñi₅ 'a₂ lia'₂ jme₃go₃. ³ Tsá₃ jui₁le₅₄ jua'₅₄ a₂jñia'₅₄ tión'₂ 'nia'₂ jlá'₁ jmá'₃ lia'₂ le₃co'₅₄, quian'₅₄ jui₁lia'₂ a₂jñiá₄ jlá'₁ qui₂rë₂lag₄ dsei'₂, o₃ a₂qui₂le₁lín'₄ 'nia'₂ jui₁lia'₂ quian'₅₄ mí₂cu₄nióg₄, tsín'₂ jlá'₁ né₃. ⁴ Qui₁jmo'₅₄ bá₄ 'nia'₂ jláng'₁ të₂le₃ quian'₅₄ a₂rë₃'ma₄ të₂'au'₂ 'nia'₂, a₂rë₂lag₄ quian'₅₄ caun₂ jme₂dsí₂ a₂jmo'₂ 'nia'₂ meg'₂. A₂rë₃lín₄ dsa₂ le₂në₅ bá₄ lé₅ caun₂ a₂jlá'₁ a₂tsá₃ líg'₂ jmi₄g₄ dsi₃'én₂, ton'₂ quen₅ 'ñio₅ lín₃ të₂le₃ ja₁con₂ Diú₄. ⁵ Ia₁ le₂në₅ bá₄ jme₁qui₂le₁lín₄ dsa₂ mí₂ i₂jme₁lé₄ 'í₁ quián₅ Diú₄ ma₂líg'₂: jme₁i₂nioi₅₄ caun₂ bá₄ jme₁le₁'ág₄ dsí₅ le₃quió'₅ Diú₄, ton'₂ tioen'₅₄ 'éi'₃ quió'₅ dsi₂i₂gu₂. ⁶ Ján₃ bá₄ le₂në₅ jme₁lín₄ Sara, ca₂nág₂ gau₂ jág₁ quió'₅ Abraham, jaun₂ ca₂të₃ “Gui'₅₄ quiáng₃”. Le₂në₅ bá₄ dsi₁nó'₅ 'nia'₂ léng'₂ jui₁lia'₂ jme₁lín₄ 'éi₂, në₂jag₄ bá₄ chi'₂ quiáin₅ bá₄ ján₃, në₁jua'₂ ca₂jmo'₅₄ con'₂ dsi₂ten₅₄, tsá₃ ma₃'e₂ gau₂ jiá₃ 'au'₂ 'nia'₂.

⁷ Le₂në₅ bá₄ ján₃, 'nia'₂ dsa₂ ñe'₂, jmo₄ 'nia'₂ 'en₅₄ 'au'₂ 'a₂ lia'₂ tiáng'₄ quian'₅₄ dsa₂ mí₂ quiáng'₂, jui₁ñei₂ bá₄ a₂ca₂tñin₂ jme₁gain'₃ 'nia'₂, ia₁ lín₅ i₂'uan₅₄ gué₄ lia'₂ con'₂ gué₄ guiong'₅₄, lín₅ co₂'nió'₄ caun₂ ni₁vaso a₂go'₂ gué₄; ia₁ co₂rë₂ bá₄ lín'₅ 'nia'₂ dsa₂ i₂rë₂gon'₅₄ i₂ca₂tñin₂ le₃chan₂ dse₃. Le₂në₅ jmo₄ 'nia'₂ ia₁jaun₂ 'i₁caun₂ tsá₃ 'e₂ jnág₅ cha₂ jë₁ma₂té₂ rë₁chi₁len'₄ 'nia'₂ Diú₄.

Dsa₂ i₂ñág₅ uig₅ ne₄ ia₁ a₂jmo₂₃ a₂dse₃

⁸ Jë₁ca₂tó'₂ rin'₅₄ jniog₄, jui₁chan'₂ bá₄ 'nia'₂ ca₂le₃jíng'₃ 'ei₅ caun₂ jág₁, jeng'₂ quian'₅₄ ríng'₂; 'ua₁ 'au'₂ 'nia'₂ jmo₄; jme₁'nió₄ 'nia'₂ ríng'₂; jui₁chan'₂ 'nia'₂ ñéi₂ 'au'₂; jmo₄ 'nia'₂ meg'₂ né₃. ⁹ Tsá₃ lë₁jein'₅₄ 'nia'₂ 'lig'₅₄ quian'₅₄ a₂'lig'₅₄; tsá₃ të₁'óng'₁ dsa₂ i₂të₂'o'₂. Të₂le₃ jein'₅₄ jág₁ dse₃ a₂jme₃gu'₅₄ Diú₄ quió'₅ dsa₂ le₂'éi₂. Ia₁ ta₁ në₅ bá₄ a₂'nio₃ Diú₄ jmó'₂ 'nia'₂ a₂ma₂ca₂të₃, ia₁jaun₂ bá₄ tin'₃ 'nia'₂ jme₃gu'₅₄ Diú₄. ¹⁰ Ia₁:

Ca₂le₃jín₃ dsa₂ i₂'nio₃ le₃chan₂ dse₃

ca₂tñin₂ jmo₃ 'í₁ le₁tsi'₂

jaun₂ tsá₃ 'ñiá₃ jág₁ 'lig'₅₄,

on₃ gué'₂ 'nió'₅ 'ué'₃ jág₁ të₂jág₁ mi₂'o₅₄.

¹¹ Co₂dsia₅ 'nió'₅ quiá'₂ dsa₂ cau₅

jui₁lia'₂ jui₅ 'lig'₅₄, jmo₃ ca₂ne₅₄ a₂dse₃;

'nió'₅ 'no'₂ dsa₂ jui₅ ja₁'ei₅ tei₄,

jaun₂ jui₅ jaun₂ 'en₃.

¹² Ia₁ jme₁ne₁ Te₁gui'₅₄ tsá₃ 'na₂ jíin₂ dsa₂ dsen₃,

ton'₂ rë₂jáin₁ nag₂₃ 'e₂ chi₂léi'₂ dsa₂ quiáin₅,

la₁ të₂le₃ quió'₅ i₂jmo₅ a₂'lig'₅₄,

le₂cau₅ bá₄ jéin'₅ ne₅₄.*

‡ 2:25 'Nio'₂ ja₁ton₅ Isaías 53:5,6. § 2:25 griego: epískopos. * 3:12 Salmo 34:12-16.

¹³ ¿I₂'ein₂ bá₄ lé₂ le₃jmo_g'₂ ně₁jua'₂ dse₅₄ 'au'₂ 'nia'₂ ca₂jmo'₅₄ a₂dse₃? ¹⁴La₁ jui₁ 'a₂ gué₃ la₂ ŋag'₅₄ 'nia'₂ uig₅ ne₄ ia₁ a₂jmo'₂ 'nia'₂ a₂dse₃, la₁ia₁ 'e₂ gué₄ dse₃ 'nia'₂ chang'₂ jua'₅₄ le₂jaun₂. Tsá₃ jmo₂ 'nia'₂ gang'₃ 'e₂ a₂gó'₅ dsa₂ 'éi₂ chain₂, on₃ gué'₂ cán'₁ 'nia'₂ jué'₅.† ¹⁵Tě₂le₃ jmo₄ bá₄ 'nia'₂ 'au'₂ a₂lín₅ Cristo juig'₂ 'nia'₂ i₂ŋi₅, a₂lé₅ 'í₁ tě₂'au'₂ 'nia'₂. Chan'₂ 'nia'₂ rě₂jáng'₁, a₂jein'₅₄ jág₁ quió'₅ dsa₂ i₂'nio₃ le₃ŋi₅ 'a₂ lia'₂ lé₅ a₂'ín₂ 'au'₂ 'nia'₂. ŋŋia'₅₄ lia'₂ jmo₄ a₂ně₅ jmá'₃ lia'₂ quian'₅₄ a₂'ua₁ 'au'₂, a₂jme₁gan'₃ 'nia'₂ dsa₂ né₃, a₂qui₂le₁jé₃ a₂qui₂dsi₂ŋi₅ 'au'₂, ¹⁶ia₁jaun₂ le₃gui'₅₄ dsa₂ i₂chi₂ag₅ 'lig'₅₄ o₄quió'₄ jui₅ dse₃ a₂i₂'nio'₄ 'nia'₂ le₃quió'₅ Cristo. ¹⁷Ně₁jua'₂ le₂jaun₂ 'nio₃ Diú₄, ja₂lín₃ gué₄ dse₃ a₂ŋág₅ dsa₂ uig₅ ne₄ ia₁ a₂jmo₂₃ a₂dse₃, lia'₂ con'₂ gué₄ ne₄ a₂jmo₂₃ a₂'lig'₅₄.

¹⁸Ia₁ le₂ně₅ bá₄ ján₃, co₂ráun₂ bá₄ ca₂jon₃ Cristo[‡] jme₁ca₂join₃ ne₄ 'uig'₅₄ dsáu₁ jniog₄. I₂jme₁lín₄ jan₂ dsa₂ dse₃ co₂ŋí₂ bá₄ 'éi₂, ca₂join₃ o₄quió'₄ dsa₂ cha₂ dsáu₁, ia₁jaun₂ tě₂ ja₁con₂ Diú₄. Ca₂join₃ jui₅ ni₁ŋi₁₂, ton'₂ ca₂jein'₅₄ bá₄ táng₃ tě₂le₃ quian'₅₄ Jme₂dsí₂. ¹⁹Jaun₂ le₂ně₅, ca₂ŋei₅₄ ca₂i₁'é₄ jág₁ ja₁con₂ jme₂dsí₂ i₂jme₁tion'₅₄ le₁ŋí₅ ²⁰i₂tsá₃ ca₂nág₂ gau₂ jmig₄ ma₂líg'₂ jaun₂ lia'₂ con'₂ jme₁chan₂ Noé. Ué₂ bá₄ ca₂jmo₃ Diú₄ juín'₂ dsí₅ ca₂ŋŋia₃ tě₁lia'₂ lé₂ ni₁barco. § ŋŋia₃ tan₅₄ dsa₂ bá₄ lé₂ i₂ca₂lón₂ quian'₅₄ a₂jaun₂ jme₁ca₂'a₃ jmig₂ mi₂güí₃. ²¹A₂jaun₂ jáng'₅ caun₂ léi₄ jme₁chó₅ jniog₄ jmig₂ jmig₄ rě₂ně₃, a₂ma₂ca₂lag₃ jniog₄ dsa₂ i₂ma₂ca₂lón₂; on₃jua'₅₄ a₂ŋŋia'₃ a₂'lian₅₄ dsa₂, tě₂le₃ a₂jang'₂ jniog₄ caun₂ léi₄ a₂quián₁ jniog₄ caun₂ jui₅ a₂le₁jé₃ jme₂dsí₂ quián₂ tě₂le₃ ne₄ Diú₄ bá₄, ton'₂ ca₂ló₂ jniog₄ tě₂le₃ quian'₅₄ jui₅bí₂ a₂ca₂jen'₅₄ Jesucristo. ²²Ca₂uí₂ táng₃ ŋái'₃ guei'₅₄ i₂juí₃; ja₁jaun₂ guá₅ tě₂le₃ gu₂ ne₁ Diú₄; 'éi'₃ quió'₅ 'éi₂ bá₄ tion'₅₄ ca₂le₃ŋŋin₃ ángeles quian'₅₄ ca₂le₃ŋŋin₃ i₂lín₅ ta₁, ca₂le₃ŋŋin₃ gué₄ i₂'io₅ jui₅bí₂ né₃.

4

A₂jme₂ti₃ dsa₂ lia'₂ con'₂ lé₅ jui₅bí₂ a₂ma₂cué₃ Diú₄

¹Jaun₂ lě₃, ia₁ ca₂ŋág₃ Cristo uig₅ jui₅ ni₁ŋi₁₂, le₂ně₅ bá₄ 'nia'₂ ján₃ chan'₂ 'nia'₂ rě₂lín_g'₅₄ caun₂ 'éi₂ 'nia'₂ 'au'₂ a₂cán'₁ jmi₁uig₅. Ia₁ jui₁lia'₂ dsa₂ i₂ma₂ca₂ŋág₃ uig₅ jui₅ ni₁ŋi₁₂, co₂dsia₅ ma₂tí₂ bá₄ jui₅ jě₁jme₁'no₂₃ dso₄. ²A₂le₃chain₂ táng₃ tě₂le₃ ne₄ jui₅ ja₁ŋó₄, a₂jme₃ti₃ a₂'nio₃ Diú₄ bá₄, tsá₃ ma₃le₃chain₂ jua'₅₄ a₂cué'₃ gué₄ o₂'ŋi₃ o₂ŋŋia₃ dsi₅ con'₂ niog₅ mi₅ ni₁ŋi₁₂. ³Tió'₅, a₂ma₂ca₂ŋí₂ juín₅₄ qui₂ma₂jmo'₅₄ 'nia'₂ ja₁ma₂ja₂nóg'₅, lia'₂ con'₂ lé₅ jmo₅-dsáu₅ ca₂le₃ŋŋin₃ dsa₂ i₂tsá₃ cuín₅ Diú₄. Ia₁ jme₁chan'₂ 'nia'₂ tsá₃ caun₂ a₂jme₁'ín₅ 'au'₂; tsá₃ caun₂ a₂'lig'₅₄ a₂jme₁qui₂lé₂ 'au'₂ 'nia'₂ né₃; jme₁qui₂i₂niog'₅₄ qui₂le₁'eng'₅; jme₁qui₂qué'₂ 'nia'₂ tóng'₂ chí'₅ co₂mi'₅₄ niog₅ jmig₄. Jme₁'ág'₂ 'nia'₂ ca₂lia'₂ tsá₃ cuente niog₅; jme₁jme₂juín'₂ 'nia'₂ diú₄ lag₄, caun₂ a₂'io'₅₄ Diú₄. ⁴Dsi₂gó'₃ dsí₅ dsa₂ 'éi₂ a₂tsá₃ jme₂quiain'₅₄ 'nia'₂ jě₄ ca₂le₃jé₃ a₂i₂juín₅₄ a₂'lig'₅₄ a₂jmo₅-dsáu₅, jaun₂ 'lig'₅₄ bá₄ 'ag₂₃. ⁵La₁ já₅ bá₄ jmig₄ ja₁jáng'₃ cuenta quió'₅ ne₄ i₂ma₂lé₅ co₂ŋŋia₅₄ con₂ 'í₁ lia'₂ quió'₅ i₂chan₂ lia'₂ quió'₅ i₂ma₂dsan₃ né₃. ⁶'Uig'₅₄ ně₅, ca₂rě₃'é₂ jág₁ dse₃ ca₂lia'₂ ja₁con₂ dsa₂ i₂ma₂dsan₃: ia₁jaun₂ tě₃dsi₅₄ 'éi'₃ le₃quió'₅ ni₁ŋi₁₂, lia'₂ con'₂ lé₅ dsi₂jiog₅ dsí₅ dsa₂ mi₂güí₃, ia₁jaun₂ gué₄ le₃chain₂ jui₅ jme₂dsí₂ né₃, lia'₂ con'₂ lé₅ dsi₂jiog₅ dsí₅ Diú₄.

⁷La₁ ja₂quián₃ bá₄ jmig₄ jě₁dsian₅ ca₂le₃jé₃. Jaun₂ né₃ len'₅₄ 'nia'₂ chang'₂, 'en₅₄ 'au'₂, ia₁jaun₂ lé₂ chi₁lén_g'₄ Diú₄. ⁸La₁ a₂dsen₅₄ gué₄ 'ŋio₅ lín₃, 'nió'₅ a₂jme₁'nió'₄ 'nia'₂ ríng'₂ 'ŋio₅ lín₃ le₂jang'₂ le₂jang'₂. Ia₁ ja₁'nio₃ dsa₂ riin'₅₄, 'lióng₂ o₂'én₂ dso₄ cha₂ ja₁con₂ rin'₅₄ dsa₂. * ⁹Guen₅₄ 'nia'₂ ríng'₂ i₂qui₂dsi₂jag₅₄ dsi₂néi₂ quiáng'₂, on₃jua'₅₄ a₂qui₂dsi₂mé'₂ 'au'₂ quian'₅₄. ¹⁰Le₂jan'₂ le₂jan'₂ 'nia'₂ ca₂tíng'₂ jme₁'ong'₁ ríng'₂ lia'₂ con'₂ lé₅ ma₂ca₂rě₃tíng'₃ a₂'lióng₂ ne₅₄ a₂ma₂ca₂jme₃gu'₅₄ Diú₄, a₂niog₅ gog'₂ 'nia'₂ jmó'₂. ¹¹Ně₁jua'₂ 'ein₂ 'nio₃ te₂néi'₂ jág₁, jui₁te₂néi'₂ bá₄ quian'₅₄ jág₁ quió'₅ Diú₄. Ně₁jua'₂ chan₂ gué'₂ 'ein₂ 'nio₃

† 3:14 Isaías 8:12. ‡ 3:18 A₂lín₅₄ chog₅₄ si₂: “ca₂ŋág₃ Cristo uig₅.” § 3:20 Noé: 'í₂ Génesis 6-9. * 4:8 'Nio'₂ ja₁ton₅ Proverbios 10:12.

jme₃'o₅₄ jui₁jme₂'o₅₄ bá₄ lia'₂ con'₂ lé₅ jui₅bí₂ a₂ma₂cuë₅ Diú₄, ia₁jaun₂ le₂në₅ bá₄ le₃juin'₂ Diú₄ ne₄ ca₂le₃jé₃ tē₂le₃ quian'₅₄ Jesucristo. 'Éi₂ bá₄ ca₂tín₂ ηe₂ ca₂le₃jé₃ ti₁'mag'₄, ca₂le₃jé₃ jui₅bí₂, ca₂le₃jé₃ jmig₄ co₂tan₅₄. ¡A₂méi₃!

A₂ηág₅ dsa₂ uig₅ ne₄ 'uig₅₄ ia₁ a₂'éin₂

¹² 'Nia'₂ rin'₅₄ jniog₄ i₂'nióg₃, tsá₃ lē₁jmo₂ 'nia'₂ go₂'i₃ jme₁dsi₂ηíg'₂ táu₂ a₂lé₅ lia'₂ lé₅ si₂ dséi₂ ja₁con'₂ 'nia'₂, jua'₅₄ a₂le₃jmó'₂ 'nia'₂ 'au'₂ jua'₅₄ a₂tsá₃ ma₂cuin'₂ 'nia'₂, 'a₂ lia'₂ lé₅ dsi₂ηíg'₂. ¹³ Tē₂le₃ jmo₄ 'nia'₂ 'io'₂, ia₁ le₂në₅ bá₄ can'₂ 'nia'₂ ján₃ jmi₁uig₅ jui₁lia'₂ a₂ca₂i₃ηí₂ Cristo, ia₁jaun₂ bá₄ cán'₁ 'nia'₂ ján₃ o₂'ηiós₃ 'au'₂ 'ηio₅ lín₃ jē₁ma₂té₂ rē₁jme₃jniai₂₃ 'a₂ lia'₂ jláin'₁. ¹⁴ 'E₂ gué₄ dsen'₃ 'nia'₂ jme₁tē₂'o'₂ 'ein₂ tē₂'o'₂ o₄quió'₄ Cristo, ia₁ le₂në₅ bá₄ tē₂'ηiá₄ Jme₂dsi₂ quián₅ Diú₄ i₂tág₅ co₂'né₅ ne₄ quián'₂ 'nia'₂. ¹⁵ Chi₂jua'₂ 'ein₂ 'nia'₂ dsi₂ηí₂ uig₅, la₁ lag₃ në₅ jua'₂ tsá₃ lé₅ dso₄ 'ang₂, o₃ a₂ca₂ηii'₃ dsa₂, o₃ chan₂ i₂ca₂cué₃ dsa₂ mi₂güig₃ riin'₅₄, o₃ a₂qui₂tián₂ caun₂ ja₁tsá₃ ca₂tín₂. ¹⁶ La₁ në₅ jua'₂ ηag'₅₄ 'nia'₂ uig₅ ca₂ne₅₄ ia₁ a₂líng'₅ dsa₂ “cristianos”, tsá₃ 'nió'₅ jmó'₂ 'nia'₂ gueng'₅₄. Diú₄ bá₄ 'nió'₅ jme₁juin'₂ 'nia'₂ ia₁ a₂quiong₅ dsa₂ le₂jaun₂.

¹⁷ Ia₁ ma₂té₂ jmig₄ a₂tē₂dsi₅₄ 'éi'₃ le₂'uig₅₄ de'₂ ja₁con₂ dsa₂ dsi₂néi₂ quió'₅ Diú₄. Chi₂jua'₂ le₂'uig₅₄ jme₂lióg₃ quian'₅₄ jniog₄, ¿'a₂ bá₄ lia'₂ dsióg₄ dsi₁ηí₂ ca₂le₃jín₃ i₂tsá₃ jme₂ti₃ jág₁ dse₃ quió'₅ Diú₄? ¹⁸ Chi₂jua'₂ quian₅ ta₁ lín₃ a₂tín'₅ dsa₂ dsen₃, “¿'ē₂ gué₄ bá₄ dsióg₄ dsi₁ηí₂ dsa₂ i₂tsá₃ Diú₄ cuin₅, i₂le₁cán'₄ dso₄?”† ¹⁹ Jaun₂ né₃, i₂ηág₅ uig₅ lia'₂ con'₂ lé₅ 'ηio₂ dsí₅ Diú₄, ca₂tín₂ caun₂ jmo₃ a₂dse₃ bá₄, dsia₃ o₄gú₃ Diú₄ jme₂dsí₂ quió'₅, ia₁ Diú₄ bá₄ i₂ca₂jmó'₂ 'éi₂, i₂rē₂ti'₅₄ né₃.

5

Toin'₂ jág₁ dse₃ dsa₂ 'én₂

¹ Jaun₂ né₃, jág₁ la₂ cué₅ jniá₂ ca₂le₃jín₃ dsa₂ can'₅₄ i₂quian₅ ne₄ jui₅* quián'₂ 'nia'₂, ia₁ le₂në₅ bá₄ jniá₂ 'ηiós₃ ján₃ líng₅ jan₂ dsa₂ juin'₂ i₂niog₅ ne₄ guá'₅, ton'₂ líng₅ jan₂ i₂ca₂té₂ ne₄ 'a₂ lia'₂ lé₅ jmi₁uig₅ a₂ca₂i₃ηí₂ Cristo. Jaun₂ le₂në₅ bá₄ ján₃, líng₅ jan₂ i₂jme₃quian'₅₄ jē₁ma₂té₂ rē₁jme₃jniai₂₃ a₂jláin'₁. Jág₁ la₂ juig₂ jniá₂ 'nia'₂: ² Dse₃ jmo₄ 'nia'₂ 'í₁ guá'₅ quián₅ Diú₄ i₂lín₅ co₂nió'₃ já'₂ cha'₂ i₂niog₅ gog'₂. Jmo₄ 'nia'₂ ta₁ në₅ a₂'ηio₂ 'au'₂, lia'₂ con'₂ lé₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂chan₂ i₂chi₂quióng₂ jmig₄, on₃ gué'₂ jmo₂ 'nia'₂ 'au'₂ jua'₅₄ a₂ηí₄ 'ín₅ 'au'₂ cu₄ né₃. Jmo₄ 'nia'₂ ta₁ quió'₅ Diú₄ a₂dsen₅₄ 'au'₂. ³ Tsá₃ jmo₂ 'nia'₂ jua'₅₄ guion'₅₄ 'nia'₂ ca₂tíng'₂ jmó'₂ gong'₂ ne₄ quió'₅ guá'₅ i₂niog₅ gog'₂, tē₂le₃ ca₂tín'₂ bá₄ 'nia'₂ cué'₅₄ caun₂ jui₅ dse₃ já'₂ cha'₂ quián₅ Diú₄. ⁴ Jaun₂ bá₄ jē₁ma₂té₂ jmig₄ i₁jme₃jnia₅ i₂lín₅ juig₅₄ dsen₅₄ i₂quián₅ juig₅₄ já'₂ cha'₂, ηe'₂ 'nia'₂ jma₃caún₃ corona a₂tsá₃ líg'₂ jmig₄ le₃juing₅.

⁵ Le₂në₅ bá₄ 'nia'₂ dsa₂ chi'₂ ján₃, tión'₂ 'nia'₂ 'éi'₃ quió'₅ dsa₂ can'₅₄ quián'₂ 'nia'₂. Ton'₂ jui₁qui₂rē₂líng'₅₄ quian'₅₄ a₂meg'₂ ja₁con₂ ríng'₂ le₂jang'₂ le₂jang'₂, ia₁: Tsá₃ jen₅₄ Diú₄ jui₁lia'₂ dsa₂ i₂jmo₅ rón₂,

la₁ jme₂'oin₅₄ a₂'ua₁ dsí₅ dsa₂ i₂jmo₅ me'₂.†

⁶ Jaun₂ né₃, le₂në₅ jmo₄ 'nia'₂ meg'₂ o₄gú₃ bēn₂ quió'₅ Diú₄ ia₁jaun₂ bá₄ chó'₂ 'éi₂ jmig₄ jaun₂ quió'₅. ⁷ O₄gú₃ 'éi₂ dsia₄ 'nia'₂ ca₂le₃jé₃ 'e₂ o₂i₁ dsi₅ a₂chan'₂ 'nia'₂, ia₁ dsan₂ bá₄ dsí₅ 'éi₂ 'nia'₂ ján₃.

⁸ 'En₅₄ 'au'₂ 'nia'₂ jmo₄, chang'₂ rē₂jáng'₁, ia₁ i₂sē₃dsen₃ i₂'ηia₅₄ 'nia'₂ ηi₂₃ líin₅ lia'₂ lín₅ 'ia'₂ i₂ηi₅ i₂jme₂'ne₅₄ 'ηióg₂ a₂'nai'₂ 'ein₂ i₂'nio₃ quiin'₂. ⁹ Quian'₅₄ a₂'én'₂ 'nia'₂, nau₂ tiá₂ queng'₂ ne₅₄, ia₁ ηi'₅₄ bá₄ 'nia'₂ ta₁caun₂ mi₂güig₃ bá₄ qui₂dsi₂ηí₂ ríng'₂ jmi₁uig₅ le₂në₅ ján₃.

¹⁰ Ia₁ jē₁ma₂ca₂ηi'₂ 'nia'₂ co₂'na₂ uig₅ le₂në₅, 'ηiog₅ bá₄ Diú₄ i₂'ua₁ dsí₅ lín₃ chei'₃ táng₃ rē₂

† 4:18 Proverbios 11:31. * 5:1 griego: presbíteros. † 5:5 Proverbios 3:34.

a₂jme₃'ŋjai₂₃ a₂'nió'₅ gué'₄ quián'₂ 'nia'₂, cuë₃ bí₂ náu'₁ 'nia'₂ tiá'₂. Jme₃gu'₅₄ bá₄ 'éi₂ jniog₄ ne₄ ca₂le₃jé'₃ ne₅₄ a₂dse₃. Ia₁ ma₂ca₂të₃ jniog₄ le₃quió'₅ Cristo Jesús, a₂jme₁quiain'₄ jniog₄ co₂tan₅₄ ja₁co₂tág₅ co₂'né'₅ quió'₅. ¹¹ 'Éi₂ bá₄ ca₂tín₂ jui₅bí₂ ca₂le₃jé'₃ jmig₄ co₂tan₅₄. A₂méi₃.

*Cuag*₂₃ Diú₄ jë₁ca₂tó'₂ jë₁'ág'₅ jág₁

¹² Të₂le₃ quian'₅₄ Silvano[‡] i₂jing₅₄ lia'₂ ja₁jing₁₂ jan₂ ríng'₃ i₂rë₂ti'₅₄, ma₂jmo₃ si₂ la₂ ja₁juá'₅ tin₃'ni₅ jon₂ jág₁ a₂cué'₃ bí₂ 'nia'₂. Jág₁ a₂ma₂në₂juá'₃ jniá₂ në₅, jáng'₅ léi₄ 'a₂ lia'₂ dsón'₂ 'ua₁ dsí'₅ Diú₄. Jaun₂ nau₂ 'nia'₂ tiá'₂ jui₅ në₅. ¹³ Guá'₅ i₂chan₂ ja₁té'₂ dsa₂ jui₂g₂ “Babilonia” la₂, dsa₂ i₂ma₂ca₂quió'n'₂ Diú₄ jui₁lia'₂ ma₂ca₂quió'n'₂ 'nia'₂, dsiáin'₂ jág₁ a₂cuiin₂₃ Diú₄ 'nia'₂, le₂jaun₂ bá₄ Marcos jón₃ quiáng₃ né₃. ¹⁴ Cui₅₄ 'nia'₂ Diú₄ ríng'₂ le₂jang'₂ le₂jang'₂, chen'₅₄ § 'nia'₂ jú'₅ ríng'₂ ia₁ a₂'nióg'₃ ríng'₂.

Tián'₂ bá₄ 'nia'₂ 'ei₅ tei₄ ca₂le₃jín'₃ 'nia'₂ i₂tén₅ le₃quió'₅ Cristo.
Co₂në₅.

‡ 5:12 Co₂'nió'₄ lia'₂ chen₂ Silas. § 5:14 Caun₂ tag₄ a₂jme₁chí'₄ lia'₂ con'₂ ca₂jmo₃ Pe₄ si₂ la₂.

Si₂ carta jē₁ca₂tē₂ tin₃ a₂ca₂jmo₃
SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂

¹Jniá₂, Si₂mu₅₄ Pe₄, líng₅ dsa₂ i₂jme₂ti₃ ne₄ Jesucristo, ton'₂ líng₅ jan₂ i₂chen₄ quiáin₅. Jmo₂₃ si₂ carta la₂ a₂tsíng₂ ne'₅₄ 'nia'₂ i₂ma₂ca₂rē₃'éng'₂. Ia₁ tē₂le₃ a₂ñí₄ lē₃ dsen₃ Diú₄ quián₂ jniog₄ quiain'₅₄ Jesucristo i₂ma₂ca₂lió₂, ma₂ca₂ñi'₂ 'nia'₂ jág₁ dse₃ jlá'₁ a₂ca₂rē₃'éng'₂ jui₁lia'₂ 'éin₂ jnia'₅₄. ²Jui₁chan'₂ bá₄ 'nia'₂ jme₂gu'₅₄ Diú₄, ton'₂ jui₁jmo₁₂ bá₄ 'ei₅ tei₄ lia'₂ qui₂rē₂tsón₂ tē₂le₃ ia₁ a₂ma₂ca₂rē₃cuin'₂ 'nia'₂ 'a₂ lia'₂ lín₅ Diú₄ quian'₅₄ Jesucristo Te₁gui'₅₄ quián₂ jniog₄.

'A₂ lia'₂ dsi₂ten₅₄ lén₂ dsa₂ 'én₂

³Diú₄ ma₂cuē₃ quian'₅₄ bí₂ quió'₅, ca₂le₃jé₃ a₂'nió'₅ quián₂ jniog₄ le₃chong₂, a₂léi₂ jniog₄ dsa₂ jnió₅ nē₃, ton'₂ ma₂jmo₃ ján₃ a₂ma₂ca₂rē₃cuin'₂ 'nia'₂ 'a₂ lia'₂ lín₅. Ma₂ca₂tē₃ jniog₄ tē₂le₃ quian'₅₄ jui₅bí₂ jlá'₁ quió'₅, 'uig₅₄ ia₁ a₂ñí₄ dse₃ dsí₅. * ⁴Le₂nē₅ ma₂ca₂quiog₂ 'lióng₂ jág₁ ca'₅₄ a₂quen₅ 'ñio₅ lín₃ quió'₅, ia₁jaun₂ tē₂le₃ quian'₅₄ jág₁ a₂ma₂cuē₃ jaun₂ dsi₁nó'₅ 'nia'₂ líong'₂ jui₅ ja₁tió₂ dsa₂ mi₂güig₃ ja₁dsi₃'éin₂ 'uig₅₄ ia₁ a₂tsá₃ caun₂ 'ín₅ dsí₅, ton'₂ dsi₁nó'₅ 'nia'₂ léng'₂ lia'₂ lín₅ Diú₄. ⁵Jaun₂ lē₃, quen'₂ 'nia'₂ bí₂ ne₄ ia₁ a₂'éng'₂, quian₂ 'nia'₂ caun₂ jui₅ dse₃; ia₁jaun₂ ne₄ jui₅ dse₃ jaun₂, jui₁len'₅₄ 'nia'₂ dsa₂ i₂ñí₂ dsí₅; ⁶ne₄ ja₁ñó₄ jaun₂ táng₃, jui₁le₂ñí₂ 'au'₂ 'nia'₂ 'a₂ lia'₂ jme₁'uang'₅₄ 'au'₂ guiong'₅₄; ne₄ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂juin'₂ dsí₅; ne₄ jui₅ ja₁ñó₄ jaun₂ táng₃, jui₁len'₅₄ 'nia'₂ dsa₂ i₂qui₂rē₂jín'₅₄ ne₄ Diú₄; ⁷ja₁ñó₄ jaun₂, jmo₄ 'nia'₂ 'ua₁ 'au'₂; jē₁ca₂tó'₂ gué₄ nē₃, jme₁'nió₄ 'nia'₂ ríng'₂.

⁸Ia₁ nē₁jua'₂ quian'₅₄ 'nia'₂ jui₅ le₂nē₅, dsi₂cang'₅₄, tsá₃ lé₅ jua'₅₄ a₂tsá₃ ta₁ tí₄ 'a₂ lia'₂ niog₅ chan'₂ 'nia'₂, tsá₃ jua'₅₄ a₂lē₁ma₂ca₂rē₃cuin'₂ 'nia'₂ Te₁gui'₅₄ Jesucristo quián₂. ⁹Ia₁ jui₁lia'₂ dsa₂ i₂tsá₃ jme₂tin₅ dsí₅ le₃chain₂ lia'₂ con'₂ lé₅ jág₁ nē₅, lín₅ nē₂jag₄ bá₄ jan₂ dsa₂ ten₄, o₃ jan₂ dsa₂ i₂tsá₃ lín₄ uíng₂ jnió'₅, ia₁ ma₂ca₂i₃'én₂ bá₄ dsí₅ a₂jme₁ma₂le₁chí₄ quió'₅, ca₂le₃jé₃ dso₄ a₂jme₁rē₂cáin'₄ le₂ñiá₅. ¹⁰Jaun₂ nē₃ 'nia'₂ rín'₅₄ jniog₄, dsen₅₄ 'au'₂ 'nia'₂ cuē'₅₄, ia₁jaun₂ bá₄ chi₁dse₃ ta₁ a₂ma₂ca₂tē₃ Diú₄ a₂ma₂quióin'₂ 'nia'₂. Ia₁ nē₁jua'₂ ca₂tió₂'₂ 'nia'₂ quian'₅₄ jui₅ nē₅, o₁líg'₂ tsá₃ ma₃tsi₃sén'₂ 'nia'₂. ¹¹Ia₁ le₂nē₅ bá₄ tin'₃ 'nia'₂, caun₂ dse₃ ja₁o₁tong'₄ co₂tan₅₄ guei'₅₄ i₂juig₃ ja₁gon₂ Te₁gui'₅₄ Jesucristo quián₂ i₂lió₂.

¹²Jui₁la₂ ma₂ñi'₅₄ 'nia'₂, la₁ co₂tan₅₄ bá₄ ca₂tín₂ jniá₂ juá'₄ ia₁jaun₂ bá₄ dsiog'₂ 'au'₂ 'nia'₂ náu'₁ tiá₂ jui₅ dsau₅ a₂ma₂tió₂'₂ 'nia'₂ ja₂nóg'₅. ¹³Ia₁ lín₂ jniá₂ 'ñi₃, 'ñio₅ lín₃ dsi₂ten₅₄, a₂juig₅₄ jniá₂ 'nia'₂ tē₁lia'₂ chang₂ gué₄ ni₁ñi₃ la₂, jaun₂ dsiog'₂ 'au'₂ jág₁ nē₅. ¹⁴Ia₁ a₂ma₂ca₂rē₃guion₅₄, ñi'₅₄ ta₁ bá₄ tí₄ ni₁ñi₃† lia'₂ con'₂ lé₅ ma₂ca₂jme₃jnia₅ Jesucristo Te₁gui'₅₄ quián₂ jniog₄. ¹⁵La₁ quín'₅ jniá₂ bí₂ juá'₅ ia₁jaun₂ dsiog'₂ 'au'₂ 'nia'₂ co₂tan₅₄, jē₁ma₂jong₂₃, ca₂le₃jé₃ jág₁ nē₅ ca₂juá'₃.

Dsa₂ i₂qui₂ca₂tē₂ ne₄ 'a₂ lia'₂ lé₅ jui₅bí₂ quió'₅ Cristo

¹⁶Ca₂le₃jé₃ a₂ma₂ca₂jme₁tag₅ jnia'₅₄ 'a₂ lia'₂ lé₅ jui₅bí₂ quió'₅ Te₁gui'₅₄ Jesucristo, 'a₂ lia'₂ lé₂ i₁guain'₂ táng₃, jaun₂ tsá₃ o₁len'₂ 'nia'₂ jua'₅₄ a₂líng'₂ jág₁ la₂ a₂lē₁qui₂ca₂'náu'₃ dsí₅ dsa₂ i₂ñí₄ 'io₅ mai₅₄ 'a₂ lia'₂ jme₃gau₂₃. Ia₁ guio₅₄ dsón'₂ bá₄ jnia'₅₄ ca₂tē₂ ne₄ ton'₂ ca₂néi₄ jnia'₅₄ 'a₂ lia'₂ lé₅ jui₅bí₂ a₂ca₂jme₃jniai₂₃ a₂jláin'₁. ¹⁷Ca₂jme₃juag'₂ Diú₄ Jmei₂ lia'₂ con'₂ jme₁ca₂né'₂ jág₁ jué'₂ quió'₅ jme₁ca₂juá'₂: “I₂la₂ bá₄ jón₃ quiáng₃ i₂ñí₄ lē₃ 'nió₃ gué₄

* 1:3 A₂lín₅₄ chog₅₄ si₂: “Ma₂ca₂tē₃ jniog₄ a₂jme₁jnia₅ jui₅bí₂ jlá'₁ quió'₅ 'ñiog₅.” † 1:14 lit. “tabernáculo la₂.”

lin₃; 'e₂ bá 'njo₂ dsi₃ quiain'₅₄.[†] 18 Le₂ně₅ ca₂néi₁ jnia'₅₄ guio₅₄ jág₁ ně₅ a₂ca₂já₃ guei'₅₄ i₂juíg₃, lia'₂ con'₂ jme₁quiain'₅₄ jnia'₅₄ ne₄ má'₂ jnió₅ jaun₂.

19 Le₂ně₅ bá₄ lé₅ chi₁dse₃ 'njo₅ lin₃ bá₄ jág₁ ron₅ quió'₅ dsa₂ i₂jme₁'é₂ jág₁ quián₅ Diú₄ ma₂líg'₂. Jaun₂ 'nia'₂ ně₃, dse₃ lin₃ bá₄ dsi₁nóg'₅ ně₁jua'₂ ca₂tion'₂ 'nia'₂ jui₅, ia₁ lé₅ lia'₂ lé₅ caun₂ ni₁tsí₅ chi₁gui'₂ si₂ tág₅ jě₄ qui₁né'₃, ca₂lia'₂ ca₂jnia₃ ca₂lia'₂ ca₂'nja₂ Nei₅ 'Ióg₁[§] i₂jmo₃ tág₅ tē₂'au'₂ 'nia'₂. 20 La₁ ne₄ ca₂le₃jě₃, dsá₂ 'au'₂ 'nia'₂ jmo₄ a₂la₂: 'i₁caun₂ jág₁ a₂rě₂'é₂ ne₄ Si₂ quió'₅ Diú₄ tsá₃ ca₂tó'₂ dsa₂ quián₅ Diú₄ jua'₅₄ 'a₂ con'₂ ca₂ñí'₂ dsí₅ guioin₅₄. 21 Ján₃ bá₄ guē'₂ le₂jaun₂, tsá₃ jág₁ cha₂ jua'₅₄ ca₂rě₃lióg₃ 'uig₅₄ con'₂ 'njo₂ dsí₅ dsa₂ mi₂güig₃. Dsa₂ 'éi₂ ně₃, tē₂le₃ ca₂dsia₃ bá₄ o₄quió'₄ Diú₄ lia'₂ con'₂ lé₅ ca₂jio₃ Jme₂dsí₂ Jnió₅.

2

Dsa₂ i₂jme₂tag₅ jág₁ a₂tsá₃ tí₅
(Judas 4—13)

1 Le₂ně₅ bá₄ ca₂rě₃chán₃ dsa₂ i₂jui₁gan₂ ján₃ i₂ca₂'é₂ jág₁ a₂tsá₃ tí₅ jin₄ dsa₂ juig₂ quián₅ Diú₄ ma₂líg'₂, le₂ně₅ bá₄ qui₃'uín₃ jě₄ quián'₂ 'nia'₂ rě₂ně₃ tē₅ i₂qui₂jme₃gau₅. Dsa₂ le₂'éi₂, 'a₂ con'₂ tsá₃ jme₁li₅₄ mei'₂ jme₃tag₂₃ juá'₅ a₂tsá₃ tí₅ a₂jio₅ jui₅ ja₁dsi₃'én₂ dsa₂. Jmo₃ ca₂lia'₂ tsá₃ ma₃le₃ji'₅₄ 'éi'₃ quió'₅ Te₁gui'₅₄ i₂ca₂láu₂. La₁ tsá₃ ué₂ le₃léi₄ dsi₃'éin₂ bá₄ guioin₅₄. 2 Juin₅ lin₃ dsa₂ i₂'en₃ jui₅ ja₁tió₂ dsa₂ 'éi₂, jmo₅-dsá₅ lia'₂ lé₂ dsí₅, jaun₂ 'éi₂ bá₄ 'uin₄ ně₃ a₂qui₃táun₂ dsa₂ 'lig'₅₄ jui₅ tí₅. 3 Ne₄ ia₁ a₂tsá₃ o₁jau₅₄ lí'₂ cu₄, qui₂jme₃tag₂₃ jág₁ a₂qui₂ma₂'náu'₃ dsí₅ guioin₅₄, a₂con'₂ njia'₅₄ lě₁'nio₃ lí'₂ quián'₂ 'nia'₂. La₁ ma₂i₁jaun₃ bá₄ ma₂lé₅ co₂nja₅₄ jág₁ a₂ma₂tioin'₅₄ 'éi'₃ a₂dsi₁qui₅ ñi'₅₄ ta₁ ja₁dsi₃'éin₂; tion₅₄ bá₄ dsi₃'éin₂.

4 Chi₂jua'₂ le₂ně₅ tsá₃ ca₂'én₂ Diú₄ dsá₅ ángeles i₂ca₂sén'₂ dso₄ ma₂líg'₂, i₃gain'₅₄ bá₄ guio₃-juíg₃ i₃lén₂ le₁'ñei'₅₄ jě₄ qui₁né'₃, ja₁jaun₂ tioin'₅₄ lé₅ co₂nja₅₄ jmi₄ i₁tě₃dsi₅₄ 'éi'₃ quió'₅; 5 ján₃ bá₄ le₂ně₅ chi₂jua'₂ tsá₃ ca₂'én₂ Diú₄ dsá₅ dsa₂ i₂jme₁chan₂ mi₂güig₃ gui'₅₄ ma₂líg'₂, tion₅₄ bá₄ ca₂jme₃cain'₂ jmi₂g₂ ca₂'éin₂ ca₂le₃jín₃ dsa₂ i₂tsá₃ Diú₄ cuin₅, njia'₅₄ lia'₂ Noé bá₄ i₂ca₂lióin₂ i₂jme₁'é₂ jág₁ a₂'ě₂₃ caun₂ jui₅ co₂dsau₅, quian'₅₄ gué₄ guion₃ dsa₂; 6 chi₂jua'₂ le₂jaun₂ bá₄ ján₃, ca₂'én₂ Diú₄ le₃tín₃ juig₂ Sodoma quian'₅₄ Gomorra, ca₂dsí'₂ ca₂lia'₂ ca₂lě₃ jua₂ li₁, jaun₂ le₂ně₅ jáng'₅ caun₂ jág₁ dsau₅ co₂'nió'₄ a₂rě₂'é₂ jág₁ ja₁con₂ dsa₂ i₂tsá₃ Diú₄ cuin₅ i₂qui₂le₃chan₂ cang₂; 7 chi₂jua'₂ le₂ně₅ ca₂lióin₂ bá₄ jan₂ Lot, i₂jme₁lín₄ gué₄ dsa₂ dsen₃ jme₁chain₂ quian₅ o₂i₁ dsi₅ ia₁ jme₁tě₅ ne₅₄ 'a₂ lia'₂ lé₅ jui₅ le₁quian₅ dsa₂ 'lín'₅₄ jmi₂g₄ jaun₂, 8 (jaun₂ jme₁ta'₂ qui'₂ dsí₅ bá₄ dsa₂ dsen₃ 'éi₂, ia₁ ca₂le₃jě₃ jmi₂g₄ bá₄ jme₁tě₅ ne₅₄, jme₁nag₂₃ ně₃ ca₂le₃jě₃ ne₅₄ cosa 'lig'₅₄ a₂jme₁jmo₅-dsá₅ dsa₂ juig₂ ja₁jme₁guá₄); 9 chi₂jua'₂ le₂ně₅, jaun₂ ñi₅ bá₄ Te₁gui'₅₄ 'a₂ lia'₂ lióin₃ dsa₂ dsen₃ ne₄ 'e₂ táu₂ dsi₂ñí₂, ton'₂ ñi₅ 'a₂ lia'₂ toin'₂ dsa₂ 'lín'₅₄ lé₅ 'í₁ ca₂lia'₂ ca₂tě₂ jmi₂g₄ i₁gue₃ uig₅ i₁tě₃dsi₅₄ 'éi'₃ quió'₅.

10 A₂ně₅ ně₃, lé₅ caun₂ jág₁ tí₅ dsón'₂ a₂jáng'₅ jág₁ dsau₅ ja₁con₂ jui₁lia'₂ dsa₂ i₂i₂nio₄ jme₂ti₃ a₂'lig'₅₄ a₂mi₅ ni₁ñi₁₂, co₂'nió'₄ quió'₅ dsa₂ i₂tsá₃ ji'₅₄ 'éi'₃. I₂nioi₅₄ 'njo₅ lin₃ táin'₅, 'nio₃ jua'₅₄ 'éi'₃ quió'₅ 'éi₂ bá₄ lé₂, ton'₂ 'njo₅ lin₃ tiá₂ dsí₅ 'e₂ caun₂ a₂'nio₃ jmo₃; tsá₃ gó'₅ táun₂ 'lig'₅₄ 'iin₂₃ jui₁lia'₂ i₂jlán'₁ chan₂ quián₅ Diú₄, 11 jui₁la₂ ángeles i₂'io₅ gué₄ bí₂, i₂'uan'₂ gué₄, tsá₃ le₂jaun₂ tiá₂ dsí₅ jua'₅₄ 'ag₃ 'lig'₅₄, a₂'ni₃ dsa₂ 'éi₂ ne₄ Te₁gui'₅₄.

12 La₁ dsa₂ 'éi₂, lín₅ jui₁lia'₂ lín₅ já'₂ náu₂ i₂tsá₃ 'en₅₄ dsí₅, chain₂ tsá₃ 'e₂ ñí'₂ dsí₅ 'e₂ jmo₅-dsá₅, rě₂chain₂ a₂ñia'₅₄ con'₂ tsáun'₂ dsa₂ jme₃dsiog₂₃. Tě₃ñjiá₅ bá₄ ma₂'ě₂₃ 'lig'₅₄ 'e₂ a₂tsá₃ ma₂ñí'₂. La₁ le₂jaun₂ bá₄ dsiáin₃ ján₃ jui₁lia'₂ dsa₂ já'₂ náu₂. 13 Le₃chain₂ ñág₃ uig₅ co₂'nió'₄ 'liain'₅₄ jui₁lia'₂ qui₂ma₂jmaí'₂ i₂sián'₂. Jmo₂₃ dsí₅ 'njo₅ lin₃ dse₃ chain₂ lín₂ ia₁

† 1:17 Mateo 17:5; Marcos 9:7; Lucas 9:35. § 1:19 Nei₅ 'Ióg₁ lé₅ caun₂ 'a₂ lia'₂ chen₂ Jesús. 'Nio'₂ ja₁ton₅ Apocalipsis 2:28; 22:16.

cué'5 o2'ñio3 o2jñia3 dsi5 o1jñia'54 a2jmi2. Lín5 dsa2 'éi2 co2'nió'4 caun2 'mé'5 'lig'54 a2rë2'ióg4 a2quian5 o2guí'3 jë4 quián'2 'nia'2, 'ñio5 tës dsi5 cué'5 o2'ñio3 dsi5 a2jme2gau23 tóin'5 jmo23 jmi4 jin'4 'nia'2.

¹⁴ Co2tan54 lia'2 ma2dsi2jiog5 dsi5 'lig'54 bá4 jë1ma2ca2jñin2 jan2 dsa2 mí2, tsá3 mag'2 dsi5 jua'54 a2tsá3 'no23 dso4; 'ñio5 lín3 'io23 mai54 ñi5 'a2 lia'2 jme3gain23 dsi5 jui1lia'2 dsa2 'uan54 i2tsá3 tiá2 tión2; 'ñio5 lín3 tiin2 ñi5 táng3 'a2 lia'2 jme3'ñioí'3 'e2 caun2 'nio3 jme3'ñioí'3; ia1 lín5 jaun5 i2ma2tion'54 jui5 dsi3'én2. ¹⁵ Ma2qui2ma2tí4 jui5 co2dsau5, ton'2 ma2i2cóin'5, ma2qui2le1quian5 jui5 quió'5 Bala'am* ja1ñi'54 Beor, i2'éi2 jme1'nio3 lí'2 cu4 quian'54 caun2 a2'lig'54 a2jme1jmo3. ¹⁶ Jan2 dsi2bú'4 i2tsá3 lé2 dsa3 jág1 bá4 ca2j12 quió'5 'uig54 dsáu1, ia1 já'2 'éi2 ca2'ñiai2 jág1 lia'2 lé5 jag4 dsa2 mi2güí3. Ca2jné3 jui5 co4 quió'5 dsa2 i2'é2 jág1 quián5 Diú4 'éi2.

¹⁷ Dsa2 'éi2 lín5 jui1lia'2 lé5 caun2 o4tu1 jmi2 a2tsá3 'e2 jmi2 cha2; o3 le3jua'54 lín5 jui1lia'2 lé5 ti1jnei5 a2lë1qui2ñag5 tiá2 quian'54 dsi2. Ma2tion'54 jui5 a2dsi1lein5 jë4 qui1né'3 'ñio5 lín3, ja1ma2lé5 co2jñia54 quió'5.† ¹⁸ Ia1 qui2'ué'5 mi2'o54 jág1 tá'5 a2tsá3 ta1 tí4, qui2cáin2 dsa2 a2jmo3 dsó3 a2jme3ti3 a2'ín5 dsi5 ni1ñi12; qui2jme2gain23 dsa2 i2lag3 ma2lión2 o4gú3 dsa2 i2le1quian5 jui5 a2ma2i2cóin'5. ¹⁹ Qui2cué23 jág1 a2juá'2 a2lió2, la1 guioin54 guë'2 né3 i2nioi54 le1'nei'54 jui5 ja1dsi3'én2. Ia1 le2jaun2 dsón'2 lé5 bá4, lé2 le3jua'54 chi1'ñe'54 dsa2 ne4 jui1'e2 caun2 jui5 'lig'54 a2quian5, ia1 dso4 jaun2 ca2lë3 jui54 bá4 dsa2. Ia1 a2jaun2 jio5 jmo5 'éi'3 ja1coin2. ²⁰ La1 jui1lia'2 dsa2 i2ma2ca2rë3cuin5 Te1gui'54 Jesucristo i2lín5 i2ma2ca2lió2 quió'5 ne4 jui5 lë1'iog5 a2le1quian5 dsa2 mi2güí3, la1 në1jua'2 siá'2 ca2dsi3lein5 ca2guioin'2 táng3 quian'54 a2'lig'54, o3 në1jua'2 ca2jme3gón3 táng3 a2'lig'54 jaun2 të2dsi5, dsi1lein5 tsón2 gué4 le3'lín'54 con'2 gué4 le2jñiá5.‡ ²¹ Jui1lia'2 dsa2 le2'éi2, ja2lín3 gué4 dse3 jua'54 co2ñei'54 bá4 tsá3 ca2rë3cuí'5 jui5 co2dsau5, lia'2 con'2 gué4 a2ma2ca2rë3ñi5, në1jua'2 cang2jaun2 ca2tí2 bá4 táng3 'éi'3 jñio5 a2jme1ma2ñi2.§ ²² La1 ja1jaun2 rë3ti3 quian'54 dsa2 le2'éi2 jui1lia'2 lé5 caun2 jag4 dsa2 jme1juá'2: “Gué'5 táng3 dsi2ji'54 te1ñi54 quió'5”,* con'2 siá'2 táng3: “Jui1lia'2 i2ñi5 i2lia'2 ma2në2sei3 dsa2, dsó5 qui2ba2lín'2 táng3 jë4 ti1jéin3.”

3

Jmi4 i1jñio'2 Te1gui'54

¹ 'Nia'2 rin'54 jniog4 i2'nióg3, jë1ca2të2 tin3 si2 bá4 la2 tsíng2 ne'54 'nia'2. Jë1le3tin3 si2 në5 ma2ca2jme1jnio2 jniá2 ne'54, ma2ca2jmo3 dsá2 'au'2 a2dsi3jiog5 'au'2 jmá'3 lia'2 a2le1jé3. ² Jui1dsiog'2 'au'2 'nia'2 ca2le3jé3 jág1 a2qui2ca2juá'2 dsa2 jñio5 i2jme1'é2 jág1 quián5 Diú4 ma2líg'2 quian'54 gué4 'éi'3 a2ca2quiog2 Te1gui'54 i2ma2lió2 jniog4, a2ma2ca2ñag5 ja1con'2 'nia'2 të2le3 quian'54 dsa2 i2chen4 quián5. ³ Jë1le2'uig54 jmo4 'nia'2 dsá2 'au'2 a2juá'5 jniá2 la2. Jmi4 jë1ca2tó'2 të1ja3lén2 dsa2 i2caun2 lë1qui3táun2 'lig'54, le3chain2 jmá'3 lia'2 jñia'54 con'2 lé2 'ín5 dsi5 guioin54. ⁴ Dsa2 'éi2 ñag3, juá'2: “¿E2 ca2lë3 quian'54 jág1 a2ron5, a2juá'2 'nia'2 a2guan'2 táng3 Cristo? Ia1 ca2le3 ca2dsan3 dsa2 can'54 quián2 jniog4, jua'2 lia'2 ma2lé5 jaun2 bá4 mi2güí3 lia'2 con'2 lé5 jme1ca2nio3 le2'uig54.” ⁵ La1 a2ta1 dsi5 bá4 dsa2 'éi2 tsá3 'nio3 le3ñi'2, a2ca2lë3 të2le3 quian'54 jág1 quió'5 Diú4 dsi4 guei'54 mi2güí3 ma2líg'2, quian'54 gua'54 'uë3, quian'54 jmi2 a2ca2jmo3 jma3quén5 gua'54 'uë3 quian'54 jmi2 né3. ⁶ Ton'2 quian'54 jmi2 bá4 ján3, ca2'én2 Diú4 mi2güí3 jmi4 jaun2. ⁷ Ján3 bá4 le2në5, të2le3 quian'54 jág1 quió'5 'ñio5 bá4 Diú4, dsi4 guei'54 quian'54 gua'54 'uë3, ron5 ma2lë5 co2jñia54 a2cáu3 jë1ma2të2 jmi4 i1qui3dsi5 Diú4 'éi'3 i1'én2 co2ñei'54 dsa2 i2tsá3 Diú4 cuin5.

* 2:15 Bala'am: 'Í2 Números 22 - 24. † 2:17 Nio5 a2lín54 chog54 si2 a2juá'2: “ja1ma2lé5 co2jñia54 ja1dsi1toin'4 co2tan54.” 'Nio'2 ja1ton5 Judas 13. ‡ 2:20 'Nio'2 ja1ton5 Mateo 12:45; Lucas 11:26. § 2:21 'Nio'2 ja1ton5 Hebreos 6:4-6. * 2:22 Proverbios 26:11.

⁸ Con'₂ siá'₂ rin'₅₄ jniog₄, tsá₃ jui₁dsi₂'én₂ 'au'₂ 'nia'₂, ia₁ tē₂le₃ quió'₅ Te₁gui'₅₄, lé₅ caun₂ jmiḡ₄ co₂'nió'₄ caun₂ mei₅ ŋi₂; ton'₂ caun₂ mei₅ ŋi₂ guë'₂, lé₅ co₂'nió'₄ caun₂ jmiḡ₄.

⁹ La₁ tsá₃ o₁lei₅₄ jniog₄ jua'₅₄ a₂jme₂'ag₄ Te₁gui'₅₄ a₂jme₃ti₃ jág₁ quió'₅, jui₁lia'₂ lín₂ i₂lín₅₄; a₂jmo₂₃ juin'₂ dsí₅ bá₄ ja₁con'₂ 'nia'₂, ia₁ 'nio₃ jua'₅₄ 'i₁jan₂ bá₄ tsá₃ 'ein₂ dsi₃'én₂, 'nio₃ jua'₅₄ ca₂le₃jín₃ bá₄ dsi₁quén'₅ dsí₅.

¹⁰ Ia₁ jmiḡ₄ jaun₂ quió'₅ Te₁gui'₅₄ guá₂ con'₂ tsá₃ 'ein₂ rē₂ján₁, lé₂ jui₁lia'₂ ja₁'í₂ jan₂ 'ang₂. Jaun₂ gué₄ tē₃tsi'₅₄ co₂mi'₅₄ gau₂ lín₃ lé₂ dsi₃'én₂ dsi₄ guei'₅₄; qui₂dsi₃'én₂ ca₂le₃jé₃ a₂cha₂ qui₃jmág₂ quian'₅₄ si₂; lia'₂ rē₂cuá'₃* gua'₅₄ 'uë₃ lé₂, lia'₂ jma₃quian'₅₄ 'e₂ niog₅ ca₂jmo₃ dsa₂ ja₁jaun₂.

¹¹ Chi₂jua'₂ le₂nē₅ dsi₃'én₂ ca₂le₃jé₃, i'₂e₂ gué₄ 'ŋio₅ lín₃ dsi₂ten₅₄ 'nió'₅ jmó'₂ 'nia'₂ dsen₅₄ 'au'₂ le₃chang'₂ jnió₅, a₂'nióg'₃ Diú₄! ¹² Jmo₄ 'nia'₂ co₂jniag'₅₄ rē₂jáng'₁ ia₁jaun₂ ŋi'₅₄ ta₁ guá₂ jmiḡ₄ jaun₂ quió'₅ Diú₄. Jmiḡ₄ jaun₂ guei'₅₄ mi₂güíḡ₃ qui₂dsi₃'én₂ quian'₅₄ si₂, ca₂le₃jé₃ 'e₂ a₂cha₂ qui₃jmág₂ jē₁ma₂ca₂dséi₃ 'ŋio₅ lín₃. ¹³ La₁ jniog₄ né₃, le₁jñia₁ dsi₁no₃ caun₂ guei'₅₄ i₂juíḡ₃ 'mí₂ quian'₅₄ caun₂ gua'₅₄ 'uë₃ 'mí₂ ja₁ma₂lé₅ jág₁ cuë₃ Diú₄, ja₁tē₂'ñiá₄ jmá₃ a₂jnió₅.

¹⁴ Le₂nē₅ jaun₂ né₃ rin'₅₄ jniog₄, tē₁lia'₂ tsá₃ ma₂tē₂ jmiḡ₄ jaun₂, quen'₂ 'nia'₂ bí₂ ia₁jaun₂ bá₄ dsiog'₂ Diú₄ qui₂le₁'ág₄ bá₄ tei₄ 'au'₂ 'nia'₂, tsá₃ 'e₂ cha₂ jua'₅₄ lé₅ qui₂rē₂'ióg₄ jme₂dsí₂ quiáng'₂, jua'₅₄ a₂rē₂cán'₄ 'nia'₂ dso₄. ¹⁵ Jmo₄ 'nia'₂ 'au'₂ a₂juin'₂ dsí₅ bá₄ Te₁gui'₅₄ ia₁jaun₂ cuin₅ jmiḡ₄ líón'₂ 'nia'₂. Le₂nē₅ bá₄ ján₃, Pa₄ rin'₅₄ jniog₄ ma₂dsiáin'₂ si₂ ne'₅₄ 'nia'₂, con'₂ lé₅ ma₂ñí'₂ dsí₅ a₂ma₂ca₂cuë₃ Diú₄. ¹⁶ Jē₄ ca₂le₃jé₃ Si₂ quió'₅, ma₂ca₂tsí'₃ 'nia'₂ ján₃ ca₂le₃jé₃ a₂nē₅, o₁jñia'₅₄ la₂ juí'₅ le₃ñág'₂ a₂lín₅₄; 'uig₅₄ jaun₂ dsa₂ i₂tsá₃ lín₄ ŋí'₂ dsí₅ i₂tsá₃ tiá₂ tión₂, le₃jen₅ bá₄ jme₂tiin₂₃ dsa₂, ján₃ bá₄ le₂jaun₂ ca₂le₃jé₃ gué₄ rin'₅₄ Si₂ quió'₅ Diú₄ né₃, la₁ a₂'uñin₅₄ guioin₅₄ bá₄ a₂dsi₃'én₂ ia₁ a₂jmo₂₃ le₂jaun₂.

¹⁷ Jaun₂ lē₃ 'nia'₂ rin'₅₄ jniog₄, ia₁ tē₃jñiá₅ bá₄ ma₂le₁ñi'₅₄ 'nia'₂ 'a₂ lia'₂ niog₅ lé₂, jmo₄ 'nia'₂ 'í₁ ia₁jaun₂ tsá₃ qui₃tsag'₂ dsa₂ 'lín'₅₄ i₂jme₂gau₅, jaun₂ tsá₃ sēn'₂ 'nia'₂ jui₅ ja₁tiónḡ'₂ tiá₂. ¹⁸ La₁ jui₁dsi₂can'₅₄ bá₄ 'nia'₂ jui₅ ja₁'ua₁ dsí₅ Te₁gui'₅₄ Jesucristo quián₂ jniog₄ i₂ma₂lió₂, jaun₂ dsi₁nó'₅ 'nia'₂ le₃cuñin'₂ gué₄ dse₃. 'Éi₂ bá₄ ca₂tín₂ le₃juin'₂, jmiḡ₄ nē₃, co₂tan₅₄. ¡A₂méi₃!

Co₂nē₅.

* 3:10 A₂lín₅₄ chog₅₄ si₂: “qui₂dsi₃'én₂ cáu₃.”

Si₂ carta le₂'uig₅₄ a₂ca₂jmo₃
SAN JUAN

Jág₁ dse₃ jui₁lia'₂ 'a₂ lia'₂ le₃chan₂ dsa₂

¹ Jmo₂ jnia'₅₄ si₂ la₂ dsiang'₅₄ ne'₅₄ 'nia'₂, ja₁'ín₅ jnia'₅₄ i₂jme₁ma₂chan₂ lia'₂ con'₂ jme₁ca₂rë₃lióg₃ ca₂le₃jé₃ a₂cha₂, ja₁'ín₅ jnia'₅₄ jan₂ i₂qui₂ma₂né₁ jnia'₅₄ jág₁ quió'₅, ma₂ca₂né₁ jnia'₅₄ quian'₅₄ jme₁ne₁ guio₅₄, ma₂qui₂ma₂tí₄ jnia'₅₄ gu₂ quió'₅ né₃. Të₂le₃ quian'₅₄ jág₁ quió'₅ 'éi₂ bá₄ a₂le₃chan₂ dsa₂. ² I₂chan₂ 'éi₂ né₃ ca₂jme₃jniai₂₃ 'ñiog₅ jë₄ quió'₅ dsa₂ mi₂güüg₃. Jaun₂ jnia'₅₄ né₃, ca₂né₁, jaun₂ jang'₂ jnia'₅₄ jág₁ dsau₅ quió'₅ 'éi₂. Qui₂'é₅ jnia'₅₄ ja₁con'₂ 'nia'₂ 'a₂ lia'₂ le₃chan₂ dsa₂ co₂tan₅₄. Jme₁ma₂chain₂ bá₄ quian'₅₄ Jmei₂, ton'₂ ma₂ca₂jme₃jniai₂₃ jë₄ quián₂ jnia'₅₄. ³ Jaun₂ 'é₅ jnia'₅₄ jág₁ jui₁lia'₂ a₂ma₂ne₅₄ a₂ma₂né₁ né₃, ia₁jaun₂ jme₁quiong'₅₄ 'nia'₂ jnia'₅₄ 'ei₅ caun₂ jág₁, jui₁lia'₂ jnia'₅₄ né₃ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Jesucristo Ja₁ñi'₅₄ né₃. ⁴ Jaun₂ bá₄ lë₃ jmo₂ jnia'₅₄ si₂ la₂ dsiang'₅₄ ne'₅₄ 'nia'₂, jua'₂ jnia'₅₄ ca₂le₃jé₃ jág₁ la₂, ia₁jaun₂ rë₂'ñia₅ a₂'io'₂ jein₂ jniog₄.*

Diú₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'₅₄ quió'₅, a₂'é₄ táng₃ jnia'₅₄ ja₁con'₂ 'nia'₂: lín₅ Diú₄ si₂; 'i₁caun₂ja₁qui₁né₃ tsá₃ cha₂ja₁coin₂. ⁶ Në₁jua'₂ jua'₂ jniog₄ 'ei₅ caun₂ jág₁ quian'₅₄ Diú₄, la₁ në₁jua'₂ i₂nio₄ guë'₂ jniog₄ jë₄ qui₁né₃, jmo₂ jniog₄ të₂jág₁; tsá₃ jui₅ dsau₅ chong₂. ⁷ La₁ në₁jua'₂ qui₂i₂nio₄ jniog₄ ja₁jniá₂ si₂, jui₁lia'₂ 'en₅₄ 'éi₂ ja₁jniá₂ si₂, 'ei₅ caun₂ jág₁ quian'₅₄ rin'₅₄ jniog₄ le₂jau₂ le₂jau₂, jaun₂ jmi₄ Jesucristo Ja₁ñi'₅₄ qui₂chéi₂ ca₂le₃jé₃ dsáu₁ jniog₄. ⁸ Në₁jua'₂ jua'₂ jniog₄ tsá₃ 'e₂ dso₄ le₁cáu'₄, jme₂gán₁ jniog₄ guio₅₄, tsá₃ tí₅ jág₁ quián₂. ⁹ La₁ në₁jua'₂ jmo₂ jniog₄ jág₁ dsau₅ a₂rë₂cáu'₄ dso₄, rë₂ti'₅₄ bá₄ Diú₄, rë₂ bá₄ qui₂dsi₂₃ 'éi'₃, 'éin₂ bá₄ dso₄ quián₂ jniog₄, qui₃chéi₂ ca₂le₃jé₃ a₂'lig'₅₄. ¹⁰ La₁ në₁jua'₂ jua'₂ jniog₄ tsá₃ 'e₂ dso₄ ma₂'nióg₁, jmo₂ jniog₄ co₂'nió'₄ të₂jín₁ bá₄ Diú₄; tsá₃ 'i₄ jág₁ quió'₅ ja₁con₂ jniog₄.

2

Cristo bá₄ lín₅ i₂chén'₅ ne₄ jág₁ quián₂ jniog₄

¹ 'Nia'₂ chi'₂-guein₂ quiáng₃, jmo₅ jniá₂ si₂ la₂ ja₁juá'₅ ca₂le₃jé₃ ia₁jaun₂ tsá₃ ma₃'náu'₁ 'nia'₂ dso₄. Në₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog₄ ne₄ Diú₄ Jmei₂. I₂'éi₂ lín₅ Jesucristo i₂dsen₃. ² 'Éi₂ bá₄ i₂ca₂ñó₃ rë₂jen'₅₄ ne₄ Diú₄ 'uig₅₄ dsáu₁ jniog₄. On₃jua'₅₄ rë'₂ jmá'₃ 'uig₅₄ dsáu₁ jniog₄, 'uig₅₄ dsáu₁ ca₂le₃jín₃ dsa₂ mi₂güüg₃ bá₄ ján₃. ³ Në₁jua'₂ jme₂tí₁ 'éi'₃ quió'₅ né₃, jaun₂ le₂në₅ bá₄ ne₄ a₂ma₂ca₂rë₃cuin₅ jniog₄. ⁴ La₁ në₁jua'₂ chan₂ i₂juá'₂: “Cuín₅ jniá₂ Diú₄”, la₁ në₁jua'₂ tsá₃ jme₂ti₃ guë'₂ 'éi'₃ quió'₅, i₂'éi₂ lín₅ dsa₂ të₂jág₁, tsá₃ 'i₄ jág₁ tí₅ ja₁coin₂. ⁵ La₁ të₂le₃ quió'₅ jui₁lia'₂ i₂jme₂ti₃ 'éi'₃ quió'₅ Diú₄, i₂'éi₂ guë'₂ dsón'₂ rë₂'ñia₅ a₂'nioi₃ Diú₄. Jaun₂ le₂në₅ bá₄ ne₄ jniog₄ chong₂ a₂'ei₅ caun₂ jág₁ quian'₅₄. ⁶ Jui₁lia'₂ i₂juá'₂ téin₅ le₃quió'₅ Diú₄, 'nió'₅ i₃nioi₅₄ jui₁lia'₂ ca₂ñi₃ Jesucristo.

Caun₂ 'éi'₃ mí₂

⁷ 'Nia'₂ rin'₅₄ jniog₄ i₂'nióg₃, on₃jua'₅₄ 'éi'₃ 'mí₂ la₂ tó'₅ jniá₂ ne₄ si₂ juíg₂ 'nia'₂. A₂le₂jaun₂ bá₄ la₂ jui₁lia'₂ 'éi'₃ a₂jme₁ma₂cha₂ ja₁con'₂ 'nia'₂ ca₂le₃ jmi₄ le₂'uig₅₄ jme₁ca₂rë₃'én'₂ 'nia'₂. 'Éi'₃ gui'₅₄ la₂ lé₅ jág₁ a₂ma₂nei'₂ 'nia'₂. ⁸ La₁ia₁ a₂tó'₅ jniá₂ ne₄ si₂ la₂ a₂tsing₂ ne'₅₄ 'nia'₂, lé₅ co₂'nió'₄ caun₂ 'éi'₃ 'mí₂, a₂dsau₅ të₃dsón'₂ quió'₅ Cristo, ján₃ gué₄ dsau₅ të₂le₃ ja₁con'₂ 'nia'₂ né₃. Ia₁ ma₂ca₂ñí₂ bá₄ jë₄ qui₁né₃, ma₂tág₅ si₂ a₂dsau₅ të₃dsón'₂.

* 1:4 A₂lín₅₄ chog₅₄ si₂: “a₂'io'₂ jén'₂ 'nia'₂.”

⁹ Chi₂jua'₂ chan₂ i₂juá'₂ chain₂ ja₁jniá'₂ si₂, la₁ nē₁jua'₂ 'ñiai₅₄ bá₄ guē'₂ riin'₅₄ né₃, i₂le₂'éi₂ 'ein₅₄ bá₄ gué'₄ jē₄ qui₁né'₃. ¹⁰ La₂ i₂'nio₃ rin'₅₄ guē'₂ né₃, tē₂'ñiai₅₄ ja₁jniá'₂ si₂, ton'₂ 'i₁caun₂ tsá₃ 'e₂ cha₂ jua'₅₄ jmo₃ a₂qui₃nió'₃. ¹¹ La₁ i₂'ñiai₅₄ rin'₅₄ guē'₂ né₃, 'ein₅₄ jē₄ qui₁né'₃. Tsá₃ ñi₅ 'a₂ jui₅ dsó₃, ia₁ co₂'nió'₄ tein₅₄ bá₄ ñi₂₃ jē₄ nei₂.

¹² Tsín₂ jniá'₂ si₂ la₂ ne'₅₄ 'nia'₂ i₂lín₅' chi'₂-guein₂ quiáng₃, ia₁ ma₂rē₂'én₄ bá₄ dsáu'₂ 'nia'₂, ma₂ca₂'én₂ bá₄ Diú₄ tē₂le₃ o₄quió'₄ Jesucristo. ¹³ 'Nia'₂ dsa₂ i₂chan₂ chi'₂ quián₅, tsín₂ jniá'₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ bá₄ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jé₃. 'Nia'₂ dsa₂ chi'₂, tsíng₂ si₂ la₂ ne'₅₄ 'nia'₂ ia₁ ma₂ca₂tian'₃ bá₄ 'nia'₂ ne₄ quió'₅ i₂sē₃dsen₃.

'Nia'₂ guein₂ quiáng₃, jmo₅ jniá'₂ si₂ la₂ tsíng₂ ja₁con'₂ 'nia'₂ ia₁ ma₂ca₂rē₃cuin'₂ 'nia'₂ Diú₄ Jmei₂ jniog₄. ¹⁴ 'Nia'₂ dsa₂ i₂chan₂ chi'₂ quián₅, tsín₂ jniá'₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ 'nia'₂ i₂jme₁ma₂chan₂ lia'₂ con'₂ jme₁ca₂rē₃lióg₃ ca₂le₃jé₃. Ján₃ bá₄ tsín₂ jniá'₂ si₂ la₂ ne'₅₄ 'nia'₂ dsa₂ chi'₂, ia₁ 'uan'₂ bá₄ 'nia'₂, ia₁ jág₁ dse₃ quió'₅ Diú₄ ma₂'i₄ 'au'₂ 'nia'₂, ia₁ ma₂ca₂tian'₃ 'nia'₂ ne₄ quió'₅ i₂sē₃dsen₃.

¹⁵ Tsá₃ lē₁jmo₂ 'nia'₂ 'ín₅ 'au'₂ jua'₅₄ a₂le₃chang'₂ i₁niog'₄ jui₅ ja₁i₂nio₄ dsa₂ mi₂güüg₃, on₃ guē'₂ jmó₁ 'nia'₂ 'ín₅ 'au'₂ 'e₂ niog₅ cha₂ mi₂güüg₃. Chi₂jua'₂ chan₂ i₂'ín₅ dsí₅ a₂jén'₅ mi₂güüg₃, i₂le₂'éi₂ tsá₃ tē₃dsón'₂ 'nioi₃ Diú₄ Jmei₂. ¹⁶ Ia₁ ca₂le₃jé₃ a₂jén'₅ mi₂güüg₃, jui₁lia'₂ ca₂le₃jé₃ a₂'lig'₅₄ a₂mi₅ ni₁ñi₁ dsa₂, a₂'ín₅ dsí₅ dsa₂ jmo₃ ca₂le₃jé₃ 'e₂ niog₅ tē₅ jme₁ne₁₂, a₂jme₂rón₂ dsa₂ 'e₂ niog₅ cha₂ quió'₅ tē₂lia'₂ chain₂: Ca₂le₃jé₃ a₂nē₅, on₃jua'₅₄ já₅ quió'₅ Diú₄ Jmei₂ jniog₄; a₂já₅ quió'₅ mi₂güüg₃ bá₄ jaun₂. ¹⁷ La₁ a₂jē₁ca₂ñi₂ bá₄ mi₂güüg₃, quian'₅₄ ca₂le₃jé₃ 'e₂ 'lig'₅₄ a₂'ín₅ dsí₅ dsa₂ chain₂ ne₄ gua'₅₄ 'uē₃. La₁ i₂jmo₅ a₂'ñio₂ dsí₅ Diú₄, le₃chain₂ co₂tan₅₄.

Jui₁lia'₂ 'a₂ lia'₂ lē₅ jág₁ dsau₅ dsón'₂, 'a₂ lia'₂ lē₅ jág₁ tē₂jág₁ táng₃

¹⁸ 'Nia'₂ chi'₂-guein₂ quiáng₃, jmi₄g₄ jē₁ca₂tó'₂ bá₄ la₂ chong₂ jniog₄. Ma₂nei'₂ bá₄ 'nia'₂, já₅ jan₂ i₂'ñiai₅₄ Cristo. Rē₂nē₃ né₃, juin₅ bá₄ i₂ma₂ca₂rē₃jniá'₂ i₂'ñiai₅₄ Cristo. Jaun₂ bá₄ lē₃ ne₄ jniog₄ a₂ja₂quián₃ jmi₄g₄ jē₁ca₂tó'₂. ¹⁹ I₂ca₂'uin₂ jē₄ quián₂ jniog₄ bá₄ 'éi₂. Dsón'₂ bá₄ dsau₅, on₃jua'₅₄ i₂quián₂ jniog₄ 'éi₂, ia₁ jua'₅₄ mei'₂ gué₃ lín₅ i₂quián₂ jniog₄, jme₁jñia₃ bá₄ quian'₅₄ jniog₄. La₁ le₂nē₅ ca₂lē₃ ia₁jaun₂ le₃jniá'₂, 'i₁jan₂ 'éi₂ tsá₃ lín₅ i₂quián₂ jniog₄. ²⁰ La₁ 'nia'₂ né₃, ma₂ca₂guen'₅₄ bá₄ 'nia'₂ Jme₂dsí₂ Jñiós, jaun₂ cuíng'₂ bá₄ 'nia'₂ ca₂le₃jíng'₃* jág₁ tí₅. ²¹ Jaun₂ tsíng₂ si₂ la₂ ne'₅₄ 'nia'₂, on₃jua'₅₄ ia₁ a₂tsá₃ cuin'₂ 'nia'₂ jág₁ tí₅, tē₂le₃ ia₁ a₂cuin'₂ 'nia'₂. Jaun₂ ma₂le₁ñi'₅₄ bá₄ 'nia'₂, 'i₁caun₂ jág₁ tē₂jág₁ tsá₃ lé₂ le₃o₃'ag₅ jē₄ jág₁ dsau₅. ²² ¿'Ein₂ 'éi₂ i₂lín₅ tē₂jág₁? I₂'éi₂ bá₄ i₂juá'₂ a₂tsá₃ lín₅ Jesús I₂rē₂'ín₁ quián₅ Diú₄. 'Éi₂ bá₄ i₂'ñiai₅₄ Cristo, i₂tsá₃ jen₅₄ Diú₄ Jmei₂, on₃ guē'₂ Ja₁ñi'₅₄ né₃. ²³ Ca₂le₃jín₃ i₂tsá₃ jen₅₄ Ja₁ñi'₅₄ Diú₄, ján₃ bá₄ le₂jaun₂ tsá₃ quian'₅₄ Diú₄ Jmei₂. La₁ jui₁lia'₂ i₂jme₂jnia₅ jáng'₅ jág₁ dsau₅ tē₂le₃ quió'₅ Ja₁ñi'₅₄, ján₃ bá₄ le₂jaun₂ quian'₅₄ Jmei₂ né₃.

²⁴ Jaun₂ lē₃, 'ma₄ 'nia'₂ tē₂'au'₂ jág₁ dse₃ a₂ma₂nei'₂ 'nia'₂ le₂'uig₅₄. Ia₁ nē₁jua'₂ ma₂tē₁'ñiá₄ tē₂'au'₂ 'nia'₂, jaun₂ tē₃'ñiá'₄ bá₄ 'nia'₂ ja₁con₂ Ja₁ñi'₅₄, quian'₅₄ Jmei₂ né₃. ²⁵ Jaun₂ a₂la₂ bá₄ jág₁ quió'₅ a₂ca₂cuē₃: A₂le₃chong₂ jniog₄ co₂tan₅₄.

²⁶ Jaun₂ tsín₂ jniá'₂ si₂ la₂ ne'₅₄ 'nia'₂ ja₁'íng₅ jui₁lia'₂ i₂'nio₃ jniog₃ cau₅. ²⁷ La₁ quian'₅₄ bá₄ 'nia'₂ Jme₂dsí₂ Jñiós i₂ma₂tē₁'ñiá₄ tē₂'au'₂ 'nia'₂ i₂ma₂cuin₃ Cristo. Jaun₂ tsá₃ ma₃i₂sián'₂ 'nió'₅ jme₃tag₅. La₁ jui₁tē₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñiós jme₃tiin₂₃ 'nia'₂ ca₂le₃jé₃ con'₂ lē₅ jág₁ tí₅ dsón'₂, on₃jua'₅₄ jág₁ tē₂jág₁.

²⁸ Jaun₂ né₃, 'nia'₂ chi'₂-guein₂ quiáng₃, jui₁tē₂'ñiá'₄ bá₄ 'nia'₂ quian'₅₄, ia₁jaun₂ caun₂ bá₄ le₁'ág₄ dsí₅ jniog₄ jē₁ma₂tē₂ jmi₄g₄ i₁jme₃jñiai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jē₁ma₂guáin'₅. ²⁹ Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsí₂ten₅₄, jaun₂ jui₁le₂ñi'₅₄ bá₄ 'nia'₂ ján₃, ca₂le₃jín₃ i₂jmo₅ con'₂ dsí₂ten₅₄, lín₅ chi'₂-guein₂ quián₅ Diú₄.

* 2:20 o₃, "ca₂le₃jé₃."

3

*Chi'*₂-guein₂ quián₅ Diú₄

¹ Jag₄ 'nia'₂ jaun₂, 'nio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ té₂ jniog₄ a₂lág₅ chi'₂-guein₂ quián₅. 'Uig₅₄ në₅, dsa₂ mi₂güüg₃ tsá₃ cuig₂₃ jniog₄ ia₁ tsá₃ ma₂ca₂rë₃cuin₂₃ Diú₄.

² 'Nia'₂ rin'₅₄ jniog₄ i₂'nióg₃, ma₂lág₅ jniog₄ chi'₂-guein₂ quián₅ Diú₄. O₁jnia'₅₄ la₂ tsá₃ ma₂ne₄ gué₄ jniog₄ 'a₂ lia'₂ léi₂ jë₁ca₂tó'₂, la₁ ne₄ jniog₄, jmi₄ jë₁ma₂té₂ rë₁jme₃jnia₅ 'éi₂, léi₂ jniog₄ jui₁lia'₂ lín₅ 'nio₅, ia₁ néi₄ jniog₄ ton'₂ le₃cuin₅ jniog₄ 'a₂ lia'₂ jniá₂. ³ Ca₂le₃jín₃ i₂'ín₂ dsí₅ jág₁ në₅, jmo₂₃ le₁jé₃ tē₂dsí₅, jui₁lia'₂ le₁jín₃ 'éi₂.

⁴ Dsa₂ i₂caun₂ 'no₅ dso₄, rë₂cáin'₄ 'Éi'₃ quió'₅ Diú₄. Ia₁ jui₁'ein₂ gué₃ i₂ca₂i₁juin₅₄ con'₂ lé₅ 'Éi'₃, dso₄ bá₄ jaun₂. ⁵ Ia₁ ma₂ñi'₅₄ bá₄ 'nia'₂, ta₁ jaun₂ ca₂guan₃ dsa₂ i₂rë₂'ín₁ 'éi₂ quián₅ Diú₄, a₂qui₃'éin₂ dsáu₁ jniog₄. Ia₁ 'i₁caun₂ dso₄ tsá₃ 'e₂ ca₂rë₃cáin'₂ 'nio₅. ⁶ Jaun₂ le₂në₅, 'i₁jan₂ i₂chan₂ le₃quió'₅ 'éi₂ tsá₃ ma₃ñi₂₃ jua'₅₄ caun₂ qui₂'no₂₃ gué₄ dso₄. La₁ jui₁lia'₂ i₂caun₂ i₂nio₄ 'no₅ dso₄ né₃, tsá₃ ma₂ca₂jág₂, on₃ gué'₂ ma₂ca₂rë₃cuig₂₃ né₃. ⁷ 'Nia'₂ chi'₂-guein₂ quiáng₃, tsá₃ 'ein₂ jui₁jniog₅₄ cau₅ quián'₂ 'nia'₂. Jui₁lia'₂ i₂jmo₅ con'₂ dsi₂ten₅₄, dsein₃ bá₄, jui₁lia'₂ dsen₃ 'éi₂ 'nio₅. ⁸ La₁ jui₁lia'₂ i₂caun₂ 'no₅ dso₄, i₂quián₅ i₂së₃dsen₃ bá₄ 'éi₂, ia₁ i₂së₃dsen₃ né₃ ma₂já₅ 'no₂₃ dso₄ ca₂le₃ jme₁ca₂rë₃lióg₃ mi₂güüg₃. La₁ Ja₁ñi'₅₄ Diú₄ né₃, ta₁ jaun₂ ca₂guain₃ a₂qui₂'éin₂ ta₁ quió'₅ i₂së₃dsen₃.

⁹ 'I₁jan₂ jui₁lia'₂ i₂ma₂ca₂rë₃chán₃ le₃quió'₅ Diú₄, jua'₅₄ caun₂ qui₂'no₂₃ gué₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lé₂ jua'₅₄ caun₂ 'no₃ gué₄ dso₄, ia₁ ma₂ca₂rë₃chán₃ ma₂lín₅ guein₂ quián₅ Diú₄ bá₄. ¹⁰ Jaun₂ le₂në₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂së₃dsen₃ né₃. Ia₁ jui₁'ein₂ gué₃ i₂tsá₃ dse₃ jmo₅, o₃ jui₁lia'₂ i₂tsá₃ 'nio₃ rin'₅₄, on₃jua'₅₄ chi'₂-guein₂ quián₅ Diú₄ 'éi₂.

Jui₁jme₁'nió₄ jniog₄ rin'₅₄ le₂jau₂ le₂jau₂

¹¹ Jág₁ dse₃ a₂ma₂nei'₂ 'nia'₂ le₂'uig₅₄, a₂la₂ bá₄ jaun₂: a₂jme₁'nió₄ jniog₄ rin'₅₄ le₂jau₂ le₂jau₂. ¹² Tsá₃ 'nió'₅ jmó₁ jniog₄ jui₁lia'₂ ca₂jmo₃ Caín i₂jme₁lín₄ i₂quián₅ i₂së₃dsen₃, jaun₂ ca₂jñi'₃ dsó₂ riin'₅₄. ¿'E₂ lë₃ ca₂jñag'₃? Ia₁ a₂'lig'₅₄ bá₄ jme₁jmo₅-dsáu₅ 'éi₂ 'nio₅; riin'₅₄ gué'₂ né₃, a₂dse₃ bá₄ jme₁jmo₂₃.

¹³ Rin'₅₄ jniog₄, tsá₃ jui₁dsi₂gó'₃ 'au'₂ 'nia'₂ në₁jua'₂ 'iog₅₄ dsa₂ mi₂güüg₃, ¹⁴ ia₁ ma₂ca₂ñag₅ bá₄ jniog₄ ja₁jme₁dsióg₃; ma₂ca₂rë₃chóng₃ táng₃ jniog₄ jë₁le₃chong₂ co₂tan₅₄. Ne₄ jniog₄ a₂në₅ ia₁ 'nio₃ bá₄ jniog₄ rin'₅₄. La₁ i₂tsá₃ 'nio₃ rin'₅₄, i₂caun₂ ñi₅ 'lín₄ bá₄ 'éi₂. ¹⁵ Ca₂le₃jín₃ jui₁lia'₂ i₂'ña₅₄ rin'₅₄, i₂rë₂cán'₄ dso₄ co₂'nió'₄ i₂jme₂dsian₅ dsa₂ bá₄ 'éi₂. ñi'₅₄ bá₄ 'nia'₂ jaun₂, 'i₁jan₂ dsa₂ i₂jme₂dsian₅ dsa₂ tsá₃ 'i₄ jme₂dsí₂ a₂chain₂ co₂tan₅₄. ¹⁶ Le₂la₂ bá₄ ne₄ jniog₄ 'e₂ jaun₂ a₂'nio₃ dsa₂ rin'₅₄, ia₁ chan₂ jan₂ i₂ca₂guen₃ 'mú₃ o₄quián₂ jniog₄. Ján₃ bá₄ le₂jaun₂ ca₂tág₂ jniog₄ guén₄ 'mú₃ o₄quió'₄ rin'₅₄. ¹⁷ Jui₁lia'₂ i₂cha₂ quió'₅ ne₄ gua'₅₄ 'uë₃ la₂, në₁jua'₂ chan₂ jan₂ riin'₅₄, i₂ñi₅ 'ín₂ quió'₅, në₁jua'₂ tsá₃ ca₂dsia₃ gué'₂ ñéi₂ dsí₅ ja₁coin₂, ¿'a₂ lia'₂ lé₂ le₃juá'₂ ma₂të₁'ñiá₄ tē₂dsí₅ a₂'nio₃ Diú₄? ¹⁸ 'Nia'₂ guein₂ quiáng₃, on₃jua'₅₄ jmá'₃ quian'₅₄ jág₁ tio'₅₄ 'o₄ jniog₄ dsi₂ten₅₄ jua'₅₄ a₂'nio₃ jniog₄ rin'₅₄. A₂ca₂tág₂ jniog₄ jme₁'nió₄ tē₃dsón'₂ rin'₅₄, tē₂le₃ quian'₅₄ a₂léi₄ a₂qui₂rë₂jniá₂ 'e₂ a₂jmo₂ jniog₄.

'Ei₅ caun₂ dsi₅ jniog₄ tē₂le₃ quió'₅ Diú₄

¹⁹ Le₂në₅ bá₄ ne₄ jniog₄ a₂téi₅ le₃quió'₅ jui₅ dsau₅, jaun₂ gué₄ le₃'éi₁ jniog₄ caun₂ dsi₅ ne₄ Diú₄. ²⁰ La₁ në₁jua'₂ cha₂ a₂qui₂dsi₂jñi₅ dsi₅ jniog₄ a₂jme₂cáu'₂, Diú₄ bá₄ i₂lín₅ i₂juin'₂ gué₄ lia'₂ con'₂ gué₄ 'e₂ a₂qui₂dsi₂jñi₅ dsi₅; 'éi₂ bá₄ ñi₅ ca₂le₃jé₃. ²¹ Le₂në₅ jaun₂ rin'₅₄ jniog₄ i₂'nióg₃ gué₄ lín₃, chi₂jua'₂ lei₅₄ jniog₄ tē₂dsi₅ guio₅₄ tsá₃ 'e₂ rë₂cáu'₄, caun₂ bá₄ lé₂ le₃'éi₁ jniog₄ dsi₅ ne₄ Diú₄, ²² jaun₂ cuë₃ bá₄ 'éi₂ ca₂le₃jé₃ 'e₂ a₂mi₂, tē₂le₃ ia₁ jme₂tí₁ jniog₄ 'éi'₃ quió'₅, ton'₂ ia₁ jmo₂ bá₄ jniog₄ ne₄ 'éi₂ a₂të₅ dsí₅. ²³ A₂la₂ bá₄ 'éi'₃ quió'₅: a₂le₃'éin₂ jniog₄ tē₂le₃ quió'₅ Jesucristo Ja₁ñi'₅₄, ton'₂ ján₃ gué'₂ jme₁'nió₄ jniog₄ rin'₅₄ le₂jau₂ le₂jau₂. Con'₂ në₅ bá₄ lé₅ 'éi'₃ quió'₅ ca₂tság₃ jnia'₅₄. ²⁴ Ca₂le₃jín₃ i₂jme₂ti₃ 'éi'₃ në₅ né₃, chain₂ le₃quió'₅

'éi₂; já₃ gué'₂ le₂jaun₂ 'éi₂ 'ŋiog₅ chain₂ ja₁con₂ 'éi₂ né₃. Le₂nē₅ bá₄ ne₄ jniog₄ a₂guá₅ 'éi₂ tē₂dsi₅ jniog₄: tē₂le₃ quian'₅₄ Jme₂dsí₂ i₂ma₂cuin₃.

4

*Jme*₂dsí₂ quián₅ Diú₄ quian'₅₄ jme₂dsí₂ i₂'ŋia₅₄ Cristo

¹ 'Nia'₂ guein₂ quiáng₃ i₂'nióg₃ gué'₄ lín₃, tsá₃ o₁len'₂ 'nia'₂ jua'₅₄ ca₂le₃jín₃ i₂juá'₂, jiog₅ Jme₂dsí₂ quián₅ Diú₄. Rē₂ de'₂ quion₂ 'nia'₂ 'í₁ quió'₅, chi₂jua'₂ tē₃dsón'₂ lín₅ i₂quián₅ Diú₄. Ia₁ juin₅ dsa₂ jui₁gan₂ ma₂i₂nio₄ qui₂'é₂ já₃ mi₂güüg₃ la₂. ² Le₂la₂ bá₄ lé₂ le₃caun'₅₄ 'nia'₂ 'í₁ quió'₅ i₂juá'₂ jiog₅ Jme₂dsí₂ quián₅ Diú₄: ca₂le₃jín₃ jme₂dsí₂ i₂jmo₅ já₃ a₂ca₂guan₃ Jesucristo chi₁dsáin₃ mi₂güüg₃ la₂, i₂le₂'éi₂ bá₄ lín₅ i₂quián₅ Diú₄. ³ La₁ jui₁'ein₂ gué'₃ jme₂dsí₂ i₂tsá₃ jmo₅ já₃ le₂nē₅ 'iin₂₃ Jesús, on₃jua'₅₄ i₂quián₅ Diú₄ 'éi₂. I₂quián₅ i₂'ŋia₅₄ Cristo bá₄ i₂le₂'éi₂, i₂ma₂nei'₂ 'nia'₂ já₃ a₂jiá₃, i₂ma₂'en₅₄ mi₂güüg₃ rē₂nē₃.

⁴ 'Nia'₂ chi'₂-guein₂ quiáng₃, lín'₅ bá₄ 'nia'₂ i₂quián₅ Diú₄; ia₁ ma₂ca₂tian'₃ bá₄ 'nia'₂ dsa₂ i₂tē₂jín₁. Ia₁ i₂'uan'₂ lín₃ gué'₄ bá₄ Jme₂dsí₂ i₂quian'₅₄ 'nia'₂, lia'₂ con'₂ gué'₄ i₂quian'₅₄ dsa₂ mi₂güüg₃. ⁵ Dsa₂ mi₂güüg₃ bá₄ 'éi₂, jaun₂ jmá'₃ lia'₂ ca₂ne₅₄ a₂cha₂ mi₂güüg₃ bá₄ jme₂tag₂₃. Jaun₂ lē₃ dsa₂ mi₂güüg₃ né₃ nag₂₃ já₃ a₂jme₂tag₅ dsa₂ 'éi₂. ⁶ La₁ dsa₂ quián₅ Diú₄ bá₄ lág₅ jniog₄; jaun₂ lē₃, jui₁lia'₂ dsa₂ i₂cuin₅ Diú₄ né₃, nag₂₃ já₃ quián₂ jniog₄. La₁ dsa₂ i₂tsá₃ quián₅ Diú₄ né₃, tsá₃ 'nio₃ nag₃ já₃ quián₂ jniog₄. Jaun₂ le₂nē₅ bá₄ rē₂cuin₅ jniog₄ jui₁lia'₂ i₂jniog₅ Jme₂dsí₂ quió'₅ já₃ tí₅. Já₃ gué'₂ le₂jaun₂ rē₂cuin₅ jniog₄ jui₁lia'₂ i₂jniog₅ jme₂dsí₂ i₂jui₁gan₂.

*Diú*₄ bá₄ i₂'nio₃ jniog₄

⁷ Rin'₅₄ jniog₄, jui₁jme₁'nió₄ jniog₄ rin'₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin'₅₄. Ca₂le₃jín₃ i₂'nio₃ rin'₅₄ ca₂rē₃cháin₃ tē₂le₃ quió'₅ Diú₄, ton'₂ cuin₂₃ Diú₄. ⁸ I₂tsá₃ 'nio₃ rin'₅₄ né₃, tsá₃ ma₂ca₂rē₃cuin₂₃ Diú₄, ia₁ Diú₄ lín₅ i₂'nio₃. ⁹ Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ŋi'₅₄ i₂jan₂ tan₅₄ 'éi₂ mi₂güüg₃ la₂. ¹⁰ Le₂la₂ bá₄ lé₅ a₂'nio₃ Diú₄: on₃jua'₅₄ a₂ma₂ca₂jme₁'nió₄ jniog₄ ja₁ma₂ja₂náu₅. 'ŋiog₅ bá₄ Diú₄ ca₂dsia₃ ŋéi₂ dsí₅ ca₂rē₃'nio₃. Jaun₂ ca₂chein₃ Ja₁ŋi'₅₄ ia₁jaun₂ 'éi₂ qui₃ a₂rag₂ jniog₄.

¹¹ Rin'₅₄ jniog₄, chi₂jua'₂ le₂nē₅ ca₂rē₃'nio₃ Diú₄, já₃ bá₄ le₂nē₅ ca₂tág₂ jniog₄ jme₁'nió₄ rin'₅₄ le₂jau₂ le₂jau₂. ¹² 'I₁jan₂ tsá₃ 'ein₂ ma₂jín₂ Diú₄. La₁ nē₁jua'₂ 'nio₃ jniog₄ rin'₅₄ le₂jau₂ le₂jau₂, guá₅ bá₄ Diú₄ tē₂dsi₅ jniog₄, ton'₂ qui₂rē₂'ŋia₅ bá₄ tē₂dsi₅ a₂'nio₃ Diú₄. ¹³ Le₂nē₅ bá₄ jau'₂ 'í₁ a₂téi₅ jniog₄ tē₂le₃ quió'₅ Diú₄, ton'₂ 'ein₅₄ tē₂dsi₅ jniog₄ né₃: ia₁ ma₂cuin₃ Jme₂dsí₂ quián₅. ¹⁴ Jnia'₅₄ guio₅₄ ca₂néi₄, jaun₂ jang'₂ jnia'₅₄ já₃ dsau₅ la₂: Diú₄ Jme₂ ca₂chein₃ Ja₁ŋi'₅₄ a₂ca₂o₃lioin₅₄ dsa₂ mi₂güüg₃. ¹⁵ Jui₁'ein₂ gué'₃ i₂lín₅ Jesús, a₂lín₅ 'éi₂ Ja₁ŋi'₅₄ Diú₄, quian'₅₄ bá₄ Diú₄, ton'₂ guá₅ bá₄ Diú₄ quiong'₅₄ táng₃.

¹⁶ Le₂nē₅ ma₂ca₂rē₃ne₄, ma₂ca₂rē₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rin'₅₄ né₃, chain₂ le₃quió'₅ Diú₄, ton'₂ chan₂ Diú₄ ja₁coin₂ já₃. ¹⁷ Le₂nē₅ bá₄ rē₂'ŋia₅ ja₁con₂ jniog₄ a₂jme₁'nió₄ jniog₄ rin'₅₄, ia₁jaun₂ jē₁ma₂ca₂té₂ jmi₃g₄ i₁qui₃dsi₅ Diú₄ 'éi'₃, lé₂ le₃'éi₁ jniog₄ caun₂ dsí₅. Ia₁ lág₅ jniog₄ chong₂ mi₂güüg₃ la₂ lia'₂ lín₅ Jesucristo. ¹⁸ Jui₁lia'₂ jē₁'nio₃ dsa₂ riin'₅₄, tsá₃ 'e₂ gau₂ cha₂. La₁ jui₁lia'₂ jē₁'nio₃ dsa₂ riin'₅₄ lia'₂ rē₂'ŋia₅, quian'₅₄ a₂nē₅ jnia'₅ a₂gó'₅ dsa₂. Ia₁ jui₁lia'₂ a₂gó'₅ dsa₂, caun₂ jmi₁uig₅ bá₄ jaun₂ rē₂'é₄ ja₁coin₂. Ia₁ jui₁lia'₂ i₂gó'₅, tsá₃ ma₂ca₂rē₃'ŋia₅ ja₁coin₂ 'a₂ lia'₂ jme₃'nioi₃ riin'₅₄.

¹⁹ 'Nio₃ jniog₄ Diú₄ ia₁ 'ŋiog₅ de'₂ le₂'uig₅₄ ca₂rē₃'nio₃ jniog₄. ²⁰ La₁ nē₁jua'₂ chan₂ i₂lín₅₄ juá'₂: “'Nió₃ jniá₂ Diú₄”, la₁ nē₁jua'₂ 'ŋia₅₄ bá₄ gué'₂ riin'₅₄ né₃, jan₂ dsa₂ tē₂jág₁ bá₄ 'éi₂. Ia₁ nē₁jua'₂ tsá₃ 'nio₃ dsa₂ riin'₅₄ i₂jín₂, ¿'a₂ bá₄ lia'₂ lé₂ jme₃'nioi₃ Diú₄ i₂tsá₃ ma₂jín₂?

²¹ 'ŋiog₅ bá₄ Diú₄ ma₂cuē₃ 'éi'₃ la₂: I₂'nio₃ Diú₄, ca₂tín₂ jme₃'nioi₃ riin'₅₄ já₃.

5

Ca₂tián₃ jniog₄ ne₄ cosas 'lig'₅₄ a₂jén'₅ mi₂güüg₃

¹ Ca₂le₃jín₃ i₂'én₂ a₂lín₅ Jesús tē₃dsón'₂ I₂rē₂'ín₁ quián₅ Diú₄, lín₅ chi'₂-guein₂ quián₅ Diú₄. Jui₁lia'₂ ja₁'nio₃ dsa₂ jan₂ dsa₂, ján₃ bá₄ 'nio₃ chi'₂ quián₅ dsa₂ 'éi₂. ² Le₂nē₅ bá₄ ne₄ jniog₄ 'a₂ lia'₂ jme₁'nió₄ chi'₂-guein₂ quián₅ Diú₄: chi₂jua'₂ dsón'₂ 'nió₃ jniog₄ Diú₄, ton'₂ jme₁tí₁ jniog₄ 'éi'₃ quió'₅. ³ A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi'₃ quió'₅ bá₄. 'Éi'₃ quió'₅ né₃, on₃jua'₅₄ 'e₂ njá₄ guei₂. ⁴ Ia₁ ca₂le₃jín₃ i₂ma₂lín₅ chi'₂-guein₂ quián₅ Diú₄, lí'₂ ne₄ cosas a₂jén'₅ mi₂güüg₃. Jaun₂ quian'₅₄ a₂'éin₂ bá₄ jniog₄, léi₂ ne₄ cosas a₂jén'₅ mi₂güüg₃. ⁵ ¿'Ein₂ 'éi₂ i₂lí'₂ ne₄ cosas a₂jén'₅ mi₂güüg₃? Jñia'₅₄ lia'₂ i₂'éi₂ bá₄ i₂'én₂ a₂lín₅ Jesús Ja₁ñi'₅₄ Diú₄.

Jág₁ dsau₅ 'ein₂ 'éi₂ lín₅ Ja₁ñi'₅₄ Diú₄

⁶ Lia'₂ con'₂ jme₁guan₃ Jesucristo, ca₂jáng'₃ Diú₄ Jmei₂ jág₁ dsau₅ a₂lín₅ Jesús Ja₁ñi'₅₄ tē₃dsón'₂. Ia₁ ca₂cuē₃ léi₄ jme₁ca₂jñó₂ 'éi₂ jmig₂. Jaun₂ on₃jua'₅₄ jmá'₃ jme₁ca₂jñó₂ jmig₂ ca₂cuē₃ léi₄. Jme₁ca₂jon₃ Jesús, jme₁ca₂i₃'o₅₄ jmi₂ 'ain₅₄ né₃, ca₂cuē₃ léi₄ táng₃. Quian'₅₄ le₃tín₃ léi₄ nē₅ ca₂jáng'₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅. ⁷ Ún₂ i₂lín₅ i₂jáng'₅ jág₁ dsau₅ nē₅: ⁸ Jme₂dsí₂ Jñió₅ i₂jñia₄ jniog₄ tē₂dsí₅, Diú₄ Jmei₂ i₂ca₂cuē₃ léi₄ con'₂ jme₁ca₂jñó₂ Jesús jmig₂, 'ñiog₅ Jesús né₃ ca₂cuē₃ léi₄ lia'₂ con'₂ jme₁ca₂join₃, ca₂i₃'o₅₄ jmi₂ 'ain₅₄. Le₃ún₂ i₂nē₅ caun₂ bá₄ jág₁ lé₅ quió'₅.^{*} ⁹ Guén₅ bá₄ jniog₄ jui₁lia'₂ 'e₂ caun₂ jág₁ dsau₅ jáng'₅ dsa₂ mi₂güüg₃, la₁ 'ñio₅ lín₃ gué₄ quen₅ jág₁ dsau₅ a₂ca₂cuē₃ Diú₄ 'ñiog₅, ia₁ quian'₅₄ jág₁ dsau₅ a₂ca₂jáng'₃ jaun₂ né₃, ca₂'ē₃ 'ein₂ lín₅ Ja₁ñi'₅₄. ¹⁰ I₂'én₂ tē₂le₃ quió'₅ Ja₁ñi'₅₄ Diú₄, 'i₄ jág₁ dsau₅ nē₅ tē₂dsí₅. I₂tsá₃ 'én₂ tē₂le₃ quió'₅ Diú₄ né₃, jmo₂₃ dsí₅ co₂'nió'₄ tē₂jín₁ bá₄ Diú₄, ia₁ tsá₃ 'éin₂ jág₁ dsau₅ a₂ma₂cuē₃ Diú₄ tē₂le₃ quió'₅ Ja₁ñi'₅₄. ¹¹ ¿'E₂ jaun₂ a₂ma₂juá'₂ Diú₄? Ma₂ca₂juá'₂ a₂ma₂cuē₃ jág₁ quió'₅ a₂le₃chong₂ jniog₄ co₂tan₅₄. Jaun₂ le₃chong₂ jniog₄ co₂tan₅₄ tē₂le₃ quian'₅₄ Ja₁ñi'₅₄. ¹² Dsa₂ i₂quian'₅₄ Ja₁ñi'₅₄ Diú₄, jéin'₃ bá₄. La₁ jui₁lia'₂ i₂tsá₃ quian'₅₄ Ja₁ñi'₅₄ Diú₄, tsá₃ jéin'₃.

Toin'₂ jág₁ riin'₅₄ jē₁ca₂tó'₂

¹³ Jmo₅ jniá₂ si₂ la₂ tsíng₂ ne'₅₄ 'nia'₂ dsa₂ i₂'én₂ tē₂le₃ quió'₅ Ja₁ñi'₅₄ Diú₄, ia₁jaun₂ ñi'₅₄ 'nia'₂ chang'₂, a₂'i₄ tē₂'au'₂ jme₂dsí₂ a₂chang'₂ co₂tan₅₄.[†]

¹⁴ Caun₂ 'ei₅ dsí₅ jniog₄ chong₂ tē₂le₃ quió'₅ Diú₄, ia₁ ne₄ jniog₄ nē₂jua'₂ 'e₂ caun₂ a₂mi₂ jniog₄ lia'₂ con'₂ lé₅ 'ñio₂ dsí₅, nag₃ bá₄ jág₁ quián₂. ¹⁵ Chi₂jua'₂ ne₄ jniog₄, a₂nag₂₃ jág₁ a₂chi₂lein'₅₄ jniog₄, ne₄ bá₄ jniog₄ ján₃, nē₂jag₄ bá₄ a₂ma₂nē₂guéi₁ 'e₂ mi₂.

¹⁶ Nē₂jua'₂ chan₂ i₂ca₂jín₂ rín'₅₄ 'no₂₃ dso₄, la₁ nē₂jua'₂ tsá₃ lé₅ dso₄ a₂jñiog₅ jui₅ 'mú₃, 'nió'₅ mi₃ dsa₂ ne₄ Diú₄ ia₁jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió'₄ le₃jua'₅₄ dso₄ on₃jua'₅₄ a₂jñiog₅ jui₅ 'mú₃. Ia₁ cha₂ dso₄ a₂jñiog₅ jui₅ 'mú₃. Tsá₃ juá'₅ jniá₂ a₂'nió'₅ mi₃ dsa₂ o₄quió'₄ dsa₂ i₂'no₅ dso₄ le₂jaun₂. ¹⁷ Ca₂le₃jé₃ a₂'lig'₅₄, dso₄ bá₄ jaun₂. La₁ cha₂ dso₄ a₂tsá₃ jñiog₅ jui₅ 'mú₃.

¹⁸ Ne₄ bá₄ jniog₄, jui₁lia'₂ i₂ca₂rē₃chán₃ le₃quió'₅ Diú₄, tsá₃ ma₂ñi₂₃ jua'₅₄ caun₂ qui₂'no₂₃ gué₄ dso₄; ia₁ Ja₁ñi'₅₄ Diú₄ bá₄ jmo₅ 'í₁,[‡] jaun₂ tsá₃ téi₂ i₂sē₃dsen₃ gu₂.

¹⁹ Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton'₂ ne₄ bá₄ jniog₄ ján₃, a₂ma₂rē₂'i₄ bí₂ quió'₅ i₂sē₃dsen₃ ta₁caun₂ mi₂güüg₃.

²⁰ Ján₃ bá₄ ne₄ jniog₄, ta₁ jaun₂ ca₂guan₃ Ja₁ñi'₅₄ Diú₄ a₂jme₃tag₂₃ ia₁jaun₂ le₃ñág'₂ jniog₄ 'a₂ lia'₂ 'nió'₅ le₃cuin₅ jniog₄ i₂lín₅ tē₃dsón'₂. Jaun₂ chong₂ bá₄ jniog₄ 'ei₅ caun₂ jág₁

* 5:8 A₂lín₅₄ chog₅₄ si₂ a₂ca₂lē₃ cang₂ quian'₅₄ jág₁ jmei₅ latín, juá'₂ le₂la₂: “i₂jáng'₅ jág₁ dsau₅ nē₅ guei'₅₄ i₂juíg₃: Diú₄ Jmei₂, Ja₁ñi'₅₄ i₂lín₅ jág₁ quió'₅, quian'₅₄ Jme₂dsí₂ Jñió₅. Le₃ún₂ i₂nē₅ ca₂ne₅₄ bá₄ lín₅. Ján₃ bá₄ ún₂ i₂lín₅ i₂jáng'₅ jág₁ dsau₅ ne₄ gua'₅₄ 'uē₃.” † 5:13 A₂lín₅₄ chog₅₄ si₂ a₂ca₂lē₃ cang₂ gué₄, juá'₂ ján₃: “ton'₂ ia₁jaun₂ le₃'éng'₂ le₃quió'₅ Ja₁ñi'₅₄ Diú₄.” ‡ 5:18 o₃, “jui₁lia'₂ i₂ca₂rē₃chán₃ le₃quió'₅ Diú₄, jmo₂₃ 'í₁ 'ñiog₅.”

le₃quió'₅ i₂lín₅ tē₃dsón'₂, co₂'nió'₄ le₃jua'₅₄ le₃quió'₅ Jesucristo Ja₁ŋi'₅₄ Diú₄. 'Éi₂ bá₄ lín₅ Diú₄ tē₃dsón'₂ i₂cuē₅ a₂le₃chan₂ dsa₂ co₂tan₅₄.

²¹ 'Nia'₂ chí'₂-guein₂ quiáng₃, jmo₄ 'nia'₂ 'í₁ jaun₂ tsá₃ le₃gan'₂ 'nia'₂ quian'₅₄ diú₄ lag₄. Co₂nē₅.

Si₂ carta jē₁ca₂tē₂ tin₃ a₂ca₂jmo₃
SAN JUAN

Jág₁ dsau₅, quian'₅₄ 'a₂ lia'₂ 'nió'₅ jme₃'nio₃ dsa₂ riin'₅₄

¹ Jniá₂ i₂líng₅ gui'₅₄ juin'₂ quián₅ guá'₅ jmo₂₃ si₂ la₂ tsíng₂ ne'₅₄ 'ne₂ 'io₅₄* rin'₅₄ jniog₄ i₂ma₂quion'₅₄ quián₅ Diú₄, quian'₅₄ chi'₂ quiáng'₂ i₂'nióg₃ gué'₄ lín₃. On₃jua'₅₄ jma'₃ jniá₂ 'nióg₃ 'nia'₂, ján₃ bá₄ 'nio₃ ca₂le₃jín₃ i₂ma₂le₁ñi₅ jág₁ tí₅. ² O₄quió'₄ jág₁ dsau₅ bá₄ 'nióg₃ 'nia'₂, jág₁ a₂ma₂tē₁'ñiá₄ tē₂dsi₅ jniog₄, ton'₂ jiog₅ co₂tan₅₄ ja₁con₂ jniog₄. ³ Diú₄ Jmei₂ quian'₅₄ Te₁gui'₅₄ Jesucristo Ja₁ñi'₅₄, jui₁jme₂gu'₅₄, dsa₃ ñéi'₂ dsí₅, jmo₃ 'ag₃ tei₄ 'au'₂ 'nia'₂, ia₁ a₂dsón'₂ bá₄ 'nioi₃ 'nia'₂.

⁴ ñio₅ tē₅ dsí₃ ia₁ ma₂jíng₅₄ i₂lín₅₄ chi'₂ quiáng'₂ tián'₅ bá₄ lia'₂ con'₂ lé₅ jág₁ tí₅, lia'₂ con'₂ lé₅ juá'₂ Diú₄ Jmei₂ jniog₄, 'éi'₃ a₂ma₂cuē₃. ⁵ Nē₃ né₃ 'io₅₄ rin'₅₄ jniog₄, mi₅ jniá₂ juíg₂ 'ne₂, a₂jme₁'nió₄ jniog₄ rin'₅₄ le₂jau₂ le₂jau₂. A₂juá'₅ jniá₂ ne₄ si₂ la₂, on₃jua'₅₄ 'éi'₃ 'mi₂ la₂, 'éi'₃ jaun₂ bá₄ la₂ jui₁lia'₂ 'éi'₃ a₂jme₁ma₂ron₅ quián₂ jniog₄ le₂'uig₅₄. ⁶ Le₂nē₅ bá₄ jme₁'nió₄ jniog₄ rin'₅₄: a₂i₂nió₄ jniog₄ lia'₂ con'₂ lé₅ 'éi'₃ quió'₅ Diú₄. 'Éi'₃ a₂ma₂nei'₂ 'nia'₂ le₂'uig₅₄ bá₄ jaun₂, a₂le₃chang'₂ jme₁'nióg'₄ ríng'₂.

Jui₁lia'₂ dsa₂ i₂jme₂gau₅

⁷ Le₂con₂ mi₂güíng₃ bá₄ i₂nió₄ juin₅ dsa₂ i₂jme₂gau₅, tsá₃ jág₁ jmo₂₃ jua'₅₄ a₂juá'₂ a₂ca₂guan₃ Te₁gui'₅₄ chi₁dsáin₃. Dsa₂ le₂'éi₂ bá₄ lín₅ i₂jme₂gau₅, i₂'ñia₅₄ Cristo né₃. ⁸ Jmo₄ 'nia'₂ 'í₁ ia₁jaun₂ tsá₃ lē₁dsi₃'én₂ ta₁ quián'₂ 'nia'₂ a₂jmo'₂ ia₁ 'éng'₂, jaun₂ bá₄ tin'₃ 'nia'₂ lia'₂ 'ñia₅ 'liang'₅₄ cuē₃ Diú₄.

⁹ Ia₁ jui₁'ein₂ gué'₃ i₂dsi₂jñiá₄ jmo₂₃ ñag₅₄ gué'₄ jme₂tag₂₃ con'₂ jág₁ a₂ma₂ca₂jme₃tag₅ Cristo, tsá₃ Diú₄ quian'₅₄ dsa₂ 'éi₂. La₁ jui₁lia'₂ i₂juá'₂ jme₂tag₂₃ con'₂ lé₅ ca₂jme₃tag₅ Cristo, chan₂ Diú₄ Jmei₂ ja₁coin₂, ján₃ gué'₂ quian'₅₄ bá₄ Ja₁ñi'₅₄ Diú₄ né₃. ¹⁰ Nē₁jua'₂ chan₂ i₂ca₂dsióg₃ ja₁con'₂ 'nia'₂, la₁ nē₁jua'₂ tsá₃ jme₂tag₂₃ lia'₂ con'₂ lé₅ jág₁ nē₅, tsá₃ lē₁guéin₅ 'nia'₂ dsi₂néi₂ quiáng'₂, ca₂lia'₂ jñia'₅₄ Diú₄ tsá₃ 'nió'₅ cuín'₄ 'nia'₂. ¹¹ Ia₁ nē₁jua'₂ chan₂ i₂ca₂cuin₃ Diú₄ dsa₂ le₂'éi₂, co₂'nió'₄ quein'₅₄ 'e₂ a₂'lig'₅₄ a₂jmo₅-dsáu₅ 'éi₂.

Jág₁ jē₁ca₂tó'₂

¹² Lióng₂ bá₄ jág₁ a₂'nio₃ jniá₂ juig₅₄ 'nia'₂, la₁ tsá₃ 'nio₃ jniá₂ jua'₅₄ a₂juá'₄ tē₂le₃ quian'₅₄ si₂, on₃ gué'₂ quian'₅₄ jmi₁ñé₂. Ia₁ 'ín₂ dsí₃ jniá₂ dsióg₄ bá₄ 'ñióg₃ ia₁jaun₂ dsiá₁ jniog₄ jág₁ dsi₁ne₁, ia₁jaun₂ le₃'ñia₅ a₂'io'₂ jein₂ jniog₄.

¹³ Chi'₂ quián₅ 'io₅₄ ríng'₂ i₂ma₂quion'₅₄ quián₅ Diú₄, dsiáin'₂ jág₁ a₂cuín₂₃ Diú₄ 'nia'₂. Co₂nē₅.

* 1:1 i₂lín₅₄ tē₅sí₃ ñí'₂ dsí₅ jui₁lia'₂ jág₁ nē₅, co₂'nió'₄ tē'₂ guá'₅ nē₂jag₄ bá₄ jan₂ 'io₅₄; chi'₂ quián₅ gué'₂ né₃, co₂'nió'₄ dsa₂ i₂tén₅ guá'₅.

Si₂ carta jë₁ca₂të₂ 'ni₅ a₂ca₂jmo₃
SAN JUAN

*Dsa*₅ dsa₂ dse₃ 'iin₂₃ Gayo

¹ Jniá₂ gui₅₄ juin₂ quián₅ guá₅, jmo₂₃ si₂ tsíng₂ ne₅₄ 'ne₂ Gayo a₂mei₅₄ quiáng₃, ia₁ tē₃dsón₂ bá₄ 'nióg₃ 'ne₂.

² Chi₁len₄ jniá₂ Diú₄ o₄quián₂ 'ne₂ rin₅₄ jniog₄, ia₁jaun₂ jmo₃ le₃chang₂ dse₃. Jui₁'ei₅ bá₄ dse₃ 'au₂ ján₃, jui₁lia₂ 'ei₅ 'au₂ tē₂le₃ quian₅₄ jme₂dsí₂ quiáng₂. ³ 'ŋio₅ lín₃ 'io₂ jéin₅ jniá₂ jme₁ca₂o₃lén₂ i₂lín₅₄ rin₅₄ jniog₄. 'Éi₂ nē₃ ca₂dsia₃ 'a₂ lia₂ dse₃ ma₂chang₂ rē₂teng₅₄ lia₂ con₂ lé₅ jág₁ tí₅. ⁴ 'I₁caun₂ a₂siá₂ tsá₃ cha₂ jua₅₄ a₂lé₂ le₃jmo₃ 'ag₃ dse₃ dsí₃ 'io₂ jéin₅, jnia₅₄ lia₂ a₂le₃guion₅₄ a₂i₂nio₄ bá₄ chi₂-guein₂ quiáng₃ lia₂ con₂ lé₅ jág₁ tí₅. ⁵ A₂mei₅₄ quiáng₃, caun₂ a₂rē₂ti₅₄ bá₄ jaun₂ a₂jmo₂ 'ne₂ jme₁cuē₂ gog₂-tag₅₄ o₄quió₄ rin₅₄ jniog₄, o₁jnia₅₄ tsá₃ cuiin₂. ⁶ Tē₃ ja₁le₁ŋi₂ guá₅, ma₂ca₂jáng₃ 'éi₂ jág₁ dsau₅ 'a₂ lia₂ ŋí₄ lē₃ 'nió₃. Jmo₄ dse₃ 'au₂ jme₁oin₁₂ a₂'nió₅ quió₅, ia₁jaun₂ caun₂ dsí₃lén₂ bá₄ ne₄ jui₅ ja₁tioin₅₄ jui₅ dsí₁lén₂. Jmo₄ a₂tē₅ dsí₅ Diú₄. ⁷ Ia₁ tioin₅₄ jui₅ i₂lén₂ dsí₃jmo₂ ta₁ quió₅ Jesucristo, la₁ tsá₃ 'e₂ ma₂gue₃ 'i₁caun₂ quió₅ dsa₂ i₂tsá₃ 'én₂. ⁸ Jaun₂ lē₃, jniog₄ nē₃ ca₂tag₂ dsí₁ gu₂, jme₁oin₁₂ a₂dsí₁lén₂ ja₁tioin₅₄ jui₅ dsí₃ 'é₃ jág₁ tí₅ quió₅ Diú₄.

*Tsá*₃ dse₃ jmo₅ Diótrefes

⁹ Ca₂jmo₃ jniá₂ caun₂ si₂ ca₂tsíng₂ ne₄ guá₅. La₁ Diótrefes tsá₃ gue₂₃ 'éi₃ quián₂ jnia₅₄, ia₁ 'nio₃ jme₃góin₃ 'ŋiog₅ jmo₃ juin₂ cán₂ ne₄ jui₅ quió₅ guá₅. ¹⁰ Jaun₂ lē₃, nē₁jua₂ ca₂ŋó₃ jniá₂, i₁jéin₂ ia₁ 'e₂ lē₃ jmo₂₃ jág₁ tē₂jág₁ 'ag₂₃ jnia₅₄. Tsá₃ mag₂ bá₄ gué₄ dsí₅ a₂jaun₂, ia₁ ján₃ bá₄ tsá₃ guein₂₃ rin₅₄ jniog₄ i₂dsí₂lén₂ nē₃; qui₂jnē₅ bá₄ nē₁jua₂ chan₂ gué₂ i₂'nio₃ guei₃, 'uín₂ bá₄ 'éi₂ jē₄ quió₅ guá₅.

¹¹ Rin₅₄ jniog₄, tsá₃ can₂ 'nia₂ jui₅ 'lig₅₄ quió₅ 'éi₂. Jmo₄ 'nia₂ a₂dse₃. Dsa₂ i₂jmo₅ a₂dse₃, i₂quián₅ Diú₄ bá₄ 'éi₂. La₁ i₂jmo₅ a₂'lig₅₄ nē₃, tsá₃ ma₂ca₂rē₃cuiin₂₃ Diú₄.

*Caun*₂ jui₅ dse₃ a₂rē₂jniá₂ ŋi₅ Demetrio

¹² Ca₂le₃jín₃ bá₄ juá₂ dse₃ 'iin₂₃ Demetrio. Ia₁ rē₂jniá₂ bá₄ 'a₂ lia₂ ŋi₂₃. Le₂nē₅ bá₄ jnia₅₄ nē₃, dsia₂ jág₁ dse₃ 'ín₅ 'éi₂, jaun₂ ŋi₅₄ 'nia₂, dsau₅ bá₄ jág₁ a₂jang₂ jnia₅₄.

*Jág*₁ jë₁ca₂tó₂

¹³ 'Lióng₂ bá₄ jág₁ 'nio₃ jniá₂ juá₄, la₁ tsá₃ 'nio₃ jmo₅₄ quian₅₄ jmi₁jnē₂ on₃ gué₂ quian₅₄ pluma; ¹⁴ ia₁ 'ín₂ dsí₃ jniá₂ jag₅₄ dsí₁ne₁ ŋi₅₄ ta₁ la₂ ia₁jaun₂ dsí₁ jág₁.

¹⁵ Jui₁chang₂ bá₄ 'ei₅ tei₄ 'au₂. Dsa₂ a₂mei₅₄ quiáng₂ i₂chan₂ ja₁lá₃ chein₂₃ jág₁ a₂cuiin₂₃ Diú₄ 'ne₂. Jmo₄ dse₃ 'au₂ cuiin₅₄ Diú₄ le₂jan₂ le₂jan₂ a₂mei₅₄ quián₂ ja₁nē₅.

Co₂nē₅.

Si₂ carta a₂ca₂jmo₃
JUDAS

Jmo₅ Judas si₂ ne₄ dsa₂ i₂ma₂quion'₅₄ quián₅ Diú₄

¹ Jniá₂ Judas, líng₅ dsa₂ i₂jme₂ti₃ ne₄ Jesucristo, líng₅ rin'₅₄ Jacobo. Jmo₂₃ si₂ carta la₂ tsíng₂ ne₄ ca₂le₃jín₃ i₂té₄ i₂'nió₄ quián₅ Diú₄ Jmei₂ jniog₄, con'₂ i₂chan₂ lé₅ 'í₁ le₃quió'₅ Jesucristo. ² Jui₁le₂tsón₂ bá₄ ja₁con'₂ 'nia'₂ a₂ñéi₂ dsí₅ Diú₄, a₂'ei₅ tei₄, a₂'nió'₃ 'nia'₂ ríng'₂ né₃.

Dsa₂ i₂jme₂tag₅ juá'₅ jág₁ tē₂jág₁
(2 Pedro 2:1-17)

³ 'Nia'₂ rin'₅₄ jniog₄ i₂'nióg₃, lé₂ dsí₃ 'ñio₅ lín₃ a₂jmo₅₄ si₂ tsíng₅₄ ja₁con'₂ 'nia'₂ ja₁juá'₄ jui₁lia'₂ jág₁ a₂lión₂ dsa₂ a₂ma₂le₁ne₁ jniog₄. La₁ia₁, nē₃ né₃, 'nió'₅ jmo₅₄ si₂ a₂chi₁leng'₄ 'nia'₂, a₂'nió'₅ quin'₅₄ 'nia'₂ bí₂ o₄quió'₄ jág₁ a₂'éin₂ jniog₄, jág₁ a₂ma₂dsia₃ Diú₄ o₄gú₃ dsa₂ i₂lé₅ 'í₁ quián₅. * ⁴ Ia₁ ma₂ca₂i₃ton'₅₄ i₂lín₅₄ con'₂ tē₃co'₅₄ jē₄ quián'₂ 'nia'₂, dsa₂ i₂ma₂ja₂lén₂ rē₂'ín₄ ne₄ Si₂ ca₃ma₂líg'₂ i₂ma₂tion'₅₄ jui₅ dsí₃'én₂. Lín₅ dsa₂ i₂tsá₃ Diú₄ cuín₅, i₂'nio₃ jme₃tsín₃ jág₁ a₂'ua₁ dsí₅ Diú₄ quián₂ jniog₄ con'₂ tsá₃ o₁jau₅₄ jui₅ a₂tóin'₃ jmo₃-dsáu₅ a₂'lig'₅₄ a₂ja₂ dsí₅; tsá₃ tíoín₂₃ a₂lín₅ Jesucristo i₂jan₂ tan₅₄ juig₅₄ jniog₄ Te₁gui'₅₄ quián₂.

⁵ Jui₁la₂ ma₂le₁ñi'₅₄ 'nia'₂, la₁ 'nio₃ jniá₂ juá'₄ táng₃ ia₁jaun₂ dsioig'₂ 'au'₂, ia₁ lia'₂ con'₂ jme₁ca₂'uín'₂ Te₁gui'₅₄ † dsa₂ juig₂ Israel ma₂líg'₂ lia'₂ con'₂ jme₁tioín'₅₄ 'uē₃ Egipto, la₁ ca₂jme₃dsiain₂₃ bá₄ i₂lín₅₄ dsa₂ 'éi₂ ia₁ tsá₃ ca₂'éin₃. ⁶ Le₂jaun₂ bá₄ táng₃ quian'₅₄ ángeles i₂tsá₃ 'í₁ ca₂l'í'₃ ta₁ a₂jme₁lín₄, tē₂le₃ ca₂tí₂ bá₄ ja₁jme₁tiáin'₄. 'Éi₂ né₃ rē₂nē₃ tíoín'₅₄ le₁jní₅ jē₄ qui₁né'₃, ja₁ma₂le₁'ñei'₅₄ co₂tan₅₄ quian'₅₄ ñí₁ cadenas, lé₅ 'í₁ quió'₅ Jmig₄ Juē'₂ jaun₂. ⁷ Le₂nē₅ bá₄ ján₃ jui₁lia'₂ ca₂jmo₃ dsa₂ i₂jme₁chan₂ juig₂ Sodoma quian'₅₄ Gomorra, ca₂le₃jé₃ gué₄ juig₂ i₂jén₂ ma₂quián₅ jaun₂, ca₂jín'₂ qui₂ca₂nió'₃ ca₂le₃jé₃ ne₅₄ jág₁ 'lig'₅₄, qui₂i₃lén₂ chi₁co'₅₄ quió'₅ a₂'ín₅ dsí₅ ni₁ñi₁ i₂sián'₂ a₂tsá₃ dsiten₅₄ jmo₃. Uig₅ a₂ñág₅ jē₄ si₂ a₂jioig₅ co₂tan₅₄ a₂ca₂gue₃ jaun₂, 'é₂ jág₁ ja₁con₂ dsa₂ i₂chan₂ jmig₄ nē₃.

⁸ Le₂nē₅ bá₄ ján₃, tē₂le₃ quian'₅₄ 'e₂ a₂ñiog₅ qui₅ dsa₂ 'éi₂, qui₂jme₂'ióg₃ ni₁ñi₁ guioín₅₄ quian'₅₄ dso₄ a₂qui₂'no₂₃, tsá₃ ji'₅₄ 'éi'₃, 'lig'₅₄ bá₄ táun₂ le₃quió'₅ i₂jlán'₁ chan₂ quián₅ Diú₄. ⁹ Ia₁ ca₂lia'₂ jñia'₅₄ ángel Mi₂gue₅₄ i₂lín₅ i₂dsen₅₄ gué₄ quián₅ Diú₄, lia'₂ con'₂ jme₂ca₂tsín₂ quian'₅₄ i₂sē₃dsen₃ ne₄ o₄quió'₄ ni₁ñi₁ 'lag₄ Moisés, tsá₃ ca₂tiá₂ dsí₅ 'éi₂ jua'₅₄ 'ag₃ 'lig'₅₄ a₂'nag₃, tē₂le₃ ca₂juá'₂: “Te₁gui'₅₄ bá₄ jui₁qui₂dsi₅ 'éi'₃ ja₁cong'₂.”

¹⁰ La₁ dsa₂ 'éi₂ né₃ 'é₂₃ 'lig'₅₄ 'e₂ caun₂ a₂lé₂, tē₃ tsá₃ ma₂ñi₅ rē₂; jmo₂₃-dsáu₅ lia'₂ ja₁jmo₅ já'₂ náu₂ i₂tsá₃ 'e₂ ñí'₂ dsí₅, ia₁ jui₁lia'₂ a₂cuí'₅ con'₂ lé₅ a₂ñí'₂ dsí₅ guioín₅₄ a₂cha₂ mi₂gúig₃ la₂, quian'₅₄ a₂jaun₂ bá₄ dsí₃'éin₂.

¹¹ ¡'E₂ gué₄ juig₂ dsa₂ 'éi₂! Ia₁ ma₂ja₂lén₂ quian₅ jui₅ quió'₅ Caín; ne₄ 'uig₅₄ ia₁ a₂dsi'₅₄ cu₄ bá₄ ca₂i₁niói₁₂ tē₂le₃ dséi₂, 'ein₂₃ jui₅ ja₁tsá₃ dsau₅ a₂ca₂can₃ Bala'am. La₁ ca₂i₃'éin₂ jui₁lia'₂ ca₂i₃'én₂ Coré[‡] jme₁ca₂nau₂ quein₅. ¹² Co₂'nió'₄ caun₂ 'mé'₅ a₂quian₅ o₂gui'₃ bá₄ a₂jmo₅-dsáu₅ dsa₂ 'éi₂ jin'₄ 'nia'₂ jme₁tóng'₅ qué'₂ jmo'₂ 'nia'₂ jmig₄ a₂'nióg'₃ ríng'₂. La₁ dsa₂ 'éi₂ quein'₅₄ jin'₄ 'nia'₂ qui₂gué'₅ qui₂'ín'₂ 'io'₂ jén'₅ ca₂lia'₂ tsá₃ 'e₂ gó'₃ jmo₂₃. Lín₅ jui₁lia'₂ jan₂ dsa₂ i₂jmo₅ 'í₁ já'₂ cha'₂, la₁ jñia'₅₄ con'₂ dse₃ jme₂tain₅₄ guioín₅₄ bá₄. Lín₅ jui₁lia'₂ lé₅ jnei₅ a₂lē₁qui₂ñag₅ quian'₅₄ dsí₂ tsá₃ 'e₂ jmí₅ cha₂ gué'₂; o₃ lín₅ táng₃ jui₁lia'₂ ni₁'ma₂ a₂lē₁le₁dsi₅₄ tó'₅ lí₁jein₂ quió'₅, la₁ tsá₃ 'e₂ mīg₂ cha₂ gué'₂ jaun₂ né₃. Lín₅ co₂'nió'₄ ni₁'ma₂ a₂ma₂ca₂cang₅ le₂jioig₅ jmú₄, le₃jua'₅₄ a₂ma₂quian₅ tin₃ ne₅₄ 'mú₃. ¹³ Lín₅ jui₁lia'₂

* 1:3 lit. “dsa₂jnió₅.” † 1:5 A₂lín₅₄ chog₅₄ si₂ a₂gui'₅₄ gué₄: “Jesús.” ‡ 1:11 Core: 'í₂ Números 16.

lé₅ jmi_g₂ a₂lë₁qui₂jna'₅ tiá₂ ne₄ jmi₁ŋ'₄ a₂ráun₂ quian'₅₄ dsí₂, qui₂le₁'ág₄ ne₄ jan₅ ca₂le₃jé₃ a₂lë₁'iog₅ o₂guí'₃ quió'₅. Tioin'₅₄ jui₅ i₂nioi₅₄ liin₅ jui₁lia'₂ lé₅ nei₅ a₂lë₁ma₂i₂nio₄, tsá₃ ma₃jui₅ co₂dsau₅ le₁quian₅. Ma₂tioin'₅₄ jui₅ a₂dsi₁lein₃ jë₄ qui₁né'₃ 'ŋio₅ lin₃, ja₁ma₂lé₅ co₂ŋia₅₄ ja₁dsi₁toin'₄ co₂tan₅₄.

¹⁴ Le₂jaun₂ bá₄ Enoc ján₃, dsa₂ i₂jë₁ca₂të₂ jñé₂ tsi₁jon₂ Adán i₂ca₂rë₃chán₃; 'éi₂ ca₂'é₂ jág₁ të₃ŋiá₅ ca₂'iin₃ dsa₂ le₂'éi₂ jme₁ca₂juá'₂: “Ca₂jñg₅₄ Te₁gui'₅₄ jóin'₅ ca₂sióin₃ quian'₅₄ të₂le₃ mei₅ bá₄ i₂jñiós quián₅, ¹⁵ a₂qui₃dsi₂₃ 'éi'₃ ne₄ quió'₅ ca₂le₃jín₃, a₂'liain'₃ ca₂le₃jín₃ dsa₂ 'lin'₅₄, ne₄ 'uig₅₄ ca₂le₃jé₃ ne₅₄ a₂'lig'₅₄ a₂qui₂ma₂jmo₃, ne₄ ca₂le₃jé₃ jág₁ lë₁'iog₅ a₂qui₂ma₂'iin₃ Diú₄ né₃.” ¹⁶ Dsa₂ le₂'éi₂ né₃ ca₂le₃jé₃ bá₄ 'i₄ dsí₅ jmo₂₃, qui₂'no'₂ dsá_u₁ dsa₂, jmá'₃ lia'₂ jui₅ ja₁le₃chain₂ dse₃ ja₁mag'₂ dsí₅ guioin₅₄ bá₄ 'no'₂. Tiin₂ dsia₃ jmá'₃ lia'₂ jág₁ tá'₅, ton'₂ 'ŋioi₅₄ 'a₂ lia'₂ jme₃'uáin₂ dsí₅ dsa₂ ia₁jaun₂ lí'₂ 'e₂ a₂'nio₃.

'É₂ gué₄ jág₁ të₃ŋiá₅ tsí'₅ dsa₂ 'én₂

¹⁷ La₁ 'nia'₂ né₃ rin'₅₄ jniog₄, jui₁dsiog'₂ 'au'₂ 'nia'₂, ca₂le₃jé₃ jág₁ a₂ma₂cuë₃ dsa₂ i₂chen₄ quián₅ Te₁gui'₅₄ Jesucristo quián₂ jniog₄, ¹⁸ ca₂juá'₂ ca₂tsí'₃ 'nia'₂: “Jmí_g₄ jë₁ca₂tó'₂ le₃chan₂ dsa₂ i₂ŋia'₅₄ lë₁qui₃táun₂ 'lig'₅₄, a₂le₃chain₂ tian'₃ con'₂ lé₅ mi₅ dsí₅ guioin₅₄, ia₁ tsá₃ Diú₄ cuiin₂₃.” ¹⁹ Dsa₂ le₂'éi₂ bá₄ i₂jmo₃ le₁dson'₅₄ 'nia'₂; i₂nioi₅₄ con'₂ dsí₂jio₅ dsí₅ guioin₅₄, tsá₃ Jme₂dsí₂ quián₅ Diú₄ quian'₅₄.

²⁰ La₁ 'nia'₂ né₃ rin'₅₄ jniog₄, caun₂ jui₁dsi₂cón'₃ bá₄ 'nia'₂ quian'₅₄ a₂'éng'₂ a₂lé₅ a₂jñiós gué₄ lin₃. Chi₁len'₅₄ 'nia'₂ Diú₄ con'₂ lé₅ jio₅ Jme₂dsí₂ Jñiós. ²¹ Jui₁chan'₂ bá₄ 'nia'₂ lé₅ 'í₁ ja₁'nio₃ Diú₄ 'nia'₂; qui₂le₁jan'₄ a₂dsia₃ ŋéi₂ dsí₅ Te₁gui'₅₄ Jesucristo quián₂, ca₂lia'₂ ca₂të₂ jmí_g₄ i₁cuë₃ ja₁le₃chan'₂ 'nia'₂ co₂tan₅₄.

²² Dsia₄ 'nia'₂ ŋéi₂ 'au'₂ ja₁con₂ jui₁lia'₂ dsa₂ i₂qui₂le₁'ág₄ caun₂-tin₃ dsí₅, ²³ lion₅₄ 'nia'₂ i₂lin₅₄ në₂jag₄ bá₄ a₂'uüin'₅₄ jë₄ si₂. Dsia₄ 'nia'₂ ŋéi₂ 'au'₂ ja₁con₂ i₂sián'₂, të₃ gang'₃, të₃ 'ŋiag'₅₄ ca₂le₂jio₅ ni₁tsin'₅₄ a₂rë₂'ió₄ quian'₅₄ ni₁ŋi₁₂.

Jág₁ a₂rë₂juin'₂ Diú₄ jë₁ca₂tó'₂

²⁴ Në₃ né₃, të₂le₃ quió'₅ i₂qui'₅₄ jmí_g₄ jmo₃ 'í₁ 'nia'₂ ia₁jaun₂ tsá₃ tsi₃séng'₂, jme₃jñia₂₃ 'nia'₂ ján₃, ja₁jlá'₁ lin₃ ja₁guá₄ Diú₄ a₂tsá₃ ma₂'e₂ dso₄ rë₂cáng'₄, ja₁jíá₃ 'au'₂ 'nia'₂ 'io'₂ jén'₂ gué₄ lin₃, ²⁵ le₃quió'₅ Diú₄ i₂jan₂ tan₅₄ [i₂ŋí'₂ dsí₅]§ i₂lió₂ jniog₄, j'éi₂ bá₄ i₂ca₂tín₂ ca₂le₃jé₃ ti₁'mag'₄, ca₂le₃jé₃ a₂jme₂juag'₂ dsa₂, ca₂le₃jé₃ gué₄ jui₅bí₂, ca₂le₃jé₃ 'éi'₃ né₃, [të₂le₃ quian'₅₄ Jesucristo Te₁gui'₅₄ quián₂ jniog₄],* ca₂le₃jé₃ jmí_g₄ ja₁ma₂jás, jmí_g₄ rë₂né₃, lia'₂ co₂tan₅₄ né₃! jA₂méi₃!

Co₂në₅.

§ 1:25 Chog₅₄ si₂ a₂dse₃ gué₄ tsá₃ le₁ton₅ jág₁ në₅. * 1:25 A₂lin₅₄ chog₅₄ si₂ tsá₃ le₁ton₅ jág₁ në₅.

Jág₁ a₂ca₂jme₃jnia₅ Jesucristo ne₄ San Juan₅₄

Jág₁ a₂ca₂jme₃jnia₅ Diú₄

¹ A₂la₂ bá₄ jág₁ a₂ca₂jme₃jnia₅ Diú₄ ne₄ Jesucristo, ia₁jaun₂ 'éi₂ né₃ 'é'₃ táng₃ dsa₂ i₂jme₂ti₃ ne₅₄, ca₂juá'₂ ca₂le₃jé'₃ a₂tion₅₄ niog₅ lé₂ ηi'₅₄ ta₁. Jaun₂ 'ηiog₅ bá₄ 'éi₂ ca₂jmo₃ ca₂rē₃ηi₅ ma₂ca₂jme₃jniai₂₃ tē₂le₃ quian'₅₄ ángel quiáin₅ ne₄ Juan₅₄, jan₂ dsa₂ i₂jme₂ti₃ ta₁ ne₅₄. ² Jniá₂ bá₄ 'éi₂ i₂jáng'₅ jág₁ dsau₅ la₂, ca₂le₃jé'₃ lia'₂ con'₂ lé₅ a₂ca₂jág₃ ca₂té₂ ne₃; ton'₂ jáng'₅ bá₄ jniá₂ jág₁ dsau₅ 'a₂ lia'₂ lé₅ jág₁ dse₃ quió'₅ Diú₄, quian'₅₄ 'a₂ lia'₂ lín₅ Jesucristo.

³ 'E₂ gué₄ dsen₃ i₂'i₅ si₂ la₂, a₂chi₁ton₅ jág₁ a₂'é₂ Diú₄. Le₂jaun₂ gué'₂ táng₃ jui₁lia'₂ i₂nag₅ jág₁ la₂ a₂'é₂ Diú₄; dsen₃ i₂tón'₂ jui₅ jág₁ a₂chi₁ton₅, ia₁ ma₂ja₂quián₃ jmi_g₄.

Jmo₅ Juan₅₄ si₂ a₂ca₂chein₃ ne₄ ta₁guion₃ guá'₅

⁴ Jniá₂ Juan₅₄ jmo₂₃ si₂ a₂dsiang'₅₄ ne₄ ta₁guion₃ guá'₅ i₂chan₂ le₂tan₅₄ 'uē₃ Asia. Jui₁jme₂gu'₅₄ Diú₄ 'nia'₂, jui₁chan'₂ bá₄ 'nia'₂ 'ei₅ tei₄ tē₂le₃ quian'₅₄ Diú₄ i₂lín₅ jmi_g₄ nē₃, i₂jme₁lín₄ tián₂ le₂jñiá₅, i₂lén₂ ca₂lia'₂ co₂tan₅₄; ján₃ bá₄ jui₁jme₂gu'₅₄ Diú₄ 'nia'₂ tē₂le₃ quian'₅₄ ta₁guion₃ jme₂dsí₂ i₂tion'₅₄ le₃ne₄ ne₄ta₁ ja₁guá₄; ⁵ ján₃ gué'₂ jui₁jme₂gu'₅₄ Diú₄ 'nia'₂ tē₂le₃ quian'₅₄ Jesucristo, i₂tí₅ jág₁ dsau₅ quió'₅, i₂le₂ne₁ ma₂ca₂jen'₅₄ ne₄ 'mú₃, i₂gon₂ ne₄ rag₅₄ chan₂ gua'₅₄ 'uē₃. Le₃quió'₅ 'éi₂ bá₄ i₂ca₂rē₃'nio₃ jniog₄ ton'₂ ma₂ráng'₂ jniog₄ ne₄ 'uig₅₄ dsáu₁ jniog₄ quian'₅₄ jmi₂ 'ain₅₄ 'ηiog₅; ⁶ le₃quió'₅ 'éi₂ né₃ i₂ma₂jmo₃ a₂lág₅ jniog₄ rag₅₄, jme₂dsa₂ nē₃, a₂jme₁ti₁ jniog₄ ne₄ Diú₄ quiáin₅ i₂lín₅ Jmei₂. ¡Le₃quió'₅ 'éi₂ bá₄ ca₂tíin₂ jme₃juag'₂ dsa₂, ca₂tíin₂ goin₃ co₂tan₅₄! A₂méi₃.

⁷ ¡Jag₄! ¡Ma₂já₅ jē₄ jnei₅!

Ca₂le₃jín₃ bá₄ dsa₂ tē₃ ne₅₄,

ca₂le₂jio_g₅ dsa₂ jui_g₂ i₂ca₂'ág'₂;

ca₂le₃jín₃ dsa₂ chan₂ jui_g₂ ta₁caun₂ mi₂güü_g₃

tóin'₃ qui'₃-o₃ jē₁ma₂ca₂jág₂.

¡Le₂jaun₂ lé₂, a₂méi₃!

⁸ “Jniá₂ bá₄ 'éi₂ i₂lín_g₅ le₂'uig₅₄ jui₁lia'₂ letra Alfa jē₁ca₂rē₃lióg₃; jniá₂ bá₄ 'éi₂ i₂lín_g₅ jē₁ca₂tó'₂ né₃ jui₁lia'₂ letra Omega”, juá'₂ Te₁gui'₅₄ Diú₄. “Jniá₂ bá₄ lín_g₅ rē₂nē₃, i₂lín_g₅ ma₂i₁jaun₃, i₂lín_g₅ co₂tan₅₄ ne₄ jui₅,* i₂'uan'₂ gué₄ lín₃.”†

Jan₂ i₂lín₅ lia'₂ lín₅ Jaun₅ dsa₂ mi₂güü_g₃

⁹ Jniá₂ Juan₅₄, lín_g₅ rín'₂ 'nia'₂, ia₁ quein'₅₄ jniog₄ co₂dsia₅ ηag₄ uig₅, le₂jaun₂ chi₁jñia₁ jniog₄ ja₁gon₂ Diú₄, ton'₂ co₂dsia₅ guei₂ bí₂ a₂tián₂ jniog₄ juin'₂ dsi₅ le₃quió'₅ Jesús. Jme₁'eng₅₄ rē₂jñig₅ caun₂ 'uē₃ a₂rē₂quí'₅ jē₄ jmi₁η'₄ ja₁chei₂ Patmos, ne₄ 'uig₅₄ ia₁ a₂ma₂ca₂'é₃ jág₁ dse₃ quió'₅ Diú₄, ton'₂ ia₁ 'uig₅₄ a₂ma₂cuē₃ jniá₂ jág₁ dsau₅ 'íng₅ Jesucristo.

¹⁰ Co₂ráun₂ né₃ co₂jmi_g₄ quió'₅ Te₁gui'₅₄ ja₁'eng₅₄ jaun₂, ca₂lē₃ a₂jme₁'en₅₄ jniá₂ le₃quió'₅ Jme₂dsí₂. Jaun₂ ca₂nag₃ jág₁ a₂ca₂né'₂ le₃co'₅₄ lag₃ ca₂juá'₂ tiá₂ lín₃ jui₁lia'₂ jē₁i₂'ein₅₄ ηí₁ trompeta, ¹¹ ca₂juá'₂ tság₅ jniá₂:

—Jniá₂ bá₄ 'éi₂ i₂lín_g₅ le₂'uig₅₄ jui₁lia'₂ letra Alfa jē₁ca₂rē₃lióg₃; jniá₂ bá₄ 'éi₂ i₂lín_g₅ jē₁ca₂tó'₂ né₃ jui₁lia'₂ letra Omega. Ne₄ si₂ rē₂bín₅, tióng₅ a₂jág'₂ ia₁jaun₂ qui₁dsiang'₅₄ ne₄ ta₁guion₃ guá'₅ ja₁tén₄ 'uē₃ Asia, co₂'nió'₄ le₃juá'₅₄ quió'₅ guá'₅ i₂chan₂ jui_g₂ Efeso, Esmirna, Pérgamo, Tiatira, Sardis, Filadelfia, quian'₅₄ Laodicea né₃.

¹² Ca₂jen'₄ jniá₂ jaun₂ né₃, a₂jñing₅₄ 'ein₂ 'éi₂ i₂juá'₂ jág₁ tság₅ jniá₂. Jme₁ca₂jeng'₅₄, ca₂jág₃ tióng₂ guio₃ tag₄ a₂lé₅ jmá'₃ cu₄nióg₄ ja₁le₁guí'₂ si₂. ¹³ Jē₄ ta₁guio₃ mi₂tag₄ si₂ jaun₂ né₃,

* 1:8 'Nio'₂ ja₁ton₅ Éxodo 3:14; Juan 8:58. † 1:8 'Nio'₂ ja₁ton₅ Isaías 41:4; 44:6; 48:12.

jme₁chén'₄ jan₂ i₂lín₅ lia'₂ lín₅ Jaun₅ dsa₂ mi₂güüg₃,[‡] i₂qui'₂ 'mi'₂ chen'₅₄ jang₄, mei'₂ tsá₃ tsáng₂ co'₅₄ tag₁₂. A₂jme₁rë₂jén'₅ le₁dsí₅ guë'₂ né₃, jme₁lé₄ jmá'₃ cu₄nióg₄. ¹⁴ Jñi₂ dsi₅₄ guë'₂ né₃, jme₁tiog₂ lia'₂ ja₁tiog₂ jñí₂ já'₂ cha'₂, a₂tiog₂ jui₁lia'₂ tiog₂ 'mu₂. Jme₁ne₁₂ guë'₂ né₃ jme₁jniá₂ tág₅ jui₁lia'₂ jniá₂ ca₂jo'₅₄ si₂. ¹⁵ Mi₂tag₅₄ guë'₂ né₃ jme₁jniá₂ tág₅ lia'₂ lé₅ jmá'₃ ni₁ñí₁ nióg₂ a₂rë₂ta₄ a₂ma₂jmág₂ né'₃ táu₃ si₂. Já_g₁ quió'₅ guë'₂ né₃ jme₁né'₂ tiá₂ lín₃ jui₁lia'₂ né'₂ caun₂ ja₁ta'₂ la'₅₄ pa₁ lín₃.[§] ¹⁶ Gu₂ ne₁ guë'₂ né₃ jme₁chan'₂ guio₃ nei₅; mi₂'o₅₄ guë'₂ né₃ jme₁jniá₂ 'ia₂ lia'₂ lé₅ caun₂ ñi₁tág₂ chen'₂ a₂'mu₃ le₃tin₃ ton₂. Ne₅₄ guë'₂ né₃ tág₅ jmá'₅, jui₁lia'₂ tág₅ 'iog₂.

¹⁷ Jme₁ca₂jág₃, ca₂tón₂ jniá₂ ja₁tióng₂ mi₂tag₅₄, lia'₂ tsá₃ léi₄ mei'₂. Jaun₂ ca₂quiog₂ gu₂ ne₁ ne₄ quió'₃, jaun₂ ca₂juá'₂:

—Tsá₃ jmo₂ gang'₃, ia₁ jniá₂ bá₄ líng₅ i₂le₂ne₁, ton'₂ jniá₂ bá₄ líng₅ i₂jë₁ca₂tó'₂. ¹⁸ Jniá₂ bá₄ 'éi₂ i₂chan₂; jme₁rë₂'lín₄ bá₄ jniá₂, la₁ jja_g₄! ma₂chang₂ bá₄ táng₃ ca₂le₃jé₃ jmig₄, ca₂lia'₂ co₂tan₅₄. * Jniá₂ bá₄ chan'₄ ñí₁ llaves quió'₅ 'mú₃ quian'₅₄ guë'₂ tau₂ 'ñio₅.[†] ¹⁹ Jaun₂ lë₃, ne₄ si₂, tióng₅ jui₁lia'₂ 'e₂ a₂në₂jag'₅₄, 'a₂ lia'₂ niog₅ lé₅ rë₂né₃ quian'₅₄ guë'₂ a₂në₃ guë'₄ niog₅ lé₂. ²⁰ A₂la₂ bá₄ já_g₁ dsau₅ a₂jme₁rë₂'ma₄ le₂jñiá₅: jui₁lia'₂ guio₃ nei₅ a₂në₂jag'₅₄ chi₁chan'₄ gu₃ ne₁, quian'₅₄ guë'₂ ta₁guio₃ tag₄ a₂lé₅ quian'₅₄ cu₄nióg₄ ja₁le₁guí'₂ si₂. Já_g₁'₅ já_g₁ ta₁guio₃ nei₅ co₂'nió'₄ guion₃ dsa₂ i₂i₃quian₄ já_g₁[‡] quián₅ ta₁guion₃ guá'₅; guio₃ tag₄ ja₁le₁guí'₂ si₂ guë'₂ né₃, co₂'nió'₄ ta₁guion₃ guá'₅.

2

Já_g₁ a₂chen₅ ne₄ le₂guion₃ guá'₅; Já_g₁ a₂ñó₃ ne₄ guá'₅ chan₂ Efeso

¹ Jmo₄ si₂ ne₄ dsa₂ i₂'é₂ já_g₁ guá'₅ i₂chan₂ juig₂ Efeso, chei'₅₄ le₂la₂:

Le₂la₂ juá'₂ i₂chan₂ le₃guio₃ nei₅ quian'₅₄ gu₂ ne₁, i₂ñi₅ jë₄ ta₁guio₃ tag₄ a₂lé₅ jmá'₃ cu₄nióg₄ ja₁le₁guí'₂ si₂: ² Guion₄ bá₄ jniá₂ ca₂le₃jé₃ ta₁ 'ua'₂ a₂jmo'₂ 'nia'₂, 'a₂ lia'₂ juin'₂ 'au'₂ né₃. Guion₅₄ bá₄ já_n₃ a₂tsá₃ ma₃tiang'₃ quiang'₅₄ dsa₂ i₂jmo₅ a₂'lig'₅₄. Guion₅₄ bá₄ já_n₃ 'a₂ lia'₂ ma₂quion'₂ 'í₁ ja₁con₂ dsa₂ i₂i₂nió₄ a₂juá'₂ lín₅ dsa₂ i₂chen₄ quián₅ Jesús, la₁ tsá₃ guë'₂ lín₅. Ma₂ca₂jme₁jñiá'₂ a₂lín₅ dsa₂ tē₂jñi₁. ³ Juin'₂ bá₄ 'au'₂ líng₅ ma₂ja₂nóg'₅ qui₂jag'₅₄ uig₅ jmo'₂ ta₁ 'ñio₅ lín₃ o₄quió₃ jniá₂, tsá₃ ma₂qui₂ca₂'ú'₃ 'au'₂ 'nia'₂.

⁴ La₁ia₁ cha₂ guë'₄ caun₂ ja₁cong'₂, a₂tsá₃ tē₅ dsi₃; ia₁ tsá₃ ma₃'nióg'₃ jniá₂ lia'₂ jme₁'nióg'₃ le₂ne₁. ⁵ Jaun₂ né₃, dsá₂ 'au'₂ 'nia'₂ jmo₄, a₂já'₄ ma₂qui₂ma₂sén'₂ 'nia'₂. Jui₁dsi₂quén'₅ táng₃ 'au'₂ 'nia'₂, jmo₄ táng₃ lia'₂ jme₁jmo'₂ le₂ne₁. Ia₁ nē₁jua'₂ tsá₃ le₂jaun₂ né₃, ñi'₅₄ ta₁ la₂ dsióg₄ i₁jñiá'₃ tag₄ si₂ quiáng'₂ ja₁chí'₄, nē₁jua'₂ tsá₃ ca₂jme₁tsíng'₄ 'au'₂. ⁶ Jñia'₅₄ lia'₂ caun₂ a₂dse₃ la₂ bá₄ cha₂ ja₁cong'₂: a₂'ñia'₅₄ 'nia'₂ 'a₂ lia'₂ lé₅ jmo₅-dsá₅ dsa₂ nicolaítas, a₂jaun₂ bá₄ 'io₄ guë'₂ jniá₂ já_n₃.

⁷ Jui₁lia'₂ i₂le₁dsi₅₄ rë₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅. Jui₁lia'₂ i₂ca₂tió'₃, ñei₂ guë'₃ míg₂ 'ma₂ a₂chan₂ dsa₂ co₂tan₅₄, a₂chí'₅ Ja₁jlá'₁ * quió'₅ Diú₄.

Já_g₁ a₂ñó₃ ne₄ guá'₅ chan₂ Esmirna

⁸ Jmo₄ si₂ ne₄ dsa₂ i₂'é₂ já_g₁ guá'₅ i₂chan₂ juig₂ Esmirna chei'₅₄ le₂la₂:

Le₂la₂ juá'₂ i₂le₂'uig₅₄, i₂lín₅ jë₁ca₂tó'₂ guë'₂ táng₃; i₂ca₂jon₃ 'éi₂, i₂ma₂ca₂jen'₅₄ guë'₂ táng₃: ⁹ Guion₅₄ bá₄ ca₂le₃jé₃ 'a₂ lia'₂ lé₅ chang'₂ ñag'₅₄ uig₅, ton'₂ a₂te₂ñég'₂ guë'₂ já_n₃. La₁ on₃jua'₅₄ a₂dsi₂jó'₃ te₂ñég'₂ jme₁né₄, ia₁ chang'₂ bá₄ dse₃ já_n₃. Guion₅₄ bá₄ já_n₃ 'a₂ lia'₂ 'ag₅ 'lig'₅₄ dsa₂ i₂juá'₂ lín₅ judíos, la₁ tsá₃ guë'₂ lín₅. Dsa₂ i₂tén₅ guá'₅ sinagoga quió'₅ Satanás bá₄ 'éi₂. ¹⁰ Tsá₃ jmo₂ 'nia'₂ gang'₃ 'e₂ niog₅ a₂dsi₁ñíg'₂, ia₁ tsáun'₂ i₂së₃dsen₃ toin'₂

‡ 1:13 'Nió'₂ ja₁ton₅ Daniel 7:13. § 1:15 o₃, "lia'₂ né'₂ 'lióng₂ jmig₂." * 1:18 A₂lín₅₄ chog₅₄ si₂ juá'₂ já_n₃ "A₂méi₃." † 1:18 griego: hades, co₂'nió'₄ a₂juá'₂, ja₁quió'₄ 'lag₄. ‡ 1:20 griego: ángeles, co₂'nió'₄ i₂quian₅ já_g₁. 'Nió'₂ ja₁ton₅ "ángel" ne₄ glosario. * 2:7 griego: paradeiso (Paraíso).

né³ 'má³ i₂lín⁵⁴ 'nia² co₂'nió⁴ a₂caun₂ táu₂, jaun₂ ñag⁵⁴ 'nia² uig⁵ guia₃ jmig⁴. La₁ tiá₂ nau₂ 'nia² o₁ñia⁵⁴ ca₂quín₂ 'mú³, ia₁ jniá₂ bá₄ cuë⁵⁴ ja₁le₃chan² 'nia² co₂tan⁵⁴ co₂'nió⁴ caun₂ corona. ¹¹ Jui₁lia² i₂le₁dsi⁵⁴ rë₂gua₄, jui₁nei⁵⁴ a₂juá² Jme₂dsí₂ tsí⁵ ca₂le₃jín₃ guá⁵. Jui₁lia² i₂ca₂tió³, 'i₁caun₂ uig⁵ tsá₃ jén⁴ jë₁ca₂té₂ tin₂ 'mú³.

Jág₁ a₂ñó₃ ne₄ guá⁵ chan₂ Pérgamo

¹² 'jmo₄ si₂ ne₄ dsa₂ i₂'é₂ jág₁ guá⁵ i₂chan₂ juig₂ Pérgamo, chei⁵⁴ le₂la₂:

Le₂la₂ juá² i₂'io₅ ñi₁tág₂ 'mu₃ le₃tin₃ ton₂: ¹³ Guion₄ bá₄ jniá₂ ja₁tián⁵ 'nia², † ja₁lé₄ ne₄ta₁ ja₁gon₂ Satanás. La₁ lia² tión² jaun₂ bá₄ 'nia² tiá₂ quian⁵⁴ jág₁ quió³. Tsá₃ ma₂tí³ a₂'éng² le₃quió³, ca₂lia² ñia⁵⁴ jmig⁴ lia² con² jme₁ca₂ñi³ dsa₂ Antipas, dsa₂ i₂rë₂ti⁵⁴ quiáng₃ i₂jme₁jáng⁵ jág₁ dsau₅, ca₂lë₃ jë₄ quián² 'nia², caun₂ juig₂ ja₁guá₄ Satanás. ¹⁴ La₁ia₁ cha₂ a₂lín⁵⁴ ja₁cong², a₂tsá₃ të₅ dsi₃: jë₄ në₅ quián² 'nia² tion⁵⁴ i₂lín⁵⁴ i₂tsá₃ tí₂ a₂'lig⁵⁴ lia² jme₁jmo₅ Bala^{am} a₂ca₂toin² jág₁ ca₂tsí³ Balac[‡], ca₂jmo₃ ca₂tsi₁sén² dso₄ dsa₂ israelitas a₂ca₂gué³ má₃ a₂rë₂jen⁵⁴ ne₄ diú₄ lag₄ quiáin₅; ca₂jmo₃ ca₂can₃ dsa₂ 'éi₂ jui₅ qui₂ca₂nió³ jág₁ 'lig⁵⁴. ¹⁵ Le₂në₅ bá₄ ján₃, tion⁵⁴ jë₄ quián² 'nia² i₂lín⁵⁴ i₂jme₂tag₅ jág₁ quió⁵ dsa₂ nicolaítas. ¹⁶ Jui₁dsi₂quén⁵ 'au² jaun₂ né₃; ia₁ në₁juá² tsá₃ ca₂tion² 'nia² jui₅, ñi⁵⁴ ta₁ la₂ dsió₄ jniá₂ ja₁cong² i₁quíng³ quian⁵⁴ dsa₂ 'éi₂ quian⁵⁴ ñi₁tág₂ a₂'ia₂ mi₂'o₃. ¹⁷ Jui₁lia² i₂le₁dsi⁵⁴ rë₂gua₄, jui₁nei⁵⁴ a₂juá² Jme₂dsí₂ tsí⁵ ca₂le₃jín₃ guá⁵. Jui₁lia² i₂ca₂tió³, ñei₂ maná a₂rë₂'ma₄, ton² ñei₂ jma₃ca₂míg₂ ñi₁cang₁ tiog₂ ja₁chi₁ton₅ jág₁ 'mí₂ 'a₂ lia² chein₂, a₂tsá₃ 'ein₂ cuí⁵; jmá³ lia² con² i₂gue₃ bá₄ ñí².

Jág₁ a₂ñó₃ ne₄ guá⁵ chan₂ Tiatira

¹⁸ 'jmo₄ si₂ ne₄ dsa₂ i₂'é₂ jág₁ guá⁵ i₂chan₂ juig₂ Tiatira, chei⁵⁴ le₂la₂:

Le₂la₂ juá² Ja₁ñi⁵⁴ Diú₄ i₂tág₅ jme₁ne₁₂ lia² tág₅ jo⁵⁴ si₂, i₂lé₅ mi₂tag₄ lia² lé₅ ñí₁ nió₂ a₂rë₂ta₄: ¹⁹ Guion₅₄ bá₄ ca₂le₃jé₃ 'e₂ a₂jmo², 'a₂ lia² 'nió₂ ríng², 'a₂ lia² lé₅ a₂'éng² né₃, ta₁ quiáng² a₂jme₂tí¹, juín² bá₄ 'au² chang² né₃; guion₄ bá₄ jniá₂, 'ñio₅ gué₄ jmo² 'nia² lia² con² gué₄ le₂ne₁. ²⁰ La₁ia₁ cha₂ gué₄ caun₂ ja₁cong² a₂tsá₃ të₅ dsi₃: ia₁ cuë² 'nia² jmig⁴ 'en⁵⁴ jin⁴ 'nia² 'io⁵⁴ Jezabel i₂juá² i₂'é₂ jág₁ o₄quió⁴ Diú₄. Jme₂tag₂₃ a₂ñia⁵⁴ qui₂jme₂gain₂₃ dsa₂ quiáng₃ i₂jme₂ti₃ ne₃ ia₁jaun₂ cán₂ jui₅ jmo₃ dsáu₃ qui₃nió³ jág₁ 'lig⁵⁴, ia₁jaun₂ ján₃ gué₄ qui₃gué³ má₃ a₂rë₂jen⁵⁴ ne₄ diú₄ lag₄ quiáin₅. ²¹ Ma₂cué₃ jniá₂ 'io⁵⁴ 'éi₂ jmig⁴ ne₄ tsa₁ dsi₁quén⁵ dsí₅ 'lig⁵⁴ a₂jmo₂₃, la₁ tsá₃ 'nio₃. ²² ¡Jag₄! Tóin₂ jniá₂ ne₄ tsi₁cama jaun₂ le₃dso⁵⁴, ján₃ gué² jmo⁵⁴ ñág₃ uig⁵ dsa₂ i₂qui₂'no₅ dso₄ quiain⁵⁴, në₁juá² tsá₃ ca₂dsi₃quén⁵ dsí₅ a₂jmo₅-dsáu⁵ 'io⁵⁴ 'éi₂, ²³ ton² jme₁dsian⁵ jniá₂ chi² quián⁵ 'io⁵⁴ 'éi₂ né₃. Jaun₂ bá₄ le₃ñi₅ ca₂le₃jín₃ guá⁵, jniá₂ i₂con² 'í₁ 'a₂ lia² lé₅ jme₂dsí₂ quió⁵ dsa₂, ca₂le₃jé₃ a₂qui₂dsi₂jio₅ dsí₅ dsa₂ né₃; jaun₂ jniá₂ bá₄ cué₄ 'lian⁵⁴ 'nia² lia² con² lé₅ qui₂ca₂jmo⁵⁴. ²⁴ La₁ juí₂ jniá₂ ca₂le₃jín₃ gué₄ 'nia² i₂tián⁵ juig₂ Tiatira i₂tsá₃ ma₂gue₃ jág₁ a₂jme₂tag₅ 'io⁵⁴ 'éi₂, on₃ gué² cuí⁵ a₂té² dsa₂ 'éi₂ jág₁ ca⁵⁴ a₂rë₂'ma₄ quió⁵ Satanás: co₂në₅ bá₄ guei₂ a₂cué₄ jniá₂ 'nia². ²⁵ Ñia⁵⁴ lia² caun₂ jmo² 'nia² a₂dse₃ a₂ma₂ja₂nóg⁵ jmo², ca₂lia² ca₂té₂ jmig⁴ i₁dsió₄ táng₃. ²⁶ Jui₁lia² i₂ca₂tió³, i₂qui₂jmo⁵ 'a₂ con² 'nio₃ jniá₂ lé₂, ca₂lia² i₁ca₂té₂ jmig⁴ jë₁ca₂tó², cué₄ jniá₂ bí₂ jaun₂ jmo³ 'éi³ ne₄ juig₂ a₂te¹ 'i₁ gua⁵⁴ 'uë₃.

²⁷ Goin₃ ne₄ quió⁵ quian⁵⁴ 'ma₂'i⁵⁴

a₂lé₅ quian⁵⁴ ñi₁ñí₁;

qui₃dsia₃ le₁juig₁ në₂jag₄ bá₄ ñi₁tí², §

²⁸ lia² con² lé₅ ma₂gue₃ jniá₂ 'éi³ ma₂cuë₃ ñe³. Cuíin₄ jniá₂ ján₃ Nei₅ 'Ió₁. * ²⁹ Jui₁lia² i₂le₁dsi⁵⁴ rë₂gua₄, jui₁nei⁵⁴ a₂juá² Jme₂dsí₂ tsí⁵ ca₂le₃jín₃ guá⁵.

† 2:13 A₂lín⁵⁴ chog⁵⁴ si₂: “Guion₅₄ bá₄ ca₂le₃jé₃ 'e₂ a₂jmo², ján₃ bá₄ guion₅₄ ja₁tián⁵ 'nia².”

‡ 2:14 Bala^{am}, Balac: 'Nio² ja₁ton₅ Números 23 - 24. § 2:27 Salmo 2:9. * 2:28 Nei₅ 'Ió₁ lé₅ caun₂ 'a₂ lia² chen₂ Jesús. 'Nio² ja₁ton₅ 2 Pedro 2:21; Apocalipsis 22:16.

3

*Jág*₁ a₂ηó₃ ne₄ guá'₅ chan₂ Sardis

¹ 'Jmo₄ si₂ ne₄ dsa₂ i₂'é₂ jág₁ guá'₅ i₂chan₂ juig₂ Sardis, chei'₅₄ le₂la₂:

Le₂la₂ juá'₂ i₂jiog₅ ta₁guion₃ jme₂dsí₂ quián₅ Diú₄, i₂chan'₂ guio₃ nei₅ né₃: Guion₄ bá₄ jniá₂ ca₂le₃jé₃ a₂jmo'₂, a₂dsia₅ dsa₂ a₂jén'₃ 'nia'₂, la₁ia₁ i₂rē₂'lín'₄ bá₄ 'nia'₂. ² Jme₁jnio₂ ne'₅₄, tiong'₂ táng₃ bí₂ a₂jme₁ma₂i₁jón₂ quiáng'₂, ia₁ tsá₃ ma₂dsó'₂ jniá₂ jua'₅₄ a₂rē₂tán₄ a₂qui₂ma₂jmo'₅₄ 'nia'₂ le₃ne₄ Diú₄ quiáng₃. ³ Dsiog'₂ 'au'₂ 'nia'₂ jmo₄ jaun₂ né₃, a₂qui₂ma₂gue'₅₄ 'nia'₂, a₂qui₂ma₂nei'₂ 'nia'₂, jui₁dsi₂quén'₅ 'au'₂. La₁ nē₁jua'₂ tsá₃ ca₂jme₁jnio'₂ ne'₅₄, ηi'₅₄ ta₁ dsióg₄ jniá₂ ja₁cong'₂ con'₂ tsá₃ rē₂jáng'₁, nē₂jag₄ bá₄ jan₂ 'ang₂, ca₂lia'₂ jñia'₅₄ tsá₃ ηi'₅₄ 'nia'₂ 'e₂ hora dsióg₄. ⁴ La₁ chan₂ bá₄ gué₄ i₂lín₅₄ jin'₄ 'nia'₂ guá'₅ Sardis nē₅ i₂tsá₃ ma₂ca₂jme₃'ióg₃ tsin'₅₄; i₂'éi₂ né₃ jme₃quiong'₅₄ jniá₂ i₃nioi₅₄ le₁qui'₂ 'mi'₂ tiog₂, ia₁ le₂jaun₂ ca₂tñin₂. ⁵ Jui₁lia'₂ i₂ca₂tió'₃, tsin'₅₄ tiog₂ bá₄ qui₃quí'₃, jaun₂ lia'₂ o₁líg'₂ tsá₃ 'én₄ lia'₂ chein₂ ja₁le₁toin₂₃ ne₄ si₂ a₂chan₂ dsa₂ co₂tan₅₄. Jaun₂ 'ín₄ jniá₂ 'éi₂ jme₁jniai₂₃ jniá₂ ne₄ ηe'₃, ne₄ ángeles quiáin₅ né₃. ⁶ Jui₁lia'₂ i₂le₁dsi₅₄ rē₂gua₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

*Jág*₁ a₂ηó₃ ne₄ guá'₅ chan₂ Filadelfia

⁷ 'Jmo₄ si₂ ne₄ dsa₂ i₂'é₂ jág₁ guá'₅ i₂chan₂ juig₂ Filadelfia, chei'₅₄ le₂la₂:

Le₂la₂ juá'₂ 'éi₂ i₂jñiós₅, i₂tē₃dsón'₂ tí₅ jág₁ quió'₅, i₂'io₅ ηí₁ llave quió'₅ Rag₅₄ David. Jui₁lia'₂ a₂niá₅ 'éi₂, 'i₁jan₂ tsá₃ lé₂ jnéi₃; ján₃ gué'₂ le₂jaun₂, jui₁lia'₂ a₂jnéi₅ 'éi₂, tsá₃ 'ein₂ lé₂ le₃niá₃ táng₃. ⁸ Guion₅₄ bá₄ jē₂ a₂jmo'₂. ¡Jag₄! Caun₂ o₄'né₄ a₂rē₂na₄ ma₂ca₂tsí'₂ jniá₂ ne'₅₄; 'i₁jan₂ tsá₃ 'ein₂ lé₂ le₃jnéi₃. O₁jñia'₅₄ la₂ tsá₃ ma₃lín₄ bēng'₂, * ma₂ca₂tion'₂ jui₅ jág₁ quió₃, on₃jua'₅₄ jaun₂ a₂tsá₃ ma₂'ag'₅₄ jniá₂. ⁹ ¡Jag₄! Jui₁lia'₂ dsa₂ quián₅ guá'₅ sinagoga quió'₅ Satanás, dsa₂ i₂juá'₂ lín₅ judíos la₁ tsá₃ gué'₂ lín₅, jmo₅₄ jniá₂ chi₃jné₃ 'éi₂ ne'₅₄, ia₁jaun₂ le₃ηi₅ a₂'nió₃ jniá₂ 'nia'₂. ¹⁰ 'Uig₅₄ ia₁ a₂ma₂jmo'₅₄ 'nia'₂ 'í₁ 'éi'₃ quió₃ a₂tion'₅₄ 'nia'₂ jui₂'au'₂, jmo₅₄ bá₄ jniá₂ 'í₁ 'nia'₂ a₂tsá₃ jióg'₂ 'í₁ ja₁cong'₂ jui₁lia'₂ a₂dsi₃ηí₂ dsa₂ i₂chan₂ ta₁caun₂ gua'₅₄ 'uē₃. ¹¹ ηi'₅₄ ta₁ bá₄ guióng₄. Jmo₄ 'í₁ a₂ma₂tting'₂ ia₁jaun₂ tsá₃ 'ein₂ jñiá'₂ corona quiáng'₂. ¹² Jui₁lia'₂ i₂ca₂tió'₃, jmo₅₄ jniá₂ a₂léin₂ nē₂jag₄ bá₄ nī₁dsi₅ a₂chí'₅ dsi₂néi₂ guá'₅ templo quió'₅ Diú₄ quiáng₃. O₁líg'₂ jmi₄ tsá₃ ma₃'uín₃ ja₁jaun₂. Ne₄ quió'₅ 'éi₂, taun₅₄ lia'₂ chen₂ Diú₄ quiáng₃, quian'₅₄ gué'₂ 'a₂ lia'₂ chei₂ juig₂ quió'₅ Diú₄ quiáng₃ né₃: juig₂ Jerusalén 'mí₂ a₂sió₃ guei'₅₄ i₂juí₃ quió'₅ Diú₄ quiáng₃. Ján₃ gué'₂ le₂jaun₂ taun₅₄ jniá₂ ne₄ 'éi₂ jág₁ 'mí₂ lia'₂ cheng₂. ¹³ Jui₁lia'₂ i₂le₁dsi₅₄ rē₂gua₅₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

*Jág*₁ a₂ηó₃ ne₄ guá'₅ chan₂ Laodicea

¹⁴ 'Jmo₄ si₂ ne₄ dsa₂ i₂'é₂ jág₁ guá'₅ i₂chan₂ juig₂ Laodicea, chei'₅₄ le₂la₂:

Le₂la₂ juá'₂ i₂lín₅ tē₃dsón'₂, † i₂jáng'₅ jág₁ dsau₅ i₂rē₂ti'₅₄, i₂lín₅ juig₅₄ ne₄ ca₂le₃jé₃ a₂ca₂jmo₃ Diú₄: ¹⁵ Guion₄ bá₄ jniá₂ ca₂le₃jé₃ 'a₂ lia'₂ lé₅ jmo'₂ 'nia'₂. Guion₅₄ bá₄, a₂tsá₃ güíng'₂, on₃ gué'₂ dséng'₂ né₃. ¡Jua'₅₄ co₂ηei'₅₄ bá₄ gué'₂ güíng'₂, o₃ co₂ηei'₅₄ bá₄ gué'₂ dséng'₂! ¹⁶ La₁ 'uig₅₄ ia₁ a₂jñia'₅₄ dsión'₂ 'nia'₂, ia₁ tsá₃ güíng'₂ gué'₂ co₂ηei'₅₄, on₃ gué'₂ dséng'₂ né₃, jaun₂ ráun₂ i₁ηí₄ jniá₂ 'nia'₂ jui₅ mi₂'o₃. ¹⁷ Ia₁ juá'₂ 'nia'₂ a₂ma₂chang'₂ dse₃ a₂ma₂qui₂ma₂dsia'₅₄ 'nia'₂ 'líóng₂ rē₂má'₂, ton'₂ tsá₃ 'e₂ 'nió'₅ quiáng'₂; la₁ tsá₃ jaun₂ len'₅₄ 'nia'₂ a₂lín'₅ dsa₂ i₂lē₁ηéi₂ dsí₅, i₂te₂ηé₂, i₂ten₄, i₂rē₂cuán'₃ né₃. ¹⁸ 'Uig₅₄ jaun₂ ton'₂ jniá₂ jág₁ 'nia'₂, i₂nó'₅ 'nia'₂ ja₁con₂ jniá₂ i₂liá₃ cu₄nióg₄ a₂rē₂lag₄ quian'₅₄ si₂, ia₁jaun₂ gué₄ dsón'₂ le₃chang'₂ dse₃; i₂liá₃ 'nia'₂ tsíng'₂ tiog₂ a₂qui₁qui'₅₄, ia₁jaun₂ tsá₃ le₃jniá₂ a₂o₂guí'₃ a₂rē₂cuáng'₃. I₂liá₃ mí₅ 'ág'₄ jme₁ne'₄ ia₁jaun₂ jnio₂, lé₂ jag'₅₄. ¹⁹ Tē₂jén₅ jniá₂ tsíng'₂ táng₃

* 3:8 o₃, "tsá₃ lín₄ jui₂'nia'₂." † 3:14 lit. "Le₂la₂ juá'₂ jui₁lia'₂ i₂té'₂ A₂méi₃."

jui₅ dse₃ ca₂le₃jín₃ i₂'nió₃. Jui₁len'₅₄ bá₄ 'nia'₂ dsa₂ i₂dsen₅₄ dsí₅ jaun₂ né₃, jui₁dsi₂quén'₅ 'au'₂. ²⁰ ¡Jag₄! La₂ chén'₅ jniá₂ o₄'né₄ té₅; chi₂jua'₂ chan₂ i₂ca₂nág₂ jág₁ quió₃, niá₅ o₄'né₄ né₃, jaun₂ bá₄ 'ú₄ dsi₂néi₂ quió'₅, gué'₅₄ co₂lë₅ quain'₅₄. ²¹ Jui₁lia'₂ i₂ca₂tió'₃, cué₄ jma₃caun₂ ja₁tiain'₃ cau₅ quió₃ ne₄ta₁ ja₁gua₄ jniá₂, jui₁lia'₂ ca₂tió₃ jniá₂, jaun₂ ca₂gua₃ con₂ ŋe'₃ ne₄ta₁ quió'₅. ²² Jui₁lia'₂ i₂le₁dsi₅₄ rë₂gua₅₄, jui₁nei₅₄ a₂juá'₂ Jme₂dsí₂ tsí'₅ ca₂le₃jín₃ guá'₅.

4

'A₂ lia'₂ qui₂rë₂juin'₂ Diú₄ guei'₅₄ i₂juí₃

¹ Cang₂ gué₄ jaun₂, ca₂jág₃ táng₃ jniá₂ caun₂ o₄'né₄ rë₂na₄ guei'₅₄ i₂juí₃. Jaun₂ ca₂nag₃ jág₁ jaun₂ a₂ca₂nag₃ le₂'uig₅₄ a₂né'₂ në₂jag₄ bá₄ jë₁i₂'ein₅₄ ŋ₁ trompeta, ca₂juá'₂ tság₅ jniá₂: —Uí₂g₂ ja₁lá₃, jaun₂ 'ë₅₄ ca₂le₃jé₃ a₂niog₅ lé₂ cang₂ gué₄ jë₁ma₂lë₅ a₂ma₂në₂jag'₅₄ në₅.

² Jaun₂ ca₂lë₃ jme₁'en₅₄ jniá₂ le₃quió'₅ Jme₂dsí₂, jaun₂ ca₂jnia₃ caun₂ ne₄ta₁ chí'₅ guei'₅₄ i₂juí₃. Ne₄ ne₄ta₁ jaun₂ jme₁guá₄ jan₂ dsa₂. ³ Dsa₂ i₂jme₁guá₄ 'éi₂ né₃, jme₁jniá₂ tág₅ 'ŋio₅ lín₃ në₂jag₄ bá₄ ni₁cang₁ tág₅ jaspe o₃ cornalina. Le₃lág'₃ ne₄ta₁ ja₁guá₄ jaun₂ jme₁jniá₂ mi₂jo'₅₄ si₂ a₂tág₅ lín₃, në₂jag₄ bá₄ ni₁cang₁ esmeralda. ⁴ Le₃lág'₃ ne₄ta₁ ja₁guá₄ dsa₂, ca₂jág₃ con'₂ gué₄ quió₂-quén₂ ne₄ta₁ ja₁tián'₄ guió₂-quén₂ gui'₅₄ can'₅₄ i₂le₁lín₁ le₁qui'₂ jmá'₃ 'mi'₂ tiog₂, tio'₅₄ coronas a₂lé₅ jmá'₃ cu₄nió₄ dsi₅₄. ⁵ Ja₁chí'₄ ne₄ta₁ jaun₂, qui₂lé₂ si₁ŋí'₃, chí'₅ co₂mi'₅₄, quia'₂ ŋí'₃ né₃. Ne₄ ja₁chí'₄ ne₄ta₁ jaun₂, jniá₂ guió₃ si₂ ni₁tsí₅ a₂cau₂. A₂jaun₂ né₃ lé₅ ta₁guion₃ jme₂dsí₂ quián₅ Diú₄. ⁶ Të₂le₃ ne₄ jui₅ ne₄ta₁ né₃, jniá₂ táng₃ lia'₂ lé₅ jmi₁ŋí'₄ a₂lé₅ uí'₂ lín₃ jui₁lia'₂ uí'₂ ni₁'i₂.

Dsi₂jo₂, le₂tan₅₄ le₃lág'₃ ja₁chí'₄ ne₄ta₁, jniá₂ táng₃ quén₂ i₂lín₅ lia'₂ lín₅ já'₂ i₂rë₂can'₂ jmá'₃ mi₂ne₄ lia'₂ le₃ne₅₄ lia'₂ le₃co'₅₄ lag₁₂ né₃. ⁷ Jë₁le₂'uig₅₄ já'₂ quén₂ 'éi₂ né₃, jniá₂ lia'₂ jniá₂ dsi₂'ia'₂ león. Jë₁ca₂té₂ on₃, jme₁lín₄ lia'₂ lín₅ jan₂ guein₂ ca₁jui₅. Jë₁ca₂té₂ ún₂, jniá₂ dsi₂ne₅₄ lia'₂ jniá₂ dsi₂ne₄ dsa₂ mi₂güí₃. I₂jë₁ca₂té₂ quén₂ né₃, jniá₂ lia'₂ jniá₂ i₁mi₂ i₂'en₅ güig₂. ⁸ Jë₁le₃quén₂ le₂jaun₂ né₃, le₁dsi₅₄ jma₃jŋéi₂ tsí₁rë₂cu₅ le₂jain₂ le₂jain₂. Qui₂rë₂lióin₃ mi₂ne₄ le₃co'₅₄ lia'₂ le₃né'₃ né₃. Lia'₂ 'uë₂-jmi₂ bá₄ tsá₃ 'na₂ i₁juá'₄: Jŋiós bá₄, jŋiós bá₄, jŋiós bá₄,

Te₁gui'₅₄ Diú₄ i₂'uan'₂ gué₄ lín₃,
i₂jme₁lín₄, i₂lín₅ rë₂né₃,
i₂lén₂ co₂tan₅₄ bá₄ ján₃.

⁹ Lia'₂ co₂ráun₂ cué₅ já'₂ 'éi₂ cué'₅ ti₁'mag'₄ jme₂juin'₂ gué₄ lín₃ i₂guá₅ ne₄ ne₄ta₁, i₂chan₂ co₂tan₅₄ né₃, ¹⁰ jaun₂ gué₄ qui₂tón₂ 'uë₃ ta₁guión₂-quén₂ gui'₅₄ can'₅₄ 'éi₂, ne₄ i₂guá₅ ne₄ ne₄ta₁, qui₂jme₂juin'₂ i₂chan₂ co₂tan₅₄, qui₂dsia₂₃ coronas quió'₅ 'uig₅₄ ne₄ta₁, juá'₂:

¹¹ Te₁gui'₅₄ Diú₄ quián₂,

'ne₂ bá₄ ca₂tíng'₂ guéi'₁ a₂jme₃juag'₂ dsa₂,

'ne₂ bá₄ ca₂tíng'₂ 'éi'₃, jui₅bí₂ né₃.

Ia₁ co₂jaun₂ ca₂rë₃'ŋiós 'au'₂

a₂ca₂rë₃chá₃ ca₂le₃jé₃ a₂cha₂.

5

Si₂ a₂rë₂bin₅ quian'₅₄ gué'₂ Guein₂ Já'₂ Cha'₂

¹ Jaun₂ ca₂jág₃ jniá₂ i₂guá₅ ne₄ ne₄ta₁ 'éi₂ chi₁chan'₂ quian'₅₄ gu₂ ne₁ caun₂ mi₂si₂ a₂rë₂bin₅ tio'₅₄ jág₁ lia'₂ le₃co'₅₄ lia'₂ le₃né'₃, a₂chi₁jni₅ dse₃ quian'₅₄ guio₃ bë'₅₄ mi₄cuíng₅.

² Jaun₂ ca₂jŋing₅₄ jan₂ ángel i₂'uan'₂ lín₃ quián₅ Diú₄, jniá₂ chéin'₅ ŋag₂₃ juá'₂ tiá₂:

—'Ein₂ 'éi₂ i₂ca₂tín₂ niá₃ si₂ në₅, qui₃choin₃ mi₄cuíng₅ quió'₅ né₃?

³ La₁ on₃ gué'₂ guei'₅₄ i₂juí₃, on₃ gué'₂ ne₄ gua'₅₄ 'uë₃, on₃ gué'₂ le₃né'₃ gué₄ gua'₅₄ 'uë₃, tsá₃ chan₂ 'i₁jan₂ i₂ca₂tín₂ niá₃ si₂ jaun₂, on₃ gué'₂ ca₂tíin₂ jág₃. ⁴ 'ŋio₅ lín₃ ca₂'o₃ jniá₂ 'uig₅₄

ia₁ a₂tsá₃ 'ein₂ ca₂dsán'₂ 'i₁jan₂, i₂ca₂tín₂ jme₁niá₃ si₂ jaun₂,* on₃ guë'₂ a₂jág₃. ⁵Jaun₂ né₃, jan₂ i₂lín₅ gui'₅₄ can'₅₄ 'éi₂ ca₂tság₃ jniá₂:

—Tsá₃ lë'₁au₂ 'ne₂, ia₁ i₂lín₅ 'ia'₂ león quián₅ tsi₁jon₂ Judá, i₂ca₂lín₃ cho'₅₄ Rag₅₄ David, 'éi₂ bá₄ ma₂ca₂tió'₃; 'éi₂ bá₄ ca₂tín₂ niá₃ si₂, le₂jio₅ ta₁guio₃ mi₄cuing₅ quió'₅ né₃.

⁶Jaun₂ ja₁lé₄ dsi₂jo₂ ne₄ta₁, jë₄ quió'₅ le₃quén₂ já'₂ 'éi₂, jë₄ quió'₅ gui'₅₄ can'₅₄ né₃, ca₂jing₅₄ jan₂ i₂lín₅ lia'₂ lín₅ Guein₂ Já'₂ Cha'₂ chéin'₅, a₂lén₄ në₂jag₄ i₂ca₂jon₃ ca₂jñag'₃ dsa₂. Le₁dsi₅₄ guio₃ mi₂juí₁, guio₃ guë'₂ mi₂ne₅₄. Mi₂ne₅₄ jaun₂ né₃ co₂'nió'₄ guion₃ jme₂dsi₂ quián₅ Diú₄ i₂ma₂'uin₂ a₂chein₅₄ ta₁caun₂ gua'₅₄ 'uë₃. ⁷I₂lín₅ Guein₂ Já'₂ Cha'₂ 'éi₂ né₃, η₃ ca₂tín₂ mi₂si₂ rë₂bin₅ a₂jme₁chi₁chan'₂ le₂gu₂ ne₁ i₂guá₅ ne₄ta₁. ⁸Jme₁ca₂can₃ mi₂si₂, jaun₂ qui₂ca₂tón₂ 'uë₃ le₃quén₂ já'₂ 'éi₂, quian'₅₄ guë'₂ ta₁guión₂-quén₂ gui'₅₄ can'₅₄ né₃, ca₂tóin₂ ne₄ Guein₂ Já'₂ Cha'₂. Le₂jan₂ le₂jan₂ 'éi₂ né₃ le₁chan'₂ jma₃caún₃ tsi₁ton₅ arpa,† le₁chan'₂ jma₃caún₃ guë'₂ ni₁uing₅ jì'₂ a₂lé₅ jmá'₃ cu₄nióg₄, a₂le₁can'₂ chen₂, a₂co₂'nió'₄ jág₁ a₂qui₂rë₂jen'₅₄ ne₄ Diú₄ a₂qui₂chi₂léi'₂ dsa₂ quián₅.‡ ⁹Tioin'₅₄ 'ë₂₃ caun₂ canto 'mí₂ la₂:

'Ne₂ bá₄ ca₂tíng'₂ jma'₅₄ mi₂si₂,
a₂chóng'₄ mi₄cuing₅ quió'₅;
ia₁ 'ne₂ bá₄ i₂ca₂jñag'₃ dsa₂.

Quian'₅₄ jmi₂ 'ang'₅₄ a₂ca₂tein'₅₄,
ca₂liáng'₃ dsa₂ mi₂güüg₃ le₃quió'₅ Diú₄:

ca₂le₃jín₃ ne₅₄ dsa₂ i₂chan₂,
ca₂le₃jé₃ jág₁ jmei₅,
ca₂le₃jé₃ juig₂ te₁'i₁ mi₂güüg₃,
ca₂le₃jé₃ tsi₁jon₂ né₃.

¹⁰Ma₂ca₂jmoi'₅₄ rag₅₄, jme₂dsa₂ né₃,
le₃quió'₅ Diú₄ quián₂.

Jaun₂ 'éi₂ bá₄ le₃gon₂ ne₄ gua'₅₄ 'uë₃.

¹¹Jaun₂ jme₁ca₂jág₃, ca₂nag₃ jniá₂ jág₁ quió'₅ juin₅ ángeles, i₂lé₂ tē₂le₃ mei₅, i₂lé₂ ca₂lia'₂ juin₅ lín₃. Jme₁tioin'₅₄ le₃lág'₃ ne₄ta₁ jaun₂, quian'₅₄ guë'₂ já'₂ quén₂ 'éi₂, gui'₅₄ can'₅₄ né₃,
¹²i₁juá'₄ tiá₂ lín₃:

¡I₂ca₂tín₂ Guein₂ Já'₂ Cha'₂ i₂ca₂jñag'₃ dsa₂,
a₂le₂goin₂₃, 'io₃ ca₂le₃jé₃ a₂jlá'₁,
a₂tiin₂ a₂ñí'₂ dsí₅,

a₂gue₃ jui₅bí₂, a₂jme₃juag'₂ dsa₂,
a₂lén₂ tág₅ co₂'né'₅, a₂jme₃go₃ dsa₂!

¹³Ca₂nag₃ jniá₂ ján₃, ca₂le₃jín₃ i₂chan₂ i₂ca₂jmó'₂ Diú₄ guei'₅₄ mi₂güüg₃ quian'₅₄ gua'₅₄ 'uë₃, quian'₅₄ le₃né'₃ 'uë₃; ne₄ jmi₁ñí'₄, i₂chan₂ le₃né'₃ jmi₁ñí'₄ né₃, i₁juá'₄:

¡Le₃quió'₅ i₂guá₅ ne₄ ne₄ta₁,
le₃quió'₅ Guein₂ Já'₂ Cha'₂ né₃,
jui₁jme₂go₃ dsa₂ jui₁jme₂juag'₂ dsa₂;
jui₁gue₁₂ a₂tág₅ co₂'né'₅,
jui₁gue₁₂ jui₅bí₂ né₃
ca₂lia'₂ co₂tan₅₄!

¹⁴Jaun₂ ca₂juá'₂ le₃quén₂ já'₂:

—¡A₂méi₃!

Ta₁guión₂-quén₂ gui'₅₄ can'₅₄ né₃ qui₂ca₂tóin₂ 'uë₃ qui₂ca₂jme₃juag'₂.§

* 5:4 A₂lín₅₄ chog₅₄ si₂ juá'₂ ján₃: “on₃ guë'₂ 'i₃.” † 5:8 griego: kithara. ‡ 5:8 lit. “dsa₂ jñi₃.”

§ 5:14 A₂lín₅₄ chog₅₄ si₂ juá'₂: “qui₂ca₂jme₃juin'₂ i₂chan₂ co₂tan₅₄.”

6

Ca₂niá₃ ta₁guio₃ mi₄cuing₅

¹ Ca₂jág₃ jniá₂ jme₁ca₂niá₃ Guein₂ Já'₂ Cha'₂ jë₁le₂'uig₅₄ mi₄cuing₅ guio₃ jaun₂, ca₂né'₂ i₁juá'₄ jan₂ rin'₅₄ i₂quén₂ já'₂ 'éi₂. Né'₂ lé₅ jág₁ quió'₅ në₂jag₄ bá₄ jë₁quia'₂ ñí'₃, a₂juá'₂:

—¡Ñia₅, jaun₂ jag'₅₄!

² Jaun₂ jme₁ca₂jág₃ jniá₂, jaun₂ ca₂jing₅₄ jan₂ i₁cua₁ tion₂. I₂jme₁co₂dsin₅₄ já'₂ 'éi₂ né₃ jme₁chan'₂ caun₂ ni₁'ma₂ cág'₅. Jaun₂ ca₂ñii₂ caun₂ corona, jaun₂ ca₂o₃'íin₃ ñó₃ ne₄ 'nei₂ a₂tió'₃ a₂lí'₂ 'nei₂.

³ Jme₁ca₂niá₃ Guein₂ Já'₂ Cha'₂ jë₁ca₂té₂ tin₃ mi₄cuing₅, jaun₂ ca₂nag₃ i₁juá'₄ jë₁ca₂té₂ on₃ já'₂ 'éi₂:

—¡Ñia₅, jaun₂ jag'₅₄!

⁴ Jaun₂ ca₂jnia₃ ca₂o₃'ín₃ táng₃ jan₂ dsi₂cua₁ guén₂; dsa₂ i₂jme₁co₂dsag₅₄ guè'₂ né₃, ca₂ñii₂ bí₂ a₂lé₂jmo₃ a₂jñia'₃ a₂'ei₅ tei₄ ta₁caun₂ gua'₅₄ 'uë₃, ia₁jaun₂ jme₃dsian₅ dsa₂ riin'₅₄. Jaun₂ 'éi₂ né₃ ca₂ñii₂ caun₂ ñi₁tág₂ juè'₂.

⁵ Jme₁ca₂niá₃ Guein₂ Já'₂ Cha'₂ jë₁ca₂té₂ 'ni₅ mi₄cuing₅, jaun₂ ca₂nag₃ táng₃ i₁juá'₄ i₂ca₂té₂ ún₂ já'₂:

—¡Ñia₅, jaun₂ jag'₅₄!

Jaun₂ jme₁ca₂jág₃ táng₃ jniá₂, ca₂jnia₃ táng₃ jan₂ dsi₂cua₁ lian'₂; dsa₂ i₂jme₁co₂dsag₅₄ né₃, caun₂ mi₂gu₂ jme₁chan'₂ caun₂ cua'₅₄ 'éi'₃. ⁶ Jaun₂ ca₂né'₂ jág₁ jë₄ quió'₅ le₃quén₂ já'₂, a₂juá'₂:

—Caun₂ kilo cui₂ bá₄ le₂caun₂ denario; 'ni₅ kilo cebada le₂caun₂ denario. La₁ tsá₃ i₂én₅ aceite quian'₅₄ vino.

⁷ Jme₁ca₂niá₃ Guein₂ Já'₂ Cha'₂ jë₁ca₂té₂ quén₂ mi₄cuing₅, jaun₂ ca₂nag₃ i₁juá'₄ jë₁ca₂té₂ quén₂ já'₂:

—¡Ñia₅, jaun₂ jag'₅₄!

⁸ Jme₁ca₂jág₃ jniá₂, ca₂jnia₃ jan₂ dsi₂cua₁ nió₂; i₂jme₁co₂dsag₅₄ né₃, jme₁chein₂ 'Mú₃. Chi₁co'₅₄ quió'₅ 'éi₂ guè'₂ né₃ já₅ jan₂ i₂té'₂ Tau₂ 'Ñio₅. * Le₃on₃ 'éi₂ né₃ ca₂ñii₂ bí₂ ne₄ quió'₅ gua'₅₄ 'uë₃ caun₂ qui'₅₄ quió'₅ quén₂, a₂jme₃dsian₂₃ dsa₂ quian'₅₄ ñi₁tág₂, quian'₅₄ a₂le₃'on₄ dsa₂, quian'₅₄ jmi₁uig₅, quian'₅₄ já'₂ tsau₂ dsí₅ né₃, i₂chan₂ gua'₅₄ 'uë₃.

⁹ Jme₁ca₂niá₃ Guein₂ Já'₂ Cha'₂ jë₁ca₂té₂ 'ñiá₂ mi₄cuing₅, ca₂jág₃ jniá₂ né₃ ne₄chei₂ ja₁tion'₅₄ jme₂dsí₂ quió'₅ dsa₂ mi₂güí₃ i₂ca₂jme₃dsian₅ dsa₂ ne₄ 'uig₅₄ quió'₄ jág₁ dse₃ quió'₅ Díú₄, quian'₅₄ ne₄ 'uig₅₄ quió'₄ jág₁ dsau₅ a₂qui₂ca₂can₃. ¹⁰ Jaun₂ tiá₂ né₂ jág₁ quió'₅ 'éi₂, i₁juá'₄:

—¿Con'₂ je₂líg'₂ caun'₅₄ 'í₁, Te₁gui'₅₄ i₂ñi₅ i₂tí₅ jág₁ quiáng'₂, ja₁con₂ dsa₂ i₂chan₂ gua'₅₄ 'uë₃, jaun₂ caun'₅₄ 'ma'₅₄ jmi₂ 'au₅₄ jnia'₅₄?

¹¹ Jaun₂ qui₂ca₂ñii₂ le₂jain₂ le₂jain₂ 'mi'₂ tiog₂. Jaun₂ ca₂né'₂ i₁juá'₄ a₂jñia₃ gué₄ co₂'na₂, të₁lia'₂ le₃'ñia₅ riin'₅₄ i₂jme₂ti₃ ta₁ ne₄ Cristo, i₂'i₄ 'éi'₃ dsián₃ gué₄, jui₁lia'₂ ca₂dsan₃ 'éi₂.

¹² Jme₁ca₂niá₃ Guein₂ Já'₂ Cha'₂ jë₁ca₂té₂ jñéi₂ mi₄cuing₅, ca₂jág₃ jniá₂ ca₂i₁bi₅₄ 'uë₃ tiá₂ lín₃. Ca₂të₁tsi'₅₄ qui₁né'₃, ca₂rë₃liá'₃ 'iog₂ në₂jag₄ bá₄ tsi₁'mi'₂ taun₅ a₂lé₅ quian'₅₄ ni₁jñi₂, a₂quí'₅ dsa₂ ja₁ron₅ 'lag₄. Tsi'₂ guè'₂ né₃ ca₂jnia₃ guén₂, lia'₂ jniá₂ jmi₂. ¹³ Nei₅ guè'₂ né₃ qui₂tsi₂ca₂séi'₂ 'uë₃ në₂jag₄ bá₄ tsi₂séi'₂ mí₂g₂ higo rë'₂ jë₁ma₂ca₂guiong'₃ dsí₂ tiá₂. ¹⁴ Guei'₅₄ dsi₂güí₂ né₃ co₂dsia₅ ca₂i₃'én₂ ca₂bin₃ lia'₂ ja₁bin₅ mi₂si₂. Ca₂le₃jé₃ ni₁má'₂, ca₂le₃jé₃ 'uë₃ le₁quí'₅ jë₄ jmi₁ñí'₄ né₃, qui₂ca₂jñió₃ cau₅ ja₁jme₁niog₅. ¹⁵ Jaun₂ qui₂ca₂'ma₃ jui₅ né'₃ tau₂ 'lau₂, jui₅ jë₄ ni₁'lau₂ cha₂ má'₂, jui₁lia'₂ rag₅₄ i₂gon₂ gua'₅₄ 'uë₃, jui₁lia'₂ dsa₂ dsen₅₄, jui₁lia'₂ dsa₂ jui₅ 'lióg₂, jui₁lia'₂ dsa₂ i₂cha₂ cu₄, jui₁lia'₂ dsa₂ 'uan'₂, ca₂le₃jín₃ jui₁lia'₂ i₂jme₂ti₃ ta₁ ne₄ jui₅ 'lióg₂, jui₁lia'₂ dsa₂ i₂tsá₃ 'ein₂ ne₄ jme₂ti₃ né₃; ¹⁶ qui₂ca₂juá'₂ ca₂tsí'₃ má'₂, ni₁'lau₂:

* 6:8 griego: hades, co₂'nió'₄ a₂juá'₂, ja₁quió'₄ 'lag₄.

—Sen⁵⁴ 'nia'₂ ne₄ quián₂ jnia'⁵⁴, 'mog⁵⁴ jnia'⁵⁴ ia₁jaun₂ tsá₃ jág₂ i₂guá₅ ne₄ta₁ ó₃, tsá₃ cuë₂ jmi₄ a₂'é₂ Guein₂ Já'₂ Cha'₂ ó₃ uig₅ a₂'nei₂. ¹⁷ Ia₁ nē₃ gué₄ dsón'₂ gua₅ jmi₄ a₂'ñio₅ jaun₂ a₂'é₂ uig₅ a₂'nei₂. ¿'Ein₂ bá₄ qui'⁵⁴ jmi₄ tió'⁵?

7

*Dsa*₂ tsi₁jon₂ Israel i₂lín₅ léi₄

¹ Jme₁ma₂ca₂lë₃ jaun₂, ca₂jing₅₄ quén₂ ángeles, tióin₂ le₃quén₂ qui'⁵⁴ mi₂güü₃, a₂jné₅ le₃quén₂ dsí₂ quió'⁵ gua'⁵⁴ 'uë₃, ia₁jaun₂ tsá₃ ma₃lé₂ 'ag₃ dsí₂ ta₁caun₂ ne₄ gua'⁵⁴ 'uë₃, on₃ guë'₂ ne₄ jmi₁ñí'₄, on₃ guë'₂ ne₄ 'i₁caun₂ ni₁'ma₂. ² Jaun₂ gué₄ ca₂jing₅₄ jan₂ ángel sián'₂, já₅ tē₂le₃ ja₁'ia₂* 'iog₂, já₅ 'éi₂ quian₅ sello quió'⁵ Diú₄ jén'₃. Ángel 'éi₂ gué₄ né₃ ca₂tsí'₃ le₃quén₂ ángeles i₂jme₁ma₂ñ₂ bí₂ a₂jmo₃ dain⁵⁴ 'uë₃ quian'⁵⁴ guë'₂ jmi₁ñí'₄, ca₂juá'₂ tiá₂ lín₃:

³ —'A₃ lë₁jmo₂ de'₂ dain⁵⁴ 'uë₃, on₃ guë'₂ jmi₁ñí'₄, on₃ guë'₂ ni₁'ma₂ a₂cha₂ né₃, ca₂lia'₂ ca₂tiong⁵⁴ jnia'⁵⁴ léi₄ quian'⁵⁴ sello ne₄ chi₁quí₃ dsa₂ i₂jme₂ti₃ ne₄ Diú₄ quián₂.

⁴ Jaun₂ ca₂nag₃ jniá₂ 'a₂ con'₂ tén₅ i₂ca₂lín₃ léi₄ 'éi₂; lé₂ caun₂ 'ñiá₂-láu₂ rē₂dsí₂ tē₂láu₃-quén₂ mei₅ (144,000), jmá'₃ dsa₂ tsi₁jon₂ dsa₂ juig₂ Israel.

⁵ Guia₃-tín₂ mei₅ dsa₂ i₂ca₂lë₃ lén₄ dsa₂ tsi₁jon₂ Judá;

guia₃-tín₂ mei₅ dsa₂ tsi₁jon₂ Rubén;

guia₃-tín₂ mei₅ dsa₂ tsi₁jon₂ Gad;

⁶ guia₃-tín₂ mei₅ dsa₂ tsi₁jon₂ Aser;

guia₃-tín₂ mei₅ dsa₂ tsi₁jon₂ Neftalí;

guia₃-tín₂ mei₅ dsa₂ tsi₁jon₂ Manasés;

⁷ guia₃-tín₂ mei₅ dsa₂ tsi₁jon₂ Simeón;

guia₃-tín₂ mei₅ dsa₂ tsi₁jon₂ Leví;

guia₃-tín₂ mei₅ dsa₂ tsi₁jon₂ Isacar;

⁸ guia₃-tín₂ mei₅ dsa₂ tsi₁jon₂ Zabulón;

guia₃-tín₂ mei₅ dsa₂ tsi₁jon₂ José;

guia₃-tín₂ mei₅ dsa₂ tsi₁jon₂ Benjamín né₃.

*Dsa*₂ i₂juin₅ lín₃ le₁qui'₂ 'mi'₂ tiog₂

⁹ Jme₁ca₂lë₃ jaun₂, ca₂jág₃ táng₃ jniá₂, jaun₂ ca₂jnia₃ juin₅ lín₃ dsa₂, ca₂lia'₂ 'i₁jan₂ tsá₃ 'ein₂ qui'⁵⁴ jmi₄ 'i₃ quió'⁵: dsa₂ chan₂ ca₂le₃jé₃ juig₂, ca₂le₃jé₃ tsi₁jon₂, ca₂le₃jé₃ go₄ dsa₂, ca₂le₃jé₃ jág₁ jmei₅ né₃. Tióin₂ 'uig⁵⁴ ne₄ta₁ quian'⁵⁴ ne₄ Guein₂ Já'₂ Cha'₂, i₂le₁qui'₂ 'mi'₂ tiog₂, i₂le₁chan'₂ jma₃ca₂nei'⁵⁴ mog'⁵⁴ 'ma₂tsín₅. ¹⁰ Tioin'⁵⁴ co₂mi'⁵⁴ juá'₂: Jui₁lia'₂ a₂lión₂ dsa₂,

já₅ quió'⁵ Diú₄ quián₂ bá₄ jniog₄ i₂guá₅ ne₄ta₁;

já₅ quió'⁵ Guein₂ Já'₂ Cha'₂ né₃.

¹¹ Jme₁tióin₂ ca₂le₃jín₃ ángeles le₃lág'₃ ne₄ta₁, le₃lág'₃ quió'⁵ gui'⁵⁴ can'⁵⁴ quian'⁵⁴ guë'₂ já'₂ quén₂ 'éi₂. Jaun₂ qui₂ca₂tóin₂ 'uë₃ rē₂'éin₂ co₂ñei'⁵⁴, ca₂jme₃juiin'₂ Diú₄, ¹² a₂juá'₂: ¡A₂mei₃!

Le₃quió'⁵ Diú₄ quián₂ bá₄ ca₂tín₂

ca₂le₃jé₃ a₂jme₃go₃ dsa₂,

ca₂le₃jé₃ a₂lén₂ tág₅ co₂'né'₅,

ca₂le₃jé₃ a₂ñí'₂ dsí₅,

ca₂le₃jé₃ ti₁'mag'₄,

ca₂le₃jé₃ a₂jme₃juag'₂ dsa₂,

* 7:2 Co₂'nió'₄ le₃jua'⁵⁴, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25.

ca₂le₃jé₃ a₂le₃goin₂,
ca₂le₃jé₃ jui₅bí₂,
ca₂lia'₂ co₂tan₅₄. A₂méi₃.
¹³ Jaun₂ né₃, jan₂ gui'₅₄ can'₅₄ 'éi₂ ca₂ɲag₃ jniá₂ ca₂juá'₂:
—¿'Ein₂ bá₄ i₂le₁qui'₂ tsin'₅₄ tiog₂ tión₂ ně₅? ¿Já'₄ ja₂lén₂?
¹⁴ Jaun₂ ca₂ɲag₄ jniá₂:
—ŋi'₅₄ bá₄ 'ne₂, gui'₅₄.
Jaun₂ ca₂ɲag₃ táng₃ gui'₅₄ 'éi₂:
—I₂ně₅ bá₄ 'éi₂ i₂ma₂ɲi₅ Jmi₁uig₅ Jué'₂; ma₂qui₂ca₂rang₃ tsin'₅₄, ma₂jmo₃ tiog₂ ně₃ tē₂le₃
quian'₅₄ jmi₂ 'an₅₄ Guein₂ Já'₂ Cha'₂. ¹⁵ Uig₅₄ jaun₂ ně₃,
tióin₂ ne₄ta₁ ně₅ quió'₅ Diú₄,
jme₂ti₃ ne₅₄ lia'₂ 'uě₂-jmi₂ dsi₂néi₂ guá'₅ ně₅ quió'₅;
i₂guá₅ ne₄ ne₄ta₁ ó₃ ně₃, 'éi₂ bá₄ jmo₃ 'í₁
ně₂jag₄ a₂qui₃jlín₂ dsa₂ quian'₅₄ 'mi'₂ 'én'₁ quió'₅.
¹⁶ Tsá₃ ma₃qui₂i₁cón'₅ lé₂,
on₃ gué'₂ ma₃qui₃le₃quein₂ dsí₅, i₁ 'ín'₂ jmig₂,
on₃ gué'₂ ma₃qui₃ɲág₂ gué'₄ uig₅
jua'₅₄ a₂dséi₂ 'iog₂.
¹⁷ Ia₁ Guein₂ Já'₂ Cha'₂
i₂guá₅ dsi₂jo₂ ne₄ta₁ ně₅ bá₄
jmo₃ 'í₁
ně₂jag₄ dsa₂ i₂jmo₅ 'í₁ já'₂ cha'₂ quián₅,
jio₃ jui₅ tu₁ jmig₂ ja₁ 'ia₂ jmig₂ jén'₃.
Jaun₂ qui₃chí₃ Diú₄ jme₁ne₁₂
ca₂le₃jé₃ jmig₂ a₂le₁'ág₄.

8

Mi₄cuing₅ jē₁ca₂té₂ guio₃

¹ Jme₁ca₂niá₃ gué'₂ táng₃ Guein₂ Já'₂ Cha'₂ jē₁ca₂té₂ guio₃ mi₄cuing₅ quió'₅ mi₂si₂
a₂rē₂bin₅, jaun₂ ca₂tē₁tsi'₅₄ tei₄ guei'₅₄ i₂juíg₃ con'₂ ca₂jau₅₄ hora. ² Ján₃ bá₄ ca₂jín₄ jniá₂
ta₁guion₃ ángeles i₂tión₂ ne₄ Diú₄. 'Éi₂ gué'₂ ně₃ ca₂ɲi₂ guio₃ ɲí₂ trompetas. ³ Cang₂
jaun₂ ca₂já₃ táng₃ jan₂ ángel ca₂o₃náu₃ ne₄chei₂, chi₁chan'₂ caun₂ ɲí₁ tó'₅ chen₂, a₂lé₅ jmá'₃
cu₄nióg₄. Jaun₂ ca₂ɲi₂ 'lióng₂ chen₂, jaun₂ jén'₃ co₂dsia₅ quian'₅₄ já₃ a₂chi₂lí'₂ ca₂le₃jín₃
dsa₂ i₂tén₅ le₃quió'₅ Diú₄,* dsia₅ ne₄ ne₄chei₂ a₂lé₅ cu₄nióg₄ a₂chí'₅ uig₅₄ ne₄ta₁. ⁴ Jaun₂
ca₂ɲáu₂ jme₁ɲi₁ chen₂ lia'₂ jma₃quian'₅₄ já₃ a₂chi₂lí'₂ dsa₂ quián₅ Diú₄, qui₂ca₂'uě₂ o₄gú₃
ángel le₃ne₄ Diú₄. ⁵ Jaun₂ ca₂tín₂ ángel ɲí₁ a₂tó'₅ chen₂, jaun₂ ca₂jme₃cain'₂ míg₂ si₂tá'₃
tio'₅₄ ne₄chei₂, jaun₂ ca₂guia'₃ jaun₂ ně₃, ne₄ gua'₅₄ 'uě₃. Jaun₂ ca₂lě₃ gau₂ ca₂quia'₂ ɲí'₃,
ca₂tē₁tsi'₅₄ co₂mi'₅₄, qui₂ca₂'né'₃ si₁ɲí'₃, ca₂i₁bi₅₄ 'uě₃ ně₃.

ɲí₁ trompetas

⁶ Jaun₂ ně₃, le₃guion₃ ángeles i₂le₁chan'₂ ɲí₁ trompetas, ca₂jmo₃ co₂ɲɲia₅₄ a₂jéi₂ ɲí₁
quió'₅.

⁷ Jaun₂ ca₂jéi₂ jē₁le₂ uig₅₄ ángel ɲí₁ quió'₅, jaun₂ dsi₂jui₅ le₂jaun₂ ca₂séi'₂ mi₂dsí₅ quian'₅₄
míg₂ si₂tá'₃ a₂qui₂rē₂cón'₅ jmi₂, ca₂tang₂ ne₄ gua'₅₄ 'uě₃. Jaun₂ gué'₄ ca₂cáu₂ ca₂qui'₅₄
quió'₅ 'ni₅ quió'₅ gua'₅₄ 'uě₃; qui₂ca₂cáu₂ ca₂qui'₅₄ quió'₅ 'ni₅ quió'₅ ni₁'ma₂ a₂cha₂ 'ɲa₁;
qui₂ca₂cáu₂ gué'₄ ca₂le₃jé₃ nau₂ rē'₂.

⁸ Jaun₂ ca₂jéi₂ jē₁ca₂té₂ on₃ ángel ɲí₁ quió'₅, jaun₂ ca₂ɲnia₃ ɲó₃ ca₂qui'₃ a₂lé₅ lia'₂ lé₅ má'₂
ne₄ jmi₁ɲí'₄, jniá₂ chi₁guí'₂ si₂ ɲó₃. Jaun₂ ca₂lě₃ jmi₂ ca₂qui'₅₄ quió'₅ 'ni₅ quió'₅ jmi₁ɲí'₄.

* 8:3 lit. "ca₂le₃jín₃ dsa₂ ɲɲi₃."

⁹ Jaun₂ ca₂dsan₃ ca₂qui'₅₄ quió'₅ 'ni₅ jui₁lia'₂ já'₂ i₂chan₂ jmi₁ñí'₄, jaun₂ ca₂'en₃ ca₂qui'₅₄ quió'₅ 'ni₅ jui₁lia'₂ ni₁barcos ján₃.

¹⁰ Jaun₂ ca₂jéi₂ jē₁ca₂té₂ ún₂ ángel ñí₁ quió'₅, jaun₂ ca₂tá'₂ caun₂ nei₅ pa₁a chi₁guí'₂ si₂ ca₂tá'₂ guei'₅₄ dsi₂güig₂, qui₂cau₂ lia'₂ cau₂ ni₁qui₂; ca₂tá'₂ ne₄ ca₂qui'₅₄ quió'₅ 'ni₅ ca₂le₃jé₃ cuá₃, ne₄ ca₂le₃jé₃ o₄tu₁ jmi₂ né₃. ¹¹ Nei₅ jaun₂ chei₂ Nei₅† Dsi'₃. Jaun₂ ca₂lë₃ dsi'₃ ca₂qui'₅₄ quió'₅ 'ni₅ jui₁lia'₂ jmi₂ cha₂ gua'₅₄ 'uë₃. Jaun₂ ju₁n₅ lin₃ dsa₂ i₂ca₂dsan₃ ia₁ ca₂'in'₃ jmi₂ dsi'₃ jaun₂, 'uig₅₄ ia₁ a₂ca₂lë₃ dsi'₃ jmi₂.

¹² Jaun₂ ca₂jéi₂ jē₁ca₂té₂ quén₂ ángel ñí₁ quió'₅, jaun₂ ca₂i₃ba₅₄ ca₂qui'₅₄ quió'₅ 'ni₅ quió'₅ 'iog₂, ca₂qui'₅₄ quió'₅ 'ni₅ quió'₅ tsi'₂, ca₂qui'₅₄ quió'₅ 'ni₅ jui₁lia'₂ nei₅ né₃, ia₁jaun₂ néi₃ ca₂qui'₅₄ quió'₅ 'ni₅ ca₂le₃jé₃ a₂jaun₂, ia₁jaun₂ tsá₃ ma₃jnia₃ ca₂qui'₅₄ quió'₅ 'ni₅ a₂jmi₂, ján₃ bá₄ le₂jaun₂ a₂'uë₂.

¹³ Jaun₂ ca₂jág₃ jniá₂ táng₃, ca₂jñg₅₄ jan₂ i₁mig₂ i₂ñi₅ 'en₅ dsi₂güig₂, ca₂né'₂ tiá₂ jág₁ quió'₅, i₁juá'₄:

—j₁uíg₂! j₁uíg₂! j₁uíg₂ gué₄ lin₃ jui₁lia'₂ i₂chan₂ ne₄ gua'₅₄ 'uë₃, 'uig₅₄ ñí₁ trompetas a₂në₃ gué₄ dsi₃'ein₅₄ a₂jéi₂ le₃ún₂ ángeles i₂'nió'₅ gué₄ 'éi₂!

9

¹ Jaun₂ ca₂jéi₂ jē₁ca₂té₂ 'ñiá₂ ángel ñí₁ quió'₅, jaun₂ ca₂jñ₄ jniá₂ jan₂ nei₅ i₂ca₂tán'₂ guei'₅₄ i₂juí₃ ca₂té₂ gua'₅₄ 'uë₃. * Ca₂ñi₂ ñí₁ llave a₂ca₂tín₂ quió'₅ ja₁ca₂jein₃ chi₁dsio₅₄.

² Dsi₂jui₅ jme₁ca₂niá₃ 'éi₂ ja₁jaun₂, jaun₂ ca₂'ia₂ jme₁ñi₁ 'ñei₂ jui₁lia'₂ jme₁ñi₁ a₂'uë₂ tau₂ si₂ pa₁ lin₃ ja₁jme₂jmag₂ dsa₂ ni₁ñí₁. Jaun₂ co₂dsia₅ ca₂lë₃ qui₁né'₃ 'iog₂, dsi₄ mi₂güig₃ né₃ quian'₅₄ jme₁ñi₁ a₂ca₂'ia₂ ja₁jaun₂. ³ Jē₄ jme₁ñi₁ jaun₂ ca₂'uin₂ i₁ni'₂ ca₂i₁nioi₁₂ tsi₁co₂jé'₂ 'uë₃. I₁ni'₂ 'éi₂, ca₂ñi₂ bí₂ a₂lín₅ jui₁lia'₂ lín₅ i₁'né₅ i₂chan₂ gua'₅₄ 'uë₃. ⁴ Jaun₂ ca₂ñi₂ 'éi'₃ a₂tsá₃ dain₅₄ jmo₃ jui₁lia'₂ 'au₂ a₂cha₂ gua'₅₄ 'uë₃, on₃ gué'₂ 'i₁caun₂ a₂rë'₂ jui₁lia'₂ mog'₅₄ 'ma₂ a₂cha₂ né₃. Bí₂ jaun₂ bá₄ ca₂ñi₂, a₂jmo₃ dain₅₄ jmá'₃ lia'₂ dsa₂ i₂tsá₃ léi₄ quió'₅ Diú₄ le₁quian₅ chi₁quí₃. ⁵ La₁ tsá₃ 'éi'₃ jaun₂ ca₂ñi₂ jua'₅₄ a₂co₂dsia₅ jme₃dsiain₂₃ dsa₂; a₂jñia'₅₄ con'₂ 'ë₃ jmi₁uig₅ ca₂lia'₂ ca₂dsin₃ 'ñiá₂ tsi'₂. Uig₅ a₂cuë₂₃ jaun₂ lé₅ lia'₂ lé₅ caun₂ uig₅ qui'₂ jui₁lia'₂ ja₁'í₅ i₁'né₅ quió'₅ dsa₂. ⁶ Jmi₂g₄ jaun₂ qui₃'no'₂ dsa₂ 'mú₃, la₁ tsá₃ a₁jaun₂ dsio'₂. 'ín₅ dsí₅ jua'₅₄ dsiáin₃ bá₄ co₂ñei'₅₄, la₁ 'mú₃ né₃, cuíng₃ ja₁coin₂.

⁷ I₁ni'₂ 'éi₂ né₃, jme₁lín₄ lia'₂ lín₅ dsi₂cu₁ i₂lé₅ co₂jñia₅₄ dsi₃lén₂ ne₄ 'nei₂. Mi₂dsi₅₄ gué'₂ né₃ jme₁le₁quian₅ a₂lé₅ lia'₂ lé₅ coronas a₂lé₅ cu₄nióg₄. Dsi₂ne₄ gué'₂ jme₁lé₄ lia'₂ lé₅ dsi₂ne₄ dsa₂ mi₂güig₃. ⁸ Jñi₂ dsi₅₄ gué'₂ né₃, jme₁lé₄ lia'₂ lé₅ jñi₂ dsi₄ dsa₂ mí₂. Mi₂jan₅₄ gué'₂ jme₁lé₄ lia'₂ lé₅ mi₂jan₅₄ 'ia'₂ león. ⁹ Guion₅₄ gué'₂ já'₂ qui₂rë₂lióin₃ rë₂, lé₅ 'í₁ quian'₅₄ a₂lé₅ lia'₂ lé₅ ni₁ñí₁. Mi₅₄ a₂tó'₅ tsi₁rë₂cu₅ jē₁ma₂'ín₂ né₃, jme₁lé₄ jui₁lia'₂ lé₅ mi₅₄ a₂tó'₅ 'líong₂ ñí₁ carretas a₂'ín₅ dsi₂cu₁ co₂'ei₅ ne₄ 'nei₂. ¹⁰ Ne₁con₅ a₂le₁dsi₅₄ gué'₂ né₃, jme₁lé₄ jui₁lia'₂ lé₅ ne₁con₅ i₁'né₅ le₁dsi₅₄ táun₂. Jui₅ nei'₅₄ con₅ jaun₂, 'io₅ bí₂ a₂le₃jmái'₂ dain₅₄ dsa₂, con'₂ 'ñiá₂ tsi'₂. ¹¹ Ne₄ i₁ni'₂ 'éi₂ jme₁gon₂ jan₂ rag₅₄, i₂lín₅ ángel i₂nio₅ ne₄ ja₁ca₂jein₃ chi₁dsio₅₄. Jme₁chein₂ Abadón quian'₅₄ jág₁ jmei₅ hebreo. Le₃quian'₅₄ jág₁ jmei₅ griego gué'₂, chein₂ Apolión, co₂'nió'₄ i₂té'₂ i₂qui₂'én₂.

¹² Le₂'uig₅₄ jmi₁uig₅ ma₂ca₂ñag₅; la₁ 'ei₅ gué₄ con'₂ gué₄ tin₃, a₂në₅ gué₄ ñág₃ dsa₂.

¹³ Jaun₂ ca₂jéi₂ jē₁ca₂té₂ jñé₂ ángel ñí₁ quió'₅. Jaun₂ ca₂ñag₃ jág₁ a₂'ia₂ jē₄ ta₁quén₂ gua₄ a₂le₁dsi₅₄ ne₄chei₂ a₂lé₅ cu₄nióg₄ a₂chí'₅ ne₄ Diú₄. ¹⁴ Ca₂juá'₂ ca₂tsí'₃ ángel i₂jē₁ca₂té₂ jñé₂ 'éi₂, i₂chan'₂ ñí₁ trompeta, ca₂juá'₂:

—'Uin'₅₄ le₃quén₂ ángeles i₂le₁'ñe'₅₄ cau₅ cuá₃ jué'₂ Eufrates.

† 8:11 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. * 9:1 'Nio'₂ ja₁ton₅ Isaías 14:12-15; Lucas 10:18; Apocalipsis 12:9.

¹⁵ Jaun₂ qui₂ca₂'uin'₂ le₃quén₂ ángeles 'éi₂ i₂jme₁lé₄ 'í₁ o₄quió'₄ hora la₂, jmi_g₄ nē₃, tsi'₂ la₂, ŋi₂ la₂ nē₃, i₂jme₁lé₄ co₂ŋia₅₄ ia₁jaun₂ i₂jme₁dsiain₂₃ ca₂qui'₅₄ quió'₅ 'ni₅ jui₁lia'₂ dsa₂ mi₂güig₃. ¹⁶ Jmá'₃ lia'₂ 'lióg₂ i₂co₁dsin₅₄ cua₁, tén₅ tñ₃ 'ñiá₂-lón₂ millón. Ca₂nag₃ bá₄ jniá₂ 'a₂ con'₂ téin₅ lé₂.

¹⁷ Le₂nē₅ bá₄ ca₂jág₃ a₂lē₁ca₂jág₃ jaun₂, qui₂ca₂jing₅₄ cua₁ quian'₅₄ dsa₂ i₂co₁dsag₅₄ 'éi₂. Le₁lióg₃ le₁dsí₅ dsa₂ jma₃cáun₃ a₂lé₅ 'í₁ a₂jniá₂ guéin₂, a₂lian₂, quian'₅₄ guē'₂ a₂nióg₂ lia'₂ nióg₂ azufre. Mi₂dsi₄ dsi₂cua₁ guē'₂ nē₃, jniá₂ lia'₂ jniá₂ mi₂dsi₄ 'ia'₂ león. Jui₅ mi₂'o₅₄ guē'₂ nē₃ 'ia₂ si₂, 'ia₂ jme₁ŋi₁, azufre nē₃. ¹⁸ Jaun₂ ca₂dsan₃ ca₂qui'₅₄ quió'₅ 'ni₅ jui₁lia'₂ dsa₂ mi₂güig₃ quian'₅₄ 'ni₅ jmi₁uig₅ a₂qui₂ca₂'uē₂ mi₂'o₄ dsi₂cua₁ 'éi₂: a₂lé₅ si₂, jme₁ŋi₁, quian'₅₄ azufre nē₃. ¹⁹ Ia₁ bí₂ a₂jme₁le₁quian₅ dsi₂cua₁ jme₁'io₂₃ jui₅ mi₂'o₅₄ quian'₅₄ jui₅ ne₁con₅ nē₃. Ia₁ jme₁lé₄ nei'₅₄ con₅ 'éi₂ lia'₂ lín₅ dsi₂mi'₂, a₂qui₂le₁dsi₅₄ mi₂dsi₅₄. Quian'₅₄ a₂jaun₂ jmo₂₃ dain₅₄.

²⁰ Dsa₂ i₂ca₂chón₂, i₂tsá₃ ca₂dsan₃ quian'₅₄ jmi₁uig₅ a₂qui₂ca₂lē₃ jaun₂, tsá₃ jua'₅₄ jaun₂ qui₂ca₂tí₂ 'e₂ jmo₅-dsá₅ gu₂-tag₅₄, jua'₅₄ a₂tsá₃ ma₃chi₂lén'₂ je₂na'₅₄, on₃ guē'₂ qui₂ca₂tí₂ a₂tsá₃ ma₃jme₂juiin'₂ diú₄ lag₄ i₂lín₅ quian'₅₄ cu₄nióg₄ quian'₅₄ cu₄tio_g₂, quian'₅₄ ni₁ŋí₁ nióg₂, quian'₅₄ ni₁cang₁, quian'₅₄ ni₁'ma₂ nē₃; on₃ i₂lé₂ ŋi₃, on₃ i₂lé₂ dsia₃ jág₁, on₃ i₂lé₂ jág₃, on₃ guē'₂ lé₂ nag₃ nē₃. ²¹ On₃ guē'₂ qui₂ca₂tí₂ jua'₅₄ a₂tsá₃ ma₃jme₃dsiain₂₃ dsa₂ mi₂güig₃ riin'₅₄, on₃ guē'₂ qui₂ca₂tí₂ ta₁ a₂jme₁jmo₂₃ mí₅ a₂chan₂ dsí₅.† On₃ guē'₂ qui₂ca₂tí₂ jua'₅₄ tsá₃ ma₃nió'₅ jág₁ a₂tsá₃ dsi₂ten₅₄ nió'₃, on₃ guē'₂ qui₂ca₂tí₂ jua'₅₄ a₂tsá₃ ma₃'ang₃ nē₃.

10

Mi₂si₂ pí'₁ rē₂bin₅

¹ Jaun₂ ca₂jing₅₄ táng₃ jan₂ ángel sián'₂, i₂'uan'₂ lín₃, ca₂jniai₃ já₅ ca₂sióin₃ guei'₅₄ i₂juig₃, rē₂lióin₃ jnei₅ rē₂lag₄ lí₁ lia'₂ jniá₂ mi₂jó'₅₄ si₂ mi₂dsi₅₄. Jme₁tág₅ dsi₂ne₅₄ lia'₂ tág₅ 'iog₂; mi₂tag₅₄ guē'₂ nē₃, jme₁lé₄ lia'₂ lé₅ tag₄ dsi₅ ni₁'ia'₂, a₂tág₅ si₂. ² Jme₁chi₁chan'₂ caun₂ mi₂si₂ pí'₁ a₂rē₂bin₅, a₂rē₂na₄. Jaun₂ ca₂chi'₃ mi₂tag₅₄ ne₁ ne₄ jmi₁ŋí'₄, tag₅₄ jen₅ guē'₂ ca₂chi'₃ ne₄ 'uē₃. ³ Jaun₂ ca₂guió'₃ tiá₂, lia'₂ jē₁'ñióg₁ 'ia'₂ león. Jaun₂ dsi₂jui₅ jme₁ca₂guió'₃, ca₂quia'₂ ta₁guio₃ ŋí'₃, qui₂ca₂'uē'₃ jág₁ quió'₅. ⁴ Jme₁ma₂nē₂dsia₃ jág₁ ta₁guio₃ ŋí'₃, jaun₂ guē'₄ jme₁ma₂taun₅₄ ne₄ si₂. La₁ ca₂nē'₂ jág₁ a₂já₃ guei'₅₄ i₂juig₃, ca₂juá'₂ tság₅ jniá₂:

—'Ma₄ jág₁ a₂nē₂juá'₂ guio₃ ŋí'₃ nē₅, 'a₃ lē₁taun₂ de'₂ ne₄ si₂.

⁵ Jaun₂ ángel i₂ca₂jing₅₄, i₂chén'₅ chí'₅ caun₂ tag₅₄ ne₄ jmi₁ŋí'₄ caun₂ guē'₂ tag₅₄ ne₄ 'uē₃, ca₂chóg'₃ gu₂ ne₁ jui₅ guei'₅₄ i₂juig₃. ⁶ Jaun₂ ca₂juá'₂ ca₂'iin₃ i₂chan₂ co₂tan₅₄, i₂ca₂jmo₃ ca₂dsia₃ mi₂güig₃, quian'₅₄ ca₂le₃jé₃ a₂tio'₅₄ ja₁jaun₂, i₂ca₂jmo₃ guei'₅₄ mi₂güig₃ quian'₅₄ ca₂le₃jé₃ a₂tio'₅₄ ja₁jaun₂, i₂ca₂jmo₃ jmi₁ŋí'₄, quian'₅₄ ca₂le₃jé₃ a₂tio'₅₄ ja₁jaun₂; ca₂juá'₂:

—Tsá₃ ma₂uē₂ le₃'ag₄. ⁷ La₁ jē₁ma₂té₂ jmi_g₄ jē₁ma₂ca₂jéi₂ ángel i₂ca₂té₂ guion₃ 'éi₂ ŋí₁ trompeta quió'₅, jmi_g₄ jaun₂ dé₄ dsón'₂ le₃ti₃ jág₁ a₂rē₂'ma₄ quió'₅ Diú₄, a₂ca₂'é₂ ne₄ dsa₂ i₂jme₁'é₂ jág₁ quiáin₅, i₂ca₂jme₃ti₃ ta₁ ne₅₄.

⁸ Jaun₂ jág₁ a₂ca₂nag₃ a₂já₅ guei'₅₄ i₂juig₃ jaun₂, ca₂juá'₂ táng₃ ca₂tság₃ jniá₂:

—Gua₂, o₂quian₂ mi₂si₂ pí'₁ a₂rē₂na₄ a₂chi₁chan'₂ ángel i₂chén'₅ ne₄ jmi₁ŋí'₄, ne₄ gua'₅₄ 'uē₃.

⁹ Jaun₂ ŋó₃ jniá₂ ja₁chén'₄ ángel, jaun₂ ca₂juig₂ jniá₂ a₂cuē₃ mi₂si₂ pí'₁. Jaun₂ ca₂juá'₂ 'éi₂ ca₂tság₃ jniá₂:

—Ján'₅, tio'₂ mi₂'o'₅₄ co₂dsia₅ jme₁dsia₂ qué'₂. A₂jma₂ rau₂ bá₄ nē₅, la₁ jē₁ma₂dsióg₃ tē₂'au'₂, le₃dsi'₃ bá₄.

¹⁰ Jaun₂ ca₂tíng₂ si₂ a₂ca₂cuē₃ ángel 'éi₂. Jaun₂ ca₂tó'₃ mi₂'o₃. Dsón'₂ bá₄ ráu₂ 'ñio₅ lín₃, lé₅ lia'₂ lé₅ jmi₁tá'₄. La₁ jme₁ma₂nē₂nág'₃ jniá₂ nē₃, ca₂rē₃léi₄ 'e₂ bá₄ dsi'₃ ca₂dsióg₃ tē₂dsi₃.

¹¹ Jaun₂ ca₂juá'₂ ca₂tság₃ jniá₂:

† 9:21 griego: farmakeía.

—Tion₅₄ 'nió'₅ o₁'é'₃ bá₄ táng₃ 'ne₂ jág₁ ne₄ ca₂le₃jín₃ ne₅₄ dsa₂, ne₄ 'líong₂ juig₂, ne₄ 'líong₂ jág₁ jmei₅, ne₄ juin₅ rag₅₄ né₃.

11

Le₃on₃ dsa₂ i₂jáng'₅ jág₁ dsau₅

¹Jaun₂ ca₂hig₂ ca₂'nau₅₄ 'ma₂ta₅ a₂lé₅ lia'₂ lé₅ ni₁'ma₂ a₂quiog₂ dsa₂ 'éi'₃. Jaun₂ ca₂nag₃ ca₂juá'₂:

—Nau₂, o₂quiog₂ 'éi'₃ quió'₅ guá'₅ quió'₅ Diú₄, o₂quiog₂ 'éi'₃ ne₄chei₂ né₃. O₁'én₁ dsa₂ i₂tón'₅ jme₂juin'₂ Diú₄ ja₁jaun₂. ²Tsá₃ cán'₁ 'éi'₃ i₁dsi₅ guá'₅ a₂lé₅ le₃ca₁'né₄, ia₁ a₂ma₂lé₅ quió'₅ dsi₂nau₂ bá₄ ja₁jaun₂; jaun₂ 'éi₂ bá₄ dsa₂ i₂qui₃tsó'₃ ta₁caun₂ juig₂ jñi₅ jaun₂ con'₂ ca₂dsin₃ tē₂láu₃-tin₃ tsi'₂. ³Tsin₅₄ bá₄ jniá₂ on₃ dsa₂ i₂jáng'₅ jág₁ dsau₅ o₄quió₃, a₂qui₃'é₂ jág₁ caun₂ mei₅ rē₂dsí₂ tin₃ 'ñiá₂-láu₂ rē₂dsí₂ 'nag'₂ ne₂guióg₂ (1260) jmig₄, le₁qui'₂ 'mi'₂ lia'₂ jui₁lia'₂ a₂quí'₅ dsa₂ ja₁ron₅ 'lag₄.

⁴Co₂'nió'₄ dsa₂ on₃ i₂jáng'₅ jág₁ dsau₅, lé₅ co₂'nió'₄ tin₃ ni₁'ma₂ olivos, quian'₅₄ gué'₂ tin₃ tag₄ ja₁le₁gui'₂ si₂, a₂tióng₂ ne₄ Te₁gui'₅₄ i₂lín₅ juig₅₄ gua'₅₄ 'uē₃. ⁵Nē₁jua'₂ 'ein₂ 'nio₃ jmóg'₂ dain₅₄, la₁ quian'₅₄ si₂ a₂'uē'₅ 'o₄ bá₄ 'éi₂ co₂dsia₅ dság'₂ dsiin'₂ ca₂le₃jín₃ i₂'iog₅₄. Jaun₂ le₂nē₅ bá₄ ca₂tín₂ dsián₃ jui₁lia'₂ i₂'nio₃ jmá'₂ dain₅₄ 'éi₂. ⁶I₂jáng'₅ jág₁ dsau₅ 'éi₂ né₃ 'io₃ bí₂ a₂lé₂ jnéi₂ guei'₅₄ mi₂güig₃ ia₁jaun₂ tsá₃ ma₃lé₂ téin₃ jmí₅ ca₂le₃jé₃ jmig₄ tē₁lia'₂ tē₂i₃nioi₅₄ qui₃'é₂ jág₁ o₄quió'₄ Diú₄. Jaun₂ 'io₃ bí₂ ján₃ a₂lé₂ le₃jmo₃ lé₂ jmi₂ jui₁lia'₂ jmig₂, a₂lé₂ qui₃cuē₃ ca₂le₃jé₃ ne₅₄ jmi₁uig₅ ne₄ gua'₅₄ 'uē₃ i₂gú'₃ ráun₂ 'a₂ con'₂ jñia'₅₄ 'nio₃. ⁷La₁ jē₁ma₂dsan₃ ta₁ quió'₅ 'éi₂ né₃ a₂qui₃jáng'₃ jág₁ dsau₅, jaun₂ gué'₄ o₃'in₅ Já'₂ 'Lin'₅₄ * ja₁ca₂jein₃ chi₁dsio₅₄. 'Éi₂ gué'₄ cuē₃, jo₅₄, jme₃dsiog₂₃. ⁸Jē₄ calle juig₂ dsen₅₄ jaun₂, le₁gain'₅₄ le₁'iin₁₂ lé₂, co₂'nió'₄ ja₁chei₂ quian'₅₄ jág₁ jáng'₅ léi₄, Sodoma quian'₅₄ Egipto, ján₃ bá₄ ja₁ca₂tion₃ dsa₂ cróg₄ Te₁gui'₅₄ quiáin₅.† ⁹Con'₂ 'ni₅ jmig₄ rē₂tón₂ con'₂ dsi₃ñí'₃, ca₂le₃jín₃ dsa₂ chan₂ le₂con₂ juig₂, ca₂le₃jín₃ ne₅₄ dsa₂, ca₂le₃jé₃ ne₅₄ jag₄ dsa₂, jág₃ jiin₂ 'lag₄ 'éi₂. La₁ tsá₃ 'ein₂ ñe₂ jmig₄ jua'₅₄ a₂dsi₃'ó₃. ¹⁰Ca₂le₃jín₃ dsa₂ i₂chan₂ gué'₄ gua'₅₄ 'uē₃, 'ñio₅ tóin'₃ jmo₃ 'io'₂ o₄quió'₄ 'éi₂, jmo₃ jmig₄ a₂cha₂ qui₂dsi₃can₅ cué'₃ riin'₅₄. Ia₁ dsa₂ on₃ quián₅ Diú₄ i₂ca₂dsan₃ 'éi₂, 'ñio₅ lín₃ jme₁le₁quian₅ jmi₁uig₅ ja₁con₂ dsa₂ i₂chan₂ gua'₅₄ 'uē₃. ¹¹La₁ jme₁ca₂dsin₃ 'ni₅ jmig₄ tón₂ con'₂ dsi₃ñí'₃ jaun₂, Diú₄ né₃ ca₂tó'₂ táng₃ jme₂dsí₂ quió'₅ dsa₂ 'éi₂, jaun₂ qui₂ca₂nau₂ táng₃. Jaun₂ ca₂i₃gó'₃ dsí₅ 'ñio₅ lín₃ dsa₂ i₂ca₂jág₂.

¹²Jaun₂ qui₂ca₂nág₂ jág₁ tiá₂ a₂já₅ jui₅ guei'₅₄ i₂juíg₃ a₂ca₂juá'₂:

—I₂nó'₅ 'nia'₂ guei'₅₄ la₂.

Jaun₂ ca₂i₃lén₂ jui₅ guei'₅₄ i₂juíg₃ rē₂lióin₃ jnei₅, tē₃ jág₅ jaun₂ dsa₂ i₂jme₁'iog₅₄. ¹³Hora jaun₂ dé₄ ca₂i₁bi₅₄ 'uē₃ tiá₂ lín₃. Jaun₂ qui₂ca₂gon₃ ca₂qui'₅₄ quió'₅ gua₃ juig₂ ciudad. Guio₃ mei₅ dsa₂ i₂ca₂dsan₃ jme₁ca₂jé'₂ 'uē₃. Dsa₂ i₂ca₂chón₃ gué'₄ né₃, qui₂ca₂can₃ jué'₅ dsí₅ 'ñio₅ lín₃. Ca₂jme₃juin'₂ Diú₄ i₂guá₅ guei'₅₄ i₂juíg₃.

¹⁴Jaun₂ co₂nē₅ ca₂lē₃ jē₁ca₂té₂ tin₃ jmi₁uig₅ a₂ca₂i₃ñí₂ dsa₂ jaun₂. La₁ ñi'₅₄ ta₁ jiá₃ táng₃ jē₁ca₂té₂ 'ni₅.

Jē₁ca₂té₂ guio₃ trompeta

¹⁵Jaun₂ ca₂jéi₂ táng₃ jē₁ca₂té₂ guion₃ ángel ñí₁ quió'₅, jaun₂ qui₂ca₂né'₂ jág₁ guei'₅₄ i₂juíg₃ qui₂i₁juá'₄ tiá₂ lín₃:

Ja₁gon₂ dsa₂ mi₂güig₃ ne₄ gua'₅₄ 'uē₃,

ma₂ca₂lē₃ ja₁gon₂ Te₁gui'₅₄ quián₂ jniog₄,

ja₂gon₂ dsa₂ i₂rē₂'ín₁ quiáin₅ né₃.

* 11:7 'í₂ Apocalipsis 13; 'Nio'₂ ja₁ton₅ Apocalipsis 20:2-3 ján₃. † 11:8 A₂lín₅₄ chog₅₄ si₂: "Te₁gui'₅₄ quián₂."

Jaun₂ 'éi₂ bá₄ i₂gon₃ ca₂lia'₂ co₂tan₅₄.

¹⁶Jaun₂ ta₁guión₂-quén₂ i₂lín₅ dsa₂ can'₅₄ i₂tián'₅ ne₄ta₁ quió'₅ ne₄ Diú₄, qui₂ca₂tóin₂ tē₂ 'uē₃ rē₂'éin₂ co₂ñei'₅₄, ca₂jme₃juin'₂ Diú₄, ¹⁷qui₂ca₂juá'₂:

Cuē₂jnia'₅₄ ti₁'mag'₄ 'ne₂,

Te₁gui'₅₄ Diú₄ i₂'Uan'₂ gué₄ lín₃,

'ne₂ bá₄ i₂lín'₅, 'ne₂ i₂jme₁lín'₄, ‡

ia₁ ma₂ca₂jme₁'ñi₀'₂ 'ne₂ bí₂juē'₂ quiáng'₂,

ma₂ca₂jme₁lióg'₄ gong'₂.

¹⁸Jme₁qui₂nau₂ 'nei₂ juig₂ gua'₅₄ 'uē₃,

la₁ nē₃ gué₄ já₅ 'nei₂ a₂'i₄ 'au'₂,

ia₁ ma₂ca₂té₂ jmi_g₄ a₂qui₁dsi'₂ 'éi'₃ ja₁con₂ 'lag₄.

Ton'₂ ca₂té₂ jmi_g₄ ja₁qui'₅₄ 'lian'₅₄ dsa₂ quiáng'₂

i₂ca₂jme₃ti₃ ta₁ ne'₅₄

i₂qui₂ma₂'é₂ jág₁ quiáng'₂.

Le₂jaun₂ guē'₂ i₂jme₂go₃ 'a₂ lia'₂ lín'₅ 'ne₂

lia'₂ dsa₂ can'₅₄, lia'₂ dsa₂ me'₂.

Ján₃ guē'₂ ca₂té₂ jmi_g₄ a₂'éng'₄

jui₁lia'₂ i₂qui₂'én₂ ne₄ gua'₅₄ 'uē₃.

¹⁹Jaun₂ gué₄ ca₂niá₃ dsi₂néi₂ guá'₅ quió'₅ Diú₄ guei'₅₄ i₂juíg₃. Ca₂jnia₃ tsi₁gu₅ quió'₅ jág₁ a₂li'₅₄ quián'₅₄ Diú₄ dsi₂néi₂ guá'₅ quió'₅. Tē₃jē₄ jaun₂ qui₂ca₂lē₃ si₁ñí'₃, qui₂ca₂né₂ jág₁, qui₂ca₂quia'₂ ñí'₃, qui₂ca₂i₁bi₅₄ 'uē₃, qui₂ca₂séi'₂ dsi'₅ ca'₅₄.

12

*Jan*₂ dsa₂ mí₂ quián'₅₄ cua₁ dragón

¹Jaun₂ ca₂jnia₃ guei'₅₄ i₂juíg₃ caun₂ léi₄ juē'₂ a₂dsi₃gó'₃ dsi₅: jan₂ 'io₅₄ i₂rē₂lión₃ co₂tág₅ lia'₂ jniá₂ 'iog₂. Le₃né₃ ja₁chéin'₄ ton₅ tsi'₂. Caun₂ guē'₂ corona 'i₄ dsi₅₄, le₁ton₅ guia₃-tín₂ nei₅, ²'io₅₄ 'éi₂ quiain₂₃ guein₂, a₂guió'₅ co₂mi'₅₄ a₂chain₂ uig₅ a₂le₃chan₂ guein₂. ³Jaun₂ gué₄ ca₂jnia₃ léi₄ siá'₂ táng₃ guei'₅₄ i₂juíg₃: jan₂ cua₁ dragón* guén₂ i₂pan₅₄ lín₃ i₂quian₅ guio₃ mi₂dsi₄ quián'₅₄ guia₃ mi₂juí₁. Jma₃cáun₃ corona tio'₅₄ lia'₂ ca₂míg₂ mi₂dsi₅₄.

⁴Quián'₅₄ ne₁con₅ já'₂ 'éi₂ qui₂ca₂tsé'₃ ca₂qui'₅₄ quió'₅ 'ni₅ jui₁lia'₂ nei₅ i₂jme₁le₁'ín₄ guei'₅₄, jaun₂ qui₂ca₂guian'₃ ne₄ gua'₅₄ 'uē₃. Jaun₂ ca₂nau₂ cua₁ dragón ne₄ 'io₅₄ i₂jē₁ca₂rē₃chán₃ guein₂, ia₁jaun₂ quiin'₂ guein₂ dsi₂jui₅ jē₁ma₂ca₂rē₃chán₃. ⁵Ca₂rē₃chán₃ rē'₂ guein₂ quiáin₅, jan₂ guein₂ dsa₂ ñe'₂ i₂'i₄ 'éi'₃ gon₃ ne₄ ca₂le₃jé₃ juig₂ quián'₅₄ 'ma₂'i'₅₄ a₂lé₅ ni₁ñí₁ 'ua'₂. † Jaun₂ ca₂jñia'₃ bá₄ guein₂ 'éi₂ ca₂tág₃ Diú₄ i₃guá₃ ne₄ta₁ quió'₅. ⁶Jaun₂ ca₂cuing₃ 'io₅₄ jui₅ 'uē₃ quein₂ co₂'ñiog₅ ja₁ma₂lé₅ co₂jñia₅₄ quió'₅ Diú₄, ia₁jaun₂ le₃tain₅₄ ca₂lia'₂ ca₂dsin₃ caun₂ mei₅ rē₂tón₂ tin₃ 'ñiá₂-láu₂ rē₂dsí₂ 'nag'₂ ne₂guióg₂ (1260) jmi_g₄.

⁷Jaun₂ ca₂lē₃ 'nei₂ guei'₅₄ i₂juíg₃: ca₂jmo₃ 'nei₂ Mi₂gue₅₄ quiain'₅₄ ángeles quiáin₅, ca₂quiín'₂ ca₂cué'₃ cua₁ dragón. Ján₃ guē'₂ le₂jaun₂ ca₂jéin'₃ dragón quiain'₅₄ ángeles quiáin₅. ⁸La₁ tsá₃ ca₂tió'₃, jaun₂ tsá₃ ma₃ja₁ca₂rē₃chá₃ gué₄ ja₁cuin₅ jmi_g₄ tóin'₃ guei'₅₄ i₂juíg₃. ⁹Jaun₂ ja₁jaun₂ ca₂jñia'₃ cau₅ dragón juin'₂ 'éi₂, dsi₂mi'₂ gui'₅₄ i₂jme₁chan₂ ma₂líg'₂, i₂té'₂ i₂sē₃dsen₃, i₂chen₂ Satanás né₃, i₂jme₂gan₅ dsa₂ ta₁caun₂ mi₂güí_g₃. Ca₂i₃gain'₅₄ ca₂tē₂ gua'₅₄ 'uē₃, lia'₂ jma₃quiain'₅₄ ángeles quiáin₅. ‡

¹⁰Jaun₂ ca₂né₂ jág₁ tiá₂ guei'₅₄ i₂juíg₃, i₁juá'₄:

Nē₃ gué₄ ca₂té₂ jmi_g₄ quió'₅ Diú₄ a₂lión₂ dsa₂,

ca₂dsió_g₃ jmi_g₄ ja₁lé₂ jui₅bí₂ 'éi'₃ quió'₅ Diú₄ quián₂

‡ 11:17 A₂lín₅₄ chog₅₄ si₂ juá'₂ ján₃: “ne₂ bá₄ i₂lén'₂ ján₃.” * 12:3 griego: drakón (dsi₂mi'₂).

† 12:5 'Nio'₂ ja₁ton₅ Salmo 2:9. ‡ 12:9 'Nio'₂ ja₁ton₅ Isaías 14:12-15; Lucas 10:18; Apocalipsis 9:1.

a₂gon₂ 'éi₂ quiain'₅₄ I₂rë₂ 'ín₁ quiáin₅.
Ia₁ ca₂guiain'₃ 'uë₃ i₂jme₁bóg'₂ dso₄ quió'₅ rin'₅₄ jniog₄
le₃ne₄ Diú₄ lia'₂ 'uë₂-jmi₂.

¹¹ Ca₂tió'₃ bá₄ 'éi₂
të₂le₃ quian'₅₄ jmi₂ 'an₅₄ Guein₂ Já'₂ Cha'₂,
të₂le₃ quian'₅₄ jág₁ dsau₅ né₃,
a₂ma₂qui₂ma₂jáng'₃ 'éi₂;

ia₁ tsá₃ ca₂dsán₃ dsí₅ jme₂dsí₂ quió'₅
o₁jñia'₅₄ ca₂dsain₃.

¹² Jaun₂ lë₃, 'io'₂ jmo₄ 'nia'₂ i₂juíg₃,
quian'₅₄ guë'₂ 'nia'₂ i₂tián'₅ ja₁jaun₂.

¡La₁ 'e₂ guë'₄ juíg₂ jui₁lia'₂ i₂chan₂ gua'₅₄ 'uë₃,
quian'₅₄ guë'₂ i₂chan₂ né₃ jmi₁ñí'₄!

Ia₁ ma₂sión₃ i₂së₃dsen₃ ja₁con'₂ 'nia'₂;
ma₂'i₄ 'nei₂ dsí₅, ia₁ ma₂ñi₅ rë₂ bá₄,
ca₂juig₄ jmá'₅ jmi₄ cha₂ guë'₄ quió'₅.

¹³ Jme₁ca₂rë₃lí'₄ dragón a₂ma₂ñó₅ jui₅ gua'₅₄ 'uë₃, jaun₂ 'éi₂ né₃ ca₂'ein₃ 'io₅₄
i₂ca₂rë₃chán₃ guein₂ dsa₂ ñe'₂ quián₅. ¹⁴ La₁ 'io₅₄ 'éi₂ né₃, ca₂ñii₂ tsi₁rë₂cu₅ ca₁ca'₅₄ a₂lé₅
lia'₂ lé₅ tsi₁rë₂cu₅ i₁mig₂, ia₁jaun₂ 'iin₃ jui₅ ja₁quió'₄, ja₁lé₄ 'uë₃ quein₂ co₂'ñiog₅, ja₁lé₄ 'í₁
'ni₅ ñi₂ tē₂ ca₂jau₅₄ le₃ne₄ dsi₂mi'₂. ¹⁵ Jaun₂ ca₂'uë'₃ dsi₂mi'₂ jmi₂ o₅₄, nē₂jag₄
bá₄ caun₂ cuá₃ juë'₂, ia₁jaun₂ dsi₃ñi₃ 'io₅₄ 'éi₂ quian'₅₄ jmi₂. ¹⁶ La₁ ca₂jme₃'o₅₄ gua'₅₄
'uë₃, ca₂jme₃'oin₅₄ 'io₅₄, ca₂niá₃ 'uë₃ ca₂nág'₃ jmi₂ cuá₃ jaun₂ a₂ca₂'uë'₃ dragón jui₅
mi₂'o₅₄. ¹⁷ Jaun₂ ca₂rë₃'né₃ dragón le₃ja₁con₂ 'io₅₄, jaun₂ ñei₅₄ i₁quiin'₅₄ quiain'₅₄ tsi₁jon₂
i₂ca₂chón₃ quián₅ 'io₅₄, co₂'nió'₄ i₂jme₂ti₃ 'éi'₃ quió'₅ Diú₄ i₂le₁quian₅ jág₁ dsau₅ quió'₅ Jesús
né₃.

¹⁸ Jaun₂ ca₂nau₂ 'éi₂ chei'₅₄ jmi₁ñí'₄. §

13

Le₃on₃ Já'₂ 'Lin'₅₄

¹ Jaun₂ ca₂jág₃ ca₂'ñio₂ ne₄ jmi₁ñí'₄ jan₂ já'₂ i₂jniá₂ gau₂ jmá'₅, i₂le₁dsi₅₄ guio₃ mi₂dsi₄,
guia₃ guë'₂ mi₂juí₁. Ne₄ mi₂juí₁ né₃, jme₁le₁dsi₅₄ guia₃ coronas. Ne₄ mi₂dsi₅₄ né₃,
jme₁le₁ton₅ jág₁ lia'₂ chein₂ a₂jmo₂₃ a₂lín₅ Diú₄. ² Jme₁lín₄ já'₂ i₂ca₂jñg₅₄ 'éi₂ lia'₂ lín₅
dsi₂'ia'₂ leopardo. Le₁dsi₅₄ mi₂tag₅₄ lia'₂ lé₅ gu₂-tag₄ oso. Mi₂'o₅₄ guë'₂ lé₅ lia'₂ lé₅ mi₂'o₄
'ia'₂ león. Ca₂cuë₃ dragón jui₅bí₂ ca₂cuë'₃ já'₂ 'éi₂ lia'₂ jma₃quian'₅₄ ne₄ta₁ quió'₅ né₃,
a₂qui₃dsi₂₃ 'éi'₃ a₂'uain'₂ lín₃. ³ Ca₂míg₂ mi₂dsi₄ Já'₂ 'Lin'₅₄ 'éi₂, lé₅ lia'₂ lé₅ a₂rë₂cuí'₃ 'ñio₅
lín₃, lé₅ nē₂jag₄ bá₄ a₂chain₂ join₅₄. La₁ia₁ ca₂'láu₂ bá₄. Ta₁caun₂ mi₂güig₃ bá₄ ca₂i₃gó'₃ dsí₅
dsa₂, ca₂'ein₃ Já'₂ 'Lin'₅₄ 'éi₂. ⁴ Jaun₂ ca₂jme₃juag'₂ dsa₂ ca₂jme₃juiin'₂ dragón, ia₁ ca₂cuë₃
'éi'₃ ca₂cuë'₃ Já'₂ 'Lin'₅₄. Ca₂jme₃juiin'₂ Já'₂ 'Lin'₅₄ né₃, qui₂ca₂juá'₂ ca₂tóin'₂:

—¿Ein₂ chan₂ i₂lín₅ lia'₂ lín₅ i₂nē₅? —'iin₂₃ Já'₂ 'Lin'₅₄ 'éi₂—. ¿Ein₂ bá₄ tió'₅ jmo₃ 'nei₂
ja₁coin₂?

⁵ Ján₃ bá₄ ca₂ñii₂ jág₁ a₂le₃róin₂ a₂qui₃jmo₃ a₂lín₅ Diú₄; ca₂ñii₂ bí₂ né₃ a₂qui₃dsi₂₃ 'éi'₃
con'₂ tē₂láu₃-tín₃ tsi'₂. ⁶ Jaun₂ ca₂jáin₃ mi₂'o₅₄, ca₂ton₃ 'lig'₅₄ le₃quió'₅ Diú₄. Ca₂ton₃
rë'₂ 'lig'₅₄ ca₂'ë₃ ja₁guá₄ Diú₄; ca₂'iin₃ rë'₂ ca₂lia'₂ i₂tion'₅₄ guei'₅₄ i₂juíg₃ né₃. ⁷ Ca₂ñii₂
bá₄ jmi₂g₄ a₂jmo₃ 'nei₂ ja₁con₂ dsa₂ i₂tén₅ le₃quió'₅ Diú₄,* a₂jo₃ né₃; ca₂ñii₂ bí₂ a₂qui₃dsi₂₃
'éi'₃ ne₄ quió'₅ ca₂le₃jé₃ tsi₁jon₂, ca₂le₃jé₃ go₄ dsa₂, ca₂le₃jé₃ jág₁ jmei₅, ca₂le₃jé₃ juig₂ né₃.
⁸ Jme₃juag'₂ ca₂le₃jín₃ dsa₂ i₂chan₂ gua'₅₄ 'uë₃ jme₃juiin'₂ Já'₂ 'Lin'₅₄ 'éi₂; ca₂le₃jín₃ i₂con'₂

§ 12:18 A₂lín₅₄ chog₅₄ si₂, 'nió'₄ a₂jme₁ton₅ versículo 18, juá'₂ le₂la₂: “Jaun₂ ca₂no₃ chei'₅₄
jmi₁ñí'₄”, a₂chi₁ton₅ jë₁le₂'uig₅₄ Capítulo 13. * 13:7 lit. “ja₁con₂ dsa₂ jñió₅.”

tsá₃ le₁ton₅ ne₄ si₂ rē₂bin₅ a₂le₃chan₂ dsa₂, a₂ron₅ quió'₅ Guein₂ Já'₂ Cha'₂, i₂jme₁ma₂'i₄ 'éi'₃ a₂jñag'₃ dsa₂, ca₂le₃ ca₂nio₃ mi₂güüg₃.

⁹ Nē₁jua'₂ 'ein₂ le₁dsi₅₄ rē₂gua₄, rē₂ jui₁nei₅₄.

¹⁰ Jui₁lia'₂ i₂jñia₅ dsa₂ jui₅ né'₃ má₃,

ján₃ bá₄ jui₅ né'₃ má₃ dsi₃lén₂;

jui₁lia'₂ dsa₂ i₂jme₂dsian₅ dsa₂ quian'₅₄ ñi₁tág₂,

quian'₅₄ ñi₁tág₂ dsiáin₃.†

'Uig₅₄ nē₅ né₃, ca₂le₃jín₃ i₂tén₅ le₃quió'₅ Diú₄, 'nió'₅ jmo₃ tió'₃ dsí₅, a₂tsá₃ qui₂dsi₃uiin₂ a₂'éin₂.

¹¹ Cang₂ jaun₂ ca₂jñ₄ táng₃ jniá₂ jan₂ já'₂ 'lin'₅₄ sián'₂, ca₂'ñioi₂ ne₄ gua'₅₄ 'uē₃. 'Éi₂ né₃ jme₁le₁dsi₅₄ tin₃ mi₂juí₁ lia'₂ lé₅ mi₂juí₁ jan₂ guein₂ já'₂ cha'₂. La₁, lia'₂ lé₅ jág₁ quió'₅ dragón bá₄, jme₁lé₄ jág₁ quió'₅.

¹² Co₂jaun₂ bá₄ jme₁'io₂₃ bí₂ ján₃, jui₁lia'₂ Já'₂ 'Lin'₅₄ i₂le₂'uig₅₄, a₂qui₃dsi₂₃ 'éi'₃ o₄quió'₄; chi₃quióng₂ jmig₄ jme₃juag'₂ ta₁caun₂ mi₂güüg₃ quian'₅₄ i₂chan₂ ja₁jaun₂, jme₃juin'₂ Já'₂ 'Lin'₅₄ i₂le₂'uig₅₄ i₂ca₂'lón₂ i₂jme₁rē₂cuín'₃ 'éi₂.

¹³ 'Lióng₂ léi₄ jué'₂ a₂o₂dsain₂ ca₂jmo₃ ján₃. Ca₂jmo₃ ca₂tá'₂ si₂ guei'₅₄ mi₂güüg₃ nē₃, ca₂jmo₃ tē₃ne₄ dsa₂ mi₂güüg₃.

¹⁴ Tē₂le₃ quian'₅₄ léi₄ jué'₂ a₂ca₂jmo₃ o₄quió'₄ i₂'lin'₅₄ i₂le₂ne₁ 'éi₂, ca₂jme₃gain₂₃ dsa₂ i₂chan₂ gua'₅₄ 'uē₃. Ca₂jmo₃ 'éi'₃ a₂chi'₃ dsa₂ caun₂ nió'₄ quió'₅ Já'₂ 'Lin'₅₄ i₂jme₁rē₂cuín'₃ quian'₅₄ ñi₁tág₂ i₂ca₂'lón₂ 'éi₂.

¹⁵ Ca₂ñii₂ bí₂ a₂toin'₂ jme₂dsí₂ nió'₄ quió'₅ Já'₂ 'Lin'₅₄, ia₁jaun₂ juá'₂ jág₁, ia₁jaun₂ jme₃dsiain₂₃ ca₂le₃jín₃ i₂tsá₃ gue₃ jme₃juin'₂ nió'₄ quió'₅ 'éi₂.

¹⁶ Ca₂chi₃quiáin₂ jmig₄ lia'₂ dsa₂ can'₅₄ lia'₂ dsa₂ me'₂, lia'₂ dsa₂ i₂cha₂ cu₄ lia'₂ dsa₂ te₂ñé₂, lia'₂ dsa₂ i₂jme₂ti₃ ta₁ ne₄ juig₅₄ lia'₂ dsa₂ i₂tsá₃ 'ein₂ ne₄ jme₂ti₃ né₃, a₂guein₃ léi₄ dso'₂ gu₂ ne₁, o₃ chi₁quí₃ 'e₂.

¹⁷ Jaun₂ tsá₃ ma₃lé₂ lá₃ 'i₁jan₂, on₃ gué'₂ ma₃lé₂ 'nag₃, jua'₅₄ tsá₃ liin₅ léi₄, o₃ tsá₃ le₁quian₅ jág₁ lia'₂ chen₂ Já'₂ 'Lin'₅₄, o₃ tsá₃ le₁quian₅ número quió'₅ lia'₂ chein₂.

¹⁸ Le₂la₂ bá₄ jág₁ a₂ñí'₂ dsí₅: jui₁lia'₂ dsa₂ i₂'i₄ jág₁, jui₁chein'₄ cuentas 'a₂ lia'₂ lé₅ número quió'₅ Já'₂ 'Lin'₅₄. Ia₁ número quió'₅ dsa₂ mi₂güüg₃ bá₄ jaun₂. Le₂la₂ lé₅ número quió'₅: jñéi₂ 'ñiá₂-láu₂ rē₂dsí₂ 'nag'₂ ne₂guióg₂ rē₂dsí₂ jñéi₂ (666).

14

Canto a₂ca₂'ē₃ caun₂ 'ñiá₂-lón₂ rē₂dsí₂ tē₂láu₃-quén₂ mei₅ (144,000) dsa₂

¹ Cang₂ jaun₂ ca₂jñg₅₄ táng₃ Guein₂ Já'₂ Cha'₂ jniái₂ chéin'₅ ne₄ Má'₂ Sión, quian'₅₄ caun₂ 'ñiá₂-lón₂ rē₂dsí₂ tē₂láu₃-quén₂ mei₅ dsa₂ i₂jme₁le₁quian₅ léi₄, i₂le₁ton₅ chi₁quí₃ lia'₂ chen₂ Guein₂ Já'₂ Cha'₂ quian'₅₄ 'a₂ lia'₂ chen₂ Jmei₂ né₃.

² Jaun₂ gué'₄ ca₂nag₃ caun₂ mi'₅₄ a₂já₅ guei'₅₄ i₂juíg₃, a₂lé₅ nē₂jag₄ bá₄ caun₂ la'₅₄ jué'₂ lin₃, * ton'₂ nē₂jag₄ bá₄ ja₁dein₅ quia'₂ tiá₂ lin₃ ñí'₃. Mi'₅₄ a₂ca₂nag₃ jaun₂ ca₂né'₂ jui₁lia'₂ ja₁jmo₅ dsa₂ son₅₄ quian'₅₄ tsí₁ton₅ arpas † quió'₅.

³ Qui₂i₁'ē₂₃ caun₂ canto 'mí₂ ne₄ ne₄ta₁, ne₄ le₃quén₂ já'₂, ne₄ gui'₅₄ can'₅₄ né₃. Ca₂lia'₂ 'i₁jan₂ dsa₂ sián'₂ tsá₃ 'ein₂ lé₂ le₃tin₂ son₅₄ a₂'ē₅ dsa₂ jaun₂, jmá'₃ lia'₂ dsa₂ 'ñiá₂-lón₂ rē₂dsí₂ tē₂láu₃-quén₂ mei₅ i₂rē₂'lian'₅₄ ne₄ gua'₅₄ 'uē₃ 'éi₂ bá₄.

⁴ Ca₂le₃jín₃ dsa₂ 'éi₂ i₂tsá₃ ca₂rē₃'iog₅ jme₂dsí₂ quió'₅ quian'₅₄ 'io₅₄ 'lin'₅₄, ia₁ qui₂ma₂ca₂rē₃cháin₃ ja₂léin₂ le₁jíin₃. Quian'₅₄ bá₄ Guein₂ Já'₂ Cha'₂ jui₁'a₂ gué'₃ ja₁dsó₃ 'éi₂. Qui₂le₁'liain₅₄ tē₂le₃ jin₄ dsa₂ mi₂güüg₃, co₂'nió'₄ i₂le₂'uig₅₄ i₂rē₂jen'₅₄ le₃ne₄ Diú₄, le₃ne₄ Guein₂ Já'₂ Cha'₂ né₃.

⁵ 'I₁caun₂ jág₁ tē₂jág₁ tsá₃ ca₂'uē₂ mi₂'o₄ 'éi₂; tsá₃ dso₄ qui₂rē₂cáin'₄.‡

Jág₁ quió'₅ le₃ún₂ ángeles

† 13:10 o₃, “Chi₂jua'₂ chan₂ i₂'i₄ 'éi'₃ jnéi₂ dsa₂, jui₅ né'₃ 'má₃ bá₄ dsó₃; chi₂jua'₂ chan₂ i₂'i₄ 'éi'₃ jñag'₃ dsa₂ quian'₅₄ ñi₁tág₂, quian'₅₄ ñi₁tág₂ gué'₂ jñag'₃ dsa₂.” * 14:2 o₃ “lia'₂ né'₂ 'lióng₂ jmig₂.” † 14:2 griego: kithara. ‡ 14:5 A₂lin₅₄ chog₅₄ si₂juá'₃ ján₃; “le₃ne₄ ne₄ta₁.”

⁶ Jaun₂ ca₂jing₅₄ táng₃ jan₂ ángel sián'₂ a₂η₂₃ dsi₂jo₂ dsi₄ güig₂, i₂quian₅₄ jág₁ dse₃ a₂le₃chan₂ dsa₂ co₂tan₅₄, já₅ ja₂'é₃ ja₂chi'₅₄ dsa₂ i₂tián'₅ ne₄ gua'₅₄ 'uë₃: ca₂le₃jé₃ juig₂, ca₂le₃jé₃ tsi₁jon₂ dsa₂, ca₂le₃jé₃ jág₁ jmei₅, ca₂le₃jé₃ go₄ dsa₂; ⁷ i₁juá'₄ tiá₂:

—Jme₁gan₃ 'nia'₂ Diú₄; jme₁juin'₂ 'nia'₂ 'éi₂. Ia₁ ma₂gua₅ hora a₂qui₃dsi₂₃ 'éi'₃. Jme₁juin'₂ 'nia'₂ i₂ca₂jmo₃ guei'₅₄ mi₂güig₃ quian'₅₄ gua'₅₄ 'uë₃, jmi₁ηí'₄ né₃, quian'₅₄ gué'₄ ca₂le₃jé₃ o₄tu₁ jmig₂.

⁸ Chi₁quín₃ gué'₄ jaun₂ ján₃, ca₂já₃ jan₂ ángel sián'₂ i₂ca₂juá'₂:

—Ma₂ca₂i₃'én₂, ma₂ca₂i₃'én₂ Babilonia juë'₂, 'uig₅₄ ia₁ a₂ca₂jmo₃ a₂qui₂ca₂'in'₃ ca₂le₃jé₃ juig₂ vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

⁹ Jaun₂ ca₂guan₃ táng₃ jē₁ca₂té₂ ún₂ ángel, ján₃ gué'₂ tiá₂ ca₂juá'₂:

—Chi₂jua'₂ 'ein₂ ca₂guen₃ jme₃juin'₂ Já'₂ 'Lin'₅₄, quian'₅₄ nió'₄ quió'₅, o₃ nē₁jua'₂ ca₂guein₃ cán₂ léi₄ dso'₂ chi₁quí₃, o₃ co'₅₄ gú₃ 'e₂, ¹⁰ ján₃ bá₄ 'ín'₂ 'éi₂ vino a₂'i₄ 'nei₂ dsí₅ Diú₄ a₂ma₂i₂tang₄ a₂tsá₃ 'e₂ qui₂rē₂cón'₅ 'ηió'₃ copa a₂cha₂ 'uig₅₄ a₂le₃'nei₂; qui₃ηág₃ uig₅ quian'₅₄ si₂ quian'₅₄ azufre tē₃ne₄ ángeles ηjío₅ quián₅ Diú₄ quian'₅₄ gué'₂ le₃ne₄ Guein₂ Já'₂ Cha'₂. ¹¹ Jme₁ηi₁ a₂tsá₃ ja₁ηág₃ uig₅ né₃, dsi₅₄ co₂tan₅₄ lé₂, on₃ gué'₂ 'uë₂-jmi₂ bá₄ lé₂ jua'₅₄ a₂le₃ηia₃ a₂tsá₃ ηág₃ ca₂tiá₂ uig₅ ca₂le₃jín₃ i₂jme₃juin'₂ Já'₂ 'Lin'₅₄ 'éi₂ quian'₅₄ nió'₄ quió'₅, ca₂le₃jín₃ i₂ca₂guen₃ cán₂ léi₄ lia'₂ chein₂ né₃.

¹² Ja₁nē₅ bá₄ 'nió'₅ jmo₃ juin'₂ dsí₅ dsa₂ i₂tén₅ le₃quió'₅ Diú₄, § dsa₂ i₂tión₂ tiá₂ jme₂ti₃ 'éi'₃ quió'₅, a₂'éin₂ le₃quió'₅ Jesús né₃.

¹³ Jaun₂ ca₂né'₂ táng₃ jág₁ a₂já₅ guei'₅₄ i₂juig₃, ca₂juá'₂ tság₅ jniá₂:

—Jmo₄ si₂ tiong₅ ca₂le₃jé₃ a₂nē₅ a₂juá'₂: “E₂ gué'₄ 'ηio₅ dsen₃ dsa₂ i₂dsián₃ le₃ne₄ jui₅ la₂, i₂'én₂ le₃quió'₅ Te₁gui'₅₄.” Ján₅, juá'₂ Jme₂dsi₂, ia₁jaun₂ ηjia₃ ca₂le₃jé₃ ta₁ quió'₅, jaun₂ qui₃le₃quen₅ 'i₄ ta₁ ca₂le₃jé₃ a₂ca₂jmo₃.”

A₂ráu₃ ne₄ gua'₅₄ 'uë₃

¹⁴ Jaun₂ ca₂jág₃ táng₃ ca₂jnia₃ caun₂ jnei₅ tiog₂ jmá'₅. Ne₄ jnei₅ jaun₂, guá₅ jan₂ i₂lín₅ lia'₂ lín₅ Jaun₅ dsa₂ mi₂güig₃. * Chi₁'i₁ caun₂ corona a₂lé₅ jmá'₃ cu₄nióg₄ mi₂dsi₅₄, chi₁chan'₂ caun₂ ηí₁ hoz a₂'mu₃. ¹⁵ Jaun₂ o₂'ín₃ táng₃ jan₂ ángel dsi₂néi₂ guá'₅ templo, ca₂juá'₂ tiá₂ ca₂tsí'₃ i₂guá₅ ne₄ jnei₅:

—Tiá₃ ηí₁ hoz quiáng'₂, cag'₅₄; ia₁ ma₂gua₅ hora cag'₅₄, ia₁ ma₂ca₂ron₂ a₂ráu₃ ne₄ gua'₅₄ 'uë₃. ¹⁶ Jaun₂ ca₂tiá₂ hoz ne₄ gua'₅₄ 'uë₃, dsa₂ i₂guá₅ ne₄ jnei₅ 'éi₂, ca₂cág'₃ a₂ma₂ca₂rau₂ ja₁jaun₂.

¹⁷ Jaun₂ ca₂o₃'ín₃ táng₃ jan₂ ángel sián'₂ dsi₂néi₂ guá'₅ chí'₅ guei'₅₄ i₂juig₃; ján₃ bá₄ chi₁chan'₂ caun₂ ηí₁ hoz a₂'mu₃. ¹⁸ Jaun₂ ca₂o₃'ín₃ táng₃ ne₄chei₂ jan₂ ángel sián'₂ gué'₄ táng₃, i₂'io₅ bí₂ ne₄ si₂. Jaun₂ ca₂juá'₂ tiá₂ ca₂tsí'₃ i₂chan'₂ ηí₁ hoz 'mu₃, ca₂juá'₂:

—Tiá₃ ηí₁ 'mu₃ quiáng'₂; chi₁lo'₂ cag'₅₄ ni₁'mu'₂ a₂qui₂le₁'ág₄ ni₁uing₂ a₂cha₂ gua'₅₄ 'uë₃, ia₁ ma₂ca₂juig₂ míg₂ uvas quió'₅.

¹⁹ Jaun₂ ca₂tiá₂ 'éi₂ hoz quió'₅ ne₄ gua'₅₄ 'uë₃, ca₂cág'₃ míg₂ uvas quió'₅ gua'₅₄ 'uë₃. Ca₂tó'₂ caun₂ ja₁jué'₂ ja₁qui₂jlen'₃ dsa₂, co₂'nió'₄ le₃jua'₅₄, ja₁'i₄ 'nei₂ dsí₅ Diú₄. ²⁰ Jaun₂ ca₂rē₂tso'₄ a₂jaun₂ 'ni'₂ juig₂, ca₂'io₂ jmi₂. Jmi₂ jaun₂ né₃ ca₂i₃'o₅₄ a₂ji'₂ con'₂ 'ei₅ rē₂'o₄ dsi₂cua₁, a₂jué'₂ ja₁ca₂'a₃ tí₅ con'₂ 'ni₅ 'ηiá₂-láu₂ (300) kilómetros.

15

Guion₃ ángeles i₂le₁quian₅ guio₃ jmi₁uig₅ jē₁ca₂tó'₂

§ 14:12 lit. “dsa₂ ηjío₅.” * 14:14 'Nio'₂ ja₁ton₅ Daniel 7:13.

¹ Ca₂jág₃ jniá₂ guei'₅₄ i₂juig₃ caun₂ léi₄ juë'₂ a₂dsi₂gó'₃ dsi₅: guion₃ ángeles i₂quian₅ guio₃ gué₄ jmi₁uig₅ ja₁con₂ dsa₂. Co₂'nió'₄ a₂jaun₂ gué₄ lé₅ jë₁ca₂tó'₂, ia₁ co₂jaun₂ ca₂'nja₅ a₂'i₄ 'nei₂ dsí₅ Diú₄.

² Jaun₂ ca₂jág₃ jniá₂ jui₁lia'₂ caun₂ jmi₁ñí'₄ a₂lé₅ ni₁'i₂ a₂rë₂cón'₅ quian'₅₄ si₂. Ne₄ jmi₁ñí'₄ a₂lé₅ ni₁'i₂ jaun₂, jme₁tión₂ dsa₂ i₂ca₂tíó'₃ ne₄ Já'₂ 'Lin'₅₄, ne₄ nió'₄ quió'₅, ne₄ número quió'₅ lia'₂ chein₂ né₃. Qui₂le₁chan'₂ tsi₁ton₅ arpas* a₂ca₂cuë₃ Diú₄. ³ Tióin₂ 'ë₂₃ canto quió'₅ Moisés† dsa₂ i₂ca₂jme₂ti₃ quián₅ Diú₄, quian'₅₄ canto quió'₅ Guein₂ Já'₂ Cha'₂, a₂juá'₂:

'E₂ gué₄ juë'₂ a₂jlá'₁ lin₃ ca₂le₃jé₃ a₂ma₂jmo'₅₄ 'ne₂,

Te₁gui'₅₄ Diú₄ i₂'Uan'₂ gué₄ lin₃.

A₂dsau₅, a₂tí₅ lin₃ bá₄ jui₅ quiáng'₂,

'Ne₂ Rag₅₄ quián₅ ca₂le₃jé₃ juig₂.

⁴ ¿'Ein₂ bá₄ 'éi₂ i₂tsá₃ jme₃gon₃ 'ne₂, Te₁gui'₅₄?

¿'Ein₂ bá₄ i₂tsá₃ jme₃juag'₂ guë'₂ ján₃?

Ia₁ jan'₂ 'ne₂ bá₄ líng'₅ i₂jñiós.

Ca₂le₃jé₃ juig₂ qui₂ja₃lén₂ qui₂jme₃juin'₂ 'ne₂,

ia₁ ma₂ca₂rë₃jniá₂ 'éi'₃ a₂qui₂dsí'₂ 'ne₂.

⁵ Cang₂ jaun₂ ca₂jág₃ jniá₂ guei'₅₄ i₂juig₃, ca₂niá₃ guá'₅, co₂'nió'₄ le₃jua'₅₄ ja₁jñiós gué₄, ja₁rë₂'ma₄ jág₁ dsau₅ a₂lí'₅₄ quian'₅₄ Diú₄. ⁶ Guá'₅ jaun₂, ca₂'uin₂ guion₃ ángeles i₂le₁quian₅ le₃guio₃ jmi₁uig₅. Le₁qui'₂ 'mi'₂ lino jlá'₁, a₂tág₅ lin₃. A₂jme₁rë₂jén'₅ le₁dsí₅ guë'₂ né₃, jme₁lé₄ jmá'₃ cu₄nióg₄. ⁷ Jaun₂ gué₄ jan₂ já'₂ quén₂ i₂tión₂ ne₄ ne₄ta₁, ca₂cuë'₃ le₂jan₂ le₂jan₂ ta₁guion₃ ángeles jma₃caun₃ ni₁uing₅ jí'₂ a₂lé₅ cu₄nióg₄, le₁'a₁ co₂'nió'₄ a₂'nei₂ a₂'i₄ dsí₅ Diú₄ i₂chan₂ ca₂lia'₂ co₂tan₅₄. ⁸ Jaun₂ ca₂can'₂ dsi₂néi₂ guá'₅ quian'₅₄ jme₁ñi₁ a₂já₅ ja₁con₂ a₂jlá'₁ a₂'uan'₂ Diú₄. Ca₂lia'₂ 'i₁jan₂ tsá₃ lé₂ dsi₃ton'₅₄ ja₁jaun₂, ca₂lia'₂ ca₂rë₃'nja₅ le₃guio₃ jmi₁uig₅ a₂le₁quian₅ ta₁guion₃ ángeles.

16

Ta₁guio₃ jmi₁uig₅ a₂'é₂ Diú₄

¹ Jaun₂ ca₂nag₃ jniá₂ jág₁ tiá₂ lin₃ i₁juá'₄ dsi₂néi₂ guá'₅, a₂tsí'₅ le₃guion₃ ángeles 'éi₂:

—O₂nó'₅ 'nia'₂ o₂jen₄ ne₄ gua'₅₄ 'uë₃ 'nei₂ a₂'i₄ dsí₅ Diú₄ a₂le₁'a₁ ni₁uing₅ në₅.

² Jaun₂ ca₂o₃'ín₃ jë₁le₂'uig₅₄ ángel, jaun₂ ca₂jain₃ a₂chi₁'a₄ ni₁uing₅ quió'₅ ne₄ gua'₅₄ 'uë₃. Jaun₂ ca₂le₃jín₃ dsa₂ i₂le₁quian₅ léi₄ quió'₅ Já'₂ 'Lin'₅₄, i₂jme₂juin'₂ nió'₄ quió'₄ né₃, qui₂ca₂'njai₂ 'mé'₅ 'lig'₅₄ a₂qui'₂ gué₄ lin₃.

³ Jaun₂ ca₂jen₃ jë₁ca₂té₂ on₃ ángel a₂'a₄ ni₁uing₅ quió'₅ ne₄ jmi₁ñí'₄. Jaun₂ ca₂lë₃ jmi₂, në₂jag₄ bá₄ jmi₂ 'an₅₄ jan₂ 'lag₄. Ca₂dsan₃ ca₂le₃jín₃ já'₂ i₂jme₁chan₂ jmi₁ñí'₄ jaun₂.

⁴ Ján₃ bá₄ le₂jaun₂ ca₂jen₃ jë₁ca₂té₂ ún₂ ángel a₂'a₄ ni₁uing₅ quió'₅, ne₄ jmig₂ cuá₃, ne₄ o₄tu₁ jmig₂ né₃; jaun₂ jmá'₃ jmi₂ bá₄ qui₂ca₂lë₃ ján₃. ⁵ Jaun₂ ca₂nag₃ juá'₂ ángel i₂niog₅ gu₂ jmig₂, ca₂juá'₂:

Rë₂ bá₄ cáun'₂ 'ne₂ 'í₁, Diú₄ Jñiós;

'ne₂ i₂lín₅, i₂jme₁lín₄,

ia₁ a₂në₂qui₁dsi'₂ 'éi'₃ le₂në₅.

⁶ Ia₁ ca₂tein₃ 'éi₂ jmi₂ a₂jme₁'an₅₄

dsa₂ i₂jme₁tén₄ le₃quiáng'₂,

dsa₂ i₂jme₁qui₂ca₂'é₂ jág₁ quiáng'₂ né₃.

Në₃ gué₄ né₃, në₂'ein'₅₄ jmi₂,

* 15:2 griego: kithara. † 15:3 canto quió'₅ Moisés: 'Nio'₂ ja₁ton₅ Éxodo 15; Deuteronomio 32.

* 16:5 A₂lin₅₄ chog₅₄ si₂ chi₁ton₅ ján₃: “i₂lén₂ co₂tan₅₄.”

ia₁ le₂nē₅ 'en₄ quió'₅ bá₄.

⁷ Ca₂nag₃ jniá₂ ján₃ jë₄ ne₄chei₂, i₁juá'₄:

Dsón'₂ le₂nē₅, Te₁gui'₅₄ Diú₄ i₂'Uan'₂ gué₄ lín₃,

dsón'₂ bá₄ qui₂dsí'₁ 'ne₂ 'éi'₃ lia'₂ con'₂ dsi₂ten₅₄.

⁸ Jaun₂ ca₂jen₃ jë₁ca₂té₂ quén₂ ángel a₂'a₄ ni₁uĩng₅ quió'₅ ne₄ 'iog₂, jaun₂ ca₂ñi₂ 'iog₂ bí₂ a₂dsi_{in}'₂ dsa₂ mi₂güig₃ quian'₅₄ si₂. ⁹ Jaun₂ ca₂dsin'₂ ca₂le₃jín₃ dsa₂ quian'₅₄ a₂dséi₂ gau₂ lín₃. Jaun₂ qui₂ca₂'ag₃ dsa₂ 'lig'₅₄ qui₂ca₂'iin₃ Diú₄ i₂'io₅ bí₂ ne₄ jmi₁uĩg₅ jaun₂. Tsá₃ ca₂jme₃tsi_{in}₃ dsí₅, jua'₅₄ ca₂jme₃juin'₂ 'éi₂.

¹⁰ Jaun₂ ca₂jen₃ jë₁ca₂té₂ 'ñiá₂ ángel a₂'a₄ ni₁uĩng₅ quió'₅ ne₄ ne₄ta₁ quió'₅ Já'₂ 'Lin'₅₄, jaun₂ ca₂të₁tsi'₅₄ qui₁né'₃ ja₁goin₂ jaun₂. Dsa₂ né₃ qui₂ca₂qui_g'₂ le₁tsi'₂ a₂ca₂jme₃uí'₃.

¹¹ Con'₂ siá'₂ ca₂'iin₃ 'lig'₅₄ Diú₄ i₂quió'₅ guei'₅₄ i₂juig₃, ne₄ 'uig₅₄ a₂le₁quian₂₃ jmi₁uĩg₅, 'uig₅₄ ia₁ a₂liin₅ 'mé'₅ né₃. La₁ tsá₃ ca₂dsi₃quéin'₅ dsí₅ jua'₅₄ ca₂tí₂ a₂jmo₂₃-dsáu₅.

¹² Jaun₂ ca₂jen₃ jë₁ca₂té₂ jñé₂ ángel a₂'a₄ ni₁uĩng₅ quió'₅ ne₄ cuá₃ jué'₂ Eufrates. Jaun₂ co₂dsia₅ ca₂rë₃quéin₃ cuá₃ jaun₂, ia₁jaun₂ ma₂lé₅ co₂jñia₅₄ caun₂ jui₅ quein₂ ja₁i₃nio₄ rag₅₄ i₂ja₃lén₂ tël₃ ja₁'ia₂† 'iog₂.

¹³ Jaun₂ ca₂jág₃ ca₂'uin₂ ún₂ jme₂dsí₂ 'lín'₅₄, i₂jniá₂ lia'₂ jniá₂ i₁jé'₅, ca₂'uĩn₂ jma₃ján₃ jui₅ mi₂'o₄ já'₂ dragón, mi₂'o₄ Já'₂ 'Lin'₅₄, quian'₅₄ mi₂'o₄ i₂té'₂ dsa₂ i₂'é₂ jág₁ a₂jui₁gain₂ né₃. ¹⁴ Jme₂dsí₂ i₂lín₅ je₂na'₅₄ bá₄ 'éi₂, i₂qui₃jmo₃ léi₄ jué'₂, i₂qui₂dsi₃lén₂ uĩng₂ ja₁con₂ rag₅₄ quián₅ dsa₂ i₂chan₂ ta₁caun₂ mi₂güig₃, ia₁jaun₂ chi₃lo'₃ a₂dsia₃ 'nei₂ jmi_g₄ jué'₂ jaun₂ quió'₅ Diú₄ i₂'Uan'₂ gué₄ lín₃.

¹⁵ “Rë₂ján'₁ 'nia'₂ ia₁ guión'₄ jniá₂ con'₂ tiá₂, në₂jag₄ bá₄ jan₂ 'ang₂. 'E₂ gué₄ dsen₃ jui₁lia'₂ i₂rë₂jnio₄ ne₄, i₂lé₅ 'í₁ tsin'₅₄, con'₂ tsá₃ ñó₅ në₁jua'₂ i₃ñi₅₄ rë₂ñi₅ të₃ jág₅ dsa₂ o₂quí'₃ quió'₅.”

¹⁶ Jaun₂ qui₂ca₂liain'₃ rag₅₄ caun₂ ja₁chei₂ Armagedón quian'₅₄ jág₁ jmei₅ hebreo.

¹⁷ Jaun₂ ca₂jen₃ jë₁ca₂té₂ guion₃ ángel a₂'a₄ ni₁uĩng₅ quió'₅, ca₂'éin₂ dsi₂güig₂. Jaun₂ ca₂né'₂ dsi₂néi₂ guá'₅ a₂chí'₅ guei'₅₄ i₂juig₃, jág₁ a₂juá'₂ tiá₂, a₂jás₅ ne₄ta₁, i₁juá'₄:

—jMa₂ca₂lë₃ bá₄.†

¹⁸ Jaun₂ qui₂ca₂lë₃ si₁ñí'₃, ca₂të₁tsi'₅₄ co₂mi'₅₄, ca₂quia'₂ ñí'₃. Ta₁caun₂ gua'₅₄ 'uë₃ qui₂ca₂jé'₂ ca₂i₁bi₅₄ 'uë₃ tiá₂ lín₃, ca₂lia'₂ 'i₁cón'₂ tsá₃ le₂jaun₂ jua'₅₄ a₂ma₂i₁bi₅₄ 'uë₃ ca₂le₃ ca₂rë₃chán₃ dsa₂ ne₄ gua'₅₄ 'uë₃, ia₁ a₂ñí₄ lë₃ gau₂ ca₂lë₃. ¹⁹ Ca₂lë₃ 'ni₅ dso'₅₄ ciudad dsen₅₄ jaun₂, jaun₂ qui₂ca₂i₃lé₂ jui₅ 'uë₃ ca₂le₃jé₃ jui_g₂ ciudad jme₁te₁'i₁ mi₂güig₃. Jaun₂ gué₄ ca₂dsáu'₃ dsí₅ Diú₄ Babilonia jué'₂; ca₂cué'₃ copa a₂'a₄ vino a₂'i₄ 'nei₂ dséi₂ dsí₅. ²⁰ Jaun₂ qui₂ca₂cuĩng₃ ca₂le₃jé₃ 'uë₃ a₂qui₂le₁quí'₅ jë₄ jmi₁ñí'₄; ca₂le₃jé₃ ni₁má'₂ né₃, co₂dsia₅ ca₂i₃có'₂. ²¹ Qui₂ca₂tang₂ ne₄ quió'₅ dsa₂ mi₂güig₃ dsí₅ ca₁ca'₅₄ 'ñio₅ lín₃, a₂guei₂ jma₃të₂láu₃ kilo lia'₂ ca₂míg₂.§ Ján₃ bá₄ le₂jaun₂ qui₂ca₂'ag₃ dsa₂ 'lig'₅₄ 'iin₂₃ Diú₄, 'uig₅₄ ia₁ a₂ca₂séi'₂ dsí₅ jaun₂, ia₁ a₂ñí₄ lë₃ ca₂i₁juin₅₄ gau₂ jmi₁uĩg₅ a₂ca₂lë₃.

17

Jë₁ca₂i₃'én₂ 'io₅₄ juin'₂ i₂'nag₅ quió'₅

¹ Jaun₂ ca₂jás₃ jan₂ ángel i₂lé₂ guion₃ i₂jme₁le₁chan'₂ ni₁uĩng₅ 'éi₂, ca₂tság₃ jniá₂:

—ñia₅, la₂ 'ë₅₄ 'a₂ lia'₂ lé₅ jmi₁uĩg₅ a₂'é₂ Diú₄ ne₄ 'io₅₄ juin'₂ i₂'nag₅ quió'₅, i₂guá₅ ne₄ ja₁te₁'i₁ 'lióng₂ jmi_g₂. ² Ca₂le₃jín₃ bá₄ rag₅₄ i₂chan₂ ne₄ gua'₅₄ 'uë₃ ma₂qui₂ca₂nió'₄ jág₁ quian'₅₄ 'io₅₄ 'éi₂; ján₃ bá₄ le₂jaun₂ ma₂qui₂ca₂rë₃'en₅ dsa₂ i₂tián'₅ ne₄ gua'₅₄ 'uë₃, quian'₅₄ vino a₂co₂'nió'₄ dso₄ a₂ca₂jmo₃-dsáu₅ 'io₅₄ 'éi₂.

† 16:12 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. ‡ 16:17 'Nio'₂ ja₁ton₅ Juan 19:30. § 16:21 lit. “a₂guei₂ caun₂ talento lia'₂ ca₂míg₂.”

³ Jaun₂ ca₂jio₃ ángel, tē₁lia'₂ 'eng₅₄ le₃quió'₅ Jme₂dsí₂, caun₂ 'uē₃ quein₂ co₂'hio₅. Ja₁jaun₂ ca₂tē₂ ne₃ ca₂jing₅₄ jan₂ 'io₅₄, co₂dsiin₅₄ jan₂ já'₂ guén₂ i₂jniá₂ gau₂ jmá'₅, i₂le₁dsi₅₄ guio₃ mi₂dsi₄, guia₃ guē'₂ mi₂juí₁, i₂jme₁quian₅ 'lióng₂ já₁ 'lig'₅₄ lia'₂ chein₂ a₂jmo₂₃ a₂lín₅ Diú₄ né₃. ⁴ 'Io₅₄ 'éi₂ né₃ rē₂lín₅₄ qui'₂ tsin'₅₄ guén₂ si₂, quian'₅₄ a₂'u'₃. A₂lé₅ já'₁, tio'₅₄ cu₄nióg₄, ni₁cang₁ já'₁ quian'₅₄ mí₂g₂ perlas né₃. Ján₃ gué'₄ chi₁chan'₂ caun₂ copa a₂lé₅ jmá'₃ cu₄nióg₄, rē₂'a₄ a₂'lig'₅₄ a₂jmo₅-dsáu₅, quian'₅₄ já₁ 'lig'₅₄ a₂nió'₅. ⁵ Le₁ton₅ já₁ ne₄ chi₁quí₃, a₂juá'₂: JÁ₁ A₂RĒ₂'MA₄ BABILONIA JUIN'₂ CHOG₅₄ 'IO₅₄ I₂'NAG₅ QUIÓ'₅ CHOG₅₄ CA₂LE₃JĒ₃ NE₅₄ A₂LĪ₁'IOG₅ NE₄ GUA'₅₄ 'UĒ₃.

⁶ Jaun₂ ca₂jín₄ jniá₂ 'io₅₄, a₂'ein₅ guá₅, quian'₅₄ jmi₂ 'an₅₄ i₂tén₅ le₃quió'₅ Diú₄,* quian'₅₄ guē'₂ jmi₂ 'an₅₄ i₂ma₂jáng'₃ já₁ dsau₅ le₃quió'₅ Jesús. Jaun₂ ca₂i₃gó'₃ dsi₃ gué'₄ lín₃ jme₁ca₂tē₂ ne₃ a₂jaun₂. ⁷ Jaun₂ ca₂juá'₂ ángel tság₅ jniá₂:

—¿'E₂ lē₃ dsi₂gó'₃ 'au'₂? La₂ juá'₄ jniá₂ já₁ rē₂'ma₄, co₂'nió'₄ 'e₂ léi₄ jáng'₅ 'io₅₄ ó₃, 'e₂ guē'₂ léi₄ jáng'₅ táng₃ Já'₂ 'Lin'₅₄ i₂jio₅ i₂cha₂ guio₃ mi₂dsi₄, i₂le₁dsi₅₄ guio₃ mi₂juí₁ né₃. ⁸ Já'₂ 'Lin'₅₄ i₂nē₂jing'₅₄ nē₅, jme₁chan₂ le₂jniá₅, rē₂né₃ né₃ tsá₃ ma₃chain₂. La₁ jē₁ma₂o₃'iin₅ uíg₂ ja₁ca₂jein₃ chi₁dsio₅₄, jaun₂ dsióg₄ ja₁dsi₃'éin₂. Dsi₃gó'₃ dsi₅ dsa₂ i₂chan₂ ne₄ gua'₅₄ 'uē₃, ca₂le₃jín₃ i₂con₂' tsá₃ le₁ton₅ ne₄ si₂ ca₂le₃ ca₂nio₃ mi₂güí₃, mi₂si₂ a₂rē₂bin₅ a₂le₃chan₂ dsa₂; dsi₂qui₂dsi₃gó'₃ dsi₅ jē₁ma₂jín₂ Já'₂ 'Lin'₅₄, 'uig₅₄ ia₁ a₂jme₁chain₂, tsá₃ ma₃chain₂ rē₂né₃, la₁ia₁ a₂guáin₂ táng₃.

⁹ Já₁ la₂ cha₂ a₂lé₂ le₃ñí'₂ jui₁lia'₂ dsa₂ i₂ñí'₂ dsi₅: jáng'₅ já₁ dsau₅ guio₃ mi₂dsi₄ já'₂, co₂'nió'₄ guio₃ dsi₂con₂' ja₁guá'₄ 'io₅₄ 'éi₂. ¹⁰ Ján₃ bá₄ co₂'nió'₄ guion₃ rag₅₄ a₂jaun₂. Ma₂i₃gan'₅₄ cau₅ 'ñiá₂ rag₅₄ 'éi₂; jan₂ bá₄ i₂gon₂ rē₂né₃; jan₂ guē'₂ i₂tsá₃ ma₂guan₅ gué'₄. Jē₁ma₂tē₂ rē₁guá₃ 'éi₂ guē'₂ né₃, ca₂tiá₂ bá₄ ca₂tīin₂ guá₃. ¹¹ Já'₂ 'Lin'₅₄ i₂jme₁chan₂, i₂tsá₃ chan₂ rē₂né₃ 'éi₂ guē'₂ né₃, lén₂ i₂gon₂ i₂ca₂tē₂ jniá₃ i₂co₂'nió'₄ rin'₅₄ i₂guion₃ 'éi₂ bá₄. Ján₃ bá₄ dsióg₄ ja₁dsi₃'éin₂.

¹² 'A₂lé₅ guia₃ mi₂juí₁ a₂nē₂jag'₅₄ né₃, co₂'nió'₄ guian₃ rag₅₄ i₂tsá₃ ma₂ñi₂ ja₁le₃goin₂. La₁ ñei₃ bí₂ 'éi₃ ca₂tiá₂ le₂jaun₂, nē₂jag₄ caun₂ hora, lia'₂ ma₂quian'₅₄ Já'₂ 'Lin'₅₄. ¹³ Tóin'₃ caun₂ ta₁ co₂dsia₅, 'ei₅ caun₂ já₁, ton'₂ qui₃cuē₃ jui₅bí₂ quian'₅₄ 'éi'₃ quió'₅ cué'₃ Já'₂ 'Lin'₅₄. ¹⁴ Qui₃jmo₃ 'nei₂ quíin'₂ quian'₅₄ Guein₂ Já'₂ Cha'₂. La₁ Guein₂ Já'₂ Cha'₂ bá₄ i₂lí'₂, ia₁ 'éi₂ bá₄ lín₅ juig₅₄ quián₅ ca₂le₃jín₃ juig₅₄ dsa₂; ton'₂ lín₅ Rag₅₄ quián₅ ca₂le₃jín₃ rag₅₄. Ca₂le₃jín₃ i₂quian'₅₄ Guein₂ Já'₂ Cha'₂ né₃, lín₅ i₂ma₂quióin'₂ i₂ma₂tē'₃ Diú₄, tióin₂ lín₅ dsa₂ i₂rē₂ti'₅₄ quián₅.

¹⁵ Jaun₂ ca₂tság₃ jniá₂:

—Jui₁lia'₂ a₂lé₅ 'lióng₂ jmi₂g₂ ja₁guá'₄ 'io₅₄ 'lin'₅₄ a₂nē₂jag'₅₄ nē₅, co₂'nió'₄ ca₂le₃jé₃ go₄ dsa₂, ca₂le₃jé₃ nió'₃ dsa₂, ca₂le₃jé₃ juig₂, ca₂le₃jé₃ já₁ jmei₅ né₃. ¹⁶ Jaun₂ jme₃'iog₅₄ dsa₂ i₂co₂'nió'₄ a₂lé₅ guia₃ mi₂juí₁ i₂nē₂jag'₅₄, jme₃'iog₅₄ Já'₂ 'Lin'₅₄ guē'₂ né₃, jme₃'ñiai₅₄ 'io₅₄ 'éi₂. Co₂dsia₅ qui₃téi₂ co₂'nió'₄ tē₃tsiin'₅₄ rē₃ñi₅; qui₃quí₃g'₃ ni₁ñi₁₂, jaun₂ gué'₄ dság'₂ quian'₅₄ si₂. ¹⁷ Ia₁ Diú₄ né₃ ma₂jmo₃ dsi₅ dsa₂ 'éi₂ jui₁jmo₁₂ ca₂le₃jé₃ 'e₂ niog₅ dsi₅ jmo₃, ia₁jaun₂ jmo₃ caun₂ já₁ a₂cuē₃ jui₅bí₂ a₂goin₂, cué'₃ Já'₂ 'Lin'₅₄, ca₂lia'₂ ca₂dsióg₃ jmi₂g₄ a₂le₃ti₃ já₁ quió'₅ Diú₄ a₂ma₂ron₅. ¹⁸ 'Io₅₄ i₂nē₂jing'₅₄ né₃, co₂'nió'₄ ciudad juē'₂ ja₁o₂'ag₅ 'éi'₃ ne₄ quió'₅ ca₂le₃jín₃ rag₅₄ i₂chan₂ mi₂güí₃.

18

Jē₁ca₂ñó₃ 'uē₃ bí₂ quió'₅ Babilonia

* 17:6 lit. "quian'₅₄ jmi₂ 'an₅₄ dsa₂ jñi₅."

¹ Cang₂ jaun₂, ca₂jing₅₄ táng₃ jan₂ ángel sián'₂, ca₂sióin₃ guei'₅₄ i₂juíg₃ i₂'io₅ bí₂ 'éi'₃ a₂'uain'₂ lín₃. Ta₁caun₂ mi₂güüg₃ bá₄ ca₂tág'₃ a₂co₂tág₅ co₂'né'₅ quió'₅. ² Quian'₅₄ jág₁ tiá₂ lín₃, ca₂juá'₂:

Ma₂ca₂i₃'én₂, ma₂ca₂i₃'én₂ Babilonia jué'₂,
 'ne₄ ca₂le₃jín₃ ne₅₄ je₂na'₅₄ bá₄ ca₂lě₃;
 'né₅ 'má₃ ja₁ŋi'₂ ca₂le₃jín₃ ne₅₄ jme₂dsí₂ 'lín'₅₄,
 ca₂le₃jín₃ ne₅₄ i₁tan₅ 'lín'₅₄ lě₁'ŋio₅.

³ Ia₁ ma₂qui₂ma₂'in'₃ ca₂le₃jé₃ juig₂
 vino a₂ca₂jme₃cón₂ dsí₅ a₂qui₂nió'₃ jág₁ 'lig'₅₄ quió'₅.

Ma₂qui₂ca₂nió'₃ jág₁ rag₅₄ i₂chan₂ gua'₅₄ 'uě₃
 quian'₅₄ 'io₅₄ 'éi₂.

Ca₂le₃jín₃ jui₁lia'₂ dsa₂ i₂i₂nio₄ jmo₂₃ 'ma'₅₄,
 ma₂qui₂ca₂rě₃chá₃ cu₄ 'ŋio₅ lín₃
 tē₂le₃ quian'₅₄ jui₅bí₂ a₂ma₂i₁juin₅₄ ŋag₅₄
 a₂jlá'₁ jmo₂₃ róin₂.

⁴ Jaun₂ ca₂nag₃ táng₃ caun₂ jág₁ a₂já₅ guei'₅₄ i₂juíg₃, a₂juá'₂:
 'Uin'₂ 'nia'₂ jě₄ juig₂ nē₅,

con'₂ 'nia'₂ i₂lǐng'₅ dsa₂ juig₂ quiáng₃,
 ia₁jaun₂ tsá₃ le₃quen'₄ 'nia'₂ dso₄ a₂'no₅ 'io₅₄ nē₅,
 on₃ gué'₂ tǐn'₃ 'nia'₂ jmi₁uig₅ a₂já₅ ja₁coin₂.

⁵ Ia₁ 'lióng₂ lín₃ dsáu₁ 'io₅₄ nē₅ ma₂rě₂juí₄,
 nē₂jag₄ bá₄ ma₂tě₂ ca₂tě₂ guei'₅₄ i₂juíg₃.

Jaun₂ Diú₄ né₃ ma₂dsáu'₅ dsí₅
 ca₂le₃jé₃ a₂'lig'₅₄ a₂ma₂rě₂cáin'₄.

⁶ A₂le₂jaun₂ cuě'₅₄ 'nia'₂ 'io₅₄ nē₅
 jui₁lia'₂ lé₅ a₂ma₂qui₂ma₂cuě'₃ dsa₂ 'ŋiog₅.

Qui'₄ 'nia'₂ tǐn₃ ju'₂
 lia'₂ con'₂ gué'₄ a₂ma₂jmo₃.

Co₂güin'₅₄ 'nia'₂ tǐn₃ ráun₂ a₂'ŋio₅ gué'₄
 ŋió'₂ copa quió'₅ 'ŋiog₅,
 con'₂ gué'₄ a₂ma₂cuě'₃ i₂sián'₂.

⁷ Jui₁lia'₂ a₂ŋí₄ lě₃ ma₂qui₂ma₂chain₂ jlá'₁ a₂róin₂,
 co₂jaun₂ cuě'₅₄ 'nia'₂ jmi₁uig₅ a₂qui'₂ dsí₅.

Ia₁ ma₂juá'₂ bá₄ jui₅ tē₂dsí₅:

“La₂ gua₅₄ a₂lǐng₅ jan₂ 'io₅₄ rag₅₄,

tsá₃ dsa₂ 'nág₂ lǐng₅.

Tsá₃ o₁lǐg'₂ ŋag₅₄ uig₅ le₃qui'₂ dsí₃.”

⁸ 'Uig₅₄ jaun₂ nē₃,
 co₂nio₄ co₂jmi₄ bá₄ ja₃lé₂ jmi₁uig₅ ja₁coin₂;

'mú₃, qui'₃-o₃, le₃'oin₅₄ nē₃;

jaun₂ gué'₄ dsiin'₂ co₂ŋei'₅₄.

Ia₁ i₂'uan'₂ lín₃ bá₄ Te₁gui'₅₄ Diú₄

i₂qui₃dsí₅ 'éi'₃ ja₁coin₂ jmi₄ jaun₂.

⁹ 'Cán₂ go₂'i₃, qui'₃-o₃ ca₂le₃jín₃ rag₅₄ quián₅ gua'₅₄ 'uě₃ i₂qui₂ca₂nió'₄ jág₁ quian'₅₄ 'io₅₄ 'éi₂, i₂qui₂ma₂ca₂rě₃cháin₃ jlá'₁ quian'₅₄, jě₁ma₂ca₂jág₃ tsau₂ jme₁ŋi₁ guei'₅₄ a₂ma₂qui₂cau₂ quió'₅ 'io₅₄. ¹⁰ La₁ uíng₂ bá₄ qui₂dsí₃náu₃, qui₃jág₃ gó'₃ 'ŋio₅ lín₃, jaun₂juá'₂:
 j'E₂ gué'₄ juíg'₂, 'e₂ gué'₄ juíg'₂,

'ne₂ ciudad juë'₂,
 'ne₂ Babilonia i₂jme₁'uang'₂ lin₃ nê'₃!
 ¡Quian'₅₄ ca₂tiá'₂ co₂lág'₂ bá₄
 gua₅ uig₅ a₂rë'₂é'₂ ja₁cong'₂!
 11 'Cán₂ go₂'i₃, qui'₃-o₃ dsa₂ i₂jme₁i₂nio₄jmo₅ 'ma'₅₄ ne₄ gua'₅₄ 'uë'₃, o₄quió'₄ 'éi'₂; ia₁ tsá'₃
 ma₂'ein₂ le₃chan₂ qui₃lá'₃ gué'₄ 'e₂ lio₅₄ i₂quian₅₄: 12 lio₅₄ a₂lé'₅ cu₄nióg'₄, cu₄tiog'₂, cang₄jlá'₁,
 míg'₂ perlas, ca₂le₃jé'₃ ne₅₄ jui₁lia'₂ 'mi'₂ jlá'₁, jui₁lia'₂ lino quian'₅₄ seda a₂'lióng'₂ ne₅₄ jniá'₂,
 a₂'ui'₃, a₂guéin₂ nê'₃; ca₂le₃jé'₃ ne₅₄ 'ma₂jlá'₁ nê'₃ a₂ja₂ mi₂jui₂g'₂ ma₂ro₂; líóng'₂ ne₅₄ cosas jlá'₁
 nê'₃, jui₁lia'₂ a₂lé'₅ ni₁mu₅, a₂lé'₅ ni₁'ma₂ jlá'₁ a₂'mu'₅₄, a₂lé'₅ ni₁ñí'₁ 'ua'₂, a₂lé'₅ ni₁ñí'₁ nióg'₂
 nê'₃, ni₁cang₁ mármol táng'₃; 13 lio₅₄ canela, ca₂le₃jé'₃ gué'₄ a₂ja₂ mi₂jui₂g'₂ ma₂ro₂ jui₁lia'₂
 chen₂, mirra, no'₅₄ mi₂jui₂g'₂ nê'₃; vino quian'₅₄ no'₅₄ olivo; cui₂g'₂ dse₃ quian'₅₄ trigo; já'₂
 nê'₃, jui₁lia'₂ ca₁jui₅, já'₂ cha'₂ quian'₅₄ cua₁; ni₁ñí'₁ carrozas nê'₃. Ca₂le₂jio₅ dsa₂ mi₂güí'₃
 rin'₅₄ dsa₂ i₂jme₂ti₃ ta₁ ne₅₄. 14 'La₁ jmi₄g'₄ jaun₂ gué'₄ nê'₃, juá'₂ tsí'₃ ciudad jaun₂:
 ¡Ma₂ca₂ñia'₃ ja₁cong'₂, míg'₂ jlá'₁
 a₂ñí'₄ lë₃ jme₁'ín₅ 'au'₂ quë'₅₄!
 ¡A₂co₂dsia₅ ca₂i₃'én₂ jaun₂ bá₄
 ca₂le₃jé'₃ a₂jlá'₁
 a₂jme₁quen₅ cu₄ a₂jme₁cha₂ quiáng'₂!
 Tsá'₃ ma₃o₁lí'₂ jmi₄g'₄ dsiang'₂.
 15 'Dsa₂ i₂qui₂ma₂jmo₃ 'ma'₅₄ ca₂le₃jé'₃ a₂në'₅, i₂qui₂ca₂rë'₃chá'₃ cu₄ 'ñio₅ lin₃ tē₂le₃
 quian'₅₄ 'io₅₄ 'éi'₂, qui₂dsi₃náu₃ uíng'₂, qui₃jág'₃ gó'₃ 'uig₅₄ jmi₁uig₅ a₂go₂'i₃ jaun₂. 16 Jaun₂
 juá'₂ tiá'₂:
 ¡'E₂ gué'₄ juí'₂, 'e₂ gué'₄ juí'₂,
 'ne₂ ciudad juë'₂!
 ¡Ja₁ jme₁lé'₄ jui₁lia'₂ lín₅ jan₂ 'io₅₄ jlán'₁
 i₂jme₁qui'₂ tsin'₅₄ jlá'₁ lin₃
 a₂jme₁jniá'₂ 'ui'₃ quian'₅₄ a₂guéin₂,
 i₂jme₁rë₂lin₄ jlán'₁ quian'₅₄ cu₄nióg'₄,
 ni₁cang₁ jlá'₁, míg'₂ perlas nê'₃!
 17 ¡Quian'₅₄ ca₂tiá'₂ co₂lág'₂ bá₄,
 qui₂ca₂dsa₃ ca₂ag₂ a₂jlá'₁ a₂quen₅ 'lióng'₂ lin₃!
 'Ca₂le₃jín₃ jui₁lia'₂ i₂i₂quian₅ ni₁barcos, ca₂le₃jín₃ gué'₄ dsa₂ i₂i₂nio₄ ne₄ jmi₁ñí'₄,
 ca₂le₃jín₃ gué'₄ dsa₂ i₂'no₅ a₂dsi₂ñí'₂ ne₄ jmi₁ñí'₄, qui₂dsi₃náu₃ uíng'₂, 18 jë₁ma₂ca₂jág'₃
 jme₁ñí'₁ a₂ma₂qui₂cau₂ quió'₅, qui₃juá'₂ tiá'₂ tóin'₃:
 —¡'E₂ bá₄ ciudad lé₂ le₃quin₃ quian'₅₄ ciudad juë'₂ nê'₅?
 19 Jaun₂ qui₂tó'₃ ti₁jui₁ ne₄ mi₂dsi₅₄ guioin₅₄, qui'₂-o₂₃, a₂juá'₂ tiá'₂:
 ¡'E₂ gué'₄ juí'₂, 'e₂ gué'₄ juí'₂
 ciudad juë'₂ nê'₅!
 Quian'₅₄ ca₂le₃jé'₃ a₂jme₁cha₂ quió'₅,
 ca₂rë'₃chá'₃ cu₄ ca₂le₃jín₃ dsa₂
 i₂qui₂le₁'io₅ barcos ne₄ jmi₁ñí'₄.
 ¡Quian'₅₄ ca₂tiá'₂ co₂lág'₂ bá₄ ca₂'en₃ jë'₂!
 20 La₁ 'nia'₂ nê'₃,
 i₂chan'₂ guei'₅₄ i₂juí'₃,
 jmo₄ 'nia'₂ 'io'₂ ne₄ quió'₅ juig₂ jaun₂.
 Ca₂le₃jín₃ gué'₂ 'nia'₂ i₂tén₅ le₃quió'₅ Diú'₄,
 i₂chen₄ quiáin₅, i₂qui₂'é'₂ jág₁ quió'₅ nê'₃.

Ia₁ ma₂ně₂qui₃dsi₅ Diú₄ 'éi'₃ ja₁con₂ juig₂ jaun₂,
ma₂ně₂jme₃rě₃ ca₂le₃jě₃ a₂ma₂jmái'₂ 'nia'₂ jaun₂.

²¹ Jaun₂ ca₂chóg'₃ jan₂ ángel 'uan'₂ ca₂míg₂ ni₁cang₁ pa₁, a₂lé₅ jui₁lia'₂ lé₅ ni₁cang₁ éi'₅
cuig₂ 'í₅; ca₂ton₃ ne₄ jmi₁ñí'₄, ca₂juá'₂:

Quian'₅₄ 'nei₂ uig₅ le₂ně₅ bá₄
dsó₃ 'uě₃ ján₃,

Babilonia ciudad jué'₂,
tsá₃ ma₃a₁jaun₂ jua'₅₄ le₃cha₂.

²² O₁líg'₂ jmig₄ tsá₃ ma₃qui₂né'₂ a₂jmo₃ dsa₂ son₅₄
jui₁lia'₂ jě₄ calle quiáng'₂:

jui₁lia'₂ son₅₄ tsi₁ton₅ arpas,*
son₅₄ 'ma₂, son₅₄ ñí₁ trompeta né₃.

Tsá₃ ma₃le₃chan₂ tē₅
i₂tin₂ ta₁ 'i₁jan₂, ja₁cong'₂;

tsá₃ ma₃qui₃né'₂ mi'₅₄
ni₁cang₁ éi'₅ cuig₂ 'í₅, ja₁cong'₂;

²³ si₂ nng'₂;

jág₁ quió'₅ 'io₅₄,

quió'₅ dsa₂ ñe'₂ i₂jen'₂ gu₂,
tsá₃ ma₃o₁líg'₂ qui₃né'₂ ja₁cong'₂.

Ia₁ dsa₂ dse_{n54} jin₄ dsa₂ mi₂güí₃
jme₁lín₄ dsa₂ i₂qui₂jme₁jmo₅ 'ma'₅₄ quiáng'₂,

ia₁ ca₂jme₁gang'₂ ca₂le₃jě₃ juig₂
tē₂le₃ quian'₅₄ a₂chan₂ 'au'₂.

²⁴ Ia₁ 'éi₂ bá₄ rě₂cán'₄ jmi₂ 'an₅₄

ca₂le₃jín₃ dsa₂ i₂tén₅ le₃quió'₅ Diú₄,
i₂ma₂ 'é₂ jág₁ quió'₅ né₃,

quian'₅₄ ca₂le₃jín₃ i₂ca₂dsan₃
ca₂jme₃dsiog₅ dsa₂, ne₄ gua'₅₄ 'uě₃.

19

¹ Cang₂ jaun₂, ca₂nag₃ lia'₂ lé₅ jág₁ quió'₅ juin₅ lín₃ dsa₂ i₂tion'₅₄ guei'₅₄ i₂juí₃, i₁juá'₄
co₂mi'₅₄:
¡Aleluya!*

Te₁gui'₅₄ Diú₄ quián₂ bá₄ jniog₄ i₂lió₂,

i₂ca₂tín₂ gue₃ a₂jme₃juag'₂ dsa₂,

i₂ca₂tín₂ jui₅bí₂ a₂náu₃ ne₄ 'éi'₃.

² Ia₁ dsau₅, ton'₂ dsi₂ten₅₄ bá₄ lé₅
a₂qui₂dsi₂₃ 'éi'₃.

Ia₁ ma₂ně₂qui₂dsi₂₃ 'éi'₃

ja₁con₂ 'io₅₄ 'lín'₅₄ juin'₂,

i₂ma₂ca₂jme₃'ió₃ ta₁caun₂ mi₂güí₃

quian'₅₄ jág₁ 'lig'₅₄ a₂ma₂qui₂ma₂nió'₃.

Jaun₂ 'ñiog₅ bá₄ Diú₄ ma₂ně₂quion₃ 'ma'₅₄

ja₁con₂ 'io₅₄ 'éi₂,

ne₄ quió'₅ jmi₂ 'an₅₄ ca₂le₃jín₃ dsa₂ quián₅ Diú₄

i₂jme₂ti₃ ta₁ ne₅₄.

³ Con'₂ síá'₂ táng₃ ca₂juá'₂:

¡Aleluya!

* 18:22 griego: kithara.

Tsau₂ jme₁ŋi₁ a₂con₂ 'io₅₄ 'éi₂
ca₂lia'₂ co₂tan₅₄.

⁴Jaun₂ né₃, le₃guión₂-quén₂ dsa₂ can'₅₄, quian'₅₄ gué'₂ le₃quén₂ já'₂ i₂tión₂ le₃ne₄ ne₄ta₁, qui₂ca₂tóin₂ 'uë₃ ca₂jme₃juin'₂ Diú₄ i₂guá₅ ne₄ta₁, qui₂ca₂juá'₂:

—¡A₂mei₃! ¡Aleluya!

⁵Jaun₂ gué'₄ ca₂né'₂ jág₁ të₂ ne₄ta₁, i₁juá'₄:
Jme₁juin'₂ 'nia'₂ Diú₄ quián₂

ca₂le₃jín'₃ 'nia'₂ i₂jme₂ti₃ ne₅₄

ca₂le₃jín'₃ 'nia'₂ i₂juin'₂ i₂me'₂

i₂go₃ gain₃ 'éi₂.

*Jm*ig₄ ja₁jen'₂ gu₂ Guein₂ Já'₂ Cha'₂

⁶Jaun₂ ca₂nag₃ jniá₂ co₂mí'₅₄ a₂né'₂ lia'₂ né'₂ jág₁ ja₁i₁tion'₅₄ dsa₂ juin₅, lia'₂ né'₂ ja₁ta'₂ la'₅₄ pa₁ lin₃, * jui₁lia'₂ të₂tsi'₅₄ co₂mí'₅₄ quia'₂ ŋí'₃ tiá₂ lin₃, i₁juá'₄:
¡Aleluya!

Ia₁ ma₂gon₂ Te₁gui'₅₄ Diú₄ quián₂ jniog₄

i₂'Uan'₂ gué'₄ lin₃.

⁷¡Jui₁jmó₁ jniog₄ 'io'₂

o₂'ŋi₃ o₂jŋia₃ dsi₅,

jui₁jme₁juin'₂ jniog₄ 'éi₂!

Ia₁ ca₂té₂ hora a₂jen'₂ gu₂

Guein₂ Já'₂ Cha'₂.

Dsa₂ m₂i₂ i₂jen'₂ gu₂ quiain'₅₄ né₃

ma₂chain₂ co₂jŋia₅₄.

⁸Ma₂ŋi₂ tsi₁'mí'₂ lino jlá'₁

a₂tág₅, a₂le₁jé₃ lin₃, a₂rë₂liin₅₄.

(Ia₁ jui₁lia'₂ tsi₁'mí'₂ lino jlá'₁ né₃, co₂'nió'₄ jui₅ dsau₅ a₂ma₂quian₅ dsa₂ i₂tén₅ le₃quió'₅ Diú₄.)†

⁹Jaun₂ ca₂juá'₂ ángel ca₂tság₃ jniá₂:

—Jmo₄ si₂ tiong₅: “E₂ gué'₄ dsen₃ ca₂le₃jín₃ dsa₂ i₂té₄ jmig₄ ja₁jen'₂ gu₂ Guein₂ Já'₂ Cha'₂.”

Jaun₂ ca₂juá'₂ táng₃:

—Jág₁ tí₅ të₃dsón'₂ bá₄ la₂ quió'₅ Diú₄.

¹⁰Jaun₂ ca₂tón₂ jniá₂ ja₁tióng₂ tag₄ ángel 'éi₂ a₂jme₁jme₁juin'₂ jniá₂. La₁ ca₂juá'₂ né₃:

—A₃jmo₂ le₂në₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂'é₂ jág₁ o₄quió'₄ Diú₄, quian'₅₄ i₂tón₂ jui₅ jág₁ a₂rë₂'é₂ quió'₅ Diú₄ a₂tio'₅₄ ne₄ si₂ la₂. Jme₁juin'₂ Diú₄. Ia₁ jág₁ dsau₅ quió'₅ Jesús bá₄ a₂'i₄ jme₂dsí₂ quió'₅ jui₁lia'₂ i₂'é₂ jág₁ o₄quió'₄ Diú₄.

*Dsa*₂ i₂ŋó₅ co₁dsin₅₄ cua₁ tion₂

¹¹Jaun₂ ca₂jág₃ jniá₂ rë₂na₄ guei'₅₄ i₂juíg₃, jaun₂ ca₂jnia₃ jan₂ dsi₂cua₁ tion₂. Dsa₂ i₂co₂dsag₅₄ gué'₂ chen₂ I₂rë₂ti'₅₄, I₂dsau₅ né₃. Con'₂ dsi₂ten₅₄ bá₄ qui₂dsi₂₃ 'éi'₃, jmo₂₃ 'nei₂. ¹²Tág₅ jme₁ne₁₂ lia'₂ tág₅ si₂; tio'₅₄ 'líong₂ coronas mi₂dsi₅₄ ja₁le₁ton₅ lia'₂ chein₂, jŋia'₅₄ lia'₂ 'ŋiog₅ bá₄ ŋí'₂, tsá₃ 'ein₂ i₂sián'₂ ŋí'₂. ¹³Qui'₂ caun₂ 'mí'₂ chen'₅₄ a₂në₂jag₄ bá₄ ma₂i₂tia₃ jmi₂; a₂chen₂ 'éi₂ gué'₂ né₃, Jág₁ quió'₅ Diú₄.[‡] ¹⁴Chi₁co'₅₄ quió'₅ 'éi₂, të₂ja₂lén₂ juin₅ lin₃ 'lióg₂ quián₅ guei'₅₄ i₂juíg₃. Ca₂le₃jín₃ le₁qui'₂ jmá'₃ 'mí'₂ lino tiog₂ jlá'₁ a₂le₁jé₃, a₂ca₂'u₁in₂ qui₂co₂dsi_{in}₅₄ cua₁ tion₂. ¹⁵Mi₂'o₄ 'éi₂ dsi₅₄ caun₂ a₂lé₅ lia'₂ lé₅ ŋi₁tág₂ 'mu₃ lin₃ a₂jmá'₂ ca₂le₃jín₃ juig₂ ne₄ gua'₅₄ 'uë₃. “Go₁n₃ ne₄ 'éi₂ quian'₅₄ 'ma₂'i'₅₄ a₂lé₅ ni₁ŋí₁ 'ua'₂.”§

* 19:6 o₃ “lia'₂ né'₂ 'líong₂ jmig₂.” † 19:8 lit. “a₂ma₂quian₅ dsa₂ jnió'₅.” ‡ 19:13 'Nio'₂ ja₁ton₅ Juan 1:1-14. § 19:15 Salmo 2:9.

Qui₃tsó'₃ nē₂jag₄ bá₄ mīg₂ uvás a₂'i₄ 'nei₂ dséi₂ dsí₅ Diú₄ 'Uan'₂. ¹⁶Ne₄ tsi₁'mi'₂ chen'₅₄, ne₄ mi₂qui₅₄ né₃, chi₁ton₅ 'a₂ lia'₂ chein₂: RAG₅₄ QUIÁN₅ CA₂LE₃JÍN₃ RAG₅₄ JUIG₅₄ CA₂LE₃JÍN₃ JUIG₅₄.

¹⁷Jaun₂ ca₂jing₅₄ jan₂ ángel chéin'₅ dsi₂jo₂ 'iog₂. 'Éi₂ né₃ ca₂juá'₂ tiá₂ lin₃ qui₂ca₂tsí'₃ ca₂le₃jín₃ já'₂ i₂'in₅ guei'₅₄ dsi₂güig₂:

—I₂nó'₅ 'nia'₂, tión'₂ 'nia'₂ lo'₂, ia₁ le₃cha₂ má₃ pa₁ cuē₃ Diú₄, ¹⁸ia₁jaun₂ tón'₄ 'nia'₂ quē'₅₄ jmá'₃ η₅: η₄ rag₅₄, η₄ ca₂le₃jín₃ juig₅₄ 'lióg₂, η₄ ca₂le₃jín₃ gué₄ dsa₂ bēn₂ né₃. Ca₂lia'₂ η₄ cua₁ né₃, η₄ dsa₂ i₂jme₁co₂dsag₅₄ né₃; η₄ ca₂le₃jín₃ gué₄ dsa₂: lia'₂ dsa₂ i₂jme₂ti₃ ta₁ ne₄ juig₅₄, lia'₂ dsa₂ i₂tsá₃ 'ein₂ ne₄ jme₂ti₃; lia'₂ dsa₂ i₂juin'₂ lia'₂ dsa₂ me'₂.

¹⁹Jaun₂ ca₂jing₅₄ i₂té'₂ Já'₂ 'Lin'₅₄, quaiin'₅₄ ca₂le₃jín₃ rag₅₄ chan₂ ta₁caun₂ gua'₅₄ 'uē₃, quaiin'₅₄ ca₂le₃jín₃ 'lióg₂ quiáin₅. Ca₂liain'₃ riin'₅₄ ca₂jmo₃ caun₂ jág₁ a₂quín'₂ quaiin'₅₄ i₂co₂dsin₅₄ cua₁ quaiin'₅₄ ca₂le₃jín₃ 'lióg₂ i₂quaiin'₅₄ né₃. ²⁰Já'₂ 'Lin'₅₄ né₃ ca₂'néi'₃ bá₄ co₂dsia₅ quaiin'₅₄ dsa₂ i₂'é₂ jág₁ a₂juig₂ i₂ma₂jmo₃ 'lióng₂ léi₄ jué'₂ o₄quió'₄ 'éi₂; ia₁ tē₂le₃ quian'₅₄ tsá₃ caun₂ o₂dsain₂ ca₂jme₃jniai₂₃ jin₄ dsa₂, ca₂jme₃gain₂₃ dsa₂ i₂ma₂lín₅ léi₄ quián₅ Já'₂ 'Lin'₅₄, i₂ma₂ca₂jme₃juin'₂ nió'₄ quió'₅ 'éi₂ né₃. Le₃on₃ 'éi₂ co₂dsia₅ bá₄ ca₂tē₁dsiin₅₄ tē₃jéin'₃ le₂jaun₂ ja₁'a₄ si₂ a₂cau₂ quian'₅₄ azufre, a₂jué'₂ lia'₂ jué'₂ jmi₁η₁'₄.

²¹Ca₂le₃jín₃ gué₄ rin'₅₄ 'éi₂ né₃ ca₂dsain₃ quian'₅₄ η₁tág₂ a₂o₂'ag₅ mi₂'o₄ i₂co₂dsin₅₄ dsi₂cua₁ 'éi₂. Jaun₂ gué₄ qui₂ca₂gué'₃ ca₂le₃jín₃ já'₂ i₂'in₅, lia'₂ mag'₂ dsí₅, η₄ i₂ca₂dsan₃ 'éi₂.

20

Caun₂ mei₅ η₂

¹Jaun₂ ca₂jing₅₄ táng₃ jan₂ ángel, ca₂sióin₃ guei'₅₄ i₂juíg₃. Chi₁chan'₂ η₁ llave quió'₅ ja₁ca₂jein₃ chi₁dsio₅₄, caun₂ gué'₂ cadena pa₁ quian₅. ²Jaun₂ ca₂jñai'₃ i₂té'₂ já'₂ dragón, dsi₂mi'₂ 'ón₅ 'éi₂, i₂lín₅ i₂sē₃dsen₃ i₂chen₂ Satanás, jaun₂ ca₂'néi'₃ caun₂ mei₅ η₂. ³Ca₂'liog'₃ ja₁ca₂jein₃ chi₁dsio₅₄, ca₂jnéi₃ ja₁jaun₂, ton'₂ ca₂tióng₃ caun₂ sello ia₁jaun₂ tsá₃ ma₃lé₂ jme₃gain₂₃ gué₄ juig₂ a₂cha₂ ne₄ gua'₅₄ 'uē₃, ca₂lia'₂ ca₂dsin₃ caun₂ mei₅ η₂. Cang₂ jaun₂ jē₁ma₂ca₂dsin₃ caun₂ mei₅ η₂, jaun₂ gué₄ chein'₂ táng₃ co₂'na₂.

⁴Jaun₂ ca₂jág₃ táng₃ jniá₂ ja₁tióng₂ ne₄ta₁; ja₁jaun₂ tián'₅ i₂ma₂η₂ jui₅bí₂ a₂qui₃dsi₂₃ 'éi'₃. Ján₃ bá₄ ca₂jág₃ jme₂dsí₂ quió'₅ dsa₂ i₂qui₂ca₂qui'₃ dsa₂ dsi₂lag₄ ne₄ 'uig₅₄ ia₁ a₂qui₂ca₂jáng'₃ jág₁ dsau₅ quió'₅ Jesús, o₄quió'₄ jág₁ quió'₅ Diú₄ né₃. Tsá₃ ca₂jme₃juin'₂ Já'₂ 'Lin'₅₄, on₃ gué'₂ ca₂gue₃ tē₃ton₅₄ léi₄ quió'₅, dso'₂ chi₁quí₃, on₃ gué'₂ co'₅₄ gú₃ né₃. Jaun₂ ca₂jen'₅₄ táng₃ 'éi₂, ca₂rē₃goin₂ quaiin'₅₄ Cristo caun₂ mei₅ η₂. ⁵(La₁ ca₂le₃jín₃ gué₄ 'lag₄ sián'₂ gué'₂ né₃, tsá₃ ca₂jein'₅₄ ca₂lia'₂ ca₂dsin₃ caun₂ mei₅ η₂.) Co₂'nió'₄ a₂jaun₂ bá₄ le₃jua'₅₄ jē₁le₂'uig₅₄ a₂jen'₅₄ 'lag₄. ⁶¡E₂ gué₄ dsen₃, 'e₂ gué₄ jñi₅, jui₁lia'₂ dsa₂ i₂quen'₄ jē₁le₂'uig₅₄ a₂jen'₅₄ dsa₂! Ia₁ ja₁con₂ 'éi₂ gué₄ né₃ tsá₃ ma₃jui₅bí₂ 'io₃ jē₁ca₂té₂ táng₃ 'mú₃. Dsa₂ 'éi₂ gué₄ né₃ léin₂ jme₂dsa₂ le₃ne₄ Diú₄, quian'₅₄ le₃ne₄ Cristo, ton'₂ goin₃ ján₃ quaiin'₅₄ 'éi₂ caun₂ mei₅ η₂.

⁷Jē₁ma₂η₂ caun₂ mei₅ η₂ jaun₂, jaun₂ gué₄ chen'₂ táng₃ Satanás ja₁rē₂jñi₅, ⁸a₂o₃'iin₅, dsi₂jme₃gain₂₃ juig₂ ta₁quén₂ qui'₅₄ quió'₅ gua'₅₄ 'uē₃: ca₂tē₂ ja₁chei₂ Gog quian'₅₄ Magog.* Ja₁jaun₂ gué₄ né₃ chi₃liain'₃ a₂jmo₃ caun₂ jág₁ a₂jmo₃ 'nei₂. I₂juin₅ lin₃ lé₂, lia'₂ ja₁lé₄ mi₂tsag₄ a₂cha₂ chei'₅₄ jmi₁η₁'₄.

⁹Jaun₂ ca₂i₃léin₂ ta₁caun₂ jui₅ con'₂ lé₅ 'í₂ gua'₅₄ 'uē₃, jaun₂ ca₂jē₂li'₅₄ le₃lág'₃ ja₁tion'₅₄ dsa₂ i₂tén₅ le₃quió'₅ Diú₄, co₂'nió'₄ juig₂ ciudad a₂'nio₃ Diú₄. Jaun₂ qui₂ca₂séi'₂ si₂ guei'₅₄ i₂juíg₃, ca₂dsiin'₂ co₂ηei'₅₄. ¹⁰Jaun₂ i₂sē₃dsen₃ i₂ca₂jme₃gau₅ quió'₅ dsa₂ 'éi₂ né₃, i₂'iin₃

* 20:8 o₃, “Magog ja₁gon₂ Gog”. 'Nio'₂ ja₁ton₅ Ezequiel 38:2 - 39:16.

ja₁'a₄ si₂ a₂cau₂ quian'₅₄ azufre, ja₁ma₂'en₅₄ Já'₂ 'Lin'₅₄ quian'₅₄ dsa₂ i₂'é₂ jág₁ a₂jui₁gain₂, a₂ñág₃ uig₅ lia'₂ 'uë₂-jmi₂ ca₂lia'₂ co₂tan₅₄.

Jë₁të₃dsi₅₄ 'éi'₃ ne₄ta₁ tiog₂ a₂juë'₂

¹¹Jaun₂ ca₂jág₃ táng₃, ca₂jnia₃ caun₂ ne₄ta₁ juë'₂ tiog₂, jaun₂ ca₂jing₅₄ i₂guá₅ ne₄ta₁. Ne₄ 'éi₂ ca₂cuing₃ gua'₅₄ 'uë₃ quian'₅₄ guei'₅₄ dsi₂güig₂, ca₂lia'₂ tsá₃ ma₃ja₁ca₂dsáu'₂. ¹²Ja₁jaun₂ gué₄ ca₂jing₅₄ ca₂le₃jín₃ 'lag₄, lia'₂ i₂can'₅₄ lia'₂ i₂me'₂, jniá₂ tióin₂ ne₄ Diú₄. Jaun₂ qui₂ca₂niá₃ mi₂si₂ rë₂bin₅. Con'₂ siá'₂ ca₂niá₃ mi₂si₂ a₂le₃chan₂ dsa₂ co₂tan₅₄. Ca₂të₁dsi₅₄ 'éi'₃ ja₁con₂ 'lag₄ lia'₂ con'₂ lé₅ ca₂jmo₃ le₂jain₂ le₂jain₂ con'₂ lé₅ le₁ton₅ ne₄ mi₂si₂ jaun₂. ¹³Ca₂jín'₂ jmi₁ñí'₄ ca₂jín'₂ 'lag₄ i₂jme₁tion'₅₄ jë₄ jaun₂; qui₂ca₂jín'₂ 'Mú₃ quian'₅₄ guë'₂ Tau₂ 'ñio₅a qui₂ca₂jín'₂ 'lag₄ i₂jme₁tion'₅₄ ja₁jaun₂. Jaun₂ ca₂të₁dsi₅₄ 'éi'₃ quió'₅ le₂jain₂ le₂jain₂ lia'₂ con'₂ lé₅ a₂ca₂jmo₃. ¹⁴Jaun₂ qui₂i₃gan'₅₄ 'Mú₃ quian'₅₄ Tau₂ 'ñio₅† ja₁'a₄ si₂. Co₂'nió'₄ ja₁'a₄ si₂ jaun₂, lé₅ jë₁ca₂të₂ táng₃ 'mú₃. ¹⁵Jui₁lia'₂ i₂tsá₃ ca₂dsán'₂ chi₁toin₂₃ ne₄ mi₂si₂ a₂chan₂ dsa₂ co₂tan₅₄, ja₁'a₄ si₂ bá₄ ca₂i₃'íin₃.

21

Caun' gua'₅₄ 'uë₃ 'mí₂, quian'₅₄ caun₂ dsi₄ 'mí₂

¹Cang₂ jaun₂, ca₂jág₃ táng₃ jniá₂ caun₂ gua'₅₄ 'uë₃ 'mí₂, caun₂ dsi₄ 'mí₂ táng₃, ia₁ jë₁le₂'uig₅₄ dsi₄ quian'₅₄ guë'₂ le₂'uig₅₄ gua'₅₄ 'uë₃ co₂dsia₅ ca₂i₃'én₂ bá₄ jaun₂, on₃ guë'₂ jmá'₃ jmi₁ñí'₄ ma₃cha₂ né₃. ²Jaun₂ ca₂jág₃ jniá₂* Jui₂ Ciudad Ñjió₅, Jerusalén 'mí₂, a₂ca₂jnia₃ ca₂sio₃ guei'₅₄ i₂juíg₃ ne₄ Diú₄. Jniá₂ ma₃lé₅ co₂ñia₅₄ jlá'₁ lín₃, në₂jag₄ bá₄ jan₂ dsa₂ mí₂ i₂rë₂lin₄ quián₅ dsa₂ ñe'₂ i₂li'₅₄ jág₁ quian'₅₄. ³Jaun₂ ca₂nag₃ jág₁ a₂já₅ ne₄ta₁ ca₂juá'₂ tiá₂:

—Jag₄, ma₂guá₅ bá₄ Diú₄ jin₄ dsa₂ mi₂güig₃. Jin₄ 'éi₂ 'í₂ co₂tan₅₄ bá₄. Lén₂ dsa₂ 'éi₂ dsa₂ jui₂ quián₅, jaun₂ 'ñiog₅ bá₄ Diú₄ jme₃quiong'₅₄ a₂lén₂ Diú₄ quián₅, ⁴Jaun₂ qui₃chí₃ jme₁ne₁ 'éi₂ ca₂le₃jé₃ jmi₂g₂ a₂le₁'ág₄. Tsá₃ ma₃le₃cha₂ gué₄ 'mú₃, on₃ guë'₂ jua'₅₄ në₅ qui₃tón'₃ gué₄ dsa₂ qui'₂-o₂₃, on₃ guë'₂ në₅ i₃ñioi₅₄ gué₄ chain₂ o₂i₁ dsi₅, on₃ guë'₂ le₃cha₂ jua'₅₄ qui'₂ uig₅ quió'₅. Ia₁ co₂dsia₅ ca₂ñí₂ bá₄ ca₂le₃jé₃ 'e₂ a₂jme₁cha₂ le₂ñiá₅.

⁵Jaun₂ ca₂juá'₂ i₂guá₅ ne₄ta₁:

—La₂ jag₄, jmo₅₄ jniá₂ a₂'mí₂ ca₂le₃jé₃.

Ca₂juá'₂ ján₃:

—Tiong₅ ne₄ si₂, ia₁ jág₁ dsau₅ a₂rë₂ti'₅₄ bá₄ la₂.

⁶Jaun₂ ca₂tság₃ jniá₂:

—Ca₂lë₃. Jniá₂ bá₄ 'éi₂ i₂lín₅ Alfa quian'₅₄ Omega: i₂lín₅ i₂le₂ne₁, i₂lín₅ jë₁ca₂tó'₂ né₃. Jui₁lia'₂ i₂rë₂quein₂ dsi₅, cuë₅₄ jniá₂ a₂'ín'₂ 'éi₂ jmi₂g₂ a₂'ia₂ o₄tu₁ jmi₂g₂ a₂le₃chan₂ dsa₂, on₃jua'₅₄ a₂cha₂ quin₃ 'i₁caun₂. ⁷Jui₁lia'₂ i₂ca₂tió'₃, a₂lë₁ñei₃ cuë₅₄ jniá₂ ca₂le₃jé₃ a₂në₅, jaun₂ jniá₂ bá₄ léng₂ Diú₄ quián₅, 'éi₂ guë'₂ lén₂ chi'₂-guein₂ quiáng₃. ⁸La₁ jui₁lia'₂ dsa₂ i₂tén'₅, jui₁lia'₂ dsa₂ i₂tsá₃ 'én₂, jui₁lia'₂ i₂li₁'ñio₅, jui₁lia'₂ i₂jme₂dsian₅ rin'₅₄, jui₁lia'₂ i₂nió'₅ jág₁ a₂tsá₃ dsi₂ten₅₄ nió'₃, jui₁lia'₂ i₂tin₂ mí₅ a₂chan₂ dsi₅, jui₁lia'₂ i₂jme₂juin'₂ diú₄ lag₄, ca₂le₃jín₃ i₂co₂jmo₅ jág₁ të₂jág₁ né₃; ca₂le₃jín₃ dsa₂ në₅ tiin₃ dsi₃lén₂ ja₁'a₄ si₂ a₂cau₂ quian'₅₄ azufre, a₂lé₅ jë₁ca₂të₂ táng₃ 'mú₃.

Caun₂ Jerusalén 'mí₂

⁹Jaun₂ ca₂guan₃ jan₂ ángel i₂lé₂ i₂guion₃ i₂jme₁le₁chan'₂ guio₃ ni₁uing₅ le₁can'₂ le₃guio₃ jmi₁uig₅ jë₁ca₂tó'₂ 'éi₂, ca₂juá'₂ ca₂tság₃ jniá₂:

—ñia₅, la₂ 'ín₄ jniá₂ dsa₂ mí₂ i₂lé₂ dsi₂i₂gu₂ Guein₂ Já'₂ Cha'₂.

† 20:14 griego: hades, co₂'nió'₄ a₂juá'₂, ja₁quió'₄ 'lag₄. * 21:2 Cha₂ a₂lín₅₄ chog₅₄ si₂ me'₂, a₂juá'₂: “jniá₂, Juan₅₄, ca₂jág₃.”

¹⁰Jaun₂ ca₂jio₃ a₂'eng₅₄ le₃quió'₅ Jme₂dsí₂, ca₂të₂ ja₁lé₄ má'₂ jué'₂ a₂nei₅. Ja₁jaun₂ ca₂'ë₃ Juig₂ Jñió₅, Jerusalén, a₂sió₅ guei'₅₄ i₂juíg₃ ne₄ Diú₄. ¹¹A₂jniá₂ tá₅'g₅ 'ñio₅ lin₃ quian'₅₄ a₂co₂tág₅ quió'₅ Diú₄, a₂jniá₂ co₂tág₅ co₂'né'₅ jui₁lia'₂ jniá₂ ni₁cang₁ jlá'₁, jui₁lia'₂ ni₁cang₁ Jaspe a₂rë₂jé₃ lia'₂ lé₅ ni₁'i₂. ¹²Le₃lág'₃ juig₂ jaun₂, chí'₅ caun₂ ni₁'ia'₂ pa₁ lin₃ a₂nei₅, a₂le₁dsi₅₄ guia₃-tín₂ o₄'né₄, tión₂ guia₃-tín₂ ángeles o₄'né₄. Qui₂le₁ton₅ o₄'né₄ lia'₂ chen₂ le₃guia₃-tín₂ tsi₁jon₂ Israel. ¹³'Ni₅ o₄'né₄ le₁dsi₅₄ të₂le₃ ja₁'ia₂† 'iog₂, 'ni₅ guë'₂ të₂le₃ ca₂ton₂ norte, 'ni₅ guë'₂ të₂le₃ ca₂ton₂ sur, 'ni₅ guë'₂ táng₃ të₂le₃ ja₁rín₂ 'iog₂. ¹⁴Jme₁lé₂ guia₃-tín₂ 'uig₅₄ ni₁'ia'₂ juig₂ ciudad jaun₂; ne₄ jaun₂ qui₂le₁ton₅ lia'₂ chen₂ dsa₂ guia₃-tín₂ i₂chen₄ quián₅ Guein₂ Já'₂ Cha'₂. ¹⁵Chi₁chan'₂ ángel i₂dsia₅ jniá₂ jág₁ quiang'₅₄ caun₂ ni₁'ma₂ a₂quio₂ dsa₂ 'éi'₃, a₂lé₅ jmá'₃ cu₄nió₄, a₂qui₃quió₃ 'éi'₃ juig₂ jaun₂, ca₂le₃jé₃ o₄'né₄ quió'₅, dso'₂ ni₁'ia'₂ né₃. ¹⁶Ta₁caun₂ juig₂ jaun₂ lé₅ cha₂ qui'₅₄, co₂jaun₂ bá₄ 'í₂ con'₂ cu₂. Ca₂quio₂ 'éi'₃ ta₁caun₂ juig₂ quian'₅₄ 'ma₂'éi'₃ jaun₂. Jaun₂ jme₁ca₂të₁ron₅₄ 'éi'₃, ca₂dsió₃ tin₃ mei₅ rë₂dsí₂ tin₃ 'ñiá₂-láu₂ (2,200) kilómetros con'₂ të₂le₃ jang₄ juig₂. Con'₂ jaun₂ bá₄ ján₃, ca₂dsió₃ të₂le₃ 'í₂ quian'₅₄ guë'₂ të₂le₃ nei₅ niog₅ juig₂. ¹⁷Jaun₂ ca₂quio₂ 'éi'₃ jmá'₃ ni₁'ia'₂. Jaun₂ ca₂dsió₃ caun₂ 'ñiá₂-láu₂ rë₂dsí₂ të₂láu₃-quén₂ (144) lë₂, 'éi'₃ quió'₅ dsa₂ mi₂güí₃, 'éi'₃ a₂jmó'₂ ángel ta₁.‡

¹⁸Ni₁'ia'₂ né₃, jme₁lé₄ jmá'₃ quian'₅₄ ni₁cang₁ jaspe; ta₁caun₂ ciudad guë'₂ né₃, jmá'₃ cu₄nió₄ jmá'₅, a₂tág₅ lia'₂ tá₅'g₅ ni₁'i₂ rë₂jé₃. ¹⁹'Uig₅₄ ni₁'ia'₂ ciudad né₃, qui₂rë₂lag₄ quian'₅₄ ca₂le₃jé₃ ne₅₄ ni₁cang₁ jlá'₁.

Jë₁le₂'uig₅₄ rë₂lag₄ quian'₅₄ jaspe;

jë₁ca₂té₂ tin₃ né₃, quian'₅₄ zafiro;

jë₁ca₂té₂ 'ni₅ né₃, quian'₅₄ ágata;

jë₁ca₂té₂ quén₂ guë'₂, quian'₅₄ esmeralda;

²⁰jë₁ca₂té₂ 'ñiá₂ rë₂lag₄ quian'₅₄ ónice;

jë₁ca₂té₂ jñéi₂ guë'₂ né₃, quian'₅₄ cornalina;

jë₁ca₂té₂ guio₃ táng₃, quian'₅₄ crisólito;

jë₁ca₂té₂ jñia₃ né₃, quian'₅₄ berilo;

jë₁ca₂té₂ jñi₃ né₃, quian'₅₄ topacio;

jë₁ca₂té₂ guia₃ guë'₂ né₃, quian'₅₄ crisoprasa;

jë₁ca₂té₂ guia₃-cáun₃ né₃, quian'₅₄ jacinto;

jë₁ca₂té₂ guia₃-tín₂ guë'₂ né₃, rë₂lag₄ quian'₅₄ amatista.

²¹Ta₁guia₃-tín₂ o₄'né₄ né₃, jme₁lé₄ mí₂g₂ perlas, ia₁ jma₃cáun₃ o₄'né₄ jme₁lé₄ jma₃ca₂mí₂g₂ perla. Calle dsen₅₄ dsí₂jo₂ juig₂ ciudad jaun₂, jme₁lé₄ cu₄nió₄ a₂le₁jé₃ në₂jag₄ bá₄ ni₁'i₂ rë₂jé₃.

²²Tsá₃ ca₂jág₃ jniá₂ 'i₁caun₂ guá'₅, jua'₅₄ chí'₅ jë₄ juig₂, ia₁ 'ñiog₅ bá₄ Te₁gui'₅₄ Diú₄ i₂'Uan'₂ gué'₄ lin₃, 'éi₂ bá₄, quian'₅₄ Guein₂ Já'₂ Cha'₂, lín₅ guá'₅ quió'₅. ²³Tsá₃ si₂ quió'₅ 'iog₂ on₃ guë'₂ si₂ quió'₅ tsi'₂ 'nió'₅ quió'₅ juig₂ jaun₂, ia₁ quian'₅₄ a₂co₂tág₅ co₂'ne'₂ quió'₅ 'ñiog₅ bá₄ Diú₄, jmo₅ jniá₂ ja₁jaun₂, quian'₅₄ guë'₂ Guein₂ Já'₂ Cha'₂, i₂lín₅ co₂'nió'₄ si₂ ni₁tsí₅. ²⁴Jaun₂ qui₂i₃nió₄ ca₂le₃jé₃ juig₂§ ja₁tág₅ si₂ quió'₅ 'éi₂; qui₂ja₃lén₂ rag₅₄ chan₂ gua'₅₄ 'uë₃, qui₂le₁quian₅ a₂jlá'₁ quió'₅ jë₄ jaun₂. ²⁵Lia'₂ o₁líg'₂ jmi₂g₄ tsá₃ jnág₃ o₄'né₄ a₂jmí₂, ia₁ tsá₃ ma₃a₂'uë₂ le₃cha₂. ²⁶Ja₁jaun₂ qui₂dsi₃to'₅₄ ca₂le₃jé₃ a₂jlá'₁, a₂quen₅ quió'₅ juig₂ a₂te₁'i₁ gua'₅₄ 'uë₃. ²⁷La₁ja₁jaun₂ tsá₃ qui₂dsi₃to'₅₄ 'i₁caun₂ a₂lë₁'iog₅, on₃ guë'₂ 'i₁jan₂ dsa₂ i₂qui₂jmo₅ a₂o₂guí'₃, i₂jui₁gan₂ né₃. Jmá'₃ lia'₂ con'₂ i₂ma₂tion'₅₄ le₁ton₅ lia'₂ chein₂

† 21:13 Co₂'nió'₄ le₃jua'₅₄, caun₂ cosa a₂tsá₃ 'i₄ jme₂dsí₂, a₂ca₂jmo₃ Diú₄. 'Nio'₂ ja₁ton₅ Salmo 8:3; Romanos 1:25. ‡ 21:17 o₃, " 'éi'₃ quió'₅ dsa₂ mi₂güí₃, co₂'nió'₄ 'éi'₃ quió'₅ ángel."

§ 21:24 A₂lín₅₄ chog₅₄ si₂: "ca₂le₃jé₃ juig₂ a₂ma₂lón₂."

ne₄ mi₂si₂ a₂le₃chan₂ dsa₂ co₂tan₅₄ quió'₅ Guein₂ Já'₂ Cha'₂ bá₄, jmá'₃ lia'₂ i₂'éi₂ bá₄ dsi₁len₃ ja₁jaun₂.

22

Cuá'₃ ja₁ñi₅ jmig₂ a₂chan₂ dsa₂

¹ Jaun₂ ca₂'ë₃ ángel caun₂ cuá'₃ ja₁ñi₅ jmig₂ a₂chan₂ dsa₂, a₂rë₂jé₃ lia'₂ lé₅ ni₁'i₂; a₂já₅ ja₁lé₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂, ² a₂ñi₅ dsi₂jo₂ jë₄ calle dsen₅₄ quió'₅ ciudad jaun₂. Lia'₂ ca₂ton₂ jmig₂ cuá'₃ né₃, dsi₅₄ ni₁'ma₂ a₂chan₂ dsa₂; * a₂'ag₅ guia₃-tín₂ ne₅₄ míg₂, jma₃ca₂ne₅₄ míg₂ le₂'í₁ tsi'₂. † Mog'₅₄ guë'₂ né₃, jmo₅ ta₁ a₂'lón₂ ca₂le₃jé₃ juig₂.

³ Ia₁ ja₁jaun₂ guë'₄ né₃, tsá'₃ ma₃jág₁ uig₅ le₃cha₂. Jë₄ juig₂ ciudad tē₃tsi'₅₄ ne₄ta₁ quió'₅ Diú₄, quió'₅ Guein₂ Já'₂ Cha'₂ né₃, jaun₂ qui₂jme₃ti₃ dsa₂ quiáin₅ ne₅₄. ⁴ Ja₁jaun₂ jág₂ dsi₁ne₁, qui₃cán₂ lia'₂ chen₂ 'éi₂ le₁ton₅ chi₁quí₃. ⁵ Tsá'₃ ma₃a₂'uë₂ cha₂ ja₁jaun₂; le₂jaun₂ guë'₂ táng₃ jui₁lia'₂ i₂tián'₅ ja₁jaun₂ tsá'₃ ma₃si₂ ni₁tsí₅ 'nió'₅ quió'₅, on₃ guë'₂ si₂ quió'₅ 'iog₂. Ia₁ 'ñiog₅ bá₄ Te₁gui'₅₄ Diú₄ téi₂ si₂ ja₁coin₂. Jaun₂ qui₃goin₃ ján₃ ca₂lia'₂ co₂tan₅₄.

⁶ Jaun₂ ca₂juá'₂ ángel ca₂tság₃ jniá'₂:

—Jág₁ dsau₅ a₂rë₂ti'₅₄ bá₄ la₂ a₂juíg₂ jniá'₂ 'ne₂. 'ñiog₅ bá₄ Te₁gui'₅₄, i₂lín₅ Diú₄ i₂cuë₅ bí₂ jme₂dsí₂ quió'₅ dsa₂ i₂qui₂'é₂ jág₁ o₄quió'₄, 'éi₂ bá₄ ma₂ca₂chein₃ ángel quiáin₅ né₃, a₂ca₂jme₃jniá'₂₃ ne₄ dsa₂ i₂qui₂jme₂ti₃ ne₅₄, ca₂le₃jé₃ 'e₂ niog₅ lé₂ ñi'₅₄ ta₁.

ñi'₅₄ ta₁ guan'₂ bá₄ Te₁gui'₅₄ Jesucristo

⁷ —jag₄! ñi'₅₄ ta₁ la₂ bá₄ guióng'₄! ¡E₂ guë'₄ dsen₃ i₂tón'₂ jui₅ jág₁ a₂rë₂'é₂ quió'₅ Diú₄ a₂tio'₅₄ ne₄ si₂ la₂!

⁸ Jniá'₂, Juan₅₄, jniá'₂ bá₄ líng₅ i₂ca₂jág₃, i₂ca₂nag₃ ca₂le₃jé₃ cosa në₅. Jaun₂ jme₁ma₂në₂jág₃ ma₂në₂nag₃, jaun₂ ca₂tón₂ jniá'₂ 'uë₃ ja₁tión₂ mi₂tag₄ ángel, a₂jme₁jme₁juiin'₂. ⁹ La₁ jaun₂ ca₂tság₃ jniá'₂:

—A₃ jmo₂ le₂në₅. Ia₁ jan₂ rín'₂ 'ne₂ bá₄ líng₅, i₂jme₂ti₃ ta₁ ne₄ Diú₄, ton'₂ líng₅ jan₂ rín'₅₄ rín'₂ 'ne₂ i₂qui₂'é₂ jág₁ o₄quió'₄ Diú₄, quian'₅₄ i₂tón'₂ jui₅ jág₁ a₂tio'₅₄ ne₄ si₂ la₂. Jme₁juin'₂ Diú₄.

¹⁰ Jaun₂ juá'₂ tság₅ jniá'₂:

—Tsá'₃ lë₁'ma₂ tei₄ jág₁ a₂rë₂'é₂ quió'₅ Diú₄ a₂tio'₅₄ mi₂si₂ rë₂bin₅ la₂. Ia₁ ma₂ja₂quián₃ jmig₄ jaun₂. ¹¹ Jui₁lia'₂ i₂jmo₅ a₂'lig'₅₄, caun₂ jui₁jmo₂₃ a₂'lig'₁₂; jui₁lia'₂ i₂rë₂'ñi₄, caun₂ jui₁jme₂'ñi₃. Le₂jaun₂ guë'₂ táng₃, jui₁lia'₂ i₂ñi₅ jui₅ co₂dsau₅, jui₁ñi₁₂ lia'₂ ma₂ñi₂₃ jaun₂, jui₅ co₂dsau₅; jaun₂ jui₁lia'₂ i₂lín₅ i₂jñi₅, caun₂ jui₁lein₅₄ bá₄ rë₂jñi₅.

¹² —jDson'₂ bá₄ ñi'₅₄ ta₁ guióng'₄! Quion₅₄ 'lia'₅₄ premio quió'₃; dsió'₄ cuë'₄ le₂jan₂ le₂jan₂ lia'₂ con'₂ lé₅ ma₂jmo₃. ¹³ Jniá'₂ bá₄ líng₅ Alfa quian'₅₄ Omega; i₂le₂ne₁, i₂jë₁ca₂tó'₂ né₃; i₂le₂'uig₅₄, i₂jë₁ca₂dsan₃ táng₃. ¹⁴ 'E₂ guë'₄ dsen₃ jui₁lia'₂ i₂ma₂le₁jé₃ tsin'₅₄, ia₁jaun₂ bá₄ ñei₃ bí₂ a₂tiin₃ ni₁'ma₂ a₂le₃chan₂ dsa₂, a₂tiin₃ dsi₃toin'₅₄ le₃o₄'né₄ juig₂ ciudad né₃. ¹⁵ Ca₁'né₄ bá₄ tion'₅₄ jui₁lia'₂ i₂lín₅ lia'₂ lín₅ dsi₂ji'₅₄, jui₁lia'₂ i₂tin₂ mí₅ a₂chan₂ dsí₅, ‡ jui₁lia'₂ i₂qui₂nió'₅ jág₁ 'lig'₅₄, jui₁lia'₂ i₂jme₂dsian₅ rin'₅₄, jui₁lia'₂ i₂jme₂juin'₂ diú₄ lag₄, ca₂le₃jín₃ guë'₄ i₂të₅ dsí₅ qui₂jme₂gan₅ rin'₅₄, a₂qui₂jmo₂₃ jág₁ tē₂jág₁ né₃.

¹⁶ 'Jniá'₂ Jesús, ma₂ca₂tsíng₂ ángel quiáng₃, a₂jáng'₃ jág₁ dsau₅ në₅ ja₁con'₂ 'nia'₂ ne₄ ca₂le₃jín₃ guá'₅. Jniá'₂ bá₄ líng₅ lia'₂ cho'₅₄ lia'₂ tsi₁jon₂ Rag₅₄ David, ján₃ bá₄ líng₅ Nei₅ 'Ióg₁ i₂tág₅ quió'₅.

¹⁷ Jme₂dsí₂ Jñi₅, quian'₅₄ dsa₂ mí₂ quián₅ Guein₂ Já'₂ Cha'₂ juá'₂:

—ñia₅.

Le₂jaun₂ guë'₂ jui₁lia'₂ i₂nag₅ juá'₂ i₂në₅, jui₁jua'₅₄:

* 22:2 o₃, “a₂já₅ ja₁lé₄ ne₄ta₁ quió'₅ Diú₄ quian'₅₄ Guein₂ Já'₂ Cha'₂. Dsi₂jo₂ jë₄ calle dsen₅₄ quió'₅ ciudad jaun₂, con'₂ guë'₂ lia'₂ ca₂ton₂ jmig₂ cuá'₃ né₃, dsi₅₄ ni₁'ma₂ a₂chan₂ dsa₂.”

† 22:2 o₃, “a₂'ag₅ míg₂ guia₃-tín₂ ráun₂, co₂ráun₂ le₂'í₁ tsi'₂.” ‡ 22:15 griego: farmakeía.

—ŋia₅.

Chi₂jua'₂ 'ein₂ i₂rē₂quein₂ dsí₅, jui₁jia₂; chi₂jua'₂ 'ein₂ 'nio₃, jui₁ja₂'én'₃ jmi_g₂ a₂le₃chain₂, on₃jua'₅₄ cha₂ quin₃ 'i₁caun₂.

¹⁸ Ca₂le₃jín₃ i₂nag₅ jág₁ dse₃ a₂rē₂'é₄ quió'₅ Diú₄, a₂tio'₅₄ mi₂si₂ la₂, 'é₅ jniá₂ jág₁ dsau₅ la₂: chi₂jua'₂ 'ein₂ ca₂jmo₃ ŋag₅₄ con'₂ lé₅ jág₁ a₂ma₂tio'₅₄, Diú₄ bá₄ jme₃juë'₂ jmi₁ui_g₅ quió'₅ lia'₂ con'₂ lé₅ le₁ton₅ ne₄ mi₂si₂ la₂. ¹⁹ Nē₁jua'₂ 'ein₂ guë'₂ ca₂jŋiá'₂, ca₂jmo₃ me'₂ jág₁ a₂rē₂'é₂ ne₄ si₂ la₂, Diú₄ bá₄ jŋiá'₂ a₂jme₁ca₂tíin₂ quió'₅ ni₁'ma₂ a₂chan₂ dsa₂, quian'₅₄ gué₄ quió'₅ ciudad jŋiós a₂le₁ton₅ ne₄ si₂ la₂.

²⁰ I₂jáng'₅ jág₁ dsau₅ la₂ juá'₂:

—Dsón'₂ bá₄ ŋi'₅₄ ta₁ guióng'₄.

A₂jaun₂ guë'₂ dsón'₂. jŋiá'₅ 'ne₂, Te₁gui'₅₄ Jesús!

²¹ Jui₁jme₂gu'₅₄ bá₄ Te₁gui'₅₄ Jesucristo ca₂le₃jín'₃ 'nia'₂.

Co₂nē₅.